



M A D
DE GAULE
1-5.











8.2/3

35a











LE PREMIER LI-
VRE D'AMADIS DE
GAVLE.

Mis en François par le Seigneur des Effars Nicolas
de Herberay, Commiffaire ordinaire de l'artil-
lerie du Roi, & Lieutenant en icelle, éspais &
gouvernement de Picardie, de Monsieur de
Briffac, Cheualier de l'ordre, grand Maître &
Capitaine general d'icelle artillerie.


ACVERDO OLVIDO.

A ANVERS,

Chés Iean VVaesberghe, fus le Cemitiere nôtre
Dame, à l'Ecu de Flandres, fus le
Marché des Toiles.

M. D. LXI.

AVEC PRIVILEGE
DV ROI.



EXTRAIT DV PRIVILEGE.



A Majesté Royale a donné Priuilege à Christophle Plantin, Imprimeur juré de la Ville d'Anuers, de pouuoir imprimer, ou faire imprimer, vendre, & distribuer en ses païs de par deçà, *Les Liures d'Amadis de Gaule*: comme plus amplement ét déclaré es originaus Priuileges donnés à Brusselles le vij. d'Octobre, Anno, M. D. LIX.

Ph. de Lens.

MELIN DE SAINT GELAYS, AV
SIGNEVR DES ESSARS N. DE HERBERAY,
Traducteur du premier livre d'Amadis de Gaule.

*Au grand desir, à l'instance requête
De tant d'amis, dont tu peus disposer,
Voudrois-tu bien (ô ami) t'oposer
Par un refus de chose treshonnête?*

*Chacun te prie, & ie t'en amonnete,
Que l'Amadis qu'il t'a pleu exposer
Vueilles permettre au monde & exposer:*

Car par tes faits gloire & honneur aquète.

Estimés-tu que Cesar, ou Camile,

Doient le cours de leurs claire memoire

Au Marbre, ou Fer, à cyseau, ou enclume?

Toute statue, ou medaille, et fragile

Au fil des ans: mais la durable gloire

Vient de main docte & bien disante plume.

MICHEL LE CLERC SIGNEVR DE MAISONS.

AVS LECTEVRS.

Qui vouldra voir maintes lances briser,

Harnois froisser, écus tailler & fendre.

Qui vouldra voir l'amant amour priser,

Et par amour les combats entreprendre,

Vienne Amadis visiter & entendre,

Que des Essars, par diligent ourage,

A retourné en son premier langage:

Et soit certain, qu'Espagne en cet affaire

Connoitra bien, que France à l'avantage

Au bien parler autant comme au bien faire.

ANTHOINE MACAVLT SECRE-
taire & valet de chambre du Roi.

AVS LECTEVRS.

Diuins esprits François de haut scauoir comblés,

Qui par viue vertu & merite louable,

En bien escriuant, ceus qui bien font ressemblés,

Prenés exemple icy certain & honorable,

Que los immortal vient d'œuure non perissable

Comme ét le present liure. Et vous oisifs cessarts

Suiués ce translateur, qui des branchus Essars

Du parler Espagnol, en essartant deffriche

Nótre Amadis de Gaule & le rend par ses arts

En son premier François, dous, orné, propre, & riche.

A TOVS CEVS QVI FONT PRO-
 FESSIION D'ENSEIGNER LA LAN-
 GVE FRANCOISE EN LA
 VILLE D'ANVERS,
 S.



OMME, A BON DROIT, CELVI
 pourroit être repris, Messigneurs, de mal employer
 son tems, qui se voudroit amuser à prouver vne
 chose de laquelle nul ne douteroit : aussi m'estime-
 roi-je digne de reprehension, si ores que je m'adres-
 se à gens fort bien entendus, je m'entremettois de
 vouloir raconter ou écrire quelque chose de l'vtili-
 té, qui peut être en la vraye connoissance de la lan-
 gue Françoisé. Car non seulemēt vous, & toutes gens d'auctorité, mais
 la plus grande partie du vulgaire mêmes la tient ores en tel honneur que
 chacun desire la faire par vōtre moyen apprendre à ses enfans. Parquoi,
 pour aucunement vous être en aide, faisant le deu de mon art, je vous
 ai voulu imprimer les Liures d'Amadis de Gaule : équels, par la confes-
 sion de tous ceus qui les ont leus, & l'elegance, douceur, & facilité du
 langage François autant bien comprinsé qu'en liures quelconques qui
 ayent été encores mis en lumiere. Ce que j'ai fait, considerant en par-
 tie, la cherté desdits liures, & l'incommodité de toutes les formes éque-
 les ils ont été imprimés jusques à present, qui n'étoient commodés
 pour l'étude de la jeunesse. Léquelles choses ont jusques à present été
 cause qu'un tas de quatre fis Aimont, Fierabras, Ogier le Dannois, &
 tous tels vieux Romans de langage mal poli ayent été continués en vos
 Ecoles : les peres ne voulans dépendre l'argent pour acheter liures de si
 grand pris à leurs enfans. Chose fort dommageable à tous ceus, qui vou-
 lans apprendre ladite langue Françoisé, consomment leurs tems à la le-
 ctüre de tels Auteurs : encores qu'ils ayent été assés bien faits pour leur
 tems. Mais pour cetui-cy, auquel ja fleurît la pure elegance des langa-
 ges, il ny a celui, pour peu versé qu'il ait és bons Auteurs François, qui
 ne les juge auoir quelquefois la diction & (presque tou-jours) l'or-
 dre des mots fort rude & mal ajancés. Parquoi je ne doute que tous
 d'un accord ne confessés librement telles lectures être plutôt retar-
 dement à la jeunesse, voulant s'acquérir la droite & naïue connoissan-

ce de la Françoisé maniere de parler, qu'auancement : veu qu'ayans perdu beaucoup de tems en icelles, ils leur conuient par après oublier & desapprendre vne grande partie de ce qu'ils y ont appris. Or je ne doute pas que plusieurs n'ayent opinion qu'il faille premierement proposer aus apprentifs les choses de moindre importance, & plus faciles (comme ils appellent lesdits Romans) & puis après les choses mieus limees & acheuees : mais tels ne font moins que celui qui voulant apprendre quelcun à bien tirer & viser au blanc, lui enseigneroit premier à prendre sa visée sus l'entier but, & non sus le blanc seulement, en quoi il retarderoit beaucoup l'apprentif, veu que des le commencement, étant enseigné à tenir sa veüe sus le blanc fiché, à grand peine peut-il atteindre la grosse motte de terre : si ce n'èt par le long exercice de tâcher à bien faire. Aussi serai-je à tout jamais de cete opinion, qu'on doieue incontinent après que l'enfant sçaura connoitre ses lettres, les conjoindre en sillabes, & les assembler en mots, lui montrer à lire és milleurs aucteurs plus doctes & elegans, qui soyent en telle langue qu'on lui voudra faire aprendre : afin qu'avec le lait il ne succe chose qui, ja parueniu en âge de digerer, ne lui soit nuisible, comme nous voyons familierement auenir à vn chacun de nous : auxquels il souuient quelquefois après vingt ans des menutés qu'auons fait en l'âge de trois. Si doncques, Messieurs, vous voulés dorefnauant proposer les bons aucteurs à ceus qui se retireront à vous pour aprendre le François, & que je connoisse, par cela, mon labour vous être agreable, je m'éforcerai de vous imprimer la plus part des Histoires, qui sont, & seront bien & elegantement écrites de nôtre tems : Et non seulement les faintes, mais aussi les veritables : ce que je ferois plus volontiers, si je me pouuois apercevoir être par vous, en l'impression d'icelles, tant soit peu fauorisé. Quant à l'Orthographe, de laquelle voyons encor tant de difficulté entre les François, nous auons, selon nôtre pouuoir, commencé d'observer la mieus receuë entre plusieurs Aucteurs modernes, & la plus facile, à mon auis, pour les nations étrangères : ainsi que par ci deuant j'en ai fait mention en l'Epître, que j'ai imprimée au deuant du Thresor, ou recueil, des epîtres, harangues, cartels, deffis & extraits des douze Liures d'Amadis de Gaule, que je vous donne maintenant imprimés en telle forme que j'ai delibéré continuer de vous donner plusieurs autres bons liures François, que j'espere ne vous deuoir être moins agreables, que ceus-ci. A Dieu soyés.

A TRESHAVT ET TRESILLVSTRE
 PRINCE CHARLES DVC D'ORLEANS
 ET D'ANGOVLESME, SECOND
 FIS DV ROI,
 NICOLAS DE HERBERAI SIGNEVR
 DES ESSARS, TRESHVM-
 BLE SALVT.



Depuis deus ou trois ans en ça, que Mars s'et éloigné d'entre les Princes Chretiens, contraint laisser enrouiller ses armes, & instrumens belliqueus, à l'ocasion de la treue, qui et de present en tre le Treschretien & magnanime Roi vôtre pere, & Charles cinquième Empereur, état par ce moyen reduit de l'impetueuse vie des armes, au bien du repos, & loisir, me suis mis (pour euitier là trop pernicieuse oisiveté) à lire plusieurs sortes de liures, tant vulgaires qu'étrangers, entre lesquels m'étant tombé es mains celui d'Amadis de Gaule en langue Castillane, lequel maintefois plusieurs Gentils-hommes d'Espagne, m'auoyent loué & estimé sus tous leurs Romans, & le trouuant tel qu' ils me l'auoyent asseuré, tant pour la diuersité des plaisantes matieres, dont il traite, que de la reputation subtilement décrite, qu'il fait des personnes suiuan les armes, ou amours: ai prins plaisir à la communiquer par translation (sous vôtre autorité) à ceus qui n'entendront le langage Espagnol, pour faire reuivre la renommee d'Amadis (laquelle par l'injure & antiquité du tems étoit étainte en cete nôtre France) & aussi pour ce qu'il et tout certain qu'il fut premier mis en nôtre langue François, étant Amadis Gaulois & non Espagnol. Et qu'ainsi soit: I'en ai trouué encores quelque reste d'un vieil liure écrit à la main en langage Picard, sus lequel j'estime que les Espagnols ont fait leur traduction, non pas du tout suiuant le vrai original, comme l'on pourra voir par cetui: car ils en ont obmis en aucuns endroits, & augmenté aus autres. Parquoi suppliant à leur obmission, elle se trouuera en ce liure, dans lequel je n'ai voulu coucher la plus part de leur dite augmentation, qu'ils nomment en leur langage, *Consiliaria*: qui vaut autant à dire au nôtre, comme auis, ou conseil, me semblant tels sermons mal propres à la matiere dont parle l'histoire, laquelle j'ai expressément mise en lumiere, non pour esperance d'en rapporter louange (étant l'œuvre de trop peu de merite) mais seulement pour témoigner à tout le monde cōbien je voudrois pouoir pour vous faire treshumble seruice, mēmement pour vous donner quelque fois dequoi reuerer vôtre gentil esprit, lors qu'il sera ennuyé de lire choses plus hautes & ardues. Toutefois je n'eusse été jamais si temeraire, ny ne me fusse jusques là oublié de le presenter deuant vôtre excellence, n'étoit qu'à l'imitation de vôtre tressillustre progeniteur, vous êtes estimé le prince qui plus humainement & gracieusement reçoit aussi tôt les moindres presens des petits, que les biens grans des majeurs conformant vôtre grandeur & magnanimité à la volonté de ceus qui vous desirent faire seruice. Et combien que ce qui s'offre en cete traduction d'Amadis, ne soit tiré de nul autre fameux pour lui donner couleur de verité, si trouuera on en elle tant de rencontres cheualereuses & plaisantes, avec infinis propos d'amours si delectables à ceus qui aiment, ou sont dignes d'aimer, que toute personne de bon jugement se doit persuader, voire quasi contraindre à lire son histoire, pour le passe-tems & plaisir qu'il pourra recevoir en la bien voyant. A cete cause, mon Seigneur, je m'ose asseurer, que si elle treuve grace deuant vos yeus, ou soit quelque peu fauorisée de vous, que non seulemēt elle sera estimée beaucoup: mais aquerra le premier lieu entre toutes les autres histoires semblables, qui et en partie la cause pour laquelle j'ai entrepris la traduire, & aussi pour faire connoitre à chacun mon intention qui tend à exalter la Gaule, en laquelle passe de present un siecle bien heureux, par la grace que Dieu nous donne de vous auoir fait naître en nos jours: durant lesquels

nous esperons tant de vous, que de vous voir quelquefois aussi grand par dessus les princes étrangers, que vous êtes aimé & honoré des vôtres. Doncques, mon Seigneur, je vous supplie treshumblement recevoir ce premier liure d'Amadis, & le fruit de mon labeur avec telle facilité & bon visage que vous aués acoutumé recevoir les presens de chacun, entre lesquels nul ne vous eût offert plus grand que les cœurs & bonnes volontés des Gentis-hommes, qui vous font du tout aquis, tant pour le bon recueil que vous leur faites, que pour la bonne grace, que vous aués, accompagnée de vos autres perfections & vertus: & si vous aperceues en quelque endroit que je n'eusse été assujetti à le rendre de mot à mot, je vous supplie croire que je l'ai fait, tant pource qu'il m'a semblé beaucoup de choses être mal seantes aux personnes introduites, eu regard aus meurs & façons du jourd'hui, qu'aussi par l'avis d'aucuns mes amis qui ont trouué bon me deliurer de la commune superstition des Translateurs même-ment que ce n'est matière ou soit requise si scrupuleuse obseruance. Ce que pourtant, si je connois vous auoir dépleu en ce premier Liure, je mettrai peine aus autres de faire mieus pour vous obeir, toute ma vie treshumble seruice.

PROLOGVE DE L'AUTHEVR
ESPAGNOL D'AMADIS TRADUIT
EN FRANCOIS.



US Historiens trestrenommés, qui ont écrit & embelli les histoires & faits cheualereus de ceus qu'ils ont voulu fauoriser & rendre immortels, par la facilité de leur bien disante plume, cōsiderans qu'encores qu'ils eussent astés matière & sujet pour les haut louer, neantmoins les ont voulu faire estimer tant excellens es choses, éuelles ils étoient apellés qu'avec aucune verité, sus laquelle ils ont pris leur fondement, y ont ajouté & approprié plusieurs choses non auenues si proprement & par tant vraye similitude que lon s'est aisément consenti à les croire, tellement qu'aujourd'hui ils nous representent en grande admiration deuant les yeus la force supernaturelle de maints personnages. Comme lon peut dire en Homere & autres écriuans les faits tant des Grecs, Troyens, que Romains, sus lesquels ils ont employé & projecté leur parler eloquent. Ce que témoigne assés Saluste, disant, que les faits & grandes entreprinthes des Atheniens, n'ont volé plus haut que ceus qui en ont rempli leurs liures, leur ont donné de pennage par leur bien dire. Ce quise doit aisément croire, & plus encores nous faire d'ouloir, voyant maintenant la monarchie du monde (même nostre Espagne) si rare de tels scauans personnages. Car si à present elle étoit tant amie de fortune d'auoir en elle le moindre d'infinis qui sont morts, quel sujet, quelle matière s'est offerte depuis dix ans ença, pour remplir l'Orient & les autres regions terrestres des grans faits d'armes, & cheualereuses entreprinthes, qu'a faites nostre magnanime Roi Catholique dom Fernand en la glorieuse conquête du royaume de Grenade, mêmes les grandes persuasions qu'il donnoit à ses Capitaines & souldats, suffisantes pour animer les plus timides à combattre virilement, & trop hardiment? Mais quoi? ayant faute de tels personnages, s'ensuit il que sa gloire doie être moindre. Vrayement non: toute fois son heur en eut été plus grand: car pour perpetuer, & rendre son nom immortel, ils l'eussent peu colloquer au plus haut siege de renommée, ajoutant avec l'histoire vraye, ce qu'il leur eut semblé apte & propre à la matière sujette, ainsi que lon a fait pour ceus déquels par grande affection & peu de verité, ont été preferés à ce bon Prince, qui l'auoit merité deuant eus, d'autant que la différence de leurs lois est grande: car ces autres seruoient au monde, déquels ils ont receu leur retribution par leur nom perpetué, & nostre Roi, au Seigneur, lequel connoissant son bon & saint vouloir, mêmes l'amour qu'il auoit en lui, l'a voulu tant aider, & fauoriser, que de le rendre digne de mettre à execution, avec (toute fois) grand trauail & forte dépence: cete conquête, laquelle est à l'augmentation de la religion Chretienne, & de son seruice. Mais si sa renommée n'a volé si haut comme il merite, sa recompense n'en est amoindrie au siecle des siecles. Ce grand historien Tite Liue décriuant son histoire (en laquelle il a éléué & employé tout son scauoir, pour illustrer les glorieus Romains) a en autre maniere de faire trop plus persuadé à legere creance, que celle de ceus déquels cy deuant nous auons parlé. Car s'il a separé d'eus les forces corporelles, il les a d'autant plus approchées de la hardiesse & vertu de courage, voulant ôter le doute que lon faisoit sus tels efforts. Et pour ce faire a réduit en memoire la magnanimité de celui Mucius Sceuola, qui sans contrainte,

LA TABLE.

lui mêmes se brula le bras. Et de ce gentil cheualier Quintus Curtius, lequel de sa propre volonté se precipita dans le perilleux gouffre, ce qui se doit aisément croire, veu que nous en voyons encores maintenant tant de courageus, qui sont aussi peu de cas que rien de mourir, voire de mille mors, s'ils pouoyent pour la saluation de quelqu'un leur ami. Voilà pourquoi Tite Liue est estimé historien veritable: car il ne fait nulle mention en ses œuvres de ces grans coups épouventables, ou rencontres d'auantures, ainsi qu'ont voulu faire ceus qui ont parlé du fort Hector, du fameux Achilles, du vaillant Troilus du hardi Ajax Telamon, & d'infinis autres, déquels il a été écrit selon les affections de ceus qui ont mis la main à la plume comme lon peut connoître du Duc Godefroi de Buillon Roi de Hierusalem, lequel étant au pont d'Antioche, donna si pesant coup d'épee à vn Turc armé, qu'il le separa en deux pars. Vrayement il se peut & doit on croire, auoir été vne Troye assiegee & détruite par les Grecs, & Ierusalem conquise, avec plusieurs autres places, par ce Duc & ses compagnons: mais il est tout clair à l'oeil, & chose certaine, que ces coups qui sont l'effort des foudres & tonnerre, sont inuentions de gens qui ont voulu ainsi parler, tant pour donner merueilles à ceus qui les vouldroyent croire, que pour decorer leurs Romans de telles mensonges, n'ayant (peut être) assez matiere pour emplir leurs volumes, à quoi ne se doit ajouter nulle foi. Et qu'il soit vrai, considerons si les auantures des armes du siecle present approchent en rien à celles d'alors: toutefois ils ne sont à rejeter: car il s'y treuve maintes bonnes exemples, qui peuuent seruir pour la saluation de nos ames, déquels nous aiderons, pour aquerir la grace du Seigneur, avec laquelle nous paruiendrons au lieu de beatitude, qui nous est promis. Parquoi considerant ce que dessus, voulant plutôt laisser de moi quelque memoire que d'être oisif, me suis adressé aux choses faciles, en imitant les moindres orateurs, pour être mon scauoir au leur plus conforme. Et pource faire me suis mis à corriger les trois premiers liures d'Amadis, léquels (par la faute des écriuains, ou traducteurs trop corrompus, & vicieux) ont été jusques à maintenant de peu de fruit. Et translatant aussi le quart liure suiuant, avec les faits d'Esplandian fils d'icelui Amadis, léquels jusques adonc n'ont été veus de nul: car lon les a trouués par cas fortuit en vn hermitage près Constantinople, sous vne tumba de pierre, écrits en lettre & en parchemin si antique, qu'à grand peine ils se pouuoient lire. Puis aportés en ces pays d'Espagne, par vn marchand Hongre. Or ont été ces cinq liures tellement traduits, corrigés, & enrichis de telles exemples, & bonnes doctrines, que combien que jusques à present ils ayent été profanés, comme fabuleus, maintenant lon les pourra comparer par raison, à la foible écorce du liege, enchassée en pur or & enrichie de pierres orientales. Car non seulement les jeunes Cheualiers y pourront prendre exemple, & y profiter: mais les anciens mêmes, y trouueront du fruit: auquel ils prendront gout & saueur. Et si d'auanture en lisant & poursuiuant l'histoire, il se rencontre quelque faute ou parole mal digeree, je supplie humblement vn chacun les excuser, & m'être fauorable. Pourtant que la faute qui y peut être, est plus causée par simpleesse, qu'autrement.

LA TABLE DV PREMIER LIVRE D'AMADIS DE GAVLE.

ET PREMIEREMENT.



Vels furent les Rois Garinter & Perion, & d'un combat qu'eut icelui Perion par cas fortuit contre deux Cheualiers, puis contre vn Lyon qui deuoroit vn Cerf en leur presence, & de ce qui en auint. Chap. I. Fueil. 1	1
Comme l'Infante Elisene & sa Damoiselle Dariolette, s'en allerent en la chambre, ou le Roi Perion étoit couché. ij.	3
Comme Perion, partant de la petite Bretagne, cheminoit ayant le cœur trop rempli d'ennui, & de melancolie. iiij.	6
Côme le Roi Languines emmena avec lui le Damoisel de la mer, & Gandalin fils de Gaudales. iiij.	8
Comme le Roi Lisuart nauigant par la mer, print port en Ecoce, ou il fut grandement honoré & bien recueilli. v.	10
Comme Vrgande la Déconneuë aporta vne lance au Damoisel de la Mer. vi.	14
Comme le Damoisel de la mer, se combatit contre les gardes du château de Galpan, & depuis contre ses freres, & à la fin avecques Calpan mêmes. vij.	17
Comme le troisième jour après que le Damoisel de la Mer fut parti du Roi Languines, arriuerent les trois Cheualiers, qui menoyent vn Cheualier navré dans vne litiere, & sa déloyale femme. viij.	19
	Com.

LA TABLE.

Comme le Roi Lifuart enuoya vers la princesse Oriane sa fille, qu'il auoit long tems lais- see en la court du Roi Languines. &c.	ix.	20
Comme le Damoisel de la Mer combatit le Roi Abies, sus le diferent de la guerre qu'il menoit en Gaule.	x.	24
Comme le Damoisel de la mer ét conneu par le Roi Perion son pere, & par la Roine Eli- sene sa mere.	xj.	26
Comme le Geant menant Galaor au Roi Lifuart, pour le faire Cheualier, rencontra son frere Amadis, par la main duquel il le voulut être, & non d'autre.	xij.	28
Comme Galaor vainquit le Geant de la Roche de Galtares.	xij.	31
Comme Amadis arriua en vn château, ou il lui auint ce qu'entendrés. &c.	xiiij.	34
Comme le Roi Lifuart fit eriger sepulchre à Dardan & à s'amie. &c.	xv.	38
Comme Amadis se fit connoitre au Roi Lifuart, aus Princes & grans Signeurs de sa court, dequels il fut hautement receu & festoyé.	xvj.	42
Quelles furent les auantures d'Agrais, depuis son retour de Gaule, &c.	xvij.	45
Comme Amadis entendit nouuelles de son frere Galaor.	xviij.	48
Comme Amadis combatit contre Angriote & son frere. &c.	xix.	51
Comme Amadis fut enchanté par Arcalaus, lors qu'il voulut deliurer la Dame Grinda- loya de prison, & autres. &c.	xx.	55
Côme Arcalaus porta nouuelles à la court du Roi Lifuart, qu'Amadis étoit mort.	xxj.	57
Comme Galaor arriua fort blecé en vn monastere, ou il sejourna quinze jours, attendant qu'il fut guéri, puis s'en partit, comme il vous sera déclaré.	xxij.	59
Comme Amadis se partit du château de la Dame, & des choses qui lui furent ocurentes en son chemin.	xxij.	63
Côme Lifuart étât à la chasse vid venir trois Cheualiers, & de ce qu'il leur auint.	xxiiij.	65
Comme Amadis, Galaor, & Balays se delibererent d'aller ou étoit le Roi Lifuart, & des auantures qui leur suruindrent entre deus.	xxv.	67
Comme Galaor fut verger la mort du cheualier qu'il auoit trouué mort sous l'arbre du carrefour.	xxvj.	69
Comme Amadis rencontra vn Cheualier, contre lequel il combatit. &c.	xxvij.	71
Côme Amadis se combatit cōtre le cheualier qui lui auoit dérobé la damoiselle.	xxviij.	73
Comme Balays se porta à l'entreprinse de suiure le cheualier, qui auoit fait perdre le che- ual à Galaor.	xxix.	75
Comme le Roi Lifuart tint court magnifique, & de ce qui auint, durant icelle.	xxx.	76
Comme Amadis, Galaor, & Balays arriuerent en la court du Roi Lifuart. &c.	xxxj.	77
Comme Lifuart s'en partit de Vindilfore, pour aller en sa cité de Londres.	xxxij.	79
Côme le roi Lifuart voulut auoir l'auis des Signeurs sus ce qu'il auoit à faire.	xxxij.	83
Comme vint en la court vne damoiselle requerir l'aide contre quelque tort. &c.	xxxiiij.	83
Comme le roi Lifuart fut en danger de perdre sa personne & ses états.	xxxv.	87
Côme Amadis & Galaor sceurent que lon auoit eumené le roi prisonnier. &c.	xxxvj.	89
Comme Galaor deliura le roi Lifuart de la prison, en laquelle on le menoit.	xxxvij.	93
Comme les nouuelles vindrent à la roine de la prinse du roi. &c.	xxxviij.	95
Comme Amadis vint au secours de la ville de Londres.	xxxix.	96
Comme le Roi Lifuart tint court en la ville de Londres plusieurs jours. &c.	xl.	98
Comme Amadis delibera d'aller combattre Abiseos & ses deus fils, pour venger la mort du Roi, pere de la belle Briolanie, & de ce qui en auint.	xlj.	100
Comme dom Galaor s'en alla avec la Dame, après le Cheualier qui auoit abatu lui & les compagnons, lequel il trouua, & combattirent ensemble. &c.	xlj.	102
Côme Florestan fut engendré du Roi Perion en la fille du Comte de Salandrie.	xlj.	105
Comme Galaor & Florestan, cheminans vers le Royaume de Sobradise, rencontrerent trois Damoiselles à la fontaine des Oliuiers.	xljij.	109

FIN DE LA TABLE.

I

LE PREMIER LIVRE D'AMA-
DIS DE GAVLE, TRADUIT
D'ESPAGNOL EN FRANÇOYS, PAR
le Seigneur des Essars Nicolas de Her-
beray, Commissaire ordinaire
de l'artillerie du Roy.



*Quels furent les Roys Garinter & Perion, & d'un combat qu'eut iceluy Perion, par cas for-
tuit contre deus Cheualiers, puis contre un Lyon, qui deuoroit un Cerf en leur presence, & de
ce qui en auint.*

CHAPITRE PREMIER.

PEV de temps après la passion
de nôtre Sauueur I E S V S
C H R I S T, il fut vn Roy de
la petite Bretaigne, nommé Ga-
rinter, instruit en la loy de ve-
rité, & grandement decore de bonnes &
louables vertus, qui eut d'une noble Da-
me son épouse, deus filles. L'aînée (ma-
riée avec Lâguines Roi d'Ecosse) com-
mément apelée la Dame de la Guirlande:
par ce que le Roi son mary, pour la beau-
té de ses cheueus, & le grand plaisir qu'il
prenoit à les voir, ne les luy permettoyt
couvrir, sinon avec vn petit cercle, ou cha-

AM. I.

pelet de fleurs. De ce Roy Languines &
d'elle furent engendrés Agrajes, & Mabile,
desquels l'histoire presente fera souvent
mention. L'autre fille puisnee de ce Roy
Garinter nommée Elisene fut trop plus
belle que son aînée. Et combien qu'elle
eût été maintefois demandée & requise
en mariage de plusieurs Princes, & grands
Seigneurs, neantmoins ne luy en prit pour
lors aucun vouloit. Ains par sa solitude, &
sainte vie étoit communément apelée de
tous la deuote perdue, considerans qu'à
personnage de tel état, douée de si excel-
lente beauté, & sollicitée par si grands

A

Princes

Princes, n'étoit conuenable tele religion. Or étant ce Roy Garinter ancien, pour contenter son esprit, prenoit plaisir à la venerie. Dont vne fois entre autres lui auint qu'ayant fait l'assemblée près d'une sienne ville nommee Alyma, se lança vn cerf, que luy mêmes poursuuiuit si longuement, qu'il s'égara. Parquoy se trouuant de gens & de chiens abandonné se recommandant à Dieu, commença au petit pas à se remettre en son adresse, & tant trauersa de côté & d'autre, que par fortune assés près de l'issüe du bois, il auisa deus Cheualiers qui contre vn seul combatoyent. Les deus furent par luy assés tôt conneus: car ils étoient ses vassaus, desquels maintes fois on luy auoit fait plaintes: mais il n'y auoit peu pouruoir, tant pource qu'ils auoyent grande aliance au pais, que pour ce qu'ordinairement se tenoyent cachés en cete grande forêt. Du tiers s'ébaïssoyt qu'il pouoit être. Et pour l'heure ne se voulut tant fier à la bonté de l'un, que la crainte des deus luy fut ôtée. Tellement qu'il se retira quelque peu dedans la forêt, à ce que plus asseurement il vît quelle seroit l'issüe de cete mêlée, qui fut telle, q par l'effort de ce seul cheualier, les deus furent vaincus & morts. Ce voyant le Roi, faillit du bois. Adonc le Cheualier qui l'aperceut seul venir à soy, luy demanda: Quelle contree (homme de bien) ét cete cy, en laquelle les Cheualiers errans sont par tels brigans assaillis? Ha, signeur (répondit il, ne vous en ébaïssés: car en ce pais (cōme aus autres) s'en treuve de bons & mauvais. Et ceus qui vous ont maintenant assailly, ont fait autres infinis maus, & outrages, non seulement en ce bois, ou ils auoyent coutume d'eus retirer, ains en plusieurs & diuers autres lieux: Mêmement à leur Signeur & Roi, lequel n'en a peu faire iustice, par ce qu'ils étoient aparentés des meilleures maisons de ce Royaume. Et ou pourrois ie trouver le Roy, duquel vous parlez? dit le Cheualier: car ie suis venu le chercher, & luy

apporte nouuelles d'un sien grand amy. Quoy qu'il en doine auenir, répondit Garinter, ie vous en diray ce que i'en sçay. Sachés certainemēt, que ie suis celui que vous demandés. A cete parolle le Cheualier ôta l'armet, & mit son écu bas, puis le courut embrasser, disant soy même être le Roy Perion de Gaule, qui des long tems auoit désiré le connoître. Grandement furent ces deus Roys réjouys pour s'être ainsi par fortune conneus, & devisans ensemble de plusieurs propos: (eus retirans en la ville) prindrent la route du bois, ou ils pensoient trouver les Veneurs: mais par cas fortuit, au deuant d'eus passa à l'heure vn Cerf mal mené, & échappé des toiles, après lequel les deus Princes se mirent à course de cheual, esperans le tuer, ce qu'autrement auint. Car en le poursuuant au sortir d'un fort taillis, vn Lyon échauffé les deuança, qui en leur presence, s'en saisit, puis l'ayant avec ses forts ongles mis en pieces, tourna son regard, & leuant l'une des pates de deuant, se print à rugir contre ces deus Princes, criolant sa heure, comme s'il les eût menassés. Ce que voyant le Roy Perion, dit en riāt: Maître Lyon, vous ne serés pas tant goulu, que ne nous laissies part de la chasse. Et aussi tôt se mettāt à pied (pour ce que son cheual n'en vouloyt aprocher) print l'épee au poing, & l'écu au bras (sans ce que les cris qu'après lui faisoit le Roy Garinter l'en sceussent détourner) & marcha droit au Lyon, lequel pour deffendre sa proye, aussi tôt courut au Roy, qui venoit vers luy, & commença entr'eus deus vne nouvelle guerre: mais le Lyon agile fit tāt qu'il abatit son hōme sous luy: ce nō obstant, le Roy eut le cœur si bon, que combien qu'il fût en tiégrand peril de sa personne, ne s'ébahit de rien, ains s'évertua de sorte, qu'il mit son épee si auant au ventre de la bête: qu'à l'instant elle tomba morte deuant lui. Ce que voyant le Roy Garinter, deuint tellement émerueillé, qu'il dit en soy mêmes, vrayement cétuy

estuy n'êr pas à tort renommee l'un des meilleurs Cheualters du monde. Et sus ces entrefaites se rassembla la compagnie qui pour le retrouver s'étoit mise en quête de tous côtés. Adonc fut sus deus cheuaus leur venaison & proye portee en la ville. Or fut incontinent la Roine auertie de la venue du Roy Perion, & à cete cause fit pourvoir promptement à tout ce qui étoit necessaire, pour bien recueillir & fêter vn tel Prince. A leur arriuee trouverent le dîner prêt, & les tables dressees: parquoy après les reuerances & bien venues faites d'une part & d'autre, s'assirent les deus Princes, la Roine pareillement, & la belle Elisene leur fille. Amour adonc étoit en embuche, qui par long tems auoit assailly cete ieune Princesse, sans l'auoir sceu vaincre: mais il la vid tant au decouvert, qu'à l'heure present la peut ataindre si au vif, qu'il s'en vit de la en auant vainqueur: même du Roy Perion, qui ne pensoit qu'à l'honnête recueil, lors qu'il ietta l'œil sus ma Dame Elisene, & elle sus lui, si qu'à ce regard la chaste & sainte vie accoutumee à cete princesse n'eut pouoir de la garantir qu'elle ne fût frappee d'incroyable & extrême amour de ce ieune Roy, & au semblable luy d'elle, lequel iusques adonc auoit eu le cœur franc & libre: & sans s'être sumis en nul autre lieu. Ainsi se trouverent tous deus, l'un pour l'autre, durant le dîner, en vne étrange & par trop grande fantasie, tant que les tables furent leuees, & que la Roine se voulut retirer. Parquoy se leua Elisene pour la suyvre: mais ainsi qu'elle marcha le premier pas, lui tomba vn anneau, qu'elle auoit retiré en son sein pour lauer ses mains, ou elle l'auoit oublié, à l'ocasion de cete nouvelle amour, qui à autre chose la faisoit penser. Or étoit le Roy Perion joignant elle, lequel luy voulant faire connoître l'enuie qu'il auoit d'être sien, se baissa aussi tôt qu'elle pour le leuer: & si a propos se rencôtrèrent leurs mains, q̄ le Roi eut moyen

de lui serrer les doigts, faignant prendre l'anneau. Pourquoy cete amoureuse Dame cōmença à changer couleur: Et routesois par vn dous regard humblement le remercia: Ha, dit il, ma Dame, ce ne sera pas le dernier seruice, que j'espere vous faire: car tout le tems de ma vie sera employé à vous obeïr. Contrainte fut Elisene (sans luy répondre) suivre la Roine sa mere, tât alteree & surprise, qu'elle même presque se méconnoissoit. Et de sorte, que ne pouant souffrir ce nouveau feu d'amour qui par telle vehemence & si soudain auoit peu vaincre le sien chaste, & ancien propos (ayant la larme à l'œil, & l'angoisse au cœur) vint se decouvrir à vne sienne fidelle Damoiselle nommee Dariolette, la priant tresinstamment la conseiller, comme elle pourroit honnêtement sçauoir si le Roy Perion n'auoit ailleurs mis son amour, & si c'êt affectionné semblant, qu'il luy auoit montré, luy pouroit point être venu de la force de celui quelle auoit nouvellement senty en son cœur. La Damoiselle épouentee de cete mutation si soudaine, & en personne tât éloignée de chose semblable (prenât toutesois compassion de ses pitoyables larmes) luy répondit: Je voy bien, ma Dame, que selon l'extrême passio, dont ce tyran Amour vous tourmente, qu'il n'a laissé en vôte iugement lieu, ou conseil & raison puissent loger. Et pourtant, suyuant nō ce que ie doy pour vôte seruice: mais le vouloir que j'ay de vous obeïr, ie feray ce que me commandés, par le moyen plus honnête, que mon peu de discretion, & l'enuie grande que j'ay de vous complaire le sçaura trouver. Et sans autre propos s'en alla Dariolette à la chambre, ou le Roy Perion s'étoit retiré à l'huis de laquelle trouua son Ecuyer, qui luy portoyt autres habillemens pour vêtir, lesquels la Damoiselle prit: Car (disoit elle) il faut que ie luy face ce seruice, & vous en allés, s'il vous plaît (Ecuyer mon amy) à

vos autres affaires. L'Ecuyer estimât que ce fût la coutume ne les luy refusa, ains les luy laissa prendre librement. Parquoy entra la damoiselle en la chambre, ou elle trouva le Roy couché, qui l'aperceut entrer, & connut aussi tôt que c'étoit celle q̃ plus en priuauté il auoit veu parler à Elisene, & à qui mieus (à s̃on auis) elle se fioyt, stimât que sans luy apporter aucun remede à ses mortelles passions, n'étoyt venue à telle heure vers luy. A cete cause tout tremblant luy dît: Que demandés vous? ma grand'amie. Sire, répondit elle, ie vous veus bailler (s'il vous plait) nouveaux vêtements: l'aymerois trop mieus (dît le roy) que ce fût à mon cœur, qui de present est dénué & dépouillé de tout plaisir. En quelle sorte, Sire, répondit la Damoiselle. Par ce (dît il) que: quand i'arriuy en ce pais, i'étois libre de toutes passions, & n'auois doute seulement, que des auantures, qui peuvent suruenir aus Cheualiers errans. Mais maintenant (ie ne sçay en quelle sorte) entrât en cete maison par l'une de vous autres, mes Dames, ay été navré de playe trop mortelle, à laquelle si vous (bõne Damoiselle) me sçaués dõner aucun remede, la recompense en seroyt si bonne, que vous m'en seriés obligee. Certes, répondit elle, ie me tiédrais fore heureuse de pouoir faire seruice, à si haut personnage, & bon Cheualier que vous êtes, si ie sçauois en quoy. Si vous me promettés (dît le Roy) comme loyale Damoiselle, ne me decouvrir si n'et ou il et requis ie le vous diray. Dites hardiment, répondit Dariolette: car par moy outre vòtre gré ne sera sceu. Damoiselle m'amyé (dît il adonc) ie vous auise, qu'en telle heure ie regarday l'excellente beauté d'Elisene vòtre maîtresse que ie suis en trop d'extremité tourmenté de son amour, & tellement que ie ne me puis excuser de la mort, si de brief ie ne treuve allegement. Quãd Dariolette (qui sçauoit entieremēt le vouloir de la princesse) entēdit celui du Roy, elle lui répōdit: Sire, si vo^{us} me voulés

asseurer en foy de Roy, qui en toutes choses doit deuant tous être veritable, ainsi que personne plus'obligee à la vertu, & comme cheualier loyal, qui aués (comme lon dit) tant souffert pour maintenir loyauté & droiture, de prendre à femme ma Dame Elisene, quand le tems le requerra, ie la vous mettray de brief en lieu, auquel non seulement vòtre cœur sera satisfait, mais le sien mêmes, qui et (peut être) autant, ou plus, que le vòtre en soucy, & douleur de l'angoisse nouvelle, qu'elle a receu par même moyen. Mais Sire, si vous ne faites ce que ie vous dy, ni vous ne la recouvrerés, ni n'auray plus cause de croire que vos parolles soyent de vray & loyal cœur, quelque chose que vous dites. Le Roy, auquel déja l'amour auoit rauy la liberté, pour l'vnir à Elisene, afin qu'il en sortit apres le bien & grand fruit qu'il en auint, ainsi qu'il vous sera recité, print son épée, qui joignant luy étoit, & mettant la main dextre dessus la crois dît ces parolles: Je iure en cete crois, & sus l'épée avec laquelle i'ay receu l'ordre de Cheualerie, de faire cc que vous Damoiselle, me demãdés: toute-fois & quantes que par vòtre maîtresse Elisene sera auisé. Or maintenant (répondit Dariolette) resiouissés vous: car i'acõpliray aussi ce que ie vous ay promis: & à l'instant s'en retourna vers la Princesse, à laquelle elle declara ce qu'elle auoit cõclud avec le Roi Periõ. De quoi l'amoureuse Dame fut si aise, qu'elle en perdoit toute contenãce: car incessammēt embrassoit Dariolette luy demãdant: Ma grand amie, quand viendra l'heure, que ie tiendray entre mes bras ce mien Seigneur, que vous m'aués dõné? Ie le vous diray, répondit la damoiselle, vous sçaués qu'en la chãbre ou le Roy Perion et retiré, y a vn huis du côté du iardin, par lequel vòtre pere sort quelque fois pour s'en aller recreer, qui à present et caché de la tapisserie: mais i'en ai la clef. Parquoi sus la nuit quãd ceus de ceãs reposerõt: nous pourõs facilēmēt y entrer, sans être de nul aper-

gens: Et venât l'heure qu'il faudra vous retirer, ie vous irai apeller. Quand Elisene entendit ce moyen, elle s'en cōtenta grandemēt: ce neantmoins en soupirant luy dit: Helas, ma fidele amye, cōme y pourrōs nous paruenir, veu q̄ le Roy mō pere se delibere coucher avec le Roy Perion? & s'il s'en aperceuoit, nous seriōs en trop grād dāger, remettēs à moi cete doute, rēpondit Dariolette: car i'y pouruoyray aisēmēt, & pour l'heure mirent fin à ce propos, pour ce que lon vouloit couvrir pour le souper. Et tout ainsi q̄ le fētoyement auoit été cōmēcé des le matin, tout le jour se continua, tant que les tables furent leuees, & que chacun se voulut aller reposer. Or vn peu deuāt Dariolette s'adressa à l'écuyer du Roy Perion, auquel elle dit: Ecuyer, mō amy, ie vous prie me dire (en bonne foy) si vous êtes Gentil-homme. Pourquoi? rēpōdit l'Ecuyer. Ie le vous diray, dit la Damoiselle: pour ce q̄ ie desire sçauoir de vous vne chose, que ie vo⁹ prie (par la foy que deués à Dieu & au Roi vōtre maitre) ne me taire. Par sainte Marie (rēpōdit il) ie vous dirai tout ce qu'il vous plaira, pour-veu qu'il ne porte dōmage à mō Seigneur. Cela (dit la damoiselle) vous acorderai- ie bien: car ie ne voudrois vous demāder chose, qui lui donnāt ennuy, & aussi auriēs vous peu de raison de me le dire. Mais ie desire sçauoir qui ēt (par vōtre foy) la dame qu'il ayme plus parfaitement. Le Roy mon maitre (rēpondit l'Ecuyer) les ayme toutes en general: & vōus assure n'en connoitre nulle, à qui il porte l'affection de la sorte q̄ vous dites. Et sus ces entrefaires suruint le roi Garinter, lequel voyāt Dariolette tenir propos à l'Ecuyer du Roy Perion, luy demāda qu'elle auoit à faire à ce Gentil'hōme. En bonne foy, dit elle, Sire, il me disoit q̄ le Roi son maitre a acoutumé de dormir seul, & à ce q̄ ie voy, il n'ayme cōpagnie. Quād Garinter l'entendit, il vint aussi tōt au Roy Perion, & luy dit: Mon frere, il m'ēt surueu quelques affaires, & aussi i'ay apri de

AM. I

me leuer à l'heure de matines, qui m'a fait penser, que (pour ne vous faire ennuy) le meilleur sera, que ie vous fauce cōpagnie pour le coucher. Monsieur (rēpondit le Roy Perion) faites tout ainsi qu'il vous plaira. Cete rēpōse sembla au Roy Garinter conforme à ce que luy auoit dit la damoiselle: parquoy manda aussi tōt, q̄ lon ôtāt son lit de la chambre du Roy Periō. Quand Dariolette l'entendit, elle pensa biē, que de mieus en mieus se porteroiēt ses affaires: & partant retourna à Elisene, & luy recita tout ce qui s'étoit passé entre les Roys. En bonne foy, rēpondit elle, ie croy maintenant, que puis que Dieu donne si bon commencement à nōtre entreprinse, que ce qui semble à present grād peché, redondera cy après à son seruice. Mais dites moy, que nous ferons: car la grand' joye q̄ i'ay, m'ôte la plus saine partie de mon iugement. Ma Dame (rēpondit Dariolette) executons cete nuit ce qu'auons deliberé, puis que la porte que vous sçauēs ēt certainement ouuerte. A moy ne tienne, rēpōdit Elisene, & à vous seule i'en remets la charge, pour y pouruoir quand l'heure le permettra. Et ainsi demurerent atendants la saison propice.

Comme l'Infante Elisene, & sa Damoiselle Dariolette s'en allerēt en la chambre, ou le Roy Perion étoit couché.

CHAPIT. II.

VEnu le tems que chacun plus cōmunement prend repos, Dariolette qui pour le contentemēt de sa maitresse auoit fait diligence extrême, vint lui dire: Ma Dame, il ēt saison de paracheuer nōtre entreprise, allōs, s'il vous plaît. Quand Elisene l'entendit, croyēs qu'elle ne donna occasion d'être reprise de paresse, ains hātiuement se leua, & sans tarder ietta seulement vn manteau sus ses épaules, & se mīt à chemin: puis entrerent elles deus au jardin. Le tēs étoit lors gracieus, & serain, la lune belle, & luyfante: qui donnoit clarté aus deus

A 3

Damoi-

Damoiselles. Mais certes l'une avoit plus d'occasion d'être contente que l'autre, qui eût trévolontiers pris ce bien, ou un semblable, pour elle même, si elle en eût eu moyen, & tant en donnoit de connoissance, qu'Elisene voyoit bien, qu'il n'y avoit faute que d'exécuteur pour y satisfaire: car cete Dariolette sentant en son esprit l'aise prochain, que devoit recevoir celle, qu'elle conduisoit, ne se pouoit tenir de luy manier, puis les tetins, puis les cuisses, & quelque chose d'avantage, & de trop vehemente ardeur soupiroit souvent, tout ainsi que si elle eût deu participer à ce bien futur de la Princesse Elisene à laquelle elle disoit: Helàs, ma dame, qu'heureux est le Prince, par lequel vous recevrez cete nuit tant de plaisir: Vous dites vray, répondit Elisene: mais quoy? ne vous semble il que la fortune ne me soyt autant favorable qu'à luy? car si ie suis belle, n'est il l'un des plus parfaits que lon sache, soit de
+ personne, bõne grace, ou hardiesse? Croyés Dariolette m'amy, que ie me sens si heureuse, que ie croy, qu'il me seroit impossible de plus: & pour Dieu hâtons nous ie vous en prie. Cete parole disoit elle de telle affection, qu'elle trembloit comme la petite feuille sus le haut arbre. Et ainsi qu'elle achevoit ce propos, arriverent à la porte de la chambre, ou étoit couché le Roi Perion, lequel tât pour l'étrangereté de cete nouvelle flâme amoureuse, que pour l'esperance ou l'avoit mis Dariolette, n'avoit encores aucunement reposé. Toutesfois à l'heure agravé de travail, & de sommeil vaincu, commençoit (ainsi que lon ouvroit l'huys) à sommeiller: & songeoit, que lon entroit en sa chambre, par une faulx porte sans connoître qui ce fût: mais il se sentoit mettre les mains dans les côtés, & arracher son cœur, puis en sa presence le voyoit ietter dans la riviere, & disoit le Roy: Pourquoi faites vous telle cruauté? Ce n'est rien de cecy (répondit celuy qui le mal faisoit) car il vous en demeurera encores un autre, que ie vous ôteray ou-

tre mō gré. De grand frayeur s'éveilla en sursaut, & se recommandant à Dieu, fit le signe de la crois. Déjà auoyent les Damoiselles ouvert l'huys, & entroyent dās la chambre: parquoy il entendit le bruit, & eut lors soupçon de traison, mememēt pour le songe qu'il avoit songé, & levant la tête, aperceut entre les courtines la porte ouverte, de laquelle il ne sçavoit riens, puis à la clarté de la Lune entreuit l'ombre des Damoiselles, qui étoient entrees. Et à cete cause d'effroy saillit du lit, print son épée, & s'en alla au lieu ou il les avoit entreueues. Mais quād Dariolette le vid si effroyé, elle parla, disant: Que sera cecy? Sire, tirés vous les armes cōtre nous, qui sommes enuers vous de si petite defense? Le Roy qui aussi tōt les conneut, mêmes Elisene, que tant desiroit, ietta ce qu'il tenoit en terre, & d'un manteau qui assés près de lui étoit, se couvrit soudainement. Lors de grand'affection vint vers celle, que mieus que soy même il aimoit, laquelle il baise, embrasse, caresse, & luy fait si bon visage, que rien plus. Ce voyāt Dariolette, jalouse, & enuieuse de ce bien: dît à Elisene: Or êtes vous quasi contēte: car (à ce que ie puis iuger) cōbien q̄ iusques icy, de plusieurs vous vous soyés defendue, & luy au semblable, à maintes ait resisté, toute-fois pour le present, l'un ne l'autre n'aués la force ou moyen de vous sçavoir garantir, ne defendre. Et ce disant, regardoit de tous côtés en quelle part le Roy avoit ieté son épée, de laquelle elle se saisit, pour témoin du serment & promesse, qu'il avoit faite, sus le mariage futur d'Elisene & de luy. Puis tirant l'huys après elle, rentra au iardin, & demoura le Roy seul, avec s'amie: laquelle (après plusieurs amoureux embrassemens, infinité de baisers, & execution de jouissance) il contemploit, & bien luy fut aui, que toute la beauté du monde étoit en elle, se reputant au demeurant plus que trop heureux, de ce qu'amour l'avoit conduit à un tel aise, & bonne aventure. Voylà comme il en
print

print à cete Princesse, qui par si long tems en sa fleur & plus grande ieune, requise de tant de hauts Princes & grands Signeurs, s'étoit defenduë, pour demeurer en liberté de pucelle, en moins de tems que d'un seul jour, & à l'heure que sa fantasie étoit (ce luy sembloit) de cecy plus éloignée, Amour rompant les fors lyens de sa sainte vie, lui fit soudain muer propos, la rendant peu après de belle fille, belle femme, servant d'exemple à plusieurs autres, lesquelles essayans retirer leurs pensees des choses mondaines, & déprisans la grand beauté, dont nature les a douées, & cete rendre ieunesse, qui les fait ignorer les plaisirs & delices qui sont en la maison de leurs parens, dont ils pouvoient quelque fois jouyr, se rendent pour la saluatiō de leurs ames, en maisons & religions pauvres, offrans en toute obediēce, leurs libres volontés, les vouant à snjection d'autrui esperans passer le tems, sans aucune renommee, ne gloire de ce monde. Certes telles Dames doiuent bien avec grād sollicitude étouper leurs oreilles, clorre les yeux, & s'adōner aus deuotes contēplatiōs & cōtinuelles oraisons, les acceptās pour leurs vrays & singuliers plaisirs, & passer tems cōme tels ils sont. Et sus tout se exempter de voir parens, voisins ne amys: Pour ce que souuētēfois les propos & frequentation d'eus, font changer leur saint & chaste vouloir, & non sans cause ay fait ce petit discours: car c'ēt afin qu'il ne leur auienne, cōme il fit à cete Princesse Elisene, laquelle si longuemēt mit peine à se cuyder contregarder: ce neātmoins en un seul momēt, voyant la beauté & bōne grace du Roy Perion, mua son vouloir de sorte, que sans l'auis & discretion de Dariolette qui voulut couvrir l'honneur de sa maitresse sous le manteau de mariage, croyés qu'elle étoit au point de tōber en la plus grande & basse part de son deshonneur: ainsi qu'il ēt auenu à beaucoup d'autres, desquelles cōmunement lon oyt parler: ausquelles, pour ne se garder de ce que

i'ay par cy deuant dit, ēt assēs mal prins, & leur prendra, s'ils n'y pouruoient biē tōt. Or doncques, étans ces deus amants en cōsoulas, Elisene demāda au Roy, si son partemēt seroit de brief. Pourquoi, ma dame, le demandés vous? dīt Perion. Pour ce (respondit elle, que cete heureuse fortune, qui a sceu mettre repos par si grāde jouissance à nos affectionnés desirs, me menace déja de l'extrême angoisse & tristesse, que par cete vōtre absence ie receurai: & crains qu'elle me cause plus-tōt vne prompte mort, que bien longue vie. N'ayés (dīt le Roi) crainte de cela: car encores que mō cors se separe de vōtre presence, mon cœur demeurera à iamais avec le vōtre, qui à tous deus donnera effort, à vous de souffrir, & à moy de tōt retourner. Ainsi deuifans les deus contens, pas ne leur ennuyoit, quand celle qui auoit été moyen de les assembler (voyant qu'il étoit tems de faire leuer Elisene, qui en cēt aise se pourroit oublier entre les bras de son amy) entra en la chambre, & dīt assēs haut: Ma Dame, ie sçay, qu'autre. fois vous aués eu plus agreable ma compagnie, que non pas maintenant: mais si vous faut il leuer: & nous en aller: car l'heure nous presse. Quād le Roy l'entendit, sçachant que force étoit d'ainsi le faire, pria Dariolette sortir au iardin, & regarder à son auis, de quel côté venoit le vent, & ce pendant, print pour cete fois le congé amoureux, avec un plaisir tant reciproque, que vous qui aymés poués penser. Puis la baisant luy dīt: le vous assure, ma Dame, que ie feray (pour l'amour de vous) en ce païs plus de sejour que ne pēsés, pourtant ie vous suplie n'oublier le retour en ce lieu. Lors se leua Elisene, & se retira en sa chābre avec Dariolette laissāt le Roy seul en grand contentement de sa nouvelle acointance, neantmoins épouventé du songe qu'aués entendu. Pour en sçauoyr la signifiāce luy reuint le desir de retourner en ses païs, ou pour lors se trouuoyēt assēs de philosophes q se cōnoissēt en telles

telles sciēces:& luy mêmes autrefois y auoit pris plaisir & s'y entendoit quelque peu. Ce neantmoins il sejourna dix jours avec le Roy Garinter, depuis la jouissance d'Elisene, laquelle ne faillloit toutes les nuits à retourner au lieu ou elle s'étoit si biē trouvée la premiere nuit. Les dis iours passés se delibera le Roy Perion forçant sa volonté, & non obstant les larmes & prieres d'Elisene, qui ne furent que trop excessiues, s'en partir:& de fait print cōgé de la court:mais ainsi qu'il vouloit monter à cheual, il s'aperceut qu'il n'auoit point sa bōne épée, dont il fut assés fâché: pour ce que c'étoit l'une des meilleures & des plus belles du mode. Toutefois il ne l'osa demāder, craignant q̄ les amours d'Elisene & de luy fussēt à cēte cause découvertes, ou q̄ le Roy se fachāt contre qu'elqu'un des siens, qui hantoyent en sa chābre. En telles pēsees acōpagnées d'infiniz regrets, sans plus de sejour prit son chemin en Gaule. Cōbien qu'auant son partement la Damoiselle Dariolette fūt venuē le suplier pour souvenance de l'ennuy grand, enquoy il laissoit son Elisene, & de la promesse qu'il lui auoit faite: Helās, ma grād'amie, dīt le Roy, ie vous prie l'asseurer de ma part, qu'il n'y aura faute, & q̄ de bref ie la verray. Ce pendāt ie la vo⁹ recōmande cōme mon propre cœur. Puis tira de son doyn vn anneau, semblable à vn autre qui lui demeueroit: & l'enuoya à cēte amante desolee, la priant, q̄ pour l'amour de lui, elle le portāt. Là! ce nouveau present ne peut amoindrir sa grāde tristesse, ains plutōt l'augmēta tellement que si elle n'eūt été reconfortee par Dariolette, sans doute elle fūt trépassée: Mais si bien la persuada de prendre esperance, que par ces remontrances (luy presentant deuant les yeus les dāgers occurrens) elle se reuint vn peu, & aprit de là en auāt à mieus dissimuler, tāt qu'elle se sentit grosse d'enfant:& à cēte ocafion perdit non seulement le goût de la viande, mais aussi le plaisir du repos, & la couleur belle de son visage.

Adonc se presenterent nouvelles douleurs, & plus grands soucy. Adōc au plus haut degré de malheur fut la tristesse assise, & à bon droit: car en ce tems étoit loy inuiolable, que toute femme ou fille (de quelque qualité ou état qu'elle fūt) foraisant en telle maniere, ne pouoit s'excuser de la mort. Cēte facheuse & cruelle coutume dura iusques à la venue du vertueux Roy Artus, le meilleur Prince qui en son païs oncques regna, lequel la reuqua au tems, qu'il tua en bataille deuāt les portes de Paris le Floyā: Mais beaucoup d'autres Roys furent entre luy, & Garinter qui la maintindrent, & pour cēte cause la dolente Dame, n'eūt lors été absoute de son ignorance. Combien que veu les paroles de futur, que le Roy Perion auoit promises & iurees sus son épée, Dieu n'y pouoit être aucunement offensé: ce non obstant elle n'eūt sceu enuers le monde excuser sa coulpe, pour ce qu'il auoit été fait secretement, comme vous l'auēs entendu. Voyla l'ennuy auquel le Roy Perion laissa son Elisene: laquelle le luy eūt fait volontiers entendre, s'il luy eūt semblé possible. Ce que non: car elle connoissoyt la nature de ce ieune Roy, qui ne prenoit repos en quelque lieu que ce fūt, & n'étoit son cœur satisfait, si non lors qu'il suyuoit les armes, & cherchoit les auātures étranges & hazardeuses. Et pourtāt il eūt été difficile à trouver. Ainsi desesperee de ce secours, n'esperoit plus nul remede à sa vie, à laquelle elle n'auoit tant de regret, qu'à perdre de veuē son vray amy & seul signeur. Mais à l'heure, celui grand & puissāt fabricant de toutes choses, par la permission duquel tout ce fait se conduisoit, pour son seruice, mit tel effort & conseil en Dariolette, qu'elle seule peut à toutes ces choses occurrentes remedier, ainsi que maintenant entendrés. Il y auoit au Palais de ce Roy Garinter vne chambre voutee, separee des autres, assés près de laquelle passoit vne riuere, ou lon pouoit descendre aisément par vn petite huis de fer

fer. Cete chambre fut du conseil de Dariolette, par Elisene demãdee au Roi son pere, tât (disoit elle) pour son ayse, q̃ pour mieus maintenir la vie solitaire de long tēs par elle acoutumee. Et pour toute cōpagnie, vouloit seulement Dariolette, laquelle (cōme auēs entendu) sçauoit l'occasion de ses doléances & ennuyz. Cete requête assēs legerement luy fut otroyee: estimant le Roy l'intention de sa fille être telle, qu'elle faignoît: & à cete cause fut la clef de l'huys de fer baillee à Dariolette, pour l'ouurir quand il plairoit à Elisene s'aller recreer sus l'eau. Par ce moyen eut elle lieu propre pour son affaire, & demeura avec plus de repos & assurance que au parauant: car bien lui étoit auis qu'en cete part, mieus qu'en vn autre, pouoit être à son mal sans danger remedié. Parquoy vn jour étant seule avec sa Damoiselle, se mit en propos, & demãda cōseil qu'elle feroit du fruit que Dieu luy enuoyoit. Quoy? répondit Dariolette, il faut qu'il seuffre pour vous racheter. Ah mere pucelle! (dit Elisene) cōme pourrois ie consentir à la mort de la creature engendree en moy par la personne du monde q̃ i'ayme le plus? Ne vous chaille, répondit la Damoiselle: Car s'il vous faloit mourir, lon ne la laisseroit après viure. Certes (dit Elisene) encores que ie meure, cōme coupable, si n'ēt ce raison, que le petit innocent en seuffre. Laissons à present tels propos, répōdit Dariolette, veu q̃ ce seroit grand folie hazarder la saluation d'une chose laquelle seroit cy après entieremēt cause de la perdition de vous & de vōtre amy. Et qu'ainsi soyt, vous sçauēs biē, que si vous étēs decouverte, vous mourrés, & l'enfant ne viura, & que vous mourant, ne pourra plus viure celuy qui tant vous aime: ainsi serés vous seule cause de la mort de tous trois. Mais au contraire, si eutēs ce peril, vn tems viendra que vous pourrés auoir ensemble assēs d'autres enfans, qui vous feront oublier l'affection q̃ portés à ce premier. Et cōme cete Damoiselle

fût de Dieu inspiree voulut, deuant l'inconueniēt pourvoir au remede qui fut de telle sorte, qu'elle se saisit de quatre tables autant larges comme il étoit de necessité, pour faire vn coffre propre pour y coucher vn enfant, avec ses langes: & l'épee qu'elle auoit. Puis fit apporter du cymēt, pour ioindre & lier ensemble ces tables, à ce que l'eau en aucune maniere n'y peut entrer. Ce fait & apropié, le mit sous son lit: sans en declarer aucune chose à Elisene, iusques à ce q̃ le tems de l'enfentemēt s'aprocha. Et lors Dariolette lui dît: Ma dame, que diriés vous pourquoy ce coffre ait été fait? Je ne ne sçay en bonne foy répondit elle. Ce sera pour nous en seruir, quand en aurons besoin, dît la Damoiselle: Certes répōdit Elisene, en larmoyāt, ie sieme soucié beaucoup de chose qu'il auie ne: car ie me sens trop prochaine de la perte de mon bien, & toute ma ioye. Depuis ne tarda gueres que la ieune Princesse, fut aus grandes angoisses du mal d'enfant, sentāt vn trauail non acoutumé, & à elle à trop étrange: dōt fut mis son cueur en grande perplexité & amertume. Et toutes fois, pour passion qu'elle endurāt, la pauvette n'osoit autre chose faire, que se taire, de peur d'être entenduē. Ainsi se redoubloit son martire, quand le Seigneur tout puissant voulut, que sans le danger de sa personne, se deliurāt d'un beau fis, que receut la Damoiselle. Et ainsi qu'elle le tenoit, lui sembla tant bien formé, que merueilles: & l'eût estimé heureux, n'étoit son infortune, laquelle Dariolette fut contrainte à l'heure même avancer, pour la redemption de la triste mere, ce qu'elle ne differa: mais tout ainsi que parauant auoit cōclud, enuēlopa l'enfant en riches draps: puis l'aporta à Elisene, avec le coffret dōt auēs ouy cy deuāt parler. Et quād la bonne Dame le vit, elle demãda à Dariolette qu'elle en feroit. En bonne foy, ma Dame répondit elle, il sera mis cy dedans, puis le lanceray en l'eau: & s'il plaît à Dieu, il pourra échaper, & viure. Helàs? dît Elisene

nemon enfant petit, combié grâde & ennuyeuse m'êt vòtre infortune! Cependât Dariolette prit encre & parchemin, & écriuit ces parolles : Cétuy êt Amadis sans tems, sis du Roy. Et sans tems, disoit elle, pour ce qu'elle estimoit, qu'en bref il seroit mort. Ce nom d'Amadis étoit en ce pais là fort reueré à l'ocasion d'un saint, à qui elle l'auoit recommadé. La lettre écrite & ployee, fut couuerte & bien enuolopee de cire: & puis atachee à un cordon, & mise au col de ce petit garçonnet, avecq' l'anneau, que le Roy Perion enuoya à Elisene, quand il voulut partir. Celà ainsi ordonné, Dariolette vint à la doléte mere, & lui prit son enfant: puis en sa presence fut mis & couché dedans ce coffret, & ioignant de lui lépee du Roy son pere, laquelle il ieta à terre la premiere nuit qu'il coucha avec Elisene, côme il a été ci deuant recité: & aussi l'ocasion, pour laquelle cete Damoiselle l'auoit si bien gardee, Toutes ces choses ainsi acheuees, fut le coffret mis & ataché au dessus d'une table bien ioint & calfeutré: puis pour le dernier à Dieu, de la doléte mere (avec un angoisse mortelle) baïsa le petit enfanchō, le commandant à la garde de Dieu: puis Dariolette ouvrit la porte de fer, & le lança sus l'eau le lōg de laquelle (pour être forte & Roide) fût assés tôt conduit à la mer, qui en étoit à moins de demye lieuē près. L'au be du iour alors cōmençoit à poindre: & la petite creature à suyure l'auenture, agitée, puis ça, puis là, de l'impetuosité des vagues. Mais par le vouloir de Dieu, lequel quād c'êt son plaisir, fait les impossibilités faciles, suruint vne telle auenture, qu'à l'heure mêmes que ce-cy se faisoit, un nauire Ecoçoys étoit en mer, dans lequel nauigeoit un Gentil-homme, qui de la petite Bretagne faisoit voile en Écoce, avec sa femme, qui nouuellement étoit acouchee d'un fis, qui Gādalín eut nō, & le Gentil-homme Gandales. La matinee étoit lors claire, & le tems calme, parquoy aysemēt Gandales aperceut ce coffret, que l'eau em

menoit, lequel il enuoya diligemmēt pêcher, estimant bien que c'étoit quelque chose de pris. Adoncques les mariniers ieterent soudainement un equif en l'eau, & fut ce coffret recous, encores que déjà il fut fort éloigné d'eus. Quand Gandales le tint, & qu'il eut leué la couuerture dont il étoit couvert, & aperceut ce bel enfant dedans, & les riches draps dont il étoit enuolopé, il eut aussi tôt soupçon qu'il venoit de bon lieu, même-ment qu'à ce faire lui en donnoyent témoignage l'anneau & l'épee qu'il y trouua. Lors le prenant entre ses bras, en fut si compassionné, qu'il se prit à maudire la mere qui par crainte vne telle creature si cruellement auoit abandonnée. Puis songneusement fit, gatder les petits meubles trouvés dans ce coffret, pria sa femme, que cét enfant fut com- me son propre fis nourry & alaité. Ce qui bien luy plut, & furent les deus enfans de là en auant eleués d'un même lait. Point n'auoit encores ce petit garçonnet tété: mais aussi tôt qu'il sentit le bout du tetin de sa nourrice, il n'en fit aucune difficulté, & d'une alainée le vuyda, sans en faire à deus fois, tant auoit de soif: Dequoy Gandales & sa femme furent tré-joyeus. Or eurent ils tems si oportū, qu'en peu de iours prindrent port en Escoce, pres d'une ville nommée Antallia. Et peu après arriuerent en l'une de leurs terres, en laquelle furent nourris, le petit Gandalin, & celui qu'ils auoyent troué en la mer, Et pource que Gandales defendit à ses gens ne faire bruit de leur rencontre, & que les mariniers (à qui étoit le nauire) nauigerent ailleurs, furent ces deus enfans estimés freres par ceus qui ne scauoyent la fortune.

Comme le Roy Perion, partant de la petite Bretagne cheminoit, ayant le cuer trop rempli d'ennuy, & de melancolie.

CHAP. III.

SI tôt que le Roy Perion fut en chemin pour retourner en Gaule, comme déjà ie vous ay recité, il entra en grande melancolie, tant pour l'ennuy auquel il auoit laissé son Elisene, à laquelle de tout son cueur il vouloit bien qu'aussi pour le songe qu'il songea, en telle saison que vous aués oui. Et tant chemina en cete tristesse, qu'il arriua en ses pais. Et peu après, manda venir vers lui les grans Signeurs, & les Prelats de son Royaume leur faisant sçauoir par expres, qu'ils amenassent avec eus les plus sages Clercs qu'ils auoyent en leurs contrées & dioceses, & ce faisoit il, à fin qu'ils exposassent le songe duquel vous a été parlé. Quant ses vassaus entendirent son retour: non seulement ceus qu'il auoit mandés mais plusieurs autres vindrent à la court, monstrans le desir qu'ils auoyent de le voir, & leur vouloir de lui obeïr: car ils l'auoyent en telle amitié, & reuerence, que souvent (craignans le perdre) ils étoient pour lui en grande peine & souci, pensans aus grands dangers, équels pour faire cheualerie & aquerir honneur il se hazardoit, si qu'ils eussent bien voulu l'auoir rou-jours auprès d'eus: mais ce ne pouuoit être, pource que son cueur n'étoit content, sinon quand par armes il auoit mis à fin de grands & hazardeus perils. Les Princes & grands Signeurs assemblés: le Roy leur tint propos de l'état & affaires du royaume: toute-fois ce fut avec vn tant triste visage que rié plus: Car à l'ocasion du songe, il étoit deuenu si melancolique que ses suiets (s'en ébaïssans) furent en vne merueilleuse peine: ce neant-moins après qu'il leur eut fait entendre son vouloir, & mis ordre aus choses requises, il leur donna congé, & renuoya chacun en sa maison, seulement retint trois Astrologues (selon sa fantaisie) les plus sçauans en l'affaire, pour lequel il les auoit mandés, lesquels il fit appeller en sa chapelle, & sus le cors de

Dieu iurer, & promettre, que sans crainte d'aucun cas tant fût il d'agereus, ils lui interpreteroyent à leur pouoir & le plus vrayement qu'ils sçauoyent ce qu'il leur declareroit. Puis recita son songe comme il ét icy deuant deuisé. Adonc l'vn diceus nommé. Vngan le Picard, le plus expert de tous, lui répondit: Sire, songes sont choses vaines, & pour tels doiuent être tenus: toute-fois puis que c'est vôte plaisir que lon face cas du vôte, donnés nous terme pour y pèser. Il me plaît bien, dit le Roy dans douze iours rendés m'en réponse: Mais à fin qu'ils ne s'entendissent ou déguifassent la verité, il les fit separer, de sorte que durant ce terme accordé, ils n'eurent moyen de se voir, ny parler ensemble. Parquoy à leur possible trauallèrent en ce qu'ils auoyent promis au Roy. Tellement que le iour écheu qu'ils deuoyent rendre cote de leur labeur, il tira premier à part Albert de Campaigne, & luy dit: Vous sçaués ce que vous m'aués iuré & promis, declares moi maintenant ce que vous en aués troué. Sire, répondit Albert, faites doncques les autres être presens: car ie le vous diray deuant eus. C'est bien auisé, dit le Roy. Lors ils furent apellés: Puis commença Albert son propos. Sire mon auis ét, que la chambre fermee, & ce que vous y vistes entrer par la porte secrette, signifie ce royaume, qui ét bien clos & gardé: ce neantmoins par quelque endroit d'iceluy viendra aucun pour le vous ôter. Et tout ainsi que lon vo^o mettoit la main par les côtés, & vous arrachoit on le cueur, puis étoit ieté en la riuiere: ny plus ny moins vous fera emblee ville, ou forteresse, & mise en main de qui ne la pourrés aysément recouurer. Et que sera ce de l'autre ceur (dit le Roi) lequel ie songeois me demeurer? & me disoit on, q^u puis après ie le perdrais outre le gré de celuy qui m'embloit le premier? En celà, répondit Albert, il semble q^u quelque autre inuadera vôte pais cōme aura fait le premier, plus contraint, toute-fois,

par force d'autrui, qui lui commâdera le faire, que de vouloir qu'il en ayt. Et voilà, Sire, ce que ie vous en puis dire. Or après (dit le Roy au second nommé Antalles) dites nous votre aui: Sire, il me semble qu'Albert a très bien dit, & suis de son opinion, fors (que à ce q'ie puis connoître, & que le sort me monstre) ce qu'il dit deuoir auenir, & déjà venu: & par la personne que plus vous aymés. Et toutefois ie m'en ebahis grandement, veu qu'il n'y a encore rien de votre royaume perdu, & si vous en perdiés quelq, chose ce ne peut être par personne q'vous aime beaucoup. Quand le Roi l'etendit, il brâla la tête: car il luy sembla bien qu'il n'auoit donné au but. Mais Vngā le Picard, qui sçauoit trop plus que les autres ce sourit ce q'peu souuent luy auenoit, pource qu'il étoit hōme fort triste & melancolique. A l'heure le Roy (par fortune) prenoit garde à luy, & l'yant aperceu, lui dît: Maître Vngā mon ami, il ne reste plus sinon q'vous dites hardimēt ce qu'il vous en sēble. Sire, répondit il, par auēture ay-je entēdu choses, qu'il n'ēt besoing manifester à autre qu'à vous seul, Et pourtant Sire, faites les retirer, s'il vous plait. A cete parole chacū se recula, & demeurerēt le Roy & Vngā seuls. Lors dît Vngā: Sire, si j'ai n'agueres sous-ri, c'ēt d'une parole que vous aués estimee peu, & si ēt viritable, & sçaués-vous quelle: C'ēt de ce qu'Antalles à dît, que ce qu'il à trouué de votre songe ēt déjà auenu, & par la personne qui mieus vous ay- moit: maintenant ie vous declareray ce que vous tenés bien couvert, & pensés que nul autre le sache que vous. Sire, vous aymés en tel lieu, ou aués acom- ply votre volonté & celle que vous ay- més ēt excellemment belle (Puis lui de- clara toutes les gētes & façōs d'elle, cōme si elle eut été presente) Mais quāt ēt de la chābre ou vous trouuātes enclos, vous sçaués, Sire, claiemēt ce qui en ēt: & com- me celle q'vous aimés, desirāt deliurer vô- tre cueur & le sien d'ēnuy & tristesse vint

vers vous entrāt en vôtre chābre par la por- te qui vous étoit oculte: Les mains qui ouvrirent vôtre côté, & la conionction de vous deus: puis le cueur qu'ō en tiroit, de- montre qu'elle aura de vous fis, ou fille. Or declarés maintenant, dît le Roy, que veut dire qu'elle le ietoit en la riuierē? Sire ré- pondit il: celà ne vous touche en rien; ain- si ne vous deués trauailler de le sçauoir. Toute-fois dît le Roi ie le veus entendre, & ne craignés à me le dire, pour quelque mal qui en puisse auenir. Puis qu'il vous plaît, répondit Vngā, ie vous supplie, Sire, m'asseurer, q' de votre vie (pour chose que ie vous reuele) n'en sçaurés mal gré à cel- le qui si loyaument vous ayme. Ie le vous promets, dît le Roy. En bonne foy, Sire, ré- pondit Vngā, le cueur que vous vîtes lan- cer en l'eau ēt l'enfant premier, qu'elle au- ra de vous: lequel y sera abādonné, Et l'au- tre, dît le Roy qui me demeurera, que se- ra ce? Vous pouvés (répond Vngā) entēdre l'un par le dessein de l'autre: C'ēt qu'elle concevra vn autre fis, lequel on rauira cō- tre la volonté de celle qui causa la perdi- tion du premier. Vous m'aués (dît le Roy) fait entēdre cas bien étrange. Et à Dieu ne plaise q'l'infortune de mes enfās soit autāt veritable cōme ce que m'aués dît de la Da- me q'j'ayme. Aus choses ordōnees & per- mises de Dieu (répondit Vngā) nul ne sçau- roit contredire, ne remedier: & pourtant les personnes sages ne se doiuent contri- ster, ne s'ejouyr en icelles, pource que souvente fois le Seigneur en dispose hors le iugement des hōmes, & tout autrement qu'ils n'ēsperent. Pourtant, Sire mettant en oubly tout ce que ie vous en ay dit, & qu'aués si curieusement voulu sçauoir: ayés seulement en pensee de remettre le tout à dieu, & le supplier, qu'ē ces vôtres af- faires, & tous autres il lui plaise ordōner de forte, que ce soit à son honneur, & à sa gloire. Voylà, Sire, comme il me semble, que vous y deués pourvoir. Le Roi se tint lors très content d'Vngā, & tant l'estima, que de là en auāt il l'eut tou- jours auprès de

de sa personne: au moyen dequoy il en receut de grans biens. Or auint qu'à l'instant mêmes quele Roy sortoit d'avec ses Philosophes, se presenta deuant lui vne Damoiselle, trop mieus parée d'acoutremens que de beauté, laquelle lui dît: Sachés, Roy Perion, que quand tu recoureras ta perte, la signeurie d'Yrlande perdra sa fleur. Et cedit, tourna bride à son cheual: & sans ce que le Roy la peût arrêter s'en alla. De cete parole fut le bon prince encores plus triste & pensif que deuant.

Pour cete heure, l'Autheur laisse ce propos, & rentre au traitement de l'Enfant, que Gandales faisoit nourrir, lequel il fit appeller Damoisel de la Mer. Or étoit il curieusement entretenu: parquoy en peu de iours creut, & se fit tant beau, que tous ceus qui le regardoyent s'en émerueilloient: Mais vn iour entre autres auint, qu'il print volonté à Gandales de s'aller ébâtre aus chams, & à cete cause s'arma comme bon cheualier qu'il étoit, & qui auoit tous iours acompagné le Roy Languines au tems qu'il cherchoit les auétures: car encores q ce Roi eût discontinué les armes, Gandales neâtmoins y prenoit, assés souvent exercice. Et ainsi qu'il cheminoit, luy vint vne Damoiselle encontre, qui lui dît: Ha! Gandales, si beaucoup de grâs personages étoient auertis de ce que ie sçay certainement, ie t'assure qu'ils te feroient perdre la tête. Pourquoi? répondit il. Pour autant (dît la Damoiselle) que tu nourris en ta maison leur moit. Point ne connoissoit le Cheualier la femme qui parloit à luy: Mais sachés que c'étoit elle même, qui dît au Roy Perion, que quand sa perte seroit recouuerté la Signeurie d'Yrlande perdrait sa fleur: Ce nonobstât il fut fort étôné de ce propos pource qu'il ne sçauoit de qui elle parloit, & à cete cause luy répondit: Pour Dieu, Damoiselle, ie vous supplie me declarer à quelle occasion vous dites telle chose. Croy moy Gandales (répōdit elle) que ie te dy verité. Et a

cete parole se departit d'avecq' lui le laifant fort pensif: toute-fois il n'eut gueres été en cete pensee, qu'il l'aperceut retournera grand hâte criant, & apellant: Ah! Gandales, pour Dieu secourés moy. Lors Gandales tournât sa veuë auisâ vn Cheualier qui la suyuoit l'épee au poing. Adonc piqua le cheual des éperons encontre, & se mit auant pour garantir la Damoiselle: Et s'adressant à celui qui la poursuyuoit, luy dît: Damp Cheualier mal auisé, qui vous meut de si lâchemēt outrager les Damoiselles. Comment? répondit l'autre, l'esperés vous sauuer, elle qui par tromperie me rend perdu: & le cors & l'ame? De cela ne me chaut, dît Gandales: car ie la defendrai à mon pouuoir sachant bien que les Dames ne doiuent estre corrigees de telle façon encores quelles l'eussēt meritē. Vous le verrés maintenant, répondit le Cheualier, & tournant arriere rémit l'épee au fourreau. Et à course de cheual se retira d'ou il étoit parti, qui étoit vn lieu plein de arbres, ou l'atendoit vne bien belle Damoiselle: laquelle quād elle le vit retourner, alla au deuant & luy porta vn écu & vne roide lance qu'il print: puis sans faire autre seiour, retourna court vers Gādales. Et Gandales que royde Cheualier étoit, ne le refusa. Parquoy se rencontrerent de telle sorte que leurs lances furent brisees sus leurs écus, & eus & leurs cheuaus tomberent en la place: Mais ils furent promptement sus piés. Et lors commença entr'eus vn combat merueilleus, & pire eût été, sans celle qui n'aguères demandoit secours à Gandales, laquelle se mit entredeus disant: Holà Signeurs, n'e faites plus A cete parole le Cheualier qui parauant la poursuyuoit se retira arriere. Adōc luy dît la Damoiselle: Or venés maintenant me demander pardon. Trévoluntiers répondit le Cheualier, & ietant son écu bas, & l'épee à terre, se vint prosterner à deus genous deuant elle. Dequoy Gandales fut trop ébahy. Puis dît la Damoiselle au Cheualier: Allés commander à la Damoiselle

deffous ces arbres, qu'elle s'en voise incontinent, sinon que vous lui taillerez la tête. A ce commandement se rendit le Cheualier obeissant: Et à celle que plus il ay moit que soy-mêmes (par muacion soudaine d'amitié en inimitié) vint dire en colere. Traïtresse fême, ie ne sçay comme ie me puis garder que ie ne t'occie presentement. Bien s'aperceut la pauvette que son amy étoit enchanté. & que cōtestation n'y profiteroit de rien: Parquoi incontinent monta sus son pallefroy & s'en alla, faisant le plus grand dueil du monde, & là demeura celle que Gandales defendoit qui lui dit: Vous aués tant fait pour moy que ie vous en sçaurai gré toute ma vie, & maintenant vous en pouués aller à vôtre plaisir: car si ce Cheualier: m'a offensée, ie lui pardōne de bō cuer. De vôtre pardon répondit, Gandales, ie n'ay que faire: Car quant à moy, j'acheueray ce combat ou il se tiēdra pour vaincu. Il couiēt que vous le quitiés, dit la Damoyfelle, veu que si vous étiez le meilleur Cheualier du monde, ie ferois qu'aysemēt il vos vaincroit. Vous ferés ce que vous pourrés, répōdit Gādales: mais ie ne le quitteray, si ne me declarés premier pourquoi n'a guerés vous m'aués dit que ie gardois la mort de beaucoup de gens de bien. Plus tôt le vous diray (dit elle) pource que ie vous ayme tous deus luy comme mon amy, & vous comme mō adiuteur, q̄ pour contrainte que m'en sçachés faire. Lors le tira à part, puis luy dit: Vous me ferés dōc serment comme loyal Cheualier, qu'autre de par vous ne le sçaura iusques à ce que ie le vous mādē. Et adonc lui otroya, Sachés dit la Damoyfelle, que ce luy que vous trouuātes en la Mer, fera quelque iour la fleur de cheualerie, & fera fremir les plut forts, entreprendra & paracheuera à son honneur ce à quoy les autres faudront, Et fera telles armes, que nul ne pense qu'elles se puissent commencer ny acheuer par le cors d'un seul homme: Et si tendra les superbes dous & gratieus: étant

cruel aus impetueus, benin & amiable aus debonnairas: & si sera le Cheualier qui plus l'oyaumēt maintiēdra l'amour, & aymera en lieu cōuenable à sa magnanimité: Vous assurant Gandales, qu'il ét fis de Roy: & sans doute, tout ce auendra comme ie le vous ay dīt. Mais si ne le tenés secret il vo⁹ en pourra venir trop plus de mal que de bien. Ha, ma Dame (répondit Gandales) ie vous prie pour Dieu, me dire ou ie vous trouuerai désormais pour conferer avec vous des affaires de cēt enfant. Celà ne sçaurés vous par moy, ny par autre, dit la Damoiselle. Au moins répondit Gandales, dites moi vôtre nom, s'il vous plaît, par la chose, que plus au monde vous aymés. Tāt me coniuérés, répondit elle, que vous le sçaurés encores que ce que plus i'ayme, ét celuy qui moins me vent de bien, & sçaués vous qu'il ét? c'ēt Cheualier, ce cōtre lequel vous êtes maintenant combattu: toute fois ie ne laisse à le traiter à mon plaisir, sans ce qu'il y puisse remedier. Mō nom ét Vrgāde la decōnuē, & à fin q̄ me connoissés vne autrefois, regardés moy bien à present. A l'instāt elle qui s'étoit montree à Gandales belle, ieune & frēche, comme de dixhuit ans, se fit tant vieille & si cassée, qu'il s'étonnoit comme elle se pouuoit tenir à cheual. S'il fut lors émerueillé vous le pouués penser: mais quand elle eut été quelq̄ peu en cēte forme, tira d'une biotelette qu'elle portoit quelque vnguent, dont elle se frota, & ausi tôt reprit sa premiere forme disant à Gandales: Et bien, que vous en semble? à vôtre auis, me pourrés vous trouuer outre mon grē cy après nō quelq̄ diligēce que scenssiés faire. Pourtant ne vous en donnes peine: car quant tous les viuans l'entreprendroyent ils y perdroyent leur pas si bon ne me sembloit. En bonne foy, ma Dame, répondit Gādales, ie n'en fais doute toute fois ie vous supplie auoir souuenance du Damoisel qui ét delaisié de tous fors de moy seul. Ne vous en fachés, dit

Vrgāde, ce delaisement sera vn recouurement de beaucop, ie l'ayme plus que ne pensés comme celle qui entend en brief receuoir de lui deus aydes, qu'autre ne me sçauroit donner: & en recompense lui en donner deus aussi, dont il se tiendra grandement sati-fait. Et vous suffise pour cete fois: car ie m'en veus aller vous auisānt q̄ vous me reuerrés plutōt que ne pensés. A cete parole se retira la Damoysselles: & Gādales qui n'auoit encores pris garde au Cheualier contre qui il s'estoit combatu, l'auisa nuē tēte, & lui sembla l'un des plus beaux Gentil-hōmes qu'il eūt oncques veu. Lequel après qu'il eut leuē son ecu, & relāché son armet, suiuit la Damoiselle. Parquoi les laisserōs pour le present aller, & cōtinuērons de ce qui auint à Gādales. Qui au partir d'Vrgā de retournant vers son château trouua en chemin la Damoiselle, qu'Vrgāde auoit fait chasser d'avec son amy: & étoit cete dolente fēme près d'une fontaine pleurāt trop amēremēt, laquelle auisānt celui qui venoit vers elle le recōneut facilement, & lui dit: Est il possible Cheualier, que cete mēchāte q̄ vous secourūtes vous ayt tāt laissē viure? Mēchante n'ēt elle pas, répondit Gandales: mais sage & vertueuse: Et si vous étiez autre, ie vous ferois dedire cete parole folle, Héee Dieu! dit la Damoiselle, comme la villaine sçait deceuoir vn chacun! Dequoy vous à elle deceuē? répondit Gādales. Helàs! dit la damoiselle, elle m'a ôtē ce beau Cheualier qui miē étoit, & tel le puis-je bien dire, veu qu'il seroit plus cōtēt d'être avec moi qu'avec elle. C'ēte qui la trōpe, dit Gādales, car selō mō iugemēt, vous & elle aimés sās raison. Quoi qu'il en soit, dit la Damoiselle, si ie puis ie m'en vēgerai. Vous trauaillés en vain (répōdit il) de cuider facher celle qui le sçaura non seulement deuāt q̄ l'ayés exēcuté, ains pēsē. Certes, dit la Damoysselles, vous en poués mes-hui, aller quād il vo' plaira & toute fois il auient souvent, q̄ ceus qui pensent plus sçauoir par presumptiō, tom-

bent aus plus grās dangers. Gandales la voyant fāchée, la commanda à Dieu & suyuit son erre, pēsant plus en l'affaire du Damoisel, qu'à ce q̄ cete femme lui disoit. Et tāt chemina qu'il arriua en sō château & le voyant le petit gars aprocher couiut au deuant, & lui vint sauter au col. Lors Gādales l'embrassa de grād amour, & ain si qu'il le tētenoit entre ses bras, se souuint de ce q̄ n'agueres Vrgāde lui auoit predit: parquoy de ioye lui vindrēt les larmes aus yeus, disant en soy-mêmes: Mon bel enfant, ie prie à Dieu qu'il me donne la grace de tāt viure, que ie vous voie tel cōme i'espere. En ce tems ce petit Prince pouoit auoir enuiron trois ans: leq̄l voyāt son Seigneur plorer (cōme s'il en eūt eu cōpassion) lui essuyoit les yeus, qui promit de lui grande humanité à Gādales, & que l'enfant croissant d'āge & de puissance, croitroit aussi en vouloir de mieus le secourir s'il auoit affaire. Parquoy de là en auāt il deuint plus curieus que iamais, & tellement, qu'il ne prenoit plaisir qu'à le biē éleuer & nourrir: mêmes pour lui faire passer le tems, l'exercitoit & adextroit avec le petit Gādalīn son cōpagnon à tirer de l'arc. Or ain si qu'il paruenoit en l'āge de sis ans, le Roy Languines acōpagné de la Roīne (trauersant pais) vint passer par la maison de Gādales, ou il fut grādement festoyē: neant-moins auant qu'il y arriuāt, Gandales (étant auerti de sa venue) fit retirer le petit Prince & ses cōpagnōs en vn logis arriere, craignāt (peūt être) q̄ pour sa beauté & bōne grace le Roi eūt desir de l'emmener avec lui, ou bien à ce qu'ils n'empēchassent pour l'heure le logis: mais (de fortune) la Roīne étāt logee au plus haut étage du château, ain si qu'elle regardoit en vne fenētre qui auoit veuē sus la part ou étoient les enfans aperceut le Damoisel & ses cōpagnons tirans de l'arc. Lors ietta l'œil sus le Damoisel, qui lui sembla entre tous le plus dīpōt, & tel en contenāce, qu'elle eut grād plaisir à le regarder l'estimant le fis du Seigneur

gneur de leans : toutefois en étant douteuse & ne voyant à qui le pouuoir de mander, cria à ses femmes: Venés venés voir la plus belle petite creature qu'onques fut veuë. A cete parolle y coururent toutes & sus ces entrefaites l'enfant eut soif: Parquoi laissant son arc près de ses compagnons, yint boire en vn canal d'eau qui passoit ioignant de là: mais ce pendât l'un d'eus plus grâd q le Damoisel print cét arc, pour en tirer. Ce que Gandalin ne voulut permettre, dont sourdit entr'eus deus grosse question, & telle, q Gandalin qui fut le plus foible, s'écria à haute vois. Damoisel de la mer secourés moi. Quand le Damoisel l'entédit, laissa le boire, & s'écourut droit à celui qui s'étoit harpé à son frere, auq il arracha l'arc. & lui en donna au plus haut de la tête de toute sa puissance, lui disant: Chiard, en mal'heure outrageates-vous mō frere. L'autre de ce non content, se ieta sus le Damoisel, & se couplèrent ensemble, toute-fois celui qui avoit commencé la noise fut si mal mené qu'il gagna au pié, & en fuyant rencontra leur Gouverneur qui lui dît: Qu'as tu à fuir? Signeur, répōdit il, le Damoisel de la Mer me veut battre: lors le Gouverneur s'apochât du Damoisel le menaçâ rigoureusement, disant: Cōment? êtes-vous déjà si osé de battre vos cōpagnons? vous verés maintenant comme il vous en prendra. Quand le Damoyfel s'entédit menacer il se mît à genous, disant à son Gouverneur. Si vous ordonés que ie sois fessé, ie l'ayme trop mieus, q d'endurer en ma presence outrager mon frere. Et ce proferrât les larmes lui vindrēt aus yeus, qui firēt pitié au Gouverneur, au moie de quoi il lui répondit: S'il vous auient iamais, ie vous assure q ie vo' ferai biē plorer d'autre sorte. La Roine q avoit veu & entēdu, tout ce debat, s'ébahissoit, pour-quoi l'ō a peloit ce petit gars le Damoisel de la Mer.

Cōme le Roy Lāguines emmena avecq' lui le Damoisel de la Mer, et Gādalīn fis de Gādales

CHAP. I I I I.

EN ces entrefaites que la Royne regardoit le Damoisel de la Mer, le Roy entra en sa chambre, acompagné de Gandales: & quant la Royne l'aperceut, elle lui demanda au si tôt, si cét enfant tāt beau étoit sien. Ouy ma Dame répondit Gandales. Et pourquoy le faites vous appeller le Damoisel de la Mer? dît la Royne. Pource, ma Dame, qu'au retour du voyage que ie fis dernièrement en la petite Bretagne, il fut né sus la Mer. Vrayement dît elle, il vous ressemble peu (& tel étoit son aïs) pource que le Damoisel étoit d'excellente beauté, & Gādales assés laid de visage, mais très gentil compagnon. Avint q durât ce propos, le Roi ietta l'œil sus ce petit Prince, lequel ne luy sembla moins beau qu'il avoit fait à la Royne. Parquoy commada à Gandales le faire venir à lui, & puis dît il au partir de ceus ie l'emmeneray quāt & moy, & le ferai nourir avec mō fis. En bōne foy, Sire, répondit Gandales, il ét encores bien ieune pour laisser sa mere. Ce nonobstāt, peu après, il le presenta au Roy, lequel lui demanda: Mignō, ne vous les vous pas venir à la court? Sire, répōdit l'enfant, i'yrai ou il vous plaira, si mon frere vient avecq' moy. Et moy dît Gandales, ie ne demoureray sans luy. A ce q ie voy, Sire (dît Gandales) si vous emmenés l'un il vous faudra avoir l'autre: car ils ne se veulent separer. Et bien, répōdit le Roi i'en suis cōtent. Puis apella Agraies & lui dît: Mon fis, ie veus que vous aymés ces deus Gentil-hōmes comme i'ayme leur pere. Quāt Gandales vit q c'étoit à bō écient q le Roi les vouloit avoir, les larmes lui vindrēt aus yeus, disant en son cueur: Mon enfant, qui si petit commenças à éprouver fortune, maintenant te voi ie en service de ceus, qui te pourroyent quelq iour servir, s'il plaît à Dieu te garder, & cōduire (ee que ie le suplie faire) & permettre que les parolles, que la sage Vrgande l'inconnē me prédit de toy, soyent véritables, me faisant la grace de tant viure, que

que ie voye le tēs des grādes merueilles qui te sont promises aus armes. Le Roy qui prenoit garde à Gandales, voyāt qu'il auoit les yeus pleins de pleurs, se mit à le gaudir disant: Vrayement, ie n'eusse l'aymais pensé q̄ vous eussies été si fol de plover pour vn enfant. Ah! Sire, répondit Gādales, c'ēt (peut être) avec plus d'ocasion que vous n'estimés: & s'il vous plaīt la sça noir, ie la vous diray presentement deuāt la Roïne. Adōc luy fit discours, cōme il auoit trouué le Damoisel de la Mer, & en quel equipage: & aussi tōt il lui eut declaré ce qu'Vrgāde auoit predict de lui, n'eut été le sermēt qu'il auoit fait. Or maintenant, dīt Gādales, ordōnés de luy ce qu'il vous plaira: car (si Dieu me sauue) selon son cōmencement, ie croy qu'il ēt yssu de biē grand lignage. Quant le Roy l'eut écouté, il l'estima beaucoup de ce q̄ si curieusement il auoit éléué cēt enfant trouvé, & lui répondit: C'ēt bien raison (puis que Dieu à tant fait pour luy de le perserver des grās dangers ou il étoit) qu'à present nous ayons le soing de le nourrir & faire des biens quād il en sera tēs. En bōne foy, mōnsieur, dīt la Roïne, s'il vous plaīt il sera mien pendant son ieune âge: puis venant à être homme, ie le rendray pour vous seruir. Et bien, répondit il, ie le vous donne. Or auint q̄ le lendemain matin le Roy se voulut mettre à chemin: parquoy la Roïne n'ayāt oublié le present qu'ō lui auoit fait, fit mener avec elle Grandalin & le petit Damoisel de la Mer, qu'elle cōmanda nourrir autant soigneusement que son fis: car elle prenoit tel plaisir à le voir, qu'ordinairement le vouloit auoir auprès de sa personne, pource qu'il auoit l'esprit si bō, & fut tant bien né, qu'il étoit agreable à vn chacun, mêmes que tout ce qu'il faisoit se trouuoit de meilleure grace & plus dextre que de nul autre, & si n'auoit passetēs pour lors qu'à tirer de l'arc, nourrir chiens, ou aller à la chasse.

Maintenant l'Autheur laisse ce propos pour retourner à ce qu'auint au Roi Pe-

AM. I

riou, & sa nouvelle amyē Elisene. Ce Roi Perion (comme vous aués dé-jā entendu) étoit arriué en Gaule: lequel depuis qu'il eut sceu des Philosophes l'exposition de son songe, & que la Damoiselle luy eut predict, qu'au tems qu'il recouvreroit sa perte, le païs d'Yrlande perdroit sa fleur, il deuint plus pensif que deuant: ce nonobstant il n'y pouoyt rien entēdre: & ainsi se passerent aucuns iours, entre lesquels étant en son palais, entra vne autre Damoiselle, qui lui bailla vne lettre d'Elisene par laquelle elle luy faisoit sça uoir, que le Roy Garinter son pere étoit mort, & elle demeuree seule, & qu'à cēte cause il en eūt pitié: car le Roy d'Ecosse luy vouloyt ôter sa terre. De la mort du Roy Garinter fut le Roy Perion aucunemēt fāché: mais si se reconforta il, pensant qu'il iroyt voir s'amyē, vers laquelle il n'auoit en rien diminué son affection: pourtant depēcha promptement la Damoiselle, & luy dīt: Retournés, & dites à vōtre maitresse, que sans sejourner vn seul jour ie serai de briēf avec elle. La Damoiselle fort ayse de cēte réponse, s'en retourna: & après que le Roi eut mis ordre à ses affaires, s'en partit en bon equipage, pour aller trouver Elisene, & fit tant par ses iournees, qu'il arriua en la petite Bretaigne, ou il eut nouvelles, q̄ le Roy Languines auoit dé-jā prins toute la signeurie du païs, sauf les villes que le Roy Garinter auoit donnees à Elisene, laquelle étoit, à ce qu'il fut auerty, en vne place qui se nōmoit Arcate ou il adressa son chemin: S'il y fut biē receu, ie le vous laisse penser, & elle au semblable de celui qui tant l'aymoit, & après les recueils & fētiemens d'un & d'autre, le Roy luy déclara qu'il la vouloit épouser, & qu'à cēte cause elle en auertit ses parens & sujets.

Ce qu'elle fit en la plus grande diligence qu'elle peut, & avec autant d'ayse & contentement, que son cœur en eūt sceu desirer: car en cela seul consistoit le comble de ses affections. Ce qu'entendu par le Roy d'Ecosse, & comme pour ce faire le

B

Roi

Roy Perion étoit dé-jà arriué avec sa
 feur, manda incontinent tous les hauts
 hommes de ses païs, pour (avec luy) aller
 faire honneur & bon recueil au Roy son
 beau frere. A son arriuee fut receu le
 Roi Perion humainement: & après que
 par grands embrassemens se furent salués,
 & que les noces eurent pris fin, les deus
 Rois delibererent de retourner chacun en
 son païs. Pourquoi tirant le Roy Perion
 en Gaule avec Elisene sa femme, étant vn
 jour trauaillé du long chemin, luy vint à
 plaisir de se rafraichir joignant vne riuie-
 re: & tandis que lon y dresloit ses tentes,
 se mit à promener seul à Cheual le long
 de l'eau, pensant comme il pourroit sça-
 uoir la verité si Elisene auoit eu enfant,
 ainsi que les Philosophes luy auoyent dit,
 en luy exposant son songe: mais si auant
 se mit en cete pensee, que cheminât tou-
 jours sans y prendre garde, arriua en vn
 hermitage, qui prés de la étoit: Parquoy
 se trouuant en lieu de deuotion mit pied
 à terre: & atacha son cheual à vn arbre,
 pour aller faire son oraison, & entrant dás
 l'Eglise, trouua vn religieux tresancié, qui
 vint à l'encontre de luy, & dit: Cheualier,
 ét il vray que le Roi Perion s'est marié a-
 uec la fille de nostre Roi? Ouy, vrayement,
 répondit le Roy. Loué en soy Dieu, dit
 le bon Hermite: car ie sçay certainement
 qu'il ét d'elle aymé de tout son cœur.
 Comment le sçaués vous? répondit il. Par
 sa bouche même, dit le bon homme. Le
 Roy alors pensant qu'il sçauoit de lui ce
 qu'il desiroit, se fit connoître, & luy dit: Je
 vous prie, pere, que vous me dites ce que
 d'elle & de moi vous sçaués. Certes, sire,
 répondit le preud-homme, ie faudrois en
 cela grandement, & auriés cause de me
 reputer hereticque, si ce qu'elle me dit en
 cōfession ie manifestois: mais sūsse vous
 de ce que ie vous ay declaré, que de vraye
 & sincere amour elle vous aime, & puis q̃
 si à propos ie vous trouve, ie veus que sa-
 chiés ce qu'une Damoiselle (à mon auis
 fort sage) me dit au tems que vous vintes

premierement en ce païs, combien qu'elle
 me parla si obscurément, que ie ne l'ay ia-
 mais bien sceu cōprendre: car elle disoyt,
 que de la petite Bretagne saudroyent
 deus Dragons, qui tiédroyent leur signeu-
 rie en Gaule, & leurs cœurs en la grande
 Bretagne, & que de là yroyent deuorer
 les bêtes des autres païs: mais que contre
 les vnes ils seroyent braues & cruels, &
 contre les autres humbles & gracieus,
 comme s'ils n'auoyent ni ongles ni cœur.
 De cete parolle fus- ie lors tout pensif, ne
 depuis oncques ie n'en ay sceu cōprendre
 la signifiante. Non plus l'entendit le Roy
 pour l'heure qui n'en fut moins émerueil-
 lé que l'Hermite: & toute-fois quelque
 tēs depuis il trouua cete prophetic vraye.
 Or ayant le Roy commandé le saint hom-
 me à Dieu, retourna ou il auoit fait dres-
 ser ses tentes, & laissé la Roine qui l'aten-
 doit, à laquelle pour lors il ne declara au-
 cune chose de ce en quoy il auoit tout le
 iour pensé, ains le dissimula, iusques à ce
 qu'ils furent couchés, & après les acoutu-
 més embrassemens, le Roi par bō moyen
 vint à lui conter ce que les Astrologues
 luy auoyent exposé de son songe, la priât
 affectueusement, qu'elle lui declarât, s'e-
 le auoit fait enfant ou non. Quand la
 bonne Dame l'entendit, honte la surprint
 de telle sorte, qu'elle eût voulu être mor-
 te, & nia la verité entierement si que pour
 cete fois le Roy ne sceut sçauoir ce qu'il
 desiroit. Le lendemain partirent de là, &
 tant cheminerent, qu'ils arriuerēt en Gau-
 le, ou fut cete noble Roine de tout le païs
 receuē en grand joye. Et pour ce que, cō-
 me a été cy deuant recité, le Roi lui por-
 toit singuliere affection, il fut (pour luite-
 nir compagnie) de là en auant plus arrêté
 en ses païs, qu'oncques n'auoit été, & tant,
 que peu apres son arriuee la bonne Dame
 se trouua grosse d'un fis, qui fut nommé
 Galaor, & depuis d'une fille apelée Meli-
 cie, Mais étant le petit Galaor en l'aage
 de deus ans & demy, auint qu'un jour le
 Roy son pere faisant sejour le long de la
 marine,

marine, en vne siene ville nōmee Orāgil, état apuyé sus vne fenestre ayant veu vers le jardin, ou étoit la Roine, qui lors avec son fis & ses Dames & Damoiselles s'ébatoyt entra par vne poterne vn Geāt si horrible, qu'il n'y auoit hōme qui à le veoir ne fût surprins de trégrand pœur : lequel portoit sus le col vne grosse & lourde masse. Quand cete compagnie de femmes l'aperceut, les vnes fuyoyēt entre les arbres, & les autres pour ne le voir, se iettoyent contre terre: mais le Geant n'en fit cas: ains seulement s'adressa au petit Galaor, qu'il print entre ses bras, & en souriāt dit: Sus ma foy, la Damoiselle ēt veritable: & sans faire autre chose, portant l'enfant s'en retourna, & reprit le chemin par ou il étoit venu, puis entrant en vn brigantin qui l'atendoit fit voile. Ce pendant la triste Roine qui auoit veu rair son fis (oubliant pour l'amour maternelle la pœur qu'aucunement lui auoit faite le Geāt) le suiuit d'assés pres, pensant recouvrer son Galaor: mais quand elle vid qu'il étoit entré dans le brigantin, Dieu sçait, quelle angoisse elle eut lors: car le petit garçonnet en criant, apelloit: Ma mere, secourés moy. Helàs, elle ne pouoit, & trouvoit plus étrange que la mort même de voir emmener celuy qu'elle aimoit plus que sa vie: & en cete douleur extrême luy va souvenir de son autre enfant, qu'elle auoit ieté en l'eau: pourquoy la dolente & triste mere, pire que morte, tomba toute évanouye. Adoncques le Roi Perion son mary, qui tout ce auoit bien aperceu du lieu duquel il ne pouoit promptemēt ayder, ni à l'enfant, ni à la mere, se trouua bien perplex: & toutefois virilement print cœur, & vint vers la Roine qu'il trouua pasmee, à laquelle il fit pouruoir au mieus qu'il peut, & tāt qu'elle reuint à soy. Lors commença à faire le plus merueilleus dueil du monde, regretant cete nouvelle perte, sans laquelle elle esperoit auoir recouvré la premiere, & étant hors d'esperance de jamais en auoir nouuelles, se

déconfortoit, de sorte qu'elle faisoit grand pitié à ceus qui la voyoyent. Le Roy ce pendant mettoit toutes les peines qu'il pouoit à la consoler & reconforter, & tāt fit, qu'elle recouura la raison qui d'elle s'étoit absente. Adonc luy dît le Roy: ma Dame, il faut louer Dieu de tout, & memes en ce cas, veu q̄ ie voy certainement aduenir ce qu'il deuoit auenir du songe, dont autre fois vous ay parlé: & qu'ainsi soynt, nôtre petit Galaor ēt le dernier ceur qui nous deuoit être ôté mangré nous. Pourtant ne craignés d'oresenauant à declarer ce qui ēt du premier: car quoy qu'il en soynt, veu l'état auquel vous éties lors, vous n'en deués être blâmee. A cete parolle la dolente mere s'oubliait plus que la fante qu'elle auoit faite, luy fit entendre partie de l'infortune de son premier né, le supliant luy pardonner, veu que ce qu'elle auoit fait, étoit pour crainte de la mort, attendu la loy du pais. En bonne foy, ma Dame, répōdit le Roi, vous poués être asseuree, que jour de ma vie ne vous en sçauray mauvais gré, & de vôtre part ie vous prie prendre leur destinee le plus sagement que vous pourrés. Pour ce que i'espere en Dieu, que puis qu'il luy a pleu nous donner au commencement si peu de joye & jouyssance de nos deus enfans, à l'auenir il nous recompensera de meilleure fortune, & (peut être) aurons nous vn jour d'eus bonnes nouvelles. Or laissant ce propos faut entendre, que le Geant qui emporta ce petit Prince, fut du pais de Leonnois, signeur d'une Ile, nommee Gandalan en laquelle il auoit deus fortes places. Il n'étoit point mal faisant, ainsi que beaucoup d'autres (mais dous & de paisible cōuersation) si ce n'ēt quand il étoit offēlé: car en fureur il faisoit de grādes cruautés: en vn instāt fut sa petite barque tant poussee, par le vent, qu'il arriua en son pais, lequel il auoit fait peupler de Chrétiens, & y entretenoit vn Hermite de tressainte vie, vers lequel il se retira, & lui dît: Pere, prenés cēt enfant, & le me nourissés,

& enseignés en tout ce qui ét conuenable à Cheualier: pour ce que ie vous puis asseurer, qu'il ét fis de Roi & de Roine. Ah, dit l'Hermite, pourquoy aués vous fait telle cruauté? Je le vous diray, répondit le Geant. Vous deués sçauoir, qu'ayant entrepris d'aller combattre le Geant Albandan, qui occit méchamment mon pere, comme aués peu entendre, & qui encores me detient par force la roche de Galtares laquelle de droit m'appartient étant ia embarqué pour executer ma pësee, vint vers moy vne Damoiselle, qui me dît: Tu rabuses: car ce que tu penses, se doit acheuer par le fis du Roi Perion de Gaule, qui aura beaucoup plus de force & d'adresse que tu n'as. Et ie lui demanday en sa foy, si elle disoit verité. Cela pourras tu voir, dît elle, en la saison que les deus branches d'un arbre se joindront, qui à present sont separees: puis m'enseigna ou ie trouuerois iceluy duquel elle me parloit, lequel à present ie vous baille en garde, d'autant que vous m'aymés. Par ce moyen demeura le petit Galaor sous la cōduite du saint homme, & y fut si longuement, qu'il n'en sortit qu'il ne fût age de recevoir cheualerie, cōme il vous fera quelq̃ foys recité.

En ce tems regnoit en la grand Bretagne vn Roy nommé Falangris, lequel mourût sans enfans, laissa heritier vn sien frere (non moins prudent en ses affaires, que cheualereus & droit aus armes) nommé Lifuart, lequel s'étoit marié n'auoit pas long tems auec Brisene fille du Roy de Dannemarc, la plus belle Dame qui se trouuât lors en tout le Septentrion: & cōbien qu'elle eût été demandee en mariage par de grands Princes du pais, neantmoins par crainte des vns, le pere ne l'osoyt acorder aus autres: dont elle demouroit depourueüe, par auoir trop d'abōdāce & non aquisse, par trop être requise. A quoi elle voulant pouruoyr choisit vn à sa poste, & se maria à ce ieune Prince Lifuart, qui par amour la seruoit, & duquel elle n'ignoroit les vertus, ne le gētil cœur. Or

après le trepas de Falangris, les Princes de la grand Bretagne sachans que de droit Lifuart venoit à lui succeder au royaume; mêmes qu'étant en pais étrange (par ses hauts faits & prouesses) il s'étoit allié par mariage en si bon lieu, depêcherent incontinent Embassades pour aller vers lui, le supplier d'accepter le Royaume & sujets de la grand Bretagne, & de s'en venir inuestir & saisir,

Comme le Roy Lifuart nauigant par la mer, print port en Ecoce, ou il fut grandement honoré, & bien recueilly. CHAP. V.

ENtēdu par le Roi Lifuart l'enuie que ses sujets auoier de son brief retour, dressa sō equipage en mer par l'ayde & moyen du Roy de Dannemarc son beau pere: puis fit faire voile pour tirer vers la grād Breraigne, & pour ce qu'il trauesoit le long de la côte d'Ecoce, il y print port, de quoy Lāguines Roi du pais auerty, fut au deuât, & le receut magnifiquemēt. Or étoit ce nouveau roi de la grand Bretagne, acompagné de la Roine sa fēme, & d'une ieune fille leur enfant, agee (peut être) de dis ans, nōmee Oriane, l'une des plus belles creatures qui iamais fut veüe, & telle, que durant le tēs qu'elle demeura à Dannemarc, étoit apelée Vnique, pour ce qu'on ne trouuoit sa pareille en beauté. Cēte petite Oriane, pour le traual de la mer nō acoutumē, se trouua fort lasse, & craignant son pere qu'elle eût pis, pria le Roi d'Ecoce de la garder tant qu'elle se fût reposee, & qu'ils l'enuoiroyent querir. Trévolōtiers accepterent cēte garde le Roi Languines, & la Roine: Parquoy le Roy Lifuart sans faire plus lōg seiour en Ecoce, r'entra en mer, & fit leuer les ancrs de ses nauires, faislāt voile: dont en peu de jours print terre en ses pais: Ou arriuē, auant qu'en demeurer paisible (cōme en tels cas souuent auient) y trouua aucuns rebelles, lesquels auec le tems il debella, qui fut la cause principale qu'il ne peut si promptement faire venir sa fille, qui étoit demeuré en Ecoce.

En

En cét endroit laisse l'Autheur ce nouveau Roi regner paisiblement en la grande Bretagne, & tourne au Damoisel de la Mer, qui en ce tems pouoit auoir seulement douze ans: cōbien que veu sa grandeur, il paroïssoit en auoir plus de quinze, & pour sa bonne grace étoit (tant de la Roine que des autres dames) plus que nul autre bien voulu & aimé. Or ainsi que cy deuant vous a été recité, cete ieune Princesse Oriane fille du Roy Lisuart, étoit demeurée avec la Roine d'Ecoce, pour se rafraîchir, attendant que le Roy son pere la renuoyât querir: & luy faisant la Roine toutes les gracieusetés dōt elle se pouoit auiser, luy dît: M'amie, ie veus désormais que le Damoisel de la mer vous serue, & qu'il soit vôtre. Ce que l'Infante Oriane accepta volontiers, & de fait cete acceptation s'imprima en l'esprit du Damoisel de telle sorte, que iour de sa vie il n'eut enuie d'en seruir ou aymer autre, & à elle depuis eut tous-jours le cœur. Mais si biē lui auint, q̄ cete amour fut mutuelle & égale entr'eus deus: toutefois le ieune Damoisel pour vn tēs n'en eut cōnoissance, & se reputoit indigne de si grād bien: estimant que ce seroit trop entrepris à lui de seulement y penser, qui fut cause qu'il ne luy en osoit, non pas parler, mais mōtrer aucun semblant. La ieune Princesse, qui étoit de même pensée, & en pareille peine, se gardoit de luy tenir propos plus qu'à vn autre, pour euitier tout soupçon. Mais les yeus des deus amans, faisans le deuoir de leur office, portoyent assés souvent nouveau contentement aus cœurs passionnés: voyans la chose que plus ils aimoyent, & ainsi viuoient couuertement sans ce que l'un à l'autre declarât aucune partie de cete affection amoureuse. Quelque tems après, voyant ce ieune Prince inconnu, que pour acquerir la bonne grace de sa Dame tant aimée, il étoit nécessaire qu'il print les armes, & receût l'ordre de Cheualerie, disoit en soy-mêmes: Si vne fois ie suis Cheualier, ie feray telle

A.M.1

chose, que j'auray bonne reputation & faueur de ma Dame, ou ie mourray en la peine. Et du desir qu'il en eut épia le iour qu'il pourroit trouver le Roy Languines à propos, pour luy en faire requête: Parquoy sçachant qu'il se promenoit en vn jardin, se vint jeter à genous deuant luy, & luy dît: Sire, si c'étoit vôtre plaisir il seroit désormais tems que ie fusse Cheualier.

Quand le Roy l'entendit (veu son ieune age) il fut tout ébahy, & luy dît: Comment Damoisel de la Mer, vous cuydés vous déja assés roide pour maintenir si pesante charge? Certes, c'êt chose assés aisée de recevoir tel honneur: mais le maintenir comme il apartient, c'êt (peut être) plus gros fais que vous ne pensés, & tel, que souvent vn bien bon cœur s'en ennuye: toutefois si par crainte, ou couardie il laisse à faire ce qu'il doit, mieus luy vaudroit la mort, que la vie honteuse.

Pourtant ie serois bien d'auis que pour quelque tems voulusziés encores différer. Le Damoisel non content de cete réponse, luy repliqua: Sire, ie ne laisseray à l'être, s'il vous plait, pour crainte de ce que m'aués dit: car si n'auois le desir de faire tout ce qui appartient à cheualerie, ie n'eusse prins la hardiesse de vous en requerer, & puis que de vôtre grace m'aués iusques icy nourry, ie vous supplie tres-humblement m'otroyer cete requête, & ne me donner occasion de perdre vôtre seruice, pour chercher qui la m'acorde.

Le Roy estimant d'auantage le cœur de ce ieune enfant: & doutant qu'ainsi le fit, luy répondit: Assurés vous, Damoisel, que ie le feray, quand ie verray qu'il vous sera nécessaire: & ce pendant faites acoutrer vos armes, & ce qui êt de besoin.

Toute-foys, beau Sire, dites moy vers qui (pour mon refus) vous pourriés vous retirer? Au Roy Perion dît le Damoisel, lequel on estime treshardy, & bon Cheualier. Puis il a épousé la sœur de la Roine, qui me fait croire qu'il ne me refuseroyt, luy faisant entendre, comme elle m'a

B 3

uout

nourry, & que ie suis sien. Il ét vray, dit le Roy: mais pour le present ayés vn peu de paciēce, & quād il sera tems, vous le serés honnorablement. Adonc cōmandaque lon luy mît en ordre les acoutre-
mens necessaires, pour receuoir cheuale-
rie. Et ce pendant le Roy en auertit Gan-
dales, qui en fut si aise, qu'il depēcha aussi
tôt vne Damoiselle vers le ieune Prince:
par laquelle il lui enuoya l'épee, l'anneau,
& la lettre couverte de cire qu'il auoit
trouuee dans le berceau, lors qu'il fut re-
cous en la mer. Tant chemina cete Da-
moiselle, qu'elle arriua vers le Damoisel,
ainsi qu'il s'ébatoit avec Oriane, & les au-
tres Dames, pendant que la Roine dor-
moit. A l'heure étoit il pensant si fort à
Oriane, que seulement il n'osoit le-
uer la veuë pour la regarder. Et disoyt en
x foy-mêmes: Ah, Dieu, comment vous a il
pleu douër cete femme de tant excellente
beauté, pour à moy malheureus faire sou-
frir si étrange passion en l'aymant! Ah, ah,
mes yeus! trop hautemēt aués regardé cel-
le, de quoy vous n'êtes dignes: mais au pis
aller, la mort satifera à cete temerité, à la-
quelle mon cœur s'êt par vous sumis. En
cete pēsee se cuyda laisser tōber, tāt s'étoit
oublié & mis hors de foy-mêmes: quād
vn page s'adressa à lui, disant: Damoisel, la
dehors ét vne Damoiselle étrange, qui
vous aporte quelques presens, & veut par-
ler à vous. Quand celle qui l'aimoit enten-
dit ce message, le cœur luy print à frémir
de telle sorte, que ne pouant dssimuler
cete nouvelle flamme, apella le damoisel,
& luy dît: Le vous prie, demeurés icy, &
faites entrer la Damoiselle, afin qu'ayons
la veuë de ce qu'elle vous aporte. Ce qu'il
fit, & entra la Damoiselle, qui luy dît: Si-
gneur, vōtre bō amy Gandales vous saluē
grandemēt, comme celuy qui vous aime,
& vous enuoye cēt anneau, la cire, & l'é-
pee, que voicy, laquelle il vous prie que
(pour l'amour de luy) vous portés tāt que
vivrés. Adonc le Damoisel receut les pre-
sens, & mît l'anneau & la cire à part, pour

regarder l'épee qui étoit sans fourreau,
envelopee en vn drap de fin lin, dōt il fut
fort ébahy, & tandis qu'il s'y amusoit, O-
riane print la cire, pēfant que ce fût autre
chose, & lui dît: En bonne foy, Damoisel,
ie vens pour ma part cete cire. Nō aurés,
s'il vous plait (ma Dame) répondit il: mais
cēt anneau qui ét ce me sēble assés beau.
Ie ne vens que la cire, dît Oriane. Et de
fait la print. Et sus ces entrefaites suruint
le Roy, qui dit au Damoisel: Que vous
semble de cete epee? Sire, répondit il, ie la
treuve fort belle: mais ie ne sçay pour-
quoy elle n'a point de fourreau. Il y a, dît
le Roi, bien quinze ans, qu'elle n'en eut.
Et ce disant, le tira à part, puis lui dît: Vous
voulés être Cheualier, & ne sçaués si de
droit vous apartient de l'être. Pourtant il
faut maintenant que vous entendés qui
vous êtes, & que ie vous dye ce que i'en
sçay. Adonc lui recita, comme il auoit été
trouvé en la mer avec c'êt epee, & l'an-
neau, étans dans vn coffret, comme aués
peu cy deuant entendre. Sus ma foy,
sire, répondit le Damoisel, ie croy que
pour vōtre plaisir me donnés de cete in-
uention: pour-ce que cete damoiselle m'a
dit en en entrant ceans, que mon bon a-
my Gādales m'enuoyoit ces presens: mais
ie pense qu'elle a failly à parler, & qu'elle
vouloit dire mon pere. Toutefois, Sire, s'il
ét ainsi, qu'il vous a pleu me reciter, ie
n'en suis déplaisant, sinon pour ne con-
noître ceus dont ie suis venu, ni eus moi.
Ce neantmoins ie m'estime Gentil-hōme:
car le cœur me le promet. Et pourtant Si-
re, il m'êt maintenant plus conuenable
que ie sois Cheualier, qu'au parauant, afin
que ie mette peine d'être tel que i'acqui-
re honneur & reputation, puis que ie n'ay
parër, par lequel ie me puisse nōmer, ne sa-
chant qui ie suis. Quand le Roi l'entendit
parler si vertueusement, il eut encores
meillleure estime de luy que iamais, iu-
geant en foy, qu'il ne pourroit être qu'hō-
me de bien, & bon Cheualier. Et ainsi
qu'ils deuisoient, vint vn Gentil-hom-
me

me vers le Roy, qui luy dît : Sire, le Roy Perion vôtres frere est presentement arriué. Ceans? dît le Roy. Ouy, sire, répondit le Gentil-homme. A cete parolle le Roi s'en partit pour aller receuoir son frere, lequel il courut embrasser, lui disant: Comment, mon frere, vous me cuidés prendre au depourueu? Le n'euse pas pensé vôtres arriuée si prompte en ce pais. Mon frere, répondit le Roy Perion, ie viens requerrir mes amys, pour ce que i'en ay à present plus de necessité que ie n'en oncq. Pourtant que le Roi Abies d'Yrlande me meine vne forte guerre, & 'est en grand puissance entré en mes pais, tellement que lui & Daganil son cousin, tiennent ma place de la Deserte assiegee, & (qui pis est) la fortune m'a si mal dit, qu'aucuns à qui ie me fiois m'ont abandonné, & la plus grande partie de mes autres parens & amys ont été defaits aus rencontres & courtes, que nous auons faites l'un sus l'autre, si que maintenant ie viens pour vous supplier me secourir à ce très-grand besoin. Vrayement, mon frere, répondit Languines, ie le feray, & croyés qu'il me grieve fort de vôtres infortune: mais i'y pouruoiray au mieus que ie pourrai. Agraies qui étoit nouveau Cheualier ardent & prompt aus armes, ayant entendu la requête de son oncle, & l'otroy que luy faisoit le Roi son pere, de luy aider, se vint mettre à genous, deuant luy, disant: mon signeur, ie vous supplie m'otroyer la requête que ie vous ferai presentement. Le Roi qui l'aimoit comme soy-mêmes, lui répondit: Or demâdés: car vous ne serés pas refusé. Ie vous supplie, Sire (dît il) soyés content que ie voyse en Gaule aider à la Roine ma tante. En bonne foy, répondit le Roy, i'en suis bien content, & si yrés en bon equipage & forte compagnie. Quand le Damoisel de la Mer sceut cete deliberation, il deuint plus curieux de paracheuer son entreprise que iamais: & voyant si à propos le Roy Perion, il ne se pouoit rassasier de le regarder, seulement pour les biens qu'il auoit enten-

dus de luy: car il n'y pensoit lors auoir aucune affinité de parentage, & eût bié voulu être Cheualier de sa main plutôt que d'un autre, pour les hauts faits d'armes qu'il auoit autrefois mis à fin: & pour y paruenir s'auisa d'en supplier la Roine, esperant que si elle vouloit tant faire pour lui que d'en prier le Roy son frere, elle ne seroit iamais refusee: & toute-fois il la voyoit tant triste, qu'il ne luy en osoit nulement parler: mais print la hardiesse de venir vers Oriane, & se mettant à genous lui dît: Ma Dame, vous plairoit il me faire ce bié de me dire la cause qui dōne tel enuy à Roine? Oriane qui en telle sorte voyoit deuant elle celui q de tout son cœur elle aymoit, sans toute-fois que luy n'autre le sceût) fut lors surprise de telle vehemence d'amour, que ne la sachant bonnement dissimuler, luy répondit: Damoisel de la Mer mon amy, en bonne foy ie mettray peine de le sçauoir, puis ie la vous diray de bien bon cœur, veu que c'est la premiere requête qu'oncques vous me fites. Ma Dame (dit il) ie me sens de si peu de merite enuers vous, que ie me repete indigne de vous riens requerrir: mais ie me tiendrois trop heureux, si i'auois moyen de vous obeir, & qu'il vous pleût me commander. Comment (répondit elle, aués vous le cœur si bas, & si peu d'estime de vous? Ma Dame, en quelque sorte que ce soit, (dît il) ie n'ay aucunes forces, sinon celles que m'a laissées le grand desir que i'ay de vous seruir: car mon cœur qui est tout vôtres, ne peut rien receuoir, sinon vous. Mien? répondit Oriane, & depuis quand? Depuis qu'il vous pleut, ma Dame. Et quād fut ce qu'il me pleût? dît elle. De ce même tems, répondit le Damoisel, que le Roy vôtres pere vous laissa en ce pais, s'il vous en souvient, & que la Roine me presenta à vous, disant telle parolle: Ie vous donne ce Damoisel pour vous seruir, & de ce jour m'acceptâtes vôtres, quand vous luy répondîtes, que ie vous étois agreable, ainsi à

vous ie fus donné, & pour vôte me suis depuis réputé, si que moi-mêmes n'ay fus moi aucune puissance. Certes, dit Oriane, + vous printes cete parolle à meilleure fin, que pour l'heure elle ne s'entendoit, dont vous en sçay très bon gré, & suis contente, qu'il soit ainsi. A peine eut profere cete parolle, que le Damoisel se sentit si épris d'aise, qu'il perdit le pouoir de facilement aucune chose répondre. Ce que connoissant Oriane, n'en fit aucun semblât, seulement luy dit, qu'elle alloit vers la Roine pour faire ce dōt il l'auoit price & assés tôt après retourna, & luy de clara q̄ c'et ennuy lui procedoit de celui, q̄ la Roine de Gaule sa sœur auoit pour le dōmage que faisoit le Roi d'Irlande en ses païs. Si c'étoit vôte plaisir (ma Dame) dit lors le Damoisel, que ie fusse Cheualier, i'iroys volontiers le secourir, ayant congé de vous. Et sans mon congé, répondit Oriane, n'yriés vous point? Non pour mourir, dit il: car sans la faueur de vôte bonne grace, mon cœur vaincu ne pourroyt auoir force ne vertu, en peril ou il se trouuât. De cete parolle se sourit Oriane, & lui répondit: puis qu'ainsi êtes mien, ie vous otroye que vous soyés mon Cheualier, & qu'aydiés à la seur de la Roine. Treshumblement l'en remercia le Damoisel, lui remontrât cōme le Roy n'auoit trouvé bon qu'il receût encores l'ordre de cheualerie, mais l'auoit refusé: toute-fois (dit il) le Roi Perion ét ceans (comme vous sçaués) de la main duquel (s'il vous plaisoit l'en prier) ie la receurois plus volōtiers q̄ de nul autre. Il ne tiendra pas à cela, répondit elle: & pour mieus moyenner ce que vous desirés, ie prieray très volontiers l'Infante Mabile qu'elle me tienne compagnie à luy faire cete requête, pour ce qu'elle y peut beaucoup. Et sus l'heure même s'en alla vers elle, & luy declara l'entreprise qu'elle & le Damoisel de la mer auoyent faite pour le faire Cheualier, aussi l'enuie grāde qu'il auoit de l'être par la main du Roi Perion, la priant affectueusement lui aider

à l'en supplier. La princesse Mabile qui ay-moit le Damoisel de saine amour, luy répondit: Ie vous assure, ma sœur, qu'à moi ne tiendra: car celui pour qui me priés merite bien qu'on face d'auantage pour lui, pourtant faisons le acouter ce soir, & tenir prêt en la chapelle de la Roine: puis quād il sera tems, nous irons lui faire cōpagnie avec nos femmes, & enuoyray supplier le Roi Perion mon oncle à l'heure qu'il voudra partir (qui sera à ce que i'ay entendu deuant l'aube du jour) de me venir voir, & lui arriué vers nous, vous & moy luy ferons cete requête, de laquelle (à mō auis) il ne nous écōduira, veu qu'il ét prince de bon affaire, dous & gracieus. C'et très bien auisé, répondit Oriane. Parquoy firent apeller le Damoisel, & luy declarerent la conclusion qu'ils auoyēt prise sus cēt affaire: lequel treshumblement les remercia, & voulant pourvoir à tout son cas, print congé d'elles, puis vint trouver Gandalin, auquel il fit le tout entēdre, luy disant: Mon frere, ie vous prie que le plus couuertement qu'il vous sera possible portés mes armes en la chapelle de la Roine, pour ce que i'espere cete nuit être fait Cheualier: & pour autant qu'aussi tôt il me conuiendra partir, ie voudrois biē sçauoir, si aués desir de me suivre, & venir avec moi. Certés, dit Gandalin, de mon gré iamais de vous ne departiray. De cete parolle fut si aise le Damoisel, que les larmes lui vindrent aus yeus. Or bien (dit il) pourvoyés à ce que ie vous ay dit. A quoy Gandalin ne fit faute: car deuant le souper de la Roine y donna tel ordre, que de nul ne fut aperceui. Puis étans les tables leuees, le damoisel eut moyen d'aller en la chapelle, ou il fut entierement armé, hors la tête & les mains. Lors en atendant les Dames & le Roi Perion, il se mit à genous deuant l'autel, faisant sa priere à Dieu, que son plaisir fût lui être aydant, nō seulement à la victoire deceus, à qui par armes il auoit affaire: mais aussi à l'auoir de celle qui lui causoit tāt de mortelles affections,

fectiōs, ce pēdant la nuit vint & se retira la roine: Adōc les Princes Oriane & Mabile, avec leurs femmes arriuerēt en la chapel- ou les atendoit le Damoisel puis venant l'eure que le Roy Perion, vouloit mōter à cheual, Mabile l'enuoya suplier qui la vīt deuant que partir: Ce qu'il fit volontiers, & arriué vers elle, lui dīt: Mō Signr puis qu'il vous à pleu tāt faire pour moi, que d'auoir pris la peine d'être venu iufques icy, ie vous prie encores otroyer à ma Dame Oriane fille Du Roi Lisuart, la requeste qu'elle vous veut faire. Le se- x rois bien marry, répondit il, de la refuser, tant pour l'honneur du Roy son pere, que pour l'amour d'elle. Adonc s'auança Oriane pour le remercier, laquelle, quād le Roy la vit si belle, il estima, qu'en tout le monde lon faudroit bien à trouuer sa paragonne en beauté, & lui dīt: Ma Dame, vous plaît il quelque chose de moi? Ouy, Sire, puis qu'il vous plaît me la dōner: Le vous supplie que faciēs ce miē Damoisel Cheualier: & le lui mōtra étant à genous deuant l'autel. Quand le Roy le vit il fut si émerueillé de sa grand beauté que rien plus, & lui vint dire: Mon amy, voulēs- vous recevoir l'ordre de cheualerie? Oy, Sire, s'il vous plaît, répondit le Damoisel. De par Dieu soit dīt le Roi, & vous doint grace d'autant l'augmenter, en vous, cōme il a fait la bōne grace. Puis lui chaussa l'éperon droit & lui bailla l'épee, disant: Maintenant auēs vous l'ordre de Cheualerie, mais ie voudrois auoir eu le moyen & oportunité de vous l'auoir dōnee avec plus d'honneur. Toute-fois, selon que ie puis iuger, & estimer de vous, i'espere que serēs tant bō, que vōtre renōmee suplira au defaut de ce qui deuoit être fait plus honorablement: puis print le Roy Perion cōgé des Dames, qui le remercierēt grandement, & se mīt en chemin pour retourner en Gaule, cōmandant à Dieu son nouveau Cheualier. Cēt acte fut le premier qui peut porter témoignage de l'amour de ces deus amans, & s'il semble, au

lecteur leur propos n'être selō l'affection, mais simples, au respect de la vehemence de leur passion, ie lui répōs, qu'il doit excuser l'âge. Et aussi il ēt souuent auenu, que les plus experts (ce leur semble) en tels actes, ont été par ce Dieu bādē, si viuement, atains, que non seulement il leur à ôtē la parole, mais le iugement, & de tels personages seroit necessaire faire les propos plus grands: non pas de ces deus cy étans encores aprētis. Ot étant ce nouveau Cheualier en equipage & prêt à faire le voyage q̄ sa Dame lui auoit otroyé, voulut en remerciant la compagnie, prendre congé secrettement d'Oriane. Et lors elle, qui pour ce partement tant soudain sentoit vne nouvelle passion en son cueur (la dissimulant toute-fois) le print par la main, & retira à part, puis lui dīt: Damoisel de la Mer, vous en allēs: mais ie vous prie deuant me declarer si vous êtes fis de Gandales: car selon la bonne estime que j'ay de vous, je croi que vous êtes yssu de meilleur lieu. Adonc le Damoisel lui recita ce que lui en auoit dīt le Roi Lāguines, dequoy elle receut vn grand plaisir: ce fait le commanda à Dieu. Ainsi se partit le Damoisel de cēte compagnie: & aussi tōt trouua Gandalin, qui l'atēdoit à la porte du logis du Roy, avec le reste de ses armes & son cheual: sus lequel il monta & faillirent hors de la ville, sans être de nul aperecus, par ce qu'il n'étoit encores iour: Puis cheminerent tant qu'ils entrèrent dans vne forêt. Dé-ja étoit la plus grād' part du iour passée, auant qu'ils voulussent repaître mais la faim les contrainquant, se dé-jeunerent de tels viures, que Gādalín auoit aportés au partir de la ville. Et en ces entrefaites ils ouyrent sus la partie d'extre vne vois de quelque personage, qui (à leur auis) sentōit grand douleur: parquoy le Damoisel piqua diligemment cēte part, ou il trouua vn Cheualier mort & ioignant lui un autre, qui ne valoit gueres mieus: car il étoit si navré, qu'il n'esperoit plus viure, & ce qui le fai

LE PREMIER LIVRE

soit tât crier, étoit vne femme, qui s'étoit
 mise sus lui, & le pressoit si fort qu'elle lui
 faisoit saillir le cuer: & (qui pis étoit) cé
 te villaine pour le faire plutôt mourir, lui
 metoit les mains au dedâs de ses playes.
 Mais quâd le Cheualier nauré aperceut le
 Damoisel, au mieus qu'il peut (demandât
 secours) lui écria: Ah! Seigneur, pour Dieu
 ne me souffrés ainsi tuer par cete ribaude
 Trop fut ébai le Damoisel de telle mé-
 chanceté, & assés rudemêt dît à celle qu'il
 auisa: Femme, tirés vous arriere, pource
 que vous faites chose assés mal cōuenan-
 te à vous, & vos semblables. Cete malheu-
 reuse adonc toute honteuse se retira, & le
 Cheualier plein de douleur demeura éua-
 nouy. Lors le Damoyfel eut plus grand'
 enuie de sçauoir qu'il étoit que deuant
 mais craignant que soudain ce patient
 trépassât, mit legerement pied à terre, &
 en l'embrassant tât bien le secourut, qu'il
 reuint à soy, & commença à crier: Ah ie
 suis mort! pour dieu, mes amis, faites moi
 porter en lieu ou ie puisse auoir conseil
 de mon ame. Prenés courage, répondit le
 Damoisel: car vous aurés ce que deman-
 dés: mais ie vous prie me dire quelle for-
 tune vous à ici mis, ou qui ét celui qui
 vous a tât mal traité, Cét dît le Cheualier,
 par cete méchante, laquelle (combié que
 ie fusse riche & puissât, & trop plus qu'e-
 le) ie voulu, pour la bonne amour que j'a-
 uois, à elle, la choisir à femme & épouse:
 & toute-fois la malheureuse oubliant le
 bien & honneur que luy auois fait, à par
 plusieurs fois habandonné son honneur,
 mêmes cete nuit passée avec ce Cheua-
 lier mort, lequel sans iamais l'auoir veu,
 d'auenture hyer se ioignit à moy, & cete
 nuit derniere ma fait vn tour vilain & l'à-
 che, tel que le trouuant sus le fait impu-
 dique & déloyal, auons eu combat ensem-
 ble ou il ét demeuré, cōme vous voyés. Et
 quand cete mâtine à veu, que ie l'auois
 occis, craignant que ie luy en fisse autât,
 s'ét venuë ieter à mes piés, & demander
 pardon. Ce q' ie luy ay aysement acordé,

pourueu qu'elle n'y retournast iamais.
 Toutefois quâd elle à cōneu q' des plaies
 que l'autre m'a faites i'estois du tout af-
 foibly, par la profluuion de mon sang, el-
 le essayoit à m'acheuer de tuer, & pour en
 mourant me faire plus languir, inhumai-
 nement metoit les mains dâs mes playes,
 tellement q' ie sens bien q' ie ne puis plus
 viure. Pourtant ie vous prie me faire por-
 ter en vn hermitage assés prés, ou ie trou-
 ueray quelque religieux qui m'aydera à
 sauuer ma pauvre ame. Telle compassion
 en eut le Damoisel, qu'il le mit entre les
 bras de Gandalin, lequel le porta sus son
 cheual iusques à l'hermitage: ce pendant
 cete louué se déroba, Mais pen deuât, crai-
 gnant q' son mari se vengeât d'elle auoit
 enuoyé querir trois de ses freres, qui assés
 prés de là se tenoyent: à ce qu'ils vinsent
 vers elle le chemin qu'elle leur fit sçauoir
 Et ainsi qu'elle gaignoit pais, elle les ren-
 contra, & aussi tôt qu'elle les aperceut
 leur écria: Ah! mes freres mes amis, pour
 Dieu secourés moy: car cy deuant s'en
 fuit vn larron qui a occis ce Cheualier,
 qui cy gît, & à tellement outragé mō ma-
 ri, que ie n'y esperé iamais vie: pour Dieu
 qu'il ne vous échape, ne celui qui ét avec
 luy, veu qu'autant de mal à fait l'vn que
 l'autre. Tel propos disoit cete ribaude, à
 ce que mourans le Damoisel, & Ganda-
 lin sa trahison fût couverte: pource que
 son mari n'en seroit creu tout seul com-
 me elle estimoit, & ce disant leur va mon-
 strer le Damoyfel de la Mer qui retour-
 noit de l'hermitage, ou il auoit laissé le
 cheualier navré. Adonc ces trois freres de
 trop legere creance luy coururent sus, &
 d'arriuee luy écrirerēt, Traître vous mou-
 rés. Par Dieu, répōd le damoisel, paillard
 vous mētirés: car de tels traîtres que vous
 me sçauray bie defendre. Bsoing vous en
 fera, dirent les freres: car tous trois nous
 aués offēlés, & tous trois vous offendrōs
 si pouons. De bonne fortune le Damoisel
 tenois lors son écu & sa lance entiere, &
 auoit son armet bien lacé: au moyen de-
 quoi

quoi sans leur répondre les chargea rudement, & au premier donna si verte atainte en l'écu, qu'il le transperça, & le bras duquel il le portoit & de cete rencontre le ietta luy & son cheual par terre si lourdement, qu'il en eut l'épaule droite rompue & le cheual la iambé, tellement que l'un ne l'autre ne se peurent pour lors leuer, et de ce coup brisa sa lance: parquoy mit soudain l'épee au poing, s'adressant aus autres deus qui ne le refuserent, ains coururent à lui par telle roideur, qu'il de leurs lances lui fauserent l'écu, non pas le haubert qui se trouua trop bon. Adoncq le Damoyfel chargea l'un des deus, & de plain bras le frapa au dessus de l'écu si fort, que pour la pesanteur du coup il le fendit iusques à la poignée, sans qu'il l'épee s'arrêtât: mais passa outre, & rencontra l'épaule si à ferme, qu'il le harnois fut faulxé, la chair & les os bien endommagés: tellement qu'il le Cheualier tomba à terre. Quand il fut dépêché de ces deus, retourna au tiers, auquel il donna de si grand' puissance sus l'armet, que le pauvre Gentil-homme cuidant embrasser le col de son cheual pour se garantir de choir se trouua si étourdy, que les bras lui faillirent & cheut comme les autres. Alors cete ribaude, qui les auoit amenés print la fuite: ce que voyant le Damoisel, cria à Gandalin qu'il l'arrêtât. Ce pendât le dernier Cheualier qui étoit tombé se releua, & dit au Damoisel: Seigneur nous ne sçauons si cete bataille à été commencee, à tort, ou à droit. à droit ne pourroit être, répond le Damoisel, si n'estimés que j'aye eu tort d'auoir secouru le mary de cete méchante, que voylà, lequel elle faisoit mourir cruellement. Quand les trois Cheualiers l'entendirent ils furent trop ébahis, & penserent lors qu'ils auoyent été abusés par leur seigneur parquoy lui dirēt: Vrayemēt, Seigneur s'il vous plaît nous asseurer, nous vous dirōs l'ocasiō pour laquelle vous futes assailliy par nous. Vous aurés bien assurance pour ce faire, dit le Damoisel: mais ie ne vo' quite le combat. A lors celui qui premier s'é-

toit releué print la parole, & luy recita le fait & traïson de la Damoiselle, ainsi que dessus a été conté, En bonne foy, répondit le Damoisel, oncques méchancete ne fut déguisee de telle sorte: car cete cy dont vous parlés à bien sait autrement, ainsi que vous pourrés entendre par son mary mêmes, lequel étant préque mort, l'ay fait porter au prochain Hermitage. Puis qu'ainsi est, dirent les trois, faites de nous comme de ceus qui sont en vōtre mercy. Vous ne l'aurés ia de moi, répondit le Damoisel, si premier ne me iurés comme loyaus qu'il cete femme & son mary menerés vers le Roy Languines, & la en sa presence reciterés comme tout ce est aduenü, & lui dirés aussi, que contrains aués été de ce faire par un Cheualier nouveau, qui vous y enuoye; lequel est ce iourd'huy party de sa court qui lui supplie ordonner, de ce meffait ainsi qu'il luy plaira. Ce qu'ils lui promirent & iurerent: parquoy les commandant à Dieu s'en alla son chemin, & les laissa ensemble.

Comme Virgande la Décogneue aporta vne lance au Damoyfel de la Mer

CHAP. VI.

Cete querelle demélee avec les trois Cheualiers, le Damoisel de la Mer, reprit le chemin duquel il s'étoit déuoyé: mais il n'eut loignement cheminé, qu'il vit venir vers lui deus Damoiselles par de' diuers chemins lesquelles à l'adresse se ioignirent ensemble, & à leur rencōtre se mirent à deuïser. L'une d'elles portoit vne lance en son poing puis quand elles eurent ataint le Damoyfel, celle de la lance s'auança, & lui dit. Seigneur prenés cete lance, laquelle ie vous donne pource qu'il ie vous puis asseurer, que dedans le troisieme iour elle vous seruira tant, qu'en deliurerés de mort la maison, de laquelle premier vous faillîtes. De cete parole se trouuant étonné le Damoisel lui répondit: Comment? Damoiselle, peut viure ou mourir vne maison? Il se-



ra ainsi que ie le vous di, dît la Damoiselle, & tel present vous ay voulu faire, pour commencement de recompense d'aucuns plaisirs, que i'espere auoir de vous: dont le premier sera, quand vn bien vôte amy recevra par vous l'vn des grâds honneurs qu'il sçauroit iamais recevoir, par lequel il tôbera au plus grand dâger que fut Cheualier passé à dis ans. Cerres, Damoiselle, répondit il, tel honneur (si Dieu plaît) ne feray à mon amy. Je sçay certainement, dît la Damoiselle, qu'ainsi auendra & ce disant, rudement chassa son palefroy, & passa outre. Or entendés que cete Damoiselle étoit Vrgande la Déconneuë. Quand l'autre Damoiselle, qui auoit ouy ces propos se vit habandonnée de sa cōpagnie, delibera demeurer pour quelques iours avec le Damoisel, pour voir qu'il feroit, parquoy elle lui dît: Seigneur, encores que ie sois estrangere: s'il vous étoit agreable, ie demeurerois volontiers pour quelque tems avec vous, & differe-rois vn voyage que i'ay vers ma maitresse. Le Damoisel conneut bien q'voirement elle étoit estrangere, parquoy lui demanda dont elle étoit. De Dannemarc, répondit la Damoiselle, & ce ne pouvoit elle nyer, pource que son langage en donnoit assés d'asseurance: car pour l'auoir quelque-fois ouy parler à sa Dame Oriane, au premier qu'elle vint en Ecoce, il en auoit

encores aucune souuenance. Et pourtant lui répondit. S'il vous plaît me suyure ie vous promets, Damoiselle m'amy de vous gardes à mō pouvoir: mais ie vous prie dites moy si vous connoissés l'autre, qui n'agueres m'a donné cete lance. Certes répondit, elle oncques ne l'auois veuë quand ie la rencontray sus ce chemin, ou elle me dît, qu'elle portoit la lance qu'elle vous a dōnee au meilleur Cheualier du mōde, & me pria vous faire entêdre (après que de vous seroit departie) quelle vous porte grand' affection, & que son nom étoit Vrgande la Déconneuë. Ah Dieu! dît il, comme ie suis mal fortuné de ne l'auoir point cōneuë. Croiës damoiselle, que si ie delaisse d'aller maintenant après elle, c'est pource q' cōtre sa volonté nul ne la pourroit trouver. Et ainsi deuisans la Damoiselle & lui, cheminerent tant que la nuit les surprint. A l'heure (de fortune) rencontrerent vn Ecuyer, qui leur demanda, ou ils pensoyent si tard heberger. Ou nous pourrons, répondit le Damoisel. En bonne foi, dît l'Ecuyer, si voulés trouver logis il faut laisser le chemin qu'aués prins: car par là de long tems n'en trouueriés: mais si me voulés suyure, ie vous conduiray à vne forteresse, qui étoit à mon pere, lequel vous fera tout l'honneur & bon traitement qu'il pourra. Alors la Damoiselle trouuant ce conseil bon, pria le Damoisel.

moysel de le croire, ce qu'il fit. Et à cete cause l'Ecuyer passa deuant pour les guider, lequel expressement les auoit deuoyés, pource qu'onques n'auoit veu combatre Cheualier errant, & éperoît le lendemain les conduire par deuant vn château, ou il en auroit le passetems: car force seroit au Damoyfel (suyuant la coutume de la forteresse) d'y combatre. Et tât cheminerent, qu'ils arriuerent au logis de l'Ecuyer ou ils furent fêtoyés & bien traités: toutefois le Damoysel ne peut reposer la nuit, pource que continuellement il pêsôit en sa Dame, de laquelle il s'étoit n'aguères départi. Le lendemain plus matin, il voulut déloger & prenât congé de son hôte, l'Ecuyer qui l'auoit leans fait venir, lui dît, qu'il l'accompagneroit pour le remettre en son chemin, iusques à vn château qui étoit assés pres de là, & tant cheminerent, q l'Ecuyer leur montra le lieu (dont il leur auoit parlé) en assiete plaisante & fotte: car à l'entour couroit vne eau roide & profonde, & n'y auoit passage pour la passer qu'un lōg pōt-leuis, au bout duquel étoit vne tour belle & haute pour le defendre. Quand le Damoyfel l'aperceut, il pensa bien qu'il conuenoit auoir passage au pōt: toutefois, il demâda à l'Ecuyer, si lon pourroit passer par ailleurs. Nō dît il: mais chacun y passe qui veut. Marchés donc, dît le Damoysel, & il piqua & la Damoyfelle, & les Ecuyers après. Adonc le Damoysel de la Mer qui étoit demeuré derriere, se print si fort à pêsfer en son Oriane, qu'il étoit quasi hors de soy, quâd il entr'ouyt vn bruit de sis haliebardiens armés de haliecrets & cabassets, qui auoiēt arrêté à l'entree du pōt la Damoyfelle, & la vouloyent forcer faire serment de n'auoir jamais amytié à son amy, s'il ne luy promettoit ayder au Roi Abies contre le Roy Perion. Ceque refusant la Damoyfelle s'écria au Damoysel, que lon la vouloit tuer. A cete clameur le Damoysel oubliât sa pensée, y acourut legerement, & s'adressant à ces paillards, leur dît: Traîtres vi-

lains, qui vous a cōmandé mettre la main à cete Damoyselle étant en ma conduite? Et en disant cete parole, s'aprocha du plus grâd des sis auq l subtilement arracha, la hache & lui en dōna tel coup qu'il l'abatit à terre. Adonc tous ensemble déchargerēt sus lui: mais se détournant, en rencontra vn qu'il fendit iusques aus dens, & peu après l'un des autres se cuydant auancer n'en eut pas moins qu'eut l'autre: car l'épaule droite lui fut separée d'avecques les côtés, & quâd les trois qui restoyēt virent leurs compagnōs si mal acoutrés, se mirent à fuir, & le Damoysel à les pourfuyure de si près, qu'en fuyant il arracha à l'un des fuyans sa hache de laquelle lui donna tel coup, qu'il lui coupa la moytié de la iâbē, & laissât aller les autres, retourna ou étoit demouree la Damoyselle, à laquelle il dît: Or marchés hardiment, que male fortune puissent auoir ceus qui dōnent hardisse à vilain de mettre la main (par force) à Dame ou Damoyselle. A cete parole se rassura la Damoyselle, & passa outre avec le Damoysel, & les Ecuyers: mais ils ne furent gueres auant qu'ils entr'ouyrent au dedans du château grande emotion & tumulte de gēs. Ha dît la Damoyselle, croyés qu'il y a leans quelque rumeur. En bonne foi, Seigneur, ie vous cōseille de vous saisir du rêle de vos armes. Marchés, marchés, répond le Damoysel, & n'ayés peur: car en part ou les Damoyselles sont mal traitees (qui doiuent par tout être en seureté) n'y peut auoir hōme qui riens vaille. Certes, dît elle, si vous ne faites ce q ie vous dy ie ne passeray pas plus auât, & tât le persuada qu'il la crent puis entrerent dans le château, à l'entree duquel le damoysel trouua vn Ecuyer, qui s'en retournoit, & en cheminant ploroit amerement, disant sans interuale: Hé dieu! comme ils meurtrissent sans occasion le meilleur Cheualier du monde! he-làs ils le veulent forcer de promettre ce qui lui seroit impossible d'accomplir. Pour cét Ecuyer ne se voulut arrêrer le Damoysel

LE PREMIER LIVRE.

fel: car il auisa le Roi Perion (qui nouuelle mēt l'auoit fait Cheualier) trémal mené par deus Cheualiers, qui à l'aide de dix hal lebardiers armés l'auoyēt aculé de toutes pars, & lui disoient: *sinō vo' êtes mort.* Grâddépité eut le Damoyfel de voir tāt de gēs outrager le Roy Perion: parquoy leur écria: *Traitres paillards, qui vo' meut de si lâchement vous adresser au meilleur Cheualier du monde: par Dieu vous en mourrēt tous pour lui.* A cēte parole l'un de ces deus Cheualiers laissa le Roi, prenāt avec soi cinq hal lebardiers, & vint s'adresser au Damoysel, lui disant: *Il conuiēt que vous iurés vous mêmes, sinon vous n'échaperés non plus que l'autre.* Comment dit il, iurerai-je doncq' contre mon vouloir? Si Dieu plaīt, il ne sera pas ainsi. A l'heure ceus du château crioyēt au portier qu'il fermāt la porte. Quand le Damoysel aperceut qu'il étoit saison de se deffēdre, sans plus marchāder courut le plus roide qu'il peut contre le Cheualier, lequel il chargea de telle sorte, qu'il le renuersa par dessus la crope du cheual mort en la place: car en tombant se rompit le col. Ce que voyant le Damoysel sans s'arrêter aus hal lebardiers vint à l'autre Cheualier, à qui le Roi Perion se combattoit, & d'arruée, sans que l'écu ne le haubert le pussent garantir lui mit la lance au trauers des cōtēs, de sorte qu'il alla tenir compagnie au premier. Quand le Roy Perion se vit ainsi secouru, le cuer luy creut, de sorte qu'il s'éuertua mieus que deuant contre le reste de cēte canaille: tellement q' peu après à grans cōs d'épee les fit reculer, & ce pendant le Damoysel de la Mer (ainsi à cheual qu'il étoit) se mēla parmy eus & les écarta, frapant l'un, tombant l'autre si rudemēt, que la plus grand part demorerent en la place. Au moyen dequoy (& par l'ayde du Roy) peu apres ils furent tous massacrés, fors aucuns qui peurēt fuir lesquels gagnèrent le haut de la muraille. Ce que voyant le Damoyfel se mit à pié pour les suivre, dont fut leur paour si au-

gmentee, qu'ils se l'aissèrent tomber du haut à bas, reste deus, qui de viffesse gagnèrent vne chambre, ou ils se cuidoyēt garantir: mais ils furent suyuis de si près par le Damoysel, qu'il entra pēle mēle avec eus, & leans trouua gisant en vn lit vn tant vieil Cheualier, que pour son ancien âge ne luy restoit que la parole, avec laquelle il increpoit ceus qui fuyoyent, disant: *Lâches pendards deuant qui fuyés vous si effroyés?* Deuant vn Cheualier (répondit l'un de ces deus) qui fait là bas diablerie: car il a tué vos deus neueus & tous nos compagnons. Et presque n'eut ce soldat acheué cēte parole, que le Damoysel entra en la chambre, & empoigna ce dernier qui parloit, luy disant: *Paillard, dy moy ou ēt le Signr de ceans, sinō c'ēt fait de toy.* Le paouvre diable se voyāt en tel peril, luy montra ce vieillard couché: mais quand le Damoysel l'aperceut si cassé d'ans, il en fut tout ébahi, & s'adressāt à lui se print à le blāmer & lui dīt: *Comment? faus vilain, tu as la mort entre les dens, & neant-moins tu fais maintenir la méchante coutume de ceans?* Par le Dieu viuant bien te prend que l'âge t'excuse de plus? porter armes: car presentemēt ie te ferois connoître ta méprison. Et ce disant faignit luy vouloir trencher la tête: parquoy le vieillard (qui eut pœur) s'écria: *Helas, Seigneur, pour Dieu mercy! C'ēt pour neant, répond le Damoyfel: car tu es mort si ne me iures, q' iour de ta vie ne cōsentiras que lon face ceās ny ailleurs telles traïsons.* Ie le vous promets, dīt le vieillard. Or me dy maintenant, répondit le Damoyfel, pourquoi tu as ci deuant fait établir cēte coutume? Pour l'amour du Roy Abiesd'Yrlāde (dīt le vieillard) qui ēt mō neueu, auq'l pource q' ne luy puis ayder de ma personne en la guerre ou il ēt, ie desirois le secourir par les Cheualiers errans passans par cy. Faus vilain, répondit le Damoyfel, qu'ōt affaire les Cheualiers errans de ton desir: & donna du pied au lit si lourdement qu'il renuersa le chaillit & le

& le veillard deffous Puis le commandât à tous les diables ,le laiffa,& retourna en la court prēdre l'vn des cheuaus de ceus qu'il auoit occis,& le mena en Roy,auq̃l il dît: Montés, Sire,car peu me plaît le feiour en ce lieu,ne ceus qui y habitent. Adonc le Roy monta & yffirent ensemble hors du château. Mais le Damoifel, craignant q̃ le Roi le conneut,ne voulut ôter son armet.Toutefois ainfi qu'ils cheminoient ensemble,le Roy lui dît: Signeur mon amy,ie vous prie me dire qui vous êtes qui tant à propos & fi pres de la mort m'aués fecouru, & garenty déormais plusieurs autres du détourbier & iniure, que lon leur eut peu faire en cete place mêmeement aus Cheualiers ertans & aus Damoiffelles ayans amy. Quand êt de moy ie veus bien que fçachés que ie fuis celui, contre lequel ils faifoient garder ce passage,& faire le fernēt pour lequel vous êtes combatu. Certes répondit le Damoifel,ie fuis vn Cheualier qui a bonne enuie de vous faire fervice. En bonne foi,dit le Roy, ie m'en fuis déjà bien aperceue:car à grand' peine euffe ie peu trouueren vn autre meilleur secours: toutefois ie ne vous laisserai q̃ ie ne vous cōnoiffe. Celà ne vous peut, ny à moy profiter,répondit il.Toutefois,dît le Roi ie vous prie par courtoisie que vous ôtiés vōtre armet. Lors fans mot répondre le Damoifel baiffa plus bas fa veuē,quād le Roy vit que fa priere n'y seruoit de riē, il pria la Damoiffelle:qu'elle l'e priât pour lui A celà ne tiendra,répōdit la Damoiffelle:pourtant Signeur,dît elle au Damoifel, ie vous prie otroyés au Roi ce qu'il vous demande: mais elle y profita auffi peu. Ce que voyant la Damoiffelle s'aprocha de lui & fit tant qn'elle luy délaça son armet & le déarma. Adōc le Roi le cōneut, & lui fouuint que c'étoit celui qu'il auoit n'agueres fait Cheualier à la requeste des Damoiffelles, parquoy il le vint embrasser,difant:Mon amy maintenant,ie vous connois bien. Sire répondit

le Damoifel,ie vous conneu incontinet que i'arriuay au château, cōme celui qui m'a donné l'honneur de Cheualerie,auec lequel (s'il plaît à Dieu)ie vous feruiray tant que vōtre guerre de Gaule durera, & uoudrois bien,s'il vous plaisoit,n'être conneu de perfonne,iufques à ce qu'elle foit finie.Vous aués de-ja tant fait pour moy,répondit le Roy,q̃ ie m'en tiens vōtre obligé tout le tēs de ma vie, & pourrēs difpofer de vous,& de moi.Et fi venés comme vous dites,en Gaule,vous augmēterēs d'auantage cete obligation:que benoîte foit l'heure ou ie fut fi biē fortuné, que de faire vn fi bon Cheualier. Telles paroles difoit le Roy Perion, fans penfer a la proximité du lignage qu'ils auoyent ensemble: car elle lui étoit encores incogneuē.Ainfi deuiferent vn bien long tems ensemble,& tant qu'il arriuèrent en vn chemin fourché Lors dît le Damoifel: Sire, lequel vous plaît il prendre de ces deus chemins?Celuy qui va à gauche, dît le Roy:pource que c'êt le droit pour retourner en mes païs.Dieu vous y cōduie, dît il ie m'en vois donc à droit. Ie vous prie, répondit le Roy,souuienne vous de venir en Gaule,ainfi que m'aués promis: car l'époir que i'ay en vous m'ôte déjà partie de mes peines, & me donne affeurance que par vōtre moyen fera remedié à ma perte.Ainfi prindrent congé l'vn de l'autre,& fen alla le Roi son chemin,& le Damoifel d'autre part avec la Damoiffelle. Mais pource qu'elle auoit veu ce qu'elle defiroit voir(qui étoit l'expositiō de la lance qu'Vrgande auoit donnee au Damoysel)ne voulut passer outre: parquoy voulāt tourner arriere, dît au Damoysel: Signr,i'ay biē voulu iufques icy vousacōpagner pource q̃ la Damoiffelle,qui vous dōna la lance,me dît qu'elle la portoit au meilleur Cheualier du monde, & i'en ay tant veu que ie n'en fais plus de doute: parquoy ie reprendray mon adrefse pour aller trouuer la Damoyselle vers laquelle lon m'enuoye, comme ie vous ay dît

LE PREMIER LIVRE.

Je vous prie, Damoiselle répondit il, me dire qui elle est. C'est, dit la Damoiselle, l'Infante Oriane, fille du Roy Lisuart. Quand le Damoisel entendit nommer celle, que tant il aymoit, le cueur lui ferma si fort, qu'il fut tombé à terre, sans Gá dalin qui s'en aperceut, & courut l'embrasser. Lors le Damoisel s'écria : Ah Dieu, le cueur me faut ! La Damoiselle pensant qu'il eut autre mal, le voulut faire desarmer, mais il reuint soudain à soy, & dit, qu'il n'en étoit besoin, & que telle deffaillance le prenoit assés souvent. Adonc l'Ecuyer qui les auoit conduits (prenant congé du Damoisel) demanda à la Damoiselle, si elle prenoit son chemin vers la court du Roi Languines. Ouy vraiment, dit elle. Je vous y feray donc compagnie (répondit l'Ecuyer) pource qu'il faut que j'y sois à iour assigné. Par ainsi prenans eus deus congé du Damoisel retournerent par ou ils étoient venus, & le Damoisel avec Gá dalin, passerent outre, ainsi qu'auenture les menoit.

Maintenant laisse l'Autheur ce propos & veut reciter ce qui auint à Galaor, qui le geant auoit emporté & baillé en garde à l'Hermite, ainsi que déjà aués entendu. Or ataignant Galaor l'âge de dishuit ans profitant tant bien en croissance, & force de membres, que ce fut merueilles : & n'auoit gueres autre exercice qu'à lire dans vn liure, que le bon homme lui auoit baillé, lequel traitoit des faits d'armes d'aucuns Cheualiers anciens, & tant y print de plaisir, qu'à cétte occasion (& aussi d'un instinct naturel) luy print grád vouloir d'être Chenalier : toute-fois il ne scauoit si de droit tel honneur lui appartenoit : Parquoy pria bien instamment le bon homme le luy dire. Mais le saint Hermite qui scauoit certainement qu'aussi tôt qu'il seroit Cheualier il se mettroit au hazard de combattre le geant Albadá, emplit ses yeus de larmes, & luy répond : Mō fis, il seroit meilleur que vous prinsies chemin plus seur pour votre ame que de vous mettre en l'ordre de

cheualerie, laquelle est de grád trauail à maintenir. Mon Seigneur dit Galaor, mal aysément pourrois suiure l'état que cōtre ma volonté ie prendrois : mais cetuy que mon cueur me choisit, si Dieu me donne bonne auenture, ie passeray en son seruice : car hors d'icelui, ie ne voudrois que la vie me demourât. Le bon Hermite qui conneut lors la resolution de sa fantasie, luy répondit : Certes, mon enfant, puis qu'aués déterminé de suiure les armes, ie vous puis bien asseurer, qu'à faute de haut lignage ne deuez faillir à être homme de bien, veu qu'êtes fis de Roy & de Roïne : toute-fois gardés bien que le geant ne sache que ie vous en ay auerty. Quand Galaor l'entendit, il fut si aysé que plus n'eût peu être, & lui dit : En bonne foy, mon pere, le soucy que tout le tems de ma vie j'ay eu iusques à presēt pour être Cheualier a été fort grand, maintenāt, graces à Dieu & a vous, j'en suis quasi hors : car, à ce que m'aués dit, ie n'y puis faillir. Et pource que l'Hermite l'en vid si affectionné, il eut doute, que de là en auant il l'abandonnât. A cete cause il fit entendre au geant l'état auquel il trouuoit son disciple, & aussi comme il étoit creu en force & puissance de membres, & plus encores en vouloir de recevoir cheualerie : & qu'à cete cause il auisât ce qu'il étoit bon d'en faire. Le geant informé de la verité, monta incontinent à cheual, & s'en alla vers le bon homme, avec lequel il trouua Galaor tant beau, tant creu, & si disposé que merueilles, & plus que son âge ne requeroit, auquel il dit : Fis, j'ay sceu que vous voulés suiure les armes, & être Cheualier, vraiment vous le serés, & viendrés quant & moy : puis quand il sera tems, ie feray qu'à votre honneur votre vouloir sera satisfait. Mon pere, répondit Galaor, en ceta est le comble de tous mes desirs. Parquoy le geant commanda à Dieu l'Hermite, & emmena avecques lui Galaor : toute-fois auant que partir, il se vint mettre à genous, & supplia bien humblement celui qui

qui l'auoit si doucemēt traité ne l'oublier en ses deuotes oraisons. Alors le saint homme pleurant le baïsa, & benit: puis monta galaor à cheual, & suyuit le geant, qui le mena en vn sié château, ou pour quel que tems il le fit adextre au combat, aus armes, & piquer cheuaus & les mener bié à la raison: & pour ce faire lui bailla har-nois & equipage propre, & deus maitres: qui en ces adresses étoient bien experts. Puis ayant été vn an en cete école, le geāt le voyant digne, à son auis, de recevoir l'honneur, & fort pour porter le fais de cheualerie, en disposa comme cy après pourrés entendre.

Mais maintenant l'Auther s'en taît: & traitera de ce qu'il aint au Damoisel de la Mer, après qu'il fut party du Roy Perion, & de la Damoiselle. Il chemina deus jours entiers sans auenture trouver, & au troisiéme enuiron le midi, arriuerent près d'vne forteresse trébien bâtie, celuy sembla, laquelle apertenoit à vn gentil-homme nommé Galpan. Ce Galpan étoit lors le plus vaillant & adroit Cheualier, qui se trouuāt en toute celle contree, & pourtāt il étoit craint & redouté de tous ses voisins: Car sous vmbre de cete place, & de sa prouesse, il maintenoit vne si lâche & malheureuse coutume, qu'oubliant Dieu, qui entre tous l'auoit fauorisé & fait connoître, il s'adonnoit & abandonnoit du tout au seruice du Diable, contraignant routes Dames ou Damoiselles, qui par deuant son château passoyent, d'y entrer: puis en faisoit vilainement son plaisir, & de ce non content, les forçoit de iurer, que tant qu'il viuroit elles n'auroyent bonne volonté n'affection à autre qu'à lui, & s'elles étoient contredisantes, leur faisoit payer au trenchāt de l'epee le tribut de nature. Pareillement tous Cheualiers y passans étoient contrains combattre vn seul contre deus de ses freres, & si ceus de dedans étoient vaincus, il forçoit encores le vainqueur contre lui mêmes recōmencer: qui étoit, cōme cy deuant a été dit, le

AM, I

plus adroit qui se trouuāt en ce païs. Et s'il auenoit qu'ils fussent les plus foibles il leur ôtoit tout ce qu'ils auoyent, & les laissoit aller à pié, après les auoir fait iurer, qu'ils se nommeroyent tant qu'ils viuroyent les vaincus de Galpan, autremēt luy mêmes leur ôtoit la vie: Mais Dieu ennuyé de telle cruauté (que si long tems ce paillard auoit maintenue au deplaisir & dommage de tant d'honnêtes personnes) voulut qu'en peu de jours cete maniere de viure tournāt au rebours, & que Galpā, & ses cōplices, receussēt le loyer de leurs merites, les faisant exēple pour tous autres, ainsi q̄ maintenant vous sera recité.

Comme le Damoisel de la Mer se combatit contre les gardes du château de Galpan, & depuis cōtre ses freres, & à la fin Galpan mêmes.

CHAP. VII.

D Oncques arriuant le Damoisel de la Mer près ce château aperceut venir vers luy vne belle damoiselle merueilleusemēt affligée, laquelle n'étoit acōpagnée que d'vn Ecuyer & d'vn seul page: cete dolente femme sans entreualle tendrement soupiroit, & à chacun pas qu'elle faisoit, recōmençoit étrange guerre entre ses mains, & ses blons & dorés cheueus, lesquels à force elle arrachoit de son chef. Trop fut ébahi le Damoisel, & desira grandement sçauoir. qui la mouoit à ce faire: parquoy approchant d'elle, lui dît: Damoiselle m'ame, ie vous prie me dire, qu'elle êt la cause de vōtre ennuy. Ah! Seigneur, répondit elle, ie doy bien desirer maintenant la mort! Helas! elle me seroit tresagreable: car mō infortune êt telle que le plorer m'êt plus conuenable que le rememorer de la cause. Vrayement, dît le Damoisel, si en aucune part ie vous y puis dōner allegement, ie le feray de bien bon cœur. Seigneur, répondit elle, en m'en allant par le commandement de ma maitresse vers vn ieune Cheualier (l'vn des meilleurs que lon sache à present) & passant ici auprès, j'ay été prise

C

prise



prise de quatre méchans hommes, qui (outre mon gré) m'ont menée en ce château, ou i'ay été forcee par vn méchant traître, puis m'a fait iurer, que ie n'auray autre amy que lui tant qu'il viura. Quand le Damoisel l'entendit, il fut tout émerueillé, & lui dît: Or me suiuez: car cete iniure vous sera reparee si ie puis. Alors la Damoiselle le suiuyt, & en cheminant le Damoisel la pria luy dire, qui étoit celuy vers qui elle alloit. Le le vous diray, répondit elle, si vous me venges: tant y a que ie vous puis assèner qu'il ét tel, qu'il recevra grand ennuy quand il sçaura mō deshonneur. Il aura raison, dît le Damoisel. Et ainsi deuisans arriuerent ou étoyēt ces quatre paillards, que la Dame montra au Damoisel, parquoy aussi tôt il leur cria: Traîtres méchans, pourquoy aués vous fait mal à cete Damoiselle passant par ci? Pourtant que nous n'auons eu crainte de vous, répondirent ces gallans: mais si plus gueres atendés, vous mêmes aurés encores pis qu'elle n'a eu. Il y paroitra maintenant, dît le Damoisel. Et ce disant approcha deus l'épee au poing, de laquelle il donna à vn (qui hauçoit vne hache pour le fraper) tel coup, qu'il lui coupa le bras, & de grand douleur en criant, se laissa tomber, puis en chargea vn autre, qu'il fendit d'vn reuers par les narines jusques aus

aureilles. Quand les autres virent ainsi leurs compagnons sacquer, ils se mirent à fuir au plus-tôt qu'ils purent, le long d'vn petit sentier, qui étoit tout ioignant de la riuere. Le damoisel ne fit nul semblant de les poursuivre: mais esuya son épée, & la remit au fourreau: puis retourna vers la Damoiselle, à laquelle il dît: Passons outre. Signeur, répondit elle, assés joignant d'icy ét vne porte, ou ie vy deus Cheualiers armés. Bien (dît il) ie les verray quand nous y serons. Lors cheminerent, & ainsi que le Damoisel entroit dans la basse court, elle aperceut ouvzir la porte du donion, & faillit vn cheualier armé (monté sus vn cheual) qui venoit droit à eus, après lequel lon laissa abaissier vne herce, & fermer l'huis. Adonc le cheualier du château s'auança, & audacieusement dît au Damoisel: Pauvre chetif, assés à tems es tu venu ceans recevoir honte & deshonneur. Deshonneur? répondit il, ce sont parolles, laissons les choses qui doiuent auenir en la presence de Dieu, qui seul les peut sçauoir, & me dy, si tu es celuy qui a forcé cete Damoiselle. Non, dît le Cheualier, & encores que ce fût moy, qu'en seroit il? Je la vengetay, si ie puis, répondit le Damoisel: Or sus doncques, voyons maintenant comme tu sçauois vser de vengeance.

ce: & à l'instant donna des éperons au cheual, & s'en vint au plus roide qu'il fut possible contre le Damoisel: toutefois il faillit à l'ataindre, mais le Damoisel qui courut de droit fil, luy donna tel coup de lance en l'écu, que nul armeure ne peut garantir, que le fer ne luy passât au travers des épaules, de sorte qu'il tomba mort en la place, puis retira sa lāce & chemina vers vn autre, qu'il auisa venir au secours du premier, lequel lui crioyt: A mal-heure pour vous entrâtes ceans. Et ce disant le vint ataindre en l'écu qu'il perça outre, & demeura le fer dans le harnois, qui se trouva bien acéré, & le Damoisel lui donna en l'armet si rudement, qu'il lui arracha hors de la tête, puis parfaist sa pointe, le heurta tellement, qu'il le desarçonna sans qu'il se peût plus tenir à cheual. Quand ce Cheualier se vid ainsi desarmé, il cōmença à crier tant qu'il peut à l'ayde. Lors vindrēt au secours trois hallebardiers, ausquels il dît Mes amys, gardés qu'il ne nous échappe. A cēte parolle tous trois coururent au Damoisel, & le hâterēt de si près qu'ils lui tuerent son cheual tellement qu'il fut contraint de là en auāt combattre à pied: dont il fut tant marry, qu'aussi tôt qu'il fut releué, il donna de sa lance si viuement au Cheualier desarmé droit au visage, qu'il lui fit passer le fer outre le chignō du col: par ainsi mourut sus l'heure. Puis mieus que deuant se mit à trancher, & fendre ces paillards, qui luy auoyent par deriere fait vne playe en l'épaule, par laquelle il perdoit grāde quantité de sāg encōres qu'en cēte fureur il ne s'en aperceut: & au premier à qui il s'adressa, il donna tel coup d'épee, qu'il lui auala l'oreille avec la plus-part de la jouē, & de roideur l'épee coula le long de sa poitrine, tellement qu'elle fendit tout ce qu'elle rencontra. Les deus autres épouēntés de ce coup, prindrent la fuyte au plutôt qu'ils peurent le long d'une galerie, crians à haute vois: Seigneur venés tôt: car nous sommes deffaits. Allés (dît le Da-

moisel) à toutes les diables. Et pour-ce que son cheual étoit mort, monta sus celui du Cheualier qu'il auoit n'agueres occis. Puis peu après aperceurent vn autre cheualier desarmé, qui le regardoit par vne porte: lequel voyant que le Damoisel l'auoit decouvert, lui dît: Qui vous meut d'être venu ceans tuer mes gens? Autre chose (répondit le Damoisel) que l'enuie que j'ay eu de venger cēte Damoiselle, laquelle si lâchement lon a outragée: mais ainsi qu'il acheuoit la parolle elle s'approcha, & connent que celui qui parloit au Damoisel, étoit le signeur du château, qui l'auoit forcée: parquoy elle s'écria: Ah, signeur! gardés qu'il ne vous échape: car c'est celui par qui ie suis diffamee. Quand le Damoisel l'entendit, il lui dît: Ruffian infame, tu compareras maintedant la déloyauté que tu as faite. Va tôt t'armer, autrement ie te tueray ainsi nud que tu es: car à toi ni aus méchans qui te ressemblēt lon ne doit auoir égard. Tandis la damoiselle de plus fort en plus fort cryoit: Signeur, vous tardés trop, tués, tués le traître, & lui ôrés le moyen de plus mal faire, autrement tout en viendra à vōtre charge. Méchante, répondit le Cheualier, en mal heure vint il oncques ceans pat ton conseil, & en ta compagnie: & toi qui tant me menaces, atens moy, & ne t'enfuy: car aussi bien en nulle maniere ne pourrois te garantir. Puis se departir, & ne tarda gueres qu'il ne vint armé, & monté dessus vn cheual blanc. Puis aprochant du Damoisel, se print à le menasser, disant: Mal pour toy vis oncques la Damoiselle: car tu en perdras presentement la tête.

Quand le damoisel de la Mer l'entendit vser de menasses, il fut fort dépitē, & luy répondit: Or chacun garde ce qu'il a, & qui ne le pourra faire, le perde. Lors laisserent couire leurs cheuaus au plus tôt qu'ils peurent, & mettrons les lances aus arrers, lesquelles étoient fortes & roides, faucèrent leurs écus & harnois de telle furie, qu'elles entrèrent dedans leur chair,

& se joignirent de cors, d'écus, & d'armets, si lourdement, qu'ils tomberent tous deus à terre: toutefois il auint si bien au Damoisel de la mer, qu'il ne perdit les rênes de son cheual, & pour ce il se releva plus promptement que Galpan: lequel peu apres fit comme luy. Adonc mirent les épées aus poings, & leurs écus au devant: puis vindrent l'un contre l'autre se donner de grands & merueilleux coups, tels, que ceus qui les regardoyent, s'en ébahissoient: car souvent ils faisoient voler en la place les pieces des écus & des harnois: & (qui plus est) leurs armets furent en peu de tems tant effondrés, qu'ils ne pouoyent garder que les épées ne donnassent souvent au vif, si que la place où ils se combatoyent étoit toute vermeille de leur sang: mais de fortune Galpan fut navré en la tête, & lui couloit le sang sus les yeus, au moy de quoy il se retira pour s'essuyer. Comment? dit le Damoisel, où veus tu aller Galpan? Ne te souviét il que tu combas pour la tête: si mal tu la gardes, mal pour toy. Ayés vn peu patience, répondit Galpan, & reprenons nos aleines, nous auons assés de temps pour acheuer. Cela n'est raisonnable, dit le Damoisel: car ie ne cōbas à toy par courtoisie, ains pour faire amender à la Damoiselle le deshonneur que tu lui as fait: & ce disant lui donna autre tel coup sus la tête, qu'il luy fit ployer les deus genous à terre. Toutefois il se releva promptement, & se defendoyt bien, non pas que le Damoisel de la Mer ne le rengaît à sa volōté: car il étoit déjà tant hors d'aleine, qu'à peine pouoit il tenir son épée, & n'entendoit à autre chose qu'à se couvrir de son écu, qui lui fut coupé iusques à la poignée, si qu'il ne lui en demeura que bien peu. Et lors voyāt qu'il n'auoit en soy plus de remede, commença à fuyr deuant l'épée de son ennemy où il pouoit. Puis à la fin (pour dernier refuge) il cuida se sauver en vne tour où étoient ses gens: mais le Damoisel le denança, & le prenant par l'armet, le tira

si rudement, qu'en tombant il lui demeura es mains. Parquoy luy donna au découvert tel coup d'épée sus le chinon du col, qu'il lui fit separer la tête d'avec le cors. Adonc dît à la Damoiselle: Dame, m'amie, vous poués choisir des maintenant autre amy, si voulés: car celuy à qui auies promis, vous quite de promesse. Grace en soy à Dieu, & à vous, répond elle. Et ainsi que le Damoisel montoit en la tour, où Galpan s'étoit voulu sauver, il auisa fermer l'huis: parquoy il s'en retourna, & monta sus le cheual de Galpan (lequel étoit l'un des plus beaux du monde) disant à la Damoiselle: Le vous prie, sortons de ceans. Seigneur (répōdit elle) s'il vous plaît i'emporteray cete tête à celuy, vers lequel ie m'en vois, & la luy presenteray de vōtre part. Non ferés, répond le Damoisel: car ce vous seroit trop de peine: mais prenés le heaume en son lieu. La Damoiselle trouua bon ce conseil, & commanda à son Ecuyer qu'il l'emportāt: ainsi se partirent du château: car ceus qui s'en étoient fuis auoyent laissé les portés ouvertes. Or n'auoit le damoisel oublié la promesse que lui auoit faite cete Damoiselle, de luy dire le nom du Cheualier, vers qui elle alloit: & à cete cause la pria tresinstantement de s'aquiter. C'est raison, dît elle, certes ie vous auise, que c'est Agraies fis du Roy d'Ecoce. Loué soit Dieu, répondit le Damoisel, de ce que j'ay tant fait, que si bon Prince ne recevra pour ce coup aucun ennuy: car vous êtes (ce me semble) bien vengée. Et vrayement vous aués raison de dire qu'Agraies est bon Cheualier: car c'est l'un des meilleurs que ie sache à present, & pour lequel, si receuies deshonneur, il vous tourneroit à louange. Or allés à Dieu, & luy dites, qu'un sien Cheualier se recommande fort à luy, & qu'il le trouvera en la guerre de Gaule, s'il y vient. Ah, Seigneur, répondit elle, puis que tant vous l'aymés, ie vous prie, otroyés moy vn don. Je le veus, dît le Damoisel, dites moy donc vōtre nom.

Damo-

Damoiselle, répondit il, pour le present n'ayés enuie de le sçauoir: mais demandés autre chose, & ie t'acompliray. Ie ne vous prieray d'autre, dît la Damoiselle. Si Dieu m'ayde, répondit il, vous n'êtes pas courtoise de vouloir sçauoir de nulle personne son fait plus qu'il n'a vouloir d'en dire. Si le sçauray. ie toute-fois (dît la Damoiselle) si vous voulés demeurer quite. Et quand il vid qu'il ne lui pouoit dissuader, cōme dépitè luy répondit: Ceus qui me connoissent m'appellent Damoisel de la Mer. Et à l'instant donna des éperons à son cheual, s'éloignât le plus soudain qu'il peut de la Damoiselle, qui demeura seule, trefaîse d'auoir entendu le nom du bon Cheualier: mais au partir d'elle s'aperceut le Damoisel de la playe que luy auoyent faite les hellebardiers de Galpan, quand ils luy occirent son cheual: car il en sortoit telle abondance de sang, qu'il eût été aisé de le suivre à la trace, & mêmes le cheual sus lequel il étoit monté (encores qu'il fût blanc de pelage) en plusieurs endroits il étoit vermeil & couvert de sang. Et tant chemina, qu'à l'heure de vêpres approchant d'une forteresse, il auisa vn Cheualier desarmé venir vers luy, qui à son arriuee lui demanda: Seigneur, ie vous prie me dire ou vous aués été tant navré. Sus ma foy, répondit il, c'a été en vn château, qui n'êt pas loing d'icy. Et ce cheual blâc comme l'aués vous recouvré? dît le Cheualier. Ie l'ai eu) répondit le Damoisel) au lieu du mien qu'aucuns paillards de leans occirent. Et Galpan à qui il étoit, cōme l'a il souffert? dît le Cheualier. Il a encores été plus patient, répondit il: car il s'êt laissé ôter la tête. Quand le Cheualier desarmé entendit que Galpan étoit mort, subitement descendit du Cheual bas, & courut pour baiser le pied du Damoisel: mais nullement ne luy voulut permettre, toutefois si bien ne peut résister qu'il ne luy embrasât le bas de son haubert, lui disant: Ah, Seigneur, combien j'ay à vous d'obligation! vous soyés par deçà le tré-

AM. I

bien venu: car par vōtre seul moyen j'ay recouvré entierement mon hōneur. Laissons ces propos, répondit le Damoisel, & me dites seulement ou ie pourray promptement auoir remede à mes playes. En ma maison, répondit le Cheualier, ou se tient vne mienne niece, laquelle vous guerira mieus qu'autre que puisiés trouuer: & en deuisant arriuerent au château. Lors le signeur de leans fit descendre le Damoisel & mener au Donion, & en le conduisant luy recita comme Galpan l'auoir gardé l'espace d'un an & demy, de porter armes, & contraint de changer son nom, & iurer, que tant qu'il viuroit il s'appelleroit le vaincu de Galpā. Mais maintenant (dît il) graces à Dieu, & à vous, puis qu'il êt mort, ie suis en mon hōneur remis: puis fit desarmer le Damoisel, & coucher en vn riche lit, ou il fut pensé de ses playes par la Damoiselle, qui l'assura, qu'en bref tems le rendroit prêt à cheminer, s'il vsoit de son conseil, ce qu'il luy promit faire.

Comme le troysième jour après que le Damoisel de la mer fut party du Roy Languines, arriuerent les trois Cheualiers, qui menoyent vn Cheualier navré dans vne lictiere, & sa déloyale femme.

CHAP. VIII.

AV troisième jour que le Damoisel de la mer partit de la court du Roi Languines, ou il fut fait Cheualier, y arriuerent les trois Cheualiers, leur beau frere navré, & la déloyale femme de laquelle cy deuant a été parlé. A leur arriuee se vindrent presenter deuant le Roy, lui faisans entēdre la cause de leur venue, & luy liurerent leur prisonniere de la part du cheualier nouveau, pour en ordōner comme il lui plairoit. Trop fut le Roy émerueillé de la déloyauté de cete ribaude, n'estimant iamais, qu'en femme peût auoir été tant de malheureté. Et neantmoins remercia grandement le Cheualier, qui les auoit vers luy enuoyés; mais il étoit en peine de sçauoir qu'il

C 3

qu'il pouoit être: car luy, ne autre ne pensoit lors que le Damoiselle de la Mer fut Cheualier, fors l'Infante Oriane, & les Dames, qui l'auoyent acompagné à la chapelle. Bien étoit auerty le Roy, qu'il étoit absent de la court: toutefois il estimoit qu'il fut allé visiter Gâdales, puis s'adressa au Cheualier de la litiere, & luy dît: Il me semble, que si déloyale femme que la vôtre, ne merite pas viure. Sire, répondit le Cheualier, vous en ferés ce qu'il vous plaira, quant à moy ie ne consentiray iamais, que la chose que i'aime le plus, meure. Ce dit, les Cheualiers priurent congé du Roy, & remenerent leur beau frere dans sa litiere, laissant leur seur pour en être fait telle iustice que le Roy auiseroit, lequel après leur partement la fit venir, & lui dît: Femme, en bonne foy, vôtre malice a été grande enuers la bonté de vôtre mary: mais vous serés désormais exemple à toutes celles qui vous ressemblent, & commanda à l'heure qu'elle fût brulée vive. Cete execution parfaite, le Roy deuint plus pensif que deuant, pour ne sçauoir qui étoit le nouveau Cheualier, lequel s'étoit party si soudain de sa court. Mais l'Ecuyer, qui auoit logé le Damoiselle de la Mer (& depuis conduit au château du vieillard, ou le Roy Perion fut deliuré de mort) va penser en soimêmes, que ce pouoit être son hôte. Parquoy vint dire au Roy: Sire, seroit-ce point vn ieune Cheualier, avec lequel la Damoiselle de Dannemarc & moi auons cheminé quelques jours, & le laissâmes pour nous en venir icy? Sçais-tu son nom? répondit le Roy. Non Sire (dît l'Ecuyer, mais il me semble qu'il ét fort ieune, & excellement beau. Tant y a que ie lui vy en peu de tems faire tant d'armes, que (à mon iugement) s'il vit, il pourra être l'un des meilleurs Cheualiers du monde. Puis luy recita au long ce qu'il auoit veu, & côme celuy duquel il parloit, deliura le Roy Perion du danger, ou il étoit. Quant le Roy l'eut écouté, l'enuie luy augmenta de trop plus, de

sçauoir qui il étoit: Sire (dît l'Ecuyer) la damoiselle qui ét ceans arriuee avec moi, le pouroit (peût être) bien sçauoir: car ie les trouuy ensemble. De laquelle Damoiselle parlés tu? répondit le Roy. C'êt (dît l'Ecuyer) de celle qui ét nouvellement venue de la grande Bretaigne, vers ma Dame Oriane. En l'instant fut mandée la damoiselle, & enquisé qui étoit le Cheualier qui tant bien auoit fait. Adonc elle leur declara ce qu'elle en sçauoit, mêmes l'occasion, pour laquelle elle l'auoit suivy, & comme la lance lui fut donnée par Virgande, comme au meilleur Cheualier du monde: mais, Sire (sus ma foy dît elle) ie ne sçay pas son nom: car oncques ne me le voulut dire. Hé Dieu! répondit le Roy, qui peut il être? Or n'en étoit l'Infante Oriane en doute, pour ce que veritablement elle sçauoit que c'étoit son Damoiselle de la mer: ce neâtmoins elle fut si ennuyée des nouvelles qu'elle auoit reçues, par cete Damoiselle de Dänemarc, que bonnemét ne pouoit à qui s'en plaindre: car le Roy son pere luy faisoit entendre par elle, que son plaisir étoit qu'elle le retirât vers luy, l'auisant, que de brief il luy enuoiroit train pour l'amener, & qu'à cete cause elle donnât ordre à ses affaires, pour partir aussi tôt que les Embassades seroyent depêchées du Roy d'Ecoce. Certainement plus étoit agreable la demeure en ce pais là acoustumé, qu'en celuy ou force luy étoit s'acheminer non seulement pour y auoir été nourrie: mais pour ce qu'il lui sembloit, que s'éloignant de cete contree, elle s'éloignoit de celui à qui elle auoit entiere affection, & que désormais il lui seroit difficile d'en sçauoir nouvelles, pour le moins si aisément, que demeurant en Ecoce. En cete melancolie étoit la Princeesse amoureuse, & le Roy d'autre part en continuelle pensée, qui pouoit être celuy, qui luy auoit enuoyé les quatre Cheualiers, avec celle qu'il auoit fait bruler: & tant que cinq ou sis jours après ces choses passées, ainsi que le Roy deuisoit avec

son fis Agraies (qui étoit sus son partemēt pour aller en Gaule secourir le Roy son oncle) va entrer vne Damoiselle, laquelle se mettant à genous deuant toute la compagnie, adressa sa parolle à Agrayes, disant: Mon Seigneur, s'il vous plaît, ie vous diray vn mot en la presence du Roi vōtre pere, & de toute la compagnie: puis print vn armet, qu'un Ecuyer portoit derriere elle, & continuant son propos, luy dît:

Voicy vn armet chamaillé & effondré, comme vous tous poués voir, lequel ie vous presente au lieu de la tête de Galpan, de la part d'un nouveau cheualier, auquel, selon mon iugement, appartient mieus de porter les armes, qu'à nul autre, & le vous enuoye, pour ce que Galpan auoyt vilainé vne Damoiselle, qui venoit vers vous pour quelque affaire. Comment? répondit le Roy, Galpan ét il defait par la main d'un seul homme? Vrayement Damoiselle, vous nous dites merueilles. Certes Sire (dît elle) celui seul de qui ie vous parle l'a fait mourir, apres qu'il eut occis tous ceus qu'il rencontra en entrant dans le fort de Galpan, lequel cuidant venger son iniure, lui même combatit seul à seul contre le Cheualier, dont il luy ét auenu si mal, qu'il en a perdu la tête, laquelle i'esperois ceans apporter: toutefois pour être mal aisee, celui qui vers mon Seigneur Agraies m'enuoye, me dît que ce seroit assés de l'armet que vous poués voir si peu entier qu'il ét. Assurez vous (dît le Roi à la compagnie) que c'et le Cheualier duquel ne pouons sçauoir le nom. Et vous Damoiselle, le sçaués vous point? Sire (répondit elle) ie l'ay sceu par la plus grande importunité du monde: car autrement jamais ne me l'eût dit. Et pour Dieu (dit le Roy) sachons le donc maintenant, pour nous ôter de peine. Sire (répondit la Damoiselle) il se nomme le Damoisel de la Mer. Quand le Roy l'entendit il deuint fort ébahi, & les autres pareillement, puis dît assés haut: Ie prends sus ma foy, que quiconque l'ait fait Cheualier, qu'il n'a

eu tort, veu qu'il y a bien long tems qu'il m'en auoit prié, & ie le differay pour quelque ocaſion, ce que ne deuois faire, veu que Cheualerie ét en luy si accomplie. Alors Agraies reprint le propos, & demanda à la Damoiselle, ou il le pourroit trouver. Mon Seigneur, répondit elle, il se recommande humblement à vōtre bonne grace, & vous mande par moy que vous le trouverés en la guerre de Gaule, si vous y êtes. O Dieu, quelles bonnes nouvelles vous m'aportés! dît Agrayes, maintenant i'ay plus d'enuie de partir que parauāt, & si ie le puis trouver, ie suis seu que de mō gré ne partiray iamais d'avec luy.

Vous aués raison (répondit la Damoiselle) car il vous aime fort. Grāde fut la ioye pour les bonnes nouvelles du Damoysel de la mer: & si aucun en receut du plaisir, vous poués penser qu'Oriane y participoit sus tous, combien que ce fut si couuertement, qu'on ne s'en aperceuoit. En ces entrefaites le Roy s'enquit par tous moyens qui pouoit auoir fait Cheualier le Damoisel, & tāt s'en informa, qu'il fut auerty que les Damoiselles de la Royne le pourroyent mieus sçauoir que nul autre, partant leur pria le luy dire, ce qu'elles firent. Or pourra le Damoisel (répondit le Roy) se vāter qu'il a trouvé en vous plus de courtoisie qu'en moy: mais ce qui me faisoit differer, étoit pour ce qu'il me sembloit encores trop ieune pour porter ce fais. Durant ces propos agraies entretenoit la Damoiselle, qui luy auoit apporté l'armet, & vnes lettres, de la part d'une Dame, qu'il aymoît grādement: de laquelle l'histoire fera cy après mention.

Et pour le present le Lecteur estimera, qu'Agraies sans plus séjourner en Ecoce s'en partit avec son armee, pour s'acheminer en Gau-

le vers le Roy

Perion.

22

C 4

Comme

*Comme lo Roy Lisuart enuoya vers la Prin-
cesse Oriane sa fille, qu'il auoit long tems laissée
en la court du Roi Languines, lequel la lui ren-
uoya acōpagnée de l'Infante Mabile sa fille vi-
uique, & de bonne compagnie de Cheualiers.*

CHAP. IX.

Dix jours depuis qu'Agrajes fut
party de la court du Roy son
pere, avec sa troupe, trois nau-
ires de la grand Bretaigne prin-
drent port en Ecoce, déquelles étoit chef
Galdar de Rascuit, acōpagné de cent Che-
ualiers du Roi Lisuart, & de plusieurs Da-
mes & Damoiselles qui venoyent querir
Oriane: & étās arriués vers le Roi Lāgui-
nes furent fort bien receus, principalemēt
Galdar: car il étoit estimé bon Cheualier,
& sage, lequel après qu'il luy eut fait en-
tendre le fait de son Embassade, qui étoit
le remerciement de l'obligation que le
Roy Lisuart se sentoit auoir à luy, pour le
bon & humain traitement qu'il auoit fait
à la Princesse sa fille, il luy prioit la luy
enuoyer, ensemble l'Infante Mabile, à la-
quelle il seroit fait tout l'honneur & en-
retien qu'il seroit possible. Tresagreables
eut le Roi Languines ces offres, & fut cō-
tent, que sa fille tint compagnie à Oriane,
& qu'elle fût nourrye de là en auant à la
court du Roy Lisuart. Quelques iours se-
journa Galdar & sa troupe en Ecoce, du-
rant lesquels ils furent treshōnorablemēt
fétoyés: & ce pendant le Roi fit equiper
autres nauires pour l'entreprinse de ce
voyage. Quand Oriane vid que les cho-
ses ainsi se cōduisoient, elle conneut bien
qu'impossible seroit de plus dissimuler,
ne retarder: pourquoy ainsi qu'elle met-
toyt en ordre ses menus meubles, elle
trouua entre ses ioyaus la cire qu'elle au-
oit ôtée au Damoisel de la Mer. Alors
elle eut tel souvenir de lui, que les larmes
luy vindrent aus yeus, & de vehemente a-
mour, se print à serrer les mains, si que la
cire qu'elle tenoit se rompit, & aperceut
la lettre qui étoit dedans, laquelle aussi
tôt elle déploya, & lisant l'écriture y

trouua ces mots: Cétuy ét Amadis sans
tems, fis de Roy. De cete nouvelle elle eut
telle joye, qu'elle en perdit quasi conte-
nance: & non sans cause: car elle fut assen-
sée, que celuy qui parauant elle estimoyt
pour le plus, fis d'un simple Gentil-hōme,
ou (peut être) de moindre, quoy que ce
fût, inconnu, & de nom, & de parens, &
que si affectueusement elle aymoit, étoit
fis de Roy, & nommé Amadis. Et pourtāt
sans differer, appella la Damoiselle de dan-
nemarc, à qui elle auoit entiere fiancée, &
lui dît: M'amie ie vueil vous dire vne cho-
se, que ie ne dirois à autre qu'à mō cœur,
& à vous, pource gardés la, comme le se-
cret de Princesse telle que ie suis & du
meilleur Cheualier du monde. Sus ma foi
ma Dame (répōd la Damoiselle) puis qu'il
vous plait me faire tant d'honneur, i'ay-
merois trop mieus mourir que d'y faillir,
& vous vous poués tenir seure, que tout
ce qu'il vous plaira me declarer sera en-
tierement tenu couuert & executé à mon
pouoir. M'amyé dît Oriane, il faut que
vo⁹ allés chercher le Damoisel de la Mer,
lequel vous trouverez en la guerre de
Gaule, & si plutōt que luy vous y arriués
vous l'y atendrés. Et si tōt que le verrés,
baillés luy cete lettre, & luy dites, que de-
dās il trouuera son nom écrit du jour que
lon le ieta en la Mer, & que ie sçay qu'il
ét fis de Roy qui lui doit donner meilleu-
re enuie & hardiesse d'augmenter en soy
la promesse, q̄ jusques icy il a si bien te-
nuë: Vous luy dirés aussi, que mon pere
m'a enuoyé querir, & le partement sus le-
quel ie suis pour aller en la grand'Bretai-
gne, ce que i'ay bien voulu luy faire en-
tendre, afin qu'au retour de la guerre ou
il va, il se retire incontinent en la part ou
ie seray: metant toute la peine qu'il pou-
ra à sō arriuee de viure avec mō pere, ius-
ques à ce qu'il ait autre cōmandemēt de
moi. Telle fut la depêche de la damoisel-
le, laquelle, sans plus séjourner print le che-
min de Gaule, & executa son entreprinse,
ainsi q̄ quelq̄ fois cy après pourés entēdre.

Mais

Mais pour ne discontinuer le propos du voyage d'Oriane, entendés, qu'ayant le Roy Languines: pourueu à tout ce qui étoit nécessaire, pour le voyage des Dames: s'embarquerent Oriane & Mabile, avec leur compagnie: puis ayant prins congé du Roy & de la Roïne, fut fait voile, & eurent vent en poupe, & si à propos, qu'en bien peu de iours prindrent port en la grand' Bretagne, ou elles furent très bien receuës. Pour le present n'en fera l'Auther plus de mention, pour vous declarer que deuint le Damoisel de la Mer. Depuis qu'il fut entré au château du Cheualier vaincu de Galpan & gouverné par la Damoiselle, qui lui pèsait ses playes, les quelles au bout de quinze iours furent presque du tout gueries: toute-fois ennuyé du sejour, delibera de se mettre en chemin si qu'un Dimanche matin, prenant congé de son hôte, & de celle qui l'auoit guery, monta à cheual, accompagné seulement de Gandalin, qui oncques ne l'abandonna: & au sortir du château entra en une grand' forêt. C'étoit enuiron le mois d'Auril, que les oyseaus se degoiscent & chantent plus volontiers, & que toutes fleurs, arbres, & herbes annoncent la venue du printems. Cete nouueauté luy fit souuenir de celle qui sur toutes les autres florissoit en excellence beauté, & pour laquelle habandonnant sa liberté, Amour l'auoit rendu captif: d'ôt en ce souuenir comença à dire assez haut: Ah pauvre Damoisel de la Mer! sans parens, sans terre, ni aueu, comme as-tu osé mettre ton cuer si haut, que d'aymer celle qui excelle toutes autres, soit en beauté, bonté, ou lignage! O chetif que tu es! ne deuois-tu considérer, que pour la grandeur de ces trois choses, équelles elle étoit parfaite, le meilleur Cheualier du monde ne deuroit être si temeraire, que de la penser seulement aymer! & toy pauvre inconneu, t'es envelopé au labyrinthe de folie, ayment & mourant, sans seulement oser dire n'en faire semblant! En cete complainte fut le Damoisel de la Mer si en-

tentif, qu'oubliant toute autre chose, chemina la veüe baissée (au trauers de cete forêt) une bien longue espace, & tant, que de fortune haüant les yeus, aperceut au trauers de l'épaisseur du bois un Cheualier bien monté & en bon équipage, qui longuement l'auoit côtoyé pour entendre le discours de cete cōplainte: lequel voyant que le Damoisel l'auoit decouvert, & qu'à cete cause il se taisoit se vint aprocher, & luy dit: Par Dieu, Cheualier il me semble que plus aymés vōtre amie, qu'elle ne vous ayme, quand pour la louer tant vous vous déprisés, & (à ce que ie puis scauoir par vous mêmes) vous n'êtes tel qu'y deuiés pretendre. Pourtant il faut que ie sache qui elle est, à fin que ie supplie à vōtre défaut, & que ie la serue. Seigneur Cheualier, répondit le Damoisel, la raison oblige à dire ce qu'il vous dites: mais en quelque sorte qu'il en puisse auenir, vous n'en scaurés autre chose. Bien vous diray ie que de l'aymer n'en pourrés rapporter aucun fruit. Je ne le croi pas, répondit le Cheualier: car l'homme doit prendre à gloire le travail, & danger qu'il reçoit pour seruir si belle Dame, veu qu'à la fin il ne peut être qu'il n'en ait la recompense qu'il espere: & par ainsi celui qui aime en si haut lieu que vous, ne se doit ennuyer de chose qui lui auienne. Quand le Damoisel l'entendit si sagement parler (pésant qu'il le dit pour le reconforter) print cuer, & se cuidant plus aprocher de lui, pour mieus cōtinuer ce propos, le Cheualier luy dit: Demourés arriere, car il faut par amour, ou par force, que vous me dites ce que ie vous demande. Si Dieu m'ayde, répondit le Damoisel, il ne sera pas ainsi. Or sus doncques, dit le Cheualier, voyons qu'il en auendra, & vous defendés. A cela ne tiendra, répondit le Damoisel. A cete parole lacerent leurs heaumes, & prindrent leurs lances & écus mais ainsi qu'ils s'éloignoyent pour la ioute suruint une Damoiselle, qui leur dit: Signeurs, ie vous prie souffrés un peu, & me dites deuant que

combattre vne chose (si la sçaués) pour laquelle ie suis si hâtee, q̄ n'ay le loisir d'attendre la fin de vôt're bataille. A la parole d'elle tous deus s'arrêterent, & lui demandans que c'étoit: Je voudrois bien, dit elle, sçauoir nouuelles d'un Cheualier nouueu apellé le Damoisel de la Mer. Et que lui voulés vous? répondit le Damoisel. Je lui porte nouuelles, dit la Damoiselle, d'Agrais sis du Roy d'Ecoce. Attendés vn peu répondit le Damoisel, & ie vous diray ce q̄ ie sçay de lui. Durât leur propos le Cheualier de la forêt s'étoit déjà arrêté pour la iouste, & lui duroit trop le causemēt du Damoisel & celle qui étoit suruenue. A cete cause cria au Damoisel qu'il se gardât de lui, s'il vouloit. Defait le vint choquer, & lui donna telle atainte, que sa lance volla en éclats: mais le Damoisel le print si à propos, qu'il le desarma, & tomba lui & le cheual à terre: parquoy le cheual (plus habile que son maitre) se voyāt en liberté gaigna les champs: toute-fois le Damoisel trouua moyen de le prendre & le rēdit au Cheualier abatu, lui disant: Seigneur, prenés vôt're cheual, & n'ayés plus désormais enuie de sçauoir d'aucun chose qui soit outre sō gré. Le Cheualier ne refusa ce plaisir: car il se trouua si froisfē de sa cheute, qu'à grād'peine se pouoit il leuer, & n'eut peu aller après, & pendāt qu'il essayoit à remonter dessus, le Damoisel le laissa & vint à la Damoiselle qui l'atendoit, à laquelle il demanda, si elle connoissoit celuy qu'elle demandoit. Nō répondit elle: car ie ne le vy oncques. Mais Agrais me dit, qu'il se feroit incontīnēt connoître, quād ie lui dirois que ie serois sienne. Il vous a dīt vray, répondit le Damoisel, & sçachés que c'ēt moy memes: puis deslaca son heaume, & quand la Damoiselle le vit en face, elle lui dīt: Certes, ie le croy maintenant, car ie vous ay ouy louer de grand' beauté. Or dites moy, dīt le Damoisel, ou vous aués laissé Agrais. Pres d'une riuere, qui n'ēt pas loing, répōdit elle, ou il ēt arrêté avecq' sa troupe, a-

tendant vent propre pour passer en Gaule: & a bon desir, deuant que passer outre, de sçauoir s'il vous plait aller quant & luy. Ouy vrayement, dīt le Damoisel: marchés deuant & me conduisēs. Alors passa la Damoiselle, & après auoir cheminé ensemble quelque peu de tēs, ils choisirent le lieu, ou Agrais & son armee étoient campés: toute-fois deuant qu'y arriuer, ils entendirent derriere eus vne vois qui crioit. Arrestés Cheualier, car il faut que vous me dessiēs ce que ie vous ay demandé. Lors le Damoisel tournant la tête auisā le Cheualier que n'agneres il auoit abatu & vn autre qui l'accompagnoit parquoy s'arrēta & print ses armes. A l'heure étoit il si près du cāp du Prince Agrais q̄ lui & ceus de sa troupe peurēt voir ce tournoy. Et ayās aperceu de loing venir le Damoisel, s'étoient a par eus ébahis, qui pouoit être celui q̄ tant galantemēt se tenoit à cheual: & à dire vray, c'étoit en sō tēs le plus adroit & la meilleure grace de Cheualier qui oncques eūt été veu, & tel que mainte-fois se cuydāt celer il étoit decouvert, pour être si bien à cheual: Les deus Cheualiers vindrēt a course de cheuaus, & rōpirēt ensemble leurs lances sus l'écu du Damoisel, lequel ils faucerent, non pas le harnois. qui fut roide & fort, & le Damoisel rencontra premier celui qu'il auoit déjà mis par terre en la forêt, & de rechef le renuersa si lourdement qu'en tombant il se rōpit le bras, & de douleur qu'il sentit demeura en la place comme mort. Quand le Damoisel se vit depēché de ce premier, il mīt l'épee au poing, & s'adressa au secōd, lui dōnant sus le haut de l'armer tel coup qu'il lui fit sentir au tēt, & si auāt entra l'épee qu'ainsi qu'il la retiroit à force, se rompirent les las de l'armer, & l'arracha hors de la tête avec l'épee: puis hausa le bras, faignant le vouloir fraper: mais l'autre mīt l'écu au deuant. Ce pēdant le Damoisel print son épee à gauche & de la main droite saisit l'écu de sō ennemy, par telle force, qu'il le lui arracha du col,

& lui en rua tel coup sus la tête, qu'il tomba à terre tout étourdy: puis le laissa avec son compagnon, s'en allant avec la Damoiselle aus tentes d'Agraias, lequel auoit veu departir cêtes querelle & s'émuerneilloit qui étoit celui, qui si tôt auoit vaincu les de^o Cheualiers: & pource qu'il venoit vers luy, alla au deuant, & assés tôt s'entreconneurent: parquoy vous poués penser s'ils se firent bonne cheré. Adonc descendit le Damoisel, & fut conduit par Agraias en sa tente, ou il se desarma, & tādīs cōmanda Agraias, qu'ō lui amenât les Cheualiers Gifans emmy le champ, auxquels arriués deuant lui il dît: Par Dieu, mes amys, vous commençâtes grande folie de vous adresser ace Cheualier. Certes vous dites vray (repōdit celuidu bras rompu) toute-fois il a été aujourd'hui telle heure, que ie l'estimois peu, & ne pēsois en luy trouver aucune defense: puis recita entièrement ce qu'il leur étoit auenu en la forêt, & les propos qu'il eurent ensemble, non pas le dueil que faisoit le Damoisel: car de paour de lui déplaire il s'ēteut. Durant ce conte la risée fut grande pour la patience de l'un & l'audace de l'autre. Tout le iour seiournerent en ce lieu, & le lēdemain mōterent à cheual, prenās leur chemin à Palingues, trēbonne ville de frontiere, & dernier port d'Ecoce, ou ils trouuerēt nefs & barques pour passer en Gaule: parquoy ayant vent propice s'ēbarquerent & tant singlerent, qu'en peu de iours prindrent terre au havre de Galfrin, ou ils descendirent, & de là marchās nen bon ordre firent tant, que sans détourbier arriuerent au château de Baldin ou le Roy Periō étoit assiegé ayāt déjà perdu grand nombre de ses gens lequel quand fut auerti de ce secours, vous poués estimer s'il fut aisé, & si le recueil leur fut bon: mêmes par la Roine Elisene, laquelle sçachāt leur venuē, enuoya au deuant de son neueu Agraias le prier la venir incōtinent visiter. Ce qu'il fit étant acōpagné du Roi, qui les étoit venu rece-

voir, du Damoisel de la Mer, & deus autres Cheualiers sans plus. Mais entēdēs q̄ quand le Roy Periō eut aperceu le Damoisel, de prime face il ne le recōneur: toute-fois à la fin il lui souuint q̄ c'étoit celui qu'il auoit fait Cheualier, & qui depuis l'auoit secouru au château du vieillard parquoy il le vint incōtinēt embrasser, lui disant: Mō cher ami sus ma foi, ie vous auois mēcōneu. Vo^o soyés en ce pais le trēbiē venu: car vōtre presence me dōne telle seureté, q̄ la crainte de cête guerre m'ētōtee vo^o ayāt si pres de moi. Sire repōdit le Damoisel. Dieu me doint grace de vous pouoir faire seruice agreable: car ie vo^o asseure q̄ i'ay bien deliberé, tant qu'elle durera de ne m'y épargner. Ainsi deuīsans entrērēt en la chābre de la Roine, laquelle vint au deuant pour les receuoir, mêmes Agraias, lors le Roi tenant par la main le Damoisel le lui presenta, disant. Ma Dame, voici le Cheualier duquel quelq̄ fois ie vous ay parlé, qui me tira du plus grād peril ou ie fu oncq': & pource ie vous prie qu'il ne luy soit riens épargné ceās, & lui faites bōne chere. Adōc q̄ s'auāça la Roine pour l'ēbrasser: mais il mīt le genou à terre, & lui dît: ma Dame, ie suis seruiteur de la Roine vōtre sœur & de par elle ie vous viens seruir & obeir cōme à elle même. Lors la bonne Dame affectueusemēt l'en remercia: toute-fois elle ignoroit q̄ ce fut son fis: car elle pensoit qu'il fut perdu en la Mer. Neātmoins le Damoisel lui fut à l'heure tant agreable: q̄ son œil ne se pouuoit rassasier de le regarder, & d'un instinct naturel se mīt à luy vouloir plus de bien qu'à nul de la troupe, tellement qu'à l'heure mêmes il lui va souvenir de la perte qu'elle auoit faite de ses deus enfans qui eussent été enuiron del'âge du Damoisel, si Dieu les eut preserués, & lui en vindrent les larmes aus yeus. Or ploroit elle pour celui qui étoit deuant elle: mais le Damoisel la voyāt ainsi triste, estimoit q̄ ce fut pour cête guerre cōmencée: parquoy lui dît, Ma Dame, i'espere qu'auecq̄ l'ay-

l'ayde de Dieu, du Roi, & de vôt're nouveau secours en bref recouurerés vôt're ioye, & de ma part, croyés que ie ne m'y épergneray. Dieu le vueille, répondit la Roine, & vous en doint la grace: & pour ce que vous êtes Cheualier de ma sœur, ie ne veus que prenés autre logis que ce lui de ceans, auquel ie vous feray ordonner tout ce, dont aués besoing. Tels furent leurs propos iusques à ce qu'Agrais se voulut aller rafraichir: parquoy prenât cōgé pour le soir, se retira au logis qui lui fut ordonné, & pēsoit le Damoisel le suivre, quand la Roine le retint par telle importunité, qu'il fut contraint demeurer pour lors en la garde de sa mere, sans tou refois pour lors la connoître. Or vindrēt incōtinent les nouuelles de ce secours au Roi Abies d'Yrlāde, & à Daganil son cousin, qui en firent peu de cas: En ce tems étoit ce Roy Abies renommé le meilleur Cheualier q̄ lon sceut: & pour enuie qu'il auoit de cōbatre, estima q̄ puis que le secours étoit venu à son ennemi, qu'en bref tems il auroit la bataille: & à cete cause dît deuant tous ses gens: Si le Roy Perion êt si hardi de nous venir voir, ie voudrois que ce fut plutôt hui que demain. Assurés vous, répondit Daganil, qu'il n'êt pas si hâtif: car il vous doute par trop. Sçaués-vous, dît Gallin Duc de Normandie, comme nous l'y contraindrons? faisons vne embuscade, de la plus grand partie de cete armee qui demeurera avec le Roy à part dans cete forêt de Galpan & vous Seigneur Daganil & moi irons avec le reste nous presenter à l'aube du iour deuant la ville, & ie suis seur qu'êtans découverts de nos ennemys (pensans que ce soit entierement nôtre force) ils prendront cueur, & ne faudront à venir ruer sus nous: puis les voyās aprocher faindrōs d'auoir peur & prēdrōns la fuite vers la forêt, ou sera le Roi avec sa troupe. Lors nos ennemis poursuiuās leur victoire assuree (ce leur semblera) ne se tiēdrōt de nous suivre, & se viendrōt eus mē

mes rendre au filé. C'êt trēbien auisē, répondit le Roy Abies. Or donés ordre vous mêmes (dît il au Duc) que tout soit prêt ainsi que l'aués deuisé. Lors eulsiēs vengens d'armes à cheual, soldars se mouuoir tabourins bruire, trōpettes retentir, & har nois cliqueter, si qu'en vn instant les choses furent si bien ordonnēs qu'il n'y eut faute au commandement du Roi: tellement que le lēdemain au point du iour, Daganil, & le Duc de Normandie avec leur escadron se presenterent deuāt la place. Point ne se doutoit à l'heure le Roi Perion de cete entreprise: mais pensoit seulement à rafraichir son secours, & à faire honneur au Damoisel, qui l'auoit si bien secouru, & pour lui faire connoître l'en uie qu'il en auoit, des le plus matin luy & la Roine vindrēt en sa chambre ou ils le trouuerent lauant ses mains: & aper ceurent qu'il auoit les yeus rouges, en flés, & encores pleins de larmes de sorte qu'aisément iugerent qu'il auoit assés mal reposē la nuit, comme il étoit verité: car il auoit été en continuēl pensement de celle, pour laquelle il auoit habādonné sa liberté, cōsiderant à part soy, le peu de moyē qu'il auoit de paruenir à si haut bien, dont il entroit en si profond ennui, qu'il n'y eseroit autre remede q̄ la mort. La Roine adōc desirāt sçauoir qui l'auoit meu, de pleurer tira à part Gādalīn, & lui dît: Amy, vôt're maitre porte visage d'auoir quelque fācherie, lui à lon donē ceās quelque mécontentement? Non, ma Dame, répondit Gandalin, il y a receu (de vôt're grace) beaucoup d'honneur: mais il a de coutume de se tourmenter en dormant, comme maintenant pouuēs voir. En ces enrrefaites le guet vint auertir le Roy, qu'il auoit découuert l'embûche, & que leurs ennemis étoient assés près de la ville, parquoy promptement fit sonner l'alarme. Lors fut vn chacū prêt de monter à cheual. mêmes le Roy & le Damoisel, lequel vindrent à la porte de la ville, ou il trouuerent Agrais qui se debatoit

fort.

fort, pource q̄ lon ne la vouloit ouurir & lui tardoit trop qu'il n'entroît au cōbat: car c'étoit vn des pl^r hardis Cheualiers, & qui mie^r soutenoit vn effort au besoing que lon eut sceu trouver, tellement que si le bō auis lui eut été aussi à cōmandemēt comme le courage il n'y eût eu gueres de semblables au monde. Pour la venue du Roy les portes furent ouuertes, & sortirent les Gaulois en compagnie, léquels voyans leurs ennemis en si grand nōbre, combien que toute leur armee n'y fût, la plus part d'eus fut d'opinion de n'aller plus auant estimās être temerité d'affaillir puissance tant inegale: & à cete cause s'ourdît entr'eus grande contestation. Ce que connoissant Agraies (sans plus dissimuler) donna des esperons à son cheual, criant à haute vois: Maudit soit qui plus tardera, voylà ceus contre qu'il faut debatre, non pas entre nous: & ce disant piqua droit aus ennemis. Semblablement le Damoisel de la Mer, & le reste de leurs gens, léquels sans gueres marchander ruerent dedans, & furent incontinent mêlés. Le premier que le Damoisel rencontra fut le duc de Normandie, lequel il chargea si viuement que rompant sus lui, renuersa homme & cheual par terre, & de cete lourde cheute eut la iābe rompue. Ainsi passa outre le Damoisel mettāt la main à lépee, puis cōme vn Liō échaufé entra en la presse & tant fit d'armes, que nul d'eus ne l'osoit atendre: car il renuerçoit tout ce qu'il rencontroit, tuāt l'un démēbrant, ou échignant l'autre, tellement que tous lui faisoient voye. Quand Daganil vit ses gens en tel desordre par le moyen d'un seul Cheualier il l'allia la plus part de ceus à qui mieus il se fioit, & tous ensemble enuironnerent le Damoisel pour l'abatre, ce qu'ils eussent peu faire, sans l'aide d'Agraies qui s'en aperceut, & vint avec sa troupe (au plutôt qu'il peut) le secourir. A leur arriuee eussies veu lances briser, Cheualiers tōber, heaumes arracher, & écus par terre, si qu'il y

eut grand confit & desordre sus les Yrlādois: car le Roy Perion y survint avec sa bende. Daganil d'autre part, mît toute la peine qu'il peut de bien le recueillir: mais le Damoisel de la Mer étoit en la mêlée faisant tels efforts, qu'il ne trouuoit deuant luy aucune resistance, & tant qu'un chacun s'en ébahissoit, & sur tous Agraies, qui de sa part monstroient bien n'auoir le bras engourdy: car pour plus émouuoir: & donner de cueur aus siens, cryoit à haute vois: Suyuons, mes amis, suiuous le meilleur Cheualier qui oncques porta armes. A l'heure Daganil connoissant le pire être de son côté, & le dōmage qu'il receuoit par le Damoisel, delibera de lui tuer son cheual, & le faire tōber en la presse, mais il faillit: car le Damoisel, s'aprouchant laif sa tomber si grand coup sus son armet, qu'il lui fit voler hors de la tête, & demeura Daganil desarmé. Ce que voyāt le Roi Perion qui survint, lui dōna tel coup d'eepee, qu'il le fendit iusques aus dens: par quoi les siens le voyāt mort, ceus qui eurent les meilleurs cheuaus le gaignerent de vitesse & ne tachoyēt qu'à eus sauuer, ou le Roi Abies s'étoit embuché: mais le Roy Perion executāt sa victoire, & les poursuuāt découurit l'arriere garde qui sortoit de la forêt, et marchoit au grād trot vers lui, montrans contenance de vouloir venger leur perte. Au moyen de quoi au ioindre se mirent tous à crier: A eus, Yrlandois, gardōs que nul ne nous échappe, & entrons pêle mêle dans la place.

Quand les Gaulois se trouuerent surpris, oncques gens ne furent plus étonnés: car ils n'eussent iamais estimé cete embuche être si grosse, & ce qu'il leur dōnoit pl^r de crainte étoit, qu'ils auoyent affaire à gens frais, & eus étoient tant las & leurs cheuaus si hors d'alaine, qu'ils ne se pouoyēt quasi soutenir: d'auantage le Roy Abies y étoit en personne, lequel cōme ia a été dit, étoit l'un des meilleurs Cheualiers du mode. Et à cete cause la plus grāde partie des Gaulois commencerent à branler:

mais

mais le Damoisel de la mer preuoyant le desordre qui en fût auenu, vint à les persuader de vouloir plutôt mourir, que perdre vn seul point d'honneur & reputatiō, leur disant: Mes cōpagnons & amys ayōs bō cueur, chacū face cōnoître sa vertu, & luy souuiēne de l'estime q̄ les gaulois ont par armes acquise. Nous Auons à faire à gens étonnés, & demy vaincus: ne vueillons maintenant faire échange à eus, prenans leur crainte, & leur quitant nôtre victoire: car s'ils voyent seulement vos visages assés, ie suis seur qu'ils ne les pourront souffrir: donnōs dedās: car Dieu: nous ayde. A cēte parole les plus étonnés prindrent courage, d'eliberans d'atendre, & de combattre virilemēt leurs ennemis, léquels peu après vindrent furieusement fraper dessus. A l'heure le Roy Abies fit connoître ce qu'il scauoit faire. A l'heure eurent les gens du Prince Agraies trop à endurer, nōn seulement eus: mais tout l'équadron du Roi Perion: car le Roi Abies abatoit l'vn renuersoit l'autre, & tant que sa lance fut entiere ne rencontra Cheualier, qui ne desfarçonnât: puis mît la main à lépee, avec laquelle il se portoit si vaillamment, que les plus hardis en furent épouventés, & n'y eut celuy qui ne luy ouvrît passage, tellement que les gens du Roy Perion ne pouuans plus porter le fais, se myrent à retirer (au mieus qu'ils peurent) vers la ville. Quand le Damoisel de la Mer vit que la fortune leur étoit contraire, de grand dépit entra en la presse, & combatit si âprement, qu'il arrêta la plus grand'part de ceus d'Yrlande sus cul tandis que les siens, sans desordre, se retiroient vers le château: puis au petit pas (tournât souvent visage) (les suyuoit d'assés près. A soutenir ce choc étoient aussi le Roy Perion, & le Prince Agraies, qui faisoient assés connoître à leurs ennemis (par le trenchant de leurs épées) comme ils scauoient se gouverner en telle extremite: toutefois les Yrlandois se voyans auoir le meilleur, ne tâchoient que d'enfoncer


les autres, & entrer pêle mēle en la ville, esperans que ce moyen seroit fin de leur guerre. Telle fut la retraité de ceus de la ville, pressés souvent de leurs ennemis, & n'y a doute qu'à la foule ils y fussent entrés, n'eût été la resistāce & empēchemēt que leur donnoient le Roi Periō, Agraies & le Damoisel: léquel soustenoiēt entièrement la foule, tandis que leurs gens petit à petit gaignoyent le dedans. Mais à l'heure le Roi Abies eut nouuelles que son cousin Daganail, & Galain duc de Normandie étoient mors, dōt il fut trop déplaisant: toutefois estimant que ces gēs fussent entrés dans la ville quant ceus du Roi Perion, il se resolut d'en prédre tout à loisir la vengeance, dōt il fut deceu: car peu après il se sentit repousser rudement: parquoy il cuida vis enrager, & ainsi qu'il se debatoit vn Cheualier lui mōstra la Damoisel, disant: Sire, cētui là q̄ voyēs mōté sus ce Cheual blanc, êt celuy qui a occis le Prince Daganail, & le duc de Normandie, avecques plusieurs autres des meilleurs de vôtre troupe. Quand le Roy Abies l'entendit il s'auança & cria au Damoisel: Cheualier, vous aués occis l'hōme du mōde que plus i'aymois: mais si vous voulés cōbatre, i'espere m'ē veger, si bien que i'auray cause de vous en tenir quite. Vous aués troupe trop frēche pour la nôtre, répondit Damoisel: toutefois si voulés (cōme Cheualier) veger celuy q̄ vous dites, & mōtrer la grāde hardiesse dont êtes renommé, choisissez de vos gens ceus qui plus vous plairont, & moi, s'il plaît au Roy, choisiray des miens: car étans egaus en nombte, pourrés plus aquerir d'honneur qu'auéc si grāde armee, qu'aués fait entrer en ce païs, sans iuste ocasiō. Vrayement dît le Roy Abies, vous parlés bien. Or élisez vous mêmes le nôbre des personnages, si grand, ou petit que voudrés. Puis que m'en laissés le chois, répondit le Damoisel, ie vous feray autre party, que (peut être) aurés plus agreable. Vous m'êtes ennemi, pource que i'ay fait, & moy

le vôtre, pour le mal que vous faites en ce Royaume. Ainsi pour nôtre courroux, il n'est raisonnable qu'autre que nous souffre, pour tant soit la bataille entre vous & moi seuls. Et presentement si voulés, par tel si, que vous m'assurés de vos gens, & moi vous des miens, de sorte que nul ne se mouuera, & fut l'un ou l'autre vaincu. Je le veus très bien, dit le Roy Abies.

Lors il choisit de sa part dix Cheualiers pour garder le camp & comme le damoisel faisoit ses diligences pour en auoir autant du Roy avec son congé, il trouua le Roy Perion, & Agraies un peu durs à lui consentir ce combat: tant pour la consequence dont il étoit, que pour ce que le

Damoisel étoit las & trauaillé, & (qui plus est) fort navré par quoi le prioient vouloir au moins différer cete entreprise iusques au lendemain. Mais l'ardeur & affection qu'il auoit de vaincre, étoit si grande, & le desir d'acheuer cete guerre, & bien tôt retourner vers celle, sous l'obeissance de laquelle il étoit venu au seruice du Roy Perion, qu'il ne peut souffrir être mis aucun delay à la gloire & au repos qu'il sentoit aussi certain comme prochain: par quoi il vint de tant de remontrances, et requêtes au Roy, qu'il fut ordonné pour combattre, & luy furent de son côté baillés dix Cheualiers, pour la garde & sûreté du camp.

Comme le Damoisel de la Mer combatit le Roy Abies, sus le différent de la guerre qu'il menoit en Gaule. CHAP. X.



LA bataille acordée entre le Roi Abies, & le Damoisel de la Mer (comme aués entendu) étant déjà la plus grand' partie du iour passée, fut auisée, par les Signeurs d'une part & d'autre (contre le gré des deus combatans) que le tout seroit remis au lendemain, tant pour eus refraischir, racourter leurs harnois rompus, qu'aussi pour remedier aus playes qu'ils auoient receuës à la rencontre précédente: par quoi les deus Rois se retirerent, l'un en son camp, l'autre en sa place. Or étoit déjà bruit commun par la ville des efforts qu'auoit fait

le Damoisel de la Mer, & à cete cause entrant dedans un chacun, disoit de lui. Ah quel bon Cheualier! Dieu lui doint grace d'aussi bien paracheuer comme il a commencé: certes il seroit impossible de trouuer Gentil-homme si accompli, en beauté, & cheualerie comme il est: car il est tel, que l'œil peut iuger, & que nos ennemis ont éprouué: mais entendés que des le matin le Roi auoit donné charge à la Roine, qu'aussi tôt que le Damoisel retourneroit de la guerre elle enuoyât l'une de ses Damoisselles vers lui, le prier qu'il ne se désarmât en nul autre lieu, qu'en la chambre d'elle: par quoy

quoy ainsi qu'il s'aprochoit du logis du Roy, vint cete Damoiselle luy dire: Mō Signr la Roine vous prie ne vous déarmer ailleurs qu'ē sa chābre, ou elle vous atēd. Vrayement, dīt le Roy, vous le deués faire, & ie vous en prie, ce q̄ le Damoysef accorda. Ainsi s'en allerent descendre ou la Roine avecq̄ ses femmes les atendoÿēt, & eus arriués furēt incontinent desarmés par les Damoiselles, mais la Roine ne voulut qu'autre qu'elle desarmāt le Damoisel, laquelle s'aperceut ainsi qu'elle luy ôtoit son haubert, qu'il étoit fort n'auré, & le montra au Roi, qui dīt au Damoisel: En bonne foi, mon Gentil, hōme, ie m'ébahy puis que vous êtes blecé que n'aués prins plus long terme pour vōtre bataille. Il n'en étoit point de besoing, répondit il: car ie n'ay playe (Dieu-mercy) qui me garde de cōbatre. Adōc furēt mādés Chirurgiens, qui prindrent garde, & virent que c'étoit plus longue que dange reuse chose. Ce pendant le souper s'apresta, durant lequel ils eurent plusieurs propos des affaires qu'ils auoyent eus tout le iour: puis étant heure d'aller reposer chacun se retira iusques au lendemain matin qu'ils furēt ouir la messe. Après laquelle, le Roy presenta au Damoisel vnes armes, trop plus riches & fortes que celles qu'il auoit portees le iour de deuant, déquelles il s'arma, & ayant prins congé de chacun, monta à cheual avec le Roi qui luy portoit son armet, le Prince Agraies son écu, auquel étoient pourtraits deus Lyōs d'azur en champ d'or rampants l'un cōtre l'autre, cōme s'ils se fussent voulus mordre & vn autre Prince sa lance, puis en cēt equipagé sortit aus chamis ou l'atendoit le Roy d'Yrlande, armé & monté sus vn grand cheual noir. A l'heure le peuple d'une part & d'autre, s'aprocha ou lieu plus conuenable pour voir la fin de ce cōbat: mais entēdés que ce Roi Abies auoit autrefois cōbatu & vaincu vn Geant cors à cors, auquel il auoit coupé la tête: parquoy il portoit ce combat figuré en son

écu, tout de la sorte qu'il luy étoit auenu. Ainsi étans ces deus combatans sus les rangs: chacun d'eus se delibera faire connoître à son ennemy ce qu'il sçauoit faire: parquoy sans gueres tarder baissèrent les veuēs de leurs armets, & se recommandans à Dieu, donnerent des espérons à leurs cheuaus, se ioignans si impetueusement, de lances, de cors, & de cheuaus, que leurs lances se brisāns en éclats, fauccerent leurs armes, & cheurent tous deus rudement dedans le camp: mais ardeur de cueur & desir de vaincre, les fit promptement redresser: puis arrachās les tronçons de lances dōt ils étoient navrés, mirent la main aus épées, & commençā entr'eus vne mêlée si cruelle & étrange, que ceus qui étoient à l'eutour s'épouuētoient de les voir tant souffrir: toute fois à beaucoup ne sembloit la part ie bien faite, non que le Damoisel ne fut roide, bien proportionné, & de raisonnable hauteur, mais pource que le Roy Abies étoit tant grand, qu'il ne trouua oncques Cheualier qu'il n'excedāt en grādeur de plus d'une paulme, & étoit de si forte taille, q̄ lon l'eût plutôt estimé Geant qu'autre. Ses sujets l'auoyent en grand amour & reuerence, pour les vertus & prouesse qui étoient en luy, combien qu'il fut trop audacieus & superbe. Or étoient ces deus Cheualiers si animés l'un sus l'autre, tant pour leur honneur, q̄ pour la consequence dōt étoit leur cōbat, q̄ sans interualle, ne reprendre leur alaine, se frapoyent & se chamailloyent de sorte qu'à ouir les coups lon eut iugé ce cōbat être fait par plus de vingt personnes ensemble & bien mōteroyent le peu de bien qu'ils se vouloyent: car à l'eutour d'eus lon voyoit la terre tainte de leur sūg, les pieces de leurs écus les lames de leurs harnois épandues & semées, & leurs heaumes si enfondrés, q̄ pour être leurs armes si endōmagees, ils ne tiroient gueres de coups à faute, mais se saignoyent trēcruellement du trēchant de leurs épées: ce neant-moins ils auoyent

auoyent le courage si entier, qu'ils n'en sentoient rien. Et à cete cause se maintenoient l'un enuers l'autre si brauement, que lon ne pouoit conoitre qui auoit le meilleur ou le pire. Toutefois enuiron l'heure de tierce, le soleil fut chaut & ardent, au moyen de quoy ils se trouverent si échauffés en leurs harnois qu'ils comencerent vn peu à s'afoiblir: mêmes le Roy Abies, & tant qu'il fut contraint se retirer arriere, disant au Damoisel: Le te voi presque failly, & moi sans alaine, s'il te semble bon, reposons nous vn peu: car nous pourrons après plus aisémēt acheuer nostre entreprinse. Bien te vueil auiser (encorés que ie n'aye cause ni enuie de te fauoriser) que i'ay meilleure estime de toi que de Cheualier cōtre qui ie combatis oncques, & me déplaît de l'ocasion q' i'ay de te voir, & encores plus de la longueur que ie mets à te vaincre, & prēdre vengeance de la mort de celui q' plus au monde i'aymois, lequel ainsi que tu tuas en bataille aperte, ainsi mettray-ie peine de te deffaire en la veuē de nos deus camps. Roy Abies (répondit le Damoisel) ie croy vrayemēt, qu'il te déplaît trop plus de ne me pouoir mal faire, que d'être entré cōme cruel tirant en ce païs pour le ruiner. Et comme il auient, que qui n'a éprouvé mal, n'estime iamais celui qu'autre sent, ainsi i'espere te faire sentir par tes peines, celles qu'à grand tort tu as fait recevoir à tout ce peuple, t'auisānt que tu auras de moi aussi peu de loisir de respirer, comme tu leur as donné sous ta cruauté, pourtant aprēte toy, & te defēds d'un Cheualier failly. A l'heure le Roi prenant son epee, & le reste de son écu, luy dît: Mal pour toy eus tu oncque telle audace, qui t'a fait entrer es laqs & filets, dont n'échaperas sans la perte de la tête. Fay-ce que tu pourras, répondit le Damoisel: car tu n'auras repos jusques à ce que toy, ou ton hōneur soyés morts. Adonc plus furieusement que deuant renouvellerent leur cōbat, & cōme si tout le jour ils ne se fussent dōnés coup,

AM. 1

recōmencerent leur mēlee: & cōbien que le Roi Abies fût si adroit (pour le lōg exercice qu'il auoit des armes) qu'il sçauoyt trēbien deffendre, & offēdre, neantmoins la legieretē, hardiesse, & grande promptitude du damoisel, luy firēt à la fin oublier toute cete industrie, de sorte qu'étāt pressē de prés, perdit entierement le reste de son écu. Par ainsi le Damoisel le peut mieus qu'au parauāt endōmager. Ce qu'il fit, & en tant de lieux, que le sang lui sortoit du cors cōme de plusieurs fontaines, de sorte que peu à peu il alloit perdant sa force, & se trouua si las & recreu, que chancelant d'une part & d'autre, ne sçauoit bonnement qu'il deuoit faire, pour euitē la poursuiuante epee de son ennemy. Parquoy se voyant quasi hors d'esperāce, delibera, ou bien tōt mourir, ou prōptement auoir la victoire. Et pour-ce faire, print son epee à deus mains, de laquelle il rua de toute sa puissance sus le Damoisel, & l'ataignit en l'écu, dedās lequel elle entra si auant, qu'oncques puis ne l'en peut arracher. Ce que voyant le Damoisel, luy donna au decouvert sus la iambe gauche si ferme qu'il la lui coupa: parquoy sentāt si grieue douleur, tomba en la place. Lors le Damoisel se ieta sus luy, & furieusement luy arracha le heaume, luy disant: Tu es mors, Roy Abies, si tu ne te rends pour vaincu. Vrayement suis-ie mort, répondit le Roy, non pas vaincu: mais de l'un ou de l'autre mon outrecuidance seule ēt cause: toutefois, puis qu'ainsi ēt, ie te prie, fai dōner seureté à mes souldats, à ce que sans déplaisir ils me puissent emporter en mes païs: & afin que mourant ie satisface, comme Chrétien à Dieu & aus hommes, ie te prie que ie soys confessē: & puis ie feray rendre au Roi Perion ce que i'ay usurpē sus lui. Et quāt à toi qui m'as vaincu, ie n'ay regret de finir par la vaillance de si gentil Cheualier comme tu es: mais de bon cœur te pardonne. Bien te prie cōtinuer ta preud'hōmie, & auoir memoire de moi. Quand le damoisel le sentit si debile

D

bile

bile, il fut très-déplaisant de sa mort, encor-
 res qu'il sceût aiseurement que s'il eût eu
 le meilleur du combat, il lui eût fait pis.
 Durant ces propos vn chacun s'aprocha:
 parquoy le Roi Abies commada aussi tôt
 à ses Capitaines, rendre au Roy Perion ce
 qu'il auoit conquis en Gaule, ce qui fut
 acomply. Et par ce moyen fut dōnée seu-
 reté aus Yrlandois, pour emporter leur
 Roi, lequel étoit mort tôt après qu'il eut
 ordonné de ses affaires. Ces choses mises
 à fin, vindrent le Roi Perion, Agraies, &
 tous les Seigneurs de Gaule vers le damoi-
 sel, qu'ils ramenerent à grand'joye hors
 du camp droit à la ville en tel triomphe &
 gloire, que lon a de coutume faire aus
 vainqueurs, qui par leur prouesse viennēt,
 non seulement au dessus de leurs ennemys:
 mais sont cause de la restitutiō de la pa-
 trie presque deplore. Or entēdés que peu
 au parauant le commencement du com-
 bat, la Damoiselle de Dannemarc, qui ve-
 noit vers le Damoisel, de par l'Infante O-
 riane étoit arriuee en la court du Roy Pe-
 rion, & auant qu'elle se fit connoître, vou-
 lut voir qu'elle seroit la fin de cete mêlee:
 puis ayant veu q̄ celui qu'elle cherchoit é-
 toit si hōnorablement fort, & auoit mis
 autrui hors de ce dāger, s'auāça, & le tirāt
 à part, lui dīt: Seigneur, s'il vous plaît, ie
 vous diray vn mot en secret, de chose qui
 vous touche beaucoup. Tant qu'il vous
 plaira, dīt le Damoisel: Et ce disāt, la print
 par la main, & la tira de la presse. Lors elle
 lui dīt: La Princesse Oriane, qui tant ét
 vōtre, m'enuoye vers vous, & vous mande
 que trouverés vōtre nom écrit en cete let-
 tre. Quand il entendit nommer celle, de
 la memoire de laquelle il viuoit seule-
 mēt, il fut si perplez, que sans entendre les
 propos que la Damoiselle lui tint, il print
 la lettre, & aussi tôt la laissa choir à ter-
 re, & lui memes y cuida choir & éuanouir.
 Quand la Damoiselle vid qu'il auoit lais-
 sé tomber la lettre, elle la releua, puis re-
 tourna vers lui. Lors vn chacun qui le
 voyoit si éperdu, s'émervailloit q̄lles nou-

velles elle lui auoit apportees, qui lui cau-
 foyent tel ennuy: mais elle le tira si rude-
 ment, qu'il sortit hors de transissement,
 puis luy dīt: Comment, Seigneur, receués
 vous si mal le message de la plus haute na-
 me du monde, & qui plus vous aime? &
 pour l'amour de laquelle i'ay prins si grād
 peine de vous trouver? Ha, Damoiselle,
 répondit il, sus ma foi ie ne sçay que vous
 m'aués dit: car ainsi qu'aués commencé à
 parler, i'ay senty renouveler en moy le
 mal, qu'autres fois m'aués peu voir sou-
 frir. Il ét vray, dīt la Damoiselle: mais
 maintenant il n'êt plus besoin de vous
 couvrir enuers moi: car ie sçay plus de
 vos affaires, & de ceus de ma Dame, que
 vous ne sçaués: & ainsi luy a il pleu, & si
 vous luy portés telle affection, ce n'êt
 à tort: Car elle vous ayme sus tou-
 tes choses. Qu'ainsi soit, elle vous
 fait sçauoir par moy qu'elle s'en va vers
 son pere, qui l'a enuoyee querir, & vous
 prie, qu'au partir de cete guerre vo^r alliés
 la trouver en la grand Bretaigne, & qu'à
 vōtre arriuee vous trouviés moyen de de-
 meurer en la court, iusques à ce qu'elle
 vous face plus amplement entendte son
 vouloir. Dauātage elle m'a chargee vous
 dire, qu'elle sçait certainement q̄ vous é-
 tés fis de Roi, dont elle n'êt moins aise
 qu'elle pense que vous serés, & q̄ puis que
 vous (ne connoissant vōtre lignage) aués
 été si bon Cheualier, maintenant sachant
 vōtre noblesse, vous mettiés peine d'être
 encores milleur, si poués: & de rechef lui
 baillant la lettre. Or tenés (dīt elle) voy là
 la lettre, en laquelle ét écrit vōtre nom, &
 telle qu'elle ét, l'auies penduë au col quāt
 vous fūtes trouvé en la mer. Adonc print
 le Damoisel la lettre, & quand il la vid,
 pensant que si à propos sa Dame la luy a-
 uoit ôtée, en soupirant dīt assés bas: Ah,
 lettre heureuse! trēdiuinement fūtes trou-
 vee: mais plus encor' aués été gardee par
 celle qui mon cœur même a en sa garde,
 & pour laquelle tant de fois ay essayé
 mourir, & ne puis: car pensant en sa per-
 fection

fectiō, ie tâche à l'augmenter par efforts & louange: mais ma puissāce se treuve si inférieure de sa valeur, que desesperāt d'en rapporter sa faueur, la moindre peine que ie sens passe mille morts, qui toute-fois sont ores trop recōpensees par le benefice present. O Seigneur Dieu, quand voiray-ie le tems, que ie lui puisse faire connoître, combien grande est la deuotion que j'ay de lui obeir par quelque agreable seruice! Et ainsi qu'il acheuoit ce propos, il ouvrit la lettre, & vid écrit dedans son nom, qui étoit Amadis. Lors lui dît la Damoiselle: Seigneur, ie suis chargee (aussi tôt que j'auray fait mon message (de retourner diligemmēt vers celle qui vers vous m'a fait venir, pour luy faire entendre de vos nouvelles: pourtant auisēs de me donner congé. Vous ne partirēs, s'il vous plaît, si promptement, répondit le Damoisel: mais séjournerēs avec moy deus ou trois iours, durant lesquels, pour ocaſion que ce soit ne me abandonnerēs, & puis ie vous conduiray ou il vous plaira. En vous obeissāt, dît la Damoiselle, ie penserai faire seruice à ma Dame Oriane. Leurs propos acheuēs, le Damoisel retourna vers le Roy, & Agraies qui l'atēdoit à l'entree de la ville, ou le populaire étoit par les rues assemblé. Et ainsi qu'il passoit chacun crioyt: Benoit soit le bon Cheualier, par lequel nous auons recouvré liberté & honneur: puis arriuans au palais, descendit le Damoisel pour s'aller refraichir. Lors vint la Roine avec ses Dames & Damoiselles, pour le desarmer, & les Chirurgiens pour visiter ses playes, lesquelles biē regardees encores qu'il en eût maintes) furent trouuees aisees à guerir sans danger de sa personne. Pour ce soir le Roi le pria souper avec lui, & Agraies: mais il s'excusa sus ses playes, & se retira en sa chambre, ne voulant autre compagnie que la Damoiselle, à laquelle il faisoit tout l'hōneur & bō traitement qu'il pouoit, esperāt par elle trouuer remede à vne partie de ses angoisses. Cēte Damoiselle seiourna avec luy quel-

que tems, & pour les bonnes nouuelles, qu'elle lui auoit aportees, il n'eut playe sus lui qui le gardāt de se leuer, & se promener souvent en salle, deuissant avecque tous: mais plus avecque celle qu'il auoyt arrētee, attendant la disposition qu'il peūt porter armes. Mais entre deus il lui auint vn cas étrange, qui luy fut cause de plus long seiour en Gaule qu'il n'esperoit, de sorte que la Damoiselle sans luy s'en retourna vers Oriane, ainsi que maintenant pourrēs entendre.

Comme le Damoisel de la Mer est conneu par le Roi Perion son pere, & par la Roine Elisene sa mere.

CHAP. XI.

AV commencement de cēte histoire a été recité, que le Roy Perion dōna à la Roine Elisene (étant encores en la petite Bretagne) vn anneau pareil à vn autre qu'il portoit ordinairement: & étoient les deus anneaus si vniformes, qu'il n'y auoit difference quelconque. Aussi auēs entēdu que quand le Damoisel de la Mer fut lancé sus l'eau, cēt anneau luy fut mis au col, lequel Gandales garda, iusques à ce qu'il le lui renuoya par vne Damoiselle (peu deuant qu'il fût Cheualier) avec l'épee, & la cire. Or auoit plusieurs fois le Roi demandé à la Roine qu'elle auoit fait de cēt anneau, laquelle auoit quelque fois répondu douteusement: en fin lui auoit dit, qu'il étoit perdu. Mais il auint, qu'ainsi que le damoisel se promenoit avecques la Damoiselle d'Oriane, comme il auoyt de coutume, la petite Melicie fille du Roi Perion, passa par deuant luy pleurant anièrement. Lors le Damoisel l'arrēta, & luy dît: Ma petite amie, qu'auēs vous à pleurer? Certes, luy répondit l'enfant, mon Seigneur, j'ay perdu n'aguères vn anneau, que le Roy m'auoit baillé pour lui garder tandis qu'il se repose. Ne vous chaille, ma fille, dît le Damoisel, ie vous en dōneray vn autre pour lui rēdre, & tira

de son doigt celuy qu'il auoit, & le luy bailla. Quand elle le vid, pensant que ce fût celuy qu'elle auoit perdu, elle lui dit: Ah, mon Seigneur, vous l'aués trouvé, de quoy ie suis bien aise: car ie l'ay bien longuement cherché. Cōment? dit le damoisel, si n'êt ce pas le vôtre. Si êt, à mon auis, dît l'enfant, ou la chose du monde qui mieus lui ressemble. Tant mieus, répondit il: car plus facilement sera il prins pour l'autre qu'aués perdu, & de ce pas retourna la petite Melicie en la chābre du Roy, qu'elle trouua éueillé, lequel lui demanda son anneau. Lors elle lui bailla celui qu'on lui auoit dōné, que le Roi mit en son doy, pensant que ce fût le sien: Mais peu après en ce promenant par des galleries, il auisa en vn coin l'autre, que sa fille auoit perdu, lequel il leua, & les paragona ensemble: parquoy il lui souuint, que l'un des deus étoit celui qu'il auoit autre-fois donné à la Roine: Adonc demanda à Melicie, ou elle l'auoit pris. La pauvrete craignant être tancee, n'osa mentir, & luy répondit: Sire, j'ay perdu le vôtre, & ainsi que ie le cherchois, j'ay rencontré le Damoisel de la Mer, lequel (pour ce que ie pleurois) m'a baillé vn des siens, & l'ay prins pour celui que vous m'aués baillé, & si ce n'êt lui, ie ne sçay ou il êt. Quand le Roi l'entendit, à l'instant il eut soupçon de la Roine & du Damoisel, & pensa que pour la beauté de luy, elle fût tombee en quelque deshonnête vouloir, & qu'elle lui eût fait ce present. A cete cause il s'en alla en la chābre ou elle étoit retiree: puis fermāt la porte se vint asseoir aupres d'elle, & sans dire vn seul mot, demeura grand piece tenant les yeus fichés en terre, puis tirant vn grand soupir dît ainsi: Ie ne m'ébahy plus, ma dame, si vous n'auies jamais responce asseuree, quand ie vous demandois l'anneau que ie vous donnay en la petite Bretagne, vous l'aués mis en lieu ou vous ne me vouliés pour témoin, mais mal se peut celer vne affectiō, quād elle procede iusques aus effets. Le Da-

moisel de la Mer incōsiderémēt l'a baillé à Melicie, ne pensant qu'il fut venu de moi, & par la j'ay cōneu ce qu'il ne pensoit, & vous ne vouliés que i'entendisse. Quand la Roine qui dé(ja à sa contenāce auoit cōneu qu'il étoit trouble) l'ouït, elle delibera de ne lui rien dissimuler, & luy fit sommairemēt & à la verité le discours de sa grossesse, & de son enfantement, & non sans larmes lui conta, comme pour la crainte du Roi son pere, & de la loy de son pais elle auoit été contrainte d'exposer son fis au peril de la mer, & le mettre dans vn berceau, lyé susvne table avec l'épee & l'anneau, & le tout comme cy dessus vous a été déclaré. Trop fut émerueillé le Roi quand il sceut la verité, & pensa aussi tôt que le Damoisel pourroit être son premier fis, que Dieu lui auoit preserué, & dît à la Roine: Selon ce que vous me recités il pouroit être que celui qui nous êt inconnu seroit nôtre enfant, mêmeu leu le nom qu'il porte de la Mer. Ah Dieu! dît la Roine, seroit il possible. Ie vous supplie, mon Seigneur, mandés le presentement querir, & le prions qu'il nous die qu'il êt. Mais allons le trouver, dît le Roi: Et des l'heure se leuerent pour aller en sa chambre, ou ils le trouverent, qui dormoit: Parquoy sans faire bruit, le Roi s'aprouchant du lit auisa son epee, laquelle il print, & après qu'il l'eut regardée la reconneut comme celle qu'il auoit tāt prisee, & avec laquelle il auoit acheué maintes fortes auentures, & dît à la Roine: Sus ma foy voici l'épee qui me fut dérobee au logis du Roy vôtre pere, la premiere fois que nous fumes ensemble, Et maintenant ie croy mieus ce que vous m'aués dit que deuant. Ha Dieu, répondit la Roine, ne le laissons plus dormir: car mon cœur êt en trop grande peine. Lors luy print la main, & l'éueilla, disant: Seigneur, ne dormés plus, il êt tems de faire mieus. Facilement s'éueilla le Damoisel, & aperceut la Roine qui pleuroit, dont il fut trop ébaï, & luy dît:

Ma Dame, de quelle occasion vous viennent ces larmes? et ce chose, ou vous faisant seruice ie puisse remedier? Mon amy dit la Roine, vous les poués étâcher seulement de vôtres parolle, nous disant de qui vous êtes fis. Si Dieu m'ayde, répondit il, ma Dame, ie ne sçay, ie fu trouvé en la Mer par grande auenture. La bonne Dame adonc étant si remplie de joye, que non seulement le parler: mais le viure mêmes luy étoit penible, se laissa choir. Ce que voyant le Damoisel, courut vîte-ment la releuer, disant: Qu'aués vous, ma Dame? & n'auoit garde d'ymaginer la cause de cete contenâce. Ah, mon enfant, dît elle, ie sçay maintenât mieus que vous qui vous êtes! Le Roy étoit luy même si surpris d'aise & d'admiratiō, qu'il ne pouoit dire vn mot, & eût été fort à iuger, lequel des trois étoit le plus hors de foy, Mais la mere iettant les bras au col du damoisel, lui dît: Ah, mon fis, biē vous puis-je maintenant baïser en seureté, après auoir si longuement été priuee de vôtres veuē & cognoissance! Bien suis-je tenuē à la bonté de Dieu, auquel il a pleu reparer la grande faute que ie fis par crainte, en vous iettant dans la mer. Et certes voy-la le pere qui vous engendra. A cete parolle le Damoisel se prosterna à leurs pieds, pour les leur baïser, ayant de grand plaisir la larme à l'œil: & tous ensemble louerēt Dieu de cete bonne auanture, specialemēt le Damoisel de ce qu'il l'auoit preserué de si grans dangers, pour à la fin luy donner tant d'honneur, & de bon-heur que de trouver ses parens à luy, & eus iusques alors inconnus. Et ainsi deuifans de leurs fortunes passees, la Roine lui demanda, s'il n'auoit autre nom, que celui par lequel on le nommoit, Oy, ma Dame, répond il, mais il n'y a pas trois jours que ie ne le sçauois point: car ainsi que ie sortois du combat du Roy Abies, vne Damoyfelle m'aporta vne lettre que i'auois (comme elle dit pendue au col, enuelopee en cire) quand ie fu troüvé en la Mer, en laquelle

AM. I

i'ay trouvé que mon nom ét Amadis: & ce disant, leur montra la lettre, que la Roine reconneut aussi tôt. Sus ma foy, répondit elle, voy-la vrayement la lettre que Dariolette escriuit quand elle fit la separation de vous & de moy. Et croyés que d'autât qu'à l'heure i'étois en étrange douleur & ennuy, maintenant, grâces à Dieu, ie suis en toute joye & plaisir. Et puis que certainement vôtres nom ét Amadis, il n'et pas besoing d'autrement vous nommer. Ainsi de là en auant ne fut appellé le Damoisel de la Mer: mais Amadis: & quelque fois Amadis de Gaule. Or ne tarda gueres que le bruit fut épandu par la ville, que le bon Cheualier étoit fis du Roi Perion, & de la Roine Elisene: Parquoy si quelqu'un en fut aise, croyés qu'Agrais n'en fut mary: car ils se trouverent cousins germains. Tôt aussi entendit la Damoiselle de Danemarc cete connoissance: parquoy sachât l'aise qu'en recevoit l'Infante Oriane, pourchassoit tant, qu'elle pouoit son congé pour retourner vers elle: assée qu'elle auroit bon visage d'elle, lui portant les bonnes nouvelles, de si fauorable fortune auenuē à celui qu'elle aimoit sus tous: & à cete cause pria Amadis de la depêcher, pour s'en retourner: car ie voy bien (dît elle) que si promptement ne pourriés venir. Aussi ét il raisonnable, que vous donnés quelque plaisir aus yeus qui pour l'amour de vous ont tant ieté de larmes. Pour cete parolle se print Amadis à plorer tellement q l'eau file à file lui couloit sus la face, & répondit à la Damoiselle: Ma bonne amye, de Dieu foyés vous conduite: mais ie vous prie vous souvenir de moy, & auoir ma vie recommandee, veu que si n'en aués pitié, ie ne puis longuement durer: car ie me sens déja tant obligé à ma Dame, que ie n'oserois la requérir d'aucune chose: toutefois vous luy dirés que bien tôt ie seray vers elle pour luy obeir, & porteray pareilles armes que celles que me vîtes au combat du Roy d'Yrlande, à ce que plus aisément vous

D 3

&

& elle me puisiés connoître, si ie n'ay moyen de parler à vous. Ainsi se partit la Damoiselle de Dannemarc. D'autre part Agraves voyant que son cousin Amadis étoit pour faire long séjour en Gaule, delibera prendre congé, & le tirant à part, lui dit: Mon cousin, pour cete heure ce m'et force de vous laisser, encores que vôtre compagnie me soit plus agreable que nul autre: mais mon cœur passionné ne me veut laisser en pais, tant que ie sois joignant celle qui prés & loing lui peut commander: C'et ma Dame Olinde fille du Roi Vanain de Noruege: laquelle m'a mandé par la Damoiselle qui m'aporta l'armet de Galpan (que vous m'enuoyâtes en vengeance du deshonneur qu'elle auoit receu de luy) que ie me retirasse de bref vers elle. Et pour ce q' ie n'y puis ne dois faillir: cōtraint suis de partir d'avec vous. Or entendés qu'au tems q' Don Galuanes frere du Roi d'Ecoce fut au Royaume de Noruege, avec Agraves son neveu: cét Agraves deuint tant amoureux de cete Princesse Olinde qu'oncques il n'aima qu'elle. Et à cete cause, il voulut partir à son mandement: & pour vous dire quel étoit Galuanes, il fut cōmunemēt apellé Galuanes sans terre, pour ce q' de tout sō apanage ne lui étoit demeuré qu'un pauvre château: car le surplus il auoit dépendu à suivre les armes, & entretenir Gentils-hommes, & pourtant étoit il surnommé sans terre. Tels furent les propos d'Agraves au partir d'Amadis, auquel il pria lui dire, ou il le trouveroit à son retour de Noruege. Mon cousin (répondit il) i'espere m'en aller au partir d'icy à la court du Roi Lifuart, ou lon m'a dit, que cheualerie et maintenue en plus grande liberté & honneur qu'en nulle autre maison d'Empereur, ni de Roi. Mais puis qu'il vous plaît prendre autre chemin, ie vous supplie, que voyant le Roy vôtre pere, & la Roine, vous faciés mes tres-humbles recommandacions à leurs bonnes graces, le assurant de ma part, qu'ils me peu-

vent commander pour leur service, comme à vous mêmes, tant pour l'obligation de l'affinité qu'auons ensemble qu'aussi pour le bon traitement qu'ils m'ont fait en la ieunesse, ou ils mont élevé & nourry. Ce fait, print Agraves son chemin, & fut conduit hors la ville hōnorablement par le Roy, & les Signeurs de sa court: toute-fois aussi tôt que le Roy fut aus champs, il auisa venir contre lui vne Damoiselle, laquelle audacieusemēt le print par le frain de son cheual, lui disant: Roy Perion, te trouvient-il de ce que quelque-fois vne Damoiselle te dit, que lors tu recouvrerois ta perte, quand la Seigneurie d'Irlande perdroit sa fleur? Regarde si elle te dit vray. Tu as recouvré ce tien fis que tenois pour perdu, & et mort ce vaillant Roy Abies, qui et la fleur d'Irlande, & tel que iamais le païs ne recouvrera son pareil, iusques à ce que le bon frere de la Dame vienne: lequel y fera amener par force d'armes le tribut d'autre païs, & cétuy mourra par la main de celuy, qui finira pour la chose du monde qu'il aimera le plus: & ainsi aint par Marlot d'Yrlande, frere de la Roine d'Yrlande, que Tristan de Leonnois occit sus la querelle du tribut que lon demandoit au Roi Marc de Cornuaille son oncle: lequel Tristan depuis Mourut pour l'amour qu'il portoit à la Roine Yseult, qui fut la chose du monde que plus il aimait. Or t'en souviens, dit la Damoiselle au Roy: car Vrgande ma maitresse ainsi le te mande: Quand Amadis entendit parler d'Vrgade, il print la parolle, & lui répondit: Damoiselle, m'amie, ie vous prie dire à celle qui cy vous a enuoyée, que le Cheualier à qui elle donna la lance, se recommande à sa bonne grace: & que maintenant il cōnoit être vray ce qu'elle luy dit, qu'avec celle lance il deliureroit la maison dont premier il sortit. Et certes il fut ainsi: car i'en deliuray mō pere nō conneu, lequel étoit presque au mourir. Et lors sans autre réponse, la damoiselle tourna bride, reprenant le

le chemin dont elle venoit, & le Roy ce-lui de la ville, avec son fis Amadis : qu'il auoit nouvellement recouuré. & pour cete cause, fit assembler tous les Princes & Signeurs de son Royaume, voulant tenir court plus magnificque qu'onques il n'auoit tenuë, afin que chacun vîd Amadis, pour l'honneur & l'auenement duquel furent faits tournois, & jouës plusieurs sortes de jeux, & maints ébats. Durant ces choses Amadis fut auerty, comme le Geât auoit dérobé son frere Galaor: pourquoy se delibera (quoy qu'il en deût auenir) de le chercher, & le recouurer si possible étoit, par force d'armes, ou autrement.

Toute-fois ayant tou-jours le cœur d'aller trouver celle qui l'atendoit, vn jour pria le Roi son pere, que puis qu'il auoyt pais avec ses ennemis, de lui donner congé d'aller en la grand Bretagne, chercher les auentures, pour ne demeurer oisif.

Telle requête ne pleût nullement au Roi & moins à la Roine: toutefois par importunité il eut permissiō d'y faire vne voyage: car nullement ne le peurent arrêter, pour la bonne affection qu'il portoyt à l'Infante Oriane, qui étoit telle, qu'il ne pouoit à autre obeïr: & partant vn matin s'arma de telles armes qu'il auoit promis à la Damoiselle de Dannemarc: & tant chemina, qu'il s'embarqua au prochain port de mer, ou il trouua fuste à propos: parquoy en peu de jours passa en la grand Bretagne, & print port à Bristoye trébō-ne ville du païs, ou il fut auerty, q̄ le Roy Lisuart sejournoit à Viudilisore, grandement acompagné de Cheualiers & Gentis-hommes: car tous Rois & Princes ses voisins, lui fauorisoyent & rendoyent obeïssāce, & parrāt print Amadis sō chemin droit à la court: mais il n'eut gueres longuemēt cheminé, qu'il rencōtra vne Damoiselle, laquelle luy demanda, si ce chemin étoit celui de Bristoye. Ouy, répōdit Amadis. Je vous prie donc, dît elle, me dire, si i'y pourrai trouver nauire qui promptemēt passe en Gaule. Quel affaire vous

y meine répondit Amadis. En bonne foy, dît la Damoiselle, i'y vois pour y trouver vn Cheualier nōmé Amadis, q̄ le Roi Periō a depuis n'gueres reconneu poui fis. Trop fut Amadis émerueillee: car il pensoit que ces nouvelles fussent encōres peu divulguees: parquoy lui demanda comme elle le sçauoit. Je le sçay (répondit elle) par celle mêmes, à qui les choses plus secretes sont manifestees: car elle connoissoit Amadis auant qu'il sceut qui il étoit, ne que son pere eût ouy parler d'Amadis, & si voulés entendre qui elle ét, ie vous auise que c'êt Yrgande la Décogneuë, qui maintenāt a de luy tant affaire, qu'elle ne peut par autre recouurer ce qu'elle craint trop de perdre. Ah Dieu? dît il puis q̄ celle dont vn chacun a affaire, veut maintenant auoir Amadis, ie vous assure Damoiselle, qu'il ne vous ét besoing de passer outre: car ie suis celuy que vous allés chercher, & pour-ce allons ou il vous plaira. Comment? dît la Damoiselle, êtes vous doncques Amadis? Ouy certes, répondit il. Or me suiues, dît elle, & ie vous conduiray ou ét ma maitresse, qui vous atend en bōne deuotion. De ce pas print Amadis le chemin de la Damoiselle, & s'en allerent ainsi de compagnie.

Comme le Geant menant Galaor au Roy Lisuart, pour le faire Cheualier, rencontra son frere Amadis, par la main duquel il le voulut être, & non d'autre.

CHAP. XII.

LE Geant dont quelque fois cy-deuant a été parlé, faisant instruire le ieune Galaor à bien piquer détriers, escrimer, & faire tous actes qu'il conuenoit à Cheualier, le trouua de si bonne docilité, qu'en moins d'vn an il fut parfait en toutes ces choses, si qu'il ne restoit plus qu'à sçauoir de lui, de parqui il auroit plus agreable receuoir l'hōneur de cheualerie. Toutefois deuant

que le Geant luy en parlât, vn jour entre autres Galaor lui vint dire: Pere, vous m'aués tou-jours promis que ie seray Cheualier, ie vous prie tenés moi promesse: car il y a ja long tems que le terme ét passé, que ie le deuois être. Vrayement mon fis, répondit le Geant, vous aués raison: mais dites moi, de parqui vous le voulés être. Le Roy Lisuart, dît Galaor, ét réputé gētil Roi, & trébon Cheualier, s'il vous plaisoit ie serois content que ce fût luy. C'ēt bien auisé, répōdit le Geant. Et de ce jour mēmes ordonna de ce qui leur étoit necessaire, puis se mirent en voye, & au cinquième jour d'après leur partement, se trouverent de fortune assés prés d'vne trébelle & forte place nommee Bradoid, assise en croupe de montaigne, enuironne par bas de marécages, & d'vne eau sallee, qui par deuant couroit merueilleusement roide: tellement que sans barque impossible étoit par c'ēt endroit en aprocher. Et pource que le marēt étoit fort large, y auoyt (pour le passer) vne bien longue chaussée si large que deus charrettes y pouoyent aller de front. A l'entree de cēte chaussée étoit vn pont leuis, sous lequel couroyt l'eau en grāde profondeur, & si impetueusement, qu'impossible étoit la pouoir tra- uerser. Or entendés, q̄ vis à vis de ce pont y auoit deus hauts Ormes, sous lesquels le Geant & Galaor auiserent deus damoiselles, & vn Ecuyer, avec vn Cheualier, monté sus vn cheual blanc, & étoit ce Cheualier armé, portant vn écu paint à Lyons rampans: & pource que le pont leuis étoit haucé, & qu'il ne pouoit passer outre, il apelloit à haute vois ceus de dedans, à ce qu'ils luy dōnassent entree. Ce que voyāt Galaor, dît au Geant: Mon Seigneur, s'il vous plaisoit, ie verrois volontiers que ferait ce Cheualier. Et peu après ils aperceurent au bout de la chaussée du côté du château dis autres Cheualiers armés, accompagnés de dis haliebardiens, lesquels demanderent au Cheualier qu'il vouloit. Ie veus (répondit il entrer leans. Ce ne peut

être, dît l'vn des deus Cheualiers, si premier ne nous combatés. A cela ne tiendra, répondit celuy qui vouloit entrer, si vous faites abaisser le pont, & venés au combat, ce qu'ils firent aussi tôt. Mais l'vn des deus plus hâtif que son compagnon, s'auança, & au plus roide courir de son cheual, vint la lance baissée à celuy de dehors, qui le receut: parquoy le Cheualier du château rompit sa lance, & celuy des Lyons l'ataignit si rudement, qu'il renuersa l'homme & cheual par terre. Alors le cōpagnon du Cheualier tombé cuidant venger son iniure, baissa contre l'autre, & sans qu'ils se donnassent ataintes de leur lāces, se joignirent de corps par si grand force, que celuy du château tomba en l'eau, ou il se noya, & le Cheualier des Lyons passa outre. Ce q̄ voyāt les haliebardiens, leuerent incōtinent après lui le pōt. Adōc les Damoiselles qui s'en aperceurent, luy crierēt tāt qu'elles peurēt, qu'il retournāt: mais ainsi qu'il le vouloit faire, il auisa venir à lui trois autres cheualiers biē armés, qui de grād audace lui dirēt: En mal'heure passātes vōus oncques ce pōt: car vous mourrés en cēt eau, ou ét noyé celuy qui valoit mieus q̄ vous. Et à l'instāt les trois ensemble coururēt à luy, & l'ataignirēt si ferme, q̄ son cheual cuida dōner du cul à terre, & volerēt leurs lāces en éclats: & de cēte rencōtre fut navré en deus endroits. Ce nōobstāt celui qu'il rencōtra fut mis en tel ordre, q̄ la bōté de son harnois ne le peut garātir q̄ la lance ne le faucāt outre, & lui en demeura le tronçon dās le cors. Ce fait le cheualier des Lyons mit la main à l'épee, & s'adressa aus autres deus, & eus à luy, ainsi commencerēt vne pereilleuse bataille. Mais celuy des Lyons qui eut pœur de mourir s'efforçoit le possible de venir au dessus de ses ennemys, & donna à l'vn deus tel coup au bras dextre, qu'il le luy fit tomber à terre avec l'épee: parquoy se sentant ainsi navré, s'enfuit tant qu'il peut au château, criāt: Secourés mes amis, secourés vōtre Seigneur que lon tue.

Et quand celuy des Lyons entendit que celui à qui il auoit encores affaire, étoit le Seigneur de leans, il s'euerua tellement, qu'il l'ataignit au dessus de l'armet si violement qu'il luy fit sentir dans le têt le trenchant de son epee: & de ce coup fut si étourdi, qu'il perdit les étriers prêt à tomber s'il n'eut embrassé le col du cheual. Adonc celui des Lyons le print par le heaume & le luy arracha. Lors le Cheualier se sentant desarmé cuida le gagner à fuir cōme auoit fait l'autre: mais celui qui l'auoit navré se mît entre luy & le château disant, qu'il étoit mort, s'il ne se rendoit prisonnier. Helàs, répond il mort suis ie vraiment, si vous voulés: mais ie vous prie, gêtil-Cheualier, ayés mercy de moi: car ie metiés vaincu. A l'heure aperceut celui des Lyons autres Cheualiers & gēs de pié armés, qui sailloyent à grand' hâte du château, pour venir secourir leur Seigneur, & pourtant s'aprocha plus près de son homme, & lui mettant l'epee à la gorge lui dît: Commandés aus vôtres qu'ils retournent, sinon vous mourrés presentement. Et lui qui voyoit sa vie en tel danger leur écria & fit signe, que s'ils l'aymoient ils s'en retournassent. A cete cause, eus connoissans le danger ou leur Seigneur étoit, lui obeirent aussi tôt. Ce n'êt pas assés, dît celui des Lyons, faites encores abatre le pont, ce qui fut fait. Adonc saillirent hors la chaussee, ou les Damoiselles les atendoient, Et quād le Seigneur du château les vit, & qu'il cōneut Vrgande la Déconneuë: Ah, dit il, Signr, si vous ne me gardes de cete Damoiselle ie suis mort! Si Dieu m'ayde, répōdit, il ce ne ferai- ie pas: mais plutôt sera fait de vous ce qu'elle cōmandera: puis s'adressa à Vrgande & lui dît: Ma Dame voicy le Signr de ce château, que vous plaît il qu'il en soit fait? Trenchés lui la tête, répondit Vrgande, s'il ne vous rend mon amy qu'il tient en ses prisons: & la Damoiselle qui luy fit venir. A cete parole celui des Lyons hauça l'epee pour l'épouuenter: mais le

Cheualier s'écria: Ah Seigneur ne me tués i'obeiray à ce qu'elle cōmande. Or vous en depêchés doncq', dît il lors apella le Seigneur de leans l'un des haliebardiens, & lui dît. Va à mon frere & lui di, que s'il me veut iamais voir vif, qu'il face venir diligēment le Cheualier prisonnier, & la Damoiselle qui l'amena. Aussi tôt y courut ce valet, & vindrent la Damoiselle & le Cheualier: auquel celui des Lyons: dît: Remerciés cete Dame, qui a tant fait pour vous. Et certes vous la deués biē aimer: car elle à pris beaucoup de trauail pour vous tirer hors de cete captiuité. Ie l'ay aymee, répondit l'autre, & l'aymerai plus que iamais: mais deuant qu'il eut acheué la parolle, Vrgande le courut embrasser, & lui elle puis le Cheualier des Lyons demanda que lon feroit de celle q lon leur auoit amenee. Il faut qu'elle meure, répond Vrgande, pour lui faire connoître sa temerité. A l'instant cete pauvre Damoiselle fut si fort enchantee, qu'elle se veautroit dans les marêts fangeus, ni plus ni moins que feroit vn porc: & de fait elle y entra si auant, qu'elles s'en alloit ieter en la riuere sans le Cheualier des Lyons qui pria tant Vrgande qu'elle luy pardōna pour cete fois: pourueu(dît Vrgande) que iamais n'y retourne, autrement elle payera tout ensemble. Quand le Seigneur du château vit la Damoiselle sauuee, par la requête de celui des Lyons, il luy dît: Seigneur i'ay sati-fait à ce que m'aués demandé, pourtant ie vous supplie me dōner congé de m'absenter de celle qui ne m'aime gueres. Vrayement répond Vrgande, pour l'honneur de celuy que vous requérés i'en suis contente, & vous en allés. Quād il fut parti, le Cheualier des Lyons, qui étoit encores ébaï, à quelle occasion cete Damoiselle se meroit ainsi sans contrainte dans les fanges, lui demanda, qui la mouuoit de ce faire, Seigneur répondit elle, il me sembloit q de tous côtés lon me bruloit d'une torche ardante, & pour me garantir, ie me voulois ieter en l'eau.

A cete parole se print le Cheualier des Lyons à rire, lui disant: En bonne foi, Damoiselle mamyé, vôte folie fut grande de vouloir faire mal à qui s'en sçait si bié vege. Or auoit Galaor été present à toutes ces choses, & pourtant dit au Geant, Mon Seigneur, ie desirerois grandement que cétui me fit Cheualier: car si le Roi Lisuarr ét renommé, c'êt pour ses biens: Mais ce Cheualier le merite être pour sa force & hardiesse. l'en suis trécōtent, répondit le Geant, allés à lui, & l'en priés: & s'il vous refuse ce sera sa coulpe. A l'heure mêmes partit Galaor, avec quatre Ecuyers, & deus Damoiselles, & s'aprouchant du Cheualier des Lions le trouua encores dessous les Ormes, A son arriuee fut receu amyablement de celui vers lequel il alloit, qui le trouua l'un des plus beaux Gentil-hōmes qu'il eut oncques veu: puis lui dit Galaor: Seigneur ie vous viēs demāder vn don. Vrayemēt, répōdit le Cheualier, s'il ét raisonnable, ie le vous otroye. Ie vous prie doncques par courtoisie (dit Galaor) que presentemēt me faciēs Cheualier, & ce faisant me releuerēs pour ce coup d'aller vers le Roi Lisuarr, lequel i'en allois suplier. Mon ami, répondit il, vous feriés à vous mêmes tort de laisser à si bonne ocasion le meilleur Roi du monde, pour prendre vn pauvre Cheualier tel que ie suis. Seigneur, dit Galaor, la grandeur du Roi ne pourroit mettre en moy l'effort, qu'y a mis le combat que ie vous ay veu n'agueres faire: pourtant, s'il vous plaît, accomplissēs en moy ce dont ie vous ay requis. Ie serois répōdit il, trop plus content de vous dōner tel autre dō, que me sçauriés demander: car cétui ne m'appartient, ni à vous ét honorable. Et ainsi qu'ils étoient sus ces termes, Vrgande, nō esperee, arriua vers eus, dōt le Cheualier aus Lyons fut aise: & n'ayant encores, entēdu aucune chose de leur propos, dit au Cheualier des Lyōs: Que vous semble de ce Gentil-hōme? Il me semble, répōdit il, l'un des plus beaux q̄ ie vi onc-

ques: mais il me demande vn dō qui n'ēr ni à lui, ni à moi conuenable. Quel ét il? dit Vrgande. Que ie lui dōne Cheualerie, répōdit le Cheualier encores qu'il se soit mis en chemin, delibéré d'aller requerir le Roy Lisuarr de ce faire. Certainement dit Vrgande, à lui retarder y auroit plus de Mal q̄ de bien, & lui conseille qu'il ne desist de sa requête: car vous ne la lui de uēs refuser, veu que ie vous puis asseurer, qu'elle sera en lui mieus employee qu'a nul autre qui soit en toutes les Iles de cete Mer, excepté vn. Puis qu'ainsi ét, répōdit le Cheualier, au nō de Dieu soit: allōs en quelq̄ Eglise pour faire la vigilie. Il n'ēt besoin, dit Galaor, car i'ay ce iourd'hui oui messe, & veu le precieus corps de Iesus Christ. Il suffit, répondit le Cheualier. A l'heure lui chaussa l'esperō droit & l'acolant lui dit: Vous êtes maintenant Cheualier: parquoi prenēs l'épee de celui qui vous sera plus agreable. Vous me la donnerēs donc, s'il vous plaît, répōdit Galaor, veu q̄ de nul autre ie ne l'accepterai de mō grē. Lors apella vn Ecuyer qu'il auoit fait venir, lequel en tenoit vne: mais Vrgandes s'auança, & lui dit. Non non, vous en aurēs bien vne meilleure, prenēs cete la qui pend à cēt arbre: laquelle vous trouuerēs trop pl^e belle. Et incontinnēt tous regarderēt à l'arbre: mais ils ne virēt rien de quoi elle se print fort a rire leur: disant: En bonne foi, il y a bien dis ans qu'elle y pēd encores, que nul passāt par deuāt l'ait aperceue. Or regardēs maintenant, car vn chacū la pourra voir. Et a l'instant fut de tous veuē atachée à vne des branches de l'arbre, aussi claire q̄ si à l'heure elle y eut été mise, & pēdoit tout ioignant son fourreau couert d'or, & de foye, autant entier, que si presentement il y eut été fait. Adonc s'en aprocha le Cheualier des Liōs, & la print: puis la ceignant à Galaor, lui dit: Vne tant belle épee ét cōuenable à tāt beau Cheualier q̄ vous êtes, & biē pouēs croire que celle ne vous hait, qui si long tems la vous a gardee. De trēbon cueur, la

la remercera Galaor, & aussi le Cheualier des Lyons, puis leur dit : Je vous supplie m'excuser, car ie suis contraint de partir presentement d'avec vous : & n'étoit qu'il me faut retirer ou lon m'attend, il n'y a compagnie que ie desirasse tant que la vôtre : & pourtant, mon Seigneur (dit il à celui qu'il auoit fait Cheualier) ie vous prie me dire, ou ie vous pourray trouuer à mon retour. En la maison du Roy Lisuart, répondit il, en laquelle ie seray fort aisé de vous voir : Et pource qu'il, n'y a long tems que ie suis Cheualier, j'ay grand vouloir d'y faire quelque sejour, pour aquerir honneur, comme vous ne sçauriez faillir de faire. Certes dit Galaor, ie vous suiuray en brief : puis dit à Vrgade : Ma dame, vous m'aués tant obligé à vous, qu'il vous plaît me tiédres pour votre cheualier, prêt à vous obeir quand ie vous plaira me commander. Et ainsi se departit d'eus, retournant vers le Geant, qui l'atendoit le long de la riuere, ou il s'étoit caché, à ce qu'il ne fut aperceu. Mais entendés, qu'ainsi que Galaor deuisoit avec Vrgande, & le Cheualier des Lyons, l'une des Damoiselles de Galaor, s'enquit tant à celles d'Vrgande, qu'elle sceut que le Cheualier des Lyons étoit Amadis fils du Roy Perion de Gaule, lequel Vrgade auoit là fait venir, pour tirer à force d'armes son ami, que lon detenoit prisonnier : car par enchantement ne leut sceu faire, pource que la Dame de leans étoit fort sçauante en tel art, & l'auoit premier enchanté que sa maitresse, & pourtant ne craignoit pour le faire perdre que la force des armes, à l'occasion de quoi elle auoit fait dresser cete coutume que ce bon Cheualier a mis à fin, & deliuré (comme aués peu voir) celui, pour lequel sommes icy venus : & lequel la Damoselle niece de la Dame de ce château, qui n'agueres se vouloit ietter en l'eau y auoit amené. Puis aussi tôt qu'Galaor fut party d'Vrgande, elle demanda au Cheualier des Lyons s'il connoissoit celui qu'il auoit fait Cheualier. Non, dit il, ma Dame, Vraye-

mēt, répondit Vrgade, c'est bien raison qu'il sçache qui il est : car il a si bon cuer, que si vous vous rencôtriés ne vous connoissiez, il en pourroit venir trop d'inconuenient. Pourtant ie vous aise, qu'il vous êtes freres de pere & de mere, & est celui qu'il le Geant emporta, n'ayant encores qu'un deus ans & demi : mais maintenant il est tel, & si grand, qu'il vous le voyés, & pour l'amour de vous & de luy, j'ay si long tē gardé cete epee, avec laquelle ie vous assure qu'il fera plus de commencement d'armes, qu'onques Cheualier ne fit en la grand Bretagne. De grand joye qu'en eut Amadis lui vindrent les larmes aux yeus, & dit à Vrgade : Ah, ma Dame, ie vous supplie me dire, ou ie le trouveray, il n'est besoin pour le present qu'il le cherchés, répondit Vrgande. Comment dit Amadis, il est doncq' force que ce qui est de luy predestiné s'accomplisse premier qu'il le trouué. Ouy bien, répondit elle, & si ne sera pas si aisé à connoître que vous pensés. Assés long tems continuèrent leurs propos, & tant qu'Vrgande s'en voulut aller seule avec son amy, & commanda à Dieu Amadis, qui print le chemin de Vindilifore, ou en cete saison le Roy Lisuart sejournoit. Et pour cete heure l'histoire s'en taira, & continuera ce qui aint à Galaor état nouveau Cheualier, lequel arriué ou étoit le Geant, lui dit : Pere ie suis (graces à Dieu, & à celui vers qui m'aués enuoyé) maintenant Cheualier. Mō fis, répondit le Geant, j'en suis tresayse, puis qu'ainsi est, vous m'otroyés un don, s'il vous plaît Comment ? dit Galaor, estimeriez vous que ie le vous voufisse refuser ? si n'étoit que me voufissiez détourner d'aller aquerir honneur ? Mon fis répondit le Geant, plutôt en voudrois l'augmentation, & ce que ie veus vous y seruira. Demandés le donc dit Galaor : car ie le vous otroye, Mon fis, répondit le Geant, quelquefois m'aués ouy plaindre d'Albadan le Geant, lequel occit en traison mō pere, & encores me detiēt par force la roche de Galtares, qui iustement m'appartient,

ie vous prie que vous m'en faciés la vengeance, qu'autre que vous ne peut faire: & vous souuienne du traitement, & nourriture que ie vous ay faite, aussi de l'amytie q'ie vous porte, qui ét telle, q'ie mettrois ma perlonne iusques à la mort pour la vôtre. Ce don (dît Galaor) ne me devés demâder mais comâder le faire. Et quâd à moi, ie vo' suplic soyés cõtent, qu'avec Albadâ, ie vuide ce differêt, puis q' de si près il vous touche & croyés que si i'ê échape vif, ie seray encores plus prêt à faire, & à complir toutes autres choses, qui seront à vôtre honneur & profit, q'ie n'auray été de cete cy, & seray en ce deuoir tant que ma vie pourra durer, pour témoignage de l'obligation que i'ay à vous: & sans plus seiourner allons presentement vers celui, à qui nous auons affaire. Au nõ de Dieu soit répondit le Geant. Ainsi prindrent le chemin de la roche de Galtares: mais ils ne cheminerent longuement, qu'Vrgande les ataignit, & lors s'entreconneurêt, puis dît Vrgande à Galaor: Mon fis scaués vous qui vous à fait ce iourd'hui Cheualier? Ouy certes, ma Dame répondit Galaor, ça été le meilleur Cheualier de qui oncqs i'ouy parler. Il ét bien vray, dît elle: car il vaut encores mieus que vous ne pensés: mais ie veus que vous scâchés son nom. Alors apella Gâdalac le Geant, & lui dît: Gandalac ne scâis tu q' ce Cheualier que tu as nourry ét fis du Roi Perion, & de la Roine Elisene? & q' pour les paroles que ie te dys, tu le prins, & l'as fait nourrir & élever? C'êt verité, répõdit le Geant. Or Galaor mon ami, dît Vrgande, celui qui vous à fait Cheualier ét vôtre ferre & vôtre aîné de deus ans, pourtât quât vous le verrés portés luy honneur, & mettés peine de lui ressembler en hardiesse & bõ vouloir. Et il possible répõdit Galaor, que le Roi Perion soit mon pere; la Roine Elisene ma mere, & que ie sois frere de si bõ cheualier? Ouy vrayement, dît elle. Or Dieu soit loué, répondit Galaor maintenant ie vous puis asseurer, q'ie suis en plus grâd

soucy qu'au parauant, & q' ma vie ne sera épargnee: puis qu'il me conuient être tel que celui que vous aués nommé, & sans passer plus auant s'en retourna Vrgande le chemin qu'elle étoit venue, & le Geant & Galaor suiurent. celui qu'ils auoyent commencé: & cheminant, Galaor demanda au geant, qui étoit cete Damoiselle, qui auoit parlé à eus. C'êt dît le Geant, Vrgande la Déconneuë, qui ainsi se nomme: pource q' souuêt se transforme & fait inconnuë & deuissans de ces propos, arriuerent sus le bord d'une riuere, ou il se voulurent rafraichir, & pource qu'à l'heure la chaleur étoit fort vehemête, ils firêt dresser vne tente, ou ils ne furêt lōg tems, qu'ils virêt venir vers eus deus Damoiselles, par deus diuers chemins, quitoutes de se ioignirent ensemble, au deuât de ce paillō. Et quâd elles aperceurêt le geant elles ét voulurent fuir: Mais Galaor les vint asseurer, & gracieusement les fit retourner, puis leur demanda ou elles alloÿt. L'une répõdit, ie m'en vois par le comâdement de m'a maitresse voir vne bataille bien étrange, d'un seul Cheualier, qui a entrepris combattre le fort Geant de la roche de Galtares, à fin que ie lui en sache dire des nouuelles. Quand l'autre l'entendit. Je m'ebahi, dît elle, de ce que nous dites. Y a il au monde Cheualier, qui osé entreprendre telle folie? Certes dît l'autre, c'êt verité. Vrayement répõdit la dernière, encores que mon chemin s'adonne ailleurs, ie suis contenté de me détourner, & vous suiure, pour voir chose si peu croyable. Et de ce pas voulurent prendre congé de Galaor: mais il leur dît: Damoiselles ne vous hastés tant, & nous atédés, s'il vous plaît: car nous vous y ferons compagnie. Ce qu'elles luy acorderent, tant pour la bõne grace qu'il auoit en ce nouuel acoutrement de Cheualier, qu'aussi pour l'excellenté beauté, de luy, qui étoit telle, qu'elles prenoyent grand plaisir à le regarder. Lors tira Galaor le geant à part et lui dît. Pere, ie desirerois fort, que ne chemi-

cheminissies plus auant avec nous, & que me laississies aller avecq' ses Damoiselles faire ce que ie vous ay promis. Cecy disoit il, à ce qu'elles ne sceussent qui il étoit, & que lon ne le soupçonnât de cete entreprise : parquoy le Geant outre son gré le luy acorda . Ainli s'en alla Galaor avec ces femmes, & trois Ecuyers, que le Geant lui laissa pour porter ses armes: & tant cheminerent, qu'ils arriuerent à deus lieues prés de la roche de Galtares, ou ils sen'nuitieret en la maisonnette d'un Hermite, auquel des le soir Galaor se confessa. Mais quand il lui declara qu'il alloit pour ce combat, le bon Hermite fort épouenté lui fit plusieurs remonstrances, disant mon fis, qui vous a mis en cete temerité? veu qu'il n'y a en toute cete contree dix tels Cheualiers que vous êtes, qui l'o fassent assaillir, tant ét ce diable grand & épouuentable? Et vous, qui êtes si ieune, vous metant en ce danger, voulés perdre le cors & l'ame: pource que ceus qui sciement se presentent à leur mort, son d'eus mêmes homicides. Pere, répondit Galaor, Dieu fera de moi sa volonté: car en nulle maniere ie ne laisseray cete entreprise. Grande compassion en eut le preud'homme, & telle, que les larmes luy en vindrēt aus yeus & ne lui peut autre chose dire, sinon: Le prie Dieu mon enfant, qu'il soit en vōtre ayde, puis qu'autrement ne me voulés croire. Mon pere; répond Galaor ie vous supplie ayés souuenance de moi en vos prieres. Et ainli iusques au l'endemain passerēt la nuit, puis ayant ouy messe, Galaor s'arma & s'e alla à la roche, qui n'étoit loing de l'hermitage: car de là lon pouuoit voir la fortereste, & les grosses tours, qui lui donnoient bien marque d'un tréfort château. Quand l'une des Damoiselles vit qu'ils aprochoient si prés, elle demanda à Galaor, s'il connoissoit le Cheualier, qui deuoit faire la bataille. Ie pense, répondit il, autre-fois l'auoir veu. Mais dites moi vous mêmes, de quel lieu vous êtes partie, pour venir voir ce pas-

setems, & qui ét la Dame qui vous a enuoyee. Autre ne le peut scauoir, répondit elle, que le Cheualier mêmes qui doit combattre: & tant continuèrent leurs propos qu'ils arriuerent ioignant le château d'Albadan, duquel ils trouuerent la porte fermee. Lors Galaor s'aprochant de prés apella le portier. A ce cry vindrent deus hommes sus le portail, qui lui demanderent qu'il cherchoit. Allés répondit Galaor, dire à Albadan, que c'et vn Cheualier, qui le vient de par Gandalac cōbattre: & que s'il ne sort promptement, il monstrea qu'il ét de beaucoup moindie de valeur que de reputation. Vous aués bonne raison dirent (en se moquant ceus à qui il parloit) mais il vous pourra bien tôt apporter vn remede contre vōtre colere, si vous mêmes n'y remediés à la course. Alors s'en partit la guette, qui alla dire au Geant les nouuelles. Et quand les Damoiselles entendirent, que c'étoit Galaor mêmes, qui deuoit executer l'entreprise, elles furent trop ébaies, & lui dirent, Ha, Signr, vous faites trop grande follic. Or vueille Dieu vous secourir, tellement qu'a vōtre honneur vous puissies deliurer & mettre à fin si haute chose, que vous entreprenés. Et quant à ma part, dit l'une, ie ne seiourneray plus avec vous: car ie mourrois seulement de voir ce monstre, à qui vous aués affaire. Damoiselles, répondit il: puis que vous n'êtes asseurees, retirés vous en l'Hermitage, ou nous auons dormy cete nuit, & si ie ne meurs, ie me rendrai incontinent vers vous. Vrayement, dit l'autre Damoiselle, quoi qu'il en puisse auenir, ie ne partiray que ie n'en aye veu la fin. Et ainli l'assurance de l'une arrêta l'autre: toute fois elles se retirerent vn peu à l'écart le long d'une forêt pour n'être veués, & aussi esperans se sauuer, si mal auenoit au Cheualier.

Comme Galaor vainquit le Geant de la roche de Galtares.

CHAP. XIII.

DE

DE ces nouvelles fut le Geant incontînēt auerty:parquoi biē tōt après saillit hors du château monté sus vn cheual de proportionnée grandeur à la sienne: car il sembloit vn Elephāt,& lui dessus faisoit mieus souuenir d'vn colosse,ou d'vne mōtaine se mouuant, q̄ d'vn Cheualier. Or s'étoit il armé d'vnes lames de fer si longues qu'elles le couuroyēt depuis la gorge iusques sus la selle du dérier. En sa tête portoit vn fort armet clair & luyfant & en sa main vne pesante masse d'acier, qui étoit le bâton, avec lequel plus cōmunement il combatoit. Grandement furēt épouuētés les Ecuyers & Damoiselles de le voir,& Galaor mêmes ne fut si assuré, qu'il ne s'en étonnât: toutefois il se resolut, de sorte q̄ tant plus il s'aprochoit, & moins estimoit cete grande molle. Quand le Geant le vit si audacieusemēt marcher vers lui, il lui dît: Le m'ébahy, demi hōme, cōme tu oses si hardimēt atēdre ta mort: celui qui t'y a enuoyé deuoit emprunter ton courage, ou toy sa corpulēce: mais il m'a voulu abiller ce déjeuner auāt le repas entier. Galaor qui ne fut content de tel mēpris, lui répōdit: Pēses tu, grād animal, q̄ ton abayement puisse faire, ou toi mieus, ou moi moins, valoir? I'ay fiāce en celui qui abaissa l'orgueil, du grand Philiſtin, qu'il te rendra plus vil que ce sable. Trop mari se trouua le Geant de ces paroles: parquoi, sans autre chose dire, haussa la masse pour l'acabler, & sembloit à sōdémacher q̄ ce fût vne tour qui se renuerſât. Lors Galaor léger & adroit, baissa la lāce, & au plus roide courir de son cheual l'ataignit, en l'estomac si viuement, qu'il fit perdre à ce grand Polyphemus vn des ériers, & la lance volā en éclats. Au passer le cuida le Geāt araindre de sa masse: mais il coula outre trop soudainemēt, & cheut le coup en vain, & la masse qui étoit lourde, & comparable à vne grande poutre, tirée de la foudroyante, force du bras, s'aualla de telle roideur, que le

Geant mêmes ne la sceut retenir, qu'il n'en donnāt par les flācs de son cheual, si merueilleus coup, qu'il l'assomma, & tōba mort deſſous luy: dont le Geant demeura long tems sans se pouoir releuer. Ce-pendant Galaor retourna à lui, & tāt luy fit passer le cheual sus le ventre, qu'il ne se pouoit bōnemēt resſourdre: car aussi tōt qu'il y essayoit, Galaor le pressoit de si près, qu'il lui faisoit dōner du nés à terre: mais a la fin, le cheual mémés de Galaor bruncha pour l'épeſſeur du corps, au moiende quoi il tomba bas, cōme le Geāt. Toutefois voyāt le danger ou il étoit, par sa dexterité promptement se releua, & s'a prochant de son ennemy, mit la main à l'épee, qu'Vrgāde lui auoit donnée, avecques, laquelle ainsi que le Geant leuoit sa masse, il lui donna tel coup deſſus le māche, qu'il le mit en pieces, & ne lui en demeura q̄ biē peu au poing, dont il frapa Galaor de telle roideur, qu'il fut cōtraint mettre vne main à terre, pour se soutenir. Ce nō obſtāt il ne le peut étōner, ains vint au Geant, qui tenoit encores haucé ce reste de masse, pour lui en dōner de rechef, dont il se sceut bien garantir: car en se détournant, il lui ietta vn reuers de si grād' force qu'il lui coupa les bras ioignant de l'épaule, & de force passa l'épee outre, rencontrant la iambe du Geant, laquelle il fendit quasi à moitié: parquoi il sentit si grād' douleur, qu'il s'écria à haute voix: Ah moi malheureus! ie suis deſſait par vn seul hōme: & de rage qu'il auoit se cuida auācer pour saisir Galaor: mais pour la grād' playe qu'il auoit en la iambe: ne peut marcher plus auant, & fut contraint se ſeoir à terre. Ce pēdāt Galaors'aprocha (ainsi q̄ le Geant auançoit le bras pour le prēdre) & au decouvert lui dōna tel coup qu'il lui emporta la plus part de la main droite, par ce moyē fut le Geāt dénuē de ses forces: car il s'étoit tāt trauaillē qu'il cheut en la place, sans auoir plus le pouoir de se releuer. Par ce moiē Galaor ayſement luy trenche la tête laquelle

le il fit importer par ses Ecuyers. Ce que voyans les Damoiselles, retournerent de leur embûche, & vindrent voir cete merueille, disans à Galaor: Certes, bõ Cheualier, bonne nourriture à fait en vous ce lui qui vous a eleué: car (à ce qu'auõs entendu) il en a le profit, & la vengeance, et vous l'honneur trégrand. Et ainsi qu'ils s'en vouloyent retourner, ils auiserét fort du château dis Cheualiers enchainés ensemble, qui lui crioient: Venés, Seigneur venés receuoir cete place, puis que vous aués fait mourir celui qui si miserablement nous y detenoit prisonniers. Que vous ensemble (dît Galaor aus Damoiselles, devons nous méhuy sejourner leans? Certes, dirent elles, nous sommes d'auis qu'ouy. Ainsi s'en allerent au château, ou Galaor fit defferrer les prisonniers. Et peu après fut par ceus de leans aporté viandes pour le faire dîner & sa cõpagnie. Quád ils eurent repeu, & visité à leur aise la forteresse, les suiets de la roche vindrét tous vers celui, qui l'auoit nouvellement conquise, & lui en voulurent faire hõmage, cõme à leur Seigneur: léquels il ne voulut nullement recevoir: car il leur remontra, que ce qu'il en auoit fait, étoit pour Gandalac, à qui de droit la place appartenoit. Et moy, dît il cõme son bié obligé, suis venu y faire son logis. Pourtant ie vous prie l'y bien recevoir tous, & lui obeir cõme à vòtre droiturier & naurel Seigneur: & ie suis seur qu'il vous traitera avec toute amour, & gracieuseté. Ce qui leur fut agreable, & répondirent d'une vois, qu'il seroit le bien venu. Car nous esperons, dirent ils, que comme celui à qui sõmes vassaus & suiets, il essayera à nous soulager, en lieu quel' autre nous traitoit en esclaves: & vous tenõs pour nôtre libérateur, qui l'aués vaincu. Ces choses dites & acordees, s'en partit Galaor avecq' sa cõpagnie, & rerournerent en l'Hermitage ou l'Hermite étoit atédât de leurs nouuelles leq'l fut fort aisé quád vit galaor retourner si heureusement: car, autrement il iugeoit

deuoir auenir: parquoi lui dît: Mon fis vous deués bié louer nôtre Seigneur Dieu & l'aymer, puis qu'il vous ayme tant d'auoir permis, que si belle vengeance fut par vous executée. Peu sejourna Galaor avec le preud'homme, ains le lendemain (après auoir receu sa benediction) entra en son chemin. Lors l'une des Damoiselles lui pria, qu'il fut content qu'elle allât en sa compagnie, ce qu'il lui acorda. Et moi dît l'autre, ie prendrai autre chemin: car ie ne vins pardeça sinon pour voir la fin de ce combat duquel i'ay tât veu, que i'ay loisir d'en conter aus autres: pourtât ie m'en vois en la court du Roi Lisuart trouuer vn mien frere, qui ét allé deuant. Demoiselle m'ameye, dît galaor, ie vous prie, si vous y trouués vn ieune Cheualier qui porte vnes armes de Lyons, lui dire que le gentil-homme, à qui n'agueres il dõna cheualerie, se recõmande à lui humblement, & qu'il lui mande, qu'il mettra peine de honorer l'ordre qu'il a receu de lui, et que quand nous serons ensemble, ie lui ferai entendre de nôtre être plus qu'il n'en sçait. Ainsi la Damoiselle print congé de galaor lequel la commada à Dieu, puis dît à l'autre: Damoiselle m'amie, vo'sçaués que i'ay mis à fin la bataille du géant, & que vous me dites, auant que ie la cõmençasse, q' celui qui cõbatroit sçauroit qui ét celle qui vous fit venir par deçà. Il ét vray, répõd la Damoiselle, & si aués desir de le sçauoir si me suiues, & ie la vous montreray dedans cinq iours. A cela ne tiédra, dît galaor. Ainsi cheminerét ensemble si longuement, qu'ils arriuerent près d'un chemin fourché, & galaor, qui marchoit deuant pensoit qu'elle le suiuit: mais elle s'étoit arrêtée derriere, & quád elle le cuida ataindre, se fouruoya à ce chemin fourché. Ceci auint à l'entrée de la forêt de Bragnade, laq'le départ les contrées de Claire, & de grece ou il n'eut loin cheminé, qu'il entendit une vois, qui croioit: Ah bõ Cheualier, secourés moy! Lors galaor tourna la tête pour voir q' c'étoit.

Ie

Je croy dît l'Ecuyer, q̄ ce soit la Damoiselle qui viêt departir d'avec nous. Cōment? répōdit Galaor nous a elle laissés? Oui certes, dît l'Ecuyer, elle à prins le chemin à gauche. En bonne foi, répondit il, ie l'ay trēmal gardee, & hâtiuement, sans prēdre son armet, ayant seulement son écu & sa lance, courut ou il auoit entendu la vois & auisa assēs pres de la cinq hommes de pié, armés de Brigandines, cabassets, & halbardes, & vn Nain à cheual, qui frapoit la Damoiselle d'vn bâton qu'il tenoit en la main. Qand Galaor le eut aprochés, il s'adressa au Nain, & lui dît : Creature vilaine & abhominable, Dieu t'ēuoye mal'encontre. Ce disant tourna le gros bout de sa lance, duquel il lui donna tel coup, qu'il le fit tomber à terre étourdi. Adonc ces halebardiers coururent sus à Galaor, & l'assaillirent de toutes parts: mais au premier qu'il rencontra, donna si rudemēt du bois de sa lance, qu'il le ieta à terre : puis rua sus l'vn des autres (qui luy auoit mis la pointe de sa hallebarde si auant dans l'écu, qu'il ne la pouoit retirer) & lui donna de la lance au trauiers du cors. Quand le tiers vit telle executiō, il se print à fuir, au plus épēs de la forêt, & ne le peut Galaor ataindre: Au moien dequoi retourna vers le Nain, qui s'étoit remonté, & en fuyant crioit: Lâche Cheualier, à mal'heure frapas tu oncq' mes gēs: car tu en mourras de malle mort. Quand Galaor vit que le Nain trauailloit tant à se sauuer, il ne le voulut poursuyure plus auant: mais descendit pour voir si sa lance, qu'il auoit mise dans les tripes de celuy qui gisoit mort en la place étoit encores entiere, & la trouua aussi saine que parauant: parquoi la bailla à son Ecuyer, & dît à la Damoiselle: marchés deuāt, et ie vous garderay si Dieu plaît, mieus que ie n'ay fait & reprindrent le chemin qu'il auoyēt laissé, par lequel neurent longuement cheminé, qu'ils trouuerent vne reuierenommee Bras, laquelle lon ne pouoit passer à gué. Or marchoit la Damoiselle assēs loing

deuant Galaor & trouua le passager si à propos, qu'elle passa la premiere, & ce pendant arriua Galaor, leque attendant le bateau, aperceut retourner le Nain vers lui, criant à haute vois: Vilain traître, vous êtes mort, & si laisserés la Damoiselle que vous me tollîtes. Peu de cas faisoit Galaor de ses paroles: mais il regarda plus outre & vit qu'avec le Nain venoyent trois Cheualiers bien équipés &, disoit l'vn des trois aus autres: Ce seroit lâchement fait de nous adresser trois ensemble cōtre vn seul: & quāt à moi, ie ne veus ayde nule. Ce disant laissa courre le plus roide qu'il peut son cheual à Galaor, qui s'étoit appareillé pour les recevoir, & ainsi se rencontrerent de telle sorte, q̄ le Cheualier faucha le harnois de Galaor, & lui fit sentir à nud le fer de sa lance, non pas grandement: mais Galaor le luy rendit si lourdement, qu'il le desarçonna, le faisant tōber à terre éuanouy de ce saut. Dequoi les autres furent si ébahis, qu'ils vindrent eus deus contre Galaor. L'vn faillit son coup & l'autre brisa sa lance sus l'écu: Et Galaor bien delibéré de se venger, ataignit ce dernier en la veuē si rudement, qu'il lui fit voler l'armet de la tête, & perdre les étriers près de choir. Ce pendant le second, qui n'auoit encores rompu, retourna à Galaor, & rompit à ce coup: toute-fois encores que l'atainte fut grande, le harnois n'en fut aucunemēt endommagé. Quand les vns & les autres eurent rompu leur bois, ils mirent la main aus épées & se prindrent à se chamailler. Durant cete mêlée le Nain sans interualle cryoit à ses gens: Gardés qu'il ne vous échape, tués le, qu'il ne fuye. Lors Galaor s'aprocha de celui qui auoit perdu son armet, & lui eut fendu la tête, s'il n'eut paré le coup de son épée: ce nonobstant il fut ataint du bout de celle de Galaor, qui lui entama la tête si auant, qu'il tomba mort en la place. Et quand le tiers vit son compagnō mort, il eut telle fraieur qu'il tourna le dos, & s'ēfuit: mais Galaor le poursuyuit

suivit de si près, qu'il lui donna du taillât de l'épee sus l'armet, & glissa le coup sus le haubert, dont il fit voler grand quantité des lames. Trop fut la crainte de ce fuyard augmentee, sentant son ennemy si pres de soy: parquoy pour mieus se garantir, iettât son écu sus ses épaules, plus que deuant se mit à fuir. Ce que voyant Galaor ne le poursuivit outre, ains se hàta de retourner, pensant prendre le Nain, & l'atacher par les iambes à quelque arbre. Toutefois le Nain s'en garda bien: car il fuïoit encores mieus que l'autre, pourtât vint Galaor au premier qu'il auoit abatu, lequel retournant de pamoison se releuoit, & lui dît Galaor: Vrayement il me déplait de vòtre infortune, & non de celle de vos compagnons: car comme bon Cheualier, vous adressâtes seul à moy, encores que ie ne sçache à quelle ocaïon, veu que oncques ne vous messis que ie sçache. Il ét vray, répondit le Cheualier: toute-fois entendés, que ce Nain nous dît, que l'auies batu, tué ses gens, & prins par force vne Damoiselle qui vouloit aller avec lui. Vrayement, dît Galaor (lui montrant la Damoiselle qui l'atêdoit de l'autre part de la riuïere) il a fausement menty. Et qu'ainsi soit, si ie l'auois forcee, elle ne m'attendroit de son gré, comme elle fait: mais elle s'égara en cète forêt, & le Nain la rencontra, qui la vouloit outre son gré emmener, & pour-ce qu'elle ne lui voulut obeïr, l'outragea grandement d'un bâton. Ah traître qu'il ét! répondit le Cheualier, en sa mal-heure me fit il oncques venir icy, si ie le rencontre. Er pource que Galaor le trouua de si bõne forte, il fit reprendre son cheual, qui étoit échapé, & le lui rendre, lui priant que s'il voyoit le Nain, qu'il le punît de cète traison. Ce fait entra en la barque, & passa l'eau, puis continuerent la Damoiselle & lui le chemin qu'ils auoyent commencé, & tant, qu'entre nonne & vêpres la Damoiselle lui môtra vn château, fort beau, au haut d'une montaigne, & lui dît: Ce se-

AM. I

ra le meilleur pour mes-huy nous loger ceans, & de fait ils y descendirent, ou ils furent très-bien receus: car c'étoit ou demouroit la mere de celle qui le guidoyt. Puis aussi tôt que Galaor fut desarmé la Damoiselle lui dît: Affin que ie vous tienne promesse, vous m'attendrés ceans iusques à mô retour, qui sera brief, & si vous apporteray certaines nouvelles de celle, que desirés voir. I'en suis content, répondit Galaor, pourveu que faciés peu de sejour, car i'ay affaire ailleurs. Ne vous chaille, dît la Damoiselle, vous me verrés bien tôt, & s'en partit, faisant telle diligence, que Galaor ne s'ennuya de sa demeure. Et elle de retour, le fit monter à cheual, & s'en allerent ensemble cheminant au travers de la forêt, au faillir de laquelle la nuit les print. Lors la Damoiselle (laissant le droit chemin) tira à côté, & tant allerent que la plus part de la nuit étoit ja passée, quand ils arriuerent près d'une bien belle ville, qui Grandares se nommoit. Et étans joignant la porte du château, la Damoiselle lui dît: Descendés maintenant: & venés aptés moi: car leans ie vous montreray celle que ie vous ay promise, & ne laissés vos armes, pour-ce que lon ne sçait communement ce qui peut auenir: La Damoiselle marcha deuant, & Galaor la suivit tant qu'ils vindrent près d'une muraille. Adonc lui dît la Damoiselle: Montés icy, & i'iray de l'autre part vous attendre. Ce qu'il fit avec grande peine, pour la pesanteur de ses armes, mêmes de son écu & heaume dont il étoit armé. Quand la Damoiselle le vid à mont, elle entra dans le palays, pour le guider comme elle auoit commencé. Ce pendant Galaor descendit, & s'asît joignant vne poterne qui entroit dans vn jardin, ou il demeura si longuement, que la Damoiselle la vint ouvrir, avec l'une de ses compagnes: mais auant qu'il entrât dedans, elle lui dirent: Encores que vous soyés venu iusques icy, si faut il, deuant, q̃ passiés outre, que nous dissiés de qui vous

E

êtes

êtes fis . Laissons cela, répondit Galaor: car j'ay tel pere, que (iusques à ce que mieus ie vaille) ie suis content de point ne le nommer . Toute-fois, dît l'une, il conuient que nous le sçachions: car ce ne sera pour vòtre dommage. Ie suis, répondit il, fis du Roi Perion de Gaule, & de la Roine Elisene, & si ny a pas sis jours, que ie ne le vous eusse sceu dire. Or atendés donc, dît la Damoiselle: puis le firent desarmer, lui ietant vn manteau sus ses épaules, & passerent outre: l'une des Damoiselles marchoit deuant, & l'autre derriere. Ainsi rentrerent dans le palais, trauersans vne chambre ou plusieurs Dames & Damoiselles étoient couchees, & si quelqu'une demandoit qui passoit à telle heure, les Damoiselles qui le conduisoient, répondoient. Et par ce moyen, sans qu'il fût aperceu, vindrent iusques à vne autre chambre, en laquelle Galaor entrant, vid assise sus vn lit de parement vne très belle damoiselle, laquelle peignoit ses cheueus blonds. Quand elle auisa Galaor, elle ietta promptement sus son chef vn chapeau de fleurs, & vint receuoir celui qu'on luy amenoit, lui disant: Mon amy, vous soyés le très bien venu, comme le meilleur Cheualier que ie sçache. Et vous, ma Dame, répondit il, soyés la très bien trouuee: comme la plus belle Damoiselle que ie vy oncques. Adonc la Damoiselle, qui leans l'auoit guidé lui dît: Seigneur, voicy ma maitresse. Or suis ie maintenant quite de la promesse que ie vous auois faite: & si vous dy plus, qu'elle se nomme Aldene, fille du Roi Serolis: & pour ce que la femme du Duc de Bristoye, èt seur de sa mere, elle la nourrit ceans comme sa fille: & vous, ma Dame, dît elle à cete ieune Princesse, ie vous puis asseurer, que vous aués maintenant pres de vous le fis du Roi Perion de Gaule: ainsi vous êtes tous deus fis de Roys & excellens en beauté: pourtant si vous entr'aimés nul ne vous en sçauroit blâmer. Cela dît, yssit hors de la chambre: & tirant l'huis à soy, les laissa

ensemble. Par ce moyen cete nuit furent les deus amans au plaisir, que celuy seul qui a receu pareille fortune peut estimer, qui me gardera d'en tenir plus long propos. Mais venue l'heure qu'il conuenoyt que Galaor se retirât, il fut auisé par les Damoiselles de partir, lesquelles le remenerent au lieu mêmes ou le soir il auoyt laissé ses armes: & après qu'il se fut armé, il faillit au iardin par ou il étoit entré. Et comme iamais nul bien ne vient sans cõpagnie de quelq̃ molestie, il trouua dedans le Nain embuché, duquel n'agueres ie vous ay parlé, qui aussi tôt l'aperceut, & s'écria: par dieu, rustre, mal pour vous entrâtes ceans: car vous y mourrés, & la méchante qui vous y a conduit. Puis dît à haute vois: Saillés Cheualiers, saillés, voicy vn homme qui sort de la chambre du duc. Pas ne fut lors Galaor endormy: mais legerement franchit la muraille, & se ieta de l'autre part, ou il trouua son cheual sus lequel il monta: toutefois le Nain & ses gens, sachans les êtres de la maison, le deuancerent. Et quand Galaor vid les poursuites du Nain, il dît à soi-mêmes: Ie veus mourir, si ie ne fais mourir cete malheureuse creature, si i'en puis aprocher. Adonc vindrent ceus du Nain assaillir Galaor: mais si vertueusement se defendoit qu'il n'osoit s'en tenir trop près. Toutefois pour la grand fureur ou il étoit, se lança au milieu d'entr'eus, frapât à droit & à trauers: parquoy les autres lui resistâs l'endõmageoyent au possible. En ces entrefaites Galaor (voyât le Nain qui se retireroit tousiours derriere la troupe) delibera de mourir, ou de l'auoir: & pourtant baissant la tête, entra en la presse, & fit tant qu'auant sa lãce rompît, il en tua deus sus champ: puis mit la main à l'épee, de laquelle il fit tant de merueilles, que le plus hardy lui faisoit voye: car il n'ataignoyt homme qu'il ne fît trebucher en la place. Ce que voyant les gens du Nain, luy tuerent son cheual, dessous lequel il tomba. Alors s'étoyt à qui plutõt le fraperoit:

& de fait le presserēt de si près, qu'à grād peine eut il moyē de se releuer: toute-fois malgré eus il fut sus bout. Adonc d'autāt qu'ils auoyent ēte prompts à aprocher de lui étant à terre, ils furent hātēs d'eus reculer: mais peu au parauant, le Nain pensant que Galaor iamaïs n'échaperoit, auoit donné du fouēt à son cheual, pour le lui faire passer sus le ventre, puis le voyāt en pieds, eūt volōtiers tournē bride: mais larosse étoit lente & lui mal adroit: parquoy Galaor auançant les bras, print le cheual du Nain par la bride, & du pommeau de son ēpee donna tel coup en l'estomach du champion, qu'il le ietta par terre si lourdement, que de la cheute le sang lui sortoit par tous les conduits de la tête: puis legerement se saisit Galaor du cheual qui n'auoit point de maître, lequel comme si perdant le Nain, il eut perdu sa méchanceté, print cœur, & montroit autre contenance. Mais Galaor fut si pressé, qu'en montant dessus les rênes lui échaperent, & pour-ce l'emporta le cheual courant comme foudre: car de taille il étoit puissant, & si fort en bride, que Galaor étant dessus ne le peut arrêter qu'il ne fût fort éloigné de cēte canaille. Mais quand il eūt recouvrē les rênes, voulant retourner à eus, il auisa en l'une des fenētres du château, celle qui l'auoit choisi pour amy, qui d'un linge lui faisoit signe, qu'il se retirāt hātieuemēt, cequ'il fit: pour-ce qu'à la file ses ennemys se renforçoient, & ainsi se départit d'eus, & tant alla, durant cēte journee, qu'il arriua en la forêt, ou pour se rafraichir, bailla à son Ecuyer son ēcu, & armet. Or entendēs, que quand les gens du Duc le virent escamper, les vns étoient d'opinion de le suivre, les autres disoyent que ce seroit folie, puis qu'il auoit gaignē le bois, & sus telle contestation ne passerent outre, & demurerent tous ēbais, comme un seul homme s'étoit peu si à sauverē demeller d'eus ensemble. Durāt ces choses le Nain s'étoit releué: toute-fois il se sentoît tant

moulu & froissē, qu'à grād peine se pouoit il soutenir sus ses pieds, & ne faisoit autre chose que crier: Méchans portēs moy vītement au Duc: car ie luy vueil faire entendre de qui il se doit venger. Lors à force d'importuner, aucūs de la troupe le porterent ou le Duc étoit. Auquel il recita comme il auoit trouvē la Damoysselle en la forêt, & que pour ce qu'il la vouloit emmener, elle s'étoit tant écriee, qu'un Cheualier étoit venu à son aide, qui luy auoit tuē ses hommes, & donné à lui mêmes plusieurs coups de bâton: puis comme il auoit suiuy avec trois Cheualiers, pour la lui ôter, lesquels furent deffaits. Finablement luy conta comme la Damoysselle auoit leans amenē ce Cheualier & mis en sa chambre. Alors le Duc trop courroucé lui demāda, s'il pourroit connoître celui de qui il parloit. Ouy Sire, répondit le Nain, si ie le voyois. A cēte cause furent mandēes les damoysselles qui leans étoient, & aussi tōt que le Nain l'auisa, il la reconneut, & dīt au Duc: Signeur, voy-là celle par laquelle vōtre palais ēt deshonorē. Ha, traître, dīt la Damoysselle, tu ments bien faussemēt: car au contraire, sans l'ayde de celui qui me secourut en la forêt tu m'eusses deshonorēe, après m'auoir vilainement batue. Trop fut le Duc irritē contre la Damoysselle, & lui dīt: Par Dieu fauce femelle, ie feray que vous me dirēs verité. Puis cōmanda qu'elle fût mise en étroite prison: toute-fois pour peine que lon lui fit, ne voulut en rien decouvrir le sēcret de sa maitresse: combien qu'elle y fût par longtems tourmentee, au grād déplaisir & angoisse d'Aldene, qui affectueusement l'aimoit, & ne sçauoit par qui le faire sçauoir à son amy Galaor. Mais l'Autheur ne voulant trop éloigner le propos d'Amadis, le reprend, pour quand la matierre requerra, paracheuer ce qu'auint depuis à Galaor.

Comme Amadis au partir d'Vrgande la Déconneuë arriva en vn château, ou il lui avint ce qu'entendrés.

CHAP. XIII.

GRand plaisir eut Amadis au partir d'Vrgande, tant pour avoir entendu, que celui qu'il avoit fait Chevalier, étoit son frere, qu'aussi qu'il s'approchoit du lieu ou étoit son Oriane, qu'il esperoit voir en brief, & tant chemina au trauers d'une forêt ou il étoit entré, que la nuit le surprint, auant que trouver maison ou pouoir loger. Toutefois à l'obscurité de la nuit, il aperceut au dedans du bois vn grand feu, parquoy piqua cete part, & en cheminant rencontra vne forteresse, & entreuid vne clarté des chadelles qui luisoient au trauers des vitres de leans: puis s'approchant plus près entendit la vois d'hommes & femmes qui chantoient, & s'ébatoient au dedans: Lors vint à la porte, & commença à fraper contre, & crier que lon ouvrît: mais ceus du château faisoient tel bruit, qu'ils ne le pouoyent entendre: ce neantmoins tant cria, & heurta, qu'aucuns vindrent aus creneaux, qui l'aperceurent, & lui demandèrent qu'il cherchoit à telle heure. Seigneur (répondit Amadis) ie suis vn chevalier estrange, qui quiers hebergement. Etranger! dit celui du château, il y apert à ton langage, mais plus à ta façon d'aller tard: car les nôtres cherchent le jour, & tu le fuys, craignant être aperceu, & trouver occasion de combattre: car à telle heure qu'il est, ne se trouveroit par chemin sinō les dyables. Certes, répondit Amadis, peu courtois deués vous être, qui parlés, ou peu sçauant, qui sans autre connoissance de moi, me reboutés & condamnés. Et croy, que si en vous y auoit sens, ou preud'homme, vous auriez quelque fois été en la peine ou ie suis, & l'ayant éprouvé en vous, ne la blâmeriez en autrui. Or éprouve la encores mieus, si elle te plaît, & te va promener: car ceans meshuy ne mettras le pied. Si Dieu m'aide, répondit Amadis, ie croy que

vous ne demandés homme qui vaille en votre compagnie: toutefois auant que partir, ie sçauois volontiers qui vous êtes. Je le te diray, dit l'autre, par tel si, q̄ quand tu me trouveras, tu te combattras à moy. A cela ne tiendra, répondit Amadis. Sçachés, dit celui de leans, que ie suis Dardan qui te mande, que cete nuit ne te pourra être pire que le jour que ie te trouveray. Tu te vantes beaucoup, répondit Amadis: mais si tu veus faire apporter torches pour donner lumiere, & sortir presentemēt sans plus attendre, nous verrons bien tôt à qui touchera la plus mauuaise nuit. Commēt! dit Dardan, pour combattre vn Chahuan, ennemy du jour, doy-ie faire allumer torches, & de nuit prendre les armes? Mal ayt qui meshuy, pour gagner tel honneur, chauffera esperon, ne vêtira cuirace: & ce disant, se retira de la muraille. Ainsi fut Amadis contraint d'aller ailleurs chercher logis. Maintenant peut le Lecteur à part soy découvrir, quel fruit porte avec soy l'outrecuidance, & au cōtraire, quelle perfection des autres vertus est la modestie. Nul courage bien ordonné, & nul cors bien disposé peut mettre deumēt en exercice les biens de l'un ne de l'autre, si la temperance & moderation ne les cōduit, & bien que la vaillance & hardiesse soit grand don de Dieu, si sera elle pernicieuse à qui l'aura, s'il les laisse transporter par passion, ou de gloire, ou d'ambicion, iusques à temerité & presumption. L'eloquence & faculté de bien dire, est vn beau & riche present de nature, augmenté & cultiué par long vsage & étude, pour donner lumiere & ornement aus belles conceptions de l'esprit: mais y a il peste plus nuisante en vne republicque qu'un biē disant Orateur, quād il veut mal vser de son art & douceur de l'agage? N'en a lon veu persuader des peuples entiers, iusques à entreprendre choses qui depuis leur ont apporté ruine & subuersiō? Je laisse la cōfidence des biēs, & l'opiniō de sa propre beauté, dōt l'une a été cause à plusieurs de pdition de

de cors, & l'autre à infinis de destruction d'honneur, tant ét en toutes choses domageable l'outrecuidee vsurpation du trop & l'immoderee estime de soi même. Je ne veus ici comparer la prudence d'Vlisses, à l'arrogance du furieus Ajax, ne la violence de Turnus, à la temperâce d'Aeneas, ne faire autres remontrances par le succés des grandes choses auenués aus illustres personnes Grecques & Latines, & me contenteray de mettre pour exéple le seul accident de l'indiscret Dardan, afin que les ieunes gentis-hommes, qui s'ébattent à lire cete histoire, voyans d'un côté la patiente magnanimité d'Amadis, & de l'autre la furieuse brutalité de Dardan, & la fin des deus, se proposent le vertueus à imiter, & le vicius à detester, & fuyr. Amadis doncques fort ennuyé des outrageuses parolles de Dardan s'en partit, nō point tāt soucieus de loger, que de se venger, & delibera partie en se proumenant le pas, partie se reposant sous quelque buisson, passer l'incommodité de celle nuit en la forêt, & la atendre le nouveau jour. Toutefois il ne chemina gueres, qu'il l'entendit deuant soy quelqu'un parler. Lors piqua celle part, & rencontra deus Damoiselles à cheual, acōpagnées d'un Ecuyer, lesquelles il salua courtoisement, & elles luy. Puis lui demanderēt d'ou à telle heure il venoit armé. Pas ne faillit Amadis à leur reciter ce qu'il lui étoit auenu depuis qu'il fut nuit. Sçaués vous, dirent les Damoiselles, le nō du cheualier? Ouy vrayement, répondit il: car il m'a dit qu'il se nomme Dardan. Il ét vray (dirent elles) que c'êt Dardan le superbe, le plus audacieus Cheualier qui soit en cete contrée. Je le croy vrayement, répondit Amadis. Signeur (dirent elles) puis que ne sçaués pour le present ou loger, s'il vous plaît, prendrés la p acience de demeurer pour meshuy en nos tentes, que nous auons enuoyé dresser icy prés, & il le leur acorda. Et ainsi cheminerēt ensemble tāt qu'ils y arriuerent, & là descendirent, puis

AM. I

se desarma Amadis. Quand les Damoiselles le virent si beau & honnête, elles furēt trefaies de sa compagnie, & souperent ce soir en grand plaisir, & après lui baillerēt l'un des pauillōs pour s'aller reposer: toutefois auant que partir, elles lui demanderent quelle part il tiroit. Vers la maison du Roi Lisuart, répondit Amadis. Et nous aussi, dirent les Damoiselles, pour veoir cōme il auindra à vne Dame, qui ét l'une des bōnes, & des plus nobles de ce païs: qui a mis tout son vaillāt à la preuve d'une bataille, & doit ces jours prochains comparoitre deuant le Roy Lisuart, avec celui qui soutiendra son droit: mais nous ne sçauons encores qui ce sera, car celui contre lequel on la doit deffendre, ét l'un des meilleurs cheualiers qui soit en la grād Bretagne. Qui ét (répondit Amadis) ce Cheualier tant estimé, mêmes entre tāt de bons? C'êt celui Dardan, dirent les Damoiselles, dont à present vous êtes party. Et pour quelle occasion, répondit Amadis, se doit faire ce combat? Je vous supplie Damoiselles, si le sçaués, me le dire. Signeur (dirent elles) ce Dardan ayme vne damoiselle de ce païs, fille d'un Cheualier, qui fut en secondes nōces marié avec celle de qui nous parlons. Or a conceu cete Damoiselle amye de Dardan, telle enuie contre sa belle mere, qu'elle a dit à son amy, que l'amaïs ne l'aimeroit, s'il ne la menoit à la court du Roi Lisuart, & ne maintenoit deuant tous, que tout le bien qui ét a cete pauvre Dame lui apartient, & si aucun le contredisoyt. qu'il se combattit à luy, & ainsi l'a accordé Dardan. Mais l'autre Dame ne fut si biē cōseillée qu'elle auoit besoin: car elle dit deuant le Roy, qu'elle bailleroit cheualier qui maintiendrait son droit, esperant aisément en trouuer un, tant elle tient seure sa querelle. Toutefois Dardan ét si bō Cheualier, que soit à droit, ou à tort, chacun doute d'entreprendre contre lui le cōbat. Cete nouvelle pleut fort à Amadis: car il pēsa bien q par ce moyen il auroit ocasiō de se ven

E 3

ger

ger des iniures qu'il lui auoit faites, mé-
mement deuant son Oriane, ou il feroyt
connoitre tel qu'il étoit, & se mît si fort à
y penser, que les Damoiselles s'en aper-
ceurent: parquoy l'une d'elles lui dît: Sig-
neur, nous vous prions par courtoisie,
nous dire la raison de vôtre pensément, si
bonnement elle se peut dire: Mes Damoi-
selles, répondit Amadis, si vous me vou-
lés promettre comme loyales genti-fem-
mes, de le tenir secret, & à nul le declarer
volontiers, ie le vous diray. Ce qu'elles
lui iurerent. Je pensois, dît il, à combattre
pour cete Dame, dôt m'aués parlé, & ainsi
le feray: mais ie ne vueil qu'autre le sache
que vous deus. Quand elles l'entendirēt,
elles demeurerēt étōnées, & neantmoins
l'estimerent grandement, veu que pour
chose qu'elles eussent dite à la louange
de Dardā, il ne s'étoit ébahy, ains delibe-
roit de le cōbatre: & pourtāt répōdit celle
qui auoit entamé le propos. Seigneur vô-
tre pensée procede de bien bon cœur. Or
vueille Dieu qu'elle ayt bonne yssuē, &
sus ce point lui donnerent le bon soir, &
s'en alla chacun reposer iusques au len-
demain matin, qu'ils délogerent ensen-
ble. Lors lui suplierent les Damoiselles,
que puis qu'ils alloiyēt en vn même lieu,
& qu'en la forêt il y auoit de gens de
mauvaise sorte, il lui pleût ne les abādon-
ner, ce qu'il leur promit faire. Par ainsi se
mirent sus le chemin en diuers propos.
Entre autres, elles lui prierent, que puis
que Dieu les auoit ainsi assemblés, il fût
contēt de leur dire son nom. Mon nom,
dît il, êt Amadis: mais ie vous supplie, que
nul autre de par vous le sache. Ainsi furēt
cheminans de compagnie, cherchans le
plus qu'ils pouoyent lieux couverts & é-
cartés, & tant qu'un jour ne doutans de
rien, ils aperceurent au deuant d'eus sous
vn arbre deus Cheualiers armés, & prêts à
combattre, lesquels aussi tôt se vindrent
ietter au milieu de la voye disant l'un d'i-
ceus à son compagnon: Laquelle de ces
deus Damoiselles voulés vous? & ie pren-

dray l'autre pour moi. Je veus, répondit
l'autre, cete premiere. Et moi sa compa-
gne, dît le Cheualier: & sans en faire au-
tre cas, les vouloyent saisir. Lors Amadis,
qui ne trouua bonne cete priuauté outre
le gré de celles qu'il conduisoit s'adressa
aus deus Cheualiers, & leur demanda
quelle façon de faire étoit la leur, enuers
les Damoiselles d'honnête lieu. Telle,
dirent ils, que demādent femmes de leur
aage. Comment, répondit Amadis, les
voulés vous forcer? Qui nous en gardera,
s'il nous plaît? dirent ils. Ce sera moi, ré-
pondit Amadis. Adonc laça son heaume,
puis print son écu & sa lance, leur disant:
Laissez ces Damoiselles, hommes de peu,
& entendés à vous. Mais vous à moy, dît
l'un, & sans plus marchander, donnerent
des éperons à leurs cheuaus, courans de
si grand roideur l'un sus l'autre, que le
Cheualier brisa sa lance, & Amadis luy
dōna telle atainte qu'il le porta de dessus
son cheual à terre, la tête dessus, & les
pieds en haut, si que pour cete cheute se-
rompirent les las de son armet, & se trou-
ua desarmé. Quand l'autre vid son com-
pagnon bas, le voulant venger, coucha
contre Amadis, & l'ataignit si ferme, qu'il
lui hacha le harnois, & le naura durement,
& vola la lance en éclats: mais Amadis
qui auoit failly d'atainte, le rencontra si
vertement de cors, & de cheual, qu'il le
desarçonna, & se trouua à terre cōme l'au-
tre: parquoy retournant aus damoiselles,
leur dît: Je vous prie desormais ne demeu-
rés plus derriere: mais pour vôtre seureté
marchés deuant. Il atendit grand piece si
les renuersés se resourdroyent: mais les
voyant n'en faire semblant, il n'en fit aussi
de les plus charger, & suiuit sa cōpagnie:
& peu après arriuerent ensemble en vne
plaine découverte le long d'une riuere,
où ils firent tendre leurs pauillons, tant
pour penser de la bleceure d'Amadis, que
pour se rafraichir. Mais comme ils vou-
loyent menger, survindrent les deus Che-
ualiers, demeurés abatus, qui dirent à A-
madis:

madis: Cheualier, vous aués conquis les Dames par la lance, maintenant il convient que les defendés avec l'épee, autrement nous les emmenerôs maugré vous. Non ferés, répondit il, tant que ie pouray viure. Adonc mit la main à l'épee contre celui qui premier se presenta, lequel au commencement se defendit assés bien, toutefois en peu de tems fut si mal mené que sans le secours de son compagnon, il n'eut gueres duré. Ce que voyant Amadis, dit: Ha, Cheualier, les Dames vous estimeront peu, de vous rencôforcer d'aide contre vn seul. Ce non obstant ne vous lut differer, ains comme celui qui étoit frais & hardy, lui donna d'arriuee beaucoup d'affaires, dont neantmoins il sortit à son honneur: car il frapa le dernier venu si grand coup sus l'armet, que l'épee deualant sus l'épaule luy coupa les courroyes de son harnois, & la chair iusques aus os: & pourtant fut contraint lâcher l'épee, & s'en fuir, pensant être mort. Puis retourna Amadis à l'autre, & d'un reuers luy coupa la main dedâs l'écu, qui déjà étoit fort endommagé, dont il sentit telle douleur, qu'il s'écria: Ah Dieu, ie suis mort. Et ce disant, laissa choir l'épee à terre, & l'écu de son col. C'êt pour neant, dit Amadis: car ie ne vous lairray, q̄ premier ne m'ayés iuré de iamais ne prendre Damoiselle contre sa volôté. Helàs, dit il: ie le vous promets. Lors fit descendre Gandalin, qui lui remit l'épee au fourreau, & l'écu au col, & le laissa aller ou il voulut, pour se faire guarir: & Amadis retourna aus damoiselles qui étoient joignant des pauillons lesquelles lui dirent à son retour: Certes Seigneur, nous eussions été deshonorées sans vôtre aide qui êt meilleure que n'esperions, & telle quelle nous assure, que nô seulement vous ferés vengé de l'iniure que vous fit Dardan: mais la Dame aussi, si sa fortune permet que pour elle prenés la querelle. Ce fait, se desarma Amadis, & ayant prins cure de sa playe, luy fut apoitée à manger. Au partir

de la, cōtinuans leur chemin, vindrēt logger chés vne bōne Dame, qui les traita honorablemēt: puis le lendemain cheminerent tout le jour, sans auēture trouver qui merite le reciter, & arriuerent assés pres de Vindilifore, ou étoit le Roi Lisuart. Lors dît Amadis aus Damoiselles: Mes amyes, ie ne vueil de nul être conneu: pour tant iusques à ce que le Cheualier vienne au combat, ie demeuray en ce lieu détourné: puis quand il sera tems, me le ferés sçauoir par l'un de vos Ecuyers. Signeur, répondirent les Damoiselles, d'huy en deus jours sera le jour de l'assignatiō: pour-tant s'il vous plait, nous séjournerons avec vous, & l'un de nos Ecuyers y-ra en la ville, qui nous fera sçauoir quand le Cheualier y arriuera. Le le veus trébien, dît il: & à ce moyen firent dresser leur tentes entre vn bocace & vne riuere, ou se desarma Amadis. Lors les Damoiselles changerent d'opinion, & auiserent qu'il seroit meilleur qu'elles allassent vn tour à la ville, pour veoir qu'il étoit suruenu, disans qu'elles retourneroyēt ausi si tôt: ce qu'Amadis trouua bō. Et ce pendât, sans s'armer, mōta à cheual, & Gandalin aussi, pour eus aller ébatre au trauers du bois: mais ainsi qu'ils se promenoyēt, de fortune Amadis auisa vne côté de mōtagne, dōt il lui sembla qu'aisément il pourroyt voir la ville, parquoy monterēt dessus, & quand ils furēt au plus haut, ils descendirent du cheual, & s'assît Amadis au pied d'un arbre, ayât l'œil sus la part ou ils pensoyent q̄ fût la Princesse Oriane, contemplant puis les murailles, puis les tours, qui ne lui semblerent que trop hautes. Adonc se mit à soupirer, disant: Ah tours! dedans vous êt la fleur de tout le monde. Et toy ville, combien es tu heureuse de cōprendre ce que tous les cœurs & lonanges des hommes ne sçauoyent comprendre! Bien fortuné seroit celui, qui pour soutenir cete querelle dépendroit la vie: mais plus heurus qui sans autre cōbat q̄ de sō peu de merite viēdroit à si haute jouissance.

Puis apuyant la tête sus son bras, se mit si fort à penser, qu'il se teut sans plus mot dire: & en cete melâcolie les larmes lui vindrent aus yeus. Ce pendant, Gandalin qui sçauoit sa complexion, étoit au guet à ce qu'il ne fût de nul aperceu: mais il auisa venir droit à eus grosse troupe de Signeurs, & de Dames, dont hâtiuement il le vint auertir: toutefois il étoit si perplex & rauy qu'il ne luy sçauoit répondre: parquoy Gādalín le tira par le bras, lui disant: Mon signeur, ne voyés vous cete troupe venir vers nous? A cete parolle il reuint à soy, & commença à soupírer, & leua ses yeus mouillés au ciel, disant: Gandalin si en cēt amour i'étois maitre de ma force, comme aus autres accidens, ni toy n'aurois besoin de m'auertir, ni ne ferois cy sans conseil, comme ie suis, mais ie me sens si pressé, que tous les ennemys du monde ne me sçauoyēt reduire à l'extremité, ou cete seule passion me tient: pourtant ie te prie me parler de la felicité q̄ ce me sera d'être mort, pour plus ne la sentir, & nō me chercher moyē de vivre, & de la surmonter. Comment? Signeur, dît Gandalin, estímés vous si difficile la victoire de vous mêmes, après auoir sceut tant vaincre d'étrangers? Pourquoi ne pensés vous, que parauanture vous ayme autant celle pour qui vous êtes en peine, & avec aussi bonne raison, comme vous l'aimés: Vōtre sens, vōtre prouesse, vōtre beauté, & noblesse de lignage, sçauoyent elles moins meriter, que la bonne grace de la plus rare & excellente Dame du monde? Pourtāt ôtés ces desesperations. Et plus auant vouloit parler, quand Amadis lui rōpāt propos s'écria, disant: Ah malheureux! Osés tu tant blasphemer, que dire qu'il y ait merite né condition au monde qui puisse égaler chose si parfaite comme ét ma Dame? n'entre plus en ces termes, si tu ne me veus pour ennemy, & perdre ma conuersation. Bien, bien, dît Gandalin, esfuyés seulement vos yeus, que ceus qui viennent vers vous ne connoissent q̄ vous

ayés pleuré. Comment? répondit Amadis, vient il quelqu'un? Ouy vrayement, dit Gandalin, regardés cy prés. Alors lui montra les Cheualiers & les Dames, qui ja étoient si prochains de la côté, qu'Amadis à peine eut le loysir de monter à cheual, qu'ils furent joignant lui. Lors, comme si à eus seulement eût pensé, il les salua, & se mêlant parmy eus, auisa vne Damoiselle (ce luy sembla assés belle) laquelle pleuroit amerement. A cete cause il l'aborda plus tôt que nul autre, luy disant: Ma Dame, ie prie Dieu qu'il vous conforte, & doint joye. En bōne foy, répōdit la dame, i'en ay bien besoin: car elle ét si éloignée de moi, que si Dieu n'y pouruoit de sa grace, ie n'en espere iamais auoir. Il y pourvoyra, s'il luy plaît dît Amadis: toutefois, s'il vous étoit agreable, ie sçauois volontiers l'occasion de vōtre tristesse. Certes, répondit elle, mon amy, tout ce que i'ay en ce monde, gît en la preuve d'une bataille. A cete seule parolle sceut Amadis, que c'étoit la Dame, de laquelle on luy auoit parlé: & pourtant il s'enquit plus auant, si elle n'auoit encores trouvé Cheualier pour elle. Non, dît la Dame, & ce qui plus me donne d'ennuy ét, que demain doit mon delay terminer. Et qu'y ferés vous? répōdit Amadis. Que voulés vous q̄ i'y face? dît la Damoiselle, sinon pleurer & perdre tout, si cen'ēt que d'auature ie treuve en la court du Roi, aucun qui ayt de moi quelque compassion, & defende par courtoisie le bō droit d'une pauvre vëue? Ie prie nōtre signeur, répondit Amadis, qu'il vous en doint la grace: car i'en serois fort joyeus, tāt pour l'amour de vous, que pour ce que ie n'aime gueres vōtre partie. Dieu vous en sâche gré, homme de bien, répōdit la Dame, & nous en doint prompt vengeance. Lors passa la Dame outre, & Amadis tourna bride, retournant aus pauillons, ou les damoiselles l'atendoyēt, qui étoient déja de retour de la ville, & luy conterent, que Dardan y étoit arriué bien delibéré de faire son deuoir.

Sus ma foi, dît Amadis, j'ay trouué la pauvre Dame, dôt m'aués parlé, bié ennuyée: puis leur recita les propos qu'ils auoyent eus ensemble, & quand vint l'heure de reposer, chacun se retira, comme ils auoyent de coutume, iusques au point du iour, q̄ les Damoiselles se leuerent, & vindrēt dire à Amadis, qu'elles s'en alloyent deuât en la ville, & quelles lui feroient sçauoir qu'elle contenance tiendrait Dardā. Nō dît Amadis, ie vous suiurai de prés, & l'vnde vous deus ira deuant voir quand Dardan se presentera au camp, pour m'ē auertir, & à l'instant il s'arma, & monterent tous à chenal. Et quand Amadis fut à la sortie de la forêt, il dît aus Damoiselles: Or allés maintenāt, car ie ne partirai de ce lieu, q̄ ie n'aye de vos nouuelles, ce qu'elles firēt. Et ce pendāt se mît Amadis à pié, & ôta sō armet pour se refraichir. A l'heure le Soleil cōmēçoit à rayer, & le Roi étoit déjà en la place ou se deuoit faire le cōbat, q̄ étoit hors la ville, ioignāt les murailles, en laquelle cōparut peu après Dardan en tel equipagé, q̄ poués penser, que se doit trouuer vn ambitieus pour aquerir biés & hōneurs, & vn amoureux pour soutenir la querelle de s'amy: laquelle (pour plus de faueur lui faire) il conduisoit par les rénes de son pallestroï, & ainsi se vint presenter a genōs deuant le Roi, lui disant: Sire, suyuant l'ordonnance que vous aués faite, cete Dame & moi vous supliions humblement, q̄ ses biés lui soiēt rēdus cōme il ét de raison: car s'il y a Cheualier qui s'y opose, ie suis prêt de le cōbatre. Lors le Roi fit apeller l'autre Dame sa partie: mais la pauvrete comparut seule. Cōment? Damoiselle, dît le Roi, êtes vous si depourueü de seruiteurs, q̄ vous veniés sans compagnie d'homme qui soutienne vōtre droit? En bonne foy (répondit elle en pleurāt) Sire, ie suis de tous habanōdnee, si ce n'ēt de vōtre misericorde grand compassion en eut le Roi: car il la sçauoir trébonne & vertueuse: mais il n'y pouuoit ensemble garder sa raison, & la

loy. Ce pendant Dardan, qui pensoit bien ne trouuer qui lui resistāt, se parqua au mylieu du camp, attendant l'heure de tierce, qui étoit le tems suyuant la coutume, q̄ le Roi deuoit pronōcer son arrêt, pour le cōparoissant, ou vainqueur: mais quād l'vne des deus Damoiselles, qui n'étoient endormies, vit saison si oportune, courut hātiuelement faire entendre à Amadis la necessité qu'il y auoit au camp de sa presence, & à cete cause il monta promptement à cheual, armé cōme il appartenoit, & commanda à la Damoiselle, & mêmes à son Ecuyer, qu'ils prinsent autre chemin, que celui qu'il alloit: car il ne vouloit que nul sceut d'ou il venoit, bien les assura il, que s'il vainçoit, il se rendroit en ce lieu propre. Ainsi partit Amadis seul, cheuauchant un cheual blanc cōme il auoit promis à la Damoiselle de Danemarc, étant en Gaule, & arriua en la place, ou Dardan tenoit le monde émeueillé de lui. Le Roy & les assistans le virent saillir de la forêt, & étoient en doute qui il pouuoit être: car il étoit de port & cōtenance fort cheualereuse, & promettoit bien de loing, q̄ de prés il se trouueroit de grād cœur & haut affaire. Pourtāt le Roi fus tous entra en grand desir de le cōnoître: & pensant q̄ celle, pour la querelle de qui il venoit en sceut le nom, la fit apeller & le lui demanda: Sire, répondit la Dame, sur ma foi, ie ne le vy oncq', & ne sçay qui il ét. En ces entrefaites s'aprocha Amadis, & ne s'arrétant à nul, après auoir fait la reuerence au Roi, & aus Dames, il vint trouuer Dardan, & luy demanda, s'il étoit celui qui vouloit maintenir le droit de celle, pour laq̄le il travailloit cete pauvre fēme: car ie suis (dit il) venu pour la defendre & aussi pour te tenir promesse. Et que m'as tu promis? répondit Dardan. Que ie te verrois de iour dît Amadis: Et sçais tu quand? Ce fut lors que toy troublé, ou de vin, ou de gloire ou de la fiance que tu auois en ton fort palays, si outrageusement parlas à

moi, étant dehors lassé du travail et de le
faim. C'est de quoi ie te prise moins, ré-
pondit Dardā: mais fay venir celle pour
qui tu veus faire tes chefs d'œuvre, pour
sçavoir si elle l'accepte pour son cham-
pion puis fai ce que tu pourras. Quand le
Roy les vid si longuemēt cōtester, il vou-
lut entendre ce qu'ils traitoyent, mais en-
tēdis vint la bonne veuvē, à laquelle Dar-
dan dît: Dame, ce Cheualier veut mainte-
nir vōtre droit, vous sousmettēs vous à
ce qu'il en fera? En bonne foi, répōdit el-
le ouy, puis qu'il luy plaît me faire, tāt de
bien: & Dieu par sa sainte grace lui doint
aussi bien faire, cōme il a iuste cause. Et
quand les deus Cheualiers furent sus le
point de combattre, le Roi s'aperceut, que
l'écu d'Amadis étoit fausé en diuers lieux,
tant de coups d'épee, que de lāce, & dît à
ceus qui étoient près de lui: Certes si ce
Cheualier demandoit vn autre écu, ie lui
en donnerois volōtiers vn: mais Amadis
auoit si grand desir de venger, luy & la
Dame qu'il ne pēsoit à autre chose, qu'à
combattre. L'acord de la Dame receu, les
deus Cheualiers prindrēt carriere l'vn cō-
tre l'autre de si grand roideur, que leurs
lances faucerent leurs harnois, & volerēt
en éclats, sās du coup recevoir autre mal:
toute-fois ils se ioignirent si furieusēmēt
que Dardan en fut mis par terre: mais si
bien lui auint qu'il emporta quant & soi
les rénes de son cheual: au moyē de quoi
plus legeremēt se releua, & remōta à che-
ual, cōme celui q étoit fort & dispōt: puis
mīt hardimēt la main à l'épee. Et quand
Amadis le vit si prōptement sus bout, &
prêt à se defēdre, il s'aprocha de lui, & cō-
mēça entr'eus vne telle bataille, qu'vncha-
cū s'en émerueilloit. Or étoiet de toutes
parts les habitans de la ville, & plusieurs
venus de loing, tant là autour du camp,
qu'es tours & aus murailles: mêmes la
Royne & toutes ses Dames y étoient, tref-
catētiues pour voira ql'hōneur de ce cruel
combat demeurerait, pource qu'ils se
montroyent tous deus si gētils compa-

gnons, que difficile étoit de prime face
en pouoir iuger: car ils se chargeoyent si
vigourefement, & si souuent, qu'ils sem-
bloient auoir les têtes en feu, pour le é-
tincelles qui sortoyēt de leurs heaumes,
& du reste de leur armes: aucunesfois lon
voyoir voller par le camp, les grandes la-
mes de leurs hauberts, les pieces de leurs
écus, & le sang de leurs cors, tellement
qu'il n'y auoit celui des regadās qui n'en
eut pitié, & sembloient sentir le danger
ou ils étoient, chacun à l'auātage de ce-
luy à qui il fauorisoit: mais les deus bons
combatans n'en faisoient point de cas:
ains auoyent tous deus envie de se faire
connoître, tant à leurs Dames, que l'vn à
l'autre pour homme de bien. Quand le
Roi Lifuart les vit si longuemēt durer, il
dît hautement, qu'oncques il n'auoit veu
cōbat singulier si furieux, ne mieus pour-
suivy, & pourtant, qu'il ne bougeroit de
la, qu'il n'en eut veu l'ysuē, les laissant fai-
re iusques au bout. Puis il dît: & à fin
que le vainqueur en raporte plus que l'a-
coutumé hōneur, ie le ferai pourtraire en
Marbre au naturel sur le portail de mō pa-
lays, pour conuier à pareille perfection
tous autres, qui ont envie de suyure les
armes. En tel état q vous auēs oui se main-
tindrent les deus Cheualiers bien long-
tēs sans q lō eut sceu discerner lequel des
deus auoit le meilleur, pource q sans prē-
dre alaine, ne repos, ils augmentoyent, ce
sēbloit, leurs forces de plus en plus: mais
Amadis, qui d'auanture se tourna vers le
lieu ou étoient les Dames aperceut cle-
rement Orianē, dont il sentit accroître
si manifestement sa vertu, qu'il se trouua
plus frais, que s'il n'eût de ce iour riē fait
& pensa être deuenu plus qu'hōme. Par-
quoi il recommença vne si merueilleuse
mêlée, qu'ē peu d'heure il ôta le doute le-
quel seroit superieur: car quelque defen-
se que fit Dardan, il fut contraint de se re-
tirer arriere, & tâcher de fuir la fureur des
pesans coups, qui sans cesse lui pleuuyēt
sus tous les endroits de sa personne, & mē-
mes

mes son cheual se sentant du choc, souuent brunchoit iusques à mettre les genous à terre. Parquoi Dardan pensant mieus combattre à pié, dit à Amadis: Cheualier nos cheuaus nous faillent, & sont trop las, qui êt cause que nous ne pouuons venir à bout l'un de l'autre: & si nous fussions à pié, il me semble qu'il y a long tems que ce fut fait. Cete parole dit Dardan si haut, que le Roi & tous ceus qui étoient avec luy la peurent entendre: dont le Cheualier étrage fut honteus, & lui répôdit: Cōbien qu'il ne soithonorable à Cheualier d'habādonner sō cheual, tant qu'il le peut garder neantmoins, puis q̄ mieus tu pēsēs cōbattre à pié qu'à cheual descendōs, & te deffens: car il t'en êt besoin. Lors se mirent a pié, & marcherent l'un contre l'autre tenans le reste de leurs écus, comme s'il venoyent fraîchement au combat, le recommençans avec plus grande ardeur & cruauté, qu'ils n'auoyent encores fait: toute-fois le Cheualier étrange auoit toujours de beaucoup le meilleur: car il renegeoit son ennemy quasi à son plaisir, luy donnant souuent deus coups contre vn. Et pourtant ne faisoit Dardan gueres que parer & soutenir les cōs de l'autre qui le faisoit tourner ou reculer comme il vouloit, si qu'un chacun le tenoit presque déjà pour vaincu, le blāmant de ce qu'il s'étoit mis à pié. Mais ainsi qu'il tournoit çà & là, fuyant le tailant de l'épee d'Amadis, vint de fortune arriuer sous l'échafaut des Dames, & lors épouuētees commencerent à crier: Certes Dardā n'en peut plus, il êt deffait, s'il s'opiniātre d'auantage au combat. Ce nō obstāt le Cheualier étrage ne s'arrēta: ains le pressa de si près qu'il fut cōtraint se retirer, iusq̄s ioignāt l'échafaut de la Roine. Et adōcq' toutes les Dames ensemble s'écrierēt: Sainte Marie, Dardā êt mort! A cete clameur entendit Amadis la vois de la Damoysselle de Dānemarc, & hauçāt la tête l'auisā ioignāt la Princesse Oriane. Au moyē dequoy il deuint si hors de soy, la

voyant de si près, que l'épee lui cheut du poing à terre, oubliāt, nō seulement le danger ou il étoit, mais presque soy-mêmes. Dequoy Dardā s'auisānt, reprint, cueur, et vint charger si vertemēt son ennemy, que s'il eut gueres cōtinué, il s'en alloit vainqueur: mais ce voyāt la Damoiselle de Dānemarc, dit assēs haut: En mal'heure regarda auioird'huy ce cheualier aucune Dame de cete cōpagnie, qui lui a fait perdre ce qu'il auoit conquis sus Dardā: certes si n'étoit il pas tems q̄ le cueur lui deūt failir. Cete parole entēdit Amadis dōt il eut telle honte q̄ la mort lui eut été agreable, craignant q̄ sa Dame le soupçonāt de lâcheté de cueur, ou couardie. A cete cause leuant son épee, se ietta mieus q̄ deuāt sus Dardā, & de premiere rencontre lui donna tel coup sus le heaume, qu'il lui fit dōner des mains à terre. Lors se ietta sus lui & de dépit lui arracha le heaume de là tête, le pouissant si fort du pié, qu'il tōba étourdy en la place. Adōc le print par les cheueus, & lui dōnant du pōmeau de son épee sus le visage, lui crioit: Dardan, tu es mort, si tu ne tiens la Dame pour libre. Quand Dardan se vit en tel état, il lui répondit: Ah gentil Cheualier, Pour Dieu mercy ne me tue point, car ie la quite. A l'heure s'aprocha le Roi & les autres Cheualiers pour l'entēdre: mais tādīs qu'ils s'amusoient à lui, Amadis encores hōteus de la faute qu'il auoit faite, se déroba parmi la presse, & quād il se vit arriere, il s'écourut le pl⁹ couuertemēt qu'il peut vers la forêt, les laissant tous amusēs à ouir Dardā, qui'emplissoit l'air de regrets. En ces entrefaites s'amyē vint à luy: laquelle au lieu de le reconforter du mal qu'il auoit souffert pour elle, se mīt à le detester, disant: Dardan, cherche desormais amyē ailleurs qu'en moi: car de ma vie n'aymeray, toi ni autre, que le bon Cheualier, qui si valieusement t'a vaincu. Comment? Damoiselle, répondit il, êt ce le guerdon de mon honneur, & de ma vie: auēturee pour vous? Dōcques n'etiēs vous

point amye de Dardan, mais de la fortune: & si tôt qu'elle m'a été contraire vous m'aués été ennemye? Doncques auray ie échapé la mort par la mercy d'un mié ennemy, pour auoir pis que la mort par la cruauté d'une miéne amye? Dieu me gard de viure, & ensemble vous voir contente de malheureuse vie. Je ferai maintenant entendre aus femmes par vôtre exemple, que l'ingratitude n'êt moins dōmageable a qui l'exerce, qu'a qui en êt offésé. Et ce disant se dressa, & d'un revers de son épée (auant qu'on s'aufât de ce qu'il vouloit faire) lui donna tel coup, que sa tête tomba à ses piés. Puis cōme hōme transporte, se laissa choir à terre, & regardant puisça puis là, sans dire mot, faisoit par sa farouche contenance entendre a ceus qui le regardoyent, que haute, & non vulgaire étoit l'entreprise qu'il brassoit en telle extrémité: parquoy par l'ordonance du Roi, se mirent des Archers à le vouloir dresser, & l'emmener hors de là: mais comme (sans s'en prendre garde) il cōmençoÿt à le soudre. Dardan étendant le bras, se donna de son épée tel coup par le milieu de sa poitrine, que le sang en saillit iusques sus ceus qui le tenoyent, criât si haut que parmi le bruit & la presse il fut entendu, & dit. Or êtes vous amye, vengée de ma vengeance, & vous ennemy, remercié & sati-fait de la vie que m'aués laissée. Entre ces mots il baissa la tête, & donna signe de sa mort: dont chacun demeura épouuënté, tât pour la nouveauté du cas, que pour la pitié que ses dernieres paroles auoyent faite à vn chacun. Toutefois leur souvenant de sa passée vie, & de son outre-cuïdee violence, iugerent que cete malheureuse fin luy étoit auenuë, non tant par accident, que par iugement de Dieu, & pource n'en firent autre deu il, mais tous tournerent lerus pensées à la louange du Cheualier vaincueur.

Comme le Roi Lisuart fit eriger sepulchre à Dardan & à s'amy, avecques epitaphe pour memoire, & de l'honneur qu'il fit à Amadis, après auoir été trouué, & conneu.

CHAP. XV.

APrès la malheureuse fin des mal conseillés amans, le Roy pour memoire de l'étrangé accident, commāda qu'au chāp même ou il gisoyēt mors on leur erigeāt vn sumptueux sepulchre, de grandes pierres de Marbre noir, en façon d'obelisque, & y fit grauer en langage Britannique vn epitaphe, declarant le cas comme il auoit passé: & depuis, ayant conneu le vaincueur comme ci après sera déclaré, fit aiouter son nom, & quatre grands Lyons aus quatre coings du sepulchre pour marque de l'écu que portoit Amadis. Doncques étant la rumeur apaisée, & le Roi retiré en la villé demanda le Cheualier étrange qui auoit vaincu: mais après longue quête, nul ne lui en sceut dire aucunes nouuelles certaines: Bien lui fut rapporté que quelqu'un venant de deuers le bois, auoit veu vn Cheualier se retirant celle part tout seul, & à grāde hâte. Ah, dît lors le Roi, qui de tel personnage se sçauroit acōpaigner, il se pourroit assés estimer heureux: car puis qu'il êt si bon combatant, il êt impossible qu'il ne soit sage & vertueux Cheualier, & tel l'estima chacun qui entendit les iniures qu'il endura de Dardan, entrant au camp & qui à veu la courtoisie, dont il a vſé enuers luy, combien q'ie ne fais doute, qu'il ne sceût trébien, que si Dardan eut eu du meilleur, il ne luy eut pardonné, Tels furent les propos du bon Roy Lisuart: mais Oriane qui atendoit de iour en iour l'arriuee de son Amadis, ayant veu les efforts qu'auoit faits celuy qui contre Dardā s'étoit combatu, va soupçonner, que ce portoit il être: car, dît elle à la Damoiselle de Dannemarc, ie suis seure, qu'il ne me vou droit auoir mandé chose mensongere, & voi.

voicy iustement le tems qu'il vous assure de venir en ce quartier. En bonne foi, ma Dame, répondit la Damoiselle, vous dites vrai, & ce qui me fait encores mieus éperer c'est, qu'il me promet de n'abandonner vn cheual blanc, ne les armes qu'il auoit, quand il combatit le Roi Abies, & quand i'y pense, il me semble, que ce Cheualier qui a vaincu Dardan à vn semblable cheual. N'aués vous prins garde à ses armes? dit Oriane. Ouy biē, ma Dame, répondit la Damoiselle: mais pource que son écu ét depaint, pour les cous qu'il a receus, ie ne l'ay sceu connoître: toutefois il me semble qu'il à le champ d'or, et tel étoit celuy dont ie vous ay parlé, qu'il porta en Gaule, quand il y combatit, & y étoient peints deus Lyons rampants d'azur: & pource qu'il lui fut rompu, il com māda aussi tôt q̄ lon luy en fit vn semblable, lequel il m'assura de porter venant en ce païs & pourtant ie ne fais plus de doute, que ce ne soit il. M'amy, dit Oriane, s'il y ét, ie suis seure qu'il viendra, ou enuoyra de brief en la ville: parquoy il faut que trauaillés plus que i'amaïs, pour en sentir des nouvelles. Ma Dame répondit elle laissés m'ē la charge. A cete parole demeura Oriane fort pensue, puis se print à soupirer, disant: Ah Seigneur Dieu! qu'elle grace vous m'auriés faite, si c'étoit Amadis! car i'aurois maintenant le moyen mieus que iamais de parler a lui. Ainsi étoit cete Princeſse, atendāt nouvelles de son amy, lequel s'étoit retiré, comme il auoit promis, au pavillon des Damoiselles, ou il vint assés tard, & là les trouua, qu'elles, auoient aprētē le souper: puis en se desarmant lui fut conté l'infortune auenuē à Dardā & s'amy & la cause de leur mort, dequoy il fut fort ébaï. A l'heure se mirent à repaitre, & firent ce soir trēbonne chere, combien qu'Amadis ne pēsāt pour lors autre chose, qu'a trouuer le moyen de faire entendre à Oriane son arriuee. E pourtant, aussi tôt que les napes furent leuées il retira Gandalin, à

part, & lui dît: Ami, il faut que tu voise s'à la court, & q̄ secretelement tu trauailles de trouuer la Damoiselle de Dānemarc, à laquelle tu diras, q̄ ie suis icy atendant que ie sache d'elle que i'ay affaire. Diligent fut Gādalín de partir, & sans tarder (pour mieus executer son entreprise) s'en al la à pié puis arriuant en la ville, entra aus palais, ou il ne fut longuement, qu'il aperceut celle qu'il cherchoit, laquelle ne étoit en moindre peine que lui, pour cete même cause: toutefois de prime face elle ne le conneut: mais assés tôt après, il luy alla souuenir de l'auoir veu en Gaule avec Amadis, & lors le fut embrasser, luy demandant ou son maitre étoit. Par ma foi, ma Damoiselle, répondit Gandalin, si ne l'aués ce iourd'hui veu, il n'a tenu qu'a vous: car c'ét lui qui à vaincu Dardan, & depuis, atendant nouvelles de ma Dame, il s'ēt retiré en la forêt, & vous prie par moi, que lui faciés entendre que voulés qu'il deuienne. Or soit il le biē arriue en ce païs, dît la Damoiselle, cōme celui qui y étoit sus tout autre desir: mais il faut q̄ ma Dame te voye, & pource vien après moi: & si quelqu'vn te demāde qui tu es, dy q̄ tu aportes lettres de la Roïne d'Ecocē à Oriane, & que tu viens aussi en ce païs chercher Amadis, lequel y ét comme lon t'a assuré: par ce moyen, cy après tu pourras sans soupçon demeurer avec lui. Ainsi fut conduit Gandalin chés la Roïne, ou étoit la Princeſse Oriane, alaquelle vint la Damoiselle de dānemarc diré assés haut: Ma Dame, voi-civn Ecuyer, qui viēt vers vous de par la Roïne d'Ecocē. Oriane, pensant qu'elle dît vrai, se leva pour le recevoir: Mais quand elle conneut Gandalin, la couleur luy vint aus ioués, & fut si aise qu'elle ne sçauoit quel contenance tenir: toutefois gandalin, comme bien auisé, mît le genoil à terre, & lui dît: Ma Dame, la Roïne ma maitresse se recōmande affectueusemēt à vōtre bōne grace cōme celle qui vous aimé, & estime sus toutes ses meilleures parentes, & desirant sça

sçauoir de vos nouvelles, vous écrit des siennes. Lors tira vne lettre qu'il auoit fainte, ou il n'y auoit sinō creance, laquelle ayant leuë, elle print Gandalin par la main, faignant vouloir entendre sa charge, & le mena à vne fenestre de la chambre, & là luy demanda ou il auoit laissé son maitre. Ma Dame, répondit Gandalin, il ét en cete forêt, ou il s'ét retiré, après, qu'il a eu la victoire de Dardan, Mon amy dît oriane, par la foy que tu lui dois, dy moi quelle chere il fait. Telle qu'il vous plaît, ma Dame répondit il: & comme celui qui ét entierement vôtre, vit seulemēt de vôtre souvenāce: & neāmoins il sent en son ame plus d'angoisses, qu'onques Cheualier n'édura pour la seule crainte qu'il ne soit en la vôtre cōme sa seruitude le meritē. Bien a il ēperance en vôtre grande honnesteté, q̄ le connoissant tel qu'il ét, & de si longue main, vous ne l'aurés oublié. Pourrant ie vous supplie, ma Dame (dît il en pleurant) ayés de lui compassion, & rendés ensemble, lui assure, moy heurus messager & vous aquitee de vôtre deuoir: car iusques icy il a tant souffert, qu'il n'ēt autre viuāt qui la sceut comporter. Ie l'ay veu souuent, pēsant en vous, s'oublier, & quasi tember mort deuant moy, de sorte que i'estime, veu l'abōdance de ses larmes, q̄ son pauvre cuer soit déja lambiqué & distillé par les yeus, & s'il mouroit, vous y auriez trop grand dommage, car il ét vôtre, & facilement n'en pourriez recouurer vn si digne de vous. Et ne faut douter que s'il a l'heur de longue vie, il passera en armes le meilleur Cheualier qui oncques porta harnois en dos, en quoi s'il ét heure⁹ pour sa prouesse & vertu, il a pour contrepois le mal'heur de cete passion qu'il sceuffre pour vous: à laquelle si vous ne remediés, mieus lui eut valu que la fortune l'eût laissé perir en la Mer, ou des le berceu il fut mis, qu'après l'en auoir tiré par si étrange moyē le laisser encourir ce naufrage plus perilleus que l'autre. Ou, si ce

malheur ne se pouoit euitier, il luy eût au moins semblé moindre, si iamais il ne fut venu à la connoissance de ses parens, auxquels il donne trop grande peine le voyant se consumer, & mourir auant ses iours, sans ce qu'ils en puissent etendre, ne deuiner la cause. Gādalín disant ces paroles, les acompagnoit de pleurs, & y entremēloit des soupirs si à propos qu'il eût émeu des pierres à pitié: & connoissant qu'Oriane en étoit touchée dît d'auantage: Ah ma Dame! ne vucillés consentir la mort, d'vn tel seruiteur de vous, & maitre de moy: car, outre ce que trop grande en seroit la cōmune perte, à vous seule en demeureroit la coulpe, & maculeriés cete parfaite beauté de la tache de cruauté, & d'ingratitude. En cēt endroit acheua son propos: attendant quelque réponse d'Oriane: mais il ne lui étoit possible de proferer vn mot, tāt auoit le cuer serré & pris, & tenant la veuē baissée, laissoit couler de grosses larmes le long de ses vermeilles iouēs, qui la couraignerēt de se tourner d'autre part, pour n'être aperceue. Et comme Gandalin vouloit recommencer, elle lui dît avec vn grand soupir: Hé mon ami, iete prié ne m'en dy plus, si tu ne me veus voir mourir icy! Celà dît, elle se teut grand'piece, se serrant & étraignāt les mains de peine qu'elle portoit: puis mettant à part toute dissimulation dît assés bas: L'assurance que tu me donnes de son amytié m'ēt grandemēt agreable: mais la passion ou tu dis qu'il ét, me tourmente iusques au mourir de sorte que ie porte ensemble ses peines & les miennes. Ah! Dieu ne me permette, qu'à mon ocasiō meure vn si homme de bien, & de tel cuer comme il ét! Plutôt consentirois la mort de moy, & de tous les miens, que la sienne: après la qu'elle aussi biē ne pourrois ie demeurer viue vne heure. Tu es venu pour me conter ses trauaus, & tu yras pour lui faire entendre les miens: lesquels si tu cōnoissois aussi au vray cōme les siens, en lieu de me bālmer com

comme cruelle tu me plaindrois comme malheureuse. Et s'il y a cruauté le l'ay seulement exercee cōtre moi, a qui i'ay ôté le repos, le plaisir & présque la vie & d'autant plus que moins ie pouuois secourir à nos maus, veu qu'il auient souuēt q̄ cuidāt s'aprocher des personnes qu'on desire on s'ē recule, & ne treuve lon au lieu du contentement cherché, sinon ce qui tourmente & ennuye. Ainsi m'ēt il pris de tō maitre, duq̄l la fortune m'a tou. jours, éloigné: mais Dieu sçait si ma volonté lui a été presente, & si volūtiers i'eusse pourueu à ses peines & aus miennes, si i'eusse eu le moiē. Faites dōcq̄ ma dame (dît Gādalīn) ce q̄ deués si vous l'aimés cōme vous êtes de lui sus toutes aymee, & cōmence cēs des cēte heur à lui faire sçauoir, cōme voulés qu'il se gouerne en ce païs. Lors Oriane lui mōtra vn iardin au dessous de la fenētre ou ils deuifoyent & lui dît: Amy, tu retourneras à lui, & lui diras, qu'il ne faille cēte nuit à se trouuer biē se cretemēt en ce lieu, q̄ tu vois: & te souuiēne q̄ la chābre de ci dessous ēt celle, ou Mabile & moy dormōs, en laq̄lle y a vne fenētre treillissée assés près de terre, par ou nous pourrōs aisēmēt nous voir, & deuifer ensemble: car sa cousine entend assés de mes affaires & n'ēt besoin de se courir d'elle. Puis tira vn riche annenu de sō doigt, & dît: Porte lui ce présent par moi, q̄ i'ayme plus qu'autre bague q̄ i'aye: toutesfois deuant q̄ partir, voi Mabile, laquelle ēt si discrette, qu'elle te sçaura bien entendre: Tout haut lui diras (à fin q̄ tu ne fois d'aucun soupçonne) q̄ tu lui apportes nouvelles de sa mere. Adōc Oriane la fit apeller pour parler à l'Ecuyer que sa mere auoit enuoyé vers elle. Mais aussi tôt qu'el auisa Gādalīn, elle se douta bien de l'affaire: parquoi se retirāt Oriane vers la Roine, les laissa deuifer ensemble. Ce pēdant la Roine s'enquit à sa fille, si le Gentilhōme venu d'Ecocē s'ē retourneroit de brief: car disoit elle, ie veus enuoyer à la Roine par lui aucūs presens. Ma dame ré

pōdit Oriane, il ēt venu expres en ce païs chercher Amadis, le fis du Roi de Gaule, ce bō Cheualier, duquel lon parletant. Et ou ēt il? dît la Roine. Ma Dame, répōdit Oriane, l'Ecuyer dît qu'il y a plus de dis mois qu'il a eu nouvelles qu'il ēt par deçā, & s'ēbaît cōme il ne l'a trouué en cēte court. Ainsi Dieu m'ayde, dît la Roine, ie serois trefaise de voir tel Cheualier en la cōpagnie du Roi ce lui seroit vngrād soulagement à beaucoup de choses, qui de tant de païs lui sont occurrētes: pour tāt ie vo' assure q̄ s'il y viēt, il y trouuera si bō traitemēt, qu'il aura ocafiō de n'ē vouloir partir. Ma Dame répondit Oriane, de sa prouesse ie n'ē sçai, sinō ce q̄ lon en bruit: mais ie vo' assure bien, q̄ c'ētoit l'vn des plus beaus ieunes Gentil-hōme q̄ lon eut sceu voir, au tēs qu'en la maison du Roi d'Ecocē il seruoit mabile & moi. Or ētoit demeuree Mabile avec Gandalin qui luy demanda si son maitre ētoit point arriué. Ouy, ma Dame, répōdit Gādalīn. C'ēt lui qui a vaincu Dardā, & ma dōné charge biē expresse de faire ses affectueuses recōmendations à vōtre bonne grace. Mon Dieu! dît elle, vōtre saint nō soit loué, puis qu'il vous a pleu après l'auoir donné à nōtre lignee, & l'auoir preserué de tāt de dāgers, le conduire sain & à son hōneur. Ma Dame répōdit il, il seroit heurus n'ētoit la force d'amour qui nous le rend pis que mort & pour Dieu ma Dame aydés lui & le secourés: car assurément, s'il n'a quelque alegement en ses affectiōs, vous perdés le meilleur Cheualier du monde, & le soutiē de vōtre maison. Il se peut, dît Mabile, assurer qu'il n'a point plus grāde enuie de m'employer, que i'ay de luy faire plaisir: Pourtāt retourne à lui, avec mes recommandations à sa bonne grace, & luy dy hardiment, qu'il ne faille à faire ce que ma Dame luy mādē. Au regard de toy, cōme venu de par ma mere, tu pourras venir & parler à nous, toutes & quātefois qu'il en sera besoin. Sus ce propos print Gādalīn cōgé & s'en partit pour re-

tour.

tourner vers Amadis, qui atëdoit de son rapport, ou la mort, ou la vie, & l'auoit tât debilité l'ennuy de son atente, qu'il n'auoit forces assés suffisantes pour plus le supporter: car la brieue veuë qu'il auoit eue de s'amy au combat, lui auoit augmenté si merueilleusement le desir de la voir mieus à son aise, qu'un iour lui duroit mille ans. Quand donc il aperceut Gandalin reuenü de grand ayse qu'il eut, il alla au deuant de lui, & l'embrassa étroitement ne luy osant pourtant rien demander, de peur de ne trouuer point ce qu'il cherchoit: mais Gandalin avecques le bon visage, lui declaroit assés que les nouuelles n'étoient point mauuaises, & lui dît le premier: Mon Seigneur, Dieu vous face aussi content, comme il vous donne cause d'être content: car si vous aués cete vertu, vous êtes le plus acôpli & le plus heureux Cheualier du monde. De grand ioye le rembrassa Amadis & lui demâda qu'il auoit fait, veu & ouy. L'ay (dît Gandalin) veu & oui les felicités de Paradis, & sceu qu'elles vous sont apareillees, s'il ne tient à vous. Ah Gädalin, dît Amadis, pour dieu dy moi tôt que c'est. Adöcq lui recita Gädalin, de mot à mot, comme le tout étoit auenu de sa lettre fainte, & de leur retraite à la fenestre, sa declaration bien au lög l'audience qu'il qu'il auoit eue, la contenance d'Oriane, & puis sa répöce, iusques à la conclusion qu'il à rapportee & puis lui parla de Mabile, & sa bonne volonté de lui ayder, sans en oublier un seul point. Tant étoit remply d'ayse Amadis, qu'il se faisoit redire vne chose dis fois: & ne scai lequel étoit plus affectionné, ou Gandalin de cöter, ou Amadis d'écouter: car l'un & l'autre en étoit insatiable. En fin Amadis lui dît: Mon fidele amy, ie pësois de uoir tout à ton pere, qui me sauua du peril de la Mer: mais ie confesse te deuoir plus d'autant q par ta diligence & discretion, tu me dones mieus que la vie qu'il me preserua. Or dy moi, as tu bien marqué le lieu ou elle à commandé que ie

me treuue? Je vous en assure, répödit Gädalin: car elle même me l'a montré. Ah Dieu, dît il, comme pourrois-je desseruir le grand bien qu'elle me fait. !Maintenât n'ay ie plus d'ocasiö de me plaindre & lamëter. Encores n'ët ce tout, dît Gandalin tenés, voylà un present qu'elle vous enuoye pour rémoignage du bien qu'elle vous veut. Puis lui bailla l'anneau d'Oriane, lequel quand il eut pris, il contempla longuemët, puis le baïsa mille fois & le mît en son doi, disant: Anneau, qui as été si heurus d'être porté, & tenu cher de la plus acomplie creature du monde, bien que tu sois maintenat en moins honorable lieu que tu n'étois parauât, si n'as tu point changé de maitre: car moi, & toi sommes à elle, & m'étrains le cueur avecques plus grande force, que tu ne luy étraignois le doi. Laissons ces raisons dît Gandalin, & retournés aus Damoiselles qui vous atendent en ce boys: mais dissimulés: car ce present vous transporte, & si pourroit beaucoup faire de dommage à vötre entreprise. Ainsi changerent de propos, & s'en allerent aus pauillons. Ce soir se trouua Amadis plus gai, que de lög tës on ne l'auoit veu, qui fut gräd plaisir aus Damoiselles: car il leur mötroit tout autre visage que quand il étoit en ses melancolies. Venuë l'heure de dormir, chacun se retira comme ils auoient de coutume: & peu après voyant Amadis tems cömode à sön entreprise, se leua, & trouua Gädalin qui auoit ia mis son cas en ordre par quoi il s'arma & monterent à cheual, prenant leur chemin vers la ville & arriués pres le iardin, qu'Oriane le de soir deuât auoit montré à Gandalin, descendirent, & atacherent leurs cheuaus ioignant vne touffe d'arbres, puis entrerent dedans le iardin, par un trou que les torrëts auoyët n'agueres fait à la muraille, & s'aprocherent de la fenestre, qu'Oriane auoit monstree le iour precedent à Gandalin: lors frapa Amadis tout bellement contre. Pas ne dormoit à l'heure celle qui atendoit leur

leur venue: ains ayant ouy le bruit éucilla Mabile, & lui dit: Ma cousine, ie croy que vôtre cousin frapè à cète fenestre. Mon cousin répondit Mabile, il peut bien être: mais vous aués plus de part en luy, que tout son lignage ensemble. Lors se leua Mabile, & print vn flambeau qui étoit caché derriere vne tapisserie, & éclaira à Oriane qui se leua, & ensemble vindrent ouvrir la fenestre, ou elles trouverent Amadis non moins attendu qu'atendant. S'ils furent bien aises, il ne s'en faut enquerir: car tous les contentemens du monde, ne sont qu'ennuy en comparaison de celuy qu'ils receurent de s'entrevoir. Et sans point de doute, ils en auoyent tous deus raison: car outre la nourriture qu'ils auoyent prise enséble des leur ieune age, & leur premiere amitié, cõtinuee par la souvenance & bonne opinion qu'ils auoyent tou-jours eue l'un de l'autre, leur beauté étoit si grande, que quand ils ne se fussent iamais entreueus que lors, si auoyent ils cause de s'entr'aymer. Oriane qui l'atendoit, s'étoit coiffée à son avantage si proprement, que iamais n'auoit été mieus pour la nuit: car par dessous vn blanc & delié couvrechef mis bien arriere, paroissoient les plus blonds & crépes cheueus que iamais fit Nature. Sus ses épaules auoit ieté vn manteau de toile d'or figuree, & rehaucée de menuës fleurettes, decoupé & enrichy de la meilleure grace du monde: & bien que de soy elle eût le plus beau, & le plus cler taint, qu'il étoit possible, l'aise & l'émotion en quoy elle étoit, luy auoyent d'avantage aporté vne couleur si viue & si belle, qu'il sembloit que Nature se fût delectée, à la faire premiere en toute perfectiõ. Ie vous laisse donc penser quel iugement en fit Amadis, lequel (quãd biẽ elle eût eu moins de beauté) l'aimoit tant, qu'il eut trouvé en elle tout ce qui y étoit, l'y trouvat dõcques, & l'aymant, ne scauoit s'il se trouvoit lui même. Et deuint si éperdu, que son grand aise cuyda (pour occuper trop

A M. I

de place en son cœur) en chasser l'amé de hors. De quoi elle s'aperceuant, s'aprocha, & parla la premiere, disant: Mon Seigneur si ie vous ay doné la priuauté (cõtre mon deuoir & ma cõtume) de me laisser voir en rel lieu, & à telle heure qu'il ét, vous en donnerés, s'il vous plaît, la coulpe à la feureté que m'a promise de vous nôtre premiere nourriture, & à la bonne opinion que depuis en ont augmenté vos grandes vertus, qui ne vous ont acquis en moy moindre faueur, qu'en tous autres lieux grande renommée. Amadis pour ne demeurer muet, aima mieus ouvrir la bouche, & laisser sortir paroles à l'auanture, que se taisant sembler, ou peu estimer ce grand heur, ou moins aimer qu'elle, qui auoit eu la force de commencer, & dit ainsi: Ma Dame, ie me sens si fauorisé de fortune, que i'estime l'honneur d'auoir été des premiers en vôtre seruice le plus grand bien qu'elle m'ait iamais fait: ni ne me sens tant tenu à ma vertu, que ie ne reste trop obligé à ceus qui font bon rapport de moy: mais quãd bien l'un ne l'autre ne seroit point, si ay-je amitié enuers vous si grande, & vne seruitude tant affectionnée, qu'elle seule ne pouoit riens moins meriter que vôtre fiance & priuauté: laquelle quãd bien il vous auroit pleu de me donner encores plus grande, elle auroit bien peu acroître mon obligation: mais non point l'affection, qui ét telle, que pour bien que scachiés faire, elle ne scauroyt augmenter, ni pour peine diminuer. Et ne scay, s'il seroit bien seant à vn homme confesser les extremités en quoy ie me suis, infinies fois, veu par cete passion, le moindre ennuy que i'en aye receu a été la perte du repos: & auoir banny le sommeil de mes yeus, si ce n'a été pour encores plus me traualier, me representant en songe, ce que mon esprit voit & desire incessamment. Quantes-fois m'êt il auenu, pèsant en vous me raui, tellement qu'à ceus qui me voyoyent, ie semblois non seulement priué de sens commun:

F

mais

mais de la vie mêmes. Quelle femme, quel enfant bien batu versa iamais tât de larmes, que moy Cheualier au milieu des plus fortes entreprises en ay répanduës pour vous. Non pour ne me sentir auoir trop heurus sujet en amour: mais pour m'en sentir auoir trop peu de merite, & encores moins d'esperance. Et bien q̄ cete faueur que vous me faites de me daigner ouïr, soit plus grâde que ie n'eusse osé esperer, si êt elle si surmontee de ma passiō, que ie ne puis exprimer la moindre partie de ce que ie sens, & demeure ma langue presque inutile, & non sçachant son office. Mais à tout le moins cete impuissance de parler m'aidera à vous témoigner ce que toutes les parolles du monde ne sçauroyent assés au vray vous exprimer. Car tout ainsi que toutes autres beautés & perfections deuant la vôtre deuiennent riens, ainsi deuant mon affection, toutes les autres puissances de mon ame disparoissent & deuiennent nulles. Vucillés donc, ma Dame, par vôtre courtoisie supplier mon insuffisance, & deliberés de (avec pitie) me rendre la vie & moi-même, & cōseruer ce qui ne peut être, s'il n'êt vôtre. Ces parolles proferoit Amadis si interrompuës de sanglots & de frequentes larmes, qu'il declaroit assés qu'il n'y auoit point de fainte, & qu'il sçauoit plus souffrir que dire. Dont Oriane ayant cōpassion lui dît: Le ne fais doute, mon amy, que vous ne m'aimés, tant pour les peines qu'aués prises pour moy, que pour ce que vous me dites, & quâd ie n'en aurois nul enseignement de parolle ne d'effait si suis. ie contête de le croire, pour ce q̄ mō cœur n'a autre desir, & en cela me sens grandemēt satisfait: mais le tourment en quoy ie vous voy, & l'impaciēce que vous vous donnés, trouble mon aise: car vous ayant asseuré par assés d'épreuues, & mêmes par cete-ci, que ie vous ayme, il me semble que vous n'aués plus d'occasion de si fort vous affliger, & que deués temperer vos peines,

lesquelles (pour l'vnion de nos esprits) ie sens non moins que vous mêmes. Si donc vous ne les apaisés pour l'amour de vous, ie vous prie le faire pour l'amour de moi; mēmemēt qu'ayant (s'il vous plait) à nous entreuoir souvent, & en public cela ne pourroyt seruir, si non à decouuoir ce q̄ nous ne voudrions être conneu, dont trop de mal nous pourroit auenir, & pour le moins empêcher ce que nous desirons le plus. Ma Dame, dît Amadis, i'ay tât de bien, & de felicité de vous voir & ouïr, q̄ ne me trouuât forces pour soutenir le fais de si grand contêtement, ie suis cōtraint de tōber dessous, experimentât nō moindre la peine du non acoutumé plaisir, que celle de la continuelle tristesse, & m'ebais, comme i'ay peu ne mourir point icy. Si doncques ie vous ay offensé de cete transportation, pardonnés la à vous même, qui m'aués apporté cēt heurus malheur, & donné cete nuisâte medicine, & souffrés qu'v-sant d'elle plus auant, & de l'asseurance de vôtre bōne grace, ie m'acoutume peu à peu à la supporter, & à sçauoir viure cōtēt, & excusés en ce grâd heur mon apprentissage, qui n'en sçait encores prudēment vfer. Amour êt maladie, & soit il fauorable, ou contraire, il ne peut être sans passion, qui rend à chacun l'effait que vous reprenés en moy. Bien dites vous, amy, répondit Oriane, q̄ vous êtes encores apprentif, & bien le montre vôtre propos, qui ne voulés amour pouoir être sans passion: I'espere voir le tems, q̄ vous ayant de lui encores plus grâde & plus parfaite partie que vous n'aués, serés en plus grande tranquillité d'esprit, que peut être, vous n'estimés qu'on puisse auoir en ce mode: & ce ne vous auiedra par l'admiration de ce q̄ pour cete heure vous aimés le plus, & qui êt le moins: mais par la fruition de ce ou gît la felicité, la connoissance de quoy, vnit & éliue les esprits iusques au ciel. Et bien, que i'aye encores si peu d'age & d'experience, que ie ne me puisse exempter du mal dont vous plaignés si

ne suis ie depourueu du desir de nous voir enseble dehors, & vivre quelque fois heureux & contens. Ah, ma Dame, dit Amadis, l'esperance de celle heureuse iournee, me fera passer cete penible vie en patience, suportant pour l'honneur de vous les peines interieures le plus couuertement que ie pourray: & entreprenant celles de dehors le plus courageusemēt qu'il me sera possible: mais ie vous supplie me faire cete grace de me dire quād elle sera. Bien conneut Oriane qu'elle n'auoit pas été du tout entenduë, & en souriant, luy dit: Elle ēt dē ja commencee: mais vōtre cēil ēblouy ne la voit point. Lors cōmença Amadis à deuenir pensif, tenant l'œil arrêté sus elle: & elle pour l'en diuertir, mit la main hors du treillis, & empoigna la sienne, & Amadis se mit à la baiser mille fois, sans sonner l'un ne l'autre vn seul mot. Ce que voyant Mabile, s'aprocha, & leur dit: Signeurs, vous vous oubliez. Amadis leuāt lors le visage, la salua de bon cœur, & elle lui: & après quelques propos communs de sa bien venue, & du long desir qu'elles en auoyent eu. Mabile luy demāda, combien il deliberoit demeurer en celle court. Autant qu'il plaira à ma Dame Oriane, répondit Amadis. Ce sera doncques tous-jours (dit Oriane) & de ma partie vous en supplie, si le Roi vous en requiert. Madame, dit il, s'il me fait cēt hōneur, ie lui obeiray, & à vous: mais ce sera après longue dissimulation. Ce sera bien fait, dit Mabile, & ce pendant ie vous prie nous voir souvent. Et voulans continuer, plus longuement leurs deuis, Gandalin, qui faisoit le guet, vid que l'aube du jour aparoiſſoit: parquoy dit à Amadis: Mon Signeur, ie ſçay que ie vous seray importun: mais il faut que vous en accusiez le jour: Amadis n'en tenoit conte, & prolongoyt son propos: mais Oriane voyāt que Gandalin disoit vray, & craignant qu'ils ne fussent aperceus, dit à Amadis: Mon Signeur, allez vous en, s'il vous plaît: car il en ēt temps, & ne m'oubliez vōtre pro-

messe. Lors il print de rechef sa main, & la baisa. Puis mōta à cheual, & reuint au boys, trouver les deus sœurs damoïſelles, lesquelles à grande requête lui persuaderent d'aller deliurer leur cousine, q̄ le Roi retenoit captiue, iusques à ce quelle eût représenté son chāpiō, & ce auoyent elles entēdu. Parquoy après auoir pris ce jour repos, le lēdemain retourna à la ville en grāde faueur & expectatiō de tout le mōde.

Cōme Amadis se fit connoître au Roi Lisuart, aus Princes & grands Signeurs de sa court, desquels il fut haument receu & fētōyé.

CHAP. XVI.

TOut le jour auoit sejourné Amadis en la forêt avec les Damoïſelles, & le lēdemain de grād matin s'étoit armé, & monté à cheual, prenant son chemin vers la ville, en laquelle étant arriue, acompagné seulement de ses deus hôtesſes, elles le menerent descendre au logis de leur cousine, laquelle aussi tōt qu'elle sceut son arriuee, vint au deuant, & se prosternant à terre, lui dit: Mon Signeur, tout le bien que i'ay, vous me l'auēs donné, & le tiens de vous, & non d'autre. Pour-ce faites en, comme il vous plaira: Mais Amadis lui changea propos, & lui dīt: Dame, allons deuant le Roi, afin qu'il vous tienne quite, & que ie m'en puisse aller ou i'ay affaire: toutefois deuant que partir, il se defarma de son heaume, puis s'en alla avec les trois Damoïſelles au palais. Le peuple adonc ſçachant que c'étoyt luy qui auoit vaincu Dardā, étoit par les rues & faisoit vn tel bruit, que le Roi l'entendit. Au moyen dequoy étant auerty de son arriuee, lui fit tant d'honneur, que de venir à l'encontre pour le recevoir, puis luy dīt: Signeur Cheualier, vous ſoyés ceans le trēbien venu, comme celui qui y étoit fort desiré. Lors Amadis voyant ce bon recueil, mit le genoil à terre, & lui répondit: Sire, Dieu vous doint bōne vie & longue: mais aussi tōt le Roi le print par la main, & le fit leuer, lui disant: En bōne foy, ie suis trefaïſe de vōtre connoissance:

car vous êtes bon Cheualier. De ces parolles rougit Amadis, & répondit : Sire pour rendre quite la Dame presente, ie suis venu vers vous : pourtant, s'il vous plaît, puis qu'elle à acomply vôte vouloir, elle sera desormais aquitee. Certes (dît le Roy) c'est bien raison. Je vous asseure Sire, répondit Amadis, que iusques à presēt elle n'a sceu qui pour elle auoit dardan combatu. Or tandis que le Roi & Amadis deuifoyent ensemble, s'assembla en l'entour grand multitude de peuple faisant de lui diuers iugemens, les vns louoyent sa grād'beauté, autres son ieune aage, & tous en general son extreme hardiesse, & l'effort qu'il auoit fait (ayant si peu d'aage) à pouoir vaincre Dardan qui fut par toute la grād' Britaigne tāt craint & redouté. Cependant, il deuifoyt avec le Roi de diuers propos, & entr'autres luy dît, voulant faindre son parterment pour lui augmenter l'enuie de le retenir: Sire, puis que la Dame est libre, vous me donnerés, s'il vous plaît, congé : & si ie vous puis faire seruiçe cōme vous me le cōmanderés: car vous êtes le Prince à qui plus ie desire obeir. Mon amy (répondit le Roy, ce parterment ne sera si prompt, si ne me voulés déplaire. Dieu m'en garde, dît Amadis, plutōt vous obeiray. Certes, répondit le Roy, vous me ferés plaisir, si voulés pour meshuy demeurer ceans. En bōne foy, Sire, dît il, ie feray ce qu'il vous plaira: car en plus grād chose ie vous voudrois complaire. Or vous en allés donc desarmer. En ce disant, lui mêmes le print par la main, & le mena en vne chambre, ou il le laissa pour se rafraichir avec le Roi Arban de Norgales, & le Comte de Clocestre, ausquels il commāda lui faire compagnie: car ce Roi Lisuart étoit le Prince qui le plus fauorisoyt, & hōnoroit Cheualiers étranges, puis l'ayāt laissé en la compagnie de ses Signeurs, s'en alla vers la Roine, à laquelle il recita le moyē, par lequel il auoit arrêté le bon Cheualier, qui auoit vaincu Dardan. Mon Seigneur (dît

elle) sçanés vous son nom? Non, répondit le Roy: car pour la promesse que ie lui ay faite, ie ne lui ay osé demāder. Peut être, dît la Roine, et ce le fis du Roy Perion de Gaule? Je ne sçay, répondit il. Sçaués vous, dît la Roine, qui vous en ietera hors de doute? c'est Ecuyer qui parle à Mabile, et venu le chercher, & dît qu'il a eu nouvelles, qu'il est arriué en ce pais long tēs a. Incontinent le Roy fit apeller Gandalin, & sans lui rien declarer lui dît: Suiués moi, & me dites voyāt vn Cheualier que ie vous montreray, si le connoitrés. Lors Gandalin le suivit, & entrèrent ou Amadis étoit. Et quand Gandalin l'auisa, faignant ne l'auoir veu de long tems, mit le genoil à terre, lui disant: Ha, mō Seigneur, i'ay eu mainte peine à vous trouver depuis mon parterment d'Ecoce. Gandalin mon amy, répondit Amadis, tu sois le bien venu. Quelles nouvelles portés tu? Mon Seigneur, dît Gandalin, trébannes, Dieu mercy, tous vos amys se portent bien, & se recommandent à vôte bonne grace: mais mon Seigneur, desormais n'est il plus besoin de vous couvrir. Puis adressant sa parolle au Roi, lui dît: Sire, celui que ne connoissies n'aguere, est mon Seigneur Amadis que voi-cy, fis du Roy Perion de Gaule, & pour tel le conneut le Roi son pere, lors qu'il occit au combat ce puissant Roy Abies d'Yrlande, au moyen de quoy il recouura entierement ses pais qu'il auoit perdus. par ce moyen fut decouvert Amadis, & mieus venu que deuant: car au parauant il n'étoit conneu que par ses hauts faits, dont la renommée étoyt par tout diuulguee: mais lors fut honoré, tant pour sa vertu, que pour sa noblesse. Ainsi se passa tout le jour en bōne chere, qu'il receut iusques à ce q' chacū se retirat: parquoy le Roi Lisuart cōmāda au Roi de Norgales de l'emmener loger en sō logis: puis quād ils seroyēt à priuē, qu'il le sōdāt, & fēt de lui par tous moyēs qu'il seroit possible, s'il se vouldroit cōdescēdre de demeurer en sō seruiçe: mais aussi

tôt qu'il se fut retiré, le Roy vint vers la Roïne, & lui dit: Ma Dame, ie n'ay peu arrêter Amadis à être des miens, & si ne sçay comment ie le peusse faire, cōbien que i'en aye plus d'enuie que de Gentilhomme que ie visse de long tems: car l'estime que lon a de lui me feroit d'autant plus craindre & redouter. Mon Seigneur, répondit la Roïne, otroyés luy tout ce qu'il vous demandera, & de vous mêmes présentés lui tout ce que pensés qui luy sera agreable. Il ne me demande aucune chose, dit le Roy Lifuart: car s'il demandoit, ie luy accorderois plus volontiers qu'il ne voudroit. Mon Seigneur, répondit la Roïne, il me semble que le deués faire prier par aucuns des vôtres, & s'il n'y veut entendre, dites lui qu'il nous vienne voir, & vōtre fille, & moi, avec sa cousine Mabile, luy en ferons la requête: car elles le connoissent du tems qu'il les seruoit état Ecuyer. Lors nous luy ferons entendre, cōme tous les autres Cheualiers de ceans sont vôtres, & que n'en auons nul qui soit à nous, & le prions qu'il nous face ce bien de tenir nōtre part, & qu'il demeure pour nous seruir, quand aurons affaire de son aide. C'êt bon moyen de le faire demeurer, dit le Roy, & s'il ne le fait, vous, & nous pourrōs biē dire qu'il a en luy moins de ciuilité que de cheualerie. Et pour ce qu'il étoit ja fort tard, pour ce soir le Roy donna le bon soir à la Roïne, & se retira. Le Roy de Norgales d'autre part, qui étoit avec son nouvel hôte, le persuadoit & acheminoit tāt qu'il pouoit à le faire condescendre d'être & demeurer en la maison du Roy: mais Amadis sçauoit tant bien dissimuler, qu'il lui déguisoit entierement ce qu'il auoit plus d'enuie de faire, & ne le peut arrêter à chose dont il eût charge. Et tant que n'y ayant plus d'esperance, vindrent luy & Amadis le lendemain accompagner le Roy à la Messe, à la fin de laquelle Amadis vint prendre congé du Roi: mais il lui dit: Certes, mon grād amy

AM. I.

vous m'eussies fait plaisir de ne partir si tôt: mais la promesse que ie vous ay faite, me contraint de ne vous plus prier faire autre chose que ce qu'il vous plaira, ne sçachant s'il vous viendroyt à plaisir.

Toutefois la Roïne desie bien vous voir auant vōtre partement, si le trouués bon. Sire, répondit Amadis, ie feray ce qu'il vous plaira. En bonne foy (dit le Roy) ie vous en sçay trēbon gré. Et ce disant, le prit par la main, & le mena vers elle, à laquelle il dit: Ma Dame, voicy le fis du Roy Perion de Gaule, qui vous veut faire la reuerence. Vrayement, répondit la Roïne, il me fait grand plaisir, & soyt le trēbien venu. Adonc Amadis s'auança, & se mettant à genous luy voulut baiser les mains: mais elle le sousleua, & le fit assoir joignant d'elle, & voyant le Roy qu'ils étoient entrés en propos, sans mot dire se retira, & se vint promener entre ses Gentis-hommes tandis qu'ils deuisoyent.

Ce pendant la Roïne entretenoit Amadis: mais les autres Dames & Damoiselles qui auoyent tant ouy parler de sa bōne grace & excellente beauté, auoyent toutes l'œil sus lui, s'ébaïssans cōme Nature l'auoit tant pourueu de ce qu'elles desiroient le plus. Or connoissoit Amadis à leur cōtenance le iugement qu'elles faisoient de luy, toute-fois il n'osoit leuer la veuē, craignant que voyant son Oriane, par mutation soudaine, il dōnât témoignage de ce q̄ tāt il desiroit cacher. Et ainsi qu'il étoit en cēte perplexité, la Princesse Mabile se vint réger à luy, luy faisant la reuerēce. Lors la Roïne, pour miens venir à ses ataintes, apella sa fille (qui faignoit quasi ne le connoître) & lui dit: M'amie méconnoissés vous le fis du Roy Perion, qui vous a si biē seruie, quād il étoit vōtre Ecuyer, & fera encores, s'il lui plaît, maintenant qu'il êt Cheualier? En bonne foy, il faut bien q̄ vous m'aydés toutes à le prier qu'il m'otroye ce que ie lui demāderai: Et sçaués vous que c'êt? dit elle à Amadis. Le Roi desie grande-

F 3

ment

ment que vous demeurés avec lui: toutes-fois, à ce que i'entends, vous ne lui aués voulu acorder. Nous verrons bien maintenant, de combien les Dames ont meilleure part aus Cheualiers que les hōmes. Pourtant nous vous prions toutes, que vous soyés Cheualier de ma fille, de moi, & semblablement de celles que voyés en si belle compagnie. Et si tant voulés faire pour nous, vous nous releuerés de chercher support en vn autre, qui peut être, ne nous seroit si agreable, sçachant bien, que si vous êtes nôtre, il nous sera aisé de nous passer de ceus du Roy. Or étoient les damoiselles auerties de ce qu'elles auroyēt à faire en ce pas: parquoy elles s'approchèrent toutes, & consermerent l'intention de la Roine mêmes Oriane, qui lui fit signe qu'il l'acordât: mais il dissimuloyt sagement ce que plus il auoit d'affection de faire: parquoy la Roine le voyant tardif à répondre, comme si elle l'eût voulu presser, lui dît: Et bien Seigneur Amadis, demeurerons nous écondites? Ma Dame, répondit il, qui seroit celui qui pourroit faire autrement que vôtre volonté, & celle de ces Dames presentes, veu que vous êtes la meilleure Roine du monde, & celles qui meritēt plus d'être seruiés? Pourtant, ma Dame, à vôtre commandement, & requête de ma Dame Oriane, & de ces autres Damoiselles, ie suis content de demeurer avec vous, par tel conuenāt toute-fois, que ie ne feray qu'à vous seule, & si ie fais quelque seruice au Roi, sera cōme vôtre, & non comme sien. Et pour tel, dît la Roine, toutes nous vous acceptons. Ce qu'elle fit aussi tôt sçauoir au Roy. Lequel en fut si aise, qu'il enuoya le roi de Norgales vers lui le prier qu'il lui dît vn mot. Lors print Amadis congé de la Roine, & vint vers le Roi, lequel lui dît: Sus ma foy, mon grand amy, ie suis fort joyeus de ce que vous aués acordé à la Roine: & soyés seur: quant à ma part, que i'ay bonue enuie de vous biē traiter, cōme le merités. Amadis hūblemēt le re-

mercia, cōbien qu'il fut demeuré seulement par le cōmandememēt d'Oriane, & nô pour autre. Or ce taît l'Auteur pour le present d'Amadis, voulāt reprendre le propos de Galaor, lequel party de la maison du Duc de Bristoye ou le Nain lui auoit tāt donné d'ennuy, chemina tout le jour égaré au trauers, de la forêt d'Ariuede, sans trouver homme qui le radressât: toutefois enuiron les vèpres, il aperceut de loing venir vers luy vn Ecuyer, monté sus vn trébō cheual. Or auoit été Galaor navré joignāt la barque, par l'vn des trois Cheualiers qui l'assaillirent, comme aués entèdu: & à l'occasion de l'exécution qu'il auoit faite la nuit precedēte avec s'amie, sa playe s'étoit fort empirée: parquoy se sentant mal, dît à celuy qu'il rencontra: Amy, sçais tu ou ie pourrois être mediciné d'une playe que i'ay? Ouy bien, dît il: mais tels couards que vous, n'y veulent pas volontiers aller, pour ce que communément ils n'en sortent sans receuoir hōte, & dommage. Laissons cela, dît Galaor, & me dy seulemēt, si ie trouuerois aucun qui me guerît mes playes. Plutôt, dît l'Ecuyer, y trouverés vous qui vous en fera d'autres. Mōtre moi (dît Galaor) le chemin, & i'éprouverai ce dont tu me cuides épouenter. Non feray vrayement, dît l'Ecuyer, s'il ne me plaît. Si feras, répōd Galaor, par amour ou par force. Par force? dît l'Ecuyer. Crainte me pouroit elle forcer faire plaisir à si lâche, & recreu Cheualier que tu es? Quand Galaor l'entèdit parler si audacieusement, il mit la main à l'épee, & faignit lui fendre la tête pour l'épouenter, lui disant: Par Dieu rustre, tu m'y conduiras, ou ie feray conduire presentement ton ame à tous les diables. L'Ecuyer eut peur, & lui répōdît: puis qu'il èt force, ie vous sçauray biē conduire ou vôtre folie sera châtiée tôt, & mō outrage végé. Et ce disant marcha deuāt, laissant le droit chemin, & Galaor le suiuit assés longuemēt, & quād ils eurent cheminé enuiron vne lieue, ils arriuerēt assés près d'une for.

fortresse assise le long d'un plaisant val, bien peuplé d'arbres. Lors l'Ecuyer la luy montra disant: Or me laissez maintenant aller: car voilà le lieu ou j'espere être vengé de l'iniure que vous me faites. Va à tous les diables, répondit Galaor: car de ta cōpagnie suis-je peu satisfait. Encores le serés vous moins, dit l'Ecuyer deuant qu'il soit gueres. Ainsi s'échapa, & tourna bride, & Galaor suiuit le chemin du château: lequel à sō auis, étoit nouuellement edifié: & arriuant à la porte, aperceut au dedās vn Cheualier armé monté sus son cheual, accōpagné de cinq hellebardiers équipés, pour defendre l'entree de la place, qui vindrēt au deuant de lui, & lui demanderēt si c'étoit il qui auoit n'agueres forcé leur Ecuyer. Je ne sçay (répond Galaor) qui est votre Ecuyer: bien ay-je fait ici venir par force vn paillard, le plus rogne & audacieux qu'onques ie conneu. Ce peut il biē être, dit le Cheualier du château. Mais que demadés vous ceans? signeur, répondit Galaor, ie suis fort navré, & cherche qui me secoure. Entrés donc, répondit le Cheualier. Adonc Galaor passa: mais il n'eut gueres cheminé, que le Cheualier & les soldats le vindrent assaillir de tous côtés, toutefois le premier qui se presēta, lui cuidāt dōner de sa hallebarde sus la tête, fut pressé de si près, q̄ Galaor la lui arracha des poings, & en dōna tel coup au cheualier, qu'il tōba à ses pieds: puis entrant parmy les autres, les chargea tāt rudemēt qu'il en tua les trois, & les deus s'enfuyrēt au plutōt qu'ils peurent vers le château, & Galaor le poursuyuant fut entré pélemêle, sans son Ecuyer qui lui écria: Signeur, prenés vos armes: car leās y a émeute de gens. Quand Galaor l'entendit, il s'arrēta coy, & retourna s'armer. Par Dieu (dît l'Ecuyer) ie prēdray cēte hāche pour vous secourir, si vous aués besoin, contre ces pendars. Lors print la hallebarde, & l'ecu de l'un des mors. Pour le moins, dît il, ferai ie mō épreuve cōtre cēte canaille: car pour ne perdre cheualerie tant que ie

l'aye receuē, ie ne mettray la main à Cheualier pour l'outrager. Assēure toi, répond Galaor, qu'aussi tōt que j'aurai trouvé ce luy qui me la donna, que tu le feras. Puis passerent outre, & aperceurent venir à eus deus Cheualiers, & dis autres soudats, qui firent retourner avec eus ceus qui fuoyēt. Or étoit l'Ecuyer, qui auoit leās cōduit Galaor en vne fenētre, lequel à haute vois crioyt: Tués-le, tués-le: mais sauvs moy le cheual, qui me pourra seruir. Quand Galaor l'entēdit, il le reconneut ay sēmēt, & de dépit le cœur lui enfla de sorte qu'il courut charger ceus qui venoyent à luy, & de cēte rencontre rompirent leurs lances: mēmes Galaor sus celui qui premier se presenta de droit fil, tellement que de là en auant il fut exempt de plus porter cuirace: puis mit la main à l'épee, & s'adressant à l'autre, lui en donna tel coup, qu'il le ieta du cheual à bas. Lors poursuiuant sa pointe sans arrēter, se mēla parmy les gens de pied, & à l'instant vid que son Ecuyer en auoit déjà depēché deus: parquoy pour lui augmenter le cœur luy écria: Amy, c'est trēbien cōmencé sus telle canaille, acheuons le demeurant, sans que nul d'eus réchape: car ils ne sont dignes de tant viure. Quand l'Ecuyer qui étoit à la fenētre vid ce conflit, monta hātuiemēt par vn escalier au haut d'une tour, criant à haute vois: Signeur armés vous, sinō vous êtes mort. Ce que Galaor entendit: parquoy il s'auança pour le deuancer: mais il n'eut gueres marché, qu'il aperceut vn Cheualier armé de toutes pieces, & vn cheual que lon lui tenoit prêt au pied de la mōtee, lequel Galaor saisit legeremēt: car il étoit descendu du sien, pour suiure l'Ecuyer, & metant la main aus rénes du cheual, dît au Cheualier: Damp Cheualier, montés vne autre-fois de meilleure heure: car pour le present vous n'aurés, si ie puis, plus d'auantage que j'ay. Bien étōné fut le Cheualier, quand il l'entendit: car il ne l'auoit encores aperceu, & lui répondit: Etes vo⁹ celui qui a tué mes deus neueus,

& ceus de ce château. Je ne sçay pour qui vous le dites, dît Galaor: mais ie vous assure que ceans i'ay trouvé la pire canaille, & la plus déloyale gent à qui onc ie m'adressay. En bõne foy, répond le Chevalier, ceus qu'aués tués étoient meilleurs que vous, & chèrement aussi le comparerés vous.

Lors mirét la main aus épées, & cōmença entr'eus (ainsi à pied qu'ils étoient) vn combat fort cruel: car celui du château étoit trégentil Chevalier, & n'y auoit nul qui les vît qui ne fût ébahy, comme tāt de coups ils pouoyent soutenir l'vn de l'autre: toute fois à la fin le Seigneur de leans ne peut porter l'effort de Galaor, parquoy pensa auoir recours à la fuyte. Mais il fut suiuy de si près, qu'ayant gagné vn portail, ainsi qu'il cuidoit frāchir le faut d'une fenestre en vne gallerie assés joignāt (pour la pesanteur des armes) demeura en chemin, tombāt sus vn tas de pierres plus bas qu'il n'esperoit, tellemēt qu'il en fut brisé & mis en pieces. Quand Galaor s'en vid, depēché, retourna arriere, maudissant & le château & les habitans d'icelui. Et ainsi qu'il trauersoit entendit vne vois (partant d'une chambre) qui crioyt dolentement: Pour l'honneur de Dieu, Seigneur, ne me laissés plus souffrir. Lors Galaor s'aprocha plus près, & apella disant: Ouvrés donc la porte. Ah, signeur, ie ne puis, disoit lavois: car ie suis ataché à vne grosse chaine. A cete parole Galor conneut bien que c'étoit quelque prisonnier: parquoy dōna du pied contre l'huis si rudement, qu'il le fit sortir des gons, & y entrāt aperceut vne belle Damoiselle liee par le col d'une grosse chaine, laquelle voyāt Galaor, lui dît: He làs mon Signeur! qu'ēt deuenue le maitre de ceans, & ceus de sa compagnie? Certes (dît il) ils sont tous morts: car venāt cete part chercher aucun qui me peūt guerir d'une playe que i'ay, ils me firent entrer en ce lieu, puis me coururent sus: toute-foi avec l'ayde de Dieu, ie me suis tellement defendu, qu'ils ne ferōt jamais mal

à personne viuante. Dieu en soit loué, répondit la Damoiselle, & pour Dieu ne me laissés en cete misere: car étant delivree, ie vous rendray de brief sain & guery.

A celà ne tiendra, dît Galaor: Adonc rompit la chēne, & emmena la dame: laquelle print au partir deus boîtelettes, qu'elle tira d'un petit coffret, & d'autres choses precieuses que le Seigneur de leans gardoyt singulierement. Et ainsi qu'ils vouloyent sortir de leans, aperceurēt que le premier Chevalier contre qui Galaor auoit ioûté, n'étoyt encores mort, ains trauailloit à sa fin: au moyen dequoy, pour ne le faire tant languir, Galaor luy passa tant de fois le cheual sus le ventre, qu'il lui fit rendre l'ame: puis se mirent en chemin, deuisans ensemble de diuers propos. Or étoyt la Damoiselle sage, bien aprise, & de bonne grace: au moyen de quoi elle sceut si pertinemment répondre & entretenir Galaor qu'il en deuint tresamoureux: & de fait ne pouant plus supporter ce nouveau feu d'amitié, voulut sentir d'elle, si elle le vou droit aimer, lui disāt: Damoiselle m'amie, vous sçaués que ie vous ay deliuree de prison: mais en vous donnant liberté, ie me suis captiué, & mis en grande langueur, si ne me secourés. En bonne foy (répondit elle, mon Signeur, la chose seroit biē difficile, que ie ne ferois pour vous obeir, étant tant obligée à vous: car faisant autrement, ie meriterois être mise au reng des plus ingrates Damoiselles du monde, veu la misere, de laquelle m'aués n'agueres deliurée: & pourtant soyés seur que ie suis autant vōtre, que vous le sçauriés souhaiter. En ces propos se mirent si auant, que l'exécution de cete nouvelle amour s'en ensuiuit, goutant ensemble du fruit qui cause tant de contentement à eus, à qui si bonne auenture auient, tellement, qu'en telle aise passerent cete nuit aus pauillōs d'aucuns veneurs, qu'ils trouverent de fortune dans la forêt, par ainsi eut lors Galaor (par la Damoiselle) alegement de la playe nouvelle qu'amour lui auoit faite,

& peu après de celle qu'il auoit receuë par le Cheualier, comme aués entëdu cy deuant: Quelque tems seiournerent en ce boys, pendant lequel la Damoiselle lui recita qu'elle étoit fille de Teloys le Flamant n'agueres Comte de Clare, par le don que lui en auoit fait le Roi Iuuant, & d'une Dame qu'il auoit long tems entreteuë pour s'amie: mais vn iour (dît elle) étant avec ma mere en vn monastere, assés ioignât de ce lieu, ce malheureux que dedans son château aués occis, me demanda en mariage, & pource que mes amys ne le trouuerent bon pour son outrecuidance, il épia vn iour que ie m'ébatois avec d'autres Damoiselles, entre lesquelles il me vint raurir & emmener par force, au lieu duquel nous sommes n'agueres partis: puis de grand' colere me fit mettre en cete prison, dont vous m'aués tiree, me disant: Assurez vous, Damoiselle, que puis que m'aués dedaigné à mari, & si peu esti mé ma grande renommee, que iour de vôtre vie n'en partirez, iusques à ce que vôtre mere, & le reste de vos parës me priët q' ie vous (qui plus à fême. Lors ie prêne que chose de ce monde lui voulois mal) me confiant en la grace de Dieu cōcl u, qu'il m'étoit meilleur pour quelque tems endurer cete captiuité, que pour iamais en l'ayant épousé demeurer en plus grande, En honne foi, répondit Galaor, vous aués raison: mais dites moi, ie vous prie, au partir d'icy, que deviendrez vous? car ie suis contraint faire peu de seiour, & aller long chemin, & doute fort qu'il vous ennuyât de me suyure. Je vous prie, répondit elle, que me conduysies au monastere, auquel ie fu rauie: car ma mere y èt qui fera trefaise de me voir en liberté. Il mé plaît trébien, dît Galaor: Au moië de quoi ils monterent à cheual, & tant cheminerent, qu'environ Soleil couché ils arriuerent en l'abaye, ou ils furent receus en grand' ioye, & encores mieus quād la Damoiselle leur recita les grandes prouesses que Galaor auoit faites, lequel, com

bien qu'il se delibérâ partir promptement, à la requête des Dames y seiourna plus qu'il n'esperoit. Mainténât l'Autheur laif se ce propos, pour vous dire ce qu'il survint à Agraies depuis qu'il fut retourné de la guerre de Gaule.

Quelles furent les aventures D' Agraies, depuis son retour de Gaule, ou il auoit laissé Amadis.

CHAP. XVII.

A Graies retourné de l'entreprinse de Gaule, après qu'Amadis eut vaincu le Roi Abies d'Yrlande, & que ses pere & mere l'eurent conneu, comme cy deuant aués entendu, adressa son chemin pour passer en Noruege, ou il esperoit trouuer sa Dame Olinde. Et seiournant vn iour le long de la marine, delibera de Courre vn Cerf, & de fait mit son vouloir à execution, tellement qu'après qu'il eut tout le iour pour chassé sa venaison, de fortune se trouua au plus haut d'une montaigne, de laquelle il pouuoit aisément voir grande étendue de Mer: mais à l'heure va soudre vne si merueilleuse tempête, & grand' orage, que tant pour le fort vent, qu'a cause de l'impetuosité des tonnerres, la Mer, fut émeuë de sorte, qu'il sembloit proprement le ciel & l'eau se deuoir assembler, & à l'instant va auiser vne nef tant agitée de cete tēpête, qu'il n'en esperoit aucun salut, & ce qui venoit encores plus mal à propos, étoit, que la nuit la surprenoit. Au moyen de quoi il en eut telle pitié, qu'il cōmanda (pour faire signal) allumer feus de toutes parts: à ce que ceus de dedās la nef peussent choisir la terre: & qu'ils ne perissent pour l'obscurité, & delibera d'attendre tāt qu'il vît qu'elle en seroit la fortune, qui fut si bonne que (Dieu aydant, & la grande diligence que firent les Pylotes & matelots) cete nef print port & vint à saluation assés près du lieu ou Agrayes, étoit. Lors prindrēt terre aucunes Dames qui étoient dedās, tant effrayes et

étonnées du peril passé, qu'elles ne se pou-
uoient bonnemēt asseurer. Quād Agraies
(qui étoit l'un des plus courtois Princes
du monde) les vit hors du dāger, & à port
de salut mêmes les femmes descendre à
terre enuoya prōptement aucuns de ses
Veneurs les prier se venir rafraichir ou il
étoit logé, ce que les Damoiselles ne re-
fuserent. Et poutce qu'il eut crainte d'em-
pêcher leurs priuautés, sachant qu'ils n'a-
uoient pour l'heure meilleur besoin que
de repos, delibera ce soir ne se montrer à
elles, & de fait se retira. Parquoi étāts les
Damoiselles logees & separees de leurs
gens, les mariniers se mirent à faire grans
feus pour eus seicher & reposer, atendās
le iour: & au moyen du trauail passé se
prindrent tous à dormir, & de si fort som-
me, qu'il eûtété difficile les éveiller. Ce q̄
connoissant le Prince agraies, curieux de
voir des femmes étranges (plus toutefois
pour les seruir & honnorer, que pour su-
mettre son cueur en autre lieu, qu'à celui
ou il étoit dédié) vint regarder par entre
la porte leurs contenance, & vit qu'elles
étoient toutes autour du feu, recitans l'un
à l'autre, par grand plaisir, leur prete-
rit danger: & tant fut attentif à les écou-
ter, qu'entre toutes connut l'Infante O-
linde, vers laquelle il s'étoit acheminé
ainsi qu'elle lui auoit mandé Et entendés
qu'il lui étoit tant seruiteur & elle à lui
si affectionnée, qu'ils se pouuoient dire
heureux en leurs amours: parquoi à l'in-
stant qu'Agraies l'eut aperceue, il fut si ra-
uy, que sans le pouuoir dissimuler, ayant
duant les yeus le dāger du naufrage pas-
sé, ou il auoit quasi veu perir, se cuyda
laisser tomber, & se print à faire vn haut
sourir, disant: Ah Dieu, secourés moi! Ce
cry entendu par les Damoiselles, mêmes
d'olinde ne soupçonnoit aucunemēt qu'il
fut: ains pensant qu'à quelqu'un des siens
fut surueni aucun mal, commanda à l'un
de ses fēmes ouvrir la porte. Lors la plu
prompte y courut, qui au sortir trouua
Agraies, qui lui dit qu'il étoit, la pria le

faire entendre secretemēt à sa maitresse,
laquelle ne s'en trouua moins aysé que
ébaie, & cōmanda qu'il entrāt. Adoncq̄
furent embrassemens & baisers par mi-
liers: adonc caresses: & tous bons traite-
mens que deus amans (en liberté) se peu-
uent faire, furent en saison, & tant que
l'exécution de l'amour s'en ensuyuit la
nuit mêmes, dont il auint que la gentile
Damoiselle en perdit le nom de pucelle,
auec tel contentemēt q̄ celles qui le fem-
lable ont essayé (& non autres) peuuent
estimer, & tant eurent ce plaisir agreable,
qu'il sejournerent sis iours ensemble, fai-
sans grand deuoir de contenter l'un l'autre
par affection reciproque, & toutefois
si secretemēt, que de tous ceus de la tro-
pe (soit par deus Damoiselles) ne furent
aperceus. Ce tems pendant, la mer se ras-
seura, & se montra le tems cler, & les vn-
des calmes, au moyen de quoi la Princesse
se delibera rentrer en son nauire, & passer
en la grand' Bretagne, ou le Roi son pe-
re l'enuoyoit, pour être nourrie auec la
Roine Brisene ce qu'entendu d'Agaies (a-
près lui auoir recité, cōme il étoit en che-
min pour l'aller trouver en Noruege) l'as-
seura, que puis que Dieu lui auoit ordon-
né si bonne adresse, qu'en brieif il seroit la
part ou elle alloit, tant pour lui obeir &
seruir, qu'aussi pour trouuer son cousin
Amadis en la court du Roi Lisuart, ainsi
qu'il luy auoit promis: dont elle fut trefai-
se, lui supliant affectueusement d'ainsi le
faire. Lors prindrēt congé l'un de l'autre,
& s'embarqua la Princesse Olinde faisant
voyle, & de là en auant eurent vent si à
propos, que sans détourbier aucun en peu
de iours prindrent port en l'Isle de Vin-
dilifore, ou pour lors sejournoit le Roi Lis-
uart, duquel & semblablemēt de la Roine,
d'Oriane, & des autres Dames & Da-
moiselles fut cete Princesse trèsbien rece-
ue, tant pour l'honneur du Roi son pere,
que pour l'excellente beaulté d'elle. Or é-
toit demeuré Agraies sus le riuage de la
Mer cōduisant de l'œil le plus qu'il peut
la

la nef, en la ruelle s'éloignoit celle q̄ tāt il aymoît: puis l'aiāt perduē de ueuē, reprint son chemin à Briantes trébōne ville d'Ecce, ou le Roi son pere étoit lors, & Galuanes sans terre son oncle, avec leq̄l peu après delibera aller en la court du Roi Lifuart: car nous y trouuerōs (disoit Galuanes) plus de bons Cheualiers, qu'en nule autre maison de Prince Chrétie, & pourrons y aquerir hōneur & renōmee mieus qu'ē Ecce, ou nous ne trouuōs plus contre qui nous essayer, si n'ēt endroit quelqu'vns allēs peu estimés aus armes. Ce Galuanes, dōt ie vous parle, étoit de gentil cueur, & bō Cheualier, couuoiteus de gaigner louāge entre tous autres: mais il auoit depēdu tāt du siē à suiure les armes, qu'il ne luy restoit plus qu'un petit chateau: parquoi il étoit cōmunément apellé Galuanes sans terre. Telle fut l'entreprise de deus Cheualiers: léquels ayās cōgé du Roi, entrerēt en Mer avec leurs armes & cheuas, & chacū vn Ecuyer seulement: puis eurent vent si à propos, qu'en bref ils arriuerēt en la ville de Bristoye, ou ils ne firent nul seiour, ains passans outre, ains qu'ils cheminoyēt le long d'une forêt, rencontrerēt vne Damoiselle, qui leur demāda si c'étoit le chemin de la roche de Galtares. Nō dirent ils: mais, Damoiselle, dites nous pourquoi vous le demādēs. Pour sçauoir, répōdit elle, si i'y trouuerai le bō Cheualier, qui sache mettre remede en vn ennuy trop grād q̄ i'ay à present. Vous abusēs, répondit Agraies: car en cete Roche ou vous allēs, n'i trouuerēs autre Cheualier q̄ le grand Geant Albadā, lequel, si vous y portēs de l'ennuy, le vous fera doubler. Si vous sçaiēs (dît la Damoiselle) ce que ie sçai, vous ne penseriēs que ie m'abusasse: car ce Cheualier que ie demande à vaincu le Geāt, & occis en bataille cors à cors. Certes Damoiselle, répond Galuanes, vous nous dites merueilles, veu qu'oncq Cheualier seul ne se print à Geāt aussi n'ēt il vray semblable ce q̄ vous dites: car cētui ēt plus que les autres braue

& cruel, si ne fut le Roi Abies d'Yrlāde, qui se combatit avecq' vn, luy armé, & l'Geant nu qui y fut tué & encores cete temerité de Roi fut estimee l'une des grādes qu'il fit oncques. Messieurs, dît la Damoiselle, ce Cheualier, duq̄l ie vous parlé à bien fait autrement. Puis leur recita cōme ce auoit été, qu'ils trouuerent trop étrange. Adonc Agraies luy demanda si elle sçauoit le nom de ce Cheualier. Oui vrayement, répondit la Damoiselle. Je vous prie donc, dît Agraies, nous le dire. Je vous assure, répondit elle, qu'il se nomme Galaor, & ēt fis du Roi de Gaule.

Quād Agraies l'entendit il fremit tout & répondit: Ha, Damoiselle, vous me dites bien les nouvelles du mōde, qui plus me donnent d'ayse, me parlant de ce miē cousin que lon tenoit plus pour mort que viſ. Adonc fit entēdre à Galuanes ce qu'il auoit ouy dire de Galaor, & comme il fut rauy par le Geant, & iusques à present, dît il, lon n'en auoit eu nouvelles. En bonne foi répondit Galuanes, la vie de lui & de son frere n'ēt pas sans grādes merueilles, ne le commencement de leurs armes, qui ēt tel, que i'estime qu'en tout le monde leurs égaus ne se pourroyēt trouuer: puis demāda à la Damoiselle, qu'elle vouloit à ce Cheualier. Seigneur, répondit elle, ie voudrois qu'il secourût vne Damoiselle, qui ēt prisonniere à la persuasion d'un Nain, la plus traître creature qui oncques nāquit. Lors leur fit entendre tout ce qui étoit auenu à Galaor & au Nain, comme cy deuāt à été recité: mais elle se teut du fait d'Aldene l'amie de Galaor. Et pource Signeurs, dît elle, q̄ la Damoiselle ne veut acorder au Nain ce qu'il dît: Le Duc de Bristoye à iuré, qu'il la fera dans dis iours bruster viue, qui donne grand ennuy aus autres Dames, craignans que la Damoiselle par crainte de la mort acuse l'une d'elles, & q̄ elle die à q̄lle fin elle fit venir Galaor en la maison du duc, & des dis iours en sont les quatre passēs. Puis qu'ainsi ēt répōdit Agraies, ne vo' trauailēs plus car

nous ferons pour Galaor ce qu'il feroit, à tout le moins si ce n'est en force, ce sera en voluté, & pource guides nous la ou c'est. Lors la Damoiselle tourna bride, & cheminerēt tāt qu'ils arriuerēt en la maison du Duc, le iour precedāt que lon devoit executer la Damoyfelle. A l'heure se vouloit mettre le Duc à table pour dîner: parquoi entrans les deus en sa salle le saluèrent, & quand il les aperceut, il les pria de dîner avec luy: mais ils lui répondirēt: Seigneur, vous entendrés s'il vous plaît presentement la cause de nôtre venuë vers vous Lors Galuanes print la parole, disant: Duc vous tenés vne Damoiselle prisonniere pour le raport faus & déloial, que vous a fait vn traître Nain, laquelle nous vous supliions humblement delivrer, puis qu'elle n'a meffait, & s'il est besoin de prouver son innocence par bataille, viennent deus autres Cheualiers prendre sa querelle & nous sommes prêts de la defendre. Vous dites trébien répondit le Duc. Adōc fit apeller le Nain auquel il dît: Que réponds tu, à ce que ces Cheualiers maintiennent, que fausement m'as fait emprisonner la Damoiselle, & qu'il le prouueront en bataille! Il te faut trouver qui te defende, Signr dît le Nain, à cela ne tiendra: car j'ay pour moi qui fera connoître la verité de tout ce que j'ay dît. A cete parole il apella vn Cheualier son neueu bié disposé & de telle taille que lon l'eut iugé ne lui être aucunement parent auquel il dît: Mon neueu, ie vous prie maintenir ma querelle contre ces deus Cheualiers. A peine eut acheué le propos, q son neueu répōdit à Galuanes, & à son cōpagnon: Et bien, Signeurs, que voulés vous dire cōtre ce loyal Nain, qui fut tant outragé par le Cheualier qui amena ceans la Damoiselle: mais peut être, & ce l'un de vous à qui ie parle: toute-fois soit vous, ou autre ie prouuerai par cōbat qu'il a fait méchamment & que pourtant la Damoiselle doit mourir, pource qu'elle le fit entrer en la chambre de mon Seigneur cy

present. Agraies (à qui plus il touchoit ce lui sembloit) s'auança de répondre: Certes, ce n'est nul de nous, dît il, cōbien que desirons bié lui ressembler. Tant y a qu'il n'a point de toit, & presentemēt s'il plaît au Duc, nous vuidrons ce different: car ie maintiens pour lui, que la Damoiselle doit être delivree, & le Nain en sa place brulé, cōme traître & méchant. Il n'est pas vrai, dît le Cheualier du Nain, qui aussi tōt demāda ses armes, & defait s'arma & monta sus ve gentil cheual, puis retourna vers Agraies, et lui dît: Pleut a Dieu cheualier, que tu fusses celuy pour lequel cete querelle est commencée: car chermēt le te ferois cōparer. Nous verrōs tantôt, répondit Agraies, q sçauras faire: mais ie suis seur que s'il étoit ci present, qu'il feroit peu de cas de deus tels braues q toivoire tāt iniuste fut la querelle de sa part. Par plus forte raison donc en cete-cy, ou il a si bō droit, ie te laisse penser comme il te sçauroit gouverner. Durant ces menaces d'une part & d'autre, le Duc ne se bougea de la table, tant qu'il eût acheué de dîner: & voyant les Cheualiers prêts à executer leurs parolles, il les cōduit avec grosse troupe de Gentil-hōmes au lieu ordonné à vuidet tels débats. Puis étās rengés, cōme en tel cas est acoutumé, il dît à Agraies: Faites desormais ce qui est en vous, ia pourtant ne sera la Damoiselle deliuree: car au Nain seul n'a été fait l'outrage, mais à tel qui vaut mieus q vous. Si gneur répondre Agraies, vous la fites prendre par la fauce occasion de lui, qui vous a méchamment mēty: ainsi si ie demeure vaincueur, vous la deués par raison deliurer. Je vous ay dît ce qu'il m'en semble, dît le Duc: car autre chose n'est sera fait ce qu'entēdu par Agraies, ne lui voulut tenir plus lōg propos, ains lui tourna dos & donnāt des éperōs à son cheual, vint cōtre le Cheualier du Nain, qui le receut brauement, se donnant si grands coups de lāces, qu'elles volerēt en éclats, & parfaizans la carriere se ioignirent de cors & de cheuaux

par telle impetuofité, que tous deus perdirent les étriers & tombèrent en la place: toutefois legierement se releuerēt, et de grand furie mirent la main aus épées. Lors cōmencerent (ainfi à pié qu'ils étoient) vn fi cruel combat, que merueilles. Leurs épées étoient rrenchantes, & les Cheualiers roides, & de grand cueur, au moien dequoi en peu d'heure mirēt leurs harnois, heaumes, & écus en petite defenfe: ce neâtmoins Galuanes voyoit bié que son neveu auoit tou-jours le dessus de son ennemy: parquoy si au parauāt il l'auoit en estime de bon Cheualier, il l'eut lors en trop plus grande: cōbien qu'il se hastāt tant qu'il se mettoit souuent quasi hors d'aleine, & à cēte cause chacun presumoit qu'à la longue, veu son āpreté, il ne pourroit durer: mais il auint tout au contraire: car croissant la longueur du cōbat, le courage avec la force lui croissoyēt aussi, qui fut cause qu'à la fin il demeura vainqueur comme il sera cy après deduit: car le neveu du Nain se trouua à la longue tant mal mené, qu'il se tira vn peu arriere, disant à Agraies: Certes Cheualier il me semble que nous sommes assés essayés pour nous cōnoitre & sçauoir que nous sçauons faire parquoy i'estime que celui pour lequel ie combats, ne l'autre que tu soutiens ne sont en rié coupables, veu qu'autremēt nōtre guerre n'eut tant duré, sans que le sort fut tombé sus l'vn de nous d'eus. Tu as bien raison, répondit Agraies, de dire que le Cheualier pour qui ie cōbats ēt loyal: mais le Nain ēt traître & méchant: & pourtāt iamais ne te laisserai en pais, tant que ta bouche le confesse, & te defens si tu veus mieus q̄ tu n'as fait. Cēte menace haufa le cueur au Cheualier, & cuida s'euertuer: mais il auoit tant perdu de sang, qu'il ne se pouoit quasi plus soutenir, & par ainfi Agraies le régeoit du tout à son plaisir: car l'autre ne faisoit plus que tourner & parer aus coups de son ennemy. Ce que voyant le Duc, qui lui portoit faueur, en

fut si déplaisant, q̄ pour ne le voir mourir se retira en son château, iurant q̄ de là en auant il s'en vëgeroit sus tous autres Cheualiers errans, leur faisant toute la honte qu'il lui seroit possible. Or étoit il entré en telle furie qu'il dīt ce propos si haut q̄ Galuanes l'entendit parquoy il lui répondit: Duc, vous entreprenés forte guerre mêmes encontre cēus qui sçauent à plus grans Signeurs que vous n'êtes faire amander les tors des autres, & ainfi qu'il contestoit contre le Duc, le Cheualier du Nain se laissa tomber aus piés d'Agraies, lequel incontīnēt le saisit par l'armet, & le lui aracha de la tête, lui donnāt du pommeau de l'épee sus le visage, & lui criant: Cheualier, confessés la delōyauté de vōtre Nain, ou autremēt vous mourrés presentement. Ah bon Cheualier, répondit l'autre, ne me tués: car vraiment ie cōfesse que celui pour qui cōbatés ēt bō & loyal Cheualier, & si vous promets faire tirer hors de prison la Damoiselle: mais pour Dieu ie vous supplie que ie ne die le Nain mon oncle qui m'a nourri être traître. Cēs paroles furent de tous les assistants aisēmen entēduēs, & à cēte cause Agraies en print pitié et lui & dīt: Pour le Nain ie ne ferois aucune chose: mais pour vous qui êtes bon Cheualier, ie feray ce bien de vous quiter, pourueu que mettés vōtre pouuoir à faire sortir la Damoiselle de prison cōme vous prometés. Or n'auoit le Duc entendu aucuns de ses Propos: car il étoit déja en voye, quand Galuanes saisit la bride de son cheual, lui disant: Par Dieu Duc, vo⁹ ne passerez pas plus outre, que n'ayés veu l'extremité de vōtre champion: car il ēt mort ou vaincu maintenant. Doncq̄, que répōdés vous au droit de la Damoiselle, & a l'iniure q̄ lui a faite le Nain? Quoi? répond le Duc, pensés vous que ie fausse mon iugement & que i'en face autre chose que ce que i'ay delibéré. Ie ne sçai quelle deliberatiō vous aués, dīt Galuanes. C'ēt répondit le Duc, qu'elle sera demain le matin brulée
fi

LE PREMIER LIVRE.

si elle ne dit qui la meut de faire venir ceans le Cheualier qu'elle y amena. Cōment dit Galuanes, vous ne la deliuerés donc? Nō répōdit il, & si vous defends de ne plus seiourner en mes pais, autremēt vous connoitrés qu'il m'en déplaît. Et il vray? dit Galuanes, vous nous menacés contre toute equireté & ne voulés dilivrer la Damoiselle étant iustificée. Par Dieu ie vous desie démaintenant, tant de ma part, que de celle de tous autres Cheualiers errans. Et bien répondit le Duc, le semblable fai je à vous & à ceus qui vous ressemblent. Lors s'en alla le Duc en son château, & Galuanes vers Agraies tant coléré que rien plus: toute fois l'aïse qu'il eut de trouver son neveu en si glorieuse victoire lui faisoit passer partie de son ennuy, non pour tant il lui fit discours des menaces du Duc & du desiemēt qu'ils auoyent fait d'une part & d'autre, dequoy Agraies fut déplaisant, même ment pour l'outrage de laquelle on menaçoit la Damoiselle. Et répōdit à Galuanes: Par Dieu mō sieur mon oncle, c'est cōtre raison, quād vn tel paillard q̄ le Duc Siegneur ē de si grand' terre qu'il possède, puis qu'il ē de si mauuais cueur, & ce disant demanda son cheual, le quel lon luy amena. Et ainsi qu'il montoit dessus dit au Cheualier vaincu: Ami souuiēne vous de vōtre promesse, & accomplissés au plus tôt que vous pourrés ce que m'aues promis pour la redemptiō de la Damoiselle prisonniere. En bōne foi, répondit il, i'y mettray tout mō possible. Le vous en prie dit Agraies, le quel print avec Galuanes le chemin de la forêt d'Armide: mais ainsi qu'ils y entroyent Galuanes dit à son neveu: Mō neveu, vous sçaués cōme i'ay desfié le Duc, & l'iniure qu'il nous a faite: mais, si vous me voulés croire, nous nous embucherons quelque tēs dās ce bois ou ie suis seur qu'aïsement nous le surprendron, ou aucuns de siēs. C'ēt trébiē aïsé répōdit Agraies & de ce pas sans passer outre choisirent l'épaisseur du taillis, ou ils

descendirēt & enuoyerēt leurs Ecuyers à la ville querir viures. Le Duc d'autre part s'étoit retiré (cōme iay dit) en son palais, tant irrité contre la Damoiselle, qu'il cuida des l'heure l'enuoyer au feu: & à cete cause il la fit apeller, & lui dit, quelle pensât desormais de son ame: car lendemain elle seroit brûlée, si prōptement ne lui déclaroit la verité du Cheualier: mais pour menaces n'en sceut tirer parole d'elle. Et pource q̄ le Cheualier vaincu auoit promis à Agraies de moyenner sa deliurance vers le Duc, aussi tôt qu'il fut retourné du cāp se vint ieter à deus genous deuant lui, en le suppliant tréhūblemēt qu'il lui pleut otrōyer ce qu'il auoit promis pour la Damoiselle: mais il s'en excusa au possible, rēmōtrant qu'il auoit fait sermēt solēnel de la faire mourir si elle ne luy declaroit ce qu'il auoit enuie de sçauoir: pourtant dit il, ie consentirois plutôt la ruine de tous mes états, que la fracture de mon serment. Ainsi fut le Cheualier éconduit: car le iour ensuiuāt de grād matin fit apeller la Damoiselle, à laquelle il dit: Or ça, pautonniere chois is presentement le feu, ou dire de ce que ie te demande: car à l'un de ces deus ne peus tu faillir. Sire répōdit elle, vo⁹ feres ce qu'il vous plaira: mais si ie meurs ainsi, ce sera cōtre raison. Et biē dit le Duc. Lors la fit prendre par douze Sergents armés, acōpagnés pour sa garde de dis Cheualiers biē équipés, & pour plus grande seureté à ce qu'elle ne fut recouffe, luy même en personne monta sus vn grād détrier & la fit ieter hors la ville, & mener aus chams au feu qui luy étoit apareillé le lōg de la forêt, ou arriués, le Duc cōmanda que sans tarder lon la iettât dedans disant: Meure maintenant cete pertinax en son opiniâtreté. Mais Galuanes & Agraies, de fortune, s'étoyēt embuchés en cet endroit, ne soupçonnans toute fois pour lors de cete entre prise (car ils y étoient seulement arrētés pour y prendre le Duc, ou aucuns de ses gens, qui passeroient par ce détroit.

A l'heure et oyent ils armés & prêts à combattre, pource qu'ils auoyent veu sortir la troupe de la ville & venir vers eus. Et à cete cause sans marchander, après auoir bien expressement cōmandé à l'un de leurs Ecuers, ne s'amuser à autre chose, qu'à la saluation de la Damoiselle, sortirent de leur embûche, & virēt la pauurette prête à lancer dedans laquelle voyant le dāger ou elle étoit, pour dēlayer sa mort present, s'écria au Duc qu'elle declareroit entièrement ce qu'il demādoit. Le Duc croyāt qu'elle dit vray, s'aprocha d'elle, & leuāt la tête auisā Galuanes & Agraies qui se diligentoyēt de venir vers luy, & déjà en étoient si près, qu'il les entēdit crier: Duc, force te sera maintenant laisser libre la Damoiselle. A ce cry fuiēt les douze Cheualier du Duc trop surprins, ce nō-obstāt ils se mirent en deffense, & cōmença entr'eus le cōbat fort rude & furieux: car encores qu'Agraies & Galuanes fussent seuls cōtre tant, si se montrerent ils si gentils cōpagnons, qu'ils en diffirēt la plus grād part à leur arriuee, auant que de leur dōner moyen de pēser à ce qu'ils auoyent à faire: dōt le Duc fut si étōné que craintē de mort se presenta deuant ses yeus, & se retira derriere sa troupe. Ce que cōnoissant Galuanes, il lui écria: Traître Duc, tu cōmenceras du iourd'hui à sentir la guerre q̄ tu as entreprise cōtre les Cheualiers errās, & fendāt la presse, cuida charger le Duc, mais il se tira à côté pressāt ses Cheualiers de leur tuer les cheuaus, à ce q̄ les gēs de piē les peussēt plutōt deffaire. Lors les deus Cheualiers entrerēt pēle mēle & fitēt leurs ennemys écarter, de sorte qu'en peu de tems ils furent deffaits, ou mis en fuyte, la plus part si n'aurēs, qu'à grād pei ne auoyent ils la force d'eus tenir à cheual en fuyant: mēmes le Duc qui fut mieus mōté que nul des siēs, courut tāt qu'il eut le moiē de dire premier des nouuelles à ceus de sa ville: & combien qu'il fut poursuiui quelque tēs par Galuanes: neātmoins le voyāt mōté à l'auantage, il laissa

la chasse & tourna bride vers la forêt, ou son neueu étoit déjà entré avecq' la Damoiselle que l'Ecuyer (dont cy dessus vous a été parlé) auoit charge de sauuer. Tel fut le recous de cete pauurette, & la honte du Duc: lequel arriué en la ville, fit armer hātieuement ce qu'il peut de ses gens, & retourner en la forêt pour venger cete nouuelle iniure, pensans trouuer encores les Cheualiers: mais ils s'étoyēt dēlogés: Parquoi ne les trouuant au lieu ou auoit été le confit, se mirent cinq à cinq pour plus tōt les rencōtrer, & le Duc mēme en personne se mit cōme eus en quête acompagné de cinq de ses Cheualiers les meilleurs qu'il peut choisir, & ainsi qu'il deualoit le lōg d'une cōte ils auisèrent au bas de la vallee ceus qui emmenoyēt la Damoiselle, parquoi le Duc dīt à ses gēs: amis, voylà les paillards à q̄ nous auōs affaire, ie vous supplie chargeōs les, sans leur dōner loysir de fuir, car s'il nous aperçoiuēt, ie crains qu'ils courent plus fort q̄ nous: or à eus, gardons qu'ils n'échappent, Adoncques vindrēt charger Galuanes & Agraies: mais il faut q̄ vous entendēs, qu'auant qu'ils y arriuaissent, Galuanes les auoit découuerts & montrēs à Agraies, lui disant pour l'asseurer (doutāt q̄ pour les efforts qu'il auoit soufferts le iour precedent il fut lassé) Mon neueu, nous auons déjà éprouué que sçait faire cete canaille, toute-fois il ēt besoing maintenant de si bien nous deffendre qu'ils n'ayent plus denvie de nous tant importuner. Je connois le Duc qui marche le premier, si nous tenons bon l'espepere biē qu'il sera aussi des premiers payés: pourtant souuienne vous de vous mēmes, & q̄ vous êtes échapé de plus grās dāgers q̄ cētui. Cōment? répondit il, estimēs vous que ie me voufisse oublier pour aucun peril, mēmement étant avec vous. Non non, donnons dedās, & leur faisons sentir ce qu'ont déjà esprouué leurs cōpagnons. Et ainsi qu'ils acheuoyēt le propos, le duc dōna des esperōs à sō cheual & de-

deuancant les siens,criant tant qu'il pou-
uoit contre Galuanes,& Agraies : Pail-
lards,trop me desplaît qu'il vous conuiēt
mourir si honnorablemēt mais après vô-
tre mort ie vous ferai pēdre au plus haut
de cēt arbre. A eus,dit Caluanes,& ce di-
sant baissa la veuē,& Agraies aussi,& en-
trèrent dedans ce petit esquadron par tel
le fureur qu'il donnoyent bon tēmoigna-
gue qu'ilz n'auoyēt enuie de recevoir se-
pulchre si honteus,d'autre part les gēs du
Duc faisoient grād deuoir,& luy même
sus tous autres: parquoy Agraies s'adressa
à lui,& de grand' colere lui ieta tel coup
d'épee au dessous de la visiere, qu'il luy
coupa les narines: parquoy le Duc pēsant
être navré à mort tourna dos & se mit en
fuite,& Agraies à le suyure: mais il ne le
peut oncqs ataindre. Au moyē,dequoy le
cōmandāt à tous les dyables, retourna au
secours de Galuanes, qui étoit fort pressé
des autres quatre:toutēfois il se deffendoit
si hardiment,que nul d'eus, n'en osoit a-
procher: Parquoy Agraies donnant des es-
perons à son cheual fendit la presse,com-
bien que deuant qu'il y arriuāt. Galuanes
eut donné tel coup à l'un d'eus qu'il luy
auoit fait saillir l'épee du poing,& à for-
ce de le ferrer l'ayant embrassé étoit tom-
bé du cheual à terre. A l'heure de cēt ef-
fort,retournoit Agraies de la poursuyte
du Duc,& au premier qu'il rencontra fit
perdre la vie:ainsi n'en rétoit plus q̄ deus,
léquels se trouuerent trop foibles pour
soustēnir l'honneur des vaincus,pourtant
tournans visage au plus tôt que peurent
courre leurs cheuaus, suiuirent les pre-
miers,suyans au trauers de la forēt si le-
gierement qu'ils deuancerent Galuanes
& Agraies,& échaperent leur fureur:par-
quoy ils les laisserent aller,& rentre-
rent en la forēt, ou la Damoiselleles
atendoit, à laquelle ils demanderent,
s'il y auoit nul vilage près de là, ou ils
peussent pour la nuit heberger.Oui,bien,
répondit elle,ie sçay ioignant d'icy le lo-
gis d'un Cheualier nommé Oliuas lequel

ēt ennemy mortel du Duc,à l'ocasiō d'un
sien cousin qu'il occît,qui me fait croire
qu'il nous recevra de meilleur cueur. Or
nous nous y conduissēs dōcques dit Gal-
uanes,ce qu'elle fit,& y furent trebien re-
ceus,& avec meilleur traitement quand
il sceut ce qui leur étoit auēu. Puis le
lendemain après s'être armés, prindrent
congé d'Oliuas leur hôte,mais il les tira à
part & leur dît:Signeurs le Duc occît mé-
chamment vn mien cousin germain, bon
Cheualier,& suis delibéré l'en accuser &
cōbatre deuant le Roi Lisuart,& pource q̄
ie sçay que vous êtes Cheualiers errans
& tels que sçauēs & pouvēs faire repater
les iniures & torts qui sont faits aus foï-
bles, par ceus, qui sans craindre Dieu &
leur honneur osent les cōmettre, ie vous
suplie me donner cōseil,& suport.Vraye-
ment mon hôte,répondit Galuanes,vous
êtes grandement obligé à quereller cēte
mort,si méchamment elle a été commise,
& nous autres à vous ayder,si besoing en
auēs,ayant si iuste ocaïon, & aussi le fe-
rons nous si le Duc veut mettre aucuns
Cheualiers en cēte preuue: car aussi peu
que vous l'aymōs nous & sommes de lui
desiēs.Ie vous mercie humblement, dît
le Cheualier & pour cēte cause m'en yrai
ie avecq̄ vous,s'il vous plaît. Au nom de
Dieu soit,dirent ils. Adōc s'arma Oliuas,
& se miten ensemble en chemin droit à
Vindilifore, ou ils espyoyent trouuer le
Roi Lisuart.

*Comme Amadis étant bien voulu en la
court du Roi Lisuart,entendit nouvelles de son
frere Galaor.* CHAP. XVIII.

PAr le discours ci deuant décrit a-
uēs peu sçauoir comme Amadis
(au tems qu'il deffit en cap clos
le superbe & audacieus Dardan)
fut arrêté en la maison du Roi Lisuart,à
la requête des Dames expressement pour
être Cheualier de la Roine, semblable-
ment le grand recueil & bon visage que
luy faisoit le Roi,& tous les autres qui le
conneurent. Or auint qu'un iour,ainsi
qu'il

qu'il deuïsoit avec les Dames, entra vne Damoiselle en la chambre de la Roïne, laquelle mettant les genous à terre deuât elle, lui dit: Madame, êt ceas vn cheualier qui porte les armes des Lyons? La Roïne qui entendit bien qu'elle le disoyt pour Amadis, lui répondit: Damoiselle, que lui voulés vous? Ma Dame, dît elle, ie lui porte nouvelles d'un nouveau Cheualier, qui a fait le plus grand commencement d'armes que nul autre fit oncques. Vous dites beaucoup, répondit la Roïne: car il y en a tant de bons, que peut être ne sçaués encores ce qu'ils ont fait. Ma Dame, dît la Damoiselle, vous dites vray: & toure-fois quand vous sçaurés ce que cetui a paracheué, ie croy que vous acorderés à mon dire. Je vous prie donc, répondit la Roïne, que vous nous dites que c'êt. Si ie voyois (dît la Damoiselle) le bon Cheualier, celui qui plus que tous autres êt estimé, ie le lui dirois en vôtres presence, & autres nouvelles qui me sont chargees lui faire sçauoir. La Roïne alors ayant enuie plus grande que deuant, d'entendre qui ce pouoyt être, lui répondit: Damoiselle, voicy celui que vous demâdés. Ma Dame, dît elle, puis que vous le dites, ie le croy: car tant haute Prinçesse que vous ne me voudroit deceuoir. Puis s'adressant à Amadis luy dît: Mon Seigneur, le beau Damoisel que vous fîtes n'agueres Cheualier deuât le château de Baldoid, lors que vainquistes les deus Cheualiers du pont, & ceus de la chaussee, ou vous printes le signeur de leas prisonnier (tirât par force d'armes l'amy d'Vrgande) se recōmande humblement à vôtres bōne grace, cōme celui qui vous repute son Seigneur, & vous fait sçauoir par moi, qu'il mettra peine d'être hōme de bien, ou il mourra à la poursuite, & que s'il êt tel, qu'il merite aucun los de cheualerie, il vous dira plus de son affaire, qu'à present ne sçaués, & aussi s'il êt autre, il s'en taira. A l'heure Amadis se souvint q'c'etoit de son frere qu'elle parloit: parquoy de grand'joye qu'il eut luy en

AM. I

vindrent les larmes aus yeus. Or étoient les Dames regardans la contenance d'Amadis, & quand elles le virent larmoyer elles furent trop ébaïes, spécialement Oriane, laquelle (comme cy deuant vous a été deduit) étoit si affectiōnee enuers lui qu'elle ne sçauoit souvent come le dissimuler. Ce pendant, la Roïne desirant sçauoir qu'elle prouësse auoit fait ce cheualier nouveau, dît à la Damoiselle. Je vous prie, continués vôtres propos, & nous déclarés ce grand commencement de cheualerie que vous dites. Ma Dame, répond elle, le premier lieu, ou il s'êt essayé, a été en la Roche de Galtares, ou il a combatu le grand & terrible Geât Albadan, lequel en plein camp seul à seul, il a deffait & occis, puis leur conta la maniere de leur bataille, qu'elle asseuroit auoir veüe. Grandemēt tous les écoutas furēt ébaïs de ces nouvelles, mēmement la Roïne, qui demanda à la Damoiselle, si elle ne sçauoyt quel chemin il auoit prins depuis. Ma Dame, répondit elle, ie m'en party tōt après, & le laissay aller avec vne Damoiselle, qui l'étoit venu querir pour le mener vers sa maitresse qui auoit enuie de la cōnoitre, & oncques puis ne le vy. Que vous en semble Seigneur Amadis, dît la Roïne, ne sçaués vous qu'il êt. Ouy bien, ma Dame, répondit il, & encores que ie le connoisse peu, ie croy qu'il soit mon propre frere, ainsi que m'asseura Vrgande n'a pas long tems. Certes, répondit la Roïne, la fortune de vous deus êt amirable, & m'ébaïs comme aués peu connoitre ceus de vôtres lignee, ni eus vous: & croyés que ie serois bien aise de voir tel Cheualier au seruice du Roy. Durant ce propos, Oriane, qui étoit loing de la Roïne, & n'auoit entendu aucune chose de ces nouvelles, étoit en si grād peine pour auoir veu plover Amadis, que (ne sachant plus dissimuler) dît à Mabile: Je vous prie belle Dame apellés vôtres cousin, & sachons de luy ce qu'il lui êt presentement suruenu, qui l'a fait larmoyer. Lors Mabile fit signe

G

LE PREMIER LIVRE

à Amadis qu'il s'approchât, & quand il fut avec elles, Oriane faillit la marie, lui demanda: Seigneur Amadis, il faut bien dire, qu'il vous eût maintenant souvenu de quelq Damoiselle qui vous a meu à pitié ie vous prie, dites nous qui elle eût, & la Damoiselle qui vous en a apporté les nouvelles. Lors Amadis connoissant le mal de celle qui l'interrogeoit, lui recita de point en point: ce q la damoiselle auoit dit à la Roine, qui apaisa la jalousie de cét amante, tellement qu'elle reprit sa bonne chere, disant à Amadis: Helas, mon amy, ie vous supplie me pardonner le soupçon que j'ay eu à tort contre vous. En bonne foy, ma Dame, répondit il, il n'y a que pardonner, puis qu'onques mon cœur mal ne pensa en vôtres endroits: mais vous seroit il point agreable, que j'allasse chercher celui duquel la Damoiselle parle, & que ie le fisse ceans venir pour vous seruir: étant assuré que si ie ne l'amene, qu'il sera difficile l'y pouoir atraire. Vrayement, répondit Oriane, ie serois trefaite que si bon cheualier aimât à demeurer en cete compagnie, pourtant il me semble que vous feres bié de l'aller querir: toutefois deuant que partir, parlés en à la Roine, à ce qu'elle estime, que par son commandement seul vous faites cete entreprise. Bien humblement la remercia Amadis, & suiuant le conseil d'Oriane, se retira vers la Roine, à laquelle il dît: Ma Dame, il seroit bon que le Roi eut ce cheualier en sa compagnie. Certes, répondit elle, ie desirerois grandement que cela se peût faire, s'il étoit possible. Ma Dame, dît Amadis, s'il vous plaisoit me donner congé de l'aller trouver, ie l'ameneroys ceans, autrement ie croy qu'il sera difficile de lui faire venir premier qu'il ne se soyt fait connoitre en mains lieux. Vous feres beaucoup pour le Roy, répondit elle, s'il vient: toutefois faites en ce que pourrés, ie vous donne congé, par tel si, q l'ayant trouvé, vous retournerés aussi tôt. Et bien ma Dame, répondit Amadis, lequel par-

tit le lendemain de grand matin, menant seulement pour compagnie Gandalin, & cheminerent tout le jour sans auenture trouver, iusques au soir qu'ils logerent chés vn ancien Cheualier: puis le jour suiuant entrerēt en vne forêt, par laquelle ayans déja cheminé la plus part du jour, virent venir vne Dame accompagnée de deus Damoiselles, & quatre Ecuyers, lesquelles pleurās ameremēt, cōduisoÿēt vn Cheualier dans vne litiere, dont Amadis ébaï leur demāda, qui les mouoyt d'être tant tristes, & qu'il y auoit dans la litiere. C'ēt, dît la dame, tout mō souci, & ma tristesse entiere, mō Seigneur & mary, leq l'ēt tellemēt navré que ie n'en espere plus la vie. Lors Amadis s'auança pour regarder quel personnage s'étoit, & leuant la couverture de la litiere, vid couché vn Cheualier assés grand, & de bonne taille, ce lui sembla: mais de sa beauté n'en peut iuger pour ce qu'il auoit le visage meurdry, enflé, & en plusieurs endroits entamé à force de coups, lequel il apella disant: Mon compagnon, qui vous a ainsi outragé? Toutefois le Cheualier ne lui répōdit mot, ce que voyant le laissa, & demanda à la Dame qui lui auoit fait ce mal. Seigneur, répondit elle, c'ēt vn Cheualier qui garde le long de ce chemin vn pont sus lequel ainsi que passions, a dit à mō Seigneur, qu'il conuenoit qu'il iurāt s'il étoyt de la maison du Roi Lisuart, ou nō. Lors mō mary s'enquît, pourquoi il le vouloyt sçauoir. Pour ce, répondit le Cheualier, qu'il ne passera par icy nul qui sien soit q ie ne tue. Et quelle eût l'occasion de vôtres haines? lui dît mon mary. Je veus tant de mal à ce roi malheureux, q ie le voudrois tenir à mon pouoir pour en prendre vengeance à mon plaisir, & par despit de luy ie feray desormais mourir tous ceus qui s'auoueront de sa maison: car il y tient vn Cheualier lequel tua le vaillant Dardan, pour l'amour duquel j'assayeray que ce Roi, & les siens receuront de moy, & d'innis autres ennuy & deshonneur. Quand mon

mon mary l'entendit (ennuié de telles menaces) lui répondit: Saches que ie suis sien, & son vassal, qui pour toy ni pour autre ne le voudrois nyer. Trop dépleut au Cheualier du pont cete réponse: parquoy sans plus contester chargea mon mary, & com mença entr'eus le combat cruel: mais à la fin mon Seigneur fut ainsi mal mené que vous le voyés, & piſ encores l'estimoit le Cheualier: car il pensoit qu'il fût mort.

A cete cause nous commanda, que dedàs trois jours le portissions en la maison du Roy Lisuart, pour lui faire dépit: Dame, dit Amadis, ie vous prie me prêter l'un de vos Ecuyers, qui me sçache montrer ce Cheualier: car puis que vòtre mary a reçu le dommage pour l'amour de moy, il m'est plus conuenant qu'à nul autre de le venger. Comment? répondit la Dame, êtes vous celui pour l'amour duquel il hait tant le Roy? Ouy vrayement, dit Amadis, & si ie puis, ie feray qu'il ne luy vouldra iamais mal, ny à autre aussi. Ha, bon Cheualier, répondit la Dame, Dieu vous doint bon voyage. Puis lui bailla un Ecuyer qui s'en alla avec lui. La dame passa outre, & Amadis chemina tant, qu'il arriua au pont, ou il auisa le Cheualier jouant aus tables avec un autre: lequel soudain laissa le jeu, & vint armé, & monté sus un grand cheual contre Amadis, auquel il s'écria: Holà, holà, ie vous deffends marcher plus outre que premier ne jurés. Et quoy? répondit il. Si vous êtes (dit le Cheualier) de la maison du Roy Lisuart: car si vous êtes sien, ie vous feray perdre la tête. Je ne sçay (répondit Amadis, que vous ferés: mais ie vous assure que ie suis Cheualier de la Roine sa femme, encores que ce soit depuis n'agueres. Et depuis quand? dit le Cheualier. Depuis, répondit Amadis, qu'il y vint vne Damoiselle deservitee. Comment, dit le Cheualier, êtes vous celui qui se combatit pour elle? Je lui fis recouvrer son droit, répondit Amadis. Par ma tête (dit le Cheualier, ie vous feray perdre la vôtre, si ie

puis: car vous occîtes l'un des meilleurs de mon lignage. Je ne le tuay pas: répondit Amadis: mais ie lui fis seulement quitter l'outrageuse demande, qu'il faisoit, & lui mêmes après, comme méchant se tua. Tout cela ne vous peut profiter, dit le cheualier: car pour vous il mourut, & non pour autre, aussi pour lui mourés vous maintenant: & sus ce point donna des esperons à son cheual, & vint contre Amadis au plus tôt qu'il peut, & Amadis au semblable: & se donnerent des lances aus écus si rudement qu'elles volerent en éclats, & le Cheualier du pont à terre, dôt il fut trop ébaï. Toute-fois pour ce que l'armet d'Amadis s'étoit délacé en courant tādīs qu'il se racoutroit, le Cheualier eut loisir de remonter, & de donner à son ennemy deus ou trois coups d'épee, premier qu'il eût moyen de mettre la main à la sienne, mais après il s'en sceut bien venger: car il l'ataignit sus le derriere de l'armet tel coup, qu'il lui en abatit vne piece, & de Roideur deualla l'épee sus le chignon du col, qu'il entama si au vif, que la tête ne se peut soutenir qu'elle ne demeurât pendante sus ses épaules, au moyē de quoi il rendit à l'instant l'ame. Quand ceus du pont l'aperceurent, ils se mirent tous à fuir, Ce que voyant Amadis ne les voulut poursuiure: mais tournant bride, dit à l'Ecuyer qu'il auoit cōduit, qu'il s'en retournât vers sa maitresse, pour lui faire entēdre la vengeance qu'il auoit faite pour son mary. Ce que fit l'Ecuyer, sans oublier à reciter les deus grands coups d'épee & de lance, qu'il auoit veu dōner sus le cheualier du pont. De la en auāt Amadis chemina si longuemēt, qu'il saillit de la forêt, & entra en vne plaine belle & de grande étendue, laquelle étoit couverte de violettes, & d'herbes diuersifiées des fleurs semées par le champ, qui lui augmenta le souvenir de son Oriane.

Et ainsi qu'il étoit en cete pensée, il aperceut assés près de lui un Nain font cōtre-fait mōté sus un palefroy, lequel il apella

LE PREMIER LIVRE

pour ſçauoir dont il venoit. Mon Seigneur (répondit le Nain, ie viens de la maison du Comte de Claire, N'y as tu point veu vn Cheualier nouveau nommé Galaor? Non certes, répondit il : mais ie ſçay ou dans trois jours ie vous pourois montrer le meilleur Cheualier qui oncques porta harnois par deça. Quand Amadis l'entēdit, penſant qu'il parlât de ſon frere, lui dît: Ha, Nain, mō amy, par la foy que tu dois à Dieu, ie te prie, cōduys moi là ou il ēt, afin que ie le voye. Ie le veus trēbien, dît il, pourueu que vous m'otroyés vn don, & venés avec moi ou ie vous meneray. Lors de grand deſir qu'il eut de trouver ſon frere Galaor le lui otroya. De par dieu ſoit, répondit le Nain : Or cheminons donc preſentement, & ie vous conduiray ou vous verrés le bō cheualier. Ie te prie, dît Amadis, allons par le plus court chemin que nous pourrons. I'en ſuis contēt, répondit le Nain: & des l'heure prindrent autre adreſſe, par laquelle ils allerent ſans auenture trouver, tant que la nuit les ſurprint aſſés près d'vne forêt: ce que voyāt le Nain, dît à Amadis: Mon ſigneur, joignant d'icy ēt vn château, ou nous pourōs heberger pour meſhuy, lequel ēt à vne Damoiſelle pui vous recevra de bō cœur. Amadis le creut, & de fait y trouua la Damoiſelle qui lui fit trēbon recueil, & après qu'ils eurent ſoupé, lui fit apareiller vn bien riche lit, pour s'aller reposer: mais il ne ſceut oncques dormir: car ſon penſer fut ſi continuēl à ſa Dame, qu'en toute la nuit oncques ne ſommeilla: puis le lende main, ayant prins congé de ſon hôteſſe, cōtinuerent leur chemin iuſques ſus le midy, qu'ils récontrerēt vn Cheualier, lequel ſe cōbatoit contre deus. Lors Amadis s'apochāt leur dît: Signeurs, ſ'il vous plait vous arrêterés, & me dirés l'oçaſiō de vōtre querelle. A la parolle de luy, ceſſerent leur combat, & l'vn des deus répondit: c'ēt pour-ce que cētui maintient qu'il vaut lui ſeul autant que nous deus enſemble, pour mettre fin à vne haute entre-

trepriſe. Certes dît Amadis, vōtre diferent ēt bien maigre: car la bonté de l'vn n'a moindrit en rien celle de l'autre. Les Cheualiers cogneurent qu'il diſoyt vray, parquoy ils firent pais demandans à Amadis ſ'il connoiſſoit le cheualier qui en la maiſon du Roy Liſuart auoit combatu pour la Dame, à l'occaſion dequoy Dardan le bon cheualier s'occit. Pourquoi le demandés vous? répondit Amadis: Pour-ce dirent les cheualiers, que nous le voudrions bien rencontrer. Ie ne ſçay (répondit il, ſi c'ēt pour bien, ou pour mal: toute-fois il n'y a pas long tems que ie le vy en la court du Roi Liſuart: & ce diſant, ſe partit d'eus ſuiuant ſon chemin: mais il il ne fut gueres éloigné que les trois Cheualiers pourparlerent enſemble, & peu après ſe mirent à courir contre lui, & pour ce qu'il les entendit venir, tourna la tête, & vid qu'ils étoient ja tout au plus près de lui: parquoi doutant qu'ils le vouſſiēt outrager, print ſon armet, & ſon écu. Or n'auoit il point de lāce, ni eus au ſemblable. Lors le Nain voyant qu'Amadis deliberoit de ſe defendre cōtre eus, lui dît: Ah Seigneur, que voulés vous faire? Ne voyés vous qu'ils ſont trois, & vous ſeul? Il ne m'en chaut, répond il, ſ'ils m'aſſaillēt ſans raiſon, par droit i'eſſairay à me defendre; ſi ie puis. Sus ce propos arriuerēt les trois Cheualiers, qui lui dirēt: Cheualier, nous voulōs vous demāder vn don lequel vous priions ne nous refuſer, ou autrement vous ne partirés aiſēmēt d'avec nous. Plutôt le vous otroyay, répondit Amadis, ſ'il ēt raiſonnable. Dites nous dōcques cōme loyal Cheualier, ou vous penſés que nous puiſſions trouver celui pour-lequel mourut Dardan. Lors lui qui ne pouoit autrement faire, que de leur dire la verité, répondit: Ce ſuis- ie: combien que ſi i'euſſe pēſé, ie ne vous euſſe acordé cēte requête, pour ne me louer moy-mêmes. Quand les Cheualiers l'entendirent, ils s'écrierent tous: Ha traître, tu es mort, & ayant les épées es poings, le chargerent enſemble.

Adonc

Adonc Amadis dépité pour être si lâchement assailly de ceus qu'il auoit n'agueres otés de debat, les rembarra si viuement, que du premier coup qu'il rua, separa l'épaule d'avec les côtés à celui qu'il rencontra, & de la grand' douleur qu'il en receut, tomba du cheual à bas: puis tourna aus autres qui le poursuiuoient chaudement: mais il frapa le second de telle force au plus haut de l'armet, qu'il lui fit faillir hors de la tête, & glissât l'épee descendit sus le chaignon du col, ou il le na vra mortellement, & le fit choir cōme le premier. Quand le tiers vid ses coups, il se mit à tourner bride, & fuyr tant qu'il peut. Et pour-ce qu'Amadis n'étoit trop bien monté ne le suiuit plus outre, ains retourna vers Gandalin. Lors lui dît le Nain: Certes mon Seigneur, ie me tiens desormais plus assuré en la promesse que vous m'aués faite q̄ ie n'esperois, & pourtant diligentons, s'il vous plaît. Adonc suiuirent leur chemin tant que la nuit les surprint près d'un Hermitage, ou ils furēt contraints heberger iusques au lēdemain qu'ils reprindrent leur erre, & cheminèrent iusques sus les trois heures q̄ le Nain montra à Amadis au fons d'un plaisant val deus haut pins, aupres desquels étoit un cheualier mōté sus un grād détrier, & deus autres qui n'agueres auoyēt été par luy abatus: lesquels couroyent par le chāp pour reprendre leurs cheuaus, qui étoyēt échapés. Et regardans plus outre, aperceurent un autre Cheualier couché sus son armet, & joignant de lui son écu avec vingt lances dressees autour les Pins, & deus cheuaus prêts à monter dessus. Lors demanda au Nain, s'il connoissoit les Cheualiers. Seigneur, repondit il, voyés vous celui qui ét couché sous le Pin. Ouy, dît Amadis. C'êt (dît le Nain, le bon Cheualier que ie vous ay promis montrer. Sçais tu son nom? dît Amadis. Il se nomme (répondit le Nain) Angriote d'Estrauaus, & ét le meilleur Cheualier que ie vous pourrois de long tems faire connoître. Or me

AM. I.

dy maintenant, pourquoy il'tient en ce lieu tant de lances. Cela feray-ie bien (répondit le Nain: Il aime vne Dame de ce païs, qui le hait plus que rien: toute-foys il lui a tant fait la guerre, que ses parents ont été contrains la lui bailler, puis quād il l'a eue en son pouoir, il s'êt estimé le plus heurus du monde: mais elle luy a dit, que pour auoir prins vne ieune Damoiselle par force, il ne s'estimât tel. Car cōbien q̄ ie fois forcee ne partir d'avec vous (dit la Damoiselle) iour de ma vie ne vous aimeray, si vne chose ne faites pour moi. Comment, Dame, répondit Angriote, ét elle en ma puissance? Ouy biē, dît elle. Or commādés donc, répōdit Angriote: car ie l'acōplirai iusques à la mort. La Dame, qui trop lui veut de mal, pensât le mettre en lieu ou il receuroit mort, ou y aquerroit tant d'ennemys, q̄ les parens d'elle se sçauroyent biē deffendre de lui, & la retirer, le pria, que luy & son frere gardassent ce val des Pins contre tous les Cheualiers errans qui par la passerōt, & qu'ils leur fissent acorder à force d'armes, que comparans en la court du Roy Lisuart, ils confesseroyent qu'elle étoyt plus belle q̄ celles qu'ils aimoyent, & que si d'auāture ce Cheualier (frere d'Angriote) que vous voyés à cheual, étoit vaincu, & qu'il ne se peût plus combattre qu'Angriote seul l'entreprint l'espace d'un an entier. A cete cause de jour il n'êt par eus abandoné, & de nuit se retirent à un château, joignant cete montaigne q̄ vous voyés. Et y a ja trois mois, qu'ils ont commencé cete entreprinse, que iusques à present pour cēt affaire Angriote n'a mis la main à l'épee contre aucun cheualier: car son frere les a tous conquis. Vrayement, répondit Amadis, ie croy q̄ tu dis vray, & ainsi l'ay-ie entendu en la maison du Roi Lisuart, ou arriua un cheualier qui acorda que la Dame dont tu parles étoit plus belle q̄ s'amie. Et me sēble qu'elle a nom Grouenese. Vous dites vray, dît le Nain: mais puis q̄ ie vous ay sati-fait, ayés sou-

G 3

uenance

venance de me tenir promesse, & venés avec moi, comme m'aués promis. L'en suis très content, répondit Amadis, ou ét le droit chemin? Par cete vallee, dit le Nain: toutefois puis qu'il y a tel empêchement, nous n'y passerons pour cete heure. Ne te soucie, répondit Amadis: & ce disant donna des éperons au cheual, & passa deuant: mais il n'eut gueres cheminé, qu'il trouua à l'entree du val vn Ecuier, qui dit: Seigneur, ne passés plus outre, si vous n'otroyés que plus belle ét l'amie du Cheualier couché sous le Pin que la vôtre. Si Dieu m'ayde, répondit Amadis, si grande mensonge ne diray-je de ma vie, sans force, ou extreme contrainte. Quand l'Ecuier l'entendit: Or retournés doncques, dit il, autrement il vous conuiendra combattre contre ces deus que vous voyés la bas. S'ils m'affaillent, répondit Amadis, ie me defendray, si ie puis: & ce disant, passa outre, sans autre propos luy tenir.

Comme Amadis combatit contre Angriote, & son frere, qui gardoyent le passage du val, contre ceus qui ne vouloyent acorder, que leur amyne étoit moins belle que celle d'Angriote.

CHAP. XIX.

QVand le frere d'Angriote l'auisa venir, il print ses armes, & vint encontre: puis étant tout ioignât lui dit: Certes cheualier, vous aués fait grand folie à n'acorder ce que lon vous a demâdé: car il vous conuient cōbatre contre moi. Ce combat, répondit Amadis, m'êt trop plus agreable, q̄ de dire la plus grand menterie du monde. Ie sçay bien, dit le Cheualier, qu'en autre lieu l'acorderés à vôtre plus grand desauantage. Ie ne le cuide pas ainsi, répondit Amadis. Or vous gardés dôcques de moi, dit le Cheualier. Et à l'instant laisserent courre leurs cheuals au plus royde qu'ils peurent l'un contre l'autre. Et furent les ataintes dans les écus. Le Cheualier fauça celui d'Amadis: mais le coup s'ar-

rêta contre le harnois, & Amadis le rencontra si durement, qu'il le desarçonna: toutefois oncques ne lâcha les rênes du cheual, iusques à ce qu'elles luy rompirēt es mains, au moyen dequoy il donna du col, & des épaules contre terre si grand coup, qu'il demeura couché, sans auoir de lui ne d'autre souvenance. Pourtât descendit Amadis, & lui arrachant l'armet de la tête, vid, qu'il étoit seulement pâmé. Lors le tira par les bras si roidement, qu'il reuint à soy, & ouvrit les jeux. Vous êtes mort, dit Amadis, si ne vous rendés prisonnier. Adonc le Cheualier qui auisa l'épee sus sa tête nuë (craignant mourir) s'y acorda. Parquoy remonta Amadis, & aperceut qu'Angriote étoit ja à cheual, s'apareillant de venger l'iniure de son frere, & venoit vn Ecuier vers luy, luy apporter vne lance, laquelle il lui presenta de la part d'Angriote. Lors s'emeurent l'un contre l'autre, & fut leur rencontre si rude, qu'ils firent voler leur lances en éclats, sans toute fois se faire aucun mal, & parfaizans la carriere, passerent outre: mais Amadis mit promptement l'épee au poing, & tournant visage Angriote, lui dit: Cheualier, ne vous hâtes encores de venir au combat de l'épee: car assés à tems y serés vous pour vous (& cē disoit il pour ce qu'il s'estimoit le mieus frapant d'épee q̄ lon eût sceu pour lors trouver) mais ie vous prie bien fort, que nous joutions tāt que ces lances soyent faillies, ou que l'un de nous deus soit mis bas. Seigneur (répondit Amadis) j'ay ailleurs affaire, & ne puis icy long tems séjourner. Comment? dit Angriote, pensés vous sortir de moy ainsi legerement, certes ce n'êt pas mon auis: toute fois ie vous prie, ioutons encores vn coup. Ce qu'Amadis luy otroya, & s'éloignerent l'un de l'autre, prenant chacun d'eus la lance qui plus leur fut agreable, puis à course de cheual se choquerent de telle force, qu'Angriote fut renuersé, & son cheual sus lui: mais Amadis parfaizant son poindre, rencontra le cheual abatu,

tu, qui fit le sien trebucher de l'autre côté, & par fortune vn tronçon de lance qui étoit demeuré dans son écu, lui entra dans le cors non pas beaucoup: toute-fois il se releua legerement, comme celuy qui ne vouloit que la honte fût de son côté, combatant pour l'honneur & beauté de son Oriane. Au moyen de quoi tira le trôçon, & mit hardiment l'épee au point marchât droit à Angriote, lequel le voyant approcher luy dit: Cheualier, ie vous voy fort ieune, & me semble, auât que d'auoir pis, que me deués acorder, que m'amie ét plus belle que la vôtre. En bonne foy, répondit Amadis, ie mentirois grandement, & ja à Dieu ne plaise que ie die chose tant éloignée de la verité. A cete parolle la colere leur enflamma, & se prindrent à chamailler l'un cõtre l'autre par telle viuacité, que non seulement ceus qui les regardoyent, mais eus mêmes en étoient épouentés, estimans d'eus mêmes, qu'il leur seroit impossible longuement entretenir cete extremité. Et à dire vray il eût été difficile: car Amadis l'entreprenoit (cõme i'ay dit) à la cõseruation de l'honneur de sa dame, pour laquelle il eût plus tôt choisi mourir de mille morts qu'elle n'eût été maintenüe en toute excellence. Et pourtant se mit à renforcer ses coups, si que tout le sçauoir n'adresse qu'eut Angriote à fraper, ne lui peurent tant proufiter, qu'en peu d'heure (pour les grandes ataintes que luy donnoit Amadis) ses forces ne fussent étaintes & amoindries, & lui navré en plus de vingt lieux. Parquoy voyant sa mort prochaine, se retira à côté au mieus qu'il peut, & dit à Amadis: Certes Cheualier, il y a en vous plus de bõté qu'on ne pouroit iuger. Rendés vous (disoit Amadis) & vous ferés sagement, veu que vous êtes si mal acoutré, que prenant la bataille fin (si plus cõbatons) vôtre vie la prendra aussi, que i'aurai peu agreable: car ie vous estime plus que ne pensés. Et cecy disoit il, tant pour la bõne cheualerie qui étoit en Angriote, que pour la gran

de honnêteté de laquelle il auoit vſé envers la Damoiselle, qu'il auoit en sa possession. Lors Angriote, qui plus n'en pouvoit, lui répondit: En bonne foi, c'êt raison que ie me rende au meilleur Cheualier du monde, & le semblable doiuent faire tous autres qui portent armes. Et croyés, Cheualier, que ie n'ay regret à chose que ie face, sinon pour le dommage qui m'en auient, perdant au jourdhuy la chose du monde que plus i'aimois. Non ferés, si ie puis, répondit Amadis: & d'auantage la Dame seroit bien ingrate, si elle ne reconnoissoyt l'honnête courtoisie que lui aués gardée, & ne peut être, qu'elle ne vous récompense le bien que merités, & quant à moy, ie vous promets, que i'y employeray toutes mes forces, pour la y faire condescendre incontinent que ie seray de retour d'une quète ou ie voys presentement.

Signeur (dît Angriote) & ou, vous pourray-ie deormais trouver? En la maison du Roi Lisuart, répondit Amadis, ou en bref ie seray, Dieu aydant: & ce disant, print congé d'Angriote, lequel l'importuna fort de séjourner en son château: mais il ne voulut se déuoyer de son chemin. Parquoy suivit le Nain, qui le guidoyt, par cinq jours entiers, sans auanture trouver, & tant que le sizième ensuiuât il luy montra vn plaisant château fort à merueilles, & lui dît: Signeur, leans me deués donner le don promis. De par Dieu soit, répondit Amadis, ie le te donneray, si ie puis. I'y ay eu bonne espérance, dît le Nain, depuis que ie vous vy faire si hauts faits d'armes. Mais, Signeur, sçaués vous comme ce lieu se nomme? Non, répondit il: car oncques ie ne fu en ce pais. Il a nom Valderin, dît le Nain, & ainsi deuiſans arriuerent tout au plus près du château. Lors lui dît le Nain: Signeur, prenés vos armes. Comment? répondit Amadis, ét il necessaire? Ouy, dît il: car ils ne laissent sortir ceus qui y entrent si legerement. Lors print Amadis ses armes, & marcha deuant, & le Nain & Gandalin apres,

& quand il fut entré dedans, il regarda d'un côté & d'autre, & ne vid personne: parquoy dît au Nain: ce lieu me semble abandonné. Par Dieu, mō Seigneur, répondit il, aussi fait il bien à moy. Pourquoy doncques, dît Amadis, m'y as tu amené? Ou ét le don que tu veus que ie te donne? Certes, Seigneur, répondit le Nain, i'ay veu ceans le plus braue Cheualier, & plus roide aus armes que ie pense de ma vie auoir veu, qui occît joignât ce portal deus Cheualiers, l'un desquels étoit mon maître, lequel il fit mourir trop cruellement; sans jamais en auoir mercy, & à cete cause ie vous voulois demander la tête de ce traître, laquelle i'ay plusieurs fois failly à auoir: car tous ceus que i'y ay amenés y ont perdu la leur, ou ont été mis en grāde captiuité. Certes (dît Amadis) tu fais tour de loyal seruiteur, toutefois tu ne dois y amener Cheualiers, deuant q̄ leur dire contre qui ils ont a eus combattre. Seigneur, répondit le Nain, le Cheualier ét assés cōneu, & réputé pour l'un des meilleurs du monde, pourtant si ie le nommois, ie ne trouuerois aucun si hardy qui osât entreprendre cete vengeance. Tu sçais donc son nom, dît Amadis. Ouy bien, mon Seigneur, répondit le Nain, il se nomme Arcalaus l'Enchanteur. Lors Amadis passa plus outre, & ieta sa veüe de tous côtés, pour voir s'il aperceuroit aucun: mais ce fut en vain: parquoy s'apuyant sus sō cheual, demeura coy iusques sus les vèpres, qu'il dît au Nain, que veus tu que ie face meshuy ceans? Seigneur, répondit il, la nuit aproche, il me semble pour le meilleur que nous deuons éloigner d'icy. Par Dieu, dît Amadis, ie n'en partiray iusques à ce que le Cheualier vienne, ou quelque autre, qui m'en dye nouvelles. Certes, répondit le Nain, si ie puis, ie n'y demeureray pas: car ie crains trop qu'Arcalaus me conneût, & qu'il sache q̄ ie traueille pour le faire mourir. Toure-fois, dît Amadis, tu me tiendras compagnie, aussi ie ne me yeus excuser du don que ie t'ay promis,

& ainsi qu'ils deuisoient, Amadis auisa vne court plus arriere, dans laquelle il entra, & n'y trouua personne: mais il aperceut vn lieu fort obscur, & vns degrés qui alloient sous terre. A l'heure Gandalin tenoit le Nain, qui s'en vouloit fuir, & prenoit Amadis si grand plaisir à le voir en telle treueur, qu'en se gaudissant luy dît Nain, assure toy, & deualons ces degrés pour sçauoir qu'il y a la bas. Mon seigneur, répondit il, pout Dieu mercy, il n'y a chose pour qui entrasse en lieu tant épouventable. Helàs, ie vous supplie, laissés moi aller: car ie meurs, tant i'ay de pœur. Si ne partiras tu de ceans, répondit Amadis, que tu n'ayes le don que ie t'ay promis, ou que tu ne connoisses le deuoir que i'en feray. Ha, répondit le Nain, ie vous quite, & m'en tiens pour bien content. Et moy non, dît Amadis, pour ce qu'après tu pourrois dire que ie t'ay failly de promesse. Seigneur, répondit il, sus ma foi, ie vous en quite, & me tiens plus que satisfait, & s'il vous plaît, i'attendray vōtre retour sus le chemin par ou nous vîmes. Or y va doncques en bonne heure (dît Amadis) & ie demeureray en en ce lieu pour cete nuit, iusques au matin, atendāt si le Cheualier viendra. Par ce moyen échapa pour ce coup le pauvre Nain. Adonc Amadis deuala les degrés, & étant au plus bas, il se trouua en vn lieu plain (si obscur toutefois qu'il ne sçauoit quelle part il étoit: ce non obstant il ne s'arrêta, ains tâtonnāt çà & là des mains, rencontra vne muraille contre laquelle en chemināt il s'apuya, & marchant plus outre, entreuid vne barre de fer, à laquelle pendoit vne clef qu'il print, & en ouurit vn cadenas, qui fermoit vne porte coulisse. Lors ouyt vne vois trop lamentable, qui disoit: Las, Seigneur Dieu, iusques à quād serons-nous en cete misere! Helàs, Mort, que tardés tu a secourir ceus qui t'appellent pour leur dernier refuge! Adonc Amadis s'arrêta coy & écouta vn lōg tēs: mais pour l'heure la voix se teut, au moyē de quoi il cōtinua sō chemin

& entra dās vne voute tenāt l'écu & l'épee nue au poing, & passant plus auāt se trouua dedans vn grand Palays, à l'entree duquel étoit vne lampe ardante, & sis hommes armés dormans, ayans ioignans eus leurs écus & chacun vne hache, dequelles il choisit la meilleure, puis sans les écuiller passa parmy eus, & peu après il entendit (ce lui sembla) vne lamentation nouvelle de quelque personne qui disoit: Dieu pitoyable & misericors! enuoye nous, s'il te plaît la mort pour nous ôter de cēt enfer. Adonc en plus grand' peine que deuant fut Amadis: car ainsi qu'il écoutoit s'éueillèrent les gardes, l'un d'eux dît à l'autre: Leue toi, prend ces verges, & fai chanter autre musique à cete chetive creature, qui nous fait rompre nōtre somme. A celà ne tiendra, répondit il. Puis à l'instant se leua, & print vnes verges mais ainsi qu'il s'acheminoit il aperceut deuant lui marcher Amadis, qui l'épouuenta fort: parquoi pour s'asseurer demanda: Qui êt ce qui passe là? Cēt moi, répondit Amadis. Et qui es tu? dît l'autre. Je suis répondit il vn Cheualier étrāge. Qui t'a donc mis ceans sans licence aucune, dît la garde. Personne, répondit Amadis que moi seul. Tāt pis pour toy, dît la garde: car maintenant tu seras mis avec ces malheureuses gens qui crient comme tu peus entendre. Lors se retira & ferma la porte contre Amadis, puis écuillant ses compagnons leur dît: Mes amys, j'ay trouué mainrenant vn Cheualier qui à son malheur êt entré ceans de son bō gré. Or le me laisse gouuerner, répondit le Geolier & si ie ne loge pis que les autres, dy mal de moi. Adonc print sa halebarde & vn pauoy, puis vint vers Amadis auquel il dît. Chetif, si tu ne veus mourir iette bas tes armes, sinon avec ma hache ie ferai carbonnades de ton corps. Trop fut Amadis ennuye de s'ouir menacer, & lui répondit: En bonne foi, tu as raison de me cuyder épouuenter de tes paroles mais les diables t'épouuenteront

presentement d'avantage: car ie leur feray present de ton ame, qui a si longuement maintenu ton méchant cors en pouoir de faire tant de maus. Et à même instant tous deus leuerēt les haches, & portèrent lenrs cōsrtellement que le Geolier ataignit Amadis sus son heaume, de sorte que la hache y entra fort auāt, & Amadis rencontra son écu de telle sorte, qu'il le coupa quasi outre, si que le Geolier fut cōtraint se defaisir d'écu & de halebarde, & de ieter le tout à terre pour mettre la main à l'épee de laquelle il lui donna tel coup qu'il rompit la hante de la hache d'Amadis, & de ce pas le voulut saisir au cors pour le reuerfer: car il étoit fort à merueilles: Mais il auint autremēt pource qu'Amadis étoit l'un des plus roides Cheualiers du mōte nō obstāt, le Geolier le tenoit entre ses bras & le pressoit merueilleusemēt quand Amadis lui dōna sus le visage tel coup de poing qu'il lui rompit les machuēores, & de ce coup l'etēdit en la place, puis par le trenchāt de la sō epee lui tint la pmesse qu'il lui auoit faite, lui separāt l'ame d'avec le cors. Alors ce qui les regardoyēt estimās q le geolier ne fut mort, crierēt to^a Amadis, q sus sa vie il ne le tuāt, autrement q lui memes en mourroit. Je ne sçay qu'il en auindra répōdit Amadis: mais de cētui seray-ie desormais asséuré, & ce fait remît l'épee au fourreau, & print la hache qui étoit tombee avec la targe & marcha contre ceus qui venoyēt à lui lesquels d'arriuee le chargerent bien roidement: toute-fois le premier qu'il rencontra tint compagnie à son compagnon mort, & le second semblablement puis s'a dressa au quāt, auquel il rua si grād coup qu'il lui fit ployer les genous à terre, & ainsi qu'Amadis le vouloit tuer il lui cria mercy, & l'autre qui restoit semblablement. Mettés bas les armes, dît Amadis, & me montrés ces gens qui si fort se lamentent. Ce qu'ils firent & marcherēt deuant ou étoient les captifs. A l'heure Amadis les suyuoit, & entendit encores vne

LE PREMIER LIVRE

vois gémir assés près de lui. Qui se plaint
leans? dit il. Seigneur répondirent les gar-
des, c'est vne Dame, qui est ne grand'angois-
se. Ouures la porte q'ie la voye, dit Ama-
dis. Adonc l'un des deus courut ou le Geo-
lier gisoit mort prédre deus clefs qui pen-
doient à sa ceinture, & vint ouurir la fos-
se ou la Damoiselle étoit, laquelle pensant
que ce fut le Geolier s'écria: Helàs hom-
me, ayés pour Dieu mercy de moy, & me
donnés la mort, non pas le martire que
ie reçois! Ha Roy, dit elle en soupirant, en
m'al'heure fu-ie oncques de vous trop ai-
mee que tant chere m'est vôte amour. Cete
te plainte donna telle compassion à Ama-
dis, que les larmes luy vindrēt aus yeus,
& lui répōdit: Dame, ie ne suis le Geolier
qui vous enferma, mais celui qui vous iet-
terahors, si ie puis. Ha mere pucelle! dit la
Damoiselle qui êtes vous qui ceans aués
peu entrer? Ie suis vn Cheualier étrange,
répōdit Amadis. Helàs Seigneur! qu'est de-
uenue le Geolier & les autres gardes? Ils
sont avecques tous les diables leurs sem-
blables, répondit Amadis. Puis comman-
da à l'un d'eus qu'il apportât de la lumiere
Ce qu'il fit. Lors Amadis auisa la Damoi-
selle atachee d'une grosse chène par le col
qui auoit tous ses vètemens rompus, & si
pourris, que sa chair nuë paroissoit en plu-
sieurs endroits. Et quand elle aperceut
qu'Amadis la régardoit en pitié, elle lui
dit: Seigneur encores que ie sois à present
dénuee de tous biens si fut il vn tēs que
j'étois riche comme fille du Roi que ie
suis, & pour vn Roi me trouvés en la mi-
sere presente. Dame, répondit Amadis il
faut prendre patience, ce sont tous de
fortune que nul ne peut euader, ny fuir:
& si le personnage pour lequel auēstant
enduré est homme qui rien vaille, & aye
moyen ie suis seur que cete grande pau-
reté se conuertira de brief pour vous en
plus abondante richesse: & l'ennuy & mal-
aise qu'aués souffert en ioye & repos. Puis
lui fit tirer la chène du col, & comman-
da qu'on lui apportât quelque acoutremēt

pour la couvrir. Parquoi celui qui por-
toit les chandelles courut querir vn man-
teau décarlate qu'Arcalaus auoit puis n'a-
gueres donné à son Geolier, qu'il ieta sus
la Damoiselle. Ce fait Amadis la print par
la main, & la conduit hors de ce lieu te-
nebreus, la persuadant qu'elle n'eut plus
de crainte d'y retourner, si premier il ne
perdoit la vie, & ainsi cheminans vindrēt
ou le Geolier & ses compagnons gisoient
morts, lesquels auisés par la Dame cōmen-
ça à dire! Ah mains cruelles, quātes plaiēs
& diuers tormens vous maues fait souf-
frir & à maints autres qui sont ceans,
sans l'auoir meritē! & encores q'vos cors
à present n'en peuuent receuoir vengean-
ce, vos ames malheureuses, qui vous sou-
tenoyent, en puissent à iamais souffrir.
Dame, dit Amadis, tandis que i'yray deli-
vrer les autres, ie vous donnerai en gar-
de à mon Ecuyer, & ce disant ainsi qu'ils
étoient sous la porte coulisse survint vn
des autres gardes qui dît à celui qui
portoit les chandelles: Arcalaus deman-
de ou est le Cheualier qui est entré ceās &
s'il est mort ou pris. A cete parolle celui
qui alloit deuant eut si grand'peur, qu'il
ne sceut aucunemēt répondre, & laissa tō-
brir les chandelles, lesquelles Amadis fit re-
leuer luy disant: Paillard, crains tu étant
en ma garde? marche deuant. Lors mōte-
rent les degrés & saillirēt en la court, ou
il aperceurent la plus part de la nuit être
ia passée. La Lune étoit lors claire, & le
tems serain: parquoi la Damoiselle sentāt
l'air & voyant le ciel fut remplie de telle
i'oye, que se mettant à genous deuant A-
madis lui dît: Ah, bon Cheualier! Dieu te
garde, & te rende le bien q'par toy ie re-
çois, me ietāt hors de ces tenebres: Adonc
Amadis regarda ou il auoit laissé Ganda-
lin, & voyāt qu'il n'y étoit plus soupçōna
& eut grād crainte de l'auoir perdu: puis
disoit en soi-mêmes, si le meilleur Ecuyer
du mōde est mort i'en prendrai telle & si
cruelle vengeance si ie vy, qu'ocques n'est
fut de telle: mais ainsi qu'il étoit en ceten
nuy

nuy entëdit aucū crier, parquoi courut celle part, ou il trouua le Nain (qui s'étoit le soir party de lui) pendu par vne iābe à vne grosse piece de bois, & au dessous de lui vn feu plein de puantes, & mauuaises odeurs, & allës près Gādalín qui semblablemēt étoit lié à vn arbre vers lequel il se print à courir pour le secourir: mais il luy écria q̄ le Nain en auoit trop plus de hâte & qu'il lui aidât. Ce qu'il fit coupāt les cordes qui le tenoyēt en l'air, & en le soutenant d'un bras le mīt terre, autāt en fit à Gādalín, luy disant: Certes, ami qui-conques t'a mis icy ne t'auoit en l'estime que tu merites, & pource qu'il vouloit retourner deliurer les autres, delibera mettre hors du château la Damoiselle ce que voulant, faire trouua, les portes fermées, au moyen de quoi atēdāt q̄ la nuit se passât se retira en vn coing de la court, & s'asit sus vn pôteau, ioignant de la Damoiselle, acompagnée des gardes, du Nain & de Gādalín: & ainsi qu'ils deuīsoyēt Gādalín lui mōtra vn lieu ou il auoit veu mener vn cheual, au moyē de quoi Amadis couuoiteus de le voir vint à l'huy, lequel il trouua fermé, cōtre leq̄l dōna du pié si rudement qu'il l'enfonça, & y trouua ce cheual sellé & bridé, sus leq̄l il mōtra, atēdant le iour & la venue d'Arcalaus, lequel il sçauoit être arriué dans le château par ce q̄ lui en auoit dīt Gādalín & le Nain. Ce pendāt se mīt à deuīser avec la Damoiselle luy demandāt qui étoit le roi qu'elle ay moit tant, & pour lequel elle auoit receu le mal qu'elle disoit. Seigneur répond elle, étant Arcalaus auerry de l'amytie que me portoit le Prince que i'ayme si loyaument & duquel Arcalaus est mortel ennemy, pēsa q̄ mieus ne se pourroit venger de lui, q̄ me priuer de sa presence, estimant q̄ cēt ennui lui seroit plus grand q̄ nul autre: au moyē de quoi il me vint rauir étant avec maints grās personages, leq̄ls perdrēt le moyē de me secourir par l'enchantemēt q̄ leur fit ce traître: car à l'instant ils ne sçurent que ie de-

uins, pource que ie fu enuironnée dās vne nuee si obscure qu'il ne leur fut possible me pouoir suiure en ce lieu obscur ou ie fu des l'heure mise, & oncq' puis n'e party iusques à ce q̄ vous m'en aués retirée, & me disoit ce méchant en m'y conduisant, qu'il se vegeroit de mon amy & de moi par vn même moyē: moi pauvre endurāt cete peine & lui l'ēnuy de me voir absente, sans qu'il sceut ou. Dame, dīt Amadis, ie vous prie me nōmer celuy duquel vo⁹ parlés. C'et le Roi Arbā de Nor gales, répondit la Damoiselle, que peut être vous connoissēs. Helàs mō Dieu! dīt Amadis, ie le puis bien connoitre: car ie l'ayme sus tous autres: & certes i'ay main tenāt moins de pitié de vous q̄ ie n'auois parauant considerant ce que vous aués enduré être pour l'vne des meilleures personnes de ce mōde qui mieus vous en sati-fera & tellement que en vous rendant double ioye, vōtre honneur & vōlunté seront contentés, & continuant ce propos, la nuit se passa & s'aparut le iour. Lors Amadis auīsa vn Cheualier étant apuyé sus vne fenētre qui lui demanda: Est ce vous qui aués occis mon Geolier & mes gens? Comment? lui répondit Amadēs vous celui qui si méchāment faites mourir Cheualiers, & forcés Dames & damoiselles? Par Dieu vous êtes biē l'vn des plus lâches paillards dōt i'ouysse oncques parler. Encores ne sçaués vo⁹ tout ce qui en ét dīt Arcalaus: mais de bref vous en aurēs l'expériēce & vo⁹ ôteray desormais l'ēvie d'amēder chose q̄ ie face, soit à droit ou à tort, & ce disant se retira de la fenētre, & de là ne tarda gueres à venir en la court, biē armé de toutes pieces, & mōté sus vn grād cheual bay. Or étoit cēt Arcalaus duquel ie vous parle l'vn des grans Cheualiers du mōde sans être Geant: par quoi quand Amadis le vit de cete taille, il estima biē qu'il deuoit auoir en luy grād force. Lors Arcalaus voyāt qu'il le regardoit luy dīt: Qui te meut beau Sire, de tāt me regarder. Je pensois répond Amadis,

LE PREMIER LIVRE

que selon ta grandeur tu devrois être hō me cheualereus : mais tes peruerfes œures & grande déloyauté te rendent méchant tout outre. Vrayement dit Arcalaus ie suis bieu tenu à fortune qui t'a fait ceans venir pour faire ce sermon. Or ne cau se point tant & te deffens. Lors baissèrent leurs lances & se donnerēt dans les écus, si que les éclats volèrent en l'air : puis se ioignirent de corps & de cheuaus si lourdement, qu'il tomberent tous deus en la place. mais ils se releuerent legèrement, & commença entr'eus le combat aus épées si cruel que merueilles toutes fois l'adresse deus, l'ardant desir de vaincre & la magnanimité de leurs courages les fit durer par longue épace, & tant, qu'Arcalaus se retira à côté, disant à Amadis: Cheualier tu es en hazard de mort & pource q̄ ie ne sçay qui tu es dy le moi, à ce q̄ t'ayant fait mourir, ie sache conter ta temerité d'être ainsi entré ceas. Ma mort, répond Amadis, est en la volonté de Dieu, lequel ie crains, & la tiēne est en celle du diable, qui se fache de plus t'aider, & veut que le cors que tu as ordonné à tant de malheuretés perisse à l'instāt avec ton ame: mais puis que tu veus sçauoir, mon nom, ie t'auise q̄ lon m'appelle Amadis de Gaule, Cheualier de la Roine Brisene. Pourtant desormais finissōs propos, & recōmençons le combat: car de ma part ie n'espere plus te laisser en pais. A cete parole Arcalaus redressa son écu, & ayant son épée au poing vint charger Amadis, qui lui sçauoit assés rendre son retour & si souuent, q̄ la place, fut à l'instāt semée des pieces de leurs écus, & des mailles de leurs hauberts. Déjà étoit l'heure de tierce, & auoit Arcalaus beaucoup perdu de sang, quād de toute sa force rua sus l'armet d'Amadis tel coup, q̄ pour la roideur d'iceluy il s'engourdit le bras & lui sortit l'épée du poing, laquelle cuydāt releuer, ainsi qu'il se baïssoit, Amadis le poussa si rudement, qu'il lui fit donner du nés à terre, & se voulant resfoudre le rechar-

gea de la sienne, de sorte qu'il étourdit à demi. Ce non-obstant, se sentant en danger de mort, se mir à fuir vers le palais d'ou il étoit n'agueres sorty : parquoi Amadis, pour lui augmenter sa peur, le suivit de si près, qu'ils entrèrent au dedās pêle mêle: toute-fois Arcalaus se retira à côté en vne chābre, à la porte de laquelle l'atendoit vne Dame, qui regardoit leur combat. Et aussi tôt qu'il y fut entré print vne autre épée, & retourna vers Amadis, à qui il dit: Entre maintenant, & acheuōs nôtre combat. Ce palais est plus spacieus & mieus à propos, répondit Amadis. Si ne sortirai-je pas de ceans pour ton plaisir, dit Arcalaus. Comment, répondit Amadis cuides tu par ce moyen échaper? & mettant l'écu deuant soy entra en la chābre. Mais ainsi qu'il cuydoit leuer l'épée pour le frapper perdit entierement sa force, avec le sentiment de tous ses membres, & tomba à terre comme mort. Vrayement dit Arcalaus, c'est le moyen pour te faire mourir, comme ie le desire. Or dors tant que ie te reueille. Et vous ma Dame, dit il à celle qui les regardoit, à vôtre auis, me puis ie maintenant bien venger luy? Oui vraiment, répondit elle, il est du tout à vôtre commandemēt. Lors le fit desarmer comme celui qui ne sentoit chose q̄ lon lui fit: & s'arma de ses armes: puis dit à la Dame: Dame, gardés sus vôtre uie, q̄ nul ne le remuē d'icy, tant que l'esprit luy soit party du cors. Puis retourna à la court, ou chacun qui le vit armé des armes d'Amadis pensa qu'il l'eut occis, mêmes la triste Damoiselle, qui nouvellemēt étoit sortie de prison, laquelle se prit à faire le plus grand dueil du monde: Vous pouués penser quelle étoit la contenance de Gandalin. Quand Arcalaus aperceut tant la Damoiselle se contrister, il lui dit: Dame, cherchez quelque autre qui vous delivre de prison: car de celui qui vous en tira me suis trébien depêché. A cete parole Gandalin se cuyda desesperer: & se iera à terre comme hors du sens. Lors Arcalaus apella

apella la Damoiselle, & lui dît: Venés avec moi si verrés comme meurt ce malheureux qui contre moi osa combattre. Lors lui fut montrer Amadis. Et bien Damoiselle q̄ vous ensemble, êt il en ordre? Lors la pauvrete la voyant en si piteus état, à force de larmes se mît à renforcer son deuil, criant piteusement: Helàs bon Cheualier, combien grande & ennuyeuse sera vôtre mort à beaucoup! Mais ainsi qu'elle se lamentoit, Arcalaus dît à sa femme: M'amy, incontinent que ce chetif sera mort, renuoyés la Damoiselle en la prison ou elle étoit n'agueres: car ie m'en voys en la court du Roi Lisuart, declarer comme ie me suis combatu contre Amadis, par conuenant que le vainqueur taileroit la tête au vaincu, & dedans quinze iours après viendrait en la grand' Bretaigne publiquement le manifester: par ainsi nul ne me pourra quereller sus sa mort & si obtiendray la plus grand gloire du monde, aiant vaincu celuy qui vainquoit tous autres. Puis retournant ou il auoit laissé Gandalin, & le Nain, commada les mettre en prison. Toutefois Gandalin qui desiroit mourir, pensant que son maitre fut ia expiré, ne vouloit aucunemēt marcher, ains cryoit que lon le tuât: & pour à ce émouvoir Arcalaus, l'apelloit traître, méchant, d'auoir fait mourir le plus loyal Cheualier du monde. Ce non-obstant Arcalaus n'en faisoit conte: & pource qu'il faignoit à marcher le fit trainer par les cheue⁹ & mettre en la fosse: Car si ie te faisois maintenāt occire, disoit il, tu n'aurois plus de peine, & là dedans recevras du mal pire que la même mort. Ce fait monta Arcalaus sus le cheval d'Amadis ayāt avec lui trois Ecuyers, puisprint le chemin pour aller en la court du Roi Lisuart.

Comme Amadis fut enchanté par Arcalaus, lors qu'il voulut deliurer la Dame Grindaloya de prison, & autres, puis échapa de ses enchantemens par l'ayde d'Vrgande.

CHAP. II.

LA Damoiselle Grindaloya, qu'Amadis auoit mise hors de prison, se lamentoit si pitoyablement pour luy, que c'étoit pitié, & disoit à la femme d'Arcalaus, & à celles de sa compagnie: Helàs, mes Dames, ne voyés vous la grand' beauté de ce Gentil-homme lequel en si ieune âge fut l'un des meilleurs Cheualiers du monde! Malencontre ayent ceus qui par enchantement sçauent porter tel dommage à si bons Cheualiers. O Seigneur Dieu! comment les voulés vous si longuement souffrir? Mais la femme d'Arcalaus, qui d'autant que son mari étoit enclin à vice & cruauté, étoit vertueuse, & pitoyable, & auoit grand ennuy en son ame des maus qu'il faisoit si que continuellemēt en ses prieres suplioit à Dieu de l'amender. Certe bōne Dame cōsoloit la Damoiselle le mieus qu'elle pouuoit, & ainsi quelles étoient deuisans vont entrer par la porte du palais deus autres Damoiselles, portant chacune d'elles en leurs mains grād' quantité de chandelles allumees, qu'elles atacherent aus quantons de la chambre, ou Amadis gisoit en la presence de la femme d'Arcalaus & autres, lesquelles ne s'eussent peu pour l'heure mouuoir en aucune maniere du lieu, ou les Dames qui portoyent les chandelles les auoyent trouuees. Lors l'une des Damoiselles nouvellement arriuees tira d'un coffret, qu'elle portoit sous le bras, un liure, auquel elle commença à lire, & quelque fois une vois lui répondoit: & continuāt la lecture dedās la chābre plusieurs autres vois lui répōdoiēt & sembloit certainemēt qu'elles fussēt plus de cēt: puis s'aparut un autre liure voltillant parmi la chābre, cōme si le vent l'eut porté, qui se vint rēdre aus piés de la Damoiselle lisante, qui le print, & le mīten quatre parspuis le fit ardre aus quatre quātōs de la chābre ou les chādel lesbruloiēt. Ce fait retourna vers Amadis, qu'elle sous-leua par la main dextre lui disant: Signr Amadis, leués vous, vous auez

trop

LE PREMIER LIVRE.

trop longuement dormy à malaise. Aussi tôt s'éueillâ Amadis, & en sursaut se print à crier: O Iesus! helàs, ou suis ie m'ébahî cōme ie vy. Certes, répondit la Damoiselle, tel personnage que vous ne doit ain si mourir. plutōt permette Dieu q̄ par vôtre main fussēt mors ce⁹ qui mieus le meritent. Adonc les deus Damoiselles étrangères, sans autre propos, reprindrēt le chemin qu'elles étoient venuës, & demeura Amadis fort étōné de cete surprinse, cherchant Arcalaus: mais il fut auerty par Grindaloya, comme il s'en étoit allé à la court du Roi Lisuart, armé de ses armes, & monté sus son cheual, faire entendre qu'il l'auoit occis au combat: puis lui recita cōme il auoit été enchâté. T'ay bien senty, répondit Amadis, qu'il me desarmoit: mais, sus ma foi, ie pensois songer: toutefois, puis qu'il a prins mō harnois, le siē me seruira pour cete heure. Parquoi rentra en la chambre ou Arcalaus s'étoit desarme, ou il trouua les armes qu'il auoit laissees, déquelles il s'arma, puis sortit du Palais demānt à Grindaloya, qu'étoient deuenus Gādalīn & son Nain. Ils ont été mis en prison, dit elle. Ah répond Amadis, malencontre puisse auoir le méchant, q̄ si mal les à traités. Puis dît a la fēme d'Arcalaus: Dame, ie vous laisse sus vôtre vie cete Damoiselle en garde, tāt q̄ ie sois rémōté, & deualle le degrés: & ainsi qu'il entra en la basse court du château, & q̄ les gens d'Arcalaus l'aperceurēt, cetoit plaisir q̄ les voir fuir: car ils s'écartèrent de to⁹ côtés: mais Amadis (qui ne les cherchoit) les laissa courre, & s'en alla aus prisons, qui étoient fort obscures & pleines de tristes captifs. Et pour vo⁹ declarer quelles elles étoient, entédés q̄ cetoit vne voute, ayant biē cent toises de long, & vn piē & demi de large seulement, sans air, ou clarté aucune: & (qui pis èt) si pleine de prisonniers, qu'ils n'eussent peu être autrement que debout. Quand Amadis fut dedans, il apella Gādalīn, lequel étoit pis q̄ mort: toutefois entendant la vois

de son maître cōmença à fremir: mais il ne pouoit cōprendre q̄ ce fut il, pource qu'il cuidoit être seur de sa mort: puis quelquefois pensoit en soy, s'il réuoit, ou s'il étoit enchâté. Amadis ce pendāt étoit en grand peine, d'autant q̄ Gādalīn ne lui répondoit aucunement, & n'en pouoit auoir nouuelles: parquoi de plus fort en plus fort se debatoit, & apelloit à haute vois Gādalīn, ou es tu? q̄ tant me trauaillēs. Répōds ie te supplie. Mais c'étoit pour neant: car Gādalīn n'eut sceu parler. Lors Amadis ne sçachant plus que faire, s'adressa aus autres, leurs disant: Mes amis pour Dieu dites moi si l'Ecuyer qui n'a guerres à été amené ceans, èt mort, ou nō. Le Nain cogneut lors Amadis à la parole, parquoi il lui écria: Helàs, mon Signr, nous voicy tous deus encores en vie. cōbien qu'assēs nous ayōs souhaité la mort. Quād Amadis l'entédit, il cōmanda allumer les chādelles qu'il trouua ioignāt vne lāpe ardāte, qui dōnoit clarté à l'ētree de la fosse, puis entra pl⁹ auāt & vint trouuer Gandalin, lequel il fit aussi tôt sortir hors, & les autres semblablement. Lors les captifs desespérés peu deuāt de toute liberté, se voyās tirer de si grand misere, commēcerēt à dire, à haute vois: Ah bō Cheualier! Iesus Christ qui des enfers ses seruiteurs deliura, te vueille sçauoir grē du biē & secours q̄ tu nous as fait & quād ils sentirent l'air de la cour & virēt la clarté du iour, se mirent tous à genous leuans les mains au ciel, & rēdirēt louāges à Dieu, pui auoit tāt dōne de force à si gentil personnage, pour les deliurrer de lieu si desordonné. Ce q̄ voyāt Amadis, mêmes leurs visages maigres, palles, & deffaits, tenans plus du mort q̄ du vif, en eut pitié & ioie extrême: mêmes q̄ de cent quinze prisonniers qu'ils étoyēt, s'en trouua trēte Cheualiers, sus léquels Amadis ieta l'œil, & cōme il les contēploit les vns après les autres, il en choisit l'un de tous, lequel non obstant sa pauvreté & foiblesse se monroit plus grand de corpulēce & de belle

tail.

taille que nul des autres. Cétui voyant qu'il étoit regardé de bon œil, s'auāça & dît à Amadis: Seigneur, qui dirōs nous qui nous a fait cete grace & heureuse delivrance de l'obscur & épouventable prison? Je le vous dirai de bō cueur, répondit il, ceus qui me connoissent m'appellēt Amadis de Gaule, fis du Roi Perion, Cheualier de la Royne Brisene, & seruiteur domestique du Roi Lisuart son mari, qui cherchāt vn Cheualier, ay été amené ceās par vn Nain, auq̃l i'auois promis vn don Helās, Signr dît l'autre, ie suis aussi Cheualier, & de la maison mêmes de ce bon Roi, qui biē me connoît, & la plus part des siens, avecq̃ léquels ie me suis veu en plus d'honneur qu'à present. En bōne heure répondit Amadis. Certes, dît le Cheualier, au partir de la court (oncques puis n'y fui ie) ie vins tomber en la misere de laquelle vous m'auēs racheté. Quel ét vōtre nom? répond Amadis. Brandoyuas dît il. Quand Amadis l'entendit nommer, il lui souuint d'auoir ouy parler de lui: par quoi il courut l'ēbrasser luy disant: Dieu soit loué, quand il m'a tāt fauorisé de me dōner moien de vous delivrer, avec d'autres, de si malheureus lieu vous asseurant qu'encores qu'onc ie ne vous aye veu iufques à presens, si ai-ie souuent entēdu du Roi & d'autres la preud'hommie & valeur qui ét en vo⁹, qui leur cauſoit vn merueilleus ennuy de vōtre longue absence. A peine eut il acheué ce propos, q̃ le reste des prisonniers lui dirent: Seigneur, l'obligatiō grāde que nous auōs en vous, nous oblige tant à être vōtres que nous sommes entierement deliberés d'obeir à ce qu'il vous plaira nous ordonner. Mes amys, répond Amadis, face vn chacun ce qu'il auisera pour le mieus. Signrs dirent ils, encorēs que ne nous connoissēs, ne sçauēs de quel país nom sommes nous vous connoissons tous pour vous seruir quād il vous plaira, & qu'entēdrons qu'aurēs beſoin, sans que vous nous mandēs: puis lui baisant les mains prindrēt cōgé de lui, sui-

uans tel chemin qu'ils voulurēt élire tellemēt que de toute la troupe ne demeurera avec Amadis que Brandoyuas, & leurs Ecuyers, qui s'en allerent vers la femme d'Arcalaus, a laq̃lle Amadis dît: Dame pour l'amour de vous, & de ces autres femmes. ie laisse à mettre le feu ceans, cōbien que la mēchāceté de vōtre mari me dōne occasiō de faire le cōtraire: mais pour le respect de la courtoisie q̃ les Cheualiers dōnent aus Dames, ie remets le tout pour le present. La Dame en plorāt lui répōd: Helās mō Signr! Dieu soit tēmoing de la douleur & ennuy q̃ mō ame sent, de ce qu'Arcalaus mō Seigneur fait: ce nō-obstāt ie ne puis autre chose faire, sinon lui être obeissant cōme femme à mari, & prier Dieu pour lui: toutefois en vous ét de me faire ce qu'il vous plaira. Ce q̃ ie ferai, dît Amadis ét ce que déja ie vous ay dît, au demeurant ie vous prie dōner à cete Dame Grindaloya quelque riche acoutrement: car elle ét de maison qui le merite, & au Cheualier vnes armes pour le siēnes qui ceans lui furent ôtées & vn cheval aussi: toute-fois si vous sentēs greuee de ma requête, faites en moins. Mains quāt à moy i'emporteray le harnois d'Arcalaus pour le miē & son cheval pour celui qu'il m'a dérobé: Bien vous auisē, q̃ i'aymerois mieus lépee qu'il ma ôtée, q̃ tout le reste. Signeur, dît la Dame, vōtre demande ét tāt raisonnable qu'outre le pouuoir q̃ vous auēs ceans, vōtre honnteté seule (sans autre moyē) m'obligē de faire ce q̃ vous cōmandēs. Lors enuoya querir les mêmes armes de Brādoiyuas, & lui fit delivrer vn cheval. Quād à la damoisele, elle la mena en sa chābre, ou elle lui dōna vn trebō acoutrement puis retourna vers Amadis qu'elle pria trefinstāment, q̃ deuāt que de partir il luy pleut mēger quelque peu, ce qu'il luy acorda. A cete cause furent apportees les meilleures viādes qu'elle peut finer: mais de hâte qu'auoit Grindaloya de sortir, n'en peut oncq̃s gouter de quoy Amadis & Brandoyuas se mirent à rire, &

enco-

LE PREMIER LIVRE.

encores plus du Nain, qui d'effroi étoit si pâle & tant deffait, qu'il luy eut été impossible sçauoir seulement proferer vne parole: parquoy Amadis en se moquant, lui dit Veus tu Nain, q̄ nous atendons ceans Arcalaus, & ie te donnerai le dō q̄ tu m'as demandé: Mon Seigneur, répondit il, tant me couste cher la requête que ie vous fis, que de ma vie à vous ni à autre ne m'auanturerai d'en faire de telle, & pour Dieu sortons d'icy deuant que ce diable y retourne, car ie ne me peus soutenir sus cete iambe qu'il m'auoit liée (& qui pis est) i'ay les narines tant pleines de souffre & de puanteur, qu'oncques puis ie ne cessai déternuer. Grande fut la risée de la compagnie: & après qu'ils eurent repeu: Amadis cōmandant à Dieu la femme d'Arcalaus, mōta à cheual avec sa cōpagnie toutes fois la bonne Dame lui dit au déloger: Seigneur, Dieu vueille par sa grace mettre pais entre vous & mon mari. Certes Dame, répondit il, encorès que ie ne la desire avec lui, avec vous l'aurai-je, pource que le merités. Et telle fut depuis la fortune, que cete parole vint en effait, & profita grandement à la Dame, ainsi qu'en quelque endroit de cete histoire vous sera recité. Lors partirēt du château d'Arcalaus, & cheminerent tant que la nuit les contraignit loger en la maison d'un vauasseur, qui en étoit à cinq lieues, lequel leur fit très bon recueil: puis le lendemain apres auoir ouy messe, & rendu les grans mercis à leur hôte, reprindrent leur chemin. Lors dit Amadis à Brandoyuas: Mon grand amy, ie suis entré en la quête d'un Cheualier, ainsi que ie vous ay dit, & croy qu'aurez peu de plaisir de me suiure, pourtant il seroit bon q̄ nous departissions. Seigneur, répondit il, i'yrois volutiers en la court du Roi Lisuart, toutes fois s'il vous plaît ie vous tiendrai cōpagnie. Il n'en eut ia besoing dit Amadis, pource que ie suis contraint d'aller seul incontinent que j'auray mis cete Damoiselle en lieu seur comme elle desire. Si-

gneur répondit elle, ie suivray ce Gentilhomme, s'il vous plaît, & à luy aussi, puis qu'il va à la court du Roi Lisuart: car i'espere y trouuer celui pour lequel ie fu mis en prisonniere, qui sera (cōme ie suis seur) trefaise de m'auoir recouuree. De par Dieu soit, dit Amadis, allés donc, & à Dieu vous commande. Ainsi se partirent, Or ne restoit plus avec Amadis q̄ le Nain auquel il demanda. Et toy, que veus tu devenir? Mon Seigneur dit il, ie feray ce qu'il vous plaira. Ce qu'il me plaît, répondit Amadis, est que tu faces ce que tu voudras. Mon Signr, dit le Nain, puis q̄ vous en remettés en moi, ie veus demeurer vōtre pour vous seruir, s'il vous est agreable: car pour le present ie ne pourrois trouuer avec qui sçauoir mieus viure. Si tu le veus, répondit Amadis, i'en suis content & te reçois. Lors prindrēt leur chemin cōme la fortune les voulut conduire: mais il ne tarda gueres qu'ils rencontrerent l'une des Damoiselles qui l'auoit desenchanté, laquelle pleuroit amerement: parquoy Amadis compassionné de son pleur, lui en demanda la cause. C'est, dit elle, un Cheualier, qui deuant nous chemine, lequel m'a par force ôté un petit coffret qui m'est de grande consequence sans qu'il lui puisse en rien profiter, combien qu'il y ayt telle chose dedans, que depuis trois iours vne mienne compagne & moi, en auons garanty de mort le meilleur Cheualier du mōde, & celle de qui ie vous parle est menee par force par un autre Cheualier, qui marche deuant nous pour la violer. Or entendés que cete Damoiselle qui parloit Amadis ne le connoissoit pour lors: car il auoit armet en tête: mais quand il entendit que le Cheualier emportoit par force le coffret d'elle, il piqua si roidement qu'il l'ataignit & d'arriuee luy dit: Cheualier, vous ne faites courtoisie, donnant ocaſion à cete Damoiselle d'ainſi se plaindre de vous & me sembleroit meilleur que cessant cete façon, vous lui rendissiez le coffret que lui aués ôté.

Quand

Quand le Chevalier l'entendit ainsi parler il se print à rire. Dequoy riés-vous? dit Amadis. De vous, répondit le Chevalier, que je n'estime sage de donner conseil à qui ne le vous demande, & moins espere faire de ce que vous pourchassés. Il pourroit bien être, dit Amadis, qu'il ne vous en prendra ja bien, & me semble que deus rendre ce qui n'est vôtre. Vous me menacés, répondit le Chevalier. Nô pas vous, dit Amadis, mais vôtre grande audace, qui vo^{us} fait mettre la force ou elle ne devoit être. Et il vray? répondit le chevalier, & ce disant courut pèdre le coffret en vn arbre: puis retourna à Amadis, & lui dît: Si vôtre braueté est telle que les parolles, venés le donner à connoître, & en recevoir son loyer, & à l'instant courut contre Amadis (lequel déjà se sentoît outragé de sa menace) & lui donna sus l'écu tel coup de lance qu'il le faucha, non pas le harnois qui étoit bien acéré. Lors Amadis qui ne luy vouloit faillir, l'ataignit de telle sorte, qu'il le desarçonna, & le porta du cheual bas si lourdement, qu'il ne se peut pour l'heure releuer: parquoy Amadis alla prendre le coffret, & le redit à la Damoiselle lui disant: Damoiselle m'amie, demeurés cy tandis que j'irai secourir vôtre cōpagne: puis donnant des esperons au cheual courut secourir l'autre que le Chevalier emmenoyt, lequel il ataignit assés tôt sous aucuns arbres, ou il auoit ataché son cheual, & le pallefroy de la damoiselle, laquelle il traînoit par les cheueus en vn fort taillis pour la forcer, & en faire son plaisir. Mais la pauvrete crioit tât qu'elle pouoit: Ah, traître! de malle mort puisses tu mourir, qui sans t'auoir fait offense me fais tant d'outrage. Et ainsi que le Chevalier se penoit de la faire entrer dans le bois, il aperceut Amadis qui venoit au grand Gallop vers lui, & à cete cause laissa la damoiselle & courut prendre ses armes, & monter à cheual: puis s'ap procha lui écria: Par Dieu Chevalier, en mal heure pour vous m'aués vous détourné de faire ma volonté. Telle

AM.

volonté, répond Amadis (qui fait perdre l'honneur) puisse Dieu cōfondre. Certes, dit le Chevalier, si ie n'en sçay prendre vengeance, ie ne porteray iamais harnois. Le monde y perdra beaucoup, répond Amadis, puis que vous en sçaués si vilainemēt acotrer, & prendre ainsi à force les Damoiselles, qui doiuent en tout honneur & liberté être maintenuës, mêmes par tous loyaus Cheualiers. A peine eut Amadis mis fin à ce propos, qu'ils baissèrent les lances, & se rencontrerēt de telle furie, que le Chevalier rompit la siēce, & Amadis lui fit perdre les arçons, & tomber à terre si lourdemēt, que pour la pesanteur du cors & armes il s'éuanouyt, & sans se mouoir demeura étendu en la place. Ce que voyant Amadis pour l'acheuer de tuer, lui fit plusieurs-fois passer son cheual par dessus le ventre, en lui disant: De cete sorte perdrés vous l'enuie que vous aués de forcer les Dames: & vous, Damoiselle, ie croy que désormais vous n'aués nul déplaisir de lui. En bōne foy, Seigneur vous dites vray, répondit elle, que pleut à nôtre Seigneur dieu que ma cōpagne à qui lon a ôté vn coffret, fût aussi biē deliuree que ie suis. Par Dieu, dit Amadis, c'est la premiere que j'ay rencōtree, & la premiere de vous deus que j'ay secouruë, si bien qu'elle a recouvré ce que lon lui auoit ôté, & voicy mon Ecuyer qui la conduit. Et pour ce que la chaleur étoit grāde, Amadis (pour prédre l'air) ôta son armet. Lors la Damoiselle le reconneut: car c'étoit celle qui au retour de Gaule l'auoit mené à Vrgande la Déconnuë, quand il tira par force d'armes son amy du château de Baldoid, & à cete cause elle lui ramenteut: parquoy il en fouvint aussi tôt à Amadis, lequel mettāt pied à terre vint l'embrasser, & ainsi qu'il la caressoyt, l'aure Damoiselle arriua, à laquelle il fit le semblable. Helàs, dient elles, si nous eussions pensé auoit vn tel protecteur, nous eussions en peu de crainte des méchans qui nous ont tant fait de mal: & sus ma foy le secours que nous

H

vous

vous auons fait depuis deus iours, nous ét tré bien recōpensé. Si y a il bien difference, répondit il: car i'étois en trop plus d'extrémité que vous: mais dites moi comme il fut possible que vous le sceûtes.

Signeur, répondit celle qui par la main le leua, quand il fut desenchanté, ma tante Vrgande me commanda il y a bien huit jours, que ie misse peine d'être au château d'Arcalaus à l'heure que nous y arriuâmes pour vous deliurer. Dieu gard de mal tant bonne Dame, répondit Amadis, qui m'a si souvent obligé à lui être à jamais obeissant seruiteur: & vous, Damoyelles, qui au besoin m'aués si bié secouru, regardés si aués plus affaire de moy. Signeur, répōdirēt elles, reprenés, s'il vo⁹ plaît le chemin que vous aués laissé, & nous en yrons le nôtre. Or allés à Dieu, dit il: mais ie vous prie ayés souvenance de faire mes humbles recommandations à la bōne grace de vôtre maitresse, & lui dites qu'elle sçait bien que ie suis son Cheualier. Ainsi se separerent les Damoîselles d'un côté, & Amadis de l'autre. Parquoy nous continuerons le propos que deuint Arcalaus depuis qu'il fut party de Valderin.

Comme Arcalaus porta nouuelles à la court du Roy Lisuart, qu'Amadis étoit mort, qui fut occasion de maintes lamentations, & regrets que firēt ses amys, spécialement la Princeesse Oriane.

CHAP. XXI.

TAnt chemina Arcalaus. depuis qu'il fut party de Valderin, ou il laissa Amadis enchanté (état comme i'ay dit armé de ses armes, & monté sus son cheual) que le disième jour suiuant, ainsi que le jour commençoit à poindre, il arriua en la court du Roy Lisuart, lequel étoit déjà aus champs pour prendre la fraicheur, & s'ébatoit le lōg de la forêt, avec grande compagnie de ses Gentils-hommes, lesquels de loing auisèrent venir Arcalaus armé des armés d'Amadis: parquoy pensans que ce fût il, au-

cuns ieunes Gentils-hommes coururent au deuant pour le caresser, & le bien recevoir: mais peu leur dura cét aise: car aprochant plus près, ils aperceurent certainement qu'ils étoient deceus, pour ce qu'Arcalaus auoit les mains & la tête desarmés, lequel sans les saluer passa outre, tant qu'il fut deuant le Roy. Lors s'arrêta, & luy dit: Sire, ie viens vers vous m'aquitter d'une promesse ou ie me suis obligé, c'est de comparoitre au jour-dhui deuant vôtre majesté, pour faire entēdre que i'ay occis en bataille vn Cheualier, duquel ie porte les armes. Combien, Sire, que ie serois content ne declarer de moy mêmes la louange qui me seroit plus auantageuse recitée par autre en mon absence: toutesfois ce m'ēt force d'ainsi le faire, veu que le conuenant qu'il fut entre moy & celuy que i'ay fait mourir étoit tel, que le vainqueur tailleroit la tête au vaincu, & se presenteroyt deuant vous à ce même jour.

Or en suis ie déplaisant, d'autant qu'il me dit qu'il étoit Cheualier de la Roync, appelé cōmunemēt Amadis de Gaule, & q^l tel le nômassé, si ie le vaincois. Quant à moy, Sire, ie lui dis (comme la verité ēt) que i'étois Arcalaus, à qui fortune a été si fauorable, qu'elle m'a donné le dessus de nôtre cōbat: car i'y ay occis celui duquel voy-cy le cheual, & les armes. He Dieu, répondit le Roy! ēt donc mort le plus vertueux, & acōply Cheualier qui fût au monde? Helàs, Signeur Dieu, pourquoy vous pleut il metre si bon cōmencement en lui pour le faire finir si briuement! Et ce disant, se print à larmoyer & à soupirer hautement, & tous ceus de sa cōpagnie aussi: ce que voyāt Arcalaus, sans plus dire mot reprint le chemin par ou il étoit venu, fignant de sa part en être déplaisant: mais croyés qu'il ne s'en alla sans compagnie de maintes grandes maledictions qu'un chacun lui donoit, priāt dieu lui enuoyer promptement male mort, & eus mêmes la lui eussent donnée, sans plus diferer, n'eût été qu'ils en eussent peu être blâmés,

veu qu'il auoit fait entendre qu'Amadis étoit mort en cōbat acordé. Adōc le Roy triste & pensif s'en tetourna en la ville, & furent ces nouvelles incontinent par tout diuulguees, tellemēt qu'elles vindrēt aus aureilles de la Roine, & des Dames, lesquelles se prindrent toutes à pleurer, & se contrister. Or s'étoit Oriane peu deuant retiree en sa chambre, avec la Damoiselle de Dannemarc, laquelle entendant la clameur que chacun faisoit, luy commāda sortir, pour sçauoir que ce pouoit être.

Helàs, elle ne le sceut que trop tôt pour son profit: car entendant la mort d'Amadis, elle se mit à crier & à tordre ses mains par immoderee tristesse: puis retournant tout court à la chambre de la Princesse, d'arriuee cria effrayement: Helas, ma Dame, quel inconuenient nous ēt il auenu! Et sans plus dire, se mit à se détordre & à pleurer tellement, que si pis eût peu auenir, elle l'eut fait penser. Quand Oriane l'entendit, le cœur lui print si fort à trembler, que sans lui en dire autre chose, elle cōprint ce qu'elle craignoit le plus d'entendre, & n'osant s'en enquerir d'auantage, se mit à faire pareil deuil, que si elle eût veu Amadis mort deuant elle, & disoit: Helas, il ēt mort il ne peut être autrement. Ma Dame, répōdit la Damoiselle, il ēt vray: mais quel remede? si ne faut il pas vous laisser mourir pourtant. A cēte parolle s'éuanouyt Oriane, & tōba sus le plancher de sa chanibre. Ce que voyant la Damoiselle de Dannemarc, elle cōneut bien que trop indiscrettement s'étoit auācee de lui porter cēte mauuaise nouvelle, & ne pouant mieus conclud de prendre courage & apaiser son pleur, pour pourvoir à l'extremité de sa maitresse, & voyāt qu'elle ni pouoit dōner ordre, uint à Mabile, qu'elle trouua tant cōtristee, que plus ne pouoit, & lui dīt: Ma Dame, venés secourir vōtre cousine qui se meurt. Lors y courut, & la trouua étendue du long d'elle, sans mouoir pié ne main, tellement qu'elle la pensoit expiree: parquoy voyāt

que la neccesité la forçoit de s'éuertuer, oublia son deuil, & commanda à la Damoiselle de Dannemarc qu'elle fermāt la porte pour n'être aperceue, afin que nul ne peut iuger la cause de ce deuil, & connoitre l'amour iusques la bien celee. Lors print Oriane, & délaça & ouvrit son acoutrement: puis lui ieta de l'eau froide sus le visage, & lui frota les pous & le nés de vinaigre: au moyen de quoi elle reuint de pāmoison, & commença à soupirer, disant d'une vois foible: Helàs, mes amys, ne me détournés du chemin de la mort, si vous desirés mon repos, & consentés que i'aïlle bien tôt trouver en l'autre monde celuy qui n'eût sceu viure vn jour en cētui-cy sans moi. Proferant ce mot elle se print tellement à renforcer son pleur, que c'étoit grand pitié de la voir: puis reprenant alaine, elle disoit: Ah, ah, seul miroir de toute cheualerie! vōtre mort ēt tant griēue & insupportable, que non moy seule, mais le reste du mōde y doit auoir regret, ayāt perdu ce qui plus l'honoroit en bōté, prudence, hardiesse, & toutes les vertus que tous les grands se peuvent desirer. Toutefois si en vous y a encores quelque sentiment, ie suis seure, que vous n'aués regret à la vie perdue, sinō pour l'amour de moi que vous voyés si affligée: car vous aués tant laissé d'honneur en ce monde, & tant aquis de reputation en ce peu de tems, q̄ vous y aués été, que contant vos merites vous êtes mort vieil, mais bien êtes demeuré immortel, & moy y sejourant après vous, ne sçauois acquerir sinō bruit de malheureuse & ingrate. Ah cruelle Mort, n'étoit-ce point assés que forte amour luy eût fait éprouver sa pointure, sans ce que la tienne lui fût si outrageuse? Mais n'en seroy-ie poīt moimême cause? n'auroy-ie point émeu en luy le desir de trop entreprēdre qui déja y étoit trop incité? Ha, s'il ēt ainsi, ne vous chaille, amy, vous vous voirés biē tôt faire la raison de qui vo' fit le tort, & de vōtre mort m'aurés cause, & cōpagne. Bien me fera il mal

LE PREMIER LIVRE

qu'ainsi qu'égale amour auoit vny nos volontés (esperant pour jamais assembler nos personnes) ainsi nous puissions être assemblés à la mort, & mis en même sépulture. Ce disant se laissa de rechef tomber entre les bras de Mabile, & mua tellemēt couleur, que les Damoiselles pensèrent qu'elle fût morte, & en s'euanouissant son acoutrement de tête luy cheut, au moyen dequoy ses blonds & dorés cheueueus furent espars tout le long d'elle, & de douleur croisa ses bras, si qu'il sembloit bien qu'elle terminât sa vie. Ce que voyant Mabile, n'ayant plus d'esperance qu'elle peût viure, recōmença tant à se contrister, qu'elle fut contrainte laisser la Princesse en la garde seule de la Damoiselle de Dannemarc, & se tirant à part, dit assés haut: Helàs, mon Seigneur Dieu, ie vous supplie, ne me permettre plus viure, & m'ôter de ces trauaux, puis qu'il vous a pleu m'ôter les deus personnes, que ie preferois à ma propre vie: mais quand la Damoiselle de Dannemarc se trouua seule entre deus telles extremités, elle fut merueilleusement ébaïe. Toutefois comme sage & auisée, parla de cete sorte à Mabile: Cōment ma Dame, vſés vous ainsi de vōtre acoutumee vertu? Et-il maintenāt faison de vous oublier? voulés vous ainsi consentir à la mort de ma Dame? laquelle uous deuriés aider, & la reconforter en lieu de l'aban donner, & lui acroitre son mal par le uōtre, si elle reuient, si vous continués, vous la perdres, & nous aussi. Venés, ie vous supplie secourir celle, qui en a maintenāt tant de besoin, & remettés à vne autre fois ces lamentations. Mabile conneut que la damoiselle disoit vray, parquoy s'aprocha d'Oriane, laquelle voyant n'être encores expiree, la leuerent ensemble, & la mirent sus son lit, & de rechef avec tout le secours qu'elles peurent lui firent reprendre quelque peu de force, tellemēt qu'elle ietta vn soupir, & se mit à étendre ses bras comme si l'esprit se deult partir. Lors Mabile, & la Damoiselle de Dannemarc

la voyans en cete agonie, ne se sceurent pourvoir d'autre remede, si non de cris à son oreille, & lui disoyt l'vne: Ma Dame nous voulés vous laisser? parlés au moins à nous. L'autre plus auisée lui dît: Ma Dame, il n'êt pas mort, vōtre Amadis êt encores en vie, & sain. A ce nom d'Amadis Oriane ouurit l'œil, & tourna ça & là sa veuë, comme le cherchât. Ce que voyant Mabile, continua & dît, Ma Dame, Amadis vient, & le voirrés bien tôt. Lors Oriane iettant vn grand soupir se reuint, & dît: Helàs, m'amie, ou êt il? Ma Dame, répondit elle, nous auons sceu qu'il se porte bien, & que le Cheualier qui a apporté mauvaises nouvelles de luy, êt coutumier de se vanter sans cause, & trōper les Cheualiers pour se paître de fausse louange. Comment, dît Oriane, n'ay-ie pas entēdu qu'il auoit ses armes & son cheual. Ce n'êt rien, dît Mabile, ne les peut il pas bien auoir empruntees, ou dérobees, & puis nous être venu donner ce faus alarme pour éprouver nōtre constance. Et s'il l'a trouuee si foible, il aura eu ce qu'il demandoit. Ne croyés point qu'Amadis eût peu être vaincu d'vn seul & tel cheualier, & n'êt raisonnable d'ajouter foy à vn qui se louë, & porte tel témoignage de lui même, s'as autre aprobatō, ie suis seur qu'Amadis reuiēdra en bref, & s'il vous treuve nō pas morte seulemēt, mais ainsi ennuiee il moura, & aurés fait à bō escient ce q̄ le malheureus faint par ma lice auoir fait: Ainsi tous deus sans propos mourés l'vn pour l'autre. Quand Oriane eût estimē qu'elle seroit par ce moyen cause de la mort de sō amy, si de fortune il viuoit, & q̄ (peut être) Mabile disoit verité, elle print courage, & s'éuertuāt ieta la veuë vers vne fenestre, ou maintefois Amadis & elle auoient eu plusieurs amoureux ppos au cōmencement qu'il arriua en la court du roi Lisuart, puis soupirāt dît en vois malasseuree: Ah fenestre témoin de mesplaisirs étais, cōbiē ennuieus m'êt le doute ou ie suis de ce lui de qui tu me dōnes souvenāce, & de q̄ les

les parolles gracieuses faisoient toy & moy heureuses! Certes ie suis bien seure, que iamais vous ne durerez tant, que deus si loyaus amans puissent si près de vous auoir le bien & grand plaisir, que luy & moy auons receu, lequel me deffaillant maintenant, i'ay pour cōpagnie, étranges & insupportables tourmens, & demeurera désormais mon dolent esprit en amertume & tristesse, iusq's à la venue ou à ma mort. Lors Mabile connoissant que le danger étoit passé, se mit à la conseruer plus fort qu'elle n'auoit encores fait, lui disant: Commēt? ma Dame, estimés vous, q' si ie tenois ces nouvelles pour veritables, i'eusse le pouoir de vous conseiller ainsi? L'amitié que ie porte à mon cousin, n'est point si petite, que plutôt ie n'incitasse tout le monde à plover, que chercher reconfort pour vous, qui dites y auoir le plus perdu: mais ie voy si peu d'aparence de le croire, que ie ne veus auant le tems être, ne vous redre malheureuse: car nous déconfortans sans seureté, le mal (quand bien il y seroit) n'en pourroit amender, & le bien en seroit pire, mêmeement que par ce moyen promptement se pouroit découvrir ce que si long tems a été tenu secret. Helàs, répondit Oriane, s'il étoit mort, il ne me chaudoit q' nôtre amour fut conueü: car tous autres maus & infortunes au respect de cetui là ne me seroyent moins que riens. Ainsi debatans & deuisans ces deus Dames furent tout le jour sans partir de leur chambre, ne que personne y entrât: pource que la Damoiselle de Dennemarc qui alloit & venoit, auoit charge de dire si lon demandoit Oriane, qu'elle acompagnoit Mabile, & qu'elle ne la vouloit laisser seule pour la tristesse qu'elle portoit de son cousin Amadis. Par ce moyen fut le secret de l'Infante gardé iusques à la nuit, sans prédre aucunement repos, ains sans cesse se tourmentoient entre doute & esperance, ramenant en ses propos tout ce qui auoit iamais passé entre elle & Amadis, depuis

AM. I

leur premiere ieunesse: mais le lendemain enuiron l'heure du dîner, Bradoiuas entra au palais, tenant par la main Grindaloya, qui donna grand joye à ceus qui le connoissoient: car il y auoit long tems q' lon ne scauoit qu'il étoit deuenü. Lors se vindrent mettre à genous deuant le Roy qui le reconneut, & l'aimoyt & estimoyt: par quoy il lui dît: Seigneur Brandoyuas, comme aués vous si longuement demeuré à nous venir voir ceans? Sire, répondit il, la prison en a été cause, de laquelle (sans l'effort du bon Cheualier Amadis de Gaule, qui cete damoiselle & moi, avec plusieurs autres en a tirés & mis en liberté, faisant tât d'armes, que nul autre pourroit faire) nous n'en fussiōs iamais sortis: toutefois à la fin il y cuida demeurer lui mêmes, par la plus grande tromperie & méchanceté du monde, que lui fit le traître Arcalaus: mais il fut secouru par deus Damoiselles, qui ne lui vouloyent peu de biē. Cōment, dît le Roi (quād il entendit parler d'Amadis, qu'il tenoit pour mort) Ami, par la foi q' vous deués à Dieu, & à moy, Amadis est-il vif? Ouy certes, répondit Brandoyuas, il n'y a pas encores dis jours q' ie l'ay laissé sain faisant bien bonne chere: mais il vous plaira, Sire, me dire parquoivous me faites telle demāde. Pour-ce (dît le Roi, q' hier Arcalaus nous vint dire, qu'il l'auoyt occis. Lors lui recita la maniere. Ha Dieu répondit Brandoyuas, quelle méchanceté de traître! or lui ét il auenu pis qu'il ne pē soit. Adonc fit le discours de ce qui étoit passé avec Arcalaus & Amadis, cōme déjà aués entendu: au moyen dequoy chacun recouura la joye perduē pour tant bōnes nouvelles, & voulut le Roy que sans differer lon menāt Grindaloya vers la Roine, pour luy en dire autant, ce qu' elle fit. Et ainsi qu'elle le recitoit, la Damoiselle de Dannemarc étoit presente, qui le courut dire à la Princesse Oriane, laquelle fut bien long tems sans scauoir répondre vn seul mot, & pensoit être enchantee, ou bien que celle qui luy disoit ces nou-

H 3

velles

velles lui bailloit cete trouffe, ou qu'elle les auoit songees:& quand elle peut parler, elle répondit à la Damoiselle: Helàs, amye, ay-ie réué, ou si m'aués dit q Grindaloya témoigne à la Roine qu' Amadis n'êt pas mort. En bonne foi, ma dame, répondit elle, ie la viés de laisser tout maintenant en sa chambre, ou elle lui recitoit comme Arcalaus l'auoit trôpé. Or Dieu soit loué, dît Oriane: mais ie vous supplie, allés lui dire tout maintenant que Mabile lui supplie la luy enuoyer pour la reconforter. Ce que fit la Damoiselle, & retourna aussi tôt avec Grindaloya vers Oriane. Ie vous laisse penser si elle fut bien recueillie, & si lon lui fit bonne chere, même si ces deus Dames Mabile, & Oriane, luy donnerent audience, quand elle leur contoit quels faits d'armes auoit fait Amadis à Valderin, la misere ou elle étoit avec infinis autres, le danger ou depuis il tomba par les enchantemens d'Arcalaus, puis comme deus Damoiselles étranges le vindrêt secourir. Ce discours leur pleut tant, & leur étoit si agreable, que ie croy que Grindaloya ne fut quite pour le reciter plus de cent fois: car Oriane ne voulut iamais permettre qu'elle mengeât ailleurs, qu'avec elle: mais quâd ce venoit à renouveler lesdâgers esquels Amadis s'étoit trouvé, & les miseres desquelles il aunit deliuré les pauvres captifs, elles pleuroyēt toutes à chaudes larmes de pitié & de joye. Ainsi demeura Grindaloya tout le jour avec les deus Princesses, & n'en fût si tôt partie, n'eût été que lon luy vint dire, que le Roy Arban de Norgales, qui l'aimoit grandement, la cherchoit en la chambre de la Roine, & à cete occasion print pour l'heure congé d'Oriane, pour aller trouver celui, pour lequel elle auoit tant souffert: Et ainsi que ces deus loyaus amans se rencontrerent, ils se firent vn si bon recueil, qu'ils estimerēt (mêmes Grindaloya) leur tristesse être recompensee. Er pour ce que la Royne fut auertie, qu'elle étoit fille du Roy Ardroyd de So-

rolis, & que tout le mal qu'elle auoit receu & enduré, auoit été pour l'amour du Roy Arban, elle la pria tres-instamment de demeurer en la court, ou il lui seroyt fait tout l'honneur, & bon traitemēt qu'il seroit possible. Ce que Grindaloya accepta, tant pour la priere de la Roine, que pour ce que le Roy Arban l'en auoit requise: & pour ce que par même moyen la Royne fut auertie qu'elle auoit vne seur trebelle, qui Aldene se nommoit, laquelle se nourrissoit en la maison du Duc de Bristoye, la voulut auoir, & depêcha incontinent vn Gentil-homme tout expres vers la Duchesse, pour la prier la luy enuoyer. Cete Aldene étoyt amye de Galaor, celle pour laquelle il endura tant de mal du Nain, comme cy deuant vous a été recité.

Or auons nous longuement continué le propos d'Amadis: maintenant nous retournerons à Galaor, laissant le Roy Lisuart en esperance de bien tōr reuoir à la court celui que Arcalaus disoit auoir tué au combat.

Comme Galaor arriva fort blecé en vn monastere, ou il sejourna quinze iours, atendât qu'il fût guery: puis s'en partit, comme il vous sera declaré.

CHAP. XXII.

Q Vinze jours entiers sejourna Galaor au monastere, ou il auoit conduit la Damoiselle qu'il deliura hors de prison, atendant qu'il fut guery de ses playes, puis se trouvant dispos, & fort pour porter harnois, print congé, & se mit en chemin, allant ainsi que fortune le cōduisoit: car il n'auoit vouloir d'adresser plutôt vne part qu'autre, & enuiron l'heure de midy arriua en vne vallee, au bas de laquelle étoit vne fontaine, ou il trouua joignât vn Cheualier armé, qui n'auoit cheual, ny autre monture: dequoy Galaor s'ébait, & demanda, s'il étoit là venu à pied. Lors celui de la fontaine luy répondit: En bonne foy non: mais m'en allant par cete

cete forêt droit à vn mien château, j'ay rencontré aucuns brigands qui m'ont tué mon cheual, ainsi force m'est retourner chés moy en l'état que me trouués, pour ce que mes gens ne sçauent mō infortune. Vrayement, dit Galaor, vous prendrés la monture de mon Ecuyer. Grand mercy (répondit le Cheualier) toute-fois deuât que nous partôs d'icy, ie veus que sçachés la grande vertu de cete fontaine: car il n'y a au monde si forte poison qui puisse auoir force contre l'eau qui en sort: tellement que pour la bonté d'icelle il auient souvent que lesbêtes envenimees y viennent boire, & s'en retournent guerries: & pourtant ceus de cete contree s'y retirent quelque fois pour receuoir santé de leurs infirmités. Vrayement, dit Galaor vous me contés merueilles, & puis que i'en suis si près, ie descendray pour en boire comme les autres. Comment, répondit le Cheualier, voudriés vous faire autrement? veu que si étiez loing, vous deuriés détourner grandement pour y venir. Adonc descendit Galaor, disant à son Ecuyer qu'il mit (comme luy) pied à terre pour en goûter: mais tandis qu'ils beuoyent, le Cheualier s'arma de l'armet de Galaor, & saisit son cheual & sa lance, & dōna des esperôs laissant Galaor beuvât, & lui dit: Cheualier, ie m'en vois, demeurés-cy tât q̄ vous en trōpiés vn autre, comme vous l'aués été. Galaor qui beuoyt, haūça la tête, & vid q̄ le Cheualier s'en alloit, dont il fut fort ébaï, & lui cria: Par Dieu paillard, oncques brigant ne fit plus méchant tour: car vous ne m'aués seulement trompé, mais fait grande déloyauté laquelle ie vous ferai connoître si ie vous puis iamais ataindre. Si suis-ie d'auis que vous réposés la, répondit le Cheualier, tât qu'ayés recouvré autre moyen pour me cōbatre. Et ce disant dōna carrière au cheual, s'éloignant incontintinēt de Galaor, lequel s'arrēta tout pēsif: mais voyāt qu'il n'auoit autre remede, monta sus le cheual de sō Ecuyer, & suivit le chemin qu'il

auoit veu prendre au Cheualier, iusques à vne sente fourchee, & là ne sceut lequel des deus chemins il deuoit prendre, qui lui augmentoit son ennuy, quand il auisa vne Damoiselle venir vers lui au grand trot de cheual, à laquelle il demāda si elle auoit rencontré vn Cheualier monté sus vn cheual bay, portāt vn écu blanc à vne fleur vermeille. Que luy voulés-vous? répondit la Damoiselle. Je voudrois bien, dit il, recouvrer, si ie pouois, le cheual & les armes qu'il m'emporte: car elles sont miennes, & lâchement me les a emblees. Quād a ce été, répondit elle. Lors Galaor luy recita comme il lui étoit auenu. Et bien, répōdit la Damoiselle, q̄ luy feriés vous ainsi desarmé q̄ vous êtes: car à mon auis il ne vous les a tollues pour rendre. Je ne voudrois autre chose, dit Galaor, que me joindre à lui. Vrayemēt, répondit elle, si vous me voulés donner vn don, ie vous mettray biē tōt ensēble. Galaor qui trop grand desir auoit de ce faire, lui acorda ce-qu'elle demādoit. Suiués moy dōcques, dit elle, puis tournans bride, retourna la voye qu'elle étoit venue, & cheminerēt quelq̄ tēs ensemble: mais la damoiselle qui étoit mieus mōtee q̄ lui le laissā derriere avec son Ecuyer, & piqua deuant tellement qu'ils la perdirent incontinent de veüe, & allerent bien trois lieues sans en auoir nouvelles, & tant qu'ils vindrent en vne grand'plaine ou ils l'aperceurent retourner. Or entendés qu'elle les auoit ainsi deuancés, pour auertir le Cheualier de la fōtaine (qui étoyt ami d'elle) de leur venue, lequel l'auoit enuoyee expres pour lui amener Galaor à ce qu'il le desarmāt du reste de ses armes: ce qu'il luy sembloit aisément faire sans danger, veu qu'il luy auoit ôté le moyen pour se deffendre, & pour le moins esperoit le tuer ou luy faire quelque grand'honte: & à cete cause l'atendoit au dedans du paüillon qu'il auoit fait dresser en la plaine, & ausi tōt qu'elle fut pres de Galaor, elle luy dit: Signeur, ne vous voulāt faillir de promesse,

ie vous ay n'agueres abandonné, pour aller voir, si celui que vous cherchez étoit encores au lieu, ou ie l'auois veu entrer, & là l'ay trouvé soupçonnant bié peu de vous: puis luy montra de loing le pavillon. Leans, dit elle, pourrés. vous parler à luy. Et ainsi qu'ils deuisoient arriuerent tout au au plus pres: parquoy Galaor mit pied à terre pour entrer dedans, mais il trouua le Cheualier à l'entree qui lui dit: Damp Cheualier, qui vous meut de venir ceans sans mon congé? Par Dieu vous estes trémal arriué: car vous y laisserés ce reste d'armes que vous portés, ou vous mourrés presentement. Je ne sçay qu'il en fera, répond Galaor: mais tel paillard que toy ne me sçauroit épouënter. Quand ce lui de la fontaine s'entendit iniurier, haucha l'épee pour le ferir, toute-fois Galaor fut leger & tant adroit, qu'il se garda du coup qui en vain passa outre, & se tirant à côté, ataignit celui du pavillon si rudement au dessus de l'armet, qu'il lui fit mettre le genoil à terre, puis le saisit soudain & luy arracha le heaume de la tête, le poussant si fort du pied, qu'il luy fit donner du nés à terre. Quand le Cheualier se vid en tel danger, il apella à haute vois la Damoiselle pour le secourir: laquelle y acourut disant à Galaor, que pour Dieu il s'arrêtât. Car c'et le don, disoit elle, que vous m'aués promis. Mais il étoit en si extrême colere, qu'il n'entendoit aucune chose qu'elle lui dit & mit le Cheualier en tel état, qu'il lui fit rendre l'ame, dont la Damoiselle cuida desesperer, & se print à lamenter tendrement, & à le plaindre, disant: Helàs chetive que ie suis! ay bien trop tardé. Helàs, cuidant autrui decevoir, moy même ay-je été deceuë! Et toy malheureux, disoit elle à Galaor, qui l'as méchamment fait mourir, ie prie Dieu, qu'il t'enuoye encores plus malheureuse fin, puis que par toy ét finie la chose que plus j'aimois en ce mode, pour laquelle ie t'asseure qu'il t'encontera la vie ou tume de faudras de promesse: car ie te la demande-

ray en tel lieu, que sans mourir ne la pourras accomplir, & fusses tu encor trop plus hardy Cheualier que tu n'es, & si d'auanture tu la me refuses j'auray plus iuste occasion de publier en tous les endroits du monde la pusillanimité de ton lâche courage. En bonne foy, Damoiselle m'amy, répondit Galaor, si j'eusse pensé q sa mort vous eut été tant ennuyeuse, il n'en fut ainsi auenu, combien qu'il l'eût trébien meritee: mais trop tard vous m'en auertîtes. Tant pis pour vous, dit la Damoiselle: car vôtre vie yra pour la sienne. Quand Galaor vid qu'elle continuoyt ses iniures, sans plus luy répondre la laissa, reprenât son cheual, & ses armes que le Cheualier mort lui auoit parauant ôtées, & ayât cheminé enuiron vne heure, s'auisa de regarder si la Damoiselle le suiuyt: & vid qu'elle étoit tout au plus pres de luy. Lors il lui demanda ou elle vouloit aller. Avec vous, répondit elle, & si ne vous abandonneray, tant q j'aye trouvé oportunité de vous demander le don que m'aués accordé pour vo^r faire perdre la tête, & mourir de malle mort. Damoiselle m'amy, répondit Galaor, il vaudroit mieus prendre de moi autre sati-factiō, & telle qu'il vous plairoyt. Rien rien, dit elle, vôtre propre ame acōpagnera celle de celui q m' aués fait perdre, ou vo^r n'acōplirés ce q m'aués promis. Et bien, répondit Galaor, nous verrons qu'il en sera. Ainsi querellans cheminerent trois iours durans ensemble, & entrèrent en la forêt d'Angaduze, en laquelle il leur auint l'auenture dont l'Auteur fera cy après mention. Mais pour cete heure parlera d'Amadis, lequel ayât prins congé (comme cy deuant a été dit) des Damoiselles d'Vrgande, chemina tant, qu'en uiron midy (au sortir d'une forêt) se trouua en vne plaine assés pres d'un beau château, duquel il aperceut venir vne charrette la mieus équipée qu'il eut onc veuë que deus roussins trainoyent, & étoit couverte d'un samy rouge si proprement qu'il ne se pouoit voir chose qui fût dedans.

Cete

Cete charrette étoit gardée de huit Cheualiers armés: toute-fois Amadis eut tel desir de sçauoir qui étoit dedans, qu'il s'auança pour leuer le samy : mais l'un des gardes vint au deuant, qui lui dit assés rudement: Tirés vous ariere, Cheualier, & ne soyés tant temeraire d'aptocher plus près. Ce que ie fais, répondit Amadis, n'est pour mal. Quoi qu'il en soit, dit l'autre ne vous en trauaillés plus auant, veu q vous n'êtes si éprouué que merités decourir ce qui est couuert, & si plus outre entreprenés il vous coutera la vie: car il vous conuiendra auoir debat à toute cete troupe, en laquelle y a tel, que luy seul aysement viendroît au dessus de vous, & pour plus grand raison tous ensemble vous rengeront legerement à leur volonté. Ie ne sçay, répondit Amadis, qu'elle est la bonté de celui q vous dites: mais quoi qu'il en doive auenir si verrière qu'il y a dedans cete charrette, puis print ses armes. Ce q voyant les deus Cheualiers qui marchoyent deuant, lui coururent sus, l'un déquels le frapa si rudement, qu'il rompit sa lāce, & l'autre faillit d'atainte: mais Amadis ne fit pas ainsi: car il renuersa celui qu'il rencōtra & sans aucune resistance le desarmō. Il puis s'adressa à l'autre, lequel il ataignit de si grand force, qu'il fit homme & cheual tōber ensemblement. Adonc Amadis s'aprocha de la charrette. Lors luy vindrēt courre deus autres Cheualiers à l'un déquels il donna de la lāce au trauers des flancs, puis mit la main à l'épee & s'adressa l'autre auquel il rua tel coup sus l'armet qu'il étourdit de sorte, que s'il ne eût embrassé le cōl de son cheual il fut cheut à terre. Quand les quatre qui restoyēt virēt leurs cōpagnons si mal menés par vn seul Cheualier, ils furēt trop émerueillés, & voulans venger leur iniuré vindrent tous furieusement charger Amadis lequel, auoit dé-jā rué le quart emmy le champ. A cete furie & dernier aussaut se trouua fort presse: car les vns l'ataignirent en l'écu, & les autres dans son harnois, si q peu

s'en salut qu'il ne fut renuersé mais il tint ferme, & donna tel coup d'épee en passant au premier qu'il rencōtra que le choquant de cors & de tête le ieta éuanouy en la place. Lors les trois qui restoyent lui tournerent visage, & ainsi qu'ils se rengeroyēt contre lui il saisit vne lance que l'un deus auoit encores entiere & la luy arracha, la couchant à l'Instant même contre le premier qu'il trouua à propos, laquelle il lui mit si auant dans la gorge, qu'elle passoit de part en part, & de douleur rēdit l'éprit sans se mouuoir. Après la mort de cetuy rua sus l'un des autres, & l'ataignit de l'épee sus le heaume de telle force, qu'il lui fit voler hors de la tête, & cōeut que c'étoit vn ancien Cheualier, ayant le poil & la barbe toute blāche, qui le meut à telle pitié qui lui dît gracieusement: Pere pere, il seroit desormais bien saison que remissés le trauail des armes à vn plus ieune q vous, veu que si aués vécu iusques à present sans gaigner pris & louange, l'âge vous en peut tenir excusé. En bonne foi, dît ce vieillart, c'est tout le contraire: car s'il est seant aus ieunes pener pour être renommés, & aquerir hōneur, il est encores plus necessaire aus anciens le maintenir tant qu'ils en auront le pouuoir. Vrayement, dît Amadis, pere, vōtre raison est bōne. Et ainsi qu'ils deuisoyēt tourna la tête, & aperceut q celui qu'il auoit n'agueres abatu s'étoit releué, & se diligentoit grādemment de gaigner le château suyuant ceus qui étoyēt les moins blecés qui s'y retiroyent à grand hâte. Lors sans cōtre-dit Amadis s'aprocha de la charrette, de laquelle il leua le samy qui la couuroit, & vit dedans vn tombeau de Marbre, & vn Roi coronné entaillé dessus, vêtū de sa tunique royale: ayant toutefois la courōne et la tête mi partie, & au plus près étoit vne Dame assise & ioignet d'elle vne ieune Damoiselle de trèsexcellente beauté, léquelles il salua gracieusement, puis dît à la plus ancienne: Ma Dame, ie vous supplie me declarer quelle figure est celle

LE PREMIER LIVRE

que tant songneufemēt vous acōpagnés. Commēt: Cheualier, répondit elle (ne sça chāt encores la deffaite de ses gardes) qui vous à donne permission d'vser de telle priuauté! Nul autre, dit Amadis, que l'en uie que i'ay eu de ce faire. En bonne foi, répondit la Dame, celà vous part de grād' presumption & m'ébais comme mes gens vous en ont tant enduré sans auoir pis. Ils mont si outragé dit il, que ie n'ay cause de les estimer mes amys. A l'heure la Dame mit la tête hors la charrette, & aper ceut que la plus part des siens étoient mors & écartés, les vns fuyans vers le châ teau à sauueté, les autres après leurs che uaus échapés, dont elle fut tant étonnée, quelle s'écria: Ha Cheualier, maudite soit l'heure que pour tant m'outrager onc ques vous naquîtes! Ma Dame, répondit Amadis, vos gens m'on assailly: mais s'il vous plaît, ne differés à répondre à ce que ie vous ay demandé. Si Dieu m'ayde, dit elle, par moy ne le sçaurés, car par vous suis ie trop endommagée. Et ce disant fit chasser les cheuauus de sa charrette. Et à cēte cause Amadis la voyant trop contri stee ne lui tint plus long propos, & s'en al la dautre côté. Lors le reste des plus sains prindrent les cors mors, & les ietterent dans la charrette prenans la route vers le château. Or auoit ouy le Nain tous les propos qu'Amadis auoit eus avec la Da me: mais il n'auoit veu ce qu'elle gardoit, & à cēte cause s'enquit q̄ cētoit. Le ne t'en sçauois q̄ dire dît: il car oncques ne me l'ont voulu dire. En bonne foi, répondit le Nain, ce se sont tours de femmes quād elles aprennent à se taire. Ainsi s'en alloient deuifans, & cheminerent enuiron vne lieuē qu'ils aperceurēt venir après eus le Cheualier ancien qui auoit été defarmé, lequel cryoit le plus haut qu'il pouuoit à Amadis, qu'il l'atēdit, ce qu'il fit. Lors lui dît le vieillard: Seigneur ie viens vers vous par le commandement de la Dame que vous trouuātes dans la charrette, laquelle veut amēder l'iniure qu'elle vous à faite,

& vous suplie de venir pour cēte nuit re poser en son château. Ha mō pere, répon dit Amadis, ie l'ay trouuee avec tant de passion pour le debat que i'eu avec vous autres, que ie pēse q̄ ma presence lui cau sera plus d'ennuy que de plaisir. Asseurés vous dît le Cheualier que vōtre retour lui sera tréagreable. Amadis estimāt qu'à tel âge ce Cheualier tant decrepit n'eut vou lu dire mensonge (veu mēmemment l'affec tion de laquelle il faignoit le prier) fut content de le suyure, & en cheminant s'é queroit à lui pourquoy cēte figure de pier re auoit ainsi la tête fenduē: mais il ne lui en voulut rien dire le remettant à quand il seroit avec la Dame qu'elle luy feroit entendre. Ainsi cheminerent tāt qu'ils arri uerent près du château. Adōc q̄ dît le vieil lard à Amadis: Seigneur, à ce q̄ ma Dame sçache vōtre venuē, ie piqueray, s'il vous plaît deuant. Or allés, répōdit il, & ie vous suivray au pas, puis étāt arriuē auprès du château, il auisa au dessus de la porte la Dame, & la Damoiselle qui l'atendoyent; léquelles lui dirent, qu'il fut le trebien venu. Mes Dames répondit, il ie serois tres-aise de vous donner plaisir non, pas fāscherie: & ce disant entra au dedans, ou il entendit aussi tōt grand' émotion **Ce** gens. Et peu après vīt saillir Cheualiers, & autres gens de piē armés, qui lui crie rent tous: Rédés vous, Cheualier, ou vous êtes mort: Par Dieu, répondit il, de mon grē n'entrerai- ie en prison de gens si traï tres. Lors laça son heaume: mais il n'eut loisir de prendre l'écu, tant fut assailly de prés: ce ifon- obstant il fit grand deuoir de bien se deffendre, iettant par terre ceus qu'il ataignoit à ferme: toutefois à la fin, force luy fut pour la multitude des assail lans, se retirer à l'vn des quantons de la court, & lors plus que deuāt il endomma geoit ses ennemys. Mais ainsi qu'il com battoit il auisa mener en prison le Nain et Gandalin, dont il eut tel dépit, que le cueur lui creut de sorte, que postposant la crainte de mort fēdoit la presse: tellemēt que

que nul n'osoit aprocher de lui, combien qu'ils fussent en si grand nombre qu'il lui étoit difficile de se garder de tous: car il n'auoit si tôt tourné visage, aus vns, q par derriere les autres ne l'outrageassent si cōrinuellement qu'il étoit souuent cōtraint donner du genoil à terre, neât-moins n'esperant trouuer mercy à telle gent faisoit tout deuoir de les offendre auant mourir, si qu'il en occit maints des plus aparés de la troupe. Lors l'infinic bōté de Dieu le regarda en pitié, & le voulut delivrer de ce grād péril, par le moyē de la Damoiselle belle qui lui voyāt faire tant d'armes pensa à le sauuer, & apella l'une de ses fēmes, à laquelle elle dît. Le bō cueur de ce Cheualier me fait auoir cōpassion de lui, telle que j'aymerois mieus q tous ces autres miens mourussent que luy seul, pourtant suyuez moi. Cōment? ma Dame, répōdit la Damoiselle, q pensés vous faire? Lācher mes Lyōs, répōdit elle, à fin qu'ils écartēt ceus qui font tāt d'outrages au meilleur Cheualier du monde: & à vous cōme à ma vassale ie commande les aller presentēmēt délier, ce qu'elle n'osa diferer: ains courut leur dōner liberté & les faire sortir de leur cauerne. Lors la Damoiselle belle, pour faire retirer ceus qui cōtre Amadis combatoyent leur écria: Qui voudra se dōne garde, car les Lyons sont par fortune maintenant échapés. A l'heure ceus du château effrayés se mirent à fuir pour euitier la fureur des bêtes: mais les Lyōs agiles firent si bōne diligēce qu'aucuns furēt recōtrés & mis en piēces. Quād Amadis se trouua habādonné de ceus qui tant l'opressoyent, voyāt la porte du château encores ouuerte, sortit de hors, & enferma les Lyons dedans la court tandis qu'ils s'amusoient à deuorer ceus qu'ils tenoient. Par le moyen qu'aués entendu Amadis échapa des mains de ses ennemys, tant las, toutefois, qu'il ne se pouvoit quasi soutenir parquoi il s'assit sus vne pierre, tenant encores son épée nuē au poing, de laquelle il s'étoit rōpu vne grand' partie,

& ce pendant ces Lyōs, affamés couroient au travers de la court, cherchans la voye pour sortir aus chās, & n'y auoit lors homme viuāt au château qui eut la hardiesse de descēdre pour les faire retirer, nō pas mêmes la damoiselle qui les gouuernoit: car ils étoient tāt échauffés qu'ils n'auoient adōc nule obeissance, si q les plus auisés de tous n'y scauoient plus de remede, fors q la Dame pria le Cheualier étrange de leur faire ouverture, esperāt q sa requête (pource qu'elle étoit fēme) lui seroit plus tôt otroyee qu'à nul d'entr'eus mais elle qui cōsideroit la trop grād lâcheté qu'elle lui auoit faite, ne s'osoit auenturer de lui requerir ayde toutefois voyant q c'étoit le dernier refuge, mit la tête à la fenestre, & parla de telle sorte à Amadis: Seigneur encores qu'envers vous nous ayōs trop lourdement failly, vōtre honnēteté & courtoisie nous excusera, s'il lui plaît: pour nous sauuer ouvrés la porte de ceās à ces Lyons, à ce que sans plus nous mal faire, & que de la crainte d'iceus nous demouriōs libres, ils puissent aller aus chās, pourtant nous vous supplions tous, nous faire ce bien, par telle cōdition, qu'amerderōs à vōtre vouloir l'iniure qui vous à été faite. Tāt y a, que ie vous iure ma foi, qu'oncques nōtre intention ne fut autre, q de vous prendre pour vous mettre prisonnier, iusques à ce q vous fussiez acordé à être nōtre Cheualier. Ma Dame répōdit Amadis, pour être vōtre me pouiēs bien gagner par plus honnête voye: car sans contrainte ie l'eusse trop volōtiers été, comme ie suis de plusieurs Dames & Damoiselles qui ont affaire de mon seruice. Comment? Seigneur, dît elle, nourirés uous doncques la porte? En bonne foy non, répond il. Lors se retira la Dame lamentant tendrement, & vint la ieune Damoiselle appeler Amadis, lui disant: Ah Seigneur, tel ét ceans qui ne peut mais de l'outrage que lon vous a faite, ains plutōt merite que uous luy sachiez gré de ce qu'encores ne scaués. Si gracieusement

par la cete Damoiselle, qu'Amadis lui répondit: Ma Damoiselle vous plait il que la porte soit ouverte? Helàs, dit elle, Signeur ie vous en suplie humblement! Adoncq' se leua Amadis pour luy obeir: mais elle lui écria, qu'il differât iusques à ce qu'elle eût, pria la Dame qui l'auoit fait venir leans de lui donner seureté de ses gens: Tresauisee & prudente l'estima lors Amadis, lequel peu après fut assenré de tous ceus du Château avecq' promesse de luy rendre Gádalín, & le Nain, qui étoient prisonniers. En ces entre-faites survint le Cheualier anciẽ, duquel cy deuant a été deuisé, lequel apella Amadis & luy dit: Signeur pource qu'il me semble que vòtre écu vous reste de peu de valeur mêmeient que vòtre épée èt rôpuë, prenez cetur avec cete masse de laquelle vous pourrés aysement assommer les Lyõs ain si qu'il sortiroient de ceans, & ce disant, lui ieta bas la masse & l'écu qu'il tenoit, lesquels Amadis accepta volontiers, & lui répondit: Ia à Dieu ne plaise que ie sois si ingrat à ceus qui m'ont au besoin si bien secouru. Par Dieu, dit le Cheualier, puis que gardés loyauté aus bêtes cruelles, vous la maintiendrés bien aus personnes raisonnables. Adoncq' vint Amadis ouvrir la porte, & sortirent aussi tôt les Lyõs par quoi il rentra au château: Ce que voyant ceus de leans, mêmes les Dames, vindrèt le receuoir, le supliant leur remettre l'offense qui lui auoit été faite & lui presenterent Gandalin & le Nain. En bõne foy dît Amadis, oncques iour de ma vie ie ne fu si lâchement traité pour lauoir si peu merité: mais (puis qu'ain si èt) faites moy au moins donner vn cheual, autrement ie seray contraint m'en aller à pié: car vous autres messieurs aués occis le mien. Signeur, répondit la Dame ancienne, il èt ia tard, & si c'étoit vòtre plaisir pour cete heure vous desarmer & prédre repos ceàs, demain vous aurés cheual & tout ce qui vous sera necessaire. Et bien dît Amadis, ie ne refuseray pas ce party, ayant la ne-

cessité que i'en ay. Lors fut conduit en vne chambre, ou il se desarma & lui apporta on vn bien riche manteau pour vétir, puis retourna vers les Dames qui l'attendoient, lesquelles le voyant desarmé, furent émerueillees de son excellète beauté, & plus encores de l'adresle qu'il auoit aus armes en si ieune âge. Lui au semblable ietant l'œil sus celle, a la priere de laquelle il auoit ouuert la porte aus Lyons luy sembla l'vne des plus belles Damoiselles qu'il eut onc veuë: toutefois il n'eut propos (pour l'heure) qu'à la vicille, à laquelle il dît: Ma Dame ie vous suplie me faire entendre, pourquoi la figure que ie vy en la charrette à la tête mi partie. Cheualier, répond elle si vous voulés promettre acomplir les conuenans requis auant q' le sçauoir, ie le vous dirai, sinon ie vous prie vous en deporter, Dame, dît Amadis, il n'èst raisonnable de promettre legèrement sans sçauoir quoi: mais s'il vous plaît me declarer les conuenas, étant raisonnables, & que Cheualier puisse executer, ne differés à me répondre: car i'y emploierai mon pouuoir. Vous aués raison, répondit la Dame. Lors fit retirer vn chacun & retint seulement la Damoiselle belle, puis dît à Amadis: Signeur entendés q' cete figure de pierre, que vous vîtes, fut faite en remembrance du pere de cete ieune Damoiselle, qui gît en vn cercueil dás la charrette, & fut en son tems Roi couronné: lequel vn iour d'vne grand feste (ain si qu'il tenoit court & état Royal) fut assailly par son frere, oncle de cete fille, qui lui vint dire, q' la coronné qu'il auoit sus la tête ne luy apertenoit non plus qu'à lui, étas tous deus faillis d'vne même souche, & ce disant tira vne épée qu'il portoit caches sous son manteau, de laquelle luy donna tel coup sus le chef, qu'il le lui fendit, ain si que laus peu voir figuré. Or auoit ce traître precogité de longue main cete traïson, & pour ce faire s'étoit alié secretement d'aucunes gës, dequels lors il étoit tellement acompagné, qu'il se trouua, le plus

plus fort. Ainsi le Roi mort, le traître aisément s'inuétit du Roiaume: car le defunct n'auoit autre heritier que cete Damoiselle, que cet ancien Cheualier (qui ceans vous fit venir) auoit en garde lequel se montrant fidelle envers elle auât que son oncle la peut faire prendre, la détournâ, & fit telle diligence, qu'il l'amena ceans à sauueté, pource qu'elle ét ma niece, & depuis auons trouue moyen de recouurer le cors du Roi son pere, q̄ chacun iour nous metons dans la charrette, & le cōduisons par les champs ainsi que le trouuâtes, ayans tous fait serment de ne le mōtrer, si n'êt à celui qui par force d'armes le pourra voir: & encores qu'il le voie ne lui dira on pourquoy il ét ainsi cōduit & mis, s'il ne promet venger cete traïson tant grande: Et si vous noble Cheualier (cōme obligé à la vertu, & pour si iuste ocaïon) voulés entreprendre d'employer en cet endroit les forces que Dieu à mises en vous, de ma part ie continueray à faire ce que i'ay commencé, tât que i'aye encores trouué deus Cheualiers qui soyent de cété partie, à ce q̄ vous trois ioints ensemble puissiés deffaïre ce traître & deus fis qu'il a, lesquels ne se veulent combattre qu'ils ne soyent eus trois ensemble: & ainsi l'ont mainte. fois fait dire, à ceus qui vouloyent quereller cete lâcheté. Vrayement, ma Dame, répondit Amadis, vous aués iuste ocaïon de chercher le moyen de faire venger la plus grand' méchanceté dont iamais i'aye ouy parler. Et certes celui qui l'a faite ne peut longuement durer, sans recevoir honte & malle fortune, & Dieu ne le permettra aucunement: mais si vous pouviés tant faire, qu'ils vouüssent venir au combat l'un après l'autre avec l'ayde de Dieu, ie demêlerois volontiers ce diferent. Iamais ne le consentiroient, dît elle. Que vous plaît il doncques q̄ ie face? répōdit Amadis. Que s'il vous plaît, d'hui en vn an (si vous êtes vif) soyés ceans dît la Dame: car lors i'espere auoir recouvré deus autres Cheua-

liers, & vous pour le tiers maintiendrés ayssément si iuste querelle. Vrayement, répondit il, ie le vous promets, & ne vous trauaillés d'en chercher d'autres, pource que i'en feray venir avec moi deus tels qui sçauront bien garder & defendre le droit de cete Damoiselle: & venger la traïson qui fut faite au Roy son pere. Et ce di soit il pource qu'il esperoit auoir trouué son frere Galaor, & le faire venir avec Agraies son cousin, à l'ayde dequels il pensoit biē venir à chef d'une telle entreprise? Tréhūblemēt le remerciēt les Dames de son bon vouloir. Et pour autant dirent elles, que ceus à qui aués affaire sont vail lants, roides & experts aus armes, autāt cōme y ayt au monde, nous vous sup lions amener avec vo⁹ les meilleurs Cheualiers que vous pourrés recouurer. Par Dieu, mes Dames, répondit Amadis si i'en auois trouué vn que ie cherche, ie ne me souci rois beaucoup du tiers & fussēt les autres encores plus diables qu'ils ne sont. Signr, dît la Dame, dites nous dōcques s'il vous plaît de quel país vous êtes, & ou nous vous pourrons trouuer. Dame répōdit il, ie suis de la maison du roi Lisuart, & Cheualier de la Roine Brisene sa femme. En bonne heure, dît la dame, & pource que le souper étoit prêt & les tables couuertes, mirent fin pour l'heure à ce propos, & fut mené en vne belle salle, ou ils firēt trēbonne chere, faisant tout l'hōneur dōt ils se pouuoient auiser à Amadis iusques à ce que l'heure les fit retirer pour aller prendre repos. Lors donnant le bon soir aus Dames & à la compagnie, fut cōduit par la Damoiselle qui auoit lâché les Lyons en vne bōne chābre, ou elle lui tint longuemēt compagnie & ainsi qu'ils deuisoyent ensemble lui dît: Seigneur vous aués bien prés de vous telle personne qui vous a ce iourd'huy grandement secouru, encores que n'en sçachiés rien. Et qui ét elle? répondit Amadis. Moy même, dît la Damoiselle, pource que ie vous ay deli vré du peril ou aués été: par le commandement

LE PREMIER LIVRE.

dement de cete ieune Damoiselle, à qui n'agueres aués parlé: car elle ayant pitié du mal que lon vous faisoit me commanda faire sortir les Lyons. En bonne foi, répondit Amadis, ie ne vi oncques vne plus sage de son âge ne mieus auisee. Certes, dit la Damoiselle, si elle vit elle aura deus extremités en beauté & prudence. Ie vous prie Damoiselle m'ameye, répondit Amadis, la remercier pour moi biē hūblement & l'asseurer de ma part qu'e recōnoissance du bien qu'elle, me fait ie demeureray à jamais son Cheualier. Seigneur dit la Damoiselle, ie suis trécontēte de lui faire ce message: car ie sçay, qu'il lui sera tréagreable, & ce disant lui dōna le bō soir & sortit de la chābre. Or étoit Gādalīn couché avecques le Nain en vne chābre tout au plus prés, qui auoit biē entendu tous les propos d'Amadis & de la Damoiselle, & pource q̄ le Nain ne sçauoit encores riē des amours de son maitre avec Oriane, il estima qu'il y auoit entre lui, & la belle Damoiselle nouuelle affectiō, veu l'offre qu'il lui enuoyoit faire d'être son Cheualier, & mieus retint en lui cete opinō qu'il ne fut depuis besoin au triste Amadis: car quelque tems après il cuyda parce moiē recevoir mort douloureuse, ainsi qu'e cōtinuant l'histoire vous sera recité. Cete nuit passée étāt, ia haute heure, se leua Amadis, & fut ouir messe avec les Dames, ausquelles il s'enquīt cōme se nōmoyēt ceus a qui il se deuoit cōbatre. Le pere, dirent elles, se nomme Abiseos, le plus grand de ses sis Dariō, & l'autre moindre Dramis tous trois trévaillans, & Gentilhommes d'armes, plus que nul de la contrée ou ils se tiennent, communement appelle Sobradise, laquelle ēt confīne à Soloris. Or bien, répondit Amadis, nous sçaurons (si Dieu plaīt) quelque iour ce qu'ils sçauent faire. Puis demanda ses armes & s'arma, & ainsi qu'il vouloit mōter sus le cheual que la Dame du château lui auoit fait venir (après auoir prins cōgé) la belle Damoiselle luy presenta vne bien belle

épée, laquelle auoit autrefois été au Roy son pere, & lui dīt: Seigneur, ie vous prie, pour l'amour de moi doreseuuant porter, cete épée, tant qu'elle durera, avec laquelle ie prie Dieu vous secourir, & ayder en vos affaires. Par Dieu, ma Damoiselle, ie la garderai pour l'amour de vous, répondit Amadis, & vous en mercie de bien bon cueur, tant y a que vous poués asseurer, que ie suis cheualier, qui vous obeīra, & aydera en toutes choses qui cōcerneront vōtre état & honneur. Bien lui montra la Damoiselle à son humble remerciement que cete offre luy plaisoit moult: parquoi le Nain qui prenoit garde à tous ces gestes lui dīt tout bas: Ma Dame vous n'aués ce iourd'hui fait petit aq̄est, ayant tel Cheualier à vōtre commandement.

Comme Amadis se partit du château de la Dame, & des choses qui luy furent occurrentes en son chemin.

CHAP. XXIII.

A Madis parti de ce château, chemina long tems sans auenturé trouuer, & tāt qu'il entra en la forêt d'Angaduze. Or marchoit le Nain deuant, lequel de loing vit sus leur chemin vn Cheualier & vne Damoiselle venans contr'eus, & quand le Cheualier fut au droit du Nain il mit l'épée au poing pour lui couper la tête: mais il gauchit & luy passa le coup ioignant ses epaules dont il eut si grād fraieur, qu'il se laissa tomber du cheual bas, criant secours à son maitre, lequel ayant veu cēt outrage y courut pour le deffendre, disant au Cheualier: Qui vous meurt beau sire, de vouloir ainsi tuer mon Nain sans cause? Par Dieu vous êtes peu courtois de mettre la main à si vile chose & de si petite deffense, mēmement étant mien & en ma garde. Certes répondit le Cheualier, il me déplaīt de vous faire ennuy: mais ce m'ēt force de lui faire perdre la tête: car ie l'ay donnée à cete Damoiselle. Plutōt dīt Amadis, essayray-ie à vous faire

faire perdre la vôtre même. Et ce disant se vindrent charger l'un l'autre de si grand force, qu'ils faucèrent leurs écus se rencōtrans de cors & de tête, tellement, qu'ils rōberent tous deus en la place: toute-fois ils furent soudain sus piés, & commençā entr'eus le cōbat à l'épee si âpre & cruel que merueilles, dont ils se trouuerent au plus grand dāger de leurs personnes qu'ils furent oncq': car à force deus chamailler leurs écus furent détaillés en pieces, leurs épées raintes de leur sang, leurs harnois rompus, leurs heaumes enfondrés, & eus mêmes si froissés, q̄ contrainte leur fut d'eus retirer, & prendre aleine: & à cēte cause le Cheualier de la Damoiselle cōmença tel propos à Amadis: Mon cōpagnon, vous poués penser le dāger ou l'un & l'autre pourrons tomber, si plus nous continuons ce cōbat, pourtant ie vous supplie me laisser faire ma volōte de ce Nain par tel conuenant que i'amēderay puis après la faute (si faute y a) envers vous. Cōment répondit Amadis, m'estimeriez vous si pauvre de cuer, q̄ ie seuffre faire mal en ma presence à chose qui soit miēne? Non non, ie le defendray iusques au bout. Si auray- ie sa tête, dit le Cheualier. Par Dieu répondit Amadis, l'une des deus nōtres y demeurera doncq' premier, & tout presentement. Lors entra en telle colerere, que mettant le reste de son écu deuant soi, retourna charger le Cheualier qui ne se trouua en riens étonné: mais le receut si vivement, qu'ils montroyēt à veuē d'œil, par le fil du trenchāt de leurs épées, le grand desir qu'ils auoyent d'éporter le dessus du combat, & deffaïre l'un l'autre: tellemēt que le plus sain d'eus y pensoit biē mourir, pour la grand abondance de sang qui sortoit d'infinites playés qu'ils auoient sus le cors, mēmement Galaor, lequel combien qu'il allāt tou-jours en empirant, si n'en faisoit il semblant: mais se maintenoit, par extreme viuacitē de cœur, en sorte qu'il dōnoit beaucoup d'affaire à son ennemy. A l'heure par fortune passoit

là vn autre Cheualier, lequel voyant ces deus combatans si animés l'un contre l'autre, delibera de voir qui en emporteroit la victoire, & s'arresta ioignant la Damoiselle qui les auoit assemblés: a laquelle il demanda, si elle les cōnoissoit, ou sçauoit la cause de leur querelle. Vrayemēt, répondit elle, ie la puis biē sçauoir, veu q̄ ie les ay fait ioindre (comme vous voyés) si à propos, q̄ désormais il ne peut être q̄ ie ne sois contente: car il ēt impossible q̄ l'un d'eus ny demeure, & si ne me chaut leq̄l ce soit, & si tous les deus y demouroyēt ma ioye en augmēteroit. Par Dieu, dīt le Cheualier, vous manifestés bien le méchāt cuer q̄ vous aués; voulāt moyēner pour vôtre plaisir la mort de de^s tāt preudhōmes, pour le salut déquels vous devriés plutōt prier Dieu, q̄ penser seulemēt a la déloyauté q̄ vous leur pourchassés: mais belle dame, dites moi pourquoi vous les hayés ainsi. Celā ferai ie biē répondit elle, celui qui a l'ēcu plus entier ēt la personne du monde à qui Arcalaus mon oncle veut plus de mal, & se nōme Amadis, & l'autre à qui il se combat ēt Galaor qui a occis n'a gueres celui q̄ i'aymois plus q̄ moymêmes: Or ēt il qu'au parauāt ce Galaor m'a donné vn don tel q̄ ie lui voudray demander, & pource q̄ ie n'ay au iourd'huy chose plus affectiōnnée que sa mort, ie l'ay tant suiuy qu'il me semble q̄ ie l'ay mis en lieu dont il nēchapera iour de sa vie: car connoissant l'autre qui ēt l'un des meilleurs Cheualiers du monde (à qui ēt ce Nain q̄ vous voyés) i'ay prié Galaor m'en donner la tête, sachant bien que pour mourir Amadis ne le permettra, ainsi l'un pour me la donner, & l'autre pour la defendre, sont tombés en l'extrēmité de leurs vies, comme vous le poués voir en bonne foy, Damoiselle, dīt le Cheualier, ie n'eusse iamais pensé qu'il y eut eu tant de malice en femme de vôtre sorte: & croy certainement, veu le peu d'âge q̄ vous aués, si en viuant plus longuemēt vous cōtinuēs la méchāceté, & déloyauté

LE PREMIER LIVRE.

en laquelle vous êtes dé-jà acoutumee, vous en infesteriez l'air & les autres elements, au desauantage des honnêtes & vertueuses Dames qui sont au-jourd'huy viuant: mais pour les sauuer de ce dâger, & ces deus bô's Cheualiers que vous voulés si lâchemēt faire entretuer, ie ferai de vous le sacrifice que vous merités. Et ce disant lui donna tel coup d'épee sus le chaignon du col, qu'il luy mit la tête aus piés de son cheual, disant: Tien , reçois le loyer de tes merites pour l'obligatiō que i'ay à ton oncle Arcalaus , lequel me tenoit en ses prisons, lors que monseigneur Amadis m'en deliura. Puis courut à course de cheual vers eus, leur criant: Hola, hola, demourés Seigneur Amadis, demourés: car celui, contre qui vous combatés , est votre frere Galaor. Quand Amadis, l'entendit il ieta son épee & écu sus le châp , & vint embrasser Galaor , auquel il dit: Helàs mon frere mon amy ie suis bien le plus malheureus Cheualier du monde, vous ayant outragé comme i'ay fait, Galaor ébaï de telle auenture ne sçauoit q̄ penser: mais voyât l'humilité Amadis se mit à genoux deuant lui demandant pardon, & cōmença à faire infinis regrets s'estimant le plus infortuné Cheualier qui fut oncques, de s'être ainsi adresse à son Seigneur & frere. Mais Amadis en plorât de ioye lui répondit: Mon frere mon amy, ie tiens pour bien employé le peril present, duquel (si Dieu plaît) nous sommes échappés, puis qu'il est tēmoing de ce que l'un & l'autre sçauons faire. Lors osterēt leurs heaumes pour eus rafraîchir, remerciais affectueusement le Cheualier qui les auoit ainsi fait cōnoître, lequel leur recita ce q̄ la Damoiselle luy auoit dit, & l'exécution qu'il auoit faite d'elle. Par Dieu, répōd Galaor, oncques chose ne fut mieus employee, & à ce que ie voi, ie suis bien quitte du don que ie luy auois promis. Tant mieus pour moi , dit le Nain, car ie fusse mort de dépit si vous luy eussiez baillé la tête qu'elle vous demādoit:

& toutefois ie m'ébaïs pourquoi elle me hayoit tant, veu qu'oncques ie ne la vy. A l'heure Galaor leur raconta tout ce qui s'étoit passé entre la Damoiselle & son amy, comme vous aués n'agueres entendu. Mais ainsi qu'ils s'amusoient à deuiser, le Cheualier qui les auoit separés aperceut que leurs armes étoient toutes taintes de sang: & à cete cause leur dit : Mes Signeurs, vos armes donnēt assés témoignage du mal-traitemēt qu'ont receu vos personnes par le tranchant de vos épees, pourtant il me semble, que le long sejour en ce lieu ne vous peut seruir que d'empirer vos playes. & q̄ pour le mieus vous deués mōter à cheual, & nous en aller à vn mien chateau , ou vous serés traités au mieus qu'il me sera possible , & vos cous medicinés par personne qui s'y connoit. Celà n'ēt pas de refus, répondit Amadis. Or allons donc, dit le Cheualier : car ie me tiendrai heurus de vous pouuoir faire à tous deus seruire agreable: car vous, Seigneur Amadis, me tirâtes nagueres de la plus cruelle & étrâge prison ou oncques pauvre Cheualier fut mis. Et ou fut ce? répondit Amadis. Ce fut, dit il, au chateau d'Arcalaus l'Enchanteur , & suis l'un de ceus que vous en deliurâtes par force d'armes. Comment est vōtre nom ? répondit Amadis. Balais, dit le Cheualier: & pour ce que mon chateau se nomme Carsante, suis souvent nommé Balais de Carsante, qui vous prie, mes Signeur, humblement vous en venir avec moi . Mon frere , dit Galaor, suiuous le, puis qu'il est tant à vōtre commandement . Alon donc, répondit Amadis. Ainsi se mirent en chemin, & peu après arriuerēt au chateau de Balays, ou ils trouuerent Gentil-hommes , Dames, & Damoiselles, qui les receurent très bien car Balays leur auoit mandé qu'il y menoit les meilleurs Cheualiers du monde, Amadis qui lauait delivre de la dure prison d'Arcalaus, & son frere damp Galaor: Et à cete cause leur fut fait le meilleur traitement dont ceus de leans se

peurent auiser. Puis les menerent desarmez en vne chambre, en laquelle ils trouverent lits, & tout ce qu'ils eurent besoin pour leur guerison, que deus damoiselles nieces de Balays entreprendrent: car elles étoient tressauantes en chirurgie: aussi y employerēt elles tout leur sçauoir, pour reconnoissance du bien qu'Amadis auoyt fait à leur oncle, le deliurant de la dure prison d'Arcalaus, cōme cy deuant vous a été dit. Et à cete cause en moins de deus jours ils conneurent à veüe d'œil leur amendement, & cōmencerent à eus bien porter. Au moyen dequoy, Amadis deuisant avec son frere Galaor, lui recita comme pour le chercher il étoyt party de la court du Roi Lisuart, ou il auoit promis le mener, le priant qu'il s'y consentît, veu qu'il n'y auoit maison de Prince plus fournie de bonne cheualerie, ni ou il fut mieus venu & honoré. Mon Seigneur, répondit Galaor, ie suis deliberé de suivre & faire tout ce qu'il vous plaira me commander, cōbien que ie desirerois grandement n'être encores cogneu entre tāt de preud'hōmes, q̄ premier mes œuvres ne leur témoignaissent l'enuie que i'ay d'imiter en quelque chose les vôtres, ou bien mourir en la peine. Certes, mon frere, dit Amadis, vous ne deués pour cela retarder à y venir, veu que dé-jā vōtre renommee est telle, que la mienne (si aucune en ay) s'obscurcit par l'illustration de la vōtre. Ah, mon Seigneur, répondit Galaor, pour Dieu, ne me dites chose tāt déguisee, puis que non seulement avec les œuvres: mais avec le penser ie ne pourois ataindre, ni paruenir à si haute valeur. Laissons maintenant tels propos, dit Amadis: car veu le pere que nous auons il n'y doit auoir aucune difference de bōté entre nous deus. Mais sçaués vous dequoy ie me suis presentement auisé? Le voy biē qu'il nous fera force faire ceans plus de sejour que ie desirois, à cete cause ie suis d'avis (si vous le trouués bon) d'enuoyer mō Nain deuant à la court du Roy Lisuart, pour auer-

AM. I

tir la Roine de nōtre retardement, & qu'aussi tōt q̄ nōtre santé le voudra permettre, nous nous mettrons enuoye pour aller vers elle. Faites tout ainsi qu'il vous plaira, répondit Galaor. Et à cete cause fut depēché le Nain, lequel fit si bonne diligence, qu'en peu de jours il arriua à Vindilifore, ou pour lors étoit le Roi Lisuart acōpagné de maints bōs cheualiers.

Comme le Roy Lisuart étant à la chasse, vid venir le long d'un grand chemin trois cheualiers armés, & de ce qui leur auint.

CHAP. XXIII.

VN Iour le Roi Lisuart auoit fait l'assemblée dans la forêt de Vindilifore, laquelle étoit bien fournie de toutes sortes de bêtes rouffes, & autres propres au déduit de la venerie: & ainsi qu'il poursuivoit vn cerf, auisa le long d'un grand chemin trois cheualiers armés qui trauesoyent pais, vers lesquels envoya promptemēt vn Ecuyer, les prier de venir à lui. Lors tournerent bride, & le vindrent trouver ou il s'étoyt arrêté les attendant, & quand il les vid approcher, alla au deuant, & reconneut de prime face Galuanes, qu'il auoit maintes fois veu, lequel il embrāça, lui disant, qu'il étoit le trébien venu, & ceus de sa cōpagnie aussi: car c'étoit le Prince qui plus gracieusement, & de meilleur cœur receuoit tous Cheualiers, spécialement les étrangers: puis lui demadda qui étoient les autres. Sire, dit il, ce plus grād est mon neueu Agraies, fis du roi d'Ecoce l'un des meilleurs Cheualiers du monde, & tel le vous puis-je asseurer: l'autre est Oliuas, que vous aués autre-fois conneu. Adonc le Roy les regarda mieus qu'il n'auoit fait, & vid qu'il disoyt vray, & à cete cause les embrāça, leur montrant signe de grand amour, puis dit au Prince Agraies: En bonne foy, mon cousin, ie vous sçay bon gré de la peine qu'aués prinse à me venir voir: vous soyés le trébien venu. Et de rechef l'embrāça. Puis s'adressāt à Oli-

I

uas,

LE PREMIER LIVRE

uas lui dît: Et dea, Seigneur Oliuas, ie croy q̃ vous nous aués tous oubliés, veu le lōg tems que ie ne vous ay veu pardeça. Certes, ce m'ēt chose peu agreable, quand vn si bon Cheualier que vous êtes s'absente de moy si longuement. Sire, répōdit Oliuas, les affaires q̃ i'ay euës ont été cause, que contre mon vouloir i'ay demeuré si long tems à vous venir seruir, & encores n'en suis ie bien deliuré, ainsi q̃ (si c'ēt vōtre plaisir) ie vous feray entēdre. Lors luy recita cōme Galuanes & Agrayes l'étoyēt venu trouver en sa maison, par le moyen de la Damoiselle, qui les y auoit cōduits laquelle (quasi miraculeusement) étoit échapee de mort. Aussi cōme au parauant le Duc de Bristoye auoit lāchemēt occis son cousin, dont il lui demandoit & supplioyt luy être fait iustice, & permettre qu'il le combatit en sa presence pour luy faire reconnoitre la traïson. Apres que le Roy l'eut par long tems écouté, & qu'il sceut la mort de celui q̃ le Duc auoit occis, il en fut trēmal contēt: car il l'auoyt conneu pour bon Cheualier, & dît à Oliuas: Vrayement puis que le duc a fait tel le faute, & que me demandés iustice, assurez vous qu'elle vous sera faite, & le feray venir en personne pour se iustifier. Et de ce pas le Roy laissa la chasse, & avec les trois Cheualiers print le chemin de la ville, deuisant tou-jours de diuers propos, & tant, que le Roy dît à Galuanes: Ie vous prie, beau Sire, me dire plus au lōg pourquoy le Duc de Bristoye vouloit faire bruler la Damoiselle que vous recourûtes. Sire, répondit il, c'étoit (à ce que nous auons entendu) pour ce qu'elle auoit mené Galaor en son palais, & fait entrer de nuit, & à cēte cause il l'eût fait bruler sans nous. Cōment, dît le Roi, Amadis l'ēt alle chercher: mais depuis son partement Arcalaus nous a dōné vn terrible effroy: car il étoit venu faire entendre, qu'il l'auoyt occis. Ah Sire, répondit Agraiēs, êtes vous seur qu'il soit en vie? Ouy vrayement, dît il, Brandoyuas & Grindaloya sont venus

depuis, qui nous l'ont ainsi témoigné, & n'en doutés puis que ie vous l'assure, veu que ie ne donneray à nul l'auātage de desirer plus son bien & honneur que ie fais. Nous l'estimons ainsi, répondit Agraiēs. Aussi Sire, pour sa grand bonté & valeur il merite bien être aimé de vous, de l'affection que les bons desirent les bons. Et tant continuèrent leur propos, qu'ils arriuerent au palais, ou aussi tōt en vindrēt nouvelles à la Roine, dont plusieurs en furent réjouïs: mais sus tous la belle Olinde, qui aimoyt Agrayes plus que soy-même, semblablement la Princesse Mabile sa sœur, laquelle au sortir de la chambre de la Roine rencontra Olinde, qui lui dît: Ma Dame, vous êtes bien aise de la venue de vōtre frere. En bonne foy, répond elle, vous dites vray: car ie l'aime beaucoup. Priés donc la Roine, dît Olinde, qu'elle le face venir icy, & nous le verrons ensemble: lors l'abondance de vōtre plaisir redondera en ceus qui vous aiment tous deus. C'ēt bien dît, répondit Mabile, qui de ce pas rentra à la chambre de la Roine, & lui dît: Ma Dame, il seroit bon que vous vissiés presentement (s'il vous plaisoit) mon frere & mon oncle Galuanes, puis qu'ils sōt venus par deça expres pour vous seruir. M'amie, répondit la Roine, ie vous sçay bon gré de m'en auoir auisee: car ie vous assure que i'ay grand plaisir de voir ceans deus tels Cheualiers. Lors cōmanda à l'vne de ses femmes aller vers le Roy, le supplier qu'il lui pleut les leur enuoyer: ce qu'il eut agreable, & leur dît: Mes amys, la Roine a enuie de vous voir tous trois, ie vous prie allés à elle. Vous poués penser, si Agraiēs auoit ce cōmandemēt agreable, pour ce qu'il sçauoit certainement y trouver la Princesse Olinde, qu'il aimoit si loyalement. Adonc vindrēt ou étoient les Dames, desquelles ils furent fort bien receus, specialement par la Roine qui les fit soir tout joignant d'elle pour leur montrer plus grande priuauté & signe d'amitié, puis les mit en diuers propos,

propos, essayant par tous moyens à leur faire bonne chere: car c'étoit la Princesse du monde, qui miens sçauoit gagner le cœur des Gentis-hommes, & qui y prenoyt autant de plaisir. Au moyen dequoy elle étoit des petits & des grans plus aimée & desirée que Dame qui fût viuante, mêmes de ceus qui ne la cōnoissoyēt, ou qui oncques ne l'auoyent veüe. Or s'étoit Olinde rengee tout au plus pres de Mabile, estimant bien que ce seroyt le lieu ou plutôt Agraies se retireroit: partāt d'auec la Roine, lequel ainsi qu'il deuisoit ieta l'œil sus elle: lors ne peut tāt dissimuler qu'il ne muāt de couleur, & luy fut impossible retirer son regard du lieu ou son cœur le conduisoit, tellement que la Roine s'en aperceut: toutefois elle pensoit qu'il s'adressāt à Mabile, & qu'il eut vouloir de parler à elle: parquoy lui dīt: Seigneur Agraies, ne voulés vous pas voir vōtre sœur qui tant vous aime? Ouy bien ma Dame, s'il vous plaît, répondit il. Lors se leua, & vint vers Mabile, laquelle le voyant aprocher fut au deuāt. Pas ne demeura Olinde derriere, ains tint compagnie à Mabile, & ensemble lui firent la reuerence: mais Olinde qui l'aimoit, cōme me aués entendu (maîtrisant sa volonté par raison cōme tréprudente & bien auisée Princesse) ne fit aucun semblant, tant qu'après plusieurs petits propos de sa bien venue, eus trois se separerent de tous les autres. Lors se trouuant Agraies si pres d'elle la print par la main, & lui serrāt les doigts, baissant à dimy la veüe, se mit à la regarder, étant si transporté de grand plaisir qu'il n'eut sceu répondre vn seul mot à chose q̄ lui dīt sa sœur, laquelle ignorant au premier le mal qu'il auoit, ne sçauoyt que pēser: car quelque peine qu'elle mīt à l'entretenir, n'en pouoyt tirer parolle à propos: toute fois à la fin elle decouvrit l'ocasiō de cēte mutatiō soudaine, & sceut certainemēt q̄ son frere & Olinde étoyēt touchés de grād amour l'vn de l'autre. Au moyen dequoy elle s'auisa (pour leur dō-

ner plus de liberté & les fauoriser) faindre d'auoir enuie de parler à son oncle Galuanes, disant au Prince Agraies: Mon Seigneur, ie vous supplie prier la Roine qu'elle nous enuoye ici mon oncle: car il y a bien long tems que ie ne le vy, & ay bonne enuie de sçauoir comme il se porte. Vrayement, répondit Agraies, il ne tiēdra à cela. Lors se leua, & dīt à la royne. Ma Dame, s'il uous plaisoyt enuoyer ici ce cheualier vous feriez grād plaisir à sa niece, qui a grād desir de parler à lui. Ouy certes, répondit elle. Lors se leua Galuanes, ce q̄ voyant Mabile, vint au deuāt lui faire la reuerence, & la receut Galuanes avec vn bon visage, lui disant: Ma niece m'amie, ie suis biē aise de voir cōme vous vous portés bien: mais encores ie vo⁹ prie asseons nous, & me dites si vous trouués mieus en ce païs, qu'en Ecoce. Nous serōs (répōdit elle, plus à propos à ces fenētres, pource q̄ i'ay plusieurs choses à vous dire, que ie ne veus que mon frere entende, étans de telle importance qu'elles sont. Et ce disoit elle en riant, & d'vne si bōne grace que merueilles, mêmes pour dōner entierement le moyen à son frere d'être seul avec s'amie. C'ēt tré bien auisé, répōd Galuanes: car nōtre secret ēt si grād, qu'il merite bien être teu deuant luy. Adonc le print par la main, & se retirerent à part le long des fenētres: par ainsi Agraies & Olinde demeurerent seuls. Et à cēte cause se voyant Agraies en liberté de parler, lui dīt en tremblant de trop d'affection: Ma Dame, pour acomplir ce que vous me cōmandātes au departir de vous, & aussi pour sati-faire à mō cœur qui n'ēt iamais en repos, si n'ēt par le contentement qu'il donne à mes yeus de vōtre presence, ie suis venu par deça, pour vous seruir & obeir, vous asseurant sus ma foy, qu'étant prés de vōtre personne, mes esprits se treuvent tellement viuifiés, qu'ils seuffrent par grand effort les angoisses & affections continuelles qui les font mourir durāt vōtre absence: poutāt ie vo⁹ supplie

penſer quel bien ce me ſera d'être deſormais (ſi c'êt vōtre plaisir) en lieu où j'aye moyen de ſouvent vous voir, & faire ſervice, & comme il vouloit continuer ſon propos, Olinde l'interrompit, en lui répondant: Helàs, mon Seigneur & amy, ie ſuis tant aſſeuree de l'affection, & grande amour que vous me portés, mêmes du mal que vous aués (étàs l'un de l'autre absens) qu'il ne vous êt beſoin d'autre preuve, que celle que mon cœur m'en témoigne, pour en recevoir vn déplaiſir pire que la même mort, à laquelle ſouvent ie conſentirois, n'étoit l'eſperance que j'ay de nous voir quelque jour enſemble heureux & contens, vous aſſurant, que de ma part j'y travailleray en reconnoiſſance de nōtre amour mutuelle. Cependant, mon grand amy, ie vous ſuplie temporifer, & ne vous ennuyer. Ma Dame, dit Agrayes, vous m'aués déja tant obligé à vous, que j'ay bien cauſe de temporifer ainſi qu'il vous plaira: mais ie vous ſuplie eſtimer q̄ ie n'ay force, ſinon celles deſquelles il vous plaît me fortifier: par ainſi ſi vous continués aus grâces que vous m'aués commencées, j'auray effort pour vous ſeruir, comme le merités, vous étât ſeule l'eſpoir de tout mō bien, & dont ma vie dépend. Mon amy, répondit elle, iour de ma vie ne vous faudray: ainſi vous êtes tel, que chacun vous ayme & eſtime qui me doit du tout mouoir à vous aimer plus que nul autre, ſçachant que plus vous êtes mien, qu'à eus ni à vous mêmes, & ſi quelque fois lon vient à parler de vous. croyés que ie reçoÿ vne joye incomprehenſible: car ce n'êt ſans reciter la haute cheualerie & grande prouèſſe qui êt en vous: toutefois mon cœur craignant les dâgers occurrêts qui vous peuvêt ſurvenir pour trop courageuſement entreprendre, ne me permet ce grâd plaisir, ſâs l'acōpagner d'une trop froide crainte. A l'heure Agrayes hōteus de s'ouir tant priſer par ſa Dame, baiffa les yeus: par quoi elle dou tant le fâcher, changea propos, lui deman

dant qu'il auoit deliberé de faire. Quoy? répondit il, ſus ma foy, ie n'ay vouloir de faire autre choſe, que ce qu'il vous plaira me commander. Ie ſuis donc d'auis, répondit Olinde, que vous tenés d'oreſenauant compagnie à vōtre couſin Amadis: car ie ſçay qu'il vous aime affectueuſement, & s'il vous conſeille d'être de la maiſon du Roy, faites le. Ma Dame, répondit Agrayes, ie vous obeïray toute ma vie, & mêmes à ce bon conſeil: car mettant à part vōtre perſonne, il n'y a homme viuant q̄ ie vouſiſſe plutōt croire (en mes affaires) que mon couſin Amadis. Et ainſi qu'il acheuoit cête parolle, la Roine l'appella, & auſſi Galuanes, lequel elle connoiſſoit des le tems qu'elle demouroit au Royaume de Dannemarc, où il auoit fait maints grâds faits d'armes, auſſi bien qu'en Nuruege, au moyē de quoy il auoit atquis reputation de très bon Cheualier. Lors furent vers elle, & ainſi qu'elle ramentenoit à Galuanes ſon ancienne connoiſſance, l'Infante Oriane ſuruint: par quoy Agrayes ſe leuant pour lui faire la réuerence, laiſſa Galuanes avec la Roine, & ſe mit en propos avec Oriane, qui lui fit vn grand recueil & bonne chere, tant pour l'amour d'Amadis, qui l'aimoit, q̄ pour le bō traitemēt qu'elle auoit receu étant en Ecocce, où le Roi Liſuart l'auoit laiſſee retourner de Dānemarc, ainſi qu'aués cy deuāt entendu, & diſoit cête Princeſſe à Agrayes: En bōne foy, mon couſin, nous auons été tous réjouys de vōtre bōne venue par deçà, ſpecialēmēt vōtre ſeur, laquelle ces jours paſſés receut tant d'ennuy des nouvelles qui vindrēt ceans de la mort d'Amadis vōtre parent, que vous en ſeriés émerueillé. Vrayement, ma Dame, répondit Agrayes, elle auoit bien grâd raiſon de ſentir tel ennuy, & non ſeulement elle, mais tous ceus de ſon lignage le deuoyent ainſi faire, ſçachans que mourant nōtre couſin moura le chef & principal de nous tous, voire le meilleur cheualier qui oncq̄s porta harnois en dos: & croyés q̄ ſa

mort

mort eût été vengée & accompagnée de plusieurs autres. Ah, dit elle, ce méchant Arcalaus nous donna vn terrible effroy, que de Dieu soit il maudit: car il troubla pour vn tems entierement le Roy & toute la court. Or se vouloit le Roy mettre à table pour dîner, & pourtant manda les trois Cheualiers qu'il auoit enuoyés à la Roine venir à luy, ce qu'ils firent. Lors leur commanda qu'ils s'assissent avec plusieurs autres grands Signeurs, & ainsi que lon les commençoit à seruir, deus Cheualiers entrèrent en la salle, lesquels faisans la reuerence au Roy mirent les genous à terre, & le premier des deus dit assés haut: Sire, Dieu vous doint accroissement d'honneur, & de joye, ie vous supplie treshumblement, nous dire si Amadis de Gaule est en vôtres court. En bonne foy non, pour le present, répondit le Roy: mais nous voudrions bié tous qu'il y fût. Certes, dit il, i'eusse été trefaise de le trouver, comme celuy par le moyen duquel i'espere recouurer la joye de laquelle ie suis fort éloigné. Amy, répondit le Roi, dites nous, s'il vous plait, qui vous êtes. Sire, répondit il, ie suis vn triste Cheualier nommé Angriote d'Etrauau, & cét autre est mon frere. Quand le Roy Arban de Norgales (qui là étoit present) entendit que celuy qui parloit étoit Angriote, se leua promptement de table, & vint dire au Roy: Sire, ne connoissés vous encores Angriote? Non, répondit le Roy. Certes, dit Arban, ceus qui ont eu affaire à lui l'estimēt l'un des meilleurs Cheualiers, qui soynt en vos pais. Mon amy (dit le Roy à Angriote) ie vous prie vous leuer, & me pardonner si ie ne vous ai fait l'honneur que vôtres valeur merite: car la faute est venuë seulement pour ne vous connoitre: mais soyés seur que ie suis trefaise de vôtres venuee ceans. C'est de vôtres bonté, répondit Angriote, & Dieu me doint la grace vous faire agreable seruice. Or me dites, dit le Roy, dequoy connoissés vous Amadis? Sire, répondit il, ie le connois, n'a pas l'og

AM.I

tems: & cete premiere connoissance me fut cherement venduë: car ie ne pensay oncques mieus mourir, tant ie fu navré: toutefois celui qui me fit le mal, me donna depuis le remede & medicine qui m'étoit necessaire pour me guerir. Lors recita cōme le tout étoit auenu, ainsi que vous aués cy deuant entendu. En bonne foy, dit le Roy, ie suis tres-joyeux que les choses ont pris si bonne fin: mais pour cete heure vous irés dîner, & puis nous en deuiferons plus au long. Lors commanda au Roy Arban, qui le fit asseoir, joignant de luy, & ainsi qu'ils vouloyent sortir de table, suruint Ardan le Nain d'Amadis, lequel Angriote reconneut, & l'apella, luy demandant ou il auoit laissé son maitre, avec lequel il l'auoit veu dernièrement. Seigneur, répondit le Nain, en quelque lieu que ie l'aye laissé, il vous aime, & estime beaucoup, & sans s'arrêter passa outre, & vint au Roi. Adonc se mettant à genous dit tout haut: Sire, Amadis mon Signeur vous saluë humblement, & tous ses amys qui sont ceans. Nain, répondit le Roy, ou l'as tu laissé? Sire, dit il, en lieu ou il fait bonne chere, graces à Dieu: mais s'il vous plait sçauoir d'auantage, permettes que ce soit en la presence de la Roine. A cela ne tiendra, répondit le Roi: & à cete cause l'enuoya prier de venir incontinent, ce qu'elle fit, accompagnée de plusieurs Dames, & Damoiselles la plupart amies de maints Cheualiers qui étoient lors au plus pres du Roy, lesquels eurent moyen durât les propos du Nain, de deuiser avec elles plus aisément, que de long tems ils n'auoyent fait. Adonc le Nain voyant la Roine presente, luy dit: Ma dame, mon signeur Amadis se recommande tres-humblement à vôtres bonne grace, & m'a commandé vous dire, qu'il a trouvé mon Signeur Galaor, qu'il cherchoit. En bonne foy, répond la Roine, i'en suis trefaise. Certes (dit le Nain) oncques ne fut vne plus perilleuse rencontre de deus freres: car si Dieu n'y eût pour-

I 3

ueu,

ueu, vous ne les eüssiés iamais veus ni l'un ni l'autre, tant étoient acharnés à eus deffaïre: mais de fortune vn autre Cheualier y suruint, lequel se nōme Balais, qui les separa. Puis recita comme l'aventure étoit passée, & comme Balays auoyt occis la Damoiselle qui leur auoit dressé cete querelle, & à quelle occasion: de quoy Balays fut de tous fort loué. Et ou les as tu laissé, dît la Roine. Ma Dame, répondit le Nain, ils me dépecherent au château de Balais. Et que te semble de Galaor? dît elle. Ma dame, répondit le Nain, c'êt l'un des plus beaux & adroits Cheualiers du mōde, & si vous le voyés aupres de mon Seigneur, à grand peine sçauriés vous mettre difference entr'eus deus. Vrayement, dît elle, il me tarde qu'ils ne sont icy.

Croyés, ma Dame, répōd le Nain, qu'ayās recouvré leur santé ne tarderont à être vers vous: car ils m'ont commandé expressement le vous dire, de quoy le Roy fut si aïse, qu'il delibera tenir court royaume aussi tôt qu'ils seroyent arriués: parquoy commanda aus Signeurs & Cheualiers qui étoient avec luy de ne partir encores de la court. Ce qu'ils lui acorderent. Au moyen de quoy il pria la Roine, qu'elle mandât aussi toutes les plus belles Dames & Damoiselles qu'elle pourroyt recouvrer: car tant plus dît il il vous serés biē acōpagnée de dames, tāt pl^s s'y trouveront de Cheualiers pour l'amour d'elles, ausquels ie feray maints grans dons, & beaux presens.

Comme Amadis, Galaor, & Balays se delibererent d'aller ou étoit le Roy Lisuart, & des aventures qui leur suruindrent entre deus.

CHAP. XXV.

TANT sejournerent Amadis & Galaor en la maison de Balays de Carsante, qu'ils furent gueris de leurs playes, & se delibererent d'aller en la court du Roy Lisuart, premier que d'entreprendre aventures nouvelles. Lors Balays, qui desiroyt fort être

de leur compagnie, pour la connoissance qu'il auoit à eus, les suplia qu'il les acompagnât, ce qu'ils eurent tresagreable.

A cete cause après auoir ouy la messe, s'armerent, & prindrent le chemin de Vindilifore ou le Roy étoit lors, & tant cheminerent, que dans le cinquième iour apres ils arriuerent en vn carrefour, au milieu duquel étoit vn grand arbre, & sous iceluy vn Cheualier mort couché sus vn riche lit, ayant au cheuet & aus pieds cierges ardans, faits de telle sorte, que pour vent qu'il fît, ne se pouoyent éteindre. Ce Cheualier mort étoit desarmé, & sans être couvert d'aucune chose: parquoy aisémēt se pouoyent voir vn grand nombre de playes qu'il auoit en la tête, & vn tronçon de lance avec le fer qui luy trauerçoit le chaignō du col, & si tenoit ce Cheualier ses deus mains, de sorte qu'il sembloit qu'il voulût arracher ce tronçon. Grandement furent Amadis & les autres ébaïs de le voir ainsi, & volontiers se fussent enquis qu'il étoit, s'ils eussent trouvé à qui: mais ils ne virent personne ni lieu autour ou ils le peussent demander: parquoy Amadis commença à dire: Ie vous assure, que sans grande occasion ce Cheualier n'a été mis en ce grand chemin ainsi seul & équipé cōme il êt, & si nous arrêtos quelque peu, ne pourra tarder d'y suruenir aucune aventure. Ie le croy bien, répondit Galaor, & pourtant ie iure par la foy que ie doy à cheualerie, ne partir de ce lieu, q'ie n'aye nouvelle certaine de qui l'a occis, puis vengeray sa mort, si iustice & raison le permettent. Quand Amadis l'entendit iurer, onques hōme n'en fut plus fâché, pour le desir qu'il auoit de retourner vers son Oriane, suiuant la promesse qu'il lui auoit faite de ne tarder aussi tôt qu'il auroit trouvé Galaor, & à cete cause lui dît: Mon frere, il me déplaît beaucoup de ce serment: car ie doute qu'il sera cause de nôtre bien longue demeure en ce lieu. C'êt fait, répondit Galaor, & ce disant descendit de son cheual, & s'assît aus

pieds

pieds du cheualier mort: ce que voyās les
 deus autres, conclurent ne l'abandonner:
 mais faire comme lui. Or pouoit il être
 entre nōne & vėpres, étās doncques ainſi
 deſcendus plus aiſément que deuant viſi-
 terent les playes de cēt homme mort: par
 quoy Amadis voyant qu'il tenoit enco-
 res les mains au tronçon, qui luy trauer-
 ſoit le col, fut tout ébaī, & dīt: Certes il
 faut bien dire qu'il mit ainſi les mains en
 rendāt l'eſprit puis qu'elles y ſont demeu-
 rees. Et comme ils ſ'amuſoyent à le regar-
 der entr'ouĩrent le bruit de quelqu'un qui
 venoit vers eus. Lors hauçans la tête aper-
 ceurent que c'étoit vn cheualier, & deus
 Ecuyers, l'un deſquels portoit vn Ecu &
 armet, & l'autre faiſoit marcher deuāt lui
 vne Damoiſelle, laquelle en chėminant
 pleuroit tendrement: car le Cheualier la
 pouſſoit rudement du bout de la lance,
 & paſſerent ainſi joignant du lit ou giſoit
 le Cheualier mort. Mais la Damoiſelle a-
 uiſant les trois Cheualiers aupres du trė-
 paſſé, ſ'écia: Helas, bon Cheualier qui re-
 poſes en ce lit: ſi tu fuſſes viſ, ie ſuis ſeure
 que tu ne conſentiroys à mon traitement
 ſi inhumain, que premier ton cors ne fūt
 en tous les perils du monde, pour m'en
 garantir. Certes il vaudroit trop mieus q̃
 tous les méchants qui me donnent tant de
 peine fuſſent morts, que toy ſeul. Dis-tu,
 répondit le Cheualier qui la faiſoit mar-
 cher, ſi ne te vėgera il meſhuy de ce coup
 de bâton. Et ce diſant luy donna de la
 hante de ſa lance ſi rudement ſur la tête,
 qu'il luy fit courir le ſang tout le long de
 la face: & ſans arrêter paſſerent outre. Ce
 que voyant Amadis, dīt à ſes compağnōs.
 Par Dieu, mes amys, ie vous puis aſſeurer
 que de ma vie ne vy ſi lâche cheualier
 que cėtui qui va ainſi outrėgeāt cėte pau-
 yre Damoiſelle, que vous auės peu voir:
 mais ſ'il plaīt à Dieu, ie n'endureray plus
 telle vilannie luy être faite. Pourtāt mon
 frere, dīt il à Galaor, ſi ie demeure trop, ne
 laiſſés à vous en aller à Vindiliſore, ou ie
 me rendray bien tōt après vous, ſi ie puis,

& Balais vous fera compağnie: puis mon-
 ta à cheual, & commanda à Gandalin de
 le ſuiure, & courut hatiuement apres le
 Cheualier, qui s'étoit dé-jā fort éloigné
 d'eus: par ainſi Galaor & Balays demeu-
 rerent enſemble iuſques à la nuit, qui ne
 fut ſi obſcure qu'ils ne viſſent venir vn
 autre cheualier armé de toutes pieces par
 le chemin ou Amadis étoit n'agueres en-
 tré, lequel ſe douloit d'une iambe, & la
 portoit ſus le col de ſon cheual, & quand
 il fut aupres de Galaor & Balays, leur de-
 manda ſ'ils ſçauoyent qui étoyt vn Che-
 ualier fuyāt le lōg du chemin. Pourquoi-
 le demandés vous? répondit Galaor. Pour-
 tāt dīt le Cheualier, que ie voudrois qu'il
 ſe fūt rompu le col: car il ſ'en va courant
 ſi rudement, qu'il ſemble q̃ tous les dia-
 bles le ſuiuent, quelle rudelle vous a il
 faite? répondit Galaor. Oncques ne m'a
 voulu dire qui le preſſoit de tant courir,
 pour priere que ie luy en aye faite, dīt le
 Cheualier: parquoy le voyant ſi glorieus,
 ie faiſis le frain de ſon Cheual, délibéré de
 lui faire reconnoitre ſon audace, & de me
 le dire par amour ou par force. Et bien le
 vous a il dīt? répondit Balays. Non, dīt le
 Cheualier: mais il m'a répondu de grand
 audace, qu'il arrêteroyt plus à me le faire
 entendre, qu'à me combattre. Adōc nous
 chargeāmes l'un ſus l'autre, mais par for-
 tune il me donna ſi grand coup de lance,
 qu'il a renuerſé moy & mon cheual en
 vn moment, tellement que i'en ay la iam-
 be froiſſée ainſi que vous pouės voir.

Quand Galaor & Balais l'entendirent, ſça-
 chans que c'étoit Amadis duquel il par-
 loit, ſe mirent à rire, & lui répōdirent: En
 bonne foy, cela vous montre bien qu'une
 autre-fois vous ne deuės être ſi importun
 pour ſçauoir l'affaire de nul outre ſō gré.
 Cōment? dīt le Cheualier, vous vous mo-
 qués donc de moy, & par Dieu vous en
 repentirés. Et ce diſant ſ'aprocha du che-
 ual de Galaor, auquel il donna ſi grand
 coup ſus le muſle qu'il le fit renuerſer, &
 rōpāt ſes rénes ſ'en fuiť à trauerſ chāps, &

pensant n'être encores aillés vëgé, en voulut faire autant à celuy de Balays : mas Galaor & Balays prindrent leurs lances, & vindrent encontre pour l'en détourner, ce que voyant le Cheualier, passa à côté, & donnant des esperons à son cheual leur écria: Si ie fis tort à l'autre Cheualier i'en fu payé, aussi aués vous été en vous trufant de moy. Est il vray, répondit Balays, iamais Dieu ne me soyt en ayde, si vous ne laisserés le détrier pour cétui que vous aués fait fuyr, & soudain monta à cheual, priant Galaor qu'il l'attendît iusques au lédemain, qu'il feroit à son auis de retour vers lui. Par ainsi Galaor demeura seul, attendant nouvelles de ce qu'il auoit voué: car il auoit enuoyé son Ecuyer pour reprendre le cheual qui s'en fuyoyt à trauers les boys. Ce pendât la plus part de la nuit passa, q̄ Galaor ne s'omeilla oncques, pour le trop d'affectiō qu'il auoit à venir à bout de ce qu'il auoit entrepris: mais enuiron le point du jour ses esprits se trouverēt si affōmés, q̄ maugré luy il fut contraint ôter l'armet de sa tête, & l'écu du col, sus lequel il s'oublia tāt qu'à son réueil ne trouua plus les cierges qui brûloyent, ni le cheualier mort qu'il gardoyt, dont il fut fort ennuyé, & dit en soy mêmes: Certes, ie connois maintenāt n'être digne de nulle haute entreprise: puis que si lâchement i'ay failly à cete cy tant aïsee. Or voy- ie bien q̄ la fortune (par ma trop grande paresse & peu de diligence) se fache de si peu de faueur qu'elle me promettoit au commencement & à bon droit, puis que ie me suis endormi au tems que le veiller m'étoit si recōmandé: mais par Dieu puis que i'ay fait la faute ie l'amenderay par iuste penitence: car ie recouvreray à pied, aus dépens de mon cors ce luy que i'auois trouvé, & que i'ay depuis perdu par trop reposer. Et des l'instant se mit à suiure le trac de ceus qui l'auoyent enleué: & ainsi qu'il étoit à faire ses diligences, il entendit hannir vn cheual. Lors tira celle part: toutefois il n'y trouua per-

sonne: parquoy passa plus outre, pour ce qu'il ouyt plus loing le bruit d'autres cheuaus. A l'heure l'aube du jour commēçoit à aparoitre: & n'eut longuement cheminé, qu'il auisa deus Cheualiers armés, l'un desquel s'étoit descēdu de cheual, & lisoit certaines lettres graues en vne pierre, lesquelles leuës, dît à son compagnon: Ils m'ont en vain fait venir en ce lieu: car ie n'y entends rien, & remontant s'en allerent sans apercevoir Galaor, lequel les apella, & leur dît: Signeurs, ne me sçauriés vous dire qui a emporté vn Cheualier mort, n'agueres gisant sous l'arbre du carrefour? Certes, répondit l'un d'eus, nous n'en sçauons rien, sinon qu'environ minuit auons veu passer trois Damoiselles avec dix Ecuyers, qui conduisoient vne licitiere. Et quelle part tirent ils? dît Galaor. A main gauche, répondit il. Lors Galaor les remerciant suiuit la sente qui lui fût montree: par laquelle peu apres il auisa venir vers luy vne Damoiselle à laquelle il dît: Peut être, Damoiselle me dirés vous bien qui a enleué de dessous l'arbre du carrefour vn Cheualier mort qui n'agueres y gisoyt. Si vous voulés, répondit elle, me promettre venger sa mort, laquelle a causé à maints grieue douleur, ie le vous diray. A cela ne tiendra, dît Galaor: car selon ce que vous dires, iustement ie le puis faire. Il ét vray, répondit la Damoiselle: Or me suiues maintenant, & montés sus ce palfroy, & moy derriere vous. Non, non (dît Galaor) ie ne veus que la croupe, & de fait monta derriere la Damoiselle, laquelle retourna par le chemin qu'elle venoit: & quand ils eurent cheminé en uiron deus lieuës, ils decouuurent vn trébeau château. Adonc lui dît la Damoiselle: Seigneur, nous trouverons leans ce que demandés. Et depuis tāt continuerent leur chemin qu'ils y arriuerent. Or entendés, dît elle, & vous souuienne de ce que vous m'aués promis: & à fin que ie vous en sollicite, vous me dirés maintenant, s'il vous plaît, votre nom, &

& ou ie vous pourrai trouver quand il sera tems. Certes Damoiselle m'amy, ie suis nommé Galaor, & croi que vous me trouverez desormais plutôt en la maison du Roi Lisuart qu'en nul autre lieu. Or bien, dit elle, à Dieu vous cōmande: Puis tourna bride, & entra Galaor, au château ou il trouua le Cheualier mort gisant au milieu de la court, autour duquel étoient maintes personnes faisans grād dueil. Ce non-obstant Galaor s'aprocha, & s'adressa à vn Cheualier ancien auquel il demāda qui étoit ce Cheualier mort: Seigneur, répondit le Cheualier, il fut en son viuant tel, que tout le monde devoit être dolēt de son infortunē. Et comme se nommoit il: dit Galaor. Antebon, répondit l'autre, l'vn des plus vertueus Gentil-hōmes qui oncques prindrent naissance en Gaule. Quād Galaor entendit qu'il étoit des suiets du Roi Periō son pere, le cuer lui enfla, & en eut plus de pitié que deuant & d'autant plus lui print envie de venger sa mort. A cēte cause pria ce Cheualier ancien luy faire entendre comme tout étoit auenu: Seigneur répondit il, entendés q̄ ce Gentil-hōme infortuné que vous voyés cy, fut marié par sa bonté & vertu à cēte femme, qui plore maintenant sus luy, laquelle ét Dame de ce château, & eurent ensemble vne trebelle fille aymee d'vn Cheualier aîlés & trop nôtre voysin: mais la ieune Damoiselle l'a tou-iours hay plus que chose du mōde. Ce que connoissant ce paillard duquel ie vous parle delibera de la raur par quelque moyen q̄ ce fut, & pour ce faire oublia tant Dieu & son honneur, qu'il épia l'heure q̄ ce bō Cheualier, mort yroit comme (il auoit de coutume) au carrefour, ou vo⁹ l'aués trouué, secourir ceus à qui souvent lon faisoit plusieurs torts, pour être le chemin plus passant & commun de cēte contree: & déjà par maintes années y auoit tāt fait d'armes q̄ la renommee de lui étoit par tout diuulguee. Lors le sachāt hors de sa maison entra ceans, ou il trouua la Damoi-

selle en la compagnie de sa mere, & plusieurs autres Dames qui s'ebatoient, & maugré elles toutes, la raur & l'emmena par force, auant q̄ lon eut le loisir leuer le pont, ne de la seconrir. Au moyē dequoy, ainsi que depuis nous auons entēdu elle s'ennuya tant qu'elle ne faisoit iour & nuit que plorer, quelque renconfort ou passe-tems que lui donnāt, ou promit le Cheualier, dont il se dépleut tāt, qu'il lui dit vn iour. Ma mignonne, vous sçaués que ie vous ayme de tout mon cuer, & desire sus tout l'amour de vous, pour être vōtre mary, & vous ma femme: toutefois vous n'y voulés entendre, combiē que ie fois de trop meilleure maison & plus riche q̄ n'ēt vōtre pere qui me fait trop ébaï, ne qui vous meut de m'être si ennemie. En bōne foi, répondit elle, ie le vous diray, i'ay autres fois promis à ma mere (& telle ét ma deliberation) de ne prendre ia mais mary, s'il n'ēt aussi bō Cheualier & adroit aus armes, qu'ēt mon pere, lequel elle sceut choisir entre tous autres Cheualiers. Par Dieu, répondit il, vous m'aymerés donc: car auant qu'il soit gueres ie vous ferai preuve suffisante, q̄ ie suis plus Gentil-homme d'armes qu'il n'ēt. Parquoi quelque tems après sortit de son château armé, & bien monté, & se vint rēger sous l'arbre du carrefour, ie ne sçai à qu'el le intention: mais à l'heure par grād malheur y trouua cēt infortunē Gentil-hōme descendu de cheual, & pour se rafraichir s'étoit presque tout desarmé. Adonc ce paillard voyant auoir grand auantage sus lui, & se souuenant du propos qu'auoit dīt a s'amie, lui sembla auoir lieu cōmode pour entrer en reputatiō, n'y étāt nuls témoins qui en sceussēt parler au cōtraire & de fait sās dire mot, vint par derriere, & lui mit sa lance dans la gorge, si auāt que vous poués voir. Au moyen dequoy il demeura mort, sans auoir loisir de soy defendre. Et de ce non content le traître, se mit à piē, puis lui donnant maints grans coups d'épee, le laissa là. En bonne foi, dīt

Galaor, sa méchanceté ét grande, & telle que chacū l'en doit blâmer: mais puis que vous m'aués dé-ja tant fait de biē ie vous prie me declarer pourquoi lō le met ainsi dessous l'arbre du carrefour. Pource, répō dit le veillard, qu'il passe par là plusieurs Cheualiers errās, & si quelqu'un nous vouloit tant obliger à luy (que d'entreprendre venger cētemort, nous lui ferions entendre çē que ie vous ay presentemēt recité. Et à quelle ocaſiō, dīt Galaor, le laifſēs vous ainsi seul que ie le trouuai ? Ce n'ēt pas trop mal enquis répond le Cheualier: il y ſouloit auoir continuellement quatre Ecuyers, pour le garder mais pour autant que le Cheualier, qui fit ce meurtre, les menaça de tuēr, nous auōs été cōtrains le rapporter ceans. Ie m'ēbaïs, dīt Galaor, quē ie n'en ouy le bruit, Il faut bien dire que ie dormois bien fort. Cōment répondit le Cheualier êtes vous celui que nous y trouuāmes acodé ſus son heaume? Ouy vrayement, dīt Galaor. Et pourquoi vous arrētiēs vous là, répōdit le Cheualier. Pour vēger ſa mort, dīt Galaor ſi par raiſon ie le doy faire: Et maintenāt, répondit le Cheualier, êtes vous encores en ce propos? Ouy certes, dīt il. Ha, mon Seigneur, répondit le veillard, Dieu vous dōne grace de ce parfaite à vōtre hōneur. Puis le Prenāt par la main s'aprocherent ioignant le lieu ou giſoit le Cheualier mort diſant à la Dame qui ploroit ma dame ce Cheualier dīt, qu'à ſon pouuoir il vēgera la mort de vōtre Seigneur. Helās! répondit elle gentil Gheualier, ie prie nōtre Signr qu'il vous maintiēne en ce bō vouloir: car ie n'ay trouvé en ce païs parēt, ni ami, qui s'en ſoit voulu mettre en peine pource q̄ ſeu mon Signr étoit étrāger, & neant-moins quād il vivoit pluſieurs lui montroyent grand ſigne d'amytie, qui à preſent en font peu de cas. Dame répond Galaor, d'autant qu'il étoit du païs dōt ie ſuis, i'ay plus d'enuie de le venger q̄ nul autre. Ha cher Signr, répōd la Dame, peut être êtes vous le ſis du Roy de Gaule,

que ſeu mon mari diſoit être en la court du Roi Liſuart. Ie ni fu oncq, dīt Galaor: mais dites moi, qui ét celui qui à fait cēte traifon & le lieu ou ie le pourrai trouuer. Mon bon Signr, répōdit elle, ſ'il vous plaît, ie vous y ferai conduire, toute-fois i'ay grand crainte(veu le peril) que vous doutiēs de l'entreprēdre, ainsi qu'ont fait maints autres que ſi deuant i'ay fait conduire. En bonne foi, ma Dame, dīt Galaor en celà ét la difference des bons & des mauuais: toutefois, ſ'il vous plaît, me faire le biē que ceus q̄ vous dites ont reſuſé i'eſſayeray de faire mieus qu'ils n'ōt fait. Lors la Dame le voyant tāt aſſeuré, ſit venir deus de ſes Damoiſelles auſquelles el le cōmanda conduire Galaor vers le Cheualier qui tenoit ſa fille par force. Vrayement, dīt il, çē ne vous ſeroit pas honneur de m'y enuoyer à piē, i'ay perdu dans ce bois n'agueres mon cheual par grand fortune ie vous prie m'en donner autre, par tel ſi, que ſi ie ne vous venge ie ſeray tenu le vous rendre. Et bien, répondit elle, vous en aurēs vn: car i'eſpere que par vōtre prouēſſe, non ſeulement nos biens vous ſeront obligēs: mais les propres perſonnes à vous faire ſeruice.

Cōme Galaor fut venger la mort du Cheualier qu'il auoit trouué mort ſous l'arbre du carrefour

CHAP. XXVI.

A Inſi ſ'en partit Galaor en la conduite de deus Damoiſelles léquelles le menerent par la forêt prochaine au ſortir de laquelle luy montrèrent la fortereſſe, ou ils le conduiſoyent, luy diſans. Seigneur voilà le lieu ou il vous faut vēger la mort du Cheualier. Or bien répondit Galaor, allons, & me dites le nō de celui qui le ſit mourir. Il ſe nōme Palingues, dirēt elles: & cōme ils acheuoyēt ce propos arriuerent tout au plus près du château, & virēt q̄ la porte étoit fermee: parquoy Galaor apella à haute vois. Lors vint ſus le portail vn cheualier armé lui demāder qu'il vouloit. Ie veus entrer leans, dīt Galaor.

Cēte

Cete porte dît l'autre, n'êt ordonnee que pour l'issuë de ceus qui sont ceans. Par ou entreraï-je donc ? répondit Galaor. Je le vous montrerai, dît le Cheualier. Mais ie crains de me trauailler en vain, & q̄ vous n'oserés y venir. Si Dieu ma'ayde, répondit Galaor, ie voudrois dé-jà être dedans. Nous verrons maintenât, dît l'autre, si vôtre hardiesse êt telle q̄ le desir. Or descendés du cheual, & vous aprochés au pié de cete tour. Ce q̄ fit Galaor, & baillant sa monture aus Damoiselles, se mit ou lon lui auoit dît. Puis ne tarda gueres qu'il ne survint vn autre Cheualier bié armé avec le premier & sembloit encores être plus haut q̄ son cōpagnon. Lors eus deus cōmencerēt à détordre vn tour & à deualer vn panier ataché à vne forte corde, disâns à Galaor: Si vous voulés entrer ceâs, ce panier êt le chemin. Voyre mais, répōdit il, si ie me mets dedâs me promettés vo' me mōter sus à sauueté? Ouy vrayemēt dirēt ils, combiē qu'après ne vous assurens. A leur fiance entreprint Galaor la montee, leur criât: Tirés, car à vôtre parole ie m'a-uētureray. Adonc cōmencerent à tourner le tour ce q̄ voyât les Damoiselles ébaïes de l'êtreprise de Galaor, dirēt: Ha bō Cheualier: Dieu te garde de traïson: car sans doute tu montrés bien que tu as le cueur bon & gentil. Ce pendant les Cheualiers du château le tiroient à mont, tant qu'il parvint au haut de la tour, Lors saillit legerement du panier, & s'aprocha de ceus qui l'auoyent monté lesquels luy dirent: Cheualier, il conuient, que iurés d'ayder au Seigneur de ce château, contre ceus qui voudroyent quereller la mort Antebon, autrement iamais vous ne sortirés ce ceans. Comment? êt ce l'vn de vous deus qui l'aués tué ? répondit Galaor. Pourquoi le demandés vous ? dirent les autres. Pour autât, répondit il, que ie suis pour lui faire connoître la grand'traïson qu'il commît en ce faisant. Ouy? dirēt ils vrayement vous êtes assés mal arriué pour ce faire: dea vous nous menacés étant en

nôtre pouuoir? Par dieu, gentil rustre, c'êt à vous à conter à nous, & à nous à châtier vôtre tête folle. Et mettans la main aus épées vindrēt fraper sus lui fort aigrement. Quand Galaor se sentit outragé, & de fait, & de parole, il entra en telle colere, qu'il leur fit incontinent sentir sa fureur par son epee, tellement que les Damoiselles pouvoyent aisément entendre le cous l'vn de l'autre: car les deus Cheualiers étoiēt roides & forts, & Galaor adroit & gētil cōpagnon tout outre, & disoyēt ces fēmes par grand merueilles: Ha Dieu! oyés cōme le bon Cheualier se cōbat contre ces traîtres! ie vous prie ne nous partons d'icy, q̄ n'ayons veu quelle en fera la fin. Ce pendant Galaor faisoit grand deuoir de venir au dessus de ses ennemis, & combattoit par si grād âpreté, qu'ils commencerēt à eus épouuēter: car il donna à celui à qui premier s'adressa au dessus de l'armet tel coup, qui luy mit l'épee deus doigts auant dedans la tête, & en la retirant le poussa si rudemēt, du pié qu'il lui fit donner des genous à terre. Ce pendant l'autre n'épergnoit galaor: mais le chargeoit sans interualle, pour secourir son compagnon lequel galaor empoigna, & lui trencha la tête, puis s'adressa au second qui tourna dos, deualant les degrés plus legerement qu'il ne les auoit montés. Et galaor, qui tōt après le faisit, luy donna tant de cous d'épee, qu'onques puis n'abaisa le panier pour monter Cheualier, comme il auoit fait n'agueres. Et pource que galaor ne connoissoit Palingues, doutant que ce fut l'vn de ces deus, les ieta des carneaus vers les Damoiselles qui l'atendoyent, leur criât, qu'elles y regardassent: mais elles luy répondirēt, qu'ils étoient trop mal en point pour les connoître: toutefois nous pensons bien, dirent elles, que ce ne soit il. A cete cause galaor deuala au château, & ainsi qu'il regardoit ça & là auisa vne bien belle Damoiselle, q̄ cryoit à haute vois Palingues Palingues, êt ce la grāde cheualerie dont

tu desires être renommé? tu fuis maintenant
cōme Cheualier recreu & lâche, & tu te di
sois plus gentil compagnon que feu mō
pere, lequel tu occis (ainsi que tu te vâtes)
en combatant seul à seul? Vrayement, ce
que i'en ay tou-jours douté m'êt mainte-
nant certain. Or attends ce Cheualier qui
te cherche, & s'il y a quelq̄ reste de cuer
en toy, montre le à ce besoing, duquel ta
propre vie dépend. A ce cry Galaor ieta
sa veuë plus auant, & aperceut Palingues
armé de toutes pieces qui essayoit ouurir
la porte d'une tour pour se sauuer. Par-
quoy il s'auança, lui disant: Par Dieu Che-
ualier, peu te profitera la fuite, & moins
l'efort, que tu pourrois faire: car tu paye-
ras la vie du bō Antebon, que si lâchemēt
tu fis mourir. Et ainsi qu'il acheuoit cete
parole, il s'aprocha si près de Palingues,
q̄ force lui fut de tourner visage, & dōna
si grand coup d'épee à Galaor qu'elle en-
tra bien vne paunie dedās son écu, si qu'il
ne l'en peut retirer: par même moyē Ga-
laor l'ataignit à decouuert, & lui coupa
entièrement la chemise de maille, & le
bras ioignant le coude: dont il eut si extrē-
me douleur qu'en fuyant tomba à l'entree
d'une chambre ou il pēsoit se sauuer: lors
Galaor l'empoigna par la iambe, & ainsi
qu'il le trainoit hors lui fit sortir le heau-
me de la tête, puis le voyant desarmé lui
rua vn reuers de telle force, qu'illa lui se-
para du cors. C'est dît il, la retribution des
méchancetés que tu as faites à Antebon,
lequel tu occis par grand traïson. Puis ef-
fuya son épee. & la remît au fourreau. Or
étoit la Damoiselle fille d'Antebon pre-
sente à cete excution, & auoit entēdu Ga-
laor parler plusieurs fois de son pere: par-
quoi elle se vint ieter à ses piés, & lui dît:
Helàs mon Seigneur, vous m'aués tant ob-
ligee à vous, qu'il me seroit impossible le
vous pouuoir sati-faire, ayāt si peu de puis-
sance: mais le vouloir que i'ay de le con-
noître à imprimé en mon cuer de prier
Dieu pour vous quiaués si iustemēt végé
la mort de mon feu pere, & la force q̄ ce

méchāt m'a faite. Lors Galaor la releua, &
en l'embrassant lui répōdit: Sus ma foi, ma
douce amye, celui sçauroit biē peu de biē
qui feroit déplaisir à chose si belle que
vous, veu qu'elle meritē trop mieus être
aymee & seruie, qu'ennuyee ne cōtristee:
mais dites moi, aués vous plus ceans nul
ennemy? Non, répōdit la Damoiselle: car
ceus qui restent sont pour vous faire hon-
neur & obeïssance. Allons doncq̄ dît il,
faire entrer deus Damoiselles qui me ont
conduit ceans de la part de vōtre mere.
Puis la print par la main & furent ouurir
les portes, & entrèrent les Damoiselles
qui gardoyent le cheual de Galaor, lé-
quelles voyant leur maitresse lui vindrēt
faire la reuerence, lui demandant si elle
étoit vengée de la mort de son pere, cōme
elle desiroit. Ouy vrayemēt, répōdit elle,
Dieu metcy, & ce bon Cheualier, qui a
fait ce q̄ nul autre eut peu faire: & pource
que la chaleur du iour étoit vehemente,
Galaor ôta son armet pour se rafraîchir,
& le voyant les Damoiselles qui ne l'a-
uoient encores veu desarmé, furent tou-
tes ébaïes de sa grand' beauté, & plus en-
cores de la prouesse qui étoit en luy, étāt
si ieune: mais de tel œil le regarda la fille
d'Antebon, qu'amour à l'instant même la
navra si au vif que postposant honneur &
crainte le vint baiser & acoler, lui disant.
Mon Seigneur & amy, i'ay bien cause de
vous aymer plus qu'autre personne viuāt
En bon foi, répondit il, ie vous ayme aus-
si tant pour vōtre beauté, & bonne grace,
que pour l'amour de vōtre feu pere qui
étoit du pais, auquel ie fu né. Helàs? dît la
Damoiselle, vous plairoit il me dire vō-
tre nō? Ceus qui me connoissent, m'apel-
lent Galaor répondit il. Certes, mon Si-
gneur, dît la Damoiselle, i'ay mainte-fois
ouy parler à feu mon pere de mon signr
Amadis vōtre frere, & de vous, & disoit
que vous étiez enfans du bō Roi de Gau-
le son Seigneur naturel. Et ainsi qu'ils deui-
soient entrerēt eus deus seuls en vne chā-
bre basse, ce pendant les deus autres Da-
moi-

moyselles s'amusoÿt à chercher viurres par le château au moyen dequoi Galaor voyant lieu & saison commode à prier d'amour celle qui lui monstroït tant bon visage (laquelle étoit ieune, belle & de biē bonne grace nommee Branduete, & luy couvoiteus & actif à choses semblables) lui dît ? Ma grande amye, si Palingues vous aymoit comme i'ay entendu il en auoit bien raison, vous ayant cōneuē telle que ie vous voi: car moy-mêmes qui ay si nouuelle acointance. à vous me sens tāt vōtre, que ie me reputerois heureux, si vous me vouliez le bien q̄ ie desire, m'acceptāt pour vōtre amy & seruiteur. Lors la ieune Damoiselle, qui de lui n'étoit moins aymāte qu'aymee lui répōdit: Mō Seigneur, ie vous ay dît, que ie vous ayme plus qu'autre personne viuante: dōcques (puis quainfi ēt) vous pouués tenir assēuré, que ie suis celle qui desire vous obeir & cōplaire en toutes choses. Or la tenoit Galaor durant ce propos embrassée, & la baisoit & caressoit tellement, que l'exécution de la iouissance s'ē ensuyuit, avec tel contentement, que la Damoiselle, qui auoit resisté si long tems à Palingues, gardant sa virginité, la perdit entre les bras de son amy Galaor, qui étoit pour lors afame de tel plaisir, & par ce moyen fit tel deuoir, qu'elle l'en ayma tout le tēs de sa vie. Mais de grād malheur ainsi qu'après maints embrassemēs, & propos amoureux, ils vouloyent faire nouuelle charge, entendirent les Damoiselles qui les venoiēt auertir que leur dîner étoit prêt: parquoi à leur trēgrand regret furent contrains de diferer, & sortir de la chābre, pour s'yurer les Damoiselles au lieu ou elles auoient couuert, qui étoit sous vne galerie environnée d'arbrisseaus, dans laquelle le vent donnoit si apropos, que la fraîcheur y étoit grande. Adonc s'affirent à table, & entrèrent en propos de maintes choses. Entrē autres Branduete luy recita, cōme Palingues pour la crainte de lui & d'Amadis, auoit mis si grāde garde en ce chā

teau estimant que puis qu'Antebon étoit de Gaule & leur vassal, qu'eus plutōt que nul autre assayeroient de venger sa mort. Et voylā la seule ocaſiō de la garde de cēte place, dît la Damoiselle, en laquelle ie me suis trouuē si ennuyee depuis que i'y fu amēnee, que iour de ma vie n'aurai desir d'y plus demeurer. Pourtant, mon Seigneur & amy, s'il vous plaisoit, sans plus y seiourner, i'yrois volontiers trouuer ma mere, laquelle aura grand plaisir de me voir, & vous aussi, ce que Galaor lui acorda (& encores qu'il fut ia tard) pour la fauoriser, firent acouter leurs montures, & partirent tōt après du château. Toutefois ils ne se peurent tant diligenter, qu'il ne fut plus de deus heures de nuit auant que d'arriuer au logis ou la mere de Brāduete les atendoit, laquelle auoit été peu deuant auertie par l'vne des Damoiselles (qui auoit cōduit Galaor) de tout ce qui lui étoit aduenū. Et à cēte cause la bonne Dame, avec toute sa famille, étoient sorties au deuant de lui pour le receuoir. Et de fait à son retour lui firent tout l'honneur dont lon se peut auiser: car cēte bonne vefue se vint ieter à ses piēs, & lui dît: Mon cher Seigneur, vous nous aués tous tant obligés à vous, que les biēs & les personnes de ceans sont entierement vōtres: & pourtant faites de nous tous comme il vous plaira. Ma Dame répōdit Galaor, ie vous mercie bien affectueusement de vos offres, dequelles à vous mêmes, ie fais present. Et pource que la plus part de la nuit étoit ia passée, mirent fin à leur propos pour l'heure, se donnans l'vn à l'autre le bon soer. Lors fut cōduit Galaor en vne chambre, que lon luy auoit parée, en laquelle il se retira sant reposer: mais se voyāt seul, il se va souuenir du bien qu'il auoit eu l'aprédinee avec sa nouuelle amye, laquelle n'étoit adonc en moindre peine que lui, comme elle en donna depuis certitude: car après que chacun se fut retiré vint secretement ou Galaor étoit couché, lequel se reputant heureux de si bon-

LE PREMIER LIVRE.

bonne auenture la receut tant humaine-
ment, & courtoisement, que leur dormir
fut conuertý en trop plus de plaisir, ins-
ques au point du iour qu'ele print congé,
& se retira en sa chambre sans auoir été
de nul aperceü.

*Comme Amadis courant après le Cheualier,
qui emmenoit la Damoiselle por force, rencontra
vn autre Cheualier contre lequel il combatit, &
de ce qu'il en auint.*

CHAP. XXVII.

OR s'en alloit Amadis après la
Damoiselle que le Cheualier
emmenoit par force, en la ba-
tant & outrageant, cōme aués
entendu, & faisoit grande diligence de l'a-
tandre: mais il rencontra vn autre Che-
ualier bien monté, qui lui demāda, qui le
mouuoit d'ainsi fuir. Qu'aués vous affaire
répondit Amadis, si ie vois tōr ou lente-
ment? En bonne foi, dit le Cheualier ie le
dy pour vous secourir, si quelqu'vn vous
veut outrager, & pour vous assseurer, si
vous aués paour. Vrayemēt, répondit A-
madis, ie suis d'auis que vous vous éper-
gnés pour vous mêmes car ie n'ai pour le
present affaire de vōtre secours. Quād l'au-
tre l'entendit il estima qu'Amadis se mo-
quāt de luy, & à cēte cause vint saisir le
frain de son cheual, lui disāt: Et par Dieu,
beau siré, vous me le dirés, autrement ie
vous rompray la tête. Ie ne sçai que vous
ferés, répondit Amadis: mais j'espere m'être
plutōt depēché de vous, en vous comba-
tant, que si ie m'amusois à vous declarer
ce q̄ demandés: pource q̄ selon vōtre ou-
tre-cuydance, ie ne vous en sçauois tant
dire, q̄ n'eussies encores plus d'envie d'en
sçauoir. Lors le laissa le Cheualier, & s'é-
longna pour mieus faire sa carriere, puis
vint au plus rudement q̄ son cheual peut
courir contre Amadis, & Amadis au sem-
blable, tellement que le Cheualier rencon-
tra si roidement l'écu de son ennemy, que
sa lance vola par éclats. Toutefois Ama-
dis le sceut mieus choisir: car il le desar-

çonna faisant tōber en même instant hom-
me & cheual à terre, dont le Cheualier
eut quasi la iambe rompuë, & passant A-
madis outre, s'en alla son chemin sans
plus s'arrêter. Or entendés, que celuy du-
quel ie vous parle maintenāt, étoit le Che-
ualier, qui fit fuir le cheual de Galaor:
mais pour ne discontinuër mon propos
Amadis l'ayāt laissé à terre, chemina si le-
gerement, qu'il ataignit celui qui emme-
noit la Damoiselle, auquel il dīt d'arri-
uee: Par Dieu Cheualier, vous aués assés
longuemēt été mal courtois, ie vous prie
beau Sire, deormais vo' en deporter: & ne
l'être plus. Qu'elle outrage ay-ie fait? ré-
pōdit le Cheualier. Le plus grand q̄ vous
sçauriés faire, dīt Amadis: Cōment? répō-
dit, il vous me uoulés donc châtier? Non
pas, dīt Amadis: mais ie vous auertis de la
raison, & de vōtre profit. I'entens biē ré-
pōdit le Cheualier, le vōtre sera à vous en
rétourner, dōt vous venés. Et il vray? dīt
Amadis. Lors s'aprocha de l'Ecuyer qui
tenoit le palefroi de la Damoiselle, & lui
dīt rudement: Paillard, laisse cēte femme,
ou tu es mort. L'Ecuyer eut peur, & s'en-
fuyt. Quoi voyant le Cheualier trop irri-
té, répōdit à Amadis: Par Dieu, beau Sire,
cēt bien audacieusement cōmandé: mais
si ie ne sçay châtier cēte outrecuydance,
iamais ne porteray cuirasse en dos. Et ce
disant, mit la lance en l'arrēt contre Ama-
dis, lequel le receut si assseurement, q̄ leur
boys se brisa en pieces: mais il auint si
mal au Cheualier, qu'il fut porté par ter-
re, parquoi Amadis tourna promptemēt
visage, & auant qu'il eut loisir de se rele-
uer, le foulla tant aus piés, qu'il le cuyda
faire mourir. Et voyant que force luy é-
toit de demander pardon s'écria: Signr, ie
vous prie ayés pitié de moi, & si i'ay été
mal courtois ne le soyés pourtant. Iurés
donc, répondit Amadis, q̄ iamais à Dame,
ou Damoiselle, vous ne ferés force outre
son gré. Volūtiers, dīt le Cheualier. Et ain-
si qu'Amadis s'aprochoit pour receuoir
deluy ce serment, le Cheualier mit l'épee
dans

dans les flâs de son cheual si auant , qu'il tomba mort en la place, & Amadis dessous, qui ne peut être si habîle, que deuât qu'il eut moyë de se releuer, le Cheualier ne l'outrageât fort, lui disant : Par Dieu, dâp Ceualier, ce sera à vous a reconnoître maintenant, qu'a mal'heure entreprintes oncqs de me corriger. Lors Amadis se déuelopant de luy, se releua promptemēt, & le voyât à découuert l'ataignit dessous la visiere, de sorte qu'il lui coupa la moitié du visage, dōt il setrouua si étōné qu'il cheut à terre: parquoy Amadis legieremēt se ietta sus luy & le desarmât de heaume luy trêcha la tête, puis remit son épée au fourreau. Or étoit il nuit fermee toutefois la Lune luy soit: parquoy la Damoiselle voyât qu'Amadis venoit vers elle, vint au deuant se ietter à ses piés, & lui dit: Helàs gentil Cheualier, ie supplie le createur qu'il vous remunere le biē q̄ vous m'a ués fait: certes sans vo⁹ i'étois pire q̄ morte amais ie vous supplie encores biē hūblemēt, qu'il vous plaise me cōduire iusques à vn château, ou ie seray, en toute seureté: car pour chose du monde ne me mettrois maintenant seule en chemin. Vrayement Damoiselle m'amy, répondit Amadis, ie le ferai pour l'amour de vous. Et ainsi qu'ils deuisoient Gādalīn arriua, auquel il dit: Aime ne moy le cheual de ce Cheualier, & mōte cēte Damoiselle sus le siē: ce q̄ fit Gandalin, puis suiurēt le chemin q̄ la Damoiselle les guida, durant lequel ils eurent plusieurs propos, & entre autres Amadis luy demanda si elle sçauoit le nom du Cheualier, qui gisoit mort dessous l'arbre du carrefour. Ouy biē, répondit elle. Lors lui recita au long tout ce qu'elle en sçauoit, mêmes la cause de sa mort. Dé-jà grande part de la nuit étoit passée, qu'ils arriuerēt sus le bord d'une riuierē, le lōg d'une belle prairie, ou il print telle enuie de dormir à la Damoiselle, qu'elle dit a Amadis: Mon Signr il me semble pour le milleur que nous deuons descendre en ce lieu & reposer quelque peu, ce qu'il lui acorda.

Et pourtant Gandalin étēdit vn mâteau, sus lequel la Damoiselle se coucha, & Amadis ioignant d'elle apuye sus son armet, mais ainsi qu'ils d'ormoyent tous, de fortune suruint vn Cheualier qui les auisa, & sans faire bruit mit le gros bout de sa lance entre les bras de la Damoiselle & l'éueilla, & quad elle l'aperceut, pēsant que ce fut celuy qui la gardoit, se leua encores presque endormie, & luy deniāda, s'il lui plaisoit de partir. Ouy, répondit le Cheualier. De par Dieu soit, dit la Damoiselle. Adōc le Cheualier se baissāt la print par le bras, & la ieta en croupe derriere lui. Pourquoi faites vo⁹ celā? dit elle, vōtre Ecuyer me donnera s'il lui plaît, mō cheual, sans vous donner cēte peine. Nō fera, répondit l'autre: car puis que vous vous êtes offerte à moi, ie vous meneray moy-mêmes. A cēte parole s'aperceut la Damoiselle qu'elle étoit deceuē, & tournant la tête vit Amadis qui dormoit de fort somme parquoy elle s'écria tant qu'elle peut. Lās Seigneur, secourés moi! car lon m'emmene, & ne sçay qui. Quand celui qui l'auoit chargee l'entendit crier, il donna des esperons au cheual, & s'en courut au plutōt qu'il peut. Toutefois Amadis s'éueilla, & ne trouuant plus celle qu'il conduisoit fut trop déplaisant, & hāriurement apella Gandalin qui lui amena son cheual, puis laça son heaume, print son écu & sa lance, & suyuit à grand diligence la voye que le Cheualier tenoit: mais il n'eut longuemēt cheminé qu'il se trouua entre vne éspesseur d'arbres ou il perdit sō adresse, de sorte qu'il ne sçauoit plus quel côté tenir: & cōbien qu'il fut l'un des plus patiēs du monde, s'y se trouua il tāt ennuié, qu'il eut voulu être mort & disoit contre soy-mêmes: Par Dieu la Damoiselle peut bien dire, que ie lui ay fait autant de tort que de secours: car ie la defendi d'un forceur, ie l'ay laissée (par ma paresse) mettre en la puissance d'un piré. Et ainsi chemina vn lōg tēs à trauers chāps faisant mains tourmēs à sō cheual.

Puis

LE PREMIER LIVRE.

Puis entr'ouyt sonner vn cor, au moyen dequoi il piqua cete part, estimant que le Cheualier y pourroit être. Lors decouvrit vne forteresse en croupe de môtaigne qui lui sembla trèsforte, & aprochant plus près, la vit close d'un haut mur, enuironnée de grosses tours, & la porte bien barree: & ainsi qu'il tournoit à l'entour, la guette l'aperceut, & s'écria: Quel homme est ce là qui à telle heure va armé si près de ceans? Je suis, répond Amadis, vn Cheualier étrange. Que demandés vous? dit la guette. Je cherche, répondit il, vn qui a enleué n'agueres vne miëne Damoiselle. Nous ne l'auons point veüe, dit l'autre. A cete cause Amadis vouloit passer outre, quand il auisa vn poutils ouuert, & le Cheualier avec la Damoiselle entrer dedans à pié, pource qu'il étoit si bas, qu'ils n'y n'y eussent peu passer à cheual: lors Amadis s'auança, & apella le Cheualier, lui disant: Seigneur, ie vous prie souffrés vn peu, & deuant que vous retirer, dites moi si êtes celuy qui m'a tollu vne miëne Damoiselle. Si ie la vous ai ôtée, répondit il, vous en fites mauuaise garde. Et vo⁹ plus grande lâcheté, dit Amadis: car vous me l'aués dérobée en dormât état seur qu'autrement ne l'eussiez cōquise si legeremēt. Amy, répondit le Cheualier ie l'ay vrayement, & de son bon gré à voulu venir avecq' moy, sans l'en auoir aucunemēt sollicitée, ne forcée. En bonne soy, dit Amadis, si vous me la montrés, & qu'elle die cōme vous, ie la quite. Demain aumatin, répondit l'autre, ie la vous ferai voir ceans, si vous y voulés entrer sous la coutume du château. Et qu'elle est elle? dit Amadis. Lon vous la dira, répondit l'autre, & croi que ne la trouuerés aisée, si vous osés l'entreprendre. Et si presentement ie le voulois faire me laisseroit on entrer? dit Amadis. Non répondit le Cheualier pour meuhui: mais si atendés jusques a demain, nous verrons que vous ferés. Lors luy ferma l'huys & se retira: parquoi Amadis fut contraint (en atendant le iour) descendre

sous vne touffe d'arbre qui étoient près du château, ou il demeura si long tems, que le Soleil cōmença à aparoirre, & entendit ouurir la forteresse, au moyen dequoi promptement monta à cheual, & s'aprochât vit vn Cheualier armé de toutes pieces monté sus vn grand cheual. Adonc le portier apella Amadis, & lui demanda s'il vouloit entrer. Ouy bien, répondit il: car pour celà ay-ie atendu toute nuit. Or biē dit le portier: mais ie veus premiet vous faire entendre la coutume, à fin que cy après n'ayés ocafiō de dire q' lō vous ayt deceu: pourtant ie vous auise qu'aussi tôt q' vous serés entré, il vous faudra combattre contre ce Cheualier, & s'il demeure vainqueur, vous iurerés de faire le cōmandement de la Dame de ceans, autrement vous serés mis en vne triste prison, & s'il est vaincu ce sera autant que rien: car il vous conuiendra passer outre iusques à vne autre porte, & y combattre deus autres, lesquels étans par vous deffaits (si tant la fortune vous dît) encores aurés vous affaire à trois autres, qui sont gens éprouvés & duits aus armes, avec tous lesquels vous aurés à combattre sous la cōdition du premier: mais aussi si vous êtes tant bon qu'à vōtre honneur vous en veniés au dessus, il vous sera fait droit de ce que demāderés. Certes répondit Amadis s'il est vray ce q' vous dites, i'acheterai cherement ce q' i'enporterai de ceans: toutefois, quoi qu'il en doie auenir, ie veus voir (si ie puis) la Damoiselle que lon y a emmenée cete nuit, & ce disant entra au dedans: parquoi le Cheualier luy écria qu'il se gardât de luy, & courut cōtre: Et Amadis qui étoit bien delibéré d'acheuer son entreprinse le receut, de sorte que le Cheualier rompit son boys sus l'écu d'Amadis, lequel le poussa si rudemēt, (sans rompre sa lance) qu'il le desarçonna & se brisa le bras dextre, parquoi Amadis tourna promptement visage, & lui cria, qu'il étoit mort, s'il ne se tenoit pour vaincu, Helàs, mon Seigneur, répond le Cheualier, pour

pour Dieu ayés de moy mercy: car i'ay le bras malheureusement brisé. A cete cause Amadis passa outre, & auisa à l'autre porte deus autres Cheualiers prêts à combattre, qui lui dirent: Or entrés maintenant, & vous defendés d'être mis en prison. Certes, répondit il, plus tôt que demeurer prisonnier, essayeray de vous rompre les têtes: & se couvrant de son écu baissa sa lance, & vint contre les deus, & eus à luy: mais l'un faillit d'atainte, & l'autre luy donna de droit fil en l'écu, de sorte qu'il lui faucha, & le navra au bras gauche, volât son bois en éclats. Toutefois Amadis l'ataignit si lourdement, qu'il le fit trébucher, & le cheual sous lui, dont il se trouva tât froissé, qu'il demeura évanouy: parquoy retourna charger le premier, & lui donna si grand coup de lance, combien qu'elle n'eut point de fer (car il étoit demeuré dans l'écu de l'autre) qu'il luy fit sortir l'armet de la tête, & le Cheualier qui n'étoit des plus adroits du monde, faillit de rechef, & ne le peut ataindre q̄ sus l'écu, en glissant, & (qui pis est) sa lance luy faillit des poings, parquoy mirât la main aus épées: mais Amadis qui le voyoit sans armet, lui dit: Certes Cheualier, vous faites, ce me semble, grand folie de vous combattre, ayant ainsi la tête nuë. Je m'assure bien, répondit il, que ie la garderay mieus que ne ferés la vôtre. Lon le pourra presentement voir, répondit Amadis, & à l'instant lui rua si grand coup d'épee, que combien qu'il se couvrit de son écu, si fut le coup si lourd & pesant, que gauchissant pour sauver sa tête, perdit les étriers, & tomba sus le champ. Parquoy Amadis en passant luy rua seulement vn coup de plat, dont il l'étourdit, & à cete cause mit le pied à terre, & le vint saisir au collet, luy disant: Par Dieu, damp cheualier, à ce que ie voy, vous gardés très mal vôtre tête: car si ie vous eusse donné du trenchant vous l'auies bien perdue. A cete parolle le Cheualier reprit ses esprits, & voyant le danger ou il étoit, répondit à Amadis. Ha Si-

AM. I

gneur, pour Dieu mercy! certes, puis que vous m'aués si bien conseillé, ie ne veu, désormais me perdre par ma folie: car ie me rends. Lors le laissa Amadis, & ayant leué la lance que l'autre auoit laissé tomber, remonta à cheual, & marcha droit à la dernière porte. Lors auisa Dames & damoiselles sus les murailles du donion, qui disoyent l'une à l'autre: En bone foy, s'il passe le pont maugré nos trois gardes, il aura fait l'un des plus grands faits d'armes du monde. Et ainsi qu'elles étoient sus ce propos, les trois Cheualiers dont elles parloyent, sortirent près d'assaillir Amadis, dont le premier s'adressa à luy, & lui dit: Rendés vous, Cheualier, ou iurés que vous ferés le commandement de la Dame de ceans. Ce sont paroles, répondit Amadis: car tant que ie me pourray defendre, ne suis deliberé de me rendre, & de faire la volonté de la Dame que vous dites, ne sçay encores qu'elle est. Or vous gardés doncques de nous, dirēt ils, & ce disant vindrent tous ensemble le charger tellemēt q̄ peu s'en falut qu'ils ne renuerfissent luy & son cheual ensemble: mais il tint bon, & ataignit l'un de si grande force, qu'il lui mit la lance au trauers des côtes, la faisant voler en éclats, ainsi que les autres auoyent fait contre luy: puis mirât la main aus épées, & commença vn merueilleus combat entr'eus quatre: car ceus à qui Amadis auoit affaire, étoient preus & bons Cheualiers, & de sa part il étoit content que la honte ne tombât de son côté. A cete cause se mit à faire tel deuoir, que bien souvent il leur faisoit sentir l'aigreur de son epee, de sorte q̄ par la quantité des playes qu'ils receurent & l'abondance de sang qu'ils perdirent en peu d'heure, les renga en tel état, qu'ils ne le peurēt plus souffrir: ains s'enfuyrent vers le château, & lui après. Et ainsi qu'il les poursuivoit, l'un deus eût si grand peur, qu'il se laissa tomber du cheual bas. Par Dieu, dit Amadis, c'est pour neär: car vous mourrés, si ne vous rendés presentement.

K Ah,

LE PREMIER LIVRE

Ah, Seigneur, répondit il, ie le feray de bien bon cœur, & autant en devroyent faire tous ceus contre qui vous combatés, ayât fait les efforts ceans, que vous aués faits, puis luy bailla son épée: mais Amadis la lui rendit, & poursuivit l'autre tant qu'il le contraignit entrer dans vn grand palais, ou étoient maintes Dames & Damoiselles. Lors l'une d'elles excellêtes en toute beaute vint au deuant, & dît à Amadis: Seigneur, arrêtés vous, s'il vous plait: car vous aués tant fait, que vous aurés ce que demandés. A cete parolle demeura Amadis, & lui répondit: Dame, faites dōc que ce fuyart se tienne pour vaincu. Et que vous en fera il de mieus? dît la Dame. Pour autant, répondit Amadis, qu'à l'entree de ceans lon m'a déclaré, qu'il me faloit tuer, ou vaincre ceus, contre qui ie combatrois, autrement que lon ne me feroit droit de ce que ie demande. Vous aués mal entendu, dît elle: car ils vous ont dit que si vous entriés iusques icy par force, que vous aurés raison de ce que demanderés, pourtant dites maintenant ce qu'il vous plaira. Ie demande, répondit il, vne Damoiselle, qu'un Cheualier me déroba la nuit passée (étans dormans sus le bord d'une riuere) laquelle il a amenée ceans outre son gré. Or descendés, dît la Dame, pour prendre la fraicheur, & ce pendant, ie feray venir le Cheualier qui vous répondra. Lors Amadis mit pied à terre, & elle le print par la main, & s'assirent joignant l'un de l'autre, puis lui dît: Ie vous prie, beau Sire, dites moy si vous connoissés vn cheualier nommé Amadis. Pourquoi le demandés vous? répondit il. Pour autant, dît la Dame, que toute la garde que vous aués trouvée en ce château, est faite pour luy, & vous assure que s'il y entroit, il n'en sortiroit par nul moyen, si premier il ne promettoit se deporter d'une promesse qu'il a faite. Quelle est elle, répondit Amadis. Ie la vous diray, dît la Dame, par tel si, que de tout vōtre pouvoir vous la lui ferés quitter, soit par ar-

mes, ou autrement: car il ne l'a faite iustement. En bonne foy, ma Dame, répondit Amadis, ie vous assure, que quelque chose qu'Amadis ayt promis, que quant à à ce qui luy touche, ie le luy feray, si ie puis, quitter. Elle qui n'entendoit à quelle fin il auoit ainsi parlé, luy dît. Ie vous mercie grandement, & pour ce entendés ie vous prie, qu'Amadis (duquel ie vous parle) a promis à Angriote d'Estreiaus qu'il lui fera anoir & jouir de s'amie, laquelle ne l'aime nullement, par ainsi c'est contre tout droit, veu que l'amour forcee n'est pas amour, mais misere & douleur. A cete cause, suiuant ce que vous aués promis il vous faudra faire tant qu'Amadis se de porte de promesse si peu raisonnable: Par Dieu, ma Dame, répondit il, vous parlés bien, & puis qu'il est ainsi que vous dites, assurez vous, que ie feray tant que ie la luy feray quitter, dont humblement le remercia, ne comprenant pour lors comme il l'entendoit: car il esperoit bien accomplir sa promesse, tant enuers Angriote qu'enuers elle, sans deroguer à l'une ni à l'autre, ainsi que cy après pourrés entendre. Mais ma dame, dît Amadis, êtes vous point celle qu'Angriote aime tant? En bonne foy, ouy, répondit elle. Vrayement, dît Amadis, ie le connois, & sçay qu'il est l'un des meilleurs Cheualiers du monde, & me semble qu'il n'y a Dame ou Damoiselle, tant soit elle belle, riche, ou puissante, qui ne se deût estimer tres-heureuse & bien fortunée, d'auoir vn tel cheualier sien. Toutefois ce que ie vous en dy n'est pour m'exempter de la promesse que ie vous ay faite: car ie l'accompliray, si ie puis pour autant qu'il est trop meilleur Cheualier qu'Amadis, qui la lui a promise.

Comme Amadis se combatit contre le Cheualier qui lui auoit dérobé la Damoiselle, ainsi qu'il dormoit, & le vainquit.

T Andis qu'ils deuisoyēt ensemble, suruint là vn autre Cheualier de bien bonne taille, & aparant de de grand force, armé de toutes pieces, fors d'armet & de gantelets, lequel dît à Amadis: Seigneur Cheualier, lon m'a dit que vous demandés vne Damoyelle que i'ay amence la nuit passée ceās, & que ce fut maugré elle. En bonne foy elle me voulût plutôt suiure que demeurer avec vous, & pourtant il me semble, que vous auez tort de la quereller, & que ie n'aurois raison de la vous rendre. Vrayement, répondit Amadis, ie la verrois volontiers. Ce sera donc maugré moy, dît le Cheualier: mais si vous voulés maintenir que ie vous aye fait tort, & qu'elle ne doie être miēne, ie vous prouueray le contraire tout presentement par combat. Par Dieu, répondit Amadis, à cela ne tiendra, & ne le soutiendray seulement contre vous, ains fermement cōtre toute personne, que de droit elle ne vous apatient, si elle n'y donne consentement. Or sus donc, dît le Cheualier, voyons qui l'aura de nous deus. Or étoit celuy dont ie vous parle, oncle Germain de l'amie d'Angriote, & se nōmoit Gasinan, laquelle l'aimoit & honnoroit entre tous ses parēts: car il étoit meilleur Cheualier q̄ nul autre de sa race, sage & auisé, telemēt qu'il le se gouvernoit entieremēt par sō cōseil. Adonc luy fut amené vn grand cheual, puis print son armet, & s'equipa pour combattre, & Amadis d'autre côté. Ce voyant la Dame nommee Grouenese, vint à son oncle, & luy dît: Certes, mon Seigneur, ce seroit le meilleur de vous deporter: pour ce que ie serois trop marrie, s'il auenoyt mal à l'vn de vous deus, d'autant q̄ vous êtes l'homme du monde que i'ayme le plus, & lui celuy à qui i'ay le plus d'esperance: car il m'a promis & iuré qu'il tera tant vers Amadis, qu'il se deportera de la promesse qu'il a faite vers Angriote. Comment? ma niece, répondit Gasinan, estimés vous, que luy n'autre de sa taille

peût persuader le plus gentil Cheualier de la terre, de n'acomplir sa promesse, ie ne sçay, dît elle, comme vous l'entendés: mais ie l'estime l'vn des meilleurs du monde: & s'il fût autre, il n'eût entré ceans par force d'armes, comme il a fait. Dites vous? répondit Gasinan, vous le prisés beaucoup, pour auoir passé les portes gardées par ces gens de peu d'effait, qui en auoyent la charge. Je ne dy pas pourtant, qu'il ne soit gentil Cheualier: mais i'espère bien en venir à bout, & d'vn meilleur que luy. Et qu'ainsi soit, vous en pourrés être tout maintenant iuge, luy vaincu, & moy paisible possesseur de la Damoiselle qu'il querelle. Et bien, dît Grouenese. Lors elle se retira à part, & vindrent les deus Cheualiers les lances baissées l'vn contre l'autre au plus roide que peurent courre leurs cheuaus, & se donnerent dās leurs écus si rudement, qu'elles volerēt en éclats, se joignans de cors & de tête par merueilleuse impetuosité, si que Gasinan qui se trouua plus foible, en fut desarçonné, & tombant receut vn trop grād saut: toute-fois il se releua promptement, comme celui qui étoit de grand cœur: puis mit la main à l'épee, & se rengea le long d'vn pilier de marbre, qui étoit au mylieu de la court, estimant qu'Amadis ne le pourroit offēdre étant à cheual, & luy à pied, & que s'ils s'auançoit, il le pourroit aisement abatre. Ce nonobstant Amadis s'aprocha pour tōt le renuerser: mais Gasinan donna de son épee sus le musle de son cheual, qui le garda de vouloir onques puis joindre, dont Amadis cuyda perdre patience, & ainsi qu'il le talonnoit pour le contraindre, voyant Gasinan à découvert luy rua de toute sa force vn grād reuers, duquel il se détourna, & vint le coup donner au pilier qu'il entama grandement, rompant (toute-fois) son épee en trois pieces. Lors plus que deuant entra en colere, & pour ce qu'il se vid en danger de mort. n'ayant dequoy se defendre, descendit de son cheual le plus

lege.

LE PREMIER LIVRE

legerement qu'il peut. Adonc Gasinan lui dit: Cheualier, tu voys ta mort presente, si tu ne m'octroyes la damoiselle être miene. Je ne feray pas cela, répondit Amadis, si premier elle n'y consent. Tu verras donc comme mal t'en prendra, dit Gasinan, lequel se rua sus lui, & commença à faire grand effort pour le ruiner: mais Amadis paroît aus coups, n'ayant de quoy luy bien faire, & si dextrement se sçauoit couvrir, que la plus part passoyét en vain: tellement que son ennemy se print à lasser: toute-fois tant dura ce combat, que les assistants s'ébaissoyent comme il pouvoit tant souffrir, & Gasinan tant tarder à le vaincre, ayant tel auantage sus luy, qui n'auoit écu, ni haubert, qui ne fut froissé en plus de vingt endroits: & à cete cause Amadis conclud en soy-mêmes, d'vser de toute extremité à se hazarder de receuoir plutôt prompte victoire, que tardie honte, & pourtant baissa la tête, & furieusement se lança sus Gasinan, qu'il faisoit au cors par telle legereté, qu'il ne luy donna loisir de leuer le bras pour le fraper. Par ainsi fut contraint ietter son épée pour resister à Amadis qui le pressoit à merueilles, & se harperét essayans par tous moyes d'abatre l'un l'autre: mais Amadis qui étoit plus royde que Gasinan, lui donna le saut joignant la grosse pierre de Marbre par telle roideur, qu'il ne mouoit ne pied ne main. Au moye de quoy Amadis promptement releua l'épée de Gasinan, & luy rompant à force les laqs de son armet, le luy arracha de la tête. Lors reuint de pamoison, sans toute-fois qu'il eût le pouuoir de se releuer. Adonc luy dit Amadis: Par Dieu, Damp Cheualier à tort vous m'aués fait beaucoup souffrir: mais ie m'en sçauray presentement assés venger, & ce disant haüçal l'épée, faignant luy vouloir trancher la tête. Ce que voyant Groenese, lui cria: Helas, bõ Cheualier, pour Dieu mercy: ie vous supplie ayés pitié de lui & de moi ensemble, puis s'aprocha, & se vint ieter à ses pieds plorât amerement:

parquoy Amadis connoissant l'affection de laquelle il étoit prié, & le déplaisir qu'elle eût eu s'il eût fait mourir son oncle, faignit encores plus que deuant de le vouloir tuer, toute-fois il lui répondit: Vrayement, si vòtre requête étoit raisonnable, i'y consentirois: mais il m'a tant outragé, & sans occasion que sa tête m'en vengera. Helas, mon Seigneur, dit elle, pour Dieu demandés autre amandement, s'il vous plait: car nous ferons tout ce qu'il vous plaira pour lui sauuer la vie! Dame, répondit Amadis, il n'y a que deux choses qui le puissent exempter de mort: redés moi la Damoiselle, & me jurés cõme loyale Dame, que vous vous trouuerés à la premiere court que le Roy Lisuart tiendra, & la vous me dõnerés tel don que ie vous demanderay.

Gasinan qui étoit du tout reuenu à foy, connoissant le danger de sa personne, dit à sa nièce: M'amy, pour Dieu mercy! ne me laissés par vòtre faute ainsi mourir, mais prenés de moy compassion, & accordés à ce Cheualier, ce qu'il vous demande. A cela ne tiendra, répondit Groenese: parquoy Amadis se leua de dessus & dit à la Dame: En bonne foy, ie vous puis asseurer, que le don que ie vous demanderay ne contreviendra en rien à celui que ie vous ay promis d'Amadis: car ie l'acompliray à mon pouoir: mais aussi ne faillés de vòtre part. Certes, mon Seigneur, répondit elle, i'y feray tout deuoir, connoissant que la vertu ne peut être éloignée de personnage ayât tant de prouesse, & partât qu'il vous ne me demandés chose ou mon hõneur puisse amoindrir. Asseurés vous en, dit Amadis, & faites venir la Damoiselle que ie demande, laquelle tõt après on lui presenta. Adonc lui dit: Damoiselle m'amie, êtes vous encores deliberee de me suivre: Mon Seigneur, répondit elle, ie feray ce qu'il vous plaira: car vo' aués tant eu de mal pour moi, qu'il ne me feray autre que vòtre humble obeïssante: mais si c'étoit vòtre plaisir, ayât conneu l'amitié qu'il me porte Gasinan qui

qui a plutôt voulu combattre que de me rendre, combien qu'il m'enleua par tromperie, ie demeurerois volontiers avec lui. Par Dieu, m'amie, répondit Gasinan, s'il vous semble que j'aye en vous grande affection, vôtre auis ét veritable, & vous supplie bien fort continuer en cete bonne opinion, & ne m'abandonner point. Je le feray, répondit elle, si c'êt le plaisir de ce Cheualier. Vrayemēt, dît Amadis, vous auez choisi l'un des meilleurs Cheualiers du monde: & puis que ie voy que vous êtes agreables l'un à l'autre, ie suis content que vous viués ensemble. Lors tous deus le remercièrent humblement, & le supplierent avec Grouenese de se venir rafraichir, & se réjouir quelques jours avec eus, mais il vouloit retourner vers son frere Galaor qu'il auoit laissé sous l'arbre du carrefour, comme cy deuant a été dit, & partant s'en excusa: & montant à cheual print congé de la compagnie, cōmandant à Gandalin qu'il emportât les pieces de son epee rompuë: ce qu'entēdu par Gasinan luy presenta la sienne, qu'il accepta avec vne lance que Grouenese mêmes luy aporta, puis sortit du château, prenant le chemin de l'arbre du carrefour, ou il esperoit encores trouver Galaor & Balays.

Cōme Balais se porta à l'entreprinse de suiure le Cheualier qui auoit fait perdre le cheual à Galaor.

CHAP. XXIX.

Balays de Carsante dépitē, cōme il a été dit cy deuant, de l'outrage qu'auoit fait le Cheualier au cheual de Galaor, se mit à le suiure le plus diligemment qu'il lui fut possible: mais l'autre auoit tant de chemin deuant lui, que la nuit le surprint auāt qu'il en eut nouvelles, toute-fois il ne laissa de cheminer, iusques enuiron la minuyt, qu'il entendit vne vois le long d'une riuere. Parquoy tira celle part, ou il trouua cinq larrons armés de brigandines, &

AM. I

de bonnes haches, qui vouloyent forcer vne Damoiselle, l'un desquels la trainoit par les cheuës dedans le détroit d'une montaigne, & les autres la suiuyent, luy donnans mains grands coups de bâton. Ce que voyant Balays se vint renger pêle mèle leur criant: Traîtres meurdriers, auez vous osé si lâchement mettre la main à cete Damoiselle? laissés là, ou vous mourés comme bien le merités. Lors se rua sus eus, mettant la lance dans les flans au premier qu'il rencontra, si auant, que le fer luy saillit plus d'une brasse de l'autre part, tombant à l'instant roide mort, sans plus se mouoir. Adonc les quatres autres voulans venger l'outrage fait à leur compagnon se ruerent sus Balays par telle impetueusité, que de premiere rencontre lui assommerent son cheual, tellement qu'il cheut sous luy, dont Balays ne s'effroya nullemēt, ains, comme cheualereus qu'il étoit promptement se leua sus pieds, & mettant l'épee au poing, cōmença à poursuivre, & par trop endommager ces larrōs qui de prime face l'auoyent fort rudemēt mené, & ataignit l'un par si grande force, qu'il lui mit la tête à ses pieds. Adonc saisis legerement sa hache, frapant à tors & trauers sus les autres, lesquels en peu de temps il épouenta de sorte qu'ils se mirēt à fuyr vers un marrēt, l'entree duquel étoit fort étroite: mais ils ne se peurent tāt diligenter, qu'il n'en fit mourir l'un deus en y entrant, luy donnant de la hâche sus les rains de si grand coup qu'il les luy ouvrit iusques au foye, puis sans s'arrêter, passa outre, poursuuiuant les deus autres, qui auoyent déja gaigné l'entree du fort, toute-fois ils ne la garderent longuemēt: car forcē leur fut l'abandonner, & pour euitier la fureur de Balays, se mirent à tourner à l'entour d'un grand feu qu'ils auoyent parauant allumé. Mais Balays se couvrant de son écu, les serra de si pres, q force leur fut d'eus mettre en deffense: parquoy voyant leur extremité reprindrēt cœur, & vigoreusement resisterent quel-

K 3

que

que tems à Balays, lequel à la fin rua vn vn coup de hallebarde à l'vn d'eus si viement, qu'il luy mit la tête en deus, & tomba dans le feu. Quād l'autre vid tous ses compagnons deffaits, & qu'il restoyt seul craignant de mourir, se vint ietter à deus genous deuant Balays, luy disant: Helàs, mon Seigneur pour dieu mercy! car si vous n'aués pitié de moy, selon le long tems que i'ay fuiuy cete malheureuse vie avec le cors ie perdray indubitablement l'ame. Va répondit Balays, ie te quite, puis que tu as connoissance, combien le mal que tu faisois t'êt dōmageable, & aussi à fin que desormais en amēdant ta vie satisfaces aus maus que tu as faits. Ce qu'il fit depuis: car peu après il se rendit Hermite, cōme lon dit, & fit grande penitēce. Etant donc ce larron deliuré faillit du marrēt, & s'en alla ou il luy pleut, & Balays retourna ou la Damoiselle étoit demeuree, laquelle fut tref-aïse de le voir retourner sain, & plus encores d'être hors des mains de ces Brigans. Et pourtant luy dit: Helàs, mon Seigneur, ie suis biē tenuē à Dieu, & à vous du secours q̄ vous m'aués fait à tel besoing. Ie vous prie, répondit il, Damoiselle m'amie, me dire cōme vous étiés tombée en leur pouoir. Certainement, mon Seigneur, dit elle, cheminant par ce païs, ils m'arrērēt en vn dētroit qui ēt au dessus de cete montaigne, ou (à ce que i'ay sceu depuis) auoyēt coutume faire leurs détrouffes, & après qu'ils eurent mis à mort nos gens, m'amenerēt en ce lieu, esperans tous (à ce qu'ils disoyent) faire leur plaisir de moy, & me forcer l'vn après l'autre. Et ainsi qu'elle continuoyt ces propos, Balays fut frapé de l'amour d'elle, & le lui interrompit, disāt: En bonne foy, ma Damoiselle, s'ils vous eussent aussi bien prinse que vōtre bōne grace me tient, i'amaïs de leur grē ne fus siés partie d'avec eus, & puis que la fortune a tant fait pour nous deus de nous assembler en lieu si conuenable, pour commencer ensemble vne nouvelle amitié, ie

vous suplie ma grād amie (dit il en la baisant) en être contente, sati-faisant l'vn à l'autre par la jouissance d'amour. Ie ne sçay, répondit elle, cōme vous l'entédés: mais si par force i'eusse été contrainte obtemperer à leurs lasciuues deliberations, i'en eusse été excusable enuers Dieu & le mōde: mais vous otroyant de bon grē la vōtre, qui me pouroit excuser? Vous aués iusques icy fait tour de bon Cheualier: parquoy ie vous suplie acōpagner la force des armes, avec la continence & vertu en quoy vous êtes obligé. Quand Balays l'entendit parler si sagement, il se repētit de lui auoir tenu tel propos, & luy dit: Vrayement vous aués raison, & vous suplie ne prendre en mauuaise part ce que ie vous en ay dit, veu que vous sçaués, qu'il n'êt moins bien seant à tous cheualiers de requérir & desirer l'amour des Dames, qu'à elles de se garder prudemment, comme vous faites: & cōbien qu'au commencement nous estimions auoir beaucoup conquis, ayans d'elles ce que nous desirōs le plus, neant-moins quand discrettement & sagement elles resistēt à nos apetits desordonnés, gardans la chose sans laquelle ne leur reside rien digne de louange, elles sont de nous mêmes plus reuerrees, & du tout louees. C'êt pourquoy i'estime, répondit elle, plus le secours que vous aués fait à mon honneur qu'à ma uie, d'autant que la difference ēt incōparable l'vn à l'autre. Or bien, dit Balays, que voulés vous dōc que ie face maintenāt pour vous? Ie vous suplie (répondit elle) ôtons nous d'entre ces personnes mortes atendants le jour. Par Dieu (dit Balays) si i'auois cheual, ie serois bien de cēt auis: mais étant démon té, cōme ie suis, ie ne sçay que ie doy faire. Montons, répondit elle, tous deus sus le mien, tant q̄ ayōs trouvé autre remede. Et bien, dit Balays, lequel, sans plus differer, se ieta dessus, puis tandit le bras à la Damoiselle, qui monta en croupe, & s'en partirent, cheminans si longuemēt, qu'ils entrērēt en vne belle prayerie separee du grand

grand chemin d'environ vn grand trait d'arc, laquelle étoit pour lors verdoyante, & fréquentée (par le moyen des arbrisseaus qui l'ombrageoyent) d'infinité d'oyfillōs dégoisāns leur ramage, pour la veuē de l'Aurore qui annonçoit l'acheminement du jour. Lors leur print à tous deus enuie de reposer, & de fait descendirent atēdans le Soleil leuant: toute-fois ils n'eurent gueres sejourné en ce lieu, qu'ils remōterent à cheual, reprenans le chemin duquel ils s'étoient deuoyés, & pour ce que la deliberation de Balays étoit de trouver (cōme aués entendu) celui qui auoit fait fuyr le cheual de Galaor, demāda à la Damoiselle, qu'elle vouloit deuenir. Seigneur, répondit elle, ie vous prie suiuous ce chemin, tant que nous ayons trouvé quelque maison ou vous me puissiez laisser: puis allés ou il vous plaira. Or cheminōs donc, dît Balays. Et ainsi qu'ils trauerfoyēt chemin auiserent venir vn cheualier, portant sa iambe sus le col de son cheual: mais s'aprochant d'eus mit le pied en l'étrier, & donnant des esperons à son cheual, coucha sa lance contre Balays, le poussant si rudement, qu'il le renuersa, & la Damoiselle qui étoit en croupe, puis passant outre luy dît: Par Dieu Damoiselle, ie suis déplaisant de vōtre cheute: toute-fois pour amāder le tort que ie vous ay fait, ie vous meneray presentement en lieu ou il vous sera réparé: car celui qui vous conduit ne merite auoir la garde de vous. Durant ce propos Balays se leua promptement, & conneut que c'étoit le Cheualier qu'il auoit tant cherché, parquoy mettant l'écu deuant soy, & l'épee au poing, luy dît: Damp Cheualier, il vous deuoit suffire, q̄ par vous i'ay perdu mon cheual, & mon compagnon le sien, sans me prēdre encores au depourueu, comme vous aués fait: mais Dieu ne me soit iamais aidant, si ie ne m'en vège à mon plaisir. Cōment? répondit l'autre, êtes vous l'un des deus qui se truffoyent cete nuit passée de moy? par Dieu, ie feray maintenant tomber la mo-

querie sus vous: & couchant son boys cōtre Balays luy donna si grand coup sus sō écu, qu'il le fauça, neantmoins Balays à l'instant lui en coupa la hante, parquoy le Cheualier mit la main à l'épee, & en ataignit Balays au plus haut de l'armet par si grande force, qu'elle y antra plus de deus doits: toute-fois Balays se lança sus luy, le saisissant par l'écu qu'il auoit au col, lequel il tira si vigoreusemēt, qu'il emmena le cheualier à terre. Puis l'empoigna au colet, & le desarma de heaume, lui dōnant après tant de coups sus la tête, qu'oncques puis ne se releua: car il mourut à l'instant. Au moyen dequoy après que Balays eut rompu à force l'épee de son ennemy, laissant les pieces, joignant le cors, & print son cheual, montant la damoiselle seule sus celui qui les auoit apportés tous deus. Lors reprindrent leur adresse vers l'arbre du carrefour. Et pour ce qu'il étoit ja haute heure, & qu'il y auoit long tems qu'ils n'auoyent repeu, entrerēt en vn logis, auquel se tenoyēt deus fēmes deuotes & de sainte vie, qu'ils leur donnerent de tels biens qu'ils peurent recouurer. Et tandis qu'ils dīnoyent la Damoiselle leur conta toute sa fortune, & comme Balays l'auoit deliuree, mettant à mort les larrons qui la vouloyent forcer, dont les bonnes Dames louèrent grandement nōtre Seigneur, pour ce qu'ils faisoient maintes voleries & détrousemens en leur contree: & peu après Balays & la Damoiselle prindrent congé d'elles, & sans sejourner vindrent à l'arbre du carrefour, ou ils trouverent Amadis, qui à l'heure mêmes retournoit de son entreprise, & Galaor semblablemēt, au moyen dequoy voyans qu'ils auoyent à leur honneur si bien executé leurs deliberations, cōclurēt d'un commun accord de n'abādonner l'un l'autre, iusques a ce qu'ils eussent trouvé la court du Roi Lisuart. Or étoit il ia fort tard: parquoy la Damoiselle que Balays auoit amenee les pria d'aller au logis de sō pere, qui n'étoit loing de là, ce qu'ils lui

accorderent, & y furent treshonorablement receus, & traités, puis le lendemain de grand matin, après auoir ouy la messe, s'armerent & prindrent congé de leur hôte & de sa fille, & suyurent le chemin de Vindilifore. Mais entendés, qu'au parauât Balays auoit (suiuant sa promesse qu'il auoit faite au patrir de l'arbre du carrefour) présenté à Galaor le cheual qu'il auoit conquis sus le Cheualier, qu'il refusa pour en auoir recouuré vn autre, & que Balais en eût eu faute.

Comme le Roy Lisuart tint court magnifique, & de ce qui auint durant icelle.

CHAP. XXX.

IE vous ay cy deuant narré l'ayse & plaisir qu'eut le bon Roy Lisuart, pour les nouvelles que lon auoyt apportées à la court, de la cōualescence d'Amadis & de Galaor: & pour plus la faire paroître, conclud de tenir à leur arriuee état magnifique & royal, plus que nul de ses antecessors eût oncques fait en la grand Bretaigne, tellement qu'en peu de jours la court augmenta à merueilles. Ce que voyant Oliuas le quel (comme i'ay n'agueres recité) étoit venu expres se plaindre du lâche tour qu'auoit fait le Duc de Bristoye, ayant fait mourir en traïson son cousin germain, se vint ietter à deus genous deuant le Roy, demandant iustice, lequel après auoir eu l'auis de ceus de son sang, & autres Cheualiers, & anciens Gentis-hommes, decreta que dedans vn moy's, pour tous delais, le duc viendroit en personne répondre à ce qu'Oliuas lui mettoit à sus, & que s'il vouloit prouuer le contraire par deus cheualiers avec luy, qu'Oliuas seroit tenu d'en fournir de deus autres, ce qui fut incontinent fait sçauoir au Duc, & ce jour mêmes fut publié, que tous Gentis-hommes suiuaus les armes eussent à eus trouuer en la bonne ville de Londres au jour nôtre Dame de Septembre. Autant en fit faire la Roïne, pour auertir les Dames &

Damoiselles de ses païs, au moyen dequoy la court creut grandement en peu de jours, & n'y tenoit on propos que de ieus & nouveaux ébatemens, à quoy chacun s'employoit faisans la plus grande chere dont ils se pouvoient auiser, sans preuoir ni penser à la malice de fortune, qui essaye communement à troubler telles assemblees, lors que moins on se guette d'elle, pour faire cōnoître q̄ sa personne (quelque fois) propose autrement qu'il n'êt disposé. Etant donc cete noblesse en plaisir & joye, entra au palais vne Damoiselle étrange assés bien acoutree, & vn Gentil-homme qui l'accompagnoyt, laquelle demanda ou le Roy étoit. Lors le Roy mêmes à qui elle s'étoit adressée, luy répondit: Damoiselle, ce suis-ie. Vrayement, dit elle, Sire, vous semblés bien Roi à vôtre port & contenance: toute-fois ie ne sçay si le cœur êt de mêmes. Damoiselle m'amie, répondit il, vous iugés de ce que voyés: mais vous pourrés cy après cōnoître le reste, quand le voudrés éprouver. Sire, dit elle, ie croy que vous parlés selon la magnanimité de vôtre noble cœur, & ainsi que ie le desire: pourtât souuiène vous de si haute parolle, qu'au es proferée deuant tant de grands personages: car puis qu'il vous a pleu me faire telle offre, j'espère quelque jour essayer ce dont i'ay au commencement douté: neant-moins ie differeray iusques à cete fête de Septembre, pour-ce que i'ay entendu que vous voulés tenir court à Londres, en laquelle seront assemblés maints preud-hommes qui connoîtront (par ce que vous m'aués promis) si vous êtes digne de si noble Royaume, & de tant de cheualerie qui vous honore. Damoiselle, répondit il, d'autant que l'effait, si ie puis, sera meilleur que le dire, d'autât plus auray-ie plaisir que tant de bons cheualiers y soyent presens. Sire, dit la Damoiselle, si l'effait êt tel q̄ la parolle, j'ay certes raison d'être bien contête. Et ce disant print congé de luy, & retourna le che-

chemin qu'elle étoit venuë, dont toute la court s'ébait, & fut deplaisante de la legiere promesse qu'auoit faite le Roi sans sçauoir quoy iugeans en leur éprit, que l'entreprise de cete femme n'étoit sans vouloir mettre la personnedu Prince en quelq grand danger: mais il auoit le cueur si magnanime, que pour chose qu'il lui deut auenir n'eut voulu être taxé de couardie. Neantmoins il étoit tant aymé des siens, que eus mêmes eussent plutôt voulu mourir, que de lui voir souffrir mal, ou iniure, qui les persuadoit (craignans les dangers qui pourroyent survenir) à le dissuader de se deporter de la promesse, par trop legerement acordee, luy remontrans q̄ ce ne cōuenoit à sa maiesté, apelée à choses plus hautes, que ne sont les autres Cheualiers & Gentil-hommes. Et comme ils étoyēt sus ces termes, vont entrer trois Cheualiers, les deus armés de toutes pieces, & le tiers sans harnois quelconque, lequel se monroit trefancien par son poil blanc: toutefois, il auoit encores le visage frais & coloré, plus que son vieil âge ne requeroit, & si étoit grand & d'une biē fort bel le taille. Ce Cheualier portoit entre ses bras vn coffret excellēt, parquoi plusieurs Gentil-hōmes le voyāt venir vers le Roi lui firent voye. Lors, s'enquit lequel étoit le Roi, & lon le lui mōtra. Adōc mit les genous à terre & adressāt sa parole à lui, lui dīt: Dieu garde de mal vn tāt bō Prince, cōme ēt le Roi Lisuart, qui à fait (à ce q̄ lon m'adīt puis peu de iours) la plus excellente promesse qu'autre Roi pourroit faire, s'il l'entretient. En bonne foi Cheualier, répondit le Roi, ie ne promis oncques chose q̄ ie n'aye gardee à mō pouuoir, & ferai, si ie ne puis: mais ie voudrois bien sçauoir dequoi vous voulēs parler. Sire, dīt il, j'ay sceu que vous delibérés maintenir cheualerie au plus grand honneur qu'elle pouroit être, qui ēt chose dōt peu de Princes se mettent au iourd'hui en peine: parquoi d'autant plus êtes vous à louer, que nul autre. Vrayement, Cheua-

lier, répondit le Roi, lon vous à dīt vray & vous puis encores asseurer, que i'y ferai mon possible pour l'honorer & augmēter, tant que la vie me durera. Dieu vous en doint grace, dīt le Cheualier. Et pour ce, Sire, que j'ay sceu aussi, que vous auēs mādē les Princes & Signeurs de vos païs, pour eus trouuer en vōtre court à cete prochaine fête de Septembre, ie vous ay aporté avec moi choses qu'un tel Roi que vous êtes les doit dignemēt receuoir. Puis ouurant son coffret en tira vne couronne d'or, tāt biē ouuree & enrichie de pierres precieuses, & de Perles oriētales, qu'onques n'en fut veu de si riche, & sembloit biē à chacū, q̄ chose si belle ne meritoit être mise ailleurs q̄ sus le chef d'un bien grand Signr. Quand le Roi l'eut maniee & longuement regardee, il eut grand desir de la recouurer, pour quelque pris q̄ ce fut, ce q̄ connoissant le Cheualier, lui dīt: Sire, cete couronne ēt de telle manufacture, qu'il n'y a Orfevre qui sceu faire la pareille. En bonne foi, répondit le Roi, ie le croi. Il y a d'auātage, dīt le Cheualier: car si elle ēt excellente & étrangemēt ouuree & enrichie, elle a encores vne autre vertu plus à estimer, cēt que le Roi qui l'aura en son pouuoir, augmētera en tous biens & honneurs, & ainśi auint à celuy pour lequel elle fut faite, tāt qu'il a vécu, & depuis ie l'ay si soigneusement gardee, que nul Prince que vous ne la veuē: mais si elle vo⁹ étagreable, ie vous en ferai present, pourveu que vous m'aydēs à sauuer ma tête, laquelle ie suis en hazard de perdre. Or étoit la Roine presente, qui desiroit encores plus que le Roi qu'il la recourāt: parquoi print le propos, disant au Roy: Mon Signr, il me semble qu'elle vous ēt fort bien seante, ie suis d'avis que l'acceptēs pour le pris pu'il en demande. Vrayement ma Dame répōdit le Cheualier i'ay encores mieus pour vo⁹, s'il vous plaīt l'acheter, c'ēt ce manteau le plus riche & mieus ouvré qui fut oncques veu en l'Occident: car outre les pierreries dōt

LE PREMIER LIVRE

il ét enrichi, qui sont d'ineestimable valeur, il ét figuré de toutes sortes de bêtes, & oyseaus que nature sçauoit produire. Sus ma foi, dît la Roine, il ét merueilleusement beau, & semble (tant ét diuinemēt fait) que ce soit ouvrage excédant le pouuoir des hōmes. Vous dites vrai, ma Dame répondit il aussi se pourroit mal aisemēt trouuer son semblable: mais ce n'ēt riens de sa richesse au respect de sa propriété & grand vertu, qui ét telle, qu'il ét plus pertinent aus Dames mariées qu'à nulles filles, d'autant q̄ celle qui l'aura sus elle ne pourra être aucunement fâchee de son mari. Cēt grand cas, dît la Roine, s'il ét vrai. Ma Dame répondit le Cheualier, si vous l'achetés vous le pourrés éprouuer. Lors l'envie creut à la bonne Dame de l'auoir, pour quelque pris que ce fut spécialement pour nourrir eternelle pais & grāde amitié entre le Roi & elle, & dît au Cheualier. Et bien cōbien me le vendrés vous? & cēte coronne au Roi? Sire, répōd il & vous ma Dame, ie vous supplie entendre mō infortune: Ie suis sorty n'agueres des mains d'un, qui m'a longuement de tenu prisonnier sous vne étrange cōdition, qui me cause trop grād ennuy: car ie n'ay quasi nule esperance de trouuer remede à ma vie. Et pource que ie ne sçay bonnement q̄ vallent ces ioyaus, ie les vous laisserai iusques au iour q̄ vous êtes delibéré de tenir vōtre court royale que ie me trouverai à Lōdres, lors vous me les rendrés, ou m'en dōnerés tout ce que ie vous demanderai. Ce pēdant eprouués les, si bō vous semble: car les ayant experimentés tels que ie vous ai dît, vous aurés plus d'occasion, & de vouloir de les payer biē. Par Dieu, dît le Roi, puis que vous en fiés en moi, assurez vous q̄ vous en aurés tout ce q̄ vous voudrés, ou ils vous seront rendus. Cēt assés, répondit le Cheualier. Lors s'adressant à l'assistance, leur dît: Mes Seigneurs aués vous tous entendu que le Roi me promet qu'il me rendra mō manteau, & la coronne que ie luy laisse en vō

tre presence, ou m'en donnera ce que ie lui demanderai? Nous l'avons ainsi entendu, répondirent ils. Or a Dieu doncques dît l'ancien Cheualier: car ce m'ēt force de retourner en la plus cruëlle & dure prison, ou oncques entra pauvre Cheualier. Mais entendés que durant tous ces propos, les deus Cheualiers, qui conduisoient le veillard, auoyent toujours été presens, l'un déquels auoit la visiere de son armet haucee & paroissoit fort ieune homme, & l'autre au contraire, baïssoit la tête pour n'être nulement conneu, & se monroit tant grād & si extreme, qu'il n'y auoit Cheualier en la maison du Roi qui se peut égaler à luy de grandeur à un pié pres. Ainsi s'en partirent eus trois, laissant en la possession du Roy le manteau & la couronne comme aués entēdu.

Comme Amadis, Galaor, & Balays arriuerent en la court du Roy Lisuart, & de ce qui leur auint depuis.

CHAP. XXXI.

Estant Amadis, Galaor, & Balays partis du château de la Damoiselle, cheminerent tant, que sans aucun détourbier, ils arriuerent en la court du Roi Lisuart, ou ils furent receus à grand ioye, & mieus que de long tems autres Cheualiers n'auoient été, mēmemment pource q̄ Galaor n'y auoit oncques entré, n'y étoit conneu q̄ par sa haute & cheualeresque renommee: D'auantage Amadis se trouuoit sain, lequel lon auoit au parauant réputé mort, pour les nouvelles faintes qu'en aporta Arcalaus. Et à cēte cause la fōulle du peuple pour les voir, étoit tāt grande que merueilles. Lors le Roi les embrāça, puis les print par les mains, & lui même les conduit en vne chambre pour eus desarmer & rafraichir: mais tōt après ils retournerent vers lui, Adonc ny eut celui qui ne les vît de bon cueur, & s'en fut peu trouué qui ne blāmassent la méchante inuention d'Arcalaus, & de la Damoiselle qui auoit essayé à les

à les faire tous deus mourir, ayans si grand commencement aus armes, étans encores à la fleur de leur âge. Or entendés, qu'aussi tôt que le Roy fut auerty de leur arriuee, il le fit sçauoir à la Roine, sachant qu'elle en seroit tresayse, & d'auantage lui manda, qu'elle fit tout le bon recueil à Galaor, dont elle se pourroit auiser, & qu'il les luy meneroit incontinent auecques Amadis. Ce qu'il fit acomagné du Prince Agraies, de dō Galuanes & du Roi Arbā. Mais ainsi qu'ils entroiēt en la salle ou les Dames les atendoient, Amadis ietta l'œil sus ma Dame Oriane, & elle aussi. Lors n'y eut celui des deus qui ne se mit à trembler, spécialement l'Infante, laquelle en vn instant pallissoit & rougissoit, tellement qu'onques elle n'eut visage plus mal assuré: car voyant si près d'elle celui que peu deuāt elle pensoit en être a iamais éloigné, pour le rapport qu'en auoit fait Arcalaus (comme j'ay recité) elle ne se pouuoit quasi persuader que ce fut il, de sorte que son ennuy encores récent se presenta deuāt ses yeus, tellement qu'il luy fut impossible tant se contenir qu'elle ne pleurāt: toute-fois cete tristesse ne fut de longue duree, ny aucunement aperceue: car chacun s'amusoit à regarder & écouter les deus freres, au moyen dequoi la Princesse Oriane se retira à côté pour essuyer ses yeus, tandis qu'Amadis étāt à genous auec Galaor, disoit à la Roine: Ma Dame suiuant ce qu'il vous pleut me commāder au partir de la court, ie vous ay amené ce Cheualier, leq̄l ie vous presente cōme bien vôtre. Vrayment, répōdit elle, vous m'aués fait grād plaisir, & soit le trebien venu, & vous aussi, puis les embrāça. En bōne foi, ma Dame, dît le roi, vous me ferés tort, si vous me les ôtés tous deus, vous aués déjà Amadis, il me semble q̄ vous deués être contente, & me laisser le Seigneur Galaor. Certes, Sire, répondit elle, vous ne me demādes petite chose: mais s'il luy ét agreable, vous ne serés refusé encores q̄ iamais

tel present ne fut dōné en la grād' Bretaigne: toute-fois, puis q̄ vous êtes le meilleur Roi qui onques y regna il vous sera biē employé. Puis dît à Galaor, Signr Galaor qu'ē dites vo? Le Roi à desir de vous auoir, serés vous sien? Ma Dame, répōdit il, il me senble q̄ tout ce qu'un si grand Signeur demande, lui doit être otroyé, s'il ēt possible. Vous m'aués icy ponr vous obeir en toutes choses, pourveu q̄ ce soit le plaisir de mon Signeur mon frere, qui a toute puissance sus moi. Il me plaît trébiē, dît la Roine, que vous faciés le commandement de vôtre frere, pource q̄ j'auray promptement (par lui) bōne part en vous, comme de celui qui ēt mien. Ouy vrayement, ma Dame, répōdit Amadis, puis s'adressant à Galaor, lui dît: Mon frere, obeissés à la Roine, ie vous en prie. En bonne foi mon Signeur, répondit Galaor, ie le ferai, puis qu'il vous à pleu me donner tant de puissance sus moi. Je me mets du tout à sa bonne grace pour m'ordonner & cōmander ainsi qu'il lui plaira. Je vous mercie de bon cueur, dît la Roine, vous serés donc tout presentement au Roy. Et ce disant le print par la main, & le fit leuer, puis dît au Roi: Mon Signeur vous aués voulu auoir ce Cheualier, & ie le vous donne, par tel si q̄ ie vous supplie de l'aymer & biē traiter autāt qu'il le merite, qui ne sera peu. Si dieu m'ayde, repōdit le Roi, ie le reçoys, & vous mercie tous deus grandement, vous assurant (ma Dame) qu'il s'apercevra en brief, combiē ie l'ayme & estime: toute-fois ie croy qu'a grād peine pourroit il être autant bien voulu de moi nē d'autres, qu'il y a en luy de valeur. Lors si Amadis eut osé parler, il eut volūtiers debatū au contraire: car il lui étoit biē auis qu'il aimoit son Oriane plus q̄ son frere, ou autre n'eut peu valoir. Ain si demeura Galaor au seruice du Roi, duquel onques puis ne se separa pour querelle qu'eut Amadis, comme nous deduirons ci après. Durant ces propos, Oriane, Mabile, & Olinde, s'éroyent retirées assés

loing des autres Dames, & d'autre côté Amadis & Agraies deuisoyēt ensemble, tan dis q̄ le Roi & la Roine entretenoyēt Ga laor parquoy Mabile apella son frere, & lui dît : Le vous prie faites aprocher ce Cheualier à qui vous parlés, & que nous auons tant désiré. Lors Agraies retour na ou il auoit laissé Amadis, qui faig noit ne se soucier d'aprocher d'elles, & lui dît: Mon Seigneur, ces Dames ont en vie de parler à vous, & vous priēt de vous aprocher d'elles, ce qu'il fit. Or étoit Ma bile prudente & auisée, & non ignorante avec quelles medicines elles deuoit trai ter leurs cueurs passionnés parquoy après qu'elles trois lui eurent fait la reuerence, & lui à elles, Mabile print Amadis & le pria s'asseoir entre elle et Oriane, & Agrai es tout au plus près, ioignant de la belle Olinde, puis dît en riant. Encores que ie sois maintenant entre les quatre person nes du monde que i'ayme le plus, si ai-ie tant affaire ailleurs, qu'il me faut vo' lais ser. Ainsi demurerent seuls: atentifs cha cun de gouverner ce qu'il aymoît. Lors commença Amadis à deuiser à sa Dame, & pensant lui declarer la grande affectiō, qu sous bonne ésperance il nourrissoit, l'a mour forte & extrême lui ôta entieremēt la facilité du parler: toutefois les yeus v sans de leur office suplierent le defaut de la langue rendant bon témoignage à cel le qu'ils regardoyent, cōbien le cueur tri ste langoureux étoit transi par trop d'aise & de plaisir. Ce que connoissant Oriane lui print secretēment la main sous son manteau: puis luy serrant étroitement les doigts, lui dît en soupirant: Mon amy, quelle douleur, quelle angoisse me donna l'autre iour ce traître, qui aporta ceans nouuelles de vōtre mort! croyés qu'onc ques pauvrete ne fut en tel peril q̄ moi, & non sans cause: car iamais femme ne fit telle perte que i'eusse faite en vous per dant. Et tous ainsi q̄ ie suis mieus aymee q̄ nulle autre viuante, ma fortune m'a tāt fauorisée qu'elle a voulu que ce soit de

celui qui vaut mieus que nul qui viue. Lors Amadis baissa la veuē de hôte qu'il eut de s'ouyr si fort louer par celle, à qui il estimoit toutes louanges être deuës, & sentit son éprit tant alteré, que s'éforçāt de répondre, la parole lui demouroit en la bouche, dont Oriane s'aperceuant con tinua son propos, lui disant: Mon amy, cō me seroit il possible que ie ne vous aimas se plus que chose du monde, quand ceus mêmes qui ne vous virent oncques vous aiment & estiment? & moi étant celle que vous aymés & estimés si fort, n'ay ie pas bien ocaſion de vous aymer plus que moy-mêmes? Sus ma foi, ma Dame répō dit Amadis, vōtre dous & gracieus parler êt suffisant pour me faire mourir de mil le morts, & reuiure autant de fois: mais quoi? ie vous suplié pour cēte heure auoir seulement pitié de mō extremité qui me rend encorēs pire que mort, pour vous ai mer trop ardemment: car si ie fusse finy, comme Arcalaus raporta, telle fin m'eut été commencement de repos & grād sou lagement, si elle m'eut apellé premier que vous connoitre combien que l'heure de vōtre connoissance soit ma felicité entie re: toute fois ie me sans en telle passion, qu'il seroit impossible que mon cueur ne fut cōsumé par ennuy, sens le plaisir qu'il reçoit en vous faisant seruice, & le bien auissi que vous lui faites par le seul souve nir que vous aués de moi. Mais la neces sité le contraint vous suplier auoir de lui plus de mercy qu'il ne merite, & le trai ter par recompence non meritee, ains se lon le besoing qu'il a pour tou-jours lui augmenter la force de vous obeir, attendu que s'il n'ēt de brief secouru, sa cruelle fin ne peut tarder. Disant ces parolles les grosses larmes tōboyent de ses yeus, qui couloyent le long de sa face, sans qu'il les peut contenir, & de fait il se trouua si transy, que si l'amour ne l'eut consolé par l'esperance dont il paît & entretient ceus qu'il tormente, l'ame à l'heure même se fut departie, pour donner plus de lieu au plai-

plaisir qu'il auoit par la faueur que lui faisoit la Dame, lui serrant ainsi les doigts à chacun mot qu'il proferoit, qui portoit certain témoignage du desir qu'elle auoit de lui faire meilleur traitement, si le lieu & le teins quelquefois le permettoit. Et pour lui en donner encores plus parfaite assurance, elle répondit: Lâs mon amy, pour Dieu ne me tenés iamais propos de vôtre mort! car le penser seulement m'est insupportable, cōme celle qui sçait certainement, que vous mourant elle ne pourroit vivre vne seule heure après: mêmes que si ie treuve plaisir en ce monde, cét par vous qui y viués, vous assurant mon amy, que ie suis certaine de ce que vous m'aués maintenât dit, pource q par moi-mêmes i'en ai fait la preuve, endurât tout tel tourmēt que vous faites: & si le vôtre semble plus extreme, ce n'est pour autre raison, qu'étant mon vouloir tout tel que le vôtre, & me deffaillant semblable pouoir que vous aués, pour mettre en effait ce que nos deus cueurs desirent tant, l'amour & la douleur se manifestēt en vous plus extremes qu'en moi. Mais ie vous promes ma foi, mon amy, que si Fortune ou nôtre moyen ne nous montre de bref chemin pour sati-faire à nôtre repos, que moi-même le trouueray quoy qu'il en puisse auenir, fut haine de pere, de mere, & de tous mes parens & amys: car il me feroit impossible de plus retarder nôtre grand plaisir, & ainsi endurer & desirer, ayans de quoi nous exempter & éteindre ce grand feu, qui s'allume, & croit d'heure à autre en nos cueurs. Lâs combien ce propos pleut à Amadis! certes cete esperance grande le faisoit encores plus souffrir, & tellement qu'il ne pouuoit autre chose faire, que regarder la Princesse d'un œil si piteus, qu'elle mêmes enduroit outre sa passio partie de celle d'Amadis, & le voyant transporté, mit le pié sus le sien, lui disant: Dea mon amy, ie ne sçai pourquoy vous vous deconfortés ainsi. ie vous prie ne vous ennuyer: car ie vous tiédrai

ce que ie vous ay presentement promis: & en atendant vous ne partirés (s'il vous plaît) de la court: car le Roi veut tenir ces iours prochains état royal, & suis seure q luy & la Roine vous prieront d'y assister, sçachans bien que vôtre presence honorerà si grande compagnie, & ainsi qu'elle donnoit fin à son propos, la Roine apella Amadis qu'elle fit seoir ioignant Galaor: car le Roi s'étoit retiré. Adōc les Dames se mirent à iuger de la differēce des deus freres: mais ils se ressembloyent tāt bien, qu'elles n'y sceurent que contrarier, ains furent toutes d'opinion, que Dieu les auoit rēdus parfaits entre tous autres Cheualiers, fut en beauté, noblesse, bonté & bonne grace, & de visage, & corsage si cōformes, qu'el eut été difficile y mettre difference, excepté que Galaor étoit vn petit plus blanc, & Amadis de plus gros osse-mens, les cheueus crespes & blonds, & le visage plus rouge que Galaor, auquel les autres Dames n'auoyent encores parlé, combien qu'elles en eussent grand desir, & bien s'en aperceut la Roine: car elle lui dit: Seigneur Galaor, ne voulés vous pas voir ma fille, & ces autres Damoiselles qui vous regardent de si bon cueur? Oui bien, ma Dame, répondit il, si c'est vôtre plaisir. Lors se leua & leur vint faire la reuerence, & elles le receurent gracieusement, puis se mit à genous les entretenāt de maints gracieus propos, durāt léquels il se print à contempler l'excelēce de ma Dame Oriane & la voyant tant belle, esti ma qu'il seroit impossible qu'elle peut être seconde à creature viuante, iugeant en son esprit q cete seule ocaſion auoit ainsi arrêté Amadis son frere en la court du Roi Lisuart. Ce pendant les Dames lui disoyent, Seigneur Galaor, vous soyés le tre-bien venu par deçà: les autres, Mon cousin, quand il vous plaira vous connoitrés que ie suis de vos meilleures parentes & amyes, & il leur répondit: mes Dames, ie vous mercie toutes affectueusement du bon traitement que vous me faites, duquel

LE PREMIER LIVRE.

quel ie suis en partie redeuable à mon-
sieur Amadis: car sans lui qui, par amour
ou par force, renga tous autres Cheua-
liers à luy obeïr, ie n'eusse de cinq ans re-
çu en cete court tant grâde faueur & bõ
recueil que lon m'y fait, n'étant delibéré
de plus tôt y entrer. Bien s'aperceut Ga-
laor, que parlant d'Amadis Oriane auoit
changé couleur, & quelle ne se peut con-
tenir de soupirer, parquoy, tint la suspitiõ
precedante qu'il en auoit eue, pour chose
veritable, ce qu'il dissimula sagement Et
fus ces entrefaites le Roi retourna à la
Roine qui se mit à rire & deuïser avec eus
montrant meilleur visage qu'il n'auoit
fait de long tems, à ce q̄ chacū eut part du
plaisir qu'il auoit pour le retour d'Amadis,
& de son frere: lesquels peu après il emme-
na quand & lui en la salle, ou lon auoit
couvert pour le souper, & leur comman-
da d'eus assëoir en vne table (dressée tout
expres) avec Agraies & Galuanes seule-
ment. Et tout ainsi que eus quatre furent
pour lors separés de tous les autres, aussi
se trouverēt ils depuis ensemble en maïts
trauaus & dangers infinis, qu'ils eudure-
rent voluntiers pour la grâd' amour qu'ils
auoyent l'un à l'autre, & telle, qu'encores
que dom Galuanes n'eut aucune affinité
de paréage qu'avecques Agraies, ce nõ-
obstant Amadis & Galaor ne l'apelloyent
autrement que leur oncle, & luy ses ne-
ueus, qui fut cause d'acroître beaucoup
l'honneur & reputation de lui, ainsi que
suyuant l'histoire il sera fait mention.

*Comme le Roi Lisuart s'en partit de Vindili-
fore, pour aller en sa bonne cité de Londres, tenir
court Royale.*

CHAP. XXXII.

AV commencement de ce livre
a été fait ample mention, com-
me nôtre Seigneur par sa bon-
té apella Lisuart au Royau-
mé de la grand' Bretagne, le rendant
peu après de Prince desherité, Roi paissi-
ble d'une telle monarchie, par la mort &

trépas de Falangris son frere aîné, qui en
mourut Roi sans auoir aucuns hoirs pro-
crées de son cors. Semblablement com-
me il fut par tout le monde reputé sigrâd
Signeur, que maints Cheualiers vindrent
de diuerses contrees étranges pour le ser-
uir, ne s'estimans heureux s'ils n'auoyent
le moyen deus nommer Cheualiers de sa
maison: mais quelque tēs après, ou pour-
ce que ce Roi fortuné oublia celuy qui
lui auoit tant fait de bien, ou (peut être)
que telle fut la permissiõ diuine. Le Signr
Dieu permit que ce Roiaume tant felice
tombât en persecutiõ, & q̄ l'illustratiõ du
bõ Roi Lisuart se troublât & obscurcît,
pour dõner cõnoissance q̄ lui seul ét Si-
gneur & Roi de toutes creatures viuâtes,
leq̄lles eleue, ou abîme cõme il lui plaît,
ainsi que vous entendrés maintenât. Car
ce Roy Lisuart ayant cõclud de tenir la
plus haute & excellēte court qu'eut onc-
ques tenu Roy en la grand' Bretagne,
cõmanda qu'au cinquieme iour ensuyuât
tous les Signrs de son Royaume se trou-
uassent à Lõdres, pour auiser sus l'état de
la cheualerie, qu'il auoit delibéré mainte-
nir & acroître au plus grand hõneur, qu'il
lui seroit possible: mais au lieu mēmes ou
il estimoit que la plus part du monde lui
deut rendre obeïssance, survindrēt les pre-
mieres échauguettes de Fortune qui mi-
rent sa personne, & états en tregrad dan-
ger d'être ruinés & perdus, ainsi qu'il vous
sera recité. Partant doncques le Roy Lis-
uart de Vindilifore, & toute la court pour
venir à Londres, c'étoit chose amirable de
voir la multitude des Signeurs, Dames, et
Damoiselles, qui les suyuoient, même-
ment de tāt de ieunes Gentil-hõmes qui
y étoient venus, les vns pour voir la ma-
gnificence, les autres pour faire seruice à
leurs amyes, & ne tenoit on propos que
d'ébats & passetems nouueaus. Or auoit
le Roy ordonné (pour plus magnifier sa
court) q̄ nul ne logeât dans la ville, ains q̄
chacun fit tendre son pauillõ sus la grâd'
prairie, le long des riuieres & ruisseaus,
pour

pour euitier l'extreme chaleur qu'il faisoit lors. Ce qui fut fait, au moyen de quoi il sembloit proprement d'un cāp, ou la plus part du monde s'étoit assemblé, toutefois pource que le Roi y arriua deus ou trois iours deuant la fête, il s'en alla descendre au palais, acompagné seulement de la Reine, d'Amadis, Galaor, Agraies, dom Galuanes & quelques autres des fauorisés, & le demeurant se retira en la prairie, ainsi que les Fourriers auoyēt departy les quartiers. A son arriuee furent faits plusieurs sortes d'ébatemens qui continuèrent tant que Fortune (ennuyee de l'aise de ce bon Roi) les changea en pleurs & diuersités d'ennuys, par le moyen d'un Seigneur, nō pas vassal du Roy, mais plus son voisin que grand amy nommé Barfinan, homme opulent en richesses, & peu garni de vertus, lequel s'y voulut trouver, pour la raison qui vous sera presentement deduite. Ce paillard (duquel ie vous parle) étoit Seigneur d'un pais nommé Salsuegue, & fort familier d'Arcalaus l'Enchanteur, lequel peu deuant s'étoit retiré vers luy, & luy auoit tenu tel propos: Mon Signr l'envie grāde que i'ay de vous faire seruice m'a fait trouver le moyē (s'il ne tient à vous) de vous rēdre en briefle Royaume de la grand Bretaigne paisible entre vos mains sans beaucoup vous hazarder, n'entrer en despense, Quand Barfinan (qui étoit hōme ambitieux) entendit parler Arcalaus, qui promettoit le faire Roi, s'il vouloit, lui répondit: En bonne foi, mon ami Arcalaus, si tu pouois faire ce dont tu ce vātes, ie ne craindrois à y hazarder ma personne & moins la despence, si i'y vois l'acheminement facile. Il ēt aisé, dit Arcalaus, & presentemēt ie vous en declareray le moyē, pourueu que vous me iurés, qu'apres que vous y serés paruenue, me ferés superintendant & grand maitre de vōtre maison. Ouy, par Dieu répondit Barfinā, & mieus encores. Or voicy le point, dit Arcalaus, le Roy Lisuart a fait publier qu'à cete fête de Seprēbre il tiendra court Roia-

le, en laquelle vous yrés acompagné de bon nombre de Cheualiers: lors ie feray tant que ie l'emmeneray prisonnier, si à propos qu'il ne pourra être secouru de nul homme viuant & par même moyen ie ferai enleuer sa fille, laquelle vous prendrés à femme. Ce fait ie vous enuoyrai la tête du Roi: ainsi, puis que la Princesse ēt droite heritiere, & vous étāt son mari bien acompagné cōme ie vous ay dit, aisement vo' saisisrés le royaume, & ne trouuerés aucun qui vous contredie. Certes, répondit Barfinan, si telle entreprise pouuoit auoir bōne yssuē ie te ferois le plus riche & puissant qui fut oncques en ton lignage, voire le premier de ma maison. Il fust, dit Arcalaus, vous vo' apercevrés be bief q' i'entreprends peu souuēt chose q' ie n'exécute. Mais ne faillés (comme ie vous ay dit) de vous trouuer à cete assemble de Lōdres. Et pour cete occasion ce paillard Barfinā vint vers le Roi Lisuart, faignant que ce fut pour luy faire honneur: parquoi le Roy enuoia au deuant de lui maints Cheualiers pour le receuoir cōme son amy: & d'auātage, lui fit pouruoir de logis & de toute autre chose qu'il pēsa lui être necessaire. A son arriuee vint descēdre au Palais et voir le Roi, auq̄l il dit: Sire, étāt auerty de la magnificence q̄ vous delibérés tenir en vōtre court, aussi de tant de bons Cheualiers & hauts hommes qui s'y doiuent trouuer, i'ay pēsé à ce iour vous venir visiter & faire hōneur de ma personne, nō comme vōtre vassal, ou sujet, ne tenant mes pais que de Dieu & de l'épee: mais comme vōtre bō voisin & amy, s'il vous plaît. Vrayement, répondit le Roy, vous me faites honneur & grand plaisir, & suis trefaise de la peine que vous aués voulu prendre, de vous trouuer en si bonne compagnie, vous assurant, Seigneur Barfinan mon amy, que ie le reconnoitray envers vous, en ce que ie pourrai, & qu'il s'offrirā: car ie vous estime l'un de mes meilleurs amis. Sire dit Barfinā vo' aués raisō. vous assurant sus ma foi, q̄ tāt q̄ vivrai, ie
ferai

LE PREMIER LIVRE.

serai prêt à vous conseiller en vos affaires, ainsi que de lōg tems i'ay le desir. Ha le traitre il n'en mentoit de mot: mais le bon Roi ne l'entendoit pas, qui l'ëremercia de bien bon cuer: & pour lui faire encores plus de honneur se délogea de son palais pour le mieus loger, se retirant avecq' la Roine hors la ville en ses tentes & pavillons, qu'il auoit fait dresser en la prairie: toute fois au parauāt il luy fit entendre entieremēt l'entreprise qu'il auoit deliberée, & l'ocasion de la grande assemblée qu'il auoit faite, lui declarāt par nō & surnō ses Cheualiers plus recommandés, leurs prouës & hautes entreprises: entre lēq's il n'oublia Amadis et Galaor: car disoit le Roi en les lui montrāt: Mō grād amy, ie vous puis asseurer, qu'il seroit quasi impossible qu'il y eut plus de hardiesse acompagnée de ce qu'il èt requis à bōne Cheualerie qu'il y a en ces deus. Et tāt furent sur ces propos q' chacū se retira, le Roi aus tentes, & Barfinan au palais: mais depuis qu'il eut oui parler le Roy, & cōneu sa puissance, mēmes l'amour & obeissance que lui portoyent tant de grans Princes & autres se vassaus, il lui fut impossible auoir repos en son éprit, & quelque fois se repentoit de la folle entreprise qu'il auoit faite, connoissant être chose trop mal aysée à executer, puis tout à coup changeoit propos sans (toute fois) pouoir riens resoudre: car il n'auoit plutōt vne opinion, que soudain il nes'en representāt vne autre deuant les yeus. Et ainsi variant arrēta, que puis qu'il étoit venu si auant essayeroit la Fortune, laquelle souuent apelle les moyens quand lon les repute plus absentes & en cēte deliberation s'endormit iusques au lendemain matin, qu'il vint trouver le Roi déjà prêt & paré de son vestement royal, comme ils accoutroient en telles assembles, & la plus part de tous ses Cheualiers qui l'accompagnoient: car le iour precedāt il leur auoit commādé ainsi le faire, pour ce qu'il vouloit commencer sa court des le point du

iour pour la rendre plus parfaite. Lors manda à la Roine qu'elle lui enuoyāt la cuoronne que le Cheualier lui auoit laissée, & qu'elle vêtit le manteau qui lui fut apporté quant & quant: parquoi la bonne Dame enuoya querir le coffret, ou elle pensoit les trouuer: mais elle fut deceuë: car l'ayant ouuert ne trouua aucune chose dedans, dont elle fut trop ébahie, d'autant qu'elle ne s'étoit fiée de la clef à creature viuante qu'à elle même l'ayant toujours gardée, toute fois voyant qu'il n'y auoit remède le fit sçauoir au Roi, lequel pour déplaisir qu'il en eut, n'en fit semblāt, ains vint trouver la Roine, à laquelle il dit: Ma Dame, ie m'ébahī cōme vous aués si mal gradé ce qui nous étoit tant conuenable à tel iour, & baillé sous bien étrange condition. Sus ma foy mon Seigneur, répond elle, ie ne sçay que vous en dire sinō que i'ay trouué le coffret fermé duquel i'ay moy-mêmes gardé la clef sans que autre la maniat iamais. Tant y a que cēte nuit en dormant il m'a semblé qu'il èt venu à moi vne Damoiselle, qui ma dît, que ie lui montrasse, ce que i'ay fait, puis men a demandé la clef, laquelle ie lui ay baillée, & l'a ouuert, prins le mātēau & la couronne: ce fait il m'a été auis qu'elle la renfermé, & remis la clef ou ie l'auois prinse. Lors s'ët vêtue du manteau mettant la couronne sus son chef qui luy feoit tant bien, que ie prenois grand plaisir à la regarder, & me disoit que celui, ou celle à qui elle sera, regnera deuant cinq iours en la terre d'un puissant Roi, qui à present travaille fort de la garder & d'en conquerir d'autres. Adonc ie luy ay demandé qu'il étoit, & elle me répondit: Vous le sçaurés au tems que ie vous dy. Et ce disant s'ët éuanouye de moi, avec la couronne & le manteau: mais sus ma foi ie ne sçay si cēte vision m'ët venuë endormant, ou si elle èt vraye. Lors fut le Roi plus ébahī que deuant, & lui répondit: Ma Dame ie vous prie dissimulés le tout, & n'en parlés à personne, puis la

prinç

print la main, & sortirent dehors de la chambre: parquoy vindrent Cheualiers, Dames & Damoiselles les accompagner au lieu ordonné pour la ceremonie du jour, ou ils trouverét deus chaires de pare mēs, dans lesqelles ils s'assirent, enuironés le Roy de Gentis-hommes, & la Roïne de maintes belles femmes. Or auoyt le Roy ordonné que tout au plus pres de sa personne se tinssent Amadis, Galaor & Angraies, & Galuanes sans terre, & au derriere le Roy Arban de Norgales armé de toutes pieces, tenant l'épee nuë au poing, accompagné de deus cēts Cheualiers pour sa garde: puis fut crié par les Herauds de faire silence. Mais ainsi que le Roi vouloit parler, se presenta vne trébelle Damoiselle richemēt vêtue & paree & avec elle douze autres damoiselles, toutes acoutrees de même sorte: car en ce tems étoit la coutume des grands Signeurs & Dames de mener leurs gens en telles assemblees, vêtus comme leur propre personne, sans qu'il y eût aucune difference. Lors cete belle Damoiselle adressant sa parolle au Roy, luy dit: Sire, ie vous supplie treshumblement me donner audience, puis me faire raison d'un different que j'ay à l'encontre de ce Cheualier, que ie voy joignant vōtre maiesté, & ce disant, mōtra Amadis. J'ay, dit elle, bien long tems été requise par Angriote d'Estrauaus (qui ét en cete assemblee) d'être sa femme. Adonc recita par le menu comme le tout étoit auenu, & pour quelle raison elle luy auoit fait garder le val des Pins: ou quelque tems après suruint vn Cheualier nōmé Amadis lequel lui fit par force d'armes abandonner: toute-fois j'ay entendu qu'ils, se partirent ensemble amys, & que cēt Amadis luy promît qu'à son pouoir il fera qu'Angriote m'aura pour sa femme, dequoy étant auertie me retiray en vn mien château, auquel ie mis telle garde, & si forte coutume qu'il me sēbloit impossible que nul Cheualier étrange y peût entrer par force: puis recita la maniere, ainsi que cy

AM. I

deuant a été déclaré. Mais Sire, ce Cheualier y suruint, & fit tant de deuoir, qu'il força les gardes, & la coutume de la foresterie. Or parloit elle d'Amadis qu'elle ne connoissoit, & ne pensoit que ce fût il: toute-fois peu après qu'il y fut entré, il me promit sans contrainte, qu'à son pouoir il essayeroit qu'Amadis se deporteroit de la promesse qu'il auoit faite à Angriote. Mais à l'heure même il eut gros combat contre vn mien oncle que voicy present, & declara pour quelle cause ce fut, aussi ce qui en auint. Et quand elle montra Gasinan (duquel elle parloit) & que lon entendit qu'il auoit si hardiment osé cōbatre Amadis, chacun l'estima grandement. Or Sire, dît elle, la fin de leur melee fut telle, q̄ mon oncle demeurera vaincu prêt à perdre la vie, si ie n'eusse requis ce Cheualier de la luy sauuer, ce qu'il m'acorda sous cōditiō q̄ ie me trouuerois à la premiere court que vōtre maiesté tiendrait ou ie luy dōnerois ce qu'il me demāderoit. A cete cause me voi-cy presente pour y satisfaire, & le semōdre de la sienne. Lors se leua Amadis, & dît: Sire, la Damoiselle vous a fait entendre la verité, tant des promesses, que des combats: pourtant ie suis tout prêt de faire qu'Amadis se departira de ce qu'il promît à Angriote, pourueu qu'elle sati-face à ce qu'elle ét tenuë. En bōne foy, répondit elle, si vous faites ce que vous dites, vous ferés beaucoup pour moy. Et pour vous faire connoitre q̄ ie suis prête d'acōplir ce que ie vous ay promis, demādés ce que vous voudrés: car s'il m'êt possible ie le vous dōneray. Je ne vous demāde autre chose, répondit Amadis, sinō q̄ vous receués Angriote pour vōtre mary, l'aimant ainsi qu'il vous aime. Ah Dieu, s'écria la Dame, qu'êt ce que vous dites? Ma Damoysselle, dît Amadis, ie vous prie q̄ vous mariés avec tel hōme, qui se doit marier avec vne si belle Damoiselle que vous êtes. Certes, Cheualier, répondit elle, c'êt trēmal entre tenu la promesse q̄ vous me fites. Je ne

L

vous

LE PREMIER LIVRE

vous ay promis, dit Amadis, chose que ie ne vous tienné : car si ie me suis obligé à vous de faire tenir quite Amadis, de la promesse qu'il a faite à Angriote, ie le fais en ceci. Ie suis Amadis, qui reuoque le dō que ie luy ay promis, ainsi ie demeure satisfait enuers vous, & si veus que vous le receués à mary, & pourtant ie m'acquie à vous deus par même moyen. Comment répondit elle, ét il possible que vous soyés cēt Amadis, duquel la renommée ét si grande? Ouy certes, dit le Roy. Ah, ah, chetive que ie suis! répondit elle, maintenant ie connois bien que par art ne science la personne ne peut euité ce qui ét ordonné de Dieu: car i'ay fait tout le possible pour me departir d'Angriote, nō pour mal que ie lui vueille, ou pour ne cōnoître que sa grand valeur merite, d'auantage: mais pour être mon propos tel, que viuant en toute chasteté, ne me voulois rendre de libre Damoiselle femme sujette: & à l'heure que i'estimois être de lui plus éloignée ie m'en suis trouuée si pres, comme chacun peut veoir. Amye, répondit le Roy, si Dieu m'aide, vous en deuriés être joyeuse: car vous êtes belle & riche, & luy beau Cheualier & ieune: & si vous êtes riche en biens, il ét en bonté & vertu, tant aus armes, qu'en toutes autres bōnes conditiōs requises à Cheualier: pourtant ie treuve bien conforme vōtre mariage ensemble, & croy qu'il n'y a celui en cete court qui ne soit de mon opinion. Lors la Damoiselle s'adressant à la Roine, luy dit. Ma dame, vous êtes estimée l'une des meilleures & plus sages Princesses du mōde ie vous supplie tres-humblement, me conseiller que ie doy faire. En bonne foy, Damoiselle m'amie, répondit la Roine, selon la reputatiō qu'Angriote a aquisée entre les bons, il merite bien non seulement être opulent en richesses, mais être aimé de quelque Dame qu'il voudroit choisir. Comment (dit Amadis) n'estimés que par accident ou par affection i'aye fait cete promesse à Angriote. Par Dieu, si l'un des

deus l'auoit fait faire, vo^{us} me deuriés plus blâmer de folie, q̄ reputer vertueux: mais ayant expérimenté sa grāde valeur & hardiesse (qui n'a été sans me couter trécher) & sçachant certainement l'amour & affection qu'il vous porte, il m'a semblé iuste, non seulement moy, mais tous ceus qui biē le cōnoissent, deuoit procurer de vous trouver à tous deus remede, à lui de l'extreme passiō qu'il enduroit pour vous, & à vous vous en donnant la connoissance. Sus mon Dieu, répondit elle, i'ay tant ouy parler de la loyauté dont vous vîés à chacun, que ie suis seure que vous ne voudriés dire (deuant tant de gens de biē) autrement que la verité: parquoy suiuant vōtre conseil, & le vouloir du Roy & de la Roine, ie feray tout autrement que ie n'auois deliberé, & suis prête d'accomplir tout ce que vous auiserés. Lors la print Amadis par la main, & apella Angriote, lequel se presenta avec bonne troupe de Cheualiers ses parens, puis luy dit Amadis: Amy Angriote, ie vous promis que de tout mon pouoir i'essayerois de vous faire auoyr vōtre amyie, dites moy maintenant, si c'ēt cete Damoiselle. Vrayement, répondit Angriote, elle ét ma Dame, & celle seule à qui ie suis. Or ie la vous donne, dit Amadis, par tel conuenant, que vous serés mariés ensemble, & l'aimerez, & honorerez comme elle le merite. En bonne foy, répondit il, ie vous mercie de bon cœeur, & feray tout ainsi que vous le dites. A l'heure le Roi fit appeller l'Euēque de Salerne, qui les conduit en l'Eglise ou il les épousa en la presence de plusieurs grands Signeurs. Ce fait entrèrent en la ville, ou les noces furent celebrees à la plus grande triomphe de quoy lon se peut auiser: parquoy nous pouons bien dire, q̄ non les hommes, mais Dieu seul conduit ce mariage, ayant cōgneu la continence & honnēteté de laquelle Angriote auoit toujours vîé enuers cete Dame: car encores qu'elle eut été en son pouoir, toutefois iamais ne lui voulut faire force, pour auoir

noir d'elle ce qu'il desiroit plus ains refista à sa volonté desordonnée: & d'avantage pour luy faire connoître de combien il l'aimoit, voulut à sa priere tant faire, qu'en luy obeïssant il en cuyda (sans l'avoir mérité) perdre la vie, lors qu'il se combatit contre Amadis.

Comme le Roy Lisuart voulut avoir l'avis des Princes et Seigneurs, sus ce qu'il avoit à faire pour au plus haut exalter & entretenir Cheualerie.

CHAP. XXXIII.

CE mariage étant conclud & arrêté pour ce q le bruit fut grand à cause de la diversité des opinions qu'il y eut (ainsi qu'il avient communément en tel cas) le Roy fit commander silence par ses Herauds. Lors chacun fut ententif d'écouter ce qu'il vouloit dire, & commença tel propos: Mes amys, nul de vous n'est ignorant les graces qu'il a pleu à nôtre Seigneur me faire, me rendant le plus grand Seigneur territorial qui soit au jourd'hui en toutes les Iles de l'Océan: parquoy il me semble raisonnable, que tout ainsi que nous sommes en ces païs les premiers, qu'aussi nous ne soyons seconds à nul autre Prince, pour luy en rendre graces immortelles par bonnes & vertueuses œuvres, auxquelles nous devons arrêter. A cete cause ie vous prie, & commande (d'autant que les Roys sont chefs des monarchies, & vous les membres) que vous auiés tous ensemble à me conseiller en vos consciences, sus ce qu'il vous semblera pour le meilleur que ie doy faire, tant pour le soulagement de mes sujets, que pour l'entretienement & augmentation de nôtre état, vous assurant (mes amys) que ie suis deliberé de vous croire, cōme mes loyaux & fidelles sujets, pour tant ie vous prie de rechef, que sans aucune crainte chacun auisse particulièrement & en general, à ce qu'il vous semblera nous devoir être plus recommandé, puis se teut. Lors Barfinan Seigneur de Sansuegue fut prié par tous les assistants d'opiner, & ce firent ils, non pour autre raison que

pour ce que le Roy vouloyt que lon lui fit le plus d'honneur que lon pourroit. Parquoy après plusieurs excuses par luy mises en avant, se leua de son siege, & faisant vne grande reuerence, dit ainsi: Puis qu'il vous plait, que ie die le premier ce qu'il me semble, ie suplieray treshumblement le Roi & la cōpagnie de pardonner à mon ignorance, après l'avoir deuement remercié de l'honneur qu'il lui a pleu me faire: mais il me semble sous son trèsbon plaisir, & meilleur avis de tous vous autres (mes Seigneurs) q nous nous devons retirer à part hors la presence de sa maiesté, à ce que chacun de nous puisse plus librement, & sans paltier dire ce que meilleur luy semblera. Cete opinion fut de toute la troupe trouuee sainte & iuste, & à cete cause le Roy les laissa ensemble, & se retira en l'un de ses autres pavillons: Lors Seroloys le Flamant Comte de Clare, commença à dire: Mes Seigneurs, vous aués tous entendu le bon zele que le Roi a au gouvernement, non seulement de la Republique de son Royaume: mais particulièrement à l'augmentation & honneur de cheualerie, laquelle il desire entretenir en plus grande preeminence qu'elle ne fut oncq, & pourtāt mes Seigneurs (sauf meilleure opinion) il me semble, pour fournir à l'intencion de nôtre Prince, que nous devons tous luy conseiller, qu'il se face fort d'argent & de gens: car ils sont les nerfs & esprits de guerre & de pais, par le moyen desquels tous Rois de la terre sont maintenus en leurs puissances & autorités, attendu qu'il est certain q le grand ttesor est pour souldoyer les gens d'armes qui font les Rois regner, lequel ne doit être pour nule occasion ailleurs dépendu, autrement ce seroit un vray sacrilege, puis qu'il se nôme sacré. Et ce faisant, il pourra maintenir ses états en tranquillité, & faire glorieuses cōquêtes cōtre ceus qu'il voudra entreprendre. Et pour encores mie⁹ y paruenir il doit chercher par moyens, & recouvrer tous les bōs cheualiers, dōt il sera auerty,

LE PREMIER LIVRE

tant étrangers qu'autres, leur faisant maintes liberalités, par lesquelles sa renommée volera par tout le monde, qui acheminera en son service les plus loingtains de la terre, pour l'esperance qu'ils auront de rapporter condigne fruit de leur labeur. A l'ayde desquels il se pourra aisément faire Monarque sus tous les Princes de l'Occident & Septentrion: car il n'a iamais été leu, ou entendu qu'aucuns Princes se soyent faits grands, sinon celui qui a acheté & tiré à soy les bons Cheualiers: ie dy acheté en les fauorisant, honorant & distribuant leurs richesses & tresors qui ne leur ont guerres fait de faute, ains en ont conquis de plus grands en poursuivant leurs victoires. Mais ainsi qu'il vouloit user d'autre persuasion, la plus grande part de ceus du conseil se declarerent fauorisans à son opinion, & dirent tous à haute voix, qu'il seroit impossible de mieus conseiller. Ce qu'entendu par Barsinan, supplia l'assistance luy permettre de parler, ce qui luy fut accordé: & à cete cause se delibera de renuerser cét auis, par lequel trop difficilement il pouroit mettre fin à l'entreprinse qu'il auoit encōmencée. Lors chacun fit silence, & dit Barsinan telles parolles: Il semble, Signeurs, à voir vos contenances, que l'opinion du Comte de Clare soit du tout approuvée: car ie voy déjà le plus de vous acorder à son dire, sans auoir ouy debatre au contraire: toutefois i'espere faire presentement connoître à tous vous autres mes Signeurs (& au Roi cy après) de combien ie desire être amy à lui à vous, & à tout son Royaume. Le Comte de Clare à n'agueres mis en auant que le Roy vôtre maitre se doit fortifier, par la force & multitude des Cheualiers étranges qu'il conseille être apellés, voire de toutes les pars du monde: certes si son opinion est creüe, & que vous vous obligés tant de la suivre, ie suis seur, que deuant qu'il soyt peu de tems la quantité d'iceus sera tât extreme, que vôtre Roy, qui est bon Prince & liberal, les voulant congratuler & auan-

tager ne leur donnera seulement ce qu'il est coutumier de vous dōner: mais vous ôtera de vôtre propre, pour plus les auantager, attendu que naturelement toutes choses nouvelles & nō acquises nous plaisent. Par ainsi quelques services que vous faciés, ne tant bons puissiés vous être, vous tomberés en son dédaing & oubly, & eus étrangers vous leueront du siege qui maintenant vous promet seur repos. Pourtant mes Signeurs premier que conclure, ce fait me semble de telle & si grande importance, que vous deüés tous y auiser avec bonne & meure deliberation de vos sages iugemens. L'estime bien qu'il n'y a nul de l'assistance qui presume de moy que i'en parle autrement que raison & bonne amour que ie vous porte m'amonnète: car (graces à Dieu) ie suis tel, qu'aysement ie me puis autant bien passer du plus grand Prince mon voisin, qu'il fera de moy: mais me trouvant en si noble compagnie, en laquelle i'ay receu tant d'honneur & faueur, i'aymerois mieus (& Dieu me soit témoin) iamais n'auoir été né, que de fléchir. Ainsi mes Signeurs vous y deüés promptement & diligemment penser, pour ne vous en repentir après avec trop de loisir: puis se teut: car le murmure fut si grand parmy eus, qu'à grande peine lui donna on loisir de conclure: pour ce q̄ la plus part de ceus qui s'étoyent accordés à la premiere opinion, étoient de l'auis de Barsinan, à l'ocasiō de quoy ils ne peurent rien arrêter: mais fut ordonné q̄ lon rapporteroit au Roy cete cōtrouersie, pour sus ce deliberer, ce qui fut fait. Et après auoir de rechef été debatue en sa présence dît deuant tous: Mes grands amys, ie suis tout seur q̄ l'amour que vous me portés, & le desir de me faire service, vous ont mis en ces difficultés, & croy qu'il n'y a celuy de vous tous qui n'en ayt parlé au plus près de la verité qui lui a été possible, tellemēt q̄ vos auis sont tât bons qu'ils ne pouroyent être meilleurs: toutefois c'est chose seur & certaine, que les
Roys

Roy de la terre ne sont estimés grands par le nombre des lieux qu'ils possèdent, mais par la quantité & multitude du peuple, auquel ils commandent: car que sçauroyt faire vn Roy seul? Peut être moins que le plus simple de ses sujets, & d'auantage il luy seroit trop difficile, voire (impossible) sans gens gouverner & maintenir son état quelques grands trefors qu'il pourroit auoir: lesquels ne sçauroyent être mieus employés que de les departir entre ceus qui les meritent. Par ainsi il me semble que toute personne de bon iugement dira, que bon conseil & la force des hommes est le vray trefor. Et si le voulés encores mieus sçauoir, voyés ce que par même moyen a fait ce grand Alexandre, ce fort Iulés César, le gentil Hannibal, & maints autres qui ont aquis par leur nom immortalité, lesquels pour thesorifier d'hommes, & nō d'argent, se sont faits Roys, Empereurs, & Monarques: car ils sçauoyent liberalement distribuer leurs deniers à ceus de qui ils connoissoyent les merites, & les entretenit par si gracieus propos, qu'ils se pouoyent dire Signeurs & des cœurs & des cors, au moyē de quoy ils étoient seruis en grande fidelité.

Pourtāt mes bons amys, ie vous prie tous le plus affectueusement qu'il m'est possible, q̄ vous m'aidés tant que vous pourés, à me faire recouurer les bons Cheualiers, soyent de ce païs, ou étranges, lesquels ie vous promets en foy & parolle de Roy traiter & honorer en sorte, qu'ils auront cause d'eus en louer & contenter: car vo⁹ n'ignorés, que tant plus nous serons bien acompagnés, & plus nous serons crains & redoutés de nos ennemys, & vous mieus gardés, entretenus & estimés. Et s'il y a en moy quelque vertu, vous poués aisément iuger, que pour les nouveaux, les anciens ne seront oubliés de nôtre vie: parquoy nul de vous ne doit differer à la requête q̄ ie vous fais: mais y obtēperer, ce que de rechef ie vous prie & commande trefexpressēmēt, mêmes que tout presentement

AM.I

chacun de vous particulièrement me nōme ceus que vous cōnoissés, & à moy encores inconnus, à ce que si aucuns sont en cete court, qu'ils recouurent tant de biēs de nous, que les absens soyent affectiōnés à nous venir seruir, aussi pour les prier ne partir de nôtre compagnie, sans nous en auertir. Ce qui fut fait, & furent delors appellés, & leurs noms écrits: & pour ce que lon auoit couvert pour le dîner, le Roy se leua de son siege, se retirant en la salle, ou il auoit fait dresser maintes tables esqueles il commāda assoir plusieurs cheualiers. Vous poués penser que durant le seruice ils eurent diuers propos ensemble, les vns sus la deliberation du Roy, les autres de sa magnificence, tant que lon leua la desserte. Lors le Roy les fit tous appeler, & leur dît: Mes amys, chacun de vous connoît assés combien ie desire & ayme vôtre compagnie: parquoy ie vous prie, m'otroyer ne partir de cete court, sans mon congé: car ie veus particulièrement reconnoitre le plaisir & seruice que vous m'aues fait, en vous departant de mes trefors si largemēt, q̄ vous m'en louérés. Adonc furent tous apellés, & comparurēt, puis acorderent au Roi, ce qu'il leur auoit demādé, excepté Amadis, lequel s'en excusa, pour ce qu'il étoit Cheualier de la Roine. Or étoit elle presente à toutes ces choses, au moyen dequoy après q̄ le bruit fut vn peu apaisé, elle dît assés haut, adressant sa parolle au Roy: Monsieur, puis qu'il vous a pleu tāt fauoriser & honorer vos Cheualiers, il me sēble être raisonnable q̄ ie face la pareille aus Dames & Domoiselles, de quelque part qu'elles soyent, & pour ce faire, ie vous supplie bien humblement m'otroyer vn don, m'assurant quasi, si vous ne l'acordés, q̄ ces Gentis-hommes presens ne me le refuseront après vous, veu qu'en semblable compagnie, les choses bonnes meritent être demandees & otroyées. Lors le Roi ietta la veuē sus les assistās, & leur dît: Mes amys, q̄ deuons nous répondre à la Royne? luy

L 3

acor

LE PREMIER LIVRE

acorderons nous ce qu'elle demande? Ouy, Sire, si c'est v^{ost}re plaisir, répondir^{ont} ils. Comment, d^{it} Galaor, seroit il possible d'éconduire vne si vertueuse Princesse? Puis qu'il vous plait donc, répondit le Roy, elle aura ce qu'elle demande. Ad^{onc} se leua la Roine, & les remercia, leur dis^{ant}: Puis qu'il vous plait me d^{onner} lieu & fauoriser à ma requête, ie vous prie q^{ue} vo^{us} faciés desormais tant de bien & d'h^{on}neur à toutes Dames ou Damoiselles, de les auoir en vos protections, & les deffendre, prenans leurs querelles contre tous ceus qui les voudroyent molester en quelque sorte que ce fût, de sorte que si par fortune v^{ous} aués promis quelque don à vn homme, & vn autre à vne Damoiselle, q^{ue} vous acomplissés premier celui de la femme, comme étant personne plus foible, & qui a plus de besoing d'être rec^{om}mandee. Ce faisant, elles seront desormais plus fauorisees, & mieus gardees qu'elles n'ont été: car les méchans qui sont coutumiers de leur faire iniure, les trouuans par les champs, sçach^{ant} qu'elles ont pour leurs protecteurs & def^{en}seurs tels Cheualiers que vous êtes, ne les oseront facher. Vrayement, ma Dame, d^{it} le Roy, v^{ost}re requête est raisonnable, & croy que nul y contredira. Et de fait c^{et} edit fut enregist^{ré} & gardé depuis comme Loy inuiolable.

Comme d^{ur}ant c^{ete} grande & ioyeuse assemblee, vint en court vne Damoiselle v^{eu}euë de deuil requerrir au Roy Lisuart ayde contre quelque tort qui luy auoit été fait.

CHAP. XXXIIII.

EN ces entrefaites étant si grande c^opagnie exempt^e (ce sembloit) d^e toute infortune, ou ennuy, ne pensant qu'à ieus & ébats, y suruint vne Damoiselle v^{eu}euë en deuil, laquelle se vint ietter à genous deuant le Roy, lui disant: Sire, vn chacun a joye, sinon moy triste, qui ay tant de douleur & d'ennuy, que la mort me seroyt tresagreable:

toutefois Sire, s'il vous plaisoit prendre compassion de moy, ie pourois aisément recouurer ma joye perduë: & ce disant ploroit si amèrement, que le Roy en eut grand pitié, & luy répond: En bonne foy, ma Damoiselle, ie serois tresaise de vous releuer de c^{ete} tristesse: mais dites moy, qui la vous cause? Sire, d^{it} elle, mon pere & vn mien oncle sont detenus prisonniers es prisons d'une Dame, qui a fait grand serment de ne les deliurer iusques à ce qu'ils luy ayent baillé deus ausi b^ons cheualiers c^ome étoit vn qu'ils ont occis. Et à quelle cause l'occir^{ont} ils? répond le Roy. Pour ce, d^{it} elle, qu'il se v^{at}oyt que luy seul les c^obatroit, & t^{at} étoit superbe qu'il leur osa dire qu'il les defferoyt: & de fait se trouuans vn jour ensemble, ce Cheualier mort le vint tellement reprendre de couardie, que m^on pere & mon oncle ne pouans endurer ses iniures, eurent combat ensemble, si aspre, q^{ue} le Cheualier y fut occis en la pres^{en}ce d'une Dame n^omee Galdende, laquelle (à ce qu'elle d^{it}) l'auoit fait venir pour sou^{te}nir quelq^{ue} diferent qu'elle a à l'encontre d'un sien voisin. Et à c^{ete} cause le voyant mort, a fait prendre les vainc^{ue}urs, & mettre en vne forte prison. C^obien que m^on pere & m^on oncle lui ay^{ent} plusieurs fois d^{it}, qu'ils étoy^{ent} prêts de faire ce q^{ue} le Cheualier eût fait: mais elle leur répondit, qu'elle sçait certainement, qu'ils ne sont suffisans pour en venir au dessus, & q^{ue} part^{ant} iama^{is} ne sortiront, premier qu'ils ne lui ay^{ent} baillé deus autres Cheualiers equipol^{as} (pour le moins) chacun d'eus à la force & adresse de celui qu'ils ont fait mourir, pour supplier à son defaut. M'amy^e, répondit le Roy, ne sçaués vous contre qui se doit faire ce combat, ne le lieu ou il est assigné? Certes non, d^{it} la Damoiselle: mais ie sçay bien que l'ay veu inhumainement mettre mon pere & mon oncle en prison ou leurs amys n'ont nul moyen de les voir: & ce dis^{ant} se print à plorer plus fort que deuant, & de sorte qu'elle faisoit pitié

tié à tous ceus qui la regardoyent: parquoy le Roy lui demanda s'il y auoit loing. Lon y pouroit, répond elle, aller & venir en cinq jours. Par Dieu, dit le Roy, vous ne demurerés pour deus cheualiers, pour tant auisés de tous ceus cy, lesquels vous seront plus agreables. Sire, dit la Damoiselle, ie suis estrangere, & ne connois nul en cete court: mais s'il vous plait, ie suppliray la Roine me faire tant de grace de les élire pour moy. Et bien, répondit le Roi. Lors la Damoiselle se vint ietter aus pies de la Roine, & luy dit: Ma Dame, vous auez bruit d'être la plus sage & vertueuse Dame du monde, vous auez peu entendre l'occasion de mon iuste ducil, & le bien qu'il plait au Roy me faire: pour tant ma dame, ie vous supplie treshumblement pour l'honneur de Dieu auoir pitié de cete pauvre Gentil-femme, & me conseiller qu'els deus cheualiers vous estimés m'etre plus sortables, pour pouruoir à mon affaire. En bone foy, Damoiselle m'amy, répondit la Roine, vous me requerés de grand chose: toute-fois i'ay telle cōpassiō de vōtre mal, q̄ ie vous en diray mon auis, encores qu'il me fache trop de separer de ceans ceus q̄ ie nōmeray. Lors luy montra Amadis: ce cheualier ét miē. Puis apella Galaor, & cēt autre ét au Roi, tous deus freres, & les meilleurs Cheualiers (selon que i'ay entendu) qui soyent au iourdhui viuans. Adonc la damoiselle lui demanda cōme ils se nōmoyent. Cētuy, répondit la Roine, se nōme Amadis, & l'autre Galaor, Cōment, dit la Damoiselle, ét ce Amadis, le bon Cheualier? Vrayement, ma dame, ie suis bien certaine, qu'aussi tōt que lui & son frere serōt arriués ou ie les meneray, que mon affaire se portera bien, pourtant ie vous supplie les prier qu'ils me suiuent. Lors la Roine les apella, & leur dit: Je vous prie tous deus d'aller secourir cete femme qui a tant de besoin de vōtre bon aide: toutefois Amadis fut tardif de répondre, & ce pendant ietta l'œil sus la Princessse Oriane, pour voir

si elle auroit agreable son partement, & elle qui eut pitié de cete femme, laissa tōber ses gans, qui étoit le signal d'eus deus, par lequel il conneut son consentement, & partant répond à la Roine: Ma Dame, ie feray ce qu'il vous plaira me cōmāder. Or bien, dit elle, allés & retournés ie vous prie le plutōt qu'il vous sera possible, sans retarder pour quelque chose qu'il vous puisse suruenir, ce qu'ils luy acorderent. Et prenans congé d'elle, Amadis faignit de vouloir parler à Mabile, parquoy il s'aprocha d'elle & d'Oriane, à laquelle il dit: Ma Dame, ie puis bien dire que la plus belle Dame du monde m'a permis d'aller secourir la plus triste Damoiselle que ie vy oncques. Vrayement, mon amy, répondit elle, ie me repens grandemēt de vous auoir donné tant de liberté: car le cœur me dit qu'elle vous fera dommageable, ce que Dieu ne veuille permettre. Ma dame, répondit il, i'ay esperance que tout ainsi qu'il lui a pleu vousdouer de la plus excellente beauté qu'eut oncques fēme, que semblablement il ne permettra, s'il lui plait, que vous tombés en quelque déplaisir pour fortune qui me puisse surprendre: car étant vōtre, comme ie suis, ie me tiens si heureux, que ie croy que mal ne me pouroit auenir, pourueu q̄ ie demeure toujours en vōtre bonne grace. Mon amy, dit elle, ie vous promets ma foy, que s'il m'étoit possible, ie reuquerois vōtre congé: mais puis qu'autrement ne peut être, ie prie nōtre Seigneur qu'il vous veuille preseruer & conduire. Lors Amadis print congé d'elle, & s'en alla armer avec Galaor: puis vindrent vers le Roy, duquel étans depéchés suiuirent la Damoiselle, laquelle les fit cheminer sans sejourner iusques enuiron midy, qu'ils entrerent en la forêt appelée communément la malencontreuse, pour ce que oncques Cheualier errant n'y entra qu'il n'y receut quelque méchef, ainsi que ces deus l'experimenterent: car ils eurent tant de mal & d'ennuy, qu'ils y cuiderent perdre la vie.

Lors descendirent, & se repeurent de tels biens, que leurs Ecuers auoyent apportés: puis remonterēt à cheual continuās leurs chemin, ainsi que la Damoiselle les guidoit tant que le jour faillit. Adonc la Lune commença à dōner clarté: mais pour tard qu'il fit, la Damoiselle ne se voulut arrêter. Parquoy Amadis lui dît: Damoiselle, ne voulés vous pas que nous reposions quelque peu cete nuit? Ouy bien, répondit elle, nous trouverons cy deuant vnes tentes dressees, & gens dedās qui auront grād plaisir de vōtre arriuee, & pour tant ie vous prie suiure ce chemin au pas: car ie m'en vois deuant les en auertir. Or allés à Dieu, répondit Galaor. Ainsi les laissa la Damoiselle, toute-fois peu après ils aperceurent les tentes, & elle aūssi avec d'autres Damoiselles & Cheualiers qui les atendoient, qui leur dirent à leur arriuee qu'ils fussent les trébien venus.

Lors mirent pied à terre, & furent cōduits en vn paillon ou ils se desarmerent, & vindrent valets prendre leurs armes, & les transporterēt hors du paillon. Ce que voyant Amadis, il leur demāda pourquoy ils faisoient celā. Pour autant, répondit la Damoiselle, que vous dormirés en cēt autre ou ils les portent. Et pēsant qu'elle dit vray, n'en firent autre inquisition: ains s'asirent sus vne selle atendants leur souper, mais ils n'y sejournerent gueres que quinze Cheualiers bien armés vindrent de furie entrer dedans, & ruer sus eus, disans: Rendés vous, sinon vous êtes mors.

Quand Amadis les entendit, il conneut aussi tōt qu'ils étoient trahis, & se leua promptement disant à Galaor: Par Dieu mon frere, nous auons été lâchement deceus, & n'y trouuant remede que de mourir, se vindrent eus deus lancer pēle mēle, & faisirēt chacun celuy qui se trouua plus à propos: toutefois ils se trouverent incōtinent enuironnés de toutes pars. Lors furent si pressés, que les Cheualiers du paillon les eussent aisément occis, n'étoyt qui leur étoit defendu, neantmoins qu'ils

n'en fissent semblāt: car les vns faignoyēt de leur mettre la lāce au trauers du cors, les autres leur donner des épées aus ventres, dont Amadis fut tant marry, que de grand' colere le sang luy sortoit par tous les conduits du visage, & leur crioyt sans interualle: Par Dieu, traîtres, vous nous aués trop surprins à vōtre auantage: car si nous auions nos armes, la querelle se départiroit bien autrement. Cela ne vous peut profiter, répondirent ils, rendés vous prisonniers, ou nous vous tuerons.

Ie ne sçay que vous ferés, dît Galaor: mais vous ne sçauriés faillir à être traîtres, ce que ie prouueray aus deus meilleurs de tous vous autres, voire contre les trois, si vous me rendés mes armes. Il n'ēt ja besoin de preuve, répondirēt les Cheualiers: car si plus vous en parlés, vous en recevrés, peut être, plus d'ennuy que ne pēsés. Par dieu dît Amadis, nous aymons mieus mourir q̄ d'être prisonniers es mains de tels paillards que vous êtes. Lors l'un des Cheualiers sortit hors la tente, & vint deuers vne Dame, à laquelle il dît: Ma Dame, ils ne se veulent rendre, les tuerons nous?

Arrêtés encores vn peu, répondit elle, & s'ils ne veulēt faire ma volonté, faites en la vōtre. Ce disant, la Dame (qui étoyt trébelle) entra en la tente, & bien montrōit contenance de femme fort irritée: puis dît à Amadis & Galaor: Cheualiers, rendés vous mes prisonniers, autrement vous mourrés. Mon frere, dît Galaor, peut être, aura elle pitié de nous, rendons nous à elle. puis répondit à la Dame: Ma Dame, nous vous supplions nous faire rendre nos cheuaus & nos armes. Et si tous vos gens nous peuvent vaincre après, nous serons trécontents de nous rendre, autrement nous ferons peu pour vous, & pour eus étans si mal equipés que nous sommes. Ie ne vous croiray pas (pour ce coup) dît elle: mais ie vous conseille, que vous rendiés à moy, ce qu'ils lui acorderēt, voyās qu'ils ne pouoyent autremēt eus sauuer. Or ne sçauoit elle leurs noms, car

car la Damoiselle (qui les auoit amenés) ne lui, auoit voulu dire, sçachant certainement qu'à l'heure mêmes que sa maîtresse les cōnoitroit, qu'elle les feroit mourir, parquoi s'en étoit teue, connoissant le domage qu'elle feroit causant la mort de deus tant bons Cheualiers, & se repentoit grandemēt d'auoir fait si malheureuse iournee : toutefois elle n'y sçauoit donner autre remede que de tenir leurs nōs secrets. Or étans ainsi prisonnier de la Dame, elle leur dit: Cheualiers, vo⁹ poués voir l'état auq^l ie vous tiēs, & si ne sçache qu'un moyē pour vous endelivrer, leq^l ie vous enseignerai: mais si vous ne le faites, au lieu de vous metre en liberté, ie vo⁹ ferai metre en vne si douloureuse prison, qu'elle vous sera pire q^{u'} la mort Dame répondit Amadis, le cas peut être tel, q^{u'} nous le vous acorderons sans grand'peine & tel aussi q^{u'} plutôt voudrions mourir que d'y consentir. Je ne sçai dît la Dame, comme vous le prendrés: mais ie sçai bien que si vous ne me promettés d'habandonner le seruice du roy Lisuart, & au partir d'icy lui aller faire entendre q^{u'} vous l'aués fait par le cōmandement de Madafime, Dame de Gantasi, qui lui pourchasse ce déplaisir, pour autāt qu'il tient en sa maison celui qui tua Dardan le bō Cheualier, vous ne partirés iamais de captiuité. Ma Dame répondit Galaor, si vous faites celà (pēsant dōner ennuy au Roy Lisuart) vous vous: abusés car nous sommes des pauvres Cheualiers, qui pour le present n'auons autre bien que nos armes & cheuaus & il en a tāt de meilleurs à son seruice, qu'il se souciera peu si nous sōmes detenus par vous ou non: mais ce nous seroit vne si grand' honte que iamais nous ne le ferions. Cōment? dît elle, aymés vous donc mieus être mis en vne triste prison tout le tēs de vōtre vie, q^{u'} d'habandonner le seruice du plus déloyal Roi qui viue? Ma Dame, répondit Galaor, il vous sied mal de dire ce que vous dites: car c'ēt l'un des meilleurs Princes du monde, & n'y a Cheualier cō-

tre qui ie ne prouuasse qu'en luy n'y a nulle déloyauté. Certes, dît Madafime, en malheure l'aymātes vous oncques tant: puis comanda que lon leur liāt les mains. Cela ferai ie volontiers, dît vn Cheualier & si leur couperai les têtes, s'il vous plaît. En ce disāt empoigna Amadis par le bras, lequel en fut tellemēt irrité, qu'en se retirant auança le poing pour lui donner rudement sus l'aureille, mais le Cheualier, se detourna, ce non-obstāt Amadis se ietta sus lui, & le saisit par le milieu du cors: puis le serrant, lui donna si grand saut cōtre terre, qu'il luy cuida crever le cueur, & demeura tout évanouy. Ce que voyant la Dame & ses gens, furent si animés contre Amadis, que peu s'en salut qu'à l'heure même ils ue l'occirent, & ne s'en fut iamais exempté, sans vn Cheualier ancien qui se mit au deuant l'épee au poing, de sorte que par menasses ou autrement il fit chacun retirer & sortir hors le paillon: toutefois ce ne peut être si tōt, qu'Amadis ne fut quelque peu navré d'un coup de lance au dedans de l'épaule droite. Adoncques ce Cheualier ancien dît à Madafime: Par Dieu, ma Dame, vous faites bien l'acte le plus defraisonnable que fit oncques femme, voulant en vōtre present ce faire meurtrir par vos gēs deus Cheualiers après qu'ils se sont rédus vos prisonniers. Cōment? répondit elle, n'aués vous veu leur audace & temerité, mêmes de ce paillard qui a quasi tué deuant moi ce pauvre homme, qui ne se peut encores releuer? Ma Dame, dît Galaor, nous aymons trop mieus mourir que consentir qu'autre nous lie que vous, qui êtes Dame belle & gentile, à laquelle nous sommes prisonniers, & deuons obeissance. Puis qu'ain si ēt, répondit Madafime: ie vous lieray doncques moy mêmes, & les prenant par les mains les leur serra étroitement d'une forte courroye: puis fit detendre les tentes, & à l'heure mêmes trousser son bagage, & déloger, faisant monter Amadis & Galaor chacun sus vn cheual sans selle;

desquels deus Sergens tenoyent les rênes & Gandalin, & l'Ecuyer de Galaor les suiuyent à pié, ayans les mains liees derrière le dos, comme si lon les eut menés pendre, & en tel equipage furent contrains de marcher toute nuit au travers de la forêt. Tant y a que ie vous puis asseurer, qu'Amadis eut voulu être mort, non pour le mauuais traitement que lon lui faisoit: car c'étoit l'un des Cheualiers qui mieus sçauoit au besoin endurer choses semblables: mais pour le conuenant que la Dame de Gantasi leur vouloit forcer de promettre, lequel refusant, n'esperoit auoir meilleur traitement d'elle, que d'être toute sa vie mis en lieu, qui le priueroit de iamais voir son Oriane, & d'autre part, s'il l'acordoit, il se bannissoit aussi bien de sa presence, étant contraint ne demeurer plus avec le Roi Lisuart, & debatant en son esprit ses deus extremités, s'en alloit tant rêuant, qu'à chacun pas qu'il faioit se laissoit quasi tóber. A quoi l'ancien Cheualier, qui les auoit delivrés de mort prenoit garde: tousiours il pensoit que ce fut pource qu'il étoit navré, & luy en deplaisoit fort: car la Damoiselle qui les auoit amenés lui auoit dit, q'c'étoit l'un des meilleurs Cheualiers du monde. Or étoit elle sa fille, & se repentoit fort de la traison qu'elle leur auoit faite, pour le mal qu'elle leur voyoit endurer: parquoi elle importunagradement son pere de moyáner leur saluation: car, disoit elle, ie suis seure q' s'ils meurent i'en serai toute ma vie blamee. Pourtant, mō Signr, ie vous supplie bien hūblement ayés d'eus & de moi mercy. Et pour vous faire entēdre qu'ils sōt, l'un ét Amadis de Gaule, & l'autre Galaor son frere, qui occit le Geāt à la Roche de Galtares. Or sçauoit le Cheualier à quelle fin sa fille les auoit amenés: parquoi il eut telle pitié de les voir ainsi traiter, qu'il se delibera de chercher tous les moyens qu'il sçauoit pour les garātir de la mort qu'il leur voyoit si prochaine. A cete cause s'aprocha

d'Amadis, lui disant: Seigneur, ie vous prie ne vous fâcher: car i'espere avec l'ayde de Dieu, q' de bref vous sortirés des mains de ma Dame, & si vōtre playe vous fait mal, ie croi qu'elle ne sera pourtāt difficile à guerir. Quād Amadis l'entēdit parler si gracieusemēt, il hauça les yeus, & cōneut q' c'étoit celui qui l'auoit n'agueres delivré des autres qui le vouloyēt tuēr, & pourtāt lui répōdit: Signr mō ami, ie n'ay playe qui me deulle: mais i'ay cause de me plaindre d'une Damoiselle qui nous a fait venir icy par la plus grād' trōperie du mōde. Signeur, dīt le Cheualier, il ét vrai que vous aués été de ceus, & peut être, entēs ie mieus vōtre affaire q' vous ne pēsés, aussi Dieu sçait cōme volontiers ie vous ayderois, si i'auois le pouuoir: pourtant ie vous dōneray cōseil, qui vous sera profitable, si vous le suyés: car si lon sçait qui vous êtes, vous morrés sans nul remede, & n'y a chose au mōde pour qui vous en échapissies. pourtāt croyés moi, & faites ce q' ie vous dirai. Vous êtes beau, ieune, & de bōne grace, & à lon dīt à ma Dame q' vos êtes l'un des meilleurs Cheualiers du mōde, au moyen dequoi elle à déjà quelque bōne opiniō de vous. A cete cause il faut que vous lui requerés qu'elle vous daigne prendre, ou pour son mari, ou perpetuel ami: car elle ét femme pour ne vous refuser, si vous la sçaués tant soit peu gagner. Mais faites diligence: car elle à deliberé de depēcher, incontinent qu'elle sera arriuée ou nous serons au gite, l'un de ses gēs pour s'aller enquerir à la court du Roi Lisuart quels sont vos nōs pource q' celle qui vous à cōduits ici (sachāt certainemēt q' si elle vous connoissoit, qu'elle vous feroit mourir) lui à fait entēdre qu'elle auoit oublié à le demāder, & q' seulement on lui auoit dīt q' vous êtes d'eus des meilleurs Cheualiers que lō sceut. Et pourtāt ie vous iurē Dieu, que ie ne sçay meilleur moyen pour vous delivrer, que celui duquel ie vous auise: & si vous dy plus, que si vous ne le faites qu'il

qu'il vous en auindra pis que ne pensés: toutefois Amadis aymoît tant la Princeſſe Oriane, qu'il eut plutôt voulu mourir, que d'entrer à telle compoſition. Et à cete cauſe répondit au Cheualier: En bonne foi, ie vous mercie du bien que vous me voulés: mais ie n'ay tant de puissance ſus moy que ie me peuſſe cōmander de faire ce q̄ vous dites, voire & m'en priât vōtre maitreſſe mêmes quelque grād biē, ou liberté, qu'elle me vouſit dōner. Vrayemēt, dît le Cheualier, ie m'ēbahy que vous ne connoiſſés vōtre mort ſi prochaine. Ce m'ēt tout vn, répōd Amadis, neantmoins, ſ'il vous plaît vous adreſſer à mon cōpagnon, qui ē trop meilleur Cheualier & plus beau que ie ne ſuis, peut être ſ'acordera il à tout ce que voudrés. Et biē dît le Cheualier, lequel laiſſa Amadis, & vint à Galaor, auquel il en dît tout autant qu'il avoit fait à Amadis. A quoi il preſta treuolontiers l'aureille, & luy répondit: Signr, ſi vous pouvés tant faire que ie ſois amy de la Dame, mon compaignon & moy ſerons pour iamais à vōtre commandemēt. Laiſſés moi faire, dît il, ie m'en vois preſentement vers elle, & eſpere qu'elle fera vne partie de ce que ie luy conſeilleray. Lors ſ'auança le Cheualier, & vint ataindre Madafime, qui marchoit deuant à laquelle il dit: Ma Dame, vous amenés avec vo^r deus priſonniers, & ſine ſçaués qu'ils ſont. Pourquoi me le dites vous répondit Madafime. Pour autant, dît le Cheualier, que l'vn deus ēt eſtimé le meilleur Cheualier qui oncques porta harnois, & le plus acomply en toutes bōnes choſes. N'ēt ce point Amadis? répondit elle, duquel ie deſire tāt la mort? Non ma dame, répōdit le Cheualier. Ie le dy pour cētui qui marche deuāt, auquel, veu la beauté & ieuneſſe q̄ ēt en lui, vous vous êtes mōtree, tant outrageuſe, q̄ ce vous ēt iniure. Car encores qu'il ſoit vōtre priſonnier, ce n'ēt pour choſe qu'il ayt mēfait envers vous mais ſeulement pour la haine q̄ vous portés à autrui. A cete cauſe, ſ'il vo^r plaît,

vous lui ferés mieus q̄ n'aués cōmencé, étāt aſſeuré q̄ ſ'il a bō viſage de vous, que par ce moyen l'atirerés par amour (plutôt que par autre voye) à faire de luy tout ce qu'il vous plaira. Vrayemēt répōdit elle, i'y veus eſſayer, & cōnoitre ſ'il ēt tel que vous dites. Vous verrés biē, dît il, l'vn des plus beaux Cheualiers q̄ vous vîtes oncques. Mais entendés qu'incontinent après q̄ le Cheualier eut laiſſé Amadis & Galaor, pour aller vers Madafime, Galaor ſ'aprocha de ſon frere, & lui dît: Mon ſignr vous voyés l'état auquel nous ſommes, qui requiert biē q̄ nous diſſimuliōs grandement, poutāt ie vous ſuplie moderer deſormais vōtre grand colere (qui dē-jà vous à cuydé faire occire) & croire pour ce coup mon conſeil. Par Dieu répondit Amadis, quand ils m'euffent tué ils euffent fait beaucoup pour moi: & toute-fois puis que vous trouués bon que ie vous croie, ie le ferai priant à dieu qu'il xueille preferer toujours nōtre honneur, à la crainte que vous aués que lno nous face mourir. Or s'étoit Madafime arrētee ſuyuant le propos que le Cheualier lui auoit tenu de Galaor, lequel aprochant d'elle luy montra le meilleur viſage qu'il peut. Dé-jà étoit le iour grand, au moyē dequoi Madafime, qui ne l'auoit veu que de nuit, ietta l'œil ſus lui, & le trouua tel, qu'elle l'eſtima l'vn des plus beaux Gentil-hommes qu'elle eut oncques veu: parquoi à l'inſtant fut ſurpriſe de ſon amour, & lui demanda cōme il ſe trouuoit. Ma Dame répondit Galaor, il me va pis qu'il ne vous iroit ſi vous étiés en mon pouuoir, ainſi que ie ſuis au vōtre: car j'eſſayerois de vous faire tout le plaisir & ſeruiſſe qu'il me ſeroit poſſible, & vous me faites (ſans ſçauoir pourquoy) tout le cōtraire, ne l'ayāt meritē envers vous: car ie ſerois trop plus propre à être vōtre Cheualier (pour vous ſeruir & aymer) que vōtre priſonnier lié & garroté cōme ie ſuis. Qui me fait ēbahir, veu le peu d'aquēt q̄ ce vous ſera pourquoi vſés envers nous

LE PREMIER LIVRE

d'autant de rigueurs que vous êtes belle. Lors Madafime l'oyant parler de si bõne grace, s'enflâma le cuer de plus en plus en son amour. Au moyen dequoy elle lui dit en riant : Or venés ça, beau sire, si ie vous voulois choysir pour mon amy, & vous delivrer de prison, laisseries vous pour l'amour de moy la compagnie du Roi Lisuart, en luy notifiant après que par mon moyen vous auriés ce fait? Ouy bien, répondit Galaor, & de ce ie vous ferai tout tel serment qu'il vous plaira, & ainsi le fera mon cõpagnon: car il ne voudroit faire autrement que ie le prieray. Vrayement, dit Madafime, si presentement vous me promettés deuant cete cõpagnie de m'obeir, vous serés mis en liberté. I'en suis tout prêt, répõdit Galaor. Encores n'êt ce pas assés dit Madafime: car ie veus q̃ vous me le iurés en la presence d'une Dame, ou nous irons coucher ce soir, & ce pendant assurez moy, que plutot vous ne partirés de ma compagnie. Non sus ma foi, ma Dame, répondit Galaor, leq̃l apella Amadis, & luy pria qu'il cõsentit à l'acord qu'il auoit fait. Ce qu'il ne différa, au moyen dequoy ils furēt déliés & remis en liberté. Mais Galaor auisant leurs Ecuyers: pria Madafime de les faire semblablemēt lâcher, ce qui luy fut accordé & eurent chacū les cheuaus qu'ils auoyent amenés: & partant de la en auant suyirent leur chemin plus à leur aise qu'ils n'auoyent fait toute la nuit, durant lequel Madafime & Galaor eurēt maints propos amoureux ensemble, tant qu'ils arriuerent en vn château nõmé Abies, auquel se tenoit vne Dame, qui les receut de trebon cuer, d'autant que Madafime & elle auoyent grand' amytié ensemble. Lors mirent tous pié à terre, & peu après trouuerent leur souper prêt: mais étas les tables leuees, Madafime demanda à Galaor, s'il étoit deliberé de tenir la promesse qu'il lui auoit faite en chemin. Ouy bien ma Dame répondit il, pourueu que vous me teniés la vôtre. Vrayement, dit

elle, il n'y aura faute, puis adressant sa parole à la Dame du château, & à deus Cheualiers ses enfans, leur dit: Mes amis, ie vous prie entendés yn conuenant que nous auõs ensemble, ces deus Cheualiers & moy, à ce que cy après vous en soyés témoins. Ils sont mes prisonniers, lesquels ie remets en liberré sous condition, toutefois, que cetui sera mon ami, & qu'eus deus ensemble se departiront du seruice du Roi Lisuart, & lui diront, que pour l'amour du moi, & par dépit de lui ils ont ce fait: pouttant ie vous prie faire tant pour moi, que de vous trouuer à la court de ce Roi mal'heureus, au iour qu'ils lui declareront ces nouuelles, pour voir comme il les aura agreables, & aussi s'ils sont defaillants de leurs promesses, que d'orenauant vous publiés en tous lieux la faute qu'ils feront n'entretens ce traité, pour lequel acomplir ie leur dõne seulement terme de dis iours. Certes répondit la Dame du château, ie suis trécontente de faire ce don, q̃ vous me priés. Pourueu qu'ils s'y consentent. Nous vous en prirons, dit Galaor, par tel si, que lon nous tiendra aussi ce que lon nous a promis. Il n'y aura faute, répondit Madafime, car des à present ie vous mets en toute liberté, toutefois ie vous prie ne vous en aller mé-hui & ce disoit elle pour auoir Galaor à coucher avec elle, ce qu'il luy acorda. Adonc chacun se retira, & fut Amadis cõduit en vne chambre, & Galaor en vne autre, avec lequel peu apres la Dame de Gantasi qui étoit ieune, belle & en point, se vint coucher. Au moyen dequoi Galaor (qui étoit desirant si bõnes fortunes) la traita comme celui qui étoit seiourné de longue main & gentil compagnon en tel les écarrouches, dont la belle Dame se contenta tant, qu'elle dit depuis en mains lieux, que de sa vie n'auoit eu plus plaisante nuit. Et n'eut été la promesse, qu'elle auoit fait de les laisser aller. Il n'eut eu encores son congé, toutefois elle le pria de biêtôt retourner. Or étoit elle si encline à ce.

à cete volupté, que sans craindre son honneur, se laissoit souuent tomber en semblables traitemens : mais elle n'en auoit de sa vie essayé de plus parfait, suyuant ce quelle témoignoit. Ainsi échaperét Amadis & Galaor de la Dame de Gâtasi, sous la condition que vous aués entenduë, de laquelle ils esperoyent bien sortir

à leur honneur, comme cy après pourrés entendre, & cheminerét tout le iour sans trouver auenture: puis étant nuict close s'adresserent en vn petit Hermitage, ou ils furent pauurement repeus, & le lendemain au point du iour reprindrent leur chemin, pour aller trouuer le Roi Lisuart.

Comme le Roi Lisuart fut en danger de perdre sa personne & ses états, par les promesses illicites qu'il fit trop legerement.

CHAP. XXXV.



Qatre iours après qu'Amadis & Galaor furét partis de la court arriva en la ville de Londres l'ancien Cheualier, qui auoit laissé à la Roine la corône & le manteau, dôt n'agueres il a été parlé, lequel se vint ieter à genous deuant le Roi, & lui dît: Si re, ie m'ébaï que vous ne portés (à tel iour) la belle couronne que ie vous laissay. Et vous ma Dame (dît il à la Roine) êt il possible de tenir si peu de côte du riche manteau q'ie vo' baillai en garde q'ne l'aiés encores daigné éprouuer, ou vous en parer? Quand le Roi l'entédit sachât qu'ils étoëit perdus, demeura lōg tēs sans répondre vn seul mot parquoi le Cheualier reprint sō oropos disant: Sus ma foi, ie suis trefaïse qu'ils ne vous ont été agreables : car s'il vous eut pleu les retenir, il vo' eut conue nu aussi me bailler ce q'ie vous eusse demandé, qui êt (peut être) plus grand'cho-

se que vous ne pensés, autrement en me fauçant promesse, vous m'eussies fait perdre la tête. Pourtant, Sire ie vous supplie trêhumblement me les faire rendre presentement: pource que ie ne puis longuement seiourner par deça. Lors Le Roi fut plus fâché que deuant, & lui répondit: En bonne foi, Cheualier, si ie vous ay promis quelque chose ie le vous tiendray, quoi qu'il me doïue couter, encores que la couronne & le manteau soient perdus, dont ie suis trop déplaisant, tant pour l'amour de vous, qui en aués affaire, que pour moi-mêmes. Lors le Cheualier comença à ieter vn haut cry, disant: Ah pauvre vieillard, chetif, & malheureux ! c'êt maintenant fait de toy ! Puis se print à lamenter & faire si grand dueil, que merueilles. Làs, disoit il, n'auois ie assés longuement enduré tourmēt & pauureté, sans finir mes ans vieux par la plus cruelle mort

LE PREMIER LIVRE

mort qu'onques creature endura, ne l'ai-
ant aucunement meritée. Adonc les gros
ses l'armes luy tōboyent des yeus, mouil-
lans sa barbe blanche qui émouuoit les
plus contans à grande pitié, tellemēt que
le Roi mêmes en eut si grāde compassion
qu'il lui répondit: Cheualier, n'ayés peur
d'auoir pis pour la perté que i'ay faite: car
elle vous sera recōneuë qu'oi qu'il me doi-
ue couter, ainsi q̄ ie vous ay promis. A cē-
te parole le Cheualier s'auāça pour lui bai-
ser les piés: mais le Roi le sous leua par la
main, & lui dît: Non non, demandés tout
ce que vous voudrés: car vous l'aurez. Si-
re répondit il, ie croi qu'aués encores bon-
ne souvenāce q̄ vous me promîtes ren-
dre mon manteau & la corōne ou ce que
ie vous demanderois pour iceus. Mainte-
nant Dieu sçait combien mon intention
étoit éloignee de vous requerir ce qu'il
faut que ie vous demande: car si i'auois au-
tre moyen pour me deliurer, ie vous pro-
mets ma foi (Sire) que ie vous exempte-
rois de l'ennuy que ie sçay que vous rece-
vrés, m'otroyant ce que ie vous deman-
derai, & que vous m'aués promis: mais ie
ne puis faire autrement: toutefois ce vous
seroit encores plus de blāme, si vous def-
faillies de foi & loyauté. Ie vous assure
Cheualier, dît le Roy, que i'aymerois mi-
eus perdre ma coronne, que d'auoir pro-
mis chose que ie ne tinsse, pourtāt deman-
dés hardimēt. Grand mercy, répondit le
Cheualier, il ne reste doncques plus que
d'auoir esseurance de tous ceus qui sont
en vōtre court, qu'ils ne me feront force
pour recouurer ce que vous me deliure-
rés, & que vous mêmes me le promettés,
autrement vōtre parole ne seroit tenue ve-
ritable, ne moi sati-fait m'ostant d'un cō-
té, ce que lon me dōneroit de l'autre. C'ēt
raison, dît le Roi, & ainsi le vous otroye.
Or, Sire, puis que la fortune a permis que
vous ayés perdu mon manteau & la co-
ronne, il ēt impossible que ie ne perde la
tête, si ne me dōnés ma Dame Oriane vō-
tre fille ainee. A cēte cause auisēs ou à me

rendre mes ioyaus ou à me la bailler: tou-
tefois i'aymerois trop mieus l'un que l'au-
tre, attendu q̄ ie ne pourray iamais auoir
tant de bien par elle, que i'aurai encores
de mal par la perte que vous aués faite.
Cheualier, répōdit le Roi, vous demādés
trop. Lors chacun commēça à murmurer
contre le veillard, & si le Roi les eut vou-
lu croire, il eut été refusé: mais il eut mi-
eus aymé mourir, tant étoit loyal & bon
Prince, parquoi il leur répōdit, Mes amis,
ie vous prie ne vous fācher: car la perte
de ma fille ne me sçauroit être tant prei-
diciable, que ma parole, si elle se trouuoit
mensongere, veu que si l'un ēt ennuyé,
l'autre ēt iniurieux & euitable par tous
moyens. Et qu'ainsi soit si les suiets ne tiē-
nent leur Prince fidele, & sa parole inui-
lable, comme pourront ils auoir ou gar-
der en lui l'amour & fidelité qu'ils lui doi-
uent? certes il lui seroit meilleur iamais
n'auoir été nay. Pourtant que lon amene
tout presentemēt ma fille: car ie la livre-
ray puis que ie luy ay promise: & de fait
l'envoya querir. Or étoit la Roïne presen-
sente à tout ce discours: mais elle n'ēt ia-
mais estimé q̄ le Roi eut oublié iusques
là l'amour paternelle, toutefois quand el-
le ouyt la rigoureuse sentence prononcee
contre sa fille la bonne Dame se vint
ieter aus piés du Roi, & plorant comme
mere qui pert son enfant, lui dît: Mon Si-
gneur, que voulés vous faire? voulés
vous être plus inhumain envers vōtre
sang, que les bêtes brutes ne sont envers
leurs contraires? Certes quelque brutalité
qu'elles ayēt, si ne sont elles iamais si dé-
naturees qu'elles facent tort à leurs faōs.
Et il dōcq̄ raisonnable sous ombre d'une
promesse acordee (sans sçauoir qu'elle) fai-
re si grand tort, non seulement à vous, pe-
re inipiteus, & à moi meretriste & malheu-
reuse: mais à toute la republique de vōtre
Roiaume? Helàs Sire, ie vous suplie pour
l'hōneur de Dieu, auisēs autre moyē pour
sati-faire à vous, à nous & au Cheualier
ensemble. Ma Dame répondit le Roi, c'ēt
fait

fait ie vous prie, ne m'en parlés iamais. Et ce disant les grosses larmes lui tōboyent des yeus, dont les assistās furēt si ennuyés, q̄ riē plus, & ce qui les troubla d'auantage, toutes les femmes se prirent à crier: Parquoi le Roi (trop marri) leur commanda de se retirer en leurs chābres. Lors la Roine tomba éuanouye, ce nō. obstant le Roi la fit emporter par deus Gētils-hommes, commandant à chacun sus peine de mort, de ne pleurer ne detourner ce qu'il auoit promis, disant tout haut Il auindra de ma fille ce qu'il plaira à Dieu: mais ma parole ne sera fausse, si ie puis. Durant ces choses les nouvelles vindrent à Oriane de la deliberatiō qu'auoit fait le roi sus le partemēt dōt d'elle fut de premier saut) si éperdue, qu'elle cheut sus le plancher de sa chambre si grād saut, q̄ de long tems après elle ne remua ny piē ne main. Au moyen dequoi Mabile & ses Damoiselles, pensoyent qu'elle fut morte, & de fait le cuiderent mander au Roi: mais à force de remedes, elle revint peu après, & ietta vn haut soupir. Or étoient la plus part de ses femmes, les vnes auprès d'elle, les autres plus arriere, à ce qu'elle n'entendit leurs pleurs & étoit la compassion si grāde qu'elle eut emeu les plus durs cueurs à fondre en larmes, spécialement quand la Princeesse eut le pouuoir de faire ses regrets: qu'elle commença à dire: Je connois bien mainteuant ma ruine. Certes, amy, si vous fusliés icy, ie suis seure, que vous me pourriés aisément retirer de cete peine: mais tout autant m'en disoit le cueur: quand vous printes congé, de moi, que maudité soit l'heure qu'onques ie vous l'acorday. Làs, quand vous sçaurés ces nouvelles, ie crains encores que vous (ne pouant souffrir tel malheur) ne mourriés incontinent. mais au fort, amy, nous suyutōs de biē prés l'vn l'autre. Ha, Mort, refuge des malheureux! ne me voyés vous premiere en ce rāg. Que tardés vous? Fortune veut triompher sus vous en me faisant tout du pis qu'elle peut, combien

que ie sois seure que vous aués dequoy vous venger, pour tant acourés & ne laislés aquerir tant de préeminence sus moi contre vōtre auctorité. Or à Dieu donc amy, puis que de nos vies ne nous entreuerrons, & ce disant s'éuanouit de rechef. Lors le Roi voyant qu'elle tarδοit si longment à venir envoya devers elle pour la faire diligenter: mais le messager la trouua en l'état que ie vous ay dīt, & atendit tant qu'elle eut repris ses esprits: & ainsi qu'elle vouloit recommencer ses doleances, il lui dīt: Ma dame le Roi se courrouse se q̄ vous ne venés à luy. Quand elle l'entendit elle se leua ayant le cueur si serré, qu'il sembloit que l'extremité de l'ennui luy eut doublé ses forces, & sans être suivi de nulle de ses femmes que de la Damoiselle de Dannemarc, vint trouuer le Roi. Adonc se mit à pleurer si abondamment, que nul de ceus qui la virēt ne peurent être tant continés, ne le Roi mêmes si constant, que les grosses larmes ne leur tōbassent des yeus, puis se vint ietter aus piés de son pere, lui disant: Mon Seigneur, que vous plaīt il faire de moi? M'amy, répondit il, ie veus tenir ma promesse. A cete parolle la pauvrette s'éuanouit, & le Roi pour ne la voir retourner la tête, disant au Cheualier: Amy, voicy le don que vous demandés, & la chose que i'ayme le plus en ce monde: mais entendés vous l'emmener seule? Sire, répondit il, elle sera accompagnée des deus Cheualiers, & de deus Ecuyers qui étoient avecq' moy, lors que ie parlay à vous à Vindilifore, & autres ne puis auoir, tant qu'elle soit es mains de celuy à qui ie suis contraint de la livrer. Au moins dīt le Roi, permettes qu'elle soit à compagnie de cete Damoiselle: car elle ne seroit trop honnestement seule entre tant d'hommes. Et bien répondit le Cheualier, pour vne femme ne plus ny moins. Adonc s'aprocha & print la Princeesse entre ses bras ainsi éuanouye qu'elle étoit, & l'assit sus vn grād rouffin dans la selle: Puis fit monter vn

Ecuyer

LE PREMIER LIVRE

Ecuyer en croupe qui la tenoit embrassée par le corps de peur qu'elle ne tombât. Et ainsi q̃ le Cheualier l'acoûtroit, il pleuroit si fort, que lon eut iugé qu'il en étoit trèsdeplaisant, & disoit sus ma foi, ie croi qu'il n'y a personne en cete court qui en ayt plus d'ennuy que i'ay. Ce pendât fut amené monture à la Damoiselle de Dānemarc à laquelle le Roy dit: Mamie, ie vous prie ne l'abandonnés pour bien,uy pour mal qu'elle puisse auoir. Siré répondit elle, comment pouvés vous consentir à son partement? A l'heure la Princesse retourna de pamoison, & vint vn grād Cheualier armé de toutes pieces, qui sans ôter son armer, ne saluër la cōpagnie print les rênes du cheual sus lequel Oriane étoit assise, & entendés que c'étoit Arcalaus l'Enchanteur qui ne vouloit être cōneu. Lors commanda à l'Ecuyer de marcher: parquoi la Princesse connoissant qu'il n'y auoit plus de remede ietta vn tel soupir, qu'il sembloit que le cueur lui deust fendre, disant: Ah mon cher ami à mal'heure vous fut oncques le dō otroyé: car ce sera vōtre mort, & la mienne. Cecy disoit elle pour Amadis auquel elle auoit dōné congé d'aller avecq' la Damoiselle: mais les autres pensoient que ce fut du Roi son pere & d'elle. Et ainsi s'en partit Oriane & ceus qui la conduisoient, lesquels piquèrent si roidement, que tôt après ils entrèrent au plus parfond de la forêt prochaine. Or étoit le Roi monté à cheual pour conduire sa fille, tenant vn bâton au poing defédant que nul n'allât après ainsi qu'il l'auoit promis. D'autre part Mabile s'étoit mise à vne fenestre pour regarder ce dur partemēt, car elle auoit le cœur si serré qu'elle n'eut sceu aprocher d'Oriane: mais de fortune aperceut Ardan le Nain d'Amadis, mōté sus vn cheual bien courant qui se hâtoit d'aller tāt qu'il pouoit: toutefois elle l'apella & lui dît: Ardā si tu aimes tō maitre, ne seiourne vne seu le heure tant que tu ne lui ayes fait entendre cēt accident, & garde de lui faillir

maintenant, autrement il aura cause d'être trop mal content de toi, étant certaine qu'il sera trop deplaisant s'il n'en est promptement auerti. Par Dieu (ma Dame) répondit le Nain, i'en ferai toute diligence, & mon deuoir: Puis sans plus seiourner donna du fouët au cheual, & s'en partit à grand'hâte, suyuant le chemin qu'il auoit veu prendre à Amadis. Mais maintenant le laisserōs courre, pour vous reciter ce qu'à même heure survint au Roi Lisuart qui auoit conduit Oriane iusques à l'entree de la forêt faisant retourner arriere tous ceus qui la vouloyēt suivre: auquel à l'heure que ce trouble étoit, se vint adresser vne Damoiselle mōtee sus vn cheual de legiere taille, qui portoit vne épée pendue au col, & vne lance, au poing ayant le fer doré, & la hâte peinte richement: laquelle le salua disant, Sire, Dieu vous doint i'oye, & volōté de parfaire ce q̃ dernièrement vous me promîtes à Vindilifore, en la presence de vos Cheualiers. Lors le Roi la reconneut, & lui souvint que c'étoit celle à qui il dît qu'à l'épreuve elle connoitroit le bon cueur qu'il auoit, & à cete cause luy répōdit: En bonne foi, Damoiselle i'aurois maintenant bien besoing de plus de ioye, que ie n'ay: mais non-obstant ie suis tout prêt d'accomplir ce que ie vous ay promis. Sire, dît elle, c'ēt ce qui m'a fait retourner vers vous, come au plus loyal Roi du monde, pourtant ie vous supplie presentement me venger d'vn Cheualier qui passe par cete forêt, lequel tua (n'a pas long tems) mon pere, par la plus grand' traïson du monde, & non content de ce, le méchant me rauit faisant sa volonté de moi par force: mais il ēt tellemēt enchanté qu'il ne peut mourir si le plus vertueux personnage du Roiaume de la grand' Bretagne ne lui donne vn coup de cete lance, & vn autre de l'épée que voici: qu'il auoit baillée en garde à vne Damoiselle, de laquelle il pense être aymé. Toutefois il ēt bien deceu: car elle hait sus tout rien: au moyen de quoi i'ay

i'ay trouvé moyen qu'elle m'en a fait present à ce que plus aisément elle & moy nous soyons vengees de lui. Ce que ne pouons être sans vous : car vous êtes le premier & le plus vertueux à mō auis, de tout ce pais. Pourtāt, Sire, suiuant ce que vous mē promîtes deuant tant de preudhōmes. il vous plaira faire cete iuste vengeance. Et pour-ce que ie lui ay dit maintes-fois que dans le jourd'hui ie lui bailleray Cheualier qui le combatra, il ét venu seul en cete forêt, ou il vous atent: par quoy il vous y faut aller aussi tout seul, sans autre compagnie que de moy: car ne se doutant que i'aye l'épee & la lance qui lui sont tāt dōmageables, nous auons tel conuenant ensemble, q̄ s'il demeure vainqueur, ie luy pardōne mon iniure, & aussi s'il ét vaincu, il doit faire ma volonté. Et bien, répondit le Roy, allons quād il vous plaira. Lors fit apporter ses armes, & s'arma legerement, puis mōra sus vn gentil cheual, & caignit l'épee que la damoiselle lui auoit apportee, laissant la sienne qui étoit l'vne des meilleures du monde, & sans autre cōpagnie s'en alla avec elle, tenant la lāce au poing, & elle lui porta son armet: mais ils n'eurent cheminé longuement, qu'elle le fit détourner du grand chemin, le conduisant par vn sentier le long des arbrisseaus, par ou étoient passés (n'auoyt pas long tems) ceus qui emmenoyent Oriane. Lors la Damoiselle lui montra vn grand Cheualier armé, cheuauchant vn cheual fort noir, ayāt au col vn écu verd, & le heaume semblable, & lui dīt: Sire, prenez vōtre armet: car voilà celui duquel ie vous ay parlé: ce que fit le Roy, & s'aprouchant du Cheualier, lui cria: Gardēs vous de moy, Cheualier superbe & de mauvais vouloir. Adonc le Cheualier qui l'entēdit coucha la lance qu'il auoit au poing contre le Roy, & le Roy contre luy: puis donnans des esperons à leurs cheuaus rompi rēt dans leur écus. Mais il fut auis au Roi que la lance peinte que lui auoit baillee la Damoiselle, tūt conuertie en vne che-

AM. I

neuote, tant se brisa aisément: au moyen dequoi il mit la main à l'épee, & vint charger le Cheualier: mais du premier coup qu'il en rua, elle se rōpit, joignant la poignée. Lors conneut qu'il étoit trā: car le Cheualier se vint joindre à son plaisir, & ainsi qu'il se baissoit pour donner dans les flancs de son cheual, le Roy qui étoit hardy, prompt & adextre, le saisit au coler, & tirerent tant l'vn l'autre qu'ils tomberent tous deus sus le champ, le Cheualier deffous, & le Roi dessus lui. Au moyen de quoi il saisit l'épee qui étoit échapee des poings de sō ennemi, & ainsi qu'il essayoit à le desarmer pour lui trencher la tête, la Damoiselle qui les regardoit, cria tant, qu'elle peut: Seigneur Arcalaus, secourēs tōt vōtre cousin, ou il ét mort. Quand le Roi entendit parler d'Arcalaus, il haussa veuē, & auisa dis Cheualiers qui acouroient à lui, l'vn desquels disoit à haute voix: Roi Lisuart, laissez le Cheualier, autrement c'ēt fait de toy, & ne regneras de ta vie vn seul jour. Ie ne sçay qu'il en fera, répondit le Roi: mais si ie meurs aussi ferēs vous tous pour moi cōme trātres, & méchans que vous êtes. A peine eut acheué la parolle que l'vn des dis Cheualiers arriua, & donna au Roi si grand coup de lance, qu'il lui fit donner du nés à terre, & le navra: toutefois il se releua promptement, comme celuy qui se vouloit defendre iusques à la mort, qui lui sembloit être prochaine: & tenant l'épee du Cheualier qu'il auoit abatu, en tira vn si grand coup au cheual de celui qu'il auoit frapé, qu'il lui coupa les jarrets. Lors suruindrēt les autres, qui tous se mirent à l'outrager. Et combien qu'il se defendit brauement, sa defense peu lui profita: car il fut renuersé, & tant pētillé aus piēs des cheuaus, qu'il ne se peut releuer: parquoi les deus cheualiers qui étoient à piē, le saisirent au cors, & par force luy tirerent l'épee du poing, l'écu du col, & l'heaume de la tête, puis l'enchenèrent d'vne double chēne. Ce fait le firent monter sus vn méchant

M

cheual,

LE PREMIER LIVRE

cheual, & les deus Cheualiers prindrent chacun l'un des bouts de son lien, & le menerent au fonds d'une vallee ou ils trouverent Arcalaus avec Oriane, & la Damoiselle de Dannemarc: Et ainsi qu'ils approcherent près, le Cheualier contre qui le Roi avoit combatu au premier, donna carrière à son cheual, & tenant le bras droit haut élevé, remuant son gantelet écria: Cousin, cousin, voicy le Roy Lisuart qui est nôtre. Certes, répondit Arcalaus, c'est une trèsbonne prise: car ie feray que désormais ses ennemys n'auront cause de le douter. Paillard, répondit le Roy, ie sçay bien que tu ne feras jamais autre que trahir, & cela te prouveray ie tout navré que ie suis, si tu t'oses combattre à moy. Par Dieu, dit Arcalaus, ie ne m'estimerois de guerres plus pour vaincre un tel signeur que vous êtes. Et ce disant le firent passer outre, & suivirent leur chemin, tant qu'ils arrivèrent en une voye forçee. Lors Arcalaus s'arrêta, & dit à un sien page: Pique diligemment à Londres, & dy à mon Signeur Barfinan, qu'il exécute ce que ie lui ay dit, & que j'ay déjà bien commencé, s'il sçait bien paracheuer. Adonc le Page tourna bride, & print le chemin de la ville. Ce pendant Arcalaus s'avisait d'envoyer le Roy d'un côté, & Oriane d'autre: parquoy il dit à son Cousin: Prenés avecque vous dis Cheualiers, & conduisés Lisuart iusques en mes prisons de Daganel, & ces quatre autres me feront compagnie pour mener Oriane au mont Aldin ou ie lui montreray les plus singulieres choses qui y sont. Ce mont Aldin étoit la maison ou plus communément il residoit, l'un des plus fors & plaisans lieux du monde. Lors les dis Cheualiers emmenerent le Roy par un côté, & les quatre autres avec Arcalaus prindrent autre chemin, conduisant les Damoiselles. Certes qui bien considerera en cet endroit les tours de fortune, il pourra aisément iuger qu'elle est aussi muable (voire plus) envers les grans Princes & Signeurs, que les moindres, com-

me elle fit connoître au Roy Lisuart, au tems qu'il pensoit avoir plus vent en poupe, & le pouvoir de luy commander: car en un instant il se vid es mains de ses plus grands ennemys, sa fille (heritiere de ses pais) hors de sa puissance, & ses états balancer en ruine. Lui qui souloit être honoré de tous, maintenant vilipendé & injurié, prins, & lié comme un larron, par un paillard enchanteur, simple Gentil-homme, & sans espoir d'avoir jamais mieus que la mort. N'est ce pas donc bel exemple pour ceus qui sont au jourd'hui appelés aus plus hauts honneurs du monde: ausquels ils s'aveuglent tant que (peut être) ils en oublient Dieu? Ce Roy Lisuart étoit trèsbon, vertueux & sage Prince: neantmoins nôtre Signeur permit le faire tomber en tous ces dangers, à ce qu'il eût souvenance que lui seul dispose des creatures, comme il luy plaît, & bien luy en donna connoissance: car il le mit en peu d'heure, au plus bas qu'il eût peu être: mais il le releua aussi tôt par le merite d'aucuns de ses bonnes œuvres, ainsi que pourrés presentement entendre.

Comme Amadis & Galaor sceurent que l'on avoit emmené le Roy Lisuart prisonnier, & sa fille: parquoy ils se diligenterent de les aller secourir.

CHAP. XXXVI.

Nous avons cy deuant recité par quel moyen Amadis & Galaor s'échaperent de Madasime Dame de Gantasi, qui les eut fait mourir, s'ils eussent été conneus. Aussi comme ils reprindrent le chemin de Londres, joyeus d'avoir euvé si grande fortune: mais ainsi qu'ils approcherent près de la ville, ils aperceurent d'assés près Ardan le Nain, courant tant que son cheual pouoit aller: parquoy Amadis dit à Galaor: Mon frere, ne me croyés jamais, si Ardan ne vient vers nous pour quelque affaire d'importance, ne voyés vous la diligence qu'il fait? & comme il achevoit son propos, Ardan survint qui leur recita tout

tout ce qui étoit survenu depuis leur parlement. Mais quand il dit que la Princesse Oriane auoit été enleuée de la court outré son gré, & les regrets qu'elle faisoit, Amadis entra en telle fureur qu'il cuyda desesperer, & lui demanda quel chemin auoyent prins ceus qui l'emmenoyent. Par Dieu, mon Seigneur, répondit Ardan, ils sont entrés dans la forêt, qui regarde de l'autre part de la ville. Lors Amadis, sans plus s'enquerir, donna des éperons à son cheual, & s'en court, tant qu'il peut, vers Londres, tant étonné qu'il ne sceut seulement dire vn mot à Galaor: lequel le suiuoyt de près, & ainsi courants passerēt au trauers de la ville, sans regarder ne çà ne là: mais à tous ceus qu'Amadis rencontra, s'enqueroit quel chemin tenoyent ceus qui enleuoient la Princesse, & chacun le luy monroit. Or alloit Gandalin après, lequel de fortune passa vis à vis du logis de la Royne, qui étoit lors en vne fenestre tant pleine d'ennuy que rien plus: & ainsi qu'elle pensoit à son mal, aperceut venir Gandalin, lequel elle apella, lui demandant ou il auoit laissé son maître. Ma Dame, répondit il, il s'en va tant qu'il peut après ceus qui emmenent ma Dame Oriane. Mon amy, dit elle, atendez vn petit. Lors enuoya querir l'épee du Roy (qui étoit l'vne des meilleures du monde) puis la bailla à Gandalin, luy disant: Je te prie porte cete epee à Amadis, & luy dy que c'est celle du Roy qu'il a laissée ce matin, pour ce qu'une Damoiselle l'êt venu querir, pour faire quelque combat, & luy en a baillé vn autre: toute-fois il n'êt point depuis retourné, & si n'en auons ouy nulles nouvelles, & ne sçauons qu'il êt deuenue. Bien, ma Dame, répondit Gandalin, qui print l'épee, & courut après son maître, lequel étoit ja fort éloigné: car il alloit sans sçauoir quel chemin il tenoit, pour la trop grande fâcherie ou il étoit entré. Au moyē dequoy refusant sans prendre garde à soy, mit son cheual dans vn boubier si auant, qu'il ne l'en peut retirer

sans mettre pié à terre, parquoy il fut contraint de descendre, & le tirer hors par le frain: & fut cêt arrêt cause que Galaor & Gandalin l'ataignirent, lequel luy recita entierement ce que la Roine lui madoyt: puis lui bailla l'épee qu'elle lui enuoyoit. Quand il entendit parler que le Roy mêmes étoit perdu, l'enuie luy augmenta d'vser de diligence pour les secourir: toutes-fois il auoit son cheual tant recréu, qu'il fut contraint prendre celui de Gandalin, qui valoît (peût être) pis: neantmoins à force de coups d'éperon, il le faisoit cheminer. Ainsi cheminerent ensemble tant qu'ils aperceurent le train des cheuaus (qui auoyent n'agueres passé par là) qui étoient ceus qui emmenoyent le Roy & sa fille: Au moyen dequoy ils se mirent à suiure le trac, & trouverent peu après aucuns bauchérons, ausquels ils s'enquirent, s'ils auoyent veu passer nul par ce chemin. Ouy bien Seigneur, répondirent ils. Lors leur conterent comme ils auoyent veu prendre vn Cheualier, & emmener deus Damoiselles: toutes-foys nous ne nous sommes osés montrer, ains auons quasi tou-jours été cachés au plus épes de ce boys: car sans doute ce sont méchans gens: puis leur declarerent, par tant de moyens, les gestes des prisonniers qu'ils conneurent aisément que c'étoyt le Roy & Oriane qui étoient traïs. Mes amys, dit Amadis, connoissés vous nul de ceus qui l'emmenent? car c'êt le Roy & sa fille. Non, répondirent ils: mais nous entendîmes bien, qu'un d'eus qui tenoit les rênes du cheual de la plus belle Damoiselle, appella plusieurs fois Arcaus. Par Dieu, dit Amadis, c'êt mon Enchanteur. Lors leuant les mains au ciel, dit: Seigneur Dieu, vous plairoit il me faire tant de grace, que ie les peusse au jourd'hui rencontrer? Signeurs, dirent les bauchérons, dis de ses brigands prendrent le chemin à main droite, avec le Cheualier prisonnier, les cinq celui à gauche avecques les Damoiselles.

LE PREMIER LIVRE

Mō frere, dit Amadis à Galaor, ie vous supplie suiure le roy, & Dieu vous vueille guider, & moi aussi, qui vois après Oriane. Et ce disant, donna des éperons à son cheual, & s'en alla au plus roide qu'il peut apres la Princeſſe: & Galaor d'autre côté: Mais apres qu'Amadis eut longuement cheminé, étant déja Soleil couchant, il trouua son cheual si recreu, que pour coup d'esperon qu'il lui donnât, ne l'eut ſceu faire aller autrement que le pas, & ainſi qu'il le talannoit, auifa à main dextre ioignât le chemin vn cheualier mort, & tout auprès de lui vn Ecuyer, qui tenoit vn cheual par la bride: parquoy Amadis s'aprocha, & lui demanda qui auoit occis ce Cheualier. Ce a fait, répondit l'Ecuyer, vn traître, lequel s'en va ci deuant, & mène quand & lui par force les deus plus belles Damoiſelles du monde, & ne l'a tué pour autre raiſon, ſinon pour ce qu'il luy demandoyt qui elles étoient. Et bien, dit Amadis, qu'as tu délibéré de faire? Seigneur, répondit il, ſi i'auois trouue quelqu'un qui m'aidât à cōduire le cors de mon maitre, iuſques en quelque cymetiere, ou ie l'enterrerois, ie chercherois apres ma fortune. Si tu me veus donner ce cheual q tu tiens, dit Amadis, ie te laiſſeray le mien & mon Ecuyer pour te ſecourir, & ſi t'en donneray quelque jour deus meilleurs qu'il n'êt. L'Ecuyer ſ'y acorda, au moyen dequoy Amadis monta deſſus, & cōmanda à Gandalin aider à mettre le cors du cheualier en terre, & que auſſi tôt il retournaſt à lui le chemin qu'il alloit. Ce diſant donna des éperons au cheual, courât au plus tôt qu'il peut, & tant qu'au poinr du jour il ſe trouua tout auprès d'un Hermitage, dans lequel il entra, pour ſçauoir ſi nul y demeuroit, ou il trouua vn Hermite, à qui il demanda, ſ'il n'auoit point veu paſſer par là cinq Cheualiers, qui conduiſoyent deus Damoiſelles. Non certes, répondit le preud'homme: mais ne vous en êtes vous point enquis à vn château qui êt ici joignant. Nō, dit Amadis, pour-

quoy? Pour autant, répondit l'Hermite, qu'un mien neveu, qui en vient, m'a dit, que le bruit y étoit qu'Arcalaus l'Enchanter y deuoit tâtôt arriuer, & deus Damoiſelles qu'il mene avec luy par force. Sus ma foy, dit Amadis, c'êt le traître q ie cherche. Sans faute, répondit l'Hermite, il a fait maints grans maus en ces contrees. Et Dieu l'en vueille tôt ôter, ou lui donner grace d'amender ſa vie. Mais n'aués vous aide de nul pour vous ſecourir? Nō, dit Amadis, ſinō celle de Dieu. Cōment, Seigneur, répondit l'Hermite, vous dites qu'ils ſont cinq, & vous ſeul, & Arcalaus êt l'un des meilleurs Cheualiers du monde, voire des plus aſſeurés qu'on ſache. Soit tel qu'il pourra être, dit Amadis, toute-fois il êt traître & mechât, & ceus auſſi qu'il l'accompagne: parquoy ie ne le doy craindre: car Dieu qui êt iuſte, m'aydera, ſ'il lui plait. Connoiſſés vous les damoiſelles? répond le bon homme. Certes, dit Amadis, l'une êt la Princeſſe Oriane, fille aînée du Roy Liſuart, & l'autre l'une de ſes Damoiſelles. Helàs, répond l'Hermite, ie prie à la douce vierge Marie, qu'elle vous ſoit en ayde, & que ſi bonne Princeſſe ne ſoit longuement au pouoyr de ſi mechânt homme. Ie vous prie, dit Amadis, ſi aués de l'auoyne en donner quelque peu à mon cheual. Volontiers, répondit il, & tandis qu'il repaiſſoit, Amadis demanda à l'Hermite, à qui apartenoit la forterèſſe. Elle êt, répondit il, à vn Cheualier nommee Grumen, couſin germain de Dardan, celui qui fut occis en la maiſon du Roy Liſuart, qui me fait eſtimer, que plus volōtiers il logera ceus qui portent haine à ſi bon Prince. Mō pere, dit Amadis, ie vous prie auoir ſouvenance de moy en vos oraïſons, & me montrés le plus court chemin pour aller ou vous dites. Ce que fit le bon homme. Lors Amadis le commandant à Dieu, monta à cheual, & ſuiuit l'adreſſe que lon luy auoit enſigné. Et peu apres il auifa le château enuironné de pluſieurs groſſes tours,

&

& de murailles hautes : parquoy le plus couvertelement qu'il peut il aprocha tout joignant, & entendit le grand bruit que lon y faisoit pour l'arrivee d'Arcalaus (qui étoit n'agueres entré) au moyen de quoy il se retira, tournoyant à l'entour pour voir quelle yssue il y auoit, & n'en trouva qu'une seule: parquoy il s'alla embucher dans une montaigne assés prochaine, vis à vis, puis descendit, & atacha son cheual, pour le faire paître, attendant que le jour vint, ou qu'Arcalaus & ceus qu'il conduisoit saillissent, & tant y demeura, q̄ l'aube du jour s'aparut. Au moyen de quoy doutât q̄ la guette du château le découvrit, se retira plus auant dans la montaigne, & monta au haut d'une côte, pleine de taillis fors & épais. Lors auisa fortir un autre Cheualier qui s'en alla au sommet d'une haute roche, pour découvrir de toutes parts s'il verroit quelq̄ embuche. Ce fait se retira, & ne tarda longuement qu'Arcalaus saillit hors avec ses quatre compagnons très bien armés, conduisans les deux Damoiselles, lesquelles Amadis conneut aussi tôt: parquoy voyant qu'ils venoyent droit à luy, se mit à genoux, & faisant son oraison, dit ainsi : Dieu tout puissant, ie vous supplie, qu'il vous plaise être en mon ayde. Et vous Marie Vierge & glorieuse, priés maintenant vôtre fis (qui est vôtre pere) de me guider & adresser. Puis s'acoutra de ses armes, & regarda si son cheual étoit bien sanglé, mōta dessus, print sa lance, & son armet, attendant ses gens au passage : mais pour ce que le lieu ou il s'embuchoit étoit mal à propos pour combattre, delibera de les laisser passer, & gagner la plaine, & de fait se retira au plus épais du taillis. Adonc passa Arcalaus & sa cōpagnie si près d'Amadis, qu'il entendit la Princesse Oriane, qui disoit: Las mon amy, vous auiés bien raison de me dire à dieu, quād ie vous permis d'aller secourir celle qui sembloit la plus triste du monde: car ie croy que ce sera le dernier congé, & que i'amaïs plus ne me

AM. I

verrés: pource que la mort me tient déjà assiégée, & me fuyt de si près, qu'il me seroit impossible la fuyr. Cete complainte eut tant de vertu, qu'encores qu'Amadis ne se peut contenir de plorer, si enflamba elle son cœur de sorte, qu'aussi tôt qu'il vid ses gens en campagne, il les suivit de si près, que deuant qu'ils s'en aperceussent, il entra pêle mêle criât: Traîtres traitres, par Dieu vous mentirés: car les Dames ne passeront pas plus outre. La vois d'Amadis fut incōtinent conneue par Oriane & la Damoiselle de Dannemarc, au moyen de quoy se sentans (ce leur sembloit) déja recouffes, le cœur leur cōmença à éjouir, & celui des gens d'armes à douter: toute fois voyant Arcalaus qu'Amadis essayoit à outrager ses gens, s'adressa à luy, & Amadis qui le conneut le choisit si à propos, qu'il le desarçōna d'un coup de lāce sans qu'elle rompît: puis entra sus les quatre autres, & chargea Grumen le Seigneur du château, ou ils auoyēt logé, & l'ataignit de si droit fil, que le fer & la hante luy trauerferēt les côtes, & tōba mort, lui demeurant le tronçon dans le cors: parquoy Amadis mit la main à l'épee que la Roine lui auoit enuoyé, avec laquelle il fit tāt d'effort, que nō obstāt q̄ ses ennemys se missent en leur deuoir, si craignoient ils par trop les pesans coups qu'il donnoit: car la presence de celle, de laquelle il estimoit toute sa fortune, dependre, lui doubloit tellement ses forces, qu'il lui étoit auis, que tout le mōde ensemble ne l'eut peu vaincre, ains q̄ luy seul étoit suffisant pour rōpre une armee: Au moyen de quoy en peu d'heure desit cete canaille. Mais ainsi qu'il étoit au fort du combat, la Damoiselle de Dannemarc voyant que les gens d'Arcalaus branloyent, & que lui même ne se pouoit releuer, dit à Oriane: Ma Dame, Dieu nous ayde: car vôtre Amadis se montre (pour l'amour de vous) plus qu'homme. Ne voyés vous la sorte dont il a déja traité Arcalaus & nôtre hôte? Croyés moy, que nous sommes secourus:

M 3

rués:

ruës: car le reste ne lui pourra plus gueres resister. En bonne foy, m'anie, dit Oriane, ie croy que vous dites vray: puis iettât vn haut soupir, dit: Ah heurus Amadis, mirouër de toute vertu & cheualerie! ie prie nôtre signeur, qu'il vous doint grace de paracheuer nôtre secours, & la victoire sus ces traîtres. Quand l'Ecuyer qui tenoit Oriane (ainsi qu'il vous a été recité) entendit parler d'Amadis, il eut telle peur, qu'il la descendit à terre, disant à soy-même: Par Dieu, ie serois bien sot d'atendre à receuoir sus ma tête les coups qu'il donne sus ces autres. Puis donnant des esperons à son cheual s'enfuyt le plutôt qu'il peut: mais il ne sceut tant se diligenter, qu'il ne vid auant son partement Amadis donner si grand coup d'épee sus le bras d'un des Cheualiers, contre qui il combattoit, qu'il le luy fit tomber à terre. Au moyen dequoy ce mal-heureux sentant angouisse mortelle se print à crier & à courir enséble. Or ne le chassa longuement Amadis: car il trouua visage aus autres, entre lesquels l'un d'eus mal armé par la tête fut ataint à decouvert par si grande force, que de là en auant il n'eut que faire de bonnet de nuit, pour-ce qu'il eût la tête fendue iusques ausieus. Et pourtant n'en restoit plus qu'un, lequel voyant le fort erre tombé sus ses compagnons, tourna dos, & le gaigna à fuir. Et ainsi qu'Amadis le poursuivoit, il entendit crier la Princesse: parquoy regardant vers elle, auisa Arcalaus qui l'auoit déja chargée deuant foy, & l'emmenoit au plutôt que le cheual pouoit fuir. Et à cete cause Amadis laissa la poursuite du fuyart pour secourir Oriane: & quelque diligence que fit Arcalaus Amadis l'ataignit tôt après: mais ainsi qu'il auoit haucé le bras pour le frapper, il eut crainte de blecer Oriane, au moyen dequoy il faignit son coup: toute-fois il étoit déja tant ébranlé, qu'il ne le peut du tout retenir, qu'il ne cheût sus les épaules d'Arcalaus, & lui aualla vne piece de sa côte de maille, & de la chair viue

ensemble. Et de douleur qu'il sentit laisser tomber à terre la Princesse, mêmes pour fuir encôres plus legerement: car il scauoit, que si Amadis l'atrapoit, que tout l'auoir du monde ne le saueroit: toute-fois il le poursuivit assés loing, & lui disoit Amadis en le suiuant: Tourne Arcalaus, tourne, & tu verras si Amadis est mort, ainsi que tu as dit ces jours passés. Mais Arcalaus n'auoit pas loisir de luy obeïr, & ay-ma mieus ôter son écu du col, & le ietter à terre pour n'auoir chose qui empêchât son cheual à courir. Et ainsi qu'il s'amusoit à le ietter, Amadis l'ataignit, & luy donna d'assés loing vn coup du bout de l'épee, de laquelle il lui fendit le haubert tout le long des rains, & descendit l'épee sus l'arçon de derriere de telle roideur, qu'il le coupa outre iusques dans la croupe du cheual, lequel se sentant blecé, se print plus fort à courir qu'il deuant, & s'élôgna en peu de tems d'Amadis, qui vouloyt mal de mort à Arcalaus, neantmoins ne le voulut poursuivre plus auât, craignât qu'il suruint quelqu'un pour faire déplaisir à Oriane, au moyen dequoy il perdroyt (par sa faute) ce qu'il auoit recouuré par son effort. Et poutât retourna à elle, puis descédit de cheual, & se mettant à genous lui baïsa les mains disant: Ma Dame, nôtre Signeur m'a fait plus de grace par le secours qu'il vous a donné, qu'il ne fit oncques à Cheualier: car ie n'atendois plus vous voir de ma vie. Or étoit elle encor si éperdue (tant pour le mal qu'elle auoyt souffert, que pour la crainte qu'elle auoit d'être à l'entour de tant de gens morts) qu'elle ne lui sceut nullement répôdre: mais l'embraça pour s'asseurer de la grande frayeur ou elle étoit. Ce pendant la Damoiselle de Dannemarc courut prendre le cheual d'Amadis, & en y allât auisa l'épee d'Arcalaus sus la terre, laquelle elle leua, & l'aporta à Amadis, lui disant: Signeur voyés cete belle épee. Amadis la print, & connut qu'il étoit celle qu'il auoit quand il fut trouué en la Mer, laquelle depuis Arcalaus

Calais lui roba, quand il l'enchantâ, & fut trefaïse de l'auoir recouuree. Or entendés, que tant pour le travail qu'auoit receu Oriane, que pour l'effroy ou elle étoit, ne s'étoit peu releuer du lieu ou l'auoit mise Arcalaus: parquoy Amadis fut toujours à genous parlant à elle, tât que Gandalin y arriua, lequel auoit cheminé toute nuit pour ataindre son maitre, après qu'il eut laissé le cors du Cheualier mort en vn Hermitage. Amadis fut trefaïse de son retour, & Gādalīn encores plus, voyāt cōme ce combat auoit été démélé. Après qu'Oriane se fut vn peu asseuree, elle pria Amadis de l'ôter de ce lieu: parquoy il cōmanda à Gandalin qu'il montât la Damoiselle de Dannemarc sus l'vn des cheuaus échapés, & qu'Oriane auroit celui de la Damoiselle, & ainsi s'equiperent, & s'en partirent avec autant de plaisir que lon sçauroit estimer. Amadis conduisoit son Oriane, tenant les rénes de son palfrey, & elle lui recitoit en cheminant la pœur qu'elle auoit eue des Cheualiers qui gisoient morts, & telle, disoit elle, que ie ne me puis encores asseurer. Ma Dame, répondit Amadis, trop plus grande a été la peine que j'ay receuë d'vne personne viue & moins épouventable, que des morts, lesquels ne peuvent faire mal: mais cete-là pour sa beauré me fait mourir. Encores qu'Oriane l'entendit bien, elle lui demanda, & qui ét cete personne? Vous ma Dame, dit il, qui me tenés en tele vie, quel' ét plus nuisible que la mort: Mon amy, dit elle, iamais de mō cōsentemēt vous n'eûtes mal, & serois bien marrie de le vous auoir pourchassé: car plutôt y remediroy s si i'auois le pouoir. Ma Dame, vous seule, sans le pourchasser lē m'aués fait, & vous seule en aués le remede q̄ ie pourchasse, et n'êt inconuenient que de si grande perfection soit causée si extreme passion: mais si en vous y a la pitié que promet le reste de vos excellences, vous ne voudrés voir en moy ce qui vous a dépleu en vos ennemys, c'êt la mort, laquelle ie n'eusse

peu tant differer en si grād tourmēt, n'eût été la connoissance que i'auois que vous n'auies encores nulle oportunité d'y pour uoir & deliurer ensemble vous de vōtre promesse, & moy de ce travail. Mais puis que l'ocasion s'y offre, & que la fortune nous a éloigné tout ce qui pouoit empêcher nōtre contentement. Je vous supplie, ma Dame, ne nous être point plus cōtraire qu'elle, & vouloir vser de sa liberalité, sachant que l'ocasion ét chauue, & qu'ēt tant passée, on ne treuve pas tousiours par ou la reprendre. Oriane (non tāt pour ses raisons que pour ce qu'elle étoit en aussi grande peine que luy, & que s'il n'eût cōmencé, elle eût volontiers fait l'office de requerir) lui dît ainsi: Grande ét la force de vos persuasions: mais plus grāde ét celle de l'amour que ie vous porte, qui me tient si éprise, que quand bien vous auries moindre occasion de demander, si suis-ie contente, & contrainte de vous obeir, & de me fier en vous de la chose qu'à grāde peine ie tenois seure en ma pensée. Bien vous prie-ie, q̄ puis que vous me voyés si dépourueuë d'entēdemēt, vous preniés la cure de cōduire nōtre fait si prudemment, qu'il soit inconnu, & qu'au moins ce qui aus hōmes sembleroit mal fait, ne le soit deuant Dieu. Assés de protestations & remontrāces fit la dessus Amadis: mais il ne falloit grāde baterie à ville prête a rendre. Ainsi sus ce propos arriuerent en vn lieu assés près de la ville, ou il y auoit vn bois fort épés d'arbres. A l'endroit duquel grād sōmeil print à Oriane, comme à celle qui n'auoit oncqs dormy la nuit precedente, & dît à Amadis: Je vous asseure mon amy que l'enuie de dormir me prēd si fort, q̄ ie ne m'en puis plus tenir. Ma Dame, répond il, descendons en cete vallee, ou vous reposerés. Et laissant le grand chemin, trouverent vn petit ruisseau bruyant doucement, ioignāt l'herbe & les arbrisseaus tout à l'entour, qui dōnoyēt grād ombrage au lieu. La descēdirēt, & dît Amadis à la Princesse: Ma Dame, s'il vo^s plaît, no^s passerōs

LE PREMIER LIVRE

icy la chaleur, & dormirés tandis que la fraicheur viendra, & ce pendant i'enuoyray Gandalin en la ville pour nous apporter vivres. Vous dites bien, répondit Oriane: mais qui luy en baillera? Il en empruntera, dit Amadis, sus ce cheual qu'il menerra, & retournera à pié. En bonne foy, répondit elle, nous lui ferons mieus. Il vendra cét anneau, lequel iamais ne nous seruira si bien, qu'il fera maintenant. Et le tirant de son doigt le bailla à Gandalin, qui s'en partit, & passât près d'Amadis lui dit: Qui a tems à propos, & le pert, tard le recouvre. Amadis entendit assés pourquoy il le disoit, combien qu'il n'en fit semblant: mais se print à desarmer, tādīs Oriane faisoit étendre le manteau de la Damoiselle de Dannemarc sus l'herbe, & se coucha dessus, puis se retira la Damoiselle vn peu après dans le taillis, & s'endormit, comme celle qui en auoit grande enuie. Ainsi demeura Amadis seul avec sa Dame, tant plain de grand aise (pour le bien qu'elle luy auoit otroyé, qui étoit la perfection de ce qu'il eût seu desirer) qu'il ne pouvoit ôter l'œil de dessus elle en se desarmant, qu'il le faisoit faillir, & taut plus il auoit de hâte, & moins il s'auançoit. Mais en fin étant en pourpoint, & à son aise, si ses mains auoyent été lentes en leur office de le desarmer, tout le reste de ses membres ne l'étoit point: car il n'y auoit celuy qui ne fût en son deuoir: le cœur étoit rayuy en pensée, l'œil en contemplation de l'infinité beauté, la bouche au baiser, & les bras à l'embracer, & de tous n'en y auoit vn seul mal-contét, sinō les yeus qui eussent voulu être en aussi grād nombre, qu'il y a d'étoiles au ciel, pour mieus la regarder: car ils ne pensoyent sūfīre à assés clèrement voir chose si diuine. Ils étoient en peine aussi de ce qu'ils ne voyoyent point leur lumiere: car la Princesse les tenoit clos, tant pour ne sembler auoir sans raison parlé de dormir, que pour la discrete honte que son grand plaisir lui apportoit, ne lui permettant oser voir hardimēt

ce qu'elle aimoit le plus en ce monde. Et pour cete même occasion, tenoit les bras negligēment étendus comme endormie, & auoit pour le chaud laissé sa gorge découverte, & montrait deus petites boules d'Albastre vif, le plus blanc, & le plus doucement respirant que Nature fit iamais. Lors oublia Amadis sō acoutumee discretion, & à la charge d'être importun, il lâcha la bride à ses desirs si auantageusemēt, que quelque priere & foible resistance que fit Oriane, elle ne se sceut exempter de sçauoir par épreuve, le bien & le mal joint ensemble qui rend les filles femmes. Grande fut l'astuce & bōne grace qu'eut la Princesse de sçauoir si bien temperer son grand plaisir avec vne delicate & feminine plainte de l'audace d'Amadis, & au visage montrait ensemble vn si gracieus courrous, & vn si content déplaisir, qu'en lieu de consumer le tems en excuses, Amadis print encores la hardiesse de la rebaiser, & de lui dōner nouuelle cause de le tensor. Ce q̄ (voyāt que c'étoit peine perdue, & qu'il étoit obstiné) elle ne fit point: mais conuertit tout son propos à se rapaiser, & par leur aui donner ordre à pouoir le tems auenir cōtinuér leur iouissance si sagement, que nulle partie du déplaisir fût troublee par ennuy & empêchement. Dequoy ils deuiferent grand piece, entremélans leurs paroles d'infinites baisers & des plus delicates caresses dequoy amour se peut auiser. Ah, combien de contes lui fit lors Oriane des peines qu'elle auoit souffertes, attendant ce jour! lui confessant des particularités qu'autre qu'elle & son desir n'auoit encores entendues. Combien aussi de choses luy dit Amadis, pour lui témoigner son contentement, & l'asseurer de sa perpetuelle foy, tenant tous les trauaux qu'il auoit soufferts pour bien heureux, & trop bien recompensés. Et bien qu'en ces discours & plaisirs ils eussent consumé la plus grande partie du jour, & qu'il deuint tard, si étoient ils si distraits de tout autre souvenir, qu'ils ne sen-

sentoyent point le tems, ni leur souvenoit de iour ne de nuict, n'à peine d'eux mêmes, & quand Gandalin ne fut iamais survenu, ne la Damoiselle écueillee, ils ne s'en fussent souciés, n'auiés. Assés de vives leur sembloit avoir de la iouissance l'un de l'autre, qui les repaissoit plus délicieusement que n'eut sceu faire tout le Nectar & l'Ambrosie de Iupiter. Et assés bien servie étoit la Princesse d'Amadis, sans sa Damoiselle: neâtmoins l'un & l'autre survindrent, presque à même heure, qui fut cause que les deus amans se leuerent, & se prenans par les bras, se mirent à promener le long d'une couverte allée qui étoit en ce bois, & ce pendant Gandalin & la Damoiselle de Dannemarc mirent ordre à leur mēger sus vne petite leuee, tapissée de menuē herbe assés cōmode pour le lieu. Et combien que la n'y eut buffet d'or ne d'argent, comme ches les Rois Lisuart, & Perion, n'y solennité de grands services, si s'estimerent ils mieus traités qu'onques paravant n'auoyent été. Et durant leur repas, voyans l'amenité de ce bois & des fontaines, commēcerēt à ne trouver étrange, que les Dieus eussent autrefois habandonne le ciel pour venir habiter les plaisantes & delectables forêts, & tindrent Iupiter sage pour avoir fuiui Europe, Io, & ses autres amyes. Et Apollo avoir eu raison de devenir pasteur pour l'amour de Daphné, & de la fille d'Admetus, & eussent voulu, à l'exemple d'eux, demeurer là, sans iamais retourner à leurs Palays, & Royales pompes, estimans les Nymphes des bois plus heureuses deesses, que celles qui sus les autels de Marbre demeurent aus superbes temples des grādes villes. En tels propos passerent le tems qu'ils furent à table, puis étans Gandalin & la Damoiselle retirés, les deus amans recommencerent leurs plus agreables deuis, preuoyans bien par dous effaits & paroles, que nulle minuté de tems fut perduë. Puis doncques qu'ils sont si à leur aise nous ne les détourbe-

rons point: mais les y laisserons, & viendrons à parler de ce qui avint à Galaor étant en la quête du Roi.

Comme dom Galaor delivra le Roy Lisuart de la prison ou lon le menoit.

CHAP. XXXVII.

E Tant dom Galaor party d'avec son frere Amadis, ainsi que vous aués peu entēdre il suiuit le chemin, par lequel lon emmenoit le Roi prisonnier, & faisoit diligence si extreme, pour le grand desir qu'il auoit de l'ataindre, qu'il ne pensoit en cheminant à chose qu'il reconstrāt en sa voye: & courut tant qu'environ l'heure de vėpres il entra en vne vallee, ou il s'aperceut que quelques gens de cheual y auoyent reposé la nuyt, & pourtant suyuit leur trac au plutōt qu'il peut, presumant q' c'étoient ceus qu'il cherchoit, & qu'ils ne pouoyēt être encōres loing. Mais ainsi qu'il alloit, auisa vn Cheualier armé de toutes pieces, & bien monté, qui venoit contre luy, lequel s'apochāt près, lui dīt Cheualier demourés, & me dites quel affaire vous presfe d'ainsi fuir. Je vous prie répondit Galaor, deportés vous: car pour m'arrêter il en pourroit venir trop d'inconveniēt. Par Dieu, dīt le Cheualier, vous ne m'échapperez pas ainsi: car vous me le dirés, vueillés ou non. Pour celà Galaor ne s'arrēta, ains donnant des esperons à son cheual passa outre: ce que voyant l'autre luy cria. Ah gallant, vous fuyés, par Dieu ie vous ferai tantōt arrêter à vos depens. Et ce disant courut & l'ataignit incontinent, pource que son cheual étoit plus frais que celui de Galaor, qui étoit déja lassé, pour le grād chemin qu'il auoit fait tout le iour. Quand Galaor conneut q' l'autre le pourchassoit ainsi, & qu'il étoit si près qu'il ne pouvoit plus aller qu'il ne fut ataint, il lui tourna visage, iettant son écū derriere le dos parquoi le Cheualier coucha sa lance pour l'ataindre, mais Galaor se tira

LE PREMIER LIVRE

à côté, tellement que l'autre passa outre de grand' roideur, & connoissant la ruse que Galaor lui auoit faite, & quil s'enfuyoit, trécha chemin, & le vint deuanter à vn détroit lui criât: Ca, ça, maître couard, ou nous nous cōbatrons maintenant, ou vous me dirés qui vous meurt de fuir ainsi: puis de rechef coucha cōtre Galaor, lequel (faignât de le recevoir) se tira à côté & passa outre sās s'arrêter, courāt au plus tōt q son cheual pouoit aller, tādīs que le Cheualier paracheuoit sa carriere, car il ne sçauoit arrêter le siē: & à cete cause en peu de tems Galaor s'elōigna grandemēt de lui, dont le Cheualier fut trop dépitē, & dīt à soy-mêmes: Il ne sera pas vray, vous n'eschaperés ainsi. Or sçauoit il les adresses de la forêt, au moyē de quoi rōt après il l'ataignit, & s'aprouchāt lui dīt: Pail lard infamē & sans cueur choisisys maintenant de trois choses la meilleure pour toy, ou combattre, ou retourner, ou me dire ce que ie t'ay demandé. Par Dieu répondit Galaor, la plus aisce de ces trois offres m'ēt difficile, & si ne faites courtoisemēt: car ie ne retournerai, & si ie me cōbats ce sera maugré moi: toutefois si vous desirés sçauoir qui me presse tant suyus moi, & vous le verrés: car i'arrêteroīs trop à le vous faire entendre, & peut être aussi qu'après vous ne me croiries, tant ēt grād & malheureus le fait, pour lequel ie suis ainsi presse. Vrayemēt dīt le Cheualier, ie vous suyurai auāt trois iours entiers q ie ne sçache si vous mentés. Lors Galaor passa outre continuant sa diligēce, & le Cheualier le suyuit: puis ayans cheminē enuiron demie lieue, ils aperceurēt deus Cheualiers, l'vn à piē courant après son cheual, & l'autre qui fuoit tāt qu'il pouoit. Or étoit celuy de piē cousin Germain du Cheualier qui suiuit Galaor (leq̄l auoit été abatu d'vn coup de lance, que lui auoit donné l'autre qui s'en couroit) toutefois il ne le cōneut de prime face mais lui demanda cōme ce lui étoit auenu. Adonc l'autre qui l'auisā le courut embracer,

lui disant: Sus ma foi, cousin mō ami, ie m'en allois révant si fort à celle q vous sçaués, que ie ne prenois garde à moi ny à autre quand ie senty vn coup de lance que me donna ce Cheualier qui va deuāt de si grand' roideur, qu'il a renuersē moi & mon cheual en semble: toutefois ie me suis releué promptement, & l'ay apellē au cōbat: mais il la refusē, & m'a seulement répondu q ie fusse vne autrefois plus prōpt à répondre quand on m'appelleroit. A cete cause ie vous supplie allōs après, & vous pourrés voir cōme ie me sçaurai veger de lui. Ce ne peut être, dīt l'autre premier q i'aye suyui trois iours entiers ce Cheualier q vous voyés: puis lui recita tout ce qui lui étoit auenu avecq Galaor. Certes, répondit le Cheualier, à ce que vous dites c'ēt biē le plus couard du monde, ou il se cōtregarde ainsi pour executer quelque grāde entreprinse: pourtāt ie suis content postposer la vengeance de mon iniure, & vous suyvre à ce que ie sçache quelle sera la fin de vōtre entreprinse. Et ainsi qu'ils deuisoyēt aperceurēt que Galaor étoit fort elōigné, & encores pressoit son cheual tant qu'il pouoit, parquoi ils coururent après luy: toute-fois ainsi que Galaor entroit dans l'epaisseur de la forêt, la nuit le surprint, qui lui fit perdre le trac qu'il suiuit, tellement qu'il ne sçauoit quel chemin il devoit tenir. Lors se commandant à Dieu, le supplia de le radresser, & permettre qu'il fut le premier à secourir le Roi & pource qu'il estima q ceus qui le cōduisoient se fussent de-jā retirés, & que son cheual étoit hors d'aleine, il se mit au pas écoutāt, puis ça, puis là, s'il en orroit nouvelles, ou bruit de gens. Cependant les deus autres Cheualiers qui le suiuiroyent pēsans qu'il eut prins le chemin à droit, traufferēt la forêt: & arriuās en la plaine (voyans qu'ils l'auoyent ainsi perdu) eurent soupçō qu'il se fut cachē: parquoi ils s'en allerent descendre au logis d'vne Dame veuve qui étoit ioignāt de là: mais Galaor qui n'auoit envie de dormir, ne fai-

soit

foit, que traverser le bois, écoutant s'il entendroit quelque bruit de gens. Et voyant qu'il ny profitoit rien, s'auisa de monter au haut d'une montaigne pour regarder de toutes pars s'il en apercevrait quelque chose toutefois il perdit ses pas. Parquoi reprist l'adresse du chemin qu'il avoit laissée & tant chemina, pu'il entra en la plaine. Lors aperceut vn petit feu au bas d'une vallee, & cheminât cete part trouva quelques gardes de haras, lesquels le voyant armé, de crainte qu'ils en eurent prindrent leurs iavelines, & vindrent encontre: mais il leur dit qu'ils fussent assés, & qu'ils les prioit seulement de donner vn petit d'auoyne à son cheual (s'ils en avoyent) ce qu'ils firent. Adoncq' mit pié à terre, & le débrida, puis ce pasteurs lui demanderent, si lui memes vouloit menger. Non, répondit Galaor, mais ie suis cõtent de dormir quelque peu pourveu que me faciés ce plaisir de m'éveiller au point du iour. A l'heure les deus parts de la nuit pouvoient être passées, & s'apartut peu après l'aube du iour, au moyen dequoi Galaor (qui ne dormoit qu'en transe) s'éueillâ promptement, print ses armes monta à cheual, & commandant à Dieu ces pasteurs, s'en alla au plus haut de la montaigne: puis étendit sa veüe de toutes parts, pour voir s'il pourroit avoir nouvelles de ce qu'il cherchoit: mais il découvrit seulement les deus Cheualiers qui l'auoyent suivy le iour precedant lesquels sortoyent du logis ou ils auoyent couché. Déja le soleil commençoit à rayonner: parquoi ces Cheualiers l'auiserent de loing, & le cõneurent à l'écu qu'il portoit, & à même instant le virent descendre de la côte, au plus tôt que son cheual pouvoit courre. Lors le Cheualier qui avoit été abatu, dit à son cousin: Le gallant nous a aperceus, & s'enfuit. Certes ie croi qu'il court ainsi pour quelque méchanceté qu'il a faite, qui le contraint aller couvert: parquoi ie fais vœu à Dieu, que si ie le puis ataindre ie sçauray qui le

meurt, & (peut être) à son dõmage. A cete cause ie vous prie allons aprés: mais Galaor (qui pensoit bien à autre chose) avoit déjà veu passer les dix Cheualiers, qui cõduisoient le Roi par vn détroit, & marchoyent cinq deuant & cinq derriere, le Roi étant au mylieu. Lors Galaor delibera de plutôt mourir qu'il ne le delivrât, et en cete deliberation s'aprocha deus, baissa sa visiere, & vint charger les cinq premiers: car il fut si animé de voir le Roi enchéné, qu'il lui sembloit être lui seul trop fort pour deffaire les dis, & dis autres, s'ils y eussent été. Lors leur cria: Traîtres, aués vous ose mettre la main sus le meilleur Roy du mōde? Et ce disant chargea le premier qu'il rencontra, & l'ataignit de sorte qu'il lui mit la lance dans le cors plus d'une brasse outre, dont il tomba mort. Ce que voyant les quatre autres environnerent Galaor, & se mirent à l'assaillir de toutes parts, & si rudement que son cheual fut contraint donner du genoil à terre. Adonc l'un d'eus pèsant bien ieter bas Galaor, coucha sa lāce cõtre lui: mais le coup glissa, & Galaor qui étoit fort adroit la lui arracha des poings en passant & pressant son cheual en donna si grand coup à vn qu'il rencontra, qu'il lui trauersâ les deus cuisses, & le corps du cheual ensemble, lequel cheut mort sans plus marcher vn seul pas: Parquoi Galaor mit la main à l'épee: mais les cinq autres Cheualiers voyans le combat tant durer, vindrēt au secours de leurs compagnons. Lors Galaor cõnoissant l'extremité ou il étoit delibera de venger sa mort, & le Roi ensemble, & à cete cause entra pêle mèle, fendant & renversant ceus qu'il rencontroit, tellement que les plus hardis ne s'osoient quasi trouver deuant lui. Or pouoient voir les deus cousins qui le suivoient, l'effort qu'il faisoit, dont ils furēt si émeruillés, qu'il disoient l'un l'autre: Par Dieu nous auõs eu tort de l'estimer couard: car c'est le plus hardi, Cheualier que ie cõneu oncques. Ne voyés vous les grās

LE PREMIER LIVRE

coups qu'il donnē, & ce qu'il fait contre tant ie vous supplie allons le secourir, & ne le laissons ainsi mal'heureusemēt tuer. Qui voudroit faire autrement, répondit il, sinon ayder au meilleur Cheualier du monde? & croyés qu'il ne s'ēt point adressé à tant de gens, si n'ēt pour quelq grand cas. Lors coururent le plus tōt qu'ils peurent le secourir, & entrèrent dans les gēs d'Arcalaus frapāt sus euy à dextre & senestre, tellement que Galaor se sentit incontinēt secouru: car ils les firent écarter de sorte, qu'il eut loisir de prédre alaine, pource que les deus nouvellement arrivés écartmoucherent les autres de sorte, q leur resistance commença à affoiblir: toutefois ils soutindrent longuemēt l'assaut, & iusques à ce q Galaor s'ebahissant d'ou telle ayde lui venoit, entra en la presse ce qui mit les autres entierement hors d'espoir: car ils estimerent que le secours fut plus grand, au moyen dequoy ils recommencerent à brāler. Quand le cousin d'Arcalaus aperceut que la ruine tomboit de son côté, & que déjà tous ses gens étoyēt recrus, mors ou deffaits, il proposade tuer le Roi, lequel auoit parauant trouvé moie de se descendre du cheual, & de prendre l'épee & l'écu de l'un des Cheualiers mors parquoi quād l'autre s'aprocha pour le fraper le Roi haūa l'écu, & fut le coup si grand, que l'épee entra bien vne paume dedans, & de la pointe lui entama le chef iusques à los. Toutefois il ne s'ētōna: car il dōna sus le musle du cheual de son ennemy de sorte, que il l'étourdit, & le renuersa avec celui qui le cheuauchoit. Or s'étoit Galaor mis à pié, pource que son cheual n'en pouoit plus: & voyant que ce Cheualier assailloit le Roi, courut le secourir: mais le Roi s'étoit ieté dessus quand il le vit renuersé, au moyē dequoi Galaor lui aracha l'armet de la tête pour la lui couper, ce q le Roi lui pria de differer: car il faut (disoit il) qu'il meure en larron cōme il merite. En ces entrefaites dom Guillan & Ladasin poursuiuoient

vn autre Cheualier qu'ils occirent, puis vindrent ou étoit le Roi lequel ils conneurent aussi tōt: mais oncques gēs ne furent plus ébaïs pource qu'ils ne sçauoient rien de son infortune. Lors mirent pié à terre & lui firent la reuerence, puis ôterēt leurs heaumes, au moien dequoi il les cōneut incontinēt & les vint embracer, leur disant: Mes amys, vous m'aués secouru en bonne saison, & telle que i'aperçoi bien maintenant que vōtre amye (disoit il à Guillan) me fait grand tort de vous distraire si souvent de ma compagnie: car par elle ie vous perds, & vous aussi, Ladasin, pour l'amour de lui. Guillan fut tout honteus & rougit de cete parole, nō pourtant qu'il ne cōtinuāt depuis à aymer cel le dont le Roi parloit, qui étoit la Duchesse de Bristoye, laquelle ne lui portoit moins d'affection que lui à elle, comme elle lui en auoit donné asseurāce par le bon traitement qu'elle lui auoit fait, gōtās ensemble du fruit qui cause contentement à ceus qui ayment. Dont le Duc se douta & en eut toujours soupçon, qui fut cause de l'ennuy qu'eut Galaor, lors que le Nain le cuida surprendre au sortir du iardin ou il étoit entré pour aller coucher avec Aldene, & q la Damoiselle qui l'y mena cuida depuis être brulee, ainsi que l'histoire vous a recité n'agueres, mais entendés que durant q le Roi deuisoit avecq Guillan, Galaor tira le neuue d'Arcalaus de dessous son cheual, puis lui mīt au col la chēne que le Roi auoit. Ce fait prirent les meilleurs cheuaus des Cheualiers morts, sus lesquels ils monterēt, & se mirent au chemin de Londres, & en cheminant Ladasin conta au Roy tout ce qui étoit aduenū à Galaor. Dequoi le Roi l'en estima grandement, mêmes pour s'ētre tant bien contregardé en s'épergnant pour l'execution de son entreprise. Mais Sire, dīt Guillan, il fut bon, car pensant à celle qui souvent me fait oublier moi-mêmes, vn Cheualier me surprint, & d'un coup de lance me desarçonna, dequoi le
Roy

Roi & les autres se prindrent fort à rire. Vrayement, répondit le Roi, j'ay ouy parler de mains amoureux, & de ce qu'ils fût pour leurs amyes: mais oncques ie ne fu déieuné d'un fait semblable au vôtre. Et certes Guilla à ce q'ie voi, ce n'êt sans cause si lon vous nôme le pensif: car vous êtes le plus grand réveur du monde. Ainsi alloyent deuisans plusieurs propos, tant qu'ils arriuerēt en la maison de Ladasin, qui n'étoit loing de là, ou têt après arriva l'Ecuyer de Galaor, & Ardan le Nain d'Amadis, lequel pensoit que son maitre eut prins ce chemin. A l'heure Galaor recita au Roy la maniere comme Amadis & lui s'étoient séparés, lui cōseillant d'envoyer à Londres: pource dit il, que les bauchérons qui nous dirent nouvelles de vôtre prinse n'auront failly à l'aller publier en la ville, qui sera cause de faire entièrement émouvoir le peuple. Sus ma foi, répondit le Roi, puis que vôtre frere Amadis, a entrepris le secours de ma fille, ie ne la tiens encores perdue, si ce traître Arcalaus ne fait quelque nouvelle tromperie par enchantement, & croi que ce soit le meilleur que la Roine sçache de mes nouvelles: Parquoi Ladasin fit apeller un Ecuyer q'le Roy depêche pour aller vers elle suyvant l'avis de Galaor. Or étoit il ia tard: parquoi après le bon traitement que leur fit Ladasin, le Roi se voulut retirer atendāt le iour, q'chacun se leua, puis s'armerēt & reprindrent leur chemin, sus lequel le Roi prenoit plaisir à interroguer le neveu d'Arcalaus de l'entreprise de son oncle, qui luy raconta au long toute leur deliberation, & comme Barsinan esperoit se faire Roy de la grand' Bretagne. Et à cete cause le Roi se diligenta plus fort esperant le trouver encores à Londres, & le punir.

Comme les nouvelles vindrent à la Roine de la prinse du Roi, & que Barsinan s'efforçoit d'usurper la ville de Londres.

CHAP. XXXVIII.

SI vous aués biē entēdu le discours qui vo^s à été fait n'agueres, il vous pourra souvenir que les bauchérons (ne cōnoissans le Roi n'Oriane) virent le traitement que leur firent Arcalaus & ses gens qui étoient embuchés dans le bois, & comme depuis par Amadis & Galaor ils sceurent que cetoient le Roy Lisuart & sa fille. Au moyē dequoi, aussi têt que les deus Cheualiers se furēt partis d'eus, ils coururent le dire à Lōdres qui fut cause d'émouvoir entièrement la ville spécialement les Cheualiers, lesquels incontinent prindrent leurs armes, & monterent à cheual en si grand nombre que les champs étoient couvers d'hommes & cheuaus. A l'heure étoit Arbā Roi de Nor gales deuisant avec la Roine qui ne sçavoit aucune chose de cete infortune, quād l'un de ses Ecuyers lui fut porter son harnois, & mener son cheual, lequel lui dit: Sire, vous faites icy trop de sejour, armés vo^s, s'il vous plaît & suyvés les autres qui sont déjà quasi tous dās la forêt. Et pourquoi répondit Arban. Pour autant, dit il, que nouvelles sont venuës qu'aucuns pailars tiennent le Roi prisonnier. Prisonnier? répondit le Roi Arban. Sire, répondit l'autre, il êt vray. Quand la Roine qui étoit presente l'entendit, elle fut si éperdue, que sans auoir le pouuoir de résister à si grand inconuenient, elle tomba évanouye: neant moins le Roi Arban se voyant pressé d'ailleurs, la laissa entre les bras de ses femmes & diligēment s'arma prêt de monter à cheual: mais ainsi qu'il avoit le piē en l'étrier il entēdit criēr l'alarme, & le bruit de l'assaut que Barsinan donnoit au château, lors dit Arban: Par Dieu nous sommes trais: Et à cete cause fit remparer soudainement le logis de la Roine. Ce pendant la reuolte & émotion fut grande par la ville: car chacun étoit en armes: parquoi le Roi Arbā r'alia tous ceus qu'il peut, & fit tant de diligence, qu'il retira iusques à deus cens Cheualiers avec quelque peuple: puis enuoya deus

LE PREMIER LIVRE

deus des plus aparens vers le chateau, ſça
uoirdōt venoit l'alarme, léquels rapporter
rent auffi tôt q̄ Barſinā auoit forcé la pla
ce, & qu'il étoit entré dedans avecq'grād
nombre de ſes gens, léquels auoyent def
fait mis à mort, & ietté par les murailles
tous ceus qu'ils auoyent rencontré: & ce
auoit il fait (ſuyuant ce q̄ lui auoit mādē
Arcalaus par le Page) auffi avec le peu de
reſiſtance qu'il y trouua: car la plus gran
de part de la cheualerie & gens de deffen
ſe étoient alles au ſecours du Roi, & puis
il auoit avec luy bien ſis cens que Cheua
liers, qu'autres armés & équipés. Trop fut
déplaiſant le Roi Arbā de ces nouuelles,
& tint lors pour tout ſeur, q̄ le Roi auoit
éré trahi: parquoi voulāt pourvoir aus in
conueniens qui pourroyent ſuruenir, fit
mettre ſes gens en bataille, & aſſeoir guet
tout autour du logis de la Roine, vers le
quel peu après arriva Barſinā, pour le cui
der ſurprendre cōme il auoit fait le châ
teau: mais il trouua plus de contredifans
qu'il ne penſoit, parquoi ſe dreſſa l'écar
mouche d'une part & d'autre, durant la
quelle Barſinā print vn priſonnier, duq̄l il
fut auerty, que le Roi Arban de Norga
les étoit délibéré de lui reſiſter iuſques à
la mort. Et à cete cauſe, le cuidant auoir
par tromperie & belles paroles, demanda
à parler à lui. Ce qu'Arban lui acor
da. Ce pendant treues d'une part & d'autre
furēt crieées. Lors Barſinā lui dit: Vraie
ment, monsieur, j'ay creu iuſques a main
tenant que vous étiez l'un des plus ſages
& auisés Cheualiers du monde: mais ie
connois par épreuve tout le contraire,
bien q̄ j'estimé q̄ ce que vous faites ſoit
pēſant ſauver vōtre hōneur, c'ēt trop mal
auisē, veu qu'à la fin vous n'ē ſçauriez re
cevoir que perte de vous & de vos gens:
car il ēt tout ſeur que le Roi Liſuart ēt
mort, & qu'ainſi ſoit, celui qui l'a occis
m'envoira en bref la tête, puis doncques q̄
la fortune lui ēt auenuē, & que ie ſuis à
preſent le plus fort & plus grand Seigneur
de tout ce païs, oſēs vous contredire que

ie me face Roi? Non, non, vous vous
abusés, le meilleur ſera que venés à moy
par amour, & ie vous traiterai autāt bien
que Prince de mon Royaume, d'autant
q̄ des à preſent ie vous remets la terre de
Norgales & ſi vous ferai particulieremēt
tant de biens, que vous aurés cauſe d'être
content. Par Dieu, paillard, répōdit le Roi
Arban, tu maniſêtes bien ta grād traiſon:
car outre la méchanceté que tu as faite,
pourchaffant la mort de mon Seigneur, tu
me perſuades & conſeilles que ie ſois traĩ
tre aus ſiens, comme tu lui as été. Rien,
rien, fai tout du pis que tu pourras, ta mé
chanceté ſeule prēdra ſus toi la végeance
que tu merités, avec l'ayde que nous lui
ferons. Comment? dit Barſinā, tu penſes
doncque me garder que ie ne ſois Roi de
Londres? Roy de Londres? répondit Arbā,
iamais traĩtre ne le ſera (ſi Dieu plaît) tāt
que vivra le plus loyal Roi du monde. Ie
t'auois, dit Barſinā, auisē au premier de
ton prouffit plus qu'à nul autre, penſant
que tu fuſſes le plus ſage de tous: mais cō
me ie tai ja dit, ie me ſuis trouué deceu,
parquoy c'ēt raiſon q̄ ton outrecuidance
te face ſuccomber: car maugré toy ie de
meurerai Roi regnant ſus la grand' Bre
taine. Aſſeure toy, répondit Arbā que ie
t'en garderai, tout ainſi que ſi le Roi mō
Seigneur y étoit maintenāt en proſperité.
Ie verrai qu'il en auindra, dit Barſinā, &
à l'inſtant commanda à ſes ſgens recom
mencer l'aſſaut. Adoncq le bon Roi Ar
ban ſe retira avec ſa troupe pour receuoir
les autres tant irrité de ce que lui auoit
dit Barſinā, que rien plus. Lors s'il fut
bien aſſailli, il ſe defendit encores mieus
parquoi maints y furent occis & n'avrés:
toutefois il fut tou-jours premier à cōba
tre, & dernier à la retraite, laq̄lle l'obſcuri
té de la nuit moyenna. Et ne faut douter
que veu la puiſſance de Barſinā, & le peu
qu'étoient les autres, le Roi Arban n'eut
ſceu tant reſiſter, ſans la commodité du
lieu ou ſe donnoit l'aſſaut: car les ruēs é
toyēt ſi étroites que trois ou quatre hom
mes

mes n'y eussent peu combattre de front, et à cete cause Barfinan se trouua plus endomagé que ne furent ses ennemis, pour le bon ordre qu'auoit donné le Prince Arban, tant à remparer le lieu, qu'à animer ceus de sa troupe: ainsi se retirerent d'une part & d'autre. Lors le Roi Arban voyant ses soldats las, & étonnés du grand effort qu'ils auoyent tout le iour soutenu, faisant office d vrai chef & bon capitaine, vint à le reconforter & asseurer, leur disant: Mes compagnons & amys, vous auez au iourd'hui tant bien combattu qu'il n'y a celui qui ne merite être estimé entre les plus gentils compagnons de tout le monde: mais si vous auez bien commencé, j'espère que nous irons toujours de mieux en mieux, & vous souviene que vous vous defendés, tant pour maintenir votre bon Prince, que pour votre liberté, mêmes contre vn tirant traître, & méchâr, qui sans crainte de Dieu, veut vsurper & se paître du sang de vous & de vos enfans. Ne voyés vous comme il a traité ceus du château qu'il a surprins? Ne voies vous la fin ou il tend? qui n'est qu'à ruiner ce noble Royaume & sujets, qui ont été par si long tems conserués par la grace de nôtre Seigneur, & toujours vécu en reputation d'être loyaus sujets à leur Prince? Ne connoissés vous les persuasiôs, déquelles ce paillard vse deuât l'assaut qu'il nous à donné pensant nous abatre par sa langue doree? Non, non, il est trop mal arriué, ie suis seur qu'il n'y a celui de nous tous qui ne choyist plutôt mourir de mil le morts. N'est il pas vray? Certes ie voi à vos bons visages: qu'il si ie pensois ou disois autrement, que ie mentirois, & s'ils sont plus de gens que nous, nous auôs plus de cueur & de droit qu'eus. Ainsi nous ne les deuons craindre: mais postposer toute doute pour vivre désormais en la reputation que nous meritons, vous asseurant mes amis, qu'ils se sont retirés (si vous y auez prins garde) avec contenance de gens peu affectionnés de nous venir re-

voir, & quelque chose qu'il ayt dît ce traître Barfinan, nôtre Roi n'est point mort: car il nous viendra bien tôt secourir. Cependant ie vous prie mes cōpagnons, qu'il nul de vous ne s'ennuye: mais face & cōtinue comme il a commencé, ayant deuant les yeus qu'il vaut trop mieus mourir pour la liberté que de vivre vn bien long tems en captiuité & misere, mêmes sous vn misérable Prince. Quand le Roi Arban eut acheué sa harangue, il n'y eut celui de la troupe (quelque mal qu'il eut) qui ne deliberât non seulement attendre la puissance de Barfinan: mais de l'aler assaillir le lendemain dans le Château. Et à cete bonne opinion se retira le Roi Arbã au logis de la Roine, ayât le visage tout poudreux, & son harnois couvert de sang tout figé, à l'ocasion de cinq playes qu'il auoit, partie au cors, partie au chef, & en la gorge: Adoncq' les Dames le voyant en si piteus état furent merueilleusement ébaies mêmes la Roine qui étoit presque morte d'ennuy & de peur ensemble. Et cōme si déja tout eut été perdu, lui écria: Mon neveu, que ferons nous? nous sommes ruinés. Ma Dame répondit Arban, tout ira bien, si Dieu plait, il n'est besoin de vous déconforter ainsi: car j'espère que nous aurons bonnes nouvelles du Roy, & que les traîtres qui veulent entreprendre sus son Royaume, à la fin en seront punis, par l'ayde de vos bons & loyaus sujets. Hé Dieu le vueille! dît elle: mais ie vous voi si navré qu'il me semble qu'il vous sera impossible de vous trouuer demain à l'assaut, si Barfinan retourne, & si ne sçay que pourront faire vos gens sans vous. Ma Dame, répondit Arban, ne vous en souciés: car tant que j'auray l'ame au corps ie n'abandonneray les armes: & ce disant donna le bon soir à la Roine, Et après auoir fait mediciner ses playes retourna ou il auoit laissé ses gens d'armes. avec lesquels il passa la nuit. Barfinã d'autre part étoit au château qu'il auoit forcé, lequel après que ses gens s'y furent retirés

LE PREMIER LIVRE

retirés conneut bien qu'il en auoit beaucoup perdu le iour: toutefois de peur de les effrayer il n'en fit aucun semblât, ains leur montrâs bon visage leur dît: Mes amys, ce m'êt assés d'auoir donné à connoître à nos ennemis qu'ils sont (si bõ me semble) à ma mercy: parquoy ie suis deliberé, sans perdre plus nul de vous, diferer encores pour cinq ou sis iours qu'Arcalaus m'envoyra la tête du Roi Lisuart: lors ie croi que la leur montrant ne serõt plus si osés de me contredire, & les pourrons atraire à nous par amour. Pourtant chacun de vous se ré-jouisse & face bonne chere: car étant Roi (comme i'espere) ie vous ferai tous riches. Ainsi s'en allerent reposer iusques au lendemain matin q̃ Barfinan s'arma & monta à cheual avec vingt Cheualiers seulement: puis vint au fort que gardoit vn Gentil-homme maître d'hôtel du Roi Arban, lequel voyant venir cete troupe fit sonner l'alarme: mais Barfinan luy envoya dire qu'il vouloit parlemeter seulement & demandoit d'auantage treues pour sis heures, dont lon auertit incontinent le Roi Arbã, avec lequel treues furent arrêtees (comme Barfinan les requeroit) & pour cinq iours d'auantage, sous condition, toutefois, qu'il ne feroit aucun effort en nulle maison de la ville pour y entrer & q̃ si le Roi ne retournoit auant les cinq iours expirés que le Roi Arban & les siens obeïroyent à son commandement. Ce que Barfinan otroya facilement pour ce qu'il tenoit la mort du Roi Lisuart si certaine qu'il dît au Roi Arban: En bone foi, i'espere biẽ que cete petite treve sera commencement de perpetuelle pais entre vous, & nous: car ie vous assure que vôte Roi êt mort, & que sa fille sera ma femme: & celà pourrés vous voir dans les cinq iours prochains. Comment ? répondit Arban, tu as donc fait mourir & pourchassé si grand traison envers celui qui t'a fait si bon recueil en sa maison? T'aymerois mieus mourir presentement, que d'auoir iamais yne seule

heure de pais avec toy, & te hâte de retourner, autrement ie te ferai mettre en pieces. Et il vrai? dît Barfinan, vous me menacés, mais cêt à moi à vous en faire repentir. Et de fait se retira avecques ses gens auxquels il declara l'honnêteté dont il auoit vsé envers Arban, & les termes audacieus que l'autre luy auoit tenus.

Comme Amadis vint au secours de la ville de Londres.

CHAP XXXIX.

Nous auons n'agueres laissé Amadis deuisant dans le bois avec la Princeſſe Oriane, tant a leur aise, qu'il ne leur souuenoit d'autre chose, sinon de leur plaisir, & lui prioit Amadis qu'elle lui recitât ce qu'Arcalaus lui disoit en la conduisant. Sus ma foi répondit elle, mon amy, il me rompoit la tête à force de me persuader à me ré-jouir, & me disoit que deuant qu'il fut cinq iours, il me feroit Roine de la grand' Bretagne, Barfinan mon mari, & lui son premier gouverneur & grand maître d'hôtel en recompense des seruices qu'il luy auoit faits, lui donnât la tête de mō pere, & moi pour sa femme. Mon Dieu! répondit Amadis, qu'elle traïson de Barfinan, qui se montroit tant amy du Roi! ie doute qu'il face quelque grand ennuy à la Roine. Mon ami dît Oriane, ie vous supplie allons la secourir. Ce qu'il vous plaira répondit Amadis: mais il me fâche bien de partir si tôt de ce plaisant lieu: car i'auois deliberé de n'en sortir de huit iours, non pas de nos vies, si vous l'eussiez trouvé bon. Bon! dît elle, en faites vous doute? Certes i'en serois plus contente que vous, n'étoit qu'il en pourroit venir (pour nôtre retardement) trop de mal au país, qui sera (si Dieu plaît) quel que iour vôte & mien. Et bien, répondit Amadis, nous partirons demain matin, & donnans fin à ce propos entrerent en plus plaisans deuis entremêlés, quand bõ leur sembloit du plaisir qu'Amadis auoit nouvellement fait éprouver à la Princeſſe, & croyés

eroyés qu'ils en firent grandement leur devoir, sçachans bien que de long tems ils n'avroyent lieu si oportu. Puis le iour ensuyuant monterent à cheual, & tenoit Amadis les rênes de la haquenee d'Oriane cheminâs droit à Londres. Adonc rencontrèrent maints Cheualiers, qui alloiēt après le Roy, auxquels Amadis montra le chemin qu'ils deuoyent tenir, & leur dit que Galaor étoit deuant. Et ainsi qu'ils passoyent outre. Oriane auisa dom Grumedan le bon vieillard, Cheualier d'honneur dela Royne, & avec lui vingt Cheualiers, lesquels auoyent été toure la nuit au travers de la forêt cherchans le Roi de toutes parts. Lors Oriane l'apella: Et quand il la conneut, les l'armes lui vindrent aus yeus & luy dit: Ma Dame, vous soyés la trebien retournée: pour Dieu, quelles nouvelles sçaués vous du Roi vôtre pere? Certes mon amy, répondit la Princesse, lon me separa d'auecq' lui, étant encores auprès de la ville, & depuis Dieu m'a tant voulu de bien, qu'Amadis ma secouruë & delivree de ceus qui m'emmenoyent, faisant tant d'armes qu'il les a quasi tous mis à mort. Cét folie, dit Grumedan, à nul d'entreprendre ce à quoi Amadis ne met fin. Et s'adressant à Amadis, luy demanda, qu'étoit deuenus son frere. Au lieu mêmes, répondit il, ou se fit la separation Du Roy, & de sa fille, nous nous separâmes, lui allant après le Roi, & moy suiuant Arcalaus, qui emmenoit ma Dame Oriane, Or ay ie meilleure esperance à son secours q' ie n'auois, dit Grumedan, puis que si bon Cheualier que Galaor est après. Lors Amadis luy recita la grande traïson d'Arcalaus & de Barfinâ: Et pourtant, dit il, conduisës ma Dame au pas, & ie m'en irai le plutôt que ie pourray au secours de la Roine: car ie crains que ce traître lui face quelque déplaisir. Et me semble pour le mieus, que deus faire retourner tous les Cheualiers q' vous trouuerés, pource que si le Roy doit auoir secours par nombre de gens, il y en a déjà

Am. I.

plus deuant qu'il n'êt besoing. Or allés, répondit Grumedan, lequel print Oriane en sa garde suyuant toujours au pas le chemin de Londres, faisant tiourner tous ceus qu'ils rencontroient. Adonc Amadis donnant des esperons à son cheual fit tant, que tôt après, il arriua en la ville. Toute fois deuant que d'y entrer, il ataignit l'Ecuyer que le Roy auoit despêché vers la Roine, pour luy faire entendre les nouvelles de sa deliurance, lequel lui declara comme le tout étoit passé. Dôt Amadis rendit graces à Dieu pour la bonne fortune qu'il auoit donnée à Galaor son frere. Or auoit il été parauant auerty de tout ce que Barfinan auoit fait à Londres parquoi il y entra le plus couertement qu'il peut. Mais quand le Roy Arban & ses gens l'auisèrent leur doute fut conuertie en assurance & hardisse, & le vint le Roy Arban acoler lui disant: Mon Seigneur quelles nouvelles nous aportés vous? Bonnes, bonnes, répondit Amadis, & toutes telles que vous les desirés, & pource que ie croi que la Royne est en étrange peine, ie vous prie allons la voir & elle aura de quoi s'éjouir. Loïs marcherent ensemble & Amadis tenoit toujours l'Ecuyer qu'il auoit rencôtré en chemin, puis étant deuant la Royne Amadis se mit à genoux, & luy dit: Ma Dame, ce Gêtil hōme a laissé ce iourd'hui le Roi sain, & en liberté. C'êt ce qu'il vous mande par lui. Aussi y a ie mis n'aguères ma dame vôtre fille es mains de don Grumedan: laq'lle sera tantôt avec vous. Et pource que j'ay sceu que Barfinan à envie de combattre, ie vous supplie permettre que nous l'allions voir. Quand la Roine entendit tant bonnes nouuelles, elle fut si ayse qu'elle ne peut de long tems parler, & ne faisoit que ioindre les mains, & leuer les yeus au ciel. Puis quelque peu après elle ietta vn haut soupir: disant: Seigneur Dieu vôtre saint nō soit loué! & vous Amadis grâdemēt remercié. Et ainsi qu'elle lui vouloit demander des nouuelles l'alarme sonna:

N

par-

LE PREMIER LIVRE

parquoy Amadis & le Roy Arban coururent aisement aus barrieres, ou ils trouverent que les gens de Barfinan combatoyent fort contre ceus du Roy Arban, esperans les emporter. Lors Amadis se mit en auât, & faisant leuer la barriere, fendit la presse, & commença à entrer dans ses ennemys avec le Roy Arban. Ce que voyans leurs gens prindrent cœur & les suyurent.

Au moyen dequoy le combat fut âpre & perilleus, tant que d'une part & d'autre maints y furent occis. Ce que voyant Barfinan, qui se fioit en sa troupe grosse, surpris de l'autre, se mit auant, cuidant (puis que les barrieres étoient hauees) enfoncer ceus de dedans: mais il rencontra Amadis en equipage de bien simple soldat: car il auoit prins vn armet enrouillé, & vn écu tout dépaint: toute-fois il luy donna si grand coup de lance, qu'il luy faulsa l'écu & le harnois, & entra le fer bien auant dedans la chair, volant le fust en éclats: puis mit l'épee au poing, & retournant lui donna sus l'armet si rudement qu'il lui coupa tout ce qu'il recontrâ iusques au cuir de la tête. Dont Barfinan fut tout étourdy, neâtmoins l'épee passa si legerement, qu'Amadis pésoit ne luy auoir fait aucun mal: mais il le rechargea de toute sa puissance, & tōba le coup sus le bras, duquel il tenoit l'épee, & lui auala tout au plus pres de l'épaule, puis descendant le coup, lui entama la iambe presque à moitie, & ainsi que Barfinan se cuidoyt sauuer à course de cheual, il cheut évanouy: parquoy Amadis le laissa là, & se mit à poursuivre les autres, tuant & renuersant ceus qu'il rencontroit. Ce q̄ voyât les gens de Barfinan (mêmes la mort de leur maitre) commencerent tous à fuyr, pour garantir leur vie. Ce nō obstât ils furent suiuis de si prés, q̄ la plus grāde part demourerent sus le champ. Et quelque peu des autres entrerent au château, faisant leuer hâtivement le pont. Parquoy Amadis & les siens retournerent ou ils auoyent laissé Barfinan. Et pour ce qu'il

n'étoit encores mort, cōmanda q̄ lon l'emportât au logis de la Roine, & qu'on le gardât iusques au retour du Roy. Ainsi fut depary le debat (comme aués entēdu) demourans les vns mors, & les autres enclos en la forteresse. Lors Amadis voulant mettre son épee au fourreau, s'aperceut qu'elle étoit toute tainte de sang, & commença à dire: Ha bonne épee, en bonne heure nâquit le cheualier à qui vous êtes! Certes, cōme l'une des meilleures du monde, êtes vous au meilleur Prince qui y soit viuât. Et ce disoit il pour le Roy Lisuart à qui elle étoit, & l'auoit la Roine enuoyee à Amadis par Gādalīn, comme cy deuant ie vous ay déclaré. A l'heure même Amadis s'en alia au logis de la roynē, laquelle étoit atendant nouvelles du Roy qui faisoit route diligēce de venir à Londres, & donnoit ordre de faire retourner tous les Cheualiers qu'il rencontroit, & d'auantage enuoya gens expres pour en auertir tous ceus qui étoyēt deuant: mais entendés que les Princes que le Roi conneut de ceus de la quête furent Agraies, Galuanes, Soliuan, Galdan, Dinadaus, & Bernas. Ces sis cheminoyent faisans grād dueil, ne sachans rien du secours du Roy, quand ils le virēt venir de loing vers eus, dont leur mal-aise fut conuertie en plus grand plaisir. Lors le Roy les fut embracer, leur disant: Mes amys, vous m'aués quasi perdu: mais Dieu mercy, vous m'aués maintenant recouvré par l'aide de ces trois bons Cheualiers, Galaor, Guilan & Ladasin. Puis leur recita la maniere. Certes, Sire, répondit Dinadaus, ausi tôt que lon a sceu en la ville vōtre infortune, chacun s'ēt mis en deuoir de vous secourir. Mon neveu, dit le Roi, d'autant ie suis tenu à vous tous, ie vous prie prenés avec vous quelque nombre de ces Cheualiers, & allés diligemment secourir la Roynē: car ie me doute qu'elle a beaucoup d'affaires. Ce Dinadaus étoit l'un des meilleurs Cheualiers du lignage du Roy, & fort estimé entre les bons, tāt pour ses ver-

tus,

tus, que pour les grandes cheualeries, & faits d'armes, qu'il auoit faits, lequel s'en partit aussi tôt avec bonne troupe. Et le Roy suiuyt son chemin, avec gros renfort pour soutenir son neveu s'il étoit besoing: mais il n'eut gueres cheminé, qu'il ataignit le bon vieillard dom Grumedan conduisant Oriane. Le vous puis biē assurer q̄ le plaisir qu'ils eurent ensemble à cete rencontre fut d'autant grand, que leur separation ennuyeuse, quand Arcalaus les departit. Lors Grumedan conta au Roy, comme Amadis lui auoit baillé en garde la Princesse, & qu'il étoit allé en la ville, pour secourir la Royne. Et cōtinuāt leurs propos arriuerent à Londres, ou il fut auerty quelle fin auoit eue l'entreprise de Barfinan, & la resistāce que le Roy Arban auoit faite contre lui. Puis comme Amadis le tenoit prisonnier, & qu'il l'auoit defait avec tous les gens excepté aucuns qui étoient encores dans le château. Or fut la Royne incontīnēt auertie du retour du roi & qu'il arriuoit en sō logis, au moyē dequoy elle s'en alla au deuant de luy.

Mais qui scauroyt dire ne reciter la joye qui fut entr'eux? En bōne foy, il seroit impossible, & après maints gracieus propos, qu'ils eurent ensemble, la Royne lui fit entendre l'effroy qu'elle auoit eu, & comme le château auoit été pris, dans lequel (dît elle) aucuns des traîtres se sont sauues, parquoy le Roi voulant que l'on l'assiegeāt, & pour donner plus de crainte à ceus de dedans, fit amener Barfinan & le cousin d'Arcalaus, lesquels en la presence de tout le peuple, confesserent la traïson, comme elle auoit été conduite. Ce fait, fut allumé vn grand feu, ou ils furent brûlés tous vifs, dequoy ceus du château auertis, mêmes que les viures leur faillloyent, se mirent tous en la mercy du Roy cinq jours après, desquels la plupart furent pendus aus carneaus, & les autres mis en liberté. Pourtant sera mis fin au propos: tant y a que long tems depuis, il y eut grāde inimitié (à cause de

cete mort) entre ceus de la grande Bretagne, & de Sansuegue. Car vn fis de ce Barfinan, qui fut Gentil Cheualier, mena grand guerre contre le Roy Lisuart, comme cy après l'histoire fera mention.

Or étant le Roy échapé de celles infortunes, se recommencerent ioyes & autres passetems, ainsi qu'ils auoyent été commencés, durans lesquels arriua à la court la Dame messagere de Madasime, & ses deus enfans qui auoyent été presens quād Amadis & Galaor promirent d'eus departir du seruice du Roy Lisuart. Dequoy Galaor fut incontīnēt auerty, & vint la recevoir avec Amadis & leur firent bonne chere, puis elle leur dît: Mes amys, ie suis venuē ceans pour ce que scaués, êtes vous deliberés accomplir vōtre promesse? Ouy vraiment, répondirent ils, nous tiendrons le conuenant que nous auons promis à Madasime, & tout presentement si voulés venir deuant le Roy. Allons donc, ie vous en prie, dît la Dame.

Adonc Amadis & Galaor la conduirent avecques ses deus fils. Lors la Dame se vint ietter à genous, & dît au Roy: Sire, ie suis venuē en vōtre court, pour voir si ces deus Cheualiers tiendront vn conuenant, qu'ils ont fait à vne Dame.

Quel ét il? répondit le Roy. Sus ma foy, dît elle, ie croy qu'il vous sera peu agreable, & à tous ceus qui les ayment: puis lui declara. Quand le Roy l'entendit, il fut trop marry, & dît: Seigneur Galaor, vous me faites tort. Sire, répondit il: Il valoyt mieus que fissions ainsi que d'être malheureusement occis: car si nous eussions été conneus, tout le monde ensemble ne nous eût peu sauuer les vies: mais ne vous en ennuyés, s'il vous plait: car le remede sera plus prompt que vous n'esperés.

Puis s'adressant à Amadis, luy dît: Monsieur, vous m'aués promis, que vous ferés en cecy tout ainsi que moy. Il ét vray, répondit Amadis. Lors Galaor poursuivant son dire, recita deuant tous, par q̄lle traïson ils furent prins, dont il n'y eut celuy

qui n'en fût émerveillé, toutefois, dît Galaor, j'espère que la Dame mêmes se trouvera trompée ainsi que vous verrez presently, & parlant au Roy, dît si hault, que tous l'entendirent? Sire, en accomplissant ce que j'ay promis à Madasime dame de Gantasi, ie près congé de vous, me departant entierement de vôtreservice, vous auisant qu'elle treuve bon vous faire cét ennuy, & pis encores si elle peut, pour le grand mal qu'elle vous veult. Puis Amadis s'avança qui dît le semblable. Lors Galaor s'adressa à la Dame & à ses deus enfans, leur disant: Vous semble il que nous ayons accompli nôtre promesse? Ouy certes, répondit la Dame, vous aués fait vôtres deuoir en tout ce qu'aués promis. Vous en poués donc retourner quand il vous plaira, dît Galaor: Mais dites à Madasime, qu'elle n'a fait si finement qu'elle pensoit, comme vous cognoîtres presently par effait. Adonc dît au Roy: Sire, nous auons entierement accompli ce qu'auions promis à Madasime. Et pource qu'en luy faisant cete promesse le temps que nous serons hors de vôtreservice n'a été nullement limité, il est en nous d'y rentrer quand il vous plaira, & que le commanderés: pourtant, Sire, nous sommes vôtres prêts de vous obeïr. Quand le Roy & ceus qui étoient presens l'entendirent, ils furent tous esiouïs, & estimerent Galaor & Amadis tresauisés, & pourtant le Roy dît à la Dame: En bonne foy, selon la grand' trahison qui leur fut faite sous ombre de bonne foy, ils ne sont obligés à plus qu'ils ont accompli: car il est iuste que ceus qui veulent tromper soient deceus. Et dites à Madasime, que puis qu'elle me hait si fort, qu'elle auoit en son pouoir assés de quoy me faire triste tout le temps de ma vie: mais Dieu, qui en autres lieux les a deliurés de mains grâds perils, n'a pas voulu qu'ils perissent es mains de telle personne qu'elle est. Sire, répondit la Dame vous me dîtes, s'il vous plaît qu'ils

sont: C'est, dit il, Amadis & dom Galaor son frere. Comment? répondit elle: Est il possible que Madasime ayt tenu Amadis en son pouoir? Ouy vrayement, dît le Roy. Dieu soit loué, répondit la Dame: car ils ne fussent de leur vie échapés, s'ils eussent été cogneus. Et certes c'eût été grand dommage, si deus tels personnages fussent peris ainsi, toute-fois ie croy que le sçachât elle se dōnera la même mort qu'ils eussent receuë par elle. Sur ma foy dît le Roy: C'est le plus iustement qu'elle sçauoit faire. Adoncques la Dame print congé, & s'en retourna le chemin qu'elle étoit venue.

Comme le Roy Lisuart tint court en la ville de Lōdres plusieurs iours, durāt lesquels furent fetoyes maints grans personnages, qui s'y trouuerent, la pluspart dequels y seiournerēt bien lōg tēps apres.

CHAP. XL.

DOuze iours entiers le roy Lisuart (apres ses infortunes passées) continua sa court en toute magnificence, en laquelle s'étoient assemblés plusieurs grans personnages, tant étranges qu'autres, esperans y faire peu de seiour, & promptement retourner en leurs maisons, neantmoins la plus grand' part demoura avec le Roy & en si grand nombre, que c'étoit merveilles: mêmes des Dames, & Damoyelles, que la Roy ne retint en sa cōpagnie. Entre autres Cheualiers que le Roy arresta, furent Guillan le pensif & Ladasin son cousin, lesquels, cōme j'ay dit, étoient tre-bons Cheualiers: mais Guillā l'étoit trop meilleur que son cousin: car il s'en trouvoit peu en tout le Royaume de la grand' Bretaigne qui le passast en faits d'armes. Et si étoit pourueu de toutes autres graces que bō Cheualier doit auoir, hors ce grand pensément & réuerie qu'il auoit, lequel étoit moyen que nul ne pouoit iouyr de sa personne, & moins de sa parole, ou cōpagnie: mais Amout en étoit cause, qui le rendoit tant aymāt sa Dame, qu'il ne pouoit vouloir bien à autre chose, non pas à soy-mêmes.

C'éte

Cete dont ie vous parle étoit trébelle, & se nommoit Brandalié, sœur de la femme du roy de Sobradise, & mariée avec le Duc de Bristoie qui arriua lors à la court, pour répondre à l'accusation qu'auoit faite contre luy Oliuas. Le Roy lui fit très bon recueil: puis le lendemain le duc luy dit en la présence de maints grans Seigneurs. Sire, vous m'avez fait aiourner à ce jour pour me justifier deuant vôte majesté de ce qu'Oliuas m'a mis sus, ce q' i' es pere faire & demeurer absouz, selon le droit & iugement q' vous en donnerés, & luy vilipendé, comme méchant qu'il est: car ie suis prêt de luy prouver, ou à autre qui voudra, qu'onques ie ne commis trahison ou lâche tour. Adonc se leua Oliuas, avecq' luy grand nombre de Cheualiers errans, tous deliberés de soutenir cete querelle contre le Duc. Quand le Roy les auisa en telle troupe, il fut tout ébahy qu'ils demadoient. Lors Grumedan print la parole, pour tous les autres, & dit: Sire, pour autant que le Duc de Bristoye à menacé & défié tous Cheualiers errans, nous sommes presens pour luy répondre à cete defiance. En bonne foy, répondit le Roy, s'il ét ainsi, il à entrepris vne folle guerre: car ie croy qu'il n'y à si puissant Roy au monde qui en peût aysement venir à bout: mais pour cete heure vous vous deporterés, & ne luy ferés aucun déplaisir, pource qu'il ét icy pour auoir iustice, laquelle luy sera faite suyuant l'avis & conseil que m'en donneront ces Princes & Seigneurs presens, sans fauoriser aucun. Adonc Oliuas se mit à genoux deuant le Roy & luy dit: Sire, le Duc qui ét deuant vôte majesté à occire vn mié cousin germain, sans qu'il luy eut onques fait outrage, pourtât ie luy maintiens qu'il ét trahitre & méchant, & ce luy feray ie confesser par sa bouche mêmes, ou ie le tueray & ieteray hors du camp. Le Duc luy répondit qu'il mentoit, & qu'il étoit prêt d'accomplir ce que le Roy & sa court en ordonneroyent. Et à

AM. I.

cete cause fut dit que cete preuue se vuyderoit par combat, ce que le Duc accepta, supliant le Roy permettre qu'il eut avecques soy deus de ses neueus contre deus autres, tels que voudroit eslire Oliuas, ce qui luy fut acordé, dont le Duc eut grand plaisir: il les estimoit tels, qu'il s'assevroit qu'Oliuas n'en recouvreroit iamais de si bons: toutéfois le tout fut différé iusques au lendemain. Ce pendât dom Galuanes demâda au Prince Agraies son neveu s'il vouloit pas aider à Oliuas contre le Duc. Ouy vrayement, répondit il. Et à cete cause Galuanes vint à Oliuas, & luy dit: Seigneur Oliuas, puis q' le Duc à enuie de combattre luy troyisième contre vous, & deus autres, mon neveu & moy sommes deliberés de vous ayder. Ce qu'ê tédû par le Duc, il se souuint que c'étoient ceus qu'il auoit deffiés en sa maison, lors qu'Agraies combatit le neveu du Nain, & q' la Dame que lon vouloit brusler fut secourüe: parquoy il devint fort pêsif. Car encorés qu'il estimât ses neueus plus que nuls autres Cheualiers, si se repentit il de s'être mis de la partie, & s'en fût volôtiers lors excusé, s'il eut peu, ayant éprouvé ce que sçauoient faire Galuanes & Agraies: mais ce luy fut force de paracheuer ce qu'il auoit acordé deuant le Roy, & tant de grans personages: parquoy le lendemain matin se trouua sur les rêgs avec ses aydes, & Oliuas, & les siens aussi. Or étoient les Dames aus fenêtres pour voir l'ysuë de cete querelle, entre les autres la belle Olinde amye d'Agraies, laquelle le voyant prêt d'étrier en tel peril se trouua si éperduë, qu'elle ne sçauoit quelle contenâ ce tenir: & ioignât d'elle étoit Mabile qui n'étoit en moindre peine de son oncle, & de son frere ensemble. D'autre part Oriane, qui les aymoit tous deus, pour les raisons qu'aués cy deuant peu entédre, étoit morne & pêsue, craignât de voir ce qu'elle n'eût voulu: mais étans ces Cheualiers prêts à combattre, le Roy fit crier vn Hérauld qu'ils fissent leur devoir. Adonc

N 3 cour-

coururent l'un contre l'autre de si droit fil, qu'ils se donnerent tous atainte. Agraies & dom Galuanes qui s'adresserent aus deus neueus du Duc, les desarçonnerent brisans leurs lances: & combien qu'Oliuas receût vn grâd coup en l'estomac par le Duc, dont il fut trénavré: neantmoins si le Duc n'eût embracé le col de son cheual, il fût tombé comme ses neueus, dont l'un d'eus se releua legeremēt. Ce pendant Agraies s'adressa au Duc (cōme à la personne du monde qu'il hayoit le plus) & de premiere charge luy donna tant de coups d'épee, qu'il luy faisoit sortir le pur sang du cors. Lors celuy qui étoit releué, voyant le peril de son oncle, courut le secourir, & mit son épee dedans les flancs du cheual de son ennemy. A quoy Agraies ne prenoit garde: car il n'essayoyt qu'à deffaire le Duc, & l'auoyt déjà mis à telle raison, qu'il étoit prêt d'y perdre la tête. Mais le cheual d'Agraies cheut sous luy, ou il se trouua fort empêché. Ce que Galuanes voyoit bien: toutefois il auoit tant affaire contre l'autre, qu'il n'eût peu secourir son neveu, combien que celui qui auoit occis son cheual essayât de luy arracher l'armet. Ce pendant le Duc cherchoit les endroits pour luy donner de l'épee dans le ventre: mais il étoit si bien armé, & de si grand cœur, qu'il trouua moyen de se deffaire de tous deus. Vous poués penser que ses amys le voyans en tel danger étoient en étrange peine, mêmes les Dames: car les trois (dōt nous auons cy dessus parlé) faisoient ruifseaus de larmes, qui leur tomboyent des yeus, entr'autres la triste Olinde qui paroïssoit plus morte que viue. Et ne faut douter, que si Agraies eût longuement été en ce peril, qu'elle ne fût trépassée: mais il se releua (& comme si tout le jour il n'eût combatu) commença à charger sus le Duc & son neveu, par telle promptitude qu'il n'y auoit celuy qui ne l'estimât hardy & trégentil Cheualier. Et pour ce que depuis qu'Oliuas eût été navré du

coup de lance que luy donna le Duc, il ne s'étoit mis en nul deuoir d'assaillir, ne defendre, Galaor dit assés haut: Par Dieu, Oliuas a grâd tort de laisser ainsi ses amis au besoin, ne luy eût il été meilleur n'auoir oncques porté cuirasse en dos, que de faire à present si grande lacherie? Vrayement s'il eût sceu la verité, il l'eût plutôt excusé: car il étoit si navré, que c'étoit chose étrange, comme il se pouoyt tenir à cheual. Ce non obstant voyant Agrayes en tel peril, le cœur luy souleua de sorte qu'il mit la main à l'épee, & vint s'adresser au Duc, lequel le repoussa vertement, au moyen dequoy Oliuas entra en colere, qu'il s'enflamba si fort, qu'il oublia son mal, & recouura nouvelle force, & telle, qu'à l'opinion de tous, il ne combatoyt moins rudement que s'il n'eût été blecé. Ce pendant Agraies qui n'auoit plus affaire qu'à vn, faisoit grand deuoir d'en venir à bout, & auisa à l'heure la Princesse Olinde, qui le regardoit, au moyen dequoy il lui sembla aisé, non seulement de le deffaire, mais luy seul être suffisant pour en combattre vn cent de tels. Adonc se mit à faire tât d'armes que l'autre s'enfuyt: toutefois il ne courut pas loing: car Agraies lui donna sus l'armet si grand coup, qu'il l'abatit à terre, puis luy trancha la tête. Lors sans s'arrêter courut sus au Duc qui combattoit contre Oliuas, lequel étoit si vuyde de sang, qu'à l'instant mêmes qu'Agraies le fut secourir, il tomba sus le champ éuanouy. Et ainsi que le Duc le vouloit tuer, Agraies se mit entre deus, & commença à donner tant d'affaires à son ennemy, & à le poursuiure si viuement, que la pluspart voyans l'aspreté de lui douterent qu'il ne peût durer. Mais ils le connoissoyent mal: car il se trouuoit tou-jours plus rude à la fin d'un affaire, qu'au cōmencement, de sorte, q̄ si la force luy eût été autant à cōmandement que le cœur, il n'eût été à aucun second. Et ainsi qu'il continua ses efforts, il rencontra l'autre neveu du Duc, & luy dōna sus les lacs
de

de son armet de sorte qu'il le luy fit voler de la tête. Adonc Galuanes (qui étoit tout joignant) étendit le bras, & la luy separa en deus. Lors enuolperent eus deus le Duc de toutes parts, mais il se mit à la fuyte: toutefois Agraies le poursuivit de si près, que d'un coup d'épee il luy aualla le bras, dont il eut telle angoisse qu'il se laissa tomber, ayant encores un pié en l'étrier. Lors le cheual étant en liberté, sentant ce fardeau pendant se print à fuyr, à ruer, & à courre. Et ne peut on donner si prompt secours au Duc qu'il n'eût la tête effondree, & la ceruelle tirée hors: au moyen dequoy Agraies le laissa là, & retourna vers son oncle, pour sçavoir de lui comme il se portoit. Bien, Dieu mercy, répondit Galuanes; mais ie suis trédeplaisant d'Oliuas qui est mort, cōme ie croy. Sus ma foy, dit Agraies, i'en suis bien fort marry: & pour-ce ie vous prie tandis que ie ieteray ces rustres hors du champ, allés voir ce qu'il fait, & trouva qu'il parloyt encores, & qu'il demandoit confession. Vrayement répondit Galuanes, vous l'aurez tout maintenāt: mais il vous faut prendre cœur: & ce disant aperceut sa playe, laquelle hātivement il benda, & vid bien qu'elle n'étoit mortelle: parquoy il lui dit: Oliuas mō amy, prenez courage: car ayāt recouvré vōtre sang perdu, vous aurez recouvré aussi vōtre santé, & n'ēt vōtre playe en lieu dangereux. He Dieu! répondit Oliuas, le cœur me faut, & combien que i'aye autre-fois été fort navré, ie n'en i'ay jamais telle deffaillance. Ce n'ēt rien (dit Galuanes) prenez bon courage.

Adonc le Roy voulut sçavoir s'il étoit mort, ou non, & quand on lui dit, qu'il se porteroit bien, s'il étoit mediciné, il commanda que promptement on le portāt en la ville le plus doucement qu'il seroit possible, & que ses Chirurgiens prissent garde de luy, comme de sa personne propre. Ce qu'ils firent, & donnerent assurance de le rēdre sain en peu de jours avecques l'ayde de Dieu. Ainsi chacun se retira des

uisans diuersement de la fin du combat, & selon les particulieres affections, tellement que peu après la Roine qui étoit l'une des meilleures Dames du mōde, s'avisā de faire venir à la court la vëve du feu Duc, pour passer partie de sa melancolie. Et à cete cause enuoya vers elle Dom Grumedan, par lequel elle la prioit de la venir voir, & d'amener Aldene sa niece. Dequoy Galaor fut trefaite: mêmes Dom Guillan qui étoit (comme ie vous ay dit) amy & aimé de cete Duchesse: laquelle peu de tems après arriua à la court avec sa niece, qui furent les trébien receuës, & grandement fêtoyees. Ainsi le Roy passoit le tems en la ville de Londres, acompagné de maints grands Signeurs, Cheualiers, Dames & damoiselles. Et pour-ce que le bruit courut par tout le monde du bon traitement, honneur & grand recueil qu'il faisoit aus Cheualiers étranges, peu de tems après il en vint un trégrand nombre en la court, ausquels le Roy fit de grands biens, esperant par leur moyē, non seulement defendre & maintenir en pais ses païs: mais cōquester les autres qui autre-foys auoyent été sujets & tributaires à sa couronne, lesquels par la pusillanimité & negligence de ses antecessieurs Rois s'étoient distraits de leur obeissance.

Comme Amadis delibera d'aller combattre Abiseos, & ses deus fis pour venger la mort du Roy pere de la belle Briolanie, & de ce qui en auint.

CHAP. XLI.

CY deuant vous a été recité, comme étant Amadis avec Briolanie, il luy promit de venger la mort du Roi son pere contre Abiseos, & ses deus fis, & être un an après acompagné de deus autres Cheualiers ou elle seroit, aussi comme en prenant congé d'elle, elle lui donna une epee, pour-ce que la siēne étoit rompuë, luy priāt qu'il la gardāt pour l'amour d'elle, & cōme depuis cete epee fut rompuë au Château de l'amy d'Angriote d'Etrauaus par

Amadis, ainsi qu'il se combattoit contre Garfinan, & en fit soigneusement emporter les pieces par Gandalin, dont grand mal luy auint depuis (comme vous sera recité cy après) non par sa faute: mais par l'indiscretion d'Ardan le Nain lequel pensoit que son maitre aymât ardemment la belle Briolanie, sachant qu'il s'étoit offert à être son Cheualier. Vn iour doncques étant Amadis avec le Roi Lisuart, voyant continuëlement sa Dame Oriane au grand contentement d'eus deus, Amour qui eguillonne souuent ses sujets ne les voulut plus entretenir en si grand aise: mais leur donna vn fort ennuy pour leur faire recevoir après plus de plaisir: & à cete cause le fit souvenir de la promesse qu'il avoit faite à Briolanie de combattre Abiseos dans vn an, duquel le terme aprochoit, Parquoi, ne voulant faillir de sa promesse, va songer tous les moyës du monde à faire trouver bon son congé à la Princeesse Oriane, & tant qu'il se delibera de lui dire & remōtrer la pitié de la Princeesse, à si grand tort desheritee du Roiaume qui lui deut appartenir. Et de fait scent si bien palier ses remontrances, que non obstant qu'Oriane n'eut aucū desir de lui otroyer ce qu'il demandoit, ne qu'il s'absentât d'elle, si fut elle tant surprise de compassion, qu'elle força sa volonté, & faisant tous les regrets du monde lui répondit: Mon amy, ie scay bien q̄ ce que vous dites est raisonnable: mais le tort que vous me faites vous est inexcusable: toute-fois pource que ie vous aime, comme vous estes assure, il est convenable que i'ayme aussi vōtre honneur plus que mon plaisir. Vous avés promis (à ce que vous m'aués fait entēdre) à vne Dāmoiselle desheritee de l'aller secourir, i'en suis contente, puis qu'autrement ne peut être: neantmoins ie vous promets que c'est avecques plus grand regret que vous ne pensés: car le cueur me menace de quelque mechef qui vous pourra auenir durant vōtre voyage. Ma Dame répondit Amadis, ja à Dieu ne

plaise que ie face de ma vie chose qui vous cause ennuy, ou qui soit contre vōtre vouloir, & aymerois mieus n'avoir iamais été nay. Pourtant trouue bon Briolanie mon retardement, ie m'en tiens moymêmes pour tout excusé, puis qu'il ne vous est agreable. Non, non, mon amy, ie veus que vous y alliés, dit Oriane: mais faites brief retour, ie vous en prie, puis lui donnant congé le baïsa, le priant aussi qu'il en parlât à la Roine, à ce qu'elle estimât que par son commandement seul il entreprenoit ce voyage ce qu'il fit. Et le lendemain matin s'en partit avecques Galaor & Agraies: mais ayant cheminé environ demie lieue, il s'aussa de demander à Gandalin, s'il ne portoit pas les trois pieces de l'épee que la belle Briolanie lui auoit donnee. Non répondit Gandalin. Or les retourne querir, dit il au Nain, & fai diligence de nous ataindre. En bonne foy, s'il eut sceu le mal qui depuis lui en auint, il n'eut enuoyé vn tel messager: car il cuida être cause (pour parler trop legierement) de la mort d'Amadis & d'Oriane ensemble, comme cy après sera deduyt. Ainsi s'en alla le Nain au logis d'Amadis, & y trouva les pieces de l'épee au lieu que Gandalin lui auoit enseigné & retournant hâtivement vers son maitre, de fortune passa ioingnant le logis de la Roine, ou il entendit qu'on l'apelloit, & haucant la tête, aperceut la Princeesse Oriane, & Mabile, qui lui demanderent pourquoi il auoit laissé Amadis. Ma Dame, répondit il, ie ne l'ay laissé de si loing, que ie ne le retrouve bien tôt: car ce que ie lui porte sera cause qu'il ne se hâtera que ie ne le aye rataint. Et qu'est-ce? dit Oriane. Voyés, dit il, lors lui montra l'épee rompuë, & qu'en veut il faire, dit elle. Quoy? répondit le Nain: ie vous assure, ma Dame qu'il la prise plus (telle qu'elle est) pour l'amour de celle qui la lui donna, que les deus meilleures du monde. Et qui est elle? dit Oriane. C'est répondit le Nain, la Dāmoi-

moiselle mêmes pour laquelle il va combattre. Et combien que vous soyés fille du meilleur Roi du monde, & plus belle, à mon auis, que nule autre Dame, si devriés vous vouloir plutôt avoir gagné ce qu'elle a conquis que tout l'auoir de ce Royaume. Je ne sçay pas comme tu l'entens, dit elle: cét peut être, ton maitre qui s'est donné à elle. Vous dites vrai, répondit le Nain: car il est tant à son commandement, qu'il s'estime heureux d'être son Cheualier, & ce disant donna du fouët à son cheual pour ataindre Amadis, lequel ne pësoit à l'heure à cete mësongere parole. Mais Oriane, l'ayant entendu, entra en telle ialousie, que sans auoir égard à chose quelconque cuyda se ietter du haut de la fenestre en bas, sans Mabile & la Damoiselle de Dannemarc qui l'engarderent. Lors commença à blemir & à changer couleur sans sçauoir tenir cötenance asseuree, puis de grand colere se print à groumeler contre celui qui ne pensoit à autre chose qu'à lui faire seruice détordant ses mains, & serrât ses doigts se va souvenir de quelle affection il luy auoit demandé congé d'aller en tel voyage, qui luy augmenta la suspicion de ce que le Nain lui disoit. Dont elle sentit son cueur si oppressé qu'il lui fut impossible ieter larme d'œil, au moyen q le pleur s'étoit retiré au plus digne lieu d'elle, qui lui redoubloit son tourment en telle extrémité, qu'onques Dido, pour la tromperie que lui fit Eneas, ou la triste Medee se voyant delaissee de son ami Iason, ne sentirent pareille angosse, & n'eut failly à les suyvre par la fureur du glaive, sans celles qui étoient autour d'elle, qui trouverent moyen de l'en garantir. Ce pëdant le Nain suivit son chemin iusques à ce qu'il ataignit Amadis & ses compagnons, lesquels cheminoyent le pas en l'attendât. Mais aussi tôt qu'il fut arriué ils firêt meilleure diligence, sans ce qu'Amadis s'enquit à lui d'aucune chose, ne que le Nain lui recitât ce qu'il auoit dit à la Princef-

se, seulement lui montra les pieces de l'épee qu'il portoit. Or n'eurent ils guere passé outre qu'ils rencontrèrent vne Damoiselle, laquelle après les auoir salués leur demanda quelle voye ils tenoyent. Nous suyons ce chemin, répondirent ils. Sus ma foi, dit elle, ie vous conseille de le laisser. Pourquoi répondit Amadis. Pour autant, dit la Damoiselle, q depuis quinze iours il n'y passa Cheualier errant qui n'ait été navré, ou occis. Et qui leur fait ce déplaisir? répondit Amadis. C'est, dit la damoiselle, vn Cheualier qui est le plus adroit aus armes q l'on sçauroit trouver. Damoiselle m'amy, dit Agraies, ie vous prie nous le faire voir. Certes répondit elle, vous n'aurés passé la forêt deuât qu'il ne se mötre à vous Adonc continuèrent leur chemin avec la Damoiselle: mais ils furent bien long tës sans en ouïr nouvelles. Parquoy ils penserët qu'elle leur vouloit seulement donner crainte: toutefois peu après Amadis auisa le Cheualier & luy sembla de fort belle taille, & en point pour combattre. Lors le montra à ses compagnons: & ainsi qu'ils se regardoyët virent qu'il parloit à vn Ecuyer qui arrégeoit quatre lances contre vn arbre, lequel vint incontinent à eus leur dire. Signeurs ce Cheualier vous m'ade, qu'il auoit entrepris de garder la forêt contre tous Cheualiers errans quinze iours durans, & que pendant ce tems il a été tant fortuné, qu'il n'en a trouvé aucun qu'il n'ayt vaincu. Et s'y a iour & demi que son terme est acöply: toutefois il s'y est tenu iusques à present pour le plaisir qu'il prend à jouter, mais ainsi qu'il s'en vouloit retourner il vous a avisés. Parquoi il vous fait sçauoir, q s'il vous plaît rompre chacun vne lance qu'il est encores content, pourveu que puis après le combat de l'épee cesse, pource que peu souvent il entre en ces termes sans faire plus de mal qu'il ne voudroit. Quand Agraies l'entendit parler il print hâtivement ses armes, et répondit pour les autres: Amy, va dire à ton maitre qu'il se garde & que

la ioute ne lui faudra par moi. Et ce disant donna des esperôs à son cheual. Ce q̄ voyant le Cheualier en fit autât. Au moyē de quoi ils se donnerent si rude atainte que leurs lances volerent en éclats. Mais Agraies fut desarçoné si legierement, q̄uil en eut grand'honte. car en combatant il perdit les rênes de son cheual qui s'ēfuit. Quand Galaor vit son cousin renversé, il se delibera de le venger, & cria au Cheualier de la forêt qu'il se gardât lequel print vne autre lance, & courut contre Galaor de si grand'Roideur, que leur boys se brisa en pieces & se rencontrerent d'écus & de cors si rudement, que le cheual de Galaor, qui étoit plus foible q̄ celui de l'autre fut réversé & son maitre dessous. Toute-fois le cheual se leua promptement & s'enfuit comme le premier. Lors Amadis ébaï de cete fortune print ses armes: puis dit au Cheualier: Je ne sçai qui tu es: mais tu te peux vanter que tu as abatu les deus plus gentils Cheualieurs du monde, puis coucha sa lance en l'arrēt Mais ainsi qu'il vouloit dōner des esperôs à son cheual Galaor s'étoit dé-jà relevé, & apelloit l'autre au combat de l'épee, lequel s'en rioit sans rien lui répondre. Parquoi Amadis, dit à son frere: Ne vous plaignés de lui, car deuant q̄ de iouter, il nous a mandé qu'il ne se combatroit à l'épee: mais ie vous en sçauray biē venger. Lors piqua son cheual & courut la lance baissée contre le Cheualier, & lui au semblable, de sorte qu'ils se donnerent dans leurs écus si rudement, que leur bois se brisa tout cōtre le poignet, se rencontrans d'écus de cors & de rêtes par si grāde vigueur, qu'Amadis & son cheual tomberent en terre & en eut le cheual l'épaule rōpuē toute-fois le Cheualier fut desarçonné comme lui, neantmoins il ne perdit pour celà les rênes du détrier, au moyen dequoi il remonta legerement. Lors lui dit Amadis: Par Dieu il nous faudra essayer encores vn coup, si voulés auoir l'honneur: car il ne vous ēt pas encores aquis, puis q̄ nous

sommes tous deus tombés, Je n'ay maintenant plus d'envie de iouter, répondit le Cheualier. Vous me ferés doncq' tort dit Amadis. Or le redressés, si vous pouvés, répondit l'autre, car selon que ie vous fis entendre auant que de courre, ie ne suis plus obligé qu'à ce que i'ay fait. Et ce disant donna des esperons à son cheual, courant tant qu'il peut au trauers de la forêt. Quand Amadis & ses compagnons, qui étoient à pié, le virent fuir, ils demeurèrent tous hôteus: car ils ne sçauoyēt presumer qui pouoit être celuy qui les auoit ainsi traités. Parquoi Amadis monta sus le cheual de Gandalin, & dit à ses compagnons: Suyués moi, s'il vous plaît car ie serois trop déplaisant, si ie ne sçauois le nom de ce Cheualier certes répōdit la Damoiselle, ce seroit à vous, voire à tous les autres Cheualiers du Roi Lisuart la plus grand folie du monde de le penser trouver d'un an pour trauail qu'ils y missent si vous n'etiés guidé. Damoiselle m'amyē dit Galaor, peut être, sçaués vous qui il ēt, & le lieu ou il se tient. Sus ma foi, répondit elle, si i'en sçay quelque chose ie ne la vous dirai pourtant: car pour riens ie ne voudrois fācher vn tant bon Cheualier. Ha Damoiselle, dit Galaor, par la foi que vous deués à Dieu & à la chose que plus vous aymés en ce mōde, dites nous ie vous prie ce que vous en sçaués. Vous me coniurés en vain, répondit elle: car iamaïs ie ne découvrirai tant ses affaires, si n'ēt q̄ me vousissiés faire quelque bon present. Demandés tout ce que vous voudrés, dit Amadis, & vous l'aurez, si nous pouvons, pouryeu que vous nous donnés moyē de trouver le Cheualier. Vrayemēt, répondit la Damoiselle i'en suis contente, par tel si, que vous me dirés premier vos noms: & que me donnerés après chacun de vous vn don, quand ie le vous demanderay. Nous le voulous trébien, dit Amadis cētui ēt Galaor, l'autre Agraies, & moi Amadis. Quand la Damoiselle cōneut qu'amadis parloit à elle, elle fut tre-

saïse.

faise. Et lui répondit: Certes mō Signr à ce q̄ ie voi mō voaige étacoursi, car ie vo^o cherchois. Vous m'avés doneques trouvé dît Amadis, aués vous tant affaire à moy? En bōne foi, dît elle, ie le vous dirai quād il sera tēs: mais vous souviēt il plus du cōbat q̄ vous promistes faire pour la fille du Roi de Sobradise, quand elle vous secourut par le moyen des Lyons? Ouy bien répondit Amadis, ie suis en chemin pour aller vers elle. Comment voulés vous doncques suivre ce Cheualier si mal aisé à trouver, dît la Damoiselle: & le terme ét si près du cōbat q̄ vous sçaués? Mōsieur, dît Galaor, elle dît vray, pourtant vous & Agraies yrés, s'il vous plaît à l'assignation promise, & ie chercheray le Cheualier avecq cete Damoiselle: car iamais ie ne seray aise q̄ ie ne l'aye trouvé, & si ie puis ie vous reprēdrai deuant qu'ayés cōbatu Abiseos. De par Dieu soit dît Amadis: mais elle nous à promis nous dire son nō, & ou nous le pourrōs trouver. Son nō, répondit elle, ne vous puis- ie dire: car ie ne le sçay, encores q̄ i'aye été vn mois avec lui durant lequel ie lui ay tant veu faire d'armes, qu'à grād'peine les pourriés vous croire, sans les avoir veuēs: mais ou il ét presentemēt ie conduirai celui qui y voudra venir avec moi. C'et ce q̄ ie demande dît Galaor. Or me suyvés donc dît elle, et commandans les autres à Dieu se separēt. Lors Amadis & Agraies suivirent leur chemin, & quelques iours depuis ils arriuerent au château de Torin, ou ils trouverent la belle Briolanie & Grouenese, léquelles auerties de leur venue, vindrēt les recevoir. Mais quand Amadis l'auisa, il la trouva toute changee: car si elle étoit belle quād il la vit, au premier: elle auoit depuis aquis tant d'excellence, qu'il l'estimoit (sans Oriane) la plus belle Dame du mōde. Et dît à Agraies: Certes si Dieu à eu envie de faire vne personne belle, il a bien acompli sa volonté en cete Dame, & cecy disoit il en aprochant d'elle. Lors Briolanie dît à Amadis: Mōsieur nous aten

dions vōtre venue en bonne deuotiō: car en vous git tout mon bien & esperance: vous soyés. les trébiē venus: En bōne foi, ma Dame, répond Amadis, j'esperé, avec l'ayde Dieu, que nous vous ferons recouvrer vōtre perte: pour le moins nous y ferons tout nōtré pouoir. Et ainsi qu'ils deuisoyent, entrerent en vne belle chambre. Or vous rasteschissés, s'il vous plaît, dît Briolanie. Adonc vindrēt valets, qui leur apportèrent à chacū vn mâteau. Et la belle Briolanie aydoit à Amadis à le desarmer: car elle ne se pouuoit rassasier de le regarder, & lui sembloit le plus beau Cheualier que elle eut oncques veu. Aussi étoit il, & âgé seulement de vint ans, & de tel œil le regarda quelle en fut depuis fort ilong tems si amoureuse, qu'après qu'elle eut recouvré son royaume, il ne tint qu'à luy qu'il ne fut Seigneur de la personne d'elle, & de ses païs ensemble, ainsi que cy apres vous sera déclaré: mais Amadis s'étoit donné ailleurs, & luy fit bien connoitre, que les angoisses & douleurs qu'il enduroit pour son Oriane n'étoyēt souffertes sans grande loyauté. Toutefois le Seigneur Infant de Portugal, ayant pitié de cete belle Briolanie, à voulu déguiser l'histoire, décrivant tout autrement les amours d'elle & d'Amadis. A quoy il né se doit donner foy: car il dît qu'étant Briolanie restituée en son Royaume, faisant guerir Amadis & Agraies qui étoient n'avrés, elle toujours tant amoureuse d'Amadis, voyāt q̄ par nulle maniere ne le pouvoit faire cōdescendre à la traiter cōme amye, retira à part la Damoiselle, à laquelle Amadis Galaor, & Agraies auoyent promis vn don (quand elle conduit Galaor au lieu ou étoit le Cheualier de la forêt) & lui decouvrant le secret de son cueur, avec grande abondance de larmes & affectionnés soupirs, lui demanda conseil & remede à ses amoureuses passiōs. La Damoiselle cōpassionnee du mal de sa maitresse, lui promit d'y pourvoir, Et pource faire, dît à Amadis, que le don qu'elle vouloit auoir de

LE PREMIER LIVRE

lui étoit, qu'il entrât en vne tour de laquelle il ne partiroit iusques à ce qu'il eut engendré à Briolanie fis & fille.

Parquoi Amadis, pour ne faillir de promesse obeît à la Damoiselle, sans toutefois vouloir par nulle maniere toucher à Briolanie. Au moyen dequoi il se melencolia tant, qu'il en perdit non seulement le boire & le manger : mais tomba en si grand danger de sa personne, qu'il cuyda mourir. Ce qu'entendu en la court du Roi Lisuart, & l'extremité, ou il étoit, Oriane (pour ne le perdre) lui manda qu'il fit ce qu'elle la Damoiselle vouloit. Et qu'à cete cause Amadis, considerant ne pouvoir autrement sortir, ne sa parole être vraye, engendra fis & fille à Briolanie, lesquels elle eut

d'une ventree. Mais cete histoire est fainte & mensongere. Il peut bien être possible qu'Amadis fut prisonnier en la tour : & qu'elle Briolanie voyât qu'il definoit peu à peu, pria à la Damoiselle de lui remettre ce don, sous telle condition qu'il ne partiroit iusques à ce qu'elle don Galaor fut retourné, voulant que ses yeus (pour le moins) iouissent de la veue de lui attendant l'arriuee de son frere : car depuis Galaor l'épousa, comme ie vous ferai entendre au quatrième livre. Parquoy pour cete heure il vous suffira d'entendre, qu'Amadis & Agrais sejournerent quelques iours en ce château, attendant que les choses necessaires pour leur combat fussent apareillees.

*Comme don Galaor s'en alla avec la le Dame après le Cheualier qui avoit abatu lui
& ses compagnons, lequel il trouua, & combattirent ensemble, puis
au plus fort du combat s'entrecogneurent.*

CHAP. XLII.



Q Vatre iours entiers chemina Galaor avecq' la Damoiselle, qui le guidoit vers le Cheualier de la forêt : mais il étoit tant marri de ce qu'il auoit été abatu si aisément, qu'il ne se cōbatit sus le chemin à Cheualier qui ne portât témoignage de sa collere, tellement que plusieurs en receurent mort. Et au quatrième iour auisèrent vne trebelle forteresse sus le haut d'une

ne montaigne. Lors dit la Damoiselle à Galaor: Signr, il n'y a lieu en ce quartier ou nous puissions heberger que leās. S'il vous plaît nous y en yrons. Et bien répondit Galaor, allons. Ainsi arriuerent en ce château, ou ils trouverēt à l'entree mains Gentis. hommes, Dames, & Damoiselles qui s'ébatoyēt ensemble, & sembloit bien que ce fut le logis de quelque grand Seigneur. Entre lesquels étoit vn Cheualier âgé

âgé, peut être, de soixante ans, qui les vint recevoir, pria Galaor de se mettre à pié, & que leans luy seroit fait tout l'honneur & bon traitement dont ils se pourroyent auiser. Seigneur, répondit, Galaor vous nous faites si bon visage, qu'encores que nous eussions envie de passer outre, nous demourerions ceans pour l'amour de vous. Adonc vindrent valets prendre les cheuaux & furēt Galaor & la Damoiselle cōduits en vne belle chambre tandis q̄ lon couvroit pour le souper ou ils furent biē festoyés Et quād vint le tems de se retirer le Cheualier demāda à Galaor, s'il coucheroit avec la Damoiselle. Non, dît il. Parquoi il fit apeller deus autres femmes qui la menerent avec elles, & demoura Galaor seul avec son hôte, tant qu'il lui donna le bon soir, lui disant: Je vous prie reposés à vôtre aise, & n'espergnés chose qui soit ceans: car Dieu sçait quel plaisir i'ay à vous traiter, nō vous seulemēt mais tous Cheualiers errās qui passent par ci, pource que l'ay été comme vous êtes, & si ay encores deus fis qui le sont, & qui ne prennent plaisir qu'à chercher auentures. Mais maintenant ils gisent au lit malades de coups qu'ils ont receu par vn Cheualier contre lequel ils se combati-
rent hyer, pource qu'ils les auoit abatus tous deus d'une seule lance. Dont ils eurent si grand honte, qu'ils remonterent à cheual, coururent après lui, & l'ataignirēt ainsi qu'il vouloit entrer en vne barque pour passer l'eau. Lors mes enfans lui dirent, que puis qu'il auoit tant bien iouté, qu'ils vroyent comment il sçauoit combattre de l'épee. Mais le Cheualier qui étoit hâré d'aller, comme il disoit, n'y vouloit entendre. Ce non-obstant mes enfans le presserent tant qu'ils lui dirent, qu'ils ne permettoient autrement qu'il entrât en la barque. Adonc vne Damoiselle qui étoit présente leur répondit: Cheualiers, vous nous faites tort de vouloir si audacieusement arrêter nôtre Cheualier. Toute fois ils lui dirent qu'il ne

partiroit d'eus q̄ premier ils ne se fussent combatus à l'épee. Puis qu'ainsi ét, répon-
dit la Damoiselle il se combatra au meil leur de vous deus par tel conuenant que s'il en vient au dessus, le combat de l'autre cessera. Et ils lui dirent qu'il falloit si l'un étoit vaincu, que l'autre le vengeât. Ce qu'entendu par le Cheualier, fut si marry, qu'il leur dît. Or venés tous deus ensemble, puis qu'autrement ie ne me puis échaper de vous importuns. Et ce disant rua sus eus. Lors l'un de mes fis s'auança: mais il ne peut longuemēt durer. Parquoi son frere voyant qu'il étoit en peril de mort voulut le secourir: toutefois tel secours seruit de peu: car le Cheualier en peu d'heure les traita si rudemēt, qu'il les fit choir en la place tous étourdis: puis entra en la barque & s'en alla. Adonc q̄ ie fu auerty de cete infortune & enuoyay querir mes enfās q̄ lō trouua quasi morts Et à fin que vous croyés mieus ce que ie vous ai dit, ie vous prie venés voir leurs harnois rōpus & froissés par les plus grās coups d'épee qu'onques furent rués de main d'homme. Puis les lui mōtra encor-
es toutes taintes & pleines de sang & bries en mains endroits, Dont Galaor fut tout ébaï, & luy demanda quelles armes portoit celui qui auoit fait tel effort. Vn écu vermeil, & deus Lyons noirs, répondit il, & autant en a sus son armet, & cheuauche vn cheual rouen. A ces enseignes Galaor conneut q̄ c'étoit celui qu'il cherchoit, & répondit à son hôte: Ne sçaués vous autrement de ses affaires? Non dît il. Or Dieu vous doint le bon soir, répondit Galaor, ie m'en vois pour mēhuy dormir. Et demain i'essayeray de trouuer celui duquel nous auons parlé: il y a déja quatre iours entiers que ie le quiers, Mais si ie le puis trouuer i'espère de venger vos enfans, & d'autres qu'il a aussi outragés, ou ie mourray en la peine. En bonne foi, Seigneur, dît il, ie louerois, que laissant cete entreprise tant perilleuse, vous prinsies autre chemin, veu que si mes deus enfans

LE PREMIER LIVRE

ont été mal traités, leur outrecuidance en
 ét cause. Et ce disant se retira, & laissa Ga-
 laor: puis s'en alla réposer iusques au len-
 demain de grand matin, qu'il demāda ses
 armes, & prenāt cōgé de son hôte s'en al-
 la avec la Damoiselle qui le cōduit si lo-
 guement, qu'ils arriuerēt le long d'une ri-
 viere ou ils trouverent la barque, dont n'a-
 gueres il a été parlé, en laquelle ils entre-
 rent, puis passerent outre. Et ayans chemi-
 né environ cinq lieuës ils auiserent vn tré-
 beau château. Lors lui dît la Damoiselle:
 Attendés moi, s'il vous plaît, en ce lieu, &
 ie retournerai prōptement: puis s'en alla
 vers la forteresse. Mais elle seiourna peu,
 qu'elle ne revint avec vne autre damoisel-
 le belle par excellēce, acōpagnée de dishō-
 mes à cheual, à laquelle, après auoir sal-
 ué Galaor lui dît: Seigneur la Damoiselle
 qui ét venuë avec vous m'a dît, que vous
 cherchez vn Cheualier qui porte vnes ar-
 mes vermeilles aus Lyons noirs, pour sça-
 uoir son nom, ie vous aise, que vous, ny
 autres ne le sçauroyent trouver de trois
 ans, si n'ēt par force d'armes, chose qui
 vous sera mal aisee à faire: car soyés seur
 que son semblable ne se trouuera en tou-
 tes les Iles de la grand Bretagne. Damoi-
 selle, répondit Galaor, ie ne laisserai de le
 chercher, encores qu'il se couvre comme
 il fait: & si ie le puis trouver il me sera
 plus agreable de combattre contre lui, que
 de sçauoir ce que ie demande par autre
 maniere. Puis doncques dit la Damoi-
 selle, que vous aués tant d'envie de ce
 faire, ie le vous montreray dedans le troi-
 sième iour suiuant, pour l'amour de cete
 mienne cousine qui le vous à promis, &
 qui m'en a fort prié. Je vous remercie de
 bon cueur, répondit Galaor ainsi cōtinuē-
 rent leur chemin, & environ vépres arri-
 uerēt le long d'un bras de Mer, qui enui-
 rōnoit vne Ile prochaine, tellement qu'il
 falloit nauiger environ trois lieuës auant
 que d'y aborder: parquoy entrerēt en vne
 barque, ou étoyēt aucuns mariniers, qui
 les firent tous iurer, s'il y avoit en leur

troupe plus d'un Cheualier. Non dît la
 Damoiselle, au moyen dequoi ils firent
 voile. Lors Galaor demanda à la Damoi-
 selle pour quelle raison ils auoient prins
 d'elle ce serment. Pour autant, répōdit la
 Damoiselle, que la Dame de l'Ile ou nous
 allons l'a ainsi ordonné, & commādē par
 expres, qu'ils ne passassent plus d'un Che-
 ualier à la fois, encores quand ils l'aurot
 passé, ils n'en passent d'autre tāt qu'il soit
 retourné, ou qu'il demeure mort. Et qui
 ét celui qui les vainc ou tuē: dît Galaor.
 Ce cheualier mêmes q̄ vous cherchés, ré-
 pōdit la Damoiselle, leq̄l cete Dame (dōt
 ie vous parle) tient avecques elle, il y a dé-
 ja plus de demi an, & l'ayme de si grande
 amour, qu'il seroit impossible d'aymer d'a-
 uātage: & la cause de cete amytiē ét, pour
 ce qu'il y eut n'aguères vn tournoy en cé-
 te contree, pour l'amour d'elle & d'une
 autre bien belle Dame, le quel ce Cheua-
 lier (qui ét venu de païs étrāge) vainquit,
 de la part de celle, avec laquelle il ét de
 present: car elle lui a toujours depuis por-
 té telle affection, qu'elle fut morte, s'il ne
 lui eut otroyé son amour, & ainsi le tient
 tou- jours auprès d'elle l'aymant si ardem-
 ment, qu'elle ne le void pas à demy. Et
 pour autāt q̄ quelque fois il a voulu aller
 chercher les auentures étrāges, la Dame,
 pour le detenir en ce lieu, y fait passer les
 Cheualiers qui y veulent venir l'un après
 l'autre, cōtre lesquels il se combat, & n'en
 ét encores retourné vn qui ne soit mort
 ou vaincu. Les morts sont enterrés & les
 vaincus reuoyés, après que lon leur à
 ôtē armes & cheuaus, lesquels le Cheua-
 lier presente à s'amyce, qui ét l'une des
 plus belles Dames du monde, nommee
 Corisande, & l'Ile Brauisande. Ne me
 sçauriés, vous faire entendre, dît Galaor,
 pourquoi le Cheualier s'en alla ces iours
 passés en vne forêt ou ie le trouuay, & l'a
 gardee (ainsi que i'ay entendu) quinze
 iours entiers, contre tous ceus qui y pas-
 soyent? Ouy bien, répondit elle. Il auoit
 promis vn don à vne Damoiselle auant
 qu'il

qu'il arriuât pardeça, parquoi elle le pria bien fort qu'il gardât la forêt durant quinze iours (ainsi que vous dites) mais à toute peine a il eu congé de s'amy, laquelle par importunité le lui donna d'un mois seulement, tant pour aller sejourner, que retourner. & ainsi qu'ils deuisoyent prindrent port en l'île. Déjà la plus part de la nuit étoit passée: toutesfois la Lune étoit claire, au moyen de quoi ils se desembarquerēt, & se vindrēt rafraichir à la riuē d'un petit ruisseau, où la Domoiselle fit tendre deus pauillons. Et pource qu'elle étoit trébelle (comme j'ay dit) Galaor la pria de coucher avec luy: mais elle n'y voulut cōsentir: parquoi ils se dormirēt iusques au lendemain matin, q̄ Galaor se leua: puis s'arma & monta à cheual avec les Damoiselles qui le cōduisoient, deuisans toujours du Cheualier, duquel Galaor desiroit sus tout sçauoir le nō: mais elles lui disoient qu'il n'y auoit hōme ne femme en la cōtree, qui le sceut, fors Corisande: parquoi il eut encores plus d'ēvie de le cōnoître, d'autāt qu'il s'alloit ainsi celāt, étant si bō Cheualier. Durant ces propos ils entrerēt en vn lieu decouvert, au dessus duq̄l ils auiserent vn trébeau château, assis sus vne montaigne, environnée d'une grande plaine. Lors l'une des Damoiselles dît à Galaor: Seigneur, voylà le château où ēt le Cheualier que vous demandés. Vrayement, répondit, il i'en suis trefaîse, & seray encores plus, si ie puis parler à lui. Or étoient ils ioignāt vn perron de marbre, auquel pendoit vn cor, que la Damoiselle luy montra, disant en riant: Seigneur, sonnés ce cor: car aussi tōt que le Cheualier l'entendra, il ne faudra à venir à vous. Lors le print & le sonna, & puis après auiserent valets sortir du château, qui vindrent tendre vn pauillon au milieu de la prarie, & les suyuoient dis Damoiselles, entre lesquelles étoit vne laquelle en contenance & acouplement montroit bien être la maitresse des autres, qui entra avecques sa sūyte

dedans le pauillon. Ce-pendant il ennuoyoit fort à Galaor, & demanda aus Damoiselles si le Cheualier tarderoit encores longuement, Vous le verres, dirent elles incontinent que celle qui ēt la premiere entree dans le pauillon le lui en uoyra dire, & non plutōt. le vous supplie, dît Galaor, que l'une de vous aille à elle la prier pour moy de le faire auancer: car j'ay ailleurs si affaire, que ie ne puis longuement tarder icy, ce qu'elles firent. Comment? répondit Corisande, fait il si peu de cas de nōtre Cheualier? pense il si aysement échaper de lui? Fait il déjà son état d'aller à ses autres affaires? Vrayement ie croy bien qu'il s'en retournera plus tōt encores qu'il ne dît: mais ce fera (peut être) à son grand desauantage: puis appella vn Page, & luy dît: Va, & dy au Cheualier étrange qu'il vienne. Lors y courut le Page, & tōt après le Cheualier sortit du château à pié, & armé de toutes pieces hors l'armet, q̄ ses gēs lui apportoyēt avec la lāce & l'écu, & les autres quilui amenoyent son cheual en main. A donc se vint presenter à la Dame, laquelle lui dît: Mon amy, voylà vn braue Cheualier qui fait état de se deffaire de vous aussi legeremēt que ie suis seure que vous viendrés à bout de lui: pourtant ie vous prie lui faire connoître tōt sa folie, & ce disant le vint baïser & embracer. Or voioit Galaor tous ces misteres, qui le faisoit entrer en plus de colere: car ce Cheualier tarda vn long tems depuis à mōter à cheual: puis sans se hâter print ses armes, & descendit de la cōte au petit pas, le lōg d'un sentier pour aller trouuer Galaor: lequel le voyāt aprocher, laça son heaume, print son écu & sa lance, & vint au deuant. Puis étans en la plaine s'écrierent l'un à l'autre de se garder: & donnans des espérons à leurs cheuaus, se vindrent rencontrer de leurs lances si rudement, qu'ils faucerent leurs harnois & furent navrés volans leur bois en éclats. Adoncq̄es Galaor voulut mettre la main à l'épee: mais

mais le Cheualier le pria par lachose qu'il aymoit le mieus en ce monde de iouter encores vn coup. Vous m'aués tant coniu ré, répondit Galaor, que ie le feray. toutesfois il me déplaît fort que ie n'ay vn aussi bon cheual que le vôtre : car si le mien fut tel, ie serois contēt de ne cesser tant que l'un de nous deus fut tombé, ou que nous eussions rompu toutes les lances que sçauriés recouurer. Le Cheualier ne répondit rien, & cria à vn autre Ecuyer qu'il lui portât deus autres lances, dont il print l'une & enuoya l'autre à Galaor, puis recommencerent leur ioute, courans l'un contre l'autre de si droit fil, q̄ de cete rencontre le cheual de Galaor cuyda donner du genoil à terre, & le Cheualier perdit les deus étrières, & fut contraint de se tenir aus crins du siē. Lors Galaor mit la main à l'épee, & le Cheualier semblablement, lequel étoit encores honteus de ce qui luy étoit aduenü, parquoy il dît à Galaor: Vous desirés le combat de l'épee, lequel i'auois différé (nō pour doute que i'aye) mais pour vous épergner, maintenant vous verrés comme il vous en auientra. Faites ce que vous pourrés, répondit Galaor: car ie végerai (si ie puis) les derniers que vous abatistes en la forêt. Quand le Cheualier l'entendit il le recōneut, & que c'étoit celuy (lequel étant à pié) l'auoit appelé au combat. Parquoy lui dît, comme par dépit: Or les venges doncques, si vous poués ie croi bien, que deuant que m'échapés, vous acumulerés vne iniure sus l'autre. Lors se ioignirent & commēça le combat entr'eus deus si cruel que merville. Or des le commencement, les Dames qui les regardoyent auoyent estimé, que Galaor ne pourroit longuement résister à leur Cheualier, mais quād ellēs les virēt aucōbat si āpre, elle changetēt toutes d'opinion iugeans en leur esprit qu'il seroit impossible que l'un d'eus n'y termināt ses iours, & peut être tous deus par même moyen : car ils se chargeoyent si menu, & tant continuellemēt, que bien souvent

l'un & l'autre donnoyent du nēs sus les arçons, rompans, taillans, & effondrās leurs heaumes & harnois, dequels ils faisoient sortir maintes étincelles de feu, & le sang pur de leurs cors, dont le chāp étoit taint & couuert des pieces de leurs écus, & des mailles de leurs harnois. En telle sorte se maintindrent si longuement, qu'eus mêmes étoient ébaïs comme ils pouvoient tant durer. Adonc le cheual de Galaor se trouua si recreu, qu'il ne pouoit quasi auancer vn pié deuant l'autre, dequoi il étoit trop déplaisant: car il doutoit que sa victoire en retardoit. Ce pendant le Cheualier étrange faisoit grand deuoir de venir au dessus de Galaor lequel pour lasseté qu'eut son cheual ne laissoit l'autre gueres en repos. Toute-fois il voyoit bien, qu'à la longue, s'il ne mettoit les piēs à terre, que son cheual les lui feroit mettre par force, & à sō desauātage. Au moyē dequoi il eut crainte de mourir plus qu'ocques il n'auoit eu hors le iour qu'il conneut son frere Amadis, après lequel il estoit celui à qui il se combattoit meilleur Cheualier que nul autre à qui il eut iamais affaire : parquoy se voyant en telle nécessité, il dît au Cheualier: Je vous prie combatons à pié, ou me faites donner vn autre cheual, sinon ie tuerai le vôtre, & serés cause de cete vilannie. Faites tout ce que vous pourrés, répondit le Cheualier: car nôtre bataille se paracheuera comme elle a été commencee: toutesfois i'ay grād' hôte de ce qu'elle dure tāt. Et ce disant, se jetta sus Galaor pēsant le ietter bas: mais Galaor l'empoigna par le cors, & le tira si rudement, qu'ils tomberent à terre l'un quāt & l'autre, sans (toutesfois) lâcher leurs épees. Lors se releuerent legerement, & recommencerēt leur combat plus āpremēt qu'ils n'auoyēt encores fait: car ils étoyēt tous deus si animés, qu'ils eussent été contents de mourir pour auoir chacun d'eus la victoire, spécialement Galaor, lequel iusques adonc n'auoit peu se ioindre à l'autre (comme il desiroit) à cause de la lâcheté

cheté de son cheual. Parquoy baissant la tête, commença à le charger de sorte qu'il ne luy donnoit quasi le loisir de prendre haleine: ce non obstant il se defendoit bravenement: mais à la fin il commença à affoiblir. Ce que connoissant Galaor, lui dît: Mon compagnon, voulés vous que nous prenons vn peu le vent? L'autre, qui en auoit tât de besoin ne s'en fit gueres prier, & se retira, puis luy dît Galaor: Or ça, vous poués voir que i'ay le meilleur du combat: toute-fois s'il vous plaisoyt me dire vôtrenom, & pourquoy ainsi vous celés, vous me feriez grâd plaisir, & demourerions amys, autrement ie vous feray le pis que ie pourray. Assurés vous, répondit le Cheualier, que i'ay bien intention que nôtre debat ne se démêlera si aisémēt: car ie ne suis encores si aisé à vaincre que vous estimés, & (qui plus êt) ie n'eu oncques plus de desir de cōbatre que i'ay à présent, pour autant q̄ de ma vie ne trouuai Cheualier qui me donnât tant d'affaires que vous faites: mais, si Dieu plaît, par vous ni autre ie ne seray encores conneu de mon gré, si n'êt par vn seul Cheualier qui a puissance de me commander. Ne vous opiniâtrés point tant, dît Galaor: car ie vous iure par la foy q̄ ie tiens de Dieu, de ne vous laisser iusques à ce que ie sçachē qui vous êtes: & pourquoy ainsi vous celés. Et ie vous iure, répondit le Cheualier, que par moy ne le sçaurés tant que i'aye la vie au cors, & aime mieus mourir presentement que de le vous dire, ne à autre qu'à deus seuls, lesquels ie ne connois encores: mais à eus ie ne voudrois (fût par force ou de gré) le taire, s'ils le vouloyent sçauoir. Et qui sont ceus que tant vous estimés, dît Galaor. Vous le sçaurés encores moins, répondit il. Par Dieu, dît Galaor, si feray, & ce que ie vous demâde aussi, ou l'vn de nous mourra, & (peût être) tous deus ensemble. Ie ne demande autre chose, répondit le Cheualier. Lors recommencerent leur combat si aspre, qu'oublians les coups passés recommencerēt

AM.1

nouvelles charges, comme s'ils eussent recouuré nouvelles forces: mais à la longue l'effort et le bon courage du Cheualier étrange lui profitoyent peu: car Galaor le pressa tant qu'à grands coups d'épee il lui rompit son harnois, le navrât en plusieurs lieux du cors, tellement que le camp étoit tout rouge de son sang. Ce que voyant la Dame amye du Cheualier, considerant l'extrême peril de sa vie, ne peut plus souffrir l'outrage que lui faisoit Galaor. Au moyen dequoy elle s'en courut vers eus, criant à Galaor: Arrêtés vous Cheualier, arrêtés vous, que pleût à Dieu que la barque eût été effondree, & le marinier qui vous a passé ici. Lors se retirèrent les deus combatans, & répondit Galaor: Dame, vous ne me deués blâmer pour faire mon deuoir contre ce Cheualier, qui m'a tant outragé, & maints autres aussi, lesquels, si dieu plaît, ie végeray ce jourd'hui. Cessés, dît la Dame, de plus lui mal faite, autrement vous demourerés pour lui es mains de tel qui n'aura merci de vous. Ie ne sçay qu'il en auendra, répondit Galaor: mais ie ne le laisseray en nulle maniere, q̄ premier il ne m'ayt dit ce q̄ ie lui ay demandé. Et que luy demandés vous? dît elle.

Qu'il me die son nom, répondit Galaor, & pourquoy il se cele ainsi, & qui sont les deus Cheualiers desquels il m'a n'aguere parlé. De Dieu soit il maudit, dît la Damoiselle, qui vous a si bien aprins à frapper, & vous aussi d'en auoir tant retenu.

Or le quités, & ie vous diray ce que vous desirés sçauoir de lui. Ie vous auise qu'il se nôme dom Florestan, qui se cache ainsi pour deus Cheualiers ses freres qui sont en ce pais tant estimés aus armes, qu'encores qu'il soit tel que vous l'aués éprouvé, il ne se veut faire connoitre, que premier il n'ayt fait tant de cheualeries, que par icelles il se puisse à peu prés égaler à eus, & me semble qu'il a, selō le grâd cœur de lui, & la bōne reputatiō des autres, lesquels sont de present en la maison du Roy Lisuart, l'vn nômé Amadis, & l'autre Dom

O

Galaor

LE PREMIER LIVRE

Galaor, & font eus trois enfans du Roy Perion de Gaule. O Dieu, dît Galaor, qu'ay- ie fait? Et ce disant, tendit son epee à Florestan. Tenés mō frere, prenés mon epee, & receués l'hōneur de la bataille: car ie vous ay trop offensé. Cōment, répondit il, suis ie doncques vōtre frere? Ouy certes, répondit Galaor, à ce que dit cete Dame, ie suis vōtre frere Galaor. Lors Dom Florestan ébai de telle rencontre, se mit incōtinent à genous, & lui répondit: Mon Seigneur, ie vous supplie me pardonner: car si i'ay failli (me combatāt avec vous sans vous connoitre) ce n'a été pour autre raison, que d'autant que sans auoir honte, ie ne m'osois nommer vōtre frere, cōme ie suis, que premier ie n'imitasse vōtre grād valeur en quelq chose. A l'heure Galaor le print par les mains, & le releua, puis le tint embracé vn bien long tems, pleurant de grande joye qu'il eût lors, & de déplaisir pour les playes qu'il lui auoit faites, dont il doutoit que sa vie fut en danger. Quand la Dame les vid tant amys, & cete inimitié (n'agueres si grande) conuertie en telle humilité, elle fut tref-joyeuse, & dît à Galaor: En bōne foi, Seigneur, si vous me mītes en grand'angustie, vous m'aués satisfait pour trop plus grand'joye. Puis les prenant eus deus par les mains, les cōduit en son château, & les fit coucher en riches lits, ou elle même (qui sçauoit l'art de Chirurgie) les medicina par grāde diligence. Ainsi demourerent les deus freres en la garde de cete riche & belle Dame Corisāde, laquelle desiroit autant leur bonne santé que la sienne propre.

Cōme Don Florestan fut engendré du Roy Perion en la belle fille du Comte de Salandrie.

CHAP. XLIII.

AV tems que le Roi Perion cherchoit les auantures étranges, il arriua au païs d'Allemagne, ou il sejourna l'espace de deus ans, faisant maints hauts faits d'armes, au moyen dequoy sa renōmee ét perpetuee iusques au jourd'hui, & tellemēt, qu'en ét

fait encores mention par toute la cōtree. Auint qu'ainsi qu'il retournoit en ses païs logea en la maison du Comte de Salandrie, ou il fut trēbien receu, tant pour la bonne reputation de luy, qu'aussi pour ce q le Côte mêmes auoit été autre-fois cheualier errant. Au moyē dequoy il aimoyt & hōnoroit volōtiers tous ceus qui suuyoyent les armes, comme il auoyt fait. Et après plusieurs fētimens faits par le Comte, chacun se retira: & le Roy Perion fut conduit en vne chābre en laquelle il trouua tout ce qui lui fut necessaire pour passer la nuit, & se coucha peu après dans vn lit de parement ou il s'endormit aussi tōt cōme celui qui étoit las du long chemin qu'il auoit fait. Mais étant au plus fort de son somme, il se sentit embracé & baisé d'vne personne, sans sçauoir qui. Lors en sursaut s'écilla, & cuida se leuer: toutefois il fut detenu si ferme, qu'il ne peut quasi se mouoyr, & lui dît celle qui le tenoit: Cōment? Sire, ne prendrés vous pas plus de plaisir avec moy, me tenāt vōtre, qu'à être seul. Lors le Roy ouvrit les yeus, & à cause de la lumiere qui ardoit en la chābre conneut que c'étoit l'vne des plus belles damoiselles qu'il eût oncques veuē. Parquoy il lui répōdit: Le vous prie, ma grand'amye, me dire doncqs qui vous êtes. Toute telleq ie suis, dît la Damoiselle, ie vous aime trop affectueusemēt, & cōme celle qui se donne du tout à vous. En bonne foy, répōdit le Roi, ie sçauray premier qui vous êtes, s'il vous plaît. Ha, dît elle, que vous me fachés de cete importunité: toute-fois Dieu sçait, qu'il n'ēt en mon pouoir d'vser de plus de continence que ie fais. Si cōvient il, répondit le Roi, que ie vous connoisse, si vous voules être m'amie. Et bien, dît elle, puis que c'ēt force, ie suis fille seule du Comte qui vous a tant bien receu. Par Dieu, ma Dame, répondit le Roy, vous me pardonnerés. Car i'aimerois mieus mourir, que de faire ce tort à personnage à qui ie suis tant tenu. Cōment, dît la Damoiselle, vous me refusés

les donc? Vrayement vous êtes bien le Prince du monde le plus mal aprins, chassant de vous ce que devriez tout le tems de votre vie travailler pour avoir. Et croy que votre entêtement éblouy, ne merite que votre cors ait le bien que ie lui desire. Vous dirés ce qu'il vous plaira, répond le Roy Perion: mais ie feray ce qui sera convenant à votre honneur & au mien, nō pas chose tant à votre desavantage que pourchassés. Ouy? dit elle: Et ie feray que mon pere aura plus de déplaisir de vous, que si vous me satisfaisiés comme ie vous prie. Lors se leva, & print l'épee du Roy qui pendoit joignant son écu, & étoit celle que depuis lon mît avec Amadis dans le cofret, quand il fut ietté en la Mer, laquelle elle déguēna: puis joignit la pointe nuē auprès de sō cœur, disant: Or sçay-ie bien que mon pere mourra par la mort q̄ vous me moyennés. Et ce disant, faignit d'étendre le bras pour se tuer. Ce que voyant le Roy fut trop émerueillé, & se levant promptement saisit l'épee, puis lui dit: Ma Damoiselle, ie vous prie ne vous fâcher: car ie feray tout ce que vous voudrés. Adōc la baïsa & embrāça doucemēt, puis la ietta dessus son lit, & fit tant qu'il satisfit à l'afection de la Damoiselle, & avec tant de plaisir, que la nuit mēmes elle devint grosse d'enfant, sans que le Roi la vid oncques puis: car le lendemain du grand matin il print congé d'elle & du Comte, & se retira en Gaule. Mais venant le tems que l'enfant faisoit enfler le vētre de cēte amante, elle s'auīsa pour mieus celer son affaire d'aller voir vne sienne tante qui se tenoit à deus ou trois lieuēs d'elle, avec laquelle elle avoit coutume de frequenter souvent. Et de fait elle se mît en chemin avec vne siēne Damoiselle, sās aucune cōpagnie. Et ainsi qu'elle traufferoyt dans la forêt, la douleur d'enfant la pressa tant, qu'elle fut contrainte de descendre de son palefroy, & peu après acoucha d'un beau fis. Dors la Damoiselle qui étoit avec elle, voyant l'inconvenient, s'a-

uīsa de prendre l'enfant, & de le mettre entre les bras de la mere. A laquelle elle dît: Ma Dame, il faut que le cœur que vous eūtes pour faire la faute, vous serue maintenant pour vous donner remede, attendant que ie soys de retour de là ou ie m'en voys, & sans luy tenir autre procès, remonta à cheual, & s'en alla au plus tôt qu'elle peut vers cēte tante, à laquelle elle declara cōme le tout s'étoit passé. Quand la bōne vieille l'entendit, elle devint fort triste, toute-fois elle ne difera le secours de sa niece: car aussi tôt fit partir quant & elle vne lic̄tiere, pour apporter cēte acouchee & son enfant. Et elle arrivée ou ils étoyēt, descēdit, puis les fit coucher dās la lic̄tiere, & cōduire secretemēt en son château. Parquoy peu de gens s'en aperceurēt, & fut le cas tenu si secretemēt que le Comte n'en sceut oncques rien. Finablement la Damoiselle fut releuee & conduite en la maison de son pere, laissāt son enfant en la garde de la bonne tante, qui le fit nourrir iusques en l'age de dix-huit ans. Lors il se trouva grand, fort, & de belle taille, voire plus que nul autre de la contree, durant lequel tems lui furent baillés Ecuyers & Gentis-hommes pour l'adextrer aus armes, & tāt qu'un jour la bōne vieille le mena à la court du Comte son ayeul, pour le faire Cheualier: ce qu'il fit sans le connoitre. Et après y avoir séjourē q̄lques jours, sa tātē le ramena en son château, & en cheminant elle lui dît: Mō amy, vous ne connoissés (comme ie croy) votre parētage: mais ie veus q̄ vous sçachés q̄ vous êtes fis du Roy Perion de Gaule, & de la fille de celui qui vous a fait cheualier. A cēte cause ie vo' prie d'imiter votre pere, qui ēt l'un des meilleurs Cheualiers du mōde. Certes, ma dame, répondit il, i'ai autrefois ouy parler de sa bōtē: mais ie n'eusse iāmais cuidé être sō fis. Et pourtant par la foy q̄ ie doy à Dieu, & à vo' (qui m'auēs nourri) ie m'en partiray pour l'aller trouver, sans me faire connoitre à nul, tant q̄ mes faits soyent témoins

LE PREMIER LIVRE

que ie fois digne d'être fis de tant preudhomme. Et de fait peu après print congé d'elle, & emmena quāt & soi deus Ecuyers prenant la voye de Constantinople, ou pour lors y auoit vne forte & rude guerre en laquelle il sejourna l'espace de quatre ans entiers, & y fit tant d'armes qu'il fut tenu pour le meilleur Cheualier qui eût oncques entré au païs. Lors se voyant en telle reputation, delibera de s'en partir, & aller en Gaule, pour trouver son pere, & se faire connoître à lui: mais en aprochant de la grande Bretaigne, il entendit la renommee d'Amadis, qui alors commēçoit à faire merveilles, qui fut cause qu'il s'y arrēta, & fut son voyage retardé pour se faire redouter par ses faits d'armes, à l'imittation de ses deus freres tant qu'ils en auroyent nouvelles. Et de fait il n'en partit iusques à ce que Dom Galaor & luy se combattirent ainsi que vous aués entendu, lesquels seiournerent ensemble, iusques à ce qu'ils furent gueris. Mais pour n'eloigner trop le propos d'Amadis & d'Agrais, entendés qu'étans arriués au château ou ils trouverent la belle Briolanie. Ils s'y tindrent cinq jours entiers, durant lesquels ils firent racontrer leurs armes, puis se mirent en chemin avec Briolanie sa tante, & quelques autres Damoyelles acompagnees de quelques Ecuyers pour les seruir. Toute-fois ils n'eurent cheminé enuiron vne lieue, que Briolanie demanda vn don à Amadis, & sa tante vn autre à Agrais: lesquels ils leur otroyerēt. Sçaués vous, dît Briolanie que vous nous aués donné? Non, répondirent ils: C'ēt, dirent les dames, que vous ne vous deuoyez ne sortirés de nôtre chemin, pour chose que vous voyés, sans nôtre congé. Ce qu'ils promirent faire, combien que depuis ils en furent déplaïsans: car ils passerent quelque fois au plus près de tels qui auoyent biē besoin de leur ayde, laquelle iustement ils n'eussent refusee, sans ce qu'ils auoyent promis aus Dames. Et depuis ils firent telle diligence qu'au douzième

iour arriuerent à l'entree du païs de Sobradise. Lors laissant le grād chemin prirent vne sente, par laquelle ils cheminèrent bien longuement, & tant qu'étant la plus grand part de la nuit passee, ils trouverent vn petit château appartenant à vne Damoiselle fort vieille & discrete, nommee Galumbe, laquelle auoit toujours été nourrie en la maison du pere de Briolanie. Adonc heurterent à la porte, & quand elle les conneut, elle leur fit très-grand recueil, & tōt apreter le souper, puis s'en allerent reposer iusques au lēdemain que Galumbe demanda à Grouenese (la tante de Briolanie) quel chemin elle prenoit avec cete compagnie. Lors elle luy recita comme Amadis étoit l'vn des meilleurs Cheualiers du monde, & qu'il auoit promis de venger la mort du pere de Briolanie, & cōme il auoit combattu les gardes de la charrette: & depuis ceus de son château, lors que les Lyons échaperent. La Dame s'ébait fort de tant de prouesse, & lui répondit: Puis qu'il ē tel que vous dites, il ne peut être que son compagnon ne vaille quelque chose, & pourront donner fin à vôtre affaire, avec le grand droit que vous y aués. Toutefois ie crains que ce traître Roy leur face quelque mechanteté, ou le tuē en traison. C'ēt, dit elle, la cause pour laquelle ie suis venue vers vous, à ce que me conseilless que ie doy faire. Or vous en reposés sus moy, répondit elle. Lors escriuit vne lette, laquelle elle sella du seau de Briolanie, puis apella vne sienne damoiselle, & la lui bailla, l'auiant de ce qu'elle auoit à faire. Laquelle mōta à cheual, & fit telle diligence, que peu après elle arriua en la grande ville de Sobradise, de laquelle tout le Royaume auoyt prins le nom. Là étoit Abiseos avec ses deus fis Darison & Dramis. Ces trois étoient ceus avec lesquels Amadis deuoit combattre: car Abiseos auoit occis le pere de Briolanie, qui étoit son frere ainé, & ce pour la grād cōuoitise d'auoir le royaume qu'il tenoit, lequel il y surpa & en jouit depuis plus

plus par tyrannie, que du gré de ses sujets. La Damoiselle arriuee en la ville, vint au palais, & y entra à cheual. Adonc vindrent aucuns Cheualiers la recevoir, la prians de descendre, mais elle leur dit: qu'elle se tiendrait à cheual, tant que le Roy l'eût veüe, & qu'il luy eût commandé de se mettre à pied. Parquoy le furent dire au Roy, lequel l'enuoya querir, & le trouua en vne sale accompagné de ses deus fis, & de plusieurs Princes & Seigneurs. Lors elle les salua humblement, & lui dit le Roy, qu'elle dit hardiment ce qu'elle voudrait dire. Sire, répondit la damoiselle, ie le feray, puis qu'il vous plaît, par condition toute-fois, que ie feray en votre protection, & que pour chose que ie dye soit contre vous ou autre, ie n'auray aucun déplaisir. Ie le vous promets sus ma couronne, dit le Roy. Puis la Damoiselle commença son propos: Sire, il faut que ie vous dye en la presence des plus grands Princes, & Seigneurs de votre Royaume mon message: pourtant ie vous supplie les mander venir à vous à ce qu'ils soyent tous témoins de mon dire. Damoiselle, dit le Roy, vous les pouvez voir ici quasi tous. Car il y a bien sis jours que ie les ay fait venir pour quelques affaires. Lors dit la Damoiselle: Roy, ma Dame Briolanie q̃ tu as desheritee, t'enuoye cete lettre, laquelle tu feras lire presentement deuant l'assemblée, puis m'en donneras réponse pour ma décharge. Quand le Roy entendit nōmer celle dont elle parloit, remors de conscience se vint presenter, avec le tort qu'il lui faisoit: Toutefois il ne différa la lecture de la lettre, qui ne portoyt sinon creance sus la Damoiselle. Adonc la pluspart des presens qui étoient naturels du païs, & vassaus du bon Roy occis, voyans la messagere de leur Dame, eurent grande pitié en leurs cœurs de la sentir si iniustement desheritee, & prioient en eus mêmes à Dieu, qu'il luy donnât remède & moyen de venger la grande traison qui auoit été faite à son pere. Or bien, ré-

AM. I

pondit le Roy, dites doncques votre charge. Roy, dit la Damoiselle, ta occis le pere de ma Dame en traison, & contre raison tu l'as malheureusement desheritee, à cete cause suiuant ce que tu as dit maintefois, que toy & tes deus fis soutiendrés par armes le droit que vous pretendés en ce Royaume, elle te mande par moy, que si vous êtes encores en tel propos, qu'elle amenera icy deus Cheualiers qui prendront la querelle pour elle, & vous combattront, vous faisant connoître la grande déloyauté & trahison que vous aués commise. Quand Darison fis aîné du Roi entendit iniurier son pere, la colere lui mōta au visage, & par grād dépit se leua, & sans le cōsentemēt du Roi, dit à la damoiselle: Damoiselle: si votre maitresse Briolanie a avec elle deus cheualiers qui vueillēt combattre sus ce que vous dites, desmaintenāt ie reçoÿ le combat pour mon Seigneur & pere, & pour mon frere aussi, & si i'y faus ie promets en la presence de tous ces cheualiers, luy enuoyer ma tête pour celle de son pere occis par raison. Vrayement, répondit la Damoiselle, Seigneur Darison, vous parlés comme Cheualier de grand cœur: toute-fois ie ne sçay si c'ēt par colere: car ie vous voy changer visage. Mais si vous faites auouër, de ce que vous dites, par le Roy, j'estimeray lors que votre bon cœur vous fait dire ce que vous proferés. Damoiselle, dit il, c'ēt la réponse que ferés à celle qui vous a enuoyee vers le Roy. Faites donc, dit la Damoiselle dōner seureté aus Cheualiers par luy & tous les Seigneurs de ce païs, q̃ pour mal qui vous auienne de ce cōbat, ils ne recevront déplaisir, si ce n'ēt de vous trois, si vous leur en faites: & si vous leur dōnés le saufconduit que ie vous demande, vous les aurés icy dedans les trois prochains jours. Lors Darison se mît à genous deuant le Roy, auquel il dit: Sire vous aués entendu ce que demande la Damoiselle, & la promesse que j'ay faite deuant votre maïesté, & en la presence de tous ces Princes

O 3 &

& Signeurs: pourtant ie vous supplie (puis que mon honneur est le vôtre) que sa requête luy soit acordee par vous & les autres semblablement, autrement à notre grand desauantage, ces Cheualiers temeraires, qui veulent soutenir cete Briolanie, se tiendront pour vaincueurs, & vous & nous lâches & couards, ayans toujours publié, que si on vouloit mettre quelque charge sus votre illustre renommée, pour les choses passées, que pour le combat de nous trois vous étiez prêt de vous purger. Et encores que vous ne l'eussiez ainsi promis, si ne le deuons nous refuser: car ainsi que j'ay entendu, ils sont de ces fols Cheualiers de la maison du Roy Lisuart, lesquels par leur outrecuidance, & peu de sens, font grande estime de leurs faits, & contemnent ceus des autres. Le Roy qui aimoit plus Darifon que soy mêmes (encores que la mort de son frere le rendit coupable, & qu'il doutât fort le combat) ottroya le sauf-conduit, ainsi que la damoiselle l'auoit requis pour les deus Cheualiers, & ceus de leurs cōpagnie. Et faut estimer, que le periode de la fortune de ce traître étoit terminé, & que le Seigneur tout puissant vouloit que luy & ses enfans receussent punitiō de cete grande traison, ainsi q̄ cy après il sera deduit. La Damoiselle voyant que son message auoit sorty l'effait tel qu'elle desiroit, dit hautement: Or vous tenés donc prêts: car vous aurés demain (sans faute) ceus à qui aués affaire: & ce disant, remonta sus son pallefroy, prenant le chemin du château, ou elle arriuee fit entendre aus Dames & Cheualiers comme elle auoit entierement obtenu ce qu'elle auoit demandé à Abiseos. Mais quand elle leur dit que Darifon reputoit fols les Cheualiers du Roy Lisuart, ils furent fort dépités: mêmes Amadis, qui répondit: Par Dieu, il y en a tel en la compagnie de ce bon Roy qui se souciroit peu d'abatre à Darifon son grand orgueil, & la tête ensemble: mais l'estime que la colere le maitrisoit lors qu'il di-

soit telles parolles. Certes, mon seigneur, répondit Briolanie, vous ne sçauriez tant dire ne faire contre ces traîtres, qu'ils ne meritent d'auantage: car vous sçanés ce qu'ils ont commis en la personne du Roi mon pere, & le long tems qu'ils m'ont desheritée, pourtant ie vous supplie auoir pitié de moy, veu qu'en Dieu & vous ie remets tout mon affaire, & espere que ie seray vengée. Amadis qui auoit le cœur soumis à la vertu, & en toute douceur, eut grande compassion d'elle, & luy dit: Ma Damoiselle, si Dieu plaît, deuant qu'il soit demain nuit, votre tristesse amenera tournera en grand aise & plaisir. Lors Briolanie se ietta à ses pieds, & les lui baisa: mais il en eut honte, & se recula arriere, & Agraies la vint embracer, la relevant doucement. A l'heure conclurent de partir le jour suuant au point du jour, & aller ouïr Messe en l'Hermitage des trois fontaines, qui étoit qu'à demye lieuë près de Sobradise. Pourtant chacun se retira pour aller dormir fors Briolanie, qui demeura derriere, deuissant de maintes choses avec Amadis, & tant, qu'en continuant leurs propos, elle luy cuida plusieurs fois parler du mariage de luy & d'elle. Toutefois soupçonant q̄ les pensemens tant continuels, & les pleurs qu'elle voyoit quelque-fois sur la face d'Amadis fussent causés non de faute de grand cœur: mais pour être tourmenté, soumis & affligé de l'amour de quelque autre Dame (pour laquelle il auoit tant de passion), s'en deporta, & lui donnant le bon soir se retira à ce qu'il reposât pour partir à l'heure qu'ils auoyent conclud. Parquoy le lendemain au plus matin, les Cheualiers s'armerent, & avec leur cōpagnie se mirerent en chemin. Et vne heure après arriuerent en l'Hermitage: ou ils descendirēt, & furent ouyr la messe d'un deuot Hermite, durant laquelle les deus Cheualiers firent leur requêtes à Dieu, qu'ainsi qu'il sçauoit q̄ pour iuste occasion ils alloient combattre pour Briolanie, il lui pleût leur être aidant. La mes-

se celebrée les chevaliers prindrent le reste de leurs armes hors l'armet & les gantelets, puis montans à cheual, continuerēt leur chemin tant qu'ils arriuerent en la grande ville de Sobradise. Au dehors de laquelle ils trouverent le Roy Abiseos & ses deus fis avec grande compagnie de gens lesquels auertis de leur venue, les attendoyent. Lors la pluspart voyans leur Dame naturelle, qu'Amadis conduisoit par les rênes de son pallefroy, furent très-joyeux: car ils l'aimoyent de singulier amour. Et ainsi qu'Amadis trauersā au milieu de la presse avec la Princesse, qui auoit tout le visage decouvert, à ce que le peuple la peût voir plus aisément, de pitié maints se prindrent à plorer, prians Dieu pourelle, que par sa bonté il lui pleut luy dōner secours. A l'heure Abiseos considerāt le tort qu'il luy faisoit, & la traïson qu'il auoit si lâchement commise, ne peut tenir si bonne contenance, que lon ne s'aperceût qu'il eut honte & remors de conscience: toute-fois ayant été si long tems obstiné & endurcy en son mal, pensoit encores q̄ la fortune ne fût ennuyee de le maintenir en l'état auquel elle l'auoit eleué: parquoy entendant q̄ le peuple parloit cōtre luy, s'écria contre eus:

O gens chetifs & malheureux! i'aperçoy bien l'aise que vous dōne la presence de cete garce, & q̄ le sens vo^r faut au besoin: car à ce que ie connois, vous l'aimeriez mieus pour Dame (encores que ce soyt vne femme foible & debile à vous defendre) q̄ moy qui suis Cheualier preus & hardy, combien que vous voyés son impuissance, & qu'en si lōg tems elle n'a peu recouurer que deus Cheualiers qui sont venus pour receuoir leur mort ignominieusement, dont i'ay grād'pitié. Quand Amadis l'entendit ainsi causer, il fut si remply d'ire, qu'il sembloit que le sang lui sortit des yeus: & se leuant sus ses étriers, répondit si haut que chacun le peut entendre: Abiseos, il est aisé à connoitre, que la venue de cete Princesse t'est fort deplai-

sante, pour la grande traïson que tu commis, faisant mourir ton Seigneur & frere ainé. Et si tu auois tāt de connoissance, & de vertu qu'en te repētant de cete lacheté, vousissies rendre ce que tu as tant iniustement vsurpé, ie te quitterois le combat, pourueu que tu requisses à Dieu mercy, faisant penitence telle que tu dois faire pour ton pêché, à ce qu'ayant perdu l'honneur du mōde, tu puisses (neantmoins) cy après moyēner la saluation de ton ame.

Lors Darison trop marry de ces propos, s'auança, & deuant que son pere eût loisir de répondre, print la parole, disant à Amadis: Fol cheualier de la maison du Roi Lisuart, ie n'eusse iamais pensé q̄ i'eusse peu souffrir les iniures que tu as dites au Roy en ma presence: mais i'ay été cōtent de differer iusques à ce q̄ no^r loyōs à l'efait de ce q̄ tu nous as demādé. Lors i'auray moyē d'en prēdre telle vègeāce que ie desire: car encores que le cœur te faillit au besoin pēsant sauuer ta vie pour fuyr, si ne courras tu si roide, que ie ne t'arrēte pour te faire châtier, de sorte que chacun aura pitié de toy. C'est trop causé, répondit Agraies, puis que tu veus maintenir la traïson de ton pere. Va maintenāt t'armer & vien au combat ainsi q̄ tu as promis.

Lors tu verras si fortune te fera tant fauorable de te donner la victoire q̄ tu tiens déjà seure: car si elle est autre, assure toy, q̄ toy & les tiens recevrēs le châtiment de vos méchantes œuvres. Dy ce q̄ tu voudras, répondit Darison: car il ne tardera gueres q̄ ta lāgue iniurieuse (sās le cors) sera enuoyee en la maison de tō roy Lisuart, à ce q̄ ceus qui verront la peine que tu as soufferte, soyent assurés d'en auoir autāt, disans les folies q̄ tu dis. Et demāda promptemēt ses armes, q̄ lon lui apporta, & s'armerent le Roy & ses deus fis, puis mōtās à cheual, entrerent incontīnēt au lieu ou de toute antiquité on auoyt de coutume faire tels cōbats. Lors Amadis & Agraies lacerēt leurs armets, prindrēt leurs lāces & écus, & entrerēt dedās le champ.

Adonc Dramis (qui étoit le plus ieune, toutes-fois si Gentil Cheualier, que les deus meilleurs du pais ne l'eussent osé attendre au combat) dit à son pere : Sire, là ou ét vôtre maiesté & la personne de mon frere ét, ie suis excusé de parler: mais main tenât il sera autrement de l'effait par la force que ie tiens de Dieu, & de vous. Pourtant ie vous prie me laisser ce Cheualier qui vous a iniurié, & si du premier coup de lance ne le tue, ie ne veus iamais porter harnois : mais si de fortune ie ne l'atains de droit fil, sa mort sera retardee iusques au premier coup d'épee que ie lui donneray. Maints entendirent la parolle du ieune Dramis, & estimerent grâdemēt son entreprise, de laquelle ils ne faisoient doute, attendu les grands faits d'armes qu'autrefois ils luy auoyent veu faire: mais ainsi qu'ils étoient prêts de coucher l'un cōtre l'autre. Darifon s'aperceut qu'Amadis & Agrayes étoient seuls contre eus trois: parquoy écria à Amadis : Que veut ce dire que vous n'êtes que deus, & nous deuons être egaus en nombre? Je croy que le cœur a failly au tiers: appellés le qu'il vienne tōt, & qu'il ne nous regarde plus. Ne vous donnés peine pour l'autre, répondit Amadis: car il y a tel icy qui le tiēt pour excusé, & si ay esperâce en Dieu q̄ deuāt qu'il soit peu de tems, vous voudriés que le second fût dehors: & gardés vous si vous voulés. Lors mirent les lāces aus arrets se couvrans de leurs écus, & donnans des esperons à leurs cheuaus coururent l'un cōtre l'autre au plutōt qu'ils peurent. Dramis s'adressa à Amadis, & luy donna telle atainte que la lance trauersa l'écu, & peruint iusques aupres des côtes se brisant en éclats. Et Amadis qui courut de plus droit fil, l'ataignit de telle roideur que sans rompre vne seule maille du haubert luy creua le cœur au ventre, & tomba mort si pesantemēt, qu'il sembloit que ce fût la cheute d'un Beuf. Va à tous les Diabes, dit Ardan le Nain, mon maître ét depeché de cétuy, & me semble

que cēt effait ét plus certain que la menace qu'il faisoit n'agueres. A l'instant Agrayes courut aus deus autres, & rencontra premier Darifon, si que leurs lances furent brisees: mais Darifon perdit l'un des étriers: toutefois nul d'eus ne tomba pour ce coup: car Abiseos faillit d'atainte, & quand il tourna visage, & aperceut son fis Dramis mort, il eut un si merueilleus déplaisir, encores qu'il estimât, qu'il ne fût outré, que de grande colere coucha contre Amadis pour le venger, & tenant sa lance serree contre le bras, donna dedans l'écu d'Amadis par si grande vigueur que le fer passa outre, & luy perça le bras volant la lance en éclats: au moyen dequoy les assistans ne faisoient doute que de là en auant Amadis eût plus de duree. Si lors la ieune Princeesse Briolanie fut dolente, il ne faut douter: car sans mentir le cœur & la lumiere des yeus luy faillirent: & de fait, si promptement elle n'eût été secouruē, elle fut tombee de dessus son palefroy: mais celuy qui ne l'épouentoit pour tels coups mit au poing s'épee qu'il auoit recouuree d'Arcalaus, & se joignant contre Abiseos, lui vint donner sus le coing de l'armet si grand coup, qu'il luy entama la tête iusques aus os, & descendant sus l'épaule gauche, le navra grandement, au moyen dequoy Abiseos se trouua tant outragé & étourdy, qu'il luy fut impossible se tenir plus à cheual, ains cheut en la place. Trop fut le peuple émerueillé, ayant veu Amadis de deus coups abatre deus si puissans Cheualiers, estimés entr'eus les meilleurs du monde: desquels Amadis se voyant depêché, retourna contre celuy qui combattoit Agrayes, & se maintenoient si bien l'un enuers l'autre, que lon n'eût sceu dire lequel auoit le meilleur du combat. Lors dit Amadis à Darifon: Je croy bien maintenant que tu aurois plus grand plaisir à sentir le second hors de cete mêlée, que d'y voir entrer le tiers. Darifon se teut sans mot luy répōdre, & ainsi qu'il paroyt son

son écu au coup qu'Amadis lui vouloit ruer, Agraies se mit entre deus disant. Mō Signr, vous aués assés fait: Je vo' prie laifés moi céruï qui me menaçoit n'agues, quand il disoit qu'il marracheroit la langue. Mais Amadis (qui étoit en trop de furie) n'e l'entendit, & rua sus l'écu de Darifon tel coup qu'il mit à terre tout ce qu'il en rencontra, & passant l'épee outre ataignit l'arçon de deuant, portât le coup sus la tête du cheual de Darifon, de telle forte qu'il la lui fendit iusques à la cervelle: toute-fois Darifon eut tant de loisir, qu'il mit son épee dans les tripes de celui d'Amadis. Adoncq' le cheual se sentant navré, se print à fuir si fort, qu'il fut impossible à son maitre de l'arrêter: car en tirant contré, les rénes luy demourerent es mains. Lors voyât qu'il n'y auoit plus de remede, & que son cheual étoit prêt de le ietter hors du camp, il lui donna de l'épee sus la tête, & la lui fendit en deus, tōbant mort à l'instant sus Amadis, dequoy il se trouua tout brisé. Neant-moins il se releua, promptement, combien q' ce fut à grand' peine puis tenant tou-jours l'épee au poing vint contre Abiseos, qui aussi étoit sus bout & couroit ayder à son fis: car Agraies lui auoit donné tel coup sus l'armet que l'épee étoit entree dedás si auât, qu'il ne l'en pouuoit retirer. Pourtant Darifon vsant de reuence l'outrageoit aysément: & combien qu'Agraies fut sans épee, neantmoins il ne s'en trouuoit nulement étonné: car il se lança si legeremēt sus Darifon, qu'il n'eut moyen de le plus fraper: mais s'embracerent tirans l'un contre l'autre de si grand' force, qu'eus deus ensemble tōberent sus le camp. Lors Abiseos y suruint, qui se mit à chamailler Agraies, essayant par tous moyēs de le trouuer à découuert. Quād Amadis l'auisa en ce danger il s'auāça de le venir secourir: car il voyoit abiseos luy leuer le haubert pour lui mettre l'épee aus tripes: toute-fois quand il aperceut Amadis si près de lui, de peur laissa Agraies & courut pren-

dre son écu, & Amadis luy rua si grand coup dessus, qu'il lui en fit donner contre le nés si ferme qu'il cuida se laisser cheoir. A l'heure Agraies auisant son cousin si près, s'eforça d'autant plus à se releuer, & Darifon semblablement, si que chacū fut content de se deffaire de son ennemy. Au moyen dequoy Agraies (qui fut premier sus piés) choisit à terre l'épee de Darifon, de laquelle il se saisit, ce que voyant l'autre, arracha par force celle qui tenoit en son armet. Or étoit Agraies navré en la gorge & par sa plaie perdoit tant de sang, que toutes ses armes en étoient taintes, dont Amadis étoit fort déplaisant: car il pēsoit qu'il fut navré à mort, & luidit: Cousin réposés vo', & me laissés traiter ces traîtres: Mon Seigneur, répondit Agraies, ie n'ay (Dieu mercy) playe qui me garde de vous secourir, cōme vous pourrés maintenant voir. Or allons donc dit Amadis: & ce disant s'aprocherent d'Abiseos, & son fis, auxquels ils dōnerent mains grās cous: mais Amadis (à qui il fāchoit, pēsant qu'Agraies fut en danger pour sa playe) entra en plus grand' colere que deuant, & pourtant en plus de force: parquoy en peu d'heure il fit tel deuoir que les armes de ses ennemis furēt dehachées & mises en pieces éparfēs par le cāp tellement qu'il leur fut impossible de plus soutenir son rude assaut. A cete cause ils se mirent à tournoyer d'une part & d'autre, euitās au mieus qu'ils pouuoient le trenchant de l'épee d'Amadis, d'outans la mort. Ainsi se maintindrēt Abiseos & Darifon iusques à l'heure de tierce, qu'Abiseos connoissant que sa fin s'aprochoit prit son épee à deus mains & rua si rudement sus la tête d'Amadis que lon eut iugé n'être donné par homme aucunement navré: mais par personne sain & vigoreus: car il abatit grand partie du coing de l'armet, & descendit sus l'épaule gauche rompāt le harnois, & navrant grandement Amadis, lequel sentant cete douleur, ne tarda gueres à en rendre le payement à Abiseos: car

LE PREMIER LIVRE

il l'ataignit si mortellement sus le malheureus bras, duquel il auoit occis son frere, son Roi, & Signeur naturel, qu'il le lui separa du cors, ne tenât plus qu'au bout des côtés & tomba mort. Lors lui dit Amadis: Abiseos, Abiseos, c'est la punition du membre, par lequel tu te mis autrefois en l'état, auquel tu mourras. Et ce disant tourna sa veue sus Darison, & vit qu'Agrais lui auoit trêché la tête, dont ceus du pais furent tous éjouys, & louerent grandement nostre Seigneur, puis vindrent saluer Briolanie leur nouvelle Roine. Telle fut la malheureuse fin du pere & des enfans, seruant au-iourd'hui d'exemple pour ceus qui sont coutumiers d'usurper & prendre à tort le bien d'autrui, duquel le Seigneur Dieu patient & misericors leur permet iouir pour quel que tems: mais à la fin il décoche sa fagette contre eus, qui les fait tomber & entierement ruiner, pourtant chacun doit auoir deuant les yeus que nul mal demeure impuny, & qu'à la fin toute chose termine, fors la beatitude des ames celestes, & les crucimens des damnés miserables. Ainsi vous voyés quel profit raporta Abiseos & les siens, pour auoir occupé par tyrannie & homicide qu'il commit lui mêmes, en la personne de son frere ainé le Royaume de Sobradise. Certes nul autre sinon mort, & fin miserable, qu'ils receurent par Amadis & Agrais, lesquels les trainerent hors du camp puis s'enquirent s'il y auoit plus nul contredisant au droit de la belle Briolanie: & ils furent assurés que non, mêmes par l'un des plus grands Seigneurs du pais nommé Goman, qui témoigna avec cent Gentis-hommes ses parens, que tout le peuple étoit prêt de recevoir Briolanie comme leur Dame, & lui faire hommage comme ses feaus suets & vassaus. Parquoi Amadis & Agrais se retirerent au palais Roial, ou les conduit la nouvelle Roine. Là se desarmerent & furent mandés Chirurgiens, & Medecins pour guerir leurs playes, & ce pendant vindrent tous les sujets du Roiaume de

Sobradise faire les hommages, & sermens de fidelité à leur Princesse, qui les receut avec bon visage. Mais pour autant que les deus Cheualiers auoyent été fort navrés, & que leurs playes se trouverent dangereuses, tous yeus & ébats que l'on a acoustumé de faire en telles receptions & auenemens, furent remises iusques à ce que leur santé fut recouree: & pour ce faire il fut auisé, qu'ils auroient chacun leur chambre separee, à ce que nul ne parlât à eus, craignans qu'ils entrassent en fièvre continuë. Toute-fois Briolanie (non ingrate du bien qu'elle auoit receu par leur moyen) n'en parloit ne iour ne nuit, sinon à l'heure des repas, tellement qu'au moyen du bon traitement qui leur fut fait ils receurent tôt apres guerison. Voylà la vraye histoire: car le surplus qui se dit des amours de cete belle Princesse & d'Amadis, a été inuenté & augmenté ainsi que nous auons cy deuant recité pourtant nous nous en taisons, puis qu'il ne vient à propos, & que le contraire se pourra connoître, comme l'histoire declarera cy après.

Comme Galaor & Florestan cheminans vers le Royaume de Sobradise, rencontrerent trois Dames à la fontaine des Oliuiers.

CHAP. XLIIII.

ETans Galaor & Florestan au château de Corisande (comme vous aués entendu) sejournerent tant qu'ils leurs plaies furent guaries. Lors se delibererent de partir, & d'aller trouver Amadis au Roiaume de Sobradise, desirans sus toutes choses que le combat qu'il auoit entrepris ne fut encores encomencé, à ce qu'ils eussent part au peril & à la gloire qu'il en pourroit venir, s'il plaisoit à Dieu. Mais quand Florestan print congé de s'ameye, les angoisses & larmes d'elle furent tant extrêmes, qu'ils en eurent tous grande compassion, encores que dom Florestan l'assurât de retourner de bref vers elle. Ainsi se separerent, & étans armés

& montés s'embarquerēt avecques leurs Ecuyers, puis vindrent à terre ferme, & suivirent le chemin de Sobradise. Lors Florestan, dît à Galaor. Mon Seigneur ie vous supplie m'otroyer vn don. Lors Galaor se doutant qu'il lui vouloit demander ce qu'il luy demāda, lui répōdit: En bonne foy, mon frere, ie crains que ne me requeriés de chose qui me soit ennuyeuse. Non ferai Certes, dît Florestan. Demandés donc répondit Galaor ce que vous voudrés, & vous ne serés refusé. Ie vous prie, dît Florestan, que vous ne combatés sus ce chemin pour chose qu'il nous auie ne, tant que voyés que ie n'en puisse plus. Vrayement, répondit Galaor, vous ne me tenés pas promesse. Ie vous prie, dît Florestan, ne vous fâcher: car si ie vaus quelque chose, c'ēt aussi bien vōtre honneur que le mien. Et bien répōdit Galaor. Ain si cheminerēt ensemble quatre iours durans, sans trouver auenture digne de reciter: mais au cinquième ils atriuèrent environ Soleil couchant, près d'une tour assés près de laquelle rencontrèrent vn Cheualier, qui affectueusemēt les pria de loger chés luy, ce qu'ils luy acorderēt. Lors descendirent & vindrēt valets les desarmer: puis, en atendant le souper, le Seigneur de leans eut diuers propos avec eus. Or étoit il de belle taille & bien parlant: mais il se montroit tant triste & pensif, qu'ils s'en ébaïssoyent, & tant que dom Galaor ne se peut plus contenir qu'il ne lui dît Seigneur, il nous ensemble que vous n'êtes point si ioyeux qu'il vous fut besoin: mais si vōtre tristesse se peut amoindrir par ayde q̄ vous puissions faire: dites le nous, & de bō cueur nous nous y emploierons. Mile mercis, répōdit le Cheualier, ie croy assuremēt, q̄ cōme bons Cheualiers vous feriés ce q̄ vous dites: tant y a q̄ ma melancolie procede de grand' amour, & pour cete heure vous n'ē sçaurés d'auātage, s'il vous plaît: parquoi mirēt fin à ce propos, & s'en allerēt souper. Puis venāt l'heure de se retirer, Galaor et son frere

re furent cōduits en vne chābre assés belle, ou ils repōserent iusques au lēdemain, qu'ils s'armerent & monterēt à cheual avec leur hôte, qui les voulut cōduire, cheuauchāt vn gentil cheual d'Epaigne, sans (toutefois) qu'il eut nul harnois en dos, & ce faisoit il pour voir ce qui leur auendroit le lōg du chemin qui les guideroit, ou il espéroit les voir cōbatre, & s'ils étoient vaincus ou morts fuir legieremēt. Ou biē pour plus dextremēt dōner carriere & faire épnader son cheual: Car c'étoit l'un des Cheualiers de toute la cōtree qui mieus sçauoit manier vn coursier, & s'e aider au besoing, de sorte q̄ non seulement il en étoit estimé sus tous autres Gentis hōmes ses cōpagnons: mais étoit en bonne reputatiō envers les Princes & grans Signeurs mêmes des Dames & Damoiselles, entre lesquelles l'une l'en ayma si parfaitemēt, q̄ pour luy elle endura la force & paine que vous pourrés entēdre cy après. Or tāt cheminerent, qu'ils arriuèrent en vn lieu nōmé la fontaine des trois Oliuiers, pource qu'elle étoit au milieu de trois Oliuiers hauts & drois. Aprés déquels ils auiserēt trois Damoiselles assés belles & bien parees, & vn Nain assis au haut de l'un des arbres. Lors Florestan piqua deuant, & s'aprochant des Damoiselles, les salua courtoysement, cōme celui qui étoit sage & biē appris: L'une d'elles lui rendant son salut lui dît: Seigneur Cheualier, si Dieu a mis en vous autant de bonrē, q̄ de beauté, il vous a fait beaucoup de grace. Damoiselle m'amy, répōdit Florestā, si vous trouvés en moy quelque beauté vous y trouuerés mieus la force, si en aués besoing. Vous parlés si biē, dît elle, q̄ ie vens tout maintenāt essayer si vous êtes assés gētil compaignon pour m'enleuer de ce lieu. Vrayement, dît Florestā, puis q̄ vo' en voulés venir, vous viendrés (s'il vous plaît) quand & moy. Lors cōmanda à ses Ecuyers, qu'ils la missent sus vn palefroi ataché à l'un des Oliuiers. Mais quād le Nain s'e aperceut, il se print à crier à haute vois:

Sortés, Cheualier, sortés, lon emmene vō-
vōtre amie. Ace cri, saillit d'une vallee vn
Cheualier biē armé & mieus mōté, lequel
dît à Florestā: Qui vous meut, beau sire,
de toucher à ma Dame? Je ne croi pas
qu'elle soit vōtre, répōdit Florestan, puis
qu'elle me prie de l'emmenier. Encores,
dît le Cheualier, qu'elle le vueille, il ne
m'ēt pour le present agreable & si l'ay de-
fendūe de meilleurs que vous n'êtes. Je ne
sçay quelle deffēse vous en aués faite, ré-
pōdit Florestā: mais elle viēdra avecques
moi si ie puis. Par Dieu, dît l'autre, vous
sçaurés deuant qui sont les Cheualiers de
ce val, & cōme ils sçauent bien deffendre
celles qu'ils ayment de bonne amour. Or
auant doncques, répōdit Florestan. Lors
mettans les lances aus arrêts, coururent
soudainemēt l'un contre l'autre, & se dō-
rēt si rude atainte, q̄ le Cheualier brisa
son boys, & Florestan le poussa de telle
sorte, qu'il lui fit donner de l'écu si rude-
ment contre l'armet, q̄ les laqs se rōpirent
& le desarma de la tête: & (qui pis ēt) il
tomba si lourdemēt dessus son ēpee, qu'il
la mīt en deus pieces, & Florestā par fai-
sant sa car ierre passa outre, ayant encores
la lāce entiere. Puis tourna visage au Che-
ualier: mais il l'uīsa qu'il ne remuoit ne
piē ne main: parquoy s'aprocha de lui, &
lui mīt la lāce contre l'estomac, lui criāt:
Paillard, tu es mort, si tu ne te rēds. Lors
le Cheualier revint de pāmoison. Et se
voyant en tel danger, dît: Seigneur, pour
Dieu mercy. Il faut répōdit Florestan, q̄
tu m'otroyes doncq̄s la Damoiselle mien-
ne: Tout ce qu'il vous plaira, dît le Cheua-
lier: q̄ m'audite soit elle, & le iour qu'onc-
ques ie la vi: car elle m'a tant fait faire de
folies q̄ i'en suis perdu. Lors Florestan le
laissa, & retourna à la Damoiselle, à la-
quelle il dît Damoiselle m'amyce vous é-
tes maintenāt mienne, Aussi m'aués vo^s si
biē cōquise, répōdit elle q̄ vous poués fai-
re de moi tout ce qu'il vous plaira. Allōs
doncq̄, dît Florestan. Adoncques l'une de
ses compaignes commença à dire: Ha ha

Signeur! voulés vous ainsi separer si bōne
compaignie? Il y a vn an & plus que nous
n'auons habondoné l'une l'autre, & nous
fāche biē à present de nous departir. S'il
vous plaīt venir avec q̄elle, répōdit Flo-
restan, ie vous conduiray, & ainsi serés
vous tou-jours ensemble, & autre chose
ne vous puis faire: car ie ne laisserois (pour
rien) vne si belle Damoiselle. Je ne m'ēsti
me tant layde, dît l'autre, que quelque bō
Cheualier ne vouist bien entreprendre
pour moi aucune grande auenture: toute-
fois ie croy bien que vous n'êtes de ceus
la qui ont tant de hardisse. Comment ré-
pōdit Florestan, pensés vous que ie vous
laisse de crainte? Je vous promets ma foi
(nétoit que ie ne voudrois vous enlever
par force) vous en viendriés presentemēt
Et ce disant, commanda à l'un de ses E-
cuyers qu'il la mīt sus vn palefroi, si elle
vouloit. Adonc le Nain s'écria comme
au premier: parquoy peu après sortit le
secōd Cheualier, qui sembloit fort adroit
& après lui vn Ecuyer qui portoit deus
lances. & dît à Florestā: Damp Cheualier,
vous aués gaigné vne Damoiselle, & non
cōtent vous voulés encores l'autre: mais il
faudra que vous les perdiés toutes deus à
vn coup, & vōtre tête ensemble. Car il n'a
partiēt, à Cheualier (de telle race q̄ vous
êtes) auoir en sa garde dame desī grād'guī-
se. Vous vous vantés beaucoup, dît Flo-
restan, veu qu'il y a en mō lignage deus Che-
ualiers, le moindre dequels i'aymerois
mieus à mon ayde, que vous, & les deus
meilleurs des vōtres. Pour tant priser les
tiens (dît le Cheualier) ie ne t'en estime
d'auantage. Aussi n'ay-ie affaire qu'à toy,
que ie repoute autant peu que rien, enco-
res que tu ayes gaigné vne Damoiselle de
celuy qui mal l'a peu defendre: laquelle
sera mienne si riē vains. Et aussi si ie
suis vaincu, tu les auras toutes deus en-
semble. Ce party me contente, répōdit
Florestan. Or te garde maintenant si tu
veus, dît le Cheualier. Lors donnerēt des
esperons à leurs cheuaus, léquels au plu-
tôt

tôt courir qu'ils peurent, vindrent l'un contre l'autre. Le Chevalier ataignit Florestan en l'écu, qu'il faucha & arrêta le coup contre le harnois qui étoit fort, & bien maille, volant la lance en éclars. Et Florestan passant outre faillit d'atainte, parquoi le Chevalier print l'autre lance que tenoit son Ecuyer: mais Florestan fut si honteux & dépité de la faute qu'il auoit faite deuant son frere, qu'il tourna promptement visage, & donna à l'autre de sorte, qu'il lui faucha l'écu & le bras ensemble, donnant contre la cotte de maille de telle sorte, qu'il le desarçonna & le ietta sus la croupe de son cheual, & passant outre, le poussa des iambes si lourdement, qu'il le fit choir sus le champ qui étoit dur, dût il print un tel saut, que il demoura transy, sans aucunement se remuer. Quand Florestan le vit ainsi, il dit à la Damoiselle: Damoiselle, vous êtes mienne, puis que vôtre ami ne vous à peu defendre, non pas soy-mêmes. Il me l'êt bien auis, répondit elle: Adonques Florestan regarda l'autre Damoiselle, qui demouroit seule tant triste que merueille, & lui dit: Sus ma foi, Damoiselle m'amy, s'il ne vous déplaisoit ie ne vous laisserois. Quand la Damoiselle l'entendit, elle ieta son regard sus le Seigneur de la tour, & lui dit: Amy ie vous conseille que vous en alles d'icy, veu que vous sçavez bien que ces deux Cheualiers ne sont sus filans pour vous deffendre de celui qui viendra presentement, & que s'il vous treuve, vous mourés. En bonne foi, ma Damoiselle, répondit il, si verray-ie ce qu'il en aniendra: car mon cheual êt bon coureur, & ma tour forte & bien fermee, pour me garder de lui. Helàs dit elle, gardés vous tôt! Vous n'êtes que trois encores êtes vous desarmés, & si sçavés bien que contre lui, c'êt autant que rien. Quand Florestan, vit qu'elle prisoit tant celui qui étoit à venir, il eut encores plus d'envie que deuant d'en leuer la Damoiselle pour le voir: parquoi la fit prendre par un Ecuyer & monter à cheual, côme les autres. Lors le Nain qui

étoit au dessus des Oliuiers, lui dit: Par dieu Chevalier, en mal-heure eûtes vous tant de hardiesse: car presentement viendra celui, qui sçaura venger ses compagnons, & lui ensemble. Puis cria à haute voix: Au secours, Seigneur vous tardés beaucoup. A ce cry sortit du val un Chevalier armé d'unques armes my parties d'or, monté sus un cheual bai tant grand qu'il sembloit que le Chevalier fut un Geant dessus, & eut on peu iuger qu'il y auoit en lui beaucoup de force. Or étoit il tout armé sans qu'il y eut rien decouvert. Et le suyuoient deux Ecuyers armés de harnois & cabassets, comme sergens, et portoyent chacun une hache grâde & bien taillante, dequelles le Chevalier se sçauoit dextrement ayder. Et aussi tôt qu'il fut près de Florestan, il lui dit: Chevalier, arrête, & ne fui: car ta fuite ne te pourra garder que tu ne meures, & vaut mieus que ce soit côme gentil Chevalier, & non côme couard, puis que par couardie ne peus nullement échaper. Quand Florestan s'entendit menacer de mort, & dépriser comme peu hardi, il fut si dépit que merueilles, & lui répondit: Vien vien, personne chetive, & sans raison: car ainsi Dieu m'aide, ie te crains aussi peu qu'une lourde bête, sans pouvoir et sans cueur. Par Dieu, dit le Chevalier, ie suis trop déplaisant que ie ne pourray être vengé par chose que ie te face: mais ie voudrois que les quatre meilleurs de ton lignage, fussent maintenant avec toi, à ce que ie leur trenchasse les têtes, comme ie feray la tienne presentement. Garde toy seulement de moi, répondit Florestan: car j'espère avec l'aide de Dieu, que ie les pourray excuser, & te faire en celà leur lieutenant. A l'heure coururent l'un contre l'autre, bien couverts & de grâde colere, & se donnerêt sus leurs écus telle atainte, qu'ils les faucherêt & démaillèrent leur harnois. Mais le grâde Chevalier perdit les étriers, tellement que s'il n'eut embracé le col de son cheual, il fut tombé par terre, & passant Florestan, ou-

LE PREMIER LIVRE

tre rencontra au bout de la carriere l'un des Ecuyers, auquel il arracha la hache qu'il tenoit, le poussant si lourdement, qu'il renversa, luy & le cheual emmy, le champ, puis tourna visage contre le Cheualier qui s'étoit redressé & reprins ses étriers avecques la hache que portoit l'autre Ecuyer. Lors s'aprocha de Florestan, & comença le combat entr'eus deus, se donnant si grands coups sus leurs heaumes (équels encores qu'ils fussent de fin acier) les haches entrèrent plus de trois doigts. Adoncques Florestan se trouva si chargé qu'il fut contraint souvent de donner du menton contre l'estomac, mais le grand Cheualier eut encores pis: car il fut si étourdi, que laissant sa hache dans l'armet de Florestan, demoura si faillie, qu'il mit sa tête sus le col du cheual sans la pouvoir redresser. Parquoy Florestan le voyant découvert lui donna entre le heaume & la brigandine tel coup, qu'il lui mit la tête a ses piés. Celà fait retourna vers les damoisselles. Lors la premiere conquise lui dit: Certes bon Cheualier, il a été telle heure, que ie pensois que dis tels que vous êtes ne nous eussent peu conquerir ainsi que vous aués fait, parquoy il est bien raison que nous soyons vôtres, Adoncques s'aprocha celui qui les auoit logés la nuit precedente. Lequel comme il a été n'agueres recité, étoit ieune Cheualier, beau, et trédispos, lequel dit à Florestan: Seigneur j'ayme tant cete Damoiselle, & elle moi, que nous auons cuidé mourir l'un pour l'autre, par trop aimer: mais depuis vn an, le grand Cheualier que vous aués occis, la detenoit par force. Parquoy maintenant que ie la puis auoir par vous, ie vous supplie Seigneur, en être content & me la donner. Vrayement mon hôte, répondit il, s'il est ainsi que vous dites, vous trouverez en moi vn bon adiuteur: toute-fois contre sa volonté ie ne le permettrois à vous, ou à autre. Helàs Seigneur dit la Damoiselle, faites moi ce bien: car ie suis entierement siene. I'en suis trécotent, dit Florestan, ie

vous mets en vos libertés, pour faire ce que vous voudrés. Grand mercy, dirent ils. Puis prindrent congé de Florestan & de Galaor, & emmena le Cheualier quāt & soi son amye nouvellement recōquise, avec le cheual du grād Cheualier q̄ Galaor lui dōna pource qu'il luy sembla l'un des plus beaux qu'il eut oncques veu. Ainsi de meurerēt les deus freres seuls avec les autres deus Damoiselles, dequelles, Florestan print l'une, priāt l'autre, qu'elle fit ce que son cōpagnon voudroit. Cōment dit elle, me voulés vous donner à celui qui vaut encores moins q̄ vne fēme? qui n'agueres vous à veu en si grād danger sans s'être mis en effort de vous secourir? En bonne-foi ie croy, q̄ les armes qu'il porte sōt plus pour quelque autre, q̄ pour lui, sēlō le peu de cuer qu'il a. Damoiselle m'amy, dit Florestan, assurez vous q̄ ie vous dōne le meilleur Cheualier qui soit au iourd'hui au mōde, excepté Amadis mon Seigneur. Lors la Damoiselle se mit à le regarder, et le vit tant ieune & beau, qu'elle fut toute émerueillée de tant de biē q̄ lon disoit de lui, & fut contente d'être siene. Par ce moyē elles furent pour ce coup toutes de^e pourueuēs d'amys, avec léquels elles s'e allerēt loger en la maison d'une Damoiselle seur du Gentil-hōme qui les auoit receus la nuit precedente laq̄lle leur fit tout le seruice qu'elle peut, quād elle fut auertie de ce q̄ leur étoit adueni. Leās repōserēt la nuit, puis le lendemain matin délogerent, & dirent aus Damoiselles. Mes amyes nous sommes contrains cheminer par maintes terres, ou vous auries trop de trauail à nous suivre, pourtāt dite nous ou il vous plait que nous vous conduisions. Puis qu'ainsi ēt, dirent elles: il y a quatre iournees d'icy (sus le chemin q̄ vous allés) vn château, appartenant à nōtre tante, ou, s'il vous plaît, nous menerés, puis faites ce qu'il vous plaira. Or allons donc. Et en cheminant. Galaor demāda à la Damoiselle, comme le Cheualier les tenoit à la fontaine. Ie le vous dirai, répōdit

dit elle. Entendés que ce grād Cheualier qui mourut au combat, aymoît grandement la Damoiselle, que vôtre hôte a emmenée avec soy, & elle le hayoit sus tout autre, & aymoît seulement celui, à qui elle à été nouvellement donnée. Et pource que ce Cheualier étoit le meilleur de toute la cōtree, il la detenoit par force, sans aucun contredit, encores que la Damoiselle ne lui vouloit faire chere. Ce non-obstant, il l'aymoit tous-jours, sans lui vouloir déplaire. Parquoy vn iour, il lui dit: Ma grand' amye, à fin que par grand' raison ie sois de vous aymé & traité, comme le meilleur Cheualier du monde, ie ferai pour l'amour de vous, ce que ie vous diray. Il y a vn Cheualier nommé Amadis de Gaule, estimé par tout le mōde le meilleur Cheualier de la terre, lequel occit en la court du Roi Lisuart, vn mien cousin, nommé Dardan le superbe: ie le chercherai, & lui couperai la tête, tellement que toute sa renommée se tournera en moy, & attendant que celà se face, ie vous baillerai pour compagnie deus des plus belles Damoiselles de tout le païs, ausquelles ie donnerai, pour amis, les deus meilleurs Cheualiers de mon lignage, & chacun iour ie vous menerai à la fontaine des trois Oliuiers, qui est le grand chemin des Cheualiers errans, & s'ils vous cuident enleuer, vous y pourés voir maintes belles ioutes, & celles qu'y feray, pour l'amour de vous, qui vous dōnera ocasiō de m'aimer, ainsi que ie vous ayme. Voylà comment nous fūmes prinses, & baillées aus deus premiers Cheualiers, qui ont été vaincus lesquels nous ont tenues vn an durant, faifans tous les iours maints cōbats, ou vous les trouuâtes. Certainement, ma grand' amye, dit Galaor, la pensée de ce Cheualier étoit assés grande, s'il l'eut euee, comme il presumoit: mais ie croy, qu'il se fut trouvé en autant de danger, qu'il s'est trouvé, s'il eut rencontré cet Amadis, qu'il desiroit trouver. Je le ctoi biē

plus qu vous autres. Cōme se nōmoit il? dit Galaor. En bōne foi, répōdit elle, il auoit non Alimias. Et estimés, que si son grand orgueil ne l'eut abusé, qu'il étoit trégentil personnage, & adroit aus armes. Tels & semblables propos eurent les Cheualiers, & Damoiselles ensemble, iusques à tant qu'ils arriuerēt au château de la tâte, ou ils furēt biē receus, mêmes quād on lui dit, qu' dom Florestā auoit occis Alimias, & ses cōpagnons qui tenoyent par force ses nieces, lesquelles furēt laissées avecq' elle & prindrēt les deus Cheualiers cōgé de leurs amyes pour aller au Roiaume de So Bradise, ou ils furent auertis (auant qu' d'entrer en la ville) cōme Amadis, & Agraies auoyēt occis Abiseos & ses deus fis, ayās rendu Roine paisible Briolanie, dōt ils eurent trégrand plaisir, louans Dieu de cete fortune. Puis vindrent descendre au Palais, sans que personne les cōneut, iusques à ce qu'ils fussent deuant Amadis & Agraies: lesquels étoyēt déjà guéris de leurs playes & deuisoient avec la belle Roine Briolanie à l'heure qu'ils se présenterent. Or entendés, qu' la Damoiselle qui auoit conduit Galaor (ou étoit Florestā) les auoit laissés après leur cobat, & étoit venu deuant vers sa maitresse, à laquelle elle auoit conté, & à Amadis, aussi la connoissance de Galaor & de Florestā, & quelle fin auoit eu leur mêlée. Parquoy à leur arriuee, Amadis les vint tous deus embracer: mais Florestā mit les genous à terre pour lui baiser les mains ce qu' Amadis ne voulut permettre, ains le releua, puis se mirent à deuiser de leurs auentures passées. Mais vn iour entre autres, la nouvelle Roine Briolanie (après mains festimens & bonnies cheres, qu'elle leur fit) voyant que les quatre Cheualiers deliberoyent de partir, considerant le bien qu'elle auoit reçu par Amadis & Agraies & qu'elle (qui souloit être pauvre Pinceffe d'esheritee) étoit par leur moyen restituée en son Royaume, voyant la rouë de Fortune muée, & que tels per-

LE PREMIER LIVRE

personnages étoient non seulement pour luy ayder à l'auenir à garder ses pais: mais assés puissans pour eus mêmes être Rois & grans Signeurs, se vint ietter à genous deuant eus, rendant premierement graces à Dieu, qui lui auoit fait tant de bien, que de la regarder en pitié, & continuant son propos, dit: Croyés, mes Signeurs, que telles mutations sont des merueilles du Seigneur tout puissât: lesquelles nous sont admirables & les tenons pour trèsgrâdes: mais à son regard, c'est moins que rien. Voyons donc maintenant s'il seroit bon

de fuir, & abhorrer les grâdes Signeuries, & richesses pour lesquelles aquerir, nous auons tant de trauaux & d'ennuys, & pour les garder innumerables angoisses & tristesses, & cōme superflus les deicter, d'autant qu'elles sont tourmens de cors & d'ames, incertaines, & non permanentes. Quant à moi, ie dy que non: mais i'affirme, qu'elles étans loyaument aquises, en vsant modestement, & dispersant selon Dieu, elles sont en ce monde repos, plaisir, ioye, & chemin pour paruenir en la gloire eternelle.

Acuerdo Oluido.

F I N.

LE PETIT ANGE VIN AVS DAMES FRANCOYSES.

D I X A I N.

*Or aués vous, Dames de cuer humain,
Vōtre Amadis en si petit volume,
Que le pourrés porter dedans la main
Plus aysement beaucoup que de coutume.
Recenés doncq' de cete docte plume
Les traits dorés & propos graciens,
Si que vos cueurs, par danger soucieus,
Puisseut trouuer remede à leur malayse
Dans ce sujet d'amour delicieus,
Qui tout ennuy, dueil, & courroux apaise.*

Probé, & tacité.

DE L'IMPRIMERIE DE CHRISTO-
PHLE PLANTIN M. D. LX.



LE DEVSIE'ME LI-
VRE D'AMADIS DE
GAVLE.

Mis en François par le Seigneur des Essars Nicolas
de Herberay, Commissaire ordinaire de l'artil-
lerie du Roi, & Lieutenant en icelle, és pais &
gouvernement de Picardie, de Monsieur de Bris-
sac, Cheualier de l'ordre, grand Maitre & Capi-
taine general d'icelle artillerie.


ACVERDO OLVIDO.

A ANVERS,

Chés Iean VVaesberghe, sus le Cemitiere nôtre
Dame, à l'Ecu de Flandres, sus le
Marché des Toiles.

M. D. LXI.

AVEC PRIVILEGE
DV ROI.



A V L E C T E U R,

S O N N E T.

Benin Lecteur, de jugement pourueu
Quand tu verras l'inuentiou gentile
De cet Auteur: contente toi du stile,
Sans t'enquerir, s'il êt vrai ce qu'as leu.

Qui êt celui, qui peut dire: j'ai veu
Blâmer Homere, ou acuser Virgile,
Pourn'être vrais, ainsi que l'Euangile,
En écriuant tout ce qu'il leur a pleu?

Quand Apelles nous a paint Iupiter
En cigne blanc, Thoreau, ou autre bête;
Des anciens il n'a été repris.

Doncq' si tu vois en ce Liure, imiter
L'antiquité, louë l'effort honneste:
Car tout bon œuure êt digne de bon pris.

LA TABLE DV SECOND LIVRE
D'AMADIS DE GAULE.

ET PREMIEREMENT:

LE Second liure d'Amadis de Gaule, au commencement duquel sera fait description de l'Isle Ferme, qui y fit les enchantemens, & mit les grands tresors qui s'y trouuerent. Et fait l'auteur ce discours, pource qu'au quatrieme liure il n'est quasi propos d'autre chose, que de ce qui auint en icelle Ile, tant à Amadis, qu'à maints autres Cheualiers étranges. Chapitre I. Fueille 1.

Comme Amadis, Galaor, Florestan, & Agrayes, ayans pris congé de la belle Briolanie, pour retourner vers le Roi Lisuart, furent conduits en l'Isle Ferme pour y éprouuer l'arc des loyaus amants, & les autres auantures d'icelle. chap. ij. 2

Comme Durin s'en partit pour aller vers Amadis, auquel il presenta les lettres d'Oriane: & du mal qui en auint. chap. iij. 6

Côme Gandalin & Durin suivirent le chemin qu'Amadis auoit prins, & lui porterent ses armes qu'il auoit oubliées, puis le trouuerent dormant. chap. iiij. 7

Quel étoit le Cheualier vaincu par Amadis: & de ce qui lui étoit auenu auant qu'il eut combat contre lui. chap. v. 9

Comme dom Galaor, Florestan, & Agrayes entreprindrent la quête d'Amadis, lequel ayant laissé ses armes, changea son nom, & se retira en vn Hermitage, pour y viure solitairement. chap. vj. 11

Comme Durin retourna vers la Princesse Oriane, à laquelle il fit entendre les piteuses nouuelles d'Amadis, & du grand dueil qu'elle fit après auoir sceu le desespoir de lui. chap. vij. 14

Comme dom Guillan le Pensif, porta en la court du Roi Lisuart l'écu & les armes d'Amadis, qu'il auoit trouuees à la fontaine du plain cháp, sans aucune garde. chap. viij. 16

Comme étant le beau tenebreus en la Roche Pauvre avec l'Hermite, y arriua vne nef, en laquelle étoit Corisande, cherchant son ami Florestan: & de ce qui leur auint. chap. ix. 18

Comme étant la Damoiselle de Dannemarc en la quête d'Amadis après maints grands trauais qu'elle eut, trauersant plusieurs Iles étranges, arriua de fortune en la Roche Pauvre, ou étoit Amadis, que lon appelloit le beau Tenebreus, lequel elle reconneut: & s'en tetournerent ensemble vers Oriane. chap. x. 21

Comme Galaor, Florestan, & Agrayes partirent de l'Isle Ferme pour aller

LA TABLE.

ler chercher Amadis, duquel ils ne peurent auoir nouuelles pour diligence qu'ils fissent. chap.xj. 23

Comme étant le Roi Lisuart à table, se vint presenter vn Cheualier étrange armé de toutes pieces, qui le deffia, des propos que Florestan eut avec lui. chap.xij. 27

Comme le beau Tenebreus enuoya faire faire vn nouveau harnois à Londres, par Enil son Ecuyer. chap.xij. 30

Comme après que le beau Tenebreus eut acheué ses auantures, il se retira à la fontaine des trois canals, & de là print le chemin de Mirefleur ou il trouua Oriane, avec laquelle il demoura huit jours entiers. chap.xiiij. 34

Comme la Damoiselle de Dannemarc fut enuoyee à Londres, scauoir qu'elle réponce Enil auoit obtenue du Roi, sus le saufconduit que demandoit le beau Tenebreus. chap.xv. 37

Comme après que le beau Tenebreus eut ramenee Oriane à Mirefleur, il s'en partit pour être en la bataille avec le Roi Lisuart. ch.xvj. 41

Comme le Roi Cildadan & Galaor, à leur deceu, furent emportés par douze Damoiselles, & mis l'un en vne forte tour, enuironnee de Mer: & l'autre en vn jardin clos de hauts murs, ou ils pensoyent être en prison: & de ce qui leur auint. chap.xvij. 45

Comme le soir ensuiuant, étant le Roi hors de table, se promenant le long des galeries de son palais, auisa en mer deus grans feus qui venoyent droit à la ville. chap.xviij. 49

Comme étant le Roi Lisuart prêt à monter à cheual, pour executer l'entreprinse qu'il auoit faite sus l'Ile du Lac Ardan, se presenta deuant lui vne Damoiselle Geante, pour scauoir de lui, s'il lui plaisoit remettre la querelle qu'il pretendoit en ce voyage sus le combat d'Ardan Canile, contre Amadis de Gaule. chap.xix. 51

Comme Bruneo de bonne Mer combatit Madamain l'Ambitieux, frere de la Damoiselle injurieuse. chap.xx. 57

Comme Amadis avec plusieurs de ses compagnons quiterent le seruice du Roi Lisuart, & s'en allerent éprouuer les auantures, tant de l'arc des loyaus amoureux, que de la chambre Defendue. chap.xxj. 61

Comme Oriane se trouua en grand' perplexité, non seulement à cause du departement d'Amadis: mais pour ce qu'elle se sentit grosse d'enfant. chap.xxij. 65

FIN DE LA TABLE.

LE SECOND LIVRE D'AMADIS
DE GAVLE, AV COMMECEMENT DVQUEL
SERA FAIT DESCRIPTION DE L'ILE

Ferme: qui y fit les enchantemens, & mit les grans trefors
qui s'y trouverent. Et fait l'acteur ce discours, pource
qu'au quatriéme livre il n'êt quasi propos d'au
tre chose, que de ce qui auint en icelle
l'ile, tant à Amadis, qu'à maints
autres Cheualiers étranges.

CHAPITRE PREMIER.



Ly eut vn Roi en Gre-
ce, marié avec la seur
de l'Empereur de Con-
stantinople, de laquel-
le il eut deus fis, excel-
lens en toute perfectiõ
de cors, & d'esprit. Spe-

cialement l'un nommé Apolidon, lequel
fut si bien nai & nourri, qu'il ne trouuoit
son égal, en quelque acte vertueux, ou il
s'apropriât. Cét Apolidon estudia en tou-
tes sciences: auxquelles il profita tellemēt
qu'oütre qu'il fut l'un des meilleurs Che-
ualiers du mōde, il reluisoit par son sça-
uoir entre les hommes de son tems, com-
me fait la Lune entre les étoiles: même-
ment en l'art de Nigromāce par lequel il
fit maintes choses, qui paroissoient exce-
der le pouoir des hōmes. Or étoit le Roi
(pere de ces deus ieunes Princes) puissant
en terres & grās trefors: mais par trop de-
bile de cors pour son anciē âge. Parquoy
connoissant la fin de ses ans vieus, vou-
lut auant qu'il mourir, faire partage de tout
son bien à ses enfans à ce qu'après son de-
ces ils n'eussent ensemble debat, ou cōten-
tion. Et de fait, étant Apolidon l'aîné, l'in-
stitua Roi, & son principal heritier, & in-
uestit l'autre de tous ses trefors & biens
meubles: entre lesquels y auoit maints ex-
cellēs livres d'ineestimable valeur. Tou-
tefois il n'eut ce partage agreable, & s'en

Am. 2.

plaignit au Roi, le supliant treshumble-
mēt auoir égard, qu'il par le peu qu'il lui lais-
soit il le redroit pauvre & quasi desherité.
Lors le vieil pere, cōnoissant le méconten-
temēt de son fis (qui étoit ce, qu'il plus il crai-
gnoit) fut grandement déplaisant, toute-
fois il ne vouloit reuoker ce, qu'il auoit
fait, sans le consentement d'Apolidon le-
quel en étant auerty, lui vint dire en la
presence de son frere. Sire ces iours pas-
sés j'ay entendu de plusieurs, qu'il mon frere
n'êt content du partage qu'il vous a pleu
nous ordonner, & pource que ie sçay l'en-
nuy que ce vous'êt voyant l'amytié entie-
re de luy & de moi en branle d'être rom-
puë, ie vous supplie humblement reprēdre
tout ce qu'il vous a pleu me dōner, & l'en
pourvoir. car ie me tiendrai heureux de fai-
re chose qui dōne repos à vōtre esprit, &
trebien apenné d'auoir ce, qu'il vous luy a-
ués laissé. Lors le Roi voyant la bonté de
son fis Apolidon, & l'obeissance qu'il luy
rendoit, se trouua tant ayse & surprins de
si grand'ioye, que l'esprit de lui (con-
noissant qu'il ne pourroit laisser son cors
en plus de contentement) s'en volla au
ciel: laissant ses deus enfans en l'amytié
qu'il desiroit. Ce non-obstant, après que
le cors fut inhumé, & que lon eut mis
fin aus honneurs funebres acoutumés, A-
polidon fit equiper & armer quelques na-
uires, dedans lesquels (étant embarqué

A

avec

LE SECOND LIVRE

avec aucuns Gentis-hommes ses amys) voyant que le vent fauorisoit à son intention, commanda tirer les ancrs, & tendre les voiles: lesquelles furent incontinent singlées de telle roydeur, qu'en peu d'heure les néfs élongnerēt le pais de Grece, Et toute fois Apolidon n'auoit encores delibeté en quelle part il prendroit terre: mais suyuant la fortune, poussée par le vent, découurit le pais d'Italie, contre lequel il tira, & y print port. De quoi l'Empereur Siudan, enuoya plusieurs grands Signeurs vers lui, le prier de venir à Rome: ou il lui seroit fait tout le bon traitement dont il se pourroit auiser. A quoy Apolidon obtempera: & de fait étant arriué, l'empereur lui fit si grand honneur, qu'encores qu'il n'esperāt sejourner avec lui plus de huit iours, changea propos, & y demeura long tems. Durant lequel il fit tant d'armes, & si grande cheualerie, qu'il aquit entre les Romains reputation du meilleur Cheualier du monde: avec l'amour d'une ieune Princesse, seur vniue de l'Empereur, nommee Grimanese, la plus belle Dame de la terre. Et combien que leur amour fut mutuelle, neantmoins cete belle Dame étoit tellement gardee, qu'elle ne pouvoit sati-faire à son affection, ny au desir commun d'eus deus: parquoy vn iour (deuisans plus priuément qu'ils n'auoyent encores fait) Amour leur moyenna le consentement d'eus en aller ensemble, pour iouir l'un de l'autre, selon que leur passion les contraindoit: en maniere qu'ils mirent leur vouloir à execution. Car la belle Grimanese vint trouver par vne nuit acordee, son amy Apolidon, qui l'atendoit sus la riuere de l'eau, ayāt fait equiper vaisseaus pour eus embarquer: ce qu'ils firent. Puis à force de vent, vindrent en peu de iours arriuer au pié de l'Ile Ferme, laquelle pour lors étoit ocupée par vn Geant, dont Apolidon & ceus de son navire étoient ignorans. Au moyen de quoi, pensans être en lieu de repos, descendirent à terre, & fu-

rent tentes & paillons tendus, pour eus refraîchir: car Grimanese (qui n'auoit accoutumé le trauail de la mer) se trouuoit lassé à merveilles. Mais à l'heure qu'ils pésoyent être plus à repos, le Geant qui les auoit decouverts, les surprit de si près, qu'Apolidon n'eut quasi loysir de s'armer: dont Grimanese fut tant épouuētee, qu'elle cuyda mourir de frayeur car le Geant la prenant par la main dît à Apolidon: Vassal, encores que ie ne sois coutumier faire gracieuseté à nul, si suis-ie content pour ce coup de te permettre combattre contre moy seul: par tel si, que si tu es vaincu, cete belle Dame me demeurera, & te ferai puis apres pendre au mast de cete tente. Quand Apolidon entendit, qu'il par combattre vn tel monstre il pourroit sauuer lui & s'amy, il print si grand cœur, qu'il lui sembla facile de le pouoir defaire: & se reputoit heurus, quand Fortune lui aprêtoit ocaſion de faire cōnoître deuant Grimanese, combien il pouoit & auoit en soy de cheualerie. Parquoy sans gueres differer, commença le combat d'eus deus lequel dura peu: car le Geant pressé de près tomba en arriere. Lors Apolidon se iera sus lui, & lui trencha la tête. Ce que sçachant les habitans de l'Ile, se vindrent tous offrir à luy: le supplians demeurer avecques eus, & être leur Signeur & protecteur. Ce qu'il leur accorda, parquoy ils le conduirent avec grande magnificence, par toutes les forteresses de la contree: lesquelles il trouua en si bon equipage, qu'il ne douta de là en auant la puissance de l'Empereur, s'il essayoit le vouloir outrager, pour le rauissement qu'il auoit fait de sa seur. Et depuis à la persuaſion de Grimanese, il y fit edifier vn des plus beaux palais, qu'on eut sceu trouuer en toutes les autres Iles de l'Océan: lequel il embellit de tāt de doreures & richesses, que le plus grand de la terre eut trouué difficile d'en pouoir faire vn second. Mais il auint que le quinzième an d'après, l'Empereur de Constantinople son

son oncle, alla de vie à trépas, sans aucun heritier procréé de son corps, au moyen de quoi les Princes du pais depêcherent Embassade vers Apolidon, pour le supplier accepter l'Empire : ce qu'il fit volontiers, suyuant le naturel des hommes, dequels le desir n'êt iamais content. Toute-fois Grimanese, ayant regret de laisser l'Ile tât delectable, pria tresinstamment son amy, qu'auant leur partement (en recônoissance du plaisir qu'ils auoyent eu en ce lieu, premier témoing de la jouissance de leurs amours) il fit par son art & grand sçauoir en sorte que de là en auant nul n'en fut Seigneur s'il n'étoit autant bon Cheualier & loyal en amour, côme il étoit. Vrayement, ma Dame, répondit Apolidon, pour l'amour de vous ie ferai encores mieus: car nul n'entrera en ce palays, s'il n'êt tel que vous l'aués deguise: & si vous di d'auantage, que Dame, ou Damoiselle n'y mettra le pié, si elle n'êt aussi belle que vous, & acomplie aus perfections q̄ vous aués. Lors fit faire à l'entree d'un verger (plâté de maintes sortes d'arbres) vne voule, au dessus de laquelle, il mit vne statue d'homme de Bronze, tenant vne trompe comme s'il en eut voulu sonner: & sus la porte de son Palays, assit les ymages de lui & de Grimanese si biē tailles qu'elles paroissoyent vives: vis à vis dequelles il planta vne haute pierre de Iaspe, & à demi trait d'arc prés, tirant au iardin un peron de fer de la hauteur de cinq coudees. Ces choses ainsi ordonnees, il demanda à Grimanese, si elle sçauoit pourquoi il auoit ce fait. Non sus ma foi, répondit elle. Je le vous dirai presentement, dit Apolidon: Assurez vous, ma Dame, qu'homme ne femme, qui ayt faulx ses premieres amours ne passera sous cete voule: car s'ils s'y auenturēt, l'ymage q̄ vous voyés sonnera un son si épouuētable, & iettera par ce cor telle flamme, & puāteur, qu'il leur sera impossible passer outre: & seront reiettes si lourdement, qu'ils demoureront évanouis, & repoussés au dehors de la vou-

te Mais s'il auient qu'un loyal amant, ou amante essaye l'auenture, l'ymage sonnera un chant tant melodieux, qu'il donnera grand plaisir aus écoutans: & y pourront passer ces loyales personnes, sans aucun empêchement. D'auantage, ils verront nos pourtraits & leurs noms écrits en ce Iaspe, & ne sçauront qui les y a gravés. Et qu'ainsi soit, s'il vous plaît nous l'esprouuerons tout maintenant. Adonc print Grimanese par la main, & passant sous l'arc, l'ymage de Bronze se print à sonner tant armonieusement que merveilles: puis s'approchant du Iaspe, aperceurent leurs nōs entaillés dedans nouvellement, dont Grimanese fut trefayse. Et pour voir comme il prendroit à ceus qui la suyuroient, appella aucuns Gentis-hommes & Dames, pour essayer l'auenture: mais ainsi qu'ils cuydoient trauffer la voule, l'ymage sonna un son treseffrayant, & ieta feu, fumee & flamme si horrible, qu'ils tomberent tous évanouis, & furent reiettes si rudement que rien plus. Dont Grimanese se print à rire, sachant que ce leur étoit peur sans peril: remerciant grandement Apolidon de ce qu'il auoit fait pour elle. Toute-fois, mon Seigneur, dit elle, que deuiendra cete riche chambre, en laquelle vous & moi auons eu tant de contentemens? Vous le sçaurés maintenant, dit il. Lors fit apporter deux autres perrons l'un de marbre, qu'il mit à cinq pas pres de la chambre: & l'autre de cuyure, à cinq autres pas plus auant. Puis dit à Grimanese: Ma Dame ie vous auise, que d'icy en auant, homme ne femme n'entrera en cete chambre, que premier n'y soit entre celui qui me surpassera en prouesse & cheualerie, ou celle qui vous excèdera en beauté & si fortune y amaine ceus qui soyent dignes de lieu tant excellent, ils pourront après aller & venir sans aucun empêchement. Puis écriuit au Perron de cuyure, tels mots: Selō là bonté du cheualier qui essayra l'auenture, il passera le perron, les uns plus outre, les autres moins. Sus celui de Marbre: Nul

LE SECOND LIVRE

ne s'auéture passer cete pierre, pour entrer en la chambre, s'il ne passe en cheualerie Apolidon, Et sus l'entree de la chambre: Celui qui entrera ceas, excedera en armes Apolidon, & fera après lui Seigneur de ce pais. Et étoit forcé (auant que d'aprocher de cete chambre) toucher aus deus perrôs, & là eus éprouver: & ordonna semblablement que lon desarmât ceus, qui de là en auant essaieroiēt passer sous l'arc des loiaus amans, s'ils en étoient repoussés, & que lon les chassât hors de l'Ile comme faus & déloyaus: & qu'aus fideles fut fait tout l'honneur, & seruice qu'il seroit possible. A ceus qui éprouueroient l'auenture des perrons, pour entrer en la chambre defenduë, s'ils ne passoyent celui de cuyure, qu'on leur fit ne plus ne moins qu'aus faus amans: & si d'auenture ils le franchissoient, qu'à la difference des autres, l'épee seule leur fut ôtée. Mais si quelque meilleur Cheualier pouvoit venir iusques à celui de Marbre, qu'il ne lui fut ôté que l'écu: toutefois s'il passoit outre sans entrer en la chambre, que les esperons seus luy fussent deschauffés. Et quant aus Dames ou Damoiselles, qui éprouueroient l'auanture des loiaus amans, de laquelle elles seroyent repoussées, il vouloit que lon les contraignît de dire leurs noms, pour l'écrire à l'entree de la voute avec le nombre d'autât de pas que chacune d'elles seroyent entrees auant. Et venu le tems, dît Apolidon, que cete Ile aura recouvré le Seigneur qui lui êt promis, ces enchantemens ne nuyront plus aus hommes, & en seront exempts: non pas les femmes, iusques à ce que la belle Dame y soit entree, par laquelle toutes les autres seront afrâchies. Puis établit vn Gouverneur pour recevoir le revenu de la contree, attendant celui qui la meritoit, comme il auoit dît: & quelque iours après ayant pourueu à ses affaires (ses nauires equipées) s'embarqua, & eut vent si à propos, qu'en peu de iours il print port en la ville de Cōstanstinople, ou il fut tré

hautement & magnifiquemēt receu. Mais pource qu'à present mon intention êt de continuer les faits d'Amadis seulement, ie laisserai Apolidon gouuernër son Empire, pour vous declarer ce qui auint à ice lui Amadis, & à ceus qui le suyurent au partir de la ville de Sobradise.

Comme Amadis, Galaor, Florestan, & Agraies, ayans prins congé de la belle Briolanie, pour retourner vers le Roi Lisuart, furent cōduits en l'Ile ferme pour éprouver l'arc des loiaus amans, & les autres auentures d'icelle.

CHAP. II.

VOus aués peu entendre sus la fin du premier livre, comme Amadis & Agraies, seiournerent quelque tems en la grâd' ville de Sobradise, atendants la guerison des playes qu'ils auoyent receuës au cōbat contre Abiseos, & ses deus fis: aussi cōme depuis Galaor & don Florestan y arriuerent & le recueil qui leur fut fait. Maintenant en continuant nôtre hystoire, entendrés. Que quelque mal qu'eut Amadis, ne pour danger ou il se trouuât, ou bon traitement que luy fit Briolanie, il luy fut impossible élongner de son esprit le cōtinuël pensemēt qu'il auoit à la princesse Oriane: ains de iouren iour s'augmētoit en luy le desir de la reuoir, ayât tou-iours deuant les yeus les excellences d'elle. Au moyen dequoi il enduroit vn excessif tourmēt qu'il cuydoit celer, mais il étoit trop aparêt, non pas que lon sceut l'ocasiō de son mal: car chacū en iugeoit diuersement comme de passiō bien dissimulee procedante de chose excellente pour laquelle il sçauoit beaucoup souffrir, & mieus se taire. Toutefois à la fin, ne pouvant suporter cete longue absence, qui le prouoit de voir celle qui lui causoit son heurus malheur: il print congé, avec ses compagnons, de la Royne de Sobradise, en esperance de retourner à la court du Roi Lisuart. Neantmoins ils n'eurent lon-

longuement été par chemin que fortune leur aprêta nouvelle ocaſion pour leur retardement ainſi que vous entendrés. Auint d'auâtüre qu'arriuâs près d'un Hermitage, ils aperceurent vne Damoiſelle a compagnee d'autres femmes, & de quatre Ecuyers ſortans de l'Egliſe. Parquoi Amadis, & ſes compagnôs voulâs ſçauoir qui elle étoit, piquerent au deuant, & la ſaluerent trêhumblement: & elle qui s'auança de parler leur demanda en quelle part ils tiroyêt. Ma Damoiſelle, répondit Amadis nous allôs à la court du Roi Liſuart, ou (s'il vous plaît, & vôtre chemin s'y adreſſe) nous vous acôpagnerons. Je vous mercie de trêbon cueur, dît la Damoiſelle, il me faut tirer ailleurs. Mais pource que me ſemblés Cheualiers errâs, qui communément cherchés les grandes auentures, ie me ſuis auifée de vous demander ſi aucun de vous voudroit venir en l'Ile Ferme, pour voir les choſes étranges, & admirables qui y ſont: car ie ſuis fille de celui qui en êt Gouverneur vers lequel ie men vois preſentement. Ma Damoiſelle, répondit Amadis, j'ay mainteſois ouy parler des nouveautés de cete Ile, & me tiêdrois heureux de les pouoir éprouver, comme ie le deſire: ſi me repês, que plutôt ie ne m'y ſuis auêturé. Sus ma ſoy, dît elle, vôtre retardement ne vous doit être ennuyeux: car il y en a eu maints tels que vous, & qui ont eu pareille affection, laquelle voulant executer, ne ſe ſont trouués à l'iſſué ſi ioyeux qu'ils étoient à l'entree. Je n'en fais doute, répondit Amadis, veu ce que lon m'en a raporté: mais dites moy, nous deſtournerions nous grandement de nôtre chemin pour vous ſuivre. De deus journées pour le plus, répôdit la Damoiſelle. Je croy, dît Amadis, qu'il faudroit tirer à main gauche & côtoyer la mer, au moins qui voudra aller voir l'arc des loyaus amans: ſous lequel nulle perſonne, qui ait fauſſé les premieres amours ne peut paſſer. Vous dites vrai, dît elle, & ſi pourrés voir encores maintes autres

Am. 2

choſes plus étranges. Lors Agraies (ardât de voir telles ſingularités) dît a ſes compagnon: Meſſieurs, ie ne ſçai pas q̄ vous aués deliberé de faire, mais i'acôpagnerai cete Damoiſelle, ſ'il luy plaît & éprouverai les meruilles qu'elle nous à dites. Si vous êtes tant loyal, répondre elle, q̄ vous paſſiés par ſous l'arc enchanté, vous trouuerés plus outre maintes nouveautés, qui vous ſeront agreables, & les pourtraits d'Apolidon & de Grimanefe, qui edificerent le lieu merueilleux: & (qui plus êt) vous verrés vôtre nom écrit en vn Iaſpe, ſans ſçavoir par qui. Tant mieus, dît Agraies, ie ſerai ſi ie puis, le tiers. Quand Amadis entendit la deliberation de ſon couſin, il eut deſir de le ſuyvre: car il ſentoit ſa loyauté entiere & de fait, & de pēſée, qui lui permettoit par raiſon le deſus de l'auenture auant tout autre. Toutefois il diſſimula ſon vouloir, & dît à ſes freres: Mes amys encores q̄ nous ne ſoyons amoureux, cōme, le Seigneur Agraies, ſi me ſemble il que nous luy devons obtemperer pour ce coup, & luy tenir cōpagnie. Allons dît Galaor, & Dieu vueille q̄ l'iſſué en ſoit à ſon honneur, & au nôtre, ainſi que nous la deſirons. Adonc ſuyuirent la Damoiſelle. Lors Floreſtā qui n'auoit entendu qu'elle étoit l'Ile Ferme, ſe trouuant à part avecq' Amadis, lui dît. Mō Seigneur, à ce que ie voy vous ſçaués toutes les meruilles du lieu ou nous allons, dont ie n'auois oncq' ouy parler, combien que j'aye trauerſé maintes contres loingtaines. Certes répondit Amadis, ce que j'en ſçay, ie l'ay aprins d'un ieune Prince fort mon amy, nommé Arban de Norgales, lequel a éprouué pluſieurs auêtüres étranges, mêmes celles de l'Ile Ferme, qu'il ne peut mettre à fin: ains fut cōtraint de ſ'en retourner avecq' ſa courte honte: mais cete Damoiſelle ſe tient ſus le lieu, qui vous pourra bien faire entendre ce qu'aués envie de ſçauoir. Parquoy dom Floreſtan ſ'adreſſa à elle la priant aſſectueſement, que puis que la longueur du

A 3

che-

LE SECOND LIVRE

chemin leur donnoit ocaſion de deuifer enſemble, elle lui recitât ce qu'il en étoit. **I**e vous declarerai volontiers, répondit elle ce q' i'en ay aprins de ceus qui diſoyēt le bien ſçauoir. Lors leur conta par le menu ce, que cy deuant vous aués entendu: dont ils furent émerueillés, & plus encores émus déprouer ces choſes émerueillables, ou tant de gens de biē auoyēt failly. Et ainſi cheminerent enſemble ſi longuement q' la nuit les ſurprint en crainte de forvoyer, iuſques à ce q' la Lune commença à luire: & lors cogneurēt qu'ils étoient en vne grande prairie, en laquelle ils virent pluſieurs pauillons tendus & gēs à l'entour qui s'ébatoyent. Adonc la Damoifelle, dit à Amadis. Seigneur pource q' ie voi mon pere vous marcherés, ſ'il vous plaît, au pas, & ie paſſerai deuant pour l'auertir de vōtre venue, à ce qu'il vous face l'honneur, que vous merités. Ce diſant hâta ſon palfeſſroi, & vint deſcendre ou étoient les tentes. Lors recita à ſon pere comme ces quatre Cheualiers l'auoyent ſuyue, ayans deſir de ſ'eſſayer aus auentures de l'Ile Ferme: ce que par luy entendu, vint au deuant, & les receut bien gracieuſement: puis les conduit à l'un des pauillons, ou ils ſe rafraichirēt iuſques à ce que leur ſouper fut prêt. Durāt lequel le Gouverneur de l'Ile fit pluſieurs diſcours des auentures aus Cheualiers, & Dames qui auoyent eſprouvé l'arc des loyaus amans, & les autres étrangetés, tant qu'il fut heure d'aller repoſer. Surquoy chacun ſe retira, attendant le poinct du iour, qu'ils monterent à cheual: & cheminèrent ſi longuement qu'ils vindrent à vn lieu qui n'auoit de largeur en terre ferme, qu'environ la portée d'un trait d'arc, & tout le reſte étoit Mer. Et continuērēt ce détroit, iuſques à l'entree de l'Ile, laquelle auoit ſeulement cinq lieues de large, & ſēt de long: & pour cete cauſe ſe nommoit l'Ile Ferme. Là peurent ils voir le ſumptueux Palais d'Apolidon, duquel les portes etoyent ouuertes: & ainſi qu'ils

s'aprocherent plus près aperceurent plus de cent targes, ou écus, arrengēs en trois ſortes: la plus part apuyés contre deus poſteaus, & diſ clouēs vn peu au deſſus. Mais il y en auoit trois fort éleués, en vn autre poſteau plus auât que les premiers, & neantmoins ils étoient encores différens en hauteur: car le plus haut étoit à vne toiſe du moyen, & le moyen à vne coudee du plus bas. Lors Amadis demanda pourquoi ils étoient ainſi arrengēs. Certes, répondit le Gouverneur ſelon la bonté & cheualerie de ceus qui ont voulu entrer en la chambre defenduē, leurs écus ſont honorés: & ceus que vous voyés près de terre, furent aus Cheualiers qui n'ont aproché le perron de cuyure: mais les diſ plus hauts, y ſont paruenus, & plus ont fait encores ceus à qui furent ces deus autres que vous voyés ſeparés, & au deſſus des autres: car ils ont paſſé le Perron, ſans toute-fois aprocher celui de Marbre, comme à fait l'autre: duquel l'écu ét éleué encores plus haut, que de ces deus tant eſtimés. Adoncq' Amadis ſ'aprocha pour voir ſ'il en pourroit cōnoître aucun, pource qu'il n'y auoit celui qui n'eut vn écriteau, demonſtrant à qui autre-fois il apartint: & ieta ſa veuē ſus le plus bas des trois ſeparé & éleué au deſſus des diſ, qui étoit de ſable, à vn Lyon d'or denté & armé d'argēt à chef de gueules. Lors conneut que c'étoit celui d'Arcalaus: puis regarda les deus au deſſus, dont le plus bas auoit le champ d'azur, à vn Cheualier d'argent qui coupoit la tête à vn Geant: & ſe ſouuint que c'étoit l'écu du Roy Abies d'Yrlande, lequel étoit venu eſſayer l'auenture, deus ans deuant qu'Amadis le défit en Gaule. Le tiers plus éleué de tous, auoit le champ d'azur, à trois fleurs d'or: mais il ne le ſceut connoître ſans lire ſon écriteau, qui diſoit: Cēt l'écu de don Quedragant frere du Roi Abies d'Yrlande, lequel auoit été mis au deſſus des autres depuis douze iours. Car Quedragant ſit tant

tant qu'il approcha le perron de Marbre ou nul autre étoit encores parvenu: & étoit de fortune passé par l'île Ferme, cherchant Amadis en intention de le combattre, & venger la mort du Roy Abies son frere. Trop fut émerueillé Amadis voyant les écus de tant de bons Cheualiers, qui tous auoyent failly à ce qu'ils vouloyent entreprendre: douta grandement de faire aussi peu que eus.

À cété cause, luy & ses compagnons se retirerent pour aller vers l'arc des loyaus amans: lequel leur fut monstré. Adonc Agraies mit promptement le pié à terre, & aprochant du pas defendu, dit assés haut: Amour si oncq'ie vous fu loyal, ayés souvenance de moy. Ce disant passa outre, & entra au dessous de l'arc. Lors l'ymage de Bronze commença a sonner vn son tant melodieux, que ceus qui l'ouyrent furent tous éjouïs: & Agraies ne s'arrêta, ains vint jusques au Palais ou étoiet les ymages d'Apolidon, & de Grimane-se, qui lui semblerent proprement viues. Et aprocha près la pierre de laspe, en laquelle il vit deus lignes écrites au dedans. La premiere contenoit Madanil fis du Duc de Bourgongne, a passé sous l'arc des loyaus amans & mis fin à l'aenture. Et l'autre êt le nom de dom Bruneo de Bonne Mer, fis de Vaillades Marquis de Troques. Mais à peine eut il acheué de lire cété derniere ligne qu'il en auise vne tierce ou étoit écrit: C'êt le nom d'Agraies fis de Languines Roy d'Ecosse. Ce Madanil aymoît Aguinde Contesse de Flandres: & don Bruneo, Melicie, fille du Roy Perion de Gaule. Quand Amadis vit que son Cousin étoit entré sans empêchement quelconque, il dit à ses freres. Ne voulés vous pas essaier l'aenture comme lui? Non répondirent ils: car nous ne sommes tant sujets à cété passion que nous meritions faire e-preuve de nôtre loyauté. Puis doncques que vous êtes deus faites compagnie l'vn à l'autre, & ie la ferai si ie puis au Si-

gneur Agraies. Lors entra hardiment sous l'arc, & ainsi qu'il passoit, l'ymage de Bronze sonna de sa trompe vn autre son encores plus armonieux qu'onques elle n'auoit fait. Et d'auantage, au lieu de feu & flamme puante, qu'elle lançoit contre les déloyaus, fleurs & fueilles odoriferantes sortirent si abondamment de sa trompe, q' la place en fut toute couuerte. Mais pour tout cela, Amadis ne s'arrêta ains passa outre tout ioignant les ymages d'Apolidon & de Grimane-se, lesquelles luy semblerent si bien faites qu'il n'y restoit que la parole. Adonc Agraies, qui étoit entré deuant l'aperceut, & lui vint dire: Monsieur mon cousin il me semble que désormais nous n'auôs plus d'ocasion de celer nos amours l'vn à l'autre. Toutefois Amadis, sans lui répondre, le print par la main, & se promenans ensemble se mirêt à deuifer de l'excellence du lieu. Ce pendant Galaor & Florestan ennuyés de si longuement les attendre, prièrent Ysanie (Gouverneur de l'île) leur montrer la châtre defendue: ce qu'il fit. Parquoy Florestan dit à Galaor: Monseigneur aués vous deliberé vous éprouver? Non répondit il: car de me uie ie n'eu vouloir de têter tels enchantemens. Je vous supplie d'oc, dit Florestan, vous ébatre ce pédant q' i'essayerai l'aenture. Lors se recommandât à Dieu, embrâça son écu, tenant l'épee au poing, marcha droit au lieu defêdu. Mais il n'alla gueres auant, qu'il se sentit tant battre, & si souvent & outrager de couds de lances, & d'épees, qu'il lui fut bien auis qu'il étoit hors de puissance des hômes de les souffrir longuement: ce neantmoins baissant la tête (maugré toute resistance) marcha plus outre, frapant à tors & à travers, sans sçauoir susqui. C'ôbien qu'il lui sembloit q' ceus qu'il ataignoit fussent si bien armés, q' son épee ne les pouuoit en rien endommager, & passa le Perron de cuyvre, iusques près de celui de Marbres, c'ôte le quel il t'ôba, ne se pouuant plus tenir sus bout: car il se trouua, tant las, & cassé des

outrages qu'il auoit soufferts, qu'il pensoit être mort. Et en même instant fut enleué hors du lieu si rudement, qu'il perdit toute connoissance, dont Galaor receut tant de déplaisir qu'il se iugea digne de blâme, s'il ne le vengeoit. Et pour ce faire print ses armes & courut droit à la chambre defenduë : mais il ne se peut tant diligenter, qu'il ne fut encores plus soudainement batu, & tant rebatu, qu'à grand peine vint il au perron de Marbre, contre lequel il s'arrêta, pensant prédre alaine. Toutefois le chameillides coups orbes & pesans, ne cessèrent de l'outrager, qui lui enflamba la colere de telle sorte, qu'il s'auança vn pas plus outre, pensant encores y resister. Lors lui fut auis que ses ennemis se renforcerēt, & que pour vn qui souloit le fraper, il étoit pressé de deus: dont il perdit entieremēt ses forces, & tomba sus le champ trop plus affoibly, que n'auoit été Florestan. Durant telles escarmouches, Amadis & Agraies visitās le plaisant lieu ou ils étoient entrés, aperceurent vne nouuelle écriture au pilier de Iaspe qui contenoit. Cétuy ét Amadis de Gaule, le loyal amant, fis du Roy Perion. En même instant Galaor fut lancé hors des perrōs, dequoi le Nain se print à crier **I E S V S!** Monsieur Galaor ét mort. Cete vois fut entendue d'Amadis & d'Agraies léquels sortirent incontinent, pour voir que c'étoit: & demanderent au Nain qui l'auoit meu de crier si haut. Mōseigneur, répondit il, ie croy que vos deus freres soiēt morts, en voulans essayer, l'auenture de la chambre defenduë: car ils en ont été repoussés si rudement, que les voilà étédus, sans mouuoir pié, ne main. Par Dieu, dit Amadis, il ne nous eut sceu pis auenir. Lors alla à eus, & les trouua tant rōpus, qu'ils auoyent perdu la parole: ce neantmoins Agraies pensant, que puis que Fortune lui auoit fauorisé sous l'arc des loyaux amans, qu'elle ne feroit moins pour lui contre le peril de la chambre sans s'amuser à ses cousins, embrāça son écu, &

tenant l'épee nuë au poing baissa la tête courant droit au perron de cuyvre. Toute-fois il n'eut gueres marché auant, qu'il se sentit chargé de tant de coups, qu'à grand peine peut il resister. mais il auoit le cœur tant bon, que maugré tous empêchemēs il passa iusques près le Perron de Marbre: & là fut contraint s'appuyer, sans auoir pouoir de plus se tenir sus piés tant étourdi, qu'il perdit connoissance: & fut reietté hors aussi rudement qu'auoyent été ses cousins, que voyant Amadis, trop déplaisant, commença à maudire l'heure de leur folle entreprinse: & s'adressant à Galaor, qui étoit déja étoit sorty de pāmoison, lui, dît: Par Dieu mon frere, à ce que ie voy, ce me sera force d'aller après vous, & y deusse ie mourir. Ah mon Seigneur! répōdit Galaor, il vous doit sufire de l'expérience que vous en aués peu apprendre par nous. Je vous supplie fuiés teles dyableries: car il n'en sçaur oit venir que mal. Il en auindra ce qu'il pourra, dît Amadis: mais maudit sois ie si ie m'y fains. Lors tenant l'épee nuë, trébien se couvrit de son écu, & en faisant le signe de la crois s'écria: O ma chere Dame Oriane! de vous seule m'ēt venu tout l'effort & hardiesse que i'eue oncques, Je vous supplie ayés maintenant memoire de celui, qui requiert tant vōtre aide & bonne souvenance. Adonc courut si legieremēt vers la chambre, que maugré tous empêchemens, il vint sans prendre alcine iusques, au Perron, cōbien qu'il sentit tant de coups tomber sus lui, qu'il pensoit combattre plus de mille Cheualiers ensemble: toute-fois l'effort qu'il print sous le souuenir d'Oriane, l'auātagea tāt qu'il fit plus qu'onques Cheualier n'auoit fait. Lors furent entendues vne infinité de vois, disāt: Si ce cheualier fait à cete auenture, il n'y a au-iourd'hui homme viuant pour y paruenir. Neātmoins pour toutes ces choses il ne laissa à poursuiure sa pointe: car tāt plus il s'auāçoit, & plus s'augmentoit en lui le desir d'approcher: de sorte que non-obstant l'effort de

dia-

diabes, ou de gens inconnus, qui lui dō-
nerent mains coups lourds & pesants, il
gaigna l'entree de la chābre: de laquelle
il aperceut sortir vne main & vn bras cou-
vert de Samis verd, qui le tira au dedans.
Et à même heure fut ouye vne autre vois
qui disoit: Biē soit venu le gētil Cheualier
qui passe en armes celui qui établit tant
de merueilles ceans, lequel ne fut de son
tems second à nul: mais cētuy le precel-
le, & partant la Seigneurie de cēte Ile luy
ēt iustement acquise, l'ayant deuant tout
autre meritē. A voir cēte main, on eūt peu
iuger qu'elle étoit d'homme fort ancien,
tant étoit flētrie: laquelle se disparut si
tôt, qu'Amadis fut entré en la chambre,
ou il se trouua aussi frais & dispos, que
s'il n'eūt enduré coup ne trauail, pour y
paruenir. Parquoy il ôta l'écu du col, mit
son épée au fourreau, donnant la gloire
à Oriane de tant d'honneur qu'il auoit a-
quis: car d'elle, & non d'autre, comme il
estimoit, lui étoit procedé tout l'effort
qu'il eut. La plus grande part des habitans
de l'Ile, avec maints autres étrangers a-
uoyent aisément veu le deuoir qu'il auoit
fait, & comme la main l'auoit introduit
en la chambre: mêmes que par le dit de
la vois la domination du païs luy étoit
attribuee, dont ils louērent grandement
nōtre Seigneur. Mais nuls n'en furent si
joyeux que Galaor & ses compagnōs, les-
quels au lieu de l'enuie (dont ils eussent à
tort été soupçonnés) ils étoient aussi ay-
ses du bien & de l'honneur d'Amadis, cō-
me si particulièrement chacun d'eus en
eūt eu autant: & se firent incontinent por-
ter en la chambre, ou ils receurent, par la
vertu d'icelle entree guerison. Puis y arri-
ua Ysanie, gouverneur de la contree, acō-
pagné de plusieurs des habitans d'icelle,
lesquels firent tous la reuerēce à Amadis,
comme à leur nouveau Seigneur, sous le-
quel ils n'esperoyent seulement viure en
pais & tranquillité: ains de là en auant é-
tēdre leurs limites & Seigneuries, sus leurs
voysins & plus auant. Lors chacun peut

veoir les singularités du palais, entre les-
quelles étoit vne garderobe, ou Apolidon
& s'amie se retiroient plus cōmunemēt,
si magnifique & tant enrichie, que non
seulement il étoit impossible d'en faire
vne pareille: mais lon trouuoit étrange,
comme il étoit tombé en esprit d'hōme,
de la pouoir bâtir telle: veu que ceus qui
étoient dedans, pouoyent aisément voir
ce que lon faisoit dehors, & ceus de de-
hors n'eussent sceu choisir aucune chose
du dedans. Ainsi fut l'Ile Ferme conquise
par Amadis: laquelle auoit été cent ans &
plus sans Seigneur, depuis qu'Apolidon y
eut mis les enchantemens: & le lēdemain
vint le peuple faire le deuoir & homma-
ge au nouveau Seigneur, qui les receut hu-
mainement. Je vous laisse donc penser, si
Amadis auoit occasion d'être aisé & con-
tent. Ceus qui ont été souvent reboutés
par mal-heur, en peuvēt mieus iuger que
nuls autres: car ils sçauent sentir & regre-
ter leur infortune, plus que ceus qui sont
coutumiers d'être prosperes & heureux.
Toutes-foisie ne sçay laquelle des deus
extremités ēt plus recommandable: car
l'vne communement attire à soy vne vai-
ne gloire démesurée, & vn orgueil trop
damnable: & l'autre vn ennuy de desēpe-
ration fort dangereux. A cēte cause tout
homme de bon iugement (considerant
qu'il n'ēt rien durable ne permanent) ne
s'eleuera pour heur qui le fauorise, nī se
perdra pour malheur qui luy suruienne:
mais nagera entre les deus, sans abuser de
l'vn, ou de l'autre. Ce que ne peut faire
Amadis, lors que la muable fortune luy
fit sentir les poisons, qu'elle luy aprētoyt
étant au milieu (ce luy sembloit) de ses
prosperités. Et tout ainsi que sans moyen
elle l'auoit fauorisé (luy tenant le men-
ton) aus choses qui luy furent occurren-
tes, sans lui donner empēchement quel-
conque: semblablement elle luy tournant
le visage, le rendit en telle perplexité, &
ennuy, que ni la force des armes, le con-
tinuēl souuenir de sa Dame, ou la magna-

LE SECOND LIVRE

nimité de son cœur, n'eurent moyen de luy procurer remede: mais seulement la grace & misericorde du Seigneur Dieu (qui le regarda en pitié) après qu'il eut quelque tems été en la roche pauvre, en l'ennuy & tribulation que pourrés entendre: de laquelle il le permit sortir, & rentrer en plus d'aïse & de contentemēt que parauant, ainsi que poursuiuant l'Histoire vous pourrés sçauoir.

Vous aués peu entendre, lisant le premier liure d'Amadis, la fâcherie, en laquelle étoit la Princesse Oriane, pour le faus raport que luy auoyt fait Ardan le Nain, retournant vers son maitre porter les pieces de l'épee, que Gandalin auoyt oubliées au partir de la cour: & comme elle nourrissoit en son esprit la haine qu'elle auoit conceuë contre Amadis, sans ce qu'elle peüst accepter conseil de Mabile, ne de la Damoiselle de Dannemarc, se tenant (à tort) certaine du lache tour que luy auoit fait celuy qui ne pensoit qu'à la seruir & honorer. Maintenant il reste à vous declarer ce qui en auint. Entendés que du jour que cete jalousie fut imprimée en l'esprit de la Princesse, elle augmenta de sorte, qu'elle luy fit du tout oublier son acoutumee façon de viure, sans que delà en auant elle print plaisir à autre chose, qu'à penser comme elle le pouroyt suffisamment venger d'Amadis, qui l'auoit si griéuement offensée. Et de fait delibera, puis qu'il étoit absent, & qu'elle ne luy pouoit declarer de bouche la passion de son ame, de la luy faire entédre par écrit. Au moyen de quoi vn jour entr'autres, étât seule en sa chābre, print la plume en la main, & écriuit la lettre qui s'ensuit:

*Lettre de la Princesse Oriane
à Amadis.*

MA passion démesurée, procedât de tant de causes, contraint ma debile main de declarer par cete lettre ce que le dolēt cœur ne peut plus celer à vous Amadis de Gaule, déloyal & trop periure amant: Car puis que la déloyauté & peu de fer-

meté, que vous aués en moi (qui suis malheureuse & delaissee de toute bonne fortune, pour vous auoir aymé sus toutes choses du monde) ét à présent manifeste mēiement qu'à si grand tort vous vous êtes éloigné d'icy, pour vous aprocher de celle, laquelle (veu son peu d'âge & indiscretion) ne sçauoit auoir le bien en elle de vous fauoriser, ou entretenir: i'ay deliberé aussi bannir de moy pour iamais cete extrême amour que ie vous portois, puis que mon triste cœur n'en peut auoir autre vengeance. Et quant bien ie voudrois prendre en gré le tort que vous me faites, si seroit ce grande folie à moy, de vouloir bien à l'ingrat, pour lequel parfaitement aimer, i'ay en hayne moy-mêmes & toutes autres choses. Helàs, i'aperçoy bien maintenant (mais c'ēt bien tard) que ie sous-mis trop mal ma liberté en personne tant ingrate: attendu qu'en satisfaction de mes souspirs & passions ie me voy moquee & malheureusemēt deceuë. Parquoi ie vous defends de vous trouver iamais deuant moy, n'en part ou ie reside: & soyes seur, que l'ardante affection que ie vous portois, ét conuertie par vōtre demerite, en inimytie & cruelle furie.

Or allés doncques desormais ailleurs essayer (avec vōtre foy pariuree, & paroles amyellees) d'abuser autres malheureuses comme moy: sans que vous esperiés cy après que nul de vos excuses puisse auoir lieu en mon endroit: ains sans plus vous vouloir voir, ie lamenteray le reste de ma triste vie, avecques abondance de larmes lesquelles ne prendront cesse que par la fin de

*Celle qui n'aura regret à mourir, sinon
pour autant que vous en êtes homicide.*

ETANT la Lettre acheuee, & bien close, Oriane appella vn ieune Ecuyer frere de la Damoiselle de Dannemarc, auquel elle se fioyt grandement: & luy commanda bien expressement, q sans sejourner vne seule heure, il allât trouver Amadis au Royaume

Royaume de Sobradise, & qu'aussi tôt il luy baillât la lettre, qu'elle luy escriuoyt: mais que sus tout il print bien garde quelle cōtenance il tiédroit lors qu'il se mettroit à la lire, sans qu'il en raportât réponse, encores qu'Amadis la lui voust bailler

Comme Durin s'en partit pour aller vers Amadis, auquel il presenta les lettres d'Oriane, & du mal qui en auint.

CHAP. III.

Q Vand Durin eut bien au long entendu le vouloir de la Princesse, il monta à cheual: & fit si bonne diligēce, que le dixième jour ensuiuant il arriua en la grande ville de Sobradise, ou il trouua la nouvelle Royne Briolanie, laquelle luy sembla la plus belle Dame qu'il eût oncques veüe après la Princesse Oriane. Lors luy fit entendre cōme il étoit venu chercher Amadis. Mais elle luy répondit: Qu'il y auoit déjà deus iours entiers, que lui & ses compagnons étoient dé-logés pour retourner en la grande Bretagne: & toutefois qu'elle auoit depuis sceu qu'ils auoient prins le chemin de l'Ile ferme. Au moyen dequoy Durin, sans séjourner, print congé d'elle, & chemina tant, qu'il arriua en l'Ile, à l'heure mêmes qu'Amadis entroit sous l'arc des loyaus amans, & vid q l'image auoit plus fait pour lui, que pour autre Cheualier qui en eut oncques approché à ce q lon disoit. Et ainsi qu'Amadis retournoit avec Agraies, pour secourir ses freres. Durin cuida parler à lui: mais Gandaliu le pria de differer iusques à ce qu'il eût essayé le peril de la chambre defenduë, sçachant bien qu'il lui apportoit lettres d'Oriane. lesquelles eussēt peu être cause de luy faire retarder, ou faillir à parfaire si grande entreprise: car Amadis auoit tant d'obeissance à la Princesse, qu'il n'eût seulement voulu perdre la conquête del'ile Ferme, ains de tout le monde ensemble, si elle luy eût commandé. Parquoy après qu'il eut mis fin à toutes les aventures étranges, & que les habitans

de l'Ile l'eurent receu à Seigneur: Durin se presenta à luy. Lors Amadis luy demanda quelles nouvelles il y auoit à la court du Roy Lisuart. Mon Seigneur, répondit Durin, ie l'ay laissée en tout tel état, qu'elle étoit en vōtre partement. Et comme il vouloit cōtinuer son propos, Amadis le print par la main, & entrèrent seuls en vn plaisant verger, pour eus promener: puis s'enquit comme il s'étoit adressé en l'Ile Ferme. Mon signeur, répondit il, ma Dame Oriane m'enuoye vers vous, pour l'affaire que vous entendrés par cete lettre: laquelle il luy bailla. Lors la print, & sans faire semblant quelconque tourna le dos à Durin, à ce qu'il ne conneut en luy aucune mutation de couleur: car de grand' aise le cœur lui commença à éjouir, de sorte qu'il ne sçauoit bonnement qu'elle contenance tenir. Mais cete nouvelle alteration fut soudain cōuertie en plus de desespoir, pour ce que lisant les rigoreus propos d'icelle & le bāissement que lon luy signifioyt: la tristesse le surprint si grande: qu'il n'eût de là en auant puissance de la dissimuler, & se print si fort à pleurer, qu'il sembloit fondre en larmes. Dont Durin se repentit fort d'auoir apporté si malheureuses lettres, encores qu'il ignorât le contenu d'icelles: mais il n'y pouoit plus donner ordre, & si n'osoit aprocher près d'Amadis: lequel se trouuoit si confus, qu'il se prosterna sus l'herbe, & en tombant les lettres qu'il tenoit luy cheurēt des mains. Toutefois il les releua promptement, & de rechef se remit à les lire: car le cōmencement l'auoit tant troublé, qu'il n'auoyt encores veu la fin. Lors ietta l'œil sous la souzscription qui contenoyt ces mots:

Celle qui n'aura regret à mourir, sinon pour autant que vous en êtes homicide.

Adonc ietta vn soupir, cōme si l'ame luy fut partie du cors, & cheut à la renuerse. Dont Durin se trouua fort ébaï, & courut pour luy donner secours: mais il le vid sans mouvoir non plus qu'une personne morte. Parquoi craignant si grand

LE SECOND LIVRE.

inconuenient cuida appeller Galaor ou quelque autre: toute-fois il pensa qu'il en pourroit venir scandale: au moyē dequoy il differra, & s'aprouchant d'Amadis le releua. Lequel s'écria: Seigneur dieu! pourquoi permettes vous que ie meure ainsi sans l'auoir meritē! Helàs loyauté, quelle recompense vous enuoyes à ceus qui ne vous firent oncques faute! Maintenant ie me voy abādōné de celle, pour laquelle i'eusse plutôt cōsenty que mille morts eussent passé en moy, que transgresser vn de ses commandemens. Puis regardant d'vn œil piteus la lettre qu'il tenoit, dît: Ah lettre heureuse! pour auoir été écrite par la plus excellente personne qui soyt au jourdhuy viuante! & toute-fois trop infortunee, donnant au plus loyal amant, qui oncques seruit Dame, si cruelle mort: pour laquelle plutôt auancer, iamais ne vous abandonneray, mais vous tiendray tant que viuray tout au plus près de moi. Lors la mit en son sein, & demanda à Durin, s'il auoit charge de luy dire autre chose. Non, répondit il. Or bien, dît Amadis, tu t'en retourneras presentement avec ma réponse. En bonne foy, mon Seigneur, répondit Durin, il m'a été expressement defendu, de n'en prendre aucune. Et Mabile ou ta sœur, ne t'ont ils donné charge de m'en rien dire? Non, mon Seigneur, répondit il: car ils n'ont i'amaïs été auertis de mon partement, pour ce que ma Dame m'auoit expressement commandé de ne le dire à nul. Ah Dieu! dît Amadis, ie voy bien maintenant que mō malheur est sans remede! Adonc se leua, & s'en alla à vn ruisseau qui passoit au trauers du jardin, ou il l'aua ses yeus: puis cōmanda à Durin d'appeller Gandalin, & qu'il retournât seul avec lui: ce qu'il fit. Mais à leur retour, ils le trouverent de rechef éuanouy, toutes-foys il reuint incontinent à soy, & voyant Gandalin lui dît: Amy, c'est fait de moy, pourtant va querir Ysanie le gouuerneur de cete Ile, & l'amene seul. Lors Gādalin y courut, & n'aréta gueres qu'ils

ne vinssent ensemble: & à cete cause Amadis luy dît: Ysanie, vous sçaués la foy que vous m'aués iuree: & la loyauté que vous êtes tenu de me garder, neantmoins ie vous prie encores me promettre comme loyal Cheualier de tenir secret tout ce que vous verrés de moi iusques à demain matin, que mes freres auront ouy la messe: & allés secretement faire tenir la porte de ce château ouverte, & toy Gandalin meine y mō cheual avec mes armes, sans que persōne te voye, & ie vous suiuray de pres. Mais ils ne furent si tôt partis, qu'il luy va souuenir d'vn songe qu'il auoit songé la nuit precedente, & luy auoit été auis qu'étant armé & monté sus son cheual, il étoit au plus haut d'vn tertre couvert de maintes sortes d'arbres, & qu'au tour de luy plusieurs personnes faisoient la plus grand joye du monde. Dont l'vn luy presentoit vne boête, disant: Seigneur, goutez de ce qui est cy dedans: ce qu'il fit, & luy sembla menger d'vne viande trop amere. Et ainsi qu'il la rejettoit, les rénes de son cheual se rompirent: parquoy le cheual se print à courir contremont, sans ce qu'il luy fût possible de l'arrêter: & voyât qu'il éloignoit cete compagnie joyeuse, regarda derriere, & luy sembla que leur grand plaisir étoit changé en si merueilleuse tristesse: qu'il en eut pitié, & fût volontiers retourné pour les consoler, s'il eût été maitre de son cheual, qui à l'instant entra en vne toffe d'arbres, ou il trouua vn rocher enuironné d'eau, contre lequel le cheual s'arrêta. Lors mit piē à terre, pour la grande enuie qu'il eût de se reposer, & se dépouilla: mais aussi tôt il auisa vn homme tresancien, vêtu de draps de religion, lequel le print par la main, cōme s'il eût eu pitié de son travail: & luy disoit quelques parolles en langage si étrange, qu'il ne l'entendoit. Et étant en cete peine, il s'éueillā. A ce songe pensa longuement Amadis, iugeant en soy-mêmes, qu'ils ne sont quelque-fois abusifs: car il voyoit auenir partie de ce qu'il auoit n'agueres songé,

longé. Lors vint à la porte ou Gandalin & Ysanie s'atendoyent avec son equipage, & s'arma: puis monta à cheual, & s'en partit, sans tenir voye, ne sentier, tât qu'il s'aprocha d'un Hermitage. Adonc demanda à Ysanie, quel saint y étoit réclamé.

Mon Seigneur, répondit il, la glorieuse Vierge Marie y fait souvent maints miracles. Et à cete cause Amadis descendit de cheual: & entrant en l'Eglise mit les genoux à terre, & par grande deuotion comença à dire: Dame glorieuse, consolatrice & refuge des affligés, ie vous supplie m'implorer la grace de vôtre fis, & me secourir, prenant pitié de ma pauvre ame en cete extremité. Puis se leua, & apella Gandalin, lequel il tint bien long tems embrassé sans proferer vne seule parole, & lui dit: Amy Gandalin, toy & moy auons été élevés d'un même lait, & nourris toujours ensemble, tellement qu'oncq' ie n'eu traueil ou ennuy, que tu n'y ayes eu bonne part. Ton pere me tira de la mer étant encorés si peu de chose, cōme creature nee seulement de la nuit mêmes: puis avec ta mere me fit traiter autant doucemēt, que si ieusse été leur enfant bien aymé. Or ayie souvent experimenté ta loyauté, connoissant trébien les seruices que tu m'as faits, lesquels i'esperois avec le tems & l'ayde de Dieu recompenser: mais cete trop grande infortune m'ēt survenue, laquelle ie treuve plus aspre & cruelle que la propre mort, veu même, que ie suis contraint de t'abandonner, n'ayant autre bien pour te faire que l'Ile que i'ay nouvellement cōquise, laquelle ie te donne, & commande à Ysanie & à mes sujets (sus la foy & hommage qu'ils m'ont iurée) de te recevoir cōme leur seigneur aussi tôt qu'ils seront acertenés de ma mort.

Toute-fois ie veus que tes pere & mere en jouissent leur vie durant, & toy puis après: & ce pour reconnoissance du bien que i'ay reçu d'eus, auquel ie pēsois plus satisfaire selon leur merite & mon desir. Et quant à vous Seigneur Ysanie, ie vous

prie que des fruits & reuenu de l'Ile, que vous aués de long tems eu en gouvernement, vous faciés edifier & doter icy un monastere en l'honneur de la vierge Marie, si richement, que trente religieux y puissent viure desormais. Ah, mon Seigneur, répondit Gandalin, ie ne vous abandonny oncq' pour travail, ou peril ou vous ayés été, & ne feray encores, si Dieu plaît. Et si vous mourés, ie ne veus viure après vous, n'auoir bien quelconque en vous perdant: pourtāt vous ferés, s'il vous plaît, ce present à mes signeurs vos freres, veu q' ie ne l'accepteray, & ne le desire en aucune maniere. Or te tais, dît Amadis, & si ne me veus ennuyer, ne me tiens plus tels propos: mais obeïs à mō cōmādemēt: car mes freres pourrōt acquerir pour eus & leurs amys rrop plus grāds biens, q' n'ēt le peu que ie te dōne. Au regard de vous, Ysanie mō amy, sus mō ame il me déplaît grandemēt q' ie n'ay le tems & oportunité pour vous faire le traitemēt q' vous merités: neātmoins ie vous laisse entre tāt de mes bons amys, qu'ils suplerōt à mō defaut. Je vous prie, mō Seigneur, répōdit il, permettre seulemēt q' ie vous acōpagne, pour auoir part au biē & au mal qui vous surviendra: & cela seul satis-fera au bon vouloir que vous aués en moy. Mon amy (dît Amadis) ie ne fais doute, que ne me suiuisiēs de bon cœur: toutefois mon infortune ēt si grāde, qu'autre que Dieu n'y pourra iamais mettre remede, lequel ie supplie me cōduire: car ie ne veus autre compagnon, Et pourtant Gandalin, si tu as desir d'ētre Cheualier, sois le presentement avec mes armes que ie te donne: pour ce qu'il ēt raisonnable, puis que tu les as autrefois si bien gardees, qu'à present elles te seruent, attendu le peu d'affaire que i'en auray, desormais: sinō tu pourras recevoir cēt hōneur par Galaor mon frere, auquel le Seigneur Ysanie en fera la requête de ma part: & te prie que tu le serues comme tu m'as fait. Car ie l'ayme tāt q' son absence m'ēt grieue entre tous mes plus grans

LE SECOND LIVRE

ennuis, cōsiderāt q̄ ie l'ay tou-jours trou-
vé humble & obeissant. Tu luy diras aussi
qu'il se serue d'Ardain mon Nain, & que
ie le luy recommande: & au Nain qu'il le
serue diligemment. Disant ces paroles, il
fondoit quasi tout en larmes, & ceus mê-
mes à qui il parloit, lesquels il vint em-
bracer, leur disant: Or mes amys, puis que
ie n'espere iamais vous voir, ie vous prie,
priés Dieu pour moy, & sus vos vies que
nul de vous ne me suiue. Adonc remon-
ta à cheual, & dōnant des esperons s'ēloi-
gna d'eus sans auoir souuenance au partir
de prendre lance, écu, n'armet: & ainsi en-
tra au plus profond de la montaigne, lais-
sant aller son cheual cōme il luy plaisoit,
& tant chemina, q̄ la plus part de la nuit
étoit ia passée, quand le cheual entra dans
vn petit ruisseau enuironné de maints ar-
bres, ou il voulut boire. Et ainsi qu'il pas-
soit outre, Amadis récontra aucunes bran-
ces, qui luy donnerent contre le nés si ru-
dement, qu'il en oublia la fantasie ou il
révoit. Lors hauça la veuë, & aperceut
qu'il étoit en lieu couvert & solitaire,
plain de buissons fors & épais: dont il eut
grand plaisir, pour ce que mal-aisément
il seroit trouvé, ce luy sembloit, en ce ha-
lier. Là mit pied à terre, puis atacha son
cheual, & s'assit sus l'herbe pour mieus
penfer à sa melancolie: mais il auoit tant
ploré, & le cerueau si vuide, que peu après
il s'endormit.

*Comme Gandalin & Durin suivirent le che-
min qu'Amadis auoit prins, & luy porterent ses
armes qu'il auoit oubliées. puis le trouuerent dor-
mant, & comme il se combatit contre vn Cheua-
lier qu'il vainquit..* CHAP. IIII.

GAndalin qui étoit demeuré en
l'hermitage avec Ysanie & Du-
rin, ainsi qu'aués entendu: voyāt
Amadis s'en aller desesperé de
tout remede, se print à faire le plus grand
deuil du monde, & disoit: Encores qu'il
m'ait defendu de le suiure, si ne demeure-
ray ie pour rien que ie n'aille après, au
moins pour luy porter ses armes. Le suis

cōtent, répōdit Durin, de vous faire com-
pagnie pour cete nuit: q̄ pleût à Dieu que
nous le trouuissions en meilleur propos
qu'il ne s'en ét party. Adōc prindrēt cōgé
d'Ysanie, & montans à cheual, suivirēt le
chemin qu'ils auoyent veu tenir à Ama-
dis: trauersans çà & là au trauers du boys
tāt q̄ fortune les guida la part, ou il étoyt
couché. Lors son cheual sentāt les autres
aprocher, se print à hanir, par ainsi Gan-
dalin conneut que son maître n'étoyt pas
loing: & pour voir quelle cōtenāce il te-
noit, mit pié à terre, baillāt son cheual à
Durin. Lors vint si près de lui, qu'il l'auisa
dormāt le long d'vn ruisseau: au moyē de
quoy il se tint là, atendāt son réveil: mais
son somme ne fut lōg: car il s'éveilla quasi
aussi tōt. Adonc se leua prōptemēt cōme
s'il eût eu frayeur. A l'heure étoit la Lu-
ne retiree pour l'aube du jour qui appa-
roissoit, toutefois il se rassit sus l'herbe, &
recommença à faire vn deuil fort étrāge.
Et disoit en pleurant: Helàs, fortune par
trop legere, & sans racine: à quelle ocasion
m'auois tu preferé & eleué entre tous les
meilleurs cheualiers, pour me ruiner après
tant legeremēt? Maintenāt i'aperçoy bien
que tu peus faire plus de mal en vne heu-
re, que de grace en mil ans: car si par le
passé tu m'as donné du plaisir ou de la
joye, tu me l'as dérobee à cete heure cru-
ellement, me laissant en amertume trop
pire que la mort: & puis qu'il te playsoyt
ainsi faire, q̄ n'as tu au moins égalé l'vn à
l'autre: veu que tu sçais que si autre-foys
tu m'as donné quelque contentement, ce
n'a été, pourtant, sans le mêler avecques
angoisses & grands ennuy. Par ainsi tu
me deuois reseruer quelque peu d'esperā-
ce, avec cete cruauté, de laquelle tu me
tourmentés à present, executant en moy
chose incomprehensible en la pensée de
ceus que tu favorises: lesquels, pour ne
connoitre ce mal, estimēt les pōpes, gloi-
res, & hōneurs que tu leur prêtes, seurs &
perdurables. Et n'ont souuenance qu'ou-
tre les tourmens que leurs cors endurent
pour

pour les mains. Les ames tombent au hazard de leur salut. Pourtant si avec les yeus de l'entendement que le souverain Seigneur leur a donné pouoyent voir tes mobilités, ils desireroient plus tôt ton auerfité, que ta legere prosperité, combien qu'elle soit conforme à leur sensualité: car par tes blandissemens & mignotises, tu le ruynes, & contrains à la fin d'entrer au labyrinthe d'amertume, sans en pouvoir iamais sortir. Et au contraire sont tes aduerfités, d'autant que si on resiste patiemment, fuyant apétit & ambition desordonnée, lon est élevé de ce lieu bas en la gloire perpetuelle. Et toute-fois moy trop infortuné n'ay sceu choisir cete bonne part: veu que si tout le monde, étant mien, m'étoit tollu par toy, ayant seulement la bonne grace de ma Dame, elle seroit suffisante, pour me maintenir en toute grandeur & bon heur: laquelle me defaillant aussi, il est impossible que ie puisse aucunement viure.

Pourtant ie te supplie en faueur & payement de ma loyauté, q tu ne me donnes la mort avec lagueur: mais s'il t'est permis, m'ôter la vie, que tu te hâtes diligemment, prenant cōpasion de celui duquel tu ignores le tourment qu'il aura à plus viure. Ce disant se renversa sus l'herbe, & se teut comme éperdu. Puis peu après s'écria: Ah, amie Orianne! vous m'aués navré à mort, pour la deféce q vous me faites: car ie ne transgresseray iamais vos cōmandemens: quelque danger qui me puisse auenir, veu que ne les gardant ie ne pourrois aussi biē garder ma vie: toute-fois d'autāt qu'à tort ie reçoys la mort, la douleur m'en est plus extreme. Mais puis que par ma fin vous êtes satisfaite, ie n'eu oncques ma vie en tant de recōmendation, que pour la moindre chose qui vous fût agreable: ie la voudrois changer en mille morts, s'il étoit possible. Par ainsi, puis que ce vous est cōtamment, d'executer encontre moy votre ire, il m'est tresagreable, si pour mon tourment vous viuez désormais plus à votre aise: car en quelque part que mon ame

volle, elle recevra plus de repos, quand elle sçaura votre satisfaction. Et en attendant, que mon innocence vous soit conueüe, ie mettray peine de parfaire le reste de mes tristes jours, en toute amertume & déplaisir: & étant mort, mon esprit lamentera l'ennuy qui vous surviendra, pour le tort qu'aués fait, mêmes pour l'impuissance qu'il aura de vous pouvoir secourir.

O Roy Perion mon Seigneur & pere, que tant petite occasion vous aués à vous douloir de ma mort, pour vous être celée, & la cause d'icelle! mais puis que la douleur, que ce vous seroit la sçachant, ne pourroit reuoyer mon tourment, ie prie à Dieu, que mon malheur ne vous soit jamais manifesté: ains caché tāt que viurez, pour n'auancer le reste des ans que vous aués encores à viure. Lors se teut, puis peu après en renforçant ses souspirs s'écria:

O mon second pere Galuane! certes j'ay grand regret, que ma fortune auerse n'a permis que ie recompensasse la grāde obligation que j'ay en vous: car si mon pere me donna la vie, vous me la conseruātes, me deliurant du peril de la mer, ou ie fu abandonné, étant encores en la première heure de ma natiuité: & depuis m'aués nourry autant doucement, que si t'eusse été votre fis naturel. Sus ma foy, bon Roy Arban, ie croy que vous aués grand déplaisir, quand vous sçaurés ma douloureuse fin. Mais au fort Angriote d'Etrauans, Guillan, & autre grand nombre de mes amys vous ayderont à plaindre & pleurer celui qui vous étoyt tant amy & seruiteur. Ah bonne cousine Mabile! qu'auois-je mérité enuers vous, ne à la Damoiselle de Dannemarc, pour me delaisser à ce grand besoin! Vous m'aués tant de fois preserué de mort, & maintenant (sans vous auoir fait offense) me faites payer le tribut du bien que j'auoys receu pour votre secours, consentant à ma fin miserable. Certes, mes grandes amyes, vous aués en moy vn Cheualier qui se fût sacrifié pour vous, au besoing.

Et

LE SECOND LIVRE

Et toutes-fois vous n'aués fait conscience de l'abandonner, qui me fait bien croire puis que vôtre ayde m'êt denyee, que la terre & le ciel demandent ma ruine, & ie la leur acorde: car autrement ne peut être. Ecoutans ces lamentations Gādalīn & Durin, de grande pitié que leur faisoit Amadis, pleuroyent amerement comme luy: neantmoins ils ne s'osoyent montrer pour la defence qui leur auoit été faite. Parquoy Amadis ne mit fin à ces doléances, iusques à ce qu'il entendit vn Cheualier chanter, qui passa assés près de luy, & disoit cete chançon:

CHANSON

*Amour, Amour, ie vous suis redeuable
Trop plus que nul Gentilhomme viuant,
Veu que tousiours vous me rendés aymable
Enuers la Dame, ou ie suis poursuuant.
Témoin en ét la Royne Sardamire,
Que i'ay aymee en amitié profonde:
Et maintenant, que d'elle me retire,
L'ayme la fille au meilleur Roy du monde.
C'êt Oriane, ou grand' beauté se renge,
Qui n'a son per, comme étant la plus belle:
Heureus me sents de chanter sa louange,
Mais plus heureux d'être tant aymé d'elle.*

Et mettant fin à sa chançon, descendit deffous vn arbre touffu, planté le long du chemin, pensant y passer le reste de la nuit: mais il luy auint pirement qu'il n'esperoit: car Gandalin qui auoit entendu ce qu'il disoit d'Oriane (doutant qu'Amadis n'y eût pensé, pour être trop perturbé) dît à Durin: Il vault mieus que ie m'approche, & que ie sache de nôtre maître qu'il a delibéré de faire. Lors saillit du buisson ou il étoit caché, & auisā Amadis, qui cherchoit son cheual pour déloger, & ainsi qu'il regardoit çà & là, apercent Gandalin, & ne le connoissant, s'écria: Qui es tu qui me viens surprendre? parle, & ne te vas plus celant. Mon Seigneur, répondit il, ie suis Gandalin, qui vous aidera à trouuer vôtre cheual, s'il vous plaît. Quand Amadis l'entendit: Ah, dît il, as tu biē olé

me suivre, te l'ayant de vassément defendu? Par Dieu tu m'as fait trop de déplaisir: retourne, sans q̄ plus ie te voye, autrement sois assuré de mourir, & moi aussi. Mon Seigneur, répondit Gandalin, il me semble que vous deués oublier cete façon de faire, & penser à vous venger des sots propos que tenoit n'agueres vn Cheualier, qui n'êt encores loing de vous, car ils sont peu à vôtre auantage. Cela disoyt Gandalin, pour le démouoir de sa fantasia, & le mettre du tout en colere cōtre l'autre. Ie l'ay (dît Amadis) entendu aussi bien que toy, à cete cause ie suis content aller chercher ailleurs repos, & m'éloigner de ce lieu, ou tout malheur me suyt. Quoy, répondit Gandalin, ét ce tout ce que vous aués delibéré de faire? Que veus tu plus, dît il? Que vous le combatiés, répondit Gandalin, luy faisant connoître son outrecuidance. Ie croy, dît il, que tu penses dire autre chose, veu que tu sçais bien que ie n'ay esprit, cœur, ou force quelconque, ayant tout perdu, perdant celle qui me donnoit la vie, de sorte que maintenant ie vaus encores moins qu'un homme mort: & n'y a au jourdhuy Cheualier en la grande Brétaigne si recréu, qui aisémēt ne me deffit, si ie me cōbatois à lui, tant ie suis malheureus, & desesperé. Par Dieu, répondit Gandalin, vous aués grand tort, d'ainsi perdre le cœur, & abastardir vôtre prouesse, lors q̄ plus elle vous devoit seruir pour soutenir l'hōneur de celle qui tant vous touche, mais pensés quel raport luy en fera Durin, qui a le tout bien écouté, & s'ébait comme déjà ne vous êtes mis en plus de deuoir. Comment, dît Amadis, Durin ét il icy? Ouy vrayement, répondit Gandalin, nous sommes venus ensemble: & croy, qu'il vous suyt ainsi pour dire nouuelles de vôtre belle contenance à celle qui l'a envoyé vers vous. Va t'en, dît Amadis, tu m'importunes beaucoup. Toute-fois quand il pensa que Durin deuoit retourner vers Oriane, le cœur lui creut de sorte qu'il

qu'il demanda ses armes, & montant à cheual, s'en alla vers le Cheualier, lequel il trouua couché sous l'arbre, tenant encores son cheual par les rênes. Adonc Amadis lui dît par grand colere. Dâp Cheualier, qui tant vous louës d'Amour, ie croi qu'à tort aués receu le bié qu'il vous à fait (si bien se doit nômer) & qu'oncqs ne le meritaistes, ce q' ie vous prouuerai par la perte de vôtre tête. Qui es tu, répondit l'autre, qui parles si audacieusement. Estimes tu que le bon traitement que j'ay dela plus belle Dame du monde, soit causé d'autre moyen, que par ma valeur & haute cheualerie? avec laquelle ie te montrerai promptement qu'Amour à raison de me fauoriser, & qu'il ne t'appartient d'en parler. C'est tō auis, dît Amadis: mais il faut que tu entendes, qu'au cōtraire de toy ie suis celui, lequel à moins d'ocasiō de se louer de lui pource qu'il m'a si malheureusement trōpé, que iour de ma vie n'y aurai fiance, sachant la fauseté & traïson, dōt il vse ordinairement envers ceus qui plus loyalement le seruent. Et pource que ie l'ay bien experimenté, ie maintiens, qu'oncq' lon ne trouua en lui tant de verité, comme i'y ay fait de mensonge. Qu'ainsi soit: voyōs s'il a plus gagné en toy, qu'il n'a perdu en moy. Lors le Cheualier monta à cheual & se voyant en estat de cōbatre, lui répondit, Cheualier malheureux priué de tout bien, & bany Iustement d'Amour, étant indige de sa faueur, ôte toy de ma presence: car ie ferois trop lâchement de mettre la main sus personne tant vile, & miserable cōme tu es. Et ce disant luy mêmes tournoit bride pour fuir, si Amadis ne l'eut arrêté en lui écriant, Paillard tu veus donc defendre tes amours que tant tu estimes seulement de bec, & t'en aller ainsi pour ne combattre? Par Dieu, répondit l'autre, tu as raison. Il ét vray que ie n'ay point d'envie de m'éprouver contre personne de si peu de merite comme tu es: mais puis que tu as desir que ie te rompe la tête, j'en suis con-

Am. 2.

tent, & te defens si tu as le cueur assés bō. A cete parole coururent l'un contre l'autre de telle roideur que les lances volerēt en éclatz, faucans leurs écus de part en part: neātmoins les harnois bons & fors arêterent le coup: toute-fois le Cheualier tomba par terre, qui emporta quant & soi les rênes de son cheual, parquoi il se releua legerement. Ce que voyant Amadis, lui dît. Vrayement Cheualier, si le droit que vous pretendés en si belle amye n'êt par vous mieus maintenu de l'épee, que par la lance: Amour vous a mal choisý pour vaillant champion & elle pour son Cheualier. Mais pour iniure que lon lui dît il n'en fit semblant, ains mit hardimēt l'épee au poing, & s'aprochant d'Amadis rua sus lui de sorte qu'il l'eut navré s'il ne se fut paré de son écu, auquel l'épee entra tant auant, qu'il ne l'en peut retirer, et lui sortit des poings, demourant atachée à l'écu d'Amadis. Qui se leua sus ses étriers, en lui donnant si grand coup sus l'armet, qu'il l'étama iusques à la chair viue: & coulant l'épee, rencontra le col du cheual, lequel il navra à mort, cheant en la place, & son maitre dessous tout étourdi. Mais Amadis, voyant qu'il se releuoit, lui dît: Gentil amoureux, ie suis d'auis qu'Amour face desormais dresser vn trophée pour les hautes prouesses que vous aués faites en le seruant: & que continués tant que vous viurés à chanter ses louanges, & publier les biens que vous aués receus de lui. Quāt à moi, ie m'en vois ailleurs chercher ma fortune. Adonc donna des esperons à son cheual: & ainsi qu'il s'en alloit aperceut Gandalin & Durin. Lors s'aprocha d'eus, & prenāt Durin par la main lui dît: Amy Curin, ie voi mon malheur si étrange, & mon ennuy tāt insupportable, qu'il ét force que ie meure, & Dieu vueille que ce soit promptement: car la mort seule donnera repos & soulagemēt à cete rage, qui me tormēte. Et puis qu'il n'a remede en moi, ie te prie de plus ne me suivre, & retourne vers celle, qui t'a fait ve-

B

nir

LE SECOND LIVRE.

nir à mon malheur. Salué de ma part la Princeſſe Mabile, & ta bonne ſœur la Damoiſelle de Dānemarc: auxquelles tu pourras faire entendre la fin de mes iours par la mort cruelle que i'endure au plus grand tort qu'onques Cheualier ſouffrit. Que pleut à Dieu, que deuant i'eufſe eu moyen de leur faire ſeruiſſe, en reconnoiſſance de l'obligation que i'ay à elles, pour le bien & faueur qu'elles mont fait & moyenné ſouuent, Lors commença ſon dueil, & ſe mit à pleurer tant ameremēt, que Durin mêmes eut le cueur ſi ferré, qu'il ne lui peut répondre vn ſeul mot: Parquoi Amadis l'embrāça, en le commandant à Dieu. A l'heure l'aube du iour commença à paroître, & voyant Amadis que Gandalin le ſuyuoit lui dī: Situ deliberes venir avec moi, garde ſus ta vie de ne me détourner de choſe que ie vueille dire ou faire, ſinon, dēs à preſent, ie te prie prends autre chemin: & que ie ne te voye plus. Sus ma foi, répondit Gandalin, ie ferai ce q̄ vous voudrés: Lors Amadis lui bailla ſes armes, en lui commandant d'arracher l'épee qui tenoit encores à ſon écu & de la porter au Cheualier amoureux.

Quel étoit le Cheualier vaincu par Amadis & de ce qui lui étoit auenu auant qu'il eut combattu ſeulement.

CHAP. V.

P Vis quil vient ſi à propos, ie veus vous declarer (auant que de paſſer outre) l'état du Cheualier amoureux, duquel n'agueres il vous à été parlé. Il faut entendre, qu'il ſe nommoit le Patin, frere de dō Sidō lors Empereur de Rome, & étoit le meilleur Cheualier, q̄ ſe trouuāt en toute la Romanie. Au moyen de quoi il fut par tout l'Empire craint & redouté, mêmes pource qu'il venoit à ſucceder aus états de ſon frere: car il n'y auoit autre plus prochain de luy, & auoit déja l'empereur tel âge, qu'il n'eſperoit d'auoir iamais lignee. Or étoit le Patin vn iour deuſant avec la Roine de Sar

daigne, nommee Sardamire, l'vne des plus belles Dames du monde: laquelle il aymoit de grand' amour. Et ainſi qu'il lui faiſoit entendre l'ardeur, & tourmēt qu'il endureoit pour trop l'aymer, elle lui répondit: Mon Seigneur, ie croi aſſeurément ce que vous me dites: & pour vous en donner encores meilleur témoignage, ie vous aiſe qu'il n'y a Prince viuant pour qui ie vouſſie plus faire, que pour vous, & qui me fut plus agreable à mari: d'autant que ie ſçay vos bonnes parties, & la haute cheualerie dont vous êtes tant redouté. Ce propos éleua le cueur du Patin en tant de preſumption, qu'outre que de nature il fût l'vn des plus ſuperbes Gētis-hommes du monde il entra en tant de gloire, qu'il lui répondit, ma Dame, i'ay entendu, que le Roy Liſuart à vne fille eſtimée la plus belle Princeſſe du monde: mais pour l'amour de vous, i'yrai en la grand' Bretagne maintenir contre tous que ſa beauté n'ēt comparable à la vôtre. Ce que ie prouuerai en combat moi ſeul contre les deus meilleurs Cheualiers qui voudront dire le contraire: lequels ſi ne puis vaincre, ie veus que le Roy Liſuart me face trencher la tête. En bonne foi, mon Seigneur répondit la Royne, ie ne ſuis pas de cēt auiſ: car ſi la Damoiſelle à quelque beauté en elle, elle n'amoindrit en rien celle, que Dieu a miſe en moy, ſi beauté y a, & me ſemble que vous auez aſſés d'autres moyens plus honnêtes, à faire connoître en tous endroits votre prouèſſe. Quoy qu'il en puiſſe auenir, répondit il, ie le feray pour l'amour de vous: à ſin que chacun ſçaſſe, qu'ainſi comme vous êtes la plus belle Dame du monde, vous êtes aymee du meilleur Cheualier qui viue. Et de fait, continuant en cete fantaſie: quelque tems après il print cōgé de la Royne, & paſſa en la grand' Bretagne, acompagné ſeulement de deus Ecuyers. Lors s'enquit ou il pourroit trouuer le Roi Liſuart, vers lequel peu après il arriva: & pource qu'il étoit plus richement

ment armé, q̄ la coutume des Cheualiers errās ne le permettoit, le Roi estima qu'il deuoit être grand personnage. A cete cause il le receut treshonorablemēt & le fit cōduire en vne chābie pour le refraichir: puis etāt desarmé retourna ou le Roi l'atendoit, marchant en telle grauité, q̄ ceus qui le regardoyent (voyās la belle taille dont il étoit) le iugerent digne de grande cheualerie. Lors le Roi print par la main & deuifans ensemble, il lui dit: Mon grād amy ie vous prie ne trouués étrāge si i'ay desir de sçauoir qui vous êtes: car ce n'ēt que pour plus vous honorer en ma court. Sire répondit le Patin, ie ne suis venu en ce païs pour me celer: mais pour me faire cōnoître à vous, & à tous autres. Je suis le Patin frere de l'Empereur de Rome, qui vous supplie ne vouloir sçauoir plus auāt de mon affaire, tant que i'aye veu ma Dame Oriane vōtre fille. Quand le Roy le conneut tel, il l'embrāça, & en s'excusant de son ignorance, lui dit: Mon cousin, ie suis merueilleusement ioyeus de l'honneur, que vous m'aués fait, à me venir ain si visiter dans mes païs: vous assureāt que puis qu'avés desir de voir ma fille elle seule ne vous sera mōstree, mais la Roine & toute sa suite, Et tant continuerent leurs propos, que lon couvrit pour le souper Adōc le Roi le fit assoir tout au plus près de lui, ou il se trouua enuironné de si grand nombre de Cheualiers, qu'il en fut émeruillé: & commença à desestimer la court de l'Empereur son frere, & de tous autres Princes, pour le respect de celle qu'il voyoit. Après que les tables furent leuees, étant heure d'aller dormir le Roy commanda à dom Grumedan mener le Patin à son logis, & de lui faire tout l'honneur & bonne chere qu'il pourroit. Ainsi se donnerent le bon soir, iusques au lendemain matin, qu'il alla trouuer le Roy oyant la messe: après laquelle il fut conduit chés les Dames, lesquelles le receurent avecq̄ bon visage: car aussi tōt la Roine le print par la main, & le pria se se-

oir entre elle & sa fille Oriane, laq̄lle des l'instant il regarda de tel œil, que l'amour qu'il portoit au parauant à la Roine Saramire, se transféra à elle, pour l'excellente beauté & bōne grace que il y trouua. Vous pouvés donc iuger, quelle estime il en eut fait, la voyant au temps de son bon point; lequel elle auoit perdu, à cause de cete nouvelle ialousie conceüe contre Amadis, qui la rendoit maigre pāle, & deffaite. Mais ce deffaute ne peut aucunement étaindre l'ardeur du feu, qui s'étoit allumé au cueur du Patin: ains se trouua si transporté, qu'il delibera supplier le Roi la lui donner en mariage, faisant état qu'elle lui seroit aisément acordée, veu le lieu dont il étoit. Et des l'heure print cōgé des Dames & retourna vers le Roi, qui se vouloit mettre à table pour dîner, après lequel il se retira le lōg d'une fenestre & apellant le Patin deuiferēt longuemēt ensemble. Puis tōbans de propos en propos le Patin lui dīt, Sire, ie vous promis hier de vous dire (aussi tōt que i'aurois veu ma Dame Oriane vōtre fille) qui m'a meu de partir de Rome pour venir en la grād Bretaigne ie vous suppliene trouuer mauvais, si i'ay fait tant de long chemin, pour être venu en personné la vous demāder en mariage. Je l'ay choysie, tant pour auoir vōtre aliance, q̄ pour la beauté & bonne grace qui ēt en elle. Je croi q̄ n'ignorés point (veu le rang que ie tiens, & les moyens grans qui ne me peuvent fuir, comme à être vn iour Empereur de Rome) que si ie voulois prendre party en autre lieu il n'y a au-iourd'huy Prince viuant, qui ne fut tresayse de me recevoir. Mon cousin, répondit le Roy, ie vous mercie du bien, & de l'honneur que vous me faites: mais la Roine à toujours promis à Oriane, de ne la marier contre sa volonté, parquoi deuāt q̄ rien vous acorder, il nous faudra sentir d'elle si elle en seroit cōtēte. Ceci disoit le Roi pournē mē contēter le Patin: car il auoit deliberé de ne pouruoir sa fille à Prince, ou Seigneur, qui

LE SECOND LIVRE

qui l'enleuât hors du païs duquel elle de-
 uoit à l'auenir être Dame. Le Patin eut ce
 propos agreable, & attendant autre répon-
 ce du Roi, seiourna cinq iours à la court,
 toute-fois le Roi n'en parla point à Oria-
 ne, combien qu'il assura le Patin d'y a-
 uoir fait son possible, pour l'y faire con-
 descendre, neantmoins il ne l'auoit peu
 conuertir. Et pourtant gagnés la vous mê-
 mes si vous pouvés, disoit il au Patin, &
 la priés qu'elle face ce que ie lui cōman-
 deraï: Lors le Patin vint à elle, & lui dît.
 Ma Dame i'ay a vous faire vne requête
 qui vous sera honorable & profitable, la-
 quelle ie vous prie m'otroyer. Monsieur,
 répōdit la Princesse, elle ne vous doit pas
 être refusée, étant telle que vous m'assu-
 rés pourtant ne differés, s'il vous plaît à
 me declarer que c'est. Ie vous supplie, dît le
 Patin, obeir à ce q̄ le Roi vōtre pere vous
 commandera, Oriane (qui ne sçauoit à
 quelle intention il lui tenoit tel propos)
 luy répondit. Vous pouvés être assuré,
 monsieur, que ie serois bien déplaïsante
 de faire autrement. Cēte réponse conten-
 ta fort le Patin: car il pensoit dé-jà tenir
 Oriane pour sienne, & luy dît: Ma Dame,
 i'ay delibéré d'aller par ce païs chercher
 les auētures étranges, & espere faire tant
 d'armes, que vous orrés en brief parler de
 mes prouēsses, tant à mō auātage q̄ trop
 aisément vous acorderés à ce, q̄ le Roi vō-
 tre Pere vous commandera pour l'amour
 de moi. Puis print congé d'elle, sans pour
 ce coup lui declarer autre chose de son af-
 faire, & retourna vers le Roi, auquel il fit
 entēdre la répōse d'Oriane, & le vouloir
 qu'il auoit de s'en aller éprouver contre
 les Cheualiers errans. Vous ferés ce qu'il
 vous plaira, répondit le Roi, toutefois ie
 serois d'auis que vous deportissiez de tel-
 le entreprinse: car vous trouverez maintes
 auentures étranges & fort dangereuses,
 avec grād nōbre de Cheualiers fort vfi-
 tés aus armes, qui vous pourrōt peut être,
 quelq̄fois ennuyer. S'ils sont cheualereus
 & hardis, dît il, i'espere qu'ils ne trouue-

ront conardie, ou lâcheté en moy: ce que
 mes œuvres vous pourrōt témoigner cy a-
 prés. Et bien, répondit le Roi, faites ce
 qu'il vous plaira. Ainsi s'en partit le Patin
 sous l'esperance qu'il auoit prinse en O-
 riane, pour l'amour de laquelle il auoit
 composé la chanson qu'il chantoit, lors
 q̄ fortune l'adressa la part où Amadis fai-
 soit son dueil, qui le traita ainsi q̄ vous a-
 vés entēdu. Mais pour cēte heure nō nous
 tairons de lui pour retourner au propos,
 de Durin, le quel ayant laissé Amadis, re-
 tourna court passer au lieu mêmes, où le
 Patin gisoit navré, qui auoit oté son armet
 pour la douleur de sa playe ayāt dé-jà tāt
 perdu de sang, q̄ son visage & ses armes en
 étoient taintes & couvertes. Lequel au-
 sāt Durin, lui dît: Damoisēl mon amy, di-
 tes-moi, (si Dieu vous gard) ou ie pourai
 trouver lieu pour faire medeciner ma
 playe. Par mon ame, répondit il, ie n'e sçai
 nul sinon vn mais ceus que vous y trou-
 verés sont maintenant tant tristes que ie
 croy qu'ils ne pourront entendre à vous.
 Pourquoi? dît le Patin. Pour vn Cheua-
 lier répondit Durin, le quel a nouuellemēt
 gagné le lieu, duquel ie vous parle, & veu
 les images & choses secrettēs d'Apoli-
 don & de s'amyē, que iusques à lors nul
 autre auoit sceu voir: puis s'en partit se-
 cretement en telle melancolie, que lon n'en
 espere que la mort. Il me semble, dît le
 Patin, q̄ vous parlés de l'Isle Ferme, vous
 dites vray, répondit Durin. Cōment, dît
 le Patin, ēt elle dé-jà conquise. Par Dieu,
 i'en suis fort déplaïsant: car i'y allois pour
 m'y éprouver, & en esperance de la gai-
 gner. Durin se souzrit, & luy répondit.
 Vrayement Cheualier, s'il n'y a en vous
 plus de prouēssē cachée, q̄ celle q̄ vo' aués
 maintenāt manifestee i'estime qu'au lieu
 d'y gagner honneur, vous y eussiez aquis
 hōte & infamie. Le Patin s'en sentāt inju-
 rié, se leua, & cuida saisir les rênes du che-
 ual de Durin: Mais Durin tourna bride.
 Parquoi le Patin, voiant qu'il s'elongoit
 le rapella & lui dît. Ie vous prie, beau Si-
 re,

re me dire celui qui à fait cete glorieuse conquête. Dites moy donc premier qui vous êtes, répondit Durin. A cela ne tiendra, dit le Patin. Je suis le Patin frere de l'Empereur de Rome. Dieu soit loué, répondit, Durin: toute-fois à ce que ie voi, il y a en vous trop plus haut lignage, que de bonté aus armes, ne de courtoisie au parler, témoins les propos que vous aués n'agueres tenus au Cheualier, duquel vous vous enquerés, qui ét celui mêmes qui vous vient de laisser, lequel ie croy qu'aisément m'acorderés (veu le traitement qu'il vous a fait) qu'il ét digne de telle conquête, & non pas le Patin qu'il a vaincu. Ce disant donna des esperôs à son cheual, prenant le droit chemin de Londres, en bonne deliberation de reciter à la Princesse Oriane, tout ce, qu'il auoit veu & entendu d'Amadis.

Comme dom Galaor, Florestan, & Agraies, entreprindrent la queste d'Amadis: lequel ayant laissé ses armes changea son nom, & se retira en Hermitage, avec vn Hermite tresancien, pour y vivre solitairement.

CHAP. VI.

IE vous ay n'agueres dit, que quand Amadis se partit de l'Ile Ferme, ce fut si secretement, que Galaor, Florestan, Agraies, & autres ne s'en aperceurent aucunement. Aussi le serment qu'il auoit prins d'Ysanie le Gouverneur de ne leur declarer chose qu'il eut veu jusques au lendemain qu'ils auroyent ouï la messe: ce que fit Ysanie. Car le iour ensuyuant, ainsi que ces Signeurs se vouloyent mettre à table ils s'aperceurent de l'absence d'Amadis: mais Ysanie leur dit, qu'ils scauroyent après leur dîner qu'il étoit devenu. Parquoi ils allerent s'asseoir à table, pé sans qu'il fut allé quelque part pour son plaisir. Puis étans les tables leuees. Ysanie leur dit: Mes Signeurs, l'infortune de mon Seigneur Amadis: ét bien autre que vous n'estimés, ainsi que ie vous ferai maintenant entendre. Adonc leur recita comme

Am. 2.

il s'étoit dérobé d'eus, le grand ennuy qu'il auoit, & ce qu'il luy auoit commandé de leur dire: mêmes comme il dispoit de l'Ile, & qu'il les prioit affectueusement de ne le suyvre, veu qu'il n'esperoit aucun remede en son malheur: car sa mort lui étoit inévitable. Quand ils ouyrent si pitteuses nouvelles il n'y eut celui d'entr'eus à qui les larmes ne vinssent aus yeus, & se mirent à faire tregrand deuil. Mais sus tout Galaor s'écria, disant: Si ie puis le meilleur Cheualier du monde ne mourra pas ainsi. Et combien qu'il nous mande que ne le suyviens, si ne sera il ia pour ce coup obeï de moi: ains le chercheray tant que ie l'aurai trouvé & scauray qui l'a offensé. puis le vengerai ou mourrai en la peine. Par Dieu répondit Agraies, vous ne vous élongnerons de guerres: au moins si nous ne pouvons mettre remede à son mal, par force de puissance, ou de conseil, nous mourrons tous quant & luy. Encores n'ét ce pas tout, dit Ysanie à Galaor, il vous prie par moy de faire Gandalin Cheualier, & de vous servir d'Ardan son Nain: lesquels il vous recommande. Lors Galaor apella le Nain, & lui dit: Ardā ton maitre nous a laissés, & veut que tu sois mien, assure toy, que iour de ma vie ie ne te faudrai, pour l'honneur de lui. Comment répondit le Nain, ét doncques mort Monseigneur? Disant ces paroles, il se laissa tomber du haut de lui, & se mit à arracher ses cheueus, faisant tant grand deuil que merueilles. Et disoit: Je serois bien traître de vivre après mon maitre. Et de fait il se fût tué qui ne l'en eût gardé. Or auoit Florestan le cueur si serré qu'il ne pouvoit ny pleurer, ny parler, & se tenoit apuyé cōme s'il eut été trāsī. Et quand il peut auoir sa parole il dit à ses compagnons: Mes Signeurs, ce n'ét pas à nous de pleurer, ne faire telles lamentations, au tems que la necessité nous commande d'entendre à secourir mon Seigneur Amadis: laissons telle maniere de faire aus femmes: & auifons ensemble à

B 3

pour.

LE SECOND LIVRE

pourvoir à ce grand inconueniēt. Quāt à moi ie suis d'auis que sans plus seiourner nous montions à cheual: faisans toute diligence de le trouver. Lors nous pourrions sçauoir s'il y aura moyen de lui trouuer remede: car ainsi que nous faisons le tems se passe, la douleur augmente, & la personne s'elōgne. Le Seigneur Ysanie, à ce qu'il dît l'a cōduit quelque peu, & nous pourra montrer le chemin qu'il a prins: & si nous tardōs plus nous le perdros, sās esperance de iamaïs plus le reuoir. Pourtant mes Seigneurs, ie vous prie diligentōs de le suiure. Ce qu'ils acorderent: & firēt amener leurs cheuaus. Lors Ysanie les cōduit ou Amadis l'auoit laissē, & de là cheminerent tant qu'ils vindrent trouuer le Patin blecē: lequel ils auiserent couchē, tandis que ses Ecuyers coupoient branches, & abatoyent bois pour lui faire vne lictiere: car il étoit tant affoibly par l'effusion de son sang qu'il ne s'eut peu tenir à cheual: non pas répondre vn seul mot aus Cheualiers, qui le saluerent luy demandant qu'il l'auoit ainsi outragé: mais il fit signe, que ses Ecuyers le leur diroyent. A cēte cause Galaor le leur vint demander, léquels firent réponse, qu'il auoit ioutē contre vn Cheualier, qui venoit de l'Isle Ferme par lequel il auoit été abatu de la premiere rencontre: & que depuis il s'étoit releuē pour se venger par l'épee, ou il auoit encores pl⁹ mal fait ses besongnes, comme ilspouuoÿēt aperceuoir. Et qu'ēt devenu ce Cheualier: dît Galaor: Sus ma foy, répondirent les Ecuyers, nous ne sçauons: car nous n'étions presens à ce combat. Toutefois nous pensons l'auoir rencontré en venant icy, & couroit au travers de la forêt faisant le plus grand deuil du mōde, sans être suyui de nul q̄ d'vn Ecuyer: lequel pleuroit amerement, & lui portoit ses armes, & vn écu d'or à deus Lyons de Sable. Par Dieu, dît Florestan, c'ēt luy que nous cherchons. Or nous montrés qu'elle part il tire: ce qu'ils firēt. Lors les cheualiers allerent après: & tant

trauerferent, qu'ils paruindrent à vn carrefour, ou ils arrēterent pour auiser quel chemin ils pourroyent prendre: car il n'y auoit personne pour leur dire nouvelles de ce qu'ils cherchoyent, & à cēte cause delibererent d'eus separer, promettās l'vn à l'autre d'être de retour en la court du Roi Lisuart, au iour de la saint Iā ensuyuant: & s'ils n'auoyēt trouué Amadis, que lors seroit regardē à ce qu'ils auroiēt à faire. Adonc prenans congé l'vn de l'autre, & en pleurant se separerent: & depuis firēt tout leur possible d'é auoir nouvelles mais ce fut en vain, encores qu'ils cheuauchassent maints pais étranges, équels ils eurent de grands accidens & perilleuses rencontres. Mais entendés, qu'aussi tōt qu'Amadis eut renvoyé Durin, il donna des esperons à son cheual sans lui chaloir ne penser quel chemin il prendroit, & alloit ainsi que fortune le guidoit: tellement qu'il descendit au fons d'vne vallee obscure pleine de taillis & buissonnages, & lui sembla le lieu trécōmode pour n'être suyui de nul. Lors mit piē à terre, & laissa aller son cheual sans le débrider: puis s'assit le long d'vn Torrent, qui descendoit de la montagne & print vn peu d'eau pour se rafraîchir. A l'heure Gandalin l'ataignit, qui s'étoit arrētē à rendre l'épee au Patin, & trouua Amadis, étendu sus l'herbe sans qu'il dît vn seul mot: parquoy il ne lui osa riē dire: mais s'assit auprès de lui & peu après Amadis se leua. Et auisant Gandalin couchē, le poussa du piē, lui disant: Dors tu Gandalin? Par ma foi non, répondit il: car au lieu de dormir, ie pensois à deus choses, qui vous importunent de beaucoup, léquelles (s'il vous plaît) ie vous declarerai maintenant, sinon ie m'é tairay. Or te le lieue, dît Amadis & prés nos cheuaus: car ie m'en veus aller, pource que ie serois trop marri d'être trouué de ceus, qui peut être, me suiuent. Vrayement répondit Gandalin, vous êtes ce me semble, assés à l'écart: & cēt vōtre cheual tant las, que si ne le laissés quel-

quelque peu reposer, il ét impossible qu'il vous puisse longuemēt porter. Je te prie, dit il, en plorant, fais ce qu'il te semblera pour le mieus: car aussi bien ie n'espere nul alegement à mō mal pour demourer icy, ou pour cheminer. Mengés dōcq vn peu de ce pain, que i'ay aporté, pour vous soutenir, répondit Gandalin: mais il le refusa. Que voulés vous donc faire? dit il, voulés vous que ie vous die à quoy ie reuoys n'agueres! Ce m'et tout vn, répondit Amadis, ie ne pense plus qu'à mourir. Or m'écoutes, s'il vous plaît, dit Gandalin. I'ay longuemēt pensé à la lettre que Oriane vous à écrite, & aus propos que tenoit le Cheualier, cōtre lequel vous vous êtes combatu, & par consequent à la legereté, & peu de fermeté que ont les femmes: car puis qu'elle à changé son amour, & vous mêmes pour vn étranger, elle témoigne assés combien lon doit auoir d'as seurance aus semblables d'elle: & d'autre part, quād iecōsidere ses vertus il me semble quasi impossible qu'elle se soit iusques là oubliée. Toute-fois il pourroit être, qu'en vōtre absence, lon lui a fait quelque faus raport de vous pour lequel elle s'et ainsi fachee sans le declarer à personne, qui lui à engrégé son mal. Neâtmoins puis que vous êtes assuré, qu'onques vous ne messistes, & si elle a creu quelque mal-parlant, que la verité à la fin, sera cōneuë & par tant vōtre innocence aueree. Il me semble que ne vous deués ainsi desesperer, veu qu'il ét tout seur, qu'elle viēdra au repentir, de sorte que reconnoissāt le tort qu'elle vous aura fait, vous requerra pardon, & l'amendera auec plus d'aise, & de contentement, que vous n'eutes onc semble. Et pourtant efforcés vous de manger, à ce qu'ayés moyen cy après de conseruer vōtre vie attendu que si vous laissés ainsi perdre, vous perdres aussi tôt le bien & honneur, que iamais vous scauriés pretendre en ce monde. Tay toy, dit Amadis: car tu as menty si malheureusement & méchamment, que ie ne sache

homme qui ne s'ennuyât de t'ouir ainsi causer, pource q̄ tant sage & bonne Princesse ne faillit oncq': & si ie meurs, ie l'ay bien meritē, puis qu'elle sera à m'a mort obeie, & sati-faite. Et soys assuré, sans l'estime que i'ay que tu n'as dît tel propos, sinon pour cuyder alegier ma douleur: que ie t'ôteroïs presentement la tête de dessus les épaules, pour l'ofense que tu m'as faite, & te garde desormais que plus il ne t'aiuienne. Ce disant, se leua par grand courroux, & s'en alla contremont le Torrent, si pensif qu'il ne sçauoit quel chemin tenir. Ce que voyant Gandalin (craignant sa fureur, pensant aussi qu'il ne s'éloigneroit) ne le voulut suiure: mais se mit à dormir tant étoit agraué de sommeil. Et ainsi qu'Amadis retournoit vers lui, il l'aperceut en ce fort somme, & ne l'éueilla, ains alla prédre, & seller son cheual puis cacha la bride & le harnois de celui de Gandalin dans les buissons, à ce qu'a son réveil il ne le peut suyure. Ce fait s'arma, & monta à cheual suiuant le haut de la mōtagne. Lors sans arrêter chemina iusques environ les quatre heures du soir, qu'il descendit en vne grāde plaine ou il y auoit deus hauts arbres, & au dessous vne trebelle fontaine nōmee cōmunement, la fontaine du plain champ: vers laquelle il s'adressa pour faire boire son cheual, qui auoit longuemēt cheminé sans se rafraîschir. Et ainsi qu'il aprochoit de l'eau, il auisa vn homme de religion, vêtü pouvrement de laine de Cheure, ayant la barbe & les cheueus tous blancs, qui faisoit boire son àne. Lors Amadis le salua, lui demādant s'il étoit prêtre, ou nō. Certes, répōdit le preud'hōme, il y a des ans plus de xl. q̄ premiermāt ie celebrai messe. Dieu soit loué, dît Amadis Adonc mit le pié à terre, & ôta la selle, & la bride à son cheual lequel sentant la liberté, se print à fuir au trauers de la forêt toute-fois Amadis ne fit semblāt de le suyuir: mais se desarma de toutes armes: puis se vint ieter aus piés du preud'hōme, lequel

LE SECOND LIVRE

lequel en le prenant par les mains le fit
seoir aupres de lui: & le regardât lui sem-
bla le plu beau Gentil-homme, qu'il eut
onc veu combien qu'il fut pâle, & deffait
ayant le visage tout couvert de grosses
larmes. Dequoi l'Hermite eut si grand
compassiō, qu'il luy dît: Cheualier, ie croi
que vous aués quelque grand affliction
en vōtre ame. Neantmoins si vōtre deuil
procède de la repentance d'aucun peché
que vous aués cōmis en verité mon en-
fant, vous êtes bien heureux: & encores q̃
ce fut pour quelque perte tēporelle, com-
me i'estime, veu vōtre âge, & l'état auquel
vous aués vécu iusques à present, vous ne
vous deués ainsi ennuyer: mais requerir
pardon à Dieu, & il vous pardonnera, & re-
cevra pour sien. Adonc lui donna sa bene-
diction, lui disant: Or ça, confessés main-
tenant vos pechés. Lors Amadis commen-
ça à luy faire entier discours de sa vie,
sans rien obmettre. Certes dît le saint hō-
me, puis que Dieu vous a fait naître en si
haute lignee que vous êtes, vous deussiez
auoir été plus vertueux: ce non-obstant il
ne nous faut desespérer pour tribulation
qui vous vienne, mēmemēt pour cētē ci,
qui procède par ocaſion de fēme, laquelle
se gaigne facilement, & se pert plus de le-
ger. Pourtāt ie vous cōseille, mō fis, qu'ou-
bliant telles vanités, vous vous éloignés
desormais de tant miserables façōs de fai-
re pour Dieu: car elles ne déplaisent seu-
lement à lui: mais à toutes personnes de
vertu. Ah mon pere, répond Amadis, ie
suis maintenant en telle extremité, qu'il
êt impossible que ie puisse plus gueres vi-
ure: parquoy ie supplie hūblement en l'hō-
neur de celui grand Seigneur que vous ser-
ués, me recevoir en vōtre cōpagnie, & dō-
ner conseil à ma pauvre ame, pour le peu
qu'elle doit demeurer en ce malheureus
cors. Et des à present ie quitte harnois &
cheuaus pour vous suivre à pié, faisant
telle penitence que vous commanderez:
vous assurant (dît il, en pleurant amere-
ment) que si vous me refusés, vous ferés

grand peché, pource que ie m'en iray per-
dre au travers de cēte montaigne, sans de-
sir de vouloir rencontrer creature qui me
conforte. Quand le bon homme l'enten-
dit parler de telle affection il lui dît: Ie
vous promets, mō amy, que c'ēt mal fait
à vous (qui êtes Cheualier encores ieu-
ne & de belle taille) d'entrer en tel dese-
spoir veu que les femmes ne sçauent con-
seruer leur amour, que par la presence de
ceus qu'elles ayment: car naturellement
elles oublient promptement, & croiēt en-
cores plutōt par especial aus choses que
lon leur raporte de ceus, qui se donnent
follement à elles: lesquels, lors qu'il pen-
sent auoir ioye & contentement, se trou-
uent en tout ennuy & tribulation, ainsi
que vous l'experimentés par vous mēmes.
Pourtant ie vous prie soyés desormais
plus vertueux & constant: & puis qu'il a
pleu à nōtre Signr vous apeller à titre de
Roy, pour gouverner son peuple, retour-
nés au monde: car ce seroit domage de
vous perdre ainsi, & ne puis presumer qui
peut être celle, qui vous a reduit en telle
anxiété: attendu qu'encores qu'une femme
eut en elle seule les perfections, qu'ont
toutes les autres ensemble, si ne se devoit
pour elle perdre vn tel homme que vous
êtes. Mon pere répondit Amadis, ie ne
vous demande conseil de cela: ie n'en ay
maintenant nul besoin. Mais pour mon
ame, qu'il vous plaise me tenir desormais
en vōtre compagnie: veu que si vous me
refusés, ie ne voy autre remede en moy,
que de mourir avec les bêtes dedans cēte
forêt. Adonc le preud'homme le voyant
si obstiné, en eut telle compassion, que
les larmes luy tomberent iusques sus sa
longue & blanche barbe, & lui répondit:
Helas, mon enfant ie demeure en vn lieu
desert, & vis d'une vie trop austere pour
vous. Mon hermitage ét bien sēt lieus
dans la Mer, ou sommet d'une pauvre Ro-
che: en laquelle nul homme viuant ne
peut arriuer si n'ēt au commencement du
printemps. Et toute-fois, Dieu m'a tant
fait

fait de grace, qu'il y ia trente ans passés que i'y demeure, séparé de tout plaisir mondain, viuant seulement des petites aumones qu'aucuns pauvres gens de ce pais me font. Je vous promets mon pere, dit Amadis, que c'est ce que ie desire, & vous supplie de rechef tant qu'il m'est possible, pour l'honneur de Dieu m'otroyer q' i'aile avec vous. Ce que (par importunité couverte de pitié) l'hermite luy otroya, après toute-fois, luy auoir longuement contredit. Lors Amadis luy baisa les piés, disant: Mon pere, commandés moi ce qu'il vous plaira: car ie vous obeiray à mon pouoir. Lors le saint homme se mit à dire ses vèpres, apres lesquelles (pource qu'il n'auoit mangé de tout le jour) tira de sa bezasse vn petit de pain, & de poisson cuit au soleil, que lon lui auoit donné: & dit à Amadis qu'il mangeât comme luy: mais il le refusa, cōbien que c'étoit ja le tiers jour qu'il n'auoit auallé aucune substance. Parquoy l'Hermite luy dit: Mon fis, vous m'aués promis de m'obeir, faites ce que ie vous commande, & mengés: car si vous mouriés en telle pertinacité, vōtre ame seroit en trop de danger. A cete cause Amadis n'y osa contredire, & mengea bien peu: car il souspiroit à tous propos, ne pouant oublier le grand ennuy ou il étoit. Puis ayant prins ce peu de refection, le bon hōme étendit son manteau, & se coucha dessus, & Amadis à ses piés: lequel fut longuement sans pouoir reposer, se tournant & remuât comme vne personne très-mal disposée. Neantmoins à la fin, il fut si agraué de travail, & de fort sommeil qu'il s'endormit: & luy fut auis en songeant, qu'il étoit enfermé dans vne chābre si obscure, qu'il n'y auoit clarté quelconque, & n'en pouoyt trouver l'yslué pour sortir, dont il se lamentoit à merueilles: & que sa cousine Mabile, & la Damoyelle de Dannemarc vindrent à luy, ayans au deuant d'elles vn rayon de Soleil qui donnoit grand clarté au lieu tant tenebreux. Adonc le prenans par la main, luy dirent:

Signeur, sortés d'icy, s'il vo' plait, & nous suiues en ce palais, ce qu'il fit. Mais au sortir, il vid, ce luy sembla, Oriane environnée d'vne grād flamme de feu, qui luy donna si grād frayeur, qu'il s'écria: Iesus, secourés ma Dame Oriane: & luy mêmes se lança dans le feu pour la sauuer.

Lors la print entre ses bras, trauersant la flamme, sans mal auoir: puis l'emporta dans vn jardin le plus verd & plaisant qu'il eût oncques veu. Au haut cry que fit Amadis: le bon Hermite s'euilla: & le prenāt par la main luy demanda, qu'il auoit. Mon pere, répondit il, i'ay eu n'agueres en dormant tant de peine, q' ie m'ébaï que ie ne suis mort. Vōtre cry l'a assés témoigné, dit il, mais leuōs nous: car il est tems de nous en partir. Lors monta sus son âne: & print le chemin de l'hermitage, & Amadis le suiuyt à pié, deuisans ensemble de maintes choses, tant qu'il luy pria luy donner vn don qui ne luy seroit dommageable: ce que le preudhomme luy acorda. Je vous supplie donc, dit Amadis, que durant le tems que nous serōs ensemble, vous ne dirés à personne qui ie suis, & deormais me donner autre nom, tel qu'il vous plaira: puis quand ie seray mort, vous le ferés sçauoir, s'il vous plaît, à mes freres, pour venir quérir mon cors, & l'emporter en Gaule. Vōtre mort & vōtre vie, dit l'hermite, sont en la volōté de Dieu, pourtāt ne tenés jamais tel propos: car vo' l'offēsés grieuemēt: & aussi si vous le reconnoissés, aymés le & serués, cōme vous êtes tenu, il vous secourra & aidera: toute-fois quel autre nom voulés vous auoir? Tel qu'il vous plaira, dit Amadis.

Et ainsi qu'ils deuifoyent, le preud'hōme auoit instamment l'œil sus luy, & lui sembloit tou-jours de plus en plus beau: mais il le voyoit plein de tant de douleur, qu'il s'auisa de luy donner nom conforme à son excellence & grande melancolie. Et de fait, luy dit: Mon fis, vous êtes ieune, & de belle taille: ce non obstant vōtre vie est tenebreuse pour vōtre ennuy, pourtant ie

LE SECOND LIVRE

veus que vous soyés nommé, le beau Tenebreus, Ce qu'Amadis eut pour agreable estimant beaucoup la fantasie de l'Hermitte qui sans grand' ocaſion ne luy auoit imposé tel nom. Et à l'heure la nuit les surprint, ainsi qu'ils arriuoyent sus la riuue de la mer, ou ils trouverent vne barquette, qui auoit été querir l'Hermitte le jour precedēt en son Hermitage, dans laquelle ils s'embarquerent: & peu après prindrent port à la Roche pauvre, ainsi appelée pour la sterilité du lieu, comme lui témoigna le preud-homme. Lequel continuant son propos, luy dît: Mon amy, ie fu autre-fois ſuiuant le monde, ainsi que vous aués fait, & m'appelle on Andahod: vous asſeurant que durant mes ieunes ans i'étudiay en maintes ſciences vaines: mais Dieu par ſa grande bonté me mit en l'eſprit de me retirer en ce pauvre lieu, ou il y a ja trēte ans & plus q' y demeure, ſans q' i'en ſoys party, ſinon hyer, que ie fu aus obſeques d'vne miēne ſœur, qui ēt puis n'agueres decedee. Quand le beau Tenebreus ſe trouua en lieu ſi ſolitaire, il fut trefaiſe: eſperant q' ſans y faire long ſejour, ſa triſteſſe & ſa vie prendroyent fin. Ainſi demeura en la cōpagnie de l'Hermitte, cōſumāt ſes ieunes ans en pleurs, & continuelles lamētations: mettāt en nonchaloir tous honneurs mondains: mēmes la gloire qu'il aquīt, combatant Galpan, Abies Roy d'Yrlande, Dardan le Superbe & maints aures qu'il auoit vaincus: & cōmença à dépriſer en ſoy-mēmes toutes vanités, conſiderant la mobilité de fortune, qui peu deuant l'auoit tant eleué, qu'il étoit entré en la chambre defenduē d'Apolidon, cōme l'Histoire vous a au cōmencement fait entendre. Mais s'on luy eūt demandé, qui le mouoyt de ce faire, à vōtre auis qu'eut il répondu? Non autre choſe (comme ie croy) ſinon que le dépit d'vne femme debile l'auoit ainſi reduit: & eūt eſſayé de couvrir ſa faute ſus celle du fort & vertueux Hercules, de Sanſon, du ſage Salomō, de Virgile, & d'vne infinité d'au-

tres grands & vertueux perſonnages: qui tous ſont tombés en ſemblable miſere, ſans y auoir peu reſiſter non plus que lui. Et eut Amadis eſtimé, que leur mal-heur étoit ſuſiſant pour palier le ſien, & toutes-fois c'ēt bien au contraire: car ils luy deuoyent ſeruir d'exemple, pour ſe garder, non pour les imiter. Etoit il doncques bien raiſonnable que fortune le retirāt: étant ainſi vaincu, pour ſi petit d'ocaſion, & luy donner depuis plus de victoires & faueurs qu'il n'auoit eues au parauant? Il me ſemble que non: auſſi n'eūt elle fait ſi les choſes par elles executees contre lui ne fuſſent tournees au profit des perſōnes qu'elle vouloit biē traiter: la vie deſquels dependoit d'Amadis, qu'elle moleſtoit, tellement qu'il ſemble qu'elle a eu plus de pitié d'eus que de luy, ainſi que vous mēmes pourrés iuger. Pour-ce qu'Amadis ayant quaſi ataint le periode de ſa vie (lors que moins il eſperoit de remede) le Seigneur de tout le monde le regarda en pitié, & le rapella en ſon premier état, par le moyen qui vous ſera recité. Mais afin que nous n'eloignons l'ordre de nôtre hiſtoire, il vous faut premier entendre ce qui auint à Gandalin, depuis qu'il fut éueillé, & qu'il ne trouua plus Amadis ne ſon cheual. Lors il ſe leua d'effroy, ſe doutant de ce qu'il luy étoit auenu: & regarda de toutes parts: toute-fois il ne vid qu'arbres & buiſſons. Au moyen dequoi il ſe mit à crier & appeller, ſans qu'autre luy répondit qu'Echo, laquelle faiſoit retentir la vallee. Adōc conneut bien qu'Amadis étoit abſent. A cēte cauſe comença à faire vn tant triſte dueil, que rien plus, en delibérant d'aller après, & donner ordre de le recouurer, & pour ce faire retourna ou il auoit laiſſé ſon cheual, lequel il trouua n'ayant ne ſelle ne bride, dont il cuida deſeſperer. Er ainſi qu'il ſe tormentoit, & tournoyoit d'vne part & d'autre au trauers les halliers, il auifa le harnois qu'il cherchoit: parquōi incontinent alla ſeller ſon cheual, & monta deſſus, courāt au trauers

de la forêt, ne sachât quelle part il devoit tirer, & en cete frenesie chemina cinq jours consecutifs, sans s'y arrêter, sinõ aus bordes & villages, ou il s'enqueroit d'Amadis. Toute-fois il n'en peut auoir nouvelles, iusques au sixième jour, qu'il entra en la prairie ou étoit la fontaine, joignant laquelle Amadis auoit laissé ses armes. Là auisa vn pauillon tendu, & deus Damoyelles, ausquelles il s'adressa, leur demadât s'elles auoyent point veu passer vn Cheualier, portant vn écu d'or à deus Lyons de sable. Nous n'auons point veu, répondirent elles, le cheualier que vous demandés: mais nous auons trouvé son écu, & le reste de son harnois sus le bord de cete fontaine. Quand Gandalin les entendit, il fit vn haut cry, & s'arrachât les cheueus dît en pleurant: Ah, ah, vierge Marie, c'êt fait de luy! làs, quel malheur, le meilleur cheualier du monde, êt il perdu? Puis renforça son dueil si étrangement, que chacune d'elles en eut grand compassion: car il crioyt sans interualle: Helàs, mon Seigneur, que tant mal vous ay sceu garder! Certes, lon me doit bien estimer le plus malheureus Ecuyer qui viue sus la terre, vous ayant si malheureusement abandonné, & vous qui souliés être le rempart & refuge de toutes personnes ennuyées, n'aués maintenant conseil ou confort de nul viuant, mêmes de moy chetif, qui par ma grande faute & paresse, vous ay delaisé à vôte grand besoin, & lors que mieus ie vous deuois seruir! A peine eut il proferé cete parolle, qu'il se laissa choir éuanouy. Ce que voyant les Damoyelles, s'écrierent: Iesus, c'êt Ecuyer êt mort, & hâtiuemêt coururêt à luy: mais il ne se mouoit nullement. Toute-fois elles firent tant que le cœur luy renforça, & apres elles luy dirent: Mon amy, vous aués tort de ainsi vous desesperer pour chose dont vous êtes encores incertain. Il vous seroyt trop mieus seant de chercher vôte maître, attendu que les vertueus (comme vous deués être) augmentent leur ef-

fort, lors que l'aduersité les assaut. Gandalin conneut qu'elles luy disoyent vray: & à cete cause il delibera (suiuant leur conseil) de tant aller & venir, qu'il auroit nouvelles d'Amadis. Mais ie vous prie mes Damoiselles, répondit il, dites moy ou vous aués trouvé ses armes. Volontiers, dirent elles. Nous étions n'agueres en la compagnie de Don Guillan le Pensif, lequel nous a ces jours passés delivrées de la prison de Gandinos le Felon, avec plus de vingt autres Dames & Damoyelles faisant tant d'armes, qu'il a rompu la peruerse coutume du château, & contraint le Seigneur de leās iurer iamais plus la maintenir. Et pource que toutes ont eu liberté d'aller ou il leur a pleu, ma compagne & moy l'auons suiuy iusques en ce lieu, & y a déja quatre iours que nous y sommes arrêtees: pour ce que quand nous y arriuâmes, Guillan reconneut les armes de celuy que vous demandés, lesquelles étoient abandonnées sus le bord de la fontaine. Et vous promets qu'onc Cheualier ne fut plus déplaisant que luy: car des qu'il les auisa, il mit pied à terre, disant: Par Dieu ce lieu n'êt pas digne de l'Escu du meilleur Cheualier du monde. Puis le leua de terre, & le pendit à cêt arbre. Ce fait, remonta soudain à cheual, nous commandant expressement, que le gardissions iusques à ce qu'il eût trouvé le Cheualier à qui il fut: & pource faire, nous auôs tenu du ces pauillõs que vous voyés. Tant y a, qu'après l'auoir gardé trois jours entiers, il êt retourné, & arriua encores hier tout tard, sans en auoir nouvelles, & des le plus matin il a fait prèdre à ses Ecuyers les armes trouuees, & luy mêmes a ôté son écu pour mettre à son col celui q̄ no^s gardiõs. Mais ce faisant il pleuroit amerement, & disoit: Certes écu, vous faites vn mauvais change de vôte maître à moi. Puis nous a dit, qu'il s'en alloit en la court du Roy Lisuart, presenter à la Roine Brisene, cete depouille: étant assuré qu'elle ne seroyt moins dolente q̄ luy de telle infortune,

LE SECOND LIVRE

& nous autres allons après remercier la Roine du bien que Guillan nous a fait, pour l'amour d'elle, ainsi qu'il nous a commandé faire. Lors Gandalin les commanda à Dieu, les asseurant qu'il trouveroyt celui duquel depédoit sa mort, ou sa vie, ou que ses jours prendroyent fin en le cherchant.

Comme Durin retourna vers la Princesse Oriane, à laquelle il fit entendre les piteuses nouvelles d'Amadis: & du grand deuil qu'elle fit, après auoir sceu le desespoir de luy.

CHAP. VII.

DUrin ayant laissé le Patin en la forêt (ainsi que vous aués entendu) fit si grande diligence de retourner vers Oriane, pour luy faire entendre, ce qu'il auoit veu d'Amadis, que le dixième iour en suivant il arriva en la ville de Londres. Mais aussi tôt qu'Oriane l'aperceut, le cœur luy émeut de sorte qu'elle fut contrainte entrer en sa chambre, & se ieter sus son lit premier que parler à Durin: & peu après commanda à la Damoiselle de Dannemarc de le faire entrer, & que tandis qu'elle deuileroyt avec lui, nul autre vint ou elle étoit, à quoi la Damoiselle pourueut sagement. Lors étant Durin à genous deuant elle, elle luy dit: Durin, mon amy, par la foy que tu me dois, conte moy en quel état tu as trouvé Amadis, la contenance qu'il a tenue lisant ma lettre, & ce qu'il te semble de la Roine Briolanie. Ma Dame, répondit il, sus ma foi, ie vous en diray la pure verité, combien que ie sois seur, qu'à vous & à d'autres elle sera quasi incroyable. Au partir d'icy (comme il vous pleut me commander) ie m'en allay sans sejourner, en la ville de Sobradise, ou ie trouuay la Roine Briolanie, qui ét (à mon auis) après vous la plus belle Princesse du monde, & de meilleure grace. La i'eueu nouvelles que mon Seigneur Amadis & ses compagnons étoient délogés pour retourner en cete court: mais que sus le chemin ils auoyent rencontré

une Damoiselle qui les auoyt menés en l'île Ferme, pour eus éprouver aus étranges auentures qui y souloyent être: parquoy incontinent i'y prins mon chemin, & y arriuy ainsi que mon Seigneur Amadis passoyt l'arc des loyaus amans, sous lequel nul ne peut trauerser, s'il a en rien faussé ses amours enuers la Dame, que premier il a seruie. Comment? dit elle, a il si temerairement entrepris telle auenture, ayant sa déloyauté si recente deuant les jeux? Je ne sçay, ma Dame, répondit Durin, comme vous l'entendés: car à ce que ie voy il luy ét mieus auenu que vous n'estimés, veu qu'il y a aquis plus d'honneur qu'onques Cheualier loyal n'en receut, ainsi que maints peuvēt témoigner par les signes qui alors s'aparurēt. Et combien qu'à l'instāt Oriane dissimulāt le plaisir qu'elle eut de ces nouvelles, si ne sceut elle si bien faire, que de grand'joye la rougeur qui luy survint, ne luy embellit son clair visage, pour l'assurance qu'elle eut de la loyauté d'Amadis. Adonc Durin cōtinuāt son propos, luy dît: Ma Dame, il a fait encores plus: car après qu'il eût acheué cete auanture si étrange il eut nouvelles que messieurs ses cōpagnons, Galaor, Florestan, & Agrayes cuydans gaigner la chambre defendue, auoyent été repoussés du perron de mambre, si lourdement, qu'ils étoient presque morts. Au moyen dequoy, mon Seigneur Amadis voulant les venger, baissa la veuë, & tenant son épée & l'écu au poing, trauersā tout les pas defendus, & maugré tous enchantemens entra au dedans de la chambre: mais ce ne fut sans souffrir beaucoup. Lors acquit la signeurie de l'île Ferme: & luy ont les habitans déjà fait les hommages & sermens de fidelité, suivant la coutume de la contree, qui ét l'une des plus belles & plus fortes du monde. Et sçachés, ma Dame, qu'il y auoit cēt ans & plus, que creature viuante n'auoyt passé les perrons, sinon mon Seigneur Amadis: par l'effort duquel nous auōs depuis veu toutes les singulari-

gularités & richesses du palais d'Apolidon, & la chambre auantureuse, qui ét renommee par tous les endroits de la terre. Durant ce discours, Oriane étoit quasi ravie de grand'ayse, & plaisir, qu'elle auoit sous l'esperance de se voir quelque jour entre telles singularités, au contentement de son amy & d'elle: & dit à Durin: Vrayement Durin, la fortune luy a été bien favorable: Ah, ma Dame, répondit il, mais trop rigoureuse: que pleût à Dieu, qu'un autre luy eût porté la malheureuse lettre, que vous luy écriuîtes par moy. Cōment, dit Oriane, conte moy, ie te prie, quelle contenance il tint en la lisant. Ma Dame ie le vous diray, puis qu'il vous plait, répondit il, encores que ie soys seur, q̄ vous serés trop déplaisante, quand vous entendrés la consequence en quoy elle ét tournée, & le mal qu'elle a aporté au meilleur & plus loyal cheualier du mōde. En quelle sorte? dit elle. Vous êtes cause de sa mort, répondit Durin. Iesus! dit Oriane, qu'ét ce que tu me dis? Je vous dy vray, ma Dame, répondit il: car vous aués forgé le glaive, qui l'a navré à la mort, & ie le luy ay porté: ainsi tous deus sommes homicides de luy. Lors luy declara par le menu, la maniere qu'il lui presenta la lettre, & le desespoir ou il entra après l'auoir veü. En sorte, dit Durin, que peu après il s'en partit secrettement du palais d'Apolidon, avec Gandalin, Ysanie gouverneur de l'Ile, & moy: & le cōduîmes iusques à un hermitage, ou il nous fit defense de pl⁹ l'accompagner: puis mōta à cheual, & sans prendre armet, écu, ne lance, s'enfuyt au trauers de la mōtagne, cōme vne personne priuee d'entendement. Après luy recita tous les propos qu'il auoit tenus particulièrement en leur disant à Dieu, & faisoit Durin ce discours avec tant de larmes, qu'il eût été difficile à iuger, qui auoit le cœur plus triste, de luy ou d'Oriane. Et sachés ma Dame, disoit il qu'après son partement (non obstant ses interdictions & defenses) Gandalin & moy le suiûmes,

& le trouuâmes endormy sus le bord d'une fontaine, toutes-fois son sommeil ne fut long: car tōt après il s'éueillâ en sursaut, & commença à faire le plus grand dueil du monde, regrettant le Roy Perion son pere, puis Mabile & autres. Ce pēdant nous étions cachés Gandalin & moy, craignāt sa fureur, au moyen dequoy, sans empêchement de nous il passa la plus part de la nuit en telles lamentations, iusques sus le point du jour, qu'il survint un Cheualier, chantant vne chanson qu'il auoit faite pour l'amour de vous. Laquelle Durin lui recita: aussi ce que depuis il auint au Partin: qui ferra tant le cœur d'Oriane, qu'elle demeura évanouye, tenant toute contenance de personne morte. Ce que craignant Durin, apella la Princesse Mabile, & la Damoiselle de Dannemarc, auxquelles il dit: Allés secourir ma Dame, qui endure beaucoup, pour chose ou il ét trop tard de pouruoir: & si elle a failly, la peine lui ét iustement deuë. Lors se retira, laissant ses femmes biē ébaïes: car elles ignoroyēt la cause de cēt inconuenient, & ne scauoient quel remede y trouver. Toutefois ils la traiterent en sorte, qu'elle reuint de pānoison: & ietāt un soupir, dit d'une voix foible & lente: Ah, malheureuse que ie suis! quād à si grād tort, i'ay fait mourir la personne que plus i'aymois en ce monde! Et puis qu'il ét hors de ma puissance reuoquer le mal dont ie suis cause, ie vous supplie (amy) prendre ma repentance en satisfactiō du mal que ie vous ay pourchassé, avec le sacrifice, que ie ferai de ma propre vie, pour vous suiure à la mort: & par ainsi l'ingratitude que i'ay commise contre vōtre loyauté, sera manifestee, vous vengé, & moy punie. Et comme elle cuidoit parler d'auantage, la parole lui faillit de rechef: dont Mabile & la Damoiselle de Dannemarc furent plus ébaïes que deuant, & appellerent Durin pour scauoir quelles facheuses nouvelles il auoit aportées à Oriane, lequel sommairement les leur declara. Or m'en laissez donc faire,

dit

dît Mabile: car i'y sçauray bien pourvoir. Lors la delacherent, & firent tant que le cœur luy reuint: puis Mabile luy demanda, cōme elle se trouvoit. M'amie, répondit elle, trop mieus que ie ne voudrois. Que pleût à Dieu que ie fusse morte: car aussi bien ne fai-je plus que languir. Pourquoi, ma Dame: dît Mabile, pensés vous mon cousin si peu constant, qu'il n'excuse bien l'iniure que vous luy aués faite, sachant que forte amour plutôt que nulle autre chose vous y a cōtrainte? Et s'il s'en est allé, comme Durin vous a dit, c'est pour passer partie de sa melancolie, attendant que son innocence vous soyt conneuë: mais ie suis certaine, s'il vous plaît le rapeller, qu'il est autāt prêt de vous obeir, qu'il fut onc. Et voicy que vous ferés: priés le par vne lettre qu'il ne prenne garde à ce que vous luy aués mandé par Durin, & que vous le fites aussi promptement, cōme legerement vous crûtes le faus raport, qu'on vous a fait de luy: & pourtant qu'il vienne vers vous à Mirefleur, ou vous l'atendés pour amender vôtre faute à sa discretion. Ah, ma cousine, répondit Oriane, estimés vous que jamais il me daigne regarder, ne faire vn pas pour moy? Mais estimés vous, dît Mabile, que l'amour qu'il vous porte soit de si peu de merite enuers vous qu'il n'ayt encores plus d'ayse d'auoir recouuré vôtre bōne grace, qu'il n'a eu de déplaisir en se absentât de vous, par vôtre cōmandement? Ie m'asseure bien, que pour mourir il ne vous voudroit déplaire. Et pour biē faire, il faut q̄ la Damoiselle de Dānemarc entreprenne la charge de le trouver, pour ce qu'il la connoît, & se fie à elle. Et bien (répondit Oriane) Dieu par sa grace la vueille bien conduire, & ramener. Adonc print ancre & papier, & suiuant leur deliberation, écriuit à Amadis, puis fut la lettre baillee à la Damoiselle de Dānemarc, avec expres commandement de passer premier en Ecoce, estimant qu'il s'y seroyt retiré avec Gandales, plutôt qu'en nul au

tre lieu. Et pour mieus faindre leur entreprinse, auiserent que la Damoiselle seroit entendre à la Roine, que Mabile l'envoyoyoit vers la Roine d'Ecoce sa mere, pour sçauoir nouvelles d'elle: ce que la Roine eût agreable, & luy bailla lettre & dons pour luy presenter. Ainsi fut depêchee la Damoiselle, laquelle s'en partit avec Durin son frere, & Enil cousin de Gandales. Et tant cheminerent, qu'ils vindrent en vn port apellé Vegil, lequel separe la grand Bretagne du Royaume d'Ecoce. Là s'embarquerent, & eurent vent si à point, que le fixième jour ensuiuant ils descendirent en la ville de Poliges. Puis prindrent leur chemin vers le Cheualier Gandales, lequel ils trouverent ainsi qu'il s'en alloit à la chasse: mais quand il vid la Damoiselle de Dannemarc (connoissant qu'elle étoit étrangere) il l'arresta, luy demandant qu'elle cherchoit en ses pais. Vous mêmes, répondit elle, vers qui deus Princesses vos amyes m'ont commandé de m'adresser, pour presenter de par elles aucuns presens que ie porte à la Roine d'Ecoce. Ma Damoiselle, dît il, vous plairoit il me dire leurs noms? Volontiers, répondit elle. L'vne est ma Dame Oriane, fille du puissant Roy Lisuart: & l'autre la Princesse Mabile, que bien vous connoissés. Ha, dît Gandales, vous soyés la plus q̄ trébien arriuee: Par ma foy, elles ont raison de me tenir leur treshūble seruiteur: car aussi le suis ie, & vous prie tant qu'il m'est possible, me faire cēt honneur de venir descēdre chés moy, puis demain nous yrons ensemble trouver la Roine: & ce pendant, faites moy ce bien de me dire comme se porte Amadis. La Damoiselle fut lors biē étōnee, voyāt qu'elle auoit failly à son entreprise: toute-fois le dissimulant, répondit à Gandales: Qu'il n'étoyt retourné en la court depuis le partement qu'il en auoit fait pour aller venger Brianie: & pense on qu'il soit venu par deçà avec son cousin Agraies, voir la Roine d'Ecoce sa tante, & vous aussi: à cete cause

la Royne & autres Dames ses parentes & grandes amyes m'ont donné charge luy bailler vne lettre qu'il aura agreable, comme ie suis seure. Et disoit tel propos la Damoiselle: pour ce qu'elle sçauoit certainement, que si Amadis s'eût voulu celer (ayant entendu qu'elle lui portoit nouuelles d'Oriane) il eût changé d'opinion, pour parler à elle. Pleût à Dieu, dit Gadales, qu'il y fût: car il y a long tems que j'ai bonne enuie de le voir. Ainsi deuisans arriuerent au château de Gandales, ou il fetoit la Damoiselle trois jours durant: & le quatrième ensuiuant il la conduit à la court, ou elle presenta à la Royne d'Ecoce les lettres & presens que la Royne Brisenne luy enuoyoit.

Comme dom Guillan le Pensif, porta en la court du Roy Lisuart l'écu, & les armes d'Amadis qu'il auoit trouuees à la fontaine du plain chāp, sans aucune garde.

CHAP. VIII.

A Pres que Dom Guillan le Pensif fut party de la fontaine, ou il trouua les armes d'Amadis, chemina vns jours entiers premier que d'arriuer à la court du Roy Lisuart. Et portoit ordinairement l'Ecu d'Amadis en son col sans ce qu'il l'en ôtat, sinon quand il étoit contraint de combattre: lors il prenoit le sien, craignant offenser l'autre. Et ainsi qu'il cheminoit, rencōtra deus Cheualiers cousins d'Arcalaus, lesquels conneurent incontinent l'écu d'Amadis: & pensoyent de Guillan que ce fût il. Parquoy eus (qui lui vouloyent mal de mort) se delibererēt l'assaillir, & disoyent l'un à l'autre: A ce coup porterons nous la tête de ce paillard à notre oncle Arcalaus. Cete parole dirent ils si haut, que Guillan l'entendit, dont la colere luy monta si fort au visage, qu'il leur répondit: Par Dieu, paillards, vous contés sans vôtre hôte: car oncques traître ne m'épouenta, non ferés pas vous, puis que ie vous connois parens d'Arcalaus, & aussi méchās que luy. Lors baissa la veüe, & couchāt sō bois, dōna au trauers d'eus.

Or étoient ils ieunes, & roydes: parquoy se defendirent hardiment, toute-fois à la fin ne peurent resister contre celui qui les auoit chargés. Lequel, après auoir longuement cōbatu, donna de l'épee dans la gorge du plus ancien, & l'autre se mit à fuyr contremont la montaigne, sans être longuement poursuyuy de Guillan: car il étoit quelque peu navré; qui fut cause de luy faire acoursir sa chasse, pour reprēdre son chemin, le long duquel il chemina tāt qu'il arriua chēs vn Cheualier de sa connoissance, ou il logea, pour ce qu'il étoit ia bien tard. Puis le lendemain (ainsi qu'il vouloit déloger du logis) son hôte, le voyant sans lance, luy en fit present d'une, & au partir de là chemina tāt qu'il vint près d'un fleuve, nommé Guynon, sus lequel étoit assis vn pont large seulement pour passer deus cheuaus de front. Et s'approchāt plus près, auisa vn Cheualier entrer, lequel portoit vn Ecu verd à vne bende d'argent. Lors conneut que c'étoit son cousin Ladasin, & d'autre part vid vn autre Cheualier prêt à combattre, qui défendoit à Ladasin de ne passer outre, s'il ne vouloit rompre vne lance cōtrē lui: mais Ladasin lui répondit, qu'il ne s'arresteroit pour si peu de chose, & de fait se couvrant de son écu, donna des éperons au cheual. Autant en fit celui qui gardoit le passage, lequel étoit monté sus vn grand dérier bay: & portoit vn écu d'argent à vn Lyon de sable, & son heaume tout noir. Leur rencontre fut si grande, que Ladasin tōba dans l'eau, ou sans doute il se fût noyé (tāt pour la pesanteur des armes, que pour le haut lieu, dont il étoit cheu) sans aucuns Saus, ou il se harpa: par le moyen desquels il aborda à la riue de l'eau. Ce pendant celui qui l'auoit abatu retourna à petit pas dont il étoit party. Adonc Guillan voyant son cousin en tel danger, courut diligemment le secourir, & le fit tirer à bord par ses Ecuyers. Puis lui dît: Par dieu cousin, sās ces rames, vous étiez en dāger, & par ainsi tous Cheualiers étranges deuoyent

LE SECOND LIVRE

vroyët bië douter les joustes de tels pôts: car ceus qui les gardent y ont leurs cheuaus faits & adextrés de longue main, avec lesquels (plus que par leur prouësse) ils acquierët l'honneur & reputation contre trop de meilleurs Cheualiers qu'ils ne font. Et quant à moy, ie tournoyerois auant vn jour entier, q̄ de me mettre en tel hazard, n'étoit pour vous vëger, si ie puis. Or n'auoit le cheual de Ladafin suiuy son maître: ains étoit passé de l'autre part de la riuiera, & le tenoyent les Ecuyers du Cheualier du pont, qui le menerent dans vne tour plaisante, & forte, assise au milieu de l'eau. Parquoy Guillan print son écu, & couchant sa lance, cria au Cheualier du pont, qu'il se gardât de luy. Lequel vint encontre, se donnans grands coups de lances: toute-fois il print si bien à Guillan, qu'il renuersa dans la riuiera hōme & cheual ensemble, & luy mêmes y fut tombé (car il fut desarçonné comme l'autre) mais en cheant, son cheual alla d'un côté, & luy rencontra quelques posteaus qui l'arestèrent: par l'ayde desquels il remonta sur le pont, & vid le Cheualier qui auoit trouvé moyen de se prendre à la queue de son cheual: par le moyë duquel tōt après il paruint à bord, & l'autre cheual vint arriuer vers les Ecuyers de Ladafin, qui le prindrent. Ainsi malgré les deus Cheualiers, ils firent échange de cheuaus, & à cete cause, Guillan manda au Cheualier, que s'il vouloyt rendre son cheual, & celuy de son compagnon, qu'ils lui renuoyeroyët celuy que leurs Ecuyers auoyent pris, & qu'ils s'en iroyent. Comment? répondit le Cheualier à celuy qui luy porta la parole, pensent ils échapper ainsi legerement d'entre mes mains. Ouy bië, dit l'autre: car ils ont fait au passage tout ce que la coutume requiert. Non pas encores, répondit le Cheualier, puis que sommes tombés tous deus: ains faut qu'ils gaignët le pont par l'épee, s'ils veulent passer. Voulés vous doncques, dit l'autre, les faire combattre par force? Il me

semble, qu'il vous doit assés suffire de l'ennuy que vous leur aués fait, veu que tous ponts doiuent être communs pour les passans. Il ne m'en chaut, répondit le Cheualier, va promptemēt leur dire, qu'il leur faut sentir (par amour ou par force) comme mon épee trenche. Adonc remonta le plus vitemēt qu'il peut à cheual, sans mettre le pié à l'étrier: puis s'approchant de Guillan, luy dit d'une trégrande & fiere audace: Cheualier, vous aués longuement fait parler vōtre ambassadeur: mais deuant que vous m'échapiés, il vous êt force de me dire si vous êtes des vassaus du Roy Lisuart, ou de sa maison. Pourquoi, répondit Guillan. Pleût à Dieu, dit l'autre, que ie le tinssē maintenant en vōtre lieu: car par ma tête, il ne regneroit iour de sa vie. Quand Guillan l'entendit, il fut si maītry que rien plus, & luy répondit: En bonne foy, si le Roy Lisuart mō signeur étoit en ma place: ie suis bien seur qu'aisément il vous feroit reconnaître cete grande presumption: & puis qu'il êt absent, & que ie sçay le mal que vous luy voulés, i'ay plus grand envie de combattre que ie n'en oncques contre autre Cheualier. Et si ie puis (comme son sujet & Cheualier de sa maison) ie feray que tant bon Prince sera exempt désormais du déplaisir que luy pourchassés. Je ne croy pas cela, dit l'autre: car deuant qu'il soyt my-jour, ie vous mettray en tel état, que luy porterés de mes nouvelles. Toutes-fois auant que vous receués le traitement que merités, ie veus que vous sçachés qui ie suis, & les presens que ie vous enuoyeray par vous. Trop étoit Guillan déplaisant des propos du Cheualier, & n'eût tant différé le cōbat, n'eût été qu'il promettoit de luy dire son nom: parquoy il se modera vn peu pour écouter ce qu'il lui diroit. Or sachés, dit le Cheualier, que ie suis Gandalod fis de Barfinan, ja-dis Signeur de Sāsuegue: leq̄l le Roy Lisuart fit mourir méchammēt en la ville de Londres. Les presens que ie lui en-

enuoyray par vous seront les têtes de quatre Cheualiers de la maison, que ie tiens prisonniers: dont l'un d'eus est Giôtes son neveu, & vôtre main dextre aussi, laquelle ie pendray à vôtre col après vous l'auoir coupee & separee du bras. Par Dieu traître, répondit Guillan, si tu sçais autant faire que tu te vantes, ce sera beaucoup: mais ie croy que tu mentiras. Ce disant vint ruer sus lui. Lors commença entr'eus deus un combat âpre, & cruel: car sans prendre aleine ils se pressoyent tant l'un l'autre, q̄ Lasinde, & les Ecuyers, qui étoient presens, ne pensoyent q̄ l'un des deus peut échaper la mort. Et neantmoins ils se maintenoient si bien que lon n'eut peu iuger qui auoit le meilleur: car ils étoient prompts Cheualiers, hardis, & visités aus armes, tellement qu'ils se sçauoient tant bien garder que peu de cous les endommageoyent iusques à la chair viue. Et ainsi qu'ils étoient au fort de leur combat, ils entendirent sonner un cor du haut de la tour, de quoi Guillan s'ébait, pensant que ce fut quelque nouveau secours à son ennemy: & d'autre part Gandalod se va soupçonner de quelque reuolte des captifs, qu'il tenoit en ses prisons. Et a cete cause chacun d'eus fit plus d'effort que deuant de vaincre son compagnon, auât que le secours survint: & de fait Gandalod vint se lancer sus Guillan, cuydant le desarçonner: mais Guillan le ferra si fort, qu'ils tomberent tous deus à terre, roulans l'un sus l'autre, sans toutefois, que les épées leurs sortissent des poins & print si bien à Guillan, qu'il gagna le dessus. Au moyen de quoi, auant q̄ l'autre se peut leuer, il lui donna cinq ou sis grans coups d'épee, qui l'étonnerent de sorte, que de là en auant il commença à affoiblir. Neant-moins étant sus bout il se defendoit, & assailloit encores vertueusement, donnant bien à connoitre le peu de bien qu'il vouloit à son ennemy: lequel le pressa tant, que force luy fut de reculer & tourner le dos. A cete cause

Am.2.

Guillan, qui le voyoit à découuert, lui donna si grand coup d'épee sus le bras: qu'il le lui separa des côtés. Lors de grand douleur qu'il eut, ieta un haut cri: fuyant vers sa tour: mais Guillan le deuança, & l'empoignant par le heaume, le tira si rudement, qu'il le lui arracha de la tête: Puis lui mettant l'épee en la gorge, lui dit. Par Dieu ce sera vous qui yra vers le Roi Lisuart, luy presenter autres têtes, que celles que luy auies dediees: & si ne me voulés obeïr, la vôtre me fera la raison. Helas, répondit Gandalod, j'ayme trop mieus me rendre à la miséricorde d'un Roi que de mourir presentement. Lors bailla sa foy à Guillan: puis remonterent à cheual, & Ladassin avec eus. Al' instant ils entendirent une grande reuolte dans la tour, & virent fuir l'un des gardes, qu'ils arrêterent pour sçauoir que c'étoit: lequel leur dit, que les prisonniers auoyent trouué moyen d'eus délier, & de sortir de la fosse ou lon les tenoit: puis s'étoient armés, & auoyent déjà occis la plus part de ses compagnons. Et ainsi qu'il acheuoit son propos, ils auiserent aucuns de ceus dont il parloit, sus le portail de la tour: & trois ou quatre autres qui poursuuyoyent un Cheualier, & sēt hallebardiers lesquels fuiroyent vers un bois assés prochain. Et quand ceus qui auoyent gagné la liberté aperceurent Guillan & Ladassin, ils leur crièrent, que pour Dieu ils missent à mort les traîtres qui leur étoient échapés. Parquoi Guillan & son cousin coururent au deuant & en tuerent quatre: les autres se sauuerent de legereté, fors le Cheualier qui fut pris. Lors vindrent les prisonniers saluer Guillan, lesquels ils recogneurent tous: & après quelque propos qu'ils eurent ensemble. Guillan leur dit: Mes Signeurs ie ne puis longuement demeurer avecq' vous: car ie suis contraint d'aller (sans sejourner) trouver le Roy Lisuart: mais mon cousin Ladassin vous fera compagnie, attendant que vous soyés refraichis, & après ie vous prie venir à la court, & amenez quāt

C

&

LE SECOND LIVRE

& vous ces deus Cheualiers que ie vous baille en garde, tant que le Roi Lisuart en ayt ordonné ainsi qu'il lui plaira: & que l'un de vous demeure pour garder cete place, iusques à ce que i'en aye pourueu. De qu'ils luy promirēt faire: parquoi les commandant à Dieu, tira l'écu de son col & le bailla à ses Ecuyers, & en prenant ce lui d'Amadis (comme il auoit de coutume) les larmes luy vindrent aus yeus. De quoy les autres trop ébaïs, lui demandèrent qui le mouuoit d'ainsi ôter l'écu de sō col, pour y en mettre vn autre avec tāt de regret. Ah, répōdit il cēt écu ét au meilleur Cheualier du monde. Puis leur recita la maniere cōme il l'auoit trouué avec les autres armes d'Amadis, leq̃l il auoit cherché depuis par toute la cōtree sans en auoir nouuellles: dōt chacū d'eus fut très-désplaisant doutans qu'il lui fut suruenū quelque grande infortune. Lors Guillan suivit son chemin & fit tant par ses iournees, qu'il arriua (sans aucun détournier) en la court du Roy Lisuart: ou lō sçauoit déjà qu'Amadis auoit mis à fin toutes les auētures de l'Isle Ferme, & gagné la Signeirie d'icelle: semblablement cōme il s'en étoit party secrettemēt avec vne grande tristesse: neant-moins ils ignorēt tous la cause. sinon ceus & celles que vous aués peu entendre. Ainsi entra Guillan en la salle, ou le Roi étoit portant en son col l'écu d'Amadis, qui fut aussi tōt reconnu de tous les assistans: parquoi ils s'approchèrent pour entendre ce que Guillan diroit: mais le Roi le preuint, lui demandāt q̃ les nouuelles il auoit d'Amadis. Sire répondit Guillan, ie n'en sçai nulles: toute-fois, s'il vous plaît, ie vous reciterai deuant la Roine, comment i'aytrouvé ses armes, & son écu que voicy. Vrayement, dīt le Roi i'en suis très-content: car puis qu'il étoit son Cheualier, c'ēt raison qu'il le sache premier qu'il ét deuenū. Ce disant, print Guillan par la main, & le mena ou étoit la Roine. Adoncq̃ Guillan, ayant les genous à terre, lui dīt en pleu-

rant. Ma Dame ie trouuay ces iours passés toutes les armes d'Amadis, avecq̃ cēt écu habādonné près d'une fontaine, que l'on nomme, la fontaine de plain champ: dont ie fu si déplaisant: que des l'heure mêmes i'atachai l'écu à vn arbre, le laissant en la garde de deus Damoyelles qui étoient en ma compagnie, tandis que ie fu par toute la contree pour m'enquerrir qu'il étoit deuenū. Mais ie n'ai peutre si fortuné de le trouver, ne d'en auoir nouuelles, parquoi sçachant le merite de tant bon Cheualier, qui n'eut oncques desir que de s'employer à vous faire seruice ie deliteray puis que ne le vous pouuiois amener, de vous apporter (pour témoignage de l'obligatiō que i'ay à vous, & à lui) ses armes: lesquelles vous commanderés (s'il vous plaît) mettre en lieu éminent ou chacun les pourra voir, tāt pour auoir nouuelles de luy par les étrangers, qui ordinairement arriuent en cete court, que pour augmēter la vertu de tous ceus qui suyuent les armes, prenans exēple sus celui à qui elles furent: lequel par sa haute cheualerie à aquis le premier lieu entre tous ceus qui oncques porterent cuyrassē en dos. Quand la Roine entendit tels propos d'Amadis, oncques Dame ne fut plus dolente, & répondit à Guillan: C'ēt dōmage de la perte de si bon Cheualier: car ie suis seure que maints sont au-jourd'huy viuans, qui perdēt beaucoup: & vous sçay trèsbon gré de ce que vous aués fait pour luy, & pour moy ensemble: vous assureāt, que ceus qui se voudront mettre en quête pour le trouver me donneront ocaſion (& à toutes autres Dames) de leur vouloir bien pour l'amour de celui qui tant étoit à leur commandement. Mais si la Roine eut déplaisir pour ces nouuelles, le Roi & ceus de sa compagnie n'en eurent guerres moins: toute-fois ce ne fut rien au pris d'Oriane. Car si au parauant elle eut des angoisses pour la grande faute qu'elle auoit faite, à l'heure elles luy redoublèrent avec vne melancolie si grande,

de, qu'il luy fut impossible de plus demourer là, ains se retira en sa chambre. Et se iettant sus son lit: se print à crier: Ah malheureuse q̄ ie suis! ie puis bien maintenant dire, que toute la felicité que i'eue oncques, ét vn vray fantôme, & mō tourment ét vne pure verité, veu que si i'ay quelque contentement ét seulement par les songes qui me sollicitent la nuit: car en veillant toute austerité afflige mon pauvre esprit, de sorte que d'autant que le iour m'êt grief martyr, l'obscurité seule m'êt plaisir & soulas, pource qu'en dormant ie me voi souvent deuant mō amy: mais le réveil, qui me priue de tant d'aïse: me fait par trop sentir vōtre absence. Ah mes yeus, nō plus yeus mais ruisseaus de larmes & de pleurs, vous êtes biē abusés, puis qu'étans clos, vous voyés celuy seul qui vous contente: & découverts tous les ennuy du mōde vous viennēt offusquer. Au fort, la mort q̄ ie sens prochaine, me delivrera de cete anxieté: & vous amy, serés vengé de la plus ingrate qui oncques n'asquit. Lors cōme furieuse se leua, deliberee de se precipiter du haut des fenestres à bas: mais Mabile, qui l'auoit suyvie, preuoyant tel inconuenient, l'arrēta, lui re presentāt l'infamie qu'ele aquerroit si seulement on sçauoit qu'elle eut eu ce vouloir & d'auātage l'assēuroit du brief retour d'Amadis, lui disant: Cōment? ma Dame, ou ét la constance d'une fille de Roy, & cete prudence dont vous êtes rāt renommee? Aués vous déja oublié le mal, qui vous cuyda auenir par les fauces nouvelles, qu'Arcalaus apporta à la court l'annee passée? Et maintenant que Guillan a trouué les armes de mō cousin, ét il dît pour tant qu'il soit mort? croyés moy que vous le reverrés en brief, & qu'il s'en viendra vers vous, aussi tōt qu'il aura veu vos lettres. Ce conseil fut tant authorisé de raisons persuasives, qu'Oriane apaisa partie de son tourmēt: & toute-fois ces nouvelles lui trauaillōiēt tant l'esprit, que sans la prudence de Mabile (qui la remettoit sou

uent) il en fut venu inconueniēt merueilleux: mais à la fin elle la sceut si bien auoir, qu'elle se resolut sus ce, q̄ la Damoiselle, de Dannemarc rapporteroit. Et ainsi qu'elles étoiēt en ces termes, on leur vint dire q̄ les Cheualiers & Damoiselles que Guillā auoit delivrés de prison, étoyēt arrivés parquoy Mabile pour toujours distraire Oriane de sa fantasie, fit tāt qu'elle la mena ou étoit la roine, à laq̄le les deus Dāmoiselles (qui auoyēt gardé l'écu d'Amadis) reciterēt dueil quelles auoiēt veu faire à vn Ecuyer, quād il cōneut les armes & l'écu q̄ Guillan trouua sus le bord de la fontaine du plain champ. Or étoit le Roy present, à qui les larmes luy vindrēt aus yeus, pensant certainement qu'Amadis fut mort. Lors vont entrer Ladasin, & ses compagnons qui amenoyēt Gādalod prisonnier avec l'autre Cheualier: léquels ils presenterent au Roy de par Guillā lui declarant comme le cōbat auoit été fait, & les propos que Gandalod auoit tenus à Guillan, & aussi comme durant leur mēlee les Cheualiers qui étoient aus basses fosses de sa tour auoyent trouvé moyen d'eus delivrer. Est il vray? dît il a Gandalod, ie fis n'a pas long tems bruler ton pere en cete ville pour sa grand' traison & tu y seras pendu avec ton compagnō pource que tu auois machiné ma mort. Lors commanda qu'à l'instant lon les allāt attacher aus carneaus de la ville, vis à vis du lieu ou Barsinan auoit été brulé, ainsi qu'il vous à été recité.

Comme étant le beau Tenebreus en la Roche pouure avec l'Hermite, y ariua vne nef en laquelle étoit Corisande, cherchant son amy Florestan, & de ce qui leur auint.

CHAP. IX.

VN iour étant le beau Tenebreus assis près de l'Hermite, ioignāt la porte de leur petite maisonnette, le preud'hōme lui dît: Je vous prie mō fis me declarer le songe q̄ vous fistes, quād vous vous éueillātes en surfant dormant auprès de moy, sus la

LE SECOND LIVRE

fontaine, du plain champ. Certes mon pere, répondit il, celà vous diray- ie bien, & vous supplie bien humblement par après me faire entendre, soit à bien ou à mal, ce que vous en penserés. Après luy recita le songe ainsi que vous aués entendu: excepté qu'il luy teut le nō des Damoiselles. Lors l'Hermité demeura long tēs pensif, puis en regardāt le beau tenebre⁹ se print à souzrire, & lui dīt: Beau Tenebreus, mō enfant ie vous sçay bō grē de ce que vous m'aués recitē & vo⁹ assure q̄ vous aués plus d'ocasion desormais de vous réjouir, que vous n'eutes oncques : mais ie veus que vous entendies comme ie le sçay. La chābre obscure en laq̄lle vous vous trouuātes sans en pouoir sortir, signifie cete grande tribulation ou vous êtes maintenant. Les Damoysselles qui depuis vous ouvrirent la porte, sont aucunes de vos amyes, qui parlent continuellemēt de vōtre affaire à celle, que si fort vous aymés, enuers laquelle elles moyenneront tant qu'elles vous tireront de ce lieu. Le rayō du Soleil, qui la precedoit, sont lettres qu'elle vous enuoye de reconciliation: au moyen dequoy vous me laisserés. Le feu qui enuironnoit cete Dame, demontre la grand' amour, & ensemble la tristesse qu'elle a pour vōtre absence, ainsi q̄ vous aués pour elle. Et par le beau iardin ou vous l'emportātes, la tirant de la flamme, se doit entendre le plaisir grād que vous aurés tous deus vous entreuoyans. Certes mon enfant, ie sçay, que veu l'habit & l'estat ou nōtre Seigneur m'a apellē, il me siet tremal de tenir tels propos: toute-fois ie pense q̄ ce soit le seruice de Dieu, & que ie ne puis faire mal en conseillant vne personne tant desolee, comme vous êtes. Lors le beau Tenebreus se ietta à terre pour lui baiser les piēs, remerciant Dieu de l'auoir apellē en la compagnie de tāt sainte personne, qui le sçauoit si bien cōsoler en son auersité suppliant affectueusement de permettre que ce que luy auoit dīt le preud'hōme, sortit entier effait. Et

dīt à l'Hermitte: mon pere, puis qu'il vous a pleu me faire tant de bien, que de m'exposer ce songe, ie vous prie me dire encores la signifiāce d'un que i'ay songē la nuit precedente que ie party de l'Isle Ferme. Lors le lui recita de mot à mot. Adōc le preud'homme luy répondit: Mō enfant par cela vous poués voir clairement ce, q̄ dé-ja vous ét auenu: car ie vous assure que le lieu couvert d'arbres ou vous vous trouuātes, & le grand nombre de gents, qui au commencement faisoient si grād'joye autour de vous, signifie l'Isle ferme que vous aués conquise au grand plaisir de tous les habitans d'icelle. Puis l'homme qui vint à vous avecq' la boete pleine d'amertume, ét le messager de la Dame qui vous bailla la terre : & vous mêmes sçaués mieus que nul autre, s'il vous donna amertume, ou non, par le propos qu'il vous tint. La tristesse que vous vîtes après aus personnes qui parauant étoient si ioyeux, sont ceus de l'Isle, lesquels de present ont grant déplaisir pour vōtre absence. Les vestemens q̄ vous ietātes, sont les armes que vous aués laissées. Le lieu pierreux, ou vous entrātes ennuironné d'eau: cete montaigne vous témoigne que c'ēt. L'homme de religion qui parloit à vous en langage q̄ vous ne pouuies entēdre ce suis ie, qui vous enseigne les paroles diuines, lesquelles vous n'entēdēs & ne poués comprendre. Mon pere, répondit le beau Tenebreus, ie sçay certainement q̄ vous dites vrai, qui me donne grand'esperance à ce que vous m'aués manifestē de l'autre: mais le cōtinuel ennuy & melancolie en quoy ie vis, a dé-ja tellemēt gaigné sus moy, que ie croy que si le biē que vous me promettēs, ne se hāte, que la mort l'en preuiendra. Toutefois l'Hermitte le sceut si bien remettre, que de làen auant il fit quelque peu meilleure chere qu'il n'auoit fait: & commença pour diuertir sa tristesse, à pêcher quelquefois à la lingne, avecq' deus neveux du preud'homme, qui lui tenoyent compagnie.

Neant-

Neantmoins la pluspart du tems il se retiroit en vn lieu à l'écart ioignant la riuë de la Mer, lequel étoit vmbragé de maintes sortes d'arbres: & là souvent ietoit sa veuë sus la terre ferme, qui lui ramentevoit les faueurs auq̃lles autrefois fortune l'auoit apellé, & le tort q̃ lui faisoit Oriane, ne l'ayât oncq' offencée. Làs, disoit il, auois ie meritè le traitemēt d'être banny sans auoir pensé à meffaire? Certes, amye, si ma mort vous étoit agreable, vous aués assés d'autres moyens pour me la dōner plus prompte, sans me vouloir ainsi faire viure en langueur. Le seul refus de vōtre bonne grace, du premier iour que vous m'acceptâtes pour vōtre Cheualier, eut été suffisant pour dëlors me faire mourir de mille morts. Assés d'autres regrets faisoit chacun iour le beau Tenebreus en ce lieu écarté auquel il prenoit si grand plaisir, que bien souvent il y passoit le iour & la nuit: tant qu'une fois, se trouuant plus libre d'esprit qu'il n'auoit de long tems été, fit cete chanson ensuyuant.

CH AN S O N.

Puis qu'à grand tort la victoire

Meritee on me denie,

Alors que fine la gloire,

Gloire et de finir la vie.

Et aussi par même mort

Meurent mes plus grands malheurs,

Mon espoir & mon confort,

Amour même & ses chaleurs.

Mais tou-jours auray memoire

De perpetuel é moy:

Car pour fin mettre à ma gloire,

On mourrât ma gloire & moy.

Ainsi passoit le tems le beau Tenebreus, attendant qu'il mōrt, ou meilleure fortune le misent hors de la misere en laquelle il vivoit. Mais il lui auint, qu'une nuit étant couché sous les arbres (comme il auoit de coutume) enuiron le point du iour il entendit assés près de lui le son d'un instrument trémelodieux, lequel il print tant à plaisir, qu'il l'écouta longuement:

Am. 2.

émervillé neantmoins dont il pouvoit proceder cōnoissant le lieu si desert, qu'il n'y auoit autres personnes habitans que l'Hermite, ses deus neueus & luy: parquoy il se leua, & sans faire bruit s'ap procha plus pres, pour voir q̃ ce pouoit être. Lors aperceut deus Damoiselles ioignāt vne fontaine, léquelles (auecq' le Luc) disoyent vne chanson fort plaisante: neantmoins de peur de nuyre à leur plaisir, se tint long tems coi sans être aperceu. Puis se montra à elles leur disant: Certes, mes Damoiselles, vōtre musique m'a fait perdre ce iourd'huy matines, dont ie suis dé plaisant. Quand ces femmes l'entendirēt parler (sans l'auoir iusques adoncq' auisé) elles furēt trop effrayées. Toutefois l'une plus asseuree que sa compagnie, lui répondit: Mon amy, nous ne pensions vous faire ennuy en nous ébatans ainsi: mais puis que nous vous trouvons si à propos, dites nous (s'il vous plaît) qui vous êtes, & comme se nomme ce lieu tant inhabitable. En verité, mes Damoiselles, dît le beau Tenebreus, il s'apelle, la Roche pauvre: en laq̃lle vit vn Hermite là haut en son petit hermitage. Quant à moi, ie suis vn pouvre homme qui se tient auecq' lui faisant grande & dure penitence pour les maus & pechés que j'ay faits. Mon amy, répondirent elles, pourriōs nous trouver en ce lieu (pour deus au trois iours seulement) quelque maison à mettre en repos vne Dame riche & puissante, si mal traitée d'amour qu'elle en eût presque au mourir? Certes dît il, il n'y a autre logis en cete Roche, que la chambrëtte ou se retire l'Hermite, & vn autre petit repaire, ou ie dors quelquefois: mais si l'Hermite le vous veut prêter, ie suis cōtent (pour vous faire plaisir) de coucher ce pendant aus champs comme ie fais communément. Les Damoiselles le remercierēt affectueusement, & lui donnans le bon iour, se retirerēt vers vn pauillon: dedās lequel le beau Tenebreus auisa vne trébelle Dame couchee. Lors conneut que c'étoit celle,

C 3

dont

dont lon luy auoit parlé . Puis regardant plus outre, vit quatre hommes armés, qui se promenoient sus la rive de la mer, faisans le guet pendant que cinq autres reposoyent, & vne nef ancrée qui lui sembla en bõ equipage . Déja étoit le soleil paroissant, quād il ouit sonner la clochette de l'Hermitage, qui le fit retirer à môt. Et trouua que l'Hermite se vouloit vêtir pour celebrer la messe: auquel il dît, qu'il y auoit geus nouuellement arriüés en la Roche, & que si c'étoit son bon plaisir il les yroit volōtiers appeller pour ouir le seruiue diuin. Allés dōcques, répondit l'Hermite, & ie les atēdrai. Mais ainsi qu'il décrodoit de la Roche, il trouua la Dame q̄ les Cheualiers aportoyent en l'Hermitage: par quoi il retourna pour ayder à reuētir l'Hermite, lequel voyant la Dame arriuer cōmença la messe. Lors le beau Tenebreus état entre ces fēmes, se va souuenir du tēs, qu'il étoit en la court du Roi Lisuart, & du plaisir qu'il souloit auoir avec la Princesse Oriane: & se mît si fort à pleurer, q̄ les Damoiselles l'aperceurent, & s'en ebairerent fort. Toutefois elles pensoient que ce fut pour la contrition de ses pechés, & le voyās ieune, beau, & de belle taille, ne scauoyēt q̄ presumer iusques a tant que l'Hermite fut deuētū qu'elles le vindrēt saluer: le priāt pour Dieu, qu'il prestāt quelque chābrette à leur maitresse traueillée de la Mer, & de la maladie extreme, pour la faire reposer vn iour, ou deus. En verité mes Dames, répondit il, il n'y a ceans que deus petites cellules, en l'vne ie me tiens (& si ie puis de ma vie femme n'y entrera) & en l'autre ce pauvre hōme, qui fait tant de penitēce, s'y retire quelq̄ fois pour dormir, & serois trop déplaisant si lon l'en chassoit outre sō grē. Pere dît le beau Tenebreus, ne differēs pas pour celā à leur faire plaisir: car ie suis trēcontent, pour cēte heure, n'auoir autre logis que sous les arbres. Et bien, dît l'Hermite, de par Dieu soit. Adonc le beau Tenebreus les cōduit en sa cabane,

ou les Damoiselles firent dresser vn riche lit, pour leur maitresse, laquelle y fut tōt après amenee. Et pource que lō auoit dît au beau Tenebreus que son mal proce- doit de trop aymer, il print plus garde aus gētes d'elle qu'aus autres: & aperceut que sans cesse elle auoit la larme à l'œil, & le soupir à commandement: parquoy il fit tant qu'il tira à part les deus Damoiselles, qu'il auoit trouuees le matin iouans du Luc, lesquelles, il pria affectueusement qu'elles luy declarassent l'ocasiō de tant de mal, que portoit leur maitresse. Mon amy, répondirēt elles, si vous la regardés bien, vous la trouuerēs parfaitement belle, combien que déjà son mal lui ait amoindri grande partie de sa beauté: car elle n'a bien, ny ioye, pour vn Cheualier qu'elle va chercher en la maison du Roy Lisuart, lequel elle ayme si ardemment que si Dieu ne donne quelque allegement à sa passion il ēt impossible, que sa vie puisse être longue. Quand le beau Tenebreus ouit nōmer le Roi Lisuart, il ne se peut tāt cōtenir, q̄ les larmes ne lui tōbassent des yeus: & eut encores plus d'envie scauoir le nom du Cheualier qu'elle aymoît que deuant: A cēte cause les supplia tant qu'il peut, de le lui nōmer. Sus mon Dieu, répondirēt les Damoiselles, a grād peine le cōnoitriēs vous: car il n'ēt pas de ce país: tant y a, qu'il ēt, estimē le meilleur Cheualier du monde, après deus autres ses parēs. Helās, mes Damoiselles, dît il, pour Dieu faites moi ce bien de le me nōmer, & les deus autres qu'estimés tant. Vrayement, répondirent elles, nous en sommes contentes, par tel si que premier vous nous dirēs si vous êtes Cheualier, & vōtre nom après. I'en suis content dît le beau Tenebreus; tāt r'ay enuie de scauoir, ce q̄ ie vous demāde. Lors l'vne d'elles lui dît: Le Cheualier q̄ cēte Dame ayme, a nō dom Florestan, frere du bon Cheualier Amadis de Gaule, & de dō Galaor, & si ēt fis du Roi Periō de Gaule, & de la Cōtēse de Salādie. Vous dîtes vrai,

répondit il, & croy certainement q̄ vous ne pourriés dire tant de bien de lui qu'il n'y en ayt d'auantage. Comment? dit la Damoiselle, vous le connoissés dōcques? Il n'y a pas encores long tems répondit il, que ie le vy en la maison de la Roynie Briolanie, pour laq̄lle Amadis son frere, & son cousin Agraies cōbatirent Abiseos, & ses deus fis: & arriua avec son frere Galaor, quelqs iours après le cōbat: & pense qu'il soit l'un des plus bea^x Chēualiers du mōde. Quād ēt de sa prouesse, i'en ay ouï parler mainte-fois à dom Galaor mêmes qui s'étoit cōbatu contre luy, cōme il disoit, Ce combat, dit elle, fut cause qu'il laissa ma Dame, au lieu propre ou ils se conneurent. Je pense dōc répōdit le beau Tenebreus, qu'elle à nō Corisande. Vous dites vray, dit la Damoiselle, En verité, répondit il, i'ay maintenant moins pitié de son mal que deuant: car ie connois Florestan si sage, & de tant bon affaire, que ie suis seur, qu'il fera entieremēt ce que luy commandera. Dieu le vueille, dit elle: mais puis que nous vous auons fait, aquités vous de vōtre promesse, & nous dites qui vous êtes. Mes Damoiselles, répondit le beau Tenebreus, ie suis un Cheualier, qui autre-fois ay eu plus de faueur es vanités du mōde que ie n'ay: lesquelles ie paye à present par dure penitēce: mon nom ēt, beau Tenebreus. Par mō ame dit l'une d'elles, vous aués élu la meilleure voye, Dieu vous doint la grace d'y faire la saluatiō de vōtre amie. Et pour ce que nōtre maitresse n'a besoin d'être laissée seule en si grāde melancolie, nous vous commandons à Dieu, & allōs vers elle lui faire passer le tems, avec la musique que ce matin aués entenduē. Lors se retira le beau Tenebreus, mais il fut incōrinent r'apellé: car aussi tōt que les Damoiselles eurent ioué deus ou trois chansons elles reciterent à Corisande, tout ce qu'il leur auoit été dit de Florestan, & comme le pauvre qui faisoit penitēce, l'auoit veu puis peu de iours. Parquoi

elle l'enuoia prier de venir vers elle, & ce pendant elle disoit à ses femmes: Aseurés-vous q̄ cēt Hermite qui a connoissance de Florestan, doit être quelque grād personnage déguisé. A l'heure survint le beau Tenebreus, & elle lui dīt. Mō amy, mes fēmes disent q̄ vous connoissés dom Florestā, & q̄ l'aymés grandemēt: ie vous prie (par la foy q̄ vo^s deués à Dieu) me dire q̄lle acointāce aués eue à lui, & ou vous l'aués veu dernieremēt. Lors le beau Tenebreus lui en dīt encores plus qu'il n'auoit fait aus Damoiselles, & qu'il sçauoit bien q̄ luy, ses freres, & leur cousin Agraies, auoyēt été en l'Isle Ferme: car il les y auoit laissés, & oncqs puis ne les auoit veus. Ah mon Dieu, dīt elle; ie croi que vous aués quelque affinité de parentage ensemble, veu les biens q̄ vous dites de lui. Ma Dame, répōdit le beau Tenebreus, ie l'ayme grandement, tant pour la valeur de lui, q̄ pource q̄ son pere me fit Cheualier, qui me rend plus obligé à ses enfans: & suis trēdeplaisant des nouvelles que i'ay entenduēs d'Amais, auant q̄ j'entrasse en ce desert. Quelles? dīt Corisande. Certes, répondit il, venant icy ie rencōtray vne Damoiselle à l'entree d'une forêt qui chan-toit vne chanson plaisante à ouïr: mais triste par les propos d'icele. Lors ie m'enquis d'elle qui l'auoit faite, & elle me répondit, q̄ cētoit un Cheualier, à qui Dieu (s'il luy plaît) donnera plus de ioye qu'il n'auoit quand il la composa, comme assés sa chanson le témoigna, aussi q̄ sa douleur procedoit par trop aymer. Et pource qu'elle me fut agreable, ie demourai avec la Damoiselle tant qu'elle me l'a aprinse: & si m'assura qu'Amadis l'auoit faite, & luy en auoit monsté le chant, au tēs que plus sa tristesse le maitrisoit. Je vous prie, dīt Corisande, l'apprendre à ces deus Damoiselles: car à ce que vous dites, Amour l'auoit en telle recommandation, qu'il m'a à present. Je le ferai pour l'hōneur de vous & de lui, répōdit il, encores q̄ ce me soit chose peu cōuenable, veu l'état auq̄l

LE SECOND LIVRE

ie suis apellé. Lors retira les Damoiselles à part, & leur aprint la chanson avecq' le chant d'icelle : ou elles prindrent grand plaisir, pour ce que le beau Tenebreus la chantoit d'une voix piteuse & aysee, qui rédoit plus d'armonie & de propriété au chât & à la lettre q' s'il eut été en liberté de cors & d'esprit: & la sceurent les Damoiselles si bien comprendre, que mainte-fois depuis elles la chanterent deuant leur maitresse, laquelle seiourna quatre iours en la Roche pauvre, & le cinquième s'embarqua, & avant que partir demanda au beau Tenebreus, s'il se tiendroit longuement en ce lieu. Ma Dame répondit il, la mort, & nō autre m'en separera. Je m'ébai, répondit Corisande, qui vous meut de ce faire: mais puis que Dieu vous donne ce vouloir, ie luy supplie qu'il vous soit en ayde. Ce disant, entra en sa nef avecq' sa cōpagnie, cōmandant l'Hermite à Dieu: puis faisât haucer les voiles, le vent singla au trauers, de sorte, q' peu de tems après ils prindrēt port en la grād Bretagne, & arriuerent en la ville de Londres, ou pour lors seiournoit le Roi Lisuart, Lequel scachant son arriuee, la receut, & la Roine aussi: laquelle, pour plus l'honorer, la fit loger en son palais. Et quelques iours depuis deuisans ensemble, la Roine luy dit: Ma cousine, le Roy n'a donné charge vous dire qu'il vous sçait si bon gré de l'être venu voir en ses pais, q' si vous auies quelque affaire de lui il s'employera pour vous. Ma Dame, répondit Corisande, ie remercie humblement le Roy & vous: car Dieu merci, ie n'ay chose qui m'importune plus, que l'absence de dom Florestan, lequel ie pensois trouver en cete court. Ma cousine, dit la Roine, nous n'auōs pour cete heure autres nouuēlles de luy, sinō qu'il ēt en la quête d'Amadis son frere: lequel s'ēt puis n'aguères perdu, sans que nous en sachions la cause. Lors lui conta, cōme il auoit conquis l'Isle Ferme, & que depuis il s'étoit dérobé de ses compagnons: mêmes la maniere que

dom Guillan auoit trouvé ses armes, & la diligence qu'il auoit faite pour sçauoir ou il étoit. Quand Corisande se vit frustrée de son intention, & qu'elle sceut la perte d'Amadis, les larmes lui vindrent aus yeus, disant. Helàs, mō Dieu, que deuendra mon Seigneur & amy Florestan? ie suis seure (veu l'amitié qu'il porte à son frere) q' si l'un ne se trouue, l'autre se perdra, sans que de ma vie plus ie le voye. Mais la Roine la reconforta tant qu'elle print esperance d'en auoir bien tōt nouuelles. Or étoit Oriane ioignant, qui auoit entendu tous ces propos, & l'amitié que Corisande portoit à dom Florestan, frere d'Amadis, au moyē dequoy eut plus d'enuie de lui faire hōneur, en sorte qu'elle & Mabile l'accompagnoient ordinairement, prenans grand plaisir à lui ouir reciter les amours d'elle & de son ami, la cause de leur separation, & le trauail que depuis elle auoit enduré esperant le trouuer. Et comme elle faisoit ce discours, il luy souuint du tems qu'elle étoit en la Roche pouvre, ou elle trouua vn Cheualier faisant penitence, qui durant son seiour aprint vne chanson à ses femmes: laquelle Amadis auoit faite étant en grand melancolie, ainsi que le compagnon de l'Hermite lui assura. Ma Dame, répondit Mabile, ie vo' prie, puis ô vos Damoiselles la sauent, commadés leur de la chanter deuant Oriane: car ie seray trefayse de l'ouir puis qu'elle ēt faite par Amadis, qui ēt mon propre cousin. Par ma foi, dit Corisande, i'en suis trécontēte: vous assurant que ne vous sçauroit être plus agreable qu'à moi, pour la proximité du lignage, que mon Seigneur Florestan, & lui ont ensemble. Adonc enuoya querir les Lucs des Damoiselles, lesquelles sonnerent & chanterent les chanson d'Amadis, si melodieusement qu'elles donnoyent ioye & douleur aus Dames qui les écoutoyēt: ioye à l'oreille contente pour la melodie, & douleur à l'éprit, pour sentir la passion de celui, qui tant enduroit. Mais Oriane à qui

à qui il touchoit plus, prenoit plus garde aus parolles, qu'à la musique, connoissant le mal dont elle étoit cause, & la grande raison qu'Amadis auoit de se lamenter. Lors fut éprise de tel regret, qu'elle s'en alla en sa garde robe, honteuse pour les larmes qui lui étoient saillies des yeus en si bonne compagnie, dont elle ne s'étoit peu garder. Toute-fois ainsi qu'elle se retireroit, Mabile (pour couvrir cete faute) dit à Corisande : A ce que ie voy, Oriane se trouve mal: parquoy ie suis contrainte de vous faucher compagnie pour cete heure, & l'aller secourir: neantmoins, s'il vous plaisoit, ie sçauois volontiers quelles gestes tenoit celuy qui aprint la chanson à vos Damoysselles, & pourquoy il demeurait en la Roche pauvre: car il faut dire, qu'il sçauoit lors nouvelles d'Amadis.

Adonc Corisande luy recita comme elles l'auoyent trouvé, & les propos qu'il luy auoit tenus: mais, disoit elle, ie ne vy oncques personne tât triste, ne plus beau, veu les maux qu'il endure. Tout soudain Mabile va presumer que c'étoit Amadis propre, lequel ainsi desespéré auoit choisi lieu tant solitaire, pour n'être veu de nul vivant: & à l'heure mêmes vint vers Oriane qu'elle trouua retirée, plorant amèrement. A laquelle, d'un visage riant, lui dit: Ma Dame, en s'enquerant on aprent aucunes fois plus que lon ne pense, témoin ce que j'ay sceu de Corisande. Le Cheualier tant triste, qui se fait nommer le beau Tenebreus en la Roche pauvre, est Amadis, sans autre: lequel voulant obeir à ce que luy aués commandé, s'est ainsi retiré, pour ne se montrer à vous ou à autre personne. Pourtant ie vous prie, resiouissés vous: car vous le retirerez en brief. Helàs, répondit Oriane, seroit il possible? O Seigneur Dieu, faites moy tant de grace, s'il vous plait, que ie le puisse tenir entre mes bras deuant que ie meure: & croyés ma cousine, dit elle à Mabile, que si ie l'ay vne fois, ie luy donneray tant d'ocasion de me pardonner, que ie suis certaine, qu'il

oubliera le tort que ie luy ay fait. Puis tout soudain, comme vne personne douteuse & cRAINtIUE, de perdre ce qu'elle ay-
moit, se mit à faire plus grand dueil que deuant, criant: Ah, ma cousine, ayés pitié de moy, ie suis pire q morte, malheureuse que ie suis! j'ay bien perdu par ma folle celui duquel depend entierement mon bien, ma joye, & ma vie. Comment? ma Dame, dit Mabile, lors que plus l'esperance vous vient, plus vous vous tourmentés? Assenrés vous, sus ma foy, que si la Damoiselle de Dannemarc ne vous en apporte nouvelles, que ie trouveray moyen de supleer à sa faute: étant seure que c'est luy qui se fait nommer le beau Tenebreus, & non autre, & vous en remettés sus moy.

Comme étant la Damoysselle de Dannemarc en la quête d'Amadis, après maints grands trauais qu'elle eut, trauersant plusieurs Iles étranges, elle arriua de fortune en la Roche pauvre, où étoit Amadis que lon apelloit le beau Tenebreus: lequel elle reconnut, & s'en retournerent ensemble vers Oriane.

CHAP. X.

DIs jours entiers séjourna la Damoiselle de Dannemarc avec la Roine d'Ecosse, non tant pour son plaisir, ne pour se rafraichir du tourment qu'elle auoit eu en mer, que pour cuyder aprédre nouvelles d'Amadis au païs ou elle pensoit le trouver asseurement: scachant, que si elle retournoit vers sa maitresse sans luy en porter nouvelles, qu'elle ne pouroit viure après vne seule heure, veu la langueur ou elle l'auoit laissée. Toutes-fois, ne pouant pour l'heure mettre remede à son affaire, après auoir fait toutes diligences à elle possibles, se delibera de retourner en la grand' Bretagne, tant ennuyée que rien plus: Lors fit equiper vne nef, dans laquelle elle s'embarqua: mais le sieigneur de tout le mōde, prenāt pitié de ces deus personnestāt desesperées, voulut mōttr en cēt endroit, combien il peut en toutes choses, pour

LE SECOND LIVRE

faire entendre à son peuple, que nul (pour sage ou discret qu'il soit) ne se sçauroyt aider sans son aide. Car aussi tôt que les mariniers eurent leué les ancres, & haussé les voiles, esperans tirer à Lōdres: le vent, l'orage, & la tempête, émeurent tellement les vagues de la mer, que sans gouvernail ou conduite, le nauire fut agité avec telle impetuosité, que les mariniers & tous les autres desespérés de salut, n'atendoyent que leur sepulture au ventre des poissons. Et ainsi demourerent deus jours & deus nuits, sans sçauoir ou ils étoient, & moins qu'ils deuoyent faire. Puis étant la mer apaisée, & la tourmente passée, sus le point du jour découvrirent la roche pauvre, ou ils prindrent port: & pour ce qu'aucuns des mariniers qui connoissoyent le lieu, dirent à la Damoiselle de Dānemarc, que Andahod le saint Hermite y faisoit résidence, elle delibera aller ouir sa messe, & remercier Dieu du bien qu'il leur auoyt fait les tirant d'un si grand peril: & de fait commença à monter en la Roche, accompagnée de Durin & Enil. A l'heure le beau Tenebreus (qui de fortune auoit passé la nuit sous les arbres, cōme il auoit de coutume) les aperceut: & voyant qu'ils venoyent vers luy, pour n'être veu, print vne sente, & entra premier en l'Hermitage, ou il trouua que l'Hermite vouloit célébrer la messe. Mais il luy dit, que nouvellement étoient arriués gens, lesquels montoyent la Roche, & qu'il seroit bon de les attendre, s'il lui plaisoit, ce que l'hermite eut agreable. Or étoit en cete saison le beau tenebreus tant maigre, deffait, & si hâlé de l'ardeur du Soleil, qu'il eût été mal aisé de le reconnoitre pour Amadis: car le continuel pleur qu'il faisoit, lui auoit tellement caué le visage, qu'il n'y restoit que les os & la peau: Et ainsi que la Damoiselle & sa compagnie entroyēt dās la chapelle, il étoit à genous faisant sa priere à Dieu, qu'il luy pleût l'ôter en brief de ce monde, ou luy enuoyer quelque confort. Sus ce point l'Hermite com

mença sa messe, durant laquelle le beau tenebreus ne regarda oncques ceus qui étoient arriués, tant qu'elle fut acheuée, qu'il ieta sa veuë sus eus, & reconnut la Damoiselle de Dannemarc & les autres. Lors luy print vne telle émotion (tāt pour sa grāde debilité, que pour voir celle qui lui faisoit ramenteuoir tout son martyre) qu'il se laissa tomber de son haut sus le plancher: parquoy l'Hermite pensant qu'il fût mort, s'écria: O Seigneur tout puissant, s'il vous eut plu prêter plus longue vie à ce pauvre homme: & auoir pitié de luy, il étoit pour vous faire encores serui-ce: mais puis que ie voys sa fin, ie vous supplie auoir pitié de son ame. Ce disant, les grosses larmes luy cheoyent des yeus iusques sus la longue barbe chenuë qu'il portoit. Puis dît à la Damoiselle de Dannemarc: Le vous prie Damoiselle par charité, commandés à vos Ecuyers, qu'ils m'aident à porter mon compagnon en sa chambre: car à ce que ie voy, ce sera le dernier bien que lon luy pourra jamais faire. Adonc Enil & Durin le prindrent, sans que de nul d'eus il fut reconnu. Lors la Damoiselle de Dannemarc demanda à l'Hermite qui il étoit. Certes, répondit il, c'est vn Cheualier qui fait icy sa penitence. Sur mon Dieu, dît la Damoiselle, il a élu vne vie fort austere, & vn lieu biē desert. Il l'a fait, répondit l'Hermite, pour se separer des vanités du monde, & seruir Dieu plus deuotement. Vrayement, dît la Damoiselle, puis que vous m'assurez qu'il est Cheualier, ie le verray auant que partir: & s'il y a quelque chose dans la nef qui luy puisse seruir, ie luy en feray laisser. Ce sera bien fait, répondit il: mais à ce que ie voy, il est si proche de sa fin, que ie croy, qu'il ne vous faudra ia prendre cete peine. Lors entra la Damoiselle en la chābrette ou le beau Tenebreus étoit couché, lequel la voyant si près de lui, ne sçauoit qu'il deuoit faire: car il pensoit que se faisant connoitre, il trangressoit le commandement de son Oriane, & aussi si elle s'en alloit

alloit sans se découvrir, il demouroit hors de toute esperance. A la fin conclud que la mort lui seroit moins ennuyeuse, qu'en rien fâcher sa Dame: & delibera pour resolution, de ne se manifester nullement à la Damoiselle de Dannemarc, laquelle lui disoit: Mon amy, j'ay sceu de l'Hermite, que vous aués l'ordre de Cheualerie. Et pour ce que les Damoiselles sont obligées grandement aus bons Cheualiers, pour les biens & plaisirs qu'elles recoyuent communement d'eus, en les gardant & delivrant de maints grands dangers: j'ay bien voulu, auant que partir, vous voir, pour vous donner des prouisions, de ma nef, qui seront necessaires à vôtre santé. Toutesfois il ne luy répondit aucune chose, & ne faisoit que se plaindre & soupirer: & pour-ce qu'en la cellule ou il étoit, y auoit peu de clarté, la Damoiselle ne scauoit s'il se mouroit ou non. Lors s'auisa d'ouvir vne fenestre, par la clarté de laquelle, elle le peut voir plus à son aise: mais durant qu'elle le regardoit, il n'ôta oncques la veuë de dessus elle: neâtmoins il ne disoit mot: ains sans cesse soupiroyt, comme vne personne qui a le cœur trop ferré, dont la Damoiselle auoit très grande pitié. Et le renconfortant au mieus qu'elle pouoit, d'auanture aperceut vne cicatrice qu'il auoit au visage, d'un coup qu'Arcalaus l'enchanteur lui fit, quand il secourut Oriane: ainsi qu'il vous a été recité au premier liure. Parquoy luy va tomber en l'esprit, que sans doute c'étoit Amadis qu'elle cherchoit, & de fait le reconeût pour tel: & à cete cause elle trop ébaïe s'écria: Ah Dieu, qu'êt ce que ie voy! Seigneur, vous êtes celuy qui m'a tant fait auoir de trauail pour vous trouver. Ce disant elle l'embrassa. Helàs Seigneur, disoit elle, il êt bien maintenant saison de pitié, & de pardon à celle, laquelle (si par faus raport vous a mis en telle extrémité) croyés que justement elle en endure vne vie pire que la mort. Puis luy bailla la lettre qu'Oriane luy escriuoit. Tenés, dit elle, vôtre amye la

vous enuoye, & vous mande par moi, que si vous êtes celui Amadis qui souloit être, & qu'elle aime tant, que (oubliant toutes les fautes passées) vous la veniés trouver incontinent au château de Mirefleur, ou vous sera faite entiere reparation des douleurs & angoisses que vous aués souffertes par trop aymer. Or étoit le beau Tenebreus tât rauy, qu'il fut lōg tems, sans lui pouoir répōdre vn seul mot: mais il print la lettre, laquelle il baisoit sans cesse, puis la mit au plus pres de son cœur disant:

O pauvre cœur si long tems passionné qui as peu resister à telle tempête, non obstant l'abondance des larmes que tu as si continuellement distillees, iusques à venir au point de la mort, reçois à present cete medicine, laquelle seule êt propre pour ton salut, & sorts de ces tenebres, qui si lōguement t'ont offusqué, reprenant tes forces, pour seruir celle, qui de sa grace te fait reuiure. Puis ouvrit la lettre, qui contenoit.

Lettre d'Oriane à Amadis:

SI les grandes fautes commises par inimitié (reconneuës depuis pour s'humilier) sont dignes de pardon, que doit il être de celles qui sont causees par trop d'abondance d'amour? Non pourtant, mon loyal amy, ie ne veus nyer, que ie ne merite beaucoup de peine: car ie deuois considerer, qu'au tems que les choses sont plus prosperes & joyeuses, la fortune (qui les épie) vient leur apporter tristesse & misere: aussi me deuoit il souvenir de vôtre grand vertu & honnêteté, laquelle ne s'êt jamais trouuee en faute: & sus tout ie ne deuois pour mourir separer de mon entendement la souvenance de la grande sujection de mon triste cœur, qui n'êt procedee sinon de celle en laquelle le vôtre mêmes êt en serré. Et tât certaine, que si aucunes flames y ont été refroidies, qu'aussi tôt le mië s'êt aperceu: de sorte q' l'enuie qu'il auoit de trouver repos à ses mortels desirs a été cause de les augmenter. Mais j'ay failly, comme font celles lesquelles étans

LE SECOND LIVRE

étans au plus haut de leur bon heur, & trécertaines de l'amour de ceus, desquels elles sont aymees (ne pouans comprédre en elles tant de bien) deuiennent jalouses & soupçonneuses plus par l'imagination, que par raison, ofuscant cete claire felicité de la nuee d'impacience, croyant plus tôt le raport d'aucunes personnes (peut être mesdisantes) peu veritables & vicieuses, que celuy de leur propre conscience, & certeine experience. Pour tant donc, mon loyal amy, ie vous supplie affectueusement receuoir cete mienne Damoiselle (comme de la part de celle qui reconnoit en toute humilité la grand'faute qu'elle a commise en vôtres endroit) laquelle vous fera entendre mieu que ma lettre, l'extremité de ma vie: dont vous deués auoir pitié, non pour mon merite: mais pour vôtres reputation, qui n'est tenu cruel ne vindicatif, là ou vous trouués repentance & sujection: même que nulle penitence ne scauroit venir de vous plus rigoureuse, que celle que moy mêmes me suis ordonnée: & que ie porte patiemment, esperant que vous la remettés, me rendât vôtres bône grace, & ensemble ma vie qui en depend.

Alors nouvelle joye se vint emparer d'esprit du beau Tenebreus, & s'absenta du tout cete continuelle melancolie, qui l'auoit si long temps tourmenté: & toutes fois l'ennuy, auquel Oriane étoit atendât de ses nouvelles, luy retardoit partie de son plaisir: parquoy pria à la Damoiselle de Dannemarc d'auiser elle seule, à ce qu'ils auoyent à faire: car ie me sens, disoyt il, si hors de moy, que ie n'ay moyen de penser à autre chose, qu'à la nouvelle restitution de ma vie que j'ay receüe par vôtres moyen. Je suis d'avis, répondit la Damoiselle, puis que ceus de ma compagnie ne vous connoissent, de leur dire, que par pitié ie vous veus faire mettre en terre ferme pour changer d'air: & ainsi fut fait. Neâtmoins le beau Tenebreus, auât que partir, declara à l'Hermitte, cōme la Da-

moiselle l'auoit tant cherché, qu'ils s'étoient rencontrés ceas casuellement (par la bonté de nôtre Seigneur qui l'auoit adressé) à la Roche pauvre. Et à cete cause, mō pere, dit il, ie suis contraint vous abandonner, & la suiure, vous assurant que jour de ma vie ne mettray en oubly le bien qu'il vous m'a ués fait: car sans vous ie fusse mort & de cors & d'ame. Et puis que par vos deuotes prieres (comme ie croy) il a pleu à Dieu me conseruer & donner vie, iusques icy, ie vous supplie humblement auoir encores souvenance de vôtres pauvre hôte en vos prieres & deuotes oraisons: & au surplus faire tant pour moy, de vouloir reformer cy apres le monastere qu'il ay ordonné édifier en l'Isle Ferme, ainsi que ie vous ay autrefois dit. Ce que le preud'homme luy promit de faire, lequel ayant la larme à l'œil, donna sa benediction au beau Tenebreus qui sans plus séjourner, s'embarqua avec la Damoiselle de Dannemarc. Lors furent levées les voiles, & singlerent en pleine mer, donnant le vent en la poupe si impetueusement, qu'en peu de jours ils prindrent port en la grand' Bretagne, sans qu'il fût conneu, pour l'heure, de nul autre, qu'il y eust la Damoiselle. Adonc descendirent à terre, & prindrent leur chemin vers Londres & Mirefleur, ou Oriane les atendoit bien resoluë d'amender la faute qu'elle auoit faite. Et disoit la Damoiselle en cheminant au beau Tenebreus: Mon Dieu, quelle joye aura ma Dame, quand elle vous verra! Croyés moy qu'onques femme ne fut plus desesperée, quand elle sceut de Durin l'ennuy qui vous surprint en receuant sa lettre: ie vous assure qu'elle cuyda redre l'esprit, & m'ebay comme elle a peu iusques icy supporter la passion qu'elle encores. Et ne doutés que Mabile & moy étions bien empêchées: car nulle de nous ne scauoit que mon frere fût venu vers vous: & luy auoit ma Dame expressement defendu de ne nous le dire, qui cuida être cause de pis qu'il n'est auenu. Par ma conscience-

science, dit le beau Tenebreus, ie ne fu oncques en plus grand danger de mort: & m'ébaï ou elle forgea cete fantasie, qu'elle auoit contre moy, veu que ie ne pensay oncques à faire chose qui luy deüst déplaire: & quand bien ie me fusse tant oublié d'y auoir pensé, si ne meritois ie vne tant cruelle lettre que celle qu'elle m'écrinit. Car encores que ie ne face les demōtrances & hypocrisies que beaucoup sçauent faire, si ne laisse ie demesurer les biens & graces que i'ay receuës d'elle: & n'étoyt point cete pensèe semee en si mauuaise terre, qu'elle ne luy en garde le fruit, tant que l'esprit aura moyé de faire viure mō cœur, veu que l'un èt l'autre sont du tout dediés à la seruir & obeir. Ah, ah, mon Dieu, il me souvient, que quand Corisande arriua en nōtre pauvre Hermitage, ie cuidois bien lors que ce fût fait de moy. La bonne Dame se lamentoit de la passion, qu'elle portoit pour trop aymer mō frere Florestan, & ie mourois du déplaisir d'être à tort ainsi chassé d'Oriane. Quātes peines, quels trauaus, quel demesuré tourment, i'ay de long tems souffert en la Roche pauvre, sans auoir consolatiō de creature viuante que du bon Hermite, lequel me sollicitoit de pacience. Helas, quelle dure penitence pour chose non offence? Croyés moy Damoiselle m'amie: que i'étois tant pertroublé, que d'heure à autre ie souhaitois la mort, & aussi souvent craignois ie perdre la vie. Mais pensés vous le desespoir ou i'étois lors q'ie montray aus Damoiselles de Corisande la chançon que ie fis en ma plus grande tribulation? Et voulant continuer ses doleances, la Damoiselle de Dannemarc, luy dît: En bonne foy, à ce que ie voy, vous aués tous deusenduré heaucoup l'un pour l'autre: & pourtant il faut oublier le passé, & amender l'auenir. Ainsi deuisans arriuerent auprès d'un monastere de femmes, qui étoyt au milieu de la forêt à quatre journées de Londres. Sçaués vous, dît la Damoiselle, dequoy ie me suis auisee:

il me semble pour le meilleur, que deués demeurer icy, pour vous rafraichir, & ie m'en iray vers ma Dame lui faire entendre de vos nouvelles, puis ie vous renuoy-eray Durin vous dire ce qu'aurés à faire. Toute-fois ie suis bien d'opinion qu'Enil ne vous connoisse encores non plus qu'il fait, & qu'il demeure avec vous pour vous seruir: mais Durin entend déja quelque peu des affaires d'Oriane & de vous, parquoy ne deués craindre vous decouvrir à luy. Lors l'appellerēt, & lui dît la Damoiselle de Dannemarc: Mon frere, vous fûtes en partie cause de la perte d'Amadis par la lettre que vous luy portâtes: & neât moins à ce que ie puis voir, vous ne l'aués peu encores reconnoitre. Or ça, vous semble il que cēt hermite puisse être mon Seigneur Amadis? & neantmoins c'èt il sans doute: mais gardés sus vōtre vie qu'il ne soit par vous decouvert à Enil ou autre. Quād Durin sceut que sa seur disoit vray oncques homme ne fut plus ébaï: & en ces entrefaites entrerent dans la religion, ou la Damoiselle appella Enil, & luy dît: Enil, ie te prie tenir compagnie au Cheualier, iusq's à ce qu'il se soit vn peu réforcé, & ce pendant nous irons mon frere & moy à quelque affaire que nous auons. Par sainte Marie, répondit Enil, ie luy obeiray en tout ce qu'il luy plaira me commander. Lors s'en partirent, & demoura le beau Tenebreus en l'Abaye pour l'occasion que vous aués entenduë.

Comme Galaor, Florestan, & Agraies partirēt de l'Isle Ferme, pour aller chercher Amadis, duquel ils ne peurent auoir nouuelles pour diligence qu'ils fissent: au moyen dequoy ils retournerent tous à la court du Roy Lisuart.

CHAP. XI.

IL vous a été cy deuant dit, que Galaor, Agraies, & Florestan, delogerent de l'Isle Ferme, pour commencer la quête d'Amadis, qui s'étoit déroboé d'eus. Maintenant entendés, qu'après qu'ils eurent trauersé maintes contrées étranges (esquelles ils firent plusieurs hauts faits

LE SECOND LIVRE

faits d'armes, pour les perilleuses rencontres qui leur suruindrent, sans toute-fois auoir nouvelles d'Amadis) voyans que le tems s'aprochoit qu'ils auoyent promis l'un à l'autre, d'eus trouver en la court du Roi Lisuart, delibererent retourner arriere. & de fait le propre jour saint Ian, ils arriuerent tous de grand matin en vn Hermitage assés prés de Lódres, qu'ils auoyét choisi. Et le premier qui y suruint fut Galaor, puis Agraies, & peu après Florestan: acompagné de Gandalin. Lors furent joyeus de se voir ensemble en bonne santé: mais si déplaissans, pour le peu qu'ils auoyent fait en cete entreprinse, que les larmes leur vindrent aus yeus: au moyen de quoy Gandalin faisant office de bon & loyal seruiteur, leur dît: Par Dieu, mes Signeurs, tous vos pleurs ne sçauroyent faire trouver celuy q̄ vous desirés, si n'êt par vne autre bõne diligẽce que vous pourés nouvellement entreprendre. Et cõbien q̄ déja vous en ayés fait grãd deuoir, si ne deués vous vous ennuyer: ains le querir mieus que jamais, veu que sçaués assés ce qu'il eût fait pour vous particulieremēt, si la fortune eût auancé l'ocasion. Maintenant donc, c'êt à vous à faire le sēblable: car si le perdés ainfi, ce ne sera seulement la perte du plus gētil Cheualier du monde: mais du meilleur parent q̄ vous ayés: & d'auantage vous en pourrés être tous blâmés. Pourtant mes signeurs ie vous supplie (pour l'honneur de Dieu) faisant enuers luy le deuoir de frere, d'amy, & de compagnon, recõmencés sa quête, sans y épergner vos personnes, ne la lōgueur du tems. Cete remontrance faisoit Gandalin en pleurant si trēfort, qu'il faisoit grand pitié aus trois Cheualiers, qui conclurēt, qu'après auoir été à la court, s'ils n'auoyēt nouvelles d'Amadis, de faire nouvelle poursuite, & circuir tout le monde auant que de ne le trouver: & en cete deliberation (après auoir ouy la messe) délogerent de l'Hermitage, & se mirent au chemin de Londres. Mais ainfi qu'ils aprochoient

prés de la ville, auiserent le Roy, qui étoit déja aus champs, acompagné de maints hauts hommes, & bons Cheualiers: car il celebroit ce jour en toute magnificence, pour ce qu'en vn semblable il auoit été couronné Roy pacifique de la grand Bretagne, qui étoit l'ocasion principale que plusieurs Cheualiers étoient venus vers luy pour le seruir. Lesquels auisans de loing Galaor & ses cõpagnons venir vers eus, les montrerent au Roy, & ce pendant ils s'aprocherēt. Et pour-ce que Florestan n'auoit onc veu telle assemblée, Galaor luy dît: Mon frere, voicy le Roy. Or étoient ils tous trois desarmés par la tête, parquoy aucuns de la troupe les recogneurent incontinent, non pas Florestan: Toute-fois le Roy les embrça, leur demandant s'ils faisoient bonne chere. Lors Florestan mit pied à terre, pour luy baiser les mains, ce qu'il lui refusa. Et pour-ce que c'étoit le Gentil-homme du monde, qui mieus ressembloit à Amadis, & qu'autre fois il auoit ouy parler de lui, va soupçonner que c'étoit son frere, & dît à Galaor, ie croy que cétuy soit vōtre frere dom Florestan. Sire, répondit Galaor, c'êt il vrayement, qui a bon desir de vous faire seruice. Ah, dît le Roy, pleût à Dieu, qu'Amadis fût maintenant icy pour vous voir tous trois ensemble. Comment Sire, répondit Galaor, n'en aués vous point ouy de nouvelles? Non, dît le Roy: & vous quoy? Sire, répondit il, nous l'auons tous trois quis vn an entier, sans faire autre chose que perdre nos pas, & pensions le trouver en vōtre court: parquoy veu ce q̄ vous me dites, i'espere moins de luy que iamais. Et non pas moy, dît le Roy: car ie croy q̄ nōtre Seigneur ne l'auoit point appelé en tant de perfections, pour l'abandonner ainfi, qui me fait estimer q̄ nous aurons de bref quelque chose certaine de luy. Et comme il acheuoit ce propos, entrerent en la ville, dont la royne & les autres Dames furent incontinent auerties, & en eurent tant d'aïse, que merueilles,

ſpecialement Olinde amye d'Agraves: laquelle recentemente auoit été auertie, cōme il étoit entré deſſous l'arc des loyaus amans, & l'atendoit en auſſi bonne deuotion, que Coriſande faiſoyt Floreſtan.

Lors Mabile penſant faire plaſiſr à Oriane, courut l'en auertir: mais elle la trouua retiree en ſa chambre, tenant ſa tête appuyee ſus l'une de ſes mains, en liſant dās vn livre, & luy dit: Ma Dame, ne voulés vous pas venir voir Galaor, Agraiés & Floreſtan, qui ſont preſentement arriués?

Quand la Princeſſe entendit qu'elle ne parloit point d'Amadis, nouveau déplaiſir ſe vint enfermer dans ſon cœur par telle cruauté, qu'elle ne ſceut que deuenir, & luy vindrent les larmes aus yeus avec telle abondance, que la parole luy faillit.

Toute-fois à la fin ne ſachant diſſimuler ſon tourment, répondit à Mabile: Ma couſine, m'amy, cōmē voulés vous que ie les aille voir? En bonne foy, ie n'ay maintenāt l'eſprit aſſés arreſté pour ſçauoir deguiſer ou ſaindre en leur preſēce ce que ie doy.

D'auantage, i'ay les yeus trop enflés à force de pleurer: & (qui pis ēt) il ſeroit impoſſible, que ie puiſſe regarder ceus que ie ne vy onques qu'en la compagnie de vōtre couſin, que i'ay tant offenſé. A cēte parole le cœur luy culda partir, & ſ'écria:

Mon Dieu, comme permettés vous plus viure cēte mal-heureuſe, tant digne de mort! Ah, amy, ie ſents maintenant au double vōtre abſēce, voyāt retourner ſans vous Galaor, & les autres que vous aués aymés cōme vous mêmes: leſquels ſachās l'injure & lâche tour que ie vous ay fait, auront iuſte cauſe de procurer ma ruine, à laquelle ie conſens de bon cœur, puis que ſi imprudemment i'ay moyenné la vōtre.

Lors tomba du haut d'elle: mais Mabile la ſoutint en luy diſant: Ma Dame, voulés vous tou-jours continuēr en ces étranges façons de faire? l'entens bien qu'à la fin vous publiérés, à vōtre deſauantage, ce que vous aués deſiré tenir ſi ſecrer. Et-ce la conſtāce que vous deués auoir, mêmes

atendant de jour en jour bonnes nouvelles de la Damoiſelle de Dannemarc? Helàs, répondit Oriane, vous en parlés bien à vōtre aife, Et il poſſible qu'elle le puiſſe trouver, ayant ſeulement charge de le chercher en Ecoce, veu que ſes freres ont quaſi tournoyé tout l'Occident, ſans en ouir nouvelles? Vous vous abuſés, dit Mabile, il peut être qu'ils l'ont trouvé: mais il s'ēt celé d'eus, ce qu'il ne fera iamais à vōtre Damoiſelle, ſachant qu'elle entend le ſecrer de vous & de luy. Et pourtant, confortés vous juſques à ſon retour, puis faites comme vous l'entendrés: & pour cēte heure allons (ſ'il vous plaît) vers la royne qui vous demande. Et bien, répondit Oriane, Dieu me doint ce qu'il luy plaira. Adonc l'aua ſes yeus & ſon viſage, & ſ'en alla en la chambre de la royne, ou dé-jā étoient arriués les trois Cheualiers: leſquels, la voyant venir, luy firent la reuerence.

A l'heure le Roy tenoit Galaor par la main, auquel il diſoyt: Regardés, ie vous prie, comme vōtre grand'amy Oriane ēt empiree depuis que vous ne la vîtes.

En bonne foy, Sire, répond Galaor, vous dites vray, & voudrois bien luy pouoir cauſer tant de bien, que d'être cauſe de lui faire recouurer ſa bonne ſanté. De cēte parole ſe ſourit Oriane diſant à Galaor:

Dieu ēt celuy ſeul qui donne le ſalut & confort aus perſonnes. Ainſi quand il luy plaira, il me reſtituera le mien, & le vōtre pareillement qu'aués tant perdu, perdant vōtre frere Amadis. Er à la mienne volōté, que le trauail, que vous aués prins à le chercher es païs loingtains, eût raporté aucun fruit, tant pour le bien de vous & des vōtres, que pour le ſernice du Roy, auquel il étoit du tout adonné. Ma Dame, répondit Galaor: ie me fie en Dieu, q nous en aurons de brief bonnes nouvelles, pour ce que c'ēt le Cheualier que ie vy onques reſiſtant plus virilement à tous dangers extremes. Dieu le vueille, dit Oriane: mais ie vous prie, faites aprocher de no^r dō Floreſtā, à ce q ie le puiſſe voir

LE SECOND LIVRE

à mon aysé: car on m'a dit que c'est le chevalier du monde qui ressemble mieux à votre frere Amadis. Parquoy Galaor l'appella, & vint saluer Oriane, laquelle le print par la main, & s'assirent eus trois. Lors sembla à la Princesse voir proprement celui, lequel absent elle auoit jour & nuit deuant les yeus, & à cete cause commença à blémer, & à changer couleur. Or s'étoit Mabile semblablement retirée avec Olinde, pour donner plus de moyen à Agraies de parler priuément à elle: & de fait les voyant en lieu si commode, il les vint saluer, puis à leur requête s'assit au mylieu d'elles, en prenant secretement la main d'Olinde. Et elle qui d'ardeur languissoit pour luy, auoit tât d'aise que rien plus, étant certaine de sa loyauté par l'épreuve qu'il auoit faite, passant sous l'arc des loyaus amas, en l'île Ferme, en reconnaissance de quoy volontiers luy eût fait encores meilleure chere si elle eût osé.

Mais la presence de tant de témoins, leur ôtoit la familiarité qu'ils se fussent donés l'un à l'autre, mêmes, la facilité & liberté de parler tellement qu'il falloit qu'ils seussent seuls supléassent à ce défaut, à quoy ils s'employoyent selon les affectiōs de leurs cœurs passionnés. Et ainsi qu'ils étoient en ces plaisans termes, fut ouy de la chambre la vois d'une personne plaine d'affliction, parquoy le Roy voulut sçauoir que c'étoit. Sire, répondit un Ecuyer, c'est Gandalin, & le Nain qui ont auisé l'écu & les armes d'Amadis, & font le plus étrange dueil qu'il est possible. Comment, dit le Roy, Gandalin est-il ceans? Ouy Sire, répondit Florestan, il y a bien deux mois, que ie le trouuay au pié de la montaigne de Sanguin, qui cherchoit son maitre, & pource que ie lui dis que ie l'auois déjà quis d'une part & d'autre, il fut content de s'en venir avec moy. En bonne foy, dit le Roy, j'ay toujours estimé Gandalin tel que maintenant il se manifeste: car c'est l'Ecuyer qu'il y oncques, qui mieux ayme son Seigneur. Quand Oriane enten-

dit ce propos, mêmes que Gandalin étoit de retour sans Amadis, elle se trouua en telle perplexité, qu'elle cuyda s'éuanouir entre les bras de Dom Florestan, lequel ignoroit la cause de son mal, & de peur d'effrayer le Roy & la compagnie, appella Mabile, laquelle se douta aussi tôt de l'inconuenient. Parquoy laissant Agraies seul avec Olinde, vint vers Oriane, & la fit secretement retirer en sa chambre, & coucher sus son lit, ou elle ne demoura gueres: mais se levant, comme presque forcée, dit à Mabile: Ma cousine, vous sçavez que depuis que nous sommes en cete ville, il ne s'est passé iour qu'il nous n'ayons quelque nouvelle facherie. A cete cause ie suis délibérée de me retirer pour quelque temps en mon château de Mirefleur: car le cœur me dit, qu'en changeant d'air, ie changeray de malheur, & que mon esprit trouuera quelque repos. Ma Dame, répondit Mabile: ie suis bien de c'est avis, afin que quand la Dameselle de Dannemarc retournera, vous puissiez plus priuément parler à elle, & donner plaisir à celui qu'elle amenera avec elle, si Dieu plaît, ce qui seroit difficile (voire quasi impossible) faire en ce lieu. Pour Dieu doncques, dit Oriane, ne differons plus: car ie suis seure que le Roy & la Royne seront bien contents de nous donner congé. Or entendés, que ce lieu de Mirefleur étoit un petit château très-plaisant, situé à deux lieues de Lōdres, basty en croupe de montaigne, & circuit d'un côté de la forêt, & d'autre de plusieurs vergers couuers d'arbres, & de toutes fleurs: avec ce enuironné de maintes & grosses fontaines, qui l'arrousoient de toutes pars. Et pour ce qu'une fois le Roy (y étant à la chasse avecques la Royne) voyant que sa fille y prenoit plaisir, il luy en fit present, & depuis elle y fit bâtir un monastere de femmes à un trait d'arc près, ou quelque-fois elle s'alloyt recreer.

Mais pour trop n'éloigner mon propos, étant l'entreprise d'Oriane conclue, elle vint demander son congé du Roy & à la

Royne

Royne, lequel luy fut facilement acordé & à cete cause delibera partir le lendemain de grand matin. Et pource que Galaor & ses cōpagnons vouloyent semblablement retourner en la quête d'Amadis, trouuant le Roi à propos luy dirent: Sire, ce nous seroit vne iniure trop grande de differer plus longuement, d'aller chercher Amadis, & aussi que mes compagnons & moy auons iuré ne seiourner en nul lieu premier que n'en ayons nouvelles: à cete cause il vous plaira être content que délogeons demain pour faire nôtre deuoir. Mes amys, répondit le Roi, ie vous prie retardés encores pour quelques iours, & ce pendant ie ferai partir trente des Cheualiers de ceans qui iront commencer le voyage: car i'ay necessairement besoing de tels personnages que vous êtes, pour vn af faire qui m'êt susrvenu, lequel m'importune de beaucoup, en biens & honneur. C'êt vne bataille que i'ay assignee contre Cildadan Roy d'Yrlande, lequel êt fort et puissant Prince. Et pour vous faire entendre la cause de cete guerre Cildadan à épousé l'vne des filles du Roy Abies, que Amadis deffit en Gaule: Et combien que de tout tems le Royaume d'Yrlande soit tributaire aus Roys de la grand' Bretagne: neantmoins, pour auoir ocaſion de querelle, ce Cildadan refuse le paiement, & me mande qu'il mettra en bataille cêt de ses Cheualiers contre pareil nôbre des miens, par tel conuenant, que s'il êt vaincu, il redoublera le tribut q̄ ie lui demande, autrement d'icy en auant il demourera franc & exēpt, ce q̄ ie lui ay acordé. Ainsi mes amys, ie vous prie sus tout tant que vous m'aymés, ne m'abandonés à ce grād besoing sçachant asseurement q̄ mes ennemys sont forts, & delibérés de me fâcher, mais si Dieu plaît, avec vôte hō secours, & le droit que nous auons sus eus, nous en viendrons au dessus: puis vous yrés chercher Amadis cōme vous aués delibéré, & prendrés avec vous tant de Cheualiers de ceans qu'il vous plaira. Quand

Am. 2.

ils entendirēt la requête que le Roy leur faisoit, il n'y eut celuy d'eus qui ne fut cōtent luy obeïr voyant la necessité si grande, encores que la quête d'Amadis retardât: & de fait, ils luy promirent de ne l'abandonner. Durans ces propos, Mabile enuoya querir Gandalin: car elle vouloit parler à luy auāt que d'aller à Mirefleur, lequel vint à elle: & aussi tôt qu'il la vit, il lui fut impossible se garder de plorer, n'el le semblablement. Puis ayans aucunement déchargé leurs cueurs à force de larmes, Gandalin parla le premier, disant à Mabile. Làs, ma Dame, quel tort vous à moiené Oriane nō seulement à vous: mais à tout vôte lignage enſemble, vous faisât perdre le meilleur Cheualier du monde? Ah quelle ingratitude du seruice q̄ vous lui aués fait! & pis encores enuers celui qui onc ne l'offensa, en fait n'en pensee! parquoi ie puis bien dire que Dieu employa trēmal en elle la grand' beauté & autres excellences dōt il la pourueut, puis qu'elles sont Gouvernees & maitrisees par si grand' traison: & toute-fois ie m'assure bien que nul autre y a tant perdu qu'elle. Gandalin mon amy, répondit Mabile, ie te prie ôte celà de ton entendement: car tu faus par trop, attendu que tout ce que ma Dame Oriane à fait, à été pour l'ennuy & déplaisir qu'elle eut d'vne parole que lon lui raporta assés legerement: par laquelle elle a eu quelque ocaſion de jalousie, pensa être oubliée de ton maitre & que l'affectiō qu'il luy portoit fut tournée, en vn autre. Neâtmoins elle n'eut iamais estimé, que sa lettre (écrite en colère) eut porté telle consequence, ne q̄ tant de mal en d'eut venir: mais elle fit cete faute comme vne personne trāsportee par trop aymer, qui luy êt bien pardonnable pour la repentance qu'elle en a. O Dieu dît Gandalin, comme le bon entendement de ma Dame & le vôte s'oublierent à lors, estimans que mon maitre pensât seulement à faire vne si grand' faute contre celle, qu'auant que d'ennuyer, il s'enter-

D

reroit

reroit vif sous la terre. Et pour Dieu ma Dame declarés moi, s'il vous plaît, la racine de ce mal, & quelle fut la malheureuse parole qui troubla ainsi la vertu & l'esprit de vous toutes, pour faire mourir le plus parfait Chevalier qui nâquit onc. Ardan le Nain (répondit Mabile, cuydant parler à l'avantage d'Amadis) fut cause de tout ce mal. Lors lui recita au lōg le propos des trois pieces de l'épee, que vous aués entendu au premier liure. Et fois certain, Gandalin, dit elle, que la Damoiselle de Dannemarc, ne moy ne peûmes onc ôter la fantasie à Oriane, quelle ne fut abandonnée, en sorte qu'elle se voyant contrariee de la Damoiselle de Dannemarc, & de moy se cacha de nous: & à nôtre desceu lui écrivit la fâcheuse lettre que Durin luy porta, par laquelle êt survenu le comble de ce malheur. Dont depuis elle s'êt assés de fois repentie: car des l'heure qu'elle a été auertie de la perte d'Amadis elle a receu tant d'ennuy & de malayse, qu'il êt impossible de plus: & neantmoins nous en sommes quasi bien ayfés, puis qu'elle n'a craint de donner encores pis à celui qui tât de biē à meritē. Tout ce discours écoutoit Oriane, laquelle étoit en sa garderobe: & voyant qu'ils changeoient de propos, sortit comme si elle ne les eut écoutés. Et ainsi qu'elle vouloit parler à Gandalin, les larmes luy vindrent aus yeus, & commēça à trembler si fort, qu'elle se laissa tomber du haut d'elle sus le plâcher, criât: Gandalin mon amy, si tu es tel envers ton maitre que tu dois, venge en moy maintenant le grand mal qu'il endure iniustement. Ma Dame, répondit il, que vous plaît il que ie face? Ie te prie, dit elle, tue moy, & puis qu'à si grād tort ie suis cause de sa mort: tu ne dois par raison differer cete vengeance, attendu que ie suis seure qu'il eut fait d'avantage pour toy. Ce disant perdit la parole, & sembloit qu'elle trépassât. Lors Mabile, acoutumée à teles deffaillâces la secourut de remede propre, tant qu'elle revint à soy, & s'écria

en détordant ses mains: Ah a Gandalin, tu me fais grand tort de tant retarder ma fin, pleut à Dieu que ton pere fut en ta place: ie suis seure qu'il se mettroit en plus de deuoir que tu ne fais. Ma Dame, répondit Gandalin, Dieu me grād de telle déloyauté, ie serois bien le plus méchant du monde d'y penser seulement: & plus encores d'exécuter deus si grādes traïsons envers vous & mon Signeur, lequel ne viuroit vne seule heure après. Et n'euf se iamaïs pensé que tant mauvais conseil eut trouvé lieu en vôtre esprit, pour l'incertitude que vous aués de la mort de mon maitre: lequel à peu endurer le mal, que vous lui aués fait sans mourir: car la mort ne vient sinon quand il plaît à Dieu l'envoyer. Ainsi êt il ayfē à presumer, veu les graces qu'il luy auoit faites dès le iour qu'il n'âquit, que pour tort q̄ vous luy aués fait, il n'a permis encores qu'il meure. Maintes autres raisons & remontrâces fit Gandalin à Oriane, qui dorénavant grand'allegeance à son martire: au moyen dequoy elle lui dit: Gandalin mō amy ie suis deliberee partir demain matin, pour aller à Mirefleur atēdre la mort, ou la vie selon les nouvelles qui me surviendront par la Damoiselle de Dannemarc. Et pource q̄ i'y feray lōg seiour, ie te prie sous ombre de voir Mabile, nous venir souvêt visiter, car il me semble que ma tristesse amoindrit quād ie te voi. Ma Dame, répondit Gandalin, ie suis prêt à vous obeir cōme il vous plaira me commander. Ce disant print congé d'elle, & ainsi qu'il se retiroit passa ou étoit la Roine, laquelle le fit apeller, puis elle lui dit Gādalīn mō amy, pourquoy aués vous abandonné vôtre maitre? Ma Dame répondit il, ç'a biē été à mon trégrād regret. Lors lui recita comme il partit de l'Hermitage, & les regrets & lamentations qu'il fit, mêmes les gestes qu'il tenoit quand il le retrouva au fond de la vallee qui émeut la Roine à telle pitié, qu'elle ploroit à chaudes larmes. A quoi Gandalin prenāt garde

de, lui dit: Ma Dame vous aués raison de vous douloir de la perte de mō Signeur: car il vous étoit seruiteur tréhüble. Mais bon amy & protecteur, répondit elle, & plaise à nôtre Sigñr, de nous en envoyer de bref nouvelles, qui nous puissent réjouir, Et ainsi qu'ils deuisoyent, Gandalin ieta l'œil sus Florestan, qui parloit à Corisande, laquelle Gādalín ne connoissoit: mais elle luy sembla l'une des plus belles Dames qu'il eut onc vevé: à cete cause il supplia à la Roine luy dire qui elle étoit: ce qu'elle fit, & l'ocasion pour laquelle elle étoit venue en la grand' Bretagne, aussi l'amitié qu'elle portoit à Florestā, lequel elle auoit attendu à la court. Si elle l'ayme dit Gandalin, elle peut bien dire, que son amour ét employée en celuy, en qui ét toute bonté: & tel en Cheualerie qu'à grand' peine pourroit elle trouver au mō de son second: & plus vous dy-ie, ma Dame que si vous le connoissiez cōme moi, vous n'estimeriez nul autre Cheualier plus q̄ lui: car il ét de trégrad' cueur, & de plus haute entrepr̄se. Il le semble bien répondit la Roine: aussi ét il de tāt bonne grace, & parent de si gentis Cheualiers, qu'il ét impossible qu'il ne soit tel q̄ vous dites. Ce pēdant Florestan entretenoit s'ami laquelle il ayroit de trégrad' amour, & non sans cause: car elle étoit belle en toute perfection, riche Dame, & alliee des plus grosses maisons de la grand' Bretagne. Laquelle après le retour de Florestā, ayant encores fait quelque seiour en la court se delibera de partir: & prenāt congé du Roy & de la Roine, choysit son chemin pour retourner en ses pais. Deux iours entiers, la conduit Florestan, lequel luy promit qu'aussi tôt qu'il auroit nouvelles d'Amadis, & la bataille passēe d'entre les Rois Lisuart & Cildadā, s'il demeureroit vif il yroit la trouver, pour se tenir avecques elle vn bien long tems: puis la commandant à Dieu, retourna à la court. Mais entēdēs qu'Oriane, qui n'auoit mis en oubly sa deliberatiō de Mirefleur, par

tit le lēdemain des le point du iour, pour y aller avec sa compagnie: ou elle ne fit long seiour, qu'elle ne s'aperceut de l'amendement de sa conualescence, & avec ce luy creut l'espoir de voir celuy qu'elle desiroit tant. Et pource q̄ le Roi auoit ordonné q̄ durāt qu'elle seroit en ce lieu de Mirefleur, la porte fut continuellemēt gardée, & q̄ nul n'y entrāt: Oriane preuoyant (pour l'affection grāde qu'elle en auoit) la venue d'Amadis, envoya dire à l'Abesse, qu'elle lui enuoyāt les clefs des iardins de son monastere, pour aller quelquefois à l'ébat: ce qu'elle fit, Or étoyēt ils contigus au château, mais clos de fort hautes murailles. Et ainsi qu'un iour Oriane s'y promenoit, acōpagnée seulement de Mabile, voyant le lieu fauorisable & acōmodé à son intention, si Amadis étoit de retour: va tellement penser à luy, & au plaisir qu'elle recevroit par sa presence, qu'elle commença à dire, parlāt à soy-mêmes d'Amadis: Ah mon seul espoir, mon bien, & mon entier refuge: que n'êtes vous icy avec moy, puis qu'à present i'ay le moyē de vous donner & de recevoir aussi, l'aïse & iouissāce que nous auons desiré par tāt de foys l'un de l'autre? Au fort ie n'e partiray, tant que i'aye sati-fait entierement au mal, q̄ par trop d'imprudēce ie vous ay pourchassē, ains vo' atēdrai. Et si Dieu, ou Fortune, permettent q̄ vous y soyés en brief, ie vous promets, mō ami, de vous dōner le seur contentement, q̄ vôtre seruēte amour vous a promis de si long tēs: mais si mon malheur empêche vôtre prompt retour vôtre absēce seule aura la fin de moi. Pourtant ie vous supplie auoir pitié de cete pauvrette, & me secourir: car ie lāguis, & vis en trop d'amertume. Et puis que iusques icy m'aués été obeissant, sans iamais me contredire, maintenant que la necessité ét telle, ie vous prie par celle puissance que vous m'aués donnée sus vous, de me venir deliurer de la mort, que ie sens prochaine, & ne tardēs: autremēt vôtre demeure vous apreste vn repentir par mon

LE SECOND LIVRE

trépas. Ainsi transportée parloit, comme si Amadis eut été présent, lors que Mabile luy interrompit sa pensée, & changeât Oriane propos, lui dit: Ma cousine, puis que nous auons les clefs de ce lieu, il vaut mieus que Gandalin en face faire vnes autres semblables: à ce que vôte cousin étant de retour, puisse entrer & sortir de ceans, toutes fois qu'il luy plaira. C'est bien auisé, répondit Mabile. Et ainsi qu'ils deuisoyent, suruint l'un des portiers, qui dit à Mabile: Ma Dame, là dehors est Gandalin, qui veut parler à vous. Laissez le entrer, répondit Oriane: car il a été long temps nourri avec nous, & si est frere de lait d'Amadis, q̄ Dieu gard. Dieu le vueille, dit le portier: ce seroit trop de dommage si tant bon & vertueux Cheualier auoit mal. Lors alla querir Gandalin & ce pendant Oriane dit à Mabile: Je vous prie voyés comme vôte cousin est aymé & estimé de tous, mêmes des personnes simples, qui ont tant peu cōnoissance de vertu. Il est vray, répondit Mabile. Doncques, dit Oriane, que voulés vous que ie face sinon mourir? ayant été cause de la ruine de celui, qui valloit mieus que nul autre viuant, & qui m'aymoit plus que soy-mêmes? Ah! que malheureuse fut l'heure q̄ ie nâquis oncques, puis que par ma folie & legere suspicion ie luy ay fait tât de tort! Ma Dame répondit Mabile, ie vous prie oubliés tels propos & ayés seulement esperance: car tout ce que vous dites & faites ne sert de rien pour vôte remede. A l'heure entra Gandalin, à qui Oriane commanda se seoir auprès d'elle: & après quelques propos qu'ils eurent ensemble, elle lui recita cōme elle auoit envoyé la Damoiselle de Dannemarc chercher Amadis: auq̄l elle auoit écrit vne lettre, cōtenant ce qu'aués entëdu, & les paroles de creâce qu'elle lui auoit aussi chargées de lui dire. Pourtant, dit la Princesse, à ton auis me pardonnera il? Ma Dame, répondit Gandalin, il me semble que vous cōnoissés mal le cueur de lui: car ie suis seur, que pour la moind-

re parole qui soit dans la lettre, il se mettroit en pieces pour vous, si vous le luy cōmandés: par plus forte raison vous pourrés estimer, s'il sera ayse de vous venir voir. Et croyés, puis que la Damoiselle de Dannemarc a entrepris le trouuer, quelle en viendra à bout sus toutes les personnes du mōde: car ie ne pèse (atëdu qu'il s'est caché de moi) que nulle autre qu'elle, le peut iamais trouver. Par ainsi, ma Dame, vous deués desormais viure en bonne esperance, & vous ré-jouir plus que n'aués fait cy deuant, à fin qu'à son retour il ne vous trouve si empiree de vôte beauté. Cōment: Gādalin répondit elle en riant, te semble ie maintenât si laide? Mais vous ma Dame, dit il, qui vous êtes éloignée de chacun, pour n'être veuë. C'est à fin répondit Oriane, que si ton maitre vient, & que pour ma laideur il me voust fuir, ie le puisse arrêter ceans prisonnier. Pleut à Dieu, dit il, qu'il y fut déja, & en liberté de l'autre prisō ou il est pour vôte amour. Il y a bien d'autres nouvelles, répondit Oriane: nous auons tant fait que sa cousine & moy auons recouvré les clefs de ces iardins, par léq̄ls, à son retour, il nous pourra venir voir ceans toutes fois qu'il voudra & faut que tu en faces contrefaire deus pareilles, qu'il gardera. En bonne foi, dit Gandalin, c'est sagement auisé. Adonc la Princesse lui bailla les clefs, & sans seiourner à Mirefleur, retourna à Lōdres, ou il executa sa cōmission si diligement, que le lēdemain il vint trouver Mabile: à laquelle il bailla les clefs contrefaites, qui les fit incōtinēt mōtrer à Oriane, luy disant: Voicy déja bon commencement, pour recompenser le mal que vous aués fait à vôte Amadis. Mien? répondit Oriane, pleut à Dieu qu'il fut icy! ie le pourrois bien dire mien, voust il, ou non. Or sus, sus, n'entrons point de sievre en chaut mal, dit Mabile: mais voyons cete nuit si Gandalin a bien besoigné, & si les clefs pourrōt ouvrir les huis. Je vous en prie, répondit Oriane. Et pour l'heure

mirent fin à leur propos, atendās le tems commode pour paracheuer leur entreprinse:& de fait enuiron la mynuict(que chacun ét plus endormy) elles se leuerēt secretemēt,& descendirēt en la court. Le tēs étoit lors couvert,& à ce moyē l'obscurité dominoit:parquoi Oriane cōmēça à s'effrayer,&dît à Mabile:Ie vous prie tēs moy la main:car ie meurs de peur. Nō non, ie vous defendray bien répondit elle,ne suis ie pas cousine du plus hardy Cheualier du monde?Mais encores qu'Oriane trēblāt,elle se print à rire,& lui dît: Allons donc puis q'ie suis en vōtre garde: Je m'asseureray desormais sous la grand'prouesse q'vous aués aus armes. Puis que si bien vous me connoisties,répōdit Mabile,marchons hardiment,& vous verrés comme i'acheverai cēte auēture:à laquelle si i'y faus,ie iure que de l'an ie ne porteray écu au col,ne dōneray coup de lance. Lors se mirent à rire si fort qu'on les pouuoit ouir aisēment,& à même instant arriuerent à l'huys,ou essayerent la premiere clef, laquelle se trouua merueilleusement prope,& la seconde aussi,parquoi ils l'ouuřirēt sans difficulté,& entrèrent au verger. Lors dît Oriane à Mabile: Ma cousine,ce n'ēt rien fait,si nous ne faisōs plus fort. Cōment pourroit retourner vōtre cousin, si vne fois nous l'auions mis ceās,veu la hauteur de cēte clōture?I'y ai déja auisē répōdit elle: il luy fera facile par le coing de cēte muraille, cōtre laquelle luy apuyrons cēte piece de bois,& avec l'ayde que nous luy ferons,il montera aisēment à mont:mais il faut que cēte premiere ayde vienne de vous: car vous en aurés seule le profit. Nous verrons que ce sera,dît Oriane,& pour meshui retirōs nous,& allōns dormir:ce qu'elles firent. Et ainsi qu'elles se metoyent au lit, Mabile embrāçant Oriane,lui dît.Ma Dame pleut à Dieu que le Cheualier,pour lequel nous faisons de si belles entreprin-ses fut maintenant en ma place,à la charge de m'en aller dormir hors d'icy, pour

Am. 2,

n'ouir les plaintes du mal qu'il vous feroit.Ma cousine,repōdit elle,s'il y étoit,i'endurerois beaucoup auant q' me plaindre de lui. Et tant continuērent ce plaisant deuis,qu'amour les aguillōna si fort, que tout amoureux lecteur peut penser qu'il leur restoit,pour les faire endormir iusques au lendemain matin, qu'elles s'en allerent à la messe:& au retour trouuerēt Gandalin déja arriué de Lōdres, lequel elles menerent au iardin,& lui conterēt comme elles auoyent essayé les clefs,& les propos que Mabile tenoit en les essayant.Par ma foi,ma Dame,répōdit il,vous me faites souvenir du mal que ie dis de vous à mon Seigneur,pensant le reconforter:mais il me cuida à l'heure échiner,& si fis tōt après dure penitence de cēte menterie,pource que ie m'endormi,& à mon réveil ie ne trouuay bride ne selle à mon cheual:car mon maitre s'en étoit allē,& les auoit cachees pour me garder de le suyure.Parquoy le voyant perdu,& qu'il se cachoit de moy pour les propos que ie luy auois tenus de vous, ie me trouuay en telle melācolie,que ie me fus se tué si i'eusse euglaiue pour ſce faire.

Gandalin mon amy,répōdit Oriane,il n'ēt besoin que tu l'excuses,ie sçay qu'il m'aime sans faintise:parquoi ie te prie ne me ramenteuoir plus le mal dont ie suis cause,si tu ne me veus presentement faire partir l'ame du cors:car tu sçais que ie balance entre la mort & la vie, selon les nouvelles que rapportera la Damoy-selle de Dannemarc.

Comme étant le Roi Lisuart à table, se vint presenter vn Cheualier étrange, armé de toutes pieces,qui le deſſia:des propos que Florestan eut avec luy,& comme Oriane fut consolée, pour les bonnes nouuelles,qu'elle eut d'Amadis.

CHAP. XII.

E Tant le Roy Lisuart à l'yssuē de son dîner ainsi que Galaor & dō Florestan prenoyent congé de luy,pour aler conduire Corisande, entra en la sale vn Cheualier étran-

LE SECOND LIVRE

ge, armé de toutes pieces, fors d'armer & de gantelets. Lequel se mît à genous deuant le Roy, & lui presentant vne lettre scellée de cinq sceaus, luy dit. Sire cōmandés lire ce cartel, s'il vous plaît sçauoir la cause de mon arriuee vers vous. Lors le Roi print la lettre & la leut: & pource qu'il le portoit creance, il répondit au Cheualier: Amy vous pouués dire vōtre charge quand il vous plaira. Adonc le Cheualier se leua, & dît assés haut: Roi Lisuart, ie te deffie, & tous tes alliés, de par les puissans Princes Famongomad Geant du lac brulant, Cartadaque son neveu, Geant de la montaigne deffenduë, Mandafabul son beau frere, Geant de la tour Vermeille, dom Quedragant frere du feu Roi Abies d'Yrlande, d'Arcalaus l'Enchâteur: lesquels te mandent tous par moy, qu'ils ont iuré la mort de toy, & des tiens. Et pource faire, ils se trouveront en l'ayde du Roi Cildadan, pour être du nombre des cent Cheualiers, qui te ruineront assëurémēt. Toutefois, si tu veus bailler ton heritiere Oriane à la belle Madasime fille du trêredouté Famōgomad, pour la seruir de Damoysselle, ils te laisseront viure en pais, & seront tes amys: car ils la marieront avec le Prince Basigant, lequel merite bien être Seigneur de tes pais, & de ta fille aussi. Pourtant, Roy Lisuart, élis de ces deus cōditions la meilleure, la pais, comme ie te deuise, ou la plus cruelle guerre qu'il te sçautoit venir ayant affaire à Princes tāt puissans, & redoutés. Quand le Roy l'eut longuement écouté (pour montrer qu'il faisoit peu de cas de telles menaces) il se souzrir, & lui répōdit. Par dieu Cheualier ceus qui vous ont donné telle cōmission, me cōnoissent trēmal: car i'ay tout le tēs de ma vie plus estimé la guerre perilleuse, que la pais honteuse, d'autant que ie serois grandemēt reprehētible envers dieu le createur, qui m'a constitué Roy sus tāt de peuple, si par faute de cueur ie le souffrois outrager. Parquoy vous en retournez leur dire, q̄ i'ayme trop mieus auoir

tout le tēs de ma vie la guerre qu'ils demandent & à la fin mourir en combatāt q̄ de leur acorder la pais, qui seroit tāt à mō desauantage. Et pource q̄ ie desire sçauoir au lōg leur vouloir ie ferai partir vn Cheualier des miens, qui ira avec vous, lequel leur fera au long entendre mon intētion: & toute-fois ie ne sçay si selon leurs status, tous Embassadeurs, ou messagers sont en seureté deuers eus, ainsi qu'envers les Princes Chresttiēs. Sire, dît le Cheualier, s'il vous plaît qu'il viēne avec moy, ie le prendray en ma charge & le cōduirai iufques au Lac brulāt, qui ēt en l'Isle de Mōgaze, ou ils sont assemblés avec les autres cēt, pour vous venir trouver: vous assëurāt q̄ là ou ēt dom Quedragant, il ne souffre tort être fait à creature viuāte. Vrayemēt, répondit le Roy, il mōtre en celà qu'il ēt gentil Prince: mais dites moy, s'il vous plaît, vōtre nō. Sire, répōdit il, ie suis nōmé Lādin, neueue de dō Quedragāt q̄ suis venu avecques luy, vēger la mort du Roi Abies d'Yrlāde mō oncle, toutefois nous n'auons peu encores rencontrer celui qui le tua, & si ne sçauons bonnement s'il ēt mort, ou non. Je vous en croy biē, répōdit le Roi, q̄ pleut à nōtre Signr I E S V S que sceussies certainement qu'il fut vif, & il fut icy: car tout le demourant iroit bien. Sire, dît Landin, ie sçay bien pourquoy vous le dites, vous l'estimés le meilleur Cheualier du monde: neant-moins i'espere me trouver en la bataille, qui vous ēt preparee, & y faire tel effort a vōtre desauantage, que vous changerez, peut être, d'opinion. Par nōtre Dame, répondit le Roy, il m'en déplaît, i'aymerois trop mieus qu'eussies le vouloir de demourer en mon seruice: tant y a que vous trouverez là qui vous sçaura assés répondre. Et vous dît le Cheualier, maints autres, qui vous poursuuyront iufques à vōtre mort honteuse, comme ie suis seur. Quand Florestan l'entendit parler si brauement, & au desauantage d'Amadis, la colere lui monta au visage, & dît à Landin: Cheualier, ie ne

ne suis natif de ce pais, ny vassal du Roy, ainsi pour chose que vous luy ayés dit, ie n'ay occasion de répondre, mêmes qu'il y a icy present tant de Cheualiers meilleurs q̄ moy, sus lesquels ie ne voudrois entreprendre. Toute fois puis que ne puvés trouver Amadis: qui ét (comme i'estime) vôte grand profit, ie suis prêt de vous combattre, & démeler la querelle q̄ vous aués à lui. Et à fin que me connoissés mieus, ie suis son frere Florestan lequel vous offre ce combat, par telle convention, que si ie vous puis conuaincre, vous serés tenu de vo⁹ de porter de la querelle que vous aués contre luy, & si vous me defaites vengés sus moy partie de vôte colere. Tant y a q̄ vous ne deués trouver étrage le deuoir, auq̄l ie me soumet: car ie n'ay moins d'ocasion de soutenir sa querelle cōtre vous (luy absent) q̄ vous aués celle du Roi Abies, duq̄l vous êtes neveu: état tout seur qu'il ét bien en la puissance de mon Seigneur Amadis de me venger, si fortune permettoit qu'eussés auantage sus moy. Seigneur Florestan, repondit Ladin, à ce que ie voi vous aués enuie de combattre: mais ie ne vous puis sati-faire, n'ayant aucun pouuoir sus moi pour la-faire auquel par autre ie suis delegué: au si q̄ i'ay promis, auant mon partement aus Signeurs qui m'ont apellé en leur compagnie, de n'entreprendre (auant la bataille) chose qui me puisse retarder d'y assister & faire mon deuoir: & pourtāt tenés moi à present pour excuse, iusques après la bataille, lors ie vous promets accepter le combat que vous demandés, & plutôt n'y puis entendre. Par Dieu, dît Florestā, vous parlés en gentil Cheualier, car ceus qui ont telles charges q̄ vous aués à present, doivent oublier & dényer leur propre volonté, pour sati-faire à ceus de par qui ils sont enuoyés, autrement ils seroyent à blâmer, veu qu'encores que vous vinsés au dessus de ce combat à vôte honneur, le leur (peut être) en retarderoit pour vôte demeure & empêchemēt, atēdu qu'ils

se reposent tous sous vôte charge: à cete cause ie suis content de differer iusques au tems que vous demandés, & pour n'y faillir après, voylà mon gage. A l'instant ieta ses gans, & Landin le gâtelier: par quoi (de leur consentement) fut le tout remis au trentième iour d'après la bataille. Puis Landin demanda congé au Roy, qui luy bailla vn Cheualier nōmé Filipinel, pour aller avec lui deffier les Geās, ainsi q̄ Landin auoit fait de leur part. Et pource q̄ la court se trouvoit troublée pour tant mauuaises nouvelles, le Roy voulant faire réjouir la compagnie, dît à Galaor: Il m'êt souuenu beau sire, de vous faire presentement vne chose qui vo⁹ dōnera du plaisir. Lors fit apeler Leonor sa petite fille, avec toutes ses Damoiselles, qui toutes étoient habillees d'une même pareure, portans chapeaus de fleurs sus leurs têtes auxquelles il commāda de dancer aus chansons, ainsi qu'elles faisoient souvēt. Et vous maignōne, dît il à Leonor, commencés par celle qu'Amadis fit pour l'amour de vous, étant vôte Cheualier. Lors chanta la ieune Princesse.

CHANSON.

*Leonor douce Rosette,
Blanche par sus toute fleur,
Rosette fraiche & doucette,
Pour vous suis en grand douleur.
Je perdy ma liberté.
Quand me mis
A regarder la clarté
Qui souz mis
M'a au mal qu'ont vos amys:
Lequel pour grand bien i'accepte,
L'ayant pour telle valeur.
Rosette fraiche & doucette,
Pour vous suis en grand' douleur.
De toute autre que puis voir
N'ay vouloir,
Etant seulement à vous:
Mais bien voi que mon deuoir
Est d'auoir
Souffrance par dessus tous,
Soit donc Amour en courrous,
Et s'il veut trémal me traite,*

LE SECOND LIVRE

*Mon mal prendray pour bon heur.
 Rosette fraîche, & doucette,
 Pour vous suis en grand' douleur.
 Encor' que mon mal se monstre
 A vous Dame,
 C'est en autre qu'il rencontre,
 Et reclame
 L'ocasion de sa flamme:
 Celle seule à la recepte,
 De m'ôter de ce malheur,
 Rosette fraîche, & doucette,
 Pour vous suis en grand' douleur.*

ET puis qu'il vient si à props, ie vous veus faire entendre pour quelle ocasion Amadis fit cete chanson. Vn iour étant la Roine deuisant avec Oriane, Mabile, & Olinde (entrant Amadis en sa chambre) apella sa fille Leonor, & lui dit: Qu'elle l'allât prier d'être son Cheualier, & que de là en avant il la seruit, sans porter affection à nule autre qu'à elle. La petite Princeesse, pensant que sa mere dit à bon écient, elle se leua, & de bien bonne grace vint faire cete requête à Amadis: parquoy toutes les Dames & Damoiselles se mirent à rire. Lors Amadis la prenant entre ses bras, lui dit: Ma petite Dame, si vous voulés que ie sois vôtre Cheualier, faites moi present de quelque ioyau, pour reconnoissance que vous êtes ma maitresse, & que ie suis vôtre. Il n'ay répondit elle, que vous donner, sinon ce fermeillet d'or que ie porte sus ma tête. Lequel soudainement elle détacha, & le luy bailla: dont chacun recommença à rire, voyant comme naïvement elle donnoit foi aus paroles d'Amadis, qui pour l'amour d'elle fit depuis cete chanson. Et la chanta Leonor, & ses compagnes, ainsi qu'aués entendu, qui donnerent grand plaisir à toute la compaignie: puis firent vne grande reueréce, & retournerent ou étoit la Roine. Lors le Roi retourna à part Galaor, Florestā, & Agraies, qui pourchassoient leur cōgé, pour aller conduire Corisande, & leur dit. Mes amys, vous êtes les trois personnes du monde,

aus- quelles i'ay plus de fiance. Vous sçaués la bataille q' i'ay acordee avec le Roy Cildadan, qui se doit donner la premiere semaine du moys d'Aoust: en laquelle se trouveront cōtre nous maints fors Geās, qui tous sont gens de sang, & de cruauté, Parquoy ie vous prie de n'entreprendre, d'icy en auant chose qui vous détourbe de me tenir compaignie, autrement vous me feriés trop grand' faute: pource q' par vôtre ayde, i'espère en Dieu que l'orgueil & outrecuydance de mes ennemis succumbra, & demourerons vaincueurs, & eus perdus & deffaits, Sire répondit Galaor, il n'êt besoin de priere, ou commandement en nôtre endroit, pour nous trouver en lieu tant recōmandé: car encores q' nous eussions du tout perdu l'envie que nous auôs de vous faire seruice, le desir de cōbatre cōtre tels personages, ne seroit pourtant diminué envers nous, veu que la fin, en laquelle doiuent tendre tous bōs Cheualiers, ét de se trouuer en telles entreprinse, ou ils peuuent aquerir los & reputation. Ainsi sire, asseurés vous que nôtre retour sera bief vers vous, & ce pendant vous deués parler particulièrement à vos autres Cheualiers, pour les animer & entretenir au bō vouloir qu'ils ont de vous servir: ce que le Roi eut agreable, & leur donna congé. Adoncq' s'en allerent en la conduite de Corisande, cōme ie vous ay déjà recité. Or auoit Gandalin entendu tous ces propos, & veu comme les trois Cheualiers étoient partis: parquoy il s'en alla à Mirefleur, le faire entendre à Oriane & Mabile, lesquelles furēt trédeplaisantes de ce nouveau desfiement des Geās cōtre le Roy. Lors dit Oriane à Gādalīn: En bonne foi, puis que Corisande à maintenant Florestā à son comandement (veu le grand amour qu'elle lui porte) elle doit être biē ayse, & Dieu l'y vueille longuement tenir: car c'êt vne tressage & vertueuse Dame, & qui le merite bien. Ce disant se print à plorer, & en soupirant s'écria: Helàs Seigneur Dieu, pourquoy ne per-

permettes vous que ie voye encores mon Seigneur Amadis vn seul jour? Le vous supplie me faire ce bien, ou plus ne me laisser la vie, pour ce que mon ame s'en lasse. Et à l'instant deuint si triste, qu'elle fit grand pitié à Gandalin, lequel toute-fois dissimula, feignant n'être content de ce propos, & luy répondit: Ma Dame, vous ne deuez trouver mauvais, si désormais ie ne me montre plus deuant vous: car i'ay toujours eu espoir q' mō signeur Amadis seroit en bref de retour, & vous oyāt tenir tels propos, me faites perdre ce bien, sans lequel ie ne voudrois viure. Gādalīn mon amy, dīt elle, ie te prie ne te courrouce point. Ie te iure ma foy, si ie pouois montrer meilleur visage, ie le ferois volōtiers: mais ie ne puis autrement faire: car mon cœur qui ēt en continuēlle tristesse, ne le voudroit nullement permettre, & n'étoyt le renconfort q' tu m'as donné, ie t'assure que ie n'aurois l'effort de me pouoir soutenir sus pieds, tant ie me trouve ennuiee mēmes de cēte guerre qu'a entrepris mō pere: laquelle ie doute merueilleusement, pour l'absence de ton maitre. Ma Dame, rēpōdit Gandalin, il ne sera ja si bien caché, qu'il n'en ayt nouvelles: & si suis tout seur, q' quelque deffence q' lui ayés faite, il ne faudra à s'y trouver, sachāt que c'ēt chose de trop d'importance au Roi & à vous: non qu'il se presente deuant vōtre personne, mais il se fera connoitre en lieu ou il vous fera seruice, en esperance que vous luy pardonnerés la faute qu'il n'a faite ny pensée. Dieu vueille, dīt Oriane, q' ta parolle soit veritable. Et ainsi qu'ils étoient sus ces propos, vint vne damoiselle dire à Oriane: Ma Dame, la Damoiselle de Dannemarc ēt arriuee, qui vous apporte de beaux presens. Lors crainte & esperance vindrent tellement saisir le cœur de la Princesse, que sans pouoir dire vn seul mot, commença à trēbler: de quoy Mabile s'aperceuant, répondit à la Damoiselle: M'amy, faites la entrer seule. La Damoiselle retourna la faire venir:

mais croyés q' ce pendant Mabile & Gandalin ne sçauoyent quelle contenance tenir, doutās des bonnes ou mauuaises nouvelles que la Damoiselle de Dannemarc apportoit. Laquelle entra tōt après avec vn visage de personne aise, & non fāchee: & faisant la reuerence à Oriane, luy presenta vne lettre de la part d'Amadis, luy disant: Ma Dame, mon Seigneur Amadis se recommande treshumblement à vōtre bonne grace, lequel i'ay trouvé, comme vous pourra assēurer la lettre par luy écrite de sa propre main. Oriane print la lettre, & ainsi qu'elle la cuidoit ouuoir, elle sentit en son esprit vne telle joye, que tous les mouuemens de son cors demourerent sans pouoir remuēr, pour ne uoloir faire autre ofice q' de participer à cēte heureuse nouvelle: tellemēt qu'Oriane tōba du haut d'elle. Mais tout soudain elle fut releuee: & ouurit la lettre: dās laquelle elle trouua l'anneau qu'elle enuoya à Amadis par Gandalin, lors qu'il combatit Dardan à Vindilifore, & le recōneut aussitōt. Parquoy en le baisant, dīt assēs haut: O anneau diuinement gardé, benoīt soyt celuy qui oncques te fit tant fortuné, donnant de main en main tout le plaisir que lon pourroit souhaiter. Puis le mit en son doigt, & cōmença à lire la lettre. Et quād elle vid les gracieuses parolles d'Amadis, & le remerciement qu'il luy faisoit de la souvenance qu'elle auoit eue de luy, par laquelle il étoit retourné de mort à vie: oncques femme ne fut plus aise, & leuant les yeus en haut, s'écia: O Dieu du ciel & de la terre, reparateur de toutes choses, loué soit vōtre saint nom, quand il vous a pleu me regarder en pitié, par la diligence de cēte Damoiselle. Adōc se retira à part, & print la Damoiselle de Dannemarc par la main, luy disant: Ie vous prie belle Dame, dites moy cōme vous l'aués trouvé, le tems qu'aués été ensemble, & le lieu ou vous l'aués laissé. Par ma foy, ma Dame, répondit la Damoiselle, au partir de vous i'arriuai en Ecoce, ou sejournai quelques

LE SECOND LIVRE

jours sans en auoir nouvelles, au moyen dequoy (quasi desesperee de sati-faire à v^otre vouloir) ie m'embarquay pour retourner vers vous : mais il pleut à nôtre Seigneur nous enuoyer vne si forte tempête en mer, que maugré tous nos mariniers la nef fut poussee en la roche pauvre, ou étoit mon signeur Amadis. Leq^l de prime face no^s ne cogneûmes: car il auoit changé de nom, d'habits, & de visage: & cuida mourir en nôtre presence, sans qu'il fut quasi secouru d'aucuns de nous. Toutefois à la fin i'auisay vne playe qu'il a au visage, laquelle Arcalaus luy fit autrefois, par laquelle i'eu tant de suspicion sus lui, qu'à la fin il se declara à moy. Et continuant son propos, lui recita entierement tout ce qu'aués entendu au cōmencemēt de cete histoire. Lors amour & pitié traioient le cœur de la Princesse d'une si étrange sorte, qu'elle pria à la Damoiselle ne luy conter plus des trauaus d'Amadis: mais seulement comme à present il se portoit. Ma Dame, répondit elle, ie l'ay laissé dans la forêt, atendant de vos nouvelles. Et comme luy en pourrons nous secretement faire sçauoir? dît Oriane: car si vous retournés si soudain vers luy, lon s'en pourra douter. Pour cete occasion, répondit la Damoiselle, i'ay amené quāt & moy Durin: lequel ie renuoyray quand il vous plaira, faignant que i'ay oublié partie des presens que i'aportoys à Mabile. C'ēt trēbien aisé, dît la Princesse. Puis elle luy conta comme Corisande leur donna la premiere esperance qu'Amadis n'étoit pas mort, & que c'étoit il qui se faisoit nommer le beau Tenebreus. Il ētray, répōdit la Damoiselle, & se nomme encores ainsi: & si n'a deliberé (à ce qu'il m'a dit) changer de nom, que premier il ne vous ayt veuē, si vous ne luy commandés. Ce sera donc bien tōt, dît Oriane: car sa cousine & moy auons dé-jā donné ordre comme il pourra venir ceans, quand il luy plaira, sans être d'aucun aperceû. Nous auons la clef de ce jardin (par le-

quel le chemin luy sera aisé & couvert) la quelle nous luy enuoyerons par Durin: pourtant apellés le, pour luy dire ce qu'Amadis aura à faire à son arriuee. Adonc s'aprocha Durin, & Oriane luy montrant le jardin, luy dît: Amy Durin, voys tu ce verger, il faudra qu'Amadis y entre par le coing de cete muraille, & étāt dedās, voycy les clefs de l'huis pour venir ceans: lesquelles tu luy porteras, & luy feras entendre ce que ta seur te dira de ma part. Puis se retira les laissant ensemble, & entra en vne grande salle, & ausi tōt enuoya dire à la Damoiselle, qu'elle luy aportāt les presens que la Royne d'Ecoce enuoyoyt à Mabile & à elle, ce qu'elle fit. Mais en les déployaut, comme étant surprinse, elle s'écria: Iesus! ma Dame, i'ay oublié ceus de Mabile, ou nous auōs couché ces jours passés, & si Durin n'y retourne, ils sont en danger d'être perdus. Or sçauoit Durin l'entreprinse, & à cete cause il commença à faire le retif: & d'autre part Mabile, faignant être trémariée, luy dît: Durin mon amy, voulés vous pas me faire ce plaisir de retourner querir ce que v^otre sœur a oublié. Ma Dame, répondit il, ie feray ce qu'il vous plaira: mais par ma foy, ie serois content qu'il vous pleût donner cete commissiō à quelque autre, pour le mal que nous auons enduré sus ce malheureus chemin. Mon amy, ie vous en prie, dît elle, & soyés seur que ie le reconnoitray. En bonne foy, répondit Oriane, ce sera raison. L'entends bien que c'ēt, dît Durin, encores vous moqués vous de moy. De cete parolle chacun se mit à rire, voyant le mal contentement qu'il auoit de retourner arriere. Or bien, dît il, puis qu'il faut que i'aye cete cornee, ie partiray demain au matin. Adonc chacun se retira, & s'en alla Durin à Londres voir Gandalin, auquel il fit entendre tout ce que vous aués entendu: puis s'en partit pour retourner vers Amadis en l'Abaye ou il atēdoyt nouvelles d'Oriane. Toutefois (auāt que partir) Gandalin l'auertit de dire à Enil son

son cousin, qu'il mît peine de bien servir le beau Tenebreus, & que durant le tems qu'ils seroyent ensemble, il s'enquît aussi des nouvelles d'Amadis, & luy mandoyt Gandalin tel propos, pour luy faire encores plus déconnoître celui au service duquel il étoit, afin qu'Amadis eut moyen de conduire plus secretement ses affaires.

Comme le beau Tenebreus enuoya faire faire vn nouveau harnois à Londres, par Enil son Ecuyer, & des auantures qui lui auindrent en allant à Mirefleur, vers Oriane.

CHAP. XIII.

MAis pour trop ne vous éloigner de ce qui auint au beau Tenebreus, entendés: qu'après quelque séjour qu'il fit au monastere, ou il laissa la Damoiselle de Dannemarc, attendant nouvelles d'Oriane, il se trouua dispos pour porter harnois: & à cete cause enuoya Enil lui acheter cheuaus & armes, avec vn Ecu de sinople semé de Lyons d'or sans nombre. Lequel retourna vers luy le propre jour que Durin arriua en l'Abaye, ou il fut bien receu du beau Tenebreus: qui luy demanda en la presence d'Enil, ou il auoit laissé la Damoiselle de Dannemarc, sa sœur. Mon Seigneur, répondit il, au partir de vous elle oubliâ aucuns des presens que la Roïne d'Ecosse enuoyoit à ma Dame Mabile, lesquels ie viens chercher. Puis s'adressant à Enil, luy dit: Enil, vôte cousin Gandalin se recommande bien fort à vous. Quel Gandalin? répondit le beau Tenebreus. Mō Seigneur, dit Enil, c'êt vn mien cousin, qui a seruy longuement vn Cheualier nommé Amadis de Gaule. Adonc le beau Tenebreus, sans plus enquerir, retira Durin à part, lequel luy recita entierement tout ce qu'il auoit charge de lui dire de la part d'Oriane, & comme elle l'atendoit à Mirefleur, bien deliberee de luy faire bon recueil: semblablement l'ordre qu'elle auoit mise à le faire entrer & sortir, quand il luy plaisoit, sans être aperceû; & aussi comme ses

freres, Galaor, Florestan, & Agraies sejournoient à la court, atendants la bataille qui deuoit être en bref entre les Roys Lisuart & Cildadan d'Yrlande: mèmement la défiance du combat que Famongomad, & les autres Geants & Cheualiers auoyent enuoyés au Roy, s'il ne leur vouloit bailler Oriane, pour être Damoiselle de Madasime, pour la marier (peu après) à Basingand, fis aîné d'iceluy Famongomad.

Quand le beau Tenebreus entendit tel discours, le cœur luy creua quasi de grâd dépit: proposant en soy-mêmes, q̄ la premiere entreprinse qu'il feroit (après auoir veu sa Dame) seroit de trouver Famongomad, & les combattre, pour venger l'iniure qu'il vouloit faire à Oriane. Après que Durin luy eut le tout bien fait entendre, print congé de luy, pour retourner à Mirefleur, le laissant en l'Abaye, bien delibéré de là en auant, d'abaisser l'outrecuydance des Geans: louant Dieu toute-fois du bien qu'il luy auoit fait d'auoir recouuré la bōne grace d'Oriane, de laquelle dependoit entieremēt sa vie & tout sō hōneur. Puis le lendemain auant l'aube du jour, s'arma des armes qu'Enil luy auoit apportées, & mōtât à cheual print le chemin de Mirefleur: mais il ne fut gueres éloigné, q̄ sentant le plaisir qui luy étoit promis, & prochain, dōnât carriere, se mit à voltiger son cheual si dextrement qu'Enil en fut ébâi, pensant qu'il n'eût oncq̄s été qu'hermite, & lui dit: Mon Seigneur, atédant que ie puisse iuger de l'effait, & effort de vôte courage, ie puis bien dire, que ie ne vy jamais Cheualier plus adroit que vous, ne qui mieus meine vn cheual à la raison.

Enil mon amy, répondit le beau Tenebreus, les cœurs magnanimes des personnes font les choses bonnes, & hardies entreprinſes, non pas l'aparence exterieure: donc ayant dit ton auis de la contenance, iuge après du courage, selon qu'il meritera, & q̄ tu verras. Ainsi chemina tout le jour le beau Tenebreus, deuisât avec Enil de propos de gaudisserie: car l'obscurité
qui

LE SECOND LIVRE

qui l'auoit troublé par le passé, étoit passée, & reluysoit en son esprit le desir de trouver celle, qui le faisoit viure. Parquoy venant sus le tard, il se logea chés vn ancien Cheualier, lequel lui fit grand recueil & bonne chere: toutefois le lendemain il délogea. Et pource qu'il ne vouloit de là en auant être conneu, il mit au partir du logis son armet en sa tête, sans l'en ôter que pour se rafraichir: & chemina de là en auant sept jours entiers, sans auature trouver, iusques au huitième jour ensuiuant, qu'il arriua au pié d'une montaigne, & vid venir vers luy, du long d'un sentier, vn Cheualier monté sus vn puissant rouffin, qui se montroit tant grand & de si forte taille, qu'il sembloit quasi vn Geant. Lequel s'aprouchant cria au beau Tenebreus: Cheualier, ie vous defends le passage, premier que ie sache de vous ce que i'ay enuie d'entendre. Assés tôt le cōneut le beau Tenebreus (encores qu'il ne l'eût onc veu) car l'écu qu'il portoit, étoit d'azur à trois fleurs d'or, qui luy fit souvenir d'auoir veu le semblable en l'Isle Ferme, & que c'étoyt à Dom Quedragant. Dont il fut déplaisant, tant pour ce qu'il auoyt deliberé ne combattre premier qu'il eût trouvé Famongomad, que pour ne faillir à ce qu'Oriane luy auoit mandé par Durin: & doutoit fort tel empêchement, sachant que Quedragant étoit l'un des meilleurs Cheualiers du monde: toutefois il s'apareilla pour la joute: Ce que voyant Enil, luy dit: Mon Seigneur, ie croy q vous voulés combattre ce diable. Il n'est pas diable, répondit le beau Tenebreus: mais l'un des plus roides Cheualiers que lon sache, duquel i'ay autre-fois bien ouy parler. Adonc s'aprocha Quedragant, qui lui dit: Cheualier, il conuient que vous me disiez si vous êtes de la maison du Roy Lisuart, ou non. Pourquoi? répondit le beau Tenebreus. Pour ce, dit il, que ie suis ennemy mortel de luy & de tous les siens, & n'en connoitray nul que ie ne face mourir de malle mort, si ie puis. Si grand dépit

eut le beau Tenebreus de s'ouyr ainsi menacer, mêmes le Roy Lisuart & tous ses Cheualiers, qu'il répondit à Quedragant: Vous êtes donc de ceus, qui aués défié vn si bon Roy? Je suis bien celuy, dit il, qui fera toute l'iniure qu'il sera possible, à lui & aus siens. Et comme vous només vous? répondit le beau Tenebreus. Dom Quedragant, dit il. Par Dieu, Dom Quedragant répondit le beau Tenebreus, encores que vous soyés Gentil Cheualier, & de haut lignage, si aués vous entrepris vne très grande folie, deffiant ainsi le plus puissant & meilleur Roy du monde: car tout Cheualier prudent doit seulement tendre aus choses qui luy sont possibles, veu que depuis qu'ils passent les bornes de leur pouvoir, c'est à eus plus vraye folie que hardiesse. Quant à moy, ie ne suis vassal du Roy à qui vous aués querelle, ne aussi de ses païs: neantmoins i'ay toujours eu enuie de luy faire seruice, & pourtant vous me poués conter du nombre des défis, & auoir combat à moy, si en aués enuie, sinon suiuez vôte Chemin. Par Dieu, dit Quedragant, ie croy que le peu de notice que vous aués de moy, vous fait parler tât brauement: neantmoins ie desirerois bien sçauoir vôte nom. Lon m'appelle, répondit il, le beau Tenebreus: mais ie pèse que pour le peu de renommee qui est encores en moy, vous me connoitrés comme parauant. Et combien que ie sois étranger, si ay-je entédu n'agueres que vous cherchés Amadis de Gaule: toute-fois ie croy que c'est vôte proffit de ne le trouver, veu ce que i'ay ouy parler de luy. Comment, dit Quedragant, estimés vous plus que moy celuy à qui ie veus tant de mal? Par Dieu, vous en repentirés, & vous defendés, si vous aués le cœur assés bon. Encores, répondit le beau Tenebreus, que contre vn autre ie fusse côté pour cete heure m'excuser du combat, si veus ie bien l'entreprendre contre vous, pour la menace & outrecuydace dôt vous vsés enuers moy. Ce disant, coururent l'un contre l'autre de
si

le cheual du beau Tenebreus cuida donner du nés à terre: & luy fut navré d'un éclat au tetin droit, & dom Quedragant desfarçonné, & blecé dans les côtes. Neantmoins il se releua legeremēt, & print son épée courant contre le beau Tenebreus, lequel il surprint tandis qu'il s'amusoit à redresser son armet: & auant qu'il se donnât de garde. Quedragant lui tua son cheual sous luy: mais le beau Tenebreus le sentant tomber, mit pied à terre. Lors trop dépité de si lâche tour, dît à Quedragant: Cheualier, vo' n'aués pas fait grâds armes ayant ainsi vilainement tué mon cheual. Il vous deuoit assés suffire de montrer cōtre moy ce que scaués, non pas enuers vne bête: ce non obstant i'ay bōne esperance que le tort que vous luy aués fait, & à moy aussi, redondera sus vôtre tête. Dom Quedragant ne luy répondit mot, mais se couvrant de son écu vint charger le beau tenebreus, qui luy montra en peu d'heure cōme il scauoit rendre ce qu'on luy prétendait: & à les ouyr combattre, on eût iugé, q̄ plus de dix Cheualiers étoient de leur mêlée. Lors se joignirent de si prés, qu'ils se saisirent au cors, tachans à ruer l'un l'autre par terre, ce qui leur fut impossible: parquoy sans prendre aleine commencerēt leur premier combat, & à charger l'un l'autre à grands coups d'épée si viuement, que les Ecuyers regardans tant cruel combat estimoyēt qu'il fut impossible q̄ tous deus ne mourussent par la main l'un de l'autre. Et ainsi se maintindrēt depuis tierce iusques à vèpres, sans eus reposer, ne parler ensemble: mais à l'heure dom Quedragant se trouua si recreu, que le cœur luy faillit, & cheut en la place. Au moyen dequoy le beau Tenebreus se ieta sus lui, & ainsi qu'il lui arrachoit le heaume pour luy couper la tête, Quedragant prenāt arcommença à respirer: dequoy le beau Tenebreus s'aperceuant (encores qu'il fût prêt de lâcher le bras, pour sati-faire à la vengeance qu'il vouloit prendre sus son ennemy) arrêta son coup, demeurant l'é-

pee prête à razer ce qu'elle rēcontreroit, au deualler, & dît à Quedragant: Il ét biē tems que tū penſes de ton ame: car c'êt fait de toy. Quand Quedragant se cōneut en tel danger, il fut si étonné, qu'il répondit au beau Tenebreus: Helàs, ie vous supplie, au moins que ie ne meure sans cōfession. Si tu veus plus viure, dît le beau Tenebreus, rends toy vaincu, & me promets de faire ce que ie te commanderay. Ie feray volontiers tout ce qu'il vous plaira, répondit Dom Quedragant, combien que ie ne soys vaincu: car celuy n'êt vaincu, qui sans mōtrer couardie s'êt defendu jusques à perdre aleine, & tomber aus piés de son ennemy: ains celuy seul êt vaincu, qui par faute de cœur, laisse à faire son deuoir. Vrayement, dît le beau Tenebreus, vous dites la pure verité, & suis trefaîse d'auoir aprins cela de vous. Or me jurés, que vous ferés mon commandement.

Ce que fit Quedragant. Adonc le beau Tenebreus apella les Ecuyers, pour en être témoins, puis dît: Ie veus qu'au partir d'icy vous alliés en la court du Roy Lisuart, de laquelle vous ne partirés, qu'Amadis (que vous cherchés) n'y soit arriué.

Lors vous mettrés en sa mercy, lui pardōnant la mort de vôtre frere le Roy Abies d'Yrlande: car à ce que i'ay entendu, eus deus de leur propre volonté se deffierent: & eurent combat ensemble, tellemēt que cete vengeance ne se doit pourchasser.

D'auantage ie veus que vous deportiés du defflement que vous aués fait au Roy, & à ceus qui le seruent, sans que d'icy en auāt vous portiés armes contre nul d'eus. Ce que Quedragant promit de faire, cōbien que ce fût à son trégrand regret. Lors cōmanda à ses Ecuyers luy préparer vne litiere, pour le porter à Londres, suiuant sa promesse. D'autre part le beau Tenebreus qui s'étoit saisi du cheual de dō Quedragant, pour le sien qui étoit mort, bailla ses armes à Enil, & suiuit son chemin: sus lequel auisa quatre Damoiselles, qui chafsoyēt avec vn Emerillon, lesquels auoyēt

veu

LE SECOND LIVRE

veu le combat precedent, & ouy tous les propos des deus Cheualiers: & à cete cau se elles s'adresserent au beau Tenebreus, le priant affectueusement de venir loger en leur château, ou il luy seroit fait tout l'honneur dont elles se pouroyent auiser, pour l'amour du Roy à qui il desiroit faire tant de seruice. Ce qu'il ne refusa: car il étoit las du grand trauail qu'il auoit soutenu tout le jour. Et aussi tôt qu'il fut arriué au logis, elles mêmes le desarmerēt, pour voir s'il étoit fort navré: mais il n'auoit autre playe, que celle du tetin, qui étoit peu de cas. Trois jours entiers y séjourna le beau Tenebreus, puis s'en partit, cheminant tout le jour sans trouver auanture: & la nuit ensuiuant se retira en vn petit logis qui étoit sus son chemin, duquel il délogea le lendemain de grand matin: & enuiron le midy se trouua sus vn tertre, & decouvrit la ville de Lōdres, & le château de Mirefleur, ou étoit sa Dame Oriane. Lors fut surpris de trégrande joye: toutefois il faignit ne cōnoître la contree ou il étoit, & demanda à Enil, s'il la connoissoit. Ouy biē, mō signeur, répondit Enil, voy là la ville de Lōdres, ou ēt à presēt le Roy Lisuart. Par Dieu, dît le beau Tenebreus, ie serois bien marry q̄ luy ou autre me conneût tant q̄ mes œuvres l'ayēt meritē, & que par armes ie me sois fait desirer en telle cōpagnie. Pourtāt va t'en voir cēt Ecuyer Gādalīn, duq̄l Durin te fit n'agueres les recōmendatiōs: & t'enquiers sagement de ce q̄ lon dit de moy: aussi quāt se dōnera la bataille du Roy Cildadan. Cōment? répondit Enil, vous laisseray- ie tout seul? Ne te chaille, dît il, i'ay souvent acoutumé d'aller ainsi: toute-fois deuant q̄ tu partes, ie veus que nous regardions ensemble quelq̄ lieu ou tu me puisses retrouver à ton retour. Adōc marcherēt pl' outre, & auiserent aussi tôt sus le bord d'vne riuiera deus pauillons tēdus, & au milieu vne trébelle tente. A l'entree de laq̄le étoient plusieurs Cheualiers & Dames qui s'ébatoyent, & dis autres Cheualiers

armés qui les regardoyent: & n'y auoit pauillon, ou il n'y eut cinq écus pendus, & autant de lāces. Lors le beau Tenebreus craignant d'être détourné de son entreprinse, voulut euter le cōbat, & print son chemin à gauche. Ce q̄ voyant les Cheualiers l'appellerēt lui disāt, qu'il falloit qu'il dōnāt vn coup de lance, pour l'amour des Dames. Mais il leur répondit, qu'à l'heure il n'en auoit enuie. Car, disoit il, vous êtes frais & beaucoup: & moy seul & fort trauaillé. Par Dieu, dît l'vn d'eus, ie croy q̄ c'ēt de crainte de perdre vōtre cheual. Et pourquoy le perdroy- ie? répondit le beau Tenebreus. Pour- ce, dît le Cheualier qu'il seroit pour celuy qui- vous abatroit, & si suis seur que vōtre perte seroyt plus certaine, que le gaing que vous feriez sus nous. Puis, qu'ainsi ēt, répondit il, i'ayme mieus m'en aller, q̄ de me mettre en ce hazard: ce disant passa outre. Vrayemēt dirēt les Cheualiers, à ce que nous voyōs vos armes sont plus defenduēs par belles parolles, q̄ par grands faits d'armes, tellement qu'elles seront encores assēs entieres, pour mettre sus vōtre sepulture, & véquissies vous cent ans & plus. Vous m'aurez en l'estime telle qu'il vous plaira, répondit le beau Tenebreus: car pour cela ma bonté n'en diminuera en rien. Pleūt à dieu, dît vn qui s'auança, que vous eussies enuie de rompre seulement vn bois contre moy? Je voudrois être réputé traître, ou ne monter d'vn an sus cheual, si vous alliés meshuy chercher logis sus le vōtre. Signeur, répondit il, c'ēt ce q̄ ie doute, & qui m'a fait detourner du droit chemin. Lors se prindrent tous à rire, & à le gaudir, disans: Voyés le vaillant champion, il s'épargne pour la bataille: Mais pour tout cela le beau Tenebreus n'en fit cas, ains suiuit son chemin jusques à ce qu'il vint sus le bord d'vne riuiera: mais ainsi qu'il vouloit passer outre, il entendit vne voys qui crioyt: Arrētés Cheualier, arrētés. Adonc tourna la tête pour regarder que c'étoit, & vid vne Damoiselle bien en ordre mon-

montee sus vn pallefroy, qui venoit à lui, laquelle à son arriuee luy dît: Cheualier, en cete tente ét ma Dame Leonor, fille du Roy Lisuart, avec ses Damoiselles, qui vous prient toutes maintenir la joute cōtre ses Cheualiers, & montrer que vous voul s faire quelque chose pour l'amour des Dames. Cōment, répondit il, la fille du Roy ét elle là? Ouy certes, dît la Damoiselle. Par Dieu, dît le beau Tenebreus, ie serois déplaisant d'auoir querelle à ses cheualiers: car plutōt leur voudrois ie faire seruice pour l'honneur d'elle. Toutesfois puis qu'il luy plaît que ie face autrement, i'en suis content: par tel si, qu'ils ne demanderont que la joute seulement. A l'heure print ses armes, & s'en alla droit aus pavillons, & la Damoiselle marcha deuāt pour en auertir les Cheualiers: parquoy ne tarda gueres, que celui qui premier auoit menacé le beau Tenebreus de luy faire perdre son cheual, se presenta pour donner le premier coup de lance, lequel il recōneut aussi tōt: car il l'auoit marqué lors, qu'il le gaudissoit, & fut trefaïse d'auoir occasion de s'en venger. A cete cause coucherent l'un contre l'autre, & donnans des éperōs à leurs cheuaus, se donnerent si grands coups de lances, q̄ le Cheualier brisa son bois en éclats: & le beau Tenebreus le poussa si rudement, qu'il le ietra sus le chāp, & se rompit l'une des hanches avec trois de ses côtes, dont de douleur demoura étourdy. Ce pēdant Enil courut prēdre son cheual, & le beau Tenebreus retourna vers celui qu'il auoit abatu, auquel il dît: Cheualier, si vōtre paroïlle ét veritable, vous ne tomberés d'un an de cheual: & ainsi l'aués vous promis si vous ne conquētiés le mien. Ce disant, entendit qu'un autre Cheualier luy crioyt: Cheualier, gardez vous de moy. Parquoy il laissa l'autre, & mettant la lance en l'arrêt, donna des éperons à son cheual, & courut de si droit fil vers celui qui l'auoit défié, qu'il le desarçonna comme le premier, & autant en fit au tiers, & au quart, auant que rompre

sa lance: de tous lesquels il fit prendre les cheuaus, & les atacher à vn arbre. Lors s'en voulut aller, quād Enil, qui auoit veu qu'un autre Cheualier s'aprétoit, luy dît: Encores n'aués vous pas fait, voicy le cinquième qui vient à vous. Adonc le beau Tenebreus tourna visage, & vid un Cheualier venir à luy qui portoit quatre lances, lequel à son arriuee luy dît: Seigneur Cheualier, ma Dame Leonor ayant conneu le grand deuoir que vous aués fait contre ses Cheualiers, & que vōtre lance ét rōpuë, vous enuoie ces quatre, & vous prie tant qu'elles durerōt, ne les épargner cōtre les autres, qui viennent vēger leurs cōpagnons. Je mercie hūblement la fille du bon Roy, répondit il, & vous prie luy dire, que pour l'honneur d'elle ie feray tāt que ie viuray, ce qu'elle me cōmandera: mais pour ses Cheualiers qui restent, ie ne m'arrêterois, ou auancerois d'un pas, tant ie les ay trouvé outrecuidés, m'ayans voulu contraindre passant chemin, cōbatre outre mon gré. Lors print l'une des lances, & aussi tōt vid le cinquième Cheualier courir cōtre luy: parquoy baissa promptemēt sa veuë, & couchāt son bois courut encōtre, & l'ataignit de si grād force, qu'il le desarçonna, cōme les autres, sans rompre iusques sus le dernier, lequel se maintint mieus que nul des autres: car auāt que le beau Tenebreus le peut abatre, il fit voler deus lances en éclats: mais au troisième il luy fit perdre les étriers, & tomba à terre. Et pour ce qu'il se tint si ferme, & mieus q̄ nul des dis, ie vous veus dire qui il étoit. Je vous auise qu'il se nōmoit Nicoran du pont Craintif, qui en ce tems étoit vn des meilleurs coureurs de lāce du Royaume de la grand' Bretagne. Après q̄ le beau Tenebreus les eut ainsi tous abatus, il enuoya leurs cheuaus à la Princeesse Leonor, lui priant d'auertir ses Cheualiers q̄ de là en auant ils fussent plus gracieus à ceus qui passeroiyēt leur chemin, ou qu'ils aprinssent à mieus se tenir à cheual qu'ils n'auoyent fait: car il pourroit suruenir
tel

LE SECOND LIVRE

tel Cheualier qui les feroyt aller à pié, cōme ils le meritoient. Ce message fit tant de honte aus Cheualiers, qu'ils ne répondirent aucune chose: mais s'ébailloyent d'auoir été tous desarçonnés par celui qu'ils auoyent en si peu d'estime, & ne pouvoient penser qui il étoit: car ses armes étoient encores inconnues. Et disoit Nicoran: Par Dieu, si Amadis viuoit, ie iugerois que ce fut il, & ne sache autre qui se fût ainsi party de nous. Ce n'est il point, répondit Galise: car il n'eût couru contre nous, qui sommes ses amys. N'aués vous pas veu, dit l'autre, cōme aussi il refusoit la jouté: assurez vous, que c'est il sans autre. Pléut à Dieu, dit Giotès neveu du roi Lisuart, nôtre honte seroit bien couverte: mais qui qu'il soit, Dieu le garde de mal. Il auoit cheualeurement conquis nos cheuaus, & si nous les a rendus par grand' courtoisie. Le diable le puisse emporter, répondit Lasamor, il ma rompu la hanche, & lès côtes: combien que i'en sois cause, pour ce que moy mêmes me suis pourchassé ce mal, & entrepris premier le combat. Ainsi s'échappa d'eus le beau Tenebreus, & s'en alla son chemin, joyeus de la bonne fortune qu'il auoit eue, tenant encores l'une des quatre lances entiere. Or faisoit il trop chaud, & auoit grand soif, & à cete cause auisant de loing vn Hermitage, y print le chemin, tant pour remercier Dieu de sa victoire, cōme pour y boire, s'il y auoit dequoy: & arriuant à la porte, trouua trois pallefrois de Damoiselles, sellés & bridés, que deus Ecuyers tenoyent. Adonc mit pied à terre, & entra au dedans, ou il n'aperceut aucun. Parquoy après auoir fait son oraison, sortit hors, & vid les trois Damoiselles qui se rafraichissoyēt sus le bord d'une fontaine bien ombragée, vers lesquelles il s'en alla, & à son arriuee les salua. Lors elles luy demanderent, s'il étoit de la maison du Roy Lisuart. Mes Damoiselles, répondit il, ie voudrois bien être tel, pour meriter si bonne compagnie: mais ie vous prie me

dire, ou vous tirés au partir d'icy. Droit à Mirefleur, dirent les damoiselles, ou nous trouverons vne nôtre tante, qui est Abesse du monastere qui est là, & ma Dame Oriane fille du Roy Lisuart, & pour ce qu'il fait chaud, comme vous voyés, nous sommes contraintes d'atendre la fraicheur, & ferés bien de faire comme nous. Puis qu'il vous plaît, répondit il, ie vous feray quelques cōpagnie: car cete fontaine me semble assés propre pour se rafraichir, & sçaués vous, comme elle se nomme? Non, dirent elles, toute-fois il y en a vne autre encores plus belle, au fons de cete vallee, que lon appelle la fontaine des trois canals. Lors lui montrerent le lieu, combien qu'il le sceut mieus qu'elles: car maintes fois il y fut à la chasse, & auoit déjà arrêté que ce seroit ou Enil le viendroit trouuer à son retour de Londres. Et ainsi qu'ils deuisoyent, aperceurent sus le chemin qu'il étoit venu vne charrette, que douze cheuaus trainoyent, & deus Nains qui les conduisoient: dans laquelle étoient enchainés plusieurs Cheualiers armés, leurs écus attachés le long des ridelles, & parmy eus Dames & Damoiselles, qui crioient, pleurant tendrement: deuant lesquels marchoit vn Geāt, armé de lames de fin acier, portant en sa tête vn armet luisant à merueilles. Or paroissoit il si grād, qu'il étoit épouētable à voir, & cheuauchoit vn puissant cheual noir, tenant en son poing dextre vn épieu, dont le fer auoit de lōgueur plus d'une brassée: & le suiuyoit après (derriere la charrette) vn autre Geant encores plus monstrueux que le premier, desquels les Damoiselles de la fontaine eurent tāt de peur, qu'elles s'enfuyrent cacher dans les buissons. A l'heure le Geant qui marchoit le premier (voyant que les Dames qui étoient dans la charrette s'arrachoyēt les Cheueus, & sembloit à les voir torturer, qu'elles se vouüssent deffaire de leurs propres mouuemēs) dit aus Nains: Si vous ne faites taire ces garces pēdards, ie feray mille pieces de vos entrailles: car

ie les veus contregarder viues pour les sacrifier au Dieu que i'adore. Quand le beau Tenebreus l'entendit il conneut par ces propos, que c'étoit Famongomad : qui auoit coutume de couper les têtes à tous ceus qu'il pouvoit prendre, & épandre leur sang deuant vne ydole qu'il auoit au Lac Brulant par le cōseil de laquelle il se gouuernoit en ses affaires. Et bien qu'il n'eut lors aucun vouloir de combattre, tāt pour ne faillir de se trouver à Mirefleur (suyuant ce qu'Oriane, luy auoit mandé) que pour autant qu'il se sentoit encōres las & trauaillé par l'effort qu'il auoit soutenu contre les dis Cheualiers, connoissant les personnes qui étoient dans la charrette, entre lēq̄lles étoit Leonor fille du Roy, ses Damoiselles, & les dis Cheualiers qu'il auoit abatus, il delibera toutefois de mourir, ou de les deliurer, sçachant l'ennuy q̄ porteroit Oriane, de la perte de sa seur, la quelle Famongomad & son fis surprindrent, & tous ceus de sa compagnie, quasi aussi tōt que le beau Tenebreus les eut laissés, & les auoyent ainsi liés & garrotés dās la charrette, pour puis après les faire mourir cruellement A cēte cause, il dīt à Enil qu'il lui baillāt ses armes. Mon Seigneur, répondit il, ne voyés-vous pas venir ces diables à nous? Pour Dieu fuyons & nous cachons d'eus, puis vous armerēs à vōtre ayse: car pour toute la richesse de Londres, ie ne voudrois les atendre. Je feray mieus, si ie puis, dīt le beau Tenebreus: premier iessayeray la fortune, & avec l'ayde de nōtre Signr (encōres qu'ils te semblent diables) tu les verras occire par vn seul Cheualier: car leur vie ēt si déplaisante à Dieu, qu'il m'en donnera l'effort, & vēgerai (cōme i'espere) les cruautés miserables, qu'il font de iour en iour. Hélas Seigneur, dīt Enil, vous vous perdés biē à vōtre escient: veu que si vint des meilleurs Cheualiers du Roy Lisuart auoyent entrepris ce que vous cuydés faire ils n'en viendroyent à leur honneur. Ne te chaille, répondit il, si ie laissois passer de-

Am. 2.

uant mes yeus vne telle auēture, sans me mettre en deuoir, ie ne serois digne de me trouver iamais entre les gens de bien, & de vertu, & en auēne ce qui en pourra venir. Ce disāt laissa Enil pleurāt, & marcha le long de la côte dont il pouoit voir Mirefleur à son aise: parquoi le souvenir d'Oriane se presenta deuant luy, & commença à dire: O ma Dame & seul espoir, oncques ie n'entrepris effort: que par vōtre moyen ie n'aye executé: & maintenant q̄ ie vous sens si près de moy, & pour chose qui tant vous importune, ne me laissés à ce grand besoin. Lors lui sembla que sa force lui fut du tout redoublée, & postposant toute crainte, alla vers la charrette, & dīt aus Nains: Demourés pendards, par Dieu vous mourrés tous, & vos maitres aussi. Quand le Geāt l'ouyt parler de menace, il entra en telle fureur, q̄ la fumee lui sortoit par les yeus, en sorte qu'il sembloit qu'il les eut en feu, & cāmēça à brāler si fort son epieu, qu'il le doubla quasi en deus. Puis repōdit au beau Tenebreus: Malheureus infortuné, qui t'a dōné la hardiesse de cōparoître deuāt moi? Mais il ne fit semblant de l'ouir: ains baissa sa visiere, & mettāt la lāce en larrēt donna des espérons à son cheual, & ataignit le Geāt vn peu plus bas que la ceinture, de telle force, que faussant les lames de son harnois, la lance luy entra dedans les tripes par si grand roideur, que la trauersant outre, recontra larçon, & rōpit les sangles du cheual, renuersant hōme & selle tout en vn moment. Toutefois deuant q̄ le Geant tōbāt, il coucha son epieu, & cuidant ataindre le beau Tenebreus, donna au trauers des flans de son cheual: parquoi le sentant navré à mort, mit piē à terre legèrement. Et combien que Famongomad fut semblablement blecé à mort, de grād rage qu'il sentit; se releua: & print à deus mains le tronçō de lance qui lui étoit demouré dans le cors, & le lança si impetueusement contre le beau Tenebreus, qu'il le cuida faire choir: & tant s'eforça à dar-

E

der

LE SECOND LIVRE

der ce coup, que les tripes lui sortirēt du ventre, tombant à la renuerse. Lors commença à crier Basigant mon cher fis, vengés la mort de vōrre dolent pere si vous pouvés. A ce cri s'aprocha Basigant, tenant vne pesante hache, de laquelle il cuida ataindre le beau Tenebreus: mais il se detourna, & passa le coup de telle roideur, que s'il l'eut frapé il en eut fait deus pars. Lors le beau Tenebreus, prōpt & dispos, auança le bras & ataignit le Geāt en sorte, qu'il luy coupa la moitié de la iambe, cōbien que pour la grand'fureur ou il étoit, n'e sentit aucune chose: ains haūça la hache, laquelle luy tourna au poing de bone fortune pour le beau tenebreus, qui receut le coup sus son écu, dans leq̄l elle entra si auant, q̄ le Geant ne l'en peut retirer. Et ainsi qu'ils s'y efforçoit se souzleua sus ses étriers, pour, auoir plus de force. Au moyen dequoy les nerfs de la iambe qu'il auoit entamee luy faillirent, dont il sentit telle douleur, q̄ (ne se pouant tenir arçonné) il donna du nés à terre: & en tōbant, le beau Tenebreus luy rua vn autre coup sus le bras droit, dont il fut cōtraint habandonner la hache, & la laisser au pouoir de son ennemy. Ce non obstant il auoit tant de cuer qu'il se releua, & tira son epee lōgue à merveilles, de laquelle il rua de toute sa puissance sus le beau Tenebreus: & s'y efforça, tellement que le sang lui sortoit par ses playes en si grāde abondance, qu'il se trouua dénué de tout pouoir, & tōba quant & le coup, qui rencontra le Rocher, dōt l'épee se rompit en deus parts. Ce que voyant le beau Tenebreus, se tira à côté, & fit tāt qu'il arracha la hache de sō écu, de laquelle il dōna sus le heaume du Geant si trégrad coup qu'il le luy fit sortir, de la tête: mais le Geant tenāt encores vne partie de son epee, luy raza tout le haut de l'armet, avecq' vn peu de la peau & les cheueus de la tête, & s'il eut baissé son coup il la lui eut abatuē. Lors ceus de la charrette penserent que le beau Tenebreus fut nayré à mort, &

luy'mêmes se trouua si étourdi, qu'il cuidoit être à la fin de ses iours: parquoy se voulant venger, luy donna autre si grand coup de hache, qu'il luy aualla l'oreille, avec la moitié du visage, dont il rendit l'esprit. Or étoient durant ce combat la Princeesse Leonor, & ceus de sa compaignie, prians Dieu deuotement pour le beau Tenebreus: lequel se voyant depēché de Basigant, retourna vers Famongomad, qui auoit veu mourir son fis, dont il faisoit tel dueil, qu'il sembloit qu'il deust enrager. Et combien que lui mêmes fut près de la mort: neant-moins il auoit oté son heaume hors de sa tête, tenant sa playe à deus mains, pour étancher son sang à ce qu'il peut élongner sa vie pour plus dépiter Dieu & ses saints: n'ayant regret à sa mort (comme il disoit) que pour n'auoir destruit en son tems toutes les Eglises, ou il auoit onc entré. Et cryoit tant qu'il pouuoit: Ah a Dieu des Chrestiens, tu as tant fait que mon fis & moi (puissans pour deffaïre ensemble cent des meilleurs Cheualiers du monde) soyons occis par vn paillard foible & malheureus. Et comme il vouloit continuer ces blaphêmes, le beau Tenebreus luy aualla la tête de dessus les épaules, disant: Tien, recoy le payement des cruautés que tu as faites à maintes personnes. Et luy donnant du pié contre le ventre, dit: Or va à tous les diables. Adōc print l'armet de Basigant, & ieta le sien qui étoit rompu. Lors Enil luy amena le cheual de Famōgomad, sus lequel il mōta: puis vint délier les prisonniers, & faire la reuerāce à la Princeesse Leonor, laquelle le remercia de son bon secours, aussi firent tous ceus de sa compaignie. Or auoyent les Geants ataché tous leurs cheuaus au cul de la charrette: parquoy le beau Tenebreus alla querir celui de la Princeesse, & la monta dessus, commandāt aus autres de prendre chacun le sien, & d'eus en aller à Lōdres, mener au Roi Lifuart les cors des deus Geans, & le cheual de

de Basigant qui lui seroit propre pour la bataillè du Roy Cildadan. Mais les Cheualiers luy répondirent: Seigneur, que dirons qui nous à fait ce bien? Vous dirés au Roi, dît il, que c'ér vn Cheualier étrange qui s'apelle le beau Tenebreus: & luy declarerés amplement là cause du combat que i'ay eu contre ces Geants, aussi la bonne enuie que i'ay de luy faire serui- ce, soit contre le Roi Cildadan, ou autre. Adonc furent mis les deus cors dans la charette: route-fois ils étoient si grans, que les iambes leur trainoyent contre terre plus d'une toise de long & prenans congé du beau Tenebreus, s'en allerent le chemin de Londres l'ouans Dieu, & le bon Cheualier qui les auoit preserues de mort. Mais en allant, Leonor, & les petites Damoiselles, qui étoient avec elle (oublians leur peril passé) firent chapeaus de fleurs, qu'elles mirent sus leurs têtes en entrant dans la ville. Lors le peuple émerueillé de voir les Geants, suyuit la charrette iusques au château, pour entendre qui auoit fait si grans faits d'armes. Or scauoit déjà le Roi, l'arriuee de sa fille, & qu'elle amenoit quant & elle deus Geants morts: parquoy il descendit en la court, avec la Roine, & maints Cheualiers, Dames & Damoiselles, pour voir que c'étoit Ce q̄ la Princesse Leonor luy recita avecq' tout ce que vous aués ci deuant entendu, dont chacun fut émerveillè. Et ainsi qu'elle acheuoit son propos, suruint don Quedragant, lequel se rendit prisonnier es mains du Roy de la part du beau Tenebreus: qui augmèta l'envie aus assistans de connoître celui, qui nouvellement faisoit tant de Cheualerie. Et disoit le Roi: En bõne foy ie m'èbaïs qui il peut être: mais y a il nul de vous qui le connoisse? Et il luy fut répõdu que non: fors que Corisande, amye de dom Florestan auoit trouué en la Roche pauvre (à ce qu'elle auoit autrefois recité à maints) vn Cheualier malade, qui se nommoit le beau tenebreus. Pleut à Dieu, dît le Roy

qu'il fut en cété compagnie, croyés moy qu'il ne partiroit d'avec nous, pour chose qu'il me-voulut demander.

*Comme après que le beau Tenebreus eut acheu-
né ses auentures, il se retira à la fontaine des trois
canals: de la print le chemin de Mirefleur, ou il
trouua Oriane, avecq' laquelle il demeura huit
iours entiers. Et au même tems arriua à la
court du Roy Lisuart vn Gentil homme ancien,
portant deus ioyaus singuliers, pour éprouver les
loyaus amans: lesquels Amadis & Oriane delibe-
rerent essayer, sans être conneus du Roy, ny d'autre*

CHAP. XIII.

A Prés que la Princesse Leonor, & sa suyte eurent prins congé du beau Tenebreus, il s'en retourna vers les Damoiselles qu'il auoit trouuees près la fontaine: lesquelles ayant veu la victoire, qu'il auoit eue, étoient sorties des buissons, & venoient au deuant de lui. Lors il commanda à Enil de s'en aller à Londres vers Gandalin, & que durant son sejour il luy fit faire autres semblables armes q̄ les siennes: car elles étoient trop pues, & brisees des coups qu'il auoit soustenus aus combats precedans: aussi qu'il ne faillît à être de retour à la fontaine des trois canals: au huitième iour ensuyuant. Adonc Enil s'en partit, & d'autre part le beau Tenebreus (commandant les Damoiselles à Dieu) chemina au travers de la forêt, & elles droit à Mirefleur: ou elles arriuees contrent à Oriane & à Mabile, le perilleus, combat, & glorieuse victoire qu'auoit eu en leur presence vn Cheualier nommé le beau Tenebreus. Quand Oriane sceut pour vrai qu'il étoit si près de son château, joyè, & extrême plaisir acompagnés de plus grand desir, vindrent entrer en l'esprit d'elle de sorte que iusques à ce qu'elle le tint entre ses bras, ne perdit la veue du chemin de la forêt par lequel il deuoit arriuer. A l'heure étoit le beau Tenebreus descendu du chenal ioignant vn petit ruisseau, atédant la nuit: car il ne vouloit être aperceu en entrât à Mirefleur.

LE SECOND LIVRE

refleur. Lors ôta s^{on} armet, & se coucha sus l'herbe, & aussi tôt lui va souvenir des mobilités de fortune, & du grâd desespoir, auquel (puis peu de tems) il s'étoit trouvé, prêt à se donner la mort de ses propres mains: & que Dieu par sa seule bonté, & misericorde ne l'auoit seulement remis en son premier bien, mais en plus d'honneur, de gloire, & de contentement qu'au parauant, se voyât si prochain de l'aïse qu'il deuoit receuoir avec son Oriane. En cete pensée demeura le beau Tenebreus, iusques après Soleil couchant, qu'il monta à cheual, & vint au lieu que Durin luy auoit enseigné: ou il le trouua avec Gandalin, qui l'atendoyent pour lui prendre son cheual. Adōc mît pié à terre, puis leur demanda que faisoient les Dames. Mon Seigneur répondit Gandalin, elles sont de l'autre part de la muraille de ce iardin, ou elles vous attendent il y a ja plus de quatre heures. Aydés moi donc à monter, dit il. Ce qu'ils firent: & étant au dessus de la muraille, voyant de l'autre part Oriane & Mabile (sans auoir patiēce qu'elles lui baïlassent quelque ayde pour deualer) se lança du haut à bas: & ainsi qu'il vouloit mettre le genoil à terre, pour faire la reuerence à la Princesse, le courut embracer, & le baïsant se cuyda pâmer entre ses bras. Mais qui sçauroit penser le bien qu'ils se donnoient l'un à l'autre? Amadis trembloit comme la fueille, sans qu'il eut pouvoir de dire vn seul mot, & ne faisoit que soupirer tenant sa bouche serree contre celle de son Oriane: laquelle quasi trāsie, le regardoit d'un œil, qui les faisoit tous deux viure & mourir ensemble. Ainsi se tindrent plus d'un grand quart d'heure, & iusques à ce que Mabile se souzriât, dit à Oriane: Ma Dame au moins auant que mon cousin trépasse, que nous le voyons, s'il vous plaît. En enda, répondit Oriane, vous me le laisserez, & puis vous l'aurez à votre aïse: Lors Amadis saluant Mabile, luy dit: Ma cousine, ce n'êr pas du iourd'hui q̄ vous saüés de cōbien ie suis vôtre.

Ouy bien, répondit elle: mais ma Dame vous veut auoir seule. Helàs, dit elle n'ay ie pas raison, veu que moi seule l'ay cuydé faire perdre par ma faute? & puis que Dieu vous à ramené, croyés, mon amy, que le malaise, & les pleurs que vous aués ieté (pour la faute que ie fis) vous seront maintenant recōneus, & recōpensés. Ma Dame, dit Amadis, vous ne me fistes oncques que bien & faueur, & si i'ay eu quelque tribulation, j'en ai été cause, nō vous: ainsi iustement i'ay enduré tout ce que i'ay eu. Làs mon amy, répondit Oriane quād ie pense l'état auquel vous trouuerent Corisande & la Damoysselle de Dannemarc, & l'abōdance des larmes & pleurs q̄ continuellement sortoyēt de vous yeus (à ce qu'elles me dirent) ie vous assure q̄ i'en ai encores l'esprit troublé: Ma Dame dit il les l'armes dont vous parlés n'étoient point pleurs: car long tēs au parauant l'arriuee de Corisande en la Roche pauvre la source en étoit épuisée: mais cetoit vn humeur procedant de mon cueur, lequel tant continuellemēt ardoit en vôtre amour, qu'étant cōtraint par l'effort de la flāme faisoit monter aus yeus l'eau q̄ Nature mettoit au tour de soy, pour le cōseruer & lui donner vie: & croy que si plus gueres la Damoiselle de Dannemarc eut arrêté, à m'apporter le secours que ie receu d'elle, au lieu des pleurs qui distilloient par mes yeus, l'ame mêmes s'en fut sortie. Mō amy, dit la Princesse, ie sçay bien q̄ i'eu grâd tort de vous écrire la lettre q̄ Durin vous porta: mais il vous deuoit lors souvenir que toutes femmes sont fragiles, & de legere creance, spécialement es choses ou elles sont affectionnées, & que force d'amour les transporte souvent, & rēd soupçonneuses ainsi que i'ay été contre vous: parquoy d'autant plus que mon offense ét grāde, vous aquerrés plus de merite en me pardonnāt beaucoup: ce que ie vous suplie, étāt prête, d'en receuoir telle punition qu'il vous plaira me donner, & de vous sati-faire à vôtre discretion. Helàs

làs ma Dame, dit Amadis, c'est à moi à vous demander pardon: car quand ie fusse mort pour l'amour de vous ce m'eut été mort tresagréable. Tant y a que ie vous puis asseurer, ie n'eusse iamaïs resisté à si grand mal q' i'ay souffert, n'eut été que mon martyr se trouvoit si allegé (sachant l'ayse q' vous receuies en iceluy) qu'il se reforçoit d'heure à autre, s'as qu'il fut en la puissance de mort, de le pouvoir terminer. Laissons tels propos pour meshui, dit Mabile, vous aués eu tort, pensés de l'amender: & pour couter le serain (qui vous pourroit faire mal) retirons nous à couvert. Vous n'êtes pas hors de propos, repondit Oriane. Lors fut conduit Amadis en sa chambre, & aussi tôt Mabile & la Damoiselle de Dannemarc (sachans qu'elles leur faisoient plaisir de les laisser seuls) sortirent, faignans entendre à autres affaires. Adonc la Princesse pria Amadis de se soir dans une chaire couverte de velours, qui étoit à un coin, & demeura debout apuiee sus lui, pour plus a s'ayse le baiser & acoller: au moyen dequoy luy suruaincu d'extreme passion amoureuse, s'égara en son honête façon auançant l'une de ses mains sus le petit teton d'Oriane, & l'autre vers la partie à lui plus affectée. Dont Oriane presque honteuse, en s'étendant sus luy pour n'être veüe au visage, luy dit: Mon amy, ie croy q' l'Hermité de la Roche pauvre ne vous a pas aprins celà. Ma Dame, repōdit il, ie vous supplie pardonner à ma temerité, prenant pitié de moy, & puis que le lieu & le tems nous sont tant fauorables, ne me soyés plus contraire qu'eus: mais me continués le bien, duquel de votre grace ie prins possession, quand ie vous delivray des mains d'Arcalaus. Mō amy, repondit Oriane, vous sçaués que ie suis tant votre, q' vous n'êtes point plus à vous mêmes que ie suis: toute-fois cōme est il possible pour le present, voyāt votre cousine & la Damoiselle de Dannemarc si près de nous? Làs, dit Amadis, iusques icy elles ont été cause de ma vie, & maintenāt

Am. 2.

(que plus elles me ont aidé) estimés vous qu'elles vouüssēt ma mort: Assurez-vous ma Dame, qu'elles ont déja tant de connoissance de nos affectiōs (mêmes la Damoiselle de Dannemarc) que si elles ne les ont veües sortir leur effait, elles en ont, peut être, presumé d'avantage: pourtant ie vous supplie (en vous aquitant de votre promesse) me secourir. Ce disant, lâcha tellement la bride à ses passions, que non-obstant les belles remontrances que lui faisoit Oriane, il eut d'elle ce q' plus il desiroit, goutās ensemble du dous fruit que premier ils semerent en la forêt, tandis que Gādalín étoit au pourchas des viures: ainsi que vous aués peu entendre au premier livre. Et combien qu'Oriane eut au cōmencement fait refus. Amadis la traita si gracieusement, q' deuant que partir de ce lieu, ils delibererēt ensemble de continuer durant qu'ils en auroyēt l'opportunité, sans de là en auant eus deffier de Mabile, ou de la Damoiselle de Dannemarc. Huit iours entiers seiourna Amadis à Mirefleur avecques Oriane, menans vie autant delectable qu'ils eussent sceu souhaiter: pēdant léquels il ne fut veu de nul, sinon de ceus qui auoient été moyen de le rapeller, cōme ils vous a été dīt: car sus iour il se tenoit enfermé avec les Dames, & venant le soir sortoient au iardin, ou souvent après maints propos amoureux, Amadis étagnoit l'ardeur de sa flamme (par le dous accueil q' luy faisoit Oriane) au chant des oyssillons: qui en se dégoisant rendoyent témoignage du plaisir que receuoyent ces deus amans sous la couverture des petits arbrisseaus, dont le lieu étoit assés opulēt. Or alloit & retournoit Gandalin chacun iour de Londres à Mirefleur, pour apporter nouvelles de la court tellemēt qu'une fois entre autres il dīt à Amadis, que le harnois qu'il auoit enuoié faire faire par Enil, seroit en brief parachué. Aussi que le Roi étoit en grand doute pour la bataille qu'il auoit entreprinse contre le Roy Cildadā: car la plus

E 3

part

LE SECOND LIVRE

part de ceus à qui il auoit affaire, étoient Geans cruels, & sans raison, & q̄ pour cete cause il auoit arrêté Galaor, Florestan, Agraies, & dom Galuanes, pour luy être aydants. Léquels (disoit Gandalin) sont si marris du bien que lon dit du beau Tenebreus, au desauantage d'Amadis, que sans la promesse qu'ils ont faite au Roi, de n'entreprendre cōbat, ou voyage deuāt la bataille, ils fussent ia en chemin de l'aller combattre: & disent secretement, q̄ s'ils échapent vifs, qu'ils, essayront à le trouver pour eus éprouver à lui, En bonne foy, répondit Amadis, ils me verront plutôt, si Dieu plaît: mais ce sera autrement que ils n'esperent: pourtāt retourne à la court, & t'enquiers s'il êt depuis rien suruenue. Lors s'en partit Gandalin, qui s'en alla à Londres, ou il trouua le Roi qui se mettoit à table: & ainsi que lon leuoit les napes, entra vn Gentil-homme trefancien, acompagné de deus Ecuyers, vétus d'une même pareure. Ce vieillard étoit tōdu, & auoit tout le poil blāc, pour son grād âge, lequel se vint mettre à genous deuant le Roi, & le saluant en langage Grec (dont il étoit natif) luy dit. Sire, la haute renommée étandue en tous endroits du monde, des Cheualiers & Dames qui sont en vōtre court, à été cause de m'y faire adresser, pour voir si en icelle ie pourray trouver ce, qu'en soixante ans i'ay quis en toutes autres cōtre'es prochaines & loingtaines, sans y rien profiter. Pourtant trefillustre Prince, ie vous supplie auoir agreable, que (pour mettre fin à mō trauail) ie face faire vne épreuve aus Cheualiers, Dames & Damoiselles, qui sont en cete cōpagnie: laquelle ne sera (cōme i'estime) à vous ni à autre ennuyeuē, ne déplaisāte. Lors les Sign's presens desirans de voir chose nouuelle, requirēt au Roi de lui dōner la permission qu'il demādoit, ce qu'il acorda failemēt. Adōc l'anciē Gentil-hōme print de l'un de ses Ecuyers vn coffret de laspe qu'il portoit, lequel auoit de longueur enuiron trois coudées, & vne palme de

large, & étoit garny d'or à ouuillage Damasquin le plus excellente du monde, & l'ouvrit: puis en tira vne épée si étrange, que lō n'e vit oncques vne telle, laquelle auoit la gueine faite de deus os clairs & verts comme fine Emeraude, tellement qu'au travers on pouvoit voir la lame, non pas semblable aus autres: car la moitié se montroit pollie à merueilles, & l'autre ardante & rouge comme feu, & pendoit à vne ceinture faite de pareille étoffe que le fourreau si proprement que lon la pouoit aysēmēt ceindre. Lors le Gētil-homme la pendit à son col pour tirer du coffret vn couvrechef, la moitié duquel étoit semé de fleurs autant freiches, & vertes, comme si on les eut cueillies à l'instant: & l'autre moitié étoit couverte d'autres violettes, aussi flaitries & seiches que si elles eussent été dis ans au Soleil: toute fois les vertes & seiches procedoiēt (ce sembloit) d'une même racine, dont le Roi ébaī lui demāda comme cela se pouoit faire. Sire, répondit le vieillard cete épée ne peut être tirée du fourreau, si n'êt par le Cheualier qui entre tous loyaus amans, mieus aymera s'amy: & aussi tôt qu'il l'aura es mains, la partie qui brule deuiendra claire & nette comme le reste, tellemēt que la lame sera toute d'une même couleur. Semblamēt si ce couvrechef (tant couvert de fleurs) êt mis sus la tête de Dame, ou Damoysselle, qui aime sō ami, ou mari en pareil degré: les fleurs flaitries & seiches reprēdront leur couleur viue & belle. Et entēdés, sire q̄ ie ne puis être Cheualier, sinon par la main de ce parfait amant, qui déguinera l'épée, ne prēdre armes, que par celle qui meritera ce precieus couvrechef. A cete cause i'ay depuis soixante ans quis en maintes cōtre'es étranges ceus, par qui ie doy receuoir Cheualerie: mais i'ay iusques icy trauaillé en vain, & poursuyuāt mon voyage (quasi pour mon dernier refuge) suis venu en vōtre court: estimant que tout ainsi qu'elle precelle en excellence celles de

tous

tous Emperours & Roys, i'y pourrai trouver ce qu'en toutes autres, i'ay failly. Je vous prie dît le Roy, faites moy entendre, cōme ce feu, qui est en la moitié del'épee, ne brule son fourreau. Sire répond le vieillard, entre Tartarie & les Indes, y a un bras de mer si ardent, que l'eau (qui est verte à merueilles) brule ainsi qu'il elle étoit sur le feu, & au dedans d'icelle se nourrit une espèce de serpens, plus grands que Crocodilles, qui vont legierement pour les longues ailes qu'ils ont: mais ils sont si infais, qu'ils toutes personnes les fuient à leur possible. Toutefois qu'on en peut trouver quelqu'un mort, on le prise beaucoup, pour ce qu'ils sont profitables à plusieurs medicines: & ont ces serpens un os, qui les prend depuis le col iusques à la queue, lequel est si gros que sur iceluy est formé tout le corps, qui est verd cōme le voyés en ce fourreau & garniture: & pour autant qu'ils sont nourris, cōme i'ay dît, en cete mer ardante, nulle autre ardeur de feu les peut endommager. Or auez-vous sire entendu l'étrangeté de cete epee, & de sa gueine: maintenant ie vous diray des fleurs de ce couvrechef. Du même païs de Tartarie, il y a aussi une Ile (quinze mille en mer) en laquelle se trouvent deux arbres sans plus, tels qu'il n'est memoire qu'en tout le monde, il y en ait de semblables: & est cete Ile circuee, par le plus étrange & dangereux gouffre qui soit en toutes les autres mers. Au moyen dequoy (cōbien que les fleurs de ces deux arbres soyent rares & precieuses) il n'y a homme tant hardi qui ne doute trop d'en aller cueillir: & quand quelque fol s'y aventure & il en peut apporter, assurez-vous, sire, qu'il les vend ce qu'il luy plaît: car entre autres singularités qu'elles ont, si on les cōtregarde, jamais ne perdent la verdeur & vive couleur que vous pouvez voir en ce linge. Et puis que ie vous ay déclaré l'excellence de ces deux ioyaus, il vous plaira, sire, entendre qui ie suis, & comme ie les ay recourez. Je croy que vous auez

maintefois oy parler d'Apolidon, qui de son tēs fut l'un des meilleurs Princes de la terre, lequel embellit de maintes singularités l'Ile Ferme, ainsi qu'il chacun sçait, mon pere étoit son frere, Roi de Ganor, lequel aimait la fille du Roi de Canonie, m'engendra en elle. Et cōme ie parvins en âge suffisant pour être Chevalier, mon pere me pria qu'il puis que j'auois été cōceue avec la plus parfaite & loiale amour qu'onques fut autre Prince: ie ne voullisse aussi recevoir cheualerie, que par la main du plus loyal amant qui fut au monde, ne prendre armes sinon de Dame, ou Damoiselle qui aymeroit son mari ou amy, en telle perfection que le Chevalier. Ce qu'il luy promis & iuray, pensant aisément accomplir son vouloir trouvant mon oncle Apolidon & Grimanese sa femme, vers lequel me transportay: toute fois mon infortune fut telle qu'il trouva Grimanese morte, au moyen dequoy Apolidon sçachant l'occasion de mon arriuee vers luy, fut tresdolent. Car Dieu auoit appellé à soy Grimanese, & ailleurs mal aisément pourrois ie trouver (cōme il me dît) ce qu'il j'auois promis à mon pere duquel la succession m'étoit interdite si ie n'étois Chevalier, selonc qu'il le statut de son Royaume ordonnoit & à cete cause il me commanda retourner à Ganor, & que dedans l'an ensuyuant ie le vinsse trouver: durant lequel tems il essayeroit à trouver remede à ma folle entreprinse, ce que ie fis. Lors me bailla cete epee & couvrechef, par lesquels ie puis connoître ceus que ie cherche, me disant puis que j'auois été si leger de promettre que j'y travaillasse de là en auant, en sorte qu'il trouvant le loyal Chevalier & Dame, j'accomplisse ce, qu'il mon pere m'auoit commandé. Et voylà, sire, la raison de ma longue quester: à cete cause s'il vous plaît vous éprouverez premier l'épee, & vos Cheualiers après. Et semblablement la Reine & ses Dames verront cōme il leur prendra du couvrechef, & celui ou celle qui acheuera les aventures, aura le ioyau

LE SECOND LIVRE

sien, moy le profit & repos, dont i'ay tât
 de besoin, & vous Sire, l'honneur entre
 tous autres Roys & Princes ayant trou-
 vé en vôtre court, ce qu'en toutes celles
 ou i'ay été ét deffaillant. Adonc le vieil-
 lard fina son propos. Lors n'y eut celuy,
 qui ne demourât conuoiteus a voir l'é-
 preuve: & à cete cause, suplierent le Roy
 d'otroyer la requête à l'étranger, mais il
 ne se laissa longuement importuner: car
 luy même en auoit aussi bône envie que
 nul d'eus, cōbien qu'il le remit au cinquié
 me iour en suyuant, auquel tems se de-
 uoit celebrer la fête saint Iaques, & pour
 plus la manifester auoit mandé grād nō-
 bre de ses Cheualiers. Par ainsi disoit le
 Roi d'autant q̄ ma court sera ample, d'au-
 tāt y aura il plus de moyē, de faire l'épreu-
 ve. A quoy chacun s'accorda. Tout ce dis-
 cours entendit Gandalin, lequel de fortune
 étoit (n'y auoit pas encores vne heure)
 arriué à Londres. Mais aussi tôt que la cō-
 clusion fut arrestee, il remonta à cheual,
 & s'ē alla à Mirefleur ou il trouua le beau
 Tenebreus, iouant aus echets avec Oriane
 laquelle le voyant rétrovrné si soudain,
 luy demanda qu'il y auoit de nouveau en
 court. Ma Dame-répondit il, ie suis seur
 que vous serés bien aisé d'entendre que
 c'est. Et quoy? dit Oriane. Adonc Ganda-
 lin luy recita les propos du vieil Gentil-
 homme, & les merueilles de l'ēpee & du
 couvichef: pareillement comme le Roy
 auoit remis à en faire l'épreuve au iour
 saint Iaques prochain. Et ainsi qu'il fai-
 soit ce long discours, le beau Tenebreus
 deuint plus pensif qu'il n'auoit de coutu-
 me, dont Oriane s'aperceut: toute fois el-
 le n'en fit semblant iusques à ce que Gan-
 dalin & la compagnie se fut retirée, qu'el-
 le vint asseoir sus les genous du beau Te-
 nebreus. Puis le baissant & acollant luy
 dit: Mon amy, ie vous prie me dire à quoi
 vous aués tant rêué, pendant que Ganda-
 lin nous contoit les nouvelles de Lōdres.
 Par ma foy, ma Dame, répondit le beau
 Tenebreus, s'il plaisoit à Dieu executer

ma pensee, vous & moi serions toute nô-
 tre vie en plus de repos, que nous n'auōs
 été: car le couvichef seroit vôtre, & l'é-
 pee miēne: ainsi suspition & ialousie, n'au-
 ront iamais lieu enuers nous. Comment
 mon amy, dit elle, doutés-vous que ie ne
 le gaigne, s'il ēt gaignable par bien ay-
 mer? Non ma Dame répondit il, mais ie
 craignois pource que l'épreuve s'en doit
 faire à la court du Roy vôtre pere, q̄ fis-
 siés difficulté de l'entreprendre: & toute-
 fois ie me fais fort de vous y conduyre,
 & r'amener (s'il vous plait) sans que soy-
 ons conneus de nul qui nous voye. Mon
 ami dit elle, vous sçaués que ie vous com-
 pliray toute ma vie & que vous pouués
 disposer de moy en sorte q̄ ie doute plus
 le peril ou tomberoyent ces Damoiselles
 si nous étions cōneus, que le nôtre, & me
 semble qu'il seroit bō d'en auoir l'opiniō
 d'elles, auant que de l'entreprendre. Tout
 ce qu'il vous plaira, ma Dame répōdit le
 beau Tenebreus. Lors apella Mabile, & la
 Damoysselle de Dannemarc, qui deuisoit
 avec Gandalin, aus-quelles ils declarerēt
 ce qu'aués entendu. Et combien qu'indu-
 bitablement le danger fut grand, neant-
 moins les Damoysselles, voyans que ceus
 à qui il touchoit le plus en auoyent (ce
 sembloit) trop d'enue, teurent ce qu'elles
 en pensoyent & répondirēt à Oriane, que
 vraiment elle n'auroit de sa vie tant d'o-
 casion de cōquester le plus precieus joiau
 du mōde. Biē dit la Princesse au beau Te-
 nebreus, faites doncq' ainsi que vous len-
 tendrés. Je vous diray, répondit il, cōme
 nous nous pourrōs sauuer, l'ēnoyrai Enil
 (qui encores peu me cōnoît) dire au Roi,
 qu'un Cheualier étrāge, avec s'amy veu-
 lent éprouver les ioyaus, s'il lui plaît de
 leur donner seurété, qu'il ne leur sera dit
 ne fait rien outre leur gré: puis i'y cōdui-
 ray ma Dame déguisée d'acoutremens
 étranges, ayant deuant son visage vn lin-
 ge ou crespé bien delié: par lequel elle
 pourra voir au trauers vn chacun, & si se-
 ra de tous inconnue: & moy armé de

tou-

toutes pieces, jusques à la visiere baïsee, la conduiray. Par ma foi, dît Mabile, vôte entreprinse èt grande: mais i'ay vn acoutrement que ma mere m'enuoya derniere ment par la Damoiselle de Dannemarc, le plus nouveau du monde, qui sera propre à cêt affaire, & s'il plaît à ma Dame: nous le luy essaïrons presentement. Lors Mabile le fut querir: puis elle & la Damoiselle de Dannemarc l'en acouterent en si étrange façon, qu'elles se mirent toutes à rire, tant elles trouverent la Princesse deguisee: & leur sembla aisé ce que le beau Tenebreus auoit entrepris. Au moyē de quoy, à l'instant il commanda à Gandalin d'aller acheter quelque bien belle haque-nee, pour porter Oriane: & qu'il ne faillît de l'amener au pié de la muraille au château de Mirefleur la nuit que se deuoyent faire les épreuves des joyaus, & aussi qu'il auertît Durin de luy amener des le soir son cheual à l'endroit ou il étoit descendu quand il entra au jardin. Car ie partiray, dît il, cête nuit, pour aller à la fôtaine des trois canals, ou Enil me doit venir trouver: lequel ira vers le Roy, pourchasser nôtre sauſconduit. Lors s'en partit Gâdalin, qui fit entierement ce qu'il auoit en charge. A cête cause venant le soir, le beau Tenebreus print congé des Dames qui le cõduirent jusques au pié de la muraille du jardin, & deuant de l'autre part, trouua son cheual que Durin tenoit, sus lequel il monta, prenant le chemin de la forêt: & enuiron l'aube du jour, arriua à la fontaine, ou peu après suruint Enil, qui luy apporta les armes qu'il auoit fait faire, desquelles il s'arma, puis demanda quelles nouvelles il y auoit à la court. Mon Seigneur, répondit Enil, chacun parle de vos prouesses: & n'y a celuy qui n'ayt grand desir de vous connoitre. Puis tombant de propos en propos, vint à parler du vieil Gentil-homme, qui auoit apporté l'épee & le couvrechef. Par Dieu, dît le beau Tenebreus, il y a plus de quatre jours qu'une damoiselle m'en a auerty, par conuenant q

ie la meneray à la court pour faire cête épreuve, pourtant ie suis cõtraint d'y aller: toute-fois tu sçais combien i'ay desir de n'être encores conneu du Roy, ou d'autre, tant que mes faits leur dõnent meilleure connoissance de moy qu'ils n'ont. A cête cause il te faut retourner à Lõdres dire au Roy, que s'il luy plaît de donner seureté à vne Damoiselle, & à moy, qu'il ne nous sera dit, ne fait chose quelcõque outre nôtre gré, que nous yrons faire l'épreuve que demande l'étranger: mais ne faus aussi à faire entendre à la Roine, & à toutes ses Dames, comme la Damoyſelle me contrainst la y conduire, suiuant ce q luy ay promis, & qu'autrement ie n'y fusse allé, & après que tu auras fait mon cõmandement, ne faus à être icy de retour la nuit precedente que se doiuent môttrer les joyaus. Ce pendant ie m'en iray querir la Damoiselle, qui se tient loing d'ici: & selon le rapport que tu nous feras ie la y conduiray, ou retournerons arriere. Adõc s'en partit Enil, & le beau Tenebreus print le chemin de Mirefleur, ou il arriua, qu'il étoit jour failly, & trouua Durin qui l'atendoit pour prendre son cheual. Lors monta sus la muraille, & entra au jardin, ou étoit Oriane & les autres Damoiselles desquelles il fut trébien recueilly: mais quand Mabile le vid arriuer, elle luy dît: Comment, mon cousin, vous êtes plus riche que vous n'étiés au matin: aués vous fait quelque nouvelle détrouſſe? Vous n'entendés pas ce que c'èt, répondit Oriane, il a été querir ses belles armes, pèsant forcer la prison ou nous le tenons. Et il vray? dît Mabile, si vous deliberés de nous combattre, pensés y bien deuant: car vous aués prou affaire. Et ainsi se gaudiſſans, arriuerent en la chambre de la Princesse, ou son souper lui fut apporté: car de tout le jour il n'auoit ben ne mengé, craignant être decouvert.

LE SECOND LIVRE

Comme la Damoiselle de Dannemarc fut enuoyee à Londres scauoir quelle réponse Enil auoit obtenüe du Roy, sus le faufconduit que demãdoyt le beau Tenebreus, lequel depuis y mena Oriane éprouver les ioyaus étranges.

CHAP. XV.

E Tant le beau Tenebreus de retour à Mirefleur, il fit aussi tôt entendre à Oriane, cōme Enil étoit allé à la court, suiuãt ce qu'ils auoyent conclud le jour precedent. Lors la Princesse affectionnee d'en scauoir la réponse, & aussi pour pourvoir de lōgue main à la seureté de leur entreprinse, envoya la Damoiselle de Dannemarc, vers la Roynes, luy faire entendre, qu'elle se trouuoit vn peu mal disposée, au moyen dequoy elle ne se pouoit encores mettre en chemin, pour retourner vers elle. Ainsi s'en partit la Damoiselle, & ne retourna, qu'il ne fût bien tard: car elle atēdit l'arriuee de la Roynes Briolanie: au deuant de laquelle le roi étoit allé pour la receuoir, & venoit à la court avec cent Cheualiers, pour faire commencer la quête d'Amadis suiuãt l'auis de Galaor & Florestan, & si auoit deliberé ne partir d'avec la Roynes Brisene, premier qu'ils fussent de retour, ne de porter pareure que de drap noir, ne ses femmes semblablement, tant qu'il fut trouvé: car tel acoutremēt auoit elle lors qu'il la fit Roynes, & point ne le changeroit de sa vie, s'il étoit perdu. A vōtre auis (dît Oriane) ēt elle telle qu'on l'estime? Si Dieu m'ayde, répondit la Damoiselle, vous excetee, c'ēt la plus belle femme, & de la meilleure grace que ie vy oncques, & qui a eu grand déplaisir, quand elle a sceu vōtre maladie: & vous mādē par moi qu'elle vous viendra faire la reuerence, aussi tôt qu'il vous sera agreable. Vrayement, dît Oriane, j'ay plus de desir de la voir, qu'autre que ie sçache. Ma Dame, répondit le beau Tenebreus, croyés qu'elle merite bien que vous luy faciés honneur, encores qu'à tort vous ayés autrefois eu de l'ennuy pour l'amour d'elle: Mō amy,

dît la Princesse, pour Dieu, ne parlons iamais de melancolies passées: car ie suis seure que ie pensois fausement. Encores le penserés vous mieus, répondit il, par le témoignage que vous en porteront les ioyaus que nous gaignerōs, si Dieu plaît, lesquels diuertiront d'icy en auant les mauvaises fantasies que vous aués eues sus moy, si elles vouloyent retourner, en vous augmentant en mon endroit la seruitude que ie vous porte & doy. Mon amy, dît Oriane, ie m'assure bien q̃ le couvrechef vous fera croire, que le tort qu'aués receu de moy, n'ēt procedé que par l'extreme amour que ie vous porte. Nous verrons bien tôt, Dieu aydant, dît la Damoiselle de Dannemarc, qu'il en auendra. Le Roy a otroyé à Enil ce qu'il a demandé pour vous deus. Et ainsi passerent le tems Oriane & ceus de sa compagnie, iusques au jour qu'il falut partir pour aller faire l'épreuve, dōt vous aués ouy parler, qu'elle se leua sus la minuit, se faisant acouter comme le beau Tenebreus auoit deuisé: & luy mêmes s'arma de toutes pieces, puis passerent le jardin, & vindrēt ou Gandalin tenoit les cheuaus prêts. Lors monterent dessus, prenans le chemin de la forêt droit à la forêtte des trois canals. Adonc Oriane pensant à l'entreprinse qu'elle faisoit, prenoyent l'inconuenient & danger, non seulement si elle étoit decouverte, mais que si elle faillait à gaigner le couvrechef, Amadis auroit iuste cause de douter d'elle: & perdrait par ce moyen la reputation qu'elle auoit aquisē enuers luy. Adonc commença de se repentir, & à trembler si fort, que le beau Tenebreus s'en aperceut, qui luy dît: Ma Dame, si i'eusse pensé que vous eussies eu tāt de malayse de ce voyage, ie vous jure dieu, que plutōt i'eusse choisi mourir, que de vous auoir mise en chemin, & à cēte cause, reprenōs, s'il vous plaît, le chemin de Mirefleur. Ce disant, tourna bride: toutefois Oriane, considerant que par elle se differoit vne épreuve tāt recōmādēe, chan-
gea

gea propos, & luy répondit: Mon amy, ie vous supplie, ne prendre garde à la peur qu'a eue vne femme au milieu de ce grand bois, mais à la vertu qui est en vous. Trop se repêtit le beau Tenebreus de lui auoir tenu tel propos, doutant l'auoir fâchée, & luy dit: Ma Dame, puis que vôtre discrétion a suruaincu ma folie, pardônés moi: Je vous assure, que ie ne pensois dire chose qui vous deût tourner à déplaisir. Et mettant fin à ces propos, arriuerent joignant la fontaine, étant encores vne heure deuant le jour, ou ils n'y eurent long tems seiourné qu'Enil y suruint, dont ils furent tresaisés. Lors le beau Tenebreus dit à Oriane: Ma Dame, voicy l'Ecuyer que ie vous auois promis enuoyer vers le Roy Lisuart, lequel nous fera sages de la réponse de luy. Par ma foy, mon signeur, répondit Enil, il vous a donné toute la seureté que demandés, & si vous auiés, que l'épreuve se commencera ce jourdhuy au sortir de la messe. Tant mieus, dit le beau Tenebreus: nous n'auons par ainsi, que tarder. Adonc luy bailla son écu & sa lance, & sans ôter son armer, cheminerent la voye de Londres. Déjà le peuple auoyt entendu que le Cheualier qui auoit vaincu les Geans, deuoit arriuer le matin: parquoy chacun étoit attendant sa venue. Et ainsi qu'il trauersoit la ville pour venir au logis du roi, ils disoyent l'un à l'autre: Dieu garde de mal le beau Tenebreus: car il est digne de grâde louange: & bien heureuse se doit tenir la Dame, de laquelle il est seruiteur. Or pouoit Oriane entendre ces propos, dont elle étoit tant joyeuse que merueilles, pour se sentir Dame & maitresse de celui qui étoit aimé & honoré de tant de gens. Puis vindrent descendre au palais, ou ils trouverent le Roy, la Roynne, les Dames, & grand nombre de Cheualiers déjà tous assemblés en vne grande salle, pour faire l'épreuve des joyaus du vieillard. Et aussi tôt qu'ils sceurent l'arriuee du beau Tenebreus, le Roy se leua, & avec sa compagnie le fut rece-

voir: parquoy le beau Tenebreus se mettant à genoux, lui voulut baiser les mains. Mais le Roy le souleua, lui disant: Mon grand amy, vous soyés le très bien venu ceans, avec telle seureté que la sçauriés de mander: car vous m'aués autant fait de seruice, pour vn commencement qu'autre Cheualier fit oncques à Roy ne à Prince. Le beau Tenebreus ne luy répondit vn seul mot, ains s'enclina seulement pour le remercier: puis sans abandonner Oriane, qu'il tenoit par la main, vindrent vers les Dames, lesquelles saluèrent ils humblement. Vous poués penser, si la jeune Princesse auoit lors crainte d'être découverte, se voyant en telle compagnie: car la Roynne sa mere s'adressa à elle, la regardant fermement au visage, combien qu'elle l'eut couvert d'un linge, & luy dit: Damoiselle, ie ne sçay qui vous êtes: car ie ne vous vy oncques que ie sache: toute-fois pour l'amour de ce Cheualier (en la garde duquel vous êtes) qui a tant fait de seruice au Roy, assurez vous qu'il vous sera fait ceans tout l'honneur qu'il sera possible. Dequoy le beau Tenebreus la remercia: mais Oriane, sans dire mot, auoit tousjours la tête baissée. A l'heure le Roy & tous les Cheualiers se retirerent à vn côté, la Roynne & ses femmes de l'autre. Et en ces entrefaites le beau Tenebreus tenant Oriane, vint supplier le Roy, que luy & sa Dame demourassent au milieu de la salle: car ils n'étoyent deliberés de toucher à l'épreuve, si non au cas que tous les assistants y eussent failly. Ce que le Roy luy otroya, qui premier vint prendre l'épee, laquelle étoit sus la table, ou le vieil Gentil-homme nommé Macandon l'auoyt mise: & la dégueina le Roy vne paume sans plus. Parquoy Macandon lui dit: Sire, s'il n'y a en vôtre court de plus amoureux qu vous êtes, ie ne m'en iray de ceas si cōtent que i'ay espéré. Puis print l'épee, & la remit sus la table: car ainsi le falloir il faire à chacune épreuve. Lors Galaor la print, mais il fit encores moins que le Roy.

Ce

LE SECOND LIVRE

Ce que voyant Florestan, Galuanes, Grumedan, Brandoyuas, & Landin y essayerēt tous l'un après l'autre: & toutefois nul de eus ne la peut déguiner si avant que Florestan, qui la tira vn pied, ou plus: puis la print Guillan le Pensif, & passa Florestan d'environ demy pié, tellement qu'il vint jusques à la moitié. Par Dieu, dit lors Macandon, si vous aimiés encores autant que vous faites, l'épee ieroit vōtre.

Après luy vindrent plus de cent Cheualiers, qui tous n'y firēt riē, ou peu, dōt Macandon se gaudissant, les appelloit heretiques en amour. Lors Agraies qui s'étoyt épergné pour le dernier, étant seur (ce luy sembloit, veu la grād'amour qu'il portoit à sa Dame Olinde) que l'auanture luy étoit dedice, & non à autre, s'auança: & en regardant s'amy print l'épee, laquelle il tira hors du fourreau à trois doigts pres. Et comme il s'efforçoit pour l'auoyr du tout, le feu sortit de la lame si ardent, qu'il luy brûla partie de ses vêtemens: dōt il fut contraint de la laisser, fort joyeus neât moins, d'auoir plus fait q̄ nul des autres. Vrayemēt, dit Macandon, vous êtes loyal Cheualier, & aués quasi eu ocaſion d'être content, & moy ſati-fait. Puis s'aprocherent Palomir & Dragonis, lesquels étoyēt le jour de deuant arriués à la court, & ne firent non plus que Galaor: au moyen de quoy Macandon se print à rire, leur disant: Je suis d'auis que vous assēbliés vos deus pars de l'épee ensemble, & peut être en aurés vous assés pour vous defendre cy après. Vous dites vray, répōdit Dragonis: mais si vous êtes ce jourdhuy fait Cheualier, ce ne ſera jamais si ieune, qu'il ne vo⁹ en puisse bien ſouvenir. De cete parole chacun se print à rire, & ce pendant il ne demeura Cheualier à la court, qui ne se mît en deuoir de gaigner l'épee, & toutefois ce fut en vain: à quoy le beau Tenebreus tenant Oriane par la main, la vint prendre. Lors luy dît Macandon: Cheualier, cete épee vous ſeruira trop mieus (si vous la poués conquerre) que celle que

vous portés, & si ne peut être gaignee par force d'armes, ſans grande loyauté en amours. Elle me doit donc apertēnir, répōdit le beau Tenebreus, qui la tira du fourreau autant aisément, qu'il eût fait la ſienne, & deuint la part ardante ſemblable à l'autre, & auſſi claire que lon en vid jamais. Adonc Macandon (ayſe à merueilles) se ieta aus piés du beau Tenebreus, luy diſant: Ah a bon Cheualier, Dieu te doint honneur: car mettant fin à mō long trauail, tu as fort honoré cete court. Et certes la Dame quiēt ſeruiē de toy, à cauſe de bien t'aymer, ſi elle n'ēt la plus malheureuſe & déloyale du monde. Or maintenant fay moi ce bien (ſ'il te plaît) de me donner cheualerie: car par autre que de toy ie ne la puis auoir, ne la domination auſſi qui m'apartient ſus beaucoup de grans perſonnages. Faites faire l'épreuve du couvrechef, répōdit le beau Tenebreus, & après ie feray ce que ie doy enuers vous. Puis ceignit l'épee à ſon côté, laiſſant la ſienne à qui la voulut prendre, & retourna dont il étoit party. Grāde fut la louange que chacun lui donna: mais plus grande l'enuie que Galaor & Florestan eurent ſus luy: concluans en leur eſprit, que ſ'ils échapoyent viſs de la bataille du Roy Cildadan, d'auſſi tōt le trouver & auoir combat enſemble, pour y mourir, ou faire connoitre à chacun que leur frere Amadis étoit trop meilleur Cheualier, que celuy qui amoindriſſoyt (comme ils étimoyent) l'hōneur de luy, par la reputation qu'il aqueroit gaignāt l'épee de l'étranger. Lors s'aprocherent les Dames, pour eſſayer le couvrechef, & premier cōmença la Roynē, le mettāt ſus la tête: toutefois les fleurs ne changerent pour elle aucunement de couleur, parquoy Macandon lui dît: Ma Dame, ſi le Roy vōtre mary à montré ſon peu de loyauté par l'épee il me ſemble que vous l'en payés maintenant assés bien. La Roynē rougit de hōte, & retourna en ſa place: puis vint la belle Roynē Briolanie, qui y fit autant que la pre-

premiere. A laquelle Macandon dît aussi: Par Dieu, ma Dame, veu la beauté qui ét en vous, vous êtes plus aymee qu'ayman- te, selon que nous pouons voir par ce cou- vrechef. Après se presenterent quatre fil- les de Roys belles à merueilles, Eluide, Estrelette, Aldene, & Olinde la sage: sus le chef desquelles, étât mis le couvrechef, les fleurs seiches commencerent quelque peu à reuerdir, & n'y eut celle, qui ne pen- sât l'auoir conquis, dont Oriane étoit en grande peine: ce non obstat peu après les fleurs retournerent à leur couleur morte. Et à cete cause les Damoiselles se remirēt au lieu dont elles s'étoyent leuees: toute- fois ce ne fut sans auoir quelque lardon du vieil Ecuyer, qui s'en aydoit assés per- tinēmēt pour son âge. Lors Oriane voyāt que toutes auoyent failly, se trouua gran- dement asseuree, & fit signe au beau Te- nebreus qu'il la conduît à l'épreuve: mais aussi tôt que le linge fut mis sus elle, les fleurs seiches vindrent en pareille verdu- re & beauté que les plus verdes, en sorte, qu'il n'y eut difference quelconque. Par- quoy Macandon s'écria: Ah, ma Dame, vous êtes celle q' i'ay quise quarante ans deuant que vous fussiés née. Maintenant, dît il au beau Tenebreus, ie vous prie ne me retarder l'honneur qui m'êt aquis par vous deus: mais s'il vous plait (ainsi que ie vous ay déjà suplié) me ferés cheualier, puis de cete loyale Dame ie prendray les armes, comme ie suis tenu. Que ce soyt donc presentement, répondit il: car ie ne puis faire plus de sejour par deça. A cete cause Macandon fit apporter vnes armes, desquelles il s'arma, & vétit au dessus la cot- te blanche, ainsi que souloyent faire les nouveaux Cheualiers, puis le beau Tene- breus luy donna l'acolee, en lui chaussant l'éperon droit. Oriane luy ceignit l'épee, qu'il faisoit porter quant & luy par ses E- cuyers. Lors les Damoiselles le voyant en tel equipage, se voulurent reuenger des ataintes qu'il leur auoit donnees, & se prindrent toutes à rire, même Aldene, la-

quelle dit si haut que chacun l'entendit: Regardés la cōtenâce de ce beau fis quel- le nouvelle grace de ieune Cheualier! Certes nous devons toutes éjouir de ce qu'il demeurera toute savié aussi nouveau qu'il ét maintenant. Comment le sçaués vous, répōdit Estrelette. Ne le connoissés vous à ses acoutremens, dît elle, qui dure- ront, pour le moins, aussi lōguement que luy? Mes Damoiselles, dît Macadon, ie ne donnerois mon aisé pour la meilleure de vos bonnes graces: & s'il n'y a en moy la ieunesse que vous dites, ie n'en suis pour- tant moins sage: mais vous qui êtes enco- res jeunes & sottes, aprenés à être plus di- scretes que vous n'êtes. Cete répōse pleut au Roy, qui n'auoit été content des pro- pos des Damoiselles. Et en ces entrefaites le beau Tenebreus s'en voulut partir, quand la Royne, qui ne connoissoit sa fil- le, luy vint dire: Damoiselle m'amie, enco- res que vous n'ayés voulu qu' on vous conneût en cete compagnie, auisés s'il vous plaît quelque chose du Roy, ou de moy. Par ma foy, ma Dame, répondit le beau Tenebreus, ie la connois aussi peu que vous: combien qu'il y ayt ja sept jours entiers, qu'elle ét em ma compa- gnie, tant y a de ce que i'en ay peu voir, ie vous puis bien asseurer, qu'elle ét belle par excellence. Vrayement, ma Da- moiselle, dît Briolanie (parlant à Oriane) ie ne sçay vōtre nom: mais veu la loyau- té dont vous êtes pourueüe, si vōtre amy vous aime autant qu'il ét aimé de vous, c' ét biē la plus belle assemblee de deus per- sonnes, qu'amour assembla onc. Oriane se souzrit du propos de Briolanie, ainsi q' le beau Tenebreus prenoit cōgé d'elles: leql voyāt q' le Roy le vouloit cōduire, lui dît: Sire, vous aués raison d'honorer celle, par laquelle vōtre court a été au jourd'hui magnifiée, plus qu'elle ne fut de lōg tems par autre Dame. En bonne foy, répondit le Roy, vous dites vray, & aussi la cōdui- ray- ie moy- mêmes jusques hors de cete ville, en laquelle ie desirerois qu'il luy pleût

LE SECOND LIVRE

pleût (& à vous aussi) faire plus de sejour. Ce disant monterent à cheual, & tenoit le Roy les rênes du cheual de sa fille, parlât tou-jours à elle, & elle ne répôdoit mot, craignant d'être conneuë. Galaor semblablement entretenoit le beau Tenebreus: mais il l'auoit tant à dédain, pour les raisons que vous aués entenduës, qu'il ne luy pouoit tenir propos gracieus, dont le beau Tenebreus se ryoit, voyant la contenance de son frere: & cheminerent ensemble jusques assés loing hors la ville, q le beau Tenebreus dit au Roy: Sire, s'il vous plaît, vous ne passerez plus outre, autrement vous ferés déplaisir à cete Damoiselle. Vrayement, dit le Roy, ie retourneray doncques. Lors le vint embracer, & luy dit: Pleut à Dieu, Cheualier, que vous vousissiés être des miens. Sire, répôdit il, s'il vous plait, ie seray l'un des cent qui vous acompagneront cõtre le Roy Cildadan. Si vous me faites ce bien, dit le Roy, i'espere q la peur augmentera à nos ennemis, d'autant que la force redoublera de nôtre part, & ie vous en prie. Puis le com manda à Dieu, reprenant le chemin de la ville, & le beau Tenebreus avec Oriane, celui de la forêt, trefioyeus d'auoir si bien mis à fin tant perilleuse entreprinse. Mais ils ne furêt plutõt arriués à la fõtaine des trois canals, qu'ils virent venir à eus vn Ecuyer, môté sus vn roussin, lequel à son arriuee, dît au beau Tenebreus: Cheualier, Arcalaus vous mande, q vous lui ameniés cete Damoiselle, & q si vous en faites difficulté, qu'il viẽdra lui mêmes vous ôter la tête de dessus les épaules. Et ou èt Arcalaus: répôdit le beau Tenebreus. L'Ecuyer le luy montra sous vne touffe d'arbres avec vn autre Cheualier, tous deus armés, & prêts à monter à cheual. Quand Oriane entendit ce message, la pauvrete eut si grand peur, qu'elle se laissa quasi rôber du cheual à bas, parquoy le beau Tenebreus lui dît: Comment Damoiselle, craignés vous Arcalaus, vous étant en ma garde? Non, nō, il me menace d'auoir ma tête,

re, & si fera beaucoup s'il peut biẽ garder la sienne. Lors print ses armes, & dît à l'écuyer: Va, retourne à ton maitre, & luy dy que ie suis vn Cheualier étrange, qui ne le connois, & que pourtāt ie ne feray ce qu'il me mande. Adonc l'Ecuyer retourna à Arcalaus, qui fut si dépité quand il entendit cete réponse, qu'il dît à l'autre Cheualier, qui étoit avec lui: Mon neueu Lindorac, allés ôter le couvrechef à cete Damoiselle: car ie le donne à Madasime vôtre amye, & si celui qui la conduit y veut cõtredire, trenchés luy incontinent la tête, & puis la pendés par les cheueus au prochain arbre. Aussi tõt Lindoracq marcha contre le beau Tenebreus, lequel auoyt entendu le propos d'Arcalaus, parquoy il se mit au deuant: Et combien qu'il le vît fort grand, comme celui qui étoit fis de Cartadaque le Geant de la montagne Defenduë, & de l'une des seurs d'Arcalaus, si le prisa le beau Tenebreus si peu, qu'il lui dît: Cheualier, ne passés outre. Pourquoy? répondit Lindoracq. Pource, dît le beau Tenebreus, qu'il ne me plaît pas. Tu seras bien plus déplaisant, répôdit il, quād il te faudra perdre la tête. Ouy? dît le beau Tenebreus: mais toy, si tu ne gardes bien la tienne. Et sans plus contester, donna des éperons à son cheual, couchant son boye contre Lindoracq, & Lindoracq au semblable: puis vindrent l'un sus l'autre de telle roydeur, que les lances (donnans au trauers des écus) vollèrent en éclats. Toutefois le beau Tenebreus trouvant Lindoracq à découvert, le desarçonna, & luy demeura le tronçon dedans le cors, neantmoins il se releua promptement: car il étoit Cheualier de grand cœur. Et voyant que son ennemy tournoyt pour le recharger, cuidant reculler pour euitier le coup, cheut à la renuerse: au moyen dequoy le tronçon qu'il auoit dans le cors luy passa outre, dont par extrême douleur rēdit l'esprit. Arcalaus qui auoit veu son neueu abatu, mit soudain la lance en l'arrêt pour le venger, & courant contre le beau Tenebreus

breus, l'eut ataint, s'il ne se fût détourné: mais il se tira à côté, laissant passer Arcalaus, & en passant luy donna si grand coup d'épee sus la main qu'il luy en abatit quatre des doigts, lui restant seulement le pouce, sentant telle angoisse, qu'il commença à fuir tant qu'il peut, sans regarder derrière luy, & le beau Tenebreus après, qui fit grand deuoir de l'ataindre. Ce nonobstant, Arcalaus étoit si bien monté, qu'en peu d'heure ils s'élongna tant, que le beau Tenebreus le donnant à tous les diables, reuint vers Oriane, & aussi tôt commanda à Enil, de porter la tête de Lindorag, & la main d'Arcalaus au Roy, & qu'il luy recitât au long pour quelle occasion il auoit été assailli. Ainsi s'en partit l'Ecuyer, laissant Amadis & Oriane ensemble, lesquels peu après arriuerent à Mirefleur, ou ils trouverent Gandalin & Durin qui les atendoient au dehors des murailles du jardin, pour prendre leurs chevaux, quand ils arriueroyent: lesquels vindrent descendre la Princesse, & luy dirent, que Mabile & la Damoiselle de Dannemarc étoient de l'autre part de la muraille du verger. Lors fut apporté vne échelle, & monta Oriane, que le beau Tenebreus cōduisoit par la main: puis étans au haut du mur, auiserent Mabile & sa cōpagnie, couchées sous vn arbre, toutes endormies & troubles de la crainte qu'elles auoyent eu tout le jour, que cete entreprinse ne sortit effait à leur intention. Adonc Oriane les appella, leur montrant le couvrechef qu'elle auoit gagné: & aussi tôt elles coururent pour luy aider à descendre. Et ainsi qu'elle étoit au bas de la muraille, Mabile luy dît: Ma Dame, ie n'en oncques plus d'enuie de vous voir de retour, que j'ay eu depuis le soir que vous êtes délogée de ceans: car si vous eussiez été découverte, la Damoiselle & moy en eussions eu trop à souffrir: au fort, nous étions deliberees de nous armer de patience. Ma cousine, répondit elle, Dieu mercy tout va bien, j'ay le couvrechef, & votre

cousin l'épee. Oy, mais dît Mabile, elles ont été conquises en partie par le pris de nos larmes. Ma cousine, dît le beau Tenebreus, pour vous, quand il en sera besoin, ie n'épergneray non plus mon sang, que vous aués fait vos pleurs: mais ie vous prie s'il y a rien que menger, que lon l'apporte en la chambre de ma Dame: car elle & moy en auons grand besoin. Puis print Oriane par la main, & la conduisit au château. Maintenant pour trop ne nous égarer de ce qui auint au Roy Lisuart, nous laisserons Oriane & sa compagnie à Mirefleur, pour vous faire entendre qu'il auint au Roy & à Galaor, ainsi qu'ils retournoient de la conduite du beau Tenebreus, auant qu'ils fussent entrés en la ville. Car vne Damoiselle se presenta à eus, qui leur bailla à chacun vne lettre de par Vrgande la Décogneue, & sans leur dire autre chose, tourna bride sus le chemin qu'elle étoit venuë. Parquoy le Roy ouvrit la lettre, qui contenoit:

A vous Lisuart Roy de la grand' Bretagne, salut condigne à vôte maiesté. Ie Vrgande la Décogneue, vôte humble servante, vous fais sçauoir, que la bataille qui est arrêtee entre vous & le Roy Cildadan, sera l'une des plus cruelles & dangereuses que lon verra jamais: en laquelle le beau Tenebreus qui nouvellement vous a donné tant d'esperance, perdra son nom, & par vn coup qu'il donnera, tous ses hauts faits seront mis en oubly, & si serés à l'heure au plus grand ennuy ou vous vous trouuâtes oncques: car maints bons Cheualiers perdront la vie, & vous-mêmes tomberés en ce hazard, à l'instant que le beau Tenebreus épanchera vôte sang: toute-fois à la fin pour trois coups qu'il donnera, ceus de sa part demeureront vaincueurs. Et soyés seur, Sire, que tout ce auindra sans doute: pourtant pourvoyés sagement à vos affaires.

Après que le Roy eût leu cete lettre, cōbien qu'il fût prince magnanime, hardy & d'un merueilleus cœur: neant-moins

LE SECOND LIVRE

(connoissant Vrgande veritable en toutes ses propheties) eut peur : doutant que le beau Tenebreus, en qui il se fioyt le plus, ne se tournât de la partie des Irlandois : sachant aussi le danger qui luy étoit appareillé : neantmoins il dissimula ce qu'il en pensoit. Et après auoir longuement révé en cêt affaire, declara le tout à Galaor luy disant : Mon grand amy, j'ay bien voulu vous faire part de ce secret, sans q nul autre le sache, pour en auoir vôtre auis. Par Dieu Sire, répondit il, à ce que m'écrit Vrgade, j'aurois meilleur besoin d'être moymêmes conseillé, que de donner conseil à autrui, & s'il étoit possible de mettre pais entre vous & le Roy d'Irlande (pourveu que vôtre honneur n'y fut foulé) il me semble que ce seroit le meilleur, ou à tout le moins, s'il ne se peut faire, q vous ne vous trouviés en la bataille. Car ie voy en cête lettre deus étrâges cas : l'un que le beau Tenebreus vous navrera si cruellement, qu'il épanchera vôtre sang iusques à terre, & l'autre, que par les trois coups qu'il donnera, ceus de sa part demoureront vaincueurs, & semble, selon cêt auertissemēt, qu'il doit être cōtre vous. Vrayement, dît le Roy, ie suis tant seur de l'amour que vous me portés, que ie croy, que vous me conseillés fidelement, en sorte que si ie n'auois esperance en Dieu (qui m'a fait iusques icy tant de biens, & de grace, de m'auoir cōstitué Roy sus son peuple) ou que ie ne sceusse certainement que nul viuant ne peut détourner sa volonté, j'aurois grād raison de douter : mais vous scaués que le cœur & discretion des Roys se doit conformer à la grandeur de leurs états, faisant leur deuoir autant pour conseruer leurs su-jets, comme par la tui-tion de leur propres personnes. Ainsi ie delibere de remettre à nôtre Signeur le danger & peril qu'il luy plaita m'enuoyer : car en luy seul gît la disposition des choses futures, pourtant mon grand amy, ie vous assure, que ie me trouveray en cête bataille, ne voulât être exempt du bien,

de l'honneur & du mal qui en pourra auenir à ceus qui m'accompagneront. Grandement loua Galaor le magnanime propos du Roy Lifuart, & luy répondit : Par Dieu Sire, ce n'êt pas à tort, si vous êtes en l'estime du meilleur & plus vertueux Prince du monde, & si tous Roys scauoyent aussi bien reprimer le conseil de ceus qui detournent leurs hautes entreprin-ses, nul ne seroit si osé, leur dire autrement que ce qui seroit à leur honneur & gloire : mais Sire, voyés ce que m'écrit Vrgande. Lors commença à lire la lettre, qui contenoit ce qui s'ensuyt :

A vous Dom Galaor de Gaule, preus & hardy Cheualier, moy Vrgande la Décogneuë, vous saluë cōme celle qui vous aime & estime, & veus que vous entendés ce qui vous ét à auenir en la cruelle bataille d'entre les Roys Lifuart & Cildadan. Si vous vous y trouvés, soyés seur, q sus la fin d'icelle vos membres fors & rois des defaudent à vôtre cœur invincible, & au partir du combat, vôtre tête sera au pouoir de celui, lequel par les trois coups qu'il donnera, demeurera vainqueur.

Par Dieu, dît le Roy, si la lettre ét veritable, & vous vous trouvés en ce conflit, vous voyés vôtre mort preparee : dont ce seroit dommage, veu le grand commencement que vous aués aus armes, pourtāt ie feray, en sorte que ie vous en exempteray. Ah, ah, Sire, répondit Galaor, ie cognois bien que le conseil que ie vous ay donné n'a gueres vous a depleu, quād étāt sain & dispos vous voulés que ie tombe en si grand part de mon deshonneur. Dieu me gard de vous obeir en cêt affaire. Mon grand amy, dît le Roy, vous parlés vertueusement, & vous en scay très bon gré : & pour cête heure chāgeons propos, metans nôtre esperāce en Dieu, qui nous aidera, s'il luy plaît : & si ie suis d'auis que nul ne voye nos lettres : car elles pouroyent (peut être) causer crainte & épouētement à tel qui s'estime preus & hardy.

A l'heure étoient ils si près de la ville, qu'ils entroyent sous la porte, & ainsi que le Roy regardoit derriere luy auisâ deus Cheualiers armés de toutes pieces dont les cheuaus étoient tant las & trauaillés, & leurs harnois si rompus, qu'il étoit ayse à iuger, qu'ils auoyent en des affaires. L'un étoit Bruneo de bõne mer, & l'autre Bran fil son frere, lesquels se venoyent presenter au Roy, pour être du nombre des cēt Cheualiers, qui deuoient être en la bataille s'il luy plaisoit les accepter. Mais en venant, Bruneo sceut que l'épreuvē de l'épee étoit acheuue & il fut trémarrī de n'être arriué à tems pou s'y éprouvēr & faire son deuoir comme il auoit fait sous l'arc des l'oyaus amās, lequel il auoit passé, & pour la grande & loyale amour qu'il portoit à Melicie seur d'Amadis, esperoit bien q̄ nulle semblable auēture luy peut échaper. Et aprochās les deus Cheualiers firent la reuerence au Roy, lequel les receut avec vn trēbon visage. Lors dīt Bruneo: Sire, nous auons été auertis d'une bataille, que vous aués acordee être executée par peu de Cheualiers, & partant d'autant, Sire, doiuent ils être élus & choisis. A cēte cause, s'il vous plaisoit nous faire cēt honneur de nous y comprēdre: soyēs seur, Sire, que nous auons bonne enuie, de vous y seruir. Le Roy qui mainte-fois auoit été auerti de la prouesse d'eus deus specialemet de celle de dom Bruneo (lequel pour vn ieune Cheualier étoit estimé autant que nul autre que lon eut peu trouuer) les accepta voluntiers, & les remercia de leur bon vouloir. Or ne connoissoit encores Bruneo, Galaor: mais ils se firent des l'heure telle connoissance, qu'ils ne partirent d'ensemble que la bataille ne fut passée. Et ainsi que le Roi entroit en son logis, suruint Enil avec la tēte de Lindoraq, qui pendoit par les cheueus au poitral de son cheual, & tenoit en sa main l'écu & les doigts d'Arcalaus l'Enchāteur: au moyē dequoi deuant qu'il arriuāt au Palais vn grand nōbre de peuple

Am.2.

l'auoit suyui, pour sçauoir les nouvelles qu'il apportoit. Puis état en la presence du Roi luy fit le message que le beau Tenebreus lui mādait: dequoy il ne fut moins ayse, qu'émueillé de tant de bonnes & si vertueuses fortunes qui procedoyēt & venoyent chacun iour au Cheualier étrange & demoura moult longuement sans cesser de le priser & louer. Semblablement Filipinel, qui étoit allé deffier les Geās suruint à l'heure même, & recita par nom et surnom ceus, qui deuoient être en la bataille du Roi Cildadā: entre lesquels se trouueroyāt maints forts Geās & autres Cheualiers de grād pris, quitous étoient ia embarqués, & q̄ deuāt, qu'il fut quatre iours ils prendroyent le port de la Plage en la Vege, ou la bataille se deuoit donner: puis dīt au Roy, comme il auoit trouué au Lac ardant (qui ēt en l'Ille de Mongaze) le Roi Arban de Norgales & Angriote d'Estrauaus, prisonniers de Gromadace la cruelle Geante femme de Famongomad: laquelle leur faisoit souffrir maintes miseres & calamités, en les fustigeant chacun iour cruellement tant que leurs cors étoient tous couuerts de playes, & escriuoyent au Roy vne lettre, que Filipinel luy bailla, dont la teneur s'ensuyt.

A Treshaut & trespuissāt Prince Lisuart Roy de la grand' Bretagne, & à tous nos amys & alliés étans en son Royaume. Nous Arban qui fus Roy de Norgales, & Angriote d'Estrauaus, à presēt detenus en doloieuse prison, vous faisons sçauoir, que nôtre infortune plus cruelle que la même mort nous a mis au pouoir de l'impitoyable Gromadace: femme de Famongomad, laquelle en vengeance de la mort de ses mary & fis, nous fait chacun iour donner tant, & de si étranges tormens, qu'il ēt impossible de les penser, en telle sorte que d'heure à autre nous desirons la fin de nôtre vie pour trouuer le repos. Mais cēte malheureuse, pour plus longuement

F

LE SECOND LIVRE

mēt nous faire endurer, differe tāt qu'el-
le peut nôtre mort: laquelle de nos pro-
pres maints nous nous fussions, dōnee sans
la crainte de perdre nos ames. Et pour
autant que nous sommes à present si fort
navrés, qu'il ēt impossible que pussions
plus resister, nous vous enuoyons cete let-
tre écrite de nôtre sang: par laquelle nous
supliions à Dieu vous donner victoire cō-
tre ses traîtres, qui nous ont tant outragés,
& auoir pitié de nos ames.

Grand douleur & compassion eut le
Roy de la perte de ces deus bons Cheua-
liers, toutefois voyāt que pour le present
il n'y pouvoit mettre ordre, dissimula ce
malaise, montrāt le meilleur visage qu'il
peut: & pour ne dēcōforter les autres Gen-
tis-hommes presens, leur mit au deuant
les yeus des accidens ou maints autres
sont tombés, pour maintenir l'hōneur de
Cheualerie, dōt quelquefois ils sont sortis
avec grand gloire. Mais assurez vous a-
mys, disoit le Roy, que si nous gagnons
la bataille i'en prendrai telle vengeance,
que le bruit remplira les aureilles à tout
le monde: A cete cause ceus qui sont or-
donnés pour venir avec moi, soyent de-
main prêts: car ie partiray pour aller au
deuant de mes ennemys. Et ainsi fut fait
comme il auoit ordonné.

*Comme après que le beau Tenebreus eut rem-
ené Oriane à Mirefleur, il s'en partit pour être en
la bataille avec le Roy Lisuart: & de ce qu'il
luy auint.*

CHAP. XVI.

TROIS iours se tint le beau Te-
nebreus avec Oriane, depuis la
conqueste de l'épee, & du cou-
urechef, & le quatrième ensui-
uant, enuiron la minuit print congé d'el-
le: & étant armé de toutes pieces chemina
toute la nuit. Or auoit il cōmandé à Enil
de l'aller atēdre à vn château, situé au pié
d'une montaigne, ioignant lequel se de-
uoit dōner la bataille, qui apartenoit à vn
ancien Cheualier nōmé Abradā: car en la
maison d'icelui tous Cheualiers errās é-

toyēt souuēt honorés & seruis, quād ils y
venoyent loger, Et passa le beau Tene-
breus cete nuit au plus près de l'ôt du roi
Lisuart, sans être aperceu: puis chemina
tant qu'au cinquième iour suiuant, il vint
à la maison d'Abradan, ou il trouua Enil
qui y étoit arriué vn peu deuant. Grande-
mēt fut festojé le beau Tenebreus de son
hôte: & ainsi qu'ils deuisoyent ensemble
survindrēt deus de ses neueus, qui retour-
noyent du lieu ou deuoit être le combat.
Lequels les assurerent que dē-ja le Roy
Cildadan & sa troupe y étoyēt arriués, &
auoyēt tēdu leurs tentes & paüillōs sus
la riuē de la mer. Aussi q dom Grumedā
& Giōtes neveu du Roy Lisuart y étoyēt
venus, avec lesquels les treues étoyēt don-
nees d'une part & d'autre iusques au iour
de la bataille, & que nul des deus Princes
n'entreroit au combat, ayant plus de cent
Cheualiers en sa compagnie, comme il a-
uoit été promis & iuré. Mes neueus, dīt
l'hôte, que vous semble de ces Yrlandois,
que Dieu maudie! Mon oncle, répondit
l'un d'eus, ils ont avecques eus tāt de Ge-
ans, que si Dieu n'ayde miraculeusement
à nôtre bon Roy, croyés qu'il ēt impossi-
ble qu'il les peut soutenir. Lors les l'ar-
mes vindrent aus yeus de leur oncle, &
s'écria: O Dieu tout puissant, ne permet-
tēs'il vous plaît que le meilleur & plus
iuste Roy du monde tombe es mains de
si malheureuses gens. Mon hôte, répondit
le beau Tenebreus, ne vous étonnés en-
cores: car il auient bien souuent que la
bonté & equité vainq l'orgueil, & bra-
ueté des plus forts. Mais ie vous prie al-
lés au Roi, & luy dites, qu'en yōtre mai-
son ēt logé vn Cheualier, appelé le beau
Tenebreus, & qu'il lui mande par vous le
iour que doit être la bataille. Com-
ment? dīt le vieillard, êtes vous celuy qui
enuoya n'agueres en sa court dom Que-
dragant, & qui a mis à mort Famongo-
mad, & son fis, lors qu'ils prindrent ma
Dame Leonor, & aussi les Cheualiers?
Par Dieu, Signr, si oncques ie fis seruice
aus

aus Cheualiers errâs, ie m'en tiens à present pour tresbien recompense, étant maintenant ma maison honoree de vous, & ne faudray a faire ce qu'il vous plaît me commander. Adoncq' monta à cheual, & mena avecq' luy ses deus neveux: puis vindrent trouver le Roy Lisuart campé à demie lieuë près de ses ennemys, auquel il fit entendre le message du beau Tenebreus, dont toute la compagnie se trouua grandement ré-jouye. Et répondit le Roy: Puis que nous auons le beau Tenebreus de nôtre part, i'espere que nous aurons aussi l'honneur de nôtre entreprinse. Et voylà le nombre des cēt Cheualiers bien fournis, si nous en auons encores vn. Sire, dit Grumedan, vous en aués maintenant de reste: car le beau Tenebreus seul, en vaut bien cinq. De cete parole ne furent pas trop contēs Galaor, Florestan, n'Agrais: car ils vouloyēt mal de mort au beau Tenebreus, pour le tort qu'il faisoit à Amadis, ce leur sembloit: toutefois ils se teurent, & Abradan ayant eu la réponse du Roy, s'en retourna vers son ôte, auquel il recita l'aïse que chacun auoit des nouvelles qu'il auoit portees de luy: & que de cent Cheualiers il n'en restoit qu'un, que tous ne fussent assemblés. Ce qu'entēdu par Enil, fit tāt qu'il trouua son maitre à part, & se mettant à genous luy dit: Mon Seigneur, encores que ie ne vous aye seruy ainsi que ie deuois, si ay-ie prins l'audace de vous requerir vn don, q' ie vous supplie humblemēt de m'otroyer. Demande répondit il, & te leue. Mon Seigneur dît il, faites moy doncq' Cheualier, à fin que i'aille supplier au Roi me recevoir pour le centième. Enil mon amy, répondit le beau Tenebreus, il me semble q' tu dois commencer à t'esprouver en lieu moins dangereux, que ne sera cete bataille: non que ie differe a te faire Cheualier: mais c'ēt pour toy trop lourde charge. Mon Seigneur, dît Enil, ie sçay que de ma vie ie ne pourrai auoir meilleur moyē d'acquiescer honneur: car si ie meurs entre tāt de

gens de bien, ma gloire en augmētera: & si i'en puis échaper, ma renommee en sera perpetuelle, ayant été du nombre des cent meilleurs Cheualiers du monde. Le beau Tenebreus oyant parler Enil si vertueusement, d'une amoureuse pitié qu'il eut de luy, dît tout bas ces parolles: Tu te monstres bien parent du bon Cheualier Gandales mon second pere. Puis répondit à Enil: Si tu as si grand' enuie de faire ce que tu dis, ie ne t'en detournerai plus. Et des l'heure s'en alla prier son hôte, de luy dōner vnes armes pour son Ecuyer, qui vouloit être Cheualier, & qu'il ne luy refusa: parquoy Enil veilla la nuit en la chapelle, & le lendemain des l'aube du iour, après auoir oy la messe, receut l'ordre de cheualerie, par le beau Tenebreus, & aussi tōt monterent à cheual, en la cōpagnie d'Abradan & ses deus neveux qui les seruoient d'Ecuyers. Puis arriuerent ou le Roi Lisuart auoit déja ordonné sa bataille, prêt à aller trouver ses ennemys, lesquels l'atendoyent en vn plain champ: & quād le Roy vit le beau Tenebreus, il fut tresayse, & n'y eut celui de la troupe à qui le courage ne creut. Lors il s'aprocha du Roy, & lui dît: Sire, ie suis venu acōplir ce q' ie vous ay promis, & si ameine quant & moy encores vn Cheualier: car i'ay été auerty que vôtre nombre n'étoit complet. Dequoy le Roi le remercia affectueusement: & combien qu'il n'y eut celui des cent Cheualiers, qui tous ne fussēt éprouués & estimés entre les bons, le Roi Lisuart (après auoir ordonné son bataillon, voyant que ses ennemys s'aprochoyent) commēça à faire telle remontrāce à ceus de son ôte. Mes cōpagnons & grās amys, ie croy, qu'il n'y a celui de vous tous qui n'entende aslēs cōme nous auons entrepris cete bataille à bō droit, mêmes pour desfēdre l'hōneur & reputatiō du Royaume de la grād' Bretaigne, leq'l le Roi Cildadan, & ceus d'Yrlāde veulēt abatardir, en nous deniant le tribut q' de tout tems, ils ont payé à nos predecesseurs, pour recon

LE SECOND LIVRE

noissance des biens qu'ils auoyēt receus d'eus par le passé. Or sçay ie assés, qu'il n'y a celuy de vous tous, qui n'ait le cuer entier & magnanime: parquoy il n'est besoing de vous animer d'auantage contre ceus, à qui vous aués affaire: ayant vōtre honneur deuant les yeus, que vous estimés plus que cent vies, s'il étoit possible les auoir l'une après l'autre pourtāt dōcq mes amis, marchons hardimēt, sans auoir égard à quelques Geants cruels & pleins de sang, qui sont de leur troupe: car l'homme n'est estimé d'auantage pour les membres gros & lourds mais pour le bō cuer qu'il a. Vous voyés souvent le Leurier venir au dessus du Bœuf: & l'Esperuier, ou Esmerillon battre le Milan. Nos ennemis se fient en la force de ces monstres, sans auoir égard au tort que ils ont: & nous esperons en Dieu, lequel comme droiturier nous donnera l'effort de les vaincre, par la dexterité de nos personnes, & le deuoir que nous ferons. Marchons doncq mes amys hardiment, estimant chacun de soy être suffisant pour combattre, & défaire le plus brane de leur troupe: vous assurent que si nous gagnons ce iourd'huy l'honneur de la bataille, qu'outre ce que nōtre renommée & gloire enuirōnera la terre vniuerselle, iamais ennemy de la grād' Bretagne, ne leuera la tête pour nō regarder de mauvais œil. Ainsi disoit le Roi Lisuart à ses Cheualiers. Et d'autre part le Roy Cildadan ne faisoit pas moins de deuoir enuers les siens: car il alloit de reng en reng, pour les assurer, leur disant: Gentis Cheualiers d'Yrlande, si vous entendés pourquoy vous allés combattre il n'y aura celuy de vous qui ne blame son predecesseur, d'auoir tant retardé le commencement d'une si glorieuse entreprise. Les Rois de la grand' Bretagne usurpateurs & tyrans non seulement contre leurs sujets: mais (sus leurs voisins) ont autrefois prins sans aucun droit sus nos ancêtres, vn tribut tel que vous sçaués assés, que lon a souvent payé, & à cete cause

nous auōs fait cete assemblée, & sommes venus en ce lieu pour deffendre nōtre liberté, qui ne peut être payee par nul tresor. C'est vōtre fait, c'est vōtre droit nō pas de vous seulemēt, mais de vos enfans qui iusques à present ont été tenus & réputés, par ceus que vous voyés delibérés de vous faire serfs & esclaves. Voulés-vous doncques tou-jours viure en cete sorte? voulés-vous cōtinuēr le ioug à vos successeurs? êtes vous de moindre cuer, ne de moindre étofe que vos voisins? Ah! si nous sommes victorieux, ils rendront ce qu'ils ont de nous. Je suis bien seur que la fortune nous fauorise: car vous voyés les gēs de bien qui sont venus à nōtre secours, sçachans nōtre bō droit. Poussons, poussons, gentis Cheualiers, ie voy déjà le Roy Lisuart & sa troupe en doute pour nous tourner le dos. Ils sont, ce disent ils, coutumiers de vaincre: mais nous les appréndrons à eus acoutumer d'être vaincus. D'une chose ie vous veus auertir, c'est que chacun ayde à son compagnon, vous tēnās les plus serrés ensemble qu'il vous sera possible. Et plus longuement eut continué sa harāgue, s'il n'eut veu le Roi Lisuart branler pour le ioindre. Parquoy se retira au milieu de son écadron, & dît assés haut: Or à eus, puis qu'ils en veulent mēger: à ce cri baissèrent leurs veves, tēnans contenāces de gens assurés, & pour leur faire front marcherēt deuant, le beau Tenebreus, & Enil son compagnon: Galaor, Agraies, Florestan, Gandalac le Geant (qui déroba Galaor, n'ayant encores pour lors q̄ deus ans) avecques ses deus fis, Bramandil & Ganus: lesquels Galaor auoit nouuellement faits Cheualiers. Puis Nicoran du pont Craintif, Dragonis, Palomir, Vivorant, Giontes, neveu du Roy, le trefrenōmé Bruneo de bōne Mer, son frere Branfil, & Guillā le pensif: lesquels marchoyent après le vicillard Grumedan Cheualier d'hōneur de la Roine, qui portoit l'enseigne du Roy Lisuart. Du côté du Roy Cildadan, les Geans faisoient front

front avecques vint Cheualiers, tous prochains parens du Roi, lequel (cōme chef prouident) ordonna, que Mandafabul le Geant de l'Isle de la tour Vermeille, demourât au haut d'un petit tertre, avec des meilleurs Cheualiers de leur troupe: leur commandant d'eus n'émouvoir tant qu'ils aperceussent assésimēt la fin de la bataille, que les plus vaillans Cheualiers du Roy Lisuart seroyent rompus & lassés: & que lors ils vinssent ruer sus eus, sans épergner la personne du Roy, le prenant prisonnier: & ou ils verroyent trop grande resistance, qu'ils le missent à mort, s'ils n'avoient moyē de l'enlever en leurs navires, Adonc aprocherent les deus batailles si près l'une de l'autre, qu'ils vindrent au ioindre. Lors eussies veu lances briser, Cheualiers renverser, harnois bruire, bras entamer, les vns crier, les autres fendre la presse, si que ce iour se pouvoit bien nommer iour de douleur & d'ire pour ceus qui se trouerent en ce cōfuit: lequel continua si longuemēt, que la plus part du iour étoit passée, sans que nul eut loysir de prendre seulement haleine: & toute-fois il faisoit si chaud, qu'il n'i avoit cheual ni Cheualier, qui ne fut las & travaillé en extrémité: car les vns gisoient sus le camp: & la plus part des autres moins offésés étoient si affoyblis, qu'ils ne se pouvoient quasi tenir à cheual. A l'heure le beau Tenebreus, craignant que la perte tombât de son côté, commença à déployer toutes ses forces & n'araignoit Yrlandois, ou Geant qu'il ne lui tirât le pur sang du cors. Prés de lui se tenoit le Roy Lisuart, qui monstroient bien la grand'prouesse dont il étoit plein, & n'ignoroit de quelle consequence étoit la fin de cete bataille: car perdât la victoire d'icelle, il perdoit ses états, sa vie, & son honneur: au moyen dequoy (sans épergner sa personne) il étoit entré sus ses ennemis, ayant son bras dextre tout taint de sang de ceus qu'il auoit fait passer au fil de l'épee. D'autre côté Agrais, Galaor, & Florestan, ayans de les cō-

Am.2.

mencement veu le grand devoir, & haute cheualerie que faisoit le beau Tenebreus sus leurs ennemis, ceus qui de lōg tems luy portoyent envie, delibererent de mourir, ou faire connoître à chacun qu'ils sçauoyent aussi bien ou mieus combattre que luy, tellement que cete jalousie fut en partie cause de les animer si fort, qu'ils y cuyderent tous mourir: car Galaor échaufé cōme un Lyon poursuivi, se vint ruer au trauers des Geans, & rencontra Cartadaque de la mōtaine defēdue, qui à coups de hache auoit déjà renuersé à ses piés sis Cheualiers du Roy Lisuart combien qu'il fut n'avré à l'épaule, d'un coup que lui auoit donné Florestan, par lequel il perdoit beaucoup de son sang. Lors Galaor s'aprocha de luy, & de toute sa puissancē luy donna si grand coup sus la tête: qu'il luy effondra l'armet: & passant l'épee outre, luy aualla l'oreille, & le mâche de sa hache, tout au plus près des poings. Parquoy le Geant se trouvant desfaizy de son bâton, se vint ietter sus Galaor: & le souzleua de telle force, qu'il le desarçonna: en le serrant entre ses bras si étroitement, qu'aylésimēt lon eut peu ouir craquer les os. Neant-moins le Geant ne se peut tenir si ferme, qu'il ne tombât à terre avec sa prinse: parquoy Galaor (qui tenoit encores son épee) trouua moyē de luy en dōner dans la visiere, & luy entra si auant en la tête qu'il rēdit l'esprit. Mais Galaor se trouua tant moulu, qu'après qu'il se fut releué de dessous Cartadaque, il n'eut pouoir de retirer son épee du lieu ou il l'auoit plantée, & (qui plus est) fut lors si empressé, qu'il cuyda mourir entre les iambes des cheuaus: car maints bons Cheualiers d'une part & d'autre (ayās veu la mêlée de luy & du Geant, & le peril d'eus deus) s'étoient aprochés pour le secourir, au moyen dequoy l'étour fut grād & merueilleus: Car le Roi Cildadā y survint, qui desarçōnoit tous ceus qu'il trouvoit en sa voie, & sans le beau Tenebreus qui l'abatit d'un coup d'épee, Galaor eut

F 3

été

LE SECOND LIVRE

été à l'heure mort, ou pris: mais quand il vit le Roy Cildadan à ses piés, legeremēt faist l'épee qu'il tenoit, & commença à se defendre, & si bien, que maugré ses ennemys il se fit faire place. Toute-fois il s'échauffa tant en cete derniere charge, que l'aleine luy faillit, & cheut tout plat sus le champ, sans mouvoir pié ne main, non plus que s'il eut été mort. Là se trouva le Geant Gādalac, qui l'auoit nourri en son enfance, lequel, l'ayant veu tombé, fut tant marry que de grand' colere s'adressa à Albadanor autre Geant, & tant se donnerent de coups de masse, qu'eus & leurs cheuaus furent renuersés, dont Albadanor eut le bras rompu, & Gandalac la iambe. Mais ils ne furent seuls mal partis: car lon eut veu plus de sis vints Cheualiers gifans sus la greue, & si n'étoit encores mydi passé. Lors Mandafabul le Geant de l'Isle de la tour Vermeille, qui auoit été ordonné, pour ne partir du terre iusques à l'extremité de la bataille, voyant tant de Cheualiers mort, rompus, & navrés, pensa qu'aysément il mettroit à fin son entreprinse, & que le reste seroit facile à deffaire. Au moyen dequoy il commença à courir droit ou étoit le plus de presse, criant à ses Cheualiers: Gardés que nul n'échape vis, faites tout passer au trenchant de l'épee. Quant à moy, ie me vouë le Roi Lisuart: car il ét mien mort ou vis. Ce cry fut entendu d'un chacun, mêmes du beau Tenebreus, qui retournoit de prēdre vn cheual frais q l'un des neveux de son hôte luy auoit reserué: & craignant que le Geant fit ce qu'il disoit, se vint mettre deuant le Roy, avecq' Agraies, Florestan, Bruneo de bonne Mer, Brausil, Guillan le Pensif, & Enil: lequel auoit tout le iour si biē fait son deuoir, qu'il étoit en trēgrande reputation. Or fut Mādafabul mieus recueilly qu'il ne pensoit: car ainsi qu'il aprochoit l'écadō du Roi Lisuart, Sarmadan de Leō oncle du Roy Cildadan, l'un des meilleurs Cheualiers de sa lignee, sortit de la trou-

pe, & courāt cōtre le beau Tenebreus, lui donna de si droit fil au dedans de l'écu, qu'il le navra, non pas beaucoup, & en passant le beau Tenebreus luy rua vn revers de son epee sus la visiere en sorte qu'il lui coupa les deus yeus & la moytié du visage le iettant sus le champ tout royde mort. Dont Mandafabul & ceus de son côté trop marris, entrerent pêle mēle sus ceus du Roy Lisuart par telle fureur, que maugré leur deffense Mandafabul faist le Roy au collet, & l'enleua de dessus son cheual, le portant sous son bras droit à ses nauires: mais le beau Tenebreus l'aperceut qui courut après & l'ataignit en lui donnāt de son epee tant rudemēt sus le bras qu'il le luy coupa tout roignant le coude, & deualāt le coup navra le Roy en sorte, que le sang en tomba iusques à terre. Lors de grand' douleur qu'eut Mandafabul, il fit vn haut cri & sans aller plus auant rendit l'esprit: parquoy le beau Tenebreus voyant que son coup auoit tant profité, que d'auoir occis vn tel Geant, & delivré le Roy ensemble, cōmença à crier bien haut: Gaule, Gaule, ie suis Amadis, qui vi encores. Ce disant entra dedās ses ennemys, qui auoyēt quasi perdu le cœur pour auoir veu ainsi occire les deus principaux de leur armee: mêmes qu'Amadis (lequels ils estimoyent de long tēs mort) étoit la present à leur confusiō. Et sans Gādacuriel, l'un des pl⁹ forts Geās de la troupe q les rassura, ils eussēt tourné le dos: mais il fit front: au moyen dequoy Amadis voulant venger son frere Galaor, qu'il pensoit être mort, se mēla parmy ses ennemys, & entra au plus fort de la presse, & si auant qu'il y fut demouré, sans l'ayde que luy fit le Roy Lisuart (lequel auoit recouvré monture) & l'accompagnoyent Bruneo de bonne Mer, Florestan, Guillan, Ladasin, Galuanes, Oliuas, & dom Grumedan, qui portoit son enseigne coupee entre ses bras. Tous lequels, voyans Amadis en si grand danger (encores que la plus part d'eus fut trēnavree)

eurent tant d'aïse de ſçavoir que c'étoit il, qu'ils s'évertuerent par telle façon, que quelque reſiſtance que peuſſent faire ceus d'Yrlande, ils donnerent ſecours à Amadis: & paſſans outre trouverent Agraies, Palomir, Branfil, & Dragonis à pié combatans vertueuſement contre ceus qui les auoyent abatus. Mais ils étoient de ſi prés menés, qu'ils n'euffent ſceu plus gueres ſoutenir l'effort qu'ô leur faiſoit: combien qu'ils euſſent mis à mort plus de ſis, tant de Geants, qu'Yrlandis, qui les vouloyent enfoncer, & ſans doute, ils les euſſent laiſſés, ſi leur ſecours ne fut ſurvenu. Au moyen dequoy, ceus qui les forçoient eurent aſſés affaire de là en avant d'entēdre à eus garder: pource qu'Amadis (malgré eus) les écarta, & fit en ſorte, avec ſa ſuyte, qu'il donna moyē à ſon couſin Agraies, & ſes compagnōs de eus remonter. Lors ſe réforça la part du Roy Liſuart, & affoiblit celle des Yrlādois léquels deſeſperés de tout ayde, eurent recours à leurs vaiſſeaux, qui ſtotoient aus vagues de la Mer atendants ſauver leur butin, ſi fortune n'y eut contredit. Mais Amadis, pourſuyvāt la victoire, les chaffoit avec telle fureur, q̄ la plus part des vaincus vouloient plutôt choiſir leur ſepulture es ondes de l'eau, qu'ē la terre arroſee & tainte de leur ſang. Ce que voyāt Gandacuriel (eſtimé entre tous les Geāts l'un des blus belliqueus) ſans craindre la mort qu'il voyoit préparée devant luy, voulant avant que ſes iours priſſent fin, ſe voir vengé, baiſſa la tête: & tenant en ſes poings vne épée trenchante ſe voulut ieter ſus le Roy Liſuart. Mais Floreſtan vint au devant, qui luy donna ſi grand coup d'épée ſus l'armet, qu'il luy fit ſortir de la tête: & le Roy qui étoit tout au plus prés, le voyant découvert la luy mit en deus pars. Adonc fut grande la tuerie des Yrlandois: car ils furent lors tous renverſés par Amadis, Floreſtan, & Agraies lequels les pourſuyvirent iuſques dans la Mer, ou ils s'envelopèrent

entre les vagues, au moyen dequoy les gens du Roi Liſuat ſe retirèrent. Et pource qu'Amadis auoit marqué le lieu ou il auoit veu abatre Galaor, pria ſon couſin Agraies & autres, qu'ils luy aydaſſent à le trouver entre les morts: toute-fois ils ne l'euffent iamais rencontré ſans Floreſtan, qui le reconneut à vne manche verte qu'il portoit, laquelle étoit ſemée de fleurs blanches: mais il étoit ſi couvert de ſang, & de poudre, qu'ils le méconneurent préſque tous. Et ſi vous euſſiez veu lors les regrets que faiſoit Amadis pour luy, ie ne ſache ſi dur cueur qui ne fut fondu en pleurs: car le voyant en tel état, il ſe laiſſa choir de ſon haut ſus lui: au moyen dequoy ſes playes ſe rouvrirent, contre léquelles le ſang mêlé s'étoit dé-jā figé: Et croy qu'Amadis ſe fut trépaſſé ſus luy, ſi de fortune il ne fut ſurvenu douze Damoiſelles trébien parees, qui faiſoyent apporter par leurs Ecuyers vn richelir: lequelles trouvant Amadis ainſi deſeſperé luy dirent: Seigneur nous ſommes icy venues pour querir vōtre frere Galaor, & ſi vous le voulés iamais voir vif permettes que nous l'emportions preſentemēt, autremēt il n'y a Chirurgiē en toute la grād' Bretagne qui lui puiſſe dōner remede. Grand' honte eut adōcq' Amadis dequoy les Damoiſelles l'auoyent trouué en ces termes: & combien qu'il ne les conneut les oyant parler de la ſaluation de ſon frere, delibera (veu l'extreme peril ou il étoit) de ne le reſuſer, encorés que ce fut à ſon trégrand regret. Et à cēte cauſe il leur répondit: Mes bonnes Damoiſelles, vous plairait il nous dire ou vous le voulés emporter? Non, dirent elles pour cēte heure: mais ſi vous le voulés iamais voir vif, baillés le nous, ſans plus differer, autrement nous nous en irons. Làs ie vous prie répondit il quē ie le ſuyue. Non dirent elles: & toute-fois pour l'amour de vous, nous ſommes contentes qu'Ardan le Nain & ſon Ecuyer l'accompagnent. Adoncq' le coucherēt au

LE SECOND LIVRE

lit (ainſi armé qu'il étoit) & le firent auffi tôt emporter dans la nef ou elles étoient venues: laquelle étoit encores ioignant la rive de la Mer. Puis retournerent vers le Roy Liſuart pour le ſupplier de leur donner le Roi Cildadā, lequel giſoit entre les mors et pour l'induire à ce faire, luy remontrèrent que ſi fortune l'auoit fauoriſé en cét endroit qu'il ne deuoit pourtāt vfer de cruauté à ſon ennemy. Ce q̄ conſiderāt le Roy, leur permit de l'emporter mort, ou viſ: parquoy les Damoifelles le prindrent & l'enleverent avec Galaor, & auffi tôt firēt leuer les voiles de leurs vaiſſeaux: dedans lequel le vent ſingla tellement, qu'en peu d'heure on les perdit de veü. Ainſi demoura le Roi Liſuart victorieux ſus ſes ennemis, allāt par le chāp choiſir tant les ſiens q̄ les autres (qui n'étoient encores outre) pour les faire pēſer. Et ainſi qu'il traueſſoit d'une part & d'autre il rencōtra Amadis qui fondoit en larmes auq̄l il n'auoit encores parlé depuis ſon retour: & le voyant tant éploré, après auoir ſceu la cauſe de ſon dueil, donna ſigne euident du regret qu'il auoit de Galaor, lequel il aymoit comme ſoy-même, et nō ſans raiſon: car du iour qu'il le receut pour ſien, il ne penſa qu'à lui faire ſeruiſſe, ſans l'habandonner pour guerre ou debat qu'eut Amadis, cōme il vous ſera recité. Mais le Roy voulant montrer l'effort de ſa vertu pour dōner confort à ſes Cheualiers, tout navré qu'il étoit deſcendit pour embraffer Amadis: lequel mit le genouil à terre pour luy faire la reuerence. Mon grand amy, dīt le Roy Liſuart, vous ſoyés le trēbien trouvé, ie connois maintenant aſſés que ſans vōtre ſecours la grand' Bretagne eut ſouffert beaucoup: & pour Dieu ne prenés tant de melancolie de la perte de vōtre frere, puis que les Damoyſelles vous ont aſſeuré de ſa ſanté. Ainſi alloit le Roi Liſuart reconfortant Amadis, lequel il fit mōter à cheual: puis le conduir en ſa tente ou il leur fut apporté à manger: & pource qu'il vouloit

partir le lendemain, il ordōna que des le ſoir lon enterrāt les morts en vn monaſtere (ioignant du lieu ou la bataille 'auoit été donnée) auquel il fit de grands biens pour faire prier Dieu pour eus. Semblablement depēcha vn Cheualier pour aller en diligence auertir la Roine Briſene, de la victoire que nōtre Seigneur lui auoit donnée ſus ſes ennemis: & le lendemain print le chemin vers la ville de Gonatē (q̄ étoit à quatre lieuës pres) ou il ſejourna tant q̄ lui & ſes gens fuſſent gueris. En ces entrefaites, la Roine Briolanie eut cōgé de la Roine Briſene, d'aller à Mireſleur viſiter Oriane, pour le grād deſir qu'elle auoit de la voir, étant renōmee par tout le monde la plus excellente en toute beauté. Dequoy Oriane auertie, fit preparer le lieu au mieus qu'il fut poſſible, & la receut treſhonorablement: mais quand elle la vit tant belle, le ſouſçon qu'elle auoit eu contre Amadis ne fut ſi bien amorty, qu'il ne ſe reuerdīt, non-obſtant quelque épreuve qu'il eut fait ſous l'arc des loiaus amans, ou par l'épee du vieillard: croyant aſſurément être impoſſible que nul homme peut auoir en ſoy tāt de loyauté, qu'il ſe ſeut garder d'aymer creature ſi belle, qu'étoit Briolanie. D'autre part il ſembloit bien à Briolanie, que les ſoupirs que Amadis auoit ietés ſi ſouuent en ſa preſence, ne procedoyent d'ailleurs que de l'affection qu'il portoit à Oriane: car c'étoit la plus rare Princeſſe, & de meilleure grace qu'elle eut oncq̄s veü. Ainſi ſouſconnoyent ces deus Dames l'une de l'autre, & demourerēt enſemble deuiſans de maintes choſes conformes à leurs affection, ſpecialement des vertus & perfection d'Amadis. Mais Oriane (pour mieus entendre ce que Briolanie en penſoit) lui dīt: Je mébaī ma couſine, veu l'obligation que vous aués à luy (auſſi qu'il eſt deſcendu des Empereurs, & ſis d'un Roi de Gaule) q̄ vous ne l'aués choiſi pour vōtre mary. Ma Dame, répondit Briolanie, croyés que ie me fuſſe eſtimée bienheureuſe, ſi cela

cela s'eût peu conduire: tant y a, q̄ ie vous diray vne chose, laquelle ie vous prie tenir autant secrette comme elle le merite. Quelque-fois ie luy en parlay: mais les souspirs qu'il iettoit ordinaiement, me firent pour luy assés tôt réponse, combien q̄ ie ne peu oncques sçauoir en quel lieu il ayme, tant ét couvert & secret en ses affections: neantmoins soit tel qu'il voudra, il pourra disposer de moy, & de mon bien toute sa vie, comme il luy plaira. Trefaise fut Oriane d'entendre ces propos, par lesquels elle apaisa la nouvelle jalousie conceüe contre Amadis, & dît à Briolanie: Je suis fort émerueillée qui peut être celle qu'il ayme (comme vous dites) & n'y a doute qu'il ét du nombre des amans, par le témoignage qu'en a fait l'image de l'arc enchanté: car à ce que lon m'a recité, elle fit plus pour luy, que pour autre qui y passât onc. Il ayme sans doute, répondit Briolanie: mais c'êt si secretement, que lon ne peut sçauoir ou. Ainsi passoyent le tems les deus Princesses, parlant d'Amadis, durant leur séjour au lieu de Mirefleur, duquel quelques jours apres délogerēt, pour aller trouver la Roïne Brisene à Fenuse, ou elle atendoit le Roy Lisuart: laquelle fut trefaise de voir sa fille retournee en bon point. Là vindrent nouvelles de la victoire qu'auoit eüe le Roy sus le Prince Cildadan, dont la joye fut grande, & Dieu humblement remercié: mais quand la Roïne Briolanie sceut que celui qui se nommoit beau Tenebreus, étoit Amadis de Gaule, oncques femme ne fut si joyeuse qu'elle. Et combien qu'Oriane & Mabile en sceussent trébien l'ocasion, ainsi qu'aués entendu, si le faignoient elles, & ne s'en émerueilloient moins q̄ les autres, au moyen dequoy Briolanie leur disoyt souvent: Eusies vous jamais soupçonné qu'Amadis se fût ainsi déguisé, & pris nom si étrange entre les plus grands amys voulant faire assoupir la renommee de luy mêmes par les grandes prouesses qu'il faisoit sous le titre d'étranger? Par

ma foy, répondit Oriane, s'il reuiet avec le Roy, il nous faut sçauoir de luy pourquoy il faisoit cela, & aussi qui ét celle qui a gagné le couvrechef des fleurs avec lui. Je vous assure, dît Briolanie, qu'il ne tiendra à le luy demander, & croy qu'il nous le dira volontiers.

Comme le Roy Cildadan, & Galaor, à leur deceu furent emportés par douze Damoiselles: & mis l'un en vne fort tour, enuironnée de mer, & l'autre en vn iardin clos de hauts murs, ou ils pensoient être en prison: & de ce qui leur auint.

CHAP. XVII.

MAintenat nous vous reciterōs le traitemēt qui fut fait au Roi Cildadan, & à Galaor, lesquels les damoiselles auoyent mis de dans la nef, & furent menés & gouvernés si bien, qu'au troisième jour ensuiuant ils commencerēt à eus amender: car iusques adonc ils auoyent perdu toute connoissance. Et se trouua Galaor en vn jardin dedans vne chambre la mieus paree qu'il eut oncques veüe, laquelle étoit soutenüe sus quatre piliers de marbre, enuironnée toutefois de grosses grilles de fer, par lesquelles il pouoit voir de son lit tout le circuit du jardin, qui étoit fermé de hautes murailles sans y auoir entree, que par vn seul petit huys, couvert de fueilles de fer, au moyen dequoy il pensa être en prison. Lors cōmença à sentir si grieue douleur en ses playes, qu'il n'en esperoit que la mort. Là luy souuint d'auoir été en la bataille: mais il ne sçauoit qu'il l'en auoit tiré, n'aporté au lieu tant étrange: & moins ne fut ébaï le Roy Cildadan de se voir enfermé en vne forte tour, circuye de pleine mer: combien que la chambre ou il étoit, fût trébien tapissée, & luy couché dedans vn bon lit. Toutefois il étoit seul, & luy sembla entendre quelques personnes parler tout au dessus de la voute: mais il n'y auoit aparence d'huys, ou d'ouverture, par laquelle on peut entrer en sa chābre. Parquoy il se leua, & mît la tête à la fen-

LE SECOND LIVRE

nêtre, & ne vid autre chose que la mer qui batoit contre le lieu ou il étoit enfermé: lequel étoyt baty au plus haut d'un aspre & dur rocher, qui ne sçauoit comme il auoit été tiré de la presse, ou il auoit été abatu entre ses gens. Neâtmoins il estima bien, puis qu'il étoit en tel lieu, qu'il auoit perdu la journée, & que ses Cheualiers étoient tous mors ou pris: ce non obstant, il se reconforta le mieus qu'il peut, & se reietta sus son lit se plaignant, tant sentoit de mal en ses playes. Or étoit Galaor d'autre côté gisant malade, comme aués veu, lequel entendit ouvrir le petit huys du jardin: au moyen dequoy il se sousleua de son lit le mieus qu'il peut, & aperceut venir à luy vne trèsbelle Damoiselle richement parée qui conduisoit vn Cheualier tant vieil & caduc, que c'étoit chose étrange, comme il se pouoyt soutenir. Lesquels s'aprouchans de Galaor, luy dirent par le traillis du fer, sans ouvrir l'huis de la chambre. Cheualier pensés de vôtre ame: car nous ne vous assurons desormais. Lors la Damoiselle print deus boitelettes, l'une de fer, & l'autre d'argent, & les montrant à Galaor, lui dit: Cheualier, le personnage qui vous a fait venir ceans, ne veut que vous mouries premier qu'il sache, si vous voulés faire sa volonté ou non, & ce pendant il fera guerir vos playes. Ma Damoiselle, répondit Galaor, si sa volonté étoyt que ie fisse chose contre mon honneur, i'aymeroie trop mieus mourir. Vous ferés (dit elle) ce que mieus vous semblera: cōbien qu'il ne soit en vous de viure, ou de mourir. Adonc le vieil homme ouvrit le treillis, & entrèrent dedans, & aussi tôt la Damoiselle luy bailla la boite de fer, luy disant qu'il se retirât, ce qu'il fit. Puis elle dit à Galaor: Mō signeur, i'ay tāt d'ennuy de vôtre mal, que pour vous sauuer la vie, ie me veus auāturer à la mort: & vous de clareray ce qui m'a été commandé. C'est que i'emplisse ces deus boites, l'une de poison, & l'autre d'un oignement pour vous faire dormir: à ce qu'à vôtre reueil

vous enduriés telle douleur que la rage vous face cruellement finir: mais i'ay fait tout autrement: car ie les ay emplies de telle medicine, que si vous en vsés sept iours durant, vous vous trouverez sain, prêt à monter à cheual. Lors luy frota ses playes de l'unguent, lequel étoit si vertueux, que des l'instant la douleur s'apaisa, & se sentit si allegé, qu'il dit à la Damoiselle: Damoiselle m'amie, vous m'obligés tant à vous faire seruire, que si jamais ie sors de ceas, vous vous poués tenir seure qu'onques Damoiselle ne fut recompensée de Cheualier, comme vous ferés de moy: toutefois si vous n'aués moyen de me deliurer ie vous supplie, au moins trouués façō d'en auertir Vrgande la Décogneuë: car i'ay eu tousiours grande fiance à elle. La Damoiselle se print à rire, & luy répondit: Cōme estimés vous tant d'Vrgande, veu qu'elle s'est iusques icy si peu souciee de vôtre bien ou mal? Je sçay bien, dit il, qu'ainsi qu'elle connoit les volontés cachees, elle sçait cōbien i'ay desir de lui faire secours. Ne vous chaille d'autre Vrgande, répondit elle, que de moy: & ayés seulement bone esperance, aydant à vous auancer la guerison, prenant courage d'homme vertueux, comme vous aués tousiours été estimé: veu que vous sçaués que la virilité & force de courage n'est seulement requise aus combats & perilleuses rencontres: mais aus autres accidens qui peuvent suruenir, ainsi qu'à present le cas s'offre. Et pour reconnoissance du peril, auquel ie me souf-mets pour vous guerir & deliurer de ceas ie vous prie me donner vn don qui ne vous portera dommage ne deshonneur. Ah, ah, Damoiselle, dit il, vous aurés de moi tout ce qu'il vous plaira si bonnēmēt ie le puis faire. Or bien, répondit elle, susez vous pour cete heure, atendant qu'il soit tems que ie retourne vous penser: ce pendant couvrés vous, & faignés de dormir fermement, ce qu'il fit. Lors la Damoiselle appella le vieillard, & luy dit: Voyés cōme le Cheualier dort, le poison

fait maintenāt son operation. Tant mieus (répondit le vieillard) celui qui l'a amené ceans, sera, à ce que ie voy, fort bien vengé de luy, & puis que vous aués obeï à ce que l'on vous a commandé, ie suis cōtent désormais que vous le veniés voir sans aucune garde. Mais maintenés le ainsi quinze jours durant: car en ce tems arriuerōt icy ceus lesquels (selon les ennuis qu'il leur a faits) prendront sus luy l'amēde qu'il leur plaira. Galaor entendit tous ces propos, & conneut trébien que le vieillard étoyt son mortel ennemy: toutefois il auoyt espoir en ce que la Damoiselle luy auoyt promis le rēdre sain en sept jours, esperāt si ainsi étoit, qu'aisēmēt il se pourroit puis après sauver de leurs mains. Lors se retirent le vieillard & la Damoiselle: mais elle ne tarda gueres qu'il la vid retourner avecques deus autres ieunes fillettes, belles en perfection, lesquelles apporterent viures à Galaor, puis le firent menger.

Ce fait, la Damoiselle commanda aus autres de luy tenir compagnie, & de lire deuant luy toutes histoires plaisantes, pour le garder de dormir sus jour. Alors Galaor se trouua tréconsolé par le bon traitemēt que luy faisoit la Damoiselle, & eut entiere fiance qu'elle le secoureroit, comme elle lui auoit promis, & fermant la grille, laissa les Damoiselles deuifans avec luy. Tout autrement auint au Roy Cildadan: lequel étoit enfermé dans la tour, couché sus son lit, vid ouvrir vne porte de pierre (laquelle étoit si iustement atachee à la paroy, qu'il sembloit que ce fût la même muraille) par ou entra vne Damoiselle de moyen aage, acompagnée de deus Cheualiers armés, lesquels s'aprocherent joignāt du lit. Lors le Roy les salua: mais sans lui dire mot, la Damoiselle teua la couverture qu'il auoit sus luy, & regardāt ses playes le medicina: puis luy donna à menger: & retournerent elle & les Cheualiers par ou ils étoient venus, sans parler à luy.

Quand le Roy vid cēte façon de faire, il creut qu'il étoit en la prison de tel, ou sa

vie n'étoit bien asseuree: toutefois il print le meilleur recōfort qu'il peut, ne pouant faire autre chose: mais la Damoysele qui pensoit à Galaor, voyant qu'il étoit tems de le traiter, alla luy demander comme il se portoit. Trébien, répondit Galaor, & espere veu le commencement d'amendement, que ie pourray être guery dedans le tems que vous m'aués promis. Il n'y aura faute, dit elle, pourtant ie veus que cōme loyal Cheualier, me promettiés de ne partir d'icy sans mon congé: autrement vōtre vie seroit en peril de mort. Galaor luy iura d'ainsi le faire, la supliāt affectueusemēt de luy dire comme elle se nommoit. Et elle luy répondit: Comment, Galaor: ne sçaués vous encores mon nom? certes ie suis maintenant bien deceuē, veu les seruices que ie vous ay autrefois faits sans qu'il vous en souuienne. On me nomme la sage entre les sages. Ce disant, sortit de la chambre faignant être corroucee, & tira l'huis rudement après elle. Lors Galaor demoura plus pēfif que deuant, & luy souvint de la belle épée qu'Vrgande la Décogneuē luy donna, quand Amadis son frere le fit Cheualier, & eut soupçon que c'étoit elle mêmes: toute-fois il eut doute pour-ce que quand il vid premier Vrgande, elle luy sembla vieille & caducque, & cēte cy étoit ieune, belle, & en bon point. Et ainsi qu'il étoit en cēte réuerie, ne pouant dormir, tourna la tête ou les deus ieunes Damoiselles auoyent coutume de s'asseoir, en luy tenant compagnie: mais au lieu d'elles il aperceut Gasfual son Ecuyer, & Ardan le Nain d'Amadis: dont il ne fut moins ébaï que joyeux, & les apella, pour-ce qu'ils dormoyent. Lesquels à leur reueil voyans leur maitre, deuindrent aussi étonnés que luy, & se leuerent, luy faisant la reuerence, & il leur demanda, comme ils étoient là venus, Lesquels luy répondirent, qu'Amadis, Florestan, & Agraies leur auoyent commandé de le suiure.

Puis luy conterent l'état auquel il étoit, quand

LE SECOND LIVRE

quand les Damoiselles le prindrent, au moyen dequoy Amadis voyant l'extremité de vôtre vie, permit vous emporter avec le Roy Cildadan. Que dites vous? dit Galaor, Amadis se trouva il en cete assemblée? Seigneur, dit Gasual, c'étoit luy que lon appelle le beau Tenebreus, par l'effort duquel la bataille a été gaignee. Puis luy reciterent la maniere qu'il auoit delivré le Roy, & occis Mandafabul, & que lors il se fit connoitre, criant: Gaule, à haute voix. Tu me contes merueilles, dit Galaor: mais par Dieu il a eu tort de s'être si longuement celé à moy. Voylà l'état auquel se trouverent Galaor & Cildadan, lesquels en peu de jours eurent si grand'allegeance à leurs playes, qu'ils commencerent à eus promener par la chambre: par quoy Vrgande (au pouoir de laquelle ils étoient en son Ile inconneuë) se fit connoitre à eus, leur disant, que la peur qu'elle leur auoit faite, auoit été pour moyenner plutôt leur santé, autrement ils eussent été en danger de leur vie. Puis manda que rir deus de ses nieces, pour leur tenir compagnie, qui étoient filles du Roy Falangris frere du Roi Lisuart qui les auoit engendrees en la seur d'Vrgande, l'une s'appelloit Iuliande (que Galaor peu après engrossit d'un fils qui depuis fut Gentil cheualier nommé Talanque) & l'autre Solise qui eut aussi du Roy Cildadan, Manely le Discret, & demourerent les deus Cheualiers avec ces Damoiselles, tant qu'il pleût à Vrgande leur donner liberté, comme il vous sera cy après déclaré. Ce pendant, le Roy Lisuart, Amadis & les autres Cheualiers sejournerent à Gonate, & après être gueris de leurs playes, delibérerent aller trouver les Dames qui les atendoient en la ville de Fenuse, desquelles ils furent receus avec grande joye. Mais durant leur sejour, ainsi qu'Amadis deuiroit avec la Roïne Briolanie (en la presence d'Oriane) elle luy dit: Mō Seigneur, ie vous prie croire que ie fu si ennuyee, quand lon me dît que vous étiez perdu,

qu'il seroit impossible vous pouoir exprimer le déplaisir q' i'en eu: & voyât à la fin que vous tardiez tant à retourner, ie me delibéray venir en cete court, avec cent de mes cheualiers, pour faire commencer vôtre quête suyuant l'avis de mes Signeurs vos freres. Toutes fois au moyen de la bataille que le Roy auoit accordée au Roy Cildadan, mon entreprinse fut retardée: & à bonne heure, puis qu'il a pleu à nôtre Seigneur vous auoir ainsi tôt ramené.

Pourtant vous auiserés maintenant, s'il vous plaît, que voulés que ie face pour vous: car ie vous obeiray toute ma vie.

Ma Dame, répondit Amadis, si vous étiez en peine pour moy, vous auiez grand raison: car ie m'assure bien, qu'il n'y a Cheualier au monde plus prêt à vôtre faire serui ce, qu'êt Amadis de Gaule. Mais puis qu'il vous plaît remettre en moy ce que vous aués à faire, ie vous prie sejourner encorres en cete court huit ou dis jours, attendant nouvelles de mon frere Galaor: ce pèdant vous aurés le passetems d'un combat que mon frere Florestan doit faire contre Landin, & après ie vous conduiray en vos pais, & prendray de là le chemin de l'Ile Ferme, ou il me faut trouver. Je feray, dit Briolanie, tout ce qu'il vous plaira, pourueu que vous nous contiés des merueilles & nouveautés que vous y aués veuës. Et ainsi qu'il s'en vouloit excuser, Oriane le print par la main, & luy dit:

Vous aués beau faire, Seigneur Amadis: car nous ne vous laisserons en pais, premier q' ne nous en ayés dit quelque chose. Par ma foy, mes Dames, répondit il, encorres que i'eusse bien entrepris de vous reciter le tout par le menu, si le trouue ie impossible: neantmoins ie vous diray bien, que la chambre Defenduë ét la plus belle, & la plus riche qui soyt en tout le monde: & si elle n'êt gaignee par l'une de vous deus, ie croy bié que de nos vies autre n'y mettra le pié. Briolanie demoura quelque peu sans répondre, puis dît à Amadis: Certes, ie ne me pense telle, q' ie puisse mettre fin

à vne telle auanture, ce non obstant (telle que ie suis) s'il ne m'étoit réputé à folie, i'en ferois volontiers l'épreuve. Ma Dame, répondit il, l'on ne doit tenir à presumption d'essayer ce, en quoi tous autres ont failly, iusques à maintenant, pour n'être assés belles: & vous qui êtes des plus excellentes de la terre, auries si grand tort de differer cete singularité, q̄ vôte crainte vous tourneroit grandement à blâme, ne faisant vôte deuoir. Oriane ne fut cōtente de ce propos, de quoi Amadis s'aperceut aussi tôt par la contenance qu'elle tint, & s'en repentit fort, combien qu'il ne pensât auoir dit chose, qui ne redōdât à l'honneur d'elle: car il auoit veu l'image de Grimanesse, & sçauoit bien que Briolanie n'equipolloit à sa beauté, par ainsi elle ne pouroit aquerir n'ataindre à cete gloire, ce qu'il ne doutoit d'Oriane. Mais Oriane estimoit tout autrement, & lui sembloit, qu'il n'y auoit chose au monde que Briolanie ne conquît, si par beauté se pouvoit conquerre: & dissimulant enuers elle l'enuie qu'elle luy portoit, la pria, que si elle entroit en la chambre Defenduë, elle luy en fit sçauoir des nouvelles. Puis se leua, & vint trouver Mabile, à laquelle elle recita tous les propos qu'Amadis auoit eus avec Briolanie (elle presente) luy disant: Par ma foy vôte cousin me donne trop souvent telles alarmes, encores qu'il soit asséuré que ie ne prens plaisir seulement qu'à luy obeir & complaire, sans auoir égard à Dieu, ny à crainte, ou deshonneur de pere ne de mere. Mais il connoyt qu'il a entiere puïssance sus moi: au moyen de laquelle il me méprise, dont i'acuse seulement la priuauté que ie lui ay montrée, pensant faire pour le mieus. Proferāt ces reproches, les grosses larmes luy tomboyent des yeus: ce que voyant Mabile (comme sage) s'auisa, par contrepoison, de donner remede à ce venin. Et faignant être outragée par l'iniure q̄ faisoit Oriane à Amadis, lui répōdit assés mal gracieusement: Ma Dame, ie m'ébaï de vous & de

vôte façō de faire: car aussi tôt que vous êtes sortye d'un ennuy, vous en sollicités vn nouveau, & deuriés (ce me semble) mieus regarder à ce que vous dites de mon cousin, sans vous persuader qu'il ait tenu tel propos ou autre pour vous fâcher, veu que vous poués asséurer qu'il ne pensa onc à vous faire offense, en dit en pensée, n'y en fait. Et assés vous l'ont peu temoigner les épreuves qu'il a faites, tant en vôte presence, qu'absence: mais ie voy bien que c'êt: vous me donnés à entendre, que (ennuyée de ma compagnie) vous me voulés chasser sous couleur que mon cousin êt trop vôte, abusât vous mêmes de la seruitude qu'il vous porte. Toutefois quand vous m'aurez perduë, ce sera peu de cas, pourveu que (vôte puis. ie bien dire) Amadis n'en soit pirement traité. Car vous sçaués bien, & moy aussi, que le moindre ennuy qu'il aura de vôte facherie, sera suffisant pour le faire mourir, dont ie m'émerueille quel plaisir vous prenés à le tourmenter si souvent, faisant pour vous ce qu'il êt possible de faire pour autre Dame viuante. Ne considerés vous, que puis qu'Apolidō a voulu que l'épreuve de la chambre Defenduë fût cōmune à tout le monde, qu'il ne seroit raisonnable que mon cousin gardât Briolanie de faire comme les autres? Vrayement ie croy qu'elle, ne vous, n'êtes encores assés belles pour gaigner ce que n'ont sceu auoir toutes les belles qui ont été depuis cent ans. Pourtant ie puis bien me tenir seure, que cete nouvelle jalousie ne procede par faute que vous ait fait celui, qui ne pense qu'à vous obeir: mais son mal-heur a déjà tant gaigné sus luy, que pour vous complaire, il ne s'êt seulement oublié: ains ne faisant état que de vous, a dédaigné entierement tout son lignage, & les a en estime d'étrangers sans le connoître, n'autre que vous qu'il reuere comme Dieu. Et toute-fois vous le voulés du tout faire perdre. Ah, ah, les dangers & euidés perils, esquels luy & les siens ont souvent été

LE SECOND LIVRE

été pour l'amour de vous, tant enuers Ar-
calaus, qu'à cete derniere bataille, sont
maintenant trémal reconneus: puis qu'en
sati-faction d'iceus vous desirés la destru-
ction du chef, & principal de mes parens.
Est-ce le bien, & la reconnoissance des ser-
uices que ie vous ay faits! sont ce les pri-
mices de l'espoir que i'auois à vous! Cer-
tes ie suis maintenant bien loing de ce q̃
i'esperois, & aspirois, voyant deuant mes
yeus conspirer la ruine & defaite de la
personne que i'ayme le plus en ce mōde,
& qui plus ét vōtre que sien: toutefois (si
Dieu plaît) il ne sera pas ainsi, & n'auien-
dra tel inconueniēt si près de moy: Car ie
prieray demain mō frere Agraies, & mon
oncle Galuanes de me conduire en Eco-
ce: lesquels feront beaucoup pour moi de
m'oter de la compagnie de vous, qui êtes
si ingrate. Puis se mit à plorer si fort, qu'il
sembloit qu'elle deût fondre en larmes.
Làs, disoit elle, ie prie à Dieu, q̃ la cruau-
té que vo^s faites à vōtre Amadis, se tour-
ne en vengeance sus vous, pour sati-faire
à toute la lignee, qui ne perdra tant (en le
perdant) que vous seule, encores que ce
soit la plus grande infortune qui nous
puisse auenir. Quand Oriane entendit
parler Mabile de telle colere, le cœur lui
serra si fort, que la parolle lui faillit, ius-
ques à ce qu'elle se fût vn peu remise, qu'
en pleurant elle s'écria: Ah, ah, pauvre fem-
me, malheureuse entre toutes les plus de-
solees & tristes! qui eût jamais pensé, qu'
il peut choir dans vōtre cœur, ce q̃ vous
m'aués maintenant manifesté! Las, ie me
suis decouverte à vous, n'ayāt au-tour de
moi autre, digne d'entendre mes dolean-
ces) pour auoir conseil & confort, & vous
me déconfortés, & traités pis que ie n'ay
merité, me reputāt toute autre q̃ ie ne suis
ni seray tant que l'esprit soutiendra mon
cœur plein d'amertume, qui me fait bien
presumer, qu'autre que mon mal-heur ne
m'auance ce facheus traitement, veu que
vous aués prins en mauuaise part ce que
ie vous disois pour le mieus. Et Dieu

ne me soit jamais aidant, si ie pensay de
ma vie à ce, dequoy vous me blâmes, &
acusés: car i'ay tant d'assurance de vōtre
cousin, que ie ne veille à autre chose, qu'à
le contenter: rāt y a que i'aimerois mieus
mourir, qu'autre que moy eût l'honneur
de la chambre defenduë. Iugés donc quel
ennuy ce me fera, si Briolanie, qui va de-
uant faire l'épreuve, en vient au dessus?
Ce non-obstant, ma cousine m'amyé, ie
vous prie pardonnes moy, & ne differés
(s'il vous plaît) à m'auiser ce qu'il vous
semblera que ie doy faire pour le mieus:
car vōtre cousin pourroit être trop mary,
s'il sçauoit ce que i'ay soupçonné de luy.
Ma Dame, répondit Mabile, puis q̃ vous
connoissés vōtre faute, vous serés vne au-
tre fois mieus auisee. Vous aués assés expe-
rimenté par le passé les inconueniens qui
peuvent suruenir par telles legeretés: pour
Dieu, gardés vous en desormais. Ainsi fu-
rent les deus Dames reconciliees comme
au precedent: toute-fois pen après, Mabi-
le vint trouver Amadis, auquel elle racō-
ta tous les propos qu'Oriane luy auoit te-
nus le reprenāt aigremēt de ce qu'il auoit
dit à Briolanie deuant elle, sachāt q̃ de-ja
elle auoit été suspectee d'eus deus. Pourtāt
mon cousin, dît Mabile, mettés peine des-
ormais de ne luy donner plus d'occasion
de vous mal traiter, parlant d'ici en auant
plus discrettement que vous n'aués fait:
specialement deuant ma Dame: car il ét
bien difficile de pouoir promptement ef-
facer & exterminer du tout la jalousie de
vne fême, puis qu'elle l'a imprimee à son
esprit, & n'eût été la réponse rigoureuse,
que ie luy ay faite: par ma foy, elle fût sor-
tie hors des termes de raison. Ma cousine
(répondit Amadis) ie m'ébai de la fantasie
de ma Dame: toute-fois ie vous remercie
tant qu'il m'ēt possible de l'auis q̃ vous
me donnés, cōbien que sus mon Dieu, ie
pensois parler du tout à son auantage. Et
ie vous diray commēt: Chacun sçait, que
Briolanie ét reputée l'vne des plus belles
Dames qui soit au monde: en sorte q̃ lon-
la

la tiét suffisante pour entrer en la châtre Defenduë: mais ce penser ét faus: car i'ay veu l'image de Grimanesé, à la beauté de laquelle Briolanie n'aprobe point aucunement: parquoy il ét seur qu'elle ne parviendra à cét honneur, lequel ma Dame obtiendra sans difficulté. Neâtmoins si c'étoit premier que Briolanie en eût fait l'épreuve, on pourroit dire après, que si elle eût commencé deuant Oriane, qu'elle eût premiere acheué l'auanture: au moyen dequoy ie m'étois enhardy (en la presence de ma Dame) de luy donner le conseil que vous aués entendu. Mabile print trébien l'excuse d'Amadis, & la fit entendre à Oriane qui se repentit grandement, d'en auoir parlé, craignant qu'Amadis luy en sceut mal-gré: & pour amender la faute qu'elle auoit faite, lui fit sçauoir par Mabile, qu'il la vint voir en son logis, ou elle l'atendoyt avec Briolanie, ce qu'il fit. A son arriuee les Dames le prindrent par la main, & le firent seoir au milieu d'elles: puis le prirent leur dire verité de ce que elles lui de manderoyent, ce qu'il leur acorda. Dites nous donc, dît Oriane, qui ét la Dame qui gaigna n'aguères le couvrechef des fleurs lors que vous conquîtes l'épee Ardante. Amadis vid bien qu'il étoit non seulement surpris, mais contraint de dire verité: au moyen dequoy il répondit à Oriane: Par Dieu, ma Dame, ie ne sceu oncques qui elle ét, non plus que vous faites, encores que ie demeuray sis jours en sa compagnie. Tant y a que ie luy vy les plus beaux cheueus qu'il ét possible auoir à Dame, ou Damoiselle: & si ét trébelle & de meilleure grace, du surplus vous en sçaués autant que moy. Par ma foy, dît Oriane, si avec grand gloire elle conquist le couvrechef, il luy cuyda depuis couter bien cher ainsi que lon m'a dit: car sans vôtre defense, Arcalaus l'Enchanteur, & son neveu Lindoracq, le luy eussent ôté, & fait vilainie. Ce ne fut pas luy, répondit Briolanie (s'il ét Amadis) mais vn autre que lon

nomme le beau Tenebreus, auquel on ne doit ôter l'honneur, pour l'attribuer à vn autre. Et cōbien que i'aye grāde obligation à Amadis, si ne laisseray-ie de parler à la verité du beau Tenebreus, pour ce que si l'vn a surmōté en prouesse Apolidon, cōquestant l'Isle Ferme, ce luy a été vne reputation trégrāde: mais l'autre n'ét digne de moindre louange, qui en vn seul jour a abatu dis des meilleurs chevaliers de la grād' Bretagne, & mis à mort le tréredouté Geant Famongomad & Basigant son fis. Semblablement, si Amadis a passé sous l'arc des loyaus Amans, en la faueur duquel l'ymage de Bronze a fait plus melodieus son, q̄ pour autre qui oncques éprouvât l'auenture, donnant à entendre la loyauté de luy, il semble q̄ le beau Tenebreus a bien autant d'auantage gaignant l'épee ardante, laquelle par l'espace de soifante ans nul autre n'auoit peu tirer hors du fourreau. Pourtant, ma Dame, il n'ét raisonnable ôter l'honneur au beau Tenebreus, pour l'attribuer à tort à Amadis: veu qu'en prouesse & loyauté ils se peuvent (ainsi qu'il me semble) égaler l'vn à l'autre. Et cōme ils étoyēt en tels plaisans deuis, vne Damoiselle vint dire à Amadis, q̄ le Roy le demandoit, pour ce q̄ Dō Que dragant & Landin son neveu étoyent deuant luy, pour eus aquiter de leurs promesses: au moyē de quoy Amadis fut cōtraint laisser les Dames, & aller à la court. Lors rencontra Bruneo & Bransil, qui le suiui-rēt, & trouverēt q̄ Quedragāt auoit commecé son propos, disant au Roy: Sire, i'ay attendu ceans Amadis de Gaule, suivant le conuenant que i'auois avec le beau Tenebreus, & maintenant qu'il ét en cete cour, ie me veus decharger de ma promesse.

Or ét il vray, que par force d'armes i'ay promis au beau Tenebreus de ne partir de vôtre cōpagnie, qu'Amadis n'y fût de retour, & q̄ luy arriué en vôtre presence ie luy quitterois la q̄relle qu'auois entreprinse cōtre luy, de la mort du Roy Abies d'Yrlande mon frere, sans luy en pouoir
iamais

LE SECOND LIVRE

iamais rien demander, & semblablement, que ie ne porterois d'icy en auant armes contre vous & les vôtres. Qui m'étoit lors chose plus grieue que lon ne pensoit, pour ne me trouver en la bataille que vous aués eüe contre le Roi Cildadan & les siés du nombre desquels i'esperois bien être, toute-fois Dieu a voulu que mon intention fût renuersee tout autrement que ie n'auois pourpélé: car la haine que ie portoïs à Amadis, ét conuertie en plus grande amitié, laquelle l'ay delibéré d'auoir à luy, s'il le treuve bon: état assésuré que par luy ie fus vaincu sous le nom du beau Te nebreus, qu'il auoit pris pour se faire méconnoître. Au moyen dequoi ie voy bien que fortune ét du tout deliberee luy être aydant, comme l'effort de luy le peut témoigner, par ce qu'il a fait en cete dernière bataille, l'honneur de laquelle luy doit être donné, & non pour autre. A cete cause, Sire, puis que mō Seigneur Amadis ét icy present, il vous plaira premieremēt me tenir quitte, de ce que ie luy ay promis sous nom couvert: & quant à luy, ie luy remets le mal-talent que ie luy portoïs de la mort de feu mon frere le Roy Abies, & le prie d'auantage m'accepter pour son compagnon, & perpetuel amy. Seigneur Quedragant, répondit le Roy, vous parlés en prudent & sage Cheualier: car, quelque prouesse ou bon cœur que puisse auoir vn Gentil-hōme, s'il ne se gouverne par conseil & raison, il n'ét digne que lon face cas de luy. Vous êtes cogneu assés pour vn des meilleurs Cheualiers du monde: mais vous vous poués tenir seur, que la compagnie que vous demandés d'Amadis, n'amoinndra vōtre los & renommee étans amys communs vous & luy: & croy qu'il sera tresfaisé d'accepter l'ofre que vous lui faites. N'ét il pas vray, mon grand amy, dît le Roy, parlant à Amadis. Sire, répondit il, Quedragant ét tel que le bruit de luy le fait renommer en plusieurs endroits: & puis pu'il lui plaît de m'élire pour son compagnon, ie l'accep-

te, & retiens pour le mien. Lors le fut embracer, & tant dura de là en auant leur amitié, qu'elle ne fut separee que par la mort. A l'heure étoit Florestan & Landin près du Roy, pourchassans leur cōgé pour entrer au camp, suiuant le defieiment qu'ils s'étoient donnés (long tems y auoit) soutrenans la querelle d'Amadis contre Quedragant: mais les voyans si grans amis, leur combat fut apaisé, & conuertie en amitié, dont Landin fut tresfaisé: car il auoit déjà éprouvé Florestan en la journée contre le Roy Cildadan, & veu les hauts faits d'armes & prouesses de luy. Ainsi prindrent ces querelles fin, & d'autāt que la court par le passé auoit été en trouble, d'autant commença elle d'entrer en joye & passetems: toute-fois le Roy n'ayant oublié le malaise ou étoient le Roy Aiban de Norgales, & Angriote d'Etrauauus (après auoir quelques jours demouré avec les dames) entreprit la deliurace d'eus, & pour ce faire delibera passer en l'Isle de Mongaze, pour les élargir & mettre hors de prison, ce qu'il fit entendre à ses Cheualiers. Lors Amadis lui répondit: Sire, vous sçaués que Galaor mon frere a été perdu en vōtre seruice, pourtāt ie vous supplie, m'excuser, de ne vous tenir cōpagnie en ce voyage: car si dieu plaît, mes cousins & moy l'y rōs chercher, cōme la raison le veut, & si nous le pouōs trouver, assésurés vous Sire, q̄ nous serōs incōtinēt à la part ou vous tirerés. Amadis mō amy, répondit le roi, ie vous promets ma foi, q̄ moy mêmes volontiers vous acōpagnerois, tant ie regrette Galaor: mais vous sçaués les affaires q̄ i'ay à present, qui m'en doiuent bien excuser: ce neantmoins ie suis d'auis, que vous partiés quand, & avec telle cōpagnie qu'il vous plaira. Adōc se leuerent plus de cent Cheualiers des plus éprouvés, qui tous iurerent la quête de Galaor. Car disoyēt ils, il seroit impossible q̄ nous peussions entreprēdre auāture plus étrāge: & firent tāt qu'ils eurent tous permission du Roy de déloger le lendemain matin.

Com-

Comme le soir ensuyuant, étant le Roy hors de table se promenant le long des galleries de son palais, auisa en Mer deus grans feus, qui venoyent droit en la ville.

CHAP. XVIII.

OR auint le iour mêmes, après que le Roy eut souppé, ainsi qu'il se promenoit le long d'une gallerie, étant quasi heure d'aller dormir: il auisa en mer deus feus étranges qui venoyent par grand roideur droit à la ville. Dont il fut fort épouéré: pource qu'il trouvoit difficile que l'eau & le feu peussent compatir ensemble, mêmes que lon voyoit au milieu de ces feus vne galere: au mast de laquelle étoient maints gros flambeaus ardents, en sorte que l'on eut iugé que le vaisseau étoit tout embrasé. Cete merueille ébahit tant le peuple, qu'ils sortirent quasi tous hors de la ville, presumans que puis que la Mer n'auoit sceu éteindre ce brandon, qu'il seroit impossible garantir leur cité d'être mise en cendre, si ce feu l'enuironnoit: parquoy le Roy mêmes (douteus) monta à cheual, & sortit comme les autres sur la greue. Et ainsi qu'il s'aprochoit de l'eau, il vit q la plus part de tous ses Cheualiers y étoient déjà arrivés, & entre autres Amadis, Enil, & Guillan: lesquels étoient à l'heure si près de ce vaisseau, qui auoit prins port, qu'il luy sembla être impossible d'eus exempter de l'ardeur d'ice-lui. Adonc donna des esperons à son cheual, pource qu'il se tourmentoit du bruit q l'on faisoit, & le poussa maugré lui près de la galere: dessus laquelle, peu après, il vit souzleuer vn drap qui la couvroit, & s'apparoître vne Damoysselle vêtue de samis blanc qui tenoit en ses mains vn coffret d'Or, lequel elle ouurit. Puis en tira vne bougie ardante qu'elle ieta en la Mer, & aussi tót les deus grans feus s'amortirent sans sçauoir qu'ils deuindrent. Dequoy tout le peuple fut fort ré-jouy, se voyant hors du danger: car il ne demeura lumie-

Am. 2.

re que de flambeaus, qui bruloient au dessus du mast de la galere, à la lumiere dequels la riue de l'eau receuoit clarté. Adoncq' la galere fut veüe apertement parée de maints chapeaus de fleurs: & commencerent les instrumens à sonner melodieusement: puis se monstrerēt sus la poupe douze Damoiselles richement vêtues, ayans chacune d'elles vn chapeau de Roses sus leur tête, & vne baguette d'Or en la main. Et marchoit premiere celle, qui avoit lancé la bougie en la Mer, laquelle se faisant mettre à bord, vint faire la reuerence au Roy, qui la receût humaine-ment luy disant: Ma Dame en sati-factiō de la peur que nous à fait vōtre feu ar-dant vous nous dirés, s'il vous plaît, qui vous êtes, cōbien que nous nous en dou-rions assés. Sire, répondit elle, vous aués le cueur si bon, qu'il seroit impossible de vous épouenter pour si peu de chose: tant y a que les feus que vous aués veus ne sont ordōnés, que pour la seureté de mes femmes & de moi, quand nous voulons aller en Mer. Au surplus si vous presumés que ie sois Vrgande la Déconneuë, vōtre pēser ēt veritable, & suis venue expres en ces marches pour seulement vous visiter cōme le meilleur Prince de la terre: & la Royne aussi, qui ēt l'une des plus sages Dames qui vive. Puis apella Amadis, luy disant: Aprochés, Seigneur Amadis & ie vous diray, pour vous ôter du trauail que vous auriés à aller chercher Galaor vōtre frere, qu'il se porte bien & ēt si bien guer-ry que vous le reverrés de brief, pourtant deportés vous de sa queste, car il ēt en tel lieu que tous les viuans du monde ne le pourroyent iamais trouver. Ma Dame, répondit Amadis, delors qu'il me fut démā dé par les Damoiselles qui l'enleuerent, i'eū soupçō qu'il seroit sauvé par vous: & qu'autre qu'Vrgande n'eut fait cete en-treprise, qui m'a tou-jours donné bonne esperance, sans laquelle ie croi que ie fusse mort. D'un cas suis-je seur, qu'il n'y a Cheualier au monde plus obligé à Dame

G

uo

LE SECOND LIVRE

ou Damoiselle que ie vous suis, tant qu'il
 ét hors de ma puissance vous en pouvoir
 rendre les grands mercis que ie vous doi:
 mais vous connoissés assés que iusques à
 la mort Amadis ne se voudroit epergner
 à vous faire seruice. Ma Dame, dit le Roi
 vous plaît il pas venir reposer en ce pa-
 lays? Non répondit Vrgande, ie demeure-
 ray en ma galere pour meshuy, & demain
 ie feray ce qu'il vous plaira, & Amadis,
 Agraies, Bruneo, & Guillan, me feront
 compagnie: pource que ie les connois a-
 moureus, cōme moi, & qu'ils n'engend-
 rent point de melancolie. Faites ce que
 vous voudrés dit le Roi: car vous serés o-
 beïe. Adōc fit retirer le peuple en la ville,
 & luy mêmes s'en partit donnant le bon
 soir à Vrgande, laissant pour la garde d'el
 le bon nombre de ses Archers sus la gre-
 ue de la marine: puis le lēdemain la Roi-
 ne envoya à Vrgande douze de ses haque-
 nees richement parees, sus lesquelles elle
 & ses femmes entrèrent en la ville: & é-
 toient à l'entour d'Vrgande les quatre
 Cheualiers, quelle auoit des le soir rete-
 nus, pour luy faire cōpagnie. Lequels l'en-
 tretenoyēt de propos, ou elle prenoit tāt
 de plaisir qu'elle leur dît en chemināt: Par
 ma conscience, il ne me fācheroit de lōg
 tems en si bonne assemblée, qu'ēt celle ou
 ie suis avec vous: car soyés seurs que ie
 vous trouve tous quatre si conformes à
 ma condition, que vous êtes particuliere-
 ment vn en moy-mêmes, étant certai-
 ne que si ie suis amoureuse, vous aués les
 Dames en trēgrande recommandatiō. Et
 ce disoit Vrgande, pource qu'elle languis-
 soit d'extreme amour qu'elle portoit au
 beau Cheualier, dont au premier livre
 vous a été parlé. Et cōme ce propos finoit
 s'aprocherent du Palais. Lors le Roy qui
 l'atendoit vint au deuāt, & ainsi qu'il em-
 braçoit Vrgāde (luy disant qu'elle fut la
 trēbien venue) elle ieta sa veuē autour de
 la compagnie, & vid grand nōbre de Che-
 ualiers à l'environ. Parquoy elle dît: Sire,
 vous me semblés maintenant trēbien acō-

pagné non tant pour beaucoup de grāds
 personages qui sont près de vous, que
 pour l'amitié qu'ils vous portent, comme
 ie suis seure, dont vous deués louer nō-
 tre Seigneur. Car le Prince aymé des siēs,
 peut tenir ses états en grād seureté, pour-
 tant, Sire, mettés peine de les entretenir
 & bien traiter, à ce que vōtre fortune, qui
 n'ēt encorēs lassēe de vous fauoriser) ne s'é-
 longne, si vous faites autremēt: & sūstout
 gardés vous de mauvais raport, veu que
 c'ēt le vrai poison & ruine des Princes
 qui y croient. Et ainsi que le Roi la vou-
 loit mener en sa chambre, elle luy dît: Si-
 re vous plaît il pas que i'aille premier fai-
 re la reuerence à la Roine? Ouy vraye-
 ment ma grand' amye, répondit il, ie suis
 seur qu'elle sera trefaïse de vous voir, cō-
 me celle qui a bonne enuie de vous faire
 honneur & plaisir. Adonc la conduit
 ou étoient les Dames & aussi tōt la Roi-
 ne se leua & vint la baiser lui disant,
 qu'elle fut la trēbien venue: puis la fit as-
 soir entre Oriane & Briolanie, lēquelles
 Vrgande n'auoit oncques veuēs: & trouua
 Briolanie la plus belle Dame du mōde, si
 Oriane ne lui eut amoindry sa beauté par
 l'excellēce d'elle, & à direv ray, il y auoit
 grande differēce d'elles deus. Lors dît Vr-
 gande à la Roine: Ma Dame, i'auois tou-
 te ma vie ouy dire, ce q̄ ie trouve verita-
 ble. C'ēt que le Roy étoit mieus acompa-
 gné de Cheualiers, q̄ nul autre Prince de
 Chrétienté, & vous aussi des plus belles
 Dames de la terre. De quoi en a porté bō
 témoignage, celui qui conquīt l'Isle Fer-
 me, pour être meilleur Cheualier qu'Apo-
 lidon: & la glorieuse victoire qui recente-
 ment a été obtenue sus le Roy Cildadan,
 par l'effusion du sang des Geās qui y sont
 morts. Ie sçay bien qu'ay sēmēt l'on n'a-
 cordera, q̄ sous le firmamēt lon ne pour-
 roit trouver deus plus belles Dames que
 ces deus icy: mais si cēte court a cēte pré-
 eminence, elle ēt encorēs honoree d'vne
 plus recommandable, qui ēt la loyauté en
 laquelle amour y ēt maintenuē: ainsi que
 lon

lon a peu voir par l'épreuve de l'épee ardée, & du couvrechef couvert de fleurs: laquelle aventure à été mise à fin en votre presence. Quand Orianel'entēdit parler si auant, le cueur lui commença à trēbler, & deuint morne & pensue: craignāt qu'Vrgāde dît d'auantage, découvrāt le secret d'Amadis & d'elle. Mais Amadis qui étoit present cōnoissant la prudēce de celle qui sçauoit toutes choses, & la doute d'Oriane, s'aprocha, & luy dît tout bas: le vous assure, ma Dame qu'Vrgande ē trop discrette, pour dire parolle folle ou égaree. Et aussi tōt s'adressa à la Roine luy disant. Ma Dame, Demandés (s'il vous plaît) à Vrgāde qui fut celle qui gagnā le couvrechef. Je vous en prie, dît la Roine, faites la nous connoitre. Par ma foi, répondit Vrgande, Amadis doit mieux sçauoir qui elle ēt que moy: car elle le suyuit & depuis il la deliura des mains d'Arcalaus l'enchanteur, & de Lindoraq son neveu, non sans grand danger de sa personne. Ma dame, dît Amadis, il seroit impossible que ie la conneusse, ne moi mêmes aussi, mieux que vous nous connoissēs: veu que vous sçauēs qu'elle desirant se celer de moy, ne voulut oncques découvrir son visage, ains l'eut toujours couvert d'un linge: mais envers vous, rien ne peut être si bien caché, qu'il ne vous soit manifeste. Vrayemēt répōdit Vrgāde, pour l'amour de vous, ie vous declareray presentemēt partie de ce que j'en sçay. La Damoiselle (de laquelle la loyauté ē manifestee) n'ēt plus fille: car elle ēt fēme belle entres toute les autres excellētes: & par cēte ocasiō cōquit elle le couvrechef tāt renommé, specialemēt pour la grād' amour qu'elle a à sō amy. Elle ēt native des païs du Roy, étrāgere par sa mere, & fait sa residence en ce Roiaume, avec tāt de moins que si elle a faite d'aucune chose, c'ēt seulement pour ne tenir (quand il lui plaît) celui qu'elle ayme plus que soy-mêmes & autre chose ne sçaurēs de son affaire, si dieu plaît Oriane qui se sentoit atain

dre par Vrgande ne se peut assurer (doutant qu'elle passāt outre) iusq's à ce qu'elle se fut teue, que la Roine répōdit: Certes ma grād' amye vous nous auēs tāt fait cōnoitre celle q' vo' dites, qu'il n'y a celle de no' à mō auis, qui la sceut remarquer, hors mis q' nous l'estimions fille & vous nous l'assurēs être fēme. Vn tēs viendra, dît elle, q' vous la connoitrēs mieux. Adoncq' le Roi qui vouloit festoyer Vrgāde la vint querir pour la mener dîner: puis la fit assēoir au plus près de luy, & depuis passerent le reste du iour en bōnes cheres & ébatemēs, tāt qu'il fut heure d'aller dormir. Lors Vrgāde vint prier la Roine, de trouver bon qu'elle couchāt en la chābre d'Oriane ce qu'elle lui acorda facilemēt. Toute-fois, dît la Roine, ie crains que ses ieunesses ne vous facent ennui. Par ma foy ma Dame répōdit elle, sa beauté en fera trop plus à mains bōs Cheualiers: dequels la prouesse ne pourra être si grande, qu'elle les puisse excuser de maints grands perils ou ils tomberont pour l'amour d'elle tant q' la mort s'en eusuyvra, s'ils ne s'ē donnēt de garde. La Roine se print à rire, & dît à Vrgāde. On lui peut biē iusques icy pardonner le tourmēt, qu'elle a fait à ceus q' vo' dites: & sus ce point ie vous dōne le bō soir. Adōc se retira la Roine, & Vrgāde fut cōduite au logis de la Princesse, ou elle trouua la Roine Briolanie, & Mabile, qui luy faisoient compagnie: avecq' lesquelles elle se mit à deuiser si longuemēt, q' le sommeil les pressa d'aller dormir. Or étoient elles toutes quatre couchées en vne chābre: ce nō. obsāt Vrgāde oyant Mabile & Briolanie, dormir de fort somme, & Oriane veiller, luy dît. Ma Dame, si vous ne reposēs maintenāt pēsant à celui qui veille iour & nuit pour l'amour qu'il vous porte, votre repos & le sien sont reciproqs. Je ne sçay cōme vous l'entēdēs, répōdit Oriane: mais amour ne me garde pas de dormir. Vrgande cōneut bien qu'elle luy auoit fait telle réponse craignant que Briolanie entendit les a-

LE SECOND LIVRE

mours d'elle & d'Amadis, parquoy elle luy dît : Assurez-vous que j'ay vôtres secrets en trop de recommandation, pour vous fâcher de ce que ie vous dy : car ie scay ce qui vous est nécessaire mieus que vous-mêmes. Ma Dame répondit Oriane, vous pourrés éveiller les Damoiselles qui sont en cete chambre. Laissez m'en faire, dît Vrgande, ie les garantiray de ce mal. Lors print vn livre si petit, que lon le pouuoit couvrir de la main, & commença à lire dedās, puis dît à Oriane. Suffise-vous que nous pouōs parler maintenāt en secreté : car pour bruit que nous facions elles ne s'éveilleront, tant que ie les réveille : & si aucun entroit dedans cete chābre, il tōberoit sus le plancher aussi fort endormy qu'elles, & oyés comme elles ronflent d'ja. Dont Oriane se print à rire, & se leuant de son lit, vint à Mabile & Briolanie, lesquelles elle tira par les bras assés rudement : mais pourtant nulle ne perdit son somme. Voulés vous voir, dît Vrgāde, le passetems de ceus qui voudroyent passer le seil de l'huys? Apellés la Damoiselle de Dannemarc, qui est en cete garderobe, ce que fit Oriane. Et ainsi que la Damoiselle mit le pié dans la chābre, elle cheut toute plate sus le plancher, & se mit à dormir & ronfler plus fort que Mabile, ne Briolanie : parquoy Oriane s'en alla coucher auprès d'Vrgande, & luy dît. Ma Dame, puis que vous sçaués tant de mes affaires : ie vous supplie me déclarer ce qui m'est àuenir. Comment, répondit Vrgāde, pensés vous plutôt euter vôtres predestinée auēture pour en être auertie? croyés qu'il n'est en la puissance d'homme mortel de muer ce que le Seigneur Dieu luy a destiné, soit en bien ou en mal, si ce n'est de la grace de luy : neant-moins puis que vous aués tant d'envie d'entendre vôtres fortune, j'en suis contente, après vous en ferés vôtres profit, si vous pouvés. Or écoutez doncques : Au tēs que vôtres plus grande tristesse aura lieu, maints bons Cheualiers souffriront pour l'amour de vous.

Lors le fort Lyon acōpagné de ses bêtes sortira de sa taniere, & par ses hauts rugissements & clameurs, epouventera tellemēt ceus qui vous auront en garde, que malgré eus vous demourerés entre les ongles de la Royale bête laquelle mettra bas de dessus vôtres tête la riche couronne, qui plus ne sera vôtres. Lors cete bête affamée ayant vôtres cors en son pouvoir, l'emportera en sa caverne, ou il se paîtra, en sorte, qu'il apaisera sa faim enragée. Pourtāt, ma fille, regardés que vous ferés : car ce que ie vous ay predict auendra sans doute. Par ma foi, répondit Oriane, ie serois fort contente de m'être departie de cete curiosité : car la fin doloieuse qui m'est apareillée me trouble tout l'esprit. M'amy, dît Vrgande vne autre-fois soyés moins envieuse d'entendre ce qui n'est en vôtres sçauoir : toute-fois bien souvent les choses couuertes, qui donnent crainte aus personnes, se tournēt en i'oye, plaisir, & profit ainsi ne vous deconfortés nulement, veu que Dieu vous a fait naître fille du meilleur Roy, & de la plus vertueuse Dame qui soit sus la terre : & douce de tant excellente beauté, que vôtres renommée en est étendue par tous païs, & si vous a fait aymer celuy qui est honoré & estimé plus qu'autre Cheualier. S'il vous aime, vous le sçaués aussi bien que moy, par l'expérience, non seulement de ce qu'il vous en a dît & fait connoître de vous à luy : mais par les auentures qu'il a mises à fin en vôtres presence : partāt vous vo^{us} deués estimer heureuse sus toutes les mieus aymées, étant maitresse de celuy, qui merite (par sa grād' valeur) être Seigneur de tout le monde. Or est il tems que ces Dames s'éveillent, & que nôtres propos prenne fin. Lors commença à lire en son livre, & à l'instant les Damoiselles endormies se prindrent à soupirer, comme si elles eussent été beaucoup trauaillées, & peu après se leuerent : mais quand la Damoiselle de Dannemarc se trouua ainsi nue, quelle étoit, au milieu de la chābre, oncq

oncq'fême ne fut plus étonnée. Ce q̄ voyant Oriane, luy demanda en se souz-riât, si elle étoit venue chercher la fraicheur en ce lieu. Par ma foy, ma Dame, répondit elle, ie ne sçay qui m'y a mise: mais ie n'en ay point de souvenance. Dôt toutes se prindrent à rire: puis étans acoutrees s'en allerent au logis du Roi, lequel elles trouverent & la Roynes aussi en l'église: & aussi tôt que la messe fut celebrée, le Roi s'aprocha d'Vrgande, & lui donna le bon iour & elle luy fit vne grande reuerence, lui disant: Que si son plaisir étoit de faire assembler les Cheualiers & Dames étans en sa court: qu'auant son parlement (qui seroit en brief) elle déclareroit quelque chose deuant eus, qui lui étoit auenné: Au moyende quoi le Roy ordonna faire acouter vne longue salle: en laquelle le lendemain se trouua grād nōbre de Signeurs & Dames. Lors Vrgande étant au mylieu de tous, adressant sa parole au Roy, luy dit. Sire puis que vous aués gardé les lettres que i'escruiy à vous & à Galaor, incontinent après que le beau Tenebreus eut conquis l'épee ardante, & la Damoiselle le couvrehes aus fleurs: il vous plaira les faire lire, à ce que chacun connoisse clairement que ie n'ignore les choses deuant qu'elles auiennent. Adonc les enuoya querir, & furent leués deuant l'assistance, ou chacun conneut qu'elle auoit predit entieremēt le fait de la bataille, comme elle s'étoit passée: & n'y eut ce lui qui ne fut émerueillé, mêmes du grād cueur du Roi pour s'être trouvé en lieu si dangereux, attendant les rigoureuses menaces qui étoient dedans la lettre. Semblablement lon sceut certainemēt que le beau Tenebreus auoit été cause de la victoire, par les trois coups, qu'il donna. Le premier quand il ieta aus piés de Galaor, le Roi Cildadan, le second en tuant Sarmadan de Leō: & le tiers lors qu'il secourut le Roi, que le braue Mandafabul de la tour Vermeille emportoit en ses nauires, auquel il coupa le bras ioignant le coude,

Am. 2.

dont il mourut à l'instant. Et que pareillement, ce qu'elle auoit dît de Galaor étoit auenu: car sa tête fut bien au pouvoir du beau Tenebreus, quand les Damoiselles le luy demanderent pour l'emporter. Mais maintenant, dît Vrgande, ie vous veus dire par ordre ce qui vous doit auenir. Grand' contention se leuera entre la grand' Couleuvre & le fort Lyon, qui sera secouru par maintes bêtes cruelles, lesquelles viendront en telle fureur, q̄ grād nombre d'elles en souffriront mort douloureuse. Le fin Renard Romain sera navré des ongles du fort Lyon, & sa peau cruellement descirée, dôt le grand Serpent sera en grand ennuy. En ce tems la douce Brebis couverte de laine noire, sera mise au milieu d'eus, laquelle adoucira par sa grand' humilité & pitoyables bellemēs, la braueté & ferocité de leurs courages, les faisant separer d'ensemble: mais aussi tôt les Loups affamés descendront des aspres montaignes contre la grand' Couleuvre, laquelle étant par eus deffaite, avec grād' partie de sa suyte, l'enfermeront en l'vne de ses cauernes. La tendre Licorne mettra sa bouche aus oreilles du braue Lyon, l'euellera de son fort somme, par son haut cry: puis lui faisant prendre partie de ses bêtes ira diligemment au secours de la grand' Couleuvre, laquelle ils trouveront morse, & si navrée par les Loups affamés, que lon verra par grand abondance de son sang épandu sus la terre. A l'heure sera otée d'entre les dens des Loups & eus mis en pieces. Lors étant la vie restituée à la grand' Couleuvre (laissant dans sa cauerne tout le poison de ses entrailles) se consentira d'être mise entre les ongles du fort Lion, & la blâche Biche qui en la forêt craintive éleuoit ses muglements contre le ciel sera retirée & rapellée. Pourtant bon Roy, il vous plaira faire écrire, ce que i'ay dît deuant cete compagnie: car il n'y aura faute que tout ce n'auienne, le le feray, répondit il, puis qu'il vous plaît: mais ie croi qu'il n'y a nul de nous

G 3

qui

qui entende pour le present cete prophetic. Assurez vous, dit elle, qu'il viendra vne saison qu'elle sera à tous manifestee. Ce disant ieta son regard sus Amadis, lequel elle vit pensif à merueilles, & lui dit: Seigneur Amadis vous rêvés à chose qui ne vous peut profiter: pourrant ôtés cete fantasie de vôtre esprit & entendés à vn marché q̄ vous ferés, ou vous aurés peu d'aquêt. A l'heure que vous serés navré à mort pour defendre la vie d'aucun, étant le martyre vôtre, & le profit d'autrui, la recompense q̄ vous en aurés sera vn grâd mécontentement, & éloignement de ce que plus vous desirés aproucher. Lors vôtre bonne trenchanté & riche épée brisera tellement vos os, & entamera en tant d'endroits vôtre chair que vous trouverez trefafoibli de vôtre sang & si outrageusement poursuiui que si la moytié du mōde étoit vôtre vous la dōneriés pourueu que vôtre épée fut ietee au fons de quelque profond lac, duquel elle ne peut iamais être retiree: pourtāt pensés à vôtre destinee, qui sera telle que ie vous ai dite. Amadis, voyant pue chacun auoit l'œil sus luy, commença à monstrier vn visage riant, & répondit à Vrgande: Ma Dame, par les choses auenues que vous nous aués predites, nous pouvons bien aiouter foy a celles cy: & me cōnoissant mortel, ie suis tout seur que la vie ne me sera non plus alongee qu'il plaira à Dieu, & pendant i'essayeray à aquerir quelque renommee, plus qu'a conseruer ma vie. Tāt y a que si ie doutois les perils, i'aurois plus d'ocasion de craindre ceus qui me suruiennent d'heure à autre, que les oculres, qui me sont à auenir. Je scay bien dit Vrgande, qu'il seroit plus difficile d'arracher de vôtre cueur l'effort & magnanimité dont il êt reuêtu, que d'épuyser la Mer de ses ondes. Et pource, Sire, dit elle au Roy, que ie veus presentement prendre congé de vous, ayés deuant les yeus, ce dont ie vous ay auerty en si bonne & grosse compagnie comme celle

qui desire vôtre honneur & profit: & étoups d'icy en auant les oreilles, à tous ceus dont vous connoitrés les œuvres être iniques & peruerfes. Lors se leua de sa place, & toute l'assistance semblablement, & peu après print congé du Roy & de ceus de sa court. Puis retourna en son nauire acompagnee seulement de quatre Cheualiers qui l'auoyent conduite en la court: lesquels l'ayant veu embarquee, retournerent en la ville. Mais à grand'peine eurent ils le dos tourné, qu'il suruint vne grande nuee qui obscurcit tellement le nauire, que lon la perdit de veuë.

Comme après le partement d'Vrgande, étant le Roy Lisuart prêt à monter à cheual pour executer l'entreprise qu'il auoit faite sus l'île du Lac ardent: se presenta deuant luy vne Dameselle Geante, qui étoit venue par Mer, sçauoir de luy, s'il luy plaisoit remettre la querelle qu'il pretendoit en ce voyage sus le combat d'Aradan Canile, contre Amadis de Gaule, sous les conditions qui vous seront déduites.

CHAP. XIX.

Quelques iours apres le partement d'Vrgande, le Roy Lisuart se pourmenât sus la greue de la marine, deuisât avecq'ses Cheualiers du voyage qu'il deliberoit faire en l'île de Mōgaze pour mettre en liberté le Roi Arbā & Angriote, vne nef vint prendre port tout au plus près d'eus: parquoi il n'y eut celuy qui ne s'aprouchât pour sçauoir qu'il y auoit dedans & aussi tōt sortiront deus Ecuyers qui acompagnoyēt vne Dameselle laquelle étāt à terre demāda si le Roi étoit en cete troupe. Ceus auxquels elle parloit repōdiēt qu'ouy: mais ils furēt tous émerveillés de la grandeur d'elle: car il n'y auoit hōme en la court qu'elle n'excedāt en hauteur plus d'vne grâd paulme: au demourāt elle étoit assés belle, & biē parée d'acoutremēs. Lors s'aproucha du Roy auquel elle dit: Sire, ie viens icy pour vous faire entendre ce qui ma été commandé de la part d'aucuns grands



grans personnages mais s'il vous plaît, la Royne y sera presente. Adonc le Roy la print par la main, & la conduit en son palais: puis enuoya querir les Dames, pour entendre ce que la Damoiselle voudroit declarer, lesquelles étans arriuees, la Damoiselle s'enquit si Amadis de Gaule (n'a gueres apellé le beau Tenebreus) étoit en cete compagnie ou non. Et Amadis, à qui de fortune elle parloit, lui répondit que c'étoit il, prêt à luy faire plaisir si elle le vouloit employer: toutefois d'autât qu'il parla à elle gracieusement, la Damoiselle le regardant d'un mauvais œil, commença à l'iniurier, lui disant tant moins vous en estime ie: car vous ne valûtes, ne vaudrés iamais rien, & pour le faire connoître à tous les assistans, si vous aués en vous cueur, ou prouesse quelconque, on le pourra voir par effait. Puis tira deus lettres de créâce, scellées, chacune d'un scel d'Or, l'une déquelles elle preséra au Roy & l'autre à la Royne. Lors le Roi lui commanda de declarer ce qu'il lui plairoit. Parquoy elle dit hautement. Sire Gromadace la Geante du lac Brulant, & la belle Madasime, avec le tréredouté Ardan Canile (lequel de present ét avec elles pour les soutenir, & defendre contre vous) ont sceu pour certain, que deliberés passer en leurs pais pour l'assaillir. Et pour ce que ce ne pouroit être, sans grand perte de

gens de bien d'une part & d'autre, ils ont auisé un moyen (si vous le trouvéz bon) pour euitier l'effusion du sang de maints bons Cheualiers, qui ét tel: Que le combat de deus personnages seulement, sera iuge du different de vous, & d'eus, sus la victoire de celui qui l'emportera. L'un ét le preus & redouté Ardan Canile, & l'autre Amadis de Gaule cy present: par cōdition que si Amadis ét vaincu, Ardā pourra librement luy trencher la tête, & l'emporter au lac Brulant à Madasime: & aussi si la fortune contrarie iceluy Ardan, & qu'Amadis demoure victorieus, la terre & pais que vous entreprenés de conquerre, demourera, & sera reduite & mise (sans contredit) en vōtre pouvoir. Et (qui plus ét) ma Dame mettra aussi tôt en liberté le Roy Arban de Norgales, & Angriote d'Estrauaus: qui sont de long tems en ses prisons, comme vous sçaués. A cete cause, si Amadis les ayme (comme ils pensent & estiment) qu'il otroye presentement ce cōbat pour la liberté de deus ses tant grans amys: autrement il peut être asseuré, qu'Ardan pour luy faire despit, luy enuoyera en bref un present de leurs têtes. Ma Damoiselle, répondit Amadis, si i'accorde ce cōbat, qu'elle seureté aura le Roi pour l'acōplissement de ce dont vous vous vêtés? Je vous dirai, dit elle: La belle Madasime, accompagnée de douze Damoyelles de

LE SECOND LIVRE

haut lignage, se mettront es prisons de la Roine pour hostages, sous conuenât, que si lon n'acomplit entierement ce que ie vous ay dît, le Roi les pourra toutes faire mourir, comme il lui plaira : & au rëgard de vous, ie ne demande autre assurance, que si vous êtes vaincu, Madasime pourra auoir après vôtre tête sans contredit. Et pour vous faire connoître que ceus de la part dequels ie porte la parole, ne vou droyent me desdire, ie feray encores entrer en la prison du Roi Audangel le vicil Geant, avecq' ses deus fis, & neuf Cheualiers principaus de ses pais: pour hôtages & seureté, que si Ardan êt vaincu toutes les villes & châteaux de l'Île de Mon gaze seront rendus comme i'ay promis, Vrayement, répondit Amadis, si le Roy & la Roine ont les personnes que vous dites en leur pouoir, la seureté êt suffisante, & neâtmoins vous n'avrés réponse de moi, si vous ne m'otroyés premier de venir dîner en mô logis, avec ces deus Ecuyers qui vous acompagnent. Je m'ébaï, dît elle, qui vous meut de tant instâment me prier, de me traiter en vôtre compagnie, veu q' ie vous hai plus qu'hôme que ie sache: il m'en déplaît répondit il: car ie vous ayme, & vous ferois volontiers honneur & plaisir si ie pouvois: mais si vous voulés auoir réponse, otroyés moy ce que ie vous demâde. Je le vous acorde, dît la Damoiselle, plus pour vous ôter l'ocasiõ de ne diferer le combat, q' pour le desir que i'aye d'être avec vo°. Je vous remercie, répondit Amadis: & pource qu'il êt raisonnable q' i'auanture ma personne, non seulement pour garantir de mort deus de mes meilleurs cõpagnõs & amis: mais pour esfayer d'acroitre les limites & autorité du Roy & de son Royaume, i'accepte le combat contre Ardan, & viennent les hôtages quand il leur plaira: car de ma part si glorieuse entreprinse ne tardera. Certainement, dît la Damoiselle, vous m'aués grâdemment sati-fait: toute-fois ie doute que vous aués dît cete parole, ou en colere,

ou pour cuiten vôtre honte deuant tant de gens de bien: & pourtant il plaira au Roi m'asseurer, que si vous en fuyés deuant que combattre, qu'il ne vous donnera iamais ayde contre les parens de Famongomad. Damoiselle, répondit le Roi, ie le vous promets. Or allons doncq' dîner, dît Amadis: car selon le chemin que vous aués fait, vous devriés auoir bon apetit. Certes, répondit elle, i'y-ray plus contête que ie n'esperois: & puis qu'il à pleu au Roi m'acorder ce que ie lui ay requis, ie l'assure qu'il n'y aura faute, q' demain au plus matin, Madasime & ses Damoiselles avec les Cheualiers, ne se rendēt es prisons de lui & de la Roine: pourueu aussi qu'il assure Ardan en cete court de tous, fors que d'Amadis, duquel il espere emporter la tête. Quand dô Bruneo de bonne Mer, entendit cete parole, il répondit à la Damoiselle. I'ay veu mainte-fois autrui faire état d'enleuer la tête d'aucun, perdre la sienne propre, & autant en peut auenir à Ardan que tât vous exaltés. Mon compagnon, dît Amadis, ie vous prie pour la pareille, laissés parler cete Damoiselle comme il luy plaira: car elle & ses semblables ont loy de tout dire, & bien souvent, plus qu'elles ne sçauent. Qui êtes vous? répondit la Damoiselle à Bruneo, qui sçaués tant bien parler pour Amadis? Je suis, dît il, vn cheualier, qui volõtiers auroit part à son entreprinse, si Ardan Canile auoit cõpagnon avec luy. Par ma foi, répondit elle, ie croy q' si vous pensiés être receu vous ne parleriés si brauement: mais vous aués dé-jà entēdu, qu'Ardan & Amadis doiuent être seuls, sans plus, qui vous fait auoir la parole si haute: toute-fois si vous êtes tel que vous dites, ie me fais forte que le combat des deus ne sera plutõt failly, que ie ne vous mette en barbe vn miē frere, lequel vous aprēdra à vous faire taire, & si vous auise, qu'il n'êt moins ennemy Amadis, q' vous vous môstrés son amy. Il sera le trébien venu, & mieus encores receu, dît il: & luy

man-

mandés hardiment, qu'il n'oublie rien au logis: car il ne pourra auoir tât de prouësse, qu'elle ne luy soit plus que necessaire. Lors ieta vn gan. Voylà, dit il, mon gage, receuës le pour vôtre frere, si de tant il vous veut avouër, qu'il accepte le cōbat, que vous luy aués moyenné. Adonc la Damoiselle print le gan: puis deffermant d'alentour de sa tête vn fermillet d'or, dît au Roy: Sire, pour mon frere absent, i'ay accepté le combat de luy contre ce Cheualier: en témoignage duquel vous retiēdrés (s'il vous plaît) ces deus gages. Lesquels elle luy bailla, & les print le Roy, cōbien qu'il eût volontiers remis cete querelle: car il doutoit déja celle d'Amadis, pour les prouësse qu'il auoit entenduës être à Ardan Canile, lequel n'auoit rencontré, comme lon disoit, depuis quatre ans cheualier qui le vouist combatre. Adonc la Damoiselle, voyant qu'elle auoit executé sa cōmission selō son desir, print cōgé de la court, & s'en alla avec Amadis, qui la cōduit en sō logis, toutefois il lui eût mieus vallu auoir été lors endormy: car la courtoisie qu'il luy fit, se tourna en tant de déplaisir, que peu après il fut en trégrād danger de perdre la vie: au moyen que pour plus honnorer cete Damoiselle, il la fit entrer en la chambre, en laquelle Gandalin retiroit ses armes. Mais à peine y eut elle mis le pié, qu'elle ietta sa veuë sus la bonne épée d'Amadis, qui luy sembla d'une si étrange façon, que des l'heure elle conspira à la dérober, si elle en pouoyt trouver le moyen, & pour ce faire, se promena tant à l'entour, qu'ainsi qu'Amadis & ses gens auoyent le dos tourné, subtilement elle la tira du fourreau, & la mit sous son manteau. Puis sortit de la chambre, & retirant à part l'un de ses Ecuyers, à qui plus elle se fioyt, la luy bailla, disant: Sçais-tu q̄ tu feras? cours legerement en mon nauire, & me cache cete épée au fons, en sorte que nul ne la voye sus ta vie. L'Ecuyer fut diligent, & s'en partit. Lors Amadis entra en propos avecques la

damoiselle, lui demandant à quelle heure Madafime pouroit arriuer à la court. Je croy, répondit elle, que vous la pourrés voir, & parler à elle deuāt le dîner du Roi: Mais beau Sire, pourquoy vous en enquerés vous tant? Pour ce, dît Amadis, que i'ay desir d'aller au deuant d'elle, & luy faire honneur & seruice, à ce que si elle a receu aucun ennuy de moy, ie le puisse amēder ainsi qu'elle demandera. Je sçay, répondit elle, q̄ si vous ne vous enfuyés, qu'Ardan Canile sera celuy qui vous fera payer le tort que vous luy aués fait, au dépens de vôtre tête, qu'il luy presentera, & autre satisfaction n'a elle desir d'accepter. De celà les garderay-je bien tous deus, si Dieu plaît, dît Amadis: neantmoins si elle vouloit auoir autre chose de moy, ie vous iure Dieu, Damoiselle, qu'elle en finiroit, cōme celle de laquelle ie desire auoir la bōne grace. Adonc furent les napes mises, & le dîner aporté: parquoy Amadis l'ayant fait mettre à table, la voulant laisser seule luy dît que le Roi l'auoit mandé, & qu'elle fit bonne chere: car il retourneroit aussi tōt. Bien montra la Damoiselle à sa cōtenance, que ce partement luy étoit agreable, & craignāt que lon s'aperceut de son larcin, fit le plus court dîner qu'elle peut. Puis se leuant de table, dît à ceus qui la seruoient: Vous dirés à Amadis, que ie ne luy sçay nul gré pour traitement qu'il m'ayt fait, pensant me faire hōneur, & que ie suis celle qui lui pourchassera, tant que i'auray l'ame au cors, sa mort & ruine. Si Dieu m'ayde, répondit Enil, ie le croy, & selon ce que vous aués déja manifesté, vous êtes la plus iniurieuse femme que ie vy de ma vie. Telle que ie suis, dît elle, ie ne me soucie de vous, & moins de luy: & si vous me trouués iniurieuse, ce n'ēt pas tant que ie voudrois être en son endroit, ni au vôtre: & pour la peine q̄ vous aués eue à me seruir à ce dîner, ie vo' voudrois auoir veu tous deus pendre & étrangler. Ce disant, s'en alla embarquer, tréjoyeuse de l'épée qu'elle auoit dérobée: laquelle

LE SECOND LIVRE

aussi tôt qu'elle fut de retour vers Ardan la lui presenta, en luy faisant entendre, & à Madasime aussi, comme Amadis auoyt consenty au combat qu'elle lui auoit demandé. Est il vray? répondit Ardan, ie ne veus i'amaï être en estime de Cheualier qui rien vaille, si ie ne r'ameine doncques ma Dame à son honneur & au mien, deliurant d'oresenauant ses pais des entreprises du Roi Lisuart, & si ie n'ôte la tête d'Amadis de dessus ses épaules en moins de tems q̄ le meilleur Laquais du monde n'aura cheminé demye lieüe, ie suis content, dit il à Madasime, de ne meriter vôtre amour de ma vie. Mais elle l'oyât parler si temerairement, se teut : & combien qu'elle desirât grandement la vengeance de ses parens, lesquels Amadis auoit mis à mort, si auoit elle Ardan en telle abomination qu'elle eût trop mieus voulu la mort de luy, que la saluation, pour ce qu'il la pretendoit auoir en mariage. Or étoit elle belle en perfection, & luy ord, vilain & des-honnête, & n'auoit été l'entreprise de ce combat moyennée à l'instance d'elle, mais à la persuasion de sa mere, qui l'auoit appelé en ses pais, pour la ruïtion d'iceus, sous condition, que s'il vengeoit la mort de ses mary & fis, elle les lui donneroit, & sa fille Madasime en mariage: car il étoit si redouté, & en telle reputation, qu'elle ne pensoit mieus pouoir pouruoir sa fille, qu'à luy. Et pour vous faire entendre ses mœurs & perfections, il fut extrait de sang de Geât, natif d'une prouince nommée Canile, laquelle se trouuoit quasi toute peuplée de telles gens: toutefois il étoit vn peu moindre qu'eus en corpulence, non pas de force. Il auoit les épaules étroites, le col & l'estomach gros outre mesure, les mains & les hances larges, les jambes longues & tortuës, les yeus enfoncés, camus comme vn Singe, le nés ouvert & punais, les leures grosses, le poil rous & si herissonné, qu'il eût été mal aisé à restonner. Au demeurant il étoit si couuert de nautilles, & tâches noi-

res, qu'il sembloit qu'il eut le visage de deus charnures: son âge pouoit être de trente ans ou enuiron, hardy & prompt aus armes, colere, despit, & mal gracieus au possible. Et neantmoins depuis l'âge de vingt cinq ans, il n'eut combat à Geât, ou autre Cheualier, fût à pied, à cheual, ou à luter, qui luy peut resister, & qu'il ne deffit. Telle étoit la beauté, faconde, & bonne grace d'Ardan Canile. Quand la Damoiselle iniurieuse entendit Ardan faire si hautes promesses à Madasime, dont elle ne tint conte, elle print la parole pour elle, & répondit à Ardan. Il me semble Seigneur, que vous deués tenir la victoire toute asseuree de vôtre côté, puis q̄ fortune vous ét fauorable contre vôtre ennemy, ainsi que vous poués connoître, luy ayant fait perdre la meilleure piece de ses armes. Et ce disoit elle, pour l'épee qu'elle lui auoit dérobée. Par Dieu, dit Ardan, ie suis plus aise pour le déplaisir qu'il en aura, que pour aide que i' en espere: car quand Amadis seroit acompagné des trois tels qu'il ét, si ne pourroyt il resister à l'effort de mon bras coutumier de domter ses semblables. Puis le lendemain de grand matin s'en partit acompagné de Madasime, & des autres qui se deuoyent trouver pour hôtages suiuant la promesse qu'auoit faite la Damoiselle au Roy Lisuart, auant que le combat fut accordé: & esperoit bien Canile, d'aisément en venir au dessus. Au moyen dequoy il s'y en alloyt à grand'joye, disant à ceus qui étoient avec luy: Amadis ét renommé l'un des meilleurs Cheualiers du monde, toute-fois j'auray sa tête, s'il ose entrer en combat contre moy: par ainsi ma gloire augmentera venant au dessus de luy, & demeurera ma Dame vengée, & moi son mary & ami. Et pour ce qu'il vouloit scauoir auant q̄ d'entrer à la court, si Amadis s'étoit point rauisé, il enuoya deuant la Damoiselle iniurieuse, pour auertir le roy du partement de lui & Madasime: & ce pendant fit tendre ses tentes assés près de
la

la ville ou sejournoit le Roy Lisuart. Mais entendés qu'incontinent que la Damoiselle fut partie du logis d'Amadis, Enil le luy vint dire: parquoy voulât pourvoir à son affaire, s'y retira, acompagné d'aucuns ses plus priués amys: & aussi tôt suruindrent Agraies, Florestan, Galuanes sans terre, & Guillan le pensif, qui tous ignoroyent l'entreprinse de ce nouveau combat. Mais quand ils en furent auertis, pensans qu'il deût être executé par plus grand nombre de Cheualiers, il n'y eut celui d'eux qui ne deuint mal content d'Amadis, qui ne les y auoit compris, specialemēt Guillan, pour la grand enuie qu'il auoit de s'effayer contre Ardan Canile: car il l'auoyt ouy estimer l'un des plus rudes Cheualiers de l'occidēt. Et ainsi qu'il se vouloit plaindre à Amadis, de l'auoir oublié, Florestā le preuint, disant à son frere: Si dieu m'ayde, mon Seigneur, ie cognois bien maintenant le peu d'amitié que vous me portés, & l'estime, qu'aués de moi ne m'ayant voulu apeller avec vous, pour être de ce combat. Par ma foy, répondit Agraies, s'il eût pensé que i'eusse rien valu, il ne m'eût laissé derriere. Et moi, quoy? dit Galuanes. Mes Signeurs (répondit Amadis) ie vous supplie tous me tenir pour excusé, & n'être mal contents de moi: vous assurant que s'il eût été en mon choix d'elire un compagnon pour être de la mêlée (veu les grandes prouesses desquelles chacun de vous est pourueu) ie n'eusse sceu lequel elire. Mais Ardan a voulu combattre seul cōtre moi, pour la haine qu'il me porte, & l'amour qu'il a à Madasime, & puis qu'il l'a ainsi requis, ie ne pouois ni deuois le refuser sans me montrer lâche & couard, ne faire réponse autre, que cōforme à sa demande. Et quand plus de Cheualiers il eût voulu comprendre avec luy, ou pensés vous que i'eusse cherché ayde ou secours qu'avec vous autres? veu que vous sçaués que ma force se redouble avec la vôtre, quand nous sommes ensemble. Ainsi s'excusa Amadis, les priant tous de

luy tenir compagnie le lendemain, pour aller au deuant de Madasime la recevoir, & faire tout l'honneur dont ils se pourroyent auiser. A quoy ils s'acorderent: au moyen dequoy le iour ensuiuant, sachās qu'elle s'aprochoit, Amadis acompagné de huit des meilleurs Cheualiers de la court du Roy Lisuart, monterent à cheual en très bon equipage. Mais ils n'eurent gueres cheminé, qu'ils l'auiserent de loing venir avec Ardan Canile, qui la conduisoit: & étoit vêtue toute de noir, faisant encores le dueil de la mort de son pere, qu'Amadis auoit occis. Cēt acoutrement brun lui donnoit tant bōne grace, qu'encores qu'elle mêmes, sans ayde, elle fût estimée l'une des plus belles Dames que lon eût sceu voir: si l'auantageoyt grandement cēt habit de dueil, avec lequel la viue blancheur de son visage se manifestoyt par le lustre que luy donnoit cete couleur noire, & sembloit de ses deus jouës, que ce fussent deus roses blanches, embellies d'une rougeur naturelle, en sorte qu'à des lors, aucuns de ceus qui auoyent conceu haine mortelle cōtre elle, pour le mal qu'elle pourchassoit à Amadis: se trouverent ataints de son amour. Derriere elle marchoyent ses douze Damoiselles, vêtues de blanche parure. Puis vindrent le vieil Geant & ses fis accōpagnés des neuf cheualiers, qui tous deuoyēt entrer en hōtage. Grand fut le recueil qu'il leur fit Amadis et ceus de sa troupe, & elle aussi les salua humblement. Puis Amadis s'aprouchant près d'elle, luy dit: Ie vous promets ma Dame, qu'il si vous êtes estimée belle, & de bōne grace, ce n'est sans grand raisō, veu le témoignage qu'il en puis auoir: & certes, celui se doit estimer heureux duquel vous aués le seruice agreable, vous assurant, qu'il ie n'ay moins d'enuie de vous faire plaisir qu'il auroys bien le desir d'obeir à vos commandemens. Quand Ardan Canile l'ouyt si gracieusement parler (encores qu'il eut peu de part à Madasime) il fut surprins de jalousie, & répondit à Amadis: Cheualier,

tirés

LE SECOND LIVRE

tirés vous arriere, & ne parlés si priuémēt à celle que vous ne connoissés. Seigneur, dît Amadis, c'ēt pourquoy ie suis venu icy, non seulemēt pour auoir connoissance d'elle: mais pour luy offrir ma personne & mes biens. Vous êtes volontiers, répondit il, aucun habile persōnage, duquel elle a mout grandemēt à faire: toute-fois beau Sire, marchés deuant: autrement ie vous feray connoitre, qu'il n'apertient à si petit compagnon vsfer de si grande familiarité à femme de si haut pris. Quel que ie soys, répondit Amadis, i'ay desir de la seruir, non-obstant vōtre defense: car encores que ie ne vaille autant que ie voudrois bien, l'affection que ie luy porte ne sera amortie par vōtre audace. Mais vous mêmes qui me voulés connoitre, & reculer de celle pour laquelle volontiers ie m'employerois, dites moy qui vous êtes. Ardan Canile trop marry, regardant Amadis de mauvais œil, luy répondit: Ie suis Ardan, qui ay plus de moyen de luy augmenter en vn jour son bien & honneur, q̄ vous ne sçauriés en vōtre vie luy faire de seruice. Il peut bien être, dît Amadis, toute-fois ie sçay, q̄ce dont vous vous vâtes, ne sera jamais executé, tât vous êtes plein d'iniure & d'indiscretion. Et puis q̄ vous aués si grand desir d'entendre si ie suis habile homme, ou non, ie veus bien q̄ vous sçachés que mon nom ēt Amadis de Gaulle, contre lequel vous desirés combattre: & si cēte Dame a mal prins le propos que ie luy ay tenu, ie l'amenderay en tout ce qu'il luy plaira me commander. Par Dieu, répondit Ardan Canile, si vous atendés le cōbat, la sati-factiō qu'elle en prēdra, sera vōtre tête, q̄ ie lui presēteray. Cela me déplairoit merueilleusemēt, dît Amadis: mais ie lui en feray vne qui lui sera plus agreable (s'il luy plaît) détournant le mariage de vous deus, étant si peu conuenable l'vn à l'autre: car elle ēt belle, prudente, & de fort bonne grace, & vous laid, sot, & facheus. Dequoy Madasime & ses Damoyelles se mirent à rire, & Ardan à se co-

lerer si fort, qu'à voir sa contenance, & la fureur ou il étoit, lon eut aisément iugé le peu de biē qu'il vouloit à Amadis: auquel il ne répondit vn seul mot: ains ne cessa de grōmeler entre ses dens, tât qu'il arriua deuant le Roy. Lors indiscretēment commença à dire: Roy Lisuart, voicy les Cheualiers qui doiuent maintenāt entrer en vōtre prison, suyuant ce que vous dît hier vne ieune Damoiselle de par moy: pourtant si Amadis a tant de hardyessē de faire ce dont il s'ēt venté, ie suis prêt de luy rompre la tête. Comment, répondit Amadis, pensés vous que ie n'aye assés de cœur & de droit, pour abaissfer l'orgueil d'vn tel homme, & si audacieus comme ēt Ardan? Ie vous assure, que quand ie n'aurois entrepris vous combattre, si serois ie bien content de ce faire, seulemēt pour empêcher le mariage de vous, & de Madasime. Et à cēte cause, les hōtages dont vous vous vantés, ne doiuent differrer de faire leur deuoir: car i'espere bien venger le bon & vaillant roy Arban & Angriote de la grāde iniure qu'ils ont receuē étans prisonniers. Ie les ay fait venir quāt & moy, dît Ardan, scachant que vous les demāderiés: cōbien que i'aye bōne esperance de les remettre au pouoir de la belle Madasime, & luy bailler ensemble le moule de vōtre bōnet, pour témoignage, q̄ ce n'ēt pas à vn tel Seigneur que vous êtes, de me tenir propos si braues & auantageus. Et pour (en ce faisant) lui dōner plus grand plaisir, il plaira à nōtre Roy permettre, qu'elle soit mise en lieu eminent, à fin qu'elle voye euidentement la vengeance q̄ ie prendray sus vous, & la fin malheureuse dont vous mourrés. A l'heure se presenterent les hōtages, & vint la belle Madasime acompagnée de ses douze Damoiselles, faire vne grande reuerēce à la Roine, & à côté d'elle étoient le vieil Geant, ses deus sis, & les neuf Cheualiers, qui tous se mirent à genous deuant le Roi. Lors chacun ieta son regard sus la belle Madasime, laquelle tenoit vne cōtenance si humble,

ble, qu'elle en fut merueilleusement estimée: toute-fois Oriane ne la pouoit regarder de bon œil, pensant qu'elle (de son motif) pourchassât la ruine d'Amadis, dont elle étoit tant ennuyée, que rien plus.

Mais Mabile, à qui la chose touchoit de près, luy donnoit esperance, que nôtre Seigneur lui aideroit: & que son cousin pourroit aussi bien deffaire & vaincre Ardan Canile qu'il auoit fait Dardan le superbe, & maints autres Cheualiers preus & hardis. Etans d'ocques les hôtages receus, comme la coutume étoit, les deus Cheualiers se retirerent chacun au leur qui lieu étoit ordonné, atendants l'heure qu'ils entre-royent au camp, lequel le Roy auoit fait clorre de pallis. Puis s'en alla Gandalin querir les armes de son maitre. Et ainsi qu'il les vouloit prendre, il s'aperceut, que lon auoit dérobé la bonne épée, & qu'il n'y auoit plus que le fourreau, d'ot il cuida mourir de despit, voyant la faute qu'il faisoit à Amadis: vers lequel il s'en courut, & comme étant hors du sens, s'écria: Mon Seigneur, ie vous ay tant & si malheureusemēt offensé, que vous aurés grād raison de me tuer tout maintenant. Com ment, répondit Amadis, es tu fol, ou enragé. Mon signeur, dit Gādalīn, il eût mieus valu pour vous que ie fusse mort il y a dis ans, tant ie vous ay failly au besoing: car i'ay laissé perdre vōtre bōne épée, laquelle on a dérobée depuis hyer, laissant seulement le fourreau ou elle pendoit. Est ce pourquoy tu te desesperés? répondit Amadis, ie pensois sus mon ame (à t'ouïr ainsi plaindre) que lon portât ton pere en terre. Va, va, ne te chaille: ie n'ay regret à sa bōté, sinon pour autant que ie l'auois conquise si glorieusement que chacun sçait, & à force de bien & loyaument aymer. Mais sçais tu q̄ tu feras? n'en parle à nul, & va à la Roine, luy dire, que ie luy supplie, que si elle a encores celle que Guilan trouua à la fontaine avec mes armes, qu'elle me l'enuoye. Et si tu trouues Oriane, d'auanture, dy luy aussi, qu'elle me fa-

ce tant de bien de se mettre en lieu, que ie la puisse voir à mon aise en combatant: car i'auray par elle (en la voyant) plus de puissance sans comparaison, que hors de sa presence. Ainsi s'en partit Gandalin, qui acomplit sagement ce que son maitre lui auoit commādé. Et ainsi qu'il retournoit vers luy, il trouua la Roine Briolanie, accompagnée d'Olinde, qui l'appellerent, & luy dirent: Gandalin mon amy, que pense faire ton maitre contre ce diable, qui le veut combattre? Commēt, répondit il, mes Dames, doutés vous qu'il n'en vienne à bout? Je suis seur, que ie l'ay veu échaper de plus grands perils que celuy ou il va entrer. Dieu luy en doint grace, dirent les Dames. Puis vint Amadis, qui l'atendoyt, lequel ayant l'épée que la Royne luy enuoyoyt, & étant bien armé de toutes pieces, monta à cheual. Et ainsi qu'il vouloit entrer au camp, le Roy luy vint dire: Et puis, mon trégrand amy, nous verrons aujourd'huy (si Dieu plait) partie de la prouesse qui êt en vous, aus dépēs d'Ardan Canile. Par ma foy, Sire, répondit il, il m'êt auenu vne grande infortune: on m'a dérobé la meilleure épée qu'oncques Cheualier porta. Iesus, dît le Roy, qui vous a fait ce mechant tour? Je ne sçay pas, répondit Amadis: mais qui q̄ ce soit, il ne m'affait office de bon amy. Vrayement, dît le Roi il le montrē bien: mais ne vous chaille, encores que i'aye serment de ne prêter ja mais la mienne en combat qui se face par deus Cheualiers en ma court: si suis ie cōtent pour ce coup élargir ma conscience, & la vous bailler. Ah, ah, répondit Amadis, ja à Dieu ne plaise, Sire, que la parole du meilleur Roi du monde soit faussée pour mon occasion. Que ferés vous d'oc? dît le Roy? La Royne, répondit Amadis, a fait tāt pour moy, que de faire garder celle que ie laissay sus la fontaine du plain champ, laquelle Guilan apporta avec le reste de mes armes, quand ie me rendy Hermite: & êt celle même que i'auois quand ie fu ietté en la mer, qui êt si appropriée

LE SECOND LIVRE

prie au fourreau de l'autre qu'on m'a dérobée, qu'il semble certainement que ce soit elle. Foy que ie doy à Dieu, répondit le roy, i'en suis trefaite: car par la vertu du fourreau qui vous ét demouré, vous serés exépt de trop de chaud, ou de grand froid: toutefois la difference ét grande des deus lames: mais nôtre Seigneur supleera au defaut, s'il luy plaît. Et pour ce qu'il ét déjà tard, & que la nuit s'aproche, il vaut mieus remettre le combat à demain matin. Je feray, dit Amadis, ce qu'il plaira à vous & à Ardan. Je voys enuoyer vers luy, répondit le Roy. A quoy Ardan s'accorda aysément, & se retira en ses tentes, pour se desarmer: puis fit incontinent apporter plusieurs instrumens de Musique, & toute la nuit luy & les siens ne cessèrent de baller, ou de gourmander. Ce pendant Amadis étoit en l'Eglise, faisant deuotement son oraison. Après s'être catoliquement confessé, supplioit à Dieu & à la glorieuse vierge Marie, lui aider & secourir, tant qu'environ le point du jour il se retira en son logis, ou tôt après suruint le Roy avecq' grosse cōpagnie de Cheualiers. Lesquels après luy auoir donné le bon jour, l'armèrent, & le conduirent en grand' magnificence en la principale Eglise pour ouyr la messe: & au retour Florestan luy presenta vn gentil courfier, q' Corisande luy auoit enuoyé puis n'aguères. Adonc chacun pour l'acōpagner, monta à cheual, & portoit Florestan la lance d'Amadis, Brunco l'armet, & Agraies l'écu: au deuant desquels marchoit le Roy qui tenoit vn bâton blac en sa main, cheuauchant vn caualin d'Espaigne, le mieus voltigeât que lon vid onques. Déjà étoient les habitans de la ville, & maints étrangers rengés le long des barrières, & les Damoiselles aus fenêtres. Ainsi entra Amadis au camp: puis faisant vne grande reuerence aus Dames, choisit entre toutes les autres Oriane, laquelle pour luy augmenter son courage, haussa la tête. Et en souzriant de bien bōne grace, luy fit signe qu'il fit quelque chose

pour l'amour d'elle: au moyen dequoy il fut auis à Amadis que toutes les forces du monde s'emparerent à l'instât tout à l'entour de son cœur, & lui tardoyt de ce qu' Ardan Canile arrêtoit tant à se trouver en place. Ce pendant il laça son heaume & se retira au bout du camp ou étoyēt les Iuges ordonnés: à sçauoir Dom Grumedan, Quedragant, & Brandoyuas. Et peu après suruint Ardan richement armé, morté sus vn gros roulsin, & portoit en son col vn écu de fin acier, reluisât aussi clair qu'vn miroir ardant. En son côté auoyt ceinte la bonne épée d'Amadis, tenant au poing vne double lance, laquelle il manioyt si rudement, que nō obstant la grosseur d'icelle à force de la brâler, il la doubloit quasi en deus. Dont Oriane, Mabile & les autres Dames voyans la cōtenance d'Ardan (ainsi qu'il auient souuēt pour les choses que lon craint de perdre) commencerent à douter de celui qu'elles fauorisoient, en sorte qu'Oriane s'écria: Iesus, Dieu n'a pitie d'Amadis, c'êt fait de luy. Mais Mabile la reprint aussi tôt, lui disât: Ma Dame, si vous montrés mauvais visage à mon cousin, il sera assés vaincu sans qu'Ardan s'en mêle. Lors sonnerent les trompettes: parquoy Amadis regardât Oriane, donna des éperons à son cheual, & vint ataindre Ardan si rudement, & Ardan luy, que leurs lances furent brisées en éclats: se rencontrans d'écus & de cors tât lourdement, q' le cheual d'Ardan tomba mort en la place, & celui d'Amadis eut l'épaule rompuë. Neantmoins Amadis se releua de grande legereté, encores qu'il luy fut demouré vn tronçon de lance, dedans la mâche de son haubert, lequel il arracha promptement, & mettât la main à l'épée, marcha contre Ardan Canile, qui semblablement s'étoit relevé à grand peine. Et ainsi qu'il s'amusoit à redresser son heaume, voyant aprocher son ennemy, luy tourna visage, & commença entr'eus deus vn chamaillis si cruel, qu'il n'y eut hōme présent, qui ne s'ébât: car des étincelles

étincelles qu'ils faisoient sortir de leurs armets, il sembloit qu'ils les eussent en feu, & montroyent par les grands coups qu'ils se donnoient la grand prouesse, & inimitié qu'ils se portoyent. Au moyen de laquelle ils ne tiroient gueres coup, que la chair n'en fût endommagée, & leur sang épanché sus la terre: toutefois il sembloit qu'Ardan eût auantage sus son ennemy, tant à cause de l'écu d'acier qu'il portoit, comme pour l'effort qu'il faisoit avec l'épee d'Amadis, que la Damoiselle iniurieuse luy auoit baillee. Ce non obstant, Amadis le pressoit de si près, que bié souvent il le mettoit hors d'alaine: dont Ardan s'ébaïssoit, & pensoit bien n'auoir de sa vie trouvé Cheualier qui le menât si rudement, mêmes que les forces de son ennemy redoubloyent quand plus les siennes empiroyent. Parquoy, quasi ennuyé de viure, se couvrant de son écu, se ietta sus Amadis: lequel auoyt toutes ses armes rompuës & entamees, si qu'il ne sçauoyt bonnement de quoy plus se parer: pour ce qu'Ardan ne iettoit coup qu'il ne luy fit sentir en la chair, au moyen de quoy chacū iugeoit qu'il emporteroit la victoire. Lors Madasime se trouua fort déplaisée: car elle étoit femme de si grand cœur, qu'elle aimoit mieus perdre sa terre, & soy-mêmes que de l'épouser: & tant se maintindrent ces deux Cheualiers l'un contre l'autre, que chacun commença à s'en ébaïr. Mais Oriane voyant le piteus état auquel étoit Amadis, & la faute que luy faisoit son harnois démaillé, cuyda s'éuanouyr, & deuint blême & défaite, tât que Mabile s'en aperceut, qui luy dit: Ma Dame, il n'est pas saison de laisser Amadis au peril là où il est, veu que si vous tournés le dos, vous luy auancerés sa fin, & détournérés sa victoire: à tout le moins si vous ne le poués regarder, ne tournés de tous points le visage. A l'heure étoit Amadis si pressé par Ardan que Brandoyuas l'un des iuges, disoit à Dom Grumedan & Quedragant: Messieurs, Amadis est

bié en grande necessité par faute de bon harnois, voyés son écu dehaché, & son haubert tant dérompu, qu'il n'a quasi de quoy plus se couvrir. Certes vous dites vray, répondit Grumedan, & m'en déplaît grandement. Par Dieu dit Quedragant i'éprouvay Amadis, quand ie me cōbaty à luy, mais tât plus il cōbat, tant plus se trouve roide & dispos, en sorte qu'il semble q ses forces luy augmentent d'heure à autre: ce qui n'est pas à Ardan, & qu'ainsi soit vous le voyés dé-jà apesantir, & plus le verrés encores, auant que la mêlée se departe.

Ce propos fut entendu d'Oriane & de Mabile, duquelles furent fort consolées: Et pour ce qu'il auoit veu Oriane s'ôter à demy de la fenestre sans le daigner plus regarder, il pensa qu'elle étoit mal contente de ce qu'il arrêtoit si longuemēt à venir au dessus de son ennemy. Dont il eut tel dueil, que serrant son épee au poing, en rua si grand coup sus l'heaume d'Ardan, qu'il luy fit donner du genoil à terre: mais de mal-heur l'épee se rompit en trois pieces, la moindre desquelles luy demoura en la main. Lors crainte de mort se vint presenter deuant luy, & n'y eut celuy des regardans qui ne l'estimât vaincu, & Ardan victorieux: lequel commença à leuer le bras, disant si haut, que chacun l'entendit: Regarde Amadis, la bonne epee que tu conquis à tort, par laquelle ie te feray recenoir mort honteuse. Voyés Damoiselles, voyés, mettés toutes les têtes aus fenêtrés, pour voir ma Dame Madasime vengée, & si ie suis digne d'auoir l'amour d'elle. Quand Madasime entendit ce que disoit Ardan, & voyant que sans doute la fortune luy fauorisoyt, en sorte qu'en suiuant la promesse que luy aupit fait sa mere, elle seroyt contrainte de le prendre à mary, elle se vint ieter aus piés de la Royne, la suppliant tres-humblement qu'il lui pleût empêcher ce mariage, ce qu'elle pouoit iustement faire: pour ce qu'Ardan luy auoit dit, que
s'il

LE SECOND LIVRE

s'il ne venoit au dessus d' Amadis en moins de temps que le meilleur Laquais du mōde scauroit faire demye lieuë, qu'il étoit content qu'elle ne l'aimât de sa vie, & qu'il y auoit dé-jà plus de quatre heures que le cōbat étoit commencé. M'amy, répondit la Roynie, ie feray ce qui sera raisonnable. Ce pendant Amadis étoyt bien étonné, & se voyant sans moyen de se defendre, luy va souuenir de ce que lui auoit predit Vrgande, que s'il étoit Seigneur de la moitié du mōde il la dōneroyt par conuenant que son épée fût au fons d'un lac abîmée. Lors ieta sa veuë sus Oriane, laquelle pour luy donner cœur s'étoit retournée vers luy: & la regardât sembla à Amadis, auoir recouuré nouvelle force & aide. Au moyen dequoy il delibera de tōt mourir, ou promptement se veger de son ennemy: & pour ce faire, se lança sus luy tant legerement, qu'auant qu'Arдан eut le moyen de le fraper, il luy arracha l'Ecu du col. Puis se tirant à côté, releua le tronçon de la lance qui étoyt sus le camp, & en cuida donner dans la veuë d'Arдан: mais il recula arriere, & hauçant son épée, en donna si grand coup dans l'écu que tenoit Amadis, que combien qu'il fût de fin acier, si y entra elle auant vne grande palme, & plus. Et ainsi qu'il travailloit pour l'arracher, Amadis lui mit le fer de la lāce au trauers du bras, dōt il senrit si grand douleur, qu'il abandonna l'épée qu'il tenoit: sus laquelle Amadis ietta legerement la main, & s'en saisit, remerciant nōtre Seigneur de l'ayde qu'il luy auoit faite à ce besoin. Quand Mabile auisa ainsi tourner la chance, elle appella soudain Oriane: laquelle ayant veu son amy en telle extremité, s'étoit ietée sus vn lit, rêvant en soy-mêmes quelle mort elle choisiroyt pour la plus prompte, si Amadis étoit vaincu. Et luy dît Mabile: Ma Dame, venés voir, Dieu nous a aydé: Arдан êt (sans doute) defait. De grand aise que receut Oriane se leua legeremēt, & se mettant à la fenētre vid comme A-

madis donna sus l'épaule de son ennemy, par si grand' force qu'il la lui separa du col, dont il eut telle angoisse qu'il tourna dos: mais il ne courut longuement, qu'Amadis le rechargea, & poursuivit si asprement, qu'ainsi qu'il s'étoit recullé iusques au sommet d'un roc, contre lequel la mer batoit, il l'aculla. Lors se trouua Arдан Canile entre deus extremités: car d'un côté les abîmes & impetueuses vagues luy presentoyent la fin de ses mal-heureus jours, & si auoit deuant les yeux le trenchant de l'épée de son ennemy. Lequel se iettant rudement sus luy, luy arracha l'armer de la tête: & leuant le bras, le navra tellement qu'il tomba du haut de la roche dedans la mer, si qu'onques puis il ne fut veu. Dont maints louèrent nōtre Seigneur, spécialement le Roi Arban de Norgales, & Angriore d'Etrauaus, pour ce qu'ils auoyent veu Amadis en telle necessité, qu'ils doutoyent merueilleusemēt de luy. Lors Amadis essuyāt son épée: la remit au fourreau, & vint ou le Roy & les autres Cheualiers étoient: lesquels en grand triomphe le conduirent en son logis, & pour plus l'honorer il étoit au milieu de ceus qu'il auoit delurés de cruelle prison: à scauoir Arban Roi de Norgales, & Angriote d'Etrauaus. Et pour ce qu'ils étoient maigres, pālles & defaits, tant pour le mauuais traitement qu'ils auoyent receus durant leur prison, que pour l'ennuy & melancolie qu'ils auoyēt prinse, Amadis voulut qu'ils logeassent en sa chambre, ou ils furent si bien traités, qu'avec l'ayde des bons Medecins & Chirurgiens ils retournerent tous peu après en bonne conualescence, ainsi que poursuuant nōtre histoire vous pourrés entendre.



Comme

Comme Bruneo de bonne Mer combatit Madamain l'Ambitieux frere de la Damoiselle iniurieuse, & de l'acusation que firent aucuns ennemis d'Amadis au Roi: parquoy luy et maints autres (qui le voulurent suyvre) s'absenterent de la court.

CHAP. XX.

LE iour ensuiuant, que le combat d'Amadis, & d'Ardā fut terminé (ainsi comme il vous a été déclaré) la Damoiselle iniurieuse se vint presenter deuant le Roy : le supliant, qu'il mandāt celuy qui deuoit combattre son frere pource qu'elle l'auoit fait venir, suyuant sa promesse. Car encores (disoit la Damoiselle) que mon frere soit vainqueur, si ne pourra il prédre tant de vengeance sus son ennemy, que les amys d'Ardan, soyent sati-faits de sa mort: toute-fois ce leur sera quelque consolation. Or étoit Bruneo present: lequel sans répondre aus temeraires paroles de cete folle, dît au Roy: Sire, ce suis-je de qui elle parle, & puis q son frere êt en cete compagnie, cōme elle dît, si c'êt vōtre plaisir, & qu'il le vueille, nous sçaurons presentement, s'il êt si gentilcompagnon, comme elle le vente. Ce q le Roi acorda, parquoy aussi tôt chacun d'eus s'alla armer: & peu après entrerent au camp ou il furêt cōduits par aucuns Cheualiers leurs amys lors étās au lieu pour faire leur deuoir, la trompette sonna pour signe de commencer le combat. Adoncq' baissèrent leurs lances, & donnans des esperons à leurs cheuaus, coururent l'un contre l'autre, de si grand'roideur, que leur boys vola en éclats: & se ioignans d'écus & de cors, Madamain perdit les étriens, & fut ieté par terre, & Bruneo navré au côté gauche. Neant-moins aussi tôt qu'il eut parfait sa carriere, tourna visage à son ennemy & vit qu'il étoit dé-jà releué, tenāt l'épee au poing, prêt à se defendre: mais ainsi que Bruneo s'aprochoit pour le charger, il luy dît: Cheualier, mettés pié à terre, ou vous assurez que ie tueray vōtre

Am. 2.

cheual. Vrayement répondit Bruneo, ie vous baille le choix: car autant m'êt vous vain cre à pié comme à cheual. Quand Madamain entendit que l'option étoit si-enne, se sentant (à son auis) plus fort que son ennemy, qui étoit petit, & lui presque Geant, fut trelaise, & dît à Bruneo: Il vaut mieus doncques que descendés, lors essayerés de faire ce dont vous vantés. Et bien répondit Bruneo. Lequel se retirant mit pié à terre, habandonnant son cheual: puis embrāça son écu, & mit la main à l'épee, s'aprochant de Madamain: lequel comme preus & bon Cheualier le receut hardiment: & commencerent à charger l'un sus l'autre, pretédans tous deus à vne même chose, qui étoit la victoire. Au moyen dequoy il n'y auoit si fort écu ou harnois bien acéré, qu'ils ne detrenchassent & missent en pieces, tant que le chāp étoit couvert en maints endroits des pieces de leurs écus, & hauberts: mais si les Cheualiers se poursuyvoyent rudement, leurs cheuaus ne faisoient moins de deuoir à leur endroit: car ils empoignerent l'un l'autre, & à coups de piés & de dents se couplèrent par telle façon, q la plus part des assistans furent plus ententifs au combat des deus bêtes, quā celuy des Cheualiers, à qui elles étoient, toute-fois à la fin celui de Madamain eut du pire, lequel fut forcé de l'autre, saillir par dessus les barieres & de s'enfuyr. Qui donna très grande presumption à vn chacun que Bruneo obtiendrait la victoire, & ainsi auint: car il poursuyuit de si près Madamain, & le réduit en telle extrémité, qu'estant quasi hors d'aleine, il dît à Bruneo: Je croy Bruneo (veu la colere ou ie te voi) que tu passes le iour n'être assés long pour mettre fin à nôtre different. Neant-moins si tu regardes tes armes lesquelles sont quasi toutes déclouées, tu trouueras qu'il te sieroit mieus à te reposer, que de m'affaillir si indiscretement comme tu fais: & pourtant ne te voulāt tenir la rigueur que tu merites ie suis content te permettre prendre

H

aleine,

aleine, puis nous recommencerōs mieus que deuant. Vrayement, rēpōdit Bruneo, tu me declares en bon langage ce qui t'ēt necessaire: ie te prie, beau sire, ne m'ēpargne pas. Ignorez tu l'ocasion de nōtre combat? ne sçais tu que ta tēte, ou la miēne, apaisera nōtre querelle? Je t'asseure que ie ne suis pas deliberē de plus entendre tes sermons, ainsi si tu ne veus bien tōt mourir, auise à te defendre mieus que tu n'as fait. Lors sans plus contester vint charger Madamain: mais il étoit déjà tāt affoibli, que ne pouvant quasi parer aus coups que luy ietoit Bruneo, se retira petit à petit, iusques au sommet de la roche, au droit du lieu, ou Amadis auoit ietē en Mer le cors d'Ardan. Et la Bruneo le pouf sa si rudement, qu'il l'envoia enseuelir dans les vndes: mais deuant qu'il fut enbas, son cors étoit separē en plus de trente pieces. Ce que voyant la Damoiselle iniurieuse, entra en telle furie, & desespoir que cōme forcēnee courut au lieu ou Ardan & son frere auoyent été precipités: & en y allant rencontra l'épee de Madamain, de laquelle elle se donna au milieu des tetins si criāt haut que chacun l'entendit. Puis qu'Arnan le paragon de cheualerie, & mon frere ont élu leur sepulture en cēte mer impetueuse, ie leur tiendrai cōpagnie. Et se ietāt du haut à bas fut incōtinēt enuelopēe des ea^s Adōc Bruneo (remōtant à cheual) fut cōduit par le Roy, & maints autres Cheualiers au logis d'Amadis, ou il voulut être logē, pour tenir cōpagnie à celui, pour l'honneur duquel il auoit cōbatu. Et pource q̄ la Roynne Briolanie voyoit bien qu'Amadis ne pouroit être si tōt gueri, ne venir auecq'el le, comme il luy auoit promis, print congé de lui, pour aler voir les singularités de l'Ile Ferme: parquoi Amadis commanda à Enil l'y conduire, & auertir Ysanie le gouuerneur luy faire tout l'honneur & bō recueil dont il se pourroit auiser. Ainsi s'en partit Briolanie, & disant à Dieu à Oriane l'asseura qu'elle luy feroit sçauoir

ce qu'il lui auendroit éprouuant les a-
uentures de l'Ile: mais elle ne fut si tōt partie de la court du Roi Lisuart, qu'il sembla que fortune formalisāt pretendre à la ruine du Royaume de la grand' Bre-
taine, lequel de si longue main auoit été heurus, mēmes le Roi Lisuart. Qui oubliant non seulement les seruices qu'il auoit receus d'Amadis, & de ses parens & amys ains l'auis & conseil que luy auoit predit Vrgande: presta l'aureille à deus flateurs, anciens Cheualiers de sa maison, auxquels (sous ombre de la longue nouriture qu'il auoyent receuē, tant du Roi Fa-
langris son frere ainē, que de luy-mēmes) aiouta plus de foi à leur mensonge qu'il ne deuoit, ainsi que vous entendrés, presentement. Ces deus dont ie vous parle, tant à l'ocasion de leur ancien âge que d'vne certaine hipocrisie paliee de preud' hommie, mirent plus de peine à ressembler bons & vertueus q̄ de l'être: au moyē de quoi ils entrerēt en grāde autorité, & furent apellés souuent es priués affaires de leur maitre: l'vn dequels se nōmoit Bro-
cadan, & l'autre Gandandel. Ce Gandandel auoit deus fis, lesquels au parauant l'ar-
riuee d'Amadis, & de ses compagnons en la grand' Bretagne étoient estimés les deus plus rudes Cheualiers de toute la contree: toute-fois la prouēsse & dextérité des autres, abatardirent la renōmee de ceus, dequels ie vous parle. Dont leur pere étoit si déplaisant, que postposant la crainte de Dieu, la foy qu'il deuoit à son Prince, & l'honneur dont toutes gens de bien doiuent être pourueus: delibererent acuser non seulement Amadis: mais tous ceus à qui il auoit amytiē & frequenta-
cion: esperant bâtir sa traison, en sorte q̄ par la ruine de tant de bons Cheualiers, il feroit le profit de lui & des siens. Et à cēte occasion trouuāt vn iour le Roy à pro-
pos, lui dāt telles paroles. Sire, i'ay tout le tēs de ma vie desirē garder la foi que ie vous doi, cōme à mō Roi Signr & naturel & ferai encores si Dieu plaīt: car outre le
fer-

serment de fidelité que j'ay à vous, vous m'aués de vôte grace fait tât de biens q̄ si ie ne vous conseilloy en ce que ie verrai qui touche vôte maiesté roiale, ie faudrois grandemēt enuers Dieu & les hommes. Au moyen dequoy, Sire, après auoir longuement pensé à ce que ie vous declareray ie me suis repēty assés de fois d'auoir tant differé, non pour enuie, q̄ ie porte à personne (& Dieu m'en soit témoin) ains seulement pour l'inconueniēt q̄ ie voy aprēté si vous n'y remediés prōptemēt, & sagemēt. Vous sçaués que de toutes il y a eu grand' controuersie entre le Roiaume de Gaule, & celui de la grand Breraigne, pour ce que les Rois vos predecesseurs y ont toujours pretendu droit de souueraineté: & cōbien q̄ depuis quelque tēs cēte querelle soit assopie, si ēt il vrai semblable q̄ les Gaulois (rememoratifs des guerres & dōmages qu'ils ont enduré de vos sujets) deliberent secretemēt en leurs courages d'eus en venger. Et selon mō opioniō, Amadis, qui ēt le chef & principal d'eus tous, n'ēt venu en ce païs q̄ pour y faire pratiquer & gaigner gēs: avec lesquels (ioints à la puissance, qu'il y pourra faire descendre) il vous donnera tant d'affaires, que peut ētre il vous fera malaisé d'y resister, & voyés s'il y a dē-jà aparēce. Sire, celui duquel ie vous parle, & ceus de son alliance aussi, m'ont fait tant d'honneur & de plaisir, q̄ moi & mes enfans sommes grandemēt obligés à eus: & n'ētoit que vous êtes mon Seigneur: élu ie ne voudrois pour rien parler contre Amadis, tant ie suis son amy, & seruiteur: mais es choses qui regardent vôte personne: Dieu me doiēt la mort plustōt que l'espergne homme viuant, non point mon propre enfant. Vous aués receu Amadis avec si grand nombre de ses parens & autres étrangers en vôte court (comme bon Prince liberal & magnanime que vous êtes) qu'à la fin leur suite se trouuera plus grande que la vôte: pour tant Sire, il seroit bon d'y pouruoir auāt

que le feu soit plus allumé. Quād le Roi entendit parler Gandandel: il deuint tout pensif, puis lui répondit: Par ma foi, mon amy ie croi que vous m'auertissés comme bon & loyal sujet: neant moins veu les seruices que ceus dont vous me parlés m'ont faits, ie ne puis comprendre en mon esprit, qu'ils me voussissent faire mauuais tour ou lâcheté. Sire, répondit il, c'ēt ce qui vous abuse: car s'ils vous auoient of fensé par cy deuāt, vous vo^s dōneriēs garde d'eus cōme de vos ennemys: mais ils ont sceu déguiser sagement leur traison sous vn humble parler acōpagné de quelques seruices, équeils ils se sont employés atendās leur heure oportune. Le Roi tourna la tête de l'autre côté sans lui vouloir plus répondre, pour ce qu'il survint autres gens: toute-fois Gandandel n'ētāt encores assureé comme il auoit prins son auertissement, pratiqua Brocadan, à sa ligue, luy declarant entieremēt tout le discours qu'il auoit fait au Roi: l'assurant q̄ s'ils pouuoient chasser Amadis & ses parens que de là en auāt eus-seuls gouverneroiēt paisiblement le Roy, & son Royaume. Dont Brocadan receuant ce conseil pour bō, imprima depuis en la fantasie du Roi vne si grande ialousie, & soupçon contre Amadis & ses cōpagnons, que de ce iour il les eut en haine si étrange, qu'il ne les pouuoit quasi voir: publiāt les grands seruices qu'ils leur firent, quād luy & Oriane furent delivrés des mains d'Arcalaus, & depuis en la bataille du Roi Cildadan, & plusieurs autres lieux que vous aués cy deuant entēdūs. Certes si ce Roi eut bien retenu la doctrine, & auis, q̄ lui auoit dōné la sage Virgande, il ne se fut tant éloigné des limites de raison: cōbien que telle maladie auient souvent à rous Princes, quand ils n'y prennent garde, dont il tombent en pareils accidens & dāgers que le Roi Lisuart. Leq̄l aioutāt foi aus paroles de ces deus traîtres, ne fut oncques puis visiter, (cōme il auoit acoutumé) Amadis & les autres qui étoient navrés dont ils

s'ébaïssoient grandement: mais pour leur faire d'épít, enuoya querir Madasime & les autres hôtages, auxquels il dít, que si dans huit iours l'Ile de Mongaze ne luy étoit rendue suiuant leur promesse qu'aussi tôt il leur feroit couper les têtes. Quand Madasime entendit cete rigoreuse contrainte, oncques femme ne fut plus effrayee, considerant que faisant la volonte du Roy elle demouroit pouvre & desheritee, & y contredisant la mort luy étoit prochaine: ainsi se trouua elle si perplexe, que sans sçauoir répondre elle eut recours à ses larmes. Parquoy Andangel le vieil Geant print la parolle disant au Roi: Sire, s'il vous plaít j'iray avecques ceus que vous ordónerés vers la mere de Madasime, & ferai en sorte qu'elle satisfera à vótre vouloir, rendant le pais & les places que vous demandés, autrement faites de nous vótre vouloir. Ce que le Roi eut agreable & des le iour l'enuoya avec le Comte Latin: puis fit remettre Madasime & ses sèmes en leur prison acoutumee ou elles furent conduites par plusieurs Gentis-hommes, lesquels elle émeut tellement à pitié, par les regrets & propos qu'elle leur tenoit, les priant particulièrement auoir son affaire pour recommandee enuers le Roy qu'il n'y eut celuy de la compagnie, qui ne luy promít s'employer pour elle à leur possible, spécialement dom Galuanes: lequel à l'heure la tenoit sous le bras, la regardant de tel oeil, qu'il en deuint amoureux, & lui dít: Ma Dame, ie suis seur q' s'il vous plaít m'accepter pour vótre mari, que le Roi nous donnera liberalement le droit qu'il pretend en vos pais. Je croi que vous sçaués assés le reng que ie tiens, étát frere du Roi d'Ecce, & que par moy vótre autorité n'amoindrira. Au demourant assurez-vous que ie vous traiteray comme vous le mérités. Or le connoissoit Madasime de lóg tems, & sçauoit qu'il étoit des meilleurs Cheualiers du monde: parquoy acceptát les offres de Galuanes se ietta à ses piés,

le remerciant treshumblement du bien & de l'honneur qu'il luy pourchassoit, & des l'heure acorderent leur mariage: lequel depuis Galuanes pourchassa à son possible: Et pour y paruenir quelqs iours après, il vint faire entédre à Amadis, & Agraies son neueu: ce qu'aués entendu, dót ils furent bien ébaís: car Galuanes étoit ia vieil, & oncques n'auoit fait cas de femme pour épouser, & maintenát ayát passé la fleur de son âge, le voyant tant amoureux de Madasime, se prindrent à rire, & lui dít Agraies: Monsieur mon oncle, ie connois bien qu'Amour n'a acception de personne & qu'il n'épergne ne vieil ne ieune. & puis que vous êtes rengé des siés, s'il plaít à mon Seigneur Amadis, nous suplirons tant le Roy que vous jouirés de vótre amye, & vous delibérés de vous móstrer Gentil compagnó: car Madasime ét femme, pour ne se cótenter de baíser seulement: par ma foi, répondit Amadis, Seigneur Galuanes, le Roi (à mon auís) ne nous le refusera, & vous promets qu'aussi tôt que ie pourray cheminer, que vótre neueu & moy yrons vers luy pour auoir ce que vous demandés. Mais entendés qu'en ces entrefaites, Gandandel pour mieus couvrir & dissimuler la traísó qu'il auoit conspiree alloit voir & visiter souuent Amadis, tát qu'une fois entre autres, il luy dít: Mon Seigneur il y a long tems que vous n'ayés veu le Roy. Pourquibí répondit Amadis. Pour autant, dít Gandandel, qu'à voir sa contenáce, il semble qu'il vous porte quelque mauvais vouloir. Je ne sçay répondit Amadis, si ne luy ay-ie fait offense, que ie sache. Et pour l'heure ne passerent plus outre, iusques à vne autre-fois, que le traítre le revint voir, & lui monstrát meilleur visage qu'il n'auoit de coutume, luy dít: Mon Signr ie vous dis l'autre iour qu'il me sembloit à ouyr les propos que le Roi tenoit de vous qu'il étoit fort refroidy en l'amitié qu'il vous souloit porter: & poutce que moy & les miens sommes obligés à vous, pour les plai-

plaisirs que nous aués faits, ie vous veus bien auertir certainemēt, que le Roi vous a en trémauvaise estime, & pourtāt pouruoyés y. Et tant de fois faisoit redite à Amadis de choses semblables qu'il comença à soupçonner, qu'il lui auoit dressé quelque menec, pour laquelle le Roy auoit mauuaise fantasie sus luy. Et à cete cause vn iour entre autres que Gandandel perseveroit en ses auertissemens, Amadis luy répondit assés fâcheusement. Signeur Gandandel, ie m'ébaï merueilleusement qui vous meut de me tenir si souvent tels propos, veu q̄ ie ne pēsay oncq' qu'à faire seruice au Roi : & croi qu'un Prince vertueux, comme il ét ne voudroit soupçonner de chose q̄ ie ne ferai iamais. Pourtant ne me rompés plus la tête de telles folies: car vous ne me faites pas plaisir. Voylà pourquoi oncques puis Gādan del ne lui en osa parler iusques à ce qu'Amadis étant guarý, s'en alla à la court: mais aussi tōt que le Roy l'auisa, il tourna la tête à luy & à ses compagnons sans les daigner regarder. Lors Gandandel qui étoit ioignant, connoissant la contenance du Roy, vint embracer Amadis, lui disant, qu'il fut le trébié guarý. Mais sus ma foy, dit il ie suis fâché du mauuais recueil, q̄ vous fait le Roy, toute-fois vous pourrés connoitre si l'auertissemēt que ie vous ay fait ét faus ou non. Amadis ne luy répondit parole: ains s'aprocha d'Angriote, & de Bruneo léquels estimās qu'Amadis n'eut prins garde au visage que le Roi leur auoit monstré, l'en auertirent. Il ne faut point répondre Amadis, que vous le preniés en mauuaise part, veu que bien souvent la personne ét si ententive à quelque chose ou elle ét arrestee, qu'el ne prend garde à ce que les autres font: il peut être que le Roy révoit ailleurs, quand nous l'auons salué, pourtant retournōs, & lui parlons de ce dont Galuanes nous a priés. Lors s'aprocherent, & dit Amadis au Roi: Sire encores que ie ne vous aye iusques icy fait tant de seruice comme ie desire,

Am. 2.

si ai-je prins la hardiesse (me confiant en vōtre grande liberalité) de vous demander vn dō qui ne vous peut tourner qu'à honneur, obligeant d'auantage ceus, à qui vous l'otroyés. Or étoit Gandandel tout au plus près, lequel en hipocrisant comme il auoit de coutume, print la parole, & répondit à Amadis: Vrayement s'il ét ainsi que vous dites, le Roi ne vo' doit pas refuser. Sire dit Amadis, le don que moy & mes compagnons presens vous supplions nous otroyer ét, qu'il vous plaise donner au Signeur Galuanes l'Ile de Mō gaze, de laquelle il vous fera la foi & hōmage, en épousant Madasime: ce faisant Sire, vous enrichirés vn pouvre Prince, v-sant de misericorde à vne des plus belles gētis-femmes du mōde. Quād Borcadan & Gandandel entendirent cete demāde, ils regarderent le Roi lui faignant signe de la refuser. Ce neant-moins il demoura longuement sans parler, considerāt le merite de dō Galuanes, & les seruices qu'il auoit receus de lui en plusieurs endroits, mêmes qu'Amadis auoit cōquis au pris de son sang, la terre qu'il demādoit pour autrui: toute-fois il ne donna lieu à ce q̄ par vertu il otroyāt cete requeste tant raisonnable, ains répondit à Amadis: Celuy ét malauisé qui demande ce qu'il ne sçau-roit auoir. Je le dy pour vous Signeur Amadis, qui me priés de donner cete l'Ile, de laquelle j'ay fait present, il y a cinq iours passés, à ma fille Leonor. Cete excuse trouua le Roy pour auoir ocaſion de refuser Galuanes: parquoi Agraies, qui étoit trop mal content du mauuais recueil qu'il leur auoit fait, sachant q̄ ce n'étoit qu'excuse, ne peut tant commāder à soi-mêmes, qu'il se sceut taire, disant au Roi: Sire, vous nous faites bien connoitre de combien les services que nous vous auōs fait, vous sont peu agreables, & moins profitables pour nous: & pourtant (si mes compagnons me veulent croire) nous auiserons d'orénauant à ce que nous aurōs à faire. Par Dieu mon neveu, répōdit Gal

H 3

uanes

uanes, vous dites verité, & sont les serui-
ces trémal employés que lon fait à ceus,
qui n'ont vouloir de les reconnoitre: &
pourtant tout homme de cuer doit tou-
iours regarder pour qui il s'éploira. Mes
Signeurs, dit Amadis, ne vous plaignés du
Roi pour ne vous donner ce qu'il a pro-
mis a autre, & le priôs seulement qu'il soit
content que Galuanes épouse Madasime:
& attendant qu'il luy face du bien ie luy
donnerai l'Isle Ferme. Madasime, répondit
le Roi, ét ma prisonniere & si elle ne me
rend la terre qu'elle ma promise, ie lui fe-
ray trencher la tête, deuant qu'il soit le
moys passé. Sus mon ame, sire, dit Amadis
quand il vous eut pleu nous répōdre plus
gracieusement, vous ne nous eussies fait
le tort, q̄ vous faites, au moins si vous a-
ués desir de nous bien connoitre. Si ie ne
vous connois assés, répondit le Roy, le
monde ét grand pour trouver autre, qui
mieux vo⁹ face. Certes cete parole mal di-
geree tourna depuis en plus de cōsequen-
ce, q̄ le Roy n'eut pensé, lequel s'aperceut
puis après par Brocadā, & son cōpagnon,
de cōbien ét dōmageable le mal parlant,
ou enuieus, qui oubliāt Dieu & sō hōneur,
cause souuent la perdition d'un Roy &
d'un royaume. Lors fut Amadis si ennuyé
de ce congé, qu'il dit au Roi: Sire, i'ay ius-
ques ici pensé qu'il n'y auoit Roi ne Prin-
ce du monde mieux se cōnoissant es cho-
ses de vertu & d'honneur que vous: tou-
tefois nous aperceuons maintenāt du cō-
traire, par l'experience que vous nous en
donnés: par ainsi puis qu'avés changé de
nouveau conseil, nous yrōs chercher nou-
uelle façon de viure. Faites, répōd le Roi
vōtre volōté: car cete ét la mienne. Ce
disant se leua en grand colere, & s'en al-
la vers la Roine, à laquelle il fit entēdre les
propos qu'il auoit tenus à Amadis, & ses
cōpagnons: & comme il étoit depēché
d'eus, dont il étoit trefaise. Monsieur, dit
la Roine, i'ay grand doute qu'a l'auenir,
l'aïse q̄ vous en aués ne vo⁹ tourne à dé-
plaisir: car vous n'ignorés, q̄ du iour qu'A

madis & ses cōpagnons entrerent en vō-
tre service, vos affaires se sont tou-jours
portées de mieus en mieus, en sorte que
si vous considérés ce qu'ils ont fait pour
vous, vous trouverés qu'ils n'auoyent pas
mérité la répōse que vous leur aués faite.
Mêmes, que maints connoissans ce qu'ils
sçauent faire, & le peu de gré q̄ vous leur
en portés, espererōt cy après peu de vous:
& seront réputés fols d'eus employer à
l'endroit ou vos affaires le pourroyēt re-
querir. Ne m'en parlés plus, dit le Roy,
c'ētfait: mais s'ils s'en plaignent à vous,
dites leur, que i'ay dōné de long tems la
terre qu'ils m'ont demandee à vōtre fille
Léonor, cōme ie leur ay dit. Ie le ferai, ré-
pondit la Roine, puis qu'il vous plaît &
Dieu vueille que tout vienne à biē. Mais
entendés, qu'après qu'Amadis & ceus de
sa cōpagnie eurent veu la sorte q̄ le Roy
les auoit laissés ils sortirent du Palais: &
en allant a leur logis conclurent de n'en
rien declarer à leurs amys, iusques au l'en-
demain matin, qu'ils les prieroyent d'eus
tous assembler: & que lors ils auiseroiēt à
ce qu'ils auoyent à faire. Et à l'instāt Ama-
dis enuoya Durin dire à la Princesse Ma-
bile, qu'il vouloit (s'il étoit possible) par-
ler la nuit ensuiuant à Oriane, pour quel-
que affaire d'importance nouuellement
suruenue. Ainsi se passa le iour, & arriua la
nuyt vétuē de son brun manteau: par quoi
étant chacun au plus fort de son somme,
Amadis apella Gādalín, & vint en un lieu,
par lequel communément il entroit en la
chambre d'Oriane, laquelle l'atēdoit suy-
uant ce qu'il luy auoit mandé par Durin,
ou arriué, sans du cōmencemēt lui parler
de chose qui la fachāt, après auoir quel-
que peu deuisé ensemble Mabile & la Da-
moiselle de Dannemarc (qui auoyēt desir
de dormir, ou peut être ne pouuans endu-
rer l'ardeur, dont Amour les éguillonnoit,
voyans les baisers & embracemens dé-
quels ces deus amans se festoyent) leur di-
rent: Le lit ét assés grand pour vous deus,
& l'obscurité propre à vos desirs: il ét ia
tard,

tard, couchés vous, s'il vous plaît, & deui-
fés puis après ainsi que vous l'entendrés.
Ma Dame dit Amadis à Oriane, sus ma
foi leur conseil ét très bon. Il les vaut mi-
eus doncques croire, répondit elle. Et de
fait n'ayât sus elle qu'un marteau de nuit,
s'alla mettre entre deux draps, & ainsi
qu'elle se couloit il étoit si ioignant d'elle,
qu'après que le rideau fut tiré (non pour
lui augmenter ses affectiōs: mais pour re-
doubler son plaisir (étant en la chambre
seulemēt alumé vn mortier de cire) ils se
mirēt tant à baiser & caresser l'un l'autre,
que de grād aise leurs éprits receurēt dou-
ble plaisir, par les festoimēs q̄ leurs ames
transies se donnoyēt l'un à l'autre, sus l'ex-
tremité de leurs levres: sans auoir pouoir
de proferer vne seule parolle iusques à ce
q̄ la Dāmoiselle de Dannemarck estimant
qu'Amadis se fut endormy, le vint tirer
par la robe, luy disant: Mōsieur vous pour-
rés bien prendre froid, couchés vous s'il
vous plaît. Lors cōme s'il fut sorti de pâ-
moison, ieta vn haut soupirs. Làs mon a-
mi dit la Princesse, ne seriés vo⁹ aussi à vô-
tre aise, couché auprès de moy, qu'à vous
travailler debout cōme vous êtes? Ma Da-
me, répōdit il, puis qu'il vous plaît me le
cōmāder, ie ne craindrai à vser de cete grā-
de priuauté enuers vous. Et à peine eut il
acheué le mot, qu'il se ieta nud entre les
bras de la Princesse. Adōc recōmencerēt
leurs baisers & amoureux plaisirs, dōnans
peu après contentemēt à la chose ou cha-
cun pretēdoit le plus. Puis se mirēt en di-
uers propos, & tant qu'Oriane luy deman-
da, pourquoi il lui auoit mandé par Du-
rin, qu'il auoit quelque chose à luy dire
de grande importāce. Ma Dame répōdit
il, ie la vous feray entendre puis qu'en a-
ués desir. combien q̄ ie tiens seur qu'elle
vous fera étrāge & ennuyeuse: toute-fois
il ét force qu'en soyés auertie pour la con-
sequence dont elle ét. Entendés, ma Da-
me, q̄ le Roi vôtre pere tint hyer vn pro-
pos à Agraies, Galuanes, & à moi, par le-
quel il nous a trop fait connoître le peu

de bien qu'il nous veut. Puis lui recita de
mot à mot, ainsi que le tout étoit auenu:
& comme à la fin le Roy en se leuant de
grand colere leur dît q̄ le monde étoit as-
fés grand pour aller trouver ailleurs qui
mieux les conneut q̄ luy. Et à cete cause,
ma Dame, dit Amadis, il nous ét force de
faire ce qu'il nous a cōmandé, autrement
nous offenserions nôtre honneur, demou-
rans outre le gré de luy en son seruice,
veu qu'il presumētoit que ne sceussions
ailleurs rencontrer qui nous voulsit rece-
voir: pourtant ie vous supplie ne trouver
mauuais, si en luy obeissant, ie suis con-
traint de m'elongner de vous pour quel-
que tems. Vous scaués la puissance que
vous aués sus moy, & que ie suis autant
vôtre que le pourriés souhaiter, & ie scay
bien aussi, que ou i'aquierrois mauuaise
reputation, vous êtes celle qui plus en re-
cevrait de déplaisir tant vous m'aymés et
estimés, qui me fait de rechef vous prier
trouver bonne mon absence, & me don-
ner cōgé, vstant de vôtre constāce & vertu
acoutumée. Ah-a Dieu! répondit elle, mō
amy, q̄ me dîtes vous? Ma Dame, dit il s'il
plaît à nôtre Signeur, avec le tēs le Roi cō-
noitra le tort qu'il nous a fait, & sera en-
uers lui aussi bien venu q̄ ie fu oncques.
Mon amy, répōdit la Princesse, vous aués
grand tort d'ainsi vous plaindre de mō pe-
re: car s'il a reçu quelq̄ bien de par vous,
ç'a été par ma faueur & par le comman-
dement que ie vous en ay fait, non pour
l'amour de luy: car moy seule vous ai
fait venir & seiourner en sa compagnie.
Ainsi ce n'êt à lui à vous recōpēser: mais
à moi à qui vous êtes. Il ét biē vrai qu'il
a tou-iours pénlé autrēmēt, qui luy dōne
grand blāme de vous auoir si indiscrete-
mēt répōdu. Et encores q̄ vôtre partemēt
me soit la plus griene chose qui me pour-
roit auenir (étant contrainte), ie suis con-
tente de me fortifier & d'obeir à raison
plus qu'aus delices & biē que i'ay par vo-
tre presence. Par tant mon ami, ie veus
ce qu'il vous plaît: pource que ie suis as-

seuree qu'en quelque part que vous tirés, v^otre cueur (qui ét mien) me demou-
rera pour gage du pouoir que vous m'a-
ués donné sus vous, & sus lui: aussi q^u m^o
pere, vous perdant, connoitra par le peu
qui luy restera, ce qu'il aura perdu en
vous. Ma Dame, dît Amadis le bien que
vous me faites, ét si grand que ie ne l'e-
stime moins que la rédempti^on de ma vie
propre: car vous sçaués que tout hom-
me de vertu, doit auoir son honneur en
telle recommandation, qu'il le doit pre-
ferer à sa propre vie. Ainsi, ma Dame,
puis que c'ét force que pour le conseruer
ie vous éloigne, faites s'il vous plaît, tant
pour moy (durant mon absence) de me
mander plus le souuent que vous pourrés
de vos nouuelles: & me tenir tou-jours
en v^otre bonne grace, comme celuy, qui
ne fut oncq' né, que pour vous obeir &
seruir. Et certes, qui eut veu la Princesse
lors qu'Amadis prenoit ce piteus congé,
il eut aysément témoigné de la passion
qu'elle enduroit. Toute fois Amadis,
voyant que le iour le pressoit de délo-
ger, en la baisant doucement, se leua, la
laissant tant pleine d'amertume que com-
bien qu'elle dissimulât le mieus qu'elle
pouoit cét ennuy extrême, pour ne trop
contrister son amy, si ne peut elle rât gai-
gner sus elle mêmes, qu'elle n'éueillât par
ses hauts soupirs Mabile, & la Damoisel-
le de Dannemarc: léquelles pensans qu'il
luy fut prins aucune nouuelle maladie
vindrent promptemēt à elle, et trouverent
qu'Amadis étoit déjà tout habillé. Adōcq'
luy demanderent qui mouuoit Oriane
de si fort se plaindre. Amadis leur fit som-
mairementt entendre comme il étoit con-
traint d'habandonner la court, & le serui-
ce du Roy: parquoi mes amyes, dît-il, ie
vous prie aller reconforter ma Dame. Ce
disant, print congé d'elles, & se retira, lais-
sans les trois Damoiselles acompagnees
seulement de douleur, & d'extreme passi^on.
Or entendés qu'aussi tôt que Galuanes
& Agraies furent arriués au logis d'Ama-

dis, ils enuoyerēt particulièrement prier,
leurs amys d'eux y trouver le lendemain
matin, ce qu'ils firent: puis s'en allerent
à la messe, au retour de laquelle se pro-
menans tous dedans vn grand champ, A-
madis commēça à leur dire: Mes Signrs,
pource que lon a à tort donné blâme au
Signeur Galuanes, & Agraies, à moi & au-
cuns autres qui sont icy presens, d'haban-
donner le seruice du Roy (comme nous
auons deliberé) eus & moi auons trouuē
bon vous faire entēdre, qui en ét l'ocasi^on.
Ie croy qu'il n'y a celuy en cete troupe,
qui n'ait entendu si depuis n'ôte arriuee
en la grand' Bretaigne, l'autorité de ce
Prince ét augmentee ou amoindrie: par-
quoy sans cōsumer le tems à rememorer
les seruices que nous lui auons faits, pour
lequels nous auons grand' esperāce de ra-
porter (avec gré) bonne & grosse recom-
pense, ie vous declareray sommairement
de quelle ingratitude il v^osa hyer enuers
nous tellement qu'ainsi que la fortune
muable & inconstante renuerse souuent
toutes choses, il à changé de conditi^on, ou
par mauuais conseil qu'al a receu, ou par
quelque legere ocase que nous igno-
rons. Tant y a q^u le Signr Galuanes nous
requit de moyenner enuers luy (il n'y a
encores que huit ou dis iours) la permis-
sion du mariage, de luy & de Madasime,
& en ce faisant le faire iouir des terres d'el-
le, à la charge de les tenir en foy & hom-
mage de luy, & de sa coronne, ce q^u nous
lui promismes faire. Au moyen dequoy,
aussi tôt qu'il m'a été possible cheminer,
moy & autres de cete compagnie, lui en
auons été faire la requeste: mais sans a-
uoir égard, ny à nous qui portions la pa-
role, ny à celuy pour lequel nous nous
employōs, qui ét (cōme chacū connoit)
frere du Roi d'Ecocce, preus & hardy Che-
ualier autāt qu'il ét possible, & lequel der-
nierement contre le Roy Cildadan n'a é-
pergné sa vie, ains a fait son deuoir autāt
que nul qui s'y soit trouuē: il nous a refu-
sés, & tenu propos d'iniure assés peu con-

tenable & digne d'un tel Roy. Et toutes fois pour le commencement nous n'en fîmes cas, iusques à ce qu'il nous dit à tous, ainsi que nous luy faisons aucunes remontrâces, que nous cherchissions ailleurs qui nous cogneut, ou fit mieus que luy, & que le monde étoit assés grand pour ce faire, sans tant l'importuner. Ainsi, mes compagnons, puis qu'étans en son service nous luy auons tousiours obeï, quant à moy : ie suis encores trescontent en ce cas de n'y faillir, & m'en aller hors de ses païs. Mais pour ce qu'il me semble que ce congé ne touche seulement à moy, & à ceus à qui il parloit, ains à tous autres qui ne sont ses vassaus : i'ay été d'auis vous le faire entendre, à fin que vous y pensiez à l'auenir. Trop furēt ébaïs ces Cheualiers, oyans ainsi parler Amadis, considerant que puis que les grans seruices de luy & de ses freres étoient si mal recogneus, que bien tard les leurs petits seroiēt recompensés. Au moyen dequoy, ils delibérerēt d'abandonner le Roy, & aller chercher autre part leur fortune, spécialement Angriote d'Estrauaus : lequel pour atraire les autres à son opinion, & suyure Amadis, commēça à dire assés haut : Mes Seigneurs, il n'y a encores long temps que ie cognois le Roy, & pour le peu de cognoissance que i'ay eu avec luy, ie ne vy oncq' Prince plus sage, vertueux & tēperé qu'il a été en tous affaires : parquoy ie me doute que le propos qu'il a tenu à Amadis, & à ces Seigneurs presens, n'ēt venu de sa fantasie : mais a été induit à ce faire par quelq' enuieus et méchāt, qui lui a persuadé le malcontentemēt qu'il a cōtr'eus. Et pource q' depuis huit ou dis iours ença, i'ay veu Gā dandel & Brocadan parler à luy souuent, & luy leur prêter l'oreille plus qu'à nuls autres, ie me doute que ce sont eus qui ont brassé cēte menée : car ie les cognois de long temps pour les plus enuieus qui soient en tout le mōde. Pourtant i'ay delibéré des ce jourd'huy demander le combat cōtr'eus, & leur maintenir que fausse

ment & méchammēt ils ont mis le Roy, & Amadis en controuerse : & s'ils se veulent excuser sur leur anciē âge, ils ont chacun un enfant portant de long temps harnois en dos, lesquels moy seul ie combattray, s'ils sont si hardis de cuyder déguiser la trahison de leurs méchans peres. Ah a, seigneur Angriote répondit Amadis, ie serois trop déplaisant si vous mettiez vōtre corps en hasard pour chose incertaine. Par Dieu, répondit Angriote, i'en suis tout assésuré, & de long temps ie m'en suis aperceu, & s'il plaisoit au Roy en dire ce qu'il en sçait, il diroit d'eus tout ainsi que ie dy. Je vous prie, beau sire, dīt Amadis, differés encores pour cēte heure, à fin que le Roy n'en prenne ennuy : car si ceus que vous dites (lesquels m'ont tousiours montré visage d'amys) ont été si malheureus de me iouer en derriere faus bond, assésrés vous qu'à la longue leur méchanceté sera découuerte, & leur merite recompensé : & lors vous aurés raison de vous atacher à eus, & moy tort de les excuser. Et bien répondit Angriote, encores q' ce soit contre mon vouloir, ie suis cōtent de differer, & croyés qu'avecq' le temps ie me sçauray d'eus plaindre, & venger. Au demourant mes grans amys, dīt Amadis, s'il plaît au Roy & à la Roïne de me daigner voir, ie suis delibéré d'aller de ce pas prendre congé d'eus, & me retirer en l'Isle Ferme : en esperance que ceus qui me voudront suyure, auront part entierement au bien & plaisir que i'y auray. Et comme vous sçaués la contrée ēt plaisante, & opulente, soit en belles femmes, forêts, & maints ruisseaus propres pour la vollerie : d'auantage plusieurs, tant de nos cognoissances, qu'estrangers, nous viendront visiter. Puis au besoin si nous auons affaire de secours, & que le Roy Lisuart voulsist faire quelque entreprise sur nous, nous serōs suportés de mō pere, des païs de la petite Bretaigne, & d'Escoce : mēmemēt du Royaume de Sobradise, lequel la Roïne Briolanie nous mettra entre les mains

LE SECOND LIVRE

toutes les fois qu'il nous plaira. Puis que vous êtes en ces termes, répondit Quedragant, maintenant vous pourrés connoître ceus qui aymeront vôte compagnie, ou non. Par ma foy, dît Amadis, ie ne suis pas d'auis, si aucun aime son profit particulier qu'il abandonné le Roy: car tard ailleurs pourra il recouurer si bon maitre: mais ceus qui me suiuront, n'auront ne pis ne mieus que ma propre personne. Et ainsi qu'ils deuïsoyent en la prairie, le Roy y suruint, acompagné de Gandandel, & de maints autres Cheualiers, & les voyant ensemble passa outre, sans faire semblant de les voir. Lors fit ietter à mont deus Emerillons sus vne Alouette, & après auoir quelque peu prins ce passetems, se retira en la ville, sans parler à Amadis, n'à nul de sa compagnie.

Côme Amadis avec plusieurs de ses cōpagnons quiterent le service du Roy Lisuart, & s'en allerent éprouver les auatūres, tāt de l'arc des loyaus amoureux, que de la chambre Defenduë.

CHAP. XXI.

QVād Amadis vid q le Roi, persueroit tant en la mauuaise opinion qu'il auoit contre luy & les siens, suiuant sa deliberation, au sortir de la prairie s'en alla vers luy, & le trouua qu'il se vouloit mettre à table. Lors s'aprouchant, luy dit: Sire, si en aucune chose ie vous ay fait faute, Dieu & vous en soyés témoins, vous assurant, qu'encores que les seruices q ie vous ay faits ayent été petits, la volōté q i'ay eue de reconnoître les biens & honneur qu'il vous a pleu me faire, étoit grāde en toute extremité. Vous me dîtes hier, q ie m'en allasse par le mōde chercher qui mieus me conneût q vous, me dōnant assés à entendre le peu d'enuie qui vous reste q ie demeure plus en vôte court. Puis qu'il vo^l plaît me l'auoir ainsi commandé, c'ēt raison q ie vous obeïsse, non que ie vueille sortir d'avec vous, comme de mon souverain: car ie ne fu oncques vôte vassal, ny d'autre Prince, sinon de Dieu seul: mais

ie prens congé de vous, cōme de celui qui m'a fait beaucoup de bien & d'hōneur, & auquel ie portois amour & desir de seruice. A peine eut il dit cete parolle, qu'aussi tôt prindrēt semblablement congé Galuanes, Agraies, Dragonis, Palomir; Bruneo de bōne Mer, Bransil son frere, Angriote d'Etrauaus, Grindonan son frere, Pinores son cousin, & dom Quedragant. Lequel s'auāça deuāt tous, disant au Roy: Sire, ie ne demouray onques en vôte court, qu'à la priere d'Amadis, voulāt & desirant être son amy tout outre, & puis q par son occasion ie fu vôte, par même raison ie m'en deporter desormais, veu que mes petits seruices auroyent bien peu d'esperance, étās les siens grands si mal reconneus, sans auoir memoire de l'obligation que vous aués à luy, vous ayant deliuré des mains de Mandafabul, & de la victoire aussi que vous aués obtenuē sus le Roy Cildadan, par le sang de luy & de ses autres parens. Je vous ramenteurois bien le bon tour qu'il vous fit, quand il deliura vous & vôte fille Oriane (comme i'ay ouy maintes fois dire) des mains d'Arcalaus; & depuis n'agueres, ma Dame Leonor, que Famongomad, & Basigant son fis (Geās les plus cruels du mōde) tenoyēt prisoniere, pour la faire mourir: par ainsi l'ingratitude, de laq̃lle vous vîs maintenāt enuers lui, ēt si grāde, qu'elle vous ôte toute cōnoissance de verité. Et pourtāt il ne doit moins estimer ce congé tôt dōné, que la retribution de ses seruices tard acordee. Quād à moy, ie suis deliberé de le suiure, & sortir de vôte court quant & luy. A quoy le Roy répōdit: Dom Quedragant, vôte langue publie assés le peu d'amitié que vous me portés: ce neantmoins il me semble que vous n'aués tant d'affinité ou obligation à Amadis, qu'en m'accusant vous l'excusés comme vous faites: mais vôte pensee ēt (peut être) autre que vôte bouche ne declare. Sire, vous dirés ce qu'il vous plaira, dît Quedragant, cōme grand Seigneur que vous êtes: toute-fois vous me prenés mal

mal pour deguiseur ou controuueur de de mesonges, ainsi que maints autres qui sont autour de vous, desquels ie suis seur, qu'en la fin ne vous trouverez gueres bien seruy. Tant y a, que deuant peu de jours vous apercevrés qui sont les amys, ou enemys d'Amadis. Puis se retira, & se presenta Landin, disant au Roy: Sire, ie n'ay trouvé en vôtre court qui donnât ayde ne confort à mes querelles, sinon mon Seigneur Amadis, lequel ie voy maintenant sortir de vôtre seruice, pour le tort que vous luy aués fait: au moyen dequoy ne voulant l'abandonner, ne mon oncle dom Quedragant aussi, ie prens cōgé de vous. Vrayement Landin, répondit le Roy, à ce que ie voy, nous sommes asseurés q̄ vous n'aués desir d'oresenauant d'être des nôtres. Par Dieu Sire, dit il, tels qu'ils vous seront, ie vous seray, & non autre: car ie leur obeïray toute ma vie. A l'heure étoient en vn coin de la salle parlans ensemble, dom Brian de Moniâte Cheualier très renommé, fis du Roy Ladafan d'Espagne, & de l'une des sœurs de Perion de Gaule: Vrlandin, fis du Comte d'Orlande: Grandores, & Madanfil du Pont d'argent, Listoran de la tour blanche: Ledan de Friarque, Tantilles l'Orgueilleux, & dom Garuate du val Craintif. Tous lesquels vindrēt dire au Roy: Sire, l'ocasion de nôtre venue par deçà, fut pour voir Amadis & ses freres, & être leurs amys, s'il étoit possible: & tout ainsi qu'ils furent cause du seruice que vous aués receu de nous, ils serōt aussi motifs que no^s en deporterōs, & prenons congé de vous, pour luy tenir cōpagnie. Quand le Roy se vid abandonné si soudainemēt de si grand nôbre de bons Cheualiers, il fut fort déplaisant, & de dépit ne voulut permettre à Amadis d'aller prendre cōgé de la Roïne, laquelle auoit toujours contrarié au conseil de Gādan del, & son compagnon. Et à cete cause Amadis pria au vieillard dom Grumedan, faire ses excuses enuers elle: puis faisant vne grande reuerence au Roy, se retira en

son logis avec ses compagnons, ou ils trouverēt le dîner prêt: & étans les tables haussées chacun s'en alla armer, & se vindrent renger en vn lieu, duquel Oriane les pouoit choisir, & se trouverent en si grand nôbre, qu'ils étoient cinq cens cheualiers & plus, dont la plus part étoient fis de Roys, de Ducs, ou de Comtes: puis en bon ordre vindrēt passer tout au plus près du logis de la Roïne. Lors Mabilé qui étoit à vne des fenêtrés, apella Oriane qui étoit sus vn lit tant melancolicque que rien plus, luy disant: Ma Dame, ie vous prie, oubliez vôtre ennuy, & venés voir combien de Cheualiers vous aués à vôtre commandement. Tandis que mon cousin a été au seruice du Roy vôtre pere, il étoit tenu de lui comme simple Cheualier errant: mais aussi tôt qu'il en eût sorty, il se montre Prince & puissant Seigneur, ainsi que vous le poués voir maintenant, & si vous aués puissance sus luy, par plus forte raison vous l'aués aussi sus toute cete troupe, de laquelle il eût chef & principal conducteur. De cete remontrance fut Oriane tant consolee, que de là en auant elle fit meilleure chere qu'elle n'auoit fait. Ainsi passerent Amadis & les siens au trauers de la ville, & les acompagnoient le Roy Arban de Norgales, Grumedan Cheualier d'honneur de la Roïne, Brandoyuas, Queuorant, Giontes neveu du Roy, & Lastoran le bon ioûteur. Tous lesquels étoient trop déplaisés du departemēt de tāt bons Cheualiers, spécialement pour Amadis, lequel particulieremēt les prioit qu'en ce q̄ son hōneur seroit blecé, ils se montrassent pour lui tels qu'il les estimoit. Et cōbien que le Roy (sans nule ocasion) l'eut prins à haine, qu'eus pourtāt ne lassent à être ses amys, sās en perdre le seruice d'un si bon prince, & ils luy répondirent, que faisant seruice au Roy, avec la loyauté qu'ils étoient obligés, ils demoureroyēt prêts à lui faire plaisir en tous endroits ou il les voudroyt employer, dont il les remercia grandemēt: Puis leur dît:

Si

LE SECOND LIVRE

Si vous trouués le Roy à propos, vous le pourrés auertir que ce qu'Vrgande me declara en sa presence ét maintenant acōply: car elle me dît que la recompense que j'aurois de gagner seigneurie à autrui, ce seroit hayne, courrous, & eslongnement du lieu ou plus j'aurois desir de demourer. J'ay conquis, comme chacun sçait, au tréchant de mō épée, & au pris de mō sang l'Isle de Mongaze en augmentant les limites du royaume de la grād' Bretagne, et toute-fois sans raison aucune le Roy m'a prins à haine: mais Dieu ét iuste pour rēdre à chacun ce qui luy appartient. Par ma foy, répondit Grumedan, il n'y aura faute q̄ ie ne le face sçauoir au Roy, cōme vous nous l'aués dit. Que maudite soit Vrgande, d'auoir si veritablemēt prophetisé. Ce disant s'ébracerent l'un l'autre, se cōmandans à Dieu puis s'aprocha Guillan le Pēfif, lequel ayāt la larme à l'œil, dît à Amadis: Mō Seigneur, vous sçaués mō affaire, & cōme ie ne puis de moy-mêmes riē faire étant du tout soumis à la volonté d'autrui, par laquelle i'ēdure angoisses & douleurs étrāges, qui ét la cause q̄ ie ne vous puis suyure: dont i'ay hōre & vergongne, tant ay de desir de recognoître le bien & l'honneur que m'aués fait étant en vōtre cōpagnie, vous supliant bien hūblement me tenir à present pour excusé. Or sçauoit Amadis la suiection, en laquelle Amour le maintenoit, & cognoissoit bien par soy-mêmes la peine ou il pouuoit être: au moyen dequoy il luy répondit: Seigneur Guillan, ia à Dieu ne plaise q̄ pour mon ocasion vous faciés faute à la Dame que vous aymés si parfaitemēt, ains vous cōseille lui être obeissant, & la seruir ainsi q̄ iusques icy vous aués fait, & le Roy semblablement: étant seur que, vōtre hōneur sauue, vous me serés en tous endroits ami & loyal compagnon. Puis le vint embracer, & prenans congé, Guillan & ses compagnons retournerent en la ville, & Amadis & les siēs suyurent le chemin de l'Isle Ferme, tant qu'ils arriuerent le long

d'une riuere sur le bord de laquelle Amadis auoit deuant enuoyé faire tendre ses tentes & pauillons. Là se logerent pour cete nuit, remercians Dieu de ce que de si bonne heure ils s'étoient aperceus de l'ingratitude du Roy, avec lequel faisant plus de seiour, ils eussent perdu plus de temps. Mais Amadis étoit tant triste, pour l'eslongnement qu'il faisoit de son Oriane (ignorant le temps qu'il la pourroit reuoir) qu'il ne sçauoit quelle contenance tenir pour dissimuler sa melancolie: & ainsi passerent la nuit iusques au lendemain qu'ils reprindrent leur chemin. Ce pendant le Roy Lisuart étoit en son palays, lequel apres le partement de si grand nombre de Cheualiers se trouua trémal acompagné. Lors commença à cognoître la faute qu'il auoit faite, & à se repentir grandement des paroles qu'il auoit dites à Amadis. Al'heure mêmes Gandādel, & Broquadan, furent auertis des propos qu'Angriote auoit tenu d'eus, dont ils furent merueilleusement ébaïs, craignans que le Roy & eus ne se trouuassent mal du conseil qu'ils luy auoyent donné: toute-fois puis qu'il n'y auoit plus de remede, ils se resolurent de passer outre, & de trouver façon que iamais les Cheualiers qui s'en étoient allés ne rentrassent en la grace du Roy. Et pour ce faire eus deus luy vindrent dire: Sire, vous deués biē remercier Dieu, que vous êtes si honnestement despeché de ceus, qui vous pouvoient tāt porter de dommage: car comme vous sçaués, il n'ēt rien plus dangereux qu'un ennemy couvert & fainct: pourtant vous n'aués desormais que faire de vous donner peine, ou soucy de vos affaires, pource q̄ nous deus donnerons biē ordre aus choses qui pourront survenir en ce royaume. Quand le Roy les entendit parler si auantageusement, il les regarda d'un trémauais œil, en leur répondant: Je m'ébaï cōme vous êtes tant presumptueux de m'oser persuader, que ie vous laisse le gouvernement,

nement, non seulement de ma maison: mais de tout ce royaume cognoissant que vous n'êtes à beaucoup pres suffisans pour ce faire. Estimés-vous que les Princes & Seigneurs de cete monarchie vous voussif sent obeïr, sachans le lieu dont vous êtes descendus? Et si vous cuidés faire les bõs ménagers, voulans m'enrichir pour épargner argët, ou pensés-vous que ie le puisse mieus employer qu'à le donner aus Gentis-hommes & Cheualiers qui sont en mon seruice? veu que le Prince ne se peut nommer Roy, sinon d'autant qu'il a les hommes à son commandement! Et si par cy deuant ie me suis montré liberal à ceus qu'à vôtre instance i'ay chassés, par eus memes i'etois maintenu, craint & redouté: & pourtant fusse-vous de ce que vous aués fait, sans plus me déguiser les choses, autremët ie vous montrerai qu'il m'en déplaît. Ce disant, les laissa trespais de tels propos, & monta à cheual pour aller courir vn Cerf qui étoit enclos dedans ses toiles comme ses veneurs luy auoient raporté. En ces entrefaites arriua à la court vne Damoy selle, qui venoit de la part de la royne Briolanie vers Oriane, laquelle apres luy auoir fait reuerance luy dit: Ma Dame, la Royne ma maîtresse se recommande à vôtre bonne grace: & m'a enuoyé expres vers vous pour vous declarer au long cõme elle a été en l'Isle Ferme, & ce qui luy ét auenu en éprouuant les auantures qu'elle y a trouvées. Dieu gard de mal si bonne Royne, répondit Oriane, & vous aussi qui aués tât prins de peine. Lors toutes les Dames & Damoy selles curieuses d'ouïr nouvelles, se mirent à l'entour d'elle, & commença la Damoy selle à reciter ce qu'elle auoit veu, disant: Ma Dame, au partir de cete cour la Royne ma maîtresse & sa compagnie, arriua le cinquième iour apres à l'Isle Ferme, & aussi tôt il lui fut demandé s'il luy plaisoit d'éprouver la châtre defendue, ou l'arc des loyaus amans: mais elle répondit, q premier elle vouloit voir les

autres merueilles du lieu. Et à cete cause Y sanie la fit cõduire en vne trébelle maison située à demye lieuë ou enuiron du principal palays d'Apolidon, en laquelle apres s'être quelque peu promenée, regardant l'excellent bâtiment d'icelle, elle arriua en vn des bouts d'vn parc qui étoit à l'entour, ou il y auoit vne fosse si obscure & profonde, que nul n'en osoit aprocher tant étoit épouuentable. Puis fut ma Dame conduite en vne tour trébelle & bien percée de fenêtres, dequelles lon pouvoit voir tout le paisage d'alentour: & là trouvâmes les tables mises & y fumes toutes si bien traitées qu'il seroit fort difficile d'être mieus. Et ainsi que lon apportoit le second seruice, nous vîmes sortir de cete fosse profonde vn grãd Serpent qui ietoit feu & fumée, tant des yeus des oreilles, que de sa gueule: lequel vint entrer en cete tour, montrant vn regard si furieux, que le plus hardy de la compagnie trembloit de grand' frayeur: & aussi tôt le suyurent deus grands Lyons, qui semblablement yssirent de cete fosse, léquels se vindrent ruer & assailir le Serpent. Lors commença vne bataille entr'eus, la plus cruelle qu'il seroit possible de voir entre bêtes brutes, & dura demye heure & plus: & tant que les deus Lyons se trouverent si las, qu'ils tomberent en la place cõme mors, & le Serpent memes si hors d'aleine qu'il demoura longuement couché sur la terre. Puis s'étant vn peu reposé, se releua, & print vn des Lyons au trauers de sa gueule, & l'éporta dedás la fosse, & tôt apres retourna & fit le semblable au second &: de tous ces iours ne furent plus veus. Ceus de l'Isle (acoûtumés à ces merueilles) voyans la peur q nous auïõs se rioïët de nous, nous assurant q tout le jour ne verriõs autres nouveautés. Parquoy cõmençâmes à nous gaudir de nous memes: reprochans l'vn à l'autre l'épouuement qui nous étoit survenu: & ainsi passâmes toute l'après dinée iusques à ce qu'il fut tẽps d'aller dormir q
ma

LE SECOND LIVRE

ma Dame & nous autres femmes fûmes conduites en vne chambre richement acoutree, en laquelle nous nous couchâmes toutes. Mais enuiron la minuit, entendant ouuoir nos portes si rudement, que nous nous éueillâmes par grand frayeur: & aussi tôt vîmes entrer vn Cerf blanc d'vn côté comme neige, & noir de l'autre plus qu'vn Corbeau, formé de trête cors: en chacun desquels tenoit vne chandelle ardante, qui donnoient si grande clarté, qu'on voyoit dedans la chambre ainsi qu'en plein jour. Ce Cerf entra courant de grand roideur: car il étoit fuiuy par vne emeute de chiens courans, faisans grand deuoir de luy faire rendre les aboys: & à ce faire, les incitoit vne trôpe d'iuoyre, laquelle l'oyoit sonner après la bête qui à la fin fut si pressée, qu'après auoir tournoyé longuement au tour de nôtre chambre, elle se vint lancer sus nos lits, & parmy nous. Dont de grand frayeur cōmençâmes à crier, & à nous leuer soudainemēt nuës les vnes fuyans dessous les challits, les autres sous les bancs: mais tant plus nous cuydions nous sauuer, & plus errons poursuuies par ce Cerf, & des chiens qui le suiuyoyent, tant qu'à la fin il s'adressa vers les fenêtres qui étoient ouuertes. Lors se ieta du haut en bas, & les chiens après. Adonc celle de nous qui fût la plus hardie, courut soudainement les fermer: puis étans vn peu rassurés, releuâmes nos acoutremens qui étoient tombés en la place, & cōmençâmes à parler de la frayeur que nous auions eue. Et comme nous étions en ces termes, suruint vne Damoyelle acompagnée de deus autres femmes laquelle nous demanda qui nous mouuoit de nous leuer si matin. Par ma foi, dit ma Dame, nous auons eu vne telle alarme, que le cœur m'en tremble encores. Cête Damoiselle se souzrit, & lui dit, qu'elle & nous dormissions en seureté, & que nous n'aurions plus d'encōbrement pour cête nuit. Parquoy chacune de nous s'alla mettre en son lit, & reposâmes jusques

au lendemain assés tard, que ma Dame nous fit leuer, & après auoir ouy messe, ainsi qu'elle se ptomenoit le long d'vne grand prairie bié arroufée de maints plaisans ruisseaus, trauersans vn bois plaisant & delectable, au bout duquel trouvâmes plusieurs vergers & vne maison toute ronde, soutenue par douze piliers de Marbre: faite de tel artifice, qu'au lieu de pierre & cymēt étoit cristal, par lequel ceus de dedans pouoyent aisément voir ceus de dehors, & n'y auoit porte qui ne fût d'or & d'argent. Et (ce qui étoit sus tout admirable) y auoit au tour maintes ymages de Bronze, faites à la semblâce de Geans, tenans chacun d'eus vn arc bendé en leurs mains, & vne sagette dessus: qui auoit le fer si ardent, qu'il sembloit que le feu en sortit. Et dit-on, qu'aussi tôt qu'un quelcun vuyde entrer dedans, il ét aussi tôt mis à mort par les sagettes qui luy sont tirees: dont ma Dame voulut faire épreuve, en y mettant vn Cerf & deus Cinges, lesquels à l'instât lon vid cōsommer par le feu qui les embrasa, sortât de ces traits. Et voyoyt on gravé sus le portail tels mots: Homme ou fême ne soit si hardi de mettre le pied en ce palais, si ce n'êt celuy ou celle qui ayme aussi loyaument comme Grimauese & Apolidon qui fit cêt enchētamēt: & si faut necessairement qu'ils y entrent eus deus ensemble la premiere fois, autrement soyent assurés de finir de la plus cruelle mort qu'onques fit creature: & durerà cêt enchantemēt & les autres de cête Ile, iusques à ce qu'il le Cheualier, & la Dame qui passent en la loyauté ceus qui mirent la defense en la chambre Defendue, soyent entrés dedans, & y ayent prins leur plaisir. Lors ma Dame fit appeller Ysanie & luy dit, qu'elle se cōrentoit d'auoir veu ces merueilles: mais qu'elle vouloit encores voir l'arc des loyaus amoureux, & la chambre tant renommée: & ce pendant qu'il luy donnât à entendre la signifiante du Cerf, du Serpēt, des Chiës, & des Lyôs. Ma Dame, répondit Ysanie, ie n'en sçay autre

autre chose, si non que tous les jours aus heures & aus lieux q̄ vous aués veu, se fōt les combats de ces bêtes, & ne faut jamais le Cerf à se lancer par la fenestre, & les chiens après, qui le poursuivent jusques à vn lac, qui n'est pas gueres loing d'ici: ou il se perd, sans qu'on le voye plus, iusques à ce que la chasse recommence, comme vous aués veu cete nuit passée. Tant y a, que si vous étiez vn an entier en cete Ile, vous n'auriez acheué de voir les choses merueilleuses qui y sont. Et à cete cause, ma Dame & sa compagnie monta à cheual, & vinmes au palais d'Apolidon pour voir l'arc des loyaus amoureux, & la chambre defenduë: & aussi tōt ma Dame mit pied à terre, & s'aprocha de l'image de Brōnze (cōme celle qui onc n'auoit faucé ses amours) & passant au dessous lon ouyt sonner vn son le plus harmonieus du mōde, & trauerfa la Royne iusques au lieu ou étoient les figures d'Apolidon, & de Grimanese, lesquelles lui semblerēt quasi viues. Et de là vint au pilier de Iaspe, ou elle vid écrit nouuellement ces mots: Briolanie fille du Roy Tagadan Roy de Sobradise, & la troisième Damoiselle qui oncques entra en ce lieu: mais ainsi que ma Dame regardoit de toutes parts, elle eut peur, se trouuāt seule. Au moyen dequoy, sans y faire long sejour, retourna vers nous qui l'atendiōs, & pour cete heure ne voulut faire autre epreuve, iusques au cinquieme jour ensuiuant qu'elle se para du plus riche acoutrement que de sa vie elle eut vëtu, & laissant pendre ses cheueus, qui étoient les plus beaux q̄ nature produit oncq, n'auoit sus son chef qu'un fermaillet d'or enrichy de maintes pierres precieuses, avec lequel elle auoit si bōne grace, & se monroit si belle, q̄ tāt les siens cōme les étrangers disoyent hautement, q̄ sans doute elle mettroit fin aus auentures de l'Ile. Lors se recommandant à Dieu, entra sus le pas defendu, & passāt le perron de cuiure vint joignāt celui de marbre, ou elle leut les lettres qui y sont

grauées: puis marcha plus auāt: dōt chacū iugeoit lors qu'elle entreroit dās la chambre sans difficulté. Quād Oriane entendit, q̄ Briolanie étoit passée si auant, elle commença à rougir & changer tellement sa couleur naturelle, qu'aisément on eût peu connoitre la grand'alteration dont son esprit étoit surpris, craignāt q̄ Briolanie fût passée outre, mettāt fin à l'auenture de la chambre defenduë. Mais la Damoiselle poursuyuāt son propos, dît: Entendés ma Dame, qu'ainsi que la Royne s'aprocha à trois pas pres de la chābre, elle fut prinse si rudement par ses blonds & d'orés cheueus, q̄ sans en auoir pitié on la repoussa tant outrageusement hors les perrons, qu'elle demoura long tems éuanouye, comme maintes autres qui s'y étoyēt auenturees: parquoy soudainemēt nous l'emportāmes en son logis, ou peu après elle reprit cœur, & delibera de s'en partir des le lendemain. Ce qu'elle fit, prenant le chemin de Sobradise: Toute-fois deuant elle me commanda venir en cete court, vous auertir de ce q̄ ie vous ay déclaré. Vrayemēt, m'amy, dît Oriane, la Royne vōtre maîtresse a beaucoup fait pour moy. Ma Dame, dît la Damoiselle, elle m'a expressement dōné charge retourner incontīnēt vers elle: parquoy il vous plaira me donner cōgé. M'amy, dît Oriane, vous verrés la Royne, puis demain vous partirés. Et bien, ma Dame, dît elle. Or enuiron ce tēs Amadis & ses compagnons arriuerent en l'Ile Ferme, ou ils furent trebiē receus de tous ceus du pais, pour l'aise qu'ils eurent d'auoir recouvré leur nouveau Seigneur, lequel ils pensoyent auoir perdu. Et après que les cheualiers, qui auoyent suivy Amadis, eurent bien visité l'Ile, & veu la fertilité & l'asieté inexpugnable d'icelle, ils estimerēt q̄ le Roy Lisuart, ou autre Prince, ne pouroit être assés puissant pour oser les venir assaillir: car outre la force de la cōtree, elle étoit peuplée de maintes villes & bourgades, & embellie de quatre châteaux, les plus somptueus & magnifiques
qui

LE SECOND LIVRE

qui fussent au demourant du monde. En l'un dequels lon pouuoit voir le passe-temps du Cerf, chassé par les chiés: en l'autre le combat des Lyons & du Serpent: puis au troisieme le tour que faisoit le paillon tournant: car quatre fois le jour il tournoit si fort, que ceus qui étoient dedés pensoiét qu'il s'abîmât: puis au quart étoit le passetemps du Taureu échaufé: lequel sortant par vn vieil canal passoit par dessus les gés qu'il rencontroit, & venoit donner de ses cornes contre vne porte de fer, par si grand' force, qu'il l'enfonçoit, & ouvroit vne tour: de laquelle à l'instât sortoit vn vieil Cinge, si ridé, que les peaus lui pendoïét de toutes parts, lequel tenoit vn fouët & rechassoit diligemmēt le Taureu, iusques dans le canal dont il étoit sorty. En tous lequels quatre châteaux Amadis & ses compagnons eurent souvent maints passetemps pour les égarés qu'ils y virent. Et ainsi s'ébatoient ces Cheualiers, atendants que fortune leur aprêtât nouvelle ocaſion d'eus armer, ce qu'elle fit tôt apres: car Balays de Carſante (qu'Amadis auoit autrefois deliuré des prisons d'Arcalaüs) les vint trouver, venāt de la court du Roy Lisuart: lequel apres qu'il leur eut declaré maintes nouvelles, il leur recita comme le Roy faisoit dresser son armée pour passer en l'Isle de Mōgaze: car Gromadace auoit fait réponse au comte Latin (qui auoit été enuoyé avec le vieil Geant & ses enfans, prendre possession du païs) qu'elle consentiroit plutôt à la mort d'elle & de tout le monde, que de rendre le Lac brûlant, & les trois fors châteaux qu'elle tenoit: & que lon fit de sa fille Madafime, & des autres Damoyſelles ce que lō voudroit. Je vous prie, dît Agraies, cōtés nous quelle cōtenance à tenu le Roy, oyāt telle réponse. Par ma foi, répondit Balays, il ēt deliberé mettre tout à feu & à sang, si on lui resistē: & vn mois apres faire trancher les têtes aus hôtages qu'il a. Certes dît Amadis, il fera ce qu'il luy plaira: mais s'il vſoit de plus d'humani-

té il feroit parauanture mieus qu'autrement. Quand Galuanes, duquel (comme i'ay dit) Amour auoit saisi la liberté pour le rendre amy & seruiteur de cete Madafime, entendit l'outrage que lon luy vouloit faire, le courage luy creut en sorte, qu'il dît de grand' colere: Mes Seigneurs, il n'y a celuy de vous qui ne sache q̄ mon seigneur Amadis & no^s tous sommes partis de la court du Roy Lisuart, spécialement pour le mauuais traitement qu'il a fait à Madafime, à laquelle ie porte amytie de mary à femme: & pourtant ie vous supplie bien fort m'ētre aydans: car ie luy ay promis la soutenir iusques à la mort. Lors Florestan (entendant l'ayde que demandoit Galuanes) n'eut la patiēce de laisser répondre autre premier que luy & le leua, disant: Seigneur Galuanes, s'il étoit possible moyenner l'apointement d'elle enuers le Roy, ce feroit le meilleur: mais, par Dieu s'il nous faut iouer des couteaus, ie seray tousiours prêt à vous secourir. Mes Seigneurs, répondit Briā de Moniaſte, nous ſçauons trēbien que vous êtes tous deus preus & hardis Cheualiers: toute-fois cete entreprinſe que vous delibérés, ne touche moins particulièrement à vous qu'à nous tous en general: car no^s sommes sortis hors du seruiſe du Roy pour vne même ocaſion: par ainsi il ēt raisonnable que chacun de nous secoure ce luy, à qui la neceſſité ſuruiendra. Et quād ores ie n'aurois enuie d'ayder à dom Galuanes cy present, si sommes nous obligés de fauoriser les Dames en tout ce q̄ nous pourrons, & entre autres Madafime & les ſiennes: vous aſſeurant, que par ma faute ils n'auront mal ne déplaiſir. Par ma foy, dît Quedragāt, vous parlés vertueuſement, & ſelon Dieu & raiſon: car faiſant autrement nous ne ſerions dignes du reng que nous tenons: & quand bien ie ſerois ſeul, si chercherois-ie ayde pour executer ce q̄ vous aués delibéré: atēdu que la pauvre Madafime (delaiſſée de toute perſonne) s'ēt miſe franchement es prisons du Roy, non

non de la volonté, d'elle, mais de l'obeissance grande qu'elle à voulu porter à sa mere. Par ainsi, si le Roy pretend quelque droit aus terres de l'Ile de Mōgaze, ie di q̄ c'et à tort. Signeurs, répondit Amadis, les choses qui sont debatuës par meure deliberation viennent volontiers à bonne fin : & ne fais doute qu'entreprenant ce que vous deliberés, vous n'en sortirés à vôtre honneur, & fut la chose encores plus hazardeuse & difficile qu'elle n'et tou-tesfois (s'il vous plaît) ie vous declarerai ce que i'en sens. Vous conclusés tous à ce que ie voi de mettre en liberté douze Damoysselles à present prisonnieres es prisons du Roi Lisuart, ie suis d'avis q̄ douze des vôtres (sans plus) soiés de cete entreprinse: ainsi chacnn aura sa chacne, & serôt les douze Damoysselles particuliere-

mēt obligees à douze Cheualiers, & rête de cete cōpagnie se tiēdra pour subuenir aus inconueniēs qui se pourroiēt offrir. Il me semble q̄ Galuanes, à qui touche le principal de cēt affaire merite bien être premier nōmé, puis Agraies son neueu, Florestan mon frere Palomir, Dragonis, Briā, Nicoran, Orlandin, Garuate, Ymosil frere du Duc de Bourgogne, Madansil, & Laderin. Vous douze êtes si gentils compagnōs, que vous répondrés à douze autres quels qu'ils soyent, & ne pourra le Roy Lisuart differer le combat encores que ce fut contre les plus aparens de son Roiaume, veu les maison dōt vous êtes. Ce conseil fut tant authorisé de tous, q̄ la minuit ensuiuant les douze Cheualiers mōterent à cheual, prenants le chemin de la ville de Thasilane, en laquelle le Roi seiournoit.

Coume Oriane se trouua en grad perplexité, non seulement à cause du departement d'Amadis: mais pource qu'elle se sentit grosse d'enfant: et de ce qu'il auint aus douze Cheualeirs, qui étoient partis de l'Ile Ferme, pour tirer hors de Captiuité Madasime & ses Damoysselles: les quelles le Roi Lisuart vouloit faire mourir à grand tort

CHAPITRE XXII.



CY deuant aués peu entēdre, comme Amadis demoura huit iours dans Mueſſeur avec Oriane, contentans leurs
Am, 2.

affectiōs & desirs, sans épergner ne reseruer chose qui fut en leur pouuoir: en sorte que deus moys après, ou enuiron, la

LE SECOND LIVRE

Princesse se douta d'être grosse, toutefois pour l'inexpérience qu'elle auoit en telle chose, elle n'en fit semblant, iusques après le partement d'Amadis, que la viue couleur de son visage cōmença à diminuër & flettrir, perdant du tout l'appetit. Lors cete doute fut conuertie en certitude: parquoy elle delibera se declarer à Mabile, & à la Damoiselle de Dannemarc, comme à celles qu'elle estimoit vrayes tresorieres de son secret. A cete cause étāt vn iour retiree en son cabinet, ayant la larme en l'œil & au cueur l'amertume leur dît: Làs mes amyes ie voi bien maintenant que fortune me veut de tout point ruiner, vous aués veu l'inconuenient puis n'agueres surueni à la personne du monde que i'aime le mieus, & à present (qui est le pis) la chose que plus i'ay crainte & doute m'est échue. car certainement ie suis grosse & ne sçay cōme ie pourrai faire q̄ ie ne sois découuerte & perdue. Biē ébais furēt lors les dens Damoiselles: toutefois (comme sages & bien auisées) elle dissimulerēt ce qu'elles en pēsoyent. Et repōdit Mabile à Oriane: ne vous chaille, ma Dame Dieu y pouruoirā, s'il lui plaît: mais par foy, dît elle en riant, ie me doutois toujours biē qu'a tel saint viēdroit tel le offrande. Oriane se print à souzrire de la grace que Mabile eut à dire cete ioieu se parole, & lui repōdit: Pour l'hōneur de Dieu auisées vous autres, à me dōner remede, puis vous verrés si ie vous sçauray rendre vōtre change. Quāt à moi, il me semble pour le meilleur, q̄ nous deuons trouver moyē de nous retirer à Mirefleur, ou ailleurs hors de la court attendant l'heure qu'il plaira à nōtre Seigneur me regarder en pitié: car ie sens biē mon ventre enfler, & le visage m'ameigrir. Ma Dame, dît la Damoiselle de Dannemarc quād lon preuoit de lōg tēs, on remediē plus aysēmēt aus inconueniens: Je vous dirai, répondit la princesse, dequoi ie me suis auisée: Il faut necessairement q̄ vous (Damoiselle) hazardiēs vōtre vie, pour la conseruation

de mon honneur. Vous connoissēs que ie me fie plus en vous, qu'en autre personne qui viue. Ma Dame, dît elle, vous sçauēs & me deuēs tant connoitre (que ie n'ay vie ny honneur tāt) en recommandation, que ie ne voufisse postposer pour vous faire seruice. Je le croi, répondit Oriane, & aussi vous pouuēs tenir asseuree, que si Dieu me prête vie & santé, ie le reconnoitrai grandement: pourtant partēs demain matin & vous en allēs à Mirefleur, trouuēs moyen de parler à l'Abesse, & lui declarēs q̄ vous êtes grosse: la priant affectueusement d'auoir vōtre secret cher comme le sien propre, & qu'elle vous face ce biē, de trouuer quelq̄ femme pour nourrir le fruit q̄ Dteu vous enuoyra: leq̄l vous ferez porter à l'ētree de la porte de son Eglise, cōme chose trouuee d'auenture ie suis seure qu'elle vous ayme autant q̄ femme qui vive, & que volontiers elle vous fera ce bon tour: par ainsi mon honneur sera gardé, & le vōtre peu endommagé. Reposēs vous en sus moi, répondit la Damoiselle, ie cōtreferay bien ce personnage, & ne laissēs de faire bonne chere: ce pendant pourchassēs vōtre cōgé pour me suyure. Tels furent les propos des trois Damoiselles, lesquelles nous laisserons à present pour retourner au roi Lisuart qui, après que le comte Latin fut arriué vers lui & qu'il luy eut déclaré que Gromadace la vieille Geante n'étoit deliberee de rendre le château du Lac ardent, ne les trois autrefortes places dont nous auons parlé: manda venir à lui (par le conseil de Brocadan & Gandandel) Madasime, à laquelle il dît Damoiselle, vous sçauēs comme vous & vos femmes êtes entrees en mes prisons, sous condition q̄ si vōtre mere ne me rendoit l'Ile de Mongaze avec le Lac ardāt & les places qui en dependent, vos têtes m'en répondroient. Et pource que i'ay n'agueres été auerty par ceus q̄ i'y auois enuoyé du refus qu'elle en fait ie veus par l'exemple de vous mōstrer à chacun de quelle importance, et ne tenir

tenir à vn Roy ce que lon lui promet: car vous en morrés toutes. Quand la pauvre Dame entendit cét arrêt tant rigoureux la vermeille couleur de son visage se chāge aussi tôt en pallisseure & iaunisse, & se ietāt au piés du Roy, luy répondit, Sire la mort q̄ vous me signifiēs trouble tant mon esprit que ie n'ai moyē ni faculté de vous scauoir, ou pouuoir répondre. mais s'il y a aucun en cete compagnie qui ait pitié de douze paures Damoiselles, ie lui supplie trēhōblemēt prēdre la querelle pour nous: car si ie suis entree en vous prisons ç'à été par le cōmandemēt de ma mere, & elles pour m'obeir. Et cōbien q̄ par raison tout Gentilhōme, pourtāt armes soit obligé à soutenir le droit des fēmes affigees, si (de malheur) nous ne trouuons aucuns qui aiēt cōpassion de nous: il vous plaira, sire (sans auoir regard à la rigueur de vōre iustice) vser de vōtre misericorde, & nous ouyr en nos iustificatiōs, ainsi q̄ la raison le veut. Quant Gādandel entendit parler Madasime si auantageusement, il print soudain la parole, disant au Roi: Sire, il ne fait point tāt ouir cōtester ces femmes, si vous ne le faites mourir, chacū voudra faire cōme elles, sans iamais tenir chose q̄ lon vous promette. Elle sont entrees en hōtages, non ignorantes la condition: pourquoi doncq' leur fera on tort ne rendant ce qu'ils ont promis, de leur couper les têtes? Signr Gandādel, répondit le bon Cheualier Grumedā, s'il plaīt au Roi il ne fera pas ce q̄ vous lui cōseillēs: car la misericorde ēt trop plus louable à vn Roi, que la cruatē dōt il peut vser quād il lui plaīt. Vous scauēs q̄ ces femmes, plus par obeissance & commandement de mere à enfant, que de leur propre volōté, ont été contraintes d'eus rendre prisonnières, cōme elles sont & tout ainsi q̄ Dieu ayme ceus qui sont obeissans & hūbles, aussi le Roi qui ēt ministre de lui ne les doit mēpriser. D'auantage i'ay été auerti pour certain, qu'aucuns Cheualiers sont déja partis de l'Isle Ferme pour vous soutenir &

remontrer le droit qu'elles ont: par ainsi. Signeur Gandandel, si vous ou vos enfās osēs maintenir le conseil que vous donnēs au Roi pour bon, vous vous en trouuerēs (peut être) mal. Gandandel oyant parler si vertueusement Grumedan, eut biē voulu retenir la parole qu'il auoit legerement proferee: mais il n'y auoit plus d'ordre, parquoi pour sauuer son honneur il répōdit: Dom Grumedā, vous me pourchassēs déplaisir, sans que ie l'aye meritē enuers vous. Quant ēt de mes fis, il n'y a celui en cete compagnie qui ne les connoisse pour preus & hardis Cheualiers, & qui soutiendront deuant tous & contre tous, que ce que i'ay dīt au Roi, ēt selon Dieu & raison. Nous le verrons en brief, dīt Grumedan: tant y a que sus mon ame ie ne vous veus aucun mal, sinon d'autāt qu'il me semble que vous conseilēs au Roi contre son honneur. Or scauoit le Roi certainement qu'à tort & sans cause il auoit chassē Amadis, neantmoins l'ancienne vertu de luy ne peut vaincre cete nouvelle passion, toute-fois oyant parler Grumedā si sagemēt il l'écouta volōtiers, puis lui demanda qui étoient les Cheualiers, qui venoyent pour Madasime, Grumedan les luy nomma tous l'un après l'autre. Vrayement, di- le Roi, pour vne petite troupe il y a de gens de bien, & de gentils Cheualiers. Biē vit alors Gandandel, que ses affaires alloient de mal en pis: connoissāt les deus fis n'être tels qu'ils se peussent éгалer ne mesurer à dō Florestan, Agraies Brīan, n'a Geruate du val Craitif. Parquoi aussi tôt q̄ le Roi eut fait retourner les Damoiselles en prison, il vint trouuer Broquadā, auq̄l il recita entierement tout ce q̄ Grumedā auoit dīt au Roi en sa presence, dont il ne fut moins épouēte que lui, & se rerirerēt eus deus en vne chambre pour auiser à ce qu'ils auoyēt à faire. Et ainsi qu'ils étoient en ce cōseil, & que Broquadan reprenoit Gandandel, maudisant l'heure qu'onques il s'étoit auise de mettre Amadis en ces termes: vn ieune

cheualier nōmé Sarquiles, cousin d'angriote d'Estrauaus, amoureux d'une des nieces de Broquadan, étoit par fortune caché derriere la tapisserie de la chambre, attendant quelque assignation que luy auoit donné s'amy, lequel ouit tous les propos & conseil qu'ils tindrent, dont il fut ébaï à merueilles. Et à cete cause incontīnēt q̄ les traîtres se furent retirés, sortit du lieu, ou il auoit quasi été tout le iour caché & le lendemain matin s'arma, & cōme s'il fut venu de bien long, entra au palais ou étoit le Roy, auquel il vint dire: Sire, ie ne suis vōtre suiet ny homme lige: mais en recōnoissance de la nourriture que i'ai prise en vōtre court, ie me suis obligé à garder l'honneur de vōtre maiesté. Parquoi sire, ie vous auise, que depuis trois iours en ça ie me suis trouué en lieu, ou i'ay entendu Broquadan & Gandandel, non seulement conspirer (mais déjà ont cōmis contre Dieu & vous) la plus grā traïson q̄ lō scauroit pēser. Il ēt seur qu'ils delibèrent vous conseiller & persuader à faire mourir Madasime, & ses Damoiselles: & quant au reste, sire, i'esperé auant qu'il soit dis iours passés q̄ leur méchanceté vous fera du tout aureee. Et pource qu'en authorisant tels paillards, vous aués chassé nagueres mon Seigneur Amadis, & plusieurs autres bons Cheualiers de vōtre cōpagnie, ie ne suis, plus delibéré de m'en tenir, & prens congé de vous pour men aller trouuer mō oncle Angriote, lequel (si Dieu plaît) vous reuerrés en bref par deçà, & moi avec lui delibérés d'aueuer par force d'armes à ces deus traîtres, leur inique conspiratiō. Dieu vous cōduise, répondit le Roi, puis que vous aués si grand' hâte. Lors se leua Sarquiles laissant le Roi seul, fort pēsif des propos qu'il lui auoit tenus, & quelques iours après il arriua en l'Ile Ferme, ainsi qu'Amadis Angriote, Bruneo, & autres se promenoierēt sur le riue de la mer, faisant équiper nauires pour passer en Gaule: ou le Roy Perion auoit mādē Amadis se retirer, pour quel-

ques affaires qui lui étoient suruenues. Quand Agriote d'Estrauaus auisa son neveu Sarquiles, il s'en émerueilla, s'enquerant à luy cōme il auoit laissé le Roi Lisuart. Mō Signr, dît Sarquiles, c'ēt pour vn cas dont vous, & ceus de la cōpagnie, sērés bien ébaïs. Lors lui récita par le menu les propos que Broquadan & Grandadel auoyent tenus sus l'acusation d'Amadis, & de ses compagnons. Ah a, répondit Agriote, par Dieu ie l'ai toujours ainsi presumé. Et vous mon Seigneur, dît il à Amadis, trouvés vous à présent ce que ie vous enay dît veritable: mais puis qu'ainsi ēt, ie fais vœu à Dieu qu'ils s'en repentirōt: car ie partirai demain pour les aller combattre, & faire connoître leur méchanceté. Mon grand amy, répōdit Amadis, les choses qui sont hors de doute doiuent être exēcutées comme vous les entreprenés: & si plutôt vous eussiez fait ce que vous delibérés, c'eut été (peut être) avec moins d'asseurance que vous n'aués. Et après plusieurs autres propos s'en allerēt en leur logis, iusques au lendemain qu'Angriote print congé d'Amadis, & acompagné de son neveu Sarquiles, tira droit en la grād Bretaigné, ou peu après il arriua. Or entendés que depuis le partemēt d'Amadis, le Roi Lisuart étoit si melancolique que plus, & ne faisoit tout le iour q̄ riē resuer: au moyen de quoi vne fois entre autres Brioquadan & Gandandel le voyans pēsif, lui vindrent dire: Sire, il nous semble que pour auoir vos affaires en trop de recommandation, vous laissés vōtre bonne façon de viure, & prenés les matieres trop à cuer. Il peut bien être répondit le Roi: mais qui vous meut de me tenir tels propos? Sire, dirent ils, ēt ce pour doute de ceus qui viennent d'Ile Ferme pour la defense de Madasime & ses Damoiselle? Par Dieu, s'il vous plaît croire nōtre conseil, vous & vōtre état sera d'y cy en auant, en plus grāde seureté qu'il ne fut onques. Et pour ce faire commandés ce iourd'hui trencher les têtes aus hôtages que vous

vous aués : puis mandés à Galuanes & à ceus de sa compagnie (vos ennemys) que sur leurs vies ils n'ayent à entrer en vos païs ou que si de fortune ils y sont, qu'aussi tôt ils en partent, autrement vous les fés tailler en pieces. Quand le Roy les entendit parler si malheureusement, il lui souvint de ce que luy auoit dit Sarquiles, prenant congé de luy, & cogneut aussi tôt qu'indubitablemēt les deus trahîtres pour chassoïēt à tort la mort des Damoysselles: neantmoins ne les voulant pour l'heure épouventer, leur répondit seulement: Vous me conseillés deus choses assés impertinentes: l'une, que sans forme de proces ie face mourir Madasime, & ses Damoysselles, & l'autre, que i'interdie ma court aus Cheualiers qui y veulent venir. Mais si ie faisois ce que vous dites, certes i'en pourrois être grieuement reprins deuant Dieu, lequel par sa grand' bonté & misericorde m'a institué Roy, pour faire & rendre iustice à chacun: pourtant le conseil q̄ vous me donnés est malheureux & indigne d'être receu. Sufise vous que de-jà ie vos ay prété l'aureille à l'accusatiō que vous aués faite d'Amadis, dont ie me repens tréfort: car onques ie ne receu de luy, ne des siens que tout plaisir & seruice: pourtāt ie vous defens que de vos vies vous n'ayés à m'en parler. Ce disant, se leua montrant visage d'être trop marry, dont Gandadel & Broquadan se trouverent bien ébaïs, & furēt contrains eus retirer en leur logis, pour auiser ce qu'ils auoient affaire, voyans que de-jà la fortune les defauorisoit merueilleusement: & ne se montrerent de tout le iour iusques au lendemain matin, qu'ils furent acompagner le Roy qui alloit aus champs. Lequel étant à demye lieuē de la ville, auisa venir vers luy les Cheualiers qui étoient partis de l'Ile Ferme, pour la deliurance de Madasime: & de ses Damoysselles qui tous luy firent la reuerance. Adonq' Galuanes, qui marchoit deuāt print la parole pour ses compagnons, disant au Roy: Sire, nous (tous assurés de vōtre a-

Am. 2.

coutumeē vertu) sommes venus vous demander iustice, pour Madasime & ses Damoysselles, & pour defendre leur droit, si par force d'armes il est defensible. Mēs amys, répondit il, puis que vous aués de-jà icy fait tendre vos tentes, s'il vous semble bon vous vous y tiendrés pour mēhuy, & demain vous viendrés vers moy, pour auiser à ce qui sera raisonnable de faire. Sire, dit Brian de Moniaſte, nous tous ſçauons bien que ſuyant vōtre Royale façō de faire, la iustice nous sera ouverte: & si autrement se fait, ce ne sera sinon par le conseil d'aucuns trahîtres méchans, qui sont autour de vōtre personne. Brian, Brian, répondit le Roy, ie m'assure bien q̄ si vous eussies creu vōtre pere, vous ne fussies party de mon seruice comme vous êtes, ny ne contētissies ainſi que vous faites. Sire, dit Brian, la contestatiō que ie vous fais, n'est que pour l'enuie que i'ay de vous faire seruire: car ie ſçay biē qu'auēcq' le tems vous cōnoîtrés que ie dy vray. Et quant à ce que vous me dites, que si i'eusse creu mon pere, ie ne vous eusse laissé: sauf la reuerance de vōtre majesté, ie ne vous laiffay onques: car de ma vie ie ne fu vōtre: ains vins seulement en vōtre maison chercher mon cousin Amadis, lequel aussi tôt qu'il se donna à vous, aussi tôt i'eu desir de vous seruir, & onques ne vous fis faute. Or bien répondit le Roy, nous en deuiferons vne autrefois plus amplement. Ce disant leur donna le bon soir: car il étoit de-jà tard. Or aués vous entendu comme le Roy auoit debouté l'apredinée Gandadel, & Broquadan: lesquels bien ennuyés consulterent longuement comme ils pourroïēt à leur honneur acheuer leur maligne entreprise: car le lendemain matin les douze Cheualiers de l'Ile Ferme se trouverent à la messe du roi, apres laquelle il fit appeler Broquadan & Gandadel, ausquels il dit: Vous m'aués de long tems conseillé q̄ ie fisse mourir Madasime & ses Damoysselles, & qu'en ce regard ie ne deuois ouyr iustificatiō quelconque: pourtāt il vous

I 3 fant

LE SECOND LIVRE

faut maintenant répondre à ce que ces douze Cheualiers veulēt maintenir. Lors Ymosil de Bourgongne se mit deuant, disant au Roy : Sire, moy & mes compagnōs sommes venus en vōtre court, vous supplier treshumblemēt faire iustice & misericorde à Madasime, & à ses Damoiselles. Adonq' Gandādel print la parole, & répōdit: Vous dites, Seigneur Ymosil, q' lō face iustice à Madasime, & à ce q' i'entens vous douze voulés maintenir qu'elle doit être ouye en ses iustifications: mais sur la foy q' ie doy au Roy, s'il le fait il fera mal, atendu la conditiō sous laquelle elles sont entrées en sa prison. Par Dieu Gandandel, dit Ymosil, quand vous vous fusiés teu, vous eusiés fait vōtre deuoir: car le Roy ne vous auoit encores commandé de parler: & aussi que vous sçaués q' par la coutume de la grand' Bretagne, nulle femme doit être executée par mort, si n'ēt en deus cas: l'un pour leze maieſté, & l'autre pour trahison. Or n'y a il celui en cete cōpagnie, qui ignore cōme ces pauvres femmes se sont mises au pouoir du Roi, plus par obeissance que de leur bon gré: pourtāt, Sire, & vous mes Signrs tous, nous vo' supplions humblement y auoir egard. car raison & pitié vous y conuiēt grandemēt. Vous aués tort, répōdit Gandandel, de faire instance de chose si déraisonnable, & puy qu'il a pleu au Roy nous ouyr tous deus, il en ordonnera comme il luy plaira. Lors le Roy fit chacun retirer, & apella aucuns des principaus de son Royaume, & entre autres son oncle le comte Argamont ancien & tréuertueus Prince, auquel il dit: Mō oncle, ie vous prie, & à vous tous aussi, me cōseiller sur ce different. Mais il n'y eut celuy qui voulūt opiner deuant le Roi. Puis qu'ainsi ēt, dit il, vous sçaurés presentement mon auis: Il me semble selō Dieu & raison, qu'Ymosil de Bourgongne à sagement parlé, & que les Damoiselles doivent être ouyes en leurs iustifications. Certainemēt, sire, dit le vieil Comte, vo' parlés en vertueus Roi, & n'ēt possible de pl'

iustemēt iuger, ce que chacū aprouva. Par quoy il cōmanda faire venir Gandādel & Broquadā, & en la presence des cheualiers de l'Isle Ferme profera cete sentēce, dōt ils le remerciēēt hūblement, le suppliāt faire sortir de prison Madasime & ses femmes. Car nous esperōs, dirēt ils, les iustifier par raisons, ou par armes. C'ēt bien dit, répōdit le Roi: lequel mādā venir les Damoyelles, puis il leur dīt: Or ça, mes dames, voi cy ces gētil-hommes qui veulēt dēfendre vōtre droit: voulés vous vous sousmettre à ce qu'ils en ferōt. Helàs Sire, répōdit Madasime, puis qu'il leur plaīt nous faire tāt de bien, nous metons nos vies en leurs mains sous vōtre bonne misericorde. Par Dieu ma Dame, dit Ymosil, s'il y a aucun qui vueille cōtredire, q' vous ne soyés delivrées & mises en liberté, me voicy prêt pour lui faire cognoître du cōtraire: & s'il s'en treuve iusques à douze de semblable opinion, nous sommes douze qui hazarderons nos vies pour les vōtres. A l'heure le Roi ietta l'œil sur Gandādel & Broquadā, & vid qu'ils auoiēt l'auēte baissée, regardans contre terre, tant ébaïs qu'ils ne pouvoient répondre: parquoy il dīt aus Cheualiers de l'Isle: Mes Signeurs, ie vous prie vous retirer pour meshui & demain vous aurés répōse de ceus à qui vous aués à faire. Au moyen dequoy chacun se retira, & aussi tōt le Roy apella à part Broquadā & Gandandel, ausquels il dīt: Venés ça, vous sçaués que maintefois m'aués sollicité de faire mourir ces pauvres Damoyelles, me persuadant qu'il étoit iuste & raisonnable d'ainsi le faire, & qu'au besoin vous & vos enfans soutiendriés c'ēt auis iusques à la mort. Vous aués entendu ce q' m'a dit Ymosil & ses compagnons, que ie trouve bon & equitable: parquoy il ēt tēs que vous aués à ce que vous aués à faire. Car par la foy que ie doy à Dieu, ie ne donneray à autres de mes Cheualiers cōgé de les cōbatre, & si n'y pourvoiés vous ferés amendables, & les Damoiselles delivrées. Sire, répōdirent ils, demain nous serons

rōs pour maintenir ce q̄ nous auōs dit. Et des l'heure s'en allerēt en leurs logis, biē empêchés de ce qu'ils deuoiēt faire. Toute-fois voyās qu'ils n'y pouvoiēt dōner ordre, delibérerēt de perseuerer en leur damnée opiniō, par contestatiō de paroles seulement, sans mettre eus ne leurs enfans en peril: sachās certainement qu'ils ne pourroiet resister à nul de ceus, qui étoiet ven⁹ de l'Ile Ferme. Mais il leur auint tāt bien, q̄ la nuit mēmes nouvelles vindrēt au roi, q̄ Gromadace la vieille Geāte étoit morte: & qu'elle auoit au parauant rendu ses places fortes aus gens du Roi, le supliāt auoir pitié de sa fille Madasime. Au moyē dequoy le lēdemain au retour de la messe, il fit apeller les douze Cheualiers de l'Ile Ferme, & leur dīt: Mes amis, vous pouués emmener les Damoiselles q̄ vous demandēs quād il vous plaira: car ie les mets en leur liberté, pource q̄ cēte nuit le Comte Latin m'a écrit qu'il a l'Ile de Mōgaze en ses mains, & que la vieille Geāte ēt decedēe. Si nul en fut aise, croiēs q̄ les deus trahitres Broquadan & Gandandel, n'en étoient marris, d'autant qu'ils voyoyēt leur trahison decouverte sans ces nouvelles. Lors Ymosil répōdit au Roy: Sire, si vous faites droit à Madasime elle ne demourera pauvre ne desheriēte, attendu q̄ vous sçauēs q̄ les enfans sōt obligēs à obeir à leurs pere & mere cōme elle a fait: plus toute-fois par crainte que de bōne volonté. Ainsi, Sire (s'il vous plaît) vsant de vōtre acoutumée liberalité, vous luy ferēs grace, qui sera exēple par vous à tous autres Princes magnanimes. Ymosil, dīt le Roi, fusise vo⁹ que vous auēs les Damoiselles en liberté, car ie ne puis reuōquer le dō que i'ay fait à ma fille Leonor, de la terre q̄ demādēs. Ah a, Sire, répondit Galuanes, ie vous supplie treshūblement auoir pitié d'elle & de moi, qui tiēs à present le lieu de ses ancêtres, desquēls de droit elle ēt heritiere, spécialement de la terre q̄ vous lui otēs & s'il vous plaît, en souuēnce des seruices q̄ ie vous ay fais, la nous remettres, pour la te-

nir de vo⁹ en foi & hōmage. C'ēt assēs dit, Seigneur Galuanes, dīt le Roi, ce qui ēt fait ēt fait Par Dieu, répōdit il, puis que ie ne puis auoir raison ne iustice de vous, i'essayeray à me pourvoir par autre voie. Faites, dīt le Roi, ce q̄ vous pourrēs, i'espere bien puis q̄ ie l'ay conquise sur plus braues q̄ vous n'êtes, de la defendre cōtre ceus qui sont moindres qu'eus. Sire, répōdit Galuanes, celui qui la vous a fait auoir en a été trēmal récōpensē. Ne vous chaille, dīt le Roi, si celui duquel vous parlēs entreprēd de vous ayder, i'entreprendray bien de lui faire rompre la tête. Agraies oyant telles menaces, fut merueilleusement marry, & répondit de grand' colere: Sire, encores q̄ mon Seigneur Amadis n'ayt iamais été autre que Cheualier errant, si vous a il fait vn bien que vous ne luy rendites onques: car il vous a maintefois defendu & deliuré de mort. Florestā vid bien qu'Agraies entroit plus auant en propos qu'il n'étoit besoin: parquoy il le retira, & print la parole, disant au Roy: Sire, encores que vous soyēs Roi & grand Seigneur, si auries vous peut être bien à faire à traiter ainsi mon Seigneur Amadis, cōme vous le menacēs. Par Dieu, sire, dīt Briā, Amadis vous a fait trop de seruices pour être si mal recogneus mēmes qu'il ēt fis de Prince non moindre que vous. Holà, holà dom Brian, dīt le Roy, nous entendons assēs que vous êtes de ses amys. Ie le suis, & doy être, dīt Briā: car chacun sçait q̄ ie suis son cousin germain, & qu'il me fieroit mal de ne le secourir au besoin. Vrayement, répondit le Roi, pour cēte cause serēs vous excusē. Et cōme ils étoient en ces termes, Angriote d'Etrauau & Sarquiles son neveu survin drēt, lesquels armēs de toutes piēces firēt la reuerance au Roi: mais quād les Cheualiers de l'Ile Ferme les virent, ils furent ēbais: car ils ne sçauoiēt rien de cēte entreprise. Lors Angriote cōmēça à hautemēt proferer telles paroles: Sire, mon neveu & moi ci presens, vo⁹ supliōs faire cōparoître presentement deus paillards qui sont en

LE SECOND LIVRE

vôtre court. Broquadan & Gandâdel, auxquels ie declareray la trahison de laquelle ils ont vsé enuers vous. Trop furent épouventés Broquadan & son compagnon, oyans ainsi parler Angriote, lequel continuant son propos, dit: Sire, les méchans dōt ie vo^s parle, sans auoir égard, ne crainte de Dieu, ou des homes, ont faussement aculé monsieur Amadis, & autres, d'une chose à laquelle ils ne penserent de leurs vies. Au moyen dequoy i'ose bien dire, q̄ vous aués élongné de vous les meilleurs Cheualiers qui onques entrèrent en la grand' Bretagne: pourtant si ces trahîtres osent maintenir qu'ils ne soient tels q̄ ie les nomme, moy seul par l'ayde de Dieu & le trenchant de mon épée le leur feray cognoître. Et si l'aage les doit excuser, il n'y a celuy d'eus, qui n'ayt enfans portans de long tems armes, & assés estimés entre les Cheualiers de vôtre court, contre lesquels ie me combattray, s'ils veulent tenir la place de leurs méchans peres Sire, répōdit Gandandel, ne voyés vous l'audace de ce braue iniurieux lequel n'ēt venu en ce pais que pour faire honte aus Gentil-hōmes de vôtre court? Par ma foy sire, si vo^s m'eussiez de lōg tems creu, aussi tôt qu'il ēt rentré en vôtre Royaume, aussi tôt eūt il été pendu au premier arbre: mais puis q̄ vous l'endurés, il ne vous faudra cy apres ébaïr si Amadis en personne vient iusques icy iniurier vous-mêmes. Tant y a, q̄ par le Dieu viuāt, si i'étois aussi ieune q̄ quād ie commençay à entrer au seruice du feu Roy vôtre frere, auquel i'ay fait mains grans seruices, ie m'asseure biē qu'Angriote n'oseroit auoir songé à me dire la moindre des iniures qu'il a proferées deuant vôtre maiesté. Mais le galland cognoît bien que ie suis vieil, & cassé, tant par le grand nombre de mes ans vieils, qu'a cause d'infinies playes q̄ i'ay receuës quasi sur toutes les parties de mon cors es guerres de vos predecesseurs, témoins en sont encores ces reliques. Cē disant découvrit son estomac auquel étoient maintes cicatri-

ces aparentes. Paillard, dit Angriote, tu te cuydes sauuer par le plat de la lāgue: mais par Dieu, si le Roy nous fait à tous deus iustice, il cognoitra à veuē d'œil ta grāde trahison. Lors s'auança Sarquiles, & se mettant à genous, dit au Roy: Sire, ie vous dis il y a ia lon tems, qu'aussi tôt q̄ mon Signeur Angriote cy present viendrait en vôtre court, ie vous ferois entēdre ce que de mes deus oreilles i'ay ouy proferer par la bouche de deus trahîtres. Puis recita mot à mot le conseil qu'ils auoient tenu: mais croyés que chacun se trouua tout ébaï d'ouïr raconter telles conspirations. Et pourtant, sire, dit Sarquiles que de ce ils ne s'en pourroient excuser. Monsieur Angriote & moy combatrons leurs trois enfans, s'ils osent soutenir le cōtraire. Or étoient là presens ceus de qui ils parloient lesquels voiās l'iniure qu'on faisoit à leurs vieux peres, & que chacun donnoit foi au dit de Sarquiles, de grand' colere fendirēt la presse: & se mettans à genous deuant le Roy, dirēt assés haut: Sire, Angriote & Sarquiles ont méchamment & malheureusement menty des paroles qu'ils ont dites & proferées deuant vôtre maiesté, & toute-fois & quantes qu'ils les diront ils mentiront: & pourtant il vous plaira presentement nous ottroyer le combat ainsi qu'ils l'ont demandé. Vrayement, répōdit le Roy, il ēt méhui bien tard: mais ie suis content que demain apres la messe vous faciés, ce qui ēt en vous tant d'une part que d'autre. Alors Dames, l'un des fis de Broquadan & de la seur de Gandandel, homme preus & adroit aus armes (mais vilain de toutes cōditions) s'auança disant au Roy: Sire, Sarquiles a fausement & lâchement méty de tout ce qu'il a dit, & feray de la compagnie de ceus qui le luy maintiendront. Par Dieu, répondit Angriote, quand le quart y seroit, il seroit aussi empêché que i'espere vous rendre. Or bien, dit le Roy, retirés vous tous pour méhui, & demain pensés de vos affaires. Puis apella Grumedan & Giontes son neveu, & apres auoir deuisé quelque

quelque peu avecq' eus commanda faire venir Gandandel & Broquadan, ausquels il dît: Venés ça, vous m'aués tant de fois recité qu'Amadis & les siens, auoient deliberé de me trahir, & vsurper sur moy les païs de la grand' Bretagne, & toute-fois quand c'êt venu à ioindre vous vous êtes excusés du combat, mettans en ieu vos enfans, qui n'en peuvent mes: toute-fois Dieu êt iuste, & par tout tant que ie luy doy, c'êt mal parlé à vous, & ne vous eusse iamais estimé tels que vous êtes Sire, répondit Gandandel, nos enfans voyans que nôtre iustification se retardoit, s'auancerent pour soutenir l'honneur de leurs peres. Ils auoient raison, dît Grumedan: car difficilement en eussies vous peu recouurer d'autres, & ne doutés que vous êtes en reputation de gens qui vallés peu: car les diables n'eussent sceu inuenter la méchanceté que vous aués mise en auant, tellement que si le Roy faisoit pendre mille de vos semblables, il ne se devroit tenir satisfait de l'infidelité que vous luy aués pourchassée: mais vos enfans en porteront la peine pour vous. Seigneur Grumedan, dirent ils, encores que vous le voulés ainsi, si n'aviendra il pas, si Dieu plaît: car nos enfans nous deliurans de honte, sortiront à leur honneur. Vous le verrés, dit Grumedan. Et pource que ce propos se continuoient plus que le Roy ne vouloit il les renuoya chacun en son logis. Et la nuit ensuyuant, ceus qui le lendemain deuoient combattre, firent regarder s'il falloit rien à leur harnois mêmes Angriote & son neveu, lesquels se retirerēt en vne chapelle, & iusques au point du iour ne cessèrent de prier Dieu. Et pource que le Roy auoit eu paroles fâcheuses avecq' les douze Cheualiers de l'Ile, ils allerent loger en leurs tentes avecq' Madasime & ses Damoiselles. Puis venant le point du iour ils monterent tous à cheual, & vindrent acompagner leurs deus compagnons, Angriote & Sarquiles, au lieu ou deuoit être fait le combat, la y étoient arriués le Roi, les Princes

& Signeurs, avecq' la Royne & les autres Damas. Ainsi entrerent les cōbatans, Angriote, & Sarquiles d'un côté, Tarin, Corian, & Damas d'autre. Lors sonnerent les trompettes, parquoy chacun d'eus baissa la veuë de son armet, & mettans les lances aus arrêts, donnerent des éperons à leurs cheuaus, courans si impetueusement l'un contre l'autre, que Corian & Tarin rompirent sur Angriote, & Damas sur Sarquiles: mais Angriote dōna si grand coup de lance à Corian qu'il le déarçonna. Puis tournant le visage, vid Tarin ayant l'épée au poing: lequel auisant son frere à bas, vint de grand' colere contre Angriote, & cuydant luy donner sur le haut de l'armet le coup tomba sur la tête de son cheual, qui fut grieuement nauré. Ce nonobstant Angriote se trouvant pres de son ennemi, l'ataignit de son épée, en sorte qu'il le déarçonna, & à l'instant luy mêmes sentant son cheual affoiblir de la playe qu'il auoit receuë sur la tête l'habandonna mettant pied à terre. Lors embraçant son écu, s'adressa contre celui qui auoit été le premier abatu, lequel étoit de ja releué, & marchoit contre Angriote. Ainsi commença la mêlée d'eus deus, ou peu apres survint Tarin & eut Angriote à répōdre aus deus: toute-fois il montra comme il n'étoit aprentif en telle extremité: car il les menoit si rudement, qu'il ne leur donnoit loisir de prendre aleine, tellement qu'en peu d'heure leurs harnois furent mis en pieces, & eus si naurés q' le sang leur couloit de toutes parts. Je croy qu'il n'y a celui de vous tous qui écoutés cête histoire, qui n'entende assés qu'Angriote ne se peut si bien couvrir, qu'il n'eût part au gâteau: car il feut fort blecé en plusieurs endrois, nō pas au pris des autres. Adonq' Sarquiles, à qui Damas s'étoit adressé, cōmença à auoir honte de la trop grande resistançe que luy faisoit son ennemy, & à cête cause, donnant des éperons à son cheual trouua moyen de le ioindre cors à cors: & ainsi qu'ils ballançoient à qui tomberoit,

LE SECOND LIVRE D'AMADIS DE GAVLE.

Angriote doutant q son neveu eût du pire s'aprocha de lui, dõt il auint q deuât qu'il y arriuât, Sarquiles, & Damas tomberent l'un sur l'autre. Au moië dequoi se reforça la mêlée: pource qu'Angriote tēdoit au secours de son neveu, & les autres au remede de leur parēt: lequel état deſſous Sarquiles n'eut moyen de ſe releuer: car Sarquiles le tenoit de ſi pres, q luy ôt l'armet de la tête luy donna de l'épée dās la gorge. Puis voiant ſon ennemy expiré le laiſſa là, & vint ruer ſur Tarin & ſon cōpagnon, qui étoiet quaſi hors d'aleine & près à rēdre, ou crier mercy. Ce q voiās le roi, Broquadā, & Gādandel en eurēt tant d'ennuy qu'ils ſe retirerent. Toute-fois ſi ceus là en furēt déplaiſans tous les autres de la court y prindrent plaiſir pour l'amytié qu'ils auoient à Amadis, & a ſes amys. Et plus encores furent aiſes quand ils les virent reduis à l'extremité de leur fin malheureuſe: car à grād peine le Roy eut ôtē la tête de la fenētre, qu'Angrioie ataignit

Corion de ſi grand' force, qu'il lui ſepara toute lépaule dextre: dont de grand douleur donnāt ſigne de mort, cheut le nēs cōbatre bas, apres lequel Tarin n'arrēta guerres à en faire autant. Ainſi furent defais les enfans des trahîtres: dequoy Madafime, Oriane, & maintes autres louērent grādemēt nōtre Seigneur. Adonq Angriote & ſon neveu prindrēt le cors des vaincus, & les traînerent hors du camp: puis demanderent aus Iuges ſ'ils auoient aſſēs fait de uoir ſuſiſant, leſquels répondirent q ouy. Parquoy tous deus ſe retirerent en grand triomphe, & acompagnés de leurs amys vindrēt aus tentes de leurs cōpagnons, cōduiſans aueq' eus Madafime & ſes femmes pource qu'ils ſçauoient notamment q le Roy Liſuart étoit trop marry de la bōne fortune qui leur étoit auenuē, tant vouloit grād mal à Amadis: nonobſtant qu'ils ſ'aperceût biē, q ſes affaires prenoient trē-mauuais train, depuis qu'il l'auoit chaffé, & les cheualiers gaulois, de ſa cōpagnie.

A cuerdo Oluido.

Fin du Second Livre d'Amadis de Gaule.

DE L'IMPRIMERIE DE CHRISTOPHE PLANTIN. M. D. LX.



Sur la deuise d'Acuerdo Oluido.

*Pour détourner celui qui ayme
A' n'aymer point celle que i' ayme.*

*Puis que ne pouvés paruenir
Au bien ou tant vous aspirés,
Oubliés tôt le souvenir
Par lequel trop vous empirés.*

*Souviennne vous que cét oubly
Vous causera vn long repos:
Car amour seul m'a étably
Pour la servir à tous propos.*

*A' elle suis du tout voué
De l'oublier doncq' vous souviennne:
Car vous serés desavoué
De servir celle qui ét mienne.*

*Plus tôt sera la mer tarie,
Sans feu & sans arc Cupido,
Qu'en son amour i'amaïs varie
Mon prompt Acuerdo Oluido.*



LE TROISIEME LI-
VRE D'AMADIS DE
GAYLE.

Mis en François par le Signeur des Effars Nicolas
de Herberay , Commissaire ordinaire de l'artil-
lerie du Roi , & Lieutenant en icelle , és païs &
gouvernement de Picardie, de Monsieur de Bris-
sac, Cheualier de l'ordre, grand Maitre & Capi-
taine general d'icelle artillerie.


ACVERDO OLVIDO.

A ANVERS,

Chés Iean VVaesberghe , sus le Cemitiere nôtre
Dame, à l'Ecu de Flandres, sus le
Marché des Toiles.

M. D. LXI.

AVEC PRIVILEGE
DV ROI.



MATHVRIN BEHEV BAILLY
DE GINAVDAN
AV SIGNEVR DES ESSARS,
SVS LE SVIET D'AMA-
DIS DE GAVLE

D'un rude roc sourd la claire fontaine,
Qui a le cours plaifant & amoureux,
Et des Effars ta gracieufe veine,
Sort de l'aigreur de combats furieux,
Grand profit fait le ruisseau fluctueus,
Qui du rocher vient arrofer la plaine,
Mais il n'êt point ami, si fructueus,
Que la douceur dont voi ta Muse pleine.

LVI MEMES AV LECTEUR.

Si tu veus voir l'amitié, le discord,
L'aigre & le dous, pais & la guerre ensemble,
En vn cahos tous vnis & d'acord,
Ly Amadis: là verras, ce me semble,
Que des Effars, Mars & Venus assemble
Si proprement, par fes mots gracieus,
Qu'il semble à voir que Mars foit amoureux,
Et que Venus pour Mars prend la querelle,
Et fait coucher, qui êt encores mieus,
Mars le felon avec Venus l belle.

LA TABLE DV TROISIEME LIVRE

D'AMADIS DE GAULE.

ET PREMIEREMENT:

LE tiers Liure d'Amadis de Gaule, contenant les guerres & dis-
cords qui suruindrent en la grand' Bretaigne & és enuiron,
à l'occasion du mauuais conseil que receut le Roi Lisuart de
Gandandel & Brocadan contre Amadis & les siens, dont de-
puis maints bons Cheualiers d'une part & d'autre finerent cruellement
leurs jours.

Chapitre premier.

Fueillet I

Comme Amadis étant en l'Ile Ferme, s'enquît à Gandales des nou-
velles de la court du Roi Lisuart, delibérant passer en Gaule avec Bru-
neo, pour euitier sa melencolie : & des auantures qui lui suruindrent par
la tempête qui le jetta en l'Ile triste.

chap. ij.

7

Comme le Roi Cildadan & Galaor, en allant vers le Roi Lisuart, ren-
contrèrent douze Cheualiers, & vne Dame, qui conduisoient vn jeune
Damoisel, laquelle les pria de supplier le Roi le faire Cheualier.

ch. iij.

Comme le Roi Lisuart eut bataille contre les Cheualiers de l'Ile Fer-
me, léquels il deffit, & de la grande liberalité dont il vsa depuis enuers
Galuanes, en lui restituant toutes les terres & pais de Madasime.

chap. iiij.

14

Comme Amadis étant avec le Roi Perion son pere, se trouua merueil-
leusement melancolique, se voyant éloigné d'Oriane, & au contraire
Bruneo trescontent, ayant ocaſion de voir & parler à Melicie quand il
vouloit, & des entreprinſes qu'ils firent l'un & l'autre pour passer leurs
fantasies.

chap. v.

17

Comme les Cheualiers aus armes des Serpens, retournans en Gaule,
eurent fortune contraire, qui les jetta en lieu ou Arcalaus les cuida faire
mourir, & de ce qu'il leur auint depuis.

chap. vj.

21

Comme Esplandian étoit nourri avec l'Hermite Nascian, & des gran-
des auantures qu'eut en ce tems Amadis, changeant de nom, en se fai-
sant apeller le Cheualier à la verde Epee.

chap. vij.

28

Comme le Roi Lisuart chassant en la forêt ou il auoit laissé les dames,
trouua casuellement vne jeune Damoiselle, lequel lui montra le che-
min de l'hermitage, ou Nascian le bon Hermite se tenoit, & fut cet en-
fant recôneu long tems après pour fils d'Amadis & d'Oriane.

c. viij.

Comme le Cheualier à la verde Epee, étant parti d'avec le Roi Tafi-

nor de

L A T A B L E.

nor de Boëme, vint és marches de Romanie, ou il trouua Grasinde sus les champs, acompagnee de plusieurs Gentis-hommes, Dames & Damoiselles, mêmes d'un Cheualier nommé Brandasidel, lequel le vouloit contraindre par force d'armes, de venir parler à icelle Grasinde, & du combat qu'ils eurent ensemble. chap.ix. 35

Comme quelque tems après que le Cheualier à la verde Epee eut fait voile en mer, & laissé les Iles de Romanie, fut jetté par fortune en l'Isle du diable, ou il combatit contre vn monstre apellé l'Endriague. c.x. 38

Comme le Cheualier à la verde Epee fit entendre à l'Empereur de Constantinople, à qui apartenoit l'Isle ou il auoit occis l'Endriague, la fortune & grande victoire qu'il auoit eüe, & des choses qui lui auindrent depuis. chap.xj. 41

Comme le Cheualier à la verde Epee partit de Constantinople, pour satisfaire à la promesse qu'il auoit faite à la belle Grasinde, & de ce qui en auint. chap.xij. 46

Comme la Roine Sardamire arriua avec les autres Embassadeurs de l'Empereur Patin, à la court du Roi Lisuart, esperans emmener à leur retour Oriane, & de ce qui auint à aucuns Cheualiers Romains injurians vn Cheualier errant. chap.xij. 50

Comme la Roine Sardamire enuoya prier Florestan de la conduire à Mirefleur vers Oriane, puis qu'il auoit si mal traité ses Cheualiers, qui lui tenoyent compagnie, qu'ils ne la pouuoient suiure. chap.xiiij. 53

Comme le Cheualier à la verde Epee, nommé depuis le Cheualier Grec, & ses compagnons, conduirent la belle Grasinde, & de ce qui en auint. chap.xv. 57

Comme le Cheualier Grec & ses compagnons, conduirent la belle Grasinde, au lieu ou le combat deuoit être fait, & de ce qui en auint. chap.xvj. 61

Comme le Roi Lisuart enuoya querir Oriane, pour la liurer aus Romains, & de ce qui auint à vn Cheualier de l'Isle Ferme, mêmes du combat qu'eut Grumedan contre ceus qui l'auoyent deffié. chap.xvij. 64

Comme le Roi Lisuart liura aus Embassadeurs de l'Empereur sa fille Oriane, & autres Damoiselles, pour les conduire à Rome, lesquelles peu après furent secouruës des Cheualiers de l'Isle Ferme. chap.xviij. 70

F I N D E L A T A B L E.

LE TROISIÈME LIVRE D'AMADIS DE GAVLE CONTENANT LES GVERRES

ET DISCORDS QUI SURVINDRENT EN LA
grand' Bretagne & es enuirs, à l'ocasion du mauvais con-
seil que receut le Roy Lisuart de Gandandel & Bro-
cadan, contre Amadis & les siens, dont depuis
maints bons Cheualiers d'une part & d'au-
tre finirent cruellement leurs jours.

CHAPITRE. PREMIER.



Estas deffaits (ainsi qu'a
ués entendu) les enfans
de Gandandel & Bro-
cadan, les Cheualiers
de l'Ile Ferme vindrēt
querir Angriote & son
neueu, & en grād ioye

les conduirent en leurs pauillons. Or s'é-
toit le Roy Lisuart retiré en sa chambre
vn peu au parauāt cete victoire, nō pour
bien qu'il voult aus vaincus connoissant
déja la traïson de leurs méchans peres:
mais pour ne voir chose qui redondāt à
la gloire d'Amadis, lequel il auoit en si
grand'haine, que pour la luy faire mieus
entendre, à grand peine voulut il donner

Am. 3.

loysir aus deus vaincūeurs de faire regar-
der à leurs playes, qu'il leur envoya hāti-
vement dire, qu'ils eussent à sortir de ses
païs, sans q de la en auant ils y rentraissent
plus: autrement qu'il y pouruoyroit ainsi
qu'il auiseroit. Ce qu'entendu par eus, fu-
rent tant déplaisans, qu'à l'heure ils s'en
plaignirent à dom Grumedan, Guillan
le pensif, & autres Gentis-hommes qui
les visitoient souvent auxquels ils dirent
que puis que le Roy (oubliant les serui-
ces qu'ils luy auoyent faits par le passé)
les traitoit & éloignoit si étrangemēt de
lui, qu'il ne trouvāt aussi étrange si (l'aiāt
habandonné) ils essaioyēt de lui porter dō
mage à leur possible. Et aussi tōt firent ar-

A

mer

LE TROISIEME LIVRE

mer leur cheuaus & prindrent eus & leurs compagnons le chemin de l'Isle Ferme, en sorte que le troisieme iour ensuyuant arriuerent en vn hermitage, ou ils trouverent la niece de Brocadan amye de Sarquiles par le moyen de laquelle la traison precedante auoit été decouuerte. Et pource que son oncle la menaçoit elle s'estoit absentee secretement de la court. Lors l'auisant Sarquiles vint l'embrasser, & fit tant qu'il l'amena quant & eus: mais entendés que tôt après qu'Angriote & ses compagnons furent delogés, Grumedan (qui les auoit conduits) vint vers le Roy Lisuart, auquel il fit entendre tout ce qu'Angriote luy auoit dit. A quoi il pensa longuement, puis répondit. Je sçay bien que patience ét vne vertu fort recommandee, & grandement profitable: Neant-moins elle engendre bien souuēt d'un petit mal vne très grande ruine, & qu'ainsi soit, si i'eusse du commencement monstré à Angriote, & aus autres le visage que ie deuois, sans les recevoir si benignement comme i'ay fait, ils n'eussent, peut être eu l'audace non seulement d'vser de menaces envers moy: mais d'entrer en mes païs si priuement: toute-fois ayant fait ainsi que la raison m'obligeoit, Dieu (s'il luy plaît) m'en sçaura gré, & redonnera le tout à mon honneur & à leur confusion, & pour le leur faire connoître, ie veus (sans plus temporiser) les enuoyer defier & Amadis principalement qui ét auteur de tout ce mal, à ce que par même moyen leur audace soit châtiée. Or étoit là present le Roy Arban de Norgales, l'un des plus sages & vertueux Princes de la terre, lequel voyant la soudaine entreprinse que faisoit le Roy, luy dit: Si re, ie serois bien d'auis (auant que de ce faire) que vous eussiez l'auis des hauts hommes de vos païs: car vous sçaués qu'Amadis & ceus de sa lignee sont bons Cheualiers à merueilles, & puissans grandement par les amis qu'ils ont, d'avantage

il n'y a celuy qui n'ait conneu, que fausement ils ont été acusés deuant vôtremajesté, dont la victoire qu'Angriote & Sarquiles ont obtenue ces iours passés contre les acusateurs, à rendu bon témoignage, & si le droit n'eut été de leur côté encores qu'ils soyent bons Cheualiers, si ne se fussent ils depêchés si aisément des enfans de Gandandel ne de Damas, qui donne assés à entendre, que nôtre Seigneur les a voulu maintenir en leur iustification, & pourtant sire, s'il vous plaisoit oublier le mal que leur portés & les rapeller à vôtreservice, ce seroit (ce me semble) pour le mieus, veu que lon n'approuve pas beaucoup, que le Prince face guerre, contre ceus qu'il peut facilement & à son honneur attirer à amitié & seruice, attendu que faisant autrement, c'est bien souuent perte de gens, despence extreme, & amoindrissement d'autorité, chose qui cause puis après aus Seigneurs circonuoisins, desir de faire nouvelles entreprinse, pour sortir de sujecction & rentrer en plus de liberté qu'ils n'auoyent au parauant: Et partant, le Prince sage, s'il ét possible, ne doit iamais donner occasion à ses vassaus d'eus éloigner de la crainte & reuerence, qu'ils luy doiuent: mais faut qu'il essaye par tous moyens, à les gouverner par discretion temperee, gagnant leurs cueurs & volontés, plus par fidelle amour, que par rigueur & tyrannie, comme fait le bon pasteur envers ses ouailles. Parquoy, sire il ét requis étaindre le feu ia alumé, auant qu'il soit du tout embrasé: Car bien souuent après la faute conneuë, le remede se treuve par trop éloigné. Amadis ét si humble & tant vôtreservice que si vous l'enuoyés rapeller, vous le recouvrerez facilement avec ceus qui l'ont fuiuy, dequels pourrés mieus que iamais être seruy & disposer. Je connois bien-dit le Roy, que vôtreservice ét très bon: mais ils m'ont demandé chose que ie ne leur puis donner, l'ayant au

pa-

parauant promis à ma fille Leonor, & si sçay bien aussi, que leur puissance n'ët en rien égale à la mienne, & pour-tant ne m'en parlés plus, & vous tenés prêts pour m'a compagner: car demain Cendil de Ganote les yra deffier tous en l'Ile Ferme. Vous ferés ce qu'il vous plaira dît le Roy Arban, lequel voyant que le Roy entroit en sa colere ne luy voulut plus contester ains sans faire semblant de rien se retira en son logis.

Mais entendés que Gandandel & Broquadan connoissans leur traïson, être tant manifeste par la mort de leurs enfans (eus ennuyés de plus vivre entre gens de bien, & de vertu) firent prendre les corps morts, puis eus & leur famille s'embarquerent en vn navire, & faisans voyle arriuerent en vne petite Ile, ou ils acheuerent le reste de leur vie malheureuse: Parquoy nôtre hystoire n'en fera plus mention, & retourne au Roy Lisuart, lequel après auoir longuement réué à ce qu'Angriote luy auoit mandé, & aus propos que luy auoit tenus le Roy Arban, fit apeller grand nombre de ses Cheualiers, & commença à se plaindre grandement à eus d'Amadis & ses compagnons, leur remonstrant les temeraires paroles, & auantageus propos qu'Angriote luy auoit mandés par Grumedan, & pourtant mes amys disoit il, ie vous prie me conseïller comme ie me doy gouverner en celà: car si i'endure cete iniure, elle ne redonnera moins à vôtre deshonneur, qu'à mon desauantage, veu que le Prince ne peut être iniurié, que ses sujets n'en reçoïuent blâme, s'ils le seuffrent l'en pouvant defendre. Lors par tous les assistans luy fut répondu, qu'ils étoyēt prêts de le seruir, en ce qu'il luy plairoit d'entreprendre. Et de fait la guerre fut concludé contre Amadis, & ses alliés. Au moyen dequoy il appella Cendil de Ganote, & luy dît. Allés en l'Ile Ferme ou vous trouverez Amadis, dites luy que desormais il ne soit si

hardy, ne nul de ses amys, d'entrer (pour quelque ocaïon que ce soit) en mes païs: car si ie les y puis faire prendre, ie les mettray en lieu, duquel ils ne sortiront pas à leur ayse, Dites leur aussi que ie les deffie, & qu'ils soyent assureés que ie les ruïneray, & de corps & de biens, ou ie les rencotrерay. Et pource qu'ils se sont ventés de ayder à Galuanes contre moy, ie suis deliberé aller en personne prendre possession de l'Ile de Mongaze, ou s'ils s'ingerent de venir ie les feray pendre, & étrangler. Ainsi s'en partit Cendil, & ce iour mêmes délogea le Roy, pour venir feïourner en sa ville de Gracedoine, & là assembler son armée, dont Oriane, fut trefayse, connoissant le temps aprocher qu'elle deuoit enfanter, & que là, mieus qu'en nul autre lieu elle pourroit celer son inconuenient. En ce même temps les douze Cheualiers qui conduïsoyent Madasime, cheminerent tant, & si longuement, qu'ils arriverent à deus lieux de l'Ile Ferme, ou ils trouverēt Amadis, avec plus de deus mille Cheualiers, déquels il furent trébien receus: car ils sçauoyent dé-jà quelle fin auoit euë leur entreprinse. Et ainsi qu'ils s'enqueroient des nouvelles du Roy Lisuart, virent de loing venir Cendil de Ganote qui descendoit le long de la montaigne, lequel auïssant si grosse troupe de Cheualiers tant bien montés, & armés, les larmes lui vindrent aus yeus, considerant la perte qu'auoit fait le Roy son maitre, éloignant de son seruice tant de preud'hommes, toute-fois aprochant d'eus, demanda (avecq' vne contenance assuree) ou étoit Amadis, lequel on luy monstra parlant à Madasime & aus autres nouuellement arriués. Lors piqua son cheual, & passant outre s'adressa à luy, & après l'auoir salué & ceus qui l'acôpagnoyent leur dît: Signeurs, ie suis enuoyé icy vers vous, de la part du trépuissant Roy Lisuart mon souverain Signr, au nom duquel ie vous deffie, & tous vos parens, amys, ou alliés,

LE TROISIEME LIVRE

& de par luy vous declare, que s'il vous trouve iamais en la grand' Bretagne, ou en l'Isle de Mongaze, qu'il vous fera prendre & traiter comme ses mortels ennemis, pourtant gardés vous d'orenauant si pouués: car il a entrepris de vous courir sus, & ruiner entieremēt, s'il en a le moiē. Quand Quedragant entendit si grand menace, il ne peut se contenir qu'il ne répondit sus le champ à Cendil. Par Dieu, il siet mal au Roy vōtre maitre d'ainsi nous menacer: pourtāt dites luy, que cōbien qu'il soit Roi & puissāt Prince, si aimeray-je autant mon cors pouure qu'il fait le sien riche, & si ne suis rien moindre que lui en la noblesse, étant yssu aussi bien qu'il ēt de lignee Royale des deus côtés & que puis qu'il faut que ie me donne garde de luy, que semblablement luy ne les siens, ne s'asseurent de moy: Signr Quedragant, répondit Amadis, ie vous prie differés que nous luy donnions réponse pour nous tous semble: car le roi Lisuart n'entreprend la guerre contre vous seul: mais contre nous aussi, & s'il plaīt à Cendil, il viendra avec nous iusques en l'Isle Ferme: & atēdant sa depēche, il pourra (si bon luy semble) voir les merueilles du lieu, specialement l'arc des loyaus amans, on il fera épreuve de la loyauté qu'il garde à s'amie, pour en dire des nouvelles aus Dames de la court. Par ma foy, répondit Cendil, ie suis content n'auoir iamais autre temoignage de mes amours que celui q mon cueur m'en promet: toute-fois i'atendray tant qu'il vous plaira, & Dieu vueille que tout vienne à bonne fin. Ainsi prindrent le chemin de l'Isle, laquelle Cendil n'auoit onc veu: mais quand il auisa l'assiete du lieu si difficile à assieger, la fertilité du païs, & l'abondance du peuple y resident, il pensa bien que c'étoit l'une des plus fortes contrees du monde, & que mal aysemēt le Roi Lisuart pourroit executer la ruine d'icelle. Or le fit Amadis honorablement recevoir & festoyer tout le tems qu'il y seiour

na, combien que le lendemain de grand matin s'assemblassent les principaus Cheualiers pour auiser à la réponce qu'ils feroient au Roi Lisuart: Et après plusieurs opinions debatuēs, le deuxième iour ensuyuant ils conclurent de lui enuoyer semblable défiemēt qu'il leur auoit fait, & pour ce executer fut commis Sadamon, l'un de plus acōplis Cheualiers qui fut en leur troupe, lequel étoit venu, en la compagnie de Dragonis & Palomir enfans de Grasugis Roi de la profōde Alemaigne, qui auoit épousé Saduue sœur du Roi Perion de Gaule. Pas ne refusa cēte commission car il hayoit le Roy Lisuart, pour l'ingratitude dont il vsoit enuers eus, & eut Sadamon charge expresse (par toute la compagnie) de lui declarer, que puis qu'il les menaçoit & deffioit, qu'il se gardāt aussi d'eus à l'auenir: car ils luy pourchasseroient tout le mal dont ils se pourroient auiser, l'assurant qu'ils passeroient le plus tōt qu'il leur seroit possible en l'Isle de Mongaze, pour remettre Galuanes & Madasime en leurs terres, & là connoitroit, s'il les venoit assaillir, l'envie qu'ils auoyent de luy bien faire. Et s'il vous met en auant (dirent ils) quelques nouvelles menaces, vous luy pourrés répondre sagement comme Cheualier auisé que vous êtes. Tant y a qu'il se doit tenir seur, de n'auoir iamais pais n'amytiē à tous tant que nous sommes, s'il ne rend à Galuanes ce qu'il luy a v-surpé. Et ainsi que Sadamon prenoit cōgé d'eus, Amadis apella Gandales & lui dit, mon pere, ie vous prie aller avec lui, & dites au Roi Lisuart, que ie vous enuoye particulièrement deuers lui pour l'auertir, que i'estime moins ses menaces qu'il ne pensē, & que si ieusse sceu le peu de grē qu'il me porte de tant de seruices qu'il a recens de moi, que ie me fusse très-bien gardé d'entrer si souvent aus dāgers ou ie me suis mis pour le biē de lui & de son Roiaume, qui n'eut (peut être) autrement demouré si entier qu'il ēt à present: mais

i'espere en Dieu qu'avec le tems il connoitra cete ingratitude, plus par force, que de son gré. Et quant à ce qu'il pourchasse mō inimitié, assurez le qu'il l'aura tant mettra en oubly ce que moi & les miens auons fait pour le defendre. Et toute fois dites lui, que puis que moi seul lui ay cōquis l'Ile de Mongaze, que ie n'y mettrai iamais le pié pour la luy faire perdre, ne en lieu ou ie pense donner ennuy à la Roine pour l'honneur d'elle. Gandales, dit Agrais, si vous la voyés baïsés, luy les mains de ma part, & luy dites que ie la supplie humblement, puis que les choses sont en tels termes, qu'elle me renuoye ma seur Mabile: car il me semble qu'elle ne luy doit desormais seruir que d'empêchement. Quand Amadis entendit cete parole, il changea couleur du grand ennuy qu'il receut, pource qu'en Mabile seule il esperoit le salut de la Princeesse Oriane, & la lui ôtant, il sçauoit le déplaisir qu'elle en prendroit, toutefois il n'y osa contredire craignant decouvrir aucunement ses affections, & sus ce point Gandales print congé d'eus, & suyuit Sadamon & Cendil, léquels cheminerent tant que le dixième iour ensuyuant ils arriuerent en la court du Roi Lisuart, qui les receut trèsgracieusement, encores qu'il eut été au paravant auerty qu'ils venoyent le deffier. Et après que Gādales & Sadamon luy eurent fait la reuerence, il leur commanda dire ce qu'ils voudroyent. Sire, répondit Gandales, voicy Sadamon, qui a charge de (par tous les Cheualiers qui sont à present en l'Ile Ferme) vous déclarer leur deliberation. Quant à moy ie viens vers vous particulièrement, ainsi que de mon Seigneur Amadis vous ferai entēdre, & pource me permettes, s'il vous plaît, voir la Roine, comme celuy qui desireroit grandement lui faire treshumble seruice, & à vous aussi, mon honneur sauue. Par ma foi Gandales mon amy, répondit le Roi, ie ne vous sçay aucun mal gré de tenir le party d'Amadis: car ie croi que

Am. 3.

vous l'estimés autant que vōtre propre fis, & quant à ce que desirés voir la Roine, i'en suis trèscontent, pour l'amour de vous qui aués si bien traité sa fille Oriane, durant qu'elle sciouerna en Ecoce, & ce pendant, puis que Sadamon est principal Embassadeur en l'affaire pour lequel vous êtes venus vers moi, die ce que bon luy semblera. Lors s'auança Sadamon, & d'une bonne grace commença son propos, remonstrant premierement au Roy le tort qu'il faisoit à Galuanes & Madasime, & generalement à tous les parens & amys d'Amadis, de par léquels, dit il: Roi Lisuart, ie vous deffie & denonce, qu'ils sont & seront vos mortels ennemys tant que pretendrés droit en l'Ile de Mongaze, laquelle vous efforcés d'ocuper à tort. Puis suyuant pertinemment son propos, n'oublia vn seul point de sa charge. Comment? répondit le Roy, ils pensent donc par menaces m'épouuenter. Non, non, ils n'auront point ce qu'ils demandent, & moins la pais avec moy, & pour mieus leur mōtrer leur folie, ie suis content ne porter de ma vie couronne, n'y d'être digne de nom de Roi, si ie ne leur sçay abatre leur trop grand'audace. Sire, dit Sadamon, vous connoissés la plus part d'eus, & sçaués ce qu'ils sçauent faire, parquoy si vous y pensés bien, vous iugerez, peut être, qu'ils ne sont si aysés à deffaire que vous les estimés. Il y paroitra, répond le Roi, suffise vous pour cete heure & vous retirés vers eus le plutōt que vous pourrés. Sire dit Gandales, mon Seigneur Amadis m'a donné charge vous dire aussi de par luy seul tout ce que vous à fait entendre Sadamon, fors qu'il vous mande qu'il ne se trouuera point en l'Ile de Mōgaze: car puis qu'il la vous a cōquise, il ne veut être ocasiō de la vous faire perdre, & si delibere n'être pour iamais en lieu ou la Roine prēne ennuy, pour l'honneur d'elle. Qu'il face, répondit le Roy, ce qu'il pourra, il ne me chaut pas beaucoup s'il s'y treuve ou non. Et combien qu'il

A 3

LE TROISIEME LIVRE

qu'il ne fit pour l'heure cas (deuant les gens) de cete honête offre, si pèsoit il tout autrement qu'il ne disoit, aussi n'y eut il celuy des assistans qui n'en estimât Amadis grandement. Lors se leua le Roi, & commanda que lon menât Gandales & Sadamon dîner, en sa salle, & qu'ils fussent assis ioignât Giontes son neveu, Guilan, & quelques autres Cheualiers des plus estimés, auxquels par leur prouesse, il faisoit ordinairement très grand honneur, qui donnoyt desir à maints de les imiter en esperance de paruenir à leur degré, & aussi tôt que les napes furent leuees, il fit conduire Gadales vers la Roine, lequel entra en sa chambre ainsi qu'Oriane & Mabile parloyent de luy. Adonc leur fit la reuerence, & s'aprouchant de la Roine lui baïsa les mains puis elle le fit soïr près d'elle, & lui monstrant Oriane, luy dit Gadales mō amy, connoissés vous cete Damoiselle que vous aués autrefois tant bien seruie? Ma Dame répondit il, si ie luy ay fait quelque seruice, ie m'en tiens grandement heureux, & seray quand jauray le moyen de ce faire, à vous & à elle. Or ça, dit elle, quelles nouvelles nous apportés vous d'Amadis? Ma Dame répondit Gandales il m'a expressément commandé de vous voir s'il étoit possible & vous presenter ses tres-humbles recommandations à votre bonne grace, & au surplus vous auiser qu'il ét trèsdeplaisant d'auoir été ainsi contraint habandonner votre seruice. Autant m'en a dit mon Seigneur Agraies, lequel vous supplie, que puis que lui & dom Galuanes son oncle sont en la hayne du Roi qu'il vous plaise luy renvoyer sa sœur, croyant certainement qu'eus étans si defavorisés qu'elle ne pourroit desormais être bien venue en cete court. Quand Oriane entendit cete parole, oncques femme ne fut plus ennuyée pour ce qu'outre l'amytié qu'elle luy portoit, elle seule étoit principale garde de ses plus priués secrets, puis elle connoissoit aprocher

l'heure de son enfancement, qui luy redoubloit du tout sa tristesse: car la perdant, elle ne sçauoit plus en qui se fier. Mais Mabile qui luy vit la larme en l'œil, luy dit tout bas: Par ma foy, ma Dame, si le Roi me fait le tort de me separer de votre compagnie, ce sera entièrement maugré moy. Dequoy vous fâchés vous? répondit Gandales, ne serés vous aussi bien venue en la court du Roi Perion votre oncle avec la Roine Elisene & Melicie votre cousine, qui desire tant vous voir? Certes Gandales, dit la Roine Agraies ne me fait point de plaisir de demander maintenant sa sœur, & aussi deuant que de la luy enuoyer i'en parleray au Roy, tant y a que s'il croyt mon conseil, que vous ne l'aurez pas encores ny ne partira de ceans, s'il luy plaît y demourer. Ma Dame, répondit Gandales ie vous supplie me depêcher le plutôt qu'il vous sera possible: pource que ie ne puis faire ceans long seïour. Et comme ils étoient sus ces propos le Roy entra en la chambre: Lors Oriane s'aprouchant de luy & pleurant tendrement, luy dit. Sire, vous sçaués le bon traitement & grand honneur que me firent le Roy & la Roine d'Ecoce, durant le tems que vous me laissâtes en leur garde, lesquels ont eu tant de fiance en vous, que pour m'en tenir compagnie ils enuoyèrent quât & moy leur fille, & maintenant si vous m'en ôtés, ie croy qu'il sera impossible que ie puisse plus viure: car en elle, plus qu'en nulle autre, j'ay amytié & cōpagnie singuliere. Et toute fois Agraies son frere veut qu'elle aille vers luy, & enuoye prier la Roine par Gandales la luy renvoyer. Faisant Oriane cete requeste, Mabile étoit presente laquelle se ietant aus piés du Roy le supplia humblement ne vouloir permettre qu'elle habandonnât encores la Princesse Oriane, & que sans auoir égard aus discords suruenus entre luy & ses parens, il luy pleut la tenir toujours en sa bonne grace. Ce qui émeut tel-

tellement le Roy à pitié qu'il luy répondit: Ma cousine, pensés vous que pour le different d'entreus & moi, ie vueille mettre en oubli les plaisirs que vous aués faits à ma fille? croyés que pour l'amour de vous, vous n'aués parét que ie ne reçoive en ma maison (quand il y voudra venir) aussi volontiers que ie fis oncques, & à qui ie ne fisse du bien quand il viendrait à propos: car la hayne d'aucuns, ne me scauroit refroidir en l'amitié de ceus qui m'ayment, spécialement envers vous, que ie connois de si long temps. Lors elle luy voulut baiser les mains: mais il la print & la mena vers la Roïne, qui parloit à Gandales, lequel auoit entendu tout le propos du Roy, & à cete cause il dit à Mabile: Ma Dame puis que vous trouvés si bien en cete compagnie, & que le Roy & la Roïne vous y demandent tant, ie ne suis pas d'auis que vous en partés encores, il me suffit d'auoir fait mon message, pour-tant auisés ce qu'il vous plaît mander à monsieur vôte frere. Signeur Gandales, répondit la Roïne, vous luy dirés, qu'il ne se soucie de sa sœur, & que ie la ferai traiter comme ma fille. Gandales, dit le Roy, dites aussi à Amadis que quant à ce qu'il me mande (par vous) qu'il n'yra point en l'Isle de Mongaze (puis qu'il me l'a conquise) que ie connois bien qu'il le fait plus pour son profit, que pour auancer mon honneur, & que ie l'en remercie ainsi que ie l'entens & pourtant que d'icy en auant chacun face comme il entendra. Ce disant sortit de la chambre, & demeura Gandales seul avec la Roïne, qui luy dit. Je vous prie, beau frere, ne prendre garde à la colere du Roy: mais essayés à mettre pais entre luy & Amadis, ainsi que ie feray de ma part si je puis, & luy dites que ie luy scay très bon gré de l'honnête offre qu'il me fait, promettant de ne se trouver en lieu ou il pense me faire ennuuy, & que bien tôt il aura de mes nouvelles. Ma Dame, répondit Gandales,

ie feray ce que me commandés, puis print congé d'elle. Lors l'appellerent Oriane & Mabile, & le tirans à part, luy dit Oriane: Je ne scay Gandales comme ie pourray reconnoitre envers vous le bien que vous m'aués fait: mais j'espere avec le temps aquiter cete grande obligation, ce pendant ie vous prie saluer Amadis de ma part, & luy dites que ie suis fort ennuyée, du discord qui est entre lui & mon pere, preuoyant (selon que ie connois les cœurs des deus) le mal qui en auendra, si Dieu par sa grād' bonté n'y pourroit, & qu'il se souuienne des choses qui lui sont suruenues, tandis qu'il a été en cete court, spécialement de l'amyté que le Roy luy portoit. Gandales, dit Mabile, ie vous prie faire mes treshumbles recommandations à la bonne grace de mon frere, & lui dites qu'il ne se soucie de moi, & qu'il ne mette d'oresenauant peine de me separer de la compagnie de ma Dame: car il perdrait son tēs, & baillés cete lettre à mon cousin Amadis, en laquelle il trouvera vn discours de toutes nos nouvelles, qui luy sera plaisir comme ie croy. Ma Dame, répondit il, ie le feray. Or vous en allés donc, que Dieu vous conduye, dirent elles. Ainsi s'en partit, & luy & Sadamon monterent à cheual: mais au sortir de la ville ils auiserent grand nombre de gens de guerre, faisans leur monstre pour passer en l'Isle de Mongaze, & les auoit fait venir le Roy expressement en ce lieu, à ce qu'ils les vissent en passant, entre lesquels étoient le Roi Arban, de Nor gales, & Gasquilá le Felon, fis de Madraque le braue Geant de l'Isle Triste, & de l'une des sœurs de Lencine, Roi de Suesse, lequel étoit si hardi Cheualier q̄ mourant Lencine son oncle: fut eleu Roi par ceus du pais, & étoit venu en la grād' Bretagne pour cōbatre Amadis & ses parens à l'instance d'une Dame qu'il aimoit grādemment comme plus au long pourrés entendre au quatrième livre. Ainsi s'en allerent Gandales & Sadamon deuisans de

LE TROISIEME LIVRE

l'armee, & apareil q̄ faisoit le Roi Lisuart: mais par Dieu disoient ils; ils auront affaire à gens qui peu les douteront, & tant cheminerent qu'ils arriuerent en l'île Ferme. Lors en la presence de tous les Cheualiers, reciterent ce que le Roi leur mandoit, & le grand nombre de gens qu'ils auoyent trouvés, prêts à passer au Lac Ardant, dequels étoyēt chefs, & cōducteurs le Roi Arbā de Norgales, & Gasquilā roi de Sueſe, & qu'icelui Gasquilā étoit venu de si loing expres pour combattre cōtre Amadis & ses parés, & étoit estimé par ceus qui le connoissoyent l'un des meilleurs Cheualiers, & plus adroit que lon peut trouver. Sus ma foi répōdit Garuate du val Craintif, il trouuera dom Florestan, & Quedragant assés experimentés pour luy faire passer la douleur qui le tourmente de trop entreprendre, & s'ils sont empêchés ailleurs, ie luy presenteray ma personne pour suplée à leur defaut: car ce ne seroit raison qu'il fut venu de si loin pour s'en retourner, sans trouver ce qu'il demande. A ce que ie voy, dit Amadis, si i'étois entaché de cete maladie (cōme il ét) ie mettrois plutōt ma fiance en Dieu, qu'en la medicine que luy ordonnés. Ie suis d'auis, répondit Brian, qu'il soit secouru le plus briuement que lon pourra, a ce qu'il puisse raconter en ses pais loingrains quels bōs maitres il aura trouués par deça. N'y a il nul icy qui le connoisse? dit Amadis. Par ma foy répondit Listoran de la tour blanche, ie l'ay autrefois veu: Lors leur recita cōme il fut élu Roy de Sueſe, pour la grande Cheualerie qui étoit en lui par laquelle, dit il, il ét réputé entre ses voy sins plus q̄ nul autre, & à ce que j'entēds il n'a encores trouué (dequis huit ans qu'il s'uyt les armes) Cheualier ayant la hardiesse de s'égalier à luy: mais ie croy bien que rencontrant ce qu'il cherche, il aura affaire à d'autres, qui luy feront perdre cete bonne reputation. Et me souuyent qu'une fois ie me trouuai contre luy en vn tournoi au val

de terre & rompîmes nos glaiues. l'un sus l'autre si rudement, que tous deus fumes renuersés en terre, & nos cheuaus sus nous, & ainsi que nous tâchions à nous releuer pour venir au combat de l'épee, nous fumes enuelopés de si grād' troupe de Cheualiers d'une part & d'autre, que force fut nous separer, & à la fin ceus de mon côté eurent du pire, pour le peu de deuoir qu'ils firent, & l'effort extreme en quoy se mît celui duquel nous parlons, qui emporta ce iour l'honneur du tournoi. Vrayement, dit Amadis vous parlés grandement à son auantage, & connois bien maintenant que sa venue par deça ne luy part que de grand cuer, & pour se faire connoitre entre les preud'hommes. Il se deuoit doncques ioindre avec nous, répondit Quedragant, pour mieus s'essayer contre ceus du Roy Lisuart qui s'estiment tant. Or y auoit il huit iours entiers qu'ils atendoient tēps propre à eus embarquer pour passer en l'île de Mongaze. Et ainsi qu'ils deuisoient ensemble, les mariniers leur vindrent dire, qu'il falloit déloger, s'ils ne vouloyent tarder leur entreprinse: car ils auoyent vent commode, parquoy il n'y eut celui qui ne se mit en deuoir d'entrer en son nauire. Lors sonnèrent de toutes pars, trōperres & clairons, & comme ils étoient prêts à tirer les ancras. Amadis qui ne vouloit aller avec eus, se mit dans vn équif avec Bruneo & alloyēt de vaisseau en vaisseau, prendre congé de leurs amis, les persuadans de bien faire leur deuoir, & leur disoit Amadis: Ie vous prie, mes compagnōs vous secourir l'un l'autre, & penser que d'autant que vous allés cōtre vn Roi puissant, la gloire q̄ vous aquerrés (si vous le combatés) en sera plus grande. Ie sçay bien qu'il n'y a icelui de vous tous, qui ne soit tenu à preud'homme & hardy Cheualier, qui me donne esperance qu'avec l'ayde de Dieu, & le bon droit de celui qui vous conduit, vous remettres une pouure Damoiselle desheritee en ses premiers

miers biens, puis entra en la nef, ou étoient ensemble Galuanes, Quedragant, Florestan, Brian, & Agraies. Adonc les larmes luy vindrent aus yeus, & en les embrasât l'un après l'autre, leur dit: Je ne fu de ma vie si ennuyé de faucer si bonne compagnie comme ie suis à présent: mais il n'y a celuy qui ne me doive excuser. Que pleût à Dieu, que l'ocasion eût apreté autre moyen pour ne nous separer. D'une chose vous vueil bien prier, c'est q̄ vous n'ayés discord l'un avec l'autre, ains que vous viuiés ensemble, cōme compagnons & amys, autrement assésurés vous que la ruine tombera de vōtre part. Ce disant les commanda à Dieu, & vint prendre congé de Madafime qui deuisoit dans le nauire avec ses femmes, puis rentra en son bateau, & cōmencerent les mariniers à hauceler les voyles, dans lesquelles le vent singla desorte, qu'ils perdirent incontinent de veü l'Ile Ferme, & le sifième jour ensuyuant arriuerent auant l'aube du jour près du lac Ardent. Lors firent secretemēt dresser ponts & bateaus, pour descēdre en terre: car ils sçauoyent que le Comte Latin étoit là avec grosse troupe de Cheualiers pour la defence du lieu, & ainsi qu'ils faisoient diligēce, la guette les decouurit, qui aussi tōt en auertit le Comte & Galdar de Rascuil, lesquels incontinent firent armer leurs gens, & vindrent trouver leurs ennemys sus le bord de la Mer. A leur arriuee y eut dur confit d'une part & d'autre, les vns pour prendre port, les autres pour les engarder: toutes-fois les Cheualiers de l'Ile Ferme furent repoussés jusques dans leurs vaisseaus. Ce que voyant Florestan, Galuanes, Agraies, Orlandin, & la plus part d'eus se lācerent en l'eau, en sorte q̄ maugré les gens du Comte, ils prindrent terre: car ils furent suivis par leurs compagnons de telle furie, que les autres reculerent & commencerent à branler prêts à eus mettre en route. Ce q̄ preuoyant le Comte, se retira au pas, espérant rētrer à son aise dedans la ville: Mais

à l'instant nouvelles luy vindrent que les habitans s'étoient reuoltés, & qu'il n'y auoit plus qu'une porte tenant fort pour eus. Aussi que Dandaside, fis de la vieille Geante (qui auoit ce jour precedent été mis prisonnier au château avec vingt autres Gentis-hommes de la ville) auoyent rompu les prisons, ainsi que leurs gardes s'amusoient à regarder le combat de la marine, & les ont (disoit celuy qui portoit ces nouvelles) tous mis en pieces, puis ont donné l'alarme à la ville, & ont les habitans mis à mort tous ceus qu'y auies laissés pour la garder. Cēt auertissement épouenta en sorte le Comte Latin, & ceus de sa troupe, qu'ils cuyderēt tourner dos & gagner la montaigne: Toures-fois à la fin connoissans qu'ils se pouroyent encores mieus sauuer par le portail qui tenoit pour eus, & auoir quelque composition avec leurs ennemys, s'y retirerēt tous. Parquoy Galuanes ne voulut les suiure plus auant, ains fit retirer ses gens, atendāt que le reste de son armee fût descenduē, & ainsi qu'il ordonnoit son camp, vint vers luy un cheualier de la part de Dandaside, l'auertir, que (sans doute) ils étoient Signeurs de la ville, & du château, s'il luy plaisoit les secourir, & que le Comte & sa troupe ne tenoyent plus qu'une simple porte, par laquelle ils s'efforçoyent de reconquerir ce qu'ils auoyent perdu, & pourtant que son plaisir fut d'y pourvoir. A quoy Galuanes entendit diligemment. Car aussi tōt il partit avec son armee, & marcha droit à la ville, conduisant Madafime, pour dōner tou-jours plus de cœur & de bon vouloir à ses sujets, lesquels vindrent la receuoir en tout honneur & reuerence. Ainsi entrèrent les Cheualiers de l'Ile Ferme dans la plāce, & tādīs que l'on menoit les Dames au château, Galuanes tint conseil pour sçauoir qu'il étoit de faire, pour chasser du tout leurs ennemys: car ils faisoient semblant de se vouloyr fortifier au portail qu'ils tenoyent. Premier parla Agraies, disant: Qui me vou-

LE TROISIEME LIVRE

dra croire, ie suis d'auis, que sans leur donner loysir de pouruoir à leur infortune, ils soyent presentement assaillis si viuement qu'il ne s'en sauue aucun. Signeur Agraiés, répondit Florestan, nous ferôs mieus: & s'il plaît à cete cōpagnie (sans hazarder nos gens) nous enuoyerons les sommer d'eus rendre à nôtre volonté. Ce que peut être, ils accepteront volontiers, qui nous fera autant d'honneur, que faisant autrement. A cete opinion s'acorderent tous, & furent Angriote & Garuate ordonnés pour aller vers le Côte. Et des l'instant le vindrent trouver, puis luy firent entêdre ce dont ils étoient chargés, l'assurât que s'il ne se rendoit promptemêt, qu'il seroit des le jour même assailly, sans prêdre nul d'eus à mercy. Assés facilemêt accepta le Côte & ceus de sa troupe le party que lui offroit Galuanes, voyans le danger ou ils étoient, tant pour le grâd nôbre de leurs gens cruellement navrés, q̄ pour être le païs du rout reuolté contr'eus, & aymerêt trop mieus entrer en la mercy de tels cheualiers, que solemêt atêdre le siege en ce portail, ou tenter la fortune, sous esperâce d'eus sauuer, se iettâs en la cāpagne entre les paisans: de quoy les Cheualiers de l'Isle furent tresjoyeus. Car ils étoient quasi tous navrés, ou tant rompus du combat, qu'ils auoyent soutenu tout le jour, qu'à grande peine pouvoient ils porter cuirasse en dos, combien que ce plaisir leur dura peu, pour ce que quasi aussi tôt, on leur apporta nouvelles, que le Roy Arban de Norgales, & Gasquilan Roy de Suese étoient descendus en l'Isle avec mille Cheualiers, ou plus, de la part du Roy Lisuart ce qui les étonna merueilleusement. Tou tefois ils delibererent d'eus bien defêdre, & tenir la place forte, sans combattre, premier qu'ils ne fussent refraichis & gueris. Mais pour trop ne vous éloigner de ce qui auint à Amadis étant retourné en l'Isle Ferme, avec Bruneo, nous les laisserons, atendans leurs ennemys, pour vous declarer ce qui s'enfuyt.

Comme Amadis étant en l'Isle Ferme, s'enquît à Gandales des nouvelles de la court du Roy Lisuart, deliberant passer en Gaule avec Bruneo, pour euitier sa melancolie, & des auantures qui luy suruindrent par la tempête qui le ietta en l'Isle Triste.

CHAP. II.

A Prés que cete armee de mer eut fait voyle, & qu'Amadis l'eut perduë de veuë, luy & Bruneo retournerent en l'Isle Ferme, & pour ce qu'il n'auoit eu le loysir de s'enquerir à Gandales des nouvelles de la court du Roy Lisuart, pour le soudain partement de ses compagnons, le jour mêmes se pourmenant dans vn jardin, le fit appeller, le priant luy dire, s'il auoit veu la Roynne & sa cousine Mabile. Par ma foy, répôd Gâdales, i'ai parlé à elles deus, & à ce que ie puis connoître, elles vous portent grand amitié, spécialement la Roynne, qui vous prie tant qu'il lui êt possible, faire pais avec le Roy, puis lui presenta la lettre que Mabile lui écrinoit, & lui dit: Ma Dame Oriane & vôtre cousine Mabile se recommandent bien affectueusement à vôtre bonne grace, & sont fort ennuyees de la mauuaise opinion que le Roy a cōtre vous, & si vo^e mâte par moi ma Dame Oriane, que vous ayés souvenance du bië & plaisir que vous aués autre fois receu en la maison du Roy son pere, & m'a vôtre cousine baillé cete lettre, laquelle vous informera plus au long de ses nouvelles. Adonc Amadis la print, & tournant le dos à Gandales (craignant mutation de visage) l'ouvrit, & vid dedâs, que sa lignee s'augmentoît, étant Oriane prête de faire enfant, dont il fut si aise, q̄ rien plus: toutefois l'absêce d'elle lui causoit tant d'ennuy, qu'il ne sçauoit trouver repos en son esprit, ains souspiroit à tous propos. Au moyen dequoy il delibeta aller voir le Roy Perion son pere, & passer en Gaule, & à cete cause cōmanda à Gandalin faire aprêter yne nauire pour s'embarquer le lēdemain en la compagnie de Bru

Bruneo. Ce q̄ fit Gādalín diligēment, en sorte que le jour ensuiuant entrèrent en mer, ayans du commencement vent assés propre: mais à la fin si cōtraire, q̄ la tēpête les ietta auprès d'vne Ile, laquelle leur sembla tréplaisante, pour le grand nōbre d'arbres qui y étoient plantés: & pour ce qu'ils se sentoient las du trauail de la mer, Bruneo dît à Amadis: Sire, voyés le plaisant sejour que voicy pour nous reposer, s'il vous plaît: & peut être y trouverons nous aussi quelq̄ auanture. l'en suis content, répondit Amadis, & commāda au patron de mettre le nauire à bord. Ah a Seigneur, répondit il, Dieu vous garde de ce mal. Et pourquoy? dît Amadis. Vous êtes morts, répondit le Patron, si vous y descendés, c'est l'Ile Triste, ou se tient le cruel Geant Madraque, qui est le plus dur tyran qui soit en toutes les Iles de cete mer, & si vous auise, q̄ depuis quinze ans, il n'y est entré Cheualier ne Damoysselle, qui n'ait souffert piteuse mort, ou prison malheureuse. Quand Amadis & Bruneo l'entendirent, il n'y eut celuy d'eus à qui le courage ne creût, desirans de tout leur pouuoir destruire tāt dānables cōtumes, & pourtant dirent au Patron, qu'il ne se souciāt, que de prēdre port, le cōtraignāt par force à ce faire, puis s'armerent, & montās à cheual sans autre cōpagnie que de leurs Ecuyers, Gandalin & Lafinde, marcherēt au trauers de l'Ile, leur commandant, que si par fortune ils étoient assaillis d'autres, q̄ de Cheualiers, qu'ils leur aidassēt à leur pouoir. Ainsi cheminerēt tāt, qu'ils vindrēt au dessus d'un tertre, ou ils decouvrirēt un château lequel leur sembla beau en perfectiō. Là prindrēt leur adresse, & approchans près entendirent sonner un cor par si grande force, que toute l'Ile en retentit. Par Dieu, dît Bruneo, le Patron du nauire nous a dit, que quand ce cor sonne, le Geant sort hors la forteresse, pour cōbatre ceus que ses gens ne peuvent vaincre, & à l'issuē est tant furieux, que bien souuent il met à mort tout ce qu'il rencontre, & les

siens propres. Allons, répondit Amadis, voir que c'est: mais ils n'eurent gueres cheminé plus auant, qu'ils ouyrent un bruyt de gens & de coups qu'ils se donnoient. Parquoy s'equiperent pour eus defendre, s'ils étoient assaillis. Lors auiserent deus Cheualiers si rudement poursuius, par grand nombre de gens de cheual, & de pié, qu'ils étoient quasi hors d'aleine: car leurs cheuaus auoyent été tués sous eus, neant-moins ils se defendoyent hardiment: & comme ils s'aprocherent près d'eus, Ardan le Nain conneut Amadis à l'écu qu'il porroit, & se print à crier:

Ah a mon Seigneur, secourés vōtre frere Galaor, & le Roy Cildadan son grand amy. Amadis & Bruneo étonnés de cete nouvelle (sans répondre à Ardan) donnerent des esperons à leurs cheuaus: mais fus l'heure virent aprocher Madraque morté sus un cheual noir, couvert de lames de fer, lequel tenoit en son poing un épieu si pesant, que mal aisément autre Cheualier l'eut peu leuer de terre, & menaçoit ses gens, leur disant: Canaille malheureuse, ne poués vous (tant que vous êtes) deffaire deus Cheualiers recreus?

Tirés vous, chetifs, à ce que moy seul aye le plaisir de leur tirer le sang du cors. Or le voyoit Amadis aprocher de son frere, & du Roy Cildadan, avec une trop étrange fureur: parquoy doutāt qu'ils ne lui peussent resister, dît à Bruneo: Mon compaignon secourés mon frere, & me laissés le cōbat de Madraque. Ce disant, lui va souvenir qu'il auoit deffait le Roy Abies, qui n'étoit moindre en puissance, que celui à qui il se vouloit adresser, & par même moyen va pēser au plaisir qu'il eut par la lettre que luy apporta la Damoiselle de Dannemarc, dont il eut le cœur tant haucé, que sans tarder mit la lance en l'arrēt, & courant de droit fil encontre, l'ataignit en l'estomach si viuement, qu'il luy doubla les reins, & comme il se courboit tira si fort les rénes du cheual, qu'il se renuersa sus luy, en sorte que par cete cheute, il

LE TROISIEME LIVRE

te, il en eut la ianbe rompuë, & demeura le cheual épaulé, au moyen dequoy Amadis passant outre, & le voyant sans se mouoir, courut au secours de ses compagnons, criant à haute vois: Aus autres, mō frere, aus autres, Amadis ét venu à tems, povr vous secourir, & comme il se vouloit mêler au fort de la presse, il auisa Bru neo pêle mêle, faisant tāt d'armes, que du premier coup de lance qu'il donna, mit à mort le neveu de Madraque, puis mettant l'épee au poing fauca l'armet d'un autre, qu'il desarçonna. Lors Galaor qui en étoit joignant saisit le cheual, & se ieta legierement dessus. Ce pendant, Gādalīn trouva façon de s'aprocher du Roi Cildadan, lequel étoyt tant las de cōbatte à pié, qu'il n'en pouoit quasi plus, & luy baillant Gādalīn son cheual, luy dīt: Sire, prenés cēte monture qui bien vous servira à ce besoing. Ah a Gandalin, répondit le Roy, tu ne pourras de ta vie (cōme ie croy) mieus me secourir à propos, & soudainement se ietta dessus. Ainsi furent les Cheualiers remōtés: dont leurs ennemys s'aperceurent tōt après: car ils les chargerēt si āprement, qu'ils en occirent la plus part, & les autres gaignerēt à fuyr vers le château, cuidans trouver la porte ouverte: mais ils furent suivis de pres, & outre ce le Geāt avoit defendu de n'y laisser entrer aucun, premier que luy même retournāt en personne. Et à cēte cause eus ne trouvant remede en leur saluation que de crier mercy, mirent bas les armes, & se iettans aus piés d'Amadis, lui demanderent misericorde. A quoy Galaor, ne Cildadan ne vouloyent entendre pour les outrages qu'ils auoyent receus d'eus, ains leur coururent sus, comme au paravant: Mais Amadis se mit entre deus, & fit en sorte qu'il les apaisa, puis retournerent vers le Geant, lequel sentoit tant de douleur, qu'il ne pouoyt quasi se remuēr, & sembloit à le voir, qu'il fūt mort de la pesanteur du cheual qui lui faisoit perdre l'aleine. Au moyen dequoy Galaor & Cildadan commāderent à leurs

Ecuyers le releuer, & quand il fut allégé, commença grandement à se plaindre.

Lors Amadis suruint, qui mit pied à terre, & tenant l'épee nuë au poing, faignit lui vouloir trancher la tête, quand Galaor le pria tresinstamment de luy sauver la vie, non pour bien que ie lui vueille: mais pour l'amour de son fis Gasquilan Roy de Suefe, qui ét tenu à preudhomme. Par Dieu, répondit Amadis, s'il ne me promet faire ce que ie luy diray, ie luy promets bien faire de luy ce que ie voudray. Helās pour Dieu, Sire Chevalier, dīt Madraque, ne me tués, ie suis prêt d'acōplir vōtre vōlonté. Juré moy donc, répondit Amadis, q tu te feras Chrétien, & que jour de ta vie n'outrageras Chevalier, Dame, ou Damoiselle, qui entre en cēte Ile n'ailleurs, si n'ēt en te defendant. Et il luy promīt, le priant de venir s'heberger en son château, ce qu'Amadis luy otroya. Lors firent emporter Madraque par leurs écuyers: car il lui eūt été impossible de se tenir à cheual, & aussitōt qu'ils furent entrés dedans la forteresse, les quatre Cheualiers se desarmerent, & s'embraçans l'un l'autre, commencerēt à louer Dieu de ce que fortune les auoyt ainsi rasemblés, & à si bonne heure. Et cōme ils étoyēt en ces termes, les seruiteurs du Geant vindrent leur demander, s'ils vouloyent pas menger. Par ma foy, répondit Amadis, ja viande n'entrera en mon cors, premier que les prisonniers de ceans ne soyent delivrés. Certes, Sire, dirent les autres, les voicy tous qui viennent vers vous. Adonc entrerent en la chambre, & se mettans à genous deuant Amadis, luy voulurent baiser les piés: mais il les releua, & leur dīt: Mes amys, ie vous prie au partir de ceans, aller vers la Roynie Briolanie, & luy dites, qu'un sien Chevalier de l'Ile Ferme, vous enuoye à elle, lequel a trouvé son frere Galaor en ce lieu dont elle sera tresaise, cōme ie croy. Sire, répondirent ils, nous sommes tant tenus à vous, nous ayans delivrés de ce diable, que tant que viurons, demeure-

rons

rerons vôtres. Or allés à Dieu: toute-foys deuant que déloger ils dînerēt ensemble, puis prindrēt le chemin de Sobradise. Et à l'instant Amadis & ses compagnōs vindrent trouver Madraque, ainsi qu'il faisoit regarder à son mal, par vne siēse seur (aīnee de lui de plus de quinze ans) nommee Andādoue la plus grāde Geante qui fût sus la terre, laide & decrepite outre nature: car elle auoit les cheueus tous blācs de grande vieillesse, & si herissonnés qu'il sembloit d'une droite hure: mais ses ans vieux ne luy auoyent en rien amoindry les forces de sō cors, ains couroyt aussi legerement qu'un Cerf, & n'y auoit cheual tant braue, ou folâtre fût il, qu'elle ne domtāt à son plaisir, n'Ours, Cheureul, ou Sanglier, qu'elle ne tuāt de dard ou de sagette, à quoi elle prenoit tout son deduir, puis se vétoit de leurs peaus, & repairoyt ordinairement es plus fors halliers, ou elle espioit les passans, qu'elle mettoyt cruellement a mort, specialemēt ceus qui étoient Chrétiens, ausquels elle auoit haine singuliere. Point ne prindrent garde à elle Amadis ny les autres entrans en la chambre du Geant: car elle se retira aussi tôt qu'elle les vid. Toute-foys depuis elle essaya à leur faire beaucoup d'ennuy, cōme il vous sera recité, & pour-ce que le lendemain ils vouloyent déloger, Amadis demanda à Madraque, s'il vouloit pas entretenir la promesse qu'il auoit faite: ce qu'il lui iura de rechef. Et croyans les cheualiers qu'il dît vray: le jour ensuiuāt mōterent à cheual de grand matin, & vindrēt trouver le nauire qui les atendoit, ou ils s'embarquerent pour passer en Gaule: & ainsi qu'ils côtoyoyent l'Ile, la Geāte qui lors étoit cachée entre les arbres, au sommet d'un haut rocher, les espia, & les voyant nauiguer au dessous d'elle, brandit de toute sa puissance un dard dans le nauire, lequel de malheur ataignit la cuisse de Bruneo, par si grande force, que passant outre, vint se rompre contre le tillac, & tant s'ébranla cēte femme à le lancer, que

le pié luy faillit, tombant de ce roc en la mer: mais au choir elle fit si grand bruit, qu'il sembloit que ce fût vne tour qui se ruināt: & pensoyent ceus du nauire, qu'elle fût noyee: toutes-foys ils l'aperceurent quasi aussi tôt nager, & fendre les ondes plus legerement que ne pourroyt faire un petit poisson: lors ils luy tirerent plusieurs sagettes, dont elle fut navree en trois endroits. Ce non-obstant incontinent qu'elle eut prins terre, se print à fuir au trauers des haliers, en sorte qu'il sembloit que le Diable l'emportāt. Or étoit elle couverte d'une peau d'Ours noire, & se monroit si hideuse, & épouventable, que lon l'eût prinse pour quelque montre marin, ou fantāme diabolique, dont il n'y eut celuy, qui n'en eût frayeur, & firent tous le signe de la croix: & pour-ce que Bruneo perdoit beaucoup de sang par sa playe, il se fit soudainement penser.

Et comme le Chirurgien y mettoyt le premier apareil, la Geante vint au sommet de la roche, criant à haute voix:

Méchans infames, m'estimés vous diable, faisans les signes que vous faites? Non, non, ie suis Andādoue, qui vous donnera tout l'ennuy que ie pourray, sans épergner peine & travail qui se puisse souffrir. Ce disant, leur tira deus ou trois flèches, puis se mir à courir au trauers de l'Ile, ou ils la perdirent de veü. Et si Bruneo ne se fût trouvé tant mal, elle eût été suiue, & prinse, s'il eût été possible, pour en faire la punition: Mais craignans qu'il luy suruint pis, & que la douleur de sa playe le mît en fieure, ils singlerent en pleine Mer, ou Amadis recita à son frere, tout ce qui étoit suruenu en la court du Roy Lisuart, depuis qu'il n'y auoyt été, niēme comme luy & la plus grande part de ses parens & amys étoient sortis de la grand Bretaigne, tant pour le refus que le Roy auoyt fait à Dom Galuanes de l'Ile de Mongaze, que pour les outrageuses parolles qu'il leur auoyt dites: & croyés mon frere, disoyt-il, qu'il s'en pour-

LE TROISIEME LIVRE

pourra repentir: car depuis quinze jours il ét passé grosse armee au lac Ardant, que conduit Galuanes, Agraies, Florestan, & Quedragant, tous delibérés de reduire l'Ile en l'obeissance de Madasime, ainsi que la raison veut, & n'eût été que ie l'ay conquise pour le Roy Lisuart même, i'y fusse allé en personne. Mais i'ay trop mieus aimé venir en Gaule, pour le peu d'esperance que i'ay de plus retourner en sa court. Trop dolent fut Galaor d'entendre ces nouvelles, considerant le mal qui en pouvoit auenir avec le tems, & d'autre part, il étoit déja si affectionné au seruice du Roy Lisuart, qu'il ne le pouoit abandonner, quelqu' amitié qu'il portât à Amadis ou autre, & ne pouant presumer qui le mouvoit d'éloigner ainsi les lieux qu'il auoyt tant aimés, il luy en demanda la cause. Mon frere répondit Amadis, vous poués estimer que i'ay eu occasion de ce faire. Que pleût à Dieu n'y pēser iamais, veu que le souvenir me donne la mort, & pourtāt ie vous prie, ne m'en parlés plus. Ce que Galaor luy accorda, & deuissans d'autre matiere arriuerent près Monstreil ou ils prindrent terre, pour ce qu'ils furent auertis que le Roy Perion y séjournoyt: car c'étoit la ville plus prochaine qu'il eût de la grand Bretagne, & s'y étoit expressement arrêté, pour auoir nouvelles d'Amadis, & de Galaor, ses enfans. Au moyen dequoy aussi tôt qu'il auisa la nef à bon port, enuoya sçauoir qui étoit dedans, Lors le messager qui s'adressa à Amadis, eut réponse, que c'étoient le Roy Cildadan & Bruneo qui vouloyent aller faire reuerence au Roy, lequel entendant ces nouvelles fut mout joyeus, esperant qu'ils le feroient certain de ce qu'il desiroit: Et à cete cause monta à cheual, & vint au deuant d'eus: mais Amadis & Galaor auoyent déja prins vn autre chemin: Car ils vouloyent premier voir leur mere, & sçauoir si elle les pourroyt connoitre. Et de fait, ainsi que le Roi sortoit de la ville, ils entrerēt au château, ou

ils trouverent vn Ecuyer, à qui ils dirent: Mon amy, allés, s'il vous plaît, dire à la Royne, qu'il y a icy deus Cheualiers ses parens, qui desirent lui faire la reuerence, & parler à elle. L'Ecuyer y courut legèrement, puis retourna leur dire qu'ils entraissent. Or n'auoit elle veu Galaor, depuis qu'il fut emporté par le Geant, n'ayāt encores que deus ans: Neant. moins aussi tôt qu'ils furent deuant elle, voyant Amadis, presuma sus l'heure que l'autre étoyt Galaor, & fut si éprise de grand plaisir, qu'ainsi qu'elle les vouloit embracer, elle tomba sus eus, sans pouoir de long tems parler, puis elle s'écria: Ah, ah, vierge Marie, qu'ēt cecy? helàs mes amys, Dieu me fait-il tant de grace, que vous voir ensemble! Ce disant, demeura éuanouye entre leurs bras: mais elle fut soudain secouruë de ses femmes. La suruint Melicie, qui eut bonne part à cete nouvelle joye. Ainsi peut voir la Royne tous ses trois enfans, laquelle se souvenant des infortunes passées, tant à Amadis; qu'à Galaor, l'un d'anoir échappé l'impetueux naufrage de la mer, & l'autre des mains d'Albadan le Geant, la crainte du passé, & la seureté presente, lui liuroyent vne si forte guerre: qu'elle perdoit toute contenance: Toutefois depuis elle reprint ses esprits, & après quelques communs propos, elle leur demanda, s'ils étoient venus seuls en Gaule. Ma Dame, répondit Amadis, le Roi Cildadan ét demouré au nauire, qui tient compagnie à Bruneo de bonne Mer, lequel par grande infortune a été blecé ces jours passés, & pour ce ma Dame, qu'il ét bō Cheualier, preus & hardy, ie vous supplie le receuoir, & faire traiter comme il le merite. Sus ma foy, mon fis, dit elle, il luy sera fait ceans tout l'honneur & bon recueil dont lon se pourra auiser, & tant pour l'amour de luy, q pour le bon vouloir que vous lui portés, ie commanderay à vōtre seur, qui se connoit très bien à guerir toutes playes, qu'elle soyt songneuse de sa personne. Ma seur, dit Ga-

Galaor, ie vous en supplie: car il ét digne d'être secouru, & ne sçache Gentil-homme viuant, plus prompt à faire seruice aus Dames, témoing en ét l'arc des loyaux amants, qu'il trauesa pour l'amour d'une qui se doit estimer heureuse, étant aymee & seruie d'un si loyal personnager qui oncques ne luy fit déloyauté. Quand Melicie entendit parler son frere Galaor, tant à l'auantage de celuy qu'elle aimoit mieus que soymêmes, elle ne se peut tenir de rougir: Toute-fois comme sage & auisee dissimula cete alteration, & répondit à Galaor: Mon Seigneur, puis qu'il plaît à ma Dame, & à vous, ie vous promets que ie m'employeray de bien bon cœur à luy faire seruice. Et comme elle acheuoit cete parolle, suruindrent les Rois Cildadan, & Perion. Or n'auoit iceluy Perion encores rien entendu de la venue de ses enfans, lesquels l'auisant s'auancerent pour luy faire la reuerence. Lors il les embrassa par grand amour, leur demandant comme fortune les auoit adreſſés ensemble, attendu que lon disoit q Galaor étoit perdu du jour de la bataille que le Roy Cildan eut contre le Roy Lisuart. Sire, répondit Amadis, vous dites vray. Adonc luy commença à decouvrir, comme luy & Bruneo étoient arriués en l'Isle triste. Ah, dît le Roy Cildadan, puis que vous parlés de Bruneo, ne vous semble il que vous lui faites tort de le laisser si long tems dans le nauire? Par ma conscience, il seroit trop mieus en terre. Vrayement, répondit la Royne, vous dites vray: car il ne luy ét rien plus contraire que la Mer, & soudain cōmanda qu'on l'allât querir, & que sans tarder il fût mis en vne des meilleures chambres du château. Ce qui fut fait. Lors les Dames le vindrent visiter, & luy dît la Royne, qu'il fut le très-bien venu, & qu'il ne se souciât que de faire bonne chere: Car voicy, dît elle, ma fille qui entend très-bien l'art de Chirurgie, laquelle vous visitera souvent. Certes Bruneo receut cete parolle tout autrement

que la Royne ne l'entendoit, pour ce que (comme il vous a été recité) il aimoit Melicie de tout son cœur, & pour l'amour d'elle (& non d'autre) auoit éprouvé & mis à fin partie des auentures de l'Isle Ferme: toute-fois pour l'heure il couvrit sa passion, & remercia la Royne très-grandement de l'honnête offre qu'elle lui presentoit. Lors elle se retira, laissant sa fille & quelques vnes de ses Damoiselles pour regarder à ce que luy étoit necessaire.

Au moyen dequoy Melicie se vint asseoir tout au plus pres de lui, & en part, dont il pouoit aisement voir l'excellence de sa beauté, qui lui cauſoit tant d'aïse, & de bon heur, qu'il n'eût voulu être sain de sa playe nouvelle, sentant l'anciēne, qu'Amour lui auoit faite, receuoir allegement par le gracieus propos que luy tenoit la ieune Princeſſe, qui l'assura, qu'en brief il seroyt guery, pourueu qu'il fit entierement ce qu'elle lui commanderoit: autrement, disoit elle, vous pourriés tomber en danger de vôtre personne. Ma Dame, répondit il, ja à Dieu ne plaïſe, que ie vous desobeïſſe en tout ce que vous m'ordonnerés: car ie suis seur, que faisant autrement, ce seroit la fin de ma vie. Bien conneut Melicie à quelle fin tendoit cete parolle, neant-moins elle n'en fit semblant, & lui ayant mis le premier appareil, luy dît: Mon Seigneur Bruneo, ie vous prie manger vn peu pour l'amour de moi, puis essayés à reposer, si vous poués. Lors luy fit apporter les viandes qui lui étoient propres, & elle même d'une main blanche plus qu'albâtre, tailloit deuant lui, avec tant bonne grace, que Bruneo qui la regardoit, ne se souuenoit d'autre mal qu'il eût. Ce fait, elle commanda que chacun sortît, & que lon ne fit nul bruit, lui disant: vous m'aués promis d'essayer à prendre repos, ie verray bien comme vous m'obeirés, & ie vous en prie tant cōme ie puis, iusques à ce qu'il soit heure, que ie vous viēne reuifiter. Lors elle même se retira, & apellât Lasinde Ecuyer de Bruneo luy

LE TROISIEME LIVRE

luy dit: Mon amy, vous connoissés mieus que nul autre les conditions de vôtre maître, pourtant demandés ceans ce qui vous sera necessaire. Or entendoit l'Ecuyer très-bien l'amitié d'eus deus, & à cete cause, plus hardy que n'eût été vn moins sçauât que luy, luy répondit: Ma Dame, ie prie nôtre Seigneur qu'il luy doint grace d'être en lieu ou il puisse reconnoître le bien que vous luy faites: Mais il me semble, que qui à le desir d'allegger celuy qui ét navré, il ét necessaire premier donner secours à la principale playe, qui me fait vous supplier auoir pitié de mon Seigneur, lequel endure tant, non du mal qu'il a receu nouvellement en la iambe: mais de l'ancienne bleceure que vous luy aués faite, & qu'il souffre avec trop de rigueur. Mon amy (dît elle) ie pourray bien mettre remede au mal qui m'êt cogneu: mais à l'autre qui m'êt occulte, ie n'y pourrois donner ordre. Certes, ma Dame, répondit l'Ecuyer, si l'un vous ét euident, l'autre vous ét assés manifeste: car vous êtes bien certaine, que l'ardante & extreme amour qu'il vous porte a été la principale cause de luy faire voir les images d'Apolidon, & de Grimanese en l'Isle Ferme. Lasinde, dît elle, ceus qui sont entachés de tel mal, recouurent communément guerison par dilation de tems sans qu'ils ayent besoing d'autre remede, de celuy qui n'a moyen de le luy donner, & passant outre, laissa l'Ecuyer, lequel vint declarer à son maître tout le propos qu'il auoit eu avec l'infante Melicie, dont il ne s'ennuya aucunement, estimant qu'elle auoit ainsi discrettement répondu, ne se fiant encores à l'Ecuyer, & comme vray amoureux font souuent. fois, il print le tout si bien à son auantage, qu'il en receut plus de contentement qu'au parauant, louant Dieu de ce qu'Andandove l'auoit navré: car sous ombre de sa playe recente, il voyoit souuent celle sans laquelle il ne pouoyt auoir joye ne plaisir. Et quelques jours après, Amadis, Galaor, & le Roy Cilda-

dan se pourmenans ensemble, Galaor s'adressant au Roy Perion (qui y suruint) luy dît: Sire, ie vous supplie treshumblement, me conseiller d'une chose dont ie suis en vne étrange fantasie: vous sçaués (mon Seigneur) dît il à Amadis: que vous me mîtes avec le Roy Lisuart, me commandant que ie le seruissse, & fusse du tout sien, ce que ie luy promis, & à vous aussi, & maintenant voyant les differés tant grans suruenus entre vous deus, durant mon absence, ie me trouve en étrange perplexité, considerant la faute que ie feray, tenant son party contre vous, & le blâme q'ie receuray aussi l'abandonnâr à present, & à son trèsgrand besoing, & pourtant ie vous requiers à tous tres-humblement, m'auiser de ce que i'ay affaire, pour ne tomber en deshonneur d'une part ou d'autre, & vser en cela plus de raison, que de volonté. Mon fis, répondit le Roy Perion, vous ne sçauriés faillir à suyure vôtre frere, à l'encontre d'un Roy tant ingrat & outrageus: car si vous vous êtes donné à luy, pour le seruir contre tous, ç'a été la personne de vôtre frere exceptee, à cete cause vous poués sortir de son seruice, puis qu'il s'êt déclaré, non seulement ennemy mortel d'Amadis: ains de tous ses parens & amys, desquels vous deués tenir le premier lieu. Sire, dît Galaor, il me semble (sous correction) que ie m'oublerois grandement, & pourrois recevoir blâme, me retirant d'avec luy, auant qu'il me donne congé: car puis qu'au tems de pais il m'a fait honneur & bon traitement, que pourroit-on dire, l'abandonnant lors que les affaires lui suruiennent?

Bien conneut Amadis au propos q'itenoit Galaor, qu'il n'auoit volonté de le suyure, & à cete cause il se formaliza à sa fantasie luy disant: Mon frere, encores que nous soyons grâdement obligés d'obeir aus commandemens du Roy nôtre pere: toutes-fois il lui plaira me pardonner, si ie lui dy ce qu'il me semble de vôtre entreprinse.

Je suis d'avis puis qu'aués si grand desir de retourner en la grand Bretagne, & demourer avecq le Roy Lisuart, que vous le faites: car en ce que touche nos differens, j'espère qu'il ne pourra auoir en sa compagnie tant de bons Cheualiers, que Dieu, qui est iuste Iuge, ne luy face connoître à la fin le tort qu'il nous fait, & la trop grâde ingratitude d'ot il a vñe envers moi, de qui il a receu tant de services, & pourtant, s'il plaît au Roy, il vous laissera aller, & ie lui conseille. Et bien répondit le Roy, Dieu le vueille conduire avec l'espérance q' i'ay qu'il pourra être cause de mettre quelque iour pais à si grâde guerre. Ain si eut Galaor son congé, & pource que le Roy Cildadan se vouloit aussi excuser de ce qu'il le suiuoit, commença à dire: Mes Signeurs, il n'y a celui de vous tous qui n'entende assés à qu'elle fin est tournée la bataille que i'eue cōtre le Roy Lisuart, lequel par le moyen de vous autres obtint la victoire de la iournee pour moi trop malheureuse: car l'honneur qui m'étoit trop iustement deu, se nua en ma grâde confusion, pource que par les convenances q' nous promîmes l'un à l'autre au parauant, ie suis contraint le reconnoître pour quelque tems à Seigneur & moi-mêmes le servir en personne avec mes Cheualiers, ce qui m'est bien grief d'acōplir: Mais ayant l'honneur plus cher que la propre vie, ie suis content dénier & contredire à ma volonté, & lui mener le nombre de gens que luy ay promis pour l'accompagner, à quoi il m'a déja fait semondre, & mêmes ce matin: car au sortir de la messe, j'ay receu lettres de luy à cete fin. Ainsi, mes Signeurs, ie vous supplie trouver bon, que faisant ce que ie doi, ie m'en aille vers luy quant & mon compagnon Galaor. Vous ferés ce qu'il vous plaira, dit le Roy Perion, toute-fois ie croy qu'à la fin il ne vous en sçaura non plus de gré, qu'aus autres qu'il a chassés. Et sus ce propos s'en allerent en leur chambre ou ils demourerēt tant que chacū se retira pour

Am.3.

aller dormir iusques au point du iour qu'ils vindrent prendre congé du Roy, & d'Amadis, puis s'embarquerēt en vn bon nauire qu'ils trouverent prêt, avec vent à propos, parquoy leuans les ancrs firent voyle en la grand' Bretagne ou étoit le Roy Lisuart, lequel auoit eu ce iour même nouvelles de la deffaite du comte Latin, & de ses gens, dont il étoit si dépité que sans attendre l'armée qu'il auoit fait leuer vouloit partir avec si peu de Cheualiers qui étoient pour lors en sa court: Toutesfois il delibera premier aller courre vn Cerf, & y mener les Dames, parquoy le lendemain monterent tous à cheual, & vindrent à l'assemblée au milieu de la forêt, ou il auoit fait dresser ses têtes. Là leur fut donné maint plaisir de la venerie: mais tout celà ne lui pouvoit faire oublier l'iniure qu'il auoit receu au lac Ardant par les Cheualiers de l'Ile Ferme, & ne pensoit à autre chose qu'à s'en venger, ain si qu'il vous sera recité.

Comme le Roy Cildadan & Galaor en allant vers le Roy Lisuart, rencontrerent douze Cheualiers & vne Dame, qui conduisoient vn ieune Damoisel, laquelle les pria de supplier le Roy le faire Cheualier.

CHAP. III.

ETans dom Galaor & le Roy Cildadan arrivés en la grand' Bretagne, eurent incontinent nouvelles q' le Roy Lisuart dressoit son armee pour passer en l'Ile de Mongaze, & que de brief il y deuoit partir, au moyen de quoi, ils firent grâde diligence, pour l'ataindre, auant qu'il delogeat, & arriuās près du lieu ou il étoit, se logerēt au milieu d'une longue forêt, puis le lendemain ain si qu'ils vouloyent monter à cheual entendirent assés près d'eus le son de la cloche de quelque Hermitage, parquoy tirerent celle part pour aller ouir la messe, & entrans dans la chapelle, aperceurēt douze écus verds à vne tour d'or paine au mylieu, & arrangés tout à l'entour de

B

l'autel



l'autel, dessus lesquels étoit vn autre écu tout blâc, garny de fin or enrichi de maintes pierres pretieuses, dont ils furent ébaïs: car ils ne voyoient nuls Cheualiers à qui ils peussent appartenir: Toute fois ainsi qu'ils faisoient leur oraison entra vn'Ecuyer, à qui Galaor demanda qui auoit là mis ces armes. Par ma foy, répondit il, vous ne le pouvés maintenant sçauoir: mais si vous allés en la court du roy Lisuart vous en aurés bien tôt nouuelles. Et ainsi qu'ils vouloyēt sortir, suruindrēt douze Cheualiers, tenans chacun d'eus vne Damoiselle par la main entre lesquelles étoit vn ieune Damoisel, le plus beau, & autant de belle taille qu'il étoit possible de voir, qui parloit à vne ancienne Damoiselle qui le conduisoit. Biē conneurent Galaor & le Roi Cildadan à son acoutremēt qu'il étoit étranger, & s'emerueilloient grandement qui il pouuoit être: mais ils differerent d'eus enquerir à l'heure, pource qu'ils virent l'Hermite se reuētir pour dire la messe, laquelle ne fut si tôt paracheuee que l'ancienne Damoiselle s'adressa au Roy Cildadan & à Galaor, leur demandant s'ils étoient de la maison du Roy Lisuart. Pourquoi? répondirent ils. Pour autant, dit la Damoiselle,

que nous desirons grandement vōtre conduite, s'il vous plaisoit nous l'otroyer, car nous auons été auertis qu'il ét en cete forêt, avec la Roine & grosse troupe de Dames, ou il court le Cerf. Vrayement Damoiselle, répondit Galaor, s'il vous plaît nous vous y ferons compagnie. Sire, dit elle, mille mercis, & puis que nous vous trouuons tant à propos & que vous êtes (comme ie croy) de ses hommes nous vous prions humblement le suplier donner Cheualerie à ce ieune Ecuyer, q̄ vous voyés cy present, vous assurant qu'il ét extrait de si haute lignee qu'il merite bien que lon luy face cēt honneur, & mieus, s'il ét possible. Certes Damoiselle, répondit Galaor, ie le ferai volontiers, & pense que si bon Roy & tant gracieus ne m'éconduyra de chose si raisonnable. Or y allons donc presentement, dit elle, & tandis nōtre Damoyse se tiendra prêt, & fera ses oraisons en cete chapelle, ainsi qu'il ét de coutume. Lors mōterent à cheual, & s'en alla seule en la compagnie de Galaor & du Roi Cildadan, & comme ils descendoient à terre, ils aperceurent le Roi trauersant le long de la vallee lequel auisant les deus Cheualiers armés se douta qu'ils étoient là arrêtés pour iouer

ter contre le premier qui s'y offriroit, & combien qu'il eut en sa compagnie, trente Cheualiers pour sa garde, & prêts à combattre, si ne voulut il (pour l'heure) qu'ils donnassent coup de lance: mais enuoya Grumedan vers Galaor & son compagnon leur dire qu'il les prioit venir vers luy. Ce qu'il fit & aussi tôt que Galaor le vit aprocher il le cōneut & d'assés loing le monstra au Roy Cildadan, lui disant: Sire voicy venir vers nous l'un des plus preud'hommes du mōde. Qui ét il? répondit le Roy. C'et, dit Galaor, le vieillard Grumedan, lequel portoit l'enseigne du Roi liliart en la bataille contre vous. Par Dieu, répōdit le Roi Cildadā preud'homme ét il vrayemēt: car ce iour ie lui vy faire autant d'armes, qu'à nul autre de la troupe, & me souvient que ie m'efforçay grandement pour la luy arracher des poings: mais il ne fut en ma puissance, combien que ie la lui brisai entre ses bras. Or auoyent ils lors leurs heaumes ôtes pour la chaleur, au moyen dequoi Grumedan reconneut promptement Galaor & donnat des éperons à son cheual vint l'embracer luy disant qu'il fut le trébien venu. Et voylà, dit il, le Roi qui m'euoye vers vous estimant que vous soyés autres que vous n'êtes, lequel vous prie venir parler à luy. Seigneur Grumedan, répōdit Galaor, le Roi Cildadā que voicy & moi l'allons trouver. En bōne foy, dit il, il sera tréjoyeux de vōtre retour, & ie m'en vois deuant, s'il vous plaît, l'en auertir. Or alés dōc & nous vous suyurōs. Lors Grumedā tourna bride & l'ayant veu le Roi si longuement parler aus deus Cheualiers, luy demāda (à son arriuee) qu'ils étoient. Sire, répondit il, c'et mon Seigneur Galaor qui vous amaine le Roi Cildadan. Comment? dit le Roi, ét il possible? Ouy certes répondit Grumedā. C'et bien (dit il) le plus grand plaisir que ie sçauois auoir pour cete heure, allons ie vous prie les receuoir. Adonc piqua droit à eus, & le voyant Galaor & le Roy Cil-

dadā aprocher, descendirent de cheual pour lui faire la reuerence. Et il les embrāça, leur faisant si bon visage, qu'il n'y eut celuy de sa troupe qui ne conneut aysément combien leur venuē luy étoit agreable, puis leur demanda qui étoit cete vieille Damoiselle qu'ils conduisoient. Sire, répondit Galaor, nous l'auons trouuee n'agueres en vn Hermitage cy près, acompagnée de douze Cheualiers, & d'un ieune Damoysele le plus beau que vous vistes oncques, lequel à ce que j'ay entendu ét venu de pais loingtain, expref sēmēt pour receuoir Cheualerie, s'il vous plaît la luy donner: car d'autre ne la veut il auoir comme il dit. Pourtant, sire, le Roi Cildadan & moy, vous supplions humblement la luy octroyer, veu qu'à voir sa contenance ie croy qu'il soit yssu de quelque preud'homme & grand Seigneur. Or n'auoit le Roi acoutumé de faire tel honneur, sinon à ceus qu'il connoissoit le meriter grandement: au moyen dequoy oyant la requeste que lui faisoit Galaor (s'apuyant du Roy Cildadan) demoura long tems pensif auant que répondre, pource q̄ les refusant, il luy sembla qu'il feroit mal, & le leur accordant aussi il le trouuoit étrange, & hors de son acoutumee façon de faire: Ce nonobstant à la fin il demāda à la Damoiselle de qui il étoit fis, Sire, répondit elle, vous ne le pouvés sçauoir pour le present, tant y a que ie vous iure sus mon ame, qu'il ét extrait de Royale semence des deus côtés. Que vous en semble? mon trégrand amy, dit le Roi à Galaor, le ferons nous Cheualier? Sus mon Dieu, Sire, répondit il, vous le deués faire, sans vous en excuser: car ie croi qu'il sera de grande prouesse. De par Dieu soit, dit le Roi: mais ie veus que la Royne & les Dames en soyent rémoings, pourtant allés au deuant d'elles & les faites venir au lieu ou il nous attend, & soyés seur qu'elles seront trefayes de vous voir. Adonc le Roi print le chemin de l'Hermitage & Galaor avec

LE TROISIEME LIVRE

le Roi Cildadan allerent trouver la Roine: mais croyés qu'on cques hōmes ne furent mieus receus d'elles qu'ils furent, specialement de la Princesse Oriane, & de Mabile: car elles esperoyēt auoir par eus certaines nouvelles d'Amadis, aussi qu'ils seroyent moyē de le remettre en la bonne grace du Roi: Puis ayant d'une part & d'autre fait les meilleures caresses, dōt ils se peurent auiser, Galaor leur dīt ce que le Roi leur mandoit dont elles furēt tre-faïses, & n'y auoit celle qui n'eut desir de voir ce nouvel Ecuyer q̄ Galaor disoit tāt beau & de si belle taille. Au moyē de quoy elles monterent incontinent à cheual & sans tarder suyurent le chemin de l'Hermitage avecq̄ si grande diligence, qu'elles ataignirent le Roi, ainsi qu'il entroit dans la chapelle. Lors auiserent les douze écus arrangés tout à l'entour de celui qui étoit tout blanc, & vis à vis le ieune Damoisel, faisant son oraison si deuotement, & d'une si bonne grace qu'elles le estimerent plus qu'au parauant: car selon leur auis ils n'auoyent oncques veu si belle creature, ne de plus asseuree contenance, lequel voyant si grand'cōpagnie de Dames & de Cheualiers se leua & leur vint faire la reuerence. Adōcq̄ le Roi lui print la main & lui demanda s'il vouloit être Cheualier. Sire, répondit il, autre chose, ne m'a fait venir vers vous de si loingtain païs, dont ie suis party, & vous supplie humblement me faire cēt honneur. Vrayement dīt le Roi, vous ne serés pas refusé. Or vous mettés à genous: & à l'instāt le Roi luy dōna l'acollée, luy disant: Cheualier soyés-vous au nom de Dieu, puis le leua. Or ça, dīt il, élises à prendre l'épee du personnage, étant en cēte compagnie, qui plus vous sera agreable. Sire, répondit le Cheualier nouveau, ie vous supplie que ce soit donc de ma Dame Oriane, ce faisant i'auray acomply ce que mon cœur a plus desiré. Ouy vraiment, dīt le Roi, ie l'en prieray pour vous, & s'adressant à la Princesse, luy dīt: Mamye, puis que le

Cheualier desire que lui soit fait cēt honneur, ne lui refusés pas, ie vo⁹ en prie. Or n'auoit la Princesse, oncques été requise de telle chose, & ne sçauoit à quelle fin tendoit celui qui l'auoit demandee: au moyen de quoy elle ne se peut tant asseurer, que la couleur ne lui montāt au visage, & prenant l'épee que lon lui presenta, la ceignit au Cheualier. Lors dīt l'ancien ne Damoiselle au Roy, si bas qu'elle ne fut entenduē que de luy: Sire, puis que vous aués tant fait pour nōtre Cheualier, il demourera, s'il vous plait, en vōtre seruice, avec ces douze autres qui l'ont toujours acompagné, & pource que ce me ēt force retourner vers celle qui le vous à enuoyé, ie vous supplie me donner congé, vous auisant, sire, qu'il se nommē Norandel, & si ēt plus vōtre que ne pensés, comme vous pourrés connoitre par cēte lettre, laquelle elle luy mit secretement en la main, & prenant congé de luy s'en alla son chemin, le laissant tout pensif des propos qu'elle luy auoit tenus: Et pource qu'il se douta bien qu'il y auoit quelque chose d'importance dedans, il faignit retourner vers ses veneurs, pour mieus la li-re à son ayse, priant à Galaor, & au Roy Cildadan de reconduire les Dames en leurs tentes, attendant l'heure du dîner, & ce pendant, dīt il, ie m'en iray prendre vn Cerf. Toute-fois si ie tarde trop à retourner, ne m'attendés iusques au souper. Lors print le chemin du relais, & se trouvant en peu de compagnie, ouvrit la lettre qui contenoit ce qui s'ensuyt.

*Lettre de l'insante Celinde au
Roi Lisuart.*

Trepuissant & excellent Prince, lisant cēte lettre, il vous pourra, peut être, souvenir, que lors que trauersiés les païs étranges, comme Cheualier errant mettāt à fin maintes perilleuses auentures, Fortune vous adressa au Royaume de mon pere, lequel étoit decedé nouvellement, et me trouuātes retiree en vn mien château, nommē le grand Rosier ou Antifon le
braue

braue me tenoit assiegee , à cause que ie le dédaignois à mari, n'étant égal à moy en noblesse, & moins amy de vertu: & biē le sceut monstrier car il auoit lors vsurpé par force & tyrannie sus moi pauvre Damoiselle orpheline, la plus part de mes païs quand à vōtre arriuee luy presentâtes le cōbat pour (soustēnir le droit que i'auois) leq̃ll' accepta plus pour la cōfiance qu'il auoit à la force de ses bras, que pour iuste querelle qu'il eut. A quoy nōtre Seigneur monstra son iuste iugement: car vous moindre que luy de corpulēce: mais en magnanimité de courage de beaucoup excédant, le deffistes. Au moyen dequoy peu après ie fu remise & restituée en tous mes biens lesquels ie veus tenir à iamais de vous, comme étans vōtres, & moi-mêmes aussi à qui sus l'heure vous fites tant d'honneur que de vous venir rafraichir en ce mien grand Rosier, ou depuis vous & moy deuisans ensēble & entre mes plaisans vergers, cueillîtes la fleur de ma virginité, ainsi que nous ébations à amasser les Rosēs, dōt le lieu étoit & ét encores tresopulēt: Je ne sçia pourtāt si Amour le voulut ainsi, ou si ma beauté en fut cause: mais ie sçay bien, q̃ vous peūtes tant sus moi, & en moi y eut si peu de resistance, qu'avant q̃ partir de là, me laissâtes enceinte de ce ieune Gentil-homme que ie vous enuoye, tant beau, & de si bonne grace, qu'il semble que Nature ait prins tout son plaisir à le rēdre parfait en toute excellence, pour effacer le peché de no^r deus, si pêché y fut cōmis. Pourtāt, Si re, receués le cōme vōtre, état de semēce Royale, de vous & moi qui me fait estimer qu'il sera preud'hōme, & aura retenu en soi partie de la prouesse qui ét en vous & partie de l'amour grāde, en laq̃lle il fut engendré le iour q̃ me dōnâtes cēte anneau, leq̃l ie vous rēvoie, aussi en temoin de la promesse q̃ vous fites à vōtre hūble seruāte Celinde, fille du Roy Hegide, qui baïsē les mains de vōtre Royale maiesté.

Quand le Roy Lisuart eut bien leu &

Am. 3.

releu cēte lettre, de mot à mot, il eut trèsbonne souvenāce de tout ce que la Princesse luy ramenteuoit, encores qu'il fut auenu long temps au parauant son long seiour au Royaume de Dannemarc ou (cōme Cheualier errant) il fit tant de grās faits d'armes, qu'il en aquit l'amour de l'Infāte Brisenne, laquelle depuis il épousa, ainsi que cy deuant vous à été recité: Toute-fois il delibera ne faire cas de Norandel (combien qu'il le tint pour son fis naturel) premier qu'il vit cōme il se porteroit, & que par sa prouesse, il meritāt être dīt tel qu'il le desiroit. Et ainsi qu'il pēsoit à celà, vn grand Cerf poursuivy par vne meute de Chiens courās, vint rendre les abois, tout au plus près de lui. Lors survindrent coureurs de toutes pars si à propos, que la plus part d'eus, se trouuerent à la mort. Au moyen dequoy le Roy s'en voulut retourner, commandant aus Veneurs apporter à sa tante la prinse qu'il auoit faite. Puis étant descendu de cheual se voulut mettre a table, & luy tenoyent compagnie, Galaor, & le Roi Cildadan, auxquels durant le dīné, il ne tint long propos: mais ne cessa de réuer, à ce que Celinde luy auoit écrit, tant que les tables furent leuees. Lors tira Galaor à part, & se pourmenās ensemble, lui dīt: Par ma foi, mon grand amy, i'ay tant defiance & d'amytiē en vous, que vous êtes la personne du mōde à qui ie voudrois plutôt decouvrir mes plus priués affaires: Et toutefois laissant a part pour cēte heure les choses d'importance (qui m'ont été occurrentes durāt vōtre absence ie vous veus declarer seulemēt, ce qui m'ēt ce iourd'hui auenu, puis lui bailla la lettre que Celinde luy escriuoit, luy disant: Voyés ce qu'elle contient, Galaor la leut à son ayse, & sceut par icelle que Norādel étoit fis du Roy, dont il fut trèsjoyeux, & lui répōdit: Sire, si vous eustes du traual pour votre amye, certes elle vous en a recompensé, vous ayant fait vn tant beau fis, qui sera, comme ie croy, si preud'hōme, & bon Che-

B 3

ualier,

LE TROISIEME LIVRE

ualier, que la peine que aués à present de le celer, ne vous sera iamais si grande, que le plaisir que vous aurés à le faire connoître, & s'il vous plaît me faire tant de bien, de me le donner pour compagnon, l'estimeray le seruice que ie vous desire faire, pour trebien employé, Comment, répondit le Roy, vous voudriés vous charger d'un garçon, & lui faire du premier coup cét honneur, ne connoissant encores le ply qu'il doit prendre? mêmes que ie ne sçache nul Cheualier, en la grand' Bretaigne qui ne s'estimât bié heurus d'auoir le bien que vous lui presentés? Sire, dit Galaor, c'êt la premiere requeste q'ie vous fis oncques, ie vous supplie ne me la refuser. Par mon ame, répondit il, si vous lui faites cete grace, vous l'obligerés grandement à vous & me sera trégrand plaisir. Et à moi gloire & honneur, répondit Galaor: car étant fis de si bon pere il ne peut faillir à être vn des meilleurs Cheualiers du monde. Faites en donc ainsi que vous l'entendrés, répondit le Roi. Et comme ils étoient sus ce propos, la Roine suruint, qui fut cause de leur faire changer, & l'accompagnoient le Roi Cildadan, Noradel, & maints autres Gentis-hommes, avec léquels le Roi deuisa longuement, & tant que Galaor luy dit: Sire vous sçaués que par la coustume du Royaume de la grand' Bretaigne, nul Cheualier nouveau ne doit refuser à nul autre Cheualier, Dame, ou Damoiselle, le premier don qu'il luy êt demandé. Vous dites vrai, répondit le Roi: Mais beau sire, pourquoi le dites vous? Pour autant, Sire, dit Galaor, que ie suis Cheualier, & veus prier Norandel de m'otroier ce que ie luy demanderai, qui êt, que lui & moy soyons vn an entier compagnons, durant lequel ne nous separerons si mort, ou prison n'en êt causé. Quand Norandel l'entendit, il ne fut moins ébaï qu'ayse: car il sçauoit certainement que Galaor étoit estime entre les meilleurs Cheualiers de la court, & voyoit q'le Roi

lui faisoit plus d'honneur qu'à nul autre qui l'acôpagnât. Et à cete cause, il lui répondit: Seigneur Galaor, il êt aisé à connoître, par ce que vous me demandés, en quantes obligations me voulés réndre vôtre redevable, desirant auoir de moy, ce que ie vous supplie humblement m'accorder de vous, vous assurant q'ie ne vous otroye pas seulement ce dôt me priés, qui êt ma cōpagnie: mais ie me dône du tout à vous & vous supplie me receuoir pour vôtre. Vrayement, dit le Roi Cildadan, vous aués eu tous deus raison. Vous, Seigneur Galaor, à demander tel don. Et vous aussi Norandel, à le luy otroyer: car si Dieu plaît, ce sera l'honneur & profit de chacun de vous. Et pource que sus l'heure le Roi fut auerty qu'il pourroit faire partir de brief son armee, le lendemain matin print le chemin de la ville, & cheminât séparé de la troupe apella Galaor, & lui dit, qu'il étoit bien content que sa fille Oriane entendit que Norandel étoit son fis, & frere d'elle, à ce qu'elle l'aymât & favorisât: mais qu'il le lui dit comme en secrer. Sire, répondit Galaor, ie croy qu'elle en sera tréfaise, & si ie puis, le lui declarerai auant que nous soyons au logis. Or allés donc la trouver, dit le Roi. Lors Galaor passa outre, & s'aprocha de la Princesse laquelle (après quelq' propos qu'ils eurent ensemble) luy dit, Seigneur galaor, ie croi que vous connoissés de long tems le Damosfel qui fut hier fait Cheualier, puis que vous l'aués choyfi à compagnon: car ie ne sache Cheualier, en vôtre court, qui ne s'estimât heurus d'auoir tel honneur de vous, & y fut vôtre frere Amadis. Ma Dame, répondit il, la comparaison de moi à mon frere, êt si ingeale, qu'il y a autât à dire comme du ciel à la terre, veu qu'il êt en mon endroit le ciel, & moi enuers lui encores moins que ie ne di, par ainsi ce seroit grande presumption à quelque Cheualier que ce fut, de se vouloir comparer à lui, d'autant qu'il semble q' Dieu l'aye voulu élire, pour le faire premier, soit

soit en prouesse, facôde, beauté, ou autres dons de graces, requises à Gentil-hôme. Trévolontiers écoutoit Oriane les louanges de son Amadis. Et ce pendant disoit en soy-mêmes: Ah ah pauvre femme! Le malheur te seroit bien grand si étant separée de la presence de tō amy, tu te sentois éloignée aussi de sa bonne grace. Certes la mort te seroit plus agreable cēt mille fois. Et cōtinuant Galaor son propos, lui dit: Et quāt à ce q̄ vous ébaissēs, ma Dame, cōme i'ay prins la cōpagnie de Norandel, croyés que ie ne l'ay fait sans grande ocaliō, & dont, peut estre, ne vous ébaïriés tant, si vous l'entendiés comme moi. Ie vous prie répōdit elle, si c'ēt chose que bonnement me puissiés declarer, ne me le celer. Ma Dame, dit Galaor, le secret seroit bien grand, quand ie le vous voudrois taire. Et volontiers vous diray cētuy, pour ueu qu'il ne soit par vo^r découvert. Vous en pouués tenir sœur, répondit la Princesse. Entendés ma Dame, dit Galaor, q̄ Noradel ēt fis du Roi vōtre pere, & vōtre frere. Adonc lui recita comme il auoit veu la lettre de l'Infante Celinde, & l'anneau qu'elle auoit envoyē au Roi, & aussi tout ce que le Roi lui en auoit dīt. En bonne foi répondit elle: Ie suis trefayse d'entendre cete nouuelle afinité de Norandel & de moi, & vous en mercie de bien bon cueur, même de l'honneur que vous luy aués fait à le recenoir pour vōtre compagnon: car lui ētāt avecq' vous ne peut failir à être preud'homme & bon Cheualier, & encores qu'il voulsit être autre, si changeroit il d'opinion, en vous tenant compagnie comme il a promis. Ma Dame, dit Galaor. Vous aués puissance de dire de moi tout ce qu'il vous plaira, comme à celui qui ēt seruiteur treshumble du Roy, & le vōtre aussi: Et mettans fin à ce propos, entrerent au logis de la Roine, ou Galaor descendit la Princesse, & l'ayant conduite en sa chambre se retira avec son nouveau cōpagnon iusques au lendemain matin, qu'ils vindrēt trouver

le Roi, leq̄l leur dīt (au sortir de la messe) qu'il iroit coucher dans ses nauires, & q̄ le iour ensuyuāt, il feroit leuer les ancras. Et pourtāt qu'on se tint prêt pour le sūyure. Au moyē de quoi trōpettes & clauōs cōmencerent à sonner, pour faire retirer chacun à son enseigne, puis le lendemain firent voiles, dedans léquelles dōna le vēt en sorte qu'en peu d'heure ils éloignerent la côte de la grand Bretaigne: mais quasi aussi tōt la tēpête se leua si grāde, qu'ils cūderēt tous être peris: toutē-fois il leur auint si bien, que le cinquième iour ensuyuant ils découvrirent l'Isle de Mongaze, ou ils prindrēt port, tout au plus près du lieu ou le Roi Arban de Norgales étoit campé & fortifié atendant secours: car vn peu deuant ceus du Lacardant auoient fait vne faillie sus eus, & les auoyent surprins tant chaudement que si les gens du Roi Arbā n'eussent gaigné le haut de la montaigne ils eussent été deffaits. Là mōstra biē Florestā ce qu'il sçauoit faire, lequel rencontrāt Gasquilan de Suesse, le n'aua tellement, qu'il pensoit être mort. Toutefois Briā de Mōiaste y demeura prisonnier: pource qu'il se mit si auant en la presse (voulant charger le Roi Arbā) qu'il lui fut impossible se sauuer, & y eut d'vne part & d'autre maints Cheualiers n'ayrés & mis par terre. Ce q̄ le Roy Lisuart entendit à son arriuee, dōt il fut tant marri, qu'il seroit impossible de plus, & delibera de s'en biē vēger. Et pour ce faire, fit crier par son camp, q̄ nul ne se mīt aus champs, sans son congé esperant que ses ennemys vinsent assaillir le Roi Arban comme ils souloyent au parauant son arriuee: Mais ils auoiet été aussi auertis de ce nouveau secours. Au moyen de quoi, ils s'étoient retirés atendans quelque refraichissement. Or s'aprochoit le tems que la Princesse Oriane deuoit faire son enfant, & bien à point luy vint le partemēt du Roi son pere: car vn iour ou deus après qu'il se fut embarqué, elle commença à sentir le mal d'enfant en sorte qu'environ la minuit les

angoisses & trauail la contraignirent tât, qu'elle pensoit mourir. Parquoi elle fit leuer Mabile & la Damoiselle de Dannemarc lesquelles long tems au parauant auoyent pourueu à tout ce qui estoit neces faire, pour la secourir. Lors vindrent à elle: mais elle étoit dé-jà si matee de l'extreme douleur qu'elle enduroit (sans oser se plaindre ne crier) que'elle n'en pouoit quasi plus, quand le Signr Dieu la regarda en pitié, la faisant deliurer long tems auant le point du iour d'un beau fis que la Damoiselle de Dannemarc receut pendant que Mabile entendoit à la mere. Et ainsi qu'elle l'enuelopoit en ses langes elle aperceut qu'il auoit sēt caracteres sous chacū de ses tetins, les vns rouges cō me sang, & les autres blancs comme neige, dont elle fut bien ébaïe, & apella Mabile pour les luy mōstrer, neantmoins elles ne les peurent lire ne entendre: car c'étoyēt toutes lettres Grecques, & mots Latins: au moyen dequoi pour l'heure n'en voulurent rien dire à la mere: Mais emmailloterent l'enfant & le mirent auprès d'elle, attendant qu'elles eussent donné ordre à le faire transporter, ainsi qu'ils auoyent de long tems delibéré, & ce fait s'en alla la Damoiselle de Dannemarc appeller Durin son frere. Ce pendāt la Princesse tenoit son enfant entre ses bras, & en le baisant doucement, lui disoit: Lās petite creature, Dieu te doint grace d'être aussi vertueus & bon Cheualier que ton pere, & te face s'il luy plaît, tant de bien de t'envoyer le commencement de ta fortune plus prospere q̄ ne fut la sienne? Helas il m'ēt force t'habandonner, & me monstrier envers toy, plus cruelle que ne seroit le Tigre, ou Leopard, envers ses petits. Pource que ie ne sçay là ou tu vas ne quand ie te pourrai recouurer, qui cause en mon ame telle tristesse que Fortune ne te sçauroit aprêter danger qui ne se represente deuāt mes yeus, au moins si ie connoissois la nourrice qui te doit allaiter, ie la prierois auoir soing de ta person

ne. Mais peut être, s'en souciera elle si peu, qu'auāt que tu ayes la puissance de te garder, elle te laissera souvent seul au danger des bêtes, tandis qu'elle sera en ses petits affaires, & à deuifer avec ses voisins de cōtes & fables inutiles & men songeres: car i'estime bien, qu'elle & autres te reputans fis d'une simple Damoiselle, pour les mieus q̄ lon te face sera te nourrir aus champs entre les Bergers, lesquels ne peuvent mettre souvent si bonne garde à leurs troupeaus, que maugré eus, le Loup & le Lyon ne passent au travers, rauissans ce que bon leur semble. Ce disant ploroit à chaudes larmes. Et ainsi qu'elle vouloit cōtinuer ses regrets la Damoiselle de Dannemarc retourna, qui dît: Ma Dame, il sera tantôt iour: Parquoy la diligence nous ētrēnecessaire. Helàs, répondit elle: & que voulés vous faire? Quoi dît la Damoiselle. Ie veus sauuer vōtre honneur, & la vie de vōtre enfant, ne sçaués vous pas ce que long tems nous auons conclud ensemble? Et voylà Durin mon frere qui nous atend sous cēte fenestre pour le receuoir. Ah ah Dieu, répondit la Princesse si vous le deuallés ainsi vous le tuerés. Non feray non, dît la Damoiselle. Lors le print entrē les bras de la mere laquelle de grand' douleur qu'elle eut se cuida éuanouir, & n'eut été que Mabile parla à elle quasi par courous, elle se vouloit leuer pour le suiure, mais elle lui dît: Ma Dame si vous vous voulés oublier ainsi, nous vous habandonnerons aussi, pourtant laissés nous faire s'il vous plaît. Car avec l'ayde de Dieu, tout ira bien. Adonc mirent l'enfant dans vne corbeille, & avec vne forte corde le deualerent par la fenestre, au lieu ou Durin étoit pour le receuoir, puis descēdir la Damoiselle après & trouuās là les cheuaus q̄ Durin auoit amenés, monterent dessus, prenant le chemin de la forêt pour n'être rencontrés de nul. Lors tant cheminerent qu'environ l'aube du iour, ils arriuerent ioignant vne belle fontaine qui sortoit d'un

d'un hant rocher, au dessus de laquelle étoit vne vallee si obscure, tant pour la profondeur d'icelle, que pour la quantité des buissons, qu'il étoit impossible de voir le jour au trauers. Là repairoient ordinairement Loups, Lyons, & telles bêtes cruelles. Or y auoit il au(dessus) de toute ancienneté) vn petit Hermitage, ou se tenoit vn saint homme nommé Nascian: lequel menoit vie tant agreable à Dieu, qu'il étoit souvent sustenté de viande celeste, quand la terrestre luy defailloyt. Et n'auoyt pour toute compagnie qu'un ieune enfant son neveu qui alloyt par les bordes pourchasser de quoy viure, & luy mêmes en personne y menoyt quelque fois son âne, sans que nulle bête sauvage luy courût sus, combien qu'il les rencontrât ordinairement sus son chemin ains s'humilioyent toutes deuant luy en luy faisant chere. Et tant étoit âpre & solitaire le lieu ou il demouroit, qu'une Lyone y faisoit tous les ans ses faons, lesquels cōmunément Nascian visitoit autāt priuēment, que si c'eussent été petits chiens domestiques. Car aussi tôt que la Lyonne le voyoit en sa fosse, elle s'en alloit pourchasser sa proye, & sembloit qu'elle luy laissât ses Lyonneaus en garde, parquoy il ne failloit gueres à les aller voir deus ou trois fois le jour, tant auoit grand plaisir à les regarder courir & ébattre l'un avec l'autre. Et ainsi que la Damoiselle s'aprochoit de la Fontaine, l'aube du jour commença à aparaitre, & se trouua si fort alteree du travail qu'elle auoit prins toute la nuit, qu'elle dit à Durin: Le vous prie mō frere, rafraichissons nous vn petit en ce lieu. Au moyen de quoy il mit pied à terre, puis print l'enfant qu'elle portoyt, & comme il le vouloyt mettre sus vn tronc d'un arbre, & ayder à sa seur, la Lyonne qui étoit au fons de la vallee, se mit à faire rugimens si épouventables, que le cheual de la Damoiselle (de peur qu'il eut) commença à fuir, & l'emporta maugré elle au trauers de la forêt, auant

qu'elle peut descendre, & celuy de Durin même en fit autant, dont il se trouua bien ébahi: Car il voyoit sa seur en danger, & l'entendoyt crier, & demander secours, & toute-fois il n'y pouoit donner ordre, pour ce qu'il étoit à pié, tenant l'enfant entre ses bras, à la fin delibera suiure la Damoiselle, & pour plus se diligenter, le mit auprès de la fontaine, & s'en courut, ou il auoit veu aller le cheual & sa seur. laquelle il trouua dans vn buisson ou elle étoit tombee tant éperdue qu'elle n'en pouoyt quasi plus. Lors la releua, & luy dit: tenés vous ici, tandis q'iray après nos chenuaus, & ietant l'œil à côté auisā celuy de la Damoiselle, qui s'étoyt mis si auant dans vn hallier qu'il ne s'en pouoit retirer. Parquoy courut le prendre, & le ramena à sa seur. Et ainsi qu'il vouloit suiure le sien, elle luy dit: Le vous prie mon frere, allés premier querir l'enfant, & me l'apportés: car si cete bête cruelle le récontre, c'êt fait de lui. Et bien, répondit Durin, attendés moy donc en ce lieu. Lors voulut monter sus le cheual qu'il tenoit: mais elle le pria d'aller à pié: pour-ce(dit elle) que s'il entend de rechef le cry de ce Lyon, vous en jouirés mal aisément, comme ie croy. Ce conseil creut Durin, qui s'en partit sans plus tarder, prenant le droit chemin de la fontaine: Mais peu deuant qu'il y arriuāt, la Lyonne y étoit passée: & auoit mis en sa gueule le petit enfant, sans luy faire nul mal. Dé-jā étoit si haute heure, que Nascian ayant chanté la messe se pourmenoyt(suiuant sa coutume) deuant la cauerne des Lyonneaus, & auisā la Lyonne qui leur portoit cete proye. Parquoy il se mit au deuant, s'ébaissant ou elle l'auoit conquise, & s'aprochant d'elle, luy dit en la menaçant: Bête cruelle, qui t'a donné la hardiesse de faire mal à la creature que Dieu a mis au monde pour le seruir & honorer, non pour être viande à toy ny à tes faons? La Lyonne eut peur, (& comme s'elle eût entēdu le commandement de Nascian) se coucha inconti-

LE TROISIEME LIVRE

nent contre terre, & en remuant la queue
 & les oreilles lacha l'enfant, & se mit à le
 lecher. Lors le preud'homme le print en-
 tre ses bras, & en le benissant disoit: He-
 làs petit enfant, la mere qui t'a si malheu-
 reusement delaislé ét certes bien de Dieu
 maudite, & tant en auoit de compasión,
 pour l'ouyr plaindre & crier, que les gros
 ses larmes luy tomboyent des yeus, ius-
 ques sus sa barbe chenuë: Mais il ne sça-
 uoit dequoy le secourir, à la fin s'auisa de
 cōtraindre la Lyonne d'entrer en sa fosse,
 & la le faire teter entre ses petits. Ce qu'il
 fit, luy disant: Le te commande en la vertu
 de Dieu, à qui toutes choses doyuent o-
 beissance, que tu nourrisses d'oresenauant
 sa creature, & en soys aussi curieuse, q̄ de
 nul des tiens. La bête ne le refusa: ains le
 souffrit teter à son aise, puis le reprit
 l'Hermitte, & doucemēt l'emporta en son
 Hermitage, & aussi tôt enuoya à sa sœur
 la prier venir vers luy, pour auiser q̄ lon
 feroit de l'enfant qu'il auoit ainsi trouvé.
 Diligent fut son neveu qui eut cete char-
 ge: mais de fortune il ne trouua pas sa me-
 re: car le jour precedent elle & son mary
 étoyēt allés à l'ébat en vn village si loin-
 tain, qu'ils furent huit jours entiers auant
 que de retourner. Et ce pendant Nascian
 se trouua bien empêché: car il auoit tré-
 mal acoutumé l'office de nourrisse. Ce nō
 obstāt atédant leur retour, trouua moyen
 de le faire nourrir, tant par la lyonne, que
 d'une brebiette, laquelle auoit nouvelle-
 ment agnelé. Mais pour retourner à Du-
 rin qui pensoit trouuer à la fontaine l'en-
 fant, qu'il y auoit laissé, se voyāt deceu de
 son attente, fut bien étonné: neantmoins
 il se mit en si grand deuoir d'entēdre qu'il
 étoit deuenu, qu'il conneut au train de la
 liōne, qu'elle l'auoit emporté, & presumāt
 qu'elle l'eut deuoré, s'en retourna vers sa
 sœur pleurant amèrement: Laquelle auer-
 tie de tant piteuse fortune, se laissa tōber
 du haut d'elle, & en se lamentant piteuse-
 ment, maudissoit l'heure de sa naissance,
 étant cause de la perte de tout son bien,

& esperance, & disoyt en pleurant:
 Helàs chetive que ie suis, que feray-ic?
 que deuiendray-ic? ne que dira ma Dame
 quand elle sçaura cēt étrange malheur?
 O signeur Dieu, comme vous a il pleu
 permettre, que cete petite creature perit,
 laquelle ne vous fit onc offense? Ah, ah, ie
 suis certes bien digne de trégrande puni-
 tion, qu'à la mienne volonté son infortu-
 ne fût tombee sus ma propre personne:
 car ma vie m'ēt fort ennuyeuse. Helàs, pe-
 tit enfant, vōtre pere aussi ieune que vous
 commença à éprouver les dangers de ce
 monde, & toutefois nōtre Signeur le pre-
 serua par sa grande bonté: mais vōtre mal-
 heur ét trop plus étrage que ne fut le sien:
 pource que si lon l'abandonna aus ondes
 de la mer, Gandales le rencontra de bon
 heur, qui l'éleua depuis, ainsi que chacun
 sçait, & vous pauvre étés tōbé en la mer-
 cy d'une bête brute, qui n'aura pitié de
 vous, non plus que son naturel luy com-
 mande, ainsi finirés vos jours auant qu'ils
 ayent quasi eu commencement. Ce disant
 fondonoit en larmes, & ne peut Durin si biē
 la reconforter, qu'elle ne demourāt fort
 long temps plus morte que viue, neant-
 moins à la fin il la sceut tant combatre de
 raisons, qu'elle se rapaisa, & lui dît Durin:
 Ma sœur, peut être que nōtre Signeur le
 regardera en pitié: assés d'autres que luy
 ont été emportés par bêtes sauvages, qui
 depuis sont venus en grande perfection.
 Ainsi donc le meilleur ét que vous conso-
 lés: car vous poués encores beaucoup ser-
 uir à ma Dame, & à mon Signeur Ama-
 dis, lesquels vous perdans, feroient dou-
 ble perte. Que voulés vous que ie face? ré-
 pondit elle. Ie suis d'auis, dît Durin, que
 nous montiōs tous deus sus vōtre cheual
 & nous en allions à Mirefleur sejourner
 vn jour ou deus, auant que retourner à la
 court. Et si ma Dame s'enquiert de son
 enfant, nous luy dirons (atendant que Ma-
 bile nous conseillera) qu'il ét au gouver-
 nement d'une trébonne nourrice. C'ēt auis
 fut trouvé bon, & s'en partirent eus deus,
 prenans

prenans le droit chemin de Mirefleur, ou ils sejournerent quelque tems, avant que retourner en la court, & là nous les laisserons à présent, pour vous reciter, comme le dxième jour après que l'Hermite eut mandé sa sœur, elle vint vers luy, accompagnée seulement de son mary. Lors luy conta comme il auoit trouvé vn enfant nouveau né, entre les dents de la Lyonne, qui le portoit à ses petits, lequel il auoit recous par la permission de Dieu, & depuis attendant leur venue, fait allaiter par elle mêmes, avec l'ayde de sa Brebis. Parquoy il ét seur, que nôtre signeur l'a reserué pour son seruice, l'ayant preserué de si grand inconuenient. Et pourtant, ma sœur m'amie, disoit il, ie vous prie penser de luy desormais, & l'éleuer, iusques à ce qu'il puisse être capable de recevoir si peu de doctrine que ie lui pourray enseigner, puis vous me le ramenerés, & s'il plait à nôtre Signeur luy prêter longue vie, j'espère qu'il sera si preud'hôme, qu'il reconnoitra le bien que luy aués fait. Adonc l'Hermite le mena ou l'enfant dormoit, qui étoit couché sus vn peu de fougere, & quand elle le vid, il luy sembla beau à merueilles, & demanda au saint homme, comme il auoit nom. En verité, répondit il, ie n'en sçay rié: mais pour nous en mettre hors de doute, ie le batifieray presentement. Lors commanda que lon le démailotât, & ainsi qu'elle luy ôtoit ses langes, elle aperceut les caracteres qu'il auoit sous les tetins, & les montra à l'Hermite, lequel mit si grand peine à les entendre, qu'il conneut écrit aus lettres Latines ce mot, Esplandian: mais il ne peut rien comprendre aus Grecques. Et à cete cause pensa que puis qu'il auoit aporté tel nom du ventre maternel, qu'il ne luy seroit ôté, & de fait le luy conferma, & fut nommé Esplandian, & depuis pour tel cogneu en maints pais étranges, ou il mit fin à plusieurs auantures, côme vous pourrés cy après entendre: Mais pour le present, nous nous en tairons, Sufise vous qu'étant l'en-

fant batifé, & mis au gouvernement de sa nourrisse, elle & son mary s'en retournerent en leur maison, ou ils eurent telle solitude de luy, qu'avec le temps il deuint si grand, & de tant belle taille q'ceus qui le voyoyent s'en émerueilloient, & le nourrirent comme leur propre enfant, iusques à ce qu'ils le rendirent à l'Hermite, ainsi qu'il leur auoit commandé.

Comme le Roy Lisuart eut bataille contre les Cheualiers de l'Isle Ferme, lesquels il destit, & de la grande liberalité dont il vsa depuis enuers Galuanes, en luy restituant toutes les terres, & pays de Madasime.

CHAP. II II I.

CY deuant vous a été recité, comme le Roy Lisuart, & son armee prindrent port en l'Isle de Mongaze, ou ils trouverent le Roy Arban fortifié dans les montaignes, pour doute de Galuanes & de ses gens qui les auoyent repoussés par deus ou trois fois. Maintenant entendés qu'après qu'ils se furent joints ensemble, le Roy commanda leuer son camp, & entrer en la plaine: car il eut auertissement que les Cheualiers de l'Isle Ferme étoient sortis du lac Ardant, pour lui venir donner la bataille. Ainsi marcherent les deus armées l'une contre l'autre, en sorte que le jour mêmes ils se fussent chargés, sans la nuit qui les surprint: Parquoy force leur fut de différer iusques au lendemain matin, qu'ils s'armerent tous, & ordonna le Roy Lisuart trois bataillons de ses gens, le premier cōduisoit Galaor, avec cinq cēs cheualiers, du nôbre desquels étoit Norâdel, Guillan le Pésif, Ladasin, & Cendil. Le second menoit le Roy Cildadan, avec sept cens autres Cheualiers en la cōpagnie de Ganides, Brandoyuas, & Philipinel. Et au troisième étoit le Roy Arban de Norgales, Grumedâ, & mains autres Cheualiers preus & hardiz, ordônés pour la garde du Roy Lisuart, lequel auant que d'entrer au com-



cōbat, voyant ses ennemys aprocher, dît telles paroles à ceus de sa troupe. Certes amys, vous poués maintenant voir à veuë d'œ il ceus qui sont cause de no^r avoir fait passer la mer, pour defendre l'honneur de la grand' Bretagne, & le país qui ét nôtre, ainsi qu'il ét tant notoire par les conuenances que i'e u avec Ardan Canile, auoué de Madafime, & de la vieille Geante sa mere, & toute fois ie ne sçay sous quelle couleur ils y sont entrés depuis, & ont prins par traïson la ville & château du lac Ardant, ou étoit le Comte Latin, lequel ils detiennent encores prisonnier, & maints autres avec luy, dont ils ont le cœur tant haucé, qu'il leur semble Fortune être entierement pour eus, & qu'elle les vueille pousser cōtre nous, iusques en nos propres maisons, desquelles ils sont état comme si nous n'auions moyen d'arrêter plus grande puissance que la leur: Mais il ira tout autrement, & ne permettra nôtre Seigneur, s'il lui plait, que la reputation, en laquelle nous auons de tout tems vécu, soit par eus étainte, m'asseurât qu'il n'y a celui de vous qui ne vueille plutôt mourir en honneur, que viure après avec honte, & pour tels vous connois de si longue main, que i'ay grande occasion de vous aimer & estimer, & quād ie n'aurois telle connoissance, si sçay-ic

bien, que ie ne fu oncques si tôt né, que fortune ne m'obligeât à vous tous, tant pour la fidelité, laquelle vous aués toujours gardee à vos Princes, que pour les grands seruices que vous m'aués faits en maints endroits: Specialement cōtre Barsinan, lors qu'il me mît par traïson es mains d'Arcalaus, pour se faire Roy, & dernièrement en la bataille que i'e u cōtre le Roy Cildadan, ainsi que chacun sçait qui me fait croire, que sans auoir égard à quel ques particuliers qui se sont rebellés cōtre nous (autrefois vos amys, & maintenant couuoiteus de tirer le pur sang de vos cors) vous ferés tel deuoir, s'uyuât vôtre ancienne vertu & fidelité, que nous leur donnerons à connoitre, que ce n'êt pas à nous, qu'ils se doiuent adresser, ce que nous pouons aisément faire, veu que nous sommes trop plus qu'eus, & si auons le droit deuers nous. Or marchons donc hardiment: car ie les voy aprocher. Tādīs que le Roy faisoit telles remontrances, Galuanes ne dormoit pas d'autre côté, ains étoit au milieu de ses bataillōs allât de reng en reng, persuader sescheualiers à combattre virilement, & leur disoit: Entendés, mes compagnons, que le premier & plus souverain bien qui puisse être en vne armee, ét d'un chef qui sçache prudemment ordonner & conseiller ce qui ét requis

quis de faire, puis auoir obeissance pour executer ce qu'il cōmande. Or aués vous icy non seulement vn Capitaine tel que ie dy, mais deus ou trois, voire plus de vingt, lesquels sont si acordans ensemble, que ce n'êt qu'un vouloir, un cœur & un auis. Puis donc que ce premier bien ne nous êt dénié, aproprions nous au second, & poussons nôtre fortune, qui nous aide, cōtre vn Roi le plus ingrat qui soit sus la terre, lequel fait état de ruiner nos biens, & nos vies avec cête grosse & puissante armee qu'il a fait passer par deçà, pour apauvrir, & du tout exterminer vne simple Genti-femme: Mais il êt bien loing de son conte: car nous lui ayderons tant qu'aurons la vie au cors, suiuant la promesse en quoy nous sommes obligés, receuant l'ordre de Cheualerie, & si nous y mourons, ce nous sera vne gloire immortelle, d'auoir à si bonne occasion combattu celui qui deuoit être iuste protecteur de toutes Damoiselles, en sorte que ce que lō pourroit apeller temerité à plusieurs, sera en nôtre endroit dit vertu & magnanimité de courage. Dōnons donc hardiment dedans, sans douter mort, ne danger quelconque, n'ayans rien deuant les yeus que l'honneur: car en tels actes belliqueus, Fortune même ne veut être crainte ne doute, & si nous demourons victorieus, d'autant qu'ils sont plus que nous, nôtre gloire en sera plus grāde, & nôtre renommee plus diuulguee, ayans entrepris de si grand cœur chose quasi incroyable aus hommes. Tels propos tenoit le gentil cheualier Galuanes à ses gens, qui les anima en sorte qu'il leur tardoit d'être au cōbat. Mais Quedragant les pria de differer encores quelque peu, & ce pendant il seroit bon, dit il, enuoyer dire au Roy Lisuart, q s'il veut auoir honneur à nous cōbatre, qu'il face retirer ses gens de trait, & nous renuoyons aussi les nôtres, par ce moyen il pourra voir la plus belle mêlée de cheualiers qu'il vid oncques. C'êt auis fut trouvé bon de toute la compagnie, & eut

Elian le Deliberé, charge de porter cête parolle. Parquoi il s'en alla droit au camp du Roy Lisuart, & faisant de loing signe, qu'il vouloit parlementer, Galaor qui menoit l'auantgarde, luy enuoya vn Gentilhomme, pour l'amener en seureté, puis fut conduit vers le Roy, auquel il fit entendre ce que les Cheualiers de l'Île Ferme luy mandoyent. Vrayement, répondit il, i'en suis trécontent, & qu'ils ne laissent pour cela à faire leur deuoir. Adonc s'en retourna Elian, & trouua que Galuanes auoit separé son armee en deus: Mais ils étoient peu au regard de la troupe du Roi ou il y auoit sis fois plus de gens, neantmoins ils ne s'étonnioēt de rien, seulement regrettoient Brian de Moniaſte, lequel auoit été prins prisonnier le jour qu'ils assaillirent le Roy Arban, & Agraies aussi qui semblablement étoit party pour aller leuer gens, & faire venir viures de la petite Bretagne. Etans doncques les deus batailles reengees, & prêtes à combattre, marcherent droit l'un cōtre l'autre, & menoit le premier reng (de la part de ceus de l'Île Ferme) Florestan acompagné de deus cens cinquāte Cheualiers avec Quedragant, Angriote, & Särquiles, au milieu desquels étoit Gasinā, tenāt en son poing vne grāde enseigne ou étoient pourtraites douze Damoiselles. Puis marchoit Galuanes, Palomir, Dragonis, Listoran, & quatre cens autres Cheualiers, tous gentis compagnons, & bien deliberés de combattre. Lors commencerent à sonner d'une part & d'autre trompettes & clairons si hautement, que l'air en retétissoit de tous côtés: & ainsi qu'ils étoient près de joindre, Galaor qui menoit l'auantgarde du Roy Lisuart, montra à Norandel, Florestan, Quedragant, Angriote, & Garuate, luy disant: Mon compagnon, voyés vous ces quatre premiers qui marchent si hardiment à nous? assurez vous, qu'ils sont estimés entre les meilleurs cheualiers du monde, celui qui a l'écu de gueules à trois Lyons d'argent, êt Florestan mon frere.

LE TROISIEME LIVRE

frere. L'autre qui porte d'azur semé de fleurs, & Lyons d'or, ét Quedragant. Le tiers qui porte d'azur à fleurs d'argent, ét Angriote. Et le quart qui porte tout de sinople, ét Garuate du val craintif, le bon Cheualier qui occit le Serpent; dont on luy imposa le nom qu'il a encores. Or les chargeons viuement sans differer. Lors mirent les lances aus arrêts, & donnans des éperons à leur cheuaus, entrerent pelle melle: le premier que Norandel recontra fut Garuate du val Craintif; auquel il donna si grand coup de lance, qu'il le ietta bas, & rompit les sangles de son cheual en sorte que la selle tomba quant & luy. Ce coup fut le premier qu'oncques donna Norandel en combat, dont il fut depuis tres-estimé. Tout joignant de luy étoit Galaor, contre lequel courut Quedragant, & se donnerent telle atainte, qu'ils se renuerserent l'un l'autre sus le champ, & leurs cheuaus sus eus. Adonc commença la mêlée dure & cruelle, & étoit le bruit si grand du retentissement des grans coups, du son des trompettes, & du cry des prisonniers, que c'étoit chose étrange & épouventable d'entendre. Là y eut maints bons cheualiers navrés & rués par terre, & qui eût veu le cōbat de Galaor & Quedragant, après qu'ils se furent releués, on eût peu juger facilement du peu de bien qu'ils se vouloyent, & si ceus là faisoient grand deuoir, Norandel, Guillan, & les autres ne s'épargnerent aucunemēt: Mais Angriote & Florestan, leur resistoyent, en sorte qu'ils ne pouoyent rien conquerir sus eus, & (qui plus ét) trouverent moyen de remonter Quedragant, tandis que les autres tiroient Galaor de la presse. Là survint le Roy Cildadan, lequel avec sa troupe leur donna tant d'affaires, que si Galuanes ne les eût promptement secourus, ils n'eussent gueres resisté, combien que Florestan fût en la presse, frapant à dextre & à senestre, en sorte qu'il meritoit bien être mis au nombre des plus gentils Cheualiers du monde: car il faisoit tant d'ar-

mes, que chacun luy faisoit voye. Et ainsi qu'il trauersoit les reings, rencōtra le Roy Cildadan, outrageant par trop ceus de sa part, & à cete occasion il le vint saisir au cors, pensant le ruer à terre: mais l'autre se tint ferme, & tant tirerent l'un contre l'autre, qu'ils tomberent ensemble: Toute fois ils se releuerent legerement, tenans encores leurs épées aus poings, & comme ils chamailloyent l'un sus l'autre, Angriote d'Etrauau & Enil suruindrent qui secoururent si bien Florestan, que maugré Galaor & Norandel (qui semblablement étoient venus à l'aide du Roy Cildadan) ils luy ramenerent son cheual. Et ce pendant Cildadan se retira: car il étoit fort navré sus la tête, d'un coup d'épée que luy auoit donné Dragonis. Adonc commencerent les gēs du Roy Lisuart à avoir du pīre, tellement que la plus part tournerent dos, & se prindrent à fuir. Mais ils rencōtrèrent le Roy avec sa garde qui venoit au secours, lequel les arrēta. Neantmoins voyant ce desordre, fut si étonné qu'il dīt à Grumedan: Faut il maintenant, que l'hōneur de la grand Bretagne s'amoindrisse par vne petite assemblée de gēs ramassés? Et ce disant baissa la veuē de son armet, & se couvrant de son écu donna des esperons à son cheual, criant à ses gens: Et il maintenant saison de fuir? Suiués moy, suivés moy, gens de cœur & de vertu, & mourons ensemble plutôt que fuir honteusement. Lors entra dans les ennemys, & le premier qu'il rencontra fut Galuanes, auquel il donna d'une courte lance qu'il portoit, si rudemēt, qu'il lui fit ployer les rains, puis mit l'épée au poing, & cōme vn Lyon échauffé, entra en la presse faisant tant d'armes que pouroit faire nul autre Cheualier: Mais Quedragant, Florestan, Angriote & Garuate suruindrent, qui l'arrestērēt sus cul, & le repoussērēt lui & ses gens plus d'un trait d'arc. Adōc pensa bien le Roy Lisuart que fortune le defavorisât du tout, & rencontrant Arban, Grumedan, & Gasquilan leur dīt: Je crains que

que Dieu nous vueille maintenant punir: mais i'aime trop mieus être dit Roi mort en honneur, que vaincu, vivant en honte. Lors entra en la presse, & voyant le mal que faisoit Quedragant à ses gens, le chargea de toute sa force, & le navra si durement sus la tête, que le sang luy couloyt tout au long du visage, & eût lors été en très grand danger de sa personne, sans Angriote & Florestan, qui se mirent entre deus, & ainsi qu'ils luy faisoient rempart, le Roy Lisuart donna de son épée dans les flans du cheual de Florestan, & le rua mort en la place: Mais Florestan s'en vengea tôt après: car en se relevant coupa les jarrets à celui du Roy, lequel lachant ses étrières, demeura debout, & leuât le bras ataignir Florestan sus la tête de si grand force qu'il l'étourdit, & lui fit vne grande playe. Toutefois Florestan reprit cœur, & voyant que le Roy leuoit l'épée pour le charger, se coula sous luy, & l'embrassant saisit son épée, au moyen dequoy il l'eut lors aisément mis à mort, s'il eût voulu, toute-fois il différa dont mal lui en print depuis: car Galaor survint, lequel voyant le Roy en tel danger, sans avoir égard à frere, ne parut qu'il eût, fit tel devoir, que malgré Florestan il le mit hors de ses mains, & le fit remonter avec l'ayde de Grumedan, Norandel, & maints autres qui furent cause de donner cœur aus chevaliers de la grande Bretagne, tellement que ceus qui au paravant fuyoyent, furent plus assurés que deuant, & tournerent visage contre leurs ennemis, lesquels ayans perdu Florestan & Quedragant (qui étoient demeurés entre les morts) s'affoiblirent en peu d'heure, tant que force leur fut d'eus retirer, mêmes que déjà Galuanes étoit si blecé, qu'il ne se pouoit quasi plus tenir à cheual: toute-fois comme sage & hardy Chevalier, tandis que ses gens gaignerent la montagne, se tint sus la queue, avec Palomir, Elian, Branfil, Enil & Sarquiles, lesquels furent à la fin tous prins prisonniers, & n'eût été Dragonis, qui retira à

force Galuanes, il y fut demeuré comme les autres. Ainsi obtint le Roy la victoire par la vertu de son courage, & la grace que luy fit Florestan, l'ayant en son pouvoir, & montra bien en cela Fortune, qu'un ennemy ne doit refuser l'avantage, qu'elle luy donne sus son contraire, autrement elle luy tourne souvent le dos, comme elle fit à Florestan: car s'il eût mis à mort le Roy Lisuart, la bataille étoit indubitablement gaignee pour luy & ses compagnons, laquelle ils perdirent depuis à leur confusion & honte, ainsi qu'auprès entendu. Etans doncques Galuanes & ses gens retirés dans les montagnes, gardans songneusement les détroits d'icelles, le Roy Lisuart fit sonner la retraite, & vint assiéger son camp au lieu mêmes où il avoit obtenu la victoire. Mais ainsi que Galaor retournoit de la chasse des ennemis, il avisa son frere Florestan & Quedragant entre les morts, dont il receut telle douleur, qu'il se laissa quasi tomber de dessus son cheual, & quand il fut descendu, & vid qu'ils ne se mouvoyent aucunement commença à plorer si profondement, que maints en eurent grand compassion, & vindrent dire au Roy le dueil qu'il faisoit. Lequel aussi tôt remonta à cheual, non pour bien qu'il voulsist à Florestan, ou Quedragant: mais pour seulement reconforter Galaor qu'il ayroit singulièrement, ce non-obstant il va penser (en cheminant) au danger où Florestan se mit, pour le secourir le jour de la bataille qu'il eut contre le Roy Cildadan, & que sans luy il eut été navré à mort par Gandacurriel, comme il vous a été recité: au moyen dequoy (ému de pitié & de reconnoissance) delibera de luy sauver la vie, s'il étoit possible: & pour ce faire, aussi tôt qu'il arriva vers eus, commanda que lon les emportât en l'une de ses têtes, & envoya chercher diligemment ses medecins & chirurgiens pour regarder à leurs playes. Lesquels après les avoir veus, l'assurerent qu'ils les rendroyent sains dâs peu de jours, & de fait des

LE TROISIEME LIVRE

le premier appareil commencerent à eus bien porter. Parquoy Galaor les laissa reposer, & vint trouver le Roy, lequel étoit en conseil, demandant l'opinion de ses Cheualiers, sus ce qu'il seroit bon de faire contre ses ennemys, leur remontrant le danger de les laisser fortifier, & le profit & honneur qu'ils auroient en poursuivant leur victoire. Car, disoit il, ie suis seur qu'Agraies ét allé leuer gens en la petite Bretagne, & que de bref il amenera nouveau secours: pourtant il ét nécessaire pousser plus outre, sans attendre aucunemēt qu'ils aient repris cœur: & pourtāt, mes amys, disoit il, il vaudroit beaucoup mieus les assaillir chaudement, puis que nous auons moyen de ce faire. A cēt auis s'acorderent tous les Cheualiers, sans contradiction quelconque. Et à cēte cause fut ordonné, que le lendemain matin chacun seroyt prêt, aussi tôt que la trompette sonneroit. A quoy il n'y eut faute: mais ils trouverēt plus forte resistance qu'ils ne pensoyent: car Dragonis avec si peu de gens qu'il sceut rallier, auoit fortifié le passage, lequel il defendit hardiment, & y navra beaucoup de gens de bien, auant qu'ils y entraissent: Toute-fois à la fin force luy fut l'abandonner, & se sauver en la forteresse du lac Ardāt, ou il fut poursuivy & assié-gé tant par mer que par terre, pour garder ceus de la ville de sortir, & leur ôter du tout l'esperance du secours qu'ils atendoient de la petite Bretagne. Mais pour-ce que ce seroit chose trop proluxe de reciter par le menu les écharmouches & entreprinſes qu'ils firent l'un contre l'autre, durant ce siege, aussi que ce n'ēt matiere à propos de nôtre histoire, qui tend seulement aus faits d'Amadis, lequel étoit demeuré en Gaule avec le Roy Perion son pere, il vous suffira, qu'après que le siege y eut sejourné trois mois & plus, deus choses furent causes de les mettre d'accord, l'une, pour-ce que ceus de la ville receurent lettre d'Agraies, par lesquelles il leur mandoit comme il étoit demeuré mala-

de en la petite Bretagne, au moyen de-quoi il n'auoit peu recouvrer les gens qu'il esperoit, & l'autre à cause que le Roy Lisuart eut auertissement du Comte Argamont son oncle, par lequel il l'auisoit; que sept Roys circonvoisins de son Royaume faisoient gros apareil pour inuader ses pais. Et pourtāt qu'il y pourueut ainsi que bon luy sembleroit. Et contenoit cēt auis, qu'Aicalaus l'Enchanteur auoit tout ce pourchassé, tant que lui seul les auoit persuadés à cē faire, leur remontrant l'empêchement qu'auoyt le Roy Lisuart au siege du lac Ardant, & le peu de Cheualiers qui étoient demourés en la grande Bretagne. Quand le Roy Lisuart entendit ces nouvelles, il pensa longuement en soy-mêmes à ce qu'il auoit à faire, & après plusieurs discours passés en son esprit, conclud de recevoir Galuanes à composition s'il la demandoit. Dont aint, que le jour mêmes il voulut parler, offrant rendre la place, si le Roy vouloyt laisser aller librement luy & ses gēs, avec les prisonniers qu'il tenoyt, & de faire aussi treve pour deus ans entiers, si bon luy sembloit. Et à cēte cause, après plusieurs venues & allees d'une part & d'autre, fut cēte offre acceptee, & la treve accordée, en sorte que le jour mêmes le Roy entra en la ville. Et ainsi que Madasime luy presentoit les clefs, elle se ieta à ses piés luy disant (pleurant à grosses larmes) Helàs, Sire, si onc pitié trouua lieu en vôtre noble cœur, pour Dieu, prenez compassion de cēte pauvre Genti-femme desheritee. Cēte humilité gaigna tant les Cheualiers presens, qu'il n'y eut celui qui volontiers ne luy eût aydé, speciallement Galaor, lequel print la parole pour elle, disant au Roi: Sur ma foy, Sire, vous y de-ués auoir égard, & si ie vous fis de ma vie seruice, ie vous supplie tant qu'il m'ēt possible, luy vser de quelque grace en ma faueur. Vrayemēt Galaor, répon dit le Roy, si ie vouloys vous recompenser du tout, il faudroit que ie vous donnasse plus que

que ie n'ay vaillant : ce disant apella Galuanes, & lui dit : Galuanes, à la requeste de Galaor, & aussi esperant que deormais vous reconnoîtrez la grace que ie vous fais, ie donne ce païs à vous & à Madafime, lequel contre mon gré vous aués usurpé, & depuis maugré vous me laués redonné. Soyés donc d'icy en auant mieus auidés que n'aués été, & le tenés vous & les vôtres en hommage de moi vsant de la fidelité & obeissance que vous deués.

Treshumblement remercia Galuanes le Roi & luy en fit des l'heure le sermēt de fidelité, puis s'étant l'armee rafraichie, par l'espace de sis ou sēt iours, le Roy commanda que chacun se tint prêt pour s'embarquer. Au moyen dequoi vn Dimanche de grand matin après la messe entra en ses nauires acompagné de Galuanes, & de maints autres qui le vouloyent suyure.

Puis faisant leuer les ancres, voguerēt en plaine mer, ayans vent si à propos, qu'ils descendirent (sans fortune) peu de tēs apres au port de Gracedonie, ou les dames les atendoient, dequelles ils furent receus en toute ioye & plaisir. Parquoi nous les laisserōs ensemble pour le present, & vous declarerons ce qui auint à Amadis, qui étoit en Gaule atendāt de leurs nouuelles

Comme Amadis étant avecq' le Roi Perion son pere, se trouua merueilleusement melancolicq' se voyant éloigné d'Oriane, & au contraire trecontent, ayant ocaſion ayſee de voir & parler à Melicie quand il vouloit, & des entreprises qu'ils firent l'un & l'autre pour passer leurs fantasies.

CHAP. V.

A Prés que le Roi Cildadan & Galaor eurent laissé Amadis en Gaule, il fut beaucoup plus solitaire qu'il n'auoit été au parauant: car la compagnie de Bruneo luy étoit incompatible, étans traités diuerſemēt en leurs affections: Pource q' Bruneo auoit quasi ce qu'il eut sceu desirer, voiat la Princesse Melicie, laq̃lle il aimoit tant

Am. 3.

qu'elle lui faisoit oublier toute chose. Et au cōtraire Amadis se trouāt éloigné d'Oriane, ne pouuoit auoir plaisir qui ne lui tournāt en tristesse. Au moyē dequoy il s'ēloignoit de toutes cōpagnies, pour pl⁹ obteperer à sa solitude. Or auint qu'un iour étant allé à l'ébat dās la forêt, ainsi qu'il se pourmenoit sus la côte de la marine, ieta sōrēgard vers la grād' Bretagne & auisa un navire qui prenoit port, leq̃l à son auis venoit de Lōdres: Et a cēte cause cōmanda incontinent à Gandalin aller voir qui cētoit & pendant s'assit sous un arbre, pour faire ses regrets acoutumés. Lors tenant la tête apuyee sus la main gauche, regardant d'un œil piteus le païs ou il auoit eu tant de bon traitement se print à dire en souspirant, Ah ah pouvre infortuné Amadis? ēt il possible q' tu puisses longuement durer en ce tormēt? Helās si autrefois Amour t'a fauorisé, il t'ē fait maintenant bien payer l'vsure. Que dy-ie Amour? Amour n'ēt ce point, & n'en ēt cause: mais tō malheur, lequel ennuyeus de ton bien & grād' ayſe t'a bâty & forgé un mécontentement enuers le Roi, pour du tout te ruiner, te faisant perdre de veuē celle de qui dependoit ton ayſe, ta vie & seul repos, chose qui t'ēt beaucoup plus mal ayſee à suporter, q̃ mille morts ensemble: toute-fois vne me suffiroit si tant de bon heur me pouuoit auenir, ha certes i'ay grand tort de telle chose souhaiter veu que ie suis sœur qu'Oriane en auroit trop de déplaisir: Pourquoi doncques luy desirerois ie mal, veu qu'onques ne me fit que bien, & faueur? & si ie seuffre quelque tristesse ie suis sueur qu'elle la sent comme mon ame propre: Ce disant pleuroit si fort, qu'il auoit le visage tout baigné en larmes: Puis se tint bien long tems sans mot dire, & comme il étoit en cēte fantasie, un dard luy passa tout auprès des oreilles: Neātmoins pour celà il ne peut oublier ce à quoi, il revoit: Mais Gandalin qui étoit de retour vers lui, auisant dās un buisson vne Geante gran-

C

te gran-

te grande à merveilles, qui brandissoit cōtre son maître vn autre dard, commença à s'écrier. Lors Amadis se leua en sursaut, & lui demanda qui le mouuoit. Commēt? répondit il, ne voyés-vous ce dyable qui vous a cuydé enfermer? Lors luy montra la Geante contre laquelle Amadis voulut aller: Mais elle se mit à fuyr au trauers du boys, courant aussi legerement qu'un Cerf, & en fuyant print le cheual d'Amadis sus lequel elle monta disant à haute voix: Scaches Amadis que ie suis ton ancienne ennemye, Andadou la Geāte de l'Isle Triste, qui te mande, que si elle n'a peu presentement parfaire son entreprinse, qu'auecq' le tems tu connoistras de cōbien elle t'ayme. Quand Amadis entendit que la personne qu'il poursuyuoit estoit vne femme, ne la voulut plus auant suyure: Mais commāda à Gandalin aller après, & la tuer s'il pouoit. Gādalīn fut diligēt & fit tel deuoir qu'il l'ataignit. Ce pendant Amadis se rassit sous l'arbre, & cōme il vouloit recōmencer sa plainte, auisa Durin, lequel Gādalīn auoit trouué, dās le nauire, ou sō maître l'auoit enuoié. Parquoi Amadis courut l'ēbracer, lui demandant quelles bonnes nouuelles il lui apportoit de la grand' Bretagne. Mon Seigneur, répondit il, ma Dame Oriane se recommande humblement à vōtre bonne grace, & vous enuoye cēte lettre qui lui presenta, & voyant Amadis qu'elle portoit cēance lui dīt: Or me di ce qu'elle t'a commadé. Mon Seigneur, répondit il, elle vous prie que vous vous ennuyés le moins que pourrés en ce païs, tant, qu'ayés autres nouuelles de elle, & si vous mande par moi, que vōtre lignee ēt augmentee d'un beau fils qu'elle vous a fait, lequel ma sœur & moy auons porté à nourrisse: mais il se garda bien de lui declarer comme il l'auoyent depuis perdu. Grande fut la ioye d'Amadis, entendant si bonnes nouuelles d'Oriane, combien que le commandement qu'elle lui faisoit de partir de là, lui étoit trop grief,

pourée que lon pourroit presumer, que nonchaloir, ou fāute de cueur, le faisoient ainsi retirer. Neantmoins, quoi qu'il en deut auenir il ne transgresseroit en rien ses commandemens. Et cōme Durin acheuoit son propos, Gandalin retourna, qui auoit occis la Geante, & portoit la tête atachee à l'arçon de sa selle. Dequoi Amadis fut trefayse, & s'enquit comme il auoit ce fait. Mon Seigneur, répondit Gandalin, ainsi que ie la poursuyuois de prés, & qu'elle cuydoit faire hāter le cheual qu'elle vous a dérobé, pour gagner sa barque, il se trouua si foyble de reins, à cause de la pesanteur de cēte dyableſſe qu'il luy cuida rompre le col, tant cheut lourdement sous elle, & sus ce point ie suruins tant à propos, que deuant qu'elle se peut releuer, ie lui donnay le coup de la mort, temoing ces enseignes que voyés cy. Par ma foi, dīt Amadis, ce sera vn trébeau present à Bruneo: Or la luy porte, & prenons le droit chemin de la ville. Et toy Durin mon amy, retourneras vers ma Dame, sans passer outre, pour lui faire entendre que ie la mercie treshumblement, tant de la lettre qu'elle ma enuoyee, que de ce que tu m'as dīt de sa part: mais que ie luy supplie pour Dieu, qu'elle ayt pitié de mon honneur, en me laissant trop oyſif par deçā, & toutefois que ie luy obeiray toute ma vie quelque chose que lon puisse dire, combien que ie sçache assés que lon ne peut aquerir par vertu tant bonne renommee & reputation qu'auec le tēs la malice des gens ne diffame par peu d'ocasiō. Or t'en va doncques à Dieu, qui te cōduye & faimes recommandations par tout. Ainsi s'ē retourna Durin embarquer, & Amadis en la ville, ou il trouua Bruneo, lequel étoit trop mieus guery de sa nouuelle playe, q̄ de l'ancienne dont il pouoit recevoir guerison, & plus s'enflamboit en luy l'ardeur qui le tourmentoit. Ce que connoissant trébien, mêmes qu'il ne pourroit encores parvenir à ses ententes, sans grand trauail,

de

delibera pour mieus temporiser, & augmenter en Cheualerie, aller par pais étranges, chercher auentures, & faire tels faits d'armes, dont sa renommee seroit diuulguee en tous endroits. Et de fait aussi tôt qu'Amadis luy eut monsté la tête de la Geante, eus deus se pourmenans à part, il lui dit: Certes mon Seigneur le ieune âge, & peu d'estime en quoi i'ay vécu iusques icy entre les bons Cheualiers, me pressent d'abandonner cete plaisante vie, & en prendre vne plus penible pour paruenir à leur reng, & pourtant ie vous supplie humblement si vous trouués en disposition d'aller chercher les auentures, permettre que ie vous acompagne, sinon me donnés congé, car i'ay deliberé partir demain des le plus matin. Quâd Amadis l'entendit parler, & lui souvenant du commandement qu'Oriane lui faisoit par la lettre que Durin lui auoit apportee, il fut si marry que rien plus, toute-fois il le dissimula, & s'excusant répondit à Bruneo: Par ma foy mon grand amy, i'ay toute ma vie desiré telle compagnie que la vôtre étant assésuré qu'il ne m'en scauroit venir que tout honneur, & bõ heur: mais le propos que le Roi m'a tenu nouvellement pour ne partir encores de ses pais, me contraint vous faucher compagnie, dont ie suis trop déplaisant parquoy ie vous prie de m'excuser, priât Dieu qu'il vous vueille conduire. Lors Bruneo se voyant depêché d'Amadis, vint trouuer Melicie, à laquelle il fit entendre la cause de son partement, la supliant le tenir tou-jours en sa bonne grace, comme celui qui la desiroit sus toutes choses, Melicie luy répondit sagemēt, qu'elle feroit entieremēt ce q̃ le Roi & la Roine luy commanderoient, l'assurant, toute-fois, qu'il étoit le Gentilhomme que plus volontiers elle accepteroit à mary, s'il leur plaisoit. Et ainsi que lui & elle estoient en ces propos, prenans les gracieus & amiables congés l'un de l'autre, le Roy suruint: parquoy Bruneo s'adressât à lui, & le trouuât

à point lui declara l'ocasiõ de son partement, que le Roi trouua trébon & raisonnable, & pource qu'il étoit ia tard, & heur de se retirer, remirent le tout au lendemain, pour en parler plus amplement: toute-fois venant l'aube du iour, Bruneo s'arma de toutes pieces puis fut ouïr deuotement la messe, & ainsi qu'il vouloit monter à cheual, le Roy le vint trouver, & luy & Amadis le conduirent iusques hors la villle, ou ils le commanderent à Dieu, & de là suyuit la fortune, qui lui fut si fauorable, qu'en peu de tems après il mit à fin tant d'auentures étranges que ce seroit chose trop prolixie à raconter aussi que ce n'et matiere pour le propos que nous voulons continuér. Parquoy retournons à Amadis lequel auoit déja sejourné en Gaule trois mois & demi, tandis que le Roi Lisuart faisoit guerre en l'île de Mongaze, & étoit sa reputation si diminuee pour auoir tant discontinué les armes, que chacun parloit au desauantage de lui, spécialement les Dames & Demoiselles, qui le venoyēt chercher de toutes pars, pour auoir secours, & ne le trouuant s'en retournoyent si mal contentes, qu'elles lui donnoyent maint grand blâme, dont il étoit assés auerti. Neantmoins il ne vouloit (pour chose du monde) desobeïr à ce q̃ la Princesse Oriane lui auoit mandé, & ayma mieus demourer en cete mauuaise reputation iusques à ce que le Roy Lisuart retourna en la grand' Bretagne, lequel eut nouveau auertissement, q̃ ses ennemys étoient de-jà passés en l'île Lionine, pres d'entrer en ses pais, & combien qu'il en fit peu de cas deuant ses gés, craignât les etonner, si pensoit il tout autrement en derriere. Mememēt la Roine qui pour cete ocasion regrettoit Amadis, & ceus qui l'auoyent suiuy disant publiquement que si le Roi les auoit autant à son commandemēt cōme il souloit, qu'il pourroit quasi tenir sa victoire seure, & si la Roine en étoit déplaisante, ce n'étoit rien au regard d'Oriane & Mabie;

LE TROISIEME LIVRE

l'équelles deuifans enſemble, vindrēt parler des Cheualiers abſentés du ſeruice du Roi, à cauſe de l'iniure qu'il auoit faite à Amadis, & ſes cōpagnons, tant que Mabile luy dīt: Ma Dame, ſi le Roi à failly, ce n'ēt pourtant à dire que vous faciés comme lui, mêmes en choſe qui vous ēt de telle importance, ains deués envoyer vers mō couſin, & preuenir ceus qui vous peuuent nuire, le priant affectueuſemēt que ſ'il ne veut être pour le Roi, qu'au moins il ne luy ſoit contraire pour l'eſperance que vous aués d'être vne fois ſon heritiere & Dame de ſes païs, qui lui ſeront acquis, par le mariage de vous deus: Mandés luy auſſi, pour le cōtenter que ſ'il s'ennuye d'être tant long tēs en Gaule, qu'il ſ'en aille ailleurs ébatre attendant que le tems & fortune ameine autre faiſon plus propre à vos deſirs. Oriane trouua bō cēt auertiffement, & écriuit incontinent à Amadis (par vne Damoiſelle qui lui auoit nouuellement apporté aucuns preſens de par la Roine Eliſene) tout ce que Mabile, & elle auoyent reſolu, & par ſa lettre entendit amplement ſon vouloir, dont il fut trefaiſe, ſe ſentant en liberté d'aller ou bon luy ſembleroit: toute-fois il étoit en grand' perplexité ne ſçachant déterminer ce qu'il deuoit faire: car la volōté d'Oriane étoit, qu'il ne ſe trouvāt contre le Roi Liſuart & de le ſecourir auſſi, il ſe ſentoit trop offēcé. A la fin conclud en demander auis au Roy Periō. Et à cēte cauſe le trouuant à part vn iour qu'ils ſe pourmenoiēt ſus le riuage de la Mer, commença à lui en parler, & cōme ils étoient ſus ces termes, virent de loing, venir à eus vn Cheualier, monté ſus vn cheual bai tant las & trauaillé qu'à grand' peine ſe pouoit il ſoutenir, & auoit les armes & l'écu ſi rompu, & ſa cōte d'armes tant deſchiree, qu'il étoit impoſſible de le reconnoître. Bien penſa le Roi Periō à ſa contenance, que c'étoit quelque Cheualier errant: parquoy il alla au deuant pour le recevoir, & aprochant près de luy, Amadis

aperceut que c'étoit Floreſtan ſon frere: Lors dīt au Roy (qui ne l'auoit oncques veu) Sire, ne cōnoiſſés vous ce Cheualier qui ēt vn des meilleurs que ie ſache & vōtre ſis? Mon ſis? répondit le Roi. Ouy certes, dīt Amadis, cēt Floreſtan, dequoy ie vous ay parlé maintesfois. Lors Floreſtan auifant Amadis, ſe douta que l'autre étoit le Roi: Parquoy mit ſoudainement pié à terre, & vint le Roi l'ébracer: mais il ſ'agenouilla pour lui baiſer les piés: Ce q̄ le roi Periō ne vouloit permettre: ains le leua doucemēt, lui diſant qu'il fut le trébié venu, puis le print par la main, & le mena au château vers la Roine, laq̄lle lui fit trébō recueil, tāt pour l'amour du roi q̄ pour la prouēſſe dōt il étoit renōmé par to^s païs, & ainſi qu'ils deuifoyēt enſemble des fortunes du Roi Liſuart, le Roi Periō lui dīt: Mon ſis aués vous ſceu l'entreprinſe que font ſes ennemys contre luy? Ouy bien, Sire, répondit Floreſtan, & à ce que i'ay peu entendre leur force ēt tant grande, q̄ ſi Dieu ne luy ayde il ēt impoſſible qu'il y puiſſe reſiſter, dont ne deuons gueres être marris, veu les choſes paſſées. Mō ſis, dīt il, ie croy biē que le Roi Liſuart peut auoir failly en d'aucuns endroits: Neantmoins ie l'ay autre-fois ouy louer grandement de maintes bōnes vertus, qui me fait pēſer qu'il ſortira de cet affaire, cōme il a fait de pluſieurs autres, ou il s'ēt trouué. Et d'auantage il ēt mal ſeant à tout Roi de deſirer la ruïne d'autre Prince, ſ'il n'a guerre contre lui, pour quelque iuſte occaſiō. Or étoit il ia tard, & auoit on couuert pour le ſouper. Parquoy le Roy dīt à Amadis: Mō ſis menés vōtre frere, & le faites deſarmer, puis nous metrons à table. Ainſi ſe retirèrent Amadis & Floreſtan, & étans ſeuls Floreſtan lui dīt: Mon Seigneur, la principale & plus grande occaſion qui m'a fait venir en Gaule a été pour vous auertir du tort que vous faites, non ſeulement à vous: mais à tous ceus de vōtre lignage, demeurant ſi longuement oyiſ, & réputé des armes, en ſorte que
maints

maints vous en blâment, & estiment que faute de cueur vous a ainsi reduit à non chaloir. En bonne foy, répondit Amadis, ils penseront ce que bon leur semblera: mais j'espère d'orénavant leur faire changer d'opinion. Et étans sus ces propos le Roi survint qui les mena en sa sale & après diuers traitemens de viandes, étans les tables leuees, & l'heure d'aller dormir, Amadis & Florestan prindrent, pour ce soir congé de lui: Mais Amadis ne peut oncq' dormir la nuit, pensant continuellement comme il pourroit recouurer ce qu'il auoit perdu, & delibera en foy-mêmes s'auenturer tant qu'il feroit dire le contraire à tous ceus qui auoyent mal parlé de lui: Et pour à ce parvenir, vne fois determinoit aller contre le Roi Lisuart, puis soudain (se souuenant de la defence d'Oriane) changeoit de pensée: ainsi ne sçauoit lequel des deus partis élire, iusques à ce qu'après vn long discours passé en son esprit, choysit pour le meilleur, oublier l'iniure qui lui auoit été faite en la grand' Bretaigne, & être du côté du Roi, tant pour ce qu'il étoit le plus foyble, que pour autant si on le chassoit de ses païs, Oriane perdrait le bien qu'il eseroit vne foys être sié: Et à cete cause le lendemain se leua de grand matin & acompagné de Florestan entra en la chambre du Roi Perion, lequel il trouua éveillé, & lui donnans le bon iour, Amadis lui dit: Sire, j'ay toute la nuyt pensé au propos q' vous tenoit er soir mon frere Florestan, & au danger ou peut tomber le Roi Lisuart, pour n'être secouru & en cete pensée, m'êt très-bien souuenu du deuoir en quoi êt obligé (comme vous dites) tout Prince vertueux, pour maintenir la liberté de autre Prince, étant malheureusement & sans occasion assailli. Au moyen dequoy, j'ay auiisé (si vous le trouués bõ) & il vous plaise me donner congé passer en la grãd' Bre taigne & sans auoir égard à l'iniure que i'y ay soufferte ayder non seulement au Roi Lisuart: mais à ceus de son païs, qui

Am. 3.

ne peuuent mais de son offence, & croyés, Sire, que ie ne vous dy tels propos sans cause, voicy mon frere qui sçait les paroles que lon tiét de moi, pour m'être quel- que tems distrait des armes, & semble à plusieurs que ie sois du tout refroidy de suyvre les auentures, pour les dangers qui y sont occurrens à quoi ie ne pensay oncq'. Et pour en donner seur témoignage à chacun, si Dieu plaît ie feray en cete assemblée tant de deuoir, que ma renommee (qui sembloit être enseuelie) s'éuillera avec plus de louange qu'elle ne fut oncq'. Mon fis, répondit le Roy, vous sçaués que j'ay tou-jours été amy des bons, & connoissant le Roy Lisuart être de ce nombre, j'ay grande ocasion de lui faire re ayde & faueur, ou j'auray le moyen, & si ie differe à present, ce êt seulement pour cause des differens qui sont entre luy & vous: Mais puis q' vòtre intention êt changée, & que voulés vous trouver en si bõne affaire, j'y feray en vòtre compagnie, n'étant déplaisant d'autre chose, que du tems qui nous êt si brief pour assembler gens, car si j'auois l'oysir de dresser armee assésurés vous que ie la y menerois puissante & roide pour nous acompagner: Toute-fois cela ne nous arrestera & prendray seulement les Cheualiers q' ie pourray promptement recouurer. Quand Florestan entendit cete deliberation, il demeura longuement sans mot dire, puis répondit au Roy: Sus mon Dieu sire, quád ie considere la cruauté du Roy Lisuart, lequel sans la faueur que mon Signr Galaor no^r porta en l'Isle de Mógaze, il nous eut tous fait cruellement mourir, il seroit impossible que ie luy puisse vouloir bien, mêmes vous sçaués comme lōg tems au parauant il nous auoit à si grand' hayne, qu'il s'êt plusieurs fois vanté de nous ruiner tous: Neant-moins voyant les choses en tels termes, ie suis content pour l'honneur de vous (& puis qu'ainsi vous plaît) oublier le tout pour cete heure, & vous suyure comme j'y suis tenu, aussi que par

C 3

l'accord

LE TROISIEME LIVRE

l'accord que nous auons fait au Lac Ardât ie ne doi porter armes contre lui de deus ans, par ainsi dōc mēt force si ie m'y veus trouver être de son côté . Sire, dit Amadis, ce feroit le meilleur que nous fissiōs cēte entreprinse secrette, sans y mener autre que nous trois seulement : car étant l'assemblee plus grāde, plus tard sera bien tenu ce que nous pourrions faire, & serois bien d'auis (s'il étoit possible) que nul ne nous conneut. Je suis content, répondit le Roi, j'ay trois harnois semblables, qui seront propres à cēte entreprinse, à fin que nous puissions mieus connoître & secourir l'un l'autre, & allons presentement les essayer. Lors sortirent de la chambre, & trauersans virent descēdre en la cour, vne Damoiselle richement vêtue de dessus vn bien beau palefroy, laq̃lle étoit seulemēt acompagnée, de deus Ecuyers, qui portoyent chacun vne queisse deuant eus, & oyant le Roy qu'elle le demandoit, descendit en bas. Adonc la Damoiselle qui l'auisa venir à elle avec Amadis, & Florestan, les salua humblement. Lors lui demanda le Roi si elle vouloit parler à la Roine. Non, Sire, répondit elle, ie n'ay affaire à autre qu'à vous, & à ces deus Cheualiers, vers lesquels m'envoye la Dame, de l'Ile incogneuē, avec les presens que voicy. Adonc fit décharger & ouvrir les queisses, dequelles elle tira trois écus, trois heaumes, & trois côtes d'armes. Or étoiet les écus d'argent semés de serpens d'or, tant bien faits qu'ils sembloient proprement vifs, & les cotes d'armes toutes pareilles, mais les heaumes furent tous differens. Car l'un étoit blanc, l'autre doré, & le tiers verd: le blāc presenta la Damoiselle au Roi, avec la côte d'armes, & le verd à Florestā, puis le doré à Amadis, lui disant: Seigneur, ma Dame vous enuoie ces armes, & vous mande par moi, qu'avec icelles vous vous employés d'orenauant mieus que n'aués fait depuis que vous êtes par deçā. Amadis l'oyant si auant parler, eut crainte que les affaires d'Oriane

& de luy fussent plus auant découvertes & répondit à la Damoiselle, pour lui rōpre propos: Damoiselle m'amy, vous remerciēs humblement vōtre maitresse de ma part, & luy dirēs q̃ ie n'estime moins le conseil qu'elle me donne, que le present qu'elle nous a fait, aussi que ie luy obeiray de tout mon pouuoir. Mes Sg̃rs, dit la Damoiselle, elle vo' enuoie à tous trois ces armes, à ce q̃ vous puissies cōnoître & ayder l'un à l'autre, si en aués besoing en la guerre du Roi Lisuart. Cōment, répondit le Roy, à sceu vōtre maitresse, q̃ nous y deuons être, veu que nous mêmes ne le sçauions il n'y a pas encores vne heure? Je ne sçay, dit la Damoiselle: mais elle m'asleura que ie vous trouuerois à cēte même heure, droit en ce lieu, me commandant qu'apres vous auoir baillé ces armes, ie passasse en la grand' Bretagne ou elle m'envoie semblablement. Pourtant regardés s'il vous plaît riens luy mander. Par ma foi, répondit le Roy vous ne partirēs de ceans premier que n'ayés diné. Lors la fit cōduire au château, ou il lui fut donné tout le meilleur traitement, dont on se peut auiser: Puis ayant diné à son ayse, & prins congé des trois Cheualiers, se remit en chemin, tirant vers la Mer, ou elle s'embarqua. Bien pensa Amadis, après le departement d'elle, que la bataille se donneroit en brief, & que sans grande occasion, Vrgāde ne leur auoit enuoie ces armes. Au moyen dequoy il eut trop plus d'envie de s'y trouver qu'au parauant, & pour diligenter cēte entreprinse, des le iour mêmes envoya Gandalin faire equiper secretement vn navire, dequoy il auertit le Roi & Florestan, qui conclurent partir la nuit ensuyuant. Et de fait étans embarqués eurent si bon vent, que sans être aperceus de nul singlerent en plaine Mer, côtoyans l'Ile de la grand' Bretagne ou peu après ils prindrent port au plus près qu'ils peurent du lieu ou étoient campés les sēt Roys, esperans après auoir veu leur

con-

contenance d'eus ioindre avec le Roi Lisuart: Et à cete cause entrerent en vne forêt, ou leurs Ecuyers dresserent vn pavillon atendants qu'ils eussent amplex nouvelles des deus armées, & des l'heure enuoyèrent l'un de leurs gens au camp des ennemis, pour eus enquerir du iour qu'il se doneroit la bataille, & vn autre vers Galaor lui porter lettre par laquelle ils lui faisoient entendre, qu'ils étoient en Gaule, & auoit cet Ecuyer commandement expresse de l'asseurer qu'il les y auoit laissés tous trois ensemble, lesquels le prioient de leur faire sçauoir (après la victoire) quelle seroit la santé de lui & de leurs amis. Sagement accomplirent les Ecuyers ce dont ils étoient chargés tellement qu'au troisième iour ensuyuant le premier retourna vers eus, & rapporta comme l'armée des Rois étoit merueilleusement grande & forte, par le nombre infini de gens étrangers qui y étoient nouvellement arrivés, lesquels tenoient assiégué étroitement vn château, que lon disoit appartenir à quelques Damoiselles, & non-obstant qu'il fut fort & imprenable par force d'armes, si étoit il en très-grand danger de se rendre, à cause du peu de vivres qu'il y auoit dedans: Mais ainsi (disoit l'Ecuyer) que ie trauersois le camp, j'ay ouy Arcalaus l'Enchâteur, disant à deus Rois, avec lesquels il se pourmenoit, qu'il force étoit de donner la bataille dans sis iours pource qu'il n'y auoit plus d'ordre de faire amener victuailles par la Mer, & que leur munition commençoit à faillir. Voylà répondit Amadis, qui va très-bien: ce pendant au moins aurons nous loisir de nous rafraîchir. Et le iour même retourna l'autre qui étoit allé au camp du roi Lisuart, lequel déclara comme il auoit trouvé Galaor, & la contenance qu'il auoit eue receuant la lettre qu'il luy auoit baillée: & croyés, dit il, qu'il ne s'est oncques peu tenir de pleurer, quand il a sceu que vous étiez tous trois en Gaule: car il penseroit la victoire seure de leur côté si le Roy vous auoit en sa compa-

gnie, & vous mande par moi que s'il réchape de cete bataille, qu'aussi tôt il vous viendra trouver la part que vous ferez. Or ça, dit Amadis, que te semble de leur armée? Mon Seigneur, répondit il, le peu de gens qu'ils ont, sont très-bien en ordre, & bons Cheualiers, ainsi que lon dit: mais ils sont peu au respect du grand nombre des autres. Toute-fois le Roi Lisuart ne les craint, & delibere (à ce que lon dit) les venir trouver dedans deus iours autrement le château des Dames est contraint de se rendre. Nous verrons, dit Amadis, qu'il en auendra. Ainsi seiournerent au bois, iusques au tems qu'ils eurent leur auertissement, comme les deus armées étoient prêtes à ioindre. Au moyen dequoy ils délogerent, & s'approcherent, & près du champ du Roy Lisuart, lequel étoit lors assis sus vne croupe de montaigne si pres des ennemis, qu'il n'y auoit qu'un petit ruisseau à trauerser environ le mylieu de la plaine que le Roi Arauigne (desirant combattre) faisoit passer à ses gens. Ce Roi dont ie vous parle, auoit été élu pour le chef & coronal de l'armée des sct Rois, lesquels avec les principaus Capitaines de leur armée, luy auoyent fait tous serment le iour precedant, de lui obeir sans contredit: car il ne vouloit auoir (comme il disoit) autre chose que l'honneur de cete entreprinse, quittant tout le butin à ses compagnons & soldats, pour à quoi paruenir, ordonna neuf batailles, à chacun desquelles il mit douze cens Cheualiers, reste à la sienne qui étoit de quinze cens, ou plus, & le lendemain des l'aube du iour commanda faire sonner trompettes & clairons à ce que chacun se mit en ordre: Puis auant que déloger, voyant ses gens delibérés de faire leur deuoir, pour plus encores les animer, leur dit ainsi: Quel besoing est il Signrs que ie vous face grand enhonement de bien combattre, veu que vous êtes icy pour ce faire, & mes auteurs de cete guerre, en laquelle vous m'aués élu pour vôtre chef, &

LE TROISIEME LIVRE

premier cōducteur, qui ét la raison, principale, pour laquelle ie vous dirai ce q m'en semble à fin, qu'après m'auoir entendu, vous ayés deuant les yeus la cause pour laquelle vous êtes si grand nombre de gens assemblés: Certes ce n'êt pas pour defendre vōtre païs, vōtre liberté, vos femmes, vos enfans, ou vos biens: Mais c'êt pour conquerir & subiuguer vne gent, la plus fiere qui soit aujourd'hui viuant, & qui de nous (étans loing d'eus) fait aussi peu d'estime que de rien. Toutefois ie croy que de prés ils n'oseroient nous atendre, combiē que vous les voies deuant vous marcher furieusement, ce non-obstant si vous regardés bien leur cōtenāce, il semble qu'elle doie auoir plus d'efficace à vous émouvoir, & dōner cœur de bien combattre, que toutes les paroles d'homme viuāt, encores que fussiēs quasi recreus, & mal équipés, & au contraire, nous sommes icy la fleur, & force, de la plus part des Iles Occeanes, & en si grād nombre que ce seroit quasi peché de douter de nōtre certaine victoire. Et pour plus la nous asseurer, souuienne vous que nous sommes en vne terre étrangere, & fort loingtaine de la nōtre, non point entre nos bōs amys: mais au milieu de tous ceus qui desirent nōtre mort, chose que ne pouvons eiter, si nous sommes vne fois rompus: car ils ont force gents de cheual, par lesquels serōs poursuuyis, sans auoir aucun moyen de faire retraite en nos vaisseaus, par ainsi il nous faut resoudre de vaincre ou de mourir: car la necesité en quoi nous sommes, ét trop plus à craindre que leur puissance, pourtant que chacun face son deuoir, & i'espere plutôt que la nuit nous separe, que serōs maîtres & Signeurs de tout ce païs, & redoutés ci après en tous les autres endroits du monde. Ayant le Roi Arauigne, ainsi parlé à ses soldats, il les fit marcher en bōne ordonnance contre ses ennemys, lesquels marchoyent en bataille le lōg de la croupe de la montaigne, cōtre laquelle le So-

leil donnoit, & faisoit tellement reluyre leurs armes, q c'etoit trébelle chose à voir. Or étoient ils separés en cinq équadrōs, le premier conduisoit Brian de Môiaſte, avecq mille Cheualiers d'Espagne, le second le Roy Cildadan, avecq pareil nombre, le tiers Galuanes, le quart Giontes, & le dernier le Roy Lifuart acompagné de Galaor, avecq deus mille bōs Cheualiers, lequel voyant si grād' force marcher contre lui, douta merueilleusement de la victoire. Toutefois comme Prince prudent & magnanime, alloit de bataillon en bataillon, persuader ses Cheualiers à bien combattre, & pour mieus les inciter à ce faire, leur donna à entendre, qu'à tort il étoit assailli de ses ennemys, sans auoir querelle aucune cōtre eus: Mais seulement qu'à la persuasion d'Arcalaus (le plus traître & déloyal paillard qui fut oncques uiuant) ils étoient entrés en ses païs le cuidant surprendre: Et pourtāt, disoit il, mes amys, étant le droit de nōtre côté, Dieu qui ét iuste (es mains duquel sont les victoires) nous aydera, s'il luy plaît, & s'ils disent qu'ils me font la guerre seulement pour venger ceus qui dernièrement inuaderent ce Royaume avec le Roy Cildadan: Assurés vous qu'ils se pourront bien trouuer deceus, sçachans, que cuydans venger leurs iniures (sous la cōffiance de quel que puissance) accroissent bien souuēt leur honte, & y finent malheureusement leurs iours. comme i'espere qu'ils feront: car il n'y a nul de nous aprēty de se trouver en tels conflits, & qui ne soit expérimenté & réputé, par eus mêmes, Cheualier preus & hardy. Seulement fondent leur victoire sus le grand nombre de gens qu'ils ont en leur camp, gens puis ie dire ramassés, & de toutes pieces, la plus part sans ordre, & sans obeissance, lesquels nous voyās aprocher, s'étonneront auant qu'ayons loysir de baisser nos lances, & si vne fois nous les pouons mettre en desordre, nous en aurons telle raison que nous voudrōs. Marchons doncques hardiment, & leur fai-

faisons à connoître qu'ils ne sont pas plus gens de bien que leurs compagnons, lesquels nos terres ont été engressées par leur sepulture, & les Loups repeus de leur charongne, par trois ou quatre diuerfes fois, qu'ils ont été defaits en bataille, par la vertu & magnanimité de vous autres.

Telle remontrance faisoit le Gentil Roy à ses Cheualiers, lesquels voyans approcher leurs ennemys, marcherent au petit pas contre eus. Or étoyēt embuchés tout joignant le Roi Perion, Amadis & Florestan, lesquels auoyent delibéré d'eus ne se mouvoir, premier qu'ils ne vissent comme se porteroit la mêlée d'une part & d'autre, & sus l'heure aperceurent Brian & ceus de sa troupe coucher leurs lances & donner dedans leurs ennemys si hardiment, qu'à l'aborder y eut maint bon Cheualier rué par terre, & mis à mort:

Mais le Roy Targadan qui menoit le premier bataillon du Roy Arauigne, fut promptement secouru d'Absadan, avecq' douze cens Cheualiers. Au moyen dequoy Brian fut contraint de reculer. Ce qu'aperceuant le Roy Perion, dit à Amadis & Florestan: Il me semble que nous n'aurons iamais occasion plus grande de nous montrer: veu que nos ennemys ont grandement l'auantage sus les gens du Roi Lisuart. Sire, répondirent ils, allons les secourir. Ce disant, donnerent des éperons à leurs cheuaus, & le premier que rencontra le Roy Perion, fut Targadan, lequel au parauant n'auoit chargé Cheualier, qu'il ne l'eût renuersé. Mais le Roy Perion lui donna si grand coup de lance, qu'il luy fausa écu, harnois, & le cors d'outre en outre, tombant mort sus le champ, & si cete rencontre fut dure pour luy, toute telle fut celle d'Absadan le braue: car Amadis l'ataignit de si grande force, qu'il luy fit sortir sus l'heure l'ame du cors. Ce qui épouenta tellement les ennemys, qu'ils commencerent à perdre cœur, & ceus de Brian à eus réforer: car Florestan se vint adresser au Roy Car

dueil, auquel ils auoyent quasi toute leur esperance, & le print si à propos, qu'il le fit voller hors des arçons, entre les iambes des cheuaus. Là y eut dur conflit, par ce que les deus armées s'assemblerent pour greuer l'une l'autre, & qui eût veu à l'heure Amadis fendre la presse, lon l'eût estimé plus q' l'on n'auoit fait depuis sis moys, pource qu'il ne donoit coup à Cheualier, qu'il ne le mît à mort, ou le navrât cruellement, cōbien qu'il trouvât souvent de grandes resistances: car si ceus de la grand Bretagne combatoyent pour leur liberté & propre salut, les gens du Roy Arauigne assailloyent, esperans conquerre terre d'autrui, & par ce moyen demeurer à iamais riches. Ainsi étoit à qui mieus feroit son deuoir, pour emporter la victoire de cete journee. Là fut tué le cheual d'Amadis sous luy: mais il fut quasi aussi tôt secouru par l'ayde que luy donnerent les Roys Lisuart, Perion, & leur suyte, lesquels firent tant d'armes en cēt endroit, q' leurs ennemys commencerent à branler, & y fut le Roi Arauigne si navré, que pensant être ataint à mort, s'enfuyt en ses nauires, & la plus part de ses gens après, & ainsi q' lon les poursuiuoit viuement, Brutaxar l'un des meilleurs Cheualiers qui fut en l'armée des sept Rois voyât ce grad desordre, r'alia quelques vns de ses gens, par le moyen desquels il arrêta sus cul ceus qui chassoyent le Roy Arauigne, & recommença le combat autant cruel qu'il auoit été du jour. Ce pendant les plus épouentés entrèrent dans les vaisseaus, ou mains se fussent sauvés: mais Amadis survint qui chargea Brutaxar de si grāde force, qu'il le rua par terre. Ce qui augmenta la frayeur aus ennemys, de sorte que pour mieus fuir iettoient glaiues & écus sus le champ, les vns courans vers la mer, les autres aus bois & rochers, ainsi que fortune les guidoit. Et combien que le Roy Lisuart, & la plus part de ses Cheualiers eussent beaucoup d'affaires au commencement, si n'y eut il celuy qui ne print garde

LE TROISIEME LIVRE

de au grand deuoir qu'auoyent fait tout le jour, les Cheualiers aus armes des Serpens tant que le Roi mêmes disoit maintes fois à haute vois: Par Dieu, ou ce sont trois Amadis, ou trois fantômes. Toutefois quand il confideroit l'iniure qu'il lui auoit faite, il se persuadoit tout autrement. Ainsi demoura le Roi Lisuart victorieux, & se campa pour ce jour au lieu propre, ou auoit été la deffaite, & cōme il se desarmoioit, demanda qu'étoient deuenus les Cheualiers des Serpens. Mais nul ne luy en sceut répondre autre chose, sinō q̄ lon les auoit vus tirers vers la forêt, fuyans tāt que les cheuaus pouvoient courre. Sus ma foi, dīt il, ie suis trēdeplaisant qu'ils ne sont demeurés avec moy: car qui auroyt en sa cōpagnie trois tels Cheualiers, il se pouroyt dire & tenir pour bien acōpagné. Sire, répōdit l'Ecuyer qui les auoit recontrés trauersans n'aguères par ce boys, ie les ay trouvés tous trois, & m'ont donné charge vous auertir, qu'ils ont été contrains eus ainsi partir de cēte assemblee, pour aller en loingtain païs, eus mettre en la puissance de tel qui (peut être) n'aura aucun mercy d'eus, & vous supliant tres-humblement les tenir pour excusés, s'ils ne vous ont fait la reuerence auant que partir. Certes cēte parolle fut depuis plus veritable que n'esperoit Amadis, qui l'auoit dite à l'Ecuyer, lequel poursuiuant son propos, dit au Roi: Sire, ils vous pryēt aussi q̄ leur part du butin soit distribuee aus Damoiselles qui ont si bien gardé leur château pour vous, à ce qu'elles soyent recompensées de partie du dommage qu'elles ont eu en ce siege. Sur mon Dieu, répondit le Roy, il sera fait ainsi. Mais beau Sire, dīt il à Galaor, seroit ce point Amadis vōtre frere l'un des trois? Non certes, répondit il: car ie receu encores deuant hier lettres de luy, par lesquelles il me mandoit que luy ne Florestan ne partiront de Gaule, premier qu'ils n'ayent de mes nouvelles. Je m'emerueille donc, dīt le Roy, qu'ils pouroyent être.

Je ne sçay, répondit Galaor: mais quels qu'ils soyent, Dieu les gard de mal, comme les meilleurs & plus hardys Cheualiers que ie vy de ma vie, & qui ont tant fait ce jourdhuy pour vous. Ainsi passerēt le reste du jour, ne parlans quasi d'autre chose, que de ce qu'ils auoyent veu faire aus Cheualiers des Serpens. Puis le lendemain se leua le camp, prenāt le chemin à Gandale, ou les Dames atendoient le Roy, & là rompit son armee, renuoyant chacun chēs soy.

Comme les Cheualiers aus armes des Serpens retournans en Gaule, eurent fortune contraire qui les ietta en lieu ou Arcalaus les cuida faire mourir, & de ce qui leur auint depuis.

CHAP. VI.

Trois jours entiers se tindrent cachés en la forêt le Roy Perion, & ses deus fis tant pour eus rafraichir, qu'attendans vent propre à eus embarquer, & le quatrième ensuiuant, entrerent en leur nauire, faisant dresser leurs voyles droit en Gaule: Mais il leur auint tout autrement: car à grande peine furent ils en plaine Mer, qu'elle cōmença à s'orgueillir, & enfler: de sorte qu'il sembloit que le ciel & la terre se deussent assembler, & tant fut agité leur vaisseau de l'impetueusité des vagues, q̄ quelque resistance que fissent les mariniers, force leur fut retourner vers la côte de la grād Bretagne, & prēdre port assēs loing du lieu d'ou ils s'étoyēt embarqués. Lors les trois Cheualiers descendirent à terre, & montans sus leurs cheuaus sans aucun Ecuyer, voulurent voir s'ils trouueroyent quelque auenture, atēdās que la mer fūt apaisée, commandans expressement à leurs gens ne partir de là, iusques à leur retour: Mais ils n'eurent gueres cheminé que descendans le long du roc, auiserent en la plaine vne belle Dame accompagnée de trois Ecuyers, & de deus Damoiselles, qui tenoyent chacune d'elles vn Faucon sus leur poing, faisans contenāce de chasser.

Et



Et quand la Dame les aperceut, elle pi-qua droit à eus, montrant contenance de femme tre.joyeuse de si bonne rencôte, & les saluant courtoisement, leur fit signe qu'elle étoit muërte. Trébelle & de boné grace la trouverent les cheualiers, & eurent grande pitié de son infortune. Lors elle s'aprocha de celuy qui auoit l'armet doré, & l'embrçant luy voulut baiser les mains, le conuyant par signes aparens, & les autres aussi, de venir loger en son château, qui étoit près de là. Et pour-ce qu'ils ne pouoyent entendre qu'elle vouloit dire, elle fit signe à ses Ecuers qu'ils leur declarassent son vouloir. Ce qu'ils firent, en les priant de par leur maitresse de les suiure, & eus venir reposer: Au moyen de quoy les trois Cheualiers las & fatigués de la mer, pensans que tel fut leur vouloir que leur parolle, sans douter la traïson precogitee par cete compagnie, obtempererent à leur requête, & ne cheminerent longuemēt, qu'ils arriuerent en vn tréplaisant château, ou ils trouverent gens qui les receurent gracieusement, & les conduirent en vne bien belle chambre, en laquelle ils se desarmerent, & ainsi qu'ils se mettoient à table pour souper, vindrent les Damoiselles tenans chacune d'elles

vn instrument de Musique, avec lequel elles cōmencerent à sonner trémelodieusement, & leur donnerent tel passetems, iusques à ce qu'il fut heure d'aller reposer. Lors elles se retirerent, & demurerent les trois Cheualiers seuls, qui se coucherent tôt après en vn même liēt, ou ils ne furent longuemēt qu'ils se prindrent à dormir, comme ceus qui en auoyent grād besoin. Or entendés qu'il étoit assis sus vne vis, tournant ni plus ni moins que celle d'vn pressouër, & aisément les pouoit-on abaïsser (sans faire bruit) en vne fosse profonde de plus de vingt coudees, & là se trouverent les Cheualiers le lendemain à leur réueil, dont ils furent fort ébaïs cognoissans bien qu'ils étoient traïs: Car ils ne voyoyent clarté quelconque, & si ne pouvoyent penser comme ils étoient là transportés. A la fin se leuerent pour trouver l'huis ou fenêtrre, par laquelle ils y étoient entres: mais ce fut en vain: car il n'y auoit aparèce d'ouverture quelconque, & ainsi qu'ils étoient en ces termes, entendirēt marcher quelques gens au dessus de la voute, & sept ou huit heures après aperceurent ouvrir vne petite fenêtrre assés haute, & vn Cheualier de moyen age, lequel mettant la tête au dedans, demanda

demanda assés mal gracieusemēt, qui sont ces nouveaux hôtes venus loger ceans de leur gré, pour auoir tant bon traitement? Par Dieu rutres, puis que ie vous tiens, ie me sçauray bien venger des torts que vous m'aués faits, au moins si vôtre mort ét suffisante pour ce faire: tant y a que ie vous connois pour ceus qui ont été cause de la defaite des gens du Roy Arauigne, soutenās le party de ce méchant Lisuart, & vous souviene que vous aués affaire à Arcalaus, qui vous aime comme il vous fera sentir. Or me regardés maintenant, & si ne me vîtes oncques, connoissés moy pour vne autre-fois si vous échapés. Que pleût à Dieu sçauoir certainement si ce larron Amadis de Gaule ét en vôtre compagnie: par l'ame de moy ie ne dormirois premier qu'il n'eût le nés & les poings coupés, & que ne le fisse mourir, de la plus cruelle passio, dont ie me pourois auiser. Mon oncle, répondit la Damoiselle (qui auoit contrefait la muette le jour precedent) ce plus ieune que vous voyés (luy montrant Amadis) ét le Cheualier à l'armet doré, q̄ vous dites auoir tant fait d'armes. Cete cy dont ie vous parle, étoit fille d'Ardan Canille, & se nommoit Dinarde, la plus malicieuse & futile femme qui fût en ce tems, & n'étoit venuë en cete contrée, que pour surprendre Amadis, & le faire mourir, qui étoit la cause principale pour laquelle elle contrefaisoit ainsi la muette, & aussi tôt qu'elle eut dit cete parole, Arcalaus se retira de la fenestre, & en la poussant rudemēt, dit aus Cheualiers: Faites tous bonne chere: car deuant qu'il soit nuit, ie vous feray trencher les têtes, & les enuoyray au Roy Arauigne, en satisfaction du déplaisir qu'il a receu par vôtre moyen. Plus ébaï que deuant furent le Roy & ses enfans de se voir ainsi au pouvoir d'Arcalaus, & eurent lors connoissance q̄ la Damoiselle les auoit deceus, sous ombre de contrefaire la muette: Mais ce qui redoubloit l'ennuy à Amadis & Florestan, étoit de voir leur anciē pere en tel

danger sus la fin de ses jours, dont ils auoyent tant de compassion, qu'ils ne se pouvoient tenir de pleurer. Toutefois lui Prince vertueux & prudent commēça non seulement à prendre cœur: mais à les reconforter, leur disant: Comment? vous étonnés vous si tôt des tours de Fortune? Etes vous à connoitre ses mobilités? Sus ma foy, ie vous eusse pensé plus fors & constants: d'une chose vous prie ne me dōner point plus d'ennuy que j'ay: car vôtre tristesse me cause telle passion à l'ame, que cela seul ét suffisant pour me faire mourir. Pourtant rassurés vous, & esperons en Dieu, qui ét tout puissant pour nous tirer de ce lieu. Il nous faut recommander à lui, & en luy seul auoir nôtre fiance. Mais qui eût jamais pensé que fussions tombés en tel accident, à la persuasion seulement d'une simple Damoiselle, sous couleur de faindre la muette, après auoir échapé les dangers d'une cruelle bataille? Ainsi, mes enfans, puis que n'y pouons mettre ordre postposans toute pitié naturelle que vous pourriés auoir de moy, & moy de vous, prenons nôtre fortune en gré. Quand Amadis & Florestan l'entendirent parler si sagement, il leur sembla quasi être dechargés de la plus part de leur mal-heur, & de là en auant se réjouyrent en leur tribulation Ainsi passerent tout le jour sans boire ne manger, iusques sus le soir biē tard, qu'Arcalaus retourna à la fenestre, comme il auoit fait le matin, lequel étoit encores acompagné de Dinarde, & de deus anciens Cheualiers qui portoyent vne grosse poignée de flambeaus ardans. Adonc il appela les prisonniers, & leur dit: Cheualiers, qui dormés tant à vôtre aise, ie croy que deuriés auoir quelque bon apetit, et que volontiers vous mengeriés, si vous auiés de quoy. Ouy bien, répondit Florestan, s'il vous plaisoyt nous en donner. Par mon ame, dit Arcalaus, ie n'en ay nulle volonté, et si ie l'ay, Dieu me la vueille tôt ôter. Toute-fois, à ce que du tout ne soyés déconfortés, pour vous donner quelque plaisir,

plaisir, ie vous veus dire des nouvelles qui vous seront, peut être, assés ennuyeuses. Ce soir sont arriués ceans deus Ecuyers, & vn Nain, demandâs les Cheualiers aus armes des Serpens, lesquels i'ay fait prendre, & mettre en vn lieu aussi plaisant, q̄ celuy ou vous ébatés, & si dans demain ils ne me dient qui vous êtes, ie les feray mourir de la plus cruelle mort, dont ie me pourray auiser. Certes Arcalaus leur disoit vray: car ceus du nauire voyâs que le Roy Perion ne retournoit, vers eus, enuoyerent Gandalin, le Nain, & Orpheus le tapisier, voir s'ils pouroyent sçauoir à quoy il tenoit, & par fortune étoient arriués au château, ou Arcalaus les auoyt fait arrêter. Ce qu'entendu par les trois Cheualiers, furent trédeplaisans, & non sans cause, pour ce qu'ils craignoyent que par torment on les forcât à dire plus qu'ils ne voudroyent: Neantmoins Amadis n'en fit semblant, & répōdit Arcalaus: Sus ma foy, Seigneur Arcalaus, quand vous sçaurés qui nous sommes, ie suis seur que vous nous ferés meilleur traitement que nous n'auons encores eu: car vous étant Cheualier comme nous, & qui souvent a-nés enduré les tours de fortune, ainsi que nous faisons, ne trouverés mauvais, qu'ayons donné ayde à nos amys, ainsi que voudrions faire pour vous mêmes en cas semblable, & s'il y a en nous quelque prouesse, cela doit être moyen de vous faire mieus reconnoître, si vous nous faites tort ou non: Par Dieu, dît Arcalaus, vous aués raison de si bien haréguer: mais vous trouverés qui disputera avec vous, si ie vous fais tort, ou droit: tant y a que i'vserai enuers vous de toute telle gracieu seté que ie ferois à Amadis de Gaule, si ie le tenois. Mō oncle, dît Dinarde, puis que vous voulés enuoyer leurs têtes au Roy Arauigne, ne les faites ce pendant mourir de faim, à ce que viuans quelque tems en misere, ils endurent vne vie pire que la mort. Vrayement, ma niece, répondit il, i'en suis content, & ét trébié auisé à vous,

& presentement ils auront viures, pourueu qu'ils me dient qui les trauaille plus, ou la soif, ou la faim. Qu'en ét il, Cheualiers? par la foi que deués à dieu. Puis que tant nous coniurés, répondit le Roy, ie croy que le manger nous ét necessaire: mais la soif nous donne plus de matiere. Tant mieus, dît Arcalaus, i'ay vne piece de lard bien sallee, qui vous étanchera cete grande alterion. Lors commanda que lon l'allât querir: puis la leur ieta par la fenestre, leur disant: Tenés, mes amys, faite-bonne chere, & ne dites pas que ie ne vous traite gracieusement. Adonc se reira, laissant à la fenestre vne Damoyfelle, pour entēdre les propos qu'ils tiendroyt de là en auant. Or auoyt elle ouy parler de la grande beauté & prouesse de celuy qui portoit l'armet d'oré, mêmes cōme en cete derniere journee, ou il s'étoit trouvé contre le Roy Arauigne, il auoit fait les plus grâdes actes de Cheualerie, que pouroyt faire autre Cheualier, qui la contraingnit en telle pitié, que pour l'amour de lui elle leur fut querir vn flacon de vin & d'eau, & en leur deualant, leur dît: Mes amys, tenés secret le bien que ie vous fais, & si ie puis, ie vous garderay d'auoir pis. Tres-humblemēt la remercierent les cheualiers, puis elle fermant la fenestre leur donna le bon soir. Et pour vous declarer quel traitement eurent ce pendant Gādalīn & les deus autres, qui cherchoyent le Roy Perion & sa compagnie, étans tōbés (comme i'ay dit) es mains d'Arcalaus, ils furent soudainement enfermés au dessus de la chambre, ou le soir precedant la Damoiselle muette auoit fait coucher leurs maîtres, & là trouverent deus Cheualiers de long tems prisonniers, avec vne autre Damoiselle, femme du plus ancien, lesquels leur reciterent que par la fenestre de leur prison, ils auoyent veu arriuer leans les Cheualiers aus armes des Serpens, & le grand recueil qu'on leur auoit fait, & neant-moins à la fin ils ont été (dirēt ils) mis es basses fosses, par la plus grāde trōperie

LE TROISIEME LIVRE

perie du monde: car le lit ou ils se couchèrent, ét plâté sus vne vis, avec laquelle on le peut abaïsser facilement, plus de vingt coudees bas. Parquoy aussi tôt qu'ils furent endormis, nous entendîmes tourner l'é-crouë, & les deualer si douceniët, qu' oncques ils ne s'en éueillerent. Bien cogneut lors Gandalin, & les autres, que leurs matres étoient trais: toute-fois ils n'en firent semblant, & leur répondit Gandalin, comme s'il ne les eût oncques veus: A ce que ie voy, nous sommes trémal arriués ccäs, puis que lon y traite tant cruellemët ceus que vous dites, desquels i'ay ouy tât dire de bien: mais n'y auroit il ordre de les secourir? car si vne fois ils étoyët deliurés ie pense que nous ferions peu de sejour ceans. Je vous diray, répondit le plus ancien de tous, le bout de la vis qui soutient leur lit, passe outre le plancher de cete chambre, & voy là, si nous pouons à force de bras & de mains le tordre, & remonter en la chambre, ils auroyent facilemët moyen de sortir: car l'huis ne ferme jamais. Et d'auätage il n'y a garde ceans qui ne soit maintenant endormy. Essayons y donc, dît Gandalin, & que chacun se mette en deuoir. Lors tous d'un acord se prirent à tordre la vis, en sorte que petit à petit, ils enleuerent le lit, dont le Roy Perion (qui ne dormoit à l'heure) s'en aperceut, & éueilla Amadis & Florestan, leur disant: Ne sentés vous que lon nous remonte la sus? Assurez vous, que ce méchant Arcalaus nous veut tenir promesse, & qu'il nous a découerts. Je ne sçay, répondit Amadis, comme il l'entend: mais le premier qui mettra la main sus moy, pour m'outrager, payera l'écot pour les autres. Ce pendant petit à petit le lit approchoit du plancher, tant qu'il fut remis en son premier lieu. Lors les trois Cheualiers tenans l'épee nuë au poing, furent promptement sus piés, regardans de tous côtés qui les auoit ainsi enleués. Toutes-fois ils ne virent personne, dequoy ils furent émerueillés: car ils trouverent enco-

res les armes, au lieu mêmes, ou ils les auoyent laissées quand ils se mirent à dormir, desquelles ils s'armerent. Puis sortirent de la chambre si secretement, qu'ils surprindrent les gardes, & les taillerent en pieces avant que nul s'en aperceût, iusques à ce que pour le grand bruit qu'ils firent à rompre l'huis, & charger sus ceus qu'ils rencontroyent, Arcalaus s'éueilla, & entendit Amadis crier à haute vois: Gaule, Gaule, ce château ét nôtre. Lors se leua d'effroy, & sans prendre loisir de s'armer, gaigna vne forte tour, au haut de laquelle il môta, tirât l'échelle apres lui: puis se voyât à seureté, mit la tête à la fenêtre, appelant ses gens tant qu'il pouoyt. Ce pendant ses trois Cheualiers firent ouverture à Gandalin & ses compagnons, lesquels tous ensemble vindrent à la chäbre d'Arcalaus: mais il n'y étoit déja plus, & l'auiserent au haut de la tour avec quelques vns des siens qui s'y étoient saüvés. Et pour ce qu'il eût été impossible de le pouuoit auoir par force, ils mirent le feu dedans, & l'enfumerent, en sorte qu'il fut contraint de descendre iusques au plus pres des caues, ou il fut si offusqué de fumee, qu'il cuida mourir. A la fin les Cheualiers voyans que de plus en plus le château s'embrasoit, firent tirer les cheuaus hors, & montans à cheual, commanderent Arcalaus à tous les diables, & lui crioyt le Nain en sortât: Arcalaus, Arcalaus, pense maintenant le bien que tu me fis, quand tu me lias par la iambe, au château de Valderin, ou ie fu si bien parfumé. Cete parole disoit le Nain de telle colere, & avec telle grace, que chacun se print à rire. Et comme ils furent vn peu plus éloignés, regardans derriere eus, virent le lieu tout en feu. Lors penserent bien être vengés d'Arcalaus, & qu'il n'en échaperoit iamais. Or commença à aparoitre l'aube du jour, lequel étoit déja haut & cler, quand ils arriuerent au lieu ou ils auoyët laissé leur nauire, dedäs leq̃l ils entrerent, & aussi tôt la Damoiselle qui auoit été deliuree avec Gandalin,

Gandalin, ayant ouy Amadis crier Gaudin dans le château, demanda lequel c'étoit, Gandalin le lui montra. Lors elle vint se jeter à ses piés, lui demandât pardon: Car, disoit elle, ie suis Dariolette celle qui vous mit au dâger de la mer le premier jour que vous naquîtes, & croyés mon Seigneur, disoit elle, que ie le fis pour sauver l'honneur de la Roynne vôtre mere: autrement elle eut été mise à mort: car nul ne sçauoit si bien que moy, que le Roy vôtre pere, que voicy, l'eut encores épousée. Bien ébaï fut lors Amadis: car oncques il n'auoit sceu la cause pour laquelle il auoit été ainsi abandonné, & prenant Dariolette par la main, lui dit:

M'amy, ie le vous pardonne, puis que vous le fites pour tant iuste occasion. Bien m'a dit autrefois Gandales, qu'il m'auoyt trouvé en la mer. Mais j'ay iusques à present ignoré pourquoy i'y auois été mis.

Lors elle lui recita de point en point (sans rië y obmettre) tout le commencement que le Roy Perion deuint amoureux de la Roynne Elisene, & le surplus de ce qu'il en auint. A quoy le Roy prenoit très grand plaisir: car écoutant Dariolette, elle lui faisoit souvenir du plaisir qu'il eut en ses premiers ans. Or si cete compagnie étoit à son aise, elle ne ressembloit en cela celle d'Arcalaus, lequel demeuré au fons de la tour, se trouua beaucoup plus enfumé que ne fut oncques Renard en son terrier: Et si sa niece Dinarde & quelques autres ne l'eussent secouru, il y eut finy ses jours: mais ils le vindrent trouver aussi tôt que les Cheualiers furent sortis, tant éperdu & suffoqué, qu'il ne remuoit pied ni main. Adonc le tirerent dehors, & lui mirent vin aigre & eau froide sus le visage, en sorte que peu après il commença à respirer, & ouvrant les yeus vid son château enflammé. Lors ietta vn haut soupir, & d'une vois foible & malaisée dit assés haut: Ah, ah, traître Amadis, que tant de déplaisirs tu m'as faits depuis que tu es né: pourtant fois assen-

ré, que si ie te puis jamais tenir, i'en prendray telle vengeance que mon cœur en sera fatifait. Par dépit de toy, iamais ne garderay Cheualier (que i'aye à mon pouvoir) plus haut d'une nuit, sans le faire mourir, pour luy ôter le moyen de m'échaper, ainsi que tu as fait. Puis commanda que lon luy fît presentement vne litiere, & que lon l'emportât au mont Aldan: car (disoit il) le cœur me fend, voyant deuant mes yeus la ruine de ce tant plaisant lieu, sans que i'y puisse donner ordre: & comme ils étoient en chemin entrans dedans la proche forêt, auiserent deus Cheualiers qui se refraichissoient sus le bord d'une fontaine, lesquels voyâs cete litiere aprocher d'eus, accompagnée de cinq Cheualiers & de deus Damoyelles estimerent que ce fût quelque personnage navré, & aussi tôt virent ces Cheualiers venir encontre ausquels Arcalaus disoit: Allés à ces épieurs de chemins, faites les venir incontinent parler à moy, & s'ils en font difficulté, taillés les en pieces. Mais gardés bien de leur dire qui ie suis, de pœur qu'ils ne s'en fuyent.

Or entendés que ces deus qu'Arcalaus enuoyoyt querir, étoient Galaor & Norandel son compagnon, vers lesquels armés, les Cheualiers leur dirent assés fierement qu'ils missent les armes bas, & vinsent parler à celui qui étoit dans la litiere.

Qui êt ce Seigneur, répondit Galaor, qui veut que nous soyons desarmés pour le voir? vous n'en sçaurés autre chose, dirent les autres: & si vous contestés plus guerres, vous y viendrés à coups de bâton. Comment, dit Norandel (en se souffrant) vous ne serés pas si mauvais que vous dites. Il y paroitra, répondirent ils.

Ce disant, ruerent sus eus: mais Galaor & Norandel desarçonnerent les deus premiers qu'ils rencontrèrent, combien que tous cinq leur donnerent atainte, sans toute-fois les faire mouvoir de la selle.

Lors commença le combat rude & merueilleux, toute-fois à la fin les Cheualiers

d'Ar-

LE TROISIEME LIVRE

d'Arcalaus ne peurēt soutenir l'effort des deus autres qui les chargerent de si près, qu'ils en occirent trois sus le champ, & les autres gaignerent à fuyr au trauers les bois, ou ils ne furent longuemēt poursuivis, craignans que celui de la litiere s'absentât ce pendant, vers lequel ils arriuerent tōt après: mais ils le trouverent seul: car ceus qui l'accompagnoyent, l'auoyent tous abandonné ayans veu la deffaite des cinq Cheualiers, & ne resta qu'un garçon qui conduisoit les cheuaus portans la litiere. Bien ébaï fut lors Arcalaus à se voir ainsi au pouoir des autres qu'il auoit voulu faire outrager. Ce non obstant il s'aui-
sa d'une prompte cautelle, & luy mêmes hauçant sa couverture les salua humblement. Toute-fois eus colerés, s'aprouchans de luy pour le fraper, luy dirent: Traître paillard, ét ce la façon de traiter ainsi cheualiers errans, & les vouloir faire mettre à mort, sans t'auoir offensé? Par Dieu ce sera le dernier outrage que receura de toi homme qui viue: ce disant Galaor leua le bras. Lors Arcalaus effroyé, s'écria: Helàs, Signeurs, pour dieu mercy. Mercy? dit Galaor, si Grumedan te iuge digne de misericorde, tu la pourras bien auoir, autremēt non: car tu iras vers luy, & par luy seras châtié de ta grād lâcheté. Ah ah, Signeurs (dit il) plus grand biē ne me pourrés vous faire, q̄ de m'enuoyer vers mō cousin Grumedan, lequel me cōnoit tout autre, q̄ ne m'estimés, & sçait que de tout temps i'ay aymé, seruy, & honoré, tous Cheualiers errans comme vous êtes. Quand Galaor & Norandel l'entendirent parler si assuré-
ment, mêmes qu'il se nommoit parent de Grumedan, ils furēt déplaissans de l'auoir ainsi outragé de parolles, & lui répondirent: Et dea qui vous mouoit donc d'ainsi nous enuoyer menacer par vos gens? Par ma foy, mes Signeurs, dit il, s'il vous plaît de m'écouter, vous sçaurés tout ce qui en ét. Entendés qu'un jour ainsi que ie tra-
uersois la forêt du lac Noir, ie rencon-
tray vne Damoiselle, laquelle se cōplaig-

noit à moy, d'un tort que luy faisoit un Cheualier, pour lequel faire reparer, ie voulu la suiure, & de fait le combaty, & vainquy deuant le Comte de Ganceste: mais il m'auint, que retournant en un mien château, ie trouuay ce traître qu'a-
ués premier mis à mort, & deus autres Cheualiers, lesquels long tems au para-
uant m'épioyent pour auoir vne place de moy, qu'onques ils n'auoyent peu con-
querir par force d'armes. Que voulés vous que ie vous die? Ils me surprin-
drent de si près, que non obstant que ie fis grand deuoir de me defendre, ie fu à la fin prins & emmené prisonnier en vne
forteresse qui n'ēt pas loing d'icy, ou ils m'ont tenu longuemēt, me faisant tou-
tes les iniures du monde, excepté qu'ils ont été contens me faire pēser des playes qu'ils m'auoyent faites en combatant, desquelles vous pouvés encores voir les apparences. Ce disant, découvrit son
cors, & leur montra maintes cicatrices, & pour ce, mes Signeurs, qu'ils se douterent que ie voulois échaper, & m'en fuyr d'eus pour aller à la court du bon Roy Lifu-
art, requerrir iustice & ayde à Amadis de Gaule, le Gentil Cheualier, ou Galaor son frere, par le moyen de mon Cousin Grumedan: ce jourd'huy ils m'ont fait
mettre en cete litiere (pour ce que ie ne pouvois encores endurer le cheual) & me menoyent ie ne sçay en quel lieu, craig-
nans que mes parens & amys me vinsent tirer par force de la prison, ou i'ay été ces
jours passés. Au moyen dequoy aussi tōt qu'ils vous ont auisés, doutans que fussiés embuchés pour l'occasion que ie vous ay
declarée, vous ont voulu outrager, & faire comme ils me firent. Sus ma foy, mon
bon Signeur, dit Galaor, à ce que vous nous contés, ils sont vrays méchans: car vous êtes parēt de l'un des plus preudhō-
mes du monde: mais s'il vous plaît, vous nous dirés vōtre nom, & nous pardonnerés l'iniure que nous vous auons faite, veu que nous ne vous connoissions.

Lon m'apelle, répondit Arcalaus, Branfiles, ie ne sçai si autre-fois aués ouy parler de moy. Ouy vrayement, dit Galaor, & si ay entendu que vous êtes l'un des plus gentis-hommes du monde, & qui faites plus d'honneur aus Cheualiers errans, quand vous en aués le moyen, ainsi mêmes que Grumedâ m'a asseuré n'a pas encores fort long tems. Dieu soit loué, répondit Arcalaus, & puis que vous sçaués qui ie suis, ie vous prie mes Signeurs (par courtoisie) ôter vos armets, à ce que ie vous puisse cy après mieus connoître, & me dites aussi vos noms, pour remercier mon cousin Grumedâ, du bien que vous m'aués fait. Cétui mien compagnon, dit Galaor, se nôme Norâdel, & èt fis du Roi Lisuart. Et moi suis Galaor frere d'Amadis. Ah a Dieu répondit Arcalaus (levant les mains au ciel) plus grand heur ne me scauroit auenir, q'd'auoir été ainsi secouru, par deus des meilleurs Cheualiers du monde, & en parlant les regardoit fermement, pour les reconnoître, & se venger d'eus, si par fortune ils tomboyent en ses mains. Pourtant mes Signeurs, disoit il, commandés moy tout ce qu'il vous plaira: car ie suis bien tenu à vous obeïr toute ma vie, vous asseurant sus ma foi, que si ie vous puis iamais tenir chés moi, ie vous ferai sentir le bien que ie vous desire. Branfiles mon amy, répondit Galaor, Dieu vous vueille conduire, & si voulés, nous mêmes vous ferons cōpagnie, pour vôtre seureté. Helàs, dit il, ie vous mercie ie n'ai m'eshui garde, ie suis près d'un château ou ie seray le trébié venu: Ce disant les cōmāda à Dieu, bié ayse d'être ainsi échapé de leurs mains: car s'ils l'eussent cōneu lors, il ne se fut iamais sauvé, & à cete cause cōmanda à celuy qui cōduisoit sa litiere, de marcher vitemēt, & prēdre le plus écarté chemin qu'il pourroit, de peur qu'il ne se rauissassent, ou fissent pis. Or étoit il déja si tard, que la Lune luy soit, parquoy galaor fut d'auis d'heberger pour la nuit auprès de la fontaine, & là atēdre

Am. 3.

le iour, ce que Norandel acorda bien aisément, & comme ils se defarmoyēt, l'un des Ecuyers leur dît qu'ils seroyent, peut être, mieus traités qu'ils n'esperoyent. Cōment? répondit Galaor. Par ma foy, dît l'Ecuyer, ainsi que vous combatiés cōtre les Cinq Cheualiers, ceus qui étoyēt demeurés avec Branfiles, s'en sont fuyés, & ont habandōné & laissé vn cheual chargé de vivres que i'ay prins, & si ay veules deus Damoiselles entrer en ces vieilles masures, lesquelles n'en sont sorties depuis: car i'y ay prins garde. Tant mieus, répondit Norandel. Or m'y condui, à fin qu'elles ayent leur part du butin. Lors Galaor & luy s'en partirent avec l'Ecuyer qui leur monstra l'édroit propre ou il les auoit veués cacher, & trouverent que cetoit vne caue ancienne sans degrés, en laquelle par fortune les Damoiselles étoiēt tombees si auāt, quelles ne s'en potivoiēt retirer: Et pource que l'Ecuyer ne sçauoit au vray si elles étoient acompagnees de quelques Cheualiers, mêmes voyant l'entree mal aysee, aussi que Norandel & Galaor n'auoyent aucunes armes, il ne voulut entrer dedans: mais les apella à haute vois, leur disant: Sortés mes Damoiselles, sortés, & ne me donnés la peine de vous aller querir, autremēt vous en pourrés repentir. Mais pour la premiere & seconde fois, elles ne firent semblant de l'entendre, tant qu'il s'ennuya, & dît à Galaor, qu'il valloit mieus les enfumer, & mettre le feu à l'entree. Dinarde entendant cete parole eut peur, & s'écria: Helàs Signrs! ayés pitié de nous, nous sortirons présentement: Or sus dōc, dît Galaor, depêchés vous. Certes répondit elle nous ne sçaurions, sans vôtre ayde, pource q nous sommes deuallées plus bas que ne pensions. Lors Norandel s'auança, & les tira l'une après l'autre, & quand ils les virēt si belles, ie ne sçai lequel des deus fut plus prêt de faire amye, tant y a, que Galaor se saisit de Dinarde, & Norandel de la seconde. Puis renuoyerent l'Ecuyer donner ordre

D

à leur

LE TROISIEME LIVRE

à leur souper, & ce pendant ils s'écartèrent dedans le bois. Vous pouvés penser qu'étans en lieu si propre, fournis de ce qu'en tel âge ils eussent sceu souhaiter, que nul d'eus ne fut retif à faire son devoir enuers la Damoiselle qu'il entretenoit, lesquelles puis après ils conduirent à la fontaine, & y souperent de telle vian de que fortune leur auoit donnée par la fuyte des gens d'Arcalaus & croyés que durant leur manger ils ne tindrēt propos de chose ennuyeuse ou déplaisante: au moyen dequoi les Damoiselles (qui au commencement s'étoient montrees étranges & farouches) furent des l'heure si apriuoisees, qu'aussi tôt qu'ils eurent acheué de souper se promenant dedans le bois recommencerent les baisers & gracieus embrassemens, dequels elles auoyent au commencement été entretenues de Galaor, & Norandel, & demeurèrent en cét aysé, iusques sus le point du iour, que la Damoiselle amye de Norandel, luy dit: En bonne foi, ie croi que ma Dame Dinarde me sçaura malgré, de m'être éloignée si long tems d'elle. Comment répondit il, estimés-vous qu'elle vous demande, étant si bien acompagnée? Par mon ame ie pense qu'elle ét aussi contente de demeurer seule que vous. Mais dites moi ét-ce celle Dinarde fille d'Ardan Canille, qui puis n'agueres ét venue en cete contrée, ainsi que lon dit pour auoir conseil d'Arcalaus, comme elle se pourra vèger & faire mourir Amadis? Je ne sçay pas, répondit elle, la cause de sa venue: mais ie sçay bien qu'elle ét fille d'Ardan Canille, & me semble que celuy qui a eu le plaisir d'elle cete nuit passée, se doit estimer heureux & bien fortuné: car il ét paruenue à chose, ou maints grans personnages n'ont peu dōner atainte, que de l'œil. Or entendés que cete Dinarde étoit (comme ie vous ay recité) fine & malicieuse au possible, & mōstrois à Galaor tāt d'affection & d'amitié qu'il sembloit qu'elle ne fut oncq' nee q̄ pour luy vouloir biē, qui

le tenoit si abusé d'elle, que combien que Norandel l'auertist de ce que la Damoiselle luy auoit dit, si n'en fit il cas, & ne laissa à luy faire aussi bonne chere qu'au parauant l'entretenant toujours des plus gracieus deuis, dont il se pouvoit auiser, tāt qu'à la fin il luy demāda si elle cōnois soit le Cheualier q̄ se faisoit porter dās la litiere. Cōment? répondit Dinarde, ne sçaués vous que c'et Arcalaus l'Enchanteur? Arcalaus? dit Galaor. Par Dieu si i'en eusse été auerty, il eut esprouvé le trenchāt de mon epee. Il n'et pas donc mort, répondit Dinarde. Certes dit Galaor, il peut bien conter pour vne: mais si ie le puis ja mais tenir, il ét bien seur qu'il en payera la tare: Tresfaise fut la Damoiselle d'entendre que son oncle étoit échapé: toute-fois elle dissimula sagement son plaisir, & luy répondit: Il n'y a pas long tems que i'eusse mis ma vie pour la sienne, mais maintenant que ie suis tāt vōtre assurez vous mon ami, que i'ay grand regret, que ne l'aués fait mourir: car c'et l'hōme du monde qui plus porte d'inimytie à vous, & à vōtre frere Amadis. Croyés, répondit Galaor, que si i'eusse pensé, il eut été biē païé tout à vn coup, de tant de méchancetés qu'il à faites depuis qu'il ét né, toutefois il n'en perd autre chose que l'atente. Ain si passerent la nuit comme ie vous ay recité, tant que le iour s'aparut. Lors mōterent à cheual avec les Damoiselles, lesquelles, à grand regret les suyvoyēt, combien qu'elles n'en fissent semblāt, & ce qui plus fachoit à Dinarde, étoit que Galaor luy recita come il étoit parti de la court du Roi Lisuart expressement pour aller voir son frere Amadis en Gaule, lequel Dinarde hayoit plus que nul homme vivant, & tant cheminerent ensemble, que le troisiē me iour ensuyuant, arriuerent tout au plus près d'une forteresse, de laquelle ils aperceurent les portes ouuertes. Lors entrèrent dedans sans (de prime face) trouuer personne à qui parler: mais peu après suruint le Seigneur de leans, nommé Ambades

bades, lequel voyant cete compaignie, monstra vn trémauuais visage à ses vâlets, pource qu'ils n'auoyent leué le pont: ce neant-moins considerant qu'il n'y auoit plus d'ordre, fit le meilleur recueil qu'il peut au Cheualiers, & à grâd regret: car il étoir parent d'Arcalaus, & aussi méchant que lui, & pourtant il reconeût aussi tot Dinarde sa niece, par laqille il sceut toute la fortune de son cousin, & comme elle & sa Damoiselle auoyent été forcées par Galaor & Norâdel, dôt il fut si déplaisant, qu'il cuida dès l'heure les faire assailir: mais Dinarde lui dît, qu'il s'en gardât bié car eus deus seuls auoyêt deffait cinq Cheualiers qui conduisoÿt son oncle: & lui en pourroient bien faire autant: par ainsi il êt trop meilleur dissimuler pour le present, iusques à demain qu'ils sortiront de ceans, & moy & cete Damoiselle les laisserons sortir, puis aussi tôt leur faudra abaisser la harce de la porte, & ainsi serons à sauueré, & demeurerons avec vous.

Ce conseil fut trouvé bon, & firent souper les Cheualiers, léquels peu après s'en allerent dormir, iusques au lendemain matin qu'ils se leuerent, & trouverêt leur hôte déja armé, venant au deuant deus, qui leur dît. Signeurs, quand il vous plaira partir, ie vous conduiray, ainsi armé que ie suis: car i'ay acoutumé d'en faire autant à ceus qui me font honneur de venir loger ceans, & puis auant que retourner, ie m'ébas volontiers à chercher les auentures étranges, ainsi que font les autres Cheualiers errans. Mon hôte, répondit Galaor, nous vous remercions de bien bon cueur. Lors firent amener leurs cheuaus, & monterent leurs amyes, & eus après: Mais elles les laisserent sortir premiers demourans derriere avec le Signeur de leans lequel voyant les Cheualiers hors, fit soudainement abaisser la harce, & demeurèrent luy & les Damoiselles au dedans. Ce fait il monta sus la muraille, & les auisant qu'ils regardoient derriere eus, si les Dames les suyuoient,

leur cria: Méchans, que Dieu vous confonde, les pensés vous encores auoir? Allés à tous les diabless qui vous traitent aussi chaudement que vous en aués traité d'autres depuis huit iours en ça, & ne laissés pas de prendre terre: car celles que vous aués si long tems tenués par force demoureront de leur gré avec moi. Mon hôte, répondit Galaor, êt il possible, qu'après tant d'honneur & bon traitement que vous nous aués fait en vôtre chateau, nous vous fissiés faire si grande lâcheté, de nous ôter nos amies par telle tromperie? Si vôtres étoient, dîs Ambades, & que pour telles se fussent données à vous sans contrainte, ce me seroit encores plus de plaisir d'ainsi vous traiter d'autant q plus en auriés d'ennui: Mais ie sçai bié q malgré elles, elles vous ont suiuy, & qu'à leur requeste ie fais ce q vous voyés, ainsi vous aués tort de les quereller veu le peu d'amitié qu'elles vous portent. Vrayement, répôdit Galaor, s'elles le disent, nous vous les quitôs. Lors Dinarde qui s'étoit cachée se môstrât sus la muraille, & la voyât Galaor, lui dît: Cômment ma grand amye, ce Cheualier nous veut faire acroire que de vôtre bon gré êtes demorees avec luy, & que voulés nous haandonner. Et il vray? sus mon Dieu, ie ne le puis croire, veu l'amitié si grande de nous deus. C'êt ce qui vous à deceu répondit elle: car ie ne vous aymay oncq tât, que ie n'aymassé mieus vôtre tête hors de dessus vos épaules. Sot que vous êtes, ne sçaués vous que ie suis fille d'Arday Canille, & vous frere de l'homme du monde que i'ay plus cause de hayr? Cômment dōc vous êtes vous fait à croire q ie vous voulois bien? attendu mêmement, que pour le plus grand entretien que m'ayés fait, depuis nôtre acointance, ne m'aués festoyé de autre careffe, qu'à me tenir propos de me cōduire en gaule, vers celui que ie desire si peu voir. Or vous en allés quand il vous plaira, & n'oubliés à vous asseurer, que d'autant qu'aués pefe

LE TROISIEME LIVRE

que ie vous aye porté amytié, ie suis la plus mortelle ennemie que vous sçauriés auoir. Si ne vous en ay- ie donné ocaſion, dît Galaor: mais vous ay auſſi bien ſatisfait & gallamment traitée que vous fuſtes oncq' à mon auis. Mais i'entens bien que c'êt, vous en voulés auoir autât d'un autre eſtimant peut être, q̄ ie ne pourrois continuer: & toute fois quand bien i'y penſe, vous aués raiſon, & moi grâd tort: car outre que c'êt vne commune maladie à toutes telles preudes femmes, qui vous reſſemblent, que d'aymer à châger, ie deuois auſſi conſiderer qu'il êt difficile faire produire de ſi méchante racine bourgeon qui rien vaille. Or es tu niece du plus méchant paillard du monde, & ſi le precedes en toutes les méchancetés dont lon ſe pourroit auifer. Par Dieu répondit Norâdel, pour le moins celle que i'auois conquiſe, ne doit auoir cauſe de ſe plaindre: car oncques femme ne fut mieus entretenue d'amy, qu'elle a été de moi, en deus ou trois iours, & de ce m'en oſerois bien rapporter à elle mêmes. Ce diſant l'auifa derriere l'autre, & lui écria: N'êt il pas vray ma Domoifelle. Il êt vrai, répondit elle, que ſi i'euffe eu autant de puiſſance ſus vous, que vous aués eu ſus moi ie vous euſſe fait connoître de quelle affectiō i'endurois tout ce que m'aués fait, qu'à tous les dyables ſoyés vo' tous deus recommandés. Ils ſeroient dît Norandel, bien déplaiſans de m'accompagner, pour laiſſer ſi bonne compagnie que la vôtre, & celle du méchant qui vous detient. Par ſainte Marie, répondit Ambades, vous me faites tort de m'eſtimer méchât vous ayant en ſi bonne reputacion que ſi i'auois vaincu vne couple de tels que vous êtes ie ne m'en voudrois venter, entre les plus chetifs Cheualiers du monde: car ie croi q̄ ne vallés q̄ valets. Cête parole fit entrer Norandel en ſi grand colere, qu'il lui répondit: Valets? en as tu de tels à tes gages? li tu nous as en tel eſtime, & tu vueilles ſortir de ta muraille, ie t'aſſeure qu'un valet de

ma taille, te rompra bien tôt la tête: ſi tu me deffais vente toi hardiment, d'auoir vaincu l'un des plus grands ennemys, que ſçauroit auoir Arcalaus & auſſi ſi i'ay le deſſus de toy, rens nous ſeulement les Domoifelles que tu nous detiens lâchemēt. Il êt bon, dît Ambades, ne t'ai ie dé-ja dit, que ie ne combas point avec tels petits compagnons? Car tu ſçais bien que ie ſerois deſhonoré, mettât la main à l'épee contre ſi malheureuſes perſonnes, regarde donc de combiē il me ſeroit mieus de t'auoir vaincu, & ne mets plus en auant mon couſin Arcalaus q̄ tu diſs haïr ſi fort: car il ne t'appartient pas de parler d'un tât homme de bien, étant ſeur, qu'il ſe ſoucie peu de l'amitiē, ou affectiō que tu lui portes, & moins encores de ta hayne, auſſi n'es tu rien digne de lui. Ce diſant auança un arc turquoys, & tira deus ou trois ſagettes ſus eus, Parquoi ſe retirerent Galaor & Norandel, & luy donnant maintes maledictions, reprindrent leur chemin, gaudiſſans l'un l'autre d'auoir été ainſi deceus par la malice des femmes. Mais par Dieu, dît Norandel, ſi ont elles eu ſi bien leur vin, qu'elles nous regretteront, quand il leur en ſouuiendra, & quelque trôperie qu'elles nous ayent faite, ſi prendrōs nous bien en gré d'être ſouuent ainſi moqués, pourueu que ce fut à telles bonnes enſeignes. Et de là en auant cheminerent en ſorte que le troiſième iour enſuiuant, arriuerēt au port d'Arſil: ou ils trouverent un nauire prêt pour paſſer en Gaule, dans lequel ils s'embarquerent, ayans vent ſi à propos, que ſans aucun empêchement prindrent terre, ou ſeiournoit le Roi Perion. A l'heure étoit Amadis ſur le coutau de la Mer avec ſon frere Floreſtan, lequel penſant à ſon Oriane, regardoit d'un œil piteus le païs de Lōdres: Mais ſoudain decouurît le vaiſeau qui s'ancroit au port: parquoy il dît à Floreſtan qui l'accompagnoit: Mon frere, ie vous prie allons voir ſi nous aprenendrōs rien de nouueau, par ceus que ie voy là abor-

aborder. Allons, répondit Florestan, car peut être, y aura il quelqu'un dedans de notre connoissance. Lors descendirent la côte, & comme ils aprochoyent près, Amadis vit Galaor déjà hors du nauires, avec Norandel, lesquels marchoyent droit en la ville. Adonc Amadis s'auança, & vint embracer son frere, luy demandant comme il se portoit. Or ne connoissoit il encores Norandel: Mais Florestan qui l'auoit veu, lui dît, qu'il étoit fils bâtard du Roi Lisuart, cōpagnon de Galaor, & l'un des meilleurs Cheualiers de son âge, & pour tel se monstra il bien en la bataille du lac Ardant, ou maints preud'hommes finirēt leurs iours: Toutefois il étoit lors, peu connu à sis de Roi, & iusques à la defaite d'Aratigne, ne l'auoit sō pere voulu ayouer tel: Mais il fit tant d'armes, que le Roy même se glorifia d'auoir engendré si gentil Cheualier & voulut (de ce iour) que chacun le conneut. Tresfayse fut Amadis de son arriuee, & pour l'amour d'Oriane sa seur, luy fit la meilleure chere, dont se peut auiser, & enuoya incontinent vers le Roi. Perion l'auertir de leur venue, lequel vint au deuant, & receut Norandel, le plus gracieusement, qu'il fut possible, le festoyant trois iours durant, avec toute magnificence, & el quatrième ensuyuant, Amadis (qui au parauant auoit delibéré partir de Gaule, & aller chercher les auentures étranges) trouuant le Roi à propos, lui dît: Sire, le long seiour q' i'ay fait avecques vous, & la discontinuation des armes, ont été cause de faire parler mainte personne à mon desauantage: Par quoi ie vous supplie humblement me donner congé pour partir demain. Mon fis, répondit il, i'ay vōtre honneur en telle recommandation, que sans auoir égard au desir qui me semōd de vous retenir avecques moi, ie suis content que vous en allés quand il vous plaira. Par ma foi, dît Galaor, n'étoit vne queste que mon cōpagnon Norandel, & moy auons entreprise, nous vous ferions volontiers com-

Am. 3.

pagnie: Mais nous l'auons iurée deuant tant de preud'hommes, que nous ne voudrions la discontinuër vn an durant, si plutôt n'auōs nouvelle de ce que nous chercherons. Et quelle ét elle? répondit le Roi: Sire, dît Galaor, en la bataille derniere que le Roi a'eue contre les sēt Rois insulaires, se sont trouués trois Cheualiers de notre part inconnus toutefois à nous tous, lesquels étoient armés d'une pareure, excepté aus armets: car l'un l'auoit blâc & l'autre verd, & l'autre doré, au reste n'y auoit difference, & portoyent leurs écus couverts de Serpēs. Ces trois dōt ie vous parle, firent tant de prouesse, que le Roy & tous ses Cheualiers, estimēt qu'ils sont cause de la victoire que nous eumes sus nos ennemys, & si celui de l'armet blâc, & l'autre qui l'auoit verd, firent grād deuoir, ce ne fut rien au pris du tiers, qui le portoit doré, & combien qu'il n'y eut nul de nous, qui ne print garde à eus, d'autant que ne les connoissions, si se retirerent ils tant secretement après la bataille, que ne sceûmes qu'ils deuindrent. Au moyen de quoi mon cōpagnon & moi auons iuré & promis de les chercher vn an durant (suyuant la coutume de la grād Bretagne) premier que retourner. Mon fis répondit le Roi, se Dieu plaît vous en aurés nouvelles plutôt que n'esperés. Ain si passerent le iour deuissans de maintes choses, tāt qu'il fut heure d'aller dormir. Puis le lendemain matin, Amadis étāt armé, s'en alla ouïr la messe, & après auoir prins congé du Roi, monta à cheual, acōpagné seulement de Gādalín, & du Nain: Toute fois il fut conduit par le Roy assés loing hors la ville, & en chemināt, Amadis lui dît: Sire, vous sçaués la quête que mon frere, & Norandel, ont entreprise, laquelle leur donnera beaucoup de peine sans profit, s'il ne vous plaît leur ayder. Car il leur sera impossible auoir nouvelles qu'ils quierent, si n'et par l'un de nous trois: Et a cete cause il me semble pour le meilleur, qu'aussi tōt que ie serai se-

D 3

paré

LE TROISIEME LIVRE

paré de vōtre compagnie, vous leur declarés tout le fait de l'entreprinse que nous fimes pour seruir le Roi Lisuart. Vrayement, répōdit il, puis que vous le voulés, ie le feray. Or auoit Florestan grand desir de suyvre Amadis: mais il ne lui voulut permettre, tant pource qu'il luy sembloit qu'étāt seul, il auroit plus de liberté de penser à son Oriane, que pour autant qu'il desiroit entreprendre choses hazardeuses, l'honneur déquelles il vouloit être à luy seul. Ainsi s'en retournerent le Roi & sa compagnie, & Amadis suyuit son chemin, comme Fortune le voulut guider. Adonc le Roi apella Norandel & Galaor, & leur dīt: Or ça vous vous êtes mis en vne queste, de laquelle ie suis seur que mal aysément pourrés auoir nouvelles, si n'ēt en ce pais, dont ie louē Dieu de vous auoir si biē adressē: car ie vous releuerai presentemēt du long trauail que vous eussies peu auoir: Etendés q̄ les Cheualiers que cherchés, ne sont autres qu'Amadis, Florestan, & moi. Adonc leur recita cōme ils auoient fait l'ētreprise, & que sus l'heure mēmes Vrgande la déconneuē leur enuoya les armes des Serpens, l'armet doré pour Amadis, le blanc à lui, & le verd à Florestan, & à fin que vous me croyés, ie les vous monstrerai presentement, bien endommagees des cous que nous receumes en la bataille. Sire répondit Galaor, Dieu nous a vraiēmēt biē aidé, veu qu'estions bien deliberés ne sejourner, premier que les eussios trouvés, pour nous cōbatre à eus, & faire connoître à tout le monde (pour étaindre, leur gloire) q̄ l'un de nous deus vaut autāt que le meilleur d'eus. Certes, dīt le Roy, il ē trop meilleur qu'il soit ainsi, puis leur fit entendre comme au retour de la bataille, ils furent mis en la prison d'Arcalaus, & le mal qu'ils y endurerēt. Ha ha le pailard! répondit Galaor, il échapa peu après de mes mains, par la plus grād' finesse du mōde, & ainsi qu'il lui cōtoit la maniere qu'ils le trouverent le traitemēt qu'ils fi-

rent aus Dames, & la traïson que elles leur jouērēt depuis au château d'Ambades, ils entrèrent au palais. Adoncq' le Roi les mena en la chambre, ou il auoit fait mettre les armes dont ils parloyent, lesquelles ils reconneurent soudain, cōme ceus qui les auoient biē marquees au cōbat & tāt importuna Noradel le roi, qu'il les lui donna, puis ayant seiourné quatorze iours entiers avec lui, prindrent cōgé, puis passerent en la grād' Bretagne, & de là arriuerent en la court du Roi Lisuart, lequel ioieus de leur retour, les mādā au si tōt venir vers luy, pour sçauoir comme ils s'étoyent portés en leur queste. Sire, répondit Norandel, graces à Dieu, nous en auōs eu certaines nouuelles, & telles que nous les desirions, & quainsi soit, voyés les enseignes de ceus qui vous firent le seruice que chacun sçait, & en vōtre si grand besoin. Alors découurirent les armes que les Ecuyers portoyent, & continuant Norandel son propos, dīt: Sire, cēt armet blanc, ēt celuy du Roy Perion, lequel vous peustes voir en lieu ou maints finirent leurs iours par sa prouēse. Cēt autre verd, auoit le gentil Cheualier Florestan qui bien monstra lors comme il sçauoit fraper d'épee. Et ce doré, portoit Amadis, qui n'ēt en prouēse secōd à nul, & vous Sire, en pouvés être témoin: car par son ayde le profit de la bataille vous ēt demeuré, & à lui la renommee immortelle. Cōment, répondit le roi, vindrent ils si a propos? Adonc Norandel commença à reciter par le menu, ainsi que le tout s'étoit passé, sans rien obmettre, dont chacun les loua grandement. Vrayement, répondit le Roi, à ce q̄ ie voi, vous aués longuement gouverné le Roi Perion lequel ie ne vi oncq' desarmé, & desire grandement le connoître. Sire, dīt Norandel, cēt bien le Prince que ie conneusse oncq' autant sage, vertueus, & magnanime. Sus ma foi, répondit Grumedā, ses enfans ne lui amoindriřēt aucune des bōnes parties qui sont en lui. Cēte parole ne

le ne pleut pas au Roi, combien qu'il n'en fit aucun semblant: mais chagea propos, & se leuât de ce lieu, laissa Galaor & Norandel, lesquels s'apochans d'Oriane & Mabile, leur firent les affectueuses recommandations de la roine Elisenne, & de la Princeſſe Melicie, puis leur conterent cōme Amadis s'étoit party de Gaule, pour aller es lointains païs, chercher aūtures étranges. De quoi elles furēt mout tristes pource qu'elles se doutoyent bien n'en auoir nouuelles de long tems.

Comme Esplandian étoit nourri avec l'Hermite Nascian, & des grandes auentures qu'eut en ce tems Amadis, changeant de Nom, en se faisant apeller le Cheualier à la verde Epee.

CHAP. VII.

AYANT donc Esplandian ataint l'âge de quatre ans, ou enuiron, Nascian connoissant être tems de l'appeller aus choses de vertu, envoya prier sa sœur, de luy ramener, ce qu'elle fit. Lors l'Hermite le voyant si grand, & de tant belle taille, iugea, en son esprit, que nôtre Seigneur l'auoit reſerné pour quelque grand œuvre, en sorte que si au premier il auoit eu de lui quelque presumptiō du bō heur, il ajouta plus de foi à sa fantasie qu'au parauant, & delibera de tâcher par tous moyens à l'endoctriner & apropiier à tous actes à quoi Gentil-homme se doit acheminer, & l'aymoit tellement qu'il le baisoit & acoloit, ainsi que s'il eut été son propre fils. Mais certes ce n'étoit sans raison: car l'enfant luy monstroït tant de signes d'amour, qu'il n'en eut peu faire d'auantage à sa mere nourrisse. Au moyē de quoi Nascian delibera de le retenir, & reuoyer sa sœur, la priant toute-fois de lui laisser vn sien enfant pour tenir compagnie à Esplandian, lequel auoit été nourry avec lui, & d'un même lait, ce q̄ la bōne Dame lui acorda. Ainsi fut l'Hermite de là en auant leur cōducteur, & gouverneur, lequel pour leur donner passetēs les enuoyoit souvent chasser parmy la forêt,

tant qu'une fois entre autres, étans délogés matin pour mieus trouver le gibier. Esplandian se trouvant las, s'assit sus le bord d'une fontaine & se print à dormir. Là survint la Lyonne, de laquelle cy deuant vous à été parlé, qui trouvant cete nouuelle proye se print à la fleuier, cōme si Nature lui eut enterdit de ne faire mal à la creature qu'elle mêmes auoit au premier éleuē, & de fait reconeūt si bien ce luy, qui auoit été nourry de son lait, qu'à l'instant (sans luy faire mal quelconque) se coucha a ses piēs. Ce que voyant le cōpagnon d'Esplandian, qui veilloit, eut telle frayeur, qu'il s'efuit vers l'Hermite, luy criāt qu'il auoit laissé son frere qu'un grād chien vouloit mēger, ainsi qu'il dormoit ioignant la fontaine. Le saint Hermite s'émeut soudainement, & eut peur d'Esplandian: parquoi il commanda, à son neveu de le mener ou c'étoit, ce qu'il fit. Mais s'apochant près, auisa la Lyonne & l'enfant se iouans ensemble, lequel voyant l'Hermite aprocher, lui dit: Pere, ce beau chien ēt il nôtre? Mon amy, répondit Nascian, il ēt de Dieu seulement à qui appartient toutes choses. Certes pere, dit Esplandian, ie serois fort ayse s'il étoit à nous, & l'aymerois bien pour aller à la chasse. Quand le preud'homme l'ouyt parler si asseurement, il fut tout asseuré & s'apochant plus près d'Esplandian, vit qu'il baisoit la Lyonne comme il eut fait vn Epaigneul. Et à cete cause il luy dît: Mon fis voulēs vous lui dōner à manger? Je vous en prie, répondit Esplandian. Adonc l'Hermite tira de sa bezace la cuisse d'un Dain, qu'un veneur lui auoit donnee, & la bailla à l'enfant, lequel la ieta à la Lyonne, lui disant: Tien chien mange. La Lyonne, print la venaison, & tandis qu'elle la deuoroit, Esplandian luy manioit les oreilles la queue & les pates, ainsi que bon luy sembloit, sans que la bête luy fit non plus de deplaisir, qu'elle eut fait à l'un de ses petits faons, ains reconeūt si bien, & d'un in-

stin& naturel l'ayma tant cherement, qu'elle le suyuit iusques en l'Hermitage, sans guerres l'habandonner de là en auant: mais y retournoit chacū iour, après auoir pourchassé sa proye ny plus ny moins q̄ si domestiquement elle y eut été nourrie. Dont il auint que les enfans prindrent tel le familiarité avec elle, que bien souvent ils la menoient à la chasse, ainsi qu'ils eussent fait vn petit brachet. Ce que voyant Nascian, s'auisa de leur faire vn arc selon leur force: dequels neantmoins ils tuoyēt ordinairement maint Cerf, Biche, ou Cheureul, avec l'ayde de la Lyonne, laquelle étoit duyte de courir après, aussi tôt qu'elle les voyoit navrés. Mais nous les laisserons à present pour vous reciter comme étant Amadis sorty de Gaule entra au païs d'Alemaigne, ou il fit tant de Cheualerie, que chacun commença à parler de lui, & l'apelloit on communemēt le Cheualier à la Verde epee, ou le Cheualier du Nain: pource qu'Ardan le suyuoit ordinairement & là passa quatre ans entiers auant que retourner en l'Isle Ferme, sans auoir nouvelles de la Princesse Oriane, qui plus le tourmentoit: Car il ne trouuoit peine, labeur, ou mal, égal à cete absence. Et tant trauersa d'vne part & d'autre, qu'environ le commencement du printemps, il arriua en Boësmie vers le roi Tassinor, à qui lors le Patin Empereur de Rome faisoit dure guerre. Or le hayoit Amadis entre toutes personnes, pour l'occasion que vous aués peu entendre au second liure, & ainsi qu'il s'aprochoit du camp. celui Tassinor, qui pour lors auoit treues à son ennemy, l'aperceut le long d'vn petit ruisseau, regardant vn Gerfaut voller le Herō, lequel vint tomber deuant lui. Lors mit pié à terre, & pource que nul des piqueurs n'en pouvoient aprocher, à cause du marêt, le Cheualier à la Verde Epee le print, demandant aus Fauconiers, s'il le laisseroit paître, qui luy répondirent qu'ouy: Et sus ce point survint le Roi qui auoit longuemēt côtoyé l'eau, pour trou-

ver passage: lequel s'aprochant près, & voyant ce Cheualier armé de toutes pieces, ne se trouua de prime face assésuré, tāt qu'il eut aperceu le verdoyāt fourreau de l'Epee qu'il portoit, & étoit celle même qu'il aquist de l'ancien Cheualier pour biē aymer, ainsi qu'il vous à été cy deuant recité. Or auoit le Roi mainte-fois oui parler de ses prouesses, & fut si ayse de tāt bōne rencontre, qu'il le pria de venir se rafraichir en la ville. Ce que le Cheualier ne refusa & ainsi qu'ils s'y acheminerent, le Roy lui dît: Mon grand amy, i'ay de long tēs souhaité être acōpagné d'vn tel personnage q̄ vous êtes. Sire, répondit le Cheualier, la grāde renommée de vous, & parfaite bōte dōt vous êtes estimé, à été cause de me faire venir par deçà pour vous presenter mon seruicé, s'il vous ét agreable: car i'ay entendu que vous aués guerre cōtre vn Prince qui vous moleste grādemment. Vous dites vray, répondit le Roi: mais i'esperé avec l'ayde de Dieu & par vōtre moyē, en auoir de brief bōne yssuē puis q̄ fortune vous a adressé vers moy. Puis étans arrivés au palais le Roi commanda le loger, & à Grafandor son fis, de lui tenir compagnie. Et pource que les treues des deus armées étoient sus le point de finer, chacun se tenoit sus ses gardes, & commencerent les deus camps à faire course les vns sus les autres. Parquoy étant vn iour icelui Tassinor sorty pour regarder aus auenues de ses ennemys, il auisa de loing douze Cheualiers marcher droit à lui, & s'aprochans plus près conneut l'écu de Garadan, proche parent de l'Empereur, que portoit vn Ecuyer: car ils ne venoyent pour cōbatre: mais pour parlementer. Or le hayoit le Roy pource qu'il luy auoit suscité cete guerre, & pensa bien qu'il ne venoit vers lui que pour lui donner nouvelle fâcherie, dont la colere lui monta si fort au visage, qu'il ne se peut garder de dire: Ha ah paillard, tu m'as déja tant fait de mal & de deplaisir, que i'auray cause toute ma vie de te vou-

vouloir peu de bien. Sire, répondit le cheualier à la Verde epee, il vient vers vous, peut être, pour bonne fin : Parquoy vous deuez dissimuler maintenant mieus que jamais, vôtres passion, & les recevoir d'un bon visage, sans vous ennuyer de chose qu'ils vous dient, puis qu'ils viennent comme Embassadeurs de l'Empereur leur maitre. Mon amy, dit le Roy, je vous croyray, & le feray pour l'amour de vous, combien qu'il me soit grief, de voir si près de moy mon grand ennemy. A peine eut il acheué cete parolle, que Garadan & sa troupe saluerent le Roy, lequel leur fit bon recueil, les priant auant que d'entrer en propos, venir descendre en son palais. Mais Garadan le refusa, & se montrant autant braue & presomptueux, qu'il auoit de coutume, dit ainsi: Roy Tassinor, il faut que tu entendes l'ocasion de nostre venue vers toi, & qu'auant que partes de ce lieu, tu nous faces réponse, telle que bon te semblera, sans t'amuser à consulter avec autre personne que toy mêmes: car en toy seul gît la conclusion de deus choses que ie te declareray de par l'Empereur, autrement saches, que tu auras deuant qu'il soit trois jours la bataille si trécruelle, qu'il te sera impossible q tu ne perdes toy & ton pais. Ce disant luy presenta vne lettre de creance, qu'il tenoit. Vrayement, Seigneur Garadan, répondit le Roy, ie croy que l'Empereur & vous me serés plus gracieus que vous ne dites, & ne differés pour cela à declarer vôtres commission, puis ie vous satisferay au mieus qu'il me sera possible. Lors Garadan voyant les douces paroles que luy disoit le Roy, modera un peu sa colere, & luy dit: Roi Tassinor, l'Empereur mon maitre (puissant pour ruiner un trop plus grand Prince que vous) ayant desir de mettre fin à cete guerre, pour pourvoir à ses autres affaires plus necessaires vous enuoye offrir deus pactions, par lesquelles pourés demeurer en pais, si bon vous semble, & non autrement. La premiere, q si vous le combat de cent de vos Che

ualiers contre cent des siens, ou mille contre mille, que le vainqueur mettra le vaincu en telle raison qu'il luy plaira, ou bien si vous trouués que ce soit trop il est content de douze contre douze du nombre desquels ie seray l'un qui m'estime assez suffisant pour en combattre dis des vôtres, & y fussiés vous en personne. Pourtant élises de ces pactes celui qui vous sera plus aisé, autrement assureés vous q postposant toutes affaires, il ne partira jamais son armee de ces pais, premier que ne soyés defait qui sera bien brief: car vous n'êtes pas pour resister guerres longuement à ses forces. Dom Garadan, répondit le Cheualier à la Verde Epee, quand vous eussiés parlé au Roy moins mal gracieusement, & avec plus grande reuerence, vous n'en fussiés si mal estimé que vous êtes, veu que les menaces que vous luy faites de vous mêmes, ne sont conuenables de Gentilhomme à si grand Prince: toutefois il vous fera telle autre réponse, qu'il lui plaira: neantmoins ie suis d'avis, qu'il entende premier, quelle seureté il aura des offres que luy aués faites, s'il acorde ce que luy demandés. Quand Garadan entendit parler le Cheualier à la Verde Epee si assurément deuant le Roy, il s'ébait grandement qu'il pouvoit être, & le regardant de mauvais oeil, luy dit: Par Dieu, Cheualier, il apert bien à vôtres langage, & plus à vôtres temerité, que vous n'êtes seulement étranger de ce pais, mais de tout bien & honneur, & m'ébait comme le Roy vous a souffert dire si sottise parolle en sa presence, & toutefois s'il veut tant faire pour vous de ne vous defaouuer, qu'il acorde premier ce que ie luy demande, puis ie vous y répondray. Ne laissés, dit le Roy à passer outre: car tout ce que le Cheualier à la Verde Epee vous promettra en mon nom, sera entretenu, si ie puis. Plus étonné que deuant se trouua lors Garadan, sachant que celui qu'il auoit iniuré étoit le Cheualier à la Verde Epee, dont la renommee étoit si grande en tous pais, & luy commença

LE TROISIEME LIVRE

le cœur à fremir, étant neant-moins bien aisé d'auoir occasion de le combattre : car il étoit si glorieus & outrecuydé qu'il pensoit en venir aisément au dessus, & pourtant luy faire perdre l'honneur & grande reputation en laquelle il auoit vécu iusques adóc, & l'attribuer à soy, par le moyen de la victoire qu'il se promettoit. Et à cete cause entrant en plus de colere que deuant, répondit au Cheualier à la Verde Epee: Puis doncques que le Roy vous donne telle puissance, que tardés vous à élire le combat? Pourtant, dît il, que la chose êt de telle importance, qu'elle merite bié auoir l'auis des Princes & Signeurs de ce Royaume, & me suffira grandement si le Roy me fait tât d'honneur de me retenir pour l'un des douze, des cent, ou des mille qui seront choisis pour combattre: car onc homme n'eut plus d'enuie de luy faire seruiçe contre vous, que j'ay, non seulement en cêt endroit : mais en tous lieux, ou il me vouldra employer. Mon grand amy, répondit le Roy, ie vous mercie, & ne refuse pas ce bon vouloir que vous me portés: mais ie vous prie, élisés pour moy des combats, celuy qui vous semblera plus propre & auantageus. En bonne foy, Sire, dît il, vous me pardonnerés, s'il vous plaît, vous aués autour de vous tant d'autres bons Cheualiers, & qui ayment vôtte honneur, que si leur demandés ce qui leur en semble, ils vous conseilleront fidèlement, & toute-fois premier que de vous dōner peine de celà, ne d'autre chose que Garadan vous aye dit, faites qu'il vous montre le pouoir qu'il a de son maitre, selon lequel vous luy ferés réponse telle que vous trouverés par vôtte conseil. Ha paillard, répondit Garadan, j'entens bien que c'êt, vous cherchés moyen de reculer pour n'oser combattre. Si vous me connoissés bien, dît le Cheualier du Nain, peut être, m'auriés vous en meilleure estime, que vous n'aués, & ne trouvés étrange si j'ay donné cêt auis au Roy: car si vous étiés après desauoué, ce seroit pour émou

voir plus forte guerre que deuant, au lieu d'auoir acheté la pais. A cela ne tiendra, répondit Garadan. Lors tira de sa manche vne lettre seellée de trente seaus, au milieu desquels étoit celuy de l'Empereur, laquelle il presenta au Roy, lui disant qu'il auisât à luy faire promptement réponse. Par ma foy, répondit il, puis qu'aués si grande hâte, vous l'aurez auant que partir de ce lieu. Adonc se retira, & appellant aucuns des principaus de sa compagnie, les pria particulièrement le conseiller sus ce qu'il auoit à faire. Adonc chacun dît son auis: Mais leurs opinions furent quasi toutes différentes, pour ce que les uns approuvoyēt le combat de cent cōtre cent, les aucuns de douze à douze, & la plus part conseilloyent de réporiser, soutenās la guerre ainsi qu'elle étoit commencée: Car, disoyent ils, c'êt chose trop dangereuse de hazarder vn royaume, sous la force de si peu de gens: Et d'auantage par le propos même de Garadan, l'Empereur se commence à fâcher de la guerre, & peut être, il êt dé-jà si pressé ailleurs, qu'il sera contraint se retirer, & nous laisser en pais. Sire, répondit le Comte Galtines, il seroit bon que vous eussiés l'auis du Cheualier à la verde Epee. Or ne s'étoit il voulu trouver à ce conseil, parquoy fut soudain apellé, & luy dît le Roy: Mon grand amy vous aués entèdu les propos que m'a tenu Garadan, de par l'Empereur son maitre, ie vous prie beau Sire nous dire ce qu'il vous semble que lon luy doit répondre: car les opinions des Signeurs presens, sont tât diuerses, que ie ne sçay lesquelles ie doy élire pour le mieus. Lors luy recita par le menu tout ce qui auoit été mis en auant, sans rien obmettre. Sire, répondit il, vous sçaués que l'ysuë de telle chose êt en la main de Dieu, & non au jugement des hommes. Mais puis qu'il vous plaît en auoir mon auis, ie le vous diray: Sire, si ie n'auois qu'un seul château, & cent Cheualiers à mon commandement, & ie fusse assiégué d'un mien ennemy, qui en eût deus

deus fois autant, & nôtre Seigneur me fit ce bien de le faire condescendre à me laisser en pais, sous le hazard d'une bataille égale à ma puissance, ie penseroys être bien tenu à luy, & toute-fois quelque chose que ie mette en auant, mes Seigneurs (dit il aus autres cheualiers) vous ne laisserés de cōseiller au Roy, ainsi que la foy que luy deués vous oblige, tant y a, que ie luy supplie humblement qu'il me face cēt honneur de me tenir du nombre de ceus qui seront ordonnés pour combatre. Ie vous diray, dit le Roy, il me souuiēt auoir ouy dire que le Roy Perion de Gaule, étant vne fois en pareille affaire que ie suis contre le Roy Abies d'Yrlande qui auoit pris par force grāde partie de son Royaume, en fut deliuré par le combat qu'osa entreprēdre vn ieune Cheualier (n'ayant encores dishuit ans) cōtre iceluy Roy Abies, qui lors étoit estimé entre les plus rudés Cheualiers du monde: toutefois il fut occis, & le Roy Perion remis en tout ce qu'il auoit perdu. Et (qui plus est) il reconneut lors pour son fis celuy qui auoit eu cēte victoire, leq̃l on apelloit le Damoisel de la Mer, & depuis Amadis de Gaule.

Ainsi nôtre Seigneur lui fit en vn jour deus grāsbiēs, recouvrāt son royaume & sō enfant. Pourquoi donc, ne puis-ie en ce cas semblable imiter le Roi Perion, & essayer à deliurer mon peuple de tant de tribulation qu'il a receuē par cēte longue guerre, en acordāt le combat de douze de mes Cheualiers contre douze des autres, veu que ie les estime tels, qu'auecq' l'ayde de Dieu, & le iuste droit qui est de nôtre côté ils emporteront l'honneur & la victoire? Qu'en dites vous, Cheualier de la Verde Epee? Sire, répondit il, ie n'ay point connu cēt Amadis, combien que i'aye par long tēs hanté le pais de Gaule: mais i'ay quelquefois veu deus de ses freres, qui ne sont guerres moindres que luy en prouēse: & si ay entendu qu'il auint au Roy Perion, tout ainsi que vous l'anés recité.

Quant au regard du combat qu'aués re-

solu de douze à douze, sus mon Dieu, Sire, si i'étois en vōtre lieu, i'en ferois tout ainsi, & encores si Garadan le demandoit à plus petit nombre, il ne luy seroit refusé (qui me voudroit croire) iusques à venir de sa personne à la mienne: & s'il vous plaisoit luy en parler, i'essayerois volōtiers à luy abatre ce grād orgueil, qui le fait parler au desauantage d'un chacun, pour se donner plus de gloire. Il vaut mieus, dit le Roy, que vous soyés douze ensemble, & pourtant i'auiseray à vous trouver vne des plus adroits de mō royaume pour vous tenir compagnie. Dequoy le Cheualier à la Verde Epee le remercia humblement. Ce fait le Roy retourna vers Garadan, auquel il dit: Seigneur Garadan, vous aués demandé le combat de douze, & ie le vous acorde sous les conditions qu'aués mises en auant, & des demain si vous voulés. Par mon Dieu, Sire, répondit il, vous me rendés le plus content que ie fus oncques: & voudrois, s'il étoit possible, que vos gens fussent aussi prêts comme ceus de l'Empereur. Garadan, dit le Cheualier à la verde Epee, s'il plaisoit au Roi, & vous eussiés si grand desir de combatre que vous en faites le semblant, ie vous en feroys passer vōtre enuie tout à cēte heure. Cōment, répondit Garadan, doutes tu que ie m'en fuye? Par Dieu, ie ne voudrois pas être Empereur de Romme, pour refuser l'offre que tu me presentes, & si ie ne sçay auoir le dessus de toy, & te laisser sans tête auant qu'il soit nuit, ie suis content perdre la mienne. C'est le même espoir que i'ay sus toy, dit le Cheualier du Nain: pourtant voyons sans tant causer à qui Fortune donnera la faueur. Lors s'en allerent tous deus armer: peu après se vindrent trouver, & disoit Garadan aus Cheualiers qui l'accompagnerent: Si vous vîtes oncques donner beau coup de lance, voyés comme ie m'en sçauray ayder contre ce braue, qui a eu la hardiesse de s'adresser à moy, & ne m'estimés iamais digne de porter armet en tête, si ie ne rends

la sienne à l'Empereur, avec ce pais paisible, sans que vous autres ayés la peine de mettre la main à l'épee. Pendant que Garadan tenoit ces propos, le Cheualier à la verde Epee qui étoit au bout du camp, lui écria, qu'il se gardât de luy. Lors se couvrans de leurs Ecus, baillèrent leurs lances, & donnans des éperôs à leurs cheuaus coururent l'un contre l'autre de si grand roydeur, que le Cheualier à la verde Epee fut quasi étourdy : Mais Garadan tomba à terre si hors de soy, qu'il demoura longuement sans mouvoir pié ni main; Car la lance lui étoit entrée dans le bras, qui luy causoit vne douleur tresextreme. Lors le Cheualier à la verde Epee le voyât si mal en point, descendit de son cheual, pour voir s'il étoit mort, & ainsi qu'il aprochoit Garadan reuint de pâmoison, & se leua promptement, mettant l'épee au poing, comme s'il n'eût eu aucun mal: parquoy commença, le combat merueilleus entre eus deus, & ne pouoit on iuger de prime face, qui auroit du meilleur: veu qu'ils faisoient tât de deuoir l'un & l'autre, que chacun s'en émerueilloit. Et n'eût été que Garadan s'afoblissoit par la quantité du sang qui lui sortoit de la playe qu'il auoit receuë au bras, il eût encorés donne beaucoup plus d'affaires à son ennemy, qu'il ne faisoit. Mais à la fin il se trouua si trélas, que pour prendre aleine il s'auiâ de luy dire: Certes Cheualier à la verde Epee, d'autant que ie vous cognois mieus que ie ne sy oncques, i'ay plus d'occasion de vous vouloir plus de mal que deuant. Toutefois pour ce qu'il me semble que vous vous commencés à lasser, ie suis très-bien content de vous permettre pour ce coup vn peu reposer. Comment, répondit il, parles tu maintenant de repos, & tu te ventois n'agueres d'auoir si legerement ma tête? Assure toy que tu n'auras repos, ne moy aussi, que l'un de nous deus ne soy mort, pourtât préds garde à toy si tu veus. Ce disant le chargea de plus fort en plus fort, & à la fin lui ieta tel coup sus le haut

de l'armer, qu'il lui fauça la coiffe de fer, le test, & le cerueau ensemble, & tomba mort sus le champ, dequoy le Cheualier à la verde Epee fut tresaise, non tant pour haine qu'il luy portât, comme pour le déplaisir qu'il peusoyt auoir fait à l'Empereur, au grand contentement du Roy Tassinor. Puis essuya son épee, & la remit au fourreau, rendant graces à Dieu de la victoire qu'il luy auoit donnée. Lors aprocha le Roy, & vint l'embracer, luy demandant comme il se portoit. Si bien, Sire, répondit il, que ie n'ay playé qui me garde de paracheuer demain le cōbat avec ceus que vous ordonnerés. Par ma foy, dit le Roy, vous en aués assés fait pour vn coup. Lurs fut conduit en la ville, au plus grand triomphe qu'il fut possible, & ce pendant les Romains emporterent le cors de Garadan, tant effroyés de sa mort, qu'ils perdirent delors tout le vouloir de plus combattre, & conclurent ensemble, remōtrer à l'Empereur que leur compagnon les auoit obligés (maugré eus, & par sa temerité) à vuyder par armes le different, dont luy mêmes s'étoit mal trouvé, en sorte q nul d'eus y fut contredisant fors vn ieune Cheualier nommé Arquifil, proche parent de l'Empereur, lequel connoissant le mauuais cœur des autres, & l'iniure qu'ils feroient non seulement au Patin, ou à eus mêmes: mais à tous ceus de l'Empire leur fit telle remontrance: Comment? Signeurs vous voulés vous oublier, & perdre ainsi la reputation de nôtre Empire? sera il publié qu'vnze Cheualiers Romains (par crainte de mort) ont été si lâches de n'oser combattre douze Alemans grossiers & peu vstés aus armes? Sus mon Dieu, quand moy seul l'aurois entrepris, si ne differe-rois-ie pour mourir de mille mors ensemble, & si vous doutés celuy qui a deffait Garadan, laissés le moy combattre, & vous adressés aus autres: car ie vous assure, q si nous auons le cœur bon, nous en viendrons au dessus, & recouvrerons ce qu'ils pensent auoir déja obtenu par l'infortune

tune auenué à nôtre compaignon. Combatons les doncques, & mourôs tous, plus tôt que differer, veu qu'il nous vaut trop mieus élire vne telle mort honorable, que viure cy après en perpetuelle honte, & d'une vie tant malheureuse que seroyt la nôtre. Certes la remontrance de ce ieune Prince eut tant de pouvoir sus la pufillanimité des autres, & eurent telle honre d'eus mêmes, qu'ils resolurent de têter fortune, & eus prostituer à tout peril, plutôt que de tomber en partie de leur deshonneur. Mais ils furent prompts & prêts d'entrer en ce combat. Le Cheualier à la verde Epee n'étoit en cela paresseus, ains sollicita le Roy leur faire entendre, que le lendemain ensuiuant il fourniroit le reste des Cheualiers qu'il auoit promis, & qu'ils se trouuassent au camp, si bon leur sembloit. Ce que le Roy vouloit retarder, iufques à ce qu'il fût guery des playes q̄ luy auoit faites Garadan, neantmoins il le supplia tant, qu'il s'y acorda, luy disant: Cheualier à la verde Epee, vous aués dé-jà tât fait pour moy, que ie ne vous dédiray iamais de chose qu'ayés desir de faire, & puis que voulés paracheuer, mon fis Grafandor vous tiendra compaignie: car en meilleur endroit ne se pouroyt il trouver de sa vie. Sire, répondit le Cheualier, vous le deués reseruer pour quelque autre affaire, sans le hazarder en cétuy cy, ou il n'êt nul besoing. Ah, ah, Sire Cheualier, répondit Grafandor, me voudriés vous bien pourchasser tant de mal, sans vous auoir onc méfait? Foy que ie doy au Roy, si i'auois autant de puissance sus vous, cōme ie vous en donneroïs bien sus moy, ie vo^e prieroïs me faire l'hōneur de vous acompagner toute ma vie, & croyés que i'aymeroïs mieus n'auoir été onc né, que ie ne fusse du nombre des douze élus, pour si bonne affaire. Puis que c'êt vōtre plaisir, dît le Cheualier à la verde Epee, & pue vous voulés combattre, i'espere que Dieu nous aidera: car nous étâs avec vous il êt impossible que la compaignie n'en

soit trop meilleure. Adonc chacun se retira jusques au lendemain matin que le Roy vint voir le Cheualier, lequel il trouua dé-jà armé, & voyant que ses armes étoient fort endommagées, lui dît: Il me semble, mon grand amy, que vous ne deués entrer en tel combat si mal équipé que vous êtes, pourtât ie vous prie vous armer d'vnes armes (qui selō mon auis) vous seront propres & aisees. Ce disant enuoya querir vn harnoys qu'il auoit de long temps gardé, pour l'un des meilleurs du monde, puis le presenta au Cheualier à la verde Epee, luy disant: Essayés le, & s'il vous êt bien fait, armés vous en pour l'amour de moy, qui le vous donne, d'aussi bon cœur que ie bai say oncques Damoiselle. Treshumblement le remercia le Cheualier, & regardant l'épee si bien en ordre, la tira du fourreau, & luy sembla si belle, qu'il dît en soimêmes qu'onc il n'en auoit veu de plus parfaite, fors celle du Roy Lisuart, & la sienne qu'il aymoît singulierement tant pour la bonté qui étoit en elle, que pour ce qu'il l'auoit conquise par force d'aimer, comme il vous a été déclaré au second liure: & pourtant ne l'eût laissée pour la meilleure du mōde. Mais voyât que cête autre meritoit bien tomber es mains de quelque gentil Cheualier, il pria Grafandor de la prendre, ce qu'il ne refusa: & ainsi qu'ils s'amusoient à regarder le reste du harnoïs, on leur vint dire, que les vnze Cheualiers Romains étoient dé-jà au camp qui les atendoient. Au moyen dequoy chacun s'arma diligemment, & sortirent les douze Cheualiers acompagnés du Roi & de maints autres, & quand Arquifil les vid aprocher, il dît à ses compaignons: Ie vous prie, mes Signeurs compaignons & amys auoir souvenance que nous allons cōbatre non seulement pour aquerir terre à l'Empereur, ou pour entretenir la promesse qu'a faite Garadan: mais pour l'honneur de tout l'Empire Romain: au demourât ie vous

LE TROISIEME LIVRE

ay dit, & prié me laisser combattre celuy qui eut hier la victoire de nôtre compaignô, ie le voy marcher le premier, & le premier aussi sera renuersé comme i'espere. Allons donc au deuant, & que nul ne s'épargne. Lors prenans leurs écus marcherent droit contre leurs ennemys: lesquels les voyans aprocher, allerét cōtre, & à l'arriuee baissans leurs lances chargerent l'un sus l'autre: Arquifil rencōtra le Cheualier à la verde Epee, de si droit fil, qu'il brisa sa lance sus luy en plusieurs pieces: mais s'il ne se fût tenu ans crains de son cheual le Cheualier l'eut mis par terre: Car il le print tant à propos, qu'il lui fit perdre les étriers, & sortit des arçons, puis parfaissant sa carriere, rencontra l'un des autres, auquel il donna si grande atainte par le haut de l'armet, qu'il l'en desarma, & à l'instant fut chargé de deus ensemble, & navré si fort en la cuyffe, qu'il cuyda cheoir, dont il fut si marry que mettant la main à l'épee, dōna si grand coup à celui qu'il trouua mieus à propos, que si elle ne luy eût tourné au poing, il l'eut mis à mort. Mais elle glissa & abatit le col du cheual & la iambe de celui qui étoit dessus tombans l'un sus l'autre. Ce que voyât Arquifil, vint par derriere, lui dōner sus l'armet, par si grand force, que les yeus luy commencerent à étinceler: Toute-fois il ne laissa pour cela à bien se venger: car il lui aualla quasi l'épaule gauche. Lors fut le combat plus rude que deuant, pource qu'ils entrerent pêle mêle: & combien qu'Arquifil sentit grand' douleur de cete nouvelle playe, & q̄ par là il perdit beaucoup de sang, si ne laissa il pourtant à faire connoître aus regardans le grand cœur qu'il auoit, en sorte qu'à le voir combattre, on l'eût iugé aussi frais que nul des autres, neantmoins sus la fin, luy & ses cōpagnōs furent tant mal menés, que la plus part d'eus demurerent sus le champ, & lui mêmes ne trouvāt moyen d'endurer l'effort du cheualier à la verde Epee, qui le poursuiuoit sans prendre aleine, se trouua tant

affoibly, qu'il n'en pouvoit quasi plus, quand Grafandor s'adressa à luy, & de toute sa force l'ataignit si rudement, qu'il demeura sus le champ éuanouy. Lors mit soudain pied à terre, faignant luy vouloit trancher la tête. Mais le Cheualier à la verde Epee luy pria qu'il differât: & s'aprochant luy tira l'armet, & pour l'aïr qu'il eut, reuint à foy, bien effroyé (toute-fois) quand il se veid si près de la mort, parquoy pria, que lon eût mercy de lui. Par Dieu (dît le Cheualier, vous mourrés, si vous ne vous rendés. Helàs, dît il, ie me mets à vōtre mercy. Adonc se leua, & luy bailla sa foy: & sus ces entrefaites, survint le Roy Tasinor, lequel joyeus de telle victoire, demanda au Cheualier du Nain, comme il se portoit, & s'il étoit fort navré. Sire, répondit il, ie n'ay playe que ie ne tienne pour bien employee, puis que vous êtes demeuré si bien seruy. Lors monterent tous à cheual, & prindrent le chemin de la ville, ou le peuple étoyt par les rues quicrioyt: Benoît soyt le bō Cheualier, par lequel (s'il plaît à Dieu) nous aurons la pais, & sera la guerre finie, & les suiurent iusques au logis du Roy, ou Chirurgiens le vindrent visiter, l'assurant sus leurs vies, qu'en peu de jours ils le rendroyt prêts à monter à cheual, s'il se contregardoit. Et pour ce que les Cheualiers Romains étoient tous demourés sus le champ, fors Arquifil, qui auoit été emmené prisonnier, il supplia le Cheualier à la verde Epee, le laisser aller sus sa foy, pour faire emporter ses compaignons sous condition qu'il retourneroit vers luy, toutes & quantes fois qu'il le manderoyt. Arquifil, répondit le Cheualier, vous êtes Gentil-homme, & croy que vous ferés ce que vous promettés: Or allés, & retournés le plutōt que vous pourrés. Ainsi s'en partit Arquifil, duquel nôtre Histoire se taira à présent pour vous dire que peu de jours après le Cheualier à la Verde Epee se trouua du tout guery, & assés fort pour porter harnois. Au moyē dequoy ennuyé du

du long sejour, qu'il auoit fait avec le Roy Tassinor, le vint trouver à propos, & luy dit: Sire, graces à nôtre Seigneur, vous êtes maintenant en pais, & hors de vos affaires, parquoy il vous plaira me donner cōgé: car j'ay deliberé partir demain du matin, & suiure ma fortune, ainsi qu'elle trouuera bon me guider, vous assurant, Sire, qu'en quelque part ou ie soys, ie demeureray, tant que ie viuray vōtre humble seruiteur, ainsi que le bien & honneur que vous m'aués fait, m'y ont obligé. Cōment (répondit le Roy) me voulés vous laisser? Vous ennuye il si fort en ce pais, duquel vous pouvés disposer, comme moy mêmes? Le vous prie, beau Sire, prenés en telle part qu'il vous plaira, & me tenés compagnie. Sire, dit le Cheualier, ie vous supplie humblement me pardonner, & croire que s'il étoit en ma puissance (veu le desir que j'ay de vous seruir) ie le ferois: Mais mon cœur ne le pouroit nullement permettre. Lors le Roy connoissant qu'il n'y auoit ordre de l'arrêter, luy répondit: Le vous diray: demain nous orrons la Messe ensemble: puis s'il vous plaît m'accorder vne requête que j'ay à vous demander, vous me ferés vn singulier plaisir. Par mon Dieu, dit le Cheualier, vous aués tant de commandement sus moy, que réserrué l'arrêt que vous me pourrés faire, ie ne vous desobeiray en ce que vous me commanderés. Le vous mercie, répondit il. Adonc changerent propos: puis venant le soir, le Cheualier à la verde épée commanda à Gandalin, tenir son cas prêt, pour déloger le lendemain des le point du jour: Mais ainsi qu'il cuydoit reposer, il lui va souvenir de la Princesse Oriane, & commença tellement à y penser, qu'il ne se peut tenir de pleurer, & disoyt en soy mêmes: Helas amye, quand verray-je le temps, que ie pourray encores auoir le bien de vous tenir entre mes bras? Ah ah Amour, vous m'aués élevé au plus grand heur, ou oncques loyal amant pourroyt être. Mais quoy? d'autant que cete gloi-

re m'étoit non-pareille en faueur, d'autant plus m'êt elle tournée en tribulation & ennuy, me sentant ainsi éloigné de celle que plus ie desire voir & tenir.

Et ce qui me tourmente d'auantage êt la crainte que j'ay, que mon absence soyt cause qu'elle me mette en oubly, ou l'émeuve à autre nouvelle amour. Puis soudain se reprenoit, & disoit: Helàs, dont me peut proceder cete folle opinion?

Ha, ah amie, ie vous sens trop ferme & constante, & connoys aussi bien, que j'ay pêché contre vous: car ma peine & grande fidelité m'ont tant de foys donné épreuve, & assurance de vous, que j'ay tort d'en auoir doute. Puis ie sçay bié que oncques ie ne pensay qu'à vous obéir, & feray toute ma vie, ainsi n'aurés vous occasion de me vouloir mal, ne desirer aucune vengeance sus moy, si vous ne pensés être offensé par vous aimer plus ardemment & constamment qu'autre ne sçauroit faire. Je ne sçay pourtant si Amour me voudroit point punir de ce que pour auoir dédaigné toutes autres, ie me suis tât rendu vōtre, que maintes en ont été de moy mal traitees, & rigoureusement refusees: mais ie sçay bien que mes pensees sont tant familières en vōtre cœur & vōtre grâd beauté si caracteree & empreinte en mô ame, que ie doy tenir pour certain qu'avec le tems mes peines serōt étaintes, ou par ma fin, ou par vōtre acoutumee loyauté. Ainsi passa la nuit en pleurs & souspirs, iusques au point du jour qu'il fit leuer Gandalin, & étant armé s'en alla à l'Eglise, ou il trouua le Roy qui l'atêdoit. Puis ayant ouy la messe, le print par la main, & le tirant à part lui dit: Mon grand amy, puis que vous deliberés de partir, ie veus premier vous auiser, q̄ vous aués vn Roy & vn Royaume du tout à vōtre cōmandement, & pour tel le connoitrés, ou il vous viendroit affaire, & i'en fusse averty: parquoy vous ne deués plus differer à me dire qui vous êtes: vous promettât en foy & parolle de Roy, q̄ par moi ne serés nul-

LE TROISIEME LIVRE

nullement découverts outre vôte gré. Si re, répondit il, ie vous suplie ne me faire ce tort: car ie n'ay deliberé me donner à connoitre à nul si force ne m'y cōtraint. Vous me ferés donc déplai sir, dît le Roi. Sire, répondit il, Dieu me gard d'offenser tât bon Prince, plutôt le vous diray: Sire ie suis celui Amadis de Gaule, fis du Roi Perion, duquel il vous souvint, quand vous acordâtes le combat des douze cheualiers. Ha, ha, dît le Roy: Par la foy que ie doy à Dieu, le cœur me l'a toujours jugé ainsi, & soyés seur que vôte con-

noissance m'êt autant agreable, q̃ chose qui m'eût peu auenir. Que benoit soit le pere & la mere qui ont produit tel persōnage, du quel tant de gens de biē ont receu plaisir & profit. Et s'efforça le Roy de plus longuement l'arrêter: Mais il le pria trefinistamment lui dōner congé, ce qu'il ne lui osa refuser: Parquoy mōtant à cheual, fut conduit en bonne & grosse compagnie assés loing hors de la ville, & le commandât à Dieu, print son chemin vers la Romanie, cherchât les auâtures étrâges, ainsi que fortune le conduisoit.

Comme le Roy Lisuart chassant en la forêt ou il auoit laissé les Dames, trouua casuellement vn ieune Damoisel, lequel lui montra le chemin de l'Hermitage, ou Nascian le bon Hermite se tenoyt: Et fût cēt enfant long tems après recogneu pour fis d'Amadis & d'Oriane.

CHAP. VIII.



EN la faiso gaye du verd mois de May, le Roy Lisuart étât de lōg sejour, fut prié par les Dames de les mener à la chasse. Ce qu'il leur accorda tréuolontiers, & des l'heure commanda à ses Veneurs faire tendre ses toyles en la prochaine forêt, & dresser les tentes joignant la fontaine des sept Fouteaus, qui étoient à l'endroit du bois

plus plaisant & delectable pour le tems. Là aupres étoit l'Hermitage, ou Nascian le saint homme nourissoit Esplandian, comme il vous a été recité. Or auint le jour mêmes, que le Roy se trouvant à l'as-semblee, ayant laissé les Dames en leurs pauillons, poursuuiuit si longuement vn Cerf mal mené & échapé des toilles, qu'il le contraignit prendre la route de la haute

haute forêt tout le long d'un grand cō-
 tau, bien couvert de buyffons & fors ha-
 liers. Et aussi tôt qu'il fut au dessus, auisa
 de l'autre part descendre hâtivement vn
 ieune Damoisel, âgé (peut être de cinq à
 sis ans, qui menoit en lesse vne Lyonne,
 lequel voyant ce Cerf fuyr & échauffe, la
 halla après, au moyē dequoi elle le pour-
 suyvit de si grande vitesse qu'elle le vint
 abatre deuant le Roi. Adoncq' le Damoi-
 sel ioyeus de si bonne prinse, y courut le-
 gerement & vn autre ieune enfant son cō-
 pagnon, lequel se saisissant de la venaison
 print son couteau, pour la massacrer. Puis
 sonna vn cor tant qu'il peut, apellant à
 haute vois deus petits brachets, qui les
 suyuoient ordinairement, lesquels suruin-
 drent tôt après : & eurent curee du sang
 de la bête, & la Lyonne semblablement.
 Ce fait la reprindrent & atacherent en
 vne petite lesse, & ayant couplé leurs pe-
 tits chiens, prindrent leur chemin au tra-
 uers du bois. Lors le Roi connoissant
 qu'ils s'éloignoyent, eut desir de sçauoir
 qu'ils étoient, & sortant du lieu ou il s'é-
 toit caché apella le Damoisel, lequel s'ar-
 resta, tant que le Roi fut ioignant de luy
 qui lui dît: Mon enfant, ie vous prie dites
 moi qui vous êtes, & là ou vo⁹ demurés.
 Sire Cheualier, répondit le Damoisel, Na-
 scian l'Hermite m'a iusques icy nourry,
 & ét comme ie croi pere à mon com-
 pagnon, & à moy. De cete réponce
 fut le Roy tout pensif, & ne pouoit com-
 prendre en son esprit, que Nascian (vieil
 & caducq', estimé par le païs homme de
 sainte vie) peut auoir enfant si ieune &
 tant beau & voulant sçauoir plus outre,
 lui demanda en quel lieu étoit l'hermita-
 ge. Il ét, répondit il, au sommet de cete ro-
 che, & luy monstrant vn petit sentier, le
 laissa là, lui disant: S'il vous plaît y aller,
 suyvés cete sente qui vous y conduyra:
 car ie m'en vois après mon compagnon
 vers la Fontaine, ou nous auons dressé nô-
 tre chasse des le matin. Adoncques le roi
 le laissa, & montant contremont le Ro-

Am. 3.

cher, auisa au dessus le petit rapaire de Na-
 scian, si enuironné de gros haliers, que le
 lieu monstroient bien la grāde solitude du
 bon Hermite. Lors descendit du cheual,
 puis entra au dedans du pourpris, ou il
 trouua le saint homme à genoil, vêtu de
 draps de religion, lisant dedās vn liure de
 deuotiō, lequel de prime face ne s'émeut
 pour son arriuee. Mais ayant acheué son
 oraison se leua, demandant au Roi qu'il
 cherchoit. Mon pere, répondit il, n'agueres
 traufferant cete forêt, i'ay rencontré vn ieu-
 ne enfant, menant vne Lyonne en lesse, ie
 vous prie par courtoisie me dire qui il ét:
 car à le voir ie croy qu'il soit yssu de
 quelque bon lieu. Et tandis que le Roy
 parloit, l'Hermite le regarda tant qu'il le
 recōneut, cōme celui auquel il auoit fait
 maints bons services du tems qu'il han-
 toit les armes. Au moyē dequoi, il se pro-
 sterna deuant sa face, lui demandant par-
 don de la faute que il auoit cōmise en-
 uers lui, pour ne lui auoir fait si grand re-
 cueil que sa maiesté le requeroit: mais le
 Roi le souzleua, & le prenāt par la main,
 lui dît: Mon pere, ne me volés vous pas
 dire qui ét le ieune enfant, q' ie vous dy?
 Assurés vous sus ma foy que la connois-
 sance, que me donnerés de lui, ne lui peut
 tourner qu'à profit. Sire répōdit l'Hermi-
 te, nôtre Seigneur, lui a iusques ici montré
 grād signe d'amour, & puis qu'il la tāt soi-
 gneusement gardé, comme ie vous diray,
 il ét bien raisonnable que vous (comme
 Roi) l'aymés & gardés en sorte qu'il n'ayt
 mal ne déplaisir. Vous aués (à ce que vous
 me dites) desir de sçauoir à qui il ét: En
 verité, Sire, puis que ie l'ay nourry il ét
 bien mien, cōbien qu'il y a tantôt sis ans
 que ie l'ôtay des dens d'une Lyonne, qui
 le portoit à ses faons, & en celā nôtre Si-
 gneur mōstra bien qu'il ét protecteur de
 toutes ses creatures: car la bête ne luy fit
 onc mal: ains l'alaitā ainsi que l'un de ses
 petits, tellement que par le lait d'elle &
 d'une Brébiette que i'auois lors, ie trou-
 uay moyē de l'entretenir plus d'un mois,

E

aten-

LE TROISIEME LIVRE

atendant qu'une mienne seur, mere de l'autre ieune enfant qui l'accompagne, fut venue vers moi, & depuis elle l'a si bien nourri & gouverné, que (graces à nostre Seigneur) ie croy que ce soit l'une des plus belles creatures, qu'il est possible de voir, et si a une chose en luy plus étrange que ne pourrions estimer. Entendés, sire, ainsi que ie le voulois batiser, & que ma seur lui ôtoit les riches langes, ou il étoit envelopé, elle me monstra une lettre qu'il a sur le tatin droit, aussi blanche que neige, contenant ce vocable Esplandian, & de l'autre part (au droit du cuer) autres caracteres rouges comme sang, lesquels ie n'ay oncques entendus, pource qu'ils ne sont Latins ne de nostre langue & au moyen du nom qu'il a aporté en sa naissance, ie l'ay tousiours depuis fait appeller Esplandian. En bone foy, mon pere, dit le Roi, vous me contés grands merueilles: mais puis que vous le trouvâtes en l'equipage que vous dites, il est à presumer, qu'il ne fut né guerres loing de ceste contree. Je ne sçay pas celà, répondit Nascia, & si n'ay enuie d'en entendre plus que nostre Signeur a permis. Or bien doncques dit le Roi, ie vous prie de vous trouver demain à la fontaine des sents Fouteaus, ou ie serai avec la Roine & bone compagnie, & amenés Esplandia & la Lyonne avec votre neveu, à qui ie feray du bien pour l'amour de Sergil son pere, lequel i'ay autre-fois connu pour bon Chevalier. Sire répondit le saint homme, ie ferai ce qu'il vous plaira me commander, & Dieu vueille que ce soit à sa gloire & honneur. Lors le Roi lui donna le bon iour, & reprenant son chemin arriva en ses tentes, environ l'heure de mydi. Et pource que lon ne sçauoit qu'il étoit devenu, chacun étoit attendant de ses nouvelles, & combien que ses plus familiers lui demadassent ou il auoit été, si ne leur en declara il rien: mais commanda que l'on couvrit pour le dîner. route fois ainsi qu'il se vouloit mettre à table, Grumedā lui vint dire, que la Roine luy suplioit venir ius-

ques en sa tente, auant que manger, pour quelques nouvelles qui lui étoient suruenues: parquoi il se retira vers elle, & étas retirés à part elle luy conta, comme au partir de la ville une trebelle Damoiselle, montée sus un puissant hobin, s'étoit présentée à elle, conduite seulement par un Nain, combien qu'elle fut richement vêtue: laquelle (dit la Roine) passa tout au trauers de mes femmes, sans vouloir dire un seul mot iusques à ce qu'elle fut deuant moi (qu'elle me bailla ceste lettre) me disant que vous & moi la leussions ce iourd'hui auant dîner, & que par icelle sçaurions choses amirables. Et à peine eut elle dit ce mot qu'elle s'en partit le plutôt que son cheual peut cheminer, sans me donner loysir de lui répondre une seule parole. Adonc bail la la lettre au Roi qui étoit scellée d'une Esmeraude enchassée en or, ou étoient graues ces mots: C'est le sceel d'Urgande la Déconneuë. Puis l'ouvrit, lisant le contenu qui étoit tel.

Lettre d'Urgande au Roi Lisuart.

TREHANT & trepuissant Prince, Urgande la Déconneuë qui vous aime & desire faire seruice, vous auise & conseil le, pour votre trèsgrand profit, qu'au tems que le Damoisel (alaité de trois diuerses nourrices) comparoitra deuant votre maiesté, vous le retenés, entretenés, aimés & gardés bien chèrement: car il sera cause de votre repos, en vous deliurant du plus grand danger ou vous fustes oncques. Il est yssu de semence Royale des deux côtés, & tiendra du naturel des creatures qui l'ont alaité. Par celui de la premiere il sera tant fort & magnanime en courage, qu'il obscurcira toutes les prouesses des meilleurs. Cheualiers, qui ont été par cy deuant, état toutefois si dous & de bonaire, qu'il en sera aimé & estimé d'un chacun, & ce lui causera la nourriture de la seconde nourrice. Quant à la tierce, croyes, Sire, qu'oncques Gentil-homme ne fut de meilleur esprit, plus catholique

n'accomplir en toutes bonnes conditions, en sorte qu'il s'adonnera à faire œuvres plaisantes à Dieu, fuyant les choses vaines, ou la plus part des autres Cheualiers s'adonnent communément. Et (qui plus est) lui seul sera cause de mettre pais immortelle entre vous, Amadis, & toute sa lignee. Pourtant, bon Roy, retenés mon conseil, & bien vous en prendra.

DE ces nouvelles fut le Roy trop émerueillé, & fâs l'estime qu'il auoit d'Vrgande la Déconneuë, il y eut aiouté peu de foi: mais sus l'heure il lui va souvenir, que ce pourroit être celui qu'il auoit trouué avec la Lyonne, & répondit à la Roine: Je vous assure ma Dame, que j'ay ce jourd'hui parlé à celui duquel Vrgande nous écrit, & sera demain icy avec le bon Hermite Nasciã qui m'en a dit choses étranges. Lors lui recita cōme il auoit rencontré & tout ce qu'il en auoit entendu: dequoy la bonne Dame fut trefayse, tant pour voir l'efant si heureux, comme pour parler au saint hōme des choses de sa cōscience, & se confesser à luy. Toute-fois ma Dame, dit le Roi, ie vous prie n'ē parler à nul iusques à ce qu'il soit en nōtre presence. Puis s'en alla mettre à table, ne tenant propos durant son dîner que des grands Cerfs qu'il auoit veus. La suruint Galaor & Norãdel avec force venaison, lēquels persuaderēt au Roy retourner le lendemain: car ils auoyent failly à prendre vn Sanglier le plus étrange qu'ils eussent oncq's veu: mais il leur répōdit qu'il auoit receu quelq's lettres d'Vrgãde, qu'il leur vouloit cōmuniquer le iour ensuiuant & qu'à cēte cause lon fit rafraichir ses chiens, iusques à ce qu'il eut fait ce qu'il auoit deliberé. Puis se leua de table, & retourna vers les Dames, avec lesquelles il se tint tout le reste du iour, tant qu'il fut heure d'aller dormir, que chacun se retira, & le lendemain ensuyuant après auoir ouy la messe, leur fut donner le bon iour. Or étoit il dé-jà haute heure, & faisoit

vn chaud le plus extreme qu'il étoit possible. Au moien dequoy la Roine auoit fait leuer les murailles de son pauillon, pour receuoir la fraîcheur d'un petit vent, qui dōnoit au trauers. Et pourtant pouoit-on voir dessous ses toyles, la bōne troupe des Dames qui l'accompagnoyēt vers lēquelles étant le Roi arriué (& deuisans la plus part de ses Cheualiers à celles qu'ils auoyēt plus affectiōnees) tira de sa mêche la lettre d'Vrgande, qu'il auoit receuē le iour precedāt, & dīt à Galaor, & aus autres: Or ça, ie vous veus mōstrer vn auertissement que lon m'enuoya hier, dont ie croy que ne serés moins ébais que moy. Adoncq' la leut si haut, que chacun l'entendit, toute-fois ils ne pouuoient presumer, qui étoit cēt enfant bien heureux, duquel la destinee promettoit tant de grans biens, fors Oriane à qui il touchoit de près, laquelle auoit été auertie (n'y auoit encores long tems) de la perte de son fis. Au moyen dequoy elle soupçonna, que ce pourroit il être, dont luy suruint telle emotion, qu'elle changea plus de dis fois couleur, en moins de rien: mais nul n'y prenoit garde: car ils étoyēt tous ententifs à la lecture de la lettre, & au propos du Roi, lequel demanda à Galaor qui lui en sembloit. Sire, répondit il, puis qu'Vrgande le vous mande, il se doit croire qu'il sera ainsi, veu les choses veritables qu'elle vous a tant de fois predites, & Dieu le vueille permettre: car ce me sera la plus grãd ioye que ie sçaurois auoir de ma vie, voyant si bōne pais entre vous, mon Seigneur Amadis & mes autres parens & amys. A bien vienne tout, dīt le Roy, & soit la volonté de nōtre Seigneur faite, ainsi qu'il lui plaira. Et comme il acheuoit cēte parole, il auisa de loing venir le bon Hermite & les deus Damoiseaus, Esplandian & Sergil avec deus Vauasseurs parens de Nascian, en l'equipage que ie vous diray. Esplandian auoit sus ses épaules vn grãd Lieure & deus Perdris qu'il auoit tues de son arc en chemin.

Sergil menoit la Lionne en lesse, atachee d'une petite corde, & les suiuyoient Nascian & les deus autres, l'un dequels portoit le Cerf que la Lyonne auoit prins le iour precedant deuant le Roi, ainsi que ie vous ay recité, & l'autre tenoit les deus brachets d'Esplandiá couplés. Mais quâd les Dames aperceurent la Lyonne en si petite garde elles eurent telle frayeur, qu'elles se vindrent toutes ieter autour du roi, lequel pour les asseurer, se mit à rire, en leur disant, que nul ne s'émeuve, celui à qui elle est a bien puissance de nous defendre de plus dangereuse bête que cete ci. Je ne sçai, répondit Galaor quel pouuoir il en a: mais si elle se despitte vne fois, la seureté n'en est pas trop grâde: car le Veneur qui la tient, à un peu les reins bien foibles, pour la dompter à son plaisir. Celui dit le Roi, qui la conduit, est le saint homme Nascian, allons au deuant de lui. Lors chacun se leua, & vint le Roi embrasser l'Hermite, lui disant, qu'il fut le très bien venu: puis le prit d'une main, & Esplandian de l'autre, lequel il presenta à la Royne, luy disant: Voyés (ma Dame) le plus beau Damoisel, que vous vistes oncques. Adonc Esplandian (asseuré comme s'il eut tout le tés de sa vie été nourry à la court) lui fit vne grande reuerence, & lui presentant la venaison qu'il portoit, luy dit: Ma Dame, voicy la chasse que nous auôs faite en chemin, laquelle vous departirés comme il vous plaira. Mon mignon, dit le Roi, ce sera vous mêmes. Mais vous, dit il, ou bien ma Dame: car ie la luy ay déja donnée. Voyla pourquoy, répondit le Roi, elle veut que vous la distribué à toutes ses Damoiselles, ainsi que vous l'entédrés, puis s'il en demeure nous aurons nôtre part. Disant le Roi cete parole: l'Hermite ieta sa veue sus l'enfant, lequel conneut bien qu'il auoit failly à parler. Au moyen dequoi la couleur luy monta au visage qui lui embellit le taint, & monstrant le Cerf, dit au Roi (côme s'il eut demandé pardon de son offense) Mon

Seigneur, prenés donc ce grand Cerf pour vous, & ma Dame aura ce Lieure, & ces deus Perdrix, serôt pour cete autre Dame, qui est auprès d'elle. Ceci disoit il d'Oriane sa mere qui le regardoit lors d'un tel œil, que vous tous pouvés estimer. Comment? répondit le Roi, ne donnerés vous rien à ces Gêtil-hommes? Je n'en ay plus, répondit l'enfant: mais si ie viés vous voir demain, ie leur apporteray ce que ie prendrai, & ce pèdant vous leur departirés, s'il vous plait, de vôtre venaison. Et faisoit Esplandiá tout ce petit discours de si bonne grace, & avec telle naïueté, que chacun se print à rire, & à le louer. Certes dit le Roi ce n'est pas merueilles s'il a si gentil esprit. Car à ce que m'a recité celui qui l'a gouuerné iusques icy, nôtre Seigneur lui promet de plus grandes choses. Pourtant, mon pere, dit il à Nascian, à fin que chacun entende l'auenture étrange de lui, ie vous prie nous la declarer presentemēt, oinsi que me fistes hier. Sire, répondit l'Hermite, ie trouuay l'enfant il y a enuiron cinq ans, entre les dents de cete Lyonne, qui le portoit à ses faons nouvellement nés, & croy qu'il n'y auoit encores un iour naturel qu'il étoit né. Puis commença à decouvrir côme il étoit enuelopé, la contenance que tint la Lyonne, quand elle l'allaita premierement, & le soucy qu'il eut huit ou quinze iours durés pour le nourrir, attendant que sa sœur vint. Tout ce propos écoutoyent diligemment Oriane, Mabile, & la Damoiselle de Dannemarc, cōnoissans par le recit de l'Hermite, que certainement Esplandiá étoit fils d'Amadis, & de la Princesse, dont étoient si ayfés, qu'elles ne sçauoyent bonnement le dissimuler. Mon pere dit le Roi, vous me dites hier que puis que nôtre Seigneur l'auoit preserué iusques icy, que ie deuois penser de luy à l'auenir: Vrayement s'il vous plaît me le laisser, & son compagnon aussi, ie les ferai si bien nourrir, qu'ils seront, si Dieu plaît, tous deus preud'hômes & bons Cheualiers, & ie vous en prie rât qu'il

qu'il m'est possible. Sire répondit Nascian, ils sont vôtres, puis que vous aués desir de les auoir, & prie nôtre Seigneur qu'il leur doint grace de vous faire quelque iour service. Lors leur donna sa benediction, leur disant: Mes enfans, puis que le Roy vous fait tant d'honneur de vous retenir en sa court, mettés peine d'être obeissans & à luy complaire. Et pleuroit le bon homme, à grosses larmes, en leur faisant ces petites remonstrances. Mon pere, dit le Roy, ie les ferai si bien gouverner, qu'ils seront tels que vous les desirés. Le vous supplie donc, répondit la Roine me les laisser iusques à ce qu'ils soyent plus grans pour vous seruir, & vôtre fille aura Esplandian, & moi Sergil. Et bié ma Dame, dit le Roi, ie les vous recommande. Ainsi fut l'enfant liuré en la garde de sa mere, qui le receut aussi volontiers que present q'on luy eut peu faire, & demoura vn bien long tēs avec elle, sans ce que nul le conneut, fors les Damoiselles qui sçauoyent les priuees affaires de la Princesse, laquelle se voulut confesser à Nascian, auant qu'ils s'en allât. Parquoi elle lui fit entendre, comme Esplandian étoit sis d'Amadis & d'elle qui auoit été perdu ainsi que lon le portoit à nourrisse. Certes ma fille, répondit l'Hermite, nôtre Seigneur ne doit être contente de vous, ayât fait telle iniure à vôtre prope ame, pour vne volupté desordonnee, mêmes vous qui êtes née de si hauts parens, & qui deués être miroër & exemple au peuple, sus lequel Dieu vous à preferee. Mon pere, répondit elle, ie sçay bié que i'ay grièvement pêché, & toutefois ce que ie fis, fut de femme à mary: car sus l'heure nous nous donnâmes l'un à l'autre. Adonc lui declara comme Arcalaus l'auoit emmenée, & que depuis Amadis la secourut, ainsi que cy deuant vous à été recité. Donc l'Hermite fut trefayse, connoissant que par ce moyen Dieu n'auoit été offensé, & depuis cete confession sortit tel effait, que par le moyen d'icelle, lō tēs après Na

Am. 3.

scian mit pais entre le Roi & Amadis, étans sus le point de se donner vne dure & cruelle bataille, ainsi que vous entendrés au quatriéme livre ensuyuant. Puis ayant Oriane receu la penitence, que Nascian luy ordonna, il print cōgé du Roi, & de toute la court, pour retourner en son hermitage, ou il ramena la Lyonne, & le Roy print le chemin de la ville pour donner ordre à ses affaires.

Comme le Cheualier à la verde Epée, étant party d'avec le Roi Tasinor de Boëme, vint es marches de Romanie, ou il trouua Grasinde sus les chams, acompagnée de plusieurs Gentis-hommes, Dames et Damoiselles, mêmes d'un Cheualier nommé Brandasidel, lequel le voulut contraindre par force d'armes de venir parler à icelle Grasinde, et du combat qu'ils eurent ensemble.

CHAP. IX.

VOus aués cy deuant entendu, comme le Cheualier à la verde Espée, partât d'avec le Roi Tasinor print sō chemin vers les parties de Romanie, ou il ne seiourna long tems qu'il n'y fit tant d'armes que sa renommée volla en tous les endroits. Mais ce ne fut sans beaucoup endurer, pour la grande melancolie, qu'il auoit, pensant continuellement à la Princesse Oriane. Or auint qu'un iour entre autres, trauersant pais arriva en vn port de mer, sus lequel étoit située vne ville, en la plus plaisante assiette qu'il eut oncques veüe, laquelle se nommoit Sadine, & pour ce qu'il étoit encores haute heure, ne voulut entrer dedās: mais la tournoya de toutes pars, pour mieus la voir à son aise, & voyant la riue de la Mer, lui va souuenir de Gaule, dont il étoit parti, deus ans y auoit & plus. Au moyen de quoi son dueil régregea, en sorte que les larmes lui vindrent aus yeus. Et comme il étoit en cete melancolie, auisa venir à lui vne troupe de Cheualiers, de Dames, & Damoiselles, entre lesquelles y en auoit vne plus belle, & mieus parée (ce lui sembloit) que nulle

E 3 des



des autres, au dessus de laquelle on portoit vn ciel de taffetas blanc, attaché à quatre verges de fer, pour lui ôter la chaleur du Soleil, qui pour lors étoit trop vehemente. Mais pource qu'il ne prenoit plaisir pour l'heure, à se trouuer, en telles compagnies, ains auoit tant acoutumé la solitude qu'il s'éloignoit le plus qu'il pouoit de toutes personnes, pour plus à son aise pēser aus faueurs qu'il auoit autrefois eues en la grand' Bretagne. Voyant cete troupe aprocher, s'écarta: toute-fois il ne fut gueres éloigné, qu'il vit vne Damoiselle assés bien en ordre, venir après luy acompagnée d'un Cheualier, qui tenoit en son poing vne grosse lāce, laquelle il faisoit branler assés rudemāt, pour la mettre en pieces. Et s'apochāt cete Damoiselle plus prés, piqua deuāt, & laissa celui qui la cōduisoit derriere. Puis dit au Cheualier du Nain: Sire Cheualier, cete Dame, q̄ vo^r aués n'agueres peu aperacevoir vous mande, que venés parler à elle, & pour vōtre profit. Dieu la gard de mal, répondit le Cheualier, encores que ie ne la cōnoisse. Mais dites moi, ie vous prie, que demāde ce Cheualier qui viēt avec vous? Certes, dit elle, il ne vous en doit chaloir, faites seulement ce que ie vous dy, & biē vous en prendra. Vrayement, répondit il, si vous ne le me dites, ie ne vous obeirai

pas aussi. Puis qu'ainsi ēt, dit elle, vous le sçaurés donc, encores que ce soit outre mon gré. Entendés que quand ma Dame vous a aperceu, & le Nain qui vous suit, pource que lon lui a dit, qu'il y a en ce païs vn Cheualier étrange, faisant tant d'armes qu'il n'ēt possible de plus, lequel ēt tou. iours ainsi acompagné que vous êtes, à estimé que cētes vous mêmes. Au moyen dequoy, elle deliberē vous faire tout l'honneur, dont elle se pourra auiser, & vous decouvrir vn sien secret qu'elle n'a encores déclaré à nulle personne qui viue. Et quand ce Cheualier eut entendu le vouloir de ma Dame, il luy a répondu qu'il vous feroit venir à elle par amour, ou par force: ce qui lui sera facile à faire, veu la haute cheualerie qui ēt en lui, qu'il ne se treuve son semblable en toutes ces contrées, parquoi ie vous conseille de mē croire, & me suyure. Damoiselle m'amy, répondit il, ie ferois plus pour vōtre maitresse que cela: mais ie veus premier voir, si ce Cheualier pourra accomplir ce qu'il a promis. Sus ma foy, dit elle, j'en suis déplaisante: car à ce que ie puis iuger, vous êtes courtois Cheualier. Lors tourna bride, & le Cheualier du Nain suyvit son chemin comme au parauant. Ce que voyant l'autre, lui écria tant qu'il peut: Cheualier couard

courard & recreu, descendés de cheual, & le menés au rebours, prenant la queue pour vous servir de bride. Puis venés à ma Dame vous présenter, & crier mercy de ce que n'aués voulu suyure sa Dameselle, autrement ie vous ôteray la tête de dessus les épaules: Pourtant élisés de ces deus offres, la plus honorable pour vous. Par Dieu, répondit le Cheualier du Nain elles sont propres pour vous mêmes: quād à moi, ie les vous remets. Est il vray? dit l'autre, & vous le ferés, vueillés ou nō. Ce disant mit la lance en l'arrēt, esperant l'abatrē de la premiere rencontre, ainsi qu'il auoit fait à mains autres. Toute-fois le Cheualier du Nain qui étoit en equipage de le recevoir, donna des esperons à son cheual & print l'autre nommé Brādasidel tant à point, qu'il le desarçōna, & demeura euaouy sus le chāp: toutefois lui mêmes fut navré en la gorge, & au bout de la carriere tourna bride. Lors auisānt Brādasidel étēdu sus le champ, dīt à Gādalīn: Descendés, & regardés s'il ēt mort, & lui ôtēs l'écu & l'armet. Adōc s'aprocha Gādalīn, & ainsi qu'il le desarmoī, Brandasidel reuint de pāmoysōn. Et a cēte causē le Cheualier du Nain lui cria: Ah paillard, par Dieu tu es mort, si tu ne fais tout ainsi que tu veus contraindre ceus que tu ne connois: car puis que tu en as fait la loy, il conuient que tu l'acomplissēs. Et ainsi que Brandasidel ouvrit les yeus, il vit le Cheualier du Nain qui lui tenoit l'épēe nuē sus sa gorge, & le regardoit sans mot dire. Comment? dīt le Cheualier, vous ne voulēs donc pas parler? foi que ie doi à Dieu, vōtre tête m'en fera la raison. Lors mit piē à terre, & leuant le bras pour fraper, Brandasidel commença à crier: Ah Cheualier, ie ferai vōtre vouloir plutôt que mourir ainsi. Or sus donc, que ce soit presentement, répondit le Cheualier du Nain. Adonc se leua Brandasidel, & apella ses Ecuyers pour lui aider à se mettre à cheual, ainsi que le Cheualier du Nain luy auoit commandē, & s'assit à reculons

prenant la queue de son cheual au lieu de la bride, & tournānt son écu s'en alla droit vers Grafinde, laquelle le voyant tourner si honorablement, ne se peut tenir de rire, ne les autres de sa compagnie, par ce qu'il étoit batu des verges dont il menaçoit les autres. Au moyen dequoi il étoit si honteus qu'il n'osoit leuer la tête, ains baissant les yeus passa outre iusques en la ville. Or auoit la Dameselle (qui étoit allée quant & lui vers le Cheualier du Nain) entendu les propos d'eus deus, & veu le combat ainsi qu'il auoit été, & comme elle en faisoit le conte à sa maistresse, le Cheualier du Nain survint, lequel salua hūblement Grafinde, & lui dīt: Ma Dame, à ce que m'a dīt l'vne de vos femmes, vous aués desir de parler à moi. Certes répondit elle, Sire Cheualier, elle vous a dīt verité, & puis qu'il vous a pleu me faire cēt honneur, vous soyés le très-bien venu. Car outre les merueilles que j'ay sceuēs (pour vray) qu'aués faites en ces marches, lon m'a de long tems auertie du bien qu'a receu le Roi Tassinor de Boēsme mon cousin, par vōtre moyen, dōt ie me sens obligee à vous, & vous prie tant qu'il m'ēt possible, venir loger en mō palais, ou vōtre playe sera diligemment pensée, étant seure qu'en nul autre lieu pourrés vous (peut être) si tôt recevoir guerison. Ma Dame, dīt il, voyāt la volonte de laquelle vous me priēs, ie ne me vouldrois épergner en tous les perils du monde, pour vous faire seruice, par plus forte raison ie ne doý pas refuser le bien que vous me presentēs, pour le salut de moy-mêmes. Lors prindtēt le chemin de la ville, deuisans toujours ensemble, & le trouua Grafinde tant beau, & de si bōne grace q̄ des l'heure elle en deuīnt amoureuse. Or étoit elle excellente en toute beauté, ieune, en bon poinct, & deliberee autant que Dame q̄ lon eut peu voir, & si n'auoit onc été mariee qu'ēuirō vn an qu'elle demeura veuē & sans enfans. Mais le Cheualier du Nain pensoit biē à autre chose,

ayant continuellement deuant les yeus son Oriane, pour l'absence de laquelle il enduroit vne passiō extreme: & toutefois il la sçauoit tant bien dissimuler, que lon ny connoissoit quasi rien, & comme ils entrèrent dans la ville, les habitans d'icelle (qui auoient déjà sceu le combat de lui & de Brandasidel, lequel au parauant étoit estimé le plus rude Cheualier de tout le païs) l'atēdoient par les rues pour le voir, & disoyent l'un à l'autre ainsi qu'il passoit ce sera bien le cas de ma Dame, si elle le prend à mari: car de plus beau ne pourroit elle trouver ne de plus preus qu'il ēt. Puis fut conduit au palays, & mené en vne trébelle chambre, ou il se desarma. Lors vint maitre Helisabel vn Chirurgien tres exquis, lequel ayant veu la playe que le Cheualier auoit en la gorge, lui dit: Sire vous êtes navré en lieu tresdage-reux, & aués besoin de long repos, autrement vous pourrés tomber en danger de vōtre personne. Tresdeplaisant fut le Cheualier de cēt arrêt, & répōdit à maitre Helisabel, ie ferai ce qu'il vous plaira: pour-veu que vous me prometés sus la foi que vous deués à Dieu & à vōtre maitresse, qu'aussi tōt que me verrés en disposition de pouoir endurer le trauail, vous me le dirés: car quelque chose que ie face, il ēt impossible que i'aye repos, n'aucun soulagement, iusques à ce qu'il plaise à nōtre Seigneur permettre que ie sois la part ou mon cueur desire seiourner. Ce disant, entra en telle melancolie, que les larmes lui vindrent aus yeus, dont il fut tout hōteus: toutefois (en les essuyant le plus cou- uerement qu'il peut) commença à montrer meilleur visage qu'au parauant, & lui dit maitre Helisabel, ie vous prie vous mel- lier le moins que vous pourés, & i'espere en Dieu qu'ē brief vous serés du tout gue- ry. Lors commāda que lon lui apportāt à manger, & Grasinde mēmes le seruoit, & le parsuadoit à se réjouir le mieus qu'elle pouuoit: puis le mirent entre deus draps, faisans retirer vn chacun à ce que lon ne

le gardāt de reposer: mais au lieu de re- pos suyāt son acoutumee façon de faire (encores qu'il sentit grand douleur) com- mença à penser à Oriane, à quoi il pre- noit toute sa ioye & plaisir, l'entremelant neantmoīs, avec passions & tormens ex- tremes, qui combatoient continuēllemēt l'un cōtre l'autre, si qu'en ce trauail il s'ē- dormit, & si amour l'éguillōnoit lors, il ne laissa en pais la nouuelle amāte Grasinde, laquelle étant retiree en sa chambre se coucha tōt après en son liēt, & soudain la beauté & bonnes graces du Cheualier à la Verde Espee se presenterēt deuant elle, dōt elle se trouua tant éprise de l'amour de luy qu'il lui fut impossible en distraire sa pensee volontaire, & disoit en soy-mē- mes, Helās dont me procede maintenant cēte fantasie, la mort de mon feu mary m'auoit si bien éloignee de cēte façon de faire, que mainte-fois i'ay proposé n'en- trer iamais en suiection d'homme viuāt: Ce non-obstant cēt étranger (qui peut ē- tre ne voudra de moy) à rauy tellement ma liberté, que ie me sens trop plus sien- ne que mienne, & neantmoīs si tant de bien me pouoit auenir qu'il se voulut fai- re Signr de moi & de mes païs, onc fēme ne fut plus tenuē à fortune, veu les prou- ēsses & grandes vertus qui sont en lui. Si sçauray- ie s'il ayme ailleurs, & quoy qu'il en doyue auenir, ie lui declare- ray ma fantasie, lors peut être, aura il pi- tiē de moi: mais dont lui pourroit bien être venu cēte tristeste, qui le fit pleurer, quād maitre Helisabel lui dit qu'il lui fal- loit faire long seiour pardeça, si ie puis son Ecuyer me le declarera & sera cause que plus discrettement ie pourray parue- nir à mon entente, & des demain en fe- ray mon effort, si ie le trouve à propos. Ainsi passa la nuit sans dormir nullement, puis venant le iour, elle enuoya l'une de ses femmes sçauoir, comme se portoit son nouvel hôte, & s'il auoit bien reposé, la- quelle lui rapporta qu'il étoit dé-jā éueil- lé? Parquoi elle vint en sa chambre, & en luy

luy donnant le bon jour, lui demanda cōme il se trouvoit. Bien, Dieu mercy, répondit il. Certes, dit Grasinde, i'ay aussi mal reposé cete nuit, que ie fy oncques. Comment, ma Dame, répondit le Cheualier, vous êtes vous trouuee mal? Et ainsi qu'elle luy voulut declarer ce que son cœur en pensoit, honte & crainte entremêlée d'une pudicité longuemēt par elle obseruee, lui fermerent tellement la bouche, qu'elle demeura sans pouvoir paracheuer son propos: mais le regardant d'un œil pitous, commença à changer couleur, dequoy le Cheualier du Nain s'aperceut très bien, toute-fois pensant que cete foiblesse lui procedât d'autre maladie, luy dit: Ma Dame, puis que vous trouués mal, il me semble que vous ferés mieus de vous recoucher & essayer à dormir, mieus q̄ vous n'aués fait. Je vous diray, répondit Grasinde, ce mal m'est assés commun, & se passera, si Dieu plaît, aussi soudainement, comme il est suruenu: & ce disoit elle, pour n'auoir occasion de sortir de la presence du Cheualier, avec lequel elle se tint tout le jour prenant plaisir à le regarder tant qu'elle en oublioyt elle mêmes, iusques à ce qu'il fut l'heure de se retirer: Parquoy luy donnant le bon soir, s'en alla mettre à son lit, ou si la nuit precedente, elle auoit eu peu de repos, encores en eut elle moins cete cy ensuiuant, pource qu'incessamment elle se tournoit, retournoit d'une part & d'autre, à cause que le feu de cete amour nouvelle s'embrasa tellement en elle, que postposant toutes choses, delibera, sans plus atendre, des le lendemain faire ouverture de son martyre au Cheualier, & de fait s'il n'eût été navré, elle étoit en telle extremité, q̄ sus l'heure elle s'en fût allée coucher avec luy: Car il lui souuint à l'instant du grand plaisir qu'elle auoit autre-fois eu avec son feu mary, en moins d'un an, qu'ils furent ensemble, & en cete pensée outree de trop ardente amour, se trouua si lasse, qu'elle s'endormit iusques à ce qu'il fût haute heure.

Lors elle s'éueillâ, & suiuant sa coutume, vint voir cōme se portoit le cheualier du Nain plus craintive qu'elle n'auoit encores été, & si la nuit elle arrêtoit en elle même de se declarer à luy, le jour honte l'en détournoit, tellement que plus d'un mois durât elle se maintint en cete sorte, tant qu'une fois entre les autres, trouuât Gandalin à point, luy dît: Ecuyer, mon amy, ie vous prie par la foi que vous deués à Dieu & à vōtre maitre, me dire vne chose que ie vous demãderay de luy: laquelle ne luy pourra tourner qu'à honneur & trèsgrãd profit, & si ne sera decouverte par moy en sorte du monde. Ma Dame, répondit il, si ie la sçay, croyés que ie la vous diray: Mon amy, dit Grasinde, sçaués vous point, s'il aime aucune femme affectueusement, qui le gardât d'en aimer d'autre, s'il venoit à propos? Ma Dame, répondit il, il n'y a encores long tems que le Nain & moi sommes des siens, & autre chose ne nous a mis en son seruice, sinō la grande renommee de lui, & si nous a deffendu expressement de nous enquerir, ne de son nom, ne de ses affaires: mais que nous le seruissions sans vouloir plus sçauoir qu'il ne vouloyt que sçachions, tant y a, que nous auons déjà tant veu de prouesse en luy, que vous poués croire (sans doute) que c'est le meilleur cheualier du monde. Et ainsi que Gandalin recitoit ce qu'il auoit veu du Cheualier, elle tenoit les yeux baissés contre terre, & en soupirant se mōtroit tant pensue, qu'il s'aperceut de l'amour qu'elle portoit à son maitre. Et biē, (dît elle) ie vous prie donc me faire entendre, pourquoi il pleura l'autre jour en nōtre presence. Ma Dame, répondit il, cela lui auient souvent, & tant continuellement souspire nuit & jour, que ie m'ébaï comme il peut viure, & toute-fois ie le connois tel, & de si grand cœur, que cela ne luy procede pour crainte de peril ou entreprinse hazardeuse qu'il face: ainsi il est ayse à presumer q̄ c'est d'amour extrême qu'il porte à aucune Dame, que ie ne

connois. Si Dieu m'ayde, répondit Grasin de, ie le croy ainsi, & vous remercie grandement de ce que m'en aués dit. Or vous en allés vers luy, que Dieu luy doint aussi prompt remede à ses playes que ie voudroy auoir aus miennes. Ce disant elle se retira en sa chambre, connoissant bien qu'elle étoyt frustree de son intention. Au moyen dequoy elle delibera d'essayer par tous moyens à éteindre ce feu ja trop allumé en elle: ce nonobstant Amour y concredit, en sorte qu'elle demeura en esperance de le gagner avec le tems. Mais il auint bien autrement: Car aussi tôt qu'il se sentit fort pour porter armes, il cōmanda à Gādalín tenir son cas tout prêt, pour partir le lēdemain bien matin. Et sus l'heure entrant Grasin de en sa chambre, se mirēt à deuiser ensemble, ainsi qu'ils auoyēt de coutume, & tōbaus de propos en propos, le Cheualier du Nain lui dît: Ma Dame, ie me sens desormais tant bien, graces à Dieu & à vous, que ie me delibere, si c'ēt vōtre plaisir, partir demain bien matin, n'étant plus en peine d'autre chose, sinon à penser comme ie pourray toute ma vie reconnoitre le bien & l'honneur qu'il vous a pleu me faire. Pourtant, ma Dame ie vous supplie bien humblement, auiser, s'il y a seruice qu'il vous plaise prendre de moy, vous assurant que ie m'y employeray iusques au mourir. Quand Grasin de l'entendit ainsi parler, elle fut si triste, qu'elle ne luy peut répondre: Toutesfois à la fin, elle luy dît: Certes Cheualier à la Verde Epee, ie ne doute que ne le fîsiez ainsi, tant pour le bien que dites auoir receu en cēte maison, que pour celuy que ie vous desire qui ēt trop plus grand: & pourtant venant l'heure que i'en voudray prendre récompense, soyés seur que ie la vous demanderay priuément, sans auoir nulle crainte ne honte de vous decouvrir vne chose que i'ay iusques à present tenuē occulte dedans mon cœur. Ce pendant ie vous prie me declarer quel chemin vous voulés prendre. Par ma foy, ma

dame, répondit il, si dieu plaît, i'espere être de bien brief en Grece, tant pour voir le país, que l'Empereur, duquel i'ay ouy dire maints grands biens. Vrayement, dit Grasin de, i'aideray à vōtre entreprinse, & vous feray fréter vne nef, & mettre en si bon equipage que vous ferés bien aysément vōtre voyage, & si vous bailleray maitre Helisabel pour vous secourir, ou il vous suruiēdroit quelque inconueniēt: Pourueu que me promettiez si vous êtes sain & à vous mêmes, que vous ferés vers moy en cēte ville dedans vn an. Pas ne refusa le Cheualier ce secours: mais en remercia treshumblement Grasin de, en lui disant: Ma Dame, ie serois bien le plus chetif Cheualier du monde, si ie ne mettois peine à reconnoitre tant de biens & de graces que vous me faites, & ne m'estimois iamais digne de porter armes, si par crainte de mort, ou autre chose ie différerois d'accomplir ce qu'il vous plairoyt me commander. Ce que i'ay desir d'auoir de vous, répondit elle, sera differé iusques à vōtre retour, & si n'ēt chose qui ne vous soit honorable & profitable. Ma dame, dît il, i'ay telle cōfiance à vōtre grand vertu, que ie me tiens assuré, que ne voudriés faire autrement. Non, sus ma foy, répondit elle. Lors manda maitre Helisabel, auquel elle donna charge de faire equiper vn bon nauire, & le pouruoir de tout ce qu'il seroit necessaire pour conduire le Cheualier en Constantinople. Ce qu'il fit avec telle diligence, que le cinquième jour ensuiuant le Cheualier prenant congé de Grasin de, s'embarqua avecq' maitre Helisabel, & faisant voyle trauerserent grande partie des Iles de Romanie en la plus part desquelles ils prindrent port, & y fit le Cheualier maintes prouesses, tellement que sa renommee fut en peu de tems publiee par tout le país: mais pource qu'il n'auoit qu'vn an entier pour retourner vers Grasin de, les mariniers l'importunerent de faire diligence, luy donnans à entendre qu'il seroit impossible (faisant tant

tant de séjour)paracheuer si tôt leur voyage: Et à cete cause il delibera de ne prendre plus terre qu'il ne fût en Grece, & singlerent des l'heure en pleine mer: ou nous les laisserons à present, pour retourner aus choses qui auindrent en la grand' Bretagne, durant le long voyage d'Amadis.

IL vous a été recité au second liure, comme n'étant encores le Patin qu'un simple Cheualier, sans état, ou grande signeurie: mais en esperance seulement d'être quelque jour Empereur de Rome, la mort auenant de son frere qui n'auoyt nul hoir procréé de son corps, entreprint pour l'amour de la Roine Sardamire qu'il ay moit ardemment, le voyage de la grand' Bretagne, ou il fut receu treshonorablement du Roy Lifuart, spécialement après l'auoir conneu frere d'Empereur, & aussi comme il oublia cete premiere amour, voyant la beauté & bonne grace de la Princesse Oriane, laquelle il demanda en mariage au Roy son pere, & la réponse qui luy fut faite, par laquelle il delibera (pour se montrer entre les plus cheuale-reus) aller chercher les auantures étranges, & combattre tous Cheualiers errans qu'il rencontreroit: Au moyen dequoy trauersant la forêt ou pour lors Amadis étoit desesperé de plus voir Oriane, pour le bannissement qu'elle luy auoit enuoyé signifier par Durin, frere de la Damoiselle de Dannemarc, il se mit à chanter les louanges de la Princesse, & à se glorifier de l'amour qu'elle lui portoit selon son auis, & sus l'heure même Amadis & luy eurent combat ensemble, ou le Patin fut abatu, & depuis fort navré en la tête, qui fut cause de le faire retourner à Rome, sans repasser par la court du Roi Lifuart, laissant son mariage en suspens, iusques à vne autre-fois: Mais si bien luy auint, qu'aussi tôt qu'il fut arriué, l'Empereur son frere alla de vie à trépas, le laissant seul heritier de tout l'Empire: Parquoy il eut plus grand desir que deuant, de paracheuer ce qu'il auoit commencé, esperant qu'à l'oc-

casion du grad état ou il étoit paruenue, il obtiendrait plus aisément le mariage par luy tant désiré. Et à cete cause delibera enuoyer Embassadeurs vers le Roy Lifuart, & de nouveau demander sa fille en mariage: & à ce faire furent ordonnés Saluste Quide, Prince de Calabre, Brondariel de Roce son grand maitre, l'Archeueque de Tarente, & la Roine Sardamire, accompagnée de bonne troupe de Cheualiers, Dames & Damoiselles, pour emmener la Princesse Oriane, comme ils espyroient. Mais les choses vindrent à autre fin, ainsi qu'il vous sera cy après fait entendre plus au long.

Comme quelque tems après que le Cheualier à la verde Epee eut fait voyle en mer, & laissé les Iles de Romanie, fut ieté par fortune en l'ile du diable, ou il combatit contre un monstre apellé l'Endriague.

CHAP. X.

AYans donc les mariniers dressé leurs voyles pour tirer la voye de Constantinople, aussi tôt, (quasi) qu'ils eurent perdu de veüe les Iles de Romanie, la mer s'éleua en sorte, & si grande fut la tempête, que quelque ordre que sceussent mettre les mariniers à gouverner leur vaisseau, il fut tant agité des vens & des vagues, que plusieurs fois il cuyda tomber au peril de naufrage, & étans quasi desesperés de salut n'attendants plus que la misericorde de Dieu, furent huit jours durans, sans sçauoir ou, ne en quelle part ils étoient. Car l'orage, la grêle & la pluye étoient si épais & continuels qu'il sembloit que le ciel, la terre, & la mer se deussent assembler: mais à la fin la nef fut poussée à terre enuiron deus heures deuant le jour par si grande force, qu'elle se cuyda ouuoir de toutes pars, & demeura hors de l'eau à sec. Toutefois elle n'eut aucun mal, qui leur donna meilleure esperance qu'ils n'auoyent encores eue, iusques au lendemain matin qu'ils conneu-

LE TROISIEME LIVRE

conneurent être en l'Ile du diable, laquelle pour être habitée d'un étrange montre étoit si dépeuplée, que creature vivante n'y repairoit. Lors nouvel effroy, & plus grand de crainte de mort qu'au paravant les surprint, en sorte que peu s'en salut qu'ils ne se jettassent au profond des ondes, quand le Chevalier à la verde Epee leur demanda qui les mouoit: Helàs, Seigneur, répondirent ils, ou pensés vous être abordé? quel gouffre, quel naufrage nous eût peu avenir pire que cétuy? étans arriüés & mis au pouvoir du diable, qui en forme de monstre a ruiné & destruit cete contree, laquelle étoit l'une des plus fertiles du monde?

Comment, dit le Chevalier, ie ne voy encores chose qui vous deût étonner. Mais contés moy, ie vous prie, quel diable, ou quel montre c'est qui vous fait ainsi desesperer. Lors maître Helisabel (un peu moins épouventé que les autres) print la parole, & répondit: Entendés Seigneur, que cete Ile ou nôtre mal-heur nous a mis, fut n'a pas encores long tems, possédée par un Geant le plus grand Tyran qui fut en toutes ces Iles, lequel avoit à femme une honorable Dame, autât sage, douce, & vertueuse, qu'il étoit méchant & cruel, en laquelle il engendra une fille nommée Brandaginde, qui fut en son temps l'une des plus belles Damoiselles de la terre. Et cōbien que maints grands Seigneurs & hauts hommes l'eussent volontiers requise en mariage: neantmoins la cruauté du Geant si extreme, les en detournoit, joint que lui même ne la vouloit pas marier. Au moyen dequoy cete fille croissant en aage & desir d'experimenter quel bien lon a avec les hommes, connoissant que son pere n'étoit deliberé de la donner pour femme à personne qui la requit, fit tant par blandissemens & incestueuses monstrances, qu'elle l'atira à l'amour d'elle, & eut sa compagnie charnelle, & (qui pis est) machina la mort de sa propre mere, pour plus facilement, & sans crainte viure en l'erreur de son inceste. A quoi le Geant donna prompt

consentement: Et de fait, cete fille se trouvant grosse, un jour qu'elle & sa mere se pourmenoyent dans un verger, passans pres d'un puis profond, la poussa si rudement dedans, qu'elle luy rompit le col, & pour-ce que le peuple en murmuroit, le Geant leur dit, qu'il avoit sceu par trois de ses Dieus, l'un figuré en Leopard, l'autre en Lyon, & le tiers en homme, que de luy & de sa fille deuroit naître une creature tant redoutée par toute la contree, qu'il n'y eût de ses voisins oseroient jamais entreprendre à lui mal faire, & sous cete couleur il épousa publiquement sa malheureuse fille, laquelle peu après enfanta un montre tel que ie vous diray: Il est si plein de poil par le visage, piés & mains, qu'il semble d'un Ours: & à la reste de son cors couvert d'unes écailles si fortes & dures, qu'il n'y a trait d'arc qui le puisse offenser, & si a eles tant grandes, qu'elles lui passent le dessus du dos, dont il se couvre comme d'un écu, tellement que nul ferrement ne le peut endommager: par dessous lesquelles lui sortent piés, bras, & mains, avecques ongles trenchans, comme ceus d'un fort Lyon: & à voir ses yeus, il semble proprement de deux charbons ardans, & tant sont étincelans & rouges, qu'à la nuit lon les prendroit pour deux luisantes étoiles, & (qui plus est) il a les dens si grandes & agües, qu'il en trenche & rōpt les plus forts harnois, & mieus acérés. Au moyen dequoy il a tant fait de maus qu'il en a rendu cete Ile inhabitable, mêmeement qu'il saute & court aussi promptement qu'il sauroit faire le plus léger Cerf du monde, & si une fois il s'irrite (comme il luy aüient souvent) en combatant contre Ours, Lyons, ou Porcs sangliers, il écume, & sort de ses narines une telle & si grande fumée qu'il semble proprement être flamme de feu embrasée si puante qu'il n'y a creature vivante qui n'en soit infectée. Et à cete occasion il est fuy de tous: & s'il hurle, il fait un cry si épouventable, & grinsément de dens tant étrange, avec un tel bruit de ses eles,

èles, que c'est chose trop redoutable aus plus hardis. Ceus de cete mer l'appellent communément Endriague, lequel est tenu & réputé par eus plus pour diable, q̃ pour bête produite par nature. Trop fut ébaï le Cheualier à la Verde Epee, oyant ainsi de uiser maitre Helisabel, & ne pouvoit penser comme chose tant étrange peût auoyr été engendree d'homme à femme, n'étoit que la grauité du peché monstrueux, eut tellemēt aliené le naturel, que l'esprit malin s'y fût mis au lieu de quelque ame raisonnable: & il demāda pourquoi l'on l'auoit tant laissé regner. Je le vous diray, répondit il: tous ceus qui ont essayé de le destruire, ont cruellemēt finy leurs jours. Et faut que vous entédés que l'Empereur de Constantinople à la sujection duquel souloit être cete Ile, y a mis tout son pouuoir: mais il a trauaillé en vain. Je m'ébaï (répondit le Cheualier) que lon ne l'occît aussi tôt qu'il fut né. Entendés, dît maitre Helisabel, que se trouuāt Bradaginde enceinte, le Geant son pere fut merueilleusement aise, pensant auoir telle lignee que ses dieus luy auoyent promis: Et à cete cause il fit diligemment chercher trois ou quatre nourrices, estimant que puis q̃ son enfant deuoit être si fort, qu'il étoit raisonnable, luy donner grande nourriture: mais la mere aprochant le terme de l'enfanter, commença à sentir les plus grādes douleurs du monde. Toute-fois le Geant & elle prenans tout en bonne part, cuydoyent que ce mal ne procedoyt seulement que par la force de l'enfant, lequel étant à terme sortit du ventre de sa mere si épouventable, que toutes les autres femmes presentes s'en ébaïrent: ce non obstāt pour crainte du Geant elles l'enueloperēt en riches langes: & luy bailla l'une des nourrices pour l'alaiter, laquelle il tira tāt, sans la lacher, que quelque cry qu'elle fit, ou force qu'elle y mît, lui sucça le pur sāt du cors, en sorte qu'elle tomba morte sus la place: autant en fit à la seconde & la tierce, qui toutes moururēt tāt de la poi-

son de lui, que de la violēce qu'il leur faisoit. Ce que lon enuoya dire au Geant, lequel ébaï de ces nouvelles, vint à recours vers ses Dieus, ausquels après auoir sacrifié selon sa coutume, leur demanda pourquoy ils luy auoyent donné lignee tant monstrueuse: Celuy qui ressembloyt à l'homme, répondit: Il étoit necessaire qu'il fût tel, à fin que tout ainsi que mes œuvres sont étranges & admirables, les siennes soyent telles, & conformes aus miennes, specialemēt pour destruire tous Chrétiens. Voi là, pourquoy il a eu la semblance humaine à qui tous animaux donnent obeissance. Et moy, dît l'autre, pour te fauoriser, luy ay voulu donner la force de Lyon qui me ressemble. C'est ce qui me meurt, dît le tiers, de l'armer d'ailes & ongles trenchans & agus, à ce qu'à l'imitation de moy, qui tiens du Griffon il soyt maitre, & domteur de toutes les creatures qu'il pourra rencontrer, & à tant te fusise, sans plus t'étonner pour la mort de troys femmes qui l'ont alaité. Mais fai-le nourrir desormais du lait de tes troupeaus jusques à vn an, auquel tems il sera tant beau, & si bien formé, qu'il ressemblera a nous trois ensemble, qui sommes cause de sa creation. Et ce pendant, garde sus ta vie, que toy, ta femme, ou autre que celle qui aura soing de luy, ne le voye, autrement mal t'en pourra auenir. A cete cause le Geant voulant obeïr au commandement de ses Dieus, pourueut diligēment à tout ce qu'ils luy auoyent ordonné: par le moyen dequoy fut nourry & élevé ce mal-heureus monstre vn an entier, dans vne chambre bien close, lequel tems acōply, & étant la mere auertie par celle qui en auoit le gouvernement, qu'il étoit deuenu grand & fort outre nature, eut tel desir de le voir, qu'elle y fit condescendre le Geant, & entrerent eus deus en la chambre ou il étoit nourry, lequel voyant sa mere, vint lui sauter au col, & de ses fors ongles la défigura, en sorte qu'auant que son pere y peût mettre remede, il la fit cruellement

LE TROISIEME LIVRE

lement mourir. Parquoy le Geant trop irrité luy courut sus pour le tuer : mais en luy iettant vn coup de toute sa force , il rencontra sa propre iambe, & se la coupa, dont il sentit telle douleur, que tombant en terre rendit l'esprit, & à l'instant mêmes l'Endriague trouvant la porte de la chambre ouverte, s'en fuyt en la montaigne, laissant tous ceus du château infaits de son poison, & depuis a fait tât de mauscy à l'entour, que tous les habitans de cete contree ont été contraints abandonner le país, ou mourir de malle mort. Voyla comme cete Ile ét demeuree deserte, depuis quarante ans que ce monstre malheureus fut produit sus la terre, ainsi qu'aués entendu. Sus ma foy, répondit le Cheualier, vous m'aués recité merueilles, & en cela nôtre Seigneur montre bien après qu'il a vsé de longue patience , en attendant l'amendement des pêchés des hommes, les voyans endurcis, & du tout obstinés, en prend souvent trédure vengeance. Toutefois si ne sortiray-ie de ce lieu que ie n'aye combatu cêt Endriague, & végeray (si ie puis) tout à vn coup ceus à qui il a fait mal , afin que cete Ile puisse être repeuplee de quelques gens de bien, qui serviront deuotement à Dieu . Et pour-ce qu'il étoyt dé-jà haute heure, il delibera atendre le lendemain. Au moyen dequoy la compagnie ne bougea du nauires, en grande crainte toute-fois, tant de la mer, qu'ils voyoyent enfler & irriter de plus en plus, que du monstre, lequel venoyt plus ordinairement à l'endroit de l'Ile, ou ils étoient qu'en nul autre lieu. Puis état la nuit passée, & se montrant l'aube du jour, il demanda ses armes, & ouyt deuotement la messe. Lors apella tous ceus du nauires, & leur dît: Mes amys, ie m'en vois droit au château chercher le monstre , & s'il plaît à Dieu, i'auray la victoire de lui. Et pour-ce qu'il me semble que de deus ou trois jours, nous ne pourrions rentrer en mer , ie suis deliberé, si ie trouve le château encores habitable, de vous venir

querir à ce qu' attendant le calme , vous puissies repoeser en seureté. Adonc monta à cheual, & prenant Gandalin pour toute compagnie, s'en alla contremont la roche, ou il auisa incontinent la forteresse, vers laquelle il s'adressa: mais il n'y trouua bêtes ne gens. Parquoy après l'auoir bien visitée, & voyant qu'elle étoit encores assés bien close, retourna soudain vers ceus du nauires, & les y fit tous venir avec viures pour trois jours: puis le commandant à Dieu leur dît: Tenés vous sus vos gardes le mieus que vous pourrés : car ie m'en vois acheuer mon entreprinse, vous auisant, que si i'ay bonne fortune, Gandalin sonnera sa trompe, lors soyés seur que l'Endriague ét mort, & moy vif, & si le contraire m'auient , il ne sera ja besoing de vous en donner aucun signal: car vous le sçaurés assés tôt. Ce pèdant, priés Dieu pour moy, & pour vous mêmes. Lors se mit en chemin laissant les autres pleurans & tristes pour le peu d'esperance qu'ils auoyent de son retour. Mais si quelqu'un en portoit ennuy, ce n'étoit riē au respect d'Ardan le Nain , lequel étant contraint laisser le Cheualier, par le commandemēt qu'il lui auoit fait, commença à demener vn tel dueil, que chacun auoit compassiō de lui, & disoit: Helàs, ne suis ie pas la plus mal-heureuse creature du monde, quand lors que i'ay plus d'ocasion suiure mon maitre, ne l'ayant oncques abandonné, il me defend, & veut que l'atende, cōme s'il s'étrangeoit de moy ? Lors maitre Helisabel fit chacun mettre en oraison, & tandis le Cheualier & Gandalin trauesoyent halliers & buissons, sans rien trouver, & étoit Gandalin tant triste, que le Cheualier voyant qu'il pleuroit, lui dît: Gandalin, il semble à voir ta contenance que tu ayes peur de mourir, étant avecq' moy: ie te prie, beau Sire , retourne avec les autres, & m'atens là. Et si ces larmes viennent pour doute que tu ayes , que ie ne puisse venir au dessus de ce monstre, assure toy que l'esperance que i'ay en la

la misericorde de Dieu, & le souvenir de ma Dame, laquelle s'êt maintenant representee deuant moi, comme il me semble, me donne tant d'effort, que ie combatois le diable mêmes, si ie le trouvois:

Car il m'êt auis, que ie la voy au danger de l'Endriague, & que ie suis icy pour la defendre. Estimes tu donc que ie la voussisse laisser outrager? veu que d'elle & non d'autre, dépend toute ma vie, & mon seul bien? Ne sçais tu qu'elle a été cause de toutes les armes que ie fis onc? & de tant de perils que i'ay euités plus grans que céruy? Croy moi: que ie sens mes forces redoubler, & mon esperance croître, sentant d'elle ce que ie t'ay déclaré. Or ne crains doncques plus, & appelle & crie le plus haut que tu pourras, à ce que l'Endriague te puisse entendre, & venir promptement vers nous, s'il êt en ces parties. D'une chose te vueil bien fort prier, c'êt, que si ie meurs, tu trouves moyen de porter à ma Dame le cœur qui êt entierement sien, & luy dy que ie luy enuoye, à ce que cōparoissant deuant Dieu, il ne dye que ie luy presente chose qui n'êt pas mienne.

Quand Gandalin ouyt cete parolle, il eut le cœur si serré, qu'il se cuida pâmer, desirant plus tôt sa propre mort, que se voir en peine de faire ce que son maitre luy commandoit. Et comme ils étoient en ces termes, ils virent sortir l'Endriague d'un creus rocher, iettant par les yeus & de la gueule vne flambe & fumee si puante, que tout l'air à l'entour en étoit infait: & aussi tôt qu'il les découvrit, il vint vers eus chiflant, & hurlant d'une façon tresamirabile. Toute-fois le Cheualier ne s'en étonna, mais marcha droit à lui: & tandis Gandalin s'enfuyt cacher, pensant q son maitre ne rechaperoit iamais deuant cete bête tant furieuse & horrible, de laquelle le Cheualier ne peut oncques faire approcher son cheual. Au moyen dequoy il mit promptement pied à terre, & prenant sa lance à deus mains s'adressa à l'Endriague auquel de bonne fortune il ietta vn coup

à l'œil gauche, & le luy creua. Lors l'Endriague fit vn haut cry, & en se leuant sus les patés de derriere, saisit la lance si rudement qu'en la cuydant mettre en sa gueule pour micus la briser, il se donna du fer dans l'ouye si auant qu'il se perça la langue, & luy demeura le tronçon entre ses dens. Ce nonobstant il fit vn grand saut pour surprendre le Cheualier: mais il se retira à côté, & mettant la main à l'épee, luy donna de toute sa force sus l'épaule droite: Toutefois il luy sembla fraper vn roc, & l'eût l'Endriague à l'instant prins aus dens: mais à l'ocasiō du fer & de partie du fust, qui luy étoit demeuré en la gorge il ne peut tenir serré. Et ce qui lui nuisoit encores d'auantage, étoit le sang qui luy entroit dedans le gosier en si grande abondance qu'il perdoit aleine. Neantmoins il arracha l'écu du col au Cheualier si rudement, qu'il lui fit donner des mains cōtre terre, & ainsi qu'il s'amusoit à le dépêcher & briser en pieces, le Cheualier se relena, & prenant son épee à deus mains, luy en donna sus le haut de la tête: mais elle y entra comme sus vne enclume. Lors pensa bien en soy-mêmes, que si Dieu ne luy aydoit: qu'il traucilleroit en vain: car il ne voyoit endroit ou il le peut endōmager, qu'à l'autre œil qui luy restoit sain, & à cete cause se tira à côté, luy iettant vn coup d'étoe droit au mufle, & l'adressa si bien, qu'il entra dedans l'une des narines (qu'il auoit grandes & ouvertes) si auant qu'il lui perça le cerueau: ce nonobstant l'Endriague le saisit au trauers du cors, & avec ses ongles trenchās lui froissa le haubert & la chair iusques aus os: & ne faut douter qu'il l'eût mis à mort, si le sang qui luy entroit continuellemēt dans l'estomach ne l'eût étouffé. Au moyen dequoy il tomba à la renuerse, lachant sa prinse. Et ainsi qu'il rendoit l'esprit, le diable lui sortit du cors faisant vn si haut son de tonnerre, que toute l'île en retentit. Parquoy ceus qui étoient au château, cogneurent bien, que le Cheualier étoit au

LE TROISIEME LIVRE

au combat, & encores qu'ils fussent en lieu assés seur & bien clos, si n'y eut il celuy en la troupe, qui ne fût surprins de trégrad peur. Etant doncques l'Endriague defait, le Cheualier se releua, & cuidant s'approcher de Gandalin qui venoit vers lui, tomba éuanouy tout joignât vn petit ruisseau qui deualoit de la montaigne. Lors Gādalīn pensant qu'il fut mort, commença à faire le plus grand dueil du monde. Toutesfois étant près de lui, il vid qu'il aspirait encores. Au moyen dequoy il le desarma. Lors le Cheualier reprint ses esprits & appellant Gandalin, luy dit: Mon amy Gandalin, tu vois maintenant la fin de mes jours: ie te prie par la nourriture que j'ay receu de tes pere & mere, que si tu m'as été loyal en la vie, que tu sois tel à la mort, prenant mon cœur ausi tôt que ie seray transi, & le porte à ma Dame, luy disant, que puis qu'il se rendit sien du même jour que premier ie la vy, & depuis a continué de mieus en mieus à la servir, tāt qu'il a demeuré ensermé en ce triste cors, sans se trouver oncques las de luy obeir, qu'elle le recoiue en souvenance de celuy qui en atoit la garde de par elle: ce faisāt, ie croy que mon ame en aura plus de repos en l'autre monde. Et comme il vouloit dire plus, la parolle luy faillit, & demeura de rechef éuanouy. Lors Gandalin (sans s'amuser a luy répondre) monta soudain au haut de la roche, & sonna le cor qu'il auoit porté (pour donner le signal de la mort de l'Endriague) si haut que Ardan, lequel étoit à l'heure au sommet d'une des tours du château, l'entendit: Au moyen dequoy il courut en auertir maitre Helisabel, le supliāt aller secourir son maitre, qui (peut être) auoyt grande nécessité de luy, & à cete cause maitre Helisabel prenant les appareils qu'il auoit faits, monta à cheual, tirant le plus tôt qu'il peut au lieu ou le son de la trompe auoit été entendu: mais il n'eut longuement cheminé qu'il aperceut Gandalin qui le venoyt hāter, lequel lui écria de loing: Helās, mai-

tre Helisabel, l'Endriague est mort: mais si ne pouruoyés promptement à mon Signeur c'est fait de luy. Pourquoy? répondit il. Helās, dīt Gandalin, il a déja tant perdu de sang, qu'il ne parle plus. Trop fut dolent maitre Helisabel de ces nouvelles, & courut promptement la part ou gisoit le Cheualier, tant affoibly qu'il n'auoit plus de pous, toutes-fois il auoyt les yeus ouverts: parquoy pour le renforter, maitre Helisabel luy dīt: Comment Cheualier, voulés vous auoir si peu de cœur à ce besoing, après auoir mis fin à vne si haute entreprinse? Ne sçaués vous que ie suis icy pour vous rendre en bonne santé, & de bref, s'il plait à Dieu? Quand le Cheualier l'entendit, il cuida répondre: mais il ne peut. Lors le mirent doucemēt sus vn manteau, puis le desarmerent, & voyāt maitre Helisabel ses playes les trouua tant grandes & si dangereuses qu'il eut grand doute de le pouoir sauuer. Neantmoins il se delibera d'en faire tout son possible, & des l'instant y appliqua tels vnguens, qu'il étācha le sang, & lui apaisa la douleur en sorte que la parolle lui reuint, & d'une vois foible dit assés bas, Ah ah, signeur Dieu, qui pour me racheter printes chair humaine au vêtre virginal, & depuis endurātes tant grieue & abominable passion, ie vous suplie auoir pitié de mon ame: car ie connois bien que mō cors n'est plus que terre. Vrayement Cheualier, répondit maitre Helisabel, vous aués raison de vous recommander à lui, veu que par son aide vous aurés brieue guerison. Et ainsi qu'il acheuoit ce propos, aucuns des mariniers suruindrent, qui lui firent vne li tierie à bras, telle qu'ils peurent, & l'emporterent au château, puis le mirēt en son lit, tāt hors de soi, qu'il ne sentit chose qui bien lui fit, & demeura ainsi toute la nuit se plaignant continuellement cōme celui qui enduroit beaucoup, sans toutefois dire vn seul mot, puis sus le point du jour, se mīt à dormir. Parquoy maitre Helisabel fit retirer chacun de la chambre, pour

ne faire bruit, & se tint coy, tout au plus près de lui iusques à ce qu'il l'entendit réuer, criant: Gâdalin, garde toi de ce diable tant cruel & dangereux. Lors il s'aprocha & luy dît: En bõne foi si vous fus siés aussi bien gardé que lui, vòtre santé fut meilleure, & vòtre remommée beaucoup moindre. À cète parole le Cheualier ouurit les yeus, & cõeut maitre Helisabel, auquel il dît: Maitre, ou sommes nous. Ou: répondit maitre Helisabel, en lieu ou vous porterez bien, si Dieu plaît, & voyant qu'il étoit hors de sa fievre, lui fit apporter à manger prenant telle sollicitude de luy, qu'auant qu'il fut nuyt il reuint en sa memoire, & commença à connoître & à parler à chacun: Parquoy Helisabel vit bien que le dâger, étoit étaint, dont il n'y eut celui qui n'en rendit grâces à Dieu, & de là en auant se trouua en sorte, qu'il continua de biẽ en mieus: tous tefois il demeura vint iours couché sans se leuer aucunement. Mais à la fin Helisabel connoissant que sans le peril de sa personne, il pourroit endurer la Mer, mêmes que les viures leurs commençoient à faillir, vn iour deuisans ensemble, il lui dît. Mon Seigneur, grâces à Dieu, vous en allés guerir du tout, & selõ mō auis (pourrés quand il vous plaira) rentier en vòtre nauire, ce que ie vous conseille: car nos victuailles sont si courtes, que si ne délogeons promptement, elles nous faudront du tout. Aha mō grand amy, répondit le Cheualier, ie puis biẽ dire qu'après Dieu, vous êtes celui à qui plus ie suis tenu, m'ayant deluré du grand danger ou i'ai été: aussi m'assurai ie bien, q̃ tant que i'aurai l'ame au corps, vous aurés vn Cheualier en moy, bien prêt à s'ẽployer pour vous sans y reseruer peril, ou dâger quelconque, veu que vous aués tant fait pour moi (ne me connoissant autre que simple Cheualier sans moyen, n'ayant pour tous biens qu'un méchant harnois rôpu & decloué) qu'il ne fera iour de ma vie que ie n'essaye à le reconnoître. Mon Seigneur,

Am. 3.

dît Helisabel, vous dirés ce qu'il vous plaira de vous mêmes, tant y a que ie m'estime plus heureux qu'autre qui me ressemble d'auoir sauvé la vie (après Dieu) au plus gentil Cheualier qui oncques monta sus détrier, ce que i'oseray dire publiquement, vous ayant veu entreprendre & paracheuer choses incroyables à toutes personnes: mêmes que ie suis tout assuré que d'icy en auant, maints à qui on aura fait tort ou iniure, seront sousténus par vous, qui autrement demureroyent sans aucune esperance. Par ainsi, étant cause de tel bien, ie me tiendray pour mieus recompensé, que si j'auois tous les trespors du monde ensemble. Mon grand amy, répondit le Cheualier, laissons ces louenges pour quelque autre, à qui (peut être) elles seront mieus deuës, & me conseillés, ie vous supplie, sus ce q̃ i'ay delibéré de faire, ainsi q̃ ie le vous feray entendre. Vous sçaués qu'à trẽgrand regret ie party de l'Île de Romanie & q̃ par l'importunité seule des mariniers, nous fimes voyle pour passer outre, & prendre la voye de Constantinople, de laquelle toutefois le vent & tempeste nous éloigna tõt après. Ce neantmoins, pour peril ou ie me sois trouvé, ie n'ay en rien amoindri le vouloir de poursuyure ma premiere deliberation, en sorte que si vous n'y contredisès ie suis plus prêt, que ie ne fus oncques à rentrer en mer pour tirer en Grece, ou ie verray volontiers l'Empereur, & les singularités de ses païs, chose peu commune entre les Cheualiers de nôtre Gaule. Pourtant mon grand amy, ie vous supplie soyés content que nous adressions celle part, à la charge de retourner vers Grâsinde, toute-fois

& quantes qu'il vous plaira,
suyuant ce que nous luy
auons promis à
nôtre partement.



F

Comme

LE TROISIEME LIVRE

Comme le Cheualier à la verde Espee, fit entendre à l'Empereur de Constantinople (à qui appartenoit l'Ile ou il auoit occis l'Endriague) la fortune & grande victoire qu'il auoit eue, & des choses qui lui auindrent depuis.

CHAP. XI.

QVand maitre Helisabel entendit la volonté du Cheualier à la Verde Espee, qui tédloit tous jours à aller vers l'Empereur de Constantinople, il luy dît: Certes mon Seigneur, ie suis doncq d'auis que vous lui écriuiés vne lettre l'auisant cōme par vōtre moyen, & la grace q̄ nōtre Signr vous à faite, vous aués delivré ce pais de la seruitude & suiection du dyable. Mon grād amy, répondit il, ie sçay qu'il vous connoît de long tems, quand à moi il ne me vit oncq: pourtant faites luy vous mêmes telle lettre que bō vous semblera, & ainsi que la sçaurés biē deuifer. Ce q̄ maitre Helisabel lui acorda, & sus l'heure écriuit bien au lōg à l'Empereur, toutes les auentures qu'auoit eues le Cheualier, depuis leur partement de Grasinde, spécialement comme (quasi miraculeusement) il auoit combatu & deffait l'Endriague, mōtre plus dyabolyque qu'humain, lui supliant de la part du Cheualier enuoyer, gēs pour repeupler le lieu tant desert, & le faire nōmer de là en auant, l'Ile sainte Marie. Puis bailla la lettre à vn siē Ecuyer son parēt, luy commandant s'en aller vers l'Empereur, & retourner le plutōt qu'il seroit possible, avec viures pour rauitailler leur nauire. Lors s'embarqua, & eut vêt si à propos, q̄ le troyisième iour ensuyuāt, il arriua en Cōstantinople, ou étoit l'Empereur, auq̄l après auoir fait la reuerēce, presenta la lettre de maitre Helisabel & lui dît: Sire, maitre Helisabel (vōtre treshumble & affectionné seruiteur) vous enuoye cēte lettre, de laquelle (comme i'espere) vous receurés trégrand plaisir. Adonc la print l'Empereur & la leut. Mais il fut si ébaï d'entendre que l'Endriague étoit de-

fait, qu'il commēça à dire tout haut: Sus mon Dieu voicy étranges nouuelles. Or étoient là presens (entre autres) deus ieunes Princes ses plus familiers, l'vn nommé Gastilles son neveu, fis de la Duchesse de Gāastre sa sœur, bon Cheualier entre les meilleurs, & le Comte Saleuder frere de la belle Grasinde, lesquels il tira à part, & leur monstrant la lettre de maitre Helisabel, leur dît. Le Cheualier à la verde Espee, duquel lon parle tant, à occis en combat l'Endriague, que ie trouue fort amirable: & pour ce que ce messager a veu de ses propres yeus, comme le tout ét passé, ie vous prie qu'il nous en die ce qu'il en sçait. Sus ma foi, répondit Gastilles, cēt chose vrayement mal aysee à croire: Car il ne fut oncques leu, qu'un homme mortel combatit vn dyable à cōus d'épee, dont il soit venu au dessus, & pourtant s'il ét ainsi que maitre Helibel vous l'écrit, & q̄ tel personnage vous face l'honneur de venir en vos pais, vous lui deués faire le meilleur recueil, duquel vous vous pourrés auiser. Je vous diray, dît l'Empereur, ie suis d'auis, que vous & le Cōté Saleuder, allés au deuant de lui, iusques en l'Ile ou il ét demeuré malade, & menés tel equipage que bon vous semblera, pour l'amener quant & vous avec viures & autres choses que verrés estre nécessaires. Mais sus tout n'oublés quelque excellent Paintre, pour tirer au naturel cēte bête horrible, à ce que s'il n'et possible nous l'aporter, ils nous la puisse représenter au plus près du vif qu'il pourra. Car i'ay delibéré faire dresser au lieu mêmes ou elle a été defaite vne haute colōne de Bronze, en laquelle le Cheualier qui l'a combatuē sera él eue, & elle semblablement, avec lettres, pour connoître au tēs auenir, comme le tout s'et passé. Et à cēte cause ie vous prie faire la meilleure diligence que vous pourrés, pource que ie ne scrai iamais à repos, que ne m'ayés faiti-fait en ce q̄ ie vous prie & commande. Lors les deus Cheualiers cōnoissans le

vou-

vouloir de l'Empereur, donnerent si bon ordre à leur nauigatiō, que le lendemain des le plus matin ils s'embarquerent, & sans tarder firent voile, avec si bon vent qu'en peu de iours ils prindrēt port en l'Ile sainte marie, ainsi nouuellemēt apelée à la requeste du Cheualier à la verde Epee, lequel auerty de leur venuē alla, les receuoir, leur faisant tout l'honneur, dont il se peut auiser, spécialement au Comte Saleuder, sçachāt qu'il étoit frere de Grafinde, & combien qu'il fut maigre & defait, pour la longue maladie qu'il auoit eue, si le trouverēt les Grecs l'un des plus accomplis Cheualiers qu'ils eussent oncques veu. Et à cete cause, apres les bien venuēs faites d'une part & d'autre, Gastil les print la parole, & luy dit: Sire Cheualier, l'Empereur mon oncle, nous enuoye par deuers vous eypressément, vous remercier de par luy, du bien que vous aués fait à toute cete contree, si long tems destruite & ruīnee: & au surplus, pour le trégrand desir qu'il a de vous voir, il vous prie tant que luy ēt possible que passés en Constantinople, où il vous fera tout l'honneur duquel il se pourra auiser. Signeur Gastilles répondit il, i'ay tant ouy parler de la bonté & magnificence de l'Empereur, qu'encores que ie ne l'aye oncques veu, si ayie grād desir de lui faire seruice, & m'employer en ce qu'il lui plaira me cōmander. Ie vous prie aussi, dīt Gastilles, me faire voir l'Endriague, pour lui en porter le pourtrait au vif, comme le sçaura bien faire le Paintre que i'ay expressement fait venir quant & moi. Ie vous dirai, répondit le Cheualier, voici maitre Helisabel qui vous conduira là ou il ēt, & Gandalin aussi qui étoit present quand ie le combati: Mais ie me doute qu'il soit si infait, que vous n'en pourrés aysément approcher. Si y essayerons nous, dīt le Comte Saleuder, pour en dire des nouuelles à ceus qui s'en treuuent tant ébaïs. Lors le Cheualier voyāt leur volonté tāt arrêtée pria maitre Helisabel de les mener au

propre lieu ou il a uoit été assailli, & de leur faire le tout entendre. Adonc monterent à cheual: car c'étoit assés loing du château du Geant: & en allant Gandalin leur recitoit comme le Cheualier l'auoit au commencement combatu, la doute qu'il eut de luy, & le peu d'esperāce qu'il se donnoit du retour de son maitre. Et en acheuant ce propos ils arriuerent ou gisoit mort l'Endriague tāt puāt, que si maitre Helisabel ne leur eut baillé aucūs preseruatifs, ils eussent été en danger de leurs personnes. Lors le visiterent à leur aise, tandis que le paintre le pourtrayoit, qui y besongna d'un tel art, qu'il n'y rétoit que la vie: mais tant plus ils le regardoyent, & plus trouuoyēt le cas amirable, en sorte qu'ils ne l'eussent peu comprendre, s'ils n'eussent veu de leurs propres yeus. Puis retournerent vers le Cheualier à la verde Epee, ou ils seiournerent trois iours entiers, visitās l'Ile de toutes pars, & le quatrième ensuyuant s'embarquerent avec si bon vent, qu'en peu de iours ils prindrēt port en Constantinople, dequoy auerty l'Empereur, enuoya cheuaus & montures pour conduire le Cheualier vers lui, & lui mêmes vint le receuoir avec bonne & grosse troupe de Princes & grāds Signrs. Lors le Cheualier luy voulut baiser les mains: mais il l'ēbraça, lui disant qu'il fut le trébien venu, comme celui qui par ses prouesses meritoit bien tenir le reng du plus grand Signr du mōde: car si moi (disoit l'Empereur) & ceus qui me ressemblent, sommes constitués en préeminence & autorité d'Empereurs, ou de Roys, ce nous ēt venu par le moyen de nos predecesseurs, qui nous ont aquis & cōserué tel bien: mais vous, ayant fait tant de grādes cheualeries, êtes digne, non seulement d'un Empire: ains de la monarchie du mōde. Sire, répondit le Cheualier, vous aués pouuoir de me depaindre cōme il vous plaira: toute-fois tout tel que ie suis, ie desire demeurer vōtre humble seruiteur. Que pleut à Dieu auoir le moyen de

LE TROISIEME LIVRE

vous faire connoître, combien i'ay le desir grād à faire chose qui vous soit agreable. Adonc l'empereur le mena en son palais, & le cōduit en vne chābre, qu'il auoit fait acouter pour le recevoir, laquelle étoit tant belle & bien paree, qu'il n'auoit oncq' veu sa semblable, fors celle d'Apolidon en l'Ile Ferme. Puis se retira, laissant pour l'accompagner Gastilles & le Comte Saleuder. Lors vint trouuer l'Imperatrix, à laquelle il fit entendre que le Cheualier à la Verde Espee (duquel lon parloit tāt) étoit arriué, à qui il deliberoit faire tout l'honneur & bon traitement dont il se pourroit auiser & pourtant, ma Dame, ie vous prie (de vōtre part) ne vous épergner à luy faire la meilleure chere, que vous pourrés, faisant mettre en bon equipage vos femmes, à ce qu'il ayt meilleure enuie de demeurer en cete court: car outre ce qu'il êt estimé le meilleur Cheualier du monde, & qu'il a remis en mon obeissance cete belle Ile dépeuplee de si long tems, si ne me puis ie persuader qu'il ne soit quelque grand Seigneur déguisé, pour mieus voir l'étāt des Princes étrangers: pourtant ie le vous recommande, tant qu'il mêt possible. Monsieur, répondit elle, puis qu'il vous plait i'essayerai à faire ce que me commandés. Or étoit il déja tard, & se trouua le Cheualier las du trauail de la Mer: au moyen de quoi il ne partit pour le iour de sa chambre iusques au lendemain matin qu'il vint trouuer l'Empereur, à la messe, lequel le mena de là voir les Dames, qui toutes lui firent trébon recueil, mēmement l'Imperatrix. Mais il se mit à genous deuant elle pour luy baiser les mains, & ainsi qu'elle le souzleuoit, il lui dît: Ma Dame entre les graces qu'il a pleu à Dieu me faire, i'estime cete cy l'vne des premieres, quand il m'a donné le moyen de pouoir voir la magnificence de la court de l'Empereur (renommé par tous les endroits du monde) avec tant bon visage & gracieus traitement, que ie me soucie beaucoup com-

me il sera en ma puissance de le pouoir iamais reconnoître, par quelq' seruice qui luy soit agreable. Que pleut à Dieu auoir moyen de vous declarer en bon langage Grec cōme ie suis, & desire demeurer sien & vōtre! Mais le peu qu'il y a q' ie suis en cete cōtree, excusera le mal parler, & l'efait de chose en quoi il vous plaira m'employer, témoignera du bon vouloir. Cheualier à la verde Epee, répondit elle, l'Empereur vous à de long temps désiré en sa compagnie, & voudrois bien que eussies bonne enuie de vous y tenir longuemēt. Et entrās de propos en propos, elle qui étoit sage & curieuse d'entēdre toutes nouuelles, mēmes les façons de faire des païs étrāges, s'enqueroit à lui de maintes choses. A quoi il sceut répōdre si discretēmēt & avec vne telle grace, qu'elle disoit en soy mēmes être impossible qu'il y eut en luy autant de prouesse que de prudence. Ce pendant l'Empereur entretenoit la Roine Menoresse, & autres des principales Dames, auxquelles il dît. Pourriés vous faire tant de bon acueil à nōtre nouveau Cheualier qu'il voust deormais être des nōtres? Certes vous feriez (peut être) l'vne des plus belles conquestes que Damoisselles sçauroient faire: car i'ay entēdu qu'il n'a craint souuent se mettre au danger de la mort, pour soutenir le droit de toutes celles de qui il a été requis. En bōne foy, répondit la Duchesse mere de Gastilles, toutes donc lui sommes obligees, puis qu'il êt si prompt à defendre & mettre la main à l'épee, pour toutes celles qui en ont besoing, & Dieu par sa grace le vueil le garder de mal, & augmenter en grande renommée. Là suruint Leonorine fille unique de l'Empereur (accompagnee des deus filles du Roi Barandel de Hongrie) laquelle étoit tant bien paree, & d'acoutremens & de beauté, que cetoit vne perle entre les pl⁹ belles Princesses du mōde, & ce qui augmētoit plus la perfectiō d'elle, étoit la prudence & bonne grâce qu'elle auoit. Au moyen de quoi chacun auoit grand

grand plaisir à la voir, & plus encores à la hanter. A son arriuee fit vne grande reuerce à l'Empereur, puis à sa mere, aus piés de laquelle elle se vint seoir. Adóc le Cheualier ieta l'œil sus elle & se va souvenir quád Oriane fut laissée par le Roi Lisuart en Ecoce, qui pouvoit lors être de son âge, auquel tems Amour raut sa liberté pour l'vnir du tout à elle, & soudain se représenterent deuant ses yeus toutes les faueurs d'amitié & gracieus traitemēt qu'il receut depuis leur connoissance, & n'étāt en rien son affection amoindrie, n'étainte (pour quelque laps de tems, ou distance du país: mais plutôt augmentee) tomba en tel accessoire, qu'il demeura tout pēsis, & en cete melancolie disoit en soi-mêmes: O heureuse prison! en laquelle mon esprit s'ēt librement & par grand' raison captiué, pour rentrer en plus de liberté! O douce mort, ocaſion de double vie, prōpt souvenir, qui rend couverte cete tant affectionnee amour! pauvre Amadis éloigné de ton seul bien, que pēsēs tu desormais? veus tū empêcher l'issuē de ta vie, par laquelle tu euiteras tant de miseres? Ah ah Oriane exemplaire de toute vertu, vōtre absence m'ēt tant grieve, que ie n'espere iamais recouurer ioye. Disant cete parole, ieta vn haut soupir, & commença à lar moyer. Ce q̄ voyāt l'Empereur, fut tout émerveillé, pensant qu'il lui fut suruenu quelq̄ nouuel accident: mais il l'aperceut quasi à l'instant reuenir à soi & faire aussi bon visage qu'au precedant, hōteus (toute-fois) d'auoir été decouvert, qui donna plus d'enuie à l'Empereur de sçauoir, dōt telle mutation, & si soudaine, luy étoit procedee, & demanda à Gastilles qu'il lui en sembloit. Sus mon Dieu, Sire, répōdit il, ie ne sçay que penser, & suis ébaï comme vn tel hōme à eu si peu de discretion deuant si grāde assemblée. Assurés vous, dīt l'Empereur, que ç'a été amour qui luy a (peut être) représenté celle qui a toute puissance sus lui. Il peut bien être, répōdit Gastilles, & pour vous en mettre hors

Am. 3.

de doute, demandés à maitre Helisabel ce qui en ēt. Lors le fit apeller, & lui dīt: Helisabel mon amy, i'ay grand desir d'entendre par vous, vne chose que ie vous prie (par la foi q̄ deués à Dieu) me declarer, si vous la sçaués, & ie vous iure sus mon ame qu'elle ne sera par moy decouuerte non plus qu'au parauant. Sire, répōdit il, vous poués croire que ie ne vou drois mentir à vn tel personnage q̄ vous, & ne sache chose que ie ne vous die librement. Sçaués vous, dīt l'Empereur, pour quoi à pleuré n'agueres le Cheualier à la verde Espee? le vous prie, beau sire, ne me le celer, & si c'ēt pour necessité qu'il aye, assurés-vous que i'y pouruoiray, en sorte qu'il aura ocaſion de chasser sa melancolie, Sire, répōdit il, celà ne vous puis dire, veu que c'ēt l'homme q̄ ie vi onc plus couuert es choses qu'il ne veut manifester, & qui mieus dissimule ses fātāsies & encores que ie l'aye veu souvent en extrémité telle qu'il sembloit à force de soupirer q̄ le cueur luy deut partir en deus, si ne m'a il iamais été possible d'en sçauoir la cause. Tant y a que ie pense que ce soit force d'amour qui le tourmente ainsi, se trouvant, peut être, loing de celle qu'il aime. Certes dīt l'Empereur, ie le croi bien. Que pleut à Dieu, que ce fut de quelque Dame de ce país: car ie lui ferois tant de biens qu'il n'y a Roi, Prince, n'autre grand Seigneur, qui ne s'estimāt heurs de lui donner sa fille en mariage, & moy de le pouoir arrêter en ma compagnie, & si de tant vous le poués gaigner, assurés vous (maitre Helisabel mon amy) que ie vous feray connoitre combiē i'auray le seruice agreable que vous me ferés en cēt endroit, & vous prie vous y employer. Sire, répōdit il, i'y feray ce que ie pourrai. Lors se leua l'Empereur, & s'approchant de l'Imperatrix, la tira à part, lui disant: Ma Dame, vous aués peu voir (aussi bien que moy) la tristesse en laquelle ēt n'agueres tōbé le Cheualier à la verde Espee, & si ne sçay qui l'a meū, de ce faire:

F 3

par-

parquoi ie vous prie trouver moyen de le sçauoir, & aussi qu'il s'acorde de demeurer avec moi, l'assurant qu'il ne lui sera épergné chose qu'il demâde. Monsieur, répondit elle, il sera meilleur, ce me semble, que demain ie luy en parle, & non plutôt: car ie le prendray si à propos, qu'il aura bien affaire à me refuser. Ce pèdant ie l'entretiendrai de sorte, que vous & moi aurons de lui ce que nous voudrons. Ie vous en prie, dît l'Empereur. Ainsi passerēt tout le iour faisās le meilleur entretiē au Cheualier, dont ils se peurent auiser, & le lendemain après dîner, l'Empereur le ramena chēs les Dames, ou de premiere rencōtre il fut chargé de l'Imperatrix, laquelle pour mieus paruenir à ses intentions, lui dît en souzriant & cōme par maniere de deuis. Cheualier à la verde Epee, vous voyant entrer ceās, il mēt souuenu d'une grande melancolie, q̄ ie vy hier vous surprendre: ie vous voudrois biē prier, beau sire, me dire dont elle vous pouuoit proceder: car si c'ēt pour fācherie q̄ lon vous ait fait ici, n'i ailleurs, ou l'Empereur puisse commander, croyēs qu'il vous en fera faire la raison, étant seure que si vous voulēs demeurer avec lui, qu'il vous traitera autant bien que Cheualier qui soit en sa maison, & ie vous en prie. Ma Dame répondit il, si i'auois puissance de commander à moi-mêmes, ie m'estimerois heureux d'auoir le party que vous m'offrés: mais étant cōtraint d'obeir aus affectiōs de mon cueur (qui ne le pourroit permettre) ie vous supplie treshumblement me tenir pour excusē. Par là fit bien entendre à l'Imperatrix qu'elle ne le reduiroit iamais ou elle pretēdoit. Au moyē dequoy elle fit aussi tōt signe à l'Empereur qu'il s'aprouchât, & à sō arriuee lui dît: Mōsieur, ie croi que vous ne m'eussies pas desauuee de ce q̄ ie disois au Cheualier, ie le priois de demeurer en vōtre court me promettant que vous le traiterēs comme il merite bien, & autant biē que Cheualier que vous auēs. Vrayement, répondit l'Em

pereur, s'il me fait ce party, ie luy en feray vn autre: car il ne me pourra demander chose dōt ie le refuse. Sire, dît le Cheualier, vous m'auēs dé-jā tant fait d'honneur, que ie croiray toute ma vie n'être en ma puissance vous pouuoir faire serui ce qui meritāt le moindre des biens que i'ay receus de vous: toutefois ie suis de si longue main hors de ma liberté, m'étant soumis à la seruitude d'une seule, que ie ne puis, ni ne veus lui desobeir pour vous complaire, étant certain que faisant autrement la mort ne me laisseroit longuement vōtre, & me priueroit de tout point d'être plus sien. Certes telle vehemente réponse témoigna assēs à l'Empereur qu'Amour le forçoit: parquoi ne le voulut importuner d'auātage: mais se print à deuiser d'autre matiere. Et sus ces entrefaites, survint la belle Leonorine (portant deus trériches coronnes) l'une sus sa tête, & l'autre en ses mains, laquelle s'adressant au Cheualier à la verde Espee lui dît: Sire Cheualier ie ne demanday oncques don, qu'à l'Empereur mon pere, toute-fois ie m'ehardiray d'en auoir quelqu'un de vous, s'il vous plaît me l'acorder. Cōment? ma Dame, répondit il, pourroit on bien trouver Gentil-homme si mal gracieus qui peut refuser vne si belle Dame, de chose qu'elle luy voufist demāder? Quāt à moy ie vous promets que vous obeiray en ce qu'il vous plaira me commander. Tresafectueusement le remercia la ieune Princesse, & leuant la coronne de dessus sa tête, lui dît: Ie vous prie doncques (puis que voulēs tant faire pour moi) presenter cēte coronne à la plus belle Damoiselle que vous connoissēs, & en la saluant de ma part, priēs la, qu'elle me face ce bien de me mander de ses nouuelles, ou de bouche ou par écrit. Le Cheualier print la coronne, & comme il vouloit répondre, elle continuant son propos, lui dît: Et cēte autre (non moins riche que la premiere) sera pour la plus excellente Dame que vous sçachēs, à laquelle, s'il vous plaît,

plait, ferés de par moi semblable messa-
ge: tant y a que ie vous prie me dire pre-
sentement, qui sont celles à qui vous les
donnerés. Ma Dame répondit il, par la
foy que ie doy à Dieu ce sera vous-mêmes,
qui aura la premiere & non autre:
car vous êtes la plus belle Damoiselle
que ie connoisse. Ce disant la lui remit
sus son chef, & s'il y a Cheualier qui vueil
le dire le contraire, ie suis prêt de le com-
battre. Grand plaisir eut l'Empereur &
toute la compagnie, voyans Leonorine
entretenir le Cheualier d'une si bonne gra-
ce. Toute-fois pour ce que chacun auoit
l'œil sus elle, commença à rougir, qui ne
la rendit que plus belle. Lors l'Impera-
trix, print la parole, disant au Cheualier:
Vo' dirés de cete Damoiselle tout ce qu'il
vous plaira, si aymerois ie mieus (à mon
seruice) les Cheualiers que vous aués
vaincus par armes, que ceus qu'elle a gai-
gnés par sa beauté. Mais il ne luy répon-
dit mot: car Leonorine s'auança, lui di-
sant: Le sçay bien que vous aués plus fait
pour moy que ie n'ay merité: & neant-
moins cela ne me gardera de vous prier
par la chose qu'aymés le mieus en ce
môde, me dire pourquoi pleurâtes hyer,
& qui ét la Dame à qui vôtre cueur rend
plus d'obeissance. Quand le Cheualier se
vit ainsi contraint à declarer ce que plus
il desiroit tenir sous silence, il se douta
bien que l'Infante étoit faire à cela par
l'Empereur ou autre, qui vouloit plus sça-
voir qu'il ne desiroit. Au moyen dequoy
il changea tellement couleur, que chacun
s'en aperceut, & pensa longuement auât
que parler. Toutefois à la fin il répondit:
Ma Dame, ie vous supplie vouloir prèdre
autre seruice de moy, & me quitter de cé-
te demande. Vous sçaués, dit elle, ce que
vous m'aués promis: & ie sçay bien aus-
si que si ne faucés vôtre parolle, que vous
me dirés ce que i'ay desir de sçauoir. Ie le
ferai, répondit il, sans vous en mentir puis
que me forcés iusques là. Assurés vous,
ma Dame, que quand ie vous vy au pre-

mier, il me souuint du tems & de l'aage
auquel vous êtes à present, & des gra-
ces & bons traitemens que i'auois aymât
lors vne Dame toute semblable à vous, de
sorte que mon cueur se voyant éloigné
de tel biē, enuioa aus yeus le témoignage
du regret qu'il en a tel q̄ vous en aperceu-
tes, comme vous dîtes: & au regard de la
force que vous me faites, voulant sçauoir
qui ét celle à qui ie suis à present le plus.
Quand il vous eut pleu vous deporter de
telle importunité, i'eusse estimé vôtre pru-
dence plus entiere que ie ne fais, ayant
contraint vne simple Cheualier errant,
vous dire plus qu'il ne vouloit, & chose
qu'il a desiré toute sa vie tenir couuerte.
Toutefois, puis qu'il faut que ie passe ou-
tre, ie vous iure ma foi ma Dame, que
c'et celle même à qui vous enuoyés l'au-
tre coronne, qui ét (comme ie croi) la plus
belle Dame qui fut, ne qui sera iamais,
entre les plus parfaites. Et pour Dieu con-
tentés-vous sans me vouloir forcer d'auâ-
tage. Vrayement, dît l'Empereur, ma mi-
gnonne il demeurera quité, pour cete heu-
re, & ie vous en prie, encores que nous en
sachons autant que s'il ne nous en eut
rien déclaré. Si en ay-ie, répondit le
Cheualier, dît plus, que ie ne fis oncques
ny ne feray, si ie puis. Mais en cela i'ay
bien voulu faire connoitre à ma Dame
Leonorine, combien ie suis prêt à lui fai-
re seruice. Vraiemēt dît l'Empereur vous
deués doncq' être bien secret en tels af-
faires, puis que vous pensés les auoir ma-
nifestés pour chose que vous ayés pu-
bliée. Et certes puis qu'elle vous a of-
fencé. Il ét raisonnable qu'elle en paye
l'amende. Sire répondit il vous me pardō-
nerés s'il vous plait: car s'il y a offence, el-
le seroit à ceus qui l'ont induite & persua-
dee à faire telles demâdes à vn simple Che-
ualier, qui entend encores si peu de lan-
gage Grec, que quand il commence à le
parler, il se devroit bien du tout taire
pour n'aprêter à rire à ceus qui l'oyent
ainsi iargonner. Vrayement dît l'Em-

LE TROISIEME LIVRE

pereur, moy seul en ay été cause. Neantmoins elle & moy l'amenderons ensemble. Ah sire, répondit il, l'amende en est déjà de trop amandee, pourueu que ie demeure en vôtres bonne grace, & qu'ayés souuenance de moi à l'auenir. Ie vous dirai, dit l'Empereur, à celà ne poués-vous faillir, n'y a en auoir la satisfaction que i'en ferai, encores q̄ ne le voussissiez permettre. Et combien que l'Empereur dit telles paroles par ieu, si auint il vn tems qu'elles sortirent leur effet, ainsi qu'il vous sera recité au quatrième liure ensuyuant. Sire Cheualier répondit Leonorine, ie scai que ie vous ay fait tort, & puis qu'il n'est en ma puissance, pour le present, l'amender, ainsi que ie voudrois bien, ie vous supplie prendre de moy cét anneau, d'aussi bon cœur q̄ i'ai eu enuie de sçauoir de vous tout ce que ie vous ay demandé. Lors le tira de son doigt, & s'auança pour le luy bailler: mais au lieu de la bague, il luy print la main luy disant: Ma dame, cete main blanche & tant polie, est plus digne d'être baisée, qu'autre que i'aye veüe depuis vn an, & heure^{se} se peut dire l'anneau, de laquelle il est lui mêmes décoré. Pourtant ie vous supplie me pardonner, & permettre que ie la baise. Toutefois, répondit elle, si sera il vôtre, & le lui présentade rechef. Parquoy il ne l'osa plus refuser: mais en le prenant mit vn genoil à terre, & lui baisa la main. Assurés vous, dit elle que vous aués vne pierre si excellente, que ie l'estime être vnique en son espee, encores que i'aye sa semblable à la corōne que vous m'aués redonnée. Lequelles deus pierres ne souloyent être qu'une. Sus mon Dieu, répondit le Cheualier, ce n'est pas de merueille si chose tant rare à été mise au pouoir de la plus belle Dame du monde: car tout ainsi que peu facilement on pourroit recouurer ioyau tant precieus, aussi peu, comme ie croy trouuerait on en tout l'Orient autre qui vous precedât, fut en prudence, sçauoir, & bonne grace, ainsi iustement elle vous

étoit deuë, & deuant tout autre. Ie vous diray, dit l'Empereur, quand vous sçaurés de quel lieu elle est venue, ie croy que vous l'estimerés beaucoup d'auantage, & si regardés à l'excellence de l'anneau vous le trouverés digne d'être bien gardé: car il est d'un Esmeraude autant belle qu'il est possible, & le reste est d'un Ruby de deus couleurs par nature, l'une rouge comme sang, & l'autre blanche comme neige. Et entendés qu'Apolidon mon ayeul (la renommee duquel a de long tems circuy toute la terre, ie ne sçai pourtant si elle est venue iusques à vos oreilles) tenant le lieu que ie tiens auourd'huy, entre autres singularités qui lui furent données par Filipane Roi d'Inde, il lui enuoya douze coronnes les plus riches qu'il étoit possible de voir, Et combien que toutes fussent d'ineestimable valeur, si y en auoit il vne plus à priser q̄ nulle des autres, & est celle m'ême que ma fille vous a presentee la premiere, en laquelle étoit enchassée cete pierre entiere: mais Apolidon la trouuât si étrange la fit separer en deus laissant l'une des parties à la corōne qu'il donna à Grimanesse sa femme, laquelle il aimoit tant qu'oncq ne furent deus plus loiaus amans, & retint l'autre moytié pour lui, laquelle il porta tant qu'il a vécu en cét anneau, que ie vous prie garder pour l'amour de celle qui vous en a fait present de si bon cueur, & si aués quelquefois enuie de vous en deffaire q̄ ce soit au moins à quelque vôtre parent, à ce que si fortune l'adresse en ces côtreës, il puisse connoître & seruir la Damoiselle qui le vous donne, si elle en a besoin. Et ainsi auint il depuis: car il tomba es mains d'Esplandian, qui pour l'amour d'elle (peu de tēs après) fit mainte cheualerie, comme vous entendrés au cinquième liure. Sire, répondit le Cheualier, i'ay maintes fois oy parler d'Apolidon, qui ediffia l'arc des loiaus amans en l'Isle Ferme, où i'ay été trauersant le païs de la grand' Bretagne, & si ay veu les figures de luy & de la belle Grimanesse.

manefe, avec toutes les singularités qui y font encores de present. Vous pouvés dōc bien connoitre (dît l'Empereur) le Cheualier qui puis n'agueres a conquis le palais enchanté, comme i'ay ouy reciter. Sire, répondit il, i'ay maintefois parlé à luy, & se nomme Amadis fis du Roy Perion de Gaule, duquel lon parle en tant de lieux, celui mêmes q̄ lon trouva sus l'eau, & qui depuis fut appellé le Damoisel de la Mer qui vainquit en plain champ de bataille le trépuissant Roy Abies d'Yrlande, & là le reconneut le Roy son pere & sa mere pour leur fis. Par mō ame, dît l'Empereur, si n'étoit que i'estime qu'un tant grand Signeur ne voudroit entreprendre si long chemin, ie penserois que ce fussiés vous mêmes de qui vous parlés, & si ne sçay encores qu'en presumer. Le Cheualier ne luy répondit rien: mais changea de propos, en sorte que depuis l'Empereur ne lui en parla, encores qu'il sejourna en Constantinople sis jours entiers, durans lesquels lui fut fait tout le bon traitement dont lon se peut auiser. Et pour ce que le temps s'aprochoit qu'il auoit promis à Grafinde d'être de retour vers elle, delibera prendre congé, pour entrer en son naui re, & de fait trouvant l'Empereur à point luy dît: Sire, vous m'aués tant fait d'honneur & de bien, que ie ne seray iamais en lieu ou vous n'ayés vn seruiteur en moy: prêt pour vous obeir toutes & quantefois qu'il vous plaira m'employer, & pour ce que ie suis deliberé de me trouver en brief es marches de Romanie, suiuant ce que i'ay promis, ie vous supplie humblement me donner congé. Mon grand amy (répondit il) s'il étoit possible que vous fissiés plus long sejour par deçà, vous me feriés vn grand plaisir. Mais puis que votre parolle vous a de tant obligé, ja à dieu ne plaist que ie donne ocaſion à vous ou à autre de la faucer. Sire, dît le Cheualier, ie vous assure que mon honneur seroyt endommagé faisant autrement, ainsi que sçait maitre Helisabel. Parquoy ie vous

suplie ne me retenir plus longuement. Et bien, répōdit l'Empereur, i'en suis cōtent, pourueu que vous me donnés encores trois jours sans plus. Sire, dît il, ie vous obeiray puis qu'il vous plaît. Et pource que la belle Leonorine en fut auertie, elle l'enuoya querir en sa chambre, & étant au milieu de ses Damoiselles, luy dît: Vous aués accordé à l'Empereur (à ce que lon m'a dit) encores trois jours pour luy tenir compagnie, ie vous prie, beau Sire, m'en donner deus d'auantage (durans lesquels s'il vous plaît) vous serés ordinairement avec moy, & ces Damoiselles à ce q̄ sans empêchement nous puissions plus aysément vous gouverner. Pourtant auisés si vous m'écōduirés ou non: car aussi biē si vous ne l'acordés de bon cœur, nous toutes ensemble vous y contraindrons par force. Ce disant fit signe à ses Damoiselles qu'elles le prinssent. Lors se trouua environné d'elles toutes, tellement que par importunité volontaire, voyant leur bōne grace, & la force qu'elles lui faisoÿt, leur promit d'obeir en ce qu'elles voudroyēt commander, disant en souriant à la Princesse Leonorine: Comment, ma Dame, pensés vous que me voyant prêt d'entrer en la forte & dure prison que vous me présentés, ie contredie en ce que me sçauriés commander? En bonne foy, répondirent les damoiselles, vous faites sagemēt: car autrement vous eussiés été en plus grand danger, que quand vous combattites l'Endriague. Vrayement, dît il, mes dames, ie le croy certainement, veu qu'il ét certain, qu'il y auroit trop plus affaire à ennuyer les Anges, qu'à combattre vn tel diable cōme il étoÿt. Parquoy i'aimerois beaucoup mieus entreprendre encores vne semblable guerre, que d'être au danger de tomber en vos malles graces. Or vous souviene doncques, répōdit Leonorine, de votre promesse, & pienés peine de la biē entretenir. Ainsi demeura le cheualier en Constantinople cinq jours plus qu'il ne pensoit, durant lesquels il fit trébonne

LE TROISIEME LIVRE

compagnie aus Damoiselles, qui d'heure à autre s'enqueroient à luy des singularités de l'Ile Ferme, tant de la chambre Defenduë, que de l'arc des loyaus amans des pourtraictures d'Apolidon & Grimanese, quelles dames de la court du Roi Lisuart étoient les plus belles, la sorte de leurs acoutremens, leur maniere de faire, & de mille autres choses que desirer communément sçauoir femmes trop curieuses. Et ainsi qu'il leur en disoyt ce qu'il en sçauoit, il va penser que si Orianë étoit en si bõne compagnie que toutes les beautés du monde seroyent jointes ensemble.

Lors s'oublia tât que la parole luy faillit, & demeura comme transi. Ce que voyant la Royne Menoresse dame de l'Ile Gabarte, le tira si fort par le bras qu'il reuint à soy. Lors conneut bien qu'il auoyt failly, parquoy en s'excusant leur dît: le vous supplie, mes Dames, ne trouver étrange, si voyant deuant mes yeus tant de beautés, desquelles dieu & nature vous ont toutes pourueuës, ie me suis transporté, par le souvenir d'une, avec laquelle i'ay quelquefois eu tant de graces & faueurs, que me trouuât à present éloigné d'elle, i'endure vn trauail pire que la mort, mêmes que mon esprit vit en elle, & hors de moi pour la seruir comme ie doy & desire. Par ainsi, Amour qui êt cause de la faute que i'ay faite deuant vous, en doit receuoir blâme, & non moy qu'il tourmente, avec trop de rigueur. Grande compassion eurent lors toutes ces Damoiselles, de la peine qu'elles voyoyent si ordinairement souffrir au Cheualier, & n'y eut celle qui ne le recõfortât au mieus qu'elle pouoit. Puis venant le jour qu'il deuoyt prendre congé pour s'embarquer, la Royne Menoresse qui lui portoit vne amitié secrete, luy dît: Cheualier, à ce que ie puis connoitre, il sera mal ayse de plus longuement vous arrêter par deça, & puis qu'il nous êt force d'ainsi vous perdre, ie vous prie receuoir vn presët que i'ay enuie de vous faire. Lors fit apporter sis épées les plus

belles & mieus garnies qu'il eut oncques veu, le priant en faire part à ses amys, & auoir souvenance d'elle. Ma Dame, répondit le Cheualier, le present êt tel, que pour l'amour de vous ie les feray tomber es mains de sis Cheualiers, les meilleurs à mon auis, qu'ils soyent au jourd'hui sus la terre, & desquels vous pourés finir toutes les fois qu'en aurés à faire, & il vous plaira les mander. C'êt dequoy nous vous supplions toutes, dît la Princeesse Leonorine. Par ma foy, ma Dame, répondit il, toute ma vie ie seray vôtre, prêt à obeir à vos commandemens. Je vous mercie, dît la Princeesse, & vous prie d'auantage, q vous nous faciés ce bié de nous enuoyer quelqu'un de vôtre lignee pour être particulierement à nous, & nous seruir toutes quand en aurons besoin. Ma Dame, répondit il, i'espere deuant qu'il soit long tems, vous adresser vn mien parent, lequel étât en vôtre seruice, vous pouriés bien vanter auoir le meilleur Cheualier du monde. Et cela disoit il pour Galaor son frere, qu'il deliberoit de faire venir vers l'Empereur, & là acroitre sa renommee, en lui faisant seruice: mais il auint tout autrement: Car au lieu de Galaor Esplandian y arriua quelque tês après, qui pour l'amour de la Princeesse Leonorine dõna maint coup d'épee, ainsi que vous entendrés, quand viendra à propos d'en parler. Sufise vo⁹ q ce jour mêmes le Cheualier à la Verde Epee s'embarqua avec maitre Helisabel, puis faifât voyle singla en pleine mer, ayant vent assés propre pour retourner en la Romanie. Parquoy nous nous taisons de lui à present, pour vous dire qu'en cété saison le Prince Saluste Quide, & la Royne Sardamire, avec leur troupe arriuerēt en la grande Bretagne, pour conclure avec le Roy Lisuart le mariage de l'Empereur & d'Orianë. Et de fait estimans leur voyage paruenir du tout à leur intention, publierent par tous les lieux ou ils passoyent, qu'en brief ils retourneroyēt avec l'Imperatrix: mais Dieu (es mains duquel sont toutes choses.

choses)montra en cela, que bien souvent il dispose tout au rebours de la pensée des personnes, qui n'ont fiance ni aniour à lui: ains pensent commander au temps, & aus astres, cōme il leur vient à la fantasie, ou ils se treuvent deceus & moqués, ainsi que ces Embassadeurs, lesquels furent receus au plus grand triomphe, dont le Roy se peut auiser.

Comme le Cheualier à la verde Epee partit de Cōstantinople, pour satisfaire à la promesse qu'il auoit faite à la belle Grasinde, & de ce qui luy auint.

CHAP. XII.

ETans donc le Cheualier à la verde Epee embarqué, & sorty du port de Cōstantinople, ainsi qu'il vous a été dit, il eut si bon vent, qu'en moins de vingt jours, arriua au lieu ou l'atendoit la belle Grasinde, & cōbien qu'il fût encores loing de la grād Bretagne, neātmoins se sentant aprocher du lieu ou son cœur prenoit vie, se trouuoit tant deliberé que rien ne lui étoit impossible, pour ce que les cinq ans de son absence, lui auoyent (ce lui sembloit) duré vn monde & plus. Et comme s'il eût dé-jà senty l'air de la grande Bretagne, ramenoit vne infinité de discours en son esprit, des choses qu'il feroit, & des moyens qu'il auroit pour voir Oriane. Or auoit Grasinde entendu de plusieurs (auant son retour) les hautes Cheualeries qu'il auoit faites par toutes les Iles de la Romanie. Parquoy sachāt son arriuee, vint le receuoir (le plus amoureuxment qu'elle peut) accōpagnée de maints Cheualiers Dames & Damoyelles de ses pais. Puis le cōduit en son palais, l'entretenāt de propos les moins ennuyeus dōt elle se peut auiser, tant qu'elle lui dit: Croyés Cheualier à la Verde Epee, que si i'ay eu par le passé bōne estime de vous, que ie l'ay à present trop meilleure, voyant que si fidelement vous m'aués tenu promesse, étant retourné de vōtre voyage, auant que l'an soit passé, qui me fait croire, que puis que n'aués fait faute

en cela, que ferés le semblable en ce que i'ay deliberé vous employer, suiuant le propos que nous eūmes ensemble vn peu au parauant vōtre embarquement pour aller en Grece. Ma Dame, répondit il, ja à Dieu ne plaise que ie sois de ma vie ingrat en vōtre endroit: car vous m'aués tant rendu vōtre obligé, que ie ne tiens la vie, après Dieu, que de maitre Helisabel, qui m'accompagna par vōtre commandement.

Ainsi vous poués disposer de moy: cōme de celuy sus lequel aués toute puissance. Vrayement, dit elle, s'il vous a fait du seruice, ie le repete mien, & lui en sçay aussi bon gré que si c'étoit en ma propre personne, & pour-ce qu'il étoit heure de souper, & que la chaleur auoit été grād tout le jour, elle cōmanda de dresser les tables sous vne tréplaisante treille, le long d'un verger le plus excellent qu'il étoit possible de voir, ou ils furent seruis de toutes viandes exq uises en si grand'abondance que merueilles, puis étans les napes ôtées se mirent à eus pourmener si longuemēt, que la nuit les surprint. Lors Grasinde le conduisit en la chambre qu'elle lui auoyt fait parer, & luy donna le bon soir.

Adonc se coucha le Cheualier, lequel au lieu de s'endormir, entra en sa melancolie acoutumee, & comme si Oriane eût été presente, disoyt en soy-mêmes: Helàs, amye, la longue absence de vōtre personne m'a tant donné de passion, que n'eût été la crainte qu'eussies déplaisir à ma mort, ie fusse long tems enseuely & priué du plus grand plaisir qui me sçauroyt auenir, qui est auoir la veuë de vous.

Ha a mes jeux, n'aués vous tort d'ainsi épuiser (à force de ietter larmes) le peu de humeur en laquelle se nourrit mon triste cœur, attendant le retour vers celle, pour le seruice de laquelle seulement mon esprit est content resider en ce penible corps, mêmes que quand vous n'auries esperāce de la reuoir, si aués vous eu plus de bien (par les faueurs qu'elle vous a faites au passé) que ne meritātes oncques.

LE TROISIEME LIVRE

& d'avantage vous poués tenir asseurés, q̃ la fermeté d'elle êt si constante, que pour accident qui luy survienne, elle ne pourroit varier, sentant en son ame sa fidelité, telle, que i'aymerois trop mieus mourir cent mille fois, que de perdre sa bõne grace. Cete parolle dît si haut le Cheualier, q̃ Gãdalin qui dormoit s'éveilla en sursaut, & luy demanda s'il lui plaisoit quelque chose. Làs Gandalin, répondit il, ie te prie ne prendre garde à mes passions si démesurées: mais sois content que ie les souffre puis qu'Amour me rengen en telle extrémité. Vous êtes vn étrange personnage, dît Gãdalin, d'ainsi vous affliger, lors que vous deuriés plus vous reconforter, & prendre cœur, veu que nous sommes en voye pour retourner vers ma Dame Oriane, qui vous cause toutes ces maladies, & me semble que feriez aussi bien de vous distraire de ce pensément, qui vous fait ainsi mourir. Car il êt difficile que ne tombés malade au temps que vous aurés plus affaire de vòtre santé: ainsi vous aprêtes vn mal pis que deuant, dont vous repentirés après tout à loisir. Pourtant essayés à prendre repos, si vous pouvés. Commēt, répondit le Cheualier, veus tu que ie repose étant en doute de retourner ainsi q̃ tu dis, vers Oriane, veu la promesse que i'ay faite à Graside, qui peut être, m'en éloignera plus encores que ie ne suis? Ie n'en croy rien, dît Gandalin, peut être aussi vous en fera elle aprocher plus tôt que vous ne pensés. Que dis tu? Gandalin, répondit le Cheualier, fortune me pourroyt elle prêter tant de bon heur? Assure toy, que si cela m'auient, ie suis content lui remettre tous les maus qu'elle m'a fait souffrir, depuis l'heure que ie fu ieté sus la mer, & si ie me treuve vne fois en lieu ou i'aye moyen de t'enuoyer vers Oriane, me feras tu pas ce bon tour, de luy porter incontinent de mes nouvelles? à la charge de me rendre aussi content, que quand tu y allas au premier que ie retournay de Gaule vers elle, t'en sou-

uient il? Ouy bien, dît Gandalin, & si luy sçauray aussi bien dire, & conter vòtre vie que ie fis onc, & vous en fies à moy: car ie connois le saint ou il la faut vouër: mais ce pendant rejouissés vous, ie vous en prie. Ainsi passerent la plus part de la nuit, deuisans ensemble des entreprinſes qu'ils feroient à leur retour en la grande Bretagne: Puis le lendemain étant déjà haute heure, se leua le Cheualier, & vint trouver les Dames qui l'atendoyent pour ouïr la messe, laquelle paracheuee, Graside le print par la main, & le tirāt à part luy dît: Entendés Cheualier, qu'vn an au parauāt qu'entrisiés en ces pais, me trouvant en vne assemblée que le Duc de Basile fit chés luy, ou toutes les belles Dames & Damoiselles de la contree furent semonces: ainsi que nous étions au plus fort des bõnes cheres, ie ne sçay qui m'eut mon frere le Marquis Saluder, q̃ biẽ connoissés, & en la garde duquel i'étois lors, quand il dît à haute vois deuant toute l'assistance, que ma beauté estoit tant excellente, que nulle autre de la compagnie ne se deuoit en rien comparer à moy, & que s'il y auoit Cheualier qui vouſit soutenir le contraire, qu'il estoit prêt à le combattre. Toutefois, ou pour ce qu'il estoit craint & redouté, ou peut être que telle fut l'opinion de l'assistance, nul ne voulut le contredire. Au moyē de quoi i'emportay l'honneur sus toutes les belles Dames de Romanie, dont i'eu tel plaisir & contentemēt que vous pouvés estimer, & si par vòtre moyen ie pouvois passer outre, & paruenir à ce que mon cœur a depuis tant désiré, ie m'estimerois la plus heureuse du mōde. Ma Dame, répondit il, commandés moy ce qu'il vous plaira: car s'il êt en ma puissance de l'exécuter, vous serés promptement obeïe. Mō Seigneur, dit elle, i'ay entendu qu'en la maison du Roi Lisuart sont les plus belles filles que lon sçache, s'il vous plaisoit m'y conduire, & faire tant pour moy fût par armes ou autrement, q̃ i'aye tel honneur sus elles, que i'eu sus les

Dames

Dames de ce païs, ie serois plus tenu à vous qu'à tous les autres Cheualiers du monde: & c'est le don que j'ay toujours eu en vouloir de vous demander, vous priant affectueusement me l'otroyer: ce faisant ie suis deliberee partir en brief, & mener avec moy compagnie qui fera hōneur à tel Cheualier que vous êtes, à ce qu'en la presence du Roy de la grand Bretagne, & de tous ceus & celles de sa court vous maintenés que la Dame que vous conduisés (qui sera moy) êt plus belle que nulle de toutes les filles que nous y trouverons: Et s'il y a aucun qui die autremēt vous l'en ferés dédire à force d'armes, & à fin que la gloire du vainqueur soit plus grande, vous aurés vne couronne sus vōtre armer, que ie porteray quant & moy, & celuy contre qui combatrés vne autre, par tel si que le victorieus aura (en signe de triomphe) celle de celuy qu'il aura vaincu, & si fortune nous fauorise tant, & que mettiés fin à cete entreprinse selon mon intention, ie vous supplie d'avantage, me mener en l'Ile Ferme, ou il y a (cōme j'ay entendu) vne chambre enchantee en laquelle Dame ne Damoiselle ne peut entrer si elle n'excede en beauté Grimanese, qui ne trouva oncques sa pareille. Lors feront mes plus grands souhaits acōplis, & vous quite enuers moy de la promesse, que m'aués faite. Pourtant auisés si êtes deliberé de me refuser ou non. Quand le Cheualier eut entēdu ce discours, il mua promptement couleur, & luy répondit: Helàs, ma Dame, que vous auoys ie mesfait, pour me demander don tant hors de ma puissance? Certes, vous me donnés la mort. Et ce disoit il, considerāt le tort qu'il feroit à Oriane entreprenant chose tāt au desauantage d'elle: & d'autre part il étoit seur qu'il trouveroit infinité de bons Cheualiers en la court du Roy Lisuart, qui pour peril qui leur peut auenir, ils n'endureroyēt que lon lui fit cété iniure. Ainsi ne pouroit faillir à être en mauuaise reputation enuers sa Dame, & à rece-

voir (peut être) la mort, par même moyē. Et ainśi qu'il consideroit ces inconueniēs tous les bons traitemēs qu'il auoit receus de Graside, le secours mêmes qu'elle lui auoit fait, & la promesse en laquelle il s'étoit volontairement obligé à elle, se vindrent représenter deuant luy, en sorte que si la seruitude qu'il portoit à Oriane le détournoit d'entreprendre ce dont il étoit requis, la raison le contraignoit & forçoit faire le contraire. Au moyen dequoy il se trouua en telle perplexité qu'il eut voulu n'auoir oncques été né, & maudissoyt sa fortune qui luy étoit contraire (ce luy sembloit) en tant de sortes: Mais tout soudain il se va auiser qu' Oriane n'étoyt plus fille, mais femme parfaite, ayant eu enfant, ainśi que Mabile lui auoit mandé, & pourtant que celuy qui la voudroit maintenir plus belle fille que Graside n'étoit belle femme, auroit tort, & par raison le pourroit combattre. Ce qu'il feroyt puis après entendre à la Princeſse, ou deuant s'il trouuoit temps, & le lieu à propos, & à cete cause, comme s'il fut sorty de quelque prison tenebreuse, commença à leuer la tête, & d'un visage riant répōdit à Graside: Ma Dame, ie vous supplie, me pardonner la faute que j'ay commise enuers vous, laquelle ne proceda onques de crainte que j'aye eu d'entreprendre plus grande chose que ce dont vous me requérés: mais mon cœur qui a toute puissance sus moy, me vouloit faire aller ailleurs, n'eût été que l'obligation en laquelle ie vous suis redeuable (pour tant d'hōneur, & de bon traitement que vous m'aués fait) l'a sceu vaincre, & impetrer de lui cōgé de vous obeir, ce que ie suis prêt de faire, par tel si, que sans auoir égard à l'indiscrete parolle que j'ay dite, vous remettes mon offence. En bonne foy Cheualier, dît Graside, j'ay été bien ébaïe voyant vōtre propos si tōt changé, & me refusant chose qui ne peut tourner qu'à vōtre honneur & à ma gloire. Mais puis que vous êtes maintenant en si bonne delibération

LE TROISIEME LIVRE

lation, ie vous prie la continuër, étant asseürée que par vötre moyen i'auray sus les filles de la grand' Bretaigne tel pris q' i'ay eu enuers les Dames de Romanie, & que iustemët ie pourray puis après porter les deus coronnes, comme ayant conquis le premier lieu de beauté. Ma Dame, répondit il, le chemin que vous entreprenés est grand à merueilles, & vous faudra passer par tant de païs étranges, que le travail vous pourra bien ennuyer, & être cause d'amoindrir partie de c'êt embonpoint, & couleur viue, que nature a mis en vous, ainsi en gagnât en l'un, vous perdés (peut être) en l'autre: par ainsi vous y deüés penser auant que venir au repentir. Cheualier (dît elle) le conseil en est pris, & ma resolution certaine: car pour chose qui me puisse auenir, ie ne differerai, sans épergner argent, peine ou dâger quelconque. Et quât à ce que vous dites, qu'il nous faudra trauerser maintes terres étrâges, la mer nous pourra releuer de cête peine, ainsi que i'ay sceu de maître Helisabel. Et bië, ma Dame, répondit le Cheualier, faites donc donner ordre à vos affaires, & partôs quât il vous plaira. Ce sera le plutöt que ie pourray, dît elle, & attendant ie vous supplie ne vous ennuyer: mais essayer à passer le tems le plus joyeusement qu'il vous sera possible. I'ay oyseaus, chiens & Veneurs, pour vous donner du plaisir. Parquoy ie suis d'auis qu'au jourdhuy vous allés courre le Cerf ou le Cheureul, cöme vous auiserés. Ce qu'il luy accorda, au moyen dequoy après qu'ils eurent dîné, le Cheualier acompagné de plusieurs Gentis-hommes s'en alla en la forêt. La trouverët maintes bêtes sauvages, sus lesquelles furent lancés tant de chiens courans, qu'en peu d'heure elles rendirent les aboys: toutefois ainsi q' le Cheualier poursuiuoit vn Cerf échapé des toilles, luy & Gandalin s'égarerent si auant dedans le boys, que force leur fut d'y passer la nuit, pour ne scauoir reprendre leur adresse. Et comme ils trauesoyët d'une part & d'au-

tre, se trouverent au plus près d'une très-belle fontaine enuironnée des plus hauts arbres qu'il étoit possible de voir, sous lesquels ils se delibérerent atêdre le jour. Là descendirent, & firent boire leurs cheuaus, puis les débridèrent pour mieus repaire. Et pour ce q' le Cheualier ne pouvoit pas si töt reposer, il se mît à promener sous cête haute touffe, joignant laquelle il auisa vn cheual blanc mort, couvert de maintes playes, qu'il auoyt reçues, encores fraiches & sanglantes, & entra ouyt vne vois d'homme se plaindre comme personne sentant trégrieue douleur. Ce non-obstant il ne pouoyt voir d'elle elle procedoit, tant étoit la nuit obscure. Et à cête cause s'aprouchant plus près, écouta longuement que ce pouoyt être. Lors la voix commença à se laméter plus fort que deuant, & disoit ainsi: Ah ah triste chetif, infortuné Bruneo de bone Mer, tu vois bien maintenant qu'il t'est force finir tes jours avec tes affectionnés desirs par lesquels ton cœur loyal a été si long tems affligé. Helàs, Amadis de Gaule mon bon Seigneur, vous ne verrés jamais vötre loyal compagno Bruneo: car en vous cherchant ainsi que Melicie vötre sœur bien aimée luy auoit commandé, il est tombé es mains des traîtres, qui le font mourir, sans auoir aide ne secours de nul de ses amys. Ah ah fortune ennemye de monheur: tu m'as si éloigné de tout remede, que ie n'ay seulement le moyen de faire entêdre mon desastre à aucun pour m'en venger, qui me seroit vn tel reconfort, que mon esprit partiroit plus content de ce miserable monde. Helàs, Melicie fleur & miroir de toutes les parfaites du monde: vous perdés au jourdhui le plus loyal seruiteur, qu'oncques eut Dame ou damoiselle: car il ne pensa en sa vie qu'à vous obeir, complaire & seruir. Et sus mon ame, si bien vous considérés, vous trouverés (peut être) que cête perte est extreme pour vous, étant asseüré que ne recouvrerés jamais autre qui soit tât à vous

com-

me étoit le vôtre Bruneo, lequel sent déjà la lumière de sa vie éteindre, & son cœur affligé perdre les forces, avec lesquelles (par vôtre seul souvenir) j'ay autre-fois eu moyen de faire maints hauts faits d'armes, & grande Cheualerie. Par ainsi ie le vous recommande, vous suppliât le fauoriser, & traiter comme celui qui oncques ne pêcha en sa loyauté: Hélas Mort qui me surprends, tu te montres envers moy trop aspre & rigoureuse: me faisant perdre tout mon bien, mon plaisir, & ma joye, non que ie te vueille expressément blâmer, en me priuant de vie: mais pour-ce que tu n'as permis que j'accomplisse auant que mourir, ce que Melicie m'auoit plus enchargé, qui étoit de trouver son frere Amadis. Hélas, ce commandement fut le premier qu'elle me fit oncques, & sera (comme ie voy) le dernier aussi. Dont ie sens doubler mon tourment: car si j'eusse eu moyen de luy satisfaire, ie tiendrois mon trauail pour bien employé. Mais quoy? amie vous me perdrez auant que j'aye eu le pouuoir de reconnoître tant de grâces & de faueurs, que vous m'aués faites, vous assurant sus mon dieu, que ie n'eu oncques crainte de la mort: mais bien de finir ma vie en vous ayment avec trop d'affection. Toutesfoys mon mal-heur m'a priué d'un si grand bien, me faisant tomber au peril ou ie suis. Puis se teut Bruneo, faisant vn haut soupir, & peu après s'écria: Ha mon grand amy Angriote d'Etrauau? ou êtes vous maintenant, ne comme m'aués vous abandonné? ayans si longuement maintenu cete quête ensemble, & au besoing vous me laissés, sans aide ne secours quelconque: nō que ie vueille vous donner blâme: car moy mêmes ay été cause de nous separer ce jourd'hui à nôtre grand mal-heur, lequel nō separera aussi pour iamais l'un de l'autre. Lors commença tellement à soupirer que les sanglots qu'il faisoit continuellement, lui entredirent la parolle. Au moyen dequoy le Cheualier qui auoit enten-

du toutes ces dures plaintes, ne se pouoyt garder de plorer: toutefois à la fin s'ap procha au plus près de lui, & lui dit: Mō amy Bruneo qui vous meut ne quel mal-heur vous a ainsi abatu? Je vous prie, prenez cœur, & ayés esperance en nôtre Seigneur lequel a tāt voulu faire pour vous & pour moy, que de m'adresser en lieu ou j'ay moyen de vous secourir. Or pensoit Bruneo, que ce fût Lasinde son Ecuyer qu'il auoit enuoyé chercher quelque religieux pour se confesser: Parquoy il luy répondit: Ha Lasinde mon amy, tu as beaucoup tardé: car ie sens ma fin biē auācée pour faire ce que j'esperois: par ainsi ie te supplie qu' aussi tôt que mon ame aura laissé ce triste cors, que tu t'en retournes en Gaule, vers Melicie, à laquelle après auoir fait entendre mon auanture, presenteras la manche droite de ma chemise ainsi tainte de mon pur sang, & sept lettres enuelopees dedans, que j'ay toute ma vie gardees plus soigneusement que ma propre personne. Et pour-ce que la force me defaut, supplie eu reste, l'asseurant que l'ennuy qu'elle portera de mon infortune, s'estimant en être cause, pour m'auoir fait entreprendre la quête d'Amadis son frere, me fait plus de mal qu'autre que j'aye. Cōment, mon grand amy, dit le Cheualier à la Verde Epee: vous pensés doncques que ie sois Lasinde, & ie suis celui Amadis vôtre compagnon, pour lequel vous aués tant eu de peine. Pour Dieu, ne vous déconfortés ainsi: mais prenez cœur, & ie vous mettrai es mains de tel qui restaurera vôtre santé en peu de tems. Lors combien que Bruneo fût si affoibly pour la grand'abondance de son sang qu'il auoit perdu, qu'il ne pouoyt quasi plus parler, connoissant Amadis à la parolle, & le voyant si près de luy, l'embrāça doucement, & luy au semblable, mêlant les larmes de leurs yeus ensemble, en sorte que qui les eût veus, on eut peu voir quasi l'ame partie entre les deus tant grands amys. Et comme ils étoient ainsi cōpassionnés, Gandalin qui auoit

LE TROISIEME LIVRE

auoit entendu la resonance de leur parole suruint, auquel le Cheualier à la Verde Epee dît: Gandalin aproche toy, & m'ayde à desarmer promptement mon compaignon Bruneo. Lors Gandalin s'auança, & le plus doucement qu'ils peurent, luy ôtèrent ses armes, puis le coucherēt sus l'herbe. Or commençoit l'aube du jour à paroître, parquoy le Cheualier commanda à Gandalin d'aller en toute diligence querir maitre Helisabel, & prier Grasinde lui enuoyer vne litiere à bras, pour emporter Bruneo. A quoy Gandalin sceut si bien pouruoir, qu'il retourna peu après, & emmena quant & luy le maitre, lequel voyant les deus amys tant déconfortés l'un auprès de l'autre, leur dît: Je vous prie mes Signeurs, ne vous ennuyer de riē: car avec l'ayde de Dieu, ie vous pouruoiray à ce qui est necessaire. Lors visita les playes de Bruneo, lesquelles il trouua figees de la froideur de la nuit: Toute fois il y appliqua vnguens si excellens, qu'auant que partir de là la douleur lui apaisa, & se mit à dormir. qui donna seure esperāce à maitre Helisabel, que le dāger en étoyt hors: dont il auertit le Cheualier, qui en eut tel plaisir, qu'il seroit impossible de le reciter. Et cōme ils atendoient le reueil de leur malade, ils auiserēt venir à eus vn hōme portant deus têtes de cheualiers à l'arçon de la selle, & en sa main tenoit vne hache encores tainte de sang, lequel voyant tant de gēs ensemble, s'arrēta, & eut peur: mais le Cheualier à la verde Epee qui le conneut incontinent être Lasinde, Ecuyer de dom Bruneo, vint au deuant acompagné seulement de Gandalin, qui augmēta d'auantage la crainte de l'Ecuyer, lequel voyant aprocher, tourna bride pour s'enfuyr, & le Cheualier à la Verde Epee apres, & courans ainsi, entrerent en vne profonde vallee, ou le Cheualier le perdoyt quasi de veüe pour l'épessē des buissōs. Au moyen dequoy il lui écria tant qu'il peut: Ou fuys tu? Lasinde, arrēte toi, car ie suis l'un de tes amys. Lors Lasinde s'oyāt

nommer tourna visage, & conneut Amadis, Parquoy mettant pied à terre le salua humblement, lui disant: Helàs, mon Signeur, ne sçaués vous les tristes nouvelles de mon bon maitre, lequel est mort en cete forêt? Ce disant cōmença à faire le plus grād dueil du monde, puis continuāt son propos, luy dît: Certes, vous ne pourriēs penser le trauail qu'il a enduré en vous cherchant, tāt auoit le desir grād de vous trouver. Que pleut à Dieu que c'eut été auant que cete infortune lui fût auenuē, par la traïson que luy ont faite ces deus traitres, desquels voicy les têtes que m'a baillé n'aguere Angriote d'Etrauau, me commandant expressement les luy presenter, s'il est vif, si nō les mettre tout au plus pres de son cors, ou ie le trouuerois mort à ce que lon connoisse qu'il a été vengé de ceus qui l'ont offensé. Lasinde, répondit le Cheualier, il est viuant, Dieu mercy, & l'ay laissé sous ces hauts arbres en meilleure disposition que tu ne penses. Toute fois il est encores si foible, pour le sang qu'il a perdu, qu'il ne m'a sceu reciter ou, comment, ne par qui il a été ainsi outragé: & si tu veus me suiure, tu le trouveras en l'état que ie te dy. Mais garde fusta vie de m'appeller deuant les gens, autrement que le Cheualier à la Verde Epee. Je le feray, dît l'Ecuyer, puis qu'il vous plaît me le commander. Or t'en vien dōcques avec Gandalin, répondit le Cheualier, & ie m'en vois deuant: car ie ne veus que lon pense que j'ay parlé à toy: pourtant souviens toy de ce que ie t'ay dît. Adonc donna des éperons à son cheual, laissant Gādalīn & Lasinde ensemble, & retourna vers Bruneo, ou peu après ils arriuerent. Lors Lasinde fit la reuerēce au Cheualier à la Verde Epee, & comme s'il ne l'eut oncques veu, lui dît: Benoitte soy l'heure, Signeur, que si à propos aués rencontré mon bon maitre Bruneo, lequel en vous cherchant a été tant mal traité, qu'il est en l'extremité que vous voyés. Lasinde mon amy, répondit le Cheualier, tu soys
le

le bien venu, ie te prie, beau sire, dy moi quelle fortune l'a ici fait venir & toi aussi memes qui sont ceus qui l'ont tât navré. Mō Seigneur, dît il, vous le sçaurés presentement s'il vous plaît, que ie parle à luy. Or étoit Bruneo sorty de son somme, & se trouvoit trop mieus qu'il n'auoit fait. Au moyen de quoi on lui mena Lasinde lequel lui dît aussi tôt: Mon Seigneur votre bon compagnon Angriote d'Estreaus, vous enuoye les têtes de ces deus traîtres, lesquels il a combatus & occis, sçachant l'iniure qu'il vous auoyent faite, & s'en va en vn monastere de Dames qui êt dans cete forêt, pour faire étan-cher le sang d'une playe qu'il a en la iambe droite, & vous mande par moi, qu'il en délogera incontinent, pour vous venir trouuer quelque part que vous soyés mort, ou vif. Ie prie à Dieu, répondit Bruneo, qu'il le vueille garder de mal: mais comme m'as tu peu trouuer en ce lieu tât écarté? Sire dît l'Ecuyer, Angriote me commanda de tirer droit au lieu de ce bois ou ie verrois les plus grands arbres, pource qu'il auoit entendu par ces traîtres qu'ils vous y auoyent navré à mort, & l'ay l'aissé faisant vn si grâd dueil pour l'amour de vous, qu'il êt quasi incroyable. Sus mon Dieu, répondit le Cheualier à la verde Espee, ce sera dommage quand Angriote auramal: car c'êt vn personnage qui merite beau coup, & q̄ ie desire grandement voir. Pourtant Lasinde condui moi, si tu peus, ou il êt, tandis que Gandalin & les autres porteront ton maitre en la ville. Et à l'instant le fit enleuer par deus personnes. Lors le Cheualier s'arma des armes de Bruneo: puis lui & l'Ecuyer entrèrent au profond de la forêt: mais ils neurent gueres cheminé ensemble, qu'ils virēt venir à eus Angriote, tenant la tête baissée, cōme vne personne triste & melancoliq̄, & deriere luy quatre autres Cheualiers bien armés & montés qui le suiuoyent à bride abatuë, luy crians tant qu'ils pouvoient: Tourne, tourne traître

Am. 3.

car tu laisseras la tête pour les deus que tu as méchamment fait perdre à ceus qui valloyent mieus que toi. A ce cry tourna visage Angriote, & s'aprêta pour se defendre. Ce q̄ voyant le Cheualier à la verde Epee, s'auanca, & premier que le combat commençât, survint, & dît à Angriote (qui ne l'auoit encores aperceu) A eus mon compagnon, Dieu vous aidera s'il luy plaît. Bien ébai & plus ayse fut Angriote voyant le Cheualier à la verde Epee pensant que ce fut Bruneo, & ainsi qu'il lui vouloit répondre, le Cheualier donna dessus ses ennemys, & rencontra premier Brandasidel (celuy qui l'auoit autre-foys voulu forcer se mettre à recullons sus son cheual, quand il le cuyda contraindre d'aller à Grasinde) lequel étoit (comme ie vo' ai dît) reputê l'un des plus adroits Cheualiers des Iles de Romanie: neantmoins il lui donna tel coup de lance en l'armet & la cuyrassé, qu'il le desarçonna, & demeura éuanouy sus le champ. Lors les trois autres ensemble chargerent Angriote: mais il les soustint comme celuy qui auoit le cueur bon & entier, parquoi sus l'heure commença le combat, des deus contre les trois, faisans l'un & l'autre deuoir tresextrême: toute-fois à la fin, le Cheualier à la verde Epee & Angriote eurent tant d'auantage, qu'il leur firent tourner le dos, pource que sus l'heure le plus royde tomba par terre. Ce que voyant les deus autres perdirent du tout le cueur, fuyās au trauers des bois ainsi que Fortune les guidoit: mais ils étoiēt chassés si legerement que le Cheualier à la verde Epee cōtraignit celuy qu'il suiuoit d'entrer en vn marêt, ou il se noya, & ce pendant Angriote tailla l'autre en pieces. Ce fait delibera d'aller après son compagnō, qu'il estimoit être Bruneo, & neantmoins les grās cous d'épee qu'il auoit dōnés, lui causoient quelque soupçon, & ne sçauoit qu'en presumer, iusques à ce qu'il auisa Amadis retourner vers lui, qui auoit lors ôté son armet pour prēdre quelq̄ peu l'ær.

G

Parquoy

LE TROISIEME LIVRE

Parquoy Angriote le reconneut. Lors cōme tout ébai, piqua encontre, & en luy tendât les bras, vint l'embracer, luidisant: Helàs, mon Seigneur, qu'heureuse m'et l'auenture de vous auoir rencontre si à propos, veu que sans vōtre ayde i'étois mort sans doute. Par ma foi, répondit le Cheualier à la verde Epee, vous en deués remercier Lasinde qui en a été cause: car il m'auoit fait entendre que vous étiez en vn monastere assés prés d'icy, pour vous faire penser de quelque playe qu'auiez à la iambe. Par Dieu, répondit il, ie l'auois ain si deliberé, & m'y en allois, quand les traîtres, m'ont assailliy: mais ne sçaués vous qu'et deuenu Bruneo? Sus mon Dieu ie croi qu'il soit mort, ou en trégand danger. Nōtre Seigneur, luy aidera, s'il luy plaît, dit le Cheualier: Car ie l'ay maintenant laissé entre les mains de l'vn des meilleurs Chyrurgiens du monde. Lors luy conta toute la maniere comme il l'auoit trouué, & les complaints qu'il faisoit, pensant mourir, & par là, dit il, ay conneu ayssément les trauaus que vous & luy aués soufferts pour me rencontrer, dont il ne sera iour de ma vie que ie ne m'en sente obligé à vous. S'il étoit en ma puissance, répondit Angriote, vous pourriez montrer combien ie voudrois faire d'auantage, vous connoitriez que ce que vous dites trauail, n'est rien que plaisir, étant certain que ie ne tiens vie que de vous, pource que vous me faites auoir la femme que j'ay maintenant épousée, sans laquelle ie n'eusse sceu viure longuement. Laissons tels propos pour vne autrefois, dit le Cheualier, & allons voir, si ceus que nous auons abatus sont mors, ou non: Lors retournerent ou le cōbat auoit été fait & trouverent que l'vn d'eus se vouloit releuer: Mais le Cheualier à la verde Epee (en s'aprouchant) faignit le frapper, & lui dit: Traître paillard, pourquoy assaus tu sans ocasiō les Cheualiers erras, qui ne t'ont fait nul déplaisir? confesse verité, ou tu es mort. Par Dieu, répondit An

griote cēt l'vn de ceus qui ont ainsi navré nōtre cōpagnon Bruneo: & qu'il soit vray, ie le laissai avec luy, & deus autres qui le vindrent querir pour secourir leur sœur (cōme ils disoyent) laquelle on vouloit bruler au plus grand tort du monde, & depuis eus mêmes, m'ont confessé leur traïson, retournant d'vn lieu ou ie fu prié, à l'heure mêmes d'aller pour deliurer le fis d'vn Cheualier anciē, qu'aucuns paillards tenoyent prisonnier. Ce que ie fis & le mis en liberté, & les autres en sa place, qui fut cause de me separer de Bruneo, oncq' puis ie ne le vy. N'et il pas vray? dy larron: mais il ne répondoit mot, & se tenoit coy, baissant la veuē contre terre. Parquoy le Cheualier à la verde Epee apella Lasinde, & luy dît: Mets pié à terre, & lui trenche la tête. Lors Lasinde descendit de cheual, & comme il haüoit le bras pour le fraper, il s'écria: Helàs Signeurs, pour Dieu mercy, ie vous dirai la verité du fait. Or te hâte doncq', dît Angriote, ou lon te hâtera plus tôt que ne voudras. Adonc commença à leur reciter par le menu ainsi qu'il étoit auenu, leur disant: Entendés mes Signeurs, que moi & mes cōpagnons auertis que deus Cheualiers errans étoient nouuellement arriüés en ce pais, pour trouver le Cheualier à la verde Epee deliberâmes les mettre à mort estimans par ce moyen faire déplaisir à celui qu'ils auoient desir de trouuer, lequel nous hayons trop mortellement, & pource que nous craignons les assaillir ensemble, nous auisâmes de les separer, leur donnans à entendre tout le propos qu'aués oui reciter presentemēt: mais quand nous arriuâmes à la fontaine des hauts Fouteaus, celui que nous coduîmes pour deliurer la Damoiselle cōdamnee, voulut faire boire son cheual, & ainsi qu'il lui lâchoit les rênes, nous tous luy courumes sus, & lui donnâmes tant de coups d'épee & de glaiue (auant qu'il eut moyen de se deffendre) qu'il tomba en terre mort cōme ie croy. Paillard, répondit

dit le Cheualier, as tu bien osé commettre telle méchanceté, sous ombre de la hayne que tu me portes ? Comment dît l'autre, êtes vous doncq' le Cheualier à la verde Epee ? Regarde répondit il, voyla ci en mon côté. Sus ma foi, dît il, doncq' vous me deués aucunement excuser : car ce que i'en ai fait a été à la persuasiō d'un mien parent, que vous aués occis n'agueres, & encores le pouués voir gisant à mes piés, lequel receut par vous (il y a vn an ou enuiron) l'une des plus grâdes honnetes qui lui eut peu auenir, & se nommoit Brandasidel, ie ne sçay pourtant s'il vous en peut encores souvenir : mais vous le fistes monter sus son cheual à reculons, & prendre la queue au lieu des rênes, puis le présentâtes à Graside, portant son écu renuersé, dont il a été depuis si déplaisant, que par dépit de vous il a conceu hayne mortelle à tous autres Cheualiers étranges, & nous aussi pour lamour de luy. Or vous ay-je le tout recité pourtāt ie vous supplie (sans auoir égard à mon offense) me pardonner. Le pardon que tu auras, répondit le Cheualier, ne sera pour euitier la peine que tu merites : mais en esperant que tu deuieras d'oresenauant plus homme de bien que tu n'as été, tu auras la vie sauue autrement ta méchanceté me vengera avec le tems de toy mêmes plus que ie ne sçauois faire, & le laissant là, prindrēt le chemin de la ville, puistōbās de propos à autre, le Cheualier demanda à Angriote quelles nouvelles il auoit apries de la grand' Bretagne. Lequel lui dît ce qu'il en sçauoit, & entre autres choses, comme vn Hermite nommé Nasciā, auoit amené au Roi Lisuart l'un des plus beaux Damoiseaus qu'il ēt possible de voir, lequel il auoit recous, comme il disoit en maillet d'entre les dents d'une Lyonne, qui l'emportoit à ses faons, & l'a depuis donné la Roine à Oriane, pour seruir deuant elle avec Ambor mō fis : mais il y a difference bien grande entre eus deus : car

Ambor ēt laid au possible, & l'autre de la plus belle taille du monde. Vous le ferés tel qu'il vous plaira, dît le Cheualier, toutefois s'il ressemble au pere ce sera l'un des plus preud'hommes du monde & laissons ces beautés de visage aux femmes qui en sont tant curieuses.

Que pleut à Dieu, qu'il fut dé-jà d'age pour me suivre, ie vous prieroys bien fort de le me donner pour tenir le lieu de Gandalin, lequel i'ay delibéré faire Cheualier incontinent que ie serai de retour en Gaule. Par Dieu, dît Angriote, Gandalin merite bien que lon face beaucoup pour lui, & simon fis auoit le bien que vous lui desirés, i'en espererois beaucoup plus que ie ne fais. Aués-vous dît il été long temps ensemble vous & Bruneo ? Depuis nôtre partement de la grand' Bretagne, répondit Angriote, nous ne nous étions habandonnés pour combat qu'eussions entrepris iusques à hier, encores que nous ayons mis fin à plusieurs auentures étranges & dangereuses, lesquelles pourtant n'aprouchēt point de celle que vous aués eue sus l'Endriague, ainsi que nous auons été auertis.

Pourtant ie vous supplie me faire entēdre quel & cōment fut le combat d'être vous deus. Ce sera pour vne autre-fois, répondit le Cheualier : car nous voicy en la ville, & n'auois le tems pour le vous dire. Lors arriuerent au palais de Graside, laquelle auertie de leur venue vint les recevoir, & les conduir en la chambre ou reposoit Bruneo qui commençoit à bien se porter, pour l'allegement que luy auoit donné maitre Helisabel, & à son réueil se trouuans eustrois ensemble, furent merueilleusement ioyeux louās Dieu de leur rencontre si à propos. Et ainsi qu'ils parloyēt des fortunes passées, le Cheualier à la verde Epee leur recita la promesse qu'il auoit faite à Graside, & comme elle faisoit equiper nauires pour passer en la grand' Bretagne, de quoi ils furēt très-aises pour l'enuie qu'ils auoyēt d'y retourner.

LE TROISIEME LIVRE

Ce pendant Brunco se guerit, puis état en disposition de voyager, & leurs vaisseaux armés & fretés, vn iour de dimenche s'embarquerent avec Grasinde, & ceus qui luy pleut mener pour l'acompaner. Lors faisant voyle, singlerent en haute Mer, ou ils eurent si bon vent, qu'en peu de iours perdirent de veuë les Iles de la Romanie.

Comme la Roine Sardamire arriua avec les autres Embassadeurs de l'Empereur Patin, en la court du Roi Lisuart, esperans amener à leur retour Oriane, & dece qu'il auint à aucuns Cheualiers Romains iniurians vn Cheualier errant.

C H A P. XIII.



ETans dōcques les Embassadeurs del'Empereur arriué en la court du Roy Lisuart, ils furent receus de luy treshonorablement, sçachans l'ocasion pour laquelle ils étoient passés d'Italie en la grand' Bretagne, & après qu'il les eut ouys & entendu bien au long leur charge, il leur dit qu'il assembleroit les Princes & Cheualiers de son Royaume, puis qu'il leur feroit réponse, leur donnant esperance qu'ils retourneroient avec ce que l'Empereur leur maitre desiroit. Or n'étoit pour lors Oriane à la cour: car étant auertie de leur venuë, elle auoit faind être malade, pour n'auoir occasion de parler à eus, & s'étoit retirée à Mirefleur. Au moyë dequoy la Roine Sardamire, voyant leur remise, delibera de l'aller voir & de fait elle en parla au Roi, qui en fut trèscontent, & luy bailla pour la conduyre le vieil Cheualier Grume-

dan. Parquoy le lendemain ensuyuât, des le plus matin s'en partit bië deliberee de faire entendre à la Princesse l'amytië que l'Empereur lui portoit, les hōneurs qu'elle recevroit, & les singularités qu'elle verroit à Rome. Mais elle étoit bië deceuë, pource q̄ la souvenâce seule qu'elle auoit de son Amadis luy amenoit plus de contentement que chose qu'elle eut peu auoir ny voir. Or faisoit il en cete saison vne chaleur extreme, au moyen dequoy la Roine (pour se refraîchir en chemin) enuoya deuant tendre ses tentes le long d'un plaisant ruisseau qui passoit à trois lieues près de Mirefleur, & là vint descendre acōpagnée de Grumedā, & de maints autres Signeurs, Dames, & Damoiselles de ses pais: entre lesquels étoyēt cinq Cheualiers Romains, qui s'estimoyent plus que nuls de ceus de la grand' Bretagne, & de fait étans descendus aus tentes, firēt pen-

pêdre dehors leurs écus, laiffans leurs lances apuyées cōtre, qui étoit le signal (fuyant la coutume des Cheualiers errans) qu'il n'euil ne deuoit passer par deuât, sans venir au cōbat ainsi que Grumedan leur auoit dit. Mais ils luy auoyent répondu, qu'ils se vouloyent essayer contre ceus de la grand' Bretaigne, pour leur faire entendre comme ils sçauent mieus qu'eus rompre lance, & fraper de l'épee: nous verrōs, répondit Grumedan, comme il vous en prendra: toutefois ie vous assure que tel pourroit arriuer, qui vous donneroit beaucoup d'affaires. Et ainsi qu'ils étoient sus ce propos virent venir de loing Florestan le gentil Cheualier, qui auoit trauersé en vain maintes contrees étranges pour trouuer son frere Amadis, & cheminoit tout pensif droit à la court du Roy Lisuart, esperant en auoir nouuelles par les Romains qui y étoient arriués de nouueau, ainsi qu'on luy auoit dit, & auifant les tentes assés prés du chemin tira droit celle part, pour sçauoir qui étoit dedans. Lors s'adressa vers vn pauillō, duquel les murailles étoyēt haucées pour dōner plus de fraïceur aus Dames qui y étoyēt deuisans ensemble de propos moins ennuyeus, dont elles se pouuoient auiser, & s'appuyāt sus la lance se mit à les regarder fermement, sans leur dire mot quelconque. Adonc se leua l'une d'elles, qui lui dit assés rigoureusement: Certes Cheualier, vous êtes (ce me semble) très mal appris de vous tenir ainsi coy entre tant de grandes Dames que vous poués voir, sans leur auoir fait aucune reuerance, & vous fieroit trop mieus à vous adresser à ces écus pendus qui vous appellent, pour faire plus de deuoir contre leurs maitres que n'aués fait enuers nous. En bōne foi, ma Dameselle répondit Florestan, vous aués grand' raison: toute-fois mes yeus qui ont eu envie de vous voir tāt belles, ont forcé le reste de moy à faire telle faute: Parquoi ie vous supplie toutes ensemble me pardonner à la charge que ie l'amendray ainsi

Am. 3.

que vous auiserés. Le pardō, dit elle, doit être demandé après l'amende payee & nō plutōt. Sus mon Dieu, Dameselle, répondit il, i'en suis bien content, pourueu, que la ioute neme soit interdite contre ces Cheualiers, ou bien qu'ils retirent leurs écus au dedans. Cōment? dit elle, estimés-vous qu'ils soyent là atachés pour en être ôtés si legerement? croyés qu'auant qu'ils feroient leurs maitres ont bien delibéré en conquerir d'autres sus les Cheualiers errans qui passeront par cy, pour puis après en triompher à Rome, ou ils les porteront avec les noms écrits, de ceus à qui ils furent: pourtant si ne voulés tomber au danger de receuoir cete honte, ie vous conseille vo^e écarter le plutōt, qu'il vous sera possible. Assurés vous, répondit Florestan que i'ay encores si peu d'amitié & de connoissance à vous que ie me garderay de croire vōtre conseil, ensemble de la honte que vous dites: car au lieu de mon écu (qu'ils esperēt porter à Rome) j'auray les leurs, & les enuoyray en l'Isle Ferme pour embellir le lieu, avec plusieurs qui y sont. Ce disant fit la reuerence aus Dames & s'en alla vers les autres pauillons. Or auoit Grumedan entendu tout le discours du Cheualier & de la Dameselle, qui lui fit soudain presumer, que cetoit aucun des parens d'Amadis, dōt il fut tresaise, esperant qu'il pourroit abaisser l'outrecuydance de ces Romains, qui à leur auantage desprisoyent toutes autres nations du monde. Lors sortit de sa tête, & auisa qu'il touchoit les écus l'un après l'autre ainsi qu'il vouloit que leurs maitres vinsent au cōbat, puis se retira & passa le ruisseau attendant ceus auxquels il auoit affaire. Parquoi les cinq Cheualiers mōterent à cheual, delibérés de lui courre sus tous ensemble, quand Grumedan les arrēta leur disant: Comment? Signirs, voulés-vous rompre la coutume, & cōbatre cinq cōtre vn seul Cheualier? il vous faut aller l'un après l'autre, ainsi que les écus ont été touchés: mais n'oubliez rien der-

G 3

riere:

riere : car à la contenance du Cheualier il n'ët pour aysement endurer vne honte. Signeur Grumedan, répondit Gradamor, nous autres Romains sommes tous differens de vous qui vous louës auant l'œuure, & nous après l'effait, aussi ne se treuve il Cheualier comparable à nous. Je ne sçay, dit Grumedan, qui sont ceus qui tât vous estiment: mais si i'auois affaire contre quelq'vn des vôtres, qui vouût m'outrager, i'en penserois bien venir a mō honneur, Grumedan, Grumedan, répōdit Gradamor, vous parlez trop à vōtre auātage: mais par Dieu, ie voudrois qu'il meut couté tout mon bien, & nous fussions aussi prêts de nous bien faire l'un à l'autre, q̄ ie serai tantôt à celui qui nous ët venu chercher pou recevoir honte & vitupere. Toutefois ie crains qu'il ne viendra iusques à mon reng: car celui à qui il a premier touché l'écu le chastiera, sans me donner la peine de déployer mon bras sus lui. Dōnés vous garde, dit Grumedan, que le hazard ne tōbe sus vous, veu qu'il auient souvent, que ceus que lon pense vaincre aysement demeurent vaincueurs & fauorisés de fortune, qui n'ët amye nullement des presumptueus. I'entens bien que c'ët, dit Gradamor, ce seroit pour cōtester iusques à la nuit. Lors s'adressant à celui, duquel l'écu auoit été touché premier dit. Or allés mon compagnon, & faites entēdre à chacun la differēce qu'il y a du bien dire au mal faire. Fiés vous en à moy, répondit l'autre, ie sçay quels mots il faut dire, & n'estimés iamais riē de moi, si du premier coup ie ne lui fais prendre la mesure de son cors sus le pré, pour le moins ie me donne l'écu, & à vous Signr Gradamor le cheual, qui me semble d'assés belle taille. Lors passa l'eau, & mettant la lance en l'arrēt, courut droit à Florestan, & Florestan à luy: mais ils faillirent d'atainte, se rencontrans neant-mois d'écus & de corps si rudement, q̄ le Romain (moins adroit que l'autre) fut mis bas, & eut le bras rompu, demeurant en terre

tât étourdi, qu'il ne remuoit piē ni main. Parquoi Florestan cria à ces Ecuyers, qu'ils arrētaissent le cheual qui s'ēfuyoit, & ôtassent l'écu qui étoit encores au col du Cheualier, & le pendissent à vn arbre qu'il leur mōtra. Puis s'ē retourna au lieu ou il s'étoit au parauant parqué, attendāt q̄ le second vint secourir son compagnō, lequel peu après se presenta: toufois si le premier fut rudement traité, il eut encores pis: car Florestan lui donna si grand coup de lance. qu'il lui entama écu, haubert, & la chair bien auant, le renuersant lui & la selle de son dérier en vn moment, & aiāt parfait sa course tourna visage, lui disant: Par Dieu Cheualier, la selle demeurera vōtre mais le cheual sera mien par condition que vous pourrés ci après faire publier vos prouës au capitol de Rome, ainsi q̄ vous l'aués entrepris. Cēte parole fut si hautement proferee, que les Damoiselles la peurent entendre, dequoi Grumedā fut si ayse qu'il dit aus autres. Si vous ne faites mieus que vos compagnōs ie suis d'auis qu'à vōtre retour à Rome, les murailles ne soyent mises bas pour triompher de vos prouës. Croyés, répondit Gradamor, auant que le ieu se departe que vous verrés tourner la chāce, au desauātage de celui q̄ vous estimés ainsi, pour auoir casuellement abatu deus des nōtres. Je ne sçay qu'il en auindra, dit Grumedan, neantmoins (à ce q̄ ie voi) il se delibere de defendre son écu, & conquerir les vôtres pour les porter en l'Ile Ferme (comme il dit) non pas au rég de ceus des loyaus amās, ains des Cheualiers q̄ ont laissé leurs armes plus par force, que de leur hō gré. Pourtāt donc il vous ët besoin maintenāt de déployer vos forces, autrement ie ferai meshui exēpt de m'armer, pour defendre l'hōneur de nos Cheualiers q̄ vous aués tāt blasonnés. De cēte parole se soustint. Gradamor, & en seconāt la tête, lui répōdit Grumedā vous plaisantés, & cōme si ie n'auois moyen de faire plus grand effort qu'à vous combatre vous faites du braue

braue: asseurez vous que ie vous en feray repentir auant q̄ le iour se departe. Vous le dites, dit Grumedan: mais celuy qui a commencé à traiter vos compagnons, vous festoyera, pendant que la nuit s'aprochera. Tres déplaisante étoit lors la Roynie Sardamire, d'entendre ainsi Gradamor contester sans occasion. Et ce pendant Florestan fit prendre le cheual & ecu du Cheualier abatu, pour le renger avec les autres: Puis s'ē retourna en son premier lieu & prenāt vne nouvelle lāce demeura coi, atendant la venuē des autres. Lors arriua le tiers, leq̄l d'vne fiere cōtenance faisoit brāler si fort son bois qu'il sembloit qu'il le deut doubler en deus, & donnant des ēperons à son cheual, courut contre Florestan, & Florestan (qui étoit l'vn des plus adroits Cheualiers du monde) l'ataignit de si droit fil en l'armet, qu'il luy fit voler hors la tête tant rudement, que s'il n'eut embracé le col de son cheual, il fut tombé sus le champ, puis tournant bride, print sa lance par le fer, & ainsi qu'il luy en vouloit donner du gros bout il gachit au coup, se courant de son ecu lequel Florestan saisit, & à force de bras le lui arracha du col luy en chamaillant tāt le nes qu'il fut contraint tomber bas, ou Florestan le laissa, disant si haut que chacun l'entendit: Par Dieu Chenalier, c'ēt trēmal commencé pour triompher de nos ēcus à Rome, car le vōtre tiendra compagnie à ceus cy que i'enuoyeray en l'Isle Ferme. Tout autant en fit il au quart lequel en tomābt se rompit la iambe. Ainsi ne restoit plus que Gradamor, lequel continuant en ses hautes parolles, dit à Grumedan: Ne laissés à vous tenir prêt pour me répondre incontinent que i'auray abatu celuy, à l'auantage duquel vous aués parlé tout le iourd'huy, & si ie ne vous en fais dedire, ie suis content ne donner de ma vie coup d'ēperon à cheual qui rien vaille. Il y paroitra, répondit Grumedan: mais si n'en croyray-ie rien, que ne le voye: car ie suys seur que vous aurés tan-

tōt bonne part au butin que le Cheualier étrange vous prepare. Gradamor ne lui répondit rien: ains de grand colere trauersa le ruisseau puis cria au Cheualier qu'il se gardāt de luy. Lors Florestan courut encontre, & fut tāt rude le choc d'eus deus, q̄ Gradamor lui fauça l'ecu de part en part, & Florestan qui le print au decouvert, le desarçonna le ietant dans vne mare pleine de fange. Par mon serment, dit Grumedan (qui parloit lors à la Roine) à ce que ie puis connoître, i'auray tout loysir de prendre aleine, atendant que Gradamor ayt effuyé ses armes, & recouvré autre monture pour me combattre. Certes, répondit elle, il se fut bien passé des propos qu'il vous a tenus: mais il fait ainsi que font ceus auxquels le châtiment ēt iustement deu, parquoy vous le deues excuser. Ce pendant Gradamor mit toutes les peines qu'il peut à se tirer de la mare ou il se cnyda noier, toute-fois à la fin il échapa tant honteus de son infortune, qu'il eut voulu être mort. Lors ôta l'armet de sa tête: car il se sētoit si mal de la puanteur de l'eau qu'il ne l'eut peu souffrir. Et comme il reprenoit aleine, Florestan en se moquant lui dit: Cheualier qui sçaués tant bien menacer ceus que vous connoissés, si vous ne vous defendés mieus de l'épee que de la lance, vous n'êtes homme pour emporter mō ecu à Rome, ainsi que vous de visés nagueres. Par Dieu répondit Gradamor, i'ay encores le bras sain, & l'épee entiere, pour me sçauoir véger de toi & du plus hardi Cheualier de la grād' Bretagne, s'il m'auoit outragé, ce q̄ tu pouras voir presētēmēt, si tu oses maintenir cōtre moi la coutume de ce pais. Et cōbiē q̄ Florestā l'entēdit mieus q̄ Gradamor, si lui demāda il q̄lle elle étoit. Il cōuient répōdit le Romain, q̄ tu me rendes mō ceual, ou q̄ metes piē à tere pour venir au cōbat & être éga⁹ aus armes, puis qu'au ra du meilleur, face de sō enemi ainsi qu'il auisera sans auoir merci de lui. Vraiemēt dit Florestan, ie le ferai, encores q̄ ie sois

leur, que tu n'vserois envers moy de telle courtoisie, si tu auois l'auantage q' i'ay sus toy mais pour ce qu'il n'êt raisonnable q' tant beau Cheualier Romain, s'acoutre deormais d'un cheual tât ord & fangeus, ie descédrai à ta priere de dessus le mien. Ce disant mit pié à terre, & se couvrant de son écu, marcha contre Gradamor, leql esperoit bien venger son iniure. Au moyē de quoi commença la mêlée d'eus deus âpre & cruelle: toute-fois elle dura peu, car Florestan qui étoit l'un des plus adroits Cheualiers qui fut lors viuât, le reduit en telle extremité, qu'il le chassa iusques tout ioignant le pauillon de la Roine, ou il tomba d'un coup qu'il lui donna au plus haut de l'armet & demeura si étourdy qu'il ne remuoit pié ny main. Lors Florestā se ieta sus luy, & le prenant par la iambe, le traina iusques dedans la fange, ou il étoit au premier tombé: mais à l'heure les courroyes de son armet rompirent, & luy sortit de la tête. Parquoi prenant ar reuint de pâmoison, & voyant le danger ou il étoit, requit pardon à Florestā, apellant la Roine (qui les regardoit) à son ayde. Sus ma foi, dît elle Grumedā le mal lui êt bien employé: car il êt puny par la même loy qu'il a establie. Comment? répondit Florestā, veus tu auoir mercy veu le conuenant qui êt entre nous deus, & rompre l'edit que tu as fait de ta propre volonté? Assure toi que ie l'entretiēdray, puis que ie l'ay promis. Ah ah, dît Gradamor, chetif que ie suis c'êt doncques fait de moi! Ouy bien, répondit Florestan, si tu ne fais deus choses que ie te commanderay. Helàs, dît il, ie suis prêt à vous obeir & faire tout ce qu'il vous plaira, Or écry donc presentement, répondit Florestan, ton nom, & ceus de tes compagnons, de ton propre sang en vos écus, puis tu scauras au reste quel êt mon vouloir. Telle frayeur auoit lors Gradamor, qu'il étoit plus mort que vif: car Florestan tenoit lépee hauee & prête à la décharger sus sa tête. Au moyen de quoi il apella

promptement l'un de ses gens pour luy apporter vne ecritoire, & prenant la plume l'emplit de son sang, & obeit au commandement de Florestan, lequel remonta tôt après à cheual, & saisissant vne forte lance que tenoit l'un de ses Ecuyers, retourna vers Gradamor, auquel il dît. Par Dieu Cheualier, ce glaiue ne fut oncques fait que pour vèger ceusque tu as iusques icy malheureusement iniuriés & malheureusement en mourras tu, si Grumedan ne me prie de te sauver la vie. Helàs, dît il, il ne le fera iamais. A peine eut il acheué cete parole, que Florestan faignit lui donner dedans la gorge. Lors de paour qu'il eut s'écria. Ah gentil Cheualier Grumedan, priés pour moi ie vous supplie. A ce cry s'aprocha Grumedan, & lui répondit: Certes Cheualier, vôte grande presumption, vous a reduit en l'état ou vous êtes, & quād celuy qui vous menace vous ôteroit la tête de dessus les épaules, il ne feroit que ce qu'il doit: neant-moins ie le priay pour ce coup, qu'il vous pardonne. Seigneur Grumedan, dît Florestā, vous aués puissance de me commander, & puis que voulés qu'il viue encores, vous serés obeï. Or l'en remerciés damp Cheualier Romain, & vous souuienne incontinent que serés de retour en Rome, de raconter en plain Senat, l'honneur qu'aués hui acquis sus les Cheualiers de la grand' Bretagne, léquels vous souliés menacer & dépriser à tous propos, & si vôte Empereur prēd plaisir à vous ouyr parler, ne soyés paresseus de le luy reciter souuent: car de ma part ie feray entendre aus Cheualiers de l'Ile Ferme, la grāde liberalité de laquelle les Romains vsent en ce païs, donant si legeremēt leurs armes cheuaus, & écus, à ceus qu'ils ne connoissent, quād ils ne les peuuent defendre: mais pour parole que lui dît Florestan, il ne voulut répondre vn seul mot: ains baïssoit la tête de grand despit qu'il auoit de se voir ainsi moqué. Ce que connoissant Florestan, pour plus encores le tormenter, lui dît: A

ce que ie voy gentil Cheualier, vous emporterés en vôtres grande cité, cete grande outrecuidance que vous en aportâtes: car nous simples Cheualiers errans n'auons cure que de courtoisie & honnêteté, laquelle vous abhorrés par coutume: & si pour cela vous cuidés être mieus aymé de vôtres amie, ie suis d'auis que passés jusques au lieu où est l'arc des loyaus amans, pour donner à entendre à chacun s'il y a en vous autant d'amour que de prouesse: & (peut être) acquerrés vous par cela tel honneur & gloire que vous en serés estimés entre les vôtres, & d'icy en auant de trop plus fauorisé de celle qui vous ayme, laquelle vous connoissant tel, si elle est femme de bon iugement, ne vous changera de sa vie pour autre qui rien vaille. Or escoutoit Grumedan tous ces propos, tant aysé que rien plus, de voir les Romains si abaissés par un seul cheualier, & d'autre part Gradamor étoit si déplaisant, qu'il sans répondre à Florestan, dit à Grumedan: Ie vous supplie me faire porter en l'une de ces tentes: car ie me sens tant mal, qu'il est impossible que ie puisse longuement vivre. Vous en êtes cause, répondit il. Lors commanda aus Ecuyers de le prendre: puis dit à Florestan: Sire Cheualier, s'il vous étoit agreable me dire qui vous êtes, ie penserois être tenu à vous d'auantage, mêmes que si preud-homme ne doit couvrir son nom entre ses amys. Seigneur Grumedan, répondit il, vous me pardonnerés, attendu que j'ay ce jourdhuy tant offensé la Royne & les Dames presentes, que ie ne voudrois pour rien être connu, combien que l'excellence d'elles en a été cause: car les voyans tant belles, ie me suis trouvé transporté, en sorte que sans les saluer, il ne m'est souvenu que de les regarder, pourtant ie vous supplie priés les qu'en me pardonnant elles prennent de moy telle & si grande satisfaction qu'elles voudront: puis m'en mandés la réponse en l'Hermitage ronde, ou ie me logeray pour meschuy. Assurés vous, répondit

Grumedan, que ie feray enuers elles tout ce que ie pourray, pour l'amour de vous: & croy qu'elles seront aisees à contenter, quand elles sçauront l'honnête offre que vous leurs présentés. Ie vous prie, dit Florestan me dire si sçaués nouvelles d'Amadis. Or l'aymoit Grumedan autant qu'il me du monde, parquoy se souvenant de luy, les larmes lui vindrent aus yeus, & répondit à Florestan: Si Dieu m'ayde, Gentil Cheualier, depuis le tems qu'il partit de Gaule, d'auec le Roy son pere, nous ne sçauons qu'il est deuenue: & soyés seur que si j'en auois entendu quelque chose, ie prendrois plaisir à le vous dire, & à tous ses amys aussi. En bonne foy, répondit Florestan, ie n'en fais doute: car ie vous cōnois si loyal, que si chacun vous ressembloit, traison ne trouueroit ou se loger entre les personnes, comme elle fait cōmunement. Ce disant le commanda à Dieu, & Grumedan s'en alla vers les Dames. Mais peu après veid venir à lui l'un des Ecuyers de Florestan, lequel le saluant de par son maître, lui dit: Seigneur Grumedan, mon Seigneur Florestan (à qui vous parliés n'agueres) vous enuoye le cheual de Gradamor, qui lui a semblé propre pour vous seruir, & vous prie presenter de sa part ces quatre autres à la Damoiselle, à laquelle il parla quand il arriua premier en ces terres. Bien joyeus fut Grumedan de ce present pour auoir été cōquis sus le Romain qui le menaçoit: mais trop plus aysé qu'il ne conneut celuy qui lui enuoyoit, auquel il portoit grand amitié, tant pour l'amour d'Amadis, que pour les prouesses qui étoient en luy. Lors conduit l'Ecuyer ou étoit la Damoiselle, à laquelle il dit: Ma Damoiselle, le Cheualier que vous aués ce jourdhuy méprisé en beaucoup de sorte pour auantager ces Romains vaincus, vous enuoye quatre de leurs cheuaus, & vous prie les donner à qui bon vous semblera. Ecuyer, mon ami, répondit elle, vous remerciés vôtres maître, & luy dirés que j'eusse eu plus de plaisir au sien seul, qu'à

LE TROISIEME LIVRE

ceus qu'il a conquis outre mon gré. Je n'en fais doute, dit l'Ecuyer: mais qui aura enuie de rien gagner sus luy, il faut que soyent autres meilleurs Cheualiers que ceus cy, desquels l'effait dément la parole. Ecuyer, répondit elle, ne vous ébaiffés, si ie desire plus d'honneur & profit de eus, que de vôtre maitre que ie ne connoys, ne vy oncques: toutefois veu sa grande preud'homme, il me déplaît grandement de lui auoir dit chose qui lui ait porté ennuy, & l'amenderay quand il lui plaira. Lors l'Ecuyer print congé d'elle, & de Grumedan, pour retourner vers Florestan qui l'atendoit, auquel il recita les propos que luy & la Damoiselle auoyent eus ensemble. Dont il commença à se soufrire, & faisant emporter les écus des Romains print le chemin de l'hermitage, deliberant ne séjourner en quelque lieu que ce fût, plus haut d'une nuit, premier que d'arriver en l'Isle Ferme, ou il esperoit trouver Galuanes, lequel s'y tenoit pour l'absence d'Amadis, & là laisseroit les armes des Romains, comme il leur auoit promis. Mais entendés qu'aussi tôt que l'Ecuyer fut party de la Damoiselle, Grumedan vint trouver la Roine Sardamire, à laquelle il fit entendre que celui qui auoit vaincu ses Cheualiers, étoit Florestan frere d'Amadis, & ce qu'il lui mandoit. Comment, répondit elle, ét ce donc Florestan sis du Roy Perion de Gaule, & de la Cotteffe de Salandrie? Ouy certes, ma Dame, dit Grumedan, & l'un des meilleurs & plus hardis Cheualiers que ie sçache. Je ne sçay pas, répondit elle, comme il s'est porté en ce pais: mais autrefois les enfans

du Marquis d'Anconne (auec lesquels il a fréquenté en la Romanie par l'épace de trois ans entiers) m'ont assuré qu'ils ne virent oncques vn plus adroit Cheualier: toutefois ils n'oserent de leur vie en tenir propos deuant l'Empereur, qui ne l'ayme ni ne veut ouyr parler de chose qui soit à son auantage. Ma Dame, dit Grumedan, sçaués vous la cause? Ouy bien, répondit elle, c'est pour l'inimitié qu'il porte à Amadis, qui est frere de luy, lequel conquît l'Isle Ferme, & mit fin aus auantures étranges qui y étoient, lesquelles l'Empereur auoit reseruees à soy: mais Amadis le deuança: car il y arriua premier que luy, dont il est si déplaisant, qu'il voudroit l'auoir baissé mort. Grumedan se souzrit du propos que luy tenoit la Roine, & luy dit: Par ma foy, ma Dame, si l'Empereur étoit bien auisé, il l'en devroit mieus aymer, l'ayant releué du deshonneur ou il fut (peut être) tombé, ainsi qu'ont fait plusieurs qui ont essayé les auantures: toutefois autre que le bon Cheualier Amadis n'y a peu ataindre. Et croyés, ma Dame, que cete raison n'a causé l'inimitié qu'il luy porte: mais bien autre que ie sçay de long temps. Je vous prie, répondit elle, par la foy que vous deués à Dieu, ne me la celer. Lors lui conta comme il étoit auenu à l'Empereur, chantant les louanges d'amour, quand il trouua Amadis couché sous l'arbre en la forêt, & les propos qu'ils eurent ensemble jusques au combat, ainsi qu'il vous a été recité au second liure. Vrayement, répondit la Roine, à ce que ie voy, l'occasion de leur hayne n'est pas petite: mais bien autre que ie n'entendois.

Comme la Roine Sardamire enuoya prier Florestan de la conduire à Mirefleur vers Oriane: puis qu'il auoyt si mal traité les Cheualiers qui luy tenoyent compagnie, qu'ils ne la pouroyent plus suyre.

CHAP. XLII.

Ainsi



Ainsi étoient la Roïne & Grumedan deüifans de ce qu'il auint à l'Empereur Patin, lequel sous ombre de l'amitié qu'il lui portoit en ce temps, étoit passé d'Italie en la grand Bretagne, pour s'éprouver contre tous Cheualiers errans, & maintenir la beauté d'elle l'exceder celle d'Oriane, & de toutes les autres Princesses du monde: mais il auoit toujours teü le mal traitement qu'il auoit receu d'Amadis en la forêt, qui donnoit plus de plaisir à la Roïne Sardamire de l'entendre par Grumedan, lequel tombant de propos en propos luy dit: Ma Dame, que vous plait il mander à Florestan? La Roïne demeura toute pensue, puis ayant quelque temps songé, luy répondit: Vous voyés mes Cheualiers si mal en point, qu'ils n'ont moyen de garder eus, ne moy: parquoy ie desirerois grandement que vous & Florestan fusiés mes guides, pour me cōduire à Mirefleur. Ma Dame, dit Grumedan, Florestan êt tât sage & biē auisé, qu'il ne refusa onc Dame ou Damoiselle de chose dont il eût été requis par elles, par plus forte raison, considérés s'il serā aise de vous faire seruice, veu qu'il vous demande pardon de la faute qu'il a commise en vōtre endroit, comme il pense. Ie vous prie doncques, répondit la Roïne, me prêter l'un de vos Ecuers pour conduire cete Damoiselle vers luy, par laquelle ie luy feray entēdre bien

au long mon vouloir. Ce que Grumedan luy acōrda, & des l'heure s'en partit la Damoiselle avec lettres de créace de la part de sa maitresse, & cheminerent tant l'Ecuier & elle, qu'ils vindrent trouver Florestan en l'hermitage, lequel reconneut aussi tōt la Damoiselle: car c'étoit celle mêmes qui l'auoit iniurié au pauillon de la Roïne: toutefois il la receut gracieusement. Et elle en le saluant, luy dit: Sire Cheualier, il a été au jourd'hui telle heure, que ie n'esperois pas auoir la charge de vous venir trouver en ce lieu, estimant que les choses tournassent autrement qu'elles n'ont fait entre vous & nos Cheualiers. Damoiselle, répōdit il, vous sçaués q la faute êt venuë d'eus mêmes, me demandant chose que ie ne leur pouvois dōner qu'à mō trégrand deshōneur: mais dites moi, ie vous prie, si la Roïne vōtre maitresse dormira ce jourd'hui au lieu ou ie l'ai laissée. Voilà, répōdit la Damoiselle, vne lettre qu'elle vous enuoye. Lors la lui presenta: Et pour ce qu'elle portoyt creance, comme ie vous ay dit, Florestan luy pria de luy declarer sa charge. Mon Seigneur, répondit elle, puis que vous aués tant mal traité les cheualiers qui la conduisoient, & que le chemin ou elle va, n'êt seur, comme elle a entendu, elle vous prie bien fort, que vous la conduisiez iusques à Mirefleur, ou elle espere trouver la Princessse Oriane, à laquelle elle desire

desire grandement parler. Vrayement Damoiselle, dit Florestan, ie serois bien marry de refuser vne tant belle Dame comme ét la Roine, de chose qu'elle voulsit auoyr de moy, & la remercie humblement de l'honneur qu'elle me fait de me choisir pour sa conduite : mais il ét meshuy bien tard. Parquoi ie suis d'auis, que nous atendions l'aube du jour : & serôs demain aussi matin vers elle, que si nous y auions couché. Faisons, répondit la Damoiselle, tout ainsi que bon vous semblera. Lors leur fut apporté à manger : & souperent ensemble, deuisans de maints propos, tant qu'il fut heure d'aller dormir : & pour ce qu'il n'y auoit (outre le repaire de l'Hermite) qu'une petite cellule, Florestan la voulut laisser à la Damoiselle, & s'en alla reposer sous les arbres, iusques à ce qu'il fut heure de déloger. Adonc s'arma, & faisant appeller la Damoiselle, prindrent leur chemin vers la Roine, qui les atendoit, & arriuant aus tentes, Florestan entra en celle de Grumedan, lequel le vint embracer trop joyeus de son arriuee, & après maints diuers propos qu'ils eurent ensemble, Grumedan lui dit : Seigneur Florestan il me semble que la Roine n'a rien perdu au chage qu'elle a fait de vous à ses Cheualiers : tât y a que ie vous assure, que c'êt l'une des plus sages Princesses que ie ne vy onques : & qui merite d'être honorée & seruie. Sus ma foi Grumedan (répondit il) ie me tiendray pour bien fortuné de luy faire chose qui lui soit agreable, comtés moy donc, ie vous prie, dit Grumedan qu'aués vous fait des écus que vous emportâtes hier ? Assurez vous, répondit il, que ie les ay tous enuoyés à Galuanes vôte grand amy, qui ét de present en l'Ile Ferme, à ce qui les mette au reng qu'ils meritêt, affin que si les autres Cheualiers de Rome ont desir de les rauoir, pour venger la honte de leurs compagnons, qu'ils ayent aussi moyen d'éprouver quant & quant, l'arc des loyaus amans. Et ainsi qu'il disoit cete parolle, la Roine Sardamire entra en

la tente de Grumedan. Parquoy Florestan se teut, & vint au deuant luy faire la reuerence : & comme il se mettoit à genous pour lui baiser les mains, la Roine le print par les bras, puis en le souleuant, lui dit qu'il fût le trébié venu. Ma Dame, répondit il, j'ay toute ma vie été seruiteur des Dames, par plus forte raison ie me doy employer pour vous, qui le merités entre toutes. En bonne foy, dit la Roine, ie vous mercie bien fort de la peine que voulés prendre, & puis que vous êtes si prêt d'amender la faute que me font à present mes Cheualiers, c'êt bien raison que ie vous pardonne aussi celle qu'aués commise enuers moy & mes femmes. Ma Dame, répondit Florestan, il me semble q'ie ne scaurois auoir peine ou trauail en vous obeissant, mêmes que la beauté de vous merite bien la conduite d'un trop meilleur cheualier que ie ne suis. Et me faisant cêt honneur, vous m'obligez plus que ie ne pouroys satisfaire enuers vous. Vous plaît il, dit la Roine, que nous partiôs maintenât ? Quand il vous plaira, ma Dame, répondit Florestan. Il vaudra donc mieus, dit Grumedan, faire emporter ces Cheualiers navrés en vne ville qui n'êt pas loing d'icy, & là les faire pèser tant qu'ils ayent le moyen de monter à cheual. Et bien, répondit elle. Lors on luy amena vne trébelle hacquenee blâche, sus laquelle elle monta, puis se mit en chemin avec ses Damoiselles. Et la conduisoit Florestan & Grumedan, l'entretenant de tant bons propos, que le chemin ne lui fut point ennuieus. Or auoit Oriane au parauât entendu le partement de la Roine Sardamire, pour venir vers elle à Mirefleur, dont elle étoit si triste que rien plus, sachant qu'elle lui vouloit parler de l'Empereur, lequel elle auoit en haine merueilleuse : mais quand elle sceut que Grumedan & Florestan l'accompagnoient, la peine fut quelque peu allégée, esperant par eus entendre nouvelles d'Amadis. Et comme elle étoit en cete pensée, on luy vint dire qu'ils étoient

royent descendus:parquoy elle alla au deuant les receuoir. Lors la Royne Sardamire s'auança, & lui faisant vne grande reuerence, lui voulut baiser les mains: mais elle la print sous le bras, & la conduisit en vne bien belle salle qu'elle auoit fait expressement acouter: puis s'assirent joignant l'une de l'autre, & tout auprès d'elles les deus Cheualiers. Et comme ils deuisoyent ensemble, Oriane voyant que la Roine Sardamire prêtoit fort l'oreille à vn propos que lui tenoit Grumedan, elle dit tout bas à Florestan: En bonne foi Seigneur Florestan, il y a bien lōg tems que nous ne vous vîmes en ce païs, dont j'ay été fort ennuyée, tant pour le bon vouloir, que ie vous porte, que pour l'indigence qu'ont souffert maints pauvres affligés, qui souloyent trouver secours à vous, votre frere Amadis, & à maints autres qui l'ont suivi. Que maudits soyent ceus qui sont cause de tel éloignement. Et croyés que ie ne le dy sans grande occasion: car ie connois vne pauvre Damoiselle bien prête à être desheritee pour n'auoir personne qui deffende le tort que lon lui fait: Et si Amadis étoit encores par deçà, & tât d'autres qui en sont élognés, elle se pourroyt tenir seure, que son bon droit ne luy seroit ainsi tollu cōme il est: mais le voyant absent, elle n'a recours n'esperance meilleure qu'à la mort. Tenant Oriane tel propos, les grosses larmes luy tomboyent des yeus, preuoyant sa malheureuse fin, si le Roy s'oublioyt iusques là, de la liurer aus Romains: car elle deliberoit de se ietter en la mer, aussi tôt qu'elle seroit embarquée. Or entendoit trèsbien Florestan qu'elle parloit pour elle mêmes, au moyē dequoy il luy répondit: Ma Dame, Dieu tout misericordieus n'oublia onc ceus qui esperent en lui, & ne commencera, s'il luy plait, par la damoiselle qui est tant desolée. Quant à mon Seigneur Amadis, assurez vous qu'il est en trèsbonne santé, cherchant continuellement les auantures étranges, en sorte que par les grandes armes qu'il

fait es païs loingtains ou il est, sa renommée se divulgue en toutes les parties du monde. Tout ce propos écoutoit la Royne Sardamire, laquelle oyant parler d'Amadis, dit à Oriane. Ah ma Dame, Dieu le gard de tōber es mains de l'Empereur: car c'est l'homme du monde qu'il hait le plus (après vn Cheualier qui a longuement séjourné en la maison du Roy Tassinor de Boëme) lequel defit l'année passée en champ de bataille, vn nommé Garadan, le plus gentil Cheualier qui fût en l'armée des Romains, après le Prince Saluste Quidé, qui est venu en ce païs de par l'Empereur, vers le Roy votre pere, pour conclure le mariage de luy & de vous, & lui porte cete inimitié, pour ce qu'il fut cause de la deffaite d'onze autres Cheualiers, lesquels cuydant venger l'iniure de leur compagnon, acorderent le jour ensuiuant le combat contre le Cheualier, duquel ie vous parle, avec autant d'autres, qui rengerent tellement nos Romains, q l'Empereur fut contraint (suiuant leurs cōuenances) faire leuer son camp, & rendre au Roi Tassinor tout ce qu'il auoit cōquis sus lui. Adonc se mit la Roine à discourir par le menu, comme les combats auoyent été entrepris, & quelle en auoit été l'issue, tout ainsi que vous aués entendu par cy deuant. Sus mon Dieu, ma Dame, répondit Florestan, si votre Empereur ne l'ayme gueres, il y a maints autres preudhōmes qui lui veulēt tout biē & hōneur, & ne s'en doit (ce me semble) mon Seigneur Amadis gueres soucier. Toute-fois ie vous supplie nous faire entendre, si vous sçaués le nom de celui que vous loués tāt. Entendés, dit elle, qu'il se fait aucunesfoys appeller le Cheualier à la Verde Epee, & bien souvent le Cheualier du Nain, combien que ie pense que l'un ne l'autre ne soit son droit nom: mais pour ce qu'il porte vne epee qui a le fourreau de cete couleur, & qu'un Nain le suit ordinairement, on lui a imposé ces deus noms, ausquels il répond cōmunément. Quand Florestan

enten

LE TROISIEME LIVRE

entendit cete parolle il fut fort joyeus, sçachant certainement que c'étoit Amadis, & autant en pēsa Oriane qui en auoit dé-jà ouy parler. Et pource qu'il lui tar-
doit qu'elle n'étoit à part pour en deuifer priuément, elle se leua, disant à la Roynne Sardamire: Ma Dame, veu le grand chemin que vous aués fait, vous deuriés être lasse, vous plaît il pas aller reposer? Lors la conduit en vne trébelle chābre, & la laissant là, entra en vn jardin avec Mabile & la Damoiselle de Dannemarc, ausquelles elle recita tout ce qu'elle auoit appris du Cheualier à la Verde Epee, lequel sçauoit assurément être Amadis. Par ma foy ma Dame, répondit Mabile, s'il ét ainsi, voyla le songe auenu que i'ay fait cete nuit passee: car il m'a semblé que nous étions en vne chambre bien fermee, & que nous entendîmes vn grand tumulte au dehors, qui nous épouenta merueilleusemēt, mais vōtre Amadis suruint, qui rompit la porte, vous appellant à haute vois. Lors ie vous montray à lui, & me fut auis, qu'il vous print par la main, & nous fit toutes sortir, puis nous mena en vne forte tour, ou il nous dît: Demourés ceans, sans auoir aucune crainte. Et sus ce point ie me suis éueillée. Cela me fait croire, qu'il nous mettra en liberté, & hors des mains de ceus qui vous cuident emmener. Ah, ah, ma cousine m' amye, dît Oriane, quel grand espoir vous me donnés. Je prie à nōtre Seigneur, qu'il vous vueille ouyr. Et si ie ne suis digne d'vn si grand ayse, au moins qu'il nous face tous deus mourir, & en vne même heure. Laissés tel propos, répondit Mabile, celui qui l'a tāt fortuné vous donnera à tous deus (s'il luy plaît) meilleure yssue de vos affaires, que vous ne pensés: mais parlés à Florestan, & le priés affectueusement que luy & ses amys mettent peine de rompre la fantasie du Roy, en sorte que sa deliberation ne puisse auoir lieu. Or entendés que Galaor en auoit dé-jà fait son possible, non pour priere ou auertissement que lon luy eût

fait de par la Princesse, ains seulemēt pour ce qu'il connoissoit le tort que lon lui feroit de la desheriter pour auantager sa sœur Leonor: mais vn jour ou deus au parauāt l'arriuee de Florestan à Mirefleur retournant le Roy Lisuart de la forêt, tira à part Galaor, & luy dît: Mon grand amy, i'ay tou-jours conneu tant de fidelité en vous, & me suis trouvé si bien d'auoir souvent creu vōtre conseil, que ie suis deliberé ne conclure jamais affaire d'importance sans vous en communiquer. Vous sçaués l'honneur que me fait l'Empereur & l'Embassade qu'il a enuoyé nouvellement vers moy, pour me prier luy dōner ma fille Oriane à femme, & croyés qu'il me semble que nōtre Seigneur fait en cela beaucoup pour elle, & pour moy: car c'ēt au jourdhuy le Prince de la Chrétienté plus puissant & redouté: par ainsi étant si bien allié avec luy, ie n'auray deormais voisin ou ennemy, qui ose leuer les cornes pour me vouloir seulement ennuyer, & seray plus craint & obey que fut oncq' Roy de la grand Bretaigne, & d'auantage il sera quasi impossible de la pourvoir mieus qu'elle sera, étant femme d'vn tel Empereur: & par ainsi Leonor demeurera après moi seule Dame de mes pais, lesquels autrement pouroyent être diuissés, qui seroit vn trégrand dommage. Toutefois ie suis deliberé de ne faire rien, sans auoir l'auis des Signeuis & Cheualiers de ma court, specialemēt le vōtre que ie vous prie (par l'amitié que vous m'aués toujours portée) me dire librement & franchement, & sans aucune dissimulation. Bien ébaï fut lors Galaor d'ouyr le Roy tenir tel propos, & sentir qu'il deliberoyt desheriter du tout sa fille aînée, & droite heritiere, pour auantager la seconde: Et pour cete cause demeura longuemēt tout pensif, sans pouoir répondre, tant que le Roy luy dît: Et bien, que vous en semble? Sire, répondit il, ie vous supplie m'excuser: car ie me sens trop foyble, pour vous sçauoir fidelement resoudre chose de telle impor-

importance. Puis vous delibérés, à ce que vous dites, assembler les hauts hommes de ce pays, pour en communiquer, lesquels (ainsi que ie croy) vous en diront, & conseilleront comme loyaus sujets doyvent faire à leur Prince. Toutes-fois, dît le Roy, si veus ie premier en auoir vôtre auis, autremêt vous me donnerés ocaſion de ne me contenter de vous. Ha, sire, répondit il, Dieu me gard de ce faire, plutôt en ſçaurés vous ce que i'en penſe, ſelon le peu de iugement & grande ſimplicité qui êt en mon eſprit. Sire, vous dites, que mariant ma Dame Oriane, avecques l'Empereur, vous la pourvoyrés ſi bien, qu'il ſeroit impoſſible de mieus: mais ie ſuis ſeur que ce ſera tout le contraire: car étant vôtre principale heritiere, & l'enuoyer en païs loingtain pour luy faire perdre le Royaume, qui luy êt déjà acquis, vous la rendés pauvre, ſans moyen & en ſuection d'un peuple aſſés peu conuenât aus meurs & conditions de cete contree. Et ſ'il vous ſemble que pour être femme d'Empereur, & porter nom d'Imperatrix, elle ſoit en plus d'autorité à l'auenir, ſus mon Dieu, Sire, vous vous abuſés, & voycy la raiſon. Prenés au mieus qu'il luy puiſſe auenir, qu'elle ayt enfans mâles de ſon mary, ſi elle demeure vêue, la premiere choſe que lui fera ſon enfant, ce ſera de la faire retirer, pour auoir le gouuernement ſeul de l'Empire, & ſ'il prent femme encores pis: car la nouvelle Princeſſe ne voudroit être ſecôde à nulle, & pourtât il êt tout ſeur, que ma Dame vôtre fille tomberoit en mille inconueniens, & ennuys extremes, ayant laiſſé ce païs qui êt certain, ſa nourriture, & ſon naturel, pour viure en contree étrange, hors de ſes parens, ſujets & ſeruiteurs. Et quant à ce que vous dites, que par la faueur de luy, vous ſerés ſecouru, craint & redouté: certes ſire, vous aués, grâces à nôtre Seigneur, tant d'amys & de Cheualiers à vôtre cōmandement, que ſans l'ayde des Romains vous pouvés facilement étendre

vos limites, ſi bon vous ſemble: & croy qu'au lieu d'en auoir ſupport, ils eſſayeront plutôt à vous ruyner & deſtruire, qu'à vous ayder & ſecourir, comme vous eſtimés, ne voulant aucun égal ou plus grâd qu'eus. Et d'auantage il êt tout certain, qu'ils ne demanderoyent pas mieus, que d'auoir l'ocaſion de vous mettre en leurs Croniques, à vôtre conſuſion, & à leur gloire, ſous ombre de quelque petite faueur qu'ils vous auroyent portee, qui ſeroit le plus grand mal qui pouroyt auenir à vo⁹ & aus vôtres: & auſſi, Sire, quelle raiſon ſeroit ce éloigner de vous ma Dame Oriane vôtre fille & principale heritiere, pour tant anantager la Princeſſe Leonor, qui êt la plus ieune? Sus mon ame, pour vn Roy droiturier, & qui êt par tout le monde tenu pour aucteur de juſtice, vous ſerés (peut être) la plus grande playe à vôtre renōmee, que fit onc Prince ne puiſſât Roy. Et ja Dieu ne vous doint le vouloir ſi hors de raiſon, non pas ſeulement à vo⁹: mais au plus pauvre Cheualier qui ſoyt en vôtre court, vous ſupliant treshumblement, Sire, croire que ie n'euſſe été ſi temeraire de vous en declarer ſi librement ce qu'il m'en ſemble, n'eût été que vous me l'aués expreſſément commâdé & auſſi que ie ſuis delibéré vous garder toute ma vie la fidelité que ie vous ay promiſe, cōme celuy qui ſe ſent trop obligé à vous, pour les biens & faueurs que vous m'aués faits. Bien montra lors le Roy Liſuart à ſa cōtenâce, qu'il n'étoit pas contêt de la remonſtrance que luy faiſoit Galaor. Ce qu'il aperceut auſſi tôt, parquoy continuant ſon propos lui dît: Sire, le Roi Perion mon Pere m'a mandé l'aller trouver en Gaule, le plus tôt qu'il me ſera poſſible: & pour-ce que ie ſuis delibéré partir demain, afin que ne pēſés q̄ ie ne vous aye conſeillé fidellemêt, ſ'il vous plait, ie vous laiſſeray par écrit tout ce que ie vous ay dit, pour le communiquer à ceus q̄ vous delibérés assembler. Je vous en prie, répondit le Roy: & cōme il aceuoit cete parole,

LE TROISIEME LIVRE

parole, ils entrèrent en la ville: parquoy changerent de propos. Puis étant le Roy descendu, entra en sa chambre tout pëssif, sans vouloir pour le jour se trouver en cōpagnie, & le lendemain Galaor s'embarqua suiuant ce qu'il auoit deliberé: car il ne se vouloit trouver à la resolution de ce mariage, sachant que le Roy n'en feroit autremēt qu'il auoit entrepris, pour conseil que lon lui donnât, mêmes qu'il connoyssoit quelque peu des priuautés d'Amadis & d'Oriane, laquelle ce pendāt ne bougeoit de Mirefleur, ou la Roïne Sardamire la vint voir, comme ie vous ay recité, qui la trouua la plus belle Princesse du monde. Si dōc elle l'eût veu en son bon point, & au parauant la continuelle melancolie qu'elle print pour l'absence d'Amadis, & le nouveau propos du mariage, duquel on la pressoit, quelle estime, & quel iugement en eut elle fait? veu que la voyant maigre, palle & melancolicque, iugeoit en soy-mêmes, que nature s'étoyt étudiée à la rendre parfaite en tout ce qu'elle pouuoit. Mais pour ce qu'elle ne la trouua à point ce jour, pour lui faire entendre l'ocasion de son arriuee vers elle, elle delibera differer iusques au lendemain matin, qu'elle la vint trouver, & après auoir ouy messe ensemble, se pourmenans le long des allees du jardin, elle entra si auant en propos quelle commença à luy declarer l'amitié que lui portoit l'Empereur, la poursuite qu'il faisoit pour l'auoir à femme, & les grans biens & hōneurs esquelz elle étoit appelée en faueur de ce mariage: toute-fois la réponse d'Oriane fut si maigre, que la Roïne Sardamire ne lui en osa oncques puis parler, & sus ces entrefaites suruint Florestan, lequel voulant prendre congé d'elle, pour s'en aller en l'Île Ferme, la tira à part. Lors cōmença à renouveler ses douleurs, lui déclarāt le tort que luy faisoit le Roy, la voulant marier par force en país étrange, & à l'hōme du monde à qui elle portoit moins d'amitié. Et croyés, disoit elle, que s'il cō-

tinué en son opinion, q̄ la premiere nouvelle qu'il aura de moy, après mon partement, sera celle de ma mort: ca quoy qu'il doie auenir, s'il me separe de ce país, la mer & la mort m'en separerōt aussi, étant bien deliberee de succumber mes malheurs par l'impetuosité des vagues, lesquelles seront pour jamais témoins de ma douleur, cōme celles esquelles i'espère trouver plus de pitié, qu'en mon propre pere, parens, país, amys & seruiteurs: & pourtant, Signeur Florestan, ie vous supplie en l'honneur de Dieu, vous employer à le dissuader de sa fantasie, autremēt, sus ma foy, ce lui sera grande charge de conscience, & à moy le plus étrāge malheur en quoy pouroit choir pauvre Damoiselle desheritee, & abādōnnée de Dieu & des hommes. Ce disant, pleuroit si fort, que Florestan mêmes (qui étoit de l'un des plus grands cœurs du monde) ne se peut tenir de l'armoyer, ayant le cœur si serré de pitié, qu'elle luy faisoit, qu'il ne pouvoit quasi luy répondre: Toute-fois à la fin il s'éuertua, & lui dît: Ma Dame, vous me feriez grand tort, si vous ne m'auiez en l'estime que ie suis entierement vōtre, & prêt à vous obeir & servir iusques à la mort: mais de parler au Roy vōtre pere, ainsi que me priés, il est impossible que ie le puisse faire: car vous scaués l'inimitié qu'il me porte par dépit de mon Signeur Amadis, oubliant tant de grans seruices, que lui & tous ceus de son lignage luy ont faits par le passé, & aussi s'il en a receu quelqu'un de par moy, il ne m'en doit scauoir nul gré, veu que ie ne l'ay fait pour l'amour de luy: mais par le commandement de celui qui a toute puissance sus moy: & auquel ie ne puis ny ne doy contredire, qui fut la cause que ie me trouuay dernièrement en la guerre des sept Roys, non pour ayder à ceus de la grande Bretagne, ains seulement pour conseruer le droit q̄ vous y aués, cōme celle qui en sera quelq̄ iour Dame & Roïne, si dieu plait, tāt y a qu'au reste ie vo^s obeiray, & feray
entendre

entendre ce que vous m'aués dît, au Roi Perion, & autres mes amys, pour essayer de trouuer remede en vôtres affaire, & espere qu'il y pouruoyra en sorte, que vous aurés ocalion de vous contenter, vous asseurant que ie ne seiournerai en lieu, que ie ne sois en l'Ile Ferme, ou ie trouueray le Prince Agraies, qui a bonne euue de vous faire seruice, ainsi que vous sçaués, mêmes pour l'amour de Mabile sa sœur. Là auiserons nous ensemble de ce qu'il nous faudra entreprendre, sans y épergner chose qui soit en nôtre puissance. Sçaués vous bien dît Oriane qu'Agraies y sera? Ouy ma Dame, répondit il, ainsi que m'a dît Grumedā, qui l'a sceū au vrai d'un sien Ecuyer, lequel en est venu puis peu de iours en ça. Je vous supplie dōc, dît Oriane, lui declarer amplement l'esperance que j'ay en lui, & si vous aués nouvelles de vôtres frere Amadis, ne faillés à me les faire entendre le plutôt qu'il vous sera possible. Je le ferai ma Dame, répondit Florestan. Ce disant luy baïsa les mains, & print congé d'elle : puis retournat vers la Roine Sardamire luidît: Ma Dame, ie suis cōtraint vous laisser, & aller ailleurs chercher mon auenture: mais quelq̃ part que ie sois, vous aurés tou-jours vn Cheualier & seruiteur en moi : & pour tel ie vous supplie me tenir. En bōne foy, répondit elle, cele qui refuseroit tāt beau parti, seroit biē pauvre de bō iugemēt, veu q̃ ie suis seure q̃ vous êtes estimé l'un des meilleurs, & plus courtoys Cheualiers du mōde, & Dieu me gard de choir en tel in-cōuenient, ains plutôt j'accepteray l'honneur que vous me faites, & vous en mercie de bien bon cœur. Florestan qui la regardoit d'un œil affectionné, & la voyant si belle lui dît: Ma Dame ie prie à nôtre Seigneur (qui vous a pourueu de tant de beauté) qu'il vous donne ce que ie vous desire, & sçache gré de la gracieuse réponse que vous m'aués faite, puis qu'à present ie ne puis faire autre chose pour vous, que de demeurer en volonté

Am. 3.

de vous seruir, ou il vous plaira me commander. Et prenant congé d'elle, de Mabile, & des autres Dames, mōta à cheual, priant bien fort Grumedan, s'il pouvoit sçauoir nouuelles d'Amadis, qu'il lui en fit part le plutôt qu'il pourroit en l'Ile Ferme, ou il s'en alloit pour voir Agraies & ses autres compagnons.

Comme le Cheualier à la verde Epee, nommé depuis le Cheualier Grec, Bruneo de bonne Mer, & Angriote d'Estrauaus, s'embarquerent en la compagnie de la belle Grasinde : & de ce qu'il leur auint.

CHAP. XV.

Ayant maitre Helisabel mis en bon ordre les nauires qui estoient necessaires pour l'entreprinse que deliberoit faire Grasinde, & état le vent bon & à propos, elle s'embarqua avec le Cheualier à la verde Epee, Bruneo, Angriote, & plusieurs autres Cheualiers, Dames, & Damoiselles, puis faisant tirer les ancres, & haucer les voiles entrèrent en plaine Mer, ayans quelquefois tems calme, & bien souvent la fortune qui tourmētoit leurs vaisseaus: toutefois avec l'ayde de Dieu & la grande diligence du bon Pylote maitre Helisabel, ils trauerferent tant d'Iles & détroits, qu'ils découvrirent la côte de la grand' Bretagne. Adonc le Cheualier à la verde Epee voyant le pais, auquel il esperoit trouver son heur, & plus grande felicité, se trouua si ayse que rien plus, & pource qu'il ne vouloit nullement être conneu, il pria Grasinde & tous ceus qui l'accompagnoient, de ne l'appeler de là en auant autrement que le Cheualier Grec. Puis commanda à Gandalin lui apporter les sis épées que la Roine Menoresse luy auoit donnees au partir de Constantinople, & en donna deus à Bruneo, & à Angriote, & lui mêmes en retint vne : car il ne vouloit être découuert par celle qu'il souloit porter, qui étoit verde, ainsi que ie vous ay souvent fait entendre, & ap-
chant

LE TROISIEME LIVRE

chant le lieu ou pour lors le Roi Lisuart sejournoit, étans Grafinde & lui retirés à part, il commença à lui dire. Ma Dame grace à nôtre Signr, nous sommes prests de la contree ou vôtre cueur à tous jours pretendu pour auoir ce que tant il a désiré, vous assureât, ma Dame, que sans épergner vie, ne trauail, ie mettrai peine de reconnoître partie des biens que m'aues faits par cy deuant. Ah Cheualier Grec, répondit elle, i'ai telle fiâce en Dieu, qu'il m'en donnera la grace étât assuree qu'il ne m'eut adressé vn si gentil Cheualier pour ma conduite, s'il n'eut voulu me faire le bien que i'espere: mais ie vous prie, beau sire, puis que nous sommes si près de terre faisons nous descendre & mettre à bord vous, Angriote, Bruneo, & moi sans plus, & là priuément pourrôs deuifer de ce qu'il nous faudra faire auât que de me presenter aus Dames de ce païs. Adôc apella maitre Helisabel, lequel entendant son vouloir fit ieter en mer vn équip, ou ils entrèrent, & ainsi qu'ils côtoyoient la riuie ils découvrirēt vn vaisseau à l'ancre: Parquoi le Cheualier Grec ayant desir de sçauoir qui étoit dedans, commanda aus mariniers d'aprocher, & étans tout au plus près fit parler Angriote lequel appellant ceus du nauire, leur demâda ou ils tiroyēt & qui étoit en leur cōpagnie. Certes, répōdit le patrō, le vaisseau êt de l'Ile Ferme, & sont dedâs deus Cheualiers, qui vous dirōt volōtiers ce qu'aures enuie de sçauoir d'eus. Quand le Cheualier Grec entendit parler du lieu, qu'il auoit tant affectionné, & que deus de ses compagnōs étoient là, le cueur lui sousleua de grand' i'oye, & continuant Angriote son propos, pria le patron mander les deus Cheualiers: & ce pendant, dît il, faites nous ce bien de nous dire comme ils se nommēt. Cela ne ferayie pas, répōdit le Patrō: car ils en pourroyent être mal cōtens: mais volōtires les apellerai, ce qu'il fit. Lors vindrent sus le tillac, & les saluant Angriote, leur demâda s'ils sçauoiēt certainemēt ou

étoit le Roi Lisuart. En bonne foi, répōdirent ils, nous vous en dirons de bon cueur tout ce que nous en auons appris: mais premier voudrions bien vous prier aussi, nous dire vne chose si vous la sçaués (pour laquelle nous auons entrepris ce voyage) delibérés de ne sejourner en nul lieu, premier qu'e ayons nouvelle certaine. Si nous la sçauōs, dît Angriote, vous pouvés tenir seur que nous ne vous la târons. Seigneur Cheualier, répondirent ils, aues vous rien entendu d'vn Cheualier nommé Amadis de Gaule, pour lequel trouver ses amys vont le cherchant en tous lieux avec vn trauail extreme? Cete parole esmeut tellemēt le Cheualier Grec à ioye & pitié qu'il ne se peut tenir de larmoyer, considerant quelle amytié luy portoyent tant de gens de bien, & la calamité qu'ils enduroyent, pour l'amour de lui. Or me dites, dît Angriote, qui vous êtes, & volontiers après ie vous diray ce que i'en sçay. L'vn deus s'auança & répōdit: Ceus qui me connoissent m'appellent Dragonis, & cetui mon compagnon êt Enil, qui sommes resolu courir toute la mer Occéane, & aller de port en port auant que ne trouuions celui duquel nous vous parlōs. Signeurs, dît Angriote, Dieu vous en doint ioye, & pour l'amour de vous ie m'en enquerrai volontiers à tous ceus de nos nauires, ou il y a plusieurs sortes de gens étrangers, qui peut être en ont ouy parler, & celui faisoit dire le Cheualier Grec, qui ne vouloit si tôt être cōneu. Mais dites nous, ie vous prie, dît Angriote, ou nous pourrons trouuer le Roi Lisuart, & quelques nouuelles de la court Sire Cheualier, répōdit Dragonis, il êt maintenant en vne sienne ville nommee Tagades: trébon port de mer contre Normandie, & là a fait assembler grand nombre de Cheualiers pour auoir conseil d'eus, sus ce que l'Empereur de Rome demande ma Dame Oriane sa fille en mariage: toute-fois nul d'eus n'y veut consentir, & dé-jà sont arriués plusieurs Ro-

mains

mains pour l'emmenner quant & eus, entre lesquels ét le Prince Saluste Quide, Duc de Calabre, & autres des plus grâs Signeurs de tout l'Empire pour l'accompagner avec bon nombre de Dames & Damoiselles, tellement qu'on la nomme en plusieurs lieux Imperatrix de Rome: mais elle pleure incessamment: car cét maugré elle que tel mariage se fait. Quand le Cheualier Grec l'entendit, oncques homme ne fut si ébai, & plus encores sachant les doleances & regrets que faisoit la Princesse: toutefois à la fin le cœur lui reuint, estimant que puis qu'elle n'y consentoit, & que c'étoit outre le vouloir des Cheualiers de la grand'Bretagne, qu'aylément il la pourroit secourir par Mer, ou par terre, à quoi il ne voudroit faillir, mêmes pour la plus simple Damoiselle du monde, par plus forte raison doncques le deuoit il faire pour celle sans la bonne grace de laquelle il ne pourroit viure vne seule heure comme il estimoit, & se print à louer deuotement nôtre Seigneur de lui auoir donné grace de être arriué au tems de lui pouuoir faire vn tel seruice, esperant que s'il venoit au bout de cete entreprise (l'ayant en son pouoir, sans qu'elle en eut blâme) qu'il seroit au dessus de toutes ses infortunes, & déja se representoyent deuât ses yeus, l'aïse & trégrand contentement ou il seroit, le discours qu'il luy feroit des peines & dangers ou il s'étoit trouvé depuis le tems qu'il ne l'auoit veuë. Or ça, dit Angriote à Dragonis, estes vous bien certain que les Romains sont déja arriüés pour cét affaire? Par ma foi, répondit il, il n'y a que quatre iours que nous sommes partis de l'Île Ferme, & le iour mêmes y suruindrent Quedragant, Landin son neveu, Garuate du val Crainrif, Mandacian du pont d'Argent, & Helye le Deliberé, lesquels venoyent pour sçauoir de Florestan & Agraies, comme ils deuoyent entreprendre la queste d'Amadis de Gaule, & pource que Quedragant vouloit enuoyer à la court du

Roy Lisuart en entendre nouvelles par ces étrangers, Florestan luy dît qu'il n'y gagneroit rien: car luy mêmes leur en auoit demandé, & n'en sçauoyent nules: mais nous auons sceu de ses Ecuyers qu'il a eu quelque debat contre eus, & qu'il les a si bien chasties, qu'il en sera estimé en tous lieux ou lon en parlera. Ie vous prie, dit Angriote, dites nous doncq' qui ét ce Florestan: C'êt répondit Dragonis, l'vn des fis du Roy Perion de Gaule, qui ressemble assés bien à la grand'bonté de ses deus freres. Lors lui recita du combat qu'il auoit eu contre les Romains, en la presence de la Roïne Sardamire, & côme son Ecuier arriua depuis en l'Île Ferme avec leurs écus, lesquels étoient écrits leurs noms de leur propre sang, & pource qu'ils furent si mal traités par Florestan, la Roïne l'enuoya depuis prier de la conduire à Mirefleur ou elle alloit pour voir Oriane. Tel propos pleut fort au Cheualier Grec, & à ses compagnons: toute-fois quand il ouyt parler de Mirefleur, le cœur luy commença à trembler, se souvenant des grans biens & plaisirs qu'il y auoit autrefois receus. Parquoi se retirant à part, dît à Gandalin: Gandalin mon amy, tu as peu aussi bien que moy entendre les nouvelles d'Oriane, & sçais certainemēt que si elles venoyent iusques à l'effait, ie ne voudrois viure vne seule heure après: pourtant ie te supplie, fay pour moy vne chose. Toy & Ardan, dirés à Gracinde, que vous voulés aller chercher Amadis de Gaule, avec ces deus autres Cheualiers, vers lesquels arriüés tu feras entendre côme ie suis icy, à ce qu'ils s'en retournēt en l'Île Ferme, & vous avec eus Là trouveras Quedragant & Agraies, tu les prieras de ma part, qu'ils se tiennēt ensemble, iusques à mon arriüee, qui sera (si Dieu plaît) dedans huit iours au plus tard, Dy aussi à mon frere Florestan, & à ton pere Gandales, qu'ils donnent ordre à recouurer & armer le plus de nauires

LE TROISIEME LIVRE

& autres vaisseaus qu'ils pourront: car ie me delibere aller de bref en quelque lieu ou ils me tiendront compagnie, s'il leur plaît, tu sçais assés de combien en cela la diligence ét requise. Parquoi Gandalin mon amy, ie te prie de rechef n'y être paresseus. Puis apella le Nain & luy dit: Ardant va avecq' Gandalin & fai ce qu'il t'or donnera. Lors Gandalin suyuant le commandement de son maitre vint à Grifin de & lui dit: Ma Dame nous deus sômes deliberés laisser le Cheualier Grec, & no⁹ embarquer en ce nauire, pour aller avec ces de⁹ Cheualiers chercher Amadis de Gaulle: par ainsi ma Dame auisés, s'il vo⁹ plaît aucune chose de nous, vous merciâs très humblemēt des biēs q̄ vous no⁹ aués faits, sās q̄ nous les eussions aucunemēt merités enuers vous. Autāt en dirent ils au Cheualier Grec, à Brunco & Angriote, puis entrèrent en la nef avec Dragonis. Or sçauoit Angriote cete entreprinse, au moyē dequoi pour mieus palier leur intention, apella Dragonis & lui dit, Cheualier, voycy vn Ecuyer & vn Nain, qui vous accompagneront pour aller trouver Amadis: car ils sont à lui comme ils disent. Lors Dragonis & Enil les receurent en leur compagnie: mais les reconneurent aussi tōt, & leur firent la plus grāde chere du mōde, & plus encores quand ils entendirent ce que Gandalin auoit charge de leur dire. Et à cete cause firent aussi tōt leuer les ancrs, reprenans la route de l'Isle Ferme, & Angriote & les autres, vers leur compagnie, esperant le iour mēmes entrer au port plus prochain de Tagades, ou pour lors étoit le Roy Lisuart acompagné de maints bons Cheualiers, qu'il auoit fait venir pour conclurre le mariage de l'Empereur avecq' sa fille Oriane: toute-fois pour le bien de son Royaume, étoient tous d'opinion contraire & lui remontre-
rent plusieurs fois qu'il faisoit cōtre droit & equité, mettre sa propre heritiere en sujection d'un étranger volage & presumptueux, lequel (cōme ils disoyēt) la pour-

ra prendre cy aptés en hayne aussi legerement comme il auoit eu soudainement fantasie à l'aymer. Ce non-obstant le Roi leur contredisoit par raisons telles quelles & propres à vn Prince, qui ne veut trouver bon autre conseil que celui qu'il se donne, & non celui qu'il demande: au moyen dequoi le Comte Argamont s'absenta incontinent de cete assemblée, & s'étoit rétiré en vn sien château à plus de deus iournees de la court: neantmoins il fut mandé, & tant importuné, qu'il s'y fit porter en vne litiere, pour ce qu'il étoit si caducq' de grand' vieillesse, qu'il n'eut peu endurer le trauail du cheual. Lors le Roi étant auerti qu'il aprochoit de court, monta à cheual & fut au deuant le recevoir, puis le lendemain le mena au cōseil, & faisant plusieurs diuerses remontrāces adressant sa parole à lui, dit ainsi. Mon oncle ie croi que vous sçaués très bien l'occasion pour laquelle i'ay fait assembler cete grande compagnie qui ét expressément pour regarder au fait du mariage de ma fille Oriane avec l'Empereur de Rome, qui la demande tresinstantment, pourtāt ie vous prie me dire premier ce qu'il vous en semble, à fin que ces Signeurs me fassent après entendre plus librement leur opinion. Longuement s'excusa le Cōte, neantmoins voyant le commandement que lui faisoit le Roi, apres plusieurs protestations parla à lui de telle sorte: Monsieur, puis qu'il vous plaît que ie die deuant cete compagnie, ce qu'il me semble, du mariage de l'Empereur avec ma Dame Oriane vōtre fille, ie vous supplie très humblement prendre de moy ce que vous entendrés en bonne part: car ce n'et moindre traïson & crime de leze maiesté de dissimuler enuers son Prince le bon conseil, que de l'ofenser en sa propre personne: pourtāt sans dissimuler, croyés que ie vous en diray mon auis encores qu'assés de fois ie le vous aye particulieremēt déclaré. Sire, vous sçaués que ma Dame Oriane vōtre fille aînée vous doit succe-

der & être par raison heritiere des païs, que Dieu & Fortune vous ont baillés en garde, auxquels, par droit de nature, elle a plus iuste titre, que vous n'y eutes oncques: car il vous écheurent seulement par la mort du Roi Falangris qui ne vous étoit que frere & elle ét vôtres propre fille & aînée: Pourtant considérés en vous mêmes, que s'il eut fait en vôtres endroit comme vous délibérés faire à ma Dame Oriane, vous ne fussiés maintenant si grand Seigneur que vous êtes. Pourquoi la voulés-vous chasser pour appeler ma niece Leonor en son lieu? veu qu'oncques elle ne vous offensa, ainsi comme ie croi. Et s'il vous semble que la mariant avecques l'Empereur Patin vous la rendés grande Princesse & très bien pourueüe, certes monsieur vous êtes bien loing de vôtres conte: car vous sçaués qu'ayàs enfans ensemble si elle suruit l'Empereur, elle demoura simple douairiere de Rome, au lieu d'être après vous Dame & Roine de ce Roiaume: & (qui plus ét) estimés vous que vos su-jets y consentent iamais? Sus mon ame ie pense, s'ils disent ouy, que ce sera à force & malgré eus. Et pourtant ia à Dieu ne plaîse, que ie vous en die autrement que la conscience me iuge, étant toutefois assuré, que pour chose que lon vous persuade, vous ne donnerés lieu qu'à vôtres seule fantasie. Par ainsi ie vous supplie treshumblement me pardonner: entendu que ie n'eusse iamais parlé si auant sans l'expres commandement que vous m'aués fait. Lors se teut & ordonna le Roi que chacun dit ce qu'il lui en sembloit: mais ils s'accorderent tous à l'opinion du Comte Argamont. Ce que voyant le Roi leur répondit: Mes Signrs i'ay bien au long entendu ce que vous m'aués remontré, & neantmoins comme pourrois ie à mon honneur reuoker la promesse que i'ay déja faite aus Embassadeurs de l'Empereur? Vous ferés ce qu'il vous plaira dit le Comte, & sus l'heure que le Cheualier Grec & sa compagnie

Am. 3.

furent rentrés dans leur nauire, étant le iour cler, & la mer calme, les mariniers decoururent la montaigne, de laquelle la ville de Tagades auoit pris nom, ou pour lors seiournoit le Roi Lisuart, comme il vous a été recité, & en vindrèt auertir Grasinde, l'assurant que si le vent ne changeoit, qu'ils la rendroyent au port dedans vne heure, ou plutót: Adonc se mirent les Cheualiers sus le bord du nauire, remercians nôtre Seigneur de la grace qu'il leur auoit faite après auoir échapé infinité de perils & naufrages: mais si aucun étoit ayse & content, ce n'étoit rien au regard du Cheualier Grec, lequel depuis quil eut decouuert le païs, auquel viuoit toute son esperance, son bien, sa vie, & son contentement, il fut si rauy en soy, qu'il demoura vn long temps sans en pouoir tirer l'œil de dessus: Toutefois à la fin craignant que lon s'aperceut de sa passion, retra, dans la nauire, & s'adressant à Grasinde luy dit: Ma Dame nous sommes, comme vous pouvés voir, au lieu que vous aués tant souhaité, & ou i'espere (pour la grande & parfaite beauté qui ét en vous) venir au dessus de mon entreprinse, en sorte que vous retournerés en vos païs, avecques l'honneur qui vous ét iustement deu: car ie suis seur que le droit & la raison sont de mon côté: par ainsi Dieu (qui ét iuste Iuge) sera entierement pour vous & pour moi. Et combien que Grasinde fut en grand doute, se voyant si près du but, ou elle deuoit aquerir, ou perdre ce qu'elle desiroit tât, si monstra elle la plus grande assurance qu'elle peut, & répondit au Cheualier: Certes i'ay plus d'esperance en vôtres prouesse & bonne fortune qu'en beauté qui soit en moi. D'une chose ie vous supplie, c'est, que quand viendra au fort de vos affaires, vous ayés deuât les yeus que vous n'entreprinistes oncques conquête que n'en soyés venu au dessus. Ce faisant, vôtres renommee augmentera, & ma ioye aussi, tellement que ie pourrai me nommer la plus heureuse Dame de la terre.

H 3

Ic

LE TROISIEME LIVRE

Je vous dirai que nous ferons , dit le Cheualier , vous aués en vôtres compaignie vne Damoiselle de trébon esprit nommee Gonifese , laquelle parle François , nous lui donnerôs vne lettre qu'elle yra presenter au Roy Lisuart & à la Roine Brisene qui entendent & parlent aussi quelque peu le langage , & faudra lui charger expressement qu'elle ne réponde à chose qu'ils lui demandent qu'en François , puis aussi tôt qu'elle aura la dépêche d'eus , elle nous viendra retrouver en ce lieu ou nous l'atendrons. Grasinde trouua cét auis trébon , parquoi sans tarder fit apeller la Damoiselle , & lui bail la la lettre : Lors elle entra en vne barq avec son pere & deus autres Cheualiers ses freres , & quasi à l'instant le Cheualier Grec depêcha Lasinde Ecuyer de Bruneo pour la suyvre , sans qu'elle l'aperceut , pour lui rapporter au vray le recueil que lon lui feroit , & les propos aussi que lon tiendrait après qu'elle auroit son congé du Roy , & lui commanda expressement qu'il faignit chercher son maitre , disant à ceus qui lui en demanderoient nouvelles , qu'il l'auoit laissé malade en Gaule , lors qu'il entreprint la queste d'Amadis , & qu'il retournât vers eus le plutôt qu'il pourroit. Ainsi s'en partit Lasinde en esperant de bien paracheuer son entreprise. Et peu après arriua la Damoiselle en la ville ou elle fut regardée de plusieurs , tant pour la beauté d'elle que pour être si bien acôpagnee , & trauerfant de ruë en ruë , s'équeroit ou elle trouueroit le Roi , mais sus l'heure elle rencontra par fortune Esplandian qui alloit aus châps faire voller deus Emerillons qu'il portoit sus le poing : lequel voyant la Damoiselle estrangere s'adressa à elle , lui demandant s'il lui plaisoit quelque chose. Certes mō enfant , répondit elle , ie cherche le logis du Roi ou ie vous prie me conduire . Ouy vrayement , dit il , & si le vous monstrerai volontiers , si ne le cōnoissés. Mille mercis répondit la Damoiselle. Lors Esplandian

lui print les rênes de son pallestroi , & marchant deuant , la seruit d'Ecuyer iusques au palais , ou il la fit descendre , puis la cōduit vers le Roi , lequel ils trouverent se pourmenant le long d'une gallerie , avec les principaus Embassadeurs Romains , auxquels il venoit d'acorder sa fille pour être femme de l'Empereur. Adonc la Damoiselle metât les genous à terre le salua humblement , puis lui dit : Sire , s'il vous plaît , la Roine & toutes ses Damoiselles seront presentes auant que ie vous declare la charge qui m'êt commâdee , de par celle qui m'enuoie vers vous : & si d'auanture aucunes d'elles se trouuent interessées , pour chose que ie leur face entendre , quelles essayent , si bon leur semble , à trouuer qui les defende contre le bon Cheualier , qui delibere être de bref par deça , pourueu que lui donnés saufconduit . Vrayement , Damoiselle , répondit le Roi , il ne tiendra à celà . Et sus l'heure enuoya le Comte Argamont son oncle , & le Roi Arban de Norgales , querir la Roine , qui ne tarda gueres à venir : Adonc la Damoiselle estrangere luy baïsa les mains , puis lui dit . Ma Dame , si ce que vous entendrés de par celle qui m'envoie vers vous , êt étrange , ie croi pourtant que vous ne vous ébairés , veu que cete court êt renommee par tout le monde celle , ou les plus grandes merueilles & auentures suruiennent , & de laquelle , comme i'ay sceu pour vrai , oncques Cheualier , Dame , ou Damoiselle ne s'en retourna mal contente : Qui m'a fait croire , q'ie ne serai moins fauorisée que les autres . Pourtant voyés cete lettre , puis acordés s'il vous plaît le contenu d'icelle , à fin que vous puissies voir le gentil Cheualier Grec , & la plus belle Princesse de la terre , qu'il a en sa garde . Lors le Roy commanda la lire , pour ouyr ce qu'elle contenoit .

*Lettre de Grasinde au Roy
Lisuart.*

Tré-

TRéhaut & magnanime Prince, moi Grafinde belle sus toutes les belles Dames de la Romanie, vous fais scauoir que ie suis nouuellement arriuee en vos pais en la garde du Cheualier grec exprefément, à ce que tout ainsi que i'ay été iugee & tenuë pour la plus belle femme de toutes celles de Romanie que suyuant cete gloire, qui a rendu mon cueur si content, ie sois telle estimee sus toutes les belles filles de vôtre court, & lors demeurera mon esprit sati-fait, de ce qu'il desire plus que nulle autre chose, & s'il y a Cheualier, qui pour l'amour de quelqu'une particuliere, ou de toutes ensemble, vueille contredire, qu'il se delibere à deus choses. La premiere au combat contre le Cheualier grec, & l'autre qu'il puisse auoir de la Damoiselle vne couronne, ainsi que i'en porte vne, à fin que le vainqueur en signe de triomphe de victoire, en face present à celle pour laquelle il aura combatu. Et s'il vous plaît, sire, m'acorder ce dont ie vous supplie, enuoyrés par cete Damoiselle saufconduit à moi & à toute ma compagnie specialemēt au Cheualier grec, pour ne receuoir outrage, si n'ēt de ceus contre lesquels il combatra: & s'il deffait le premier vienne le second, le tiers, le quart, & tous ceus qui se voudront éprouver l'un après l'autre. Sus mon Dieu, dit le Roy, ie croy que la Dame doit estre belle, & le Cheualier preus & hardy, ayant fait telle & si grande entreprinse de laquelle (cōme il me semble) ils pourrōt mal aysēmēt venir à bout car les fortunes sont hazardeuses, & les fantasies des personnes diuerses. Toutefois, Damoiselle m'amyce vous en poués retourner quand il vous plaira, & atendant l'arriuee de vōtre maitresse ie feray publier le saufconduit qu'elle demande, & si elle ne trouue qui contredie à sa beauté elle aura (selon mon opinion) l'accomplissement de tous ses desirs. Sire, répondit elle, vous parlés cōme bon Roi que vous êtes: le Cheualier grec a en sa compagnie deus autres Cheualiers, qui sont de-

libérés aussi de combattre pour l'amour de leurs amyes contre tous ceus qui voudront se presenter, lesquels vous suplient pareillement leur donner seureté pour ce faire. M'amyce, dit le Roy, vous aués tout ce que vous demandés, & me plaît trébiē qu'il soit ainsi. Sire, répondit elle, tenés vous donc seur, que vous les pourrés voir tous icy demain du matin en la compagnie de celle qui s'estime la plus belle du monde. Pourtant ma Dame dit elle à la Roine, faites s'il vous plaît parer vos Damoiselles, & que les plus belles n'oublient rien de leur bonne grace, s'elles esperent gagner l'honneur sus elles. Puis prenant congé remonta à cheual, tirant droit le chemin qu'elle étoit venue, & trouuant sa barque à propos entra dedās, avec si bon vent que peu après elle arriua vers grafinde, à laquelle elle recita bien au long les propos que elle auoit eus avec le Roi Lisuart, duquel elle auoit obtenu tout ce qu'elle demandoit: Au moyen dequoi le Cheualier grec fut d'auis d'enuoyer tendre leurs tentes & pavillons assés près de la ville, delibéré de descendre en terre le iour ensuyuant avec toute la troupe: Mais entendés qu'aussi tōt que la Damoiselle messagere fut partie, le Prince Saluste Quide, qui auoit été present tant à ce qu'elle auoit dit, qu'à la réponse qu'on lui auoit faite, s'auança avec plusieurs autres Cheualiers Romains, & se mettant à genous deuant le Roi, lui dit. Sire, nous Romains étrangers vous supplions treshumblement nous octroyer vn don, que nous delibérons vous demāder lequel ne peut redonner qu'à vōtre trégrand profit & à vōtre honneur. Vrayement, répondit le Roy: vous ne serés doncques pas refusés. Lors ils le remerciē treshumblement lui disāns. Sire, il vous plaira permettre que nous soutenions la querelle de tant de belles filles, qui sont icy presentes, & si Dieu plaît, & pour la raison aussi, nous en viendrons mieus à bout, que ne feront

les Cheualiers de vôtre court, par ce que nous connoissons de longue main la façon de faire des Grecs, comme ceus avec lesquels nous combatons ordinairement, en sorte que ils nous redoutent plus par le nom seulement, qu'ils ne feront tous ceus de ce pais avec l'effait. Oyant dom Grumedan la presumption du Romain, & l'audace dont il parloit, ne la peut endurer sus l'heure, ains se leua, disant au Roi. Sire combien que ce soit grand honneur aus Princes quand les auantures étranges auiennent en leurs cours, par lesquelles leur renommee ét magnifiée & augmentee: toute-fois elles peuvent bien souvent tourner à leur vitupere: si el les n'y sont receuës avecq' discretion & reuerence telle qu'elle ét requise entre les grans Rois. Le le dy, Sire, pour ce Cheualier Grec, qui ét nouvellement entré en ce pais, sous l'esperance de parvenir aus choses qu'il vous a fait entendre: car s'il en vient au dessus, & qu'il rende vaincus ceus qui le voudront contredire, encores que le danger soit pour eus, la honte en sera vôtre. Par ainsy, s'il vous plaisoit differer le tout iusques à la venuë de Galaor & Norandel, qui seront icy dedans quatre ou cinq iours, comme i'ay entendu, d'aucuns Cheualiers qui les ont veus, mêmes qu'en ce tems Guilla le Pensif pourra être guery, & porter armes, il me semble que ce seroit pour le mieus veu que ceus là (mieus que nuls autres que ie sçache) pourront lui faire front, & garder l'honneur & reputatiō de vôtre court & des Damoiselles qui y ont tāt d'interests. Cela, ne peut être, répondit le Roi, veu que j'ay déja acordé au Prince Saluste Quidé, & à ses compagnons la protectiō d'elles, qui sont bien pour répondre d'une plus haute & dangereuse entreprinse que cete là. Il peut bien être, dit Grumedan: mais ie suis certain q' nulles des Damoiselles presentes n'y consentiront. Il suffit répondit le Roi, ie ne ferai autre chose pour elles, que ce que i'en ay déja ordon

né, & que lon m'a requis. Lors Saluste Quidé remercia le Roi treshumblement, & s'adressant à Grumedā, lui dît: Seigneur Grumedan, vous dirés ce qu'il vous plaira: toutefois i'espere d'emporter l'honneur pour les Damoiselles, & venir au dessus du combat que i'ay entrepris contre ce Grec lequel vous estimés tant, & pource qu'il a en sa compagnie deus autres Cheualiers non gueres moindres que lui en toute prouesse, ainsy que i'ay entendu, ie suis content aussi tôt que ie l'auray vaincu de les combattre encores, & vous aussi si aués enuie d'être de leur côté, pourueu q' i'aye deus de mes compagnons pour me secourir, & par ce moyē on pourra facilement connoitre à qui tombera l'honneur de la victoire étant le cōbat égal, de trois Romains contre deus grecs & vn Cheualier de la grand' Bretagne. Cela ne refuseray ie pas, répondit Grumedan, ains l'accepte pour moi, & pour ceus qui voudrōt être de ma part. Ce disant tira vn anneau de son doigt & faisant vne grande reuerance, dît au Roi: Sire, voicy mon gage, que ie vous suplie treshumblement recevoir pour mes compagnōs & pour moi, ce que iustemēt ne deués refuser: puis q' le Prince Saluste a demandé le cōbat cōme vous aués entendu, autrement il faudroit qu'il s'en dedit, ou tint pour vaincu. Par Dieu, répondit Saluste, plutôt secheront les mers que parole d'un Romain se retractât, ou fit iniure à sō hōneur, & m'ébai Grumedan, comme vous aués voulu proposer ce propos tant hors de toute raison: mais si en vôtre vieillesse le sens vous defaut, vôtre corps en portera la penitence, en la bataille que vous entreprenés si indiscrettement. Certes, dît Grumedā ie suis encores assés ieune pour donner l'effait à mon entreprinse, & voir tourner le bien que desirés sus vous mêmes, & si vous cōfesserai aysement, que mon vieil âge m'a rendu l'experience qu'oncques orgueil et presumption ne vindrent à bonne fin, cōme i'espere encores voir en vous mêmes:

car par le tesmoignage que vous portés de vous-mêmes, on peut bien iuger que vous êtes leur chef & principal Capitaine. Adonc se leua le Roy Arban, & plus de trente autres Cheualiers pour prendre la parole & soutenir Grumedan, quand le Roy leur imposa silence, commandât sur leurs vies de plus vsér de tels propos en sa presence. Parquoy chacun se retira en son logis, & demeura le Comte Argamont seul avec le Roy, auquel il dît: Sire n'aués vous prins garde à la gloire de ces Romains qui tant irreueremment ont bien osé deuant vous iniurier les Cheualiers de vôtre court! A vôtre auis que pourront ils faire ailleurs? Sur mō Dieu puis qu'ils ont eu si peu de discretion, ie crains beaucoup qu'ils facēt peu de cas de ma Dame Oriane, incontinent que vous l'aures perdue de veuë: Et neantmoins, à ce que j'ay entendu, vous leur aués desia accordée, ie ne sçay dōt vous êt procedé cete fantasie, veu qu'oncques Prince si sage ne s'oublia tant, & semble qu'ayés enuie d'irriter la fortune cōtre vous, & de délier malheur, qui à été si long temps ataché à vôtre porte: Aués vous mis en oubly les graces que nôtre Seigneur vous a faites? craignés vous point sa fureur? Fortune n'êt elle pas muable? Etes vous à connoître quand elle s'en nuye de faire biē à celui qu'elle a élevé, elle ne le châtie puis apres avecques des verges: mais par cruels & diuers tourmēs, pires cent foys que la mort. Pardonnés moy, sire, la foy que j'ay à vous me donne le hardiesse de vous tenir ce propos: car vous sçaués comme les choses de ce mōde sont transitoires & perilleuses, & que la gloire & renommée que lon peut acquerir en la vie par long trauail, & souuēt étainte & enseuelie par peu d'ocasion, si vne foys Fortune deffauorise la personne, tellement que s'il en reste quelque souuenir au lieu de louange, sera seulemēt blâmé pour n'auoir peu entretenir le bonheur ou il étoit au parauant: Pourtant, sire, pensés ie vous supplie à la faute q̄ vous

aués faite n'agueres ayant éloigné de vous tant de bōs Cheualiers, comme Amadis, ses freres parés, & amys, par léquels vous étiez craint, honoré, & redouté par tout le monde. Toutes-fois n'étant quasi hors de ce mal, vous voulés rentrer en vn pire, qui me fait croire q̄ Dieu vous oublie, l'ayât premier oublié: car s'il étoit autrement vous prendriés le conseil de ceus qui ont desir de vous seruir loyaumēt: mais voyât ce que ie voy, ie suis content me décharger de la foy & hōmage que ie vous doy & me retirer en mes païs, pour ne voir (s'il m'êt possible) les iustes plaintes, & pleurs étranges que fera ma Dame Oriane au temps que vous la liurerez, ainsi q̄ vous aués promis, & pour ce faire l'aués desia enuoyé querir à Mirefleur, qui m'a cōtraint vous dire premier ce qu'aués entendu. Mon oncle, répōdit le Roy, ce qui êt fait, êt fait, ie ne faucray (pour mourir) ma parole: mais ie vous prie demeurer encores deus ou trois iours pour voir quelle fin auront les combats nouvellement entrepris, déquels ie vous vueil faire Iuge, avec ceus que vous élires, & en celà me ferés plaisir & seruice tresagréable, veu que vous entédés mieus q̄ nul de cete court le lāgage Grec. Sire, dît il, puis qu'il vous plaît, ie vous obeïray, sous condition qu'apres vous me donnerés congé: car il me seroit impossible demeurer plus longuement entre tant de doleance. Lors mirent fin à leur propos, pource que le Prince Saluste Quidé survint, & se retira le Comte Argamont laissant le Roy. Or auoit Lafinde, Ecuyer de dom Bruneo, été auerty de tous les propos que lō auoit tenus depuis le partement de la Damoy-selle messagere: Parquoi voyât que la nuit s'aprochoit, secretemēt partit de la court, & entra en son bateau, & peu apres arriva vers le Cheualier Grec, auquel il recita bien au long la requête que le Prince Saluste auoit faite au Roy, la réponse & les propos de dom Grumedan, & sembla blement toutes les choses comme elles

LE TROISIEME LIVRE

s'étoient passées. A quoy il prenoit grand plaisir, spécialement pour être assuré qu'il n'auroit affaire qu'aus Romains : car au parauant il craignoyt que son frere Galator, ou autre Cheualier de la grande Bretagne, se mît en ieu, pour l'amour des Damoiselles, & sçauoit bien que ce faisant, iamais la mêlée ne se departiroit, sans la mort de lui, ou de quelqu'un de ses amys, & peut être de tous deus ensemble: Mais

étant hors de doute, il lui tarδοit beaucoup qu'il n'étoit au combat. Et à cete cause dît à Graside: Ma Dame, s'il vous plait, nous orrons demain la Messe en nos pauillons, puis prendrons le chemin vers le Roy Lisuart, avecques telle compagnie qu'il vous plaira, & là l'esperer avec l'aide de Dieu, que vous obtiédres tout ce que vous souhaitez, à quoi elle s'accorda aisément.

Comme le Cheualier Grec, & ses compagnons, conduirent la belle Graside au lieu ou le combat deuoit être fait, & de ce qu'il en auint.

CHAP. XVI.



PEu reposa Graside toute la nuit, & moins le Cheualier Grec, pour le desir qu'ils auoyent l'un & l'autre de paracheuer leur entreprise. Parquoy le lendemain ensuiuant, des l'aube du jour descendirent en terre, avec leur compagnie, & après auoir ouy deuotement la messe, monterent tous à cheual pour tirer droit en la ville de Tagades, ou le Roy Lisuart les atendoit. Or étoit Graside si richement parée que merueilles, esperant bien par l'ayde de son Cheualier acquerir semblable louange sus toutes les plus belles filles de la grande Bretagne,

qu'elle auoit eue sus les plus belles femmes de la Romanie, & croyés que si de sa part elle étoit bien en ordre, que le reste de sa compagnie l'ensuiuoit en cela. Spécialement ses Damoiselles, qui donoient bien à connoître à ceus qui la voyoyent, qu'elle étoit Dame riche & puissante. Et pour plus encores l'embellir, elle portoyt sus sa tête la riche coronne qu'elle auoyt de long tems conquise, en témoin de sa grande beauté. A côté d'elle marchoyt le Cheualier Grec en trébon equipage, comme d'un tré riche harnois, couvert d'une cote d'armes de ses couleurs, & le suiuoit

suiuoit Bruneo, portant vn écu de Sinople, au milieu duquel étoit figuré vne Damoiselle, ayant à ses piés vn Cheualier armé d'vnes armes à vndes d'or, lequel à genoux sembloit luy demander quelque grace. Et tout joignant étoit Angriote, monté sus vn gentil détrier, armé semblablement d'vnes armes dorees en plusieurs endroits, lequel conduisoit la Damoiselle qui auoit été le jour precedent au Roy Lisuart. En tel equipage arriua Grasinde au lieu ja ordonné par le Roy Lisuart, pour cét affaire, au milieu duquel étoit élevé vn perron de marbre noir, de la hauteur d'vn homme, sus lequel celuy qui vouloit combattre étoit tenu mettre armet, écu, ganteler, ou quelq rameau verd. Lors le Cheualier Grec iettant sa venède de toutes parts, auisa le Roi & plusieurs Cheualiers de la grande Bretagne, mêmes le Prince Saluste Quide, armé d'vn harnois semé de Serpens, qui se montroit tant grand, étant monté sus vn détrier auantageux, qu'il sembloit proprement d'vn Géant: puis haucant sa veuë, aperceut la Roynne & bonne troupe de Damoiselles autour d'elle, qui toutes auoyent vne riche couronne sus leur chef, suivant les conueances que le Cheualier auoit requises. Mais il ne vid point Oriane, dont le cœur lui commença à émouvoir, & regardant Grasinde, qui auoit l'œil sus le Prince Saluste Quide, conneut qu'elle étoit aucunement en doute, & à cete cause luy dit en riant: Ma Dame, il semble que la grandeur de ce Cheualier vous épouvente: toute-fois deuant que nous separions, ie vous feray connoître, qu'es'il ét plus haut monté que moi, que i'ay le cœur plus entier qu'il n'a, & que le droit qui ét nôtre, me fera auoir la victoire. Dieu vous en doint la grace, répondit Grasinde. Lors print le Cheualier la couronne qu'elle portoit sus la tête, & marchant au petit pas vers le perron, la mit au dessus, puis retourna vers ses Ecuyers qui tenoyent trois lances grosses & rudes, en toutes les-

quelles pendoit la petite banderole enrichie de gros flots de fin or, & prenât celle qui meilleure luy sembloit, marcha vers le Roy, auquel il dît en langage Grec: Roy tresexcellent, ie te salue, comme le meilleur Prince de la terre: Saches que ie suis vn Cheualier de nation étrange, comme tu peus voir, qui par le cōmandement de la Dame (laquelle a toute puissance sus moy) étois venu en ce païs m'éprouver contre les Cheualiers de ta court, tant ét grande leur renommee par tous endroits: mais à ce que ie voy, mon intention ét du tout frustrée, & as acordé aus Romains ce que ie desirois sus les tiens. Et puis qu'ainsi ét, il te plaira (sans plus differer) commander à celui qui premier voudra combattre, prendre la couronne de la Damoiselle qu'il delibere seruir, & la mettre sus le perron ainsi que i'ay fait celle de ma Dame. Ce disant donna des esperons à son détrier, & de bien bonne grace commença à le voltiger parmi la place si dextrement, que chacun prenoyt garde à lui, en le louant autant que Cheualier fut oncques. Puis étant au bout du camp, retourna visage pour atendre celui qui se voudroit presenter. Or ne sçauoit le Roy ce qu'il lui auoit dît: car il n'entendoit le langage Grec. Parquoy le Comte Argamont qui étoit tout au plus près, le lui exposa, puis luy dît: Sus mon Dieu, sire, ie prendroys grand plaisir à voir l'outréuidance de ces Romains vn peu abaissée par ce Cheualier. En bonne foy, répondit le Roy, ie croy bien que nous verrons tantôt l'vne des plus rudes mêles que nous vîmes oncques: car i'aperçoy déjà le Prince Saluste Quide entrer sus les rengs. Et à dire vray, il s'étoit auancé, & de grand dépit qu'il eut d'entendre le bien que lon disoit du Cheualier Grec, se print à crier contre le peuple: Ah sote gents, Bretons ydiots, & de peu étonnés, qui vous meut de faire tât de cas d'vn tel lourdaud mal adroit, qui n'a autre cōtenâce, q de tourmêter vn cheual sans nule ocasiō?

Par

LE TROISIEME LIVRE

Par Dieu, s'il étoit auisé, il l'épergneroit pour tantôt se defendre contre moy, ou bien pour mieus fuyr, lors que force le cōtraindra. Vrayement vous montrés bien tous, le peu de cognoissance que vous aués du nom Romain, qui êt tant redouté par tout l'Oriēt, qu'il n'y a si hardy Grec, qui osât oncques atēdre Cheualier de Rome: aussi voy-je desia la mort de ce pauvre malheureus, lequel ie renuerseray du premier coup si rudement, que ie luy rompray les reins, & auray pour mon butin la couronne & la Dame glorieuse, qui a tāt prins de peine & de trauail pour venir en ce païs receuoir honte & infamie. Ce disant piqua droit vers les Dames, & s'adresant à Olinde, luy demanda s'il luy plaisoit pas luy bailler sa corōne, pour defendre la beauté d'elle: car ie croy selon mon auis, dit Saluste, que toute personne de bō iugement acordera que iustement vous deués auoir celle que le Cheualier Grec à mise sus le perron, & d'auantage ie vous ay choyse entre toutes pour ma mieus aymée: pourtant ie vous supplie m'acorder que ie commence le combat pour vous, à qui ie me suis voué & dedié, esperant, (tôt apres que l'Imperatrix aura fait son entrée dedans la grand' ville de Rome) vous prēdre à femme, & faire Dame & gouuernante de moi & des grāds biens que i'ay. Olinde ennuyée des propos q̄ lui tenoit Saluste Quidē, ne luy répondit mot, ains tournant la tête d'autre costé, faignit parler à quelqu'une de ses compagnes. Ce q̄ voyant le Prince, luy dit quasi en colere. Il semble ma Dame, à voir vōtre façon de faire, que ie ne soys homme pour mettre à execution ce que ie dy, mais n'ayés iamais estime ny amytié en moy, si ie ne fais encores d'auātage, & permetés seulement que le premier coup de lance que ie donneray soit à l'auēu de vous. Cēte importunité embellit le visage d'Olinde, par vne mutation de couleur, laquelle pourtant n'en fit cas. Ce que voyant la Roïne, luy ôta la couronne, & l'enuoya au Prince

Saluste, lequel la receuant de trébō cueur, s'en alla vers le perron, & la mît ioignant celle de la belle Graside. Puis prenant vne forte lance, commença à la brānler si fort, qu'il la faisoit quasi ployer en deus: parquoy deceu d'outrecuydance, ayant armēt en tête & l'écu au col, s'aprocha du Roy Lisuart, lui disant: Sire, vous pourrés tantôt cognoître la difference des Romains aus Cheualiers de vōtre court: car ce Grec braue & presumptueus, qui pense combattre tant de gens l'un apres l'autre, recevra presentement la plus grande iniurie qui aint oncques à Cheualier. Puis viennent pour le venger ses deus compagnons si bon leur semble, déquels auant q̄ sortir de ce lieu, ie vous presenterai les têtes au lieu de couronnes. Tant marry fut Grumedan d'entendre le propos de Saluste, qu'il ne se peut quasi tenir de l'iniurier: toute-fois pour les defences que lui auoit faites le Roy au parauant, il dissimula sa colere, & luy répondit seulement: Signeur Saluste, aués vous desia mis en oubly ce combat que vous & moy deuons auoir l'un contre l'autre, si vous échappés des mains du Grec, cōme vous dites? Cella n'ēt pas fort à faire, répondit Saluste Quidē, & vous en verrés presentemēt l'ef fait. Lors baissant la veuē de son armet tenant son écu bien serré, mît sa lance en l'arrēt, & courut de droit fil cōtre le Cheualier Grec, qui le receut de si grand' force, sans faillir d'atainte l'un sur l'autre, que leur bois volla en éclats. Mais le Cheualier Grec le rencontra si rudemēt, que nō obstant qu'il fût trébien à cheual, si le desarçonna il, puis paraisant sa carriere passa outre, portant vn grand tronçon de la hante qui luy étoit entrée si auant dedans l'écu, que chacun pensoit qu'il fut nauré. Toute-fois peu apres il montra bien qu'il n'en étoit rien: car l'arrachant, le ieta par terre, & tourna visage contre son ennemy, lequel ne remuoit pied ny main, tāt étoit étourdy de sa cheute, & non sans cause, veu le grand saut qu'il auoit prins pour être

être si pesamment armé & monté à l'avantage, dont il eut le bras droit rompu. Et pis encores luy auint: car en tombant, le pied luy demeura en l'étrier, parquoy avant que l'en tirer, son cheual sentant le fais luy donna si grand coup par l'armet, qu'il luy fit sortir de la tête, le laissant là évanouy. Lors le Cheualier Grec le voyant en si mauvais état, se print à dire si haut que chacun l'entendit: Vrayment gētil Romain, la Damoysselle pour laquelle vous aués fait si grāde Cheualerie, ét merueilleusement obligée à vous: neātmoins si vous ne quités sa couronne à ma Dame (qui la merite deuant elle comme la passant en toute beauté) vous êtes bien taillé de perdre presentement la tête. Mais Saluste ne luy pouvoit répondre, & à cete cause le Cheualier se retirant vers le Roi, luy dît en langage Grec. Sire, cétuy qui n'agueres vouloit tant persuader le peuple à le faire croire en ses prouesses, ne veut acorder maintenant la couronne de sa Damoysselle à ma dame à qui elle appartient, comme chacun peut voir. Parquoy il vous plaira (cōme iuge droiturier) m'en faire la raison, autrement ie luy ôteray la vie deuant toute l'assistance. Puis tout soudain tourna bride, & mettant pied à terre s'aprocha du Prince Saluste. Quide, faignant le vouloir mettre à mort. Ce q̄ voyant le Comte Argamont, dît au Roy: Sire vous deuez (ce me semble) acorder au Cheualier Grec ce qu'il demande, & sauver la vie de l'autre, autrement vous en pourés cy apres être blâmé. Pourquoy? répondit Grumedan. Je vous prie Seigneur Comte, laissés rôber la fortune comme il luy plaira. Ne cognoissés vous encores l'outrecuydance de ces Romains? Je vous promets ma foy qu'avec leur audace, ils ne sont non plus malicieus que vieus Singes, & vous le verrés par experience si lon retarde le Cheualier Grec à poursuyvre sa victoire: car encores que Saluste soit si pres de sa fin, ie vous donne tout mon bien, si le Roy le sauve, s'il ne dit tāt qu'il vivra,

que lon à fait peu pour luy, & qu'il étoit pour deffaire son ennemy. Pourtant, Sire, retardés quelque peu s'il vous plaît vôte sentence, iusques à ce que lon puisse asseurement cognoître, quelle fin pourra auoir leur cōbat. Durant cete remontrance, le Cheualier Grec faisoit semblāt de desarmer Saluste, pour mieus luy trēcher la tête, ce q̄ craignant le Roy, pria son oncle le faire arrêter, & luy acorder la couronne qu'il demādoit. Lors le vieil Comte s'auāça, & en langage Grec, lui dît ce q̄ le Roy luy mandoit. Et à cete cause le Cheualier se tira arriere, & remettant l'épée au fourreau, parla au Cōte de cete sorte: Pour l'honneur du bon Roy & de vous, ie sauveray pour ce coup la vie à ce presumptueus Romain. Toute-fois si autres de ses compagnōs tōt-ent en pareil danger, ils se peuvent bien tenir seurs, qu'ils payerōt l'amē de pour luy: car ie n'ouy oncques parler de gloire si extrême q̄ la leur, par laquelle ils font état et coutume de mépriser vn Cheualier, pour eus auantager, & au surplus ie vous prie dire à vôte Roy, q̄ pour les biens que i'ay entendus de luy, ie n'eu onc enuie de luy donner ennuy, ne faire chose ou il print déplaisir: mais ie le supplie qu'il me laisse poursuyvre ma victoire, si autre se presente pour combattre, à fin qu'une autre fois ils ne soient si prompts à mesdire, suyuant la façō de faire de leur Empereur Patin, qui ét coutumier de toujours menacer, & d'être plus souvent battu. Adoncq' remonta soudainement à cheual, & s'en alla droit au perron ou il print les deus couronnes, & les porta à Graside, laquelle étoit tant ayse que rien plus, & le remercia hūblement, lui supliāt puis qu'il auoit si bien cōmencé de continuer. Lors demanda vne nouvelle lance qui luy fut aportée, puis retourna au bout du cāp, atēdāt si quelq̄ autre se présenteroit, & voyāt que nul ne se mouvoit, ennuyé de tant attendre, apella la Damoysselle qui auoit le iour precedant aporté les lettres à la court, & luy dît: Amye, allés dire au Roy, que

LE TROISIEME LIVRE

que ie lui supplie humblement si les Romains ne veulent plus combattre, qu'il ne permette pourtant aucun des siens supleer à leur faute : car outre ce que leur seroyt peu de gloire venir au dessus d'un simple cheualier tel que ie suis, ie n'ay vouloir quelconque pour cete heure, d'auoir combat à eus. Mais si les autres veulent venger leur compagnon, ie suis pour les recevoir, tous l'un après l'autre, voire les deus meilleurs d'eus ensemble. La Damoiselle s'en alla au Roy, & lui dit ce que le Cheualier Grec lui mandoit, lequel lui répondit, qu'il en étoit trécontét, & que vrayement il auoit bien conneu le grand deuoir en quoy il s'étoit mis, & que s'il vouloit être des siens, il luy feroit autant d'honneur qu'à Cheualier de sa maison, & l'assurés de ma part, dit le Roy, qu'il n'aura déplaisir ne combat contre autre que les Romains qui m'en ont prié. Et certes il ne disoit cela sans grande occasion : mais pour ce qu'il n'auoit lors Cheualier qui se peût mesurer au Grec. Car tous s'étoient absentes pour le trouble de la court, fors Guillian le Pésif qui étoit encores malade, & Cendil de Ganote, qui auoit eu le jour precedent par fortune les deus jâbes perrees d'un coup de flèche, ainsi que le Roy arriuait à la mort d'un Cerf. Cete réponse entenduë par la Damoiselle, comme sage & auisee, remercia treshumblement le Roy, & luy dit: Sire, si le Cheualier Grec eût voulu prendre party, l'Empereur de Constantinople ne l'eût si aisément perdu: mais il ne se voulut onc assujettir, aymant toujours la liberté plus que tous les biens & trefors de ce monde, & croyés q̃ le plus grand desir qu'il a, èt de s'employer à defendre le droit des Dames & Damoiselles & garder qu'on ne leur face tort, & en ce faisant, a tât acquis de renommee, par ses hautes entreprinſes, q̃ c'èt chose incroyable: & sus ce point, Sire, ie m'en retourneray vers luy, s'il vous plait autre chose me commander, d'une chose vous puis ie as-

seurer, qu'il atendra iusques au midy ceus qui voudront le combattre : mais de là en auant mal aisément le pourrés vous arrêter. Lors retourna vers le Cheualier Grec, lequel ayant entendu la réponse du Roy, vint dire à Grasinde: Ma Dame, à ce que ie voy, la couronne vous demeurera franche, & moy hors de danger des Romains : toutes-fois pour me mettre en tout deuoir, j'attendray encores quelque peu, voir si nul d'eus voudra venir. Ce disant apella un de ses Ecuyers, & luy dit: Porte mon écu sus le perron, & crie à haute vois, que s'il y a plus Romain qui vueille combattre, qu'il s'auance. Ce que fit l'Ecuyer: mais pour cela nul d'iceus ne s'émeut, ains regardoyent l'un l'autre, cōme trop ébaïs, spécialement Maganil, lequel étoit estimé entre les Romains l'un des meilleurs Cheualiers du monde, toutes-fois doutant trop le Grec, pour s'excuser, dit à ses compagnōs: Vous sçaués que le Prince Saluste Quidē entreprint hier le combat contre Grumedan, & que ie lui promis (s'il étoit vaincu) me mettre en sa place avec mes deus freres, parquoy il m'èt force me deporter. Mais ie m'étonne de vous autres, qui aués tout ainsi perdu le cœur pour un seul coup de lance, qu'aués veu donner par ce Grec. Lors apella Gradamor & Lazanor, deus ieunes Cheualiers Romains d'assés bon vouloir, & leur dit: Il me semble q̃ vous tardés beaucoup à vous mettre en deuoir, vous voyés que le Grec s'offre à combattre deus de nous autres, ie suis bien seur si vous voulés qu'il ne pourra nulement resister contre vous, parquoy ie vous prie ne le laisser plus en repos. Cete parole leur hauçant le courage, qu'ils demanderent incontinent leurs armes, & entrans dans le cāp, cōme trémalapris, ou peut être par trop de presumption, passerent deuant le Roy sans le saluer, ny faire semblāt de le voir. Puis marchans vers le perron, Gradamor de grand despit mit l'épée au poing, & commença à ruer de toute sa force sur l'écu

l'écu qui étoit dessus, en sorte qu'il le mit en pieces, criant tant qu'il peut: Mal'encôtre puisse auoir celuy qui souffrira plus longuement les armes de ce malheureux en la reputacion qu'elles sont. Quand le Grec entendit cete iniure, il entra en si grand' colere, que sans s'auiſer de demander vn autre écu, empoigna vne nouvelle lance, & donnât des esperons à son cheual, vint rudement contre les deus Cheualiers Romains, l'un déquels il print si à propos, qu'il le ieta à terre tant étourdy, qu'il ne ſauoit s'il étoit jour ou nuit, & pensoit chacun qu'il eût le col rompu: & pource que de cete recontre son bois volla en éclats, mit la main à l'épée, & tournant viſage contre Lazanor, le pressa de si pres, qu'il l'eût renuerſé, s'il ne se fût tenu aus crins du cheual, & comme il se courboit, le Grec le ſaiſit au corps, & à force de bras (en luy arrachant l'écu du col) le ieta par terre, toute-fois il se releua promptement, & s'aprocha de son frere qui étoit deſia ſur bout: ce pendant le Cheualier Grec mit pied à terre, craignant perdre son cheual, & se couvrant de son écu, entra pêle mêle ſur ſes ennemys, frapant à dextre & à ſenêtre ſi âprement qu'ils ne le pouvoient ſouffrir. Là ſit il bien cognoître l'effort de son courage, & qu'il n'étoit apêtif en telles extremités: & ainſi q̄ l'un & l'autre des Romains tournoient autour du perron, pour euitier le trenchant de l'épée du Grec, il ataignit la iambe droite de Lazanor ſi au viſ, qu'il luy coupa quaſi en deus, & de grand' angoiſſe qu'il endura ſe laiffa choir à la renuerſe, demandant piteuſement mercy. Neantmoins le Cheualier Grec ſit ſemblât de ne l'entendre ains lui dônât du pied cõtre l'eſtomach, le laiffa étêdu ſur le cháp, & retourna à Gradamor, qui s'enfuyoit vers le Roi pour ſe garantir de mort. Mais le Cheualier Grec le ramena pres le perron à coups d'épée & ainſi qu'ils tournoient à l'étour, Gradamor ſe trouua ſi hors d'aleine, qu'il tōba tout étêdu. Parquoy le Cheualier Grec ſe ieta

ſur luy, luy donnant tant de coups ſur l'armet, qu'il le luy ſit ſortir de la tête. Adonc leua le bras pour la luy ôter de deſſus les épaules: mais l'autre s'écria. Ah a gentil Cheualier, pour Dieu mercy ie ſuis prêt de faire tout ce qu'il vous plaira. Lors ſe leua de deſſus luy, & voyant que Lazanor ſe déroboit, courut le prendre & le traina tant qu'il l'aprocha tout au plus pres de Gradamor, qui ſit penſer à chacun, qu'il vouloit les faire mourir enſemble. Au moyen de quoy Grumedan qui leur ſouhaitoit mal de mort, dît ſi hault qu'il fut entendu de pluſieurs. Par dieu il me ſemble que le Grec à ſi bien vengé le tort q̄ lon a fait à son écu, q̄ Gradamor en doit auoir ſouvenance toute ſa vie. Et comme il diſoit cete parole, Esplandian s'aprocha d'eus. Lors le Cheualier Grec luy demanda qu'il vouloit. Sire, répondit il, ie vous prie pour l'amour de moy, auoir pitié de ces deus Cheualiers, puis qu'ils ſe tiennēt pour vaincus. Mais ſaignoit ne l'entēdre: parquoy Esplandian pria au Comte Argamont de luy declarer, ce qu'il ſit. Vrayement, dît le Cheualier, ie les luy donne de bon cuer à la charge que vous me dires qui il ét. En bonne foy, répondit le Comte, ie ne ſçache hōme en cete court qui le vous ſceût dire: car il y a été amenē par la plus grand' auanture du monde. Adonc luy recita bien au long cōme l'Hermite l'auoit trouvé. J'ay dît le Cheualier, ouy parler autrefois de luy en Romanie, & me ſemble qu'il ſe nomme Esplandiā, qui a (à ce que lō m'a aſſeuré) ſur les deus tetins quelques lettres de nature. Vous dites vray, répondit le Comte, & vous les verrés preſentement ſ'il vous plaît. Lors commanda à Esplandiā qu'il les lui montrât. Ce qu'il ſit, dont il ſ'émerueilla grandement, luy diſant: Ie prie à Dieu mō enfant, qu'il te donne bonne fortune. Puis remonta à cheual & vint vers Graſinde, à laquelle il dit: Ma Dame ie croy qu'il voſ a longuement ennuyé: mais j'ay été contraint (cōme vous aués veu) de tāt arrêter.

Sur

LE TROISIEME LIVRE

Sur mon Dieu, répondit elle, vous ne ferez iamais chose que ie ne prenne en bõne part, & allons quãd il vous plaira. Lors sortans de la presse, prindrent le chemin vers leurs nauires, tant ioyeus l'un & l'autre, qu'il seroit impossible de le reciter. Puis étans embarqués commanderēt aus mariniers faire voyle droit en l'Isle Ferme: mais pource que le Cheualier Grec se douta que dom Grumedan auroit affaire pour trouver Cheualiers qui lui aydassent à maintenir le combat qu'il auoit entrepris, il pria Angriote & Bruneo, demeurer là pour le secourir, & ce pendant qu'ils missent peine de sçauoir nouvelles d'Oriane, s'il leur étoit possible.

Cõme le Roy Lisuart enuoya querir Oriane pour la liurer aus Romains, & de ce qu'il auint à vn Cheualier de l'Isle Ferme, mêmes du cõbat qu'eut Grumedan contre ceus qui l'auoyent deffié.

CHAP. XVII.

IL vous a été recité comme étant Oriane à Mirefleur, la Royne Sardamire la fut voir du consentement du Roy Lisuart, pour luy faire entendre l'amitié que luy portoit l'Empereur, & la magnificence qui s'aprétoit pour la recevoir dedans Rome. Maintenant poursuyuant nôtre histoire entendés, qu'après que elle fut du tout acordée aus Romains, le Roy la voulut faire venir. Et pour ce faire commanda à Giontes son neveu prendre deus autres Cheualiers avecques luy, & l'aller querir. Mais que sur sa vie il gardât qu'autre que ceus de sa cõpagnie ne parlassent à elle. Parquoy Giontes executant le commandement du Roy, mena Sadoce, & Lazanor, lesquels arriués à Mirefleur (après auoir fait entendre à la Princesse ce que son pere luy mandoit) firent apretter vne litiere pour la mener: car autrement elle n'eût peu venir tant étoit foible, & malade d'auoir si continuëlement pleuré: & acompagnée de la Royne Sardamire, & autres Damoyelles se mirent en chemin. Mais entre Mirefleur & Taga

gades ou le Roi seiournoit, aprochās pres d'une trébelle fontaine qui sourdoit d'entre vne infinité d'arbrisseaus, aperceurent dedans vn taillis vn Cheualier prêt à combattre qui portoit l'écu de sinople, & vne lance en laquelle pendoit vne banderole de semblable couleur, lequel apellant l'un de ses Ecuyers, lui dit: Va, & dy à ceus qui gardēt ma Dame Oriane, que ie leur prie par courtoisie me laisser parler à elle, autrement que i'essayeray de ce faire maugré qu'ils en ayent. L'Ecuyer s'auança, & s'adressant à Giontes, luy dît ce que son maître leur mandoit, dont il se print à rire, mêmes quand il entendit la menace qu'il leur faisoit étant seul, & répondit à l'Ecuyer: Amy retourne au Cheualier, & luy dy qu'il ne peut à present parler à ma Dame Oriane, & que s'il s'efforce de faire d'auantage, qu'il s'en trouuera (peut être) mal. Quand Oriane entendit cete parole, elle la print trémal, & dît à Giontes: Et, beau sire, q̃ vo⁹ doit il chaloir s'il parle à moy? peut être m'apporte il nouvelle de chose qui me sera agreable. Ma Dame, répondit il, le Roy nous a commandé sur nos vies ne laisser aprocher aucun de vôtre personne, tant que vous soyés avec luy. L'Ecuyer s'en retourna court vers le Cheualier. Ce pendant Giontes se doutāt bien qu'il faudroit combattre, se tint prêt. Et aussi tôt le Cheualier sortit en campagne, & donnans des éperons à leurs cheuaux coururent l'un sur l'autre, se chargeās par si grand' roydeur, que leurs lances volerēt en éclats & s'épaula le cheual de Giontes tombant à terre, & son maître dessus, en sorte qu'il ne se peut promptement releuer: parquoy le Cheualier Verd tournant visage s'aprocha de luy le priant de rechef qu'il le laissāt parler à la Princesse. Par ma foy, répondit il, si vous le faites ce sera maugré moy, & par l'infortune seule auenuē à mon cheual. Mais à peine eut il acheué cete parolle, que le Cheualier entendit Sadoce crier qu'il se gardāt de luy. Au moyen dequoy laissant là Giontes, s'adressa

dressa à l'autre, neantmoins il faillit d'at-
tainte, non pas Sadoce, qui le rencontra
de si grande force, qu'il mit son bois en é-
clats, de quoi le Cheualier marri ayant re-
couuré nouvelle lance, tourna visage, &
donnant des éperons à son cheual, print
Sadoce si à point, qu'il le desarçonna. Ce
que voyant Lazanor (pensant venger ses
deus compagnons) coucha sa lance con-
le Cheualier Verd, esperant le surprêdre:
mais gauchissant au coup l'un de l'autre,
se chargerent de si grande force l'un con-
tre l'autre, q̄ Lazanor se rompit le bras de-
mourant sus son cheual étourdy, en sorte
qu'il n'eut moyen de l'arrester au bout
de la carriere: car le Cheualier Verd lui au-
uoit oté en passant le frain de la tête, par-
quoi le voyant ainsi courir se print à rire.
Lors vint vers Oriane, laquelle il salua
humblement. Or pensoit elle que ce fut
Amadis, parquoy se leuant dans sa litiere
le reccut d'un très bon visage. Adôc le Che-
ualier luy donna vne lettre qu'il portoit
luy disant: Ma Dame, Agraies & Florestā
se recommandent humblement à vôtre
bonne grace & m'ont expressement en-
uoyé vers vous pour vous auertir de ce
qu'entendrés par ce qu'ils vous écrivent:
pourtant auisés s'il vous plaît rien leur
māder: car ie m'en retourne vers eus en la
plus grande diligence qu'il me sera possi-
ble, étant assuré que encores que ie sois
de peu de valeur, si auront ils peut être,
affaire de moi auant que leur entreprin-
se prenne fin. En bonne foy, répondit elle,
ils pourrôt bien faillir à trouuer vn meil-
leur Cheualier que vous êtes, témoing
le deuoir que vous aués fait pour parler à
moi. Mais beau sire, puis qu'aués tāt prins
de peine, ie vous prie me dire qui vous é-
tes, à fin q̄ ie vo^s en sache gré quelquefois
qu'il viendra à propos, Ma Dame, répon-
dit il, ie suis Garuate du val Craintif, à
qui il poise beaucoup de ce que le Roy
vôtre pere veut faire contre vous. Toute-
fois à grand'peine en viendra il à bout,
comme ie croy: plutôt verrés vous mou-

Am. 3.

rir maints bons Cheualiers, qui pour l'a-
mour de vous sont tous deliberés de l'en-
garder par force. Ah ah Garuate mō amy,
ie prie nôtre Seigneur me donner le moyē
de pouoir reconnoître cete grāde loyau-
té. Ma Dame, répōdit il, i'ai toute ma vie
desiré vous faire seruice, cōme celui qui
êt vôtre treshumble seruiteur, & sus ce
point ie prendrai congé de vous. Lors s'a-
procha la Roine Sardamire, & voyant
Oriane plus ioyeuse, ce lui sembloit,
qu'elle, n'auoit encores été lui dît. Ma Da-
me ie ne cōnois le Cheualier qui a parlé
à vous: mais il a aussi mal traité vos gar-
des que Florestan fit ceus qui me condui-
soyent, en sorte qu'ils ne se doiuent gue-
res reprocher l'un à l'autre. Je ne sçay pas
pourtant, si cēt du malheur de ce chemin,
ou par deffaut de bon cueur: mais ie sçay
bien que ie ne vy oncq' deus plus gentis
Cheualiers, que lui & Florestan. Je n'ay
point veu, répondit Oriane, le traitement
des vôtres, & quant à ceus cy il me sem-
ble qu'ils ont trouué qui les à chastiés. Et
comme elles se moquoyent d'eus, Giōtes
& les deus autres retournerent vers elles,
tant honteus qu'ils n'osoyent quasi leuer
la tête pour les regarder, & reprenant le
chemin de Tagades, Oriane fit entrer Ma-
bile en sa litiere pour lui tenir cōpagnie.
Lors étans elles deus ensemble, leurent la
lettre par laquelle Florestan faisoit sça-
uoir à la Princesse, que Gādalīn & Ardan
le Nain d'Amadis étoient arriués en l'I-
le Ferme, ou se deuoit trouuer leur mai-
tre huit iours après, ainsi qu'il leur man-
doit, & l'atendoyent Galuanes, Agraies,
& maints autres bons Cheualiers, lesquels
s'étoient ainsi assemblés pour la secourir
aussi tôt qu'ils seroyēt auertis de son em-
barquement pour être conduite à Rome:
pourtant qu'elle se réjouît & print cou-
rage. Ces nouvelles pleurēt tant aus deus
Damoiselles, qu'il seroit impossible de
plus, & leur fut auis qu'elles sortirent de
mort à vie, ou d'une prison tenebreuse, en
vne très grande clarté. Et tant que le che-

I

min

min leur dura ne tindrent propos d'autre chose, n'étans contentes l'une ne l'autre, pour lire & relire plus de cent fois la lettre que leur auoit aporté Garuate : mais quand elles se virent si près du logis du Roi, nouuel ennuy maitrifa ce grand ayse, craignans que les Cheualiers de l'Isle Ferme ne peussent aysément executer leur entreprinse : parquoy incontinent qu'Oriane fut descendue elle se retira en sa chambre, sans aller vers la Roine, comme elle auoit de coutume, & disoit pour son excuse qu'elle se trouvoit bien mal. Dequoy le Roi auerty, la vint trouuer, acompagné seulement du Roy Arban de Norgales, & aussi tôt qu'elle l'auisa se vint ieter à ses piés & fondant quasi en larmes, luy dit trépiteusement. Helàs monsieur, pour l'honneur de Dieu, regardés votre tant desolee fille en pitié ! & ne luy soyés moins fauorable que vous aués été toute votre vie envers les plus simples Damoiselles qui vous ont demandé ayde ! Ah ah monsieur, quand Arcalaus vous emmena prisonnier, ce fut sous le titre de votre grand bonté, pour aller ayder à celle qui vous en auoit requis, & maintenant ét il possible qu'oubliant cete vertu, qui vous a été tou-jours familiere vous me voulés pis faire, que ne fistes oncq' à autre uiuant ? I'ay sceu que vous me voulés enuoyer vers l'Empereur de Rome, pour être sa femme : Mais si vous me cōtraignés à cela, vous ferés trégrand peché : car ce sera maugré moy, & si suis bien seur que la mort me preuiendra plutôt. Mamye répondit le Roy, estimés vous que ie ne vueille votre bien & honneur autant que ie vous doy ? Ah monsieur ! ie ne sçay pas comme vous l'entendés. Toutefois si me séparés de vous, vous êtes homicide de votre propre sang. Lors se mit tellement à soupirer, que le Roy fut contraint de sortir de la chambre & la laisser, tant elle lui faisoit de pitié. Adoncq' s'aprocha le Roi Arban, lequel la cuydant reconforter lui dit : Ma Dame, vous aués iusques

icy été estimée sage, & constante, & maintenant il semble que vous vueillés sortir hors de cete bonne reputation. Ne sçanés vous qu'il y a remede à toutes choses ? peut être que le Roi se pourra auiser : si vous le sçaués tant soit peu gagner. Ah mon cousin, répondit elle, puis que Fortune m'êt si contraire, & qu'elle delibéré monstrer en mon endroit tout l'effort de sa cruauté vous ôtant le moyen & à maints autres aussi de me secourir par armes, avecques lesquels vous vous êtes tât de fois mis en vne infinité de dangers, pour delivrer de tribulatiō les autres Dames & Damoiselles affligées, ie vous supplie aumoins m'ayder de vōtre parole, conseillant au Roi se deporter du tort qu'il me fait, sans vouloir tenter Dieu, & cōtraindre le bon heur (qu'il a toujours eu jusques à present) se separer de luy, laissant en son lieu toute infortune & mal'encontre. Et pour Dieu retournés vers luy, & trouvés moyen de le ramener icy, avec mon oncle le Comte Argamont & dom Grumedan, afin que vous troys ensemble lui puissés mieus remontrer. Disant ce propos, la dolente Princefse étoit tant affligée, qu'elle sembloit mieus morte que viue : car elle tōba éuanouyé su le plancher. Ce que voyant le Roi Arban sortit de la chambre, tandis q' Mabile & les autres étoient autour d'elle pour lui dōner quelque allegemēt, & vint trouuer le Roy auquel il fit entendre tout ce qu'Oriane luy auoit dit, qui l'émeut tellement à pitié, que aysément lon pouvoit cōnoître en lui la peine qu'il en portoit. Neantmoins il ne vouloit aller vers elle pour priere qu'elle lui en fit, iusques à ce q' le Côte Argamont & le vieil Grumedan le suplierent tât qu'il s'y acorda & ainsi qu'il entroit dans la chambre, il l'auisa encores en son éuanouissement. Lors s'aprocha d'elle, & la leuant entre ses bras cōmença à lui dire : M'amyce parlés à moy : mais elle ne remuoit pié ny main. Toute-foys à force de vin-aigre & eau

eau froide on luy fit reuenir le cueur. Adonc ieta vn haut soupir, & voyât le Roi lui dît: Helàs, mōsieur, ayés pitié de moi! Mamie, répondit il, que voulés vous que ie face? Sire, dît elle, auant que m'élōgner de vous, ie vous supplie auisés au mal qu'il en auindra: car iamais Rome ne me vera, plutôt la Mer me deliurera de cete peine, ainsi serés vous cause de deus maus en semble. Le premier de l'innobediēce q̄ ie cōmettray enuers vous, & l'autre de l'homicide que vōtre fille fera en sa propre personne: & par ce moyen cuydant faire alliance & amytié avec l'Empereur (m'estimât ainsi deffaite par dēpit de lui) il aura iuste ocaſiō de vous vouloir mal, non luy seulement: mais tous ceus qui en orront parler à l'auenir, en sorte que d'autāt que vous êtes renōmé par tout le monde. Prince begnin & misericordieus, serés dît impitoyable & cruel plus que nul autre pourroit être: pardonnés moi, Sire, la douleur qui me presse me cōtraint vous dire ce que i'en pense, & si vous voyés q̄ trop irreuerement ie parle à vous, prenés de mon indiscretion telle vengeance qu'il vous plaira: car vous ne me pourriés donner peine, ou tourment si grand, comme ét celuy que ie me voy apareillé, me priuant de la presence de vous. Mamie, répondit il, ie vous entends trēbien, vōtre mere vous dira ce que i'ay delibéré de faire, & plus ne vous déconfortés ainsi: mais faites bonne chere, & vous aurés, peut être, ce que vous demandés. Cete promesse luy fit le Roi, pource qu'il auoit le cueur si serré de pitié, qu'il n'eut peu parler à elle d'auātage, mêmes q̄ la Roine suruint laquelle voyât sa fille en tel état fut bien ébaïe: car aussi tôt qu'Oriane l'auisa elle s'éuanouit de rechef. Ce pendant le Roy se retira laissant les femmes autour d'elle toutes biē empêchées. Et après qu'ele eut recouré la parolle ainsi que la Roine lui demandoit comme elle se trouuoit, la dolente Oriane ouurant les yeus tous couuerts de grosses larmes, se print à la regar-

der trop piteusemēt: puis d'une vois quasi forcee, lui dît: Helàs ma Dame, le portement que i'ay ét trop meilleur qu'il ne me seroit besoing! La mort ét maintenāt tout ce que ie desire, & à quoy mō esprit tend le plus, veu que ie me voy habandōnee du Roi & de vous pēsant m'enuoyer à Rome: Mais le voyage que feray, fera vn peu plus loingtain, vous laissant le corps (duquel voulés disposer contre raison) pour renuoyer l'esprit à Dieu, qui à puissance sus lui. M'amie dît la Roine, le Roy vous ayme tant, qu'il ne pèse qu'à vōtre biē & grād auantagemēt. Pourquoi vous tourmētés vous tant? Je ne sçay, répondit Oriane, comme vous trouués ce bannissement tant à mō auātage. Pourquoi dites vous q̄ le Roi m'ayme, se mōstrant plus impitoyable enuers moi, que ne fit oncques pere enuers son enfant? Mais entendés que durant que telles lamentations se faisoient entre la Roine & sa fille, le Roi se promenoit en vn iardin avecques peu de compagnie. Le voyant le Cōte Argamont melancolique & réuer à ce que la Princesse lui auoit dît, estimant q̄ (peut être) il s'étoit r'auisé, s'aprocha de lui & lui dît: Monsieur ie me tiendrois pour trop heureux de n'auoir ocaſion vous dire ce q̄ la raison m'oblige, vous cōnoissant sage & vertueus Prince, pour dīcerner facilement le bien d'avecques le mal: Toute-fois la pitié que m'a fait n'agueres ma Dame vōtre fille me contraint de vous ramenteuoir ce q̄ ie vous ay autrefois dît d'elle, & vous supplier tāt qu'il m'ēt possible (auant q̄ l'élōgner de vous) y pēser meurement, & sans affectiō: car cōbiē que peu cōmunément l'homme sage face faute se gouuernant par raison, aussi quād il presume tant de soy qu'il ne l'ueut auoir conseil que de sa propre tête, il tombe souuent en plus de danger que ne feroit vn moins auisé: on en a autrefois veu l'experiēce en plusieurs Princes. Mōsieur vous voyés l'extremité en quoi ét ma Dame Oriane, & si biē vous y pēses vo⁹ iu-

LE TROISIEME LIVRE

gerésay sémēt l'inconueniēt qui peut auenir à sa personne, par vn trop grand desespoir, dōt puis après vo⁹ seriés marri toute vōtre vie; & outre ce, vous en pourrés être blâmé, non seulement des étrangers: mais de vos sujets mêmes, & leur être cy après odieux, dōt il pourroit venir maintes malheurtés. Pourtant croyés le cōseil de ceus qui desirent le bien profit & honneur de vous & de vōtre Royaume, ce faisant il vous en pourra nul mal venir: & encores qu'il en aint autrement vous serés excusé, & eus obligés à y trouuer remede. Et d'auantage vous sçaués bien, que la faute que lon fait par conseil ne se peut autrement nommer que faute sagement faite: Voyla monsieur pourquoy ie vous supplie treshumblement (en vsant de pitié paternelle) contēter ces Embassadeurs par autre moyen qu'au pris du sang de vōtre fille. Mon oncle, répōd le Roi, ce propos à été assés demené, n'en parlés plus, si vous me voulés faire plaisir & lui tournant vi sage le laissa seul, pource qu'il vit entrer au iardin le Prince Saluste Quidē, & Brādaiel, lesquels arriués près de lui les apella. & leur dīt: Or ça, ma fille ēt arriuee: mais elle se treuve vn peu mal, vo⁹ la verrés demain en hōne santé, si dieu plaīt. Sire, répōdit Brādaiel, quand vous plaīt il la nous liurer pour l'emmener à nōtre maître qui l'atend de iour en iour, suyuant ce que nous luy auons écrit? Ie vous dirai, dīt le Roy, vous sçaués que ie la lui ai vrayement accordée contre l'opiniō de tous les Cheualiers de ma court, & maugré qu'elle en ayt eu: Toute-fois ie l'ay fait, considérant la vertu de l'Empereur, & l'esperance que i'ay au bon traitement qu'il lui fera, ce pendant ie vous prie la gaigner petit à petit, pour lui faire oublier ce qu'elle laisse & donner ordre que vos vaisseaus soyent prêts à partir car ie la vous liurerai de tout points cete semaine prochaine. Sire répondit le Prince Saluste Quidē, il ne se faut ébaïr si elle à regret pour le commencement de vous laisser: mais ie suis

seur qu'aussi tōt qu'elle sera arriuee à Rome (voyant tant de grans Signeurs luy porter obeïssance, les triomphes qui luy sont apareillés pour la receuoir, & sus tout le grand amour & bon traitement que lui fera l'Empereur) qu'elle oubliera facilement son ancienne nourriture, & s'il vous plaīt luy donner pour l'acōpagner Olinde i'ay esperance de la prédre pour ma femme, nous arriués par delà, tant ie l'ay trouuée sage & vertueuse Princesse. Vrayement, dīt le Roy ie l'en prieray volontiers, & commēça a lui en dire d'auantage tous les biens qui pourroyent être en ieune Damoiselle. Et sus l'heure s'en allerent mettre a table qui dé-ia étoyēt couuertes pour le dîner, durant lequel se vindrent presenter ceus qui vouloyent combattre Grumedan, disans au Roi Lisuart. Sire vous sçaués les propos qu'à tenu ces iours passés Grumedan, au desauantage des Romains, tant que le Prince Saluste (& nous pour luy) luy auons présenté le combat, à fin de luy faire connoître qu'il n'apartiēt à vn vieil réveur, comme il ēt, s'adresser aus Cheualiers de Rome: pourtant, s'il vous plaīt, ce sera pour demain: car il nous ennuye trop de laisser si long tems celà impuny. Lors dom Grumedan se sentant iniurié commēça à changer couleur, & ainsi qu'il cuydoit répondre, le Roi voyāt qu'il entroit en collere print la parole, & luy dīt: Grumedan vous vous êtes tou-jours mōstré sage & froid, principalement au parler ie vous prie beau Sire, dissimulés pour ce coup, & répondés seulement au combat que demandent ces Cheualiers. Sire, dīt il, ie le feray puis qu'il vous plaīt, & demain ne faudray à me trouver au cāp ainsi que i'ay promis, ou i'espere me venger de l'iniure qu'ils m'ont faite en vōtre presence. Adoncq' le Roy se leua de table & entra en sa chambre avec Grumedan, auquel il demanda qui étoient ceus qu'il auoit choyis pour être des siens. Sire répondit il le droit premierement qui ēt deuers moy, & si Ga-

laor arriué demain ie suis seur qu'il me tiendra voluntiers compagnie, & s'il ne vient ie les combattrai eus trois l'un après l'autre. Ce ne peut erre dît le Roi : car vous leur aués acordé de trois ensemble, contre trois, & ainsi le iurâtes en mes mains, qui me fait auoir grand doute de vous, pource qu'ils sont ieunes & forts, & vous déja caducq' & sans secours. Sire répondit il, Dieu y pouruoyra s'il luy plaît, qui haït orgueil & presumption, dont ils sont fort entachés. Et au pis aller ie connois deus de mes parens, qui pour mourir ne refuseront à m'ayder contre eus. Je feray autremēt dît le Roy, ie me déguiseray, & feray pour l'amour de vous le second, assuré que vous & moi les combattrons bien tous trois, Ha Sire répondit il, ia à Dieu ne plaise que vous mettés pour moi vōtre personne en tel danger. Pourquoi? dît le Roi, en meilleur lieu ne pourrai-ie (peut être) iamais reconnoître les seruices que vous m'aués faits, hazardant par tant de fois vōtre vie pour la defence de moi & de mon Royaume. Sire, répondit il, le bon vouloir que vous me montrés à present augmente tant l'obligation que i'ay enuers vous, que si ie mourois de mille morts en vōtre seruice, ie penserois encores être vōtre redevable. Ne vous chaille, dît le Roi, i'ay encores le cuer vif, & le bras assés roide pour soutenir vōtre querelle. Ah Sire, pardonnés moi, iamais n'y consentirai, veu le tort q' vous feriez à vous-mêmes, étant Roi droiturier, qui deués autāt fauoriser l'étranger, comme le vōtre biē familier. Puisqu'ainsi ét, dît le Roi, ie me deporteray dōc : mais ce sera maugré moy : Or vous en allés pourvoir à vōtre affaire : car vous n'aués que tarder. Lors Grumedā lui dōna le bō soir, & se retira en son logis, ou il fit apeller deus Cheualiers ses parens & leur dît. Vous sçaués le combat que ie doi auoir demain contre les trois Romains, & pource que vous êtes ceus à qui i'ay plus de fiance, ie n'ay voulu choisir ne prier

Am. 3.

autres Cheualiers de cete court pour m'ayder que vous deus, ne le voulés vous pas faire? Et ils luy répondirent qu'ouy, le remerciant affectueusement de l'honneur qu'il leur faisoit. A cete cause allerent mettre à point leurs armes, & Grumedan entra en vne chapelle ou il demeura en oraison iusques au lendemain qu'il en sortit pour s'equiper, & ainsi qu'il commençoit à s'armer suruint la Damoiselle de Grafinde, de laquelle cy deuant vous à été parlé, qui portoit l'une des plus belles épées du monde & saluant Grumedā, luy dît: Le Cheualier Grec qui vous ayme & estime pour la preud'homme qu'il a entendu être en vous, vous enuoye cete épée qu'il vous donne de bon cuer, comme étāt l'une des meilleures du monde, & ét celle même de laquelle il chastia l'autre iour si bien les Romains en vōtre presence: & si vous mande par moi que pource qu'il a sceu la necessité ou vous êtes pour trouver d'eus Cheualiers tels qu'ils vous ét besoin, il vous a laissé deus de ses cōpagnons qu'il estime en prouesse autāt qu'autres que vistes oncques, & vous prie par l'amitié qu'il vous porte, que les recevés sans en prendre d'autres : car s'ils n'étoient tels qu'ils les vous assure par moi, il ne les vous eut présentés. Damoiselle m'ame, répondit il, ie remercie de bien bon cuer le Cheualier, & vous aussi de la peine qu'aués prinse à m'apporter tant bonnes nouuelles. Lors print l'épée, & luy sembla l'une des plus belles qu'il eut onc veu, puis la ceignit à son côté, disant à la Damoiselle. Vrayement le Cheualier Grec fait beaucoup pour moi, veu le peu de connoissance que nous auons ensemble, & Dieu me doint la grace de lui pouoir reconnoître en quelque endroit. Ses deus compagnons dît elle, vous attendent & sont tous prests à combattre, quand il vous plaira, pourtant vous n'aués que tarder: car i'ay n'agueres veu les trois Romains bien delibérés de mōtrer ce qu'ils sçauent faire. Allons répondit

I 3

Gru-

Grumedan, quand il vous plaira. Lors fit amener le cheual que Florestan lui auoit donné (celui mêmes qu'il conquesta deuant la Roine Sardamire) & mōta dessus, puis marcha au petit pas droit au lieu ou deuoit être le combat. Là trouua les deus Cheualiers qui lui étoient venus de secours, & se saluans l'un l'autre leur dit Grumedan: Signeurs ie ne sçay qui vous êtes: mais ce que voulés faire pour moy me donne assés à connoître que ie vous doi toute ma vie estimer de mes meilleurs amys, & comme il acheuoit cete parole, ils virent entrer au cāp les trois Romains, avec trompettes & clairons, faisant vn tel bruit que l'air en retentissoit de toutes parts. Et à l'instāt monta le Roi en son échafaut, lequel ietant sa veuē de toutes pars pour choisir Grumedan l'auiſa au milieu des deus Cheualiers, & la Damoiselle tout ioignant laquelle il reconneut aussi tōt: mais il ne pouoit presumer qui étoient ceus qui se presentoient de la part de Grumedā. Et à cete cause, il la fit apeller, & lui demāda si elle les auoit amenés. Sire répondit elle, les bons sont volontiers soutenus de leurs semblables, voylà pourquoy le Cheualier Grec auerty de la loyauté de Grumedā, & du combat qu'il a entrepris contre les Romains aussi du peu de moyen qu'il auoit pour être secouru à present, étās tous les bons Cheualiers de vōtre court quasi absens, lui a enuoié deus de ses compagnōs, lesquels vous n'estimerés gueres moindres de lui en tout ce qui appartient à preud'hōmes, & si vous puis asseurer q̄ Grumedan ne s'y atendoit aucunemēt: car il n'en fut oncques auerty iusques à ce qu'il ayt voulu monter à cheual, & que ie les lui ay présentés. Vrayement Damoiselle dit le Roi, le Cheualier Grec a beaucoup fait pour luy. Et comme elle acheuoit ce propos, les trois Romains s'approcherent de l'échaffaut du Roi auquel ils dirēt si haut que chacun les entendit: Sire pource que nous auons delibéré emporter à Rome

les têtes des trois Cheualiers, qui nous vent combattre vous supplions tré humblement n'en être mal content, specialemēt pour celle de dō Grumedā, ou lui mandés qu'il se dedie presentemēt deuāt vōtre majesté, acordāt librement q̄ nous Romains sommes les meilleurs Cheualiers de tout le monde. Faites répondit le Roi, ce qui ét en vous, & qui demeurera vainqueur, traite son ennemy ainsi que bon, lui semblera. Lors passerent outre & arriuerēt les Dames pour voir le passetems, acompagnees de Guillan le Pensif, & Cendil de Ganote, tous deus encores si debiles de leurs maladies qu'ils ne se pouoyent quasi soutenir: car Guillan sortoit nouuellement d'une fievre continuē, & Ganote auoit peu deuant eu les deus iambes percees d'une fleche étant le Roi à l'assemblée dedans la forêt. Or craignoit la Roine merueilleusement que Fortune fut cōtraire au bon vieillard Grumedan, & à cete cause apellāt Guillan lui demāda qu'il lui en sembloit. Ma Dame, répondit il, le hazard des armes ét en la volōté de Dieu, & au bon droit qu'ont les combatans, & non en la force des bras, n'y en la presumption des personnes: Parquoy ma Dame, connoissant Grumedā sage vertueux Cheualier, & homme de bien, autant qu'il en soit point au monde, & l'outrecuydance de ceus, aus-quels il a affaire il me semble que si i'estois en sa place, que i'en virois aysément à mon honneur. Cete réponse contenta merueilleusemēt la Roine, tant que de là en auāt elle eut meilleur esperance de la victoire de Grumedā, qu'elle n'auoit encores eu. Et sus ce point les Cheualiers d'une part & d'autre se chargerent par si forte rencontre, qu'ils briserēt leurs lances en éclats: mais il auint vne auanture, qui n'étoit oncques auenuē en la court du Roy Lisuart: car les trois Romains furent desarçonnés, sans que nul des autres perdit l'étrier: parquoy tournās promptement visage contre eus, virent qu'ils se rallioyent ensemble. Lors Bruno

neo de bõne Mer l'un des deus que la Damoiselle auoit emmenés au secours de Grumedan, lui dît. Puis que nous uons montré aus Romains comme nous scauons rompre lances il n'est pas raisonnable que les assaillons à cheual, eus étans à pié & deuous ce me semble descendre. Faisons répondit Grumedan tout ainsi qu'il vous plaira. Ce disant mit pié à terre, & se couvrans de leurs écus marcherent contre les Romains, auxquels Angriote dît si haut que chacun l'entendit: Signeurs Romains, ie croy, ou que pour peu, ou riens nous estimer, ou pour éprouuer vos cheuaus, vous aués été contens de descendre si liberalement, & nous aussi pour l'amour de vous. Les Romains qui au parauant auoyent les cueurs hauts iusques à l'extremité, se trouuâs ainsi deceus de leur esperance, furent tant hôteus qu'ils ne répondirent vn seul mot, ains baissans la tête ruerent sus leurs ennemys par telle legiereté, qu'aysément lon pouuoit connoître la grand' collere qui les maistrisoit: mais s'ils se montroyent rudes & après à l'assaillir, les autres n'étoyent paresseus à eus defendre, principalement Grumedan lequel de grand desir qu'il eut à se venger, entra parmy eus ne ruant gueres coup qu'il ne portât, & aussi fut il n'auéré en maints endroits. Toutefois à la fin luy & ses deus compagnons postposans tout peril presserent les autres en sorte, qu'ils les forcerent de reculer, & cheut Maganil à la renuerse. Lors Bruneo de bõne Mer qui le poursuiuoit, se lâça sus lui, & à force de tirer luy arracha l'armet de la tête, & le ieta cõtre l'échafaut ou étoit la Roine & les Dames, vers lesquelles Maganil, se voyant en danger de mort, commença à crier, les supplians auoir pitié de luy: mais Bruneo faisoit semblant de ne l'entendre, & lui disoit qu'il se rendit, ou qui lui ôteroit la vie. Seigneur répondit il, ie feray tout ce qu'il vous plaira, & suis prêt de confesser que i'ay fausement menty: Car les Cheualiers Romains ne sont

tels que ie les ay maintenus; ny en rien comparables à ceus de la grand' Bretagne. Cete reconnoissance fut entëduë de la Roine & de Guillan, lequel ayant pitié de celuy qui demandoit pardon, dît à Bruneo: Cheualier Grec, il me semble que vous ne deués auoir nulle enuie sus sa tête, qui n'est pleine que de gloire & outrecuydance & que la luy deués laisser pour chose qu'elle vaille, à fin que cy après lui étant de retour à Rome, puisse raconter quel profit son orgueil & presumption luy auront porté par deçà, & vous en prie la Roine & les Dames aussi. Ie le feray, répondit Bruneo, puis que tant vertueuse Princesse me le mande, & que vous m'en priés, encores que ie ne vous connoisse. Lors se leua de dessus Maganil, & retourna vers Grumedan qui auoit abatu le second lequel craignant perdre la tête, fit telle amende que son compagnon. Ainsi ne restoit il plus que le tiers, qui auoit tant perdu de sang, qu'il cheut mort aus piés d'Angriote: Parquoi il le print par la iambe, & le traina hors du camp. Ce pendant Grumedan remonta à cheual, & pensant que ses deus compagnons le suyussent, se retira en son logis pour faire regarder à ses playes: mais aussi tôt qu'il fut party, Bruneo & Angriote sans ôter leurs armets, craignans d'être conneus, se presenterent deuant le Roy, & lui dirent: Sire, nous prendrons congé de vous pour nous en retourner en la compagnie du bon Cheualier Grec, avec lequel nous sommes honorés & estimés autant que en lieu ou nous puissions être, & s'il vous plaît quelque chose lui mander, nous luy dirons de bien bon cueur. Dieu vous conduye, répondit il, certes vous & luy aués iassés fait connoître à chacun, que vous n'êtes aprentifs en tels combats, & que Grumedan vous est grandement obligé. Sire, dît la Damoiselle qui les auoit amenés, s'il vous plaisoit ie parlerois à vous en priué, pour chose qui vous importe grandement. Oui vrayemēt

LE TROISIEME LIVRE

Damoiselle, répondit il: Et à cete cause, commanda que chacun se retirât, & pour tant, Angriote & Bruneo sortirent du cāp, reprenans le chemin qu'ils étoient venus. Puis demanda le Roy à la Damoiselle qu'elle lui vouloit. Sire, répondit elle, vous auez iusques icy été tenu pour le plus estimé Prince de la Chrestienté, amy d'honneur & de toute vertu, & sus tout protecteur des Dames & Damoiselles, leur faisant tant de biens & de graces, qu'elles ont eu grande occasion de vous en louer plus qu'autre qui viue: Et à cete heure perdant l'esperance qu'ellos auoyent en vous, elles se voyent entierement habandonnées de cete vôtre grande bonté, connoissant le traitement que vous faites à ma Dame Oriane vôtre fille en la desheritant du bien que par droit lui deuoit appartenir après vous, dont elles ne se peuvent assez ébaïr, considerans comme il a été possible que votre naturel tant benin, soit si promptement tourné en tant de cruauté qu'elles n'esperent iamais aucune chose de vous qui soit à leur auantage, usant de telle façon de faire envers celle, à laquelle pitié & amour paternelle vous ont obligé outre le titre que vous auez du nom de Roy, par lequel vous deuez être droiturier, faisant iustice à chacun: & croyés, Sire, qu'il vous en pourra prendre pis, tant pour le mauuais exemple que vous donnés au peuple que pour l'abondance des pleurs & dures lamentations de ma Dame Oriane, qui sont deuant Dieu, requerans vengeance, en sorte que si n'y prenés garde, la fin de vôtre regne n'ensuyvra le commencement d'iceluy, auquel vous auez prospéré autant que nul autre Roy ou Prince que lon sache. Et plus ne vous en dirai, Sire: car ie m'en vois après ces deus Cheualiers, qui mont attendu longuement. Damoiselle, répondit le Roy, Dieu vous vueille conduire, vous auez parlé trèsagement, & en femme de bon esprit. Ainsi s'en partit la Damoiselle, & arrivant avec les deus Cheualiers, prindrent

le chemin de la mer, ou ils trouverent un brigantin prêt, que Grasinde leur auoit fait laisser, & pource qu'ils scauoient certainement que le Roy Lisuart auoit conclud livrer sa fille aus Romains, des premiers iours de la semaine ensuyuant, ils firent si grande diligence d'ataindre le Cheualier Grec pour le lui faire entendre, qu'ils n'arrêterent que deus iours & deus nuits à prendre port en l'Isle Ferme, ou peu deuant il étoit arriué. De quoi Agraires, Florestan, & autres auertis, vindrent le recevoir en grand ioye. Là peut on voir le bon recueil qu'ils firent les uns aus autres, les caresses & embracemens, & sus tout l'honneur que lon portoit à Amadis. De quoi Grasinde ébaïe, ne scauoit que presumer, iusques à ce qu'il lui vint dire: Ma Dame, ie vous supplie n'être mal contente si iusques à present, ie vous ay celé mon nom, qui est Amadis de Gaule, duquel vous mêmes m'aués parlé quelque fois, & ces autres sont mes parens, compagnons, amys & sujets, tous delibérés de vous faire service pour l'amour de moy. Seigneur Amadis, répondit elle, ce n'est à vous à demander pardon, veu que ne m'offençastes onc: mais moi qui vous ay si long tems tenu en ma maison, non comme Prince & grand Seigneur que vous êtes, ains tout ainsi qu'un simple Cheualier errant: Toutefois vous en auez été cause, vous courât de moi: car si ie vous eusse aussi bien conneu comme ie fais à present, ieusse essayé de vous faire l'honneur & bon traitement que vous merités. Je vous prie, dit Amadis, ne me tenés iamais tel propos, veu qu'il vous auez tant fait pour moy, qu'il ne sera iour de ma vie qu'il ne m'en tienne vôtre obligé. Et deuisans ainsi entrèrent au palais d'Apolidon, ou ils trouverent les tables dressées & le dîner prêt: par quoy ils s'assirent. Mais ils n'eurent quasi le premier service, qu'Angriote, Bruneo, & la Damoiselle se presenterent deuant eux. S'ils furent bien receus il n'en faut douter. Et comme Amadis leur demandoit quelle

quelle fin auoit eu le combat de Grumedan contre les Romains, ils luy reciterent que le Roy auoit arrêté de livrer sa fille aus Embassadeurs de l'Empereur dedans trois ou quatre iours. Dont il fut si émeu, qu'il changea incontînét de visage, craignant ne pouuoir être assés à temps pour la secourir, ou que ceus de l'Ile Ferme ne vouüssent le suyure en vne telle entreprise cõtre le Roi Lisuart: Parquoy pour sentir d'eus ce qu'ils en pensoient, aussi tõt qu'ils eurent diné, tõtôt de propos en propos, en parlât de son lög voyage, leur dît. A ce que ie voy les choses sont bien chargées en la grand' Bretagne depuis que nous en sommes hors, & a biẽ le Roy autre fantasie qu'il n'a eu par le passé: car ie l'ay veu plus prõpt à donner secours aus Dames qu'a ses affaires propres: & m'ebai maintenât qui le meut de se vouloir ainsi deffaire de ma Dame Oriane, veu qu'oncques enfant ne fut plus obeïssant à pere qu'elle s'ët toujours mõtée, & neâtmoins, à ce que nous recitent Angriote & Bruneo, maugré elle & tous les Cheualiers de la grãd' Bretagne, il l'a releguée & cõfinée avec la personne du monde qu'elle hait le plus, dont i'ay telle pitié, que si me voulés croire & ayder, nous luy donnerons secours & la mettrõs en liberté. Toute-fois ie ne veus riens entreprendre sans vous tous: mais il vous doit souuenir du serment que nous fit faire la Royne Brise ne à la dernière court qui fut tenuë en la ville de Londres. Nous iurâmes tous ne souffrir iamais être fait tort à Dame, ou Damoysselle, qui nous en requît. Maintenant donc endurerons nous si mal traiter & captiuier celle, de laquelle nous auons autrefois receu tant d'hõneur & de faueur? Seront les Damoysselles de sa compagnie enleuées par force & bannies pour iamais de leur propre país: Sur mon Dieu si nous le souffrõs, nous serõs dignes d'en receuoir blâme, sans auoir moyen, ou excuse, pour nous en sauuer, & tomberons en reputation de Cheualiers recreus &

malheureus. Or auissés doncques ensemble que vous voulés qu'il en soit fait: car quant à moy ie suis bien delibéré de disputer vn voyage que i'auois entrepris, ainsi que ces iours passés i'ay fait entendre à mon cousin Agraies, Florestan, & autres, par Gandalin, & avec les nauires que i'ay trouvées en ce port me mettre en tõt devoir de rõpre l'entreprise du Roy Lisuart, & sauuer ces pauvres Damoysselles, entre lesquelles ie n'en sçache de plus dolente apres ma Dame Oriane, qu'Olinde, à laquelle le Roy (vsant de sa nouvelle cruauté) veut par toute contrainte donner pour mary Saluste Quide, qui l'a demandée. Mais ie voudrois bien sçauoir de quelle auctorité il veut maintenant ainsi traiter celles qui ne luy sont suiettes, ne de ses país: mêmes ma cousine Mabile, laquelle le Roy son pere enuoya en la grand' Bretagne, non pour être confinée en Rome, ains pour demeurer seulement avec la Royne, & tenir cõpagnie à Oriane qu'elle ayroit ainsi que deus ieunes Princesses se peuvent porter amytié familiere: & m'ebai que desia tous ses país ne sont reuoltés contre luy, ou pour le moins que quelque Cheualier ne s'ët mis en effort pour contredire par armes à cete folle fantasie: Toute-fois nul ne s'ët mis encores en auant pour ce faire. Parquoy mes amys, ie vous supplie tous, que suyuant l'ancienne coutume qui a été diligemment obseruée entre tous Cheualiers errãs, garder que lon ne leur face vn si grand tort & mal traitement: Ce faisant nous aquerons honneur & louange plus qu'auparauant, sans qu'en puissions receuoir blâme en quelque sorte que ce soit. Or m'en dites dõc ce qu'il vous en semble, à fin que suyuant la conclusion que nous prendrõs puissions donner ordre pour l'executer. Lors Agraies à qui il touchoit de pl⁹ pres, tant pour sa sœur, que pour la grande amour qu'il portoit à Olinde, ainsi qu'il vous à été recité au premier livre, répondit deuant tous: Je ne sçay qui seroit ce-

LE TROISIEME LIVRE

luy qui voudroit retarder vne si gentile
 entreprinse, veu mèmement qu'auparauāt
 que vous mōsieur & cousin arriuisiēs
 par deçā, étions assemblēs en ce lieu pour
 y pourvoir, & maintenant que nous vous
 trouuons si conformes à nôtre vouloir, ie
 suis seur que nul de nous n'en pense au-
 tre chose, sinon que la fortune nous apel-
 le pour paracheuer, nous promettant la
 victoire certaine, étant ennuyée de la fa-
 ueur qu'elle a portée si long temps au
 Roy Lisuart, qui se mécoñoit à present
 en toutes les sortes du monde, & qu'ainsi
 soit qu'a il affaire d'euoyer ma sœur mau-
 gré elle en pais étrange? Le Roy mon pe-
 re la luy a il baillée pour en faire à son
 plaisir? Vous sçauēs que peu apres nôtre
 partement de la grand' Bretagne ie la fis
 demander à la Roïne: mais elle me la re-
 fusa, me mandant par Gandales, qu'elle la
 feroit traiter & nourrir comme sa propre
 personne: êt-ce donc le bon traitement
 qu'elle luy gardoit à la fin pour s'en de-
 faire? Mabilē n'a elle autre lieu pour se
 retirer qu'en la maison de l'Empereur? Le
 Royaume d'Ecoce n'êt il assēs opulent
 pour la norrir? Par diē, cête façon de fai-
 re du Roy Lisuart êt tant malheureuse &
 si hors de raison, que i'aymerois mieus
 mourir cent fois (s'il étoit possible) que
 ie ne m'en vengeasse, & desia i'ay enuoyé
 vers mon pere pour y pourvoir: Ce pen-
 dant ie vous suplie mes Signeurs tous
 m'ayder, spécialement vous autres à qui
 l'iniure touche quasi autant cōme à moy-
 mêmes, êtāt faite nō seulemēt à la person-
 ne de ma sœur, vôtre cousine & proche
 parente, mais à Olinde & autres, déquel-
 les suyuant ce que nous auons promis &
 iuré (comme a dit mon sieur Amadis)
 nous deuons être protecteurs & defen-
 seurs. Signeurs, dît Quedragant, quant à
 moy ie suis prêt de partir quand il plaira
 à la cōpagnie, & si ie m'y épergne, n'ayēs
 iamais bonne estime de moy, & croy
 qu'il n'y a celuy present qui n'en die au-
 tāt: car si nous hazardons souuent nos vies

pour peu d'ocasion, nous auons bien rai-
 son de ne nous épergner pour cête ci: n'êt
 il pas vray mes amys? Lors chacun répon-
 dit, que pour mourir ils ne differeroient:
 mais qu'il étoit requis grande diligence,
 pour garder q̄ les Romains ne passassent
 le détroit de la mer Mediterranée, auant
 que de les combattre. Nous y pouruoyrōs
 ayssēmēt, dît Amadis, demain il nous faut
 tous embarquer & gagner le deuant, ce
 qui fut arrêté. Or étoit Gracinde presente
 à cête resolution, laquelle pour leur don-
 ner encores plus de courage, leur dît: Sur
 mō Dieu, vôtre entreprinse êt haute & di-
 gne de trégrande louange, veu qu'outre
 le biē que vous faites à celle que vous al-
 lēs secourir, vous acheminēs les autres
 bons Cheualiers (soient de ce pais ou é-
 trangers) à ce que dorénuant (vous imi-
 tans) ils ne permettront que lon face tort
 à Dame ou Damoysselle quelconque. Et
 pourtant vous les rendēs tant vos redeua-
 bles, qu'elles, & celles qui sont & vien-
 drōt d'icy à cent ans & plus, vous en doi-
 uent sçauoir gré. Ma Dame, répondit A-
 madis, Dieu nous doint la grâce d'execu-
 ter nôtre entreprise, ainsi que nous la desi-
 rons, & tandis, s'il vous plaît, vous tiēdrēs
 icy, en la compagnie d'Ysanie, gouverneur
 de cête Ile, lequel vous obeïra comme à
 moy-mêmes, & maître Helisabel me suy-
 vra: car i'ay grande fiance en luy comme
 vous sçauēs. Mon Signeur, dît elle, vous
 pouēs disposer de moy & des miens, ainsi
 que bon vous semblera. Amadis la remer-
 cia humblement, & commanda que cha-
 cun se tint prêt pour entrer le lendemain
 des l'aube du jour aus nauires qu'Agraiēs
 & Florestan auoient fait armer, suyuant
 ce qu'il leur auoit mandé par Gandalin.

Puis le jour ensuyuant étans tous
 embarqués firent voyle droit
 en la grand Bretagne, es-
 perans recontrer l'ar-
 mée des Romains,
 ainsi qu'ils
 firent.

Comme

Côme le Roy Lisuart livra aus Embassadeurs de l'Empereur sa fille Oriane, & autres Damoyelles, pour les conduire à Rome, lesquelles peu apres furent secouruës des Cheualiers de l'Ile Ferme.

CHAP. XVIII.

Venu le jour que le roy Lisuart auoit promis aus Romains de leur livrer sa fille pour la cōduire à l'Empereur, continuât tous jours en ce vouloir, sans qu'il fût possible l'en distraire, pour pitié qu'elle lui fit, importunité de la Roïne, ny remōstrāce de ses Cheualiers voulant executer sa deliberation, vint la trouver en sa chambre, & la prenant par la main, se seant aupres d'elle, luy dit. Mamye, vous vous êtes mōtrée tou-jours obeïssante à mō vouloir, sans que jamais vous y ayés contredit, ne voulés vous pas encores continuer, ainsi que la raison veut? Vous vous melancolies (à ce que ie voy) du mariage que ie vous ay trouvé, dont ie m'ébai grandement, estimés-vous que ie vous fisse penser à faire chose qui ne tournât à vōtre honneur & profit? me pēseriez vous bien de si mauvaise nature envers vous? ie vous jure ma foy, que l'amitié que ie vous porte est si certaine, que ie n'ay moins de regret à vōtre éloignement que vous aués. Mais vous sçaués qu'il seroit impossible vous pourvoir si biē aupres de moy; pourtant ie vous prie (qu'en v'sant de vōtre prudēce acoutumée) faites meilleure chere, & vous rejouissés du bien qui vous est auenu, étant femme du plus grād Prince du monde. Et si vous faites celà, outre ce que vous en serés estimée, vous rejouirés vōtre pere qui est si triste (de vōtre ennuy) que rien plus. Mais durāt ce propos Oriane auoit le cuer si serré, qu'elle n'eût peu faire sortir vne seule larme de ses yeus & quasi cōme femme outrée de son mal, voyant qu'il n'y auoit plus de remede en elle, répondit au Roy d'une parole hardie & assurée. Monsieur, vous aués

donc, à ce que ie voy, resolu le mariage de moy & de l'Empereur: mais vous aués (peut être) fait l'une des plus grandes fautes que Prince sçauroit faire. Car premieremēt ie n'aymeray de ma vie le mary q̄ vous me donnés, & si suis toute certaine (ainsi q̄ ie vous ay déclaré ces iours passés) que jamais Rome ne me verra, voulāt plutôt tomber en la mercy des poissons, q̄ demeurer en lieu que ie n'ay desir, ny affection. Et ne puis penser qui vous a induit ne persuadé à ce faire sinon l'amitié que vous portés à ma sœur, & le desir q̄ vous aués de la laisser nōtre seule heiritiere, & moy la plus malheureuse Damoyelle du monde. Toute-fois Dieu, qui est iuste, ne permettra que vōtre intention tant déraisonnable vienne à effait, plutôt m'euuoyera il la mort, s'il luy plaît. Quand le Roy entendit Oriane ainsi parler à luy, pitié & colere mêlées ensemble luy firent aussī changer de langage, & pensant la gagner par menaces, luy dit. Vous faites la folle, & ne me voulés obeir pour priere q̄ ie vous face: mais si vous m'importunés guerres plus, au lieu de vous marier à l'Empereur, ie vous feray espouser vne tour, ou ne verrés de vōtre vie Soleil, ny Lune. Monsieur, répondit elle, vous ne me sçauriez donner prison pire que celle de Rome, & me ferés vne grand' grace si me mettés en la tour que vous dites. Lors se leua le Roy trop ennuyé, & la laissant là, vint trouver la Roïne, à laquelle il dit: Ie vous prie allés à vōtre fille, & voyés s'il y a moyen de la reduire; car pour chose q̄ ie lui aye remōtré, elle ne veut aller vers l'Empereur, & si ne puis reuoker ce que i'ay promis aus Embassadeurs. Or auoit elle par tous moyens täché à rompre cete entreprinse mais le Roy luy auoit dit la dernière fois, que si elle luy en parloit jamais, qu'elle luy feroit déplaisir. Parquoy ne l'osant importuner d'auantage, sans luy répōdre alla vers Oriane, qu'elle trouua tant contristée, qu'il seroit impossible de plus, & la voyant apuyée sur son

son bras gauche toute espleurée, luy dit. M'amy, le Roy se mécontente merueilleusement de vous, ie vous prie obeïssés luy, veu que tout ce qu'il fait est pour vôtre bien & auantage. Ahah ma Dame répondit elle, ie sçay bien qu'il faut que ie vous perde: Car ie sens ma mort si prochaine qu'il est impossible que ie puisse plus vivre. Disant cete parolle tōba esua nouye sur le plancher, & la Roïne d'autre côté. Lors commencerent les Damoyelles à crier si haut que le Roi l'entendit & y survint, pensant qu'Oriane se fût defaite: mais la trouvant en tel état, commanda l'emporter dans son nauires, sans auoir egard aus l'amentatiōs de ses femmes: Et par ainsi elle fut enleuée, & celles qui estoient ordonnées pour l'accompagner: Entre lesquelles étoit Olinde: laquelle à toute force ne vouloit marcher & cryoit sans cesse au Roi qu'il eût pitié d'elle: Toutefois il n'entendoit à chose qu'elle luy dit tant auoit la colere grāde & l'esprit troublé. Au moyen dequoy nonobstant ses efforts elle fut portée aus nauires, commandant le Roy faire voyle, & les enleuer le plutōt qu'il seroit possible: mais deuant qu'ils tirassent les ancras il fit apeller le Prince Saluste Quide, & les principaus Embassadeurs, auxquels il recommanda sa fille, les priant la traiter le plus gracieusement qu'il seroit possible. Ce qu'ils luy promirent faire: puis prenant congé les uns des autres, le Roy s'en retourna à la ville, & les Romains entrans en pleine mer perdirent de veuë en peu d'heure la côté de Tagades, sans ce qu'Oriane s'en aperceût, tant étoit hors de soy, & l'auoiēt les Embassadeurs de l'Empereur enfermée en vne chambre avec Mabile seule, & la royne Sardamire avec le surplus des femmes en vn autre vaisseau. Ainsi nauigoient les Romains trecōtens du Roy Lisuart, quand ils decouurent en mer vne grande quantité de nauires, tirans droit à eus. Toutefois pensans de prime face que ce fussent marchands, ou autres gens de pais, n'en

furent cas, iūques à ce qu'ils les virent separer en trois bandes, & s'aprocher d'eus à force de rames: Lors se tindrent prêts pour eus defendre si on les assailloit. Mais entredés q̄ c'étoit le secours d'Oriane que conduisoit Amadis avec bon nombre de Cheualiers, tant de l'Isle Ferme qu'autres ses amis qu'il auoit assemblés, tous delibérés de mourir ou de ne laisser passer les Dames que lō emmēnoit par force. Et pour ce faire s'étoient tenus longuement cachés au passage: Toute-fois quand ils virent tant de voyles ensemble, & si grand nombre de vaisseaus, la plus part d'eus cōmença à douter. Ce que cognoissant Amadis, craignāt qu'ils fissent difficulté d'assailir les autres, parla à eus en telle sorte: Mes compagnons & amys, n'étoit l'assurance que j'ay de la vertu & magnanimité qui est en vous tous, ie retarderois sans doute à hazarder le combat q̄ nous voyōns prêt, si nous le voulons entreprendre: Toute-fois vous cognoissans tels q̄ vous êtes, mêmes la iuste ocasion, pour laquelle nous sommes entrés en mer, il me semble que nous ne devons differer, ains mettre arriere toute crainte, pour deliurer de captiuité rāt de Damoyelles desolées, qui nous appellēt à leurs secours, par l'obligation seulement que nous auons à defendre leur liberté. Pourtant doncques ie vous supplie donnons vivemēt au trauers de ces nauires, faisans en sorte que mettrās les Dames hors de danger, les conducteurs d'elles n'en portent iamais nouvelles à leur Empereur. Ce disant commencerent les trōpettes à sonner: car les deus armées se trouverent si pres l'vne de l'autre, qu'il leur étoit impossible reculer sans combattre: Parquoy se prindrent à lancer dards, fleches, pots à feu, & toutes telles munitions, en sorte que le combat (pour le cōmencement) fut si aspre, que lō n'eût peu iuger qui auoit le mieilieur, ou le pire, neantmoins à la fin ceus de l'Isle Ferme (par le moyē de maître Helisabel) eurent le dessus du vent & mirent à fonds deus

ou trois barques de leurs ennemys, & à même instant le nauire, ou étoient Agraies & Quedragâr, coupla à force de crocs celui du Prince Saluste Quide, & entre-
rent dedans. Lors y eut grâd meurdre sur les Romains, & y fut durement navré le Prince Saluste: Mais si Agraies & Quedragant faisoient bien leur deuoir, Florestan & Garuate du val Crintif, étans en vne nauire à part, montroient bien qu'ils n'étoient en rien étonnés: car ils auoient assailly le Marquis d'Anconne, & l'Archeuêque de Tarente, tandis qu'Amadis combattoit la nef de Brandaiel, vers laquelle il s'étoit adressé, pource qu'elle luy sembloit la mieus en ordre, à cause de la quantité des enseignes, & fanons qui pendoient de toutes pars, semés aus armes de l'Empereur, qui luy donna soupçon, que la Princesse y étoit. Grande résistance firent ceus de dedans: mais Amadis & les siens leur donnerent tant d'affaus qu'ils la forcerent, non sans grand' perte de leurs gens: & criant Amadis à haute vois: Gaule Gaule, tailloit en pieces tout ce qu'il rencontroit. Et comme il suyuoit sa victoire, rencontra Brandaiel, auquel il donna si grand coup d'épée sur l'armet, qu'il le reuersa, puis le luy arrachant de la tête, fit semblant de le vouloir mettre à mort. Parquoy il s'écria: Helàs, Seigneur, prenez de moy telle rançon qu'il vous plaira, & me sauvés la vie. Dy moy d'oc, répondit Amadis, que tu as fait de ma Dame Oriane. Vous la trouverés, dit il, en cete chambre avec Mabile. Et comme il y vouloit aller, survint Angriote, auquel il bailla en garde son prisonnier, & aprochât, trouva l'huis fermé d'un fort cadenas: mais donnant du pied contre, l'enfonça au dedans. Or auoit Mabile auparavant entendu le cry qu'il auoit fait, apellant Gaule, & disoit à Oriane, qui étoit couchée sur un lit tant troublée, qu'elle n'auoit rien ouy de tout ce combat: Ma Dame, croyés q Dieu no' ayde, i'ay (ce me semble) entédu vôte Amadis qui vous demande, pourtant

leués vous & vous rejouissés: car ie croy qu'il a desia deffait ceus qui nous gardoient. A ce mot d'Amadis se leua la Princesse, comme en sursaut, & regardant effrayement d'une part, & d'autre, demanda ou il étoit. Ma Dame, répondit elle, ie l'ay entédu parler & cōbatre en ce nauire, N'oyés vous encores le bruit, qu'il y a aus autres vaisseaus? assurez-vous que la mēlée êt grande. Helàs, dit elle, ie pense q vous laués songé. Non ay sur mon ame, répondit Mabile, pour le moins i'ay ouy coups d'épées remuer, & l'alarme grosse. Disant ce mot, Amadis entra, lequel auisant Oriane, vint se ietter à genous deuant elle. Mais elle (surprise d'une ioye extreme) luy tendit les bras, & l'embrâça tenant sa bouche iointe contre la sienne si serrée, qu'elle demeura bien lōg temps sans pou voir parler, puis luy dît: Helàs, mon amy, puis que ie vous tiens maintenāt, ie n'espere pas aller plus auant avec ceus qui m'emmeinēt sans vous: car ie ne vous laisseray iamais pour mourir. Ma Dame, répondit il, l'une des plus grandes faueurs q nōtre Seigneur me fit oncques êt cete cy, m'ayant donné le moyen de retourner en ce pais avec ocaſion de vous faire serui-
ce. Et comme ils vouloient entrer plus auāt en matiere, Mabile leur dît: Ie ne sçay pourquoy vo' amulés ainsi: car voylà un merueilleus assaut en ces autres nauires, mō cousin, il vaut mieus les secourir, puis vous pourrés deuiser plus à vōtre aysé avec ma Dame. Mon amy, allés leur donc ayder dit Oriane: mais ie vous prie reuenir vers moi le plutōt q vous pourrés: Ma Dame, répondit Amadis, ie le feray, puis qu'il vous plaît. Lors se leua & sortant de la chambre laissa Oriane & Mabile en la garde d'Angriote, puis r'entra en son nauire, & voyāt Lâdin de Faiarque & ses cōpagnons assaillis d'un vaisseau Romain qui les pressoient merueilleusement, donna à trauers si rudement, qu'il le mit en fons, par ainsi ne restoit plus à cōbatre q celui du Prince Saluste Quide, lequel resistoit
fort

LE TROISIEME LIVRE

fort contre Agraies & Quedragât. Ce n'obstant à l'arriuée d'Amadis, il se trouva si pressé, qu'il fut abatu sur le tillac. Lors Agraies qui luy vouloit mal de mort, sachant qu'il emmenoit s'ameye Olinde par force, luy arracha l'armet de la tête, lui donnant si grand coup d'épée, qu'il la luy separa du corps. Adonc les Cheualiers de l'Isle Ferme, voyās q̄ Fortune les auoit si biē conduits, mirent gardes à tous les nauires cōquis, tandis qu'Amadis s'enqueroit ou étoit la Royne Sardamire, & les autres dames léquelles furēt trouvées en la nef ou le Prince Saluste Quidé étoit mort si éperduës qu'elles trēbloiēt cōme la fueille sur l'arbre. Mais quād Olinde vid Agraies, elle (tāt ayse que rien plus) vint l'embracer, auāt qu'il l'eût aperceue, dont luy surpris de semblable plaisir, luy faisant la reuerance luy dit: Ma Dame, ie vous supplie me pardonner le tort que i'ay fait au Prince Saluste Quidé qui vous auoit tant bien choysie pour amye, ie m'en suis vengé au trenchāt de mō épée. Mō amy, répondit elle, ie ne sçay pas qui le mouvoit à m'aimer tāt, veu q̄ ie n'eu oncques moins d'amytie à hōme vivant, & si ne luy en montray onc le moindre signe, parquoy s'il est mal traité, à son dā. Je n'espere pas le pleurer pour cete année: mais ie vous prie dites moy cōment nous auēs-vous secouruës si bien à propos? Ma Dame, répondit il, vous l'entendrés tout à loysir, incontinent que nous serons hors de ce tumulte. Durant qu'Agraies & Olinde deuisoient ensemble. Amadis parloit à la Royne Sardamire, qui ne le cognoissoit, & la reconfortoit, luy priant ne s'ennuyer de l'infortune auenuē à ceus de sa compagnie. Ce nonobstāt elle ploroit si ameremēt, quelle faisoit pitié à tous ceus qui la regardoient. Parquoy Amadis la laissant là, vint vers la Damoysselle de Dannemarc, qu'il auisa, & tandis la Royne demanda à Florestā qui étoit celui, qui parloit n'agueres à elle. Ma Dame, répondit il, cēt mon signeur Amadis le bō Cheualier. En bōne

foy, dit elle, ie suis dōc bien assuree que ie ne puis faillir à auoir bon traitemēt en cete compagnie: car i'ay toute ma vie entēdu qu'il ne fit onc qu'hōneur & plaisir à toutes Dames & Damoysselles. Lors Amadis qui auoit ouy les propos qu'elle tenoit, laissa la Damoysselle de Dannemarc, & s'en retournāt à elle luy dit. Ma Dame, vous pouēs tenir seure q̄ vous serēs ausi bien venuē en cete cōpagnie, qu'en celle du Prince Saluste Quidé, pourtāt ne vous melancoliēs, ie vous supplie. Signeur Amadis, répondit elle, i'ay maintefois ouy parler de l'honneur q̄ vous portēs aus femmes, qui me fait croire aysément, q̄ vous serēs enuers moy tout ainsi q̄ vous le dites, & mieus, si vous pouēs. Oy biē, ma dame, dit Amadis: car vous étāt Royne merités q̄ lon vous dōne meilleur traitemēt, & quant à moy ie vous promets ma foy que ie m'y efforceray, & pour cōmencer vous plaît il pas q̄ ie vous cōduise vers ma Dame Oriane, à fin q̄ vous étant ensemble, puisiēs mieus auoir consolation l'un de l'autre? Tout ce qu'il vous plaira, répondit elle. Lors Amadis commanda ioindre les deus nauires, & entra dedans celle ou étoit la Princesse, tenāt la royne Sardamire par la main, la luy presenta, disant. Ma Dame, voicy la Royne Sardamire & toutes les Dames & Damoysselles qui vous accompagnèrent, léquelles vous suppliēt les recevoir en vōtre cōpagnie. Amadis, répondit elle, ie suis vōtre prisonniere, & partāt vous me pouēs commander. Or sçauoit biē Amadis qu'elle disoit telle parole pour déguiser leurs affectiōs: parquoy ne lui répondit mot. Et s'adressant Oriane à la Roine, lui dīt: Ma Dame, à ce q̄ ie voy il nous faudra prendre autre chemin que celui de Rome, & endurer patiemment nōtre fortune puis qu'elle nous est ainsi contraire. Je sçay bien, répondit elle, que ce me sera chose trop dure, & plus auant vouloit tomber en matiere, quand Agraies entra en la chambre conduysant Olinde par la main. Laquelle auisée d'Oriane,

riane, laissa la Royne Sardamire & vint l'embracer, comme si elle ne l'eût de l'ong temps veüe. Autant en fit elle à Agraies, Florestan, Quedragât, & autres les remerciaus tous particulièrement du bon secours qu'ils luy auoient fait : principalement Garuate, auquel elle dit: Garnate, mon amy, ie croy que sans vous ie fusse morte : mais l'esperance q' i'ay receüe par la lettre que m'aportâtes de Florestan m'a conseruë la vie. Ma Dame, répondit il, ie fis en cela mon deuoir, comme ie voudrois faire en toutes choses qui vous touchent, étant v'otre treshumble seruiteur. Puis ayant fait les remerciemens particuliers à tous ceus qui se presenterent à elle, apella Amadis, & étans en vn coing separés des autres, luy dît. Croyés mon amy, que si ie fusse passé plus outre, que c'étoit fait de moy : mais nôtre Seigneur y a pourueu pour le bien de nous deus, comme suis certaine. Ma Dame, répondit il, ie n'ay rien fait pour vous qui merite la moindre faueur d'une infinité que vous m'aués montrées, & vous supplie treshumblement me pardonner la peur que vous aués eüe par le combat qu'il nous a conuenü faire. Mon amy, dît elle, ie ne sçay quel combat, i'étois si ennuyée que ie n'en ouy oncques rien, & si Mabile ne m'en eût parlé, ie n'en sceusse non plus que ceus qui sont demeurés en la grand' Bretagne. Mais dites moy, ou aués-vous deliberé me mener? ie vous prie, mon amy, par celle grande amour que vous me portés que tant que nous serons ensemble en telle compagnie, ne parlés point à moi en lieu qui nous puisse tourner à blâme : & ce pendant (si aués desir de sçauoir quelque chose) v'otre cousine Mabile pourra aysement supleer à tous deus. Au demourant trouués moyen que ie sois menée en l'Ile Ferme, ou i'ay trégrand desir d'aller, attendant que nôtre Seigneur me regarde en pitié, & q' mō pere cognoisse le tort qu'il me fait. Ma Dame, repōdit Amadis, ie n'en oncques enuie de vivre que

pour vous faire long seruice, pourtāt vo^{us} deués croire que serés entierement obeie, & me semble pour le meilleur, que vous ne deués craindre de faire entendre v'otre vouloir à Agraies, Quedragant, & Florestan, léquels prendront plaisir à vous complaire, autant qu'il leur sera possible. Et biē, dît Oriane, si vous assemblés, i'enuoy ray v'otre cousine parler à eus. Ma Dame, répondit il, ie leur vois demander qu'ils deliberent faire de vous. Or allés doncques, dît elle. Lors se retira Amadis, & fit appeller la plus part des Cheualiers de l'Ile Ferme, pour auiser le chemin qu'ils prendroient. Et comme ils étoient sur ce propos (mais contraires d'opiniō) les vns trouuans bon qu'Oriane fût conduite en l'Ile Ferme, les autres en Gaule vers le Roy Perion, & la plus part en Ecoce, survint Mabile qui leur dît. Mes Seigneurs, ma dame Oriane vous supplie, qu'elle soit menée en l'Ile Ferme, attendant sa reconciliation avecq' le Roy son pere, & que puis qu'aués donné si bon commencement à son affaire, que continuans de bien en mieus, vous employés pour elle, ainsi qu'aués acoutumé de faire pour toutes Dames & Damoyelles qui vous en ont requis, eu regard mêmeement à la qualité de sa personne. Ma Dame, répondit Quedragant ie suis seur que mon Seigneur Amadis & nous tous de sa cōpagnie, sommes deliberés de la seruir iusques à la mort, sans y épergner argent, amys, ny autres choses qui puissent être à nôtre pouuoir, soit contre le Roy son pere, l'Empereur, ou autre, qui la voudra offencer, esperans avecq' layde de de Dieu, & le bon droit que nous auons à luy faire seruice, que nous leurs pourrons resister, attendu mêmeement qu'il n'y a celuy de nous qui n'ayt iuré de ne partir d'ensemble premier qu'elle soit remise en sa liberté : pourtant vous la pourrés asseurer de tout ce que ie vous ay dit étant certain que ie ne seray desauoué de nul de cete troupe. Lors Mabile les remercia to^{us} affectueusement & les laissant

LE TROISIEME LIVRE

laissant ensemble vint trouver Oriane à la
quelle elle recita au long ce que les Che
ualiers luy mandoient. Dequoy elle se ré-
jouit grandement & sur l'heure chacun
d'eus rentra en son nauires. Puis suyans
leur conclusion, prindrent la route de l'I
le Ferme, ou nous les laisserons nauiger,
pour mettre fin à ce troisieme livre.

Fin du Troisieme livre.

Acuerdo Oluido.

DE L'IMPRIMERIE DE CHRISTO-
PHLE PLANTIN. M. D. LX.





LE QVATRIE' ME LI-
VRE D'AMADIS DE
GAVLE.

Mis en François par le Seigneur des Effars Nicolas
de Herberay, Commissaire ordinaire de l'artil-
lerie du Roi, & Lieutenant en icelle, és pais &
gouvernement de Picardie, de Monsieur de Bris-
sac, Cheualier de l'ordre, grand Maitre & Capi-
taine general d'icelle artillerie.

ACVERDO OLVIDO.

Exhibe B. Kappan.

X. 174


X. 174

A ANVERS,


Chés Iean VVaesberghe, sus le Cemitiere nôtre
Dame, à l'Ecu de Flandres, sus le
Marché des Toiles.

M. D. LXI.

AVEC PRIVILEGE
DV ROI.



EXTRAIT DV PRIVILEGE.

 A Majesté Royale a donné Priuilege à Christophle Plantin, Imprimeur juré de la Ville d'Anuers, de pouuoir imprimer, ou faire imprimer, vendre, & distribuer en ses païs de par deça, *Les Liures d'Amadis de Gaule*: comme plus amplement êt déclaré és originaus Priuileges donnés à Brusselles le vij. d'Octobre, Anno, M. D. LIX.

Ph. de Lens.

LOIS DE MASVRES SECRETAIRE

de Monsieur le Cardinal de Lorraine.

Tous nobles cœurs, qui desirés scauoir
Ce qui vous soit gloire & honneur d'ensuiure:
Et vous amans, qui voulés lire & voir
Les passions telle qu'Amour vous liure
Vous trouuerés l'un & l'autre en ce liure,
Que detenoit l'Espagnole arrogance,
Mais à la fin la Françoisse elegance,
Nous l'a rendu, & en le rendant fit
Que le lisant en sa langue de France,
Vous y prendrés & plaisir & profit.

DOVZAIN.

Celui qui fit son nom & bruit épandre
Par tout le monde après auoir deffait
Le Roi de Perse, & qu'on lui fit entendre
Qu'en tous ses biens & trefors (en effait)
Il n'auoit point plus riche butin fait,
Que d'un escrain. lors fit commandement,
Que lon y mit les œuvres du parfait
Poète Grec: Mais je croi fermement,
Que s'il viuoit, & gutoit bien comment
Cet Amadis des Essars a traduit,
Il penseroit comme plus dignement
Garder pourroit œuvre de si grand fruit.

VN AMI DV SIGNEVR DES ESSARS,

sus le sujet des quatre Liures d'Amadis de Gaule.

En ce quart Liure, outre les precedans
Un poinct y a, pour plaire & contenter:
Car tant de maus vn seul bien retardans
Cessent en fin de nuire & tourmenter
Le cœur, qui vient librement à gouter
Ses grans plaisirs par malheurs interdits:
Les trois premiers c'ët l'enfer d'Amadis
Pleins de douleur, d'infortune & souffrance:
Ce quart lui donne amoureux paradis.
L'heureuse fin de pleine jouissance.

En ce discours, ou la vertu décoëuvre,
Est accompli vn singulier chef d'œuure,
(Ce qu'ignorance a tou-j ours tant caché)
Qui tout esprit à demi ébauche
Rendra parfait, tant soit il peu touché
Des riches fleurs proprement assorties.
Qui du translat d'Amadis sont sorties:
Et si dedans (comme il n'êt rien sans si)
Il se trouuoit quelque reste d'Orties,
De ce terrouer elles ne sont parties:
Mais l'Espagnol en êt rempli ainsi.

sic aliquando lusit inter suas tristitias.

I A N D E C O N C H E S D E V A L E N C E

en Dauphiné, sus le quatriéme Liure d'Amadis.

Ton beau quart Liure (ô Seigneur des Essars)
Non pas tout tien, d'Amadis en partie:
Est presque plein de guerres & hazards,
Mais à la fin grand' joye en êt sortie:
Et tout ainsi que la cuisante Ortie
A je ne scai quelle étrange nature,
Soit à bien faire, ou soit à faire injure:
Aussi ton œuure estimee tant belle,
Rire & pleurer fait toute crearure,
En concluant que pais vient de querelle.

Autre Epigramme dudit de Conches.

Si le Roi lit (ô Seigneur des Essars)
De long à long, d'Amadis le Quart Liure,
Il y verra le triumphe de Mars,
Qu'il aime tant, & qui le fait tant viure:
Et s'il lui plait encor' plus outre suiure,
Tôt trouuera vn palais, vne chasse:
Aussi son bruit immortel se compasse
En guerre en chasse, & en architecture.
Qui sont trois cas de bien grand' efficace:
Car il les prise & aime de nature.

LE SIEGNEVR DE MAISONS,

au Siegneur des Essars.

Tu te fais tort (des Essars cher ami)
D'intituler Amadis translaté,
Car le sujet tu n'as prins qu'à demi,
Et le surplus tu l'as bien inuenté:
Et qu'ainsi soit, trouuera lon planté
En l'Espagnol vn tel parc, vn parterre,
Vn tel palais, & vne telle guerre,
Que la décris: voire si proprement,
Que quand je lis les combats, & faits d'armes,
Je pense ouir sonner certainement,
De toutes pars, trompettes & alarmes.

Audit Siegneur.

De Herberai noble sieur des Essars,
Ton Amadis tous autres Romans passe:
Et qui le lit, de voir après se passe,
Les Lancelots, les Tristans, les Froissars.

A VN T'HYMILIE.

H E N D E C A S Y L L A B I.

I. Pp.

*Formosi puerique, Virginesque,
Belloneque truces Dex ministri,
Vobis istud opus nouum mouetur.*

Cui par historia suauitate:

Verborum sale, gratia lepore,

Non dum præteriti tulere soles.

Dum bellum canit audias turbarum

Clangore & litui stridere cælum,

Dum dixit Veneres, Cupidinesque,

Spirant corde graues amoris æstus,

Nec tantos animi excitare motus,

Diuinum potuit melos Tymothæi.

Si in his motibus omnis est voluptas,

Cur tanti fera bella, vel Puellæ?

Nullò sanguine, sumptibus, dolore,

Armorum hic tibi fructus atque Amorum.

LA TABLE DV QUATRIEME LIVRE D'AMADIS DE GAULE.

ET PREMIEREMENT:



V grand dueil que fit la Roine Sardamire après qu'elle sceut la mort du Prince Saluste Quide, & de l'arriuee d'Oriane en l'Ile Ferme.	Chap. I.	Fueillet 1
Description de lignographie & plant du palais qu'Apolidon auoit fait construire en l'Ile Ferme.	chap. ij.	2
Du conseil que tindrent les Cheualiers de l'Ile Ferme, fus l'affaire d'Oriane, & de ce qu'ils en delibererent.	chap. iij.	5
Du propos que tint Amadis à Grasinde, & de la réponce qu'elle lui fit.	chap. iiij.	7
Des propos qu'Oriane & Mabile eurent avec Gandalin, & de ce qu'il fit entendre de par elle à Amadis.	chap. v.	10
Comme nouuelles vindrent au Roi Lisuart de la deffaite des Romains & de la prinse d'Oriane. dont il fut trop déplaisant.	chap. vj.	12
Lettre enuoyee par Oriane étant en l'Ile Ferme à la roine sa mere.	chap. vij.	13
Comme le Roi Lisuart tint conseil sus ce qu'il auoit à faire contre les Cheualiers de l'Ile Ferme, & de la resolution qui fut prinse.	chap. viij.	15
Comme Quedragant & Brian, étans en haute mer, furent jettés par la tempête si loing de leur chemin, que ayans perdu toute connoissance de terre, rencontrerent casuellement la Roine Briolanie, & de ce qui leur auint.	chap. ix.	17
Du raport que firent Quedragant & Brian aus Cheualiers de l'Ile Ferme, de l'Embassade ou ils auoyent été enuoyés, & de ce qu'il en fut ordonné.	chap. x.	20
Comme maitre Elisabel arriua es païs de Grasinde, puis passa en Constantinople vers l'Empereur, suiuant le commandement d'Amadis.	chap. xj.	21
Comme Gandalin arriua en Gaule, & des propos qu'il tint au Roi Perion.	chap. xij.	21
Comme Guillan le Pensif arriua vers l'Empereur de Rome, Filipinel en Suesse, & Brandoyuas en Yrlande.	chap. xiiij.	23
Comme Grasandor fils du Roi de Boëme, étant en mer, rencontra Giontes, & de ce qui leur auint.	chap. xiiij.	23
		Comme

L A T A B L E.

- Comme l'Empereur de Rome print port avec son armee à Vindilifore, ou le roi Lifuart l'atendoit, & de ce qui leur auint. chap.xv. 25
- Comme le Roi Perion fut auerti du délogement de ses ennemis, & de l'ordre qu'il tint pour aller au deuant les combattre. chap.xvj. 27
- Comme Gandalin, & Lafinde Ecuyer de Bruneo de bonne Mer, furent faits Cheualiers, & de la bataille que se donnerent les Rois Lifuart & Perion. chap.xvij. 28
- De l'ordre du combat que tindrent les deus armées étans les treues finies. chap.xviij. 30
- Des propos que le Roi Lifuart eut avecques les Romains après la bataille donnée, & comme le saint homme Nascian, qui gouuerna Esplan-dian en ses jeunes ans, scachât cete guerre, partit de son hermitage, pour venir vers les deus Rois essayer à les mettre en bonne pais. chap.xix. 31
- Comme Nascian retourna vers le Roi Lifuart, avec la réponce du roi Perion. chap.xx. 36
- Comme le Roi Arauigne étant auerti de la perte qu'auoit fait le Roi Lifuart, & du délogement de son camp, delibera de lui donner la bataille. chap.xxj. 36
- Comme le Roi Lifuart fut assailli du Roi Arauigne qui le deffit, & du secours que lui donna Amadis. chap.xxij. 37
- Comme Amadis vint au secours du Roi Lifuart, & de la deffaite du roi Arauigne. chap.xxiiij. 38
- Comme le Roi Lifuart arriua à Vindilifore, ou l'atendoit la roine, laquelle il fit peu après déloger avec sa fille Leonor, pour aller en l'Isle Ferme. chap.xxiiij. 42
- Comme le Roi Perion & sa compagnie, prindrent le chemin de l'Isle Ferme, & de ce qu'ils firent auant l'arriuee du Roi Lifuart vers eus. chap.xxv. 43
- Comme Bruneo de bonne Mer, & Branfil furent ordonnés pour aller en Gaule querir la roine Helisenne & Galaor, & des auantures qu'ils eurent en retournant. chap.xxvj. 45
- Comme Bruneo de bonne Mer, Branfil, & Angriote suiuirent la Roine de Dace, & des auantures qu'ils eurent. chap.xxvij. 47
- Comme le Roi Lifuart, la roine Brisenne, & Leonor leur fille partirent de Vindilifore pour venir en l'Isle Ferme, ainsi qu'il auoit été deliberé au partir de Lubanie. chap.xxviij. 49
- Des propos qu'Amadis eut avec son cousin Dragonis, eu lui donnant le Royaume de la profonde Ile, & la Princeesse Estoillette à femme qu'il aimoit

LA TABLE.

aimoit de long tems.	chap.xxix.	50
Comme les noces d'Amadis, d'Oriane, & des autres Princes & Dames furent celebrees en l'Ile Ferme, ou le jour mêmes Oriane éprouua l'arc des loyaus amants & la chambre Defendue.	chap.xxx.	51
Comme Vrgande la Déconneue exposa deuant tous les choses qu'elle auoit predites être auenues, & comme elle print congé d'Amadis, & de toute la compagnie pour s'en retourner.	chap.xxxj.	53
Comme Amadis se partit seul pour aller venger le Cheualier qu'une Dame auoit amené mort en vn bateau, & de ce qu'il lui auint.	chap.xxxij.	55
Comme Amadis sortit du port de l'Ile de l'Infante, pour suiure la route qu'il auoit entreprinse.	chap.xxxiiij.	56
Comme Dariolette voyant Amadis en tel danger, faisoit vn dueil merueilleux, & comme Balan & lui deuindrent amis.	chap.xxxiiij.	59
Comme Grafandor entra en quête pour trouuer Amadis, & des auantures qu'il eut en son voyage.	chap.xxxv.	61
Comme étant Amadis en l'Ile Vermeille, deuissant avec Grafandor, virent en mer vne fuste, laquelle vint au port, ou il y auoit gens qui leur dirent nouuelles de l'armée, qui étoit allée en Sansuegue, & aus Iles des Landes.	chap.xxxvj.	64
Comme étant Balan en la tente de Galuanes, les principaus de l'armée le vindrent voir, & des propos qu'ils eurent ensemble.	chap.xxxvij.	70
Comme le Roi Lifuart étant à la chasse, fut prins prisonnier par enchantement, & de ce qui en auint.	chap.xxxviij.	71

FIN DE LA TABLE.

1

LE QUATRIÈME LIVRE
D'AMADIS DE GAVLE, AVQUEL SERA DECRIT

AMPLEMENT QUELLE FIN EUT LA

guerre commencée, entre le Roi Lisuart, & les Cheualiers
de l'Ile Ferme, avec les mariages & aliances qui sur-
vindrent, au contentement de plusieurs
amoureux & de leurs amyes.

*Du grand dueil que fit la Roynie Sardamire, apres qu'elle sceut la mort du Prince
Saluste Quide: & de l'arriuee d'Oriane en l'Ile Ferme.*

CHAPITRE PREMIER.



DAr le discours de nôtre
troisiémé liure il vous à
été recité, côme le Roi
Lisuart liura aus Em-
bassadeurs de l'Empe-
reur la Princesse Oria-
ne, contre l'opinion de tous les Princes
& Signeurs de son Royaume, laquelle, &
les autres Dames & Damoiselles, qui l'a-
compagnerent, furent recouffes par Ama-
dis & ses compagnons, l'armée des Ro-
mains deffait, Brandaiel de Rocque pri-
Am.4.

sonnier, le Marquis d'Ancone, l'Arche-
uesque de Tarente, & plusieurs autres.
Grande fut cete détresse & telle, que
nul d'eus n'en réchapa, sans être mort ou
prins. Mais après le conflit passé, &
toutes les Dames mises ensemble, Ama-
dis (pour toujours courir discretémēt
les amours de luy & d'Oriane) r'entra en
son nauires, leur laissant pour compagnie
Angriote & quelques autres Cheualiers.
Et trauerfant de vaisseau en vaisseau, pour
pouuoir à ce qui étoit nécessaire, arriuat
A prés

LE QUATRIEME LIVRE

près de celui ou étoit Agraies, il entendit vn bruit de gens faisants le plus grand dueil du monde. Lors demanda que ce pouuoit être: & on lui répondit, que les Romains pleuroient la mort du Prince Saluste Quide, sans qu'il fut possible les faire taire, ou apaiser. Lors Amadis trouuant le corps étendu sus le tillac, commanda que lon le mit en vn cercueil, attendant qu'ils eussent pris terre pour luy donner sepulture. Adoncq' ceus qui au parauant le pleuroient, se voyans priués de sa presence augmentèrent leurs crits si hauts, qu'il furent entendus par la Roine Sardamire, qui étoit lors au plus près d'Oriane: laquelle auertie de l'ocasion de leur dueil, fut tellement surprise de grâd' tristesse, qu'elle se laissa tōber, du haut d'elle, & pleurât tendremēt, disoit: Helàs! Fortune monstre biē maintenāt qu'elle veut rendre, non seulement à la ruine de nous miserables captifs, ains à celle de l'Empereur & de tout son Empire. Ah a pauvre Prince! malheur à bien couru sus toy. Làs quelle perte, & quel regret auront à jamais ceus qui t'aymoient, quand ils sçauront la fin de toy si soudaine! Je ne sçay pas comme ton maitre la pourra supporter: mais ie croy bien qu'il n'en aura plutôt nouvelles, qu'il ne meure de trop grand courroux (& à bon droit) ayant perdu si à coup tant de vaisseaus, & de gens de bien. Mêmes vous ma Dame (disoit elle à Oriane) qu'il desire plus que chose de ce monde, & pour laquelle s'émouueront d'orénauant si étranges guerres, que force sera à maints bons Cheualiers y finir cruellement leurs iours. Ce qui ne se peut retarder, si toy Empereur trop hai de bon heur, ne te veus mōtrer le plus lâche & pusilanime Prince qui fut oncques né de mere. Durant tels propos, elle assise contre terre tenoit ses bras croisés l'un sus l'autre, & fendoit quasi en larmes: dont Oriane eut telle compassion, q' pleurât tendrement, fut cōtrainte de se retenir. Lors Mabile plus cōstante q' nulles

d'elles, vint dire à la Roine: En bonne foi, ma Dame il siet mal (ce me semble) à vne Princesse si sage comme vous aués toujours été réputée, de tomber en telle extrémité: car la vertu d'une personne prudente ne se peut connoître, sinō au tems que la tribulation luy suruiuent. Et d'auantage vous qui portés titre de Roine, deués être par raison plus constante, que ne seroit vne simple Damoiselle, ou autre personne indigne du lieu, & reng q' vous tenés. Ne sçaués vous q' fortune ét muable, & qu'elle otroye ses faueurs à qui il lui plaît: les reuoquant aussi quand bō lui semble? Par ainsi doncques étant aduenue que l'armee de l'Empereur soit deffaite, & vous à present es mains des Cheualiers de l'Isle Ferme: s'ensuyt il q' ne deués prendre patience, & supporter prudemēt cet accident quād vous n'y pouués autrement mettre ordre, mêmes étant asseuree que vous êtes au pouuoir de ceus, qui vous feront tout l'honneur, seruice, & bon traitement dont ils se pourront auiser? Et si le Prince Saluste ét mort quel remede? vous ne le pouués rapeller par vos pleurs, ce sont tours de guerre communs à ceus qui la cherchent. Et pour tant ma Dame, ne vous contristés d'auantage, s'il vous plaît: mais en vsant de vōtre vertu & prudence acoutumee, prenés les choses ainsi qu'elles peuuent venir. Helàs, répondit elle, il ét aysé à celui qui ét en ioye reconforter (comme vous faites) la personne comblee de déplaisir. Et neantmoins si vo' sentiés la douleur qui me presse, vous me plaindriés (peut estre) plus que vous ne faites: toutefois ie connois bien que vous dites la verité, & aussi qu'il m'ét impossible de pouuoir tant commander à moy-mêmes pour croire à present vōtre cōseil: parquoi ie vous prie en l'hōneur de dieu, qu'excusant les imperfections qui sont en moy, vous m'aydés vous mêmes & toutes ces autres Dames aussi à plaindre mon malheur irreparable. Ma Dame, dît Mabile, si pour nous douloir de ce que vous nous

nous priés, il vous en étoit de mieus; ie vous iure ma foi qu'il n'y a celle en cete compaignie (comme ie pense) qui ne s'y employât de bien bon cuer: mais vous sçaués que quand la chose ét faite, le cōseil en ét prins: par ainsi vous poués conpoître qu'il ét de necessité mettre fin à vos pleurs, soit auecq le tems ou plutôt par vōtre prudence. Et comme elle vsoit de telles remonstrances, Oriane retourna vers elles. Déja étoit la Roine apaisée. Et ce pendant Amadis donnoit ordre que lon hauçât les voyles pour tirer droit en l'Ile Ferme, laquelle ils découvrirent le troisieme iour ensuyuant. Au moyen dequoy il depêcha incontinent Gandalin, qui s'embarqua en vn équip pour auffer Graside de leur retour. Ce qu'entendu par elle, fut si aise que rien plus, mē mement quand elle sceut leur victoire, & la conqueste qu'ils auoyent faite de tant de Dames, & Damoiselles: principalement d'Oriane, qu'elle desiroit voir plus que nulle autre. Et à cete cause se mit au meilleur equipage qu'elle peut pour la recevoir, presumant tant de soi même, que sans doute elle pourroit acheuer l'auanture du Palais d'Apolidon, & paruenir en sa presence au plus grand honneur que receut oncques Dame, ou Damoiselle: Puis les voyans aprocher se mit en vne nacelle pour aller au deuant. Lors Oriane demanda à Bruneo qui elle étoit: Ma Dame, répondit il, ie pense que ce soit Graside, celle qui nouvellement a obtenu (par le moyen de mon Seigneur Amadis) le pris de beauté sus toutes les belles filles de la court du Roy vōtre pere: & croyés q'c'ét biē l'une des plus sages Dames q'ie cōneus de ma vie. Adōc lui recita, l'honneur, les bons traitemens & la faueur qu'elle leur auoit monstree durant le seiour qu'ils firent en ses pais. Vrayement, dît la Princesse, vous seriés doncques bien ingrats envers elle, si ne le reconnoissés quand il luy plaira de vous employer. Et comme elle acheuoit cé-

tē parole, Graside aborda à leur nauire. Lors Angriote s'auança, & lui ayda à monter: puis la presenta à Oriane, luy disant: Ma Dame voicy celle de qui mon Seigneur Amadis, Bruneo, & moy, tenons la vie. A cete parole la Princesse & Graside se firent la reuerance. Et ainsi qu'elles s'embracoyent l'une l'autre, entreurent dedans le port, & descendirent à terre, ou il leur fut amené maintes belles haquenées richement enharnachées, sus lesquelles elles monterent: puis (en la conduite des Cheualiers) prindrent le chemin du palais d'Apolidon, & en cheminant ainsi qu'elles parloyent de l'honneur qu'Amadis auoit aquis nouvellement en la court du Roy Lisuart sous le nom du Cheualier Grec, Oriane dît à Graside: Ie vous promets, ma Dame, que si i'en eussé été auertie, vous n'eussies eu tel contentement sans moi: mais ie n'en sceu oncques rien, que la chose ne fut auenuē. Cēt en quoi ie connois, répondit Graside, que Fortune m'a porté toute la faueur qu'elle a peu: car si vous y eussies été presente (veu la grande & singuliere beauté qui ét en vous) ie ne fais doute que mon Seigneur Amadis (pour bon Cheualier qu'il soit) eut peu paracheuer ce qu'il auoit entrepris à son honneur & au mien. Car la couronne vous étoit deuē par raison deuant toutes autres, mais vous absente il l'a cōquise pour moy comme vous sçaués. Et acheuant cēte parole, aperceut Amadis si près d'elle qu'elle eut crainte de l'auoir offensé, par le propos qu'elle auoit tenu de luy: pourquoi s'en voulant excuser le pria de luy pardonner. Car oncques mes yeus, dît elle, ne penserent voir chose tant belle comme ét ma Dame Oriane, qui ét cause de m'auoir fait ainsi parler si affectueusement, & à son auantage. Amadis trop content, & plus ayse d'ouyr ainsi estimer celle qu'il aymoit sus toutes choses, se mit à souzrire, & lui répondit: Sus mon ame ie serois bien hors de tout bon

iugement prenant à mauuaise part l'honneur que vous faites à ma Dame Oriane, le meritant comme plus vertueuse Princesse que ie sçache. Oriane vn peu honteuse de si grande louange, ne se peut lors si bien contenir, que la couleur vermeille ne lui embellît le visage. Et toute-fois pensant plus à sa fortune presente, qu'à auerite de sa beauté, dît à Gracinde: Je ne veus point contredire au bien qu'il vous a pleu dire de moi: car ie faudrois grandement à contester contre personnage de si bon iugement, il me fust de vous asseurer, que telle que ie suis, ie desireray toute ma vie vôtre bien & auancement, autant que pourroit faire vne simple Damaisselle desheritee, comme vous me voyés. Et tant continuerent leurs propos qu'ils arriuerent au palais d'Apolidon, ou fut descendue la Princesse Oriane. Et pource q'c'étoit l'vn des plus sumptueus edifices de tout le monde, il m'a semblé bon le vous rediger par écrit.

Description de l'ignographie & plant du Palais qu'Apolidon auoit fait construire en l'île Ferme.

CHAP. II.

LE plant de ce palais tant magnifique, parc & iardin ensemble: étoit quadrangle, & contenoit en longueur sis cens vingt cinq toyses, & en largeur trois cens soixâte & quinze à prendre la toyse pour sis piés, le pié de douze poudes, & le pouce de sis grains d'orge, clos de haute muraille de Marbre noir, avec colonnes Doriques de marbre blanc. Au front d'iceluy plant étoit assis le palais qui auoit en son quarré cent quarante & vne toises, aus quatre coings duquel étoyēt eleuees quatre grosses tour, l'vne de pierre d'Azur, l'autre de pierre d'Iris, la tierce de Grisolite, & la quarte de Iaspe: lesquelles auoyēt en leur dyametre de la circonferance du dedans huit toises, deus piés trois poudes. En chascune y auoit deus chambres, quatre gar-

derobes, & autant de cabinets, en ce compris la chambre defendue, laquelle étoit dedans la tour de pierre d'Azur. Et pource que c'étoit la plus excellente de toutes, ie vous décrirai par le menu les singularités d'icelle. Elle auoit le lambris de Li corne à culs de lampe, renforcé d'Aloës, bâme, & Cedre, le tout fait en mannequinage de fin or, & fleurons diuersifiés par plusieurs sortes démaus. Le pavé étoit de Grisolite en lacs d'amour, enrichi de Coral & Cypres taillé en écaille, retenue par filets d'or. Les huys & fenestragés d'Hebe ne enchassées de moulures d'argent, avec les vitres de Cristal. Et voyoit on les cloisons des garderobes & cabinets étofees d'Agathes, taillées en lozenges, dedans lesquelles se représentoyent naturellement infinies figures de tous animaux. Au plancher de cete châtre pendoyent deus lampes d'or, au cul déquelles étoyent enchassées deus Escarboucles, qui donnoyēt telle clarté au circuit du lieu qu'il n'y étoit besoing d'autre lumiere. Mais telles richesses étoyēt de peu de valeur, au respect d'vn mirouer de Saphir blanc, le plus oriental q'on vit oncques, qui auoit trois piés en quarré, assis sus vne lame d'or tât bordee & garnie de gros Dyamans, Esmeraudes, Rubis, & Perles, que c'étoit chose plus qu'amirable. Entre ces quatre tours, déquelles ie vous parle, étoyent assis quatre grands corps d'hôtels d'vn seul étage, faits en plate forme de sis toises en largeur dedans ceuvre, tout de pierre de Porphyre, avecques colonnes Doriques eleuees de trente piés en hauteur, assises sus bases de brôze, coëffees de chapeaus d'or, dessous architraues de Porcelaine, sus lesquels étoyēt frizes d'Yuoire, marquetees de plusieurs deuises en tous langages: & sus icelles frizes cornices de Topaze, enrichies de Turquoises. Et vis à vis du portail de ce palais auoit Apolidon autre-fois assis les perrons, déquels il vous a été parlé au premier & second livres, & tout ioignant l'arc des loyaus amans. Puis passans outre

outre entroit-on en vne bien belle court, contenant cinquante trois toyses en son quarré sus lignes ortogonelles, laquelle étoit pauee de laspe, en quatreaus brisés à la Mosaique. Et vn donjon ayant aussi en son quarré, cinquante vne toises & demye. Au mylieu duquel étoit assis vne vis double contenant neuf toyses en son diametre. Et à l'entour quatre autres sumptueus cors d'hôtels, de vingt toyses en profondeur, séparés de tours, non moins belles & excellêtes que les premieres. Et étoit cete vis de cuyvre doré, faite en forme de lanterne, retenuë d'arcs boutans, & soutenuë de colonnes Atiques, de pierre de Craterite fort dure, taillée à l'antique, & ne se rencontroyent aucunement les deus montees d'icelles vis, en ligne ortogone, ny ambliçone. Ce doniõ auoit quatre étages sous vne plate forme, ou étoyēt seize grandes salles: Et au milieu de la vis eleuee, & quatre pauillons outre les quatre tours, dont nous auõs parlé cy dessus, léquelles avec lédits pauillons surmontoyent ladite plate forme de deus étages sous couuerture. Et pour vous declarer la matiere de laquelle étoit ce donjon, faut entendre, que le premier étage étoit de Calcidoyne, enrichi de colõnes Doriques de bien blanc Albâtre, avec les moulures & appartenances de la hauteur des autres precedâtes. Le second étage étoit de Marbre verd, apporté d'Alexandrie, enrichy de colonnes Ioniques, de fine Topaze, moulures, chapiteaus, bases, & assietes telles que les premieres. Le tiers étage étoit de Marbre rouge, griuollé à colonnes de Chorinte d'Yuoire. Et le quart de Iacinte, avec colonnes Tuscanes de proësme d'Esmeraude. Et voyoit on aysément les plates formes dont cy dessus nous auõs parlé, au dessous déquelles étoyēt ces quatre étages paues de Porceline, & celle des quatre pauillons & tours qui surmontoyent icelles plates formes, faites de boys de Cypre, Cedre & Cethin non corruptible, couuertes de nacque de Perle, &

Am. 4.

la reste d'icelles de myroirs de fin acier retenus par fillets d'or. Tous les portaus de ce palays étoient d'Albâtre Damasquin, avec moulures, tympanes & frontissons de pierre d'Ambre, & Agathe vermeille, le tout taillé avec oufrage antique, auquel lon pouvoit voir maintes batailles & hauts faits, tant des Grecz, Romains, que Gauloys. Et au dessus les ymages de Priapus, Bacchus, Mars, & Apollo, avec celles de Venus, Ceres, & Minerue, du plus polly Marbre blanc que lon vit oncques. Et auoit Apolidon expressement fait faire les molures d'iceus portaus d'Aymât, & les portes d'acier, à ce qu'ainsi que lon les ouuriroit, elles se refermassent d'elles mêmes par la vertu de cete pierre. Or étoient les pauillons & tours garnies chacun de cinquâtes chambres, quatre-vingts garderobes, & autant de cabinets doubles, les mieus dorés & étofés qu'il seroit possible de penser. Puis sortât hors de cete secõde court, entroit on dedans vn iardin ou parterre de même mesure en son quarré que tout l'edifice cy dessus décrit, planté par nature de toutes sortes de fleurs & bonnes herbes, que lon sçauroit souhaiter: au mylieu duquel sortoit la grosse fontaine, qui tomboit (par les tetins d'une Venus d'Agate, eleuee sus vn gros pilier de proësme d'Esmeraude) dedans vn grãd Bassin de pierre de Azur, & étoit cete ymage si biẽ taillee, qu'il n'y restoit que la parole, par ce que l'Agathe auoit en soy tât de Naturel, que Venus viue ne fut onc plus belle, laquelle tenoit en sa main d'extre (vn peu plus auancee que l'autre) la même pôme que Paris luy aiugea, lors qu'il fut élu arbitre par les trois déesses en la forêt d'Ida, dõt depuis sortit la malheureuse guerre d'entre les Grecz & les Troyens. Et l'auoit autrefois Iuno dérobee à Venus, par le moyen de Vulcanus ialous, & par despit donnée à Agamemmon, & depuis tōbee de main en main iusques à Apolidon, qui la trouua entre les grãs trefors du Roi son pere,

A 3

avec

LE QUATRIEME LIVRE

avec la Perle, autrement dite Vnion, que Cleopatra eut long tems en sa possessiō, depuis qu'elle eut humee l'autre en la presence de Marc Antoine : laquelle aussi il auoit fait pendre à l'aureille gauche de cete déesse, par tel art, qu'elle ne luy pouvoit être ôtée, tant que la belle qui entroit en la chambre defenduë eut beu de l'eau de cete claire fontaine. Et lors cét ymage luy deuoit presenter, & la Perle & la Pomme, cōme digne du premier lieu de parfaite beauté. En l'autre aureille lui pendoit l'anneau de Pirrhus, auquel étoit enchassé l'Agate, en laquelle par vne trégrande admiration, & variété de nature étoient représentées au vif les neuf Muses, avec Apollo tenant sa Harpe, duquel Vespasien faisoit si grand cas, qu'il n'estimoit bague tant que cete là, ainsi qu'il Plin l'a témoigné. Ce iardin là, duquel ie vous parle, étoit clos de galleries doubles de dis toises & demie de large, soutenuës par arceaux, sous grosses colonnes Doriques & Tuscanes, de Cassidoine & Amatiste de trente piés de haut : aus deus angles desquelles (regardans directement le parc) on auoit gaigné vne chābre, garderobe, & cabinet en double étage. Et étoit la plus basse de ces galleries au modelle du par terre, peintes d'excellentes peintures de toutes sortes de chasse & fauconnerie : car on y voyoit pourtrait au vif, le plaisir qu'prennent Gētils hōmes, dames & damoiselles, étās à l'assemblée, couchés sus l'herbe fraîche & devisans ensemble, attendant le raport du Veneur, lequel peu après on voyoit retourner sus sa brisée avec son limier, querant ses voyes à route, tant qu'il faisoit lancer le Cerf. Et à voir la contenance de cét homme il sembloit proprement qu'il sonnât vn long mot, pour auertir qu'il auoit trouvé le repos de la bête. Puis étoient peints en mannequinage, les autres chiens qui luy bailloyent la meute & route, & les piqueurs, lesquels couroyent après à bride aualee, tenans leurs trompes cōtre leurs bouches (à iouës enflées)

de si bōne grace, que lō se persuadoit quasi d'entendre l'air retentir, comme si la chose eut été vraye. Mais ou ét celui qui ne prendroit vn plaisir extrême à découvrir ce Cerf sommé de seize cōrs sortant du fort, brossant les haies & buissons puis trauerser la lande tenant la tête haucce, & la langue tirée, gagnāt à diligence l'eau prochaine, tandis que les chiens sont en défaut par les ruses & sauts qu'il a faits? Et neant moins celà n'ēt rien au pris qu'il de le voir sortir de l'étang, & à force être mis aus aboys, lors que les chiens courans luy pendent aus fesses, en sorte qu'ils l'abatent & rendent mort, par le moyen dequoy à l'instant mêmes leur en ét fait curee. Et vn peu à coté voyoit on le Sanglier ou Laye, que le vaultroy auoit contraint habandonner le buysson, trauersant vn cours ou étoient atitres levriers : parquoy cete bête trop fiere entendant le son des trompes passe entre chiens & Veneurs, ronflant grongnant, & ietant par terre tout ce qu'elle rencontre. Et qui pis ét avec ses defenses rompt, decoupe, & trèche les plus hardis levriers qui s'approchent pour l'arrêter. Et non obstant la force de leurs iaques en deffait les aucuns sans partir de sa place : mais le Veneur prompt & adroit, d'vne grande assurance luy presente l'épieu, & l'enferme en le tombant sus l'herbe. Lors n'a il plus pouoir de resister à l'effort des chiens, qui sont autour de lui, dont les vns le pincent aus suites, les autres aus oreilles & cuisses, tant qu'ils le font mourir. Certes ce seroit chose trop longue à décrire par le menu tant de sortes de venerie, & de chasse, que lon voyoit pourtraies le long de cete gallerie si plaisante : & ét le paindre digne de trégrand louange, qui fit œuvre de telle excellence, & avec si grande perspectiue, mêmes en ce qu'il figuroit le deduit de la fauconnerie : car il representoit tant au naturel (entre autres) le vol du Heron buffeté par trois Sacres tirans à mōt, lors qu'il veut faire sa mōte si haut, que

que lon les voyoit dedans les nuës: puis tout à coup l'aperceuoit on fondre, & eus quant & quant, qui le forçoient se rendre entre les dents du levrier qui l'atêdoit de pié coi. Et neantmoins si telles peintures apportoient plaisir aus regardâs, trop plus leur en donnoient celles de la gallerie plus haute, en laquelle étoient figurees la plus part des batailles de Semiramis & de Ninus, la deffaite d'Astiages par les Perses, la mort de Marchesie Roine des Amazones au païs d'Asie, la deconfiture de Cyrus, par la Royne Thomiris, les assaus d'Hercules cõtre Antroge & Otrera, la fuyte de Vexores Roy d'Egypte, assailant les Scythes, & infinis autres cõbats, dignes de memoire perpetuelle. Ainsi étoient ces galleries decorees, par la singularité du paü d'icelles, qui étoit de larecote plus noire qu'une meure, & le lambrisement en forme d'ouale, de Zedrosus, os de poisson, que les Rois d'Arabie ont en tré grande estime. La couuerture étoit de Gets, & la reste de dessus de pur argent, à figures de petits mannequins, & animaux émaillés, avec goutieres, & échinaus d'Albatre, qui sortoyent le long de la muraille, entre les croisées enrichies de fueillages, & ouvrages taillés à la damasquine. Là voyoit-on les huys & fenestragés bois du deluge, & les vitres de Strin. Sortant de ce parterre, entroit on au parc: auquel étoit en croupe de montaigne vn buisson de trois cens arpens de bois, ou environ, planté de Pins, Cyprés, Lauriers, Hous francs, Palmiers, & Terebentins. Et le bas étoit partie approprié pour vn verger tant plaisant & delectable, qu'il sembloit Nature auoir mis toute son industrie à le faire singulier: car lon y voyoit vne infinité d'Orégers, Grenadiers, Citronniers, & Myrtes, tous plantés à la ligne, avecques les plus dous fruitages qu'il êt au monde possible de souhaiter. Et l'autre partie étoit prairie arrousee par vne infinité de petits ruisseaux. Au moyen dequoy la terre fraîche, & de-

lice, produisoit la petite herbe verte, avec Violettes, Marguerites, Pensées, & autres fleurs ordoriferantes. Là venoit iardiner par chacun an au moys de May le Phenix, lequel pour l'amenité du lieu, y prenoit tel plaisir, qu'il y mua quasi aussi tôt qu'Apolidon eut parfait les enchantemens de son Palais tant magnifique que sumptueux: parquoy faisant soigneusement recueillir son pennage: l'appropriâ à vn euentail, enrichy d'un Dyamant si large, qu'il seruoit àysément de miroir, accompagné de la plus belle Esmeraude, & gros Ruby, que lon vid oncques: Et ordonna iceluy Apolidon (quand il partit pour aller en Constantinople) que ce pennage si precieus fut gardé avec les singularités de l'Isle, comme la chose plus excellente d'icelle. Parquoy Amadis le presenta à Oriane, le iour mêmes qu'elle se desembarqua. Et à fin que le lieu tât plaisant demeurât embelly de tout ce qu'il étoit possible, icelui Apolidon y auoit laissé deus Licornes, que le Prince de Quintai luy enuoya, lesquelles y vesquirent tant, que le Roi Lisuart les y trouua encores après le Mariage solennisé de la Princesse Oriane & d'Amadis. Et y auoit d'auantage maintes Cyuettes & Muscs, qui rendoyent l'air si odoriferant, que rien plus: Au moyen dequoy le Pelican y faisoit quelquefois son ayre. Assés d'autres bêtes viuoyent au lieu si delectable, comme Cerfs, Dains, Chevres, Lievres, & Connins, & tant de diuersité d'oyseaus s'y brancherent, que c'étoit chose diuine de les ouïr degoyser: spécialement le Rossignol, & la Passe solitaire. D'un haut rocher ioignant descêdoit vn ruisseau qui enflloit le lac, duquel il vous a été parlé au second liure, ou se perdoit le Cerf, pourfuyui par les Chiens, comme il vous a été recité: & là se tenoit ordinairement le Castor, baignât sa queue, & vne infinité de Cignes, Grues, Cigognes, Corbeaus de Mer, & Aigrettes, avec beaucoup d'autres especes de tels oyseaus. Mais celà ne le rendoit

LE QUATRIEME LIVRE

rant singulier, comme la frequentation d'une Seraine, laquelle on y oyait quasi continuellement chanter si doucement, qu'onques plus grande melodie ne fut ouïe. De ce lac sortoit une infinité de ruisseaux, qui faisoient diuerses petites Isles en ceste prairie: en l'une déquelles y auoit un Dedalus contenant seulement quatre arpens en quarré, planté du plus précieux Baume qui creut onques en Agady, lequel étoit ordinairement gardé par deux Serpens, de l'espece de celui qui veilloit les pommes d'or au iardin des Esperides. Et droit au milieu de ce Dedalus étoit un Colosse de bronze doré, de la hauteur de six vingts coudées, tenant en la main gauche (éleuee sus la tête) une lanterne de Cristal, & au dedans la verge brulante encorres (avec laquelle Prometheus garda le feu qu'il auoit dérobé au ciel) rendant tant de clarté iour & nuit, sans diminuer, que de cent lieux à la rôte les mariniers y prenoient leur adresse, comme ils faisoient au Pharos pres Alexandrie, & auoit Apolidon recouuré icelle verge par grande industrie des Prestres & Magiciens de Caldee: Et quiconque pouvoit voir ce feu inextinguible au naturel, & sans couuerture, il aqueroit une très grande prouidence. Mais les Serpens gardoyent trop bien le lieu, sans toutefois faire autre nuisance à ceus qui prenoient plaisir au parc, pourueu qu'ils n'entreprinsent entrer au Dedalus. Lors ietoient feu & flamme si âpre, qu'ils épouuantoient les plus hardis. Et tout ce auoit été ainsi ordonné par Apolidon, qui étoit (comme vous aués entendu) l'un des plus grans Enchanteurs de tout le monde: mais quand la belle qui entroït en la chambre defendue en aproche roit, les enchantemens deuoyent finir, & pourroit on voir à son aise ce feu tant requis. Or iugés doncques en vos esprits, gentis Lecteurs, si facilement lon pourroit au iourdhui trouver un palais semblable, ny acompagné de tant de singularités, que y vit Oriane: laquelle (après être des-

cendue de cheual) fut conduite, avec ses Dames & Damoiselles en l'une des plus sumptueux corps d'hôtel de leans, où les Cheualiers de l'Isle Ferme la laisserent, luy donnans tous le bon soir: car il étoit ia tard, & heure de reposer. Et toute-fois elle ne peut dormir la nuit ensuyuant, tant pour le travail qu'elle auoit eu sus la mer, que pource qu'elle ne cessa de pèser au mal, qui pouvoit auenir de l'entreprinse qu'auoit faite Amadis. Au moyen de laquelle elle preuoyoit une guerre intestine entre le Roy Lisuart & luy: Et en ceste pensée se va auiser, que pour couvrir les amours d'eux deux, il étoit très nécessaire que elle se gouuernât de là en auant plus discrettement qu'elle n'auoit fait par le passé, ôtant toute occasion au mal parlans de médire d'elle. Et à ceste cause le lendemain matin enuoya luy dire & aus autres aussi, qu'il volentiers elle leur diroit un mot. Lors eus, qui ne desiroient qu'à la seruir & honorer, vindrent incontinent à son mandement, & après la reuerance faite d'une part & d'autre, Quedragant, qui auoit charge de toute la compagnie d'entendre son vouloir, lui dit: Ma Dame, vous nous aués fait dire, que desirés parler à nous, vous plaît il nous commander quelque chose? En bonne foy répondit la Princesse, ie vous voudrois bien humblement supplier: car il me serroit mal d'vser de commandement envers ceus es mains déquels ie suis prisonniere. Ma Dame, dit il, vous dirés ce qu'il vous plaira: mais il n'y a celui de nous qui n'ait desir de vous faire seruice. Très affectueusement les remercia Oriane, puis leur dit: Ie vous supplie doncques être contents, que durant mon sejour par deça, moi & mes femmes soyons séparés de toute autre compagnie, & nous promettons qu'il n'y en aura nul de vous, quel qu'il soit, ne nous verra, sans nostre congé & permission: car vous sçaués qu'étant la détresse que vous aués faite de nous sus les gens de l'Empereur diuulguée il sera malaisé que maints, qui n'entendront

dront la fin de vôtre intentiõ, & nôtre innocẽce, n'en parlent à nôtre defauâtage: mais quand ils entendront la religion, en laquelle nous desirons vivre: iusques à ce que le Roy mon pere m'ayt r'apellée en sa bonne grace, ie croy qu'ayfẽment ils cõuertirõt ce mal parler en excuses pour nous toutes qui ensemblẽment vous faisons cete requête tant raisonnable, de laquelle ne serons, s'il vous plaît, refusées, étant la premiere que nous vous auons demandée. Ma Dame, répondit Quedragāt, nous ne sommes icy que pour vous obeir: & croy qu'en celà, & toutes autres choses que vous nous commanderés, nul ne sera retif à vous complaire. Et chacun d'eus luy en dît autant sur l'heure, estimans beaucoup sa grande prouidence & prudence. Et combien qu'Amadis trouuāt la separation d'eus deus trop rigoureuse (n'ayant plaisir en ce monde plus grand que la presẽce d'elle) si la dissimula il lors, étant forcé de chose tant raisonnable, pour la conseruation de l'honneur de celle qu'il ayroit plus que sa vie, esperant neantmoins, si le jour lui dényoit tel bien, que la nuit l'en recompẽseroit quelque fois, encores que ce ne fût si souvent comme il desiroit.

Du conseil que tindrent les Cheualiers de l'Isle Ferme, sur l'affaire d'Oriane, et de ce qu'ils en delibererent.

CHAP. III.

Vous aués cy deuant entendu la victoire d'Amadis sur les Romains, par le moyen de laquelle il eut en sa possesiõ la Princesse Oriane, & celles qui l'accompagnoient, dõt il s'estimoit heurs entre les plus fortunés, combien qu'il preuit en son esprit, que mal ayfẽment se pourroit r'apaiser l'iniure qu'il auoit faite, non seulement au Roy Lisuart: mais à l'Empereur. Au moyẽ de quoy, discourāt en son esprit les affaires qu'il auroit à soutenir si grande puissance que la leur, armé toute-fois d'esperance, conduite par force d'amour, deli-

bera pour toute resolution de mourir plutôt, que de iamais rendre au Patin celle, sans laquelle nullement pourroit il vivre. Biẽ trouueroit il moyen s'il pouvoit de la remettre en la bõne grace du Roy son pere, & rompre l'aliançe qu'il auoit prise avec l'autre, pour à quoy paruenir, fit entẽdre au Prince Agraies & Quedragant, q la Princesse l'auoit enuoyé prier de ce faire: car autrement, disoit il, elle se delibere plutôt faire sacrifice de soy-mêmes que de tomber au pouuoir de celuy qu'elle hait plus qu'homme viuant, & aussi ne seroit ce pas nôtre honneur de le souffrir, ayant fait vn si haut & grand conuenance pour l'en deliurer. Ie vous diray, répondit Quedragant, nous voyons à veuẽ d'œil si grand feu allumé, que nous pouuons aisẽment presumer, qu'il est impossible l'amortir, sans vne forte & dure guerre, laquelle nous ne pourrons longuemẽt soutenir, que par l'ayde & secours de nos amys, & compagnons, partant ie trouuerois bon, que lon en parlāt à tous les autres qui sont icy, pour en sçauoir leur fantaisie, à celle fin qu'ils soient plus enclins à soutenir les affaires, s'ils concluent à la guerre. Ie vous prie donc, dît Amadis, q nous nous assemblions tous demain, & prenés, s'il vo⁹ plaît, la charge de les faire appeller. A quoy Quedragant s'accorda: Et à cete cause le jour ensuyuant se trouverent ensemble. Et état Amadis au mylieu d'eus, cõmença à leur dire: Mes Signeurs, hier ma Dame Oriane enuoya vers moy me prier, que nous trouuions moyen de la remettre en la bõne grace du Roy son pere, luy otant, s'il est possible, la fantaisie qu'il a de la marier avec le Prince du monde, à qui elle porte moins d'amytiẽ: car autrement la mort lui sera plus agreable. Et pourtant il m'a semblé bon (apres en auoir parlé à aucuns de cete compagnie particulierement) d'entẽdre de vous tous en general, ce que vous en pẽsés: car puis que nous auons été compagnons pour la mettre en liberte, il est plus que raisonnable,

LE QUATRIEME LIVRE

ble, q̄ le soyōs pour la y maintenir : Mais premier que d'entrer plus auant en propos, ie vous supplie auoir deuant les yeus, que desia vōtre renōmée ēt tant cogneue par tout le monde, à cause des hautes Cheualeries que vous auēs faites, qu'il n'y a aujourd'huy Roy, Prince, ne Cheualier, de qui ne soyēs craints & redoutés, cognoissans que pour acquerir louāge immortelle vous auēs méprise, non seulement les grandes richesses & bons traitemens que vous eussies peu auoir en vos maisons: mais le sang de vos propres corps, q̄ n'auēs épargné pour faire sentir aus plus hardis le trenchant de vōtre épée, au trégrad danger de vos personnes. Dont les playes que vous auēs en plusieurs endroits (marques & témoins de vōtre prouesse) peuvent rendre telle foi, que fortune mêmes s'en tient obligée à vous : dequoy vous voulant recompenser, par l'vne des plus grandes faueurs qu'elle eût peu, vōs a mis es mains cete glorieuse victoire, q̄ nous auons eue sur les deus plus grands Princes de la Chrestienté. Non que ie vueille parler de la deffaite de leurs gens seulement, étans de trop peu de merite enuers vous: mais pour le secours q̄ vous auēs fait à la plus sage, debōnaire, & vertueuse Dame de la terre, laquelle étoit sur le point d'endurer (au plus grand tort du monde) vn traitemēt pire qu'on ne pourroit penser. Et par ainsi vous auēs fait seruire tresagreable à Dieu, executāt la chose, à laquelle vōs êtes expressement apellés qui ēt secourir les affigés des forces q̄ lon leur fait souffrir sans raison. Or s'en courroussent si bon leur semble l'Empereur & le Roy Lisuart: car puis que le droit ēt nōtre, Dieu qui ēt iuste, sera pour nous aussi: en sorte que si d'eus memes ils ne cognoissent la raison, & cuydent par leur puissance nous forcer, ie me promets bien que nous y pourrons tellement resister, qu'il en sera memoire tant que le monde sera monde. Pourtant chacun de vous auise ce qu'il luy semblera bon de faire,

ou de paracheuer la guerre commencée, ou de moyenner la pais, rendant ma Dame Oriane au Roy son pere, ainsi qu'elle desire. Car quant à moy, entendés que ie ne veus sinon ce qu'il vous plaît, & ne fera ma fantasie en cēt endroit autre que la vōtre, vous cognoissant tels, & la vertu vous être si grande, que pour mourir, vous ne la voudriēs étranger de la magnanimité de vos courages, n'endurer chose dont nōtre honneur fût (tant soit peu) abātardy. Puis se teut, laissant les esprits des assistans trécontents & satisfaits, pour tant humble & gracieuse remontrance qu'il leur auoit faite. Lors Quedragant avoué de toute la compagnie, print la parole, & répondit à Amadis: Seigneur Amadis, il ēt tout certain que l'entreprinse qui a été faite sur l'Empereur, n'a été pour inimytiē q̄ nous luy portons: mais seulement pour garder la foy que doit tout bon Cheualier, à soutenir & deffendre les personnes affigées à tort, spécialement toutes les bonnes Dames, dequelles nous tous deuons être protecteurs. Et pourtant ie suis bien d'auis, premier que d'entreprendre la guerre, que lon enuoye vers le roy Lisuart, luy faire entendre l'ocasion qui nous a meus d'auoir assailly les Romains, & le pl^r doucement qu'il sera possible le rapaiser, s'il ēt mal content, luy remontrant avec toute gracieuseté, le tort qu'il faisoit à ma dame sa fille, la déshéritant sous couleor de la marier avecq' vn Prince étrāgē, ce qui n'ēt agreable à Dieu, n'a nul de ses sujets, & pourtant que son bon plaisir soit la recevoir en sa bonne grace, & oublier le malalent, si aucun en a contre elle: offrant sous cete condition de la lui rendre, & non autrement. Et s'il refuse ou dédaigne le deuoir en quoy nous nous mettōs, qu'on luy declare resoluement, q̄ nous le doutons peu, & que s'il nous fait la guerre, nous sommes prêts de nous defendre. Ce pendāt il ēt nécessaire que nous nous fortifions de tout ce qui ēt requis à chose

se de telle importance, comme ét cete cy, au moins qu'il ne nous prenne au dépourveu, s'il se delibere nous assayllir: combié qu'a mon auis il sera plus prôpt à la pais, qu'a autre chose: mais celà ne doit retarder de nous mettre en tout deuoir, & à dépécher gës vers nos anys, & aliés, pour les prier de nous secourir, quand nous leur ferons sçauoir. Telle fut la réponce de Quedragant, & aprouvée par tous les Cheualiers presens. Au moyen dequoy il fut resolu, qu'Amadis enuoyroit vers le Roy Perion de Gaule: Agraies en Ecoce: Bruneo au Marquis son pere: & Quedragant, vers la Royne d'Yrlande, de laquelle il se feroit fort recouvrer gës, si le roy Cildadan son mary menoit ceus qu'il étoit tenu fournir au Roy Lisuart. Ce que lon feroit entendre à la Princesse Oriane, & la delibération qu'ils auoiët prise pour essayer de parvenir à la pais. Et cōme ils étoient sur ce propos, aucuns metans la tête aus fenêtrës, qui auoient veuë sur les champs: auisèrent descendre le long de la côte, par laquelle lon entroit en l'Ile, vn Cheualier armé de toutes pieces, acompagné de cinq Ecuyers: lequel aprochant plus pres conneurët que c'étoit Brian de Moniafte fils de Lazadan Roi d'Espagne, dont ils furent tréjoyeus: car il étoit Cheualier amiable, preus, hardy, & autät courtoys, que nul autre qu'ils eussent oncques veu. Lors furent pour les recevoir, lequel voyant si grand'compagnie ensemble, eut crainte qu'il leur fût survenu quelques mauuaisës nouvelles d'Amadis, pour lequel trouver il étoit expressement parti du pais de son pere: Mais il l'auisa à l'heure mêmes qu'il s'auançoit pour le venir saluer. Parquoy metant pied à terre, courut l'embracer, luy disant: Par Dieu mon Seigneur, la quête que j'auois entreprise, pour auoir de vos nouvelles, à eu plutôt fin q'ie n'esperois: car lon m'auoit fait entendre que vous étiez si bien caché, qu'il étoit impossible de vous rencontrer: Or Dieu mercy, ie vous voy en trébonne santé,

comme il me semble. Mon cousin, répondit Amadis, vous soyés le trébien venu, vous assurant, que si fortune vous a releué d'vn travail, qu'elle vous en a aprété vn plus prompt, étant arriué en temps & lieu, ou nous auons tât affaire de vous, ainsi q'vous pourrés sçauoir: Mais ce pendant ie suis d'auis que vous en alliés desarmer, puis nous vous conterons de nos entreprises. Lors le print par la main, & le cōduit en son logis. Et ainsi qu'il ôtoit ses armes, voyant q'de plus en plus la cōpagnie de Cheualiers se renforçoit autour de lui, dît à Amadis: ie croy monsieur, que si bonne troupe de tant de preud'hōmes n'ët point assemblée sans grad' necessité, ie vous suplie me dire quelle elle ët. Adōc Amadis luy recita par le menu comme les choses étoient passées, mēmement l'ingratitude dequoy le Roy Lisuart auoit usé, non seulement enuers les Cheualiers, qui étoiët pour luy faire seruice, ains aus si contre ses propres enfans, voulant par force & d'vne trop äpre & grande auarice desheriter ma Dame Oriane, pour l'enuoyer à Rome malgré elle, être femme de l'Empereur: Qui ët la cause, dît il, q'vous nous trouués ensemble. Comment répondit Brian, ma Dame Oriane ët elle à Rome? Non dît Amadis, nous l'auons ôtée par force aus Romains, qui la conduisoient, & ët de present en ce palays avec les Dames & Damoysselles qui étoient en sa compagnie, léquelles nous ne rendrons pas aysement si le Roy Lisuart ne se delibere les mieus traiter qu'il n'a fait par le passé. Puis luy declara la resolutiō qu'ils auoient prise, que Brian trouua trébonne, encores qu'il estimât bië que peu facilement lon pourroit apaiser les deus Princes iniuriés par cete détroussë: toute-fois pource q' lō ne pouuoit reuoquer ce qui étoit ia fait, il dissimula sa pensëe, & répondit seulement: le cognois le Roy Lisuart pour l'vn des pl' vindicatifs Princes de la terre, & qui ausi peu voudroit endurer vne iniure: parquoy vous deués prōptement

LE QUATRIEME LIVRE

ment auiser à luy resister, s'il essaye de vous forcer: de sorte qu'à ce que ie voy, il ét plus requis maintenant donner ordre aus inconueniens qui se pourront offrir, qu'à consommer le temps en paroles. D'une chose ie louë grandement ma Dame Oriane de s'être ainsi retirée avec ses femmes léquelles ie verrois volütiers s'il vous plaisoit. Je vous diray, dit Amadis, mon cousin Agraies & Florestan mon frere sont ordonnés, pour luy faire entendre nôtre deliberation, vous pourrés bien aller quant & eus, étant assuré, qu'elle sera trefaise de cōferer avec vous de ses infortunes. Et de fait ne tarderent gueres apres à executer cete entreprise: toute-fois auât qu'ils entraissent au logis d'Oriane, on lui vint dire qu'ils étoient enuoyés vers elle de par toute l'assemblée: parquoy commāda que lon les fit venir, & fût au deuant les recevoir, spécialement Brian, qu'elle n'auoit veu de long temps, & ainsi qu'il luy faisoit la reuerance, elle luy dit: Mon cousin, vous êtes venu biē à propos, pour defendre la liberté d'une Damoyelle qui a bien besoin de tel ayde que le vôtre. ma Dame, répondit il, ie n'eusse tant differé à venir en ce país, n'eût été que tôt apres la deffaite des sēt Roys en la grand' Bretaigne, le Roy mon pere me manda retourner vers luy, pour soutenir la guerre que luy faisoient ceus du país d'Affrique: & à peine a elle été finie, que j'ay sceu q mon cousin Amadis s'étoit tant éloigné de ses amis par fâcherie que lō n'en sçauoit nouvelles: & craignāt qu'il fût du tout perdu ie deliberay entreprendre sa quētē, pour l'amytiē, & reuerance que ie luy porte & suis pour cete ocafiō ainsi seul sorty d'Espagne pensant bien en auoir icy nouvelles plutōt qu'en nul autre lieu, ie m'y suis de Fortune acheminé, ou Dieu mercy, ie l'ay trouvé, avec ocafiō de luy faire seruiçe, & à vous aussi, ma Dame, Dequoy Oriane le remercia affectueusement: mais auant que de passer outre il m'a semblé bon vous declarer qui étoit la cause pour

laquelle tāt de grands personnages & bōs Cheualiers, portoient tel honneur & bon vouloir à cete Princeesse. Assurez-vous q ce n'étoit pour presens qu'elle leur fit, n'ayant encores nul moyē de dōner & moins pour faueur que luy portāt Amadis étans les amours d'eus deus si secrettes, comme vous aués peu entēdre es livres precedās: mais elle étoit si humble, tant sage, & debonnaire que pour cete humilité & courtoisie, elle sçauoit dérober les cueurs & volutés d'un chacun, chose tant propre aus personnes heroiques & de grād lieu: qu'il n'ēt auoir, ou puissance qui les réde plus honorés, prisés, & estimés. Pensés dōc en quelle reputation doiuent être ceus, qui par trop étrange presumption veulēt tenir vne grauité immodeste. Ils s'apretēt (quand tout ét bien consideré) vne defaueur enuers le peuple, un méprisement secret entre tous, & un mécontentement de plusieurs, qui desirēt particulièrement leur ruine, pour abatre l'outrecuydance qui les tient en telle malheureté. Le parler gracieus, la grauité legere & l'humble modestie sont tāt propres aus pl^{rs} grāds, q par là ils aquierēt l'amour de leurs suiets, l'obeissance entiere, avec la crainte d'un chacun, & le contraire leur ét tant mortel & dangereux, qu'il seroit impossible de plus. Estimés donc comme il ét bien seant à un tas de petits cōpagnons de faire les braues, pensans par leur gloire extrême se faire craindre, & plus redouter. Sur mon Dieu, il me semble qu'ils devroient penser quels ils furent, & quels ils seront: lors d'eus mêmes cognoitroient aisément qu'ils ont tort & mauuaise grace, & pour tels suis-je content de les laisser: à fin de retourner à mon premier propos, & vous faire entendre: Qu'apres qu'Oriane eut longuement deuisé avecques Brian, elle apella la Roynne Sardamire, & luy dit: Ma Dame, voicy le fils du Roy d'Espagne q vous ne cognoissés encores. Lors s'ap procha la Roynne, & apres que Briāl'eut salué entrèrent si auant en deuis, qu'Oriane eut

eut moyé de les laisser ensemble parquoy se retirant à part, apella Agraies & Florestan, léquels elle pria affectueusement de luy declarer ce qu'ils auoient à luy dire. Adonc luy reciterent par le menu les propos qui auoient été tenus au conseil, l'honneur & bonne volonté que tous les Cheualiers luy portoient & finalement la resolution qui auoit été prinse sur son affaire, la suppliant qu'elle leur declarât si elle étoit selon son intention ou non. Helàs, dît elle, ils sont tous si sages & vertueux qu'ils ne pourroient mal auiser. D'une chose les suppiray-je humblement, c'est que pour Dieu ils treuvent moyen, s'il est possible, & à leur honneur de faire ma pais enuers le Roy mon pere. Et faignant dire quelques paroles en l'aureille d'Agries, Florestan (comme bien auisé) se retira, les laissant eux deus seuls. Lors voyant Oriane qu'elle pouvoit parler en liberté, commença à luy faire ses doleances de telle forte: Mon cousin, encores que j'aye grande esperance à la prouidèce de votre cousin Amadis, & au bon vouloir que tous ces Cheualiers me portent, si me semble il qu'il n'y ait quelque raison d'auoir en vous une si delité speciale, tant pour l'obligation en laquelle ie me treuve redeuable enuers le Roy votre pere & la Royne aussi, par le bon traitement qu'ils me firent en Ecoce, que pour m'auoir donné pour compagne votre sœur Mabile, de laquelle seule ie tiens la vie apres Dieu: car sans le récofort qu'elle m'a fait mainte-fois au plus fort de mes infortunes, il y a bien long temps que ie fusse enseuelie, & priuée de ce monde. Et combien que ie n'aye moyen pour le present de pouvoir recognoître enuers eus, ny vous, tant d'obligations, si espere-je avec le temps de m'en mettre en tout deuoir: & ce pèdant vous ne trouuerés mauvais (s'il vous plaît) que ie vous face entendre familièrement les ennuyes que ie porte, & pour y commencer: ie vous supplie que (laissant à part le tort que mon pere vous a fait) vous moyennés à

votre pouvoir la pais d'entre votre cousin & luy: car ie ne fais doute veu l'ancienne haine qu'ils ont ensemble, & l'ocasion qu'ils vous tous aués de luy vouloir peu de bien que mal aisément se pourront les choses commencées acheminer à autre fin, qu'à une très grande ruine & malheur d'une part & d'autre si ce n'est par la resistance que vous y pourrés faire, usant en celà de votre prudence & bon conseil. Dont de rechef ie vous supplie tant pour euitier à tel inconuenient, qu'aussi pour ne me rendre suspecte enuers les nations étrangères, qui pourroient cy apres douter de mon innocence, & maculer ma bonne renommée, qui m'est de telle conséquence que vous pouvés estimer. Ma Dame, répondit il, quant au bon traitement que vous aués receu en Ecoce, le Roy mon pere, & la Royne n'ont fait en celà qu'ils deuoient: & si suis seur qu'ils vous ont en telle affection, que les choses ou leur puissance se pourra étendre, ils s'employeront pour vous comme pour leur meilleure parente & alliée. Et pour le regard de ce que vous dites de ma sœur & de moy, l'effait témoignera toujours du bon vouloir que nous vous portons, vous supplians croire, que vous nous pouvés commander comme à ceus qui desirent votre bien & honneur autant que le leur propre. Et quant au desir que vous aués de me faire oublier l'iniure que le Roy votre pere a faite, non seulement à moy seul: mais à tous mes parens & amys, assurez vous, ma Dame, que la playe est si grande, qu'elle seignera tant que j'auray vie au cors, connoissant l'ingratitude dont il a usé enuers nous, écondissant mon Seigneur Amadis, moy, & plusieurs autres bons Cheualiers, de la requête que nous luy fimes, pour donner à mon oncle Galuanes l'île de Mongaze, qui la meritoit, & mieus: veu même ment qu'elle auoit été conquise par la vertu & prouesse de celui qui l'en supplioit: toutefois pour l'honneur de vous ie suis cōtent de dissimuler, & me forcer

LE QUATRIEME LIVRE

iufques là, de differer pour quelque tēps, la iufte ocafion q̄ i'ay de luy vouloir mal fpecialement pour nous auoir chaffés de la court aufsi étrangement, que fi eufsiōs été de fes ennemys mortels, apres auoir receu de nous tant de grās feruices. Et pour vous montrer que ie me veus du tout employer à vous complaire, ie vous promets ma Dame, que i'effayeray à mon pouuoir de faire ce dont vous me priés: mais il ne feroit pas raifonnable, que ce fût fi promptement, pource q̄ fi i'en entame la parole maintenant, étans les chofes difposées à la guerre, au lieu de donner cueur à tāt de bōs Cheualiers qui font en cete Ile, i'ē pourrois intimider la plus part, m'oiās parler de pais, prefumans (peut être) que ie tinffe tels propos cōme aiāt la premiere paour. Ainfi ie ferois deus maus enfemble qui ne pourroient cy apres tourner qu'au dōmage de nous tous, & au grand deshōneur de moy feul. Mais ayant eu la réponse du Roy vōtre pere, ie priay mes compagnos de faire ainfi qu'aués auifé, ce pendant il me femble q̄ vous vous deués me lancolier le moins q̄ pourrés, & prendre le tēps & la fortune le plus paciēmmēt & confātment qu'il vous fera poffible. Mon cousin, dīt elle, i'en fuis contente cognoiffant trēbien que vrayement il n'ēt pas requis d'ōter le cueur à ceus qui font icy afemblés pour mon affaire, ains plutōt les entretenir en cete volunté, remettant le furplus à vōtre difcretion. Durant ce propos Agraies auoit continuēllement l'œil fur Olinde, qu'il ay moit de tout fō cueur, ainfi qu'il auoit bien fait cognoître paffant (pour l'amour d'elle) fous l'arc des loyaus amans: neātmoins preferāt la veru à fes paffiōs, il fçauoit difsimuler fagement la laiffant enfermée auecq' Oriane fans parler à elle, ne la frequenter aucunement: combien q̄ ce luy fût vne peine infupportable: mais il s'y refolut iufque à ce qu'il vīt quelle fin prendroient les chofes encommencées, & répōdit à la Princeffe: Ma Dame, ie feray entieremēt ce q̄ vous

aués auifé. Or vo⁹ en retournés dōques, dīt elle, & me recōmandés affectueufemēt à la bōne grace de tous vos cōpagnons. Au tāt en dīt elle à Florestā, & à Briā léquēls prenās congé d'elle vindrēt trouver Amadis, & les autres qui les atendoient; aufquēls ils reciterent ce qu'ils auoient fait: parquoy fut arrêté, q̄ lō enuoyroit vers le roi Lifuart, le plutōt qu'il feroit poffible, & furent Briā & Quedragāt priés par toute la compagnie de prendre cete charge, ce qu'ils ne peurent refufer tant ils en furent importunés.

Des propos que tint Amadis à Grafinde, & de la réponçe qu'elle luy fit.

CHAP. I I I I.

OR ne fçauoit Amadis quelle de liberation prendroit Grafinde, ou de retourner en fes païs, ou d'atendre q̄ les chofes fuſſent plus apaiſées, parquoy voulant ſentir d'elle ce qu'elle en penſoit, la fut voir en ſon logis. Et apres quelques propos qu'ils eurent enfemble, Amadis luy dīt: ma Dame, ie ſuis merueilleuſement déplaiſant que ie n'ay meilleure oportunité de vous faire en ce lieu l'honneur, & bon recueil q̄ vous merités: mais le temps ſi mal propre en ôte l'ocafion, parquoy ie vous ſuplie en m'excufant ne le prédre, ou imputer à faute de bon vouloir: car vous m'aués tāt obligé à vous par le paſſé, qu'il ne ſera jour de ma vie que ie ne m'en ſente vōtre redevable quelque grand ſeruiſe q̄ ie vous puiſſe faire: Et pour ce qu'il y a deſia biē long tēps que vous êtes partie de vōtre païs, & que (peut être) le long ſejour que vous aués fait en cete contrée vous a aporté quelque déplaiſir, ie deſirerois grandement ſçauoir vōtre deliberation, à fin que i'aye moyen, ſ'il ēt poffible de vous obeir en ce qu'il vous plaira commander. Seigneur Amadis, répondit elle, ie ſerois bien de pauvre iugement, ſi ie ne ſçauois certainement que de la compagnie & faueur que vous m'aués faite, ne me fût ſor

ry le plus grand honneur qu'il m'eut peu auenir, & que le bon traitemēt que vous dites auoir receu en mes païs (si aucun vous à été fait) ne soit dé-jà plus que recompensé: toute-fois, pour vous mettre hors de peine, ie vous diray ce que i'en pense. Ie voi tant de bons Cheualiers assemblés pour le secours de cete Princessesse, léquels tous ensemble ont mis leur esperance & conduite sus vous, pour l'amitie & bonne estime qu'ils vous portent, qu'il vous seroit impossible les habandonner, sans en être grandemēt blâmé. Et par ainsi puis que telle charge ét remise du tout sus vous, vous deuez trauailler à enuoyer de tous côtés recouurer gens pour vōtre secours, en sorte que l'hōneur de si grande entreprinse vous demeure, par le moyen de vos amys, du nombre dequels ie m'estime premiere, ainsi que vous aués peu, & pourrés cōnoître par l'effait. A cete cause i'ay deliberé de faire partir demain maître Helisabel, pour aller en la Romanie assembler le plus de gens qu'il pourra, tant de mes sujets qu'autres, & aussi tōt les faire embarquer & conduire par deça. Ce pendant ie tiēdray, s'il vous plaît, compagnie à ces autres Dames, s'elles me veulent faire tant d'honneur de me receuoir avec elles en esperāce de ne les habā donner, q̄ cete guerre cōmencee n'ait pris autre fin. Sus mon Dieu ma Dame, dit Amadis, vous aués bonne enuie (à ce q̄ ie voi) de me faire connoître de combien vous me voulés rendre plus vōtre que ie n'auray iamais de moyē pour y sati-faire: mais puis que si bon vouloir vous vient de telle liberalité, ie ne le refuseray pas, ains (en vous merciāt treshumblemēt) ie l'accepte: & s'il vous plaît commander à maître Helisabel passer iusques en Constantinople, & porter lettres de creance de par moi à l'Empereur, ie suis seur que suyuant la promesse qu'il m'a faite autre-fois, & l'inimitié qu'il a à l'Empereur de Rome, qu'aysēment il nous aydera. Ie croy répondit Grasinde, que maître

Helisabel se tiendra pour bien-heureux de vous faire seruice: car il en a grand desir, comme il m'a asseuré par plusieurs fois: ainsi il ne reste plus qu'à prier Oriane de me receuoir avecques elle. Ma Dame, dit Amadis, puis qu'il vous ét agreable i'enuoyray presentement vers elle, pour en sçauoir sa volonté & croy que ne luy ferés moins de plaisir, qu'elle à vous, tenant compagnie l'une à l'autre. Adoncques fit apeller Gandales, auquel il donna cete charge: mais il ne tarda gueres à rétourner leur dire qu'Oriane remercioit affectueusement Grasinde & qu'elle l'atendoit en bonne volonté de luy faire l'honneur qu'elle meritoit: toute-fois premier que de partir, elle cōmanda à maître Helisabel d'aller tāt en ses païs leuer gens, que vers le Marquis son frere. Et ce pendant qu'ils s'assembleroyent, qu'il passāt iusques en Constantinople, faire ce qu'Amadis luy ordonneroit & luy de retour en la Romanie, qu'il se diligentāt de faire embarquer ceus qu'il trouueroit prêts pour les amener en l'Isle Ferme. Ce fait Amadis la conduit vers la Princessesse, ou il la laissā pour aller depêcher maître Helisabel, auquel il bailla vne lettre adressante à l'Empereur, dont la teneur ensuyt.

Lettre d'Amadis à l'Empereur de Constantinople.

TREHAYT & excellent Prince, le Cheualier à la VerdeEpee (le propre nom duquel ét Amadis de Gaule) vous enuoye treshūble salut. Et pource sire, q̄ trauerfant païs après la deffaite de l'Endriague, il vous pleut me receuoir en vōtre ville de Constantinople, là ou après l'honneur & bon recueil que vous m'y donnātes, m'offristes (par vōtre liberalité) de m'ayder, & dōner secours ou le cas s'y offriroit en faueur des seruices q̄ ie vous auois faits, par la reduction de la cōtree, qui par vo⁹ mêmes fut nōmee depuis l'Isle saint Marie. Or ét l'ocasion auenue que vous aués moyē, s'il vous plaît d'acōplir
cete

LE QUATRIEME LIVRE

cete vôtre promesse , avec la plus iuste querelle, qu'il ét possible d'entreprendre, ainsi que vous dira maitre Helisabel, lequel ie vous supplie, Sire, croire entiere-ment , de la part de celui qui baise les mains de vôtre majesté.

Telle fut la depêche d'Helisabel: par- quoy il s'embarqua incontinent, & faisant voile, tira en Grece, ou il arriua peu après, & le jour mêmes Amadis commanda à Tantiles, maitre d'hôtel de la Roynie Briolanie, aller au Royaume de Sobradise vers sa maitresse, & luy dit: Tantiles mon amy, tu sçais comme nous sommes sus le point de soutenir la guerre, & de combien mon honneur seroit endommagé, si la fin de ce commencement ne sortoit selō nôtre intention: va, ie te prie, trouver la Roïne, à laquelle (après auoir présenté mes affectueuses recommandations à sa bonne grace) diras que ie la supplie qu'elle m'enuoye le plus de gens qu'elle pourra. Tu luy reciteras bien au long les choses passées, & l'état auquel elles sont & peuvent tomber: & au surplus qu'il luy souviene que ce qui me touche luy approche de biē près, étant siē, comme elle sçait. Mon Seigneur, répondit Tātiles, ma maitresse aura encores plus de plaisir que ne pensés, d'auoir moyen de vous faire connoître combien elle desire de faire chose qui vous soit agreable: & croyés qu'aussi tôt qu'elle entēdra ces nouvelles, elle mettra tel ordre à ce que vous luy mandés, que vous me verrés en brief de retour par de- ça avec telle puissance, qu'elle pourra finer. Tu luy porteras, dit Amadis, cete lettre, & feras la meilleure diligēce q̄ pourras. Lors la lui bailla, & contenoit ce qui s'ensuit.

*Lettre d'Amadis à la Roynie
Briolanie.*

IE croy, ma Dame, après qu'aurés entendu par Tantiles vôtre maitre d'hôtel, la cause qui m'a meu l'enuoyer en telle diligence, que vous dōnerés faueur à ce qu'il vous dira de ma part, assuré qu'en vſant de vôtre gentile nourriture, vous ne

me voudriés faillir, non plus que vous croyés que ie serois prêt à mettre le pied en l'étrier pour vous, ou la necessité s'y offeroyt: & pour- ce qu'il a été present aus choses qui depuis mon retour en ce pais m'ont été occurrentes, & que ie lui ay dōné charge vous les faire entendre bien au long, ie ne vous ennuyray à vous donner peine de lire plus longue lettre: mais ie vous prieray biē (après l'auoir creu) me tenir tou- jours en vôtre bonne grace, à laquelle desire tant qu'il viura auoir bōne part.

Celuy Amadis, qui ét vôtre.

Ainsi s'en partit Tantiles, lequel sans sejourner fit tant qu'il arriua au Royaume de Sobradise. Et d'autre part Gandalin fut ordonné pour aller en Gaule. Et à cete cause Amadis le tirant à part, luy dit: Gandalin, tu es celui qui toujours as eu la garde de mes plus priués affaires, pour la grād' amitié q̄ de nos premiers ans nous sommes portés, comme si nature nous eût d'elle mêmes appellés en vne parfaite fraternité. Tu sçais q̄ mon hōneur ét le tien, & que le tien me touche cōme le mien. Tu vois les affaires ou ie suis, & de quelle consequence elles me sont, mêmes la conclusion qui a été prinſe (par tous ces Cheualiers) d'employer nos amys, & aliés, pour auoir secours puissant à soutenir les forces du Roy Lisuart, s'il essaye de nous assailir. Au moyen dequoy i'ay dé- ja de- peché vers plusieurs Princes, desquels i'espere recouurer vne bien bonne & grosse troupe de gens. Et combien que l'absence de toy me soit griēue, toutefois me fiant plus en ta diligence, qu'à nul autre, i'ay pensé de t'enuoyer vers le Roy Periō mō pere, qui te connoit de long tems, & auquel feras entendre mieus que nul autre, de quelle importance m'ēt cete guerre, si le Roy Lisuart l'entreprend: car comme tu luy pourras dire, elle luy touche en partie ayant ce Roy ingrat fait tant de dé- faueur à tous ceus de nôtre lignage, q̄ de les chasser de sa court, après qu'il a receu d'eus

d'eus vne infinité de grands seruices. Tu lui reciteras par le menu ce que tu sçais, & as veu, & la necessité en laquelle tu nous laisses, & neantmoins l'asseureras que ie ne crains puissance aucune ayant avec moy tant de droit & de bons Cheualiers: & que ie n'eusse aussi fait si grand' entreprinse, n'eut été que depuis que Dieu me voulut apeller à l'ordre de cheualerie, ie n'ay eu en pensée autre chose, sinon faire l'état de Cheualier, defendant à mon pouoir le tort que lon faisoit à plusieurs, spécialement aus Dames & Damoïselles, léquelles doiuent être preferees à toutes personnes, & pour léquelles i'ay mis souvent ma personne au hazard de mort, sans en esperer autre recôpense d'elles sinon complaire à Dieu, & augmèter ma renommee par le monde, qui fut la cause seule qui me meut dernièrement de m'absenter ainsi de ses pais, pour aller chercher(entre les nations étrangères) ceus qui auoient affaire de mon ayde, ou i'ay eu maintes perilleuses auantures que tu as veuës, & que tu luy pourras conter. Mémement qu'arriuant en cete Ile, ie fu auerty comme le Roi Lisuart(oubliant l'honneur de Dieu, le droit des personnes, le conseil des siens, & l'instinct naturel que tout bon pere porte cōmunément à son enfant) vouloit quasi par vne maniere de cruauté extrême, chasser de ses pais ma Dame Oriane sa propre fille, & principale heritiere, la donnant maugré elle, pour femme à l'Empercur Patin. Dequoi elle faisoit complainte, non seulement à ceus du Royaume de la grand' Bretaigne mais requeroit ayde & secours à tous Cheualiers portans armes, tant par lettres, messages, qu'autrement, les supliant à iointes mains, & abondance de larmes auoir pitié & compassion de sa misere. Et tant a sceu faire de prieres & humbles oraisons que le Seigneur de toutes choses la regarda de son oeil misericordieus, donnant adresse aus Cheualiers qui sont de present en ce lieu d'eus y assembler, quasi par mi-

Am. 4.

racle, où ie les trouuai, comme tu sçays, en propos de hazarder leurs vies, pour la mettre en liberté, & les autres qui l'acom-paignoyent par force considerans que faisant autrement ils en eussent été blâmés à l'auenir, donnant occasion à plusieurs de presumer, que couardise seule eut détourné cete ayde tant recommandee & pour personnes de la qualité qu'elles sont. Au moyen dequoi le conflit ét auenu aus Romains, tel q tu l'as veu, dequels nous en tenons plusieurs prisonniers, & les Dames hors de leurs mains. Mais pour moi-enner leur apointement enuers le Roy Lisuart, Quedragant, & Brian de Monjaste mon cousin, partiront de brief, avec charge expresse de par nous tous de le supplier prendre à bonne part, ce que nous auons fait, & receuoir en sa bonne grace ma Dame Oriane, & celles de sa compagnie, étans toutefois, bien deliberés, ou il ne voudroit accepter c'et offre, & faire l'audacieus, de nous defendre contre luy, moyennant l'ayde de nos bons amys & alliés: du nombre dequels (Gandalin) tu lui diras que nous tous ensemble l'estimons premier, le supliant treshumblement, qu'il nous secoure à ce besoin si raisonnable. Voy aussi la Roine ma mere, & luy baise les mains de par moi. Dy luy que ie luy prie d'enuoyer pardeça ma sœur Melicie, pour tenir compagnie à ces autres Dames, avec léquelles elle pourra voir & apprendre beaucoup. Mais deuant que partir, il faut que tu sçaches da ma cousine Mabile, s'il lui plaît rien mander pardela, & quant & quant que tu essayes de parler à Oriane, laquelle ne se trouuera si étrange de toi, que tu n'entèdes d'elle en quel état ét sa santé, & le bon vouloir qu'elle me porte. Or si Amadis traualloit pour son secours, Agraies d'autre côté ne dormoit pas: car il enuoya incontinent Gandales en Ecoce, avec charge expresse de faire entendre au Roi son pere, le besoin qu'ils auoyēt de son ayde. Déja aussi étoit party Landin pour aller en Yrlande, par le-

B

quel

LE QUATRIEME LIVRE

quel Quedragant suplioit la Roine sa niece, le secourir de gens au plus grand nombre qu'il lui seroit possible, sans toutefois que le Roi Cildadan son mari en sceut rié: car il n'eut été raisonnable qu'il s'en fut mêlé, veu les conuenances & alliances qu'il auoit avec le Roi Lisuart. Il eut d'auantage commandement de faire armer le plus de nefes qu'il pourroit recouurer, & amener quant & lui bonne troupe de ses vassaus. Bruneo d'autre part (qui tant aymoit Melicie sœur d'Amadis) écriuit pour semblable affaire au Marquis son pere, & à Branfil son frere, & baillant les lettres à Lasinde son Ecuyer, luy dit: Lasinde mon amy, tu vois icy grād nombre de Cheualiers assemblés, neantmoins il faut que tu pèses, que la pluspart de cét affaire touche principalement à Amadis, à qui (outre la grand'amitié que ie luy porte) ie desire ayder de tout ce qui ét en ma puissance, pour l'amour de Melicie, à laquelle ie suis, & non à autre: étant certain que faisant autrement, ie luy causerois vn mécontentement de moy, qui me seroit vn mal pire à supporter que la mort. Et pourtant tu pourras sagement persuader mon pere de nous secourir, lui remōstrant, que ce fait m'êt d'importance autant qu'à nul autre, sans toutefois parler aucunement de Melicie: mais seulement de l'obligation que i'ay à Amadis, m'ayāt tant honoré par sa compagnie: aussi que Branfil mō frere y pourra plus aquerir de gloire, qu'à demeurer si ordinairement aus cendres, cōme il a fait. Mon Seigneur, répondit Lasinde, i'espere d'acōplir si bien vōtre commandement que mon voyage aura l'effait que vous desirés, & prenant congé de lui, entra en son chemin. Pas n'oublia Amadis les offres que luy auoit faites le Roi Tasfinor de Boême, au tems qu'il entreprint pour sa querelle le combat contte Garadan qu'il deffit, & depuis les vnze autres Cheualiers de l'Empereur Patin: & à cete cause pēsa en soy même, qu'il seroit bon enuoyer vers lui Ysanie,

l'ancien gouuerneneur de l'Isle Ferme, sage, & prudent Cheualier pour le supplier de luy donner quelque ayde. Et exēcutāt sa pensée, fir apeller ce bon vieillard, auquel il dit: Ysanie, sçachant la fidelité qui ét en vous, & connoissant le bon vouloir que vous aués à me faire seruice ie me suis auisé de vous prier vouloir prendre quelque peu de trauail, pour chose qui m'êt de grande consequence, ne connoissant Gētis-hōme plus propre en cét affaire que vous: C'êt que vous alliés en Boême trouuer le Roy Tasfinor, auquel vous portérés de par moi vne lettre de creance, & lui ferés entendre bien au long le grand besoin & l'esperance que i'ay en son ayde: il ét Prince magnanime & liberal, & croi qu'il ne me faudra, s'étāt autrefoistāt offert enuers moi. Mon Seigneur, répondit Ysanie, ie vous promets q' i'y feray mon deuoir. Or bien, dit Amadis, il vaut mieus doncques que vous partés demain: & sus tout, Ysanie mon amy, ie vous prie faites diligence. Lors lui bailla lettres de creance telles que vous entendrés.

Lettres d'Amadis au Roi Tasfinor de Boême.

SIRE si oncques ie vous fis seruice, qui vous ayt été agreable, l'honneur & bon recueil, que ie receu de vous & des vōtres, tout le temps que ie seiournay en vōtre court, m'ont rendu d'auātage à demourer tant que viuray prêt à n'espérer ma personne pour vous obeir & seruir, parquoy ie vous supplie treshumblement n'estimer, que ce qui m'a fait depēcher, ce Cheualier, present porteur vers vous, soit pour en auoir aucune recompense. Toutefois me souuenant des honētes offres que vous me fistes à mon partement de Boême, ie me suis enhardy le vous enuoyer, pour vous requerir affectueusement me donner secours en vne affaire qui m'êt si prochaine, qu'il vous dira: vous supliant, sire, le croire comme moi-mêmes, & commander sa depêche la plus prompte qu'il sera possible, pour met

tre hors de peine celui qui voudroit pour vous hazarder la vie, qui ét Amadis de Gaule, surnommé en plusieurs lieux le Cheualier à la Verde épee.

Des propos qu'Oriane & Mabile eurent avecq' Gandalin, & de ce qu'il fit entendre de par elles à Amadis.

CHAP. V.

CEs Embassadeurs depêchés de toutes parts, comme vous aués entendu, Gandalin étant prêt de partir pour aller en Gaule, vint au logis d'Oriane suyuant ce q son maître luy auoit commandé. Et pource que nul homme entroit dedans, sans le commandement de la Princesse, étant la porte gardée par l'une des plus anciennes de ses femmes, fit dire à Mabile, qu'il vouloit sçauoir d'elle, s'il luy plaisoit écrire à la Roine sa tante, ou à Melicie sa cousine. Mabile auertie par la Damoysele de ce que luy mandoit Gandalin, vint dire à Oriane si haut que chacun l'entendit: Ma Dame, Gandalin s'en va en Gaule vers le Roy Perion, vous plaît il mander aucune chose à la Roine, ou à ma cousine? Ouy vraiment, répondit Oriane, faites le venir que ie parle à luy. Lors entra Gādalīn en la chambre de la Princesse, laquelle l'auisant, se leua aussi tôt, & le tirant à part (faisnant luy vouloir parler seulement de recommandations) se print à soupirer, en lui disant. Gandalin mō amy, q te semble de fortune qui m'ēt si contraire, qu'elle me priue de la personne du monde, de laquelle i'ayme le plus la frequentation, étant si près de moi, & moy du tout en sa puissance? Ce non-obstant nous ne pouōs auoir moyen de parler priuement ensemble, sans offencer grandement mon honneur, dequoi mon cueur endure tant de peine, que si tu le cōnoissois, ie croi certainemet que tu aurois encores plus de pitié de moi que tu n'as: ce que ie te prie lui dire, à ce qu'en me plaignant il se réjouis-

se de l'affection très grande, qui s'augmente en moy de iour en iour à luy vouloir bien, aussi qu'il tretiue façon q nous nous voyons, dressant quelque partie avec ses compagnons, sous couleur de ton voyage & de mon reconfort. Ma Dame, répondit Gandalin, vous aués grande raison de luy porter telle amitié, & vous souuenir ainsi du remede, auquel il aspire sus toutes choses: car si vous sçauies l'extrémité en laquelle ie l'ay trouué cent fois, vous ne pourriés croire avecq' qu'elle puissance il ēt gouverné par amour. Ie l'ay veu mille fois mourir, pēsant aus faueurs passées, que vous lui aués faites, & autāt de fois recouurer vie par la souuenāce d'icelles, & si l'ay veu entre les plus grans dāgers du mōde faire tant d'armes, en vous apellant à secours, qu'il ēt mal ayś de croire que Cheualier peut auoir en soy tant de prouesse. Pourtāt, ma Dame, ie vous supplie auoir pitié de luy, & le traiter comme il merite: vous assurant qu'onques Cheualier ne fut plus l'oyal ne plus vōtre qu'il ēt, ny onques Dame, n'eut telle puissance sus homme comme vous l'aués sus lui: car en vos mains se peut traiter de sa mort, ou de sa vie, ainsi que bon vous semblera. Ah à Gandalin, dit Oriane, ie le croy certainement, sentant en moy-mêmes tout ce que tu dis être en luy, & que sa vie ēt la mienne, tellement que par luy seul ie vis entre les personnes: mais ie te prie ne me fais mourir comme tu fis l'autrefois, quand tu m'aportas les premieres nouuelles de son retour de Gaule en la grand' Bretagne: car n'ayant le moyen à present de faire pour luy ce que ie voudrois, ie luy pourrois bien faire tort, & à moy aussi par vn desir trop affectionné: pourtāt dōcq' ne m'en parle plus: mais retourne, & le prie de par moi q ie le voye le plutôt qu'il sera possible. Sus ce point Gādalīn print congé, & cōme il sortoit de la chābre, lui dit assēs haut: Ne faus à venir querir mes lettres deuant que tu partes. Or l'atendoit Amadis en bonne deuotion,

uotion, parquoy aussi tôt qu'il l'auisa, il luy dit: Et bien Gandalin, as tu veu ma Dame? ie te prie conte moy ce qu'elle t'a dit. Lors il luy recita de mot à mot, mêmement le desir qu'elle auoit de parler à luy, & pour resolution, qu'elle le prioit de la venir voir avec quelques vns des autres Cheualiers sous couleur de la recôforter. Mais quand il lui declara les propos d'amytie qu'elle lui auoit tenus, il demeura quasi comme transi, puis reprenant ses esprits, luy répondit: Helàs! comme pourrois ie faire ce que tu dis? Et aussi tôt se va auiser: Il faut que tu ailles trouuer Agraies, & luy dy, que pource que ie t'enuoye en Gaule, tu as voulu sçauoir de ma cousine Mabile, si elle vouloit écrire à ma seur Melicie, & qu'après plusieurs propos qu'elle t'a tenus, elle t'a fait entendre qu'il seroit bien raisonnable que nous vissions plus souvent ma Dame Oriane, pour essayer de lui faire oublier partie de la grâde melancolie quelle se dône, autrement qu'elle pourra tomber malade, tant elle est triste, & garde bien de lui decouurir que tu m'en ayes parlé, ne que i'en sçache rien: mais ie te prie dy moy, ne se trouve elle pas bien ennuyee maintenât? Vous la connoissés de long tems, répôdit Gandalin, pour l'une des plus sages & vertueuses Dames qui nasquit oncques, & qui autant prudemment sçait dissimuler ses passions, en sorte qu'on iugeroit mal aysément, à voir sa contenance, si elle porte douleur ou non: toutefois ie croi bien qu'interieurement elle a vne melancolie merueilleuse. O Dieu! dit Amadis, s'il vous plaît me prêter la grace de pouoir tant faire pour elle, que de ses desirs sortent effect, ie ne me soucieray iamais de mort, ou de vie, que fortune me puisse donner. Ne vous chaille, répondit Gandalin, i'espère que tout ainsi que nôtre Seigneur vous a preserué par le passé, & preferé à tout autre Cheualier, qu'il ne vous oublira maintenant, & avecques si grande occasion. Or t'en va doncques vers

mon cousin, dit Amadis, & m'en rapporte des nouuelles le plutôt que tu pourras. Lors s'en partit Gandalin, leq̃l trouuât Agraies à propos, fit si bien ce qu'il auoit entrepris, que le Prince, pensant qu'il dit vray, luy répondit. Viayement ma seur est très bien auisee, & sera fait ainsi qu'elle me mande. combien que si iusques icy la visitation d'elles ayt esté differee, ce n'a esté par autre raison que nous tous pensions que ce fut le plaisir de ma Dame Oriane: & pourtât i'en parlerai à mes cōpagnons, qui serôt tous (cōme ie croi) aussi prōpts que moi à leur obeir. Et sans tarder, vint trouver Amadis, auquel il recita tout ce que Gandalin luy auoit fait entendre de la part de sa seur. Lors Amadis, faignant n'en auoir oncques ouy parler, lui répondit, qu'il s'en rapportoit à lui, & aus autres, pour en faire ainsi que bon leur sembleroit: parquoy Agraies leur en fit parler, sans toutefois leur declarer que cela vint de Mabile, ains d'un auis qui lui sembloit raisonnable pour reconforter Oriane, laquelle Gādalīn auoit trouuee la plus melancolique du mōde. Et croyés (disoit il) qu'e teles extrēmities, les cueurs plus forts & magnanimes ont besoing de consolation: par plus forte raison, donc ces femelletes, qui d'elles mêmes sont debiles & foibles, doiuent elles estre visitées & reconfortees. A quoy s'acorderent tous les Cheualiers de l'Ile Ferme, & pour cōmencer le iour mêmes enuoyerēt vers la Princeesse, sçauoir si elle l'auroit agreable. Lors fut répondu par elle qu'ils seroient les trebien venus. Et à cete cause vindrent la trouuer: & ainsi qu'ils entrerent de propos en propos. Quedragant, & Briā luy dirent: Ma Dame s'il vous plaît mander quelque chose au Roy vôtre pere, ou à la Roine, nous sommes ordonnés par cete cōpagnie d'aller vers eus en la grād Bretagne pour vôtre affaire. Or s'étoit déjà Amadis retiré à part avec Mabile, tandis qu'Agraies parloit à Olinde: Florestan & Angriote à Grāsinde: & croyés qu'Amadis

qu'Amadis étoit lors en vne étrange peine, voyant si près de lui la chose qu'il ay-
moit le plus en ce monde, sans toute-fois
ofer non seulement parler à elle, ains la
regarder d'œil assuré, & sembloit selō le
peu à propos qu'il répondoit à ce que lui
disoit Mabile, qu'il fut yure, ou hors de
foy. Mais elle qui connoissoit le saint ou
il le faloit vouër pour le guerir de cete ma-
ladie, s'auisa d'un moyen le plus honnête
qu'il étoit possible, pour lui dōner remede
disant à Oriane, Ma Dame, vous promi-
stes hyer à Gandalin d'écrire à la Roine
Elisene & à Melicie, & (à ce que j'entens)
il doit partir tantôt, & aués oublié vos let-
tres. Oriane qui entēdoit assés ou elle vou-
loit tomber, lui répondit : faites le venir,
ie lui dirai de bouche ce que j'auois deli-
beré de leur écrire : Lors se leua l'une de
ses Damoiselles, & sortant de la chambre,
apella Gandalin, qui entra aussi tôt. Or
auoit il été instruit par Amadis de ce qu'il
auroit à faire, si la Princesse vouloit par-
ler à luy deuant cete cōpagnie : parquoi
entrant ou elle étoit, fit la reuerance, &
s'aprocha de son maître qui parloit, com-
me ie vous ay dît, à Mabile : mais il n'y
fut longuement, qu'Oriane (qui étoit as-
sise entre Quedragant & Brian) se leua, &
prenant Brian par la main, lui dît : Ie vous
prie mon cousin, être témoin de ce que ie
manderai à la Roine de Gaule, & à Meli-
cie par Gādalīn, à fin d'ē dire des nouuel-
les au Roi mon pere, s'il s'en en quiert à
vous : & ce pendant le Seigneur Quedragāt
demeurera avec la Roine Sardamire, qui
le sçaura bien entretenir. Mais Brian qui
étoit des plus gētis & facecie⁹ Cheualiers
du monde, ne voulut la suyvre, ains en se
souzriant luy répondit : Ma Dame, vous
me pardonnerés, s'il vous plaît : car étant
ordonné (comme ie vous ay dît) à aller
vers le Roi pour vōtre affaire, mes com-
pagnons me tiendroyent pour suspect, &
auroyent cause de douter que ie fusse
tellement suborné de vōtre parler graci-
eux, que ie me rendisse plus dous enuers

Am. 4.

lui, que ie n'ay charge ou desir de mē mō-
strer. Voylà, dît Oriane pourquoi ie vous
prie d'entendre ce message, à fin qu'en
oyant reciter par moi-mêmes partie de
mes tribulations (lesquelles ie desire être
cōneuës, non seulement en la grand' Bre-
taine, ains aussi en toutes les autres con-
tre'es de la terre) vous soyés plus enten-
tif à moyenner ma pais, & à faire deliurer
de prison ces pauvres Damoiselles que
vous voyés icy, toute-fois ie croi bien
que vous n'êtes tant affectionné à au-
cunes d'elles, qu'elles vous puissent di-
uertir de vōtre deliberation. Et ce di-
soit Oriane de tant bonne grace que tous
y prenoyent plaisir, spécialement Brian,
lequel combien qu'il fut ieune, beau, &
de belle taille, si étoit il plus adonné à
suyvre les armes que l'amour, encores
qu'il se trouuāt peu de Cheualiers plus
prêts à mettre l'épee au poing que lui,
pour defendre les Dames, ou elles auoy-
ent besoing de son ayde : étant par ce
moyen amy de toutes en general leur fai-
sant mille seruices particulièrement, ce
que voulant bien faire entendre à Oria-
ne, luy répondit : Par ma foy, ma Dame,
vous aurés de moi telle estime qu'il vous
plaira : mais si ie demourois plus gueres
en si bonne compagnie, ie craindrois grā-
dement perdre en peu de tems, ce que j'ai
gagné sus moy, depuis que ie me con-
nois. Ainsi j'ayme trop mieus m'en éloi-
gner, & l'aissier en ma place mon Seigneur
Amadis, & vōtre cousine, qui vous serui-
ront pour témoins, si bon leur semble.
De cete parole chacun se print à rire : car
il se retira de telle grace, qu'il sembloit
propremēt qu'il eut crainte de ce qu'il di-
soit, & laissa Oriane tout ioignāt Amadis,
lequel n'auoit parlé priuément à elle,
depuis qu'il sortit du seruice du Roi Li-
suart. Au moyen dequoy, la voyant lors
si à propos pour luy dire ce qu'il pensoit,
deuint tant éperdu, qu'il commença à
trembler sans pouoir proferer vn seul
mot. Mais Oriane qui auoit auancé

B 3

sa

LE QUATRIEME LIVRE

sa main dextre sous son manteau, print la sienne, & en la luy serrant (pour témoignage de l'affectiō qu'elle lui portoit luy dit: Mon ami, encores que ie ne pourrois auoir en ce monde plus grand aise, que la continuëlle jouissance de vôtre presence, mon malheur veut pourtant qu'étant si près l'un de l'autre, nous soyons priués de tel bien: & toutefois ie me sens fort obligee à fortune, pour m'auoir fait mettre en vôtre puissance, ainsi que j'ay toute ma vie désiré, & de laquelle aussi ie n'espere partir tant que l'ame me residera en ce corps, qui ne nâquit oncques (comme ie croi) que pour être dedié à vous servir & obeir. Et neant-moins ie connois bien qu'en frequ'entant l'un avec l'autre, ainsi que nous souliions faire en la grand' Bretagne, mon honneur en pourroit être endommagé: car la nouvelle de ma prise eût dé-jà tant diuulguee, que si ne dissimulons nos passions il nous en pourra trop auenir de mal. Et par ainsi il eût bien meilleur de nous gouverner plus par prudence, que par force d'affection. Ce faisant lon presumera tou-jours que l'ayde que vous nous aués faite, a été suivant la bonne coutume de tous les Cheualiers, qui n'espergnent leurs vies pour secourir les personnes affligees, principalement les femmes si mal traitees comme j'ay été. Et croyés, mon amy, que si ne suyus en cét endroit mon conseil, en nous cuydant aprêter quelque aysé & grand contentemēt, nous nous formalisons contre le bien, auquel nous aspirons de si long temps. Ma Dame, répondit il, ie ne pensay oncques qu'à vous obeir, ny ne feray tant que viuray, étant certain que ie ne pourrois pas viure autrement, mais pour Dieu ayés pitié de moy: car si vous m'élongnés ainsi, sans que ie vous voye plus souvent il eût impossible que la melancolie, qui me suyt, ne me maitrise de tout point, & que ie ne meure en trop de langueur. Je ne dy pas que nous vissions des priuautés, que de vôtre grace

vous me faisiés en la grand' Bretagne deuant vn chacun: mais la nuit obscure pourra quelque fois nous contenter tous deus par le moyen de ma cousine. Mon amy dît Oriane, ie m'ébaïs de vous qui ayant eu tant d'assurance de l'amitié que ie vous porte, semble que vous en doutés encores: estimés vous que ie ne vousif se autant vôtre aysé que vous mêmes? Sus mon Dieu, ie n'ay plaisir que par le vôtre, ny aysé qu'en vous voyant satisfait. Mais considerés le tumulte, auquel nous sommes, & que si nous étions tant soit peu decouuers, ce seroit la ruïne de tous deus: Tel a maintenant l'œil sus nous pour regarder nos contenance, qui ne s'en soucyoit lors que nous étions ensemble en la compagnie de la Royne, & sommes éclairés de si près, que sans trop de danger ne pourrions faire ce que vous dites & pourtant excusés moy ie vous en prie, en vous contentant pour cét heure, q̄ ie suis telle en vôtre endroit, q̄ ie vous ay promis & juré. Ma Dame, répondit Amadis, j'essayerai de faire tout ce qu'il vous plaira, & de me gagner de tout point pour vous complaire, combien que ie doute beaucoup q̄ ie n'auray force pour de tant me forcer, si elle ne me vient par vôtre faueur, de laquelle il semble que vueillés m'étrâger, sans vous auoir offencée, ny en dît, ny en pensée, & ie le prends sus la dannation de mō ame. Ce disant les grosses l'armes luy tomboyent des yeus, quand Oriane luy dît: Eloigner? mon amy! Dieu me doint la mort plutôt. Je connois trop vôtre loyauté, & n'en veus autre témoignage, que celui mêmes que me rend ma propre conscience: par ainsi ie vous prie ne me sçauoir malgré de ce que ie vous dy: car la crainte que j'ay de vous voir encores tant longuement absent de moy, que vous aués été ces annees passées me fait parler ce langage. Et puis que voulés que ie vous die d'auantage, face le Roy mon pere pais ou guerre avec vous, il ne me pourra faire en vô-

tre endroit autre que ie suis. Et comme elle vouloit continuër son propos. Mabile, qui leur seruoit d'ombre, aperceut que plusieurs auoyent l'œil sus eus: par quoi elle leur dît: C'ët assés pour vncoup, chacun vous regarde. Mon amy dît Oriane, essuyés donc ces larmes, & demeurés avecques vòtre cousine, laquelle vous fera entendre chose que vous ne sceutes oncques, & de quoy vous aurés plaisir, comme ie croy: puis les laissa ensemble, & retourna ou étoient la Roïne Sardamire & Brian. Lors Mabile cōmença à lui reciter bien au long, comme Esplandian auoit été né, & que sans doute il étoit fis de luy & d'Oriane & mêmes la sorte qu'il fut perdu en la forêt, ainsi que Durin & la Damoiselle de Dannemarc le portoyent pour le faire nourrir, & finalement toutes les auantures qu'il auoit eues iusques à être mis au pouuoir de sa mere, comme vous aués peu entendre par le recit du troisième livre: dont Amadis fut si ayse que rien plus, & répondit à Mabile: Croyés, ma cousine, que ie m'en suis toujours douté: car reuenant de Constantinople ie rencontraï par fortune Angrioté d'Éstrauaus en la Romanie, lequel me conta tout ce que vous me dites d'Esplandian: mais il ne sçauoit de qui il étoit fis, neant-moins il me tomba au cueur soudainement, que ma Dame Oriane & moi y auions ensemble bonne part, me souuenant de la lettre que ie receu de vous par Gandales, étant encores en l'Île Ferme, par laquelle vous m'écruies, que ma lignee étoit augmentee, toute-fois ie ne pouvois presumer la sorte. Or maintenāt i'en suis, Dieu mercy & vous trefasseuré, & plus content que si i'auois conquis la plus grand'part de tout le monde: non seulement pour être pere d'Esplandian, mais pour l'auoir engendré en celle, que nôtre Seigneur a preférée à tout autre, soit en vertu, beauté, ou bonne grace: & pour laquelle i'ay tant souffert, que si i'auois moyen de vous exprimer partie seulemēt

de l'énuy qui m'a acompagné durant l'absence d'elle, vous me plaindriés encores plus que vous ne faites: Mais fortune m'en a trébien recompensé, me faisant venir à temps pour la deliurer des mains de ses ennemys: car s'il fut auenu autremēt, c'étoit la fin d'elle & de moy, comme ie croy. Et maintenant ce qui me donne plus de peine, ët la crainte que i'ay qu'elle demeure malade par la continuelle melancolie qu'elle prend, se voyant hors de la presence de la Roïne sa mere, & en la mauuaise grace du Roi: parquoy ie vous prie ma cousine la reconforter le mieus qu'il vous sera possible, luy donnant esperance que ses affaires se porteront bien avecques l'ayde de Dieu, & de tant de bons Cheualiers, qui sont icy assemblés, deliberés d'être plutôt taillés en pieces, que de souffrir qu'il lui soit fait tort ou iniure. Et à cete cause nous auons conclud (premier que d'entreprendre la guerre) enuoyer vers le Roy Lisuart, pour essayer par tous moyens de le rapaiser, & le supplier la recevoir en sa bonne grace, rompant toutefois l'aliance qu'il a prinse avec l'Empereur, autremēt nous sommes resolus de ne la rendre jamais. Ce pendant nous auons depêché Embassadeurs de toutes parts, vers nos amys pour auoir secours d'eus à fin que s'il refuse les offres que nous luy presentons, & qu'il se iette aus chams contre nous, nous ayons de quoy luy répondre. Mon cousin, dît Mabile, ie feray tout ce que ie pourray pour vous, & ne tiendra à moy que ma Dame Oriane ne prenne bien sa fortune, vous assurant quelle nous a donné tant de peine, durant vòtre absence (principalement quand on luy parla de la marrier avec l'Empereur) que vous seriez ébaï du mal que luy ay veu souffrir: & pource que vous entendés assés qui en étoit cause, & quelle part vous aués en elle, ie ne veus perdre temps à le vous ramētevoir. Sufisē vous q̄ vous l'aués reduit en telle extremité d'amour, qu'il seroit

LE QUATRIEME LIVRE

impossible d'auantage. Et pource qu'à l'heure Quedragant, & les autres se vouloyent retirer, & déja ils prenoyent congé d'Oriane, Amadis, & Mabile mirent fin à leur propos. Lors sortirent les Cheualiers de la chambre & donnans le bon soir aus Dames, retournerent en leur logis, ou nous les la iſſerōs pour cete heure, à fin de vous cōter par qui le Roy Lisuart fut auerty de la mort du Prince Saluste Quide, & de la route des gēs de l'ēpereur.

Comme nouuelles vindrent au Roi Lisuart, de la deſſaite des Romains: & de la priſe d'Oriane, dont il fut déplaiſant.

CHAP. VI.

LA fin du troiſième livre vous a au long fait entendre, comme le Roi Lisuart livra ſa fille aus Romains, contre l'opinion de tout ſon conſeil, laquelle étant embarquee es nauires ordonnees pour ſa conduite, entra en plaine mer: parquoi le roi ſ'en retourna en ſon logis, beaucoup plus triſte qu'il n'en monſtroit ſemblant: & de trop plus luy augmēta ſa melācolie, quād il ſe vid ſi mal acōpagné au pris qu'il ſouloit être, mêmes qu'à l'inſtāt Brandoyuas le vint auertir, q̄ la Roynie ſe trouuoit trē malde l'ēnui & grāde fācherie quelle ſedōnoit. Au moyē dequoi il ſ'e allavers elle, & ne trouuant plus ſa fille ne les autres Dames & Damoiſelles, qui la ſouloyent acompagner, la triſteſſe qu'il portoit ſecrettement, cōmença à ſe manifefter, tant que les l'armes luy vindrent aus yeus: & ainſi qu'il entroit en la chambre de la Roine, auſſi tôt qu'elle l'auifa, cheut du haut d'ele éuanouie: mais elle fut ſoudain ſecouruē, & reuint incontīnēt à ſoy. Lors la print le Roi entre ſes bras, & pour la reconforter parla en cete ſorte: Ma Dame, ie penſois que vōtre vertu & prudēce vous deuſſent exempter de cete immodēſtie: ſpecialement étans les choſes (pour lesquelles vous vous tourmentés) conduites à ſi bonne fin que vōtre fille ſe peut dire au-jourd'huy l'vne des plus grandes

Princeſſes de toute l'Europe: pourtant ie vous prie faites meilleure chere, & ſi ne la voulés faire pour l'amour de vous, faites la au moins pour l'amour de moy, autrement vous me donnerés ocaſion de me mécontenter plus que ie ne voudrois. La Roine entendit bien tout ce qu'il diſoit combien qu'elle n'en fit cas ne ſemblant ains ſoupiroit ſans interuālle, qui emeut le Roi en telle pitié, qu'il ne ſe peut tenir de plorer: & pour n'être aperceu, ſe retira ſeul en vn iardin, ou il ſe promena lōguement, & iuſques à ce que le Roi Arban y ſuruint, qui ſans faire ſemblant d'auoir apperceu l'ennuy du Roi, lui dit: Si-re vos veneurs m'ont raporté qu'ils ont trouué en cete forêt prochaine le plus grand Cerf que vous vites oncques. Vous plairoit il point demain en auoir le paſſe-temps? Ouy vrayement, répondit il. Et cōme ils en parloyēt, arriuerent pluſieurs Cheualiers, léquels pour le diuertir de ſa melancolie le mirent en diuers propos, tant de la venerie, que de fauçonnerie: en ſorte que tout le reſte du iour ne fut parlé d'autre choſe. Mais le lendemain ainſi qu'il vouloit monter à cheual, fortune qui ne ſe contentoit de l'ennuy qu'elle luy auoit fait par le paſſé, aprēta nouvelle ocaſion de plus grande triſteſſe: car aucuns Romains échapés des priſons de l'Ile Ferme, ſe preſenterent à luy en trēmauuais equipage, léquels luy reciterent leur infortune, la priſe de ſa fille, & la mort du Prince Saluste Quide. S'il fut lors ébaï, vous les pouués penſer, toutefois vſant de conſtance & d'vne merueilleuſe prudence, ſe monſtra peu étonné, leur répondant cōme ſi la choſe ne lui eut quaſi touché que de loing: Mes amys, il me déplaît de la mort du Prince Saluste & du déplaiſir que vous aués receu: & quant au tort que m'ont fait ceus de l'Ile Ferme, ie ſuis coutumier de receuoir (& donner auſſi bien ſouuēt) tels alārmes, & plus prōpt encorēs à m'en ſçauoir venger faites bonne chere, & à mon retour i'auiferay de
vōtre

vôtre affaire. Lors apella l'un de ses mai-
tres d'hôtel & luy commanda les faire
bien traiter. Ainsi s'en partit le Roy Lisu-
art, réuuant quasi tout le lōg du chemin
tant qu'il vint en la forêt, ou il seiourna
trois iours entiers, faisant mourir à force
mains grans Cerfs: puis le quatrième en-
suyuant, s'en retourna en la ville, & vint
descendre au logis de la Roine, portāt vi-
sage plus ioieus, ce sembloit, qu'il n'auoit
fait depuis le partement de sa fille, & aussi
tôt qu'il fut entré en sa chambre, man-
da que chacun se retirāt. Lors s'assit en vne
chaire tout ioignant d'elle, & luy dît:
Ma Dame, aus choses de peu de cōsequen-
ce qui suruiēnt par acidēt, les personnes
ont quelque ocaſion de montrer passion,
& melancolie: toutefois ainsi qu'elle pro-
cede pour peu de cas, ainsi se doit elle ou-
blier avec peu remede: Mais quand lon ēt
offensé par quelqu'un, non seulement en la
personne ou biens, ains à l'honneur pro-
pre, adoncq' il ēt raisonnable d'en prédre
melancolie, & d'essayer par tous moyens
à y pourvoir de sorte que prenant ven-
geance de celui qui fait l'offence, on dō-
ne à cōnoître à chacun le déplaisir qu'on
a receu pour la grauité du cas. Et cecy ne
vous di-je sans cause, vous aués porté vn
dueil trop aparent pour l'absence de vô-
tre fille suyuant le naturel des meres, &
neant-moins ie m'estimois heureux pour
l'esperance que i'auois qu'il se pourroit
briuelement oublier: mais à la queue s'ēt
trouvé le venin, & tel, que ce qui en ēt sur-
venu me touche de tant près, que ie ne se-
ray iamais en repos, que ie n'en aye sati-
sfaction, ainsi q' ie la desire. Les Romains,
qui conduisoient vôtre fille ont été de-
faits, le Prince Saluste Quide occis, elle
& tous les autres prins prisonniers par les
Cheualiers de l'Isle Ferme, lesquels s'esti-
ment heureux de telle victoire, ayans fait
(ce leur semble) plus qu'autres ne firent
oncques en la grād' Bretagne. Et pour au-
tant q' la renommee en vollera par tout le
monde, il ēt bien requis maintenant que

vous diſſimulés, vsant plus de prudence
q' de passion: ce faisant vous demeurerez
grandement estimée, nos ennemys éton-
nés, & moy très-content de vous, esperant
y pourvoir en sorte que vôtre honneur &
le mien y sera entierement gardé. Enten-
du par la Roine cete nouvelle demeura
toute pensue, sans dire mot, & cōme elle
fut l'une des plus sages & auisees femmes
du monde, & autant aymāt son mary: va
soudain estimer, qu'il étoit trop plus ne-
cessaire de mettre pais entre le Roi &
ceus de l'Isle Ferme, q' d'aigrir d'auātage
le mal talent qu'ils auoyēt l'un cōtre l'au-
tre, & peu après luy répondit: Monsieur,
vous aués prins ainsi qu'il vous à plēu le
déplaisir q' i'ay porté pour la separatiō de
vôtre fille & de moi: mais quāt à la faueur
q' luy ont montré ceus de l'Isle Ferme, si
vous cōsiderés bien le tēs q' vous étiez Che-
ualier errant cōme eus, & ce q' vous eus-
siés fait lors en ce cas semblable, vous les
tiēdriés excusés en la pluspart de leur en-
treprise. Pêſés vous qu'ayās entēdu les re-
grets qu'elle faisoit, mêmes q' le bruit cō-
mun étoit par tout le pais, q' malgré elle
vous la mariés à l'Empereur q' cela ne les
ayt émeus à la secourir? veu qu'ils n'ont
chose plus recōmandee que l'ayde & se-
cours des Dames & Damoiselles, de quel-
les ils sont requis? par plus forte raison
doncques à vôtre fille qu'ils connoissent,
& estiment de long tems. Croyés, mon-
sieur, qu'ils n'ont du tout le tort, & q' vous
cōnoîtrés à la fin, que leur intention n'a
été de vous donner ennuy, presumās (peut
être) que vous ayés été importuné de
faire ce mariage & malgré vous. I'entends
bien que c'ēt, répondit il, vous en êtes (cō-
me ie croi) bien aise: mais par Dieu ie les
en feray repentir: & se leuant de grand
colere sortit de la chambre & entra en la
sienne, ou il trouua le Roi Arban, Grume-
dan, & Guillan le Pensif, qui l'atendoyēt
auxquels ils recita tout le propos qu'il a-
uoit eu avecques la Roine, & la réponce
qu'elle luy auoit faite. Et pource qu'ils le

LE QUATRIEME LIVRE

voyoiēt trop marry dissimulerēt sur l'heure ce qu'ils en pensoient , & l'adoucissans petit à petit changerent de propos: mais il auint que le lendemain ensuyuant , ainsi que la Royne sortoit de la messe , Durin frere de la Damoysselle de Dannemarc se presenta à elle, lequel se mettant à genous luy bailla vne lettre qu'Oriane luy écriuoit dont la teneur ensuyt.

Lettre enuoyée par Oriane, étant en l'Isle Ferme, à la Royne sa mere.

CHAP. VII.

MA Dame encores que vous soyés desia auertie (cōme ie croy) de mon infortune telle qu'elle a été , si m'a il semblé raisonnable , vous faire part de mes doléances : & pour le commencement de cete lettre vo⁹ supplier treshumblement considerer cōme mon malheur m'a poursuiuy apres m'auoir fait bannir de vos païs, de la presence du Roy mon pere, & de la vôtre aussi, chose qui m'a été quasi insupportable : toutefois non contente de celà , i'ay été menée par telle tempeste qu'étans deffaits les Romains qui nous conduisoient , nous sommes arriués en l'Isle Ferme, avec ceus, qui (sçachans le tort que lon nous faisoit) ont hazardé leurs vies pour nous garder de passer outre : & pource que ie doute que telle chose ne se pourra r'apaiser entre mô pere, & eus , sans grande effusion de sang, si vous ma Dame, n'en prenés le soing, i'ay pensé enuoyer ce porteur vers vous, vous supplier en l'honneur de Dieu, prendre cōpassion de vôtre fille trop desolée, & faire tant enuers le Roy, qu'elle retourne vers luy & en sa bonne grace ne l'ayant offensé , s'il n'a prins à déplaisir que ie luy aye trop obey: car en celà seulemēt ie metiens coupable , & non autrement. Et au demeurant pour vous auiser comme ceus au pouvoir déquels moy & mes femmes sommes à present, enuoyent Embassadeurs vers luy tant pour sçauoir comme il aura prins le secours qu'ils m'ont

fait, q̄ pour le supplier auoir pitié de moy: ainsi que i'ay donné charge à Durin de vous faire entendre premier qu'ils soient arriués , à quoy ma Dame, vous m'ayderez, s'il vous plaît , & à mettre pais aussi à si grande guerre ia commencée par le malheur, qui ēt en cete

*Vôtre treshumble & tresobéissante
fille, Oriane.*

APRES que la Royne eut bien leu & releu cete lettre, non sans larmoyer , dît à Durin qu'elle parleroit au Roy, puis qu'elle luy donneroit réponse : & comme elle s'enqueroit à luy quel traitement Oriane & les autres de sa compagnie auoient en l'Isle Ferme, le Roy survint, lequel elle retira en son cabinet , puis se ietant à ses pieds pleurant tendrement commença à luy dire : Helàs , Sire, pour l'honneur de Dieu prenés compassion de vôtre fille ! & lisés , s'il vous plaît , la lettre qu'elle m'écrit . Le Roy la voyant ainsi éplorée la releua, & prenant la lettre leut le contenu d'icelle , puis pour la contenter luy répondit : Ma Dame , les Embassadeurs seront icy de brief à ce qu'elle vous mande : ayés patience iusques à ce que ie les aye ouy parler : ils pourront vser de telle satisfaction enuers moy , que l'iniure que i'ay receuē par eus sera oubliée , & aussi ils me pourront dire chose que ie consentirois plutôt à la ruine de moy & de mes états , qu'à la pais : ayant trop mieus mourir en honneur pauvre & desherité , que vivre Roy puissant malheureux, & pusillanime , sous couleur des larmes de vous & de vôtre fille : pourtant ne m'en parlés plus , si ne voulés me fâcher, & la laissant là , sortit . Adonc elle apela Durin , & luy dît : Durin mon amy, retourne vers Oriane , & luy dy , que ie ne luy puis faire réponse iusques à ce que les Embassadeurs qui doiuent arriuer , soient par deça , & qu'autrement le Roy ne sçauoit determiner de son affaire : mais assurez la , que i'essayeray par tous moyens à faire ce qu'elle m'écrit , & que ie luy

luy prie d'auoir tou-jours deuant les yeux l'honneur d'elle, sans lequel ie luy desirerois la mort, se souvenant que la personne prudente & sage ét cogneuë en auersité, plus tôt qu'en temps prospere: & que d'autât que nôtre Seigneur l'a fait n'aitre Princeesse & fille de si grand Roy, il ét bien raisonnable que la vertu luy soit pl^{us} familiere qu'elle ne seroit à vne de plus basse condicion, quelque auersité qu'il puisse auenir, remettant le surplus de son affaire à Dieu, que ie supplie humblement être en sa garde, & la nous ramener bien tôt par deça. Durin ainsi depéché de la Roïne print le chemin de l'Île Ferme, & quelques jours apres son partement, ainsi que le Roy Lisuart se vouloit mettre à table pour dîner entra en la salle vn Ecuyer, lequel luy bailla vne lettre de creance qu'il leur, puis luy demanda à qui il étoit. Sire, répondit l'Ecuyer, ie suis à Quedragant d'Yrlande, qui m'enuoye vers vous pour l'affaire que vous entendrés, s'il vous plaît de m'écouter. Ouy vraiment, mon amy, dy ce qu'il te plaira, Sire, répondit l'Ecuyer, mon maître, & Brian de Moniafte, sont arriués de l'Île Ferme en vos païs, pour vous dire quelque chose de la part d'Amadis de Gaule, & autres Cheualiers, qui sont en sa compagnie: mais premier que passer outre, n'entrer en vôtre court, ils ont bien voulu vous en auertir, à ce (s'il vous plaît entendre que c'ët) qu'ils le vous puissent dire en toute seureté, autrement ils sont deliberés de le publier par tous les endroits de vos païs, & autres contrées étrangères auant que de retourner vers ceus qui les ont chargés de ce faire: pourtant, Sire, auisés à leur mander sur ce vôtre vouloir. Or pensoit bien le Roy à quoy ils tēdoient, & à cete cause il eût volōtiers differé à leur permettre entrer plus auant dās ses païs, ce qu'il ne pouoit faire sans être blâmé, considerant que tous Embassadeurs doiuent être en seureté, comme chose sacrée & inuiolable, & que le Prin-

ce qui leur meffait ét indigne du nom qu'il porte: parquoy répondit gracieusement à l'Ecuyer: Mon amy, vous dirés à ceus qui vous ont enuoyé vers moy qu'ils peuvent venir en ma court seurement, & que volontiers i'entendray d'eus ce qu'ils ont à me dire. L'Ecuyer ayant cete réponse retourna soudain vers son maître, lequel, & Brian de Moniafte auertis de cete réponse, se desembarquerent aussi tôt, & cheminerent tant qu'ils arriuerent le tiers jour ensuyuant à la court du Roy Lisuart, auquel ils se presenterent ainsi qu'il sortoit de dîner. Or les cogneut il assés tôt, comme ceus qu'il auoit veus maintefois: parquoy il les receut fort gracieusement. Adoncq' chacun s'ap procha pour entendre leur embassade, quand Quedragant ayant vn genoil à terre com mença à luy dire: Sire c'ët vne vertu très-louable & digne de recommandation entre les Roys & Princes, d'entendre par grand patience ce que les Embassadeurs des étrangers ont charge de leur declarer, ôtans d'entour eus toute passion, à ce que si l'Embassade qui leur ét faite les cōtente, ils en reçoient plus de ioye, & soient les Embassadeurs mieus recueillis & fauorisés: & au contraire s'ils leur dient chose qui leur déplaise, q̄ ce nonobstant il sachent dissimuler leur colere, & leur donner réponse gracieuse, pour le respect de l'état auquel ils sont apellés. Sire, ie vous supplie me pardonner, si i'ay vŕé de telle remontrance enuers vous, vous iurant sur mon Dieu, que ie ne l'ay fait pour doute que nous ayons eu de l'assurance qu'il vous a pleu nous donner: mais pour louer grandement la vertu de si bon Prince, qui tant librement nous a otroyé l'entrée de ses païs. Or, sire, l'ocasiō de nôtre venuë vers vôtre maiesté, ét par le commandement du meilleur Cheualier que lon cognoisse, Amadis de Gaule: & generalemēt de la part de tous ceus qui sont avec luy en l'Île Ferme, léquels vous mandent par nous, que trauersans païs & contrées étran-

LE QUATRIEME LIVRE

étranges, cherchans auantures ainsi que les autres Cheualiers errans sont coustumiers de faire, spécialement pour secourir les foybles que lon veut outrager sans raison: Ils ont été auertis par plusieurs, que vous, Sire, luyuant plutôt vne volonté legiere & desordonnee, que la iustice & equité, aués voulu (sans croire le conseil de nul des vôtres) desheriter au plus grand tort du monde ma Dame votre fille la donnant pour femme outre son gré à l'Empereur Patin: & de fait ne prenant compassion d'elle, ny de ses l'armes & pleurs, & moins regardant la fin de telle entreprinse & mécontentement de vos sujets, l'aués par violence liuree à ceus qui la vous ont demandee. Et pource que tel les voyes de fait, & iniustes, ne sont déplaisantes à Dieu seul ains à tous ceus qui en oyent parler, il a permis que nous y missions remede, & que les Romains qui la conduisoient avec ses Dames & Damoiselles vinsent en nos mains, léquels se metans en defence contre nous, ont été defaits les vns occis, & les autres prisonniers. Et quant à elles, ie vous auise, Sire, qu'elles sont de present en l'Isle Ferme avec bonne & grosse compagnie de Cheualiers, delibérés de leur porter tout l'honneur qu'il leur sera possible: car leur intention ne fut oncques ne pour vous fâcher, ny elles aussi: mais pour maintenir l'equité, & les garder de force & violence, ainsi que vous mêmes leur fistes iurer quelquefois à Vindilifore. Et pourtant ils vous suplient, que preferant vertu & raison à toute passion, il vous plaise reprendre ma Dame Oriane votre fille, & la traiter d'orénavant nō comme étranger, mais ainsi que pere doit son enfant sans l'éloigner ainsi de vous, ne des pais, dequels, si Dieu plaît, elle sera Dame & Roine après vous: & si vous sentés iniurié, ne voulant obtemperer à leur requeste, ils vous prient que pour eus vous ne luy déniés votre bonne grace: mais qu'en regnant en votre court, comme elle souloit

être, vous essayés puis après, si bon vous semble, à prendre telle vengeance d'eus que vous pourrés, vous asseurant, Sire, qu'ils sont delibérés, si vous les assaillés, d'eus bien defendre: pourtant auisés s'il vous plaît, à nous faire réponce: car vous aués en vos mains ou la pais, ou la guerre. Messieurs, répondit le Roi, pource que la vertu acompagne peu souuēt ny les temeraires harangues, ni les audacieuses réponses, & que l'une ne l'autre sont suffisantes, pour animer les cueurs pusillanimes, ie ne vous tiédrai long propos: mais usant plus de patience que ie ne devrois envers vous il suffira vous declarer que ie sçay trèsbiē que l'entreprinse qui a été faite par ceus de l'Isle Ferme, à plus été executée par presumption, que par la magnimité de courage (quelque chose q̄ vous ayés dit maintenant) tellement que d'autant que vous estimés y auoir aquis honneur, toute personne de bon iugement vous en doit donner blâme & vitupere: car ce n'est pas chose difficile de mettre en route, ou deffaire ceus, qui passent leur chemin sans soupçon ne crainte, spécialement lors qu'ils pensent être entre leurs amys. Et quand à la remonstrance que vous aués icy proposée tendant à fin de rapeller ma fille Oriane, sans plus l'éloigner de moi, ce n'est à vous à qui ie doÿ rendre conte de ce que ie fais, mais à Dieu seul, qui m'a (après lui) constitué souuerain en ce pais, pour le gouvernement d'icelui, & du peuple qui y habite: parquoy ie ne suis delibéré d'entrer en nul traité de pais avec eus, iusques à ce qu'ils m'ayēt fait reparatiō de l'iniure que i'ay receuē: lors i'auiserai à ce qu'ils me prient & non plutôt. Sire, dit Brian, nous n'auons pas charge aussi en sçauoir de vous plus auant, quant au surplus face chacun ce que bon luy semblera: car Dieu sçait l'ocasiō qui nous fit entreprendre ce que nous auōs fait pour ma Dame votre fille, & sus ce point il vous plaira nous donner congé. Allez à Dieu, répondit le Roi. Ainsi furēt ces Embassadeurs

bassadeurs depêchés, que Grumedan condui-
 t hors la ville enuiron vne lieuë, le-
 quel leur disoit en cheminant : Par mon
 Dieu, mes bons Signeurs, ie suis fort dé-
 plaissant de cete nouvelle fâcherie, i'auois
 tou-jours esperance de vous reupir enco-
 res quelque jour autant bien venus à la
 court q̄ vous fûtes oncques: mais ie m'as-
 seure bien maintenant, que la pais esperée
 arriuera bien tard, sans l'ayde de nôtre Si-
 gneur, cognoissant le cœur d'Amadis, le-
 quel ie n'eusse iamais pensé être en l'Île
 Ferme: car nous auons eu nouvelles qu'il
 étoit perdu passé a quatre ans, & m'ébâi
 comme il s'est trouvé tant à propos au se-
 cours de ma Dame Oriane. Signeur Gru-
 medan, répondit Brian, le Roy (peut être)
 cognoitra, avec le temps, quels nous som-
 mes, & de quoy nous luy seruions, & s'il
 entreprend rien sur nous, il verra que l'ys-
 suë en sera trop plus aigre, que n'en a é-
 té l'entrée. Quand à Amadis, vous le peu-
 tes voir n'agueres en cete court lors qu'il
 conquist la couronne sur les Romains, qui
 soutenoient la beauté des filles de la grâd'
 Bretagne plus excellente, que celle de la
 dame qu'il y amena. Sainte Marie! dit Gru-
 medan, que me dites vous? ét il possible q̄
 le Cheualier Grec fut Amadis? Croyés le,
 répondit Brian, c'étoit luy sans autre. Par
 mon ame, dit Grumedan, ie cognois bien
 que ie suis homme de pauvre iugement,
 veu que ie me pouvois assurer, qu'il eût
 été difficile qu'autre eût peu faire ce qu'il
 faisoit, & ne sçay ou i'auois les yeus & l'en-
 tendemēt: mais beau sire (puis q̄ desia vous
 aués tant fait pour moy) ie vous prie en-
 cores me dire, qui étoient ceus qui m'ay-
 derent au combat q̄ i'eue le jour mêmes.
 Qui? répondit Brian en se sous-riant, deus
 de vos plus grans amys, Angriote d'Etra-
 uaus, & Bruneo de bonne Mer. Si ie les
 eusse cogneus, dit il, ie vous assure q̄ i'eus-
 se tenu la victoire plus certaine que ie ne
 faisois, & suis content de confesser main-
 tenant que l'honneur leur en est iustemēt
 deu, & non à moy. Si vous cognois-je tāt

répondit Quedragant, que vous leur eus-
 siés donné beaucoup d'affaires. Tout tel q̄
 ie suis, dit il, croyés que ie seray toute ma
 vie amy & seruiteur d'Amadis, & de vous
 tous aussi, mō honneur sauve. Et ainsi de-
 uisans rencontrèrent Esplandian, qui re-
 tournoit de la vollerie, avec Ambor fils
 d'Angriote d'Etrauauus, lequel portoit vn
 Espriuer sur le poing, & aprochant deuant
 eus, Brian de Moniaste demanda qui il é-
 toit. C'est répondit Grumedan, le Damoy-
 sel Esplandian, duquel la sage Vrgande a
 tant predit de merueilles. I'en ay ouy par-
 ler quelquefois, dit Briā, ie vous prie beau
 sire, arrétés le, que nous le voyons à nôtre
 aise. Ce que fit Grumedan: car ainsi qu'il
 passoit deuant eus il l'apella, luy disant:
 Comment? Damoyse, voicy les compa-
 gnons du Cheualier Grec, qui à vôtre re-
 quête pardonna aus Cheualiers de l'Em-
 pereur: au moins mandés luy par eus de
 vos nouvelles. Mōsieur répondit il, ils me
 pardonneront s'il leur plaît, ie ne les co-
 gnoissois: mais pour l'amour du bon Che-
 ualier, ie voudrois bien auoir moyen de
 leur faire seruiteur, & s'il leur plaisoit luy
 baiser les mains de ma part, ils m'oblige-
 roient toute ma vie à eus. Vrayement mō
 mignon, dit Brian, ie prens sur moy cete
 charge, & la feray de bien bon cœur, en-
 cores qu'il ayt chagē de nom depuis que
 ne le vîtes, & s'apelle maintenant Amadis
 de Gaule. Amadis de Gaule? répondit Es-
 plandian, ie ne l'eusse iamais pensé: car i'a-
 uois ouy dire qu'il étoit mort, dōt i'étois
 fort déplaissant, pour tant de prouesses que
 lon disoit être en luy. C'est il sans doute,
 dit Quedragant. Ie vous assure, répondit
 Esplandian, que ie ne serois si marry de la
 perte de mon oyseau (que i'ayme tant) q̄
 ie suis ioyeus de sçauoir ce que vous me
 dites: pource q̄ si ie puis iamais être grâd,
 ie prieray tant la Roïne, qu'elle me don-
 nera congé d'aller avecq' luy, pour être
 puis apres Cheualier de sa main, s'il luy
 plaît me faire tant d'honneur. Mō enfant,
 dit Brian, Dieu vous en doint la grace, &
 sur

sur l'heure prindrent congé l'un de l'autre, Brian & Quedragant suivirent le chemin de l'Isle Ferme, & Grumedâ & Esplan dian s'en retournerent vers la ville.

Comme le Roy Lisuart tint conseil sus ce qu'il auoit à faire contre les Cheualiers de l'Isle ferme, et la resolution qui fut prinse.

CHAP. VIII.

A Prés que Quedragant & Brian furent partis de la court, le Roy Lisuart se trouua merueilleusement ennuyé, voyant qu'il entroit de plus en plus en affaires: & à cete cause delibera tenir le lendemain conseil, auquel il apella seulement le Roy Arban de Norgales, Grumedâ & Guillan le Pensif, lesquels étans assemblés leur commença à dire: Mes amys, vous sçaués l'injure que j'ay receüe par les Cheualiers de l'Isle Ferme, & le tort que ie me ferois, les laissant impunys: toute-fois pour ne me deuoyer du chemin que les Princes doiuent suivre, qui est ne rien faire sans meure deliberation de conseil, j'ay bien voulu entendre de vous la forme que ie doy prendre pour me venger, en sorte que d'oresenauant ils soyent exéple à ceus qui voudrôt faire semblables entreprises contre moy, pour ce que vous poués assés entendre combien le differer en tels actes est domageable, & la consequéce en quoy il pourroit tourner: pourtant ie vous prie, auilons ensemble à y donner remede, & que chacun de vous m'en die librement ce que bon lui en semblera. Premier, repōdit le Roy Arban de Norgales: Sire, puis que vous estes resolu de faire guerre contre Amadis, & ceus de sa ligue, & que n'aués trouvé bon l'offre qu'ils vous ont faite, il faut auiser de la conduire en sorte, que la gloire vous puisse demeurer: car encores que lon tienne pour certain la victoire estre es mains de Dieu qui la donne, ou, quand, & à qui il lui plaît: & communément selon le merite des personnes, si ne faut il

laisser de pouruoir diligemmet à tout ce qui est requis, auant que de l'entreprendre & sans mepriser vōtre ennemy, l'estimer suffisant pour vous donner beaucoup de peine, si la fortune le fauorise, veu q̄ bien souvent pour trop se confier, ou en son droit, ou en ses forces, il en auient la ruine & totale destruction de celuy qui pensoit (par trop grande presumption) la victoire certaine luy estre deuë: & toute-fois si bien vous considerés à qui vous aués affaire, il me semble, qu'une pais auantageuse pour vous, vous seroit autant honorable, qu'une guerre hazardeuse, & qui peut tourner en grande consequence. Vous connoissés Amadis, & les autres, desquels il est suporté, tous bons Cheualiers & gens de grand cœur, tous alliés de Roys & puissants Princes qui ne lui faudront pour mourir: & d'autre part, vous sçaués, que la pluspart de vos sujets n'ont jamais trouvé bonne la deliberation que vous printes, quasi de vous mêmes, sus le mariage de ma Dame vōtre fille à l'Empereur, dont s'émeut aujourd'hui cete guerre: Et par ainsi vous poués tenir seur que quelque mine qu'ils en facent, ils seroyent quasi contents q̄ vous eussies du pire, pour n'auoir suiuy leur fantasie, combien que ie ne fais doute que nul d'eus ne vous serue en toute loyauté. Vous dites vray, dit le Roy: mais nous ne sommes sus ces termes: ie ne vous demande conseil, si ie doy entrer à la pais ou à la guerre: ie veus seulement sçauoir de vous par quel moyē ie me pourray venger. Sire, repōdit il, par le premier propos que j'auois commencé vous le poués aisément connoitre, faites assembler vos forces, & enuoyés vers vos amys, pour auoir secours d'eus, spécialement à l'Empereur de Rome, à qui ce fait touche autāt qu'à vous: puis état vōtre armée prête, marchés sans sejourner droit contre ceus que vous deliberés assaillir. Mais auant q̄ de ce faire, il sera bon (ce me semble) que vous trouués moyen de r'appeller aucuns qui se sont éloignés de vōtre seruice, les vns par

par mécontentement, & les autres par facherie, afin que s'ils ne vous veulent ayder, qu'ils ne se deliberent à vous nuire: & qu'étant hors de vos pais ne fassent quelque entreprinse ou monopole cōtre vous s'il auenoit que fortune vous fût cōtraire: car bien souvent ce qui est dissimulé par force & longue épace de tems, se manifeste lors que la puissance de celui, contre lequel on conspiroit, est diminuée: parquoy, Sire, c'est l'un des principaus points à quoy vous aués de paruenir. Vrayemēt, dit le Roy, ie connois que vous parlés veritablement, & le feray, si ie puis. Sire, dit Grumedan, Amadis a été par cy deuāt tāt bien voulu en vōtre court, qu'il n'étoit possible d'auantage. Que pleūt à Dieu q̄ les méchans qui sont cause de son éloignement fussent morts auant qu'auoir été nés: & combien que ie soys grandement son amy, si ne lui feray- ie riē enuers vous qu'ennemy, tant que serés le sien: parquoy suiuant l'auis que vous a donné le Roy Arban, il sera bon qu'entre autre chose vous reconciliés à vous ceus qui ballancent de sa part, gagnāt petit à petit leurs cœurs, & volontés: ce que pourrés faire aisement en leur donnant bon visage & gracieuse parolle: puis ayant le secours de Rome, & d'autres vos aliés, comme les Roys d'Yrlande & de Suesse, ie croy que facilement vous pourrés executer vōtre intention, ainsi que l'aués deliberé. Ouy: mais, répondit Guillan, il faut donc, premier que rien entreprendre, sçauoir si lon finera de ceus que vous dites. Etes vous certain que l'Empereur s'en vueille mêler? lui qui est estimé homme de peu de foy, & mal voulu le possible des siens? Sçaués vous bien que le Roy de Suesse fera ce que vous dites? S'il plaît au Roi on enuoyra vers eus en diligence Embassades: pour les suplier de le fauoriser en cecy, leur remontrant qu'il leur en pend autant à l'œil, & que si vne fois la vengeance en est faite, que cela pourra demouvoir beaucoup d'autres de faire le semblable enuers

eus. Encores est ce trēbien auisé, dit le Roi: & pour- ce que vous, Seigneur Guillan, entendés cēt affaire, ie vous prie prendre la charge d'aller vers l'Empereur: car ie ne sache Cheualier plus propre pour le gagner que vous. Sire, répondit il, ie ne fus oncques né que pour vous faire seruice, quand il vous plaira me commander. Or vous tenés doncq̄ prêt, dit le Roy, demain ie vous depêcheray avec lettres de creance seulement, & le reste ie le vous declareray de bouche. Lors sortirent du conseil, & se retira chacun en son logis iusques au lendemain matin, que le Roy enuoya querir Guillan, auquel il dit: Guillan, suiuant ce que nous conclūmes hier, vous irés vers l'Empereur en la meilleure diligence qu'il vous sera possible, auquel vous ferés entendre, comme les choses se sont passées, ayant liuré ma fille es mains de ses Embassadeurs: laquelle a été depuis prinse & eleuee par force en l'Isle Ferme, ses gens tous morts, ou prisonniers: à quoi il doit auoir égard, redondant cete iniure autant ou plus à lui, qu'à moy. Mais que s'il veut m'ayder, & dresser quelque grosse armee pour en entreprendre la vengeance que de ma part ie n'y épergneray chose qui soit en ma puissance. Et si voyés qu'il y vueille entendre, trouués facon de le faire diligenter le plutōt qu'il sera possible, afin de ne donner loisir à nos ennemis, d'eus fortifier, comme ie suis seur qu'ils pensent. Sire, répondit Guillan, Dieu me doint grace de bien accomplir vōtre vouloir en cela, & tout autre chose ou il vous plaira m'employer. Mon amy, dit le Roy, voylà la lettre que ie luy écry, s'il est possible, partés demain de grand matin, & ie vous feray liurer l'un de mes nauires que vous trouuerés prêt. Sire, répondit Guillan, il n'y aura nulle faute, & prenant congé de luy, s'en alla donner ordre à ses affaires, puis s'embarqua, & le jour mêmes fut aussi depêché Brandoyuas, pour aller vers Galuanes en l'Isle de Mongaze, & de là en Yrlande,

dire

dire au roy Cildadan qu'il eût à amener les gēs qu'il étoit tenu fournir en tel cas. Et finalement Filipinel vers Gasquilan Roy de Suese, qui étoit autrefois venu en la grand' Bretagne, pour s'éprouver contre Amadis, & luy mandoit le Roy Lisuart, que s'il étoit encores en cete volonté, qu'il auroit mieus le moyen que jamais, étant la guerre entreprise contre luy: laquelle en peu de jours fut tant diuulgée, que les nouvelles en vindrent iusques à Arcalaus l'Enchanteur, dont il reçut trégrand plaisir, tendant par ce moyen à la ruine du Roy Lisuart, & d'Amadis. Pour à quoy paruenir, se retira incontinct vers le Roy Arauigne, lequel sçachant son arriuée, luy fit vn bien bon recueil, presumant bien qu'il n'étoit venu en ses païs sans grande occasion, & érans ensemble luy dit Arcalaus: Sire, ces jours passés i'ay sceu certainement, que le Roy Lisuart & Amadis de Gaule (les deus plus grans ennemys que vous puisziés auoir) sont en telle querelle, que sans esperer d'auoir iamais pais ensemble, ils font amas de gens, pour se donner la bataille, de laquelle il ne peut sortir que la finale destruction de l'vn, ou de l'autre, & peut être de tous deus ensemble. Et pource que l'ocasion vous apelle maintenant, tāt à vous venger de la perte que vous aués faite contre eus par le passé, qu'aussi pour étendre vos limites, en vous faisant Roy paisible de la grand' Bretagne, il me semble q̄ vous ne deués plus differer d'assembler vos gens, & semondre tous vos amis, à ce que durant l'empêchement des autres, vous puisziés facilement entrer dedans leurs païs, par l'endroit plus éloigné de leurs secours: & s'il auient qu'ils se rencontrent & cōbatent, il faudra sans dōner loysir au vainqueur de rafraichir ses gens, le surprendre, & luy donner si rude bataille, que nul d'eus n'en puisse échapper. Et entédés, Sire, que l'ocasion de leur inimytié procede, pource que le Roy Lisuart enuoyoit à Rome sa fille aînée, l'ay-

ant donnée pour femme à l'Empereur; mais Amadis de Gaule, l'vn de ceus qui se faisoit nommer à la bataille que nous perdimes dernièrement, le Cheualier des Serpēs, qui auoit (s'il vous en peut souvenir) l'armet doré, avec gros nombre d'autres, ont rencontré sur mer les Romains, qu'ils ont assaillis, & finalement defaits & mis à mort le Prince Saluste Quidē, proche parent de l'Empereur: les autres prins prisonniers, avec les Dames & Damoyelles, qu'ils ont menées en l'île Ferme, ou ils les tiennent encores: toute-fois ie ne vous sçauois bonnement declarer la cause qui les a meus de commēcer cete guerre: mais ie suis seur, que le Roy Lisuart, pour venger son iniure, fait la plus grosse armée qu'il peut, & aussi qu'Amadis a enuoyé de toutes pars pour amasser gens, & se deffendre, s'il ēt assailly. Et pourtant, Sire, durant ce trouble, vous aurés moyen (si vous voulés) de leur dōner à tous deus la plus grande trouffe du monde, les surprénans ainsi que ie vous ay dit. Et à fin que vous cognoissés à vœu dōcil vōtre victoire certaine, ie feray tant que Barsinan, signeur de Sāsuegue, fils de celui que le Roy fit brûler à Londres, & semblablement tous ceus du lignage de Dardan le superbe, qu'Amadis defit à Vindilisore, viendront à vōtre ayde, avec le Roy de la profonde Ile: par ainsi étant avecq' si gros nombre de bōs Cheualiers, il ne faut douter, que vous ne parueniés à vōtre intention. Mon grand amy Arcalaus, répondit Arauigne, vous me dites de grandes choses, & combien que i'eusse delibéré de ne tenter plus la fortune, m'ayant montré si peu de faueur par le passé, si seroit-ce grād folie (ce me semble) de laisser les choses qui s'offrent par tant de moyen à augmenter mon honneur & grand profit: car si en tel cas les entreprinſes guydées par raison prennent l'yssuē que lon desire, on reçoit le fruit de son labeur, tel qu'on le merite. Et s'il auient autrement, pour le moins on execute ce, en quoy vertu obli-

oblige les personnes pour maintenir leur autorité, lesquelles ne doiuent tant estimer les infortunes passées, q̄ quād l'heur se presente, ils different à le receuoir, sans perdre le cueur & demeurer tout le reste de leurs vies timides, recteus, & pusillanimes. Puis doncques que ie suis en ces termes ie vous croiray, vous priant (ce pendant que ie dresseray mon armee) donner ordre au surplus, & aller vers Barsinan & les autres, pour les faire ioindre avec nous. Ayant Arcalaus entendu cete resolution, fit peu se de iour avecq' le Roy Arauigne & prenant congé de luy, chemina tant qu'il arriua au pais de Sansuegue, ou il trouua Barsinan: auquel il recita tout ce qu'aues entendu, luy metant deuant les yeus l'execrable iniure que le Roi Lisuart auoit faite à son pere, le faisant bruler vif au pié d'une tour, du haut de laquelle depuis il fit ieter aussi son frere Gādandel, q̄ Guilan le Pésif auoit prins prisonnier. Et croyés, di-

soit il, q̄ sans cét Amadis de Gaule, Barsinan vōtre pere étoit roi paisible de la grād' Bretagne: mais ce méchāt suiuint, lequel après auoir recous de mes mains Oriane, fut cause de rôpre mō entreprinse. Or aues vous maintenant le tēs propre pour vous véger: pourtāt, si ne vōus voulés mōstrer lâche & malheureus, ne differés pour riē, veu mēment que le Roy Arauigne ét prêt d'y entendre. Facilemēt acorda Barsinan tout ce q̄ l'autre lui demādoit, & promit se ieter aus chāps, aussi tōt qu'il en se roit besoing: parquoi se retira Arcalaus vers le Roi de la profonde Ile, & lui fit semblables remonstrances qu'aues entendu: puis ayant obtenu ce qu'il desiroit, s'e retourna chés soi, & trauersant pais, auertit tous les parés de Dardā le Superbe d'eus tenir prêts, pour partir quand ils se roient mandés. Mais à present nōtre histoire s'en taira, & retournerōs aus fortunes qu'eurent Quedragant & Brian embarqués pour aller en l'Ile Ferme.

Comme Quedragant & Brian étans en haute mer, furent ietés, par la tempête, si loinz de leur chemin, qu'ayans perdu toute connoissance de terre, rencontrèrent casuellement la Royne Briolanie, & de ce qu'il leur auint.

CHAP. IX.



A Prés que Quedragant & Brian furent embarqués, singlerent en pleine mer, pour tirer droit en l'Ile Ferme: Am.4.

mais aussi tōt s'eleua vne telle tempeste, & vn si grand orage, que le plus assuré d'eus ne faisoit plus d'estime de réchaper, C voyant

LE QUATRIEME LIVRE

voyant les antéines & cordages de leur nauire rompre & briser, avecques telle impetuofité de vents contraires, que fans gouuernail ny aucune esperance de salut, ils l'habandonnerent à la misericorde de Dieu & des vagues, & tant leur courut fortune, que la nuit les surprint si obscure & plaine de tonnerres & éclairs, qu'ils n'eussent sceu voir l'un l'autre, i'usques enuiron l'aube du iour, que l'orage s'apaisa, & petit à petit la mer se rendit calme. Lors conneurent être fort éloignés de leur chemin: car ils découvrirent la côte du Royaume de Sobradise: & ainsi qu'ils se vouloyent r'adresser aperceurent vne grande nau surgir, laquelle ils delibererent aborder pour sçauoir qui étoit dedans. Et aprochans plus près, virent sus le tillac plusieurs Dames & Damoiselles, & quelques Cheualiers, qui s'ébatoyent ensemble: parquoy auant que passer outre, firent ietter en mer vne fragate, commandans à l'un de leurs Ecuyers aller decourrir qui ils étoient, & ou ils tiroient. L'Ecuyer fit diligence, lequel abordant le vaisseau salua humblemēt ceus qu'il auisa, leur disant, Signeurs, ceus de ce nauire vous prient par courtoisie leur dire qui vous êtes, & ou vous allés. Mon amy répondit l'un d'eus, dites leur qu'icy est la Roine de Sobradise, laquelle voudroit bien être en l'Isle Ferme. Ces nouuelles, dît l'Ecuyer, seront agreables à deus Cheualiers qui m'ont enuoyé vers vous: car ils tiennent ce même chemin. Ecuyer mon amy, répondit la Roine, dites nous doncques, s'il vous plaît, leurs noms. Ma Dame, dît il, cela ne puis ie faire, m'étant defendu: tant y a qu'ils s'étoient embarqués en la grand' Bretagne pour retourner au Palais d'Apolidon, ou ils fussent déja, si fortune ne les eut ainsi détournés: mais ie suis certain q' l'ayse qu'ils aurōt de vous auoir rencontree, leur fera oublier partie du mal qu'ils ont receu: pourtant ie m'en vois à eus, leur apporter ce que j'ay

trouué de vous. Ce disant tourna court vers le Nauire, dont il étoit party, & recita à Quedragant & Brian tout ce qu'aués entendu: de quoy ils furent merueilleusement ayés, & s'aprochans ioignirent le vaisseau ou étoit la Roine, laquelle ils saluerent. Or les auoit elle veus maintefois à Londres, & ailleurs: parquoy elle les reconneut, & pria tant, qu'ils sortirent de leur Nauire & entrèrent au sien. Adoncques les embrassa & fit très-bon recueil, leur disant: Sus mon Dieu, mes bons Signeurs (après Amadis de Gaulle, auquel j'ay tant d'obligation) il eut été mal ayse que j'eusse peu faire meilleure rencontre que la vôtre: mais ie vous prie contés moi quelle fortune vous a iettés par deçà: car Tantilles mon maître d'hôtel m'auoit asseuree, qu'il vous auoit veu faire voyle en la grand' Bretagne, pour les affaires de la Princeesse Oriane. Ma Dame, répondit Quedragant, Tantilles vous a dît verité, & auons été vers le Roi Lisuart, pour essayer à mettre pais entre luy & nos compagnons, qui sont en l'Isle Ferme. toutefois il n'y a eu ordre, & à ce que ie voi, nous sommes bien auant aus termes de la guerre. Puis lui recita les propos q' leur auoit tenus le Roi Lisuart, & la sorte qu'ils s'étoyēt partis de luy: mais nous ne fumes, dît il, quasi rentrés en mer, que la tempête nous surprint, si merueilleuse, que nous pensions tous être submergés, laquelle nous a poussés malgré nous iusques en ce lieu, ainsi que vous voyés. En bonne foi, répondit elle, nous en auons bien eu nôtre part, & craignois fort que nôtre vaisseau s'ouurit, veu les heurts qu'il a endurés: & entendés qu'il y a déja deus iours entiers, q' ie suis partie de Sobradise, expressément pour aller trouuer Amadis, & voir ma Dame Oriane, & les autres qui sōt avecq' elle & pensois bien faire plus grande diligence, craignant que déja le Roy Lisuart les eut renuoyés querir, estimant qu'il ne refuseroit les hōnêtes offres que
vous

vous luy aués faites, mais à ce que ie voy, il s'oublie grandement, dont ie m'ébai: & semble qu'il s'ennuye de sa fortune, voulant commencer si promptement la guerre contre ceus, dequels il a receu tant de seruices, dont il se pourra repentir tout à loysir: car Amadis trouuera tant d'amys à son commandement, que (peut être) le Roy Lisuart se verra deceu de son entreprinse. Quant à moi, j'ay pour cete cause laissé Tantiles derriere, avecq' charge expresse de leuer en mes pais iusques à douze cens hommes de guerre, & me venit trouver incontinent qu'ils seront prêts à marcher. Mais vous plaît il pas me tenir compagnie, puis que fortune nous a ainsi assemblés? Ma Dame, dirent ils, nous ferons ce qu'il vous plaira. Vous demeurerez doncques dedans mon Nauire, & le vôtre nous suyra: ce qu'ils luy acorderēt. Et ainsi reprindrent leur chemin deuisans de maints propos, tant qu'ils decoururent sus la mer deus Nauires de guerre, que Tiron auoit armées pour détrouffer & prendre la Roine. Ce Tiron (duquel ie vous parle) étoit fis d'Abiscos, qu'Amadis & Agraies deffirent en la ville de Sobradise, ainsi que vous aués peu entendre au premier liure de cete hystoire, par la mort duquel, & de ses deus enfans aînés demeurera Briolanie Roine paisible de toute la contree, excepté d'un seul Château auquel Tiron tiers fis d'icelui Abiscos fut sauué par un ancien Cheualier qui l'auoit en garde, & là le nourrit, iusques à ce qu'il parvint en l'âge de porter armes, & recenoir Cheualerie. Lors commença à faire merueilles, en sorte qu'il étoit réputé pour l'un des plus hardis & adroits Cheualiers que lon eut peu trouuer: ce que connoissant le vieillard qui l'auoit élevé, luy mit en fantasie de recouurer ses pais perdus: tant luy imprima la vengeance de ses pere & freres, qu'il delibera d'essayer à prendre la Roine Briolanie, puis se faire Roy s'il pouoit.

Et à cete cause, auerty qu'elle s'embarquoit pour aller en l'Ile Ferme, avecques petite compagnie, fit equiper ces deus nauires, & avec cent bons Cheualiers vint l'atendre sus le détroit, pour mieus executer son entreprinse. Déja commençoit le Soleil à s'abaisser & aprochoit la nuit, parquoy Brian & Quedragant doutans être assaillis, se mirent sus leurs gardes: car ils les virent à force de rames venir droit à eus, & comme ils furent quasi l'un contre l'autre, ils entendirent la vois d'un homme qui leur crioit: Cheualiers qui acompagnés la Roine Briolanie, dites luy que icy est Tiron son cousin, qui veut parler à elle, & qu'elle commande à ses gens de ne se mettre en deffense contre nous autrement que nous les taillerons en pieces, & elle aussi.

Quant la Roine l'entendit, elle fut surprise d'une si merueilleuse paour, qu'elle commença à trembler, & dit à Brian: Helàs nous sommes perdus! c'est le plus grand ennemy que j'aye en ce monde: & croyés qu'il n'est venu en tel equipage, sans esperance de nous faire le pis qu'il pourra. Ma Dame répondit Quedragant, n'ayés crainte de rien, s'il nous assaut il fera (peut être) mieus recueilly qu'il n'espere: car mon compagnon & dis de vos Cheualiers prendront la charge de resister à l'un de leurs Nauires, & moy & ces autres à Tiron, auquel il parla de cete sorte: Cheualier, qui desirés voir la Roine, s'il vous plaît d'entrer en son Nauire, elle vous écoutera volontiers, autrement non. Entrer répondit il, c'est bien mon intention, malgré elle & vous aussi. Et à l'instant tourna la prouë de son vaisseau, & aborda l'autre, faisant ietter les crocs pour mieus le joindre, puis donnant signe à son autre Nauire de faire son deuoir, commença l'assaut âpre & dangereux. Or étoit la partie mal faite, car ils se trouuerent peu du côté de la Roine, pour répondre à si grand force: parquoy Tiron qui combattoit pour sa

propre querelle, n'arresta gueres à se ietter dedans: mais il y seiourna plus longuemēt qu'il n'esperoit, pource que Quedragant & luy se rencontrerent, & combattirent tant ensemble, que Tiron fut abatu, prins & mis en seure garde, non-obstant que ses Cheualiers fissent tout leur possible de le secourir: toutefois à la fin n'en réchapa aucun de tous ceus qui le suyvirēt, sans être mort, ou prins: qui fut cause de refräindre la colere des autres, & perdre cueur, tant que petit à petit (pour gagner le haut) cōmencerēt à couper les cordes, ou étoient atachés les crocs qui tenoyēt les deus nauires couplés, dequoi Quedragant s'aperceut. Lors connoissant que Fortune étoit pour luy, mal gré les Cheualiers de Tiron entra dedans leur nauire, ou il fit telle execution, qu'en peu d'heure, il s'en trouua maitre. Ce pendant Brian tenoit front à ceus de l'autre vaisseau, & combien qu'il fut grieuement navré, si ne pouuoient ils rien gagner sus luy, ains voyans leurs cōpagnons perdus, habandonnerent le combat, gagnans la fuyte avecques la plus grande hâte qu'ils peurent, & par ainsi les Cheualiers de l'Isle Ferme furent victorieus. Au moyē dequoi Quedragant mīt gardes au vaisseau qu'il auoit conquis, puis r'entra en celui, ou étoit la Roine Briolanie, laquelle durant le combat s'étoit retiree en sa chambre, plus morte que viue, pour l'extrême frayeur qu'elle auoit: mais quand elle auisa Quedragant, elle print cueur, luy demandant qu'étoient deuenus ses ennemis. Ma Dame, répondit il, la plus part s'enfuyent, & des autres croyés que ie vous en répondray bien, principalement de Tiron. Adonc commanda à ceus qui l'auoyent en garde, que lon luy amenât, ce qu'ils firent. Lors pensoit il bien mourir cruellement: parquoi étant deuant elle se ietta à ses piés, lui disant: Helàs, ma Dame, pour l'honneur de Dieu ayés mercy de moi! & sans prendre garde à ma folle entreprinse, excusés ma ieunesse: ie suis

de vōtre sang, & pour vous faire quel que iour seruice, s'il vous plaît me sauuer la vie. Tiron, répondit elle, non pour l'amour de vous: mais pour aucune cause qui me meut, vous ne mourrés pas maintenant, aumoins tant que i'aye mieus auisé comme ie vous doi traiter. Puis le r'en uoya en sa prison, & suruint Brian fort navré d'un coup de flèche, qui lui auoit percé l'écu & le bras ensemble: dequoi la Roine fut si déplaisante que riē plus, craignant qu'il eut encores pis qu'il n'auoit: toutefois dissimulant ce qu'elle en pēsoit (elle qui se connoissoit trēbien en Chirurgie) luy dīt que ce n'étoit riē, & qu'en peu de iours le rendoit gueri, s'il se cōregardoit. Et à l'instant elle même le desarma, & mit l'apareil sus la place qui étoit necessaire puis faisans r'adresser leurs nauires, continuerent leur chemin droit en l'Isle Ferme, où ils arriuerent ainsi qu'Amadis & autres Cheualiers s'ébatoyēt sus la greue, lesquels voyās ces vaisseaus aborder, s'aprocherent pour sçauoir qui étoit dedans. A l'heure conneurent les Ecuyers de Quedragant & Brian, prendre terre: & comme ils étoient sus les termes de leur demander nouvelles de leurs maitres, ils les auiserent descendre au port: parquoy n'y eut celuy d'eus qui ne s'auançât pour les recevoir, & dōner la bien venuē: mais ils étoient ébahis, ou ils auoyēt prins les autres nauires qui étoient abordees quāt & eus. Ce que connoissant Brian, leur dīt: Messieurs, vous sçaués que quand nous partīmes de ce lieu, que nous n'en emmenāmes qu'un seul, & maintenant vous en pouvés voir quatre d'auantage, que nous auons conquis avecq' un butin plus grād que vous ne pensés: mais (dīt il en riant) si n'y aurés vous part, ny auantage: car puis que la fortune nous a fait le bien, il nous demeurera, non pas à vous qui êtes demeurés oyssifs, tandis que nous auōs tra uillé. Et bien, répondit Amadis, il nous suffira d'auoir part au plaisir que vous y aués, pourueu que vous nous declarés si la proye

proye èt si grande que vous voulés nous faire croire. Encores plus, dit Brian : & qu'ainsi soit, n'èt ce fait belle conquête que d'une Roine telle qu'èt celle de Sobradise, acompangnee de maintes belles Dames & Damoiselles, que vous verrés presentement? En bonne foi, répondit Amadis, le butin n'èt pas petit, & deuisans ainsi la Roine & ses femmes suruindrèt. Lors n'y eut celui d'eus qui ne fut au deuant pour leur faire honneur & bon recueil. Ce pendant on tiroit des nauires leurs hacquenees, sus lesquelles peu après elles monterent : puis furent conduites au palais d'Apolidon. Et en cheminant, Amadis, qui entretenoit Briolanie, luy di soit: Ma dame, ie suis merueilleusement ayse de vous voir par deça en bonne santé, & plus tenu à vous que ie ne fus oncques, ayant prins la peine de nous venir voir en tems de si grand' tribulatiō & auquel vous aurés moyē de recōforter ma Dame Oriane, que vous verrés (peut être) si ennuyee, qu'il seroit impossible de plus mais i'espere que vōtre presence luy sera tant agreable, qu'elle luy fera oublier la plus grande partie de sa melancolie. Monsieur, répondit elle, pour cete ocaſion feu le suis partie de mes pais, & Dieu sçait le grand déplaisir que i'ay porté durant vōtre absence, pour n'auoir de vos nouvelles, & le bien aussi que ce m'a été entendant par Tantiles vōtre arriuee, lequel i'ai laissé en mes pais pour leuer gens, & donner ordre à ce que m'aués mandé par lui, & moy-mêmes y eusse mis la main, n'eut été le trop d'ēuie que i'ay eu de venir deuant pour vous voir, & ma Dame Oriane aussi: & toutefois, sans l'ayde de Quedragant, & Brian, mon entreprinse étoit en dāger d'être par trop retardee, ainsi qu'ils vous pourrōt quelque iour faire entendre. Or auoit Amadis (incontinent qu'il veid la Roine Briolanie arriuer) enuoyé vers Oriane, lui faire entendre sa venuē, & prier de la recevoir en sa compagnie, ce qu'elle eut tresagreable: Car elle l'aymoit &

Am.4.

estimoit merueilleusement, & tant qu'elle dît à la Roine Sardamire: Ma Dame vous pourrés tantôt voir l'une des plus belles & gracieuses Princeſſes que vous vîtes oncques, & qui merite autant d'être bien recueillie: parquoy ie vous prie que vous, Mabile, & Olinde, alles la recevoir à la porte du parc, ou elle descendra, & lui faites le meilleur recueil q̄ vous pourrés. Et à cete cause elles trois, sans plus, si en allerent: & ainsi qu'elles ouuroyent l'huys arriua Briolanie acompagnee comme vous aués entendu, laquelle Amadis descendit de cheual, & auisant celles qui l'atendoyent, luy dît: A ce que ie voy, ma Dame, vous nous laissez: car voicy Ma cousine Mabile qui vous veut suborner, & nous priuer de vōtre compagnie. Or auoit elle entendu au parauant comme Oriane s'étoit retiree seule avecques ses femmes, sans auoir autre compagnie: parquoy elle lui répondit en se souriant: Aussi ne veus ie être d'orēuant autre que religieuse, ne voulés vous pas être mon confesseur? Ouy bien, ma Dame, répondit Amadis, & si vous sçaurai bien donner propre penitence, pour le mal que vous aués fait à ceus qui vous ont regardee, d'un œil trop affectionné. Disant cete parole il voulut entrer dedās le parc: mais Mabile l'arrêta, luy disant: Mon coulin, nōtre ordre defend q̄ ne passés outre, pour tant retirés vous s'il vous plaît, autremēt vous seriés excōmunié de la puissance q̄ nous auōs. Dieu m'en gard, répondit il, i'ayme rrop mieus vous donner le bon soir & à vōtre compagnie aussi, & prenant congé d'elles fut la porte refermee, & Briolanie conduite en la chambre d'Oriane, qui l'atendoit avec les autres Dames & Damoiselles, desquelles elle fut bien receuē. Adonc Oriane qui lui portoit amytiē singuliere, voulant lui faire entendre le plaisir qu'elle auoit de son arriuee, lui dît: Ma dame, vous aués beaucoup fait pour moy de prendre la peine à me venir voir de si lointain pais, & en tēs

C 3

de

LE QUATRIEME LIVRE

de telle affliction , me donnant par cela bien à connoitre , que la grand' amytié que vous m'aués tou-jours portée vous a ainsi acheminée & non autre chose: Madame répondit Briolanie, si plutôt i'eusse été auertie de l'état ou vous êtes, ie n'eusse tant différé à vous venir presenter moi-mêmes, & tout ce qui est en ma puissance: car outre le bien q' ie vous desire chacun sçait par quâtes obligations mō Seigneur Amadis m'a renduë sienne, & par ainsi les choses qui lui touchent ie les estime autant ou plus que les miennes propres, qui est la cause pour laquelle i'ay laissé derrière Tantiles, que vous connoissés, lequel vous verrés en bref de retour avec bone & grosse troupe de Cheualiers & gens de service qu'il leue en mes pais, ainsi que luy ay comandé: & ce pendant ie vous tiendray compagnie, s'il vous plaît, iusques à ce que vos affaires ayent prins la fin que vous desirés. Rien affectueusement la remercia Oriane, lui disant qu'elle arêdoit Quedragant & Brian qui étoient allés vers le Roy Lisuart pour traiter la pais s'il étoit possible: & combien que Briolanie sçeut la réponse qu'ils auoyent eue, toute-fois elle ne vouloit luy en parler aucunement, pource que Grasinde suruint, laquelle Briolanie n'auoit oncques veue, & desirant la connoitre demanda à Oriane qui elle étoit. Ie vous promets, répondit elle, que c'est la personne du monde, pour vne étrangere, à qui Amadis est le plus tenu: car sans elle vous ne l'eussiez iamais reueu pardeça. Adonques lui recita le secours qu'elle luy auoit donné par le moyē de maitre Helisabel, l'honneur & bon traitement qu'elle lui fit en ses pais & finalement tout ce qui vous a été cy devant déclaré. Et à fin, dit Oriane, que vous ayés le plaisir d'entēdre d'elle même comme elle le trouua, s'il vous plaît nous souperons ensemble, sans qu'il y ayt autre compagnie avec nous trois que Mabile. Et ce faisoit Oriane, non pour donner seulement plaisir à la Roïne Briolanie:

mais à elle mêmes, qui n'eut été rassasiée d'ouir conter ce propos milé fois le iour & partant apella Mabile, & luy dit: Ma cousine, la Roïne Briolanie se treuve mal, & est lassée du trauail de la mer, donnés ordre que lon couure pour le souper en cete chambre, ou ie ne veus qu'il y ayt autre avecq' nous que Grasinde. Ce que Mabile fit incontinent entendre aus autres: & à cete cause elles se retirerent toutes, laissant ces quatre Dames ensemble, lesquelles peu après se mirent à table: & ainsi qu'elles étoient au mylieu de leur seruice, Oriane qui ne tâchoit qu'à mettre Grasinde sus les termes d'Amadis, luy dit: Ma Dame, ie contoie n'agueres à la Roïne Briolanie du cōbat d'Amadis, & de l'Endriague: mais elle ne me veut croire, si vous ne luy assurez: pourtant ie vous prie faites moi ce plaisir de luy reciter tout ainsi que luy & maitre Helisabel le vous ont affermé: & aussi la sorte que vous le trouuâtes premierement aus champs. Adonques Grasinde pour leur complaire, se mit à discourir cōme sortât de Sadine (la ville principale de ses pais) acompagnée de plusieurs cheualiers mêmes de Brâdasidel aperceut d'assés loing Amadis cheminant le long de la marine, tenant contenance d'homme plein de très-grande tristesse: & bien le nous fit entendre, dit elle: car aussi tôt qu'il nous auisa, il se détourna du chemin, tout ainsi que s'il eut voulu euitter le combat, de son propre ennemy. Ce que voyant Brâdasidel, qui me portoit lors quelque amitié me dit: Voyés ie vous prie la hardiesse des Cheualiers qui se nomment errans, aussi tôt que cétuy là m'a aperceu, craignant les coups à tourné bride. Par Dieu ie ne porteray iamais cuirasse en dos si ie ne le r'ameine vers vous, plutôt qu'il n'en est délogé, puis ie vous en feray present pour vous seruir d'éclaué. Lors combien que ie l'en détournasse à mon pouuoir, si voulut il passer outre, tant qu'il l'ataignit, puis le voulut contraindre

traindre de retourner arriere : mais Amadis, qui le doutoit peu, ne fit cas de ses menaces, parquoy entrèrent au combat, ou Brâdasidel receut si mauvais traitement, que finablement il fut puny de la même peine qu'il auoit établie, qui étoit telle; que le vaincu seroit tenu de monter à recullons sus son cheual, & tenir la queue au lieu des rênes: dont ie fu fort ébaïe, quand ie le vy retourner en tel equipage, si honteux qu'il eut voulu être mort, comme il monroit bien à sa contenance. Adonc ie luy demanday qu'il auoit fait du Cheualier qu'il me devoit amener: mais (sans dire vn seul mot) passa outre. Et à cete cause i'enuoyay l'une de mes femmes vers Amadis, le prier par courtoisie qu'il vint parler à moy. Ce qu'il ne refusa & deuisâmes depuis longuement ensemble: & en deuisant soupiroit à tous propos, qui me fit sus l'heure iuger de luy que force d'amour le maitrisoit, & qu'aymant quelque Dame (de laquelle il se voyoit, peut être, mal traité) s'étoit absenté d'elle, sans se vouloir faire connoître, & aussi qu'il étoit autre qu'il ne se monroit: parquoy ie l'importunay tant qu'il m'accorda venir loger chés moy, ou il seiourna quelques iours, durant lesquels ie luy fis si bonne compagnie, que le voyant tant beau, & de si bonne grace, il me sembla que celle qui le pourroit auoir pour amy, ou mary, se devoit tenir heureuse. Et combien qu'au par auant son arriuee i'eusse eu peu de fantasie à prendre tel party, étant encores nouvellement vefuë: si ne fut il en ma puissance de me garder, que ne deuinssé plus amoureuse de lui que ne fut oncq' femme d'homme: tellement que sans prendre repos iour ou nuit, ie l'auois continuëlement en ma pensée, tant qu'à la fin ie m'auiſay de decourir partie de mon mal à Gandalin, qui me sembloit Ecuyer bien auisé, ainsi que ie conneus puis après par la réponce qu'il me donna. Car sans rien me declarer de l'affai

re de son maitre, me fit bië entendre qu'il pouvoit si peu commander à soy-mêmes, que ie ne deuois esperer nulle part en lui & le croyant ie conclud qu'il me valoit mieus tôt que tard éteindre ce feu ia allumé. Parquoy de là en auant ie trouuay moyen (non sans peine) de distraire ma fantasie du chemin que i'auois prins, aussi qu'il s'en partit pour aller en Constantinople, comme il auoit deliberé. Et pour ce que i'aspirois à obtenir ce que i'ay eu par son moyen, ie luy fis promettre de retourner vers moi dedans l'an, ce qu'il fit, non sans auoir beaucoup souffert entre deus: puis leur recita le combat qu'il eut contre l'Endriague, & finablement toutes les auentures qu'il eut en ce voyage. Par ma foy, ma Dame, dît Briolanie à Oriane, oyant parler ma Dame Gracinde, il m'est souvenu de la premiere fois que ie vous fus voir à Mirefleur, que mon Seigneur Amadis passa deuant les pauillons que i'auois fait tendre, sus le chemin pour prendre la fraischeur, & que réuant comme quand elle le rencontra, les Cheualiers qui m'accompagnoient eurent semblable auanture que son Brandasidel: car le cuydant faire venir parler à moi par force ils furēt tous abatus & fort navrés. Vous me l'aués autrefois conté, répondit Oriane, laquelle prenoit toutes ces choses à son auantage, étant asseuree que la melancolie d'Amadis, ne lui procedoit d'ailleurs, que de la grâde amour qu'il luy portoit: & sus l'heure s'en allerent coucher: car il étoit déja tard.

Du raport que firent Quedragant & Brian, aus Cheualiers de l' Ile Ferme, de l'Embassade ou ils auoyent été enuoyés, & de ce qui en fut ordonné.

CHAP. X.

Quedragant, & Brian, Embassadeurs vers le Roy Lisuart, étas de retour en l' Ile Ferme ainsi qu'il vous a été amplement écrit, voulant rendre raison du fait de leur Embassade, se trouverent le lendemain au

LE QUATRIEME LIVRE

conseil auquel pour cete ocaſiõ étoÿet afſemblés Amadis & tous les autres Cheualiers: au moyẽ dequoy Quedragãt portant la parole, pour lui & ſon compaño, cõmença à reciter bien au long les propos qu'ils auoyent eus avec le Roy, & la rãpõce de lui laquelle dît Quedragant, a été ſi courte, que nous ne ſçaurions penſer autrement, ſinon qu'il ſe delibere de nous traiter le pis qu'il pourra, voyãt l'ordre qu'il donne à recouurer gens de toutes parts, faiſant état de nous auoir à ſa mercy: dequoy nul de nous doit être marry, veu que ce nous ſera vn moyen d'acquérir hõneur & cheualerie, plus qu'ẽ nul le autre faiſon: car ſi nous emportõs la victoire, il en ſera parlé par tout le monde. Et ainſi q̃ bien ſouuẽt en telles entrepriſes il y a diuerſités d'opinions, les vns fauoriſoyent à la guerre: & les autres à la pais. Mais Agraies qui portoit peu d'amitié au Roi Liſuart, pour l'ocaſion qu'a ués peu entendre, entreprint la parole deuant tous, diſant: Je ne ſçai, mes Signeurs, comme honneſtement nous puiſſions différer à entreprendre cete guerre, veu la iuſte ocaſion que nous en auons, & mêmes que dé-jã nôtre ennemy fait ſemblant de nous venir trouuer: toute-fois qui me voudra croire, il n'en aura pas l'hõneur, ains diligenterõs d'aſſembler nos forces, & marcherons droit en ſes païs, nous faiſans cõnoître tels que nous ſommes: car ſi vne fois nous permettõs qu'il marche iuſques icy, croyés que nous lui ferõs enfler tellement le cueur, q̃ lui (qui de nature ẽt preſumptueux) penſera dé-jã auoir le deſſus de nous, & en ſerons en pluſieurs endroits mal eſtimés, donnans occaſion à mains de douter tant de nôtre bon droit, que de celui de ma Dame Oriane, pour laquelle nous ſommes tombés en ces termes. Quant à moi ie vous iure ſus mon honneur, que n'eut été la grande priere & requête qu'elle m'auoit faite, de ne détourner la pais, ie n'euffe iamais conſenty q̃ lon eut enuoyé Embaſſade en la grãd

Bretaigne étans ſi outragés comme nous ſommes: mais puis que nôtre ennemy ſe declare tant contre nous, ie ſuis maintenant quitte de ma promeſſe, & reſolu de n'entrer iamais en amytiẽ ou aliance avecq' lui, iuſques à ce qu'il ayt ſenty combiẽ nous luy pouons nuyre ou ayder, veu qu'auons moyen de recouurer gens autãt belliqueus, que ceus qu'il amenera. Ainſi meſſieurs, ie ſuis d'auis que nous nous deliberions à la guerre, & que ſans plus différer, auſſi tõt q̃ nôtre ſecours ſera arriué, nous marchions droit à Londres pour luy donner la bataille ſ'il vient au deuant pour nous combattre. Cete reſolutiõ pleut merueilleuſement à Amadis, lequel iuſques adonc auoit été en vne étrange peine, craignant que la guerre ſe différât, & qu'il fut contraint de rendre ſon Oriane, qui lui eut été trop de malheur: parquoy voyant que dé-jã la plus grand' partie d'eus ployoit du côté d'Agraies, pour renforcer d'auantage cete opinion, lui rãpondit: Mon couſin ie n'ay encores veu nul qui ne fut prêt de faire ce que vous dites, & ſi quelqu'un à debatũ les inconueniens qui peuuent communément auenir en la guerre, ce n'ẽt pourtant à dire qu'ils ſ'en vueillent exempter, ains pour y pouruoir, comme il ẽt bien raiſonnable: & quant à ce que trouués bon que nous entrons es païs du Roi Liſuart, ſans lui donner le loĩſir de nous venir trouver icy, j'ay toujours eu cete deliberacion en mon eſprit, ſi le reſte de vous, mes Signeurs & bons amys, le voulés ainſi: car par ce moiẽ (nous ſentant aprocher ſi près de luy) il changera (peut être) incontinent d'opinion, & nous requerra de faire ce dont nous l'auons ſuplié autrefois. Lors il n'y eut celui en toute l'aſſemblee quin'acordãt de ce faire: & à cete cauſe la guerre fut arrẽtee, & dépẽchés gens & eſpies de tous côtés tant pour entendre nouuelles de la grand' Bretaigne que pour aſſembler l'armee qu'ils vouloyent mettre ſus.

Comme

Comme maitre Helisabel arriua es pais de Grasinde, puis passa en Constantinople vers l'Empereur suiuant le commandement d'Amadis.

CHAP. XI.

A Prés que maitre Helisabel fut embarqué, il eut si bon vent, qu'en peu de jours il print port en la Romanie. Lors manda les principaus des pais de Grasinde, ausquels il fit entendre la charge qu'il auoit, leur cōmandant expressément faire tenir prêts le plus grand nombre de gens de cheual & de pié qu'ils pourroyent, pour passer en l'Ile Ferme, incontinent qu'il seroit de retour de deuers l'Empereur, ou il étoit pressé d'aller pour semblable cause. Ce qu'ils lui promirent faire: parquoy laissaient là pour les solliciter vn sien neveu nommé Libee, ieune Cheualier, & de bon cœur, rentra en mer, faisant voile en Constantinople, ou il arriua sans aucun empêchement. Et étant descēdu vint trouver l'Empereur acompagné de plusieurs Princes & grands Signeurs, auquel après auoir fait la reuerence, presenta la lettre d'Amadis de Gaule. L'Empereur qui le connoissoit de long tems, luy fit trēbon recueil, & luy demanda ou il auoit trouvé cēt Amadis, duquel il auoit tant de foys ouy parler. Sire, répondit maitre Helisabel, vous le pourrés entendre par cete lettre, s'il vous plaît la faire lire: ouy vrayement, dit il. Adonc la déploya, & vid bien au long ce qu'elle cōtenoit: mais il fut trop ébaï quād il cogneut que celuy que lon nōmoit le Cheualier à la Verde Epee étoit Amadis de Gaule, qui s'étoit ainsi celé à lui, durāt le sejour qu'il fit à Constantinople, & dīt à maitre Helisabel. Par tout tant que ie tiens de Dieu vous aués eu grand tort, q̄ vous ne le me fites connoitre, luy étant par deçà: car ie l'eusse traité, non comme Cheualier errant, ains comme Prince & grand Seigneur qu'il ét. Sire, répondit Helisabel, ie vous assure que ie ne sceu oncques qu'il se nommāt Amadis, tant q̄ nous fumes arriués en l'Ile Ferme, & lors se

declara à nous: mais au parauant il se faisoit apeller le Cheualier Grec: car il craignoit trop être conneu par le nō du Cheualier à la verde Epee, depuis qu'il fut party de vous: pour-ce qu'il auoit promis à ma Dame Grasinde de la conduire en la court du Roy Lisuart, & là maintenir contre tous, qu'elle étoit plus belle femme q̄ la plus belle fille du pais. Adonc luy cōta bien au long comme le tout s'étoit passé, spécialement le combat qu'il eut pour cete cause contre les Romains, qui l'entreprindrent par grande presumption, dont mal leur en vint. Et croyés, Sire, dīt il, qu'ils pensoyent assurement auoir affaire à vn Cheualier Grec, tellement qu'au parauant qu'ils entraissent au combat, ils faisoient peu de cas de lui, disans publiquement qu'oncques Grec n'auoit eu la hardiesse de combattre Romain seul à seul, & qu'ils viendroyēt aisēmēt à bout de cetui ainsi qu'ils auoyent fait de plusieurs autres: mais la chance tourna tout autrement qu'ils n'esperoyent: car ils furent deffaits l'vn apres l'autre, sans grande resistance. Vrayement, dīt l'Empereur, ie luy en sçay trēbon gré, & croyés, que si i'auois moyen de luy faire quelque grand plaisir qu'il cōnoitroit que ie suis son amy tout outre. Sire, répondit maitre Helisabel, ie suis assure que vous l'aués bien, s'il vous plaît, & vous en supplie treshumblement. Comment? dīt l'Empereur. Sire, répondit il, après qu'il eut abatu l'outrecuidance des Romains, il se retira en l'Ile Ferme, qui ét sienne, ou il trouua grand nombre de Cheualiers, prêts à eus mettre en mer, pour aller secourir ma Dame Oriane, fille aînée du Roy Lisuart qu'il auoit malgré elle mariee avec l'Empereur de Rome, & desheritee de tout point, pour auantager Leonor sa fille plus ieune, cōtre l'auis non seulement des Princes & Cheualiers de sa court, ains aussi de tout son peuple. Dequoy mon Seigneur Amadis auerty loua grandement leur entreprinse, en sorte que le jour ensuiuant ils firent voyle, &

LE QUATRIEME LIVRE

vindrent atêdre au détroit les cōducteurs de cête Princesse, lesquels furent viuémēt assaillis, & après long combat finablement deffaits, prins prisonniers, & les Dames recouffes & emmenees en l'Île Ferme, ou elles sont de présent. Toute-fois ils ont enuoyé Embassades vers le Roy Lisuart, tant pour lui faire entendre la iuste occasion pour laquelle ils ont arrêté sa fille, que pour le supplier de la reprendre, sans l'éloigner ainsi de luy, considerant le grād tort qu'il lui faisoit: mais ils doutent qu'il vueille vser de puissance, & sans auoir égard à leur honnête offie, entreprendre la guerre cōtre eus, cuidant la rauoir par force, s'ils ne la lui baillent liberalement. A cête cause, Sire, mon Seigneur Amadis, & tous ses compagnons ausi, vous suplient comme celuy qui tient le premier lieu d'entre les Princes Chrétiens, & qui ét vray ministre de Dieu, pour maintenir iustice & droiture (specialement voyant cête bonne Princesse tant outragée) qu'il vous plaise leur donner quelque secours: ce faisant vous les obligerés à vous seruir tout le tems de leur vie, ou il vous plaira les employer. Durant ce propos l'Empereur qui ententiement prétoit l'aureille à ce que disoit maitre Helisabel, demeura tout pensif, considerant que mal-aisémēt cête entreprinse prendroit fin, sans dure & longue guerre, d'autant qu'il connoissoit le Roy Lisuart, Prince de trégrand cœur, & l'Empereur de Rome glorieus & outreuidé outre mesure: & d'autre part sachant la iuste occasion qu'auoyent les Cheualiers de l'Île Ferme à donner secours à Oriane, mêmes que déja il se sentoient tenu à Amadis, tant par la mort de l'Endriague, q̄ pour auoir prins la peine de l'être venu voir iusques en Constantinople, ausi qu'il s'étoit liberalement offert à lui, conclud luy enuoyer gens pour le secourir, disant à Helisabel: Mon amy, ie donneray à Amadis ce qu'il demande, & telle armee que le Patin, & le Roy Lisuart, connoîtront de combien ie l'ai-

me & estime. Cête parole tant magnanime pleut merueilleusement à tous les Cheualiers presens, & principalement à Gastilles, lequel se mettant à genous lui dit. Sire, si ie vous fis oncques ser uice agreable, ie vous supplie treshumblement, qu'en récompense il vous plaise permettre, que ie sois du nôbre de ceus que vous ordonnerés pour ce secours: car ie ne fis oncques voyage qui me vint plus à gré que cétui là. Mon neveu, répondit l'Empereur, vous & le Marquis Saluderyés ensemble en mon lieu, & pourtant donnés ordre à faire equiper les vaisseaus qui seront necessaires, pour passer en l'Île Ferme, avec dix mille hômes que ie vous donneray. Sire, dit Helisabel, ie suis contraint retourner promptement en la Romanie, ou Graside ma maitresse m'a cōmâdé leuer ausi le plus de gēs q̄ ie pourray recouurer, pour les lui mener: parquoy (s'il vous plaît) vous me donnerés congé, à ce qu'en même tems que vos gens passeront la mer, ie puisse faire embarquer les miens, pour les joindre avec eus. Helisabel mon amy, répondit l'Empereur, vous vous rafraichirés icy deus ou trois jours, puis faites ainsi que bon vous semblera.

Comme Gandalin arriua en Gaule, & des propos qu'il tint au Roy Perion.

CHAP. XII.

GAndalin party de l'Île Ferme, fit telle diligence, que peu de jours après il arriua en Gaule, & au lieu mêmes ou pour lors séjournoit le Roy Perion, lequel en fut grandement rejouy, assuré qu'il lui portoit nouvelles de son fis, lequel il n'auoit veu passer sis ans & plus: & à cête cause le manda incontinent venir parler à lui, ce qu'il fit, & lui presentant les lettres d'Amadis, luy dit, comme il l'auoit laissé en l'Île Ferme, & pour-ce qu'elles portoyent créance, le Roy le retira à part, puis lui demâda qu'il y auoit

y avoit de nouveau. Sire, répondit Gandalin, mon Seigneur & tous les compagnons ont bien besoing de vôtres bon secours. Comment dit le Roy. Lors Gandalin luy recita, sans rien obmettre tout ce qu'il vous aues par cy devant entendu, dequoy le Roy fut bien ébahi: toute-fois il n'en fit semblant, & d'avantage lui commanda n'en parler à nul autre, spécialement à Galaor: car il étoit encores fort debile d'une longue maladie qui l'avoit longuement trauaillé, & s'il te demande que tu es venu faire par deçà, dy luy, que c'est pour sçavoir comme ie me porte, & demain ie pouruoyray à tout, ainsi que ton maitre desire. Or fut incontinent Galaor auerty, que Gandalin étoit arriué: parquoy il enuoya suplier le Roy de le luy enuoyer, pour entendre des nouvelles d'Amadis son frere. Et combien qu'il se trouvât tant foible qu'à peine se pouvoit il soutenir, le voyant entrer, le vint embracer, & luy demanda comme se portoit son maitre. Mon Seigneur, répondit il, ie l'ay laissé en l'Isle Ferme en trèsbonne santé, Dieu mercy, & en meilleur desir de vous voir de brief vous assurant qu'il sera fort déplaisant quand il entendra votre longue maladie. Et sus ces entrefaites entra Norandel, lequel connoissant Gandalin, luy demanda si Amadis étoit arriué. Non pas mon Seigneur, répondit il, ie l'ay laissé au palais d'Apolidon, ou il se refraichit, pour le travail qu'il a eu durant le long voyage qu'il a fait, tant en Alemaigne, Romanie que Constantinople. Ah mon amy Gandalin, dit Galaor, ie te prie, conte moy tout ce que tu en sçais. Ce que fit Gandalin, dequoy il n'y eut celui d'eux qui ne s'émerueillât: principalement luy oyant reciter le combat qu'il avoit eu contre l'Endriague. Helàs, répondit Galaor, quand le pouray-je voir! Bien tôt, si Dieu plait, dit Norandel, si vous voulez prendre peine à vous guerir. Croyés, répondit il, que j'en feray mon possible, non tant pour rauoir ma santé, que

pour le grand desir que j'ay de parler à luy. Mon Seigneur, dit Gandalin, le Roy m'a commandé de ne vous tenir long propos, de peur que votre mal n'empire: vous me donnerés, s'il vous plaît, congé pour meshuy, & demain ie vous tiendray plus longue compagnie. Ainsi le laissa Gandalin, & retourna vers le Roy, lequel il trouva pensant à ce que son fils Amadis lui demandoit: & pour ce qu'il vouloit tenir son entreprinse secrette, delibera de renuoyer Norandel en la grande Bretagne, encores qu'il fut nouvellement arriué vers son compagnon ayant entendu qu'il se portoit mal: & à cete cause le lendemain matin il l'enuoya querir, & comme si à l'heure mêmes il eût receu quelque nouvel auertissement, lui dit: Mon grand amy, j'ay eu ce jourdhuy nouvelles par lesquelles (à ce que ie puis entendre) le Roy votre pere veut faire aucune entreprinse, ou vous lui pourrés grandement seruir, & pourtant ie vous conseille de l'aller trouver: mais ie vous prie n'en rien dire à votre compagnon Galaor: car veu l'état auquel il est, il s'en pourroit bien facher. Sire, répondit Norandel, ie seroys par trop déplaisant de faire chose dont il se trouvât mal, & vous mercie humblement du bon conseil que vous me donnés: demain ie partiray, si ie puis, & ce jourdhuy mêmes, j'essayeray de luy faire trouver bon. Je vous en prie, dit le Roy, lequel changeant de propos, deviserent longuement ensemble: puis Norandel se retira vers Galaor, & luy dit: Mon compagnon, ie promis au Roy Lisuart, quand ie prins congé de luy pour vous venir voir, d'être de retour vers luy un mois après: parquoy ie vous prie n'être mal content, si ie vous laisse si tôt: car il m'est force d'ainsi le faire: puis à ce que ie voy, vous vous trouvés mieus, Dieu mercy, que n'aues fait par cy devant, & d'avantage, veu le peu de tems qu'il y a que ie suis Cheualier, beaucoup d'autres prendroyent peu à mon avantage, si ie demeure-

LE QUATRIEME LIVRE

demourois longuement oisif, & en pourrois être blâmé, d'ot ie suis seur que vous auriez déplaisir, connoissant que vous ayés mon honneur, comme le vôtre propre: toute-fois si vôtre maladie s'achemine en trop grande longueur, ie vous promets de vous venir reuoir le plus tôt qu'il me sera possible. Bié déplaisant fut lors Galaor d'entendre ce que luy disoit Norandel, pour ce qu'il prenoit grand plaisir à être avec luy, neantmoins il lui répôdit: Sur ma foy, encores qu'ayés grande occasion de faire ce que vous dites, vôtre éloignement de moi me cause vn regret si merueilleux, que vous ne pourrés croire: ce non obstant preferant vôtre honneur à mon plaisir, ie suis trécontent que vous en alliés quand bon vous semblera, vous priant bien affectueusement de presenter au Roy mes humbles recommandations à sa bonne grace, l'assurant que tant que j'auray vie au cors, il aura vn seruiteur fidelle & affectionné en moy: & s'embrâças l'un l'autre de grand amour, prindrent cōgé non sans larmoyer tendrement. Or auoit Norandel fait aprêter son nauire, par quoy ayant remercié le Roy Perion, & la Roine de l'honneur qu'ils lui auoyent fait, s'embarqua: & la mer lui fut si propre qu'il arriua en peu de jours au port de Vindilifore, ou étoit le Roy Lisuart dressant son camp pour marcher en l'Isle Ferme: Puis aussi tôt qu'il eut fait voyle, le Roy Perion enuoya leuer gens de toutes pars, & aprêter vaisseaus pour passer en l'Isle Ferme. Ce pendant Lasinde, Ecuyer de Brunco, qui étoit arriué vers le Marquis, faisoit bonne diligence d'executer sa commission tant qu'à force de persuasions trouua moyen de paruenir à son intention, avec l'ayde de Branfil, lequel voyât son pere lent & tardif à cete entreprinse, se vint ietter à ses pieds, lui disant: Monsieur, s'il eût plu à Dieu, que j'eusse été avecques mon frere, pour combattre les Romains, il me semble que ce m'eût été l'une des meilleures fortunes qui m'eût

peu auenir: mais puis que ce mal-heur a voulu que j'y aye failly, ie vous supplie tres humblement qu'en recompensant cete faute, j'aye congé de vous, de l'aller trouver, avec le secours qu'il vous demande, vous assurant, monsieur, que ce sera vôtre gloire, & l'honneur de vos enfans, lesquels, comme vous sçaués, sont de long tems obligés à Amadis, & aus siens. Mon fis, répondit il, j'en suis trécontent, & puis qu'aués si grande enuie d'aller à la guerre, ie vous donneray bonne troupe de Cheualiers, pour vous accompagner. Et ainsi le fit: car tandis que Branfil faisoit dresser son equipage, il les enuoya leuer en toute diligence. En ce même tems aussi le bon vieillard Ysanie vint vers le Roy Tafinor de Boême, duquel il fut trébien receu, sçachant qu'il auoit été depêché de la part du Cheualier à la Verde Epee: car après lui auoir baillé ses lettres, & qu'il eût entendu sa créance, il lui dit: Je vous promets, que ie ne luy faudray à ce besoin, & qu'il aura de moy tout ce qu'il demande. Lors fit apeller son fis Grafandor, auquel il declara tout ce qu'Ysanie lui auoit dit, & la cause de sa venue, lui demandant s'il voudroit entreprendre le voyage pour aller secourir Amadis, que lon souloit nommer le Cheualier à la Verde Epee. Monsieur, répondit il, le plus grand desir que j'ay en ce monde est d'auoir la cōpagnie de tant bon Cheualier, & vous en supplie tres humblement: mais pource q ne pourrés si tôt leuer vôtre armee, il vous plaira permettre que ie parte deuant, avec vingt Cheualiers, puis le Comte Galtines me suivra, qui conduira le surplus. Vrayemēt (dit le Roy) j'en suis content, & vous en sçay trébon gré: car étant avec telle cōpagnie, vous n'en sçauriés que mieus valloir, & aussi ie me sens tant obligé à lui, q le pourrés assseurer, qu'il finera de moy, comme de son amy tout outre. Dequoy Ysanie le remercia bien humblement, & delibera d'atendre Galtines expressément, pour le faire diligenter. Ce pendant Grafan-

landor s'embarqua, acompagné seulement de vingt Cheualiers, & sortant du port nauiga en la haute mer. D'autre part Lâdin, qui étoit allé secretement en Yrlande de la part de Quedragant trouua moyen de parler à la Royne, laquelle ayant entendu la cause de son arriuee vers elle, fit appeler aucuns de ses plus feaus seruiteurs, & leur commanda, que sans faire bruit ils assemblassent gens pour passer en l'Ile Ferme vers son oncle: & combien qu'elle portât peu d'amitié à Amadis ayât toujours en souvenance la mort du Roy Abies son pere, si hayoit elle encores plus le Roy Lisuart, pour le tribut qu'il faisoit payer chacun an au Roy Cildadan son mary. Et à cete cause conclud de secourir l'un pour deffaire l'autre: mais à present nôtre histoire retourne à parler quelle fin eut le voyage de Guillan vers l'Empereur, & autres, que le roi Lisuart enuoya à ses amys pour auoir secours.

Côme Guillan le Pensif arriua vers l'Empereur de Rome, Filipinel en Suesse, & Brandoyuas en Yrlande.

CHAP. XIII.

GVillan le Pésif, depêché du Roy Lisuart, nauiga tât, qu'en moins de trois semaines il print terre au plus prochain port de Rome, puis montant à cheual, armé selon la coutume des Cheualiers de la grand-Bretaigne, vint trouuer l'Empereur, lequel étoit lors acompagné de bien grand nombre de Princes & Signeurs qu'il auoit fait venir en sa court, pour receuoir ma Dame Oriane, laquelle il atendoit de jour en jour: car le Prince Saluste Quidé, & Brandaiel de Roque lui auoyent écrit, que le Roy Lisuart la leur auoit deliuree, & qu'ils étoient sus leur partement pour le venir trouuer. Quand l'Empereur auisa Guillan, il le connut aussi tôt, pour ce qu'il l'auoit veu maintefois, & pêsant qu'il fût venu deuant, luy apporter nouvelles de sa femme, luy demâda ou il l'auoit laissée, &

le Prince Saluste Quidé. Sire, répondit il, le Roy Lisuart mon maitre vous recrit cete lettre, commandés, s'il vous plaît, qu'elle soit leuë, puis vous pourrés entendre le surplus de ce que vous demandés. Adoncques l'Empereur print la lettre, & cōbien qu'elle fût de creance, voulut qu'elle publiquement il declarât ce qu'il auoyt charge de luy dire. Sire, dît Guillan, le Roy Lisuart mon maitre vous mande, qu'il pour auoir vôtre amitié & perpetuelle alliance, il auoit été bien content, suiua la requête que vous lui auies fait faire par vos Embassadeurs, de vous donner à femme ma Dame Oriane sa fille aînee, & principale heritiere: & de fait après plusieurs difficultés vuydees entre les Princes, Signeurs & sujêts de son Royaume, il auoit liuré es mains de ceus qui auoyent puissance de la receuoir de par vous: mais il est auenu qu'Amadis de Gaule, & autres ses complices, avec quelque nombre de fustes les ont épiés, & assaillis au détroit, en sorte qu'après auoir longuement cōbatu, le Prince Saluste Quidé est demeuré mort, & tout le reste de vos gens emmenés prisonniers en l'Ile Ferme, ou encores de present est tenuë ma Dame Oriane, la Royne Sardamire, & les autres, qui se trouverent en cete compagnie. Toutefois depuis, cuidans rapaiser la faute qu'ils auoyent faite, ont enuoyé Embassadeurs deuers sa maiesté, lui offrans plusieurs bons partis, lesquels il n'a voulu accetter, premier qu'il ait entendu vôtre vouloir, d'autant que l'iniure qui lui a été faite vous touche autant ou plus qu'à lui. Et pourtant il m'a commandé vous dire, que si voulés entendre à prendre vengeance d'eus, qu'il ietera vne bonne & grosse armee aus champs, pourueu que de vôtre part vous faciés le semblable, assuré qu'étans vos puissances jointes, qu'aisément vous & lui, les ferés mettre à telle raison que bon vous semblera. Quand l'Empereur l'entendit, oncques homme ne fut en plus grand colere, & bien le montra: car comme imprudent

LE QUATRIEME LIVRE

dent, & sans preuoyance commença à iurer, & quasi entrer en frenaisie, disant à Guillan: Sçaués vous qu'il y a, retournés presentement vers vôtre maitre, & lui dites que ie ne dormiray iamais à mon aise, que ie ne me sois joingt à lui, avec telle puissance, que ces pendards de l'Isle Ferme connoitront qu'ils m'ont par trop offésé. Sire, répondit Guillan, vous ne pourrés si tôt venir, que ne trouviés le Roy mon maitre aus champs, & son armee prête. Or allés doncques, & ne sejournez aucunement par deça. Ainsi fut contraint Guillan retourner, sans prendre quasi le loysir de repaitre, dont il fut fort irrité, spécialement pour le peu de recueil qu'il lui auoit fait, & bien lui tarδοit qu'il n'étoit en la grand Bretaigne, pour s'en plaindre au Roy Lisuart: Parquoy faisant voyle, singla droit à Vindilifore, ou il arriua quelques jours après, & trouua le Roy Lisuart qui l'attendoit, auquel il déclara tout ce que l'Empereur luy auoit dit, & le peu de discretion qu'il auoit montré deuant tant de Princes & Signeurs: vous assurant Sire, dit il, que si ceus qui l'accompagneront ont aussi peu de cerueau que luy, que vous ne vîtes oncques gens de guerre plus mal conduits qu'ils seront. J'espere, répondit le Roy, s'ils me veulent croire, que nous ne serons batus par faute de conduite: car eus étans mêlés parmy nous, nous leur aiderons, & eus à nous, & me suffit qu'il face diligence de nous venir trouver: car j'ay eu ce jourd'hui avertissement, que l'Empereur de Constantinople, & les Roys de Gaule, d'Ecce, de Boëme, & d'Espagne, se mettent en armes pour venir secourir Amadis. Et d'autre part, que le Roy Arauigne, avec Arcalaus & Barfinan, assemblent gens de toutes parts: mais ie ne sçay ou ils veulent tirer: ainsi il est nécessaire que nous donnions la bataille premier qu'ils ayent loisir de nous venir courir sus, ce que nous pourrons faire aisément, s'il ne tient aus Romains: car Brandoyuas arriua hier d'Yrlade, qui

m'a assuré auoir laissé le Roy Cildadan aus champs, pour nous venir trouver avec gens, & Filipinel semblablement, qui est de retour de Suesse, & par les lettres que m'écrit le Roi Gasquilan, il ne faudra à être icy dedans quinze jours avec bone troupe de Cheualiers, bien delibérés de faire leur deuoir. Quand au regard des autres que j'ay mandés leuer par mes païs vous en pourrés voir déjà plus de cinq mille campés en cete prairie, tellement qu'auant que le mois soit passé, nous serons (si Dieu plaît) prêts à marcher. Et Galuanes sera il des vôtres? dit Guillan. Non, répondit le Roy, il m'a fait suplier par Brandoyuas de l'en exempter pour ce coup, ayant trop mieus remettre en mes mains l'Isle de Mongaze, que de se trouver contre Amadis & son neveu: mais connoissant qu'il est pour me faire seruice en autre endroit, & qu'il ne seroit raisonnable qu'il fit autremet, ie l'ay excusé. Ainsi se passerent trois semaines & plus, qu'il n'auoit nouvelles aucunes de l'Empereur, ne de son armee, dont il s'ébaïssoit grandement, & craignant qu'il ne lui tint promesse, depêcha vn Brigantin avec Giontes son neveu pour aller en toute diligence à Rome, sçauoir la cause de ce retardement, lequel sans sejourner partit de Vindilifore.

Comme Grafandor, fils du Roy de Boëme, étant en mer, rencōtra Giontes, & de ce qui leur auint.

CHAP. XIII.

Vous aués cy deuant entendu, que Grafandor ayant prins congé du Roy son pere, s'étoit embarqué, accompagné de vingt Cheualiers, pour tirer droit en l'Isle Ferme: mais vn matin enuiron Soleil leuant, decouvrit en mer le brigantin, ou étoit Giontes, lequel il aborda assés tôt, pour auoir vent plus à commandement que l'autre. Lors Grafandor, qui desiroit sçauoir ou il alloit, le fit arrêter: car il n'étoit pas le plus fort pour y contredire, veu qu'il n'auoit

n'auoit autre compagnie que mariniers: & à cete cause luy fit entendre comme il tiroit à Rome par le commandement du Roi Lisuart, le supliant ne l'arrêter d'auantage, pour ce qu'il étoit fort pressé de faire diligence. Par Dieu, dit Grasandor, celui qui vous y enuoye ét mal voulu d'Amadis, duquel ie suis amy tout outre: pourtant il vous ét force de me dire quel ét votre nom, & la commission que vous aués, autrement vous ne partirés aisément de moy. Si pour taire ce que vous demandés, répondit il, l'honneur du Roy mon maitre s'en diminueoit, vous ne le sçauriés pour mourir: mais luy tournant à gloire, & anantage, comme il fait, aussi que ce n'ét chose trop secrette, vous le sçaurés: mon nom ét Giontes, Cheualier de la grand' Bretagne, & neveu du Roy, duquel ie vous parle, lequel m'enuoye au deuant de l'Empereur le faire diligenter, avec les forces qu'il ameine, pour commencer la guerre à ceus, qui ont puis n'agueres détrouffé & prins ma Dame Oriane sa fille, avec celles qui l'accompagnoient, sous la conduite du Prince Saluste Quide, & autres Romains qu'ils ont deffaits & emmenés prisonniers. Or vous ay-ie satisfait: parquoy ie vous prie me donner congé. Allés à Dieu, dit Grasandor, & vous souviene que votre Roy & son Empereur trouveront à qui parler, s'ils s'auanturent de venir assaillir Amadis & ceus qui sont en sa compagnie. Ainsi se separerent, & tira Grasandor en l'Ile Ferme, ou arriué, fut plus que le trébien venu, & vindrent Amadis & les autres le receuoir le plus honorablemēt qu'ils peurent: lors leur conta comme il auoit trouué Giontes qui alloit faire auancer l'armee de l'Empereur de Romme & les propos qu'ils eurent ensemble, aussi que le Roy son pere faisoit leuer gens en ses païs, pour venir après luy, lesquels il auoit de brief avec le Comte Galtines & Ysanie, qui sont demeurés pour les conduire. Ce pendant, dit il, moy affectionné

de vous voir ensemble, suis venu deuant vous offrir mon seruice. Vous soyés le bien venu, répōdit Amadis, le Roy votre pere & vous m'obligés de plus en plus à être votre. Voylà comme se renforçoit d'heure à autre l'armee de l'Ile Ferme, laquelle se trouua complete quinze jours après: car le Roy Perion y arriua avecq' trois mile Gaulois, gens belliqueus & expérimentés: Galtines avec quinze cens: Tantiles, pour la Roine Briolanie, avec douze cens: Branfil frere de Bruneo avec sis cens: & deus mile qu'enuoya Ladassin Roy d'Espagne à son fis, & autres quinze cens d'Ecoce qui vindrent à Agraies, sans deus mile qu'amena des païs de Grasinde, Libee neveu de maitre Hêlissabel, portans quasi tous arcs Turquois: & huit mile sous la conduite de Gastiles, de la part de l'Empereur de Constantinople, tous lesquels furent campés en vne trebelle prairie, au dessous du roch de l'Ile Ferme, droit sus la venue de leurs ennemis. Et croyés que c'étoit belle chose de les voir assemblés: car il n'y auoit celuy qui ne portât visage de gentil compagnon, & homme de guerre, dequoy Amadis étoit si content, que rien plus. Mais la Princesse Oriane qui pēsoit continuellement au mal-heur qu'elle voyoit approcher, auoit sans cesse la larme à l'œil, sans receuoir conseil ou confort de nulle de ses femmes, dequoy Mabile fit auertir Amadis, qui en fut trédeplaisant. Et voyant qu'il n'auoit meilleur moyen pour la rejouir, que de luy faire connoitre à veuë d'œil, combien de gens s'étoient mis en armes, pour la defendre, l'enuoya supplier d'être contente de les voir le lendemain en bataille, & que pour cete cause il leur feroit donner secretement l'alarme: ce qu'elle & les autres Dames eurent tresagreable. Or pouvoient elles voir de leurs fenêtrés facilemēt tout le camp: parquoy des le soir Amadis fit partir cēt hōmes d'armes, & trois cens harquebuziers en croupe, ausquels il cōmāda

eus

*al. Briande
jaire.*

LE QUATRIEME LIVRE

eus aller embûcher en vn boquet, qui étoit le long de la côte, tirant à la marine, & que le lendemain sus les dis heure, de matin ils commençassent à dresser l'écarmouche, & donner l'alarme au camp la plus forte qu'ils pourroyent: Et ainsi le firent, & bien à propos, pour ce que le rés auoit été si trouble depuis Soleil leuant, que lon ne voyoit quasi goutte, à cause d'un grand brouillars qui s'étoit leué: mais quand le Soleil gagna le dessus, lors se montra cete gendarmerie en bataille, & commencerent les harquebuziers à lacher par intervalles leurs hacquebutes: de sorte que les écoutes & guet, pensans être surprins de leurs ennemys, firent l'alarme la plus chaude qu'il étoit possible. Lors fut le camp si émeu, que lon n'eût pas ouy Dieu tonner, pour le bruit des trompettes & tabourins: & comme chacun se mettoit en deuoir de gagner son enseigne, il sembloit proprement d'une fremiere sortant de son teris, ou tout l'été elle a assemblée sa prouision pour l'yuer. Ce pendant les Dames étoient de toutes parts aus fenêtres, regardans cét effroy, qui ne leur seruoit que de passetems, pour l'auertissemēt que leur en auoit fait Amadis le jour precedent: puis étans en bataille, aucuns voulurent passer outre: mais ceus qui sçauoyent l'entreprinse, vindrent au deuant rapporter q' l'on n'eut aucune doute, & que c'étoient ceus mêmes que lon auoit enuoyés courir & decouvrir le pais, pour voir s'ils pourroyent auoir nouvelles de leurs ennemys. A cete cause les fifres commencerent à sonner par les champs, & chacun bataillon des gens de pied à faire le limaçon en se retirans, à quoy les Dames prenoient vn singulier plaisir. Et comme ils étoient mêlés les vns parmy les autres: Mabile d'une bien bonne grace, dît à Oriane: Par ma foy, ma Dame, il y a beaucoup de grâds Princes qui n'ont tât de gens à commandement que vous aués. Je m'en raporte à ce que vous poués voir maintenāt. Qu'en dites vous?

n'êt il pas doncq' vray? O combien doncques vous êtes heureuse, si le sçaués confiderer! mêmes pouvant commander à celui auquel toute cete armee rend obeissance. Je croy que si le Roy Lisuart, ou l'Empereur vôte mary, qui ne sera pas, voyoyent ce que nous voyons maintenant, qu'ils penseroient deus fois à suiure leur entreprinse deuant que d'entrer plus auant en pais: & pourtant il êt plus raisonnable que celsiés d'oresenauāt vos pleurs, & vous rejouir plus que n'aués par le passé. Ah ma cousine! répondit elle, il êt impossible que ie puisse prendre plaisir quād ie considere mon malheur present: vous sçaués, que si vne fois la puissance du Roi & celle de vôte cousin se joignent, qu'il ne peut être que la ruine de l'un ou de l'autre n'en auienne, ou de tous deus ensemble, qui me seroit vn mal insupportable, tât pour le deu, auquel naturellement ie suis tenuë à mon pere, que pour l'amitié que i'ay à Amadis, & parainssi commēt pourrois- ie auoir contentement? Pleût à Dieu être morte, puis q' par moy ie voyant de mal heurtés auenir. Ce disant pleuroit à grosses larmes. Comment! dît Mabile, pēlés vous que nôtre Seigneur vous ayt oubliée? ie vous promets, qu'il ne vous delaissera nō plus qu'il a fait par le passé, si aués esperance en luy: & déjà chacun connoit vôte innocence, & que malgré vous cété émeute a été commencée. Ainsi donc ne vous ennuyés tant: car il vous en pourroit être pis, & fâcheriés aussi mon cousin, & tous ces Cheualiers qui ne demādent qu'à vous faire ser uice. Or n'auoit encores le Roi Periō veu Oriane depuis son arriuee, parquoy après que l'alarme fut r'apaisée, il demanda à Agraies, s'il y auoit moyen de parler à elle, & que volontiers il lui feroit la reuerence. Agraies luy répondit qu'il le sçauroyt, & de ce pas s'en alla vers la Princessse, à laquelle il fit entendre ce q' le Roi Perion lui auoit dit. Il sera, répondit elle, le très bien venu, quand il luy plaira.

Mais

Mais, mon cousin, que vous semble de mon infortune? ne suis-je pas la plus malheureuse du monde, de voir tant de grâds Princes & bons Cheualiers empêchés pour mon affaire? Ma Dame, dit il, nous sommes tous vôtres, & n'y a celuy qui ne s'employe de bien bon cueur à vous faire seruice, qu'ils estimeront bien employés s'il vous ét agreable. Helàs, répondit elle, ie ne sçay comme ie le pourray ia mais reconnoitre enuers vous tous, ie prie nôtre Seigneur qu'il vous en recompense. Ma Dame dit Agraies, si vous prenez en gré ce que nous faisons, & vous réjouissés vn peu plus que n'aués fait par le passé, vous nous obligerés d'auantage envers vous. Croyés, répondit elle que i'y essayeray le mieus qu'il me sera possible, & pource que i'ay sceu que le fis du Roy de Boëme ét aussi arriué, ie vous prie l'amener avec le Roy Perion. Ce disant Agraies print congé d'elle, & vint trouver le Roi de Gaule & Grafsandor, auxquels il dît qu'Oriane les atêdoit, & qu'ils seroyét les trébié venus: parquoy sans plus differer, l'allerent trouuer, acompagnés d'Amadis, Florestâ & plusieurs autres, & entrans en la châbre de la Princesse elle les vint recevoir avecq' les autres Dames & Damoisselles, de sa compagnie. Adonc le Roi Perion (qui n'auoit parlé à elle depuis qu'elle demeuroit avec la Roïne d'Ecosse) lui demanda si elle le connoissoit. Monsieur, dît elle, encores que ie ne vous aye veu plus d'vne fois, si me souuiét il bien de la requête que m'otroyastes, quand vous fistes Cheualier Amadis vôtre fis: il ét vray, dît le Roy, & puis que vous fustes cause du premier hôneur qu'il receut oncques, il ét raisonnable qu'il vous en sçache gré tant qu'il viura. Durant leurs propos, Grafsandor deuisoit avec Mabile, laquelle il trouua si sage, & de tant bonne grace, que de là en auant il en fut amoureux, en sorte que depuis il l'épousa, côme vous pourrés cy après entendre. Ce pendant la Roïne Briolanie parloit à Quedragant & leur

Am.4.

disoit: Croyés que sans l'auertissemēt que nous auôs de l'êtreprinse du matin, qu'ôcques femmes n'eussent eu vne telle frayeur. Comment? ma Dame, répondit Quedragant, eut elle été plus grande que celle que vous fit dernièrement vôtre cousin Tiron? Non sus mon Dieu, dît elle: car ie pensois lors être morte, & sans vous i'eusse été au plus grand danger qui pourroit auenir à autre Dame, ou damoiselle: mais Dieu mercy & vôtre bon secours, i'ay bié moien de m'en vèger. Ma Dame, dît briâ, veu la beauté qui ét en vous, il ét hors de vôtre puissance de prendre vengeance sus luy comme vous dites: mais plutôt vous luy deués pardonner, & peut être, sera il d'oresenauant plus loyal qu'il n'a été par le passé. Vrayement, répondit elle, ie serois bié aise qu'il eut cête volôrté, s'il vous plaît nous l'envoyrons querir presentement, pour sçauoir qu'il en pense, vous asseurant que ie prendrois grâd plaisir à le pouuoir reconcilier avec moi, cōsiderant qu'il ét ieune, & mon proche parent, & de meilleur cueur comme ie croy, que ne furent oncques son pere, ou autre de ses freres. Ma Dame répôdit Brian, vous ne pourrés parler plus vertueusement que vous faites: ie vous prie mandés luy venir à fin d'entendre sa fantasie, & qu'il vous promette fidelité en la presence de tant bons Cheualiers que voicy. I'en suis trèscontente, dît elle: car aussi bié il ét prisonnier de vous deus & non le mien, ainsi disposés de luy comme vous l'entendrés. Et sus l'heure fut envoyé querir Tiron, lequel arriué deuant telle compagnie, pèsant auoir l'arrêt de sa mort se trouua bien étonné, quand Briolanie lui dît. Tiron ces deus Gentis-hommes, que vous connoissés, me prient d'auoir mercy de vous, & i'en suis contente, sans auoir égard à la traison que commît feu vôtre pere contre le mien, pourueu que vous delibérés, & me promettés, de suyure desormais autant la vertu que vous aués fait la vie malheureuse & qu'en amendant l'iniure que vous m'a-

D

ués

LE QUATRIEME LIVRE

ués essayé de pourchasser, vous me soyés fidele & loyal seruiteur: ce faisant ie vous traiteray non comme mon prisonnier: ains comme mon cousin & proche parent. A cete cause declarés moy presentement ce que vous aués resolu, sans point dissimuler: car d'autant que vous estes yssu de sang de Roi, ce vous seroit iniure trop grande de dire parole, à laquelle puis après l'effait contredir. Helas, ma Dame répondit il, s'il vous plaît auoir pitié de moi ie ne vous feray de ma vie faute, & vous supplie treshumblement en l'honneur de Dieu de me pardonner. Au regard de mon pere, ie ne vous en puis rendre aucune raison, veu que i'étois encores si ieune que la souuenance de luy m'ët du tout ôtée: mais quant à ce qui me touche, ie vous promets, ma Dame, que ie vous serai fidele, s'il vous plaît d'oublier la faute que i'ay cōmise enuers vous, laquelle fut entreprise plus par ieunesse qu'autrement. Si vous le faites, dît elle, il vous en prendra bien. Ouy ma Dame, répōdit Tiron, ie le vous promets & iure: aussi n'y fallit onques puis, & par ainsi l'un & l'autre ont meritē grande louange. Briolanie vlsant de telle misericorde enuers son enemy, & lui enuers elle de si grāde preud'homme, seruant d'exemple à beaucoup, lesquels seroient (peut être) plus estimés, pour être moins cruels & prompts à remettre la vengeance qu'ils ne sont. Or pour retourner à nōtre propos, étant Tiron reconcilié avec la Roïne, elle (qui lui vouloit monstrier de combien elle se vouloit fier en luy) lui dît: Mon cousin, ie veus d'orēnauant que vous me faites ce plaisir de prendre la charge de la conduite des gens, q̃ Tantiles à fait venir de mes pais & que vous soyés leur chef & capitaine, & aussi ie leur commanderay qu'ils ayent à vous obeïr cōme à moy-mêmes. Ce que Tiron ne refusa, ains la remercia treshumblement. Et sus ce point le Roy Perio & les autres prindrent cōgé des Dames pour retourner au camp, ou ils trou-

uerent Balays de Carsante, lequel étoit nouvellement arriué, acompagné de vint Cheualiers, tous ses parens qu'il auoit amenés pour faire seruice à Amadis, ayant sceules affaires ou il étoit. Et entendés que ce Balais fut celuy, qui le separa d'avecq' son frere Galaor, quand premier ils combattirent ensemble, par le moyen de la Damoiselle, qui vouloit auoir la tête d'Ardan le Nain, & l'auoit au parauant Amadis delivré de la prison d'Arcalaus, ainsi qu'il vous a été dît au premier livre de cete histoire: lequel étoit passé par Vindilifore, pour voir l'armee, du roi Lisuart, & assoura que les Romains étoient arriués, & Gasquilan roi de Suesse avec grā nombre de Cheualiers: aussi qu'on tenoit pour certain, que le camp délogeroit au plus tard dedans quinze iours, pour marcher droit en l'île Ferme, parquoy le Roy Perion delibera d'aller au deuant & les combattre.

Comme l'Empereur de Rome print port avecq' son armee à Vindilifore, ou le Roy Lisuart l'attendoit: & de ce qui leur auint.

CHAP. XV.

PEu de iours, après que Giontes fut parti d'avec Grasandor, il arriua à Rome, ou trouua q̃ l'Empereur s'embarquoit avec son armée, pour passer en la grand' Bretagne, auquel il fit entendre ce, qu'il auoit charge de luy dire de la part du Roy Lisuart. Au moyen de quoi commanda, sans plus differer: faire voyle, & leuer les ancras: puis tant singlerēt en la haute mer qu'ils arriuerēt au havre de Vindilifore, ou pour lors étoit le Roy Lisuart avec son camp, attendant ce secours: car déja tout le reste de son armee étoit assemblée. Grand honneur fut fait au Patin, à son desambarquement & furent ses gens logés au lieu plus commode pour les refraichir: & étoient si lassés du trauail de la mer, qu'ils seiournerent huit iours entiers, auant que marcher plus outre. Durans lesquels le Roy Lisuart

Lisuart le festoya plusieurs fois non sans auoir maints propos ensemble, de l'entreprinse qu'auoit fait Amadis rauissant Oriane: mais ils esperoyēt biē en prēdre telle vengeance, qu'il en seroit parlé à iamais, & disoit l'Empereur au Roi: Mon frere ie vous prie ne vous fâcher de vōtre fille, vous assureāt, si ie vi encores sis mois entiers, que vos pirates & écumeurs de Mer sentiront le déplaisir qu'ils nous ont fait: car ie les ferai tous pendre & étrangler aus masts de leurs nauires. Mais il contoit bien sans son hôte: comme vous entendrés cy après. Or auint qu'un iour ou deus, auant qu'ils fussent prêts de marcher en pais, ainsi que ces deus Princes visitoient leur cāp ils auiserent venir vers eus Enil neuueu de Gandales armé de toutes pieces, acōpagné seulement d'un Ecuier qui luy pourtoit l'écu lequel aprochāt du guet demāda si avec le Patin étoit point venu un Cheualier nommé Arquifil: lors luy fut répondu qu'oy. Ie vous prie, dit il, faites moy parler à lui. Adonc lui fut baille deus soldats pour le conduire ou étoit l'Empereur, lequel lui demanda, qu'il vouloit à son neuueu. Sire, répondit Enil, ie viens de l'Ile Ferme, pour lui faire un message de la part d'Amadis de Gaule, qui m'enuoye vers luy. A cete parole Arquifil s'auança, & luy dit: Cheualier, voycy celui que vous demandés, dites ce qu'il vous plaira. Seigneur Arquifil, répondit Enil, Amadis de Gaule vous mādē par moi qu'au temps qu'il arriua en la court du Roy de Boēme (se faisant lors apeller le Cheualier à la verde Epee) il eut cōbat cōtre un Cheualier nommé Garadan, en la presence d'onze autres Cheualiers tenās son party, du nōbre déquels vous en éties l'un, & le deffit comme vous sçaués: toute fois le lendemain, en ensuyuant quelque conuenance que vous eussies eue avec le Roy Tasinor, vous & les autres entreprinistes de le venger: mais la victoire demeura du côté de mon Seigneur Amadis, auquel vous vous rendistes prison

nier: ce non-obstant pour tous-jours faire connoitre son gentil cueur, peu après il vous donna liberté à vōtre requeste, sous condition de retourner vers luy toutes les fois qu'il vous feroit rapeller, & maintenant il vous semond de promesse. Vrayemēt, Cheualier, dit Arquifil, vous aués dit la pure verité, & l'ay certainement ainsi promis: mais ie ne sçay si le Cheualier à la Verde Epee, ēt Amadis de Gaule, ou non. Lors luy fut répondu par aucuns des assistans que cetoit il sans doute, & à cete cause il dit à l'Empereur: Sire, vous aués entendu la promesse que j'ay faite, à laquelle pour mourir ie ne voudrois faire faute: parquoy ie vous supplie treshumblement que mon partemēt d'avec vous ne vous soit ennuieus: car faisant autrement vous auriés grand raison de ne me tenir iamais pour tel que ie suis. Lors l'Empereur coléré & trop indigret (veu la grauité de son état) cōmença à injurier Amadis, disant à Enil: Cheualier dites à celui qui vous a fait venir vers moi que le tems s'aproche pour lui faire recevoir punitiō de tāt de méchancetés qu'il a faites, & que la spelonque propre à tels l'arrons comme il ēt, ne le sauuera que ie ne le face brancher, & ses cōpagnons aussi: & vous Arquifil son prisonnier, faites de vōtre part ce que vous voudrés, vous n'en aurés autre parole de moi. Quand Enil entendit l'arrogance de l'Empereur, postposant toute crainte, il luy répondit: Sire, vous aués conneu Amadis, & sçaués cōme il vous a traité n'étant lors que simple Cheualier tirant, & si maintenant vous le venés chercher comme Empereur, il viendra au deuant de vous comme Prince & grand Seigneur qu'il ēt, & duquel (peut être) vous departirés aussi peu à vōtre honneur q̄ vous fistes l'autrefois. Biē conneut le Roi Lisuart q̄ l'Empereur ne pourroit tāt cōmander à soy-mêmes qu'il n'outrageāt Enil, s'il ne le retiroit, dōt il feroit trop déplaisant: & à cete cause rōpit leurs propos disant à l'Empereur: Monsieur

LE QUATRIEME LIVRE

allōs nous mettre à table & laissēs ce mes-
sager iouir de son priuilege. Ainsi s'en par-
tirent les deus Princes, laissans Enil avec
Arquifil, qui le mena en sa tente, ou il luy
fit toute la bonne chere, dont il peut auis-
ser: puis le lendemain monterēt à cheual,
& firent tant par leurs iournees, qu'ils ar-
riuerent en l'Île Ferme, ou Arquifil se trou-
ua bien ébaï, voyant si grand nombre de
gens assemblés: toute-fois il dissimula ce
qu'il en pensoit, & vint descēdre au pavi-
llon d'Amadis, lequel après luy auoir de-
mandé nouuelles du camp de l'Empe-
reur & de ses entreprinſes: lui dît: Seigneur
Arquifil, vōtre maistre ēt grand Prince &
puissant: mais il trouuera (s'il nous vient
assaillir) qui lui répondra plus rudement,
que ne lui a fait entendre le Roi Lisuart:
& pour le vous faire connoitre deuāt que
nous departiōs d'icy, ie veus q̄ vous voyēs
quelle ēt nōtre armee. Et à cēte cause il
luy bailla deus Cheualiers pour le condui-
re par tout le camp, & lui mēmes quelque
fois (durant trois iours qu'ils seiournerēt)
le menoit d'un côté & d'autre, luy mon-
strant les Cheualiers de renom, en luy di-
sant: cētuy cy ēt tel, & cēt autre fit en tel
lieu tel cōbat, cētui la eut telle victoire, &
ainsi particulièrement des vns & des au-
tres: & tant en nomma Amadis, qu'Arqui-
fil commença à douter de la victoire des
Romains, se reputant trop mal voulu
de fortune, perdant le moyen de faire ser-
uice à son maistrē en telle necessité: mais
sus l'heure il va penser, que (peut être) s'il
requeroit Amadis de lui remettre sa liber-
té, iusques après l'affaire qu'il ne le refuse-
roit, le cōnoissant pour l'un des pl^s affables
& gracieus Cheualiers du mōde. Au moie
de quoy le lendemain étāt au logis du Roi
Perion, qui lors auoit en sa compagnie les
principaus de son camp, mettant le genoil
à terre, lui dît: Sire, ie vous supplie treshū-
blement permettre q̄ ie vous die vn mot
en la presēce de mon Seigneur Amadis,
& de ces autres Cheualiers. Dites, répon-
dit le Roi, ce qu'il vous plaira. Adonc Ar-

quifil se leuāt, cōmença à reciter par le me-
nu la sorte du cōbat de Garadan cōtre A-
madis, & depuis des vnze Romains con-
tre les onze Cheualiers du Roi Tatinor,
& tout ce qu'auēs entendu par cy deuant:
mēmes comme lui étant au plus grand
danger de mort, ou il se trouua oncques,
Amadis luy auoit sauué la vie en le pre-
nant prisonnier, & depuis renvoyé sus sa
foy sous condition de se rendre tel, tou-
tes & quantes fois qu'il en seroit semond:
& que pour cēte cause il auoit laissé l'Em-
pereur, prêt d'accomplir sa promesse. Tou-
tefois, dît il, s'il plaisoit à mon Seigneur
Amadis (en vsant de son acourūmee gen-
tillesse & liberalité) me faire tant de bien,
de permettre que i'accompagnasse encores
mon maistre le iour de la bataille qui se
donnera, il m'obligeroit toute ma vie à é-
tre encores plus sien: car il ne me pour-
roit auenir plus grād malheur ce me sem-
ble, que de perdre tel honneur. Et à fin
qu'il ne pense que ie le die pour autre rai-
son, ie iureray de me rendre vers luy les
premiers iours d'après, si la vie me demeu-
re. Lors Amadis voulant bien faire enten-
dre à chacū le peu de doute qu'il auoit de
l'Empereur, ne du secours qu'Arquifil lui
donneroit, va répondre. Arquifil, encores
que l'Empereur vōtre maistrē soit trop le-
gier à parler, & sans grande occasion glo-
rieus & presumptueus: toute-fois ne me
voulant venger de luy sus vous pour cē-
te heure, ie suis content vous remettre en
liberté, pour être avec luy le iour de la
bataille, par telle condition (si en recha-
pés) q̄ le dixième iour ensuyuāt vous viē-
drés vers moi en quelque lieu que ie sois,
pour faire ce que ie vous commanderay.
De quoy Arquifil le remercia humblemēt,
& ainsi le promit es mais du Roy: puis
(pour le grand desir qu'il auoit de retour-
ner) prenant congé de toute la compa-
gnie, mōta à cheual & sans seiourner vint
trouuer le camp de l'Empereur, lequel le
voyant fut merueilleusement ayse & luy
demanda comme il étoit ainsi échapé.

Adonc

l'enuie qu'il a de me combatre ne lui procede que de magnanimité de cœur: & combien qu'il y ait grand difference entre mes œuvres & la renommee que lon me donne, si suis-je très-content qu'il ayt de moy la reputation qu'il en a, t'assurant, que le connoissant pour tel qu'il est, ie desirerois plutôt qu'il m'éprouvât en lieu ou il receût plus de service de moi: mais puis qu'il a desir de ce que tu dis, ie feray ce qu'il demande, Mon Seigneur, dit le Trompette, il sçait comme les choses se passeront entre vous, & Madraque le Geant de l'Isle Triste, & combien qu'elles luy touchent comme de fis à pere (auerty de la courtoisie que luy fites) il vous pense plus tôt digne de louange que d'aucune vengeance: en sorte que le desir qu'il a de vous combattre, n'est que pour enuie qu'il porte en la grande reputation que lon vous dône, esperans (s'il demeure vainqueur) acquiescer ce à quoy il ne peut autrement ataindre, & que s'il est vaincu, que pourtant il n'en sera moins estimé, étant le monde assés informé des victoires, que vous aués acquises, tant sus les plus fors Geans, que contre les bêtes cruelles & supernaturelles. Or t'en va, répondit Amadis, demain le matin ie me trouveray en cete pleine, pour faire ce que ton maitre voudra. Ainsi s'en retourna le Trompette. Mais avant que passer outre, ie vous veus declarer la cause principale qui meut ce grand Prince Gasquilan à trauerser tant de païs, pour venir combatre Amadis. Au troisième liure de nôtre histoire il vous a été recité qu'il étoit fis de Madraque & de la seur de Laucine Roi de Suesse, lequel Laucine mourut sans hoirs: au moyen dequoy Gasquilan déjà conneu en plusieurs lieux pour l'un des plus gentils Cheualiers du monde, fut appellé par ceus de Suesse, qui l'éleurent pour leur Roy. Depuis deuint amoureux d'une bien belle & ieune Princesse nommée Pinele, laquelle étoit orpheline & heritiere, par la mort de ses pere & mere, de plusieurs terres & signeuries con-

tiguës & limitrophes des païs de Gasquilan, qui pour l'amour d'elle entreprint plusieurs auantures, lesquelles il mit à fin, nō sans grand danger de sa personne: toutes-foi elle luy portoit si peu d'affection (le connoissant de race de Geant cruel & superbe) qu'elle ne voulut oncques entēdre à l'accepter pour mary, quelque poursuite & grande instance qu'il en fit. Dequoy Gasquilan mal content menaçoit de la ruiner & destruire entierement. Ce que doutans quelques vns de ses plus feaus sujets, luy conseillerent vser de dissimulation, & temporiser le mieus qu'elle pourroit. A quoy elle prêta l'oreille, tant qu'une fois entre autres Gasquilan vsant de ses importunités acoutumées, lui faisoit toutes les belles remontrances que peuvent faire en pareils actes gens passionnés de l'amour, mais elle sage & auisee luy répondit telles parolles: Monsieur, puis qu'il a pleu à Dieu me donner les biens que j'ay, ie ne fauseray, pour mourir, la promesse que j'ay faite à feu mon pere, ni ne vous épouseray iamais, si n'est sous vne condition. Et qu'elle? dit Gasquilan. Ie luy iuray, répondit elle, avant qu'il decedât, de iamais ne prendre party qu'avec le meilleur Cheualier du monde, s'il étoit en ma puissance de le recouurer, & si pour pauvre qu'il fût ie n'aurois autre mary. A cete cause ie me suis enquisé diligemment qui étoit celuy duquel ie vous parle, & ay sceu que pour le jourdhuy Amadis de Gaule n'auoit de secōd: & pour tant si vous voulés entreprendre de le combattre, & vaincre, ie feray ce qu'il vous plaira. Cete seule occasion donna le motif à Gasquilan, de luy faire entreprendre les deus voyages qu'il auoit faits en la grand Bretagne, presumant tant de soi de venir au dessus d'Amadis, duquel cōme ie vous ay dit, s'en partit le Trompette. Puis arriué vers Gasquilan lui recita ce qu'il auoit charge de luy dire: dont Gasquilan fut si aise qu'il profera cete parolle si haut, que plusieurs l'entendirent. Par Dieu, Trom-

LE QUATRIEME LIVRE

pette, ie n'en voudrois tenir la meilleure ville de Gaule: car i'espere faire entendre à vn chacun, que ie suis quelque chose plus que luy:& dé-jà luy tardoit que le terme assigné ne fût venu. Au moyen de quoy le lendemain des le point du jour, s'arma d'vnes armes grises couvertes de Griffons d'or,tenant en leurs griffes vn cœur ensanglanté: pour témoignage du tourment qu'il auoit pour l'amour de s'amie: puis s'en alla vers l'Empereur & le Roy Lisuart, les prier affectueusement venir voir comme il scauroit abatre la gloire d'Amadis,& si du premier coup, disoit il, ie ne le desarçonne, ie suis content ne porter harnois d'un an entier. Mais l'Empereur qui auoit éprouvé celui duquel il parloit, pensoit tout le contraire,& à cete cause fit mettre partie de sa troupe en bataille, tant pour luy tenir escorte, que douter d'être surprins sous ombre de ce combat particulier:& le semblable fit Agraies. Ainsi étans les deus auantgardes, l'une deuant l'autre, Amadis couvert d'un harnois verd, semé de Lyons d'or (tout tel que celui qu'il portoit quand il vint vers son Oriane à Mirefleur, au retour de la Roche pauvre, lors qu'il occit les deus Geans Famongomad & Basigant son fis) fit apeller Gandalin,& lui dit: Gandalin, puis que tu ne veus être Cheualier de la main du roi, va t'armer,& deuant que l'entre en ce combat, ie te tiendray ce que ie t'ay promis.

Adonc s'en partit Gandalin, & peu après retourna vers Amadis, qui l'atendoit,& le prenant par la main, le conduit ou étoit le Roy Perion, auquel il dit: Sire, voicy Gandalin qui desire recevoir l'ordre de Cheualerie, ie vous supplie treshumblement (puis qu'il veut l'auoir de moy) luy ceindre l'épee, à ce qu'il ayt tant qu'il viura souvenance de l'honneur que vous lui ferez. Ce disant luy presenta l'une de celles que lui donna la Roine Menoresse en Constantinople, laquelle il auoit baillé en garde à Durin frere de la Damoiselle de Danemarc: puis donnant l'acolee à Ganda-

lin, luy chaussa l'esperon droit. Adonc s'aprocha le Roy,& lui ceignit l'épee: ainsi eut il l'honneur qu'il auoit toujours désiré, par les mains des deus meilleurs Cheualiers du monde. Et sus l'heure mêmes Bruneo en fit autant à Lafinde, qui semblablement receut l'épee par Agraies.

D'une chose vous puis je asseurer que le jour de la bataille ils se porterent aussi vaillamment que nul autre de l'armée.

Ce fait, Amadis sortit de la troupe (car dé-jà Gasquilan étoit en la plaine qui l'atendoit) & tenans chacun d'eus vne grosse & rude lance, donnans des esperons à leurs cheuaus, se chargerent de si grand roideur, que leurs bois volerent en éclats, se rencontrans de cors & de tête par si grand force, que Gasquilan fut desarçonné,& demeura sus le camp tout éuanouy de la douleur que luy fit le bras gauche, qu'il eut dénoué en tombant.

Et combien qu'Amadis fût quasi étourdy du grand choc qu'il auoit receu, toutefois sentant son cheual épaulé, trouua façon de descendre auant qu'il cheût, puis mettant l'épee au poing, marcha vers Gasquilan, lequel étoit encores si éuanouy, qu'il ne se remuoit aucunement. Parquoy l'Empereur, craignant qu'Amadis luy trenchât la tête, luy fit tirer cinq ou sis coups de harquebuze, & quant & quant vindrent deus hommes d'armes pour le cuider prendre. Ce que voyant Agrayes, sortit soudainement de sa troupe avecques aucuns des siens, & ce pendant que l'escarmouche se dressoit, trouua moyen de remonter Amadis. Adonques fut à qui mieus mieus: car les deus auant-gardes marchoyent l'une contre l'autre, & commença l'artillerie à canonner sans cesse: ce pendant Amadis enuoya faire hâter la bataille,& l'arriere-garde,& fit partir Bruneo avec trois cens hommes d'armes, pour aller charger vne troupe de Romains, qui faisoient escorte à sis grandes couleuvrines, que le Roy Lisuart auoit enuoyées sus vn côtau, desquelles ils en-

dom-

dommagerent grandement ses gens de pied, & s'y portèrent si vaillamment, qu'ayans mis en route leurs ennemis, enclouèrent toute cete artillerie. Ce pendât les deus armées s'aprochoyent petit à petit, & voyâs qu'ils étoyēt sus le poinct de combatre, tabourins sonnerent l'orison. Adonc les gens de pied baisèrent tous la terre, puis se leuans de grand fureur, tenans leurs piques croisées marcherent à grand pas: ce pendant les harquebuziers, & archers firent deus ou trois charges, ou fut blessé Quedragant au bras gauche: mais quand se vint au joindre, il sembloit proprement à ouyr donner coups, rompre & briser piques & haliebardes, que ce fût vn orage de grosse grêle tombant sus quelques maisons couvertes de tuylle ou ardoise fine. Là peut on voir maints gentils compagnons tomber & renuerser sus la terre, les vns navrés, & les autres ensanglantés, detrenchés, demembrés & mors: & dura le combat fort long temps, auant que lon cōneut qui auoit du meilleur, ou du pire: car le Floyan entrant sus les Gaulois, faisoit telle execution, qu'il ne ruoyt coup ou la mort ne s'ensuiuit. Durât cete mêlée, Amadis & sa troupe chargerēt l'auantgarde de l'Empereur, & quand ce vint aus lances baisser, Gandalin qui étoit des premiers, rencontra le frere de Arquifil, & rompirent l'vn sus l'autre: mais le Romain fut desarçonné. Lors entrerent pêle mêle, & qui eût veu Agraies en besongne, lon ne l'eût estimé autre que l'vn des meilleurs Cheualiers du monde: car auant que perdre sa lance, il renuersa quatre des plus braues Cheualiers de l'Empereur. Là fut le fort du conflit, pour ce que les harquebuziers de l'Empereur, que conduisoit Arquifil, donnerent au trauers de la gendarmerie d'Amadis, & sans Branfil & Tiron, qui les côtoyoient avecques leurs cheuaus légers, ils eussent fait plus de dommage qu'ils ne firent: mais ils les enfoncerent si rudement, qu'ils n'eurent oncques loysir de

recharger, & les mirent en desordre: toutefois Arquifil trouua façon de les raler. Ce pendant Agraies, Landin, & Angriote d'Etrauau joints ensemble, combatoyent les Romains d'une merueilleuse hardiesse, pretendans chacun de son côté à la victoire: & d'autre part, Amadis & quelques autres Gaulois, se trouuans au milieu de la presse, faisoient telle execution, que nuls ne s'osoyent trouver deuant eus, quand ils rencontrerent Flamyman, frere bâtard de la Roine Sardamire, & Constant de Rocque, lesquels ayans encores leurs lances entières, chargerent Amadis & Landin. Landin fut abatu par Constant, & Flamyman par Amadis: car il lui donna si grand coup en passant outre, que coupant tout ce qu'il rencontrâ, l'épee descendit sus les reins du cheual, lequel tomba mort sus terre. Lors s'assemblerent Romains & Gaulois à l'entour, pour secourir & releuer ceus qui étoient à bas: & croyés qu'en cete charge maints y perdirent la vie, pour ce que l'Empereur suruint, acompagné de plusieurs Cheualiers: mais il trouua assés tôt qui l'arresta sus cul, & en sa prescēce le gouuerneur de Calabre fut mis à mort par Amadis, lequel voyant Agraies & Angriote à pied, au milieu de la presse, & en très grand danger, fit en sorte qu'il les secourut par le moyen de Gandalin, Lasinde, Garuate du val Craitif, & Bruneo. Ces cinq joints ensemble, firent en cēt endroit tant d'armes que merueilles. Au moyen dequoy la plus part des Gaulois (qui étoient quasi lassés) reprindrent cœur, & commencerent les Romains à branler, & à eus mettre en route, fuyans droit au Roi Lisuart qui venoit après, & sans le Floyan & quelques vns des plus gentils compagnons, qui soutindrent l'effort (tournans à tous propos visage, tandis que ses gens de pié se retiroyent à la bataille) il n'en fut rechapé vn seul: car Quedragant & son écadron les chargeoyent si rudement, qu'ils ne leur donoyēt quasi le loisir de pēser

LE QUATRIEME LIVRE

ce qu'ils deuoyent faire: neâtmoins quād il veid la force du Roy Lisuart si près, demeura coy en bataille, en atendant le secours du Roy Perion, & la troupe de Gastilles, avec les archers de Libee, lesquels suruindrent tôt après. Or s'aprochoit la nuit, & voyoit bien le Roy Lisuart que la retraite lui étoit plus profitable, que combattre d'auantage ce jour: parquoy sans voloir attendre la force des autres, retira le reste de son armee dedans son fort, & demeura le Roy Perion parqué au camp, ou auoit été le conflit: puis fit asseoir bon guet, esperant le lendemain poursuiure sa victoire: mais enuiron deus heures de nuit fut prins par les écoutes vn Trompette, quel'Empereur & le Roy Lisuart enuoyoyent vers lui, demander treues pour vingt & quatre heures seulement, ce qui leur fut acordé.

De l'ordre du combat que tindrent les deus armées étans les treues finies.

CHAP. XVIII.

A Prés les treues expirees, les deus camps comencerent à marcher l'un cōtre l'autre, & pour ce que les auatgardes auoyent beaucoup souffert le jour du combat, fut auisé qu'elles seroyent mises à l'arrieregarde, & en leur lieu la bataille. Ainsi les Roys Perion & Lisuart furent mis deuant, & après que l'artillerie eut longuement tiré & fait maints grāds dommages des deus cotés, les gens de pié que conduisoit Gastilles vindrent rencontrer ceus de Norandel. Là y eut vn merueilleus conflit, & tant de gens mis à mort, que c'étoit chose trop pitoyable: pour ce qu'ainsi que le Roy Lisuart marchoit à côté, pensant enfermer le bataillon de Gastilles, il rencontra les Archers que conduisoit Libee, lesquels d'assés loing commencerēt à décocher: & à voir fleches & flics en l'air, il sembloit d'un regeton de mouches à miel sortant de la ruche pour aller faire nouveau repaire ailleurs. Au moyen dequoy

plusieurs de leurs ennemys furent navrés, & leurs cheuaus fort endommagés: & sus ce point se presenta le Roy Perion avecq' sa troupe. Lors peut-on entendre les troppettes d'une part & d'autre, & le bruit si grand, que l'on n'eût pas ouy Dieu tonner: car les vns crioient Gaule, les autres Espagne, Ecoce, Yrlande, Boëme: & ainsi chacun, selon qu'il auoit acoutumé de faire en tels actes belliqueus. Mais quand se vint à mettre la main aus épées, on ne vid oncques tant de cheuaus navrés qu'alors, pour ce que chacun rachoit à leur dōner dedans les flancs, & à l'instant le poulsier s'eleva, en sorte que l'air en deuint tout obscur. Adonc Amadis qui menoit la bataille s'auança, pour ce que lon lui vint rapporter que l'Empereur & sa troupe marchoyent aussi en diligence: & enuoya dire à Quedragant, qu'il fit partir ses gens de pied, & à Brian & Sadomon qu'ils s'aprochassent pour les secourir, s'ils en auoyent besoing: & que Branfil avec ses cheuaus legiers, allāt faire vne charge sus le bagage du Roy Lisuart. D'autre côté l'Empereur qui auoit eu auertissement du dommage qu'auoyent fait les Archers de l'auantgarde aus gens du Roy Lisuart, craignant qu'ils ne peussent longuement soutenir l'effort du Roy Perion, manda à Arquifil qu'il le cōtoyāt, & que Flamyas avec les harquebuziers dōnāt sus la queue de leurs ennemys: toute fois ils furēt deceus: pour ce qu'à l'instant mêmes ils virent la bataille que conduisoit Amadis, si près d'eus, que contrainte les força de se tenir serrés pour combattre, & tôt après se joignirent les deus arrieregardes. Car Madacan qui auoit executé son entreprise, rapporta q' sans doute les Romains étoient en fuyte, & se disoit il, pour ce qu'il auoit veu vne troupe de gens de cheual sortir de l'arrieregarde, laquelle Cildadā auoit fait partir pour aller tenir escorte à leur bagage, lesquels voyans Madacan, & sa troupe trop forte pour eus, s'étoient retirés au grand gallop en sorte que d'effroy

Adonc Arquifil lui conta tout ce qu'aués entédu, & la grád force qu'auoit Amadis pour le combatre, & finalement le gracieus traitement & liberalité de laquelle il auoit vſé enuers luy: & croyés, Sire, dit il, qu'il viendra au deuant de vous auſſi tôt qu'il ſçaura que marchetés en païs.

Dequoy l'Empereur fut bien ébaï: car il auoit iufques là eſtimé (ſuyuant les propos que luy auoit tou-jours tenus le Roi Liſuart) qu'Amadis n'auoit moyen de recouurer gens pour reſiſter à leur puisſance, tellement qu'il faiſoit état de l'aſſieger dedans l'Ile Ferme: & l'auoir par force ou famine: parquoy connoiſſant le cōtraire delibera y pouruoir, priât le Roi Liſuart q̄ lon délogéât le lendemain des l'aube du iour après que la monſtre generale ſeroit faite de leurs gens, tant de pié, que de cheual: ce qu'il luy acorda. Et furent trouvés trois mille hommes d'armes Romains, & ſét mille hōmes de pié, dont il y en auoit deus mille harquebuziers.

Des païs du Roi Liſuart deus mille cheuaus & quatre mil hommes de pié, dont les cinq cens tiroient de l'arc: le reſte qui ſe montoit iufques au nombre de mille (comprins les deus cens du Roi Cildadan) auoyent été amenés par Gaſquilan Roi de Sueſſe, puis en ordonnerent le departement tel que vous entendrés. A l'Empereur fut preſentee l'auât garde qu'il accepta: & pource que ſa troupe étoit trop groſſe au pris du reſte, en laiſſa cinq cens hōmes d'armes, & mille hommes de pié, qui furent reſerués pour l'arriere garde. Le Roi Liſuart eut la bataille acōpagné des gens de ſes païs, mêmes de Norandel qui eut charge des gens de pié, & les Rois Cildadan & Gaſquilâ l'arrieregarde, avec Brandoyuas pour les gēs de pié: & croyés qu'il les faiſoit trébon voir marcher en bataille: car au partir de là, le Floyan frere du Prince Saluſte Quide (qui étoit corronnal des gens de pié de l'auâtgarde) auoit fait drefſer ſon écadrō en quarré, dōt les ſis premiers rācs étoient richement

Am. 4.

armés, & tous gens délite, & au milieu de leur troupe voyoit on leurs enſeignes au vent, acōpagnées de halebardiers, & puis ſus les flancs étoient les deus mille harquebuziers, que cōduiſoit Arquifil, couuerts de gorgerets & cabaffers: & à côté ſus les aëles de la gendarmerie avecq l'Empereur, en laquelle y auoit tant d'enſeignes, guidons, & banderoles, qu'il n'étoit poſſible de voir troupe plus braue: pource que la plus part des hommes d'armes auoyent leurs cheuaus bardés, & les Archers (qui étoient ſeparés d'eus) ſi bien mōtés, qu'il y auoit peu de différece. Entre la gendarmerie, & gens de pié, marchoit vne bande d'artillerie, avec grand nombre de pionniers, & le charroy portant les munitions de poudres & boulets ſeulement: le reſte ou étoient les cordages, chables lanternes, fallots, hantes, picques, pelles, ſerpes, coignées, forges, eſſieus, tentes, & autres choſes requiſes à l'atelage, étoient au cul de toute l'armée à côté du bagage: puis ſuyuoit la bataille en pareil ordre, & l'arrieregarde après, qui vindrent camper à trois lieues de là.

Comme le Roi Perion fut auerti du délogement de ſes ennemys, & de l'ordre qu'il tint pour aller au deuant les combatre.

CHAP. XVI.

A Prés que l'armée des Cheualiers de l'Ile Ferme fut aſſemblée & refrêchie, du conſentement de tous, le bon Roi Periō demeura chef & cōducteur de cête entreprinſe: parquoy chacun fit ſerment de lui obeir. Or étoit il gentil Prince, ſage & preuoyant le poſſible: & à cête cauſe conſiderant à qui il auoit affaire, & de quelle importance ſeroit la perte de cête bataille ſi la fortune luy diſoit mal, quelques iours après auoir depêché gens & épies de toutes pars, pour entendre d'heure à autre nouuelles de ſes ennemis, fut auerty, que ſans doute ils marchoyent en

D 3

païs:

LE QUATRIEME LIVRE

païs parquoy delibera aller au deuant , & les combattre, s'il les trouuoit à point : & pour ce faire il ordonna son armee ainsi que vous entēdrés. Premieremēt fut donné charge de l'auantgarde à Amadis, accompagné d'Agrais, Bruneo, & de deus mille trois cens hommes d'armes , la plus part Gaulois. Et à Quedragant, la conduite de quatre mille hommes de pié, de semblable natiō, melee, avec partie des Ecoçois, & sis cens cheuaus legiers, pour aller découvrir & écaroucher sous l'enseigne de Branfil . Pour la bataille Gastilles fut coronal de cinq mille hōmes de pié, quasi tous Grecs faisant separément vn bataillon de dixsēt cens Archers, qui auoyēt l'industrie de tirer si bien de l'arc Turquois, qu'à chacun coup ils décochoyent cinq fleches duquel Libee neveu de maitre Helisabel fut capitaine: & le Roi Periō, avec Gandales, les suy voyēt, ensemble dixhuit cens hommes d'armes, léquels étoyēt cōtoyés par Briā, avec l'arrieregarde de quinze cēs Cheualiers, la plus part d'Espaigne, soutenus par trois mille hommes de pié, déquels Sadamon auoit la conduite. Puis ordonna pour secourir & rēforcer de fois & d'autres les plus pressés, Tiron, avec sēt cens cheuaus, & Madacan pour garder le bagage, suyuy de cinq cens hommes de pié. Ce fait commanda que chacun se retirāt sous son enseigne, pour partir le lendemain de grand matin . Mais pour trop ne nous éloigner de ce que faisoit ce pēdant Arcalaus , entendés qu'après auoir sceu certainement, que les Rois Periō & Lisuart , marchoyent l'un contre l'autre, pepēcha soudain Garin sis de Grumel, lequel Amadis occit lors qu'il secourut Oriane, comme il vous à été recité au premier livre : & luy commanda expressement ne seiourner iour , ne nuit, qu'il n'en eut auerti le Roi Arauigne, & les autres de sa ligue, à ce qu'en toute diligence ils fissent partir leur armee, & entrer au pais de la grand'Bretaigne, ou il les atendoit avec sa troupe. Garin obeissant à Ar-

calaus, fit tant qu'il arriva en la grand'ville d'Arauigne , de laquelle tous les Rois du païs portoyent le nom: & la trouvant celuy auquel il auoit affaire , luy declara l'ocasion de sa venue vers luy, & semblablement aus autres , ainsi qu'il luy étoit enchargé, lequels ayant leur armee prête, conclurent d'eus assembler deuant la ville de Califan au païs de Sansuegue, & là dresser leur camp pour eus embarquer: & ainsi le firent, tellemēt qu'au iour assigné se trouverent iusques à douze mille hommes de guerre & plus, léquels entrās dedans les vaisseaus que lon auoit fait equiper, firent voile en la grand'Bretaigne, ou ils prindrent port pres d'un château qui apartenoit à Arcalaus, lequel les atendoit avec sis cens Cheualiers , tous ennemis mortels du Roy Lisuart & d'Amadis.

Et après s'être refraichis vn iour ou deus sans plus, auertis par leurs épies, de la diligence que faisoit le Roi Lisuart pour trouver ceus de l'Ile Ferme, délogerent & commencerent à le cōtoyer petit à petit. Et conduisoit l'auantgarde le Roi de la profonde l'Ile, avec sis cens hommes d'armes & trois mille cinq cens hommes de pié, la charge déquels seroit baillée à Barfinan qui étoit encores ieune Cheualier & entreprenant . Le Roy Arauigne menoit la bataille , accompagné de quinze cens hommes d'armes, & trois mille cinq cens auanturiers sous la conduite de sis Cheualiers pārens de Broutaxer, qu'Amadis deffit en la bataille des sēt Roys , léquels étoyent expressement partis de l'Ile Sagitaire, pour eus trouver en cēte entreprinse , esperans venger la mort de leur parent . Et à Arcalaus fut baillé charge de l'arriere-garde avecq' cinq cens hommes d'armes , & quinze cents soldats . Et pource que le ieune Duc de de Bistroye étoit arrivé des derniers, avec quelque nombre de cheuaus legers , il fut ordonné pour aller découvrir & tenir escorte aus esplanadeurs: & en telle ordre entrerent es païs du Roy Lisuart, par

par les endroits plus couverts qu'ils ce que plus aysément ils missent fin à leur
peurent choysir pour n'être aperceus, à entreprinse.

Comme Gandalin, & Lasin de Ecuyer de Bruneo de bonne Mer, furent faits Cheualiers, & de la bataille que se donnerent les deus Rois, Lisuart & Perion.

CHAP. XVII.



Nous vous auons recité par cy deuant, que Gandalin eut charge d'Amadis (allant en Gaule) de suplier la Roine sa mere enuoyer Melicie tenir compagnie à Oriane, ce que le Roy Perion auoit trouvé bon: mais voyant Galaor si mal, ne voulut qu'elle partît iusques à ce qu'il se portât mieus. Parquoy fit demeurer Gandalin expressement pour la conduire, aussi tôt qu'il seroit hors de danger, ce qui auint peu après. Au moié de quoy la Roine la fit embarquer, bien acompagnée de Dames, & Damoiselles, esperant qu'elles troueroient encores le Roi Periō en l'Ile Ferme: mais il étoit ja party, dont Gandalin fut si déplaisant que rien plus: car il esperoit bien être Cheualier auât que la bataille se donnât: pour à quoy paruenir, sans faire aucun seiour, partit le lendemain, & chemina tât qu'il arriua au cap. Lors l'auisant Amadis, luy demâda ou il auoit laissé sa sœur.

Mon Seigneur, répondit il, elle est de present en l'Ile Ferme, avec ma Dame Oriane, & se recommande humblement à votre bonne grace. Et mon frere Galaor, dit Amadis, est il guerri? Il se porte trop mieus qu'il n'a fait, répondit Gandalin: mais il est encores si debile qu'il ne peut sortir de la chambre. Puis luy raconta tout ce qu'il sçauoit de nouveau. Vrayement, Gandalin, dit Amadis, ie te sçay bon gré d'être retourné si à propos, veu que j'espere que nous aurons la bataille deuant qu'il soit trois iours d'icy. C'est ce qui m'a fait hâter, répondit il: car vous sçaués le desir que j'ay d'être Cheualier, & que meilleur endroit ne pourrois recevoir tel honneur & croyés mon Signr, que sans la connoissance que j'ay maintenant, que vous poués passer aisément de moi aiât ma Dame Oriane en votre puissance ie ne vous tiendrois tels propos: à cete cause, ie vous supplie tres humblement m'otroier que cete bataille ne se done point sans que j'y sois.

prins & me faire le bien ou l'ay toute ma vie aspiré. Ah Gādalín répōdit Amadis, q̄ tāt m'ēt grief d'acomplir ce q̄ tu demandes, croy moi qu'il me semble que tu me tires le cœur du ventre : parquoy s'il étoit possible ie m'en exempterois volontiers: toutefois voyant qu'il ēt raisonnable, ie postposerai toute passiō pour te complaire, étant seulement marry, que ne sommes en lieu ou ie peusse recouvrer armes, pour te dōner & faire en celà tout ce qui ēt requis, & que tu merites. Mō Seigneur, dīt Gādalín, vōtre frere y a de sa grace très bien pourueu: car au partir de luy (sachāt ma deliberatiō) m'a fait present des hennies, & du meilleur cheual qu'il eut, & outre il me volut donner son épée: mais ie lui dis que vous m'auiez promise l'une de celles que vous donna la Royne Menoresse en Grece. Puis qu'ainsi ēt, répondit Amadis, il sera donc meilleur que la nuit, auant que nous ayons la bataille, tu veilles en la chapelle du Roi mon pere, & le iour ensuiuant ie te presenterai à lui armé, cōme il appartient: pource qu'il te seroit impossible recevoir cheualerie de meilleur endroit. Sus mon Dieu mon Seigneur, dīt il ie n'eu oncques desir de l'auoir d'autre que de vous, s'il vous plaīt. Et bien répondit Amadis, ie ferai ce que tu voudras. La fin de Ecuyer de Bruneo, dīt Gādalín, m'a nagueres asseuré que son maitre luy a accordé aussi de le faire Cheualier, luy & moy veillerons ensemble, & serons compagnons en cete bataille. Amadis ne luy répondit mot, ains se retira en la tente du Roi, lequel lui cōmanda faire partir le cāp le lendemain de grād matin: car les épies luy auoyent raporté que ses ennemis s'approchoyent. Ainsi marcherent les deus armées l'une cōtre l'autre, tellement q̄ le tiers iour ensuyuant elles se peurēt voir à demye lieu près, ou ils se camperent non sans dresser plusieurs belles écarouches, tant de gens de cheual que de pié: spécialement de la part des Romains, qui ne tâchoyent qu'à tirer ceus de l'Isle Ferme au

combat: pource qu'ils étoient en lieu auantageux pour eus. Mais le Roi Periō entendoit très bien cete ruse: parquoy fit fortifier son cāp par grandes trēchees, & sus les auenuēs asseoir son artillerie. Et ainsi se maintindrent trois iours durās, écarouchans quasi depuis le matin iusques au soir: & plus long tems eussent encores temporisé, n'eut été qu'on leur rapporta qu'Arcalaus auoit fait descendre le Roy Arauigne, avec vne puissante armée, lequel marchoit à grandes iournees pour les venir trouver. Et à cete cause chacun des deus camps commencerent à auoir vne merueilleuse doute, ne sachans de quelle part il se vouloit ioindre. Car le Roi Lisuart estoit qu'il vint au secours d'Amadis, & Amadis en presumoit autāt pour le Roy Lisuart. Celà seul fut cause de les faire combattre, ainsi que vous entendrés cy après. Mais premier que ce faire, Gasquilan Roy de Suesse qui étoit expressément party de son païs pour venir combattre Amadis, enuoya vn trompette vers luy, lequel arriué, luy dīt: Seigneur Amadis le Roy de Suesse mon maitre, vous mande par moi, qu'au temps que le Roy Lisuart entreprit la guerre contre Galuanes en l'Isle de Mongaze, il passa de ses païs par deçà expressément, pour s'éprouver contre vous, non pour innimitié ou mal qu'il vous vueille: ains seulement pour la grande renommée qui ēt en vous. Neantmoins il ne vous trouua pas, & fut cōtraint (étant navré se retirer en son Roiaume, duquel il ne fut encores parti n'eut été qu'il à été auerty par le Roy Lisuart, q̄ vous seriés de cete entreprinse parquoy continuant en sa premiere deliberation, il vous prie par courtoisie q̄ demain vous vueillés rompre trois lances avec luy: car si vous atendés, le iour de la bataille, mal aisément vous pourrés vous éprouver l'un contre l'autre selon son desir, Trōpete, répōdit Amadis, j'ay entendu long tēs a tout ce q̄ tu m'as dīt & aussi le vouloir de ton maitre: & croy certainement que l'enuie

froy ils auoyent quasi rompu les gens de pié que menoit Brandoiuas. Ainsi entre-
rent pêle-mêle ces deux armées faifans
rant d'armes qu'oncq' gens ne se mirent
en plus de deuoir, & tât étoient acharnés,
qu'ils s'en enfuiuit vn meurtre merueil-
leux. Durant ce conflit, Brian qui étoit
fuiuy de ses éspagnols, rencontra le Roy
Arban de Norgales, & se chargeans l'un
l'autre, peus'en falut qu'ils ne se desarçon-
nerent. Là suruint le Roy Lifuart avecq'
Grumedan, qui portoit son enseigne, &
autres Cheualiers de la grand Bretagne,
qui mirent Brian en telle nécessité, que
s'il n'eût été promptement secouru par
Agraies & Florestan, il eût été prins: mais
ceus là se trouverent si à propos, qu'ils
firent reculer leurs ennemis, après toute-
fois que le Roy Lifuart eut abatu Drago-
nis, lequel il vouloit tuer quand Agraies
se mit entre deus, luy criât: Roy mal-heu-
reux, tourne visage: car tu mourras de la
main d'Agraves, qui te hait plus qu'hôme
vivant. Ce disant, luy rua sus l'armet si
grand coup que les jeus luy étincelerent,
& laissant pendre son épée à la chaîne qu'
il auoit au bras, le saisit par le faus du cors
si étroitement, qu'il le cuida renuerfer par
terre: mais le Roy Lifuart l'embrâça de
toute sa force, parquoy se mirent à tirer
l'un contre l'autre, tachans tous deux à
mettre bas son ennemy. Et comme ils é-
toient en ces termes, le Roy Perion les
auisa, lequel fuiuy par Landin, Florestan,
Enil, & bonne troupe de ses gens, s'apro-
cha, pour secourir Agraies, & prendre le
Roy Lifuart, s'il pouoit: & poursuiuât son
entreprinse rencontra Giontes, Grume-
dan, & grand nôbre d'autres qui les char-
gerent. Et croyés que lors il y eut bien af-
faiilly, bien defendu, dont maints furent
grièvement naurés, les aucuns mors, & les
autres jetés par terre entre les jambes des
cheuaus. Car le Roy Cildadan s'y trou-
ua avec grand nombre d'Yrlandois, & Ga-
stilles semblablement si bien accôpagné,
qu'en c'et endroit fut tout l'effort de la

bataille: pour-ce que les gens de pied &
de cheual se mêlerent tous ensemble.
Toute-fois à la fin ceus du Roy Lifuart
se trouverent fort pressés, à cause qu'Am-
adis, Lafinde, Gandalin, Balays, Landin, &
plusieurs autres qui l'accompagnerent, les
vindrent charger sus le derriere, & eussent
prins la fuyte sans le Floyan, lequel leur
tint l'épaule avec vn renfort de Romains
qu'il auoit raliés. Ce non obstant il ne
demeura guerres là: car Amadis le mit in-
continent à mort en la preséce de l'Em-
pereur, qui en cuida desespérer: & pensant
le venger, vint ruer sus Amadis, lequel le
reconneut. Lors luy redoublerent ses for-
ces, pour le mal talent qu'il lui portoit, &
ainsi que l'Empereur leuoit le bras pour
luy donner sus la tête, Amadis le print
au découvert droit à la jointe de l'épau-
le, laquelle lui separa des côtes avecques
telle douleur, qu'il en mourut sus l'heure.
Au moyen dequoy les Romains trop é-
pouentés tournerent dos, fuyans à vau de
route, sans que le Roi Arban, ou autre les
peût de là en auant arrêter, pour chose
que lon leur dit. Lors conneut bien le
Roy Lifuart, que fortune n'étoit des siens
ce jour là, & la perte de la bataille pour
luy: toutes-fois il aimoit mieus mourir
l'épée au poing, que se sauuer par vne fui-
te honteuse. Et comme il vouloit ren-
trer en la presse, le Roy Arban le retint,
en luy disant: Ah, Sire, ne vous perdés à
vôtre escient. Voulés vous seul comba-
tre vne armée? ne voyés vous les Ro-
mains en desordre, & la plus part de nos
gens déconfits? retirons nous, s'il vous
plait, & sauvons la reste, avec lesquels
nous pourrons vne autre-fois donner be-
aucoup d'affaires à l'ennemy. Bien con-
neut le Roy Lifuart qu'il disoit verité:
parquoy, tandis que ses gens se retiroient
lui & ceus qu'il peut asseurer, demeure-
rent sus la queue, soutenans l'effort de
ceus qui les poursuyuoient. Mais cela
ne les eût garantis, sans Amadis, lequel
preuoyant le déplaisir qu'auroit Oriane,
si vne

si vne fois le Roy son pere étoit deffait, dit au Roy Perion : Monsieur nos ennemis s'enfuyent, ie vous prie sans hazarder nôtre fortune, contentons nous de l'honneur que nous auons eu ce jourd'hui: car si nous les poursuiuons plus outre, la nuit nous pourra surprendre, & peut être eus (comme desespérés voulans venger leur mort) nous porteront quelque grand dommage: laissons les aller, & faisons retirer nos gens qui sont las & travaillés. Et bien, répondit le Roy Perion. Comment, dit Agraies, maintenant que nôtre victoire se presente vous la voulés donc refuser? Par Dieu, mon cousin, vous n'êtes pas digne d'être jamais autre que simple Cheualier errant. Voulés vous, répondit Amadis, que vos gens se tuent l'un l'autre? il ét ja Soleil couché, & la nuit si prochaine, que s'ils s'entrent au combat, ils ne se pourront connoître entre nos ennemis, contentons nous, ie vous en prie. Bien conneut Agraies lors à quelle fin Amadis faisoit cete excuse: parquoy sans luy replicquer, de grande colere tourna bride, & s'en alla d'autre côté: car Amadis fit sonner la retraite. Adonc chacun retourna arriere, & se campa l'armée du Roy Perion au lieu même ou auoit été le combat, pour signe de victoire, pensant le lendemain paracheuer mieus que deuant: mais peu après arriva vn Heraud demandant le cors de l'Empereur, & autre treue pour quatre jours, durant lesquels on pourroit enterrer les mors, ce qui luy fut accordé, contre l'opinion de plusieurs, par le moyen d'Amadis.

Des propos que le Roy Lisuart eut avec les Romains apres la bataille donnée, & comme le saint homme Nascian, qui gouerna Esplandian en ses ieunes ans, sachant cete guerre, partit de son hermitage, pour venir vers les deus Roys essayer à les mettre en bonne pais.

CHAP. XIX.

LEs treues accordees (comme ie vous ay dit) le Roy Lisuart comanda apporter le cors de l'Empereur, en la plus grande magnificence qu'il seroit possible, lequel il fit mettre en sa tente: & pour ce qu'il craignoit que les Romains ne voussissent plus combattre, voyans leur chef mort, se delibera de parler à eus tant pour leur donner courage, que pour sentir leur vouloir. Et à cete cause le jour ensuiuant enuoya prier Arquifil, qu'il les fit tous mettre en bataille, à ce qu'ils peussent mieus entendre ce qu'il auoit deliberé de leur dire. Volontiers acorda Arquifil au Roy Lisuart, ce qu'il demandoit, au moyen dequoy étans assemblés dedans vne belle prairie, le Roy Lisuart les vint trouver, & se mettant au milieu de leur escadron, comença à parler ainsi: Messieurs, & grands amys, vous aués veu & expérimenté en ces deus rencontres, comme fortune s'est montrée nôtre ennemye, tellement qu'en nous donnât le pire elle a triomphé de la mort de mon bon frere l'Empereur vôtre maître, & de maints autres preus Cheualiers, qui par effait (en eus vengeans de nos ennemis) ont voulu venir à ce qu'ils sont venus: pour ce que c'étoit la plus belle experience qu'ils eussent peu faire de leur vertu, pour acquerir la gloire ou ils aspiroyer. Pour à quoy paruenir, il leur a semblé moins que rié de hazarder leurs vies, & qu'il étoit trop meilleur mourir en soy defendant vaillamment, que d'échaper en recullât. En sorte que pour ne tomber en ce deshonneur & honte, ils ont voulu plutôt, par vne très grande magnanimité de courage, endurer la fortune qu'obeir à la crainte, non que pour cela ie vueille en rien taxer ceus qui sont échapés, sachant le grand deuoir ou ils se sont mis: mais vous prier tous, que préférant vôtre honneur au regret que pourriés auoir de la perte de vos compagnons, vous essayés (la treue faillie) à les venger, combatans vigoureusement ceus, qui ont par trop les

cœurs

cœurs enflés de leur victoire. Bien suis d'avis, q̄ nous nous devons moins exposer aus hazards & dangers, que si nous auions sus eus ce qu'ils ont sus nous, non pas d'auoir moins de courage à les assaillir, ou nous defendre, si la fortune continuë à nous defauioriser: attendu que si nous y mourons tous, ce nous sera vne gloire immortelle, & vne sepulture la plus honorable que nous sçaurions souhaiter. Car toute la terre en general ét le vray lieu ou doit être mis les corps des hommes illustres & magnanimes, là memoire desquels n'êt pas conseruee tant seulement par les epitaphes & inscriptiōs priuees, ains pour la renommee d'eus, qui s'étend & public entre les nations étrangères, qui considerēt en leurs esprits plus la grandeur & hautesse de leurs courages que ce qui leur ét auenu: veu q̄ la lacheté, acōpagnée de hōte, ét plus griene & deplaisante à vn homme, qui a cœur bon & entier, q̄ la mort qui lui suruiet par prouesse, avec l'esperance de la gloire publique. Celà me fait croire, mes grands amys, que pour ne degenerer à vos predecesseurs, vous ferés en sorte, que le monde connoitra la grand' vertu & constance qui ét en vous, & qu'en la mort de vōtre Prince n'êt pas jointe celle de vous tous: pourtant ie vous prie, me dire la deliberation ou vous tendés, à fin que suiuant vōtre resolutiō, i'auise de mon côté à mettre ordre à ce qui sera necessaire, vous assurant en parole de Roy, que si ie deuois mourir de mille morts, ie ne partiray d'ici que ie n'aye la fin de mes ennemys, ou eus de moy. Telles parolles haucerent tant les cœurs des écoutans, q̄ d'vne vois commune répondirent, qu'ils étoient prêts de combattre mieus que jamais, dequoy le Roy Lisuart les remercia bien affectueusement. Ce fait ordonna que l'on emportât le cors de l'Empereur au monastere de Lubanye, attendant qu'il eût meilleure oportunité de luy faire obseques & pompes funebres, comme en tels cas il ét requis: puis enuoya ses Chi-

rurgiens regarder diligemment aus nauvres, ausquels il fit de grands dons & promesses, & semblablement à plusieurs capitaines de son armee, & non sans cause: car l'esperance que lon a d'auoir (oultre le gré de son Prince) honnête recompense de son labeur, fait quelque fois plushardiment combattre & hazarder la vie: ce qu'ils étoient tous resolus de faire en la premiere rencontre. Mais le Seigneur Dieu (es mains duquel sont toutes choses) en ordonna tout autrement, ainsi que presentement vous entendrés. Le bruit du mariage d'Oriane avec l'Empereur de Romme auoyt couru en tant de lieux, que le bon Hermite, lequel nourrit Esplandian es premiers jours de son enfance, en fut auerty, mêmes du déplaisir qu'en auoyent tous les sujets du Roy, la force qu'il faisoit à sa fille pour l'y faire condescendre, & finablement du secours q̄ lui dōna Amadis & ceus de l'Ile Ferme: au moyen dequoy ces deus grosses armées s'étoient mises aus champs. Or connoissoit il certainement les amours, l'état, & la conscience d'Oriane: & comme elle & Amadis s'étoient promis mariage l'un à l'autre, sous la couverture duquel auoit été engendré Esplandian, & partant elle ne pouuoit être donnée à autre, sans que nōtre Seigneur y fût grandement offensé: Et à cete cause delibera l'aller trouver en l'Ile Ferme, ou elle étoit pour essayer d'obtenir congé d'aller declarer au Roy Lisuart, ce qu'il en sçauoit: afin de mettre pais à si grāde guerre commencee. Et de fait tout vieil & caduc monta sus son âne, & acompagné seulemēt d'un autre bon homme, se mit en chemin, ou il trauailla tant, qu'il arriua au palais d'Apolidon, incontinent après le partement du Roy Perion: dequoy il fut trédeplaisant, craignant qu'il ne peût si tôt executer son entreprinse, que les deus armées ne se rencontraissent. Au moyen dequoy il fit incōtinēt entēdre son arriuee à Oriane, laq̄lle le receut treshumainement: mais elle s'éba-

LE QUATRIEME LIVRE

s'ébaissoyt qui l'auoit meü de faire si long chemin, & en temps si mal propre, pour l'état qu'il auoit mené plus de soixante ans au parauant: & cōme elle s'en enquerroit à luy étans eus deus retirés à part en son cabinet, elle luy dît pleurant tendrement: Ah mon pere, il m'êt bien maintenant pis, que quand ie vous vy premierement ie prie à nōtre Seigneur, qu'il me vueille consoler. Ma Dame, répondit Nascian, pour cete seule ocasion suis ie party de mon petit hermitage, ayant entendu, que l'Empereur de Romme, & le Roy vōtre pere marchoyent vers ces limites, pour donner la bataille à Amadis, & aus autres qui sont avec lui: & preuoyant l'inconuenient qui en auendra, si leur deliberation êt executee, tant pour la perte des personnes qui y pourront mourir que pour l'offense que lon commettrait enuers nōtre Seigneur, étant, à ce q̄ lon m'a dit, cete guerre cruelle commencee pour le mariage de vous avecques le Patin, ie me suis mis en voye, pour venir vers vo^s, sçauoir la verité du tout, & essayer, s'il êt possible, de pacifier les choses à la gloire de Dieu, & au profit & honneur de son peuple: car vous sçaués, ma Dame, que ie ne puis ignorer le secret de vōtre cōscience, & le peché que vous commettriés étant donnée pour femme à autre, qu'à ce-luy, auquel vous êtes dé-jà, ainsi qu'autre-fois vous m'aués dit. Et neantmoins, puis que ie l'ay sceu en confelsion, il ne m'êt loisible de le reueler, sans vōtre vouloir & consentement: parquoy étans les choses es termes ou elles sont, il me semble que vous y deués bien auiser, & trouver moyē que le Roy vōtre pere entende la promesse, que vous & Amadis aués ensemble, afin qu'il ne peche desormais par ignorance: mēmemēt puis que vous êtes maintenant en lieu, ou il ne vous peut mal faire, & quand bien vous seriés en sa puissance autant que vous fîtes oncques, si deués vous preferer la crainte de Dieu, au de-plaisir qu'il en pourroit auoir: lequel i'es-

pere bien moderer, si vo^s voulés me permettre, q̄ ie luy en porte la parole. Helàs, mon pere, dît Oriane, en vous seul gît mō remede, & mon reconfort: faites tout ainsi qu'il vous plaira, vous suppliant bien humblement prier nōtre Seigneur me regarder en pitié. Ma Dame, répondit Nascian, ie suis seur qu'il vous aydera: car il exauce certainemēt le pêcheur qui retourne vers luy en cœur contrit & deplaisant de l'auoir offensé, & s'il luy plait, me donnera aussi la grace de paracheuer cete entreprinse avec laq̄lle il en demeurera seruy, & vous contente: Et pour ce que ces deus armées sont prés l'une de l'autre, & que ie crains qu'ils ne se rencontrent deuāt que l'arriue vers eus, il vous plaira me donner congé de partir ce jourd'hui à ce que par ma negligence il n'en auienne inconuenient, & que le fruit que l'espere de mon labeur ne perisse par ma paresse.

Mon pere, dît Oriane, nōtre Seigneur vous vueille bien conduire, vous priant affectueusement, si voyés le petit Esplandi, anfaire tant que me le puissiés amener à vōtre retour. Lors commanda que lon lui apportât à dîner, & après qu'il eût pris sa refectiō remonta sus son âne, & print le chemin, pour aller trouver le Roy Lisuart: mais il ne peut si tôt cheminer, que les deus armées n'eussent dé-jà combatu par diuerses foyes, comme il vous a été dit, & arriua le jour de deuant que les secondes treues fussent finies. Et ainsi qu'il trauersoit le camp, veid vne partie des gens morts que lon enterroit, dont il fut si ennuyé, que pleurant à grosses larmes leua les yeus & les mains au ciel, & dît: O Seigneur Dieu, pour l'honneur de vous mêmes, ie vous supplie, qu'il vous plaise auoir pitié de ce peuple, & me donner la grace, quē ie puisse pacifier si grand desordre. Et passant outre, vint descendre joignant la tente du Roy Lisuart, lequel l'auisa aussi tôt, & le reconneut: parquoy s'auāça, pour le receuoir: car il l'auoit en estime d'hōme de sainte vie, & pēsa biē q̄
sans

sans ocaſion il n'étoit parti de ſon hermitage, & venu vers lui, & à cete cauſe il lui dit en l'embrçant: Mon pere, vous ſoyés le trébié venu: puis le prenât par la main le conduit en ſon pauillon, ou il le fit aſſeoir auprès de luy dedás vne chaire couuérte de velous. Adoncq' cōmanda q̄ lon les l'aiſſât ſeuls, & que chacun ſe retirât, & entrant en propos lui dit: Mō peré ie croi que vous n'eusſiés prins tant de trauail à faire ſi long voyage, ſans quelque grâde neceſſité, ie vous ſuplie me la faire entendre. Sire, répondit il vous aués bien raiſon d'ainſi le penſer: car pour certain ma grâd vieilleſſe, & l'état ou il a pleu à nôtre Seigneur m'appeller long tems a, m'excusoient bien de me trouuer entre ce peuple de ſang, toutefois conſiderant le mal qui pourroit auenir, ſi i'eusſe differé mon entreprinſe, ie n'ay crains le trauail de ma perſonne, eſperât faire ſeruiſe agreable à Dieu, & ſalutaire à vôtre ame. Et entédés, Sire, qu'étant ces iours paſſés en l'hermitage ou auanture vous guida, lors q̄ vous & moi cōmuniquâmes enſemble premierement, de l'étrange nourriture d'Esplandian, i'ay ſceu l'ocaſiō de la guerre q̄ vous aués cōmencee cōtre Amadis & les ſiēs: & neantmoins ie ſuis ſœur que vous ne poués faire ce qu'aués entrepris, qui ét de marier ma Dame vôtre fille à l'Empereur de Rome, par lequel trop de malheurtés ſont dê-ja auenués, non ſeulement pour n'être agreable, tant aus grands, qu'aus petits de vôtre Royaume, ainſi que pluſieursfois il vous ont fait dire: mais pour quelque autre raiſon, Sire, qui vous ét occulte, & à moy manifefte, à laq̄lle ſelō la loy de Dieu vous ne poués cōtrarier. C'êt que ma Dame Oriane ét dê-ja coniointe par mariage à vn autre, que nôtre Signr a eu agreable, & lui a pleu qu'ainſi fut. Le Roi bien ébaï, oyant ainſi parler ce vieil homme, eſtima ſus l'heure que la debilité du cerueau lui faiſoit tenir tels propos, & qu'il fut troublé d'entendement, ou bien qu'il eut été mal informé de ce qu'il di-

Am.4.

ſoit, parquoi il lui dit: Comment? mon pere, ma fille n'eut oncques mary que ie ſçaſche, & n'a été propos de luy en dōner, autre que l'Empereur, auquel ie l'auois promiſe eſtimant que ce fut ſon honneur & profit: & Dieu me ſoit témoin que ie ne penſay de ma vie à la deſheriter, ainſi que pluſieurs ont eſtimé: ains ſeulement pour prendre alliance avec vn tel Signr, par le moyen duquel, luy & moy alliés enſemble, euſſiōs peu acroître la foi Chreſtienne: & par ainſi, étant mon intention iuſte, il me ſemble que ie n'en doy être blâmé. Sire, répondit il, c'êt pourquoy ie vous ay dit, que ce qui étoit à vous caché, m'étoit manifefte, ainſi que ie vous declarerai preſentement: car d'autre que de moi ne le pouvés ſçauoir. Sire, le propre iour, que par vôtre commandement ie vous fu trouuer en la forêt, où pour dōner plus lōg plaifir de la chaffe aus Dames qui étoyēt avec vous, aués fait tēdre vos pauillons (ie ne ſçai ſ'il vous en ſouuient) ie vous menai le ieune Esplandian, lequel vous preſenta la Lyonne qui l'auoit alaité du commencement, & ce iour mêmes ouy ma Dame Oriane vôtre fille en confeſſion ou elle me declaira, qu'elle auoit promis mariage à Amadis de Gaule, au tēs qu'il la deliura des mains d'Arcalaus l'enchanteur, à qui vous l'auiés livree, vn peu deuant que la Damoiſelle, par laquelle vous fuſtes enchanté, mît vôtre perſonne & états au plus grand dāger qu'il étoit poſſible, dont Galaor vous retira: & croyés, Sire, qu'il ét vray ſemblable, que nôtre Seigneur ayt donné conſentement à tel mariage: car Esplandian en ét yſſu, duquel Vrgande la Déconnue à predit les grâdes merueilles que vous ſçaué. Et pourtant vous n'en deués être déplaiſant: mêmes qu'Amadis ét ſis de Roi, & outre eſtimé en tous lieux l'un des meilleurs & plus gracieus Cheualiers du monde: parquoi, Sire, ie vous conſeille qu'en vous montrant tel q̄ vous aués toujours été, vous gardés l'honneur & la conſcience

E

de

LE QUATRIEME LIVRE

de ma Dame vôtre fille, & que mettant fin à cete guerre, vous la r'apellés & traités desormais comme il ét raisonnable: ce faisant nôtre Seigneur se contentera de vous, lequel autrement se pourra courroucer par l'effusion de tant de sang humain, q sans aucune ocasion vous aués fait déjà répandre. Quand le Roy l'eut longuement écouté, il demeura tout pensif, puis luy répōdit: Mon pere, ét il possible q ma fille soit mariee à Amadis? Ouy certes, dit Nasciā, il ét son mary, & Esplandian vôtre petit fis. O Dieu! répōdit le Roy quel mal ét il avenu pour me l'auoir tenu secret iusques à maintenant! Sus ma foy il y eut maints bons Cheualiers en vie qui sont morts ou i'ay trégrand regret. Hé-làs, que ne m'en aués vous plutô auerty! Celà ne pouois-je faire, dit l'Hermite, car il m'auoit été dît en confessiō, & si maintenant ie le vous ay manifesté, croyés que ç'a été par la permission que m'en a donné ma Dame vôtre fille, & autrement vous n'en eussies iamais rien entendu de par moi: mais elle en a été contente, tant pour l'aquit de son ame, que pour vous ôter occasion de ne plus pêcher en cela par ignorance. A l'heure se vindrent presenter deuant les yeus du Roi, les seruices qu'il auoit receus d'Amadis, & de ses parens, tels qu'il ne tenoit quasi la vie que par eus, l'ayant tant de fois secouru en ses affaires, & que vrayement il meritoit sa fille, & mieus s'il lui pouoit donner: mêmes que l'Empereur auquel il l'auoit promise, étoit mort, & aussi qu'Virgāde lui auoit predit choses étranges & amirables d'Esplandian: & entre autres qu'il deuoit être cause dela pais perpetuelle entre Amadis & lui ce qu'il voyoit déjà quasi avenu, & tout ce discours en sō esprit, répōdit à Nascian: Mon pere, encores que j'eusse arrêté de mourir, & tous les miens avecques moi, ou auoir le dessus de cete guerre, voiāt les choses es termes ou elles sont, ie croyrai vôtre cōseil, en vous priāt tres affectueusement, faire tāt enuers

Amadis, qu'il vucille entendre à la pais, laquelle quāt ét à moi, ie la remets entre vos mains à fin q cy après vous soyes témoing deuant Dieu, du deuoir, auquel ie me suis soumis. De cete parole le bō Hermite receut tant de plaisir, que pleurant à grosses larmes se ieta aus piés du Roi, lui disant: O Prince bienheureus. Le Seigneur tout puissant vous sache gré de tant bonne volonté: & lui plaise la vous conseruer longuement. Lors le Roi le print par les mains, & le leua, puis luy répondit: Mon pere, ie feray ce que ie vous ay promis, sans aucunement me reuoquer, neant-mois ie veus bien que chacun sçache, que peur, ou faute de courage ne m'y cōtraint ains seulement la raison telle que vous me l'aués donné à entendre: & pourtāt il vaudra mieus que vous alliés au camp du Roi Perion auant que la treue soit faillie, à fin que selon ce que vous me rapporterés, ie me tiēne sus mes gardes. Sire, dît Nascian ie ne boiray ny ne mègeray si Dieu plaît, que ie n'aye parlé à Amadis, & vous supplie me dōner congé tādīs que l'ocasion s'y offre. Ce disant le Roi & lui retournerent vers les Cheualiers, qui les atendoient, ou à l'instant arriua Esplandian venant de la part de la Royne Brisene, qui l'auoit depêché de Vindilifore pour venir vers le Roy Lisuart sçauoir de sa bonne santé: & cōme Nascian l'auisa le reconneut aussi tōt. Lors le voyant tant creu & quasi prêt à prēdre les armes fut si aise qu'il le vint embracer: mais le Damoisel bien ébaï de la careffe que luy faisoit ce vieillard, l'ayāt totalement oublié, commença à rougir: toutefois peu après il luy souuint de l'Hermite, & de son hermitage: parquoi il se ieta à genous, & luy baïsa les mains. Adoncq' le bon hōme le tenāt entre ses bras, luy dît: Enfant aimé de Dieu, benoite soit l'heure q tu nāquis, & loué soit le nom de nôtre Signr, qui a permis t'acheminer en l'état auquel ie te voy maintenant. Durant ce propos chacun étoit ébaï de voir ce saint hōme faire

faire si bonne chere à Esplandian , & le Roi mêmes auerty nouuellement qu'il étoit son fis, émeu d'une amour paternelle sentoient en son cueur tel plaisir, qu'onques plus grâd n'auoit receu, tellement q l'inimytie qu'il portoit au parauant à Amadis, & aus siens se mua soudain en vne plus grande amytié : & demanda à l'enfant d'ou il venoit. Esplandian bien aprins, baissant les lettres qu'il tenoit, les lui presenta, & luy répondit. Sire, ma Dame m'euoye vers vous, ainsi que vous pourrés voir par ce qu'elle vous écrit. Lors le Roy ouvrit la lettre, par laquelle, entre autres choses elle le suplioit que son plaisir fut d'entendre à la pais, s'il le pouuoit faire avec son honneur & après l'auoir leuë il la monstra à Nascian luy disant voyés ie vous prie, il semble q la Roi ne sçache déjà ce qui est arrêté entre vous & moi. Sire répondit l'Hermite, elle vous conseille prudemment & (si Dieu plaît) ce qu'elle desire le plus, sera mis à execution, deuant que cét enfant retourne vers elle, lequel ie vous supplie me prêter pour m'accompagner, à fin que durant mon voyage ie puisse parler à lui facilement, & à mon ayse. Oy vrayement, répondit le Roy, ie ne veus pas qu'il vous abandonne tant que le voudrés retenir. L'Hermite le remercia treshumblement: sus ce point monta sus son asne, & Esplandian à cheual: pour le suiure avec Sergil son compagnon qui étoit venu quât & luy. Ainsi s'en partirent prenants le chemin vers le Roi Periō, durant lequel le bon homme deuifia continuëllement avec le Damoyfel, tant qu'ils arriuerēt au guet. Lors furēt arêtés, pour sçauoir qu'ils demandoyent: mais quand ils entendirēt que Nascian venoit pour parler à Amadis, ils le conduirent en sa tente & le luy presenterent. Or ne l'auoit il onques veu, & ne sçauoit penser que pouuoit auoir affaire à luy vn tel personnage : & à l'instant aperceut Esplandian, qu'il reconneut aussi peu, encores qu'il eut autre-

fois parlé à luy, & le iour propre qu'il cōbatit les Romains pour l'amour de Grafinde, lors q l'enfant lui demanda les deus Cheualiers, qu'il vouloit mettre à mort: mais Quedragant, qui l'auoit mieus marqué quand il le rencontra au retour de son dernier voyage de la grâd' Bretagne, le vint embracer, luy disant: Mon mignon, vous me priâtes n'a pas long tems (& Brian aussi) de faire vos recommandations au Cheualier Grec, ce qu'auons acomply, & voi le cy qui vous en pourra asseurer. Cete parolle aporta seur témoignage à Amadis, que celui, auquel Quedragant parloit, étoit son fis dont il receut plaisir inestimable. Lors l'enfant s'auança & luy fit la reuerence, non comme fis à pere (l'ignorant encores) mais comme au meilleur Cheualier du monde, & par lequel il auoit esperé recevoir cheualerie du iour mêmes qu'il lui veid combattre les gēs de l'Empereur: toutefois les discords suruenus entre les Cheualiers, de l'Ile Ferme, & ceus de la grâd' Bretagne lui causerent vn doute merueilleux de ne pouuoir paruenir à son intention. Adonc Amadis l'embrâça, lui demandant si le Roy Lisuart lui auoit donné congé de venir vers luy. Monsieur répondit il, le bon pere Nascian vous dira ce qu'il en est. Or auoit Amadis souuent ouy parler de l'Hermite, qui étoit réputé entre le peuple vn saint personnage: parquoy s'adressant à luy, luy dit: Mon pere, ie vous prie me pardonner: car ie ne vous connoissois quand vous êtes entré ceans: mais maintenant ie sçay qui vous êtes, & l'honneur que vous merités. L'honneur soit à Dieu répondit Nascian, ie suis son humble seruiteur, qui desire à sa louange parler à vous en secret, s'il vous plaît de m'écouter. Oy sus ma foi, dit Amadis, leql le print par la main, & se retirerent à part. Lors Nascian cōmença à luy dire: Mō fis auant q vous entendies la cause qui m'a meū vous venir voir, ie vous veus mettre deuant les yeus les grâdes obligatiōs dont

LE QUATRIEME LIVRE

vous êtes redeuable à nôtre Seigneur, à fin que vous soyés desormais plus enciln à faire chose qui luy soit agreable. Je croy que vous aués souvent oui dire & asseurer que des premiers iours que vous naquistes vous fustes habâdonné aus ondes de la Mer, & mis dedans vne petite nacelle seul sans autre garde que de dieu, par la bonté duquel vous tombâtes és mains de tel, qui depuis vous a élevé: tant que vous êtes parvenu à être Cheualier le plus accompli que lon sçache à present: car nôtre Seigneur vous a dōné la force de combattre & venir au dessus de plusieurs Geans, Monstres, Tyrâs, & bêtes trécruelles, dont vôtre renomée s'êt étenduë en tous les endroits de la terre, & puis qu'il vous a pourueu de tant de grace, il èt bien raisonnable que le reconnoissés comme vôtre souverain Seigneur, & mettés peine de le remercier vous humiliant deuant sa face, autremēt toutes ses faueurs qu'il vous a prêtes vous tourneront en honte & vitupere. Mon fis vous me pouués voir tât vieil & caduc que quasi nature me defaut: toutefois ie n'ay crains d'entreprendre ce long voyage vers vous, pource que i'ay entédu (état en mō hermitage) le discord d'entre vous & le Roi Lisuart auquel i'ay n'a gueres parlé, & trouvé tel, que doit être vn bon Prince seruiteur & ministre de Dieu, & prêt (s'il ne tient à vous) d'entendre à la pais, ce que ne deués refuser, tant pour le repos de vôtre conscience que de vôtre personne. Et à fin que vous ne déguisés vôtre fantasie, ie vous puis asseureur, que ie sçay de vos affaires plus q ne pensés: car ma Dame Oriane m'a dît en confession le secret de vous deus. Quand Amadis l'entendit parler si auant il pensa biē qu'il disoit verité. parquoi il lui répondit: Mon pere si ie seruois nôtre Signr selon les graces qu'il m'a faites, ie serois biē le plus heurus Cheualier du monde: mais comme pecheur que ie suis, preferant quelquefois mon plaisir à sa gloire. ie faus ainsi que les autres hommes fail-

lent, dont il me déplaît, & espere (connoissant ma faute) faire desormais mieus que ie n'ay fait par le passé, vous supliant tres-humblement ne craindre, ou differer, me dire ce, que vous verrés que ie doy faire pour lui être agreable: car ie vous obeirai à mon possible. Ah mon fis! dît il, vous faites beaucoup pour vous de prédre ce chemin salutaire, par lequel ie vous pourray guider au bien de pais & tranquillité de tant de personnes. Puis luy cōta comme il auoit passé en l'Isle Ferme, & veu Oriane, du consentement de laquelle, il étoit venu vers le Roi Lisuart, & luy auoit dît tout ce qu'elle lui auoit enchargé, spécialement le mariage d'eus deus, dont étoit yssu Esplandian. Et croyés mon enfant, dît l'Hermite, que le Roi s'êt en cécy porté trévertueusement & l'a si bien prins, que (s'il ne tient à vous) i'espere que vous aurés aliance perpetuelle ensemble. Or deuinés si Amadis entendoit volontiers ces nouvelles: ie vous asseure qu'elles lui furent si agreables qu'il auoit grand' peine à les dissimuler, & répondit à Nasciā: S'il plaît au Roi m'accepter pour son fis ie vous promets, mon pere qu'il aura en moi vn gendre qui sera prōpt à luy faire seruice. Il ne reste donc plus, dît l'hermite, qu'à vous faire parler ensemble: pourtant auiss comme & quād vous voulés y entendre. Je vous diray, répondit Amadis, ie suis d'auis que vous alliés vers le Roi Perion mon pere, & que vous lui declarés la cause de vôtre arriuee vers moi, aussi que vous pensés que le Roi Lisuart acceptera maintenant les offres, que lui presenterēt dernièrement en la grand' Bretagne (de par nous tous) Quedragant & Brian de Moniafte, touchant ma Dame Oriane, si on les lui offre de rechef, ie suis seur que vo^{us} le trouverés raisonnable & Prince de pais autât qu'il y enayt en ce mōde: vous luy pourrés biē dire aussi, que vous m'en aués parlé: mais que i'ay le tout remis en sa bonne volonté. Pour l'hōneur de Dieu, dît le preud'hōme, ie vous prie que sans plus

plus differer vous me faciés conduire ou il ét. Mon pere, répondit Amadis, moi-mêmes vo^e serviray de guide. Et sus ce point s'acheminèrent vers le Roi Periō, lequel auerty de la venuë de Nascian, vint le recevoir & auisant Esplandian ioignant de lui, ne sçauoit penser qu'il pouuoit être: bien luy sembla il voir l'vne des plus belles creatures qu'il étoit possible, parquoy demanda à l'Hermite s'il étoit son parēt: Sire, répondit il, il ét mien comme celuy que i'ay nourry en ses premiers ans, duquel nôtre Seigneur m'en donna la garde quasi miraculeusemēt. Ouy, dit le Roy, si c'ét lui que la Lyonne alaita au commencement, ainsi que i'ay oui dire, & duquel Virgande la Déconneuë à predict tant de grandes choses & entre autres qu'il sera cause de mettre pais & amitié entre le Roy Lisuart, & Amadis mon fis, dont ie prie dieu lui en donner la grace. Et certes puis que par lui doit sortir tāt de fruit, il merite bien d'être aymé. En verité, Sire, répondit l'Hermite, c'ét il dont vous parles, & quand biē vous le connoîtres vous paymerés encores plus que vous ne pensés, ainsi que ie vous feray entēdre quelque fois: puis apella Esplandian & lui cōmanda faire la reuerence au Roi. Lors l'enfant s'auança, & metant vn genoil à terre luy voulut baïser les mains: mais le Roy le print entre ses bras, lui disant: Mō mignon, vous êtes tant beau, & de si bonne grace que ceus qui ne vous virent onques, vous louent & estiment: & croi que vous serés si preud'homme que cheualerie demeurera bien employee en vous. Esplandian s'oyant ainsi louer eut vn peu de honte, & voyant le Roi qu'il rougissoit demanda à l'Hermite, s'il sçauoit de qui il étoit fis. Sire, répondit il, l'enfant n'en sçait riens, & quant à moy, ie malue bien qu'il n'a pere ne mere de qui il ayt encores receu grandes faueurs: toutes fois nôtre Signr l'a preserué iusques icy & me le donna au commencement pour l'aymer & endoctriner, comme mon en-

Am.4.

fant propre, & sus ce point le Roi (pensant qu'il ne luy vouloit dire deuant tant de gens) le tira à part: mais l'Hermite chagea de propos, & lui dit: Sire, ie vous supplie croire q̄ veu l'état ou ie suis de long tems apellé, & le grād âge, qui ét en moy, ie ne fusse sorty de mon bois pour venir entre tant de gueres, n'eut été que mō retardement eut peu causer vn mal, duquel nôtre Seigneur, se fut courroucé, non seulement contre vous & le peuple qui ét assemblé en ces deus camps, ains aussi cōtre maints autres qui ne peuvent mais desdiscords d'entre vous & le Roi Lisuart, auquel i'en ai déja parlé, & si biē converti à la pais, qu'il ét prêt d'entendre à la recevoir, ainsi que i'ay dît à Amadis vôtre fis, qui ma du tout remis à vous: pourtant ie vous supplie, sire (preferant vos passions au bien & trāquilité de tant de peuple) ne dedaigner ce qui vous ét offert, & q̄ vous mêmes devriés pourchasser. Mon pere, répondit le Roi Perion, Dieu me soit témoin du déplaisir q̄ i'ay eu pour les choses qui se sont passées, avec la perte de tāt de gens de bien & comme volōtiers i'eusse prins autre voie, si le Roy Lisuart eut voulu y entendre: mais il s'ét mōstré toujours si haut à la main, que quelque remonstrance que nous luy ayons fait mettre en auāt par nos Embassadeurs, spécialement pour l'état de ma Dame Oriane qu'il vouloit desheriter, il n'en a tenu cōte, presumant tant de soy, que par l'ayde de l'Empereur de Rome, il assuiettiroit le monde. Au moyen dequoi il a refusé, non seulement mettre ce different en iustice, ains méprisé d'en ouïr parler. Et toutes fois s'il se veut maintenāt sousmettre à la raison, ie me fie tant des miens, qu'ils suyront mon auis, lequel à toujours aspiré à acoursir ces discors, qui ne procedēt que par chose, à quoi il ét obligé par droit de nature enuers son sang: tellemēt que s'il veut rapeller ma Dame sa fille en sa bonne grace, & ne la marier point à personne si peu agreable, non seulement

E 3

à son

LE QUATRIEME LIVRE

à son peuple: mais, à tous ceus qui le connoissent ou en oyent parler, nous le luy rendrons, demeurans les bons amys, s'il en a enuie, ou tels qu'il voudra. Sire, dît le bon homme si Dieu plaît tout se fera par moy: Et si vous trouués bon d'élire deus Cheualiers des vôtres pour vider les differens, pour léquels sont déja auenus tant de maus, le Roy Lisuart en nommera deus des siens & moy au milieu, essaieray à acorder ce ou il suruiendra debat ou contention. Je vous en prie dît le Roi. Sire, dît Nascian deuant que ie dorme i'espere y pouruoir en sorte que tout sortira l'effait q̄ vous desirés. Et sus l'heure print congé de luy & des autres, pour retourner dont il étoit party, paracheuer ce qu'il auoit commencé. Et aussi tôt le Roi Perion fit assembler les principaus de son armee, puis leur dît: Messieurs & grans amis, tout ainsi que nous sommes tenus de mettre nos biens & personnes en danger, non seulement pour la deffence de nôtre honneur, ains aussi à maintenir l'equité & iustice, aussi sommes nous obligés de postposer toute passion & haine, pour nous reconcilier avec nôtre ennemi, quand de luy mêmes il présente la pais. Car encores que du commencement la guerre se puisse cōduire sās offenser dieu toutefois à la fin, si par fantasie & peu de cōnoissance nous no^s éloignons de la raison, ce qu'au premier ét raisonnable se cōuertit en iustice. Et n'estimés q̄ sans cause ie vos tiène tel propos: Nascia le sainthōme (conneu de la plus part de vous) ét venu n'aguères vers moy, comme aués peu voir, pour essayer de mettre quelque pais entre nous & nos ennemys, à quoi le Roi Lisuart ét prêt d'entendre, s'il ne tient à nous: & n'eantmoins ie n'ay voulu luy doner aucune resolutiō, sans premier entendre vos deliberations. Car il me semble raisonnable, que tout ainsi que vous vous êtes faits participās aus trauaus: que vous le soyés aussi bien du repos & tranquillité: & pourtant ie vous prie, que, sans

disimulation, chacū de vous die ce qu'il auisera pour le meilleur, puis Dieu nous conseillera au surplus. Quant à moy, suyuant l'auis que ma dōné Nascian ie trouerois bon que nous élisissios deus Cheualiers des nôtres auxquels nous donnerons toute puissance pour determiner avec deus autres que nommera le Roi Lisuart, de tous les differens, pour léquels cete guerre a prins cōmencement, cōbien que ie ne vueille seul être creu en ce cas: mais suivre l'auis que vous trouuerés propre pour le bien de nous tous ensemble. Lors se presenta Angriote d'Estrauaus, auquel le Roi demāda son auis. Sire, répondit il, vo^s aués été élu chef de cete entreprise, tant pour la dignité de Roy qui ét en vous, q̄ pour l'estime & faueur q̄ chacun vous porte: au moyen dequoy vous pouués resoudre des affaires de cete guerre ainsi q̄ bon vous semblera. Toutefois puis qu'il vous plaît q̄ ie die premier mō auis, il me semble (sous correction) q̄ si la pais nous ét offerte par nôtre ennemi, que nous la deuons accepter: car elle ne peut venir à present qu'à nôtre auantage, ayant non seulement le dessus de lui, mais ma Dame Oriane encores en nôtre puissance, pour laquelle nous auons mis cete armee aus chams. Et quād au regard de nommer deus de nos compagnons pour acorder (comme vous dites) de tous differens, ie n'en connois point de plus propres en cēt affaire, que les Signrs Quedragant, & Briā de Mōiasste, qui eurent au cōmencement quasi semblable charge, lors qu'ils furent en la grand' Bretagne nous excuser envers le Roi Lisuart, de l'arrêt qu'auios fait à sa fille la tirāt hors du pouoir des Romains: & croi qu'ils prédront volontiers cete peine de paracheuer, s'ils en sont priés. Et pource q̄ chacun se trouua de cete opinion, Brian, & Quedragant s'y acorderent sus l'heure: dequoi le Roy Perion fut tré-joyeus, esperant que la guerre commencee pourroit par ce moyen prendre fin.

Comme

Comme Nascian retourna vers le Roi Lisuart avec la réponce du Roi Perion.

CHAP. XX.

Estant l'Hermité de retour vers le Roy Lisuart, il lui fit entendre tout ce qu'il auoit accordé avec le Roi Perion, l'assurant qu'à son auis il les rendroit amys deuant que partir d'avec eus: car ie l'ay laissé (dît il) en propos d'en parler avec les siens, & de les y faire cōdescendre, s'il peut. Mon pere: répondit le Roi, cēt trēprudemment auisé à lui, à fin que nuls d'eus se mécontentent: & de ma part j'ay bien pensé d'en faire autant, ainsi que vous connoistres presentlyment. Lors s'en vint trouuer Gasquilā, qui gardoit encores le lit pour la douleur du bras, qu'il eut démis cōbatant cōtre Amadis: puis enuoia querir le Roy Cildadan & quelques vns des princes de son camp auxquels il recita les propos que l'Hermité Nascian lui auoit tenus pour paruenir à la pais, taisant toutefois ce qui touchoit à Amadis & à sa fille: & finalement leur fit entendre la réponce, que luy auoit faite, le Roy Perion sus cēt affaire: & pourtant ie vous prie me conseiller que ie doi faire: & premièrement vous, dît il à Arquifil, puis que vous tenés au iourd'huy le lieu du feu Empereur mon frere, pour lequel en partie cēte guerre à été commencee. Monsieur, répondit il, si l'Empereur viuoit au iourd'huy, nous, qui étions ses vassaus, serions contrains le seruir en la guerre cōme en la pais: mais étant mort comme il est, avec la fin de sa vie est finy le pouuoir qu'il auoit de nous commander: & toutefois nous ferons pour vous à present comme pour luy, en sorte que vōtre serui ce (quant à nous) ne fera aucunement retardé tant que vous trouverez bon nous employer: neantmoins, si le Roi Perion, veut entendre à la pais, ie croy que ceus qui aiment vōtre honneur (ainsi qu'ils doiuent) vous conseilleront tous iours de l'accepter, pourueu qu'elle ne vous soit

trop dommageable: car vous pouvés connoître avec d'œil, que fortune n'est à present des vōtres, & qu'à la longue nous aurons (peut estre) encores pis qu'au precedent. Monsieur, dît le Roy de Suesse, si la pais se peut traiter avec vōtre ennemy, ie vous conseille de ne la refuser, veu que la plus part de vos gens sont navrés, les autres malades & recreus, à tout le moins faites vne bien longue treue, durāt laquelle vous vous pourrés renforcer, puis recommencer après, si bon vous semble.

S'il m'est possible, répondit le Roi, nous ne ferons pas en cēte peine: car le Roi Perion a de sa part élu deus de ses Cheualiers, pour acorder de nos differens, & i'en nommeray deus autres, qui seront, vous, dît il au Roy Arban de Norgales, & Guilan le Pensif, qui entendes les choses comme elles se sont passees, pour y auoir tous iours été presens.

Ce pendant ie renuoyrai Nascian vers le Roy Perion, lui prier qu'il face retirer son camp d'une iournee plus arriere, & nous autres prendrons le chemin de la ville de Lubanye, tandis que le pourparler de la pais durera. Telle fut leur resolution, parquoi le Roy Lisuart s'en retourna aussi tôt vers Nascian, auquel il recita le tout, comme il vous a été décrit cy deuant, le priant tres affectueusement paracheuer ce qu'il auoit commencé. Sire, répondit il, ie vous obeiray en ce qu'il vous plaira me commander, puis ayant parlé au Roy Perion, vous feray sçauoir l'heure que vous pourrés partir d'icy, & que son armee délogera. Et prenant congé de luy se mit en chemin vers Amadis, qui luy demanda aussi tôt qu'il l'aperceut quelles nouvelles il apportoit, & si le Roy Lisuart continuoit en son premier propos. L'Hermité lui fit le tout entendre, & que pour le mieus il seroit bon q̄ les deus camps s'éloignassent vn peu plus loing l'un de l'autre, ainsi qu'il auoit été auisé: à quoi s'accorda aisément le Roi Perion. Et à cēte cause chacun trouua de grād matin

LE QUATRIEME LIVRE

Ton bagage, & retournerent camper à sct grandes lieues plus arriere : ou nous les laisserons dresser leurs tentes pour vous declairer qu'elle fin eut l'entreprinse du Roy Arauigne qui espioit l'heure pour surprendre l'une des deus armées.

Comme le Roi Arauigne étant auerty de la perte qu'auoit faite le Roi Lisuart, & du delogement de son camp, delibera de luy donner la bataille.

CHAP. XXI.

Vous aués cy deuant entendu l'entreprinse du Roy Arauigne, lequel depuis que son armée fut iointe, ne cessa de cheminer par les montaignes si couuertement, que les Rois Lisuart & Perion n'en pouuoient sçauoir nouuelles certaines: car il se tenoit caché, attendant l'opportunité pour assaillir le premier des deus camps qui se romproit. Et à cete cause incontinent après que le Roi Lisuart fut delogé, pour tirer droit en la ville de Lubanie, le guet du camp d'Arcalaus, qui étoit au sommet d'une haute montaigne, découvrit l'armée qui se retiroit, dont il auertit le Roi Arauigne, lequel estimant qu'elle fut route, delibera d'aller au deuant, & l'assaillir plutôt, que celle d'Amadis, esperant, s'il venoit au dessus de son entreprinse que le Roi Perion se souciroit peu de quereller puis après contre luy le Royaume de la grand'Bretaigne, & que facilement il en demeureroit Roy pacifique. Et pour paruenir à ses fins, resolut se tenir couuert iusques sus le soir ensuyuant, qu'il donneroit l'alarme, & la bataille ensemble, s'il pouuoit les surprendre. Lors commanda à Esclauor son neveu, homme ruzé à la guerre autant qu'il étoit possible, de prendre vingt Cheualiers avec lui, & suiure le plus secretement qu'il pourroit le train de l'armée de leur ennemy, pour voir au vrai ou il camperoit la nuit prochaine. Or étoit le Roi Lisuart toujours en soupçon que vouloit faire le Roi Arauigne, ayant

eu plusieurs auertissemens qu'il marchoit en pais avecq' grande puissance: toutefois il ne sçauoit bonnement quel chemin il prenoit. Bien luy auoyent dit aucuns du pais, qu'il y auoit embuche dedans les montaignes. Et à cete cause voulât pouruoir aus inconueniens, fit apeller le Roi Cildadā, & tous les Capitaines, auxquels il leur racôta, les pria de mettre ordre, que leurs gens se tinssēt serrés, sans aller fourrager ne courir d'une parte: & d'autre mais qu'ils suyussent toujours en bataille l'artillerie, ainsi qu'ils auoyēt été ordonnés. Et combien qu'aucuns fussent d'avis qu'il devoit mander au Roi Perion l'auertissement que lon auoit eu du Roi Arauigne, tant pour se tenir sus ses gardes, que pour auoir secours s'ils étoient pressés, le Roy Lisuart auoit le cuer si haut & magnanime, qu'il ne voulut oncques s'y cōsentir, ayant trop mieus hazarder sa vie, qu'à amoindrir tant soit peu sa reputacion. Mais enuoya Filipinel avecq' vingt Cheualiers decourir, & courir le pais, luy cōmandant expressement cōtoyer la montaigne, pour luy faire sçauoir d'heure à autre ce qu'il apprendroit de leurs ennemis. Puis ayant cheminé enuiron quatre lieues se campa, & fit dire de main en main, que chacun se reposât, pour marcher toute la nuit droit à Lubanie. Or n'eut Filipinel couru longuement, qu'il decourrit les vingt Cheualiers d'Esclauor, dont il auisa incontinent le Roy Lisuart, & que sans doute le fort de l'armée d'Arauigne étoit caché dedans les Rochers. Au moyē de quoi le Roi Lisuart delogea sus l'heure pour gagner la ville, en laquelle il faisoit état d'attendre secours s'il étoit pressé, & petit à petit s'éloigna de la montaigne entrant en la plaine. Ce que voyant Esclauor, l'enuoya dire au Roy Arauigne, qui en toute diligence cheminoit par lieux couuerts: mais le chemin étoit si étroit, qu'il ne pouvoit passer que deux de front pour le plus. Et à cete cause, auant qu'ils eussent ataint le Roy Lisuart, il étoit

étoit quasi tout au plus pres de la ville, dont Arauigne cuida desespérer, doutant auoir failly à son entreprinse. Et à l'heure mêmes Esplendian & Sergil (lesquels l'Hermite auoit depêchés pour aller vers le Roy Lisuart, le trovât délogé de son camp) cheminerent tant qu'ils virent les gens de pied & de cheual descendre de la montaigne. Lors penserent bien que c'étoit l'armee d'Arauigne, de laquelle ils auoyent ouy parler à la Royne Brisenne auant que partir d'auec elle. Parquoy craignans leur force être trop grande, pour celle du Roy Lisuart, qui auoit quasi été deffaite aus batailles precedetes, entrerent en vne si merueilleuse crainte, qu'Esplandian dît à Sergil: Mō frere, ie vous prie retourner vers Amadis, & luy faisons entendre ce que nous auons veu, Sergil en fut trèscontent: & par tant reprindrent en diligence le chemin qu'ils étoient venus, en sorte qu'ils arriuerent à l'aube du jour, au camp du Roy Perion, lequel pour l'auertissement qu'il auoit eu nouvellement, que les gens du Roy Arauigne marchoient en pais, auoit fait tenir la plus part de son armee toute nuit en bataille. Lors Esplandian & Sergil vindrent descendre en la tente d'Amadis, ou ils trouverent l'Hermite Nascian, qui fut bien ébaï de les voir si tôt de retour, & leur demanda ou ils alloient. Mon pere, répondit Esplandian, il est necessaire que ie parle à Amadis, pour lui faire entendre chose qui importune grandement le Roy Lisuart, & ceus de sa troupe. Or ne faisoit Amadis que de se retirer pour se rafraichir: car il auoit été toute la nuit en armes: neantmoins quand il entendit ce que disoit l'enfant, il l'apella, luy demandant que c'étoit. Mon Seigneur, répondit il, le Roy Arauigne à assiegé le Roy mon maître, joignant la ville de Lubanye, avecq' telle puissance, que si ne luy enuoyés secours, & bien tôt, ie ne pense pas que le voyés de vōtre vie, que prins, ou mort, & ceus qui sont avec luy. Parquoy ie vous

suplie faire pour eus ainsi que vous aués de coutume faire pour tant d'autres, qui (peut être) n'en auoyent tel besoin.

Quand Amadis entendit ces nouvelles, la souvenāce qu'il eut du deplaisir qu'auoit Oriane, si son pere étoit deffait par le plus grand ennemy qu'il eut au monde, & par faute de luy donner secours, luy enflamba tellement le cœur, que sans répondre vn seul mot, s'en alla trouver le Roy Perion, auquel il dît: Monsieur, à ce que j'ay entendu, le Roy Arauigne nous a tourné le dos, pour combattre le Roy Lisuart, & déja est si près de lui, que c'est grande auanture, s'il ne luy a donné la bataille, dont ie serois trop déplaisant, sachant bien que ceus de la grand Bretagne ont perdu tant de leurs gens contre nous, qu'ils ne sont à present puissās pour soutenir cete nouvelle force: & s'il auient qu'ils soyent deffaits (étans sortis de leur camp, sous l'esperance d'une pais future entr'eus & nous) il semblera à beaucoup que nous leur ayons fait dresser cete embuche, & que de nôtre inuention, & par nôtre moyen, le Roy Arauigne les ait assaillis, dont nous pourrions acquerir vne trèsmauvaise reputation enuers plusieurs: parquoy ie vous supplie être content, qu'auec partie de cete armee, ie leur aille donner secours. Mon fis, répondit le Roy Perion, faites en ainsi que bon vous semblera, si vous allés deuant, ie vous suiuray, pour vous faire épaule, si d'auanture vous le chargés. Bien humblement le remercia Amadis, & sortant de là, rencontra Florestan, Quedragant, Garuate & Gastilles, ausquels il declara son entreprinse, qu'ils trouverent trèsbonne. Et à cete cause firent incontinent mettre leurs gens en

ordre, pour tirer droit en la ville de Lubanie, bien delibérés de combattre le Roy Arauignes: ils le rencontroyent en la campagne.

¶

E 5

Comme

LE QUATRIEME LIVRE

Comme le Roy Lisuart fut assailly du Roy Arauigne, qui le deffit, & du secours que luy donna Amadis.

CHAP. XXII.

NOVS vous auons cy deuant décrit bien amplement, comme le Roy Lisuart fut auerty par ses auantcoureurs, que l'armee du Roi Arauigne le suiuiroit: au moyen dequoy il étoit délogé, pensant gagner sa ville de Lubanye, auât q̄ cōbatre: car il sçauoit bien qu'il n'étoit fort pour soutenir si grosse troupe de gens frais en la campagne: mais il fut surprins, & poursuivy si chaudement, qu'il n'eut moyen de s'enfermer, & commencerent les deus camps à s'escarmoucher, tant que la nuit les surprint, & partant demourerent campés l'un auprès de l'autre, atédés le point du jour, pour recommencer mieus qu'au parauant. Or ne vouloit le Roy Lisuart reculer, craignant étonner ses gens, & leur faire perdre du tout le cœur: parquoy faisant de nécessité vertu, aussi tôt q̄ la nuit fut passée, ordonna sa bataille au mieus qu'il peut, delibéré de mourir parmy les siens, plutôt que blecer tant soit peu son hōneur, quād Barfinan qui menoit l'auâtgarde du Roy Arauigne l'assailloit avec sa troupe: mais deuant qu'ils vinssent au cōbat de la main, plusieurs furent iettés par terre de l'escopeterie qui tiroit sans cesse: toute-fois à la fin ils entrerent pêle mèle, & fut abatu en cete premiere rencontre par Norandel, Grisal, qui portoit l'enseigne d'Arcalaus, lequel mit tout son effort pour la releuer: mais le Roy Cildadan acompagné des principaus des siens, commença à fendre la presse, en sorte q̄ Barfinan eût été deffait à l'heure, sans le réfort q̄ leur enuoya le Roy Arauigne, avec le Duc de Bristoye. La peut-on voir maintenant lance voller en éclats, & tant de gens de cheual & de pied par terre, q̄ c'étoit chose étrange & pitoyable: car le Roy Lisuart jouant à quite ou double, acompagné du reste de son armee, vint dōner sus les flācs

de ses ennemys, & le premier qu'il rencontra fut le frere d'Aluinas (que Florestā mit à mort à la fontaine des Oliuieres, ou étoient les trois Damoiselles gardees par le Nain) lequel il desarçonna si lourdement, qu'il lui rōpit le col, tōbant de dessus son cheual: & poursuuiāt sa pointe, Arcalaus l'auisa, qui le reconneut trébien, & fit tant qu'il le montra à Barfinan, luy disant: Il ne tiendra qu'à vous que ne végés maintenant la mort honteuse de vōtre pere: car voylā celui qui la lui fit souffrir. Lors Barfinā assembla dis Cheualiers des siens, lesquels vindrent charger le Roy Lisuart, & le ietterent par terre, ou il fut soudain enclos de tous côtés par Arcalaus, & grand nombre d'autres, qui mirent leur effort pour le cuider prendre: mais Filipinel le secourut, avec ceus qui auoyent le jour precedent decouvert l'armee d'Arauigne: toute-fois ils n'eussent eu du meilleur, sans le Roy Cildadan, Arquifil, Norandel, & Brandoyuas. Ces quatre fendirent tellement la presse, que quelque resistance que fissent leurs ennemys, ils remonterent, le Roy sus le cheual de Norandel, qui se ietta à pied pour le luy bailler, & print vne epee à deus mains qu'il trouua de fortune, avec laquelle il fit tant d'armes, qu'en peu de tems, malgré Barfinan & les siens il recouura mōture, à quoi luy ayda grandement Brandoyuas. Lors conneut bien Arcalaus qu'ils auoyent du pire, si le Roy Arauigne ne s'auançoit avec sa troupe: parquoy il apella vn jeune Cheualier des siens, & luy commanda lui aller dire, qu'il s'ébaissoit pourquoy il les laissoit en tel besoing. L'Ecuyer y courut hâtiuement, & lui fit ce raport: mais Arauigne lui répondit qu'il le faisoit pour cuider atirer le Roy Lisuart & les siens plus loing de la ville qu'ils n'étoient, à ce que puis après il les peut enclore à son plaisir: toute-fois il fit auancer son escadron, lequel furieusement donna dedans les gens du Roy Lisuart, qui étoient déjà tant lassés, & en si petit nōbre, que force

ce leur fut reculer jusques dedans les portes de la ville, ou ils se sauverent par le moyen du Roy Cildadan, Arban, Grumedan, Norandel, Guillan, Arquifil, & autres qui se tindrent sus la queue: mais si ceus là combatoyent de grand cœur, le Roy Lisuart montroit bien qu'il ne vouloit oublier son honneur en telle nécessité: car il ne se trouva Cheualier qui plus hazardât son cors au peril que luy, esperât venger sa mort. Et comme il étoit en cete extremité, Grumedan, qui portoit son enseigne, & le Roy Arban furent abatus & prins prisonniers, dont il cuida perdre patience. Et à toute force vouloit rentrer en la presse pour les secourir: mais aucuns des siens l'engarderent, & trouverent façon de le faire entrer dans la ville, puis fermerent les portes. Ainsi demeura le Roy Arauigne maitre de la campagne, non sans grande perte des siens, qui toute-fois étoit peu au respect de celle du Roy Lisuart, qui conneut lors par experience le dommage qu'il auoit receu pour trop ajouter foy aus parolles de Brocadan, & Gandandel, par le moyen desquels il auoit chassé de sa court Amadis, & maints autres bons Cheualiers qu'il regrettoit: & non sans cause, veu le peu d'esperance qu'il auoit à sortir du danger ou il étoit. Ce pendant, le Roy Arauigne retiré au mylieu de ses gens, voulut mettre en deliberation s'ils assauroient soudainement la ville, ou differer iusques au lendemain: & ainsi qu'en tels affaires les opinions sont diuerses, les vns furent d'avis de laisser rafraichir leurs gens, les autres disoyent au contraire, remontrans que lon ne deuoit permettre à leurs ennemys d'eus remparer, ne prendre cœur, ains viuement & sans sejourner les assaillir, pour leur augmèter la peur, & leur amoindrir le courage. C'êt avis fut trouvé le meilleur, & s'y acorderent tous: parquoy le Roy Arauigne commanda à Barfinan & au Duc de Bristoye mener leurs gens par l'un des côtes de la ville, tādīs q̄ lui & sa troupe assailliroient

l'autre, & que chacun s'efforçât en même instant d'entrer dedans. Adonc commencerent tabourins & trompettes à sonner l'assaut, & gens de toutes parts à courir droit à la muraille, ou ils trouverēt le Roi Lisuart, & le reste de ses gens avec les habitants de la ville, qui les repousserēt par deus ou trois fois à coups de hacq̄butes, d'arcs, & d'arbalestes. Ce neantmoins le Roy Arauigne s'y trouva avec tant de renfort, q̄ sans la nuit qui suruint, le Roy Lisuart eût été forcé, & la ville prinse: mais l'obscurité fut si grande qu'ils ne voyoyent quasi l'un l'autre: au moyen dequoy le Roi Arauigne fit sonner la retraite, esperāt de recommencer au point du jour, ou d'auoir ceus de dedans à sa mercy.

Comme Amadis vint au secours du Roy Lisuart, & de la deffaitte du Roy Arauigne.

CHAP. XXIII.

PAr le chapitre precedent vous auez peu lire, comme le Damoisel Esplandian & Sergil ayans decouvert l'armee d'Arauigne, & craignans que le Roy Lisuart ne fût puissant pour cōbatre, retournerent court vers Amadis, le suplier de venir le secourir, ce qu'il acorda volontiers: toute-fois il ne peut tant se diligenter (combien qu'il cheminât jour & nuit) que le Roy Lisuart ne tombât au plus grand danger de sa personne, ou il se trouua oncques: & ainsi ne luy fut auenu, mais de mal-heur les guides, qui conduisoient Amadis & sa troupe, s'égarerent enuiron la minuit, sans connoitre la part ou ils étoient, dont Amadis fut si déplaisant qu'a merueilles: & neant-moins il s'auisa de leur demander, s'ils étoient encores loing de la montaigne, ou non. Les guides luy répondirent, qu'à leur avis (veu le chemin qu'ils auoient fait) ils en étoient bien près: parquoy il commanda à Gandalin, d'aller tant d'une part & d'autre, qu'il trouvât moyen de en aprocher, puis qu'il montât au plus haut pour voir s'il pourroit decouvrir les feus



feus du camp d'Araugne. Lors s'en partit Gandalin, & print l'un des guides pour le conduire, mais ils n'eurent gueres cheminé, qu'ils vindrent ou ils desiroient: parquoy commencerent à monter au sommet de la côte. Adonc Gandalin ieta sa veuë de toutes pars, & auisa les feus du camp de leurs ennemis, qu'il montra à la guide, luy demandant s'il pourroit de là en auant y conduire leurs gens, sans plus les égarer: lequel lui répondit qu'il n'y fau droit plus, & qu'ils le suivissent hardimēt. A cete cause retournerent vers Amadis, & lui reciterent ce qu'ils auoyent veu, dont il fut trefaïse, esperant surprendre le Roy Araugne tout endormy, voulant par ce moyen donner à connoître au Roy Lisuart combien il vouloit encores faire pour luy, non obstant leur inimitié précédēte: & à cete cause ne cessa de cheminer toute la nuit. Toutesfois il ne peut si tôt arriuer, que le Roy Araugne n'eut recōmen cē l'assaut, si aspre & merueilleux, que ses gens forcerent ceus de dedans, & furent maitres de la principale porte: par laquelle ils entrerent en si grand nombre, que le Roy Lisuart se trouua contraint de gagner l'entree d'une ruelle, ou il r'alia aucuns de ses principaus Cheualiers, & là resolut de viure ou de mourir, plutōt que de se rendre prisonnier: au moyen de

quoy eus tous ensemble, desesperés de tout remede, commencerent à faire tant d'armes qu'ils arresterent sus cul le Duc de Bristoye & Barsinan, & d'autre part le Roy Cildadan, Arquifil, Flamian, & Norandel, qui semblablement tenoyent fort un des autres cantons, donnerent tāt d'affaires à Araugne qui les tenoit assiegés, que sans l'aide de six Cheualiers de l'Isle sagittaire, il ne se fût iamais auanturé de passer outre: car les femmes & enfans de la ville étoient aus fenētres, ietans huile, eau bouillante, & finablement tout ce qu'ils pouvoient auoir. Or pensoit Noradel & ceus qui l'acōpagnoient finer là leurs jours, nō pas comme recreus, ains en Cheualiers preus & hardis. Et à cete cause le Roy Cildadan s'adressant à l'un des sis de l'Isle Sagittaire, lui mit l'épee au trauers du cors si auant, qu'il tomba mort en la place. Ce coup epouenta tellement les autres, qu'ils commencerent à reculler, & le Roy Cildadan & ceus de sa troupe à prendre cœur, les poursuiuans viuement: mais si n'eussent ils peu à la fin soutenir les forces du Roy Araugne, sans être tous defaits, n'eut été le secours que leur donna Amadis, lequel à son arriuee se trouua biē ébaï de voir leurs ennemis ayans tel auantage sus le Roy Lisuart, qu'il doutoyt grandement être mort, ou pris: parquoy bien

bien delibéré de le venger, commanda à tous ses gens d'eus mettre à pied, & donner dedans, criant à haute vois: Gaule Gaulle. Adonc les autres entédans ce tumulte, & se sentans chargés par derriere, cogneurent bien que leur entreprinse étoit faillie, & leurs vies en trégrand danger, en sorte que le Roy Arauigne tout effrayé, comença à fuyr avec Arcalaus dedans vne maison, esperant là tenir fort, & y mourir plutô, que de se rendre: mais ils n'y séjournerent longuemêt, que le Roy Lisuart y suruint, & furent si vertueusement assaillis, qu'après quelque peu de resistance, ils se rendirent prisonniers. Et à même instant Amadis rencontra les cinq Cheualiers de l'Ile Sagittaire, qui cōbatoyent de trégrand cœur contre ses gens. Lors leur courut sus acompagné de Florestan, & Angriote, & finablement furent prins, & mis en seure garde: puis passans outre, arriuerent ou étoient Barsinan & le Duc de Bristoye, qui faisoient merueilles: mais aussi tôt qu'ils auiserent Amadis, se vindrent ietter entre ses bras demandans misericorde. Ce qu'il ne leur refusa, ains les bailla en garde à Florestan. Et pour ce q grand partie de l'armee du Roy Arauigne s'étoit sauvee à vau de route dedás les montaignes, & qu'il ne trouvoit plus de defence en la ville, sortit hors la porte par ou il étoit entré, ou il trouva Gandalin, auquel il dît: Va, ie te prie, dire à Quedragant, qu'il face retirer nos gens: car ie ne veus être conneu du Roy Lisuart, & que pour cete cause ie m'en vois deuant l'attendre à demye lieuë d'icy. Gandalin y courut incontinent, & trouva Quedragant, auquel il fit ce message: parquoy sans plus tarder commanda faire sonner la retraite & r'alia sa troupe, & ainsi qu'il se retiroit, le Roy Lisuart ne sçachant presumer, dõt luy étoit venu telle faueur, demanda à Guillan le Pensif s'il en sçauoit rien. Par Dieu, répondit il, Sire, celui est bien sourd qui n'a ouy ce jourd'hui crier tant de fois Gaule, qui vous peut asseurer, qu'Amadis

sans autre vous a pourchassé le bien que vous en aués receu. Je vous prie doncq, dît le Roy, faire tant que vous le puisiez trouver, & l'arrêter, s'il est possible, iusques à ce que j'aye parlé à luy. Lors s'en partit Guillan, qui sceut (quasi aussi tôt) comme Amadis étoit déja délogé: Parquoy courut le droit chemin qu'il auoit prins, & l'ataignit, puis luy dît ce que le Roy luy mandoit, lequel ils auiserent à l'instant, tout au plus près d'eus. Et à cete cause voyant Amadis, qu'honnêtement il ne pouvoit passer outre, descendit du cheual & vint luy faire la reuerence: mais le Roy l'embrassa, en lui montrant trégrand signe d'amour. Et sus ces entrefaites, suruindrēt le Roy Cildadan, & maints autres Cheualiers, mêmes Florestan, & Angriote, lesquels furent tant bien receus par le Roy Lisuart, qu'il eût été impossible de mieus, & comme il parloit à eus, Brandoyuas lui vint dire, que ceus de la ville faisoient tel meurtre des gens du Roy Arauigne, qu'ils n'en prenoient nul à mercy. Et croyés, Sire, dît il, que ce seroit le meilleur de faire cesser telle cruauté: car si leurs chefs ont meritē la mort, ceus pourtant qui sont en leur seruice, doiuent être autrement traités. Sire, dît Amadis, faites y, s'il vous plait donner ordre: & vous cōtentés de la victoire que vous aués sus eus. Lors le Roy appella Norandel, & luy commanda aller faire retirer vn chacun, & que cessant l'exécution, on print prisonniers ceus qui restoyent. A l'heure suruint vn Ecuyer de la part du Roy Perion auertir Amadis, qu'il étoit près de là, avec le reste de son armee, pour luy donner secours, s'il en auoit besoin. Non, répondit il, pour cete heure, graces à Dieu: Et pour tant, Sire, dît il au Roy Lisuart, vous nous donnerés, s'il vous plait, congé, afin que sans traouiller d'auantage le Roy Perion nous le faisons tourner arriere. Sus mon Dieu, répondit il, encores que vous ayés été iusques à present inuincible, si serés vous de tant forcé par moy à ce coup q
vous

LE QUATRIEME LIVRE

vous l'attendrés icy, afin qu'il ait part au plaisir que nous auons receu par vòtre moyen & secours : & regardant le Roy Cildadan, luy dît: Aidés moy, ie vous supplie, à le prier, & voyés si vòtre requête aura point enuers lui plus de vigueur que la mienne. Vrayement, dît le Roy Cildadan, Seigneur Amadis, vous ne refuserez pas le Roy: puis qu'il vous prie avec tant d'affection. Non, répondit il, si mes compagnons en sont d'auis. Que vous en semble, Seigneur Quedragant? Vous deuez obeir au Roy, dît il, & puis que vous aués déjà tant fait pour luy, ferés encores cecy d'auantage. Ainsi fut arrêté Amadis, à l'heure mêmes que le Roy Arban & Grumedan retournoyent de prison, de laquelle ils étoient échappés, ayans encores les mains derriere le dos liés de grosses cordes: Car leurs gardes voyās le secours qui étoit venu d'Amadis les auoyent abandonnés, & s'en étoient fuys. Quand le Roy Lisuart les auisa, ie croy qu'onques homme ne receut plus grande joye, pour ce qu'il les pensoit certainement mors, ou plus navrés qu'ils n'étoient. Parquoi leur tendant les bras, vint les embracer. Et sus ces entrefaites découvrirent d'assés loing l'armée du Roy Perion, qui s'aprochoyt, laquelle Grumedā mōtra au Roy Lisuart, lui disant: Sire, voicy, cōme ie croy, encores quelque nouveau secours, qui vous vient: Mais si le premier que vous a amené Amadis, eût autant arrêté, on eût fermé l'étable après que les cheuaus s'en fussent allés. Grumedan, répondit le Roy Lisuart (en se souzriant) ie sçay bien que celui qui voudroit contester contre vous, en ce qui concerne l'honneur d'Amadis, auroit prou affaire, & plus encores à se defendre, si à l'extrémité il en faloit venir aus cousteaus. Sire, dît Amadis, le Seigneur Grumedan à raison de me vouloir bié: car il n'a parent ou amy qui lui portât plus d'obeissance que moy: Et pour tel suis ie certain qu'il m'estime & connoît. Ce pendant le Roy Perion s'aprochoit peu à peu: Et à

cete cause le Roy Lisuart delibera d'aller au deuant, pour le receuoir, dont Amadis l'auertit par Durin. Parquoi commanda à ses gens marcher au petit pas, & print avec lui Gastilles Grafandor, Brian de Mōiaste, & Tiron, laissant Agraies, pour la conduite de la troupe: Car le Roy Perion sçauoit l'inimitié qu'il portoit au Roy Lisuart, & craignoit que paroles ne s'émeussēt entr'eus deus, ils se voyoyēt, par le moyede quoy la pais quasi arrêtée se pourroyt du tout rompre. Ainsi marcherēt ces deus Rois l'un vers l'autre, lesquels s'auisans de loing, donnerent des éperons à leurs cheuaus, & d'une trégrande amitié s'entracolèrent, disant le Roi Perion au Roy Lisuart: Monsieur mon frere, il me semble que vòtre harnois ét bié empiré: depuis q̄ vous partîtes du camp, cōbien q̄ ie sois seur que ne l'aués gueres tenu en vòtre garde-robe, pendant le cōbat de vos gens & des miés: Et à ce que depuis j'ay entendu, ceus qui vous l'ont ainsi décloué en ont receu leur payement: Ouy sus mon ame, répondit le Roy Lisuart, Dieu mercy, & le bō secours que vous, Amadis, & ces autres cheualiers m'aués fait si à propos, comme vous pouvés déjà auoir été auertis. En bonne foy, dît le Roy Perion, j'ay toute ma vie désiré mes enfans être vôtres, en bonne pais & amitié. L'espere, répondit il, que deuant que nous separions, qu'elle y fera telle, q̄ iamais elle n'amoindrira, au moins quāt à moy: Et ne voyant là le Prince Agraies le demanda. Or s'en enquerroit il expressément, étant bien auerty de la haine qu'il luy portoit, & vouloit bien l'apaiser, & le faire son amy, s'il luy étoit possible, quād le Roy Perion lui répondit, qu'il étoit demouré derriere, pour conduire le reste de l'armée qui le suiuoit. Le vous prie, dît le Roy Lisuart, l'enuoyer querir: car ie ne partiray de ce lieu, premier que ie l'aye veu & embracé. Sire, dît Amadis, s'il vous plait, ie l'iray doncques querir. C'ēt trébien auisé, répondit le Roy Lisuart, il fera plus pour vous que pour autre que ie

connoisse. Lors courut Amadis droit ou étoit Agraies, lequel il rencōtra assés près de là, & lui recita tout ce q̄ vous aués entendu, le priant bien affectueusement, qu'oubliant toute inimitié du passé, il vint avec luy, & fit le meilleur visage au Roy Lisuart qu'il lui seroit possible. Monsieur mon cousin, répondit Agraies, vous sçaués, que mon plaisir ou déplaisir me dure ainsi qu'il vous plaît: & Dieu vueille que le secours que vous aués dōné à celui, duquel vous me parlés, vous soit mieus reconnu que les autres precedans: vous assurant, que pour l'honneur de vous ie suis cōtent ne me souvenir du tort qu'il a fait à vo^s, à moy, & à maints autres par dépit de vous, & sans ocaſion quelconque. Adonc s'en vindrent eus deus ensemble vers le Roy Lisuart, lequel aussi tōt qu'il aperceut Agraies, laissa sa troupe, & à bride abatuë le courut acoler, lui disant: Mon cousin, vous semble il que cēt embrassement soit aussi dangereux pour moy, que celui que vous me donnâtes à la dernière journee, q̄ nous eûmes ensemble? Par mon Dieu, Sire, répondit il, pour le moins i' espere me trouver mieus de cētui que de l'autre: car ie ne fu oncques (que ie sçache) en tel danger. Nous en deuiferons vne autre foys mieus à propos, dit le Roy: Voilà le Roy mon frere qui nous atēd, allons, s'il vous plaît, le conduire à Lubanie, ou i' essayerai de vous faire la meilleure chere qu'il me sera possible. Lors retournerent vers le Roy Perion, prenans ensemble le chemin de la ville. Or étoit le Roy Lisuart navré en plusieurs endroits sus le cors: mais les Chirurgiens, ayans veu ses playes, lui dōnerent esperance de brieue guerison, toutefois il demeura couché dis jours entiers non sans être visité souvent des Princes & Seigneurs, tant de ses païs qu'autres, lesquels pour lui donner plaisir, ne tenoyent quasi propos d'autre chose que des ruzes & finesſes d'Arcalaus, par le moyen desquels il étoit souvent paruenue à ses fins, mêmes quand il trouua maniere d'emme

ner la Princeſſe Oriane prisonniere: & depuis le Roy Perion, Amadis, & Florestan, par la subtilité de Dinarde: aussi la sorte qu'il échapa des mains de Galaor, & Norādel, faignāt être Brāfiles cousin germain de Grumedan: Et mēmement l'entreprinse qu'il auoit dressée par l'aide d'Araugne contre eus tous, laq̄lle il eût asseurement executée, sans l'empêchement que lui auoit dōné Amadis. Celā auient souuēt, répondit le Roy Lisuart, aus méchās cōme lui, lesquels s'enhardissent à faire mal, & y prennent tout plaisir, trouuās le cōmencement dous. & aisé à l'instigatiō du diable, qui leur ôte la cōnoissance du deshōneur qui leur en peut auenir, avec vne vie si misérable, qu'à la lōgue la mort leur ēt plus agreable q̄ le viure, ainsi qu'Arcalaus peut éprouver, se trouuant maintenāt en la puissance de ses plus grands ennemys, seruāt d'exemple à tous autres entachés de vice semblable. Et comme il acheuoit ce propos, suruint le bon hōme Nasciā qui n'auoit peu suiure si tōt le Roy Perion, lequel trouuāt les Princes en telle & si bōne pais se mit à louer grandemēt nōtre Seigneur, & le bon auis du Damoisel Esplādian, qui auoit été cause de faire partir Amadis si à propos, pour venir au secours du Roy Lisuart, ainsi que le Roy Perion declara lors deuant toute l'assistance. Vrayement, dit le Roy Lisuart ie voudrois biē sçauoir qui lui donna si bon cōseil. Sire, répondit l'enfant, mō pere Nascian m'enuoyoit vers vous, pour vous auertir de ce qu'il auoit acordé avec le Roy Periō: mais ie ne vous trouuay plus au camp, parquoy Sergil & moi passāmes outre, tant que nous découvrīmes l'armee du Roy Araugne, qui descēdoit de la montaigne: à l'heure il me souuint d'auoir ouy dire à la Roynē, quād ie party d'avec elle, qu'il étoit vōtre ennemy, & craignāt ce qui vous auint depuis, ie retournay court en auertir mō Seigneur Amadis, afin de vous dōner secours, ainsi qu'il a fait. Par Dieu, mō mignō dit le Roy Lisuart, ie n'oubliay de ma vie le bien qui m'en

LE QUATRIEME LIVRE

m'en ét auenu: Ce disant, le print entre les bras, & commença à le baiser. A l'heure arriua le Roy Gasquilan en litiere, qui étoit demouré derriere, n'ayant peu endurer le trauail du cheual pour la cheute qu'il auoit receu d'Amadis le premier jour qu'il se rencontrerent les deus batailles, lequel fut conduit en la chambre que lon lui auoit reseruee par les principaus de la compagnie mêmes d'Amadis qui le vint saluer en lui disant: Sire, ie desirerois grandement vous voir en meilleure disposition que vous n'êtes. Mais, s'il plait à Dieu, vôte santé sera aussi prompte, qu'a été le mal qui vous ét auenu. De bien bon cœur le remercia Gasquilan, sans (toutes-fois) le connoitre, aussi ne l'auoit il oncques veu desarmé: dequoy le Roy Arban s'aperceut. Et à cete cause il luy dit: Sire, vous ne connoissés, comme ie ctoy, ce Cheualier qui parle à vous. Si vous ay-ie ouy souvent tenir propos de lui: c'est Amadis de Gaule, contre lequel vous vous êtes ces jours passés tant éprouvé. Bié ébaï fut lors Gasquilan, lui voyant visage plus propre (ce lui sembloit) à contenter les dames, qu'à endurer le trauail de Cheualerie, & s'il ne l'eut essayé, il eut mal aisément ajouté foy à la renommee qu'on lui donnoit en tant d'endroits, au moyen dequoy il luy dit: Je vous iure ma foy, Seigneur Amadis, que vous êtes le Cheualier que plus j'ay désiré voir, depuis mon commencement aus armes, non pour bien que ie vous voussisse: mais pour me combattre à vous jusques à la mort, si le mal-heur ne me fût auenu tel que chacun peut sçauoir: car si fortune m'eut tant voulu favoriser, de me donner sus vous ce que vous aués eu sus moi, outre la gloire que j'eusse eüe de vous vaincre ie me fusse reputé le plus heureux Cheualier du monde, gagnant l'amour d'une que j'ay aymé plus que moy mêmes, & par le commandement de laquelle ie vous suis venu deus foys chercher en ce pais avec tant de malheur, qu'il ne sera jour de ma vie que ie n'y aye

regret: pour ce que j'ay perdu par vous l'esperance de jamais la recouurer. Sire, dit Amadis, vôte honneur eût peu augmenté, ayant le dessus de moy, après tant de hauts faits d'armes qu'aués mis à fin: Et quand à celle que vous tenés pour perdue à mon occasion, si elle est femme de bon iugement (comme ie l'estime) il est impossible qu'elle ne vous ayme ainsi que le merités, & comme l'un des meilleurs Cheualiers de la terre: vous assure (sire) que ie serois trop déplaisant d'auoir été moyen de vous éloigner de sa bonne grace, vous suppliant neantmoins (s'ainsi est, de me pardonner, à la charge qu'en quelque lieu que ie soys, ie demeureray prêt à vous faire seruice. Cete parole gracieuse contenta tant le Roi Gasquilan, qu'il tendit les bras pour l'embracer, & de ce jour furent faits amys, luy tenant Amadis ordinairement compagnie, tant qu'il sejourna en la ville de Lubanye, ou Arquifil se rendit aussi prisonnier, pour satisfaire à ce qu'il lui auoit promis. Mais Amadis, qui l'auoit en estime de Gentil Cheualier, lui quita sa foy. Et outre luy promit tenir la main à le faire elire Empereur, auant qu'ils partissent d'ensemble, par le moyen de l'Archeueque de Tarente, le Marquis d'Ancone, Brandaiel de Rocque & les autres qui étoient encores prisonniers en l'Isle Ferme, lesquels (dit il) ie priay affectueusement de vous faire ce bien à ma faueur, à quoi ils ne cōtrediront (comme ie croi) ne connoissant autre plus proche ne propre à l'Empire que vous. Quand Arquifil l'entendit ainsi parler, il fut tres-aise, non ignorant les menées que ceus de Rome faisoient pour en elire un autre, ausquels mal-aisément il pourroit obuier, sans la faueur d'Amadis, & à cete cause il répondit: Monsieur, vous n'aués déjà tant fait de biens & d'honneur par le passé, que ie me sens vôte entierement, mêmes connoissant, ce que voulés encores entreprendre pour mon auancement, lequel auenant, en pourrés disposer, & de ma propre personne aussi, tenant le

le tout de vous seul, & non d'autre, Or m'en laissez le soing, dit Amadis. Et comme il acheuoit ce propos, entrerent ou étoient Arcalaus & le Roi Arauigne, que Gandalin auoit en charge, & les trouverent couchés sus vn lit, si melancoliques que rien plus: parquoi Amadis leur demanda à quoi ils pensoient. Qui es tu, répondit Arcalaus, qui le veus sçauoir? Cōment? dit Amadis, ne connois, tu plus Amadis de Gaule, que tu as tant de fois menacé? ce suis-je qui parle à toi. Quād Arcalaus l'entendit il se mit à le regarder plus fermement qu'au premier, & se souvenant de l'auoir veu autrefois, lui répondit. Certainement ie croy que tu dis vray, & encores que la longueur du tems m'a ôté partie de ta connoissance, si croy ie bien que tu es celuy que j'ay eu en mes prisons de Valderin, ou ta ieunesse & grand beauté me peurent tant cominander que la pitié que ie prins de toy m'a depuis porté maint domage, & iusques à me cōtraindre maintenant à te demander misericorde. Misericorde? dit Amadis ie ne sçay cōme tu veus que ie te la donne, veu q̄ toy-mêmes ne la peus oncques donner a toy-mêmes: car s'ainsi fut, tu eusses mis fin (long tems a) à tant de cruautés que tu as exercees. Neant-moins si tu te veus repentir, & de bon cueur me promettre de plus n'y retourner, ie te feray pardon. Ie pense répondit, il qu'il me seroit trop difficile, voire impossible: Car la continué à sceu tellement me vaincre, & acoutumer à prendre plaisir de faire mal, que ie ne pourrois maintenāt m'adōner à bien: Mais necessité qui ét le frain dur & rigoureux, pour transmuer toute coutume mauuaise en vertueuse, contraindra parauanture mes ans vieux (voyant l'état ou ie suis) d'auoir en eus ce que ma ieunesse & liberté ont dédaigné de fait & de vouloir. Quelle autre rançon doncques, dit Amadis, auray ie de toy pour te laisser? Tous mes châteaux & autres biens, répondit il, par le moyen dequels ie me suis adonné

Am. 4.

à la plus grand' partie de ce que tu me reproches, & me laisse seulement ce qu'il te plaira pour le reste de ma vie, & si tu me fais tant de grace il pourra être que cete seule bonté aquerra en moi chose que raison ne sceut oncques auoir. Par ma foi, dit Amadis, la connoissance que tu as en toy mêmes de ta méchante vie, ét l'esperance seule que j'ay de ton amendement, car l'ayde de cete fâcheuse prison de cors, ou tu es maintenant, sera clef pour donner liberté à ton ame, laquelle tu as de si long tems engagée au diable. Et sus ce point luy tourna le dos pour s'en retourner, quand Arcalaus l'apella, & lui mōstrant Arauigne, lui dit. Ie te prie Amadis, contemple ce Roi malheureux, lequel étoit n'a gueres prêt d'être l'un des plus grands Princes du monde, & en vn momēt la même fortune, qui se mōstroit luy être amyable, l'a abatu & ruiné du tout, à quoi tu dois bien auoir quelque égard: Car toy & tous autres qui aspirent es plus grandes choses sont suiets à semblables defauteurs. Et pource, que le vaincre & pardonner sont communément familiers des cueurs nobles & magnanimes, fai nous à present tout tel traitement, que tu voudras receuoir de nous, tenāt le lieu que nous tenons, à ce q̄ tu n'en ayes reproche à l'auenir. Plus estima Amadis ce bien dire, que celui qui le disoit, & entendoit trēbien la fin ou il vouloit venir, encores qu'il n'en fit semblant: ains sans cōtester le laissa là, pour aller en son logis dépêcher Ardan le Nain vers Oriane, lui faire entendre comme la guerre étoit finie, & tout ce qui étoit passé entre les Princes & Seigneurs des deus cāps. Et outre lui bailla vne lettre, adressant à Ysanie, par laquelle il luy mandoit enuoyer vers lui Bradaiel de Rocque, le Marquis d'Ancone, l'Archeuesque de Tarēte, & les autres prisonniers Romains. Ainsi s'en partit le Nain, qui ne cessa de cheminer nuit & iour, tāt qu'il arriua au Palais d'Apolidō. Lors fit dire à la Princesse par l'vne de

F

ses

LE QUATRIEME LIVRE

ses fêmes, qu'il auoit à parler à elle de la part d'Amadis : mais quand elle entendit son arriuee, crainte d'aucune mauuaise fortune, lui émeut tellement le cueur, qu'elle commença à trembler considérant que la victoire n'auroit peu fauoriser à l'un des deus camps, sans qu'elle eut occasion de demourer toute sa vie en douleur & trop grand tristesse. Et sus ce point entra Ardan, lequel à sa ^{contenance} monstrois assés, qu'elle n'auoit cause de tant se melancolier. Ce n'eantmoins (aussi tôt qu'elle l'auisa, sans auoir patience qu'il luy declarât sa creance, ayant quasi la larme à l'œil) lui dit: Helas, Ardan mō amy, dy moy ie te prie en quel état tu as laissé le Roy mon pere, & si ton maitre est vif, ou mort, Mort ? ma Dame, répondit le Nain ils ne firent oncques si bonne chere ensemble. Adoncq' luy conta tout ce qui vous a été recité par cy deuant, mêmes le danger ou étoit le Roy Lisuart, quand Amadis le secourut, le bon recueil qu'il auoit fait au Roi Perion & finalement l'amytié que portoit le Roi Lisuart à Esplandian, par l'auis duquel Amadis étoit venu au secours de ceus de la gârd'bretagne qui dōna tant de ioye à Oriane, qu'elle comença à ioindre les mains, & leuant les yeus au ciel, dit si haut que chacun l'entendit: O Dieu tout misericordieus, benoite soit vōtre diuine bonté, quand il vous a pleu regarder en pitié vōtre humble seruante, & l'enfant tant désiré, qui a été cause d'un si grand bien. Je vous supplie bien affectueusement (sire) permettre auenir en lui les predestinations, que la sage Vrgande en a faites. Or pensoient les Dames qui l'accompagnoient qu'elle parlât ainsi affectueusement d'Esplandian, pour le secours qu'il auoit amené au Roi Lisuart, ignorant la part qu'elle auoit en luy, Puis elle demanda à Ardan, s'il n'étoit venu pour autre affaire. Ma Dame répondit il, j'ay lettres de mon Seigneur adressantes à Ysanie, & lui mande par moi lui enuoyer incontinent les Romains

qui sont par deçà. Et quel chemin doit il prendre après, & le Roi aussi dit la Princesse, Ma Dame, répondit le Nain à ce que ie puis entendre, ils ne partiront ensemble, sans acorder de tous leurs différens. Nain Mon amy, dit la Royne Saramire, dy moi, ie te prie, cōme se portent les Romains: en est il beaucoup mort en la bataille? Ma Dame répondit il grand'partie d'eus ont finy leurs iours vaillamment, & le surplus quasi tous navrés: mais depuis le trépas de l'Empereur, du Floyan, & Constance, il n'est decédé hōme de nō que ie sache, & vy encores, quand ie parti du camp, Arquifil parler longuement avec mō maitre. Quant à Flamy an vōtre frere, il commence à se bien porter & sont ses playes quasi du tout gueries. Nōtre Seigneur le vueille garder, dit la Roine, & sauuer le demourant. Or auoit Ardā charge de par Amadis, faire peu de seiour par delà par quoi demanda à Oriane, s'il luy plaisoit commander quelque chose. Tu feras répondit elle, mes humbles recommandations à la bonne grace du Roi Perion de Gaule, Agraies, Bruneo, & d'Amadis, à qui ie n'écry point, puis que tu ne m'as apporté aucunes lettres de luy. Adonc le Nain print congé d'elle & vint trouver Ysanie, auquel il bailla la lettre de sō maitre, luy faisant entēdre ce qu'il auoit à luy dire de par lui. Au moyen de quoi Ysanie y donna tel ordre, que deuant que la semaine fut hors les Romains prindrent le chemin de Lubanye, ou ils trouverēt encores le Roi Lisuart, & les autres Princes & Seigneurs, mêmes d'Amadis, qui le iour mêmes les apella en sa chambre, & état retirés seuls, leur dit. Messieurs, il n'est pas que N'ayés déjà sceu la fin qu'à prins la guerre émeuē es pais de par deçà par le moyen de laquelle, quasi tous les Princes occidentaux, & la plus part de ceus du Leuant, étoient en armes: & pource que nous sommes maintenant sus les termes d'une pais perpetuelle, il m'a semblé raisonnable, que non-obstāt que soies mes prisonniers

rien

rien ne se deuoit cōclure sans vous en cōmuniquer, & tāt pour cete ocasiō vous ai ie fait venir qu'aussi pour vous prier, qu'ē ma faueur vous trouués bō d'elire & accepter Arquifil pour vōtre Empereur: car outre ce qu'il ne se trouuera (cōme i'ay entendu) autre plus proche pour paruenir à l'Empire que lui, ie sçai qu'il le merite & pour cete raison vous en prie ie plus affectueusement. Ce faisant vous vous apptêrerez deus grans biens: le premier apelant au gouvernement de si excellente monarchie vn Prince sage, prudent & vertueux, pour biē la cōseruer, & vous traiter doucement & amyablement: l'autre, que pour l'amour de luy ie vous dōnerai (auec liberté) la rançon q' i'aurois de vous, demourant outre tāt que ie viuray vōtre amy particulier. Or auisēs doncques quelle répōse vous me dōnerēs, à fin q' de ma part i'auisē après cōme ie me deuray porter aussi enuers vous. Lors Brandaiel de Rocque (le plus anciē de tous) print la parole disant à Amadis: Mōsieur, il ēt vrai q' nous sommes vos prisonniers, & cōnoissons trēbien l'honneur que vous nous faites, & le bon traitement que nous auons eu de vous, depuis le iour que nous arriuāmes en l'Isle Ferme: parquoy ie répondrai asseurément pour mes compagnons, qu'il ne y a celuy d'entre nous, qui trēvolontiers ne s'employāt à vous faire service: Mais nous ne vous sçaurions resoudre ce que pourchassēs pour le Seigneur Arquifil, premier que d'en parler à Flamyan, & autres Capitaines Romains qui sont en cete armee: à cete cause nous vous suppliōs permettre que leur en conferions, vous iurāt que de nōtre part y tiendrons la main, en sorte que vōtre vouloir sera du tout satisfait. Et bien, répondit Amadis, parlēs leur en doncques, & demain faites moi réponse. Lors se retirerent tous pour aller trouver Flamyan en son logis: car il gardoit encores la chambre n'étant bien guery des playes qu'il auoit receuēs, à la dernière rencontre. Adōc lui découvrirent le

propos que leur auoit tenu Amadis, & les offres & promesses qu'il mettoit en auant pour la faueur d'Arquifil & finalement la réponse qu'ils lui auoyent donnée. Vraiment, dīt Flamyan, le Seigneur Amadis parle en bon Cheualier, & tous tant que nous sommes lui deuons sçauoir gré du biē qu'il nous desire: ce neantmoins l'election de l'Empereur ēt de telle importance, qu'il ēt raisonnable y apeller les autres Capitaines Romains, demain ie les manderai tous, & mettrons la matiere en deliberatiō, puis nous en dirons à Amadis, ce qui nous semblera pour le mieus. Et ainsi le fit Flamyan, lequel après les auoir assemblés, leur declara l'ocasion qui l'auoit meu, & la requeste d'Amadis, pour le Prince Arquifil: qui de droite ligne, dīt il, vient à l'Empire: Et outre ce, il ēt sage, hardy, & vertueux Prince, autant qu'il ēt possible: ainsi mes Seigneurs, auisēs quelle resolution vous en donnerēs, à fin que nous nous puissions excuser, ou acorder à Amadis ce qu'il a desir d'auoir. A l'heure chacun répondit ce que bon luy sembla: Mais finalement Arquifil fut nommé Empereur, dont ils auertirent incontinent Amadis, & tous les autres Princes, & Capitaines, qui en furent merueilleusement aytes, principalement les Rois Lisuart, Perion, & Cildadan, lesquels auecques grosse troupe, vindrent le iour d'après le conduire en l'Eglise, ou deuant tout le peuple on le ptoclama Empereur des Romains, & le seruirent à son dîner Amadis d'échançon, Gastilles de Pannetier, & Agraies de trenchant. Puis étant les tables hauees, le Roy Lisuart (assis vn peu au dessous de luy) parlant des auantures à luy auenuēs, depuis qu'il fut couronné Roi de la grand' Bretagne, tomba sus les plaisirs & seruices qu'il auoit receus d'Amadis, & se mit si auant en propos, qu'il lui dīt deuant tous: Seigneur Amadis combien que peu de gens ignorēt ce qu'auēs fait pour moy depuis le iour que vous arriuātes

LE QUATRIEME LIVRE

en ma cour: quand vous deffistes Ardan le Superbe si ne laisseray ie à le declarer presentemēt, pour la raison que cy après lon pourra entendre. Adonc commença à reciter par le menu tout ce qui étoit passé, & les seruices qu'il auoit receus d'Amadis: En faueur dequels, dît le Roi, ie vous donne ma fille pour vōtre fēme, la faisant heritiere (après mon deces) des Royaume & pais de la grand' Bretagne. Lors Amadis bien ayse, & plus cōtent mit vn genoil à terre, & le remercia humblemēt. Or mon fis, dît le Roi, vous ne serés pas marry, si ie prie Nascian conter à l'Empereur comme Esplandian fut engendré & de qui il ét yssu, à fin que chacun sçache le consentement, que nōtre Seigneur à donné long tems à au mariage de vous & d'Oriane. Là étoit present le saint homme, lequel pour sati-faire au Roy declara ainsi que le tout étoit auenu, & la promesse qu'Amadis & la Princesse auoyent ensemble, par le moyen de laquelle Esplandian auoit été mis sus terre. Si lors l'enfant fut ayse vous n'en deués douter: car il auoit iusques adonc ignoré de qui il étoit fis. Et à cēte cause le Roy Lisuart l'apelle, &

deuant tous l'auoua sien, qui augmenta grandement le plaisir d'Amadis, lequel connoissant le vouloir de l'Empereur, aspirer au mariage de lui & de la sœur d'Oriane, dît au Roi Lisuart: Sire, ores q̄ vous m'ayés donné la chose que plus i'ayme en ce monde, ie vous suply' acorder encores à l'Empereur ma Dame Leonor, qu'il a desiree sus toutes autres. Vrayement, répondit il, ie ne la lui refuserai pas s'il la veut. Ouy sire, s'il vous plaît, dît Arquifil. Et ie la vous donne de bon cuer, répondit le Roi, & si la vous menerai en l'Isle Ferme à fin d'en faire les noces, quāt & celles d'Amadis, & des demain ie partiray pour l'aller querir à Vindilifore, ou elle ét avec la Roïne, ce pendant vous en pourrés tous aller deuant m'atēdre au Palais d'Apolidon, ou le Roi mon bon frere, fera venir Galaor, & pour ne laisser rien derriere ie manderay aussi mon cousin Galuanes, & Madasime. Et à cēte cause incontinent que les tables furent leuees, les Maréchaus des logis, tant de s Rois Lisuart, que Perion partirent, pour aller les vns vers l'Isle Ferme, les autres à Vindilifore.

Comme le Roi Lisuart arriva à Vindilifore, ou l'atendoit la Roïne, laquelle il fit peu après deloger, avec sa fille Leonor, pour aller en l'Isle Ferme.

CHAP. XXIIII.



A Prés que le Roy Lisuart fut delogé de la ville de Lubanye, acompagné, du reste de son armee, chemina tant qu'il

arriua à Vindilifore, ou l'atēdoit la Roïne Brisenne, ainsi qu'il lui auoit mandé, & combien qu'il eut en son cuer vn regret mcr-

merueilleux, voyant sa reputacion amoin-
drir par la defaueur qu'il auoit receuë de
fortune, quelque acord qu'il eut fait auec-
ques Amadis: neantmoins (comme Prin-
ce sage & preuoyant) dissimuloit son en-
nuuy, monstrant trop meilleur visage que
sa volonté ne lui commandoit. Aquoy
l'incitoit trégrandement la connoissance,
qui se representoit deuant sa conscience,
pour auoir été cause de l'effusion de tant
de sang Chrestien, sous vne couleur d'une
vengeance iniuste, qu'il auoit preferée à
tout conseil, & remonstrance qui lui eut
été faite par les Princes & Signeurs de ses
païs, dont nôtre Seigneur courroucé, luy
auoit donné des verges, non qu'il en mur-
murât contre lui: ains le remercioit & lou-
oit continuëlement en son esprit. Et en
cete pensée vint descendre au logis de la
Roynie, laquelle dé-jà auertie par Bran-
doyuas de tout ce qui étoit suruenü du-
rant son voyage, le receut humblement:
& comme elle auisa le petit Esplandian,
qui le suyuoit de près, elle le print entre
ses bras, & le baisant doucement lui dît:
Mô petit fis, benoite soit l'heure que vous
nâquistes, ayant (en si ieune âge) fait tel
seruice au Roy, que sans vôtre bon auis il
ne fut (comme i'ay entëdu) iamais retour-
né par deçà. Ma Dame répondit le Roy,
i'espere, puis qu'il a commencé de si bõ-
ne heure, que croissant, plus s'augmente-
ra en lui le vouloir, & la puissance de fai-
re de bien en mieus, vous assurant que
oultre le droit de nature, qui m'incite à lui
vouloir bien, il ne sera iour de ma vie,
que ie ne luy porte vne amitié particu-
liere, pour le bon tour qu'il m'a fait. Durant
q̃ le Roy & la Roynie tenoyēt tels propos
d'Esplandian, les autres Princes & Signrs
entretenoyent les Dames & Damoiselles,
lequelles curieuses d'ouïr raconter com-
me les combats auoient été faits, entre
les gens du Roy & ceus d'Amadis, furēt
long tems sans s'enquerir d'autre chose:
mais quand elles sceurēt les mariages en-
commencés, & qu'elles deuoyent aller en

Am. 4.

l'île Ferme, celà leur donna plus de plai-
sir, que le recit des froydes peurs, & a-
larmes, d'ôt ils leur parloyent, faisans les
vnes état d'éprouer l'arc des loyaus amās
les autres la chābre defenduë, & les singu-
larités de l'île, & en ce plaisir passerent le
iour. Puis venāt l'heure de dormir, le roi
se retira en la chambre de la Roïne, & é-
tans eus deus à part, il commença à lui di-
re: Ma Dame, si vous vous trouuātes ébaïe
lors que vous entëdites les affaires de vô-
tre fille & d'Amadis, croyés q̃ ie ne le fus
moins quād i'en ouy les premieres nou-
uelles: & à ce que i'ay cõneu depuis, vous
& moi étions bien loing de nôtre conte,
vous assurant que i'ay plus receu d'en-
nuuy pour ne l'auoir sceu, auāt le scandale
découvert, q̃ de chose qui m'auint onc-
ques, mēmement pour la perte de tant de
Gentils Cheualiers qui fussent aujourd'-
hui pleins de vie, léquels sont mors en ces
guerres precedantes, qui me donne vn tel
remors de cõscience, q̃ vous ne pourriés
croire: mais puis que la chose êt faite, le
remede en êt hors. Parquoi ie suis biē d'a-
uis, que le demourant se par face le plus
honorablemēt qu'il sera possible, oubliāt
les offēses passées de vôtre fille, qui a trou-
vé bõ choisir vn mari à sa poste, qui la me-
rite, & mieus: car ie ne vy oncques Che-
ualier errant aquerir tant d'amys, ne tant
de Rois, Princes, & Signeurs qu'il a à son
commandemēt, de sorte qu'il semble for-
tune le vouloir preferer à tout autre. Et
pource qu'à mon partement de Lubanye,
ie lui ay promis vous mener en l'île Fer-
me, & là paracheuer le mariage de lui, &
d'elle, ie vous prie faites donner ordre
à tout ce que vous connoissés être neces-
saire mēmes pour la conduite de vôtre
fille Leonor, que i'ay semblablemēt acor-
dée à l'Empereur, me l'ayant fait demā-
der. Grand plaisir eut la roïne, voyant le
Roy en si bons termes, & tant contēt d'O-
riane, qui étoit ce que plus elle desiroit:
Au moyen dequoy, pour l'entretenir en
cete bonne volonté, luy répondit: Mon-

F 3

sieur

LE QUATRIEME LIVRE

fieur, il me semble q̄ nôtre Signr fait beau coup pour vous & pour moi, de nous dōner deus tels gendres, en la faueur dequels leurs amys seront d'orénavant les vôtres. Quant au reste, réposés vous en sus moi: car ie ferai en sorte que vous serés content. Et à cete cause le lendemain matin, elle fit appeller le Roi Arban de Norgales, grand maitre de la maison du Roy, auquel elle donna cete charge.

Comme le Roi Perion & sa compagnie, prirent le chemin de l'Isle Ferme, & de ce qu'ils firent avant l'arriuee du Roi Lisuart vers eus.

CHAP. XXV.

A Prés que ceus de la grand' Bretagne, furent délogés de Lubanie, le Roi Perion & son armee s'acheminèrent en l'Isle Ferme, ou les atendoit Oriane, nouvellement auertie par Gandalin, de la conclusion prinse avec le Roy Lisuart. Et aussi tôt qu'ils furent arriués, ils la vindrēt voir. Lors Amadis luy presenta l'Empereur Arquisil, qu'elle n'auoit oncques veu, en luy disant: Ma Dame, vous ne connoissés encores ce Cheualier, si ét il en branle d'être plus vōtre alié, q̄ vous ne pēsés. A cete parole elle entendit bien que c'étoit l'Empereur: parquoy s'auança pour lui faire la reuerance, & luy au semblable, qui d'une bien bōne grace luy dit: Ma Dame, ie suis tant obligé au Seigneur Amadis, que vous & lui pouvés disposer de moi, & de ce qui ét en ma puissance ainsi qu'il vous plaira. Monsieur répondit la Princesse, ie sçay qui vous êtes: parquoy ie vous supplie bien humblement, que d'icy en avant vous me tenés comme vōtre meilleure sœur & amie. Ce pendant Agraies, Florestan, Queldragant, & Brian, entretenoyent la Roine, Sardamire, Grasinde, & Olinde: & Bruno de bonne Mer, la tant aimée Melicie, quād Amadis auisa Grasindor fis du Roi de Boême, ioignant l'Infante Mabile, épris (toute-fois) si fort de l'amour d'elle, que crainte acoutumée en telles affaires, luy fermoit la bouche, sans oser proferer

vn seul mot, & à cete cause appella sa cousine, & luy dit en l'aureille: Ma Dame, vous connoissés que Grasindor vous aime plus que soy mêmes, neâtmoins vous faites semblant de vous en soucier peu, ie vous prie parler à luy: car ie sçay biē que ceus qui sont entachés de semblable maladie, qu'il ét, perdent souuent (voyāt cel le qui les tient en toute extremité) non seulement la parole: mais le sentiment d'eus mêmes: parquoy ie le vous recommande. Mais elle sentant Amadis l'ataindre droit au lieu, ou plus elle enduroit de mal, n'étant moins à Grasindor, que lui à elle, se mit si fort à rougir, que ceus qui y prenoyent garde, s'aperceurent de l'alteratiō qu'elle enduroit. Toutefois pour aucune ment la couvrir, répondit à Amadis, qu'elle lui obeïroit. Au moiē dequoy il la print par lamain, & s'apochāt de Grasindor, lui dit: Monsieur, voicy vne Damoiselle qui se plaint de vōtre melancolie, ie vous prie beau fire, donnés luy à entendre dont elle vous procede, puis les laissa ensemble. Lors Grasindor, se trouvat à propos pour parler à elle (d'une parole tremblante, & mal asseuree) commença à luy dire: Ma Dame il me semble que le Seigneur Amadis sente la même passiō en moi, qu'il endureit au commencement des amours de lui, & de ma Dame Oriane: & à dire vrai, quād cuide vous faire part de mes dolean ces, les trois principales parties de moy, sont en la plus étrange peine que lō sçau roit estimer, ce sont mes yeus, mō cuer, & ma langue: car aussi tôt que mon œil vous aperçoit, il s'efforce de parler, & vous dire ce qui me cause douleur: mais c'ēt en vain. Lors ma langue, cuidant suplée à ce défaut, fait ouurir ma bouche quand paour suruiert, qui la cōtraint tenir coye. Si adōc mon cuer ét en martyre, vous le pouvés penser, veu qu'il se plaint & soupire sans cesse: & se voyāt depourueu de tout moyen blâme l'œil, qui lui apporta les premieres nouvelles de vōtre grand' beauté, lequel en s'excusant lui

lui promet faire l'office de la langue, puis que en v^{ost}re endroit elle ét muette, & que par aparence exterieure (en se monstrant piteus) vous demandera pour eus tous mercy & remede. Durant que Grandor faisoit ces complaints, Amadis (ne sachant comme il leueroit le siege à l'Empereur qui parloit à Oriane) auisa entrer la Roine Briolanie, laquelle il alla baiser & apellant l'Empereur, luy dit: M^{onsieur}, encores n'aués vous veu toutes les belles de cete troupe, voyci la Roine Briolanie qui vous en peut témoingner. Sus m^{on} Dieu, répōdit il, vous dites vrai. Adōc laissa Oriane pour saluer la Roine, q^{ui} lai sembla tant belle, & de si bōne grace, qu'il profera cete parole. Je croi qu'Apolidō, faisant les singularités de ce lieu y a laissé, pour la perfectiō d'iceluyces Dames tāt excellētes, & ne puis estimer q^uelles soiēt autres qu'īmortelles, & ordōnees pour rēdre les hōmes en volōté, de demourer tāt qu'ils viuront en leur cōpagnie. Or s'étoit Amadis mis en la place de l'Empereur incontinent qu'il se fut leuē d'auprēs Oriane, faignāt lui faire plaisir de le laisser aller avec Briolanie: mais il auoit bien son intention ailleurs, & ne tâchoit qu'à mettre ses compagnons en train avec les autres Dames pour demourer priuément ou il s'étoit adressē: car il n'auoit parlé familièrement à la Princeesse, depuis qu'elle arriua en l'Ile Ferme: parquoy se trouuant en lieu assés cōmode, commença à luy dire: Ma Dame, i'ay toute ma vie estimé qu'il me seroit impossible reconnoitre enuers vous les graces que i'ay receues de si long tems par v^{ost}re seul moyē, & dernièrement ayant été cause, que Nascian a declaré au Roi v^{ost}re pere, la part que nous auions l'un à l'autre, parle moiē de quoy v^{ost}re fis & le mien a été conneu de luy, & la pais amenee entre ceus de la grand' Bretaigne, & nous, dont nōtre Signeur vous sçaura grē, comme ie croi: & au regard de moi, i'en demeurerai v^{ost}re obligé d'auantage tant que i'auray vie au

corps: & pourtant auisēs qu'il vous plaît que ie face, vous assurant que ie prēdrai plaisir à vous obeir en ce que vous me commanderēs. Quand Oriane l'entendit ainsi parler, ayāt deuāt les yeus le deuoir, auquel se doit mettre toute femme d'honneur & sage enuers son mary, luy répondit: Monsieur, vous me faites tort, ce me semble, ie vous supplie q^{ue} desormais vous parlēs à moi comme à v^{ost}re humble femme & bonne seruante, & non ainsi qu'aués fait par le passé, n'étant autre que v^{ost}re amye. Et au demourant faites moy, s'il vous plaît le bien de me reciter fidelement en quel état vous aués laissé le Roi m^{on} pere, & qu'elle part i'ai main tenāt en sa bōne grace. Ma Dame, dīt Amadis, ie ne vy oncques hōme plus content selon le bon visage qu'il m'a mōstré étās ensemble, cōbien q^{ue} i'estime (veu l'entorce qu'il a recēuē en cete derniere entreprise, ou il eseroit vous recouurer par sa force) qu'il ayt en son cueur vn merueilleus déplaisir: toutefois il le sçait dissimuler autāt sagemēt qu'il ét possible, iusques à se dōner le tort, & à vous & à moy l'excuse de ce qui s'ēt passé entre nous, biē de liberé, cōme il dīt, faire par deça meilleure chere qu'il ne fit oncques en autre lieu. Et de fait il ét retournē à Vindilifore pour aller querir la Roine, & v^{ost}re sœur Leonor, laquelle ét promise à l'Empereur. M^{onsieur}, répondit Oriane, iel'ay ainsi entēdu dont ie suis merueilleusemēt ayse, specialemēt pour auoit recoūré sa bōne grace: car après vo^{us}, iel'aime plus qu'au^{tre} viuāt, encores qu'il m'ait fait beaucoup souffrir, comme vous sçauēs: mais ie vous prie dites moi que vous semble d'Esplandiā? Par ma foy, ma Dame, répōdit Amadis, à voir ses gestes & façons de faire, il se montroit bien v^{ost}re, & qui eut creu le bon Nasciā, il le vous eut amenē quant & lui. Toutefois le Roi à voulu qu'il l'accompagnāt pour dōner plaisir à la Roine, laquelle ne l'a encores veu comme son fis, Et mettāt fin à ce propos, le Roy Perion qui auoit

LE QUATRIEME LIVRE

entretenu bien long tems Grasinde, print congé d'elle, & de la compagnie: car il étoit heure d'aller souper: par quoi se retira en son logis, ou peu après étans lui & Amadis apuyés sus vne fenestre atendants que les tables fussent dressees, lui dît: Mōsis, puis qu'il a pleu à Dieu, qu'avec tant d'honneur vous ayés mis fin à vos querelles, il faut q̄ la gloire lui en soit du tout referree, & que tant que viures vous en sachiez gré à vos amys, lesquels pour vous se courir en tel besoing, n'ont espergné leur propre vie, qui vous oblige à les aymer & honorer, & outre à les recompenser le mieus qu'il vous sera possible, attendu que sans l'ayde qu'ils vous ont faite, il ét certain que vous eussiez été en grand branle de perdre, non seulement la vie: mais l'honneur que i'estime cent fois plus. Et pourtant il ét raisonnable que tout ainsi qu'ils ont été participans aus perils & dangers, qu'à present ils le soyent aussi aus plaisirs & contentemēs que vous aués receus par leur moyen. Ainsi doncques auisés à les fauoriser en tout ce que connoîtres qu'ils feront affectionnés, leur distribuant le butin qui ét entre vos mains, tenant prisonniers les Rois Arauigne, Barfinan, & autres. Et outre faire tant pour ceus q̄ vous connoissés pretendās aus Dames, qui sont en la cōpagnied' Oriane, qu'ils ayent semblable cōtētement q̄ vous aués, épousans celles, qu'ils ayment: Et à cēte cause ie mets entre vos mains vōtre sœur Melicie, pour la donner à celuy que vous estimez la meriter. Vous aués aussi vōtre cousine Mabile, la Roine Briolanie, qui vous a tant obligé à elle, Grasinde, & la Roine Sardamire, qui toutes ont eu bonne part aus ennuys d'Oriane, il me semble qu'elles se doiuent bien sentir de son aysē & auancement ie les vous recōmande, vous asseurant que le plus grand plaisir que ie pourrois auoir en mes vieux ans, ét que vos freres, Galaor, & Florestā, soyent mariés, à fin de me voir auant mourir, reuiure en eus par la lignée de vous tous. Et

pourtant ie vous prie auiser à ce que ie vous ai dît, & le plutôt que vous pourrés. Monsieur répondit Amadis, ie ferai tout ce qu'il me sera possible pour vous complaire. Il fust, dît le Roi, lequel voyant la viande prête, se mit à table. Et Amadis retourna en son logis, ou le lendemain matin enuoya prier les principaus Cheualiers d'eus y trouuer, puis étans assemblés, leur dît ainsi: Mes compagnons & amys, les grans trauaus & fatigues passees, que vous aués soutenus en cēte derniere guerre, meritent bien q̄ maintenant vous donnes plaisir & repos à vos esprits: & q̄ pour l'obligatiō q̄ i'ay à vous, i'essaye par tous moyēs à vous faire auoir ce q̄ ie connoître rai vous être plus affectionné, tout ainsi que par le bon secours que m'aués donné, i'ay ataint la chose que i'ayme le plus en ce monde, qui ét ma Dame Oriane: Ainsi doncques ie vous prie de bien bon cueur, que chacun declare tout presentement, s'il pretend à Dame, ou Damoiselle, de celles qui sont icy, vous asseurant en foi de Cheualier, de faire tant envers elles, qu'au contentement de leurs amys, ils me croyront de ce que ie les supplira. Et au surplus vous sçaués comme le Roi Arauigne, Barfinā, & plusieurs autres nos prisonniers, postposans la vertu, à quoi les obligeoit l'ordre de Cheualerie, ont exercé (tant qu'ils ont eu moyen) tyrannie: au moyen de quoi ils ne sont dignes d'aucune rançon, ains grandement punissables, pour la grauité de leurs traïsons: & pourtant il me semble, que deus auiser à departir leurs biens entrē vous. Quant à moy i'en quite ma part, me tenant trop plus que fatifait, si ie puis auoir moyen de vous faire particulièrement plaisir, ou seruice, qui vous soit agreable. Quand ceus qui faisoient l'amour aus Dames ouïrent tenir propos de leur faire auoir leurs amyes, croyés qu'ils ne firēt les sourds: & principalemēt Agraies, qui le supplia hūblement lui tenir la main pour le mariage de luy, & de la belle Olinde

linde, Bruneo pour Melicie, Grasandor pour Mabile, mêmes Quedragant, qui n'auoit oncques aymé jusques alors, se declara affectionné de Grasinde, disant deuant tous: Le connois bien que maintenât que le tems & la ieunesse ont été par le passé fort contraires à mon repos, n'ayant lors soucy que du traitement de mon cheual, & de l'apareil de mes armes: mais à present l'aage & la raison me contraignent à prendre autre état, tellement que s'il plaisoit à ma Dame Grasinde m'auoir agreable pour mary, ie m'estimerois bien heureux. Par Dieu, dit Florestan, i'auois aussi bié deliberé retourner en Alemaigne, aussi tôt que les affaires de mon Signeur Amadis auroient prins fin, tant pour voir ma mere, que plusieurs de mes amys: toute-fois ie ne sçay de quel œil i'ay regardé la Roine Sardamire, tant y a que si ie pouois trouver moyen de l'épouser, i'oublierois mon voyage, & toutes autres choses: mais les autres plus libres de la sujection d'amour, ayans leurs ceurs du tout adonnés à suivre les armes, parlerent autre langage, suplians Amadis de les employer, fût en la conquête du Royaume d'Araugne, des païs de Barsinan, ou ailleurs, ne demandans autre part du butin (dirent ils) que le moyen d'aquerir renommee, prouesse & cheualerie. Puis qu'ainsi ét, répondit Amadis, sous le bõ plaisir de la compagnie, ie le departiray presentement: A sçauoir le païs de Sansuegue à Quedragant, pour le mieus apaner en épousant Grasinde. Et à vous, dit il à Bruneo, le Royaume d'Araugne, avecq' ma sœur Melicie: & au regard de mon frere Florestan, ie feray avec l'Empereur qu'il lui donnera le païs de Calabre, & la Roine Sardamire, qu'il desire tant. Quât aus Signeurs Agraies & Grasandor, ils sont, graces à Dieu, riches & puissans, par le moyen de leurs peres, & se contenteront, comme ie croy, d'auoir pour cete heure la jouissance de celles qu'ils aymēt. Le demourant sera distribué particulièrement,

ainsi que lon connoitra le merite des personnes, aussi tôt que le Roy Lisuart sera arriué. Ce que tous eurent agreable, lesquels nous laisserōs retourner en leurs logis, atendants l'heure d'aller chés les Dames, comme ils auoyent de coutume.

Comme Bruneo de bonne Mer & Bransil furent ordonnés pour aller en Gaule querir la Roine Elisene & Galaor, & des auantures qu'ils eurent en retournant.

CHAP. XXVI.

Q Velques jours après que le Roy Perion, & les autres Cheualiers furent arriués en l'Ile Ferme, Agraies, Bruneo, & ceus qui esperoyent en brief être mariés, craignans q' l'absence de la Roine Elisene & Galaor retardassent ce jour tant désiré, vindrent supplier le roi Perion de les enuoyer querir, ce qu'il leur acorda. Au moyē dequoy Bruneo se presenta le premier, disant au Roi: Sire, ie vous supplie humblement, qu'autres que mon frere & moy n'ayent cete charge, autrement vous nous ferés tort. Oui bien, répondit le Roi (en se souzriât) si ie vous acorde ce que demandés, étant seur que vous aurés plus de plaisir à tenir compagnie à Melicie, q' de vous en éloigner. Par ma foy, Sire (dit Bruneo) le bien d'être auprès d'elle, ét le plus grand que ie sçauois souhaiter: Toute-fois ie suis trécontēt d'aller trouver la Roine & Galaor pour l'enuie que i'ai de leur faire seruice. Vrayement, répondit Angriote, s'il plait au Roy, vous ne ferés pas ce voyage sans moy. Vous irés dōc tous trois, dit le Roi, & Dieu vueille que vous trouviés mon fis en meilleure sorte qu'il n'étoit quand ie le laissay. Sire, répōdit Ysanie, ces jours passés aucuns marchans venans de Gaule, m'asseurerent qu'il faisoit bonne chere, & l'auoyent veu (comme ils disoyent) portāt toutefois encores assés mauvais visage du retour de sa maladie. Cete nouvelle pleut grandement au Roy, & à toute la compagnie: au moyē dequoy Bruneo & les deus autres s'embarquerent le lēdemain, & na

LE QVATRIEME LIVRE

vigerent par si bon vent, que sans fortune arriuerent peu de jours après ou étoit la Roine, de laquelle ils furent trébié receus: & mieus encores de Galaor, pour le desir qu'il auoit d'entendre nouvelles de son frere, & autres ses amys. Et comme il les embrasoit, leur dît quasi en larmoyant: Par ma foy, mes bons Signeurs, mal-heur m'a si longuement tenu compagnie, que pensant au tort qu'il m'a fait (ayant été cause de m'éloigner ainsi de vous, & abandonner les armes) ie meurs par trop de déplaisir. Monsieur, répondit Bruneo, nous vous apportons telles nouvelles, qu'elles satisferont au mal qu'aués enduré. Adonc lui recita deuant la Roine, les rencontres & batailles d'entre les Roys. Perion & Lisuart, les perils & dangers ou ils s'étoient trouvés par la surprinse du Roy Arauigne & d'Arcalaus: & finablement l'amitié & aliance qui en étoit suruenüe, mêmes les mariages acordés d'une part & d'autre. Dequoy Galaor fut bien ébaï, n'ayant oncques rien entendu de telles entreprises, & répondit à Bruneo: Et il possible, que le Roy Lisuart mō bon Seigneur se soit trouvé en telle extremité sās moi. Sus mon ame, ie connois bien maintenant que fortune m'a plus aymé que ie ne pensois: car si ie n'eusse été malade, quelque obligation que j'aye au Roy mon pere, ie n'eusse épergné ma vie pour le secourir. Et pis encores me fût auenu, si durant ma maladie, i'en eusse ouy seulement le bruit étant tout certain que ie fusse mort de trop grand regret pour luy faillir à ce besoin. Il vaut trop mieus, dît Bruneo, que le tout se soit passé ainsi sans vous. Et au surplus j'ay charge de par monsieur Amadis, faire ses affectueuses recommandations à vōtre bonne grace, & vous prier de par lui, prendre peine à vous rejouir & renforcer le plus que pourrés: car il delibere (si le trouués bon) vous faire épouser la Roine Briolanie, aussi tôt que vous serez arriué vers luy: & nous à le Roy Perion depêchés expressement, pour con-

duire la Roine en l'Isle Ferme, ou il l'attend avec bonne troupe de Cheualiers, Dames & Damoiselles. Mon fis, dît elle à Galaor, partons doncques cete sepmaine prochaine, ce pendant donnés ordre qu'ayons vaisseaus, & autres choses qui nous sont necessaires pour ce voyage. Je le feray, ma Dame, répondit Galaor: & à cete cause manda le jour mêmes mariniers, lesquels, après auoir entendu son vouloir firent incontinent freter & equiper le meilleur nauire qui se trouua au port, ou ils s'embarquerēt le sixième jour d'après. Mais ils n'eurent gueres éloigné la côte de Gaule, qu'ils découvrirent en pleine mer vn vaisseau, ayant vent en poupe, singlant d'une merueilleuse legereté, duquel le Nocher, ou Comite, fit caller le voyle, aussi tôt qu'il apperceut le Nauire de la Roine. Parquoy les Cheualiers de l'Isle Ferme estimans être coursaïres, ou pyrates, coururent incontinent aus armes, & pour en entēdre au vray la verité, enuoyèrent vers eus l'un de leurs Ecuyers, en vn équip, sçauoir qu'ils demandoient, & ou ils tiroient. L'Ecuyer, qui ne fut des plus asseurés, aprochant le vaisseau apella d'assès loing, disant: Hau de la nau, ceus du nauire que vous voyés deuant vous, vous prient par courtoisie leur mādier qui vous êtes, & la route ou vous allés. Mon amy, répondit vn Cheualier, qui étoit sus le tillac: en ce vaisseau ét vne Dame d'honneur laquelle voudroit bien être en l'Isle Ferme. En bonne foy, dît l'Ecuyer, elle a trouué compagnie, s'il lui plait: car ceus qui m'ont enuoyé vers vous, y font voyle, lesquels vous poués aborder seurement. Et comme il eut acheué cete parolle, retourna dont il étoit party. Ce pendant le Cheualier auquel il auoit parlé, vint vers la Dame qu'ils conduisoient, l'aüertir de ce que l'Ecuyer lui auoit dit. Au moyen dequoy elle l'enuoya incontinent après dedans vne fragate s'enquerir au vray, si à la parolle de l'Ecuyer elle se pourroit seurement aprocher, lequel peu après

prés se joignoit au navire de la Royne. Et auisant premier Angriote, luy dît : Sire, Cheualier, vn Ecuyer des vôtres ét n'aguerres venu sçauoir qui nous étions, & ou nous faisons voile : nous luy auons répondu, que nôtre intencion ét de tirer droit en l'Ile Ferme, ou il dit que vous allés aussi : & pour ce que nous y conduisons vne princesse de grande estime, nous vous prions nous assurer de vôtre compagnie. Cheualier, répondit Angriote, s'il vous plaît venir quant & nous, la Dame que vous dites trouvera ceans vne royne qui la receura en sa compagnie de bien bon cœur, & lui fera toute la gracieuseté dont elle se pourra auiser. Signeur, dît il, ie vous mercie humblement pour elle. D'une chose vous puis-je auiser, que l'ayant conneuë, & l'affaire pour laquelle elle ét entree en mer, vous en aurés tant de compassion, qu'à mon auis ne luy denirés secours, si elle vous en requiert. Puis prenant congé de luy, retourna vers le vaisseau dont il étoit sorty, lequel se joignit peu après à l'autre. Adonc se presenta vne Dame, vétuë de drap noir, montrant (elle & tous ceus qui l'accompagnoyent) visages tristes à merueilles. Dequoy Angriote (qui y prenoit garde) fut fort ébahi, l'estimant à sa contenance Dame de reputation & de maison. Et à cete cause il la salua, en luy demandant, s'il lui plaisoit monter avec la Royne. Sire Cheualier, répondit elle, ie feray ce qu'il vous plaira : toute-fois ie vous supplie me nommer qui ét celle que vous me dites, & ceus qui l'accompagnent. Ma Dame, dît Angriote, c'ét la Roine de Gaule, monsieur Galaor son fis, & trois autres Cheualiers de l'Ile Ferme, ou nous allons. Ie vous suivray donc, dît elle. Lors Angriote lui tendit la main, & elle entra ou il étoit : puis la conduisit en la chambre de la Royne, laquelle déjà auertie de tout ce qu'aués entendu, la receut humainement. Mais la Dame trop desolée se ietta à ses piés, pour les lui baiser. Ce que la Royne ne voulut souffrir,

ains la releua gracieusement, la priant de lui declarer sa douleur. Ma Dame, répondit elle, encores qu'à presēt ie sois denuee de tous biens de fortune, & que ie n'aye plaisir ne repos, sinon à reciter mes malheurs, si deués vous croire, que i'étois (n'a pas long tems) grand Dame, ayant épousé le feu Roy de Dace, duquel i'ay deus fis, & vne seule fille malheureuse, & plus encores malheureusement nee, pour auoir été cause de la mort du Roy son pere, & de la totale ruine de moi & de ses freres. Et entendés, ma Dame, qu'après l'auoir mariee avecques le Duc de Sueffe, l'un des plus grands Princes voisin de mes païs, d'autant que le jour de ses noces nous fut agreable, d'autant m'a été depuis ce mariage ennuyeux : Car peu après iceluy consommé, étant ce Duc mon gendre ieune & ambitieux de regner, conspira la mort du Roy mon mary, & de mes deus autres enfans, le plus vieil desquels n'a pas encores ataint quatorze ans, & ainsi qu'il le pourpença, ainsi l'executa il envers mon Signeur, tellement qu'un jour faignant nous venir visiter, accompagné de grand nombre de gens, pour nous faire (comme il disoit) plus d'honneur, le Roy mon mary, qui ne se doutoit aucunement de la traison premeditee, alla au deuant le recevoir ; & comme il l'embraçoit, le mechat tira sa dague, & le meurdrit cruellement. Lors mes deus fis qui (de bon heur pour eus) le suiroyent de loing, entédans le tumulte, retournerent à bride abatuë droit en la ville, ou le traître les tient encores assiegés. Or étois-je adonc absente, & en vn pelerinage de nôtre Dame, eglise tres-antique, edifiée sus le haut d'un promontoire, ou lon me vint auertir de mon mal-heur. Si à l'heure ie fu éperduë, ma Dame, vous le pouvés penser, veu qu'en vn moment ie me trouuay denuee de tout remede, & quasi abandonnée d'esperance : en sorte que sans le bon auis & reconfort que me donnerent ces deus Cheualiers, qui m'accompagnoyent,

LE QUATRIEME LIVRE

ie n'eusse vécu vne seule heure, quand ils me firent souvenir d'un nommé Amadis de Gaule, lequel on dit être refuge & support de toutes Dames affligées, ne leur ayant oncques denyé son aide, qui a été cause de me faire entreprendre ce long voyage, pour le trouver en l'Ile Ferme, ou lon tient pour certain qu'il ét avec grand nombre d'autres bons Cheualiers ses compagnons, lesquels sachans le tort que m'a fait le mechant duc mon gendre, & l'extrémité ou il tient mes enfans assiegés, en auront, comme j'espere, telle compassion, qu'ils me donnerôt secours par le moyen de quoi ie chasseray mon ennemy hors de mes païs: car mes sujets n'attendent (pour prendre les armes contre lui) qu'un chef à les conduire. Grâce cōpasion eut la Roine, les écoutans, de l'infortune auenuë à la Roine de Dace, & telle que les trois Cheualiers delibererēt sus l'heure de l'aller secourir. Adonc la Roine lui dît: Ma cousine m'amie, vōtre ennuy me deplait autant qu'il ét possible: toute-fois ie considere fortune telle, que peu souvent elle pardōne à fort ou à foible, à Roi ny à soldat: en sorte que ceus qui sont plus favorisés d'elle, plus doiuent craindre & douter sa mobilité, veu qu'au temps qu'ils pēsent être plus assurés, plus promptement leur suruient le semblable qui vous ét a. uenu: & puis que nōtre Seigneur vous a adressée vers moy, j'auray plaisir que nous allions de compagnie en l'Ile Ferme, ou j'espere que trouverez le secours que cherchez. Ma Dame, répondit la Roine de Dace, il me souvient qu'aucuns Cheualiers (n'a pas long tems) trauersans païs contèrent au feu Roy mon mary, comme Amadis auoit secouru Oriane fille du Roy Lisuart, lequel l'enuoyoit par force à l'Empereur de Rome: mais Amadis l'auoit ôtée aus Romains, & emmenée en l'Ile Ferme malgré eus, ou lon la dit être encores bien acompagnée, qui m'a fait esperer, puis qu'elle a éprouvé les rigueurs de malheur, qu'elle aura pitié du mien, tel-

lemēt que par son moyen, ie pourray obtenir partie de ce dont ie suis en peine. Par ma foy, ma Dame, dît Angriote, s'il plaît à la Roine, vous ne passerez pas plus outre: car ie suis prêt d'aller avec vous, & n'épergner ma personne pour vous faire seruice. Et le semblable dirent Brunco, & Branfil, suplians treshumblement la Roine leur donner congé, veu qu'elle étoit si près de l'Ile Ferme, qu'elle y pourroit arriuer en brief tems sans empêchement. Et tant la sceurent importuner, qu'elle y consentit: Et à cēte cause entrèrent au nauire de la Roine de Dace, laquelle prenāt congé des autres, commanda à ses mariniens retourner arriere: Parquoy la Roine de Gaule & Galaor suiurent la route de l'Ile Ferme, ou peu après ils prindrēt port dont furent incontinent auertis les Cheualiers, qui les vindrent recevoir. Et quāt le Roi Perion auisa Galaor en bonne santé, ce blanc vieillard eut vn si merueilleus plaisir, qu'il lui dit en se riant: Par ma foy, mon fis, puis que nous sommes en amitié avec le Roy Lisuart, ie douteray désormais de vous moins que ie n'ay fait par le passé. Monsieur, répondit il, ie n'eu de ma vie tant d'aise, que m'en ont apporté les aliances que vous aués avec lui, & Dieu vueille que la pais puisse durer longuement. Il ne tiendra à moy, dît le Roy, lequel auisant Oriane avec sa sūyte, sortit du parc, pour venir vers la Roine, & la luy montra disant: Ma Dame, voyés si nous auons faite de bonne compagnie par deçà. Non vrayement (monsieur) répondit elle, & ie ne m'ébaï plus, si j'ay été tant long tems sans entendre de vos nouvelles, vous étiez (comme ie croy) assés empêché à gouverner ces Dames. Or la conduisoient sous les bras Amadis & l'Empereur: & à l'instant Oriane vint luy faire la reuerence, & la Roine au semblable: mais Galaor qui n'étoit des derniers, voyant la Roine Briolanie, laissa toutes les autres, pour s'aprocher d'elle, & la baiser, dont Briolanie rougit si fort, qu'Amadis s'en

s'en aperceuant, lui dit: Ma Dame, j'espere que desormais (ayant telle part au Cheualier que vous aués) que vous luy départirés quelque peu de la couleur qu'il vous a fait venir au visage, & dont il a grand besoin, comme vous voyés, ie le vous recommande. Lors Galaor qui ne l'auoit veuë depuis son partement de Sobradise, quand il y mena Florestan, si non vne autre-fois étant encores fort ieune, qu'elle vint chercher Amadis en la grand' Bretagne, la trouua si belle, & creuë en tant de perfections, que l'amitié precedente qu'il lui portoit se renouuella, de sorte que lui qui n'auoit oncques cherché femme pour épouser, resolut de n'en auoir iamais autre, & elle au semblable, & à bon droit: car peu après ils furēt mariés, & ysirēt d'eus, enfans preus & hardys, lesquels conquirēt par leurs prouës maintes contrees étrangères, ainsi que vous entendrés au cinquième liure: lisant les faits d'Esplandian, auquel leurs grâdes entreprinſes sont amplement declarees. Mais pour retourner sus nos brisees, aussi tôt que la Roynie Elisene fut entree au parc, les Cheualiers s'en retirerent suiuant la coutume qu'Oriane auoit établie des le jour qu'elle y fut amenee par Amadis, qui dura iusques à ce que les mariages acordés furent celebrés en la presence du Roy Lisuart, & de la Roynie Brisenne qu'ils atendoient d'heure à autre, & ce pēdant ils alloient ordinairement, les vns à la chasse, les autres à la volerie, ainsi que le tems & l'occasion se presentoit: car le lieu étoit tant acommodé de bêtes rouſſes, oyseaus de riuere, & autres, que c'étoit chose admirable. Par quoy nous les y laisserons ébatre, pour vous declarer ce qui suruint à Bruneo, Angriote & Branfil, qui auoyent laissé la Roynie Elisene.

Comme Bruneo de bonne Mer, Branfil & Angriote suinrent la Roynie de Dace, & des auantures qu'ils eurent.

CHAP. XXVII.

APrés que les trois Cheualiers furent entres au vaisseau de la Roynie de Dace, elle qui ne ſçauoit leurs noms, commença à leur dire: Messieurs, puis qu'il vous plaît tant prendre de trauail pour moy, ie vous supplie, me dire qui vous êtes, afin que ie vous face l'honneur que merités: car vous ſcaués que ie vous connois comme celle qui ne vous auoit oncques veus, quand j'abordai le nauire ou ie vous trouuay avec la Roynie. Ma Dame, répondit Angriote, nous sommes encores si peu renommés par le monde, que pour vous dire nos noms, vous nous connoitrés aussi peu qu'au precedent: toute-fois, puis qu'il vous plaît, ie le vous diray presentement. Ces deus miens compagnons sont freres l'un nommé Branfil, & l'autre Bruneo de bonne Mer, qui puis n'agueres a fiancé la Princeſſe Melicie ſœur d'Amadis de Gaule, lequel vous allés chercher. Quant à moi, ie suis Angriote d'Etrauaus qui vous desire faire seruice. Sus mon Dieu, dît elle, ce sont bien les meilleures nouvelles qu'il ſçaurois ſouhaiter pour le present: car ie vous ay tant ouy estimer par ceus qui conterent au feu Roy mon mary le secours que fit Amadis à la Princeſſe Oriane que j'espere mieus que iamais auoir vengeance du traître qui m'a si fort offencée. Ma Dame, répondit Angriote, nous y ferons ce que nous pourrons, ſans y épargner chose qui soit en nôtre puissance. Bien humblement le remercia la Roynie, laquelle de la en auant se montra plus joyeuse qu'elle n'auoit acoutumé, & quelque temps après découvrirent la côte du païs de Dace, ou ils vindrent surgir. Lors fut Angriote d'auis, que la Roynie demourât au nauire iusques à ce qu'ils viſſent comme ses affaires se porteroient, & qu'eus (guidés par les deus Cheualiers qu'elle auoit amenés) iroyent droit à la ville asiegee trouver moyen d'entrer dedans, & dire des nouvelles à ses deus fis. Et à cete cause la commanderent à Dieu, & se mirent

LE QUATRIEME LIVRE

mirent en chemin, tenans le pais plus cou-
vert qu'il leur fut possible, pour n'être a-
perceus, tant que la nuit les surprint.
Toutesfois ils ne cessèrent de cheminer
jusques à ce qu'ils virent les feus du
camp, & comme ils tiroient à quartier,
pensans eiter le guet, dis Cheualiers qui
étoient aus Ecoutes, les auiserent, & vin-
drent les charger: mais ils furent si bien re-
ceus, que les cinq premiers tomberent
par terre: parquoy leurs compagnons dou-
tans embûche retournerent au camp faire
alarme. Ce pendant Angriote & les autres
passerent outre, en sorte qu'ils vindrent
joignant les murailles de la ville. Adonc
ceus qui les guidoyent apellerent la fen-
tinelle, & pour ce qu'ils furent conneus
du guet, on ouvrit vne poterne par la-
quelle ils entrerent, & aussi tôt furent cō-
duits au logis des deus Princes, enfans du
feu Roy, lesquels auertis de l'occasion de
leur arriuee, mèmement du retour de la
Roïne leur mere en bonne prosperité &
santé, louèrent grandement nôtre Sig-
neur, & les receurent le plus honorabile-
ment qu'il leur fut possible. S'ils furent
trémal seruis à leur souper n'en doutés:
car déja les viures deffailloyent en la
ville: mais ils auoyent si grand faim, ne
ayans mengé tout le jour, qu'il ne leur é-
toit besoing d'aucune fauce pour leur dō-
ner apétit: Or étoient ils las & trauaillés:
parquoy ne tarderent gueres à eus aller
reposer. Tandis le Duc & son armee se re-
noient en bataille, & y demourerent ius-
ques à ce qu'il fut jour haut & clair, pour
autant que les cinq Cheualiers du guet
leur auoyent donné tel effroy, qu'ils te-
noient pour certain le secours de la ville
être prés d'eus. Mais quand le jour appa-
rut, chacun se retira, & se trouverent les
Cheualiers de l'Île Ferme au leuer des en-
fans du Roy, ou fut auisé avec les Prin-
cipaus Capitaines, qu'une partie de leurs
gens se tiendroyent prêts pour sortir la
nuit ensuiuant au changement du guet:
tant pour essayer à surprendre leurs enne-

mys que pour mettre dehors (durât l'alar-
me) le plus ieune des deus Princes avec
Brunco, & vne guide seulement, pour le
conduire aus places circonuoisines, & es-
sayer de les faire reuolter contre le Duc.
A quoy ils se consentirent aisément, puis
que la Roïne étoit de retour, & avecq'elle
les Cheualiers qu'elle auoit amenés. Et à
cète cause sus la minuit Angriote & Bran-
fil (chefs de cète entreprinse) vindrent à la
place, ou ils trouverent leurs gens prêts à
marcher. Le temps étoit lors obscur, &
faisoit vn vent & vne pluye si froide que
merueilles, qui leur donnoit grande espe-
rance de trouver peu de resistēce au guet,
& ainsi leur auint: car aussi tôt qu'ils eu-
rent prins vn linge blanc pour eus entre-
connoitre en l'obscurité, sortirent secretem-
ment par vne fauce porte, & marchans au
petit pas, & sans faire bruit, surprindrent
les écoutes, lesquels ils tuerent, auant que
le guet en entédit aucune chose: car pour
la faueur du temps, les vns dormoyent, les
autres étoient cachés dedans les trâchees
de sorte qu'ils les taillerent en pieces pre-
mier que l'alarme vint au camp: au moyē
dequoy ceus de la ville poursuuans leur
fortune, ruerent sus les autres, qu'ils trou-
uerent aus tentes & cabanes, desquels il
fut fait si grande boucherie, que la cla-
meur en vint aus oreilles du Duc, qui
promptement monta à cheual avec si peu
de gens qu'il peut assembler. Lors se ren-
força l'alarme, & étoit le bruit des trom-
pettes & tabourins si grand avecq' le cry
des soldats, & l'impetuosité du vent, que
le plus hardy se trouuoit mal asseuré, aussi
qu'il n'y auoit tente ne pauillon qui ne
fût renuersé & mis par terre. Ce nonob-
stant, le Duc trouua façon de r'alier la
plus part de sa gendarmerie, & avec quel-
que petit nombre de gens de pied, mar-
cha droit contre ses ennemys, lesquels
sentans l'aprocher (eus contens de ce qu'
ils auoyent fait) se retirerent au petit pas
vers la ville, n'étant leur force en rien é-
gale à celle de leur ennemy, qui les char-
gea

gea rudement : mais Angriote & Branfil (sus la queue) soutindrent si bien l'effort, que plusieurs furent desarçonnés & navrés. Ce que voyant le Duc cuida desespérer, & comme il auient souvent, que tel pense venger son iniure qu'elle luy accroît, ce Prince mal-heureux (plus de furie que par raison) entra si auant dedans ses ennemys, que d'un coup de masse fut abatu, prins & emporté, dont la peur de ses soldats s'augmenta si fort, que perdans du tout le cœur, se retirerent en leur camp, & Angriote & ses gens dedans la ville avec leur butin. Durant cete écar mouche, Bruneo de bonne Mer voyant temps commode pour déloger, sortit avec le ieune Prince, & sa guide, ainsi qu'il auoit été ordonné, & sans empêchement quelconque cheminerent tant, qu'ils arriuerent, ainsi que le jour poignoit, près d'une bonne ville nommée Alumente, joignât laquelle rencontrèrent deus Cheualiers armés de toutes pieces, qui auoyent été enuoyés par le Duc le jour precedant pour quelques affaires, & le premier qui les auisa fut la guide, qui les montra à Bruneo, luy disant: Cheualier, pour Dieu, détournons nous, ne voyés vous ces deus qui viennent à nous qui sont de nos ennemys? As-tu peur, répondit Bruneo, prens seulement garde à ton maître, & me laisse faire le demourant. Lors chargea sa lance, & donnant des esperons à son cheual, cria à haute vois aus deus Cheualiers: Traîtres larrons, soutenûs du plus mechant duc de la terre, vous êtes morts, & vous defendés si vous poués. A ce cry conneurent bien les autres que force leur étoit jouër des coureus: parquoy, sans répondre, coururent sus à Bruneo, l'un desquels croyla & rompit son bois, & l'autre faillit d'atainte, non pas Bruneo: car le prenant entre les cuisses & l'arçon, le rua par terre d'un si grand saut, qu'il demeura évanouy. Lors son compagnon cuydant le venger mit l'épee au poing, & retournant vers Bruneo, luy en donna tel coup, qu'il lui fendit l'écu en

deus. Mais il ne le porta loing: car Bruneo le joignit incontinent: & l'ataignit sus la creste de l'armet de si grand force, qu'il l'étourdit: parquoy le saisit au colet, & sans le lacher le tira si fort à soy, qu'il le tomba bas. Adonc commença à le petiller, faisant passer & repasser tant de fois le cheual sus le vêtre, qu'il le rendit tout froissé, & plus mal encores l'eût accourré, s'il n'eût demandé mercy. Leue roy donc, dit Bruneo, & regarde si ton compagnon est mort, ou non. Le Cheualier se releua à toute peine, & aprochant près de l'autre, le desarma de tête: & aussi tôt qu'il eût air se mit à respirer. Or le monte, dit Bruneo, dedans la selle de ton cheual, & le soutiens en croupe. Ce que le Cheualier fit. Lors s'aperceut que le ieune Prince & sa guide s'en étoient fuys: toute-fois ils retournoyent vers luy ayans veu sa victoire, & aussi tôt qu'ils furent arriués, il dit au fis du Roy: Monsieur, voicy deus prisonniers lesquels ie vous presente, auisés, si voulés que ie leur pardône, ou que ie les mette à mort deuant vous, pour plus intimider les autres qui sont au seruice du Duc leur traître maître. Ah, Sire Cheualier, répondit l'enfant, ils ne doiuent porter la penitence pour lui, ie vous prie, renuoyés les au camp, ou s'ils veulent être des nôtres, ie les feray autant bien traiter qu'il me sera possible. C'est auis trouua Bruneo très bon, & loua grandement le bon conseil du ieune Prince. Parquoy après auoir receu leur foy, s'en allerent ensemble à la ville, ou ils ne furent plutôt arriués, que les habitans reconneurent la guide & leur petit Seigneur: Et à cete cause en moins de un rien tout le peuple s'assembla au tour de lui, pour lui baiser les mains, luy offrant tout ce qui étoit en leur puissance: Dequoy Bruneo bien joyeux commença à leur dire: Signeurs citoyens, l'amour que vous montrés à ce ieune Prince votre droiturier Seigneur, l'oblige grandement à vous vouloir bien tant qu'il viura, & la fiance aussi qu'il a en vous, vous doit

émouvoir à l'honorer, vous le voyés ieune & avec peu de moyē pour chasser son ennemy hors de vos limites, lequel (comme vous scaués) meurdrit en traïson le feu Roy vōtre bon Prince, & depuis pensant vsurper sō royaume, a assiegé la principale cité, & la tient encores de si près, que sans vōtre ayde, elle ēt en danger de succomber & venir en ruine, avec les gēs de bien & bons Cheualiers qui sont dedans. Parquoy Signeurs citoyens, maintenant que l'occasion s'offre d'elle mēmes, par le retour de la Roïne vōtre bonne maitresse: qui a amené quant & elle trois Cheualiers de l'Isle Ferme (dont ie suis l'un) deliberés vous de venger l'iniure qu'aués receuē par le traître, & faire tant que vos Signeurs liges puissent être remis en leurs terres, vous assurant, si me voulés suyure, que i'auray moyen de surprendre lui & son armee, & le deffaire par la faueur que nous aurons de mes compagnōs qui sont dedans la ville, lesquels ne faudront à sortir aussi tōt qu'ils verront le signal que ie leur donneray. Et cōme il leur faisoit telles remontrances, arriuerent deus paisans, lesquels à grand' hâte venoyent du camp, vers ceus de la ville, les auertir que pour certain, les Cheualiers assiegés auoyent fait la nuit precedente vne faillie sus le guet qu'ils auoyent forcé & taillé en pieces, avec grand' partie d'autres, auant qu'ils eussent été secourus, & que le Duc mēmes auoit été abatu de son cheual prins & mené prisonnier en la ville par deus Cheualiers étrangers, comme le bruit étoit, & de ce ne faites doute, dirent les vilains: car nous etiōs au camp, lors que l'alarme a été donnée, ou force nous fut de coucher à l'ocasion de la nuit qui nous y surprint vendans nos viures: mais nous n'eūmes oncques si grād frayeur, & à bonne raison, veu que les soldats étoient & sont encores si ēperdus, que la pluspart d'eus s'en vont à uau de route, à la file droit en leurs pais. Ce m'aist-dieus, dit Bruneo, ce sont bonnes nouuelles: Ic

vous prie, mes amys, sortons tous, & leur donnons sus la queue pour les hāter d'aller. A cēte parolle chacun cria aus armes: Mais Bruneo les pria de differer iusques au soir, à fin de les prēdre au depourueu, & ce pendant que chacun allāt repaire, pour marcher toute la nuit. Ce qu'ils luy accorderent, bien deliberés de le suiure, & mourir avec lui. Et à cēte cause venant l'heure qu'il leur auoit assignee, se trouverent tous en la place, & là ordonna son baillon: puis sortans de la ville, marcherēt en bon ordre droit au camp, & enuiron le point du jour arriuerēt à vn quart de lieuē près. Adonc Bruneo fit vn signe de feu à ceus de la ville, pour les auertir de son entreprinse que les gens du Duc (ētans au guet) apperceurent, & en auertirent leur Capitaines: parquoy se doutans de ce qui leur étoit prochain (encores recens de la perte qu'ils auoyent receuē la nuit precedente) firent secretemēt trousser leurs tentes, & leuer le siege à si grand' hāte, qu'ils étoient tous à plus de trois grandes lieuēs loing, deuant que lon s'en aperceut. Mais aussi tōt que les nouuelles en vindrent à Angriote & Bruneo, eus & leurs gens mōterent à cheual pour aller après, & les trouverēt en trébō ordre chassans leur bagage deuant eus. Lors cōmencerent à s'escarmoucher l'un contre l'autre: & cōbien que leurs harquebuziers se tinssent rou-jours sus la queue avec la plus part de leur gendarmerie, si furēt ils chargés par ceus de la ville de telle hardiesse, qu'ils les firent équarter & sortir de leurs rengs, par le moyē de quoy plusieurs y perdirent la vie, & grand nōbre d'autres prins prisonniers, & plus encores eussent receu de dōmage, n'eūt été qu'ils trouverēt moyen d'eus raler, & se tenir serrés. Et à cēte cause Angriote, se souvenant que la poursuite de l'ennemi desespéré, ēt souuēt cause de la perte d'vne bataille gaignee fit sonner la retraite, mēmes q la nuit s'aprochoit. Au moyē de quoy ils reprindrēt le chemin de la ville, ou arriués, chacun s'alla

s'alla reposer iusques au lendemain, matin, qu'ils delibererent aller querir la Roine, laquelle étoit (comme ie vous ay dît) demourée en son Nauire, atendant nouvelles des Cheualiers de l'ile Ferme, & de ses enfans qui la vindrent trouver, tant melancolique que rien plus: car elle ne sçauoit s'ils étoient mors ou non: Mais quand elle les vid si disposés, & sceut la prinse de son ennemy, & la ruine de son camp, vne ioye extreme la saisit de sorte que son esprit pensant auoir le plus grand bien qu'il pourroit aquerir en ce monde, fut sus le point de s'en partir, & laisser le cors content & sati-fait, quand les Princes & Cheualiers s'aprocherent d'elle, pour luy baïser les mains, lesquels elle receut d'une très-grand' amour. Puis fut mise dedans vne riche litiere, que lō luy auoit amenée, & la conduirent en son palais bien honnorablement, ou elle ne fut si tôt descendue, qu'elle cōmanda lui amener le Duc, ce qui fut fait. Et combien qu'elle eut deliberé de n'vser d'aucune vengeance enuers luy, ains oublier pour l'honneur de Dieu, partie du tort qu'elle auoit souffert, si se trouua elle vaincuë & forcée de tant de regrets (pour la perte du Roy son mary) que le voyant commanda soudain l'enuoyer au gibet. Mais les Cheualiers de l'ile Ferme n'en furent pas contents: ains (le plus gracieusement & modestement qu'ils peurent) luy remonstrerent, qu'onques ils n'auoyent prins prisonnier à merci, à qui ils fissent puis après aucune moleste: parquoi la suplierēt diferer son vouloir iusques à ce qu'ils fussent délogés, lors qu'elle en ordōnât comme bō lui sembleroit & qu'elle trouueroit par cōseil: Et à cete occasion lui demanderent congé. Je ferai, répondit elle, ce qu'il vous plaira, & toutefois acordés moy encores d'atēdre pour huit, ou dis iours, entre cy & lesquels i'espere faire coronner mon fis, & l'enuoyer à Amadis par vous, si me voulés faire le bien de l'y conduire. Ma Dame, dirent ils, nous en sommes très-

Am. 4.

contents. Au moyen dequoy enuoya incontinent appeller l'un de ses maitres d'hôtel, & luy commanda donner ordre à tout ce qui étoit nécessaire pour vn tel apareil: ce qu'il fit avecques très-grande diligence. Et par tant venu le iour du triumphe, le ieune Roi acompagné des Princes de son sang, Cheualiers de l'ile Ferme & autres, entra en la principale Eglise, ou il ouyt le seruice diuin, puis le cōduirēt sus vn theatre richement paré, & là fut par les Herauds proclamé à haute vois Roi, ietans entre le peuple mainte piece d'or & autre monnoye en criant par trois fois: Large-se; dé par le trēhaut, trēpuissant, & trēmagnanime Prince Garinter, Roi de Dace. Et ainsi que quatre des principaus Ducs de ses pais le portoyent au lieu ou le festin étoit dressé, les trompettes & clairons sonnoyēt de toutes parts tellement que trois iours durant tout le peuple ne cessa de faire feus de ioye, & ceus de la court masqueries, tournois, dāces, & semblables passetems, qui eussent encores plus continué, si Angriote & ses compagnons eussent voulu arrêter: Mais ils pressoyent la Roine de leur donner congé (laquelle ne pouuant plus differer) le leur acorda: & toute-fois auant qu'ils s'embarquassent elle leur dit: Messieurs, combiē qu'il me fut impossible sati-faire au deuoir en quoi vous vous êtes mis pour moy, qui ne l'auois meritē enuers vous, si m'auētureray ie à faire encores vne secōde requeste, laquelle ie vous supplie ne me refuser. Vous sçaués, q̄ ie ne vi onques Amadis de Gaule, pour l'amour duquel vous aués en partie (cōme i'estime) entrepris le lōg voyage par deçà, qui m'a été si heureux, q̄ le fait en ēt sorti tel q̄ i'esperois. Or n'ay ie aujourd'hui chose plus chere, q̄ le nouveau Roi mon fis, lequel, (cōme ie vous ai dît) ie desire enuoyer en l'ile Ferme, pour demorer entre tant de bons Cheualiers qui y sont, iusques à ce qu'il vienne en âge de receuoir cheualerie, esperāt que cete nourriture lui seruira grandement

G

LE QUATRIEME LIVRE

ment, & que lors Amadis lui fera tant d'honneur de la lui donner de sa main:& partant ie vous supplie le mener quant & vous,& le lui presenter de par moy. Ma Dame,répondit Bruneo,ie vous promets que nous le ferons de bon cueur:& quât au demeurât,asseurés vous qu'il y sera le bien venu.Ainsi faites dōner ordre à son equipage,à ce que nous puissions demain embarquer & sortir du port,tandis que le vent nous êt propre. Au moyen dequoi après que la Roine eut pourueu à tout ce qui étoit nécessaire à son fis,le conduit avecques grosse compagnie iusques dedâs son vaisseau,& commandans à Dieu lui & les Cheualiers de l'Ile-Ferme, firent voyle,en sorte qu'en peu de tems s'éloignerent de la côte,& decouvrirent l'Ile Ferme,ou ils vindrēt aborder.Toutefois, auant que prendre terre,enuoyerent à Amadis, lui faire entendre comme ils auoyent en leur compagnie le Roi de Dace,lequel venoit expressement vers lui, pour demeurer en sa cōpagnie. Et à cete cause Amadis monta incontinent à cheual, & vint le recevoir avec plusieurs Cheualiers, qui le conduirent au logis du Roy Perion.

Comme le Roy Lisuart, la Roine Brisenne, & Leonor leur fille partirent de Vindilifore pour venir en l'Ile Ferme, ainsi qu'il auoit été deliberé au partir de Lubanie.

CHAP. XXVIII.

NAGVERES ie vous ay recité, comme le iour mêmes que le Roi Lisuart arriua vers la Roine, il lui fit entēdre la promesse faite à Amadis & aus autres,la priât affectueusemēt dōner ordre à ce qu'elle,& sa fille Leonor(qu'il auoit acordee à l'Empereur)peussēt partir la prochaine semaine. Et ce pendât enuoia vers Galuanes & Madasime pour luy venir tenir cōpagnie, ce qu'ils firent.Et aussi tôt délogerent,prenâs le chemin de l'Ile Ferme:& le huitième iour ensuiuant vindrent coucher à quatre

lieuës pres du palais d'Apolidon. Dōt le Roi Periō & les autres auertis, monterēt à cheual avec les Dames & Damoiselles: Mais ils n'eurent longuement cheminé qu'ils se rencontrerent. Là y eut maint einbraslement fait d'une part & d'autre: toutefois Amadis & Galaor mirent pié à terre, aussi tôt qu'ils aperceurent le Roi Lisuart,pour lui baïser les mains.

Ce qu'il ne voulut souffrir, ains en les accolant,les pria de remonter. Lors le Roi Perion qui étoit derriere brocha son cheual des esperons, & à bride abatuē vint droit au Roy Lisuart qui l'aperceut.

Parquoi laissant tous les autres en fit autant, & s'apochans s'embrasserent d'un très grand amour. Tandis Oriane s'adressa à la Roine sa mere,& lui fit vne grande reuerance, & elle la receut avecq' vñ si bon visage, qu'il seroit impossible de plus. Et comme les Roines Elisene, Briolanie, Sardamire, & toutes les autres Dames la saluoient,l'Empereur Arquifil survint,& descendit de cheual pour la baïser.Adonc les Cheualiers de la grand' Bretagne se mêlerent entre les Dames lesquelles ils entretrindrent tant qu'ils arriuerent au palais d'Apolidon,ou fut logé le Roy Lisuart, & la Roine Brisenne.

Quedragant emmena le Roi Cildadan en son logis.Amadis le Roi Arban, Grumedan,& Guillan,Galaor Norandel, & Agraies son oncle Galuanes,à qui il portoit autant d'honneur que au Roi d'Ecoce son pere.Or étoit lors Esplandiâ de l'âge du roi de Dace,& le iour mêmes print à lui si bonne acoïntance, qu'ils se firent compagnons,sans q de là en auant se separassēt guerres:Specialemēt depuis qu'ils eurent l'ordre de Cheualerie,& durant le voiage de Constantinople, ou Esplandiâ deuïnt amour⁹ de la belle Leonorine,de laquelle il eut iouissance par le moyen de son compagnon Talanque,fis de Galaor,& Manely le Sage,fis du Roi Cildadan, qu'ils engendrèrent aus deus nieces d'Yrgande la Déconneuē durant leur prison

son, comme l'histoire du cinquième livre declare amplement : Parquoi nous nous en tairons à present pour suyvre nôtre premier propos. Etât dōcques ces Sigñrs, Dames & Damoiselles ensemble, après que le Roi Lisuart fut arriué ainsi qu'ils s'ébatoyent au iardin d'Apolidon regardant les excellentes peintures diceluy, ils entendirent (hors du palays) vn merueilleus bruit & clameur du peuple: Et à cete cause enuoyerēt incontinent sçauoir que c'étoit, Adōcq' leur fut rapporté, que pour certain on audoit decouuert en Mer vn feu le plus épouuentable q'lon vit oncques, lequel s'aprochoit du port à veuë d'œil: & partant les Cheualiers enuoierēt querir leurs Cheuaus, sus lesquels ils y coururent diligemment, & les Dames mōterent au plus haut des tours pour voir cete merueille, Lors fut veu de tous en Mer vn rocher ardant poussé du vent & des ondes, par telle impetuosité, que si fortune eut couru: & ce qui augmenta leur crainte ils l'aperceurent peu après muer en vn Serpēt horrible & trop merueilleus, lequel d'une façon supernaturelle étendoit ses ælles plus loing qu'un bō archer ne pourroit traire. Mais si celà leur donnoit ébaïssement, le demourant du monstre ne leur en apportoit gueres moins: car il venoit droit à eus, ayant la tête eleuee comme la hune ou gabie d'un vaisseau, ie tant par les narines vne fumee si épesse, q' de trégrāde obscurité on la perdoit de veuë par interuales, puis tout soudain on l'oyoit siffler, & faire hrlemenstels que oncques diablerie pareille n'auoit été entenduë. Au moyen dequoi le commun peuple estimant être punicion diuine, & chose enuoyee de Dieu, pour les endommager, s'enfuyt à mōt l'Île, & le semblable auint aus Cheualiers, combien que ce fut malgré eus: car leurs cheuaus épouuentés de ce monstre, se mirent à ronfler & petiller, & finablement à prendre leurs morts aus dens, & courir à trauers païs, sans ce qu'il leur fut possible les arrêter:

dōt aucuns de leurs maitres (aussi mal asseurés qu'eus) n'en furent trop malcontés: Toutefois à la fin ceus qui preferoyent leur honneur à leur vie, firent tant qu'ils mirent pié à terre, & retournerēt au riuage de la Mer pour resister à la bête, si d'auanture elle prenoit terre: Mais ils ne furent si tôt de retour, qu'ils virēt le Serpent haucer les ælles, cōme s'il eut voulu voler: & à l'instant sortit de deffous vne fregate couverte de drap d'or, avecq' deus Nains, qui à force de rames amenoyent à bord vne bien belle Damoiselle, & deus ieunes Ecuyers qui l'accompagnoient. A l'heure se va souvenir le Roi Lisuart de l'effroi que lui donna Vrgande, quād premierement elle le vint trouver en la ville de Fenuse, & assura deuant tous que cetoit elle sans autre. Sire, répōdit Amadis, ie m'en suis douté aussi tôt q' i'ay decouuert la fregate, cōbien qu'au parauant ne sçauois (sus mō Dieu) ou i'en étois, & pensois pour vray q' ce fut quelque dyable, qui nous donnât beaucoup à souffrir. A peine eut il acheué cete parole, qu'Vrgande se monstra à chacun d'eus. Et à cete cause, la peur premiere fut conuertie en ioye & plaisir: car en vsant d'une familiarité non acoutumee print terre en sa propre forme, ce que peu luy étoit auenu: Ains toutes les autre fois qu'elle s'étoit trouuee en compagnies semblables, le plus souvent se faisoit vieille, enfant, bête, ou oyseau, ainsi que bon lui sembloit. Lors le Roi Lisuart & Amadis s'approcherent pour la receuoir & semblablement l'Empereur, qu'elle n'auoit oncques veu. Neantmoins elle s'adressa à luy premier qu'aus autres, & luy dît: Sire ie ne me trouuai de ma vie en lieu ou ayés été, ce neant-moins ie vous cōnois cōme celle qui desire faire seruice à vous & à l'Imperatrix, ainsi que i'ay bōne inteciō q' pourrés apercevoir quelq'fois: car par mō moy en sera mis hors de dāger le premier fruit qui sortira de vōtre generatiō, & vous en souuienne: & encores que mon demeure

soit loing des limites de vôtre Empire, si puis ie, quand il me plaira, vous aller trouver iusques dedans Rome en vn iour naturel. Ma Dame répondit l'Empereur, ie ne refuse pas vn tel bien de vous, & moins de l'amitié que vous me portés, vous assurant que ce m'est le plus grand plaisir quime scauroit auenir, pour l'esperance que i'ay que me tiendrés promesse. Ie le ferai, dit Vrgade, laquelle se trouuât près d'Amadis vint le baiser & luy dit: Encores (monseigneur) que vous ayés été si fauorisé de fortune, qu'elle vous a fait ataindre à la perfection de vos plus affectiōnés desirs, si ne deués vous auoir grande assurance d'elle. Car combien qu'il vous semble maintenat être au dessus du vêt pour iouyr à vôtre aysé de ma Dame Oriane, que vous preferés à toutes choses, si vous auisiez ie, que d'orénaunt vous aurés plus d'affaires que vous n'eustes oncques, d'autant que le blâme vous seroit plus grand perdant la reputacion ou vous êtes, que si ne l'eussiez oncques acquise: Mais tout ainsi que ie me suis faite vôtre par le passé, croyés que ie le seray à l'auenir. Ma Dame, répondit il, veu les grans biens que i'ay receus de vous, & l'amour que vous m'aués monstree, vous deués croire, que tant que la vie me sera au cors, aurés entiere puissance de me commander, & moi vn parfait desir de vous obeir: Et quand aus trauaux qui me sont destinés, vous scaués q' ie suis contumier de souffrir, & q' l'esperance grande q' i'ay en vous, me donera pouuoir de resister à tous encombrements, moyennant vôtre faueur & bon conseil. Ma dame dit le Roi Lisuart, s'il vous plaît nous prendrons le chemin du palais d'Apolidon, ou les Dames vous attendent, qui sont déja auerties de vôtre arriuee, & la vous deuiserés plus à vôtre aise. I'en suis bien contente, répondit elle. Lors apella les deus ieunes enfans qui étoient au bateau, & les prenant l'un à dextre, l'autre à fenestre, suyuit le Roy & sa troupe, & cheminant apella Esplandian & luy dit: Ie

vous promets, mon mignon que i'ay eu meilleure souenance de vous, que ne cuidés: & voyés ie vous ay amené ces deus Gentis-hommes pour vous tenir compagnie, lesquels vous feront bien besoing quelquefois que vous serés au plus fort de vos affaires: Parquoi ie vous prie que les aymés d'orénaunt comme vous mêmes. Adonc aperceut les Dames qui venoyent au deuant d'elle au moyē de quoi elle mit fin à ce propos pour leur faire la reuerance: & comme elle les baisoit l'une après l'autre, s'adressant à Oriane, dit si haut que chacun l'entendit: Croyés (ma Dame) que ie ne fu oncques si aysé, q' me voyant en telle compagnie: car autre seroit malaisée à trouuer ou il y eut tāt de beauté & bonne grace, & plus encores d'amour maintenu & fauorisé en toute perfection. Ma Dame, répondit la Roynie Brienne, ie croy que ce soit la pure verité: si tout ce que vous dites y est, Cheualerie n'en est pas éloignée, comme vous poués estimer. Lors la print par la main & la conduit iusques en sa chambre, ou les Cheualiers les laisserent pour demourer plus priuement ensemble.

Des propos qu'Amadis eut avec son cousin Dragonis, en luy donnant le Royaume de la profonde Ile, et la Princesse Estoillee à femme, qu'il aymoit de long temps.

CHAP. XXIX.

DRAGONIS n'étoit pas avec Amadis quand il partoit les pais du Roi Araigne & des autres prisonniers, ains auoit suyuy (du monastere de Lubanye en hors) vne Damoyelle qui l'emmenoit pour combattre Angriffor, Seigneur du profond gouffre, lequel tenoit prisonnier le pere d'elle, le voulant contraindre rendre vne place qu'il desiroit auoir. Et fut ce combat merueilleux: car Angriffor étoit le plus vaillant & adroit Cheualier, qui se trouuât lors en toute la contree. Toutefois Dragonis eut la victoire, & luy fit promettre de se trouver en l'Ile Ferme au vingtième iour

iour ensuyuant, & là demander misericorde à Oriane. Ce Dragonis duquel ie vous parle, étoit ieune, dispos, & bon combattant au possible, ainsi qu'il monstra bien en l'île de Mongaze, ou le Roy Lisuart vint assaillir Galuanes: Car étans la plus part de ses compaignons, rompus, garda bien long tems vn détroit avec peu de gens ou il fit tant de Cheualerie, qu'il en demoura estimé toute sa vie. Or ne l'aten doit Amadis si tôt: Mais au retour du profond goufre, il s'en alla trouver Galuanes & comme ils étoient ensemble receurent les lettres du Roy Lisuart, par lesquelles il prioit Galuanes de le venir accompagner, ainsi qu'il auoit promis. Au moyen de quoi Dragonis & luy si en allerent ensemble. Et aussi tôt qu'ils furent arriués en l'île Ferme, Amadis considerant le deuoir auquel iceluy Dragonis son cousin s'étoit mis es dernières batailles, & le tort qu'ô lui feroit, s'il ne se sentoit de semblables plaisirs, & biensfaits que ses compaignons auoyent receus, étans eus deus ensemble, lui tint tel propos: Mon cousin, depuis que vous nous laissâtes, nous auons fait plusieurs mariages des principaux Cheualiers qui sont icy, avec celles auxquelles ils aspiroient de long tés. Et outre, par l'auis de tous, les païs du Roy Arauigne, Barfinan, & d'autres nos prisonniers, ont été departiz, & pour vôtre absence aués été mis en oubly: mais Dieu y a pourueu, ainsi que vous entendrés: l'ay presentement été auerty par vn Ecuyer, que depuis nôtre partement de Lubanye, le Roi de la profonde Ile (qui auoit été nauré) ét mort sus la mer peu de iours après qu'il s'êt embarqué pensant se retirer: Et à ceste cause, ie vous ferai tomber es mains son Royaume, & si aurés par même moie Estoillette à fême, que vous aués aymee de long temps, & à bon droit, étant belle, sage, & vertueuse Princeesse, yssue de Roi des deus côtés, & autant aymee d'Oriane qu'autre que ie sache. Il me semble que (pour vôtre contentement) lon ne vous sçau

roit mieus satisfaire qu'en vous faisant iouissant de ce que vous aymés, & estimés plus que vous mêmes. Dragonis bien ayse d'ouïr Amadis lui porter telle parole, ne sceut de prime face qu'elle réponse lui faire: car sa deliberation étoit d'aller avec Bruneo, & Quedragant, & à la conqueste des terres qu'Amadis leur auoit departies, & de là tirer vers Sardaigne chercher auantures étranges, puis se joindre avec le Roi Florestan, pour lui aider s'il en auoit besoin: toutefois cōsiderant l'amitié qu'Amadis lui portoit, & le zele qu'il lui monstroït, promit de lui obeïr. Au moyen dequoy, lui & Etoillette furent acordés le lendemain en la presence de tous les Cheualiers, Dames, & Damoiselles, au grand contentement de l'un & de l'autre, atendants le iour tât désiré auquel le mariage seroit celebré & acomply. Et le soir mêmes Amadis demanda au Roi Lisuart le Duché de Bristoye pour Guilan que volôtiers il luy otroya, & la veufue du feu Duc aussi, pour laquelle il auoit tant souffert, qu'il en auoit aquis le nom de Pensif.

Comme les noces d'Amadis, d'Oriane, & des autres Princes & Dames, furent celebrees en l'île Ferme, ou le iour mêmes Oriane éprouua l'arc des loyaus Amans, & la chambre defendue.

C H A P. X X X.

Venu le iour accordé, que les Cheualiers amoureux deuoyēt auoir de leurs Dames aymées le fruit de leur atente, & que les noces si long tés atēduës furent sus le point d'être celebrees, le saint hōme Nascian se prepara pour en faire l'office: & après les solēnités en tel cas acoutumees, au sortir de la messe, Amadis dît au Roy Lisuart: Monsieur ie vous prie bien humblement m'otroyer vn don, que raisonnablement ne me deués refuser. Mō fis mō amy, répondit il, ie le vous acorde de bien bon cuer. Je vous supplie donc, Sire, dît Amadis, commander à ma Dame Oriane vôtre fille, qu'elle épreuue (auant q nous

LE QUATRIEME LIVRE

mettre à table) l'arc des loyaus amans, & la châtre defendue, à quoy elle n'a voulu entendre par cy deuant, pour prier que luy ayons faite, combien que i'ay telle fiance en sa loyauté, & beauté excellente, qu'elle obtiendra le lieu, auquel cent ans a & plus, Dame ne Damoiselle n'a peu paruenir: & de ce me puis ie asseurer, ayât veu maintefois la statuë de Grimanese, qui èt là pourtraite en la plus grâde perfection qu'elle eut oncques: ce nō-obstant el le n'égale en riē à celle de vōtre fille, par le moïe de laquelle nous pourrōs tous ce iourd'huy entrer an la chambre d'Apolidon, & y parachēuer cete fête commēce. Mon fis, répondit le Roy Lisuart, il ne tiēdra pas à moi. Et toute fois ie crains beaucoup qu'une telle entreprinse aporte quelque trouble ou empēchement en vne si bonne compagnie, veu que bien souuent le desir, que lon a de paruenir à quelque chose, ofusque les yeus & l'entendement de celui qui l'entreprend en telle sorte, qu'il voit tout au contraire de ce que la raison luy presente. Monsieur dit Amadis, le cueur me iuge, que la fin en sera toute telle, que i'ay le desir, & qu'au lieu de fâcherie elle apportera à la compagnie ioye & tout plaisir. Et bien, répondit il, à moi ne tiēne. Lors apella Oriane (que les Rois Periō & Cildadan menoyēt par la main) & luy dit. M'amie, vōtre mari me demande vn don que ie lui ai acordé, encores que ie doute fort que mal aysēmēt (à mon auis) il se puisse acomplir. Selon son vouloir: neantmoins vous sçaués que i'ay tou-jours gardé ma parole, pourtant auisēs à faire ce dont ie vous prierai. Oriane trēs ayse d'ouyr le Roy parler à elle si familièrement, fit vne grande reuerance, & lui répondit. Monsieur, comandés moy ce qu'il vous plaira pour vous obeïr. Ma mignonne, dit le Roy, il faut dōc premier que nous mettre à table que vous essayés l'auēture de l'arc des loyaus amās & celle de la chambre Defendue, c'ēt le don que i'ay acordé à Amadis. Quand cete

parole fut entenduē des autres Dames, vn murmure secret se mit entre elles les vnes pour l'amytiē qu'elles auoyent à Oriane, craignans qu'elle ne peut parachēuer si haute entreprinse à son honneur, & les autres plus amyes d'elles mêmes, se promettoyent cēt auantage. Toutefois celà dura peu, voyant que le Roy s'en mêloit, lequel connoissant le desir qu'auoyent Olinde, & Melicie de tenir compagnie à sa fille, les en pria affectueusement: Mais leurs amyes & nouveaus maris, eussent bien voulu les en détourner craignans tomber au danger de perdre vne chose qu'ils tenoyent assēs gaignee pour eus mêmes, non pourtant ils n'eurent pour l'heure raison d'elles, sinon que puis qu'elles étoyent tant à propos pour contenter leur volonté, qu'elles y satisfiroyent. Foi que ie doy à Dieu, dit le Roy, vous leur en deués sçauoir bon gré: car à ce que ie voi, elles veulēt vous faire auoir témoignage de leur fermeté, par autre que par ce qu'en pouvēs iuger de vous mêmes, & suis d'auis qu'elles en facent épreuue premier qu'Oriane. Ce qu'Amadis eut tré agreable, sçachant bien qu'elles n'entreroient en la chambre Defendue deuant elle, qui lui seroit par leur defaueur tregrande augmētation de louange. Ainsi marcherent Melicie & Olinde, droit vers l'arc des loyaus amans, sous lequel elles passèrent sans empēchement quelconque. Lors la statuë de Bronze se print à sonner si melodieusement, q̄ chacun y receut trégrand plaisir, & plus encores que nul des autres Agraies & Brunco: Puis marchāts outre, les deus Dames entrerent au iardin, ou elles virēt les statuës d'Apolidon, & Grimanese. Et comme elles s'amusoient à les contempler, auiserent Oriane préque sous l'arc, regardant derriere elle si Amadis la sui uoit, & à l'instant la couleur lui mōta au visage de sorte qu'elle luy embellit son taint, vn peu plus pâle que de nature, pour les ennuyes qu'elle auoit soustenus durant les guerres

& discords passés : mais elle ne fut si tôt sous la voute, que l'ymage donna vn son trop plus armonieus, & plaissant qu'onques n'auoit esté entédu de nul, ietant par la trompe Oëillets, Marguerites, Pêfées, Ancolies, & mille autres sortes de fleurs, les plus odoriferantes que lon sçauroit penser. Puis entrant au iardin, Melicie & Olinde l'apellerét pour lui montrer Apollidon & Grimanese: Mais elle étoit déjà ioignant le Iaspe, ou elle regardoit les noms d'elles trois nouvellement engrués. Au moyé dequoi elle les apella pour les leur faire voir, & de là retourna vers les ymages, que elle trouua tant bien faites qu'il n'y restoit que la parole, principalement Grimanese, qui luy sembla tant belle, qu'elle se commença à deffier de pouuoir entrer en la chambre defenduë: Mais cete doute luy dura peu: car s'a prochânt de la venus d'Agathe (pour seulement prendre eau de la fontaine) la statuë auança le bras droit, & lui presenta la pomme, tandis qu'elle arrachoit de la main gauche la Perle excellente, qui lui pendoit à l'aureille. Et combien que ses deus compagnes luy portassent vne amour singuliere si ne peurent elles tant gagner sus elles mêmes, que voyant cete faueur, ne conceussent quelque étincelle d'enuie secrete contre elle, laquelle ne voulant rien laisser à faire, tira vers le Dedalus, au milieu duquel (comme ie vous ay dit) étoit le collosse de Bronze, tenant la lanterne, où se conseruoit le feu diuin soigneusement gardé par les Serpens, lesquels auisans Oriane, commencèrent à remuer la queue, & baisser la tête en signe d'humilité. Et à cete cause passa sans empêchement, iusques au mylieu du Labyrinth, & la vit à son ayse le larrecin de Prometheus, qui en la presence des trois Dames, s'éuanoyt & onques puis ne fut veu par aucun, ne les Serpens aussi: Parquoi les Dames s'en retournerent, ou les atendoient les Cheualiers, & autres de leur cōpagnie. Si lors leurs amys receu-

rent du plaisir, qu'en dites vous, Damoisselles, qui aués éprouvé la faueur d'amour. Quand à moi ie me veus bien faire croire, qu'ils eurent tout tel contentemēt que ie desirerois pour moi-mêmes. Or entendés doncques le surplus, & vous orrés par auanture chose qui vous dōnera vn grād plaisir. Ayans les Dames mis fin aus auantures qu'aués entenduës, Grasinde fort marrie qu'elle ne les auoit sūyues, se delibera éprouuer premier que nulles d'elles la chambre defenduë, & pour cete occasion dit à Amadis: Mōsieur encores que ma beauté ne satisface à mon desir, si ne me puis ie distraire d'essayer l'auanture des perrons: car si elle auoit prins fin sans moy, il ne seroit iour de ma vie q'ie n'y eusse trop de regret. Ainsi donc en auienne ce q' venir en pourra, si i'y puis entrer, mon cueur sera satisfait, & si i'en suis reculce, autres que moi l'ont été aussi. Ma Dame, répōdit Amadis, il me semble que pour beauté ne deuéz diferer, moins encores par faute de bon vouloir, de sorte que si me volés croire, vous passerez deuant toutes les autres, lesquelles par ce moyen pourront bien être releuées par vous, du trauail qu'elles auroient pour y entrer. Grasinde estimant Amadis lui dire sans fainte ce qu'il en pēsoit, ne difera plus, ains faisant le signe de la crois, marcha droit au premier perron, lequel elle passa aysément: Mais quand elle approcha de celui de Marbre, elle fut repoussée si rudemēt, qu'elle demeura étenduë sus la terre, sans remuer pié ny main. Ce q' voyant Quedragant y courut, & la leua doucement entre ses bras, non sans auoir grand'pitié d'elle, combien qu'il fut asseuré q' ce mal tourneroit en rien: ce neantmoins il l'aymoit de si grand'amour qu'il craignoit qu'elle en print trop grand déplaisir. Lors Agraies qui entretenoit Olinde, luy dit: Ma Dame, si ma Dame Grasinde a été mal traitée, si Dieu plaît, vous en ferés la vengeance, ie vo' prie ne doutés & allés hardiment: puis en la baisant lui

LE QUATRIEME LIVRE

print la main & la cōduit au plus pres du perron de cuyure, qu'elle passa tout ainsi qu'auoit fait Graside : mais si l'une fut repoussée cūydant franchir celuy de Marbre, l'autre n'eut gueres plus d'auantage: car elle se sentit incontinent prēdre par ses beaus cheueus, & ieter sus terre trop mal gracieusement: Au moyen dequoy Melicie s'auança, & d'une gaye contenance, cōme si le cueur & le pié luy eussent vollé ensemble, marcha outre les deus premiers tellement que ceus qui la regardoient estimerent lors, que l'auanture lui étoit dediee & non à autre. Dont Oriane entra en vn merueilleus soupçon, qui luy dura peu, par ce q̄ tōt après elle fut plus mal traitée que nulles de ses compagnes, & si froissée, que Bruneo la pensant morte, cōmença à faire vn dueil & regret trop extreme: Toutefois ceus qui étoient courumiers voir choses semblables, ne s'en faisoient que rire sachans bien que cete paour se tourneroit en plus grande assurance. Or ne restoit il plus des quatre Dames à éprouuer qui gaigneroit le pris de premiere beauté, par l'entree de la chambre enchantée, qu'Oriane, tout au plus près de laquelle étoit Amadis, lequel lui dît en se sous-riant: Ma Dame ie sçauois bien que cēt honneur deuoit être vōtre, & maintefois ie le vous ay assuré, pourtant suyus l'heur qui vous ét promis & ne craignés aucune chose. A cete parole le lascia la Princesse, & s'en alla vers les perrons qu'elle passa sans difficulté.

Mais quand elle cuyda aprocher le seil de l'huys, il lui sembla rencontrer vne infinité de bras & de mains qui la repoussoyent fort & ferme: ce neantmoins elle ne s'étonna en rien, ains commença à se defendre, les détournant à dextre & à senestre tant que malgré tout empechemēt elle franchit le pas, si hors d'aleine, toutes fois qu'elle ne se pouuoit quasi plus soutenir, quand la main qui receut premierement Amadis (ainsi qu'il vous a été recité au commencement du second liure) la ti-

ra dedans. Adonc furent ouyes vne infinité de vois humaines, disans si haut qu'elles furent de tous entendues: Bien soit arriuée ceans la plus excellente Dame qui ait été depuis Grimane, & qui la precede en toutes beautés, au moyen dequoy elle ét digne du plus valeureus Cheualier, qui porta armer en tête cent ans a, & plus, avec lequel elle pourra d'oresenauant prendre ceans son plaisir ainsi q̄ bon lui semblera. Et a l'instant s'ouvrit l'huys de la chambre, ou entra Oriane, si ayse, qu'elle n'eut été plus satisfaite d'auoir en sa puissance le surplus de la terre. Ce que voyāt Ysanie gouuerneur de l'Isle, dît deuant tous: Au iourd'hui ét la consommatio des enchantemens, que lascia en ce lieu Apollidon, pensant perpetuer sa memoire: car puis que ma Dame ét entrée leans, elle peut être suyue, sans empechemēt quelconque. Et à cete raison tous les autres, tant Cheualiers, que Dames & Damoiselles, allerent après, & la trouverent regardant les singularités qui vous ont été décrites au cōmencement de ce quatrième liure, à l'entour dequelles ils s'amuserent si long tems, qu'il ne leur souuenoit de manger, à l'heure que le maitre d'hôtel vint dire au Roy Perion, que la viande se gâtoit: Au moyen dequoy il print Oriane par la main, & la mena en la salle, ou le festin étoit aprêté & là se mirent tous à table, ainsi q̄ le maitre des ceremonies les apella, puis furēt seruis des viādes plus exquisés qu'il fut possible recouurer commençant le bal aussi tōt que les napes furent leuees. Et ainsi passerent la iournee tant que lon couvrit pour le souper après lequel vindrent les masques, qui demorerent entre les Dames, iusques à ce q̄ les Roines de la grand' Bretagne, & de Gaule retirerent les nouuelles marices. Or auoit Amadis fait dresser son lit en la chambre Defenduē, ou ils vindrēt coucher Oriane, puis allerent faire le semblable à l'Imperatrix, & autres, ce pendant Amadis se déroba, pour venir vers celle qu'il auoit

auoit tant requise , & par infinité de tra-
uaus acquise , lesquels retirés seuls firent
épreuve de combien ét plus grand le plai-
sir de jouir en seureté de ses amours, qu'
avec la crainte ou ils s'étoient trouvés

quelquesfois: Mais s'ils eurent lors grand
contentement, croyés que Brunco, & Me-
licie n'en receurent pas moins à leur en-
droit, ne les autres semblablement,



*Comme Vrgande la Déconneuë exposa deuant tous , les choses qu'elle auoit predites être au-
nuës , & comme elle print congé d' Amadis & de toute la compagnie pour s'en retourner.*

CHAP. XXXI.



A Prés que les triumphes & festins
eurent cōtinué huit jours entiers,
Vrgande la Décogneuë desirant
s'en retourner, pria les Cheua-
liers, Dames & Damoiselles, se trouver le
lendemain en la grand'salle du palays, a-
fin qu'auant son partement elle leur decla-
rât chose qu'ils n'auoyent oncques enten-
duë: Et à cète cause (le jour ensuiuant) a-
près le dîner, & que les tables furent hau-
cees, elle (au milieu de cète grosse troupe)
apella les deus Damoiseaus qu'elle auoit
emmenés en son équip, & les prenant par
les mains, adressa sa parolle à toute l'assi-
stance, disant: mes Signeurs , & mes Da-
mes, ie sçauois long temps à (& sans l'auis
d'home mortel) l'assemblée qui se faisoit
par deçà, après les conflits passés, ou sont

morts tant de bons Cheualiers d'une part
& d'autre, & Dieu me soit témoing, s'il
eût été en ma puissance d'y pouvoir reme-
dier, comme volontiers ie m'y fusse em-
ployee: Mais étans les choses ainsi ordon-
nees par la prescience de celui, auquel tou-
tes creatures doiuent honneur & obeis-
sance, il a fallu qu'elles se soyent parache-
uees selon son vouloir. Et pour vous fai-
re entendre que ie n'ignoreis ce qui vous
ét auenu , ie croy qu'il souviendra bien
encores à ma Dame Oriane , qu'étant en
la ville de Fenuse (elle & moi couchees
ensemble) me pria lui declarer quelle se-
roit sa fortune à l'auenir: & combien que
ie la dissuadasse grandement d'ôter d'elle
cète curiosité, ce non obstât à la fin vain-
cuë d'importunité , luy dis que le Lyon

LE QUATRIEME LIVRE

ded' Ile douteuse sortiroit de sa cauerne, lequel épouventeroit par ses cris & rugissemens les gardes, de sorte que mal gré eus il se fassiroit de sa personne avec laquelle il se rassaisiroit de sa faim extrême.

Or ét cete prophetie assurement auenuë (dît elle à Oriane) car si bien vous y regardés, Amadis vôtre Seigneur & mary (trop plus fort & inuincible q nul Lyon) ét sorty de cete Ile, laquelle par grande raison se doit nōmer douteuse, & furieusement a assailly les Romains qui vous auoyent en garde, les a deffaits & contrains vous laisser en sa puissance: & si par vous il a donné quelque repos à ses affections, vous le sçaués, ma Dame, & vous aussi Seigneur Amadis, mêmes que en ce temps ie vous auisay du peu de gré que vous auries pour mettre vôtre vie au plus grand hazard de mort qu'elle fut oncques, & que la recompense q vous auries du pris de vôtre sang répādu, seroit l'éloignement de ce que vous aimies le plus, & tout ainsi ét il auenu: car après que vous eûtes combatu & deffait le vaillant Ardan Canille, ou vous tombātes en tel peril que chacun sçait, le profit en vint au Roy Lisuart, & à vous la hayne de lui, & la longue absence que vous eûtes de ma Dame Oriane. Et vous, Sire, dît elle au Roy Lisuart, vous souvient il de la lettre que ie vous écrivy, le même jour que vous trouuātes en la forêt enchantee vôtre petit fis Esplandian chassant avec la Lyonne? par icelle ie vous faisois sçauoir (si bien vous y pensātes lors) l'étrange façon de sa nourriture, ayant été alaité de trois nourrissees fort contraires l'une à l'autre, de la Lyonne, de la Brebis, & de la Femme. Aussi qu'il seroit cause de mettre pais & Amour entre vous & Amadis, après que par son moyen vous seriés sorty du plus grand danger ou vous tombātes depuis que receûtes l'ordre de Cheualerie, & de ce rendra assés bon témoignage l'assaut que vous donna le Roy Arauigne par l'exhortation d'Arcalaus, & le secours

que vous receûtes d'Amadis, par la diligence du Damoisel, & à present les aliances que vous aués l'un avec l'autre. Ainsi doncques vous poués tous aysément connoître, si par cy deuant ie vous ay notifié choses veritables ou non: parquoy ie passeray outre, & vous prediray encores autres fortunes qui sont destinees à vous premierement, dît elle au Roy Cildadan, & Galaor: Voyés vous ces deus ieunes Ecuycers, Talāque & Manely, assureés vous qu'en eus i'ay la recompense des seruices qu'aués receus de moy, si aucuns ie vous ay faits par le passé, ayant été cause de les faire engēdrer par vous deus en celles, q ie ayme d'une singuliere amour, vous assureant (si Dieu leur prête longue vie) qu'ils seront Cheualiers de grand prouesse, hardis & prompts aus armes le possible, & autāt heureux qu'autres qui ayent été deuant eus. Et pourtant vous gentil Damoisel, dît elle à Esplandian, receués les pour vos compagnons, les aymant autāt qu'ils meritent: car ie vous puis assurer, qu'ils vous seront fides, sans épargner leurs personnes, pour vous secourir aus perils, lesquels fortune vous a preparés deuant le jour de vôtre natiuité: pour à quoy obuier en partie, ie vous ay fait venir cete grand serpente qui m'a aportee, dedans laquelle receurés l'ordre de Cheualerie, & vous y sont armes & cheual gardés soigneusement: & si vous auise, qu'elle vous guidera au premier lieu ou l'effort de vôtre gentil cœur donnera le premier témoignage de sa magnanimité, trauerlant sans peril ou danger les abîmes de la mer, accompagné de plusieurs Cheualiers de vôtre sang: & par elle acquerrés nouveau nom, étant surnommé en plusieurs lieux le Cheualier de la Serpente, & sus ce titre nauigerés maintes contrees étranges, avec trauail de cors & d'esprit, pour l'amour de celle qui lira les sept lettres rouges que vous aués sus l'épaule gauche, lesquelles donnent témoignage par la viuue couleur qui ét en elles, que vôtre cœur sera

sera enflammé d'amour extreme, iusques à ce que le grand nuage de Corbeaus marins passera de la part d'Orient, dessus les braues ondes de la mer, ou il mettra le grand Aygle en telle extremité, qu'il ne trouvera seureté en son aire propre, quād l'Orgueilleus Faucon Peregrin (plus beau & entier de pennage, que nul autre oyseau de proye) assemblera plusieurs, tant de son espece qu'autres, pour venir au secours de l'Aygle, lesquels combatrōt les Corbeaus de telle fureur, qu'ils les mettront quasi tous à mort, par l'effort de leur bec & ongles, les contrainans (pour dernier refuge) entrer à la mercy des vagues, ou grād nombre d'iceus seront submergés. Adonc le grand Aygle reconnoissant le bien qu'il aura receu du gentil Peregrin, tirera de son propre cors grande partie de ses entrailles, & liberalement les mettra es Grifses de celui qui lui a donné telle faueur, à fin qu'à son aise il rassasie la faim extreme qui le tourmentoit long tems au parauāt, & outre le rendra iouissant de toutes les grandes forêts & montaignes de ses païs. Lors s'en yra content se percher sus le principal arbre de son verger. En ce même temps la grande Serpente s'abîmera deuant tous, au plus profond de la mer, dōnant à entendre qu'il vous cōuient, dît elle à Esplādian, habiter plus la terre ferme q̄ l'eau mobile. Or ét il force q̄ ie m'en aille ailleurs, & en part ou ie ne me puis excuser: toutefois ie ne faudrai à me rēdre ici, au tems q̄ vous & vos cōpagnōs serés fors pour soutenir Cheualerie, étāt bien certaine, qu'à l'heure, pour quelq̄ ocasion qui vous ét maintenāt occulte, vous y serés tous assemblés, & plusieurs autres, deuant lesquels ie decouuſtiray choses merueilleuses. Ce pendant, ie vous en charge à tous sus vos vies, que nul ne prenne la hardiesse d'aprocher de la Serpente, vous assurant que celui qui fera le contraire, perira sans remede. Et pour autant dît elle à Amadis, que vous tenés en vos prisons ce méchant mal-heureus Arca-

laus, surnommé l'Enchanteur, qui de tout tems a essayé à vous porter dommage, & pourra encores faire cy après, voycy deus anneaus que ie vous donne, l'un pour vous, & l'autre pour ma Dame Oriane, la vertu desquels ét telle, que les ayans sus vous, nul de ses enchantemens ne pourra nuyre à vous ou autre de vōtre compagnie, tant qu'il sera en captiuité. Et pourtant ie vous conseille, le faire étroitement garder dedans vne forte cage de fer, & à la veuē d'un chacun, à fin qu'en viuant de telle misere, il meure mille fois le jour. Car plus rigoureuse ét la mort qui laisse la personne viure, que celle avecques laquelle finissent les maus promptement. Ma Dame, répondit Amadis, ie voy bien que vous me voulés ôter pour jamais l'esperance de pouvoir satis-faire aus graces que i'ay receuēs de vous, & que de jour en jour vous vous efforcés de me faire. Seigneur Amadis, dît elle, vous fites tant pour moy, quand par vōtre moyen ie recouvray mon amy au château de la chaussee, lors que vous dōnâtes Cheualerie à Galaor vōtre frere, que ie me tiens pour recōpensee de tout ce que i'ay fait, & feray cy après en vōtre faueur. Ce disant, print congé de la compagnie, & monta sus le pallefroy que lon luy auoit aprêté, prenant le chemin du port, ou l'atendoyent encores ses deus Nains. Et la conduirent tous les Cheualiers, iusques à ce qu'elle fut entree dedans son équip, & là aussi tôt fut enuelopee d'une nuee si obscure, qu'ils la perdirent de veuē, & la Serpente aussi qui étoyt demouree demye lieuē en mer, laquelle ne se montra de trois jours après. Mais l'obscurité passée fut veuē au lieu mêmes ou Vrgande l'auoit laissée au commencement. Ainsi s'en retournerent les Cheualiers au palais d'Apolidon, paracheuer le festin commencé, qui dura encores huit jours. Ce pendant l'Empereur Arquisil enuoya querir les vaisseaus, q̄ le Patin son predecesseur auoit amenés
avec

LE QUATRIEME LIVRE

avec son armee au port de Vindilifore, les quels arriues fit embarquer le reste de ses gens, & le lendemain (pour le desir qu'il auoit d'aller à Rome se faire coroner) entra en son nauire avec l'Imperatrix, Florestan, & la Roine Sardamire. Et pour ce que le vent leur étoit propre, firent incontinent leuer leurs ancres, & haucer les voiles, tellement qu'en peu de rems éloignerēt la côte de la grād Bretagne, & trauer sans le détroit de Gilbatar, entrerēt en la mer du leuant, ou nous les laisserōs nauiger, pour retourner au Roy Lisuart & autres, qui étoient demeurés en l'Ile Ferme, la pluspart desquels s'aprêtoient pour aller au Royaume d'Araugne, & les autres pl² aymans leurs ayse, faisoient leur état de retourner en leurs maisons, mêmes le Roy Lisuart. Toute-fois auant que déloger, connoissant la fidelité que le Roi Cildadan lui auoit gardee, tant que ses affaires auoyēt duré, fit vn tour de Prince magnanime & liberal, luy remettant (en la presence de tous ceus de l'Ile Ferme) le tribut qu'il lui deuoit, gaignāt par telle perte le cœur de maints Cheualiers, qui le seruoient au parauant, plus par contrainte que de bonne volonté. Puis prenant congé de tous, s'en retourna en ses païs, & le jour mêmes ceus qui demeurèrent avecq'Amadis, tant pour la guerre entreprise en Sansuegue, qu'ailleurs, tindrent conseil, auquel fut arrêté, Que non Que-dragant, Brunco de bonne Mer, Agraies, Angriote d'Etrauau, & Brian de Moniaste, yroyent ensemble, avec ce qui restoit d'Ecoçois, Yrlandois & Espaignols par le moyen desquels ils pourroyent facilement conquerir les contrees d'Araugne & Sansuegue, étans voisines & contiguës l'une de l'autre: & pour autant que le païs de l'Ile Profonde confinoit au Royaume de Sobradise, que Galaor donneroit viures & passages à Dragonis son cousin, & à son armee qui seroit de Gaulois, & Boëmiës, avec les gens que Galuanes pourroit recouurer en l'Ile de Mongaze. Au moyen

dequoy ceus qui furent nommés pour la guerre, s'embarquerent le sixième jour après, & les autres retournerent en leurs païs, le Roy Perion en Gaule, Cildadan vers sa femme, & Gastilles en Constantinople. Mais Amadis & Grasandor se tindrent en l'Ile Ferme avecq' Oriane, Melicie, Mabile, Grasinde, Esplandian, & le Roy de Dace, attendans nouvelles de ceus qui s'en alloient avec si grāde puissance.

Comme Amadis se partit seul pour aller venger le Cheualier, qu'une Dame auoit amené mort en vn bateau, & de ce qu'il lui auint.

CHAP. XXXII.

A Madis & Grasandor hors (ce leur sembloit) de toute facherie, ayans en leurs compagnies celles qu'ils aymoient de tout leur cœur, ne tachoyent qu'à passer le tēs, avec tout le plaisir dont ils se pouvoient auiser, quand Fortune ennemye de trop grand aise, leur aprēta nouvelle occasion d'ennuy & melancolie telle que vous entendrés. Vn jour entr'autres, comme ces deus cheualiers étoient allés courre vn Cerf, ainsi qu'Amadis tenoit son limier en relais, aperceut du plus haut de la côte vne barque en mer aprocher du riuage, & estimant auoir quelque chose étrange dedans commēça à deualer la roche, pour voir ce que pouoit être: Mais deuāt qu'il y peut arriuer, la barque auoit prins terre, & étoyēt sortis vne Dame & vn marinier, lesquels à biē grād peine tiroient hors vn Cheualier mort, encores armé de toutes pieces. Lors Amadis s'arrēta court, pour voir qu'ils feroient, & se cacha derriere vn forthalier, ou il ne se tint si lōguemēt, qu'il aperceut la Damoiselle & le marinier étendre ce Cheualier sus la grēue, & lui mettre l'écu sous la tête. Adonc sortit Amadis, & ainsi qu'il s'aprochoit d'eus, la Damoiselle le reconneut, qui aussi tōt vint se ieter à ses piés, & pleurant à chaudes

des larmes, luy dît: Helàs, Seigneur Amadis, ayés pitié de cète pauvre femme: & pour l'honneur de Cheualerie donnés lui secours, vous assurant que ie suis celle qui premierement mit la main sus vous: car d'autre que de moy n'eût secours la Roïne vôtre mere, quand vous naquîtes: & outre ie vo' puis bié dire q' tout le mal que ie seuffre à present, ne m'êt procedé d'ailleurs, que de l'amour que ie vous ay toute ma vie portee. Amadis la voyant si triste & épleuree, ne la reconneut de prime face: mais à la fin il la regarda tât, qu'il lui souvint être Dariolette, de laquelle vous a été parlé au commencement du premier liure, & en eut si grande compassion, qu'il la releua gracieusement, lui promettant toute l'ayde qu'il luy pourroit donner. Helàs, dît Dariolette, vous n'aués qu'un seul moyen pour m'ôter de l'ennui ou ie suis: c'êt que tout presentement vous venés avec moi, ou ie vous conduiray.

Comment? répondit Amadis, ie n'ay armes quelconques pour combatre que mon épée, encores si ma trompe & les couples qui y tiennent me pouvoient seruir. d'écu, vous auriez quelque raison de ne me donner plus de loisir. Pour armes, ne deues vous differer, dît Dariolette, prenez celles de ce Cheualier: car si vous tardés d'avantage, vous me causerés la mort, non seulement à moi seule: mais à tel autre qui vous aime autant ou plus que moy.

Disant ces parolles la dame fondoit quasi en larmes, & tenoit les jambes d'Amadis embrassées, sans s'en vouloir ôter, qui l'émeut à tant de pitié, qu'il luy acorda ce qu'elle demandoit, preuoyant s'il retournoit vers Oriane, que difficilement il auroit congé d'elle. Et à cète cause il s'arma des armes du Cheualier mort, & prenant son écu entra en la barque, & comme ils sortoyent du bord, suruint l'un des Veneurs, lequel Amadis apella, & lui dît: Amy, va t'en trouver Grafandor, & luy dy, que ie suis contraint par pitié de suivre cète Damoiselle que j'ay n'agueres trou-

vée sus ce riuage en l'equipage que tu la vois, & que ie lui prie qu'il me pardonne, & qu'il face tant enuers Oriane qu'elle trouve bon cète entreprinse si legere, de laquelle ie ne me pourrois excuser sans endommager par trop mon honneur. Et quant à toy donne ordre à faire enterrer ce Cheualier mort, en recompense de ses armes que ie lui ay ôtées. A peine eut il acheué son propos, que le vent donna dedans les voiles, & fit en un moment éloigner la barque si loing de la côte qu'Amadis ne peut ouyr ce que le Veneur lui répondit. Et ainsi nauigans eus trois, Amadis voyant que les pleurs de Dariolette ne prenoient fin, la pria tresinstamment luy dire ou elle le menoit, & l'occasion de sa tristesse. Ce qu'elle luy acorda volontiers, en disant: Entendés Seigneur Amadis, qu'au temps mêmes que la Roïne vôtre mere partit de Gaule pour aller en l'Ile Ferme, ainsi que le Roy vôtre pere lui mandoit, elle depêcha un Laquais vers mon mary en la petite Bretagne, ou il étoit gouverneur de vos terres, & lui mandoit de la venir trouver au palais d'Apolidon, & moy aussi, pour être aus nôces de vous, & de mesieurs vos freres: dequoy mon mary bien aisé, & moy encores plus contète fit soudainement equiper un bon nauire, auquel nous nous embarquâmes avec mon fis, que vous aués veu mort sus le riuage de la mer, & une fille laquelle nous y menions esperans la donner à Melicie vôtre sœur. Mais la nuit ensuiuant la mer s'enfla, & suruint un si étrange orage, qu'à force de vent & de tempête, les voiles, thimon, & cordages de nôtre vaisseau furent brisés sans remede, demourant nôtre Pilote sans connoissance de sa boussole, ou cadran, dont il auint qu'étant nôtre nauire abandonné à la mercy des vagues, fûmes poussés iusques au plus près de l'Ile Vermeille qui nous étoit inconnue, ou se tient le Géât Balan, duquel aués quelques fois ouy parler, & là primes terre. Mais à l'instant fûmes enclos & saisis par les gardes

des du port, qui par force nous menerét ou étoit le Geant, lequel de prime face s'enquît à nous, si en nôtre compagnie y auoit aucun Cheualier, Lors mon mary luy répondit, que lui & son fis l'étoient passé à long temps. Il conuient donc, dît le Geant, que suiuant la coûtume de cete contree, vous combatés contre moi l'un après l'autre, & si poués résister vne heure seulemēt, vous & les vôtres demourerés libres, autrement des à present vous êtes mes prisonniers: par ainsi choisisés pour vous de ces deus partis le meilleur. D'une chose vous veus- ie bien auertir, que faisant vôtre deuoir (comme vray Cheualiers) vous trouverés en moy beaucoup plus d'amour & courtoisie, que si par faute de cœur vous failliés vn seul point de ce, en quoy cheualerie vousoblige: car ou ie vous connoitray couards & laches, ie vous mettray en lieu ou Lune ne Soleil ne vous feront de dis ans mal à la veuē. Quand mon mary entendit ces menaces, voyant la grandeur du Geant, se trouua mal assuré, ce neantmoins connoissant que c'étoit vn faire le faut, oubliant toute peur, lui répondit, que mal seroyent en eus employées les armes qu'ils auoyent coutume de porter si par crainte de peril (tant fut il hazardeus) ils refusoient à combattre pour leur liberté. Toutefois, dît il, quelle seureté aurons nous de ce que tu nous promets, si nous nous maintenons contre toy l'heure que tu dis? Nō autre, répondit le Geant, que ma seule parole, laquelle ne fut, ni sera jamais fau- cee pour bien ou mal qui en auieue: plus tôt certes consentirois- ie: non seulement à ma mort: mais à celle de mon propre fis & de tous mes parés & seruiteurs. Et ainsi leur ay- ie fait promettre & jurer. De par Dieu soit, répondit mon mary, fay moy doncques rendre mon cheual, & les armes de moi & de mon fis, puis cōmençons la mêlee quand il te plaira. Adonc le Geant les leur enuoya querir. Mais mon fis trop mal conseillé, supplia tāt son pere, qu'il luy

octraya le premier cōbat, ou il fut si mal traité par le Geant, q̄ de la premiere rencontre le rēuersa tāt lourdemēt, & son chēual dessous, qu'ils se rompirent tous deus le col. Dequoy mō mary trop marry (cuidant le venger) s'adressa à Balan, & l'ataignit sus l'écu en sorte que son bois vola en éclats: toute- fois pour cela le Geant ne s'en émeut non plus, qu'eût fait vne tour forte & massiue: ains ainsi que mon mary paraisoit sa carriere, le saisit au bras & mal- gré luy le leua des arçons, & l'emporta dedans son château, sans luy faire autre mal, si non l'enfermer en vne chambre, & moy & ma fille avec luy. Lors voyans mon mal- heur, ie me mis à demander tel dueil, que peut faire femme perdant son mary, fis, fille & seruiteur: & cōmençay à dire si haut, que le Geāt m'entēdit: Ah, ah, bon Roi Periō, si toi, ou aucun de tes enfans fussiés icy, ie suis seure que j'aurois prōpte vengeance de mō tourmēt. Mais quoy? ie scay q̄ vous êtes trop loing maintenāt. Quād Balan entendit ma clameur, & le nom du Roy, il me demanda, quelle connoissance i'auois à luy, & s'il étoit pas pere d'un apellé Amadis de Gaule. Et ie luy répondy qu'ouy, & que vous & vos freres me connoissiés cōme celle qui a taché toute ma vie à vous faire seruice. Adonc il pēsa quelque peu, puis me dît, qu'il auoit telle enuie de vous voir, q̄ si ie pouois trouver moyen de vous emmener vers lui, & que vous vousissiés combattre pour nôtre liberté, que volontiers il me bailleroit ce marinier & ce vaisseau, à fin d'auoir moyen de vēger son pere Mādafabul, q̄ vous mîtes lâchement à mort (comme il disoit) en la bataille d'entre les Roys Cildadā & Lisuart, au tems que vous vo' faisiés nōmer le beau Tenebreus, & que vous le printes au depourueu, ainsi qu'il emportoit en son nauire prisonnier le Roy de la grand Bretagne. Et afin que vous eussiés plus d'ocasion de me suivre, & que pitié vous y contraignît d'auantage, il me permit emporter avecq' moy le

cors de mon fis, ainsi que vous l'aués peu voir. Mais premier ie luy demanday, si d'auanture ie vous trouuois, quelle seurte vous auries de n'auoir deplaisir d'autre que de luy. Ma foi & ma parole seule, répondit il, que ie maintiendray tant que i'auray vie au cors, non seulement à luy, ains à tout autre Cheualier qui le voudra suyure. Ainsi, Seigneur Amadis voyant les offres qu'il me faisoit, & l'extremité ou ie étois, ie me suis enhardie de faire ce que vous aués veu, me confiant en la misericorde de nôtre Seigneur, & en vôtre bonté qui ne fut oncques deniée à personne qui vous la requît: m'assurant qu'aysément vous vièdrés au dessus de ce diable, qui si malheureusement maintient en son Ile la coùtume telle que ie vous ay dît. M'amy, répondit Amadis, ie suis trédeplaisant de la perte de vôtre enfant: quant au surplus, ie mourray, ou vous en aurés la raison. Ainsi nauigerent trois iours & trois nuits, & sus le quatrième découvrirent vne petite Ile, au mylieu de laquelle étoyt vn château qui aparoiſſoit d'assés loing. Lors Amadis demâda au marinier, s'il en sçauoit le nom, & à qui il étoit. Au Roy Cildadan, répondit il, & l'apelle-on communément l'Ile de l'Infante. Prenons y doncques port, dît Amadis, afin de nous rafraichir d'eau & de viures: car no^e ne sçauons quelle faute nous en pourrions auoir d'oresenauant. Au moyen dequoy le marinier tournant à bas bord, vint surgir au pié de la roche: & aussi tôt auiserét de ualler vn Gentil-homme, lequel s'approchant d'eus, salua Amadis, lui demandant qui il étoit. Je suis, répondit il, vn Cheualier de l'Ile Ferme, dont ie suis puis n'aguerres party expressément, pour faire rendre raison (si ie puis) à cete Damoiselle, de quelque tort qu'on lui a fait en vne Ile assés prochaine de cete-cy, côme i'ay entendu. Et par qui? dît le Cheualier de l'Ile. Par Balan, répondit Amadis. Et bien, dît l'autre, quel ordre esperés vous y donner? Quel? répondit Amadis, le combatre, pour

luy abaisser cete outrecuydânce, par laquelle il fait mainte iniure à ceus qui ne l'ont offensé. De cete parolle le Cheualier se print à souzrire, & par maniere de mocquerie, lui dît en branlant la tête: Par Dieu, Sire Cheualier de l'Ile Ferme, il y a trop de difference entre le faire & le dire: ie croy bien, que ce soit vôtre intétion: mais ie doute merueilleusement, que deuant vôtre retour (si passés plus outre) vous aurés perdu partie de la colere ou ie vous voy: ainsi ie vous conseille prendre autre chemin: car si le Seigneur de l'Ile ou vous vous êtes embarqué, qui ét (ainsi que lon m'a assuré mainte-fois) Amadis de Gaule, & ses deus freres, dom Galaor & Florestan (estimés au jour d'huy entre les meilleurs Cheualiers du monde) auoyent ensemblement fait pareille, & si folle entreprinse, qu'êt la vôtre, ils en seroyent trop plutôt reprins, qu'estimés entre les preud. hommes. Et pourtant que vous êtes (à mon auis) des Cheualiers du Roy Lisuart, auquel le Roy Cildadan mō maître ét amy, ie vous prie de me croire, autrement mal vous en prendra, & serés homicide de vous mêmes. Je ne sçay qu'il en auendra, répondit Amadis, tant y a que i'ay toute ma vie ouy dire, qu'il n'appertient qu'à ceus qui veulent ataindre au plus haut lieu de renommée, d'entreprendre les choses plus perilleuses & difficiles: non pas que ie me vueille de rât estimer: mais pour mourir ie ne differerois mon entreprinse, puis que ie suis déja si auant: & pourtant ie vous prie par courtoisie de nous rafraichir de viures, & autres choses si vous poués. De bon cœur, dît le Cheualier, & si vous accompagneray iusques là, pour voir quelle sera vôtre fortune, bonne ou mauuaise enuers le Geant.

Comme Amadis sortit du port de l'Ile de l'Infante, pour suiure la route qu'il auoyt entreprinse.

CHAP. XXXIII.

Etant

E Tant le vaisseau d'Amadis fourny d'eau douce, & autres victailles, le Cheualier de l'Isle s'embarqua avec luy. & firent voile. Et comme ils deuisoyent ensemble, il demanda à Amadis, s'il connoissoit le Roy Cildadan. Ouy bien, répondit il, ie l'ay mainte fois veu ou lon connoit les bops Cheualiers, & n'apas encores long tems aus rencontres que le Roi Lisuart & Amadis eurent l'un contre l'autre, ou il se porta si vaillamment, que ie ne vy oncques faire plus de denoir à Cheualier. Sus ma foy, dit l'autre c'est dommage que fortune ne luy a été autant favorable qu'il le merite: mais elle luy a toujours montré le dos, & trop rigoureusement le rendant (lui qui est né aus grandes choses) tributaire du Roi Lisuart. Il en est à présent quite, répondit Amadis: car le Roi que vous dites lui a remis, par les prouesses qu'il a conneuës en luy, & les seruices qu'il lui a fait durans ses grandes affaires: & partant la tache qui auoyt maculé sa renommee (non par la coulpe de luy, ains seulement d'un accident) est à présent du tout estainte. Le sçauës vous bien dit le Cheualier. Ouy certes, répondit Amadis, lors lui recita entierement come le tout étoit auenu, ainsi qu'il vous a été décrit par cy deuant, de quoy le Cheualier joignit les mains au ciel, en disant tout haut: Loué soit le nom de Dieu, qui a permis rendre à mon bon Roi le bien qui iustement lui est deu. Sire Cheualier, dit Amadis, auës vous quelquefois veu Balan? Ouy certes, répondit il. Je vous prie donc (dit Amadis) me cōter ce que vous sçauës de lui. Volontiers, répondit le Cheualier, & par auenture aussi bien, qu'autre à qui vous ensiës peu vous adresser: & saches, qu'il est sis du fier Geant Mandafabul, celui qu'Amadis (qui s'appelloit le beau Te nebreus) mit à mort, le jour que le Roy mon maitre, & celui de la grand Bretagne combatirent cent cōtre cent, ou moururent maints autres Geans, tous voisins de ceste contree, & parens de ce Balan, que

vous allés chercher, lequel par la mort de son pere demoura Seigneur de l'Isle de la tour Vermeille, ou il se tient à present, qui est l'une des plus fertiles qui soit en toute la mer de l'Ocean, & de plus grand reuenue, par le moyen de la frequentation des marchans étrangers qui y abordent à toutes heures, desquels il a un très grand tribut. Et faut que vous entendës, que si son pere fut preus & hardy aus armes, que cétuy l'excede en toutes choses, fors de cruauté: car d'autant que l'un étoit tyran & inhumain, l'autre est dous, paisible & gracieus: tellement que c'est quasi un miracle à nature de voir homme yssu de tel lignage, si different des autres: mais chacun estime, que telle grace lui succede de par sa mere, l'une des plus modestes & benignes Dames que lon vid oncq, peu ressemblant en celà à la Geante femme de Famogomad sa sœur, la plus orde, sale, & malgracieuse pautonniere, que lon pourroit trouver: & s'ébait on souvent comme de pareille souche sont yssus deus rameaus si differés en toutes choses. Toute fois la raison, à mon auis est, que communement les vertus accompagnent la beauté, & s'éloignent le plus quelles peuvent de l'aydeur. Or il y a vingt ans & plus que ie suis gouverneur de l'Isle ou vous m'auës trouvé: parquoy ie vous en parle comme sçauant, & ainsi que celui qui le frequentoit ordinairement: car depuis les ieunes ans du Roy mon maitre, ie ne suis party de ce climat, pour la fiance qu'il a eue en moy, mêmes des le tems qu'il n'auoit ses grands biens qu'il a de present: car par sa prouesse il a épousé la fille du Roy Abies d'Irlande, qu'Amadis mit à mort au tems qu'il se faisoit appeller le Damoisel de la mer. Vrayement, dit Amadis, vous m'auës fait bien grand plaisir de me parler si auant de la condition de Balan, lequel ie desirerois (pour mon profit) tout autre que ne me l'auës dépaint, veu que s'il auoit en lui autant de vices, q vous lui donnés de vertus, i'espererois q Dieu lui seroit entierement contrai-

contraire, vous assurez que jusques à present ie n'auois eu crainte, ou doute de sa force: mais pour l'heure ie ne sçay qu'en penser. Ce nonobstant auienne ce que venir en pourra, j'ayme trop mieus hazarder ma vie que mon honneur : & vous prie encores me dire, s'il est marié, & ou il a prins femme: En bonne foi, répondit le Cheualier, oncques homme ne rencontra mieus en celà que luy ayant épousé l'une des plus vertueuses Dames de la terre, fille à Gandalac, Seigneur de la Roche de Galtres, de laquelle il a vn fis âgé (peut être) de quinze ans. Bien marry fut Amadis quand il sceut certainement l'aliance que Balan auoit à Gandalac, lequel il aymoit grandement, pour la nourriture que son frere Galaor auoit prinse de luy des son enfance, & eut bien voulu que ce combat se fut adressé contre quelq' autre, encores qu'il eut été plus rude & malaysé: Mais quand il eut deu auoir affaire à son frere propre, il ne l'eut differé, puis qu'il l'auoit promis à Dariolette, & tât cōtinuèrent leurs propos que la nuit survint: Toutefois ils ne cessèrent de nauiger iusques au lendemain matin, qu'ils découvrirent l'Ile de la tour Vermeille, de laquelle tout le pais continent auoit pris nom, & au milieu étoit construit vn château entourné de grosses tours & hautes murailles fortes à merueilles. Adonc le Cheualier voyant qu'Amadis prenoit plaisir à le cōtempler, commença à luy dire: Ce château, q' vous voyés, n'est pas fait du iourd'hui, ny depuis cent ans en ça: car ainsi q' lon trouve aus hystoires anciennes, le premier qui l'edifia fut Ioseph, fis d'iceluy Ioseph d'Arimathie qui apporta le saint Greal en la grand'Bretaigne, auq'l tems tous ceus de cete l'Ile étoient Payens: mais par son moyen, la plus part se cōuertit à la foi de IESVS CHRIST, non sans souffrir maintes incursiōs d'autres qui a toutes heures leur couroyent sus: Pour à quoi obuier bâtit cete tour telle que vous poudés encores voir: mais depuis (ainsi que toutes cho

Am. 4.

ses se changent avecques le tems) elle est retombée es mains des Geas, lesquels ont mis grand' peine à repeupler la contree de gens ydolâtres, & chasser ceus qui tenoyent la loy de Dieu. Toute-fois nôtre Seigneur y a si bien pourueu, que malgré eus ils y sont demeurés, nō pas en si grand nombre ou liberté qu'ils auoyent été: ains partie payant gros tribut, les autres avec quelq' autre seruitude qu'ils ont faite & continuee aus Geans, sinon depuis que Balā en est Seigneur, lequel (comme ie vous ay dit) est catholique & debonnaire, en sorte que tous ses suiets l'ayment d'une amour naturelle. Et encores q' le Cheualier en recitât à Amadis tous les biens dont il se peut auiser, si ne s'y voulut il tât fier, qu'il ne le priât d'aller deuant, lui faire entendre, qu'un Cheualier de l'Ile Ferme étoit arriué avec la Dame, de laquelle il auoit mis à mort le fis, & tenoit encores prisonniers le mari, la fille, & les seruiteurs & que si pour le combatre & vaincre ils pouoyent être delivrés, qu'il lui enuoyât seureté de ne recevoir dommage que par luy, autrement qu'il se garderoit bien d'approcher plus près du port. Lors entra le Cheualier en vn équip, & laissa Amadis & sa compagnie à la rade, demye lieuë en mer attendant de ses nouvelles. Et aussi tôt qu'il fut arriué vers le Geant, il le reconneut, comme celuy qu'il voyoit souuent, & luy demanda ou il alloit. Seigneur Balan, répondit il, ie suis venu avec vn Cheualier que j'ay laissé assés près du port, lequel m'a assuré qu'il s'est embarqué en l'Ile Ferme, & vient pour vous combatre. A cete parole se douta le Geant, que c'étoit l'un de ceus dont Dariolette lui auoit parlé, & dit au Cheualier: N'a il pas avec luy vne Damoiselle d'assés moyen âge? Ouy bien, répondit le Cheualier. Sus ma vie, dit il, c'est Amadis de Gaule, ou quelqu'un de ses freres, dont la renommee est si grande. Je ne sçay, répondit il, mais ie ne vy oncques Gentil-homme de plus belle taille ne moins effroyé par ses propos:

H

LE QUATRIEME LIVRE

propos: car il vous m'ade par moy, si vous lui voulés dōner seureté de tous, fors que de vous, qu'il sera icy bien tôt, pour paracheuer son entreprinse. A celà ne tiēdra, dit Balan, & vous mēmes sçaués comme i'ay acoustumé de faire enuers les autres, Parquoi retournés quand il vous plaira, & l'assurés sus mon honneur, qu'il ne lui sera fait force, ne déplaisir, par aucun des miens, & que s'il peut auoir le dessus de moy, qu'il aura aussi tôt ce qu'il me voudra demander. A cete parole print le Cheualier congé de Balan, & rentra en son bateau, puis vint trouuer Amadis: auquel il conta tout ce que le Geāt lui auoit dīt: Parquoi aussi tôt vint descendre au port, & monta à mont la Roche droit au château de Balan qui l'atendoit defarmé deuant sa porre, Lors il salua Amadis & Dariolette, à laquelle il demanda, si ce Cheualier étoit l'un de ceus qu'elle lui auoit promis amener. Mais Amadis print la parole, craignāt être decouvert, & lui répondit, qu'il n'étoit là venu pour lui declarer son nom, ains pour lui faire sentir le trenchant de son epee, s'il n'amendoit liberalement l'iniure que la Damoiselle auoit receuē, & ceus qui l'accompagnoient. Cheualier répondit le Geant (quasi par moquerie) la paour que i'ay maintenant, me force à vous presenter vne courtoisie, qu'onques ie ne fis à autre, connoissant que vous aués été deceu par celle qui vous a fait venir, ignorant qui i'étois & q'ie sçay faire, & ēt telle, que ie suis contēt vous permettre aller chercher ailleurs auentures étranges sans que pour ce coup vous soyés sujet à la coutume de mō pais. Amadis dépitē du peu d'estime en quoy Balan le tenoit, lui répondit de grand colere: Pardonne à ceus sus léquels tu as pouuoir, & non à moy, qui ay tant trauer sé de Mer pour l'auoir sus toi, ainsi q'ie te ferai sentir premier que le Soleil ayt circuit entierement cete Roche, si tu ne consens l'abolissement de cete damnee coutume, que tu y maintiens contre Dieu &

le droit des hommes, à quoi tu ne dois contredire, & aussi ie t'en prie tant qu'il m'ēt possible, pour le bien que ie te desire, en la faueur d'aucuns tes proches aliés, dequels ie suis amy tout outre: Et partant auise à faire raison à cete Damoiselle, auant que force t'y contraigne, & que passions plus outre. Telle requeste, répondit le Geant n'ēt pas raisonnable, aussi ne te sera elle pas acordee par moi, & ne fut-ce que l'enuié que i'ay d'esprouuer comme vous autres Cheualiers de l'Ile Ferme sçaués defendre les armes que vous portés, & à cete fin ie m'en vois armer. Et pource que tu es à pié & sans monture, ie t'enuoyray l'un des meilleurs cheuaus de mon écuyrie, avec lance, & harnois, si tu en as besoing: car i'en ay encores grande quantité de celles que i'ay conquises, tant sus tes compagnōs, qu'autres autant ou plus cheualereus que tu pēses être. Ce m'aist Dieu dīt Amadis, tu fais tour de bō Cheualier, le Cheual ne refuseray ie pas, & moins vn glaiue s'il te plaīt me l'enuoyer: mais de harnois & ecu, ia à Dieu ne plaise que pour le present ie m'ayde d'autre q' de cētuy, qui fut au Cheualier q' tu as fait mourir sans occasion, l'innocence duquel me donnera efort & plus de courage pour le venger. Il y perra, répondit le Geant qui le laissa avec Dariolette, & le gouuerneur de l'Ile, & entra en sa forteresse, & peu après vint vn Ecuyer presenter à Amadis vn très beau coursier, & vne forte lance, & quasi aussi tôt peut on ouyr sonner du plus haut de la tour Vermeille trois trompettes ensemble: Parquoi Amadis demanda que celà signifioit. Damp Cheualier, répondit l'Ecuyer, Balan mon Seigneur, ēt prêt de venir: pourtāt tenés vous sus vos gardes, si bon vous semble. A peine eut il acheuē cete parole, que tous ceus de la forteresse, tant hommes, que femmes, vindrent sus les murailles pour voir la mēlee. Et à l'instant sortit Balan, cheuauchant tout vn pareil cheual que celuy qu'il

qu'il auoit enuoyé à Amadis, & étoit armé d'un harnois clair à merueilles, portant un écu grand outre mesure: & comme il approchoit de son ennemy, qui étoit déjà en equipage de combat, dit si haut qu'il fut entendu de tous: Par Dieu, d'Amadis Cheualier de l'Île Ferme, ton outrecuydance t'a bien aueuglé l'entendement, & m'ébaï comme tu penses d'oresenauant que j'aye pitié de toy veu que tu ne l'as sceu prendre lors que ie te l'ay offerte. Pitié? répondit Amadis, ie ne t'en parlai oncques: bié est vrai que j'ay pensé l'auoir de toi, & de tō ame, si tu te veus repentir, autrement employons le tems à l'exécution, & non pas à menaces ou paroles, comme tu fais. Lors baissèrent la veue, & se courans de leurs écus en couchant leurs lances donnerēt carrière à leurs cheuaux & vindrent l'un contre l'autre d'une telle vitesse, qu'il sembloit que foudre les portât. Amadis rencontra Balan de telle force, qu'il luy faucha l'écu & le deuant de son haubert Brisant son bois contre les os de l'estomach, dont il receut tant de douleur qu'il tomba sus le champ, ain si qu'il chargeoit Amadis & demeura sa lance dedans la tête du cheual de son ennemy car le mal qu'il enduroit lui auoit abaissé son coup, & quasi fait perdre la plus part de sa force: toute-fois le cheual tomba mort, & son maitre sous luy: mais il se releua incontinent, & mit l'épee au poing, marchant droit à Balan, lequel encores tout étourdi de sa cheute, ne se pouoit quasi tenir sus piés: Ce neant-moins crainte de mort, & honte d'être vaincu, lui firent prendre cueur, & s'efforcer à se defendre. Lors commencerent à chamail-ler l'un sus l'autre, de sorte qu'à les ouyr, sans les voir, on eut plutôt iugé être marteaux sus enclumes, qu'épees sus harnois: & ain si que le Geant haüoit son épee de toute sa force, pensant de ce coup abatre Amadis, il se para de son écu & se tirant à côté, print Balan à decouvert, & le narra au bras droit à la iointe du coude: la

douleur le fit quasi éuanouir, & recula deus pas arriere chancelant comme s'il eut été yure. Quand le Cheualier de l'Île de l'Infante conneut à veüe d'œil qu'Amadis auoit le meilleur de combat, mêmes que du premier coup du lance il auoit abatu celui qu'il estimoit inuincible, luy voyant sortir tant de sang le long du bras, que la place en étoit toute tainte, ne scauoit presumer qui il pouoit être, & comme s'il eut auisé quelque fantôme fit le signe de la crois, disant à la Damoiselle: Ou aués vous sceu prendre un tel diable, qui fait choses impossibles aus hommes mortels? Ah ah Cheualier! répondit elle, si le monde en étoit peuplé de tels, l'outrecuydance des méchans n'auoit tele vigueur qu'elle a. Ce pendāt Amadis poursuuyoit le Geant fort & ferme, lequel s'afoblissoit petit à petit perdant la force de son bras droit, de sorte qu'il fut contraint prédre son épee à gauche, & tādīs son ennemy lui dōna si grād coup sus le haut de l'armet, que le deüāt luy tourna derriere chose qui vint mal à propos à Balan: car ne pouvāt plus auoir veüe, fut forcé de le racotrer, non sans grande peine, pour l'impuissance qui luy étoit venue au bras droit par l'effusion du sang qu'il auoit perdu. Lors Amadis pensant être au dessus de ses affaires, haüça l'épee: mais le Geāt auoit déjà remis son armet & vit descendre le coup, parquoy para l'écu au mieus qu'il peut, & y entra l'épee d'Amadis si auāt, qu'impossible lui fut la retirer: & se prindrent à pousser l'un contre l'autre de si grand'apreté, que finalement les courroyes se rompirēt, & demeura l'épee & écu ioints ensemble au pouuoir d'Amadis, lequel s'é trouua plus empêche que deuant: car il étoit si pesant qu'il ne le pouoit pas bonnement leuer de terre. Et à cete cause, Balan commença à iouer son personnage, chargeant Amadis, ain si que bon lui sembloit, cōbien que ce ne fut que de la main gauche, & bien pour l'autre: car s'il eut eu le bras à

LE QUATRIEME LIVRE

commandement, Amadis étoit mort sans doute, n'ayant épée n'écu, dont il se peut aucunement ayder. Mais nécessité mere d'inuentiō lui aprêta à l'heure nouveau remede, qui fut tel : Il auoit encores sō écu pendu en écharpe leq̃l lui nuisoit tāt qu'il ne pouuoit nullement employer sa force pour retirer son épée du lieu ou elle étoit engagée, parquoi il l'arracha de son col & le ieta aus iambes de Balan, qui s'en fait habilement, & tandis print son épée à deus mains & mettant le pié droit sus l'écu du Geant tira de si grād courage, qu'il la deliura, non sans souffrir ce pendant beaucoup: car sans interualle Balā le chargeoit, de sorte qu'il lui fit maintes playes: Toutefois voyant qu'il auoit recouuré la meilleure piece de son harnois, recouura par même moyen aussi nouuelle force & plus de cueur, & se mit après son ennemy pour luy rendre ce qu'il lui auoit prêté à quoy il ne tarda gueres, d'autant que la douleur qu'il auoit en l'estomach du coup de lance, s'augmenta si asprement, que l'aleine lui faillit & tomba éuanouy sus le champ. Ce que voyant ceus du château, estimans qu'il fut mort, se prirent à faire le plus grand dueil du monde, crians d'une vois contre Amadis: Ah traître! à malheure as tu occis le meilleur Cheualier de la terre: mais pour toutes ces lamentations Amadis ne s'effroya, ains se lançant sus le Geant lui arracha l'armet de la tête, & connoissant qu'il auoit encores vie, luy dît assés haut: Rens toy, Balā, si tu ne veus perdre la tête: neātmoins il ne remuoit pié ni main. Lors le Cheualier gouverneur de l'Ile de l'Infante craignant qu'Amadis traitât Balan ain si qu'il le menaçoit s'aprocha & lui demanda, si le Geant étoit mort. Nō répondit il, & si ne lui voy playe dont il deuit perdre ainsi le cueur. le vous supplie dōc, dît le Cheualier, ne luy faites pis tant qu'il soit reuenu à soi, & lors ie vous promets qu'il satisfiera à ce que lui voudrés de demander, autrement croyés qu'il vous

en pourra venir plus de mal q̃ vous ne pē sēs: car ceus du château sont déja en armes pour vous outrager, s'ils peuuent. Pour eus, répondit Amadis, ie ne me forcerois d'un seul point, ouy bien pour l'amour de vous, & de l'aliance qu'il a à Gādalac, que i'ayme & estime beaucoup. Et comme il acheuoit cete parole aperceut sortir de la forteresse Brauor, fis de Balan, acompagné de trente hommes armés: Et à cete cause connoissant le danger ou il étoit, se retira tout contre la roche, ou il y auoit vne couverture quasi en forme d'une caverne, en laquelle un homme ou deus pouuoient être aysement à couuert, & tirant l'écu du Geant à soy en fit rampart. Lors les autres luy coururent sus & à force de pierres & de dards l'assaillirēt rudement. Mais ils ne le pouvoyēt offendre que par le deuant. Or étoit il si bien couuert de l'écu du Geant, que chose qu'ils lui lançassent ne le pouoit endommager, dequoy ceus du château furent ennuyés, & tāt que deus des plus hardis de la troupe s'auancerent pour le venir forcer en la caverne, quand Amadis sortit au deuant d'eus, & le premier qu'il chargea n'en parla onc puis, son compagnon peu après, qui donna telle crainte aus autres, que de là en auant nul ne fut si hardy d'en aprocher. Or durāt cet assaut aucuns du château emporterēt Balan en son lit, & ce pendant les autres assailloyēt Amadis de plus fort en plus fort. Ce qui déplaisoit tāt au Cheualier de l'Ile de l'Infate (sous la parole duquel il étoit descēdu en terre) qu'il apella Brauor & lui dît: Par Dieu, Brauor, tu entreprends chose qui redondera bien peu à ton honneur: ne sçais tu que ton pere ne fut onc qu'un homme de bien & veritable? & toute fois tu lui degengeres & contraries à sa parole & promesse: car il a donné assurance au Cheualier, lui promettant ne receuoir déplaisir d'aucun que de lui seul & non-obstant tu permets l'assaillir & l'outrager méchamment, encores que ton pere soit plein de vie, lequel t'en

e'en sçaura peu de gré: mais voi q̄ tu feras en me croyant. Si tu as doute de la mort de Balan, donne ordre que le Cheualier soit gardé cete nuit, sans lui faire plus d'a larme, & demain tu verras la disposition de ton pere, selon laquelle puis après tu te pourras gouverner: car ie t'assure qu'il n'et pas pour mourir: bien et̄ vrai que sans la requeste que i'ay faite pour luy, & l'amytie q̄ ce cheualier porte à ton grād pere Gandalac (comme il m'à dît) il eut été en danger de perdre la tête, & par ainsi suy mon conseil, & bien t'en auindra. Ie le feray respondit Brauor, si ma mere et̄ de cēt auis. Or luy va donc demander, dît le Cheualier, & ce pendant que chacun se retire. Ce que l'enfant commanda à ses gens, les faisans tenir loing de la cauerne pour empêcher Amadis tandis qu'il yroit

au château. Adonc vint trouver sa mere à laquelle il recita tout ce que le Cheualier lui auoit conseillé, mêmes que pour l'amour de Gandalac, celui qui auoit vaincu son pere, ne l'auoit voulu tuër, comme il disoit. Quand cete femme entendit son fis elle va incontinent soupçonner, que ce pouuoit être Galaor, qu'elle aymoît comme son propre frere, pour la nourriture qu'ils auoyent prinse ensemble à la roche de Galtares: A cete cause conseilla à son fis de suyure l'auis du Cheualier, veu que son pere commençoit à bien se porter. Et par ce moyen Amadis demoura en pais se tenant trébien sus ses gardes, atendants d'heure à autre d'être assailly par ceus du château, lesquels le tenoyent assiégué, comme ie vous ay dit.

Comme Dariolette voyant Amadis en tel danger, faisoit vn dueil merueilleux, & comme Balan & lui furent faits amys.

CHAP. XXXIIII.



Q Vand Dariolette aperceut Amadis assiégué de toutes parts (sans moyen d'aucun secours) commença à se lamenter tendrement, & disoit en pleurât: Helàs chetive & infortunee que ie suis! faut il qu'à mon ocase meure le meilleur Cheualier

Am. 4.

du mōde? cōme oferay ie desormais cō paroître deuât le Roi son pere, la Roine, ou aucuns de ses amys, sçachans le mal q̄ ie lui ay pourchassé? Ah, ah, malheureuse! & plus malheureuse encores que ie ne pourrois dire, si quelquefois ie fus moyē de lui sauuer la vie par l'inuentio du ber-

H 3 seau

LE QUATRIEME LIVRE

seau ou ie le mis, lors qu'il fut habandonné à la mercy des vagues, maintenât tout au contraire ie luy ay auancé la fin de ses iours, quand plus i'esperois auoir d'ayde & suport de luy. Helas auois ie pas l'entendement bien égaré à l'heure que ie le trouuai le long de la marine, ne lui voulant permettre retourner seulement iusques au château d'Apolidon prendre congé de ma Dame Oriane, d'ou il eut peu amener quelqs autres Cheualiers, déquels il auroit maintenant suport? Mais quoy? qui en doit receuoir punition, sinon moy trop haye de bon heur qui ay fait vn tour de femme legiere & trop mal preuoyante? Or voioit bien Amadis Dariolette faire ces doleâces, & détordre ses mains, puis quelquefois les haucer au ciel, comme si elle eut voulu demander secours à Dieu, ce neant-moins il ne pouuoit ouyr ce qu'elle proferoit, ains) à la lueur du feu que ceus qui le gardoyent auoyent allumé pour passer la nuit (iugeoit de sa tristesse. Au moyen dequoy le cuer luy creut, de sorte qu'il se delibera mourir ou sortir de sa cauerne, considerant que l'obscurité du tems luy fauoriseroit trop plus que la clarté du iour s'il atendoit iusques au lendemain, & qu'en tout euenement, il ne pouuoit échaper sans être mort, ou prins, veu que le travail des armes, le sommeil naturel, & la faim, le contraindroyēt avec le tēs de faire (& à moindre auantage) ce que l'ocasion lui monstroit à veuē d'œil, connoissant ses gardes préque tous endormis: Et à cēte cause commença peu à peu à s'éloigner de son fort, esperāt gagner pais. Dequoi le Cheualier de l'Isle de l'Infante s'aperceut, & preuoyant le danger ou il se mettoit, mêmes les termes ou il tenoit Brauor, & la femme du Geant qui tous cōdescendoient à sa saluacion, courut promptemēt vers luy, & l'arrestant quasi outre son gré, luy dit: Sire Cheualier ie vous supplie me faire tant de bien de mēcouter auant que vous auanturés plus auant. Lors Amadis s'arrēta

pour ouyr ce qu'il lui diroit. Adonc l'autre se mit à luy declarer comme il auoit moyenné sa treue avec Brauor, sous l'esperance de la santé du Geant, qui déja tenoit aparence de brieue guerison, & tout ce qui vous a été deduit cy deuant. Dequoi Amadis receut grand plaisir, estimant homme de bien & veritable celui qui lui portoit telles paroles, & que pour mourir il ne les eut inuentees, & partant luy répondit: Damp Cheualier ie croirai vōtre conseil pour ce coup, vous iurant sus l'ordre de Cheualerie que i'ay receuē passé a dis ans que i'aymerois mieus être taillé en pieces que la Damoysele (pour laquelle ie querelle à Balan) ne fut entierement sati-faite de ce qu'elle luy demande. Vous & elle aurés tout ce que vous voudrés, dit le Cheualier: car ie connois Balan pour tel qu'il n'y fera faute estimant plus sa parole que sa vie propre. Or étoit ce pendant le Geant sus son lit, sans pouuoir proferer vn seul mot, ains halletoit sans cesse, comme celuy qui enduroit vn étrange mal à l'estomach: au moyen dequoi l'aleine luy failloit à tous propos & mōstroit de fois à d'autres (avec la main gauche) l'endroit ou sa douleur le pressoit plus. Ce que voyans les Chirurgiens (qui ne l'auoyēt encores osé depouiller craignans l'émouuoir) s'auanturerent de regarder ou il faisoit signe, & par aparence conneurent qu'il auoit raison: car plus d'vn pam à la rōde son estomach & les os d'alētour étoyēt meurtris & quasi tous froissés. Et à cēte cause ils y apliquerent incontinent tant d'huilles, & autres remedes, qu'auant l'aube du iour la parole lui reuint, & demanda qu'étoit deuenue le Cheualier & la Damoysele. Adōcques la verité du tout lui fut declarée: car nul d'eus eut osé dire mensonge deuant lui, lors fit appeller Brauor, & tous les autres qui tenoyent Amadis assiegé & étant deuant lui, dit telles parolles à son fis. Pailard infame, as tu bien osé faucer ma parole en chose que i'aye promise? Méchāt que

que tu es, quel honneur, ou quel gaing, te peut il succeder du lâche tour q tu as fait? veu qu'il n'étoit en ton pouoir reuouer ma vie, si la mort m'eut apellé, & moins t'excuser de traison, paracheuât ce que tu as si imprudemment commencé cõtre le Cheualier, qui êt entré en ma terre sus la seureté de ma foi? As tu iusques icy ignoré qu'oneques pour chose qui m'auint ie fisse iniure à ma promesse? ains l'ay obseruee à mō pouuoir l'estimant plus que toi, ou que ma vie propre? Foy que ie doy à Dieu peu s'en faut que ie ne te face pendre aus carneaus de cete place, pour être exẽple aus méchãs cõme toi, ennemys de verité & de vertu. Prenés, prenés le moi, le paillard, & luy liés piés & mains, puis que lō le porte au Cheualier, lui disant de par moi que ie luy enuoye le traître qui l'a ofense, & moi encores plus, & que ie lui supplie d'en prendre pour nous deus la vengeance qu'il a meritee. Lors n'y eut celui qui lui osât contredire, & partant fut Brauor garroté & lié rudement, & à l'instant mené à Amadis: mais sa mere, craignant qu'il luy auint, ainsi que Balan disoit, sçachant le tort qu'auoit receu le Cheualier, sortit secretement de la chambre & courut vers lui: toutefois elle ne peut faire tant de diligence, que son fis ne luy eut déja été présenté ainsi que le Geant l'auoit ordonné. Ce non-obstant Amadis n'en fit cas, ains lui pardonna: & lui mêmes le delioit, quand là bonne Dame suruint, laquelle le recõneut aussi tót: car il auoit ôté son armet pour se mettre plus à son ayse, mais elle ne sçauoit encores qu'il vouloit faire de Brauor, parquoy vint se ieter à ses piés, & pleurant tendrement, lui dît: Helàs! Signr Amadis, ne me connoissés vous plus? Et combiẽ qu'il lui souuint trẽbien qu'elle étoit fille de Gandalac, si ne luy donna il à connoitre pour l'heure, ains répondit assés fierement, Dame ie ne sçay qui vous êtes, & suis trẽcontent ne connoitre de ma vie gens si méchans que i'en ay trouué en ce lieu. He-

làs, dît elle, si vous trouués bon que ie taise vōtre nom, i'en suis trẽcontente, & toutesfois ie sçay que vous êtes Amadis de Gaule, frere de Galaor, que i'ayme tant, pour l'honneur duquel ie vous supplie auoir pitié & pardonner à mon fis. Cete parole émeut le cuer de luy, en sorte qu'il ne peut de là en auant faindre sa colere ains leua doucement la Dame, & lui répondit: ma Dame mon frere & moy auons tant receu de plaisirs & biensfaits de Gandalac vōtre pere, que ie mettrois ma personne iusques au dernier soupir pour luy faire seruice & aus siés pour l'amour de lui. Quant à vōtre fis, ceus cy sçauent bien que ie luy auois pardonné auant que vous m'en priassies, & déja le delioys ainsi que vous êtes arriuee, ne demandant vengeance sus lui: mais sus ceus qui maintiennent les mauuaises coutumes, ainsi que fait vōtre mary, duquel ie me soucie peu, s'il sçait qui ie suis, ou non: car se tiemme bien asscuré que ie ne partiray de cete Ile, premier qu'il n'ayt satisfait à la Dame qui m'y a amené & par ainsi s'il êt tant veritable qu'il se publie, retourne en plache marchande, & il connoitra si à droit, ou à tort, il ma été prins par force ayant le dessus de luy. Croyés moi, dît elle, qu'il vous sera fait raison de tout ce que vous demanderés, aussi sçaués vous bien qu'il ne peut mais de ce que ses gens ont fait contre sa parole: car alors il n'auoit sentiment ne connoissance aucune, qui le doit bien excuser, vous iurant sus ma foi, s'il vous plaît venir vers lui (puis qu'il lui êt impossible venir à vous) qu'auant que vous separiés l'un de l'autre demourerés amys, si Dieu plaît, & ie vous en supplie. Ma Dame, répondit Amadis, ie n'ay aucune suspicion de vous: mais ie crains la condition des Geans, lesquels peu communement sont gouvernés par raison, ains de furie & dure cruauté. Il êt vrai, dît elle: & toute fois ie connois tant bien cẽtuy cy, que vous me deués croire de ce que ie vous assure.

LE QUATRIEME LIVRE

Je le ferai, répondit Amadis. Lors laça son armet print son écu, & l'épee au poing, & entra au château avecq' la femme de Balan, qui en fut auerti aussi tôt: parquoi l'éuoya supplier de monter iusques en sa chambre. Et comme il y entroit, le Geant se sousleua de son lit au mieus qu'il peut, & lui dit qu'il fut le trébién venu. Balan, répondit Amadis, ie ne sçai cōment tu l'entens: mais ie me plaindray toute ma vie du méchant tour que tes gens m'ont fait, étant venu sus ta parole pour te combattre, & auoir raison du tort que tu as moiené à la Dame qui m'a amené: & toutes fois ayant le dessus de toi, ils m'ont méchamment assailly, combien que ie croissés que ce n'a été par ton commandement, n'étant lors en disposition de ce faire. Mais quoy qu'il en soit, voyant le deuoir auquel tu as fait mettre ton fis, ie t'en quitte, & eus aussi, non pas du droit de la Damoiselle: car pour mourir ie ne m'en deporterois, qui me fait te prier bien affectueusement la contenter: autrement il ét force que ie paracheue en ta personne ce que i'y ay commencé, chose qui me fera grieve, pour l'amour de Gandalac, q' i'ayme & estime grandement & auq'l, à ce q' lon ma dit, tu as affinité & alliance. Cheualier, répondit il, encores q' le déplaisir q' i'ay de me voir vaincu par vn seul Cheualier, soit tel que plus m'eut été la mort agreable, si ne le sens ie comme rien, au respect de ce que mon fis & mes hommes s'ont fait, & si mes forces me donnoient lieu, pour executer ce que i'en pense, tu connoitrois en quoy le pouvoir de ma parole s'étend: toutefois ie ne puis pour le present t'en faire autre raison, sinon te liurer es mains celui qui a cōmis la faute, nonobstāt que luy seul soit le miroir, auquel sa mere & moy prenons plus de plaisir: & si de tant ne te cōtentes, demande ce qu'il te plaira, & tu l'auras. Pour ce regard, dit Amadis, ie suis déjà assés sati-fait, & non pour le tort de la Damoiselle. Je suis prêt, répondit le Geant, souffrir telle condēna-

tion, que tu auiseras q' ie pourray porter pour son contentement, te priant, & elle aussi conuertir la mort de son fis irreparable, à autre chose qui soit en ma puissance. Premièrement, dit Amadis, ie veus que tu deliures son mari, sa fille, & toute sa compagnie: & que pour son fis, que tu as occis, tu condamnes le tien propre à être son gendre, & d'épouser demain sa fille, t'assurant Balan, que le pere n'ét moins Gentil-homme que tu es, & outre il a des biens assés suffisamment, iusques à être gouverneur des païs que le Roy mon pere a en la petite Bretagne. Quand Balan l'entendit ainsi parler, il le regarda plus ententiuement qu'au premier, & lui répondit: Je te prie par courtoisie ne me taire désormais ton nom, & moins celui de ton pere. Mon pere, répondit Amadis, ét le Roi de Gaule, & moy son fis Amadis. A cete parole le Geant leua la tête, lui disant: Et il possible que tu sois celui Amadis, qui mît à mort mon pere? Il ét vray, répondit Amadis, que pour secourir le Roi Lisuart que ie vy lors en peril de mort, ie tuay vn Geant, duquel lon m'a assuré que tu es fis. Par Dieu, dit Balan, il ne peut tomber en mon entendement comme tu as eu la hardiesse d'entrer si auant en ma terre sinon que la renommee que i'ay, de garder inuiolablement ma foi & parole, en soit cause, ou bien la magnanimité de ton cueur, lequel n'estima oncques peril, tant grand fut il pour paruenir à ce que tu as entrepris: & par ainsi t'étant fortune si fauorable, ce n'ét pas raison que d'oresenauant ie contredise à elle (à ton heur) mêmes après t'auoir éprouué si chèrement. Au regard de mon fis, ie le te donne pour en faire ton plaisir: non pas pour tel que ie desirois, mais pour celui qui lâchement à faucé sa promesse, ne lui restant rien de bon, sinon la connoissance qu'il prendra de toy, qui luy as pardonné: & des à present seront mis en liberté le mary de la Damoiselle, & tous les prisonniers de ceans,

ceans, estimant le plus grand bien qu'il m'eût sceu auenir de m'estimer ton amy, te suppliant humblement m'accepter pour tel. Ouy vrayement, répondit Amadis, lequel s'aprochant plus près, l'acola lui disant: Je suis tant seruiteur de ton beau pere Gandalac, que pour l'amour de luy ie t'aymeray d'auantage: & pour commencement de cete amitié, ie te prie, beau Sire, abolir du tout la peruerse coutume, que tu as de si long tems maintenüe contre Dieu & raison, & pardonne par même moyen à ton fis Brauor, qui a failly, plus par ieunesse, qu'autrement, luy commandant épouser des demain celle dont ie t'ay parlé, afin que toy & moy demouriös quittes de nos promesses: Et ainsi l'accorda Balan. De quoi Dariolette & son mary eurent vn singulier plaisir. Et non sans propos nôtre histoire vous a voulu toucher en cët endroit de ce mariage: Car d'eus deus sortit vn fis qui eut nom Galeote, lequel épousa l'vne des filles de Galuänes & de la belle Geante Madasime, dont yfist le second Balan succedant toujours de pere à fis à cete Ile de la tour Vermeille, tant qu'elle vint au gentil Cheualier Segurades, frere du Cheualier qui vint à la court du Roy Artus, aagé de sis vingt ans, & plus, lequel ayant (pour son ancien aage) laissé vingt ans au parauant les armes, desarçōna (sans läce) tous les Cheualiers fameus qui se trouverent à Camalot. Ce Segurades, duquel ie vous parle, étoit du tems du Roy Vterpandragon, pere de icelui Artus, & laissa vn seul fis Seigneur de cete Ile, lequel eut nō Brauor le Brun, que tristan de Leonnois tua, ainsi qu'il cōduisoit en Cornouaille Yseult femme du Roy Marc. A ce Brauor le Brun succeda ce preus Galehaut le Brun, Seigneur des loingtaines Iles, grand amy de Lancelot du Lac, ainsi q̄ vous aués peu voir, si aués leu les Histoires de la Table rōde, esquelles il êt fait mention de ces Bruns qui tous descendirent de la souche de Balan, avec lequel nous laisserons Amadis, aten-

dant la guerison de ses playes, pour reciter ce qui auint à Grafandor: depuis que le Veneur lui eut fait son message, & qu'il sceut assurement qu'il s'étoit embarqué avec la Damoiselle qui l'emmenoit.

Comme Grafandor entra en queste pour Amadis, & des auentures qu'il eut en son voyage.

CHAP. XXXV.

N'Agueres vous aués peu lire, qu'entrant Amadis au bateau de la Damoiselle, qui l'étoit venu chercher, passa le long de la grēue l'vn de ses Veneurs, lequel il appella, & luy commanda faire mettre en terre le Cheualier mort, & qu'il dît à Grafandor l'occasion de son partement si soudain. Ce qu'entendu par Grafandor, demeura vn long temps pensif, émerueillé quelle auēture luy étoit suruenüe, pour s'éloigner ainsi de luy & d'Oriane: Et à cete cause laissant la chasse, commāda au Veneur le guider ou le Cheualier gisoit, & là arriués, le trouverent étendu tout defarmé: mais ils ne virent ne voyle ne bateau sus la mer. Lors le firent emporter en l'Abaye qu'Amadis auoit fondée: puis se retira Grafandor vers Oriane, qu'il trouua avec l'Infante Mabile, & les autres Dames, lesquelles le voyant entrer sans Amadis, luy demanderent dont il venoit ainsi seul. Adonc leur recita toute l'auanture, ainsi qu'il l'auoit entenduë par le Veneur, sans (toute-fois) en faire cas pour n'épouuenter par trop celle à qui plus il touchoit: c'étoit Oriane, laquelle se saisit le cœur si asprement, qu'elle ne peut de long temps après proferer vn seul mot: mais quād elle en eut le moyen, elle lui répondit: Je croy bien, puis qu'il vous a laissé, & sans prendre aucun congé de moy, que ce n'a été sans grande occasion. Par ma foy, ma Dame, répondit Grafandor, ie le pèse certainement, aussi il m'a enuoyé prier par le Veneur, que ie l'excusasse enuers vous. Helàs, dit la Princesse, ie ne sçay quelle excuse, ne que nous deuons faire. Ma Da-

H 5 me,

LE QUATRIEME LIVRE

me, répondit Grasandor, ie suis d'avis que ie me mette en queste pour le trouver, & si de fortune nous nous rencontrôs, nous passerons plus aysement ensemble le bien ou le mal que fortune nous enuoyra: d'une chose m'assentray- ie bien, que ie ne séjourneray, si ie puis en lieu plus d'une nuit premier que i'en aye nouvelle. Ce qu'Oriane & toutes les autres dames trouverent bon hors de Mabile, laquelle ne cessa de pleurer toute la nuit. Neâtmoins les larmes d'elle n'eurent pouvoir d'arrêter Grasandor, ains des le matin s'arma, & après auoir ouy messe print congé de la Princeesse, & de toutes celles de sa compagnie: & entra en vne barque avec deus Ecuyers seulement, & son cheual sans plus hors les mariniers pour les conduire, & faisans voyle, sans sçauoir quelle part ils deuoyent tirer, ils nauigerent tout le jour & la nuit, ne rencontrans nauire ne vaisseau, qui leur dît nouvelles de ce qu'ils cherchoyent: Et la seconde nuit ensuiuant, passerent joignant de l'Isle de l'Infante: Mais leur mal-heur fut tel, qu'ils ne la peurent decouurir, tant étoit lors le ciel obscur & nubileus. Parquoy trauerfâs cete côte & l'Isle mêmes de la tour Vermeille, trouverent au point du jour le long d'une plage, ou Grasandor voulut descēdre pour sçauoir quelle contree c'étoit: car elle luy sembloit plaisante & peuplee de toutes sortes d'arbres, & aussi tôt qu'il fut à bord mōta sus son cheual, print ses armes accompagné de ses deus Ecuyers à pied, & entra en pais, conmandant aus mariniers ne partir de là, qu'ils n'eussent de ses nouvelles: & ainsi chemina grande partie du jour, sans trouver à qui parler, dont il ne se pouoit trop ébair, voyant pais fertile & baty en plusieurs lieux. Et comme il suiuiot la route d'un grand bois ou il étoit entré, arriua tout joignant vne claire fontaine, ou il descendit de cheual, & là repeut de ce que ses Ecuyers luy auoyent apporté, lesquels lassés d'aller à pié, luy conseillerent retourner en sa barque. Ce

m'ait dieus, répondit il, il ne me fera reproché que ie sois entré si auant, sans plus satisfaire à mon desir: mais vous mêmes retournés, & m'atēdés avec nos mariniers ou ie seray ce jourd'hui, ou demain de quelque heure. Ainsi le laisserent les Ecuyers, & il suiuit le grād chemin du bois, tāt qu'il entra en vne cōbe si plaine d'arbres q̄ mal aysemēt le soleil pouoit rayer au fons au mylieu de laq̄lle étoit vn petit monastere ou il voulut entrer, parquoy mettāt pied à terre atacha sō cheual au loquet de la porte, & vint au dedans de l'Eglise faire son oraison, suppliant deuotement Dieu le Createur le guider en sorte qu'à son honneur il peūt donner fin à ce qu'il auoit entrepris: & étant ainsi à genous deuant le crucifix, suruint vn Moine blanc, lequel il appella, luy disant: Mō pere, quelle terre ét cete cy? à qui apartiēt elle? Sire Cheualier, répondit le Moine, elle ét du royaume d'Yrlande: mais à present peu obeissante au Roy, pour autant que près de ce lieu se tient vn Cheualier apellé Galifon, avecq' deus de ses freres fort puissans, & adroits aus armes, lesquels à la faueur d'une forteresse ou ils se rerirent, ont ruiné toute cete montaigne, & chassé par force les habitâs qui y souloyēt demourer, & continuans de mal en pis, font vne infinité de maus, larrecins, & détrousemens, sans nul épargner, non pas les Cheualiers errans, s'ils en peuvēt prendre aucun: & sçaués vous comme? ils vont tousiours eus trois ensemble, & quand ils sentent quelque passant venir vers eus, les deus se cachent, & le tiers commence le combat: mais s'il se treuve plus foible, adonc les deus autres viennent à son secours, & tuent celui qui ét assailly. Et encores hyer, auint qu'ainsi que deus de nos freres retournoyent ceans, apportans quelques aumōnes que lon nous donne pour viure, virent les trois pendards que ie vous dy, assaillir vn Gentil Cheualier si cruellement, qu'après l'auoir fort nayré en maints endroits sus le

le cors, lui vouloyent trêcher la tête; sans la priere que leur firêt aucuns de nos religieux, à la faueur & importunité desquels ils le laisserent, & permirêt qu'ils l'emportassent ceans; ou il èt encores: & quasi aussi tôt qu'ils furent arriués, èt surueni son cōpagnon, lequel déplaissant de cête fortune èt party de ceans vn bien peu deuant que vous y soyés entré, & s'en va chercher les traîtres, pour les combattre au très-grand danger de sa personne. Le vous prie, dit Grasandor, montrés moy le Cheualier navré. Volontiers, dit le Moyne.

Adoncques le mena en vne petite cellule, ou il étoit couché, & aussi tôt qu'ils se virent, se reconneurent: car c'étoit Elisee cousin de Landin, neveu de dom Quadragant, qui s'étoit trouvé en maints bons actes, durant les guerres d'entre le Roy Lisuart & Amadis, & mêmes en la compagnie de Grasandor, lequel le trouvant en si piteus état, en fut trop marry, & après auoir parlé quelque peu ensemble, Elisee lui dit: Le vous supplie, mon compagnon aller au secours de mon cousin Landin, qui èt allé après les traîtres qui m'ont fait le mal que i'ay, étant biē certain que vōtre ayde lui sauvera (peut être) la vie: car eus trois ne faudront à l'enuahir, s'ils le rencontrent. Et ou le pourray-je rencontrer? répondit Grasandor. Vous trouverez, dit Elisee, vn détour en cête vallee; qui vous conduira en la plaine, au mylieu de laquelle èt vn fort château, vers lequel les pendards se sont retirés. A cête parolle Grasandor conneut bien que le Religieux lui auoit dit la verité: Parquoy commandant Elisee en la garde de Dieu, remonta promptement à cheual, & courut, le plus tôt qu'il peut, droit ou le Moine luy mōtra l'adresse, & n'eût plutōt trauersé la vallee, qu'il auisa le château, & Landin deuant la porte, criant à haute vois: toute-fois il ne sçauoit qu'il disoit: car il en étoit trop loing, & neant-moins se tint caché dedans les buyssons, attendant quelle seroit sa fortune: mais peu a-

prés veid abaïsser le pont leuis de la forteresse, & sortir vn Cheualier assés de belle taille & bien armé, lequel parla quelque peu à Landin, & aussi tôt s'éloignerent l'vn de l'autre, & donnans carrière à leurs cheuaus se rencontrerent si rudement de leurs lances, que du coup toute la vallee en retentit, tombans tous deus à terre, toutéfois la cheute du Cheualier du château fut plus dure que celle de Ladin. Si se leuerent ils tous deus assés promptement, & mettant les épées au poing coururent l'vn contre l'autre: Adonc cōmença le combat merueilleus, & tel, qu'ils se tiroient le pur sang de leur cors, neant-moins en peu d'heure Landin se maintint de sorte qu'il rengoit l'autre à sa volōté, ne faisant plus que parer aus coups de son ennemy: & connoissant bien à la longue qu'il ne pourroit plus temporiser, fit signe à ceus du château qu'ils le vissent secourir. Lors sortirent incontinent deus Cheualiers, & à course de cheual (tenans leurs lances roydes & fortes) coururent contre Landin, lui criant: Traître, si tu le tues, tu mourras. Quand Landin les aperceut venir, s'aprêta pour bien se defendre, & sans se montrer aucunement étonné, leur répondit: C'èt vous que ie cherchois qui lâchement enuahissés les Cheualiers errans: Mais par Dieu, ie mourray presentement, ou ie les vengeray aus dépens de vōtre tête. Or voyoit Grasandor toutes leurs gestes: parquoy monta soudain à cheual, & à bride abatue vint à eus, criant tāt qu'il pouvoit: Larrons, brigands, laissés ce Cheualier. Ce disant chargea l'vn deus, & le mit bas de telle roideur, qu'il lui froissa le bras droit demourant étendu de son long, sans se pouvoir releuer: & l'autre courut sus à Landin, pensant l'abatre, ou bien luy faire passer le cheual sus le ventre, mais il se sceut détourner avec telle dexterité, q̄ sans être frapé ataignit le cheual de sō ennemi, & lui fit aus fesses ouerture de pl^e d'vn pam. Si Ladin fut aise de tel inespéré secours, signeurs, n'en doutés:

car

LE QUATRIEME LIVRE

car il étoit au plus grand danger ou il se trouua oncques, quand il entendit la vois de celui qui lui aidait, lequel luy écrioyt qu'il paracheuât sus celui qu'il auoit commencé, & q̄ du reste il le laissât faire. Landin le creut, & retourna contre le premier qu'il auoit combattu, lequel en peu d'heure mit à telle raison, qu'il lui fit donner du nés à terre. Ce pendant, Grasandor ne laissoit pas dormir l'autre, ains le traita si rudement, q̄ du troisième coup d'épee qu'il lui rua, lui coupa la main, de laquelle il tenoit son glaiue: Parquoy desespéré de remède voyant ses deus cōpagnōsen si piteus état, tourna bride vers le château, ou étoit son dernier refuge: mais le cheual retif & mal embouché, maugré son maitre, se ieta dedans les fossés, ou il ne se tint longement, qu'il ne deuallât au fons, donnât fin mal-heureuse à celui qui le cheuauchoit. Làsuruint Landin, lequel auoit laissé les deus autres étendus de leur long, craignant que ceus de la forteresse fussent quelque saillie sus celui, auquel il se sentoyt tant obligé: toute-fois nul n'en fit semblant. Parquoy ainsi qu'ils étoient joignant l'un de l'autre, Landin parla le premier, & lui dit: Sire Cheualier, ie vous supplie me declarer qui vous êtes, m'ayât secouru tāt à propos. Lādin mō amy, répondit l'autre, ie suis Grasandor, qui louē grādemēt notre Seigneur de notre bōne auāturre. Biē ébaï fut Lādin pour voir (lors) celui qu'il auoit laissé en l'Isle Ferme avecq' Amadis, & ne pouoit penser la cause pour laquelle il s'en étoit sorty, & partant luy dit: Sus mon Dieu, Grasandor, ie vous estimois bien autre part, ie vous prie me reciter quelle auāturre vous a fait venir par deçà. Adonc Grasandor lui conta tout ce que vous aués entendu, & comme il étoit party pour chercher Amadis, luy priant, s'il en sçauoit nouvelles, ne les luy celer. Il faut, répondit Landin, que vous entendies que mon cousin Elisee & moy sommes délogés n'a pas; long tems d'avecques Quedragant mon oncle, & Bruneo de

bonne Mer, pour aller vers le Roy Cildadan recouurer quelques gens: car le neveu du Roy Arauigne, sçachant la deffaitte de son oncle, s'étoit emparé de son Royaume, & nous a donné d'entree vne dure bataille: & combien que la victoire nous soit demouree, & que la perte des ennemys ayt été grande, si y ét il mort beaucoup de gens de bien de nōtre côté, & à cete raison nous auons été depêchés, pour en venir leuer d'autres: & pour-ce que l'eau fraiche nous a failly en venant, le premier lieu ou nous sommes descēdus a été en l'Isle de l'Infante, ou lon nous a dit, qu'il ét puis n'aguères passé vn Cheualier seul avec vne Dame, qui alloit combattre Balan le Geant: toutefois nous n'auons peu sçauoir la cause, sinon que le gouverneur de l'Isle ét allé avec lui, pour voir, quelle sera l'ysuē de cete mētee: & selon qu'auons entendu de ce Balan, il ét fort & puissant outre mesure, qui me fait penser qu'autre qu'Amadis n'eût osé faire telle entreprinse, veu même la sorte qu'il vous a laissé, & croyés que c'et il sans autre. Ah, ah, répondit Grasandor, tant ie suis déplaisant, qu'il ne m'a mené quant & lui? Pourquoy? dit Landin, ignorés vous maintenant q̄ Dieu & Fortune ont reserué les hautes auentures pour lui seul, auquel elles sont deuës, & non à autre? Je m'en apercoy bien, répondit Grasandor: mais comme vous séparātes vous d'ensemble vōtre cousin & vous? Par le plus grand mal-heur du monde, dit Landin, ainsi que ie vous feray presentement entendre. Il faut que vous sçachés, qu'aussi tôt que nous eūmes prins terre en cete contree, il commença à se trouver mal: toutesfois le grand cœur qu'il a, ne luy permettoit séjourner en aucun lieu, ains faisoit son conte de ne prendre repos, premier qu'eussions trouvé le Roi Cildadan. Au moyen dequoy trauersans pais, vinmes passer au plus près du monastere, ou ie l'ay laissé, & la rencontrāmes vne Damoiselle qui avec abondance de larmes

larmes, nous demanda secours contre vn Cheualier, qui detenoit son mary prisonnier, pour auoir de lui (oultre son bõ gré) vn heritage sien, & de fait l'auoit enfermé en vne grosse tour, ou il ne voyoit Soleil, ne clarté quelconque. Adoncq' ie priay mon cousin qui étoit plus las & ennuyé que moy, de m'atendre là, & qu'avec l'ayde de nôtre Seigneur Dieu tout puissant, ie retournerois bien vers luy, n'étant le Cheualier, auquel i'auois affaire, qu'à deus petites lieues de là, ainsi que la Damoysselle nous asseuroit. Mais quelque priere & requête que ie luy fisse, il me voulut suiure, & ainsi que nous étions au plus bas de la vallee entre les buyssons & halliers ou vous êtes passé, aperceumes vn Cheualier armé de toutes pieces, & bien monté, lequel s'en alloit connillant pour n'être découvert. Parquoy mon cousin me dit, que ie suiuisse la Damoiselle, & qu'il iroit sçauoir qui étoit l'autre. Et ainsi nous nous séparâmes, & peu après arriuay ou étoit celui que ie cherchois. Lors i'appellay tât qu'il vint à moy desarmé, & après q' nous eûmes parlé quelque peu ensemble, il me reconnut, & s'enquît que ie demandois. Adonc ie luy dis tout ce que la Damoysselle m'auoit fait entendre, le priant qu'il deliurât son mary, sans de là en auant luy faire aucune moleste: à quoy il se cõsentit aussi tât pour l'amour de moi, & pour autât que celui duquel ie vous parle, êt fort mon amy, ie lui remontray gracieusemêt, que telles voyes de fait n'appartiennent à preud' homme, & qu'il en pourroit être blâmé entre les bons Cheualiers, dequoy il me remercia bien affectueusement, & me promît de jamais plus ne s'oublier. Parquoy le commanday à Dieu, & retour nay vers le monastere, ou ie trouuay mon cousin Elisee fort navré. Lors ie lui demanday, comme ce luy étoit auenu: il me répondit, qu'allant après le Cheualier que nous trouuâmes, aussi tât qu'il me eut laissé, il commença à lui crier, qu'il tournât visage, ce qu'il fit, non pas du

premier coup, & y eut entr'eus deus vn fort & merueilleux combat: toute-fois à la fin il auoit beaucoup le meilleur, & quasi le tenoit pour vaincu, quand deus autres sortirent de leur embuche, & vindrent ruer sus lui tant rudement qu'ils le mirent bas, & le traiterent ainsi que l'aués peu voir: & si dieu n'eût à l'instant adressé celle part deus Religieus (qui de fortune trauersoyent chemin pour retourner en leur conuent) il étoit mort sans doute: mais ils prierent les traîtres de sorte qu'ils leur permirent l'Emporter. Vn Moyne de entr'eus, dît Grasandor, m'auoit bien recité tout ce que vous m'aués conté de vôtre cousin, non pas de vous, si non que vous étiés party, pour suiure ceus qui auoyent fait si grande lacheté: desquels, graces à Dieu, vous & lui êtes bien vengés: car ie pense qu'ils sont tous morts. Je ne sçay, dît Landin, allons y voir. Lors s'apacherent de Galifon lequel étoit couché, sans se pouoir releuer, & son autre frere assés près de lui, non pas mort, ains viuant. Et à cete cause, Landin fit descēdre ses deus Ecuyers, qui les mirēt sus la selle de leurs cheuaus, & eusen croupe les soutenās sous les esselles. Ce fait, reprindrent le chemin du monastere deliberés si Elisee étoyt mort, les faire pendre, & s'il se portoit biē suiure autre deliberation: & ainsi arriuerent vers lui, & le trouverent en meilleure disposition qu'ils n'esperoyent: car vn Religieus de leans (qui entendoit l'art de Chirurgie) l'auoit si bien pensé, qu'il étoit hors de tout d'anger: & aussi tât firēt descēdre Galifon & son frere, lesquels voyans Landin desarmé, le reconnurent, cõme celui qu'ils auoyent veu maintefois avec le Roy Cildadan, au parauant qu'ils eussent laissé son seruice, pour se peu d'estime en quoy ils le tindrent du jour qu'il le rendit tributaire du Roy Lisuart, & depuis n'auoyent cessé de brigander & détrousser ceus qui tomboyent en leurs mains. Biē aise fut Galifon (veu son malheur) d'être venu lui & son frere au pouoir de

LE QUATRIEME LIVRE

de celui, duquel il esperoit misericorde, & pour cete raison, ayant la larme à l'œil, parla ainsi: Pour l'honneur de Dieu & de noblesse, ie vous supplie, Seigneur Landin, ne nous traiter ainsi que l'auons bien meritè: mais en vsant de vòtre bonté & gentile nourriture preferer la mechante vie de mon frere, & de moi, à pitié & misericorde. Galifon, répondit il, ie n'eusse jamais pensé que vous eussies été tels, ayans été nourris avecq' vn si bon Prince qu'ët le Roy vòtre maitre, & parmy tant de bons Cheualiers qui l'acōpagnēt ordinairement, du nombre desquels (sus mon Dieu) ie vous estimois, & non tels que i'ay conneu de fait. Ah, dît il, le desir seul de dominer m'a pourchassé ce mal, ainsi qu'il a fait à maints autres aussi peu sages, & mal preuoyans que i'ay été: mais quoy qu'il en soit, en vos mains gît tout mon remede. Que voulés vous que ie face pour vous, répondit Landin. Que vous m'impetrés pardon du Roy, à la mercy duquel ie me souismets sous vòtre bõ plaisir. I'en suis content, répondit Landin, pourueu que d'icy en auant vous chāgés de cōdition, & que soyés autant vertueux que vous aués été mechant & vicieus. Ie le vous promets, & iure, dît Galifon. Et sus vòtre foy, ie vous donne congé, répondit Landin, à la charge que vous vous rendiés, & vòtre frere aussi, d'huy en trois semaines, la part que sera le Roy Cildadan, pour lui obeïr entierement: & alors ie trouveray moyen qu'il oubliera le passé, & aurés pardon de luy, s'il m'ët possible. Bien humblement le remercia Galifon & son frere: & pour ce qu'il étoit ja tard, souperent de telle viande qu'ils peurent recouurer: puis le lendemain matin, Grasandor ayant ouy la messe, monta sus son cheual, & prenant congé de la compagnie retourna ou sa barque l'atendoit près du riuage de la mer, si aise que rien plus, pour ce qu'il auoit entendu d'Amadis: car aus enseignes q' lui auoit dites Ladin, il l'esperoit trouver en brief temps, ou en auoir

nouvelles en l'Isle de l'Infante. Et à cete cause chemina tant qu'il trouua ses gens premier que la nuit suruint. Et entrant en son vaisseau, s'enquît au patrō, s'il le pourroit seurement conduire en l'Isle de l'Infante. Lequel lui répondit, que puis qu'il sçauoit la contree ou ils étoient arriués, qu'aisément il y feroit voyle. Ie vous en prie bien fort, dît Grasandor. Adonc sans plus sejourner, leuerent les ancrs, & ayāt vent assés propre, nauigerent toute nuit, en sorte que sus le point du jour aperceurent l'Isle. Lors tirerent à destrabord, & singlans en la haute mer, y aborderent environ vèpres: parquoy Grasandor descendit en terre, & commença à monter contremont la roche, iusques à ce qu'il entra en la ville, ou il sceut du gouuerneur (qui étoit de retour) comme le combat d'Amadis auoit prins fin, ayant vaincu Balan, & l'amitié qu'ils auoyent ensemble, ainsi qu'aués ouy reciter cy deuant. Par mō Dieu, dît Grasandor, ce sont les meilleures nouvelles que i'eusse sceu demander, nō pour sçauoir qu'Amadis a paracheué à son grād honneur vn si perilleus combat, état coutumier de semblables choses, mais pour être plus certain du lieu ou ie le puis trouver: car autrement ie n'eusse jamais reposé jour ne nuit de bon somme. Ie croy, répondit le Gouverneur, qu'assés d'autres ont veu plusieurs de ses faits d'armes: mais s'ils sçauoyent aussi bien que moy le deuoir qu'il a fait en cétui, ils l'estimeroyent à mon auis, plus que de nul des precedās. Dieu en soit loué & honoré, dît Grasandor, il ne reste donc plus pour mon contentement, que l'aller trouver, ie vous prie me prêter quelque marinier des vôtres, pour m'y conduire. Volontiers, répondit le gouuerneur, & victailles aussi pour vòtre vaisseau si en aués necessité. Ie vous mercie, dît il. Lors le gouuerneur de l'Isle appella vn Pylote des siens, & le presenta à Grasandor, lui disant: Cétui en vint encōres hyer, & vous sçaura trebien cōduire. Grands mercys, dît Grasandor, lequel après

après s'être quelque peu reposé, de grand desir qu'il auoit de trouver celui pour lequel il s'étoit mis en quête, s'entra en son vaisseau, & sans fortune le lendemain au point du jour print port en l'Ile de la tour Vermeille. Adonc s'enquît aus gens de Balan, si Amadis y étoit encores, ou non. Vous le trouverés là haut, répondirent ils, ou nous vous conduirons, si vous plaît de nous suiure. A cela ne tiendra, dit Grasandor. Adoncq' monterent à mont la roche, & ainsi qu'il mettoit le pied à l'entree de la forteresse, aperceut Amadis, vers lequel il courut les bras tendus. Mon grand amy, dit Amadis, quelle fortune vous a cy amené? comme se porte ma Dame Oriane, & toutes celles de sa compagnie? Par ma foy, monsieur, répondit Grasandor, toutes font assés bonue chere, veu le déplaisir qu'elles ont receu pour vôte partement si soudain d'avec elles, & par leur auis me suis mis en quête pour vous venir trouver, autrement ie croy que ma Dame Oriane n'eût sceu viure trois jours tant elle se trouve ennuyee de vôte absence: toutefois elle considere bien, que vous ne fussiés ainsi party promptement, si force ne vous eût été. Mon retour, dit Amadis, sera plus brief que ie n'esperois. Si suis-je content, répondit Grasandor, demeurer icy sis ou huit jours, tant ie me treuve ennuyé de la marine. Je vous en prie, dit Amadis, afin que mes playes puissent être gueries, premier que nous mettre en chemin.

Comme étant Amadis en l'Ile Vermeille, deuisant avecques Grasandor, virent en Mer vne fuste laquelle vint à port, ou il y auoit gens, qui leur dirent nouuelles de l'armee, qui étoit allée en Sansuegue, & aus Iles des Landes.



CHAP. XXXVI.

VN jour Amadis & Grasandor, parlans ensemble de la Princesse Oriane, ainsi qu'ils s'ébatoyent à mont le plus haut rocher de l'Ile Vermeille, virēt assés loing en mer vne fuste aprocher de terre, parquoy commencerent à deualer pour entendre qui étoit dedans: mais ils ne furent si tôt au bas, qu'un de leurs Ecuyers, qu'ils auoyent enuoyé deuant, leur vint rapporter qu'elle auoit prins port: & que dedans étoit un maitre d'hôtel de Madafime, ainsi qu'il auoit entendu. Et comme il acheuoit cete parolle, Nolfon, duquel il parloit, suruint: lequel Amadis conneut aussi tôt, & lui demanda ou il alloit, & quelles nouvelles il auoit aprinſes. Nolfon qui aussi le reconneut, le salua humblement, émerueillé (toutefois) de le trouver en part, ou Balan eût pouoir, sçachāt bien qu'il le hayoit comme celui qui auoit mis à mort son pere: & pourtant après quelques propos qu'ils eurent ensemble, Nolfon luy dit: Sus mon Dieu, monsieur, ie ne vous eusse pas quis en cete contrée, & ne puis penser quelle auēture vous y a fait venir. Mon amy, répōdit Amadis, Dieu l'a ainsi voulu, pour la raison que ie vous diray tout à l'oyſir: mais premier declarés moi amplement en quel état vous aués laissé mon frere Galaor & Galuanes, & si vous aués veu Dragonis. Mōſieur, répondit il, ils ne firēt onc meilleure chere, & si vous diray chose qui vous contentera grandement: Sachés que depuis q' Galaor & Dragonis furent délogés de Sobradise, avec leur armee, mon Seigneur mon maitre Galuanes bien acompagné de soldats, qu'il a leués en l'Ile de Mongaze, vint se joindre à eus, au lieu appellé communément la roche de la Damoiselle Enchanteresse, qui ét vn promontoire bien auant en mer, ie ne ſçay si oncqs vous en ouytes parler. Ouy bien, dit Amadis, Garuate du val Craintif m'a autre-fois recité, que lui étant malade, nauigant cete côte, y passa, mais pour sa maladie fut cōtraint ne faire aucu-

LE QUATRIEME LIVRE

aucune épreuve de ce qu'il auoit bon desir. Parquoy ie te prie m'en dire bien au long ce que tu en as entendu: car l'on m'a assuré que maints Cheualiers de nom y ont perdu leurs pas. Sus ma foy, répondit Nolfon, chose que ie sçache ne vous en fera celee. Le bruit commun est, que cete Roche est ainsi appelée, à cause d'une Damoiselle qui la peupla, laquelle fut en son tems trécurieuse d'entendre tous arts Magiques, & tant en aprint, qu'elle faisoit choses admirables, & hors le commun pouoir de nature, entre lesquels elle y construit le plus somptueux bâtiment que l'on vid oncques: & depuis fit tant par son sçauoir qu'elle attiroit d'une longueur merueilleuse tous vaisseaus trauersans d'Irlande à Nouergue, Sobradise, aus Iles des Lades ou à la profonde Ile, sans ce qu'il fût en leur pouoir (quelque vent qui courût) de eus détourner, ains par contrainte forcee venoyent prendre port le long de sa demeure, d'ou ils n'eussent sceu déloger, s'il ne lui eût pleu: ains les arrestoit, & malgré eus les detenoit, prenant de leurs marchadises, ou biens ce que bon lui sembloit, mêmes les Cheualiers, si aucuns étoient, lesquels elle faisoit après combattre l'un contre l'autre, iusques bien souuent au mourir, à quoy elle prenoit trégrand plaisir. Mais comme il auient souvent, que ceus qui trompent autrui, sont deceus par eus mêmes, celle, dont ie vous parle, ayant assemblé une infinité de grâds trefors du moyen qu'aués entendu, espérait viure par son art outre le commun cours de nature, & comme si elle eût commandé aus astres, le Seigneur Dieu ne voulant plus souffrir le mal qu'elle faisoit à maints qui ne l'auoyent mérité, lui obfusqua l'entendement, de sorte qu'elle qui souloit abuser les plus auisés, se trouua trompée par un ignorant de telle science, non pas d'esprit qu'il eut bon & futil, ainsi que ie vous décriray. Et fut le castel, qu'entre tant de Cheualiers qu'elle auoit arrêtés, celui duquel ie vous parle natif de l'Ile de Crete, beau,

dispos & hardi aus armes, aagé (peut être) de vingt cinq ans, fut choisi d'elle, pour luy être amy, combien que de tout temps eût resolu de ne s'assujettir à homme, fût par mariage, ou autrement. Si se trouua en un instant si vaincué d'amour, & de sa liberté tant aliénée, pour la bonne grace du Cheualier, que finalement il eut à son commandement le plus & meilleur d'elle, à quoy elle prenoit tel plaisir, qu'à toutes heures continuoyent à ce nouveau exercice: & voyant le Cheualier fin & bien auisé qu'à la longue il ne pourroit satisfaire au desir de cete nouvelle amante, & qu'il pourroit tomber au hazard d'auoir à la fin d'elle quelque mécontentement, se parforça de lui montrer plus d'affection que iamais, afin qu'elle estimât notamment qu'il l'aymoit plus que soy mêmes: & si bien sceut jouer son personnage, qu'elle le creut. Lors la voyant en ces termes, luy pria avec grande instance, qu'ainsi qu'il lui portoit une amour extrême, il peût connaître en elle qu'il n'étoit deceu, & qu'elle l'aimoit autant ardemment que lui elle, comme elle lui auoit iuré & assuré tant de fois: pour témoignage dequoy, il la supplioyt lui donner entiere liberté, & le remettre en pareil état, qu'à l'heure qu'il print port en l'Ile. Ce qu'elle lui accorda finalement, dont mal lui en print: Car le Cheualier ne tachant qu'à se defaire d'elle, preuoyant la mobilité & inconstance des femmes, étans un jour deuisans ensemble au plus haut de la roche, ainsi qu'il l'embrasoit & caressoit, selon qu'il auoit de coutume, voyant le lieu & l'occasion propre à son entreprinse, la poussa si rudement du haut en bas, qu'elle fut brisée en pieces auant que son cors eût prins sepulture entre les vagues, ou elle fut absorbée. Ce fait le Cheualier bien aisé, trouua moyen d'emporter en son nauire ce qu'il peut tirer de l'Ile, & avec tout le peuple d'icelle, print la route de son pais: mais contrainte luy fit laisser là un tresor enchanté, lequel on dit être encores en l'une des chambres du grand

grand palais, sans qu'il ayt été en la puissance de ceus qui depuis y ont abordé, nō pas seulement de le conquerir, ains d'entrer ou il ét enfermē: encores qu'en yuer les Serpēts, qui y repairent ordinairement durant tout l'été, y soyent gachés. Et à ce que j'ay entendu, les portes de cete chambre sont continuellement closes, & vne épée au trauers, d'un des côtés de laquelle sont lettres rouges comme pur sang, & sus l'autre côté plus blanches que neige, qui donnent aucun indice ou témoignage du nom de celuy, par lequel indubitablement cete auanture, ou presage, doit finir, lequel tirera premierement l'épée mise au trauers de la jointure des deux portes iusques à la poignée. Lors elle s'ouuirt d'elles mêmes, ainsi que par la commune renommee on tient certain en plusieurs lieux. Tout pensif étoit Amadis, durant que Nolfon lui contoit ces nouvelles, vne fois concluant en son esprit (quoy qu'il en deut auenir) aller iusques là, & essayer de mettre fin à l'enchâtemēt, auquel tant de bons Cheualiers auoyent failly: puis tout soudain changeoit d'opinion pour le desir qui le pressoit de retourner en l'Ile Ferme: Toutefois à la fin delibera, puis qu'il étoit si auant, de passer outre; mais il n'en fit semblant à l'heure, ains, comme s'il s'en fut peu soucié, changea propos, demandant à Nolfon, quel chemin depuis auoit prins Galaor & son armee. Monsieur répondit il, après qu'il eut quelques iours demouré à la rade, assés près de la Roche, fit faire voyle droit en la profonde Ile, esperant d'y entrer par surprinse: Neantmoins ceus du païs en eurent quelque soupçon, & premier que nous y arriuisions, s'étoient mis en armes, nous atendants sus le riuage, ou ils nous donnerent beaucoup à souffrir auant qu'eussions moyen de prendre terre: car l'un des cousins du feu Roi cōduisoit ce peuple, lequel il auoit tant animé contre nous, que ie ne vy onques mieus combattre. Mais par la prouesse de messieurs Gal

Am. 4.

uanes, Galaor, & Dragonis, qui se ieterēt en l'eau iusques au col, suyvis de la plus part des nôtres, furent nos ennemis contrainsts reculer, & malgré eus abordâmes, non sans grande perte de nos gēs, & plus merueilleuse boucherie des autres, qui deffrois'en fuyrent en la ville, & demoura leur chef & principal Capitaine entre les morts. Lors enuironnâmes la place de toutes pars, dont ils s'épouuenterent de sorte, que (se trouuans sans conducteur) peu apres ils demanderent à parlementer, ce qui leur fut acordé. Et à cete cause deleguerent quatre d'entr'eus, qui vindrent vers le prince Galaor & les autres Capitaines, avecques lesquels ils capitulerent qu'ils se rendroyent, pourueu que leurs libertés & biens leurs demourassent entierement, ce qu'on leur otroia volontiers, & le iour mêmes entrâmes dedans la ville, & y fut (auant la semaine hors) Dragonis couronné Roi: puis ayant receu les hommages, & le serment de fidelité, tant des Gentis-hōmes, que du peuple, messieurs Galaor, & Galuanes mon maitre, voyans q̄ leur partement ne pourroit être si prompt qu'ils esperoyent, m'ont depêché vers la Roynē Briolanie, & Madasime, pour leur faire sçauoir les bonnes nouvelles que ie vous ai recitees. Aués vous rien entendu (dît Amadis) de Quedragant & Bruneo? Monsieur, répondit il, auant que ie déloigeasse du camp, aucuns fuyans des Iles des Landes, & de la cité d'Araugne, pensans eus sauuer au Royaume de la profonde Ile, y vindrent descendre, & par eus sceumes, que l'un des parens d'Araugne, acompagné des gens du païs, auoit donné vne grosse bataille aus nôtres, qui les étoyēt venus assaillir: mais il auoit été defait & mis en route, et depuis n'auoyent entendu cōme le tout s'étoit passé. Nous le sçaurons (si Dieu plaît) dît Grasandor, quelque autrefois plus amplement: et continuâs leurs propos entrerēt au Château de Balan, lequel Amadis vint trouuer en son liēt, ne se pouuant encores leuer, et

I

étans

LE QUATRIEME LIVRE

étans eus deus seuls, lui dît, qu'il auoit receu quelques nouvelles, pour lesquelles il étoit contraint de partir le lendemain, le priant affectueusement, que (suyuant ce qu'il auoit promis) il fit rendre à Dariolette son mari, le vaisseau qu'il auoit amené, & tout ce qu'il leur auoit été prins, à fin qu'ils s'en allassent en l'Isle Ferme ou auroit plaisir, que Brauor & sa femme les acompagnassent pour voir Oriane, & les autres Dames & Damoiselles qui y étoient, avec lesquelles, dît Amadis, il pourra demeurer iusques à ce qu'il soit en âge de recevoir Cheualerie, étant bien certain qu'il lui sera fait tout l'honneur & bon traitement qu'il merite pour l'amour de vous. Signr Amadis, répondit le Geant, si par le passé i'ay été en deliberatiō de vous pourchasser mal & déplaisir, maintenant, & au cōtraire, vous'ayme autāt q̄ moi-mêmes, m'estimāt bien heureux d'être vōtre, cōme ie suis: parquoi presentement ie ferai mettre ordre à ce q̄ vous m'aués prié, vo⁹ assurant sur ma foi, qu'aussi tōt q̄ i'auray recouvré santé, ie prendray le chemin du palais d'Apolidon, ou ie vous iray trouver, & vous y feray cōpagnie telle qu'il vous plaira. Je vous en prie, dît Amadis, & ademourāt, s'il vous plaît rien de moi cōmandés: car vous serés obeï. Tres affectueusement le remercia Balan, & s'acolans l'un l'autre, prindrent congé pour le lendemain, qu'Amadis & Grafandor s'embarquerent. Mais le Geant ne vint si tōt en l'Isle Ferme comme il pensoit, & qu'Amadis esperoit, pource que depuis son parlement, il fut auerty, que Quedragant & Bruneo (ayans faute de gens) tenoyent encores assiegee la ville d'Araugne: & à cete cause fit sonner le tabourin en ses marches, & assembla force soldats que lui mêmes y mena en personne, dont en suruint la reduction, non seulement de la place assiegee, ains de tout le pais, tant d'Araugne, que de Sansuegue: ainsi que vous entendrés quelquefois. Après doncque les deus Cheualiers de l'Isle

Ferme furent entrés en leur vaisseau étans prêts à leuer les ancrs, Amadis pria Nolfon luy laisser vne guide, pour le mener en l'Isle de la Damoiselle Enchanteresse, ou il auoit desir d'aller. Volontiers, répondit Nolfon, & moy-mêmes vous y accompagnerai, s'il vous plaît: d'une chose tenés vous seur, que vous êtes maintenant en la saison de l'annee plus propre, pour voir toutes les singularités du lieu, étant la froidure déjà fort émeue, par laquelle les bêtes horribles & venimeuses qui y repairent ordinairement, sont retirees en leurs trous, fosses, & cauernes terrestres. Il me suffit dît Amadis, d'auoir l'un de vos mariniers que Nolfon luy bailla, & le commandant à Dieu, print la route de l'Isle de Mongaze, & Amadis & Grafandor droit à la Roche de la Damoiselle Enchanteresse, avec si bon vent qu'ils la peurent choisir le sixième iour d'après, si haute (ce leur sembloit) qu'elle trauersoit les nuës, & aprochans du port aperceurent vne barque ancrée ioignant la grève, seule, & sans garde quelconque: & estimans que ceus à qui elle appartenoit fussent montés à mōt la Roche, n'en firent cas. Adonc Amadis voulant seul éprouuer l'auenture, dît à Grafandor: Mon compagnon ie vous prie m'attendre icy, iusques à demain matin, que ie pourray être de retour, ou plus tōt, & si ie gaigne d'heure le haut ie vous ferai incontinent signe comme ie me trouveray: mais si dedans trois iours vous n'aués de mes nouvelles, assurez vous que mon entreprinse yra trémal: lors ordonnés du surplus ainsi que bon vous semblera. Comment? répondit Grafandor, estimés vous que ie n'aye le cueur assés bō pour endurer tout le trauail qui pourroit être en ce lieu spécialement étant en vōtre compagnie, ou le courage me croîtroit si i'en auois faute? Je vous promets, mon grand amy, dît Amadis, en l'acolant qu'onques telle chose de vous ne me tomba en l'esprit, vous ayant trop cōueu

en tant de bons actes pour ne vous avoir en autre estime, que de l'un des meilleurs Cheualiers du monde, & puis que vous trouvés bõ qu'allions de compagnie, i'en suis trécontët. Adõc cõmanda q̃ lon ietât vne planche pour prendre terre, & descendent eus deus seus (armés de toutes pieces tenans leurs écus & épées tirees, prêts à eus defendre, s'ils étoient assaillis: ce fait commencerent à monter la Roche par vn petit sentier rude & malaisé, & tât grimperent qu'ils trouverent vn hermitage, au dedans duquel aperceut vne statuë de Bronze coronnee, tenant en ses deus mains (vis à vis de l'estomach) vne table d'atente doree, en laquelle étoient granees aucunes lettres & caracteres Grecs, assés faciles à lire, pour ceus qui entendoient la langue, encores q̃ plus de deus cens ans au parauant elles y eussent été insculpees par la Damoiselle Enchanteresse, qui fut en son tems la plus experte en art Magique, qui ayt été depuis, & fille d'un nommé Finctor de la cité d'Arges, au païs de Grece. Or étoyēt les deus Cheualiers si las & hors d'aleine, qu'ils n'en pouvoient plus: parquoi s'assirent sur vn siege de pierre regardans à leur ayse cete statuë, qui leur sembla d'un merueilleux artifice, mêmes la table & les caracteres léquels Amadis cõmença à lire, cõme ce-luy à qui il étoit ayse, pour le seiour qu'il auoit fait en la Grece, quād il combatit l'Endriague, & disoit l'écriteau ce qui s'esuyt: Au tems que la grand' Ile florira, & qu'en icelle s'assembleront la fleur de Cheualerie, & de beauté, étant lors dominee d'un Prince trépuissant & magnanime, sortira celui, auquel l'épee & les tresors enchantés sont destinés, & nõ plutôt seront mis au pouvoir des personnes. Biẽ conneut Amadis, q̃ cete auanture n'étoit pas pour lui, & qu'à son auis elle étoit reseruee pour son fis Esplandian étant nay de la plus belle du monde: toute-fois il s'en teut, & demanda à Grafandor, s'il auoit entendu ce qu'il lisoit. Non, répon-

dit il, car ie ne fu oncques en lieu ou lon parlât ce langage. Par ma foi dît Amadis, c'ët quelque prophetie bien antique. Lors lui declara ce qu'elle cõtenoit. Je ne sçai, dît Grafandor, pourquoi elle ayt été predite, si n'ët pour vous mêmes, qui êtes fis du plus gentil Prince: qui oncques ceignit épee au côté, & de la plus belle Dame qui ayt été de son temps, selon que i'en ay peu connoître par le reste de la beauté qui luy ët demouree: ainsi doncques montons hardiment, veu qu'il vous seroit autant de blâme de differer, que de presumptiõ à quelque autre de passer plus outre: & ce ne vous dy-je sans ocasiõ car i'ay esperance voir, par vòtre moyen ce qu'autre n'a encores veu de ce tems. Amadis se print à rire, connoissant le zelle duquel parloit Grafandor, & lui répondit: Allons doncques, puis qu'ainsi ët, & gagnons le Palais auant que la nuit nous surprenne. Ainsi sortirent de l'hermitage, & suivirent le sentier qu'ils trouverent, si facheus, que bien souuët force leur étoit de donner des mains à terre, & pis encores leur auint: car le iour leur faillit, & furent cotrains (pour l'obscurité) atendre iusques au lendemain en vne petite plaine, ou ils se coucherent si mal à leur ayse, qu'ils ne peurent oncques dormir: Et à cete cause se mirent à parler de l'vsure, que fortune leur faisoit payer, pour les plaisirs qu'elle leur auoit prêtés en l'Isle Ferme avec leurs amyes. Ce neantmoins, disoit Amadis, n'étoit la crainte qu'Oriane se treuve mal, pour la facherie ou ie pense qu'elle ët (quoy qu'il me deut auenir) i'yrois voir le camp de Bruneo & Agraiès premier q̃ retourner vers elle. Par ma foy, répõdit Grafandor, vous la feriez mourir, étant en doute, si vous êtes mort, ou non: mêmes que ie leur ay promis & iuré de vous ramener le plutôt que faire se pourra, ainsi ie vous conseille & prie tant qu'il m'ët possible, que pource coup vous leur obeissés plutôt qu'à vòtre desir: puis selon ce que nous apprendrons après

LE QUATRIEME LIVRE

les autres, nous les yrôs trouver, ou nous y enuoyrons des gës s'ils en ont besoing. Encores pense ie de faire mieus, dît Amadis, au partir d'icy nôtre chemin s'adressera en l'Ile de l'Infante, de là ie depêcheray vn Gentis-homme vers Balâ, le prier les aller secourir, ce qu'il fera volontiers, & ce pendant nous yrons deuant en l'Ile Ferme luy aprêter logis. Ainsi passerent ces de⁹ Cheualiers la pluspart de la nuit, quelquefois dormans, quelquefois veillans tant que le iour suruint. Lors se leuerent, & recommencerent à monter tant qu'ils se trouverent à l'entree d'une plaine au milieu de laquelle ils virêt vne grande ruïne de bâtimens antiques, dont ils s'aprocherent, iusques à l'endroit d'un arc de marbre, encores assés entier, au dessus duquel y auoit vne statuë d'Albâtre, de fême si bië taillee, qu'elle sembloit viue, tenant en sa main droite vne plume comme si elle eut voulu écrire, & à la main gauche vn rouleau de lettres Grecques cōtenât ces mots: La certaine science êt celle, avec laquelle on profite plus deuant les dieus qu'avec les hommes, veu que l'une êt sainte, & l'autre vaine & inutile. Voilà bien parlé en peu de mots, dît Amadis: car si toute personne auoit connoissance de la grace que nôtre Seigneur luy fait, plusieurs s'adonnéroÿt à œuvres vertueuses, & fuyroÿt le vice qui les meinne à perdition. Lors passerêt outre, & entrèrent en vne basse court pleine de fragmens de colonnes, tant Ioniques, Tuscanes, que Doriques, inêmes de plusieurs medalles anciennes, & personnages autrefois si bien taillés, qu'il ne seroit possible de mieus: auxquels l'iniure du tems n'auoit peu nuire, qu'il n'y eut encores très-grande aparence de leur singularité, & à cête cause Amadis prenoit tant de plaisir à les contempler, qu'il ne pouoit assés satisfaire à son œil. Et ainsi qu'ils tournoÿt de côté & d'autre vindrêt en vne bien belle salle, si richement peinte q̃ c'étoit merueille, au bout de laquelle aperceurent

l'entree d'une chambre fermee de deux portes de pierre luyfante, au milieu dequelles étoit vne épée fichée si auât, quelle passoit outre iusques à la croisee, parquoi cōneurent bien q̃ leans étoit le tresor & les enchantemens dont ils auoient ouï parler. Au moien dequoi Amadis (deliberant éprouver l'ouverture) s'aprocha pour essayer d'auoir l'épée, & vit q̃ le pōmeau & la croisee étoit d'un os plus clair & enflâbé qu'un Rubis d'oriët ayât d'un côté sēt lettres Grecqs rouges cōme feu, & de l'autre des mots blancs comme neige disans: En vain se trauaillera le Cheualier qui essaiera (quelque force ou prouesse qui soit en luy) d'arracher cête épée, si n'êt celui qui êt predestiné par les lettres, que la statuë de Bronze tient écrites à la table qu'elle porte, leq̃l a sus lui tous tels ceracteres, que ceus qui sont graués de l'autre part de cête poignée, comme a predict celle qui ne fut seconde à nulle de son tems, pour le regard de l'art Magique. Et a cête ocasiō Amadis regarde plus ententiuemēt qu'il n'auoit fait ces lettres rouges & lui souuint qu'Esplandian en auoit de semblables sus son corps: parquoi se tint assuré, qu'autre que lui ne mettroit à fin cête merueille: Toutefois il demâda à Grasandor, qu'il lui en sembloit. Ce m'aît dieus, répondit il, i'entens très-bien le contenu des lettres blâches, mais des rouges ie ne sçai que c'êt. Ne moi aussi, dît Amadis, cōbien que ie pense que vous & moi en auons veu de pareilles sus quelqu'un que vous connoissés. Vous dites vrai, répondit Grasandor celles: q̃ vôtre fis aporta (ainsi q̃ l'on dit) du ventre de sa mere, sont vrayement toutes: telles neantmoins, si vous ne m'en eussiez fait souuenir, ie n'y eusse iamais pensé: & pourtât ne vous plaignés que de vous mêmes, si vous faillés à vôtre entreprinse: car, à ce que ie puis presumer, vous aués engêdre celui qui vous tollit cêt honneur. Ainsi l'estime ie, dît Amadis, par ce que i'ay peu apprendre des le commencement aus

tables de l'ymage de Bronze. Retournōs doncq' arriere, répondit Grasandor & laissons le reste à paracheuer à celui auquel la destinee l'a promis. Ce nous eût bien force dît Amadis, quelque regret que j'aye à n'emporter cete epee quant & moi. Par Dieu, répondit Grasandor, si vous l'aués vous en seriez bien empêché, veu qu'elle ne peut être si bonne que la vôtre ainsi comme ie pense: Et d'auantage quand ie considere comme vous l'aués aquis, oncques Cheualier n'eut si bonne auature ne plus agreable qu'elle vous fut lors. Et ce disoit il, pource qu'Amadis l'auoit gaignee, étant trouué le plus loyal & parfait amant qui oncques aima ainsi que nôtre second livre vousa maintefois témoigné. Adonc reprindrēt le chemin qu'ils étoient venus, & passans de rechef entre les antiquités, Amadis s'arrêta encores pour les regarder, & plus il s'y amusoit, & moins trouvoit d'imperfectiōs fut aus moulures, frizes, ou capiteaus des ruines semees entre les masures: & si d'auanture il eleuoit la veue haut, voyoit tant de racourcissement singuliers aus personnages insculpés, tant de muscles bien obserués, tant de perspective es choses necessaires qu'à son auis il y auoit plus de diuinité qu'à manufacture d'homme. Et comme il étoit en ce plaisir suruint vn Cheualier armé, d'un harinois blanc, tenāt son epee nue au poing, leq̃l aprochant d'eus les salua, & eus luy, & aussi tōt leur demanda, s'ils n'étoient pas de l'Isle Ferme. Oy certes, dît Grasandor, pourquoi le demandés vous? Pourtāt, dît l'autre qu'il la bas j'ay trouué vne barque & quelques vns qui m'ont asseuré, que ça haut étoient montés deus Cheualiers du palais d'Apolidon, mais ils m'ont voulu du tout taire les noms & pource que j'en suis aussi, ie n'ay desir sinon de pais & amitié avec vous, m'étant adressé casuellement en ce lieu poursuyuant vn Cheualier, qui par tromperie m'ēt échapé avec vne Damoiselle qu'il emmene par force. Amy, répondit Grasandor, ie vous prie par

Am. 4.

courtoisie ôter vôtre armet, & nous dire vôtre nom. Si vous me iurés, dît le Cheualier, que vous êtes de la connoissance de mon Seigneur Amadis, & aussi de me faire le semblable, j'en suis bien content: autrement vous me prires en vain. Par ma foi, dît Grasandor, nous sommes des meilleurs amys qu'il ait, & pour celà ne differés à vous faire connoître. Lors le Cheualier se desarma de la tête: Vous me pouvez doncques maintenant bien connoître, si vous êtes tels que m'aués iuré. A peine eut il acheué la parole qu'Amadis courut l'embracer, lui disant: Mon frere Gandalin, est il possible que nôtre fortune nous ait ainsi adressés? Bien ebaï fut lors Gadalín, se voyant caresser par personne à lui inconnue, & ne scauoit presumer qu'il pouoit être, quand Grasandor lui dît: Comment Gandalin, méconnoissés vous ainsi Amadis? Amadis répondit Gandalin, est il possible? Adonc mit le genoil en terre, & malgré lui, lui baïsa les mains, auant qu'Amadis le peut releuer, puis s'enquît qui l'auoit là amené, Par Dieu mes bons Seigneurs, répondit il, le semblable de vous ay plus d'enuie de scauoir que vous n'aués de moi, vous ayant laissés au lieu tant éloigné de cetui: toutefois pour vous contenter ie vous en dirai la pure verité. Entendés, qu'ainsi que j'étois avec Bruno, & autres, qui sont encores en la conqueste des pais d'Araugne & de Sanfuegue au retour d'une cruelle bataille que nous donna d'entree le neveu du Roi, ou maints preu-d'hommes finerēt leurs vies: Vn iour entre les autres entra vne Damoiselle du Royaume de Nouergue vestue toute de noir en la tente d'Agrais lui requerant (avec habondance de l'armes) secours d'aucun tort qu'il lui faisoit. Agrais la fit leuer, & seoir tout au plus pres de lui luy demandāt la cause de sa tristesse pour y mettre remede, si iustement se pouoit faire. Helàs, répondit elle, vous aués bien raison, car ie suis suiette & vassale du Roy, pere de ma Dame Olinde vôtre fem

I 3

me

LE QUATRIEME LIVRE

me pour l'honneur & amytié de laquelle ie vous supplie m'être aydant d'aucun bon Cheualier, qui me face rendre vne mienne fille que le Seigneur de la grand tour de la Riue m'a tolluë de fait & de force, ne lui ayant voulu donner à femme: pource qu'il n'ët si noble, ne de telle maison qu'étoit mon mari, ains de basse & seruile condition ayant vsuré la place qu'il possède sus ses voyfins, qu'il en a chassés, & le pere de ma fille étoit fre redenō Grumedā, Cheualier d'hōneur de la roine de la grād' Bretagne. Or n'ay ie moyen de la recouurer, sans vous: car quelque priere que i'aye sceu faire à ce méchant, il me l'a tou-jours deniee, iurant que ne l'auroy de ma vie avec moi, s'il n'y ët contraint à force d'armes.

Damoiselle, dît lors Agraies, que ne vous en fait vōtre Roi iustice comme il appartient? Seigneur, répondit elle, il ët tant vieil & caducq' qu'il ne peut desormais gouverner luy n'autre, & ne bouge plus du lit pour son grand âge & maladie.

Et celuy duquel vous vous plaignés dît Agraies, ët il loing d'icy? Non répondit elle: en moins d'un iour & demion y pourroit bien aller par Mer, qui auroit le vent à propos. Lors ie me presentay pour aller au secours de la Damoiselle, mais mon Seigneur Agraies n'y voulut consentir, sinon que ie lui promisse de retourner vers lui, aussi tôt que i'aurois cōbatu le Cheualier sans plus entreprendre, si mō honneur m'en pouoit excuser, ce q' ie lui promis: & prenāt mes armes entray avec la Damoiselle au vaisseau qu'elle auoit amené, & eumes tout le iour la mer calme & paisible, tellement que le lendemain enuiron mydi prinmes terre, & me guida la Damoiselle la part ou étoit sa fille derenuë. Adonc commençay à appeller des l'entree de la porte, tant qu'un homme parla à moy par vne fenestre, me demandant que ie voulois. Lors ie luy fis telle réposé: Tu diras à ton maître qu'il deliure prōptement vne Damoi-

selle qu'il a ôtee par force à celle qui m'a compagne, ou qu'il me rēde raison pour-quoi il a ce fait, ou autrement homme ne sortira de leās que ie ne le mette à mort: Par mon ame, dît celui auquel ie parlois, vos menaces nous donnent entiere assurance de vous: toutefois atendés & vous aurés bien tôt autres nouvelles comme ie pense. Lors ie me retiray & depuis n'arrēta gueres que ceus de la tour ouurent les portes & sortit hors vn Cheualier armé d'vnes armes iaunes, monté sur vn bon grand détrier lequel de la longueur d'vne carriere me cria: Cheualier, qui menaces sans discretion, ceus que ne cōnoissés, qu'ët ce que vous demandés tant? Et ie luy répondi, que ie ne le menaçois ny deffois, premier que ie sceusse la cause, pour laquelle il derenoit par force la fille de la Damoiselle qui étoit là. Et bien, dît l'autre, encores qu'elle vous eut dît vrai, qu'en seroit il? L'espere, lui répondi ie, là venger, & là vous ôter vueillés ou non. Il y aparoitra maintenant ce dît l'autre: & à l'instant brocha le cheual des esperons, & vint de grand' roideur contre moi, & moi droit à lui couchās tous deus nos lances en l'arrēt si biē qu'elles vollerent en éclats: puis mīmes la main aus épées, & comença la bataille entre nous deus, qui continua iusques enuiron les vėpres: mais à la fin, étant le droit de mon côté, la victoire me demeura, de sorte que ie le tenois à mes piés pret à lui couper la tête, quand il me demanda mercy, me priant de luy sauuer la vie, & qu'il ferait ma volonté & ie lui dis qu'il rendit la Damoiselle à sa mere, me iurant de ne prendre iamais fille ne femme malgré elle, ce qu'il m'acorda: & de fait saignant aller querir celle q' ie demandois entra en sa tour: mais il ne tarda gueres que ie le vi sortir du côté de la mer, & s'embarqua ainsi armé que l'auois laissé en vn équip, avecq' la Damoiselle, me criant d'assés loing: Cheualier, ne t'ébaïs si ie ne te tiēs verité: car force d'amour me contraint à

ce faire ne pouvant viure vne seule heure sans celle que i'emmene : & puis qu'il ét hors de ma puissance me pouvoir vaincre & gouverner, ie te supplie ne me donner coulp de chose, que tu voyes : & à fin que toy ne sa mere n'ayés desormais esperance de plus la trouver, voi que ie l'emmene en part ou tu n'en auras de ta vie nouvelles. Ce disant se print à ramer & la Damoiselle à crier & détordre les mains : dōt ie fu si marri q̄ la mort m'eut été plus agreable q̄ la vie : car la mere cōmença à faire vn étrāge dueil, rompāt ses cheueus & ses acoutremens, me reprochāt qu'elle auoit trop plus receu de dōmage par moi q̄ du Cheualier mēmes : pource qu'ētāt sa fille en la tour, auoit tou-jours fiance de la recouurer & maintenant elle n'y eseroit plus rien la voyant aller en lieu inconneu, dequoy i'estois causē n'ayant exēcutē la victoire que i'auois eue sus le Cheualier, par laquelle son remede étoit recouuré & q̄ non seulemēt ne me remercioit du travail q̄ i'auois prins, ains qu'elle se plaindroit de moy deuāt tous autres qu'elle pourroit rencontrer. Lors ie lui répōdy (pour la rapaiser) q̄ vrayemēt ie m'estimois coulpable de son nouveau déplaisir : car ie deuois cōsiderer, puis q̄ le Cheualier auoit été déloyal enuers elle forçāt sa fille, qu'au reste veru le deuoit peu acōpagner, & que puis qu'ainsi étoit ie iurois de iamais ne reposer en lieu que ie ne l'eusse recouuré fut en mer ou en terre & mis sa fille en ses mains : pourveu qu'elle me pretāt la barque & quelqu'vn de ses mariniers pour me guider ce qu'elle m'accorda, & outre me promit de m'attendre chēs soi en vn château assēs près de là, cōmādanāt à celui qu'elle me bailla de prendre bien garde au deuoit que ie ferois, pour satisfaire à ma promesse. Ainsi me departi d'elle, faisāt voile, selō la voie qu'il me sembloit auoir veu prendre au Cheualier, & nauigai long tems, sans en ouyr nouvelles, sinō que ce iourd'hui, qui ét le cinquiēme iour j'ay trouvé quel-

ques pêcheurs, qui m'ont dīt l'auoir veu passer en vn équip avec la Damoiselle, & que selon leur auis il venoit prēdre port en l'ile de la Damoiselle enchantresse ou arriuē ay trouvé vn équip vuide, & vos gens aussi assēs loing de là, auxquels me suis enquis, s'ils auoyent point veu mon homme : mais ils ne m'en ont sceu dire aucune chose sinon que ce bateau étoit au bord, premier que vous y arriuifis & tant pour cēte ocasion ay ie prins ce chemin, croyant qu'il ét quelque part caché dans cēte roche, qu'aussi pour éprouuer vne auanture que les pêcheurs m'ont dīt être là haut en vn Palais ruiné, & si i'y faus à tout le moins i'en pourray conter à ceus qui m'en ont oui parler. Gandalin mon amy répondit Grasandor, au regard du Cheualier & de la Damoiselle, il y pourra auoir quelque remede : mais quant à l'ananture, ce seroyent pas perdus pour vous. Lors luy reciterent tout ce qui leur étoit auenu. Dequoy Gandalin trop ébaï, lui demanda s'ils auoyēt point veu le Cheualier. Non, répōdit Amadis, & si auōs visitē par deus fois toutes ces ruines, neantmoins voyons encores, & regardons par tout. Adonc tournerēt q̄ & là, tant que peu après ils auisērent en vn coing le Cheualier, lequel cōnoissant qu'il étoit découuert, se montra à eus, demandant qu'ils cherchoiēt. Vous paillard répondit Gandalin, Le Cheualier qui soudain le reconneut aus armes blanches qu'il portoit, lui dīt de rechef : Par Dieu Cheualier, ie m'ébaï quel plaisir vous prenez à tant me poursuyure, vous ayant assēuré que force d'aymer me maitrise, de sorte que ie n'ay aucune puissance sus moy mēmes étant biē certain que si vous, ou quelques vns de cēte compagnie ont éprouué la furie d'amour, que ie ne serai trouvé de tant coulpable, comme vous m'estimés, & pourtant faites de moy ce qu'il vous plaira : car autre que la mort ne me fera separer de cēte Damoiselle, que j'ayme si ardamment. Amadis qui s'étoit

LE QUATRIEME LIVRE

veu maintefois en pareille extremite, comença à auoir compassion de lui, toute-fois il lui répondit: Encores que ce que vous dites soit grandement excusable, le Cheualier pourtant qui vous cherche, ne doit differer la promesse qu'il a faite à la Damoiselle, autrement il pourroit être repris deuant tout preud'homme. Je le sçay bien, dit il, aussi ie suis cõtent de me mettre à son pouoir, pourueu qu'il me face le bien de me remener vers elle étant assuré s'il la prie pour moi, qu'elle sera bien contente me donner sa fille à femme, puis qu'elle me veut auoir deuant tout autre. Et il vray? dit Amadis à la Damoiselle: & elle lui répondit qu'oy, combien que iusques adonc il l'auoit arrêtee outre son gré, neantmoins voyât l'amour qu'il lui portoit la force quil lui auoit faite par le passé étoit oubliée lui ayant pardonné & promis depuis mariage. Vrayement, dit Amadis, i'en suis trefaïse, & si vous Gandalin me voulés croire vous en ferés l'apointemēt enuers la mere, si vous poués. Il ne tiendra pas à moy répōdit Gandalin. Et à cete cause tous se mirent en chemin pour retourner au riuage de la mer: mais la nuit les surprint & coucherēt en l'hermitage: puis le lendemain arriuerent ou leurs gens les atendoient, & là s'embarquerent. Et ainsi que Gādalin prenoit congé, Amadis, & Grasandor le prirent faire leurs recōmadations à Agraies, & à leurs amys, étans par delà, les auisāns qu'ils s'en retournoient en l'Isle Ferme, atendants de leurs nouuelles. Ainsi suyuit Gandalin la route ou la Damoiselle l'atendoit, & lui ayāt livré sa fille, & le Cheualier, trouua façon de les apointer, quelque inimytié qu'ils eussent au parauant, mêmes la mere, laquelle fut si tôt conuertie au vouloir de sa fille, q̄ Gandalin s'en ébaïssoit: mais estimat la cōstance des femmes quasi aussi arrêtee, que la grand' mer de l'Océan, ne s'en fit que rire, & les laissa sans paracheuer leurs bonnes cheres, r'entra en sa barq̄, pour aller trouver Agraies,

lequel fut grandement ayse des bonnes nouuelles que lui aporta Gandalin, tant de sa fortune, q̄ de la hōne santé d'Amadis & Grasandor. route fois à present nous changerōs propos, pour vous faire entendre ce qui auint à ceus qui nauiguerent en l'Isle Ferme en grande volonté de voir leurs femmes, qu'ils auoyent laissées en étrange melancolie, pour leur absence.

Amadis & Grasandor sortis de l'Isle de la Damoiselle Enchanteresse, eurent la mer si bonasse, que sans empêchement quelconque entrerent au port de l'Isle Ferme: & comme ils montoyent à mont la roche (arriuant pres le monastere qu'Amadis auoit fait cōstruire) trouuerēt ioignant la porte vne Damoiselle vêtue en dueil, & deus Ecuiers avec elle tenās leurs pallefrois par les rênes. Lors ils la saluerent courtoisement & elle au semblable, puis entrerent en l'Eglise faire leurs oraisons: ce pendant la Damoiselle s'enquît à l'un des Moines de leans qu'ils étoient. Le Religieus luy répondit, que c'étoit le Seigneur de l'Isle & un autre son compagnō. Quād la Damoiselle sceut qu'Amadis étoit là, elle l'atendit à l'entree de la porte, & le voyant venir vers elle s'auāça: & en se ietant à ses piés pleuroit tendrement, & disoit: Helàs, Seigneur Amadis, n'êtes vous pas celuy, qui sçaués donner remede aus affligées comme ie suis? certainement si ainsi n'étoit, vōtre renommee n'auroit tant de fois circuy la terre qu'elle a fait, & a cete ocaſion, moi qui ay plus d'infortune que nulle aurre, viens vers vous chercher misericorde & pitié. Ce disant lui print les iambes en l'acolant de telle sorte, qu'Amadis ne s'en pouoit defaire: car tant plus il tâchoit à la releuer & plus elle le pressoit de prés, parquoy il luy dît: Je vous prie, Damoiselle, me dire la cause de vōtre ennuy, & qui vous êtes, & encores que ie refusasse toutes les autres Dames, si feray ie pour vous tout ce que ie pourray, à fin de vous ôter la tribulation ou ie vous voi. Mon nō ne sçaurés vous

vous, répondit elle, premier que ne soys certaine que me tiendrés ce que me promettés: mais l'ocasion de ma tristesse procede, qu'étant mariee avec vn Cheualier que j'ayme de tout mon cœur, mon malheur & le sien ont permis, qu'il soit tombé es prisons du plus grand ennemy qu'il eût en ce monde, dont il est impossible qu'il sorte, sans l'ayde que j'espère en votre bonté, & non d'autre: & croyés (disoyt elle) que mes genous ne partiront iamais de terre, ni ces bras miens d'al'entour de vos deus jambes (si par force ne me contraignés) premier que ne m'ayés ottroyé ce que ie vous demande. Amadis cōnoissant l'obstination & l'importunité d'elle, fut merueilleusement fâché craignant obliger sa promesse, & d'entreprendre chose dont puis après il se repentiroit tout à loisir, comme il fit, ce non obstant, il fut si ému de compassion, que la voyant fonder en larmes, lui acorda ce qu'elle demandoit, la priant lui declarer son nom. Lors elle lui print les mains, & malgré lui les baïsa, puis adressât sa parolle à Grafandor, lui dît: Sire Cheualier, souviens vous que mon Seigneur Amadis a fait cete promesse à la femme d'Arcalaus l'Enchanteur, lequel il tient prisonnier cōme le plus grand ennemy qu'il ait en ce monde: Mais si Dieu plaît, cete inimitié se cōuertira en plus grande amitié, par l'ayde de nôtre Seigneur, qui lui fera cete grace. Bien fâché fut Amadis se trouvant ainsi deceu par la trōperie de cete femme, & volontiers eut reuoué la promesse qu'il auoit iuree: mais il n'y auoit pl⁹ d'ordre, encores qu'il sceut qu'il en auiedroit mille maus, cōnoissant le naturel d'Arcalaus: toute-fois il n'en sçauoit mal gré à sa femme qui auoit iuste raisō d'employer tout son moyen pour la saluation de son mary, ainsi que deuroit faire toute autre. Neantmoins il lui dît: Foy que ie doy à Dieu, Dame, vous m'aués trop demandé: car pour peril qui m'eût sceu auenir, ie n'eusse cosenty à telle chose, sans la pro-

messe que ie vous ay faite, qui est la premiere qu'onques j'aye octroyee à Dame ou Damoiselle, ou j'aye eu regret. Ce disant, monterent lui & Grafandor à cheual commandant à la femme d'Arcalaus de les suiure au palays d'Apolidon. Mais premier qu'ils y entraissent, Oriane & Mabile sceurent leur venuë. Le plaisir qu'ils en eurent, croyés qu'il est impossible le vous décrire: tant y a quelles & toutes les autres Dames & Damoiselles les allerent attendre à l'entree du parc, & à leur arriuee ne faut douter qu'il y eut tant de baisers & embrassemens, qu'à voir telles caresses de ces nouvelles mariees, on eut iugé que c'étoit le premier jour que leur amitié auoit prins certitude de leur fermeté, & avec tels embrassemens vindrent en leurs chambres, ou ils acheuerent de passer la journee en jeux & ébatemens qu'ils eurent plus agreables. Et quād la nuit fut venuë, étant chacun retiré pour aller dormir, Amadis & Grafandor couchés entre les bras de leur amyes, se mirēt à payer partie des arrierages du tems perdu. pour leur absence: puis le lendemain matin étās à la messe, la femme d'Arcalaus vint de rechef se ieter aus piés d'Amadis, lui priant s'aquiter de la promesse qu'il lui auoit faite pour son mary, ce qu'il acorda: & auant se mettre à table, acompagné de toutes ses Dames, vindrent le trouver en sa cage, & auoit la barbe & les cheueus blancs, cōme neige, & longs iusques sus la ceinture. Or étoit il laid outre mesure, grand, & mal bâty, & de regard fier & peu assuré: parquoy aussi tôt que les Dames le virēt, elles eurent toutes peur de lui, principalement Oriane, qui autre-fois auoit éprouvé sa malice, lors qu'il l'enleua, & qu'Amadis la secourut, ainsi que le premier liure vous a recité: & combien qu'il aperceut sa femme entre les autres, si n'en fit il cas, & à cete cause Amadis lui demāda s'il la connoissoit. Ouy bien, répondit il. Prends tu plaisir à sa venuë? dît Amadis. Assés, répondit il, si c'est pour mon affaire,

LE QVATRIEME LIVRE

autrement ie ne m'en soucie: car veu l'état ou tu m'as tenu depuis que ie suis en tes mains (ayant déterminé de souffrir patiemment tout le mal qui me peut succeder) mon cœur ja acoutumé & resolu en celà fait état de viure, malgré toy, iusques à la mort. Et si pour l'amour d'elle, dit Amadis, ie te donoie liberté, m'en scaurois tu tant de gré, qu'à l'auenir tu le reconneusses enuers moy, ou le cas s'y offrirait? Ouy, répondit il, si tu l'as enuoyee querir de ton propre mouvement: mais si d'elle mêmes elle a fait cete entreprinse, par le moyen de laquelle tu lui ayes promis quelque chose, ie ne t'en puis, ne doy rendre aucune grace, d'autât q̃ les bonnes œuvres faites par force perdent le merite d'elles mêmes: & pourtant ie te prie me faire entendre ce qu'il en ét. Lors Amadis luy declara comme il l'auoit trouuee au monastere, & la sorte qu'elle l'auoit deceu, & pourchassé sa deliurance. Quoy qu'il en soit, dit Arcalaus, ie te diray ce q̃ ie pense: Si tu eusses eu pitié de moy à Lubanie, lors que ie te demanday misericorde, assure toy que tout le reste de ma vie i'en fusse demouré ton obligé & parfait amy: mais à present que tu es contrainct me relâcher, sans que i'en aye enuie, & moins pour priere que ie t'en aye faite, tout ainsi que tu ne te peux excuser de promesse, ainsi receuray-ie cete liberté (si tu me la donnes) avec autant de gré que tu merites: autrement tu me reputerois bien lâche, & de peu de courage, si au lieu de tant d'occasion q̃ i'ay pour te haïr, ie te disois grans mercis du mal q̃ tu m'as pourchassé. Tu m'as fait plaisir, dit Amadis, de ne me deguïser ton venin, aussi ne doy être blâmé de ta deliurâce: car i'auois resolu te tenir lōguemēt en cete muē, estimant qu'il étoit plus raisonnable te faire souffrir la peine que iustement t'ēt deuē, que de te relâcher pour tormenter d'oresenauant tant de gents de bien, comme tu as fait par le passé: Et non obstant, puis q̃ l'ay promis à ta femme, ie te renuoyray,

& feray mettre en lieu de sauueté, te priāt tant qu'il m'ēt possible, combien que de fait & de volonté tu ne me perdonneras de ta vie, si tu ne me trompes, qu'aumoins tu n'exerces ta cruauté d'oresenauant enuers ceus qui ne te pourchassèrent oncques de plaisir: ce à quoi tu dois mettre peine, pour l'hōneur du Seigneur qui t'enuoye le bien que tu reçois à present, & au tems que moins tu y esperoies. Je scay biē, répondit Arcalaus, qu'en ce qui te touche ie prendray toute la peine & plaisir dōt ie me pourray auiser, pour t'endōmager: Quant aus autres, peut être, suiuray ie ton conseil. Emerueillees furent les Dames, d'ouyr ce paillard parler à Amadis tant temerairement, & ne tint à elles qu'il ne fût arrêté: Mais il leur répondit, que le connoissant obstiné, le remettoit sous la misericorde de nôtre Seigneur, & qu'au demeurant il tiendrait ce qu'il auoit promis. Lors sortirēt de la chambre, & pria la femme d'Arcalaus tenir compagnie à son mary iusques au lendemain, qu'il enuoyā querir Ysanie, auquel il commanda luy donner cheual & armes, & que le mettant hors de prison, luy & ses enfans le guidassent hors les limites de l'Ile Ferme, & en telle sauueté que sa femme s'en contentāt. Et ainsi le fit Ysanie tant que luy & sa cōpagnie le menerēt iusques en son château de Valderin: Puis prenant congé de luy, Arcalaus pour tous grans mercis, leur dit: Signeurs, auertissés Amadis, qu'il apertient seulement aus bêtes cruelles d'être mises en cage ferree comme i'ay été, & non aus Cheualiers tels que ie suis, & qu'il se donne garde de moy, s'il peut, pour l'esperance que i'ay de me venger promptement de luy, ce que ie feray malgré cete vieille paillarde Vrgande la Déconuē, à laquelle il se fie par trop. Je croyray plutôt, répondit Ysanie, que ie feray en semblable peine que i'ay été pour te garder: Ce disant, le laisserent là, & reprindrent le chemin qu'ils étoient venus, tant qu'ils arriuerent en l'Ile Ferme, ou peu après

près suruint Dariolette, & ceus de sa compagnie, lesquels furent les trébiens venus. Mais à présent nous changerons propos, pour vous conter ce que fit Balan, depuis qu'Amadis & Grasandor l'eurent laissé en l'île de la tour Vermeille.

Quinze jours ou trois semaines après que les deux Cheualiers de l'île Ferme furent délogés de la tour Vermeille, le Geant Balan se trouva quasi guery de ses playes, & fort pour se leuer: Parquoi commanda incontinent equiper de nouveau le nauire de Dariolette, à fin qu'elle & ceus de sa compagnie peussent plus seurement faire le voyage de l'île Ferme, avecques Brador son fils: puis leur donna à tous maints beaus presens, & étans embarqués vn lundy, comme le jour poignoit, singlerent en haute mer: & retourna le Geant en son château donner ordre à faire leuer gens de toutes parts, pour aller secourir Agraies, qui tenoit la cité d'Araugne assiegee, & ne tarda gueres que tout son equipage fut prêt, ses vaisseaux armés, & eus tous embarqués. Or eurent ils vent en poupe, & si bien, que le dixième jour d'après vindrent surgir ou étoit l'armée des Cheualiers de l'île Ferme campee. Dequoy Galaor, Galuanes, Agraies & les autres auertis, mêmes que déjà Balan auoit prins terre, monterent à cheual, pour aller au deuant le receuoir, avecques belle troupe de leurs gens: car ils sçauoyent déjà ce qui étoit passé entre Amadis & luy: & comme ils s'aprochoient, s'embracerent l'un l'autre: & le premier qui s'adressa à lui, fut Galuanes, auquel le Geant (ne le connoissant) demanda, s'il étoit Galaor, frere d'Amadis qu'il auoit bonne enuie de voir. Non, répondit il, ie suis Galuanes votre amy & allié, s'il vous plait. Ha a, monsieur mon cousin, dit Balan, ie n'eusse tant tardé à vous aller trouver, & Madasime ma cousine aussi, n'eût été l'amitié que vous auiez à celui qui pour lors m'étoit trop grand ennemy: mais maintenant nous sommes

tant amys, que ie vous aime d'auantage, pour l'amour de lui. Tout au plus près étoit Galaor, lequel se presenta, disant, à Balan, qu'il fût le trébiens venu. Le Geant sachant qu'il étoit, lui fit vne bien grande reuerence, & luy dit: Monsieur, ie suis tant à monsieur votre frere, que ie ne sçache Gentil-homme au monde plus sien que moy, & votre semblablement: & certes ie ne m'ébaï plus si vous êtes tel que la renommee publie: car ie ne vy oncques personnage mieus ressembler à autre, que vous faites à luy. Et à dire vray, il n'y auoit autre difference, fors qu'il étoit quelque peu plus grand, & Amadis plus gros. Ce fait, le conduirent au camp, & fut logé en la tente de Galuanes, qui étoit singulieremēt belle, & plus riche que nulle des autres.

Comme étant Balan en la tente de Galuanes, les principaus de l'armée le vindrent voir, & des propos qu'ils eurent ensemble.

CHAP. XXXVII.

Vous aués entendu, comme le Geant Balan arriua au siege deuant la ville d'Araugne, ou le vinrent visiter Agraies, Quadragant, Bruneo de bonne Mer, Angriote d'Etrauans, Garuate du Val Craintif, Palomir, Brian de Moniafte, & tous les autres principaus de l'armée, lesquels après maints propos qu'ils eurent ensemble, Balan commença à leur dire: Messieurs, si vous ébaïssés de mon arriuee vers vous tant à l'impourueu, moy-mêmes suis-je émerueillé de ce que j'ay conneu être aduenü à moy, ayant été depuis l'age de ma connoissance en continuelle deliberation de mettre à mort celui, que j'ayme & estime au jourdhuy comme moy-mêmes: & par ainsi il est indubitable, que les executions des volontés sont plus en la main de dieu, qu'au pouoir de ceus qui les pensent executer, ainsi que j'ay expérimenté par moy-mêmes: car il n'y a celui de vous (cōme ie croi) qui ne me conhoisse pour
fis

LE QVATRIEME LIVRE

fils du vaillant & tréredouté Geant Mandafabul, Seigneur de l'Ile de la tour Vermeille, qu'Amadis mît à mort en la bataille du Roy Cildadan, lors qu'il se faisoit nommer le beau Tenebreus. Et d'autant que raison naturelle m'incitoit à en prendre vengeance, le contraire m'êt aue-
 nu, ayant été moy-mêmes vaincu & def-
 fait par ses mains. Lors commença à dis-
 courir, comme son combat étoit passé, &
 l'occasion pour laquelle Amadis l'étoit ve-
 nu chercher jusques en ses limites, & fi-
 nablement la pais & amitié qu'ils auoyent
 ensemble, aussi la promesse qu'il lui auoit
 faite de l'aller voir en l'Ile Ferme: Mais
 premier, dit il, ayant eu auertissement des
 gens que vous aués perdus, tant du com-
 mencement de ce siege, que depuis, j'ay
 pensé vous amener tel secours que vous
 aués peu voir, étant deliberé ne vous aban-
 donner que ce pais ne soit réduit en vô-
 tre obeïssance, ainsi que vous l'aués entre-
 prins. Seigneur Balan, répondit Agraies, la
 mort de vôtre pere êt grandement excu-
 sable enuers mon cousin Amadis, ayant
 fait en cela ainsi qu'ennemy fait à autre
 qu'il rencontre en combatant: parquoy ce
 n'êt de merueilles, si nôtre Seigneur luy a
 aidé à maintenir son droit. Et au regard
 de l'aliance que vous aués ensemble, la-
 quelle êt procedée par la victoire qu'il a
 eue sus vous, ie vous assure qu'en cete
 partie vous aués tant gagné, qu'il n'y a
 Cheualier en ce camp, qui ne soit vôtre en
 toutes les sortes que le voudrés employer,
 ce que les autres presens aprouverôt: dont
 Balan les remercia humblement. Et pour
 ce qu'il étoit tard, & heure de souper, luy
 donnerent tous le bon soir, fors Galua-
 nes & Galaor qui lui tindrent compa-
 gnie. Puis venu le lendemain matin Ba-
 lan ayât desir de circuyr la ville, pour voir
 de quelle force elle étoit, & le lieu mieus
 batable à son auis, luy & Galaor s'y en al-
 lerent le plus couuertement qu'ils peurēt.
 Mais quand Balan eut bien consideré les
 boulleuers d'alentour, les plates formes,

& rempars de dedans, la parfondeur des
 fossés, & sus lout le nombre de gens qui y
 étoit pour la deffendre, avec abondance de
 viures & munitions necessaires, il lui sem-
 bla malaysé de la pouoir forcer: quād Ga-
 laor lui racōta que la pluspart des soldats
 s'étoient bandés contre les habitans, & les
 habitans contre eus, tellement, dit il, que
 cete discorde êt suffisante pour causet leur
 entiere ruine: joint qu'ils ont (cōme nous
 auons eu auertissement) déjà le cœur tant
 abaissé, qu'ils n'osent plus faire de saillies
 pour les grandes pertes qu'ils ont receuës
 par cy deuant. Et d'auantage, tous nos
 gens sont deliberés de mourir à l'assaut,
 ou entrer dedans: toute-fois nous ne leur
 auons voulu lacher la bride, craignans les
 perdre, & aussi pour l'esperance que nous
 auons de jour en jour, qu'ils se rendront,
 atendu les raisons que ie vous ay dites,
 mêmes que nous auons icy leur Roi pri-
 sonnier. Vrayement, répondit Balan, il y a
 bien grande apparence, neant-moins, si
 vous me voulés croire, nous ne les laisse-
 rons plus longuement en repos: mais des
 demain tenterons la fortune, pour voir
 quel visage elle nous montrera en les as-
 saillant viuement. Et ainsi deuisans vin-
 drent au camp d'Agraies, & rencontre-
 rent Enil, lequel saluant Balan, luy dit:
 Monsieur, le Prince Agraies vous supplie
 (puis que vous êtes si auant) que vous
 voyés le Roy Arauigne prisonnier en ma
 rente, qui a desir de parler à vous, ainsi qu'
 il lui a fait scauoir. I'en suis bien content
 (répondit Balan) car parauanture cete veuē
 sera cause de quelque bon accord avecq'
 lui. Ainsi s'en allerent eus trois vers le Roi
 Arauigne, lequel ils trouverent avecques
 sa garde: Mais aussi tôt que Balan l'auisa,
 mit le genoil en terre, pour lui baiser les
 mains. Le Roy le releua, luy disant, qu'il
 fût le trébien venu. Et pource qu'ils vou-
 loient parler priuement de leurs affaires,
 les autres les laisserent seuls, & sortirent.
 Adonc Arauigne lui demanda qu'il luy
 sembloit de sa fortune, & iettant yn haut
 souf-

souffrir le cœur lui enfla, de sorte qu'il demeura bien lōg tems sans pouvoir proferer vn seul mot, puis luy dit: Helàs, mon grand amy Balan, si mandafabul vōtre pere viuoit maintenant, quel déplaisir il auroit de mon mal-heur! & à dire vray, les choses se sont bien changees depuis sa mort: car n'a pas encores vn an que i'étois aus termes de me voir le plus grand Roy de l'Occident, & maintenant ie suis le plus pauvre & miserable du monde. Comment? Sire, répondit Balan, il semble que vous vous deffiez de la misericorde de Dieu, n'êt il pas en sa puissance de vous faire tout tel que vous fûtes oncques? & si fortune vous a defauorisé pour vn coup, sa rouë êt elle clouee ou liee si fort, qu'elle ne puisse retourner au lieu ou elle vous auoit mis? Ie vous supplie, Sire, ne vous déconfortés ainsi, & prenés patience, louant Dieu de tout, & il ne vous oubliera point. Ie sçay trébien, qu'il êt mal aisé d'auoir telle constance en choses si aspres & difficiles à supporter cōme êt vōtre prison: & de ce n'en veus ie auoir expérience, que celle propre qui me rend le malheur qui m'êt auenu d'auoir été vaincu de celui mêmes qui vous a deffait: Toutefois considerant que pour ennuy, ou déplaisir que i'en prenne, il n'en sera autre chose, ie me suis resolu de m'armer de patience, & oublier plutôt l'iniure que i'ay receuë, q̄ moy mêmes. Et au reste ie serois bien d'auis, s'il étoit possible, qu'il se traitât quel que bon accord avecques vous & ces Princes, lesquels à mon auis y pouroyent entendre, si vous leur en faites porter parole. Comment le pourrois ie faire, dit le Roy, sinon en leur quitant tout ce qu'ils esperent conquerir sus moy? & i'ayme trop mieus mourir, portant nom de Roi prisonnier, que de coquin en liberté. Si après être mort, répondit Balan, on pouvoit vne autre fois reuoyer la vie, ie serois bien de cete opinion: mais n'ayant chose plus chere en ce monde, nous la deuons conseruer le plus longuement

qu'il nous êt possible. Mon grand amy Balan, dit le Roy, faites de moy tout ainsi qu'il vous plaira. Ie vous remets entre les mains moy, ma vie, mes biens, & mon honneur, vous priant tant qu'il m'êt possible, auoir mon affaire en telle recommandation, que i'espere de vous. Et pour ce qu'ils virent entrer Enil, changerent propos, & peu après Balan print congé de luy, & s'en alla trouver Galuanes & Galaor, qui l'attendoient en la tente d'Agrais, ausquels il recita tous les propos que lui auoit tenus le Roy Arauigne, tellement (dît il) veu la fantasie ou ie l'ay laissé, il me semble qui lui feroit quelq̄ offre (luy remettât aucune cōtree des siēnes, pour se retirer, & viure en liberté le surplus de sa vie) qu'il seroit content de quitter le demourant. Ce qui fut trouvé bon par la compagnie, estimans beaucoup l'auis de Balan: & à dire vray c'étoit l'vn des preuoyans & prudens hommes que lon eût sceu trouver. Et partant luy suplierent de moyenner cēt apointement avecques Arauigne, remettant le tout en sa discretion: car ils se commençoient à eus ennuyer de la guerre. Au moyen dequoy le jour ensuiuant, il retourna vers le Roy Arauigne, auquel (après plusieurs remontrances qu'il lui fit) luy declara, comme à sa requête, & par son moyen il auoit tant fait enuers les Princes de l'armee, qu'ils étoient contens lui laisser partie des Iles des Landes en toute souveraineté, ce qu'il eut agreable, considerant que le meilleur seroit pour luy, demourer Roy de peu, que Seigneur de rien. Et à cete cause la ville fut réduite, & luy bailla on quelques vaisseaus & viures, pour se retirer en l'Ile de Liconie, & le jour mêmes Bruneo fut couronné Roy avecques grande magnificence: puis ayāt receu les hommages, & fidelités de tous ceus du païs, étās leurs armées refraichies prindrent le chemin de la ville de Calafan au païs de Sanfuegue: dequoy auerty le peuple de la contree s'assemblerent en

trégrand nombre, & après auoir élu aucuns des Principaus d'entr'eus pour leurs capitaines & conducteurs, delibererent de les attendre, & leur donner bataille premier que d'endurer le siege, & ainsi le firent. Mais il y demoura tant de leurs gés que ce seroit chose trop prolixie à le vous nombrer par le menu, lussie vous que le pais de Sansuegue fut conquis. Et pour ce qu'il n'est necessaire (suiuant nôtre histoire) vous declarer par le menu la maniere & comment le tout auint, nous nous en tairons pour cete heure, laissans là victorieus ceus de l'Ile Ferme, pour vous dire ce qui auint au Roy Lisuart, depuis son retour en la grand Bretagne.

Comme le Roy Lisuart étant à la chasse fut prins prisonnier par enchantement.

CHAP. XXXVIIII.

ENcores que nôtre histoire ait longuement discontinué à vous parler du Roy Lisuart, & de ce qu'il lui auint depuis qu'il se fut embarqué en l'Ile Ferme, pour retourner en ses pais de la grand Bretagne, si m'a il semblé bon de n'oublier à vous declarer comme depuis il s'y gouverna, étant chose propre à nôtre propos. Or écoutez doncques, Signeurs & Dames, & vous entendrés vne nouvelle subtilité, que fortune luy apporta pour lui faire connoître le peu d'assurance qu'il y a en ses faueurs: car à l'heure qu'il pensoit être plus à repos, après tant de guerres & discords passés, que vous aués bien entendus, se delibera de faire vn bien long séjour en la ville de Fenuse, pour être le lieu situé en bel air, & bien commode de plusieurs ruisseaus & forêts, bien fort peuplées de routes sortes de bêtes rousses & noires, esquelles il se delectoit, & prenoit vn singulier plaisir: & combien qu'en son vieil aage ne requît plus que le repos, la volonté (pourtant) & magnanimité de son noble cœur, ne luy vouloit point permettre vn tel bié, regret-

tant d'heure à autre la grande court qu'il souloit au parauant auoir, & les auantures & combats, qui de jour en jour y auenoient au commencement de son règne: au moyen dequoy il portoit en son esprit vne tristesse non acoutumee, qui le rendit tant melancolicque & ennuyeus, qu'il se tenoit communément separé de toute compagnie, sans prendre autre passetems, que avec vne arbalestre aller quelquefois tuer le Cerf ou Cheureul en la forêt. Dont il auint qu'un jour: ainsi qu'il y étoit sans armes quelconques, fors son epee, acompagné de son arbalétrier à pied, entra au plus épais du bois, & d'assés loing vid venir vers lui vne Damoiselle. montée sus son pallefroy, courant à bride abatuë, comme si elle eût été pressée, laquelle s'aprouchant lui demanda ou elle fuyoit. Signeur, répondit elle, ie cherche quelqu'un qui vueille secourir vne miënnne sœur, qu'un traittre mechant a arrêtee icy près, & la veut forcer. Le Roy, qui en eut pitié, luy dit, qu'elle le lui montrât. Lors prindrent le chemin qu'elle étoit venue, & allerent tant ensemble, que le roi auisa au trauers d'un taillis vn homme defarmé, qui tenoit vne Damoiselle par les cheueus, & à force la tiroit pour la ietter par terre: mais elle lui resistoit au mieus qu'elle pouoit, criant & pleurant tendrement, qui augmenta la colere au Roy, de sorte que trauerfant hayes & buyssons s'aprocha d'eus, & tenant son epee nuë au poing, dit au paillard: Laisse la damoiselle, ou tu mourras. Cét homme faignant auoir peur, gagna pais au trauers des halliers, de si grand vitesse, que pour effort que fit le Roy, il ne le peut ataindre: car l'autre fuyoit au pied, & le Roy à cheual, par le moyen de quoy étant fort empêché de l'épessueur du bois, il ne se pouoit diligenter. Et à cete cause mît pied à terre, & courut après, tât qu'il trouua vne grande prairie, au milieu de laquelle étoit vn pavillon dressé, ou il vid entrer le fuyard. Parquoy alla cete part, & aprochant vid vne Damoiselle se

pre-

présenter à luy, sçauoir qu'il pourchassoyt si virement. Damoiselle, répondit le Roy, ceans ét entré vn paillard, qui vouloit n'aguères forcer vne Damoiselle en ce bois, dont ie le veus châtier. Entrés, répondit elle, & s'il ét tel que vous l'estimés, ie le vous liureray: car bien enuis souffrirois- ie que lon fit tort ou iniure à quelque femme que ce fût, ayant toute ma vie aymé honneur & courtoisie. A cete parolle s'auança le Roy: mais au premier pas qu'il fit dedans la tente, tomba de son haut si hors de soi, qu'il perdit toute connoissance: & peu après suruindrent les deus Damoiselles qu'ils auoyent laissées derriere, lesquelles firent incontinent leuer leur paillon, & emporter le Roy en vn navire, qui les atendoit le long du riuage de la mer, & aussi tôt firent voile, sans que nul s'aperceût de leur menée. Or n'auoit peu l'arbalétrier suiure le Roy, ains étoit demouré derriere, allant après au mieus qu'il pouoit, & quand il trouua son cheual sans lui, oncques homme ne fut plus éperdu, doutant de ce qui étoit auenu: par quoy se mît à le chercher de toutes parts: mais il n'en peut ouyr vent, ne voye: & à cete cause tout déconforté qu'il étoit, voyât la nuit aprocher, reprist le chemin de la ville, & sans parler à personne entra en la chambre de la Roïne, à laquelle il fit entendre comme le Roi Lisuart l'auoit laissé, & que depuis ne scauoit qu'il étoit deuenu. La roïne bien ébaïe ne sceut qu'elle deuint, & tomba du haut de soy éuanouye. Adonc ses femmes bien empêchées, la délacèrent, & firent en sorte que elle reuint peu après à soy. Lors envoya querir le Roy Arban & Cendil de Ganote, ausquels elle recita tout ce que le Veneur lui auoit cōté: mais de paour de l'é-mouvoir d'auantage, n'en firent cas, lui remontrant, que, peut être, il s'étoit perdu dedans la forêt, qui étoit longue & épesse, & qu'en brief elle en pourroit auoir nouvelles. Oy, mais, dit la Roïne que me répondés vous que son cheual a été trouvé

abandonné? Ma Dame, dit le Roy Arban, il ét vray semblable, qu'il s'ét mis à pied, ne pouant trauerser les haliens ou il s'étoit mis. Cete parolle reconforta quelque peu la Roïne: toute-fois eus pensoyent bien le contraire de ce qu'ils luy disoyent: & à cete cause faisans semblant d'aller à quelques affaires: retournerēt au logis prendre leurs armes, & auertirēt aucuns des Cheualiers qui étoyēt là, pour les suiure, & entrer en la quête du Roy. Ce qu'ils firent: mais ce fut en vain: car ils n'en peurent auoir nouvelles: & ainsi demeura la Roïne jusques au lendemain matin que Grumedan & Giontes retournans de quelque voyage, la vindrēt voir. Adonc leur demanda, s'ils n'auoyēt point rencontré le Roy. Non, ma Dame, répondirent ils, & si ne sçauions pas qu'il fût perdu, quand aucuns de cete ville nous l'ont conté, & sommes deüibérés aller après. Sus mon Dieu, dit elle, ie me sens si éperdué, que force m'êt de vous suiure: car de demourer ainsi seule, ie mourroys de trop grande tristesse, au moins si nous le trouvons, mō ennuy en sera plus brief, autrement j'auray plaisir d'endurer le mal & le traual qui m'en auendra, plus tôt q me tenir icy. Adonc enuoya querir deus pallefrois, sus l'un desquels elle monta, & la femme de Bradoyuas sus l'autre, & entrèrent en la quête du Roy avec les deus Cheualiers, allans de village en village: mais ils n'en pouoyēt auoir nouvelles: & le troisième jour ensuiuant rencōtrērēt le Roy Arbā tāt triste, & son cheual si las, qu'il ne se pouoit soutenir. Lors la Roïne lui demanda, s'il auoit rien aprins du Roi: Ma Dame, répondit il, i'en sçay tout aurāt q quād ie vous laissai: fors que ie me douté qu'il a été prins & emmené hors de ce pais par quelq traïson: & sus mō Dieu, long tems a q i'ay preueu cēt accident, & q s'il m'eût voulu croire, il n'en fût ainsi auenu: mais quelque chose que i'amaïs ie luy ay sceu dire, & supplier de n'aller ainsi seul par ces forets égarees & facheuses,

il

il n'en a voulu rien faire. Et comme il vouloit dire plus outre, la Roïne tomba évanouye de dessus son cheual: Parquoy Grumedan mettánt promptement pied à terre la releua, & tint entre ses bras, tant que la parolle lui fût reuenue, & qu'elle commença à ieter vn haut soupir, disant: Trompeuse & épouventable fortune, esperance des miserables, cruelle ennemye des prosperans: ay-ie maintenánt occasion de me louer de toy? car si au temps passé tu m'as fait Dame de beaucoup de Royaumes, obeïe & honoree de tant de peuple, & sus tout mariee à vn puissant & vertueux Roy, en vn seul moment me le faisant perdre, tu m'as ôté tout le surplus de mon bien, veu que de lui seul depend ma joye, mon honneur & ma vie: & partant ie connois bien que tu t'ébats à me faire payer l'interest de mes plaisirs que tu m'as autrefois prêtés. Mais pourquoy me plains-ie de toy, ayant de si long temps aperceu & conneu, que c'est ta façon de faire? au fort la mort mettra fin à tout ce que tu scaurois inuéter pour me nuire, & ayans cete esperance, ie me conforteray, & auray la victoire de toy-mêmes. Ainsi étoit la triste Roïne plorant & lamentant, avec telle angosse, que ceus qui étoient à l'entour d'elle, ne pouvoyét ouvrir la bouche pour la reconforter, tant leur faisoit de pitié, mêmes quelque-fois regardant Grumedan d'un œil piteus, luy disoit: Helàs Grumedan, si oncques vous me fites seruice, à present que ie me treuve abandonnee de toute esperance, pour iamais recouurer plaisir, ie vous prie auancer la fin de mon ennuy, par quelque prompt mort, que i'auray trop plus agreable recevoir de vos mains, que viure d'auantage en langueur, comme ie fais. Mais Grumedan, pour lui détourner cete fantasie, la reconfortoit au mieus qu'il pouvoit. Toutefois elle ne prenoyt rien en payement, ains renforçoit son dueil de plus en plus. Au moyen d' quoy lui & ceus de sa cōpagnie, trouverent façon de l'emporter

au prochain village, & maderēt incōtinēt en la ville querir les Medecins, qui la trouuerent tant foible, & son entēdemēt si debilité qu'ils douterēt grādement de sa guérison. Neātmoins ils y pourueurent de si grande diligence, q̄ dedās deus jours elle cōmença à se connoitre, & demāda Grumedan, lequel après plusieurs propos, qu'ils eurent ensemble, il lui dit: Sus ma foy, ma Dame, vous aurés tort de prēdre ainsi les choses au pis, veu q̄ ie vous ay ouy cēt fois reciter, q̄ la vertu de prudēce ne peut être conueē en la personne, sinō d'autāt qu'elle ēt sollicitēe d'ennuy & d'afflictio: ainsi doncq̄ le conseil que vous souliés donner aus autres, vous ēt maintenánt plus que necessaire. Est ce du jourd'hui q̄ vous scaués Fortune auoir deus filles, l'une appelée par plusieurs Bōne, & l'autre Mauuaise? Si la bōne vous a acōpagnēe iusques à l'heure presente, & q̄ la Mauuaise vous visite en son lieu, armés vous (comme Princesse vertueuse) des armes de constance & prudēce, pour vous defendre contre elle, & vous verrés qu'à la fin elle s'ennuiera de vous suiure, & vous abādōnera: autrement ie preuoy deus accidēs prochains & irrepārables en vōtre endroit: l'un de la perdition de vous mêmes, & l'autre celle du Roi, si à son retour il vo^{us} trouuoit morté. De dire qu'il soit perdu ce sōt paroles, car il ne peut être si bien caché, qu'il ne soit veu, & q̄ lon n'en ayt bien tōt nouvelles, soit en ce pais, ou ailleurs: ou sa prison & captiuité ne pourra être si forte, q̄ par l'aide de vos sujets, & la faueur de vos amys & aliés il ne soit deliuré, & bien tōt, si dieu plait. Et parainfi ie vo^{us} supplie, ma Dame, q̄ laisāt à pais les choses qui vous sont plus dōmageables, vous vous réparés de nouveau cōseil & confort, pour paruenir à ce qui sera necessaire en ce regard. La Roïne prenāt biē ces remōrrāces, creut Grumedā Et à cete cause delibera d'enuoyer vers Amadis Bradoynas, pour lui faire entēdre la perte du Roi, & les affaires ou elle se trouuoit, & par lui, lui escriuit la lettre q̄ s'ensuit

*Lettre de la Royne Brisenne
à Amadis.*

M O N S I E U R mon fis , si par le passé l'état du Roi Lisuart vôtres pere a été défendu & augmenté par vôtres moyen, il est mieux saisi que jamais de vous employer (voyant la ruine qui lui est apparue) pour le garder & conserver en son entier, car puis quelque temps aucuns de ses ennemis (comme il est très semblable) l'ont emmené & emprisonné, sans que nul de nous puisse savoir où, ny pour qui: qui me fait estimer, que sans occasion de plus grande entreprise ils n'ont prémédité cette trahison. Et pour autant que la chose vous touche (après moy) plus qu'à autre, ie vous en ay bien voulu avertir par Brandoyuas present porteur, qui a le tout veu & entendu: & lequel vous dira l'ennuy & fâcherie où ie suis, mieux que ie ne le vous saurois écrire: parquoy ie vous prie le croire comme moy-mêmes, & auiser au surplus.

Cette lettre écrite & baillée à Brandoyuas, print le chemin vers Amadis & la Royne & ceus de sa compagnie droit à Londres: à fin de mettre ordre à ses affaires, & assembler son conseil. Or entendés que peu après les nouvelles de la perte du Roy coururent tant ça & la, que Que-dragant, Bruneo, & les autres étans en Sanfuegue, en furent avertis. Lequels considerans le dommage qui pourroit auenir à Amadis, si quelque reuolte se faisoit en la grande Bretagne, delibererent de l'aller trouver en l'île Ferme, & faire ce qu'il leur commanderait. Et à cette cause ayant assis garnisons de toutes parts, s'embarquerent par si bon vent, qu'ils prindrent port au château d'Apolidon, le iour mêmes que Brandoyuas y arriva. Et comme Amadis reconfortoit Oriane, pour les nouvelles qu'elle auoit reçues, on le vint avertir de la descête des Cheualiers: mais ne voulant laisser la Princesse seule, pria Grafandor aller au deuant, & leur di-

Am.4.

re location qui le gardoit de ne partir de la: ce qu'il fit & les trouua déjà en chemin. Adonc leur recita ce qu'il auoit chargé de par Amadis, les priant que pour ce iour ils l'excusassent s'il ne les voyoit, mais le lendemain matin il les viendroit trouuer. Et pour autant que l'affaire pour laquelle ils étoient venus requeroit diligence, entrèrent en conseil, & deuant tous fut appelé Brandoyuas, lequel leur recita amplement, ce que par cy deuant vous aués entendu de la perte du roi, & le piteux état où il auoit laissé la Royne. Au moyen dequoy après plusieurs opinions debatues, finalement fut resolu qu'ils se mettroyent tous en queste tant par mer que par terre esperans que fortune ne leur seroit moins fauorable, qu'elle auoit été par le passé. Et à peine eurent ils fait cette deliberation qu'un de leurs Ecuycrs leur vint dire, qu'une Dame étoit sortie de la grande Serpente, & qu'à son aui s'étoit Vrgande la Déconneuë. Si cet elle, répondit Amadis, tout nôtre cas ira bien. Lors sortirent pour aller au deuant & la rencontrèrent quasi à l'entrée du parc môtée sus un pallefroi, que ses deux Nains conduisoient par les rênes, & le premier qui s'adressa à elle fut Galaor, lequel la salua & les autres semblablement. Et étant au milieu d'eux, leur dit: Or ça, ne vo^{us} auois ie pas autrefois prédit qu'ie vous retrouverois assembles en ce lieu pour quelque affaire qui vous étoit lors inconnue? Ouy ma Dame, répondit Galaor m'é souuiens très bien, & à ma Dame Oriane aussi, laquelle aura grand plaisir de vôtre arriuee. Aussi suis ie venue en partie pour la reconforter. Lors entrèrent au palais, & fut descendu de cheual, & conduite en la chambre de la Princesse, laquelle vint se ieter à ses piés aussi tôt qu'elle l'auisa: & pleurant à chaudes larmes, lui dit: Hélas, ma Dame, vous qui sçaués les choses futures, ainsi que les présentes, comme n'aués vous peu donner ordre au malheur du Roi mon pere, qui est tant vôtre

K

amy?

I LE QUATRIEME LIVRE

amy? ie voi bien puis que vous luy aués failly, que son affaire ét iremediable. Ma Dame répondit Vrgande, ie vous prie ne vous déconforter ainsi: ne sçaués vous q̄ tant plus les personnes sont apellees es grans états, tāt plus sont elles suiuettes à receuoir les grandes tribulations? car encores que nous soyōs tous d'une même malise tous obligés au vices & passions égaus à la mort, le Seigneur tout puissant nous a faits diuers en biens de ce monde, aus vns donnant auctorité, aus autres le vasselage & subiection: aus vns pāuvreté & misere, aus autres abondance & prosperité le tout comme il lui plaît. Et pourtant, ma Dame, compassant les grans biens q̄ vous aués eus, aueques le mal & ennuy ou vous êtes: la douleur & tristesse avec vos plaisirs & passetems passés, vous n'aués cause de tāt vous plaindre, ains deués remercier nôtre Seigneur étant tel son plaisir. Quant au Roi vôtre pere, ie sçauois de long tems ce qui luy étoit à auenir, toutesfois ie ne pouois mettre remede: car ain si il étoit ordōné de la prescience de Dieu lequel permettra, auecq' le tems, qu'il retournera en ses païs autant content qu'il fut onques. Puis adressant sa parole à Amadis, & autres qui étoient là, leur dit: Quand ie parti dernièrement de cete compagnie, ie vous assurai tous, qu'au tēs qu'Esplandian deuoit receuoir l'ordre de Cheualerie, ie vous trouuerois en ce lieu. Es à cete cause, rant pour tenir promesse à vous & à luy, que pour vous ôter du travail ou vous voulés entrer, ie suis venuë comme vous voyés, vous auisant que si tous les viuās du iourd'hui & les autres qui n'aitront cy après auoyent entrepris de trouuer le Roy Lisuart, & le tirer du lieu ou il ét, ils y perdroyent certainement leurs peines. Et pourtant ie vous conseille vous deporter de ce qui ét promis à autre, vous priant au demourāt que vous tous soyés mes hôtes en la grād' Serpente, auecq' Esplandian, Talanque, Mancli, le Roi de Dace, & Ambor sis

d'Angriote, & presentement dōnés ordre d'enuoyer querir vos cheuaus: car l'heure nous presse. Lors ne luy osans contredire, firent ce qu'elle leur cōmandoit & donnans tous le bon soir à Oriane l'accompagnerent au riuage de la mer, ou ils trouverent vne barque, qui les porta iusques au lieu, ou la grand' Serpente étoit arrêtée, & entrans, dedans, laissa tous les Cheualiers en vne grand salle, & print auecq' elle Esplandian & ses compagnōs, qu'elle mena en vne chapelle pour veiller, ainsi que c'étoit la coutume auant que d'être armé Cheualier: puis retourna vers les autres, lesquels elle fit mettre à table: car le soupper étoit prêt & furent très bien seruis. Et étans les tables leuees, les pria d'aller tenir compagnie à ceus qui veilloient. Adonques elle & ses deus parentes, Solise, & sa sœur les suivoient, portant Vrgande vn haubert fort noir, Solise vn armet semblable, & la tierce vn écu de même couleur. Et combien que tous autres Cheualiers étoient armés, pour le cōmencement de harnois blancs, si voulut elle faire cetui different des autres, comme vous entendrés. Puis aussi tôt qu'elle fut rentrée en la chapelle apel la Espladian & lui dit: Bien-heureus Damoyse, voicy vn acoutrement que ie veus que vous portés, pour témoignage de la force en laquelle vôtre cueur sera d'orénaunt enuélé, tenant quant à elle du naturel du Roi vôtre grand pere: Et aussi à fin qu'il vous souuienne, que les autres, qui sont faits Cheualiers, reçoient cet hōneur avec armes blanches & polliées, en signe de ioye & allegresse cêtes noires & malfourbies vous sont vouées, pour vous ramenteuoir souuen l'ennuy & tribulation, en laquelle sont tous vos amys pour le present: Adonc elles trois l'armerent de pie en cap, hors mis l'épee puis demanda à Amadis qu'il luy en sembloit. Par ma foi, ma Dame, s'il, auoit vne épee, il seroit en point, ce me semble, pour bien se defendre, si

on l'assailloit. Vous sçaués, dit Vrgande, aussi bien ou mieus qu'autre de cete troupe, ou elle luy ét gardee passé a deus cens ans, & l'aués peu voir en la Roche de la Damoiselle Enchanteresse, qui la luy a détinée. Et par ainsi il ét force qu'il aille luy mêmes la conquerir, vous asseurant qu'il en fera tant d'armes, qu'il obscurcira d'orénaunt la lumiere des autres, qui souloit luire par leurs prouesses & renommee en tous les endrois de la terre. Et ainsi comme elle acheuoit cete parole, survindrent quatre autres Damoiselles, portans chacune d'elles vn acourement de cheual, & vnes armes toutes blâches cōme neige, ayans au milieu vne crois noire, déquelles elles armerent les quatre autres Damoisels. Ce pēdant Esplā dian étoit à genous deuāt l'autel, supliāt deuotemēt nōtre signr q son plaisir fut de lui dōner la grace & moyē d'acomplir les choses qui lui étoyēt détinées, tāt pour la deliurance du Roy Lisuart, qu'autres entreprinſes qu'il esperois faire son hōneur & gloire. Ainsi demourerēt les Cheualiers toute la nuit en oraison iusques au lende main matin, qu'vn Nain bossu & contre fait monta au plus haut de la Serpente, sonnant de telle force auēcq' vn cor, que l'ile en retentit de toutes parts: Et coururent les Dames aus tours du palais d'Apolidon pour regarder que ce pouvoit être. A l'heure Vrgande sortit de la chapelle avec ceus qui auoyent veille la nuit, lesquels elle conduit tout au plus près du Nain. Et à l'instant survindrent sis autres Damoiselles vétuēsdenoir, tenāt chacune d'elles vne trōpe doree en la main: Puis apella Vrgāde Balā, & lui dit: Ami Balan: tout ainsi q nature vous a preferé à tous ceus de vōtre lignage, vous rēdant ennemy de vice, pour en suyvre vertu & raison, aussi veus ie vous preferer (pour l'amitié q ie sçai qu'Amadis vo' porte, & à tout autre Cheualier de cete troupe) vous faisant receuoir au iourd'hui vn tel hōneur qu'autre qui ait été pardeuant vous, ou

soit viuant à present, a peu, ou pourroit auoir: c'ēt que ie veus que de vōtre main, Esplandiā (qui sera estimé le meilleur Cheualier du monde) reçoyle l'ordre de Cheualerie. Balan craignant déplaire à Amadis, & aus autres, s'en excusa tteshōnêtement. Mais à la fin ils l'en prierent tous parquoi il print Esplandian par la main lui demandant s'il vouloit être Cheualier. Oui bien, s'il vous plaît, répondit le Damoisel. Adōcq' lui donna l'acolee, puis lui chaussa l'éperō droit, lui disant: Ie prie à Dieu, mon enfant, qu'il vous face tel q chacun a l'esperance. Ce fait Vrgande apella Amadis, & luy dit: Amis, s'il vous plaît, commander quelque chose à vōtre fis, car il faut qu'il déloge presentement. Et à cete cause Amadis le tira à part, & lui dit: Mō fis, au tēs que j'arriuai en Grece ie fu receu & grandement honoré de l'Empereur, lequel depuis m'a secouru, tant qu'il ne sera iour de de ma vie que ie ne m'en tiēne fort obligé à luy. Et pource qu'il me souvient qu'entre les promesses que ie fis lors, ie iurai à la belle Leonorine sa fille, l'vne des plus sages & gracieuses Princesses dumōde, mêmes à la Roine Meuorelle, & autres Dames & Damoiselles de sa cōpagnie, que si ie n'auois moyē retourner vers elles, ie leur enuoyrois vn Cheualier de ma lignee pour les seruir. Et pour autant que ie ne suis en dispositiō de ce faire, ie vous cōmande qu'aussi tōt que vous aurés delivré le Roi Lisuart, vous alés m'aquiter enuers elles: Et à fin q soyés cōneu, portés cēt anneau, qui me fut donné pour enseigne. Esplā dian mit le genoil en terre, & promit de n'y faillir: mais ce ne fut si tōt comme, l'vn & l'autre esperoiet: car premier qu'il y arriuāt, il passa mains grans perils pour l'amour de cete belle Dame, la renommée de laquelle le rendit tant sien (sans l'auoir veü) qu'il en cuida mourir, ainsi que quelque fois venant à propos il vous sera d'écrit. Adonc Vrgande l'apella, & lui dit: Mon fis, il faut que vous donnés cheualerie à ces quatre

LE QUATRIEME LIVRE

vos compagnons, lesquels, auant peu d'iours, vous pouront bien rendre l'honneur que vous leur ferés. Esplandian obeissant au commandement d'Yrgande, leur donna à tous l'acolee, & chaussa l'esperô: Puis les sis Damoiselles commencerent à sonner leurs trompes si trédoucement, q̄ tous ces Signeurs & les cinq Cheualiers nouueaus mêmes demourerēt endormis, sans aucun sentimāt. Et sur ce point la Serpente se mit a ieter par la bouche & par les narines telle fumee, que de long tems on ne vid qu'obscurité en la mer. Mais peu après (ne sçait on comme) les Cheualiers de l'Ile Ferme se trouuerent tous au parc d'Apolidon, bien étonnés qui les auoit là aportés, & plus encorés qu'étoit deuenue la Serpente, & les cinq Cheualiers nouueaus: ce que plus les ébaît, ainsi qu'Amadis s'éueilloit, trouua vn écriteau en sa main contenant ce qui s'ensuyt. Vous autres Rois & Cheualiers, qui êtes en l'Ile Ferme, retournés en vos païs prendre repos, & cōtenter vos éprits, laissant la gloire & pris des armes à ceus qui commencent à mōter au haut de la muable roue de Fortune vous contentans de la faueur qu'elle vous a faite iusques icy. Et toy Amadis de Gaule, qui (depuis les iour que le Roi Perion ton pere le fit Cheualier à la requeste de ton Oriane) as vaincu mains Cheualiers & Geās braues & cruels échapant tant de perils ou tu tes trouvé, fusse toy de l'heur que tu as eū, & plus qu'autre qui ayt été deuant toy: A pren maintenant à gouter les cirops & amertu

més que les principautés & dominations atirent à elles: car ils te sont apareillés. Et ainsi qu'e tes ieunes ans lōguemēt as fait état de Simple Cheualier errant, & secouru maints qui en auoyent necessité, semblablement à cete heure que tu es entre les grans biens, auras plus q̄ tu n'eus onques besoing d'être aydé pour les grās affaires ou tu te trouveras, regrettant maintefois ta premiere facon de viure, & ton Nain seul, sus qui tu auois commandement. Ayans donques tous leu cete lettre entrerent en contestation, s'ils suyroyēt le conseil d'Yrgande ou non: Mais finalement Amadis fut d'auis, que lon la deuoit croire: leur remontrant les choses veritables, qu'elle leur auoit predites. Et pourtant (dît il à Galaor) il me semble que pour le mieus vous & Galuanes deues aller vn tour en la grand' Bretagne voir la roine, & lui faire entēdre ce qu'Yrgande nous a promis de la deliurance du Roi, dont elle aura trēgrand' ioye, puis selon que vous me manderés mon cousin Agraies, Balan & moy, irons après vous: Et vous messieurs qui aués fait tāt de belles conquêtes (dît il aus autres) retournés en prendre plus ample possession & receueoir le fruit de vous labours: Ce qu'ils eurent tous agreable, emmenās quant & eus leurs femmes des le lendemain, qu'ils prindrent congé d'Amadis, d'Oriane, & autres, qui demurerēt en l'Ile Ferme: ou nous les laisserons, faisans fin de ce quatrième livre, atēdans que le cinquième soit mis en lumiere.

A cuerdo Oluido.

Fin du quatrième Livre.

DE L'IMPRIMERIE CHRISTO-

PHLE PLANTIN. M. D. LX.



LE CINCVIÈME
LIVRE D'AMADIS DE
GAVLE.

Mis en François par le Seigneur des Effars Nicolas
de Herberay, Commissaire ordinaire de l'artil-
lerie du Roi, & Lieutenant en icelle, és pais &
gouvernement de Picardie, de Monsieur de Bris-
sac, Cheualier de l'ordre, grand Maître & Capi-
taine general d'icelle artillerie.

ACVERDO OLVIDO.

A ANVERS,

Chés Iean VVaesberghe, sus le Cemitiere nôtre
Dame, à l'Ecu de Flandres, sus le
Marché des Toiles.

M. D. LXI.

AVEC PRIVILEGE
DV ROI.




AV TRECHRETIEN ROI DE FRANCE,

FRANCOIS PREMIER DE CE NOM,

Nicolas de Herberay, l'un des Commissaires
ordinaires de son Artillerie,

baïse les mains de sa

Majesté.



Ire, au retour des guerres d'Artois, & Luxembourg, pour-
suiuant la Cronique d'Amadis, comme il vous a plu me
commander. Il m'a semblé, que ce qui est écrit du Roi Pe-
rion & sa posterité, n'est autre chose, que la figure de vous,
& de messigneurs vos enfants. Et qu'ainsi soit, si on a leu
deuant vous le premier volume de cete histoire, vous y
auez veu que le Roi Perion (regnant en la même Gaule,
ou vous commandés) print à femme ma Dame Helisen-
ne, fille du Roi de la petite Bretagne, duquel est issue
(comme il est vrai semblable) la feuë Roine que Dieu ab-
solue. Et eurent ce Roi Perion, & la Roine sa femme, entre autres enfants, Amadis,
Galaor, & Melicie: auxquels je puis comparer mon Seigneur le Dauphin, mon Seigneur
d'Orleans, & ma Dame Marguerite. Et croissant l'âge de ces jeunes Princes, leur af-
faires & celles du Roi leur Pere creurent tellement, qu'ils furent assaillis de l'Empe-
reur de Rome, & du Roi d'Angleterre, joints ensemble: toutefois ils les repousserent.
Si le semblable est auenu à vos deus anciens ennemis, je m'en raporte au siege de Lan-
drecy, & à celui de Carignan. Mais encores n'est ce rien au pris du bon heur, qui vous
est promis: car vous les rengerés (avec le tems) ou pour le moins les mettrés à telle
raison, qu'ils seront trop plus contents d'entendre à vne perpetuelle pais avec vous
qu'à éprouuer d'auantage vos forces. D'Amadis est semblablement descendu Esplan-
dian, duquel traite ce cinquième Liure, & auquel je puis comparer vôte petit nou-
veau Duc de Bretagne: qui (comme Esplandian) commandera, si Dieu plaît, durant
vos jours aussi tôt en Asie, & Aphrique, que vous faites en la milleure, & plus gran-
de partie de l'Europe: laquelle se tient pour tresheureuse d'être si longuement gou-
vernee par vn tel Prince, tant sage, tant bon & cheualereus comme vous êtes. Et
pour le reste (Sire) il ne tiendra qu'à vous, que je n'aye autant de grands biens qu'eut
maitre Elisabet: lequel escriuit en langue estrangiere cete presente histoire, que j'ai
mise en la vôte Françoisse pour quelque fois sortans de nos affaires plus recom-
mandees, donner recreation à vôte esprit, au moins si mon labeur vous
est agreable. Ce que connoissant, m'efforceraï de plus en plus à le
continuer, & embellir, si la pais, ou quelque treue m'en
donne le loisir: car durant la guerre (il y a
vingt ans & plus) que je m'em-
ploye à vous faire ser-
uice, & feray
toute ma
vie.

VN AMI DV SIGNEVR DES
ESSARS, AVS LECTEVRS
D'AMADIS.

Vers Alexandrins.

Preus Cheualiers François, qui desirés scauoir
Ce que faire vous peut los immortel auoir:
Il vous conuient sus tous autres liures élire
Le Liure d'Amadis, si vous en voulés lire.
Non celui qui d'Espaigne autrefois ét issu:
Mais celui que la France a n'a gueres tissu.
Car comme le Soleil toute clarté surpasse:
A bien parler aussi, France l'Espagne passe,
Et la grace qui ét au François translateur,
Fait oublier le nom de l'Espagnol autheur:
Ayant si trebien sceu son œuvre contrefaire,
Qu'on ne pourroit juger lequel a voulu faire,
Ou bien le premier trait, comme étant imparfait,
Par decentes couleurs rendre entier & parfait:
Ou du tout l'effaçant, vn autre ait voulu paindre,
Pour son nom faire luire, & l'Espagnol étaindre.
Là vous verrés au vif, l'image de Vertu,
De laquelle doit être vn cœur noble vétu,
Peinte en langue Françoisse, elegante & polie:
De naïue couleur des armes ennoblie.
L'inuenteur de l'œuvre, ét Amour, le Dieu puissant:
Le peintre, ét en 'état d'un Prince florissant,
Duquel le noble chef, à bon droit, enuironne
Le chapeau de Laurier, pour Royale couronne.
Pour vous il l'a fait paindre, a lui l'honneur ét deu:
Au peintre, que loyer soit du labeur rendu.

ENVOI SVS LES LIVRES
D'AMADIS, PAR CLAYDE DE
MARLE, SIGNEVR DE
VAUGIEN.

Quand Alexandre arriua dedans Troye,
Comme il eut veu d'Achilles la figure,
La coronnant tout éprins de grand'joye,
Il dit tout haut: O benigne Nature!
Tu fis beaucoup pour cete creature,
L'ayant pourueu d'ami en son viuant
Si bon! Et puis après sa sepulture,
D'un Croniqueur si gentil & scauant.

Mais s'il viuoit, & qu'il vint à voir celle
Du Roi de Gaule, or pense qu'il diroit
(Combien qu'il n'eut vn ami si fidele,
Que Patroclus) après qu'il entendroit,
Que des Essars en nôtre langue auroit
Si bien d'écrit ses vertus, & prouesse:
Trop plus heureux lors il l'estimerait,
Qu'onques ne fit ce bon Prince de Grece.

A V LECTEUR,
HVITAIN.

En ce Cincquième d'Amadis
Les Essars a si haut monté,
Qu'en maints beaux propos qu'il a dis,
Il s'êt lui-mêmes surmonté.
Si Dieu donne, par sa bonté,
Qu'il puisse au monde prosperer,
De lui (plus que je n'ai conté)
L'on peut encores esperer.

A VN THVMILIE.

MA-

MATHVRIN BEHV BAILLY
DE GINA VDEM,
AVS LECTEVRS.

Quand d'Amadis j'ai veu le Premier Liure,
Il me fait être amoureux du Second,
Et cete amour ne me veut laisser viure
Sans voir le Tiers tant me sèmb le facond.
Et puis ce Tiers, qui au Quart me semond,
Me fait plus fort desirer le Cinquième.
Mais n'y voyant encor point de Sisième,
Ie me souhaite être au commencement,
Pour le plaisir & grand contentement,
Que c'êt de voir ce Livre gracieus:
Ainsi traduit aus hommes proprement,
Comme s'il eut été fait pour les dieus.

AV LECTEV R,
DIZAIN.

Quand des Essars écrit, soit de plaisir, ou dueil,
Croyés qu'il vous fait rire, ou jeter l'armes d'œil,
Quand il déchiffre amour, mort, feu, pais, ou bataille,
Tout aime, brûle meurt, tout apaise, ou detaille.
Si l'homme il veut depaindre au vif le paint & tire:
Si la femme, il en fait tout ainsi que de cire,
Oncques Prometheus n'en fit d'aussi parfaits.
Et s'il a grace en dits, il n'en a moins en faits.
Brief de sa plume il vse en tout si proprement.
Qu'elle le fait voler jusques au firmament.

LA TABLE DV CINQUIEME LIVRE D'AMADIS DE GAVLE.

ET PREMIEREMENT:



Comme Esplandian, endormi au nauire de la grand' Serpente, se trouua à son réueil joignant la roche de la Damoiselle Enchanteresse: & de ce qu'il auint. Fueillet premier.

Comme Esplandian, ayant leu les lignes mises au rouleau que tenoit le Lyon, print la guesne luisante: & des propos que lui & Sergil eurent ensemble. chap. ij. 2

Comme la barque ou étoit le cheualier Noir & le muet, arriua es marches de Turquie, pres la montaigne Defendue. &c. chap. iij. 3

Comme le Cheualier Noir monta à la roche, ou par force d'armes il mît à mort trois cheualiers Geants, & deliura le Roi Lisuart de prison. chap. iiij. 4

Comme après que le Roi Lisuart fut mis hors de prison, Matroco frere ainé de Furion le Geant, arriua en ses nauires au pié de la Roche Defendue, & du combat que lui & le cheualier Noir eurent ensemble. chap. v. 7

Du grand déplaisir que print le roi Lisuart, par l'absence du Cheualier Noir: & des propos que lui tint Arcabonne mere de Matroco, sus ses infortunes passées. chap. vj. 9

Comme le Geant Matroco mourut, dont Arcabonne fut si perturbée, qu'ayant failli à tuer le roi Lisuart, se precipita elle mêmes en la mer. chap. vij. 11

Comme maitre Elisabet trouua le Cheualier Noir en l'hermitage, ou il s'étoit retiré: & des propos qu'ils eurent ensemble. chap. viij. 11

Comme la Damoiselle Carmelle trouua en l'hermitage le Cheualier Noir dormant, & eut fantasie de le tuer: mais le voyant si beau, fut soudainement éprise de son amour. ix. 12

Comme le roi Lisuart, auerti par la Damoiselle Carmelle, du lieu ou étoit le Cheualier Noir, s'en partit seul avec elle, pour l'aller voir. chap. x. 13

Comme Talanque & Ambor raconterent au roi les auantures qu'ils auoyent eues, cherchant leurs compagnons Esplandian, depuis le tems qu'ils receurent l'ordre de cheualerie. chap. xj. 15

Comme vne nuit étant le roi Lisuart en son lit, pensant comme il pourroit retourner en la grand' Bretagne, entr'ouit vn son si melodieux, qu'il se leua pour l'écouter: & de ce qui en auint. chap. xij. 16

Comme le roi Lisuart s'embarqua en la grand' Serpente: & de la dépêche que fit Esplandian à la Damoiselle Carmelle, pour aller vers l'Infante Leonorine, fille de l'Empereur de Constantinople. chap. xiiij. 17

Comme le roi Lisuart partit de l'Ile Ferme, avec grand' compagnie de Cheualiers, Dames & Damoiselles: lesquels aprochant de Londres, rencontrèrent en la forêt prochaine quatre cheualiers, qui enuoyerent demander quatre coups de lance à Esplandian. ch. xiiij. 18

Comme étant Esplandian au chemin de l'Ile Ferme, fut assailli par vn cheualier étranger, qui le guettoit en la forêt. chap. xv. 19

Comme le roi de Dace, Garinter, & Maneli secoururent Vrgande la Déconneuë, qu'aucuns cheualiers vouloyent outrager, pour le secours, qu'elle auoit fait au petit fils de l'Empereur de Rome. chap. xvj. 19

Comme Vrgande la Déconneuë print congé des cheualiers, & s'en alla en la garde de deus Dragons vers l'Empereur, & l'Imperatrix, porter leur petit fils, pour la perte duquel toute la court étoit émeuë. chap. xvj. 21

Des auantures étranges qu'eurent le roi de Dace, & Maneli, depuis qu'ils furent partis d'avec Vrgande la Déconneuë, & du passerems que leur donnerent deus vieux Singes de la grande race en vne Ile, ou ils arriuerent. chap. xvij. 22

Comme

L A T A B L E.

Comme le Pyrate Frandalo, nauigant en mer, fut jetté par tourmente en l'Isle, ou étoient le roi de Dace & Maneli, avec lequel il eut combat, & de ce qui en auint.	chap. xix.	22
Comme étants les cheualiers au nauire de Frandalo, atendants la mer bonace: prièrent la Damoiselle leur dire, à qui elle étoit, & ce qu'elle auoit veu de ceus, dont elle leur auoit parlé.	chap. xx.	24
Comme la Damoiselle Carmelle declara son embassade à l'Infante Leonorine: & des propos qu'elles eurent ensemble, sus le fait d'Esplandian.	chap. xxj.	25
Des propos que la princesse Leonorine eut avec la Damoiselle Carmelle, sus le fait de son Embassade.	chap. xxij.	26
Comme nouuelles vindrent à l'Empereur du siege qu'Armato roi des Turcs auoit mis en la montaigne Defendue: & de la charge qu'il donna à Frandalo, pour y mener secours avecq Maneli, & le Roi de Dace.	chap. xxij.	27
Comme Esplandian étant guéri de ses playes, print congé du roi Lisuart, & de la court, pour retourner en l'Isle Ferme, ou il auoit laissé le Nauire de la grand' Serpente, dedans lequel (acompañné seulement de maître Elisabet, & Sergil) il s'embarqua pour retourner en la montaigne Defendue.	chap. xxiiij.	28
Comme Esplandian commanda à ceus qu'il auoit deliurés, d'aller en Constantinople, remercier la belle Leonorine, fille de l'Empereur: & retint seulement Gandalin, & Lasinde avec lui.	chap. xxv.	29
Comme nouuelles vindrent au camp du roi des Turcs Armato, de la deffaite de son armee de mer par Frandalo, & des entreprinſes des vns & des autres.	chap. xxvj.	32
Comme le roi de Turquie Armato fut donné en garde à Gandalin, & des propos que lui tint Frandalo.	chap. xxvij.	33
Comme grande partie des cheualiers qui ſouloyent acompagner le roi Lisuart, s'en retournerent en leurs maisons: & du coronnement d'Amadis & Oriane, à Londres.	xxviii.	35
Comme la ville d'Alfarin en la Turquie fut prinſe d'assaut par Esplandian & ceus de sa compagnie.	chap. xxix.	36
Comme Gandalin & Lasinde conduirent l'Infante Heliaxe, & le Geant Phoron en la ville d'Alfarin, vers Esplandian, & Frandalo, & de l'honnête & bon traitement qu'ils lui firent.	chap. xxx.	39
Comme Gaſtilles print congé d'Esplandian, puis fit voile en Constantinople vers l'Empereur: & de l'arriuee de Palomir, Branfil, & autres cheualiers de la grand' Bretagne en la ville d'Alfarin.	chap. xxxj.	40
Comme Frandalo, acompagné de quatre vingt cheualiers, ſortit d'Alfarin, pour aller courre vers Theſifante, & de la prinſe de Eiraca, Capitaine de la ville.	chap. xxxij.	42
Du grand ennui qu'eut Esplandian, ayant entendu par le meſſager de Gaſtilles, le mal contentement qu'auoit la princesse Leonorine contre lui.	chap. xxxiiij.	43
Comme Esplandian & ceus de sa compagnie monterent au palais ruiné de la damoiselle Enchanteresse: & des merueilles qu'ils y trouuerent.	chap. xxxiiij.	45
Comme Esplandian, ayant entendu le retour de Garinter, roi de Dace par l'espace de deus ſemaines, & voyant qu'il n'en auoit nouuelles, delibera (par le conſeil de Carmelle) aller en priſonne en Constantinople.	chap. xxxv.	46
Comme Esplandian fut mis dedans le coffre de Cedre, & porté avec la tombe en la chambre de la princesse Leonorine: & des propos qu'ils eurent ensemble.	xxxvj.	48
Comme Esplandian fit faire voile en la montaigne Defendue: & des grandes auantures, qui lui auindrent.	xxxvij.	51
Comme Frandalo, & la troupe des cheualiers chrétiens, prindrent d'emblee la ville de Galatie: & de la depêche de Gandalin vers l'Empereur de Constantinople, pour auoir ſecours.	xxxviii.	52
Comme Vrgande la Déconneuë, arriua à Galatie, & du danger ou elle ſe trouua, par la tromperie que lui fit Melie l'Enchanteresse.	xxxix.	54
Comme		

L A T A B L E.

Comme Carmelle arriua à Theſifante, vers Heliaxe : & du combat merueilleux q u'eurent Eſplandian, Frandalo, Gandalin, & Enil, contre trois Geants, & douze Cheualiers Turcs.	xl.	56
Comme Eſplandian entra en la ſpelonque de Melie, pour auoir ſes liures : & d'une charge qu'on fit à lui, Frandalo, Enil, & Gandalin, ainſi qu'ils penſoyent retourner en Galatie.	xlj.	58
Comme les cheualiers de la grand' Bretagne, qui étoient à Galatie, s'embarquerent avec Vrgande au nauire de la grand' Serpente, pour aller en Conſtantinople : & de ce qui leur auint.	xlj.	59
Comme Norandel & la roine Menoreſſe furent amoureux l'un de l'autre : & des propos qu'ils eurent enſemble.	xljij.	61
Comme Vrgande la Déconneuë declara à l'Empereur la prophetie qui auoit été trouuee en la tumber : & de deus dragons qui l'emportèrent en l'air, avec le roi, Armato & Melie, au milieu de la ville de Theſifante.	xljij.	62
Comme les deus dragons porterent Vrgande, Melie, & le roi Armato au milieu de la ville de Theſifante : & de la grand' armee que fit mettre ſus Armato, pour entrer es païs de l'Empereur de Conſtantinople.	xliv.	64
Comme le corſaire Crecelm, neveu de l'Amiral Tartarie, aporta certaines nouuelles à Eſplandian, de la grand' armee de mer, que preparoyent les Signeurs du Leuant pour venir en Conſtantinople.	xlvj.	65
Comme Crecelm, & Belleris retournerent à la montaigne Defendue, avec vn Brigantin, qu'ils prindrent charge de Turcs par lesquels ils ſceurent toutes les entreprinſes des ennemis.	xlviij.	66
Comme la grand' cité de Conſtantinople fut aſſiegee par les princes du Leuant : & des ſaillies que firent ceus de la ville, pour les garder d'aprocher.	xlviij.	68
Comme les dix cheualiers Chretiens entrerent au camp, & du combat qui fut entre eus, & les dix Payens, que preſenta le Soudan le Lique.	xljx.	69
Comme la roine Calafie vint au ſecours des Payens, & du merueilleux & perilleux aſſaut qu'elle donna en la ville de Conſtantinople.	l.	71
Comme les princes Chretiens, tant de la mer du Ponant, que du Leuant aſſemblerent leurs forces pour venir au ſecours de l'Empereur de Conſtantinople : & de leur nauigation.	lj.	72
Comme Eſplandian & le roi de Dace furent enuoyés querir par Gandalin en la montaigne Defendue, ou ils étoient demourés en attendant le ſecours des Princes Chretiens : & d'une lettre que le Soudan de Lique, & la Roine Calafie, écriuirent à Amadis & Eſplandian.	lij.	73
Comme le roi Amadis & ſon fils Eſplandian combattirent le Soudan de Niquie, & la roine Calafie : & de la bataille qui fut le jour mêmes par mer & par terre entre les Chretiens, & Payens.	liij.	75
Comme après que les Payens furent chaffés de Thrace, l'Empereur renonça à ſon Empire, & en inueſtit Eſplandian, faiſant le mariage de lui, & de ſa fille Leonorine.	liij.	77
Comme l'Empereur Eſplandin enuoya Norandel prendre poſſeſſion des païs qu'il lui auoit donnés : & de la prinſe de Theſifante.	lv.	79
Comme Vrgande la Déconneuë enuoya prier le roi Amadis, l'Empereur Eſplandian, don Gallaoir roi de Sobradife & autres, d'eus trouuer en l'Ile Ferme : & des merueilleux enchantements qu'elle fit.	lvj.	79

F I N D E L A T A B L E.

LE CINQVIE' ME LIVRE
D'AMADIS DE GAVLE, CONTENANT
PARTIE DES FAITS CHEVALEREVS

d'Esplandian son fis, & autres: mis en François par
le Seigneur des Essars Nicolas de Herberay,
Commissaire ordinaire de l'artil-
lerie du Roy.

Comme Esplandian endormi au nauire de la grand' Serpente, se trouua à son réueil ioignant la Roche de la Damoiselle Enchanteresse & de ce qui en auint.

CHAPITRE PREMIER.



Esplandian (qui étoit endormi dedans le nauire de la grand' Serpente, au son melodieux des trompettes, que les sis Damoiselles firent resonner le long de la marine, après qu'il eut receu l'ordre de cheualerie, comme il vous a été recité sus la fin de nôtre quatrième liure) se trouua à son réueil fort ébaï: car il ne voyoit nul de ceus qui furent presents, lors que le Geant Balan l'arma Cheualier, ains se trouuoit seul entre les ælles de cete bête, au pié d'une roche à lui inconneüe, & si haute, qu'elle luy sembloit inaccessible. Neant-moins il pensa bien qu'Vrgande la déconneüe (les entreprinſes de laquelle étoient amirables) l'auoit ainsi ordonné. Et à cete cause commença à prendre ses esprits, & descendre en la salle, ou le iour precedât auoit été cete grande assemblee. Mais il n'y trouua aucun, parquoy passa outre, vint en la chapelle, & auisa Sergil s^{on} Ecuyer, qui dormoit profondement, & auprès de luy deus vieillards vêtus à la Turque de Caphetans & Tolopans en leurs têtes. Lors s'aprocha de Sergil, & le poussa si rudement du pié, qu'il se leua en sursaut, & parlant à son maitre, comme s'il ne l'eut oncques veu, lui demanda qui le mouuoit: dont Esplandian se print à rire,

Am. 5.

& lui répōdit: Ce m'aïst dieus, Sergil, pour m'auoir frequēté toute ta vie, tu as à present bien peu de connoissance de moi. Si le print par la main, & le tira tellement à soy, qu'il l'éueilla tout honteus d'auoir fait telle faute. Dequoi il voulut s'excuser, disant à son maitre: Par ma foy, monsieur, i'étois si endormy, quand vous m'aués apellé, qu'il ne me souuenoit de vous, ne de moy-mêmes, & suis maintenant plus ébaï que deuant, comme vn tel sommeil m'auoit si fort abatu. Je ne sçay, répondit Esplandian, encores qu'il m'en soit quasi auenu autant. Adoncq' lui raconta comme à son réueil il s'étoit trouué au dessus des æles de la Serpente seul, & sans nul de ceus qui auoyent été presents quand il fut fait Cheualier, & si sommes, dit il, arrivés au pié du plus haut rocher que ie vi oncques, & tant difficile à monter, que ie ny connois voye, ne sentir, combien que ie l'aye regardé de toutes parts: mais à ce que i'en puis connoître, il ét circuy de cete mer, en sorte que bien consideré l'affiète du lieu, ie croy fermement que ce soit la Roche de la Damoiselle Enchanteresse, dont quelque fois tu as peu ouyr parler à Amadis mon pere. Et comme il étoit en ces termes, Sergil entendit ronfler les deus vieillards, qu'il n'auoyt encores apperceus, & demanda à Esplandian s'il les connoissoit:

A

Ce

LE CINQUIEME LIVRE

Ce m'aistdieus, répondit il, non: car ie ne les vy oncques, que ie sçache. Toute-fois i'estime qu'Vrgande les a laissés icy, pour nous secourir aucunement. Ie vous prie, dît Sergil, éveillons les. Lors les apella si haut qu'ils se leuerent, & leur demâda Esplandian qui les auoit mis leans, mais ils luy monstrerent par signes, qu'ils étoient muets. Or pouoit il être midy & plus, & eut Esplandian mangé volontiers, s'il eut eu dequoi, & pour cete cause dît à Sergil: Amy, ie n'eu de ma vie tel apetit, & si doure q̄ ne trouuerôs ceans dequoi repaître. Ie te prie, beau sire, cherchons par tout: car, à ce que ie voi, si nous nous atendôs à ces muets, nous sommes taillés d'être mal traités. Bien s'en aperceurent ceus de qui il parloit: parquoy sortans de la chapelle, entrerent en vne chambre ioignâte de la grand' salle, ou ils retournerent soudain, portants diuersité de viandes en si grande abôdance, qu'oncque Esplandian & Sergil ne furêt mieus seruis à leur gré. Puis étants les tables hauses, eus deus vindrent au lieu propre, ou Esplandiâ auoit fait si long somme, d'ou il môstra à Sergil la roche, de laquelle il lui auoit parlé, & luy dît: Asseure toy, puis que la Serpente ne se meut autremêt de ce lieu, que c'êt signe qu'il me faut môter là haut voir s'il y a aucune auanture, pour y dōner fin, si ie puis. Ie ne sçay, répondit Sergil, que vous ferés: mais si vous fiés au conseil de nos muets, nous seiournerôs icy longuement sâs auoir gueres les têtes rôpues pour choses qu'ils nous prechêt. Prenôs terre, dît Esplandiâ. Adôcq' apella les vieillards, & leur fit signe qu'ils deualassêt l'équif du Nauires, à quoi ils obeirent, & le premier qui entra dedâs fut Sergil, puis Esplandiâ ainsi en ordre cōme il étoit, quâd le Geât Balan l'arma Cheualier, & à force d'auirons aborderent le rocher au pié duquel ils descendirent, laissant les deus muets seuls dedans la Serpente. Et ainsi qu'ils regardoyent par ou ils monteroyent à mont, choisirêt la sente qu'Amadis & Gra

sandor auoyent autrefois prinse, pour aller voir les étranges merueilles qu'y laissa la Damoysselle Enchâteresse: toutefois ils n'eurent gueres cheminé, q̄ Sergil s'auisa q̄ son maitre étoit sans epee: car de toutes armes cete seule lui fut reseruee, quand il receut l'ordre de Cheualerie, parquoy il lui dît. Ie ne sçai pas ou vous voulés aller: mais si nous passons outre, & il se presente quelque danger au haut de cete roche, vous n'aués moié de vous defêdre, portés au moins quelque trôçon des rames de nôtre vaisseau: car bien souuent l'effort des plus hardis ét abaissê, nō par faute de courage, & de grâd deuoir: ains pour n'auoir armes à le soutenir. Lors retourna à l'équif, & print l'un des auirôs qu'il luy bail la, & en tel equipage cōmencerent à môter cōtre mont le rocher, nō sans grâd travail, tant étoit le chemin penible, le tems fort échauffé, & Esplandian pesamment armé. Neantmoins ils cheminerent iour & nuit, en sorte qu'ils arriuerêt en l'Hermitage, ou étoit la statuë de Bronze, & l'écriteau à ses piés, ainsi qu'il vous à été recité au quatrième livre, laquelle ils ne peurent choisir à l'heure, pour l'obscurité du tems & du lieu. Et à cete cause deliberaient passer la nuyt sous la porte, sans entrer plus auât: car la chaleur étoit extrême. Adoncq' Esplandian ôta l'écu du col, & son heaume de la tête, puis mengea de si peu que son Ecuyer auoit aporté, & se couchant sus l'herbe, s'endormit jusques à l'aube du iour, que lui & Sergil entrerêt en la chapelle, ou à leur ayse virêt l'ymage & l'écriteau: mais ils ne le peurent lire, pource que les caracteres étoient Grecs, & à eus inconnus. Si delibera Esplandian passer-outre, & dît à Sergil: Amy, il vaur mieus que tu m'atendes ceans: car si ce lieu ét la roche, en laquelle mon pere & Grafandor vindrent ou par fortune, ou de leur gré, il me souuiêt leur auoir ouy dire, qu'en tems d'été la chaleur y ét si vehemente, que maintes bêtes venimeuses y repairent, dequelles tu pourrois recevoir

voir outrage, n'estât nō plus armé q̄ tu es: quant à moy, tu sçais q̄ ie suis apellé aus choses ou tous les autres ont failly, qui me dōne esperāce, ou q̄ ie viuray peu, ou q̄ i'acōplirai ce qui est predit de moi, en forte q̄ ie cōquerray l'épee, & le trefor, q̄ l'on tient pour certain être là haut en vn Palais ruiné. Cōment? répōdit Sergil estimés vous q̄ pour mourir de mille morts, ie voulsisse vous habandonner? Nō sus, ma foy, sçachant bien q̄ hors vōtre presence, la vie me seroit trop plus ennuyeuse que toutes les morts ensemble q̄ lon sçauroit penser. Mon amy, répōdit Esplādian, ie le croy: neantmoins, s'il t'en auenoit inconuenient, outre le blāme que t'en pourrois auoir, cēte seule entreprinse te seroit plus attribuee à follie, qu'à hardiesse, non pas à moy, qui ay écu & haubert, assés bō pour endurer le combat du plus grād ennemi, qui sçauroit se presenter. Ainsi ie te prie encores vn coup, obeir à mon commandement. Bien conneut lors Sergil, que c'étoit vn faire le faut, & à cēte cause tournant la tēte se mit si fort à pleurer, qu'il fōdoit quasi en larmes. Ce pendāt Esplandian laça son heaume, & ayant l'écu au col, & l'aïron sur l'épaule, suiuit le sentier qui le conduit au haut du rocher, ou finalement il paruint. Et aprochant les ruynes des bâtimens, s'adressa à l'endroit de l'arc de pierre, & vit l'autre ymage, & la table qu'elle portoit en la main senestre, l'écriture de laquelle ne lui fut moins mal aysee d'entendre, q̄ celle de l'hermitage: parquoi marcha outre vers la chambre, ou étoit le trefor, gardé ordinairement par vn Serpent grand & horrible, & comme il s'aprocha plus près, auisa q̄ les portes étoient de pierre dure, & qu'une épee les trauersoit si auant, qu'il n'en restoit hors que la poignée. Adoncq̄ pensa en soi mêmes, que c'étoit celle, de laquelle il auoit oy parler, & émeu d'un desir merueilleux à la conquerir, delibera (encores qu'il n'eut qu'un seul bâton de bois) d'assailir cēte bête, quelque peril qu'il luy

en deut auenir. Et executāt son entreprinse marcha d'une trégrande hardiesse au lieu, ou elle étoit. Mais le Serpent, qui dormoit à l'heure, s'éueilla, & ietant son regard étincelant sus Esplandian, se mit à siffler, & vomir feu par la gueule, de sorte qu'il sembloit proprement, qu'il le deut engloutir. Neantmoins Esplandian, couuert de son écu, l'aprocha de si près, qu'il luy dōna entre les deus aureilles tel coup de rame, que peu s'en falut, qu'elle ne lui sortit du poing: ce non-obstant la bête se lança cōtre lui tant rudement, qu'elle le renuersa, & lui passa sus le ventre, de quoi il se trouua étonné, & connoissant le danger, ou il étoit, se releua promptement, & petit à petit gaigna la porte ou étoit l'épee, laquelle finalement il saisit à deus mains la tirant si fort à soi qu'il l'arracha & s'ouuirit les portes, avecq̄ vn si épouventable son, que le Serpent tomba mort sus le plancher, & Esplandian si étourdy, qu'il ne sceut qu'il deuint; dont il ne faut s'ébaïr, veu que Sergil, qui étoit encores en l'hermitage, en eut la plus grand' frayeur qui luy auint oncques, & les mariniers mêmes, nauigeans à l'heure le long de cēte côte, estimerent assurément que la roche s'abîmāt, tant donna haut l'éclāt & retentissement de cēte ouuerture. Ainsi demoura Esplandian évanouy iusques après minuit qu'il ouurit les yeus, & vit vne grande clarté, qui illumoit le lieu, & le Serpent mort avecq̄ l'épee face ioignāt de luy, qu'il reprint. Et étant sus piés entra en la chambre ouuerte, au milieu de laquelle il auisa vne tombe plus ardante que feu, & au dessus vn grand Lyon de métal, qui tenoit en sa patte d'extre la guesne de l'épee, d'ou procedoit cēte gande resplendeur, & en la fenestre vn rouleau de lettres latines, qui contenoit ce qui s'ensuit.

¶

A 2

Comme

LE CINQUIEME LIVRE

Comme Esplandian, ayant leu les lignes mises au rouleau, que tenoit le Lyon, print la guesne luyssant : & des propos que luy & Sergil eurent ensemble.

CHAP. II.

LEs cris épouventables, au tems de la grand' contrainte, te forceront (Cheualier qui as gagné l'épee) à retourner, pour cōquerir le grand tresor: par lequel ta ioye perduë sera restituëe, en sorte que les flammes allumées (par les rayons déquelles tu seras navré de loing) en seront refroidies, & te contente avecq' cète conquëste glorieuse que tu as faite: car la muable fortune t'a élevé entre tous, & as aquis l'honneur, ou tant de bons Cheualiers n'ont sceu paruenir par prouësse ou bōté qui ait été en eus. Ayant doncq' Esplandian leu & releu le contenu du rouleau, demoura bien long tems sans cesser d'y penser, & finablement conneut bien, que (encores qu'il eut mis fin à cète auāture, pour le regard de l'épee) si seroit il contraint, quant au surplus, d'atendre le tems destiné, suyuant le contenu des lettres. Tou tefois il ignoroit la fin, à laquelle elles tēdoient étant lors à soy-mêmes, & libre de toute passion amoureuse. Neantmoins le cruel Tiran Amour, fit sus lui depuys telle conquëste, qu'il le rendit amant de celle qu'il n'auoit oncq' veuë, ny conneuë, par presence, ainsi que poursuyuant nōtre liure, il vous sera amplement recité. Lors se saisit du fourreau, & enguesna l'épee qu'il tenoit, remerciant deuotement nōtre Signr de la grace qu'il luy auoit faite. Puis tournoya longuement la tombe, pour voir s'il y auroit moyen de l'ouuir sans la briser, & aperceut q' le cristall duquel sortoit partie de cète clarté, étoit couuert d'une autre lame de couleur azuree, si étrange, que difficilement on eut peu iuger si c'étoit Marbre, metal, ou autre matiere. Et à cète cause laissa son entreprinse, & retourna en la salle, ou gisoit mort le Serpent. Mais ny le forreau, n'y

l'épee conquise ne rendoyent plus la clarté qu'ils souloyent, tant étoit le iour grād. Si passa outre, & commença à deualer vers l'Hermitage, ou il auoit laissé son Ecuyer, lequel ennuyé du long retour de son maitre (craignāt qu'il lui fut suruenue quelque malheur) s'étoit mis en chemin pour l'aller trouuer & l'auisa tōt après avec l'épee, dōt il fut si aisé, que d'assès loing s'écria. Ah a mon Seigneur, benoît soit Dieu qui vous donne tel commencement, que chacun s'en émerueillera. Mon amy, répondit Esplandiā, il a encores plus fait pour moi, que tu ne penses. Adonc commença à luy declarer par le menu, le dāger ou il s'étoit trouué. Et continuant ce propos, le iour faillit droitemēt ainsi qu'ils arriuoient en l'Hermitage: parquoi delibererent ne passer outre, & se coucherent sous les prochains arbres, deuisans ensemble des merueilles du lieu, dequoi Sergil plus ébaï que deuant, ne se peut tenir de luy dire: Ce m'aïst dieus (mon Seigneur) on vous peut bien par raison estimer meilleur Cheualier qu'Amadis vōtre père, qui vint en ce lieu, vid la statue de l'hermitage, l'écriteau sus l'arc de pierre, le Serpent, & l'épee, qui étoit plantée dedans la porte, ou vous aués trouué la tombe réplandissante, & neantmoins il n'osa oncques éprouuer en l'une de ces choses. Et disoit vrai Sergil: car Amadis auoit bien conneu par le contenu des lettres Grecques, que cète auanture étoit destinee à son fis Esplandian, & à cète cause il retourna arriere: mais tous autres l'auoyēt iusques adonc ignoré fors Grasandor & Vrgande. Et combien que Sergil pensāt faire plaisir à son maitre, parlāt ainsi à son auantage: si monstra il biē qu'il n'en étoit content, & luy répondit. Je te prie, Sergil, ne me tiēs iamais tel propos: car si les prouësSES & cheualeries de mon pere, eussent aussi bien été employées à l'augmentation de la Chrestienté, comme pour la gloire & honneur du monde ie croi qu'il ne se trouueroit sō semblable, & toutefois

toutefois ayant passé sa ieunesse es choses vaines & transitoires, indubitablement sa gloire en est moindre: non que ie le vueille acuser, & Dieu ne le permette. Aussi est il conneu en tant de lieux, & pour tel, que celui qui le pourra seulement seconder, se devra estimer bien heureux entre les mieus fortunés. Parquoi ie te prie parlons d'autres choses. Ainsi deuilsants quelquefois, & quelquefois dormants, le iour survint haut & clair, & se leuerent reprenants le chemin de la marine: vers laquelle ils deualerent, tant qu'ils trouuerent les deus muets qui les atendoient, l'un dedans lanef, & l'autre en vne petite barque, ou entra Esplandian, suyuant le signe que luy donna le muet: & Sergil dedans la Serpente. Et peu après se separerent: car la barque commença à voguer, en sorte qu'e peu d'heure ils se perdirent de veüe. Et partant nous laisserons Sergil avec son muet, faisant vn dueil extreme, pour se voir priué de la presence de son maitre. Et vous dirös d'Esplandia, qui d'oresenauant se nommera le Cheualier Noir, à cause des armes qu'il portoit. Lequel étant en la petite barq avec celui qui le conduisoit trauerferent tāt de mer, qu'ils prindrent port pres du lieu, ou le Roi Lisuart étoit prisonnier.

Comme la barque, ou étoit le Cheualier Noir, & le muet arriva es marches de Turquie, près la montaigne Desendüe, & des propos qu'un Hermite & le Cheualier eurent ensemble.

CHAP. III.

DIs iours & dis nuits demoura sus la mer le Cheualier Noir avec le muet, sans connoitre quelle part il étoit car de s'en enquerir à celui qui le conduisoit, c'eut été peine perdue. Et l'vnième iour ensuiuant il découurit vne l'le grande & belle. Parquoi ennuyé de l'impetuosité des vagues, pria sa guide de prendre terre. Mais il n'en tint à l'heure côte, ains poussa sa barque iusques près d'un haut ro-

Am. 5.

cher taillé par nature, en sorte qu'il sembloit d'un mur approprié à la defence du lieu, & étoit cete cōtree si pleine de hauts bois & buissös si fort épais, qu'ele sembloit quasi inhabitable. Lors le muet monstra au Cheualier vn petit sentier qui conduisoit à mont le roc, & luy fit signe qu'il y allat. Si sortit de la barque armé de toutes pieces, & commença à monter à mōt. Or étoit la chaleur grande, & extreme, & le Cheualier si échauffé en son harnois, qu'il fut contraint ôter son heaume de la tête, & le porter en ses mains, iusques à ce qu'il aperceut entre les haliers vne petite maison d'Hermite, vis à vis de laquelle étoit plantee vne haute crois, dōt il fut tresaise, non seulement pour esperance de trouuer à qui s'enquerir de la cōtree ou il étoit: ains pour être certain qu'aucun Chrestien y habitoit. Et à l'instant auisa vn homme vêtu d'habit de religion, si vieil & caduc, que la barbe blanche lui couvroit la ceinture, & portoit vne cruche pleine d'eau qu'il auoit puissee en vne fontaine assés prochaine, & passoit outre quand le Cheualier luy dit: Pere, Dieu vous gard de mal. Mais quād le bon homme entendit cete vois, il deuint si éperdu, que de grand' frayeur son vaisseau lui tomba des poings, & se brisa. Toutefois il s'assura peu à peu voyant celui qui parloit, & luy répondit. Mon enfant, pour auoir la grace du Seigneur dōt vous parlés, il y a vint ans que i'ay laissé la mōdanité, & le propre país ou ie fu né. Et ce qui m'ébait le plus, c'est que depuis le tēs que ie vous di, ie n'ay trouué creature en ces marches, qui m'ayt donné vn tel salut. Aussi êtes vous estrangier comme ie pense, ou vōtre lāgage & l'habit vous déguisent du tout. Mon pere, dit le Cheualier, estrangier sūje vrayement amené par deça d'une telle auanture, que ie n'y connois homme ne femme, n'y la cōtree mêmes, aussi êtes vous le premier que i'y ay trouué pour m'en enquerir, vous assureāt que cete crois ma dōné vn singulier plaisir,

A 3

fir,

LE CINQUIEME LIVRE

fir, quand ie lai auisee près de moi ; car
 c'est l'enseigne du maitre que ie sers. Com-
 ment? répondit l'Hermite, cōnoissés vous
 la vertu qui ét en telle? Oy, dit le Cheua-
 lier, assure qu'en vne semblable, le Re-
 dēpteur, duquel ie vous parle, print mort
 & passion. Helas, répondit le preu-d'hom-
 me, vous dites vray. Loué soit son saint
 nom, quād il m'a fait la grace de voir en-
 cores, deuant la fin de mes iours, homme
 par deça, qui croye en lui: vous assurant,
 Cheualier, que vous & moi, sans plus, som-
 mes les deus que ie pense y être pour le
 iourd'huy, & le surplus sont payens & y-
 dolâtres. Et comme il vouloit dire d'auan-
 tage la parole lui faillit, doutant que ce-
 luy à qui il parloit fut quelque fantôme,
 toutefois en la fin il s'enhardit, & par ma-
 niere de cōiuration, lui demāda s'il étoit
 mortel, ou non. Mortel? dit le Cheualier,
 oy certes & pecheur, dōt il me déplaît. Et
 si vous ébaissés de me voir à present icy,
 aussi fai-je moy de vous: car certainemēt
 la forme de mon arriuee en ces marches,
 à été telle & si étrange que ie ne vous en
 sçaurois rēdire raison aucune. Mais si vous
 sçaués le país où nous sommes ie vous su-
 plie, pere, me le dire, & me ieter hors de
 peine. Volontiers, répōdit il. Lors le print
 par la main, & le mena en son hermitage,
 puis s'assirent sus vne tronche de bois, &
 commença le preu-d'homme son propos
 de telle sorte: Or ça Cheualier, dites moi
 de quel país vous êtes. Mon pere, répon-
 dit il, la grand' Bretagne ét la contree en
 laquelle ie fu né, & nourry en mes pre-
 miers ans. Je ne sçay si oncques vous en
 ouystes parler. Et combiē y a il que vous
 en êtes sorti? dit l'Hermite. Quinze iours
 & plus, répondit il. Aués vous point con-
 neu le Roi Lisuart, qui y regnoit de mon
 tems? Oy certes répondit le Cheualier,
 comme celuy que i'ay veu maintesfois.
 Quelle chere faisoit il quand vous par-
 tistes? dit l'Hermite. Cēlà ne vous sçaurois
 ie pas bien dire, répondit le Cheualier,
 car il étoit perdu, & ne pouoit on sçauoir

comme, ne par qui ce malheur étoit aue-
 nu, quelque trauail que ses gens eussent
 prins à en auoir nouuelles. Quand l'Her-
 mite l'entendit ainsi parler, il demoura
 tout pensif, dont le Cheualier s'aperceut,
 & luy tomba au cueur, qu'il en auoit ap-
 prins qu'elque chose parquoi commença
 à le regarder fermement au visage pour
 voir s'il changeroit point de couleur. Ad-
 donc l'Hermite, qui conneut la fantasie
 du cheualier, lui, dit. Certes, ie ne vous ay
 tant enquis sans propos, toute-fois, pre-
 mier que vous en déclarer l'ocasion, ie
 veus que vous entendiés que ie suis de la
 grand' Bretagne, comme vous, ou i'ay
 encores la plus grand' part de mes pro-
 ches parens, lesquels habandonnay du tēs
 qu'un Geant, Signeur de cēte contree, se
 maria avec vne Dame, à qui i'étois lors,
 & avec elle passay la mer, tant pour espe-
 rance d'auoir aucune recompense de mes
 seruices que émeu d'un desir commun à
 ieunes gents de voir le monde mais il a-
 uint que ma maitresse, delaissee de Dieu,
 aussi tōt qu'elle fut arriuee, print la loy
 payēne que tenoit son mary, parquoi con-
 siderant en moy-mêmes, que tant par sa
 fragilité, que pour hanter les hommes de
 cēte contree, ie pourois tōber en quelque
 erreur, deliberai me retirer en ce lieu, au-
 quel i'ay passé maints trauaus au grand
 danger de ma vie, pour la cōtrouersē de la
 loy de Ieus Christ, q̄ ie garde, & celle des
 ydolâtres, qui tâchent de iour en iour à la
 détruire: tellement que sans la faueur de
 ma maitresse, qui auroit déplaisir que l'on
 m'offençât, ie n'eusse tant vecu entr'eus.
 Mais quand il plaira à Dieu, i'en fortirai,
 & retourneray en mon país. Or aués vous
 ouycōme i'ay vécu iusques icy. Je vous
 prie Cheualier, me dire vōtre fortune &
 qui vous à conduit en ce lieu, dont ma-
 laisēment vous pourrés retirer: ains êtes
 en danger, d'y mourir cruellement, ou en
 durer la plus cruelle prison, dōt vous ouï-
 tes parler en vōtre vie, qui me seroit grād
 déplaisir, tant pour la ieunesse, & beauté

qui

qui ét en vous, que pour être de la contrée mêmes ou i'ay prins nourriture. Mō pere, répondit le Cheualier, vous aués beaucoup fait pour moy, à me racōter fidelement vōtre déconuenuē. Neantmoins auāt que satisfaire à ce, dōt vous me priés, dites moi, s'il vous plaît, pourquoy (parlant du Roi Lisuart) vous êtes deuenu si triste, que vous m'aués fait penser, q̄ sçauies quelque chose de sa perte. Entendés mon enfant, dît l'Hermite, qu'une miēne fille seruante de la Dame, dōt ie vous parlois n'agueres, me vint l'autre iour visiter, & me conta que retournant sa maistresse de la grand'Bretaigne: ou elle étoit allée, pour la prison d'un sien frere, ramena quant & elle, fort couuertemēt, un Cheualier de grāde estime, & valeur, cōme elle disoit, tourefois ie ne vous sçauois asseurer à la verité qui il ét. mais à ce q̄ i'ay peu entendre, les deus Geants ses enfans, en ont été tréfaies, qui m'a fait estimer, veu ce que vous m'aués déclaré du Roi Lisuart, que se pouroit il bien être, par ce qu'elle sçait tant d'art de Magie & de Nigromancé, qu'elle cause souuent maint ennuy à tel qui ne luy mesfit oncques. Et en quel país sommes nous? dît le Cheualier. Entre les marches de Turquie & de Grece, répondit l'Hermite, car cete mōtagne garde tous les deus roiaumes: mais elle ét si forte tant de nature, que d'artifice, que l'un ni l'autre de ces deus Princes, ne la sceurent oncques prendre quelque puissance qu'ils y ayent menee. Et en ét maintenant Signr, un Geāt, fis de ma Dame, l'un des plus forts Cheualiers qui soit au país du Levant, comme l'ont éprouué maints de ses voyfins, dequels il a vsurpé le bien par force, & maugré l'Empereur, ou autre qui y ayt contredit. Ou ét sa demeure? dît le Cheualier. Là haut répondit l'Hermite, en vne place qu'il a fortifiée à merveilles, laquelle ét gardée soigneusement, par un sien frere Geant comme luy, & quelques autres, aussi gents de bien qu'eus. Et si n'en peut on apro-

cher, que par vne petite fente que la mer bat sans cesse, & au bout ét vne échelle taillée au roc: par laquelle on monte iusques à vne porte de fer, ou fait guet ordinairement un paillard, à qui le Seigneur de leans se fie du tout. Car il n'y a autre entrée, fors le port, qui ét defendu de plateformes & grosses tours puissantes outre mesure: & au milieu ét un portail si étroit, qu'un homme à cheual n'y peut passer qu'à peine: & par là sortent le plus souuent ceus de la forteresse. Deuāt qu'il soit nuit, dît le Cheualier, ie verrai tout ce qui en ét, & sçaurai si ie puis, qui ét celui qui y a été ainsi amené nouuellement. Nōtre Seigneur vous en garde, répondit l'Hermite, vous seriez cause de vōtre mort: ou pour le moins de vōtre captiuité perpetuelle. Auienne ce que venir en pourra, dît le Cheualier, si éprouveray ie l'auenture, qu'il plaira à Dieu m'enuoier. Ce sera trémal fait à vous, répondit l'Hermite, attendu que les hommes sont sans plus obligés d'employer leurs forces es choses de raison, pour rapporter le fruit de leur labeur, autremēt on les doit estimer fols desespérés non pas hardis, ne cheualeus, auenturants (sans propos) non seulement leur corps, mais leurs ames, qui ét pis: ce que Iesus Christ nous a claiemēt defendu par exemple: car lors que l'ennemy le vint tenter lui cōseillant faire choses à lui vraiment possibles, étant le Christ, mais impossibles quant à l'humanité, il luy répondit, qu'il ne tenteroit son Seigneur Dieu. Ainsi mon fis, ie vous conseille vous deporter de si déraisonnable entreprinse. Vous m'en deguiserés tout ce qu'il vous plaira, dît le Cheualier, si faut il q̄ ie face ce à quoi ie suis apellé, qui ét de m'éprouuer sus les auētures, qui semblent être hors le cōmun but des hommes, autrement ceus qui ont predit de moi, auoiēt nō seulement trauailé en vain ains seroyent estimés fols & mēsongers. Si doneques leur dire ét veritable, quel hōneur pourrois ie aquerir plus grād, que

LE CINQVIEME LIVRE

donnant fin aus choses amirables, intimider d'oresenauant maints, qui cōtre Dieu & raison nuyssent au mōde. Et s'ils se treuvent menteurs, i'ayme trop mieus qu'ils soyent reprins de leur faus sçauoir, que moy aculé d'un tout seul point de coura-dise: au pis aller i'employeray mes forces à l'encontre de cete maudite gent, mem-bres & ministres du dyable, sus lesquels i'auray victoire, avec l'ayde du Seigneur Dieu en qui ie croi, & ai fiāce (si ie meurs) que mon ame sera receuē de luy comme bien heureuse. Emerueillé étoit le saint homme oyant parler si prudemmēt & d'v

ne telle assurance le Cheualier Noir, neantmoins la grand' beauté & ieunesse qui étoient en luy, l'émeurent à telle com-passion, que les larmes luy vindrent aus yeus, & luy répondit. Ah bon Cheualier, celuy en qui tu esperes, te vueille garder, & donner longue vie. Et puis que tu es resolu depasser outre, ie te supplie differer encores pour cete nuit, car il étia si tard, que quand bien tu aurois assés tems pour arriuer à la porte deuant iour failly si la trouueroyz tu fermee, ainsi qu'elle a de coutume, & partant le Cheualier luy tint compagnie iusques au lendemain matin.

Comme le Cheualier Noir monta à la roche, ou par forces d'armes il mit à mort trois Cheualiers Geants, & deliura le Roi Lisuart de prison.

CHAP. I I I I.



Ainsi demoura le Cheualier Noir en la cōpagnie du preu-d'hōme, qui le traita au mieus pu'il peut & eus deus couche-rent sus vn petit de paille, puis venāt l'au-be du iour se leuerēt. Et après que le Cheualier eut fait ses deuotions en la chapel-le armé de toutes pieces, print congé de l'Hermite, lequel le conduit assés loing, & plus auant eut passé, sans la crainte qu'il auoit des Geants. Parquoi le recomman-da en lagar de de nōtre Seigneur & s'en re-

tourna. Lors cōmença le Cheualier à mar-cher si bon pas, qu'ayant cōtoyé longue-ment la mer & la liseré d'une forêt, lon-gue & épesse, descendit en l'une des bel-les prairies qu'il eut oncques veuē: de la-quelle il choisit la forteresse assise au som-met de la roche taillée. Et tirāt celle part, se trouua ioignant vn long pōt sans qu'il y eut autre voye pour aller au château, au bout duquel étoit vne large chaussée de pierre, & la mer qui batoit continuel-lement contre les bors, ou il auisa aus fe-nêtres

nêtres deus Cheualiers dont l'un, à son a-
uis, étoit Geant fis de la Dame. Mais il
ne s'arrêta pourtant, ains tira à main gau-
che, & montant contremont les degrés,
vint près d'un portail de pierre de taille
gardé par un Cheualier armé de toutes
pieces, qui d'assés loing lui écria: Chetif
malheureus, le taint de tes armes noires
ne te promet oncques tant d'ennuy que
tu auras ceans de mal encontre. Qui
tous les diables ty a mené si ieune que
tu es? Ce pendant le Cheualier gaignoyt
petit à petit le haut de la montaigne, sans
faire semblant de l'ouyr: car il auoit assés
à faire à se guider, tant étoit le chemin é-
troit & mal aisé: & pour cete cause por-
toit son heaume entre ses bras: Mais quâd
il fut près du portail, oyant l'autre conti-
nuer en ses braueries, luy répondit: Ceus
qui ont peur menassent volontiers ainsy
de loing, comme tu fais. Et pourtant si as
desir que ie te rende raison: ouvre moy
l'huys, & tu verras si ie te sçauray cõteter.
A cete parolle le portier descendit, & tan-
dis le Cheualier mit son armet en tête, &
fut la porte ouverte ou l'autre se presenta
criât à haute vois: Entre malheureus, entre
au lieu, ou oncques homme étranger ne
receut bon traitement. Si s'auança le Che-
ualier Noir, & descendit en vne voulte, ce
pendant la porte fut refermée, au moyen
dequoy le lieu se trouua fort tenebreus:
car il n'y entroit lumiere, que par un petit
suspinal qui auoit regard au trauers de la
roche. Et comme il vouloit passer outre,
le portier qui étoit demouré derriere, l'ar-
rêta par le haubert, & luy dît: Pendard,
laisse tes armes, puis ie te conduiray ou
les Signeurs de ceans te châtiront ainsy
que tu le merites. Il vaut mieus, répondit
le Cheualier (sans me donner peine de me
desarmer, que tu m'y meines en l'état que
ie suis, & volontiers ie te suiuray. Non
feray dea, dît l'autre i'y perdrois trop, mō
compagnon auroit ton harnois, qui m'a-
pertient pour mon droit. Lors haucha la
hache, pensant lui fendre la tête, quand le

Cheualier Noir se recula à côté: & tenant
l'épee au poing lui en donna si grâd coup
qu'il le renuerla par terre, puis se lâça del-
sus, & le fit mourir. Mais cōme il se rele-
uoit, suruint par la porte (qui sortoit au
donion) un varlet armé de Brigandine, &
de cabasset, lequel cuidant parler au por-
tier dit assés fierement, Argantes, que tar-
des tu à amener là haut ce mal-heureus,
qui êt n'a gueres entré ceans? Ayes patien-
ce, répondit le Cheualier Noir, i'y seray
assés à tems pour toy, & pour ceus qui me
demandent, si les portes sont ouvertes.
Bien conneut celui, auquel il parloit, que
il étoit deceu: car il auisa Argantes mort
en la place. Parquoy sans plus tarder tour-
na le dos, & tirant à soy l'huys par lequel
il étoit venu, laissa le Cheualier enfermé,
qui se trouua bien ébaï, doutant mourir là
de faim. Mais il auint tout autrèment: car
peu après il vid ouvrir de rechef la porte,
& entrer un Cheualier Geant armé d'vnes
armes verdes: lequel auisant le portier é-
tendu de son long, & celui qui l'auoit fait
mourir, fut si déplaisant, qu'il lui dît: Je
m'ébaï, mal-heureus, comme tu es venu
ainsy te prendre au filé, duquel ne sortiras
de ta vie: Ains après longue & dure pri-
son seras contraint finir tes jours, avec un
milier de tourments qui te sont préparés.
En es tu là? répondit le Cheualier, i'ay biē
intention premier que nous nous sepa-
rions, que tu tiendras cōpagnie à ce pail-
lard qui me menaçoit n'agueres comme
tu fais. Commēt, dît le Geant, ie l'aimois
autant que moi mêmes, & le trouuât ainsy
deuant mes yeus, tu fais encores le braue:
Par mon chef, tu le compareras. Voy là,
répondit le Cheualier, ou gît le comble de
tes malheurs: ton amy êt mort, ainsy que
tu vois, & si perdras par même ocafio ton
ame, que les diables épient des le tems q̃
tu commenças à mal faire. Il y paroitra,
dît le Geant. Lors marcherent l'un contre
l'autre, & d'arriuee firent si grand effort,
qu'à les ouyr chamailler, on les eut esti-
més être plus de dis à la mêlée. Et tant se

LE CINQUIEME LIVRE

maintindrent, que le Geant commença à affoiblir grandement: ce que connoissant en soy même, ayans perdu la plus part de son écu, & quasi tout son sang se print à fuyr, & le Cheualier Noir à le poursuiure de si près, qu'auant qu'il peut sortir de la voulte, il fut abatu mort d'un coup d'épee qui luy fendit le heaume, & le cerueau iusques au milieu du tais. Et ainsi que le Cheualier passoit outre, deus Ecuyers venans voir l'issuë de ce combat, l'aperceurent tenant encores l'épee sanglante au poing. Adoncques lui demanderent: Comment? Cheualier ou marchés vous ainsi hardiment? Qu'aués vous fait du portier Argantés, & du reste de nos gentis? Ce que Dieu en a ordonné, répondit il: Et quoy? dirent les autres. Vne fin mal-heureuse à leurs jours (répōdit le Cheualier) pour être tourmentés au fonds d'enfer, tant qu'enfer aura nom de tourment. Lors ietterent leurs veués plus auant, & virent Argantés d'un côté, & l'autre assés près de lui, secouant encores le iaret, dōt ils eurent tant de frayeur, qu'ils s'en retournerent trop plus legierement qu'ils n'étoient venus, criants à haute vois: Sortés, Signeurs, sortés, vōtre oncle est mort, & la garde aussi. A ce cry vint à la porte du donion vn autre Geant sās armes, ieune & de belle taille, nommé Furiō: lequel voyant le Cheualier Noir marcher hardiment, tint l'huis à demy ouvert, & d'assés loing parla à luy de telle sorte: Par l'ame de mon pere, il faut bien dire que tu sois quelque diable deguisé en creature humaine: car autrement il eût été impossible que tu eusses peu vaincre deus des meilleurs Cheualiers du mōde, & maugré eus passer iusques icy. D'une chose suis ie déplaissant, c'est, que pour peine ou mort, que ie te face souffrir, ie ne seray vengé du moindre déplaisir que j'ay receu de toy. Ha bête brute, & sans raison, tu es certes pire que celui mêmes duquel tu parles: car lui iugé du Seigneur Dieu, n'a moyen de soy repentir, ni esperance de salut:

Maistoy, à qui il a donné sens & entendement de connoitre bien ou mal, tu perseueres de jour en jour en tes méchancetés, faisant de vice vertu, de sorte que par raison ie te puis nommer plus Diable que ceus qui s'ennuyent de si longuement attendre ton ame mal-heureuse: laquelle ie mettray promptement en leurs mains, si tu veus sortir en cete place, où me laisser entrer. Atends moy doncques, dit Furion, & tu verras comme ie t'apprendray à bien prêcher d'autre sorte. Lors poussa l'huis de grand roideur, & s'en alla armer. Ce pendant le Cheualier Noir l'atédant, demeura assis sus vne grand pierre de Marble, & peu après retourna le Geāt, lequel portant vn grand couteau d'acier sus son col, vouloit sortir dehors, quand le Cheualier, lui dit: Ecoute, ie te prie, auant que tu passes outre, otroye moy vne requête, que tu ne me dois bonnement refuser: Car encores que courtoisie (ni chose qui lui ressemble) n'eût oncques place en ton cœur, cēt acoutrement de Cheualier te doit pourtant inciter à quelque gentillesse & gracieuseté, plus que ton naturel ne le permet. Demande, répondit le Geant, & peut être seras-tu refusé. Tu es, dit le Cheualier, à pied, & moy aussi, ie te prie, combatons en la court de ce donjon, aumoins ceus de dedans pourront mieus voir à leur aise le passetems de nōtre mêlée. Et ce disoit il, afin qu'on ne luy peūt dénier l'entree, s'il auoit le dessus de son ennemi comme il esperoit. Par mon chef, répōdit le Geant, ie pensois au commencement, que tu me deusses demander pardon, ce qui t'eût beaucoup plus profité: Mais puis que ta requête est autre, i'en suis trécōtent: combien que la fuyte t'eût été plus auantageuse, ce que ces hautes murailles ne te permettront, si tu es vne fois enfermé dedans. Tu parles selon ton naturel, dit le Cheualier, & moy comme la vertu m'oblige, Dieu paracheue le demourāt, s'il luy plaît. Passe, répondit Furion, puis te garde de moy, si tu peus. Ainsi entra le Cheualier

ualier en vne court pauee de Marbre blâc & enuironnee de hautes galleries, soutenues par colonnes de Porphyre, & au milieu étoit le portail d'un excellent cors d'hôtel, & plusieurs Damoiselles au dessus qui tenoyent compagnie à vne Dame fort ancienne, vers laquelle le Geant s'adressa, & mettant le genoil en terre, luy dit: Ma Dame: ie vous supplie treshumblement que pour bien ou mal, qui m'auienne avec ce Cheualier, nul ne soit si hardy de m'aider, ne fauoriser en quelque sorte que ce puisse être: car moy seul le veus faire mourir, au trenchant de mon Syme-terre. Puis se releua, & tenant son écu deuant soy, & son branc d'acier au poing, marcha contre son ennemy, lequel ayant Dieu pour ayde, à qui il s'étoit deuotement recommandé, l'atendoit de pié coy. Lors commencerét vn tel cōbat, qu'à les ouyr fraper l'un sus l'autre, on eut dit propremēt, que c'étoiet deus forgeurs barans leur fer sus quelque grosse enclume, & à voir étinceler leurs heaumes & hauberts, ils ressembloyent fournaises de feu allumées à force de vent & de soufflets: Et certes, le Cheualier y eût à la fin mal fait ses besongnes, n'eût été la trempe qu'Vrgade auoit mise à son harnois, q̄ nul glaiue ne pouoit endommager, & l'épee mêmes qu'il conquist en la montaigne de la Damoiselle Enchâteresse, dont il ne frapoit coup qu'il ne tirât le pur sang de Furion: lequel neantmoins faisoit vn merueilleus effort à se defendre & assaillir: Mais de malheur ainsi qu'il cuidoit ataindre le Cheualier sus le bras droit, l'autre se tira à côté, & auançant vn pas luy donna tel coup au plus haut du heaume, qu'il lui en aualla grāde partie, & le cercle de fer dont il étoit lacé: Et combien que ce coup fut grand & quasi incroyable, si ne s'en effroya le geāt: ains se montroit d'heure à autre aussi frais, que s'il n'eût tiré coup d'épee tout le jour. Toute-fois le sang luy sortit à la fin en tant de lieux, que le paué blanc en changea couleur, & fut si affoibly, qu'on

peut aisément iuger qu'il auoit le pire. Aussi reculloit il à toutes heurtes, sans faire autre chose que parer aus coups de l'ennemy. Lors la vieille, qui les regardoit, cōsiderāt l'extremité de son fis, ietta vn haut cry: Helàs, dit elle, mon enfant, ét il possible que ie te voye meurdrir deuant mes yeus? Et toute furieuse courut à eus pensant les separer, mais il étoit trop tard: car comme elle démarchoit le premier pas, le Geant tomba mort en terre, de deus coups que lui donna le Cheualier Noir l'un sus la tête au lieu de l'armé, & l'autre droitement au mylieu de la jambe, qu'il lui separa du cors. Dequoy la vieille eût tel ennuy, qu'elle cheut éuanouye, & l'emporterent ses femmes en la chambre: puis la mirent sus son lit maudissant celui qui en étoit cause: lequel toute-fois le suiuit jusques à l'entree de l'huis, ou la vieille (étant déjà reuenue à soy) l'aperceut entrer. Si recommença ses plaintes, & disoit fondant en larmes: Helàs Cheualier destructeur de toute ma joye & felicité, n'es-tu encores content? veus-tu auoir ma vie avecq' celle de mon fis? Le te supplie, execute ton vouloir, ou bien fors de ceans, & emporte tout ce qu'il te plaira, me laissant viure le reste de mes jours en tristesse, avecques ces misérables femmes.

Mais toutes ces parolles étoient pour le faire entrer en sa chambre, qui étoit si fort enchantée, que nulle personne ne pouoyt passer le seil de l'huis, qu'il ne perdît toute connoissance, & tomboit sus le plancher comme endormy: Neantmoins peu lui profita son sçauoir enuers le Cheualier Noir, pour ce que l'épee luy sante auoit en soy telle propriété, que nul enchantement, pour grand qu'il fût, ne pouvoyt nuire à celui qui la portoit. Et à cēte cause oyant les doleances de la vieille, vint vers elle, & luy dit gracieusement: Ma Dame, il me semble que deues prendre en meilleure part l'offence que ie vous ay faite, veu que ce sont hazards communs à tous Cheualiers desirans acquerir louange

LE CINQUIEME LIVRE

louange:& pourtant ie vous prie vous a-
païser,& me montrer celui que vous aués
emmené ceans prisonnier de la grand Bre
tagne. Quand la vieille le vid si auant,
sans aucun détourbier, mêmes qu'il de-
mandoit à voir le Roy, elle (presque hors
de sens)s'écria tant qu'elle peût:Ah mal-
heureuse,qu'ay-ie fait: pensant venger la
mort d'autrui, i'ay donné fin à la vie des
miens propres. Lors se print tellement à
suspenser, qu'il sembloit que le cœur luy
deût fendre, regrettât son autre fis absent
disoit: Helas matroco, ou êtes vous main-
tenant? Quel mal-heur vous a ainsi élon-
gné de vôtre frere & de moi? Certes quād
vous entendrés sa mort, & qu'à vôtre re-
tour trouverés vn autre maître de cete pla-
ce, ie doute que vous n'aurés pas la con-
stance de supporter vn tel déplaisir, & que
pensant vous venger, ce diable vous traite
ainsi qu'il a fait les autres: car il ét immor-
tel, & si autre fût, il eût trouvé ceans plus
de resistance beaucoup qu'il n'a fait. Puis
s'adressant au Cheualier, luy demanda,
s'il connoissoit point celui qui étoit en
ses prisons. Ouy certes, répondit il, c'êt le
Roy Lisuart, dont ie suis fort déplaisant,
scachant bien que Roys élus de Dieu,
pour le gouvernement de son peuple ne
doiuent être si mal-heureusement traités.
Partant, Dame, montrés moy ou vous le
tenés enfermé, autrement ie vous feray
encores pis que ie n'ay fait. Je ne sçay, dit
elle, qui tu es, n'en quelle vertu tu as au-
tant de pouoir: mais ie sçay bien, que ie
n'eusse iamais pensé que vingt, tels que ie
t'ay ce jourd'hui estimé, eussent peu venir
au dessus d'une telle entreprise, & moins
corrompre mon grand sçauoir, comme tu
as fait, tellement que tout considéré, ie
pense que ta puissance ét causée de celui,
auquel i'ay creu en mes premiers ans, &
depuis laissé pour complaire à l'ennemy
des creatures raisonnables: lequel suiuant
son naturel, m'a iustement donné la peine
que i'ay meritée: & par ainsi toy qui as
pour garde celui, auquel toutes choses

obeissent, ce seroit folie de te contredire.
Suy moy, doncques, & ie te montreray le
Roy, lequel n'êt pas celui que tu cherches
comme ie pense. Lors se leua, & vint en
vne chambre fort obscure, & le Cheualier
après: puis ouvrit vne porte de fer: & luy
dit: Entré leans, tu y trouveras le prison-
nier. Dame, répondit le Cheualier, s'il ne
faloit que combattre, ie ne differerois de
faire vôtre cōmandement, mais si i'étois
enfermé par tromperie, vous vous moc-
queriés de moi, & de la fiance que i'aurois
euë en vous: par ainsi passés la premiere, à
fin que vous ayés part à tout ce qui me
pourra suruenir. Je connois bien, dit la
vieille, que ie traueille en vain, & q̄ tout
mon art ét nul enuers toy, ie feray ce que
tu voudras, & toutefois nous n'auons lu-
miere aucune pour nous éclairer. Ne
vous en donnés peine, répondit il, i'y
pouruoiray. Adoncq' découvrit le fourreau
de son épée qui étoit enuelopé d'un san-
dal, & fut à l'instant la clarté si grande par
tout le lieu, qu'on voyoit aussi cler, q̄ si le
Soleil eût passé au trauers: Puis descendit
le Cheualier en vne voulte, ou il auisa le
Roy Lisuart, couché sus vn petit de pail-
le, ayât encores les fers aus piés, & vn gros
carquan de fer au col, qui lui dōnoit beau-
coup de peine, dont il eut telle compas-
sion q̄ les larmes lui en vindrēt aus yeus:
Neantmoins il dissimula pour l'heure ce
qu'il en pensoit. Et sans aucunement se
donner à connoitre, lui dit: Sire, vous a-
ués trop longuement été en ce lieu: leués
vous, & me suiuez. Mais quand il ouyt ce
commandement, pensant être arriué à la
fin de ses iours, ne se peut tenir de larmoier,
& s'adressant à la vieille, lui demanda
si elle le connoissoit: Car depuis, dit il, que
ie fu mis ceans, ie n'ay veu aucune clarté,
ni personne à qui i'aye peu parler, aussi a
lon tou-jours deualé ma pitance par le
pertuis de cete voulte, Lors elle lui répon-
dit (comme par dépit) Roy malheureux, si
ie ne t'eusse conneu, ie n'eusse pas prins la
peine de t'aller querir si loing comme i'ai
fait,

fait, que maudite en soit l'heure, toi seule es cause de ma misere, & de l'entiere perte de ma joye. Sus ma foy, Dame, dit le Roi, ie ne sçay de quoy vous me parlés, & suis trédeplaisant de vôtre ennuy, veu q'ie ne fis oncques qu'honneur & plaisir à toutes Dames ou Damoiselles qui m'en ont requis, & pour elles me suis trouvé souvent en maints grands dangers de ma personne: parquoy si le contraire vous ét' auenu c'êt bien sans mon sceu, & du tout contre mon vouloir: ainsi ie vous supplie ne m'en sçavoir mal gré, & me dire en quelle part, & au pouvoir de qui ie suis maintenant prisonnier avec tant de misere: car, sus mon ame, ie n'en sçay rien, & ne puis bonement penser la sorte que i'y suis arriué. Bien me souvient il, que pour secourir vne Damoiselle qu'un paillard vouloit forcer, i'entray en vne tente: mais du surplus ie n'ay aucune souvenance, fors que ie me voy maintenant sus cete paille, & enfermé comme vn larron. Roy, répondit elle, le peu de tems que tu as demouré en ces tenebres, n'ont pas sati-fait (comme ie esperoïs) au grand mal que ie te veus: & à bon droit, veu que pour toy i'ay souffert tant d'amertume, que si on m'arrachoit le cœur ou les entrailles du ventre, on les trouveroit aussi ardantes que charbon enflambé: spécialement pour le nouveau déplaisir que i'ay de te voir si tôt deliuré, esperant bien par ta longue captiuité satisfaire à ma perte passée: toute-fois ie me treuve deceuë d'autant que fortune m'a fait maintenant payer l'vsure de la joye, qu'elle m'auoir aprétee, t'ayant fait ces jours passés tomber en mes mains, desquelles ie te voy hors, par l'effort de ce diable, qui après auoir mis à mort les gardes de cete place & mō fis propre, m'a contrainte te montrer à luy, ce q'i'eusse pensé n'être en sa puissance, & moins en la mienne, pour lui obeir, cōnoissant l'ire de femme n'auoir frain ny moyen aucun, tant q'la vengeance desirée ait sorti effait. Et ainsi t'en eût il prins, sans l'effort de ce miē en-

nemy, en dépit duquel, & de toy aussi, ie me dōnerai la mort de mes propres mains si mon malheur ne s'auance de me l'envoyer. Que maudit de Dieu puisses tu être, dit elle au Cheualier Noir, & ton roi que tu as trouvé. Or le pren, & en fay ce qu'il te plaira. Ie vous prie, Dame, répondit le Cheualier, ôtés lui les fers & le carquan qu'il a au col, & m'aydés à le cōduire là haut. Si print les clefs qu'elle portoit en sa pochette, & ouvrit les cadenats, en sorte que le Roy eut moyen de se leuer sus piēs. Lors embrāça le Cheualier Noir & luy dît: Mon grand amy, quel grād bien vous fis- ie oncques, pour m'auoir pourchassé vne telle liberté? Sus mon ame, outre l'honneur que vous aués acquis ceans vous m'obligés tant à vous, qu'il ne sera jour de ma vie, qu'il ne m'en souviennē: mais pour Dieu que ie sçache vôtre nom. Sire, répondit il, quel que ie sois, ie m'estimeray heureux de vous pouvoir faire serui-ce, Au reste excusés m'en, s'il vous plait, & sortés de ces tenebres, louant nôtre Seigneur, qui enuoye souvent de telles verges à ceus qu'il aime, afin de les conseruer en son amour, par la reconnoissance qu'ils ont de luy. Bien pensa le Roy aus propos du Cheualier, qu'il ne vouloit être decouvert, aussi auoit il tou-jours son heaume en la tête: parquoy delibera ne s'enquerir d'auantage de son nom, ains sortirent eus trois de la voute, & vindrent en vne grande salle, ainsi que le Soleil commençoit déjà fort à s'abaisser.

Comme après que le Roy Lisuart fut mis hors de prison, Matroco, frere ainé de Furion le Geant, arriua en ses nauires au pié de la Roche defendue: & du combat que lui & le Cheualier Noir eurent ensemble.

CHAP. V.

ETants doncques le Roy Lisuart, le Cheualier Noir, & la vieille Dame du château entrés en la salle, ainsi qu'ils regardoyent par les fenētres du long de la marine, suruint vne Damoiselle, laquelle faisant vne grāde reueren-

LE CINQUIEME LIVRE

uerence: dit assés haut: Ma Dame vôtre fis Matroco ét presentement arriué au pied de cete roche, avecq' ses fustes & gros nombre d'autres vaisseaus qu'il a prins sus la mer. Que vous plaît il luy mander? Quand la vieille entendit ce message, elle deuint toute blême, & ayant la larme à l'œil, luy répondit: Pleût à Dieu qu'il fût ausi loing d'icy, comme il en ét prés, le cœur me tressaut si fort, q' ie doute qu'il a lui auienne ni plus ni moins qu'il fait aus autres. Et comme elle acheuoit cete parolle, le Roy Lisuart & le Cheualier ierent l'œil sus la marine, & virent cete flote surgir le long de la côte, hors les dangers des vents, entre laquelle ils reconneurent Helisabel, Libee son neueu, & autres qui étoient à la cadene, faisant vn merueilleus dueil. Mais nul des gents de Matroco, osoit mettre pied en terre, ayants déja été auertis par aucuns du château, du grand desordre qui y étoit. Et partant ils se tindrent sus leurs gardes si longuement, que le Geant aperceut aus fenêtres ceus qui les regardoyent. Lors tout furieux s'écria contre le Cheualier Noir, qu'il vid armé. Paillard infame, es-tu celuy qui a mis si lâchement à mort mon oncle, mon frere, & la garde de cete forteresse? Quand le Cheualier l'entendit ainsi parler, il luy répondit, & sans trop s'émouvoir: L'ay fait ce qui étoit en moy, pour te montrer qu'il ne t'apertient, ni d'emprisonner les Rois, ni de molester tant de gents, comme tu fais, Par tous mes dieus, dit Matroco, tu ne te montres trop être amy, quand ie te treuve à mon arriuee armé d'une telle muraille, qu'êt celle de mon château: car si ie te tenois sus ce riuage, ie t'enuoirois du premier coup seruir de pâture aus poissons, ainsi que j'ai fait maints autres ausi fols & temeraires que tu t'es montré ayant entrepris, sans contrainte, venir sus mes limites. Mais deusse- ie demourer en cete place dis ans, ie n'en partiray que ie ne te tienne à ma mercy, adonc sçauras tu quel traitement ie dône à ceus

qui te ressemblent. Ecoute, répôdit le Cheualier Noir, il y a entre le faire & dire trop plus grande difference, que n'êt la distance du lieu ou tu es, en cetui duquel ie te regarde. Tes menasses m'asseurent, & te crains moins beaucoup qu'au parauant, & qu'ainsi soit: choisis, ou que ie descende vers toi pour te combattre, ou que tu mottes ça haut. Adonc tu verras par aparence à qui Dieu donnera la victoire, ou à toy, qui te fies en tes forces, ou à moi, qui n'ay esperâce qu'en lui. Les gros bœufs & gras toreaus, grâs & mēbrus, sont plus souvent menés que tous les jours à la boucherie, ainsi grosse bête que tu es reconnois toy, auant que tu ayes pis, laissant la vie & creance miserable, que tu maintiens, autrement sois assuré, que la fureur de Dieu descendra sus toy, comme elle a fait n'aguerres sus les tiens. Il y paroitra, dit Matroco, & si tu as le courage de m'attendre, dédiras les paroles méchantes, que tu as maintenant proferees: fay seulement ouvrir la porte. Car puis que tu me mets en chois, ie te vois trouver, & fût ce dedans la fosse, d'ou tu as deliuré le paillard: que ie voy auprès de toy. Adonc laissa sa troupe: & armé de toutes pieces, commença à monter contremont la roche droit au château. Mais quād il arriua à la porte de fer (que ceus qui s'en étoient fuyz auoyent laissé ouverte) y trouvant Argante le portier étendu, il cuyda mourir de déplaisir, tant pour la prouesse qui étoit en luy, que pour ce qu'il fut nourry ieune par le feu Geant son pere: Toute-fois il dissimula son dueil, esperât biē se venger à son aise. Et passant outre rencōtra à ses piés le Cheualier aus armes vertes, tout ensanglanté. Lors fut si émeu, qu'il demoura tout court & ietant vn haut soupir, cōmença à s'écrier: Helàs, Arcalaus mon bon oncle, que tant m'êt dure la perte de vous, en quel que lieu qu'elle m'eut sceu auenir: & par plus forte raison en cetui mien château ou ie pensois vous faire bonne chere, & longuement. Helàs falloit il après auoir pas-

fé en la fleur de vôte aage tant de rēcon-
 tres dangereuses & perils infinis, venir sus
 la fin de vōs ans vieus recevoir vne telle
 mort en ma maison que i'estimois la feu-
 reté, non seulemēt de vous & de moy ains
 de tous mes parens & amys? Dieus im-
 mortels, quelle vengeance pourray- ie ia-
 mais prendre du traître qui m'a si fort of-
 fencé? veu que le faire mourir cent fois le
 jour ēt moins que rien, au respect du mal
 qu'il m'a pourchassé? Aumoins si c'étoyt
 Amadis de Gaule tant estimé entre les
 hommes, ou aucuns de ses deus freres, ou
 bien tous trois ensemble: mō dueil pour-
 roit auoir quelque relâche, pour le mal q̄
 ie leur ferois souffrir. Mais quoy? force
 m'ēt de combattre vn, qui par raison, & veu
 l'effort qu'il a fait tout le jour, se doit dé-
 ja estimer vaincu. Quelle gloire doncq'
 pourray- ie r'apporter de sa victoire? Cer-
 tes toute telle que si ie combatois vne
 simple femme debile comme elle ēt de
 nature. Et par ainsi luy indigne de ma pre-
 sence augmentera en gloire, s'il auient
 que ie face seulement contenance de le
 vouloir outrager. Toute-fois auienne ce
 qui en pourra auenir, à mon honneur, ou
 autrement, il faut qu'il meure. Ainsi se la-
 mentoit le Geant sus le cors d'Arcalaus
 son oncle, duquel il ne se pouoit separer,
 quand il ietta son regard plus loing, & a-
 perceut le Cheualier Noir qui l'écoutoit.
 Lors tout honteus marcha vers lui pen-
 sant entrer au donjon sans empêchement.
 Neantmoins il trouua le Cheualier Noir
 à la porte, qui le repoussa rudement, & lui
 dit: Bête brute: & sans raison, cuides tu
 ainsi me forcer? A cēte parolle le Geant
 tout ébaï s'arrēta, & lui répondit: Tu m'as
 appelé, pour venir à toy: te fay- ie tort de
 t'obeïr? Non pas: dît le Cheualier, mais à
 voir ta contenance il semble que tu vueil-
 les vser d'autorité. Et se tirant à côté, luy
 dît: Or passe maintenant, & fay ce que tu
 pouras. Quand la vieille (que le Roy Li-
 suart entretenoit) les auisa prêts à com-
 battre. Elle toute épleuree, sortit de la sal-

le, & vint se ietter aus pieds de son fis.
 Helàs Matroco, dît elle, par celle obediē-
 ce que l'enfant doit à la mere, ie te prie &
 commande ne passer outre en cēte mêlée:
 car tu sçais bien q̄ de tous tes freres, toy
 seul me restes sans plus, dont i'ay le cœur
 si transi, que sans l'amour extrême que ie
 te porte, tu m'eusses trouuee à ton retour
 en aussi piteus état, que tu voys Furion.
 Aussi n'y a il femme au monde (qui doi-
 ue avec raison) plus souhaiter la mort.
 Helas quel besoing ēt il maintenāt que ie
 renouvelle en moy les douleurs q̄ le tems
 & longue patience auoyent enseuelies,
 comme ie pensois? Ah, ah, miserable que
 ie suis, moy seule ay émoulu le couteau,
 qui a fait la playe, dont ie reçoÿ mon pre-
 sent dōmage, pensant venger l'ennuy qui
 entra en mon ame, le jour propre que feu
 mon signeur & mary decēda. Et au cōtrai-
 re i'ay auancé ma ruine honteuse, receuāt
 iustement le guerdon que meritent ceus
 lesquels laissant la meilleure part, cuident
 remedier à vn mal, par l'acheminement d'
 vn autre pire. Ma dame, répondit le Geāt,
 si iusques à present vous aués receu grād
 perte, par le trépas d'aucūs vos amys, vo-
 ne vous deués pourtant ainsi contrister,
 veu qu' ils ont finy leurs jours en com-
 bats honorables, & faisants le deuoir que
 sont obligés faire tous bons Cheualiers,
 cōme ils étoÿent. Quant à moy, estimés
 vous que pour crainte de mort ie delaisse
 à faire, ce à quoy Cheualerie m'a obligé.
 Non, nō. Aussi quelle raison, ne quelle ex-
 cuse pourrois- ie auoir étāt tel que ie suis,
 frais & dispos de refuser le cōbat cōtre vn
 seul & simple Cheualier? Je ne dy pas, ma
 Dame, qu'affection ne vous transporte, &
 face parler en femme, mais pensés que ie
 vous répons, comme ie doy, preferant ma
 gloire à toutes vos larmes & souspirs. Par
 tant ie vous prie, souffrés, que ie prēne du
 paillard qui m'a offencé, si peu de venge-
 ance qui en auindra. Matroco (dît le Che-
 ualier) tu contes sans ton hôte: ie ne vou-
 drois pour riē du mōde perdre vne telle
 occasion

occasion que cete cy: qui s'offre à present tant à mon honneur & grand auantage. Croy moy, que ni les pleurs de ta mere, ni l'obligation que tu lui dois, cōme enfant, ne pourront retarder la fin de toy, ou de moy si prealablement tu ne m'asseurois par serment, d'être aussi bon à l'auenir, q̄ tu as été mechant par le passé. Ainsi il vaut mieus, que tu me faces cōnoître par effait cete prouësse, dont tu te ventes: & à moy la courtoisie de laquelle peut être, i'vseray enuers toy, si i'ay le dessus. Quand la vieille conneut que ses prieres n'auroient lieu en cēt endroit: elle se retira arriere,, & cōmencerent les deus Cheualiers à courir l'un contre l'autre, si brauement, & de telle fureur, que le Roi Lisuart les regardāt, pensa lors n'auoir veu de sa vie bataille si cruelle: & ce qui l'ébaïssoit encores plus il ne pouvoit presumer comme le Cheualier Noir l'auoit trouvé en lieu si étrange: & si ne le connoissoit. Vne fois luy tombait en l'esprit que c'étoit Amadis: mais quand il consideroit l'amitié qu'il portoit à Oriane, qu'il auoit nouvellement prise à fēme, cete opiniō mouroit aussi rōt qu'elle étoit nee. Et (qui plus ēt) il lui souuenoit trēbien des cōbats qu'il eūt tant à Vindilifore contre Dardan le superbe, que depuis avec Ardan Canille, ou il déploya toutes ses forces. Et toutefois elles n'aprochoyent à celles qu'il voyoit au Cheualier Noir, lequel se trouuoit lors aussi frais & dispos, que s'il n'eūt trauaillé du jour. Et s'il lui venoit en fantasie, que ce pouoit être son petit fis Esplandian, selon ce que la sage Vrgande auoit predit de lui, il y trouuoit beaucoup moins d'apparence, veu qu'il le laissa avecq' la Roync, sans qu'il fut en propos de receuoir cheualerie. Et quand bien il eūt depuis aquis cēt honneur, si étoit il impossible qu'il peūt faire vn tel effort pour vn commencement. D'auantage Vrgande auoit tousiours assuré, que les premieres armes qu'il feroit, seroyent renommées, par l'étrange & épouventable nauigation de la grand

Serpente, en laquelle il s'embarqueroit, & il étoit arriué en vne barque assés mal équipée, ainsi il ne pouvoit être vray semblable que ce fût Esplandian. Bien estoit il en soy mêmes, n'auoir oncques veu de si bon Cheualier: car tant plus il alloit auāt, & tant plus donnoyt d'affaires à Matroco. Toute-fois ils se maintindrēt l'un contre l'autre plus de deus heures, sans que lon peut juger au vray qui demeureroit vainqueur. Mais à la fin le Geant se sentit navré en tant de lieux, & furent ses armes tant declouees, & son écu si endommagé, qu'il cōmença à se défier de ses forces: parquoy se tirant vn peu à côté, dīt au Cheualier Noir: Je te prie, reprenons aleine, & entens vn party que ie te veus faire: lequel ne peut être qu'à ton honneur, & grand auantage, A cete parole s'arrēta le Cheualier, & Matroco cōmença à dire: Le m'ébaï (beau Sire) qui t'a meü de venir ainsi en cete roche, en laquelle nul autre que toy osa oncques entrer, tant que mon pere a vécu, ne depuis que par son trépas, i'en suis demouré Signeur. Et neantmoins ayant fait ce que iusques icy tout autre auoit craint d'entreprendre, tu as mis à mort trois des miens, dont les deus, à mon auis, étoient bien les meilleurs Cheualiers de la terre. Et par ainsi i'ai raison de te haïr plus qu'homme qui viue. Et non-obstant, quand ie considere que tu as fait en cela comme Cheualier preus & hardy, i'ay quelque raison de te pardonner, & t'estimer pour l'un des plus vaillants champions, que ie vy de ma vie, encores que i'en aye éprouvé & vaincu maints plus vstés aus armes, & plus puissants que toy. Et par ainsi, si ton arriuee en ce lieu a été causée seulement pour la deliurance du Roy qui nous regarde, ie suis trēcontent que tu l'emmeines en secreté, & par même moyen, ie te quite le combat, pourueu que sans plus faire séjour par deça, tu sortes de ce château qui m'appartient. Quand le Cheualier Noir l'eut long temps écouté, il luy répondit:

A ce

A ce que ie voi (Geant) tu fais cas & tiēs à grande hardiesse l'entreprinse que i'ay faite de te venir chercher en ce lieu, ou par ma main ont été tués ceus que tu regrettes tant. Mais si tu auois connoissance du maitre auquel ie suis, & que comme loyal seruiteur luy obeïsses, tu verrois incontinent, que ce que tu estimes beaucoup, ēt moins que rien, au respect de ce qu'il peut. Veu q̄ de lui & nō d'autre procede tout ce que i'ay fait, & par ainsi la gloire ēt deuē à lui seul. Et au contraire vous autres ydolâtres, serués ceus qui pour recompense sont coutumiers vous endormir en certaines malices, cruautés, outrecuydances, larrecins, homicides, adulterēs & autres infinies méchancetés, qui par aucun tems resplēdissent en vous avecques honneur, richesses, & autres telles mondanités, lesquelles vous acheminent à tout vice: de sorte que tel bâtimēt construit sus arene tant mobile, ne peut gueres demourer en son entier qu'il ne tombe, lors qu'on lestime plus entier & permanent. Et autant en auint il à Lucifer, & à ses complices, dont il peut être que tu as quelque fois ouy parler. Neātmoins si tu te veus reconnoître, & de même chant que tu as été toute ta vie, deuenir à present vertueux, & au lieu de cruel, humain & pitoiable, laissant ta folle creāce, pour prendre celle que ie tiens, qui ēt la bonne & seure, ie te quitteray, non seulement ce combat, auquel tu as du tout le pire, ains te laisserai ton château libre, & demeurerōs amys par telle conditiō toutesfoies, que toy & moy, employerons nōtre pouuoir à ruyner desormais ceus, qui comme tōy ehēminent es tenebres, dequelles tu sortiras, si tu me crois. Cēte remonstrance ēmeut le Geant à telle ire, qu'il commença à écumer comme vn ver rat, & dīt au Cheualier Noir: Malheureux entre les plus chetifs, as tu mes forces en si peu d'estime, que tu me penses déja tenir en ta mercy? Ce disant arracha de son col les corroyes, équelles pendoit enco-

Am. 5.

res quelque peu de son écu, & le ietāt par terre print son épée à deus mains, de laquelle il pensoit bien fendre le Cheualier Noir, quand il aperceut le coup venir qui se lança si prés, que passant l'épée par dessus sa tête, rencontra le pauē en vain, de telle roideur, qu'elle se brisa en partie, & le reste lui sortit des poings, se trouuants les deus combatans en sorte qu'ils ne se pouuoient ofendre qu'à coups de poing, ou de pōmmeau, dont le Cheualier Noir l'outragea grandement, premier qu'il eut moyen de releuer, si peu de son épée qui restoit. Mais finablement trouua moyen de se deffaire de luy. Et ainsi qu'il se tiroit arriere, fuyant la fureur de son ennemy, la vieille voyant son fis en tel danger, se ieta entre deus, & pleurant à grosses larmes, dīt au Cheualier: Helas Gentil-homme, si tu fus oncques en ventre de mere, qui t'aye obligé à auoir compassion des vesues, ie te supplie en l'honneur du Signr, auquel tu crois, me regarder en pitié, & me laissant cētui seul de tous mes fis, te contentes de ceus, que tu as mis à mort cruellement deuant mes yeus. Dame, répondit il, faites qu'il demande mercy, & il la trouuera en moy, autrement vous trauaillerēs en vain. Mercy? dīt le Geant, ie ne sçauois être blâmé de te le requerir, quand ie connois par épreue être veritable que telle force ne vient de toy, ains procede de la faueur de tō Dieu: car sans lui tu n'eusses non plus duré contre moy, que la paille fait au feu bien enflambé. Ainsi doncques ce seroit à moy grand folie vouloir combattre Dieu, & les hōmes ensemble, & ayme trop mieus (voyant la fin de mes iours) lui demander pardon & misericorde, que plus longuement croire en ceus, equels ie me suis fié par le passé, dont ie me repens, de sorte qu'avecq le combat, ou sans combattre, ou avec la mort ou la vie, ie proteste à l'auenir n'adorer autre que I E S V S C H R I S T ton Seigneur & maitre. Dis tu à bon escient? Oy certes, répondit le Geant, lequel met-

B

tant

LE CINQUIEME LIVRE

tant les genous en terre, & leuât les yeus & les mains au ciel, s'écria, *IE S V S* fis de la vierge, ie croy que tu es la vraye verité, & que tous les autres dieus, equels i'ay toute ma vie adheré, sont faus & pleins de menfonges. Parquoi les laissant pour me rendre tien, ie te supplie me daigner recevoir. Et faisant du doigt la croix contre terre s'inclina, & la baïsa reueramment. Ce que voyant le Cheualier Noir, loua nôtre Seigneur de tout son cueur, puis print son epee par la pointe, & tendit la poignée à Matroco, lui disant: Certes bon Cheualier, entre tant de belles victoires, que vous aués eues par le passé, onques ne vous en auint vne si glorieuse que cete ci, veu que vous m'aués non seulement vaincu: mais vous m'aués aussi, qui étiez inuincible selō l'effort de Nature: ainsi doncques receués comme victorieus mon epee q̄ ie vous presente. Ah, répondit Matroco, ce sera bien le contraire: car moi qui suis le vaincu me submets d'oresenauant à faire du tout vôtre volonté. Et de cete heure, disposés de moi, de mes biens, & de mon honneur, tout ainsi qu'il vous plaira. Je vous prie, dît le Cheualier, auoir pitié de ces pauvres captifs q̄ i'ay n'agueres veus en vos vaisseaus, & les faire monter ça haut que ie parle à eus. Oy vrayement, répondit le Geant. Et à l'instant apella sa mere, & lui dît: Ma Dame enuoyés, s'il vo⁹ plaît querir là bas ceus que demande ce Cheualier, & que nul autre qu'eus ne parte de là tât q̄ ie leur mande. A quoy elle dōna ordre sans tarder. Mais quād maitre Helisabel, Libee, & le surplus des forcats entendirent ce message, pensants être (pour le mieus) logés en quelque prison miserable, commencerent à eus cōrister grandement. Toutefois ainsi qu'ils passoyent la premiere voute, où gisoient morts le portier, & Arcalaus, le cueurleur reuint, & l'esperance meilleure, qu'au precedant: mêmes qu'ils rencontrerent le Cheualier Noir qui venoit au deuant d'eus, lequel

sans se faire connoître, qu'à maitre Helisabel, le print par la main, & lui dît: Mon grand amy, pour ce que ie ne veus qu'autre que vous entende qui ie suis, ie vous prie me venir demain trouuer en vn hermitage qui êt au pié de cete montaigne, ou ie vous atendray. Ce pēdant voyés le Roi Lisuart que i'ay laissé en ce donjon, & sus vôtre vie raisés luy ce que ie vous dy priuémēt Biē ébay fut lors maitre Helisabel, quand il recogneut Esplandian, & volontiers eut parlé à lui plus longuémēt, n'eut été la defence qu'il luy faisoit, mêmes qu'à l'heure suruint vne Damoysele, qui luy dît. Bon Cheualier, si voulés ja mais voir Matroco viſ, hâtés vous: car il êt presentement tombé du haut de soy mort (comme ie pense) tant a perdu de son sang. Allés, dît il, à maitre Helisabel, le secours que vous luy pourrés faire, luy seruira beaucoup plus que ma presence. Adonc le laissa avec elle, & deuala le plus droit chemin qu'il peut, vers l'Hermitage, ou il auoit logé la nuit precedante, & étoit ia Soleil couché, quand il y arriua si las & trauaillé qu'il n'en pouoit quasi pl⁹. Si trouua le muet & le preud'hōme, ensemble léquels le desarmerēt incontinent & le firent manger, car il n'auoit repeu de tout le iour, puis le coucherent en vn liēt, ou quelquefois dormoit la fille de l'Hermite quand elle le venoit voir. Et visitās ses playes luy virēt le cors meurdri en plusieurs endroits, sans être aucunement entamé: à cause de la bonté de son harnois, sus lequel aucun glaiue ne pouoit mordre tant en étoit dure la trempe. Lors lui apliquerent certains vngens qui lui apaiserent la douleur, & peu après s'endormit iusq̄ au lendemain matin.

*Du grand deplaisir, que print le Roy Lisuart
par l'absence du Cheualier Noir, & des
propos que luy tint Arcabonne, mere
de Matroco, sus les infortunes passées.*

CHAP. VI.

LE

LE Cheualier noir sorty du château, qu'il auoit nouuellement cōquis, & les forcats entrés dedans, le Roi Lisuart reconneut entre les autres, mairre Helisabel. Parquoy se leua d'auprés Arcabonne, mere de Matroco, qu'elle tenoit en son giron. Et le vint embracer, lui demandant qu'elle fortune l'auoit là amené si à propos pour sauuer la vie au Geant, qui étoit en l'extremité. Sire, répondit il, ie pensois bien ce matin qu'il eut moins à faire de moy qu'il n'a. Mais à ce que m'assura vn Cheualier, que i'ay rencontré deualât là bas, il ét en grand danger de sa personne. Toutesfois pour l'hōneur de celui qui m'a commandé le secourir ie m'y emploierai volontiers. Ie vous en prie, dit le Roi, Lors maitre Helisabel fit doucement emporter Matroco en son liēt. Puis état desarmé, regarda à ses playes, & conneut biē q̄lles étoiet mortelles: parquoy n'y voulut faire autre apareil, q̄ retraindre le sâg remettât le surplus au sortir d'vn fort sommeil, qui l'auoit prins. Ce pēdât le Roi (q̄ nauoit pas oublié ce q̄ maitre elisabel lui auoit dit d'entree) lui demâda qu'êtoideuenue le Cheualier Noir. Sire, répondit il, entrant ceâs, ie l'ay trouvé qui s'en alloit secretement, en deliberation de plus ne retourner vers vous. Sainte Marie, dit le Roi ayant receu tant de secours de luy, seray ie biē si malheureux, qu'il s'absente ainsi de moy, sans le connoitre autrement? Sur mon Dieu ie me repens de m'être ainsi arrêté après Matroco: car pour le moins, ie l'eusse suyui, & importuné si bien qu'il m'eut dit son nō. Par vōtre foi, maitre mō amy le sçaués vous point? Ie vous prie ne me le taire plus longuemēt, si me voulés faire plaisir: veu q̄ ie n'eu oncqs tel desir de cōnoitre Cheualier, nō seulemēt pour le secours qu'il m'a fait: mais pour la haute entreprinse, qu'il a mise à fin. Sire répondit maitre Helisabel, ie vous supplie me pardonner, ie le connois vrayement, toute-fois si ie vous en disois d'auanta-

ge ie luy ferois tort, d'autant qu'il me l'a expressement defendu. Encores pis, dit le Roy, vous voulés m'augmenter le desir, & par même moyen me faire perdre toute esperance de le recouurer. Loïs entrèrent en la grand' salle, ou suruint Arcabonne plus morte que viue, laquelle le Roy pria courtoisement de se reposer vn petit lui demandant comme se portoit son fis. Il se porte, répondit elle, comme celui: duquel i'ay aussi peu d'esperance que de l'autre qui ét mort, en cete court. Et à dire vrai, il semble que fortune essaye à m'ennuyer, & fâcher de iour à autre par rengregement d'ennuis trop desesperés. Neant-moins ie sçay très-bien comme ie m'en sçauray venger. En despit d'elle, & de ses efforts ie donneray fin à mes iours & à son pouuoir ensemble. Ce que ie ne doi differer, veu qu'elle ne m'a laissé vne seule heure en repos depuis que ie me connois, sans me donner tour, ou dure atainte. Mais entre tous, nul autre ne m'êt tant grief, que l'effort du Cheualier par lequel (dit elle au Roi) ie te voi maintenant hors de mes mains, & du danger que ie t'auois préparé si mon malheur n'y eut contredit. Dame, répondit le Roi, quel déplaisir vous fis ie de ma vie, pour m'auoir voulu tant de mal? ie vous prie me le declarer. Ie le feray, dit Arcabonne, non pas pour te complaire, ains pour t'ennuyer d'auantage, quand sçauras que ie fu nec & nourie au même pais, ou as trop longuement regné à mon grand déplaisir. Et là Arcalaus & moy, frere, & seur, & malheureux tous deus, fumes engendrés de même pere & mere: & aprinmes ensemble l'art de Magie & maintes subtilités, dequelles nous auons quelquefois, & bien souvent, tourmenté plusieurs personnes, sans grande occasion. Et croissant ce mien frere en âge & malice, print connoissance à Carradaque, lors Seigneur de cete montaigne, avec lequel il eut telle amytié, q̄ finablement lui fus donnée à femme: & emmenee en

ce château, ou quelque tems après acouchai d'un fis nommé Lindoraque, puis de Matroco: qui git en ce lit, Et pour le tiers de Furion: lequel tu as mis à mort, & mon frere mêmes, qui alloit secourir Argante le portier. Ainsi doncques ayant un tel mary que Cartadaque, tât craint & redouté en cete contree, & trois fis les plus vail lants & cheualereus qu'on eut sceu voir, ie me souciois si peu de fortune, qu'il me sembloit impossible, qu'elle me fit fâcherie. Mais il m'est auenu autrement: car petit à petit, elle a conuerti toute ma ioie en vne douleur trop vehemente. Sçais tu par quel moyen? Je croy qu'il te peut encores souuenir des discords qui ont été par le passé entre toi, & Cildadan d'Yrlan de, & du iour que tu le vainquis en la bataille assignee: ou se voulut trouver feu mon mari. Et de fait partit expressément de ceans pour y aller, & mena, à la malheure, mon fis Lindoraque, lesquels ayans trauerse maint grand pais, arriuerent ou les atendoit mon frere. Et eus ensemble se mirent en chemin, en bonne deuocion de te nuyre, & porter tout le dommage qu'ils pourroient. Neantmoins à peine furent ils entrés en la prochaine forêt de Londres, qu'ils rencontrèrent un Cheualier, surnommé lors le beau Tenebreus, conduisant vne Damoiselle, qui portoit sus sa tête un couurechef semé d'étranges fleurs, lequel mō fis (trop infortuné) trouua si beau, q̄ d'un desir, merueilleus de le recourir, pour en faire un present à la belle Madasime s'amy, comāda à l'un de ses Ecuyers l'aller ôter à cete femme, & luy apporter. Toutefois ce beau tenebreus, dōt ie te parle, ne le voulut souffrir ains renuoya le messager avec sa courte honte, dequoy mon fis irrité cuyda user de force, Mais il luy auint si mal, que de la premiere rencontre le glaive de son ennemi luy trauerse les entrailles, & cheut mort sus le champ. Et autant en fut il pris à son oncle Arcalaus, si son détrier ne l'eut garanti, par vne soudaine fuyte, après auoir

perdu les quatre doigts de la main dextre & ce nonobstant fortune non cōtente de tel malheur, m'en prepara encores un pire. Car mon mari (qui par prouesse étoit lors redouté en toute l'Asie & Europe) fut cruellement occis, par le meurdrier mêmes de Lindoraque, le propre iour que se donna la bataille s'il t'en souuient. Ainsi demouray veuë avec mes deus autres fis ieunes, & de peu d'âge, & avec eus ay passé grande partie de mes iours, pleurant, & lamentant en continuelle tristesse, qui eut été plus extreme, sans l'esperance que i'auois en leur nourriture. Or pour venir au point ayant le tems & la raison quasi vaincu mes doleances passées, suruindrēt autres nouuelles par deçà, de la dernière victoire, que tu as obtenu, par la même faueur de ce beau Tenebreus, maintenant apellé (comme lon dît) Amadis de Gaule, & de la prison de mon frere, dont ie fu si ennuyée, qu'oubliāt le repos de ma vieillesse, ie me mis aussi tōt en chemin, esperant le tirer hors de tes mains par quelque moyen que ce fut. Toutefois auant que d'arriuer chés luy, i'eus certain auertissement qu'il auoit été remis en liberté. Neantmoins considerant les dommages passés, que i'auois receus de si long tems par ceus de ta maison, mêmes de ce méchant Amadis, deliberai premier que de retourner ceans, trouuer façon de lui faire connoitre le peu de bien que ie lui voulois. Et après y auoir employé tout mon sçauoir, & le sçachant inutile en son endroit, par l'empêchement d'un anneau qu'il porte ordinairement au doigt, lequel cete méchante Virgande la Décōneuë lui a donné: ie voulu éprouuer en toy ce, que ie n'auois peu en lui, état lors auertie que tu allois souuent à la chasse, assés mal accompagné, ou i'atiray l'une de mes femmes, laquelle tu voulus secourir en un taillis, pensant qu'un Cheualier la voulut forcer. Et si tu me reconnois, ie suis celle propre que tu trouuas au pauillon, poursuivant celui qui fuyoit deuant toy & là de-

demouras enchanté. Lors te portâmes en ma barque, puis sans cōnoissance d'autre que des miens, fus emmené ceans par mer, avec propos delibéré de te faire languir en prison, & ce pendant enuahir tes pais par l'ayde & faueur de mes aliés. Et toutefois ie me treuve bien loing demō conte: car ce lieu qui ne fut oncques subiugué pour puissance qu'yl ayēt sceu amener, non seulement les Rois de Turquie, ains les propres Empereurs de Constantinople, à été cōquis à moins d'un iour par un simple Cheualier avec la perte de mes deus sis & autres estimés un paragō entre les meilleurs Cheualiers du mōde. Et par ainsi on peut voir clairement, que de ta prinse m'ēt sorty beaucoup plus de malheur, q̄ ie n'en esperois en ta propre personne. Tandis qu'Arcabonne faisoit ses plaintes, le Roi, qui la regardoit ententivement, reconneut que vraiment c'étoit celle à qui il auoit parlé au pauillon. Parquoy il lui dît: En bonne foy Dame, ie vous croi maintenant mieus que iamais. Neantmoins il me semble qu'à tort vous m'aués fait porter penitence du mal que vous aués receu par autrui. En es tu là? répondit elle, ta prison seule eut été, dōmageable à plusieurs, & profitable à moy & aus miens. Peut être, dît le Roy, mais pour celà ie ne laisserai à vous faire tout le plaisir que ie pourray. Et ce pendant ie vous prie prendre vōtre fortune le plus constamment qu'il vous sera possible. Par mon ame, répondit elle, tu parles bien à ton ayse: Et d'une grand' colere se retira en la chambre de Matroco, laissant le Roi seul, qui n'auoit encores mangé de tout le iour: parquoy apella maitre Helisabel, & les autres, qui luy auoit aprêté à souper. Lors se mit à table, deuissant des propos d'Arcabonne. Puis étant l'heure d'aller coucher, s'en alla mettre au liēt, commandant à Libée la garde du château.

Comme le Geant Matroco mourut, dont Arcabonne fut si perturbée, qu'ayant failly à tuer le Roy Lisuart, se precipia elle même en la Mer.

Am. 5.

CHAP. VII.

A Peine étoit le Roi Lisuart endormi, qu'il fut réueille en sursaut d'un cry de femmes, qu'il entrouyt pleurâts & soupirans sans cesse. Parquoy se leua incontinent, & apellant maitre Helisabel & les autres, print vne hache qu'il auoit fait mettre au cheuet de son liēt, & alla voir que cétoit. Et ainsi qu'il trauersoit la salle, vit venir à luy Arcabonne couuerte seulement d'un manteau, qui détordoit ses mains, arrachoit ses cheueus, & faisoit un dueil extreme. Lors s'aprocha le Roi d'elle, & lui demanda s'il luy étoit survenu quelque chose. Helàs oy répondit elle, & ce q̄ i'ay toujours le plus crainct, & depuis hier assurement entendu. Et cōme elle acheuoit cete parolle, tira couuertement vne épée nue, qu'elle portoit sous son esselle, & en cuyda ferir le Roy. Mais de bonne heure il aperceut venir le coup, & se tira à côté si à propos, que de roideur l'épée donna sus le plancher, & sortit des poings de la vieille. Adonc le Roi mit prōptement le pié dessus, & tandis qu'il la releuoit, Arcabonne, voyant la chambre ouuerte ou étoit encores maitre Helisabel y courut hâtivement, & se precipita en la mer, par l'une des fenêtrés. Or ne l'auoit suyvie le Roi, ains étoit entré, ou Matroco gisoit mort. Lors voyant q̄ c'en étoit fait, retournoit arriere, quand maitre Helisabel le rencontra, qui lui dît les nouuelles d'Arcabonne. Ce m'aist dieus répondit il, il n'ēt point d'extremité scēble à celle des fēmes. Voiés, ie vo⁹ prie de quelle fureur elle étoit surprinse: au sortir de la chābre ie l'ai rēcōtree, & cuydāt la recomforter par belles parolles elle a failly à me tuer & voici l'épée avecq' quoi. Et cōme ils la regardoiēt le Roi recōneut q̄ c'étoit celle même qu'il auoit lors qu'il demeura enchâté, dont il fut si ayse, qu'il s'écria: Ah bonne épée, la meilleure & plus loyale compagnie qu'eut onques Cheualier, quantes victoires i'ay eues par ton

B 3

moyen

LE CINQUIEME LIVRE

moyen quels combats, quelles auentures i'ay mises à fin avecq' ton bon secours, Et puis t'ayant perdue par la plusgrande surprise qu'il est possible, tu m'as reconneu, étant es mains d'une femme enragee, qui par toi me vouloit faire mourir. Mais tu ne luy as seulement dénié cete faueur, ains luy es sortie du poing, pour retourner es mains de celuy, qui ne t'abandonnera tant que le bras te pourra soutenir. Pour le moins, dit il à Libee, si nous sommes desormais assaillis, nous auons dequoi nous defendre. Par ma foi, répondit maitre Helisabel, ie croi que tous ceus qui nous pouuoÿent nuire en cete place sont morts ou bié écartés. Et suis d'auis q' demain on les face inhumer: puis atadant qu'il nous vienne quelque moye pour retourner en vos pais, nous enquerons qu'et deuenue le Cheualier Noir que vous regrettés tât. Ce sera le meilleur, dit le Roi, & sus ce point chacun s'en alla remettre au lit iusques à Soleil leuant, que maitre Helisabel & quelques vns des siés vindrent pour faire enterrer le portier, & les autres morts. Entre léquels ils reconneurēt Arcalaus, qui étoit là arriué n'y auoit encores quinze iours: car au retour de sa prisō, auerti de la perte du roi lisuart soupeçōna, q' sa sœur Arcabōne lui auoit doné telle trousse. Et pour cete cause étoit expressement venu en la mōtaigne defendue, armé d'vnes armes verdes: comme il vous a été recité. Et cōbien q' maitre Helisabel l'eut veu assés souët: si doutoit il au cōmencement que ce fut il, considerât le lieu ou il l'auoit l'aislé depuis peu de tēs. Parquoi l'ëuoia dire au Roi, qui vint aus tōt pour le voir: & conneur assëurément que ce n'étoit autre. Toute-fois, dit il, ie le pensois encores prisonnier en l'Ile Ferme. Sire répondit maitre Helisabel, il étoit deliuré auant que ie partisse. Lors luy conta la maniere, ainsi qu'il est amplement déclaré à la fin de nôtre quatrième liure. Voylà dit le Roi, comme les iugemens de Dieu sont grans, faites mettre

son corps en quelque lieu fraîchement: car ie suis seur que son ame aura désormais plus de chaleur, qu'elle n'a eu en ce monde, soit en rôty, ou en bouly.

Comme maitre Helisabel alla trouuer le Cheualier Noir en l'Hermitage, ou il s'étoit retiré, & des propos qu'ils eurent ensemble.

CHAP. VIII.

ARcalaus mis en sepulture & les autres semblablement, le Roi Lisuart se retira en sa chambre, & ainsi qu'il ieta l'œil sus la marine, ne vid plus les vaisseaus qui étoient arriüés avec Matroco. Adonc s'enquit cōme ils s'en étoÿent allés, & il lui fut répōdu q' aussi tōt qu'Arcabōne se fut precipitée en l'eau, ils auoyent recueilly le cors & mis en leurs vaisseaus, & fait voile. Aillent à tous les diables, dit le Roi, nous ne laisserons pas à dîner, si nous auōs dequoi. Sire, répondit maitre Helisabel, il est prêt quand il vous plaira. Lors fut la viande apportee, & mangea le Roi de bon appetit: mais il auoit si peu reposé la nuyt precedente, qu'il dormoit quasi tout debout. Parquoi aussi tōt qu'il fut hors de table se ieta sus son liēt, commandant expressement que nul ne l'éueillât, dōt maitre Elisabel fut trefaïse, voiant qu'il pourroit (ce pēdant) aller trouuer Esplandiā cōme il lui auoit promis. E de fait sortit secretement du château, & deualât contre bas en la mōtaigne chemina tât, qu'il arriua en l'Hermitage, ou il trouua à la porte l'Hermite, & le muet, léquels il salua leur demandant, si le Cheualier Noir étoit leans. L'Hermite, qui le vouloit celer, fit l'ignorant: mais le muet monstra par signe, qu'il entrât en la prochaine chambrette, ce qu'il fit, & l'auisa couché sus vn lit, si pēfif que riē plus: Toutefois aussi tōt qu'il aperceut maitre Helisabel, luy rendit les bras & lui dît. Maitre mon amy, vous soyés le trébien venu: comme aués vous ainsi habandonné l'Ile Ferme, pour seruir Matroco & les autres de nation tant Barbare? Et ce disoit il en le gau-

gaudissant: car le Geant l'auoit mis à la cadene, & lui faisoit tirer la rame comme aus autres éclots. Mon Seigneur répōdit maitre Helisabel, aussi tōt que vous eustes receu l'ordre de cheualerie, & que nous fumes endormis au son des neuf bucines, le Roy Bruneo, Quedragant, & la plus part de ceus qui étoyēt lors avec Amadis vōtre pere, Grasinde ma maitresse me commanda retourner vers le Marquis Saleuder son frere, pour lui faire entendre comme elle étoit mariée avec le Prince de Sanfuegue, & pour cete cause ie m'enbarquai, & eu vent si à propos, que peu de tems après i'arriuai en Constantinople, ou pour lors étoit l'Empereur qui eut grand plaisir de m'ouyr raconter ce qui étoit auenu depuis le retour de Gastilles son neveu: Et le lendemain, ainsi que ie voulois prendre cōgé de lui, pour paracheuer mon voyage, l'Infante Leonorine, qui ét à mon auis la plus belle Princeſſe du mōde, m'enuoya querir, me priant tresinstamment, qu'en la presence de la Roine Menoreſſe & autres Dames & Damoiselles, ie lui diſſe tout ce q̄ i'auois appris du Cheualier à la verde epee. Car diſoit elle, encores que nous ſçachiōs bien que maintenant il se nomme Amadis de Gaule, si ne changera il de nom en nôtre endroit tant qu'il nous ayt enuoyé quelqu'un de son lignage, ou luy mêmes retourné vers nous pour nous seruir cōme il nous a promis. Adonc ie leur contay les merueilles de l'arc des loyaus amans les singularités de l'Isle, dont ils n'auoyent oncques ouy parler, la perte du Roi Lisuart, la sorte que vous receustes cheualiere, les ceremonies qu'Urgan de la Deconnuē y fit obseruer, le cōmandement q̄ vous donna Amadis vōtre pere de les venir seruir en son lieu: Et comme finablement nous nous endormimes en la grand Serpente, de laquelle nous fumes transportés sans ſçauoir par qui, iusques au palais de Apolidon, ou à nôtre réueil nous nous trouuâmes tous fors

vous Manely, le Roi de Dace, Ambor, & Talanque, qu'oncques puis nous n'auions veus. Et ainsi que ie leur faisois ce discours, la Princeſſe Leonorine n'eut patience de me laisser paracheuer: ains en interrompant mon propos me dît: Quāt mon cousin, Gastilles retourna vers l'Empereur mon pere, il me souuient qu'il faisoit cas entre autres du Damoisel dont vous parlés, & par ainsi declarés nous au long tout ce q̄ ſçaués de lui. A quoy ie lui voulu obeir, commençant au iour de vōtre natiuité, & depuis comme le Roi Lisuart vous trouua en la forêt avecques la Lyonne, les lettres qu'il receut le iour mêmes, & les étranges caractères que vous aportâtes sus vous, du ventre de la mere, les vns aussi blancs que neige, qui ét vōtre nō, & les autres rouges comme sang, ou ét celui de vōtre amye encore inconnuē pour ne connoitre lédits caractères. Lors me demanda en riant? comme doncques en pourriés vous auoir nouvelles, & ie luy répondy qu'Amour la vous enseigneroit avec le tems: Et q̄ lon tenoit pour tout ſeur qu'elle seroit yſſuē de lignee Royale, & belle entre les plus excellantes de la terre. En verité, dît elle, il le merite bien, & vous prie tant qu'il m'ēt possible, quand vous le verrés, le persuader venir par deçà aquiter la promesse, de laquelle son pere nous ét redeuable: car j'ay grand desir de le voir, & le ſçauoir autant nôtre qu'à été autrefois Amadis. Ce que ie luy promis faire, combien que ie doutasse que ce ne seroit si tōt que ie desirerois: Et ainsi, mon Seigneur, demouray quelques iours entre elles, parlant ordinairement de vous, Puis m'embarquay avecques ma compagnie, & nous courut fortune en sorte, que nous tombâmes es mains de Matroco, écumanant lors en la marine. Durant q̄ maitre Helisabel entretenoit le Cheualier Noir de ce q̄ luy auoit demadé la belle infante Leonorine, & des perfectiōs d'elle. Amour lui raut tellemēt la liberté qu'il mua cou

leur plus de dis fois: Neantmoins il dissimula pour l'heure (au mieus qu'il peut) ce qu'il en pensoit: Et changeant propos demanda à maitre Helisabel, comme il auoit trouvé moyen d'échaper d'avec le Roy Lisuart. Le mieus du monde, répondit il, aussi tôt qu'il a eu dîné il s'est mis à dormir, & ce pendant ie vous suis venu voir, Je vous prie, dît le Cheualier, qu'il ne scache rié de tout ce q̄ vous aués entendu. Et pourquoy? répondit maitre Helisabel, vous cachés vous ainsi de luy? veu qu'il n'y a Prince au monde plus digne d'être aymé, & serui de tous bons Cheualiers? Il ét vray, dît le Cheualier, mais i'ay encores si petit commencement, que ie serois honteus qu'il m'eut en si peu d'estime: puis i'espere avec le tems faire telles choses, qu'elles me renommeront d'elles mêmes, sans autre truchement: par ainsi gardés vous sur vôte vie que ie ne sois à present decouuert Puis qu'il vous plaît, répondit maitre Helisabel, ie le ferai, cōbien que ce luy seroit vn plaisir d'entendre tel secours inespéré lui être auenu de vous & nō d'autre. Ce sera pour vne autre fois, dît le Cheualier, & pource qu'il vous pourra demāder à son réueil, retournés vous en, & venés de fois à autre me voir. Lors maitre Elisabel print congé, & luy donnāt le bō soir, suyvit le chemin qu'il étoit venu.

Comme la Damoiselle Carmelle trouua en l'Hermitage le Cheualier Noir dormant, & eut fantasie de le tuer: mais le voyant si beau, fut soudainement esprise de son amour.

CHAP. IX.

TAnt chemina maitre Helisabel depuis qu'il fut party de l'Hermitage, ou il auoit laissé le Cheualier Noir, qu'il rentra au château sans être de nul aperceu, encores que le Roy fut déja éveillé, lequel l'auisant à la basse court (de l'une des fenêtres ou il étoit apuyé) luy demanda s'il auoit dormy. Non sire, répondit il, ie me suis pourmené le long de cete côte, qui

ét enuironnee du plus beau país que i'aye oncques veu. Mōtés ça haut, dît le Roy, & nous en deuiserōs: Mais à peine eut il mis le pié en la chambre que Carmelle fille de l'Hermite suruint: laquelle (se mettant à genous) dît au Roy: Sire, ie vous supplie treshumblement vous seruir dorenavant de moy, comme de celle qui ét vôte suiette, & vous mon Signeur lige & droiturier. Lors la leua le Roy doucement, & luy répondit: Damoysselle m'amie, si voulés quelque chose de moi, vous ne serés pas refusee: Car oncques de ma vie n'essayay qu'à faire honneur & plaisir à toutes celles qui vous ressemblent, & posé que telle faueur me soit tournée souuent à déplaisir, si n'en donne ie le tort qu'à moy-même: veu que nōtre Seigneur enuoye iustement les biens & les maus, quand & à qui il lui plaît: ainsi ie vous prie me dire qui vous êtes. Adoncq' Carmelle luy fit vn long recit comme en ses premiers ans elle auoit suyui Arcabonne sa maitresse, & l'ocasion qui meut son pere de se rēdre Hermite, ainsi qu'il vous à été amplemēt deduit aus chapitres precedants, Vrayement m'amy, dît le Roi, si voulés retourner en la grand' Bretagne, ie vous y meneray quāt & moi. Sire, répondit elle, ie feray ce qu'il vous plaira, & ce pendant permettés moy que ie face entendre à mon pere qui vous êtes: car il sera tréjoyeus de vous faire seruice. Oy dea & faites que ie le voye, dît le Roi. Treshumblemēt le remercia Carmelle. Et par ce qu'il étoit ia tard se retira iusques au lendemain matin, qu'elle sortit de la forteresse, ainsi que l'aube iour commençoit à aparoitre, & deualant par vne adresse qu'elle scauoit, arriua en l'Hermitage droitemēt à l'heure que le muet & l'Hermite étoient allés à la barque querir quelqs necessités dōt le Cheualier Noir auoit besoing, & dormoit ce pendāt: Car depuis q̄ maitre Helisabel luy eut entamé les propos de l'Infante Leonorine, il n'auoit peu reposer, sinō à l'heure qu'elle entra

entra en la cellule de son pere, ou elle ne le trouva: Parquoy, sans se douter de rien vint en l'autre chambre, & entendit le Cheualier Noir ronfler. Lors bien ébaïe entr'ouvrit la fenestre, & le vid dormant, & l'épee pendue au cheuet du liect, laquelle elle print, & doucement la tira du fourreau. Si la trouva encores tainte de sang en plusieurs endrois, qui lui donna soupçon que c'étoit il sans autre qui auoit mis à mort Furion, Matroco, & ceus du château: Et comme elle ietta sa veue plus auant, reconneut les armes noires, dont fut surprinse de telle crainte, que peu s'en falut qu'elle ne laissât tomber ce qu'elle tenoit & soy-mêmes quant & quant: Neantmoins elle s'éuertua tellement qu'elle s'aprocha pour mieus le reconnoitre, bien deliberee si c'étoit il, de le faire mourir à l'heure: Et à cete cause luy découvrit petit à petit le visage: Mais il luy sembla tant beau, que soudain la fureur qu'elle lui preparoit se mua en vne si forte amour, que jour de sa vie ne se peut distraire de l'aymer, par telle vehemence, que tant plus elle le regardoit, & plus s'augmentoit en son cœur ce feu nouvellement allumé. Et comme il se fut endormy pensant à la belle Leonorine (après que Carmelle eût été long tems à le contempler) se tourna vers elle, & sans s'éveiller ietta vn haut soupir disant: Ah pauvre, que fera ce de moy! Bien cōeut lors la Damoiselle qu'il ne l'auoit auisee: parquoy s'enhardit jusques à le baiser, si lui trouua le visage couvert de grosses larmes, & eut doute qu'il eût quelque grande melâcolie. Et encores qu'elle n'en fit cas, sentoit son nouveau mal trop plus que celui d'autrui, de sorte que prenant tout à son auantage, esperoit de là en auât trouver moyen de le faire sien. Toutefois elle étoit bien loing de son conte: car Amour pour montrer son pouoir les auoyt tous deus navrés diuersément en vn même lieu & même temps, chose quasi incroyable. Car qui eût iamais pensé que ce petit Dieu se fût ainsi trouvé en telle mai-

sonnette? ou vn seul bon homme d'Hermite viuoit austeremēt, ne mangeât pain qu'à demy son saoul, avecques quelques racines bien froides? ce nonobstant il les vainquit tous deus à la faiscō quasi la plus mal à propos qu'il eut peu choisir cōme il semble: veu que le Cheualier auoit tāt souffert aus combats precedents et la Damoysele veu à vn instant morir tant de ses propres amys q̄ l'vn n'auoit meilleur besoing de consolation que l'autre de repos. S'il ét donc ainsi (comme il ét vray) q̄ nous soyons tous sujets à ce Tiran, celui qui aura passé la fleur de son aage, sans éprouver sa fureur, ne s'en doit estimer plus heureux, veu qu'il contraint les ieunes à aimer, & bien souvent les vieils à rader. Ainsi étoit la Damoiselle faisant penitence du mal qu'elle auoit seulement pensé contre le Cheualier Noir, & plus longuement y eût demouré, n'eût été qu'elle ne vouloit être découverte: Parquoy se retira avec l'épee qu'il tenoit, puis cōmença à remonter contremont la roche, & sans être découverte rêtra par vn poulis au château dont elle auoit la clef, & iusques en sa chambre. Et quasi aussi tôt l'Hermite & le muet retournert de la barque, & trouverent le Cheualier dormant encores, lequel s'eueilla peu après: mais il ne vid plus son épee au lieu ou elle auoit acoutumé de pendre: parquoy leur demanda s'ils l'auoyent ôtée. En verité non, répondit l'Hermite, aussi ne faisons nous qu'entrer ceans, du retour de la mer dont nous venons. Lors pensa bien Espladian qu'elle étoit perduë, estimant que tout ainsi qu'il l'auoit conquise par vne étrange sorte, qu'elle seroit égaree par vne plus grande. Et firent l'Hermite & le muet toute diligence de la trouver, encores que ce fût en vain.

LE CINQUIEME LIVRE

Comme le Roy Lisuart auerty par la Damoiselle Carmelle, du lieu ou étoit le Cheualier Noir s'en partit seul avecques elle, pour l'aller voir.

CHAP. X.

LA Damoiselle Carmelle retournée au château, comme il vous a été dit, vint aussi tôt trouver le Roy, qui à l'heure se complaignoit à maitre Helisabel, du tort que luy auoit fait le Cheualier Noir, pour s'être ainsi absenté de luy, sans se vouloir faire connoître, & tâchoit par tous moyens à luy tirer les vers du nés, afin d'entendre ce qu'il en sçauoit. Mais il parloit à vne trop fine mouche, & qui pour mourir n'eût voulu passer la defence qu'on lui auoit faite: Et combien que la Damoiselle eût parauant delibéré de lui raconter tout ce qu'elle en auoit appris, esperant par sa faueur venir à ses araintes: neâtmoins la presence de maitre Helisabel fut cause qu'elle s'en teut iusques à ce qu'il s'en fût allé. Lors voyant le Roy seul, commença à lui dire: Sire, s'il vous plait me faire tant de bien de m'être aydant en chose qui m'importe de mort ou de vie enuers le Cheualier que vous desirés tant voir, ie le vous montreray deuant qu'il soit demain nuit, si bon vous semble, & en lieu ou pourrés facilement parler à luy. Et afin que vous n'en doutiés, i'ay telles enseignes en ma chambre, que les ayant veuës, ie suis seure que me croirés aisément. Damoiselle, répondit il, si vous faites cela pour moy, ie feray pour vous tout ce que ie pourray. Sire, dit elle, ie vous supplie quand vous sés ensemble le prier tant qu'il m'ottroye vn don, que ie veus auoir de luy. Foy de mon cors, répondit le Roy, il ne tiendra à cela, ni à plus grand chose, si ie puis. Or me suiues, dit la Damoiselle. Lors le mena ou elle auoit enfermé l'épee, laquelle elle lui montra, lui demandant s'il l'auoit oncques veuë. Ouy vrayement, répondit il. Que pleut à Dieu que celui, qui la sçeut si bien employer, fût aussi près de moy comme elle ét. Je le vous montre-

ray, dit elle, demain au plus matin si vous lés me suiure. Je le feray, répondit le Roy, armé, ou defarmé, ce m'êt tout vn, mais q̄ que ie le voye. Or vous tenés doncques prêt, dit elle, quand ie vous iray appeller, & vous contentés de ma compagnie: car ie ne veus qu'autre que vous sçache rien de nôtre entreprinse. Et bien, répondit le Roy. Si sortit de la chambre, & passant par la court rencontra Libee & quelques autres, ausquels il dît, qu'il vouloit aller s'ébatre le lendemain par la montaigne, pour ce que maitre Helisabel lui auoyt fait entédre, qu'il n'étoit possible de voir contree plus plaisante, & que Carmelle, sans plus, le conduiroit. Puis tombants de propos en propos, passerent le jour, tât qu'il fut heure d'aller reposer: toute-foys le Roy dormoit trémal, pour le desir qu'il auoit d'aller trouver le Cheualier. Et à peine commençoit il à sommeiller, q̄ Carmelle le vint éueiller, lui disant: Sire, ne vous plait il pas venir ou vous m'aués promis? Allons, répondit il. Adoncq' s'habilla promptement, & manda que lon luy tint deus cheuaus prêts, sus l'vn desquels il monta, & la Damoiselle sus l'autre, puis sortirent du château, prenants le droit chemin vers l'Hermitage. Mais ils n'eurent gueres cheminé qu'ils auiserent vn homme, courant vers eus à bride abatuë: & cōme il fut près, la Damoiselle le reconneut & lui demanda qui le pressoit ainsi, & ou il alloit. Là haut au château, répondit il, prier Matroco & Furion venir hâtiuemēt secourir Lindoraque leur oncle, lequel venant vers eus de ses païs a rencontré en la plaine deus Cheualiers armés d'vnes armes blanches, qui ont tué ceus qui lui tenoyent compagnie, & l'ay laissé au plus grand danger ou il fut de sa vie, comme ie croy. Quand le Roy l'entendit ainsi parler, il pensa aussi tot que c'étoyēt quelques vns des compagnons du Cheualier Noir, & dît à la Damoiselle: Je vous prie, demourés avec c'êt homme, & i'iray voir que c'êt. Lors brocha le cheual des éperons.

perons, & prenant le chemin que l'autre étoit venu, auisa d'assés loing ceus qui assailloyent le Geant, lequel se defendoyt brauement, & à coups de masse les faisoit quelques fois reculler. Mais les deus Cheualiers étranges promts & hardis, lui dōnerent tant d'affaires, qu'il ne sçauoit bōnement comme se garantir, & n'eût été qu'il assomma le cheual de l'un d'eus encores eût il eu pis. Toutefois celui qui étoit demouré seul à la mêlée (voulāt venger son compagnon) ne se trouua étonné, ains tandis qu'il se releuoit, recommença le combat contre le Geant, plus cruel qu'au parauant, en sorte qu'ils vindrent à se joindre bras à bras, & s'embraçants l'un l'autre, mirent toutes leurs forces à se déroquer. Lors s'aprocha celui qui étoit à pied, & print le Geant par la jambe gauche, qu'il lui tira si rudement, q̄ tous deus ensemble tōberent sus le chāp, & se tenāts encores embracés, le Geāt eut le dessous la veuē contremōt, dedās laq̄lle celui qui les auoit fait cheoir lui mit hātuiement l'épee si auāt, qu'il fut cōtraint lâcher la prinse: Neātmoins il se releva de grād'force, & saisissant le Cheualier qui l'auoit navré, le ietta cōtre terre: ce pendant l'autre lui donna tel coup d'épee sus la tête, qu'il cōmença à chāceler: & secouant le jarret, rendit l'ame à qui elle apertenoit. Adonc s'auança le Roi vn peu plus outre, & aperceut les deus Cheualiers porter sus leurs harnois crois noires, qui lui témoigna être Chrétiens: Parquoy marcha hardimēt vers eus, & s'aprocha si près, qu'ils le reconnurent. Si vindrent lui faire la reuerence, bien ébais qui l'auoit là amené. Mais le Roy qui se voyoit ainsi honoré, ne l'étoit moins qu'eus, & leur dit: Mes amys, ie ne sçay qui vous êtes, ie vous prie, ôtés vos heaumes afin que ie vous voye, & connoisse, ce qu'ils firent. Et conneut q̄ c'étoient Talanque fis de Galaor, & Ambor de Gandel, fis d'Angriote d'Etraus: lesquels il embrāça de grand'amour leur disant: Par ma foy, mes bons amis, ce n'êt

pas sans cause, si vous aués plaisir de me voir: Car toute ma vie i'ay désiré vos peres en ma compaguie, & le pareil souhaitois de leurs enfans. Et pour Dieu, cōtés moy quelle auanture vous a fait venir en ces pais étranges. Sire, répondit Talanque nous allons après vn Cheualier, qui porte vnes armes noires, duq̄l nous n'auons encores eu nouvelles. Scaués vous son nom? dit le Roy. Ouy bien, répondit Ambor, c'êt vōtre petit fis Esplandian. Il s'ist, dit il, suiues moy seulement, & ie vous cōduiray là ou il êt. Lors Ambor, qui pour honorer le Roy étoit descendu du cheual, remonta aussi tōt, & Talanque sus celui du Geant, qui auoit assommé le sien: Puis eus trois ensemble reprindrent le chemin que le Roy étoit venu, tant qu'ils auiserent la Damoiselle qui l'atendoit encores: laq̄lle les voyant marcher au grand pas vers elle, fut en branle de s'enfuyr, craignant qu'ils amenassent le Roy outre son gré: Toute-fois à la fin connoissant par leurs gestes qu'ils étoient ses amys, demeura coye, iufques à ce qu'ils furent joignant d'elle, qu'elle dit au Roy: Sire, ou aués vous si tōt recouvert compagnie? Damoysselle, répondit il, vous le sçaurés tout à temps: mais vous mêmes qu'aués vous fait de celui que i'auois laissé avecques vous? Faites nous part des nouvelles qu'il vous a aprinses. Sus mon ame, dit elle, ie ne luy ay plus tōt assuré la mort de Matroco, & des autres, qu'il s'en êt fuy au trauers de cête montaigne, comme si tous les ennemys d'enfer l'emportoient. Neātmoins il m'auoit assuré au parauāt, que le Geant son maitre en auoyt ouy quelque bruit, & qu'à cête cause il s'en venoit par deçā, pour en sçauoir la verité, accompagné seulement de deus Cheualiers qu'il faisoit marcher assés loing deuant luy, & mal pour eus: car il les a trouvés morts sans scauoir qui a ce fait: fors deus Cheualiers étranges qu'il a rencontrés tōt après, lesquels l'ont assailly, & les a laissés (à ce qu'il m'a dit) au fort de leur combat.

Par

LE CINQYIEME LIVRE

Par Dieu, dît le Roy, si les premiers y ont mal fait leurs besoignes, le dernier qui est leur maitre, n'a gueres mieus joué son per sonnage qu'eus: car ils y sont tous demou rés pour épies: Et voicy ceus qui étoient de la partie, que ie vous prie laisser venir avec nous: car ils sont amys & cōpagnōs de celui que vous m'aués promis mōtrer. Allons doncques puis qu'il vous plait, répondit elle. Lors cheminerent ensemble vers l'hermitage, à l'entree duquel ils trou verent le preud-homme assis sus vne pier re, lequel tout effrayé de voir sa fille avec tant de gents, lui demanda ou elle alloit. Mon pere, répondit elle, voicy le Roi Li suart vōtre Prince, & le mien, que ie vous amene, comme celui qui a desir de vous voir. Et combien que l'Hermite ne l'eut veu de long tems, si le reconneut il, & s'a uanca pour luy baïser les piés, ce qu'il ne voulut permettre, ains l'acolla, & descen dant du cheual suiuit la Damoiselle, & ré contra le muët, lequel entendant le bruit & hannisement des cheuaus, venoit voir qui ce pouoit être, quand il auisa le Roy, contre lequel il s'enclina la tête en bas. Toutefois le Roy passa outre sans s'arrê ter, & entra aussi tôt que Carmelle en la chambre du Cheualier, qu'il trouua assis sus le pié de son lit: Si le reconneut Esplan dian incontinent, & se vint ietter à ses piés, mais le Roy l'embrassa pleurant de trop grand joye. Et à l'instant suruindrēt Talanque & Ambor, lesquels auisants leur compagnon (qu'ils auoyent tant quis) fu rent merueilleusement aises, & s'appro chants pour le saluer, le Roy dît à Esplan dian: Mon fis, encores que vous ayés prins grande peine à vous celer de nous, si a nôtre Seigneur permis que tous trois vous ayōs trouvé à vn coup: parquoy ie vous prie sortir de ceans, & vous en reuenir là haut au château où vous serés plus à vōtre aise que non pas en cete pauvre mai son. Sire, répondit il, ie feray ce que vous plaira. Adoncq' vint embracer Talanque & Ambor, s'enquerants à eus, & eus à lui,

des fortunes qu'ils auoyent passées depuis qu'Vrgande les fit armer Cheualiers. Ce m'aît Dieus, dît le Roy, vous atendrēs à en sçauoir d'auantage, iusques à ce que nous soyons là haut: car vous en pourrés deuïser mieus à vōtre aise. Puis appella la damoiselle Carmelle, & la pria retourner en toute diligēce dire à Libee, qu'il amenât vn des cheuaus de Matroco pour Esplan dian. Sire, dît Ambor, il seroit tard quand il arriueroit, il prendra le mien, & ie le sui uray à pied. Non ferés, dît le Roi, montés sus celui de Carmelle, & la portés en crou pe. Ainsi s'équiperent pour retourner en la Roche defenduë ou les suiuyent tout bellement l'Hermite & le muët: Mais à peine furent ils entrés dedans, & Ambor & Talanque desarmés, que Carmelle pas sionnee de l'amour extrême qu'elle por toit au Cheualier Noir, se cuida tuer de l'épee propre qu'elle auoyt dérobee le jour precedent. Et l'occasion de son des espoir procedoit de ce qu'elle pensoit qu'il la dédaigneroit, étant indigne de luy, qui étoit fis d'Amadis, ainsi qu'elle auoyt sceu nouvellement: Toute-fois il luy sou vint de la promesse que le Roy lui auoyt accordée. Parquoy delibera de le supplier faire tant enuers lui, qu'il promît seule ment qu'elle ne l'abandonnât jamais, ains demeurât tant qu'elle viuroit en sa com pagnie, pour le seruir en toute fidelité. Et de fait executant sa deliberation, ainsi qu'ils étoient tous ensemble se vint iet ter aus piés du Roy, & luy dît: Sire, ne vous ay-ie pas tenu promesse? Ouy vraye ment, répondit il, aussi ne sera il jour de ma vie que ie ne vous en sçache gré. Sire, dît la Damoiselle, ie croy que vous aués encores bien souvenance du don q' vous m'aués promis, & pour satis-faire à vōtre parolle, faites tant enuers le Cheualier Noir, qu'il m'otroye ce que ie luy de manderay. Damoiselle, répondit le Roy, assurez vous que ie m'y employeray de trēbon cœur. Sire, dît elle, vous me don nâtes hier congé d'aller voir mon pere en son

son Hermitage, qui de fortune étoit absent, quand i'y arriuay, dont ie fu grande-
mēt ébaïe, pour n'auoir acoutumé de s'en
élongner. Et trouvât l'huis ouvert, entray
en vne chambrette que i'ay fait acouter,
en laquelle ie dors quelque fois, quand
l'heure, ou le mauvais tems me surpren-
nent en sa compagnie, & i'auisay dormât
ce Cheualier (dît elle montrant Esplan-
dian) que tous aués tant regretté, & son é-
pee pendue au cheuet de son lit, de laq̃lle
il a ces jours passés fait morir ceus qui
m'auoyent eleuee depuis l'aage de mon
berceau. Lors émeue pour ma perte nō pe-
tite, d'un desir de venger moy & les miés
fu en termes de le mettre à mort, & si
prés de l'exécution, qu'ainsi que ie tenois
le glaïue nud, & le bras leué pour parache-
uer mon entreprinse, il me sembla tant
beau qu'à vn instant ie fu éprinse de son
amour si ardammēt, que sans la promesse
que vous m'aues faite, ma vie n'eût été é-
longnee iusques à ce jourdhuy. Et toute-
fois ayant depuis conneu celui qui me
tient en telle extremité, me sentant indi-
gne de luy être femme, ni amye, i'ay mo-
deré ma premiere deliberation, en sorte
que ie me tiendray plus que satisfaite, s'il
luy plaît seulement que ie demeure pour
iamais avecq' luy, le seruât en tout ce qu'
il lui plaira me commander, chose qu'il
ne me peut refuser par raison: car face ce
qu'il voudra, tant que l'ame me reside au
cors, ie ne l'abandonneray, si force ne m'y
contraint. Et pourtāt Sire, ie vous supplie
en l'honneur de Dieu, trouués moyē que
ma requête me soit otroyee: Et vous au-
tres Cheualiers (dît elle à Ambor & Ta-
lanque) priés le semblablement pour moy,
à fin qu'à vōtre faueur la vie de cete tri-
ste amante nō aimée, puisse durer de quel-
que peu d'auantage. Le Roy oyant parler
cete Damoiselle, qui d'affection rougis-
soit & palissoit à toutes heures, eut trégrā-
de enuie de rire, cōsiderant l'extremité en
laquelle elle étoit tombee inconsideré-
ment, & eut crainte s'il lui faisoit répon-

ce autre qu'à sa fantasie, qu'elle ne méfit
à soy mêmes: Parquoy il lui répondit gra-
cieusement: Damoiselle m'amie, vōtre re-
quête ét si raisonnable, que ie suis d'auis
qu'il la vous otroye: Et quant à moy, ie
l'en prie autant qu'il m'êt possible. Sire,
répondit Esplandian, ie feray ce qu'il vo-
plaira me commander. Acordés lui donc
ce qu'elle demande, dît le Roy, à ce que
d'icy en auant elle se puisse nommer vō-
tre loyalle seruante, gardant son hōneur
en toutes choses, cōme la raison le veut.
Ie le feray, répondit Esplandian, & ainsi
le vous promets, dît il à Carmelle: laquel-
le se jettant à ses piés les lui baïsa, puis re-
mercia le Roy & luy bien humblement,
se reputant plus que tres-heureuse de tel-
le faueur.

*Comme Talanque & Ambor raconterent au
Roy les auantures qu'ils auoyent eues cherchant
leur compagnon Esplandian depuis le temps qu'
ils receurent l'ordre de Cheualerie.*

CHAP. XI.

VOus aués peu entendre aus cha-
pitres precedents, comme le
Roy Lisuart fut deliuré de pri-
son, par son petit fis Esplādian.

Mais il n'auoit encores sceu la maniere
qu'il auoit été armé Cheualier. Parquoy
vn jour entre autres (au sortir du diner) le
Roy Lisuart le pria de le lui reciter fidele-
ment, ensemble ce qu'il luy étoit auenu
depuis, à fin, dît il, que Talanque & Am-
bor, en fissent autant de leur part. Lors E-
splandian commença à decouvrir par le
menu, comme Vrgande la Déconneuē é-
toit retournée en l'Ile Ferme, dedans la
nauire de la grand' Serpente, les propos
qu'elle eut avecq' Amadis & autres, qui
s'y trouverent, la forme qu'elle tint pour
l'armer Cheualier avec Talanque, Am-
bor, Manely, & le Roy de Dace, le som-
meil dont ils furent surprins, & comme à
son réueil il se trouua au pié de la roche
de la Damoiselle enchanteresse, acompa-
gnée seulement de Sergil son Ecuyer, &
de

de deus muërs, aussi la maniere qu'il conquît l'épee, & mêmes son arriuee à la mortaigne Defenduë, ou il trouua l'Hermite qui le dissuada à son possible de cōbatre les geants. Par mon chef, répondit le Roy ie n'ouy oncques parler de si grâdes merueilles. Et vous Ambor que deuintes vo⁹? Sire, répondit il, mon cōpagnon & moy fûmes endormis, ainsi q̄ les autres, & au sortir de nôtre somme nous nous trouvâmes dedans vne barque avec nos deus cheuaus en vn port de mer nommé Artimata, qui ét au Koyaume de Nuruege, lors à nous inconneu: parquoy descendîmes en terre, tant pour nous en enquerir, que pour recouurer viures. Mais ceus de la ville qui faisoient guet pour quelque guerre émeuë entr'eus, & leurs voisins, enuoyerēt sçauoir que nous demandions. Si leur fîmes réponse, que nous étions Cheualiers errants venants de l'île Ferme, que la tormente nous auoit là iettés. Ce m'ait dieus, dit celui qui parloit à nous, nôtre Roy a maintenant tant à faire, que vous serés les trébiens venus vers lui, si vous le voulés seruir. Et nous lui demandâmes, comme il se nommoit, & la contree semblablement. Signeurs, répondit il, elle se nomme Nuruege, le Roi Adroin, beau pere d'Agraies, que lon dit être fis du Roy d'Ecocce, & l'un des meilleurs Cheualiers du monde, ie ne sçay si vous le cōnoissés. Et quelle necessité a vôtre Prince de nôtre seruice? Entendés, répondit il, qu'il ét si vieil, que l'un de ses neueus fis de sa sœur, induit par quelque mauvais conseil, a prins les armes contre lui, tendant à fin d'auoir l'administration du Royaume, puis que son oncle ne le peut plus gouverner. Et sous telle couleur en a déjà vursuré grand partie, & tient encores assiegee l'une des meilleures villes, que nôtre Roy ne peut secourir: par ce que grand partie de ceus, ausquels il se fioit le plus, l'ont du tout abandonné, & tiennent le parti de ce ieune fol, qui les a gaignés par belles promesses, chose qui auient cōmu-

nement à ceus que fortune défauorise, les quels étants poursuiuis par mal heur, ne sont contemnés seulement des étrâgiers, ains de leurs parents & aliés, que lon doit proprement nômer amys du temps. En bōne foy, dîmes nous, si ceus de la ville nous veulent donner à repaître, & guide pour nous conduire, nous irons volōriers lui presenter nôtre seruice, tant pour l'honneur d'Agraies, duquel nous sommes amys, que pour le droit qu'il a, cōme vous nous assurez. A cela ne tiendra pas, répondit il. Lors nous pria de l'attendre, & s'en retourna en la ville, ou il ne fit long séjour, qu'il ne revint avec ce que lui auiois demadé, mêmes la guide qui nous mena si bien qu'arriuâmes le lendemain à dîner ou étoit le Roi, lequel auerty de nôtre venue, & comme nous étiois amys d'Agraies nous receut courtoisement, & commanda à son principal Ecuyer qu'il nous fit desarmer en l'une des meilleures chambres, & là nous vint entretenir de tout ce que celui de la ville nous auoit raconté, & du mechant tour, que lui faisoit son neueu à l'instigation de deus Cheualiers, ausquels il auoit toute fiance: par ce (dit il) qu'ils s'assurent que nuls des miens oseroyent entreprendre les combattre, tant sont estimés hardis & cheualereus. Et qui les ameus, ni vôtre neueu aussi (lui demandâmes nous) entreprendre si grande folliē? Pour autant, répondit le Roy, que ie n'ay nuls enfants mâles, & cétui mien neueu dit, que ie suis trop anciē pour desormais gouverner ce Royaume, & que c'êt à luy à faire. Toute-fois ie l'en garderay, si ie puis, sous intention qu'il demeure à ma fille Olinde, & à Agraies son mary. Par mō ame, di-je lors, il me semble puis que cête guerre ét commencee seulemēt pour le droit que vous deus pretendés en vne même chose, le meilleur seroit que le diferent se vuydât par le combat de deus Cheualiers de chacune part, sans que tant de pauvre peuple en souffre cōme il fait, remettant le surplus de la victoire, à qui nôtre

nôtre Seigneur la vouldra enuoyer, qui ét iuste & droiturier. Et s'il vous plaît, mon compagnon & moy serons les deus qui l'entreprendront pour vous. Mais quand il m'ouyt ainsi parler, il demoura tout pensif, puis nous répondit: Cheualiers, ie ne vous connois encores tant, que par raison ie doie hazarder vn si grand royaume, qu'êt le mien: toute-fois si vous me voulés asseurer, que vous êtes Cheualiers de l'Isle Ferme, i'en prēdray le hazard, tel qu'il pourra venir: car il ne peut sortir de lieu tant renommé que preudhommes, autrement celui qui en ét Seigneur, ne les souffriroit en sa cōpagnie, comme ie pense. Et nous lui iurāmes foi de Cheualier, q̄ nous lui auions dit la verité. Parquoy depēcha incontinent vn Trompette vers son ennemy, pour lui presenter ce combat, lequel entendant telles nouvelles mōtra contenance d'en être fort joyeux, estimant que ses deus Cheualiers tant estimés viendroyent facilement à bout des deus meilleurs que le Roy eût, & partant renuoya incontinent le Trompette, avecq' vn des siens, qui acorda avec nous du lieu, des armes, & d'ōtages: tellement qu'au jour assigné, après les serments solennels, faits d'vne part & d'autre, nous entrāmes en camp, & eūmes vn combat merueilleux les vns contre les autres: Mais finablement étant le droit de nôtre côté, la victoire nous demoura aussi. Et cōme nous fūsi-
ons prêts de leur tailler les têtes, le neuueu (ennemy du Roi) nous pria tresinstāment les lui dōner, ce que lui accordāmes, sous condition que de là en auāt il souffriroit son oncle regner en pais, sans plus le molester: & ainsi le promit. Or étions nous si navrés, qu'il nous fut force séjourner en Nuruege plus longuement que nous n'esperions, ou durant ce tems, aucuns marchands y prindrent port, qui auoyent veu (comme ils nous asseuroyēt) en mer, près de la roche de la Damoiselle Enchanteresse, vn serpent trop plus grand que nul vaisseau qui fût en tout l'Océan, dont ils

receurent telle pœur, qu'ils n'en eurent oncques de semblable. Et par cela eūmes nouvelles d'Esplandian. Lors combien q̄ ne fūsi-
ons du tout gueris si suppliāmes nous le Roy nous y faire conduire, ce qu'il acorda volontiers. Et ainsi entrāmes en mer, avecques si bon vent que le sixième jour après nous aprochāmes la roche & la Serpente, qui de prime face, nous donna quelque effroy, encores que l'eūsi-
ons maintefois veuē. Neant-moins nous la trouuāmes vomissat tant de feu par la gueule & narines, que nous doutions qu'elle embrasāt nôtre nauire. Et à toutes les peines du monde y fimes nous joindre le patron, & ceus qui nous guidoyent.

Puis voyant que nul dedans se montroit, commençāmes à appeller à haute voix tāt que Sergil vint sus le tillac, lequel pleurāt à grosses larmes, nous racōta tout ce qui étoit auenu à son maitre en la mōtaine de la Damoiselle enchanteresse, & cōme depuis l'vn des muets: l'auoit fait entrer en vne barque & aussi tāt fait voyle, en sorte qu'il ne scauoit s'il étoit mort, ou vif: car il n'en auoit rien entendu depuis, & étoit là demeuré seul avec vn autre muet, en la plus grande peine du monde. Adōc' nous luy dīmes qu'il l'appellāt, & aussi tāt il se presenta à nous & par signes lui fimes entendre le plaisir q̄ nous aurions s'il nous vouloit guider ou son compagnon auoit mené Esplandian, ce qu'il nous acorda par effait: car il entra en nôtre vaisseau, & commença à voguer si bien, qu'au dixième iour il nous fit prendre terre assés près du lieu, ou nous auons laissé le Geant, & les deus Cheualiers que vous aués veus morts. Et voilà, Sire, les fortunes que nous auons passées depuis q̄ nous auōs receu l'ordre de Cheualerie. Vrayemēt répondit le Roi Lisuart, si celle du Roi de Dace & Manely, sont aussi étranges, l'on pourra biē dire qu'oncques n'en auindrent de telles, pour vn commencement, à cinq autres Cheualiers.

LE CINQUIEME LIVRE

Comme vne nuit étant le Roi Lifuart en son lit, pensant comme il pourroit retourner en la grãd Bretaigne, entrouyt vn son si melodieux, qu'il se leua pour l'écouter: Et de ce qui en auint.

CHAP. XII.

TAnt sejourna le Roy Lifuart, en la montaigne Defenduë, qu'il cōmença à s'y ennuyer plus qu'il n'auoit de coutume, non seulement pour desir qu'il eût d'être en ses païs, ainsi à cause du mal-ayse, qu'il scauoyt certainement être en la Roine pour son absence. Et en cete pensee fut quelques nuits sans pouoir reposer. Tellement qu'une fois entre les autres il entendit (de mye heure auant jour) du côté de la marine, vn sō le plus harmonieus qu'il étoyt possible. Parquoy se leua de son lit, & sans faire bruit, ouvrit la fenestre pour plus aisément jouyr de ce plaisir. Or étoit la nuit fort obscure, & les vents si grands que la mer faisoit retentir les ondes contre les concauités des rocs si à propos, que ce bruit & son melodieux, mêlés ensemble, auoyent quelque harmonie d'auantage. Et tant s'y delecta le Roy, qu'il éveilla Esplandian, Ambor, & Talanque, qui dormoyent ainsi que font le plus souvent ieunes gents ennemys de melancolie. Mais quand ils entendirent cete Musique, ils ne tarderent gueres en leurs lits, ains s'approcherent hâtivement des fenestres, pour voir que c'étoit, toutefois ils ne peurent rien decouvrir, qu'il ne fût jour. Lors aperceurent la grand' Serpente surgir le long de la plage dequoy ils furent tous si aises que merueilles, se tenant seurs que son arriuee leur apportoit quelques bōnes nouvelles. Au moyen dequoy s'habillerent promptement, & sans sejourner, sortirent du château pour aller voir qui étoit dedans. Et comme ils arriuerent sus la grēue, aperceurent vn équip & vne Damoiselle qui en sortoit, portant entre ses bras vn paquet couvert de taffetas de couleur. Laquelle s'approchant du Roy, en le saluant humblement lui dît: Sire, Vr-

gande la Déconneuë baise les mains de vōtre majesté, & m'a commandé vous faire entendre, que pour secourir l'Empereur & vōtre fille l'Imperatrix à vn affaire qui leur ét de trégrande importance, elle n'a eu le moyen vous venir trouver. Puis presentant à Esplandian le paquet, luy dît: Gentil Cheualier, ma maitresse qui vous aymé & estime comme chacun sçait, vous enuoye ces armes, & vous m'ade par moi que tout ainsi qu'elle vous donna les noires que vous aués portees iusques à present (pour témoignage de l'ennuy cōmun qui étoit au tems de la perte du Roy) entre tous ses loyaus sujets & amys qu'en celles cy vous trouverez la deuise de la Dame qui en beauté & bonne grace surpasse toutes les belles de la terre, ainsi qu'Amadis vōtre pere approuva lors qu'il lui mit la coronne sus la tête, pour souvenance dequoy elle a toujours depuis porté semblable deuise, laquelle aura en vous tant d'effort, que d'icy en auant ne dōnerés coup d'épee, ou de glaiue, qu'il ne vous souuienne d'elle. Et disoit cecy, pour la belle Leonorine fille de l'Empereur de Constantinople, qui par destinee deuoit être à lui, & non à autre: Adonc delia le paquet, & tira hors vn heaume blanc cōme neige avec l'écu, le haubert de même & le caparasson d'un detrier tous semés de coronnes d'or, enrichies de maints diamants & grosses perles, lesquels il receut de trébon cœur: & répondit à la Damoiselle: Je vous prie remercier de ma part bien humblement ma Dame Vrgande de tant d'honneur & de biens qu'elle me fait chacun jour, l'assurant qu'en quelq part que ie sois, elle a pour moy vn Cheualier, pour lui obeir, & qui pour l'amour d'elle portera ces armes, tant qu'il lui plaira. Ce m'aît dieus, dît elle, deuant qu'il soy long temps vous en aurés bien vn autre, qui vous contraindra à faire plus grandes choses: car elle vous raura le cœur, & la liberté de telle force, que vous perdriés trop, si vous n'étiés quelquefois perdu pour

pour elle. Au surplus, ie vous aulse que ma maitresse se sent encores tât obligée, & redeuable, à mō Seigneur Amadis vōtre pere, de ce que par son moyen elle recou vra son amy, qu'elle essayera toute sa vie à luy faire plaisir & seruice, & à vous aussi pour l'amour de luy. Et cōme elle étoit en ces termes Carmelle suruint laquelle entendant ce propos print la parole, & dit à la Damoiselle: Ie vous prie faire auser de ma part à vōtre maitresse qu'elle a grâ de raison, de recōpenser si biē ceus, par lesquels elle iouit de celui qu'elle ayme tât, & que j'en connois maintes, si vn tel bien leur estoit auenu, qui essayeroient de le reconnoitre au pris de leur sang, voire de l'ame propre s'il étoit besoing. Par ma foi Damoiselle, répondit l'autre, ie ne sçai pas pour qui vous le dites. Mais ie sçay bien, que vous aués ataint droitement, ou gît mon mal. Et ce disoit elle de si bōne grace, q̄ le Roy, ne se peut tenir de rire, ayant autre-fois éprouué la fureur d'amour dures qu'il vit premierement la Roïne en Dannemarc. Toutefois il changea de propos, & demanda à la Damoiselle d'ou étoit procedé cete harmonie, qu'il auoit en renduë deuant le iour. Sire répondit elle, passionnée quelquefois plus que ne voudrois ie passer ma melancolie avec vn Lut principalement lors que ie ne puis dormir, qui ét, à mon aise, ce que vous aués ouy, sus la fin de minuyt. Et quelle compagnie aués vous en la grand' Serpente? dit le Roi. Non autre répondit elle, fors l'Ecuyer d'Esplandian que j'ay trouvé demy mort, pour ne sçauoir nouuelle de son maitre, auq̄l i'amene vn détrier blac, le plus beau & le mieus enharnaché qu'il ét possible, q̄ ma Dame lui enuoie aussi. Ne vous à elle commandé me dire autre chose? dit le Roi: Oui Sire, elle vous mande, qu'aussi tât q̄ ie serai arriuee par deça, vous luy entriés en ce nauire, qui vous guidera de soy-mêmes en la grand' Bretagne, & que la fortune qui vous ét auenuë ces iours passés, sont droitement les lacs Am. j.

q̄ le monde tend, pour atraper ceus qu'il veut tromper, faignant ioindre l'âge vert & fleury avec celui qui ét déja sec & flétry. Et outre que vous mettiés, en effait ce que vous aués casuellement precogité. Et pource qu'il n'auoit dit encores à personne sa fantasie, qui étoit de laisser, l'état de Roi, & suyure la vie contemplatiue, il trouua merueilleusement étrange qu'Virgande le sceut. Neâtmoins il n'en fit semblant, ains répondit à la Damoiselle. Vōtre maitresse m'oblige de iour en iour, & de plus en plus à elle, étant certain que, sans son ayde, i'eusse mal aysémēt trouué qui m'eut ramené en mes pais. Parquoi ie vous prie l'auser: que ie n'ay rien en ma puissance, sus quoi elle n'ayt commandement. Et quant à ma deliberation, qui lui a été manifeste (à ce que ie puis connoitre) aussi tât qu'elle a été conceüe, en mon esprit, moi de retour, ie la mettray à execution moyennant la grace de nōtre Seigneur. Sire, dit elle, elle vous prie laisser ce lieu en garde à Talanque & Ambor, sans mener avecq' vous autres que mō Seigneur Esplandian, Sergil, & maitre Helisabel, sçachant certainemēt q̄ deormais ils feront telles choses, que leur renommee en vollera par tout le monde. Et sus ce point, Sire, ie prendray congé de vous, s'il vous plaît pour m'en retourner vers elle, avec les deus muets, qui me guiderōt en cete barque, Dieu vous vueille cōduire répondit le Roi. Lors entra la Damoiselle avec ses deus barquerots, au vaisseau d'Esplandian, & faisant voile singlerent en pleine mer.

Comme le Roy Lisuart s'embarqua en la grand' Serpente, & de la depêche que fit Esplandian à la Damoiselle Carmelle, pour aller vers l'Infante Leonorine, fille de l'Empereur de Constantinople.

LE CINQUIEME LIVRE

LA Damoiselle messagiere embarquee avecq' les deus muets & élongnee de la montaigne Defenduë, le Roi Lisuart, & les autres, retournarent au château, ou depuis il fit peu de sejour: car suyuant l'auertissement qu'Vrgande la deconneuë lui auoit mandé, pria Ambor & Talanque, garder de là en auât, la place avec Libee, & ceus de sa compagnie, les assurant qu'il leur enuoyeroit incontinent refrechissement de tout ce qu'ils auoyent besoing. Mais quand Esplandian vit que force luy étoit faire le commandement du Roi, trop déplaisant d'élongner les parties de Constantinople ou il esperoit aller trouver cel le dōt maitre Helisabel luy auoit aporté les premieres nouuelles, il tira à part sa fille Carmelle, & lui dît Ma grand'amie, j'auois bien intentiō ne faucher de ma vie la promesse que ie vous ay faite, & le dō que vous m'aués requis: toutefois me fiât à vous plus qu'à autrē qui viue, ie vous prie ne trouuer mauuais, si pour me sauuer la vie, ie vous enuoye en quelq' lieu, ou ie pensois biē aller moi mēmes en personne, neâtmoins il plaît au Roi (cōme sçaués) q' ie lui tiēne compagnie. Mon Seigneur, répondit elle, ie vous mercie tres-humblement de l'hōneur qu'il vous plaît me faire, vous iurant, sus tant que ie tiens de Dieu, que ie n'ay plaisir que par le vôtre. Et par ainsi ne doutés à me commander tout ce qu'il vous plaira: car ie vous obeiray toute ma vie, quelque peril qu'il m'en puisse auenir. Ah ma grand' amye, dît Espladian, en l'acolant, ie le reconnoitrai quelque iour: & puis que tant vous lés faire pour moi, il faut que vous en allés en Constantinople trouuer l'Infante Leonorine, fille de l'Empereur, à laquelle (après auoir fait mes treshumbles recommandations à sa bonne grace) vous dirés de ma part, comme des le tems que ie receu l'ordre de cheualerie, i'eu cōmandement de mon Seigneur Amadis mō pere, mē retirer vers elle, pour l'aquiter de la

promesse qu'il lui a faite, en son lieu, ou de retourner la seruir, ou d'y enuoyer vn de son lignage. Et neant-moins considérant en moy mēmes la grād' valeur de lui, & l'excellente beauté qu'on dît être en elle, avecq' mon peu de merite, au respect de celui qui m'a fait ce commandement, j'ay crains de tant entreprendre, quelque chose qu'il lui ait pleu me mander par maitre Helisabel, combien que ie ne ferai iamais autre que son Cheualier. Et à fin qu'elle donne entiere foy a vôtre parole, vous luy presenterés cēt anneau, qu'elle pourra bien reconnoître, comme étant celuy propre, qu'elle donna à mon pere, pour souuenance de ce qu'il luy auoit promis. Mon Seigneur, répondit elle, ie feray entierement ce que me commandés. Mais vous élognant ainsi de pais, ou vous pourray- ie puis après recouurer? En ce lieu mēmes, dît Espladian, ou ie me retirerai incontinent que j'auray condui le Roi en la grand' Breraigne. Puis apella Libee, & lui cōmanda qu'aussi tôt qu'il seroit entré en mer, il fit bailler à Carmelle vn vaisseau pour aller ou il l'enuoyoit. Et sus l'heure alla trouuer le Roi & maitre Helisabel qui l'atendoit en la grand' Serpente, laquelle à l'instant commença à s'ébranler d'elle même si fort, qu'en peu d'heure ils éloignerent la côte de Turquie: & le vingtième iour ensuyuant découvrirent l'Isle Ferme ou elle vint surgir, ce que voyants ceus de la contree, vindrent incontinent le faire sçauoir à Amadis & aus autres de sa compagnie, lesquels hâtivement coururent au port: mais ils n'y furent plus tôt descendus, qu'ils aperceurent le Roi, Espladian, maitre Helisabel, & Sergil, qui prenoyent terre en vn coquet. De quoi tous ébaïs, & encores plus aytes s'auancerent pour les receuoir, & après maintes caresses & embracements d'vne part & d'autre. Amadis presenta au Roy le Geant Balan, qu'il n'auoit oncques veu. Puis prindrent ensemble le chemin du palais d'Apolidon: de quoi

dequoy Oriane & les autres Dames & Damoiselles auerties, le grand dueil qu'el les auoyent demené si long temps pour son absence, fut conuertý en tout plaisir, qui s'augmenta de trop plus quand le Roi recita deuant la troupe la forte qu'Esplandian le tira des mains d'Arcabonne, & les grandes prouesses qu'il fit contre Matroco, Furion, & Arcalaus. Or

sçauoit Oriane l'ennuy, auquel étoit la Roine, pour n'auoir aucunes nouuelles du Roi. Et à cete cause depêcha le iour mêmes la Damoiselle de Dannemarc, pour luy faire part de tout ce qu'elle auoit aprins, qui fit telle diligence, que le sixième iour ensuiuant arriua à Londres, ainsi que la Roine s'alloit mettre à table pour dîner.

Comme le Roy Lisuart partit de l'Ile Ferme avecq' grand'compagnie de Cheualiers, Dames & Damoiselles, lesquels aprochant de Londres, rencontrèrent en la forêt prochain quatre Cheualiers qui enuoyerent demander quatre coups de lance à Esplandian.

CHAP. XIII.



T Rois iours entiers seiourna le Roi Lisuart en l'Ile Ferme, & le quatrième iour ensuyuant delibera d'aller trouuer la Roine. Et de fait lui & toute cete compagnie de Signeurs & de Dames prindrent le chemin de Londres, & tant allerent par leurs iournees, qu'ils en aprocherēt d'une iournee prés. Et ainsi qu'ils étoient à l'entree de la forêt, ou le Roi souloit courre le cerf plus ordinairement, auiserent le long du grand chemin quatre cheualiers montés & armés de toutes pieces, & leurs Ecuyers au plus prés d'eus, qui tenoyent leurs lances & écus, car ils auoyent leurs heaumes en leurs têtes. Et aussi tôt

virent venir vne Damoiselle montee sus vn palefroy : laquelle de pleine arriuee s'adressa à Esplandian, & lui dît: Damp Cheualier aus armes blanches, ces quatre que vous pouués voir sus le chemin, vous mandent par moy, que vous ayés à leur declarer la raison, pour laquelle vous portés cete deuise de coronnes, & si ne leur satisfaites en sortes q'leur honneur n'en soit foullé, ils vous mandent par moy, qu'ayés à les laisser, ou biē que les defendés cōme étant la plus haute deuise qui soit au monde. Quand Esplandian l'entendit ainsi parler il répōdit gracieusement: Damoiselle m'amy, vous leur dirés, que la deuise m'a été don-

LE CINQVIEME LIVRE

nee, avec les armes que ie porte par Vrgande la Deconnue, mais ie ne scay à quelle raison : neantmoins ie les porte tant pour l'amour d'elle, que pour ce qu'elles me semblent belles. Et s'ils ne se contentent de celà, dites leur, qu'il me semble que l'occasion du combat entr'eus & moy ét si petite, que ie les prie qu'ils s'en deportent pour cété huere. En bonne foi (dît elle en se sousriât) vous aués raison, ce sont Cheualiers, qui ont bien besoing d'un tel conseil q le vôtre: ne laissés pour celà (beau sire) à vous tenir prêt: car ils ne prendront vos excuses en paiemēt. Damoiselle, répon dit d'Esplandian, s'ils m'assaillent ce sera maugré moy. Vrayement, dît elle, à ce que ie voi, cete beauté, qui ét en vous, & les riches armes, & cheual tant à droit que vous cheuauchés sont les plus mal employés qu'il ét possible, n'ayant eu honte me faire réponse si peu avantageuse pour vôtre honneur: tou refois ou vous habandonnerés cete bōne compagnie, & le chemin de Londres, ou vous defendrés la deuise que vous portés ainsi qu'ils vous mandent. Le chemin, répondit Esplandian, ét commun à tous ie ne m'e détournerai pour eus, & s'ils m'assaillent, force me sera de me garder. Et pour ce que cete Damoiselle ne peut être conueü de nul d'entr'eus, ils s'ébairēt tous qui elle pouuoit être, & les quatre Cheualiers aussi qui l'auoyent ainsi enuoiee, vers léquels elle s'en retourna. Et ce pendant, Esplandian laça son heaume, & print sa lance, prêt à cōbatre s'il en étoit forcé, de quoi Amadis & les autres furent trefaïses, doutants que le Roi l'eut fauorisé, en ce qu'il auoit raconté de luy: mais ils n'eurēt gueres cheminé plus outre que l'un des quatre Cheualiers marcha contre eus au petit pas, & de la longueur d'une carriere, cria à Espladian: Dāp Cheualier, qui n'aués voulu obeir à nôtre mādement, gardés vous de moi. Adoncq' brocha son cheual des esperons, & Esplandia semblablement, qui de premiere rencon-

tre le desarçonna si rudement, qu'il ne se peut releuer long tems après: & volla sa lance en éclats: par quoi le second s'avança criant à Esplandian, qu'il print autre glaïue, si bon luy sembloit: car il vouloit venger son compagnon. Ce qu'entendu par Amadis, lui enuoya le sien lequel il ne refusa. Et pour le despit qu'il eut de se voir ainsi assailly sans occasion, courut sus luy & l'ataignit si a point, qu'il renuersa homnie & cheual ensemble. Et biē, dît le Roi à ceus auxquels il parloit, ét il possible de faire mieus? Siré, répondit Agraies, ie ne vy oncques deus plus beaux coups de lance, & du surplus ie m'en tairay tant que ie connoisse ceus qui ont été abatus. Voyons doncques qu'il auendra dit le Roi, & apellant un Ecuyer, enuoya sa lance à Esplandian car le tiers s'a prētoit pour courir. Si brocherent des esperons leurs dériers, & rompirēt l'un sus l'autre, se hurtans de corps, d'écus, & de têtes si merueilleusement qu'Esplandian fut en branle de tomber, & l'autre print si grand saut, qu'il demoura érendu en la place, dont le quart ébaï, commença à dire en soy mêmes: Vrayement le Roi & Vrgande ont raison d'asseurer, (comme ils font) la bonté de ce Cheualier, veu qu'elle ét encorés plus extrême qu'ils ne la publient, & toute-fois ce m'ēt force de l'éprouuer, autremēt ie me ferois tort, & à lui aussi. Lors apella Esplandian, & lui dît: Cheualier, combien que ie connoisse le peu de courtoysie, que moy & mes compagnons vous auons faite, si faut il que ie me mette en pareil deuoir qu'eus: ainsi ie vous prie demander encorés un glaïue à quel qu'un de la troupe, à fin que voyons qui emportera l'honneur de cete entreprinse. Je le ferai répondit Esplandian, puis que vous m'y contrainés, à la charge que vous y ferés plus mal vos besongnes que vos compagnons s'il m'ēt possible. Adonc Grasandor qui auoit entendu ce propos, s'aprocha, & luy donna le sien, lequel il chargea prom-

promptement, & à course de cheual s'en-
trerencontrerent de si grand' force & ve-
hemençe qu'il ne leur demeura q̄ la poi-
gnée es mains, sans q̄ nul d'eus se meut
de la selle. Parquoi le Cheualier de la fo-
rêt tourna visage, & dît à Esplandian: Mō
compagnon, encores vn coup, & ie vous
quitteray pour meshui. Si vous devriés
vous contenter, répōdit il: mais puis qu'il
n'y a autre raison en vous, ie vous acor-
de q̄ continuons tant q̄ l'un de nous deus
soit abatu. Lors enuoya Sergil lui querir
vne lance, & retourna aussi tôt lui en apor-
ter vne plus grosse & courte, que nulle
des precedentes, dont il ataignit le Che-
ualier de la forêt tant brauement qu'il le
porta bas, & lui mêmes fut cōtraint d'em-
bracer son cheual, autrement il fut cheu
comme l'autre, qui gisoit de son lōg, tou-
tesfois il se releua premier qu'Esplandian
eut parfait la carriere. Et ainsi qu'il retour-
noit l'arresta par le haubert & luy dît: Ce
m'aïst dieus, bon Cheualier, vous aués assés
fait cōnoître qu'en hautes prouesses vous
n'êtes second qu'à vous seul: neantmoins
il ne lui repondit mot, ains tenant la veuē
baïlee, (honteus de ce qui luy étoit aue-
nu) passa outre, & s'aprocha le Roi pour
sçauoir qui étoient les quatre Cheua-
liers abatus, entre lesquels il recōneut Ga-
laor: car il auoit oté son heaume pour le
saluër quand il l'aperceut venir. De quoi
le Roi fut si aise, qu'il mit pié à terre &
courut l'embracer, & Amadis aussi, lui di-
sant d'une bonne grace: Comment? mon
frere depuis quād êtes vous deuenu guet-
teur de chemins? Vous voyés, répōdit
Galaor, moy & mes compagnons auons
voulu éprouver, si ce Cheualier étoit tel
que nous l'auōs trouvé, & du surplus vous
pouvés iuger aysément. Quand Esplan-
dian entendit Galaor, craignant l'auoir
offensé, habandonna son détrier, & se iet-
tant à ses piés luy demanda pardon. Mon
neueu, répōdit il, c'êt moi qui ai le tort,
aussi me fusse ie bien passé de dōner à cō-
noître au Roi, q̄ vous êtes meilleur Che-

Am. 5.

ualier que moi, & ne vous émerueillés si
i'ay voulu faire cete épreuue, veu que ie
m'atendois bien la paracheuer à mō hon-
neur: mais ç'a été le contraire, qui me fe-
ra desormais penser, que les choses predi-
tes de vous s'acompliront si parfaitemēt,
que la gloire de vōtre pere & la reputatiō
que mains autres ont euē par le passé, sera
desormais étainte, ayant si aysément aba-
tu trois des meilleurs Cheualiers de la
grand' Bretagne, & moi pour le quart.
Et quels? dît le Roi. Sire, répōdit Ga-
laor, le premier qui a couru a été Cendil
de Ganote, le secōd Galuanes, le tiers An-
griote d'Esttrauus, & moi qui ai fait pis q̄
nul d'eus, dont le Roy & les autres se
prindrent à rire, & vindrent les embracer,
puis les firent remonter à cheual, Et pre-
nants ensemble le chemin de Londres, le
Roy les pria luy faire entendre cōme cé-
te partie auoit été entreprinse. Sire répon-
dit Galaor, ayans entendu par la Damoi-
selle de Dannemarc (laquelle ma Dame
Oriane a enuoyee ces iours passés vers
la Roine lui porter nouuelles de vōtre re-
tour, & ce qui ét auenü durant vōtre pri-
son) les hautes prouesses dont vous don-
nés louāge à mō neueu Esplandiā, à l'heu-
re conceumes vne telle ialousie cōtre lui,
estimants l'honneur que luy donniés de
vōtre deliurāce être plus causee d'amour
de pere à fils qu'autrement, deliberāmes
nous en partir secrettement de Londres,
à fin de l'éprouuer cōme vous aués veu.
Et pour l'émouvoir à combattre nous luy
mandāmes par nōtre messager ce q̄ vous
ouytes. Sus ma foy, dît le Roi, l'inuention
à été gentille, & venue à bōne fin. Et ainsi
deuisants arriua à Mirefleur, ou la Roine
le vint trouver, louant nōtre Seigneur de
son retour inespéré: en sorte que conside-
rant son mal-ayse passé & l'ennuy qu'elle
auoit souffert pour son absence, le voyant
lors en bōne santé s'estimoit satisfaite par
cété ioyeuse presence. Puis le lendemain
matin délogerent pour venir à Londres
ou le peuple le receut avecq' telle amour,

C 3

que,

LE CINQVIEME LIVRE

que la plus part pleuroit de ioye: car oncques Prince ne fut mieus voulu des siens, & là fit si long seiour, qu'Esplandian commença à s'ennuier qu'il n'auoit nouvelles de la Damoyfelle Carmelle, laquelle étoit allee en Constantinople, comme il vous à été recité. Et pour cete cause bâtissoit de iour en autre son cōgé, sous couleur de retourner en la mōtagne Defenduë, remonstrant au Roi la promesse qu'il auoit faite à ses compagnons, qui partant auroient occasion de se plaindre de lui mais il n'y vouloit aucunemēt entendre. Toutefois à la fin vaincu d'importunité le luy acorda, tellement qu'il print congé de toute la court, & vn Lundy matin montant à cheual, acompagné seulement de maitre Helisabel & de Sergil son Ecuyer, suyvit le chemin de l'Isle Ferme, esperant y trouuer encores la grand' Serpente, & là eus embarquer.

Comme étant Esplandian au chemin de l'Isle Ferme, fut assailly par vn Cheualier étrange, qui le guetoit en la forêt.

CHAP. xv.

E Splandian depêché du Roi, & de tous ceus de la court, ainsi qu'il vous a été recité, print le chemin plus écarté qu'il peut, droit en l'Isle Ferme, pour n'être aperceu d'aucun qui luy rompist son entreprinse: Et ayant cheminé enuiron trois lieues du pais, entra en la forêt qu'il auoit quasi traüversée, quand il arriua le long d'un grād fleuue, sus lequel le Roy auoit fait bâtir vne maison plate, qu'on apelloit belle Rose, ou quelquefois (venant à la chasse) il faisoit seiour. Et ainsi qu'il cuidoit passer le Pōt, auisā de l'autre côté vn Cheualier armé de toutes pieces, prêt à combattre, qui lui cria à haute vois: Dāp Cheualier, ie vous defens l'entree: car pour ne faillir à ma parole i'ay prins la garde de ce Pont vn an durāt ainsi allés chercher passage ailleurs, si bon vous semble. Trop ennuyé fut Es-

plandian, voyant qu'il étoit force de combattre, ou retourner arriere, & s'en fut volontiers excusé: parquoi répondit au Cheualier: Ie vous prie enseignés moy doncques, par ou ie doi prendre mon adresse: car ia pour force q'ie face, n'aurés occasion de trauailler méhuy vōtre cheual. Retournés donc à Londres (dit le Cheualier) autre moyen n'aués vous de passer outre, si n'étoit que vousissiés aller à pié & perdre vōtre derrière. Plus tôt, repōdit il eslayeray ie d'auoir le vōtre, & le defendés bien, si bon vous semble. Ce disant laçā son heaume, print sa lance au poing, & alla vers le Cheualier, qui aussi tôt brocha le cheual des esperons, & coururent de telle roideur l'un sus l'autre qu'ils tomberent, & leurs cheuaus, si impetueusement, que maitre Helisabel & Sergil pensoient qu'ils se fussent entretués. Neantmoins ils ne tarderent gueres à eus releuer, & mettans les épées au poing, commença entr'eus vn combat le plus âpre & dangereux, qu'il étoit possible. Dequoy maitre Helisabel émerueillé, disoit en soi mêmes. Sainte Marie, que sera cecy? ie croi q'quelque diable s'ēt ainsi trāsformé pour nous destruire tous. Et tant plus les deus Cheualiers alloient auant, & plus renforçoient leur mēlée, fendants écus & heaumes, de sorte que tout le champ étoit couvert de lames, ou taint du pur sang, qui sortoit de leurs cors, quād celui du Pōt se tira à côté, & dît à Esplādiā: Cheualier, prenés autre chemin & ie vo' quitterai la bataille: car vous êtes le mieus cōbatāt à qui i'aye oncques eu à faire, & serois trop déplaisāt, q'par opiniātreté vous vous perdisiés vous-mêmes. Ce m'aistdieus, répōdit il, ie l'eusse fait du cōmencement, n'eut été la crainte q'i'ay eüe, que m'en estimassieus plus couard. Mais connoissant à veüe d'œil l'honneur de cete bataille ne pouuoir être à vous, ou a moi, que par la mort de l'un, ou de l'autre, ou de tous deus ensemble, ie tenterai la fortune iusques au dernier soupir. Et il

vrai?

vray? dit le Cheualier, or voyons donques à qui elle aydera. Et se courants du peu de leurs écus recommencerent à faire vn chamailis plus cruel que deuant, si qu'il sembloit qu'ils n'eussent de tout le iour fait autre chose qu'eus ébatre, tellement qu'après maint dur coup d'épee, se harperent l'un l'autre: Et à pous, & de bras, & de tête, tâchoient à qui plus tôt abatroit son ennemy. Puis voyant que celà leur profitoit peu auoyent recours à leurs premières armes, de telle fureur, q̃ Sergil n'aten doit l'heure de les voir tomber morts en la place, sans toutefois pouuoir iuger qui auoit le meilleur, ou le pire. Dont maitre Helisabel étoit si déplaisant, qu'il ne se pouuoit tenir de pleurer à chaudes larmes, disant à soi mêmes. Helàs quelle fortune, faut il que le meilleur Cheualier du mode meure presentemēt par vn si grand mal-heur, & en la fleur de son âge? Maudite soit la iournee qu'onques il rencontra celui qui ēt cause de tant de perte. Et à dire vrai, si Dieu n'y eut pourueu, le pere eut mis à mort le fis, & le fis le pere. Car c'étoit Amadis, lequel trop curieux de la gloire de son fis, le voulut éprouuer. Et pource faire se deroba de la court le iour precedant qu'Esplandian en délogeāt, & vint l'attendre au Pont, armé d'vnes armes non conneuēs, ou après maints grands efforts, Amadis voyant le danger de tous deus, dit à Esplandian: Cheualier, vous sentēs bien, que ne pouvēs auoir le dessus de moi, & aussi n'eu ie oncq' à faire à autre qui me dōnāt tant de peine, pourtant ie vous quitte le passage. Nō pas moi vous, répondit il, si n'ēt par condition que ie sçache vōtre nom. Il ne tiēdra pas à celà, dit Amadis, & faites venir maitre Helisabel, lequel nous fera bon besoing désormais comme ie pense. Lors Esplandian l'apella, & ce pēdant Amadis ôta son heaume de la tête, si mat, & affoibli, qu'il fut contraint s'appuyer cōtre vn arbre prochain. Mais quand Esplandian le reconneut voyant la faute qu'il auoit faite, ieta

vn haut cri, disant: Helàs méchant que ie suis. Et acheuant ce mot, tomba du haut de soi. Lors maitre Helisabel pēsant qu'il fut évanouy, courut diligemment le releuer, & Amadis mêmes: toutefois il n'en étoit rien, ains auoit seulement regret de ce qu'il auoit commis cōtre son pere, qui lui dit: Mon fis, encores que ie sois naturellement autant qu'il ēt possible, sans mort, si n'ay-ie tant receu de mal, comme i'ay eu de plaisir, connoissant en vous la preud'homme que i'y ay trouuee, & pourtant ne vous desconfortēs ainsi. Ce nonobstant il ne se pouuoit contenter, ains maudissoit sa vie, état le plus malheureux (ce disoit il) qui nāquit oncques de mere. Et continuant ses soupirs, le sang luy sortoit par to' les endroits du cors, s'affoiblissant d'heure à autre: de quoi maitre Helisabel s'aperceut, & cōneut asseurement qu'ils étoient tous deus en grand danger de leurs personnes. Parquoy il leur dit: le vous prie laissons maintenant ces lamentations, & nous retirons à Mirefleur, qui n'ēt pas loing d'icy: car vous auēs tous deus meilleur besoin de repos, que de plus long seiour en ce lieu. Adoncq' luy & Sergil les monterent à cheual, & à toutes les peines du monde, les conduirent iusques au château: ou leurs playes furent visitees, & pensees soigneusement.

TEL fut le cōbat entre les deus Cheualiers, que vous auēs entendu. Iacoit qu'aucuns ayent écrit qu'Amadis auoit été si mal mené par Esplandian, q̃ finalement d'vn coup de lance lui perça l'épaule droite, & après maints autres coups d'épee, il demoura mort sus le champ. Dont Oriane auertie, s'étoit precipitee du haut en bas d'vne fenētre. Mais tout cela ēt faus, & controuuē: car ils regnerent depuis es royaumes de Gaule, & de la grād' Bretagne, & eurent vn autre fis nommé Perion, & vne fille non moins belle que la mere, laquelle Arquifil fis de l'Empereur de Rome, eut à femme. Et ne sçay

LE CINQVIEME LIVRE

penfer ou tels controueurs de menfonges, leur ont inuenté vne fi malheureufe fin, s'ils ne veulent prendre pour mort les tenebres qu'Esplandiā mit aus hauts faits de son pere, par la lumiere & illustration des fiens, qui amortirent tellemēt les autres en la fosse d'oubly, que l'on n'en parloit non plus que de chose non auenuē. Or, pour retourner sus nos erres, entēdés, que les nouuelles vindrent incontinent à la court, de ce qui étoit auenu aus deus Cheualiers. Dequoi le Roi trédeplaisant, & plus encores Oriane partirent aussi tôt de Londres, & arriuerent à Mirefleur, ain si que maitre Helisabel leur mettoit le se cond apareil. Si conneut, que le danger en étoit hors, & les assura si bien, que le septième iour ensuyuant ils se peurēt promener par la chābre, qui donna meilleure éspérance à Oriane qu'elle n'auoit encores eue. Et tout à point: car si son ennuy & melancolie trop extrême, eut plus gueres continué, elle fut morte sans remede. Et pource que le Roi n'auoit encores peu entendre, qui les auoit meus de cōbatre ainsi outrageusement l'un l'autre, vn iour eutre les autres trouuant Amadis en assés bonne disposition, le pria de le luy dire. Par ma foi, sire, répondit il, j'auois enuie qu'on conneut la difference de nos deus forces, sçachant bien en tout auenement, que le pis ne m'eut sceu tourner qu'à lou ange: car si mon fis me surpasse de quelque chose, sa gloire presente augmente la mienne passée. Sus mon Dieu, dît le Roy, vōtre entreprinse à été bien legierement faite. Vne autrefois, laissons ces ieu nesses à ceus qui commencent à venir. Croyés, sire, répondit il, que ie ne fu oncques mieus froté. C'ēt le plus fort, dît le Roy, que vous viuiés tous deus. Mettés peine de vous guerir seulement, à ce que nous allions d'oresenauant combattre les Cerfs & bêtes rouffes, qui nous font la guerre en cete forêt, ainsi que mes Ve neurs m'ont rapporté ce iourd'huy.

Comme le Roy de Dace Garinter, & Manely secoururent Vrgande la Déconnuē, qu'aucuns Cheualiers vouloyent outrager, pour le secours qu'elle auoit fait au petit fis de l'Emperur de Rome.

CHAP. XVI.

Vous aués entendu cy deuant les auātures auenuēs à Esplandian, Ambor, & Talanque, depuis qu'ils eurent receu l'ordre de Cheualerie. Maintenāt reste à parler, q̄ deuint le Roy de Dace Garinter, & Manely, lesquels endormis comme les autres, au son des sis trompettes, la nuit ensuyvāt se trouuerēt avecq' leurs Ecuyers dedans vne barque, si hors de toute connoissance, qu'ils ne sçauoyent quelle part ils étoient arriués, encores qu'ils fussent terre à terre. Or étoit le tems si couvert, qu'ils ne se pouuoient quasi choisir l'un l'autre: parquoi decoururent aysemēt vn feu assés près de là, qui les inuita grandement d'aller voir s'ils trouueroyēt aucun qui leur dit nouuelles de la contree ou ils étoyēt arriués. Et à cete cause, laissant leurs Ecuyers pour la garde de leur vaisseau prindrent leurs écus en leurs bras, & montans contremont vn fort taillis, auiserent d'assés loing vn grand circuit tout ardent, & au mylieu vne femme tenant vn enfant nouveau né entre ses bras, & dis Cheualiers armés de toutes pieces, qui s'efforçoyent de la prēdre. Mais ils ne pouuoient aprocher d'elle tant étoit biē gardee du feu qui l'enuironoit. Et comme ils s'aprocherent plus près, entendirēt le plus aparrēt d'eus, qui la menaçoit, disant: Ah fauce Sorciere, vos diables, & esprits familiers ne vous pourrōt au iourd'huy sauuer, que ne mourrés de malle mort. Et combien que Manely & Garinter eussent armets en tête, si les reconneut la femme assiegee, & les apella tant qu'elle peut, disant: Secourés moy mes enfāts, & ne me faillés à tel besoing. Lors Manely, & le Roy de Dace entendirent à la vois, que c'étoit Vrgande la déconnuē.

Parquoy mettans leurs épees aus poings, marcherent droit aus dis Cheualiers, l'un desquels vint au deuant, & leur demanda s'ils connoissoyent cete mechante qui lui auoit fait le plus malheureus tour que lon scauroit penser. Par Dieu, Damp Cheualier, répondit Manely, vous mentés par la gorge, méchante n'et elle pas, ains plus loyalle en son endroit que vous n'êtes au vôtre. A cete parolle coururent sus l'un à l'autre, & commença la mêlée des deus contre les dis. Et posé que la partie fût mal faite, si les acullerent Manely & le Roy de Dace, frapans à tort & à trauers: toutefois à la fin ils n'eussent peu resister. Mais Vrgande fit vn tour de sa main: car à vn instant le feu qui donnoit clarté, fut éteint, & tirant à part ses deus Cheualiers, laissa les autres en tenebres, frapans l'un sus l'autre, cōme s'ils eussent été entre Manely & le Roy de Dace. Ce pédant Vrgande & sa compagnie entrerent au parfont du bois. Et après auoir longuement cheminé, la lune commença à luire, & se trouverent las. Si furent d'auis d'attendre le jour, & eus reposer. Et ce pendant les deus Cheualiers prierent Vrgande leur raconter cōme elle étoit venuë en ces marches, & si elle connoissoit le païs. Mes amys, répondit elle, ayant de long temps preueu que ce petit enfant fis de l'Empereur de Rome, & de ma Dame Leonor, deuoit être dérobé par le traître qui s'adressa à vous, lequel ét fis de Garadan, qu'Amadis, se nommant lors le Cheualier à la Verde Epee, mit à mort au Royaume de Boëme, pour soutenir le droit du Roi Tafinor, aussi tôt que vous fûtes endormis en la grand Serpente, ie fis extrême diligence de venir en ce lieu, pour le secourir, suiuant ce qu'autre fois i'auois promis en l'Ile Ferme, présent Amadis & maints autres bons Cheualiers: & arriuay si bien à point, que les méchants (que vous aués veus) vindrent en la maison d'un Berger, ou étoit vne pauvre femme nourrisse, à laquelle ils baillerent ce petit enfant, pour

le faire teter. Lors voyant qu'il étoit heure d'excuter mō entreprinse, sorty de ma barque, & comme si i'eusse été détrouffée par quelques brigands m'enconru vers eus, criant & pleurant à chaudes larmes. Si sortirent tous pour voir que c'étoit. Et m'auisants ainsi déconfortée s'enquirent que i'auois. Ah, dy-ie, Signeurs, ainsi que nous trauerfions ce boys, mon mary & moy, nous auons rencontré huit pédards, qui l'ont occis cruellement. Et de ce non contents, ont pris mon cheual, & ma bougette. ou y a grosses sommes de deniers. Lors pensants que ie disse vray (non que ie les émeusse à aucune compassion, ains pour leur bien particulier, esperants butiner sus ceus qui auoyent fait la détrouffe) s'écarterent en ce taillis, ou ils demeurèrent tant longuement, que le Berger & sa femme sortirent de la maison, & pensants profiter comme eus, me laisserent seule avec l'enfant, que peu après ie prins entre mes bras, & m'en sorty à tout. Mais de malheur, la nourrisse suruint, & apella les autres à secours qui y acoururent hâtivement, & me poursuuiurent si bien, q sans la nuit, qui les surprint, & le grād feu que vous trouvâtes, ie ne me fus jamais garantie. Et que vouloyët ils faire de si pauvre larrecin? dit Manely. Entendés, répondit elle, que le fis de Garadan ayant conceu vne inimitié mortelle contre l'Empereur, ou pour n'auoir tel traitement de lui, cōme il pense meriter, ou indigné, peut être qu'il n'a peu paruenir à l'Empire, ainsi qu'il pretendoit, a deliberé non seulement se venger sus cēt innocent: mais tuer l'Empereur mêmes, s'il en a jamais le moyen, Par Dieu voilà vn méchant cœur d'homme, dit le Roy de Dace, & croy que nôtre Seigneur ne le permettra pas ainsi. Toutefois ie doute que cēt enfant aura beaucoup à souffrir, veu que vous n'aués moyé de lui donner desormais aucune nourriture. Laissez m'en faire, répondit Vrgande, i'ay quelques herbes, du just desquelles ie le pourray soutenir huit jours entiers, si

LE CINQUIEME LIVRE

besoin en ét. Comment? dit il, ma Dame, voulés vous doncques demourer si long tems icy? Non, répondit Vrgande, incontinent qu'il sera jour, ie m'en retourneray en ma barque, qui ét le long de ce riuage. Et nous, ma Dame, que deuiendrós nous? car nous sommes arriüés par deça, sans scauoir qui nous y a guidés. Par Dieu, si vous aués entendu quelques nouvelles de nos compagnons, faites nous en part, & du lieu ou nous les pourrons trouver désormais. Mes amys, répondit elle, il vous faut premier laisser couler les destinees, & endurer maints durs trauaus: puis avecq' le temps vous aurés ce que vous demandés. Ainsi deuisans quelque fois, & quelquefois dormans, l'aube du jour cōmença à aparoitre. Parquoy eus trois ensemble vindrent à la mer, & entrent au vaisseau d'Vrgande, ou étoient quatre Damoiselles, & deus Nains qui l'atendoyent.

Comme Vrgande la Déconuë print congé des Cheualiers, & s'en alla en la garde des deus Dragons vers l'Empereur & l'Imperatrix, porter leur petit fis, pour la perte duquel toute la court étoit émeü.

CHAP. XVII.

Quelque temps demeura Vrgade en la compagnie des deus Cheualiers: car elle ne vouloit si tôt dōner plaisir à l'Empereur, du recouvrément de son fis. Puis les fit retourner en leur barque, leur commandant que de là en auant ils missent peine de résister à la muable fortune, lors que moins elle leur seroit fauorable: car disoit elle, c'ét pourquoy l'ordre de Cheualerie a été introduite, & qui la rend en plus d'excellence. Mais aussi tôt qu'ils furent partis, elle retourna en terre, & mōta sus son palefroy portāt l'ēfant entre ses bras. Adōc se presenterēt deus dragōs, l'un à dextre, l'autre à senētre, qui l'accōpagnerent jusques près Tirol, ou l'Empereur tenoyt

sa court. Et aprochant la ville, rencontra grande compagnie de Cheualiers, qui étoient en quête pour l'enfant perdu, lesquels auisants ces bêtes horribles, qui iettoient feu de toutes parts, le plus hardy d'eus se tint pour trémal asscuré: tellement qu'ils se mirent tous à fuyr à trauers champs. Dequoy Vrgande se print à rire. Lors suruint le Roy de Sardaigne Florestan, qui (ayant circuy grands pais, poursuivant le fis de Garadan) retournoit las, & trauaillé, & son détrier recreu. Si s'enquit aus fuyards qui les mouvoit: & ils luy monterent de loing ce qu'ils auoyēt veu. Neant-moins il ne s'en effraya, ains marcha au petit pas vers les Dragons, esperant de les combattre, s'il y auoit moyē. Et comme il fut près d'eus, reconnut Vrgande: parquoy donnant des éperōs à son cheual, pensoit la saluër, mais tant plus il le pressoit, & plus reculoit arriere, de sorte qu'il fut contraint mettre pied à terre. Adonc lui vint baïser les mains, & à l'instant les Dragons se disparurent: dequoy il fut tresēbāi. Ce que connoissant Vrgande, lui dit: Sus ma foy, Cheualier, ils ont bien raison de vous ceder le lieu, sachant la magnanimité de vōtre courage inuincible. Et aussi ie me tiens trop plus seurement accompagnée avecques vous, que ie n'étois au parauant: parquoy ie vous prie ne m'abandonner que ie n'aye remis cēt enfant es mains de sa mere, lequel i'ay récoués des méchants, qui le lui auoyent dérobé. Comment, ma Dame, répondit Florestan, ét il possible que l'Empereur reçoïue tant de plaisir par vous seule? pour Dieu, contés moy, s'il vous plaît, la maniere que vous lui aués pourchassé tel bien. Vous le sçaurés, dit elle, quand il en sera heure, & plus tôt ne vous en donnés peine, ains remontés à cheual & me conduïsés à Tirol. Adonc cheminerent ensemble, & descendirent au palais, ou ils trouverent l'Imperatrix plus morte que viue. Mais quand elle entendit les bonnes nouvelles qu'Vrgande lui apporta,

cēte

cête tristesse fut conuertie en plus grande joye. Et pour autant que l'Empereur s'étoit armé, & mis en queste, comme les autres: elle enuoya incontinent gens de tous côtés pour le faire retourner, lequel sachant cête bonne fortune, loua grandement nôtre Seigneur, & vint trouver Vrgande, qui luy raconta tout ce que par cy deuant vous aués entendu de ce fait. Par ainsi nous la laisserons à present, pour retourner à Manely, & au Roy de Dace, qui ce pendant étoient en pleine mer, émeuë d'une si merueilleuse tourmente, qu'ils pensoient bien y finir leurs jours.

Des auantures étranges qu'eurent le Roy de Dace, & Manely, depuis qu'ils furent partis d'auueques Vrgande la Déconneuë. Et du passetems que leur donnerent deus vieils Singes de la grande race en vne Ile ou ils arriuerent.

CHAP. XVIII.

APrès que le Roy de Dace, & Manely eurent laissé Vrgande la Déconneuë, ils rentrent en la barque, ou les atendoient leurs Ecuyers, lesquels aussi tôt leuerent les ancrs, & éloignerent en peu d'heure cête côte. Or étoit le tems dous & calme: toute-fois en moins de rien s'éleuerent deus vents contraires, Mestral, & Siroc, qui émeurent les vagues, & enflerent tellement la mer, qu'il sembloit qu'elle se deût assébler avec le ciel, & aussi tôt abîmer au plus profond des enfers, dont il auint que cête barque ainsi agitée fut souvent couverte d'eau, & n'y eut mast, voyle, ni cordage, qui demourât entier. Mais, ce qui plus étonnoit ceus de dedans, la nuit suruint tant obscure, qu'ils ne pouvoient voir la longueur de leur vaisseau. Et ainsi courut fortune trente jours entiers, qui à la fin les ietta le long d'une belle Ile, ou ils prirent terre étant préque nuict. Lors commanderent à l'un de leurs Ecuyers, ne par tir du vaisseau, & eus armés de toutes pie-

ces entrèrent en païs, pour voir s'ils trouueroient quelque eau douce, ou autres viures: car ils n'en auoyent pas pour la semaine. Adoncq' auiserent vne claire fontaine ombragée de plusieurs grands arbres sur le bord de laquelle ils s'assirent. Et ôrās leurs heaumes de leurs têtes pour boire, Argenton l'Ecuyer qui les acompagnoit, leur dit: Serez-vous point d'auis de m'attendre icy, tandis que ie monteray à mont ces hauts rochers: d'ou (peut être) ie choisiray quelque maison, ou paisant, qui nous dira nouvelles de la contrée ou nous sommes arriués? Va, répondit le Roy de Dace: mais garde de te perdre. Ainsi les lascia l'Ecuyer prenant son adresse, au trauers des boys: & étant quasi éloigné d'un long trait d'arc, aperceut un grand Ours venir à luy, duquel il eut telle frayeur, que criant & demandât secours à haute vois, ne sceut trouver plus soudain remede, que de monter au sommet d'un haut arbre. Les Cheualiers entendants leur Ecuyer, cogneurent bien qu'il auoit quelque necessité, & coururent si hâtinement vers luy, qu'ils n'eurent la patience de prendre leurs heaumes, ains les laisserent sur le bord de la fontaine. Et peu apres aperceurent l'Ours qui grimpoit contre l'arbre, & l'Ecuyer au dessus se defendant au mieus qu'il pouvoit. Mais aussi tôt cête bête lascia sa premiere entreprinse, & courut droit à Manely, qui marchoit le premier, & d'arriuée le cuyda ieter par terre: toute-fois en se démarchant il luy donna si grand coup d'épée qu'il luy aualla l'oreille droite, & vne partie de la iouë. Neantmoins l'Ours, retourna soudain & le saisit au faus du corps si rudement qu'il le cuyda étoufer: & perdoit quasi aleine, quand le Roy de Dace survint lequel d'un reuers luy separa le bras droit du corps, avec tant de douleur que la bête hurlant habandonna sa prinse, & s'enfuyt dans l'épessueur du boys ou le Roy la poursuyuit longuement. Et plus encores eut continué la chasse, sans la

LE CINQUIEME LIVRE

pesanteur de ses armes, qui lui rōpyent les épaules. Parquoy retourna vers son cōpagnon, & eus deus ensemble ayderent à descendre Argenton, qui trembloit comme la fueille. Dont l'un & l'autre se prirent à rire. Et lui demanda Manely, s'il auoit froid. Non pas, répondit il: mais i'ay bien eu la plus grande paour que i'eu oncques, & que i'espere auoir de ma vie: aussi croy-ie certainement qu'il n'y a autre peuple en cete Ile, que Diabls deguisés, ou autres tels gentils Damoiseaus, que celui qui vous a si gracieusement embracé.

Parquoy ie suis d'auis, qu'attendants la tranquillité de la mer, nous retournions à la fontaine, ou en nôtre vaisseau pour le plus seur. Encores n'es tu pas hors de propos, dit le Roy de Dace. Mais assure toy premier: Je ne sçay quelle assurance, répondit il. Et pour Dieu, allons nous en, si ne voulés que ie trépasse. A ce que ie voy, dit Manely, tu ne mourras iamais en combat, tant qu'auras moyen de fuyr. Nō pas si ie puis, répondit Argenton, aussi seroyt ce follic à moi. Et ainsi deuilsants se trouverent pres la fontaine, sus le bord de laquelle ils virent deus vieils Singes iettâts l'un à l'autre les heaumes qui étoient demeurés là, cōme s'ils eussent voulu jouer à casse pot. Dequoy les deus Cheualiers & Argenton, se prirent si fort à rire, qu'ils se cuiderent pasmer: car aussi tôt que ces Singes les aperceurent, mirent hâtivement ces heaumes en leurs têtes, & monterent au plus haut arbre, sautants de brache en brache, puis contremont, puis contrebas, de sorte que joueurs de passe passe ne firent oncques tant de souplesses. Ce m'ait diens, dit Manely, ie leur sçay trébōgré: Ils sçauent que nous auons eu trop de melancolie sus la mer: ils tachent à nous rejouir en terre. Toute fois ie n'espere pas qu'ils ayent ainsi mes armes sans combattre. Ce disant print des pierres, & rua sus eus: mais ils lui montrerent le derriere, & remuants les babines, cōmencerēt à lui faire la moué, & à grater leurs cuisses.

A quoy le Roy de Dace prenoit tant de plaisir, qu'il le pria les laisser en pais: aussi étoit il déjà nuit fermee. Et à cete cause enuoyerent leur Ecuyer querir son compagnon, & si peu de viures qui restoyent en leur barque, par ce que la mer s'enfloit d'heure à heure si fort qu'ils eurent doute que leur vaisseau ne donnât en terre, & s'entr'ouvrît. Si ne tarderent gueres à retourner: & après que les Cheualiers eurent repeu de tels biens qu'on leur apporta ôterent leurs hauberts, & s'endormirent jusques au lendemain matin qu'ils trouverent leurs heaumes à leurs piés, non pas leurs hauberts: car ces nouveaux gents d'armes les auoyent endossés si proprement, qu'à leur contenance il sembloit qu'ils eussent quelque gros combat à demeler l'un contre l'autre, & camp assigné au sommet des ormes branchuz dont il y auoyt quantité. Neantmoins le jeu commença à déplaire aus deus Cheualiers, qui ne vouloyent pas morir là de faim: ains faisoient leur comte ou de rentrer en mercy des vagues, ou d'aller plus auant chercher viure. Et pour cete cause firent chacun vn arc de bois, & la corde de leurs iartiers, puis avecques flèches éguisees par le bout, tirerent après ces souldats bocages, tellement qu'ils les contraignirent sauter du haut en bas. Adoncques les prirent, & desarmerent, & sans leur faire autre mal, les laisserent aller.

Comme le Pyrate Frandalo nauigant en mer fut ietté par tourmente en l'Ile, ou étoient le Roy de Dace, & Manely, avecq' lequel il eut combat: & de ce qui en auint.

CHAP. XIX.

OR aués vous entendu par cy deuant la sorte que Manely, & le Roy de Dace furent iettés par fortune en l'Ile des Singes, ou se perdit leur vaisseau, sans qu'ils eussent viures pour deus jours seulement. Mais nôtre Seigneur les secourut: car le lendemain, eus étants au sommet d'un des plus hauts



hauts rochers découvrirent vn navire en mer, lequel agité de vents contraires vint peu après surgir assés près du lieu où ils étoient. Si descendirent les deus Cheualiers pour parler à ceus qu'ils y trouveroient. Et appellant à haute voix, se presenta sus le tillac, vn qui leur demanda qu'ils vouloyent. Nous vous prions par courtoisie, répondit Manely, que vous nous dites qui ét le patron du vaisseau. C'êt, répondit le Fradin, vn grād Seigneur qui vous fera sentir auant que lui échapiés, de quelle façon il traite tels galands que vous êtes. Encores qu'ainsi fût, dit Manely, nous sommes maintenant en telle nécessité, que nous aurions plaisir d'endurer le pis qu'il nous sçauroit faire pour sortir hors de la faim, qui nous tient assiegés. Parquoy faites nous parler à luy, s'il vous plaît, & nous dites son nom. Ceus qui sont tombés en sa mercy l'appellent communément le Diable Marin, iacoyt qu'il soit assés & trop conneu par le nom de Frandalo: car par sa puissance a subiugué la plus grand part de cete mer écument & rauissant tout ce qu'il y rencontre, & a été forcé par tourmète venir prendre port en ce lieu étants les autres vaisseaus écartés si au loing, qu'il n'en a aucu

nes nouvelles, & mal pour vous, veu la colere où il ét maintenant. Adonc survint vn écuyer, lequel auisant les deus Cheualiers armés d'vnes armes blanches, semées de crois noires, s'écria tant qu'il peut: Ha Seigneur, voicy ceus qui ont mis à mort vôte bon parent Lindoraque. Et lors vint en prouë vn Geant qui demanda à Manely & au Roi de Dace, comme ils auoyent si mal-heureusement occis son cousin. Sus mon ame, répondit l'vn d'eus, nous ne le vîmes oncques quelque chose que die l'Ecuyer, & si vous puis assurer, que depuis le jour que receumes l'ordre de Cheualerie, mon compagnon ni moi, ne nous sommes trouvés en lieu où ayons eu grād besoin d'éprouver nos forces. Vous mentés par la gorge, dit celui qui les accusoit, ie vous connois mieus que ne pensés. Et qu'il soit vray, dit il à Frandalo, la Damoiselle que vous tenés prisonniere, vous en dira autant que moy. Par mon grand Dieu, répondit Frandalo, ce sera donc à vous le comparer: Vous ferés ce que vous pourrés, dit Manely, & si vous auise quant à moi, que ie suis trécontent (puis que le voulés) qu'ayons tué vôte parent, combien qu'il n'en soit rien: mais pour le moins la gloire nous en demoura

LE CINQUIEME LIVRE

en v^{ost}re endroit. Et la mort (peut être) au v^{ost}re, répondit Frandalo, qui commanda faire venir la Damoyfelle: laq^uelle voyât les Cheualiers armés de pareilles armes que celles de Talāque & Ambor, dît tout haut: Helas qu'êt cecy: ces armes furent à deus Cheualiers, grands amys de mon Seigneur & maître. Pour Dieu Gentils-hommes dites moy ou vous les aués recouvertes: car si ceus de qui ie parle étoient icy, ils ne me laisseroient longuement en la captiuité ou l'on me tient. Damoyfelle, répondit le Roy, s'il vous plaît nous les nommer, & que le deuoir d'amytie nous oblige à eus par quelque cognoissance: assurez-vous que nous ferons pour eus enuers vous, tout ce qu'il nous sera possible. Doncques vous les nommeray, dît elle, l'un ét Talanque, & l'autre Ambor, compagnons du Cheualier à qui ie suis. Quand Manely entendit cete parolle, il répondit promptement: Ah, ah, Damoyfelle, dites nous, s'il vous plaît, ou nous les pourrons trouver au partir d'icy! Signeurs, répondit elle, faites tant avec ce Geant, qu'il me donne liberté, & moy mêmes vous y conduiray, & si vous conteray merueilles d'eus, & chose que vous aurés fort agreable, s'ils sont vos amys, comme ie pense. A celà ne tiendra pas, dît Manely, & sans differer en pria tref-instamment Frandalo, qui se print à rire connoissant son affection, & lui répondit: Deuant que vous sortis de mes mains, les prieres d'elle pour vous seruiron possible plus enuers moy, que non celles que vous faites pour elle, & ce pèdant ie vous pouruoiray tous deus d'un état hōnorable en mes galleres vous faisants Cheualiers de l'ordre de machiorme, avec plusieurs autres qui y sont de long temps. Vous parlés bien à v^{ost}re ayse, dît Manely, étant en lieu trop auantageus, non pas nous qui n'esperons faueur ni en terre, ni en mer, n'ayants vaisseau, ni viures pour nous souvenir: mais si vous êtes tant gentil compagnon que vous dites, ou descendés icy, pour nous combattre, ou nous enuoyés yn bateau, & celui

de nous deus que vous voudrés, vous ira guerir de l'ontrecuydance qui vous fait ainsi méconnoitre: par condition, toutefois, que vous seul le cōbattés, & demourera la Damoyfelle au mieus fauorisé de fortune. Ouy dea, répondit Frandalo, encores que ie connoisse assés que ie n'aurai pas grand honneur à mettre la main aus armes contre deus pages tels que vous êtes. Et ce disoit il, par ce que le plus vieil des deus Cheualiers n'auoit encores dix-sept ans passés: Si demanda son écu, & entrant en la barque de la Damoyfelle, descendit en terre: Puis appellant les deus Cheualiers leur dît: Enfants, prenez pitié de v^{ost}re ieunesse, & vous rendés à ma mercy, autrement vous êtes morts sans remede. Tu rêves, dît Manely, nous auons encores les membres sains & entiers, cōme doncques nous estimes tu morts ne malades? Ce m'aît dieus, i'ay bien esperance, premier, que le gâteaux se départe, que tu seras le Roi des mal-heureus: Ainsi doncques choisiz de mon compagnon ou de moi qui commencera le ieu, & tādīs l'autre s'en ira gouverner la Damoyfelle que tu m'as refusée: Ha pauvre homme, répondit Frandalo, il apert bien que tu ne sçais pas bonnement ce qui t'êt necessaire: car si les deus meilleurs Cheualiers de l'Asie auoyent entrepris cete mêlee, i'en feroys tout tel état que le loup fait de la Brebis. Par plus forte raison doncq' vous ieunes garçons sans barbe, qu'esperés vous de v^{ost}res mêmes? De te rompre la tête, dît Manely. Vrayement, répondit Frandalo, puis que tu as si bon cœur, ie te donneray cete gloire de me combattre pour la dernière que tu auras de ta vie, & enuoye (si bon te semble) ton compagnon entretenir les Dames: aussi ét ce mieus son cas qu'à manier les armes, comme ie pense. Lors Manely tira le Roy de Dace à part, & luy dît: Vous aués entendu les propos de Frandalo, ie vous prie, ottroyés moy ce combat, & entrer seul en son nauire, puis selon qu'il plaira à nôtre Seigneur, m'aider, faites après ce à quoy la raison vous

oblige. Le Roi de Dace connoissant qu'il n'y pouoit contredire, s'en alla incontînēt mettre en la barque, qui auoit amené le Geāt, & passa jusq̄s ou étoit la damoiselle. Lors se mirent les deus Cheualiers en equipage de combattre: toute-fois premier que tirer coup d'épee, Manely dit à Frandalo: Geant, laisse nous la Damoiselle avec sa barque, & pour n'auoir pis, fay voir le ou bon te semblera. As tu dé-jà peur? répondit Frandalo, demande mercy, & ie te sauveray la vie, autrement assure toy, q̄ ie feray pendre toy & l'autre, au plus haut de toutes ces hunes. Or là doncques, dit Manely. Si se couvrirent trébien de leurs écus, & commença la mêlée assés mal partie, comme il sembloit, d'autant que Frandalo étoit yssu du côté maternel des plus forts Geants de Turquie, & de par le pere, des meilleurs Cheualiers du monde: Et Manely, ieune & inexperimenté, ne s'étoit oncques trouvé en affaire, fors seulement quand il secourut Vrgande la Déconneuë: mais le sang illustre de Gildadan Roy d'Yrlande, duquel il étoit fils, lui causoyt telle hardiesse, qu'il eût mieus aymé mourir qu'endurer vne seule honte: Et bien s'aperceut Frandalo en peu d'heure, qu'il n'auoit pas à faire, à vn enfant ainsi comme il esperoit, ains à vn Cheualier hardy autant qu'vn Lyon, & qui le rengea en moins de riens, de sorte que son écu mis en pieces, & son haubert demaillé, lui tiroit le pur sang du cors à chacun coup d'épee qu'il receuoit, tant que l'herbe verte en changea couleur, dont ceus du nauire s'ébaissoyent grâdemēt, mêmes le Roy de Dace, qui n'eût jamais pensé auoir en son compagnon telle prouesse: toute-fois la Damoiselle qui scauoit les efforts d'Esplandian, & de ceus qu'elle auoit laissés en la montaigne Defenduë, voyant Manely & son compagnon armés d'armes pareilles, se tenoit assée (s'ils étoient comme ceus de l'Isle ferme) que Frandalo ne pourroit resister à la longue: Parquoy dit au Roi de Dace:

Sus ma foy, ie connois bien, que ie seray deliurée en brief, & sortirai de la captiuité ou ie suis: car Frandalo commence fort à s'affoiblir: voyés comme il recule. Forçats qu'en pèsés vous? C'ēt à ce coup qu'il vous faut auoir liberté. A quoy ils prétoyent tous l'oreille, par ce qu'ils virent le Geant recréu, & en reculant dire à Manely: Cheualier, tu ne me pourras resister à la longue, rends toy, ou tu mourras: C'ēt le party que ie te feray, répondit il, si tu ne nous deliure la Damoiselle & sa barque, avecques tout ce que tu as pillé dedans, autrement delibere toy d'oresenauant de mieus faire que n'as commencé, si toi-mêmes ne veus perdre la tête. Elle ēt en trop seure garde, dit le Geant, & comme il vouloit parler d'auantage, Manely haucha l'épee, & recommença à le charger plus âprement qu'il n'auoit encores fait. Lors Frandalo honteus de se voir ainsi traiter par celui qu'il auoit si peu estimé, déploya toutes ses forces, si qu'à le voir on eût pensé qu'il n'auoit playe sus lui qui l'offensât tellement qu'à cete reprinse Manely fut fort nauré, neantmoins le cœur lui creut de tant plus qu'il sentoit son sang couler dedans son harnois, & d'vne fureur non acoutumee, postposant toute crainte, se ietta sus son ennemy, qu'il contraignit à force tourner le dos, & auoir recours en la mer, dedans laquelle il se mit jusques aus épaules. Et comme Manely le poursuioit (lui qui étoit beaucoup moindre) se fût noyé, s'il eût passé iusques à luy. Ce pendant quatre des principaus du nauire se mirent en la barque, & en toute diligence l'allerent querir, & à l'instant mêmes les forçats rompirent leurs chaines, & avecques l'ayde du Roy de Dace, coururent sus au Nocher, Comite, & autres, qui tenoyent le party du Pyrate, la plus part desquels furent iettés en Mer. Ce que voyant Frandalo, pensoit bien qu'il lui en auientroit tout ainsi: Neantmoins il s'auisa d'obtenir par belles parolles ce que la force luy auoyt dénié, & d'vne
vois

vois foible & debile appella Manely, & lui dit: Cheualier, si ie vous ay offensé, ie vous prie humblement me pardonner: car ce que i'ay fait contre vous, a été seulement en esperance d'acquérir la louange, que desirent communément ceus qui suivent les armes: Parquoy vous deüés par raison supporter ma fortune, & yser enuers moy de quelque courtoisie, veu même-ment que ie me sens si navré, qu'il ét impossible que ie viue plus gueres. Frandalo, répondit Manely, tu auras ce que tu demandes, sous condition qu'obeiras à tout ce que ie commanderay, & ainsi le iura le Geant. Lors Manely pria le Roy de Dace le recevoir au nauire, & donner ordre qu'il fût pensé de ceus qui scauoyēt l'art de Chirurgie, & ce pendant qu'on lui renuoyât la barque pour aller vers eus.

Comme étant les Cheualiers au Nauire de Frandalo, atendants la mer bonace, prièrent la Damoiselle, leur dire à qui elle étoit, & ce qu'elle auoit veu de ceus dont elle leur auoit parlé.

CHAP. XX.

A Prés que ce cōbat fut demêlé, comme il vous a été recité, étant les Cheualiers dans le nauire de Frandalo atendants que la mer se repaisât, vn jour entre autres le Roi de Dace assis sus le pié du liét de son cōpagnon (qui n'étoit encores du tout guery de ses playes) pria la Damoiselle lui dire, ou elle auoit veu Talanque & Ambor. Mes Signeurs, répondit elle, sachant que vous êtes leurs amys, ie vous puis asseurer que ie les ay laissés en bonne santé & en part ou ils ont aquis grand hōneur, & ne les eusse si tôt abandonnés, n'eût été que par commandement du meilleur cheualier du monde, ie m'en allois (quand Frandalo m'a prinse) en Constantinople, ou (s'il vous plaît me conduire) ie vous y conteray choses merueilleuses, qui leur sont auenuës en ma presence: Et plus tôt ie vous prie ne m'y contraindre, autremēt vous leur feries déplaisir, & à moy aussi.

Dieu nous en gard, répondit le Roy. Lors apellerent celui qui les auoit accusés à Frandalo, & lui demanderent dequoy il les connoissoit, pour auoir affermé deuāt son maitre chose qu'ils n'auoyent oncq' pensée: l'Ecuyer craignant mourir se ietta à genous deuant eus, & tremblant comme la fueille, leur répōdit: Mes Signeurs, pour Dieu ne vous ébaissés, si i'ay eu vouloir faire venger vn mien maitre, q̄ deus portants telles armes que les vôtres ont mis à mort ces jours passés. Et en quel lieu, dit Manely. Bien pres, répondit l'Ecuyer, de la montaigne Defenduë, ou ie trouuay cete Damoiselle, parlant à vn Cheualier non armé, avecq' lequel ie la laissai pour aller vers Matroco & Furion: mais ie sceus à l'instant qu'vn Cheualier aus armes noires les auoit occis, & gaigné leur forteresse. Ne me croyés jamais, dit le Roy, si ce n'êt Esplandian, car il portoit le harnois qu'il dit, & à luy seul (comme ie pense) cete victoire étoit reseruee. De cete parole la Damoiselle se mit à sourire dont Manely s'aperceut, & lui dit: Par la foy que vous deüés à la chose que vous aymés le plus, ie vous prie, contés nous de ce que vous saués de lui. La chose du monde, répondit elle, que i'aime le mieus ét celui de qui vous parlés, & du surplus ne me coniurés: car vous n'en scaurés autre chose, tant que ie sois au lieu ou il m'enuoye. Nous vous y conduirons plus tôt répondit le Roy de Dace. Si appella le patron du nauire, & s'enquirent à luy en cōbien de jours ils les pourroyent rendre en Constantinople. En moins de quatre, répondit il, si nous auons le vent propre. Or craignoit Frandalo ce voyage plus que chose qui lui peût auenir: car il auoit tant fait de détrouffes sus les sujets del'Empereur, qu'il n'esperoit jamais auoir pardon de lui. Et de fait pria les deus Cheualiers le ietter plus tôt en mer: car dît il, ie scay bien qu'il me fera mourir cēt fois le jour s'il peut. Non fera, répondit le Roy, ou nous mourrons quant & quant, & si n'au-

rés pis ne mieus que nous. De quoi le Ge-
 ant les remercia treshumblement. Et cō-
 me ils étoient en ces termes, vn vent de
 Transmontane donna en Poupe : Par-
 quoi le patron fit leuer les ancrs & hau-
 cer les voyles, dedans lesquelles le vent
 singla de telle force qu'ils découurirent
 Constantinople le quatrième iour ensui-
 uant, ainsi que l'aube du iour s'aparois-
 soit, & sus le midy entrèrent au port. Ad-
 oncq' les deus Cheualiers demanderent
 à la Damoiselle qu'elle vouloit deuenir.
 Messieurs, répondit elle, i'ay commande-
 ment exprés de celui à qui ie suis de par-
 ler à l'Empereur & à ma Dame Leonorine
 sa fille, deuant lesquels ie vous su-
 plie me conduire, puis en leur presence
 ie satisferai à ce que vous aués désiré
 sçauoir de moi. Si sortirent tous du Nauire,
 menants Frandalo quant & eus : car
 ils auoyent delibéré en faire present à la
 Princeesse Leonorine, au logis de laquelle
 ils s'adresserent, pour ce que L'Empereur
 étoit lors allé courre vn Cerf à deus lie-
 ues de la ville, & auiserent à la porte vn
 Gentil-homme Ecuyer de la Princeesse,
 le Roi de Dace, parla ainsi à luy : Je vous
 prie mon compagnon, faire entendre à
 ma Dame que moi & cet autre Cheua-
 lier auons conduit par deça vne Damoi-
 selle d'étrange país, qui a grand desir de
 parler à elle, si c'est son plaisir. L'Ecuyer ne
 fit long seiour qu'il ne retournât vers eus
 & les fit entrer en la chambre le l'Infante,
 ou ils la trouuerent acōpagnée de la Roine
 Menoresse, & de maintes Dames & Da-
 moiselles. Mais certes elle étoit trop con-
 noissable entre toutes: car sa beauté tant
 excellante ne secōdoit nulles des autres:
 ains estimoyent Manely & le Roi de Da-
 ce, n'auoir oncques veu sa semblable
 quelque cas que l'on fit d'Oriane, Olin-
 de, ou Briolanie. Et comme ils mettoient
 le pié à l'entree de l'huys, elle les vint re-
 ceuoir d'une si bōne grace, que rien plus.
 Lors s'agenouillerent pour lui baiser les
 mains, & commença le Roi de Dace à
 Am. 5.

lui dire: Ma Dame, nous sommes deus
 Cheualiers de l'Ile Ferme, qui par étran-
 ge auenture fumes ietés en cete mer, ou
 nous auons maintefois cuydé perir: mais
 à la fin ayant couru Fortune trente iours
 & trente nuits, ainsi que nous étions à
 bout de nos viures, abordâmes au riuage
 d'une Ile depéuplee, cōtre laquelle nôtre
 vaisseau se brisa. Lors cōnoissants à veuë
 d'œil la fin malheureuse qui se presentoit
 deuant nous (desesperés de tout remede)
 le nauire ou étoit ce Cheualier (dit il mō-
 strant Frandalo) & cete Damoiselle fut
 par semblable tourmente ietee ou nous
 étions: Et là eut vn combat merueilleux
 entre mon compagnon & luy, & moy
 contre aucuns du nauire duquel finable-
 ment ie demouray maitre & mon compa-
 gnon victorieux: Et depuis sçachans de cé-
 te Damoiselle qu'elle vous aportoit vn
 message de la part d'un Cheualier armé
 d'armes noires (pour lequel trouuer nous
 étiōs en queste) deliberâmes la cōduyre &
 venir par deça faire la reuerance à l'em-
 pereur & à vous, pour la seruitude que
 mon Seigneur Amadis vous porte, duquel
 nous sommes singuliers amys tout ou-
 tre: Et pource qu'à present n'auons chose
 plus digne de vous offrir (après nous)
 que Frandalo nôtre prisonnier, nous vous
 supplions treshumblement le receuoir en
 vôtre seruice, & lui sauuer la vie comme
 nous luy auons promis. Leonorine trefay-
 se de ce present pour le renom qu'auoit
 ce Pyrate d'être homme de pouoir & de
 trégrande intelligence, les en remercia af-
 fectueusement: puis apella l'un de ses mai-
 tres d'hôtel, auquel elle commāda traiter
 les deus Cheualiers & prēdre la garde de
 Frandalo attendant le retour de l'Empe-
 reur qui sera, dit elle, trefaise de leur arri-
 uee, memes d'entendre par eus des
 nouuelles d'Amadis, & retint
 en sa compagnie la Da-
 moiselle mes-
 lagere.

D

Com-

LE CINQUIEME LIVRE

Comme la Damoiselle Carmelle declara son Embassade à l'Infante Leonorine: & des propos qu'elles eurent ensemble sur le fait d'Esplandian.

CHAP. XXI.

EStans ainſi retirés le Roy de Dace, & Manely, demoura la Damoiselle avecq' l'Infante Leonorine, qu'elle mena auſſi tôt en ſa graderobe, & luy demanda d'ou elle étoit & de la part de qui elle venoit vers elle. Ma dame répondit Carmelle, ſçachant bien que ne connoiſſés encores celui à qui ie ſuis, ie vous ſuplie treſhumblemēt me pardonner, ſi auant le vous nommer ie vous faiſ entendre ce qui le rend plus recōmādē entre les meilleurs Cheualiers du monde, dequels pour ſa grād' douceur & prouēſſe il ē tant eſtimē, que craint & redoutē de tous mēchans qui l'oyent nommer: Et neantmoins vne ſeule choſe le maitriſe, c'ēt vous ma Dame, qu'il aime, honnore, & deſire ſeruir tant qu'il viura. Et toutefois ne ſçachant ſ'il vous ſera agreable, il n'a oſē prendre la hardieſſe venir lui mēmes en perſonne vous aſſeurer de ce que ie vous dy, encores qu'il ait charge expreſſe (de celui qui après vous lui peut plus commander) de vous preſenter ſon ſeruice, comme choſe obligee & promiſe: Et à fin qu'ajoutés certaine foy à mes paroies il vous enuoye cēt anneau qui ē celui propre que vous donnâtes à mon Seigneur Amadis ſon pere, lors qu'il étoit en cēte court, ſ'il vous en ſouuient, Adoncq' le print Leonorine & le regarda longuement, puis dīt tout bas: Vraiment cēte bāgue a été autre-fois mienne, & la donnay au meilleur Cheualier du monde. Par ma foi, ma Dame, dīt Carmelle, vn autre meilleur que lui la vous r'enuoye: C'ēt mon Seigneur Esplandian ſon ſis. Si ne le vy-ie oncques que ie ſçache, dīt elle: bien ēt vrai que maitre Helisabel, me parla d'vn ieune Damoiſel ſis du Cheualier à la Verde Eſpee, qui puis n'a-

gues à été armē Cheualier preſent Vrgande la Deconneuē en l'Ile Ferme, & lendemain fut transportē par mer en vn Nauire merueilleux, ſi qu'onques puis il n'en a été nouvelles. Ma Dame, répondit elle, ie ne ſçay qui ē ce Cheualier à la Verde Epee: mais celui, duquel ie vous parle, a fait tel commencement d'armes, que ſ'il vous plaît l'entendre vous en ſerés ébaïe. Ie vous en prie, répondit la Princeſſe: Et comme elle vouloit entrer en ce diſcours, on vint dire à l'Infante, que l'Empereur étoit arriué & la demandoit, dont elle bien ayſe ſçachant le plaſir qu'il auroit d'entendre ces nouvelles, print Carmelle par la main, & la lui mena en ſa chābre. Puis après auoir fait la reuerāce lui dīt, Mōſieur, voicy vne Damoiſelle étrāgere, qui vous fera nouvelles du bō Cheualier à la verde Epee, & de ſon ſis auſſi, duq'l maitre Helisabel vous faiſoit ſi grād cas, & l'ōt cōduit par deçà deus Cheualiers de l'Ile Ferme, l'vn dequels à cōbatu Frādalo dōt il m'a fait preſent, & atēdant vōtre retour, ie les ay enuoyés reſſraiſir. Ma fille répondit l'Empereur, ils ſoyēt les trēbiē venus, & la Damoiſelle auſſi. Sire, dīt elle, Dieu vous doint bōne vie & longue, & ſans lui faire autre reuerāce demoura coye: dōt chacū ſe print à rire, eſtimant q' faute de ciuité l'auoit fait ainſi oublier. Mais peu après ils perdirent cēte opinion, & commença Carmelle à parler en cēte maniere. Sire, i'ay toute ma vie été nourrie entre les meilleurs Cheualiers du monde, & toutefois ne trouués étrāge ſi de prime face (étant deuant vōtre majeſté) ie me ſuis miſe en ſi peu de deuoir, que vos Gentilhommes ont trouuē bon de s'en moquer: car faute d'entendre l'hōneur qu'on doit à vn ſi grand Prince que vous, ne m'a fait iouer ce perſonnage, ains ſeulement la gloire q' i'ay d'être à vn q' i'eſtime plus qu'autre qui viue, lequel ie tiens ſeul à maitre & Seigneur, n'en connoiſſant autre plus digne que lui: Et ſ'il vous plaît, Sire,

en-

entendre qui il ét, ensemble la cause de mon arriuee en vôtre court, mandés querir les deus Cheualiers, qui m'ont amenée, & ie vous dirai choses dont, peut être, vous aurés grand ébaillement. Damoiselle répondit l'Empereur, vous me ferez plaisir. Lors commanda à vn Gentil-homme des siens, qu'il fit venir les Deus Cheualiers étranges léquels arriués deuant l'Empereur, après luy auoir baissé les mains, & qu'il leur eut fait trèsbon recueil, commanda leur apporter deus chaires, ou ils s'assirent: car c'étoit le Prince qui plus honoroit ceus qui venoyent à sa court, spécialement quand il les sçauoit de loingtain país. Adoncq' s'approcherent tous les autres Gentis-hômes, & Cheualiers, à fin d'entendre les propos de la Damoiselle, laquelle adressant sa parole à l'Empereur lui dit: Sire, ie croy que vous aués peu sçauoir de long tems quelle ét la forteresse de la montaigne Defendue, laquelle (durant les iours du preus Cartadaque & depuis) vous, & le Roi de Turquie, aués maintefois essayée de prendre encores que ç'ait été en vain, tant l'ont bien defendue les Geans Matroco, & Furion: & neant-moins vn seul Cheualier l'a conquise en vn iour, mis à mort ces deus, dont ie vous parle, Arcalaus l'Enchanteur, & Argâtes le portier. Et qui plus ét, deliuré le Roi Lisuart, qui étoit en vne dure prison, sans que nul des siens en eut aucunes nouuelles: car il auoit été surprins en ses país, & emmené secretement par Arcabonne, laquelle desesperée, s'ét precipitée en mer des fenêtrés de son château. Et à fin, Sire, que vous enten diés comme le tout ét auenu, Arcabonne, (à qui ie fu) étant auertie de la prison de son frere Arcalaus en l'Isle Ferme, partit expressément de la montaigne Defendue, esperant le recouurer: mais premier qu'elle y arriuât, il auoit été mis en liberté: ce neantmoins (ne voulant du tout perdre sa peine) fit tant pour se vèger qu'elle atira par moyen le Roi Lisuart (chassant

lors en la forêt) iusques à vne tente ou elle étoit. Et la pensant secourir vne Damoiselle, qu'à son auis vn Cheualier vouloit forcer, demoura si enchanté, qu'il perdit toute connoissance, & ainsi fut trāsporté, au désceu de tous les siés, iusques en la fosse ou le Seigneur à qui ie suis ie le trouua. Puis continuant son propos se mit à discourir la sorte qu'Esplandian receut l'ordre de Cheualerie, & comme entrant en la queste du Roi, fut transporté par la fuste de la grand' Serpente en l'Isle de la Damoiselle Enchanteresse, ou il conquist l'épee luyfante, & depuis amené dedans vne barque, par vn muet, au pié de la montaigne Defendue, les propos qu'il eut avecques l'Hermite, les combats d'Argantes Matroco, & Furion, la desesperance d'Arcabonne, la deliberation aussi qu'elle eut de le tuer, lors qu'elle le trouua dormant en l'Hermitage, l'amour dont elle fut soudain éprinse: & en somme la connoissance q le Roy Lisuart eut de lui: duquel Sire, dit elle, il ét petit fis, fis d'Amadis & de la Princesse Oriane. Et pour aurât que son pere luy donna charge au partir de luy, de venir en son lieu seruir ma Dame vôtre fille, & les autres ainsi qu'il leur à promis, mon Seigneur m'enuoye expressement vers elle, les suplier treshumblement luy pardonner, s'il n'a si tôt accompli ce commandement: mais qu'en amendant la faute qu'il leur a faite, il y viendra en brief, & y fera tant de si iour, qu'il luy plaira. Damoiselle, répondit l'Empereur, i'ay cōueu sō pere pour l'vn des meilleurs Cheualiers du monde, & toute-fois vous nous aués racōté telles choses du fis, que ie croi certainemēt qu'il le surpasse. Il fera le trèsbien venu quand il viendra. Mais si ma fille suit mon cōseil, elle ne lui pardonnera sa longue absence, qu'il ne vienne en personne demander pardon. Lors il n'échaperà pas si tôt de nous q fit Amadis. Pour le moins lui ferōs nous tāt de bōnes cheres, & ma fille même, à qui ie le cōmande, qu'il aura quelque occasion de

nous tenir longue compagnie: Et ce pendant les deus Cheualiers demoureront pour ôtage, s'il leur plaît, les assureât, que ie leur ferai tout l'honneur & bon traitement dont ie me pourray auiser. Sire, dit elle, le desir qu'ils ont eu d'entendre ce que ie vous ay déclaré presentement, les a fait nauiguer en cete contree, & les ay rencontrés au plus grand heur pour moi qui me sceut auenir. Sçaués vous cōme? Frandalo, que cétui là (dit elle montrant Manely) à conquis le plus cheualereusemēt du mōde, me tenoit prisonnier en son nauire, & m'auoit prinse en ma barq, n'étāt encores à vn mille du lieu ou ie m'étois embarquee. Et depuis fortune courut en sorte q̄ de to^s ses vaisseaus, celui ou il étoit fut ieté en vne Ile, en laquelle par semblable accident, ces deus Cheualiers étoient arriués. Lors raconta les paroles qu'ils eurent avecq' Frandalo, & tout le fait ainsi qu'il s'étoit passé. Parquoi, sire, m'aquitant enuers ens de la promesse que ie leur fis, i'ay entierement recité la fortune du bon Cheualier leur cōpagnon. Sus mon Dieu, répondit l'Empereur, ils se sont montrés cheualereus tout outre, & ont fait vn trébeau present à ma fille, dont ie les mercie tant qu'il m'ēt possible. Sire, dit Manely, nous vous suppliōs treshumblement que vous vous seruiés d'oresenauant de luy: car il a enuie de vous faire seruite, & ainsi nous l'a il promis. Et il possible? répondit l'Empereur, yeu que c'ēt le plus méchāt paillard que la terre portāt onques, & qui plus à fait de dōmage à mes suiets? Sire, dit le Roy de Dace, il sera desormais tout autre, & pour cete cause mon cōpagnō en a fait present à ma Dame vōtre fille, laquelle nous a promis luy sauuer la vie, & encores vous faisons nous semblable requête. Ie le ferai, répondit l'Empereur, pour l'honneur de vous, posé qu'il ne le merite. Et comme ils acheuoyent ce propos, Gastilles, qui étoit demouré en la forêt pour voir donner curée aus chiens cou-

rants, qui auoyent ce iour là tant biē fait leur deuoir, arriua, & d'e^{re}ree reconneut Manely, & le Roy de Dace, qu'il auoit veus en la grād Bretagne ieunes Ecuers. Adoncq' s'enquit de leur venuē. Et après q̄ l'Empereur mêmes luy eut tout déclaré ce que vous aués entendu, il demanda à la Damoiselle, s'elle sçauoit le nom des deus autres qui étoient demourés en la montaigne Defenduē: car puis qu'ils sont armés, dit il à Manely, de même pareure que vous, il faut s'asseurer que ce sont de vos cōpagnons. Il ēt vray, répondit la Damoiselle, aussi furēt ils faits Cheualiers ensemble, & l'vn s'appelle Ambor, & l'autre Talanque. Ie sçay doncq' bien qui ils sont, dit Gastilles, Ambor ēt fis d'Angriote d'Estrauaus, l'vn des meilleurs Cheualiers de la grand' Bretagne. Ce m'aistdieus, dit Manely, nous étiōs en grād' peine de les torruer, mais puis qu'ils sōt en la mōtaigne Defēduē (s'il plaît à l'empereur) il nō y fera conduire. Ie le veus trébien, répondit il, pourueu que me promettés tous deus ne partir de huit iours de ceans. Sire, dirent ils, nous ferōs ce qu'il vous plaira. Et par ce qu'il étoit heure de dîner, l'Empereur se retira en sa salle avecq' les deus Cheualiers, & l'infante Leonorine, d'autre côté, emmena la Damoiselle étrangiere: car elle vouloit sçauoir plus auant nouuelles d'Esplandian.

Des propos que la Princeesse Leonorine eut avecq' la Damoiselle Carmelle, sus le fait de son Ambassade.

CHAP. XXXI.

Vous aués cy deuant entendu comme Carmelle raconta en la presence de l'empereur, le vouloir qu'elle eut de mettre à mort Esplandian, & qu'au lieu de ce faire, elle fut si esprise de sa beauté, qu'elle proposa n'aymer de sa vie autre que lui, ce que l'Infante Leonorine (qui déja y pretendoit part) n'oublia pas: ains elles d'eus retirees en son cabinet, luy dit en se sousriāt: Est il possible, Damoiselle, qu'aymant

qu'aymant ainsi le Cheualier aus armes noires, vous l'ayés si tôt habandonné? Ma Dame, répondit elle, ie fu à l'heure même auertie qu'il en aymoît vne autre, de quoi ie me trouuay fort allegée, iugeant son cueur tel comme le mien, & qu'il endurera quelquefois la douce passio qu'il me fait souffrir. Qu'en esperés vous doncq? dit la princesse. Celà même, répondit elle, que ie sçay être differēt entre luy & moi: car quand ie suis en sa presence, contemplant l'excellence de sa personne, ie recoy aucun repos, ce que lui sera dénié, voyant que déjà il souffre pour celle qu'il ne vid oncques, qui est vous mêmes, ainsi que ie vous ay dît. Voylà, dît elle, vne amour bien étrange, & ne puis pēser surquoi il l'a fondée. Ah ah ma Dame, répondit Carmelle, ie crains beaucoup qu'à la longue il ne puisse tolerer l'extrémité en quoi il est tōbé pour se rendre du tout vôtre, mêmes si à son arriuee vers vous, il se treuve tāt soit peu defaorisé de vôtre personne. Aussi n'a il desir en ce monde, que de vôtre consentement, & se pouuoir nommer vôtre, estimant telle faueur l'vne des plus grādes qu'il lui sçauroit auenir. En bonne foi, dît elle, ie ne lui refuseray pas si peu de chose, n'y plus grāde auecq: mais ie vous prie dites moi pour quoi il se fait appeller le Cheualier Noir. De celà ne vous puis ie bien satisfaire, répondit Carmelle fors qu'vne nuit entre autres, étans le Roi Lisuart, lui, Talanque & Ambor, en la montaigne Defenduë, couchés en vne même chambre, entendirent vn son si harmonieus, qu'ils se leuerent pour voir d'ou il procedoit: toutefois le tems étoit si obscur que force leur fut d'atendre le iour. Lors virent en mer nauiger le nauire de la grāde Serpente, dequoy ils eurent vn si grant plaisir qu'ils deualerent incontinent sus la greue, & aussitôt sortit de la nef vne Damoiselle, qui en vn equif print terre, portant entre ses bras vn gros paquet couuert d'vn taffetas Turquin: leq̃l elle

Am. 5.

presenta à Esplandian, de la part d'Vrgande la Déconnuë, lui disant telles paroilles: Bō Cheualier, ma maitresse vous enuoyé vnes armes enuelopees cy dedans: & vous mande par moi, que laissiés celles qu'elle vous donna au tems de toute tristesse, & vous armés désormais de ces autres cy, qui sont sēmees de la deuise que porte au iourd'hui la plus belle du monde (ainsi qu'Amadis vôtre pere témoigna lors qu'il lui mit la couronne d'or sus la tête) & pour l'amour de laquelle l'effort & magnanimité de vous s'augmentera tant, que vôtre renommee en vollera d'Oriēt iusques en Occident, sollicité d'vne passion amoureuse si vehemente, que maintefois la mort vous seroit agreable. Puis délia le paquet, & tira hors vn harnois, aussi blanc que neige, semé de coronnes les mieus enrichies de Perles & Diamāts, qu'il étoit possible. Si le print Esplādian, remerciant affectueusement Vrgande, & la messagiere qui l'auoit aporté. Et voylà, ma Dame, dît Carmelle, la cause, à mon auis, pourquoi il a été par cy deuāt surnomé le Cheualier Noir. Mais ie croi q̃ chāgeant désormais de deuise, il chāgera aussi de nom. Bien cōneur la Princesse Leonorine aus propos de la Damoiselle, que toutes ces choses auoient été faites à son auantage, & cōmença à sentir vne grande alteratio en son esprit: car Amour lui maitrisoit le cueur petit à petit: ce qu'elle eut volontiers dissimulé, neantmoins Carmelle s'en aperceut trebien par la mutation de couleur, qui couuroit sa face tant belle, la rendant plutōt blême & ternie, plutōt rouge & enflammée, selon la diuersité des éguillons, dont ce petit Dieu la pignoit: tellement qu'elle ne se peut tenir de ieter vn profond soupir. Et comme si elle eut parlé à soi-mêmes, dît tout haut: Dieu vueille que ce cōmencement prenne bonne fin. Lors Carmelle voyant que les affaires de son maitre alloient de mieus en mieus, pour toujours tenir en a-

D 3

Dame

LE CINQVIEME LIVRE

Dame, il m'a commandé faire peu de séjour pardeça: car iusques à mō retour, il vira en vne merueilleuse peine, & le reste de ses iours aussi, s'il n'a de vous quelque bonne réponse. Ah ah Damoiselle, répondit l'Infante, ie serois bien la plus ingratitude Princesse qui n'âquit onques. Vous lui dirés de par moi, que ie le remercie autant qu'il m'êt possible des honnêtes offres qu'il m'a enuoyees presenter par vous, & que luy arriué pardeça, il connoitra le bon vouloir que ie lui porte, aussi comme ie le tiens pour mon Cheualier, en témoignage dequoy vous lui portérés ce fermeillet, qui êt le premier present que Grimanese mon ayeule donna à son Apolidon, ne luy étant encores qu'amy. Adoncq' ôta de son chef vn tiffu d'or, ou il étoit ataché pour tenir ses cheveux, & le bailla à Carmelle, puis enuoya querir vn acoutrement couuert à broderie de coronnes d'or, ainsi qu'elles les portoit ordinairement, & le luy bailla. Mais pour autant, dit l'Infante, que les deus Cheualiers ont promis à l'Empereur de ne partir de huiet iours de cete court, vous les atendrés & retournerés ensemble à la montaigne Defenduë, ce qu'elle accorda volontiers.

Comme nouuelles vindrent à L'Empereur du siege que Armato, Roi des Turcs, auoit mis en la montaigne Defenduë, & de la charge qu'il donna à Frandalo pour y mener secours avecq' Mavely, & le Roy de Dace.

CHAP. XXI II.

Ainsi furent les Cheualiers de l'Isle Ferme, & la Damoiselle Carmelle arrêtés pour quelque tems en Constantinople, ou en ces entrefaites print port vne Fregate, qui aporta vn Ecuyer venant de la part de Talanque & Ambor, vers l'Empereur, l'auiser cōme Armato, Roy de Turquie, auerty de la mort de Matroco, auoit assiégué par mer & par terre le château de la montaigne Defenduë, lui requérât tres-

humblement que son plaisir fut leur donner quelque secours, autrement force leur seroit rendre la place tant étoit mal fournie, de viures & de gens. L'Empereur entendant ces nouvelles considerant les troubles qui étoient entre luy & le Roy des Turcs, aussi qu'il n'auoit lors vn seul homme prêt, galere, galeace, nauire ou brigantin pour luy faire la guerre, demoura longuement pensif: Toute-fois après qu'il eut debatue en soy-mêmes de quelle importance étoit cete frontiere, si vne fois l'ennemy s'en emparoit, resolut de l'épêcher en toutes sortes. Et pour cete cause fit appeller Fradalo, lequel il tira a part, & luy dit: Or çà, Frandalo, vous êtes maintenant mon prisonnier, & êt en moi à vous traiter comme vn larron ou de vous deliurer avecques plus grand biens que vous n'eutes onques: ce que ie feray, si vous me voulés promettre de m'êre désormais loyal, & me seruir es charges que ie vous donneray. Sire, répondit il, ie vous supplie treshumblement oublier les fautes, que i'ay commises par le passé enuers vōtre majesté, vous iurant, sus ma foy, s'il vous plaît me prendre à mercy, que vous auiés en moy vn seruiteur, qui avecq' le temps vous donnera à connoître par effait combien i'estime cete grace.

Me le promettés vous? dit l'Empereur. Ouy, sire, répondit il. Et qu'êt deuenu vōtre équipage, & tant de beaux vaisseaus que vous auiés par cy deuant? Sire, répondit Frandalo, les grands vents & la tempeste, qui suruindrent en mer ces iours passés, nous écarta si bien, qu'onques puis ie n'en ouy nouvelles. Toute-fois il me semble qu'aysément ie les pourrois rassembler, & avecq'eus vous faire seruice, si vous l'aués agreable.

Oui, sus ma foi, dit l'Empereur, & si vous en prie. Car i'ay delibéré mettre sus l'une des plus grosses armées qu'onques Prince ayt fait marcher depuis cent ans, pour chasser de mes frontieres Armato Roi de Turquie, qui a, puis n'a gneres assiégué la mon-

montaigne Defenduë. Et attendant, dît il, que toutes mes forces soyent prêtes, vous en yrés deuât, avecq' les deus Cheualiers étranges, trouuer façõ, de r'assembler vos gents, & donner quelques algarades à mon ennemy. Sire répondit Frandalo, Dieu me doint grace de vous faire seruice. Tenés vous doncq' prêt pour partir demain, dît l'Empereur. Et fus l'heure com manda qu'õ lui armât son nauire de tout ce qu'il luy seroit neccessaire, puis vint trouuer Manely, & le Roi de Dace, auxquels semblablement il fit entendre l'auertissement qu'il auoit eu de Talanque & Ambor, la deliberation sus ce prinse de les aller secourir, & mêmes les propos de luy & Frandalo. Et pour ce, mes amys, dît il, que ie sçay le grand desir que vous aués de trouuer vos compagnons, il me semble, pour le mieus, que vous vous deués embarquer avecq' celuy qui s'en va deuant les auertir de la force avecq' laquelle ie fais état les aller voir en brief. Sire, répondit Manely, c'est dequoi nous vous supplions tant qu'il nous ét possible. Demain, dît le Roi, vous aurés vòtre nauire fretté & pourueu comme il apartiët, avecq' quelques autres de mes vaisseaus pour vous seruir d'écorte en m'atendant, & la puissance grande que ie vous meneray. Mais, premier que partir, il leur fit offrir maint beau present, qu'ils refuserët, se contentants de l'honneur & bon traitement duquel il auoit vsé en leur endroit. Puis ayäts prins congé de sa maiesté, des Signeurs & Dames de la court, & principalement de la Princesse Leonorine, entrèrent en mer avecq' Carmelle, qui s'en retournoit esperant d'auoir bon visage de son maitre pour les bonnes nouuelles qu'elle lui portoit. Toutefois il me semble, auât passer outre, que ne deuons laisser plus longuement Esplandian à Mire fleur, ains vous dire ce qu'il luy auint depuis qu'il fut gué.

xi. Or écoutez doncques.

Comme Esplandian, étant guery de ses playes, print congé du Roi Lisuart, & de la court, pour retourner en l'Isle Ferme, ou il auoit laissé le nauire de la grand' Serpente, dedans lequel (acom pagné seulement de maitre Hlisabel, & Sergil) il s'embarqua pour retourner en la montaigne Defenduë.

CHAP. XXIIII.

MAints iours, & maintes nuits seiourna Esplandian à Mire fleur depuis le perilleus cõbat d'Amadis, premierq' ses plaies fussent du tout gueries. Et à la fin, ayant son congé du Roi, & des autres qui luy pouvoient commander, reprit le chemin de l'Isle Ferme, acõpagné toujours de Sergil son Ecuyer, & de maitre Helisabel. Léquels cheminerent sans trouuer auanture (digne de reciter) en sorte que finablement ils arriuerent au palais d'Apolidõ, au pié duquel étoit encores en mer le nauire de la grand' Serpente, ou ils entrèrent le iour mêmes. Toutesfois elle ne fit semblât de se mouuoir iusques enuiron le mynuit, qu'elle singla d'elle mêmes en mer si legierement, que le lendemain ils se trouuerent hors de toute connoissance de terre. Et nauigerent sèt iours duräts, & le huitième d'après decoururent à détrabord vn beau pais, le long duquel vent calme (donnant en poupe) les iera sans aucune violence, ce que voyant Esplandian delibera descendre, & côtoyer la marine, iusques à ce qu'il trouuât aucun qui luy dît en quelle contree il étoit arriué. Et priant maitre Helisabel ne partir de là iusques à son retour, luy, Sergil & leurs deus cheuaus entrèrent en vn équip, & descendants en terre marcherent si auant en pais, qu'ils se trouuerent au plus haut d'vn terre, au deslous duquel ils aperceurent vne trebelle prairie, & quelques maisons, vers léquelles ils s'adresserent. Mais ils n'eurent longuement cheminé, qu'un valet gardant quatre cheuaus, dõt l'un étoit bai (trop plus puissant

D 4 que

LE CINQVIEME LIVRE

que nul des autres) s'adressa à Esplandian, luy demandant en langage Aleman, ou il alloit à sa malheure. Esplandian qui en ses ieunes ans auoit aprins cete langue, lui répondit. Pourquoy? Pource, dît le valet, qu'à cete prochaine maison mon maitre êt n'a gueres arriué, qui dine, & s'il vous voit, c'êt fait de vous. Ton maitre répondit Esplandian, & de quoi se mêle il? De tuer ou enuoier en ses prisons de trop plus braues que vous n'êtes. Ainsi croyés moi, & vous en retournés bien tôt, si ne voulés éprouuer ce que ie vous dy certainement. Si ne contesta Esplandian d'auantage, ains passa outre iusques vis à vis la porte du logis, dans lequel il choisit vn Geant assis à table, & quatre Ecuyers qui le seruoient la tête nuë. Mais aussi tôt que le Geant l'aperceut se leua, & à demy appuyé sus sa nape, commença à luy dire: Chetif entre les plus malheureux, qui te fait maintenant trouuer deuât moi armé comme tu es? par mon grand Dieu Ianus, il faut bien dire, ou que tu sois fol, ou que le viure t'ennuye. Vien aproché toy, & te desarme, à ce que tu n'ayes tant de peine d'aller à pié ou ton logis êt préparé long tems y a. Sus pailhards, dît il à ses Ecuyers, ietés le bas du cheual, & le menés auecques les autres. A cete parole vn d'entr'eus (voulant peut être faire du bon valet) courut vers Esplandian pour le servir d'Ecuyer: toutefois (ou pource qu'il luy fâcha, ou pour autant qu'il lui print l'étrier gauche pour le droit) il luy donna tel coup de gantelet sus les oreilles, qu'il le ieta bas entendu de son long. De quoi le Geant entra en telle fureur, qu'il n'eut quasi la patience de s'armer, pour en prendre la vengeance. Et à cete fin enuoya querir le grand dérier bay sus lequel il monta. Ce pendant Esplandian laça son heaume. print son glaiue, & de moura coy, attendant celui qui le menaçoit sans cesse, lequel ne tarda gueres à le venir trouuer, portant vne grosse lance sus sa cuisse, & vn Simeterre à l'a-

çon de la selle, tant lourd, qu'un fort homme se fut trouué bien empêché à le souleuer de terre. Et tout ainsi qu'on void communément vn Coc marria faillir vn gros Iars, & se tenir sus le bout des ergots, la tête leuee pour en auoir le dessus. Esplandian ayant sentu l'iniure que lui auoit faite le Geant, le voyant aprocher de lui, branloit déjà la iâbe pour le charger quand l'autre l'apella, & lui dît: Vassal, contente toy de l'honneur q tu as maintenant, pour m'auoir mis en telle colere, que sans y penser j'ay prins les armes contre vne chose tant chetive & malheureuse q tu es, fuy d'ocques sans me contraindre d'auantage, autrement tu mourras sans remede: car vingt plus cheualereus que toi ne me sçauroyent seulement ébranler. Esplandian oyant telles menaces n'en fit cas, ains par vne moquerie, luy répondit: Ceus que tu as fait mourir ne pourront iamais nuyre: mais moi qui suis venu pour les venger, j'ay bien esperance, premier que nous nous separions d'enuoyer ton ame aus diables, auxquels tu l'as recommandee par tant de fois, combien qu'il te vaudroit trop mieus prendre le conseil que tu me donnes, & fuyr ton malheur, asseuré qu'en ce cors grand, gros, & lourd, ne demeure autre chose, qu'un cuer bas, & pusillanime, qui te fait parler tel langage & si mal à propos. Tu le verras sans plus tarder, dît le Geant, lequel couchant son bois, vint à course de cheual contre Esplandian, qui de sa part n'en fit moins. Toutefois le Geant faillit d'atante, non pas l'autre: car de la roideur de son coup, luy fit tellement doubler les reins, que le fiel luy sortit par la bouche, & mourut à l'instant. Dont ceus qui le virent furent ébaïs, & principalement les Ecuyers du Geant, lesquels se mirent incontinent en fuyte, toutefois ils ne coururent gueres loing, qu'Esplandian ne les ataignit, usant de menaces, ou ils ne luy monstroyent ceus que leur maitre tenoit en ses prisons. Et promirēt lui obeir.

Lors

Lors le menerent costoyants le tertre qu'il auoit descendu, & vindrent en vne voye étroite, & pleine de rochers, ou étoyt vn guet de vingt hommes armés de Brigandines & capelines de fer, tenant chacun d'eus vne hache, pour defendre le passage. Le plus apparent desquels s'adressa aus Ecuers du Geant, qui marchoyent deuât, & leur demanda qui leur auoit baillé ce mal-heureus. Ce disant voulut mettre la main à la rêne du cheual d'Esplandian: mais il lui donna vn si grand coup d'épee qu'il lui aualla le bras. Adonc luy coururent sus tous les autres: toute-fois il les écarta en peu d'heure, faisant tomber la plus part d'eus morts sus la terre: ce non-obstant il se trouua à la fin tant chargé de toutes parts, que son cheual lui fut tué entre ses jambes, & lui mêmes cuyda être affommé. Neantmoins il fit tant d'armes, & de si merueilleus efforts, que le camp luy demeura, & s'enfuyrent ceus qui eurent moyen de courir. Entre autres le valet qu'il trouua au premier gardant les cheuaus, lequel se sauuant à l'entree d'une voute, commença à crier à haute vois: Sortés Signeurs, sortes, vôtre fis Bramato ét mort, & tous nos compagnons ausi. A cete clameur vint vn grand vieillard Geant qui auoit la barbe & les cheueus lōgs & chenus, lequel auisant Esplandian, tenant encores son épee sanglante au poing & la plus part des siens morts & navrés, ieta vn haut soupir, disant: Dieus immortels, comme vous puis-ie auoir tant offensés qu'ayés permis mon seul fis, & mes gents être ainsi deffaits par vn seul Cheualier? Or croy-ie que vôtre courous ne me defauorisera en maniere que ie n'en prenne vengeance, cōme i'espere. A peine eut il acheué ce mot, qu'étant couvert d'un écu de fin acier, qu'il portoit au col, marcha droit à Esplandian, & tenant son épee au poing, luy en donna tel coup du plat, qu'il luy étourdit le bras gauche, & deuant l'épee sus vn roc, se brisa trois piés & plus: parquoy Esplandian se lanca prom-

ptement vers lui, & d'une legiereté merueilleuse l'ataignit à la veue si au vif, que le sang lui sortoit du front en tré grande abondance. Dont le Geant entra en si grande colere, qu'abandonnant son écu, print à deus mains si peu d'épee qu'il luy restoit. Et de toute sa puissance essaya d'endommager Esplandian, qui gauchit au coup, & se tirant à côté choisit au decouvert le bras du Geant, dont il luy separa le poing, & tomba l'épee quant & quant: toutefois il ne se montra pourtant recreu, ains embraçant Esplandian du bras gauche, le vouloit étraindre & étouffer: mais il auint autrement. Car aiosi qu'il commençoit à le presser, Esplandian qui auoit le bras droit à deliure, lui mit par dessous le haubert l'épee au trauers des tripes, & rendit l'ame, puis appella les trois Ecuers de Bramato, qu'il auoit amenés, pour lui montrer les prisonniers, & leur demanda en quel lieu ils étoyēt. Signeur, répondit l'un d'eus, au delà de cete voute ét le logis des deus Geants pere & fis, q̄ vous aués mis à mort, & au dessous sont ceus que vous demandés en vne prison fort obscure, qui a bien cent pas de long, & deus de large seulement: par ainsi ceus qui y sont en grand nombre, n'ont moyē d'eus coucher, & sont contrains être debout pour l'angustie du lieu. Passé deuât, dît Esplandian. Si s'auança l'Ecuier & Esplandian après, qui ne le suiuit longuement, sans entrer en vn tré beau palais, & deuant plus bas, entendit vne vois lamentable, de pauvres captifs mourants quasi de faim, dont il eut telle compassion que les larmes lui vindrent aus yeus, & demanda à celuy qui le guidoit, ou étoient les clefs. Voy les là, répondit il, penduës à ce croc. Ouvre la porte, dît Esplandian: ce qu'il fit, & entrèrent eus deus dedans: puis appella Esplandian ceus qui se lamentoyent, & leur dît: Mes amys, sortés tous, & loués nôtre Signeur. Helàs, pensés qu'ils furent joyeus de tant bōnes nouvelles! veu qu'il y auoit tel qui n'en étoyt

LE CINQUIEME LIVRE

étoit sorty depuis trente ans, & si étoyēt en nombre vingt Damoiselles, trente Ecuyers, & cinquante Cheualiers, entre lesquels Esplandian reconneut Gandalin & Lasinde, qui de mal-heur trauersans pais (après la conquête de Sansuegue) furent rencontrés des deus Geants, & coffrés avec les autres, ou ils endurērēt de trégrandes miseres.

Comme Esplandian commanda à ceus qu'il auoit deliurés, d'aller en Constantinople remercier la belle Leonorine fille de l'Empereur, & retint seulement Gandalin & Lasinde avecq' luy.

CHAP. XXV

LEs Geants morts, & les captifs deliurés en liberté, Esplandian qui n'auoit encores ôté le heaume de la tête, se fit peu après connoître à Gandalin & Lasinde, qui ne furēt moins ébaïs de le voir en lieu si étrange qu'émueillés du grand effort qu'il auoit fait pour les tirer de ces tenebres. Or étoit il presque Soleil couché, qu'Esplandian n'auoit beu ny mangé de tout le jour: parquoy delibera ne partir de ce palais, iusques au lendemain matin: car il y auoit viures en trégrande abondance. Lors commanda à Sergil retourner avec l'un des Ecuyers de Bramato querir le grand cheual bay qu'il auoit laissé aus premières maisons: car le sien auoit été tué entre ses jambes. Si ne tarderent gueres à l'amener, & passerent la nuit faisant la meilleure chere dont ils se peurent auiser. Puis le lendemain Esplandian fit venir à lui ceus qu'il auoit deliurés, & leur demanda qu'ils vouloyent deuenir. Sire Cheualier, répondirent ils tous, nous sommes deliberés faire seulement vôtre vouloir. Mes amys, vous irés doncques en Constantinople remercier l'Infante Leonorine, de la grace que dieu vous à faite, par le moyen d'un Cheualier qui est sien. Et si elle vous demande mon nom, dites luy seulement les enseignes des armes q' vous me voyés endossées, & que ie vous ay comandé vous aller mettre en sa mercy,

Par ma foy, répondit Gandalin, mō compaignon & moy auions deliberé de ne vous abandonner si tôt, toute-fois nous ferons ce qu'il vous plaira. Vous & luy, dit Esplandian, me tiendrés compaignie jusques à ce qu'il vous viēne à plaisir d'aller ailleurs. Et les autres feront ce dont ie les prie. Sire Cheualier, répondit celui qui luy auoit montré la prison, ils trouverōt encores ceans tout ce qu'il leur fût ôté: les Cheualiers, leurs cheuaus & armes, les Ecuyers, ce qu'ils portoyent, & les dames, leurs pallefrois & hardage. Va les leur donc montrer, dit Esplandian. A quoy il obeit promptement. Et peu après fortirēt tous de la voute, les prisonniers prenants le chemin de la Grece, & Esplandian, Gandalin & Lasinde, armés de toutes pieces, celui ou les atendoit maitre Helisabel au nauire de la grand Serpente. Et cōme ils eurent éloigné la maison des Geants enuiron demye lieuē, ils rencontrerent un Cheualier acōpagné de deus Ecuyers, lequel de prime face salua courtoisement Esplandian & sa compaignie, leur demandant de quel pais ils étoient, Damp Cheualier, repondit Esplandian, nous sommes de la grand Breraigne. Helàs, dit il, ne me sçauriés vous dire nouvelles d'une chose qui m'a donné jusques icy maint grand ennuy? Et quelle, dit Esplandian, Sçaués vous, qu'et deuenue le Roy Lisuart? dit le Cheualier: car aucuns me l'ont asseuré être perdu, sans sçauoir ou, comment, ny pourquoy. Quant à moy, ie vous jure que ie l'ay quis en maintes contrées étranges: mais c'a été en vain, tellement q' (las & trauaillé) ie suis venu iusqs en cete cōtree, sās en auoir nouvelles: & si n'espere dōner fin à mō trauail premier qu'il soit recouvert, s'il est possible qu'homme mortel y puisse mettre ordre. Vous le deués ainsi faire, répondit Esplandian, veu qu'il le merite, cōme vous le sçaués. Toute-fois, s'il vous plaît ôter vôtre heaume, & vous faire connoître à nous qui auons été nourris en sa maison, certainement nous vous dirons chose

chose de lui qui vous satisfera grâdemēt. Signeurs, répondit il, ôtant son heaume, ie suis Norandel son fis. Quād Esplandian & les autres le virent à la face, chacun se fit connoitre, & s'embracerent de grand amour. Ah ah, mō Signeur, dît Norādel, pour Dieu, si vous auēs aprins quelque chose de la part du Roy, ne me le raissēs, s'il vous plait. Mon oncle, répondit Esplandian, ie l'ay laissé puis vn moys en ça, faisant bonne chere à Mirefleur, & en bonne santé, dieu mercy: puis leur raconta la sorte qu'il l'auoit deliuré de prisō, & tout ce qui êt deduit cy deuāt. Ie m'emerueille donc, dît Norandel, quelle auanture vous a fait venir en ces marches. Sus mon ame, répondit Esplandian, celà ne vous sçauois bien dire, fors qu'il a pleu ainsi au nauire de la grand Serpente, que i'ay laissée le long de cēte cōte, & maitre Helisabel dedans: puis continuāt son propos, lui discourut à loisir, comme il partit de la court, son arriuee en l'Isle Ferme, son embarquement en mer, & le long tēs qu'y sejournerent auant que decouurir terre. Tant qu'à la fin, dît il, nous vinmes le long de ces marches, ou Sergil & moy descendimes en la bonne heure, pour Gādalīn & Lazine, ainsi qu'ils vous pourront dire quelque fois. Mais vous mēmes par vōtre foy, qui vous y a adressé si à propos? Ce m'aist Dieus, répondit Norandel, aussi tōt que la pais fut faite entre Amadis & le Roy, ie party de la court, pour venir chercher les auantures étranges, qui se treuvent ordinairement en ces Alemaignes, ou à peine fu- ie arriué, qu'ō m'assēra de la perte du Roy mon pere, dont i'euy tel déplaisir, que pour en auoir nouuel les i'ay trauerse tout le pais de dānemarc, Polone, Rufsie, Seruye, Hongrie, & iusques en ces marches, ou se tiennent comme lon dit, deus Geants, lesquels suyuaēt le naturel des autres, font infinies cruautés à tous ceus qu'ils peuvent rencontrer, le plus ieune desquels épīe communēmēt en cēt endroit ceus qui y passent. Et pour

cēte cause quād ie vous ay auissēs, ie pensois cētainēmēt de l'vn de vous, que ce fût il luy mēmes. Et deliberois le combattre, ou bien morir en la peine, ce que ie feray encores, s'il vous plait que ie passe outre. Par Dieu, dît Gandalin, vous perdiez vōtre peine à chercher le Roy Lisuart, & ferēs encores, si vous atendēs d'executer vōtre entrepriise. Comment? répōdit Norandel. Pour autant dît il, que vous voyēs celui qui vous releue de ce dāger. Adonc lui declara la sorte qu' Esplandian auoyt combatu les Geants, & comme lui, Lazine & plusieurs autres étoient en leurs prisons, d'ou Esplandian les auoit tous ietés hors. Sus mon Dieu, répondit Norandel, voylā bonnes nouvelles, & n'eusse de lōg temps pensé, que si belle victoire lui fût auenuē, ne sachant qu'il eût encores receu l'ordre de Cheualerie. Vous voyēs que c'êt, dît Esplandian. Helisabel vous en cōtera bien d'auantage, si voulēs nous suivre. Allons, répondit Norandel, ie le verray volontiers. Si prindrent ensemble le chemin de la mer, tant qu'ils trouverent le nauire de la grand Serpente, ou ils s'embarquerent. Et là sceurent Norandel, Gandalin, & Lazine par maitre Helisabel tout ce qui étoit auenu à Esplandian, du jour qu'il receut l'ordre de Cheualerie, jusques alors. Et combien que Norandel fit état de retourner incōtinent qu'il auoit le moyen, en la grande Bretagne, neantmoins il changea de propos, oyant ainsi raconter tant de merueilles de son neueu, auquel il dît: Mon Signeur, puis q fortune nous a ainsi assēblés, ie vous prie, soyēs content que ie ne vous abandonne sans occasion. Mon oncle, dît Esplandian, ie le veus trēbien, & vous en prie. Ainsi passerent le reste du jour, au nauire de la grand Serpente, esperans puis qu'elle ne se mouuoit, retourner le lendemain en terre voir s'ils trouueroyent quelques autres auantures à quoy eus employer. Toutefois à peine furent ils endormis, q la nauire se print à voguer de soy mēmes si fort, qu'au

LE CINQYIEME LIVRE

qu'au point du jour ils ne virent plus que mer. Et ne cessa sis jours entiers d'aller à val le vent hors de toute connoissance de terre. Mais le septième ensuiuant ainsi que le Soleil comméçoit à luyre, elles s'arrêta au pié de l'Ile sainte Marie, laquelle maitre Helisabel conneut aussi tôt, cōme celuy qui y auoit acompagné autre-foys Amadis, quand il combatit l'Endriague: parquoy il dît à ceus avecq' qui il étoit: Par ma foy, il me souvient qu'une fois courant fortune, & étants en mer, mō Signeur Amadis & moy en sa compagnie, fumes ietés en cete Ile par vne telle tempeste, que nous pensions certainement estre tous peris. Et si la mer nous promettoit lors quelque soudaine mort, étants en terre, la crainte nous augmenta de trop plus, & avecq' tant de raisons, que toutes les fois qu'il m'en souvient ie tremble de peur. Comment, dît Esplandian, vn peril passé de si long tems, peut il apporter vne frayeur tant presente, que vous en faites le semblant? Monsieur, dît maitre Helisabel, aucuns pour deguiser la verité, font de peu, grande chose: mais si vous auies veu ce que ie vy lors, & ce que vous pourrés encores voir, s'il vous plaît venir ou ie fu, vous trouuerés que ie n'ay tort, & voilà (dît il) Gandalin, qui en peut témoigner aussi bien que moy. Je vous prie, menés nous y doncques, répondit Esplandian. Adonc firent descendre leurs cheuaus en terre, & eus semblablement. Puis mōtans contremont l'Ile, vindrent au château ou Amadis demeura quelques jours atendât la guerison de ses playes, & là trouverent vn Cheualier de la part de l'Empereur, lequel auerty par maitre Helisabel, qui étoient ceus qu'il auoit amenés, leur fit trébon recueil, & s'offroit grandement à eus. Toute-fois ils ne s'arrêterent, ains passerent outre iusques au mêmes lieu, ou Amadis combatit l'Endriague. Et là auoit l'Empereur fait éleuer la statue de tous deus, si prés du naturel, que n'y restoit que la parolle. Si les montra maitre Helisabel

aus Cheualiers. Et à fin (dît il) que vous me croyés vne autre fois, ie vous prie, contemplés bien la forme de ce diable, lequel auoit au parauant l'arriuee de mon Signeur Amadis, destruit cete Ile, à present tant fertile. Adoncq' leur raconta par le menu comme le tout s'étoit passé, ainsi qu'il vous a été déclaré au troisieme liure de notre histoire, & s'en ébairét tous principalement cōme l'Endriague auoit peu être deffait par la main d'un seul Cheualier: Car encores que la representation de luy ne fût qu'une chose morte & fainte, si leur causoit elle frayeur, & quelque crainte. Et après l'auoir long tems regardé, & visité les autres lieux plus dignes de memoire, ils s'en retournèrent en la grād Serpente, laquelle aussi tôt partit du port, & avecq' vent agreable le cinquieme jour d'après vint surgir à demy mille de Constantinople, ou elle se print à ietter feu de toutes pars si étrangement que les barquerots, & autres qui l'aperceurent, s'enfuirent tous, craignants la fureur de ce monstre. Dont les habitans furent si effroyés, que les nouvelles en vindrent à l'Empereur, qui étoit lors deuissant avecq' les Dames, lesquelles il mena aus terrasses du palais voir que c'étoit. Si aperceurent, incontinent cete grand' Serpente, & la mer tant émeuë à l'entour, qu'il sembloit proprement d'un gouffre en feu, & en eurent si grand pœur, & l'Empereur mêmes, qu'il comanda q' chacun se mît en armes, doutant qu'elle aprochât la ville, & la mît en ruine. Mais Gastilles qui l'auoit maintes fois veuë, l'assura que c'étoit le vaisseau du bon Cheualier Esplandian, qu'Vrgande la Déconneuë amena premierement en l'Ile Ferme. Et afin Sire, dît il, que vous n'en doutiés, s'il vous plaît, j'iray voir si le fis d'Amadis est dedans, & le vous ameneray. Je vous en prie, répondit l'Empereur. Lors Gastilles descendit au port, & entra en vne Galleace, qu'il trouua équippee, commandant au Comite voguer à la grand Serpente. Toutefois pour prie-

re qu'il luy fit, il n'y vouloit de prime face entendre, jusques à ce qu'il le menaça de le faire pendre. Parquoy leua les anères, & commença la chiorne à ramer. Neant-moins il leur fut impossible d'en aborder à vn grand trait d'arc près. Et tât étoit la mer impetueuse, que les vagues les repousserent iusques dedans le port, de telle roideur, que la galleace se cuyda ouvrir & perdre. Ce que voyant la Princesse Leonorine, qui iusques adonc auoit pensé qu'Esplandian étoit venu expressément pour la voir, commença à desesperer de cete aise. Et faisant sa complainte, disoit en soymêmes: Helas monstre, navire, gallere, ou que tu soyes, pourquoy me tiens tu tant de rigueur de ne permettre aprocher de ce port celui qui ét en toy, à fin qu'aumoins mes yeus peussent jouyr de sa presence, mais comme si tu auois conceu quelque jalousie contre nous deus, tu empêches par tous moyens que le vaisseau de mon cousin Gastilles ne te joigne pour l'aporter icy, ou à tout le moins entendre de ses nouvelles. Sus mō Dieu, quand tout ét bien cōsideré, ie croy que tu as raison, & moi tort: car chose tât excellente se doit cōmuniquer le moins qu'il ét possible: & par tant ce n'et merueille, si tu nous le refuses, craignant le perdre, veu que tu te puis vanter, qu'en toy se contient vn bien tel, qu'après luy tout autre se doit estimer autant que nul. Làs, pleût à Dieu, que nous deus joints ensemble ne partissions iamais de toi: car étant avec lui sa presence seule me seroit vn si grand contentement que m'estimerois auoir ataint au comble de toute felicité. Et s'il m'aime, ainsi que Carmelle m'assura dernièrement, il ét indubitable qu'il ne sente en son ame toute telle passion que i'endure par trop le desirer. Lors demoura tant éprise, qu'au changement de couleur qui luy suruint, on eût peu facilement iuger sa grande alteration, qui la força de souspirer tendrement. Et par même moyen à se repentir des propos qu'

elle auoit tenus à Carmelle, aussi du riche acoutrement qu'elle lui donna. Car disoit elle entre ses dents, que sçay-ie moy, si ce mien signeur & amy le luy trouvant vêtu, la voudra embracer, non pour l'amour d'elle, ains de la robe qui fut mienne? Et si ainsi ét, il ne faut douter qu'elle ne tache par tous moyens à joindre sa bouche contre la sienne, ou son cors au sien, qui seroit le pis, veu qu'elle n'et si laide, ne de tant mauvaise grace, qu'à la colere il s'oublira, peût être, & moi quant & quant. Helàs, que di-ie? Certes i'ay tort de les soupçonner si mal-heureusement, attendu l'amour pudicque que ie sçay être entre luy & elle. Et par ainsi s'il auient qu'en ma faueur il l'embrace la voyant parce de chose qui m'a seruie, ce me sera tant plus de gloire: attendant que ie le puisse moy mêmes embracer, comme i'en ay bié l'intention. Mais si Leonorine étoit en peine, Esplandian n'auoit moins de malaise qu'elle, sollicités tous deus d'vne certaine jalousie, pour la deffiâce qu'ils auoyent l'vn & l'autre de leur merite. Et volontiers se fussent aprochés de plus près, n'eût été q l'vn étoit sus terre en puissance d'autrui, & l'autre en mer dedans vn vaisseau, auquel ne pouvoit commander. En ces entrefaites la grand Serpente s'ébranla tellement, qu'à moins de rié elle passa le détroit du Bosphore. Dont la Princesse Leonorine se cuyda pâmer: mais elle s'en garda au mieus qu'elle peut, craignant manifester ce qu'elle desiroit plus tenir couvert. Au moyen dequoy se retira en sa chābre aussi morte que viue. Et faignāt vouloir reposer se ietta sus son liēt commandant à ses femmes la laisser seule. Lors renouvella son dueil plus que deuant, & disoit (fondant quasi en larmes) Helas, or connois-ie bien maintenant mō mal, sans aucun remede, & ma langueur douloureuse sans aucun espoir de consolation, ayant veu la chose du mōde que i'ayme le plus si près de moy: & en vn instant s'élongner de sorte qu'il ét incertain de quelle voye

il tire. Ah ah travail croissant en moy d'heure à autre sous vne pensée tantcouverte, ét il possible que ie te puisse desormais dissimuler cōme i'ay fait? certes nēny : car si par le passé ie me suis forcée à faindre, l'ennuy que i'auois m'être vn singulier plaisir, maintenāt q̄ i'apercoi à veuē d'œil mondesir mal-heureus s'aprocher, & mon contentemēt morir aussi tōt qu'il commence à naître, ie ne souhaite autre chose que la mort laquelle me seroit trop plus agreable, que viure ainsi souffrant sans aucune esperance. Et comme elle eut acheué ce propos se teut assēs longuement. Mais ce pendant elle soupiroit si fort, que la Roynie Menoresse l'entr'ouyt. Et craignant qu'il luy fût auenu quelque mal, ouvrit l'huis de la chambre & lui demanda cōme elle se trouuoit. Si cogneut bien la Princeesse, qu'elle étoit decouverte. Et à cete cause, s'excusa au mieus qu'elle peut, luy disant, qu'elle songeoit. Ma Dame, dit la Roynie, il y a long tems que l'Imperatrix a enuoyé voir que vous faisiés, vous plaît il pas vous leuer, & aller vers elle à cete heure? Allons, répondit elle. Et ce pendant Esplandian avecq' ses cōpagnons passerent tant de mer, que le deusième jour ensuyuant ils choisirent de loing la montaigne Defenduē. & assēs pres d'eus les vaisseaus & gents que Frandalo auoit r'assemblés, qui à l'abry d'vn haut promontoire atendoient vêt propre pour aller surprendre l'armée de mer du Roy de Turquie, lesquels auisants aprocher d'eus le nauire de la grand' Serpente, coururent tous aus armes, pensants que ce fût quelque monstre qui vint pour les submerger. Mais Manely, & le Roy de Dace qui l'auoiēt mainte-foys veuē s'e ré-jouyrent, leur donnants à entendre le grand secours qu'ils en pourroient auoir. Dont ils furent merueilleusement aytes, spécialement quand ils aperceurent sur la rembade du nauire, Esplandian, Gandalin, & les autres que Manely & le Roy de Dace, recogneurent aussi tōt. Parquoy firēt dé-

cendre vn coquet, & entrāts dedās avecq' Frandalo & Argenton l'vn des Ecuyers du Roy de Dace, qui étoit bon marinier, vindrent vers eus, & les receut Esplandian avec vn trēbon visage, demandant à Manely qu'elle fortune les auoit amenés. Sur ma foy, répondit il, no^s sommes ces jours passés sortis de Constantinople pour venir decouvrir & empêcher le passage des vivres qui viennent de iour en iour par mer de la Natolie au camp d'Armato roy des Turcqs, qui a puis n'agueres mis siege au château de la montaigne Defenduē, & nous doit bien tōt suyure l'Empereur avecq' gros nombre de vaisseaus & armée merueilleuse pour le chasser. Mais no^s auons eu tou-jours vent si contraire, qu'il nous a été impossible executer nōtre entrepriuse. Ce m'aïdieus, dît Esplandian ie ne vo^s eusse pas quis en ces marches. Aussi ne scay-je que vous deuintes depuis q̄ no^s fumes endormis en ce vaisseau. le vous prie dites nous en des nouvelles. Si cōmē ca Manely à raconter, q̄ luy & le Roy de Dace s'étoient trouvés à leur reueil dans vne barq̄ en la mer de la Romanie terre à terre, ou ils secoururēt Vrgāde. Et depuis (poussés par la tēpête) arriuerent en vne Ile, ou vn Ours les assaillit & y virent deus Singes, qui leur donnerent maint passe-tems. Mais, dît il, nous cuydāmes là auoir faim car nos vivres étoient du tout faillis, quand Frandalo survint, avecq' lequel i'eu combat, & le vainquy. Et pource que nōtre vaisseau s'étoit pery, nous entrāmes au sien, ou nous trouvāmes vne Damoyfelle, qui nous dît de vos nouvelles : laquelle nous conduymes (pour l'amour de vous) en Constantinople & si l'auons ramenée jusques icy. A ce que i'entends répondit Esplandian, vous n'aués pas tou-jours dormy, & croy qu'onques Cheualiers n'eurent de plus étranges auantures pour vn commencement, fors Amadis mon pere, ce que ie n'eusse pas creu aisément, n'eut été le témoignage que nous en auons eu en l'Ile de sainte Marie. Et quel?

quel dit le Roy de Dace. L'effigie de l'Endriague, répondit Esplandian, qu'il combatit comme le bruit à été si long tems en la grâd' Breraigne. Il ét vray, répondit Argenton, que tel combat de monstre épouvante les plus hardis, & celui de nos Singes fait rire les plus marris. Ce m'ait-dieus, dit Esplandian, tu as raison & t'en scay trébon gré: Mais ie te prie, beau Sire, retourne querir la Damoysselle, puis qu'elle ét au vaisseau de ton maître, & nous l'amene ceans, que ie parle à elle, ce qu'il fit. Et ainsi qu'elle montoit au nauire de la grâd' Serpente, Esplandian vint l'embracer luy demandant si elle auoit veu l'Empereur & la belle Leonorine sa fille. Oy mō sieur, répondit elle, tous deus desirants vōtre arriuée vers eus, & singulierement la Princeesse & toutes les autres Dames & Damoysselles, qui sont bien toutes deliberées ne vous pardonner la grand' faute q̄ vous aués commise en leur endroit, d'auoir tant differé de les aller servir, suyuant ce que vous promîtes à Amadis vōtre pere comme ie les ay asseurées: toute-fois ie croy que leur courroux n'êt tant enraciné, que vous ne faciés bien tôt vōtre pais avecq' elles. M'amy, dit Esplandian, vous soyés la rrébien venue, nous en deuiferons ensemble quelquefois plus à loysir. Et ce disoit il, craignant qu'elle passât outre en sorte que ceus qui l'écoutoient entendissent quelque chose de l'amour qu'il portoit à l'Infante: & à cete cause laissant la Damoysselle à part, dît à Manely: Par ma foy, ie ne me puis excuser, que vraiment ie n'aye tort: car le premier commandement que me fit mon pere, depuis que i'eu l'ordre de cheualerie fut, qu'au lieu de luy ie les allasse servir, pour aquiter sa promesse: & neantmoins fortune m'a depuis apré té tant d'ocasions pour m'en éloigner, que ie n'ay peu s'atisfaire à luy, ny à elles. Et comme ils étoient sur ces propos, deus brigantins, que Frandalo auoit enuoyés épier l'armée de leurs ennemys, rapporterēt qu'ils auoient veu grand nombre de leurs

fustes & galeres faisants voyle en Leuant pour aller querir vivres, & q̄ le reste seroit ayisé à deffaire, s'ils vouloient les surprendre. Ce qu'entendu par les Cheualiers, furent d'opinion, que sans plus differer on les allât assaillir, & de fait leuerent les an cres, & le plus secretement qu'ils peurent aprocherēt l'armée de mer d'Armato: toute-fois ils delibererent ne leur courir sus qu'environ le poinct du jour, esperants les trouver endormis, ce qui auint. Or faisoit front le nauire de la grand' Serpente, qui d'arriuée se méla entre les ennemys & ietant feu de tous côtés, les intimida à leur réueil si merueilleusement, qu'ils perdiret le cueur & firet largue sans combattre: neantmoins celà ne peut garantir que la plupart de leurs vaisseaus ne fut mis en fond, à l'ocasion d'un vent Mestral, qui en un instât enfla la mer si impetueuse, qu'il n'y eut voile, bātard, bourde, ni artimō qui demourât entier, sans que Frandalo perdit un seul des siens, ne que pour celà le camp s'émeut aucunement, aussi ne furent ils aperceus que de la sentinelle du château, qui aussi tôt en vint auertir Ambor & Talanque, dont ils eurent un merueilleux plaisir, & sur tout quand ils virent le nauire de la grand Serpente, & apres Esplandian dedans, avecq' lequel ils eurent plusieurs propos premier qu'il print terre, & finalement conclurent, que pour euitter aus dangers, le rampart, qu'ils auoient fait à l'entrée du port, ne seroit point rompu pour cete fois: Mais qu'ils aualleroient vne échelle de corde, par laquelle ils mōteroiēt au château aussi tôt que Frandalo auroit mis ordre à ses vaisseaus pour la garde d'iceus, ce qui fut fait.

Comme nouuelles vindrent au camp du Roy des Turqz Armato, de la deffaitte de son armée de mer par Frandalo, & des entre-prinses des vns & des autres.



CE secours doncques entré en la montaigne defenduë, Espladian ayant desir de bien voir l'étenduë du camp, monta incontînēt aus carneaus du château avec Talanque & Ambor seulemēt: lesquels le luy montrâts à veuë d'œil, mêmes les tentes d'Armato, & celle de ses Bachás, Beglerbeys & Sangiacs, dont aucuns d'eus s'étoient logés dedans l'enclos de la basse court, qu'ils auoyent conquise du commencement, ce qui dépleut tant à Espladian, qu'il demâda à Talanque comme il les auoit soufferts aprocher de si près. Asseurés vous, répondit il, que ce n'a pas été de nôtre bon gré, ains l'auons defendu autant qu'il a été possible, & le portail semblablement, qu'ils assaillirent au premier. Mais nous le defendîmes si bien, que sans la minne jamais ne l'eussent gaigné, encores y profita elle peu: car nous eûerâmes en moins de rien tout ce qu'ils auoyent myné en quinze jours. Ce que voyant Armato, s'auisa de le faire saper, à quoy nous resistâmes par diuerses saillies: mais finablemēt la force leur demeura dehors, & fûmes cōtraints l'abandonner, & nous retirer dedâs & tout à point, veu qu'à peine fûmes nous retirés en ce donjon, qu'ils mirent le feu, & tomba le portail: nous donnant à l'heure même l'un des plus aspres assaus, que

soutint oncques place si peu fournie de gents, comme nous étions: & croy qu'il n'y a ceans carneau ne fenêtrage, contre laquelle ils ne planta sēt échelle, ou quelque engin. Puis à force de grenades, lances & pots à feu, nous apréterēt tant d'affaires, que nous cuydâmes succomber: Toute-fois ils furent repoussés aussi chaudement que vous vîtes oncques: car Lybee leur auoit fait vne amorse d'une trainee de poudre, ou il mit feu ainsi qu'ils s'écroyent tous victoire: Mais en vn instant leur cry deuint si piteus, que l'on n'oyoit que plaintes & lamentations, & tât y en eut de brulés & bien fricassés, qu'onques puis ne no^s sont venus voir de si près, pour écarmouche que leur ayōs faite, desquelles nous nous sommes deportés puis huit jours en ça: pource que cōme vous scaués, il étoit impossible, que quelqu'un des nôtres n'y demourât, avec plus de perte pour nous d'un seul, que no^s profitoit la mort de cent d'entr'eus. Vous aués fait prudemment, dit Espladian, attendu que tous sages capitaines se doiuent contenter de bien defendre vne place, quâd elle leur ét baillée en garde, sans riens hazarder tandis que les affaires durerēt. Et pour pourvoir au reste, ie suis d'avis que nous assemblions en conseil, à ce que deormais nous ne soyons surprins.

Lors

Lors descendirēt en la chābre ou mourut Matroco, & là se trouuerent les principaux d'entre eus, ou (après plusieurs choses mises en auant) fut conclud, que la nuit ensuiuant on feroit vne sortie pour surprendre le guet des ennemis, ce qui seroit facile, attendu le long tems qu'ils n'auoyēt eu vne seule alarme. Et par ainsi chacun s'en alla refraîchir, iusques enuiron les, vnze heures de soir, que Frandalo s'arma & les autres semblablement: & comme ils furēt tous assemblés en la court, Esplā dian étant au milieu d'eus commença à leur dire. Mes amys, nous ne sommes presentement entre les auantures de la grād Bretagne, ou les combats se font plus par fantasies ou vaine gloire, que pour iuste ocasiō: mais cete guerre (que nous faisons contre les propres ennemis de nôtre foi) nous appelle non seulement à faire nôtre deuoir, ains à defendre l'hōneur & liberté du nom Cgrestien. Et partant ie vous supplie, mes compagnons, que chacun de nous se delibere ieter crainte arriere, & preferer la vertu à tout inconueniēt qui nous pouroit suruenir: vous assurant (si faisons ainsi) qu'auant qu'il soit iour, le Roi Armato & son armee sentira bien que nous ne sommes pas si endormis qu'ils pensoiēt. Puis apella Norādel, & lui dit: Mon oncle, vous avecq' Mane ly & le Roy de Dace, acompagnés de cēt hommes, sortirés les premiers pour tuer les écoutes: & si vous eu pouvés autant faire à leur guet, nôtre entreprinse seroit executée comme nous la desirons: mais quoi qu'il en puisse auenir, passés leur sus le ventre sans crainte d'être repoussés: pource que Gādalīn & Lasinde vous soutiendront avecq' deus cens autres, par le moyen dequels vous vous pourrés aisément retirer, si voyés qu'ainsi le faille faire: toute-fois nul de vous ne s'emeuve, iusques à ce que mon compagnon Frandalo, & moi, soiōs hors de ceans: car nous deus (sans autre compagnie) yrons presentement en leur camp, voir quelle conte-

Am. 5.

nance ils tiennent: & selon que fortune nous fauorifera, nous nous ioindrons à vous incontinent. Lors fit apporter deus iubes de toyle d'or, & deus turbans à la Turque: dont il bailla l'un à Frandalo, & retint l'autre pour soi: puis étās armés desous leurs habits, se firent deualer vers la marine par les echelles de corde: & faignants être aucuns des Capitaines de l'armee de mer prindrent le chemin droit au camp, ioignant lequel ils furent prins par les écoutes: mais Frandalo qui parloit Arābic, sceut tant bien iouer son personage disant qu'ils alloient donner quelque auertissement d'importance au Signeur, qu'ils les laisserent passer, ce pendant le Roi Armato, deuisoit en sa tente avecq' ses plus familiers de la perte de ses nauires, dont il auoit eu nouuelles n'y auoit pas encores vne heure, par vn de ses Nocheres, qui s'étoit sauué en vne fregate, & ne pouuoit penser qui lui auoit machiné cete entreprinse, veu q' ses épies nouvellement retournés de Constantinople, lui auoyent raporté que l'Empereur ne se mouuoit, ny faisoit aucun appareil pour luy courir sus. Et comme Frandalo & Esplā dian entroyent dedans, ils ouyrent que le Nocher lui disoit, que cete fortune étoit auenue par vn monstre de mer suruenu entre les vaisseaus de leurs ennemys, qui nous a (dît il) tant épouuentés du feu qu'il iétoit par la gueule, par les yeus & par les narines, que la plus part de nos gens en ont été brulés. Par tous mes dieus, répōdit Armato, cēt quelque diable qui a été enuieus de ma prosperité. Sauf vôtre honneur, sire, dît l'un de ses Bachas, qui auoit autre-fois navigé en Ponant & ouï parler du Nauire de la grand Serpente, il n'y a rien qu'artifice, & ie le sçay certainement comme celui à qui maintefois on en a fait des contes: & achenant cete parole, entendirent l'alarme chaude au possible: car Norādel & sa troupe étoient sortis du château avecq' écharpes blanches pour eus entre-

E

con-

LE CINQUIEME LIVRE

connoitre, & auoyent tellement surprins le guet vers la basse court, qu'il n'en étoit échapé vn seul, ce qui vint aussi tôt à la connoissance d'Armato, mêmes que les ennemis auoyét gaigné l'issuë du portail, dont il fut tellement émeu, que de grand colere s'y en alla avecq' peu de gents, & le suyvoyét Esplandian & Frandalo, comme s'ils eussent été des siens. Toutefois auant qu'ils y arriuaissent, Norandel s'étoit retiré près les fauces brayes de la forteresse, & soutenoient l'effort des Turcs, attendant le secours de Gandalin. Or étoit l'entrée de cete court tant étroite, qu'il n'y pouoit passer trois hommes de front. Et par ce moyen ceus du château auoyét quasi autant d'auantage que les autres. Et bien le leur firent sentir Ambor, Talanque Gandalin, & Libee, qui survindrent: car ainsi que le Roi arriua, ils les repoussoyét hors de la place, & fuioyent à vau de routte, s'il ne les eut arrêtés: Mais le voyant prindrent cueur & tournerét visage. Lors recōmença la mêlée plus forte que deuant ou Armato premier q' nul des siens faisoit merueilles de monstrier sa prouësse, quād Esplandian qui le suiuiot derriere le print par le faus du cors, & maugré tous l'emporta ioignant les murailles du château, criant à haute vois: Courage mes amys, nous auons le Roi, A ce cry s'emeurent tellement les Turcs, que sans Frandalo (qui ne s'étoit encores déclaré) ils l'eussent recous: mais il se r'alia avecq' Manely, Norandel & autres qui soutindrent cete charge si vaillamment, qu'Esplandian eut moyen de mettre Armato en lieu seur, & retourner au confit premier qu'il print fin: toutefois il ne dura longuement depuis: car les nouvelles vindrent incontinent au cāp, de la prison du Roi, & de deus principaus Capitaines que Gandalin & le Roi de Dace auoyent prins. De quoi ils furent tant effrayés, qu'ils se retirèrent tous petit à petit, mêmes ceus du château, se contentants trébien du butin qu'ils auoyent fait.

Comme le Roi de Turquie Armato, fut donné en garde à Gandalin, & des propos que luy tint Frandalo.

CHAP. XXVII.

E Stans ceus du château retirés cōme vous aués entēdu, Esplandian apella aussi tôt Gandalin & Libee, leur priant qu'ils se donnassent garde du Roi Armato & des deus Capitaines Turcs. Puis assist le guet & sentinelles comme il étoit requis, & s'en alla mettre sus son liēt: mais il ne cessa le reste de la nuit de penser aus propos que lui auoit tenus Carmelle de l'Infāte Leonorine, en sorte qu'il commençoit à sommeiller au point du iour, ainsi que Frandalo & les autres Cheualiers entroyent en sa chambre, pour auiser avecq' lui, tāt du traitement de leurs prisonniers que des autres choses qui les importoyent: & comme ils étoient en ces termes, survint Gandalin leur dire, que le Roi Armato les suplioit qu'il parlāt à eus, & à cete cause se sortirent incontinent pour entendre son vouloir. Or sçauoit Frandalo mieus que nul d'eus la langue Arabique: car il auoit été au seruice du Roi Turcq, & le connoissoit de long temps. Parquoi Esplandian le pria, qu'il parlāt pour tous. Lors entrèrent en sa chābre & marchoit deuant Frandalo, lequel mettāt le genoil en terre luy baifa les mains. Si pensoit Armato qu'il fut prisonnier, & luy demanda ou il auoit été prins. Sire, répondit il, ie suis maintenant Chrestien & Cheualier de I E S V S C H R I S T, qui a tant fait pour moy, que de m'appeller des siens puis peu de tems en ça. Crestien? dīt le Roi, ét il possible? Sus mon ame celā m'ébaīt encores plus fort que l'infortune qui m'ēt auenü: Car tous Cheualiers suiuañt les armes, doiuent porter patiemment les hazards qui auiennent, faisants leur deuoir. Mais toy malheureux, qui as habandonné (par crainte & faute de courage) nōtre loy sainte & iuste, que ne prends

prends tu vn cordeau pour te pendre, é- tant indigne d'être soutenu de la terre? Sire, répondit il, vous dirés ce qu'il vous plaira, comme grand Seigneur que vous êtes, toutefois ie vous puis asseurer, que ie n'eu oncques le cueur si bas que vous le me mettés, ains me tiens heureux d'auoir fait ce que i'ay fait, & si ne laisserai à vous faire seruice. (mon honneur sauue) en tout ce que ie pourrai. Bien conneut Armato qu'il auoit tort, par quoi modera sa colere, & lui dit: Frandalo mon amy, si ie suis déplaisant vous auoir perdu, ne le trouués étrange, veu que i'auois grand' esperance me seruir de vous plus que iamais, & puis qu'ainsi ét, vous sçaués comme ie vous ai traité par le passé ie vous prie maintenât (que vous pouvés beaucoup pour moi) trouver moyen enuers vos compagnons, que ie sorte de leurs mains avecq' quelque honneste composition. Sire, répondit Frandalo (monstrant Esplandian) voila celui qui a toute puissance sur vous & sus moy. Lors ieta Armato l'œil, sus luy, & le voyant si ieune & sans vn seul poil de barbe, eut fantasie que Frandalo disoit celà pour s'excuser, & à cete cause luy demanda, s'il se moquoit deluy. Dieu m'en gard, sire, répondit Frandalo, & vous supplie me croire, que mon Seigneur Esplandiā que vous voyés cy présent, ét lui & non autre, qui a mis à mort Matroco, Furion, Arcalaus l'Enchanteur & Argantes le portier de cete forteresse, qu'il a conquis, ainsi q' vous aués peu être auerty. Par mon chef, dit le Roi, tard l'eusse ie prins pour tel. Et puis qu'ainsi ét ie vous prie donques faire enuers luy ce dōt ie parlois n'agueres. Croiés, sire, répondit Frandalo, qu'il ne tiendra pas à moy. Ce disant luy donna le bon iour, & le laissant avecq' sa garde descendirent en l'a salle, ou les tables étoient couuertes pour le dîner: car il étoit déja haute heure. Mais si Esplandiā auoit mal reposé la nuit, il fit vn aussi mauvais repas ne pouuant distraire sa pensee de la bel-

le Leonorine, qui fut cause que tout incontinent les napes leuees il se retira en sa chambre, sans autre compagnie que du Roi de Dace, qui luy étoit vn second soy. mêmes: & eus deus enfermés ensemble, commença à luy declarer l'occasion, pour laquelle il auoit enuoyé Carmelle en Constantinople, & l'affection qu'il portoit à la Princesse Leonorine. Et à fin, dit il, que vous ayés part à mō ayse, ie vous prie faisons la venir, qu'elle nous conte à loisir tout ce qu'elle a aprins en ce voyage. Monsieur, répondit le Roy de Dace, si vous lui voyés vêtu l'acoutremēt qui lui fut donné ie suis seur que la méconnoitriés. Vous plaît il que ie lui mādē qu'elle l'apporte? Cēt trébien auisé, dit Esplandian. Lors apella vn Ecuyer, & l'enuoya vers Carmelle qui étoit lors avecq' les autres femmes d'Aarcabōne, laquelle, entendant le vouloir d'Esplandian, s'en alla incontinent vestir cōme il luy mandoit, & ayant vne cape sus ses épaules pour n'être aperceue, le vint trouver deuisant luy & le Roi de Dace. Mais aussitôt qu'il l'auisa entrer la print entre ses bras, puis s'assit sus vne chaire, couuerte de velous, & luy dit: Ma grand amye, ie veus donner à connoitre à mon compagnon que voicy, combien ie l'ayme & estime: Je vous prie contés moy deuant luy quel recneil vous fit ma Dame Leonorine, sçachant que vous étiez mienne, & si i'ay quelque part en sa bonne grace. Monsieur, répondit elle, aussi tôt que ie fu arriué, & qu'elle entendit la cause de ma venuē vers elle, ie ne la trouuay moins vôtre que vous êtes sien: dont ie vous puis estimer le plus heureux qui soit entre les viuans. Sçauous pourquoi? elle ét tant belle & de si bonne grace, qu'autre qu'elle même ne lui peut ressembler, & si se surmōte & toutes autres aussi, quād elle se treuve à son priué, iouāt de quelq' instrument, ou chantant pour plaisir, car lors elle dérobe & fait viure les cueurs separés des cors de ceus qui la voyent: ou

LE CINQVIEME LIVRE

écoutent: Et si quelque fois, pour se montrer plus gaye, elle s'acoutre à l'Italienne avecq'quelque bonnerde bonne grace, on lui voit ses blonds & dorés cheueus, partie donnant quelque peu d'ombrage à ses iouës vermeilles, & le reste tissus ensemble, enuironnans son chef trop plus diuinement qu'autre coronne qu'on luy scauroit presenter, fut de pierrerie, de Laurier, ou du plus precieus Or, qui se treuve: Mais si cela fait souffrir les hommes, ses deus yeus semblables à deus Soleils humbles & pitoyables, les rendent morts autât de fois qu'ils les regardent, & puis reuiuent encores mieus que deuant, & tout par vn même moyē. De quoi il ne se faut ébaïr, veu qu'Amour mêmes s'y écarrouche & voltige le plus souuent pour donner peine & plaisir à ceus qui la contemplent: & s'il la touche, il craint de la blesser comme celui qui en est amoureux en toute extremité, & non sans cause: car nature la fit, & puis rompit le moule pour la rendre vnique en ses perfections, accompagnées de tant de vertus, que la même enuie ny treuve que mordre. Et entendés monsieur, que parlant à elle des choses dont vous m'auies donné charge ie conneu euidemment à sa contenance variable, qu'elle étoit entachée de semblable mal qu'est le vôtre: car elle rougissoit puis deuenoit blême, & quelque fois si peu assée, qu'elle ne me pouuoit répondre vn seul mot à propos, principalemēt lors que ie lui presentay l'anneau qu'autrefois elle auoit donné à Amadis votre pere ain si qu'elle m'assura depuis: En recompense de quoi elle vous enuoie ce fermeillet, qu'elle vous prie tant qu'il lui est possible garder pour l'amour d'elle, & comme le premier ioyau que son ayeule Grima nese donna à l'Empereur Apolidon, ne lui état encores qu'ami. Et le vo' enuoie expressement, pour assurance de l'amitié qu'elle vous porte, & du deuoir en quoy elle se mettra pour vous complaire toute sa vie. Adoncq' tira de son sein vne petite

boite d'Agate & vn sandal, ou il étoit enuelopé, & le lui bailla. Si le receut Esplandian, & le mettant hors de son étuy soupira tendremēt, & dit. Ah ah present bien fortuné, premier témoing de l'aliance qu'eurent les deus plus loyaus amans qui furent oncques, dequels est descendue la premiere de toutes les belles, heureux d'auoir aproché de tant près sa personne: Mais moy trop plus heureux qui le reçois cōme plus affectiōné à la seruir qu'autre qui viue. Ia à Dieu ne plaise que tant que l'ame me reside au corps ie vous éloigne de moi: ains vous garderay aussi chere mēt, q' i'ay desir qu'elle garde mō cœur. Encores n'est ce pas tout, répondit Carmelle, voyés la recōpense de mes trauaus. Ce disant ieta bas la cape qu'elle portoit, & leur montra le riche acoutrement couuert de coronnes, qui ramentent à Esplandian ce qu'Vrgande la Déconneuë lui fit scauoir par sa damoiselle, quand elle luy enuoya le harnois blanc, semé de semblable deuise, & conferma en son esprit l'esperance, que iusques adoncq' il auoit eue douteuse, dont il fut aisé au possible. Et comme ils en regardoient l'excellante manufacture, l'enrichissement de Perles & pierreries, dequoi il étoit couuert, Gandalin vint hurter à la porte, pour les auertir qu'on auoit decouvert en mer grād nōbre de voiles, & craignāt que ce ne fut quelque renfort de Turqs, étoit d'auis qu'on se tient sus les gardes. Parquoi chacun courut aus armes & firēt entrer quelques gēts d'auātage en leurs vaisseaus pour les mieus garder: mais cete alarme leur dura peu: car les bādieres de Cōstantinople furent incontīnēt aperceues par les Brigantins que lon enuoya au deuant. Aucuns dēqls retournerēt court leur dire, q' Gastil les chef de cete armee venoit les secourir. Ce q' les Turcs sceurent quasiaussi tōt, & leuerent leur camp, étants ia éloignés premier q' nul des vaisseaus peut aborder. Toutefois ceus du château leur dōnerent sus la queue, & en cete chasse en desfirent,

si grand nombre, que sans la nuit qui survint (veu le desordre ou ils étoient) il n'en fut pas rechapé un seul. Ce pédant Gastilles & son armée s'approchèrent de la montagne défendue, ou Esplandian, le Roi de Dace, & plusieurs autres le furent recevoir, & après mainte bienvenue & bonne chère d'une part & d'autre Gastilles leur demanda comme ils traitoient leurs ennemis. Le mieus du monde, répondit Esplandian, & si ne les avons peu arrêter jusques à cette heure, ains sont délogés aussi tôt qu'ils ont senti le vent de cette force : Puis lui raconta les alarmes & saillies qu'ils leur avoient faites durant le siège, mêmes la prise du Roi Armato. Voyla tresbonnes nouvelles, répondit Gastilles, loué en soit notre Seigneur. Si l'Empereur mon oncle en eut été averti, avant mon partement, ie n'eusse eu le moyen de vous venir voir si tôt, dont i'eusse été déplaisant, ny ne fut entré en si grand' dépence pour mettre sus cet équipage : mais il craignoit tant que vous eussiez nécessité, qu'il me commanda au deloger faire extreme diligence, attendant qu'il vienne en personne avecq' quatre cens voyles qu'il à apretées, si notre force n'eut été suffisante : toutefois il en sera excusé pour cette année, s'il ne survient autre chose. Je vous prie, dit Esplandian, descendés en terre & venés loger là haut, où nous auiserons ensemble & à loisir de toutes nos affaires. Ce qu'il lui accorda. Ainsi lui & aucuns des principaux de son armée entrèrent au vaisseau des Chevaliers, puis monterent au château, où arriués, Gastilles, qui connoissoit le Roi Armato, pria Esplandian, qu'il le vît, premier que faire autre chose. Si le mena en la chambre, où il étoit si pensif, que rien plus. Lors Gastilles lui fit la révérence telle qu'il appartenait à un si grand Prince : toutefois le Roi Armato ne le daigna quasi regarder, ains d'arriuee lui dit : Gastilles, ie m'ébahi pourquoi l'Empereur votre maître à (contre sa foi) rompu les treues que nous avions en-

Am. 5.

semble, & pour chose qui lui importe si peu, & cette place, où il n'eut oncques droit ainsi que vous sçaués mais i'entends bien d'ou ce mal lui est procédé. Il a voulu que chacun connut le peu de foi & moins de loyauté qui est en lui, ce que ie luy ferai sentir, si ie puis quelque iour sortir de cette prison. Sire, répondit Gastilles, votre honneur sauve, l'Empereur mon maître a en soi toutes les parties que peut avoir un Prince sage, vertueux, & magnanime comme il est : & me semble (sous correction) qu'à bonne & iuste cause il a fait ce qu'il devoit faire, veu qu'il est assés notoire que ce château à été conquis par Chevaliers Chrestiens, auxquels il est tenu porter toute la faueur qu'il pourra, non seulement pour défendre notre loy, ou pour luy avoir été par eus demandé secours, comme au premier & plus grand Monarque du monde : mais pour soutenir le droit que luy, & ses predecesseurs ont toujours pretendu en ces marches. Et quant à ce que vous le menacés de lui faire sentir le peu de loyauté dont vous l'accusés, autrefois vous êtes vous attachés ensemble, & vos puissances contre les siennes, ou vous auez si mal fait vos besognes que ie pense certainement que vous parlez plus de colere, que par raison : veu même l'état où vous êtes à present. Gastilles, dit Armato, encores que ie fusse mort, i'ay assés de capitaines, & bons soldats en mes pais pour me vèger, & un fils, qui n'est pour endurer l'iniure faite à son pere. Tant y a que si ie le pensois autre, ie le tuerois de mes propres mains le premier iour qu'il se presenteroit devant moi. Sire, répondit Esplandian, le Prince, Chevalier, ou Gentil-homme, qui tient propos tant égarés comme vous faites, est volontiers tenu pour tresmal avisé, & par plus forte raison, s'il est en lieu où l'humilité doit être plus recommandée que les menaces ne la brauerie. Avous déjà oublié la prison où vous êtes ? & entre les mains de ceus qui ont si peu d'occasion de vous

E 3

vouloir

LE CINQVIEME LIVRE

vouloir bien? Sire, la vertu ne se peut bien connoître qu'au tems plus necessiteux & contraint: Parquoi si iusques icy vous n'aués sceu que c'est de constance, d'oresenauant à l'apprendre, vsant de paroles dignes de vous, non pas telles, ne si iniurieuses que vous aués tenus au Signr Gastilles, qui represente icy la personne d'un Empereur plus grand Seigneur que vous, & en la mercy duquel consiste votre vie ou votre mort: car nous tous sommes siens, & près à lui obeir & faire seruite. Bien cogneut le Roy, que vrayement il auoit tort, & craignant qu'on le traitât plus mal que de coutume, dit à Esplandian: Sire Cheualier, ie vous supplie excusés mon impatience, considerant en vous mêmes mon trop grand ennuy & regret, quand ie (qui soulois être craint & redouté de tous les Seigneurs de l'Asie) suis maintenat contraint d'obeir à mes plus grands ennemis qui m'et vn déplaisir si extreme, que ie meurs cent fois le iour pour ne pouuoir mourir. Mais Esplandian ne luy répondit vne seule parole, ains le laissa avecq' ses gardes, & prenât Gastilles par la main le conduit en l'une des meilleures chambres, ou ils souperēt ce soir. Puis le lendemain s'assemblerent tous, & après plusieurs entreprinises mises en auant, fut arrêté (suiuât l'avis de Frandalo) qu'ils entreroient en la Turquie, laquelle étoit lors en grand trouble, tant pour la prison du Roi Armatoq de la defaite de son armee, ains qu'il vous sera deduit cy près: car nous nous en tairōs à present pour retourner au Roi Lisuart, qui sus ces entrefaites residoit plus souuent en sa bonne ville de Londres.

Comme grand partie des Cheualiers, qui souloyent acompagner le Roi Lisuart, s'en retournerent en leurs maisons, & du coronnement d'Amadis & Oriane à Londres.

CHAP. XXVIII.

Vous aués peu lire aus chapitres precedants le cōbat qu'Esplandian & Amadis eurent ensemble, & cōme après le long seiour qu'ils firent à Mirefleur, atendāt la guerison de leurs plaies, Esplandian (desirant retourner en la mōtagne Defēduē) print congé du Roi Lisuart, & autant en firent la plus part des Cheualiers, qui l'accompagnoient, entre autres Galaor Roy de Sobradise, Agraies, Grafandor, Balau, Galuanes, & Angriote d'Estrauaus. Les vns pour aller voir leurs fames les autres pour s'etir l'ayse & le repos de leurs maisons, dōt auint que peu après la court fut plus petite qu'on ne l'auoit oncques veue, mêmes à cause des nouuelles qui vindrent du siege de la mōtagne Defēduē, ou plusieurs ieunes Cheualiers entreprendrent d'aller secourir Esplandian. Estāt dōques le Roi Lisuart si peu acompagné, cōme ie vous ai dit, pressé d'âge & de vieillesse, cōmença à deuenir chagrin & melācolique, mettant à nonchaloir tout plaisir, fut de chauffe, vollerie, d'armes, ou de cheuaus. Et avec vne aprehensiō de mort abhorrant les choses passees, presentes, & futures vaines, & transitoires, qu'il lui print fantasie de se demettre de tout de l'estat & gouvernement de son royaume, & passer le reste de son âge en vie solitaire & religieuse, considerant les grands perils dont il estoit sorty mêmes sa derniere & plus ennuyeuse prison. Toutefois il dissimula son vouloir pour quelques iours: & iusques à ce qu'une nuit entre autres, étant couché avec la Roine deuissants ensemble de la mobilité de Fortune, lui decouurit entierement son vouloir: & comme il deliberoit faire instituer Amadis son fis Roi & gouverneur de son peuple, à fin de se retirer puis après librement en son château de Mirefleur, ou (avecq' l'aide de nōtre Seigneur) il gagneroit Paradis. La Roine, qui étoit l'une des plus sages & deuotes femmes qui fut en son tems, le confesma en son opinion si bien, qu'ils acor-

acorderent ensemble de retourner à Londres paracheuer cete entreprinse. Et de fait le iour ensuyuant partirent de Mirefleur, & accompagnés d'Amadis, Grasandor, & autres, vindrent en la ville, ou après quelque seiour le Roi manda tous les hauts hommes : lesquels arriués en sa court, fit dresser au lieu eminent de Londres vn haut tribunal, au deuant duquel s'assembla tout le peuple. Et comme il fut ce iour la vétu d'habit royaus & la Roïne semblablement, assis chacun en vne chaire de parement, Amadis vn peu plus bas à dextre & Oriane à senestre, le Heraud cria silence par trois fois. Puis d'vne merueilleuse constance le Roi, adressant sa parole au peuple, commença à dire: Mes bons vassaus & mes amis, premier que vous faire entendre pourquoy ie vous ay mädés assembler, ie vous veux ramenteuoir partie des fortunes & dangers ou ie me suis trouué depuis la mort de mon frere le feu Roi Falágris, & qu'il peut à nôtre Seigneur m'appeller au gouvernement de vous & de ce royaume auquel (comme ie pense) y a encôres maints viuants qui se pourroyét biē souuenir du danger, ou moi, & mes païs cuidâmes tōber, quād par le moyen & subtilité d'Arçalaus l'Enchanteur, ie fu mis au pouuoir de ceus, qui long temps au parauāt auoient conspiré ma mort, dont mon fis Amadis me deliura. Et Neantmoins quelque tems après (mal conseillé) ie luy menay forte & dure guerre, laquelle apaisée (ainsi que chacū sçait) fortune ennuyeuse de mon repos, m'aprêta depuis vn tel bâquet, que sans lui mēmes i'étois prisonnier du Roi Aratigue, & perdu pour iamais. Et ce qui m'a encôres plus étonné, à l'heure q'ie m'estimois certainement hors de tous tels malheurs, vn pire que les autres m'est auenu lequel ie pensois bien (considéré le lieu ou ie fu mené) être la consommation de mes ennüys, & de ma vie ensemble. Toute-fois nôtre Seigneur me regardant en pitié, adressa mon petit

fis Esplandian, en ma triste prison, d'ou il ma deliuré, ainsi que vous tous aués peu être auertis. Or me voyés vous vieil & tout blanc, ayant dé-jà ataint l'an septantième de mon âge, qui me fait penser être desormais saison que i'oublie les choses du monde pour retourner à Dieu, qui m'a tant obligé à lui. Et pour cete cause ay deliberé vous laisser desormais pour vôtre Roy mon fis Amadis, auquel desà present, ie cede ma couronne, mon sceptre & le droit que i'ay en ce royaume, vous priant tous autant qu'il m'est possible q'd'icy en auāt vous lui soiez fideles, & obeissants cōme vous m'aués été. En cōbiē qu'il soit mari de ma fille, si ie le cōnoissois indigne de vous, croyés (mes amys) que plutôt eusse ie élu (pour me succeder) vn qui m'eut été moins que luy. Mais il n'y a celui de vo^r qui ignore ses merites, & la lignee dōt il est descēdu, qui se peut nōmer au iourd'hui, l'vne des plus nobles & heureuses de tout le mōde, comme descendu des Troyés, dont la memoire ne perira iamais. Il est fis du Roi heritier du royaume de Gaule, & à present vôtre Prince & Seigneur. Je le vous laisse, avecq' ma fille vôtre Roïne, & Princesse legitime, sans retenir pour moi autre chose que le seul château de Mirefleur, ou (Dieu aydant) la Roïne & moi finerons vos iours religieusement, seruants nôtre Seigneur cōme nous sommes tenus. Lors apella Amadis, & luy baillant son manteau royal, voulut qu'il le vestît à l'heure, & autant en fit le Roïne à Oriane. Ce pendant le silēce étoit si grand, qu'on n'oyoit par la place autre chose, que pleurs & soupirs du peuple émeu de pitié & compassion, pour voir telle deliberation à leur bon Prince, lequel habillé d'vn simple accoutrement de drap noir, print son fis, & la Roïne sa fille, & les assirēt en leurs chaires royales. Puis en la presence de tous, leur mirent à chacun la couronne sus le chef, les faisâts proclamer par les Heraus, Roy & Roïne de la grand Bretagne.

LE CINQUIEME LIVRE

Ce fait chacun se retira, les vns pleurans, & les autres plus ayfés, pour l'amendement & faueur qu'ils esperoyent de ce nouveau Roi, qui de là en auant commença à gouverner ses pais tant prudemment, qu'onques Prince ne fut plus aimé, ne mieus obeï. Suffise vous quant au Roi Lisuart, que peu de iours après il se retira à Mirefleur, comme il auoit deliberé, sans autre compagnie, que de la Roine & Grumedan, ou ils vequirent austeremēt assistans aus heures ordonnées, ainsi q̄ le moindre des beaux peres qui fut leās, pour aministrer les religieuses du monastere de la deuote Abesse Adalast. Mais quand le Roi Amadis se vit auoir moyen pour recompenser ceus, déquels il auoit en ses ieunes ans receu plaisir, & seruice, il voulut commencer sa liberalité à Arban de Norgales, luy faisant present de l'une des plus belles Iles de son Roiaume, à Gandales des terres du Duc de Bristoye, à Gandalin absent, de celles d'Arcalaus l'Enchanteur. Et quant à Angriote d'Estrauaus il lui donna l'état de Grand maitre, fit Guillan le Pensif son grand Ecuyer, Ardan le Nain, son premier trenchant, & maria hautement la Damoiselle de Dannemarc. Or peu après acoucha la Roine d'un très-beau fis, & d'une plus belle fille, qu'elle eut tous deus d'une ventree, le fis nommé Perion, & la fille Brisene, pour la natiuité desquels grand' ioye fut menee par tout le pais, specialement à Londres, ou arriua le iour mêmes l'un des Ecuiers de Norandel, qui raconta au Roy Amadis comme son maitre, & Esplandian s'étoient rencōtrés es Alemagnes, ou le iour precedant ils auoient mis à mort deus Geans, & tiré de prison Gandalin avecq' plusieurs autres Cheualiers, Ecuyers, Dames & Damoiselles. Sçais tu dît le Roi, quel chemin ils ont prins depuis? Sire, répondit l'Ecuyer, ils faisoient état d'aller à la montaigne Defenduë secourir ceus de dedās, qui sont en trèsgrande necessité. Ce qu'entendu

par le Roi manda incontinent les Pyloates qu'il peut recouurer, & en toute diligence fit freter, & armer le plus grand nauiue qu'il peut trouver, pour tirer la voye de Leuāt, vers son fis, qui ce pendāt (solicitē de Frandalo) partit du château de Matroco, avec l'armee de l'Empereur de Constantinople, pour entrer en la Turquie, ainsi qu'il vous sera presentement déclaré.

Comme la ville d'Alfarin, en la Turquie, fut prinse d'assaut par Esplandian, & ceus de sa compagnie.

CHAP. XXIX.

PEu de tems après que le siege de la montaigne Defenduë fut leué & Gastilles arriné au port, cōme il vous a été recité. Frandalo eut auertissement par Belleris son neueu (qui retournoit de la Turquie épier la contenance de ceus du pais) qu'Alforax fis du Roi Armato, & gouverneur de la grand' ville de Tesifante, ayant sceu la prison de son pere, & la deffaite de l'armee Turquoise, étoit sorti d'Alfarin ou il auoit Helixe sa femme, fille du Roi Amphirion de Mede, pour aller en toute diligence mettre ordre en son gouvernement & assembler gens à fin de resister aus entreprises des Chrestiens, s'ils passoyent outre. Ce qu'entēdu par Espladiā, Gastilles, Ambor, Maneli & le roi de Dace, delibererent entrer en pais. A quoi Fradalo les persuadoit par beaucoup de bones raisons, leur metāt deuāt les yeus le moyē qu'ils auoyēt d'assiēger Alfarin, qui n'étoit qu'à deus petites iournees de là mal pourueü de viures, & sans nulle garnison. Parquoi fut arrêté entr'eus que Gastilles, avecq' sa flotte partiroit le soir mêmes, & le plus couuertemēt qu'il luy seroit possible, cōtoiat le pais pour surprendre le port: Et qu'eus d'autre côté chemineroient toute nuict, de sorte qu'ils pourroyent en vne même heure assieger la ville par mer & par terre, & entrer dedās premier que les Turqs en fussent auertis. Et comme il fut de-

libe.

libéré, ainsi le mirent ils à execution: tellement q̄ Gastilles (faignant vouloir retourner en Constantinople) s'embarqua à iour failly. Or faisoit il clair de Lune, & à cete cause cōmanda incōtinēt leuer les ancras, & faire voyle. Mais ils ne voguerent longuement, qu'il apella ses principaus Comites, & leur découvrit son entreprinse. Parquoy tournerent à Ourse, & avecq' le vêt gracieus de Ponât, suyurent la route delibérée. D'autre part Frandalo ne dormoit pas: car ausi tôt qu'il auisa son poinct (étants desia tous les soldats de la place auertis qu'il vouloit aller courre la nuit) sortirent en campagne portants chacun d'eus vivres pour quatre iours: Et tant cheminerent, qu'au poinct du iour ils vindrent en vne grand' forêt, ou ils se tindrent embuchés iusques à la nuit ensuyvânt, qu'ils sortirent dehors, & sur les trois heures se trouverent en vne voye fourchée, ou Frandalo les fit tous arrêter, puis appellant Esplandian, luy dît: Monsieur, ie vous supplie que vous & moy, sans autre compagnie prenions à gauche, & Belleris mon neveu conduira le reste de cete troupe, iusques à la montaigne de Yarebreh, d'ou ils pourront voir aysément, si nôtre armée de mer est pres de la ville Alfarin, ou non. Puis (selon qu'ils trouveront l'entreprinse disposée) assailliront fermement la place ou demoureront embuchés tant que l'occasion les appelle: & vous & moy suyurons ce chemin, qui nous guidera à la fontaine Aventureuse, ioignant laquelle passe le grand chemin de Tesifante, ou communément suruiennent étranges auantures. Et si fortune vouloit que nous rencontrissions la Princeesse Heliaxe qui deuoit hier partir, cōme i'ay sceu, pour aller trouver son mary, nous ne perdriens pas nôtre peine. Alons, répondit Esplandian, ainsi se separerent Belleris & sa bande, & Frandalo, Esplandian, Sergil & la Damoysselle Carmelle d'autre coté, qui arriuerent au poinct du iour à la fontaine Aventureuse, ou étoient quatre gros perrons de cuyure

doré, & à chacun d'iceus auoit vne table d'atête, avecques écriteaus tels qu'il vous seront declarés quelquefois, mêmes l'occasion pourquoy on les y auoit atachés. Si aperceurent les deus Cheualiers d'assés loing vne clarté procedante d'un paillō de soye, tendu sur le bord de l'eau, duquel ils aprocherent le plus couuertemēt qu'ils peurent, & virent vne trébelle Damoysselle pignant ses cheueus, & un peu à coté vingt Cheualiers armés de toutes pieces faisant le guet. Entre lesquels étoit un Ecuier tenant un pallefroy houffé & enharnaché d'un drap d'or. Mais Frandalo & Esplandian ne furent plutōt arriués, que la garde ne les découvrit: & toute-fois, pensants l'ébuche être plus grosse, la plupart d'eus perdirent cœ̄ur & s'ensuyrent à vau de roure. Ce que voyant les deus Cheualiers entrans pêle mēle en tomberent quatre ou cinq d'arrivée, contrainnāts les derniers à tourner visāge. Lors commēca un combat aspre & merueilleus: car ceus qui auoient commencē la fuyte (regardās derriere que deus Cheualiers sans plus leur donnoient cete alarme) eurent tant de hōte, qu'ils vindrent au secours de leurs cōpagnons, & toutefois sans l'effort de trois Geants, qui faisoient épaule aus autres, ils n'eussent pas duré contre Esplandian & Frandalo: mais ces trois les combatoient si brusquement que les deus Cheualiers tōberent au plus grand dāger ou ils se trouverent oncques. Et tout ainsi qu'on void communément le Sanglier échauffé (pour suyuy par un Vautroy) s'aculler contre quelque arbre, & à coups de defences, rōpre les iaques, & déchirer les plus hardis Levriers & autres chiens qui l'assaillent, ainsi étoient Frandalo & Esplandian entre ceus qu'ils auoient assaillis, frapans à dextre & à senētre de telle furie, qu'en un instant les deus principaus de leurs ennemis furent desarconnés & mis à mort, en sorte qu'il ne demoura au combat qu'un seul Geant, auquel s'attacha Frandalo tandis que son compagnon poursuyuoit les

LE CINQUIEME LIVRE

autres, qui se prindrēt à fuyr mieus q̄ deuant. Mais comme le Geant l'aperceut re tourner de cete chasse, ayāt crainte de mourir, se tira à coté, & dit à Frandalo: Damp Cheualier, vous & moy auons été compagnons en maintes hautes entreprinſes, ie vous prie faites moy courtoysie de me prendre à mercy, autrement vous en pourrés auoir blâme entre ceus qui no^s cognoissent: car ie suis vōtre cousin Phoron. Bien ébaï fut Frādalo l'oyāt ainsi parler, & à peine le pouvoit il croyre quād il le pria d'oter son heaume, & s'il ēt vray, répondit il, q̄ fois Phoron, ie te feray traitement d'amy & de parēt. A cete parole le Geāt se desarma de tēte, & le recogneut Frandalo, qui le vint embracer, dont Esplandian s'ébahissoit grandement: car il n'auoit entendu leurs propos precedans. Parquoy s'aprocha d'eus, & s'enquit d'ou procedoit tant d'amytié. Si luy raconta tout Frandalo, le priāt de sa part qu'il le vouſit prendre à mercy, ce qu'Esplandian luy acorda volontiers, & eus trois ensemble retournerent au pavillon, deuant lequel ils trouverent la Damoyſelle deuissant auecq^t Carmelle, aussi peu émeuē de la defaite de ses gents, que si elle eūt veu tournoyer à plaisir. Or étoit elle parée d'un accoutrement tout couvert de profileure Damasquine, de Perles, & pierreries: & la recogneut Frandalo comme celle qu'il auoit veuē mainte-fois, mêmes le iour propre qu'elle fut mariée à Alforax, ou il tournoya & fit de si grands faits d'armes, qu'il le le retint pour son Cheualier. Parquoy mit pied à terre, & otant son heaume de la tēte, la salua humblement. Lors elle, bien ébaïe de voir celuy qu'elle auoit estimé sien tout outre, s'être ainsi porté enuers sa garde, luy dit: Comment? Frandalo, ēt ce le seruice que i'espere de vous pour être mon Cheualier? mal'encontre puissent auoir tēls seruiteurs, puis q̄ lâcheté si grande maitrise leur cueur enuers cel le qui vous a (jusques à maintenant) réputé l'un des plus gentils personnages qui

oncques ceignit épée. Mais à present ie me treuve bien deceuē: car i'eusse plutōt soupçonné tous autres en cete entreprinſe que vous, dont ie ne me puyſ trop émerueiller. Ma Dame, répondit Frandalo, depuis que ie me donnay à vous au dernier tournoy, vn autre plus grand Seigneur m'a retenu en son seruice, & lequel ie ſeruiray toute ma vie, puyſ qu'il m'a fait tant de bien, assuré quand vous le cognoitriēs cōme ie fais, q̄ vous m'estimeriēs trop plus heureux, que lâche ne méchant, quelque chose qu'il vous plaiſe dire. Et qui ēt il par vōtre foy. C'ēt Ieſus-Christ, répondit Frandalo, & toute-fois si ne ſera il jamais que ie n'effaye à vous faire tout l'honneur & ſeruice que ie pourray: voire des à present, pourueu que mon compagnon s'y conſente car ſans luy ie ne puis. Seigneur Frandalo, dit Esplandian, vous auēs puissance de me commander, & moy grand vouloir de vous obeïr: par ainſi ne differēs de faire toute la courtoysie qu'il vous plaira à cete Dame, si en auēs enuie. Bien humblement le remercia Frandalo, & dit à Heliaxe: Ma Dame, puis qu'il luy plaît, ie vous ſuplie remettre désormais vōtre afaire entre mes mains, & ie veilleray pour vous. Ce pendant montés ſur vōtre palleſfroy, à fin que ie vous conduiſe en lieu, ou vous pourrés voir de trop plus beaux tournois que ceus qui furent entrepris en vos noces: puyſ (s'il plaît à Dieu guider nōtre deliberatiō à bon fin) vous cognoitrés en quelle eſtime & ſouvenance i'ay les faueurs que vous m'auēs montrés, n'étant encores que ſimple Cheualier, & vous Dame puissante pour cōmander: car oncques Princeſſe ne fut plus honorée entre les ſiens, que vous ſerēs auecq^t ceus ou ie vous guideray, qui pourra ſeruir d'exemple aus Roys & Seigneurs, ausquēls Dieu a donné auctorité & puissance, leſquēls auertis de l'hōneſteté & bon traitement qui vous ſera fait, prendront d'orēauant plaisir d'entretenir les moindres comme les plus grands, conſide

rans l'état muable de Fortune, telle que pouvés maintenant exprimer par vous-mêmes. Frandalo, répondit elle, vous me ferés tôt d'excuses & de belles promesses q' vous voudrés, si ne pouvez-vous fuyr que ne cōfessiés m'auoir fait tort. Toute-fois faisant ce dont vous vous vantés, vōtre reputation augmētera enuers le monde, d'autant que vōtre foy ēt affoyblie enuers nos diens, & allons ou il vous plaira. Lors mōta sur son pallefroy, & la conduysoit Frandalo par les rénes tou-jours nue tête, iusques à ce qu'il furent pres de la ville d'Alfarin, ou ils entr'ouyrent vne grande rumeur, qui fit penser aus deus Cheualiers, ou que leur entreprinse étoit découverte, ou bien que leurs gens donnoient l'assaut à la ville. Et doutans qu'ils eussent été repoussés, commencerent à eux repentir du long sejour qu'ils auoient fait avecques l'Infante Heliaxe, à laquelle Frandalo dit gracieusement: Ma Dame, vous plaît il pas, tandis que mon compagnon & moy iroñs vn tour en la ville nous attendre icy avecq' cēte Damoysselle & mon cousin Phoron? Ouy vrayement, répondit Heliaxe, & si n'en partiray que ie n'aye de vos nouvelles. Lors s'encoururēt Frandalo & Esplandian, & à bride abatue vindrēt ou leurs gens combattoient ceus d'Alfarin, entre lesquels étoient Talanque, Ambor, le Roy de Dace, Gandalin & Lafinde, qui auoient dressé vne forte écarmouche, pensans amuser ceus de la ville, tandis que l'armée de mer assailloit le port: mais ils furent découverts trop tôt, tellemēt qu'ils trouverent trēforte resistance d'vne part & d'autre, toute-fois Norandel & Belleris auoient gagné les barrières, & repoussé les ennemys iusques pres les fauces brayes. Ce que voyant Esplandian & Frandalo mirent pied à terre, & couverts de leurs écus tenans leurs épées aus poings, trauerferent la presse, & d'vne magnanimité de courage se mêlerent si auant, que la tuerie fut étrange: car les Alfarins, pour defendre leur terre, sortirent à la fille, &

les Chrestiens, pour la conquerir, faisoient choses amirables. Mais tant étoit le lieu peu spacieus, qu'ils ne pouvoient ofendre leurs ennemys commes s'ils eussent été en plaine campagne. Dont il auint qu'Esplandian & Frandalo, voulans vaincre, ou mourir, s'auancerent de sorte, que fuyant les Alfarins en la ville, se trouverent eus deus seuls enfermés entre leurs ennemys, & si auant, que sans Frandalo, Esplandian (qui ne prenoit garde qu'à tuer & abatre) étoit enclos de toutes pars, quand il le tira à coté du portail. Si cogneurent bien les deus Cheualiers le danger ou ils étoient, parquoy gaignants petit à petit les degrés, par lesquels on montoit à la muraille, soutindrent mains durs assaus, sans qu'on les peût ofendre, encores qu'on leur ietât sans cesse lances, pierres, dards, & tout ce que les autres pouvoient recourir. Car nuls d'eus osoient venir au combat de la main. Et si quelqu'un s'auancoit pour montrer sa prouesse, il receuoit mort, ou étoit renuersé du haut en bas. En ces entrefaites Norandel & ses compagnons, qui auoient veu ainsi perdre Esplandian & Frandalo, tâchoient par tous moyens d'écheller la ville, ou rompre les portes: mais c'étoit en vain: car ceus de dedans les defendoient avecq' huyles, eau bouillante, bûchés, & tronches de bois, tellement que plusieurs furent acablés, & y finirent piteusement leurs iours. Ainsi combatans d'vne part & d'autre, survint la vn Cheualier grand & puissant, armé de toutes pieces, venant du haure, qui s'écria tant qu'il peut: Courage enfans, courage, defendés bien ce quartier, nos ennemys, d'lendroit de la mer, n'ont encores trouvé moyen de mettre vn seul hōme en terre, & en ēt mort plus de deus cents. Par Dieu, répondit l'un d'entr'eus, ie n'en voy nul qui s'épargne, & si ne pouvons venir au dessus de ces deus Cheualiers. Comment? dit l'autre, ils sont répondit il, entrés péle mêle nos gens, & si y a plus de deus heures que nous sommes apres
pour

LE CINQUIEME LIVRE

pour les vaincre: mais c'êt folie, car le plus ieune combat si brusquemēt, q̄ nous n'en ofons aprocher: & (qui plus êt) luy & son compagnon ont gagné, maugré nous, cête montée, ou ils tiennent fort, si bien que nous ne pouvons trouver moyē de les en chasser, encorēs que maints des nôtres y ayent été tués, ou grieuement naurés. Je fuy d'auis, dit le Cheualier, qu'on les pré ne à mercy: car ils (sont peut être) réls, que pour les rédre à ceus de dehors, no^r recou vrerons le Roy Armato, & les ferons retourner. A ce cōseil prêterent to^r l'aureille, & s'auāca le Cheualier, qui auoit proposé cêt auis, faisant signe à Esplandian qu'il vouloit parlementer. Parquoy cêt assaut differra quelq̄ peu & parla celuy de la ville, en cête sorte: Ecoutés, Cheualiers, vous voyés biē qu'il vous êt impossible d'echaper, & seroit dommage, que deus si preud' hōmes q̄ vous êtes morussent si ieunes, & en la fleur de leur aage: mais voicy q̄ nous vous ferons, rendés-vous & nous vous sau verons la vie. Damp Cheualier, répondit Esplandian, si nous mourons à cête heure, nous en serōs quites pour vne autre fois: tant y a que nous auons le cueur si bon & telle fiance en Iesu-Christ, pour la foy du quel nous combatons, qu'il nous donnera moyen, non seulement d'echaper ce peril, ains de sacager cête ville, & vous amener tous captifs. Ainsi prenés pour vous mêmes ce conseil, & vous rendés premier q̄ la fureur de Dieu vous sollicite plus aigrement. Quand ceus qui étoient à l'entour entendirent ces paroles, depuis le petit iufques au grand, ils s'écrierent à haute vois: A mort le méchant, qu'il meure, ou nous tous sans plus tarder. Lors les assaillirent si āprement, qu'ils furent contrains eus re tirer au plus haut des degrés. Mais peu apres ils les repousserēt si viuemēt à coups de pierre (dont ils trouverent quantité au portail) que de là en auant ils perdirēt l'en uie de plus les tourmenter. Aussi que Norandel, & ceus de dehors entendants cête rumeur, & la vois de leurs compagnons,

qu'au precedant ils pensoient morts, ou prins, s'auiserent de mettre le feu aus portes & les brûler, tandis que les autres donnoient cêt assaut. Et de fait chacun courut aus bois, dont les Alfarins s'aperceurent. Toute-fois ils n'eurent moyen d'y pourvoir, ains furent les ponts leuis & les her ses entierement embrasées, dont le cueur leur affoiblit tant que la plus part se mît en fuyte vers le grand temple de Iupiter, qui étoit le principal fort de leur ville: & les autres demourerent en ferme delibera tion de plutōt mourir que souffrir entrer leurs ennemys. Lesquels voyants la porte abatue, furent tant querir d'eau qu'ils eurent peu apres moyen de donner l'assaut par cêt endroit qui dura si longuement, q̄ le iour faillit du tout, & encorēs ne fussent ils entrés pour la grāde resitāce qu'y faisoient ceus de dedās: mais les deus Cheualiers qui étoient au haut du portail les endommageoiēt si fort à coups de bûches & caillous, que nul d'eus ne s'osoit quasi montrer: par ainsi les Chrétiens demeurèrent vaincueurs & maîtres de la ville. En laquelle grand nombre du peuple tant hōmes que femmes passerēt par la fureur du glaïue, & pl^r encorēs en fût demeuré sans les tenebres de la nuit, mêmes au quantō du port, ou Gastilles & ses gents étoiēt entrés par la plus grand' fureur du monde. Toute-fois craignant que les Alfarins se r'aliasent en la place, & qu'en cête obscurité ils fussent repoussés, commanda sonner la retraite, asséuré d'auoir la ville à sa discretion aussi tôt que le iour paroîtroit. Et à cête cause enuoya incontinent vers l'armée de terre, à fin que de leur coté ils fissent ny plus ny moins. Et partant chacū se retira mettant gros guet aus lieux plus necessaires.

LA ville ainsi cōquise, comme vous a ués entendu & le peuple retiré au grand temple de Iupiter, Esplandian ne voulant perdre la belle Heliaxe, ne le Geant Phoron, que luy & Frandalo auoient laissés avecq' la Damoyelle Carmelle, pria Gandalin

dalín & Lafinde les aller querir, & enuoya quant & eus Sergil son Ecuyer pour les guider. Si s'en partirent eus trois, & tant cheminerent, qu'ils les trouverent au tour d'un grand feu, que Phoron auoit allumé. Lors mirent pied à terre, & saluans Heliaxe, Gandalin luy dit: Ma Dame, mon Seigneur Esplandian vous prie venir ou il vous atend. Mes amys, répondit elle, ie ne scay qui ét celuy duquel vous parlés. Bien ét vray que i'ay été amenée icy par deus Cheualiers, l'un desquels ét Frandalo, que ie cognois de long tems, & de l'autre, sur ma foy ie ne le vy onques, que ie scache. Ma Dame, dit Carmelle, c'ét le fis du bon Cheualier Amadis de Gaule, tant renommé par le mode. Vrayement, répondit Heliaxe, i'ay quelque fois ouy parler de luy. Aussi aués-vous (comme ie croy) dit Carmelle, de mon Seigneur Esplandia son fis: car luy sans autre ayde, a conquis la montagne Defenduë, prins dernièrement le Roy Armato vôte beau pere, & si le vous puis assurer pour l'un des plus gracieus Cheualiers que l'on scache. Je m'ébaï dōcques, répondit elle, comme il s'ét montré si mal aprins en mon endroit, ne m'ayant dit vne seule parolle, tant que i'ay été en sa compagnie, & toute-fois il me semble qu'étât sa prisonniere, il ne pouvoit moins faire enuers moy, que de me reconforter, ou de promesses, ou par belles paroles, dōt il s'ét tāt mal aquité, qu'il ne fera iour de ma vie q̄ ie ne m'en plaigue grandement. Ma Dame, dit Carmelle, vous le prenés le plus mal du monde. Car s'il a differé de parler à vous, c'a été seulement pour la cognoissance qu'il vid que Frandalo vous montra, duquel il ét amy tant singulier, qu'il a bien voulu luy deferer (non seulement) cēt honneur, mais vn plus grand, s'il le luy pouvoit faire. Vous en dirés tout ce q̄ vous voudrés, répondit il, neantmoins s'il n'a autre excuse que celle que vous dites, il ne perdra de sa vie la reputatiō qu'il a aquisé en mon endroit. Ma Dame, dit Gandalin, ie suis seur qu'il amandera cete

faute tout ainfi q̄ vous voudrés. Et pourtant auisés qu'il vous plaît de faire: car il nous a commandé vous obeir entieremēt, Mes amys, répondit Heliaxe, ie dormirois volontiers en atendant le iour, puis i'y ray ou il vous plaira: mais ie vous prie me cōter deuant quelle rumeur i'ay n'a gueres entendue vers la ville. Ma Dame, répondit Lafinde, elle a été prinse d'assaut il n'y a pas encores trois heures. Hé dieus! dit elle, quelle fortune de pauvre peuple! Je croy que tout a été mis à mort. Non pas, ma Dame, répondit Lafinde, la plus part s'ét sauvée au tēple de Iupiter: toute-fois à peine s'y pourront ils garantir demain, veu qu'on parloit n'a gueres d'y mettre le feu. S'il ét ainfi, dit elle, que Frandalo ayt quelque moyen enuers ses compagnons, & q̄ celuy qui vous a enuoyés vers moy, soit si humain, que m'assure cete Damoyfelle, i'ay esperance qu'ils en prendront pitié, à tout le moins si n'êt pour l'amour d'eus, ils y auront (peut être) quelque regard à la requête q̄ ie leur feray. Et à fin que ce ne soit trop tard, ie vous prie délogeons d'ici incontinent que nous pourrōs voir à nous conduire. Et se couchant sur vn mâteau, passa cete nuit assés mal à son aise.

Comme Gandalin, & Lafinde, conduirent l'Infante Heliaxe, & le Geant Phoron, en la ville d'Alfarin vers Esplandian, & Frandalo, & de l'bōnesté & bon traitement qu'ils luy firent.

CHAP. XXX.

Heliaxe, qui n'auoit aucunement reposé la nuit, tāt luy étoit grieue la perte d'Alfarin, propre apagnage du Prince Alforax son mary, & la contrée plus plaisante & delicieuse de toute la Turquie, voyant l'aube du iour aparoître, éveilla les deus Cheualiers, faisant état si elle pouvoit arriuer deuant la ruïne du temple, q̄ le peuple retiré dedans seroit sauvé, par les prieres & humbles suplications qu'elle feroit pour eus, tant à Esplandian, qu'à Frandalo. Lors mōterent

LE CINQUIEME LIVRE

terent tous à cheual, & firent telle diligence, qu'ils entrèrent en la ville, ainsi q' chacun se mettoit en equipage, pour donner l'assaut à la forteresse. Si aperceut Fradalo Heliaxe d'assés loing, vers laquelle il piqua, & luy donna le bon iour. Puis print son palfroy par les rênes, & ayant la tête nue, la conduit ou étoit Esplandian & ses compagnons, qui tous luy firent trèsbon recueil, sachans qu'elle étoit fille de Roy, & femme de si grand Prince. Adoncq' demanda à Fradalo, lequel étoit Esplandian. Ma Dame, répondit il en le luy montrant, voyés le cy prêt à vous faire service, ainsi qu'il m'a assuré. Mais quand elle le vid tant ieune, & si beau, elle fut ébaïe comme Nature l'auoit pourueu de tât de perfections, & principalement de cete force & prouesse non-pareille, dont il étoit recommandé entre les plus cheualereus, & dit à Fradalo: En bonne foy ie l'ay ouy en plusieurs lieux estimer l'un des meilleurs Cheualiers du monde: aussi luy ay-ie veu faire chose, que ie n'eusse iamais pensé de luy, veu le peu d'aage qu'il a: de sorte que si la courtoisie luy ét autant familiere, que les armes, & la beauté, ie croy qu'il soit bien le plus acomply Gentilhomme que l'on scauroit souhayter: & dont ie me pourray apercevoir presentement, s'il m'accorde ce que ie luy demanderay. Ma Dame, répondit Esplandiâ (qui ne se peut tenir de rougir pour les louanges qu'elles luy donnoit) vous ferez bien la premiere que ie refusay de ma vie. Et vous qui êtes tant belle & de si bonne grace, comme ne serois-ie prêt de vous obeïr? Je vous supplie donques Cheualier, dit elle, pardonner à ce peuple qui ét au temple, & me le donner, avecq' congé de l'envoyer ou bon me semblera, sans qu'il luy soit fait plus de moleste. Ce m'aïdieus, ma Dame, dit Esplandian, vous ne serez pas refusée pour si peu, & feray enuers ces Cheualiers qu'ils le vous accorderont cōme moi: mêmes vōtre liberté & celle de Phoron, pour vous conduire ou il vous plaira. Qui ét ce dont plus Fradalo nous a effectueu-

sement priés, auât que vous arriuiâssiez en ce lieu, & pour l'amour de luy auisés s'il vous plaît autre chose nous commander: car nous vous obeïrons de trèsbon cuer. Bien humblement les remercia la Princesse Heliaxe, & s'adressant à Fradalo, luy dit: Sire Cheualier, le bien que vous & vos compagnons me faites ne sera iamais par moy mis en oubly: ains essayeray par tous moyens de le recognoître, quoy qu'il tarde. Et pour Dieu faites s'il vous plaît retirer vos gens, à ce que ces pauvres miserables puissent sortir ainsi que m'aués accordé. Ce pendant ie m'en vois les reconforter: car ie doute que la plus part d'eus sont plus morts que vifs. Lors pria Carmelle l'accompagner, & elles deus, sans autre compagnie, vindrent à la porte du temple, qu'ils trouverent bien close & remparée. Si apella tant qu'aucuns vindrent parler à elle: mais onques pauvre homme ramené du gibet par grace du Prince ne fut plus ayse, que ce populaire quand ils la recogneurent, pensans que l'Infant Alforax eût quelque accord avecq' leurs ennemis. Au moyen dequoy, ils luy ouvrirent un petit guichet, & entrèrent les deus Damoselles au temple demandans à la Princesse comme elle étoit venue à si bonne heure secourir ceus qui atendoient pour toute misericorde leur mort cruelle. Mes amys, répondit Heliaxe, j'ay tant fait avecq' les Chrestiens par le moyen de Fradalo (que ie cognois de long tems) qu'ils vous laissent sortir les vies sauves, & aller ou bon vous semblera, & moy mêmes aussi, qui étois tombée en leurs mains, comme vous. Pourtant auisés, si voulés me suivre à Theisfante, ou mon Seigneur Alforax ét à present, qui pour l'amour de moy vous fera autant de gracieuseté, qu'il luy sera possible. Quand ces pauvres gens éperdus entendirent la paction qu'on leur presentoit pour l'amour de leur Dame, ils s'accorderent tous d'aller avecq' elle, & ne l'abandonner, la remerciant très humblement du bien qu'elle leur auoit moyenné. Or se desfar,

desarment donques ceus qui ont harnois, dît Heliaxe, & sortés tous quand & moy. Lors elle ainsi acompagnée, retourna vers Esplandian, & luy montrant grand nombre de femmes & de petits enfans qu'elle auoit autour d'elle, luy dît : le vous prie voyés le bien dont vous êtes cause, & le dommage que c'eût été, si ce petit populaire eût souffert mort pour chose non offensée. Et quand vous n'auriés fait de vôtre vie autre bien que cétuy seul, si êtes vous digne de grand merite. Et toutesfois (dît elle en se sousrissant) il ne sera iour de ma vie, que ie n'aye grande ocaſion de me plaindre de vous, veule peu d'estime que vous fites de moy quand Frandalo & vous me vintes trouver deuant mon pauillon, apres la defaite de mes Cheualiers. Comment ? ma Dame, répondit Esplandian. Ie m'ébai, dît elle, pourquoy vous me faites telle demande, veule que vous pouviés lors penser l'ennuy auquel i'étois : & neantmoins vous ne me daignâtes quasi saluer, ny parler à moy. En bonne foy c'étoit mal considéré à vo^s. Ma Dame, répondit il, ie vous supplie tres-humblement me pardonner : car le peché que i'ay commis en cét endroit, ne fut par ignorance : mais craignant mettre le Seigneur Frandalo en quelque ialouſie, le voyant si afectionné à vous faire seruice, & le bon viſage que vous luy montrâtes, nonobſtant la perte de vos gens. Cete excuse n'êt pas raisonnable, dît Heliaxe, auſi si ne vous ſera elle pas remiſe ſi ayſément. Et proferoit cete parole d'une telle contenance, qu'elle contentoit vn chacun par ce gracieus mécontentement. Parquoy Esplandian luy répondit : Ma Dame, ie ſuis tout prêt d'amender cete faute, ou d'en porter la penitence. La penitence, dît elle, que vous en aurés ſera, que ſuyuant la grace que vous aués faite à ce pauvre peuple, & à moy auſi, vous nous donnés conge de nous retirer en la ville de Theſifante, vers mon mary, qui vous en ſcaura très-bon gré. Ma Dame, répondit Esplandian,

vous aués de-ja entendu le vouloir de nous tous, & poués aller librement en quelque lieu qu'il vous plaira, ou moy-mêmes vous conduiray, ſi vous l'aués agreable. Affés de grands mercis leur fit Heliaxe, laquelle prenant congé d'eus, remonta ſur ſon pallefroy, & acompagnée de Phoron & d'une infinité de peuple, print le chemin de Theſifante, ſur lequel Frandalo la conduit une lieuë, & plus : Et ſi vouloit paſſer outre, combien qu'il fût nauré en pluſieurs endroits ſur le corps. Mais elle le pria s'en retourner : car diſoit elle, encores que comme bon Cheualier vous ayés eu le pouoir de me ſeruir, & ſauver moy & les miens, il pourroit être que ie n'aurois moyen enuers vous de faire le ſemblable, ſi vous tombiés es mains de mon Seigneur Alforax, lequel, comme ie penſe, aura été auerty de ma fortune, par quelques vns des Cheualiers qui s'en ſont fuyſ : tellement q' ie doute qu'il ſoit de-ja aus chāps avecq' groſſe troupe de gens pour mon ſecours. Et ſ'il étoit ainſi, ie le cognois ſi peu patient, que ſ'il vous rencontroit (émeu de la perte d'Alfarin, mêmes de l'injure qu'ont receuë mes Cheualiers, & moy-mêmes comme il penſera) le plaſiſr que vous eſſayés à me faire, vous retourneroit au danger de vôtre perſonne, & à vn grand ennuy pour moy-mêmes. Ainſi ie vous prie ne paſſer outre, & vous en retourner. Bien cogneut Frandalo qu'elle le cōſeilloit prudemment : & à cete cauſe la commanda à Dieu. Et la laiſſant en la garde de Phoron, reprint le chemin ou il auoit laiſſé ſes compagnons. Or étoit il ia tard, parquoy Heliaxe aprochant la Fontaine Auantureuſe, & y trouuant encores ſon pauillon tendu, delibera n'en partir iuſques au lendemain matin, qu'elle ſe mît en voye droit à Theſifante. Et ayant cheminé iuſques ſur le mydi, récontra le Prince Alforax, avecq' grand nombre de Cheualiers, qui toute nuit auoient été ſur les adreſſes de la montaigne Defendue, penſant q' ceus qui auoient prins ſa femme l'y menaſſent,

pour

LE CINQUIEME LIVRE

pour la garder plus seurement, & telle étoit l'opinion de ceus qui luy apporterent les nouvelles de son infortune. Mais Alforax, ny sa troupe, n'auoient rencōtré vn seul homme, & s'en retournoient passer à la Fontaine Auantureuse, fâchés à merueilles, quand ils auisèrent la Princesse Heliaxe, laquelle Alforax courut embracer & en la baissant luy demanda comme elle étoit ainsi échapée. Monsieur, répondit elle, apres que ie le vous auray bien racōté, encores doute-ie qu'il vous sera mal aysé de le croire. Et à dire vray il semble que fortune ayt prins plaisir de me faire cognoître en même iour tout le bien & le mal, qu'elle peut en mon endroit. Lors commença à discourir la defaite de ses Cheualiers, les propos que Frandalo, & Esplandian luy auoient tenus, & finablement l'hō neste traitement dont ils auoient vsé enuers elle. Vraymēt, ma Dame, dît Alforax, c'ēt bien vn cas étrange, & ne puis penser comme ces Chrétiens matins (ayans prins d'assaut ma ville d'Alfarin) ont vsé de tel le humanité, non seulement à ce peuple, mais gardé vōtre honneur, étant telle & si belle que vous êtes. Et faut estimer q̄ nos dieus ayans eu pitié de moy, vous ont gardée, comme la chose que i'ayme & estime le plus. Et toute-fois, si ie vy vn an, ie vous jure & promets de mettre tāt de gens ensemble, que la cité de Constantinople, & son pariure Empereur en souffriront tellement, qu'il en sera memoire mil ans apres ma mort. Heliaxe qui le voyoit entrer en sa colere, pour le moderer quelque peu, luy répondit: Monsieur, vous le pourrés faire quād il vous plaira, mais vous voyés maintenant ce peuple tant desolé, ie vous supplie parler à eus, & les reconfortés au moins mal que vous pourrés: car ils ont mis toute leur esperance en vous. Adōcq' Alforax les fit aprocher, &, apres leur auoir tenu maint gracieus propos, retournerent tous à Thesifante.

Comme Castilles print congé d' Esplandian, puis fit voyle en Constantinople vers l'Empereur, & de l'arrinée de Palomir, Bransil, & autres Cheualiers de la grand' Bretagne en la ville d'Alfarin.

CHAP. XXXI.

LA ville d'Alfarin mise au pou-
voir des Cheualiers de la mon-
tagne Defendue, ainsi que vous
aués peu entendre, Castilles ayāt
fait son aprêt pour retourner à Cōstantino-
ple, vint trouver Esplandian, & lui dît: Mō
sieur, quand ie laissay l'Empereur, il me cō-
manda expressement l'auertir le plus tôt
que ie pourrois de ce qu'il me seroit sur-
venu à fin qu'il auisāt, ou de venir en per-
sonne, si la necessité y étoit, avecq' l'ar-
mée qu'il assemble de iour en iour, ou la
rompre du tout: car l'hüer commēce dé-
jà à nous menacer. Et pour autant q̄ (grac-
es à Dieu) ie voy les affaires de par decā
en trēbon train, ie suys deliberé, sous vōtre
bō plaisir, partir demain, & retourner vers
luy, à fin qu'ayant entendu par moy, cōme
le tout s'ēt passé, il n'entre (pour cete an-
née) en plus grand' depense: Ce que ie luy
eussē plutôt fait scauoir: mais i'attendois
tou-jours l'ysue de cete derniere entre-
prinse, qui ēt sortie comme nous l'auons
desirée. Monsieur, répondit Esplandiā, puis
que l'Empereur aura plaisir, & profit à vō-
tre retour, ainsi que vous dites, vous ferés
bien de l'aller trouver. D'vne chose vous
suplie tant qu'il m'ēt possible, c'ēt de luy
présenter mes treshumbles recommanda-
tions à sa bonne grace, & l'asseurer, qu'il
n'a Gentilhōme, ne Cheualier en ses païs,
plus à son commandement que ie suis. Et
quant au surplus vous aués veu & sceu la
plus part de nos affaires, & entendés l'état
ou elles sont, vous l'en pourrés auertir.
Aussi comme ie fais garder le Roy Arma-
to, atendant qu'il en ordonne ainsi que de
son prisonnier, non pas de la montagne
Defendue: car ie l'ay conquise sous la fa-
ueur de ma Dame Leonorine, & ne la tiés
au jourd'huy qu'à titre de son Chastelain
& seruiteur, tel que ie seray toute ma vie.

Mais

Mais s'il lui plaisoit donner à Frandalo cete ville d'Alfarin, tant pour lui augmenter son bon vouloir, que pource qu'il merite d'auantage, il me semble qu'il feroit trébien, eu regard aus seruices & grande fidelité qu'il a monstree en tous lieux ou il s'ét employé. Vous lui dirés aussi, que suyuant le commandement que ma fait mon pere, i'espere en brief aller en Constantinople, & là me presenter à luy & à ma Dame Leonorine, ainsi que ie les auerty n'agueres, par la Damoiselle Carmelle, & dont il vous peut bié souvenir. Et vous prie ce pendant m'excuser, enuers eus, d'auoir si longuemēt differé: car vous sçaués (à peu près) qui en a été cause. Monsieur, répondit Gastilles, l'Empereur mon oncle vous desire tant en sa cōpagnie, que ie ne vi onques homme plus mari, ne ma Dame ma cousine mêmes, quand ils aperceurent ébranler le nauire de la grand Serpente, & trauerfer le détroit du Bosphore. Je leur diray tout ce dont vous me chargés & demain des le point du iour ie prendrai la route de la Grece. Ne voulés vous pas premier, dit Esplandian, voir Frandalo, Manely, & les autres, qui sont au lit naurez, & sçauoir d'eus s'ils veulent rien mander à l'Empereur? Ouy bien, répondit Gastilles. Allós ie vous ferai compagnie, dit Esplandian. Si vindrent au logis de Frandalo, ou ils ne furent plus tôt arriués, que ceus, qui faisoient le guet sus la tour du port, decouuurent environ trois mille en mer, vn grand nauire, qui à plaine voille tiroit droit à Alfarin. Dont ils vindrent incontinent auertir Gastilles: lequel sur l'heure fit partir deus Brigantins, pour aller voir si c'étoient amys, ou ennemis. Mais ils retournerent peu après avecq' ce vaisseau: dedans lequel nauigeoiēt Palomir, Brâfil, Heliâ le Deliberé, Garuate du val Crainitif, & Brauor fis du Geant Balan, q̄ le Roi Amadis auoit nouvellement fait Cheualier, Ymosil de Bourgongne, Ledasin de Fairque, Lystoran de la tour Blanche,

Am. 5.

Trion confin de la Roine Briolanie, Tantiles le Superbe, Guy le bien estimé avec Grodonan frere d'Angriote d'Estruaus & les deus fis d'Ysanie gouuerneur de l'Ile Ferme ensemble maints autres qui s'étoient embarqués en la grand Bretagne pour venir au secours d'Esplandian. Et cōtoyants la montaigne defendue, auoyēt sceu par les pêcheurs, la deffaite de l'armée d'Armato, sa captiuité, mêmes la prise d'Alfarin, dont ils eurent vn plaisir nō pareil, specialemēt après être asseurés par les gens de Gastiles que nuls de leurs cōpagnons étoient morts à ce cruel assaut de ville. Eus donques arriués au port, ainsi qu'ils prenoient terre, Esplandian & maints autres (auertis de leur venue) vindrent les receuoir: & Dieu sçait les caresses, embracemens, & bonnes cheres qu'ils se firent les vn aus autres. Puis les conduit Esplandian en son logis: ou ils se rafraeschirent enuiron deus heures premier que d'allér visiter Frandalo, duquel Esplandian leur fit si grand eas, qu'ils le prièrent tous de les cōduire, ou il gisoit malade: ce qu'il fit volontiers. Mais quand Frandalo sceut qu'ils étoient (quasi honteus de les voir tant humilier enuers lui) ne sçauoit bonnement que leur dire: ainsi qu'il s'offroit puis à l'un puis à l'autre, Palomir parla à luy de telle sorte: Sire Cheualier, mes compagnons & moi vous auons oui tant estimer en haute cheualerie, qu'il n'y a celui de nous, qui ne voulsit vous faire seruice, & obeir d'oresenauant comme à leur chef & Capitaine: par ainsi mettés peine de vous guerir, afin que nous puissions bié tôt voir la guerre sous vōtre cōduite. Mes Signeurs, répondit Frandalo, ie vous supplie pardonnés moi, ie sçay assés combien ie suis moindre que vous ne me faites, & indigne de l'honneur que vous me portés: aussi ne fis ie oncques chose qui merite louange, sinon par le moyē de mon Seigneur Esplandian. Toutefois i'espere (si Dieu me prête longue vie & santé) m'employer desormais en sorte, que

F

chacun

LE CINQVIEME LIVRE

chacun connoitra le desir que j'ay de faire seruire à la Chrétienté, & à vous tous particulieremēt. Mon compagnon dît Esplandian, ie vous prie, beau sire, mettez peine de vous r'auoir, puis nous deuise-rons ensemble du reste. Et pour ce que ces Cheualiers sont làs & trauaillés du long nauigage qu'ils ont fait, donés leur congé pour meshui, demain, nous vous viendrons reuoir. Et ce disoit il craignant que le trop parler luy causât quelque accident de fieur: car Gastilles auoit été au parauant plus de deus heures deuissant avecq' luy des propos qu'il auoit eus avec Esplandian sus l'entreprinse de son retour vers l'Empereur. Ainsi luy donnerent les Cheualiers nouuellement arriués le bon soir & sortirent de sa chambre. D'autre côté, Gastilleles les faisoit toute diligence de s'equiper pour partir à l'aube du iour. Et de fait, ayant prins congé de tous ses amys, le soir mêmes entra en ses vaisseaus, & à l'heure qu'il auoit delibéré singla en plaine mer, par si bon vêt, que le huietième iour d'après decouurit Constantinople, & entra au port. Ce qu'entendu par l'Empereur, le vint recevoir iusques sus la greue, puis le mena en son palais, s'enquerât à luy de grâde affectiō cōme il auoit executé son voyage, & si Armato s'étoit retiré, ou non. Monsieur, répondit il, le bon Cheualier Esplandian, & ceus de sa compagnie, se recōmandent trèshumblement à vōtre bonne grace, & principalemēt Frandalo, que ie vous puis asseurer pour l'un des meilleurs seruiteurs que vous eutes onques. Disant cete parole, l'Imperatrix suruint acompagné de la Royné Menoresse, & autres Dames & Damoyelles: & leur fit Gastilles telle reuerance, qu'il scauoit bien faire. Et pour ce qu'il s'amusoit à faire les recommandations d'Esplandian à la Princesse Leonorine, l'Empereur lui dît: Vrayement mon neveu vous acheuerés le discours de vōtre entreprinse: puis gouvernés les Dames si bon vous semble. Et commncés à

nous deduire par le menu (sans en laisser vn seul point) tout ce qu'il vous ét auenu durât ce uoyage. Sire dît il, nous eumes si bō vêt au sortir de ce port, q sans ancū de tourbier arriuâmes en la mōtagne Defēdue. Et routefois no' ne sceumes faire rāt de diligēce: qu'Esplādiā avecq' son naui- re de la grād Serpente, & l'equipagede Frādalo, n'eussent dé-ja mis a fōd partie des vaisseans de vos ennemys, & donē la chasse au reste iusques biē auāt en la Turquie. Et encores mieus car le iour ensui- uāt le Roi Armato fut prins, & son armee mise en route. Et le bō fut, quād ie luy fis la reuerāce, & qu'il me recōneut. Lors ra- conta Gastilles la colere du Roi Turcq, les menaces & propos qu'il lui tint & de- duis la defaite des vingts Cheualiers à la fontaine Auētureuse, les écar-mouches & assaus d'Alfarin, le dāger où esplādiā & Frādalo se trouverēt, la prinse de la ville, celle de Heliaxe, la deliurāce d'elle & du peuple qui s'étoit sauvé au tēple de Iupiter, & cōme auāt son embarquemēt pour retourner vers luy, étoit arriué de la grād Bretagne vne nef, avec plusieurs Cheua- liers, lēquels il nōma tous par nō furnō, cōme celui qui les auoit autre fois veus avec Amadis. Au reste, monsieur, dît il, le bō Cheualier esplādiā m'a prié vous dire, qu'il fera garder le Roy Armato tant qu'il l'ayt livré en vos mains, ou à qu'il vous plaira: & semblablemēt la ville d'Al- farin: mais qu'il ne rēdra la mōtagne De- fādue à autre, qu'à ma Dame Leonorine: sous le nō de laq̃lle il la cōquise, & espe- re la defendre cōme son Chastelain, serui- teur & cōcierge & nō autremēt. Quand l'aurōs nous pardeça? répōdit l'empereur. Ce sera le plus tôt qu'il luy sera possible, dît Gastilles, à ce qu'il m'a asseuré en bō- ne foi ie vodrois q ce fut au iourd'hy plu- tôt q de main, tant i'ay bōne volonté de cōnoitre pour les hautes cheualeries, qui augmētēt en luy de iour en iour, & telles, q si le Cheualier à la verde éper à été esti- mé le meilleur du mōde, à present son fis luy

luy ôté grâde partie de cét hōneur. Aussi tout cōsidéré, ie croi qu'Amadis n'a point plus fait en dis ans, qu'Espladiā, à paracheuē en dis semaines! Mais beau Sire, Frandalo fait il si bien son deuoir cōme vous m'assurés. Mōsieur, répōdit Gastilles, il n'ēt possible de faire mieus. Et m'a prie le Seigneur Espladian vous faire entēdre, q̄ pour l'ētretenir en cete bōne volonté, il ēt d'auis que vous luy faciēs present de la ville d'Alfarin, & qu'il ne sçait hōme plus digne à la garder q̄ luy. Ce m'aïdieus dit l'Empereur, Esplandian & ses compagnōs l'ont cōquis: ils en ordōneront ainsi qu'il leur plaira: Toute-fois s'il ne tient qu'à mon consentement ie suis bien de cēt auis, & ne laisser d'auantage à luy faire autre bien, s'il perseuere ainsi qu'il a cōmencé. Et vous ma fille, dit il, à l'Infante Leonorine, que répondés vous à ce q̄ vōtre cousin vous assure, qu'Esplandian ne tiēt la mōtagne Defendue pour autre q̄ pour vous? Monsieur répondit, elle ie ne sçay comme vous, n'y tant d'autres le pouvés auoir en si bonne estime, veu le peu d'obeïssance qu'il porte à son pere: car s'il ētoit tel q̄ chacun le dit & renomme, il fut long tēs a venu par deçà pour aquiter ce, à quoi il ēt obligé. Qui me dōne iuste occasion de pēser, que les propos q̄ vous dit Carmelle de sa part, & semblablement tout ce qu'il vous a mandé par mon cousin, sont (sans plus) paroles faintes. Aussi n'ay ie pas delibéré, encores qu'il se die mien, de l'accepter pour tel, & moins luy pardonner sa faute: premier que luy mēmes vieune s'excuser en personne: lors i'a uiséray q̄ i'aurai à faire. L'Empereur qui voyoit sa fille parler de colere & rougir plus q̄ de courume, ne se peut tenir de rire & luy dit Comment ma mignonne, réfusēs vous le seruice du meilleur Cheualier du monde? Oui mōsieur, répōdit elle, & ainsi le doit faire tout maître enuers son seruiteur, quand il fut sa presence & n'obeit à ses commandemens: non plus qu'ua fait celuy, q̄ vous estimés tāt aus vō

tre, n'y aus miens. Et vrayemē, ma mignōne, dit l'Empereur, ie vous en sçay bō grē. Pleut a Dieu q̄ nature vous eut pourueuē d'un cors semblable à vōtre cueur, elle vous eut fait hōme parfait, & nō pas fēme cōme vous êtes. Or mō neuueu, vous oyés la répōse de ma fille: ie vous prie faites la entendre au bō Cheualier Esplandian, à fin qu'il se depēche de venir, s'il ne veut du tout perdre sa bōne grace. Et cōbien que l'Empereur dit tous ces propos par ieu: si les print Esplandian tout autrement quād il en eut les nouuelles par vn Ecuyer, que Gastilles luy depēcha le iour ensuyuant.

Comme Frandalo, acompagné de quatre vints Cheualiers, sortit d'Alfarin pour aller courre vers Thesifante: Et de la prinse d'Eiraca Capitaine de la ville.

CHAP. XXXII.

E Stans doncq' les Cheualiers de la grand' Bretagne arriués en la ville d'Alfarin (comme il vous à été recité) Frandalo & les autres nāvres, gueris de leurs playes, Belleris qui trauailloit incessamment pour entendre nouuelles d'Alforax fut auerti par ses épies, qu'il se tenoit ordinairement en la grād ville de Thesifante: Et ledit Belleris à Brādfil, & à quelques autres, lesquels ennuyés de repos, priērēt affectueusemēt Frandalo, de les mener à la guerre, & trouuer moyē d'ēmbucher le lieu ou ils peussēt surprēdre Alforax, ou quelques vns des siens, s'ils habandonnoyent leur fort. Frandalo, leur voulant complaire en tout ce qu'il lui étoit possible, leur acorda (sous le bō plaisir d'Esplandian) de partir la nuit ensuyuant, & mener quant & eus iusques à quatre vingts Cheualiers sans plus. Ce qu'Esplandian trouua bon, & luy mēmes voulut être de la partie. Au moyen dequoy ceus qui furent ordonnés pour cēt affaire se trouuerent prêts, & sortirent à jour failly, à fin de n'être decouuers. Or connoissoyent la contree Belleris & Frandalo si bien que sans auoir autres guides, marcherent droit à

LE CINQVIEME LIVRE

Thefisfante. Et ayans cheminé iusques sus les vnze heures de soir, se trouverent en vn chemin fourché. ou Frandalo fut d'auis de separer leur troupe en deus, amonétant les Cheualiers (qui ne s'étoient encores mêlés avecq' les Turcs) d'eus tenir serrés : car disoit il la guerre de ce pais se conduit tout autrement qu'en la grand' Bretagne, ou les Cheualiers vont le plus du tems seuls, & encores qu'il soient en compagnie, ils s'écartent l'un de l'autre pour la moindre occasion qui leur scauroit suruenir. Mais icy ceus qui hantent les armes marchent tous iours en si gros nombre, que les combats qui s'y font sont batailles, non pas rencontres. Et si y a bien pis : car si trois cens Turcs peuvēt surprendre cent, trente, voire vint de leurs ennemis seulement & moins encores, ils font gloire de les mettre à mort, preferans leur vengeance à vn homme, qui se garde (comme i'ay entendu) es pais de l'Occident, ou l'on combat quasi tous iours en nombre égal. Ainsi (mes amys) ie vous prie que nul de vous s'écarte, ains marchés en troupe, vous assurent qu'au lieu ou nous allons ne faudrōs de trouuer assés contre qui nous employer, & déployer nos armes. Je sçay qu'à demy mille prés de Thefisfante Alphorax couche souuent en vn palais qu'il a fait bâtir apellé Gruobmach, ou le porrostrouer, si fortune nous fauorise quelque peu. Parquoi ie me suis auisé, qu'il nous vaud mieus separer en deus tropes: Mon neueu Belleris prendra à gauche & se tiendra en embuche avecq' ses gens prés la bourgade, de l'entenomelle, de laquelle il verra aysément sortir ceus de Tesiéante: & moy avecq' Espladian, & la moitié de vous suivrons cete sente, qui nous conduira prés Gruobmach en vne vallee, ou nous tiendrons couverts pour secourir Belleris, & luy nous s'il est besoing. A quoy s'acorderent les Cheualiers. Mais leur entreprise se trouua à la fin trop plus hazardeuse qu'ils n'esperoyent ainsi qu'il

vous sera presentement recité.

BELLERIS doncques & sa troupe ayans laissé Frandalo cheminerent, tāt qu'environ deus heures deuant iour rencontrēt sis soldats, que Belleris salua en langue Arabique, leur demandant ou ils alloient. Signeurs répondirēt les autres, nous voudrions bien être en la ville de Sraffe. Mes amys, dit il, nous en sommes délogés cete nuit, & allons à Thefisfante auertir le Prince Alphorax du merueilleus dommage qu'ont fait depuis deus iours ces chiens Chrestiens à tout le peuple d'alétour: car ils sont sortis d'Alfrain, & ont pillé & sacagé tout ce qu'ils ont peu rencontrer. Et encores sont de present aus champs continuant de mal en pis. Toutefois s'il luy plaît nous donner quelque peu d'ayde, nous sçauons le lieu de leur retraite, & les pourrions enclore, sans qu'il s'ē sauât vn seul. Qui êtes vous qui nous dites ces nouuelles? répondirent les souldats. Compagnons, dit Belleris, ie suis le Roussan cousin de Eiraca grād Capitaine de Thefisfante. Nous vous dirons doncques bonnes nouuelles de lui, répondirent les autres, & chose qui vous sera agreable. Entendés qu'il n'est pas loing d'icy, & est party de la ville avec deus cens Cheualiers, pour se venir ieter dedans Falandie, & la garder mieus qu'on n'a fait Alfarin. Mais pour ce qu'il nous a commandé marcher deuant, nous ne vous tiendrons à present plus lōg propos, & sus ce point les cōmanderēt à Dieu. Mes amys, dit Belleris, le bō iour que ie vous desire vous soit donné. Ainsi passerent outre les soldats, lesquels ne s'élongnetent gueres, que Belleris m'enuoiāt après. Et craignāt qu'ils decouurissent son entreprinse les fit tailler en peices. Et aussi tōt enuoya vn Ecuyer qui sçauoit les adresses pour auertir Frandalo, q' les ennemis étoient aus chāps, avecq' bien grosse troupe. Et qu'à cete cause il étoit besoing d'eus rassembler. L'Ecuyer fit grand diligence: Neâtmoins premier que ces nouuelles fussent venues à Fran-

à Frandalo, Belleris rencontra Eiraca & ses gens quasi au droit de lentinomele. Et les ioignirēt avantqu'ils eussent moyen de lacer leurs heaumes. Là mōstra biē le Capitaine de Tesifante, qu'il n'étoit apreuty à se trouuer en tels affaires: car comme preus & vaillant champiō: se mēla entre les Chrestiens, & suyvy des siens firent trēgrand deuoir de defendre & assaillir encores que dis des plus braues de leur troupe fussent desarçōnés & rēuersés par terre. Et ainsi q̄ Eiraca se mēloit en la presse, Norandel & lui se chargerent de telle force, que l'un fut nauré au bras gauche, non pas beaucoup, & l'autre perdit les étriērs prenant si grād saut sus le chāp, qu'il demoura étendu de son long sans remuer piē ny main. Ce fut le Capitaine de Tesifante, pour leq̄l retirer de la foulle les Turcs firent vn tel deuoir, qu'ils abatrēt quatre Cheualiers de la grād Bretagne, lesquels toutefois se releuerēt prōptemēt, & mirent la main aus épēes donnants aus iarrets & flācs des cheuaus, de sorte qu'en moins de rien plus de vint Turcs leur tindrent compagnie, & maints y perdirēt la vie. A cēte charge furent fort blecés Enil, Garuate, & les autres si mal menés que sans la troupe de Frādalo qui suruint ils eussent été de tous points deffaits. Aussi auoyent ils beaucoup tardé: Mais l'Ecuyer que Belleris enuoya vers eus ne les peut ataindre, quilz ne fussent en la vallee, ou ils se deuoyēt rendre. Et combien qu'au parauant ils entēdisent retentir les coups du combat: si ne se douterent ils de telle rencontre iusques à ce que l'Ecuyer eut fait son message. Lors coururent tous à bride abatuē droit ou Belleris & ses cōpagnons (hors d'aleine) ne faisoient plus que reculer & parer aus coups des autres, qui en eussent mis à mort plusieurs: Mais le Capitaine de Tesifante vouloit qu'on les menāt vif au Prince Alphorax. Toutefois Frandalo, Esplandian, & ceus de leur troupe leur firent chāger d'opinion: car aussi tōt qu'ils virent leurs compa-

Am. 5.

gnons si mal menés par les ennemis, ils entrèrent d'une telle collere pēle mēle, que sans Eiraca (qui ce iour la fit armes non pareilles) ils leur eussent passé sus le ventre de pleine arriuee. Et par là grande resistance qu'il fit, le combat dura encores plus d'une grosse demye heure, durant laquelle il se maintint tāt brusquement, qu'Esplandiā ne le peut iamais faire rendre, qu'il ne l'eut abatu & desarmé de son heaume. Lors se mit à mercy. Ce pēdant Frandalo & les siēs mēlés entre les autres, frapoyent à dextre & à senētre, tuās cheuaus, arrachās écus, & faisans tāt de prouesses, que c'étoit chose amirable, & nō-obstāt tous ces efforts, les Turcs ne se monstroyent étonnés ains combatrēt iusques à ce qu'ils auiserent leur Capitaine prisonnier, qui fut cause de leur faire prēdre la fuyte & tourner dos, non pas tous, car il en demeura sus le champ plus de cent cinquante, les autres se sauuerent à la faueur de la nuit, qui étoit fort obscure. Or pouoit il être encores vne heure deuāt iour: & craignoit Frandalo, que ceus de Tesifante (sçachans cēte defaite) sortirēt pour leur venir couper passage. Parquoi fit prōptement remonter le Capitaine Eiraca à cheual, & tous les Chrétiens qui auoyent été abatus. Puis reprindrēt le Chemin d'Alfarin, non par l'adresse qu'ils étoient venus: mais plus à l'écart le long d'une petite sente qu'ils suyrirent si longuement, qu'au point du iour entrèrent en vn grād bois, ou ils descendirēt pour repaitre eus & leurs chenaus. Et sans gueres y seiourner pour n'être surprins, firent si bonne diligence, qu'ils arriuerent en la ville enuiron Soleil couchant. Et ce pendant vindrent nouuelles à Tesifante de la defaite de leurs gens: dont Alforas fut tant déplaisant qu'il cuida desespérer. Or auōs nous assēs longuement parlé de la guerre: maintenant Amour viendra en ieu, lequel voulant donner quelque allegemēt à l'Infante Leonorine, qui viuoit en vne étrange peine, atendant l'arriuee de son

E 3

amy

LE CINQVIEME LIVRE

amy Esplandian le fit partir d'Alfarin, pour la venir voir en Cōstantinople, ainsi qu'il vo^ulera deduit au capitres subseqües

Du grād ennuy qu'eut Esplandian, ayāt entendu par le messager de Gastilles le mal contentement, qu'auoit la Princesse Leonorine contre lui.

CHAP. XXXIII.

VONS aués, n'a gueres, entendu comme Gastilles raconta à l'Empereur tout ce qu'Esplandian lui mandoit memes à la Princesse Leonorine, & la réponse d'elle que Gastilles écriuit à Esplandian par vn Ecuyer qu'il luy enuoya exprés suyuant le commandement de l'Empereur à fin de luy donner occasion de venir le plus tôt quil pourroit en Constantinople. Cēt Ecuyer fit diligence: & arriva à Alfarin, le cinquième, iour depuis la prinse du Capitaine Thesifāte. Et rencōtrant Carmelle à l'entree de la ville, s'equit à elle, s'il troueroit Esplandian à propos, pour luy bailler vne lettre que Gastilles lui enuoyoit. Carmelle, sage & bien auisee, soupçonnāt que c'étoient nouuelles de l'Infante Leonorine, lesquelles pourroyent émouuoir Esplandian, qui étoit mal disposé, luy répondit: Ecuyer mon ami, à peine sçauriés vous parler à luy pour cēte heure: mais suyvés moi, & me baillés la lettre, ie la lui presenterai puis vous ferai donner réponse. Si la creut l'Ecuyer, & vint au logis avecq' Carmelle, laquelle entrant en la chambre d'Esplandian, le trouua sus son liēt deuisant avecq' le Roy de Dace. Lors luy bailla la lettre de Gastilles qu'il commença à lire, & en la lisant les larmes lui vindrent aus yeus. Et tōt après ieta vn profōd soupir, disant ces mots: He Dieu, La Damoiselle qui le regardoit entētiue-ment se douta aussi tōt de ce qu'elle auoit pourpensé: parquoi luy demanda s'il se trouuoit mal. Mal, répondit il, oy, tāt que ie voudrois être mort & voyés si i'en ay ocaſion. Adoncq' tendit le bras, & bailla la lettre à Carmelle, & aussi tōt tournant le

visage d'autre côté se mit à faire le plus grand dueil du monde. Mais quand elle eut veu ce qu'elle contenoit, n'en fit cas, ains dīt à Esplandian: Comment? monsieur, vous étonnés vous de si peu. Par mon ame ie connois bien maintenāt que l'fection & amour des hommes ēt bien differente aus passions que nous autres simples femmelettes endurons, quand nous tombons en cēte extremité, Et sçauē-vous en quoi? Vous hommes, prenés communēmēt plaisir à manifester ce que vous aymés, soit par paroles, ou par contenance: & bien souuent fāgnés d'auantage qu'il n'y a. Et (qui pis ēt) tant plus la Dame ou Damoiselle aymee ēt de maison ou de grand merite: d'autāt plus vous prenés de gloire, qu'on cōnoisse non seulement que vous luy portés d'affection: mais que vous êtes aymés & bien voulus d'elles sur tous autres, Qui ēt bien le contraire du naturel des femmes (i'entends de celles qui se peuuent nommer sages & prudentes) car tant plus elles son hautement aparentees, & plus ont de crainte que l'on aperçoyue leurs passions amoureuses, de sorte qu'elles nyent ordinairement de paroles, de gestes, & de contenance, ce qu'elles ont plus imprimé en leur cueur & esprit. Et non sans cause, atendu que ce qui vous tourne à louange (cōme vous estimés qui ēt vōtre amour manifestee) leur apporte vne certaine tache à leur honneur, que bien souuent elles ne peuuent puis après effacer. Par ainsi donques il ēt plus q' necessaire, d'observer en nous cēte modestie & constāce (non que ie me vueille rétraindre sous cēte loi) veu que toute ma gloire & felicité depēd de vous, tellement que ie ne desire plus grād bien en ce mōde que l'amour & seruitude que ie vous porte soit publiee en tous endroits, à fin que ceus qui auront connoissance de vōtre grand' valeur, & de mon peu de merite, aprennent l'heur qui ēt en moy pour être vōtre comme ie suis ainsi monsieur il me semble que vous deues

prend

prendre en bõne part & grandement a vôtre auantage les propos que vous écrit Gastilles auoir été tenus de vous par ma Dame Leonorine , & en la preséce de l'Empereur : car ie vous répons sus mon honneur, que vos deus affectiõs sont reciproques, & a tressagement parlé , vsant de telle dissimulation. Ie ne di pas qu'elle n'ayt quelque ocase de se mêcontenter, veu les paroles que ie luy ay autrefois portees de vôtre part: mais celà ét aisé à rabiller. Et quãd bien l'amitié qu'elle vous porte de si long temps seroit déchiree du tout (ce que ie ne pense) ne plus ne moins qu'un arc rompu & reslourdé, ét plus ferme au lieu de la soudure qu'à nul autre endroit: aussi vous present & en sa compagnie, r'assemblerés ce que vous trouuerés cassé : & la rendrés plus vôtre qu'elle ne fut oncques. Et par tant ie vous cõseille (qu'en lui obeissant) vous alliés vers elle, & des demain s'il vous ét possible. Helas Carmelle, répondit Esplan dian, quel bien, quel seruice lui fis ie de ma vie, pour auoir desserui enuers elle la moindre grace d'une infinité qu'elle m'a otroyée? mêmes par le raport de vous? Si doncques elle a iuste ocase de courroux enuers moy, l'ayant tant offensée, doi-ie esperer autre chose d'elle, sinon un dédaing, & une haine immortelle? Monsieur, dit Carmelle, ie suis femme, & connois mieus le naturel des femmes que vous ne faites, ny tous les hommes du monde ensemble . Ie vous supplie croyés moy & l'allés voir. Et au cas qu'elle vous face mauuais recueil, ne vous fiés iamais en chose que ie vous assure. Sus ma foi mon compagnon, dit le Roi de Dace, Carmelle vous conseille si prudemment que vous y deués aionter foi, ou de tout point éloigner cete fantasie de vôtre éprit, considéré (comme il ét vray semblable) que quelque fois , & bien souuent tant plus l'ardeur de la fême qui aime ét extreme, & tant plus tôt étainte & amortie: car leur incõstance ét telle, que pour la moindre

occase du monde elles ayment trop prõptement, & oubliét trop plus & incõsiderement . Non que ie vaille acuser ma Dame Leorine de si grande legiereté: mais pour parler veritablemēt des choses. Et ne scay sur quelle opinion vous vous fondés, pour faire ainsi état de son amour, veu qu'elle ne vous vid oncques, ni vous elle: ains seulement vous êtes contentés l'un de l'autre par une certaine renommée qui a vollé, publiant les perfections que l'on dit être en vous deus qui se doit apeller feu de paille, aussitôt mort qu'allumé. Ainsi doncques ne tenés en admiration, si ma Dame Leonorine se montre à present si peu affectionnée en vôtre endroit. Celles qui aymēt le plus tombent souuēt en telle ingratiude, & cecité d'esprit qu'elles dédaignent, ou (pour le moins) metent en oubly à un ceil d'œil, celui qu'elles auront le mieus aymé par un bien long tems , & qui pour l'amour d'elles seront tombés en dangers infinis & tourmens non pareils . N'entendistes vous oncques le bon tour que fit Brisfaide à Troilus , après la ruine d'Ylion ? Elle l'aymoit tant, qu'elle cuyda mourir entre ses bras quand elle fut contrainte l'abandonner: & pensoyent les Grecs assurément qu'elle se voult deffaire: Et toutefois à peine fut elle hors de Troie, qu'elle oublia du tout son Troilus & transféra cete vehemente amour, qu'elle luy auoit portée toute sa vie , sus Dyomedes Roi de Thrace. O Dieu qu'elle incõstance, qu'elle legierité , quel fondement sus arene mobile. Cete malheureuse auoit sus soi, entre autres aornements precieus que son amy Troilus luy donna par singularité, une paire de gãs parfumés, léquels elle bailla à son nouveau Dyomedes , une heure après sa prinse en signe d'amitié, & du bien qu'elle luy portoit . Qu'eut dit lors Troilus s'il eut été present ? l'eut il peu croire ? Ie croi que non , & l'eut il veu de ses deus yeus . Et aussi quel autre bõ tour ioua à son mari la ribaude Clitè-

LE CINQUIEME LIVRE

nesta, au lieu de le bien traiter après le lōg siege de Troye, ou il demeura dis ans entiers? Elle le fit cruellement morir par les mains de son ruffian Aegistus. Voulés vous en sçauoir d'auantage? Et ainsi qu'il ouuroit la bouche pour luy reciter vn milier de telles histoires, Esplandian, luy dit: Mon grād amy ie vous prie ne faites ce tort à ma Dame Leonorine: mais conseillés moi seulement comme ie me doi gouverner deormais pour lui satisfaire. Allés la voir, répondit le Roi, & s'il vous plait ie vous tiendrai compagnie. Et laisser icy nos compagnons? dit Espladian, a ie ne le ferai pour mourir. Pourquoy répondit le Roy, ne sont pas suffisants Frandalo, Manely, & les autres pour bien garder cete place, durant vōtre absence? Ie suis d'auis que vous les mandiés au iourd'hui, & leur faciés entendre, que pour quelques nouuelles, qui vous sont suruenues vous êtes cōtraint les laisser vn huit ou quinze iours, & par même moyen depêchés l'Ecuyer de Gastilles, & lui écriués que vous le remerciés affectueusement de la bonne souuenance qu'il a eue de vous, & que vous enuoyerés de brief homme expres deuers l'Empereur, avecq' la réponse de ce qu'il vous a fait sçauoir. Ce pendant ie donneray ordre que nous aurōs vn nauire prêt, pour nous porter à la montaigne Defendue: ou nous nous embarquerons au nauire de la grand' Serpente, qui ne faudra (comme ie pense) de nous conduire en Constantinople. Et regardés seulement qui voulés prendre avecq' vous pour vous tenir compagnie: Mon grand amy, dit Esplandian, faites tous ce qu'il vous plaira ie mets ma vie du tout entre vos mains. Il suffit, répondit le Roi, mais parlés à nos compagnons, & réuoyes l'Ecuyer. Si demāda Esplandian ancre & papier, & éscriuit à Gastilles, ainsi que le Roi de Dace lui auoit conseillé. Et le lendemain Frandalo, & les autres le vindrent voir à son leuer, comme ils auoyent de coutume: & deu-

sants ensemble de plusieurs propos, Esplandian leur dit: mes amys, ie suis contraint vous habandonner pour quinze iours ou trois semaines, & aller en vn affaire qui m'importe grandemēt. Ie me ne ray avecq' moi mon frere le Roi de Dace, Gandalin, Enil, & la Damoiselle Carmelle, sans plus. Ie vous prie ne le trouver mauuais: car si ie n'étois forcé de ce faire, ie vous iure ma foi, que ie m'en excuserois volontiers. Or il n'y eut celui en la compagnie, qui luy osāt demander en quelle part c'étoit: ains lui répondirent seulement, qu'il fit ce que bon lui sembleroit, & quant à eus ils garderoient trébien la place iusques à son rétour, & fut il vn an absent. Ainsi bâtissoit Esplandian petit à petit son voyage, tandis que le Roi de Dace faisoit calfreter, radoubber, & freter le vaisseaus, dedans lequel les Cheualiers de la grand' Bretaigne auoyent nauigé du Ponant au Leuant. Et étant en bon equipage vn Lundy de grand matin: Esplandian & ceus qu'il auoit nommés s'embarquerent pour tirer droit à la montaigne Defendue. Mais ils ne firent plus tôt largue en haute mer, qu'elle se leua tant impetueuse par la contrariété des vens, qu'il ne demeura antenne, voyle, ny cordage entier. Si courut fortune dis iours & dis nuits, que le patron, nautonniers non pas le conducteur du cadran n'eussent sceu dire en quelle part ou region ils étoient: car durant ce temps le brouillait & nuees rendoyent l'air si obscur, qu'a grand' peine ceus du vaisseau se pouvoyent voir l'un l'autre, & n'atendoyent (sans la misericorde de Dieu) que le brisement de le brisement de leur nauire. Ce qui leur cuyda auenir, ainsi qu'ils abordoyent la roche de la Damoiselle Enchanteresse, ou ils furent poussés sur les trois heures après minuit. Lors les mariniers ieterēt promptement les ancres, & prindrent terre atendant le point du iour.

Comme



Comme Esplandian & ceus de sa compagnie monterent au palais ruyné de la Damoysele Enchanteresse, & des merueilles qu'ils y trouverent.

CHAPITRE XXXIII.

E Splandian & ceus de sa compagnie descendus en terre ignorans le lieu ou leur nauire étoit venu surgir, firent allumer vn grâd feu, au tour duquel ils se couchèrent tous pèsans dormir : mais ils entendirent au haut de la roche vn tel bruit & huilemêt, qu'ils en furent épouventés. Si commencerent les vêts à s'apaiser : la mer deuenir calme, & se montrer le ciel tant étoillé, avecq' la clarté de la Lune, qu'il faisoit clair comme de iour. Parquoy Esplandian voulant scauoir quel bruit ce pourroit être : delibe

ra monter à mont. Toute-fois il en fut retardé par ses compagnons, iusques au len demain matin, qu'Esplandian reconneut certainement être la Roche de la Damoysele Enchanteresse, & dît au Roy de Dace : Ce m'aïtdieus ie pense auoir été autre fois icy, & èt le lieu ou le nauire de la grand' Serpente me porta le propre iour que ie receu l'ordre de cheualerie : qui me donne meilleure esperance de nôtre voyage que ie n'ay encores eu. Et ce disoit il ayant trébonne memoire du contenu de la prophetie qu'il trouua en la patte du

LE CINQUIEME LIVRE

Lyon. Adoncq' raconta au Roy de Dace comme il conquist l'espée qu'il portoit, la mort du Serpent, & tout ce qu'il y auoit veu de singulier, & ét, dit il, la roche de la Damoysselle Enchanteresse. Par Dieu, répondit Gandalin, vous dites vray: car il me souvient que poursuyuant vn Cheualier, qui emmenoit par force vne Damoysselle, ie trouuay icy Amadis vôtre pere & Grasandor, même celuy que ie cherchois caché là haut entre les ruynes du vieil bâtiment. Lors recita de poinct en poinct comme le tout lui étoit auenu, & l'amour extreme, que ce Cheualier portoit à celle qu'il auoit enleuée maugré elle. Mais, dit il, auant que nous partissions d'ensemble elle s'acorda à luy, & se promirent mariage, combien qu'au parauant elle l'eût en haine plus que chose qui soit au monde: neantmoins auertie que la force qu'il luy faisoit étoit causée seulement par trop l'aymer, oublia son mal talent, & conuertit son inimitié en vne trop grande amitié. En bonne foy, répondit Carmelle, à ce que ie voy nul ne se doit désespérer de chose qu'il entreprenne, aussi ne feray-je tant que ie vive. Et ce disoit elle pour Esplandian qui avecq' le tems la pourroit aymer, & oublier du tout Leonorine. Et tant continuerent leurs propos, q' l'aube du iour s'aparut. Adoncq', dit Esplandian au Roy de Dace: Mon compagnon, ie vous prie m'attendre icy, tandis q' ie monteray là haut: car ie ne veus qu'autre me suyue, q' Gadalín, & Enil, lesquels ie meneray avecq' moy, non pour crainte de dâger qui me surviene: mais seulement à fin qu'ils m'aydent à leuer la tôle, dont ie vous parlois n'a gueres. Monsieur, répondit le Roy, ie vous supplie ne me faire ce tort, ie ne vous habandonneray pour mourir: mêmes en ce lieu, ou i'ay vne singuliere affection de voir ce que ie ne vy oncques. Puy qu'il vous plaît, dit Esplandian, allons doncq', & que nos Ecuyers se chargent de vivres, au moins si nous voulons repâître durant nôtre sciour. A ce commâ

dement furēt les Ecuyers prôpts d'obeir, & commencerent à monter contre mont la roche, tant qu'enuiron iour failly entrèrent en l'hermitage ou étoit le grand ydole, dôt cy deuât vous à été parlé, & la passerent la nuit. Puis le lédemain reprenans leurs erres, vindrēt iusques à vn lac, vis à vis du palais ruyné: Et pource que le Soleil commençoit fort à s'abaisser, ne voulurent marcher plus auant, aussi étoiet ils las & trauaillés. Mais tant q' la nuit dura les Serpents, qui habandonnoient leurs cauernes pour venir boire, ne cesserent de siffler, passer, & repasser deuant eus pour les assaillir: ce qu'ils eussent fait sans la vertu de l'espée d'Esplandian, de laquelle nulle chose venimeuse ne pouvoit aprocher. Toute-fois ils reposerent tremal, & s'en partirent aussi tôt qu'ils peurent voir à eus conduire. Puystrauersans les ruynes, vindrent au palais de la Damoysselle Enchanteresse & trouverent les portes fermées, qu'Esplandian poussa si rudement du pied, qu'il les ouvrit, & entrèrent tous ou étoit la tombe luyfante, & le Lyon dessus. Lors dit Esplandian aus trois Cheualiers: Ce m'aïdieus, quand i'y vins l'autre voyage, ie ne peu leuer cete lame, ie vous prie que chacun de vous y essaye, puis ie verray si ie suis point deuenu plus fort de reins que ie n'étois. A cete parole s'auanca le Roy de Dace, mais pour effort qu'il y mît ne la peut remuer, non firent pas Gandalin, ny Enil, dont Esplandian se print à rire, & la laissant par les deus coings, la leua aussi aysement, qu'il eût fait vn simple boys de sapin: encores qu'elle fût d'vn Cristall épais de trois doigts & longue de dix à douze piés. Si aperceurent dessous vne pierre d'azur, la plus belle & mieus orientée que l'on eût peu voir, qui couvroit vn coffre de Cedre sentant comme bâme, fermé d'vne serrure d'Esmeraude à clef de Diamant, pendue avecq' vne petite chaîne de fin or, le tout par vn merueilleux artifice. La pierre leuée & le coffre ouvert,

virent

virent couché dedans la statue de Iupiter d'or, malsiue, & enrichie de maintes perles, Rubis, & autres bagues d'ineestimables valeurs, spécialement la couronne qui enuironnoit son chef, autour de laquelle étoient enchassés certaines Escarboucles en forme de lettres Grecques, qui contenoient ces mots. Iupiter est le grand dieu des dieux, & en sa main dextre vne table d'atâte portant cete prophétie.

A v tems auenir, que mon grand scauoir sera perdu, le serf de la serue enfermé cy dedans, & la vie restituée, par qui la mort est causée, les Grecs ouailles nourries longuement en dous pâturages, seront contraintes vivre d'une herbe amere plus que fiel, par la grande cōtrainte que leur feront les Loups marins affamés: le nombre desquels sera tant excessif, qu'ils couvriront la mer en plusieurs lieux, de sorte que ces pauvres Brebiettes encloses en leur grande forêt, & plusieurs de leurs Agneaus morts & lacerés, leur pasteur (ayāt quasi perdu toute esperance de plus a les conseruer) pleurera leur fin malheureuse avecq' angoisse de cuer & d'esprit. Lors surviendra le faon du braue Lyon, par le moyen duquel cete troupe de Loups sera chassée & defaite: & neantmoins il ôtera au grand pasteur sa puissance & la mieus aymée de ses ouailles, de laquelle il se saisira, tellement que ses fortes dents & ongles agus iouyront de son cuer, & entièrement des entrailles de son ventre, demourans le reste du troupeau au pouvoir & gouuernement de luy, & de sa fiere cōpagnie, dont peu apres auendra que la deceptiue & grand' Serpente, l'espée Enchantée, & cete haute roche s'abîmeront au fons de la mer Pontique, si qu'ils ne seront iamais veus d'homme viuant. Et combien qu'Esplandian entendit très bien le Grec, si ne peut il comprendre, ne donner tour, ne atainte à la signification de cete prophétie, ny autre de sa compagnie, aussi ne s'y voulurent ils longuement amuser, ains furent trop plus ententifs à re-

garder les pierreries & richesses qu'ils trouuerent en la tombe, laquelle ils delibèrent emporter quant & eus, & retourner en leurs nauires, sans faire là plus long sejour: car leurs vivres commençoient à faillir. Au moyen dequoy Esplandian commanda à Carmelle prendre le Lyon, & luy avecq' le Roy de Dace chargerent la lame de cristal: Gandalin & Enil celle d'azur, & les Ecuyers le coffre de Cedre, avecq' le Iupiter qui étoit dedans. Et en cete equipage sortirent du palais, & deualerent contre bas la roche, tant qu'ils arriuerent en l'hermitage apres nuit fermée. Puy le lendemain reprenans la sente qu'ils étoient venus, firent en sorte qu'ils entrèrent en leur nauire vn peu deuant Soleil couché. Et pource qu'Esplandian ne vouloit être veu en Constantinople, sans le vaisseau de la grand' Serpente, commanda au Pylote r'adresser leur route droit à la montaigne Defendue, ce qu'il fit. Mais ayans nauigé deus iours ou plus, ainsi que le Roy de Dace deuisoit avecques Esplandian, de la lettre qu'on luy auoit écrite, luy demanda s'il seroit point d'auis qu'il fit vn voyage vers la Princesse Leonorine, pour entendre à la verité cōme il étoit en sa bonne grâce. Car (disoit il) peut être que Gastilles a mal entendu, ou que l'Empereur même luy a commandé vous donner cete trouffe, à fin de vous hâter de le venir trouver. Pour le moins ie scauray d'elle cōmme il luy plaît qu'elle vous voye & que vous gōuernés enuers elle. Ah ah mon grand amy! répondit Esplandian, vous me touchés droitement au mal qui me grieve le plus, & qui m'est quasi intolerable! Si vous me vbuliés faire tant de bien, vous m'obligeriés grandement à vous: & cependant ie vous iray attendre au gouffe, ou ie vous trouuay premierement avecq' Frandalo, quand nous leuâmes le siege de la montaigne Defendue. Asséurés-vous, dit le Roy, q' ie me mettray en tout de noir. Or étoit ordinairement attaché, à ce nauire vne petite

LE CINQYIEME LIVRE

te barque, que le patron faisoit mener outre l'équif, pour sauuer luy & les siens, si quelq' naufrage les surprenoit: en laquelle entra le Roy avecq' mariniers pour le conduire. & prenans congé d'Esplandian, singlerent à Ource avecq' si bon vêt, qu'e peu d'heure se perdirent l'un l'autre de veüé: mais la nuit ensuyuant survint telle tēpête, qu'au poinct du iour le Pylote du Roy fut hors de toute cognoissance de son adresse. Et sans scauoir ou, ny en quel le part ils auoient été poussés, fut cōtraint d'habandonner le vaisseau ou il étoit à la mercy des vagues, par l'espace de quarante iours entiers, durant lesquels ils eurent tant de fortunes, que ce seroit chose prolixie à le vous raconter. Aussi sortirons nous du propos ou nous sommes entrés, pour donner fin à nôtre histoire. Sufise vous qu'étans au bout de leurs vivres, vindrent descendre en l'Ile du Geāt Draphiō, ou le Roy de Dace & son Ecuyer perdirent l'entendement par la vertu de l'eau qu'ils beurent en vne fontaine d'oubliance, qui sourdoit en ce païs là, & furent prins & enfermés en vne cruelle prison, de laquelle ils sortirent quelque tems apres, par le moyen d'une Damoysele qui s'éamoura du Roi, & luy fit recouurer santé, armes, cheuaus, & vaisseaus, avecq' tout ce qui étoit necessaire pour lui & son Ecuyer, puis s'embarqua avecq' eus. Et cotoyant la marque Treuisane, vindrent surgir en certaine Ile, ou l'on vouloit brûler vne Gentil femme, pource qu'elle n'auoit Cheualier qui osât soutenir sa querelle. Mais le Roy la defendit, vainquit celui qui l'acusoit, & emmena cete Damoysele faisant largue en mer, tellement que sis iours apres passant le long d'une plage, aperceut vne bien belle fille dans vne tour, ou la tenoit prisonniere vn Seigneur du païs, pour la raison qu'elle declara au Roi par vne fenestre qui auoit veüé sur la marine, & pour l'amour d'elle descendit le Roy en terre pour combattre l'autre, tant qu'il deliura cete pauvre captiue. Telles

furent les auantures du Roy de Dace, recitées au longes grandes croniques que maître Helisabel escriuit peu apres le coronement d'Esplandian: éuelles les prouesses & entreprinse des Cheualiers de la grand' Bretagne & autres demourés à Alfarin, sont semblablement redigées & mises par ordre. Contentés vous pour cete heure d'entendre la maniere qu'Esplandian & la Princesse Leonorine se virent: cōme depuys Vrgade la Décogneüe vint en Constantinople, des armées tant par mer q' par terre, & de la bataille trescruelle que se donnerent les Roys du Leuāt & Ponant, laquelle prenant fin, finira pareillement cete histoire. Mais ayant plusieurs choses à décrire, auant que venir à ce poinct, nous retournerons à Esplandiā, qui s'ébaissoit de iour en iour, & de plus en plus, qu'il n'auoit nouvelles de son cōpagnon, lequel l'auoit laissé pour la raison qui vous a été déclarée.

Comme Esplandian, ayant attendu le retour de Garinter Roy de Dace, par l'espace de deus semaines, & voyant qu'il n'en auoit nouvelles, delibera (par le conseil de Carmelle) aller en personne en Constantinople.

CHAP. XXXV.

A Pres que Garinter Roy de Dace eut prins la route de Cōstantinople, comme il vous a été dit: le nauire d'Esplandian tira au goulfe, ou il auoit promis l'attendre, & y demoura ancré deus semaines, sans qu'il eût nouvelles de ce qu'il desiroit le plus. Lors se douta, ou que le Roy de Dace étoit pery, ou que fortune auoit écarté son vaisseau. Parquoy delibera enuoyer l'un de ses mariniers apres pour s'en enquerir: toutefois il voulut premier en parler à Carmelle, & eüs deus retirés à part, luy dit: Ma grand' amye, vous scaués à quelle raison le Roy de Dace nous laissa dernièrement, & l'entreprinse de son voyage, mêmes la promesse qu'il me fit de retourner incontinent, & neantmoins nous n'en auôs vêt

ne voye, qui me fait penser aſſeurément, ou qu'il ſoit mort, ou que la tourmente l'ayt ieté en ſi lointain païs, qu'il ne peut ſatisfaire à ſon intention ny à la mienne. Parquoy ie vous prie me cōſeiller que ie doy faire : car ceus qui ſont paſſionés de ſemblable mal que le mien, encores qu'ils ayent l'entendement ſain en beaucoup de choſes, ſi leur défaut il communément en ce qu'il leur touche quant à ce poinct. Monsieur, répondit elle, puis qu'il vous plaît vſer de mon conſeil, ie vous diray ſi delement ce que i'en penſe. Tant y a que ſi vous auies cherché tout le monde, à pei ne trouveriés vous perſonnage qui me peût paragonner pour iuger de la paſſion dōt vous vous plaignés : car elle ét en moi comme en vous. Ie la ſens comme vous, & peut être d'auantage : ce neantmoins l'ayſe & grand contentement que ie reçoÿ de vōtre preſence, m'ont aporté tant de remede, que ie près plaisir à mon mal, & ne vy que pour le faire durer. Or penſois-je ſur mon ame (à l'heure que vous m'aués entamé le propos du Roy de Dace) à ſa longue demeure, & me ſemble, pour le mieus, que nous deuōs faire voyle en Conſtantinople, vous aſſurant que i'ay vn moyé pour vous adreſſer à ma Dame Leonorine, en ſorte q̄ la pourrés voir & parler à elle, ſans être cogneu d'autre, que d'elle, ſi bō lui ſemble. Et pour y paruenir il ſera neceſſaire (nous arriués au port) que tous ceus de ce nauire ſoient auertis (ſi aucun vous demande) de dire q̄ vous êtes demouré en la montaigne Defendue, & ce pendant vous vous tiendrés caché au fonds du vaiſſeau ſur la ſauoure, & yrons Gandalid, Enil, & moy, trouver l'Empereur, auquel ie feray entendre que vous m'enuoyés vers ma Dame Leonorine, pour luy preſenter de vōtre part ce q̄ vous aués conquis en la roche de la Damoyſelle Enchâtereffe, & du ſuplus laiſſés m'en faire. Quand Esplandian l'eut écou-tée longuement, il demoura tout penſif, puis luy dît : Ma grâd' amye, ie ne crains,

ny doute aucunemēt la mort, auſſi ne me ſcauroit elle venir plus aigre & ennuyeuſe que la vie que ie ſouffre : mais ie crains le deſhonneur de ma Dame, & l'iniure que ie pourrois faire à l'Empereur, qui a tant obligé mon pere enuers luy, que i'en ſerois blâmé toute ma vie : Toute-fois ie me mettray en tous les hazards qu'il vo⁹ plaira. Il ſuſit, répondit Carmelle, ie vous prie reſiouiſſés-vous, & faites grand che-re : car ſi femme vint onques à bout de choſe qu'elle entreprit, i'en viendray de cété cy. Adoncq' laiſſa Esplandian, & apel-lant le patron, luy commanda faire voy-le, & tirer en Conſtantinople. A quoy il pourueut ſi diligēment, que le troiſième iour d'apres ils entrèrent au port, & là Esplandian declara à ſes gens ce qu'il auoit reſolu avecq' Carmelle, leur deſendant par exprés qu'ils ne diſſent à creature vi-uante qu'il fût ailleurs qu'en la montai-gne Defendue. Car, diſoit il, ie ne ſuis maintenant en equipage pour me preſen-ter deuant vn tel & ſi grand Prince qu'ēt l'Empereur. Et à fin qu'on ne vous trouve menſongers, ie me tiendray au fonds du nauire tant que nous demourerons icy. Lors luy & Carmelle, avecq' Gandalin & Enil parlerent enſemble, & commença la Damoyſelle à declarer amplement la ſor-te qu'elle entendoit donner fin à ſon en-treprinſe. Ie feray, dît elle preſentement dreſſer ſur le tillac la tombe que nous auons aportée de la roche de la Damoyſel-le Enchantereffe, ny plus ne moins que nous la vîmes premierement. Puis m'en iray vers l'Empereur, luy dire que i'ay en ce nauire l'vne des plus ſingulieres choſes qu'il ayt oncques veü. Et trouveray moyen de le faire décendre iuſques icy, ou ie luy montreray le Lyon, Iupiter, & tout le reſte. Et l'ayant bien veu, luy diray q̄ vous enuoyés le tout à ma Dame Leonorine, & luy retourné en ſon palais en-trerés au coffre de Cedre, & vous feray porter en la chambre de la Princeſſe de-dans cête tombe, couché de vōtre long,

dont

dōt ie l'auertirai secretemēt: & par cemoiē elle pourra parler à vous & vous à elle, cō me bon luy semblera. Oy: mais, répondit Esplandian, la maniere puis apres de sortir? Ie la prieray, dît elle, de me donner le coffre de Cedre pour inhumer le corps de Matroco, qui morut bon Chrétien, dedās lequel vous serés enfermé, & demain de grand matin ie vous feray rapporter ceans. Par Dieu, répondit Gandalin, voylà la plus gentile inuention du monde, & confesse maintenant q̄ ie ne fu oncques qu'une bête au respect de Carmelle. Ne vous mélés, dît elle, que de faire bonne mine, remettés à moy le surplus & commencōs presentement. Si decendit Esplandian à la sauoure, & ordonna la Damoysselle de la tombe ainsi qu'elle auoit pourpensé. Puys elle, Gandalin, & Enil, aborderent en terre, & vindrent trouver l'Empereur qu'ils saluerent treshumblement, non pas Carmelle: car comme il vous a été dit, elle ne faisoit estime d'homme viuant, tant grand Prince ou Seigneur fût il, que d'Esplandian. Or étoit elle & Gandalin allés cogneus en Constantinople, pour le long sejour qu'ils y auoient fait autrefois: parquoy l'Empereur receut Gandalin treshumainement, & luy dît d'un bon visage: Gandalin mō amy, encores que vōtre presence m'ayt apporté vn enuieus déplaisir, me souvenat vous auoir veu pardeça avecq' la personne de Chrétienté que i'ayme autant & que ie n'espere iamais recouvrer, si soyés vous le trébiē venu, & pour Dieu dites moy cōme se porte le bō Cheualier à la verde Espée. Sire, répondit Gandalin, il y a de ja long tems que ie le laissay pour venir par deça: toute-fois ie sçay bien qu'en quelq' part qu'il soit vous aués en luy vn Prince autant vōtre que le sauriés demander. En bonne foy, dît l'Empereur, ie le croy, & suis trefaîse du bien q̄ l'on m'a donné à entendre luy auoir été fait par le Roy Lisuart, qui volontairemēt s'ēt démis de sō royaume & l'en a inuesty. Sire, répondit Enil, c'ēt chose vraye, ie le

vous puis asseurer cōme celuy qui étoit present quand il a été couronné. Et combien que ie luy desirasse la Monarchie de tout le monde, certainemēt selō les gestes & humble contenāce du bō Roy Lisuart, ie ne peu lors me tenir de pleurer, tant fai soit de compassion: non pas à moy seul, ains à tout le peuple qui le regardoit. Ie vous prie Cheualier, dît l'Empereur, me conter cōme cela auint: car tous prud'hōmes sont obligés, non seulemēt à sçauoir les choses vertueuses, mais à les imiter à leur possible. Lors Enil cōmēça à discourir entierement ce q̄ vous aués entēdu de ce fait. A quoy l'Empereur (tenant la tête baissée) réua lōguemēt, puis dît tout haut: Ie croy en verité que beaucoup d'ans s'écouleront premier q̄ l'on treuve vn meilleur Prince que le Roy Lisuart, ne qui ayt passé sa ieunesse avecq' plus de prudence & de magnanimité de courage. Aussi à ce q̄ i'en ay peu cognoître Fortune & vertu luy ont été fort fauorables. Fortune en luy donnant force pour vaincre & obtenir gloire sur plusieurs malheurs & entorses qu'elle mêmes luy preparoit. Puys Vertu l'ayāt reduit sur la fin de ses iours, au chemin pour aquerir paradis. Et acheuant cete parole changea propos pour s'adresser à Carmelle, à laquelle il demanda par guadisserie, si elle étoit aussi passionnée de l'amour d'Esplandian qu'elle souloit être. Sire, répondit elle, s'il y a en moy quelque chose de changé (depuis que ie ne parlay à vous) c'ēt que l'amour, la seruitude & affection que ie porte à ce luy à qui ie suis, sont de beaucoup, augmentés, & s'accroissent tous les iours. De cete parole chacun se print à rire. En bonne foy, dît l'Empereur, nous pouuons doncques bien croire que vous n'êtes venue en cete court pour patiquer quelqu'une de nos Damoysselles en l'amour du bon Cheualier, encores qu'il le vous eût expressement commandé. Sire, répondit elle, vous iugés selon que la raison devroit être: toute-fois

fois ie prens si grand plaisir à le servir en tout ce qui le contente, que ie ne veus rien excepter. Et a parler veritablement mon arriuée vers vous, ét pour vous demander vn don, non pas d'or n'y d'argent: mais seulement qu'il vous plaise descendre la bas iusques au port, & voir vn present que mon Seigneur Esplandian enuoye à ma Dame Leonorine, comme son Cheualier. Ce m'aïtdieus, dit l'Empereur, vous nous requerés chose dont nous mêmes vous deuriōs biē fort prier. Venés dōques presentement sire, dit Carmelle, car mon seiour ne peut être long par deça: Lors sortit de son palais l'Empereur, acompagné de mains preud'hommes, & arriués sur la greue, entrèrent au nauire de Carmelle, laquelle luy montra la tombe de Cristal, puis celle de pierre d'Azur, & finablement la statue de Iupiter, ou l'Empereur s'arrēta plus qu'a nulle des autes choses, non pas tant pour toutes les richesses, que pour lire la prophetie qu'elle tenoit, & l'ayant leuē ne se peut trop ébair. Ce que cognoissant Carmelle, luy dit: Sire, tout ce que vous voyés a demouré deus cents ans & plus au palais ruyné de la Damoyfelle Enchanteresse, & toute-fois durāt ce tems nul Cheualier pour preus & vaillant qu'il ayt été, ny effort qu'il y ayt mis, ne l'a peu cōquerir, non pas voir seulemēt, iusques à ce q̄ mō Seigneur Esplandiā y soit arriuē, qui s'ē ét fait maître & possesseur cōme vo^s voyés. Vrayement, répōdit il, voicy le plus beau present que ie vy onques, & digne de plus grāde amiracion: cars'il ēt de richesse non pareille, encores ne l'estime-ie rien, au respect du sçauoir qui fut en celle à qui il apartint premieremēt, cōme elle nous dōne bien à cognoître par le cōtenu des menaces qu'elle nous fait en cēte table d'atēte, & Dieu vueille q̄ tout aille mieus, q̄ ie n'ē espere. Sire dit Carmelle, encores qu'il soit tel, si crains-ie q̄ ma Dame vōtre fille ne l'ayt tant à grē, qu'elle vueille (en recompense) quiter le bō Cheualier Ama-

dis, & celuy à qui ie suis, de la promesse qu'ils luy ont faite. Ie ne sçay pas cela, répondit l'Empereur, mais ie suis assuré de longue main, q̄ nul tresor temporel ne se peut egaler au bien & vertu qui ēt en vōtre maître. Aussi ne consentiray-ie iamais que Leonorine face cēt échange: ayant trop mieus Esplandiā en ma compagnie, que tous les tresors de la terre es mes coffres, & à bō droit: veu q̄ le méchant peut bien tesoriser d'or & d'argent, non pas de Vertu, qui n'ēt familiere sinō à ceus qui la cherchent. Ainsi donques r'emportés vōtre present, si bon vous semble: car Esplandian ne peut demourer quite enuers nous, q̄ par la presence de soy-mêmes. Sire, dit Carmelle, i'ay commandement de le laisser à ma Dame Leonorine, soit sous cēte condiciō, ou autrement. Et s'il vous plaît, puis qu'elle n'ēt venue quāt & vo^s, ie le feray porter en sa chambre. Carmelle, répōdit l'Empereur, ma fille ēt allée avecq' l'Imperatrix à vn mille d'icy, elle de retour vous le lui pourrés presenter, & croy qu'elle ne le refusera pas: nō tant pour la valeur, q̄ pour le bien q̄ ie veus à celui qui le luy enuoye, cōme elle sçait trébiē. Ce disant laissa Carmelle & retourna à terre, prenant le chemin de son palais, nō sans deuiser avecq' ses Gentilshōmes de l'excellence de cēte tombe. Et tant plus ils en parloient & plus l'auoient en grande estime, de sorte qu'ils assurerent publiquement n'auoir veu de leurs vies present si riche, ne de telle singularité.

Comme Esplandian fut mis dedans le coffre de Cedre, & porté avecq' la tombe en la chambre de la Princesse Leonorine, & des propos qu'ils eurent ensemble.

CHAP. XXXVI.

Pres q̄ cēte troupe se fut retirée, cōme il vo^s a été dit: Carmelle appella Esplandian, qui tandis s'ētoit tenu couché au fonds du nauire, & luy raconta la maniere q̄ leur entreprinse auoit été executée, les propos q̄ l'Empereur auoit eus d'arriuée avecq' Gā dalin,

LE CINQUIEME LIVRE

dalin, & Enil, & quand & quant tout ce q̃ vous aués entendu. Sur mon ame, répondit Esplandian, ie ne fu onques en telle peine: car vous oyant tous parler, fors ma Dame Leonorine, ie ne scauois que penser quād l'Empereur vous a affermé qu'el le n'étoit pas en la ville: croyés que celà m'a donné vn grand reconfort. N'ay ie pas bien ioué mon personnage? dît Carmelle. Oy le mieus qu'il ét possible, répō dit Esplandian. Et s'il ét vray ce que l'on dit, que bien commencer fait quasi toujours bien parfaire: ie me tiens assuré q̃ ie viēdray au dessus de mes ataintes. Ainsi deuisoit Esplandian avecq' la Damoyelle, Gandalin, & les autres: & ce pendant la nuit survint, & retourna l'Imperatrix des champs. Ce qu'entēdu par Carmelle, fit incontinent coucher Esplandiā au coffre de Cedre si proprement, qu'il auoit air de tous côtés. Puis le couvrant des lames de Cristal & d'Azur, Gandalin, Enil, & leurs Ecuyers prindrent la tombe, & acompagnés de la Damoyelle, sortirent de la nef, & vindrent au palays. Or fut incontinent Leonorine auertie du beau present, que luy enuoyoit Esplandian, & atendoit Carmelle en bonne deuotion: car on luy auoit dit, que sur le tard elle le luy feroit apporter en sō logis. Parquoy aussi tōt qu'elle l'aperceut vint au deuāt, acompagnée de maintes Dames & Damoyelles, autāt curieuses qu'elle de voir cete singularité. Adoncq' Carmelle, qui l'aperceut venir, s'auança, & lui faisant vne grand' reuerence, luy dît: Ma Dame, le bō Cheualier Esplandian vous enuoye ce present, qu'il a conquis puis n'agueres en la montaigne de la Damoyelle Enchanteresse, suyuant le bon heur & destinée qui luy étoit promise passé a cent ans. Et le vous enuoye expressement, pour vous faire cognoître de plus en plus le grand desir qu'il a d'être auoué vōtre Cheualier. Toute-fois, auāt que passer outre, il ét requis que vous me prometties deus choses. La premiere, que vous, ny autre, regarderés dedans la

tombe iusques à demain matin, que ie retourneray vers vous avec la clef, pour ouvrir vn coffre de Cedre que vous y trouuerés. La seconde qu'après l'auoir ouvert m'en ferés present pour le porter au lieu ou mō pere ét Hermite: & là inhumer les os de Matroco, lequel mourut bon Chrétien, comme vous aués peu sauoir. Carmelle m'amy, répondit l'Infante, celà vous promettay- ie bien: & neantmoins ie m'ébai qui meut Esplandian de differer tant à venir voir l'Empereur. Ma Dame, dît elle, vous le saurés demain: & attendant auilés ou il vous plaît faire décharger nos gens. En cete grand' salle, répondit Leonorine, à ce que mes femmes le voyent plus à leur aysē. Par ma foy, ma Dame, vous me pardonnerés, dît Carmelle, ce lieu ét trop commū pour laisser chose tant precieuse, ie ne dy qu'elles n'ayent le plaisir de le voir: mais l'ayant veu, il sera pour le mieus mis en vōtre garde-robe, dont vous aurés la clef & non autre. Lors ceus qui portoient la tombe entrèrent en la salle, & la mirent au mylieu, atendants que Leonorine & les autres l'eussent regardée & contemplée à leur aysē: & n'eūt été la presence de Carmelle assuré vous qu'elle eūt été encores bien mieus visitée. Mais elle ne voulut partir de là, premier qu'elle fût enfermée. Puis print congé, & sortant hors tira à part la Princesse: & luy baillant la clef du coffre ou étoit Esplandiā, luy dît: Ma Dame, ie vous laisse en cete tombe deus trefors d'ineestimable valeur, combien que la difference en soit trégrande, ainsi que vous pourrés cognoître, vous retirée seule: tant y a q̃ sous cete clef gît la chose du monde que vous aués plus souhaitée en vōtre compagnie. Et sans attendre réponse de Leonorine, Carmelle sortit de de la chambre: & avecq' Gandalin & sa compagnie retourna en son nauire, laissant la Princesse en vne merueilleuse doute, pour les paroles qu'elle luy auoit tenues. Et tellement imprimā en sa fantasie que c'étoit Esplandiā mort,

mort, qu'elle fut cōtrainte faire sortir toutes ses Damoiselles, fors la Roine Menoreffe, qui demoura pour luy tenir compagnie. Lors se ieta sus son liēt, & commença à faire vn dueil non pareil, fondāt quasi en larmes. La Roine Menoreffe ébaïé de cete mutation si prompte, ne sçauoit que penser: toute-fois voyant que d'heure à autre son ennuy augmentoit, s'aprocha d'elle, & luy dit: Ma Dame, ie vous suplie ne me celer plus longuement la cause de vōtre tristesse: car ie vous iure ma foi, si i'y puis donner remede, que ie m'y emploieray comme pour moi-mêmes. Leonorine, qui soupiroit sans cesse, ne peut de lōg tems rēdre aucune raison: mais à la fin importunee iusques au bout lui répōdit: Helās m'amie, pour Dieu laissez moi en pais, & vous suffise que ie n'eue oncques si grand desir de viure, que i'ay à present de mourir. Comment! ma Dame dit la Roine, ne me dites vous autre chose? Non, répōdit Leonorine. Et en bōne foi, dit la Roine, vous me ferés doncques tort, & aurai raison d'estimer que l'amitié que vous maués monstree par le passé, a été simulee, dont ie me plaindray à iamaïs: attendu que ie vous ay été telle, que i'eusse hazardé pour vous, non seulement ma vie, mais mon honneur, & mon ame. Quand Leonorine l'entendit parler de telle affection, elle s'assura quelque peu, & luy répondit: Vous aués enuie de le sçauoir: & vous le sçaurés tout maintenant, sous condition q̄ vous metrés plus peine d'auācer mes iours que de les retarder, puis que i'ay delibéré mourir. Or il vous peut encores bien souuenir de la premiere fois que Carmelle vint par deça apporter nouuelles d'esplandian, fils du bō Cheualier à la verde epee, qui auoit cōmandement de par son pere (cōme elle disoit) de se retirer vers nous pour nous seruir en son lieu, suyuant la promesse qu'il nous fit luy état en cete court. Et faignoît Carmelle que, pour cete seule occasiō, esplandia l'enuoyoit en Constan-

Am. 5.

tinople, à fin de le faire entendre à l'empereur & à nous toutes. Mais il y auoit bien autre anguille sous roche: car elle venoit expres pour me prier auoir compassion de son maitre lequel par trop m'aymer & desirer, viuoit en la plus étrange langueur que l'on sçauoit penser: Dont il auint q̄ vaincuē d'vne infinité de remonstrances qu'elle me fit: ie confermay en mon esprit ce que la renommee de luy y auoit imprimé au parauant, & me mis à luy vouloir bien plus qu'à moy-mêmes. Non que i'aye de ma vie pensé cōmettre faute qui peut entacher mon hōneur, ains seulement faire gloire d'auoir vn tel Cheualier mien, & prêt à m'obeir. Si créut ce feu, & s'ēt augmenté en mes entrailles de sorte, que ie ne puis pēser à autre qu'à Esplandian, l'amour duquel m'a depuis tāt sollicitée, que sa longue absence m'a cūdé faire mourir. Et neantmoins l'attente que i'auois de le voir de iour en iour m'a donné effort pour porter mon mal, avec telle patience, que vous ny autre ne s'en ēt aperçeu, cōme ie croy. Et tout ainsi que le Nautōnier trauerfant les vndes en tēs d'orage, & de tempête, cuydant faire diligence d'aborder au port de salut rencontre quelque écueil, qui arrête son vaisseau, & tōbe en naufrage, moy aussi pauvre infortunee, pēsant être au bout de mes malheurs par la presence de celui que i'atendois suis tombee au gouffre de desesper, considerant les propos que m'a n'a guerres tenus Carmelle, me disant tout bas ces mots: Ma Dame ie vous laisse en cete tombe deus trefors, l'vn dequels ēt la chose du monde que vous aués plus souhaitée en vōtre compagnie. Qui me fait bien penser que ce ne peut être autre q̄ le cors d'esplandian mort: & que (cōme il ēt vrai semblable) il a voulu m'être apporté pour le plaindre & pleurer, ce que ie feray toute ma vie: laquelle ne me sera plus guerres longue, s'il plaît à Dieu. Disant cete parole iera vn haut soupir, & demoura éuanoyé entre les bras de la Roine Menoreffe, laquelle

G

LE CINQUIEME LIVRE

quelle bien ébaie d'ouïr cete Princeſſe tenir propos tant éloignés de l'eſtime ou elle l'auoit tou-jours eue, ne ſceut de prime face comme elle la deuoit conſeiller, ny conſoler. Toutefois conſiderant l'extremité ou elle étoit, voulut pourvoir aus deus accidens qui s'offroient à l'heure, & courut querir de l'eau froide, qu'elle lui ieta ſus le viſage. Au moyen dequoi elle reprit ſes eſprits, & commença la Roine à luy dire: Comment? ma Dame, voulés vous ieter le mêche après la coignée? Vous lés vous être eſtimee folle, & perdre la reputatiō que vous aués par tout le monde? Ou ét cete cōſtance, cete modēſtie, & prudēce, qui vous ſouloit être ſi familiere? Faut il que pour vne parolle (pour être mal entendue) vous vous oubliés ainſi? Et quand bien il ſeroit vray que Eſplandian fut mort, le poués vous r'apeller par cete paſſion? Sus mon Dieu patience (au pis aller) vous deuroit ores faire compagnie, non pas iouer à quite, ou double, comme vous faites. Par vos propos mêmes Carmelle vous a dît, que la choſe que vous deſirés le plus ét enfermee en cete tombe: ét il inconuenient qu'Eſplandian, n'y ſoit viſ? Seroit ce le premier amy qui auroit fait ſemblable entreprinſe pour l'amour de celle qu'il ayme? Il y a bien vn biē: car ſi ie deuois rompre & tōbe & tōbeaus, ie verrai preſentement ce qui en ét. Helàs ma couſine, répondit la Princeſſe, ie crains beaucoup que vous le voyés trop tôt pour moi, car ſ'il ét mort (cōme ie penſe) aſſurés vous que ie luy tiendrai cōpagnie premier qu'il ſoit iour. Le vous prie, dît la Roine, ne ſoyés malheureuſe deuant le tems & me laiſſés faire: Tenés dōcq', répōdit Leonorine, voylà la clef q me laiſſa Carmelle ſi la point Menoreſſe & entrât en la garderobe ou étoit la tōbe, leua la premiere lame de Criſtal, & demanda aſſés haur ſi quelqu'vn étoit dedans. Eſplandian à qui vne heure auoit duré vn an, attendant cete auanture, oyant parler la Roine, répondit incontinent: ouy, ma

Dame. Et qui êtes vous? dît Menoreſſe. Ma Dame, répondit il, ie ſuis l'heureus ou bien fortuné Eſplandian, qui me ſuis enfermé en cete tōbe, prêt à recevoir la mort ou la vie, cōme il plaira à ma Dame Leonorine vſer de pitié, ou de rigueur enuers moi. Eſtes vous Eſplandian, ſis du bō Cheualier à la verde Epee, qui nous a tant de fois promis par meſſages venir ſeruir ou y enuoyer qu'elqu'vn. Ouy ma Dame répondit il, & qui pour acomplir ma parole, me ſuis fait apporter ceaus ainſi que vous voyés. Si vous me volés promettre, dît la Roine, & iurer de ne paſſer mō cōmandement, en choſe que ie vous ordonne: ie vous ferai voir & parler à celle, q vous deſirés tant ſeruir. Celà vous promettray ie bien, répondit Eſplandian, & plus grand'choſe, ſ'il vous plaît pourueu que ma Dame le vueille & en ſoit contente. Il ſuffit, dît la Roine. Adoncq' leua la ſeconde lame puis ouvrit le coffre où il étoit, & ſortant dehors fit vne trēgrande reuerance à la Roine. Or ne la connoiſſoit il encores: mais elle lui dît à l'inſtant: Si-re Cheualier peut être aués vous ouy parler de moy quelquefois. Je ſuis Menoreſſe, qui pour deliurer de peine ma Dame, & vous, ay bien voulu vous tirer de cete priſon. Et poutāt ie vous prie tenés vous coi & m'atendés icy. Ce diſant vint trouuer Leonorine, qui trembloit comme la fueille ſus l'arbre, & d'vne gaieté de cuer luy dît: Ma Dame, quand l'hiver a été rude & long, on dît communément q l'été dure plus, & ſe treuve plus beau. Après auſſi vne grāde triſteſſe ſuruiuent vne trop plus grand ioye. Vous aués pleuré vōtre Eſplandian pour mort: mais ie ne vi de ma vie mort ſi beau ne mieus parlāt, que le mort q i'ay trouué dedās cete tombe. Et venés voir ſi reſue, ou non. Quād Leonorine entendit Menoreſſe parler d'Eſplandian en telle ſorte, & rire quant & quant, le cuer, lui commença à treſaillir de grand' ioye: & ſe leua de ſon lit ſans répondre vn ſeul mot à la Roine, courut droit

droit à la garde-robe, à l'entrée de laquelle elle auisa celui qu'elle auoit tant regretté, qui aussi tôt mit les genoux en terre pour lui baiser les mains. Mais Leonorine ne voulut lors user de telle cérémonie, ains oubliât tout son acoutumée modestie, la gravité legiere, requise à ses semblables, mêmes la honte, qui communément accompagne Dames vertueuses & sages, ne peut tant commander à soy-mêmes, qu'elle ne se jetât entre les bras d'Esplandian: le baillant avecq' toute telle priuauté, que si elle l'eut veu, aimé, & conneu toute sa vie. Et croi certainement que si la Roine Menoresse ne l'eut retirée & reprise de cete legiereté, qu'à l'heure ces amants fussent trepassés veu que les esprits d'eux deus, auoient habandonné toutes les parties du cors, pour s'approcher de leurs bouches, & caresser l'un l'autre, iusques sus l'extremité de leurs prés de sortir & passer outre. Je ne di pas que la Roine Menoresse n'eût tort: & au contraire si quelqu'un vouloit accuser Leonorine de folie, ou inconstance: ie luy réponds qu'elle est trop excusable, & en l'un, & en l'autre. Car encores qu'elle n'eut onques veu Esplandian, & qu'il semble par raison qu'elle le denoit mieus connaître premier que de luy faire si grande priuauté: il faut bien estimer (comme il est vray) qu'Amour l'auoit de long tems si bien gravé & empreint en son cuer, qu'elle le voyoit ordinairement des yeus de son esprit. Et tout ainsi que nature s'étoit étudiée à la rendre parfaite en tout ce qu'elle auoit peu, Amour semblablement auoit prins plaisir à la faire plus aimante & aimée qu'autre qui ait été deuant elle. Parquoi il ne se faut émerveiller si elle monstra tant bon visage à son amy cete première fois, atêdu la peine & le long tourment qu'elle auoit souffert, depuis le iour que Carmelle luy en apporta les premières nouvelles. Ainsi doncques étans ces deux amans l'un deuant l'autre (Esplandian toujours à genoux) se montroyent si ravis,

que la Roine Menoresse ne se peut tenir de dire à Leonorine: Ma Dame, il me semble que vous feriez bien de commander au Cheualier qu'il se leuât, & le mener en votre chambre puis deuisés ensemble tant que la nuit durera, si vous le trouués bon: mais de le laisser ainsi à genoux sus ma foi il n'y a point d'ordre. Ma grand'amy, répondit Leonorine, il nous a fuys deux ans & plus: maintenant ie le veux tenir si près de moy, qu'il ne nous puisse plus échaper. Lors le print par la main, à fin qu'il se leuât: toutefois il n'en fit semblant, ains luy dit: Ma Dame, Gastilles me manda n'agueres à Alfarin, que vous me portiez quelque mauuais vouloir, ie vous supplie m'en dire la cause: car si ie vous fis onques faute, ç'a été seulement pour vous aymer de tout mon cuer come ie suis tenu. Et neantmoins, s'il vous semble que j'aye en cela trop presumé, pardonnés moy & m'en donnés telle punition, que bon vous semblera. Mon amy répondit elle, votre longue absence m'a causé tant dennuys, que ie vous prie & commande ne vous éloigner plus ainsi de moi. Ma Dame, dit Esplandian, ayant fait (sous votre congé) encores un voyage vers mes compagnons qui pourroient mal peser de les auoir laissés en l'affaire pour venir prédre icy mon plaisir: ie vous iure sus mon honneur que ie ne vous offenserai iamais pour cete occasion ny autre qui puisse suruenir. Cela vous acorde ie bien, dit elle, pourueu que retourniés le plus tôt qu'il vous sera possible. Au reste, ie veux que d'icy en auant vous m'aymiés en sorte, qu'autre que moi n'aye puissance sus vous, & que vous soyés mon Cheualier. Or vous leués puis ie vous ferai entendre le surplus de mon vouloir. A ce commandement se leua Esplandian, & le prenant Leonorine par la main dextre le conduisit en sa chambre, puis le fit asseoir en une chaire & elle auprès de lui. Lors commencerent à raconter les peines qu'ils auoient souffertes: la sorte que leur amour fut

LE CINQVIEME LIVRE

premierement bâtie qui en moyenna la cause, & le but ou ils aspiroyent, qui étoit le futur mariage d'eus deus. Et tellement s'altererét l'un l'autre, que si la Roine Menoresse n'eut serui de témoing (veu la colere ou ils étoient) ie ne sçai si en atendât ils s'entrefussent rien préte. Ainsi passerent la nuit ces deus amans tant que l'aube du iour commença à poindre. Ce que voyant la Roine s'aprocha de Leonorine, & lui dit Ma Dame, les plus courtes folies sont les meilleures: il ét dé ja grand iour, & pourra l'Imperatrix enuoyer quelqu'une de ses femmes, ou elle mêmes venir voir comme vous vous portés: car er soir tout tard on lui dit q vous vous trouués mal. Pour Dieu donés congé à ce Cheualier, & le renfermons à fin que ne soyons surprins. Làs combien peu agreables furent ces nouuelles à Esplandian, & mêmes à l'Infante, laquelle preuoiant le dâger qui pourroit auenir étât trouués ensemble, lui dit: Mon amy, cete nuit bien heureuse, & qui nous a tant fauorisés, vous fera s'il vous plaît souuenir de la promesse que vous m'aués faite. Je vous prie que ie vous reuoye le plus tôt que vous pourrés. Et comme elle acheuoit cete parole la Roine (qui écou-toit) entendit quelqu'un monter les degrés de la chambre, dont toute effrayée elle auertit Leonorine: parquoi Esplâdian se retira hâtivement en la garderobe & sans auoir loysir de prendre plus long congé r'entra au coffre de Cedre. Neant-moins Leonorine ne se peut tenir de le baiser premier que l'enfermer, & comme elles acheuoyent de mettre la lame de cristal sus la tombe, Carmelle frapa à la porte acompagnée de Gandalin, & Enil, mêmes de ceus qui l'auoyent apportée le soir de deuât. Si leur fut l'huy ouuert par la Royne Menoresse, & entrans en la châbre, Carmelle auisa Leonorine, qui venoit au deuant d'eus, à laquelle elle dit après auoir donné le bon iour: Ma Dame, j'ay commandement de celui qui m'a enuoyé vers vous ne faire plus long

sejour pardeça: vous plaît il pas me donner congé, & faire deliurer le coffre que vous m'aués promis? Damoiselle, répondit Leonorine, ie le vous ay promis & le vous tiendray, cōbien que j'aymaste trop mieus le tout demourer ainsi qu'il ét, non pas les separer. Or l'allés prendre quand il vous plaira, vous le trouuerés au lieu mêmes, ou vous le fistes mettre er soir. A l'heure les Dames, & Damoiselles de la Princesse auerties qu'elle étoit leuee vindrent en sa châbre qui empecherent Leonorine de parler si priuément à Carmelle, comme elle eut bien voulu, seulement luy rendit la clef du coffre, leq̃l elle fit tirer de la tombe. Puis Gandalin, Enil & deus Escuyers le prindrent & emporterent quant & eus, disant Leonorine à Carmelle: Je vous prie remerciés de par moi le Cheualier qui m'a eue en si bonne souuenance. E trouués moyē s'il vous ét possible, que suyuant ce qu'il a promis & m'a dé plusieurs fois à l'Empereur & par vous mêmes, il nous vienne voir le plus tôt qu'il pourra. Ma Dame, répondit elle, ie le ferai de trēbon cuer & comme celle qui desire vous obeir & complaire. Ne faillés pas doncq' dit la Princesse, & sur ce point Dieu vous vueille conduire. Lors suyvit Carmelle ceus qui emportoient Esplandian laissant Leonorine acompagnée d'ayse & de tristesse iointes ensemble. D'ayse pour auoir veu celui qu'elle tenoit plus cher que soy-mêmes: & de tristesse pour son partement si soudain. Toute fois l'esperance qu'elle auoit de son brief retour, lui modera grandemēt son ennui. Ayant doncq' Carmelle paracheué son entreprinse, comme vous l'aués entendu, ne voulât rien obmettre à ce qu'il étoit requis de faire, pour amortir tout sou pçō enuoya deuât au nauire de Gādalīn & les autres, & vint trouuer l'Empereur qui étoit dé-jā leué, & se proumenoit le long d'une gallerie, lequel aussi tôt qu'il la vit entrer luy demanda si le présent qu'Esplandian enuoyoit à sa fille, étoit

encores en son nauire. Non Sire, répondit elle, ie le fis porter esoir tout tard en sa chambre, cōme ie vous auois promis & luy ay le tout laissé, hors mis ce que i'en ay eu pour ma part. Et quoy? dit l'Empereur. Le coffre de Cedre, dit Carmelle, dedans le quel ie ferai (si Dieu plaît) inhumer le cors de Matroco, qui repose en l'hermitage de mō peret mais pour autāt, Sire, que i'ay delibéré ce matin faire voile en la mōtaine Defenduë vers celuy à

qui ie suis: il vous plaira me donner congé. Damoiselle, dit l'Empereur, ie lui mādai dernièrement, par vous, l'aise & grād plaisir que ce me feroit, qu'il nous vint voir: ie vous prie le luy dire encores, l'asseurant que luy ariué par deça il aua de moy & des miens tout l'honneur & bon traitement qu'il sera possible. Sire répōdit Carmelle, Dieu vous doint bōne vie & lōgue. Et prenāt congé: retourna au vaisseau ou l'atendoyēt Espladian & ses cōpagnōs.

Comme Espladian fit faire voile, pensant prendre port en le montaigne Defenduë, & des grandes auantures qui lul auindrent.

CHAP. XXXVII.



E Spladian doncques rapporté en son nauire & Carmelle retournée, ainsi qu'il vous a été recité auiserent ensemble de ne faire la plus long seiour craignants être découuerts. Et à cēte cause commanderent leuer les ancrs & haucer les voiles, prenās la route de la montaigne Defenduë: mais fortune les poussa par vne tormente non pareille, & maugré eus le long de la côte d'alfarin. Là s'apaisa le vent & commencerēt à nauiger terre à terre, & quasi à mēme heure s'aperceurent entre les rochers gens de pié & de cheual, qui combatoyēt l'un contre l'autre d'une merueilleuse har

Am. 5.

dieffe. Dont Espladian émerueillé, dit à Gandalin & Enil, ie vous prie puis que nous sommes arriué si à poinr, allōs voir d'ou procede l'ocasion de leur mēlee, & aydons à ceus vers qui le droit sera. Allōs répondirent les deus Cheualiers. Si prendrent incontinent terre, & montans sus leurs détriērs commanderent à leus mariniers les attendre, puis coururent à bride abatuë ou se faisoit le combat. Et aprochans près congneurēt leurs cōpagnōs aus crois blanches qu'ils portoyent sus leurs hauberts. Lors les voyāt en danger, & enclos de toutes parts d'un grand nōbre de Turcs, Espladian brocha le che-

G 3

ual

LE CINQUIEME LIVRE

ual des esperons & passant sur rochers & caillous entra en la mêlée non pas fort auant: car les Turcs gardoiēt vn dēroit, ou il fut de prime face repoussé trop rudement: neantmoins à la fin, Gandalin & Enil le seconderēt si bien, qu'auēcq' l'ayde des premiers assaillis, & non-obstant la grande resistance des autres, ils les enfermerent leur passant sus le ventre: toutesfois aucuns d'eus se souuerent de vitesse, demourans les Chrétiens. maîtres du camp, sans qu'il perdissent vn seul homme de leur côté. Or ne sçauoyēt bonnement que penser ceus qui auoyēt été ain si secourus, d'ou sortoiēt ces trois nouveaux Cheualiers: mais quand ils les conneurent oncques gens ne furent plus aydes, & louerent grandement nôtre Signr, du bien qu'il leur auoit fait Si leur demāda Esplandian comme ils étoient là venus Signeur répondit Elian le Deliberé, mes compagnons & moi auons tant importune Belleris de nous mener à la guerre, qu'il nous a serui de guide cete nuit, que sommes sortis d'Alfarin, pēsans surprendre la ville de Galatie, qui ēt sus le riage de cete mer assés prés d'ycy. Et de fait nous nous y sommes tenus embuchés longuement: mais à la fin connoissans être decouuers, & pensans nous retirer au petit pas, auons été enclos si malheureusement, que sans la grace de Dieu, & l'ayde que vous nous aués faite, nous étions indubitablemēt perdus & deffais. Foi que ie doy à Cheualerie, dīt Esplandian si vous eussies tous bien considéré le païs, ou nous sommes, & que la perte de l'vn de nous ēt trop plus grande que de mille, si étioīs entre les Chrétiens, vous ne fussies ain si hazardés: mais ce qui ēt fait ēt fait. Et à fin qu'il ne nous suruienne pis, retournons en mon nauire qui nous atend là bas. Signeur Esplandian répondit belleris, l'ocasion ēt chaue, & fuit celui qui la refuse, quand elle se presente. Vous voies la deffaite de ces Turcs, qui ēt telle que ie pense certainement n'être de-

mouré vn seul homme dedans la ville: parquoi ie suis d'auis que nous y reprenions le chemin & le plus conuertement qu'il nous sera possible. Puis si nous voyons nôtre point nous donnerōs à trauers les portes & entrerons (peut être) dedans sans aucune resistance: ce pendant enuoyés l'vn de vos Ecuyers dire à ceus du vaisseau qu'ils tirent droit à Alfarin, ou qu'ils ne se meuuent de là, sans auoir de nos nouvelles. Cete opinion fut trouuee bonne & s'y acorderent tous. Lors marcha Belleris deuant & le suiuit Esplandian & les autres cheminans serrés le long d'une combe ou ils aperceurent d'assés loing vn personnage assis sus vn roch pointu tant hideus que merueilles. Lors piquerent tous pour sçauoir que c'étoit, & virent vne femme tant vieille, caduēque, & ridée, que ses deus tetailles lui deualoyent iusques au dessous du nombril son vêtement étoit d'une grand' peau d'Ours: sus laquelle pendoyent les cheueus lons, blancs, & fort herissonnés, & viuoit cete femme entre les rochers passé à sis vins ans au hāle, à la pluie, & au vent. Au moyen dequoi on eut iugé, à voir son cors nu, que c'étoit l'écorse de quelque orme, ou chêne fort ancien, dōt il n'y eut celui qui ne se mit à rire, & demanderent à Belleris s'il en auoit oncques ouy parler. Ouy certes, répondit il, elle ēt si proche parente du Roi Armato, qu'elle fut sœur germaine de son bisaieul Et combien qu'en ses ieunes ans elle ayt été douee de tous les dons que Nature sçauroit mettre en creature parfaite, si ne se voulut elle oncques marier, pour requestes prierres, ou importunité, que lui sceussent faire ses parens: ains s'adōna tāt en l'art de Magie, & sciences supernaturelles, qu'elle na été & n'ēt encores seconde à nulle quant à ce point: tellement qu'elle a predit long tems a, que l'on verroit (auant sa mort) ce grand royaume de Turquie perdu & mis en la subiectiō des étrāgers. Et pour cete cause a elle fait fai-

creuser ce roch & bâtir dessous en voute vne châtre, ou deus, ou elle se tient ordinairement, parce cōme vous la voyés, & à ce que le bruit êt par tout, elle a passé l'âge de neuf vints ans aprochant près de deus cens. Et afin que vous la connoissés mieus: c'êt elle sans autre, qui a fait mettre à la fontaine auantureuse les piliers dorés & les table d'atente, que vous (Signeur Esplandian) peutes voir, quand vous trouâtes la belle Heliaxe, & desites les Cheualiers qui la gardoyent. Vrayement, dît il ie voudrois bien sçauoir à quoi elle passe le tems pour être ainsi solitaire. Signeur répondit Belleris cela n'a peu encores, être sceu d'homme vivant: toutefois ou tiêt pour certain, qu'elle a porté en cête cauerne grand nombre de livres, avecq' lesquels elle prend vn singulier plaisir. Je m'ébaï, dît Esplandian, q' quelqu'un ne s'êt auanturé d'entrer dedans. Aussi ont ils répōdit Belleris, mais ils s'en sont retournés tant mal menés, & batus, qu'au sortir aucuns en ont receu la mort. Parlons a elle, dît Esplandian, peut être nous dira elle rien qui vaille.

Adoncq' s'aprocherent plus près: mais au si tôt elle se leua du lieu ou elle étoit assise: & s'enfuyt en son trou: à l'entree duquel elle s'arrêta, disant à Esplandian: Cheualier plus de cent ans auant, que fusses né i'auois predict la destruction de ce pais par ton arriuee. Et pour cête cause ay-ie trop mieus aymé élire cête vie cruelle & miserable, que de tomber en tes mains captive & malheureuse. Ce disant entra plus outre & s'éuanoyt sans que nul d'eus sçeut qu'elle deuint. Dont ils se prindrent à rire, & sans s'amuser la d'auantage suyurent leur chemin, sus lequel ils aperceurent d'assés loing venir vers eus, soixante ou quatre vints Cheualiers prêts à combattre. Lors doutans que ce fussent encores ennemis s'embucherēt & firēt partir Enil & Belleris: pour en sçauoir la verité: lesquels se mettās à trauers les garigues au couuert d'vne touffe de

lieges, virent qu'un de la troupe portoit vne enseigne de taffetas rouge: au milieu de laquelle étoit vne grand' crois blanche, & reconneurent Frandalo qui marchoit deuant tous, parquoy tournerēt court vers leurs campagnōs, lesquels bien ayssés de tant bonnes nouuelle: vindrent à l'encontre. Et cōme ils furent à la veuë l'un de l'autre, Frandalo pensant être surprins: commanda a ses gens se tenir serrés & pour mieus atirer les autres au combat, enuoya deus ou trois des mieus montés: pour les écarmoucher, mais ils les virent couuers de crois blanches & sceurent que c'étoit Belleris & ceus qu'ils cherchoyent: ce que venu a la connoissance de Frandalo, donna des esperons à son cheual bien ébaï de voir Esplandian qu'il pensoit assurément être en la montaigne Defenduë. Lors s'embracerent l'un l'autre deuissans de leurs fortunes passées.

Comme Frandalo & la troupe des Cheualiers Chrétiens prindrent d'emblee la ville de Galatie: & de la depêche de Gandalin vers l'Empereur de Constantinople, pour auoir seceurs.

CHAP. XXXVIII.

A Prés donques que ces Cheualiers Chrétiens furent assemblés, Esplandian demāda à Frandalo pourquoy il s'étoit mis aus chams avec cête grosse compagnie. Signeur, répondit il, i'ay ce matin été auerty q' Belleris mō neueu étoit sorty la nuit passée avecq' autres Cheualiers pour aller courre sus nos ennemys: & doutant qu'ils trouuassent embuche ou plus fort qu'eus ie l'ai incontinent fait sçauoir au Signeur Norandel vōtre oncle, par l'auis & commandement duquel i'ai prins le chemin que vous voyés. Toute-fois, puis que nous n'auons rencontré (ne vous aussi cōme ie croy) chose qui no' ayt prouoqués à cōbat, retournōs pour le mieus vers Alfarin. Mais vous mōsieur qu'elle auature

LE CINQUIEME LIVRE

vous a amené par deça si a point. Auentu
re répondit Esplandian, certes telle la pou
vés vous bien nōmer: car pēsans Gādalīn,
Enil, & moi, faire voile en la mōtaine
Defendnē, fortune à poussé nōtre nauire
maugré nous si près d'iciq nous auōs peu
choisir à veuē d'œil Belleris & les autres,
combatans vn grand nombre d'ennemis,
qui les auoyent aculés entre ces rochers.
Au moien de quoi nous sommes descēdus
à terre, & entrés si auant en la mêlee, que
la victoīre a été de nōtre cōte, & depuis
suyuant l'auis de vōtre neueu, tirions vers
Galatie, laquelle à ce qu'il nous assure se
ra facile emporter sans resistance, veu ce
que nous auons déja fait. Certainement,
répondit Frandalo, il poura bien être, &
puis que fortune ayde le plus souvent
aus hardis entrepreneurs passons outre &
me suyvés: ie sçay vne adresse par laquel
le vous y conduirai sans être découverts.
Allons doncq' dit Esplandian. Lors suyvi
rent tous Frandalo marchās au petit pas,
tant qu'ils vindrent au haut d'vn terre di
stant d'vn petit mille de Galatie, d'ou ils
peurent choisir à leur ayse qui sortoit ou
entroit dedans. Si aperceurent vn grand
nombre de peuple tant à pié qu'à cheual:
lequel auerti de la fortune auenue à leurs
gens, alloyent à la file pour les secourir,
pensans trouuer encores les Chrétiēs au
lieu du combat: mais ils leur tournoit le
dos. Ce q̄ voyant les deus Cheualiers cou
rurent à bride abatuē en auertir Frandalo
& sa troupe, léquels ioyeus de tant bon
nes nouvelles marchans au grand galot,
vindrent donner rudement dedans les
portes, & tuerent ceus qui les gardoy
ent, de sorte qu'ils s'en firent maitres,
& de la place aussi, en laquelle ils ne
trouuerent que gens impotens, ou de
peu de defence. Ce fait leuerent les
ponts, & se tindrent sus leurs gardes pour
voir la contenāce des ennemys, lors qu'ils
en auroient les nouuelles, qui fut peu ap
près: car vn paissant se ieta du haut des mu
railles, & courut après les en auertir. S'ils

furent lors dolens & trop maris, il ét ayse
à presuposer, veu qu'outre la perte de
leurs biens, ils perdoient leurs femmes &
petits enfans, estimās qu'on les deut tous
enuoyer esclauē en pais étranger, dōt ils
se decōfortoyent tant q̄ merueilles. Mais
vn Cheualier d'entr'eus homme de grand
menee, voyāt si piteuse desolatiō leur dō
na cōeur & les sceut tant animer, qu'ils se
deliberent de mourir tous, ou reprēdre ce
qui leur étoit échapé. Et sus ce point, plus
de fureur que de raison, retournerēt vers
la ville, & l'assaillirēt si inconsiderement,
q̄ grād'partie d'eus y laissa la vie, & furent
repoussés & chassés en tregrand desordre:
mēmes par Frandalo, Esplandian, Enil, &
Gandalin, Elian, Tiron, & dis autres des
principaus, léquels pour augmenter la
paour aus Galatiens, sailirent sus eus & en
déconfirent vn nombre infiny. Mais tout
ainsi qu'vn Chat enfermé & poursuyui
(premier que se mettre en defense) essaye
par tous moiens à fuyr la fureur del'hom
me, & se trouuant dénuē de trou, ou ou
verture pour se garantir, se montre lors si
furieux, qu'il assaut celuy duquel au para
uant il étoit assailli, & bien souvent luy
fait outrage: Semblablement ce pau
vre peuple ayant deuant les yeus la mort
qui les menaçoit, pour la poursuyte que
leur faisoient les dis Cheualiers Chrétiēs,
desesperés de toute misericorde, eurent
recours à leurs armes, de sorte que voulās
venger leur sang, tournerēt visage par tel
le magnanimité, que Frandalo fut abatu,
Esplandian & les autres enclos, & si mal
menés, qu'ils y fussent demourés pour é
pies, sans le secours que leur donnerent
leurs compagnons, & la nuit qui suruint
& les separa. Au moyen de quoy les Chré
tiens se retirerent en la ville, & les autres
prindrent le chemin Theisante vers le
Prince Alforax, lequel auerti de leur in
fortune, leur dit pour tout reconfort: Mes
amis, ie suis déplaisant de vōtre perte, à la
quelle (si nos dieus le parmettēt) ie pour
voirai avecq' telle vengeance, qu'il en sera

memoire à iamais. Car i'espere, non seulement chasser les larrons qui son entrés en nos pais, ains aller nous mêmes en per sonne piller, raser, & destruire la ville de Constantiaople, son méchant Empereur, & tout l'Empire des Chrétiens. Et entendés que pour ce faire i'ay, lōg tems a, enuoyé mes Embassadeurs vers mes amys & alliés, tous lesquels m'ont promis y employer leurs forces, & de-ja sont arriuéz aucuns à Tenedo, ou nous nous deuons tous assembler. Et attendant q' i'aye moyé vous faire mieus, ie dōneray ordre qu'on vous distribuera quelque argēt pour vous entretenir. Treshumblement le remercient les citoyens de Galatie, & se tindrēt de la en auant à Thesifante, pleurans leur malheur de iour en iour. D'autre côté Esplandian, Frandalo, & les autres qui étoient demourés Signeurs de cete place, considerans qu'il leur seroit impossible garder tant de pais avec si peu de gens, ordōnerent que Gandalin iroit en Constantinople vers l'Emperer, luy remonter comme ils auoient affoibly nouvellement Alforax & conquis Galatie sur luy, qui étoit l'un des ports plus fameus du Leuāt, & qu'a cete cause il luy pleūt leur renuoyer Gastilles, ou autre avecq' quelque renfort, autrement ils seroient contrains l'habandoner, ou Alfarin, veu le peu qu'ils étoient, & les alarmes que leur donnoiet les ennemys à toute heure. Et à fin qu'il fût plus enclin d'y pourvoir luy enuoyèrent la plus part des ioyaus precieus du pillage. Or n'auoiet ils barque ny barquerot, parquoy leur salut auoir recours au nauire, dedans lequel Esplandian étoit venu, qui de bon heur (les voyles basses) se tenoit à l'ancre, atendāt l'auis de ce qu'il auoit à faire. Et eut Sergil cōmandement de son maître pour l'aller faire venir Luy doncq' arriué, & Gandalin prêt à s'embarquer, Esplandian le tira à part & luy dit: Gandalin mon amy, vous aués été toute vōtre vie fidele à mon pere, qui me donne grād' ocasion de me decrouvrir à vous

plus qu'à autre que ie sçache en ce monde: Vous verrés ma Dame Leonorine, à laquelle vous presenterez mes treshumbles recommandacions à sa bonne grace, l'asseurant que ie ne faudray d'acomplir (& de brief) ce que luy ay promis, & qu'il lui a pleu me commander. Vous luy presenterez aussi les deus belle esclaves, que l'on m'a données, lesquelles ie luy enuoye pour la seruir, à fin que leur presence luy serue d'auoir quelquefois souvenance de moy. Et sçachant bien que vous n'êtes apprentis à faire les remontrances qui sont requises en telles matiers, ie vous supplie, Gandalin, vous y employer comme i'ay esperance en vous. Monsieur, répondit il, Dieu me doint grace vous faire seruice. Or allés doncq' mon amy, dit Esplandian, & sur ce poinct entra Gandalin en son nauire avecq' ce qu'il auoit charge de porter. Lors furent les voyles tendues, & singlerent en mer par si bon vent, qu'il arriua peu de iours apres en Constantinople, & descendit au port faisant prendre par deus Ecuyers les presens qu'on enuoyt à l'Emperer. Puis monta au palais ou il le trouua, acompagné de grand nombre de Cheualiers, Dames & Damoysselles. Si le recogneut l'Emperer de prime face, & vint l'embracer, luy demandant ou il auoit laissé le bon Cheualier Esplandian, & s'il se deliberoit point le venir biē tôt trouver. Sire, répondit Gandalin, il se recommande treshumblement à vōtre bonne grace, & m'a commandé vous venir auertir comme depuis quinze iours, luy Frandalo & quelques vns des nôtres sont entrés en la ville de Galatie. Galatie? dit l'Emperer, foy que ie doy à Dieu voyla bien besongne: car (à ce que l'on m'a dit autre-fois) c'ēt l'une des plus riches villes de la Turquie: mais ie ne sçay s'o la pourrā garder. Oy bien sire, répondit il, pourveu q' vōtre plaisir soit leur enuoyer quel que secours, autrement ils seroient contrains à la longue l'habandoner pour garder Alfarin, ou Alfarin pour tenir Galatie,

LE CINQVIEME LIVRE

qui seroit honte à eus & grand dommage pour vous & toute la Chrétienté. Y ont ils trouvé grand butin, dit l'Empereur, ou perdu beaucoup de gens ? Sire, répondit Gandalin, aucuns des ennemys y ont été tués. Adoncq' luy raconta la manière que le tout étoit auenu, puis faisant ouvrir les quasses ou étoient les presens, luy montra entre autres singularités les effigies de Bronze de Nabugodonosor Roy des Assyriens, celle du grand Alexandre, & (ce qu'il estima plus) la vraye representation d'Hector le Troyan ainsi armé comme il étoit, lors qu'il combattoit contre la gent Greque. Certes l'Empereur eut raison d'en faire vn si grand cas: car Agamenon s'en cõtenta pour le plus précieux butin qu'il eut du sac de Troye, par ce qu'Hector mêmes s'étoit ainsi fait insculper durant le siege, par vn tres excellent ouvrier, & mettre sur la principale porte d'Iliou. Et depuis passans plusieurs siecles, tomba es mains des Roys de Turquie qui l'auoient colloquée à la grand' place de Galatie, soutenu d'vn haut pillier de Marbre verd. Ce que Gandalin donna à entendre à toute l'assistance, au moins que tel étoit le bruit du pais. Dont l'Empereur si aysé que rié plus ne se peut tenir de dire: Ce m'aïrdieu, ie ne serois pas plus content de la prise de Thessalonique, q' ie suis de ce beau present, & en mercie de bon cueur les Cheualiers qui me l'enuoient. Sire répondit Gandalin, aussi ont ils estimé qu'il vous sera plus agreable, q' non pas les vaisseaus d'or n'y d'argét qu'ils ont trouvés, partie desquels sont en cete autre quasse qu'il fit ouvrir sur l'heure. Et apres qu'ils les eurent longuement regardés, Gandalin faisant aprocher les deus esclaves d'Esplandian, les presenta à la Princesse Leonorine, lui disant: Ma Dame le bon Cheualier Esplandian ne sçachant vous faire offre de chose plus grande (apres luy) que de ces deus belles filles, les vous enuoye comme esclaves, à fin que chacun entendre que tout ainsi que vous êtes premiere en perfection de Nature,

aussi n'y a il aujourd'huy creature viuante qui merite mieus commander aus creatures qui commandent que vous: par ainsi, si luy faites la grace de les accepter, il estimera tete faueur l'vne des plus grandes qu'il eut onques. Or sçauoit Leonorine autant bié déguiser ses affectiôs q' femme de la terre: parquoy voulant q' chacun continuât en l'opinion qu'on auoit d'elle, répondit assés mal gracieusement à Gandalin: Sire Cheualier, il semble par vos propos qu'Esplandian ayt enuie de se moquer de moy, & que vous mêmes m'ayés en reputation de femme qui croye de legier. Par vôtres foy me penseriés vous bié si enfant, q' ie ne conoisse à veue d'œil (si Esplandian étoit tant mien que vous m'en assurez) qu'il eût differé iusques à maintenant à venir par deça, & ne fût que sous couleur d'aquiter la promesse que le Roy Amadis son pere nous a faite passé, à sis ou set ans? Mais i'entends bien q' c'est, il nous veut contenter de paroles, & d'vn tas de messages qu'il nous enuoye de heure à autre, avecq' vne infinité d'excuses, aussi mal à propos que chose du monde, & desquelles ie n'en prendray de ma vie vne seule en payement. Vienne doncques luy mêmes, puis ie croiray (peut être) de luy ce q' i'en doy croire. Quand l'Empereur la vid parler si franchement, il montra bien à sa contenance qu'il prenoit grand plaisir à la colere de sa fille, & luy dit: Ma mignonne que dira Gandalin de vous voir si peu gracieuse à l'encontre de celui qui est tant vôtres? Le vous prie, belle Dame, moderés vous vn peu, & prenés ce qu'il vous enuoye: car si vous le refusés, il aura grand' occasion de se mécontenter, & vous voyés que pour l'amour de vous il fait tant de prouesses, que le bon Cheualier à la verde Espée n'en aprocha onques. Monsieur, répondit elle, ie croy bien qu'il soit égal à son pere, pour le respect de cheualerie, nō pas de courtoisie. Par ma foy, ma Dame, dit Gandalin, si vous le cognoissiés comme ie fais, vous le loueriés (possible) de ce dont

dont vous le blâmez le plus: veu que s'il a differé de venir vers vous, a été seulement pource qu'il pense encores auoir si peu fait de cheualerie, qu'il ne merite vne seule faueur de vôtres bonne grace, considérant vôtres grandeur, & le peu qui ét en luy, combien qu'il soit estimé auourd'huy le premier de tous ceus qui ont porté armes depuys cent ans en ça. Et toutes fois puis q vous l'acusés de ce qui le deueroit plus excuser, ie vous répons sur mon honneur, que (laissant toutes choses arriere) il vous viendra trouver aussi tôt que ie seray de retour pour vo^s obeir en tout ce qu'il vous plaira luy commander. Gandalin, répondit à la Princesse, ne pensés pas, quelque chose que ie die, que i'aye plaisir, ou déplaisir de sa presence, ou absence, sinon d'autant que l'Empereur en prend & moy pour l'amour de luy, sçachant l'amitié & bon vouloir qu'il a tou-jours porté au Roy Amadis son pere, & depuys continué au fis: & si sçay bien qu'il ét hors de sa puissance d'auoir excuse raisonnable pour nous faire penser autrement qu'il ne nous ayt fait tort: Neantmoins puy qu'il plaît à l'Empereur, ie retièdray le present qu'il me fait sous l'assurance & promesse ou vous vous obligés, qu'il viendra vers nous incontinent que vous serés arriué à Galatie. Certes Leonorine iouoit merueilleusement bien son personnage, & tard eût-on pensé qu'elle Esplandian eussent si recentemente confirmé leur amour mutuelle, comme ils auoient fait en la presence de la Royne Menoresse, ainsi qu'il vous a été recité, & mêmes Gandalin ne sçauoit ou il en étoit, encores qu'il eût porté Esplandia en la garderobe enfermée dedans la tombe, comme vous aués entendu. Si luy demāda l'Empereur quel seiour il esperoit faire par delà. Sire répondit Gandalin, le moins q ie pourray: car il me seroit mal seant demourer en repos, tandis que mes compaignons sont au travail. Parquoy ie vous supplie treshumblement, me depécher le plutôt qu'il vous sera pos-

sible. Gādalīn, dit l'Empereur, ie māderay auourd'huy mon Amiral, & si feray leuer gens en telle diligence, q dedans cinq ou sis iours vous vo^s pourrés embarquer ensemble. Ce disant sortit de sa chambre, & vint s'ēbatre au iardin où les Dames le suyuirent. Lors Gandalin voyant Leonorine toute pensue se promener seule le long d'une longue allée, couverte de Myrtes, s'aprocha d'elle, & luy dit: Ma Dame, mon Seigneur Esplandian m'a commandé vous faire entendre, que depuys le iour qu'il vous laissa & qu'il receut tāt de faueur de vous, son cuer (qui ét entierement vôtres) vous a si peu éloignée, qu'il a cuydé mourir mille fois du regret qu'ont eu ses yeus, de perdre la lumiere de vôtres presence. Et, à dire vray, i'ay cogneu beaucoup d'hōmes passionés d'amour, mais ie croy qu'il n'en fut oncques vn semblable à la siennē, ny plus sagement dissimulée, qui me fait merueilleusement douter de sa personne: par ce qu'il ét impossible, veu ce qu'il endure continuellement, & le peu de consolation qu'il a de ses plus priués amys (ignorans son mal ayse) qu'il ne meure en brief, dont il auendroit trēgrād dommage à toute la Chrētienté, veu le cōmencement de cheualerie & grand' prouesse qui ét en luy, & telle, que s'il continue il la rēdra en plus d'excellēce qu'elle n'a été depuis le commencement du monde. Et pourtant (ma Dame) que i'ay été tou-jours (comme vous aués peu être auertie) seruiteur du pere, & q ie cognois le naturel du fis, & le danger ou ie le voy tomber, si vous n'aués pitié de luy, ie me suis enhardy vous declarer la peine en laquelle ie l'ay laissé, mêmes qu'il m'a commandé expressément vous assurer, q tout ce qu'il preten & desire ét d'auoir moyen pour demourer aupres de vous. Et toutes-fois voyant le danger ou sont ses cōpaignons iour & nuit, il ne sçayt comment il pourra honnestement les laisser. Par ainsi il vous supplie imputer sa longue absence à fortune, non pas à la coulpe de luy, qui n'ēt

LE CINQUIEME LIVRE

n'et ne que pour vous obeir & complai-
re entierement. Gandalin proferant ces
paroles, faisoit vne contenance tant triste,
qu'il émouuoit quasi Leonorine à pleu-
rer. Aussi auoit il acoutumé de son ieune
aage à faire cét office, qu'il entendoit mi-
eus ou il falloit donner qu'autre de son
tems. Gandalin mon amy, répondit elle,
ie ne sçay que vous entendés que ie face
d'auantage que i'ay fait pour luy, n'a qu'el-
le ocaſion vous pensés que ie pretende à
le faire mourir, veu que s'il deuenoit seu-
lement malade, ie ne me sens assés forte-
ny constante pour me conseruer la vie
vne seule heure d'ennuy & fâcherie que
i'auois. Orés donques de vôtres esprit que
ie vouſſie être autre q̄ sienne, & ne trou-
vés deſormais étrange, si deuant l'Empe-
reur, ou en publicq̄ ie tiens propos si peu
en son auantage: car ie ne consentirois
pour rien du monde q̄ l'on cogneût enco-
res vne seule étincelle du grand feu allu-
mé, auquel mon cuer se brûle iour &
nuit pour le bien que ie luy desiré. Ma
Dame dit Gandalin, ie suis seur qu'il re-
ceura vn plaisir extreme sçachant cete bō
ne volonté, & qu'il laissera toutes choses
pour venir en cete court, si vous le trou-
vés bon. Oy, répondit elle, & ie l'en prie
tant qu'il m'et possible, & vous aussi de le
luy persuader. Durant ces propos survint
vers l'Empereur son amiral Tartarie, ainsi
apellé pour la natiō ou il auoit prins nais-
sance, étant yssu de bien pauvre maison,
mais eleué en auctorité par son bon sens
& hardiesse, en sorte qu'il commadoit en
toutes les mers de l'Empire. Bien longue
mēt deuſa avecques luy l'Empereur, sur
les propos que luy auoit tenus Gandalin
du secours de Galatie, & finalement luy
commanda armer en toute diligence ius-
ques à trente galleres ou fûtes, & leuer
deus mil hommes, les plus gens de guer-
re, qu'ils pourroient trouver pour mener
quant & luy. Tartarie obeissant au vou-
loir de l'Empereur, executa sa commis-
ſion, tellement que le ſixième iour en-

ſuyuant fut prêt à faire voyle avecq̄ tout
son equipage.

*Comme Vrgande la Décogneuë arrina à Gala-
tie, & du danger ou elle serrouva, par la trompe-
rie que luy fit Meie l'Enchanteresse.*

CHAP. XXXIX.

Tartarie donques & Gādalīn ay-
ants pris congé de l'Empereur,
passerent le deſtroit de Conſtan-
tinople, & ſans fortune arriuerēt
à Galatie auant que la ſemaine fût hors.
S'ils furent biē receus de Cheualiers Chré-
tiens il ēt vray ſemblable: car le nombre
d'eus étoit tāt petit & ſi écarté, qu'ils dé-
ſperoient, quaſi de pouuoir garder cete
place, avecq̄ Alſarin & la montaigne De-
ſendue. Mais quand ils virent ce renfort
ſe tindrent tous aſſeurés, & ſeparerent ces
deus mil hommes ainſi que la neceſſité le
requiroit. Or auoit Eſplandian vn mer-
ueilleux deſir d'entendre de Gandalin, s'il
auoit parlé à Leonorine, & comme elle
ſe portoit: au moyē dequoy luy retiré ſur
le tard en ſa chambre, le manda venir à
luy. Et eus deus ſeuls, Gandalin lui racō-
ta fidelement tous les propos qu'ils auoi-
ent eus enſemble deuant l'Empereur, &
depuis au iardin. Et ſur ma foy monſieur,
dit il, vous luy faites tort, veu le moyē q̄
vous aués de luy ſatisfaire, & à vous pa-
reillement: car quelque choſe qu'il vous
plaiſe mettre en auant pour excuſe, vous
n'êtes ſi preſſé par deçà q̄ ne puiſſiés bien
aller vn tour vers elle, dequoy elle vo⁹ ſu-
plie. Ie le feray, répondit Eſplandiā, mais
ſi faudra il auifer comment. Penſés y dit
Gandalin, & me laiſſés aller coucher, ie
n'eu oncques ſi grand' enuie de dormir.
Allés, répondit Eſplandian, & ſoyés icy
demain de grand matin. Adonc⁹ ſortit
hors Gandalin, & demoura Eſplandian
tout penſif, ne voyant quaſi moyē hon-
neſte, pour laiſſer ſes compagnons en tel-
le neceſſité. Toute-fois Dieu y pourueut:
car la nuit mêmes vne heure deuant le
iour, ainſi qu'il commençoit à ſommeil-
ler,

ler, entr'ouyt vn son le plus melodieus du monde, & entendés qu'il procedoit du nauire de la grand' Serpente, qu'il auoit laiffé à la montaigne Defendue, lequel étoit arriué pres Galatie: mais tard se fût douté de cete auanture, ny qu'Vrgande eût été dedans, veu qu'il la pensoit notammét en la grand' Bretaigne. Si continua telle melodie vne demye heure, ou plus: puis entendit vn tel bruit de trompettes & cleurons, mêlé avecq' vne resonance de fifres & tabours si haute, que ceus du guet soupconnerent l'armée de mer de leurs ennemis être là arriué pour les assieger. Et à cete cause firent alarme en la ville, & coururent tous aus murailles, demourans en ce doute, pour l'obscurité de la nuit, iusques à ce que le iour leur permit choisir le grand nauire d'Vrgande, équipé de banderoilles le mieus qu'il étoit possible, dont Esplandian fut si ré-jouy, que deualant au port entra aussi tôt en vne frigate avecq' Talanque, Manely, & quelques vns des principaus, pour voir qui étoit dedans. Et aprochans pres cogneurent Vrgande la Décogneue, qui les atendoit sur le tillac, laquelle leur tendant les bras leur écria d'assés loing: Mes amys, vous soyés les très bien venus, ie vous prie montés tous en ce nauire, à fin que ie vous embrace. Lors s'auanca Esplandian, & entra premier que tous. Et comme il vouloit saluer Vrgande, elle se prosterna iusques en terre pour luy baïser le pié, dont il fut honteus & la releua, luy disant: Ma Dame, ie n'eusse iamais pensé que vous eussies prins plaisir à vous moquer de moy, veu que ie m'estime plus obligé à vous qu'autre qui viue. Et pour Dieu vne autrefois si ie vous ay offensé, châtiés moy par meilleur moyen. Bien heurus Cheualier, répondit elle, l'ayde que j'espere auoir de vous deuant peu de iours m'a incité de faire ce q' i'ay fait: ainsi ie vous prie le prédre en bonne part. Ce disant l'embraca, puis Talanque, Manely, & les autres semblablement, tous lesquels luy porterent trèsgrand honneur, la

suppliant humblement leur faire entendre l'ocasion de sa venue inespérée. Mes amys, dit elle, vous sçaurés quelque autre iour tout à loysir, & attendant ie vous auise qu'il vous ét nécessaire, d'aller de brief en Constantinople, ou vous entrerez armés & vêtus d'une même pareure, que ie vous ay aportée, tât y a que le diferer iusques à vne autre saison vous seroit dommageable: parquoy ie vous conseille que ce soit des premiers iours de la semaine prochaine, vous assurant que l'Empereur vous receura d'aussi bon cueur que Cheualiers qu'il vid oncques, & durera l'ayse & le plaisir que vous aurés avecq' luy, iusques à ce que la rouë mobile de fortune faisant son tour, amenera quant & soy mains trauaus, passions, & amertumes, lesquelles causeront à vous & à d'autres vn ennuy non-pareil. Et pour vous faire entendre que tout ce q' ie vous predy ét veritable, ie vous auise, q' moy-mêmes doy tomber aus deus plus grands dangers de ma personne, ou ie fu oncques, soit en ce quartier ou ailleurs. Et le mal ét que selo les détinées ie n'y puis dōner ordre, ignorât comme, ny pourquoy vn tel malheur m'êt pourchassé, encores qu'il soit quasi sur le poinct d'auenir. Ma Dame, répondit Esplandian, pour vous en deliurer vous pouvés tenir seure, q' nous mourrons tous auant qu'ayés mal. Mon enfant, dit elle, il faut que les destinées des personnes s'acōplissent. Mais changeons propos, ie vous en prie: car celà me donne trop de melancolie. Ma Dame, dit Manely, vous plaît il pas descendre à la ville? Oy, dit elle, & si veus que l'on y mande venir Noradel, qui ét demouré (comme ie sçay) à Alfarin, & vous ensemble iouyray du plus grand ayse que ie pourrois receuoir, ioint que j'ay amené en ce vaisseau le Roy de Dace, navré d'un combat qu'il a eu contre Garlante Seigneur de l'Ile de Calafre, qui lui vouloit ôter par force deus Damoysselles. Et combien que Garlante soit estimé Cheualier preus & hardy, si l'a mené le Roy
à tel-

LE CINQUIEME LIVRE

à telle raison, qu'il luy eût coupé la tête, sans le pardō qu'il luy requit, lequel il luy acorda, sous condicion q̄ iour de sa vie il ne feroit tort n'iniure à Cheualier. Et ainsi le iura & promit Garlate en ma presence: car de fortune i'arriuay là sur ces entre faites, & entēdy leurs differēs. Et pource q̄ ie vy le roy au dāger de sa personne, pour le nōbre des grands playes qu'il auoit sur le cors, ie ne le voulu habandoner, ains le fis entrer ceans & mettre en la meilleure chābre ou il ēt quasi guery. Ah quelles bōnes nouvelles: répōdit Esplandiā. Sur ma foy ie craignois beaucoup qu'il fût perdu, & pour Dieu, ma Dame, soyés contente q̄ ie le voye. Si les conduit Vrgande ou il étoit couché, & cōme ils s'entreurent, Esplandian ne se peut contenir de larmoyer pour le grand plaisir qu'il eut de l'auoit recouuré: toute-fois ils n'eurent pour l'heure de grands propos ensemble, aussi ne le voulut permettre Vrgande, doutant qu'il survint quelque emotion au Roy, qui étoit encores foyble & debilité. Et à cete cause fit sortir Esplandian, & descendans avecq' elle en la fragate ou ils étoient venus, retournerēt au port de Galatie, & de là fut conduite Vrgande au meilleur logis de la ville avecq' autāt d'hōneur qu'ils eussent peu faire à la Royne Brisene, ou Oriane, si l'une d'elles eût été en sa place. Et le lendemain ensuyuant, Esplandian compassionné d'un grand nombre de femmes: & petits enfans, qui auoient été trouués en la ville des le iour qu'ils la surprindrent, remontra être trop meilleur leur donner congé que d'en faire plus longue garde, veu q̄ ce ne seroit q̄ despense. Et de les captiuer (dit il) & mettre en seruitute, nōtre Seigneur en pourroit être mal content. Par ainsi, qui me voudra croire, vsant enuers eus de misericorde, plutôt que de seuerité, ie suis d'avis qu'eus tous assemblés on les enuoye à Thesifante, les presenter de par nous à la Princesse Helixaxe, qui nous en sçaura trēbon gré, & si serons déchargés d'autant. A cete opi-

nion s'acorderent tous les Cheualiers, & eut Carmelle cete commission. Et qui eût veu apres elle ce petit populaire, mêmes vn grant tas de femmes pleurans tendrement pour se voir ainsi bannir & étranger de leur propre cité, certes le cueur eût été bien dur qui n'en eût prins grand' compassion. Or les laissons doncques aller, & entendés le danger ou se trouua le lendemain Vrgande la Décogneue, laquelle bien venue entre ces Cheualiers, prenoit vn singulier plaisir à leur ouy raconter les entreprinſes & rencontres qu'ils auoient eues au pais de Turquie, depuis la prinſe d'Alfarin. Et décourens les vns apres les autres les choses dōt étoient plus memoratifs, souuint à Esplandian de la vieille qu'ils auoient veue entre les rochers, ou elle faisoit sa residence, tellemēt qu'il ne se peut tenir de souffrir: dont Vrgāde s'aperceut, & luy en demanda la cause. Ma Dame, répondit il, ie pensois à la beauté d'une ieune pucelle, q̄ nous reconſtrāmes, n'a gueres, moy & quelques vns de cete troupe assés pres d'icy, la mieuſ en ordre de toutes choses qu'il ēt possible. Et pour la vous depaindre au naturel, ie vous puis asseurer (sous la parole de Belleris) qu'il y a quelque huit ou neuf vingts ans qu'elle ſçait aller & parler: & toute-fois elle a vn taint tant frais & delié, qu'à le biē contēpler ie ne le vo^{is} pourrois mieuſ acompārer qu'à l'écorce de ces grans ormes qui seruent communément d'ombrages aus carrefours d'aucuns villages de la grand' Bretagne. Au reste ses cheueus sont blans comme neige, & tissus ensemble pour être mal pignés, qui luy donnent vne si bonne grace, qu'à les voir épars sur vne peau d'ours (qui luy sert pour toute vesture) il n'y a homme si asseuré, qui ne perdît contenance d'une amour trop soudaine & vehemente, dont il seroit surprins. Or en auoit ouy Vrgande parler maintefois, & la desiroit voir sur toutes choses, pour le ſçauoir dont elle étoit renommée. Par quoy dīt à
Esplan-

Esplandian : En bonne foy ie la cognois mieus que vous ne pensés, & sçay qu'elle à été en ses ieunes ans l'une des plus belles creatures de son tems, fille, sœur, & tante de Roy, Elle se nôme Melie, qui pour aquerir sciëce & entendre parfaitemēt les arts de Nigromance, a tellemēt contenné le monde, qu'elle a élu pour tout heritage vne roche, & au dedans fait faire vne cauerne, ou elle s'est retirée & vit en très grande solitude. Et si ie vous iure ma foy qu'il y a vingt ans & plus, que j'ay eu desir de la venir trouver : mais autres affaires, q̄ m'ont touché de plus pres, ont toujours empêché que mon vouloir n'a été mis à execution. Ma Dame, répondit Esplandian, puy que vous êtes si pres, accomplissés le maintenant & nous tous ensemble vous y conduirons, & tiendrons escorte. Je vous en prie dit elle, & aussi tôt que nous aurons dîné. Les tables doncques levées chacun affectionné de voir chose si étrange, se tint prêt pour aller acompagner Vrgande. Toute-fois Esplandian en éleut seulement soixante, lesquels bien armés & montés sortirent de Galatie, & Vrgande au mylieu d'eus son pallefroy. Si les conduisit Belleris, & aprochants la cauerne ou ils auoient trouvé Melie autre-fois l'aperceurent assise (les iambes croisées) sur un coing de roc. Adoncq' Vrgande pria qu'on s'arrêtât, à fin qu'elle seule parlât priuément à elle, ce que les Cheualiers luy acorderent. Lors Vrgande chassa son pallefroy, & étant tout ioignant d'elle luy dit: Ma Dame, ie vous prie ne trouuer mauvais si ie viens vous visiter & me presenter à vous foire seruice. Qui êtes-vous? répondit Melie: Je suis dit elle, Vrgande la Décogneué, qui de tout tems ay eu desir de vous voir. Ah Vrgande, experte entre les plus sçauantes, répondit Melie, votre venue par deçà m'est grandement agreable. Descendés que nous puissions deuiser ensemble des choses q̄ vous & moy auons prins peine d'apprendre: car encores q̄ vous ayés été le seul motif & o-

casion d'acheminer par deçà les Cheualiers Chrétiens, par lesquels nôtre pauvre pais souffre tant, si vous excuse-je, cognoissant l'obligation que vous aués à vôtre religion, pourtant aprochés & venés à moy s'il vous plaît. Vrgande la voyant si caducque & debile, fit incontînēt ce qu'elle luy disoit, esperant bien l'arrêter, voutist, ou non, iusques à ce que ceus qui l'accompagnoient fussent arriué es mains desquels elle la liureroit pour l'emmener à Galatie (mais à fin cōtre fin) car la vieillesse ayant Vrgande pres d'elle, se retira à l'entrée de la cauerne, & luy dit: Vrgande, il me fâcheroit que ces Cheualiers entédissent nos propos, entrons ceans. Si n'en fit Vrgande aucune difficulté, ains s'asseuroit d'être iouir à sa discretiō, si vne fois elle la pouvoit ioindre, & la suyuit. Adoncq' Melie se lâça sur elle & l'empoigna à la gorge si étroitement qu'Vrgande n'auoit moyen d'appeller Esplandian, ny les autres à son secours. Ce neâtmoins eus doutans de ce qu'il auint, coururent hâtivement à la cauerne, & le premier qui y entra fut Talâque, puy Manely. Mais aussi tôt qu'ils eurent mis le pied dedās, tomberent de leur haut cōme éperdus & prindrēt si grand saut qu'Esplandian qui alloit apres l'entendit. Or portoit il quāt & soy le remede propre à telles auarures, c'étoit sa bōne espée, contre laquelle nul enchantement auoit tant soit peu de vigueur, ainsi qu'il experimenta premierement, quād il entra en la chambre d'Arcabonne mere de Matroco (dont nôtre histoire vous a, par cy deuāt, fait mentiō) Esplandiā dōcq' voyant ses deus compagnons en telle nécessité & trop dolent, se fût volontiers amusé à les releuer n'eût été qu'il aperceut Melie qui tenoit Vrgande sous les genous & tâchoit par tous moyēs de l'étrâgler. Et à cete cause il s'auança pour la secourir, menassant Melie si elle auit mal, qu'elle le compareroit aigrement: mais pour celà elle ne laissa faire tout l'effort iusques à ce qu'Esplandiā fut ioignant d'elle, & prêt à luy

LE CINQUIEME LIVRE

à luy donner de l'espée sur la tête. Lors el le gaigna au pied, pensant auoir refuge en sa chambre ou étoit l'effort de ses charmes & enchantemens, & ainsi qu'elle approchoit le seil de l'huys, Esplandiâ la saisit par sa peau d'Ours & voult elle, ou nō, l'arrêta de si court qu'elle ne peut passer plus outre. Et comme il étendoit les bras pour la mettre à mort, se souuint qu'il se feroit tort, n'étant conuenable à Cheualier souiller ses mains au sang d'une femme foible & de nulle résistance. Certes tel souvenir modera la colere de ce bō Cheualier, en sorte qu'il ne luy voulut tāt méfaire, ains delibera seulement la tirer de la voute. Et de fait la print au poil, & commença à la trainer à force. Adoncq' aperceut vn grand Singe ridé étincelant des deus yeus comme si ce fussent deus charbons allumés, lequel se lança sur luy pour le deffigurer: mais il luy donna tel coup de poing entre les deus yeus qu'il le mit à mort. Et passant outre emmena Melie hors de sa spelonque, puy la laissant à la garde de Frandalo, retourna sçauoir si Vrgande la Décogneuë étoit viue, ou nō, & la trouua faisant telle grimace, qu'il sembloit proprement que l'ame luy deût sortir du cors. Dequoy il eut telle pitié, qu'il la print entre ses bras & l'emporta à l'ayr & autant en fit il à Talanque & Manely, ausquels vn quart d'heure apres il ne souuint de chose qui leur fût auenue, & furent aussi sains & entiers qu'au parauant. Parquoy remonterent tous à cheual, emmenans quant & eus Melie, q̄ Sergil mit sur le sien & luy en croupe la tenant embracée étroitement de peur qu'elle ne s'échapât. Et Dieu sçait si en cheminât Vrgande les assureoit de la peur qu'elle auoit eue. Et telle disoit elle, mes amys, q̄ ie pēsois biē mourir: mais tout ainsi qu'un clou repousse l'autre, l'ayse que j'ay de me voir à présent deliurée, me fait quasi du tout oublier le malayse ou j'ay été. Et continuant ces propos entrerent en la ville, étant de-jà haute heure.

Comme Carmelle arriua à Thesifante vers Heliaxe: & du combat merueilleux qu'eurent Esplandian, Frandalo, Gandalin, & Enil, contre trois Geants & douze Cheualiers Turcqs.

CHAP. XL.

TAnt chemina Carmelle avecq' les petits enfans & femme de Galatie: qu'ils arriuerent à Thesifante, ou ils trouverēt leurs peres & maris, qui s'y étoient sauvés, cōme il vous a été dit cy deuant. Lās pēsés quelle douleur ils eurent de prime face, considerans leur exil, & entiere perte de leurs biens! Certes il n'ēt si dur cueur qui ne fût fondu en larmes, voyant l'homme & la femme enuironnés de leurs petits enfans & n'auoir préque moyen de leur donner que boire ny manger. Si en vindrent incontinent les nouvelles au Prince Alforax lequel oyant reciter leurs dolcances, dit si haut que chacun l'entendit: Ah ah dieus immortels il faut bien dire q̄ pour quelque grand meffait ou de moi, ou des miens, cete ruine & forte guerre soit entrée en mes païs! Apaisés-vous dieus misericordieus! & permettés plutôt par vôtre infinie bonté, que tout le mal que vous enuoyés sur tant de simples personnes innocentes, tombe sur moy seul, qui vous ay irrité, ou sinon donnés moy grace, qu'à vôtre gloire ie puisse chasser cete maudite secte de Chrétiens, ennemys de vos saintes lois vous iurant (que s'il vous plaît me tenir la main) i'en feray tel carnage, que vous aurés cause de vous apaiser, si le peu de deuoir ou ie me suis mis à les chasser vous a prouqués à ire contre moy. Puis demanda comme ils étoient échappés. Si re, répondit celuy qui l'en auoit auerty vne Damoysselle assés belle nommée Carmelle, ainsi que j'ay entendu, les a amenés, & desire parler à vous, & à ma Dame Heliaxe. Ma Dame, dit Alforax à sa femme, la cognoissés vous? Oy monsieur répondit Heliaxe, comme celle qui me tint bonne compagnie le iour que ie tombay es mains de Frandalo, vous assurant qu'elle s'ef-

le s'efforça de me faire tout le service dõt elle se peut auiser: parquoy ie vo³ prie commander, qu'õ lui face hõneur & le recueil, qu'elle meritẽ. Mamiẽ, dit Alforax, il me plaĩt trẽbiẽ. Lors courẽt aucũs querir la damoiselle, laquelle arriuee ou ẽtoit Alforax s'adressa de prime face à Heliaxe, & sans là saluer autrement luy dõt: Ma Dame, vous connoissẽs le maitre, & le Seigneur à qui ie suis, & lequel seul a puissance, sus moi. Ne trouuẽs doncques ẽtrange si ie m'ay voulu tant peu humilier deuant la majestẽ du Prince Alforax, ou la võtẽ. Et à fin, Ma Dame, que vous entendĩs la cause de ma venue par deçà: ie croy qu'auẽs sceu long tems a, la prinse de Galatie, de la laquelle les Cheualiers Chreitiẽs sont au iourd'hui maitres & l'ont cõquise sus vos gẽs, sans y trouuer autre garnison q̃ ces femmes, & petits enfans que mõ Signeur Esplandian & ses compaignõs vous enuoyent, pour en ordonner ainsi que bon vous semblera. Vous asseurant que (õtẽ le deuoir de leur religiõ) ils ont desir de vous faire plaisir & service, autãt qu'à Princesse de la terre. Carmelle, rẽpondit l'Infante, ce n'ẽt pas le premier biẽ qu'ils mont fait. Je me tiens de long tems si obligee à eus que soit en leur auersitẽ, ou plus grande prosperitẽ, il ne fera iamais iour de ma vie que ie n'aye desir de le reconnoitre. Toutefois ie scay bien, que ie n'en ay au iourd'huy le moyen, ny auray cy aprẽs (comme ie pense) si la muable fortune ne donne vn si grand tour de rouẽ, qu'elles les face abaiser d'autãt, qu'ils sont maintenant ẽlẽuẽs. Alors connoitront ils en moy en quelle estime j'ay leur vertu, & les faueurs qu'ils m'ont faites. Carmelle, dõt Alforax, vous ont ils rien commandẽ me dire? Non monsieur, rẽpõdit elle: mais ie vous aursẽ qu'ils se delibẽrent vous venir bien tõt voir avecq' tel equipage, que vous aursẽ peu d'ocasion de vous en contẽter. Par tous mes Dieus, dõt Alforax, ie les releuerai de cẽte peine s'ils ne font extreme diligence: car tant de gens sont en

Am. 5.

chemin pour me secourir, que ie passeray en Constantinople & ruineray le mẽchãt Empereur & route la Chretientẽ. Adõcẽ sera il aysẽ à ma feme (si bon luy semble) de reconnoitre enuers eus les services qui lui ont fait comme elle dõt. Monsieur, rẽpondit Carmelle, les entreprinẽs prennẽt bien souuent toute autre fin que l'on ne pense: aussi Dieu, qui ẽt par dessus commande & dispose de toutes choses, selon son bõ plaisir, nõ pas à la volõtẽ des personnes. Or ai ie satisfait au cõmandement de ceus qui m'õt enuoieẽ vers ma Dame, dõt elle à Heliaxe: parquoy il vous plaira me faire recõduire iusques en lieu de feuretẽ. Monsieur dit la Princesse à Alforax, ie vous supplie faites lui cẽtẽ courtoisie: car ie serois trop marie qu'elle receut le moindre ennuy du monde ce qu'il lui acorda. Et outre Heliaxe luy fit present de l'vn des plus riches acoutremens qu'elle eut. Puis l'enuoya conduire par vint Cheualiers prẽs de Galatie, ou arriuee fit entendre deuant tous quelle auoit ẽtẽ l'executiõ de son voyage: mẽmes les propos que luy auoit tenus Alforax, Qu'Vrgande nota trẽbien, disant aus Cheualiers: Par ma foi mes bons amys quand à Alforax parlant ainsi, il a suyvy son naturel, qui ẽt superbe & audacieus neantmoins ie vous asseure que fortune luy promet de grandes choses, & pource qu'elles ne luy peuuent tarder ie m'en tairai pour cẽte heure. Et vous prie en atendant qu'aucuns de vous me fãcent le bien de retourner a la spelonque de l'Enchãteresse Melie querir les livres, que nous y auons laissẽs, lẽquels ẽtans en ma possession servirõt, peut ẽtre, quelque iour à vous & à d'autres. Esplandian oyant Vrgande parler d'affection, & cõnoissant le desir, qu'elle auoit de les recouurer, lui rẽpondit: Ma Dame, auant que ie dorme ie mettray peine de vous obeĩr. Et sans plus differer pria Enil, Frandalo & Gãdalin de lui tenir compagnie: lẽquels s'allẽrent incontinent armer, & eus à cheual avecq' leurs Ecuyers sans plus, sortirẽt de

H

la

LE CINQUIEME LIVRE

la ville, laissans Virgande avecq' Norandel qui étoit nouvellement arriué à Alfarin. Si cheminerent ces quatre Cheualiers, tant qu'ils vindrent au roc de Melie, ioignant lequel ils aperceurent d'assés loing trois Geans & douze Cheualiers, qui apelloyét à l'entree de la cauerne Melie à haute de vois: car les bergiers gardans les troupeaus (qui l'auoyent veué emmener par force à Galatie) leur en coururét porter les nouvelles: & pour sçauoir s'ils mentoyent ou non étoient venus la expressement. Si conneut bien Esplandian & ceus de sa compagnie, que c'étoyét ennemis: parquoy delibererent de les combattre, encores qu'ils fussent en trop plus grand nombre qu'eus. Et de fait couuers de leurs écus tenans leurs glaiues prêts à coucher en l'arrêt: donnerent à trauers. Esplandian rencontra le premier des Geans, Frandalo le second, Gandalin & Enil le tiers: & donna Esplandian si grand coup au sien, qu'il lui fit prendre vn saut merueilleus, demourant maitre & dérier sus la place, sans remuer pié ny main. Mais il auint tout autrement aus deus autres: car aians rompu leur bois cōtre Frandalo, Gandalin, & Enil, leurs cheuaus mal embouchés les emporterent à vn grand mille de la, premier que les pouuoir arrêter. Et à l'instat les quatre Cheualiers Chrétiens, furent enuelpés des douze Turcs, trois desquels furent mis à mort des la premiere charge. Lors commença la mêlée cruelle & dangereuse, & telle qu'auant le retour des deus Geans, cinq autres de leurs compagnons, s'y s'entirét tant mal menés, q' le plus sain de tous étoit navré à l'extrémité. Ainsi n'en rétoit plus q' trois, lesquels Esplandian & Frandalo laisserent gouverner à Gandalin & Enil, pour aller au deuant des deus qui venoyent au grand gallot secourir leurs compagnons. Et comme ils vindrent au ioindre, oncques ne fut veu plus beau combat: car Esplandian se souuenoit de la Princesse Leonorine, ne donnant coup

d'épee qu'il ne fit sortir le pur sang du corps de celuy, auquel il s'étoit adressé dont rougissoit souuent la dure roche bise. Ce non-obstant il trouua bien qui lui sçauoit rendre son change, tellement qu'en moins de rien, son écu fut detailié & mis en tant de pieces, qu'il ne lui demoura au poing autre chose q' les courroyes: dequoi il eut tel deplaisir, que se sousleuant sus ses étriers, donna à son ennemi si grand coup sus la coiffe de fer, qu'il l'en desarma, & luy commencerent les yeus à étinceler si fort, qu'il baïsa le col iusques sus la criniere de son cheual laissant tomber bas l'épee, qu'il tenoit. Et à l'instat Esplandian le rechargea, entre haubert & heaume si rudement, qu'il luy aualla la tête, & s'enfuit le cheual avec le corps à trauers païs. Ce pendant Frandalo combattoit l'autre si brusquement, qu'il le tenoit aculé & du tout hors d'aleine. Gandalin & Enil d'autre côté ne faisoient moins d'effort: car étans au mylieu des quatre combattoient par telle viuacité de courage, qu'ils deffirét les deus plus adroits. Mais les des autres tenoyent toujours bon, combien qu'ils furent en branle de fuir quand ils virent Esplandian piquer droit à eus, aussi ne lui eussent ils peu resister: toute-fois il s'arrêta court, pource qu'il aperceut aucuns de ceus qui étoient tombés se releuer, & reprédré les armes. Lors tourna bride, dont si mal lui auint, que son cheual mit le pié dedans vne orniere & tomba de côté demourant Esplandian au plus grand dâger de mort, qu'il fut oncques: pource que ses ennemis l'environnerent incōtinent prêt à lui mettre l'épee par dessous le haubert dedans les tripes. Chose aysee & facile, si nôtre Signr n'y eut pourueu, dōnant force à son dérier de se releuer & le maitre quāt & quant lequel se voyât en liberré, & aiant l'épee au poing, fit telle execution, qu'il ne laissa vn seul en vie de ceus qu'il peut ataindre. Et en ces entre-faites les deus ausquels Gandalin & Enil auoyét enco-

encores affaire, s'en fuyrent par la montaigne, comme si tous les diables les eussent emportés. Et sans être guerres pourfuyvis se sauuerent demourant pour gage le Géant auquel Frandalo remit la vie tant pour la pitié qu'il luy fit demandant pardon, que pour ce qu'aussi bien il ne valoit guerres mieus que mort.

Comme Esplandian entra en la spelonque de Melie, pour auoir ses liures, et d'une charge qu'on fit à luy. Frandalo, & Gandalin & Enil ainsi qu'ils pensoient retourner en Galatie.

CHAP. XLI.

CE combat mis à fin cōme vous aués entendu, chacun fit bander & regarder ses plaies au mieus qu'il peut. Puis entra Esplandian en la cauerne de Melie prendre les liures qu'il cherchoit : & vint en vne bien belle chambre quarrée au tour de laquelle le Liec étoit creu en sorte, qu'on eut iugé asseurement y auoir été approprié pour seruir de tapisserie. Et pendoyent à la voute quatre lāpes qui ardoient iour & nuyt aus quatra coins, sans que iamais la leur s'amortit : tant auoit l'Enchanteresse sceu experimenter son art en cēt endroit. Et comme Esplandian regardoit d'une part & d'autre, auisa l'huis d'une garderobe, au milieu de laquelle étoit plātē vn grād chandelier d'or massif à sēt brāches & sēt gros flābeaus de cire vierge, brulās incessammēt : & à côté vne tablette de Sipres, & au dessus les livres de Melie les vns couuerts de lames d'or tailles à la Damasquine & les autres de fin argēt émaillé de plusieurs sortes d'email. Si les print Esplandia & les emporta quāt & soy, iusques hors de la cauerne, puis les bailla à son Ecuyer, & remōtant à cheual luy & sa compagnie suyuirēt le chemin qu'ils étoient venus pēsans retourner à Galatie. Mais ils furēt arrētés plutōt qu'ils ne cuydoynet : car les deus Tureqs qui s'en étoient fuyz (comme vous aués enten-

du au chapitre precedant) donnerent l'alarme à vne petite ville prochaine, d'ou sortoyent vint hommes de cheual & quarante de pié, lesquels asseurés que quatre Cheualiers Chrétiens sans plus auoyent fait cēte charge à leurs gens : s'étoient diligētés pour les venir enclorre, spécialement ceus qui se trouuerent les mieus montés, Si les découvrerent d'assēs loing Frandalo & ses compagnons : toute-fois mal ay sēmēt se pouoyent ils retirer sans combat, ou endurer quelque honte. Parquoi Esplandian fut d'auis attendre la fortune, & enuoyer l'un de leurs Ecuyers hātiuemēt auertir ceus de Galatie du dāger ou ils étoient à fin d'auoir secours. A quoi Frandalo contredit à son possible, remontrant le travail qu'eus & leurs cheuaus auoyent souffert tout le iour, & le grand nombre d'ennemis au respect d'eus, tellement (dīt il) si nous entreprenons de les soutenir, ie crains beaucoup que pensans aquerir gloire & cheualerie, ne tombions au dāger d'être estimés fōls, presumptueux, & temeraires : Quoi doncques répondit Esplandian, voulés vous endurer la honte de fuyr? Ce m'aistdieus quant à moi i'ayme mieus prendre le hazard de mort ou de vie, tel qu'il pourra venir. Voyci que nous ferons, répondit Frandalo, mon Ecuyer s'en courra à Galatie auertir Talanque & les autres, comme vous êtes arretē : & quāt à nous, ie sçay vn pont assēs près d'ici ou nous nous retirerons & le defendrons atēdans nōtre secours : au moins ne pourrōns nous être assaillis qu'en lieu étroit autrement considérés vous mēmes quel ordre, il y auroit de resister à tāt de gens & de pié & de cheual, qui viennent à la fille. Allons doncques, répondit Esplandian : & laissant le chemin à droite, prendrent sus la gauche comme Frandalo les guidoit. Si ne cheminerent longuement qu'ils ttouuerēt vne perite riuiere creuse, & vn pont dessus, & quasi à l'Instant furēt chargés de leurs ennemis principalement

LE CINQUIEME LIVRE

d'un Turcq braue & mieus monté q̄ nul des autres, aussi étoit ce le Capitaine de tous, lequel tenant vne grosse lance, com mença à crier en langage Arabicq' contre Esplandian & ses compagnons. Canaille vous fuyés, mais par nos dieus vous morrés presentement. Enil qui entendit cete menace mieus que nul d'eus tourna visage, & donnans des esperons à son cheual, se chargerent le Turcq & lui si rudemēt, qu' Enil eut le bras droit percé & le Turcq le cors de part en par, tombant mort sus le champ: qui anima tellement ceus de sa troupe, qu'ils cuiderēt enclorre Enil: mais il trouua moyen de regagner l'entree du pont: Certes qui eut veu lors les prouesses & hautes cheualeries de ces quatre champions, on eut eu raison de les estimer tels qn'ils étoient, principalement Espladian, qui ne tiroit coup d'épee en vain. Et combien qu'ils fussent peu au respect de tant, si chaucherent ils vne fois ou deus les esperons à ceus qui étoient plus hâtés, de sorte que sans le renfort des gens de pié qui suruindrēt: ceus de cheual eussent eu trop affaire, dont il ne se faut ébaïr, attendu que la plus part d'eus étoient gens de ville inexpers au armes, & trop plus adroits à vne table, qu'à mener vn cheual, ou rōpre vne lance, Au moyē de quoi les quatre Cheualiers leur porterent grand dommage en moins d'un quart d'heure, & tel, que ny ceus de pié, ny de cheual ne s'osoyēt plus auanturer d'entrer sus le pont, quand l'un d'eus s'auisa de tâter le gué, à fin de les enclorre s'il étoit possible. Cétuy duquel ie vous ie vous parle auoit nom Tluacam homme adroit & gentil Cheualier au possible, aussi le fit il bien connoitre, auant que le combat print fin: car encores que leau fut haut, & le bord de la riue mal aisé à aborder de l'autre part, si passa ll outre & y porta, à plusieurs fois, iusques à huit de leurs soldats. Ce que voyant Frandalo & ses compagnons furent contrains eus separer en deus Esplandia & Enil demourerent ou auoit été commencé l'écarrou-

che, & Frandalo avecq' Gandalin entreprindrent garder l'autre côté du pont. Et Dieu sçait si lors ils eurent des affaires: car Tluacā voulāt vaincre, ou mourir, & s'etât faisi d'un autre glaive chargea Gādalīn de si droit fil, qu'il cuyda renuerſer hōme & cheual par terre, & brisa son bois. Par quoi mit soudain la main à l'épee, & frappant à dextre & à senestre, pensant être fuiuy des siens: échauffa si bien son cheual, que voulut, ou non, il le porta iusques au milieu du pont, ou le cuidāt arrêter glissa & cheut en l'eau, & se noya. Lors se prindrent les Turcs à faire vn tel cry, q̄ l'on n'eut pas ouy tonner, & quant & quant baissèrent tous les têtes, & iouans à quite, ou à double, mirent tout leur pouoir d'enfoncer tant d'une part que d'autre les quatre Cheualiers Chrétiens, lesquels soutindrent cet effort si cheualereusement, que force fut aus autres de reculer, & en demoura neuf qui furent ietés en l'eau dequels oncques puis on n'ouyt aucunes nouvelles. Mais Esplandian & les siens étoient si lassés, qu'ils n'en pouoient quasi plus. Lors il aperceurent leurs secours venir à breide abatuē. Et entendés que l'ocasion pour laquelle il auoit tant arrêté, Frenace Ecuyer de Frandalo, qui étoit allé querir Manely & les autres, esperant trouuer encores son maitre ou il l'auoit laissé, y étoit repassé. Et ne le trouāt point, se douta bien qu'il en auroit nouvelles au pont: & de fait ils y arriuerent tant a propos, qu'Esplandian & ses trois cōpagnons étoient quasi presque recreus. Mais quād ils conneurent leurs gens onques pauvres prisonniers mis en liberté ne furent plus ayſes, ny les Turcs plus étonnés: toutefois ils se commencerent à serrer delibérés de veger leur mort plus tôt que derendre les armes, Et auant que les Cheualiers de Galatie les peussent rōpre, ils leur donnerent trop d'affaires, combien qu'ils leur passerent à la fin sus le vêtre, sans qu'il en rechapāt vn seul pour aller porter les nouvelles a leurs amys. Or auoit Enil été du-

duement blecé au commencement, ainsi qu'il vous a été dit: parquoi fit regarder à sa playe, les autres navrés semblablement, puis reprindrent la voye de Galatie, se contentans pour ce iour de la victoire, qu'ils auoyent eue sus les Turcs. Et arriuant à la porte trouuerent Vrgande qui les atendoit, laquelle sçachant comme le tout s'étoit passé & le danger ou Esplandian s'étoit veu: luy dit par maniere de ieu: Par ma foi, mōsieur si i'eu belle peur de mourir quand ie tombay es mains de Melie, ie croy q̄ vous ne l'aués eue moindre de puis q̄ ie ne vous ay veu, au moins ainsi que i'ay peu entendre de ceus qui sçauent le danger ou vous vous êtes trouué ce iourd'hui. Ma Dame, répondit il, ie sçay bien que ie suis mortel, & que ma vie & ma mort sont es mains de Dieu, quand il lui plaira & si vous confesseray aysément que si nous neussions été secourus, qu'à la longue, nos affaires ce fussent portés mal. Neâtmoins ie m'asseure bien, que si celà fut auenu, nous eussions fait tomber si bon nombre de nos ennemis, que les autres eussent eu plus ocaseion de plorer la perte, que d'eus réjouir de leur gaing. Vrgande conneut bien aus gestes d'Esplandiā qu'il auoit mal prins son propos & à cete cause luy dit: Monsieur ie vous supplie me pardonner, & excuser l'indiscretion des femmes, mêmes la mienne qui me suis obliee pour ce coup. Ah ma Dame, répondit Esplandiā, vous aués toute puissance sus moi, & me pouvés depaindre, quād il vous plaira couard, hardi, ou tel qu'il vous sera à plaisir. Et ainsi deuisans vint descendre en son logis, ou le maître Helisabel nouuelement arriué d'Alfarin visita ses playes & les autres semblablement, qui auoyent besoing de son secours.

Comme les Cheualiers de la grand' Bretagne, qui étoient à Galatie, s'embarquerent avecq' Vrgande au nauire de la grand Serpente, pour aller en Constantinople, & de ce qui leur auint.

Am. 5.

CHAP. XLII.

Q Vinze iours entiers les Cheualiers, qui auoyent été navrés à cete derniere rencontre, furent cōtrains garder la chambre, atendants la guerison de leurs playes. Durant lequel tems Vrgande la Déconeuë, ptenoit vn singulier plaisir à lire aus livres de Melie, qu'Esplandian lui auoit fait apporter. Et tant y trouua de singulieres coniurations & autres enseignemens de lart de Nigromancie, qu'elle s'ébaiffait comme celle, qui les eut si long tēs en sa possession, ne sçauoit encores plus qu'elle ne faisoit, iugeant en soi-mêmes la Damoiselle Enchanteresse auoir été la plus parfaite de toutes celles qui se mêlent oncques de telles drogueries, ainsi que l'on pouuoit euidentement connoitre par le contenu de ses livres. Or s'approchoit le tems, qu'il étoit nécessaire, suyvat les destinees, à Esplandian & ses compagnons, faire le voyage de Constantinople: parquoi aussi tôt qu'ils se trouuerent dispos, Vrgande les fit tous assembler en vñe grād' salle, & elle au milieu deus, leur tint tels propos. Mes amys, sçachāt partie des prosperités, & infortunes, dont vous menassent les influances & cours celestes, ie me suis mise en chemin, mêmes pour venir voir Esplandian, & vous tous, de qui i'ay receu vn merueilleus plaisir, connoissant à mon arriuee l'amitié que vous me portés, & le desir qu'aués d'accomplir l'ordre de Cheualerie, non pour en recevoir gloire & recompense en ce mōde, qui est trompeur: ains seulement pour l'augmentation de nôtre foi & seruice de Dieu, qui vous en scaura gré. Et à fin que vous puissies longuement continuer en ce bon vouloir, & q̄ le fruit que i'en espere, puisse venir en seure maturité i'employerai désormais, non seulement le trauail de ma personne, iusques en toute extrémité: mais le sçauoir qu'il a pleu à nôtre Signr me prêter, avecq' lequel ie vous conseilleray ce qui me semblera nécessaire pour faire

H 3

fleurir

LE CINQVIEME LIVRE



fleurir & augmenter vôtres renommes, déjà épandue en toutes les parties du monde. Et pour commencement, je suis d'avis, que vous vous embarquiez tous avecq' moy dedans le navire de la grand Serpente, qui nous conduira en Constantinople vers l'Empereur sans lequel il est impossible que cete grande entreprise, ou vous vous êtes acheminés, se paracheue selon vôtres desir. Ioint que luy mêmes avant plusieurs revolutions d'annees, se trouuera en vne merueilleuse necessité, & telle qu'il se tiendra plus que trop heureux de vous auoir en son ayde. Et à bon droit: car à la fin lui & vous surmonterés la fortune selon vos intentions. Lors connoîtrés euidemment que ce que ie vous perdi est certainement veritable. Tandis que Vrgan-

de tenoit ces propos n'y auoit homme en la compagnie qui ne fut ententif à l'écouter. Et n'eut été qu'ils l'estimoient veritable & non mensongere, en tout ce qu'elle predisoit ils eussent douté grandement de la menace qu'elle faisoit à l'Empereur, étant si grand monarque & puissant Signr. Toutefois l'issuë qu'elle leur promettoit de ce trouble leur donnoit quelque contentement en leurs esprits, & en attendant faisoient bien état de prouuer leurs forces tellement, que leur prouesse se diuulgeroit encores d'auantage. Et au regard d'adresser leur chemin vers l'Empereur, comme Vrgande vouloit: certes c'étoit bien le but, auquel Esplandian tendoit le plus, esperant (si la guerre étoit ouuerte en la Grece: & le danger de l'Empereur si eminent)

nant (faire tant d'armes , qu'il aquiteroit non seulement son pere , de l'obligation qu'il auoit faite aus Dames de les aller seruir : mais confirmeroit l'amytié que la Princeſſe Leonorine luy portoit , en ſorte qu'il la pourroit auoir à femme . Et à cete cauſe print la parole pour tous ſes compagnons, aſſurant Vrgande qu'il n'y auoit nul d'entr'eux qui ne fut prêt à luy obeir , & aller ou il lui plairoit. Mes amis, dit elle, faites doncques demain de grand matin paſſer vos cheuaus en mon nauire, & quant à vos armes ne vous en donnés peine , i'y pouruoirai ſi bien que chacun en ſera content. Suſſiſe vous de vous embarquer incontinent après, pour faire voyle: car bien ſouuent vne entreprinſe trop differée ne viét à telle execution qu'elle deuroit, nō pour faute de bonne & meure deliberatiō, ains pour la negligence de ceus qui ſont ordonnés la mettre à execution. Ainſi fit arrêté le voyage de Constantinople, en ſorte que tous les Cheualiers de la grand' Bretagne entrerent au nauire de la grād' Serpente , menans quant & eus Frandalo, & Melie, & le capitaine de Theſifante, qui auoit été prins vn peu au parauant, comme vous aués peu entēdre, demourās pour la garde de la ville les gens de l'Amiral de Grece . Ce fait on vit le nauire s'ébranler de ſoy-mêmes , & prendre la route de la montaigne defendue , ou arriués chargerent le Roi Armato & deus Capitaines Turqs: car ainſi le voulut celle qui les guidoit. Puis le ſixième iour enſuyuant vint la grand' Serpente ſurgir à demy mille de Constantinople , ou elle s'arrēta. Lors Vrgande fit armer ſes Cheualiers des harnois qu'elle leur auoit apportés , qui étoient blans ayans deuant & derriere vne crois vermeille , qui leur donnoit ſi bonne grace que rien plus . Or étoient ils quarante Cheualiers de nombre fait , déquels les noms enſuyuent Eſplandian , Frandalo , Norandel, Talanque , Maneli le Sage, Ambor de

Gandel Garuate du val Craintif Gandalin, Enil, Trion couſin de la Roine Briolanie, Brauor, ſis du Geant Balan, Belleſis, Eliā le Deliberé, Licorā de la tour Blāche, Lyſtorā du pōt d'Argēt, Lādin de Saiarque, Ymoſil de Bourgnongne, Ledafin de Faiarque, Sarquilles couſin d'Angriorte, Palomīnor, Branſil, Tantilles le Superbe, Gabion ſis d'Yſamel, Carpin ſon frere, Carin de Carāte, Artalio ſis d'Oliuas, Bracele ſis de Brandoiuas, Caramāte ſis d'Arban Roy de Norgales, Amphinio d'Allemagne , Brandonie de Gaule , Penatrice d'Eſpagne, Flamene ſon frere, Culſpicio de Boème , Amandario de la petite Bretagne Silueſtre de Hongrie , Manlie de Sueſſe, Galfarie de Romanie, Galiot d'Ecoſſe , Amandalie ſon frere , & Galfeur l'orgueilleux. Si fut incontinēt ce vaiſſeau découuert par ceus de la ville, lequel ils reconneurent trébien l'ayant veu autrefois quand il leur donna la paour q̄ vous aués entendue es chapitres precedās. Toutefois, eſperans que celuy qui y nauigeoit ordinairement y étoit en perſonne, coururent tous aus murailles, le long de la greue, pour le voir deſcendre . Dont le bruit fut ſi grand, qu'il vint aus oreilles de l'Empereur , deuſant lors avecq' les Dames. Telles nouvelles pleurent tant à Leonorine, qu'aussi tōt qu'elle ouyt nommer la grand' Serpēte, elle ſe leua du lieu ou elle étoit. & vint aus fenêtres voir ſi elle pourroit choiſir Eſplandiā: mais le nauire étoit encores trop loing du port, & ſi ne ſe mouuoit aucunemēt pour en approcher. Parquoi craignāt être deceuē cōme elle fut à l'autre fois, commenca à muer de couleur. Dequoi la Roine Menoreſſe ſ'aperceut ſi bien, qu'elle luy dît par maniere de moquerie: Ma Dame cete mauuiſe chere q̄ vous faites ēt elle pour nous déguiſer vōtre ayſe: ou de crainte q̄ ie ne ſuborne celuy qui nous vient voir? Mais vous ma couſine , répondit elle , depuis quand vous mēlés de gaudir? Sus ma foi, ie ne penſay de ma vie à la premiere de

LE CINQVIEME LIVRE

ces deus choses, & doute encores moins de la seconde: car vous sçaués tout ce que ie sçay. Et si n'ignore pas qu'onques puis le nauire de la grand' Serpente ne fut la ou ie lavoy que nous n'eumes pas pour tant celui que nous atendons: parquoy ie crains & avecq'raison, qu'il nous en prenne tout autant. Et comme elle acheuoit cete parole, le nauire s'ébranla iusques à vn trait d'arc du port, & peut on voir aysement ouurir l'vn de ses flancs, & ieter vn equif & peu après descendre Carmelle, & deus autres Damoiselles, lesquelles commencerent à sonner trémelodieusement deus instrumens qu'elles portoyent, de sorte que ceus de la ville pensoyēt être chose diuine non humaine & ne cefsa cete harmonie, iusques à ce qu'elles eurent prins terre. Lors marcherent droit au palais de l'Empereur, lequel reconnoissant Carmelle eut meilleure esperance de voir Esplandian, qu'il n'auoit onques eue. Et s'aprouchant pour en sçauoir des nouuelles, elle lui fit la reuerēce ny plus ny moins que les autre-fois, lui disant: Sire, mon Seigneur Esplandian (que vous aués tant souhaité en vōtre compagnie) est presentement arriuē en ce port dedans le nauire de la grand' Serpente, avecq' bon nombre de Cheualiers ses compagnons & amys, memes d'Vrgande la Déconneuē, lesquels vous suplient leur faire tant de les atendre ceāns, ou ils desireront vous faire la reuerance. Vrayement Carmelle, répondit l'Empereur, ie n'ouy de ma vie message qui tant me pleut. Je ferai ce qu'ils me mandent, encores que i'eusse bien deliberé de les aller recevoir la dehors, & faire l'honneur qui leur appartient: mais puis qu'ils le veulēt autrement, ie leur satiferai. Il suffit, dit Carmelle: nous retournerons doncques vers eus les asseurer de vōtre bon vouloir. Allés, répondit l'Empereur, & leur dites de par moi, qu'ils seront les plus q' trébien venus. Ainsi s'en partit Carmelle, avecq' les deus autres Damoiselles, & ce pendant qui eut prins

garde à Leonorine on eut aysement iugé l'alteration de son cuer tant plain d'ayse q' sans la Roine Menoreffe, qui luy tenoit la bride, elle eut (peut être) fait chose peu auantageuse à son hōneur, voulāt à toute force laisser l'Imperatrix sa mere, & aller au deuant d'Esplandian, pour l'absence duquel elle auoit si longuemēt souffert. Mais la Roine sage & discrete, fit tāt qu'elle l'arrēta à la fenētre, à fin q' l'ō ne conneut la mutation de son visage. Si ne tarda gueres Carmelle, qu'on la vid rētrē en l'équif, & aborder la grand' Serpente, de laquelle on aualla peu après deus barques qui apporterent quelques cheuaus en terre puis retournerēt querir les Cheualiers & ceus qui voulurent sortir, & entre autres sis Damoiselles, trois dequelles sonnoyēt des haus boys, puis se taisoient, & cōmençoient les autres trois vne armonie de lucs & violōs la plus plaisante qu'ō eut peu ouyr. Et en tel equipage descendus au port & montés à cheual entrerēt en la ville marchans premier les sis Damoiselles suiues des deus Turqs, qui furēt prins au siege de la montaigne Defenduē. Derriere eus le Capitaine de Thesifate, le roy Armato, à côté de luy l'Infante Melie vé tuē de la robe d'Ours qu'elle auoit le iour de sa prinse, & les quarante Cheualiers deus à deus acoutrés (& leurs cheuaus aussi) de semblable parure. Au milieu dequels étoient Vrgande la Déconneuē parlant à Esplandian & au Roi de Dace. Et comme ils furent ioignans le palais l'Empereur, l'Imperatrix & les Dames vindrent les recevoir: s'adressant l'Empereur à Vrgande, luy fit aiant d'honneur, que si elle eut été la plus grand' Roine de la terre. Ce pendant les Cheualiers étans entre les Dames dōnerent biē à entēdre à ceus qui les regardoyent, qu'ils n'étoient moins courtisans enuers elles, que cheualerens, & prompts aus armes: memes Esplandian, leq'l s'aprouchant de Leonorine mit le genoil en terre pour lui baisser les mains: mais elle le refusa, faisant penser vn chacū être mal

malcontente de lui, pour auoir si long tēs differé à venir à la court, comme il auoit promis, dōt l'Empereur qui y prenoit garde ne se peut tenir de rire, & luy dît: Cōment: ma fille, êt ce le bon recueil q̄ vous faites à vōtre Cheualier, & le gré que vous luy portés pour être venu par deça expressement vous seruir? Le vous prie souuient ne vo⁹ qu'il merite autre visage, & ne fût ce q̄ pour l'amour de son pere, à qui vous êtes tant obligée. Monsieur, répondit Leonorine, c'êt ce qui me fait plus mal contente de luy: car s'il ressembloit aussi bien le Cheualier à la verde Espée en courtoisie, que de visage, il n'eût tant differé d'obeir au commandement qu'il a de luy, & aus prieres que vous & moy luy auōs faites par Carmelle & autres comme vous sçaués. Ce m'aïtdieus m'amy, dît l'Empereur, vous dites vray, toute-fois ie n'eusse pas pensé que vous eussies si longuement tenu vōtre cueur, veu ce qu'il a fait pour vous, & les beaux presens qu'il vous a enuoyés. Monsieur, répondit elle, s'il a fait quelque chose pour moy, ç'a été hors mon commandement. I'eusse trop mieus aymé qu'il eût fait moins en cela, & il eût obeï au vouloir de son pere, & au mien. Ma Dame, dît l'Empereur parlant à Vrgande, vous voyés en ma fille combiē êt grande la colere d'une femme marrye. Sire, répondit elle, la raison êt de son côté: car Espladiā obeissant à son pere, deuoit se cōformer à la volōté d'eile & à la vōtre aussi. Et ayant en cela failly tout ce qu'il dit auoir fait en sa faueur doit être estimé cōme rien: encores que ie sçache assuremēt que la souvenance de ma Dame vōtre fille l'a fait, quelquefois combatant, entrer en tel peril, que c'êt chose miraculeuse cōme il en êt peu échapper sans mort. Et par ainsi ma Dame, dît elle à Leonorine, il merite auoir pardon, & ie vous en prie. Durant le parler d'Vrgande la Princesse regardoit Esplandian d'un tel œil, qu'il viuoit & mouroit en elle, & lui d'autre part luy faisoit sentir de quelle sorte amour

traite ceus qui tient le plus en sa puissance, tellement qu'elle demoura longue espace sans répondre à Vrgande, non pour luy vouloir mal, ou déplaisir de ce qu'elle auoit dit, ains sentant son cueur si ému, qu'elle trembloit cōme la fucille sur l'arbre. Toute-fois elle s'assura à la fin, & lui répondit. Ma Dame, puis que vous trouués bon que ie luy remette sa faute ie le feray pour ce coup, sous condition s'il s'oublie d'orénauant comme il a fait par le passé, que vous porterés pour luy la penitence de son demerite. Lors le print par les mains & le leua changeant de propos: pour ce que l'Imperatrix (à laquelle le roi de Dace auoit parlé ce pendant) survint & fut contraint Esplandian laisser Leonorine pour l'entretenir. Or n'auoit l'Empereur encores fait aucū recueil au Roy Armato, ne l'ayant cogneu de prime face: mais aussi tōt qu'on le lui mōtra, il le vint embracer, & luy dît: Monsieur mon frere, ie vous prie excuser mon ignorāce, & me pardonner, si du cōmencement ie ne vous ay fait meilleur recueil, ne sçachant qui vous éties, i'amenderay la faute quand il vous plaira. Monsieur, répondit Armato, ie suis maintenant (puis qu'il plaît à fortune) en lieu, ou vous pouués me cōmander: & toute-fois ie vous supplie vous souuenir qui ie fus, & qui ie puis être, & faire enuers moy, ainsi que vous voudriés que ie fisse pour vous en pareil cas: considerāt en vous-mêmes qu'un tel malheur que le mien vous peut semblablement auenir. Et que ce n'êt moindre vertu d'vser de gracieus traitemens enuers les vaincus, que de combattre & supéditer les plus grans. Si le conduit l'Empereur en son palais, ou les autres le suyurent. Et comme ils furent en la grande salle il les laissa avecq' l'Imperatrix pour parler à Frandalo, lequel il tira à part & luy dît: Seigneur Frandalo, pour vous donner à cognoître combien me sont agreables les seruices que vous m'aués fais, tant à la surprinse d'Alfarin, Galatic, que autres lieux & places de

LE CINQUIEME LIVRE

l'apanage du Prince Alforax, ie veus que desormais vous porties l'enseigne de mō Empire, de laquelle ie vous crée & étably Maréchal. Treshumblement le remercia Frandalor, se tenāt heureux d'être parvenu en telle auctorité.

Comme Norandel & la Royne Menoresse furent amoureux l'un de l'autre & des propos qu'ils eurent ensemble.

CHAP. XLIII.

Ainsi étoit l'Empereur entre ces cheualiers, leur faisant la meilleure chere dōt il se pouvoit auiser. Et en ces entrefaites auint que la Princesse Leonorine & la Royne Menoresse, voyans le Roy de Dace & Norandel ensemble, apellerent Carmelle, & luy demanderent qu'ils étoient. Mes Dames, répondit elle, autrefois aués vous peu voir celuy qui a moins de barbe, qui est le Roy de Dace, lequel amena ceās Frandalor. Et cēt autre est Noradel fils du Roy Liusart, estimé l'un des plus adrois Cheualiers q̄ l'on treuve. Je vous prie, dit Leonorine, faites les aprocher q̄ nous parlions à eus. Lors Carmelle les apella, & cōme ils furēt deuāt les deus Princeses tāt plus ils contēploient l'excellēce de leur beauté, & plus se donnoient de merueilles & nō sans cause: car (apres Leonorine) à peine eūt on sceutrouver en toute la Grece vne, qui secondāt la Royne Menoresse spécialement en bonne grace. Mais si elle auoit quelque perfection en elle, Nature ne s'étoit pas oubliée enuers les deus Cheualiers, principalemēt en Norandel, qui iusques alors n'auoit senti l'éguillō d'amour, & moins la Royne Menoresse. Toute-fois ce petit larronneau les surprint si couuertemēt, qu'il les lya tous deus, les rendans captif l'un de l'autre, de sorte qu'apres plusieurs propos se retirans à part laisserēt le Roy de Dace deuifans avecq' Leonorine: & demanda la Royne à Norandel, qu'il luy sembloit de la Princesse. Ma Dame,

répondit il, encores q̄ ie l'eusse ouye estimer entre toutes les parfaites du monde, si n'eusse-ie iamais pensé q̄ la beauté mēmes eūt été si belle q̄ ie la voy, combiē q̄ vous lui en deués si peu, q̄ ie m'estimerois bien heureux d'auoir été endormy le iour que i'entreprins de venir pardeça. Pourquoi? dit la Royne, vous a on fait ceans si mauuaise chere? Non, ma Dame, répondit il, mais on m'y a dérobé ce q̄ plus i'auois gardé soigneusemēt toute ma vie. La Roine ne sçachant qu'il vouloit dire, fut lors biē ébaie, & luy demāda que c'étoit, & s'il conoissoit le larron. Oy ma Dame, répondit il, & si est bien en vous de m'en faire la iustice, s'il vous plaît: car vous, & nō autre aués ce dōt ie me plains. En bōne foy, dit la Royne, vous me pardōnerés, ie n'ay riē à vous, q̄ ie sçache. Ma Dame répondit Noradel, depuis le tems que ie me cognois i'auois gardé ma liberté entiere sans l'aliener à personne viuante: toute fois entrant ceans (aussi tōt que i'ay eu l'œil sur vous) ie me suis trouvé, delibre & franc que i'étois, serf & captif de vōtre bonne grace, laquelle ie vous supplie treshumblement me donner, en recompense de ma liberté que vous m'aués vsurpée. Vrayemēt Cheualier, répondit elle, vous vous foruoyés grandemēt pour ce coup: car si vous m'essies regardée comme vous deuies, vous ne m'eussies trouvée telle que vous dites, & eussies pensé deus fois à me tenir tels propos. Neantmoins ie ne les prendray de vous (qui êtes étranger) en si mauuaise part, que mon honneur me le commāde: aussi croy-je que vous parlés tout autrement que le cueur ne vous iuge. Et ce disoit elle pour sonder le gué & entēdre asseurement de Noradel, si ses paroles étoient faintes, ou non: lequel oyant cēte facheuse réponse, se trouua merueilleusement étonné ce nonobstant (pressé d'Amour) luy répondit ainsi: Ma Dame, pardonnés moy l'offence que i'ay commise enuers vous. Tant y a q̄ par la foy que ie doy à Cheualerie, ie vous ay entierement décou-

découvert le secret de mon ame. Et si vous ne m'en voulés croire pour ce coup, j'espere à l'auenir faire telle chose, que vous vo' aperceurés de l'enuie q' i'ay d'être vôt Cheualier, si vous me voulés faire ce bié & honneur de me receuoir pour tel. Quand la Royne Menoresse le vid si ferme, mêmes qu'en proferant ces paroles il begueyoit d'affection, elle eut à son auis argument pour aiouter foy à son dire. Au moyé dequoy elle luy répondit : Seigneur Norâdel, si vous faites ce q' vous me promettés, ie croiray ce q' vous me dites. Et quât à vous retenir pour mon cheualier, il me semble que ie me ferois tort de refuser telle faueur d'un si gentil personnage q' vous êtes, ainsi ie le vous acorde & vous en prie. Ce disant tira de son doigt vne petite bague, qu'elle portoit ordinairement, & la luy donna pour témoignage de leur nouvelle alliance, & n'eût été que l'Empereur se vouloit mettre à table pour souper, ils n'eussent si tôt mis fin à leurs propos. Mais l'Imperatrix se retira, & fut contrainte la Royne Menoresse de la suyure & amener, quant & elle, Melie & Carmelle, ausquelles on fit tout l'honneur & bon ne cheré dont on se peut auiser. Puis étâs les tables haucées, Leonorine, qui auoit veu Norandel & la Royne parler si affectueusement l'un à l'autre, se douta bien qu'il y auoit anguille sous roche, parquoy la tirant à part, commença à luy dire: Ma cousine, ie croy que ce Cheualier, qui vous a si long tés entretenue, vous cōtoit quelques nouvelles de la grand' Bretagne, ou chose qui vous plaisoit grâdemment. Ie vous prie, belle Dame, dites moy que c'étoit : car vous étiez merueilleusement ententue à lécouter. Comment? ma Dame, répondit elle, depuis quand à vous aprins de vous gaudir? Apellés-vous gaudir, dit la Princeesse, quand on fait à bon écient? Pleût à Dieu que la moquerie que ie pense sur vous, peût auenir ainsi que ie la vous desire. L'aurois pour le moins, autant d'erres sur vous, que vous aués eu sur

moy iusques à ce iourd'huy, dequoy ie serois grandement ayse, non tant pour auoir qui m'accompagnât en semblable mal qu'êt le mien, que pour vous rendre en pareil change ce que vous me prêtâtes, quand vous sceutes premièrement les amours du bon Cheualier Esplandian & de moy. Par ainsi ne craignés à me declarer ce qui en êt, autrement ie vous tiendray d'orénauant suspecte en tout ce que i'ay fait & voudray faire. Ma Dame, répondit la Royne, plus tôt certes vous declareray- ie ce que i'eusse voulu celer à ma propre chemise. Le Cheualier dont vous parlés (ie ne sçay par quel malheur) m'a tant fait sienne, que ie sens en moy chose que ie n'auois oncques pësée. Et tout ainsi que ceus qui sont atains d'une grosse fiure cōtinue, trouvent meilleur le goût de l'au, que l'esperance de la vie: sensemblablement moy qui étois coutumier de contenner (non seulement) le pouvoir d'Amour, mais blâmer ceus qui se rendent à sa suiëction, estimât leur être chose plus volontaire que forcée, ie me sens tellemēt suprinse, que si Dieu n'y pouruoit, ie suis au plus grand danger de tomber que fut oncques pauvre femmelette. Comment? ma cousine, dit Leonorine, le Seigneur Norandel seroit il bien si dépourueu de sens qu'il voust dédaigner l'amour d'une si belle & honnête Dame que vous êtes? Aués-vous cognen en luy qu'il porte ailleurs affection? Non, répondit elle, ains au contraire s'êt déclaré du tout à moy, sans ce qu'il en ayteu autre auantage, sinon que ie l'ay accepté pour mon Cheualier. Vrayemēt, dit Leonorine, i'en suis trefayse, & si vous eussiez fait le cōtraire, il eût eu grâd' ocasiō de se plaindre, & vous encores plus de refuser vn tel bien, quand il se presente sans dissimulation. Autrement si ce que ie nomme bien êt variable, ce n'êt bien: mais malediction. Ie croy certainement que le Seigneur Norandel aymeroit mieus mourir de mille mors, que de s'acoutrer d'un si malheureux acoutrement.

LE CINQUIEME LIVRE

trement. Ainsi delibérés vous de le bien traiter, vous assurant que ie vous seconderay en tout ce que ie pourray, & feray pour vous cōme vous aués fait pour moi. Et tant deuiferent ensemble, que l'Empereur & sa compagnie étans hors de table, vindrēt voir les dames: toute-fois ny Leonorine, ny la Roynne Menoresse eurent moyen pour ce soir d'entretenir leurs amys d'autre chose, que d'un piteus regard, auecq' lequel leurs cueurs passionnés receuoient quelque allegement. Or étant l'heure d'aller dormir, chacun se retira au logis qu'il luy auoit été ordonné. Et comme la Roynne Menoresse se trouua seule couchée en son lit, commença à pēser aus propos que Noradel luy auoit tenus, delibérant quelque fois essayer à son possible d'en distraire sa fantasie. Puis aussi tōt changeoit de propos, & disoit en soy-mêmes: Helas! y eut il oncques constāce pl^{us} grande que celle que i'ay eue iusques à maintenant? Faut il ainsi me rendre apres auoir enduré par le passé tant de durs & cruēls assaus? Las! ie cognois bien qu'il ēt force, & qu'il vaut trop mieus presentement recevoir guerison, que de brûler ain si à petit feu comme ie fais. Mais quoy? s'il auient que ie obtempere à mon singulier desir (pauvrette q̄ ie suis) ie voy à veuē d'œil le danger ou ie puis tomber, & la seruitute ou i'entrē, de laquelle ie ne pourray sortir de toute ma vie. Ainsi il vaut trop mieus me vaincre moy-mêmes & commander à ce qui me commande, q̄ faire chose dont cy apres ie me puisse repentir. Puy se taisoit, & se tournant puy çà, puy là, comme personne trauaillée & en cors & en esprit, plutôt n'auoit resolu vne chose, qu'aussi tōt elle ne fût rompue tant étoit son inconstāce grande. Toutes-fois apres auoir bien debatū en soy tous les plaisirs ou déplaisirs qui se representoient, finablement profera à haute vois ces paroles: Je ne sçay qu'il en auendra, mais amour me promet de grandes choses: au fort, si ie m'oublie d'orēnauant, il

en sera blāmē, non pas moy qui ne feray rien qu'en sa puissance, & en cete opinion s'endormit. Et le lendemain se trouuans Norandel & elle à propos, confermerent tellemēt leur amytiē, qu'ils entreprindrēt la conduire plus par prudence q̄ par passion. Ce que doiuent imiter ceus & celles qui sont en termes semblables, pour paruenir au poinct de l'heureuse iouissance, qu'on souloit apeller anciennemēt le gracieus don de mercy.

Comme Vrgande la Décogneuē declara à l'Empereur la prophetie qui auoit été trouuée en la tombe, & de deus Dragons qui l'emportèrent en l'air auecq' le Roy Armato & Melie, au myliu de la ville de Thesifante.

CHAP. XLIIII.

Vous aués entendu cy deuant, cōme Carmelle moutra à l'Empereur dedans son nauire la tombe qu'Esplandiā auoit conquise en la montaigne Defendue, mêmes l'ymage de Iupiter, & la prophetie qu'elle auoit sur elle, qu'il imprima si bien en sa fantasie, qu'oncques puis il ne fut vn seul iour sans y penser. Au moyen dequoy le lendemain que cete noble compagnie fut arriuée en Constantinople, considerant qu'il n'y auoit personnage au monde plus digne à declarer ce dont il doutoit qu'Vrgande la Décogneuē, la fit apeller en sa garderobe, ou étoient l'Imperatrix Leonorine, & la Roynne Menoresse sans plus. Et eus cinq ensemble l'Empereur fit apporter la statue de Iupiter, & dīt à Vrgande: Ma Dame, ie vous prie me faire tant de bien de me declarer (s'il vous ēt possible) que veut dire le contenu des lettres qui sont en cēt ymage. Si les leut Vrgande, & apres y auoir quelque peu pensé, répondit à l'Empereur: Sire, le grād sçauoir que cete ydole a predit deuoit être perdu au tēs auenir, & de-ja auenu: car comme vous sçaués, la puissance de Iupiter, & autres dieus faus & controuués, a été suprimée & aneantie par l'auenement de I E S V S Christ.

CHRIST. Et quant à ces mots, le serf de la serue aura cy sepulture, & la vie restituée par qui souffre la mort, ce sont termes difficiles & tresobscurs: toute-fois ie les vous declareray au moins mal qu'il me sera possible. Or pensoient Leonorine, & la Royné Menoreffe, qu'elle voust parler d'Esplandian, qui auoit été mis au coffre de Cedre, comme vous aués leu. Parquoy elles, surprinses d'une crainte nō pareille, cōmencerent à soy regarder l'une l'autre plus mortes q̄ viues. Ce q̄ cognoissant Vrgande voulut les assurer, continuant son propos de telle sorte: Sire cete prophete fut faite pour Matroco Seigneur de la montaigne Defendue, lequel, comme vous sçaués, fut payen iusques a son dernier iour, qu'il recogneut nōtre Seigneur IESVS-CHRIST. Par ainsi il demoura lōg tems seruiteur de la serue: car tel se doit nommer la secte malheureuse d'idolatrie: mais Esplandian voyant sa repentance, permit qu'on l'inhumât en l'hermitage, ou èt encores de present le pere de Carmelle, laquelle depuis a tant honoré le cors du Geans, qu'elle mêmes a enseuely ses os au coffre de Cedre, q̄ vous ma Dame (dît elle à Leonorine) luy donâtes si bien vous en souvient. Et au regard de cete ligne contenant telles paroles: La vie sera restituée par qui souffre la mort, cela se doit aussi entendre de luy: car perdant cete vie transitoire, a recouvré l'eternelle au sein d'Abraham, tant luy a fait nōtre Seigneur de grace, par le merite de la passio de son fis, en qui il a creu, cōme ie vous ay dit. Et voyla, sire, le plus que ie puis à present tirer de cete prophete. Oy mais, répondit l'Empereur, que deviendra le demourant? Sire, dît elle, ie ne le vous sçauois declarer, non plus que pourroient faire mes Dames, vōtre fille, ou la Royné Menoreffe. Tant y a q̄ vous le verrés acōplir en brief, & s'il vous touche en quelque chose, le plus grand bien qui vous en peut auenir èt, que le tout redondera plus au salut de vōtre ame, qu'à

nulle pompe ou gloire mōdaine, & vous contentés pour cete heure s'il vous plaît. Oy vraiment, répondit l'Empereur, & à tou-jours aussi: car pourveu q̄ l'ame soit bien, ie me donne peu de la misere ou passion du corps. Et sur ce poinct laissa Vrgande avecq' l'Imperatrix, & vint en sa salle, ou l'atendoient grand nombre de Cheualiers & Gentils-hommes, avecq' lesquels il passa la reste du iour en tous les passe-tems dont il se peut auiser. Mais ce pendât fortune ourdissoit petit à petit la toyle & filé, auquel elle le vouloit enclorre & toute sa troupe, pour leur donner les ennuyes & tribulations qu'ils eurent depuis, le cōmencemēt desquels fut tel que vous pourrés entendre presentement. A vn mille de la ville l'Empereur, auoit fait bâtir vn sumptueus palais apellé Vaelbeniatnof, le plus aprochant qu'il auoit peu de celuy qu'Apolidon edifia en l'Ile Ferme, & étoit ce lieu acompagné d'un parc fourny de tout ce qui étoit requis au plaisir de l'homme, & là delibera mener les dames avecq' Esplandian & sa cōpagnie, mêmes le roy Armato, pour leur faire la meilleure chere qu'il luy seroit possible. Et de fait le troisieme iour ensuyuant delogerēt tous de Constantinople & vindrent à Vaelbeniatnof. Si entrerent par la porte du parc, dans lequel trouverent les Veneurs & limiers attirés au boys, tellement qu'a leur arriuee fut lancé vn grand Cerf, lequel finablement apres maintes ruses vint mourir quasi entre les Dames. Et passans outre rencontrerent le Sanglier écuman de la chassé que luy donnoit le Vautroy, si àpre, qu'ils le contraignirent s'aculer, & à coups de defences chasser les plus fors leuiers d'autour de luy: mais à la fin l'un des Veneurs luy donna en la gorge & l'abatit. Tant dura ce plaisir, qu'il fut heure d'aller souper: parquoy se retirans ces Seigneurs & Dames au palais trouverent les napes mises, & les seruit-on en toute magnificence. Puy étans les tables haucées, commença le bal qui ne print fin iusques à ce

LE CINQUIEME LIVRE

à ce que le sommeil les fit tous retirer, esperans recommencer le lendemain mieus que deuant. Ce qu'ils eussent fait indubitablement sans fortune, qui voulut être de partie, & troubla tellement la feste, qu'elle leur donna bien à entendre comme elle se scait faire à croire de ce qu'il luy vien à plaisir. Le iour doncques ensuyuant étans de ja sur la véprée ces Princes & Cheualiers, Dames & Damoyelles, s'ebatans au parc, les vns deuifans auec celles qu'il auoient plus affectionnées, contentans leurs esprits de propos moins enuieus qu'Amour leur enseignoit, les autres courans & s'ebatans à cueillir fleurs & faire ce qui leur seyoit le mieus. Melie (de la quelle on n'auoit sceu tirer iusques à lors vne seule parole) s'adressa à Vrgande & luy dit deuant tous: Ma Dame, ie m'ébaï (s'il ét ainsi que vous ayés autant de sçauoir comme l'on estime) que ne donnés maintenant quelque plaisir à cete belle compagnie. Melie, répondit Vrgande, là ou vous serés ie n'entreprédray iamais rié deuant vous: mais vous le deués faire état seure que l'Empereur vous en sçaura tre bon gré. S'il luy plaît, dit elle i'en suis contente, pourueu que puis apres vous serés comme moy ou mieus si vous pouvés. Vrayement, dit l'Empereur, ce party ét raisonnable, & ie vous en prie toutes deus. Sire dit Melie, commandés doncques à Vrgande qu'elle me prête vn livre que ie soulois auoir, sur lequel ét l'effigie de Medée, & son nom écrit au dessous: lors pourrés voir partie de mon art, & si Vrgande ne l'a sceu iusques à maintenât, elle le pourra aprendre de moy. En bonne foy, dit Vrgande ie ne refuseray pas ce bon tour. Lors apella l'vne de ses femmes, & luy commanda aller querir le livre, & tandis Melie print par la main le Roy Armato. Et comme si elle luy eût voulu parler d'affaires, se promenerent quelq tems ensemble. Puis vindrent s'asseoir ou étoit l'Imperatrix, les Dames & damoyelles deuifans de plusieurs propos

en atendant ce que Melie auoit demandé, que la Damoyelle d'Vrgande luy apporta peu apres. Si ouvrit le volume, & comença à y lire, faisant aucuns fines tous jours les yeus éleues cōtre le ciel, & apelant Vrgande luy dit qu'elle s'apochât pour voir chose qu'elle n'auoit oncques veüe. Vrgande qui ne se doutoit de la finesse se vint mettre d'vn côté & Armato tout ioignât, de sorte qu'elle demoura entre luy & Melie, laquelle commença à feuilleter le livre leur montrant certaines propheties & autres singularités, & quasi à l'instant le ciel se troubla d'vne nue ronde, & von brouillart si obscur, qu'ils ne se pouoiét voir l'vn l'autre, quand la nues s'entr'ouvrit. Adōcq' descendirēt deus Dragōs grās à merueilles, trainās vn chariot qu'ils vindrent presenter vis à vis d'Vrgande, la quelle Armato & Melie serrerent si étroitement, que voufist elle, ou nō ils la poufserent dedans, & eus apres. Lors les Dragons ayans leur charge s'éleuerēt en l'air, & les emporterent, criant Vrgade secours à haute vois, mais ce fut en vain: car à vn ceil d'œil elle fut perdue dans le ciel, dont survint tel trouble en cete compagnie, qu'Esplandian, Talanque, Ambor, Manely, & les autres Cheualiers venus quant & elle, firēt serment de iamais n'arréter en lieu plus haut d'vne nuit qu'ils ne l'eussent trouvée. Au moyen dequoy le iour mêmes, prenans congé, & de l'Empereur, & de celles qu'ils laissoient à regret, r'entrerent en la nef de la grand Serpente: mais premier Esplandian parla à l'Infante Leonorine, la supliant treshumblement ne prédre en mauuaise part l'entreprinse que luy & ses compagnons auoient faite pour personne à qui ils étoiét tant obligés, l'assurant qu'aussi tôt qu'ils en auroient nouvelles, ils retourneroient en Contantinople. Mon amy, répondit elle, il me semble que celà se deuoit faire vn peu plus à loysir, non pas si chaudement que vous l'aués voulu: toute fois ie suis contente de ce qu'il vous plaît, mais n'ou-

n'oublies le retour ainsi que vous promettés. Ce qu'Esplandian luy iura & tandois Norandel & la Royne Menorelle (tât ennuyés que merueilles) ne sçauoient bõnement quelle contenance tenir, & auoient l'un & l'autre les cueurs si ferrés, que la Royne fut contrainte se retirer en sa chambre, & se ieter sur vn liët, fermant l'huys sur elle, de sorte q Norandel n'eut moyen de luy dire à Dieu, ains s'embarqua sur l'heure, acompagné d'une infinité d'eunuis & regrers. Et commença la grãd Serpente à voguer d'elle mêmes en sorte qu'elle print port en la montaigne Defendue peu de iours apres.

Comme le deus Dragons porterent Vrgande, Melie, & le Roy Armato au mylieu de la ville de Thefisante, & de la grãd armée que fit mettre sus Armato, pour entrer es pais de l'Empereur de Constantinople.

● H. A. P. XLV.

LEs Dragons en l'air emportans au chariot Vrgande, Armato, & Melie, vollerët d'une telle ælle, qu'ils se trouverët vn peu deuât le iour au dessus de la grand ville de Thefisante, & là posèrent ces trois personnaiges: puy reprindrent leur vol & s'euanoirent, qu'onques puy on ne les vid. Si fut le Roy Armato bien ayse, quãd asseurément il recogneut être arriué au lieu, ou il auoit toute puissance, & s'en vint en son palais, ou il trouua la garde à qui il se fit cognoître. Et incontinent en allerent auertir le Prince Alforax, lequel bien ébahi se leua de son liët, & ietant sur ses épaules vne robe fourrée, courrut embracer, son pere, qui luy sembla si changé, rât pour sa lōgue barbe, q de l'ennuy qu'il auoit souffert, que les larmes luy vindrēt aus yeus. Et commença à luy dire: Monsieur, vous soyés le plus que tré bien venu, & pour Dieu dites moy, s'il vous plait, comme fortune vous a été si amye de vous deliurer de la misere ou vo' aués été par tant de iours à mō trégrand déplai sir

Mon fis, répondit il, Melie le vous racontera mieus que moy: car elle èt seul moyen du bien q i'ay à present, & si a amené quant & nous Vrgãde la Décogneüe, dõt quelquefois vous aués ouy parler. Et comme il acheuoit cete parole, Melie & Vrgãde entrerent, & fut le bruit si grand par la ville du retour du Roy, que tout le peuple s'émue pour le venir voir, autant ioyeus de son arriée, que Vrgande marrie de se trouver en tel lieu. Et ce qui plus encores l'ennuya Melie lui dît assés mal gracieusemēt deuât tous: Vrgãde deus choses m'incitent é se sauuer la vie. La premiere pource qu'en ma captiuité tu n'as permis m'être dite parole mal gracieuse, & moins qu'on m'ayt fait mal, ou déplaisir. L'autre, que ie sçay certainement le Roy Armato auoir receu par ton moyen tōt le bon traitement qu'il a eu durant ses infortunes. Neantmoins le mal q tu as procuré à ce pais) étant cause que les Chrétiens y sont entrés) èt suffisant pour te faire souffrir prison perpetuelle, en laquelle ie t'enfermeray si étroitement par mō sçauoir, q le tien te profitera peu pour en sortir de ta vie. Et combien que telle sentence deût étonner Vrgãde, si se montra elle tant constante, qu'elle n'en changea onques de couleur, delibérant en soy-mêmes prendre en patience tout le pis qui luy sçauroit venir. A cete cause répondit à Melie: Ma Dame, vous ferés de moy ce qu'il vous plaira: mais il me semble que vous me deués traiter ny plus ny moins que vous aués été lors que l'ay eu pareille puissance sur vous que vous aués sur moy: autrement vous me ferés tort & à vous-mêmes aussi, à moy, qui suis vieille & ancienne, me mettant en la captiuité dont vous me menacés (ne vous ayant onques meffait) & à vous, si preferés cruauté à la bonté, de laquelle vous aués été toujours estimée. Si ne luy répondit Melie vn seul mot, ains commandá qu'on l'enfermât en vne grosse tour qui étoit au mylieu de la ville, sur laquelle elle

elle fit telles coniurations, qu'Virgãde cõgneut bien q̃ sans la misericorde de Dieu, il luy seroit impossible d'auoir iamais liberté. Toute-fois elle viuoit en esperãce, considerant l'estat muable de fortune, & q̃ le Roy Armato mèmes auoit esté deliuré casuellement, lequel demoura quelques iours en la grand' ville de Thesifante, sans faire semblât de se vouloir véger. Mais à la fin depécha Embassadeurs vers tous les Signeurs du Leuant les amys, aliés, & cõfederés, les supliãs prendre les armes, pour chasser les Chrétiens, non seulement de Galatie, Alfarin, & autres places qu'ils auoient vsurpées sur luy, ains destruire Cõstantinople, avecq' le reste de la Chrétienté. Et pour cete ocaſion leur escriuit la lettre, dont la teneur s'ensuyt.

Lettre du Roy des Turcqz Armato, à tous les Princes d'Orient.

ARMATO par la prescience de nos dieus immortels, au gouvernement du grand Royaume de Turquie frontiere & boelleuert de la loy Payenne, à tous les Califfes, Roys, Soudans, Amiraus, & Gouverneurs des païs qui sont es parties d'Orient, salut. Au retour de la prison dõt nous sommes deliurés maintenant, il m'a semblé bon vous faire entendre, comme puis n'agueres, ét sorty du Septentrion & venu en ces marches vn Cheualier decédu (comme l'õ dit) de la lignée de Brurus le Troyẽ auquel nos dieus ont permis pour nos iniustices (comme il ét vray semblable) conquerir la montaigne Defendue, mettant à mort Matroco & Furion deus Cheualiers estimés entre les meilleurs de tout l'Orient. Et (qui pis ét) s'augmentant de iour en iour. le nombre des Chrétiens, s'efforcent exterminer & aneantir nôtre sainte loy: pour à quoy obuier auions prins les armes, & mis sus vne forte & puissante armée, pensans pour le moins les chasser de nos limites. Toute-fois, aptes auoir tenu longuement le siege deuant la montaigne Defendue & reduit en telle extremité ceus de dedans, qu'ils n'auoient plus nuls

vivres, celuy duquel nous nous doutons le plus, premier entreprenneur de cete guerre, trouua moyen sous la faueur d'un pailard (qui fut nôtre) apellé Frandalo, d'entrer dedans, & nous surprendre par cautelle. En sorte q̃ demourant nôtre armée defaite, demourâmes aussi prisonnier en leurs mains, ou ils nous on gardé étroitement par l'espace quasi d'un an entier: durant lequel tōbans nos affaires de mal en pis, se sont saisis par trahison ou d'emblée, des ports d'Alfarin, & Galatie, les deus meilleurs de nôtre Royaume. Ce qu'ils n'essent iamais entrepris, sans le secours que leur a fait le traître & déloyal Empereur de Constantinople: qui pour le secourir & fauoriser a rōpu lâchement les treues que nous auions ensemble. Et maintenant leue tant de gens, que sans l'ayde de vous autres: nous sommes (comme vous sçaués) frontiere & rampart de vous tous. Pourtant nous vous prions & amonnétōs en nos dieus, que tant pour la defence de nôtre loy, que pour l'vtilité de tout le païs du Leuant, vous assemblies vos forces en si grand nombre, que nous puissions chasser ces Chrétiens de nos limites & conquerir l'Empire de Constantinople, iusques es parties de Gaule, & de la grand' Bretagne, qui nous sera ayse & profitable.

Ces lettres écrites & les Embassadeurs depéchés firent telle diligence, qu'anât la fin du Iuillet ensuyuant s'assemblerent au port de Tenedos tant de gens, que le bruit en vint aus Cheualiers Chrétiens, par le moyen que vous entendrés. Vn iour entre les autres Belleris, Talanque, & Manely, sortis de la montaigne Defendue, esperãs prendre sur le chemin de Thesifante quel que Turcq, qui leur dit nouvelles, tant du Roy Armato, Melic, qu'Virgãde la Décoigneuẽ, aprochans pres de la fontaine Auãtureuse, ainsi que le iour commençoit à poindre: auiserent entre les piliers de Brōze le pavillon & le liẽt de camp qu'Heliaxe y auoit laissé, & vn Serpent grãd ou tre mesure couché dedans, qui aussi tōt se print

print à fuyr, & les Cheualiers à le suyvre, pensans le mettre à mort. Mais leurs cheuaus n'en voulurent oncques aprocher. Et toute-fois il commença à se plaindre aussi dolentement, que feroit vne femme en trauail. Et à l'instant se presenterent quatre hommes bien armés & montés, qui d'effroi crierent. D'après Cheualiers retirés vous, sans plus vouloir ainsi outrager nôtre damoiselle: autrement vous morrés de malle mort. A peine eurent ils acheué cete parole, qu'ils se coururent sus les vns aus autres & briserent les Cheualiers étrangers leurs lances, en sorte qu'il fut auis à Manely & ses compagnons auoir été ataints de festus. Et neâtmoins nul d'eus ne peut oncques coucher son bois, ains passerent carriere sans leur donner atainte. En ces entrefaites le Serpent entra en vn trou si qu'oncques puis ne le virent. Et comme ils tournoïent bride pour recouurer leur faute: les quatre autres n'y voulurent entendre: ains leur crierent en fuyant: Cheualiers, nôtre Damoiselle est sauue, contentés vous du rêté si bon vous semble. Allez à tous les diables, dit Talanque, que mal an puisse auoir qui courra méhuy après vous. A cete cause eus trois ensemble retournerent vers la fontaine: non sans s'entregaudir, de ce qui leur étoit auenu. Et comme ils furent vis à vis du paillon, virent vn autre Cheualier, donnant à boire à son cheual: vers lequel piqua Belleris, & lui demanda son nom. Qu'en a vous à faire? répondit l'autre. Pource, dit Belleris, que vous me le dirés presentement de gré ou vous aurés combat auecq' moi. A l'vn pouvés vous bien faillir, répondit le Cheualier, non pas à l'autre: car encore que vous soyés trois, si suis ie cōtent d'éprouuer maintenant que sçauent faire les Cheualiers de la grand' Bretagne. Quand Talanque l'entendit parler si audacieusemēt ne se peut tenir qu'il ne lui dît: Par Dieu, Damp Cheualier, vous l'éprouuerés sans differer. Et donnant des esperons à son

Am. 5.

cheual, vint de grand' roideur encōtre: l'autre ne le refusa, ains l'ataignit de si droit fil, qu'il le ieta bas. De quoi Manely émerueillé, s'auança pour en prendre la vengeance: mais si son compagnon fut mal traité, il eut encores pis, & pis encores Belleris: se releuans tous trois honteus de leur malheur, lequel ils faisoient bien état de reparer à cous d'épee, quand l'autre s'efuit à trauers le boys, craint si haut qu'il fut entendu: Cheualies tenés vous vne autre fois mieus à cheual: & ne vous trauaillés de me suyure, si ne voulés perdre vos pas. Et dea, dit Talanque, que sera cecy? tomberons nous m'éhui ainsi? Sus ma foi ie croi que nous sommes enchantés. Or remontons à cheual, & allons après, ie vous prie à fin que nous puissions sçauoir, si Dieu, ou tous les diables ont entrepris de nous fâcher cete iournee. Si reprindrent leurs cheuaus, & eus montés dessus vouloyent suyvre l'autre, mais ils entendirent vne vois fort lamentable: parquoi s'arréterent pour voir que ce pouoit être. Lors auiserent vne femme déchuelee, criant & demandant secours, & vn Lyon qui la suyvoit prêt à la deuorer: dont eus émeus de compassion, se cuyderent mettre entre deus. Toutefois le Liō comença tellement à rougir que les cheuaus épouventés emportoient leurs maîtres à plus de deus grans traits d'arc, & ce pendant fême & Lyō se disparurent. Dequoy Talanque & Manely ébaïs encores plus qu'au precedant demanderent à Belleris, s'il auoit ouy parler de telles auantures. Ce ma'ist dieus répondit il, ceus qui ont enuie de voir choses étranges, doiuent hanter cete fontaine: car il y en a encores tant (autres q̄ celles q̄ vous y aués veuës) q̄ c'est merueilles. Et sçaués vous à qu'elle vertu cela se fait? Melic les y a ordonnées de long tems, parquoi il ne s'en faut étonner. Aussi ne fais ie que bien à point, dit Manely: toutefois, n'étoit l'entreprise, pour laq̄lle nous sommes mis aus chāps, foi que ie doi à cheualerie: ie n'en parti-

I

rois

LE CINQUIEME LIVRE

rois premier que le tout ne m'eut été manifesté. Ce sera pour vn autre coup, répondit Belleris, passons outre ie vous prie que ne soyons decouuers. Adoncq' tirent à main gauche, côtoyans toujours le grand chemin de Thesifante: & ayans cheminé enuiron cinq mille du pais, rencontrerent dis hommes à cheual sans armes, conduysants deus Damoiselles, l'vne dequelles étoit assés belle & bien vêtue. Les dis hommes eurent si grand' paour qu'ils habandonnerent les femmes se sauans en vntaillis prochain, ou ils ne furent poursuiuis aucunement ains s'arrêterent les trois Cheualiers aus deus Damoysselles, déquelles ils éperoyent auoir nouvelles de ce qu'ils déja roient. Et de fait après qu'ils les eurent vn geu asseurees, leur demanderent que l'on disoit du Roi Armato, & s'il étoit encores prisonnier. Signeurs répondit la plus ancienne, il ét échapé depuis peu de iours en ça des mains des Chrétiens, & ét de retour à Thesifante avec Melie, qui a enfermé Vrgande la Déconneuë en vne tour, dont elle ne partira iamais sans son cōgé. Voilà qui va bien, dit Belleris, Et qu'à fait le Roi depuis son retour? Parle il point qu'il se velle venger de ceus qui l'ont detenu si long tems? Oui pour certain, répondit elle: car tous les Rois, Soudans, Califfes & Amiraus de la loi Paienne, luy ont promis descendre en Constantinople, & ruyner la Chretienté. Et déja sont la pluspart arriués (comme il ét bruit) en l'Isle de Tenedos. En bonne foi,, dit Belleris à ses compagnons, veu ce que ces Damoiselles nous disent, ie suis bien d'auis que ne nous chargions d'elles, ains retournions sus nos brisées. A quoi ils s'acorderent: & leur donnans cōgé, firent si bonne diligence, que sus les deus heures du soir, ils arriuerent à la mōtaine Defendue ou ils racōterent à leurs compagnons les merueilles qu'ils auoyent veuës à la fontaine Auantureuse. Et au partir de là dirent, nous trouuâmes

dis hommes à cheual, conduisans deus Damoiselles, dequelles nous auons sceu pour certain qu'Vrgande ét enfermee bië étroitement en l'vne des tours de Thesifante, & si fort enchantee par les coniuurations de Melie, qu'elle ét taillee n'en sortir iamais: & aussi que les Rois Paiens s'assemblent de iour en iour à Tenedos, pour venir courir sus à l'Empereur de Constantinople, & au reste de la Crétiété.

Comme le coursaire Crelcelm, neveu de l'Amiral Tartarie, aporta certaines nouvelles à Esplandian de la grand' armee de mer, que preparoyent les Signeurs du Leuant, pour venir en Constantinople.

CHAP. XLVI.

LE raport que firent Belleris Talanque, & Manely à leurs compagnons du grand apareil que les Payens mettoient sus, pour enuahir l'Empereur de Cōstantinople, & generalement de toute la Chrétiété, leur dôna plus à pēser qu'ils n'auoyēt encores fait tellemēt qu'ils s'assemblerēt diuerfes fois, pour auiser s'il étoit pl^{us} expediēt de réforer les garnisons de la mōtaine Defendue, Alfarin, & Galatie: que d'aller en Constantinople se ioindre avecq' l'Empereur. Et cōme ils étoient en ces termes, Crelcelm neveu de l'Amiral de Grece (qui peu au parauant auoit derobé sis galleres ou fûtes à l'Emperur pour se faire coursaire) vint auertir les Cheualiers, comme naugeant en la Phrigie il auoit decouuert au port de Tenedos si grand nombre de galleres, fustes, & autres vaisseaus d'ennemis, que la mer en étoit couverte, lesquels indubitablement s'assembloyent pour venir courre sus à l'Empereur, & ruiner Cōstantinople. Dequoy dît il, ie vous ay bien voulu auiser, tant à fin que pour vous supplier tous moyenner mon apointement enuers l'Empereur, vous asseurant, s'il me pardonne la faute que i'ay commise enuers sa maiesté, que ie luy feray d'orenavant

navant tant de services, qu'ils s'en contentera. Seigneur Crelcelm, répondit Esplandian, j'ay toujours oui estimer l'Empereur l'un des meilleurs Princes du monde, & plus aisé à apaiser, quand on veut (auecq' raison) se reconcilier à lui: parquoy ie me fais fort, s'il connoit qu'ayés enuie de le servir comme vous dites qu'il oubliera, non seulement votre faute: mais vous fera plus de grans biens qu'à nul autre de ses seruiteurs.

Et pour luy en donner commencement d'ocasiõ, ie suis bien de cét auis que vous retourniés auecq' votre equipage, iusques au goulfe de la mer Propontide, & trouués le moyẽ, s'il vous ét possible, de prendre quelque Turcq pour entendre au vrai la deliberation des ennemys. Et si voulés, Belleris ira quant & vous, puis selon que vous, ou luy, rapporterés, nous auiserons de là en auant sus ce qu'il sera plus expediant. A quois'acorda aysement le coursaire, de sorte que le iour memes fit faire voyle, & acompagné de Belleris côtoyerent la Thrace iusques à Solombre: & setenans couuers à l'entree du goulfe, & demourerent quelques iours pour exécuter leur entreprinse. Durant ce tems Esplandian, qui ne dormoit iour ne nuit, pensant à l'auertissement de Crelcelm, fut d'auis, que Frandalo & tous les autres Cheualiers de la grand' Bretagne s'en reournassent en Constantinople, pour ayder à l'Empereur, ce dõt il les pria affectueusement. Et moy, dit aueques le Roy de Dace, Gandalin & Enil, atendrons auecq' la garnison de ceans le retour de ceus qui sont allés à Tenedos, léquels auoir ouys parler, ou nous y demurerons du tout, ou nous vous suivrons tõt après. Or estimés si l'opinion d'Esplandian fut mal ayseée, de faire acorder à Norandel? veu que du iour qu'il laissa la Roync Menoresse, il n'auoit sceu montrer visage, ou contenance d'homme ioyeus, ains étoit deuenu si melancolique chacun s'en ébahissoit. Et combien

que les autres ne fussent en rien entachés de semblable affection, si n'y eut il celui qui fit le retif, mais se condescendirent tous au vouloir d'Esplandian. Au moyen dequoy, sans faire la plus long sejour, s'embarquerent par si bon vent, qu'il arriuerent en Constantinople le sétieme iour d'apres. Dont l'Empereur auerty fut merueilleusement ayse, & vint au deuant iusques au port & après auoir embrassé les vns & les autres ne voyant Esplandian en cete compagnie demanda ou il étoit demouré. Adoncq' lui raconterent les Cheualiers l'auertissement que leur auoit donné Crelcelm du côté d'Asie, le grand apareil que faisoient les Roys du Leuant, pour lui courre sus, comme luy & Belleris étoient retournés voir la contenance des ennemys, & en sçauoir plus certaines nouuelles, & finablement l'ocasion pour laquelle Esplandian étoit demouré en la montaigne Defendue, auecq' le Roy de Dace, Gandalin & Enil. L'Empereur bien ébaï de cete entreprinse, se trouua étoné de prime face, toutefois comme Prince sage & magnanime, dissimula ce qu'il en pensoit. Et quelques iours après voulant pouruoir aus inconueniens premier qu'ils auinssent, fit en toute diligence fournir Constantinople & ses autres villes, places, & ports de mer, de viures & munitions, qu'il cõceut y être necessaires: & ce pendant depêcha ses Capitaines, à fin d'assembler gens par tout son Empire, & se tenir prêts quand la necessité les requerroit. Ainsi étoit l'Empereur ententif aus affaires de la guerre, & Norandel à gouverner la Roync Menoresse, laquelle le voulant éprouuer comme l'or à la fournaise, delibera vn iour entre les autres luy montrer plus mauuais visage qu'elle n'auoit de coutume, faignant qu'elle auoit entendu pour certain, qu'il en aymoît vne autre en la grãd' Bretagne, dont Noradel s'excusa en toutes les sortes du monde: mais tant plus il afermoit le cõttaire, & plus lui faisoit à

croire la Roine qu'elle en pēsoit d'auātagē. De quoi il se trouua tāt perplex, qu'il ne se peut tenir de lui dire: Par ma foima Dame, à ce que ie puis presumer, vous aués enuie que ie meure: car le mal que vous me faites ēt si grand, qu'il ne se peut estimer, sinon par ceus qui ont connoissance de vōtre cruauté. Et outre l'affection que ie vous porte, ēt telle, qu'il seroit impossible de la pouuoir bien exprimer par moi, ny par autre, si quant & quant on ne declaroit la beauté & perfectiō de quoi Nature à voulu vous embellir. Ainsi m'ēloignant de vōtre bonne grace, ie sens bien ma vie ēloigner de moi, à laquelle ie n'aurois regret, n'étoit qu'en mourāt, ie prēs le moyen de vous faire seruice, non pas le benefice de loyauté: car soit en moi, ou mort, ou vie, elle acompagnera l'éprit en quelque lieu qu'il puisse être ordōné Proferant Norandel ces paroles, les larmes luy tomboyent des yeus grosses comme pois, dont la Roine Menoresse eut telle pitié, qu'oublant sa dissimulation, lui répondit auecq' vn contentement de visage: Mon amy, ie le croi, & vous prie me pardonner mon indiscretion. Tant y a que ce que i'en ay fait, a été pour vous ôter le moyen qu'il nauienne, ce dont ie me plaignois. Et puis que ie vous voi si ferme, suyuant ce que ie vous conseilley l'autre voyage, souuienne vous combien la dissimulation ēt requise & necessaire entre ceus qui sont malades de nōtre maladie, l'entens dissimulation, non pas de vous à moi, mais deuāt les gens, pour leur en ôter toute connoissance. Ma Dame, dît Norandel, ie ne vous feray de ma vie faute que ie puisse: sentant ma constance si forte, qu'il ēt impossible à mon cueur se distraire de vous aymer, seruir, & honorer sus toutes choses, uoire & deussiēs vous exercer en luy toutes les cruautés dont peuuent être punis ceus qui aymēt, & ne sont point aymés. Durant ces belles lamentations, Leonorine qui leur seruoit de contre, entretenoit Frandalo & les

autres, qui étoient en cēte compagnie: & comme si elle n'eut sceu l'occasion qui auoit meū Esplandian de ne venir en Constantinople, s'en enquerroit à eus, faignant être mal contente: mais ils l'excusoient fort & ferme, suyuant les propos qu'ils auoyent tenus à l'Empereur, ainsi qu'il vous a été dît.

Comme Crelcelm & Belleris retournerent en la montaigne Defenduē, avec vn brigantin, qu'ils prindrent Chargē de Turcs par lesquels ils sceurent toutes les entreprinſes des ennemys.

CHAP. XLVII.

PEu de iours après que Crelcelm & Belleris furent sortis du port de la montaigne Defenduē, faisant voyle le plus couuertement qu'ils pouuoient le long de la Phrigie, fortune les fauorisa tant, qu'un brigantin chargé de Turcs nauigeant à Tenedos, tomba en leurs mains, & de tous ceus qui étoient dedans n'en sauuerēt que quatre, par lesquels ils sceurent assurément que l'armée des Princes du Leuant deuoit partir dedans vn mois, ou sis semaines au plus tard, & tirer droit en la ville de Constantinople, laquelle ils esperoyent prendre aisément, ayans sceu par les épies, que l'Empereur ne s'en donnoit garde. Ces nouuelles entendues, tournerent court pour en auertir Esplandian: lequel craignant que l'Empereur ne peut résister à si grand effort, delibera d'employer tous ses amis, pour lui donner secours, & enuoyer vers eus Gandalin & Enil, auecq' lettres de creance, mêmes à l'Empereur de Rome son oncle, auquel il escriuit cēte lettre.

Lettre d'Esplandian à l'Empereur de Rome.

MONSIEVR, le dāger que ie voy préparé pour toute la Chrestienté, me contraint vous enuoyer Enil, par lequel vous pourrez au long entendre le grand effort & trop puissante armée, que tous les Rois & Potentats des païs du Leuant, ennemis de nōtre foi, ont mis sus à la persuation d'Ar.

d'Armato Roi de Turquie, pour venir ruiner, non seulement l'Empire de Grece, mais passer outre, iusques à ce qu'ils aient exterminé nôtre foi & creance. Et pour autant que ceus dont vous tenés le lieu, ont tou-jours été les vrays defenseurs & protecteurs de nôtre religion, mêmes q̄ le cas vous touche de si près, il me semble (monsieur) que n'y deués éspargner chose qui soit en vôtre puissance, ains assembler vos forces en toute extremité, & equiper vos vaisseaus pour donner secours à ce bon Prince, qui est frontiere (comme vous sçaués) à vous & à tous les Potétats qui tient la loy de I E S V S C H R I T. I'en écri semblablement au Roi mon pere, & à la plus part des autres Signeurs, Chrétiens, vers lesquels i'envoye Gādalīn. Et parce que i'ay chargé Enil vous dire le surplus, ie ne vous feray plus longue lettre: mais vous suplirai le croyre comme moi mêmes.

E T autant en écriuit il au Roy de Sardaigne, & de ces deus eut seulement chargé Enil, auquel il bailla amples instructions & memoires de tous les auertissemens qu'il auoit eus du côté de Turquie, la force des ennemis, tant de pié que de cheual, le nombre de leurs vaisseaus, & autres munitions de guerre. Et commanda à Gandalin aller quant & lui, iusques en Sicile, ou il prendroit gens & vaisseaus pour le conduire en la grand' Bretagne vers Amadis, & de la en Gaule au Roi Perion, à Sobradise vers Galaor, au Roi don Bruneo, Quedragant Dragonis, & Gasquilan, à chacun déquels il manda semblables lettres, & leur porta Gādalīn toutes telle instructions que faisoit Enil à l'Empereur, luy commandant par expres les asseurer, qu'atendant leur arriuee il ne partiroit de la mōtaine Defēduē, laquelle il garderoit iusques au mourir. Si eurent Gandalin & Enil tems si propre, qu'ē moins de quinze iours, ils passerent ensemble le fort de Messine, & prindrent port à Sarragouze, ou Gandalin loua vn

Am. 5.

brigantin, pour parfaire ce qu'il auoit en charge. Et à fin que vous entendies quel fruit aporta leur legation, ie laisserai Gandalin trauerser la mer Mediterranee, pour entrer en l'Océan, & parlerons premier d'Enil, qui arriua à Ostie ou pour lors sejournoit l'Empereur de Rome, acompagné du Roi Florestan, ne parlans que de chiēs & oyseaus: Mais quād ils auiserent Enil, presumans qu'il leur apportoit quelques mauvaises nouvelles, luy demanderent, ou il auoit laissé Esplandian. Enil sage & bien appris, baissa la lettre adressante à l'Empereur, & la luy bailla, puis au roi de Sardaigne celle qui s'adressoit à lui, & après qu'ils les eurent leuēs, voians qu'elles portoyent creance le retirerent à part, ou il leur discourut amplement tout ce que vous aués entendu. Adoncq' l'Empereur laissant Enil avecq' le Roi Florestan, s'aprocha des Gētis-hōmes & Cheualiers, qui étoient en sa compagnie, & leur: dît Mes amys, il nous faut aller à la guerre, mon neueu Esplandian m'a auerty (parce Gentis-hōme qu'il a enuoyé vers moi) comme le Roi des Turcs, & tous ses alliés sont en armes & ont dressé vn merueilleus equipage pour assaillir mon frere l'Empereur de Constantinople. Mais ie fais veu à Dieu (s'il me donne vie & santé) que deuant qu'il soit le mois de Septembre, i'y seray avecq' vne telle force, que ie luy donnerai à penser deus fois, nō pas à assaillir, ains à se bien defendre. Et par ainsi chacun se tienne prêt: car i'yrai moy-mêmes en personne. Puis apella le Roi Florestan, & lui demanda s'il seroit pas de la partie. Monsieur, répondit il, demain ie mādērai par tout mes ports, qu'ōtienne prêts les vaisseaus de guerre, qu'on pourra recouurer, & enuoyera i ce pendāt assembler gens, pour faire ce dont mon neueu me prie. Sire, répondit Enil, mo Signeur Esplandian écrit au Roi Amadis par Gandalin, & à plusieurs de ses amys, lequel il prie d'eus venir ioindre avecq' vous: tellement que i'espere que quasi en

I 3

même

LE CINQUIEME LIVRE

même saison, vos armées pourront être prêtes, & que sans guerres atendre l'un l'autre, vous vous pourrez assembler. Vrayement, répondit le Roi Florestan, c'est très bien aisé. Et sus ce point furent dépêchés Capitaines de toutes parts, pour aller mettre ordre à leuer gés, fréter, armer, & mettre en bon equipage les vaisseaux, pour faire le voyage du Levant.

Gandalin d'autre part côtoyant Corse, les Isles de Majorque Minorque, laissant la Guinee & Barbarie à pouce, passa le détroit de Gibraltar, & eut si bon vent qu'en peu de iours, sans s'arrêter es Espagnes, arriua en la grand' Bretagne vers le Roi Amadis, qui pour lors seiournoit à Londres, & lui bailla la lettre qu'il lui écriuoit Esplandian, & semblablement luy déclara le contenu de sa creance, les fortunes bonnes & mauvaises qu'il auoit eues, depuis qu'il partit de Mirefleur, & entre autres la defaite de l'armée de Mer des Turcs, la prince du Roi Armato, l'ocasio pour laquelle se leua le siege de la môtaigne Defèdue, l'arriuee de Gastilles, la prise d'Alfarin, du Capitaine de Thesifante, la surprinse que l'on fit à Galatie, la perte d'Vrgande, & finalement tout ce que nôtre histoire vous a amplement deduit par le menu es chapitres precedans. Et à fin sire, dit il, qu'il soit mis bon ordre à l'inconuenient qu'il preuoit à toute la Chrétienté (s'elle n'est secourue) il m'a enchargé expressément de vous dire, qu'il a sceu pour certain, que tous les Rois du Levant ont iuré & promis ensemble la ruine totale du nom Chrétien. Ce qui est assés aparant, veu l'assemblée & grand amas de gés qu'ils font en l'Isle de Tenedos, qui est tel, que selon le rapport ne nous épies, le nombre des vaisseaux est de plus de six cens voiles, accompagnées de quatre à cinq cens mil hommes. Dieu nous regardera, s'il luy plaît, en pitié, répondit le Roi Amadis: Quant à moy, ie mettray en tout le deuoir qu'il me sera possible, & en auertirai le Roi Perion mon pere, & mon frere Ga-

laor. Sire, dit Gandalin, j'ay charge de me transporter vers eus, & aller semblablement trouuer Gasquilan, don Bruneo, Quedragant, & autres, ausquels Esplandian écrit comme à vous: & si m'a chargé par expres que ie voye le Roi Lisuart, & luy faire ses très-humbles recommandations.

Il est bien raisonnable, répondit le Roi, toute-fois ie suis d'auis que vous taisez deuant la Roine ma mere l'occasion de vôtre venue: mais que vous lui faciés entendre, que tout se porte bien, non pas au Roi, si le trouués à part: car il est tel que chacun le connoit, pour prendre sagement les choses comme la fortune les amene. Et pour autant que l'affaire de mon fis ne requiert retardacion, ie vous prie Gandalin, après vous être refrêchi vn iour, ou deus, passés outre comme il vous a commandé. Ainsi demoura Gandalin pour ce iour durât lequel la Roine Oriane deuisa longuement avec luy. Puis le lendemain s'en partit, & fut trouuer Roy le Lisuart & la Roine Brisenne à Mirefleur: lesquels sçachans qu'il venoit de la part d'Esplandian, furent tant aysez qu'il n'y eut plus. Et cômme la Roine pour vielle & discrete qu'elle fut, eut tou-jours vn naturel de femme, preuint le Roi à demander que faisoit son fis. Gandalin acoutumé, à promptes excuses, mêmes suyuant le commandement du Roy Amadis, luy fit entendre, qu'il auoit laissé en l'Isle Ferme, mal disposé pour le trauail de son long voyage, non pas, dit il, si mal qu'il n'eût bien encores prins la peine de vous venir trouuer: mais il a eu crainte que son mal s'augmentât, aymât trop mieux garder la chambre quinze iours, ou trois semaines demy sain, qu'une longue & ennuyeuse fièvre trois ou quatre mois. Cela creut aisément la Roine, & pour l'esperoir qu'elle eût de le voir bien tôt, n'en fit cas: toutes-fois des le soir mêmes Gandalin auertit le Roi Lisuart, de tout ce que vous aués entendu, & s'excusa prudemment des propos qu'il auoit tenus à la Roine deuant

nant luy, fuyuant le vouloir du Roi Amadis. Dequoy le Roy Lifuart luy, sceut trèsbon gré : & quant au reste il luy promit d'y penser, tandis qu'il yroit vers ceus, auxquels il auoit à faire. Et par ainsi Gandalin depêché de luy, retourna vers Amadis, lequel ce pendant gaigné par la Roine Oriane, luy braca vn mariage, tel que vous entendrés.

Vous aués leu au commencement de nôtre histoire, les seruices que la Damoiselle de Dannemarc leur auoit faits, & le métier dequoy elle & Gandalin s'étoient mêlés : & par ainsi il étoit raisonnable, qu'ayans été participans à leur ieuresses & follies, ils le fussent aussi à leurs prosperités & fortunes. Et souuent auoit parlé la Roine Oriane à Amadis du mariage d'eus deus : mais il trouuoit la chose peu conuenable, d'autant que la Damoiselle de Dannemarc étoit déjà flêtrie, & Gandalin de moyen âge & fort dispôt. Neantmoins ainsi que communément toutes femmes de bon esprit sçauent venir à fin de leurs enreprinſes, la Roine trouua façon de faire descendre le Roi à ce qu'elle auoit delibéré, tellement qu'aussi tôt que Gandalin fut de retour de Mirefleur, il le tira à part, & luy dit: Gandalin, la Roine desire grandement de vous arrêter auprès de moy : tant pour l'amitié qu'elle sçait que ie vous porte, que pour le bien qu'elle mêmes vous veut. Et à cête cause elle voudroit, qu'eussies à femme la Damoiselle de Dannemarc, qu'elle ayme, & auantagera de beaucoup, si vous le faites: vous la cōnoissés de long tems sage, bonne, & vertueuse, & quant à moy, ie vous en prie & le vous conselle. Gandalin s'en fut volontiers excusé, & à dire vray, le pourpoint étoit trop neuf, pour houpelande li vſee: toutefois ayant des son ieune âge aprins n'auoir autre volonté que celle d'Amadis, trouua bon tout ce qu'il lui pleut: de sorte que le mariage de luy & de la Damoiselle de Dannemarc fut

parfait & celebre en moins de trois iours. Et ce pendant Amadis fit prendre les lettres & instructions que Gandalin deuoit porter à Gasquilá, & au Roi don Bruneo, & les leur enuoya par vn Gentil-homme des siens nommé Handro, proche cousin de la Comtesse de Flandres: les priant tant qu'il luy étoit passible, de secourir son fis à si bonne cause. La semaine ensuyuant Gandalin plus affectionné au seruice d'Espládiá, qu'à faire l'amour à sa femme, s'en partit pour aller en Gaule vers le Roi Perion & de là à Sobradise trouver Galaor. Et durant ces allées & venues, Amadis manda tous les Nochers & Pylothes qu'il peut recouurer: commandant au Roy Arbá de Norgales auiser à ce qui seroit necessaire pour l'entreprinſe d'un tel voyage, tant en gens, que vaisseaus. Voyla comment les affaires de cête guerre étoient demenees, en la plus grand' partie de l'Europe, tandis que les Roys du Leuant s'assembloyent petit à petit: auxquels nous retournerons presentement.

Comme la grand' cité de constantinople fut assiegee par les Princes ds Leuant, & des saillies que firent ceus de la ville pour les garder d'aprocher.

CHAP. XLVIII.

OR s'assembloit l'armee des Rois Payens de iour en iour en l'île de Tenedos, & ce pèdant l'Empereur fortifioit sa ville au milieu qu'il pouuoit, & de gens, & de viures: commandant à ceus qui auoyent charge de l'armee de mer faire retirer tous les vaisseaus au port de Constantinople, lequel il fit fermer d'une grosse chaine de fer, à fin q ce côté fut du tout en seure garde. Puis enuoya quelques brigantins vers la Natolie decourir l'armee des ennemis, & luy en rapporter certaines nouvelles. Ce pendant les bōnes gēs du plat país acheuerent de seyer leur bleds & autres grains, qui étoient encores sus la terre, lesquels ils apporterent en la ville. Et le huitième iour d'après les brigatins qui étoient

partis comme il vous à été dit decouvrirent en mer vers le détroit de l'Hellespont, la grosse flotte des Turcs, qui vint surgir à Abide, & là se tindrent quelque tés pour charger certaines victuailles & autres munitions qui leur restoyent. Dont l'Empereur incotinent auerty, ordonna que les montres des gens qu'il avoit dedans la cité se feroient, donnant la garde à Frandalo de la porte du Dragon, ainsi apelée, pour ce qu'au commencement de la fondation de Constantinople, lors quelle print nom de Bisance, on trouva sous le fondement de ce portail un Dragon le quel fut lié, enchainé & nourri si longuement, qu'on estoit chose fort étrange. Norandel eut la charge de la porte Aquiline, Gastilles son neveu de celle du puits, ainsi nommée pour un puits qui étoit ioignant profond à merveilles. Et faisant ramparer les autres portes, pourueut au reste ainsi que doit faire un prudent chef, durant qu'il se sent assiéger. Sus ces termes un Grec qui avoit été prins par les Turcs se vint rendre en la cité, & assura pour certain que le Soudan de Lique étoit en personne avecq' le Roi Armato, & quasi tous les Seigneurs du Levant, accompagnés de deux cents Galleres tant sutes, qu'âtardes, cinquante nauires belles & grosses, trête mahômes & vint & une taforees, qui sont nauires un peu différentes des Galeaces. Et si auoyent d'avantage trente fustes, & plusieurs brigantins, barchaus, galiens & equirasses, sus lesquels étoient chargés leurs viures & autres munitions. Et quant au nombre de gens de pie, ils pouvoient être trois cents cinquante mil hommes ou plus. Dit aussi qu'Alforax avoit la principale charge de la mer, Armato celle de la terre, & que leur deliberation étoit de ne partir jamais de Constantinople qu'ils ne l'eussent rasée, & aller de là jusques à Rome, & plus outre s'ils auoyent le moyen. Et le sixième jour d'après, cete grosse armée (passant le goulfe de la Propontide) vint surgir au détroit de Cō

stantinople, tirant à la mer Maior, ou ils se tindrent autant que la cité demoura assiege, pillans tout le pais d'alentour, & la demurerent une semaine entiere, premier que descendre nuls de leurs gens du côté de Thrace. Tandis se separerent quelques Galleres & vaisseaux legiers, qui vindrent faire une algarade assés près du port, d'ou ils furent rechassés à leur grâde perte: car sis principaus y demourerent enfonces: toutefois le jour ensuyvant commencerent à prendre terre, & vindrent à grand force pour gagner le port. Là y eut mains beaux coups d'épee & de glaives donnés d'une part & d'autre. La maint vaillant homme fina ces iours & fut fait pâture aux poissons. La montrent bien les Cheualiers de la grande Bretagne qu'ils n'étoient aprentis en tels efforts. Et qui eut veu lors Norandel, Frandalo, Manely & Talanque repoussée ceus qui se cuydoient avancer, on eut peu parler aysement de quel zele il combattoient. Que voulés vous que ie m'amuse à ce conseil? Le port fut defendu, & les ennemis chassés & repoussés de là; toute-fois leur nombre étoit tel, que non-obstant l'effort des gens de l'Empereur ils gagnerent terre à deux traits d'arc de la ville, & furent ceus de dedans forcés d'eux retirer. Estans doncq' les Payens hors de leurs vaisseaux, se separerent en quatre parts, tellement que Constantinople fut si bien assiege, qu'il n'y eut peu entrer n'y sortir un seul homme sans tomber en leur mercy: Parquoi aussi tôt le Roy Armato commanda faire un nombre infini d'échelles, la plus part, doubles, esperant premier que la semaine fut hors, donner l'assaut à la ville, la prendre, piller & sacager. Mais ceus de dedans ne dormoyent jour, ne nuict pour faire feu artificiel, & tout ce qu'il étoit requis en semblable nécessité. Si ne tarderent gueres les Payens à executer leur deliberation, de sorte qu'un lundy à l'aube du jour vindrent d'une étrange fureur pour mettre le feu aux portes

portes & écheller la ville, combien qu'ils perdirēt, pour ce coup, leurs peines, & beaucoup d'autres y demeurèrent. Au moyē de quoy force leur fut d'eus retirer avecq' leur courte honte & grande confusion: Et en eus retirant, Norandel acompagné de quatre ou cinq cens hommes, fit vne faille par vne fauce porte, & leur donnerent à dos d'un tel effroy, qu'ils les menerent batans iusques dedans leurs tentes & pavillons. Toute-fois non contens d'auoir été si bien châtiés la premiere fois, delibérerent d'y retourner, le vendredy d'apres, mourir tous, ou entrer dedans. Et de fait au iout ordonné coururent aus murailles, & étoit le nombre des assaillans si grand & l'assaut dōné en tāt de lieux, & par mer, & par terre, que si nōtre Seigneur n'y eût proueu, il ēt certain q' la ville eût été prinse a ce coup, même du côté que gardoit Frandalo car la pluspart de ses gens perdirent cueur & s'enfuyrent, habandonnans leur garde, dont il auint que plus de cent Turcs monterent sur la muraille. Neant moins leur seiour n'y fut long: par ce que l'Empereur (qui durant l'assaut se tenoit au mylieu de la cité avecq' le reste de sa puissance, pour secourir ceus qui en auroient besoing) auerty de ce desordre, marcha droit vers le quartier de Frandalo, & repoussa de telle hardiesse ses ennemys, qu'il leur fit perdre l'enuie de plus y retourner: tellement qu'ils ne receurent moins de perte au secōd assaut qu'au premier. Bien ēt vray que dis Cheualiers de lo grand' Bretagne y furent tués, dont leurs compagnons eurent trégrād déplaisir, specialemēt pour la perte de Ledadrin de Faiarque, Tris, & autres Cheualiers de non. Ayant doncques ce deusième assaut prins l'issue que vous aués entendue, Armato s'assembla en conseil avecq' les autres Roys & Soudans, pour auiser qu'il étoit bon de faire. Si fut conclu qu'ils se tiendroient campés, pour enfermer la ville: car la cuyder auoir de force ils cogneurent bien qu'ils perdroyent leurs peines, &

partant n'y voulurent plus essayer. Bien se presentoiēt ils quelques fois à l'écarrouche, ou se faisoient trégrosses & lourdes charges. Ainsi se passa vn moys & plus sans faire chose digne de reciter d'une part ny d'autre, iusques à ce qu'un iour entre autres vne damoyelle messagiere du Soudan de Liquie vint à la porte que gardoit Norandel, auquel elle demanda, si le Cheualier de la grand' Serpente étoit en cete compagnie. Pourquoy? répondit Norandel. Je luy apporte, dit elle, vne lettre, de la part d'un des principaus & plus gētils Cheualiers qui soient en l'Asie. Norandel desirant entendre le contenu de la lettre, lui répondit que c'étoit luy. Or la voyés, dit elle, à vōtre ayse, puis faites réponse, si bō vous semble. Ce disant tourna bride suyuant le chemin qu'elle étoit venue, & ouvrit Norandel la lettre contenant, ce qui s'ensuyt.

RODRIGVE grand Soudan de Liquie, amy des dieus, ennemy de leurs ennemys, défenseur de la loy Payēne, à toy qui te dis Cheualier de la gran Serpente, salut. Sçaches que l'ocasion qui nous a fait passer tant de mer pour venir en ces marches, à été sous esperāce de venger les outrages que mon oncle Armato Roy de Turquie, à receu de toy & de tes compagnons, sans t'auoir oncques m'efait: Et cōbien que nous tenions seure la ruyne du méchant Empereur, qui te fauorise en tāt de malheureuses & dānnées entreprinſes, & qu'auant peu de iours luy & les siens passeront au fil de nos espées, si aurois-ie regret que cete infortune t'auint premier que ie ne fisse épreuve de ma personne à la tienne, pour la renommée qui ēt de toy par tout le mōde. Par ainsi auise si tu veus accepter le combat de nous deus seuls, de dis contre dis, cent contre cent, ou en plus grand nombre, si bon te semble. Te iurāt par tous nos dieus, que ceus que tu ameneras avecques toy, pour cēt affaire, n'auront non plus de déplaisir que ma propre personne, si n'ēt de ceus qui seront ordon-

LE CINQVIEME LIVRE

nés pour les combatre, suyuant la conue-
nance que nous ferons. Partant fay moy
réponse digne de toy, & que ton honneur
n'y soit foulé.

NORANDEL ayant leu ce cartel bié
à loysir le môtra à ses cōpagnons, lequels
furent bien d'auis qu'on acordât au Sou-
dan ce qu'il demandoit: Mais Norandel
ne voulut rien arrêter, premier qu'il en
eût communiqué à l'Empereur, au seruice
duquel ils s'étoit sumis durant l'affaire, &
pour cete cause l'alla incontinent trou-
vet. Et apres luy auoir fait entêdre le cōte-
nu de sa lettre, qu'il auoit receuë sous le
nō d'Esplandiâ, & l'auis de ses cōpagnons,
l'Empereur luy demanda quel étoit le sié.
Sire, répondit il, s'il vous plaisoit que moi
& neuf de ceus que i'éliray entreprin-
sions ce cōbat, vous feriez beaucoup pour
nous. Mon grand amy dît l'Empereur,
vous voyés l'état ou ie suis, & le tems au-
quel ie doy garder, non pas vous ny les
vôtres, à qui ie me fie du tout: mais le
moindre Soldat qui soit en cete cité.
Toute-fois ie me veus tât cōformer à vô-
tre vouloir que si vous & vos cōpagnons
le trouués bon i'en suis content. Sire, répō-
dit Norandel eus & moy vous en suppliōs
treshumblement. Et bien, dît l'Empe-
reur, si Dieu plaît vous y aquerrés hon-
neur ainsi comme vous aués fait à main-
tes autres rencontres aussi perilleuses.
Treshumblement le remercia Norandel,
& ce iour mêmes fit assembler les Cheua-
liers de la grand' Bretaigne, par l'auis des-
quels fut faite la réponse au Soudan tel-
le que vous entendrés.

LES Cheualiers seruiteurs de I E S V S-
C H R I S T, étans de present avecq' l'Em-
pereur de Constantinople, pour la defen-
se & augmentation du nom Chrétien, à
toy Rodrigue Soudan de Liquie, condi-
gne salut. Tu as mandé deuers le Cheua-
lier de la grand' Serpente vne Damoyse-
le, qui se dit tienné, laquelle nous a bail-
lé aucunes lettres adressantes à luy le som-
maire desquelles contient deus choses. La

premiere, tu te plains des entreprin-
ses qu'il a faites sur le Roy Armato ton on-
cle. L'autre le desir que tu as d'éprouver ta
personne contre la sienne ou plus grand
nombre contre plus grand si bon luy sem-
ble. Mais partant que le Cheualier que tu
demâdes n'êt à present icy, n'en lieu pour
te répondre, nous auons auisé te satisfai-
re pour luy, & accepter les offres q tu luy
as faites, t'assurant qu'il y a tel personna-
ge en cete troupe, sis de Roy, & neuf au-
tres avecq' lui, qui te combattront iusques
à pareil nombre de tiens, si tu les veus bail-
ler. Auise donc sur cêt affaire, & ayant eu
ta réponse: avecq' la seureté du cāp, nous
ne faudrons à nous trouver au lieu qui se-
ra étably.

C E T E lettre close & scellée cōme
il ét de coutume Norandel la bailla à vn
de ses Ecuyers, pour la porter au Soudan
lequel luy fit réponse, qu'il auoit seule-
ment enuie de s'éprouver contre le Che-
ualier de la grand' Serpente & non autre.
Mais vrayement, dît il, si ceus qui vous
ont enuoyé vers moy ont desir de comba-
tre contre dis des miens, ils les trouverōt
prêts & autant Gêtils-hommes & de hau-
te lignée, que ceus de leur part. Et au re-
gard de la seureté du camp, i'y pourvoy-
ray si bien, qu'ils auront ocaſion d'eus en
contenter: pourtāt retournés vers eus sca-
uoir leur vouloir. Ainsi fut depêché l'E-
cuyer qui alla & reuint tât de fois, q fina-
blement le cōbat fut acordé de dis cōtre
dis & le cāp dressé assés pres de la ville, ou
se trouverēt le lēdemain les dis cheualiers
desquels les noms ensuyuent, Norandel,
Garuate du val Craintif, Talanque, Ma-
nely, Ambor de Gandel, Helian le Delibe-
ré, Brauor sis de Balâ, Triō cousin germain
de la Royné Briolanie, Ymosil de Bourgō-
gne, & Lystoran du pont d'argent.

*Comme les dis Cheualiers Chrétiens entrèrent
au camp & du combat qui fut entre eus & les dis
Payens, que presenta le Soudan de Liquie.*

Toute la nuit veillerent les dis Cheualiers en la principale eglise de Constantinople, se confessans & faisans enuers Dieu, ny plus ny moins que s'ils eussent été prêts de mourir. Et le lendemain ainsy q' l'aube du iour cōmençoit à poindre, l'Empereur les vint trouver acōpagné de mains preud'hommes, de l'Imperatrix, l'Infante Leonorine, la Royne Menoresse, & autres Dames & Damoysselles. Si fut la messe deuotement celebrée, puy retournerent au palais, & là s'armerent Norandel & les neuf autres qu'il auoit élus, & voulurent les Dames les seruir d'Ecuyers: tellement que Norandel receut telle faueur de la Royne Menoresse, qu'elle lui atacha toutes les pieces de son harnois l'une apres l'autre: & ainsy qu'elle l'equipoit il trouua moyē de luy dire: Ma Dame, l'honneur q' vous me faites me cause tel effort, que i'espere au iourd'huy dōner à cognoître à ceus qui nous verront cōbatre de cōbien ma puissance ēt augmentée par vōtre moyen. Mais s'il vous plaisoit que i'eusse encores de vous quelque manchon, ou bague, que ie peusse emporter quant & moy, ie m'estimerois l'un des plus heurus Cheualiers du monde. Mon amy, repōdit elle, le ioy au plus precieus que ie vous puis presenter, c'ēt mon cueur qui acōpagnera le vōtre, à fin qu'étans ioins & vnīs, ils puissent mieus conseruer la vie de vous & de moy ensemble: Et tirant vn bracelet d'or qu'elle auoit tou-jours gardé des son enfance, le lui atacha au bras droit. Et ce cercle dit elle, rond cōme vous le voyés, témoignera de nōtre amour sans fin, seruāt de r'enfort à ce bras qui (si Dieu plaît) en le defendant, defendra si bien son maître, qu'il retournera en si bonne santé que ie le desire. Treshumblement la remercia Norandel. Et ce pendant Leonorine entretenoit Talanque Manely & les autres, ausquels elle disoit. Mes amys, i'ay biē esperāce q' nōtre Seigneur fera tāt pour vous, q' la victoire demourera de vōtre cō-

tēcar le combat q' vous entreprenēs, n'ēt pas pour defendre l'honneur d'une simple Dame, ou Damoysselle, ains la gloire & la foy de luy mêmes. S'il ēt doncques ainsy q' la force procedē de lui, estimés certainement, & vous confiés du tout en cēte assurance qu'il vous en departira autant qu'il vous en fera besoing. Ma Dame, répondit Talanq, autrefois nous sommes-nous trouvés en pareilles fêtes, desquelles nous sommes sortis aus dépens de ceus qui nous y auoient apellés, comme nous ferōs encores, si dieu plaît, au iourd'huy. Et sur cepoint prenans congé d'elle, descendirent ou leurs cheuaus les atendoient: & les conduit l'Empereur & grād nombre de preud'hōmes iusques aus portes de la cité. Puis les commandans à la garde de nōtre Seigneur, marcherent les dis Cheualiers brauement droit au lieu ordonné pour ce combat. Si vint au deuant le Soudan en belle & grosse compagnie les receuoir: & d'arriuee leur demanda ou étoient ceus q' l'Empereur enuoyoit pour être Iuges auecq' les siens, Soudan, répondit Norandel, nous voulons autre q' vous-mêmes: qui êtes estimé gentil Prince & fidele. Par tous mes dieus, dit il, i'aïmerois mieus mourir de milles mors, qu'il vous y fût fait vn seul tort. Nous le croyons ainsy, dirēt les cheualiers. Adōcq' les fit entrer au camp d'un côté, & les dis Payens par vn autre: toute-fois premier que venir au combat, il apella Norandel & ses compagnons & leur dīt. Ecoutés, mes amys, ie vous prie entendre qu'elle ēt la coutume de mes païs en semblables affaires: puy si la trouués bonne, vous l'entretiendrés: sinon les miens se gouverneront par la vōtre si elle ēt differente. Declarés la nous doncques, s'il vous plaît, répondit Norandel: & si elle ēt raisonnable, nous ne la refuserons pas. Entendés, dīt il, que tous Cheualiers ioutent vn pour vn, à fin que l'on cognoisse à veuē d'œil la bonté & excellence des meilleurs: & s'il auient qu'aucun soit abatu, celuy qui

LE CINQUIEME LIVRE

qui ét demouré à cheual n'assaudra l'autre iusques à ce que leurs compagnōs ayent fait leur deuoir en pareil cas. Lors se mettra celuy de cheual à pie, viendra au combat de l'épée contre celuy qu'il a abatu: pource qu'il auient souvent q̄ les meilleurs Cheualiers tombent en cēt inconuenient, par la seule faute & peu d'adresse de leurs cheuaus, qui sont cause de les faire faillir d'atainte, ou ne courir de droit fil. Ce qui ne se peut excuser en ceus qui sont à pie, ausquels ét bien permis secourir l'un l'autre si bon leur semble. Vrayement, répondit Norandel, telle coutume ét bien ordonnée: & l'ensuyurons moy & mes compagnons. Parquoy le Soudan sortit des barrières, & fit crier par ses Herauds (apres auoir fait faire toutes les defences en tels combas acoutumées) que les combatans fissent leur deuoir. A ce cry s'ébrāla vn Payen, qui à course de cheual vint choyir Norandel, lequel ne le refusa ains se couvrant de son écu: se donnerent telle ataintes que leurs lances furent brisées iusques dedans le gantelet, se rencontrans étomach cōtre étomach, de telle roydeur que le Payen tomba à la renuerse, demourant étendu sur le champ: sans que Norandel eût aucū mal. Bien ét vray que son cheual fut épaulé, tellement qu'il mīt pie à terre, atendant que les autres eussent couru, comme il auoit promis. Adoncq' Garuate du val Craintif courut cōtre vn des autres, & se chargerēt si a poinct, qu'il perdirent leurs étriers & furent déarconnés. Si s'auança Talanque & le tiers Payen, ausquels la fortune fauorisa plus qu'à nul des precedans: car ils coururent si bien, qu'ils ne gauchirent, ny se meurent des arcons, & s'éclarant leur boys volla en maintes pieces. Autant en auint à Manely & à Ambor: non pas à Brauor fis de Balan, pource qu'il ataignit celuy contre lequel il courut droit au pis, & le renuerſa contremont. Et quasi ausit tōt. Ymosil de Bourgonne eut si grand coup de lance, q̄ les yeus luy érinclerent & se trouua tāt


étourdy, que son cheual l'emporta iusques au plus pres des barrières, ou il cheut tout plat. Elian le Deliberé & celuy contre lequel ils s'adressa furent contrains se tenir aus crains de leurs détriers. Listoran du pont d'Argent faillit d'atainte, & son ennemy pareillement & autant en print à Trion & au dernier qui courut. Adoncq' descendirent ceus qui étoient demourés à cheual pour venir au combat de l'épée, & commēça entr'eus vne telle mêlée, qu'on n'ouyt oncques parler de semblable pour si peu de Cheualiers, lesquels se maintindrent tant l'un contre l'autre que le plus fort se trouua las & si hors d'alcine, qu'ils furent contrains se reposer vn peu. Et cōme Norandel étoit apuyé sur son épée qu'il tenoit plantée contre terre, le bracelet de la Roïne Menoreſſe lui deuſa hors de sa manche de maille, qui luy causa tel souvenir, que oubliant tout le mal qu'il auoit souffert, dīt si haut que chacun l'entendit. Par dieu, Signeurs, ce repos nous part de mauuaise grace. Trop de gens douteront desormais de la gloire q̄ nous pretendons d'aquerir. Par ainsī chacun face ce qu'il doit & ne m'épergne qui pourra. A cēte parole embraca si peu d'écu qui lui rétoit, & ayant le bras haucé, donna tel coup d'épée à son ennemy, qu'il le fit chanceler, puis redoubla & l'ataignit enuiron le haut de l'armer, tellement que le Turcq fut contraint mettre le genoil en terre, & lâcher l'épée de laquelle Norandel se saisit, prêt à luy tailler la tête, s'il n'eût demandé mercy. Ce voyāt Talanq̄ & Manely, déployerent toutes leurs forces, qu'on cogneut aysément leur victoire prochaine. Et quant à brauor, il auoit de-ja mis bas le sien: parquoy courut ayder à ses compagnons & Norandel semblablement. Certes de tel renfort s'aperceurent peu apres les autres qui rétoient à déconfire: car en moins de rien ils se trouverēt en telle neceſſité, que sans le Soudan de Lique, qui pria les Cheualiers Chrétiens de différer quelque peu, ils étoient morts sans reme-

remède . Mais il apella Norandel pour parler à luy . Si luy demanda qu'il vouloit . Le vous prie , dit il , ne passés outre en ce combat , & vous contentés que ie tiens ceus de ma part pour vaincus , comme à la verité ils sont , & si mal menés , que l'esfort que vous ferés desormais sur eus seroit plus estimé à cruauté , qu'à prouesse & cheualerie . Neantmoins , si ma priere ne vous ét agreable faites ainsi que bon vous semblera . Soudan , répōdit Norandel , s'ils se veulēt tenir pour tēls , & demander par don ils l'auront : car nous ne sommes coutumiers mettre les armes en chose , ou il n'y a point de resistance . Suffise vous , dit il , que moy qui suis leur Seigneur souve-

rain , vous acorde la victoire , & vous prie quant & quant leur être misericordieus vous iurant par ma coronne (si leur faites ce bon tour) qu'il ne sera iour de ma vie q̄ ie ne vous en sçache gré . A cete parole sortirent du cāp les dis Cheualiers Chrétiens , & montans à cheual , reprindrent le chemin de la cité , ou l'Empereur les attendoit en bonne deuotion , car il y auoit veu l'ysue du combat & cōme ils étoient demourés victorieus : Non pas entendu leurs propos , mais ils les luy reciterēt incontinent qu'ils furent descendus , dont il loua grandement nôtre Seigneur , les estimant d'auantage de l'honnesteté qu'ils auoient gardée aus vaincus .

Comme la Royne Calasie vint au secours des Payens , & du merueilleus & perilleus assaut qu'elle donna en la ville de Constantinople.

CHAPITRE L.



LA renommée de cete guerre entreprinse par les Roys Taborlās, Soudās, Califfes, & Signeurs dominans es marches de Tartarie, Inde, Arabie , & autres païs du Leuant, à l'encontre de l'Empereur de Constantinople & son Empire, fut tant diuulgée, qu'elle vint aus oreilles de la puissante Royne Calasie , renant en Californie, païs tresfo-

pulent & fertile , qui confine à la source du fleuve Boristenes , pres la descente des montaignes Riffées . Cete contrée de laquelle ie vous parle, sur autrefois peuplée de bons Cheualiers, & autres gens de toutes qualités : mais les femmes par vne certaine malice trouverent moyen les faire tous mourir, établissans loy entre elles, q̄ de là en auant elles recognoistroient à Dame
me

LE CINQUIEME LIVRE

me & Roynne souveraine l'un d'entre elles, se gouvernans ny plus ny moins que les Amazones. Et par ainsi ne leur étoit permis hanter les hommes, sinon vne fois ou deus l'an, en la saison & iours nommés qu'elles sortoient leurs limites, & appelloient leurs voyfins avecq' lesquels Dieu scait si elles trouvoient moyen de faire payer l'usure du tems perdu; tellemēt que la plus part s'en retournoient enceintes. Mais la nourriture de leurs enfans étoit bien differente: car la vie étoit assurée aus filles, leur brûlant le tetin droit, & non aus mâles, qu'elles faisoient mourir à l'instant de leur natiuité, ayans conspiré n'en laisser vivre vn seul, ou si peu, qu'el le leur pourroient commander facilement. A cete cause elles émuvoient souvent guerre à l'encontre des Tartares, habitans leurs fins & limites, les trauaillans à merueilles, par diuerses & continuelles courses, tant par mer que par terre. En leur loy & coutume se gardoit telle rigueur, que si aucun homme tomboit casuellement, ou en quelque sorte que ce fut en leurs mains, il seruoit de pâture à vn grand nombre de Griffons nourris entre elles, ieunes & si bien réclamés, qu'onques Faucon ne cogneut mieus le leurre du bon Fauconnier, que tels gentils oyseaus entendoient la vois de celle qui les païssoit ordinairement. Or pour venir au poinct, cete Roynne de Californie, femme de bon esprit, hardie, ieune, belle, & de meilleure grace, ayant sceu, l'emotion de la guerre entreprinse contre les Chrétiens, eut desir de s'y trouver; non pour mal qu'elle leur voulût, ains seulement à fin de les cognoître, & voir leur païs tant renommé. Et pour cete raison assembla grand nombre des principales Dames de son Royaume, leur remontrant l'honneur qu'elles pourroient aquerir en ce voyage, lequel peut être, dit elle, nous sera tant fauorable que par nôtre effort & grād prouesse augmenterôs nôtre Empire & Seigneurie, étās craintes & redoutées de

chacun, non pas demourer tou-jours en-seuelies entre ces môtagnes, ainsi qu'ont fait par le passé celles, desquelles nous tenon au iourd'huy le lieu. Si les sceut persuader la Roynne en sorte qu'émoués d'un desir merueilleux de la suyure equipèrent en toute diligence leurs vaisseaus, & s'embarquerent faisans voyle en Thrace par si bon vent, que le disième iour d'après les assaus de Constantinople, se ioignerent aueques l'armée d'Armato, ou elles furent receués honorablement: & apres, plusieurs propos que le Soudā de Liquie & autres Princes du camp eurēt à la Roynne de Californie spécialement sur la deliberation de leur grande entreprinse, elle marrie du peu qu'ils auoient fait contre la ville, pria qu'on luy souffrît de tenter la fortune, avecq' les moyens qu'elle auoit quant & elle. Et pour les induire à luy octroyer sa requête, les assura auoir cinquāte Griffons, qui ne faudroient incontīent qu'on les laisseroit sortir de leur cage, se ruer sur les Chrétiēs, sans faire aucun déplaisir à ses femmes pource qu'ils les cognoissent de longue main & comme norris entre elles. Et ce pendant qu'il y feront leur vol, dit elle ie donneray tel assaut à la ville que nous l'emporterons sans difficulté: car si les gens de l'Empereur se presentent pour defendre la muraille mes Griffons seront prêts à les raurir & emporter, ainsi que l'Emerillō fait l'Allouette. Mais à fin qu'il n'en puisse venir aucun inconueniēt aus vôtres, il sera besoing qu'ils se tiennent en leurs loges & tentes, iusques à ce qu'ils soyēt renfermés. Quād le Roy Armato, & le Soudan de Liquie eurēt entendu le bon zelle & affection qu'elle auoit de s'employer, & memes les inuentionious qu'elle leur promettoit, ils s'accorderent tous, que le lēdemain elle feroit tout l'effort qu'il luy seroit possible. Et à cete cause manda incontīent a celle qui auoit la garde des Griffons, qu'elle ne les peût pour ce iour, à fin qu'ils eussent mieus enduit quād viendroit au besoing. Et outre
manda

manda crier à son de tabourin que toute sa troupe se tint prête pour donner l'assaut à la ville le iour ensuyuant des le plus matin. Ainsi ayant la Royne Calasie pourveu à son entreprinse , à l'heure assignée toutes les femmes armées selon leur mode, portans la plus part d'elles , arc & pavois coururent de grâd' roydeur droit à la muraille , & avecq' échelles commencerent à monter contre mont. Lors fut l'alarme chaude par la cité, & vindrēt de toutes pars Cheualiers & citoiens , pour la defendre, & comme ils se trouverent les vns aus creneaus, les autres au plus haut de tours , la Royne fit signe qu'on lâchât les Griffons, lesquels affamés, faisans leur vol dessus la ville , se saisirent de ceus qu'ils trouverent en plus belle prinse, dont survint tel effroy aus gens l'Empereur , que la plus part de ceus qui combattoient habandonnerent la muraille pour eus mettre à couvert. Làs quelle pitié voir ainsi emporter le bon Soldat , citoyen , Cheualier ou autre, mêmes les femmes, petits enfans, & tout ce qu'ils pouvoient mettre en leurs ferres , & quelquefois apres les auoir élevés en l'air, les laisser tomber sur le dur pavé ; dont leur ensuyuoit vne mort malheureuse & étrange ! Certes si nôtre Signeur n'eût mieus gardé la cité durant leur vol , que ne firent ceus qui y étoient ordonnés , il eût indubitable qu'elle eût lors été emportée . Mais il auint vn cas merueilleux : car ainsi que les Griffons tenoient leur proye , & que les Cheualiers de la grand' Bretagne , avecq' peu d'autres, resitoient à cēt assaut de femmes, les Payens (lesquels on auoit auertis ne sortir de leurs tentes) durant cete écar mouche , émeus d'vn desir trop grand de butiner au sac de la cité, qu'ils pensoient certainement prinse, coururent à l'assaut, faisans telle crierie que les Griffons s'amusans à paître, laisserēt les cors qu'ils auoient ravis , & remontans à mont , se ruerent entre eus qu'ils virent ainsi venir à la foule . Desquels ils firent tel carnage

en moins de rien , que plus de quatre cēts tomberent par terre , & tandis ceus de la ville , voyans tourner la chance, rembarquerent si viuement les Californiēnes, que les principales d'elles demourerēt es fossés . Et fut la Royne contrainte se retirer, cognoissant bien son entreprinse ne sortir l'effait qu'elle éperoît, non par la faute de ses femmes, ains pour n'auoir été obēte, comme on luy auot promis. Si commanda qu'on trouvât facon de reprendre ses oyseaus , toute-fois la fauconnerie ne les peut r'auoir premier qu'ils fussent gorgés & fait mourir plus de mille Tureqs , ou autres desquels ils souffloient seulement le sang : Et en furent le Roy Armato & le Soudan de Liquie si déplaisans, qu'ils commencerent à porter tant mauvais visage à la Royne Calasie, qu'elle fut en branle de retourner en ses pais sans vouloir de là en auant tirer coup d'épée à leur faueur. Toute-fois elle se r'apaisa peu apres , & combatit le Roy Amadis , comme il vous sera deduit poursuyuant le reste de ce livre cinquième. Et à fin que nous ayons meilleur moyen de le continuer, nous retournerons aus Princees Chrétiens , qui assembloient leur puissance pour venir secourir l'Empereur , & s'embarquerent es ports, desquels nous ferons presentement mention . Mais premier qu'ils arriuaissent en Constantinople mains bons Cheualiers de la grand' Bretagne & autres , furent tués en la cité, tant es assaus que leur donnerent les Payens , qu'aus derniers de la Royne Calasie , entre lesquels nuls ne furent tant plains , que Ladaderin de Fairaque, Tris , Ymosil de Bourgongne, & les deus fis du Geant Balan.

Comme les Princes Chrétiens tant de la mer du Ponant que du Leuant, assemblerent leurs forces, pour venir au secours de l'Empereur de Constantinople: & de leur nauigation.

SI vous aués leu le discours de nostre histoire, il vous a été recité cy deuant, cōme Enil arriua vers l'Empereur de Rome & Florestan Roy de Sardaigne. Et aussi ce qu'il auint à Gā dalin, depuys qu'il eut passé le détroit de Gilbatar, & entré en la mer Océane, iusques en la grand' Bretaigne & ailleurs: ou il trouua Amadis & ceus ausquels il auoit charge de s'adresser. Maintenant reste à parler du surplus, Entendés doncques, que Gandalin ayant seiourné huit iours à Lō dres: plus par le commandement du Roy Amadis, & de la Royne Oriane, que pour plaisir, qu'il print à la femme, qu'ils luy auoient fait épouser scachant les affaires éuelles il auoit laissé ses compagnōs, s'en partit: & chemina tant, qu'il vint en Gaule vers le Roy Periō, a qui il bailla les lettres, que son fis, & son petit fis luy écriuoient. Puy luy declara au long les affaires du Leuant tels qu'ils étoient, & la conséquence qui pouvoit auenir à toute la Chrétienté si vne fois l'Empire de Constantinople étoit réduit en l'obeissance des infideles. Tant sceut bien haranguer Gandalin, que le bon vieillard Perion émeu d'un zele catholique delibera faire ce voyage en personne, & y mener bonne & grosse compagnie, de nauires, & autres vaisseaus, chargés de gens de guerre. Si ne demoura longuement Gandalin avecq' luy ains tandis qu'il faisoit ses preparatifs, passa en Ecocce, Nuverge, Sobradise, Dace, & Sueffe: & si bien executa sa legation que chacun des Roys & princes, ausquels il s'adressa se mit en grand deuoir de secourir Esplandian, tellement que tōt apres leurs vaisseaus furent en equipage de seruiçe, & se rendirent ceus de Sueffe, Nuverge, & de Dace, à present nommée Danemarc, au port de Suer. Puy faisans voy le côtoyerent Frise, Holande & Brabant, tant qu'ils vindrent surgit à Boulongue: ou le Roy Perion auoit fait assembler grand nombre de nauires, hurques, & autres vaisseaus, lesquels équipés de gens,

de vivres, & toutes necessités de guerre: leuerent les ancras, & singlerent de compagnie en plaine mer. Et ayant côtoyé la Normandie, entrèrent en la petite Bretaigne, droit au haure saint Mathieu: ou les Roys Lisuart & Amadis, acompagnés de Grumedan & mains bons Cheualiers, se vindrent rafréchir, sortans du promontoire de Lucar, apres auoir passé l'ile de Sorlingue. Ceus d'Yrlande s'embarquerent au cab Antiquan, & ceus d'Ecocce au cab Basso. Et ayans nauigé la même route des Bretons: se ioignirent avecq' les Princes Occidentaux, qui alloient ce voyage, de sorte que le troisieme iour ensuyuant firent voyle: singlans par vn vent de Nord est, découvrirent les Espagnes, passerent le port de Fine terre en Conpostelle, puis le cab saint Vincent. Et tirans à pouge, trauerserēt le détroit de Gilbatar, & laissant la Barbarie, & la Guynée à Ourse: saluerēt les promontoires de Taniar, Austora, & la garde, prenās le tour de Cormedere, pour laisser à pouge les Iles de Maiorque & Minorque, & entrer es détrois de Busina & Monaco, & de la au port d'Elese & Corse: ou ils prindrent le Roy de Sardaigne Florestan, avecq' sa flote. Mais premier qu'ils y arriuaissent, courut fortune tellement, que quelques galions ne peurent suyure les nauires, & demurerent derriere: memes huit hurque si fort écartées, qu'on les tenoit quasi pour perdues. Neāt moins tout se retrouua le lendemain au port sainte Luce, ou sans seiourner suyirent la route de Melsine, passerent le Far, pour tirer droit à Regi, ou l'armée de l'Empereur de Rome (sortāt du port d'Ostie) étoit venue surgir en les attendant. Et la demurerent sis iours entiers, tāt pour charger eau douce, que pour calfreter & radoubier leurs nauires & autres vaisseaus, qui en auoient besoing. Puy le setieme ensuyuant, ayons vent propre, firent leuer les ancras, & haucer les voiles, & singlerent le long de la Morée, vindrent à Mondon: & passans outre côtoyans cete côte, entre-

entrèrent au cab de Maluasie, ou ils eurent quelque peu de vent contraire: toutefois à la fin, étant la mer bonace, poussèrent iusques au cab de Colô, & en l'Isle de Negrepont. Et entrans au large de Larchipelago, découvrirent à Poug le cab dît Athos: tant qu'ils approcherent Galiopi, laissant l'Isle de Tenedos à Ourse, pour n'être découverts des Turcs, qu'Armato y avoit laissés, à fin de tenir escorte à leurs viures. Si ne tarderent gueres à gagner le Far, & entrer au goulfe de la Propontide, côtoyans la Thrace iusques au port de Salombre, qui est à trente mille de Constantinople, ou ils prindrent terre pour de la en avant s'approcher du camp des Paiens. Lors fut avisé entr'eux, que le Roi Cildadan, & Quedragant demeureroient chef de l'armée de mer: & leur ayant laissé bon nombre de gens, pour la fourniture de leurs vaisseaux, cete grosse flotte tira à Constantinople, esperant charger Alforax & son armée de mer, premier qu'ils s'aperceussent de leur venue. Mais il auint autrement: car les Paiens (qui avoient gés au guet de toutes parts) les découvrirent & ne voulurent permettre qu'Alforax combatit, ains le prièrent bien fort, qu'il gardât seulement l'entree du détroit, pour ôter le moyen à ceus de la ville d'être auitaillée par ce côté là. Ce que connoissant le Roy Cildadan & Quedragant, ne se voulurent hazarder, ains se tindrent à demy mille prés, attendant le Roi Lisuart, l'Empereur de Rome, & ceus qui venoyent par terre: & tandis firent dresser plusieurs écarouches avec leurs vaisseaux legiers, mais Alforax ne vouloit partir de son trou, & demouroit le plus serré qu'il pouvoit. D'autre côté Armato & sa troupe avertis du grand secours qui s'approchoit le long de la greue firent joindre leurs forces ensemble, délibérés garder le côté de la mer Maïour: par laquelle ils pouvoient recouvrer vivres plus aisément, tant de la Natolie, que de la Tartarie. Si firent les Rois Amadis, Perion & autres telle di-

Am. 5.

ligence, que le neuvième iour ensuyvant, vindrent cāper à la veuë de Constantinople, vis à vis de leurs ennemis, & en lieu qui leur sembloit plus aysé & commode. Mais si les Payens furent de prime face étonnés de nouveau secours: l'Empereur & ceus de la ville ne l'étoient moins en leur endroit, doutans que ce fut renfort contre eus: aussi n'auoyent ils aucunement été avertis de la dépêche de Gandalin, ny d'Enil, pour aller vers les Princes Chrétiens, lesquels amenèrent quāt & eus le nombre de trois cēs trēte huit vaisseaux, & deus cents vint sis mil hommes de guerre, tant Cheualiers qu'autres. Or pour retourner à la flotte des Chrétiens, le Roi Cildadan connoissant qu'Alforax faisoit le Renard, pria Quedragāt (qui avoit telle puissance que luy) être content qu'il allât écaroucher avecques soixante de leurs vaisseaux plus legiers, à fin de l'atirer au cōbat, s'il étoit possible. Ce qu'il luy acorda trévolontiers, parquoi mettant ses vaisseaux à la voyle s'approcha des ennemis en sorte qu'ils furent quasi prés deus joindre main à main. Toutefois ou par crainte, ou pour obeir au Roi Armato, Alforax n'en voulut mēger pour ce coup, ains entra plus avant au détroit: au moyen de quoi le Roi Cildadan se retira, & vint au port de la cité, faisant vne fanfare la plus braue du monde. Ceus de Constantinople voyans les bandieres, & banderolles de la grand' Bretagne, & d'autres Roiaumes Chrétiens lui répondirent de leur part si haut, que le bruit des trompettes, clerrōs & tabours fut si grand, qu'Armato & tous les Payens le pouvoient facilement ouyr. Lors fut le Roy Cildadan receu de l'Empereur mêmes par Norandel, Talanque, Manely, & grand nombre d'autres bōs Cheualiers, auxquels il fit entendre le secours qui leur étoit venu, & quels Princes auoyent entrepris le voyage. Sus mon Dieu répondit l'Empereur, ils m'obligent grandement à eus: & toute-fois ie suis ébāi par qui ils ont peu être avertis des entreprin-

K

d'Ar-

LE CINQUIEME LIVRE

d'Armato. Cōment? Monsieur, dît Cildadā Esplandian ne vous en a il iamais parlé? Non, ie vous assure répōdit l'Empereur, ny a nul de ses compagnons que ie sache. N'ēt il pas en cete ville dît le Roi. Ce m'aist dieus, répondit Norādel, il n'a voulu habandōner la mōtaine Defenduē, & se de libere da la garder, si les payens y mettēt le siege. Assurés vous, dît Cildadan, qu'il n'y fera de lormais lōg seiour q̄ le Roi Amadis ne l'enuoye querir: car nous somen termes de donner biē tōt la bataille, & s'il failloit à si belle iournee, il y auroit regret toute sa vie. Assés d'autres propos eurent les Cheualiers de Constantinople avecq' le Roi Cildadan, & ceus qui lui tenoyent compagnie, aussi demourail avec eus, iusques au lēdemain matin, qu'il entra en ses vaisseaus, pour venir ou il auoit laissé Quedragant avec le reste del'armee de mer.

Cōme Esplandian & le Roi de Dace furent enuoyés querir par Gandalin en la montaigne Defenduē, ou ils étoiēt demourés, en atendant le secours des Princes Chrétiens; & d'une lettre que le Soudan de Lique & la Roine Calasiee scriuirent à Amadis & Esplandian.

CHAP. LII.

Estant le Roi Cildadan retourné, cōme vous aués entēdu, vers Quedragāt, & l'armee de terre cāpee à la veuē des Payens: Amadis fut auerty par ceus qui auoyent entré nouvellement en Constantinople, cōme Esplandian & le Roi de Dace étoiēt demourés à la mōtaine Defenduē. Au moyē de quoy il depēcha incontinent Gandalin, avecq' vne fuste pour les aller querir. Si entra Gādalīn en mer, & eut vent si à propos, q̄ sans empechement il arriua vers eus peu de iours après. Adōq' leur declara cōme le roi Amadis, & quasi to' les prince de la Chrētienté, étoient campés à moins de demy mille du camp d'Armato, & tout ce que lui & Enil auoyēt fait en la charge, pour laquelle ils étoient partis d'avec eus. Et

pource, dît Gandalin, que nos gens se deliberent donner en brief la bataille, ils vous prient tous vous y trouuer. Vrayement, répondit Esplandiā, Gādalīn mō amy, ç'a été bien besongné à vous, & vous mercie de tant de peine q̄ vous aués prise. Monsieur, dît le Roi de Dace, n'êtes vous pas d'auis q̄ les alliōs trouver? Quāt à moy i'aymeroie mieus perdre vn bras q̄ d'y faillir. Mō frere, répondit Esplandian, demain si Dieu plait, le nauire de la grād' Serpēte nous y portera. Or auoit elle tous iours vogué de soy mēmes, cōme vous aués entēdu maintefois: mais elle leur faillit pour ce coup: car après qu'ils furēt entrés dedans, elle ne s'émeut aucunement. Dont Gandalin ébaī ne se peut tenir de dire: Par Dieu ce vaisseau ressemble au cheual qui a le piē blāc, il nous faut bien au besoing, Amy répondit Esplandian, ie pense certainemēt que celā procede pour la prison d'Vrgande, qui ēt maintenant au pouuoir de Melie, & si bien enchantee, que son sçauoir lui profite autāt peu, que fait à nous ce vaisseau, qui se mouuoit par les enchantemens & coniuratiōs d'elle, & lequel n'amoyen à present de s'ébranler comme on peut voir. Certes Esplandian disoit vrai: car en ce tems mēmes la contree ou Vrgande souloit faire sa demeure, apelée l'Isle nō trouuee (pour auoir été tou-jours inuisible) fut lors deceuuerie & veuē de tous. Si leur conseilla Gandalin, qu'ils s'embarquassent en sa fuste. Esplandian & le Roi de Dace le creurent, & entrans dedans, tirerent droi vers Constantinople, nauigans iour & nuit en sorte qu'il découurirent vn Dimēche de gran matin les vaisseaus des Rois Cildadan Quedragant, que peu après ils vindrent aborder. Lors furent Esplandian & le Roy de Dace receus d'vn chacun, avecq' vne trégrade chere: Puis vint trouuer le Roy son pere, & les autres Cheualiers qui étoiēt en terre ferme, & après vne infinité de caresses & acollemēs, fut auisé, q̄ de la en auāt ils verroyēt leurs ennemis de

de plus près qu'ils n'auoyēt fait, en sorte q̄ maintes belles écarouches se dresſoyēt chacū iour, ou se trouuoÿēt ordinairement les Cheualiers de la Roine Calasie, entre lesquelles vne fiene ſeur nōmee Liote, hardie & adroite aus armes, print prisonnier vn Anglois, qui aſſeura au Soudan de Lique qu'Amadis de Gaule, Roi de la grād' Breraigne, & Esplandian ſon fis, étoÿēt en leur armee. Dequoi le Soudā auerty, & la roine calasie ſemblablement, delibérerēt leur écrire vnes lettres cōtenantes ce q̄ enſuit:

RODRIGVE Soudan de Lique, enuemi mortel des ennemis de nos dieus, & Calasie Roine de Californie, regiō opulante en or & precieusēs pierres, plus quenulle autre, faiſons ſçauoir à vous Amadis de Gaule Roi de la grand' Bretagne, & à vōtre fis le Cheualier Serpentin, que l'ocasiō de nōtre deſcēte en ces païs, a été cauſee ſus deus points. L'un en eſperant la ruine de la Chrētienté, & l'autre pour eſſayer à faire perdre la renommee, que l'on vous donne d'être les deus meilleurs Cheualiers du mōde: car nous nous penſons tels, que ſi voules accepter le cōbat de vōtre perſonne à la nōtre, nous ferons euidēment connoitre, q̄ nōtre prouēs ſe n'ēt moindre q̄ la vōtre. Et à fin que la gloire des vaincueurs ſoit manifeſtee, les vaincus demoureront en leur pouuoir, pour en diſpoſer puis après ainſi que bon leur ſemblera; Auſſes dōques de nous faire rēponce par cēte nōtre meſſagiere, à laquelle auons donné charge vous declarer (ſi reſuſes ce parti) que deſormais aurons iuſte cauſe de nous atribuer le deſſus de toutes les louanges & faueurs que fortune vous a portees iuſques à preſent, & vous eſtimer auſſi peu à l'auenir comme vous aués été beaucoup par le paſſé.

CETTE lettre baillee à la Damoiſelle qui porta les premieres à Norandel, entra au camp des Chrétiens & auertie ou étoit la tente d'Amadis, le vint trouuer ainſi qu'il deuſoit avec le Roi Liſuart, Esplandian, & autres bons Cheualiers. Lors met-

tant le genoil en terre, demanda lequel d'eus étoit le Cheualier de la grand' Serpente & ſon pere. Amadis print la parole, & lui mōſtrant Espladian, lui, rēpōdit Damoiſelle m'amiye, i'en ſuis l'un, & cēt autre ēt mō fis. Vous plaīt il quelque choſe de nous? La Damoiſelle ietāt l'œil ſus Espladian, émerueillé de ſa grand' beauté, dīt lors: En bonne foi, Roi Amadis ie croi vrayement q̄ ce ſoit il: car ie l'ay oui eſtimer en diuerſes contrees tel que ie le voi de mes deus yeus. Damoiſelle, rēpondit Amadis, ſi pour le voir vous aués trouué bon venir en nōtre camp, vous êtes doncques ſatifaite. Cela ſeul n'a été cauſe, dīt elle: mais pour vous apporter cēte lettre, que le Soudan de Lique & la Roine Calasie vous enuoyent: pourſtant voiés la & y faites rēponſe. Amadis la print, & ſortit hors la Damoiſelle, attendant leur reſolution. Puis l'ayant leuē, Amadis la montra au Roi Liſuart & aus autres qui étoient preſens, & y eut lors entreus grandē controuerſie ſus l'otroy, ou reſus de ce combat pource que la plus part d'eus étoient d'auis qu'on le deuoit reſuſer, & remonſtroient pluſieurs raiſons pertinentes, mēmes le grand nombre d'ennemis qu'ils auoyent deuant eus, prêts a donner la bataille. Et ſ'il auenoit, diſoyent ils, que fortune fut contraire au Roi Amadis & Espladian, auſquels gīt partie de nōtre eſperāce, tel malheur apporteroit vne crainte à beaucoup qui ſont maintenant en bōne volonté de faire leur deuoir. Autres ſoutenoient le contraire, & que ce ſeroit vne honte attendu que ce ſeul reſus dōneroit courage aus ennemis: mais que l'on pouuoit bien honnêtement demander que le nombre des combatans d'une part & d'autre fut plus grand. Ce m'aiſt-dieus, dīt Amadis, ſoit de deus contre deus, de vint contre vint, ou de plus largement, la victoire ēt entre les mains de Dieu. Par ainſi de n'accepter ce cōbat ie me ferois tort, & entamerois vne grande playe par toute la Chrētienté, laquelle pour-

LE CINQVIEME LIVRE

roit seigner longuement. D'avantage, j'ay esperance en nôtre Seigneur, pour la foi & hōneur, duquel ie suis entré en ce voiage. Quand Esplandian entendit le vouloir de son pere, il parla plus hardiment, declarant que plus tôt lui seul entreroit en mêlée, non seulement avecq' le Soudan & la Roïne, mais deus autres avecques eus, s'ils s'y vouloyent trouver. Et à cete cause fut arrêté, qu'Amadis & lui combattroyēt. Parquoi la messagiere fut mādée, & lui dît Amadis: Damoiselle, vous dirés au Soudan & à la Roïne, q' mō fis & moy leur acordons ce qu'ils demandēt: par ain si se mettent en armes quād il leur plaira, & au regard du camp, il sera entre leur armee & la nôtre, les assurant en foi, & parole de Roi, que nul de nos gēs ne s'émouvera pour biē, eu mal, qui nous auiēne. Ce que nous leur prions faire en semblable: & s'ils veulent des le iourd'hui en en auoir le passerēs, nous en sommes trécontents. Si s'en retourna la Damoiselle, laquelle arriuee vers ceus à qui elle étoit, leur declara la reponse telle que vous l'aués entendue. Dont le soudan trefaise, & espesialement la Roïne, pour le grand desir qu'elle auoit de voir Esplandiā, demanda à la Damoiselle, qu'il luy en sembloit. Ma Dame répondit elle, j'ay veu en ma vie beaucoup d'hommes & de femmes, lesquels Nature auoit dovés de grād' beauté: mais fus mon Dieu ie confesse que ce n'ēt que peinture, pour le regard de la perfection que j'ay trouuée en luy: car il ēt tel & si excellament beau, que tant plus i'y pense, & plus ie me persuade que telle beauté ēt plus diuine qu'humaine. C'ēt beaucoup, dît la Roïne. Je ne sçai pas, répondit la Damoiselle, que vous apellés beaucoup: mais ie suis seure, si vous l'auiés veu comme moi, que vous en diriés bien autant, & peut être d'avantage. Vraiemēt, dît la Roïne, premier que d'entrer en la mêlée contre lui, ie le verrai donques sans armes, & parleray à lui, non d'ennemy à ennemy, ains cōme font

communémēt les amys l'un à l'autre. Ma Dame, dît le Soudan, puis que vōtre volonté ēt telle, il sera bō que nôtre Damoiselle retourne vers eus, les prier permettre que demain vous les alliés trouver en leur cāp, non pour les ennuyer, mais pour leur faire honneur, & qu'à cete cause ils vous enuoyent sauscōduit. Ce moyen fut trouué bon de la Roïne, & sans tarder renuoya la Damoiselle vers Amadis, & Esplandiā, qu'elle trouua encores ou elle les auoit laissés. Adoncq' leur recita la requeste que leur faisoit la Roïne, & le desir qu'elle auoit de les voir premier que combattre, & q' parauant il leur pleut lui enuoier sauscōduit. Amadis ne se peut tenir de rire, voyant comme cete messagiere exprimoit l'affectiō de sa maitresse, & demanda au Roy Lisuart qu'il lui en sembloit. Mon fis répondit il, acordes lui ce qu'elle demāde: car j'ay oui assure (depuis que nous sommes par deçà) la Roïne être tré sage, & belle Princeesse. Vous oiés vōtre répōce, dît Amadis à la Damoiselle, & viēne la Roïne, quand il lui plaira, elle sera trébien venuē. Lors la Damoiselle retourna vers elle, laquelle ayse au possible de cete assurance delibera le lendemain les aller trouver. Or ne sçauoit elle en quels acoutremēs elle leur seroit plus agreable. Vne fois trouuoit bon se parer ny plus ny moins que quand elle combattoit. Puis tout soudain chāgeoit d'opiniō. & luy sembloit l'habit de femme lui être trop plus hōnête & mieus seāt, veu qu'elle n'alloit vers eus pour s'éprouuer aus armes, ains seulemēt pour aquerir l'amour & bonne grace d'Esplandian, s'il étoit possible. Et contestant ainsi en soy-mêmes passa toute la nuit, & le matin tournant sus ses brisees après vn long trauail d'Esprit, conclut que pour ce iour elle s'ebaileroit en femme: car elle auoit après moyen de se montrer en equipage de Cheualier, & ainsi seroit elle veuē d'eus en l'un & en l'autre acoutrement. Au moyē de quoi fit apporter les robes plus precieuses qu'elle eut

eût, & se mit en ordre, ainsi qu'il fait plus souvent celle qui desire être trouuée belle & aimée. Et pour l'acompagner, voulut qu'une douzaine de ses femmes (sans plus) la suivissent, tant bien équipées de pierreries, & grosses Perles, qu'il étoit chose non parille. Ce fait manda querir en ses vaisseaux une bête la plus étrange du monde, sur laquelle elle montoit quelque fois par une magnificence, pour ce qu'elle étoit grande comme un puissant Dromadaire, de poil long tirant sur le jaune, avec quelques tâches noires: ses deux oreilles lui pendoient ainsi que deux paucis, n'ayant qu'un seul œil au front, luisant plus fort qu'un miroir ardent. Elle étoit camuse au possible, & lui sortoit de la bouche deux crocs ou défenses. Et combien qu'elle eut les pieds fendus comme un Beuf, si n'y avoit il Cerf au monde qui l'eût peu atteindre à la course, fut en plat pays, ou à travers les rochers. Ainsi délibérée entra au camp des Chrétiens, de laquelle fut bien regardée avant qu'elle arrivât à la tente du Roi Lisuart: ou l'attendoient Amadis & quasi tous les principaux de l'armée, qui prièrent Quédagant de sortir pour la recevoir. Ce qu'il fit de bien bonne grace: car aussi tôt qu'il aperçut, s'avança, & lui faisant une très grande révérence, lui aida à descendre. Puis la prenant sous le bras, la conduisit en la tente, où les Seigneurs étoient assemblés, de laquelle elle fut reçue très honorablement. Mais quand elle vit Esplandiâ si beau, elle fut éprise de son amour, en sorte qu'elle se repentit très fort d'avoir entrepris cette vœu, non seulement pour le peu d'espérance qu'elle eut de le rendre sien (étant sous diverses lois) mais doutant que cette fantasie nouvellement imprimée en son esprit alienast tant ses forces pour trop penser en lui quand viendrait au combat, qu'elle perdît la réputation par elle acquise en armes, entre les meilleurs, Chevaliers du monde. Pour à quoi obvier, délibéra en soi-même faire la peu de séjour, connaissant le naturel d'amour être tel, qu'il sçait dérober

Am. 5.

les cœurs des personnes, & s'en faire communément vray possesseur, premier qu'à celui qui est possédé s'en puisse apercevoir. Et comme ces Princes l'entretenoient de plusieurs & gracieux propos, elle s'adressa à Esplandiâ, & lui dit Sire Chevalier, pour deux excellences dont vous êtes renommé, j'ai prins la peine vous venir voir jusques icy: la première est le don de beauté qui est en vous, plus qu'il n'est jamais pensé, l'autre est la force de votre personne & magnanimité de courage telle, qu'il vous est dit invincible. L'une ai-je vœu de mes yeux de si parfaite qu'il n'est espéré jamais en voir une semblable, & vecusse je mille ans, & plus: & quant à la seconde, le combat qu'il vous aura, contre le treprens Souda de Lique nous en rendra seul témoinage. Et n'eût été qu'il m'a prié m'adresser au Roy Amadis (pour le desir qu'il a de s'éprouver contre vous) moi-même en eusse fait l'épreuve. D'une chose vous veus-je bien avertir, si l'honneur nous demeure, & à vous la vie, je vous dirai puis après choses qui m'importent, & qu'il y a bonne envie vous déclarer premier qu'il fera voyle en mes pays. Or ay-je quant à présent satisfait à mon envie, par quoi, Seigneurs (dit elle aux Princes la assemblée) je vous supplie m'excuser si je ne vous tiens plus long propos car je sçai bien qu'il est trop demorer avecques vous (pensant gagner ce qu'il cherchois) me pourroit bien faire perdre moi-même, dont je serois trop déplaisante: veu qu'auant Soleil couché j'espère me voir en lieu, & faire tant d'armes, qu'il n'y eût oncques vaincu d'homme (ainsi qu'il est bruit) le fera par une simple femme telle qu'il est. Ma Dame répondit le Roi Periô, Fortune peut beaucoup à qui il lui plaît, si vous faites ce qu'il vous dites, vraiment vous ferez plus qu'il nous ne pensons à l'œuvre se connaît l'œuvrier. Et pour ce qu'il y eût du combat sera la gloire de vous, ou de lui, nous attendrons jusques à lors d'en juger certainement. Et combien qu'Amadis se sentit fort outragé par la Reine, si n'en fit il semblant: mais la print doucement

K 3

sous

LE CION VIEME LIVRE

sous le bras, & la mena ou sa cōpagnie l'a tenoit. Et ainsi qu'elle mōtoit pour s'en retourner, il lui dit en souzriaunt: Ma Dame, quand viēdra aus cous, ie vous supplie ne me faire du pis que vous pourrés, veu que ie ne fu onques ennemi des femmes, ains leur ay fait toute ma vie seruice, & feray, si Dieu plaīt. A cēte parole ne lui rēpondit la Roine vn seul mot: mais piqua vers l'armee des Payēs pour aller prendre ses armes. Et en ces entre-faites arriua au camp d'Amadis le bon Cheualier Brian de Moniaſte, lequel aiant été enuoyé par le Roi d'Espaigne son pere, avecq' grosse puissance en Aphrique assieger la ville de Cesonie, depuis apellee Cēte, fut auerty par vn Ecumuer de mer, de l'entreprinſe des Chrétiens, & comme leur armee & grosse flote auoyent passé le cap de Fin de terre. Au moyen de quoi il enuoya incontinēt vers son pere, le supplier treshumblement qu'il luy permit faire ce voyage: A quoi il s'acorda par importunité. Et a cēte cause Brian leua le siege de Cēte, & rentrāt en ses vaisseaus, vint en Sicile, & de la à Galipoli, puis en Cōstantinople, ou il se ioignit avecq's les pirnces de la Chrétientē, qui lui firent trēbō recueil.

Cōme le Roi Amadis & son fis Esplandiā combattirent le Soudan de Liquie & la Roine Calasie, & de la bataille qui fut le iour mēmes par mer & par terre, entre les Chrétiens & Payens.

CHAP. LIII.

LA Roine Calasie retournée en son Cāp, cōme vous auēs entēdu, s'arma incontinēt, & le Soudā aussi. Si ne tarderēt gueres à venir au lieu assigné, qui étoit iustemēt entre les deus armees, ou se trouuerent tōt après Amadis & Esplandiā. Et pource que les deus camps ne se tenoient assurez l'vn de l'autre (nō obstant toutes promesses & iuremēs qui eussent été fais) se mirēt en bataille, sans toutefois s'émouuoir en nulle sorte & mādā le Roi Periō à Quedragāt & au Roi Cildadan q̄ selon qu'ils entēdroiēt des ennemis ils chargeassent leur armee de mer, & le sēblable fit

sçauoir à l'Empereur de Cōstantinople, à fin de se tenir prêt. Et cōme les quatre cōbatans étoyēt sus le point de ruēr l'vn sus l'autre: le Soudan apella Amadis & Esplandiā, & leur demāda, s'ils vouloient pas entretenir & iurer (suyvāt ce qu'il leur auoit mandé par sa Damoiselle) q̄ le vaincueur emmeneroyēt sans empêchemēt, les vaincus Ouy vrayemēt rēpondirēt ils, & vous gardés donques denous. Lors s'adressa Amadis à la Roine, & le Soudan contre Esplandian, auquel il donna tel coup de lance en l'écu, qu'il le lui fauça outre plus d'vne grand' brasse, & pensoient plusieurs assurement qu'il fut n'avré à mort, cōbien qu'il n'étoit ainsi: car la lāce luy passa sous l'esselle, sans lui faire autre mal: mais Esplandiā lui rēdit tōt après son chāge, le poussant si rudemēt qu'il lui fit perdre arçō & étriers, & tōba en terre si grād saut, qu'il roulla deus ou trois tours auāt que s'arrêter, de sorte q̄ le heaume luy sortit de la tête. La Roine Calasie courut cōtre Amadis, & luy contre elle: & cōme ils furēt au milieu de la carriere Amadis tourna le gros bout de son glaiue vers elle, & passant outre, ne la voulut charger: touſois elle coucha bas, & dōna au chāfrain du cheual, se rēcontrans cors cōtre cors, si que la Roine cheut en la place, & Amadis fut cōtraint mettre pié à terre: tant fut son cheual étourdy, du trōçon de lāce qui lui étoit demoure à la tête. Le Roine se releua promptement, & s'aprocha d'Amadis tenant l'epée au poing, & le semblable fit Rodrigue contre Esplandian qui luy auoit permis prēdre aleine, & relacer son heaume, non pour bien qu'il luy voulut, mais au bout de sa carriere il auisa sus les murailles de Cōstantinople l'Infante Leonorine, dont il deuint si éperdu, q̄ chacun disoit de lui, q̄ le Soudā lui auoit entamé le cors. Neāmoins peu après il conueurent bien du cōtraire: car il mīt pé à terre, & commença entr'eus deus le plus perilleus combat qu'il étoit possible. Or étoit Rodrigue autant adroit aus armes qu'au

tre Cheualier de son tēs:mais Esplandiā, le mania de si près, qu'il luy fit souuent oublier les ruses dont il sçauoit vser en tels affaires,& le traita à la fin si rudemēt: qu'on conneur à veuē d'œil la victoire luy être promise. La Roine ce pendant faisoit tout son effort de venir au dessus d'Amadis, lequel tenant vn gros tronçon de lance s'en seruoit au lieu d'épee,& lui en donna tel coup sus la crête de l'armet qu'il luy fit étinceler les yeus: Dont elle trop indignee commença à lui dire: Comment? Cheualier, à vous estime de moy que te sois Chien, ou païsant, pour être ainsi traitée à coups de bâton? Par mon chef, deuant que m'échapiés vous n'aués armes sus vous qui ne vous fassent bien besoing à garantir vōtre vie. Calasie, répondit Amadis, j'ay toute ma vie été seruiteur des Dames,& si maintenāt ie commençois par vous à leur vouloir mal, le bien que les autres ont receu de moi en seroit moins estimé. Vous me tenés doncques du nombre d'elles? dit la Roine, vous sentirés présentement que ie suis quelque chose d'auātage. Ce disant print son epee à deus mains,& d'une grand colere luy donna tel coup qu'elle luy mit l'écu en deus,& cuidant redoubler, Amadis se ieta sus elle,& à force de bras, lui arracha celui qu'elle auoit pendu au col si rudement quelle donna du genoil en terre. Toute-fois elle se releua aussi tôt,& pensant se venger, mit tout son pouuoir de recharger Amadis lequel se détournant, l'ataignit de son tronçon de lance pres de l'aureille, & l'étourdit si bien, que l'épee lui sortit de poings. Lors se lâcha sus elle,& la tenāt au heaume lui dit: A cete heure serés vo^r ma prisonniere vueil les ou non, aussi bien que le Soudan d'ēt de mon fis. A cete parole ieta la Roine sa veuē à côté,& conneur qu'Amadis disoit vray parquoy elle lui répondit: Vōtre prisonniere suis ie puis qu'il plaīt à Fortune. Et à l'instant s'aprocherent Rodrigue & Esplandiā, & eus quatre ensemble

sortirent du cāp, & vindrent ou l'armee des Chretiens étoit assemblée. Les Payens qui voyoyent ainsi emmener ceus, auxquels ils auoyēt quasi plus d'atēte, pour le iour de leur bataille, firent contenance de les vouloir recouter, qui fut cause que les Chrétiens se tindrēt tout le iour en bataille. cē pēdāt fut auisē entr'eus, qu'o enuoiroīt la Roine, & le Soudan de Liquie, en Constantinople,& fut Gādalīn chargé de les conduire,& présenter à Leonorine, de la part d'Amadis & Esplandian, qui les remercia bien affectueusement. Et auant qu'il retournāt au cāp, se vint rēdre vn soldat du païs de Thrace, qui auoit demourē en Tartarie plus de vint ans, lequel dit aus Rois Periō & Lisuart, que leurs ennemis étoient delibérés les surprendre au point du iour, dont ils auertirent l'Empereur de Constantinople, à fin qu'il se tint sus ses gardes. Or auoit il en sa ville quarante mil hommes de guerre & ordonna sus l'heure que trente mille sortiroient pour donner sus la queue des payés, aussi tôt qu'ils verroyent le commencement du conflit:& fit sçauoir par même moyē au Roi Cildadan & Quedragant: q̄ ses épies lui auoyent raporté cōme Alforax auoit dégarny ses nauires de gens, pour renforcer ceus de terre, se confians au détroit qu'ils vouloyēt garder, esperās voguer en la mer Maiorq̄, si mal leur bâtoit, & qu'à cete cause il seroit bō (sous le vouloir des autres Princes Chrétiēs) qu'ils lui donnassent à dos, & que Frandalo les seconderoit avecq' son equipage. Ce qu'entendu par les deus chefs de l'armee de mer, enuoyerent vers Amadis, & ceus qui commandoyent en cete guer, lesquels leur manderent qu'ils suyussent l'opinion de l'Empereur le lendemain aussi tôt qu'ils verroient l'aube du iour. Parquoy Frandalo (qui conduysoit vne partie de l'armee de mer) ne cessa toute nuit d'aprêter feus artificiels avecq' lesquels il faisoit état de bruler la plus part des vaisseaus d'Alforax, ce qu'il fit, comme vous entendrés en ce pre

LE CINQUIEME LIVRE

sent chapitre . . Mais pour retourner au Roi Armato & à ses forces , vne heure deuant le iour, suyvat leur deliberatiō commencerent à marcher cōtre les Chrétiens, pensans les trouver endormis, & enfoncer leur guet, auant qu'ils eussent loysir de se mettre en bataille. Toutefois ils se trouverent deceus: car ils étoient déjà en rēg, se tenās serrés en bonne volonté de les recevoir, & ainsi le firent, Si eut l'Empereur de Rome l'auantgarde avecq' le Roi Lisuart & Amadis. Le Roi Periō, Galaor, & Esplā dian la bataille. Puis Florestā, Bruneo, & Balan l'arrieregarde. Du côté des Payens marcherēt de front les Soudan d'Alape, soixante Rois, deus Califes, & quatre Taborlanes: lesquels se vindrent furieusement ruer sus l'Empereur de Rome & sa troupe, & d'arriuee y eut mās Cheualiers abatus d'une part & d'autre: car Esplandiā & les Princes Chrétiens ioins ensemble, ne donnerēt coup d'épee, q' la mort n'en suyuit. Mais si furēt ils au cōmencement repoussés par le grād nōbre de trais q' tiroiēt les ennemis en telle quātité, qu'au decou cher onques grēle ne rōba si menuē, que leurs sagettes voloyent en l'air. Dōt il auint qu'auantgarde bataille, & arrieregarde eut trop à souffrir, & sus ce point sortirent de la ville, Norādel, Talanque, Manely, Trion, Landin, Licoran, Palomir, Enil, Elian, & finalement les cōpagnōs d'Esplandiā, avecq' les trente mil hōmes choisis par l'Empereur, de Constantinople. Cete petite troupe bien deliberée effraya tellement les Payens, qu'il perdirent quelque peu de leur assurance, & reculèrent autant qu'ils s'étoient auancés: & à l'heure ceus qui au parauant auoyēt été en crainte reprindrēt si boncueur, q' chacū d'eus touina visage & recouvrerent ce qu'ils auoyent perdu: en sorte qu'ils eurent ocaſion de crier victoire & bataille gagnée. D'autre côté Quedragant & Cildadan, mettans leurs vaisseaus à la voyle, singlerent dedās le détroit à l'entree duq' Frandalo les vint ataindre, avecq' quatre

vints vaisseaus de toutes sortes, cōme ils eurent quelque peu parlamēt ensemble sus l'expediāt de leur entreprinse (considerans la force de leurs ennemis grosse & merueilleuse) fut acordé que Frandalo, qui l'auoit quelquefois éprouuee, passeroit deuant avecq' les siēs. Adonq' se print à voguer & quasi aussi tōt Alforax les approcha dōnant signe de bataille à ses gens qui d'une trégrande hardiesse inuetirent dis des premieres galleres de Chrétiens, & les mirent en fond. Toute-fois Frandalo tint bon, & entrans pèle mēle, mit le feu à plus de cēt vaisseaus, premier q' Cildadan se rengaēt au combat: mais peu après lui & Quedragant y arriuerent & à bien assaillir bien defendre. Si dura le cōfit plus de huit heures, sans pouuoir connoître de quel côté tōberoit la victoire, & iusques à ce q' Quedragant aborda le vaisseau d'Alforax, & y entra de force faisant tout passer au fil de l'épee: Quel besoīg ēt il de s'amuser plus longuement à ce cōfit? Les Turcs voyant leur Capitaine mort, & à veuē d'œil leur ruine, prêts de tomber proye aus Chrétiens, prindrent à la fuyte: & à force de ramer entrerent en la mer Maiour, nō pas tous: car il demoura prins, brulés ou enfōcés de deus à trois cēs galleres, galleaces, fustes, ou brigantins, & le reste se sauua, par la maniere q' vous aues entenduē, à qui la nuit ayda tant, q' la chasse fut plus tōt finie, qu'elle n'eut été. Alforax donques mort, & son armee deffaite les victorieus se r'aillierent, atendants qu'ils peussent auoir nouvelles de leurs gens de terre, qui (durant ce tems) auoyent eu tant à souffrir que merueilles, & entre autres les bons vieillars Periō & Lisuart: lesquels voyans Esplandiā échauffé comme le Lyon poursuui, ne le voulurēt habandoner craignās le perdre: & tant le suyurent frapās à dextre & a senētre qu'ils se trouverent enclos de plus de mille cheuaus Turcs, sans qu'ils eussent autres Cheualiers de leur part pour les secourir que Grumedan

dan, le Duc de Bristoye, Guillan, Brádo-
uas, Nicoran du pôt d'Argent, Cendil de
Ganote & quelqs autres. Certes ces huit
ou neuf faisoient bié sentir à ceus qu'ils ré-
controient, q̄ ce n'étoit le premier danger
ou ils auoient été, neátmōins lassés à la fin,
& moulus des coups orbes qu'ils receurēt,
se sentirent quasi hors d'aleine, & (qui pis
ét) leurs cheuaus furēt abatus sous eus, &
eus mêmes si fort naurés, qu'il moururent
to^o sur le cháp, hors mis Espládiā, qui n'en
pouvoit quasi plus, quand le Roy Amadis
son pere & grand nōmbre de Gaulois le
vindrent trouver. Adoncq' recōmença le
cōbat pl^o rigoureux qu'il n'auoit été tout
le iour car Amadis & ceus qui le suyuoient,
voyāt les Roys mors & leurs cōpagnons
étendus sur le cháp, mêmes Esplandian à
pied, cuyderent perdre patiēce & firēt sur
l'heure tel effort, q̄ les Turcs & Payens
s'écarterēt, & eut Esplandian nouvelle mō-
ture qu'on luy amena. Luy dōc q̄ à cheual
montra bien, nonobstant les playes infi-
nies qu'il auoit sur le cors qu'il n'étoit
recrue: car il se mit tellement à poursuy-
ure ses ennemys (pour l'ennui qu'il eut
de ceus qu'il vid tuer) qu'à moins de
rien (soutenu de son pere, & de la troupe
qui le suyuoit) cōtraignit le Soudā d'Ala-
pe & ses gens à tourner dos: & en fuyant
luy dōna tel coup d'espée sur la tête, qu'il
lui fit rēdre l'esprit, & à plus de cēt autres
d'arrache pied. Amadis semblablemēt fai-
soit tant d'armes, & tous les Cheualiers de
Gaule, de la grand' Bretaigne, & de Sues-
se, mêmes le Roy de Dace, Talanq: Mane-
ly, Ambor & Norandel, q̄ c'étoit chose nō
croyable. Ce nonobstant l'effort d'eus eût à
la fin peu profité sans le renfort q̄ leur a-
mena l'Empereur de Constantinople, & un
gros écadrō de gens de cheual, q̄ l'Empe-
reur de Rome auoit r'aliés, par le moyen
duquel le Roy Armato acōpagné de tren-
te Roys & leur suyte furent descōfis, & la
plus part taillés en pieces, faisans les Chré-
tiēs tel carnage, q̄ le sang couloit par les
chāps, cōme s'il eût pleu veu un iour en-

tier. Et encores eût elle été plus grande:
mais la nuit survint qui les sépara, & de-
mourerēt les Princes Occidētaus cāpés au
lieu du confit, atendants le iour pour par-
faire le surplus de leur vouloir. Ce pendāt
Amadis fit mettre guet & écoutes de tou-
tes pars, pource qu'on le vint auertir q̄ le
Roy Armato, qui étoit fuy, rassembloit ses
gens petit à petit, pour les auertir, fai-
soit sonner sans cesse leurs cors & tabours,
allumans de grans feus tout à l'entour du
lieu, ou ils s'étoit retiré. Et mêmes enuoya
deus Cheualiers vers la marine sçauoir cō-
me il étoit allé de son fis. Mais il luy fut
raporté qu'il étoit mort, & to^o ses vaisseaus
enfoncés, hors mis cinquāte ou soixante
qui s'étoient retirés à la fin du détroit du
côté de la mer Maiour atendas son cōmā-
dement. Croyés q̄ telles nouvelles ne luy
pleurent gueres: toute-fois voyāt être pl^o
requis pourvoir à la necessité q̄ de cōsom-
mer le tēs en pleurs & plaintes, apella les
Capitaines qu'il peut recouurer, avecq' les
quels il delibera partir sur l'heure, & faire
embarquer auāt iour si peu de gēs qui lui
rétoient premier q̄ les Chretiens s'en aper-
ceussent. Lors cōmanda de main en main,
q̄ chacun se retirāt paisiblement & sans
bruit droit à la marine, ou arriués entrerēt
en leurs vaisseaus fuyās vers la tartarie, de
la plus grād' vitesse qu'il leur fut possible.
Dequoy l'empereur de Cōstantinople a-
uerty, enuoya incōtinent apres Frádalo, &
bon nōbre de galleres, mais il étoit trop
tard. Et ce pendāt furent les naurés mis en
la cité, & les morts enterrés selō la qualité
de leurs personnes, ou l'Empereur se mon-
tra tresaffectionné, spécialement quant aus
sepultures des Rois Periō & Lisuart, pour
lesquels Esplandian (venant à l'Empire) &
ceus qui lui succederent firēt dresser deus
Pyramides, nō moins belles q̄ celles iadis
construites pres Memphis, tāt par les Rois
Miris, Chemins qu'autres. Et aupres d'eus
inhumerent les cors du vaillāt Balan, He-
lian, Palomir, Enil, Grumedā le bon vieil-
lard & mains preus Cheualiers, qui mou-
rurent

LE CINQYIEME LIVRE

surent en cete iournée, cōbatans pour sou-
tenir la foy de Iesus-Christ, avecq' lequel
leurs ames biē heureuses iouyssent à pre-
sent du Royaume celeste. Et pour autāt q̃
nous n'auons fait mentiō de la Roine Ca-
lasie depuis sa prison, ne du secours qu'el-
le auoit amené aus Payēs, il m'a semblé rai-
sonnable vous declarer l'ocasiō pourquoy
ses femmes ne cōbatirent point. Entēdēs
q̃ cete Roine se trouuāt en mēme iour prin-
se, tant de l'amour d'Esplandiā, q̃ par l'ef-
fort d'Amadis, tōt apres qu'elle fut en la
cōpagnie de l'Infante Leonorine, ou Gan-
dalin la cōduit, elle mādā à sa sœur Lyote
qu'elle se retirāt avecq' ses femmes en mer
se tenāt à l'écart hors des Payens, sans s'é-
mouvoir pour chose qui leur auint, si elle
n'auoit autre mandement d'elle. Celā fut
cause en partie de la ruyne des ennemys:
car se doutās de trahison pour être ainsi ha-
bādonnēs, furēt de là en auāt plus intimi-
dēs & soupçōneus qu'ils n'auoiēt été & nō
sans cause, veu q̃ si Liote eūt fait épaule au
Roi Armato par mer & par terre, cōme el-
le eūt peu faire, sans la defense de sa sœur,
il ēt vray semblable q̃ cēt écadron de fem-
mes, qui étoient de vint mille ou plus, eūt
porté gros dōmage aus Chrétiēs, mais nō-
tre Seigneur y pouruent par sa bonté.

*Comme apres q̃ les Payēs furēt chassēs de Thra-
ce l'Empereur renonça à son Empire: & en inuētīt
Esplandian, faisant le mariage de lui & de sa fille
Leonorine.*

CHAP. LIIII.

ETans les obseques & funerailles
des Princes Signeurs & autres qui
moururent en cete iournée a com-
plies, & parfaites, les naurēs gue-
ris, & toutes choses rapaisēes, l'Empereur
de Constantinople cognoissant qu'Amadis
& ceus qui étoient venus des parties
d'Occidēt & Septentriō, vouloiēt retour-
ner en leurs païs, les pria affectueusement
qu'ils s'assemblāssent, pource qu'il vouloit
leur declarer partie de ce qu'il deliberoit
faire auant leur partemēt. Si se trouverēt
tous le lēdemain à la grād' salle du palais,
& étāt l'Empereur au mylieu, cōmença à

leur dire: Mes freres, Signeurs, & bons a-
mays, l'obligatiō en quoy ie vous suis re-
deuable ēt si grande, qu'encores qu'il ayt
pleu à nōtre Seigneur me faire Empereur
de toute la Grece: si sçay-ie bien qu'il ēt
hors de ma puissance de vous pouoir sa-
tisfaire, ne tenāt tout l'hōneur & le bien q̃
i'ay (apres Dieu) q̃ de vous, soit en particu-
lier ou en general. Or suis-ie de-ja sexage-
naire, tout chenu & fort caducq' pour les
peines q̃ i'ay souffertes en mes ieunes ans
suyuāt les armes: l'ay vne seule fille qui ēt
le bātō & esperāce de ma vieillesse, laquel-
le i'ay deliberé, si vous le trouuēs bō, don-
ner en mariage au preus Cheualier Esplā-
dian: & par mēme moyē lui remettre l'em-
pire, & gouvernement de tous mes païs.
Et pour mieus viure en solitude, & me se-
parer du monde: ay aussi conclu en moi-
mēmes me retirer, avecq' l'Imperatrix ma
femme, au monastere q̃ i'ay fait bātir, & la
vivre religieusement, recognoître Dieu, &
faire penitēce des maus q̃ i'ay cōmis par
le passé. Pourtāt, mes bons Signeurs & a-
mays, ie vous prie, si vous auēs agreable ce
party, me le declarer tous, & vous premie-
remēt monsieur mō frere (dit il à Amadis)
à qui l'affaire touche comme de pere à fis.
Monsieur, répondit il, mon fis fera ce que
luy cōmanderēs. Ie vous diray dīt l'Empe-
reur, il me souuiēt qu'entre autres prophe-
ties qui doiuent auenir de ce tēs: il en ya
vne qui conforme (cōme ie pēse) à nos vo-
lontés. Esplandiā (ainsi que i'ay entēdu) a
sur soy quelques caracteres, ou son nom
ēt manifesté, & autres qui ne peuvēt être le-
uēs, si n'ēt par la femme mēme qui lui ēt
destinée. Voiōs dōques si c'ēt ma fille, ou
non. Lors enuoya querir l'Infante Leono-
rine laquelle amenée par l'Imperatrix acō-
pagnée de grād nōbre de dames & damoi-
selles: l'Empereur pria tres affectueusement
Esplandian, qu'il se depouillāt pour mon-
trer les lettres qu'il auoit aportées sur soi,
du ventre de sa mere. Ce qu'il ne refusa:
ains deuant tous ota sa chemise. Lors cha-
cū vid aisēmēt les caracteres blācs conte-
nans

nans ce mot, Esplandiá: mais ils ne sceurēt rien cognoître aus rouges. Parquoy l'Empereur fit aprocher sa fille, & lui en demāda son auis. Monsieur, répōdit elle, vn peu deuāt q̄ Melie trōpāt Vrgāde, elle & moy étās seules en ma chambre, enuoya querir vn des livres qu'on lui auoit otés couuert d'vne lame dor, ou la Damoiselle Enchanteresse ét représentée dessus. Et me souviēt auoir veu dedans semblables caracteres, q̄ ceus q̄ ie voi à Esplādiā: & au dessous, leur significatiō, qui n'ēt autre chose q̄ son nom & le mien. Ma fille, dīt l'Empereur, si vous aués encores le livre, ie vous prie faites le nous apporter. A quoi elle obeīt sans differer. Lors lui mōtra l'endroit q̄ Melye luy auoit leu, contenāt ce qui sensuit: Le bienheureus Cheualier qui conquētera l'épée & le grād tresor enchāté par moi, apportera du vêtre de sa mere son nō enpraint en caracteres blācs, & celui de sa future femme en sēt caracteres rouges, lesquels seront si difficiles à entēdre, q̄ nul viuāt lors, pour sage ou sçauāt qu'il soit, ne les pourra exprimer sans voir ce livre, qui leur enseignera q̄ ces sēt caracteres représenterēt les sēt dictions qui ensuyuēt. Leonorine, Fille, Du, Grād, Empereur, De, Grece. En bōne foy, dīt l'Empereur, voicy cas merueilleus, & qui mōtre bien la Damoiselle Enchāteresse, auoir plus sceu en sciēce supernaturelle, qu'autre qui ayt été de son tems. Et puis q̄ ma fille à si biē deuiné: ie suis d'auiſ q̄ vous (dīt il à l'Archeuesque de Thrace) acordiés à Esplandiā ce q̄ Nature lui à promis deuāt qu'il fūt né, qui ét Leonorine. Et par ce moyē fut celebré ce mariage & parfait le iour mêmes, avecq' peu de ceremonies étant encores la court troublée de la mort de tant de Princes & gros Seigneurs. Sufise vous q̄ ces deus amants eurent l'vn de l'autre ce qu'ils auoiēt tāt désiré. Et proclama-on ce iour la, Esplandian Empereur de Grece, sūyuant le vouloir de son beau pere lequel deus moys apres se retira avecq' l'Imperatrix à vn monastere & lieu de deuotion, ou ils vécurēt longue

mēt depuis seruās à Dieu deuotement. Et par ce q̄ la Roine Calasie auoit tou-jours pretēdu épouser Esplādiā, se voiāt frustrée de son intētion ne se peut tenir de dire deuāt cēte grāde assemblée: mes bons signrs, ie vous supplie entēdre de moi, ce q̄ i'ay desir vous manifester presentement. Il ét certain q̄ ceus qui me cognoissent, n'ignorēt point q̄ ie ne soys l'vne des plus grandes & puissantes Princesses qui soit en tout le Leuāt: pour la grād abondance d'or & pierres precieuses, qui se treuve en mes pais. Quāt à mon lignage, ie suis fille de Roine, de race ancienne, & autant noble qu'il y en ayt au monde. Or m'auoit Fortune amenée en ces marches, me promettant brief retourner, avecq' vn nombre infiny d'éclaués & autre grād butin: mais au contraire, moi, qui pretēdois à la captiuié des autres, me suis trouvée prinſe & mieus prisonniere q̄ ceus qui sont es mains de leurs mortels ennemis. Cēte prison dont ie parle n'ēt pas pour la foy q̄ le Roi Amadis à de moi, m'ayant vaincue: car encores q̄ ie sois ieune d'aage, le sens a telle maturité en moi que ie me coignoiss certainement être suiète au bon plaisir de fortune: mais la prison dōt ie me plains ét celle, ou mō cuer s'ēt enfermē de foy-mêmes, & à vn seul mouvement par la seule beauté & bonne grace que i'ay trouvée au nouveau & bienheureus Empereur: & toute-fois m'estimant telle que ie suis: i'éperoiss bien (laissant ma loy, & prenant la vôtre) l'auoir à signeur & mary, combien que telle esperance commença grandement à s'amoindrir des le iour que ie vy ma Dame Leonorine être plus recommandée en toutes perfections qu'autre dont i'aye onques ouy parler, ne que ieu peusse voir de ma vie. Ainsi donques parlant contre moy-mêmes, il eût été impossible de trouver party plus egal, ne mieus conforme l'vn à l'autre, que le mariage de l'Empereur Esplandian & d'elle. Qui me fait bien iuger fortune pretendre du tout à immortaliser ma passion, à laquelle ie dōne-

LE CINQUIEME LIVRE

ray tel empêchement (si ie puis) qu'oublant cete premiere affectiō, & il vous plaise me dōner autre mary digne de moy, ie l'accepterai volōtiers avecq' le baptême & la loy q̄ vous tenés. Quād l'Empereur Esplandiā la vid en si bō propos, cōmença à la cōgratuler en tout ce qu'il lui fut possible: & apellant Talanq̄ beau galand, & dīpos, répondit à la Roine: Ma dame ce ieune Gentilhōme q̄ ie vous presente, ét mō cousin, fis du Roi Galaor, & l'vn des meillurs Cheualiers q̄ ie pense en tout le mōde. Ie vous prie à ma fiāce, ne le dédaigner à Seigneur & épous, vo' assureāt q̄ ie ne sçache si grande Princesse en la terre, qui ne s'en deūt bien contenter. La Roine le regarda d'vn tel œil, q̄ facilement elle creut Esplandiā, & lui dīt: A vōtre parole ie l'accepte, & des à present me donne du tout à luy, & si feray q̄ l'ile, à laquelle moy & celles qui m'ont deuāce, n'ont voulu souffrir vivre vn seul hōme, sera desormais gouvernée par lui, cōme sont les autres contrées de leurs Princes & Rois. Et par ce q̄ sa seur Lyote n'étoit à cete assemblée, ains à côté du détroit avecq' ses nauires, suyāt le mādement de la Roine Calasie, cōme vous aués entendu, pria l'Empereur qu'elle fūt mādée, lequel y enuoya à l'heure l'Amiral Tartarie. Elle dōques arriuée, & ayāt entendu le vouloir de sa seur, s'accorda facilement à tout ce qu'il lui pleut: & par même moyē fut mariée à Manely le Sage, & toutes deus épousées à même instāt, faisans baptiser les autres qui étoient venues en leurs armée. Et peu de iours apres ces nouueaus mariés & leurs femmes, prenans cōgé des Princes, Seigneurs, dames, & damoiselles de la court, s'embarquerēt: & eut manely les vaisseaus esquēls le Roy Cildadā son pere étoit arriuē en Leuāt, & Talāque ceus du Roi Galaor, qu'ils firent freter & fournir de tout ce qu'ils pensoiēt être pl⁹ nécessaire en cotrée si étrāge. Puis faisant voyle à Californie y arriuerent, non sans grand' tourmente: mais finablement ils y parvindrent & eurēt depuis maintes guer

res contre leurs voyfins, qu'ils debellerēt, augmentans leurs limites de maintes lieues & lōgues iournées. Et pour ce q̄ le but ou tend nōtre histoire, n'ēt de parler d'eus pl⁹ auāt, nous no⁹ en tairōs pour cōtinuer ce qui auint depuis en Constantinople.

V o v s aués entendu au chapitre precedent l'amour de Norādel & de la Roine Menoreffe, qui s'augmētoit en eus de iour en iour, ce q̄ cognoissant l'Imperatrix, les fit marier ensemble: & dōna l'Empereur à Norandel la montaigne Defendue, les villes & d'Alfarin & Galatie, pour lesq̄lles il recōpensa Frādalo des Iles Galatiēnes, fertiles, riches & trébiē peuplées. Or ne pouvoit oublier l'Empereur Esplandian la prison d'Vrgāde la Decogneue: parquoy vn iour entre les autres (vn peu au parauāt q̄ ceus qui étoiēt venus des parties Occidentales s'embarquassent pour retourner en leurs païs) il leur fit entēdre la sorte q̄ Melie l'auoit dérobée, & enléuée par enchantement en la grād' ville de Thesifante, ou elle la tenoit prisonniere enfermée en vne grosse & forte tour: Si les pria affectueusement de lui conseiller cōme il se deuoit gouverner en celà. Mō fis, répondit le Roi Amadis, le meilleur ét q̄ vous enuoyés deuers le Roi Armato, lui offrir rendre pour elle le Soudan de Liquie, qui ét vōtre prisonnier, & s'il le refuse, nous lui courrōs sus. A quoy s'accorderēt tous les autres, tellemēt q̄ sans tarder carmelle fut depēchée pour aller à Thesifante, & s'embarqua avecq' quatre Ecuyers & trois damoiselles, & d'vne mer Bonace print port à la montaigne Defendue, ou elle seiourna quelques iours, atendāt sauconduit du Roi Armato qu'elle lui enuoya demāder par l'vne de ses femmes, laquelle arriuée vers lui, le trouua tant melancoliq̄ q̄ rien plus, ayant encores recente son infortune passée, & principalement la mort de son fis Alforax qu'il regrettoit sans cesse. Adoncq' lui fit entendre la Damoiselle l'ocasion de sa venue vers lui, dequoy il fut si aise, qu'aussitôt cōmanda depēcher le sauconduit q̄

Carmel-

Carmelle demandoit, & le baillât à sa mesfagere, lui dît: m'amie, retournés vers vôtre maîtresse, & l'assurés de par moy, qu'elle peut venir en ma court toute-fois qu'il lui plaira me souvenant trébien des services qu'elle m'a fais durant ma prison. La Damoiselle le remercia treshüblemēt & s'en retourna vers Carmelle, qui peu de iours apres vint trouver Armato à Thesifate, ou elle luy declara amplement le fait de sa legatio, laq̃lle bien entendue du Roi cōsiderant en soy mêmes, q̃ pour delivrer Vrgande, il pouvoit recouvrer l'un de ses plus grans amys & détourner pour quelq̃ tems l'armée des Princes Occidétaus de lui courir sus, manda incōtinent Melye, & la pria avecq̃ grāde instāce de satisfaire (pour sō regard) à la volōté des Chrétiēs, veu q̃ l'offre qu'ils lui faisoiet étoit auātageuse pour lui & pour ses païs. Melye desirāt cōplaire à Armato, rōpit les enchantemens qu'elle auoit mis sus Vrgāde: & sans differer fut livrée à Carmelle, sous conditiō qu'aussi tōt qu'elle seroit de retour en Cōstantinople, elle seroit mettre semblablement en liberté le Soudā de Liquie ce qu'elle lui iura & promit. Au moyē de quoy, prenās cōgé de lui, cheminerēt tāt ces femmes & leur cōpagnie, qu'elles vindrent en la montaigne Defendue, ou Vrgāde fit laisser la fuste de Carmelle, pour entrer dās son nauire de la grād' Serpēte, qu'elle y trouva encores, & cōmmença à voguer d'elle mêmes, ainsi qu'elle auoit toujours fait au parauāt la prisō de sa maîtresse, de sorte q̃ sās détour bier vint s'arrêter au port de Cōstantinople, ou les Princes & Signrs y étās, descendirēt pour faire hōneur à Vrgāde au deuāt de laquelle ils furēt iusques à la sortie de l'eau. Et pēsāns la cōduire au palais, elle les pria atēdre l'acōplissement d'une prophētie, qui deuoit auenir auāt Soleil couché. Ce qu'ils lui acorderēt aysēmēt tant pour lui cōplaire, q̃ desirāns voir q̃ ce seroit. Adōques fūrēt ébaïs, q̃ le nauire de la grand' Serpēte se mît à bōdir en mer, cōme si toutes les tēpētes de l'Océan l'eussent enui-

ronnée cōbien q̃ la tranquillité fût mout grāde, sinō autour d'elle, ou l'eau écumoit à merueilles. Mais ce qui épouuētoit plus les regardans, ce vaisseau ietoit de si horribles cris, q̃ les cheueus dressoiēt au plus asséur de la troupe. Puis ayāt cōtinué cēte facō de faire l'espace de demye heure, ou enuiron, la Serpēte mît la tête en l'eau & s'abîma qu'onques puis elle ne fut veüe. Et quasi aussi tōt aperceurēt de loing vn grād' rocher, lequel poussē par les vndes s'a procha à vn trait d'arc du riuage, & étoit au plus haut vne femme décheuelée, couverte seulement d'un simple linge, qui luy cachoit les parties hōteuses, & laq̃lle mille serpens grās & petits enuironnoient de toutes pars, lui faisant tāt d'outrages qu'elle pleuroit, & se lamētoit piteusement. Dōt les Cheualiers de la grād' Bretagne eurēt telle cōpassion, qu'ils voulurēt entrer aus nauires du port, & aller la secourir. Ce qu'Vrgande leur interdit: car (disoit elle) outre les dangers ou vous pourriēs tōber, vous y perdriēs vos peines pource q̃ celle q̃ vous voyēs (qui ēt la Damoiselle Enchāteresse) l'a ainsi ordōné. Et acheuāt cēte parole le rocher se perdit en l'au, & s'éuanuit la Damoiselle, toute-fois elle se representa peu apres sur les vagues fuyāt la fureur d'un montre marin qui la poursuyuoit la gueule ouverte, prêt à l'engloutir, de sorte qu'elle se vint rendre droit au riuage du port criāt à haute vois cōtre Esplandian: Secourés moy gētil Emperereur: car autre q̃ vous ne me peut garantir. A ce cry s'émeut Esplandiā, & tenāt la bōne épée qu'il conquist au palais ruiné y courut legierement: & aprochāt ce mōtre, la Damoyssel le qui fuyoit lui saisit l'épée, & maugré lui l'emporta en mer, ou elle se lāça & le mōtre apres. Dont chacū se mit à rire, disant à l'Empereur, q̃ si vne Damoysselle la luy auoit predēstinée & gardée par lōg tems, qu'une autre, ou elle même, lui auoit tolue & fait perdre en vn moumēt & sur ce point fut Vrgande conduite en la cité & menée au palais ou l'Empereur & les au-

LE CINQUIEME LIVRE

tres Rois & Cheualiers l'acōpagnerent. Si fut tōt apres delivré le Soudan de Liquie & r'enuoyé à Thesifante: & sur le cōmencemēt de l'autre semaine l'armée des Princes Occidētaus r'entra en mer. Et eus embarqués avecq' Vrgāde (cōmandant l'Empereur à la garde de nôtre Seigneur) firent voyle: & tāt singlerēt q̄ finablemēt chacū d'eus arriua au port de salut selon leur desir, mêmes le Roy Amadis lequel trouua Oriane fort triste pour la mort de sa mere nouvellemēt decedée, & de trop plus se rēgregea son ennui: quād elle sceut certaiuemēt celle du Roi Lisuart. Toute-fois le tems & sa vertu mirēt fin à sa douleur nō pas si prōptemēt qu'Amadis eût biē voulu.

Comme l'Empereur Esplandian enuoya Norādel prendre possession des pais qu'il luy auoit donné: & de la prise de Thesifante.

CHAP. LV.

PEu apres q̄ ces Princes Occidentaus eurent fait voyle en leur pais Esplandian voulut q̄ Norandel se retirāt à la montaigne Defendue, & autres villes qu'il luy auoit données pour faire la guerre au Roi Armato. Et à cēte cause lui bailla bonne & grosse puissance, avecq' laquelle (pour vous le faire court) il assaillit de nouveau le Roy des Turcs, & eurent bataille l'un contre l'autre, ou moururent mains preud'hommes, toute-fois la victoire demoura à Norādel, & chaussa les éperons au Roi Armato par vne legiere fuyte qu'il fit, se retirant en sa grand' ville de Thesifante: ce que venu à la cognoissance de l'Empereur, partit soudain de Constantinople, & passa en la Turquie avecq' vn si merueilleus renfort, que luy & Norandel ioins ensemble, assiēgerent Thesifante. Mais la peur mit aus talons d'Armato si bonnes ailes qu'il trouua moyen d'euer, habandonnant sa ville laquelle peu de iours apres fut prise, & la belle Heliaxe amenée à l'Empereur, qui la traita tant humainement, qu'il la r'enuoya au Roy Amphion de Mede

son pere, & luy fit mains beaus & riches presents. La nouvelle épandue par toute la Turquie, tant de la premiere fuyte d'Armato, que du sac de Thesifante: plusieurs villes & cités se vindrent rendre à Eplandian, qui en inuetit semblablement Norandel. Et pource que l'yuer étoit déjà fort grand, se retira en Thrace, ou le vindrent trouver deus de ses cousins, fis de Galaor, expressément pour être fais Cheualiers. Ce qu'il leur acorda & outre leur donna armes & cheuaus, esperant les faire passer à Thesifante vers Norandel, pour commencer le train de Cheualerie: mais ils aymerent trop mieus prendre le chemin de Californie: ou Maneli & Talanque menoient forte guerre à leurs voisins. L'Empereur cognoissant qu'ils vouloient ainsi, leur fit delivrer tout ce qui étoit besoin pour si long voyage, avecq' si bons Pilotes, qu'ils vindrent à bout de leur entreprinse: aquerans prouesse, grand hōneur, & estimé entre les meilleurs Cheualiers. Toute-fois, à fin de n'entrer trop auant en matiere, nous nous en tairons à present. Suffise vous, qu'apres maintes reuolutions d'années. Perion succeda au Royaume de son pere, & Garinter se maria es parties du Leuant avecq' Listrie roine de Cytharée, qui le print en amour, luy ayant veu combattre & vaincre vn Geant estimé le meilleur Cheualier du monde. Et partant que telle histoire ét amplement declarée au sis & sētième livres luy-uans, nous passerons outre.

Comme Vrgande la Décogneuē enuoya prier le Roy Amadis, l'Empereur Esplandian, don Galaor Roy de Sobradise & autres, d'eus trouuer en l'ile Ferme & des merueilleus enchantemens qu'elle fit sur eus.

CHAP. LVI.

Vrgande la Décogneuē étant en son Ile non decouverte, prenant plaisir à bien entendre les livres de Melye, cogneut par son grād sçauoir la mort être prochaine aus Roys & Princes qu'elle aymoit le plus. Et ayant

ant regret q̄ les vers iouissent de chair tant precieuse, s'auisa d'y mettre remede, & pource faire entra en mer acōpagnée de ses deus nieces Iuliaude & Solise, avecq' plusieurs autres Damoiselles, & vint en l'Ile Ferme. Ou arrivée enuoya vers l'Empereur esplandiā, Amadis, Galaor, Florestā, Agraies, & Grasandor, les priant affectueusement la venir trouver au palais d'Apolidon, pour leur singulier profit, autrement qu'ils se tinssent assurez, q̄ mal leur bâte-roir auāt peu de iours, & q̄ maître Helisabel portāt quāt & lui le livre auquel il auoit redigé par écrit les auātures auenues de son tems aus Cheualiers qu'il cognoissoit: & outre qu'ils amenassent leurs femmes, Ardan le Nain, Carmelle, Gandalin, & la Damoysselle de Dānemark. Ces Princes ayans entendu le vouloir d'Vrgande, ne faillirent à luy obeir, tellement qu'ils se trouverent tous en l'Ile Ferme, en même iour qu'elle leur madoit. Si les receut Vrgande, non pas avecq' vn visage riant comme elle souloit: mais ayant les larmes aus yeus. Dequoy eust trop ébais, la suplierent leur en declarer la cause, ce qui luy fut impossible de prime face, tant auoit le cuer serré. Toute-fois à la fin elle reprint ses esprits & leur dit Mes amys, tout ainsi que par la prescience & grand' bonté du Seigneur Dieu toutes choses ont été établies: aussi luy a il peu que toutes choses temporelles se passent & prennent fin par mort differente, selon la qualité de ce qu'il a créé, Ce que considerant plusieurs grans personages, ont travaillé (durant leurs iours) en maintes sortes, pour laisser d'eus (apres leur mort) quelque memoire, ne voulans enseuelir leur renommée avecq' leurs cors. Or scay-ie pour certain, q̄ la fin de vos ans est prochain parquoy il est trerequis que vous soyés constans, & vous montriés tels que vous aués été au commencement. Neantmoins premier que mort vous suprenne, ie vous veus à tous montrer l'amour q̄ ie vous ay portée, & ferai tant avecq' l'ayde de dieu,

que (sans mourir) demourerés endormis, iusques au tems qu'un descendant de vo⁹, vous delivrera de ce sommeil, & serés aussi bien que vous fustes onques regnans en vos pais: autrement assurez-vous que premier qu'il soit sis mois nul de vous ne vivra, ains serés fais pâture aus vers. Ainsi chacun me die sa volonté, puis ie pouruoyray au demourant. Certes cete harangue & semonce de mort leur fut si dure à comprendre, qu'il n'y eut celuy en la compagnie qui ne changeât couleur, & endurât en soy vne tristesse d'esprit quasi insupportable. Et comme ils se regardoiēt l'un l'autre, le Roy Amadis se montrant le moins étonné de tous, répondit à Vrgande: Ma Dame, nous scauons certainement que nul de nous, n'y autre viuant, peut cognoître tant parfaitement ce qui nous est necessaire que vous mêmes: parquoy ordonnés de nos personnes ainsi qu'il vous plaira, & nous vous obeirons. Il fustit, dit Vrgade. Or vous armés dōq' tous ny plus ny moins que si vouliés cōbatre, & q̄ chacun de vous tiēne au poing son épée nue, puis les fit entrer en la chābre Defendue, & asseoir en leurs chaires roiales, & leurs femmes au plus pres d'eus. Et quasi aussi tôt les deus nieces d'Vrgande, Iuliaude & Solise luy apporterent en deus basins d'or certaine composition, de laquelle elle les pria lauer leurs visages, ce qu'ils firent. Dōt il auint qu'à l'instant la beauté que l'aage & le tēs leur auoit flāitrie reuerdit en eus en aussi grand' perfection, qu'elle auoit onques été & eurent les Dames tant agreable cete auanture qu'elles commencerent à regarder l'une l'autre, & leurs maris mêmes à s'ébair grandement. Adonq' Vrgade apella maître Helisabel, & le prenāt par la main, le cōduit en la prochaine chābre, ou semblablement elle le fit asseoir, & luy mettāt es mains le livre qu'il auoit apporté, fit signe à Gadalain & à la damoiselle de Dānemark, qu'ils la suiussent, & passans sous l'arc des loiaus amās, entrērēt au iardin où étoiēt les effigies d'Apolidon, & Grima-
nese,

LE CINQUIEME LIVRE


neſe, au deſſous deſquelles elle les aſſit, & Ardā le Nain aupres. Puis leur dit: Mes amys, les loyaus & vrayſ amans ont été dignes de voir ces effigies au parauant l'arc deſenchanté: auſſi merités-vous de lieu pour la loyauté & vray amour q̄ vous aués eu à vos maîtres: Par ainſi gardés-vo^s bien ſur vos vies d'en partir d'orénaunt pour choſe q̄ vous oyés, ou voyés. Ce fait retourna ou elle auoit laiſſé l'Empereur, & prenāt Carmelle par la main, lui dît deuāt tous: Carmelle vous fuſtes de baſſe condition: mais la vertu & generoſité de vōtre cueur vous a tāt anoblie, q̄ vous ſerés miſe au pies de l'Empereur pour rēdre véritable la promeſſe que vous luy aués faite, de iamais ne l'habandonner de vōtre volōté. Puis ſ'adreſſa au Roy Amadis & aus autres Princes & Princeſſes, les priant ne ſe mouvoir iuſqu'ā ce qu'elle retourнат vers eus, & montant en l'vne des tours du palais, portoit ſous ſon bras le principal des livres de Medée, que Melie auoit recouvert ſortāt des mains de la Damoiſelle Enchantereſſe. Et cōme elle fut aut plus haut, ōta ſon acoutrement de tête, & demoura toute décheuelée. Lors ſe mit à lire certaines coniuracions, & ſe tournant puis çā, puis là, vers les quatre pars du mōde, faiſāt ſignes & caracteres de ſes doigts, ſembloit à voir à la rougeur de ſō viſage, que le feu lui ſortīt des yeus & à l'inſtant ſurvint tel tremblemēt de terre, & ſi grād orage d'éclairs & tōnerres, qu'il ſembloit que les elemens vouluſſent cōbatre l'vn l'autre. Cēte tēpēte ayāt cōtinué par l'eſpace de trois quars d'heure, ceus qu'elle auoit fait aſſeoir (cōme vous aués entendu) demourerēt ainſi tranſis ſans cognoiſſance, ny plus ny moins que ſ'ils euſſent été ſans ames. Et ſurvint vne nuée obſcure, qui enuironna tout le liēu, de ſorte qu'il ne fut depuis veu de creature viuante, iuſques à ce que Liſuart de Grece, ſis d'Es-


plandiā, donna fin à tous enchantemens, par le moyē d'vne épée qu'il cōquit, cōme il vous ſera amplemēt recité en nōtre ſiſième livre. Auquel ét décrite vne des plus belles hiſtoires qui ayt été miſe en lumiere de nōtre tēs. Lorſſ'écucillerent tous ces Princes & dames enchātés, & nō plus tōt.


O R auoit l'Empereur Eſplādian vn ſis nōmé Liſuart, cōme ſon ayeul, aagé (peut être) de huiēt ans: le Roi Amadis vn ſis & vne fille, le ſis nōmé Perion, & la fille Briſene, qui fut mariée au ſis ainé de l'Empereur de Rome: le Roi Galaor deus ſis, l'vn nōmé Perion, l'autre Garinter, deſquels il vous a été parlé cy deuāt. Le Roy de Sardaigne Floreſtan, deus ſis, l'vn nōmé Floreſtan comme ſon pere, qui herita de ſon Royaume, & l'autre Palmineau l'Alemā, ainſi q̄ ſon biſayeul. Le comte de Salādrice Agraies, deus ſis, l'vn apellé Languines, & l'autre Galmenes. Le Roy dō Bruneo, vn ſis nōmé Vailladé, & vne fille Helifenne, qui fut mariée avecq' le ſis de Quedragāt, lequel portoit ſemblable nom q̄ le pere. Et le Roi Cildadan, deus ſis, l'ainé apellé Abies d'Yrlande, cōme ſon ayeul, qu'Amadis mit à mort des premiers iours qu'il receut l'ordre de cheualerie. Et cōbiē q̄ ces Princes euſſent laiſſé tēls hoirs, comme il vous a été dit, ſi n'y eut il celui d'eus, qui ſe voulūt donner titre de Roy durant l'abſence de leurs peres, eſperās, ſous la miſericorde de Dieu, qu'ils retourneroiēt quel que fois en leur premier état. Et à cētē cauſe eus paruenus en aage pour porter armes, paſſerent quaſi tous en Yrlande, à fin d'être faits Cheualiers de la main du Roy Cildadan, qui étoit lors fort vieil & caduc: & depuis ſuyuirent les auātures étranges, faiſans mains haut faits d'armes, recités amplemēt aus livres ſuſſequens, deſquels vous pourrés iouyr quelque iour, ſi Dieu & le tems le permettent.

ACVERDO OLVIDO.

Fin du cinquième Livre D'Amadis de Gaule.







GEO. PEABODY

861

.3

Am12

1560

v. 1 G1

6741626
3 AG 17

